

CÆSARIS BARONII
ANNALES ECCLESIASTICI

TOMUS DECIMUS

Cet ouvrage, par les corrections et les additions considérables qui y ont été opérées, est devenu la propriété des Editeurs, qui se réservent tous leurs droits. Toute contrefaçon ou imitation, quelle que soit la forme sous laquelle elle se présente, sera poursuivie rigoureusement, conformément aux lois.

Hoc in opere tam mulla sunt aut correcta aut addita, ut id summum Editores reddiderint et, quidquid suorum jurium sit, sibi vindicent. Itaque, si quis idem aut furto ediderit aut quoquo modo erit imitatus, in crimine erit et de injuria postulabitur.

CÆSARIS S. R. E. CARD. BARONII

OD. RAYNALDI ET JAC. LADERCHII

CONGREGATIONIS ORATORII PRESBYTERORUM

ANNALES ECCLESIASTICI

DENUO EXCUSI ET AD NOSTRA USQUE TEMPORA PERDUCTI

AB AUGUSTINO THEINER

EJUSDEM CONGREGATIONIS PRESBYTERO, SANCTIORUM TABULARIORUM
VATICANI PRÆFECTO, ETC., ETC.

TOMUS DECIMUS

546-599



PARISIIS
APUD VICTOREM PALME, BIBLIOPOLAM
via detta Grenelle-Saint-Germain, 15

BARRI-DUCIS, LUDOVICUS GUERIN, EQUES ORDINIS S. SILVESTRI, ET SOCI,
TYPOGRAPHI EDITORES.

M DCCC LXVII

P.F.
P.S.

L.T.

10

L.P.

SUMMARIUM

TOMI X.



- DXLVI. 1-4. In Perusii obsidione S. Herculani martyrium. 5-7. Totila vexat S. Cerbonium episcopum, et Urbem obsidet. 8-33. Insignis quaestio et Historia de Tribus Capitulis a Justiniano insertis in suo edicto; cui Orientales et Occidentales episcopi suffragantur. 34-60. Vigilius rogatu Justiniani Constantinopolim iturus moratur in Sicilia, unde frumentum mittit Romam. 61-67. Aureliano episcopo Arelatensi vices suas delegat Vigilius. 68-71. Domnus Antiochiæ, et Macarius Hierosolymæ episcopi.
- DXLVII. 1-19. In Urbis obsidione legatio Pelagii diaconi ad Totilam, qui Isaurorum proditione tandem Romam ingreditur, fame et squalore enectam. 20-30. Legationem Totilæ ad Justinianum Belisarius excipit, qui Urbem a Totilæ demolitione servatam, victor ingreditur.
- DXLVIII. 1-6. Rustici præsertim Romanæ Ecclesiæ diaconi opera schisma in Vigilium conflatur. 7-12. Theude occiso, regnat in Hispania Theodegistus, qui item occiditur; ubi de Lauriani martyrio et variis miraculis. 13-23. Macario succedit Eustochius episcopus Hierosolymæ, sub quo miracula S. Simeonis pro fide Catholica. 24, 25. Obitus Theodoræ Augustæ. Joannis Cappadocis pœna et exilium.
- DXLIX. 1-5. Belisario redeunte Constantinopolim, status Occidentalis imperii. 6-8. Nimia Justiniani sludia circa dogmata.
- DL. 1-14. Vigilii Epistolæ ad Valentianum Tomitanum et Aurelianum Arelatensem episcopos de sua rectissima circa Coneilium Chalcedonense sententia. 15-39. Mopsuestena Synodus. 40. Jordanij historic admontio.
- DLI. 1-4. Novis cladibus affligitar Romanum imperium, Justiniano cum Theodoro evertente Ecclesiam et insectante Vigilium. 5-18. Sententia damnationis et excommunicationis in Theodorum a Vigilio conscripta in Basilica sancti Petri quo confugeraf.
- DLII. 1-7. Justiniani Constitutio de Judæis. 8-10. Vigilius fugit Chalcedonem in Ecclesiam S. Euphemiae.

- 11-17. Honorifica Justiniani legatione accepta, Vigilius Encyclicam Epistolam ad universos populos mittit. 18-21. Rerum perturbatio in pacem conversa, resipiscentibus Theodoro et Justiniano. 22-24. Menna in communione Catholica moritur, sub quo Basilica Apostolorum aedificata, et miraculum de pueru Judaeo. 25-28. Concilium Aurelianense quintum sanctis episcopis insigne. 29-30. Theobaldus filius et successor Theodoberti.
- DLIII.** 1-14. Eutychius electus episcopus Constantinopolitanus dat fidei suae professionem Vigilio, qui eidem respondet, pace Ecclesiae restituta. 15-19. Prospera cuncta succedunt Narseti qui Gothos vineit, Totilam occidit. Uerbemque recuperat. 20-30. Quibus de causis Synodus quinta celebrata fuerit, et quae illam praecesserint. 31-222. Universa Acta quintae Synodi et Vigilius Constitutum. 223-237. Quintae Synodi auctoritas probatur, et Vigilius defenditur. 238-248. Quid in causa Originistarum et aliis egerit quinta Synodus. 249-251. Terrae motus Constantinopoli et perturbatio Ecclesiarum circa Synodi receptionem. 252, 253. De avaro terribilis casus. Sanctae Chrotilidis et sancti Florentini obitus.
- DLIV.** 1-8. Vigilius ab exilio liberatus, qui proinde quintam Synodum approbat. 9-13. Rogatu Vigilius dat Justinianus Constitutionem de rebus Italiae. 14-16. De quibusdam philosophis ad Persas peregrinantibus.
- DLV.** 1-3. Vigilius in Sicilia moritur. 6-9. A Vigilio collatum privilegium primae Justinianae et cætera ejus gesta. 10, 11. De electione Pelagii papæ. 12-16. Franci et Alemanni, ducibus Leuthare et Bucellino, grassantes in Italia vineuntur, occisis ducibus. 17. Romanus exercitus profligatur in Colchis. 18. Theodebaldi obitus. 19. Judeorum tumultus.
- DLVI.** 1-16. Episcopos Occidentales respuentes quintam Synodum Pelagius per Narsetem coercere conatur, datis eidem litteris. 17-29. Pelagi Epistole ad Sapaudum episcopum Arelatensem et Childebertum regem. 30-36. Pelagi Epistole adhortatorie ad episcopos Tusciae, et circulares ad universum populum Dei. 37-42. Discordie civiles in Gallia, et Chramni rebellio in patrem Clotarium, inde divina ultio. 43. Justinus dux Persas vineit.
- DLVII.** 1-8. Ingens terræ motus. 9-11. Templum S. Sophiæ.
- DLVIII.** 1-3. Dira pestis, unde Justiniani sanctiones ad scelera compescenda. 6-11. Hunnorum incursiones proxima Constantinopolis loca foede grassantum. 12, 13. Inertia et crudelitas Justiniani. 14, 15. S. Cassii episcopi Narniensis obitus. 16. Joannis Silentarii obitus.
- DLIX.** 1-5. Pelagius papa moritur, sub quo Basilica SS. Apostolorum aedificata. 6-47. Pelagi scripta et res gestae, cui succedit Joannes III. 48-53. Primum Parisiense Concilium, ex quo plures canones ad firmandam Ecclesiasticam disciplinam, multis sanctis episcopis insigne, præsertim Germano Parisiensi et Euphronio Turonensi. 54-60. Euphronii et aliorum episcoporum Epist. ad Radegundem reginam de institutione monastica.
- DLX.** 1-5. Turbae Constantinopoli, Justiniano iegrotante, qui ope SS. reliquiarum sanatur. 6-12. Theodomirus Suevus, Gallicie rex ab Ariano factus Catholicus miraculis reliquiarum S. Martini. 13. Ultrogothæ reginæ peregrinatio ad sepulcrum S. Martini.
- DLXI.** 1-8. Belisarii insignis calamitas. 9-15. De donationibus a Childeberto laetis Ecclesiae S. Vincentii quam et S. Germanus sacris munieribus locupletat.
- DLXII.** 1, 2. Childeberti regis obitus et monumenta ab eo excitata. 3, 4. Succedit Clotarius, qui filio Chramno parcit. 5-23. Cassiodorus a eius Paschali computo Indictiones ceptæ, monasterium sibi aedificat, monachos instituit, bibliothecam instruit, sacris scriptis et litterariis laboribus clarescit.
- DLXIII.** 1-8. Justinianus in haeresim Aphthardocitarum, sive Incorruptibilium lapsus. 9-12. Quomodo Anastasius episcopus Antiochenus restiterit Justiniano. 13. Incendium Constantinopoli. 14-18. Concilium Bracharense et ejus canones.
- DLXIV.** 1-8. Justinianus in haeresi perseverat ope Theodori Cæsariensis, fortiter resistente Eutychio pa-

triarcha Constantinopolitano et aliis episcopis. 9-29. Eutychius a sede pulsus, in quam Johannes Scholasticus intraditur, exilium suum miraculis illustrat. 30. Chramni miserandus interitus. 31-34. S. Medardi obitus et Suessionem translatio. 33. S. Gildardi episcopi Rothomagensis obitus.

- DLXV.** 1-10. Justiniani obitus et quid de eo sentiendum. 11. Narsetis monumenta in ponte Anienis. 12-21. Justinus nepos Justiniani in imperium assumptus coronatur, avunculo insigniter parentatur, populum sibi demeretur. 22-24. Mortuo Clotario, ejus filii dividunt inter se regnum, ex quibus Sigebertus S. Nicetum ab exilio revocat. 25-29. Pestis inguinaria per Italiam et Galliam grassatur, mira operantibus reliquiis sanctorum. 30-33. Pictorum populorum in Britannia conversio per S. Columbanum.
- DLXVI.** 1,2. Justinus consulatum suscepit et instaurat. 3-7. Fidei Catholicae per decretum Justinus consultit. 8, 9. Barbaros minantes contemnit Justinus. 10-15. Justinus, licet de Catholica fide studiosus, moribus tamen corruptus, decernit eidem adversa, maxime de divertio. 16-20. Leoninus Burdigalensis episcopus jure depouit Emerium Santonensem episcopum, reluctante rege Chariberto; ubi de ceteris ejus laudibus usque ad obitum. 21-27. Hiberni episcopi in schismate permanent, dum Gallia miraculis illustratur ex cineribus S. Martini. 28-40. Radegundis duplex legatio in Orientem pro colligendis sanctis reliquiis: unde exportatum lignum sanctae Crucis in monasterio Pictaviensi reconditur, miraculis clarum, versibus celebratum. 41-43. Miracula et sanctitas Radegundis. 44. De Vietore chronographo episcopo Africano.
- DLXVII.** 1-6. Justini ducis et Etherii et Addaei senatorium supplicium et nex. 7-12. An vocatio Longobardorum in Italiam per Narsetem sit admittenda. 13-16. Adventum Longobardorum et cladem inde secuturam quedam signa pranuptiant. 17-20. Regis Gothorum filiae in Hispania nubunt regibus Francis; quarum Gelesuntha necem passa laudatur. 21. Hispani adversus Graecos pugnant. 22-24. S. Launomarus in Gallia signis et virtutibus florescit.
- DLXVIII.** 1-3. Longobardorum in Italiam adventus, et ipsorum mores, rege Alboino. 6-8. De Felice Tarvisorum episcopo et Fortunato. 9-14. De fine Narsetis diversæ sententiae, a quo etiam crimen proditionis repellitur. 15-18. In oppressores pauperum exemplum justitiae. 19, 20. Ecclesiæ Bizacenæ privilegiis consultit Justinus.
- DLXIX.** 1. Leuvigildus regnat in Hispania. 2. License Concilium in Galicia. 3. Avares victi a Tiberio.
- DLXX.** 1-8. Apollinaris episcopi Alexandrini obitus, sanetitas et gesta. 9-12. Progressus Longobardorum in Italiam de predationem, ubi de origine Aquileiensis patriarchatus. 13-22. Secunda Synodus Turonensis, ejusque canones. 23, 24. Concilium Lugduense primum. 25, 26. Ariamirus filius et successor Theodomiri in Galicia.
- DLXXI.** 1-5. Alboinus rex a Rosimunda uxore occiditur, quæ et ipsa cum complice Helmige veneno tollitur.
- DLXXII.** 1-3. De Joannis papæ obitu, sub quo illoruit Constantius episcopus Aquinas, deque ejus rebus gestis et scriptis. 4-7. Charibertus Francorum rex excommunicatus moritur. 8-9. De Theodigilde regis concubina, et alia ejusdem nominis regina sanctissima. 10-13. Bracharensis et Luccense secundum Concilium. 16-21. Anastasio legitime etsi injuste depulso, sedem Antiochenam obtinet Gregorius scientia et virtute ornatissimus. 22. Persarum legatio ad Justinum.
- DLXXIII.** 1. Benedictus papa. 2-25. Occiso Clephi, in triginta sex duces Longobardi regnum partiuuntur; quorum dira extitit grassatio in Italia, sanetis viris magna et mira operantibus. 26, 27. S. Galli episcopi Arvernensis obitus et laudes. 28-30. Arvernensis civitas peste et schismate laborat.
- DLXXIV.** 1-4. Persarum incursiones cum clade Antiochia. 5-9. Simeonis junioris Stylitæ, de cuius sanctitate multa, Epistola ad Justinum querentis de Samaritarum furoribus. 10-16. Gregorius in sede Turonensi succedit Euphronio, et de hujus sanctitate Fortunati Epistolæ et carmina. 17, 18. De Felice episcopo Nannetensi. 19-23. Gregorius ordinatus episcopus Turonensis, quæ a S. Martino miracula ipse receperit.
- DLXXV.** 1-8. Longobardorum in Gallias irruptiones, quos S. Hospitiu virtutes et miracula detinent. 9-12.

- De nonnullis Galliae episcopis militiam sacerdalem sectantibus. 13-15. Justino fatuitate laborante, Sophia cum Persis pacem init.
- DLXXVI.** 1-4. Francorum regibus bello civili inter se digladiantibus, Ecclesiae vexantur.
- DLXXVII.** 1, 2. Benedicto papa mortuo, eligitur Pelagius II. 3, 4. Pax inter Francorum reges inita, miraculis ad S. Martini sepulcrum patratis. 5. Ecclesia Dei Genitrici aedificatur ab imperatore.
- DLXXVIII.** 1-6. Tiberius vir optimus in collegam imperii a Justino adscitus, Eutychium in sedem Constantinopolitanam revocat, defuncto Joanne. 7-14. Reditus Eutychii et ingressus Constantinopolim amore populi et signis illustratus.
- DLXXIX.** 1-3. De annis Cosrhois Persarum regis ratio. 4-8. Bellum contra Persas cum elade hostium et nece Cosrhois confectum. 9-12. Martyres necati a Longobardis. 13-19. Sigibertus, licet in bello civili Francorum victor, dolo occiditur: sub quo plura divinitus immissa in invadentes jura Ecclesiae. 20-23. S. Germani episcopi Parisiensis obitus, aliorumque sanctorum virorum. 24-28. Magnae conversiones Judaeorum in Gallia per sanctos Avitum et Germanum factae. 29-31. Chilpericus regnat in Gallia, munificus erga monachos. 32, 33. De Moroveo Chilperiei filio ob incestuosas nuptias cum Brunichilde afficto.
- DLXXX.** 1-5. Terrae motus Antiochia, ubi Anatolii idololatræ judicium et supplicium. 6-11. Moroveus plura molitus ob regni cupidinem, Turone fugit ad Brunichildem. 12. De die Paschatis in Hispania. 13-21. Concilium Parisiense in causa Prætextati episcopi Rothomagensis, qui calumniam passus, exilio damnatur. 22. Vinum S. Martini.
- DLXXXI.** 1, 2. Laurentius junior episcopus Mediolanensis. 3-12. Gregorii magni primordia suis quæque temporibus redditia. 13. Eulogius episcopus Alexandrinus. 14. Res Francorum.
- DLXXXII.** 1-7. Justinus allocutus Tiberium, moritur, qui solus imperat, Sophia et Justiniani insidiis elusus, liberalis erga pauperes. 8. Pelagi papa Epistola ad episcopos. 9-12. Synodi Cabilonensis et Matisconensis in Gallia.
- DLXXXIII.** 1-10. Mauritius, cuius optima indoles et imperii præsagia patefient, Orientis præfecturam a Tiberio accipit, Persas vincit. 11-14. Gregorius ex monacho diaconus cardinalis, et legatus Constantinopolim. 15-21. Concilium Brennacense in Gallia, ubi calumniae in Gregorium Turonensem diluuntur. 22-23. Filiorum regis Chilperici funera. 26-28. Funera Clodovei, impie reginæ Austregildis, et Nantini comitis. 29-31. Martini episcopi Gallicensis obitus et laudes. 32-34. Leovigildus rex Arianus insectatur Catholicos, Hermenegildo ejus filio ad Catholicam fidem converso ab uxore. 35-37. S. Leandri episcopi Hispalensis legatio ad Tiberium. 38-54. Controversiae de fide inter Catholicos et Arianos, martyria et miracula. 55, 56. Chilpericus rex in Sabellianam hæresim lapsus resipiscit. 57, 58. S. Mauritii episcopi Cadureensis, aliorumque sanctorum virorum obitus.
- DLXXXIV.** 1-6. Martyrium regis Hermenegildi a Leovigildo ejus patre Arianio interfici. 7-9. Leovigildus persecutus Catholicos, exilio damnat Leandrum, aliosque episcopos, Suevosque a fide revocat. 10. Vincentii abbatis martyrium. 11. Egidi episcopi Rhemensis laudes in rebus Francorum componendis. 12. Pro furiibus Gregorius intercedit apud Chilpericum. 13. Qui sancti viri hoc anno vita excesserint. 14-18. Pelagius petit auxilium ab imperatore contra Longobardos per Gregorium, ubi de Maximiniano presbytero. 19, 20. Pelagi Epistola ad Auxanium in Gallia episcopum de incursionibus Longobardorum.
- DLXXXV.** 1, 2. Creatur rex Longobardorum Antharit. 3, 4. Roma defensa divinitus. 5-12. Leovigildo defuncto Recaredus succedit, qui Catholicus, Catholicis favet, Arianos confundit. 13-16. Chrodi ducis, Juliani, aliorumque illustrium virorum laudes.
- DLXXXVI.** 1-7. Eutychius episcopus Constantinopoli post insignem cum Gregorio disputationem de Resurrectione carnis, in confessione dogmatis p̄i moritur. 8, 9. Joannes jejunator episcopus Constantinopolitanus, ejusque superbia. 10-13. Tiberius p̄i moritur, cui Mauritius in imperio succedit, Caesar antea renuntiatus. 14-19. Martyres per Saracenos passi. 20-23. Mauritius Catholicus

fide et morum sanctitate spectabilis. 24-27. Misso novo apocrisiario Constantinopolim, Gregorius Romanam redit, scribitque adversus schismaticos. 28-83. Tres Epistolæ Pelagii nomine a Gregorio scriptæ ad Istriæ episcopos schismaticos. 86-87. Pelagius per exarchum schismaticos exagitat. 88. Obitus S. Disciolæ virginis in Gallia.

- DLXXXVII.** 1-6. In Synodo Constantinopolitana habita in causa Gregorii Antiocheni Joannes episcopus nomen usurpat OEcumenici, ejus proinde Acta irritat Pelagius. 7-21. De Joannis præsumptione Epistola Pelagii ad universos episcopos; unde contra Novatores argumenta de Primatu Romani Pontificis. 22-23. Post redditum Gregorii Antiochiam ingens ibidem terræ motus. 26. Avarum grassatio. 27. Blasphemi punitio. 28. Synodus Lugdunensis secunda. 29, 30. Reccaredi conjugium. 31-34. Chilperici occisio et pravi mores. 35-38. Sulpitii et Salvii episcoporum laudes et Lupentii abbas martyrium. 39, 40. Ingens miraculum. 41-42. Epitaphium Cæsariæ.
- DLXXXVIII.** 1-5. Gregorius episcopus Antiochenus reconciliat exercitum duci Philippico. 6. Mauritius Francos sollicitat in Longobardos. 7-9. Guntheramni regis bellum in Gothos Gallie Narbonensis. 10-22. Matisconense secundum Concilium sub Guntheramno rege, ejusque canones. 23-29. Guntheramni ad episcopos edictum de moribus populi emendandis. 30. Reccaredus rex pacis studiosus. 31-33. Incendium Parisiacum. 34. De episcopis schismaticis.
- DLXXXIX.** 1-3. In Synodo Valentina Guntheramni regis liberalitas erga Ecclesias. 4-6. Prætextati episcopi Rothomagensis martyrium. 7, 8. De conversione Gothorum. 9-44. Concilium Toletanum tertium sub Reccaredo rege, præside S. Leandro episcopo Hispanensi legato Apostolico, et singula ejusdem Acta, Decreta et canones. 45-47. Reccaredus ob suas virtutes prosperatus. 48. De subdiaconorum continentia. 49-51. Insignis victoria in Persas. 52-53. Maxima Tiberis inundatio.
- DXC.** 1, 2. Pestis Romæ ex qua moritur Pelagius papa. 3-8. Gesta Pelagii et ejus Epistola ad archiepiscopum Benignum. 9-23. Quæ mirabilia hujus temporis facta narrat Gregorius in suo monasterio vitam dicens. 26. Concilium Hispanense. 27. Guntheramus rex a sicario frustra invaditur. 28-40. Radegundis per Epistolam suum monasterium commendat episcopis, ac sanctissime moritur. 41-43. Bajoariorum conversio per Rupertum episcopum Vangionensem in Gallia. — Auctoris peroratio cum gratiarum actione.
- DXC.** Præfatio auctoris cum imploratione divini auxilii. — 1-4. Universali voto ad cathedram Romanam expeditus Gregorius. 5-11. Quid senserit et egerit Gregorius antequam confirmatio suæ electionis ab imperatore Mauritio redderetur. 12-19. Concio Gregorii, et Litania septiformis dicta, unde pestis cessatio. 20, 21. Gregorius fugiens divinis patefactus indicis consecratur Pontifex. 22-24. Pestis, bellum et penuria vexant Romam et Italiam. 25-28. Librum curæ pastoralis scribit Gregorius. 29-33. Gregorii Epistolæ, circa sui munieris labores et curas. 34. Consulit Gregorius Ecclesiis derelictis. 35-42. Schismaticis episcopis ad unitatem revocandis studet Gregorius, qui contra libellum ad imperatorem mittunt. 43. Mauriti imperiosa Epistola ad Gregorium. 44, 45. Pro Arianorum conversione Gregorii studia. 46, 47. Pestis in Gallia, in qua pietas regis Guntheramni luet. 48, 49. Ex reliquis sanctorum martyrum miracula. 50, 51. Francorum motus in Longobardos. 52-54. Synodus Antisiodorensis diœcesana. 55-57. De sancto Theodoro episcopo Anastasiopolis.
- DXCI.** 1-3. Ex privatis Gregorii Epistolis, ejus erga pauperes cura, 4-6. Synodalibus Gregorii Epistola ad Orientalis Ecclesiae patriarchas. 7, 8. Aliæ privatae Epistole ejusdem. 9-14. Cura et vigilantia Gregorii erga episcopos. 15, 16. Ad monasticam disciplinam instaurandam incubuit Gregorius. 17-23. Laurentium archidiaconum, et Demetrium episcopum Neapolitanum deponit, et clericos ad disciplinam, maxime ad cælibatum revocat Gregorius, ubi fabella refellitur de filiis clericorum. 24-31. Ecclesiis ejusque ministris et bonorum Ecclesiasticorum administrationi consulit Gregorius. 32-40. Ad evellendos ex Africa Donatistas incubuit Gregorius, ubi de munere Chartularii. 41. Ne inviti cogautur Judæi ad fidem. 42-48. Gregorii Epistola ad Leandrum episcopum Hispanensem, ubi de Reccaredi factis præclara mentio. 49, 50. Agilulphus rex Longobardorum convertitur ad fidem Catholicam. 51-53. Ecclesia S. Agathæ Romæ catholicò ritu dicata. 56. Res bellicæ.
- DXII.** 1, 2. Quid Gregorius passus per Arnulphum ducem Longobardorum urbi imminentem. 3, 4. Contra Donatistas in Africa iterum insurgit Gregorius. 5. Legatio episcopi Carthaginensis ad Gregorium. 6. Ad episcopos Hibernæ schismaticos paræneticas dat litteras Gregorius. 7, 8. Idem laborat pro episcopis Istriæ schismaticis. 9-14. Quorundam causas episcoporum et clericorum

SUMMARIUM.


jure appellationis cognoscit, ac definit Gregorius. 15-17. Idem in episcoporum mores invigilat, et Ecclesiis consultit. 18, 19. Monachorum et laicorum bono prospicit. 20. De tunica S. Joannis. 21-24. Homiliae habitae a Gregorio. 25. Concilium Caesaraugustanum secundum. 26-28. Hormisda rex Persarum occiditur; Cosrhoes ejus filius ad Romanos fugit. 29. Mauritii lex iniqua.

- DXCIII.** 1-6. Cosrhoes in regnum restitutus dona offert Ecclesiae S. Sergii; unde ambigitur fuerit necne Christianus. 7-19. De lege Mauritii prohibentis milites ingredi monasteria, Gregorii quarelæ; ubi de immunitatis Ecclesiasticae iuribus. 20-23. Eamdein legem emendatam promulgat Gregorius. 24. De tunica Salvatoris. 25-28. Per litteras et Sabinianum legatum corripit Gregorius Joannem episcopum Constantinopolitanum. 29, 30. Concilium Numidiæ Gregorius redarguit. 31-33. Theodolindam reginam Gregorius a schismaticorum fraudibus deterret. 34-39. De electione Constantii episcopi Mediolanensis, ad quem Epistolæ Gregorii. 40. Schismaticis resipiscientibus consulit Gregorius. 41-48. Gregorius captans recessum, scribit libros Dialogorum, quos postea in graecum vertit Zacharia papa. 49-51. Nonnulli episcopi corripiuntur a Gregorio. 55-62. Gregorii plura documenta ad monachos aliasque; cura de pauperibus ac bonis temporalibus. 63-84. Monialium nobilium in monasterio Pictaviensi rebello, ducet Chrodielde; unde Concilium Pictaviense, in quo ipsæ damnantur. 85, 86. Privilegia concessa monasterio S. Mardari. 87, 88. Ingobergæ reginæ, et Sanctuli obitus. 89-92. Inter Chaganum ducem Abarum, et Prisicum ducem Romanorum res bellicæ et fœdus. 93-97. Sanctarum Gliceræ et Euphemie miracula. 98. Theodosius filius Mauritii, et Colinduch martyr.
- DXCIV.** 1-3. Gregorius papa Constantium episcopum Mediolanensem instruit circa schismaticorum præsumptiones. 6, 7. Episcopi in Africa pugnant in Donatistas. 8-13. Pro Judeorum conversione laborat Gregorius, et Gentilium in insula Sardinia, pro quibus legatio et litteræ ad episcopos, clericos aliasque. 16-18. Episcopos et monachos monet ac corripit Gregorius. 19. Locis sanctis consultit. 20-23. Gregorii Epistola ad Constantiam Augustam, petentem reliquias S. Pauli. 26. De Rusticiana, et nutrice S. Gregorii. 27. Synodus Metensis. 28. Erratum in Paschate. 29. Obitus Gregorii episcopi Antiocheni. 30. Evagrii historiæ finis. 31. Obitus Maximiani episcopi Syrusani.
- DXCV.** 1-6. Irruptio Longobardorum, rege Agilulpho, interrupit Gregorium a concionibus super Ezechielem Prophetam. 7, 8. Gregorii virtus ex ejus homiliis. 9-15. Miserandus Urbis et Italiae status, grassantibus Longobardis. 16-19. Quanta cura saluti Urbis prospexerit Gregorius. 20-26. De pace agens cum Agilulpho deridetur Gregorius a Mauritio. 27-37. De origine et progressu præsumptionis episcopi Constantinopolitani se vocantis OEcumenicum. 38-52. In praedicta controversia acriter pugnat Gregorius, scriptis Epistolis ad Joannem ipsum, Mauritium, Augustam, aliasque. 53-56. Causa Joannis et Athanasii presbyterorum in Romana Synodo judicata. 57-59. Synodi Romanae canones. 60-66. Maximus episcopus Salonianus, Gregorii opera legitimus evadit. 67. Anastasius Sinaita episcopus Antiochenus. 68. Amos episcopus Hierosolymæ. 69, 70. Ad Galliae reges Gregorii litteræ. 71. Gregorius libros mittit ad S. Leandrum. 72, 73. Pro Anglorum conversione mira studia Gregorii. 74-78. Mortuo Joanne, Marinianus eligitur episcopus Ravenates, ad quem avaritiam correptum scribit Gregorius; deque illius Ecclesiæ privilegiis. 79. Gregorius neminem invitum ad episcopatum cogebat. 80, 81. Monachorum disciplinae et commodis inservit Gregorius. 82-84. Pseudopropheta in Gallia. 85-89. De S. Areddii sanctitate et miraculis. 90. S. Sulpitii episcopi Bituricensis obitus.
- DXCVI.** 1, 2. Joannis Jejunatoris obitus et falsa sanctitas. 3-5. Ei succedit in sede Constantinopolitana Cyriacus, qui ad Gregorium mittit legatos. 6-8. A Longobardis, quibuscum frustra pacem tentat Gregorius, dira patitur Urbs et Italia. 9-14. De Anglorum conversione sollicitus Gregorius eomittit Augustinum et socios. 15. Episcopos circa officia charitatis admonet Gregorius. 16-19. Ad Donatistarum in Africa et schismaticorum conversionem incumbit Gregorius. 20, 21. De regibus Galliae.
- DXCVII.** 1-3. Legatio Cyriaci ad Gregorium Catholicam communionem expetentis. 6-15. Anatolio apocrisiarii munere proficiscenti Constantinopolim dat Gregorius litteras ad Mauritium et Eulogium de quaestione nominis OEcumenici; additque alias ad alios optimis documentis refertas. 16-19. Brunichildem reginam de quibusdam abusibus ex Gallia evelendis admonet Gregorius. 20-27. Augustini et sociorum res optime gestæ in Anglia. 28. Concilium Toletanum. 29. Antiochi anachoretae sanctitate clari obitus.
- DXCVIII.** 1-7. De conversione hæreticorum Alexandriae, ad hujus patriarcham scribit Gregorius, et dat magnum specimen humilitatis. 8-10. De pace cum Longobardis sancienda per Probum abbatem

agit Gregorius. 11. Victoria in populos Sclavos. 12-13. Hæreticis Thessaloniceæ, et Judæis in Sicilia convertendis dat operam Gregorius. 16-19. Officium et dignitas defensorum instituitur a Gregorio. 20-22. Monasterio Classensi consulit, et Calaritanum episcopum redarguit Gregorius. 23. De oleo sancte Crucis. 24-28. Mauritii testamentum, et Theodori episcopi miracula. 29-31. Concilium Oscense in Hispania, et Narbonense. 32, 33. Guntheramni regis obitus.

DCCXIX.

4-3. Pax inita cum Longobardis, non tamen proficia. 4. De causa episcopi Bizaceni. 5, 6. Ad Synodus Constantinopolitanam adeuntes monet Gregorius Orientis episcopos. 7-9. Schismaticorum conversio, et Anastasii episcopi Antiocheni obitus et scripta. 11, 12. Ipsi succedit itidem Anastasius nomine, ad quem scribit Gregorius. 13. Epistola Gregorii ad Mauritium pro elemosina accepta. 14-18. Gregorius podagra confectus, curas non remittens scribit ad plures; ubi de sacrarum Imaginum cultu. 19-21. Gregorii documenta ad Missæ ritus spectantia. 22. De Claudio viro insigni. 23, 24. Concilium Barcinonense. 25-27. Reccaredi munera ad S. Petrum, ad quem regem, et ad S. Leandrum scribit Gregorius. 28. Pestis in Africa.



ANNALES ECCLESIASTICI.

VIGILII ANNUS 7. — CHRISTI 546.

1. *In Perusii obsidione S. Herculani martyrium.* — Sequitur annus Domini quingentesimus quadragesimus sextus, idemque belli Gothici a Procopio undecimus numeratus, et post consulatum Basilii quintus : quo Totila Spoletum in dditionem accepit, Perusiumque obsedit ; diuque obsidione frustra tentata, demum dolonecans Cyprianum, eni custodia mandata erat, occupavit. Scribit haec omnia Procopius¹ pluribus, qui et tradit capti eo modo Perusii a Totila praefectos custodie Meledium et Ufisium trans fugas. Sed quomodo tunc contigerit sanetum Herculanum ejusdem civitatis episcopum subire martyrium, ex S. Gregorio sic habeto² :

2. « Nuper quoque Floridus venerabilis vir vite episcopus narravit quoddam memorabile valde miraculum. (Fuit hic Floridus Tifernas episcopus sanctitate clarus, de quo inferius idem sanctus Gregorius³ meminit) dicens : Sanctissimus Herculanus nutritor meus, Perusiae civitatis episcopus fui, ex conversatione monasterii ad sacerdotalis ordinis gratiam deductus. Totilae autem perfidi regis temporibus eamdem urbem annis septem continuis Gotborum exercitus obsedit ; ex qua multi civium fugerunt, qui famis periculum ferre non poterant. Anno vero septimo nondum finito, obsessam urbem Gothorum exercitus intravit ». Illic admonendum putamus, ex depravato codice pro mensibus annos positos Perusiae obsidionis : siquidem ex Procopio, qui vestigia Totilae est assecutatus, apparet non ante praesentem annum ab eodem rege tentatum esse Perusium, ut pote qui in aliis expugnatis munitionibus intentus fuit. Pergit vero Gregorius :

3. « Tunc (inquit) comes, qui eidem exercitu

praerat, ad regem Totilam nuntios misit, exquirens quid de episcopo vel populo fieri juberet. Cui ille praecepit, dicens : Episcopo prius a vertice capitis usque ad calcaneum corrigiam tolle, et tunc caput ejus amputa : omnem vero populum qui illuc inventus est, gladio extingue. Tunc idem comes venerabilem virum Herenlanum episcopum super urbis murum deductum capite truncavit, ejusque cutem jam mortui a vertice usque ad calcaneum incidit, ut ex ejus corpore corrigia sublata videtur : moxque corpus illius extra murum proiecitur. Tunc quidam humanitatis pietate compulsi, abscessum caput cervici apponentes, cum uno parvulo infante, qui illuc extinctus inventus est, juxta murum corpus episcopi sepulturæ tradiderunt.

4. « Cumque post eandem cædem die quadragesimo rex Totila jussisset, ut cives urbis illius, qui quolibet dispersi essent, ad eam sine aliqua trepidatione remearent : hi qui prius fame fugerant, vivendi licentia accepta, reversi sunt : sed cuius vita eorum episcopus fuerat meinores, ubi sepultum esset corpus illius quasierunt, ut hoc juxta honorem debilum in Ecclesia B. Petri Apostoli humarent. Cumque itum esset ad sepulcrum, effossa terra invenerunt corpus pueri pariter humili, utpote jam die quadragesimo, tabe corruptum, et vermis plenum ; corpus vero episcopi, ac si die eodem esset sepultum : et quod est adhuc magna admiratione venerandum, quia ita caput ejus mitum fuerat corpori, ac si nequaquam fuisse abcessum, sic videlicet, ut nulla vestigia sectionis appareret. Cumque hoc et in terga verterent, exquirentes si quod signum vel de alia monstrari incisione potuisse, ita saum atque intemeratum omne corpus inventum est, ac si nulla hoc incisio ferri tetigisset ». Haec de sancto Herculanu Gregorius.

5. *Totila vexat S. Cerbonium episcopum, et*

¹ Procop. de bello Goth. l. iii. — ² Greg. dial. l. iii. c. 23. — ³ Ibid. c. 35.

Urbem obsidet. — Subdit vero Procopius, e Perusio mox Totilam ad Urbem obsidendam perreuisse: a qua cum octo tantum milliaribus procul abesset, de sancto Cerbonio episcopo spectaculum truculentum populo exhibuit, quod S. Gregorius referit. Accidit enim ut in dies magis magisque saviret crudelis Barbarus, qui cum de ferocia sua monitis sancti Benedicti aliquid ad tempus remisisse visus esset, eandem duplo resumpsit; ut intelligere potes tum ex iis quae dicta sunt, tum etiam ex iis quae mox dicemus de crudelitate, quam exercevit in S. Cerbonium Populonii episcopum, dum idem Barbarus rex hoc anno in Tuscia (ut tradit Procopius) versaretur. Rem gestam idem S. Gregorius ita narrat¹: « Vir quoque vitae venerabilis Cerbonius Populonii episcopus magnam diebus nostris sanctitatis sue probationem dedit. Nam cum hospitalitatis studio valde esset intentus, die quadam transeuntes milites hospitio suscepit, quos Gothis supervenientibus abscondit, corumque vitam ab illorum nequitia abscondendo servavit. Quod dum Gothorum regi perfido Totile nuntiatum fuisse, crudelitatis immanissime vesania succensus, hunc ad locum, qui octavo hujus Urbis millario Mervulis dicitur, ubi tunc ipse cum exercitu sedebat, jussit deduci, enique in spectaculo populi ursis ad devorandum projici.

6. « Cumque idem rex perfidus in ipso quoque spectaculo censedisset ad inspicendam mortem episcopi, magna populiturga confluxit. Tunc episcopus deductus in medium est, atque ad ejus mortem immanissimus ursus exquisitus, qui dum humana membra crudeliter carperet, sive regis animum satiaret. Dimissus itaque ursus ex cavea est, qui accensus et concitus episcopum petiit: sed subito snæ ferocitatis oblitus, deflexa cervice, submissaque humiliiter capite, lambere episcopi pedes coepit: ut patenter omnibus daretur intelligi, quia erga illum virum Dei et ferina corda essent hominum, et quasi humana bestiarum. Tunc populus, qui ad spectaculum venerat mortis, magno clamore versus est in admirationem venerationis. Tunc ad ejus reverentiam colendam rex ipse permotus est; quippe cum quo superno iudicio actum erat, ut qui Deum sequi prius in custodienda vita episcopi noluit, saltem ad mansuetudinem bestiam sequeretur. Cui rei hi qui tunc presentes fuerint, adhuc nonnulli supersunt, enique cum omni illic populo se vidisse testantur ». Haec de sancto Cerbonio Gregorius, qui et de eodem quae contigerunt tempore Longobardorum mox subiicit: sed de his suo loco.

7. Didicit igitur Ierus homo ab ursu humanitatem, quam tamen cito exuit, ut dicemus: verum eam solum erga agrorum cultores, cum ad Urbis obsidionem veniret, illibatam servatam voluisse, idem Procopius docet istis verbis²: « His Totilas rebus peractis, Romanam contendit, quam statim ubi

proxime ventum, obsedit. Agrorum vero cultoribus per omnem Italiam mali nihil quippiam intulit; sed terram ut intrepide colerent, nil secus ac antea impetravit, sibique ac Reipublice tributa dependent, et fructus dominis reportarent ». Haec Procopius de Totila hac lege etiam de hostibus benemerente. Sed obsensis commiserationem omnino negavit. Etenim cum sciret, qui Romæ essent, fame laborare copisse, omnem mox interclusit viam terra marique, per quam victualia inferri possent in Urbem. Ex quo factum est, ut frumentum a Vigilio papa ex Sicilia missum in ipso Romano Portu in hostium conspectu ceperit. Rem gestam idem Procopius narrat, quam ad finem anni hujus contingisse æque testatur, nosque paulo inferius dictum sumus.

8. *Insignis questio et Historia de Tribus Capitulis a Justiniano insertis in suo edicto; cui Orientales et Occidentales episcopi suffragantur.* — Hoc item anno Pelagius sancte Romanae Ecclesie diaconus fons eius munere apocrisiarii apud Justinianum imp. Constantinopoli, accepto successore Stephano, Romanum redit, ut Procopius testatur, dum ait, ipsum haud diu ante Urbis oppugnationem a Totila factam, esse reversum. Hujus absentiae nactus occasionem Justinianus imperator promulgavit edictum adversus Tria Capitula sacerdotis Chalcedonensis Concilii ex sententia Theodori archiepiscopi Cesareæ Cappadociae, qui in odium Pelagii, cuius opera (ut dictum est), damnatus fuerat Origenes cum suis erroribus, imperatori suggestit de dannando Theodoro Mopsuesteno cum Epistola Ibæ et scriptis Theodorei adversus dnodecim Cyrilli Capitula: ex his fore pollicitus, ut si id fieret, omnes Acephali adversarii Chalcedonensis Concilii, illud mox suscepturi essent. Cum enim, resistente Pela-gio, id facere hanc integrum fuerit imperatori; eo Constantinopoli recedente, illud a Theodoro conscriptum edictum suo nomine promulgavit, per universum sibi subjectum imperium.

9. Id quidem cum Liberatus diaconus in primis tradat, Facundus etiam Hermianensis in Africa episcopus res sui temporis scribens affirmat, cum his verbis imperatorem ipsum compellat¹: « Nostra te, inquit, reprehensio nihil offendat. Egerunt enim callide per suos complices (sicut solent) adversarii veritatis, eum ipsa que scribi fecerunt, etiam titulo nominis lui prænotarunt, existimantes quod posito terrorre tue personæ, condemnationem vel etiam evictionem sue temeritatis effugerent. Verum nos illa scripta nolumus tua dici, quæ scimus cognite nobis tuæ fidei contraria ». Haec Faenndus, ex quo et plura inferius dicturi sumus. Idipsum quoque affirmat Vigilius papa in sententia adversus ipsum Theodorum Caesariensem prolata, ubi haec verba leguntur²: « Deinde tuis ex consuetudine ineitamentis, liber condemnationem Capitularum ipso-

¹ Greg. dial. I. iii. c. 11. — ² Procop. de bello Goth. I. iii.

¹ Facund. pro defensione Cap. I. n. — ² Extat tom. II. Conc. in Vigil.

rum continens, in palatio, te assistente et instruente, eorum quibusdam Graecis episcopis est relectus, a quibus assentationum favorem tuis vocibus exigebas ».

10. Quinam autem fuerit ejusmodi Justiniani libellus, ignorare se illum dicat opus est, qui non considerat vendicandum libellum illum, sive positus Constitutionem dixerimus, a Joannis papae tempore, sub quo mendaci inscriptione notatur; et hic sub Vigilio esse restituendum, ex iis que modo dicta sunt, non intelligit. Qui enim rerum gestarum tempora minime accurate distinxit, falsa opinione ad Joannem papam libellum illum conscripsitum esse putavit. Verum ut certo scias recentem esse illam inscriptionem, consule antiquitus scriptam Novellarum collectionem et translationem factam in latinum a Juliano Antecessore cognominitato, et invenies eamdem Constitutionem ab eo absque illo ad Joannem Pontificem titulo esse conscriptam, haec tantum inscriptione notatam: « Edictum piissimi imperatoris Justiniani, fidei confessionem continens, et refutationem herescon, quae adversantur Catholice Dei Ecclesie ». Haec habet titulus, qui in collectione Conciliorum apposito Joannis papae nomine adulteratus est ab impenrito librario: cum liquido constet, minime ante praesens tempus potuisse esse conscriptum libellum, illum praecedentibus primum quae dicta sunt Theodori cum Pelagio diacono controversiis, quae sub papa Vigilio et non alio contigerunt. Quod igitur in dicto libello totius obortae discordiae ob Tria Capitula cardo vertitur, in quo plerosque scimus halucinatos esse: illum ipsum prolixum satis hic aliqua saltem ex parte reddere, opera pretium existimamus; sic enim se habet¹:

« Scientes quod nihil aliud sic potest misericordem Deum placare, quam ut omnes Christiani unum idemque sapiant in recta et immaculata fide, nec sint dissensiones in sancta Dei Ecclesia: necessarium putavimus, omnem occasionem interimentes eis qui scandalizantur vel scandalizant, recte fidei confessionem, que in sancta Dei Ecclesia praedicatur, praesenti edicto facere manifestam: ut et illi qui reclam fidem confitentur, firmiter eam custodian: et illi qui adversus eam contendunt, discentes veritatem, festinent semetipsos unire sanctae Dei Ecclesie.

12. « Confitemur igitur credere in Patrem et Filium et Spiritum sanctum, Trinitatem consubstantialem, unam Deitatem, sive naturam, et substantiam et virtutem et potestatem in tribus subsistentiis sive personis adorantes, in quibus baptizatus, in qua credimus, et quibus confessionem dedimus, proprietates quidem separantes, Deitatem autem unientes: unitatem enim in Trinitate et Trinitatem in unitate adoramus, mirabilem habentem et divisionem et unionem: unitatem quidem secundum rationem substantiae, sive Deitatis, Tri-

nitatem autem secundum proprietates vel subsistentias sive personas: dividitur enim sine divisione (ut sic dicamus) et conjungitur divisa. Unum enim est Deitas in tribus, et tria unum, in quibus Deitas est. Aut (ut subtilius dicamus) ipsa trina est Deitas, Deus Pater, Deus Filius, et Deus Spiritus sanctus, cum unaqueque persona solum intelligitur, mente separante inseparabilia. Et ita unus Deus cum simul intelligitur propter eamdem virtutem, eamdemque naturam, quam oportet et unum Deum confiteri, et tres subsistentias praedicare, seu tres personas, et unamquamque cum sua proprietate. Et unitatem confidentes, confusionem non facimus secundum Sabellium dicentem, Trinitatem unam esse personam, trinomium eundem Patrem et Filium et Spiritum sanctum; nec dividentes proprietates, alienamus a Dei Patris substantia Filium et Spiritum sanctum secundum Arianum, in tres diversas naturas incidentes Deitatem. Unus igitur Deus Pater ex quo omnia, et unus unigenitus Filius per quem omnia, et unus Spiritus sanctus in quo omnia.

13. « Credimus autem ipsum unigenitum Filium Dei, Deum verbum ante saecula et sine tempore ex Patre natum, non factum, in ultimis diebus propter nos, et propter nostram salutem descendisse de celis, et incarnatum esse de Spiritu sancto et sancta gloria Dei Genitrici semper Virgine Maria, et natum ex ipsa, qui est Dominus Jesus Christus, unus de Trinitate, et consubstantialis Deo Patri secundum Deitatem, et consubstantialis nobis idem ipse secundum humanitatem, passibilis carne, impassibilis idem ipse Deitate. Non enim aliud quidam est praeter Deum Verbum, qui passionem et mortem suscepit, sed ipse impassibilis et sempiternus Deus Verbum, generationem carnis humanae sustinere dignatus implevit omnia. Ideo non aliud Deum Verbum esse qui miracula operatus est, et aliud Christum qui passus est cognoscimus, sed unum eundemque Dominum nostrum Iesum Christum Dei Verbum incarnationis et hominem factum, et ejusdem ipsius miracula et passiones, quas carne voluntarie sustinuit, confitemur. Non enim homo aliquis pro nobis semetipsum dedit: sed ipse Deus Verbum suum corpus pro nobis dedit, ne in hominem fides et spes sit nostra, sed in ipsum Deum Verbum nostrum fidem habeamus. Et Deum igitur eum confitentes, non abnegamus ipsum esse hominem; et hominem dicentes, non abnegamus ipsum esse et Deum. Si enim Deus tantummodo esset, quomodo patiebatur? quomodo crucifigebatur et moriebatur? Aliena enim ista sunt a Deo. Sin autem homo solum, quomodo per passionem vincet? quomodo salvos faciebat? quomodo vivificabat? Haec enim supra hominis naturam erant. Nunc autem idem ipse patitur et salvos facit: et per passionem vincit idem ipse Deus, idem ipse homo, utrumque tanquam unum, utrumque tanquam solum. Unde ex utraque natura, id est, ex Deitate et humanitate unum Christum compositum dicen-

¹ Tom. 1 Conc. vet. edit. in Joanne II papa.

tes, confusionem unitio*n*i non introducimus. Et in utraque item natura, id est, in divinitate et humanitate unum Dominum nostrum Jesum Christum Dei Verbum incarnatum et hominem factum cognoscentes, divisionem quidem per partes, vel interciones non ferimus unius subsistentie.

14. « Differentiam autem naturarum, ex quibus compositus est, significamus non interemptam propter unitatem, quoniam utraque natura in ipso est. Cum enim compositionem dicamus, necesse est confiteri et partes in toto esse, et totum in partibus cognosci. Nec enim divina natura in humana transmutata est, nec humana natura in divinam conversa est. Magis autem intelligitur, quod utraque in proprietate et ratione sue naturae manente, facta est unitas secundum subsistentiam. Unitas autem secundum subsistentiam significat, quod Deus Verbum, id est, una subsistentia ex tribus Deitatis subsistentiis non ante plasmato homini unitus est, sed in utero sanctae Virginis creavit sibi ex ipsa in sua subsistentia carnem animatam anima rationali et intellectuali, quod est natura humana. Hanc autem secundum subsistentiam unitatem Dei Verbi ad carnem docens nos et divinus Apostolus, dicit¹: Qui cum in forma Dei esset, non rapinam arbitratus est, aequali se esse Deo, sed semet ipsum exinanivit, formam servi accipiens. Per hoc enim quod dixit: Qui cum in forma Dei esset, Verbi substantiam in natura Dei ostendit: per hoc autem quod dixit: Formam servi accepit, naturae hominis et non subsistentiae sive personae unitum esse Verbum significavit. Nec enim dixit, quod eum qui in forma servi erat, accepit; ne ante plasmato homini unitum esse Deum Verbum ostenderet, sicut Theodorus (Mopsuestenus) et Nestorius impi blasphemaverunt, effectualem dicentes unitatem.

15. « Nos autem sequentes divinas Scripturas et sanctos Patres confitemur, quod Deus Verbum caro factus est, quod est secundum subsistentiam sibi unire naturam humanam. Ideo et unus est Dominus noster Jesus Christus, habens in semet ipso perfectionem divinae naturae et perfectionem naturae humanae. Et est unigenitus quidem et Verbum, utsi a Deo Patre natus, et primogenitus autem in multis fratribus idem ipse cum factus homo: Filius enim Dei Filius hominis factus est. Unde et duas nativitates ejusdem ipsius unigeniti Dei Verbi confitemur, ante secula quidem ex Patre incorporaliter nati, in ultimis autem diebus ejusdem ipsius incarnati et nati de sancta gloria Dei Genitricie et semper Virgine Maria. Qui enim de Patre splenduit supra intellectum, ex matre ortus est supra rationem: et enim Deus verus esset, factus est vere homo. Ideo proprie et vere Dei Genitricie sanctam gloriosum et semper Virginem Mariam confitemur: non quod Deus Verbum initium ex ipsa accepit, sed quod in ultimis diebus unigenitus Deus Verbum, qui ante secula erat, incarna-

tus ex ipsa, immutabiliter homo factus est: et cum invisibilis in suis esset, visibilis factus est in nostris: et cum impassibilis Deus esset, non dignatus est passibilis esse homo, et immortalis mortis legibus subiacere. Iste qui in Bethlehem de semine David natus est secundum carnem, et similis factus est hominibus, et crucifixus est pro hominibus sub Pontio Pilato, praedicaverunt sancti Apostoli ipsum esse Deum, ipsum hominem; ipsum Filium Dei, ipsum Filium hominis; ipsum de cælo, ipsum de terra; ipsum impassibilem, ipsum passibilem.

16. « Deus enim Verbum, qui natus est desursum ex Patre ineffabiliter, inenarrabiliter, incomprehensibiliter, sempiterne, ipse in tempore nascitur deorsum de Virgine Maria; ut illi qui deorsum prius nati sunt, desursum secundo nascantur, id est, ex Deo. Cum enim acceperit mortalem patrem hominem Adam, dedit hominibus suum Patrem immortalem, secundum quod dicitur¹: Dedit eis potestatem filios Dei fieri. Unde et mortem secundum carnem gustavit Filius Dei propter carnalem suum patrem (suam matrem), ut filius hominis vite ejus particeps fieret propter suum secundum spiritum Patrem Deum. Ipse igitur secundum naturam Filius est Dei, nos secundum naturam sumus filii Adam. Pater enim est ejus Deus secundum naturam, noster autem secundum gratiam: et Deus ei fuit secundum dispensationem, eo quod homo factus est: noster autem secundum naturam Dominus est et Deus: et ideo Deus Verbum, qui est Filius Patris, unus carni factus est caro, ut homines uniti spiritui fierent unus spiritus. Ipse igitur verus Filius Dei omnes nos induxit, ut omnes induiamur unum Deum; et est post incarnationem unus de sancta Trinitate unigenitus Filius Dominus noster Jesus Christus, compositus ex utraque natura: compositum autem Christum confitemur, sanctorum Patrum doctrinam sequentes. In mysterio enim Christi unitas secundum compositionem, confusionem et divisionem rejicit, et servat quidem utriusque naturae proprietatem. Unam autem subsistentiam seu personam Dei Verbi et cum carne ostendit: et est unus, idemque perfectus in Deitate et perfectus in humanitate, non tanquam in duabus subsistentiis sive personis, sed in divina natura et humana cognoscendus, ut unus sit utraque perfectus Deus et perfectus homo, idem ipse Dominus noster Jesus Christus unus de sancta Trinitate, glorificandus Patri sanctoque Spiritui: nec enim quarte personae adjectionem suscepit sancta Trinitas, incarnato uno de sancta Trinitate Deo Verbo». His de Verbi incarnatione quam exactissime assertis, subjicit ad omnia confirmanda sanctorum Patrum assertiones, quas nos brevitas causa referre prætermittimus.

17. Volut enim Theodorus Caesariensis Justianum non minus esse prolixum in his edendis, ac fuerat in Constitutione lata contra Origenem: sed

¹ Phil. 1.

¹ Joan. 1.

et quod persuaserat imperatori sub hujus fidei professione Acephalos Ecclesiae uniendo; eam omni genere doctrinæ voluit esse refertam, omniisque ex parte constantem. Ubi autem de enarrato Incarnationis divinæ mysterio longiore produxit orationem, postea subjungit de his quæ spectant ad confessionem quatuor œcumenicorum Conciliorum, nempe Nicæni, Constantinopolitani, Ephesini, et Chalcedonensis : ita ut quemque Catholicum gaudio afflicere potuisset, dum disertis verbis probat eamdem, quam bactenus detestati essent Acephali heretici, Catholicæ fidei confessionem. Sed cum post haec quatuordecim subiecit anathematismos, illis ultimo loco Tria illa includit Capitula, de quibus nuper mentio fieri cœpta est. Anathematismi autem sic se habent :

18. « Si quis non confitetur Patrem et Filium et Spiritum sanctum, Trinitatem consubstantialem, et unam Deitatem, sive naturam et substantiam, et unam virtutem et potestatem in omnibus subsistentiis sive personis adorandam : talis anathema sit.

« Si quis autem non confitetur cum qui ante secula et tempora ex Patre natus est, Deum Verbum in ultimis diebus descendisse de cælis, et incarnatum esse de sancta gloriosa Dei Genitrici semper Virgine Maria, et hominem factum et natum esse ex ipsa, et propter hoc ejusdem Dei Verbi duas esse nativitates, quæ est ante secula incorporaliter, et quæ est in ultimis diebus secundum carnem : anathema sit.

19. « Si quis dicit, alium esse Deum Verbum qui miracula operatus est, et alium Christum qui passus est, aut Deum Verbum cum Christo esse nascente ex muliere dicere (vel Deum in ipso) vel ipso esse tanquam alterum in altero, sed non unum eundemque Dominum nostrum Jesum Christum Deum Verbum incarnatum et hominem factum, et ejus ipsius miracula et passiones, quas carne sponte sustinuit : talis anathema sit.

20. « Si quis dicit, secundum gratiam, vel secundum operationem, vel secundum dignitatem honoris, vel secundum auctoritatem, vel relationem, vel effectum, vel virtutem, unionem Dei Verbi ad hominem esse factam, vel secundum homonymam (homonymiam), per quam Nestoriani, et Deum Verbum vocantes Christum et hominem, separatim Christum nominantes, solo vocabulo unum Christum dicunt : aut si quis per bonam voluntatem dicit unionem factam esse, sicut Theodorus hereticus ipsis verbis dicit, quasi quod placuit Deo Verbo homo, eo quod bene visum est ei de ipso, sed non secundum subsistentiam Dei Verbi ad carnem animatam anima rationali et intellectuali unionem confitetur, et ideo unam ejus subsistentiam esse : talis anathema sit.

21. « Si quis per relationem, aut abusive Dei Genitricem sanctam gloriosam semper Virginem Mariam dicit, aut hominis genitricem, aut Christotocou, tanquam Christo Deo non existente, sed nou-

propre et vere Dei Genitricem ipsam confitetur, eo quod ipse qui ante secula ex Patre natus est Deus Verbum, in ultimo ex ipsa incarnatus et natus est : talis anathema sit.

22. « Si quis non confitetur Dominum nostrum Jesum Christum, qui carne crucifixus est, esse verum et Dominum gloriae, et unum de sancta Trinitate : talis anathema sit.

23. « Si quis in duabus naturis dicens, non tanquam in Deitate et humanitate unum Dominum nostrum Jesum Christum, Deum Verbum et incarnatum confitetur, nec ad significandam differentiam naturarum, ex quibus compositus est, sed pro divisione per partes talem excipit vocem in mysterio Christi, quasi separatim unaquaque natura suam habente subsistentiam, sicut Theodorus et Nestorius blasphemaverunt : talis anathema sit.

« Si quis in uno Domino nostro Iesu Christo, hoc est. Deo Verbo incarnato, numerum confitens naturarum, non intellectu differentiam earum, ex quibus et compositus est, excipit, utpote non interemptam propter unitatem, sed pro divisione per partem numero utitur : talis anathema sit.

24. « Si quis dicens unam naturam Dei Verbi incarnatam; non sie hoc intelligit, quod ex divina natura et humana unus Christus effectus est, consubstantialis Patri secundum Deitatem, et consubstantialis nobis idem ipse secundum humanitatem; sed quod Deitatis et carnis Christi una natura sive substantialia effecta est, secundum Apollinaris et Eutychetis pertidiam : talis anathema sit. Equaliter enim et eos qui per partem incident vel dividunt, et eos qui confundunt divina dispensationis mysterium Christi, rejicit et condemnat universalis Dei Ecclesia.

25. « Si quis non anathematizat Arium, Eunomium, Macedonium, Apollinarium, Nestorium, et Eutychetem, et eos qui similia eis sapuerunt, vel sapiunt : talis anathema sit ». Qui autem sequuntur tres anathematismi, continent Tria Capitula, de quibus agita diu controversia post haec fuit. Ex eo enim quod in Concilio Chalcedonensis actione decima recitata reperitur Iba Epistola, in qua Theodorus Mopsuestenus iudatur, accusatur vero sanctus Cyrus ex calumniis in eum a Theodoreto illatis, quasi particeps fuisset sententie Apollinaris: ne occasione illius Epistole quis Theodorum recipiendum esse putaret, vel Theodorei scripta contra Cyrrillum probanda, aut ipsam Iba nomine recitata dictam Epistolam receptam esse quis assereret ab eodem Concilio Chalcedonensi; ex tribus, inquam, his causis, tres qui sequuntur formati sunt anathematismi, ex quibus Tria Capitula post haec derivata inveniuntur; quorum primus contra Theodorum sic se habet :

26. « Si quis defendit Theodorm Mopsuestum, qui dixit, alium esse Deum Verbum, et alium Christum a passionibus animæ et desideriis carnis molestias patientem, et ex profectu operum melioratum, et baptizatum in nomine Patris et Filii et

Spiritus sancti, et per baptismum gratiam sancti Spiritus accepisse, et affiliationem meruisse, et ad similitudinem imperialis imaginis in personam Dei Verbi adorari, et post resurrectionem immutabilem cogitationibus, et impeccabilem omnino factum fuisse: et iterum dixit talam factam esse unionem Dei Verbi ad Christum, quem dixit Apostolus¹ de viro et muliere: Erunt duo in carne una. Et super alias suas innumerabiles blasphemias ausus est dicere, quod post resurrectionem, cum insufflasset Dominus discipulis suis, et dixisset²: Accipite Spiritum sanctum, non dedit eis Spiritum sanctum, sed figurative tantummodo insufflavit. Sed etiam confessionem quam fecit Thomas, cum palpasset manus et latus Domini post resurrectionem, dicens³: Dominus meus et Deus meus; inquit non esse dictam a Thoma de Christo. Nec enim dixit Theodosius, Deum esse Christum, sed ad miraculum resurrectionis stupefactum Thomam glorificasse Deum, qui Christum resuscitavit. Et quod pejus est, etiam in interpretatione, quam in Actus Apostolorum scripsit Theodorus, similem fecit Christum Platoni et Manichaeo et Epicuro et Marcionem: quod sicut illorum unusquisque ex dogmate quod invenit, suos discipulos fecit vocare Platonicos, et Manichaeos et Epicureos et Marcionistas; simili modo et cum Christus dogma invenisset, ex ipso Christianos vocari. Si quis igitur defendit cumdem Theodorum qui talia blasphemavit, et non anathematizat eum et ejus scripta, et eos qui similia illis sapuerunt, vel sapiunt; talis anathema sit.

27. « Si quis defendit conscripta Theodorei, quae exposuit pro Nestorio heretico adversus rectam fidem, et Ephesinam primam sanctam Synodum, et sanctum Cyrrillum, et duodecim eius capitula, in quibus sceleratis conscriptis idem Theodoretus effectualem dicit unitatem Dei Verbi ad hominem quendam, de quo blasphemans dixit, quod palpavit Thomas eum qui resurrexit, et adoravit eum qui resuscitavit; et propter hoc impios vocat doctores Ecclesiae, qui unitatem secundum subsistentiam Dei Verbi ad carnem continentur; et super haec Dei Genitricem abnegat sanctam et gloriosam semper Virginem Mariam. Si quis igitur memorata scripta Theodorei defendit, et non anathematizat ea; talis anathema sit. Propter tales ejus blasphemias ab episcopis ejectus est, et postea in sancto Chalcedonensi Concilio compulsus est omnia contraria memoratis suis conscriptis facere, et rectam fidem confiteri.

28. « Si quis defendit impiam Epistolam, quam ad Marin Persam hereticum Ibas conscripsisse dicitur, quae abuebat Deum Verbum hominem factum esse, et dicit non Deum Verbum ex Virgine incarnatum esse, sed purum hominem ex ipsa esse natum, quem templum vocat, ut alius sit Deus Verbum, et aliis homo; et super hoc injuriat Ephesinam primam Synodum, quasi sine inquisitione et

examinatione ab ipsa Nestorio condemnato: et S. Cyrrillum vocat hereticum, et duodecim eius Capitula impia dicit: Nestorium autem et Theodorum, eum impiis eorum conscriptis collaudat, et defendit. Si quis igitur (sicut dictum est) eamdem ipsam Epistolam vindicat, vel rectam esse dicit ipsam vel partem ipsius, sed non anathematizat eam; anathema sit ». Haecen anathematismi, quorum tres novissimi (ut diximus) complectuntur Tria illa Capitula, de quibus mota controversia est, additis his quae sequuntur:

29. « Tali ergo, subdit ipse, Epistola juste anathematizata propter insertas ei blasphemias, Theodori et Nestorii impietatis sequaces conantur dicere suscepit esse etiam a sancto Chalcedonensi Concilio. Hoc autem dicunt, sanctam quidem Chalcedonensem Synodum calumniantes, nomine autem ejus festinantes debita condemnatione liberare Theodorum, et Nestorium et impiam Epistolam, pro qua Ibas saepius accusatus, non est ausus dicere esse suam propter insertas ei blasphemias, etc. » Pergit agere de actis Tyri cum ibi causa ventilata est Ibae, item de Actis Chalcedonensibus, negans a Synodo ipsa Ibae Epistolam esse receptam, quam inquit ipsum Ibam negasse esse suam. Unde subdit: « Si igitur ipse Ibas propter impiam Epistolam saepius accusatus, non est ausus eam suam dicere, sed etiam Chalcedonense Concilium omnia ei contraria compulit eum peragere; quomodo eadem sancta Synodus memorata Epistolam susciperet, et condemnationi impietatis quae in ea continetur se subjiceret, a qua Ibam liberare festinavit? » Ista autem quae adeo imperator inculcat, non ausum Ibam profiteri Epistolam esse suam, quomodo subsistant, consule quae dicta sunt superiori tomo, ubi de rei gestae veritate accuratissime actum est.

30. Sed quod ita rem gestam esse pintavit idem Justinianus imp. ibidem post multa subjicit ex ejusdem Epistole Ibae nomine editae occasione, quod debole heretici, ut Catholicci haberentur, nulla ponant quae a Catholicis dici debent; ut cum in ea auctor confitetur in Christo naturas duas, unam vero personam, ut Orthodoxi profiteri solent: cum tamen aliter vocem naturae atque personae ipsi accipere consueverint. Unde subjugit: « Nihil autem mirandum, si vocabulo naturarum usus est scriptor impie illius Epistole. Solent enim heretici, ut simpliciores deciperent, vocibus quidem uti quae ab Orthodoxis pie dicuntur, rectum autem eorum intellectum et expositionem ad suam impietatem transferre ». Rursus vero adversus eosdem, qui Synodi esse dicere cuncta que in Actis Synodi reperirentur, sieque inurere notam hac via videbentur Concilio Chalcedonensi, quod plura in eo reperirentur esse hereticorum: his occurrens idem Justinianus imperator, post alia ista subjicit:

31. « Quae enim de hereticis proferuntur in Synodis, et pars Gestorum tuunt, non ad deliberationem inseruntur, sed ad maiorem condemnationem eorum et qui eis similia sapient. Oportet autem

¹Ephes. v. — ² Joan. x. — ³Ibid.

etiam illud attendere eos qui veritatem perseruantur, quod forsitan in Conciliis quedam a certis ibi convenientibus dicuntur aut per favorem, aut per contrarietatem, aut per ignorantiam: nemo autem attendit ea que per partem a quibusdam dicuntur, sed sola illa que ab omnibus communis consensu definitur. Si enim aliquis secundum illos voluerit attendere hujusmodi contrarietates, unaquaque Synodus invenietur se ipsam destruens. Propter haec igitur oportebat eos, si sanctum Concilium recte susciperent, non tales blasphemias ei applicare, sed sequi doctores Catholicae Ecclesiae, etc. »

32. Ad postremum autem de Theodoro damnando, cuius rei gratia omnia quae eadem Constitutione superius dicta sunt, praemissa videntur: ista addit imperator post alia in hominis detestationem saepius inculcata: « Impio enim Theodoro, inquit, non sufficit super alias ejus blasphemias ad suum errorem male interpretari symbolum frecentorum decem et octo sanctorum Patrum, sed etiam contemptio eo, aliud symbolum exposuit omni impietate plenum, in quo anathematizare ansus est eos qui aliter sapiunt vel tradunt; ut quantum ad illius insaniam pertinet, omnes sancti Apostoli, et Patres condemnarentur. Hoc autem Theodori impium symbolum, et in Ephesina prima Synodo prolatum, et in Chalcedonensi recitatum, ab ultraque Synodo cum ejus expositore, et eis qui illud suscipiunt condemnatum est.

33. « Quoniam autem quidam verba pro Theodoro facientes, eum proferunt impia ejus conscripta, propter insertam eis blasphemiam, configunt quidem dicere, quod impia sint; ipsum autem, qui talen iniquitatem evomuit, recusant anathematizare: miramur eorum dementiam, quod divinae Scripturae contraria agunt, evidenter dicenti¹, quod aequaliter horribilia sunt apud Dominum impius et impietas: actio enim cum auctore punietur. Si autem similiter impietate horribilis est Deo ille qui impie agit, certe separatus est talis a Deo, et anathemati juste subjicitur. Anathema autem nihil aliud significat, nisi a Deo separationem, sicut in veteri et novo Testamento judicium de anathemate significat. Quod autem et Dominus eos qui non permanent in verbo veritatis ipsis, separatos esse ab Ecclesia dicit; in Evangelio secundum Joannem Iudeos alloquens, sic ait²: Omnis qui facit peccatum, servus est peccati; servus autem non manet in domo in aeternum. Quod autem Dominus nominat dominum, divina Scriptura Ecclesiam Dei vivi vocat: id Apostolus testatur³ in Epistola prima ad Timotheum.

34. « Si vero quidam dicunt, non oportere Theodorum post mortem anathematizari: sciant qui talen haereticum defendunt, quod omnis haereticus usque ad finem vite in suo errore permanens, juste perpetuo anathemati et post mortem subjicitur: et hoc in multis haereticis et antiquioribus et

proprioribus factum est, id est, Valentino, Basilide, Marcione, Gerintho, Manichaeo, Eunomio, et Bonoso: hoc autem idem et in Theodoro factum est et in vita accusato, et post mortem anathematizato a sanctis Patribus: quibus si credere voluerint, ut haeretici ejus defensores, vel impiae Epistole, quam ipsi defendunt, credant: que licet Theodorum collaudet, manifeste tamen dixit, quod in Ecclesia a sanctis Patribus anathematizatus est, et ex illo plurima inquisitio facta est, de ejus conscriptis, utpote plenis impietate. Hoc autem tunc faciebant Catholicae Ecclesiae doctores, ne simpliciores Iegentes illius impia conscripta a recta fide declinarent.

35. « Quod autem impii, licet non in vita in suam personam anathema suscepint, tamen post mortem anathematizantur a Catholica Ecclesia, ostenditur a sanctis Synodis. Nicena enim Synodus eos qui impii Ari sectam colunt sine nomine anathematizavit: quae autem Constantinopoli congregata est, impiam Macedonii haeresim similiter condemnavit, si tamen Dei sancta Ecclesia et post mortem Arium et Macedonium nominatim anathematizat. Cum autem ex multis probationibus convincuntur, quod supervacue et impie agunt, qui Theodorum et impietatem ejus defendunt, ad aliam vanam occasionem confugiunt, dicentes non oportere eum anathematizari, eo quod in communicatione Ecclesiarum mortuus est.

36. « Oportebat autem scire eos, quod illi moriuntur in communicatione Ecclesiarum, qui commune pietatis dogma, quod in universalis Ecclesia prædicatur, usque ad finem servaverunt. Iste autem usque ad mortem in sua permanens impietate, ab omni Ecclesia ejectus est. Itaque et omnis plenitudo Mopsuestenæ Ecclesiae, in qua episcopus dicitur fuisse, cum invenisset, quod Paganis et Judæis et Sodomitanis a sanctis Patribus connumeratus est, deleverunt ipsi ex illo de sacris Ecclesie Diptychis ejus nomen, sicut Gesta in eadem civitate apud Concilium episcoporum illius provincie confecta ostendunt. Miramur igitur Theodori sequaces, qui eum et impietatem ejus tanquam snam defendant; cum Ecclesia, in qua fuit episcopus, utpote haereticum, ex multis temporibus eum rejexit ». Haec et alia imperator, subjiciens plura exempla, quibus pateret et damnari et absolviri consueisse mortuos, qui viventes vel damnari vel absolviri meruissent. Atque demum ejusmodi contestatione finem imponit ipsi quam de fide Constitutionem conscripsit:

37. « Si quis igitur post ejusmodi rectam confessionem et haereticorum condemnationem, salvo manente pio intellectu, de nominibus, vel syllabis, vel dictionibus contendens, separat se a sancta Dei Ecclesia, tanquam non in rebus, sed in solis nominibus et dictionibus posita nobis pietate: talis, utpote dissensionibus gandens, rationem pro semetipso et pro deceptis et decipiendis ab eo reddit magno Deo et Salvatori nostro Jesu Christo in die judicii ». Haec tenus Justiniani de fide Catholica promulgatum edictum, non ob aliam causam (ut vult Liberatus)

¹Sap. xiv. — ²Joan. viii. — ³1. Tim. iii.

quam ob ænulationem Theodori Casariensis in Pelagium diaconum, qui Origenem damnari currasset.

38. Antequam autem ultius de his progrederiatur oratio, hic ad limen monendum putamus lectori, quod etsi demin post obortas plurimas controversias, immensaque parta dissidia Catholica Ecclesia sententiam Justiniani imperatoris contra Tria Capitula sit secuta; tamen hoc ipso exordio propositæ questionis, imo assertæ ab imperatore sententiæ, contra eadem Tria Capitula complures Orthodoxi, imo et ipse Vigilius Romanus Pontifex, quasi vindices Chalcedonensis Concilii, in cuius præjudicium ea viderentur ab imperatore sancta, insurrexere. Cum autem perspicue pleneque cognitum fuit, nequicquam derogatum sacrosancto Concilio Chalcedonensi per damnationem Tria Capitulorum, ipsa in primis Apostolicae Sedes eam imperatoris edicto primum promulgatam et postea per quintum Synodus confirmatam assertionem probavit alque retinuit, itumque est a Catholicis omnibus in eamdem sententiam cum quinta Synodo habita Constantinopoli, et cum ipsis Romanis Pontificibus, aliisque Apostolicae Sedi communicantibus. Qui vero poslea ab his dissensere, ut schismatici habitu sunt alque rejecti: eum tamen interea ante novissimum Apostolicae Sedis assensum non esset piaculum pro Tribus pugnare Capitulis, cum præseruum in ea assertione habuerint aliquando quem sequerentur ipsum Vigilium Romanum Pontificem.

39. Quo eliam tempore, qui Tria Capitula defendebant, pugnare se æque pro Synodo Chalcedonensi, præ se filerunt, cum nihil vellent de codem sacrosancto Concilio imminutum: nec ita impugnabant imperatoris edictum illud adversus Tria Capitula datum, ut erroris dogmatum, qui sive in Theodoro, sive in Iba, vel Theodoreto jure condemnabantur, defendendos putarent: respuebant enim et ipsi eorum errores et execrabantur: sed erat ab ipsis pro personis instituta defensio, nempe contendentibus non esse damnandum Theodorum Mopsuestenum, quem indemnatum a Patribus constaret esse in Catholica communicatione defunctum; neque Ibam, vel Theodoretum, quos dannantes hereses Chalcedonensis Synodus recepisset; neque facessendum negotium mortuis dictitabant, quos in pace Ecclesiæ esse defunctos, nec ab ea fuisse rejectos probari posset. Sic igitur isti pro Tribus pugnantes Capitulis, nequaquam defendebant (nt dictum est) quæ dicebantur repente hereses in commentariis Theodori, neque errores in Epistola ibæ emittative insertos, vel antea jam improbata scripta Theodoreti adversus duodecim Cyrilli Capitula, quæ omnia ipsi etiam respiebant, refinentes pariter quæcumque in sacrosancti Concilii Chalcedonensis Actis esse inventirentur intexta; et defendantes licet Epistolam Ibae, nequaquam Blasphemis in ea relatis patrocina- bantur: cum tamen iudei omnes adversus Justinianum imperatorem tanta sibi in Ecclesia Catho-

lica arroganter invenherentur, atque edicto ab eo promulgato simul adversarentur: quo nomine (ut dictum est) inter alios ipse Facundus Hermianensis in Africa antistes scriptum adversus eundem imperatorem pro Trium Capitulorum defensione voluntem edidit.

40. Porro defensores isti laudati aliquando sunt, cum quem sequerentur haberent Vigilium Romanum Pontificem; interdum vero tolerati, cum de hujusmodi coalitione quid sancta Synodus definiret, exspectaretur; reprobati autem hunc penitus, ubi damnante Tria Capitula quinta Synodo, et eam poslea probante Vigilio, atque successoribus Romanis Pontificibus, ipsi ab ea nimis obstinate resilierunt. Haec est summa totius historiæ, imo tragœdiæ, utpote per quam plurima damnata Ecclesiæ Catholicae noscantur illata, quæ tu ipse plorabis, cum legeris. His autem summam ingestis, quorum meminisse debes, prosequamur jam suo ordine cœptam historiam, et in primis de Justiniani imperatoris conatu in edicto illo promulgando, eodemque ab adversariis in deteriorem partem acceplo, atque proinde rejecto.

41. Cum ergo ea omnia velamento quodam pacis agerentur, factum est ut animosius ab imperatore episcopis subscribenda ingererentur. Nam de unione promissa ista Facundus¹: « His igitur ita fraudulenter agentibus, ac nescio quam promittentibus unitatem, quæ si etiam sequeretur, confusio potius dicenda esset, etc. » Sed justins, etsi laumen aerius, dum inferius in Zenonem perfidum imperatorem invehitur, qui impia illa exegitata unione, de unitate pariter impium olim promulgavit edictum, ipsum Justinianum imperatorem coarguit alque perstringit, ubi post multa²: « Etiam alind detersus addens ait, quod sanctæ quæ ubique essent Catholicae Ecclesiæ, et qui eis praessent Deo amabiles sacerdotes, non aliter deberent credere: quasi omnium fides Ecclesiarum ex ejus voluntate pendebet, et nemini licet aliter credere, quam preciperet imperator. Videbat (ut arbitror) quosdam timidos, vel rerum temperantium cupidos, sibi favere, et ex illis caeleros existimabat: quibus etsi vocem contradictionis abstulerat, animum certe mulari non potuit. Nec enim amplius aliquid mundi potestas valet in his quos a libera fidei assertione retraxerit, nisi ut in illud incidant, quod Dominus ait³: Qui me erubuerit et meos sermones, hunc Filius hominis erubescet, cum venerit in majestate sua (in presentia) et Patris et sanctorum Angelorum. Aliquod ergo jus mundana potestas Ecclesiæ valet auferre, nullum sibi tamen acquirere. Melius ergo est, ut semet intra limitem suum contineat; quem cum transgreditur, perdere multos potest, lucrari neminem. Nam et suas habent officinas vel artifices, omniaque ex proposito doceri videmus. Nunquam enim de textrina personare inuides au-

¹ Facund. pro defen. Cap. I. I. — ² Facund. pro defen. Cap. I. II. in fin. — ³ Luc. ix.

divimus, et ignem illie in fornacibus anhielare. Nunquam comperimus a suctore quæsitum quæ cujusque fabricæ proportio latitudinis conveniret, et quanta utrisque conveniens congrueret altitudo: quoniam illa integre scire possunt, quæ ab ipsis artis sunt præceptoribus instituta schola ». Haec licet in Zenonem ab ipso esse videantur dicta, in Justinianum tamen vult reforquiri; qui cum esset penitus illiteratus, eruditus tamen sibi arrogaret de fide Catholica edere sanctiones, quas dolose conscripsissent bæretici. Pergit vero Facundus :

42. « In contemptu sunt divinae littere, que nec suam scholam, nec magistros habeant, ut de quibus peritissime disputare se credat, qui nunquam didicit. Deinde cum palati causæ transfrantur ad Ecclesiam : quomodo Ecclesie causam ad palatium transferebat? Postremo, numquid jam domuerat, vel pacaverat omnes infensas reipublicæ Barbaras nationes? jam per universas imperii sui provincias seditiones ac seditionum causas abstulerat? jam cunctis criminalium, cive civilium causarum, qui illis conveniens, dederat finem? Cum ergo his non sufficeret, quibus nemo sufficere potest: quomodo, si cogitaret tanta loci sui pericula, et de omnibus se rationem crederet redditum, etiam periculis se alienis immergeret? »

43. En quam belle, sed argute magis Facundus in Zenonem intendens jacula, eadem in Justinianum ex peritia bellicæ artis vibrat: quippe qui (ut etiam damnat Procopius) cum undique ingruerent bella et seditiones, ipse tamen totus esset intentus disputationibus divinae Scripturæ. Quantum, rogo, ipsi in his temporis insumendum fuit, ut qui nec prima elementa calleret, ut legere posset, ejusmodi perplexas quæstiones vel saltem leviter intelligeret? quamque facile, ut non auditis que objicerentur ab adversariis, in suam eum sententiam traherent, qui jam ejus præoccupassent aures? At quis in tantum disserimen fidem Catholicam adducendam esse censeat, ut qui ejusmodi esset, et de fide leges sanciret, universam Ecclesiam Catholicam eisdem parere obligaret? Haec addidisse voluimus ad roborandam Facundi sententiam, qua cum Vigilio tunc Tria Capitula defendebat.

44. Sed unde ista mala in ipsum provenerint Justinianum etiam sub Zenonis persona idem auctor declarat, cum haec addit: « Ad hoc autem testandum facinus adulantium laudibus eum credimus excitatum, cum ei dicerent quemadmodum solent: quod omnes suos decessores sapientia et religione præcelleret: quod nullus ei posset in universis qui essent vel fuissent Dei sacerdotibus comparari. Quibus ille credulus, existimavit per singularem sapientiam, quam ei præter assentatores nemo tribueret, invenire se posse rationem facienda initatis, quam nullus ante per tot tempora potuerit invenire ». Haec et alia prudentissimus Ecclesiasticus agonistes Facundus, cum inter Catholicos militans, ea scriberet, jubente Vigilio Catholicæ Sedis antistite, imprudentem Justiniani conatum

sugillans, atque simul omnes principes illos arguens, qui immiscentes se fidei cause, tantum sibi sumunt, ut non vereantur legem credendi prescribere Christianis.

45. Imperator igitur simul ac de fide tale promulgavit edictum, sciens ejusmodi Constitutiones nullarum virium esse, nisi ab episcoporum subscriptione auctoritatem acciperent: primum omnium Apostolicæ Sedis apocrisiarium ibi degentem Stephanum diaconum, ut id faceret, vehementer rogavit: sed tantum abest ut illum ad id præstandum impellere potuerit, ut eundem maximum suis conatibus expertus fuerit adversarium, sicut et Dacium Mediolanensem episcopum, qui tune item erat Constantinopoli; iidem vero Vigilium Romanum Pontificem monuerunt absentem. At non sic quidem Orientales episcopi; qui sive blanditiis, sive terroribus compulsi, magna ex parte imperatori cesserunt, licet iidem sicut antea, ita et postea facinus fuerint detestati. Nam audi, quæso, quid de patriarchalium sedium episcopis idem Facundus scribat: « Illud est insuetum, illud mirabile, illud in quo magna vis veritatis appetit, quod ipsos quoque præsumptores internis conscientiae stimulis fateri coagit, ad destructionem Concilii Chalcedonensis haec fuisse conscripta.

46. « Nam primus infirmator eorum Mennas Constantinopolitanus episcopus cum adhuc tentatur scripto (sicut præceptum fuerat) præbere consensum; contra Synodum Chalcedonensem fieri, protestatus est. Sed et postquam consensit, a prædicto venerabilis memoria Stephano Ecclesiæ Romanæ diacono et apocrisiario conventus: cum priori sententia suæ contrariis acquievit his quæ ante culpaverat, et de quibus se nihil acturum sine Apostolica Sede promiserat; sub ea se conditione cessisse, juratum sibi fuisse respondit, quod chirographum suum recipere, si haec Romanus episcopus non probaret ». Haec de Menna Facundus: ex quibus intelligas Apostolicæ Sedis summam auctoritatem, cuius arbitrio quæ essent ab imperatore statuta et patriarchis subscripta, validanda relinquenter, caritura robore et auctoritate, si ipsius Romani Pontificis approbatione carerent. Sed quæ cum aliis patriarchis tunc transacta fuerint, ex codem auctore cognosce, qui paulo post ista subjungit per antiphrasim:

47. « Quis porro auctoritatem contempnere possit istorum? Quis dubitet talium sequi sententiam, videns quam libere ab his et intrepide veritas prædicatur? Zoilus quoque Alexandrinæ urbis antistes cum Romanum episcopum venire cognosceret (quod contigit anno sequenti) obviam illi ad Siciliam misit, conquerens se ad ipsius decreti affirmationem fuisse compulsum. Quod hic ei, postquam venit, idem Romanus episcopus in facie palam, nobis quoque inter alios presentibus, exprobavit. Neenon Ephraemius Antiochenus, cum primum ei mandaretur, ut hoc etiam ipse subscribendo firmaret, consentire noluit. At postquam

ei denuntiatum est, quod excludendus esset, nisi faceret, sui potius honoris, quam veritatis dilector inventus est. Quid autem Petrus Hierosolymitanus? nonne publica notitia refert, quoniam convenienter ad se multitudine monachorum, juratus pronuntiarit, quod si quis eidem decreto monitus consentiret, contra Chalcedonense Concilium ficeret: nec tamen se ab ejus consensione suspendit? Hoc autem velut haereditarum de prevaricatione primae illios mulieris cognovimus esse contractum, quæ prius interdictum sibi fuisse respondit, ne de ligno, quod erat in medio paradisi, comedederet: et postea quod ipsa illicitum pronuntiaverat, usurpavit, ac viro ut comedederet, persuasit. Et quid dicemus ad haec? nisi quod Dominus dixit: Verumtamen veniens Filius hominis, putas inveniet fidem super terram?

48. « Jam vero de aliarum civitatum episcopis quid loquamur? Qui et cum subscribere compellerentur, palam reclamaverunt, contra magnam Synodus fieri: et post subscriptionem memorato Stephano Romano diacono libellos dederunt, Sedi Apostolica transmittendos, confitentes in eis quod a Constantinopolitano episcopo coacti subscripterint. Qui si a vestra pietate querantur, poterunt et apud vos nostris assertionibus attestari. Unde non solum ipsi qui haec fecerunt, sed et illi etiam qui facientibus communicando consentiunt, de ignorantia semelipsos excusare non possunt, et frustra dissimulant, frustra se dicunt nescire quod factum est, sive luera temporalia diligentibus, sive gratis suas animas negligentes. Cui enim non sufficiat ad cognoscendum causæ meritum sola confessio transgressorum et verbis publice facta et libellis exposita? » Cum interea ipsum Vigilium consulere non prætermitterent.

49. Quid autem excusando se quod Justiniano imperatori paruisserint, illi dicerent, id est Facundus superius sic ait¹: « Adhuc dicant, quod de tanta sua præsumptione Ecclesiam quoque Romanam consuluerint, et sententiam beati Vigilii præsulis adhuc exspectent ». Haec ipse: qui post multa subdit² et de Domitiano episcopo metropolitano Ancyra in Galatia, qui Origenista cum esset, scripto tamen libello ad Vigilium Romanum Pontificem, ingenuus professus est, Origenistarum studiis ea fuisse ab imperatore contra Theodorum Mopsuestennum et alios adversus Synodum Chalcedonensem promulgata: ait enim³: « Quia per instantiam tuae religionis ejusdem profani dogmatis (Origenis scilicet) iterata damnatio est: hinc ejus sectatores exarserunt adversus Ecclesiam querentes eam quacumque possint immissione turbare. Et hoc totum publicam notitiam non effugit. Præsertim cum et Domitianus Ancyrensis quidem civitatis episcopus provincie Primæ Galatiae, qui fuit ipsius Origenianæ bæresis manifestus assertor per libellum

quem ad beatum papam Vigilium scripsit, Deo extorquentे, confessus est, quod ejus complices Origeniani cum viderent non se posse proprium dogma defendere, neque sibi quicquam spei de conflictu restare; ad ultionem eorum quæ contra Origenem gesta sunt, haec Ecclesiæ scandala commoverunt ». Ille Facundus, qui et inferius ejusdem Domitiani verba in libello suis scripta recitat. Sed de his modo satis, quod ex Liberato diacono eadem superius fuerimus prosecuti, hic vero occasione libelli ad Vigilium missi oportuit repetiisse.

50. Sed qui fuerint hoc eodem tempore Occidentalium conatus adversus ejusmodi Justiniani imperatoris promulgatum de fide decretum, videamus. Pelagius Romanæ Ecclesiæ diaconus simul ac Constantiopoli reversus hoc anno in Urbem est, contra ejusdem imperatoris de fide sanctum edictum classicum cecinit, et cum aliis, tum etiam Africanos episcopos armare conatus est: qui enim (ut ex Liberato diximus) hostis erat et acerrimus impugnator Origenistarum, et adversarius Theodori Caesariensis, adversus eadem inventa magno animo insurrexit una simul cum collega Anatolio: de quibus pauca tantum haec, unde multa valeas intelligere, ex Facundo⁴ dicemus, quæ sic se habent: « Non ergo civilis haec causa eredenda est, vel talis quæ pro Ecclesiæ pace ferenda sit, sed quæ merito judicetur contra ipsius Catholice fidei statum haereticorum subreptione commota; pro qua pars maxima orbis Christiani, quæ potuit, primum inter primos Christianos sacerdotem », nempe Vigilium, « publica contestatione pulsavit: et Romana quidem universitas atque Africa, priusquam ipsius Romani antistitis acceperimus Epistolam, non parvo jam agnoveramus indicio, quid de hujus facti novitatem sentirent.

51. « Nam venerabilis Pelagius et Anatolius Romani diaconi debitam officio suo et loco sollicitudinem pro Ecclesia Dei gerentes, laudabilis in Christo memoria Ferrando diacono Carthaginensi scripserunt, ut habitu de hac causa diligenti tractatu cum reverendissimo ejusdem Ecclesiæ Carthaginensis episcopo, vel aliis, quos et zelum fidei et divinæ Scripturæ seirent habere notitiam, consulentibus responderent, quid observandum in commune omnibus videretur ». His ab Ecclesiæ Romanae diaconis acceptis litteris, Ferrandus diaconus Carthaginensis facere minime prætermisit quod fuit injunctum: quamobrem omnes ejus esse sententiae invenit Africanos episcopos, ne imperatoris decretum in aliquam acciperetur auctoritatem, nec quicquam penitus de ipso Chalcedonensi Concilio pertingendum. Haec cum Facundus testetur; memineris quod superius, dum de Ferrandi scriptis mentio facta est, jam diximus scriptam fuisse ab eo ad Pelagium et Anatolium Romanæ Ecclesiæ diaconos eo arguento Epistolam, quæ desideratur. Atque eo tempore de his extat Epistola Pontiani

¹ Facund. pro defens. Cap. I. II. — ² Facund. pro defens. Cap. I. IV.
— ³ Facund. I. I.

⁴ Facund. pro defens. Cap. I. IV.

episcopi Africani ad imperatorem conscripta videamus, quæ sic se habet¹:

52. « Clementissimo ac piissimo filio Justiniano imperatori Pontianus episcopus in Domino salutem.

« Principaliter nomen ab ipsis incunabulis justitiae suscepisti: et justus Dominus qui ita præstítit, ut nomen ante justitiae tribueret, cui imperii postmodum gubernacula contulisset. Adumata est igitur gratia Salvatoris non solum in nomine, verum etiam in merito, cuius vita exaltata est imperando, et imperium juste vivendo. Dignatus es nos in Africanis partibus commorantes litteris admonere, qualem fidem teneas et defendas. Cognovimus quod Dominus B. Petro statuit dicens²: Super hanc Petram ædificabo Ecclesiam meam, et portæ inferi non prevalebunt adversus eam: et tibi dabo claves regni cælorum. Exultavit spiritus noster, hoc firmiter te piissime esse, imperator, quod Apostolica fides prædicat, credentes quod a recte credulitatis tramite non declines. Talem enim decet esse imperatorem, pium, justum, fidelem, qualem te nos esse cognovimus.

53. « In extremo itaque Epistole vestre cognovimus, quod nos non mediocriter remordet, debere nos Theodorum et scripta Theodorei et Epistolam Ibae damnare. Eorum dicta ad nos usque nunc minime pervenerunt. Quod si et pervenerunt, et aliqua ibi apocrypha, quæ contra fidei regulam sint, legerimus; dicta possimus respuere, non auctores jam mortuos præcipiti condemnatione damnare. Quod si adhuc viverent, et correcti errorem suum non condemnarent, justissime damnarentur. Nunc autem quibus recitatitur sententia damnationis nostra? Quod in eis recorrigatur, non est. Sed timo, piissime imperator, ne sub obtentu damnationis istorum, Eutychiana heres is erigatur; et dum minima indicia non spernimus, ad maiorem heresim collisionemque veniamus. Et quid nobis cum mortuis iniire bellum, ubi nulla inveniatur in congressione victoria? Apud judicem verum jam teneatur, a quo nullus appellat. Per ipsum, in quo nos honoratis et diligitis, supplicamus clementiam tuam, ut pax permaneat temporibus tuis, ne dum queris damnare jam mortuos, multos inobedientes interficias vivos, et exinde compellaris reddere rationem ei qui venturus est judicare vivos et mortuos». Hucusque ad imperatorem Pontianus ex Africa, cum illic missum hoc anno ab ipso Justiniano fidei decretum episcopis Africanis immotuisse: cuius autem sedis iste episcopus fuerit, ignoratur. At illud opinari facile quisque potest, quod ab eo factum est, id ipsum ab aliis episcopis diversarum regionum minime prætermissum: nam liquet omnes fidei Catholice professores simul adversus ejusmodi novitatem insurrexisse, vindicantes se Chalcedonensis Concilii exhibuisse.

54. *Vigilius rogatu Justiniani Constantinopo-*

lim iturus moratur in Sicilia, unde frumentum mittit Romanum. — At quid inter hæc imperator? Cum cerneret primarium sedium Orientalium episcoporum, præcipue vero Menne Constantinopolitani episcopi suspensam esse sententiam ad Vigilius papæ arbitrium, et ex ejus voluntate pendere: existimavit necessarium fore, ipsum Romanum Pontificem Constantinopolim convocare; quod fecit hoc anno, ipsum summa celeritate venire rogans. Nec remoratus quidem ipse Vigilius fuit, qui hoc item anno recessit ab Urbe, et se contulit in Siciliam, ubi biennavit. Sed tum ex his quæ ex Facundo dicta sunt, tum ex his quæ dicentur ex Procopio, ambos hujus temporis scriptoribus, aperti mendacii redarguietur Anastasius, dum alias profectionis Vigilius Constantinopolim causas asserit, atque subtractum violenter ab Urbe, insectatunque jurgiis et blasphemis tradit. Porro res adeo ignominiosa minime latere potuisse res suorum temporum accuratissime prosequentes auctores.

55. Ceterum cum non alia causa præcessisse cognoscatur profactionis ipsius Vigilius papæ Constantinopolim; oportuit eum summo cum honore ab imperatore vocatum esse, ne ipse adversans inefficaces redderet omnes ejus de promulgato de fide decreto conatus. Sciens enim (quod dictum est) præcipios Orientis episcopos ex Romani Pontificis definitione pendere: eum sibi, quibus valuit, sluduit conciliare blanditiis, ut quæ dicturi sunus quam perspicue demonstrabunt. Ceterum Vigilius papæ Constantinopolim profactionem magnum intulisse Catholice Ecclesie damnum, declararunt eventa, quæ et significarunt, quam prudentissime egerint prædecessores Romani Pontifices, ut sanctus Leo et alii, qui vocati saepè ab Orthodoxis licet imperatoribus in Orientem, nunquam passi sunt ab ipsa fixa Romæ Sede divelli. Obfuisse haud modicum usu rerum reperitur Pontificum ab urbe profectio ad comitatum, cum imperatorum sive blanditiis sive minis, contrariis hisce ex adverso pugnantibus ventis, exposita saepè noscatur magno periculo Petri navicula, cuius clavum immobilis sedens Romanus Pontifex tutius teneat.

56. Hoc igitur anno, qui (ut dictum est) a Procopio undecimus belli Gothicæ numeratur, Vigilium papam Roma recessisse Constantinopolim prefecturum, et in Siciliam pervenisse, idem affirmit: ubi Dacium Mediolanensem episcopum Constantinopoli venientem obviam habuit, et legatum suscepit ab Ephraemio episcopo Antiocheno missum, a quibus cuncta quæ Constantinopoli gesta essent, exploratus intellexit. Quid autem egerit, ubi ea omnia comperta habuit, a Facundo accipe, cum ait³: « Hoc est autem mirabile, ut postquam horum condemnationem fecerunt, dicerent quod Ecclesiæ Romanam consulerent, et sententiam Vigilius ejus præsulis exspectarent: eni, quantum ad illos attinet, non permisérunt consere quod senserit,

¹ Exstat Concl. tom. i. inter Acta Joan. papæ. — ² Matth. XVI.

³ Facund. pro dicens. Cap. I. iv.

ante statuentes, ut si quis Theodorum Mopsuestenum cum suis dogmatibus et Epistolam venerabilis Ibre non anathematizat, sit anathema. Sed ecce jam veniens, ex itinere, quod ei videbatur edixit, et facti hujus auctori correctionem tumultuarie suae transgressionis indixit; et nisi citius quod male factum est, auferretur, etiam vindicaturum se esse praedixit, protestans et dicens cum Apostolo et Timotheo¹: Ne forte cum venero, non quales volo inveniam vos, et ego inveniar a vobis qualem non vultis ». Erant haec scripta in Epistola quam Constantinopolim Vigilius misit, quam etiam iisdem praecurrentibus legatis dedit ad imperatorem, ne quid innovari pateretur: nam subdit idem Facundus:

57. « Praeter quod et a vestra clementia summis precibus, summoque admisu per suos legatos peti, sicut cum venientem diversæ provincie contestate sunt, ne patianini stare quod factum est: tale siquidem ipsius facti crimen esse judicavit, ut illo doctoris gentium testimonio duceret arguendum, quo discipulo Timotheo scribens dixit: Deposatum custodi, devitans profanas vocum novitates, et oppositiones falsi nominis scientiae, quam quidam promittentes circa fidem exciderunt. Quid ergo adhuc queritur, utrum contra fidem et Synodum Chalcedonensem factum fuerit (quod dolemus) quando ille, cuius dicebatur expectari sententia, profanas vocum novitates et oppositiones falsi nominis scientiae, quam quidam promittentes circa fidem exciderunt, in ipsis facti autorem sibi (ibi) vindicaverat arguendas? Denique etiam Beatum Dacium Mediolanensem episcopum, quem hinc reversum in Sicilia se vidisse perhibuit et alios consacerdotes suos, sed venerabilis memorie Stephanum solum, quem Romanae Ecclesie, cui per Dei gratiam presidet, hic habuit responsalem, et per missos (multos) Ecclesie suos approbavit, quod ei pro hac causa a venerabilis Menne hujus regie urbis episcopi communione suspenderit, et eos qui ei communicaverant, sub debita satisfactione suscepserit.

58. « Quod non faceret, nisi contrarium Synodo Chalcedonensi, quod factum est, sicut et alii, judicaret: non autem solos quos commemoravimus sanctos et venerabiles viros hoc secum judicasse monstravit, quando non tacuit quod Romana quoque universitas egrediente, quod venientem Africa, atque etiam Sardinia, quanquam non per eas transierit, per ipsius tamen consiliarium publica eum contestatione pulsaverint, sicut Hellas et Illyricus provincia, per quas venit; ut nullatenus novitat, quae facta est; acquiescat. Non ergo civilis haec causa credenda est, nec talis quae pro Ecclesiis pacem ferenda sit; sed quae merito judicaretur contra ipsius Catholicie fidei statum hereticorum subreptione commota; pro qua pars maxima orbis Christiani, quae potuit, primum inter primos Chri-

sianos sacerdotem publica contestatione pulsavit: et Romana quidem universitas atque Africa, priusquam Romani antistitis acceperimus Epistolam, non parvo jam agnoveramus indicio, quid de hujus facti novitate sentirent ». Haec enim Facundus de Vigiliis papae rebus gestis hoc anno antequam pervenerit Constantinopolim, quod sequenti anno contigisse suo loco dicemus.

59. Porro ipsum Vigilium diutius mansisse in Sicilia, indeque laboranti fame Urbi frumentum mississe, Procopius testatur, ubi ait¹: « Per idem tempus Vigilius Urbis Romane praesul, cum in Sicilia esset, magnum navium numerum frumento complevit, et Romanum transmittit, ratus omnino Urbem tuto adire hos posse, qui onera navibus importarent. Qui utique cum Rotonum ad Portum cursum tenerent, hostes eorum adventu percogniti, paulo ante priores ipsi cum in portum venissent, intra muros delituerunt, ut eo nave jam descendentes nullo negotio caperent. Sed hos, qui in monibus erant custodes mox conspicati, e propugnaculis veste altius agitata signum nautis ad se navigantibus dabant, ne ultra progredierentur, sed alio quounque possent, verterent vela. Illi vero prodito signo non intellecto, sed rati potius, qui in portu erant, Romanos pre gaudio ex suo adventu alacres factos id signum dedisse, seque ad portum ineundum hortari, prospero ac presenti afflante his vento, intra portum celerrime cum navibus pervenerunt; in quibus Valentinus episcopus quidam cum Romanis plerisque aliis navigabat. Tunc Barbari ex insidiis confestim exorti, naves omnes, nemine defendente, mox capiunt, episcopum cum Rotoni comprehensum ad Totilam ducunt, cateros vero obfruncant; et eum oneribus naves remuleo trahentes evestigio abeunt. Totilas interea cum episcopum quid sibi jam vellet rogasset, et mendaci apertius convicisset, utrasque illi manus praecidit ». Haec Procopius, qui de longa Vigiliis in Sicilia mora, deque profectione ipsius anno sequenti Constantinopolim agit.

60. Porro onerasse naves Vigilium ex Ecclesiæ frumento, possumus intelligere; quod constet amplissimum fuisse Romanae Ecclesie in Sicilia patrimonium, ut ex sancti Gregorii Epistolis liquet. Quod autem ad Valentimum episcopum pertinet; hunc fuisse episcopum Silvae Candide, alio titulo sanctorum Ruffinae atque Secundæ Anastasius tradit, missumque a Vigilio in Urbem, ut ibi vicarius consideret, affirmat: quem reversum ad Vigilium Constantinopolis jam agentem, quæ postea dicentur, ostendit. Ad haec insuper additil Anastasius, ipsum Vigilium in Sicilia commorantem, Catane ordinacionem habuisse mense Decembri, ordinasseque presbyteros atque diaconos, ex quibus Romanum mississe Ampliatum presbyterum vicedominum suum, Valentimum vero (quem diximus) ad cleri gubernationem, utque loco Pontificis vicarius ibi degeret

in sedibus Laleranensibus. Dum vero subdit, in vigilia Natalis Domini eumdem Pontificem pervenisse Constantinopolim, ex dicendis e Procopio mendacii redarguitur. At hic finis esto rerum gestarum hujus anni Vigilii Romani Pontificis. Ceterum annis singulis inchoatae tragœdiae Actus luctuosi inferentur in scenam eunetis spectandi. Quæ vero reliquarum hujus anni rerum gestarum narratio superest, prosequamur.

61. *Aureliano episcopo Arelatensi vices suas delegat Vigilius.* — Hoc eodem anno, cum Auxanius Arelatensis episcopus ex hac vita migrassel, in locum ejus subrogatus est Aurelianus, quem Vigilius suum decrevit esse vicarium. Epistola autem tunc ad eum scripta ab ipso Romano Pontifice sic se habet :

« Dilectissimo fratri Aureliano Vigilius.

« Administracionem vicium nostrorum fraternitati vestrae animo libenli committimus, et credimus charitatis vestrae officio actibus Deo placitis diligenter universa compleri, quando et summi sacerdotii consorlio vos dignos divina esse gratia judicavit, et gloriosissimi Childeberti Francorum regis Christiana et Deo placita in perhibendo vobis testimonium voluntas accessit. Quapropter vices nostras veslrae charitati hac auctoritate committimus, ut universa quæ decessorum nostrorum vel canonum statuta sanxerunt, Deo congruis operibus faciendo atque servando, et nostrum et predicti gloriost regis judicium circa charitatem tuam rectum fuisse possis ostendere. Sacrarum enim Scripturarum nos docet auctoritas, quia Christus Deus et Dominus Salvator noster prius universa quæ bona sunt facere voluit, quam docere : scriptum est enim¹ : Primum quidem sermonem feci de omnibus, o Theophile, quæ cœpit Jesus facere et docere, usque in diem qua præcipiens Apostolis per Spiritum sanctum, quos elegit, assumptus est. Item quid commonendo Timotheum Doctor gentium dicat Apostolus, fraternitatem tuam semper ante oculos habere confidimus : ait enim² : Confortare in gratia, quæ est in Christo Jesu : et quæ audisti a me per multos testes, haec commenda fidelibus hominibus, qui idonei erunt et alios docere. Et item ipse³ : Sollicite cura te ipsum probabilem exhibere Domini operarium, inconfusibilem, recte tractantem verbum veritatis. Et iterum⁴ : Labora sicut bonus miles Christi Jesu. Intellige quæ dico : dabit enim tibi Dominus in omnibus intellectum.

62. « Si quam ergo inter fratres diabolus humani generis hostis antiquus zizaniam seminaverit calliditate nequitie consueke, aut de aliquo sacerdote fraternitati tuae, servatis majorum per omnia constitutis, fuerit querela deposita : adiubitis tibi fratribus et coepiscopis secundum qualitatem negotii numero competenti, causam canonica et Apostolica ordinatione discutiens, ea sententia definies,

quæ et decessorum nostrorum conveniat statulis, et Deo æquitatem in omnibus diligenti sit grata. Si quod vero de religione fidei (quod Deus auferat) fuerit certamen exortum, aut late aliquod negotium fortassis emerserit, quod pro sui magnitudine ibidem nequeat definiri : veritate discussa, relationis serie distinela, ad nostram consullationem petius ut remittas horlamur : quia ita decessores vestros, qui decessorum nostrorum vices egisse monstrantur, fecisse, testimonium nostri declarat serinii : quatenus ea dispositione servata, Ecclesiae unitas stabili firmitate persiscaens pacis bono in omnibus perfruatur, cuius velut hæreditarium munus Christus Deus et Salvator noster ad caelos, unde nunquam defuit, redditurus, discipulis suis legitur reliquisse, dicens¹ : Pacem meam do vobis, pacem meam reliquo vobis.

63. « Et ut universa fraternitas vestra diligent possit ratione completere, episcopis quibus pro vice nostra te praesesse voluimus, nos pracepta destinasse signamus ; ut et illi vobis obedientiam exhibere debeant competentem, et fraternitas tua eos in Christi charitate complectens, exemplis honorum potius operum ad quæ sunt Deo placita facienda semper invitet. Illud pari eis auctoritate signavimus, ne quis sine Formata tue fraternalitatis ad longiora loca audeat proficiisci : sed ut consuetudinem illam debeant custodire, quam constat semper nostræ Sedis habuisse vicarium, et a vobis Formatam postulent, si causarum suarum necessitate compulsi ad longiora itinera destinare disponunt. Sed ne in aliquo Sedis nostræ vicarius minor suis decessoribus videatur, necessarium fore credimus pallii vobis usum, quemadmodum decessori vestro hactenus dederamus, præsenti auctoritate concedere : ut et morum, et omnium bonarum rerum, vobis beato Petro Apostolo suffragante, non desit ornatius.

64. « Oporlet ergo charitatem vestram sacerdotali semper studio inter dominos filios nostros clementissimos principes, et gloriosissimum virum, id est, filium nostrum Childebertum regem gratiae intactæ fædera custodire. Scitis enim, nec vos convenit ignorare, quod necessario prædicalis, quia Scriptura pronuntiat, dicens² : Beati pedes evangelizantium pacem, evangelizantium bona. Et hoc quoque vestrum facere desideramus affectum, ut glorioso viro nostro patricio Belisario destinatis scriptis gratias referatis, qui homini vestro laborem ad clementissimum principem abstulit transeundi, sed mox ut responsum recepit, nobis suis litteris indicavit. Dominus te incolumem custodiat, frater carissime, Data XI kalendas Septembbris, quinques post consul. Basili V. C. » Dedit et alias eodem arguimento ad Galliarum episcopos, quæ sic se habent :

65. « Dilectissimis fratribus universis episcopis, qui sub regno gloriosissimi filii nostri Childeberti regis sunt per Gallias constituti, Vigilius.

¹ Act. I. — ² 2. Tim. II. — ³ Ibid. — ⁴ Ibid.

¹ Joan. XIV. — ² Rom. X.

« Admonet nos loci nostri ministerium divina misericordia Domini collatum, Domini gratia protegente, nec legentis evitando periculum, bonis potius palmam retributionis promissæ et studeamus, et mereamur accipere. Unde quantum nobis Christus Deus Dominus et Salvator noster primi Apostolorum locum pro ineffabili pietatis suæ gerere largitate concessit, tantum nos de universarum pace Ecclesiarum, quæ licet in multis, una tamen est toto orbe diffusa, incessante studio convenit esse sollicitos. Quippe quia nos saecularum Scripturarum eloquia reddunt diligenter instructos, quod cum Moyses Dei famulus divinis iussionibus obsecundans ad montem voluisse ascendere, loco sui Aaron et Iacob legitur reliquisse, dicens¹: Exspectate hic, donec revertamur ad vos. Habetis Aaron et Iacob vobiscum: si quid natum fuerit quæstionis, referetis ad eos. Ita enim inter sacerdotes Domini potest pax super omnia Deo placita custodiri, si fuerit qui vicium nostrarum auctoritate submixus, personam nostram in Galliarum partibus presenta secundum consuetudinem a nostris decessoribus attributam, sapientiam sollicita indagatione custodiens, si quam humani generis hostis antiquus zizaniam inter Dei famulos nequitia consueta seminare tentaverit, sapientiae suæ moderamine, adhibilis sibi fratribus et coopiscopis nostris, justitia Deo placita scandala orta submoveat.

66. « Unde quia dudum Aixanio quondam Arelatensis civitatis antistiti vicium nostrarum sollicitudinem dederamus, sed cursum vite præsentis implendo, de hæc luce migravit, in cuius loco Aurelianus frater noster noseitur successisse: necessarium valde credimus sollicitudinem hanc a nobis antefato debere committi. confidentes illum et pro loci sui qualitate bonis actibus universa quæ Deo placeant posse completere, et maxime eum gloriosus filius noster Childebertus rex testimonium bone conscientiae pro Christiana sua voluntatis devotione perlubuit. Oportet ergo charitatem vestram ei in omnibus, quæ servatis per cuncta canonibus salubriter secundum nostrorum definita majorum pro nostra auctoritate censuerit, præbere obedientiam competentem.

67. « Et quia omnino necesse est, ut pro diversis confratribus, Deo juvante, tractandis, statutis aptisque temporibus episcoporum Synodum debeat congregare: idcirco præsentli auctoritate censemus, ut nullus, ubi aut quando constituerit, se audeat excusare, excepta infirmatalis causa, quam humana non potest vitare fragilitas, aut certe quem dignæ excusationis ratio fecerit non venire. Omnibus nihilominus scientibus, quid Christus Dominus et Salvator noster pia institutione pronuntiat, dicens²: Quia si duo ex vobis consenserint super terram, de omni re quamecumque petierint, fieri illis a Patre meo, qui in caelis est. Quemadmodum autem quis sibi quæ postulat credit posse concedi, si congrega-

gationis sanctæ conveulum, ubi Dominus præsentiam suam premisit modis omnibus affuturam, sine aliqua rectæ excusationis causa evitare crediderit? Sed sicut præfati sumus, si justa causa illum ad Synodum fecerit non venire, pro se aut presbyterum aut diaconum destinare non differat, quatenus quæ fuerunt constituta, per eos possit agnoscere, et definita completere. Pari auctoritate mandantes, ut nullus sine prædicti Formata ad longinquiora loca audeat proficisci: præsertim quia et decessorum nostrorum decessoribus ejus, quibus vices suas commisisse præteritis temporibus releguntur, sic definiti statuta: ut his omnibus obedientia Deo placita custoditis, pax Ecclesiarum stabili firmitate persistat, et sicut doctror gentium dicit Apostolus¹, Ecclesia Dei possit sine ruga et macula permanere. Dominus vos incolentes custodiat, fratres carissimi.

68. *Domnus Antiochiae, et Macarius Hierosolymæ episcopi.* — Hoc anno Eplirem episcopus Antiochenus, cum sedisset ferme viginti annos ex hac vita migrat; in cuius locum Dominus ejus nominis secundus est subrogatus. Haec ex Nicephori Chronicæ. Qui autem eum anno superiori diem obiisse putarunt; ex his quæ ipsum egisse cum Justiniano imperatore hoc anno vidimus, errare noscuntur. Idem dicendum de Petro episcopo Hierosolymitano, quem non ante præsentem annum diem obiisse oportuit, licet anno superiori eum defunctum ponant: in cuius locum suffeclum esse Macarium secundum hujus nominis, tum Evagrius, tum Nicephorus tradunt. Quæ autem hujus Petri obitum præcesserint ante sex menses memoria digna, et prophetia de ejus obitu, quæ et ejus vita sanctitatem commendent, narralam a Sophronio² hic historiam attexamus: quam eum a Sophronio petitam dicimus, ita quidem more majorum cilare consuevimus librum illum qui a Joanne conscriptus ad Sophronium legitur: etenim apud Damascenum, necon apud septimæ Synodi Acta Sophronii nomine citatus habetur. Ait igitur auctor:

69. « Narravit nobis abbatissa Damiana solitaria mater abbatis Athenogenis episcopi Petrensis, dicens: Erat quidam abbas in sancto monte Sina, nomine Georgius, miræ virtutis, et abstinentie vir. Huic abbatii Georgio magno sabbati die in cellula sua venit desiderium faciendi sacrum diem Resurrectionis in sancta civitate, et sumere veneranda mysteria in sancta Christi Dei nostri resurrectione. Per tolem ergo diem senior hujusmodi cogitatione sollicitabatur, et orabat. Cum itaque sero factum esset, venit discipulus ejus, dicens ei: Jube, Pater, ut eamus ad synaxim. Senex autem respondit ei: Vade, et tempore sanctæ communionis veni ad me, et peggam. Mansit itaque senex in cellula. Cum autem advenisset tempus sanctæ communionis in sancta Resurrectione, inventus est senex prope archiepiscopum beatum Petrum, qui præbuit tum

¹ Exod. xxiv. — ² Matth. xviii.

¹ Ephes. v. — ² Sophro. Præl. Spir. c. 117.

illi, tum presbyteris sanctam communionem. Videntes igitur eum patriarcha, dixit Menna assessori suo : Quando venit abbas montis Sinai? Respondit ille : Per orationes vestras, domine, non vidi illum nisi nunc solummodo. Tunc ait patriarcha : Dic illi ut non recedat : volo enim ut mecum sumat eibum. Ille vero profectus id dixit seni. Qui ait : Voluntas Dei fiat. Cum ergo salutasset synaxes, adorato sancto monumento, inventus est in cellula sua. Ecce discipulus ejus pulsavit, et dixit : Pater, veni ut communices. Senex vero profectus in Ecclesiam cum discipulo suo, iterum sumpsit veneranda mysteria.

70. « Petrus autem archiepiscopus christatus quod illi inobediens fuisset, post solemnitatem misit ad episcopum Phari abbatem Photinum et ad patres Sina, ut abbatem ad se mitterent. Cum ergo venisset qui altulerat litteras, dedissetque illas, misit et senex tres presbyteros, abbatem scilicet Stephanum Cappadocem magnum illum virum, cuius et supra meminimus, et abbatem Zozimum eius etiam superius mentionem fecimus, et abbatem Dulcifium Romanum ad patriarcham, purgavitque seipsum senior scribens ac dicens : Absit a me, mi domine sanctissime, ut sanctum Angelum vestrum contempserim. Scripsit autem idem Georgius abbas et hoc ad eum : Ut scial beatitudo vestra, post sex menses Christo Domino et Deo nostro simul occurseri sunus, et illic adorabo vos. Egressi itaque presbyteri dederunt patriarchae litteras. Dixerunt tamen et hoc ei quoniam senex multos annos habebat, ex quo non venerat in Palæstinam. Ostendebant item et litteras episcopi Phari simul contestantes, quod ferme septuaginta annos habebat senex, ex quo de sancto monte Sina non exierat. Sanctus vero et mitissimus Petrus afferebat testes eos qui tunc affuerant, episcopos et clericos, dicentes : Vere nos senem vidimus, et omnes osculo sancto illum salutavimus. Postquam igitur impleti sunt sex menses, requieverunt in pace senex et patriarcha, juxta scilicet ipsius senis prophetiam ». Hucusque ibi : quibus videas his innovata antiqua signa Habacuc et Philippi diaconi, qui in momento

translati sunt e loco in locum. Volumalem enim limentium se facil Dominus, et desiderium pauperum exaudit. Etenim cupienti seni ultimum suum Pascha agere Hierosolymis, in magno miraculo praestitit ei Deus dives in omnes qui invocant illum, non senescens, ut virtute ex diuturnitate temporis minuatur, quo minus prestare semper valeat, quod olim aliis concessisse legitur.

71. Qui autem in locum Petri suffectus est in sedem Hierosolymitanam episcopus (ut dictum est) Macarius nomine, in suspicionem adductus est heres : adeo ut nulli ab ejus se communione separarint, ut patet ex codem Sophronio¹ : verum id potius ex levitate quam veritate factum, ostendunt quae ab eodem auctore narrantur inferius verbis istis² : « Cum alias hic fuisset senex genere Arabs, Julianus nomine, captus oculis, ipse aliquando scandalizatus est in Macarium archiepiscopum Hierosolymitanum, nolensque communicare illi. Quadam ergo die abbas Julianus significavit abbati Simeoni, qui erat in monte Miribili (distat autem a Theopoli mons ille milliaribus novem), dicens : Caecus sum, et quo abeam nescio : neque vero habeo qui possit auxiliari mihi, et communicare Macario detrecto. Indica mihi, Pater, quid agere habeam de fratre qui fornicatus est, et de illo qui se cum eo juramento constrinxit. Respondit autem abbas Simeon abbatii Juliani, dicens : Ne recedas, neque ipsum a sancta Ecclesia separe : neque enim illa male habet gratiam Domini nostri Jesu Christi Filii Dei ». Haec de Macario ibi. In Vita³ sancti Gregorii episcopi Agrigentini prolixa atque honesta pariter mentio fit de Macario isto, eidemque spiritus prophetiae tribuitur : ab eo que ipsum Gregorium fuisse diaconum ordinatum, auctor affirmat. Fuit autem hic ejus nominis secundus Hierosolymorum episcopus : senior enim Macarius vixit temporibus Constantini Magni imperialoris.

¹ Sophr. Prat. Spir. c. 19. — ² Ibid. c. 96. — ³ Apud Sur. die xxiii. Novemb.

Anno periodi Graeco-Romanæ 6039. — Anno Eræ Hispan. 581. — Jesu Christi 546. — Vigilii papæ 10.
— Justiniani imp. 20. Totilæ reg. 6.

1. *Postconsulatus.* — Ille annus ista formula notatus: *Post consulatum Basilii V. C. v.*, vel secundum modum loquendi Victoris Tununensis; *Post consulatum Basilii V. C. anno vi.*

2. *Gesta anno superiori in bello Gothicō.* — A num. 1 ad 8. Est hic annus belli Gothicī XII, non vero XI. Quare quæ Baronius narrat, ad annum præcedentem revocanda. Procopius itaque lib. 3, capite 12, ad caput 16 refert gesta anno XI belli Gothicī, aitque *Totilam Firmum, Asculum, Spoleto* et Assisium cœpisse: *Perusiam* tamen frustra tentasse: deinde *Romam* profectum famem arctiorē premere cœpisse Romanos. In summas redactus angustias *Belisarius*, qui ex urbe Ravenna ubi erat, invare obcessos non poterat, præsertim cum exiguis copiis, *Epidamnum* se confert, et *Narses* eumuelus Erulos sibi adjunxit. Interim *Valentinus* et *Phocas* Gothos Romanam obsidentes laecessunt, *Bessa intra Urbis muros residente*. Verum *Valentinus* et *Phocas*, cum se ad hostem invadendum cum majoribus copiis aeeingerent, ex insidiis occisi sunt. « Eodem tempore Vigilius Rom. Pontifex, e Sicilia, ubi morabatur, onustas frumento naves quamplurimas misit, etc. Vehebantur una Romani multi, inter quos erat episcopus nomine *Valentinus*. Consurgunt ex insidiis Barbari, navesque omnes, repugnante nemine, capitunt », inquit Procopius cap. 13, qui statim subdit, cum his finem anno belli Gothicī XI impositum esse, ideoque ea anno superiori gesta.

3. *Primum Edictum adversus Tria Capitula.* — A num. 8 ad 56. *Pelagius Vigilius* papæ apud Justinianum Constantinopoli apocrisiarius, non hoc anno, ut putat Baronius, sed anno DXLIV, Romanum reversus est; post eujus discessum imperator Edictum contra *Tria Capitula* promulgavit, idque eodem anno; cum Petrus Hierosolymitanus et Ephremius Antiochenus, qui eidem subscripsere, eo anno mortui sint, ut mox ostendam. Baronius Edictum contra *Tria Capitula*, cuius initium est: « *Scientes quod nihil aliud, etc.* » a num. 11 ad 30 recitatum, illud esse arbitratur, quod Justinianus contra illa tunc promulgavit. Verum card. Norisius in Dissert. de Synodo V, cap. 3, ex verbis in eo positis illud

post annum DL emissum esse ostendit. Scribit ibidem de Theodoro Mopsuesteno Justinianus: « *Deleverunt ipsi (scilicet clerici Mopsuestiae) ex illo a saeris Ecclesiae Diptychis ejus nomen, sicut gesta in eadem civitate apud Concilium episcoporum illius provinciae confeeta ostendunt* ». Hoc autem Concilium anno DL celebratum, et recitat in Synodo V, Act. v, ejusque initium est: « *Imperii divini et piissimi D. N. Fl. Justiniani perp. Aug. imperatoris. Anno XXIII post consul. Basilii V. C. anno IX; mensis Junii XVII instantis XIII Indict. in Mopsuestia colonia, etc.* » ubi loco, anno XXIII, legendum, anno XXIV, ut Balusius in nova Collect. Concil. pag. 1321, in veteribus libris haberi observat, et Indictio XIII cum mense Junio conjuncta ostendit. Ubi obiter observabis, instantem *Indict. XIII* idem esse ac præsentem, ut anno DCXXX fuse explicabo. Præterea Facundus lib. 4, cap. 4, scribit in illo Justiniani Edicto hæc inserta fuisse: « *Si quis dicit, hæc nos ad abolendos, aut excludendos sanctos Patres qui in Chalcedonensi fuere Concilio dixisse, anathema sit* ». Quæ sane verba in Edicto Justiniani a Baronio recitato non continentur: primum itaque Justiniani Edictum contra *Tria Capitula* ad nos non pervenit. In quo ea sita fuerint, exposui anno DXXXVIII, num. 20.

4. *Ecclesiam divisit.* — *Stephanus* diaconus Apostolice Sedis apocrisiarius, qui Pelagio successerat, Edicto subscribere notuit: ei tamen subscripsere tres patriarchæ licet nolentes, scilicet *Mennas* Constantinop. episcopus, *Petrus* Hierosolymitanus episc. et *Ephremius* episcopus Antiochenus. *Pelagius* diaconus, qui tunc Romæ versabatur, quique impugnator erat Origenistarum, adversus illud insurrexit, sicuti et episcopi Africani, ut fuse Baronius narrat a num. 43 ad 56.

5. *Emissum fuit anno DXLIV.* — A num. 56 ad 61. *Vigilius*, ac reliqui Occidentis episcopi Edictum contra *Tria Capitula* subscribere recusabant, arbitrati id absque gravi in Synodus Chalcedonensem injuria perfici nullo modo posse. Quare imperator curavit plena Synodo quæstionem in regia urbe discuti, utque illue patriarchas facilius pertraheret, *Acephalorum* sectæ ad Orthodoxam societatem re-

ducende studium prelexuit. *Vigilius* eliam ab imperatore ad Synodum vocalis fuit, qui lamen non recta Constantinopolim perrexit, sed in Siciliam profectus est, eo consilio ut ibidem Synodus cogere tur. De ejus in Sicilia mora haec scribit Procopius lib. 3 de Bell. Goth. cap. 6 loquens de gestis anno belli Gothicu xii vere in eunte iugis Christi anni inchoato : « Vigilius Romanus Pontifex Byzantium imperatoris accitu venit ex Sicilia, ubi jamdiu degenerat profectionis illius causa ». Vigilium anno superiori in Sicilia moralum fuisse, indeque naves onerarias frumento onuslas tunc Romani misisse, hujus anni initio ex codem Procopio ostendi. Peroram autem scribit Baronius eum hoc anno in Siciliam profectum esse, et naves illas misisse. *Vigilius* enim longo tempore in ea provincia man sisce, ostendunt legationes, quas ibidem exceptit. Africæ quippe, ac Sardinie episcopi eum per eratores rogarunt, ne novis Justiniani contra Tria Capitula decretilis acquiesceret, ut testatur Faenndus lib. 4, cap. 3 : « Quod Romana quoque universitas egredientem, quod venientem Africa, atque Sardinia, quanquam non per eas transierit, per ipsius tamen consiliarium publica cum contestatione pulsaverint, sicut Hellas, et Illyricus provinciae, per quas venit, ut nullatenus novitali, que facta est acquiesceret ». Quibus ex verbis eliam colligere est, Edictum contra Tria Capitula anno dcliv Constantinoli datum fuisse, et a Vigilio Romæ acceptum ; eum antequam Roma egredetur, eum Romani rogarerint, ne illi acquiesceret. Refert illum Faenndi locum Baronius num. 50, aliumque in eamdem rem ejusdem auctoris num. 47. Imo dum *Vigilius* adhuc Romæ esset, *Pelagius* et *Ferrandus* in Afica positum de questionibus consulunt, et a Ferrando post longam taciturnitatem responsum accepit. Quare *Vigilius* in Siciliam tardius profectus non est, quam sub finem anni dcliv. Diem discessus ejus ab Urbe nobis conservavit Anastasius.

6. *Vigilius a Justiniano Constantinopolim evocatur ut damnat Tria Capitula.* — Ad haec Victor Tununensis, qui hoc tempore vixit, recte ait : « Post consulatum Basili V. C. anno iv (qui secundum ejus suppunctandi modum est annus Christi dcliv), Justinianus imp. Acephalorum subrepliobus in-

sligatus Vigilium Romanum episcopum subtiliter compellit, ut ad urbem regiam properaret, et sub speciei congregacionis eorum, qui ab Ecclesia sunt societate divisi, Tria Capitula condemnaret ». Præterea Vigilius tradit, haec se ad Justinianum suo nomine per munitum deferenda dixisse : « Nos ad pietatem tuam festinantes ante septem annos de civitate nostra sic egressi sumus, ut nulla habemus privata negotia ». Data est haec Epistola nonnis Februario anni dclv, ut infra ostendetur. Parte altera clerici Italie in Epistola legatis Francorum, qui Constantinopolim proficiebantur, directa, inquit : « Veniens ibi (scil. Constantinopolin) ante sex annos istos beatissimus papa Vigilius, magis autem, ut quod verius est, dicatur, prope violenter deductus, cœperunt ibi ipsum exspectare, ut damnationem aliquorū Capitulorum faceret, per quam sancta Synodus modis omnibus solveretur ». Scripta autem ea Epistola anno dclv, et clerici illi loquuntur de Vigiliis ex Urbe Roma abiit, qui exente dclv conflit; quamvis Baronius eum hoc anno ex Urbe in Siciliam digressum esse tradat.

7. *Vigilius iter Constantinopolitanum invitatus suscepit.* — Quando clerici Italie scribunt, Vigilium prope violenter deductum, Anastasio non favent, qui ait eum captum esse Romæ, jussu Theodoræ Augnæ ab Anthemio Scribone, qui invenit eum in Ecclesia sanctæ Cæciliae, X kalend. Decemb. qui erat natalis ejus dies, sed Vigilium invitum illud iter suscepisse innuunt. Alia etiam fabulosa de Vigilio habet Anastasius, ut observavit Baronius num. 54. Profecto Justinianus, qui Vigilium in suam sententiam pertrahere solebat, eum indigne haberi mandare non potuerat. Scribit etiam Anastasius eum ingressum esse Constantinopolim in Vigilia Domini Nostri Jesu Christi, ubi si intelligat de Vigilia Nativitatis Domini, ut intelligere videtur, fallitur ; eum paulo antea dixerit, cum permissione facere ordinationem per mensem Decembrem, et postea Constantinopolim profectum relecta Sicilia. Non inde tamen sequitur, Anastasium eliam in die quo Vigilius Roma discessit, falsum esse ; cum ex ipsomet constet, Vigilius ordinationem in diem xxii Novemb. sanctæ Cæciliae sacrum incidisse (1).

8. *Moritur Ephremius Antiochenus.* — Ad

(1) Nuper opera Cl. Baluzii. Miscellan, tom. v, pag. 461, prodit scriptum quoddam continens integrum Confessionem fidei editam a Vigilio eodem tempore, quo et condemnationem Theodori pronuntiavit. Transmissam autem censeo ab eodem Vigilio ad clerum Romanum, ut de rebus a se gestis certiorum illum faceret. Eadem vero tradita ab eodem clero videtur legatis, quos enī alia Epistola a se scripta ad provinciales episcopos direxit, ut eruntur e verbis illis eidem Epistole præmissis, ut ipsas chartas in provincia vobiscum deferatis. Quae si vera sunt, cum in eadē narratione, Epistole præmissa, exprimunt fuga Vigili Chalcedonem, et injuria ab illo itidem perlatæ, ubi S. papa cresus est; jam constat legationem illam per quam clerus Romanus Epistola suam misit ad Gallos componendam esse non quidem cum anno dclv, ut contendit hic Pagius, sed cum anno dclv, ut vult Sirmondus, nam postremis anni dclv diebus Vigilius Chalcedonem fugit. Nec Pagii objecta contrarium plane evincunt, nam sexeniorum illud ab adventu Vigilius Constantinopolim, de quo in Epistola cleri Romani, duci commode potest ab ingressu Pontificis Constantinopolim; et anno dclv Anastasius biennium compleverat, et aliquot menses ex quo ab Aurelianensibus missus fuerat Constantinopolim; quapropter rectissime dici potest ante biennium missum fuisse.

Forte tamen in veteri illo fragmento duo simul, qua diverso tempore acciderunt, confusa sunt. Primo litteræ indicantur ejusdem Vigili, quibus damnavit Theodorum, et suspendit (Mennam), sed non adhuc eadem sententia publicata fuerat. Sed usque nunc non est proposita charta ipsa. Haec damnatio decreta ibidem legitur, ante sex menses, menses scilicet sex antequam publicaretur. Quorum forte mensum initium sumendum est ex die ix kal. Septembris (ita in eodem fragmento legitur, cum in sententia quae integra in collectione Conciliorum refertur sit xix kal. Septembris) Justiniani xxv, post consulatum Basili x. Haec forte litteræ missæ sunt primo a clero Romano ad Gallos anno eodem dclv. Deinde novas litteras a Vigilio accepérunt Romani, quibus certiores facti sunt de fuga Pontificis Chalcedonem, et de promulgatione sententiae in Mennam et Theodorum. Tunc demum in civitate regia, et in locis frequentioribus proposita est charta damnationis ejusdem Theodori, et excommunicationis episcoporum hinc errori consentientium. Haec enim omnia in eodem Baluziano monumento leguntur. Et haec pariter

num. 68 et seqq. Tam in Chronico Nicetophori, quam in Tabulis Theophanis *Ephremio* episcopo Antiocheno anni XVIII assignantur. Quare mors ejus retrahenda ad annum quingentesimum quadragesimum quintum, cum anno DXXXVII ad sedem illam erectus fuerit. Quam ob rem auctor Tabularum Theophani insertarum ad annum Incarnationis secundum Alex. DXXXVIII, qui kalendis Septemb. anni Christi DXLV inchoatur, initium *Domini* seu *Domini Ephremii* successoris accurate collocavit. Facundus lib. 4, cap. 4, de Zoilo Alexandrino episcopo hanc scribit: « Zoilus quoque Alexandrinæ urbis antistes, cum Romanum episcopum venire cognosceret, obvium illi ad Siciliam misit », presenti sc. anno. Quae cum Baronius Facundum scribere de Ephremio per inconsiderantiam existimat, ait illos, qui ante currentem annum *Ephremium* mortuum putarunt, errare; cum tamen, ut notat Emin. card. Norisius in Dissertatione laudata, quae Baronius num. 47 ex Facundo narrat, de Zoilo, non de Ephremio dieta sint. In Vita sancti Symonis junioris Stylitæ, quæ in Actis Bollandianis ad diem XXIV Maii legitur, num. 75 refertur, sanctum Symoneum Ephremii obitum prædictissime: « Deinde illucescente jam Veneris die convocavit denuo fratres, dixitque: Pontilex Dei hac nocte e vita migravit: vidi enim animam illius turba magna candidis vestita comitante, hæc transvolantem, salutantemque me, et memoriam sui apud Deum, ut facerem, præcipientem: commemorantemque qualiter erga me ac matrem meam fuerit affectus. Hisce de Pontifice fratribus a Symone prædictis, notarunt illi tempus, compereruntque hac ipsa nocte sanctum Ephremum decessisse ». Photius in Biblioth. Cod. CXXVIII varia exscribit ex Orationibus sancti Ephraemi Theopolitani patriarchæ, et Cod. CXXIX referit, quæ exscripsit ex libris quatuor ejusdem Ephremii de sacris Antiochiae libibus.

9. *Macarius fit episc. Hierosolymitanus*. — Victor Tunensis anno post consulatum Basillii IV, qui secundum ejus loquendi modum est annus Christi DXLIV, ait: « Hierosolymitanae Ecclesie præsulatum post Petrum Macarius suscepit ». Quare cum sedem inierit Petrus anno DXXIV, eique tam in Tabulis Theophanis, quam in Chronico Nicetophori anni viginti attribuantur, ultra illum Christi annum vitam non prorogavit. Cum autem ex Facundo lib. 4, cap. 4, constet, tam *Ephremium* Antiochenum, quam *Petrum* Hierosolymitanum edicto Justiniani contra Tria Capitula, licet invitatos, subscripsisse, ut videre est apud Baronium num. 48 et seqq., recte inde infert card. Norisius citatus, illud tardius quam anno DXLIV emissum non fuisse; quod et ex iis, quæ de anno discessus Vigilii a Romana Urbe hoc anno diximus, etiam manifestum redditur. Quare frustra Garnerius in Dissert. de V. Synodo

generali, cap. 3 contendit. Ediculum illud a Justiniano publicatum esse anno DXLV circa autumnun.

10. *Epochæ Conciliorum Herdensis et Valentini*. — Duo hoc anno Concilia in Hispaniis celebrata, quorum nulla in Annal. Ecclesiast. mentio; alterum *Herdæ*, quæ Tarraconensis provincie civitas; alterum *Valentiae*, quæ hodie regni Valentini caput et sedes archiepiscopal. Codex enim Ms. Conciliorum Hispanie Lucensis, qui alios omnes Bibliothecæ regis Catholicæ antiquitate superat, quique descriptus fuit, et Romanum missus, cum decreto Gratiani emendando Gregorius XIII Pontifex Rom. opera usus docfissimorum virorum, incumberet, id diserte testatur de Herdensi, ut nos docet Garsias Loaisa in Præfatione sua *Ioquens de Codicibus MSS. quibus fuit usus in editione Conciliorum Hisp.* ubi enim variis MSS. Codices habent, anno quinto decimo *Theudiredi regis*, sub die octavo mensis Augusti, vel *Theodorici regis*, in Luceensi legitur; anno quinto decimo *Theudis regis*, qui cum regnare cœperit in Hispania anno DXXXI, post diem quartum mensis Decembris, ut mox ostendimus, mense Auguslo currentis anni regni decimum quintum numerabat. Ad hæc Gaspar Esofianus in Historia civilatis et regni Valentianensis lingua Hispanica scripta lib. 2, cap. 9, notavit omnes antiquos Codices MSS. uno excepto Vigilano seu Alveldensi *Aera* MXIV, seu Christi CMLXXVI exarato habere utrumque Concilium *Aera* MXXXIV, qui Christi est DXLVI congregatum fuisse, et Vigilatum, qui habet *Aera* DXXXVII errorem exscriptoris prodere, et ex aliis corrigendum esse. Loco vero *Theudredi* vel *Theodorici*, legendum esse, *Theudis*, duratio utriusque regis demonstrat; cum *Theodoricus* *Aera* DEXIV, anno sc. Christi DXXVI obierit, et *Theudis* *Aera* DXXXIV, seu anno Christi DXLVI, annum regni decimum quintum numerarit. Imperiti itaque exscriptores, loco *Theudis*, posuere, *Theudredi*, et alii, *Theodorici*. Quare Em. card. de Aguirre, tom. II Concil. Hisp. pag. 282 et seqq. ac Nicolaus Antonius anno MDLXXXIV demortuus, tom. I Biblioth. Hispanæ veteris pag. 208, utrumque Concilium accurate usque ad hunc annum distuleri, quemadmodum etiam *Hieronymus Pujades* in Hist. Catalaniae lingua Hispana scripta, lib. 6, cap. 46, dum de Herdensi Concilio verba facit.

11. *Opiniones contrarie refelluntur*. — Librariorum errores auxere, qui de utroque Concilio egere; et numeros recte ab eisdem descriplos corrupere. Vasæus enim ait, anno DXXV, *Theodorici junioris* xv, congregatum esse *Concilium Herdense*; Binius vero et Labbeus anno Christi DXXIV, quo supponunt Theodoricum annum regni xv numerasse; et denique Onuphrius in Chron. *Herdeuse* anno Christi DV, et *Valentinum* anno Christi DVII

Epistola altero a priori, anno nempe DLII Roma in Galliam missa fuit. Ex his intelligimus vanam esse Norisii, quam Pagius adoptavit conjecturam, ministrum sententiam damnationis in Theodorum vulgatam a Vigilio non fuisse. Facile tamen suppressa suspensio Menno credi potest, nihil enim de promulgatione sententia in illum hic dicatur.

affigit, et quia in Codicem mendosum inciderat, Concilium Herdense *Flerdense* vocat; nec ullus ex illis annum *Ærae Hispanieæ LXXXIV*, qui tamen solus temporis character certo difficultatem dirimere potest, memoravit; quia *Æram* mendose a librariis descriptam fuisse autumarunt. Onuphrius annum Christi **DVII** et sequentem elegit, quia putavit in Actis utriusque Concilii, annum **xv** Theodorici regis proficisci a regno ejus Italico an. **CXCVI** inchoato, licet certum sit, *Theodosicum* annos regni sui Hispanie ab anno **DXI** repetuisse. Binus denique et Labbeus annum **illum XV** Theodorici ab anno Christi **DX** deducunt, et ex hujusmodi numerorum depravationibus ac Theodorici nomine, annum *Ærae* corrigendum esse aut abjecendum intulere. Quæ depravationes, falsæque interpretationes, ne imposterum doctorum virorum ingenia torquere

pergant, in prima quæ fiet Conciliorum editione annus *Ærae DLXXXIV*, cum nomine regis *Theudis* in textu exprimendus erit; cum revera annus *Ærae* in antiquis MSS. compareat, et ex eo nominis regis correctio, certa et indubitate reddatur. In utroque Concilio egregia decreta ad restituendam disciplinam Ecclesiasticam condita, sed in Herdensi canones sexdecim a novem episcopis, et in Valentino Canones tantum sex a sex episcopis sanciti. Cum vero Concilium Valentinum *sub die II nonas Decembris*, seu die quarta ejusdem mensis, anno Theudis regis **XV** coactum fuerit, necessario sequitur, *Theudim* anno **DXXXI**, post diem **IV** mensis Decemb. regnum iniisse, ad quod nullus haecenus annuum advertit.

Ob Quadragesime prorogationem Constantiopolis tumultuatum, ut anno superiori videre est,

1. *In Urbis obsidione legatio Pelagii diaconi ad Totilom, qui Isidororum proditione tandem Romanam ingreditur, fame et squalore enectam.* — Qui sequitur post Basilius consulatum annus sextus, idem numeratur Domini quingentesimus quadragesimus septimus, qui et a Procopio ponitur belli Gothicæ annus duodecimus: quo, cum obsessa anno superiori Roma a Totila gravi premeretur inedia, ad eam levandam incubuit opera Pelagii diaconi sanctæ Romanæ Ecclesiæ: cuius res gestas cum Totila hoc ipso anno duodecimo belli Gothicæ, simul et cladem Urbis sic idem describit Procopius¹: « Erat, inquit, tune forte inter Romanos et sacros viros Pelagius quidam diaconus, qui diu Byzantii commoratus, maximum sibi eum imperatore conciliaverat amicitiam. Unde et pecuniarum vi maxima circumfultus. Romanum se parvo ante quam obsideretur, contulerat. In eaque deinde obsidione necessariis indigentibus ejus pecuniae partem largiter impartitus, cum vel antehac esset inter Italos omnes vir probus, maiorem uti par erat) charitatis et in proximos quosque benevolentiae gloriam retulit. Hunc igitur, cum præ fame indigna quedam Romani et difficillima

paterentur, facile suadent, conventum ut Totilam precaretur, paucorum sibi dierum inducias his conditionibus daret: ut si intra constitutum inter se tempus nemo sibi suspectias ex Byzantio venerit, sine mora, se ipsi Urbemque Barbaris proderent. His cum mandatis ubi populi ad Totilam Pelagius venit, et ab eo est perbenigne susceptus, prior Totilas sic exorsus est:

2. « Constat sane apud Barbaros omnes, id lege cantum esse, oratores ut hi plurimum colant et reverantur. Mibi vero, qui virtutis sibi aliquid compararunt, qualis es tu, honorem deferre simul et reverentiam jampridem studium fuit. Sed oratoribus delatos honores, sive illatam his ignominiam, non personarum manusuetudine, sive verborum tumiditate et elegantia discerni reor: sed cum vera quedam fatentur, vel non sanis admodum verbis utuntur. Oratori illi itaque honor deferri maxime solet, qui veritate mox patetfacta, ad suos dimittitur: sed is ignominia præ ceteris affici, qui ubi commentitia quedam et subdola fecerit verba, ad suos mox redeat. Cætera quidem, Pelagi, quæ a nobis petieris, facile consequeris. tribus duntaxat exceptis; et ubi hec caveris, ut plane subjicias magis expediens: ne forte maximam ipse causam præ-

¹ Procep. de bello Goth. I. iii.

beas, quo minus eorum vel peragas, quorum ob gratiam hue advenisti, vel nos forte ex re infecta incuses. Petere namque que præsentibus hand quaquam rebus convenient, plurimum proculdu- bio facit, nemo pro votis ut quippam consequatur.

3. « His autem sic interdice, ne quoquam pacto pro Siculis, vel Urbis mœnibus hisce, vel transfugis servis verba nunc facias : quandoquidem fieri non potest, ut aut Gothorum opera uti pro Siculis queas; aut murus ut iste Urbis integer maneat ; vel servi ipsi, qui nobiscum nunc militant, suis quoniam de cætero dominis serviant. Verum ne videantur haec inconsiderata quadam per nos prætendi sententia, et causas ipsas explicaturi mox sumus. Fuit olim Sicilia insula et priscis quidem temporibus pecuniarum ut Felix proventu, ita et eujusvis generis frugum in ea nascentium cæleris terris fo- cunditate præstantior ; atque ut non solum haec incolis suppeditant, sed vel vobis Romanis itidem ad vitam siut necessaria per annos singulos exportantibus satis. Unde tunc primum Romani Theodori- cum deprecabantur, ne ea in insula majus aliquod Gothorum præsidium collocaret, ne ea res forte ad cæteras prosperitates eorum libertatem interpella- ret. His ita peractis, hostium exercitus in Siciliam invigavit, qui ferme nec hominum multitudine, nec re alia nulla nobis essent in bello pares. Siculi vero, visa hostium classe, non ad Gothos quicquam denuntiare, nec se continere munitionibus, nec hostibus saltem censere utcumque occursandum tune esse, sed promptissime patefactis tunc urbium portis, supinis hostium exercitum manibus exce- perunt ; et haud seus egere, ac infidissima servitia solent, quæ diutius in carecere asservata, dum dominorum volunt manus effugere, in novos quosdam et alienigenas statim incident. Ea itaque ex insula hostes, ut e loco nunitio impetu facto, omni Italiae ora sine ullo potiti negotio sunt, quin etiam vel Urbem hanc Romanam cepere, ac tantum inde frumenti numerum importarunt, ut vel obsessi in anni spatium queant Romani obsistere. De Siculis hactenus, quibus per Gothos ut venia detur, fieri nullo modo jam poterit, criminum magnitudine misericordiam ab his adimente qui affecti injuria sunt.

4. « Nunc vero intra hos muros hostes se exer- cendo, in campum quidem descendere, et nobis- cum aie decertare minime censem : dolis vero et deceptiunculis continent et per singulos dies nos oppugnando, injuste quidem nostris his rebus et plane absurdius nunc potiuntur. Ne itaque iterato haec eadem patiamur, providendum jam dueimus. Qui enim præ ignoranza semel circumventi falluntur, si rursus in infortunium recidant, quia minus pericitando prævideant, consuetam sibi calamita- tem, haudquaquam ex adversante fortuna id fieri videbitur, sed quia se deliquisse plane ignorent : vel illud quidem adjecerit quisquam, et vobis omnibus maxime profuturum, ut Urbis haec memoria solo æquentur ; ne cum aliis, et ipsi demum coer-

citi, vel ab insultantibus hostibus circumvallati, sed malis exclusi alieno periculo, nec ullo vestro discribimine victoribus futuri sitis in præmium. De servis vero, qui ultro ad nos concesserunt, dicturi haec sumus. Si enim qui nobiscum fuere in hostem instructi, et a nobis deinde fidem nostra ex confes- sione acceperunt, ne se unquam veteribus dominis utcumque restituamus, vestras in manus dedecatos esse nunc censuerimus : profecto nec vobis quidem traditam fidem servaturi quandoque essemus. Non enim qui vel cum omnium miserium pactiones factas neglexerit, erga alium quempiam firmorem præ se ferre animum quiverit ; quin potius veluti absurdioris naturæ indicium, ad omnes qui secum versantur, circumferre perfidiam videtur. Haec To- tilas.

5. « Pelagius vero ita respondit : Summum tibi, vir strenue, in dicendo studium fuit, me sim- mul et oratoris nomen extollere, etsi alias in sordidissima statuisti nos sorte. Virum namque amicum et oratorem non solum eum affecisse contumelia duxerim, qui vel caput illi percusserit, vel alio quovis in hunc desæviat modo, sed vel qui re in- ffecta dimiserit ad se delegatum. Non enim homines oratoris munere idcirco funguntur, ut honorem ab his consequantur, qui suscepunt se sint ; sed quod usui Reipublicæ in posterum sit peragendo, ad eos qui se legaverint, mox redeant. Sic igitur velut af- fectis injuria longe magis conduceat eorum aliquid effecisse, quorum ob causam venerint, quam prin- cipium verbis benignioribus auditis, nihil pro spe consecutos ad suos redire. Deprecor autem, haud-quaquam sat scirem, quæcumque præfatus nunc es. Cur enim quisquam ei molestum se prebeat, qui antequam postulatis respondeat, conventiones facturum se neget ? Sed illud quidem minime sub- ticebo, quod præ te facile feras, quantum erga Ro- manos, qui in te arma suscepint, ostensurus be- nignitatis et benevolentie sis, qui in Siculos nil tibi adversatos immortale quoddam decernas effundere odium. Sed ipse, mea ad te omissa legatione, ad Denii hanc transferam, qui suppliium contem- ptores odisse solet. His Pelagius dictis, abscessit.

6. « Quem Romani ubi re infecta ad se redeun- tem videre, eo aerius animo conflictari, quo et fa- mes quotidie invadescendo, insanabiliter eos affice- ret. Militibus vero nondum necessaria deerant, sed se adhuc sustinebant. Unde Romani Græcis im- mixti, exercituum præfectos Bessam et Cononem adeentes, lacrymabundi et multo cum gemitu pro- fati hujusmodi sunt : Talem vobis præsentem esse fortunam spectamus, ut si vel impium aliquod ad- versum vos facimus patrassemus, haudquaquam posset id merito nobis in crimen adscribi : necessi- tatis siquidem magnitudo excusationis in se pluri- um habet. Nume vero cum nobis ipsis ad opitu- landum nil quicquam sit virium, verbis ostensuri calamitatem ipsam, hanc deploratum nunc ad vos venimus. Sed benignè que dicturi nos sumus au- diatis, precamur ; nec ultra dicendi audacia obtur-

bari vos volumus, sed malorum ex ea pensitare nunc magnitudinem. Nam qui de salute cogit desperare, nec opere quidem nec verbis decorum servare de cætero poterit. Nos vero, o principes, nec Romanos quidem, nec vobis consanguineos duces, nec eorumdem vel morum vel legum socios esse, sed perinde rebelles, et qui imperatoris non ultro intra Urbem exercitum exceperimus, sed hostes potius ipsos, in vos armis desumptis. Nunc vero veluti aeie vieti, captisque bello, vobis in servitatem ex lege cedentibus, date vestris mancipiis alimenta, non ad necessitudinem suffictura, sed quæ ad tenuem saltem vitam ducendam sint satis : ut et nos superstites facti, vobis contra subministremus, quacumque dominis servi par est ut ministrent. Quod si id vobis non facile placet, sed dignum duxeritis sine ulla ope missos nos facere; id lueri estis denique habituri, quod in servorum nihil operæ insudabitis sepulturam. Et si ne id quidem de vobis sperandum relinquitur, saltem nos obtinuate, nec morte honesta nunc fraudetis, nec vita exitum nobis invidetis omnium proculdubio suavissimum; sed uno facinore infinitis Romanos liberate difficultatibus ». Ilactenus ad præfectos militum Romani. Pergit vero Procopius :

7. « Præfecti itaque, his auditis, commeatus Romanis quos tribuant, nullos in præsentia esse respondent : ipsos vero necare, impium ducere, nec plane sine discriminé fore, si sic relinquuntur : Belisarium tamen et ex Byzantio transmissos exercitus identidem affirmare affuturos prope diem esse. Denique his verbis Romanos solati dimittunt. Fames interea invalescendo in immensum cum acrevisset, maximum in malum evasit, ut quæ ciborum absurdiora quædam suggereret genera et naturæ exceedentia terminos. Sed Bessas, Cononque ut Urbis præfecti custodie, frumenti maximum numerum intra menia sibi reconditum, sua necessitate militibus fraudatis, Romanorum primoribus et his quidem divitibus ingenti pecunia venditabant : medimni siquidem (quod utique mensure est genus) aurei septem pretium erat. Sed quibus non erant tantæ domesticæ facultates, cibos tam delicatos ut possent, et tanti opulentiorum more absumere, ejus pretii parte quarta depensa, furfure medium complentes, pane inde sordidiore confecto divescebantur, id cibi genus necessitate ipsa suavissimum faciente.

8. « Bessas porro et ejus armigeri, qui bovem haberent venalem, anreis quinquaginta vendebant. Ex Romanis vero cui vel equus forte obiisset, vel istiusmodi aliquid demortuum erat et putidum, inter felicissimos habebatur, quia mortui animalis carnibus vesci posset. Cætera hominum turba urticæ dunitaxat edebat, quales circa Urbis pomœrium et locis incolitoribus passim et afflatim nascentur : quas tamen decoctas, ne vel sapore vel innatis offendenter aculeis, esitabat. Quandiu itaque fuit Romanis nummus, frumentum (ut dictum est) et furfures comedebant : verum ubi de-

mum is defuit, domesticam supellectilem omnem in forum inferre, et pro diurno hanc victu in eorum commutare jaeturam : sed ubi frumenti militibus nihil reliquum fuit quod impertiri Romanis possent, ad urlas universi jam circumspicere. Quibus deficientibus, cum earum non magna his copia esset, atque adeo ad saturitatem non omnes haberent, corpore extenuari denique cœperunt ; colorque cum in pallorem se pauplatim et livorem convertisset, simillimi idolis videbantur : plerique vero vel incedentes, vel dentibus adhuc ipsis urticæ mandentibus, de improviso exanimati eadebant.

9. « Jamque vel purgamentis in cibum et scleroribus utebantur : nonnulli etiam fame nimia prægravati manus sibi met inferebant, cum nec canes quidem, nec mures de cætero invenirent, nec aliud usquam demortuum animal, quibus uti in cibum possent. Erat inter cæteros Romanos vir quidam liberorum quinque factus jam pater : hunc filii omnes circumstebant,prehensandoque, ut assolent, cibum sibi efflagitabant. Tum ille nec ingemiscens quidem, nec ullo edito perturbationis indicio, sed fortissime dolore dissimulato, filios jussit se subsequi, et cibum mox accepturos. Ubi vero supra Tiberis pontem pervenit, capite obvato, velatisque oculis, in Tiberis aquas confessim exilivit, spectantibus filiis, Romanisque cæteris qui ea tune lorte e regione constiterant ». Ilæc de fame. Ad postremum vero cum copiae missæ Constantiopolis ab imperatore variis in via bellis detentæ et a Gothis interea profligate essent : milites Romæ degentes obsessi, clam prodendi Urbem Gothis consilium inicere. Hi tuerunt Isauri, de quibus ista Procopius¹ :

10. « Cum itaque perpauci (ut diximus) admundum ad murorum custodiæ relinquenterit, et hi quidem jam fame confecti : quaterni custodes quidam et Isauri genere ad portam Asinariam custodias nocti, nocte concubia observata, qua cæteros somnus oppresserat, demissa e pinnis ad terram reste, et ea se demittentes, Totila inde adito, excepturos se Gothorum intra Urbem exercitum pollicentur, idque se nullo negotio facturos affirmant. Tum Totilas gratias illis se redditurum ingentes professus, pecuniaque donaturum non parva, si ea quæ obtulissent, peragerent : datos quosdam suis e satellitibus cum his statim dimittit, locum contemplaturos, unde hi aditum affirmassent suis in Urbem fore. Qui ubi ad muros venere, reste comprehensa, in propugnacula ipsa, nullo interpellante, evadunt. Quo ubi est ventum, Isauri Barbaris omnia ostentare, et nihil omnino edicere impedimenti uspiam fore volentibus muros concendere, et item licentiae plurimum, ubi jam concendissent, quia nemo obsisteret. Proinde Goths jussi Totilæ cuncta renuntiare quæ viderant, eodem quo prius ascenderant, tunc, protinus dimittuntur.

¹ Procop. de bello Goth. I. iii.

41. « Quorum relatu omnibus Totilas cognitis, elsi eo fuisse ex nuntio laetitia non mediori affectus, suspicione tamen propter Isauros captus, haud dum contidendum his nimium esse censebat. Non nullos inde post dies ad Totilam Isaure iudei venere ad id facinus hortaturi : tum ille alios duos cum his rursum ire mox jussit, ut et ipsi diligentius omnibus et accurate pervestigatis, visa renuntiarent. Qui utique non longe post ad Totilam revertentes, priorum simillima referunt omnia. Interea vero Romani milites nulli exploratum quid hostes agerent missi, non procul ab Urbe Gothis decem occurruunt iter ea habentibus : quos statim comprehensos ad Bessam deducunt. Seicentantique Bessae, quidnam Totilas animo agitaret : Gothi respondent, eum sperare Isauros quosdam ejus in potestatem Urbem datus : iam enim ad Barbaros ut certior rumor is emanarat. Sed nihilominus Bessas et Conon Urbis tunc praesides, his auditis, negligenter se (ut cooperant) gerere, nec aliquam tante rei rationem habere. Unde factum, ut tertio demum Isaure Totilas cum in conspectum venissent, ad aggrediendum id facinus incitarent. Tum ille alios quosdam cum Isauris mittit, cum hisque et sanguine quemdam sibi propinquorem. Ille vero ad Totilam paulo post redeuntes, ad rem peragendam confirmant.

42. « Qui omnium certior factus primis tenebris, universo armis instructo exercitu, ad portam Asinariam duxit, quaternosque inde e Gothis prævalidos viros, Isauris ducibus, per funem jubet in muros evadere. Qui noete statim eadem qua et Isauris ipsis obvenerat per vices custodia, dormientibus caeteris, ad fores Asinarias aperiendas descendunt, præcisaque lignea securibus obice, refractisque ferreis claustris, Gothis aditum patetacunt, et patentibus portis cum universo exercitu Totilam intra Urbem ad hostium arbitrium recipiunt. Sed ipse ubi intro est itum, unum in locum copias omnes coegit, nec abire diversim permisit, hostium insidias veritus. Verum ubi (uti par erat) tumultuantur, et perturbatio inde et timor, ut in capta Urbe, Romanos invaserant ; militum Romanorum pars maxima cum ducibus ipsis, ut facile cuique fugam capessunt. Patei quidam Romanis cum civibus se immiscentes, in templo perfugium habuere. Soli omnium ex patriciis viris Decius et Basilius cum aliis nomnillis, cum præparatos ad id equos haberent, cum Bessa fugere potuerunt. Sed Maximus Otybrinsque et cum his simul Orestes et alii quidam in Petri Apostoli ædem se fuga recipiunt. Constat sane e plebe tunc homines ad quingentos in Urbe resides per id tempus fuisse, qui in diورum se tempora receperant ; caeteri omnes jam ex Urbe excesserant, et in alias se contulerant terras, vel (ut suprajam diximus) Iue absulti perierant.

43. « Multi interea et noctu quidem de Bessa et hostium discessione Totilam fecerant certiorem : quo affirmante pergratam illos sibi rem mutiare, neminem tamen suorum fugientium insistere vesti-

giis sivit; nihil esse homini suavius dictitando, quam terga sibi ut hostes darent. Verum ubi primum illuxit, nee ulla ad insidias relinquebatur suscipio, Totilas ipse orandi gratia Petri Apostoli templum ingreditur ; sed Gothi interea quos obvios habent, obtruncant. Unde hoc pacto ex militibus quidem desiderati virginis duntaxat sunt, sexaginta e plebe homines. Ineunt itaque id Totilæ templum, Petagius ipse sese obviam offert, Christi in manibus Evangelia gestans, supplexque omnibus factus, et genu procumbens : Parce, inquit, o princeps, tuis. Tum ille arridens, et sane profusus, ita profatus est : Nunc mihi supplicatus advenistis, Pelagi ? Ita quidem, respondit, quandoquidem tuum me servum effecit Deus. Sed ab his jam abstine manus, qui tibi in servitatem cessere. His itaque virtus precibus Totilas, Gothis militibus edicto mox imperat, Romanorum de cætero ut neminem obtruncarent, et ei in primis pretiosissima quæque delecta servarent, caetera sibi haberent in prædam. Quam multa in patriciorum ædibus inventa fuere, sed omnium maxima extitere quæ Bessas reliquerat, ut qui velut omnium perditissimus homo infaustum illud divenditi frumenti pretium Totilæ ad cæteram prædam accumulasset. Sic itaque eum Romanis et patriciis viris tunc aculum.

44. « Unde vel Rusticianæ Boetii quondam uxori et Symmachii filiæ id reliquum fuit ad vitam, et miseriarum ad eumulum, ut ab hostibus panem vel necessarium aliud quicquam emendicando deponceret, quæ facultates antehac suas egentibus impertisset ; et servibus ipsa rusticanaisque indumentis amiciretur. Hanc secus et Romanorum priores, amissis prorsus fortune bonis, domos circumeundo, foresque oppulsando, cibum dari sibi suppliciter preeabantur, nil prorsus his ignominiae ea re atferente. Sed Gothi in Rusticianæ mortem jam conspiraverant, ejus hanc noxæ insimulantes, quod tradita Romani exercitus ducibus non parva pecunia, Theodorici statuas disturbasset, in Symmachii patris virique vindictam. Totilas tamen nulla hanc affici jactura permisit, sed eam ac cæteras feminas omnes, ut extra injuriam essent, servavit, vel Gothis has sibi maxime cupientibus conjugio jungi. Quocirca factum, ut nulla ex his sit per Barbaros vitiata ; qua ille ex re maximam relulit continentia laudem ».

45. Quod autem ad Rusticianam pertinet, de qua agit, Symmachii filiam, uxoremque Boetii : plures ejus nominis ejusdemque generis reperiri est feminas : prima illa habetur uxor Symmachii senioris, quan viro suo doctissimo tenuisse candelaum et candelabrum, Sidonius scribens¹ ad Hesperium tradit : alia vero, de qua est sermo, Symmachii junioris filia, conjuxque Boetii : rursum etiam alia Rusticana, quæ ex Urbe migravit Constantinopolim, clarissima femina, ad quam extant complures S. Gregorii papæ Epistolæ date, cum Pentifex esset ;

¹ Sidon. l. II. Ep. x.

unde diversam ab hac ipsam existimare licet : etenim quae aetate senescens erat cum occisus est vir ejus a Theodorico anno Domini quingentesimo vicesimo sexto , ut pervenerit ad annum Domini sexcentesimum, quando ad illam scribepat Gregorius, nequaquam persuaderi facile potest; fuisse tamen ejusdem familie, ex Epistola ipsa Gregorii¹ ad eam scripta sub Indictione quartâ, facile quis intelliget. Sed ad res Totilæ redeamus, de quo ista Procopius subdit :

46. « Postero autem die Gothis omnibus Totilas ad se convocatis, verba huiusmodi fecit : Non equidem novum aliquod vel vobis incognitum monendi genus in praesenti facturus, o viri commilitones, hue vos convocavi, sed eadem illa vel nunc disserturus, quæ apud vos antehac sepe disserui. Vobissem vero, quia ea ex me accepistis, actum quam optime est. Non igitur ita commonefactis insegniliem est relabendum : nam et verborum, quæ ad felicitatem tradueunt, nulla esse mortalibus saetas debet, vel si quos forte inscitia opprimat rationis : quandoquidem eorum nullo sunt paeti, quæ probe dicuntur, beneficia resuenda. Quorsum haec? Fuere quandam et Gothis militum millia centum bellicosissimorum in unum tunc coenitium, qui utique maximum in modum ad gloriam opibus utebantur: et equorum armorumque summa his copia suppeditabat, veteranorum praeterea et prudentissimorum vis ingens, qui sane ipsis in certaminibus constituti nostris rebus conducere plurimum videbantur : et alioqui a Graecorum militum millibus septem hi omnes devicti, imperio primum fuere, deinde et ceteris rebus privati.

17. « Nunc vero nos qui reliqui sumus, et tanla præsertim paucitate, nudi quidem et plane calamitosi et ignavissimi omnium, hostium ultra viginti millia vicimus, et summatis ut dicam, quæ gesta fuere, ejusmodi sunt, ut credi vix possint. Causas vero cur haec ita nobis contigerint, statim aperiam. Gothi tunc primum pœ caeteris omnibus aquitatem post habita, ut inter se invicem, ita et in Romanos tunc subditos indigna quedam patrabant : quibus (uti par erat) permotus et ira succensus Deus, pro hostibus et contra nos depugnabat. Quo factum, ut etsi multitudine ac virtute, ceteroque bellî apparatu hostibus essemus maximo intervallo superiores, vi quadam tamen occultiore ac plane divina devicti nos simus. Vestra itaque interesse jam reor, quæ rectiora sunt ut servetis, id est, ut aequitatem de cetero tueamini : nam hanc perversitibus vobis, vel divina quidem subsidia infestiora mox erunt. Non enim Deus sine illo delectu vel temere humano generi, vel private cuiquam rationi terre præsidium consuevit; sed his quam maxime favet, apud quos æquitalis ratio habeatur : et illi quidem hancquam difficile est ad alios bona transferre, ut qui rerum omnium habeat potestatem. Illud itaque vobis pernecessarium fore

asseveraverim, justitiam, ut invicem et in subditos quosque servetis, hoc est, ut perpetuam vobis adipiscamini felicitatem ».

18. Ita quidem Totilas apud suos egregie philosophatus, ex justitiae cultu a Deo rependi victoriæ docuit. Quod adeo verum est, ut etiam a parte adversa stet pietas veraque religio, nihil ob id erga illos propensior sit divina clementia, si peccata reliqua adsint; imo magis in eos vindictam exerceat, qui, cum confiteantur se nosse Deum, factis tamen negant, deterioraque intidelibus scelera patrant. In quam sententiam Apostolus¹, præco cœlestis edicti, ista proclamat : « Ira et indignatio omni animæ operanti malum, Judeo primum et Graeco ». Quid Judeo primum et Graeco, nisi quod prius ad supplcium advocatur, qui acerius deliquisse noscatur? Sed et sententia Domini² gravioris est culpæ rens qui seit voluntatem Domini et non facit, utpote qui nullis pre aliis sit afficiendus plagi. Adeo ut ex his cogatur Deus (si ita dicere licet) adversus nequissimos Christianos favere Gentilibus, et ad plectenda Catholicorum facinora interdum propilio vullu ad castra respicere Ethnicorum, et iis uti ad puniendo illos nefandorum criminum reos : quod in Propheta contestatus esse videtur, ubi ait³ : « Virga furoris mei, Assur », nempe ad intelligenda Judæis verbera, quorum promissiones, adoptio, legislatio, et vera religio erat : ut ad corrigendos improbos filios alioqui dilectos, cogatur adhibere sibi odibiles servos, juxta quod ingemiscat amans Pater, et dicat⁴: « Heu! consolabor super hostibus meis ». Sed ad Totilam revertamur, de quo subjicit ista Procopius :

19. « Totilas enim apud Gothos disseruisset, senatorii ordinis ex Urbe viris ad se postmodum convocatis pleraque reprobrando, indignandoque objicere, et illud in primis quod per Theodoricum quam multis affecti sint beneficiis, quodque in omnibus semper constituti urbanis sint per eum antehac magistratibus, et Rempublicam ipsi ejus permisso administraverunt, et ingentibus praeterea fuerint immitti divitiis : et alioquin in beneficos Gothos ingratissimos se præstitissent, in quorum jacturam ad deflectionem respexerint, ac Graeculos simul invexerint in patriam homines, suimet proditores tam subito indecenterque facti. Sciscitari deinde, num ipsi a Gothis mali jam essent quicquam perpessi; effarique mox cogere, num boni adhuc quippiam sibi a Justiniano obvenerit : et singula deinceps enumerare, quemadmodum omnibus fere magistratibus sint per eum privati; quod ab exactoribus sepe antehac vapulaverint; quod denum coacti sint animum ad ea intendere, quæ adversus Gothos gessissent, belloque pressi publica non minus tributa Graecis dependere, ac si pacifici essent : et alia pleraque his dictis adjecit, quæ domini solent infensores subditis reprobrare ». Et fortasse illa non tacuit, quæ primum omnium fuerant

¹ Greg. l. ix. Ep. iii.

² Rom. ii. — ³ Luc. xii. — ⁴ Isai. x. — ⁵ Isai. i.

inculcanda, nimis rursum sub Catholico ipsum impetrato adeo ignominiose habitum Romanum Pontificem Silverium, ut ab Urbe sub falso praetextu quod Gothis faveret, ignominiose avulsus, fuerit deportatus in Graeciam, atque relegatus tandem in insulam, ita fame confici perireque coactus sit : quodque nihil magis euræ Græcis esset, quam primam Sedem deprimere, cui se subesse molestissime ferrent. Sed quæ de Petagio Romanae Ecclesiæ diacono, ejus nuper mentio facta est, his addat Procopius, videamus : ait enim :

20. *Legationem Totila ad Justinianum Belisarius excipit, qui Urbem, a Totilæ demolitione serratam, victor ingreditur.* — « Pelagius vero pro viris sotibus ita et infelibus supplex Totilæ factus, non prius precari hunc desiit, quam ille clementiorem in omnes se fore pollicitus, Romanos dimisit. His ita peractis, Pelagium Totilas et ex Urbis rectoribus præcipuum unum Theodorum nomine ad Justinianum imperatorem legavit, arctius jure jurando adactos, suas ut partes amice ac benevolè tuerentur, et in Italiam redditum accelerarent. His deinde injunxit, totis ut viribus interentur pacem sibi cum imperatore et amicitiam conciliare : ne postmodum cogeretur, si paece infecta redirent, Romanum ad solum dirnere, imperfectisque patriis viris, in Illyrios bellum transferre : litterasque Justiniano conscripsit ». Quæ sic se habent :

21. « Que in Urbe Roma ad hanc diem conterint, cum te fuisse edoctum jam putem, silentio prætereunda videntur. Ea vero, quorum de causa ad te oratores hos miserim statim intelliges. Bona pacis tute ut deligas, nobisque tradas, in primis deposeimus. Quorum ipsi monumenta quam optima et simul exempla Anastasium et Theodoricum habemus, qui paulo ante regnarunt, paceque et ceteris bonis sua tempora complevere. Si igitur haec tibi placita erunt, merito mens pater vocabere, et belli nos socios in quoscumque libitum fuerit, habebis ». Haec Totilas ad Justinianum Augustum. Subdit vero Procopius :

22. « His cognitis imperator mandatis, et oratoribus auditis, hos statim responso dato dimisit; Totileque rescripsit, Belisarium se bellicis rebus præfecisse, et liberam habere hunc potestatem quæ ad Totilam pertinent pertractandi ». His exacerbatus Totilas, cum ab obliterata pace se videret excludi, in Lucania accepta interim elade, quomodo Urbem delere penitus meditatus sit, Procopius ita narrat : « Quibus cognitis Totilas rebus, Romanum in primis ad solum prosternere decernit, et majore exercitus parte ibidem relecta, cum reliqua adversus Joannem in Lucanos contendere. Sed muri tantum et diversis in locis hic diruit, quantum totius partem esse hanc tertiam conjectura quis consequi poterat ». Adhuc est visere ejusmodi Totile ruinam in mœniis a Belisario fabricatis diversis in locis solo prostratis, sed postea opere subitaneo haud eadem pulchritudine hoc anno a Belisario restitutis. Sed pergit Procopius : « Pulchriora præterea, magnitudi-

centioraque absumere incendio ædificia animo inerat, et Urbum Romanum in ovum pascua idoneam reddere. Quibus de rebus Belisarius certior factus, multos simul et litteras ad Totilam misit. Qui nbi illi in conspectum venere, et sui adventus causam explicarunt, litteras reddidere in hanc sententiam scriptas :

23. « Ad urbium ornamenta, ædificia, quæ autæ nulla fuissent, construere, sapientum ferme viorum inventiones fuere, et civiliter vivere percallentium : quæ vero ad pulchritudinem extant, delere, insipientium procudublio est, et quos minime pudet in snæ malignioris naturæ argumentum monumenta posteritati relinquere. Roma quidem civitatum omnium quæ sub sole nunc sunt maxima et magnificentissima esse facile affirmatur : non enim est viri unius virtute constructa; nec brevi quadam temporum spatio in tantam hæc magnitudinem et decorem evasit : sed imperatorum multitudo et maximi summorum virorum cœlus temporis diuturnitas ipsa, divitiarumque et potentiae magnitudo, ut cætera omnia, ita ex universo terrarum orbe cogere hunc in locum opifices potuere ; qui Urbem hanc tam tantamque paulatim ædificando, omnium monumenta virtutum posteris proderent. Fit itaque, ut his illata vis jure appareat totius saeculi sempiternam mortalibus ad injuriam cedens, quandoquidem progenitoribus ipsis virtutis memoria demeretur, posteris vero operum tantorum spectaculum.

24. « His itaque se ita habentibus, recte velim intelligas, e duobus alterum necessarium fore : aut enim hoc bello victus ipse succumbes; aut, si ita forte couligerit, nos superabis. Quod si viceris et Romanum demolieris, non alterius Urbem sed tuam delebis ; quam si servaveris, ex possessione cælerarum omnium præstantissima opulentior fies. Si vero ad tuam deteriorem fortunam res nobis successerint; Roma incolumi servata, gratia tibi apud vietorem conciliabitur et non mediocris : qua per te tum forte deleta, nullus tibi de cætero relinquetur ad humanitatem consequendam et clementiam locus ; nec facti nullus erit apud te usus, et existimationem apud omnes homines ipso facto dignam mereberis : nam qualia principum opera fuerint, tale necesse est ex iis etiam nomen ferant ». Haecenius Belisarii ad Totilam litteræ : « Quibus (inquit Procopius), Totilas saepè perlectis, et ut bene momentibus magni factis, suasus demum, Urbem inoffensam servavit et integrum, deque ejus in hanc voluntate certiore per oratores Belisarium fecit ».

25. Sed quis aumi hujus rerum Urbis finis? Cum igitur eo consilio usus esset, ut mœnium parte eam Totilas spoliaret, ne universum exercitum coegeretur ad præsidium Urbis relinquere, si eam defendere vellet, sicutque destituta remanerent quæ in Italia præsidia expugnasset, aut occurrendi Belisario nulla facultas esset; revertendique iterum ad eam cum vellet, sibi per diruta mœnia aditum patere putans : mox ipse Totilas egressus ab Urbe, cum

Romanis apud Lucanos primum, inde Calabros pugnat. Interea vero Belisarius Urbem aggreditur, eamque ingreditur, murosque dirutos (ut licet statim instaurandos curavit, fossisque munivit, adeo ut revertentem ad ejus oppugnationem Totilam omnino repulerit: « qui ab ea spe rejectus, Tibur se contulit ». Huncque tandem finem res Urbis anni hujus habuerunt, luctuosæ quidem omni ex parte alique funestæ.

26. Hoc item anno transacta hicene, redditio que navigandi opportuno tempore, Vigilius papa e Sicilia solvit Constantinopolim: nam sub hoc anno duodecimo belli Gothici ista Procopius¹: « His ita peractis, jam hiemis se circumegerat. Vigilius interea Romanus antistes ab imperatore ex Sicilia evocatus, Byzantium venit: nam ut eo contendenter, dintinam ea in insula hic traxerat moram ». Hec Procopius, nec de eo quicquam ulterius. Reduxisse secum Dacium Mediolanensem episcopum, qui sibi occurrerat in Sicilia, quæ dicentur inferius demonstrabunt. Anastasius² autem ista subjicit de ejus adventu Constantinopolim, que tamen in omnibus haud arribent, ut in his præsertim quibus ait, ipsum illuc pervenisse in Vigilia Natalis Domini: nam si ordinationem habuit (ut ait) mense Decembri Catane prope diem Natalis Domini; quomodo in Vigilia ejusdem potuit pervenisse Constantinopolim? Sed de ejus adventu audi ipsurn: « Tunc, inquit, obvius est ei imperator; et exosculantes se ceperunt flere, et plebs illa psallebat ante eum usque ad Ecclesiam sanctæ Sophiæ, dicens: Ecce advenit Dominator Dominus, etc.

27. « Per biennium vero fuerunt contentiones de Anthonio patriarcha, quomodo promisisset revocare et remittere eum in locum suum, et canticum manus sue ostendebant, cum promiserat eum in ordine suo revocare; sed Vigilius nullatenus vultus eis consentire, sed tanla roboratus virlute, mori magis desiderabat, quam vivere. Tunc Vigilius papa dixit: Ut video, non me fecerunt venire ad se Justinianus et Theodora piissimi principes, sed hodie scio quod Diocletianum et Eleutheriam inveni: facile ut vultis; digna enim factis recipio». Cetera autem quæ sequuntur, post obitum Theodoræ contigerunt; quando excitata in eum rursus persecuzione per Theodorum episcopum Caesariensem, oportuit ipsum confugisse Chalcedonem in Basilicam sancte Euphemie. Hec de his quæ spectant ad altercationes Vigiliæ enim Theodora Augustæ. Ceterum aliae inter ipsum atque imperatorem intercessere alia ex causa contentiones nempe ex Tribus Capitulis, quorum causa (ut anno superiori dictum est) vocatus fuit ab imperatore Constantinopolim. Sed autem rerum gestarum narrationem aggrediamur, primum elucidandum, quænam esset ista de Tribus Capitulis suborta contentio in Oriente.

28. Etsi enim ex superius dietis possit cuique

eadem esse perspicua, et ex iis quæ per singulos ferme annos dicenda erunt, nulla de ipsis dubitatio penitus exoriri possit; tamen hic occurendum putamus eidam viro eruditō, qui a veraci majorum sententiā discedens, novam de Tribus Capitulis iniit rationem, quippe qui hac illa Tria pulavit esse Capitula, quorum diserta mentio fit in Epistola a Joanne Romano Pontifice ad Ayenum et alios senatores conscripla his verbis³: « Justinianus equidem imperator filius noster (ut ex ejus Epistola tenore cognovisti) de his tribus quæstionibus orta certamina fuisse significavit: Utrum unus ex Trinitate Christus et Deus noster dici possit, hoc est, una de tribus personis sanctæ Trinitatis sancta persona: An Deus Christus carne pertulerit, impassibili Deitate: An proprie et veraciter Mater Domini et Dei nostri Jesu Christi Maria semper Virgo debeat appellari. Probavimus in his Catholicam imperatoris fidem, etc. » Habet eadem Justinianus imperator in fidei professione² ad ipsum Joannem Romanum Pontificem.

29. At procul a veritate aberrat, ut ista sint Tria illa Capitula, quorum causa diro schismate Ecclesia longo tempore scissa est. Elenim cum conslet illam de Tribus Capitulis inter Catholicos contentionem esse obortam, non autem inter Catholicos et haereticos: quis, rogo, Catholicorum unquam negavit Verbum carni unitum unam esse personam sanctissimæ Trinitatis, et eundem hominem factum, eundemque Deum unum de Trinitate perseverasse indivisa et inconfusa alique inconvertibili unione? Et quis aliquando Orthodoxorum vel leviter dubitasse reperitur, sanctissimam Mariam Virginem vere proprieque Dei matrem in Ecclesia appellatam? Aut quis unquam pielatem colentium revocavit in dubium, Deum vere dici passum in carne? Cum igitur in his inter se Catholicæ semper consenserint: et pro his adversus Nestorianos et Eutychianos junctis manibus animisque certaverint, et posthaec pugnare nunquam desierint; que ergo causa, ut ob Tria dicta Capitula inter se invicem tam in Oriente quam in Occidente fideles fierint scissi, atque schismate separati? Præterea si quis rerum gestarum seriem disponat ordine temporis, inveniet, non tempore Joannis illius papæ, sed sub Vigilio Romano Pontifice de Tribus Capitulis quæstionem exortam esse: unde appareat longe diversa illa esse Tria Capitula, quæ a Joanne papa recitantur in Epistola ad senatores, ab illis quæ (ut dicimus) sub Vigilio in controversiam deducta sunt.

30. Explosis igitur his quæ nulla ex parte veritati coherent, neque subsistere possunt: non alia quisque prudens Tria illa affirmare poterit fuisse Capitula, quam quæ ipse Justinianus imp. saepius suis Epistolis inculcavit, præsertim vero in ea quæ ad Joannem inscribitur, sed revera ad Vigilium

¹ Procop. de bello Goth. I. III. — ² Anast. in Vigilio.

³ Extat in Biblioth. lour. IV. — ² L. red. C. de sum. Trinit. et sup. I. cum recta. Cod. cod.

esse datam ostendimus, et in ea quæ in exordio quintæ Synodi recitatur : nempe primum de damnatione Theodori Mopsuesteni : secundo loco de damnatione Epistole Ibae episcopi Edesseni : tertio demum de damnatione scriptorum Theodoreti episcopi Cyri contra Cyrillum. Hæc sunt Tria illa Capitula dissensionum omnium locuples seminarium. Etenim (ut dictum est) non inter Catholicos et hæreticos ejusmodi certamen existit, sed inter Catholicos tantum ipsos, qui omnes salvum vellent Chalcedonense Concilium ; neque ex diversa causa conflatum, sed plane eadem : siquidem tam qui ista Tria volebant damnari Capitula, quam qui defendi, id se facere dictabant, ut in omnibus consultum esset Concilio Chalcedonensi, ne illorum occasione ipsum labefactari ab hæreticis posset. Sic igitur eorum negatio vel assertio pro tuendo Chalcedonensi Concilio facta vel pretensa, nisi aliud quipiam erroris admisceisset, non constituebat quemquam hæreticum ; sed esse schismatici convicti sunt, qui diversam a Romano Pontifice in his decernendis sententiam sectati essent : nam de personis et non de fide questionem huius. Gregorius¹ Magnus affirmat. Magna fuit ista in Ecclesia Dei tentatio, cum miserando modo inter se Catholicili configerent, non secus ac eum in castris contingit oriri tumultus, et inter se arma collidere ac vibrare jacula milites sub eodem principe constitutos.

31. Sed quid factum sit hoc anno, ubi Vigilius (ut dictum est) Constantinopoli moraretur, jam videamus. Cum ipse diu exspectatus Constantinopolim pervenisset : primum omnium (ut ex Facundo liquet) Zoilum Alexandrinum occurrentem sibi de emissa subscriptione redarguit, atque etiam alios. Tunc maximam inter episcopos concitatam reperit esse discordiam, in sumnumque periculum adductam Ecclesiam, ut schismate scinderetur ; faventibus aliis iisdemque longe majori numero et præstantiorum sedium episcopis imperatori ; Africanis autem ex adverso stantibus, inter quos Faecundus ipse (quem diximus) scientia eminebat : ipse Vigilius papa inter hos omnes pacis arbiter seddit, ut ambarum partium auditor sedaret, si posset, concitatos inter eos conflictus illos.

32. At non ipse id agere solus, verum colligi voluit eorum qui aderant Synodum triginta episcoporum : in qua cum adversæ partes inter se conflictantes adessent, et inter disserendum altercarentur haud pacifice (ut par erat) rem agentes, adeo ut quid magis veritati congruum esset, minime posset examinari et æqua judicij lance perpendi : placuit tunc Vigilio, ut quæ quisque sentiret, et quibus quam proponeret sententiam defendendam ratiomibus comprobaret, scriptis proderent. Tunc opportune accidit, ut idem Faecundus ex commentario illo duodecim libris partito, quem habebat præ manibus, needum absolverat, responsionem

elicitam ederet : qui postea ipsum integrum commentarium pro Trium Capitulorum defensione perfecit, atque vulgavit : quem quidem in communione Catholica esse scriptum, cum ipse Vigilius papa pro defensione eorumdem Capitulorum Epistolas (ut vidimus) conscripsisset, et adhuc in opus incumberet, satis liquet ex iis quæ toto illo commentario pluribus in locis idem ostendit. Quæ vero in ipsis operis Prefatione haud obscure habet, atque ea quæ sunt a nobis dicta confirmat, accipe, ubi ait :

33. « Hoc opus, suadentibus fratribus, ad imperatorem Constantinopoli serpsi : quo nondum finito ac pertractato (peracto, vel perfecto) adduclus est Romanus episcopus : in cuius certamine, cum gestis super hac causa disceptaremus, mediante conflictu, interrupi Acta præcepit, et ab universis episcopis qui aderamus expetiit, ut scripto quisque ostenderet, quid eis de his Capitulis videretur. Cum ergo per magistrum officiorum sub gravi necessitate respondere contingeret, vix mihi septem dierum inducia date sunt, in quibus erant etiam duo festi. Unde ut omnia dicere quæ magis necessaria judieabam, ex his libris aliqua decerpsti, quia non ocurrerbat omnia nova dicere : siquidem tria milia versuum excedit illa responsio. Sane quoniam (sicut dixi) needum a me pertractati fuerant iidem libri, quedam testimonia pro mendositate codicium, ex quibus ea posueramus, vel pro incuria translatorum aliler continebant ; quæ sic etiam in illa responsione transposita sunt. Ideo præloqui hæc ac premonere curavi, ut neminem, qui memorata responsione perfecta, hos configerit libros, offendat ista diversitas, sed illic ignoseat festinanti, et huic potius eredat ». Hæc eum præfatur in duodecim suos libros Faecundus, adhuc sub judice tunc temporis item tuisse demonstrat.

34. Cæterum quantumlibet adversarii urgerent condemnationem, cui ipsi subscriperant, Trium Capitulorum : haud tamen ita videri voluerunt effrontes, ut ea de re aliter statuere, quam decrevisset Romanus episcopus, cuius exspectarent sententiam, sint professi. Id quidem pluribus in locis Faecundus ipse testatur, ut secundo libro, dum ait : « Adhuc dicunt, quod de tanta sua præsumptione Ecclesiam quoque Romanam consuluerint, et sententiam beati Vigili præsulis exspectent ». Et post plura : « Quomodo ab his creditur quartus decimus successor ejus », nempe Leonis, « sanctus Vigilius novum posse aliquid judicare, presertim illo dicente : Nam secundum Apostolum¹, si quæ destruxi, hæc aedifico, prævaricatorem me constituo ; et eis me ultionum conditionibus subdo, quas non solum auctoritas beatæ memoriae principis Marcianni, sed etiam ego mea defensione firmavi, etc. » Habet autem ad finem operis idem Faecundus ad ipsum imperatorem, cui seribit, admonitionem Orthodoxo antistite dignam, hic merito inserendam,

¹ Greg. I. III. Ep. XXVII

¹ Gal. II.

dum primo Theodosii imp. exemplo eum, quid agere debeat, ita docet :

35. « Major Theodosius imperator cujus semper memorabilis erit in Ecclesia Christi memoria, quanquam sepe de magnorum Barbarorum preliis et de maximorum tyraannorum triumphaverit, non tamen in ejusmodi victoriarum frequentia, in quibus Trajano filio gehennae comparari non potest, veram meruit gloriam, sed de supplici et publica peccati sui pœnitentia, quam expugnalo regali fastigio, placide ac humiliter, Ambrosio episcopo castigante, suscepit, et indictum sibi debite satisfactionis tempus ab Ecclesiæ communione remotus implevit, pie admodum credens, et sapienter intelligens, quod non ex temporali potestate, qua fnerat etiam sacerdotibus Dei præpositus, sed ex eo pervenire posset ad vitam, quod illis erat ipse subjectus. Unde credendum est, quod si nunc Deus aliquem Ambrosium suscitaret, etiam Theodosius non decesset : sed cum minor est exigendi fiducia, minor est reddendi devotio : non est autem magnus amator veritatis, cui etiam personæ commendet auctoritas». Et post pauca : « Non tale aliquid petimus corrigi, quale fuit quod excommunicatione uiciscebatur Ambrosius. Illud enim non, quavis male fuerit gestum, creditum tanquam erat Theodosii potestali : quod autem nunc factum est, vel si rectum fuisset, recte non fieret : quia nulli regum hinc aliquid agere, sed solis est sacerdotibus datum ». Sancire videlicet de fide decretum, cum imperatorum sit fidem Catholicam coram sacerdotibus profiteri, non eamdem præscribere sacerdotibus atque omnibus Christi fidelibus. Hæc ad calcem ferme librorum locutus est Facundus : quos absolutes paucos post dies ipsi obtulit Justiniano imperatori.

36. Sed redeamus ad Synodum, quam diximus hoc anno Constantinopoli ab ipso Vigilio Romano Pontifice fuisse collectam, et in ejus prima Actione auditis altercationibus ambarum partium, defensiones ab ipsis scriptis mandandas, Synodoque redendas esse præceptas : quibus omnibus acceptis, easdem imperatori jussit esse tradendas. At non placuerunt ista Facundo, nec reliquis Trium Capitulorum defensoribus, cum jam postea inter schismaticos militare cœpisset: ipse enim eadem conatus est sugillare, in deteriore partem accipiens. Sed audi ipsum Facundum in libello ad Mociannum inter plura de eadem Synodo ista subinfense dicentem : « Gestis de medio sublati, quibus causa cœperat aperiri, et interrupto suo iudicio Vigilius, a considentibus episcopis flagitavit, ut quid eis de causa videretur, protulæ quisque in scriptis responsive, signaret. Et quia illi episcopi maxime Constantinopolim occurrerant in ejus adventum, quorum nulla in hac causa subscriptio tenebatur, et de sua fnerant integritate securi; per occasionem huius interrogationis ipsi quoque separatim compulsi sunt ab adversariis Ecclesiæ, quomodo dictaverunt in præjudicium magni Concilii respondere. Ac ne postea subtraherent, et quæ scripto responderant,

judicio non offrarent : jam sub prosecutione ipsorum atque custodia palau ad illum deducebantur, tradere sua profana et detestanda responsa. Oculis nostris hæc vidimus nos : Acephalos coram ipso judice alacres et exultantes adsperximus, enī episcopos ad eum », Vigilium scilicet, « adducerent, eadem responsa portantes. At quonodo hæc sic inhaerent cordibus audientium, ut sic ea detestari ac fugere possitis, sicut nos, in quorum animis ipsorum malorum adhuc imago versatur ? » Hæc ipse subinfensus in Vigilium, cum jam adversæ parti favisse visus est. Sed pergit :

37. « Suscipiens vero ille, nempe Vigilius, memoratas responsiones, post aliquot dies ad palatium attulit, atque afferi detulit parti in præjudicium Synodi Chalcedonensis cum aliorum chirographis, qui antea subscrivserant, reservandas. Verum ne suis traditor videretur, talibus verbis eos fecellit, ut diceret : Quid apud nos reservamus ista contraria Synodo Chalcedonensi responsa, ut inventa quandoque in Ecclesiæ Romanæ serinio, a nobis approbata credantur ? Sed afferamus illa in palatium, et de illis agant ipsi qui jam noverint. Quasi ea sciendæ vel urere ipse non posset, (aut per suam evacuare sententiam, aut ipsis a quibus fuerant data refundere, quæ nec suscipere ab eis nec extorquere debuerat. Si vero decretum generalis Synodi præcavebat, alque ista solita fictione fingens ejus præjudicium se cavere, hoc pro voluntate contrariorum fecit, quod ei, si dissimulemus, præjudicet : quomodo enim non præjudicet, si demonstrentur triginta circiter episcopi cum Romano antistite Constantinopoli congregati (ut illos omittam qui ante subscrivserant) condemnasse cum approbatoribus suis Epistolam a Chalcedonensi Concilio approbatam, et illum episcopum, ejus doctrinae laudes in memorato Chalcedonensi Concilio citatae sunt, nemine resolute, cum suis dogmatibus anathematizasse post mortem, scientibus ceteris et in eorum communione manentibus ? » Hæc Facundus postea jam factus hostis, cum videlicet se inter schismatics collocasset, invectus et in Vigilium plurimum de chirographo ante ab eo tradito, cum Pontifex fieri ardentem desiderio laboraret; ista refricens et inculeans, ne (quod ait) personæ summa auctoritas cause præjudicium afferret : ut schismaticorum atque haereticorum mos est, cum ex criminibus in adversarios irrogatis suam volunt causam defendere, et præseferre justitiam. Utinam extarent ipsa Synodalia Acta, ex quibus fuissent ipsi redarguendi schismatici : non enim locus relictus esset impostura.

38. Sed quod illis caremus, fragmenta hinc inde non sine magno labore collegimus, nec aliunde quidem quam ex ejusdem temporis scriptis, licet magna ex parte illa perierint. In primis autem ex ipso Facundo accipe, que in libello tunc temporis ad Mociannum conscripsit; ubi tunc adversatum se fuisse Vigilio tradit, dum ait : « Accipite que in iudicio ipsius Vigili inter alia fuerint prosecutus,

sicut editae nobis ab officio tertiae Actionis gesta declarant. Ego enim fateor simpliciter beatitudini vestra, non pro Theodori Mopsuesteni damnatione me a contradicentiae communione subtraxisse: hoc enim vel si approbandum non sit. ferendum tamen existim, nec tantam esse causam judico, pro qua deberemus a communione multiplici segregari: sed quod ex persona Theodori Epistolam Ibae Nestorianam probare couati sunt; et quod ex Epistola Ibae Synodus¹, Chalcedonensem scilicet, «a qua suscepta est. improbarent». Ille Facundus, cum jam a Vigili sententia recessisset, in ipsum inventus, quod jam in defensione Trium Capitulorum, quam ante acerime suscepserat, teputisset.

39. Qui enim absens (ut diximus) pro Trium Capitulorum defensione visus est laborasse Vigilius, et adversus eos, qui ea una cum Justiniano imperatore oppugnabant, insurrexisse: re perpensa, videns nihil affterri praetenditii Chalcedonensi Concilio, vel Catholice fidei, quam quis partem tueretur, cum revera omnes aequi damnarent errores qui fuerunt Theodori, Theodorei, et Ibae; sed maximum dampnum accipi ex eo, quod iudicem ferme omnes inherentes novae imperatoris Constitutioni, qui in Ecclesia Catholica communione hactenus retinebantur, jamjam in graliam imperatoris schismate essent dividendi: haec, inquam, Vigilius papa considerans, primum quidem ne ob id Occidentales defensores Trium Capitulorum scandalum paterneretur, rem secreto transigendam esse, atque (ut in re quae non spectaret ad fiduci veritatem) dissimulandam putavit. Denun vero cum sibi adversari sentiret episcopos Africanos, et res esset in eo statu reposita, ut sive Occidentalibus paucis, sive Orientalibus omnibus sibi inherendum esset; consultus sibi visum, istorum, nempe Orientalium favere sententiae, quam illorum; secreto de his judicans: sperans fore, ut et ii etiam in eam sententiam perducerentur: sed res aliter accidit, persistantibus Occidentalibus in sententia qua semper fuerant pro Trium defensione Capitulorum, atque eidem firmiter inherentibus; adeo ut ejus causa sese a communione Catholica, schismate conflato, divisoriu. Ille quidem de Vigilio papa ita transacta esse, ea quae dicta sunt atque dicentur, certam fidem faciunt.

40. Sane quidem nemo jure inficias ire poterit, Vigilium adversus Tria Capitula ad Mennam Constantinopolitanum episcopum libellum conscripsisse; id ipsis Vigili scriptis testantibus, nempe publicis Actis latae ab ipso sententiae in Rusticum et Sebastiam et alias Trium Capitulorum defensores, de quibus dicturi sumus; cum queritur adversus Rusticum, quod se inconsulto, quam cito sententiam suam, quam *Judicatum*, appellat, ad Mennam conscriptam, in diversas provincias promulgasset. Id quoque testari videtur in Epistola ad Valentianum¹ episcopum Tomitanum in Sey-

thia, ubi tamen de calunnia queritur, nimirum quod ab ipsis fuisset divulgatum, Vigilium quoque damnasse Theodoretum et Ibam, quos recepisset Chalcedonense Concilium. Evidem sparsum in vulgus fuisse de damnato ab eo Theodoreto, ex alia Epistola Vigili olim scripta ad Theodoram Augustam, Liberatus¹ diaconus tradit; at id ut omnino commentitum neque ejus postea adversarii ausi sunt (quod procul abhorret a veritate) illi tribuere. Sed et de consensu Vigili sive scriptis, sive sine scriptis prodito contra Tria Capitula, Acta quintae Synodi sape fidem faciunt. Quin etiam sexta Synodus Actione septima continet Vigili pape adversus Tria Capitula monumenta, quibus argumenta contra eadem Tria Capitula allata narrantur: adeo ut nulla dubitatio esse possit, quin de his Justiniani sententiam editam comprobarit.

41. Sed quid accidit? Cum id innotuisset Africaniis episcopis, et aliarum Ecclesiarum sacerdotibus alque primum omnium ipsis, quos secum duxerat, diaconis Romane Ecclesiae Rustico, Sebastiano et aliis; et magnae ob eam causam turbæ, discordia, dissidiaque essent oborta: mox idem Vigilius emissam de Trium Capitulorum damnatione sententiam suspendit, seu potius revocavit; et consentientibus etiam illis qui jam damnarent eadem Tria Capitula, Theodoro videlicet episcopo Caesariensi atque Menno Constantinopolitano, rursum ab eodem Vigilio promulgatum decretum est, quo decernebatur, ut de controversia de Tribus Capitulis penitus taceretur usque ad proxime cogendam Synodum universalem: siveque res aliquandiu consopita siluit. Ita prudenter periclitanti Ecclesiae visus est consuluisse Vigilius, ne ob eam controversiam universus Christianus orbis inter se collideretur, atque Oriens ab Occidente schismate scinderetur: sperans fore, ut mora temporis aliquod posset exegogitari remedium, quo utrique parti consuleretur.

42. De hoc quidem Vigili decreto, et quodammodo inita cum Theodoro atque Menna transactione, testes sunt Acta publica, quibus lata a Vigilio papa postea sententia contra Theodorum alque Mennam continetur: etenim haec ipsa verba scripta leguntur in ipso libello sententiae vicesimo quinto anno imperii Justiniani dato, anno nimirum Domini quingentesimo quinquagesimo primo; cum quid ab hoc tempore per Vigilium actum sit, ita ab ipso docetur: « Nos vero longanimitatem nostram divina largitate concessam tam circa te, quam circa seductos abs te, paene hoc quinquennio elapsa monstravimus. Primum quidem in eo, quod pro scandalo reframando, condescendentes quorundam animis, quos aliqua dispensatione (dissipatione) eredimus temperandos, quia tu Jamieos pluribus ammis inquietissimus stimulator accenderas; quedam pro tempore medicinaliter existimavimus ordinanda, tali sub conditione, ut omni in posterum perturbatione sopita, nihil ultra nec verbo, nec litteris quis-

¹ Exalt. Act. V. Quint. Synod.

¹ Liber. diae. Brev. c. 22.

quam facere ex eadem causa præsumeret. At tu consuetudinis fractus audacia, neque tunc cessare a conseribendis vel prædicandis novitatibus volunti; ita ut sæpius libellis episcoporum redditis, et consensum tuum cum eis propria confessione condemnans, eorum vel tuis excessibus sæpius a nobis concedi veniam postulasses.

43. « Post hæc anlem, cum te a presumptione solita nec pudor humanæ verecundiaæ, nec sacerdotii pondus, nec timor divini judicij cohíberet, dum amplius quam justum fuerit, patientiam tuis facinoribus prieberemus : ad hoc est causa producta, quatenus, semotis omnibus, que de Trium Capitulorum quibuslibet dicta scriptave fuerant, quid de ipsa re facto opus esset, cum Africanarum, Hyrcanarum seu Valliarum¹ partium congregata Synodo traetaremus, eorum maxime præsentiam requirentes, quorum fuerat scandalizata fraternitas. Illud quoque magnopere nobis cum clementissimo principe, præsentibus etiam Menna Constantinopolitanæ civitatis, et Dacio Mediolanensis urbis anti-stite, aliisque tam Græcis quam Latinis episcopis, cum quibus omnibus etiam tu, Theodore, pariter atfuisti, necnon et præsentibus judicibus ac procuribus, universoque senatu, convenit, ne usque ad memorataam Concilii definitionem quicquam de præfatis Tribus Capitulis ab aliquo fieri intentaretur. At deinde tuis ex incitamentis liber condemnationem Capitulorum ipsorum continens in palatio te assistente et instruente, coram quibusdam Græcis episcopis est relectus », etc. Satis hæc modo ex sententia in Theodorum lata, quam suo loco inferius integrum recitabimus : ex eaque hæc deducta sufficient, ad ostendendum ab hoc anno ad illud usque tempus in ea causa Trium Capitulorum ab ipso Vigilio indictum fuisse silentium ; cum et ipse Theodorum eorumdem prius factam condemnationem iterum promulgantem, lata in eum sententia condemnavit.

44. Sed quid accidit ? Ex his quæ dicenlur satis appareat, ejusmodi indictum a Vigilio papa silentium a defensoribus Capitulorum in deferiorem partem acceptum, collusionemque cum adversariis interpretatum, vel saltem subdolam conniventiam; cum videlicet (ut ostensum est ex petulanâ Theodori) iidem nequaquam conticescerent, sed eorumdem condemnationem in palatio omnibus ostenderent : sieque indictum ea de re silentium, non aliud quam facitum Vigili consensum interpretati sunt. Quod enim ipse cum essent absens, litteris libellisque, iis qui consenserant (ut vidimus) fuisse comminatus, quodque etiam (ut dictum est anno superiori) litteras absens in via scripsisset aduersus eos qui edito ab imperatore fidei decreto subscríserant ; verum iidem Vigilius veniens consensisset, et postea silentium indixisset, atque ad futuram Synodus provocasset : ipsum non recto incedere pede sunt arbitrii : adeo ut perseveraverit apud

Occidentales illa de ipso sententia, Vigilium papam in damnationem Trium Capitulorum consensisse. Atque grave passi sunt scandalum ipsi Capitulorum defensores, qui ejus cupidissime expectarunt adventum, ut Apostolica auctoritate ab ea quam patiebantur vindicarentur imperatoris tyranniide usurpantis sibi que essent episcoporum ; ubi viderunt omnia in contrarium esse mutata, atque demum transacta silentio, quæ sibi videbantur fuisse insectanda atque explodenda clamoribus; sieque in eundem veluti desertorem prævaricatoremque insurrexere, quem cum adversariis communicare viderent.

45. Constat quidem, eosdem quos ante vel ipse Vigilius, vel ante ipsius adventum ejus diaconus Stephanus a communione eadem ex causa suspenderant, a Vigilio ipso, cum venit, in communionem esse susceptos, nempe Zoilum Alexandrinum episcopum, qui (ut vidimus) edicto subscríserat, ea tamen conditione, si ratum haberefur a Romano Pontifice, et Theodorum malorum omnium auctorem, neenon Mennam episcopum Constantinopolitanum, qui primus post Theodorum ab eis vocabatur in crimen. Illos namque omnes, Zoilum, Theodorum, et Mennam a Vigilio communionis Catholice facta fuisse participes, ex codice Vigili libello de sententia in Theodorum lata evidenter appetat : testante disertis verbis ipso Vigilio, Zoilum Romanæ connexum Ecclesie ex Apostolica eidem communione concessa; itemque Theodorum et Mennam usque ad illud tempus indicti silentii eidem communione fuisse conjunctos, postea vero ea Theodorum privatum, Mennam vero suspensum. Ex ejusmodi igitur confederationis ostensis symbolis, non a defensoribus tantum (ut dictum est) fuit existimatum et prædicatum Vigilium papam adversariis adhaesisse, atque pariter Tria illa Capitula condemnare perseverasse ; verum etiam ab iidem Trium Capitulorum impugnatoribus id ipsum, fuit assertum atque summa gloria divulgatum.

46. Qui rem exacte absque aliquo affectu privato considerant, ipsum Vigilium excusant : quod qui absens adeo per litteras fuerat comminatus, mitius egit, ubi præsens rem proxime est intuitus : ostensa enim et ob oculos posita Ecclesiæ facies omni ex parte miserabilis et quovis deploranda luctu, aliter decernere persuasit : siquidem simul cum quatuor Orientalium sedium patriarchis qui subscríserunt, omnes ferme illis subjectos episcopos in eamdem sententiam atque subscriptionem inductos invenit. Quamobrem nimis durum et asperum, valdeque acerbum atque inhumanum ipsi visum, Apostolica auctoritate, quam ad aedificationem non ad destructionem sibi sciret esse concessam, veluti uno gladii ictu Orientem ab Occidente discindere : cum præsertim sciret, revera non de fide esse questionem, que dissimulari minime posset, sed de personis, ut ex S. Gregorio superius dictum est.

¹ Galliarum, Helladarum, vel aliarum.

47. Licet enim pro fide pugnare adversus errores Theodori, Theodorei, et Ibae, impugnatores prae se ferrent; non tamen (quod saepe inculcatum est) his adversantes ipsi defensores Trium Capitulorum aequem defendebant errores Theodori, Theodorei, vel Ibae: nam et ipsi eos penitus execerabantur, sicut et illi qui contra Tria Capitula sententiam propugnabant; cum et utraque pars in primis nihil se magis velle contestaretur, quam consultum esse Catholicæ fidei probate a sacrosancto Concilio Chalcedonensi. His etiam accedebat, quod qui impugnabant Tria Capitula, a sententia illa divelli posse, eui astringebant imperatoria voluntate, impossibile videretur.

48. Quid igitur peccasse Vigilius dicendus fuit, si de causa illa usque ad futuram Synodum esse facendum indixit, quæ potius (si fieri potuisse) perpetuo erat silentio condemnanda, sopianda, in sepielienda, atque penitus extinguedanda? Quod vero id non licet, partibus acerrime adversus se invicem concertantibus, nec spes illa esset ut posset pax desperata componi: ad foderis remedium in tanto discrimine itum est, ut cum nulla spes esset in perpetuum sanciri silentium, illud saltem ad tempus indicaretur, ut interea cum cessatum esset ab armis, pax mutua tranquillioribus animis tractaretur: ad quam conciliandam, sicut tempore foderis sunt concessa commercia, ita et Vigilio plauerunt omnibus concedendam esse communionem.

49. Quod autem sciamus ejusmodi Vigilius consilium in deteriorem fuisse partem acceptum, ob idque ipsum collusorem, prevaricatoremque ab adversariis conclamatum, quod ob timorem imperatoris, ad ejus gratiam promerendam, a cœptis continuo resilierit: ad haec omnia excusanda illud satis superque esse potest quod summae constantiae specimen edidit, ubi hoc anno Constantinopolim venit. Ubi enim non cum Catholicis, sed pugnandum sibi fuit adversus haereticos, cum quibus minime esse dissimulandum sciret: mox auctoritate Pontificia insurrexit, ac nullo habito respectu potentium, et pro nihilo hac ex parte dicens imperatoriam potestatem, in ipsam Theodoram Augustam, diutissime magno Ecclesie detrimenlo toleratam, sententiam tandem excommunicationis inflixit, eadem poena afficiens haereticos omnes Acephalos Severianos et Eutychianos, quam ipsa eorum pa-

trona meruerat. Ilæc quidem haud vulgo jactata, vel teste minus digno feruntur, sed eo, quo ob Pontificiam dignitatem, vitæque sanctitatem, et rerum usum atque scientiam nullus dignior dici potest: Etenim testator id Gregorius Magnus in Epistola ad Hibernos episcopos schismaticos verbis istis¹: « Postquam recordande memorie Vigilius papa in urbe regia constitutus, contra Theodoram tune Augustam et Acephalos damnationis promulgavit sententiam: tune Romana Urbs ab hostiis adita et captivata est. Ergo bonam causam habuerunt Acephali, et injuste damnati sunt, post quorum damnationem talia contigerunt? Absit: hoc enim nec nostrum quempianu, nec alios qui Catholicæ fidei mysteriis instituti sunt, dicere, vel aliquo modo confiteri convenit ». Ilæc Gregorius adversus schismaticos eorumdem Trium Capitulorum defensores.

50. Vides igitur, pro diversitate personarum, Vigilium magna consideratione adhibita atque prudenter diverso modo pugnasse, aliterque se adversus haereticos, aliter cum Catholicis exhibuisse: illos quidem, quibus nec Ave dicendum monet Apostolus², quamvis fastu elatos, potentiaque sublimes, excommunicationis sententia, fulminis instar cælitus emissi prostravit: hos autem non abjecit, sed Apostolicis charitatis visceribus fovens, iterum parturit, cum dissimulat, annuit, exspectat, reprimit, corripit, tolerat. In quorum etiam salutem istiusmodi adversus Theodoram Augustam redundavit ostensa severitas: intendit enim in eam eo modo nervos censure Catholicæ, ne ob defensa antea, damnata postea vel suspensa Tria illa Capitula, in suspicionem vocaretur proditæ fidei, et cum Eutychianis initæ secreto societatis: sed ut tam evidenti signo ostendo vigoris sacerdotalis in Orthodoxa fide tuenda, et haereticos eorumque patronam damnando, omnes qui Catholicæ revera essent, erigerent animos; et quæcumque ab ipso Vigilio gererentur, in meliorem partem acciperent: cum iam certo scirent, nihil apud ipsum Romanum Pontificem antiquius esse, quam adversus haereticos fidem Catholicam propugnare, posterrisque sartam teclam relinquere. Quæ autem haec secula sint, suo loco dicemus.

¹ Greg. I. II. Ep. xxxvi. — ² Joan. II.

Anno periodi Greco-Romanar 6040. — An. V. C. 1300. — Anno Aera Hisp. 585. — Jesu Christi 547. — Vigili pape II.
— Justiniani imp. 21. Totila reg. 7.

t. *Quinta quinquenalia Justiniani.* — Hic annus ista formula notatus : *Post consulatum Basili vi, vel juxta modum loquendi Victoriamum : Post consulatum Basili anno vn.* Quinta quinquenalia imperii vivente Justino a Justiniano suscepti, ad quæ referendum quod habet Theophanes, die xi mensis Maii, sanctæ Pentecostes sabbato, ludos Circenses Natalitos celebratos esse.

Roma anno superiori a Totila capta. — A num. 1 ad 26. Est hic annus belli Gothicici decimus tertius, non vero xii ut habet Baronius. Quare quæ hic recitat ex Procopio de Roma a Totila Gothorum rege capta, gesta sunt anno superiori. Procopius itaque lib. 3 de Bell. Gotl. cap. 20 refert, *Totilam Isaurorum proditione Romanam cepisse*, quam dum exciudere cogitat, litteris *Belisarii* ab eo consilio revocatur : *cumque Romanam penitus vacuam Totilas reliquisset, eamdem recepit, muniit, ac eum fortissime repulit Belisarius.* Legendus Procopius a cap. 16 usque ad cap. 23 et quæ ex eo recitat Baronius, qui in eo tantum peccat, quod Urbem hoc anno in *Totila* potestatem venisse contendit, eo fundamento quod arbitretur, currentem Christi annum xii esse belli Gothicici, primumque cum anno Christi dxxxvi perperam illigaverit.

2. *Contraria opinio refellitur.* — Em. card. Norisius in disserl. de quinta Synodo cap. 3 et 6, Baronio adhæret, non quod annos belli Gothicici cum annis Christi exacte non copularit, sed quod credat, apud Procopium aliquorum annorum gesta haud suo tempore recenseri, inter quæ ipse numerat *Romæ expugnationem*, quod in Auctario Marcellini legatur : « Indict. x post consulatum Basili vi (anno nempe Christi dxxvn) Totilas dolo Isaurorum ingreditur Romanam XVI kalendas Januarias». Quare, inquit card. doctissimus, anno dxlviij, die xvii Decemb. Totilas Urbem occupavit. Verum in isto Auctario varijs insunt anachronismi, et ei haec in re adversus Procopium nulla fides haberi debet. Diem tamen ingressus Totile regis Romanu, eum ex aliquo veteri monumento accepisse, et tantum in anno peccasse non dubitandum, et obiter observandum, hunc continuatorem, qui annum incipit a kalendis Januariis, et cum Indictione tunc currente, eam postea non mutare, quando narrat quæ a

mense Septembri contigere; alioquin scripsisset. *Totilam Romanam ingressum esse xvi kalendas Januarias*, sed Indictione undecima. Quoad Procopium, quem card. Norisius anni unius additione corrigendum existimat, quod scripserit, receptam esse Romanam a Belisario anno primo belli Gothicici, quam certum est captam anno secundo ejusdem belli, Christi nempe dxxxvi. iam anno dxxxvii, num. 2 et seqq. illud fundamentum evertimus.

3. *Iterum refellitur.* — Fundatur etiam card. Norisius in Chronico Marii Aventicensis, qui ad annum vi P. C. Basilii, et Indict. x, annum scilicet Christi dxlvi scribit : « Eo anno Baduila rex Gothorum Roma capta depopulavit, dejectisque muris partem civitatis incendit ». At Marius ibidem habet : « Hoc anno Vigilius papa Romanus Constantiopolis properavit ». Ubi profectionem Vigilius Constantinopolitanam, et expugnationem Urbis Romæ, quæ codem anno contigere, recte simul narrat, sed utramque perperam anno uno tardius collocat, quod de profectione *Vigilli* Em. card. Norisius non negat. Praeterquam quod Marius non raro in Chronologiam peccat, ejusque adversus Procopium testimonium nullum censeri debet. Denique referat card. Norisius locum sancti Gregorii Magni ex Tib. 2 Epist. xxxvi ad episcopos per Hyberniam constitutos : « Postquam recordandæ memorie Vigilius papa in urbe regia constitutus contra Theodoram tune Augustam, et Acephalos damnationis promulgavit sententiam, tune Romana Urbs ab hostibus adita, et captivata est. Ergo bonam causam habuerunt Acephali, et injuste damnati sunt, post quorum damnationem talia contigerunt? » Verum non de prima Urbis per Totilam occupatione, post quam statim populus Romanus libertatem recuperavit, divus Gregorius loquitur; sed de posteriori, quæ contigit anno xlvi, quæque annos ferme quatuor duravit, quo tempore populus Romanus vere captivus dici potuit. Porro *Theodora* anno dxlviij damnata est a Vigilio non nominatim, sed generatim ac suppresso ejus nomine, damnatis scilicet Acephalis, quorum illa sectam totis viribus promovebat. Nullius enim sententiae adversus eam Historici coetanei meminere.

4. *Vigilius hujus anni initio Constantinopo-*

In perrenit. — Ad num. 26 et seqq. Non *transacta hyeme*, ut habet Baronius, Vigilius hoc anno e *Sicilia* solvit, sed sub finem anni superioris. Procopius enim lib. 3 postquam scripsit, finisse hyemem, annimique xi belli Gothici, cap. 16 incipit narrare quse anno ejusdem belli xii contigere, a verno scilicet tempore superioris Christi anni ad initium veruae tempestatis hujus anni, aitque : « Vigilius Romanus Pontifex Byzantium imperatoris acie venit ex *Sicilia* : ubi jam diu degerat profectio nis illius causa ». Quare hujus anni in iuno Vigilius jam Constantinopoli erat, quo cum die xxv Januarii adventasse prodit continuator Marcellini ad annum P. C. Basilii U. C. vi : *Papa Vigilius ingressus est Constantinopolim VIII kal. Feb.* Neque tantum ex Procopio et ex continuatore Marcellini liquet, *Vigilium* prioribus hujus anni mensibus Constantinopoli egisse; verum etiam ex Theophane in suo Chronicō.

5. *Gesta Constantinopoli post Vigiliū in eam urbem adventum.* — Gesta hoc anno Constantinopoli, quando ibi aderat Vigilius, explicat Theophanes anno Incarnat. secundum Alex. *DXXXIX kalendas Septemb.* superioris Christi anni inchoato, his verbis : « Hoc anno Roma a Gothis capta est. Papa vero Vigilius Constantinopolim prefectus, et ab imperatore summis honoribus exceptus; Catholicæ Ecclesie unitatem et concordiam se præstiratum, et Tria Capitula anathemate proscriptorum pollicitus est. Tantis honorum et cultus indicis ab imperatore decoratus, adeo animatus est, ut a communione exclusionem menses quatuor sustinendam Memnae Constantinopolit. episcopo in poenam impuneret : et ex adverso Mennas parem animadversiōnem in eum constitueret. Ob irrogatam itaque poenam hujusmodi, tum quod ea, quæ de Ecclesiarum concordia et unione consulta decretaque fuerant, a Vigilio non adimplerentur, imperator indignatus, misit qui eum detinerent. Ille imperatoris iram veritus, ad Sergij martyris altare, quod in Hormisdarum monasterio erectum confugit : a quo vi revulsus, apprehensus altaris suffulcantes columnas, eeu gravi proceroque corpore validus, secum traxit, et omnino everlit. Demum imperator faeli pœnitens papam Vigilium in gratiam recepit. Vigilius pariter a Theodora Augusta rogatus, Junii die vicesimo nono, qui sanctis Apostolis sacer patriarchæ Constantinopol. Memna pacem restituit ».

6. *Vigilius Constantinopoli male habitus.* — Ubi Theophanes qualior illorum mensium, post quos Memna pacem restituit Vigilius, deducit initium, non a die ejus in urbem regiam adventus, sed a tempore, quo Memna a communione sua exclusit, a mense se. Februario. Perperam tamen hic scribit, *Vigilium* hoc anno a monasterio Hormisdæ vi evulsum, columnas altaris secum traxisse; id enim contigit aliquot post hunc annis, ut an. *DLII ostendimus*. Male Vigilium hoc anno Constantinopoli habitum fuisse, docent clerici Italiae in Epistola legatis Francorum Constantinopolim proti-

ciscentibus directa. Aiunt enim : « Veniens ibi ante sex annos istos beatissimus papa Vigilius, magis autem, ut quod verius est dicatur, prope violenter deductus, cœperunt ibi ipsum exspectare, ut damnationem aliorum Capitulorum faceret, per quam saecula Synodus Chaleedonensis, quæ fidem Catholicam, insidente tunc beatissimo papa Leone, contra diversas hæreses vindicavit, modis omnibus solveretur. Sed cum papa Vigilius in hac parte non vellet adhibere consensum, jam tunc talis violentia facta est, ut publice in conventu clamaret : *Conteslor*, quia etsi me captivum tenelis, beatum Petrum Apostolum captivum facere non poleslis. Postea famen tractatu habitu prædictus sanctus papa Vigilius sub aliqua dispensatione ipsam causam ordinaverit, sollicite monendo, ne per occasionem aliquam supradicta Synodus paleretur injuriam. Et quanvis nec hoc quod papa fecerat, acquieverunt Afri et Illyriciani atque Dalmatae sacerdotes recipere; tamen cœpit iterum stepe diuersus beatissimus papa Vigilius, ut absolute ipsa Capitula sine Synodi Chaleedonensis mentione damnaret ».

7. *Vigilius Constantinopoli positus se, III Capitula damnaturum promittit.* — Pollicitum esse Vigilium se Tria Capitula anathemate proscriptorum, quod scribit Theophanes laudatus, confirmant litteræ Justiniani Eutychio, tribus aliis patriarchis, aliisque episcopis datae *pridie id. Jul. Chalcedone, imperante Domno Justiniano PP. Augusto an. XXVII, post consulatum Basili U. C. anno XII*, anno scilicet Christi *DLIII*. « Quando », inquit Justinianus, « religiosissimus papa antiquioris Romæ ad istam magnam civitatem pervenit, omnia ista manifestata sunt (nempe Tria Capitula a recta fide esse aliena) et cum haec examinasset, et condemnavit, et satisfactionem in scriptis exposuit tam nobis, quam pie recordationis tunc conjugi nostræ. Nec enim patiebamur, nec ab eo, nec ab alio quocumque inviolatam communionem suscipere, qui non istam impietatem condemnat. Sed et sacramenta terribilia in scriptis juravit, ut in eadem permaneret voluntate in condemnatione et anathemate prædictorum Trium Capitulorum, et nullo modo vel tempore conaretur aliquid ad refutationem condemnationis prædictorum impiorum Trium Capitulorum. Quod autem sine scriptis sæpius condemnavit impia Tria Capitula coram gloriosissimis judicibus et religiosissimis episcopis, et plures ex vobis, qui convenistis cognoscunt; et haec agens permanit septem annos. Postea vero et scripta inter vos et illum processerunt, in quibus invicem confessi estis convenire et synodice prædictorum Capitulorum facere condemnationem. Et postea invitatus tam a nobis quam a vestra religiosa Synodo communiter quidem convenire recusavit. Contrariae autem factus est sue voluntatis, ea defendens, quæ Nestorii et Theodori sequaces sapient, etc. »

8. *Synodus Constantinopolitana.* — Ihas litteras Baronius non viderat, sed recitantur a Baluzio

tomo i nove collectionis Concil. pag. 1546, Iurijusque pollicitationis meminit Facundus in Libro contra Mocianum his verbis : « Oeculta ejus ante Iudicium pollicitatio tenebatur, in qua se spopondit eadem Capitula damnaturum », ubi *Judicii* nomine intelligit Synodum lxx episcoporum apud Constantinopolim, cui praeftuit Vigilius, et interfuit Facundus. Agit hoc anno Baronius num. 32 et seqq. de hac Synodo Constantinopolitana, quam dicit fuisse triginta episcoporum. Verum Facundus, qui tunc praesens erat, in Libro contra Mocianum ait : « Adfuerunt septuaginta circiter episcopi cum Romano antistite congregati ». Præterea hæc Synodus anno tantum sequenti celebrata. Nam Justinianus loco laudato septem annos, quos memorat, ab ea Synodo non deducit, sed a priori pollicitatione Vigilius facta *ante Iudicium*, seu ante Synodum istam, quæ habita fuit antequam Vigilius suum *Judicatum* emitteret, quod etiam anno sequenti datum esse mox ostendam. Hæc Synodus tribus Actionibus absoluta fuit, in quarum ultima hæc a se diela esse testatur Facundus in lib. contra Mocianum : « Ego fateor simpliciter beatitudini vestra non pro Theodori Mopsuesteni damnatione me a contradicentibus (id est, Severianorum) communione subtraxisse. Hoc enim vel si approbandum non sit, ferendum tamen existimo; nec tantum esse causam judico, pro qua deberemus a communione multitudinis segregari; sed quia ex persona Theodori Epistola Ibae Nestorianam probare conati sunt, et ex Epistola Ibae Synodum, a qua suscepimus, improbare ». Quæ protulit Facundus, postquam iam a Vigilio recessisset.

9. *Vigilius Judicatum emittit.* — Cum secus ac sperabat, res succederet, Facundo et quibusdam aliis Afris *Tria Capitula* vehementius oppugnantiibus, Acta Synodi *Vigilius* interrumpens statuit per semelipsum sententiam proferre, tandemque *Judicatum* ad Mennam scripsit, in quo propugnata hue usque Tria Dapitula mulata derepente sententia, damnavit, abjecta tamen hæc clausula : *Salva in omnibus reverentia Synodi Chalcedonensis*. Jam enim videre cœperat, quod Graeci recte monebant, Tria Capitula ad Synodum Chaledonensem non spectare, que jam finita erat, antequam illa nominarentur, et de quibus Leo Magnus sententiam minime tolerat, quippe qui Acta Synodi usque ad definitionem fidei solummodo approbarat. Sed de his fuse Baronius, licet loco non suo : ideoque hæc Synodus Constantinopolitana cum Sirmondo in Notis ad Facundum et Em. card. Norisio in Dissert. de Quinta Synodo cap. 4, in annum sequentem conferenda.

10. *Sed anno tantum sequenti.* — Non bene eliam Baronius num. 40 tradit. *Judicatum* hoc anno a Vigilio publicatum. Nam, ut observavit ibidem Card. Norisius, *Vigilius* *Judicatum* tradidit Menne *Sabbato sancto*, ut ipse mel Vigilius in Epistola ad Rusticem et Sebastianum asserit, et Justinianus, Vigilius sententia commendata, eamdem

sacris Diyalibus omnibus Romanii imperii populis anno sequenti intimavit, teste Victore Tuninensi Trium Capitulorum defensore, ejus Chronicon Baronii tempore nondum in lucem prodierat : « Post consulatum Basilii anno viii (qui juxta Tuninensem est annus Christi dclviii), Justinianus imp. per diversas provincias regni sui finibus constitutas instantissime scribit, et antistites cunctos prefata Tria Capitula damnare compellit ». Quod si hoc anno *Judicatum* publicatum fuisset, ut creditur Baronius, ejus intimationem Justinianus usque in annum sequentem non distulisset, ac præterea Sabbato sancto Mennae traditum non fuisset; cum juxta ejus opinionem *Vigilius* nondum Constantinopolim pervenerit. Ad hæc hoc anno, Sabbato sancto, die nempe xxiii mensis Martii in quem illud incidebat, Mennas exclusus erat a communione, neque ea illi redditæ ante diem xxix mensis Junii hujus anni, ut mox ex Theophane ostendimus. Quare *Judicatum* accepit Mennas die xi mensis Aprilis, in quem anno sequenti Sabbatum sanctum cadit.

11. *Gesta annis dcl et dclii.* — Em. card. Norisius citatus dicit, Mennam, ut Vigilium in suam sententiam traheret, ejusdem nomen in sacris Diptychis primo loco recitandum jussisse : quam in rem hæc verba Theophanis laudat : « Mense Januario patriarchæ Constantinopolitani nomen primo gradu motum est Vigilio ei preposito; nomen enim ejus in Ecclesiasticis Tabulis ad primum gradum promotum fuit ». Annum vero hoc charactere ibidem designari card. Norisius ait : « *Julii* mensis die xxviii, feria tertia, hoc scilicet anno, quo feria in diem xxviii Julii incidit. Verum Theophanes hæc recitat anno Incarnat. secundum Alex. dclii, qui kalendis Septemb. anni Christi dclix inchoatur : ideoque actum id mense Januario anni Christi dcl, et Dedicatio, de qua ibidem mentio. Facta xxviii die Junii, qui cum feria tertia anno dcl concurrebat, non vero die xxviii Julii, ut apud Theophanem errore librariorum legitur, quod anno dcl evidenter demonstrabo.

12. *Justinianus versionem duarum Epistolarum Constantini Magni ad Vigilium mittit.* — In antiquo Codice Ms. Bibliotheca Colbertina, qui fuit Nicolai Fabri V. C. referuntur duæ Constantini Magni Epistole quarum hic est titulus : « Epistolæ Constantini imperatoris a Justiniano Augusto interpretate, ac Vigilio papa missæ ». Prior his verbis inchoatur : « Gaudete dilecti fratres, perfectum ac divinam accipimus gratiam, etc. » Secunda scripta est Ecclesie Nicomediensi, et his verbis exorditur : « Dominum Deum et Salvatorem Christum omnes cognoscitis, etc ». Post eas in eodem Ms. subjicitur : « Haec exemplaria duarum Epistolarum Dominus imperator Justinianus beatissimo papæ Vigilio translatas in latino direxit, die quinto kalendarum Juniar. sexies post consulatum Basilii, viri clarissimi », hoc sc. Christi anno. Utriusque Epistole exemplar a Nicolao Fabro accepit Baronius, ut ipse-

met fatetur anno ccxxix, num. 42, sed præfatum earundem titulum omisit, solam clausulam num. 14 recitare contentus. Posterioris Epistole fragmentum tantum Theodoretus retulit lib. 1, cap. 20. Baronius vero eam integrum ibidem num. 13 et 14 exhibet, addita scilicet priori parte ex interpretatione Justiniani. Sed ubi Theodoreetus de ea loqui incipit, Justiniani translationem Baronius omittit, et Christophorsoni versionem exhibet. Prioris Epistolæ Baronius ibidem num. 8 meminit, sed eam non repræsentat, verum ea solum, quæ Theodoreetus ex ea decerpserit, ut legenti patebit; cum tamen posterioris Epistolæ versio integra, et prior Epistola luce dignæ sint. In utraque invehitur *Constantinus* in Eusebium Nicomediensem, quem sede dejecerat, atque se Concilio Niceno interfuisse, ut perturbationem ex Arii amentia exortam reprimeret, et episcopos, qui ejus pravitatis consortes fuere, longissime exterminaret. Quare existimo, *Justinianum* versionem utriusque Epistolæ ad *Vigilium* papam tune Constantinopolis agentem misisse, ut ostenderet se in causa Trium Capitulorum et turbis Ecclesiae compescendis Constantini Magni exemplum sequi. Vigilius enim linguam Graecam non callebat.

13. *Regni Northumbrie initium.* — Hoc anno sextum Heptarchie Anglo-Saxonice regnum, *Northumbriae* sc. exordium habuit, Malmesburiensi lib. 1 de Reg. cap. 3 et Chronographo Saxonico testibus, qui addunt, Idam primum ejus regem fuisse. Northumbrorum principatus magnitudo ea fuit, quæ nunc est Eboracensis, Danelensis, Northumbriae, Cumbriae et Westmollandie comitatum, et reliquam præterea Lancastrensis comitatus partem continebat. Ea provincia in *Deiros* et *Bernicos* divisa aliquando fuit. Quidquid ab Humbo flumine ad murum Picticum erat, *Deiri* tenebant: quod inde porrigebatur ad Edemburgi frustum usque, *Bernicii*. Hac tamen divisio aliquo tantum tempore duravit. *Ide* successit *Ella*, vel *Alla*, sub quo venales pueri in Romano Ioro *Gregorium Magnum* ad Saxonum conversionem traxerunt, ut videre est apud Baronium anno bxciii, num. 83. Ex Northumbria, postquam illuc Evangelium annuntiatum, complures sancti prodiere.

14. *Dedicatio monasterii Glannafoiensis.* — Faustus in Vita sancti Mauri Ioquens de monasterio Glannafoensi in episcopatu Andegavensi sito, a Floro ædificato, ait: « Igitur octavo anno postquam ibi adveneramus, monasterium omne satis convenienter in omni constructione consummatum atque ab episcopis provinciae ipsius dedicatum est.

Porro in ipso monasterio Ecclesiæ quatuor aedificare fuerant, etc. His ita expletis, predictus vir Florus non immemor promissionis, quam Deo vorerat, pergens ad Theodebertum regem, liceniam ab eo expetiit, ut ei regularem liceret suscipere habilum, etc. quam cum rex negare nequivisset, tristis licet et moerens, pro eo quod ab eo separari nollet, permisit illi quæ deposcebat implere ». Postea Faustus pluribus agit de Floro, atque; cum annis duodecim, mensibus tribus ac diebus totidem sanctissime vixisset, XII kalend. Septemb. ad Dominum feliciter migrasse. Dein regreditur ad Theodebertum de quo scribit: « Theodebertus rex, cum quatuordecim annis strenue ac nobiliter Francorum gubernasset regnum, Theodebaldo filio suo sedem regni post se dereliquit », hoc scilicet Christi anno, non vero anno bii, ut habet Baronius, quem ibidem refellimus. Monasterii Glannafoensis anno pxlii aliquot post sancti *Benedicti* mortem mensibus, fundamenta sanctus *Maurus* jecit. Quare, ut recte observavit Cointius hoc anno num. 2, temporum ordinem *Faustus* invertit, non alio consilio, quam ut narrationem de Glannafoensis monasterii constructione semel inchoatam absolveret. Simili modo, ne sermonem de *Floro* jam institutum interrumpaperet, prius ejus obitum narravit, quam mortem *Theodeberti* regis, quamvis fateatur ipsum Florum inter monachos vixisse annis duodecim, et amplius, recteque scribat, *Theodebertum* annos tantum xiv regnasse. Dedicatio itaque monasterii Glannafoensis peracta est anno viii ab adventu Mauri in Franciam, ac post *Theodeberti* regis mortem. Quod si quis contendat, *Theodeberto* vivente illud monasterium dedicatum esse, Faustum vel Odonem insinuare, respondebo, loco *octavo anno postquam adveneramus*, legendum esse, *quarto anno postquam adveneramus*, intra quod tempus quatuor illæ Ecclesiæ ædificari potuere. Nam, ut inquit Faustus, *Opus coptum quotidie accelerabant*, et *Theodeberlus* rex Floro mandaverat, ut undique architectos colligeret, ut huic aeditio incumberent. Denique in Vita sancti *Placidi* ejus monasterium dicitur intra annos quatuor absolutum, et in Vita sanctæ *Gertrudis* in tres libros divisa, part. 2, num. 10, legitur monasterium a *Begga* ejus sorore, in quo erant quinque Ecclesiæ, intra duos annos in *Gertrudis* honorem conditum fuisse. Quæ in medium adduco, quia non existimo hac in parte Vitam sancti Mauri ab Odone interpolatam fuisse, sed errorem in numeros irrepare potuisse.

VIGILII ANNUS 9. — CHRISTI 548.

4. *Rustici præsertim Romanae Ecclesiae diaconi opera schisma in Vigilium conflatur.* — Quingeniesimus quadragesimus octavus Christi annus, idem post consulatum Basilii septimus, et belli Gothicæ decimus tertius a Procopio¹ numeratur : quo novis cladibus in Italia diversis in locis Romanus exercitus a Gotis afficitur : additumque ad alia dannata, ut Sclavorum exercitus, transmisso Istro, Illyricum occupat. Haec omnia Procopius pluribus. Sed neque his motus adversis revocatur imperator a susceptis adversus Tria illa Capitula studiis, quibus majorem inflxit Ecclesiae cladem, quam a Barbaris patueret Illyricus. Audi igitur lugubrem de oboto schismate, et a Romano Pontifice defectione tragediam.

2. Cum Romanae Ecclesiae diaconi Rusticus atque Sebastianus Constantinopoli apud Vigilium agentes, vidissent ipsum Summum Pontificem minime condemnasse (ut in votis era) qui damnarant Tria illa Capitula, imo et ipsum cum illis communieasse : iidem ab Africanis impulsi, adversus ipsum Vigilium rebellarunt : id vero præ ceteris operati sunt Felix Gillitanus monasterii in Africa abbas, atque Lampridius, qui hanc ob causam Constantinopolim se contulerant : et hec hi pri- mū rejecti fuissent a Vigilii papæ clericis, eo quod ipsius Pontificis vitarent communionem ; dolo fanno se insinuantes Sebastiano diacono, eundem a Vigilio abstraxere, qui et secum in eandem schismatis societatem Rusticum item Romanae Ecclesiae diaconum captivum duxit. Hi vero cum gloriarentur vindices insurgere pro Concilio Chalcedonensi, in eamdem societatem traxerunt etiam Vigilii subdiaconos, defensores, atque notarios, quorum haec sunt nomina, Joannes, Gerontius, Severinus, Importunus, alterque Joannes, et Deusdedit. Hi quidem adversus eundem Romanum Pontificem ad diversos episcopos in diversas provincias litteras dedere. Haec autem omnia expressa habentur in libello sententiae adversus Rusticum atque Sebastianum prolatæ, quem suo loco recitabimus. Ejus-

dein vero Felicis Gillitani Injus schismatis instigatoris meminit etiam Facundus episcopus in libello ad Mocianum, eumque maximum defensorem fuisse Theodori Mopsuesteni docet, abbatemque nominat. Sie itaque sub praetextu defendendi Concilii Chalcedonensis maximum fuit in Ecclesia Dei schisma conflatum, et calumniis exagitatus ipse Vigilius, quasi fautor accesserit impugnantibus ipsam sacrosanctam Synodum Chalcedonensem : factumque ut undique ab episcopis Orthodoxis querelarum plenæ ad eundem Pontificem litteræ scribebantur, de quibus suis locis agemus.

3. Cum enim isliusmodi ab Ecclesiae Romanae diaconis diversarum Ecclesiæ episcopi litteras perceperissent : aut putantes contumeli debere, quæ de re tanta a viris tantis in tali loco, nempe Constantinopoli scribebantur ; magnopere turbati sunt, verumque esse existimantes quod ab ipsis diaconis Romanae Ecclesiae scribebantur, ipsum scilicet Romanum Pontificem molitum aliquid contra Chalcedonense Concilium : magnopere commoti sunt, eorumque nonnulli se ab ipsis Romani Pontificis communione disjunxere ; alii ad tempus donec res magis sibi explorata fieret, ab ejus se consuetudine temperavere ; alii vero, quibus major inerat in re tanta prudentia, ad rem aperius cognoscendam nuntios misere Constantinopolim, litterasque ad ipsum Vigilium conserpsere : sieque duorum Romanae Ecclesiae diaconorum nempe Rustici et Sebastiani litteris universus concussus est orbis, Ecclesiaeque Catholica perturbata et in summum discriumen adducta, jactaque sunt ab eisdem immensi schismatis fundamenta, admilitibus cum ipsis potissimum Africanis, qui (ut dictum est) adversus imperatorem primum pro Concilio Chalcedonensi (ut sibi videbatur) erexere vexillum. Haec omnia (ut diximus) expressa habentur in libello damnationis amborum diaconorum sequenti anno a Vigilio papa conscripto.

4. Sed et his omnibus insuper a Rustico diacono additum, ut ad suam firmandum pro Trium Capitulorum defensione sententiam, Commentarium per dialogismum scribebat adversus Acep-

¹ Procop. de bello Goth. l. i.

los, ad cuius finem posita ab eo fuit de Tribus Capitulis disputatio. Extat ipse quidem, sed fine decurtatus, ubi de Tribus Capitulis controversia tractabatur. Nam inter disputandum, cum urgeret Orthodoxus haereticum, ut Dioscorum anathematizaret; ad haec haereticus: « Nos interim non de causis singularium colloquimur personarum, sed de fide universaliter discepdamus. Hoc vero negotium illi servabimus tempori, quando de Diodoro, Theodoro, Iba, et Theodoreto disputabimus, causas personarum questioni de fide miscentes ». Haec ibi: ex quibus appareat emundem librum sine carere, cum ea illie quae dicenda proposuerat, desiderentur. Sed et cum desit in fronte operis nomen diaconi ad quem tomum illum inscribit: conjectura ducimur et illud esse subtractum, neque alium quemquam hunc fuisse, quam collegam in schismate, quem diximus, Sebastianum diaconum, ad quem inter alia praefatur:

5. « Memento, inquit ipse, Christianum te esse alique diaconum, et hoc summe totius universitatis Ecclesiae, nempe Romanae. Si importabile onus est ordinis, quare ulla modo aggressus es dignitatem? Semel diaconus factus, tuis votis obligatus es Deo: alioqui debuisti reputare prius, et citra (circa) hujusmodi gradum cum adversario tenere pacem, perquirens si tu cum decem millibus, viginti adversarii millia evincere potuisses ». Haec et alia Rusticus diaconus collegam incendens ad prelum: unde et illud percipere valeas, quibus animis initum sit certamen, tali tantoque classico praecantalo. Demptis autem ex libro illo spinis quibus ager fertilis abundabat, et vepribus quibus in angulo silvescebat excisis, quae remanserunt, viro quidem doco sunt digna: in quo cum plura notanda sint, illud obiter inculcatum de perseverante in Ecclesia pristino saerarum reliquiarum usu non prætermittam, ne quis putet traditiones a Patribus acceplas temporum fuisse diuturnitate vel varietate dimissas: « Clavos, inquit, quibus confixus est Christus, et lignum venerabilis crucis, omnis per totum mundum Ecclesia absque ulla contradictione adorat, etc. »

6. At non Rusticus tantum exacuit contra Vigilium Romanum Pontificem stylum pro defensione Trium Capitulorum, sed alii plures: nam in Africa id præstítit Liberatus Ecclesiae Carthaginensis diaconus, Facundus episcopus Hermianensis in iibello præsertim contra Mocianum edito, neenon Victor episcopus Tununensis, de quibus inferius prolixior sermo erit. Horum meminit Isidorus: licet corrupe, pro Facundo, Secundus legatur. De illis vero qui postea Vigili patrocinium suscepserunt, et pro Trium Capitulorum damnatione pugnauit, suo dicemus loco, ubi de quinta Synodo pertractabimus. Sic igitur maximo Ecclesiae Catholica detrimento ubique rixæ, ubique dissidia, contentiones et dissensiones sunt simul exortæ, pugnantibus adversus se invicem Orthodoxis enormi schismate setsis, inter seque multo collidentibus, ex

quo lotum hoc sæculum redditum plane est infelissimum. Sed de his modo satis.

7. *Theude occiso, regnat in Hispania Theodegistas, qui item occiditur; ubi de Lauriani martyrio et variis miraculis.* — Hoc anno Theudis rex Gothorum in Hispania occisus est, ubi regnasset (ex sententia Isidori) annos sexdecim et menses quinque; hec depravate legatur apud eum anno Justiniani imperatoris xi pro xxii, ex quibus etiam corrigas. Ere menda. Sub hoc rege Thende recensetur ab Isidoro de Viris illustribus Justinianus Valentinus episcopus istis verbis¹: « Justinianus Ecclesie Valentiae episcopus, ex quatuor fratribus et episcopis eadem matre progenitis unus seripsit librum Responsionum ad quemdam Rusticum de interrogatis questionibus: Quarum prima responsio est de Spiritu sancto: Secunda est contra Bonosiacos, qui Christum adoptivum et non proprium dicunt: Tertia responsio de baptismo Christi, quod iterare non licet: Quarta responsio, de distinctione baptissimi Joannis et Christi: Quinla responsio, quia Filius sicut Pater invisibilis est. Floruit in Hispania, temporibus Theudis principis Gothorum ». Haec ipse, qui pergit dicere de ejus fratribus, Justo Orgelitano episcopo, Nebridio, et Helpidio, iisdemque sacrorum scriptorum auctoribus: sed periire præclara horum virorum illustrium monumenta.

8. Paulus autem ante obitum Thendis, inter totenebras Gothorum perfidia superinductas, nobilis Hispanensem Ecclesiam S. Lauriani martyrio illustratam, vetera Ecclesiae Catholice monumenta testantur, quæ diem natalem ejus anniversaria memoria renovant² quarto nonas Julii. Qui prosecuti sunt res Hispanæ, tradunt, hunc fuisse Pannonium genere, presbyterum vero Mediolanensis Ecclesie, in vectumque zelo fidei in perfidum Totilam Ariatum principem, ab eo quasitus ad necem, sed luga lapsum Hispaniam ad Iatebras delegisse: adduntque quod ibi cum virtutum præstantia qualis esset cito innouisset, delectus est in episcopum Hispanensem post Maximum. Cum vero id Totilas cognovisset, Barbarica obstinatione per gentilem suum Thendem regem illi necem inferendam curavit: qui divino monitu fugam rursus captans, Romanum se contulit, cum nondum Vigilius esset prefectus in Orientem, a quo honorifice exceptus est: sed cum reversurus in Hispaniam, pervenisset in Gallias; mira sagacitate ab exploratoribus Totila singula ejus vestigia assectantibus repertus apud Massiliam, ab eisdem apprehensus, capite gladio Ariano truncatus est. Cujus corpus Eusebius episcopus Arelatensis, qui præcessit Arelatani, sepeliendum curavit; caput vero in suam delatum Ecclesiam, populum fame pesteque laborantem (ut prædixerat) liberavit: cum paulo post occisus est Theudis, et regnum arripuit Theodegiscus, idemque Gothus et Arianus. Hunc tandem felicem conseculus est finem vir sanctissimus

¹ Isid. de Vir. illustr. c. 20. — ² Rom. Martyrol. ea die.

Laurianus, ardore Catholice veritatis et dicendi libertate omnes hujus saeculi Catholicos facile autecellens, et miraculorum operatione nulli secundus : ex quibus illud tantum posteris notum, eaeum in itinere, cum Romanam peteret, illuminasse.

9. Porro Theodegeseli haud fuit in regno longa permancio : siquidem Isidorus tradit, quod post annum et menses septem, pari exitu, conjuratorum manu inter epulas gladio confossus extinctus est, ob paenam (ut Gregorius Turonensis existimavit) offensi numinis, dum curiosus divina disquirere, et illis detrahere laboravit. Homo enim Catholicae fidei infensus, aegerrimo patiebatur animo, ut Deus manifestis iisdemque perennibus miraculis declararet quae sibi religio cordi esset, et veram fidem a perfidia signis manifestissimis discriminaret : adeo ut, antequam regnum adipisceretur, cum Thende adhuc superstite habenas regni admistraret, admodum curiose scrutatus sit, ut redarguere posset imposturam, quod Deus inter Arianos evidens edere consuevit signum, quo et fides Catholica veluti Dei digito probaretur, et Ariana impietas damnaretur. Sed quodnam id fuerit meminiimus superius alia occasione retulisse, cum de aliis hujuscemodi miraculis in Sicilia, Italia, et Oriente fieri solitis sermonem habuimus : hic vero (quod locus et tempus postulat) ejusdem Gregorii verbis repetere, haud putamus legenti fore fastidio. Sie enim ait¹ :

10. « Est et illud illustre miraculum de fontibus Hispaniae, quos Lusitania provincia profert. Piscina namque est apud Osen (Osser) campus antiquitus sculpta, et ex marmore vario in modum crucis miro composita opere : sed et aedes magna claritatis ac celsitudinis desuper a Christianis constructa est. Igitur cum dies sacer post curriculum anni antecedentis advenerit, quo Dominus, confuso proditore, mysticam discipulis praebuit coenam : convenient in locum illum eum pontifice cives, jam odorem sacri persenientes aromatis. Tunc data oratione sacerdos, ostia templi simul juliet muniri signaculis, adventum virtutis Dominicæ praestolantes. Die autem tertia (quod est sabbati) convenientibus ad baptizandum populis, adveniens episcopus cum civibus suis, inspectis signaculis, ostia reserat clausa. Ac mirum dictu, piscinam quam reliquerant vacuam, reperiunt plenam, sed ita cumulo altiore refertam, ut solet super ora modorum triticum adgregari : videoisque huc illueque latices fluctuare, nec partem in diversam defluere. Tunc cum exorcismo sanctificatum, conspersum desuper chrisma ; omnis populus pro devotione haurit, et vas plenum domi pro salvatione reportat, agros vineasque aspersione saluberrima tutalurus. Et enim exinde multitudo amphorarum sine collecto numero hauriatur, nonquam tamen vel cumulum minuit : licet ubi infans primo finitus fuerit, mox

aqua reducitur : et baptizatis omnibus, lymphis in se reversis, ut initio produntur nescio, ita et fine clauduntur ignaro.

11. « Cuidam vero ex haereticis Deum non mentienti, neque venerationem praestanti huius loco sancto, neque credenti corde miraculam quod in eo Dominus ad corroborandam suorum fidem præstare dignatus est, quid evenerit, non silebo. Venit eum turba equorum, solitusque impedimentis jussit in Basilica ponit, equisque in ea præsepia præparari, irridens miser quæ de hoc loco narrabantur ab incolis. Igitur media nocte præfereunte, a febre corripitur, ac piene exanimis, et tardius quam debuerat paenitens, exclamat, equites ab aede expelli : erat enim ei, sub rege licet, magna lamen in ea regione potestas. Expulsisque a Basilica sancta equitibus, ad se conversus cupit dentibus proprium lacerare corpusculum, nec prorsus retineri a suis ob nimiam poterat debacchationem : tandemque oppressus inter suorum manus spiritum exhalavit.

12. « Denique Theodegesilus (Theodegeslus) hujus rex regionis cum iam vidisset hoc miraculum, quod in his saeratis Deo fontibus gerebatur, cogitavit intra se dicens : Quia ingenium est Romanorum (Romanos enim vocant homines nostræ religionis) ut ita accidat, et non est Dei virtus. Veniens vero ad annum sequentem, osium cum sigillis suis cum episcopi sigillo munivit, posuitque custodes in circuitu templi, si forte aliquem deprehendere posset fraudis alicujus concium, per cuius ingenium in fontibus aqua succresceret : similiter et alio fecit anno. Tertio vero convocata virorum multitudine, fossas in circuitu Basilicae fieri jussit, ne forte locis occultis lymphæ deducerentur in fontem : fueruntque fosse in profundum vicenum quinum pedum, in latitudinem vero quindecim. Sed nihil abditum potuit reperiri. Tamen vite finem faciens, et credo pro injus inquisitionis temeritate, anni sequentis diem, quo hoc mysterium celebrabatur, videre non meruit, eo quod arcuum virtutis divinae investigare præsumpsit. Habentur autem in ea reliquiae sancti Stephani levitæ ». Hactenus de his Gregorius : quibus haud vulgarem conciliant fidem, que ejusdem generis in unum congregata miracula superiori tomo sunt enarrata.

13. *Macario succedit Eustochius episcopus Hierosolymæ, sub quo miracula S. Simeonis profile Catholica.*— Hoc eodem anno Macarius Hierosolymorum episcopus, ubi sedisset annos dmos, pellitur : de quo ista Evagrius habet¹ : « Sedit Macarius, imperatore nondum ei suffragante : qui postea sede sua pulsus fuit; nam ferebatur, eum dogma Origenis tutalum. Cui in episcopatu successit Eustochius ». Haec Evagrius : verum ipsum Macarium passum fuisse calumniam, ea que superius in ejus creatione dicta sunt, possunt facile suadere. Hincque factum est, ut ubi Origenem damnasset,

¹ Greg. Tur. de Glor. mart. c. 24. 25.

¹ Evagr. I. iv. c. 36. et Niceph. I. xvii. c. 26.

(ut idem auctor ait) in suam sedem receptus sit : quem sedisse annos quatuor, Nicephorus tradit. Cæterum post eum rursum liquet restitutum Eustochium : siquidem constat, ipsum ei quæ celebrata est anno Domini quingentesimo quinquagesimo tertio, per legatos quintæ Synodo interfuisse. Unde corrigendum est Nicephori Chronicon , ubi habet annum tantum sedisse Eustochium.

14. Quod autem ad Eustochium spectat , qui hoc anno suffectus est Macario pulso ; ab Evagrio¹ ista accipe , dum ejus meminit occasione Barsanuphi sanctissimi anachoretæ : « Vixere per idem tempus viri plane divini, qui multis in locis magna edebant miracula, et quorum gloria ubique pervagata fuit. Ex quorum numero erat Barsanuphius genere Ægyptius : ipse vixit in monasterio prope urbem Gazam , et in carne vitam carni adversari degit, adeo ut multa mirabilia ederet miracula. Creditur porro, eum in aedicula quadam clanculum ætatem degisse, alque a tempore quo eam ingressus est ad spatium quinquaginta annorum et amplius neque a quoquam visum esse, neque quidquam alimenti, vel aliarum rerum in terra cepisse. Quibus rebus cum Eustochius episcopus Hierosolymorum minime fidem adhiberet ; cumque aediculam , in qua ille divinitus inclusus fuit, perfodere constituisse : parum aberat, quin ignis ex ea erumpens, omnes, qui cum eo illuc venerant, combussisset ». Haec de Eustochio occasione Barsanuphi habet Evagrius. Vivebat tunc et in Palæstina mira sanctitatis vir Mirogenes nomine , de quo hæc inter alia Sophronius² : « De hoc abbatे Mirogene cum audisset Hierosolymitanus archiepiscopus Eustochius, voluit ad eum mittere quæcumque erant necessaria , nam hydropisi laborabat : sed ille nunquam ab eo quicquam consensit accipere : hoc autem solum illi significabat : Ora pro me, pater, ut liberer ab æterno cruciatu ». Haec ipse.

15. Pergit autem Evagrius³ : « Fuit Emesæ vir quidam nomine Simeones, qui omni inanis gloriae cupiditate abjecta, quanquam sapientia eu-jusque generis et divina gratia refertus fuit, tamen his qui eum minime ignorabant, delirus visus. Iste maxima ex parte remotus ab aliorum conspectu vitam transegit, nec cuiquam potestatem concessit comprehendendi quando aut quomodo Deum pre-caretur, neque quo tempore solus apud se vel abstineret cibariis, vel eadem capesseret. Interea vero cum in publica platea vel in foro versaretur, visus est a pristina vivendi consuetudine deflexisse, imo vero etiam nihil omnino vel prudentiae habere, vel ingenii. Quin etiam tabernas aliquando ingressus, esculentis, cum esuriret, vel cibis qui buslibet vescebat. Quod si quisquam inflexo capite eum salutabat, ira accensus e loco illo cele-riter excessit, veritus ne sua virtus a vulgo depre-henderetur ». Haec et alia de eodem Simeone Eva-

grius, quibus ostendit eum virtutem miraculorum fuisse adeptum, atque etiam propheticum spiritum consecutum. Porro res ab eo præclare gestæ fusius scriptis¹ mandatae fuere a Leontio Neapolis Cypri episcopo, ut Acta Nicænæ posterioris Synodi² fidem faciunt.

16. At quid de his temporibus quibus in Palæ-stina præsertim hæreses Origenis invaluerunt, in-terrogare cupientibus quid de Origene sibi videtur, responderit : Accipe seite dictum, sed stultitiae pannis obtectum. Sic eam Leontius narrat historiam : « Cum aulem duo quidam Patres tunc in quodam monasterio prope Emesam inter se quærerent et perserutarentur, emr ecclisisset Origenes hæretiens, qui tanto ingenio et tanta sapientia a Deo fuerat ornatus : Et ums quidem diceret, non fuisse a Deo eam quæ ei aderalscientiam, sed fuisse quoddam donum naturæ et dexteritatem ingenii : nam cum in lectione divinae Scripturæ et sanctis Patribus maxime esset versatus, acutum ingenium, et ideo libros conscripsit. Alius vero contra diceret, neminem ex dono naturæ posse tales, quales ille edidit, habere orationes, et maxime ea quæ sunt de iis quæ dicuntur Hexapla : quocirca ea vel in ho-diernum diem suscepit Ecclesia tanquam necessaria. Cum ille autem rursus responderet : Crede mihi : sunt Gentiles, qui eo majorem habuere sa-pientiam, et qui eo plures libros conscripsere : quid ergo? oportetne eos laudare propter verbosas corum nugas ?

17. « Cum, inquam, non potuissent convenire, tandem dicit unus alteri : Audimus ex iis qui ve-niunt ex sanctis locis, esse magnos monachos in solidudine Jordanis : eamus, et hoc discamus ex ipsis. Cum itaque ad sancta loca venissent, et oras-sent, veniunt etiam ad Mortui maris solitudinem, in quam secesserant semper memorandi Joannes et Simeon. Cum ergo fecisset Deus ut eum laborem non frustra suscepserint, invenerunt abbatem Ioan-nem, qui ipse quoque ad perfectam jam mensuram per-venerat. Postquam enim eos videt, dixit : Bene vene-rint qui mare reliquerunt, et in siculum laeum veniunt ad hauriendum ». Haec ea ex causa, quod eum in patria haberent Simeonem, eo non cognito, et ob id præterito, ad ipsum tam longo itinere perrexissent. Sed pergit auctor : « Cum longa ergo, piaque ac religiosa inler eos fuisse congressio, di-cunt ei, quanam de causa tantum iter confece-rant. Is vero dicit eis : Nondum, patres, accepi donum discretionis judiciorum Dei : sed abite ad Salum Simeonem, qui est in vestra regione : ipse vobis potest et hæc et omnia quæ vultis solvere, ei di-centes : Precare etiam pro Joanne, ut illi quoque decem sorte contingant ». Quid autem per hæc decem significarit, nota ista erant inter se symbola, quæ ipsorum Vile exordio auctor declarat. Sed rursum Leontius :

¹ Evagr. I. iv. c. 32. — ² Sophron. Prat. Spir. c. 8. — ³ Evagr. I. iv. c. 33.

¹ Habes ea apul Sur. tom. iv. die 1. July. — ² Conc. Nicæn. II. Act. iv.

18. « Postquam autem venerunt Emesam, et rogaverunt ubinam esset ille Simeon qui dicitur Salus, id est, Stultus : omnes eos irridebant et dicebant : Quid ex eo vultis, Patres ? Est homo amens, qui omnes vexat et subsannat, et maxime monachos. Cum ii autem qui quiescieran, invenissent eum apud Fusarium rodentem lupinos tanquam ursum : unus ex eis statim passus est scandalum, et dixit apud se : Venimus ad videndum virum magna cognitione præditum : is potest multa nobis dicere ? Postquam ergo appropinquaverunt, dieunt ei : Benedic. Ille vero eis dieit : Male venistis, ei qui vos misit, stultus. Apprehensa vero auricula ejus qui scandalum passus fuerat, impegit ei falem alapam, ut plus quam tres diessignum apparuerit ; et dicit : Cur vituperas lupinos ? ii fuerint madefacti quadraginta diebus : Origenes vero ex eis non comedit, quoniam mare subiit, et non potuit egredi, et fuit suffocatus in profundo. Il ergo obstupefacti, quod eis omnia prædictisset : quin etiam quod decem velit Salus, sed est stultus, vobis similis : Accipitisne, ait, plagam in eiture ? Certe, certe, abite. Statimque sublata olla, in qua erat levis vesica, ussit eos duos in labiis, ne quid possent dicere quod eis dixisset ». Ista symbolice de Origene Simeon, quod deserens ille Christianam bene probatam simplicitatem per lupinorum esum representatam, cum plus sapere vellet quam oportet sapere, evanuit in cogitationibus suis ; et putans se sapientem, vere stultus factus est. Istiusmodi igitur ludibrio Simeon Origenem cum Origenistis voluit condemnasse. At quonam alio edito stultitiae signo grassantem his temporibus Acephalorum haeresim palam ob oculosque omnium idem damnatum ostenderit ; accipe que his mox idem Leonitus ita subdit :

19. « Cum autem quadam die esset in officina in qua erant vesicae, accepit calamum, et cœpit tibia canere in quadam angusto vico, ubi erat spiritus immundus. Canebat autem tibia, et dicebat orationem magni Niconis, ut ex eo loco effugaret spiritum : multos enim vexaverat. Postquam ergo fugit daemonium, transit tanquam Æthiops per vesicarum officinam, et confregit omnia. Reversus ergo ille admirabilis, dicit dominae : Quis haec fecit ? Illa autem dixit : Unus Mauritanus secleratus venit, et omnia contrivit. Is vero dicit ridens : Pumilio, pumilio. Illa vero dicit : Certe, Sale. Ille autem dicit : Revera ego enim misi, ut omnia confringeret. Postquam autem illa haec audivit, voluit cum verberare. Ille vero se incurvans, et pulverem tolleus projecit, et oculos ejus sanctus obseuravit, et dixit : Revera non me apprehendes, sed aut in Ecclesia mecum communicabis, aut Mauritanus confringet omnia. Erat enim ex haeresi Acephalorum. Postquam ergo recessit ab ea, ecce eras eadem hora venit Maurus, et rursus confregit omnia tam aperte, ut videretur oculis. Vires itaque sumpserunt Orthodoxi, ut qui Simeonem haberent Dei famulum, de eo autem nemini audentes dicere,

quamvis quotidie transiret Salus et eos irrideret ». Ha plane ut illud Apostoli his aptari possit¹ : « Cum mundus per sapientiam Deum non cognovisset, placuit per stultitiam prædicationis salvos facere credentes ». Sed quod ad recitatam historiam spectat, aliqua deesse videntur in textu, nempe tum feminæ, tum viri ejus Fusarii conversio ad fidem Catholicam : quod ex iis que idem auctor superius dixerat, elici satis potest, ubi de eodem Simeone haec ait :

20. « Cum autem Dens vellet salvum facere Fusarium (erat enim haeticus ex haeresi Acephalorum Severianorum) vidit ipsum ejus uxor in manu suffumigantem : ea vero obstupefacta dixit : Unus Deus, o abbas Simeon, in manu tua suffumigas ? Postquam autem hoc senex audivit, præsestulit se comburi, et nescio que incisa e manu sua traustulit in vetus pallium quod gestabat, et dixit : Si nolis in manu mea, ecce in meo pallo suffumigo. Virtute autem Domini, qui rubrum conservavit incolumbum, et prieros, nec sanctus sensit flammam, nec ejus pallium. Quomodo autem salvi evaserunt Fusarius et ejus uxor, dicetur in alio capite ». Eo nimis, quo ab Æthiopis formam induito pravo dæmonie ea ipsos passos esse damna auctor narrat. Sed qui eo modo per Æthiopem Acephalos condemnavit, et in lupinis Origenis insipientiam demonstravit ; quomodo, et de Judæis triumphum egerit, ex eodem auctore accipe, qui ista subjungit :

21. « Quidam vero ex his qui præerant officinis civitatis, voluit eum publicare, cognoscens ejus virtutem : semel enim vidit, cum lavaretur, duos Angelos qui cum eo conversabantur. Erat autem is qui præerat officinis Hebreus, et Christum sepe blasphemabat. Apparet ergo ei in somnis hic sanctus dicens, ut nemini diceret quod viderat. Mane autem voluit de eo triumphum agere, et eum traducere. Protinus autem adstant sanctus, ejus labia alligit, et compressit, nec potuit ullum verbum loqui. Venit autem ad Salum, et ei manu annuit, ut faceret cum loqui. Similabat vero abbas Simeon amentiam, et ei contra annuebat tanquam stultus : ei autem annuebat, ut se signaret. Licebatque utrosque videre inter se annuentes terribili specaculo. Ei ergo rursus apparuit in somnis senex, dicens : Aut baptizare, aut eris mutus. Atque tunc quidem nec induxit in animum, ut crederet. Postremo autem quando mortuus fuit abbas Simeon, et se vidit ad ductum in angustias, maxime autem dum ejus transferrentur reliquie, tum ipse baptizatus fuit et ejus domus. Et cum primum ascendit de sacro lavaero, est locutus. Faciebat autem Sali quotannis commemorationem, et invitabat pauperes ». Sed quomodo alium idem Salus Hebreum baptizari coegerit, audi.

22. « Rursus autem semel sedebat cum fratribus, et se calefaciebat prope caminum vasorum

¹ 1. Cor. 1.

vitreorum opificis : erat autem vitreorum opifex Hebreus. Dixitque Iudeus pauperibus : Vultis faciam vos ridere? Ecce quando artifex facit poenitentiam, faciam erueam, et franget. Postquam autem septem fregit ordine, eoperunt ridere pauperes, et rem ei dixerunt. Is vero illum ira accensus est persecutus. Postquam autem recessit, clamavit ei, dicens : Revera, Manzer, donec erueam in tua fronte feceris, conterenturomnia. Cum querursustredicim alia confregisset ordine, compunctus est, fecitque erueam in fronte, nec illum fregit amplius. Hoc ergo modo abiit, et factus est Christianus ». Sed qui Origenistas atque Acephalos vicit, Iudeosque superavit, quem de magis triumphum egerit, paucis accipe :

23. « Erat autem illo tempore quaedam mulier divinatrix, qua faciebat amuleta, et interbatur incantatiomibus. Haec conabatur hic vir justus facere sibi amicam, dans ei ea quae colligebat, sive escam, sive pullem, sive etiam vestes. Haque quadam die dicit ei : Vis tibi faciam amuletum, ut nunquam sit tibi lema in oculo? Haec vero dicit ei : Certe, Sale, reputans, quod etsi sit fatuus, id forte possit praestare. Abiens itaque scripsit in tabella Syriae : Deus te faciat cessare et desistere ab averlendis ab ipso hominibus. Dedit ergo ei, et ipsa gestavit; neque potuit amplius alieni divinare ». Haec et alia plura Leontius : sed ad institutum ista satis. Vides in his plane quam ychementer admireris Dei providentiam, dum quo tempore infatuala videri poterat Graecorum sapientia, cum jam Oriens sterilis prorsus redditus parere desiisset doctissimos illos atque sanctissimos viros, qui sicut antea orbem terrarum scientia illustrarent, atque adversus hostes fidei Christianae pugnarent ac superarent; virum excitat, qui se stultum fingens, omnium sapientissimus demonstretur : simulque hinc quodam adversantes Christianae religioni haereticos, Iudeos, et magos vineat. Ut plane illud cum Apostolo licet exclamare¹ : « Ubi sapiens? Ubi scriba? Ubi inquisitor hujus saeculi? Nonne stultam fecit Deus sapientiam hujus mundi? » Sed quod superest anni hujus tertium Theodorae Augustae funus, inspiciamus. Dicit ipsa infelix tandem, quam sit terribilis qui auferit spiritum principum.

24. *Obitus Theodorae Augustae*. — Hoc enim anno imperii Justiniani vicesimo secundo, eadem Theodora Aug. ad eadem fidei Orthodoxae solu intenta, ex hac tandem vita, flet sero, subducitur, cum (inquit Procopius) « imperasset annum unum et viginti, mensemque tertium ». Ha ipse scribens de bello Gothicō, et in fine Commentarii de rebus Persicis id ipsum affirmat, ubi cum refert res gestas in bello Persico anno ejusdem Justiniani imp. vicesimo tertio, mox ista subdit : « Joannes autem Cappadox anno superiori ab imperatore revocatus est; quo tempore finis item vite Theodore Aug. advenit ». Haec de tempore obitus imperialicis

Procopius : sed quo morbi genere fuerit ex hac linea subtracta, hic omnino silentium. Verum qui hoc Procopius obiter attigit, seorsum teste Suidam in aliis libris scripsit vituperationes Justiniani et Theodora, neonou Belisarii, et ejus conjugis : sed cum ejusmodi a Procopio scriptis libris careamus, nihil est ut de Theodora aliud dicere possimus, nisi quod a Vigilio sauciatam primum diro jaculo anathematis, hanc post diu, uleiscente numine, est sequens interitus.

25. *Joannis Cappadocis pena et exilium*. — Sed videamus que de Joanne Cappadoce, qui semper apud Justinianum imper. primarium locum oblinuit, idem Procopius istis subjicit : « Joannes ob suspicionem magistratus dejectus, sacerdotium sumere compulsa est : quamquam in eo statu in phrenesim quamdam atque opinionem consequendi imperii venit. Quarit enim daemon ambitioni homines deditos summorum honorum spe deludere, qui praesertim constanti natura seu proposito non sunt : quod Joanni accidit, cui mira ac vana soliti praedicere homines, cum alia, tum futurum ut is quandoque Augusti habitum indueret : quod fortasse factum in hoc verum apparuit, quod quidam sacerdos nomine Augustus Byzantii thesauri Sophiae templi custos prope aderat, quando Joannes sacerdotis habitum induit ; forteque suum, caeteris deficientibus, accomodavit ». Haec Procopius : qui et hic finem imponit historie de bello Persico.

26. Quod vero ait compulsum Joannem effici sacerdotem, non sic accipias, ut invitus potuerit ordinari sacerdos. Sed cum ea offerretur ab imperatore condilio, ut si vitam sibi salvam vellet, sacerdos iniiciaret ordinibus, alioqui foret gladio ferriendus ; ille fieri sacerdos magis elegerit, minime cogendum, si renuisset. Est namque exemplum de Anastasio imperatore, qui cum quemdam ex senatorio ordine vellet ordinari presbyterum, ipsum penitus renuentem, et omne potius supplicium subite paratum, laicum tandem remanere permisit, potius quam vi cogeret fieri sacerdotem ; quem a successore Justino imperatore creatum fuisse praefectum praetorio testatur ex Romani scripsi scriptis Petrus Damiani in Epistola ad Nicolum Romanum Pontificem.

27. Sed ad Joannem redeamus, de quo idem Procopius¹ in bello Persico, que sunt reliqua ipsius tragœdie memoria digna, prosequitur verbis istis : « Igitur de magistratu primum dejectus, in exilium in Cyzici suburbium, quod Artacem vocant, missus est; ubi presbyteri tantum habitum, non autem sacrificandi animo sumpsit, ne impedimento fieret ad repellendos forsitan honores, quorum spem non omnino abjeicerat. Bona ejus Constantinopoli publicata, quamquam longa pars ei imperatoris benignitate dimissa est. Cum his itaque, atque aliis que occultaverat, ditissimus remanserat, eaque vixit nihilominus licentia et his deliciis, qui-

¹ 1. Cor. 1.

¹ Procop. de bello Pers. l. 1.

bus prius : adeo procul ab omni cura fuit. Quamobrem odium in se Romanorum accumulavit, perspecta hominis impudentia, et in calamitate merita inconsiderantia. Verum eum Deus graviori poena, puto, reservaverat : quod hoc modo contigit.

28. « Erat quidam apud Cyzicum episcopus Eusebius, omnibus cum quibus versaretur, non minus quam Joannes gravis. Ilunc Cyziceni apud imperatorem accusantes, ad judicium accersiverrunt; verum eo viribus ac potentia resistente, nihil tunc egerunt : conspirantibus demum quibusdam juvenibus, in foro interfecit. Erat autem Joannes in dissensione cum Eusebio, ex quo illi insidie in primis provenisse putabantur. Mittitur igitur e senatu Romanorum qui crimen cædis inquirant. Hi Joannem ante omnes in carcere conjicunt. Deinde hominem olim inter patricios potentissimum et praefectum, et quandoque consulem, nudum more latronis constituentes, auctores cædis dicere coegerunt. Deinde eunctis ejus bonis direptis, brevi tamquam enim ac linea contextum veste navi imposue-

runt : sic itaque circumductus per totum Aegypti iter usque ad Antinoi urbem, petere ab obviis stipem cogebatur. Hic vero tres annos in custodia servatus est. Quodque mirum, in tantis aerumnis constitutus, nunquam imperandi spem dimisit; sed et quosdam Alexandrinos publice aurum debentes, palam etiam calumnialabatur. Post decem itaque annos a Joanne male administratae reipublicæ poena exacta ». Haec tenus Procopius de Joanne illo insignis nominis, ad quem prefectura prætorii fungentem exstant complura Justiniani imperat. data rescripta, homine plane in exemplum posito rerum mundi hujus volubilis status, et ejus animi insanis obdutati, quem nec malleus ferreus tribulationum valuit ullo paeto conterere, secundum illud Sapientis¹: « Si contuderis stultum in pila quasi ptisanas, feriente desuper pilo, non auferetur ab eo stultitia ejus ». Sed hic jam finis anni hujus rerum gestarum esto.

¹ Prov. xxvii.

Anno periodi Greco-Romanæ 6041. — Anno Æra Hispan. 586. — Jesu Christi 548. — Vigili papæ 12. — Justiniani imp. 22. Tetilia reg. 8.

1. *Postconsulatus*. — Hic annus ista formula notatus : *Post consulatum Basilii V. C. vii*, et iuxta modum loquendi Victorianum, *P. C. Basilii V. C. anno viii*.

2. *Gesta anno belli Gothici xiv*. — A num. 1 ad 7. Est hic annus belli Gothici xiv, ideoque gesta anno ejusdem belli xiii quæ attingit Baronius, ad annum superiorem revocanda. Quæ cum parvi momenti sint, legenda apud Procopium lib. 3 de bello Gothicæ a cap. 25 ad 30.

3. *Vigilius Constantinopoli Synodus cogit, et Judicatum emittit*. — Vigilius papa Constantiniopolis Synodum celebravit, et diurnioris in urbe regia moræ impatiens, Justiniani violentis fractus *Judicatum* ad Memam patriarcham Constantinop. in quo Tria Capitula damnavit, scripsit; qua de re Vigilius ipse in litteris contra Theodorum ita loquitur : « Pro scandalio refrænando, condescendentes quorumdam animis, quos aliqua dispensatione credidimus temperandos, quia tu jam eos pluribus annis inquietissimus stimulator accenderas, quedam pro tempore medicinaliter existimavimus ordinanda, tali scilicet conditione, ut omni impostorum perturbatione sopita, nihil ultra nec verbo, nec litteris quisquam facere ex eadem causa præ-

sumeret ». Utrique parti se fecisse satis Vigilius pulavit; Græcis, quod Tria Capitula condemnasset; Latinis, quod salva Synodo Chalcedonensi id se fecisse contestaretur. Praesto erant Vigilio inter alios *Rusticus* et *Sebastianus* doctissimi Romanæ Ecclesiæ diaconi, qui uterque *Judicatum* summis laudibus extulit. At Facundus episcopus Hermianensis, qui etiam Constantinopoli aderat, Vigiliū mendacii, proditionis, collusionis cum Accephalis, ambitionis, venalitatis arguit, ut videre est præsertim in libro contra Mœianum.

4. *Ob Judicatum in Occidente tumultuatum*. — In Occidente ubi primum Vigiliū *Judicatum*, ac nova principis edicta immotuere, conqueri simul singuli, ac deplorare Synodi Chalcedonensis auctoritatem a Vigilio depressam, proditam ab illo fidem, et Ecclesiam pravo dogmate imbutam. Africani non modo *Judicatum* non approbarunt, sed eidem consentientes Ecclesiastica communione privarunt. Idem ab Illyricis episcopis factum. Fremebat universus Occidens, palamque Justiniani jussis non modo episcopi, sed integræ plebes refragabantur, unde imperator ex Vigiliū *Judicato* lites in immensum auctas intelligebat, quas tamen eo scripto componendas speraverat.

5. Rusticus diaconus scribit adversus Vigilium. — Non solum in Occidente, sed etiam a pluribus, vel in ipsa regia urbe, passim *Vigilius* traducebatur: eorum nomina habentur in sententia lata a Vigilio contra *Rusticum et Sebastianum*, qui persuasionibus vieti exeunte hoc anno a priori sententia discessere, ac perficiet fronte a Vigiliis communione segregali hostium numerum auxere, ac litteras quaquaversum disseminantes, quibus significabant, Vigilium *aliquid scripsisse, quod reperiatur adversum definitioni sanctae Chalcedonensis Synodi*, teste ipsomet Vigilio in sententia adversus eos lata, de qua infra. Extat adhuc libellus Rustici in bibliotheca veterum Patrum, cuius titulus: « *Dialogus adversus Acephalos, in quo fidei definitio in Concilio Chalcedonensi facta defenditur, et haeretici ab ea deficientes refutantur* ». Baluzius tomo i novae collect. Concil. in Praefatione ad Acta Concilii Chalcedonensis, num. 25 et pag. 4228, hunc *Rusticum* Vigilii papae nepotem unum eundemque cum illo fuisse, qui priorem versionem latinam Concilii Chalcedonensis cum Codicibus antiquis contulit, demonstrat. Ulerque enim Acephalorum hostis fuit, ac Trium Capitulorum defensor. Nam de interprete Concilii Chalcedonensis multa sunt, quae probent: in prima Actione Chalcedonensi, ubi recensentur Acta secundae Synodi Ephesinae Eustathius episcopus Beryti laudat Epistolas Cyrilli Alexandrini ad Acacium episcopum Melitenae, Valerianum Iconii et Successum Diocesare. Ad hunc autem locum ita annotat Rusticus: « *Nota Epistolas, quibus nunc usque abutuntur Acephali, ad Acacium, Valerianum, et Successum* ». Eundem fuisse Trium Capitulorum defensorem hinc certo probatur, quod Ibam vocat confessorem in annotatione quinta ad Actionem *v contra Ibæ confessoris Epistolam*.

6. Iste Rusticus diversus non est a Rustico Synodi Chalced. emendatore. — Praeterea codem argumento utuntur auctor dialogi et auctor Annotationum ad Synodus Chalcedoneensem, ubi disputant de duabus Christi naturis adversus haereticos. Haec sunt verba dialogi: « *Ergo ut dicis, multo magis qualuor secundum te erunt Trinitatis, imo potius, ut dicitur quaternitatis naturæ, etc.* » Auctor vero Annotationum ita scribit ad definitionem Synodi, in *v Actione* lectam: « *Hic quaternitatem putant induci, qui cæci sunt animo, nec vident non esse addilamentum quartæ ad repletionem unius ejusdemque de Trinitate personæ* ». Alias conjecturas affert Baluzius, quibus patet, *Rusticum* Concilii Chalcedonensis emendatorem, sese profiteri aper-tissimum Acephalorum hostem ac Ibæ fautorem. Baronius num. 4 et seq. existimat, Dialogum illum a Rustico missum ad Sebastianum diaconum, sed istius nomen poslea in titulo operis esse subtractum, idque colligi ex his verbis in Praefatione positis: « *Memento Christianum te esse alque diaconum. et hoc summae totius universitatis Ecclesiae* ». Verum, inquit Baluzius citatus, si quis attendat ad verba Rustici, is intelliget illa ad ipsummet *Rusticum* re-

ferri, non ad alium quempiam. Fingit enim se decreuisse manere in silentio, sed rationem sibi e contrario suggestisse, ut non occultaret talenta, quæ ei commissa erant. Inter haec ergo ratio, quam foquentem inducit, ait: « *Memento Christianum te esse atque diaconum* ».

7. Theudis Visigothorum rex occiditur. — A num. 7 ad 13. *Theudis* Visigothorum rex, qui anno **DXXXI** *Amalarico* successerat, regnavit *annis decem et septem*, ut inquit Isidorus in Chronico Gothorum, tam ex editione Grotii, quam Labbei, eoque interempto *Theudisclus* Gothis praeficitur *Era DLXXXVI, anno imperii Justini anni XXIII*, ut habeat ultraque citata Isidori editio. Verum *Era* illa convenit in annum Justiniani **XXII**, ideoque error in numerum 23 irrepst, et *Theudis* nex præsenti Christi anno contigit. Baronius usus est Isidori Codice adhuc magis depravato; in eo enim dicitur regnasse *Theudin* annos **xvi** et menses **v**, et loco, *anno Justiniani imp. XXII*, in eo habetur, *anno Justiniani imp. XII*.

8. S. Lauriani episc. Hispalensis martyrium. — Quoad sancti *Lauriani* Hispalensis episcopi martyrium, illud in *Gallia* consummatum fuisse, omnes consentiunt, sed quo tempore, quo loco, et eius insidiis neci traditus sit, vix sciri potest, ob varios errores, qui in Acta ejus irrepserunt. Cointius anno **CVIII**, num. 44 et seq. existimat *Theoderie* regis loco nomen irrepisse *Totilæ*, et pro *Eusebio* episcopo *Aurelianensi* scriptum esse *Eusebium* episcopum *Arelatensem*, eoque modo non parvam rerum ac temporum introductam esse confusionem; *Totilas* enim in Hispania nunquam regnavit, et nullus *Eusebius*, qui tamen funus *Lauriani* martyris curasse dicitur, hoc seculo *Arelatensis* episcopus fuit. De hoc itaque martyrio legendus idem Cointius, qui sancti *Lauriani* Acta expurgare conatus est.

9. Eustochius fit episc. Hierosolymorum. — A num. 13 ad 24. *Victor Tununensis* in Chronico post *consulatum Basillii XII*, qui secundum ejus loquendi modum in annum Christi **DLII** convenit, ait: « *Macarius Hierosolymitanus episcopus ejicitur, et eo superstite Eustochius ordinatur* ». Niciphorus in Chronico Macario hujus nominis **H**, ante depositionem annum unum, post destitutionem annos qualuor assignat: sed, ut ex infra dicendis constabit, vel hallucinatur, vel error in numeros irrepst.

10. Floret S. Barsanuphius. — *Evagrius* lib. 4, cap. 32, referit, Eustochio Ecclesiam Hierosolymitanam regente, *Barsanuphius*, qui in quodaam monasterio *juxta Gazam* vivebat, gloriam inclaruisse, additique credi ab omnibus *etiamnum* (anno sc. **DXCII** quo historiam suam absolvit) vivere in cella reclusum, « *Quamvis quinquaginta et amplius anni jam excesserint, ex quo nec visus est a quoquam, nec terrenum quidquam degustavit. Quæ cum falsa esse crederet Eustochius Hierosolymorum antistes, et cellulam in qua vir Dei sese incluserat, perfodi*

jussisset, ignis inde exiliens universos propemodum, qui aderant, combussit ». Quare Barsanuphius circa annum **DXL** sese monasterio incluserat, et fortasse mortuus erat, quando Eustochius ejus cellulam aperiri jussit. Nam sanctus *Dorotheus* archimandrita in institutione **iv**, ait : « Cum adhuc essem apud abbatem Seridum, senis illius Joannis abbatis, contemporanei abbatis Barsanuphi, minister agrotavit; milique praecepit abbas, ut seni ministrarem ». Cum ergo Barsanuphius senex esset, antequam sese in monasterio includeret, utpote coœvus Joanni seni, vix potuit vivere usque ad annum, quo Evagrius Historiam suam absolvit, perperaque Neeiphorus lib. **22**, cap. **17**, Salustum pro Eustochio nominavit; cum *Salustius* anno **CDLXXXVI** episcopus Ilierosolymorum dictus sit, annoque **cxciv** obierit. Porro *Barsanuphius* senem fuisse, quando vitam illam angelicam ducere cœpit, magis liquet ex Vita sancti *Dosithei* monachi in Palæstina, quam ab auctore æquali anonymo scriptam recitat Bollandus ad diem **xiii** Februarii (**1**). *Dositheus* enim circa annum **DXXX** mortalitatem explevit, in extremis illi adstante sancto Barsanuphio, qui in ea Vila, ubi præsertim de morte Dosithei agitur, nonnisi *Senis* nomine exprimitur. Paprocius ad diem **xii** Aprilis exhibit encomium historicum *Barsanuphi*; sed quia memoria lapsu *Salustum* anno **DM** episcopum creatum, et anno **DXI** mortuum supponit, in suis conjecturis non potuit non falli.

11. Floret S. Symeon Salus. — Eodem, quo Barsanuphius et Eustochius tempore, in urbe Emensea floruit sanctus *Symeon* monachus, vulgo *Salus* appellatus; quo nomine Syris significatur *Simpler*, vel etiam *Stultus*, quod Symeon propter Christum stultitiam singularit. Tempus quo vixit, indicat Evagrius lib. **4**, cap. **34**, eum ait : « Cum imminaret terræ motus ille, quo Phœnicie maritima concussa est, et quo Berytus, et Byblis, ac Tripolis præ reliquis urbibus vexatae sunt, flagello in altum sublato, ex columnis, que erant in foro, plerasque verberare jussit, inclamans his verbis : State, saltandum vobis est ». Hic autem terræ motus contigit anno **DLI**, ut eo anno ostendam. Leontius, Neapolis, Cypriorum insulte, episcopus. Vitam ejus scripsit, ut legitur in **IV** Synodi Nicænae II Actione, ubi ejusdem Vite mentio fit, seu τὸν ἴστορον Συμέων τὸν Σαλύον, hoc est, *sancti Symeonis Salis*. Quod cum non satis attenderet Anastasius Bibliothecarius in versione hujus Synodi, pro σωτῆρι legit, σωτῆρι et tamen est σωτῆρι *jacatio*, sive *turbatio*, ideoque Anastasius addit, scripsisse *turbationes* propter *Christum*, circa ea tempora in Ecclesia factas, ut primus omnium observavit Rosweidus in Notis ad lib. **1** de Vitis Patrum. Hic autem Anastasii error Baronio anno **DXCIV**,

num. **30**, occasionem dedit scribendi sanctum Leonium Constantiae in Cypro episcopum scripsisse « turbationes, quas his temporibus Dei Ecclesia passa est; sed hactenus incomptum nobis opus, vel excidit, vel latet incognitum ». Ubi male etiam *Leontium* Constantiae episcopum Baronius vocat, quem anno **DCXX**, num. **3**, Neapolis in Cypro episcopum recte nuncupat, perperam tamen addens eum « scripsisse Historiam sui temporis incipientem a Maurilio narrare eas, que fuerunt in Ecclesia, perturbationes ». Colitur sanctus *Symeon Salus* die prima Julii.

12. Theodora Augusta moritur. — Ad num. **24**. Procopius lib. **3** de Bello Goth. cap. **30**, loquens de iis, quæ anno belli Gothicī **xiv** accidere, dicit, *Belsarum* Antoninam uxorem ex Italia ad Augustam misisse, additque : « Augustam (Theodora vocabatur) morbo extinctam reperit, postquam in summa fortuna per annum unum et viginti ac menses tres vixerat ». Quod confirmat Theophanes qui anno Incarnat, secundum Alex. **DXL**, cum mense Augusto hujus Christi anni absoluto ait : « Eodem anno, mense Junio, Indictione undecima, imperatrix Theodora cum pietate obdormivit ». Idem habet Cedrenus ad annum **xxi** Justiniani, ubi legitur eam pie defunctam **xii Julii**. Sed loco *Julii*, legendum, *Junii*; qui error passim a librariis commissus. Incertum autem, an Theophanes ac Cedrenus ex consuetâ imperii ac principum reverentia, an vero quod pœnitentiam male factorum egerit, dicant eam pie mortuam. Genus morbi, quo extincta est, notavit Victor Tununensis in Chronico, qui hoc tempore vivebat : « Theodora Augusta, inquit, Chalcedonensis Synodi inimica, canceris plaga corpore toto perfusa, vitam prodigiose finivit ». Adversus eam pluribus invenitur Procopius in Historia arcana, quam fateatur hic Baronius se non vidiisse; quæ tamen hodie apud Historicos Byzantinos Alemani Notis illustrata legitur. Ex laudatis proo Procopii verbis constat, eum res durante bello Gothicō in Italia gestas accurate annis suis reddidisse, et eurrentem esse **xiv** belli Gothicī, non vero **xiii**, ut existimat Baronius, qui tamen contra suam ea in re sententiam *Theodora* mortem hoc Christi anno refert, licet Procopius eum vocet annum **xiv** belli Gothicī, et diserte significet concurrere eum anno Justiniani **xxii**. Hic etiam locus everlit opinionem Em. card. Norisii, qui putavit annis a Procopio in libris de bello Gothicō memoratis unitatem addendam esse. Nam hoc pacto *Theodora* anno sequenti interiisset, quod nullus dixerit.

13. Joannis Cappadocis justa punitio. — Ad num. **25** et seqq. « *Joannes Cappadox* », qui omnia apud Justinianum per multos annos potuerat, quique « ingenii vi ad improbitatem, qua etiam mor-

(**1**) Barsanuphius fuisse duos sicut et Dorotheos totidem docet duplex Codex Ms. Biblioth. Coislin. apud Montfaucon. p. 199 et 393 et 297. Horum alter Dorotheus, et Barsanuphius Severianorum dogma probabant; alter vero Catholicus et monachus fuit, cojus uenit Barsanuphi ex eadem Bibliotheca opusculum contra Origenistas monachos idem Montfauconius ibid. p. 394 vulgavit. Haec doctrina seu opusculum scriptum, seu directum dicitur Aureliano episcopo Gazæ. Extant etiam in Codice alio ejusdem Bibliothecæ interrogations S. Dorothei ad S. Barsanuphiu; sicut et ibidem alteruntur doctrinae S. Dorothei post S. Barsanuphiu perfectum silentum, id est, post intimationem ejus reclusionem. Mansi.

tales omnes superabat, abutebatur », inquit Procopius lib. I de Bell. Pers. cap. 24, præfectus prætorio anno DXXX creatus est, annoque in sequenti Justinianus, ut sedaret seditionem, que eo anno Constantinopoli exarsit, populumque sibi demeretur, eum a magistratu submovit, in quem eundem anno DXXXIV restituit, collato etiam in eum post aliquot annos consulatu ordinario. Nam anno DXXXIV cœpta est expeditio Africana, a qua cum præfecturam prætorii gereret, revocare Justinianum nubebatur, teste Procopio lib. I de Bell. Vandal. Verum cum omnes, inquit Procopius lib. I de Bell. Pers. cap. 23, « cunctis uno tempore pecuniis exhaustiret, indicta causa, decimo tandem præfecturae anno penas jure meritoque dedit seeleratissimæ et contaminatissimæ vite ». Exutus enim fuit præfectura, omnibus facultatibus, imo et vestibus, « et una admodum togula, eaque oppido aspera ac paucis empta obolis » conlectus Cyzicum deportatus est, « sacerdos invile factus, decimo magistratus anno ». Quare cum anno DXXX primum præfectus prætorio renuntiatus sit, ei exilium anno quingentesimo quadragesimo primo irrogatum ; et perperam Marcellini continuator ejus exilium recitat *P. C. Basilii anno III, Christi sc. XLIV.* Haec ejus verba : « In Oriente Belisario constituto, exulatur Joannes ex consule ordinario, patricius, atque præfectorus prætorio, et

domus ejus datur Belisario ». Alemannus in Notis ad Historiam arcanam ad cap. 21 exhibet Tabulam præfectorum prælorii, qui Justiniano imperante eam dignitatem gessere, ibique *Joannis* præfecturam decennalem exorditur ab anno Christi DXXXI juxta Procopium lib. I de Bell. Pers. cap. 23, ubi ait, excidium *Joannis* accidisse Antoninæ Belisarii uxoris ingenio et artibus, postquam *bellum Persicum ipsi iterum datum est*, quod certum, Belisario anno DXL rursus commissum fuisse. Ex quo vides, quam sæpius idem continuator hallucinetur. Chronicon Marcellini primum ab Onuphrio, et postea a Sirmondo, ac ex eo a Scaligero publicatum. Sirmondi editio Onuphriana in multis correctior, sed ea in aliquot locis, ut videtur, interpolata fuit. Nam a *Joannis* consulatu anno DXXXVI gesto ad postconsulatum Basilii V, annum nempe Christi DXLVI, in editione Onuphrii præter Indictionem, nomina consulatum, et postconsulatum, nihil legitur ; cum tamen in editione Sirmondi nullus ex his annis vacans sit. Nam longe verosimilius est, Marcellini continuationi aliqua adjecla fuisse, quam ex eadem aliqua detracta. Quæ obiter dicta sint.

Hoc anno *Justinianus* partem Galliarum Francis confirmavit, et *Artabanes* adversus *Justinianum* conspiravit, ut infra videbimus.

VIGILII ANNUS 10. — CHRISTI 549.

1. *Belisario redeunte Constantinopolim, status Occidentalis imperii.* — Annus sequens post consulatum Basilii octavus numeratus, quingentesimus undequinquagesimus Domini ponitur, idemque a Procopio bellum Gothici decimus quartus asseritur : quo Belisarius, retincta Italia, Constantinopolim remeavit : de eo enim ista Procopius habet¹ : « Belisarius interim nulla referens militiae decora, Byzantium venit, enī per quinquennium ex Italia nusquam discessisset, nec potuisset per eam quoniam pacto vagari, sed tacita fuga quadam deterritus ut vilabundus id omne tempus de loco in locum navigando consumpsit. Qua ex re factum,

ut Urbem Romam iterato in servitutem receperint Gothi, enīque ea et cætera fere Italie oppida ». Sed id anno sequenti. Reversum autem Constantinopoli otiosam degisse vitam, idem auctor affirmat. Amantissimæ vero conjugis preeibus ipsum testatur idem Procopius ab Italia revocatum.

2. Sed quo statires Occidentalis imperii essent, antequam inde recesserit Belisarius, ex eodem auctore accipe, ubi ait¹ : « Dum hæc agerentur, totius Occidentis Barbari imperio potiuntur. Romani vero cum Gothis, etsi panto ante (ut diximus) debellatis, bellum dum integrant, pecuniarum hominumque jactura ingenti facta, et sine ullo eorum

¹ Procop. de bello Goth. I. iii.

¹ Procop. de bello Goth. I. iii.

commodo, Italiam amisere, cum hac simul Illyricos omnes, Thraecesque, cum a Barbaris jam finitimi facili sua omnia agerentur in prædam, et item ipsi fœde deprædarentur ». Hæc Procopius, qui et subdit, Romanum iterato in servitutem a Gothis redactam fuisse. At de his suo loco.

3. Quod vero pertinet ad Belisarium, considerare ne pretermittas quam disparis exitus a priore posterior hic fuit ipsius in Italiæ adventus, et redditus Constantinopolim. Ex quo enim (quod sæpius ob oculos representandum est) in Romanum Pontificem Silverium violentas manus injecit, vis omnis ipsius roburque Romanæ militiæ concidit; addita vero fuit hostibus bellica fortitudo, quam immensae victoriae sunt seculæ; usque adeo, ut quæ tanto fuerunt parta labore, pessumierint, cum illis potiti sunt Goths: reliquas vero provincias, nempe Pannoniam et finitimas regiones, Longobardi a propriis sedibus super Istrum fluvium positis Gipedum regioni finitimi excitati invaserunt; grassantesque in Dalmatiam et Illyricum, Epidamnum usque cuncta depopulati sunt. Hæc omnia pluribus Procopius habet, qui de aucto hoc anno Francorum regno hæc subdit¹:

4. « Dum hæc gererentur, totius Occidentis Barbari imperio potiuntur ». Et paulo post: « Galliarum partem suæ quondam ditionis effectam in hujus belli principio Goths Germanis », nempe Francis, « tradiderant, cum minus se posse existimarent Romanis simul ac Germanis resistere. Id sane factum non solum Romani nil prorsus interpellarunt; sed ut Gallias sibi Germani haberent, Justinianus ultro permisit: non enim illi has tuto se possessuros rebantur, nisi et imperator eas suæ ditionis futuras perpetuo confirmasset. Quo factum, ut ex eo tempore principes Germanorum Massilium Phocensem quondam coloniam, et cætera circa mare loca tenuerint, toliusque ejus oræ maritimæ potiti imperio sint: unde et Arelate nunc resident ad certaminis equestris spectaculum ». Quis ista legens, et in memoriam revocans usurpatum a Justiniano indebita titulum Francicum, non admittetur Dei Providentia rebus humanis invigilantem, ad hoc in primis, ut mente elatos deprimat, et humiles elevet? Ecce enim qui inani titulo, prater alia gloriæ nomina e populis debellatis accepta, Francicus a Francis superatis dici voluit, quos nec bello tentaverat; modo cogitur cedere Francis quæ potiora in Galliis Romani essent imperii. Ita plane accedit, ut nihil sit in cæteris Galliarum provinciis, quod justius Franci possederint, quam Massilium cum aliis ejusdem provincie locis, acceptis illis concessione Gothorum, et cessione facta imperatori.

5. Pergens Procopius, ad gloriam insinuandam Francorum hæc adjicit: « Aureum nummum nativo et Galliarum metallo hi eudunt, non Romani imperatoris (ut cæteri solent) imagine, sed

sua impressa. Persarum siquidem imperator etsi ad arbitrium argenteum numisma facit, auro tamen non illi fas est suam ut imponat effigiem, nec Barbarorum princeps alius quisquam id facere ausit. Sed de his haec tenus. Franci interea pleraque sibi et nullo jure in Venetos occupant loca, cum nec Romani ea tueri jam possent, nec Gothi tantum virum esset, ut his utrisque bellum inferrent ». Hæc Procopius de statu Occidentalis imperii.

6. *Nimia Justiniani studia circa dogmata.* — Sed et hoc pariter anno accidisse tradit, ut Artabanes, qui Guntharidem tyranum occidisset in Africa, una cum Arsace cognato suo atque aliis nonnullis proceribus adversus ipsum Justinianum imperatorem cospiraverit; et nisi molitiones detectæ fuissent, plane de ipsius Justiniani vita atque imperio actum esset. Describit hæc pluribus ipse Procopius, sed nihil ad institutum.

7. Illud vero satis admiratione dignum, quod licet tot tantisque malis abortis undique Romanum adeo fluctuaret imperium, Justinianus tamen totus erat in dogmatibus Ecclesiasticis perseruandis. Nam cum de conjuratione Artabanis in imperatorem Procopius agit, hæc ab Arsace de eo inter alia dicla refert¹: « Ad multam noctem hic sedet, circumstantibus sacratis quibusdam et effœtæ etatis viris, Christianorum scriptis miro studio revolvendis intentus ». Et post multa subdit ista Procopius: « Vigilius autem Urbis Romane præsul cum Italicis aliis et primoribus viris, qui secum Byzantii erant, ab imperatore suppliciter et enixius postulabant, Italiam omnibus in suam ut viribus redigeret potestatem: sed Gothicus præ cæleris maxime vir sane Patricius ad ipsum id hunc cerebro impellere, hortarique, ut qui ea de causa Byzantium se contulisset. Imperialor vero Italiam sibi curæ fore respondit. Sed circa Christianorum dogmata componenda nimis intentus, eorum altercationes ut recte disponeret, nitebatur ». Hæc Procopius de imperatoris studiis: quibus dum plus quam decet imperatorem, curiose vacaret, universum pessumdedidit imperium.

8. Videant ergo politie novatores, quanta cum jaictura quæ sunt Pontificum arrogent sibi principes, quamvis, sicut Justinianus, ex saecularum legum præscripto cuncta se facere profileantur. Regum namque est de sacris dogmatibus ex Ecclesiastica disciplina accipere ab episcopis leges, non quovis colore prescribere; sed sanctitas ab ipsis ipsorumque majoribus illibatas servare, et pro illis adversus haereticos decertare. Intelligent illud insuper vel ex ipso rerum usu, quanto cum imperii detrimento regnandi juris inani praetextu peccent principes in sacerdotes. Recolant Silverium papam abductum ab Urbe eo colore ne proderet ipsam Gothis; quæ, illo pereunte, ab iisdem Gothis iterum capitur; insuper et Italia ab eodem imperatore a

¹ Procop. de bello Goth. I. III.

¹ Procop. de bello Goth. . III.

Gothis antea fortiter vindicata, rursus amittitur; atque universi demum Barbari, veluti impellente nomine, ad cladem Romani convocantur imperii. Tanta sub Justiniano mala Romano imperio sunt allata! Sed et parva haec quodammodo videri possent, nisi ipse gravia intulisset in Catholicam Ecclesiam damnam Justinianus, dum laborat leges sacras prescribere sacerdotibus, a quibus accipere

potius debuisset: edicto enim illo de Tribus Capitulis promulgato, materiam preparavit et ignem quo universus orbis Catholicus concitus schismate conflagraret, apposuit. Tot igitur tantaque mala saeculi prudentia (quae mors est) invexit in mundum, et usque hodie in sui perniciem laborare non cessat. Sed jam reliqua ordine temporis prosecutamur.

Anno periodi Graeco-Romanæ 6042. — Olymp. 332 — Anno Era Hispan. 587. — Jesu Christi 549. — Vigili papæ 13.
— Justiniani imp. 23. Totilæ reg. 9.

1. Postconsulatus. — Hie annus ista formula notatus: *Post consulatum Basilii V. C. viii*, vel *juxta aliquos, post consulatum Basilii V. C. anno ix.*

2. Roma a Totila capta, et Belisarius Byzantium reddit. — A num. 1 ad 6. Quae de bello Gothicō, et de Belisarii ex Italia discessu Baronius narrat, pertinent quidem ad annum xiv belli Gothicī, sed non ad currentem Christi annum, cum quo illigari debent, quae anno belli Gothicī xv contigere. Anno itaque belli Gothicī xv, Totilas Gothorum rex Isaurorum proditione *Romam* cepit; sed anno superiori, annoque belli Gothicī xiv, Antonina ab imperatore redditum Belisarii conjugis petiit; «quod facillime impetravit, cum ad hoc Justinianum Aug. impelleret bellum Persicum, quo jam is gravissime urgebatur», inquit Procopius lib. 3 de Bell. Goth. cap. 30. Addit Procopius cap. 33: «Belisarius Byzantium indecorum prefectus est: cum Italia quinquennio sic fuisset exclusus, ut nequivisset certis itineribus progrederi, etc. Unde factum, ut liberius hostes Romani ipsam ceteraque omnia subegerint». Paulo post: «Vigilius vero Pontifex Romanus, cum Italī, qui ibi (nempe Constantinopolī) tunc aderant et plurimi et nobilissimi, non obsistebat imperatorem urgere, ut viribus omnibus Italianam sibi vindicaret, etc. At imperator se Italā prospecturum pollicitus, in Christianorum dogmata maximam temporis partem conferebat, tollendis eorum controversiis intentissimus». Belisarius itaque, qui in eunte anno Christi **xxlv** in Italianam prefectus fuerat, hujus Christi anni initio, currente adhuc belli Gothicī xiv, ex Italia Byzantium rediit.

3. Bellum Persicum in Cholchide continuatum. — *Chosroes* Persarum rex de universa *Lazica* suæ ditioni adjicienda cogitavit. Verum *Cubazes*

Lazorum rex, qui cum omni gente sua religionem Christianam profitebatur, pelitus insidiis auxilium Justiniani Aug. imploravit, «validamque opem in praesens petivil Lazis, Medorum jugum excludere peroptantibus: quod pares per se soli non forent Persicis viribus repellendis». Hoc laetus munio Justinianus Dagisthaeo duci jubet, ut suppetias Lazis afferat, qui cum illis conjunctus *Petræ* obsidionem aggressus est: quae diuturna admodum fuit, Persico præsidio e muris fortissime defensante, uberiique annona instructo. Verum *Dagistheus* bello Persico administrando impar, rem ex usu præsentis gerere nescivit; *Mermeroes* enim Persarum dux cum exercitu venit, et ille *Petræ* obsidionem solvit. «Anno induciarum, quas Romani cum Persis pepigerant, quarto exente, imperii tertium ac vice-simum agente Justiniano Aug.», inquit Procopius lib. 2 de Bello Pers. cap. 30, postquam cap. 28 et seqq. Iuse de Lazica et de *Petræ* obsidione egisset. Quod confirmat lib. 4 de Bello Goth. cap. 1, nbi ait, se libris de bello Persico tradidisse «acta ad annum iv induciarum quinquennialium, quas cum Persis Romani pepigerant». Procopius lib. 1 de Bell. Pers. cap. 17. «Est Petra, inquit, urbs maritima Colchidis ad littus Ponti Euxini».

4. Imperium Rom. variis casibus concussum. — Anno superiori *Justinianus* partem *Galliae*, quam Gothi possederant, Francisque cesserant, confirmavit, ut hos a Iudeo Gothicō magis revocaret, ut habet Procopius lib. 3 de Bello Goth. cap. 33. *Geæpedes*, qui olim urbem *Sirmium*, *Daciamque* omnem obtinuerant, vim vastitatemque omnem imperio Romano attulere. «Longobardi quibus urbem Noricum et Pannonicæ munitiones, aliaque loca Justinianus donaverat, patriis sedibus relictis»,

in aduersa Istri fluminis ripa consedere, haud procul a Gepedibus, et in Dalmatiam ac Illyricum irupere. Denique *Eruli*, quibus quadam Dacie loca imperator attribuerat, Illyricum Thraciamque crebris incursionibus populati sunt, ut narrat Procopius citatus anno belli Gothicī xiv, quae ideo ad superiorem Christi annum revocanda.

5. *Conjuratio adversus Justinianum*. — Ad num. 6 et seqq. Procopius lib. 3 de Bell. Goth. cap. 31 et 32 narrat conjurationem contra *Justinianum* factam ab *Artabane* et *Arsace* hujus propinquio. Ille, qui *Gontharim* Africe tyramnum e medio sustulerat, *Præjectam* imperatoris ex sorore neptem uxorem ducere vehementissime cupiebat. Sed cum ea nupsisset Joanni filio Pompeii, qui fuit frater Hypatii, *Artabanes* exacerbatus, cum *Arsace* in imperatorem conspiravit, qui conjuratione detecta *Artabanem* de gradu *Magistri militum in præsenti et fœderatorum ducis* dejectit, enmque, ceterosque *honesta custodia, in palatio attinuit*. Sed gesta hæc anno belli Gothicī xiv, ideoque anno Christi superiori.

6. *Agila fit rex Visigothorum*. — Era DLXXXVII, Teudisclio Visigothorum rege, qui anno uno regnarat, inter epulas jugulato, succedit *Agila*, qui Catho-

licam religionem Iudibrio habuit, ut habeat Isidorus in Chronico Gothorum.

7. *Illyrici Tria Capitula defendunt*. — Episcopi Illyrici ubi primum *Judicatum* Vigilii ad eos pervenit, *Synodum* indixere, et communis consilio Trium Capitulorum defensionem suscepere, teste Victore Tununensi, anno « post consulatum Basilii ix, (qui juxta eum annus est Christi DLXIX), Illyricana Synodus in defensione Trium Capitulorum Justiniano Aug. scribit : et Benenatum primæ Justinianæ civitatis episcopum obtrectatorem eorumdem Trium Capitulorum condeinnat ». Mirum non est, inquit Em. card. Norisius in *Dissert. de Synodo quinta cap. 4*, *Benenatum* ex metropolitis Illyrici solum contra *Tria Capitula* sensisse. Nam Justinianus ignobili loco natus in Dardania Europæ apud *Tauresium*, ibidem postea nobilissimam urbem condidit de qua Procopius lib. 4 de *Ædificiis Justiniani*, et a Vigilio papa, ut metropolitana sede nobilitaretur, obtinuit; *Tauresio* autem primæ Justinianæ postea appellato *Benenatum* Justinianus præfecerat.

Celebrata hoc anno *Synodus Aurelianensis V*, de qua anno DLII agemus.

1. *Vigili Epistola ad Valentinianum Tomitanum et Aurelianum Arelatensem episcopos de sua rectissima circa Concilium Chalcedonense sententia*. — Qningentesimus et quinquagesimus annus Domini, post consulatum Basilii nonus, et belli Gothicī decimus quintus agitur, imperii vero Justiniani annus vicesimus quartus notatur a mensis Aprilis exordio. Quo ipso anno, mense Martio Vigilius papa ad Valentinianum episcopum Tomitanum litteras dedit adversus schismaticos, qui ubique scriptis litteris illud vulgarant, ipsum Vigilium papam Tria damnando Capitula, impugnare Chalcedonense Concilium. Cum enim ejus rei causa complures haud leviter perculti animo resilirent ex ipsis Vigili papæ communione : prudentiores qui essent, rem accuralius considerandam rati, litteras miserunt ad ipsum Vigilium agentem Constantino-

poli, inter quos fuit hic Valentinianus Tomitanus in Scythia episcopus metropolitanus, ad quem Vigilius ista rescripsit¹ :

2. « Dilectissimo fratri Valentiniano episcopo de Tomis provincie Scythiae, Vigilius.

« Fraternitatis tuæ relegentes scripta, Ponlisalem in vobis sollicitudinem inesse grataanter acceptimus : quia prophelica tibi possunt verba competenter aptari, quibus ait² : Salvabo gregem meum, et suscitabo super eum pastorem, qui paseat eum, servum meum. Oportet ergo charitatem tuam ea quoque Domini nostri verba sectari, per quæ dixit³ : Speculatorem te posui domui Israel, et audies de ore meo verbum, et annuntiabis eis ex me ; et cou-

¹ Estat apud *Synodum quint. Act vii. et tom. i. Ep. Rom. Pont. Ep. vi. Vigili.*

² Ezech. xxxiv.

³ Ezech. iii.

vocatos eos quos scandalizari diversis rumoribus retulisti, incessanter hortari: ne per hos forsitan seducantur, qui sub pretextu Catholicorum, nequissimo spiru simplicium Christianorum corda fallacia sua decipere moluntur; et patris sui diaboli consuetudinem maligno sectantes spiritu, Ecclesiam tibi commissam diversis mendacibus scriptis turbare desiderant: quibus Apostolica lectio congruenter aptatur, dicens¹:

3. «Rogo autem vos, fratres, ut observetis eos qui dissensiones, et offendicula praeter doctrinam quam vos didicistis faciunt, et deelinate ab illis. Et infra: Et per dulces sermones et benedictiones seducunt corda innocentium. Vestra autem obedientia in omni loco divulgata est, quatenus fraternitatis vestre adhortatione sepe commoniti nulla fideles eorum animos a rectitudine viae, que Christus est, qui ait²: Ego sum via, veritas, et vita, quafibet maligna annuntiatione submoveant: sed si (quod non oportet) ab adversariis confundati, aliquid (quod Deus avertat) contra fidem factum forte formidant: cum mansuetudine, quae convenit Christianis, prophetica verba sectentur, dicentes³: Interroga patrem tuum, et annuntiabit tibi: seniores tuos, et dicent tibi. Et alias Propheta⁴: Labia sacerdotis custodiunt scientiam, et legem requirunt ex ore ejus.

4. «Et quoniam Basinianus illustris et magnificus vir, filius noster, cum his, qui pro actibus tuæ fraternitatis Ecclesiae in Constantiopolis observant, pari ratione dixisse noscenntur, etiam hoc Dei inimicos fuisse mentitos, quod personae episcoporum Ibae atque Theodoreti in nostro (quod absit) fuissent Judicato damnatae; legant ergo, quæ de causa, quæ hic mota est, ad fratrem nostrum Mennam Constantinopolitanæ urbis episcopum scribentes, legimus definisse: et tunc cognoscant, nihil a nobis, Deo nos custodiente, commissum, vel certe dispositum, quod contra fidem, prædicationemque venerandorum quatuor Synodorum, quæ pro una eademque fide definita sunt, id est, Nicænae, Constantinopolitanæ, Ephesiæ primæ, et Chalcedonensis reperiat adversum; aut unius ex his qui definitioni suprascriptæ Chalcedonensis fidei subscripterunt, tangat injuriam: vel quod decessorum prædecessorumque nostrorum inveniatur (quod absit) constitutis forte contrarium; sed in omnibus Apostolice Sedis præstulum et beatæ recordationis Leonis papæ et prædicatarum (prædictarum) Synodorum adversariis restitisse. Fraternitatem autem vestram credimus non latere, inimicos fidei Christianæ hoc semper seculari et reprobanda molitos astutia, ut Evangelistas qualuor contraria sibi (quod absit) dixisse monstrarent: quibus a sanctis Patribus per Evangeliorum concordie libros est caelesti sapientia contradictum.

5. «Quod nunc quoque sancti Chalcedonensis Concilii adversarii (inter quos etiam Rusticum et

Sebastiani) comperimus istius auctores scandali, quos olim pro meritis suis a saera communione suspendimus; in quibus nos, si non resipuerint celeriter, fraternitas tua noscat canonicam sententiam prolaturos) qui sub prætextu falsæ defensionis student, ut eamdem Synodus contra prædictas tres Synodos dixisse (quod absit) ostendant. Quibus hæc conantibus Prophetæ dieta consomanter aptantur, dicentis¹: Vere mendacium operatus est stylus mendax scribarum: verbum Domini nostri projecterunt, et sapientia nulla est in eis: docuerunt enim linguam suam lequi mendacium, ut inique agerent, laboraverunt. Quibus, si non premituerint, veniet Psalmistæ invocata sententia, dicentis²: Ut destruas inimicum et defensorem.

6. «Credimus enim, Catholicis Ecclesiæ filiis, ea quæ tunc ad fratrem et coepiscopum nostrum Mennam seripsimus, id est, de blasphemis Theodori Mopsuesteni, ejusque persona, vel de Epistola quæ ad Marim Persam scripta ab Iba dicitur, et scripta Theodoreti quæ contra rectam fidem et duodecim Capitula sancti Cyrilli facta sunt, abunde posse sufficere. Quippe dum in Constituto nostro superius designato possit diligenter agnosci, quia in ipsa definitione fidei quam sancti Chalcedonensis Concilii sacerdotes secundum præcedentes eam tres alias sanctas Synodos protulerunt, non aliquid mutaverunt; sed laudantes omnia quæ a superioribus acta sunt, sancta definitione sua perpetuo robore firmaverunt. Tamen si post hæc aliquis (quod non credimus) dubitare voluerit, hortamur ut cum tuæ fraternitatis ordinatione ad nos venire festinet: quatenus lucida admonitione cognoscat, omnia quæ decessorum nostrorum et antefatarum quatuor Synodorum sunt de una eademque fide acta scriptaque temporibus, a nobis inviolabiliter fuisse servata.

7. «Qua ratione percepta, sublato (sicut oportet) de Christianissimis animis scando, pax Deo placita in ejus Ecclesia illibata perduret. Hoc quidem fraternitatem tuam credimus adhortandam, ne ulterius prædictorum Rustici et Sebastiani, aut illorum qui pravæ eorum præsumptionis probantur esse participes, scripta suscipiat; sed et universos ad tuam pertinentes ordinationem commoneas, ne vel ipsi a prædictis relegant aliquid destinatum, vel falsitatæ eorum ulterius animum suæ credulitatis accommodent. Deus te incolumem custodiat, frater carissime. Data XV kalendas Aprilis, imperii domini Justiniani perpetui Augusti anno vicesimo tertio, post consulatum Basili Viri clarissimi anno nono. Per Joannem presbyterum et apocrisiarium, et ipse direxit eam per Maxentium hominem suum». Hactenus Vigilii Epistola ad Valentinianum, cuius mentio fit in litteris Justiniani imp. recitatis in quinta Synodo.

8. At non Oriens tantum, sed et Occidentalis Ecclesia hoc eodem concussa est terraë motu: eujus

¹ Rom. xvi. — ² Joan. xiv. — ³ Deut. xxxii. — ⁴ Malac. ii.

¹ Hierem. viii. ix. — ² Psal. viii.

rei fidem quoque faciunt legatio missa ab Aureliano episcopo Arelatensi et litteræ datæ Anastasio Constantinopolim ad eundem Vigilium Romanum Pontificem : de hoc enim ipso querenti, num videlicet verum esset, adversum Chalcedonense Concilium aliqua ab ipso esse tentata, quidnam rescripsit Vigilius papa, ipsius quæ extant hinc datae litteræ docent, quæ sic se habent¹ :

9. « Dilectissimo fratri Aureliano episcopo Arelatensi Vigilius.

« Fraternitatis vestrae litteras pridie idus Julias, Anastasio deferente suscepimus; et gratias referimus divinæ clementie, quia sollicitudinem vestram in fidei causa, vel in nostræ opinione personæ sacræ relegimus convenire mandatis, ut digne charitati tuae verba Dei et convenienter apteatur, quibus ait : Elegi te sacerdotem ex omnibus : ut ascendens ad altare meum, portes coram me nomen magnum eunctis diebus vitae tuae. Necessæ ergo nobis est, charitatis vestrae sollicitudinem brevi interim (quantum pro temporis qualitate potuimus) relevare colloquio : quatenus modis omnibus confidatis, nihil nos penitus admisisse, quoddecessorum nostrorum constitutis, vel sanctæ, quæ una eademque est, fidei quatuor Synodorum, id est, Nicenæ, Constantinopolitanæ, Ephesinæ primæ, atque Chaledonensis, inveniatur (quod absit) esse contrarium ; aut quod ad personarum injuriam pertineat, quæ definitioni ejusdem sanctæ fidei subscriperunt, vel sanctorum prædecessorum nostrorum Cœlestini, Xysti, Leonis, aliorumque præcedentium atque sequentium definitis reperiatur adversum : sed a nobis, omnibus prædictis Synodis unam veneracionem, unamque fidei credulitatem indubitabiliter exhiberi ; et eos qui omnes suprascriptas quatuor Synodos in rectitudine fidei non sequuntur, vel unam ex ipsis vel omnes in fide repravant, aut repravare, aut injuriare, vel repudiare nuntiuntur, abjecimus. Sed et ea quæ in ejusdem sanctæ fidei injuriam verbo dicta, vel reperiuntur scripta, anathematizanda execrandaque judicavimus, et constituimus judicanda : simili pena plectentes etiam eos, qui fidem beati Cyrilli, quam sanctæ recordationis Leo prædecessor noster ad prædecessores vestros aliosque datis probavit et laudavit scriptis, et Chaledonensis veneranda sancta Synodus legitur protulisse, aliorumque Patrum, quos Apostolicæ Sedis præsules suscepérunt, atque secuti sunt, execranda superbia impiam vocaverunt.

10. « Fraternitas ergo tua, quem Apostolicæ Sedis per nos constat esse Vicarium, universis episcopis innotescat, ut nullis aut falsis scriptis, aut mendacibus verbis, aut nuntiis quilibet ratione turbulentur : sed potius primi Apostolorum (sicut convenit) verba sectentur, dicentis² : Adversarius vester diabolus ut leo rugiens circumvit, querens quem devoret : cui resistite fortes in fide. Et quod

item Doctor Gentium dicit Apostolus³ : Rogo autem vos, fratres, ut observetis eos, qui dissensiones et offendicula praeter doctrinam, quam vos didicistis, faciunt : et declinate ab illis : in Domino confidentes, quia (sicut prefati sumus) ab Apostolis fidem traditam, et a prædictis sanctis quatuor Conciliis declaratam, et a decessoribus nostris et ab antedictis Patribus prædicatam atque inviolabiliter custoditam, sincera voluntate tenuimus, tenemus, venerati sumus, et veneramur, atque defendimus : et contra eam facientes Apostolica auctoritate damnamus.

11. « Sed quanta possumus per filium nostrum Anastasiū de his quæ gesta sunt breviter nos indicare necesse est : et cum nos dominus filius noster clementissimus imperator, sicut promisit, Deo, qui eorū ipsius tenet, juvante, reverti præcepit; hominem, qui vobis ad singula subtiliter innotescat, Deo propitio, destinamus. Quod ideo adhuc non fecimus, quia et hiemis asperitas, et Italæ quæ vos non latet, necessitas præpedivit : donec serenissimus princeps, sicut desiderat, Domino adiuvante, ipsi subveniat. Illud quoque credimus sperandum, ut quia scriptum est⁴ : Frater fratrem adjuvans exaltabitur : et sicut de credentibus in Domino Actuum Apostolicorum scriptura testatur⁵, Quia erat credens in Domino eorū unum et anima una : ut sit fraternitas vestra in hac quoque parte sollicita : et gloriose filio nostro Childeberto regi, quem Christianitatis studio venerationem integrum Sedi Apostolicæ, cui nos Deus præses voluit, cognovimus exhibere, supplicare non desinas, quatenus in tanta rerum necessitate circa Ecclesiam Dei sollicitudinem (sicut et confidimus) Christiana devotione persolvat : ut quia Gothi cum rege suo in civitatem Romanam perhibentur ingressi, hoc eis dignetur scribere, ne se in Ecclesiæ nostræ præjudicio (quippe velut alienæ legis) immisceat, et aliquid faciat, aut fieri qualibet ratione permittat, unde Catholica possit Ecclesia perturbari.

12. « Dignum enim est, et Catholico (sicut est) regi conveniens, ut fidem et Ecclesiam, in qua Deus illum voluit baptizari, omni debeat virtute defendere. Scriptum est enim⁶ : Vivo ego, dicit Dominus, quia glorificant me glorificabo. Festina ergo, frater carissime, ut in sanctæ fidei sinceritate persistens, Ecclesiarum pacem, quæ vel a Deo per meritum sacerdotii tibi commissa est, vel a nobis per Apostolicam auctoritatem vicaria potestate mandatur, competenti sollicitudine, Deo propitiante, custodias, et vicarium te Sedis nostre dignis Deo manifestes operibus. Deus te conservet, frater carissime. Data III kalendas Maias, imperii domini nostri Justiniani perpetui Augusti anno xxiv; post consulatum Basilii V. C. anno octavo (nono) : per hominem quem Anastasius direxit⁷. Hactenus Vigilius. Mencio hujus Epistolæ fit a Justiniano imperatore in litteris ad quintam Synodum datis et ibidem

¹ Vigil. Ep. iv, tom. i. Ep. Rom. Pont. — ² I. Petr. v.

³ Rom. xvi. — ⁴ Prov. xviii. — ⁵ Act. iv. — ⁶ I. Reg. ii.

recitatis. Porro hic Aurelianus, ad quem Vigilius scripsit, claruit sanctitate, agiturque ejus celebritas annua die decima sexta Junii¹.

13. Quod autem Vigilius papa his ad Aurelianum litteris meminit de Urbe a Gothis capta, rogatque ut de ejus incolumitate apud Childebertum regem Francorum agat: bene haec consentiunt iis quae Procopius sub hoc eodem anno decimo quinto belli Gothici narrat, nimurum hoc anno rursus proditione Isaurorum Urbem Gothis cessisse, Romanis cœsis, his exceptis qui in Ecclesiæ se receperint: quibus cum ceteris abire jussis, et jam destitutam habitatoribus Urbem desolatam relinquendi cum Totilas consilium iniisset; quo minus id faceret, requisitus per Aurelianum a Vigilio opportuna oblata occasione destitit: nempe cum Totilas ab eo filiam in matrimonium petiisset, et eo praetextu recusaret ille, quod Urbem caput imperii destitutam hostibus relinquens, se summa gloria pariter spoliaret: factum est, ut Totilas cives alio migrare jussos revocari in Urbem, quam et novis ædificiis munivit et illustravit. Sed haec omnia Procopius pluribus. Idem vero inferius subdit, magno cum exercitu post Liberium patricium missum esse Germanum, cum jam Totilas Siciliam invasisset. His addit, quod Sclavinus populus iterum. Istro transmisso, Illyricum et Thraciam devastavit, et summa crudelitate in necem omnium incolarum sæviens, exsaturatus humano sanguine, præda spoliisque onustus ad propria remeavit. Quæ autem per Germanum gesta sint, anno sequenti idem Procopius narrat.

14. Neglectis tamen his Justinianus, qui primo (ut decebat imperatorem, sibi subditos ab hostium invasione defendere) curare debuisse, exagitatus prurigine quadam adversus mortuos ineundi certamina obtentu firmandæ pacis Ecclesiæ, sed revera turbandæ: utstabiliret quæ de Capitulis Tribus, instigante imo et scribente Theodoro Cæsariensi, statuisset, hoc anno (ut inferius dicetur) curavit ut Mopsuestiae in Syria Synodus cogeretur, a qua Theodori ejus civitatis episcopi ante centum et amplius annos defuncti facta atque alia de eo monumenta cognoscerentur. Porro homini in his omne studium impendenti, et ob id optimo imperii regimine trigescenti illud fuit vetus proverbium occinendum: *Non ultra crepidam.* Dum enim amplius quam par estaures admovet occultis hæreticis, sub praetextu conservaudæ fidei, et pacis in Ecclesia redintegranda, factiosorum se studiis inseruit, sacra dogmata in disserimen adduxit, inter Catholicos schisma dirum invexit, et ipsum Romanum imperium Barbaris desolandum reliquit. Queritur de his sœpe Procopius nempe de cura Reipublicæ Justinianum redditum segniorem, nec ea qua antea sollicitudine bellicas res curasse.

15. *Mopsuestena Synodus.* — Sed ad Vigilium redeamus, qui schismaticorum factione adeo vexa-

batur, ut a suis quoque clericis compluribus destitutus, ab eisdem indignissime urgeretur tum dictis, tum scriptis, iisdemque per orbem ubique vulgatis, ut suas ad diversos, ut vidimus, cogeretur scribere Apologias. Quamobrem quod in grave id damnum vertere intelligeret totius Ecclesiæ unitatis, haecque diutius tolerare patientiaque differre, nonnisi graviora mala in Ecclesiam inferre cognoscens; adversus desertores clericos suos, qui in castis hostiis militabant, censura Ecclesiastica sibi agendum esse putavit. Collectis igitur qui ibi tunc erant Italie Episcopis, adversus eosdem, præcipue vero Rusticum et Sebastianum, ejusmodi damnationis sententiam¹ protulit, cuius fit mentio in Epistola Justiniani ad quintam Synodum:

16. « Vigilius episcopus. Rustico et Sebastiano.

« Diu vobis, Rustice et Sebastiane, canonibus, et decessorum nostrorum decretis congruentem ultionem inferre, pro Apostolica moderatione distulimus. Sed quia Doctoris gentium in cordis vestri duritia (quod a nobis cum nimis tristitia dicitur) verba videmus impleta, quibus ait²: Nescitis quia patientia Bei ad penitentiam nos adducit? Tu autem secundum duritiam tuam et impénitens cor, thesaurizas tibi iram in die iræ: ut excessus vestros ex plurimis paucos interim (in quantum possumus) designemus: venientibus nobis hic in regiam civitatem, tu Rustice, dum aliqua nobis ignorantibus legeres, que hominem loci tui omnino legere non decebat, et plura committere dicereris. quæ etiam nostram, si te non prohibuissemus (quod absit) opinionem aliquid animam laedere potuissent: dicente quoque de te nobis aliqua Paulo diacono, etiam te præsente, sicut oportuit, et pro affinitate, qua nobis a germano, quem dileximus, jungebaris, et pro eo quod nos te ad Leviticum provexeramus officium, frequenter et secrete paterna monimus charitate, ut si ea quæ de te dicebantur, ex aliqua parte cognosceres. a talibus temperares: ne, quia Dei causam indiscutam non paleremur qualibet ratione relinquiere, canonicum per nos in te judicium proveniret.

17. « Tu autem non solum admonitionem nostram audire malevolo spiritu noluisti, sed etiam (sicut scriptum est³: Argue sapientem, et adaminabit te: stultum, et odio habebit te. Et iterum⁴: Noluit intelligere ut bene ageret, iniqüitatem meditatus est in cubili suo) ad hoc malitia tua perducta est, ut nostra admonitione contempla, in odium potius prosilires, et occasionem quereres, quatenus causa Capitulorum, id est, de dictis Theodori Mopsuesteni, ejusque persona, sed et de Epistola quæ ab Iba ad Marim Persam perhibetur scripta, neenon et dictorum Theodorei, quæ contra rectam fidem et Epistolam beatæ recordationis Cyrilli Synodicam ad Nestorium cum duodecim Capitulis, quam et sancta Synodus Ephesina prima

¹ Martyr. Rom. ea die.

² Rom. ii. — ³ Prov. ix.
— ⁴ Psal. xxxv.

suscepit, et beata Chalcedonensis Synodus ad convincendas Nestorii vesanas in definitione fidei legitur posuisse..... que, te etiam instantे, certum est flagitata, ita ut filiis nostris Sapato et Paulo diaconi, sed et Surgentio notariorum primicerio clamitares, dicens, non solum nomen et scripta Theodori Mopsuesteni a nobis debere damnari, sed et territorium ejus ipsum, ubi positus est: et si ossa ejus evulsa quisquam de sepultura ejiceret, et cum eodem territorio incenderet, gratauerit acciperes.

18. « El eum necesse esset, ut negotium quod fuerat in judicio nostro perduclum, te etiam quam maxime inter alios tam sacrati ordinis quam sequentis consentiente, sententia finiretur (quod constat effectum) et quid de eodem Judicato feceris, quomodo etiam in palatio ut fratri nostro Menae, ad quem scripseraamus, celeriter traderetur, institeris, nulli habetur incertum: ita ut filio nostro Surgentio primicerio petenti schedam ipsam Judicati nostri, ut apud se pro loco suo secundum consuetudinem retineret, per multos dies dare penitus noluisses, donec exemplaria per plurimos sacerdotes ac laicos, sed et per gloriosum virum Tyrannum magistrum militum, aliasque laicos in Africana provincia destinares: quod in Ecclesia nostra a diacono nunquam factum est: ac nobis etiam nescientibus, ejus exemplaria destinares.

19. « Nam et Sabbato sancto, quo ipsum, te, (sicut prefati sumus) imminentे, protulimus Judicatum, in Ecclesiam sessum processisse, et communicasse, et officium tuum implesse cognosceris. Nam et eodem die revertens ab Ecclesia, coepiscopo nostro (quantum perhibet) Juliano hoc dices, quia melius fieri non potuit, quam quod factum est Judicatum, et hortareris, ut Deus oraretur, neque quod factum est tolleretur. Quod etiam succidente Dominico die Pasche, similiter effecisti: et diu in eadem perdurando sententia, alios, ut Judicatum nostrum libenti animo sequerentur, nihilominus hortabarisi.

20. « Nam dum Antiochenæ Ecclesiae apocrisiariis ejusdem Judicati exemplaria nos dare petebitis differremus, sed hoc magis justum esse predictis apocrisiariis dicemus, ut a fratre nostro Menae potius exemplaria peterent, ad quem a nobis videbatur fuisse protulatum; tu autem publica voce deposceres, dicens dominum Leonem ita de Epistola sua diversis exemplaria destinasse, nos facere debere similiter, asserendo quia metueres, nisi universitas Judicati nostri exemplaria de scrinio nostro edita teneret, qualibet ratione postea forsitan celaretur.

21. « Nam dum occasionem euntes ad Siciliam reperisses, et Judicatum nostrum, laudesque ejus, ubi etiam filii nostri diaconi primiceriusque tecum manifestum est subseripsisse, filiis nostris Pelagio diacono, aliasque dirigere voluisses pro cautela, ne ab aliquo inveniri forsitan potuisset, nobis etiam ignorantibus in membrana conscriptum el-

in brevitate quadruplicatum, et litteris conscriptum minutissimis destinasti. Nam et Vincentio secunde regionis subdiacono iterum a nobis postea ad Siciliam directo, per eum filio nostro Pelagio diacono similiter scripsisti: sed quia ita memoratus subdiaconus prospere navigavit, ut illum qui in membrana scripta portaverat, praecedere potuisset; quantum nobis retulit, ea quae in membrana scripseras, Pelagius diaconus ipso praesente percepit.

22. « Ergo dum et, te pre omnibus imminente, protulatum fuerit Judicatum, et tanta in ejus Judicati laude succensus per multum tempus scripseris, feceris, ut nunquam te crederemus ab hae posse rectitudine deviare: immutatum te subito post hae quadam animi levitate, vulgante opinione comperimus, et cum adversariis Ecclesiae, qui contra Judicati nostri seriem nitiebantur, et a nobis sunt per Judicati ipsius tenorem a communione suspensi, secrete tractare; et dum filius nosler diaconus Paulus ad Italiam discedere voluisset, postquam et ad eum pervenit, quod scandalum Ecclesiae in communione adhuc nostra positus secrete et hic et in Africana provincia, ubi antea defendendo, et laudando Judicatum nostrum, ejus exemplaria destinasti facere nitiebaris: tunc tibi coepit insistere et dicere, ut si verum esset, producere debuisses, quod tu convictus celare minime potuisti.

23. « Tunc vero memoratus nobis coepit innovere diaconus, ut aut corrigere te ab his que illicite faciebas, sub nostra praesentia clericorumque promitteres, aut certe petitionem adversum te, et veritatem tuam atque fallaciam ab eo factam, quam et prae manibus gerebat, debuissenius accipere: ad hoc es propria voluntate perductus, ut tactis Evangelii sacramenta praestares, et verba tua a notario scripta in nostro teneantur sermio, quibus inter alia legeris promisso, te nunquam a nostro penitus obsequio discessurum. Postquam vero pejor te Sebastianus, pro solo scandalo faciendo (sicut et initia ipsius venientis in Constantinopolim monstraverunt, et exitus pejor edocuit) noseitur advenisse, ita ut mox tui immemor sacramenti, conjurationem inter vos contra statuta canonom, nobis ignorantibus, facientes, in apertum uterque prorumperetis scandalum.

24. « Sed ut tua, Sebastiane, non in quantum sunt, sed in quantum referre possumus, mala quae feceris diversi cognoscant, et juste te (nam magis tarde) canonicam advertant subiisse sententiam: ad tuae ordinationis veniamus initia. Absentibus filiis nostris diaconis Anatolio atque Stephano, a nobis postulasti, ut ad tempus pro implendo officio absentium loco, diaconum te interim faceremus». Haec eum Vigilius ingerat in Sebastianum ad tempus creatum diaconum, non accipias quoad ordinem, sed potius quoad ministerium, ut qui diaconus jam esset, ministrare loco diaconi cardinalis permitteretur. Pergit vero Vigilius: « Quod ideo

tibi ad præsens speranti concessimus, quia ante ordinationem tuam cautionem nobis propria voluntate legeris emisse, quam et testibus roborasti, et tactis Evangelii juramentum corporaliter præstisti, ut quicquid tibi a nobis pro Ecclesiastica utilitate fuisset injunctum, fideliter et sine aliqua fraude compleres; officium vero, locumque diaconi sine aliquo vitio, sine aliqua superbia, sine aliquo negleculu, donec reverterentur diaconi memorati, aut quanto te tempore in levitarum voluissemus ordinatione ministrare, cum omni humilitate et studio sine neglectu modis omnibus impleturum: in eadem cautione rursus adjiciens, quod si de his omnibus quae cum sacramento, tactis corporaliter Evangelii, prouisisti, aliquid minus impasses, tunc a sancta communione esses suspensus: ita ut si a die excessus tui intra annum penitentiae noluisses colla submittere, tu tibi anathema manu propria scribendo dixisti. Tunc ergo ad præsens factus es sub ea quam sperabas et pollicitus fueras conditione diaconus.

25. « Postea vero ut a nobis ad Dalmatarum patrimonium mittenteris, summis precibus postulasti: quod nos securi, quia talen feceras cautionem, animo libenti concessimus. Qui dum in Salona urbe pro ordinatione patrimonii advenisses (quantum ad nos postea est plurimorum relatione perductum) illicitis te et a Sede Apostolica prohibitis ordinationibus miscuisti; et quo Honorius tunc predicta civitalis episcopus contra consuetudinem Romanæ vel sue Ecclesie, et Sedis Apostolice constituta sacris ordinibus applicaverat, non solum prohibere penitus noluisti; sed nec nobis de hac causa scripto referre, vel quando Thessalonicae nobis occurreras, memor conscientiae tuae, ne verbo quidem suggerere voluisti; et cum illis tanquam cum legitimo et rationabili ordine factis cupiditatis spiritu acquievisti procedere, et eorum socius es communionis venalitate repertus.

26. « Hecum Thessalonica ad Dalmatias patrimonii regendi causa remissus es; ex qua provincia frequenti te auctoritate monuimus, ut non ante discederes, nisi omnes secundum pollicitationem tuam tam de Dalmatarum patrimonio, quam de Praevalitano colligeres pensiones. Sed tu omnibus praetermittens, ad Constantinopolitanam urbem pro solo faciendo scandalo venire festinasti, quantum et sequens exitus declaravit. Relegens tamen constituti nostri seriem, quam de præfatis Capitulis ad Mennam hujus civitatis antistitem dedisse relegimus, in conspectu diaconorum, subdiaconorumque vel universorum clericorum publica voce laudabas, ut de cœlo Judicatum nostrum ordinatum atque prolatum, omnibus (sicut præfati sumus) clericis loquereris. Dicta vero Theodori Mopsuesteni asserbas te in Romana Urbe inter aliquos Codices invenisse, quae confirmabas omni execratione, et blasphemis esse completa. Haec dicendo, in nostro obsequio et in Ecclesia publice, et in Placidias officium diaconatus implebas». Erat locus ad Placi-

dias, sive palatium Placidie, ubi Vigilius Constantinopoli morabatur, prout Synodalia Acta declarant. Sed subdil haec idem Vigilius:

27. « Nativitas Christi Dei Domini et Salvatoris nostri secundum carnem præterito anno dies advenit. Vocavimus te; quia ad nos quæ supra meminimus le fecisse in Dalmatiis, de recenti pervenerunt: et sicut oportuit diximus tibi: Si cum illis qui contra Apostolica Sedis constituta in sacratis sunt applicati ordinibus processisti, aut eorum te communioni (sicut dicitur) sociasti: necesse nobis est, ut si nos Deus ad nostram dignatur Ecclesiam revocare, queramus ista, et veritatem manifestius cognoscentes, secundum canones vindicemus. Tu vero conscientiae tue realu perlerritus, quia contra Apostolica feceras constituta, occasionem tibi descendendi dissimulans requirebas. Nam cum te pro certo mandato cum Joanne episcopo, et Surgentio primicerio atque Saturnino consulario nostro ad Mennam fratrem nostrum hujus civitatis antistitem misissemus; reversus in Placidias, multis præsentibus, et officium diaconi tu et Rusticus ex more completestis. Et quando clementissimus princeps dominus filius noster, ut alia die ad Ecclesiam procedere deberemus, referendarium destinavit; ut ei promitteremus, cum aliis diaconis et clericis nos tu et Rusticus fuistis hortati. Nam et ad refectionem pariter in nostra mensa ambo fuisse, simili ratione probabimini: sed sicut Judas, postquam bucellam accepit, de traditione Domini cogitavit, et ita vos noctis horis pro concitando scandalo Ecclesie discessistis.

28. « Nos autem alio die mandantes vobis, ut aut procederetis, Ioannem diaconi ex more completestis, aut a communione vos cognosceretis fuisse suspensos: tu vero, Sebastiane, his quos inter alios miseramus, fratribus nostris Joanni et Juliano episopis hoc (quantum renuntiaverunt) dixisti: Ego Judicatum quod papa protulit sequor, si tamen in illis vindicat qui contra Judicatum faciunt. Nam et simili eis (quantum perhibent) ratione dixisti, in lantum ut dieres ibi venisse Lampridium et Felicem monachos qui nostrum Judicatum suscipere noluerunt: et mandasse vos eis: Non possumus vos videre, quia vos aliam causam habetis, et nos aliam. Postea vero ad hoc nequilia vestra pervenit, ut excommunicatis communicare contra canones superbo præsumeretis spiritu, id est, memorialis, vel aliis, quos pro hoc quod contra Judicatum nostrum scripserant, per ejusdem Judicati seriem constabat iam a nobis communione suspensos: cui Judicato (sicut supra meminimus) vos acquevisse et consensisse et communicasse, Catholica probavit Ecclesia. Unde constat vos secundum regulas canonum juste damnari. Delinquent enim canones: Si quis excommunicatus ante audientiam communicare præsumperit; ipse in se damnationem protulit. Item: Placuit universo Concilio, ut qui excommunicatus fuerit pro suo neglectu, sive episcopus, sive quilibet clericus, et tempore excommunicatio-

nis sue ante audienciam communicare præsumpscerit; ipse in se damnationis judicetur protulisse sententiam.

29. « Adjecistis etiam exercanda superbia quæ nec leguntur, nec sine sui Pontificis jussione affi-quando ordinis vestri homines præsumpserunt, auctoritatem vobis prædicationis contra omnem consuetudinem vel canones vindicare, Ephesinae prime Synodi impugnationem et exprobationem, sed et beate recordationis Cyrilli, blasphemias quoque contra Jesum Dominum nostrum dictas simili defendantes insanias, et per omnes provincias fallaciter scribentes nos aliquid communissemus, quod reperiatur adversum definitioni sanctæ Chalcedonensis Synodi, quæ preecedentium se trium, id est, Nicæna Constantinopolitanæ atque Ephesinae primæ concordat fidei Synodorum. Ita ergo cunctorum animos, qui vestram malitiam nescierunt, sed tanquam a Romanis diaconis suscipientes scripta, simpliciter crediderunt, ad tantum scelus operatio fallacie vestræ pervenit, ut humanus sanguis in aliquibus locis intra Ecclesiam (quod diei nefas est) funderetur: et omnem legem Ecclesiasticam superbo spiritu conculcare voluistis; sanctorum quoque regularum consequentiam injuriis affecistis, impia et quæ non sunt licita per universas contra nos provincias fallaciter indicando.

30. « Nuper etiam malis vestris addentes pejora prioribus, dominum Leonem prædecessorem nostrum in Theodori Mopsuesteni dictis, quæ contra rectam fidem legitur scripsisse, consensum præbuuisse atque firmasse, dato scripto ad christianissimum principem dominum filium nostrum, ausi fuistis adstruere ». Haec enim et Facundus habet in suis citatis a nobis superius scriptis. Sed pergit: « Absit ergo quemlibet credere Christianum, quod aliquid tale, quod contra rectam fidem a quolibet inveniatur scriptum, illius tanti præsulis sanctitas suscepisset: quippe qui in universis Epistolis suis et Nestorium et Eutychetem vel eis similia sapientes pari legitur sententia condemnasse. In quo memorato scripto etiam contra divinas Scripturas non solum Pontificibus multis, sed etiam (quod diei nefas est) ipsi quoque principi sacrilegas injurias irrogare tentasti, quatenus ignorantem Christianum populum diabolica amplius deciperetis astutia.

31. « Haec ergo sustinentes per multa temporis spatia patientia sacerdotali, resecare distulimus, credentes vos forsitan resipiscere et ab illicitis temperare. Sed quia semel et secundo adhortatione nostra per fratres nostros episcopos, id est, Joannem Marsicanum, Julianum Cingulanum, vel Sapalum filium nostrum atque diaconum, neenon et per gloriosum virum patricium Cethegum, et religiosum virum item filium nostrum Senatorem, aliasque filios nostros commoniti, noluitis andire, et neque ad Ecclesiam neque ad nos reverti (sicut omnia facitis) voluistis detestanda superbiam: et ideo necesse nobis est in vobis canonice vindicare, ne

videamur divinarum Scripturarum increpationibus subjacere. Scriptum est enim¹: Videbas furem, et simul eurrebas cum eo, et cum adulteris portionem tuam ponebas. Et ipse Dominus ac Salvator noster dicit²: Quod si oculus tuus dexter scandalizat te, erue eum, et projice abs te: expedit enim tibi ut pereat unum membrum tuum, quam totum corpus mittatur in gehennam. Et quoniam iste intellectus magis de officiis Ecclesiæ vel proximis non recte agentibus et scandala in Ecclesiæ mittentibus sano sensu debet aptari; sicut et alibi nos admonet, dicens³: Oportet venire scandala, sed vœ illi per quem veniunt. Et beatus Apostolus simili prædicazione⁴: Utinam et abscedantur qui vos conturbant. Et iterum sancta Scriptura nos commonet, dicens⁵: Ejice pestilentem de Concilio, et exiet cum eo iurgium.

32. « Oportet ergo nos jam post tantas admonitiones in vobis, Rustice et Sebastianæ, per auctoritatem B. Petri, cuius nos Dominus sibi voluit vice servire, regulariter vindicare: propterea ne si jam diutius differamus, omnis Ecclesiastis ordo solvatur. Ideoque (quod a nobis cum gemitu, sed cum beati Petri auctoritate dicendum est) pro suprascriptis excessibus alienos vos a diaconi esse honore decernimus, et omni ministerio officii Levitici, prædictum vobis honorem auferentes, penitus submovemus, nullam ulterius licentiam habentes, ut ex Levitico nomine aut gradu aliquid facere præsumatis, vel sub nomine diaconorum scribendo iterum Dei conturbetis Ecclesiam: quippe ex Apostolica auctoritate et Patrum regulis, contra quas multa spiritu superbo atque irreligioso fecistis, vos olim dignos damnatione, præsenti auctoritate deponimus. Et ut universi nos haec pro loco in quo nos Deus esse voluit, et auctoritate beati Petri Apostoli recte fecisse cognoscant: canonum constituta posuimus, quæ sancta Chalcedonensis Synodus apud se electa laudavit ». Subjicit haec ex Actis ejusdem Concilii Chalcedonensis:

33. « Aetius archidiaconus re legit: Si quis presbyter aut diaconus snum contemnens episcopum, a communione semetipsum suspendit Ecclesie, et secretius collectam facit et altare constituit, et nolit evocanti episcopo consentire, et noluerit eidem acquiescere neque obedire et prius et secundo vocanti: hunc omnino damnari, nec unquam hunc curationem mereri, nec recipere eum posse honorem. Si autem permanserit turbas faciens, et seditiones Ecclesie per extraneam potestatem, tanquam seditiosum debere comprimi. Omnes reverendissimi episcopi clamaverunt: Haec justa regula: haec regula Patrum.

34. « Pariter statuentes, ut si nobis viventibus (sicut optamus) sub humilitate et mansuetudine canonice penitentes matrem recognoveritis Ecclesiam, competenter a nobis venia concedatur. Si

¹ Psal. XLIX. — ² Matth. v. — ³ Matth. XVIII. — ⁴ Gal. v. —

⁵ Prov. XXI.

vero (quod non optamus) sub regulari pœnitentia ad matrem Ecclesiam consueta distuleritis redire superbia : Conciliorum in vobis, quorum regulas posuimus, censura servetur : ut nullus post transitum nostrum contra Constitutum nostrum, quod ex beati Petri, cuius locum licet immeriti gerimus, auctoritate proferimus, canonum regulas exequentes, in Ecclesiastico gradu andeat revocare Joannem, Gerontium, Severinum, Importunum, Joannem, atque Deusdedit, quos constat vestrae coniunctionis et conspirationis esse parcieipes : quos nos putantes bonos, militare Ecclesiae, cui Deo presidemus auctore, nostro tempore feceramus : tamen ut et ipsi possint et diversi cognoscere, de subdiaconorum et notariorum vel defensorum officio praesenti se sententia neverint fuisse depositos, et nullum penitus in Ecclesia nostra gradum ulterius delinere; nisi forte (siculi prefati sumus) nobis in hac luce superstitibus, et ipsi pœnitentiae canonice colla submiserint.

35. « Felicem etiam monachum Afrum, qui Cilitano monasterio dicitur prafuisse, et levitate sua atque inconstantia congregationem ejusdem monasterii per diversa loca certum est dispersisse, et vestrae pravitatis inceptor est, cum universis qui eum vel vos, tam clerici vel monachi quam laici, post præsentia interdicta in aliqua vestra se societate polluerint, aut consensem consiliumque præbuerint, regularem in his, que item superius legitur, constituimus manere sententiam : quatenus in his remedii ordine servato canonico, nullus præsumat pacem, quam Dominus diligit, ulterius Ecclesiae perturbare. Præsentem autem sententiam per Joannem Marsicanum, Zaccchæum Seyllacenum, Julianum Cingulanum fratres et coepiscopos nostros, sed et Sapatum atque Petrum filios nostros diaconos, neconon et filium nostrum Surgentium primicerium notariorum, atque servum Dei subdiaconum regionis prime, neconon et Vineentium subdiaconum regionis secundie nostræ cui præsidemus Ecclesie vobis noscimur transmisisse ». Ilactenus Vigilii sententia in schismaticos lata.

36. Quamvis autem ista hoc anno Constantiopolia a Vigilio papa adversus schismaticos decreta fuerint, nequaquam tamen conflatum schisma sedatum est, sed magis excitatum, ultraque parte adversus ipsum commota, nimirum et Capitulorum defensoribus ob damnata Tria illa Capitula, atque etiam ob non damnatos adversarios, et impugnatoribus Trium Capitulorum, eo quod silentium ab ipso Vigilio de illis esset indictum, ut diximus superius ex verbis ipsius Vigilii in sententia de Theodori Cesariensis damnatione relatis. Horrendum plane spectaculum reddebat cunctis spectantibus exorta, tribus simul ex adverso flantibus contrariis ventis, maris ista tempestas, qua navis illa, quæ typum gerit Ecclesiae, agitatatur; Catholicis adversus Catholicos confligentibus, et ipsis etiam Romanæ Ecclesie clericis adversus suum antistitem rebellantibus. Gratum id tantum fuit haereticis, illis

præsertim, qui mentilo Catholico nomine, Orthodoxos inter se scissos, ita contra se invicem pugnare fecissent. Ad tanta sedanda dissidia cum unicum illud esset exegitatum remedium, ut universalis Synodus haberetur : que sibi conducere possent Justinianus parare sollicitus, Mopsuestenam Synodum agi eurat, ut aliqua inde Patribus de damnatione Theodori Mopsuesteni facta olim alferret.

37. Hoc eodem igitur anno, qui (ut dictum est) nonus post consulatum Basilii numeratur, Mopsueste in Cilicia celebratur Synodus adversus Theodorum ejusdem civitatis episcopum centesimum jam ante annum defunctum : ubi ab iis qui convenierunt, hoc actum, ut adversus ipsius Theodori acerrimos defensores, e loco ipso ubi sederat atque scripserat, antiquæ proderentur memorie, si quæ de ipso ibidem adhuc reliquæ essent. Hujus Synodi Acta habentur inserta in quinta Synodi¹ Actione quinta. Incumbente itaque imperatore in opus, ad hoc ab ipso missus est Martanius comes domesticorum, cui et litteras dedit ad metropolitanum Joannem, neconon ad Cosmam episcopum Mopsuestenum et alios. Interfuerunt eidem conventui novem episcopi et complures viri clarissimi comites atque tribuni. In qua Synodo nihil præterea factum est, nisi diligens examinatio de nomine Theodori, num in ejus Ecclesiæ sacris Diptychis una cum aliis ejusdem civitatis episcopis Catholicis reperiretur ipse Theodorus adscriptus : et diligent facta testium examinatione, nempe eorundem qui aderant clericorum, qui essent longa senectute probati; inventum est omnium assertione, nullam ejus sæculi memoriam esse, quod nomen Theodori episcopi fuerit e Diptychis recitatum, in quibus nec scriptum erat, sed ejus loco positum fuisse, ipso dempto, Cyrillum. His igitur quam exacte percognitis, eadem Synodus ea de re certiore reddidit Vigilium Romanum Pontificem ejusmodi testificatione :

38. « Decebat vere, cum primam sacerdotis dignitatem sortiti estis, sanctissime, ea quæ ad sanctarum Ecclesiarum statum respiciunt, manifesta vestrae divinitus honoratae beatitudini fieri. Hoc bene et Christianissimus noster imperator considerans, et ad vestram scientiam quedam quæ de Theodoro quondam Mopsuestenæ Ecclesiæ episcopo nota sunt, jussit inferri. Piissimis enim ad nos litteris usus, hortatus est, ad Mopsuestenam civitatem convenire, quæ una secundæ Cilicie est; et cum subtilitate perserutari, quomodo Theodorus, qui olim praedictæ civitatis fuit episcopus, sacris Diptychis ejectus est; et manifesta ea tam ejus tranquillitati quam vestrae divinitus honorare facere beatitudini. Statim igitur Mopsuestiam accedentes, religiosissimum congregavimus clericum et fidelem ejus populum : eligentes eos qui seniores sunt, qui et relinere forsitan memoria possent subtilitatem ejus quod quærebatur. Et divina et adoranda eis proponentes Evangelia, ut suspicionem sui testi-

¹ Quart. Synod. Act. v, tom. ii Concl.

monii emendarent; dicere invitavimus, si sciunt, quo tempore Theodori antiqui nomen ejectum est Diptychis. Illi vero multos annos et suam excedentes memoriam esse juraverunt, ex quo nulla ejusdem Theodori memoria sacris Diptychis interfertur: Cyrilum autem religiose memoriae Alexandrinae civitatis pontificem ejus loco scriptum esse: quae ex Patribus suis audisse asseruerunt.

39. « Sed eorum quae diebantur subtilitatem investigantes, et per ipsa venimus sacra Diptycha, et mortuorum commemorationem considerabamus. Et Theodori quidem in antiquioribus temporibus nullam memoriam invenimus: in ipso vero fine sacerorum Diptychorum Theodorus scriptus est, quem omnes nuper quidem mortuum esse dixerunt, ex Galatia vero ortum esse provincia: hunc et nos omnes nostri Concilii partem factum ante biennium mortuum esse cognovimus. Ille ita habere, ipsa Gesta vobis sanctissimis manifestant, quae humili suggestioni conjungentes, ad scientiam vestram destinavimus. Sed petimus divinitus inspiratos vos religiosissimis et Deum placantibus vestris orationibus nos humiles suffulcire ». Haec Mopsuestena Synodus, que ad Vigilium papam Justiniani consilio et opera missa fuerunt, ne in futura generali Synodo Theodorum ipse damnare aliquo modo detrectaret, quem sciret fuisse iam ante condemnatum.

40. *Jordani historici admonitio.* — Ad hunc usque annum perdixit Jordanus, sive Jornaenes Gothorum episcopus, quem scripsit commentarium de regorum ac temporum successione, ut ipse in

Prefatione ad Vigilium quemdam alium a Romano Pontifice testatur, cum haec habet in fine: « Ab ipso Romulo arditicatore Urbis originem sumens in viceculo quarto anno Justiniani imperatoris, quamvis breviter, uno tamen in Ivo nomine et hoc parvissimo libello confeci, jungens ei atque volumen de origine et actu Geticæ gentis, quod jamdudum communis amico Castalio edidisse: quatenus diversarum gentium calamitate comperta, ab omni ærumpa liberum te tieri cupias, et ad Deum versus, qui est vera libertas. Legens ergo utrosque libellos, scito quod diligent mundum semper necessitas imminet. Tu vero ausculta Joannem Apostolum, qui ait¹: Carissimi, nolite diligere mundum, neque ea quae in mundo sunt: quia mundus transit et concupiscentia ejus: qui autem fecerit voluntatem Dei, manet in æternum. Estoque tuto corde diligens Deum et proximum, ut impleas legem, et ores pro me, nobilissime frater ». Haec enim ille, perbelle admonens, hanc nos ex historiarum lectione consequi debere utilitatem, ut mundi hujus pravitates et aerumnæ, quibus indesinenter volvit et involvit, cum nos contempnere penitus debere, et odio prosequi persuadeant. Quod si a lectore haec exigit auctor: ab auctore quomodo non totus idipsum mundus jure requirat? Favit Deus (quod est in optatis) nos mundi scabra et luctuosa illaeso et impolluto pede transire. Sed jam ad anni sequentis res gestas enarrandas progrediamur.

¹ I. Jo. ii.

Anno periodi Graeco-Romanæ 6013. — Anno Era Hispan. 588. — Iesu Christi 550. — Vigilii pape 11. — Justiniani imp. 24. Totila rex. 10.

1. *Quinta quinquennalia Justiniani.* — Hic annus ista formula notatus: *Post consulatum Basili V. C. ix, vel juxta quosdam, Post consulatum Basili V. C. anno x.* Quinta quinquennalia Justiniani post Justinum imperantis, ad quæ referenda dedicatio Basilice SS. Apostolorum, de qua infra.

2. *Roma a Totila capta, hujusque legatio ad regem Francorum.* — A num. 1 ad 14. Est hic annus belli Gotici xvi, non vero xv, ut perperam habet Baronius, ideoque quæ Procopius lib. 3 de bell. Goth. a cap. 38 usque ad cap. 40 narrat, ad annum superiorem revocanda. Tunc Totilas copias omnes Romanam duxit, captoque tandem portu, post

longam obsidionem, Isaurorum proditione eam cepit, ut refert Procopius cap. 36. Dein cap. 37 ait: « Non ita pridem Totilas, missa ad Francorum regem legatione, ejus filiam sibi peliverat in matrimonium. Is vero abmiserat, negans illum Italiæ regem esse, vel futurum unquam; qui Romanam captiui retinere nescivisset, ac parte ejus diruta, illum iterum permisisset hostium potestati. Quamobrem jam in urbem annonam invehere salagit Totilas, et propere instaurari jussit ». Quare haec Totilæ ad regem Francorum legatio missa non est anno DCLVIII, quo Totilas iterum urbem occupavit, sed anno DCLVII, quo Theodebertus Francorum rex vi-

tam cum morte commutavit. Procopius quidem, nec regis Francorum nec filiae, cuius nuptiae ambiabantur, nomen expressil; sed cum nec *Childebertus*, nec *Clotarius*, quibus etiam erant filiae, sese rebus Italicis immiscuerint, de *Theodeberto* sine dubio Procopius intelligendus; sicuti et de anno Christi **DXLVII**. Procopius enim ex occasione tantum de his nuptiis sermonem habet, ut scilicet causam aperiat, cum *Totilas* in hac secunda urbis expugnatione aliter ac in prima sese gesserit, ut ex ejus verbis clarum est.

3. Vigilius litterae ad Aurelianum episcop. Arelat. de Roma capta et Tribus Capitulis. — Nec litterae Vigilius papæ Constantinopoli positi ad *Aurelianum* episcopum Arelatensem dateæ « III kalend. Maias, imperante Justiniano Aug. anno **xxiv** P. C. Basilii V. C. anno **ix** », quas recitat Baronius num. 8 et seqq. ejus opinioni expugnationem urbis in hunc annum differenti favent. *Aurelianum* hortatur in illis Vigilius, ut intercessione Childeberli regis impedit, ne *Totilas* Ecclesiae Catholicae damnum inferret: « Credimus sperandum, ut sit fraternitas vestra sollicita, et gloriose filio nostro Childeberto regi supplicare non desinas, ut quia Gothi cum rege suo in civitatem Romanam perlibentur ingressi, hoc ei dignetur scribere. ne se in Ecclesiae nostræ præjudicio immisceat, et aliquid faciat, aut fieri qualibet ratione permittat, unde Catholica possit Ecclesia perlurbari ». Quibus ex verbis colligit Baronius, Romam hoc anno a *Totila* captam fuisse. Verum perperam; Roma anno **DXLIX** expugnata, *Aurelianus* episcopus Arelatensis litteras dedit ad Vigilium, quæ perierte, in quibus agebat de *Tribus Capitulis*, ad eumque Anastasium direxit, ut in fine litterarum Vigilius dicitur. Anastasius autem, vel quilibet aliis, *Totilam* Romam ingressum esse Vigilio significavit. *Vigilius* itaque *Aureliano* mense Aprili hujus anni respondens dixit, nihil a se admissum fuisse contra Concilia generalia damnando *Tria Capitula*, de quibus in suis litteris agebat *Aurelianus*, et postea eum hortatur, ut per *Childebertum* regem ad *Totilam* scribendum euret. Ille colligi posse videtur. *Romam* sub finem duntaxat anni **DXLIX** a *Totila* occupatam; cum hujus anni initio id Constantinopoli certo non innoveret.

4. Rusticus et Sebastianus a Vigilio damnati. — A num. 13 ad 37. Non solum in Gallia, ut mox vidimus, *Vigilius* a multis fraudulenter insimulabatur, quod Concilio Chalcedonensi adversaretur, ob damnationem scilicet Trium Capitulorum; sed etiam alibi, ita ut a suis quoque clericis indignissime urgeretur. Quare *Rusticum* et *Sebastianum* Ecclesia Romane diaconos sententia sua damnavit. Eam referit Baronius, et praesenti anno dataam existimat. Addo eamdem latam post diem **xviii** mensis Martii hujus Christi anni. Epistola enim Vigilius ad *Valentinianum* episcopum Tomitanum scripta, et a Baronio num. 3 recitata, data est *XV kalend. Aprilis* imperii Domini *Justiniani PP. Augusti*

anno xxiii, post consulatum Basilii V. C. anno ix. In ea ait Vigilius: « Quod nunc quoque sancti Chalcedonensis Concilii adversarii (inter quos eliam Rusticum et *Sebastianum* comperimus istius anclores scandali, quos olim pro meritis suis a sacra communione suspendimus, in quibus nos, si non resipuerint celeriter, fraternitas tua cognoscat, canoniam sententiam prolatus), qui sub praetextu falsæ defensionis student, ut eamdem Synodus contra prædictas tres Synodos (Nicænam scilicet, Constantopolitanam et Ephesinam), quod absit, ostendant ». Quare ante diem quidem **xviii** Martii, quo ea Epistola scripta, Vigilius Rusticum et *Sebastianum* ab officio suspenderat, sed nondum in eos tanquam rebelles depositionis sententiam tuterat.

5. Non anno superiori sed currenti. — Garnierius in dissert. de V Synodo cap. 5, paragr. 9, ut ostendat eam depositionis sententiam anno superiori datam, contendit emendandam esse laudatam subscriptionem: « Neque enim, inquit, annus **xxiii** Justiniani coincidit cum **ix** post consulatum Basilii, sed cum **viii**, ut Epistola dicatur scripta anno **DXLIX**, die **xv kalend. April.** » Sed summopere fallitur vir eruditus: annus enim **xxiiii** Justiniani a kalendis Aprilis usque ad kalendas Januarii concurrit quidem cum anno Christi **DXLIX**, annoque **viii** post consulatum Basilii; sed a kalendis Januariis hujus Christi anni usque ad kalendas Aprilis, quo die annus ejus **xxiv** inchoatur, convenit in præsentem Christi annum, ac in annum post consulatum Basilii **ix**, et hoc sine controversia. Tomo v Concil. pag. 338 hujus Epistole subscriptio in margine alio modo depravatur his verbis: *Forte xxiv-x*, id est, **xxiv** Justiniani, et **x** post C. Basilii, quæ notatio omnino expungenda.

6. Africani Vigilium excommunicant et ab eo excommunicantur. — Africani episcopi *Reparato* Carthaginensi duce non modo *Judicatum* rejecerunt, sed etiam *Vigilium* ipsum anathemate percuererunt, teste Victore Tununensi, qui *anno post consulatum Basilii x*, juxta ejus suppurationem hoc Christi anno scribit: « Africani anlistites Vigilium Romanum episcopum damnatorem Trium Capitulorum Synodaliter a Catholica communione, reservato ei pénitentia loco, recludunt, et pro defensione memoriorum Trium Capitulorum litteras satis idoneas Justinianum principi per Olympium magistrianum mittunt ». Verum Justinianus acceptis Actis Synodalibus episcoporum Illyricorum, quibus anno superiori *Tria Capitula* defenderant, Actisque Concilii in Africa eandem in rem hoc anno coacti, contra Illyricos et Africanos rescripsit, ut docet Isidorus in lib. de Vir. Illustr. cap. 12. « Justinianus, inquit, imperialor condidit quoque et rescriptum contra Illyrianam Synodum et adversus Africanos episcopos, in quo *Tria Capitula* damnare contendit ». Parte alia Vigilius Africanos pari pena mulcaverat; nam *Judicati* detractores ipso facto anathemati subjiciebantur, quod ex his, quæ

in sententia ejus contra Rusticum et Sebastianum leguntur, intelligitur: « Quos pro hoc, ait Vigilius, quod contra Judicatum nostrum scripserant, per ejusdem Judicati seriem constabat jam a nobis communiione suspensos ».

7. Humanus sanguis etiam alicubi effusus. — Sed non tantum scripto, ut inquit Em. card. Norisius in dissert. de Synodo quinta cap. 4. verum etiam armis deerrebatur, tantaque rabie suæ quisque factioni studebat, ut nonnulli ne sacrosancta quidem loca reveriti, eadem impia cæde polluerent. Conqueritur enim Vigilius ex litteris rebellium diaconorum contra Judicatum emissis tantas alicubi turbas exitatas, « ut humanus sanguis in aliquibus locis intra Ecclesiam, quod diei nefas est, funderetur », ut inquit Vigilius in sententia contra eosdem lata. Quare oecumenica Synodo opus esse non modo Vigilius, sed Justinianus quoque optime intelligebant. Vigilius priori sententiae inhaerens in Italiam cogi illam malebat, nec semel hoc a principe se petuisse testatur in Constituto ad Justinianum anno DLII emissio: « Optavimus, venerabilis imperator, sicut frequentissime supplici prece poscimus, eundum ad quemlibet Italiæ locum, aut certe ad Siciliam, et convocalis ad nos Africanæ, et aliarum provinciarum latinæ lingue sacerdotibus, vel Ecclesie nostræ sacratis ordinibus, secundum consuetudinem tractaremus, et de questionibus Trium Capitulorum pietati vestra redderemus plena deliberatione responsum. Quod quia fieri serenitas vestra non annuit, hoc iterum noscitur constitutum, ut oblatis a nobis mansuetudinis vestre nominibus de suprascriptis provinciis, qui nobiscum ad tractandum adhiberentur antistites, clementia vestra faceret advenire; cui dispositioni item præbuimus Ecclesiastice pacis amore consensum ».

8. Concilium ad discordias sedendas necessarium creditum est. — Hoc postremum ipsumsumet Vigilium a principe petuisse cleris Italæ in libello suo supplici affirmat: quod aliorum tamen consilio id papæ insinuatum ex laudis Vigiliæ verbis liquet. Haec verba in hujusmodi libello contenta: « Et quamvis nec hoc quod papa fecerat acquieverunt Afri et Illyricani, atque Dalmatae sacerdotes recipere; tamen cœpit iterum saepè dictus beatissimus papa Vigilius ad hoc compelli, ut absolute ipsa Capitula sine Synodi Chalcedonensis mentione damnaret. Sed papa non acquiescens hoc facere, et videns se nimimum ingratvari, dixit tunc serenissimo principi: Veniant huc fratres nostri ex omnibus provinciis quini aut seni episcopi, et quidquid sub tranquillitate, tractatu habito, omnibus visum fuerit, cum pace disponemus: quia sine consensu omnium ista, quæ et Synodus Chalcedonensem in dubium facere veniunt, et scandalum fratribus meis generant, solus facere nullatenus acquiseam ». Verum card. Norisius citatus jure merito falsum esse arbitratur quod ibi dicunt clerici, nempe compulsum esse Vigilium, ut Capitula sine Synodi Chalcedonensis mentione damnaret. Hanc

enim clausulam in Judicato Vigilius posuerat: *Salva in omnibus reverentia Synodi Chalcedonensis.* Et tantum abest, ut hac clausula Justinianus offendetur, ut ipsem eamdem suo decreto contra Tria Capitula his plane verbis inseruerit: « Si quis dicit nos haec ad abolendos, aut excludendos sanctos Patres, qui in Chalcedonensi fuere Concilio, dixisse, anathema sit ». Clerici itaque Italie de iis, que Constantinopoli gesta fuerant, documenta in quibusdam circumsstantiis falsa, ut inter partium altercationes fieri solet, accepérant.

9. Synodus Mopsuestena. — A num. 37 ad 40. Idem card. Norisius citatus cap. 5. Synodus Mopsuestiæ hoc anno habitam recte exposuit. Cum accepisset Justinianus nomen *Theodori* e sacris Diptychis Ecclesie Mopsuestenæ, cuius is olim episcopus fuerat, erasum esse, ad Joannem metropolitam Justinopolitanum, litteras dedit, quibus mandavit, ut collecta provincie Synodo investigaret, quandam id factum fuisset. Est *Justinopolis* urbs prima Cilicie minoris, *Anazarbus* antea dicta, que teste Evagrio lib. 4, cap. 8, terræ motu dejecta, et a Justino imp. restituta ejusdem nomen accepérat. Eiusdem fere exempli Epistolam scripsit ad *Cosnum* episcopum Mopsuestiæ, qui ante paucos menses in demortui Symeonis locum subrogatus fuerat. Date sunt litteræ Justiniani die xiii Maii, anno imperii ejusdem xxiv. P. C. Basiliæ ix. Synodus autem Mopsuestiæ coacta die xvii Junii, eius Acta recitantur in Synodo V. Collat. v. Horum initium est: « Imperii divini et piissimi nostri Domini Fl. Justiniani perpetui Augusti imp. anno xxiiii. (legendum xxiv, ut alibi diximus, et ex dictis ad Cosnum litteris patet) post consulatum Basiliæ V. C. anno nono, mensis Junii xvii, instantis Indictionis xiii ». Adfuere cum Joanne metropolita octo alii episcopi, seniores clerici, et nobiles civitatis.

10. Theodorus Mopsuestenus episc. alias e Diptychis expunctus. — Definitorum illius Ecclesie antistitum nomina ita Diptychis inscripta legebantur: « Pro requiescentibus episcopis Prologene, Zozymo, Olympio, Cyrillo, Thoma, Bassiano, Auxentio, Palatino, Jacobo, Zozimo, Theodoro, Symone »; qui duo ultimi paulo ante defuncti erant. Recitato hoc Diptycho Stephani presbyter annos lxx uno minus natus dixit: « Nulatenus seio, vel audivi Theodorum, qui olim in nostra civitate fuit episcopus, nominatum in sacris Diptychis. Cognovi autem ex quo huic communior elero, quod illo adempto ex ipsis aliquando Cyrilus Alexandrinæ civitatis episcopus in illius loco insertus est sacris Diptychis requiescentium episcoporum, qui usque nunc pro ipso predicatorum ». Idem cæteri tum clerici, tum nobiles cives contestati sunt. Itaque Theodorus inter Olympium et Thomam in sacris olim libris legebatur, ex quibus postea expunctus fuit. Haec expunctio declarabat Theodorum mortuum fuisse in communione Ecclesie, post mortem vero errorum accusatum, atque convictum communione privatum fuisse. Synodus itaque Mopsuestena hanc

sententiam de Theodoro promuntiavit, « Theodorum veterem in antiquis temporibus extra prædicationem divini mysterii fuisse, et sacris Diptychis ejectum esse; pro illo vero alterum constitutum esse, et in illius vocabulum inscriptum esse Cyrillicum sanctæ memorie ».

11. Vigilius se Tria Capitula damnaturum promiserat. — Baluzius tom. i Novæ Collect. Concil. in Præfat. ad Acta Concilii V, num. 2 observat, *Vigilium* ante ordinationem suam promisisse se damnaturum Tria Capitula, si papa fieret, quod docet Victor Tununensis in Chromico ad annum post C. Basilii secundum: deinde eam pollicitationem renovasse ac implesse, cum advenit Constantinopolim, ut ostendi anno **DXLVI**, num. 5 et seqq. et ista quoque stipulatum, ut occulta esset, ut ibidem ex Facundo dixi: denum præsenti anno eam rursus pollicitationem fecisse cum eadem stipulatione. Unde Facundus in lib. contra Mocianum, ait: « Ob hoc etiam de ipsis episcopi Romani chirographis, vel prius ambitionis impulsu, cum fieri arderet episcopus, vel postea venalitate parti alteri factis, necessarium duximus non tacere ». Recitat Vigilius juramentum Baluzius pag. 1544, factum in præsentia *Theodori* episcopi Cæsareæ, et Flavii Cethigi patricii, qui ei promittunt se chartulam illam nulli ostensuros; *Vigilius* vero se conaturum, ut Tria Capitula anathematizentur. Hæc juramenti

subscriptio: « Datum est hoc juramentum xv die mensis Augusti, Indictione xiii, imperii Domini Justiniani anno xxiv, novies P. C. Basilii V. C. », id est, currenti Christi anno. Agebat Vigilius cum pervicacissimis Trium Capitulorum oppugnatoribus Justiniano et Theodoro, qui propterea toties ab eo sacramenta exigebant de eorumdem Capitulorum damnatione.

12. Ipso Pontificatus initio. — Errarunt itaque qui scripsere Augustam *Silverium* Romano Pontificatu dejecisse, ut *Vigilius* Chalcedonensem Synodum damnaret. Ab hoc enim tantum petiit, ut papa effectus Tria Capitula Synodi Chalcedonensis proscriberet, arbitrata mulier haeretica, hoc peracto Synodum per se ruituram. Eutychiani enim in Synodo Chalcedonensi offendebantur, quod laudes suscepisset *Theodori* et Epistolam *Ibe* non dannasset, ut habet Liberatus cap. 24. Licet itaque anno **XXXVII**, quo *Vigilius* Pontificatum Romanum invasit, controversia de Tribus Capitulis a Theodoro Cappadoce Justiniano Augusto nondum proposita fuisset, jamdiu tamen Eutychiani contra illa inveniebantur, ut eo quasi cuniculo Synodum Chalcedonensem everterent.

Victor Capuanus Cyclum suum condit, ut ostendi anno **DXLV**. Dedicatio Basilice SS. Apostolorum de qua anno **DLI**.

1. Novis cladibus affigitur Romanum imperium, Justiniano cum Theodoro evertente Ecclesiam et insectante Vigilium. — Quingentesimus, quinquagesimus primus advenit Christi annus, idem numeratus post Basilii consulatum decimus, et a Procopio belli Gothicæ decimus sextus, Justiniani vero imperatoris vicesimus quintus, Romano imperio funestissimus: quo Germanus insignis ductor exercitus, in quo omnis recuperandæ Italiae collocata spes erat, improvisa morte subrahitur, classisque imperatoria naufragium passa est in ositiis Hadriatici maris contra Calabriam: Selavinique Barbari iterum grassantes, apud Hadrianopolim Romanum protulgarunt exercitum, victoresque pro-

gressi usque ad Murum longum, qui unius diei spatio distat Constantinopoli; sed vix repulsi, ad propria remearunt. Habet pluribus omnia ista Procopius¹. Sed unde tot mala, quibus terra marique ubique ab irato numine Romanum pessum datur imperium? Dictum est sœpe, repetendum vero sæpius, pro hostibus pugnare Deum, cum a principibus in religionem peccatur; reddique imbecilles ac prorsus imitiles robustissimos quosque exercitus, nisi pietate firmentur; at debiles hostes evadere potentes, cum in adversariorum castris offensam passa religio mœret: quæ quidem ex divinis little-

¹ Procop. de bello Goth. I. iii.

ris pluribus declarata exemplis, eadem cerebrius singulis sacerulis producuntur expressis signata monumentis. Tu vero haec clarius intueberis ex recenti qua ob oculos ponetur historia.

2. Quænam autem hoc anno adversus sacros canones, contra Ecclesiasticas sanctiones, decretaque Patrum, majorumque traditiones, in contumeliam primæ Sedis antistitis usque fractenus mortalibus inaudita faela sint Constantinopoli, videamus. Instigante rursum Theodoro Cesariensi omnium maiorum auctore, contra præcedentis Synodi decretum et emissam sponsonem de servando usque ad Concilium universale silentio, Justinianus imp. contra Tria illa Capitula publice appendi jussit edictum; quod nec rogante per suos Vigilio, revocare voluit: ino et præter minas, viam quoque adhibuit, suis mandans satellitibus, nimirum oblitus sui, furore percitus, mente dimotus, correptus maligno spiritu, agitatus a satana, ut in ipsum Vigiliū Apostolicæ Sedis episcopum manus injiciant. Convertit in unum Vigiliū (o laudem egregiam!) quod adversus tot Barbaros ubique devastantes imperium prælium agendum erat: hinc sibi cupit parari triumphos illitteratus Theologus, si vincat vi, quem non possit ratione convincere, Ecclesiæ universalis antistitem; universam jam subjugasse Ecclesiam ratus, cui ut sibi subditæ aggressus erat præscribere leges. Ubi vero andisset ista Vigilius, in fuga tantum spem ponit; sieque ex domo Placidiana, ubi degebat, confugit ad ibi proxime junctam Ecclesiam S. Petri¹; ubi et Ecclesiastica tractans, ad aliquod temporis spatium mansit, in adversarios sententiam ferens.

3. Nam et Theodorus ille Cesareæ Cappadociae præsul, qui inhaerens imperatori omnium maiorum illi auctor accessit, ejus gratia natus, et potentia factus impudens, eo audacie progressus est, ut primæ totius Orientis Ecclesiæ Zoilum patriarcham Alexandrinum, quod inhaerens olim Vigilio Romano Pontifice Tria illa Capitula ab imperatore promulgata damnum penitus renuisset, sua sponte, nulla Synodo congregata, vel aliquo ordine judiciali servato, veluti si primarius ipse solus toti orbi præsideret antistes, condemnari, in ordinemque redicens, sede privarit; et tanquam haeretici hominis ex sacris Diptychis ejus nomen expunxerit, inque locum ipsius successorem subrogavit Apollinarem. Sed et illud adversus Apostolicam Romanam Sedem non est veritus perpetrare, ut cum Synodice Vigilius papa (ut vidimus) statuisset, facendum esse de quæstione oborta condemnationis Trium Capitulorum usque ad generalem Synodum celebrandam, iste pervicax adversus eadem Tria Capitula cuncta publice agere non destiterit, egerique ut contra eadem ab ipso Justiniano imperatore palam edicto proposito omnes æque assentirentur episcopi. Addidit vero, ut Vigilio contradicent, atque sub anathemate id prohibenti non solum nou-

acquieverit, sed plane despicerit, insularit, inque ejus contumeliam, licet ab eo vetitus, missas tamen publice celebraverit, aliaque nefaria id genus addecerit, quibus contumax ingenium, refractariumque animum, atque rebellem penitus voluntatem ostenderet; nec ipsarum memor legum imperatoris, quibus haud semel quidem, sed stetius quanta esset super omnes tolius orbis episcopos Romani Pontificis auctoritas declarasset.

4. En quo tandem progressus est præceps ex monacho Origenista præpotens armiger Justiniani: hoc enim nomine nuncupaverim eum, qui latenter ejusdem assistens, fecit analphabetum imperatorem palliatum repente apparere theologum, atque de dogmatibus acutissime disputare, qui numquam legere sciverit vel ipsius fortis inscriptum sacrorum titulum Bibliorum. Accipiat et a novatoribus, quibus etiam militat, miles iste stipendium; cum nihil præterea suis studiis intelligent hominem istum vafrum esse conatum, nisi ut tam profana quam sacra cuncta tribui vellet imperatori, a quo sicut laici, ita et accepturi essent leges episcopi, sieque omnem in Ecclesia dissolveret institutum divinitus ordinem, faceretque ex regno caelorum (quo nomine sèpe Ecclesia denotatur) ergastulum inferorum, ubi nullus ordo inest, sed ubique confusio: verum quæ Dei (inquit Apostolus)² a Deo ordinata sunt. Haec vero omnia ex Aelis publicis accepimus, ex ipsa, inquam, sententia Vigilius papæ in eundem Theodorum Iata, quam proxime hic descripturi sumus, ut cuncta certa explorataque absque ulla dubitatione reddanlur.

5. *Sententia damnationis et excommunicacionis in Theodorum a Vigilio conscripta in Basilica sancti Petri quo confugerat.* — Quid autem ipse Vigilius? Num dissimulanda putavit atque negligenda, tempori inserviendo, quæ contra statuta decreta a Theodoro ignominiose peracta cognovit? Num timore percusus, agere desinit adversus canonum violatorem, juriumque Ecclesiæ invasorem? Annon protinus adversus pacis perturbatorem, violentumque Ecclesiæ grassatorem vindex insurgit? Sed quid agat in terra aliena, ubi silent jura, et a legum conditore intelligit leges proculiari, et justitiam a Justiniano exulem agi? Non despondet animum, non concidit viribus, quibus seit Apostolica auctoritate fulciri; non timore percellitur: fugitivus licet, aggredientem insequitur hostem, erigitque se ex adverso pro Ecclesia Dei, inque sacrilegum pseudoepiscopum imo tyrannum insurgit; collectoque paucorum, quos secum habebat, episcoporum conventu, execranda Theodori facinora examinanda proponens, demum adversus perversorem legum et eversorem jurium, oculatum haereticum, manifestum schismaticum, sententiam excommunicationis intorquet his verbis²:

6. « Vigilius episcopus sanctæ Ecclesiæ Urbis Romæ dixit: Res est quidem divinae convenientis

¹ Vigil. Ep. vii. tom. i. Ep. Rom. Pont.

² Rom. xiii. — ² Extat tom. i Ep. Rom. Pont. et tom. ii Conc.

jussioni, patientiam præbere peccantibus: quam non lamen adusque deceat extendi, ut spe continuæ impunitatis jugiter sine correctione peccetur. Quoniam igitur tu, Theodore Cæsareae Cappadociae civitatis episcope, qui hactenus ab ordinationis tuae tempore, unius anni spatio in Ecclesia, cuius gubernacula susceperas, non passus es residere; sed auctoritatem nominis episcopalis abusus, universalis Ecclesie scandalum generare non cessas, et a nobis modo familiariter objurgatus, modo precibus obsecratus, nonnunquam vero fraterna incepatione correptus, sape etiam divinarum Scripturarum auctoritate commonitus, vel Ecclesiasticæ consuetudinis convictus exemplis, semper emendationem sermone promittens, quam factis nequissimis respuebas, nunquam a prava intentione cessasti.

7. « Nos vero longanimitatem nostram divina largitate concessam, tam circa te, quam circa seductos abs te, paene hoc quinquennio elapo monstravimus. Primum quidem in eo, quod pro scandalo refrænando condescendentes quorumdum animis, quos aliqua dispensatione (dissipatione) credimus temperandos, quia tu jam eos pluribus annis inquietissimus stimulator accenderas, quædam pro tempore medicinaliter existinnavimus ordinanda, tali scilicet conditione, ut omni in posterum perturbatione sopia, nihil ultra nec verbo nec litteris quisquam facere ex eadem causa præsumeret. At tu pravæ consuetudinis tractus audacia, neque hunc cessare a conscribendis et prædicandi novitatibus voluisti; ita ut sæpius libellis episcoporum redditis, et consensem tuum cum eis propria confessione condemnans, corum vel tuis excessibus sæpius a nobis concedi veniam postulasses.

8. « Post hæc autem cum te a præsumptione solita nec pudor humanæ verecundie, nec sacerdotii pondus, nec timor divini judicii coliberet, dum amplius quam justum fuerat, patientiam tuis facinoribus præbereimus: ad hoc est causa perducta, quatenus semotis omnibus quæ de Trium Capitulorum a quibuslibet dicto scripto fuerant ordinata, quid de ipsa re facto opus esset, cum Africanarum, Illyricanarum, seu Galliarum (aliarum) partium congregata Synodo tractaremus, eorum maxime præsentiani requirentes, quorum fuerat scandalizata fraternitas. Illud quoque magnopere nobis cum clementissimo principe, præsentibus etiam Menna Constantinopolitanae civitatis et Iatio Mediolanensis urbis antistite, alisque tam Græcis quam Latinis episcopis, cum quibus omnibus etiam tu, Theodore, pariter affuisti, ne non et præsentibus judicibus atque proceribus, universoque senatu, convenit, ne usque ad memoratam Concilii definitionem quicquam de prefatis Tribus Capitulis ab aliquo fieri intentaretur. At deinde tuis ex consuetudine incitamentis liber condemnationem Capitulorum ipsorum continens, in palatio, te assistente et instruente, coram quibusdam Græcis episcopis est relectus, a quibus assentacionum favorem tuis vocibus exigebas. Ex quo facto tam tu, quam

tibi consenientes episcopi, initius licet a nobis quam oportuit incepisti, ad promerendam dicta satisfactione veniam convolastis.

9. « Quis autem commemorare sufficiat, que te incitante atque exequente mala commissa sunt? Nam ut de magnis excessibus tuis parva narremus, totius scandali incitamentum fuisti atque seditio. Qui domi tuae sedeus, antiquarios pretio caro conducebas, ea que jurata voce te non esse facturum usque ad constitutum tempus frequentius firmaveras, conscripsisti; et sub prætextu religionis, ea que Ecclesiam Dei dividerent (sic ut etiam rebus ipsis agnoscitur) perpetrasti. Nam usque ad hoc animum Christianissimi principis falsis suggestiōnibus perduxisti, ut clementia ejus, quæ in suis hostibus pia semper apparuit, contra nos graviter moveretur. Sed hæc omnia bona desideria nostra, quæ pro pace Ecclesiæ proculdubio militabant, illa animus tuus quietis impatiens dissipavit, ut illa que fraterna collatione et tranquilla episcoporum fuerant reservanda iudicio, subito contra Ecclesiasticum morem, et contra paternas traditiones, contraque omnem auctoritatem Evangelice Apostolicae doctrinæ, edictis propositis, secundum tuum damnarentur arbitrium; dum fidelium nullus ignoret, per quos Dominus et Deus noster doctrinis celestibus plebem suam jusserrit erudiri, vel quibus ligandi solvendique super terram dederit potestatem.

10. « Deinde in domo Placidiana eum Græcarum vel Latinarum partium episcopis, qui in urbe regia aderant, et presbyteris ac diaconibus Constantinopolitanae Ecclesie convenisti: ibique sub magna vociferationis contestatione, tanti nos quam frater noster Mediolanensis episcopus prohibuimus, ne aliquis vestrum prævaricationi communis Constituti, contempta Fraternitate, præberet assensum. Tu autem Sedis Apostolice interdicentis per nos auctoritate despecta, ad Ecclesiam in qua edicta ipsa pendebat, reliquos tecum attrahens perrexisti, ibique alii adjectis prævaricationibus missarum solemnia celebrasti: et quasi nihil tibi esset, primæ Sedis antistitem præsentem et contradicentem contempsisse; pontificem etiam Alexandrinæ Ecclesiæ sacerdotem fratrem nostrum Zoilum, cuius nomen usque ad memoratum diem communicatum vobis fuerat, Diptychis eximentes, Apollinarem quemdam perversorem atque Ecclesie ipsius adulterum vobis sociastis; ut vestra iniquitas non solum in removendo simplicissimo sacerdote, sed etiam in recipiendo pateficeret perversore. Reticemus interim alia, quæ eodem die a vobis in Apostolicæ Sedis et in canonum perpetrata probantur injuriam: ne delenti enumeratione culparum, quarum inventor ostenderis, quod tibi competit, diutius differamus.

11. « Et hæc ante triginta dies pro memoratis excessibus vestris ab Apostolicæ vos communionis removisseinus consortio, credentes, quod sacerdotali proposito facilius quæ male gesta fuerant, satisfactione congrua curarelis: ideoque ex persona

et auctoritate beati Petri Apostoli, ejus, licet exigui, nos locum gerimus, cum Dacio Mediolanense, Joanne Marsicano, Zaechaeo Scyllaceo, Valentino Silvæcandidæ, Florentio Matellicatensi, Juliano Sigurno, Romulo Numentanensi, Dominico de Caliliopi, Primasio Adrumetino, Verecundo Lunensi, Stephano Ariminensi, Paschasio Alatrino, atque Joanne Cortonensi, fratribus et coepiscopis, hac Theodorum Cæsareæ Cappadocie civitatis quondam episcopum sententia promulgatione, tam sacerdotali honore et communione Catholica, quam omni officio episcopali seu potestate spoliatum esse decernimus : nullis te vacare ulterius rebus, nisi penitentiae lacrymis censemtes, quibus percepta remissione culparum, locum communionemque tuam, aut a me, aut post obitum meum a successore meo (si merneris) indulgentie recipias.

12. « Teque Mennam Constantinopolitanæ civitatis episcopum, qui non dissimili culpa constringeris, cum omnibus metropolitanis et micropolitanis episcopis ad tuam dioecesim pertinentibus, sed et tuos Orientales, vel diversarum provinciarum majorum minorumque civitatum episcopos, qui his excessibus, pro quibus Theodorum Cæsareæ Cappadocie quondam episcopum condemnavimus, præbuitis assensum; humaniore sententia pro Dei consideratione tamdiu a sacra communione suspensus, donec unusquisque vestrum errorem sue prævaricationis agnoscens, culpat apud nos propriam competenti satisfactione diluerit ». Haec est subscriptio sancti papæ : « Deo juvante et ipsius gratia Vigilius episcopus sanctæ Ecclesie Catholice Urbis Romæ huic damnationi atque excommunicationi Theodori Cæsareæ Cappadocie et huic communicantis Mennæ Constantinopolitanæ urbis episcopi, vel aliorum praefectorum, subscripti. Data XIX kalendas Septembbris, imperante domino Justiniano perpetuo Augusto, anno vicesimo quinto, post consulatum Basilii viri clarissimi anno decimo (undecimo). » Haec Constitutum Vigili de anathemate. Quod autem ad Zoili depositionem ac substitutionem Apollinaris pertinet, haec Liberatus diaconus ait¹: « Zoilum postea imperator depositit, et Apollinarem ordinavit, qui nunc est præsul ipsius Alexandrinae Ecclesie ». Haec ipse.

13. Antequam autem quæ post hæc sunt subsecuta narremus: cum inter episcopos, qui una cum Vigilio dicto conventui interfuerunt, nominatus reperiatur Primasius episcopus Adrumetinus in Africa: hunc illum esse putamus, qui clarus habetur inter scriptores Ecclesiasticos, ejus et meminit Isidorus et alii. Solus hic (quod sciám) inter Africanos episcopos reperitur, qui inhaeserit Vigilio, ceteris ab ejus communicatione recedentibus. Cum vero hic dicatur episcopus Adrumetinus, errore lapsus videtur Trithemius, dum eum nominat episcopum Uticensem: nisi quis dicere velit, duos fuisse Primasios episcopos Africanos eosdemque

eruditio clares; quod non persuadetur: nam dum de Primasio meminit Cassiodorus, ipsum sui fuisse aequali protitetur, cum ait²: « Nostris quoque temporibus Apocalypsis beati Primasii austris Africæ studio minime et diligenter quinque libris exposita est, etc. » Porro his temporibus vixisse Cassiodorum, nullus ignorat. Quod vero Primasium Trithemius dicit fuisse episcopum Uticensem discipulumque S. Augustini: et Scholastes eumdem ipsum floruisse ait temporibus Theodosii, anno Domini quadringentesimo quadragesimo: sane quidem uterque decipi reperitur: nam cum idem Primasius inveniatur in Commentariis in Epistolam ad Hebraeos citare ipsum Cassiodorum, qui his vixit temporibus Justiniani imperatoris, longe post Theodosii tempora ipsumclaruisse oportuit. Quoniam nomini nunc eumdemque Primasium dixerimus, ipsumque episcopum Adrumetinum, qui Constantinopoli (ut videmus) cum Vigilio papa adversus schismaticos stetit.

14. Haec autem omnia acta sunt ab ipso Vigilio Constantinopoli in Ecclesia sancti Petri, ad quam imperatoris ministrorum violentiam metuens ante confugerat, ut ipse docet litteris³ circularibus anno sequenti datis. Ubi dum moraretur, atque ea quæ per Theodorum essent gesta cognovisset, eam ipsam quam recitavimus sententiam tulit; verum non statim promulgavit, sed apud se retinendam aliquantulum, in consilio habuit, paci interim Ecclesie consulturus.

15. Sed quæ præcesserunt, cum ad evitando imperatoris satellites Vigilius e Placidiana domo hoc anno fugit ad Ecclesiam sancti Petri, nuper a nobis relata, jam ex ejusdem Pontificis scriptis sequenti anno datis hic recitemus, quo cuncta certius habeas explorata: ait enim ipse in Epistola circulari universæ Ecclesie Catholice scripta³:

16. « Posteaquam edicta sua piissimus princeps jussit appendi: omnibus episcopis diversarum partium et presbyteris atque diaconibus neenon et clericis Constantinopolitanæ Ecclesie ad nos venientibus in Placidiana domo, antequam ad sancti Petri confugeremus Basilicam, facie ad faciem ita locuti sunus: Rogate piissimum principem, ut edicta sua, quæ præcepit appendi, removere dignetur, et Constitutum commune expectare; id est, ut scandalizati episcopi latine linguae ad Synodum veniant; aut certe remota omni violentia, suas scripto declarant sententias. Quod si ferre preces vestras audiire noluerit: vos nulli rei præbeatis assensum, quæ ad divisionem tendit; nec contra Constitutum communione aliqua veniat. Quod si hoc forsitan (quod non credimus) teceritis: noveritis ex præsenti die, ut prævaricatores Apostoli Petri, per ministerium vocis meæ haberi suspensos.

17. « Et quoniam his actis non solum ea quæ commissa fuerant, nullo modo sunt correcta, sed

¹ Liber. diac. Brev. c. 23. tom. II. Concil.

² Cassiod. de divin. leet. c. 9. — ³ Vigil. Ep. VII. tom. I. Ep. Rom. Pont. — ³ Vigil. Ep. VII.

etiam ex aliis causis die ipso in regularum Ecclesiasticarum prejudicium, vel injuriam Sedis Apostolice, pejora præsumpta sunt : nec ulterius eos communionis nostræ permisimus esse participes, nec adspectus eorum post tñ prævaricationes nostri oculi receperunt. Ea enim quæ verbo de memorata excommunicatione cunctis episcopis vel presbyteris et diaconibus aliisque clericis Constantiopolitanae Ecclesie voce publica dixeramus, postea etiam die nonarum¹ Septembrium nuper præteritarum in beati Petri Basilica scripto firmavimus : in quo etiam illum, qui sub habitu episcopali Iupi rapacis Dominico gregi tendit insidias, et assumens totius dueatum scandali, universalem perturbavit atque perturbat Ecclesiam, de episcopatus ordine depontentes, damnavimus : alios vero, qui superius memorati sunt, a communione suspendimus.

¹ Decimo nono kalend. : ita iu sententia lata in Theodorum.

18. « Sed hæc haec tenus. Paginam ipsius damnationis proferre nolumus : quoniam et clementissimum principem pro tali ac tanto scando ea quæ facta sunt, divini consideratione judicij revocare confidimus : omnibus oportebat nos spatium poenitentiae reservare, imitantes beatum Petrum, cuius Sedem tenemus immeriti. Chartam vero ipsam excommunicationis atque damnationis eidam Christianæ personæ tradidimus conservandam : ut si forsitan hi qui excesserant nullo modo corrigere voluissent, aut si nobis vis aliqua irrogaretur, sive quælibet inquietudo fieret, vel certe humana sorte transitus de hac luce contingere, mox eam in celeberrimis locis proponeret ; quatenus ejus nolitia Christianis omnibus patetfacta, servetur in posterum ». Hæc de sententia in Theodorum atque Mennam lata Vigilius quæ ipse seripsit anno sequenti in Basilica S. Euphemie Chalcedone, ad quam, urgente rursus violentia regiorum ministrorum, ex dicta Ecclesiæ sancti Petri confugere coactus est.

Anno periodi Graeco-Romanæ 604. — Anno Æra Hispan. 589. — Jesu Christi 551. — Vigilius pape 4.
— Justiniani imp. 23. Totila reg. 11.

1. *Tricennalia Justiniani*. — Ille annus ista formula notatus : *Post consulatum Basilii V. C. x., vel secundum quosdam, post consulatum Basilii V. C. anno xi, tricennalia imperii a Justiniano viante Justino suscepti, quod indicat Dedicatio Ecclesie sancte Ireneæ mense Septembri, Indictione xv, solemní pompa Constantinopoli peracta, et a Theophane, eius verba infra referam, narrata.*

2. *Sclavenorum in ditiones Romanorum irruptio*. — Ad num. 1. Est hic annus belli Gothici xvii, ideoque que Baronius de gestis anno ejusdem belli xvi narrat, anno Christi superiori gesta. *Sclavenorum enim, qui trajeceo Istro flumine Naissum venerunt, irruptio recitatatur a Procopio libro tertio de Bell. Goth. cap. 40, dum loquitur de iis, quæ acta sunt anno xvi belli Goth. Justinianus Germanum patruum, cuius nomen apud hos Barbaros celebre erat, magistrum militum totius Thracie adversus eosdem misit. Sed is summo imperii detrimento obiit : ei substitutus est ab imperatore Joannes Germani gener, et Vitaliani ex fratre nepos, qui cum Sclavenis pugnavit, sed magna Romanorum clade ; ita ut Sclaveni late facta populiacione pervenerint ad Muros longos, qui Byzantio*

diei itinere paulo amplius distant. Justinianus, ut narrat Procopius lib. 4 de Bell. Goth. cap. 21 noluit Belisarium in Italiam mittere post obitum Germani ; sed ipsum jam praefectum praetorio Orientis corporis sui custodibus praeposuit, temnitque apud se. Joannes autem Salonis hyemabat : « Cujus expectatione hoc anno suspensi in Italia exercitus Romani duces cessarunt », anno Christi DL.

3. *Reparatus episc. Africanus Byzantium evocatur*. — A num. 2 ad 5. Advenere Constantinopolim episcopi Africani *Reparatus*, ac Firmius, ille proconsularis, hic Numidarum primas, *Primasius* Adrumetus, ac *Verecundus* Nicensis, pro Trimm Capitulorum defensione obstinatissimi. De Reparato testis est Victor Tununensis, qui anno XII post consulatum Basilii, qui secundum ejus suppurationem est Christi DLII, ait : « Reparatus archiepiscopus plurimis calumniis impeditus, pro eo quod damnationi Trium Capitulorum memoratorum assensum non præbuit officio, sumptibusque privatus Euchaita exilio relegatur ». Est Euchaita urbs Hellenopolis in Asia minori Cappadociam inter et Paphlagoniam. Sed quantum ad annum rei gestæ manifeste hallucinatur Victor ; in libello enim

cleri Itali ci hoc anno scripto legitur : « Cum Afri episcopi in civitatem regiam pervenissent, cœperunt eis unne blandimentis, nune terroribus extorquere, ut praberent in Capitulorum damnatione consensum. Sed cum nullatenus eis extorquere potuissent, concinata est causa sancto Reparato episcopo Carthaginensi, quasi Areobindam magistrum militum a Gonthari tyranno in Africa fecisset occidi, et sub hoc colore in exilio deportatus est ». Paulo post : « Mittunt etiam ad Carthaginem, et alium in loco S. Reparati episcopi contra omnes regulas et contra omnia statuta Patrum episcopum ordinari fecerunt: quod cum nimia effusione sanguinis et interitu multorum innocentum hominum fecisse dicuntur ». Quæ ideo tardius quam superiori vel currenti anno contingere non potuere. Post laudata verba subjungit Victor : « Primasius diaconus apocrisiarius ejus (scilicet apud imperatorem) postquam damnavit, quæ sunt synodaliter atque universaliter defensata, eo superstite contra vota cleri, simulque et populi episcopus Carthaginensis Ecclesie ordinatur ». Porro *Reparati* innocentiam probat quod de eo et Areobindi nece narrat Procopius lib. 2 de Bell. Goth. cap. 26.

4. *Firmus, Primasius et Verecundus episc. Africæ Cp. rerocantur.* — Firmus Numidarum primas Constantinopolim anno post Basiliū consulatum xi etiam evocatus fuit, inquit Victor, ideoque secundum ejus suppurationem hoc anno, qui post Basiliū consulatum anno xu, ait : « Firmus Concilii Numidiae primas donis principis corruptus damnationi coruendem Capitulorum assensum præbuit. Sed ad propria remeans in navi morte turpissima periit ». Primasius, qui tertius erat ex Africanis, quos Victor ad annum post Basiliū consulatum xi Byzantium evocatos tradit, diu contra *Justinianum* stetit; nam hoc anno, ut mox videbimus, subscrispsit decretum contra *Theodorum*, rursusque anno dñi Constitutum Vigiliū. Quare a Justiniano in Aquimetense monasterium relegatus fuit. Verum audita morte *Boethii* primatis Byzaceni, ut ei succederet, damnationi Capitulorum nomen dedit, et in Africanam reversus, cum rapinis et violentiis Ecclesie statum turbaret, a provinciæ Synodo depositus est, ut habet Victor ad annum P. C. Basilii xu. *Verecundus* hoc anno etiam Constantinopolim juxta Victorem evocatur, cum Justiniani furori se subduxisset, Chalcedonem fugiens, ibidem moritur, ut mox ostendemus. Quæ licet diversis annis gesta, ad hunc annum recte concessit card. Norisius in Dissert. de quinta Synodo cap. 5; ad majorem rerum gestarum claritatem.

5. *Justinianus edicto suo Tria Capitula damnat.* — Jusserat *Justinianus* nobiores singularium provinciarum episcopos Constantinopolim accedere : missi sunt ergo, inquit clerus Italicus in suo libello, a clementissimo principe ad Africanam et Illyricum, ut venire episcopi debuissent : sed de Illyrico nullus venire voluit. Quare cum ex Occidente ad Synodus panes accedere videret, neque *Vigilius*

sine Occidentalibus episcopis quidquam decerni vellet, incentore *Theodoro* Cæsareæ episcopo, editum contra *Tria Capitula* publicavit, atque palam in Ecclesia regia urbis, atque alibi suspendi jussit : « Constantinopoli vero », inquit clerus Italicus in eodem libello, « cœperunt iterum beatissimum papam Vigilium compellere, ut si Afri, atque Illyriciani, vel Dalmatae episcopi nollent, ipse cum Graecis episcopis eadem Capitula condemnaret. Sed beatissimo papa Vigilio nullatenus acquiescente, edicta ex nomine imperiali tam in Ecclesia Constantinopolitana, quam in diversis locis suspendi fecerunt, per que eadem Capitula damnarentur ».

Card. Norisius in Dissert. de Synodo quinta cap. 5, hoc edictum putat fuisse illud ipsum, quod Baronius anno oxlv, num. 11 et seqq. recitat. Nam cum in eo, inquit, nominetur Synodus Mopsnestena, in qua de eraso e saeris Diptychis Theodori nomine actitatum est, illud post anno dñi evulgatum. At eum in eodem edicto nulla fiat mentio Synodi V, in qua a Patribus *Tria Capitula* anno dñi damnata sunt, illud ante Synodum emissum constat. Cum vero ineunte anno dñi, *Vigilius* in Justiniani gratiam redierit, totoque anno perseveraverit, palam fit nullum eo anno edictum a principe scriptum. Quare anno dñi conditum fuisse card. Norisius concludit; neque haec de re ullum dubium esse debet.

6. *Contenta in edicto Justiniani contra III Capitula.* — Auctor Chronici Alexandrinī ad Indictionem xv, annunque post consulatum Basiliī xi, anno scilicet Christi sequenti, tam edictum illud, quod integrum recitat, quam Synodum quintam ecumenicam consignat; sed fide in utroque habucinatur; cum Synodus haec ab anno dñi nullo modo removeri possit, et edictum antequam ea celebraretur, publicatum fuerit. In eo *Justinianus* canones ix statuit contra Nestorianos atque Eutychianos, qui ad verbum omnes fere approbati sunt a Synodo V. Postea hunc canonem ponit : « Si quis non anathematizat Arium, Eunomium, Macedonium, Apollinarium, Nestorium, et Eutychen, et omnes, qui similia eis saperunt, vel sapient, talis anathema sit ». Quo in canone eum *Origenis* nomen non legatur, optime colligit Baronius editi auctorem fuisse *Theodorum* Cappadocem Origenistarum ducem. Cumque in eodem quoque Acephalorum haeresis pluribus proscribatur, card. Norisius citatus recte deducit, eundem non fuisse Acephalum, in qua secta *Theodorum* fuisse non semel tradit Baronius, Liberati fidem in Breviario cap. 24 secutus. Postea *Justinianus* transit ad *Tria Capitula*, quibus sub pena anathematis damnatis, diffusam disputationem init contra Trium Capitulorum defensores, ostenditque haereticos vel schismaticos, licet defunctos posse damnari.

7. *Ob edictum illud Constantinopoli tumultum.* — A num. 5 ad 14. *Vigilius*, ut optime card. Norisius landatus exponit, ubi edicta principis contra *Tria Capitula* publice affixa intellexit, in Placidianam domum tum Latinos, tum Graecos

episcopos venire jussos hisce admonuit : « Quicunque edictis istis consensum præbere voluerit, sciat se ab Apostolicæ Sedis communione suspensum ». Ita clerici Italie, qui addit : « Sed et sanctus Datus Mediolanensis episcopus contestationem omnibus sub magna vociferatione depositus, dicens : Ecce ego et pars omnium sacerdotum, inter quos Ecclesia mea constituta est, id est, Galliae, Burgundie, Hispanie, Liguriæ, Aemiliæ, atque Venetie, contestor, quia quicumque in edicta ista consenserit, superscriptiarum provinciarum pontifices communicantes habere non poterit. Quia constat apud me edicta illa sanam Synodum Chalcedonensem, et fidem Catholicam perturbare ». At Theodoritus auctor edicti, Grecorum antistitum catervam secum trahens ad Ecclesiam, in qua suspensa erant edicta, se contulit, ac sacrosancta mysteria celebravit. Rem narrat Vigilius in sententia excommunicationis in Theodorum lata apud Baronium num. 10, his verbis Theodorum increpans : « Tu autem Sedis Apostolicæ interdicentes per nos auctoritate despecta, ad Ecclesiam, in qua edicta ipsa penderant, reliquos tecum attrahens perrexisti, ibique aliis adjectis prævaricationibus missarum solemnia celebrasti, et quasi nihil tibi esset primæ Sedis antistitem præsentem, et contradicentes contempnisse, pontificem etiam Alexandrinae Ecclesie sacerdotem fratrem nostrum Zoilum, enjus nomen usque ad memoratum diem communicatum a vobis fuerat, Diptychis eximentes, Apollinarem quemdam perversorem, atque Ecclesie ipsius vobis adulterum sociastis, ut vestra iniquitas non solum in removendo simplicissimo sacerdote, sed etiam in reipiendo patetieret perversore ».

8. *Vigilius edictum supprimi petit.* — Idem Vigilius in Epistola Eneyelica, quam anno sequenti Chalcedone in templo divæ Euphemie conscripsit, testatur se eoram diversarum provinciarum episcopis, ac Constantinopolitano clero in Placidiana domo, publice protulisse haec verba a Baronio num. 10 ex eadem Epistola recitata : « Rogate piissimum principem, ut edicta sua, quæ præcepit appendi, removere dignetur, et constitutum commune exspectare, id est, ut scandalizati episcopi latine linguae ad Synodum veniant, aut certe remota omni violentia, suas scripto declarant sententias. Quod si forte preces nostras audire noluerit, vos nulli rei præbeatis assensum, quæ ad divisionem tendit, nec contra Constitutum communionem aliqua veniatis. Quod si hoc forsitan, quod non credimus, feceritis, noveritis ex præsenti die, ut prævaricatores Apostoli Petri per ministerium vocis meæ haberi suspensos ».

9. *Edictum mense Julio emissum.* — Quæ mense Julio hujus anni contigisse, ex sequentibus intelligitur : « Et quoniam his actis, prosequitur in Eneyelica Vigilius, non solum ea, quæ commissa fuerant, nullo modo sunt correcta; sed etiam ex aliis causis de ipso in regularum Ecclesiasticorum præjudicium, vel injuriam Sedis Apostolicæ pejora

præsumpta sunt, nec alterius eos communionis nostræ peribimus esse participes, nec adspectus eorum post tot prævaricationes nostri oculi receperunt ». At in damnatione Theodori scripta die xiv Augusti ait Vigilius : « Licet ante triginta dies pro memoratis excessibus vestris ab Apostolicæ vos communionis removissemus consortio ». Quare, ut recte ex his colligit card. Norisius citatus, circa diem xiv Julii edicta appensa sunt, ac *Zoilus*, quod nollet eisdem consensum dare, eadem die depositus. Haec card. Norisii observatio confirmatur ex his, quæ habet Theophanes ad annum Incarnat. secundum Alex. *DCLIV*, qui kalendis Septemb. hujus Christi anni inchoatur : « Hoc anno, mense Septembri, Indictione xv, Sycis, trans urbis regie portum sanctæ Irenes dedicatio peracta; comitantibus vero duobus patriarchis Mena Constantinop. et Apollinario Alexandriæ e magna Ecclesia sanctæ reliquie processerunt. Sedebat autem illi in imperatoris curru sanctas reliquias genibus appositæ sustentantes. Ad lemborum itaque stationem venerunt, et trajicientibus portum occurrit imperator. Solemni itaque ritu sanctæ Irenes Ecclesiam aperuerunt ». Quare Zoilus ante mensem Septembrem abdicatus, et in ejus locum *Apollinaris* substitutus, quod *Tria Capitula* dammare nollet. Illud hoc anno contigisse testatur etiam Tununcensis ad annum xi post consulatum Basillii. Cum vero anni septem tam in Chromio Nicephori, quam in Tabulis *Theophanis* *Zoilo* assignentur, ipseque citius quam anno *DCLIII* episcopatum suscipere non potuerit, annis illis septem plures menses addendi sunt.

10. *Vigilius sacerdos tractatur.* — Haec ubi accepit Justinianus, indignatus non modo Vigilius edictis imperatoriis adversari; verum etiam et eidem obtemperantes ab illo Ecclesiastica communione privari, eum custodie trahi jussit, qui sibi timens, una cum *Datio* in Ecclesiam sancti Petri in Hormisa se recepit : « Et tamen », inquit clerici Italie, « beatissimus papa Vigilius nec in Basilica S. Petri sedes iudas habere nesciit : in tantum ut illuc prætor, ad quem fures et homicide tantummodo pertinent, mitteretur, qui cum multitudine militum spathas nudatas, et arcus tensos portantes supradictam Basilicam introivit; quo viso sanctus papa columnas altaris amplexus est, sed ille ferocitate et animo concitatus primo de altari diaconos ejus et clericos a capillis tentos ejecit, postea vero ipsum sanctum papam alii a pedibus, alii a capillis et barba tentum crudeliter abstrahebant. Sed cum ille altaris columnas non dimitteret, cecidit altare, et columnæ aliquæ fractæ sunt, et quantum ad ipsos, ibi super ipsum altare in partibus mitti habuit. Sed Deus, qui in talibus angustiis semper adesse dignatur, tam aliquorum ex ipsis militibus, quam populi, qui ad tumulum venerant, animos ad misericordiam provocavit, et cœperunt voces atque stridores mittere : et sic contigit, ut judex iniquitatis supradictus prætor cum ministris cru-

delitalis sua territus fugiendo discederet». Vigilius in laudata Encyclica rem *mense Augusto* peractam affirmat, eamque his verbis enarrat: « Cum in eadem Ecclesia a comitatu praetoris cum multitudine armorum militum veniente tanquam ad bellum instruta acie a sancto ejus altare Iacti pedibus trahieremur, et super nos eliam ipsa altaris mensa ecclisial, nisi clericorum nostrorum fuisse manifestis suslentata ». Quae perperam Theophanes contigit seribit anno *pxlvii*. Ejus verba ibidem num. 5 retulimus, et haec de re rursus anno sequenti agemus.

11. *Vigilius sententiam fert adversus Theodorum.* — *Vigilius* vulnus non iam fomenta, sed ferrum admovendum ratus, in Italorum episcoporum congressu pluribus *Theodori* Cæsareensis episcopi in Apostol'eam Sedem injuriis recensitis, quas et scripto consignavit, hanc contra eundem sententiam protulit: « *Theodorum* Cæsareae Cappadociae civitatis quandam episcopum sententia promulgatione tam sacerdotali honore, et communione Catholica, vel omni officio episcopali, seu potestate spoliatum esse decernimus ». *Mennam* vero Constantiopol. patriarcham ac consentientes episcopos a saera tantum communione suspendit. Haec sententia « data XIX kalend. Septemb. imperante Domino Justiniano PP. Augusto, anno xxv, post consulatum Basilii anno x ». Eam subscripsere *Datus Mediolanensis*, qui semper Vigilio adhaeserat, licet, si verum scribat Tumunensis, a sententia postea discesserit. Secundus ponitur *Joannes Marsicanus*. Est Marso-rum populus in Latio mediterraneo, et Marsicana Ecclesia etiam hodie est episcopal. Tertius *Zachaeus Scyllacenus*. Est Scylacium mediterranea civitas Calabriae ulterioris. Quartus, *Valentinus Sylva Candidus*. Erat Latii urbs, et *Valentinus* hujus urbis episcopus nuper a Gothis captus fuerat, ut suo loco ex Procopio diximus. Quintus, *Florentius Matelicensis*. Est Matelica insigne oppidum in Piceno, subjectum tamen hodie episcopo Camerli. Sextus, *Julianus Signinus*. Signia Latii urbs antiquissima. Septimus, *Romulus Numanianensis*. Fuit Numana vetus Picini urbs hodie parvus vicus prope Sirolum, *Humana* incolis vulgo dictus. Baronius n. 11, legit *Numentanensis*, a Numento, seu Nomento Latii urbe. Sed card. Norisius citatus, ubi hos omnes episcopatus accurate explicat, veterem lectionem retinendam ostendit. Octavus, *Dominicus de Calliopoli*. Est antiqua Calabriae urbs, quæ promiscue Calliopolis, vel Callipolis dicta. Nonus, *Primasius Adrumetinus*. Adrumetum Byzacenæ provinciæ metropolis novis mœnibus a Justiniano munita fuit, et de ejus nomine appellata, ut liquet ex Procopio lib. 6 de ædificiis Justiniani. Baronius num. 43, putat hunc *Primasium* eundem esse ac eum, qui Commentaria in Epistolas Pauli, aliaque plurima scripsit; sed hoc hactenus incertum.

12. *Nomina episcoporum qui sententiam subscripsere.* — Decimus fuit *Verecundus Lunensis*, alii legunt *Lucensis*, sed omnes errare demonstrat

card. Norisius citatus; nam *Verecundus* iste fuit Nicensis episcopus in provincia Byzacena, et a Justiniano ad Synodum cum collega Primasio evocatus Vigilio adhaesit, teste Victore Tununensi post consulatum Basilii anno xi. « Reparatus archiepiscopus Carthaginensis Ecclesiæ, Firmus Nimidærum episcoporum primates, et Primasius et Verecundus Concilii Byzaceni episcopi pro fidei causa ad urbem regiam ejusdem præcepto principis evocantur ». Hinc colligit card. Norisius, falsum esse solum *Primasium* ex Africanis Vigilio adhaesisse, quod putavil Baronius num. 43, qui existimat, *Verecundum* Italie episcopum fuisse. Undecimus, *Stephanus Ariminensis*, prætermissus ab Ughello in Catalogo episcoporum Ariminensium. Duodecimus, *Paschasius Aletrinus*. Aletrum, vel Alatrum Latii urbs, cuius episcopos exhibit Ughellus in Italia saera. Postremo loco subscriptus *Jordanus Corinthonensis*. Est Cortona Italie urbs in Etruria. Hi ergo cum *Vigilio* tum temporis contra Justinianum, eique adhaerentes grecos antistites Constantiopolis pro Tribus Capitulis militabant.

13. *Sententiam illam Vigilius non publicat.* — Ad num. 14 et seqq. *Vigilius* adhuc Ecclesiastice concordiæ studens, latam depositionis contra *Theodorum*, et excommunicationis contra *Mennam* sententiam minime publicandam duxit, veritus ne Justinianum, cuius furorem jam expertus erat, in rabiem rursus impelleret, Theodoro præservit omnia ex arbitrio faciente. Putavit Baronius n. 18, *Vigilium* ad divi Petri Basilicam parum tutam sibi moram existimantem inde Chalcedonem aufugisse. Verum in libello cleri Italie dicunt, quod « in Ecclesia D. Petri sacramenta accepit beatissimus papa Vigilius, et *Datus Mediolanensis*, nihil vi contra ipsos actum iri, et sic interim sunt egressi ». Extat tomo v Coneil. edit. Labbeanae integra Vigili Epistola Encyclica, qua Baronii tempore multa erat, ut apud eum videre est anno *dlx*, num. 43, in qua suarum calamitatum seriem Pontifex exposuit. Cum apud D. Petri in Hornisda moraretur, Belisarius, Cethagus, et Petrus exconsules, ipseque Justinus imperatoris nepos eum Marellino quæslore ad Vigilium accessere, ut accepto juramento in Placidianas ædes veniret, secus vel *sub omni violentia* e templo retrahendus.

14. *Vigilius Chalcedonem aufugit.* — Quid consilii Pontifex ceperit, ipsem et his verbis declarat: « Judicatum dedimus, per quod dari nostræ personæ scripto pelivimus jusjurandum, quod clementissimus princeps non quale nos voluimus, præberi consensit, sed quale ipsi placuit, per judices suos dandum esse dictavit. Et cum sæpe dicti judices posito indiculo super altare, et cataracta beati Petri Apostoli, et super crucem, quæ de ligno Passionis Domini habet inclusum, sed et super claves beati Petri Apostoli præstitissent corporale jusjurandum, ad Placidianas tanquam nihil malum ulterius patientes, secundum piissimi principis redivimus voluntatem ». Ceterum tam sancta fide

posthabita, cum in dies saevius se tractari Vigilius animadverteret, semel, iterum ac tertio Belisarium, aliosque judices contestatus est, ut jusjurandi religione tenerentur, « quatenus, inquit, nullas inquietudines, aut molestias, sicut nobis juratum fuerat, paterenur ». Interca Justinianus veritus, ne *Vigilius* iterum e Placidianis in templum confugeret, misso clam milite aedes sedulo custodientes jussit: quod ubi *Vigilio* significatum fuit. Biduo ante Natalem Domini fugam meditatus, nocte intempsa ex Placidiano palatio cœcis vestigiis discedens Chalcedonem transfretavit, atque apud D. Euphemia domicilium latuit. « Nam si circumspiciatur quale, quantumque discrimen metu faciente despeximus, ut per parvam maceriem fabricantim transire compediti dolore nimio in nocturna obscuritate positi cogeremur, tunc poterit evidenter agnosciri, quanta nobis fuerit temporis pro sola Ecclesiæ causa necessitas, aut quanta custodia, quæ nos sub tali discrimine coegerit discedere ». *Vigilium* Datus Mediolanensis secutus est, aliquie etiam latini episcopi, inter quos fuit *Verecundus* Nicensis in Byzacena provincia episcopus, quem paulo post ibidem defunctum esse scribit Victor Tununensis: « P. C. Basilii XII, (est illi annus DLII.) *Verecundus* Ecclesiæ Nicensis episcopus in defensione numeratorum (Trium scilicet Capitulorum) perdurans Chalcedonem ubi refugium fecerat, in diversorio gloriesæ matris (legendum martyris) Euphemie de hac vita migravit ad Dominum ». Haec jam ante me card. Norisius citatus observavit.

15. *Clerici Italie* reverentur ne episcopi Galliani in causa Trium Capitulorum decipientur. — Anno **DXLIX**, *Aurelianus* episcopus Arelatensis ad *Vigilium* papam tunc Constantinopoli degentem litteras dedit de Tribus Capitulis per *Anastasium* defatas, ut supra vidimus. *Anastasius* autem Constantinopoli in Galliam rediens tulit litteras, quibus Pontifex episcopis Gallicanis, ut antea *Aureliano Arelatensi*, nihil in causa Trium Capitulorum scribebat, nisi quod fidem Catholicam, et quatuor Synoderum reverentiam secundum traditionem Patrum custodiret atque conservaret. Harum litterarum meminerunt Italiae clerici in libello suo hoc anno scripto. Timebant enim, ne *Anastasius* in Gallias aliqua mentiretur, aiuntque eum, cum exire Constantinopoli non posset, hoc usum fuisse consilio, ut prouiserit omnium episcoporum Gallicanorum animos ad damnanda Tria Capitula sese inclinaturum. Ea de causa clerici illi sub libelli seu Epistole finem legatos Francorum, de quibus mox, plurimum urgent, ut sub omni cautela et celeritate de rebus illis Galliarum episcopos certiores faciant: « Haec, inquit, prudentia vestra sub omni cautela et celeritate ad provinciam dignetur scribere; admonendo, ut episcopi illarum partium beatissimo papæ, et sancto Datio Epistolas dirigant, contes-

tantes ne novitates aliquas recipere patiantur, et ut animos eorum fraterna consolatione confirmant, etc. Solliciti tamen esse dignemini, quia si qui Capitula damnari volunt, fingunt se et fidem Catholicam vindicare, et Chalcedonensem Synodus venerari eum nobis omnibus; ut qui ignorant intentionem eorum videantur aliquid injustum expetere, etc. Haec enim omnia quedam fidelissimæ personæ de Constantinopoli venientes ita acta esse veraciter confirmaverunt. Sed et multa crudeliter circa diversos diaconos et clericos Afros, qui eis consentire nolunt, acta esse vel agi: interdictumque esse omnibus Romanis, ne ad beatissimum papam accedant ».

16. *Libellus clericorum Italie* hoc anno scriptus. — Hunc libellum Sirmondus post Baronii mortem vulgavit, annoque sequenti scriptum credidit, ut eliam Cointius ad annum **DLI**. Verum currenti anno exaratum demonstrat card. Norisius loco citato ex eo quod in eo nulla *Vigilio* fugæ ad proximam Chalcedonis urbem mensio sit. Secundo, quia in eo libello scribitur, quod « *Anastasius* quidam, quem sanctus episcopus Aurelianus Arelatensis civitalis ad beatissimum papam ante hoc biennium direxerat, ibidem in Gallias aliqua mentiatur, quia et ipse, ut Constantinopoli exire posset, promisit se omnium Gallicanorum episcoporum ad damnanda Capitula pro quibus haec scandala ora sunt, animos inclinare. Cui et praemia plurima dantes districte ibi de hoc implendo sacramenta praestare fecerunt: et non permiscerunt per eundem *Anastasium* beatissimum papam quid in ipsa causa ageretur fratribus suis episcopis Gallicanis scribere, etc. » At *Anastasius* pridie idus Julias anni **DLIX** litteras Aureliani episcopi Vigilio tradidit, ut in fine earum legitur; quare cum ante biennium idem ad *Vigilium* veneril, libellus iste hoc anno scriptus. Praeterea haec in eo leguntur: « Veniens enim ibi ante sex annos istos beatissimus papa *Vigilius*, magis aulem, ut quod verius est dicatur, prope violenter deductus ». Et *Vigilius* in sua Encyclica data die v Februarii anni **DLI**, ante septem annos Roma se discessisse testatur. Si itaque annus **DLI** septimus est a profectione *Vigilius* ex urbe Roma, annus **DLI** sextus est ab eadem profectione: non vero ab ejus adventu Constantinopolim, ad quem clerici Italie non respiciunt (t).

17. *Evertitur opinio contraria*. — Neque quis dicat eum Sirmondo in Epistola illa numerari sextum annum ab ingressu *Vigilius* Constantinopolim, secundum vero ex quo *Anastasius* ab Arelatensi episcopo missus fucral ad *Vigilium*; et *Anastasium* anno Christi **DL** ad *Vigilium* pridie idus Julias pervenisse, huncque Constantinopolim anno **DXLVI** ineunte introisse. Nam *Anastasius*, non superiori anno, sed anno **DXLIX** Constantinopolim pervenit, ipso Vigilio teste in Epistola mox citata, et a Baronio loco suo recitata. Ea enim *tertio kalendas Maii*

(1) Quæ de litteris a clericis Italie ad Gallicanos scribit hic Pagius, discussa sunt a nobis in Nota ad A. 546, 7, quam consule. MANSI.

anni quingentesimi quinquagesimi scripta, in qua asserit Vigilius se eas litteras *Anastasio deferente pridie idus Julias suscepisse*, ideoque *pridie idus Julias* anni quingenlesimi quadragesimi noni. Deinde libellus ille anno sequenti scriptus esse non potuit; cum, ut titulus ejus praefert, traditus fuerit *legatis Francorum, qui Constantinopolim proficiscebantur*. Hi autem currenti anno a *Theodebaldo* rege Francorum Constantinopolim missi sunt anno xvii belli Gothicī, qui in cursu fuit usque ad vernum tempus sequentis Christi anni, ejusdem hysmalī tempore legatos viae sese dedisse existimandū non est. Docet enim Procopius lib. 4 Bell. Goth. cap. 24, de gestis anno belli Gothicī xvii verba faciens, cum conventum esset inter Francos et Gothos, ut se in Italia invicem armis non jacerent. *Justinianum* Aug. ad *Theodebaldum* Francorum regem legatum misisse *Leontium* senatorem, postulaturum, ut arua secum adversus Gothos jungeret, cederetque locis, que *Theodebertus in Italia contra jus fœderis occupasset*; sed Leontio *Theodebaldum* respondisse se ad societatem belli in Gothos venire non posse; et quoad loca illa, patrem suum Theodebertum Romanis non eripuisse: « Sed de his », inquit Theodebaldus, « legatos Byzantium mittemus brevi. His dictis, remisit Leontium; et Lendarium genere Francum ad Justinianum Aug. legavit cum tribus aliis. Alque illi cum pervenissent Byzantium, rem ejus gratia venerant ex sententia consercerunt », inquit Procopius: si itaque legatio illa hoc anno obita, libellus ille hoc anno scriptus et legalis traditus.

18. *Terræ motu varior Orientis urbes eversæ*. — Theophanes anno Incarnat. secundum Alex. DCLIII, qui cum mense Augusto hujus Christi anni absolutur scribit: « Hoc anno, mense Aprili, Indictione quarta, Narses cubicularius bellum Gothicis, qui Urbem ceperant, illaturus, Romanum missus est, etc. Iulii vero mensis die nono, magnus et terribilis terræ motus factus est, per omnem Palæstinæ, Arabiae, Mesopotamiae, Syriæ, et Phœnices regionem: adeo ut Tyrus, Sidon, Berylus, Tripolis, et Biblis multa damna acceperint, et hominum perierint multa millia. Ad Bostram vero civitatem, magna pars promontorii mari adjacentis, cui nomen Lithoprosopus, avulsa in mare translata est: portumque effecit multis magnis navibus recipiendis idoneum; cum urbs illa prius portum non habuisset, etc. » Sed loco, *Indictione quarta*, legendum, *Indictione decima quarta*, quod et ex ipsomet Theophane liquet, qui annum Incarnat. secundum Alex. DCLIV, Indictione xv, recte notat. Procopius lib. 4 de Bello Goth. cap. 25 verba faciens de iis, quæ anno belli Gothicī xvii configere, ait, *per id tempus extilisse in Gracia maximos terra motus, et Boootiam, Achiam, circumiectasque simi Crisœ oras concurrisse*, ac solo adquasse urbes *Cheroniam, Coroniam, Patras, et Naupactum*. Quæ de eo terra motu, quem Theophanes narrat, sine dubio intelligenda.

19. *Petra a Romanis expugnata*. — Anno DCLV Romanos inter et Persas pacte fuere priores quinquennales inducæ; « Non ita quidem, ut absolutissimam pacem agerent, neque ut omnibus in partibus pericula bellica cessarent, sed tantum circa Orientem et Armenie fines utrique genti pax sancta erat: circa Colchicam vero regionem bellum vigebat. Lazi autem olim Colchi dicebantur, et hos illos esse constat », inquit Agathias lib. 2 pag. 53. Ubi « exiit annus indejarum quintus. Tunc Petrum patricium, emundemque magistrum officiorum ad Chosroem Justinianus Augustus legavit, ut de pace Orientis totius ageret », inquit Procopius lib. 4 de Bell. Goth. cap. 11 qui addit Chosroem Petrum Byzantium remisise, ut ibi cum Isdigna legato suo de pace ageretur. « Dum haec aguntur Byzantii, Bessas cum omnibus Romanorum copiis Petram obsidel. Ac moenia quidem Romani suffuderunt in ea parte, qua prius excavata a Dagisthaeo, murus eo loci collapsus fuerat », inquit ibidem Procopius. Tandem *Petra* vi a Romanis capta. Persæque, qui in arcem confugerant, ad ditionem invitati, arcis incendio perire maluerent, quam se hosti permittere. *Mermoroë* vero Persarum dux Archæopolim, *quam fluvius alluit*, totis viribus oppugnavit, sed irrito conatu, ut pluribus refert Procopius sequentibus capilibus. *Est Archæopolis* ad Phasidem fluvium sita, totius Lazicæ primaria, ex Procopio variis in locis.

20. *Secundæ inducioe quinquennales inter Romanos et Persas*. — « Byzantii post multam disceptationem, tandem convenit, ut induciis utrumque regnum quinquennio gauderet, eoque interim spatio Oratores ultra citroque libere commeantes controversiam, quæ de Lazica esset, ac Saracenis componerent. Haec autem accessit conditio, ut pro his induciis quinquennalibus Persæ a Romanis auri centenaria xx acciperent, itemque alia sex pro xviii mensibus, qui inter priores inducias atque istas intercurrissent; quod tempus mutuis impesum esset legationibus: neque enim gratis a se permissa dicebant Persæ colloquia pacificatoria », inquit Procopius cap. 13, qui subdit, legatum Persicum voluisse sibi solvi, abjecta omni cunctatione, integrum pacti auri sumnum, pro spatio annorum xi et mensium sex; annumque xxv imperii egisse Justinianum Augustum, « cum Romani et Persæ has inducias pepigerunt, plerisque invisas Romanis ».

21. *Natale Christi et Epiphaniam diversis diebus celebrari præcepit Justinianus*. — Abulpharaius in Historia Dynastiarum pag. 94, mentionem facit Epistolæ hoc anno a Justiniano imp. ad episcopos scriptæ: « Anno, inquit, vicesimo quinto (imperii) sui ad omnes (ubique) episcopos scripsit, ut festum Natalis celebrarent vicesimo quinto Canuni prioris (Decembbris scilicet nostri), et Epiphaniam sexto Canuni posterioris (videlicet mensis Januarii); dictoque ejus paruerunt, exceptis Armenis: illi siquidem morem priorem retinuerunt, quo

otrumque Festum eodem die celebrant ». Festum Nativitatis Christi exenit sæculo quarto diei vicesimae quintae mensis Decemb. Constantinop. affixum fuit, quod confirmavit Theodosius junior lege 3 de *Spectaculis*, anno cxxv data; in ea enim Natalem et Epiphaniam Christi diserte distinguit. Festum Epiphaniae prisca Ecclesiae temporibus idem erat ac festum Natales Christi, quo scilicet Salvator noster mortalibus sese conspiciendum præbuit, et *Epiphania* tam Christi Natalem quam adventum Magorum, et Christi baptismum signavit, ut in illius legis Commentario ex sanctis Patribus demonstrat Gothofredus. Id factum antiquitus a Græcis maxime Aegyptum ineolentibus, ut a Theophilo in proemio Paschal. Epist. et a Cassiano Collat. lib. 10, cap. 2 memoriae proditum est. Sane Epiphaniorum quoque fit mentio in Gestis anni ccclx, idque per Gallias, apud Aminiamum scriptorem gentilem lib. 1, mense Januario celebratorum: « Feriarum, inquit, die, quem celebrantes mense Januario Christiani Epiphania dictitant, progressus in eorum Ecclesiam solemniter numine orato discessit », nempe Julianus imperator. Ubi Aminiamum Epiphanioram nomine Natale Christi designare docet Zonaras in imperio Constantini, Constantii, et Constantis, qui idem referens, ait: « Natale Salvatoris die, in Templo adorat, ut consentire cum militibus videatur », quia sc. tunc Constantinopoli dies Natales Christi et Epiphania eodem die celebrabantur.

22. *Hæc festa eodem die alias celebrata.* — Sed cum initio Natalis, seu Epiphaniorum dies in plurimis Ecclesiis Orientis, Asiaticis et Græcis, sexto Januarii celebraretur, ut testes sunt Epiphanius lib. 3 et Cassianus loco laudato, et eo tempore, quo Chrysostomus habuit Orationem i in Pentecosten quæ tomo v ejus Operum extat, tres tantum præter Dominicum dies Festi colerentur, scilicet Pascha, Pentecoste, et Epiphania seu Natale Christi, postea Constantinopolitani a Romanis edocti quartum Festum addidere, et diem Natalis a die Epiphaniae distinxere, et quidem paulo postquam diuus Chrysostomus prædictam Orationem i in Pentecosten habuit. Imo tom. v ejus Operum refertur Homilia de *Die Natali*, in qua ait, quando eam Concionem dicebat, nondum fuisse decem annos elapsos, ex quo primum is dies illi Ecclesiae, ex Occidente seu per Romanos innotuerit. Ab illo tempore Natalis mense Decembri Festivitatibus additus, remanente tamen pristina, Januario mense, *Epiphaniorum* solemnitate. Sed aliae tunc cause illius appellationis et Festivitatis redi cœptæ; nam qui dies prius celebatur, vel celebrabatur, ut Natalis Christi, jam cultus est, ut Baptismum ejus representans, et Magorum adventum. Videatur Chrysostomus in Orat. de Baptismo Christi, et Hieronymus lib. 1 Comment. in Ezechielem. Plura hæc de re Gothofredus loco laudato.

Celebratum hoc anno Concilium *Parisiense II*, ex dicendis anno **DIX.**

VIGILII ANNUS 13. — CHRISTI 552.

1. *Justiniani Constitutio de Iudeis.* — Quingeniesimus quinquagesimus secundus Domini annus post consulatum Basiliū undecimus notatur in Fastis, a Procopio autem belli Gothicī decimus septimus, quo et mensis Aprilis exordio annus incipit numerari Justiniani imperatoris vicesimus sextus: cum mense Februario, adhuc anno durante ejusdem imperatoris vicesimo quinto, idem Justinianus sanctionem edidit adversus Iudeos, qui suos prohiberent saeculæ legis libros alia tradiri docerique lingua, quam Hebraicæ: quo tiebat, ut simplicioribus, quos vellent, ipsorum magistri

magnō illorum damno propinarent errores. Hos igitur lege coereperi præcipit, si quid idem contra divinam Scripturam ausi sint docendo tradere, ut negare mortuorum resurrectionem sive universale judicium, vel asserere per Angelos cuncta esse creatæ. Quantum enim ex Justiniani sanctione conspicitur, Itebraei jam vulgo a lingue Hebraice usu desciverant, et nationum lingua, sive ea quæ apud eos vulgaris esset, utebantur. Ista igitur sanctio sic se habet¹:

¹ Novel. cxlvii.

2. « Necessarium quidem erat, Hebreos sacros audientes libros, non solis litteris adhaerere, sed ad reconditas eis prophetias inspicere, per quas magnum Deum et Salvatorem generis humani Jesum Christum annuntiant. Sed etiam si insensatis semet ipsos interpretationibus tradentes, a recta usque inue aberraverunt gloria; tamen certare ad invicem discentes ipsos, non sustinuimus sine judicio eis relinquere tumultum. Per has enim ipsorum quae nobis adductae sunt interpellationes, didicimus, quod quidem solam habentes hebraicam vocem, et ipsa uti in sacerorum librorum lectione volunt, nec græcam tradere dignantur, et nullum dudum tempus per hoc ad invicem commoventur. Nos igitur hujusmodi discentes, meliores judicavimus esse et græcam vocem ad sacerorum librorum lectionem tradere volentes, et vocem omnem simpliciter, quam locus aptiorem et magis cognitam audientibus facit.

3. « Sancimus igitur, licentiam esse volentibus Hebreis per synagogas suas, in quocumque Hebrei omnino loco sunt, per græcam vocem sacerdos libros legere convenientibus, vel etiam patria forte (italica hæ dicimus) lingua, vel etiam aliorum simpliciter, una scilicet cum locis etiam lingua communata, et per ipsorum lectionem, per quam clara sunt quæ dicuntur, convenientibus omnibus deinceps, et secundum hæc vivere et conversari. Neque fiduciam esse his qui apud eos sunt expositoriis solam hebraicam tradentibus malignari hanc quemadmodum voluerint, multorum ignorantia suam ipsorum abscondentes malam consueludinem.

4. « Verumtamen hi qui per græcam legunt, Septuaginta utantur traditione, que omnibus certior est et præ aliis melior judicata, præcipue propter quod cirea interpretationem contigit: quia et per duos divisi et per diversa interpretantes loca, tamen unam tradiderunt omnes compositionem. Ad hæc vero quis non horum virorum et illud admiretur, quia multo antiquiores salutari apparitione magni Dei et Salvatoris nostri Jesu Christi constituti, tamen illam futuram tanquam videntes sacerorum librorum traditionem fecerunt, tanquam prophetæ gratia circumfulgente eos? Et hac quidem utantur præcipue omnes: sed non tamen tanquam eis res duas excludere sanciverimus interpretationes. Licentiam damus et Aquilæ uti, et si alienæ tribus ille, et non competentem in aliquibus sermonibus habet cum Septuaginta interpretatione dissoniam.

5. « Eam vero quæ ab eis dicitur secunda editio, interdicimus omnimodo, utpote saceris non coniunctam libris, neque desuper traditam de Prophetis, sed inventionem constitutam virorum ex sola loquacitate terra, et divinum in ipsis habentium nihil. Et ipsas ergo sacras voces legant, codices ipsos respuentes, sed non abscondentes quidem quæ per eos dicta sunt, exterioribus vero traditis sine scriptis vanæ vocis ulentes ad simpliciorum per-

ipos excogitatis perditionem (Thalmudistas Judeorum signat imperator). Ut hac data a nobis licentia, neque dannis aliquibus subjiciantur omnino qui græcam vocem et alias tradunt, neque ab alio quo-vis prohibeantur. Neque licentiam habebunt hi qui ab eis maiores omnibus Archiphæreite, aut presbyteri forsitan vel magistri appellantur, perinatis aliquibus aut anathematismis hoc prohibere: nisi velint propter hos castigari corporis penitentia, et insuper privationem facultatum nolentes sustinere, meliora vero et Deo amabiliora volentibus nobis et jubentibus.

6. « Si quidam vero apud eos atheos vanæ novæ vocis eloquia inferre præsumpserint, aut resurrectionem et judicium negare, aut facturam Dei et creaturam Angelos subsistere: hos et expelli volumus loco omni, et non relinquere vocem blasphemæ, et ita a Dei simul lapsam nolitia: præsumientes enim eos affari aliquid hujusmodi, ultimis subdantur suppliciis, illato terrore ex hoc Judeorum emendantes gentem. Oramus autem eos, aut per istam, aut per illam linguam sacerdos libros audientes, servare quidem interpretantium malignitatem, non solas vero considerare litteras, sed rebus refici, et divinum veraciter intellectum recipere: ut et redoceri quod melius est, et quiescere aliquando errantes, et in hoc ipso, quod est omnium *πενitēτας* peccantes in Deum spem dicimus. Propter ea enim omnem eis vocem aperimus ad sacerorum librorum lectionem, ut omnes de cetero eorum accipientes scientiam, doctiores ad melius fiant, re confessa constituta, paratiorem multo ad discretionem esse, et ad melioris intentionem, sacris innutritum libris, et parum quod desit habentem ad emendationem, quam scientem quidem horum nihil, solo vero cultus inchoatum nomine, et tanquam anchora relentum sacra, et doctrinam piam heresis appellationem esse putantes.

7. « Quæ igitur nobis placuerunt, et per hanc præsentem piam legem declarata sunt, custodiet quidem tua gloria, et quod tibi obtemperat officium: servabil et pro tempore qui in eodem cingulo ordinabitur, et non permittet omnino Hebreos præter hæc facere; sed insistentes et prohibere omnino nitentes corporalibus primum penitentia subiecti, exilium imolere compellet, auferens et bona, ut non simul ipsi contra Deum sed et imperium audacieiter insurgant. Uletur autem et præceptionibus ad provinciarum præsides, præcipiens ipsis nostram legem, ut et ipsi hanc discentes proponant per civitatem unamquamque: scientes, quia hæc observari utile erit his qui nostram indignationem veriti fuerint. Data sexto idus Februarii, Constantinopoli, D. N. Justin. PP. Aug. anno xxv, post Basili. U. C. consulatum anno xii (xi) ». Sed corrigendum, ut die al, anno undecimo: annus enim imperatoris vicesimus quintus absolvitur hoc anno in fine mensis Martii; nam Aprili mense vicesimus sextus inchoatur. Hæc igitur imperatoris sanctione ordine temporis recensita, jam rerum

Vigilii papæ anni hujus nullius alterius lectionis obice intereisam, narrationis seriem ingrediamur.

8. *Vigilius fugit Chalcedonem in Ecclesiam S.*

Euphemie. — Meminisse, lector, debes, quæ anno superiori Constantinopoli adversus Vigilium Romanum Pontificem sunt sacrilege perpetrata, cum ipse Catholice et Apostolice Sedis antistes vim metuens imperatoris ad sancti Petri Basilicam primum confugere coactus est. Sed quod nec sacer ille asylus, servilis etiam conditionis quibuscumque securus, tanto Pontifici ab imperatoris sacrilegi violentia videri poterat esse tutus aucto oculos ejus positus : trans mare quæsivit effugium et in Basilica sanctæ Euphemiæ apud Chalcedonem (si quis famen inveniri possit locus ab imperatoris furore securus) habitare dispositus. Hoc plane tempore accidisse noseuntur, quæ Anastasius Bibliothecarius jungit, imo confundit cum prioribus quæ acciderant vivente adhuc Theodora Augusta: «Tunc», inquit, antequam scilicet ab Ecclesia S. Petri recederet, «dedit alapam in faciem ejus quidam, dicens: Homicida, nescis quid loqueris: quia Silverium papum occidisti, et filium mulieris viduæ ad calcis et fustes interfecisti. Tunc fugiens in Basilicam sanctæ Euphemiæ, tenuit columnam altaris». Haec ibi, usque ad posteriorem fugam, priorem omittens: cætera autem quæ sequuntur, suo loco dicentur.

9. In eadem itaque sanctæ Euphemiæ Basilica Vigilius degens, sicut prius fecerat, nihil penitus remisit Apostolice auctoritatis: atque perinde ac si Rome in ipsa Lateranensi Basilica sive Vaticana summa pace consisteret, ibi cum suis memorialis ante episcopis degens, quæ essent Ecclesie libertatis, et Catholice fidei integratatis, tractare minime prætermisit: sed ex eo cuius in Sede consisteret, ipso, inquam, Petro Apostolorum principe, tanta est ipsi parta fiducia, ut ex Apostolico throno, cui in sua persona sciret considere Petrum, et in Petro Christum, summa potestatis plenitudine adversus metropolitanos episcopos, imo in ipsum patriarcham Constantinopolitanum ferre sententiam, insuper et perperam facta imperatoris reseindere magno animo sit aggressus, minime reveritus vultum potentis, sciens majore fulciri quam Hieremiam auctoritate, cui a Domino dictum¹: «Ecce constitui te hodie super gentes et regna». Ac rursum: «Dedi te hodie in civitatem munitam et in columnam ferream et in murum æreum super omnem terram regibus Iuda, principibus ejus et sacerdotibus, et omni populo terre: et bellabunt adversum te, et non prævalebunt: quia ego tecum sum (ait Dominus) ut liberem te»». Tanto namque ipse potentior est Prophetis effectus, quanto differentius præ illis nomen hæreditavit. Cuiam aliquando Prophetarum dictum: «Tu² es Petrus, et super hanc petram aedificabo Ecclesiam meam, et portæ inferi non prævalebunt adversus eam». His igitur

Domini promissionibus roboratus, tum aliis tum seipso robustior tunc apparuit, cum magis deorsum mergeretur.

10. Vidisses plane tunc non characteribus tantummodo exaratum sententiam illam omnium ore versatam: Ubi papa, ibi Roma, sed velut in tabula graphice coloribus delineatam veritatem ipsam: dum idem ipse qui ad fugam captatus est locus, et veluti delectus ad latebras, idem sit effectus ipsius presentia Romani Pontificis eminens cunctisque perspicuum ad judicandum tribunal, et ad reprehendos sternendosque adversarios sublimis turris, inaccessibilis cuilibet humanæ potentiae, e qua missilia in hostes jaceret is qui confugit in eam, manens ipse securus secundum illud Proverbiorum³, «Turris fortissima nomen Domini: ad ipsum currit iustus, et exaltabitur». Intellexisses pariter, quam verum sit quod Apostolus Paulus ingenue profiteatur²: «Cum infirmor, tunc potens sum». Etenim qui animi infirmitate visus esset iterata fuga longius esse progressus, ibique corporis quoque languore graviter affectus, animi tamen vigore resumpto, fortior faetus atque robustior intrepide de victoria securus insurgit, potentissimæ spiritalia spicula jacit in hostes, feritque ipse illusus existens.

11. *Honorifica Justiniani legatione accepta, Vigilius Encyclicam Epistolam ad universos populos mittit.* — Ita plane magno veluti miraculo factum, ut dum fugit Vigilius, vincat: dum insequentem et persequentem patitur imperatorem, cumdem reddat humilem et obsequentem: ut perspicue apparuerit vel ex hoc facto, quod non homantum, sed Christus ipse Deus et homo cum homine in Sede Petri sedente consideat, cui eedere necesse sit omnem humanam potentiam atque portas etiam inferorum. Sed quomodo haec facta sunt, jam enarrare aggrediamur. Ubi Justinianus imperator accepit Vigilium Romanum Pontificem justo metu percussum e Petri Basilica conflugisse Chalcedonem, et in Ecclesia Euphemiæ martyris cum suis degere, insuper et corporis mala valetudine laborare: facti poenitens, non milites qui cum inde abducerent misit iratus, sed dignam tanto Pontifice legationem ornavit, qua eum juramento præstilo in pristinum domicilium honorifice revocaret.

12. At ipse Vigilius inde egredi nunquam consensit, neque iurafis patriciis tñdem voluit adhibere, nisi prius in omnibus consultum esset Sedis Apostolice dignitati: nempe ut quæ contra ipsius Romani Pontificis voluntatem de Tribus Capitulis imperator appendisset edicta, idem protinus revocaret, atque penitus aboleret. Sed et quod magna licet policantibus missis nuntiis haud facile putaret esse credendum, ultiote (quod in proverbio est) Graecorum fides: illud exegitavit, ut ante ad universos Christi fideles Encyclicam daret Epistolam, qua cuneta quæ gesta essent, universæ Ecclesiæ

¹ Hier. i. — ² Math. xvi.

¹ Prov. xviii. — ² 2. Cor. xii.

innolescerent : sic namque fore, ut si quid in ipsum Vigilium decerneret imperator fidifragus, omnes scirent qua animi constantia ipse illi restileret ; et si quid præter illa quæ statuisset, ab eo suis sanctis vulgaretur, nihil esse noscent sua consensione firmatum. Epistola autem Encyclica tunc ab ipso Vigilio papa conscripta ita se habet¹ :

13. « Vigilius episcopus Ecclesie Catholicæ universo populo Dei.

« Dum in sanctæ Euphemii Basilica gravi laborantes ægritudine teneremur, piissimus atque clementissimus imperator Dominico die, id est, kalendis Februarii, gloriosos judices suos ad nos destinare dignatus est, id est, Belisarium et Cethegum exconsules atque patricios, neenon et Petrum exconsulem patricium atque magistrum, sed et Justinianum exconsulem et curampalatti (europalalem), et Marcellinum exconsulem et comitem excubitorum, sed et gloriosum virum Constantium questorem, qui nobis dicerent, ut sacramenta percipere deberemus, et de sanctæ Euphemii Ecclesia ad civitatem regiam remeare.

14. « Quibus tale dedimus, Deo adjuvante responsum, dicentes : Nos quidem in hanc Basilicam pro nulla pecuniaria vel privata causa confugimus, sed pro Ecclesiæ tanto scandalo, quod jam toti mundo pro peccatis innotuit. Et ideo si causa Ecclesiæ ordinabitur, ut pacem ejus, quam ab avunculi sui piissimus princeps fecit temporibus, et modo restituat : ego sacramentis opus non habeo, sed statim egredior : si causa finita non fuerit, iisdem sacramentis opus non habeo : quia numquam de sancte Euphemii Ecclesia exire dispono, nisi scandalum ab Ecclesia Dei fuerit amputatum. Nam posteaquam edicta sua, etc ». Pergit narrare quæ gesta sunt anno superiori, quæ suo loco posuimus : quibus recensitis, ista ad postremum addit :

15. « Dum hæc aulem præfatis judicibus dicemus, rogamus eos, invocato omnipotens Dei judicio, ut clementissimo imperatori hoc quoque ex nomine nostro suggererent : Quia illis qui a nobis excommunicati sunt, in quibus etis quem prædictimus est damnatus, communicare non debet, ne grave (quod absit) peccatum incurrat. His ita se habentibus, per magnificum virum Petrum referendarium die pridie (postridie) kalendas Februarias quedam charla nobis allata est, quam a clementissimo principe nullo modo credimus destinatam, quia nec fuerat pietatis ejus manu scripta. Et dum memorato referendario dicemus, ut in ea scriberet diem, et quomodo ab ipso fuerat oblata, pariter signaret ». Hucusque in codice : reliqua desunt, magno præjudicio historiæ veritatis. Cæterum ex his quæ dicentur, constat cessisse tandem Vigilio imperatorem, atque appensa amoveri jussisse a se prolata de Tribus Capitulis edicta, et ex sententia ipsius Vigilii nihil de illo tractari voluisse

ante Synodum generalem, quam ex ejusdem Pontificis desiderio et voluntate convocabari fecit, ut suo loco sequenti anno dieamus.

16. Ex his igitur complura convincenda sunt scriptorum mendacia, primumque ab Anastasio¹ tradita; nisi quæ mixtum confuseque ab eo narrantur, suis seorsum reponantur locis, et non sub Theodora Augusta referantur quæ longe post ejus obitum facta esse noscuntur. Epistolari enim historiæ cælera a quibusvis scripta cedant necesse est ; si præsertim ex illis acceperit noscatur Epistolis, quæ Encyclicæ dielæ, universo populo Christiano, patentes unicuique, scriptæ esse noscuntur. Ex iisdem pariter habes ex quibus redarguas Nicæphorum Callistum, qui de hujuscemodi turbis historiam scribens, multipliciter errasse comperitur, dum parum aequus in Vigilium papam, quod Constantinopolitatum episcopum Mennam a communione suspenderet, in eum invehitur, et mendacissime asserit parem sententiam adversus Vigilium ipsum a Menna latam. Quod si ille ausus fuisset, necessario plane et præcipue de his habenda mentione erat in ejusdem Vigilii Epistola circulari. Sed alia plura mendacia miserit, quæ tu ex ejus verbis colliges, quæ sic se habent² :

17. « Eo, inquit, Vigilius insolentiae progressus est, ut et Mennam a communione quatuor mensibus excluserit. Idem sane et Mennas adversus illum fecit. Sed enim Justinianus rebus hujusmodi ad iram commotus, eum comprehendere misit. Vigilius autem sibi metuens, ad Sergii martyris aram confugit, et sacris ibi fistulis implicitus, non prius inde extractus cessit, quam illas evertit : erat enim magnus et corporis slatura vastus. Postea vero cum ejus rei Justinianum pœniteret, partibus suis interponente imperatrice Theodora, Vigilium suscepit, atque ille rursus Mennam ad communione admittit ». Hæc Nicæphorus : qui etsi non in aliis corrigendus foret, certe defendi non potest, dum hæc vivente adhuc Theodora Augusta facta narrat, eum redarguatur ex Procopio : et dum ait ad sancti Sergii aram Vigilium confugisse, plane mendacii convincitur ex ipsius Vigilii scriptis, quibus (ut vidimus) ait, ad S. Petri, inde ad Euphemii Basilicam confugisse.

18. *Rerum perturbatio in pacem conversa, resipiscentibus Theodoro et Justiniano.* — Porro turbata in hunc modum Ecclesia, rerum naturam etiam æque esse turbatam, ea quæ hoc anno accidisse Procopius tradit, declarant : etenim hoc ipso anno Graeciae civitales plures terræ motu excisae, hiatus terre loca multa absorpta, porlentosaque maris aestuationes factas enarrat. His accessit Selavinorum et Hunnorum in Romanum imperium incursio repetita. Sed et hoc pariter anno Gothos Corsicam et Sardiniam cepisse, idem Procopius refert. Quid enim potuit esse slabile, cum religio, basis ipsa orbis exagitatur ? Concili quidem opus

¹ Vigil. Ep. vii. tom. i. Ep. Rom. Pont.

² Anast. in Vigilio. — ² Nicæph. l. xvii. c. 26.

est omnia, cum ipsa petra, super quam Ecclesia fundata est, motibus in diversa propellitur. Et enim ejusdem etiam testificatione Procopii illud assentitur, ejusmodi qui Constantiopolis contigit motu alias etiam Orientis Ecclesias fluctuasse : quo uno allato exemplo, quae in reliquis facta sint civitatibus, facile quisque intelligere possit : sunt enim haec ipsius verba¹ : « Caeteri milites, imperatoris jussu, circa Ulpianam in Illyriis urbem stationem habuerunt ob seditionem ea de causa inter incolas ortam, qua Christiani solent de fide solerti disceptando inter se altercari ». Haec Procopius : ex quibus licet paucis magna possumus intelligere, nempe miserandum totius Ecclesiae statum, Catholicis inter se in qualibet civitate pugnantibus.

19. Verum cum inter tot discrinimina fluctibus agitate naviculae omnino una cum capite universum periclitari visum est Ecclesiae corpus : repente excilatus est lanquam dormiens Dominus, imperansque venlo et mari, cuncta, temporis ferme momenta, fecit esse tranquilla. Etenim (ut dictum est) imperator appensa antea de Tribus Capitulis tolli jussit edicta, et ex sententia Vigilii papae, quod fecerat abrogavit; atque quod idem Pontifex postularat, cuncta in generali agitanda Concilio reservavit. His accessit, quod et Theodorus malorum omnium auctor, enjus causa universa haec fuerat tempestas exorta, jam penitens facti (quod admiratione summa dignum est) ad eum a quo sententiam damnationis acceperat, accedens humilis, libellum supplicem ipsi Vigilio papae offert, quo et rectam fidem professus est, et quatuor sacra Concilia comprobavit non in his tantum quae spectant ad fidem; sed et cuncta quae in eis essent acta, rata firmaque habenda esse, pariter comprobavit : quibus plane docuit, exitatam a se primum de Tribus Capitulis questionem profundo esse silentio obruenit : his adjexit, ut et de irrogatis in ipsum Summum Pontificem probris et contumeliis eodem libello suppliciter veniam peteret.

20. Quis, rogo, ista considerans, non miretur, atque etiam obstupescat, Davidicum² illud exclamans : « Haec mutatio dexteræ Excelsi » : et, « A Domino factum est istud, et est mirabile in oculis nostris ? » Cum primaria illa petra, quam adeo rejecerant aedificantes, eadem repente reposita sursum inspicatur in caput anguli, praecipuo digna honore habita : ut præ miraculo illud factum appareat, quod inde Propheta oceinit, ita dicens³ : « Absorti sunt juncti petræ judices eorum » : dum eidem cessere penitus qui adversati erant terræ principes et summi religionis antistites. Nam præter Theodorum archiepiscopum Cæsariensem, præstilil idipsum etiam Mennas Constantinopolitanus episcopus, qui ab eodem Vigilio eadem ex causa fuerat ad certum tempus communione privatus : ipse enim, sicut et Theodorus, totidem verbis scri-

ptum libellum supplicem Vigilio obtulit, quo etiam præter ea quæ dieta sunt, pariter professus est, libellum quemdam in Vigilium scriptum, minime esse suum. Sic igitur tali præmissa satisfactione, Vigilius eosdem in communionem accepit, redditaque est Ecclesiæ pax : quæ ex optato cunctis innotescens, eo jucundior atque gratior facta est, quo magna seem bona vexit, quæ dicemus. Porro haec omnia habentur in Vigilii papæ Constituto, de quo inferius agendum erit.

21. Sed quenam haec mox secula sunt bona ? accipe. Gothi e Sicilia præter omnem spem expelluntur, belloque navalı vincuntur : missisque in Itiam a Justiniano imperatore Narsete, res Gothorum in deterius dilabi cœperunt. Ut plane perspicue fuerit demonstratum pro statu rerum Ecclesiasticarum res imperii a Divinitate disponi : ut eum lacessuntur Dei sacerdotes, Barbari invaleant ; proterantur autem, eum illorum dignitati consuluntur : sieque veluti quadam necessitate Ecclesiæ pacem felicitas subsequatur imperii, Ecclesiæ vero illatum a principe bellum cladem imperii secum ducat. Sed de anni hujus rebus prospere gestis in Sicilia atque Italia terra marique Procopium consule. At haec magis anni sequentis facta docebunt.

22. *Menna in communione Catholica moritur, sub quo Basilica Apostolorum aedificata, et miraculum de puro Iudeo.* — Respirante jam populo, atque optata pace lœlante, immense ubique et ab omnibus gratiarum actiones Deo redduntur : quando et publica festa parantur, quæ triumphi quamdam speciem præ se ferant. Etenim hoc anno ipse Menas Constantinopolitanus episcopus, postquam a Vigilio papa in communionem admisus est (ut inquit Nicephorus⁴ vicesima nona Junii die Encœnia celebravit Basilicæ sanctorum Apostolorum, cum sacre reliquie curru aureo circumvectæ ab eodem Menna reconditæ sunt. Sed quæ de eadem Basilica Procopius⁵ habeat, audi : « Erat, inquit, antiqua apud Byzantium Ecclesia Apostolis consecrata, longitudine temporis jam emota, et quæ (ut suspicabatur) amplius stare non poterant. Hanc Justinianus instauravit pro dignitate. Ubi latoni et artifices, effosso fundamento invenerunt ligneas areas tres insculptis litteris indicatees esse scilicet trium Apostolorum corpora, Andree, Lucæ, et Timothei. Quæ rex ipse et omnes Christiani maximo cum fervore conspicerunt, et conspecta rursus terra oœluere, non negligentes locum et vicinis orbatum relinquentes, sed Apostolorum corporibus dedicatum eum pietate constituentes. Constat aulem, quod Apostoli beneficiorum memores, ad regis honorem nunc hominibus apparuerint, regis, inquam, pii et religiosi. Neque enim ab humanis recedunt divina, sed miseri percipiunt et hominum conversatione oblectari ». Hactenus Procopius de

¹ Procop. de bello Goth. l. iii. — ² Psal. LXXXVI. et Psal. CXL.

³ Nic. lib. XVII. c. 26. — ⁴ Procop. de ædific. Justin. imp. lib. i.

restituta Basilica Apostolorum, quam Mennas hoc anno (ut dictum est) dedicavit.

23. Porro eidem bene cessit, ut post tot Ecclesie conflata dissidia, ex quibus extra Ecclesiam ipse positus fuerat, redditu pace possuminio quodam, et communionem Apostolicæ Sedis, cuius iacturam fecerat, consecutus, et empta ante beneficiata recipiens, feliciter mox ex hac vita migrarit: hoe enim anno finem vivendi fecit, cum sedisset annos sexdecim: in ejus locum sequentis anni exordio subrogatur Eutychius: de ejus electione divinitus facta anno sequenti, quo configit, nos agemus. Quid autem acciderit Constantinopoli sub Menna de puerō Hebreo ab incendio divinitus liberato, ita narrat Evagrius¹:

24. « Mennae temporibus miraculum editum fuit plane memorabile. Vetus fuit consuetudo Constantinopoli, ut si quando multæ admodum particulae puri et immaculati corporis Christi dei nostri superessent, pueri imputeres qui scholas frequenterbant, accesserentur, easque manducarent. Quod cum factum fuit, filius ejusdam hominis Hebrei quidem opinione, arte autem vitriarii, una cum pueris versatus est: qui quidem, parentibus percutientibus ab eo causam more, respondit, uti res se habuit, seque cum aliis pueris pariter comedisse. Hebreus bile, furore, et iracundia inflamatus, in cibarium ardente, in quo vitrum formare solebat, puerum conjicit. Postquam vero mater puerum quererans reperire non potuit, passim per totam urbem ibat, Deum cum gemitu obtestans, et flebilibus lamentis se dedens. Triduo autem post ad ostium officinae viri sui consistens, luctu miserabiliter divexata, nomine puerum compellat. Puer matris vocem ut agnoverit, e cibano responsum dat. Mater, effractis foribus, interrumpit videre puerum in mediis carbonibus cendentibus consistentem illas ab ignis incendio. Qui cum regaretur, quo pacto ille manserit: Mulier, inquit, veste amicta purpurea crebro ad me venit, porrexit aquam, qua carbonum flammam corpus ambientes extinguierem, cibum denique dedit quoties esuriebam. Qua re ad Justinianum perlata, puerum cum matre lavaero regenerationis tingendos decrevit; patrem autem pueri, qui recusavit in numerum Christianorum adscribi, in Syris cruci suffigendum curavit». Hactenus Evagrius rem suo tempore gestam universo jam factam orbi notam enarrans.

25. Concilium Aurelianense quintum sanctis episcopis insigne. — Hoc eodem anno, qui numeratur Childeberti Francorum regis trigesimus octavus, habita est Synodus Aurelianensis, ejus nomini quinta, ubi viginti tres canones statuti reperiuntur. Interfuit eidem Aurelianus Arlatensis episcopus, ille nimirum qui ad Vigiliū papam agentem Constantinopoli legationem misit una cum ea Epistola, ad quam etiam Vigiliū diximus rescripsisse. Trium namque Capitulorum occasione

ipsam fuisse Synodus celebrata, canon primus admonet, dum ejus exordio damnantur haereses Nestorii et Eutychetis, quarum causa seiret Ecclesiæ Orientalem incendio conflagrare. Praefuisse autem eidem Synodo reperitur, primoque loco subscriptus sanctus Sacerdos ita nominatus episcopus Lugdunensis, ejus egregiam sanctitatem testantur Ecclesiasticae tabulæ, dum ipsius anniversariam commemorationem celebrandam representant pridie idus Septembbris². Itemque præsens fuit S. Agricola episcopus Cabilonensis et ipse inter sanctos adnumeratus, ejus et natalis dies decimo sexto kalendas Aprilis singulis annis agitur. Extat de ipso Epigramma Venantii Fortunati his versibus³:

Præsul honoris apex, geneis fideique cacumen,
Cultor agri pollens, pastor opum gregis :
Cum mea terra manu meruit genitoris arari,
Reddatur nati vomere culta sui.
Nam pater affectu dulci memorabilis orbis
Me vobiscum uno fovit amore diuus.
Corde parens pastu untriv, bonus ore magister
Dilexit, coit, rexit, honesta dedit.
Ille pio studio solecula novalia sevit :
Quod pater effudit, hoc mihi semen ale.

Hæc ipse alludens ad nomen Agricolæ patri filioque commune.

26. Inter alios eliam sanctitate celebres viros interfuit Tetricus episcopus Lingoniensis, qui sicut vivens novil gregi suo bene præesse, ita et post mortem ejusdem curam gessisse, ipsius vindicta in successorem suum moribus depravatum ostendit: de ipso enim mira hæc Gregorius Turonensis⁴ habet, dum interitum Pappoli, qui ei subrogatus est, ita conserbit: « Anno octavo episcopatus sui, dum diœceses et villas Ecclesiæ circumiret, quadam nocte dormienti illi apparuit beatus Tetricus vultu minaci. Cui ita: Quid tu, inquit, hic, Pappole? Ut quid sedem meani polluis? Ut quid Ecclesiam pervasis? Ut quid oves milii creditas dispergis? Cede loco, relinqu sedem, abscede longius a regione. Et hæc dicens, virginem quam habebat in manu, pectori ejus cum ictu valido impulit. In quo ille evigilans, dum cogitat quid hoc esset, fixe in loco illo defigitur, ac dolore maximo cruciatur: abhorret cibum potunque, et mortem iam sibi proximam prestolatur. Quid plura? tertia die, cum sanguinem ore projiceret, expiravit ». Ille Gregorius, quæ in commendationem sancti Tetrici, qui Synodo interfuit, hic voluimus recitasse: quo et illud quam perspicuo cognoscatur, suorum laborum post obitum sanctos viros non esse immemores. Sed accipe dignum tanto viro Epitaphium scriptum ab eodem Venantio Fortunato⁵:

Palma sacerdotii venerando, Tetricæ, cultu,
Te patriæ sedes, nos peregrina tenet.
Te custode pio, nonquam lupus abstulit agnum,
Nec de fure timens pascua carpit ovis.

¹ Evagr. I. iv. c. 23. — ² Fortu. carm. I. iii. — ³ Greg. Turon. hist. Franc. I. v. c. 5. — ⁴ Ven. For. carm. I. iv.

Sex quasi lustra gerens et per tres insuper annos,
Rexisti placido pastor amore gregem.
Nam ut condirentur divino corda sapore,
Fudisti dulcem jugiter ore saltem.
Summus amor regum, populi decus, arma potentum (parentum).
Ecclesia cultor, nobilitatis honor,
Fessa inopuni, tutor viduarum, cura minorum,
Omnibus officiis omnia pastor eras
Sed cui praebebat varie tua cura medelam,
Funere rectoris plebs modo triste gemit.
Hoc tamen, alme pater, speramus, dignus in astris,
Qualis honore nites, hic pietate probes (prosis).

Hactenus Epitaphium. Sed ad Synodum redeamus.

27. Ornavit etiam tantam coronam Patrum sanctus Elentherius episcopus Antisidori et ipse inter sanctos adnumeratus¹: itemque sanctus Firminus episcopus mendose scriptus Uticensis pro Vencienensi. Quid Utica episcopo cum Concilio in Gallia celebrato? In Martyrologio Uuardi non legitur Firminus episcopus in Afria, qui revera in Gallia floruit hoc ipso tempore. Interfuit eidem Concilio S. Gallus episcopus Arvernensis, de quo plura superius: atque item Isiebius Viennensis: ex quo corrigas Adonem ejusdem Ecclesia episcopum, qui ipsum tradit pervenisse usque ad Zenonis imperatoris tempora, cum appareat his Justiniani temporibus eum sedisse cum Patribus in dicto Concilio quinto Aurelianensi. Sed et Lanto Constantiensis et ipse relatus inter sanctos, necnon Nicetius Treverensis, insuper et Praetextatus Rhotomagensis, atque Quintianus Ruthenensis pariter praesentes fuerunt, quos omnes sanctitate conspicuos Catholica colit Ecclesia, saeris tabulis adscriptos. Omnes vero fuere numero quinquaginta, qui simul ejusdem regis cohortatione ad Synodum convenientes, ejus pietatem in ipsa Synodi Praefatione iidem Patres verbis istis testataum reliquerunt: «Dominus Childebertus cum pro amore sacre fidei, studio retionis, in Aurelianensem urbem congregasset in unum dominos sacerdotes, cupiens ex ore Patrum audire quod sacrum est, etc.»

28. Constituti sunt ab iisdem Patribus canones viginti tres, quos tu consulas. Quod vero in ejusdem Concilii canone decimo quinto mentio habetur de xenodochio Lugdunensi ab eodem rege ejusque conjugi Ultrotho ædificato: restitue pro Ultrotho, Ultrogotho: hoc enim nomine Frauorum reginam Childeberti conjugem nominatam fuisse, tum ex Gregorio Turonensi², tum ex Venantio Fortunato³ liquet; de qua inferius dicendum erit. At de his

que spectant ad Aurelianense Concilium hactenus.

29. *Theobaldus filius et successor Theodoberi.*

— Hoc eodem anno Theodoberum regem invadentem Italiam ex hac vita discessisse, filiumque Theodibaldum regni heredem et paterni instituti prosecutorem reliquisse, Procopius tradit. De pietate Theodoberi nonnulla habet Vila S. Mauri abbatis, in quem plura idem rex contulit beneficia. Quomodo autem in venatione occasio est obitus ejus exorta, narrat Agallias: sed Gregorius morbo interiisse tradit: qui et de Parthenio, cui regni ab eo cura commissa erat ista mox addit⁴: «Franci vero cum Parthenium in odio magno haberent, pro eo quod tributa eis antedicti regis tempore inflixisset: ille vero in periculo positum se cernens, confugium ab urbe facit, et a duabus episcopis supplièter exorat, ut cum ad urbem Trevericam deducentes, populi saevientis seditionem sua prædicatione comprimerent. Quibus enītibus, nocte dum in stratu suo decumberet, per somnium vocem magnam emisit dicens: Heu, heu, suēcurrите qui adestis, et auxilium fertē perenniti. A quo clamore expergesci qui aderant, interrogabant, quid hoc esset. Respondit ille: Ansanius amicus meus cum Papianilla conjugi, quos olim interfeci, ad judicium me accersibant, dicentes: Veni ad respondentium. Zelo enim ductus ante aliquot annos conjugem innocentem amicumque peremerat.

30. « Igitur accendentibus episcopis ad antedictam urbem, cum strepentis populi seditionem ferre non possent, eum in Ecclesia abdere voluerunt, scilicet ponentes eum in area, et desuper sternentes vestimenta quæ erant ad usum Ecclesiae. Populus autem ingressus, perserutatusque universos angulos Ecclesiae, cum nihil reperisset, frendens (fremens) egrediebatur. Tunc unus ex suspicione locutus, ait: En area, in qua non est inquisitus adversarius noster. Dicentibus vero custodibus, nihil in ea aliud nisi ornamenta Ecclesiae contineri; illi clavem postulauit, dicentes: Nisi reseraveritis velocius, ipsi eam sponte confringimus. Denique reserata area, amotis linteaminibus, inventum extrahunt, plaudentes atque dicentes: Tradidit Deus inimicos nostros in manus nostras. Tunc cædentes eum pugnis, sputisque perurgentes, vincis post tergum manibus ad columnam, lapidibus obruiunt ». Haec de nece Parthenii Gregorius. Atque hic finis esto rerum gestarum praesentis anni.

¹ Martyrol. Rom. die xvi. Aug. — ² Greg. Turon. hist. l. i. c. 42.
— ³ Fortu. carm. l. i.

⁴ Greg. Turon. hist. l. iii. c. 36.

Anno periodi Graeco-Romanæ 6045. — Anno Eræ Hispan. 590. — Jesu Christi 552. — Vigili papæ 16. — Justiniani imp. 26. Tejæ reg. 1.

1. *Postconsulatus.* — Hic annus ista formula notatus : *Post consulatum Basilii V. C. xi*, et secundum aliquos : *Post consulatum Basilii V. C. anno XII.*

2. *Justinianus legatos ad Vigilium Chalcedone agentem mittit.* — A num. 8 ad t6. Ex iis, que anno elapso de gestis in causa Trium Capitulorum diximus, liquet fabulosa esse quæ Baronius ex Anastasio in Vita Vigilii recitat; ac præterea non hoc anno *Vigilium Chalcedonem* fugisse sed anno superiori, ubi *ante biduum Natalis Domini* jam fuisse, ex Epistola Encyclica ostendimus. Sed quoad legationem ad Vigilium ab imperatore missam, ea recte a Baronio num. 13 et seq. ex eadem Encyclica consignata. Belisarius, aliquis in ea memoriati legatione perfuneti sunt non *Dominico die, id est, kal. Februarii*, ut ibi mendose legitur, sed *Dominico die, id est. V kal. Februarii*, in quem diem hoc anno Dominicæ incidit. Legati cum Vigilio egerunt, ut accepta iterum publica fide ex urbe Chalcedonensi Constantinopolim rediret; sed respondit Pontifex : « Si causa Ecclesie ordinatur, ut pacem ejus, quam avunculi sui (id est Justini senioris qui Justinianum adoptaverat) piissimus princeps fecit temporibus, et modo restituat, ego sacramentis opus non habeo; sed statim egredior. Si autem causa Ecclesiæ finita non fuerit, item Sacramentis opus non habeo; quia nunquam de S. Euphemiaë Basilica exire dispono, nisi scandalum ab Ecclesia Dei fuerit amputatum ». Quod ubi Justinianus intellexit, chartam ad eumdem mendaciis ac injuriis refertam misit per *magnificum virum Petrum referendarium die pridie kalendas Februarias*, ideoque legati Chalcedonem non venerant kalendis Februariis, sed *V kalend. Februarii*, perperamque Baronius in margine loco, *pridie*, legit, *postridie*, id est, die secunda mensis Februarii; character enim Dominicæ non in hunc locum, sed in priorem, errorem irrepsisse demonstrat. Cum vero Augusti *manu subscripta* non esset, nullam illi fidem Vigilius praestandam duxit, contentus objecta quæcumque criminis valde confutare, ut in ea Encyclica ipsemet Vigilius asserit, qui subdit : « Domi hesterna die, id est, Dominicorū, qui fuit pridie nonas Februarias, magnificus vir Petrus referendarius ad nos cum mandatis clementissimi principis remeasset », ut scilicet acceptis sacramen-

tit Vigilius in urbem regiam securus remearet, respondet is : « Si directis duobus judicibus sacramenta praestare dignetur, ut post haec sine melu periculi fratrem nostrum Datium episcopum Mediolanensis Ecclesiæ, vel alios, quos cum eo transmiserimus, loco nostro suscipiat, parati sumus dirigere, ut per eos de Ecclesiastica causa quæcumque mandavimus veraciter innotescant ».

3. *Vigilius sententiam adversus Theodorum latam non publicavit.* — Desunt haec et plura alia in exemplari quod ad Baronii manus pervenerat, sicuti et quod ibidem dicitur, Encyclicam illam die sequenti datam esse; eum his verbis terminetur : « Data nonis Februarii, imperante domino Justiniano PP. Aug. anno xxv post consulatum Basilii anno x ». Sed loco, *anno x*, legendum, *anno xi*, ut annus xxv Justiniani cum mense Februario copulatus manifestum facit. In ea Epistola Vigilius scribit de lata in Theodorum sententia, qua episcopatu deponebatur : « Pro mansuetudinis vestræ intuitu, et spe conversionis ejus, sicut dictum est, publice proferre distulimus ». Quibus ex verbis Em. card. Norisius in Dissert. de Synodo V, cap. 3 deducit, falsum esse, quod in Chronologica Synopsi in ealee ad Faeundum Sirmondus, scribit, *Vigilium latam demum contra Theodorum sententiam publicasse.*

4. *Theophani et Nicephori error.* — Ad num. 16 et seq. Recte Baronius monet, quæ huic similibusve Epistolis contraria referuntur ab Anastasio, vera non esse; sed perperam scribit, Nicephorum lib. t7, cap. 26, male tradere Mennam Constantiopolis episcopum a Vigilio communione suspensum fuisse, et *Mennam in Vigilium parem sententiam tulisse*; quod hujus rei in laudata Encyclica nulla mentio sit. Nicephoro enim suffragatur Theophanes eo longe antiquior, cuius verba anno **DLXVII** in medium adduximus; quia cum eo anno ea peracta fuerint, non debuit Vigilius horum in sua Encyclica meminisse. In eo pariter nec Theophanes, nec Nicephorus errant, quod scribunt, Vigilium ad sancti Sergii aram configuisse, licet Vigilius ad sancti Petri, inde ad Euphemiaë Basilicam configuisse affirmet. Eodem quippe in loco Sergii et Apostolorum, aliud nimirum ab eo quod Constantinus exstruxit, templum fuit, et utrumque asyli privilegio gaudebat. Justinianus imperator, ut

patet ex Procopio lib. 4 de aedific. cap. 14, bina illa templo excitavit, quae a latere cohæabant, et vestibulorum porticus, atria, et propylaea communia habebant. In eo itaque tam Theophanes, quam Niephorus falluntur, quod quæ gesta sunt anno superiori, scribant contigisse anno, quo *Vigilius* Constantinopolim adventavit; cumque anno elapsò, dum milites persequerentur, sancti Sergii martyris columnas evertisse; cum id in Ecclesia sancti Petri accidisse, ipsem *Vigilius* predat, ut anno superiori vidimus.

5. *Gesta inter Gothos et Romanos anno DLI.* — Ad num. 18. Est hic annus belli Gothicī xvii, ideoque quæ ex Procopio Baronius narrat, gesta sunt anno xvii ejusdem belli, et ad annum superiorē revocanda, ubi egimus de terræ motu de quo ille hoc anno disserit, ac præterea de legatione Justiniani ad *Theodebaldum* Francorum regem. Ad hæc diximus, imperatorem tunc *Narsen* adversus *Totilam*, ac Gothos in Italiam misisse, quem Procopius lib. 4 de Bell. Goth. cap. 21, ubi de gestis anno xvii belli Gothicī agit, asserit, in medium Thraciam cum florenti exercitu progressum, aliquandiu Philopopoli substitisse, *intercluso itinere turmis Hunnorū*. Denique Procopius cap. 25 refert, *Sclavenos*, « facta in Illyricum irruptione », nefanda perpetrassæ, « et cum infinita captivorum multitudine prædaque omni, quam cuncta vastando collegerant », dominum rediisse. « Interea loci Gepædes et Langobardi inter se bellum reparabant ». Imperator cum Gepædibus fedus panxit, sed cum hi post fedus ictum, *Sclavenorum* agmen Istrum tluvium transportassent, adversus illos auxilia Langobardis misit, et cum iis abiit hiems anni belli Gothicī xvii. Quare pertinent hæc omnia ad annum DLI.

6. *Finis regni Gepidorum.* — Hinc non discedam, quin finem regni *Gepidum* seu Gepædum anno Christi superiori contigisse monstravero; quia video illum cum anno DLI a Sigeberto in Chronico, et cum anno vii Just. in Jun. ab abbate Biclarensi male alligari (t). Procopius itaque lib. 4 Hist. Goth. cap. 25, de rebus anno belli Gothicī xvii, Christi DLI, gestis verba faciens, ait: « Gens tota Langobardorum in Gepidas it bellatum, quibus obviis prælio congressi, tam feliciter pugnarunt, ut non modo victi sint Gepidae, sed et pars magna interfecti ». Verum Procopius loco *Alboini*, Langobardorum regis, qui ab an. DLI, ut testatur Sigebertus in Chronico, regnabat, *Audovini* ejus successoris nobis nomen obtrusit. Hanc enim Gepidum cladem *Alboino*, qui Langobardos in Italiam postea duxit, rege accidisse fidem etiam faciunt Paulus diaconus et abbas Biclarensis. Paulus diaconus lib. 4 de Gest. Langobard. cap. 27, rem fuse narrat,

antequam verba faciat de adventu Narsetis in Italiam, aitque: « Committitur ergo prælium, pugnatumque est totis viribus. Langobardi victores effecti sunt, tanta in Gepidos ira sævientes, ut eos ad intercessionem usque deferent, atque ex copiosa multitudine vix nuntius superesset. In eo prælio Alboin Cunimundum (Gepidorum regem) occidit, etc. Cujus filiam nomine Rosimundam, cum magna simul multitudine diversi sexus et ætatis, duxit captivam. Quam quia Clotsiunda (quæ erat filia Clotharii regis Francorum) in suam, ut post patuit, perniciem duxit uxorem. Tunc Langobardi tantam adepti sunt prædam, ut jam ad amplissimas pervenirent divitias. Gepidorum vero genus ita est diminutum, ut ex illo tempore ultra non habuerint regem, sed universi, qui superesse bello poterant, aut Langobardis subiecti sunt, aut usque hodie Hunnis eorum patriam possidentibus duro imperio subiecti gemunt ». Procopius laudatus *Thorisimum* Gepædum regem, cui *Cunimundus* successit, hujus cladi tempore Gepædibus præfuisse supponit, et de *Cunimundo* non loquitur; sed Procopium ea in re falli demonstrat conjugium filie *Cunimundi* cum Alboino victore, quod in dubium revocari non potest.

7. *Gepidae Orthodoxos non vexarunt.* — *Marcianus* imp. postquam *Gepidae* Hunnorum sedes occuparunt, annua dona eis largitus est, ut anno CDLIV, num. 9, ostendimus, ipsique licet Ariani non male erga Orthodoxos sese gessere. *Eugenius* enim Pontifex Romanus hujus nominis II, in litteris sæculo nono datis, quibus archiepiscopatum Laureacensem jam diu extinctum in integrum restituit, et *Urolphum* archipræsulem remuntiavit, ait: « In quibus etiam (seilicet partibus) quondam Romanorum quoque Gepidarumque ætate, ut lectione certum est, in septem episcoporum parochias antecessores sui jure metropolitano obtinuerant diecesim ». Superiori itaque anno adhuc stebat archiepiscopatus Laureacensis, prioribus Ecclesiæ sæculi institutus, et non nisi post discessum Langobardorum in Italiam, ab Hunnis eversus est, ut infra monstrabimus. Regnum vero *Gepidorum* quod superiori anno finitum est, sæculo tantum, coque non integro perduravit, ut ex dictis anno CDLIV constat. Jornandes qui lib. de Reb. Get. cap. 50 scribit, Gepidas usque nine consuetum donum ab imperatore accipere, manifeste indicat, se librum illum ante annum DLI absolvisse, alioquin eo loquendi modo non umeretur, neque prætermisisset regni Gepidarum finem annotare. Quare Hermannus contractus in fusiori Chronico ad annum DLI accurate scribit: « Huc usque Jornandes episcopus (nempe Ravennatensis), Chronica sua de gestis Romanorum abbreviata perduxit ». Sigebertus vero

(1) Blaucus in Annotationibus ad lib. 4 Pauli Warnefridi de gestis Langobardorum cap. 27 Rer. Ital. tom. 1, pag. 1, fol. 42r, scite au-
madverit, Procopum quidem ad annum DLI revocasse proutum quoddam Langobardorum cum Gepædibus; non satis tameu distinxisse utrum postrema illa fuerit pugna Gepædibus extitidis; cum præsentum idem Procopius anno sequenti referat illisqum ad Gepidas confugisse, « quod utique », addit idem Blaucus, « regno eorum everso eventu non poterat ». Igitur opportunius judicat chronologiam Biclarensis retineri
opertere.

in Chron. imo et ipsem Hermannus in priori sui Chronicci editione eadem verba habent ad annum **D.L.** Denique ipsem Jornandes lib. de Reb. Get. cap. 19 de pestilentia Gallo et Volusiano imperantibus exorta verba faciens, ait : « Quando et pestileus morbus prene istius necessitatis consimilis, ut nos ante hos novem annos experti sumus, faciem totius orbis fœdavit ». Hæc autem pestis, ut anno **DXLIV**, num. 5 et seq. vidimus, urbes et populos devastare coepit anno **DXL**, vel saltem insecente. Ex quibus colligo, Jornandem ipso anno **D.L.** operi suo finem imposuisse, et tam Sigebertum, quam Hermannum in priori editione sui Chronicci annum **D.L.** excludere.

8. *Interitus Totilæ.* — Baronius anno **D.LIII.** num. 15 et seq. gesta anno belli Gothici **xviii.** recitat, quæ cum ad præsentem spectent, et præterea quæ sequentibus annis Gothos inter et Romanos in Italia acta sunt, neque apud Baronium neque apud recentes Historicos satis accurate digesta legantur, ad majorem claritatem relicto Baronii ordine quælibet cum suis annis alligare opportunum duximus. Procopius itaque lib. 4 de Bell. Goth. a capite t6 usque ad finem suæ Historiæ, recitat, quæ anno belli Gothici **xviii.** currenti scilicet Christi anno, in Italia contigere. Gothi *Crotonem* obsidione cinxerant; qua de re imperator certior factus classem in Italiam navigare jussit, quæ cum Crotonis portum appulisset, « Barbari protinus obsidionem cum magna perturbatione solverunt », ut habet Procopius cap. 16. Tandem *Narses* cum ingenti exercitu Ravennam advenit: cumque accepisset, *Totilan* castra locasse ad montem Apenninum, castra et ipse in eodem monte metalus est, « centrum ad summum stadiis procul a castris hostium », inquit Procopius cap. 29. Ad Romanos progressus Totilas, eos de colle, quem occupabant, sœpe deturabile aggressus est, sed irrito conatu. Tunc Procopius cap. 32 narrat pugnam Narsetem inter et *Totilam* commissam; alio modo *Narses*, alio modo *Totilas* acies ordinarent; « in omnibus paralaceritas animi et virtus æmula emicabat ». Jam dies declinabat in vesperum, cum Gothi fusi fugati sunt: fugit Totilas *in tenebris cum viris non amplius quinque*, ac demum occiditur ut ibidem narrat Procopius, qui addit: *Annos undecim Gothis Totilas imperaverat*. Interitum Totilæ cum præsenti Christi anno recte connectit Hermannus contractus juxta editionem Canisii.

9. *Narses Romam occupat.* — Narses successu laetus Romanam contendit, eamque oppugnavit, « annum imperii **xxvi** agente Justiniano Augusto ». Sic Roma sextum capta est illo principe », inquit Procopius cap. 33. Hoc itaque anno et *Roma* recuperata, et *Totilas* occisus, idque mensem circiter Junium; cum mense Augusto Iujus cædes Con-

stantinopoli nuntiata fuerit, ut præter Cedrenum testatur Theophanes anno Incarnat. secundum Alex. **DXLIV.** qui kalend. Septembris superioris Christi anni inchoatur, ubi ait: « Augusto mense triumphales nuntii et victoriae monumenta Roma Constantinopolim delata, Narse nimirum cubiculario, et Romanorum exarchio victore. Pugna siquidem cum Totila Gothorum rege conserta sunniam sibi sua virtute peperit violoriam, Romam recepit, Totilam interfecit, vestimentaque ejus adhuc sanguine tincta, pileotumique ejus geminis ornatum Constantinopolim misit: quæ ad imperatoris pedes in Secreto projecta sunt ». Secretum apud scriptores Byzantinos, pro foro, sen loco; in quo judicia excentur, vulgo accipitur. Regnum inierat Totilas anno **DXL**. Quare annos undecim, ut mox ex Procopio diximus, regnavit. Gregorius Magnus lib. 2. Dial. cap. 15, ait: Sanctum *Benedictum* Totilæ se invisenti dixisse: « Novem annis regnans decimo morieris ». Sed Totilas cum ei hoc sanctus *Benedictus* predixit, jam annum et amplius regnarat, ut suo foco dixi, ideoque annos **xii** et aliquot menses regnum Gothorum tenuit.

10. *Gothi Tejam regem creant.* — « Gothi, qui ex prælio evaserant, trajecto Pado, urbem Ticinum, circumiectaque loca occuparunt, ac sibi regem crearunt Teiam », inquit Procopius, cap. 33. Teias vero Gothos infirmiores judicans, quam ut soli pugnare possent cum Romano exercitu, legatione missa ad Francorum regem *Theodebaldum*, ad belli societatem ingentis pecuniae pollicitationibus eum invitavit, inquit Procopius cap. 34 qui subdit, cum nihil a Francis obtinuisse, tandemque Gothos Romanos invasisse, Teiamque post aliqua heroicæ fortitudinis argumenta in prælio occubuisse. Quibus narratis Procopius Historiam suam his verbis claudit: « Itaque Romani Cumas ac reliqua omnia cepere præsidia, et annus exiit **xviii** belli Iujus Gothici, cuius Historiam Procopius scripsit ». Incertum autem, an *Teias* hoc anno vel sequentis initio ante vernum tempus, quo annus belli Gothici **xviii** desinit, interierit. Cum eo desit *Ostrogothorum* in Italia regnum, quod ultra annos **lx** prorogatum non est, cum cœperit anno **cxxxm**, quo *Odoacer* periiit (1).

11. *Totilæ mors in annum sequentem differri non potest.* — Em. card. Norisius in Dissert. de *Synodo V.* cap. 6, existimat, Procopium in designandis belli Gothici annis lapsum esse, duorumque annorum gesta in unicum annum perperam concessisse, contendit *Totilam* anno tantum sequenti, qui belli Gothici decimus nonus fuit, acie a *Narsete* victum esse, Rounainque recuperatam; quod Marius Aventicensis in suo Chronicco, et interitum Totilæ, quem *Baduylan* appellat, et imitum *Teie* ejus successoris cum anno **xii** post consulata-

(1) Pugna Narsetis cum Teja, qua Tejas ipse interfectus et Gothi fusi sunt, ab Agnello in Pontificali Ravennatensi ad vitam S. Maximiani cap. 5 commissa dicitur *kalendis Octobris*. Id autem dicet a scriptore ineuntis sæculi noni traditum minus certum videretur; accepisse tamen potuit a coævo aliquo scriptore. Igmar Tejae interfectio ab hoc anno removenda non est. Vide hier. Italic. l. II, p. 1, fol. 107. MANSI.

tum Basilii Indict. 1, anno sc. Christi 551 copulet. Verum fundamentum, cui Card. doctissimus innititur, ruinosum esse jam ostendimus, et vel ex sola *Theodorae Augustae morte*, quam certum est contigisse anno 548, annoque belli Gothicī 14 constat, Procopium annos duos in unum non confusse; cum eam recitet eodem belli Gothicī anno. Imo ipsem card. Norisius pag. 32, ejusdem *Dissert.* asserit, *Procopium lib. 3 de Bello Goth.* *Gothos* cum rege suo *Romanū ingressos esse anno xv belli Gothicī* scribentem priorum annorum metachronismū corressisse. Quare ipso fatente Chronologia Procopii ab anno belli Gothicī 15 recte procedit, ideoque in sequentibus annis ab eo minime discedendum. Quoad Marium, cum non solum in *Totilae* nece consignanda; sed etiam in aliis quae eam secuta sunt, parum accuratum fuisse ex dicendis liquebit. *Totilas* apud *Ducangium* in *Familias Augustis Byzantinis* pag. 92, in uno numero dicitur, *DN BADUELA REX*, et in altero, *DN BADULA REX*, qui tamen a Procopio *Totilae* nomine semper appellatur.

12. *Gesta in Lazica anno superiori et currenti.* — « Cum Romani ac Persae Byzantii inducias » anno superiori pangerent, Persae proditione cūjusdam hominis *Lazi*, viri non obscuro genere, « Vehimerio Castello positi suam in Lazica ditionem firmissime stabilierunt; nec Lazicam tantum eo modo sibi subdidere; sed aditum etiam Romanis ac Lazorum regi praeluserunt, in *Seynniam* et *Suaniam*, regionemque omnem, quae a *Muchirise* ad Iberiam usque perlinet », inquit Procopius lib. 4 de Bello Goth. cap. 16, qui addit, *Mermroem, instante hyeme, Culatisium, seu Cotæsium, idoneo præsidio muniisse*. Tum cap. seq. refert, *acta hyeme*, legatum Persicum ad *Chosroem* reversum esse, huncque accepto auro, sine mora inducias confirmasse; *Lazica* tamen decedere non luisse; sed *Mermroem* mandasse, ut pro viribus cepta urgeret, qui cum universo Persarum Hunnorumque exercitu ex *Muchirise* movit, sed neque in *Abasgia*, neque in *Archæopolis*, quam obsidione cinxit, aliquid efficere potuit. « Demum Persae *Cottium* et *Muchirisim* repetiere »; quibus verbis Procopius lib. 4 Bell. Goth. cap. 17 narrationem rerum Persicarum claudit. *Suaniam* vero anno superiori in potestatem Persarum venisse, et currenti *Cosrhoen* paeta conventa firmasse, ideoque et Procopium de gestis hoc anno in bello Persico sermonem habere, ex iis, quae anno 541, num. 10, in medium adducam, certo constabit.

13. *Gesta hoc anno in Lazica.* — A currenti itaque anno, ab eo se, ubi desiit Procopius, suam de rebus Persicis narrationem inchoavit Agathias, ut ipsem lib. 2, pag. 56 testatur: « *Mermroes, inquit, Persarum dux* cum antea bis in *Archæopolim* impetum fecisset, repulsus est, aliaque nonnulla gessit, quae quidem prætero: quandoquidem Procopius rhetor abunde hec eo usque conscripsit. Tunc itaque rursus (nam hinc ordienti mihi, quae se-

quuntur sunt coaplana) ad *Muchirisim* et *Cotæsium* propugnaeulum pervenit eo consilio ut difficultate locorum, quae sunt circa *Thelephim* prætergressa, ad *Phasidem* fluvium pertingeret », ubi *Telephim* diversum non existimo a *Tzibili* in *Asbagia* Iberiæ regione posito, de quo loco laudato loquitur Procopius. *Mermroes* ad *Phasidem* usque fluvium, quo ad quamdam insulam *Romani* ab eo in fugam versi sese receperant, pervenit; sed cum tanto exercitu commeatus in medio ditionis *Romanæ* sibi non suppetret, neque alioquin ad obsidionem bene comparatus esset, *Phasidem* fluvium eum universo exercitu, nemine obstante, trajecit, ac *Cotæsium denio et Muchirisim se recepit*. *Repente autem morbo quodam correptus*, maxima exercitus parte ibi relicta, in Iberiam concessit, ubi diem obiit, *vir sane inter Persas præstantissimus, maximi consilii, reique bellicæ peritissimus*. Ille Agathias loco citato, quae ad hunc annum perlucere, ex posterioribus induciis quinquennalibus inter Persas et Romanos pactis, et rebus inter eosdem anno superiori gestis, quemadmodum et ex iis quae sequentibus annis dicemus, certum redditur. *Ortelius* in *Thesauro Geographico* arbitratur, *Cotæsium* urbem fuisse Iberiæ. Verum Agathias contrarium insinuat, cum asserit, *Mermroem Cotæsio* in Iberiam secessisse, quod ideo non longe ab ea distabat: et Procopius lib. 4 de Bello Goth. cap. 14, testatur *Muchirisim* diei iter unius ab *Archæopolis* abfuisse et extitisse agrum felicissimum *Cholchidis*; ubi *Colchi veteres castellum Cotaium* voce græca appellatum, et a *Lazis Cutatisium* dictum considerant.

14. *Corruptus Agathiae locus restituitur.* — Annū mortis *Mermrois* Agathias lib. 2, pag. 66, certis characteribus designarat; sed numeri corrupti sunt, quod cum neque Bonaventura Vulcanius ejus interpres, neque alii, quod Iegerim, animadverterint, et sequentium expeditionum anni ab hujus celeberrimi ducis anno emortuali pendebant, locus ille Agathiae nobis emendandus. Ait hic historicus *Chosroen*, aliasque Persarum reges ejus decessores genus repetere ab *Artaxare* qui Phartica potentia subversa, Persis denuo pristinum imperium reddidit; subditque Agathias: « Hoc tantum in praesentia lucis utilitatisque ad plurima causa dicam, undeviginti supra trecentos annos terminari atque desinere in vicesimum quintum annum imperii hujus Chosrois; quo ipso tempore, et bella in Colchica ditione vigebant, et *Mermroem* mortem obire contigit. Justinianus vero imperator tum temporis vicesimum octavum annum, ex quo Romanis imperarat, peregerat ». Si *Mermroes* obiit an, ab instituto regno Persico cccxix, mors ejus in annum Christi 544 ante priores Romanorum cum Persis inducias accidit. Initium enim regni Persici cum anno Christi cxxxvi annoque periodi Græco-Romanæ 571 illigatur, ut ibidem demonstravi. Si vero anno xxv Chosrois et xxviii Justiniani vita functus est, vixit usque ad annum Christi 545,

quod utrumque absurdum; cum posteriores inducere anno Christi **D.LI** et Justiniani **XXV** constituta fuerint, et Procopius partem rerum Persarum inter et Romanos anno **D.LI** gestarum, aliam vero partem Agathias recitat, et quae hic postea narrat speculent ad annum Christi **D.LII**, et sic deinceps. Quare numeros illos depravatos manifestissimum est. Legendum itaque: « Viginti septem supra trecentos annos terminari atque desinere in vicesimum secundum annum imperii hujus Chosrois; quo ipso tempore, etc. Justinianus vero imperator tum temporis vicesimum sextum annum, ex quo Romanis imperarat, peregerat ». Quae emendatio certa.

15. Primus Agathiae liber supplementum est Historiae Gothicæ Procopii. — Agathias Historiam Gothicam Procopii prosecutus est, et in ejus Praefatione ait, « Procopium » Gothorum res narrasse « ad annum usque sextum et vicesimum regni Justiniani », subditque: « Ego vero his proxima et consequentia, ut initio mihi propositum fuit persequens, res ipsas aggredior ». Tum librum suæ Historie primum exorditur, narratisque *Tieæ* morte, et Gothorum cum Romanis *pace*, de quibus etiam agit Procopius in fine sue Historie, refert Gothos quosdam *Francorum* auxilia implorasse, sed cum eorum petitio *Theodebaldo* Francorum regi non admundum probata fuisset, *Leutharim* et *Butilianum*, duos germanos fratres, genere quidem Alemanni, maximum vero apud Francos potentiam concessos, belli cum eis societatem iniisse, ad duo et septuaginta strenuorum virorum millibus collectis. *Narses* confestim moto exercitu ad *Cunias*, oppidum militissimum in arduo quodam colle situm, processit, et post diuturnam obsidionem, quam pluribus refert Agathias, illud sub suam potestatem rededit. Hoc summarium libri primi Historie Agathiae, in quo nomini quae Procopius anno belli Gothicæ **XVIII** traet, iis solum additis, que is prætermiserat, et fusori stylo narratis, que Procopius brevius tetigerat. Quare quae libro Agathiae primo continentur ante vernum tempus sequentis anni gesta, non vero anno Christi sequenti, ut *Cointius*, aliquique passim neoterici scriptores, aut anno **D.LV**, ut *Baronius* eo anno num. **II** et seqq. arbitrati sunt. Prior itaque Agathiae liber aliud non est quam ultimi anni belli Gothicæ a Procopio descripti supplementum: et quemadmodum hie annorum militarium, de quibus agit, initium dicit a vere; ita et Agathias. Is cum librum secundum ab his verbis, *ineunte vere* exordiatur, nulliusque antea *veris* meminerit præterquam illius quod pag. **31**, *ver proximum* appellat, manifestum est, cum continuationem suam a vere illo ac libro secundo auspicari, et antecedentia ea esse, quae ipsem in sua Praefatione citata, præcedentibus *proxima* appellat. Que diligenter animadvertenda fuere, quia ex primi veris ab Agathia memorati consignatione universa ejus Chronotaxis pendet.

16. Sicilia a Romanis, Corsica et Sardinia a Gothis occupantur. — Ad num. **21**. *Narses* anno

superiori in Italiani missus est, ut ibidem ostendimus. Eodem pariter anno Artabanes quem imperator Sicilie praefecrat, « Gothos in praesidiis insulte relictos, oppido patuos, obsedit, et certamine victis, qui erumpere ausi sunt, omnes fame extrema ad ditionem compulit », inquit Procopius lib. **4** de Bello Gothi. cap. **24**, qui subdit, Gothos *Corsicam* ac *Sardiniam* occupasse. Quae cum narret anno belli Gothicæ **xvii** ea ad annum superiorem etiam pertinere, manifestum.

17. Basilica SS. Apostolorum Constantinopolis dedicatur. — Ad num. **22**. Theophanes anno Incarnat. secundum Alex. **DXLII**, qui kalend. Septemb. anni Christi **DXLIX** auspicatur, ait: « Julii mensis die vicesimo octavo, tercia feria sanctorum Apostolorum adiis facta est consecratio, et sanctorum reliquiarum Andreæ, Lucæ, et Timothæi, qui sancti Apostoli, depositio. Episcopus vero Mennas una cum sanctis reliquis progressus est vehiculo aureo imperatorio geminis exornato vectus. Tres autem sanctorum Apostolorum gestabat loculos super genua: atque ita dedicationem celebravit ». Sed loco *Julii mensis die XXVIII*, legendum, ut Cedrenus habet, **XXVIII die Junii**, quem mensem etiam exhibent Anaslaus, Niephorus lib. **17**, cap. **26**, et auctor Miscellæ. Anno autem **DL** quo ea dedicatio peracta, Justinianus quinta quinquennialia dedit, et dies **XXVIII Junii** in feriam tertiam incidit, et Vigilia Festi sanctorum Petri et Pauli insignitur. Vides, ut identidem librarii *Junnium* in *Julium* commutarent. Templum sanctorum Petri et Pauli Apostolorum ad Hormisdie aulam, ubi olim ex literat domus Justiniani adhuc privati idem imperator primus edificavit, ut scribit Procopius lib. **1** de Edif. cap. **4**.

18. Obitus Mennæ episc. Constantinop. — Ad num. **23**. *Mennas* episcopus Constantinopolit. hoc anno mortuus est, non ineunte circiter Decembri, ut Card. Norisius citatus scribit, sed mense Augusto. Sedit enim annos **XVI** et menses sex, ut testatur Niephorus in Chronico; qui menses utrinque incompleti: nam ordinatus fuerat die **XIII** mensis Martii anni **DXXXVI**. Ad haec Theophanes anno Incarnat. secundum Alex. **DXLIV**, qui kalend. Septemb. anni Christi **DLI** inchoatur, inquit: « Eodem anno Hebdomi portus repurgatus, eodemque tempore Mennas episcopus Constantinopol. defunctus est, in cuius locum suffectus apocrisiarius Amaseæ presbyter, et monasterii ipsius Amaseæ monachus Eutychius, eo ipso die quo Mennæ cadaver in sacris adytis expositum jacebat. Augnsto mense triumphales nuntii, et victorie monumenta Roma Constantinopolim delata, Narse nimirum, etc. » *Mennas* itaque Indictione **xv** adhuc currente mortuus est, statimque *Eutychius* in locum ejus suffectus, cuius famam ordinationem perperam in annum sequentem Baronius differt. Colitur *Mennas* in martyrologio Romano die **xxv Augusti**, quemadmodum et in Menologio, isque forsitan dies ejus emortalis fuit; cum ex dictis ante Indictionem primam

kal. Septemb. hujus Christi anni cœptam obierit.
19. Concilium Aurelianense V. — A num. 23 ad 29. Concilium *Aurelianense* V celebratum anno quingentesimo quadragesimo nono, ut liquet ex subscriptione *Sacerdotis* episcopi Lugdunensis : « Notavi sub die v kal. Novembris, anno xxxviii regni domini nostri Childeberti regis, Indict. xii, quæ Indictio cœpta kalendis Septemb. anni **dxlii** : annus vero **xxxvii** Childeberti die **xxvi** mensis Decemb. anni Christi **dxlviii** inchoatur, qui ideo adhuc in cursu erat die **xxvii** mensis Octobris anni **dxlii**. Ex quo et valide confirmantur annus ac dies emortuales *Clodovei magni*, quem die **xxvii** Novembris anni **dxi** vita functum diximus. Ex tripartito Francie regno, ut episcoporum subscriptiones demonstrant, hæc Synodus convocata licet in Preparatione nunc tantum *Childebertus* rex a Patribus laudatus sit, quia civitas Aurelianensis in ejus dictione sita erat. Paulo post istam Synodum, celebrata est alia in regno *Theodebaldi* etiam Francorum regis, Synodus nempe *Arvernensis secunda*, in qua ejusdem Synodi Aurelianensis V, priores quindecim canones cum **xvi** iterum iisdem verbis approbati sunt. Hujus non menimit Baronius, sed Sirmondus post ejus mortem eam publicavit.

20. Plures sancti episcopi ei interfuerunt. — Concilio *Aurelianensi* V subscrivserunt episcopi i et **xxi** vel presbyteri, vel archidiaconi, vel diaconi, vel abbates a suis episcopis directi. Ex episcopis qui subscrivserent, decem in sanctorum numerum adscribunt Ecclesiastice tabulae, *Albinum* episcopum Andegavensem, *Agricolam* episcopum Cabilonensem, *Aurelianum* episcopum Arelatensem, *Galum* Arvernensem, *Eleutherium* Altissiodorensim, *Sacerdotem* Lugdunensem, *Leobinum* Carnotensem, *Lautonem* Constantimum, *Firminum* Ucetiensem, *Nicetum* Trevirensim. Praeterea colunt Traiectenses *Domitianum*, Bituricenses *Desideratum*, Burdigalenses *Leontium*, Eduenses *Nectarium*, Viennenses *Eusichium*, Nivernenses *Aregium*, et Ebredunenses *Gallicanum*. *Genebadus* episcopus Landunensis sanctus fuisse dicitur a Flodoardo lib. 1, cap. 14. Baronius num. 27 dicit *S. Firminum* mendose dici in exemplari, quo usus est, episcopum *Ucetiensem* pro *Veneensi*; sed correcta omnia exemplaria, ipsaque *S. Firmini* Vita cum *Ucetiensem* episcopum fuisse testantur. Praeterea scribit *Prætextatum* episcopum Rotomagensem huic Concilio interfusse qui tamen in Actis non nominatur, sed tantum *Optatus* abbas, directus a *Prætextato* episcopo Cabellicensi. Denique ait, *Quintianum Ruthenensem* episcopum Synodum subscrivisse, qui tamen a pluribus annis jam e vivis excecerat, ut patet ex Cointio in Annal. Ecclesiast. Frane.

21. Moritur Theodebertus rex Francorum. — Ad num. 29 et seq. Hadrianus Valesius, Cointius, aliquique passim recentiores rerum Francicarum Historici *Theodeberti* Francorum regis mortem cum anno quingentesimo quadragesimo octavo copu-

lant; quod Marius Aventicensis in Chronico scribat : « Post consulatum Basili anno vii, Indict. xt, Thendebertus rex magnus Francorum obiit ». Verum Marius per haec tempora res sape suis amuis non reddit. Quare standum est Gregorio Turonensi, qui *Theodebertum* anno quingentesimo quadragesimo septimo demortuum manifestissime indicat, quando in fine lib. 4 Hist. ait : « A transitu Theodeberi senioris usque ad exitum Sigiberli, suppulantur an. **xxix** ». Sigiberi autem obitus, ut nunc inter eruditos convenit, eadit in annum **lxv**. Sensit difficultatem Duchesnius, indeque in margine Historiarum Gregorii Turonensis posuit, an. **xxviii**, sed emendationem ejus refellit Fredegarius Gregorii Epitomator, qui cap. 46, *annos etiam xxix* habet. Quando igitur idem Gregorius in fine lib. 3 scribit : « A transitu Clodovechi usque in transitum Theodoberti computantur anni triginta septem. Mortuo ergo Theodoberto, quarto decimo regni sui anno, regnavit Theodovaldus filius ejus pro eo », tam anni illi **xxxvii** quam anni **xiv** incompleti intelligendi. Aimoinus enim lib. 2, cap. 23, annos **xiii** *Theodeberto* assignat, quia scilicet eos integros enumerat. *Theodebertum* egregie commendat Fortunatus lib. 2, cap. 12.

22. Contraria sententia refellitur. — Cointius anno **dxlvii**, num. 6 asserit Procopium libro quarto de bello Gothico cap. 24, regis *Theodeberti* mortem in annum belli Gothici **xvii**, Christi scilicet **dlx** perperam rejecisse, et in errorem traxisse Agathiam, qui existimaverit eum obiisse eum *Narses* in Italia jam occupatus esset. Verum in utroque capite vir doctissimus fallitur. Procopius enim locuturus de legatione imperatoris ad Theodebaldum, de qua suo loco egimus, ait : Paulo ante Francorum rex Theodebertus morbo obierat », scilicet anno **dxlvii**, triennio aut quadriennio ante eam legationem ad Theodebaldum ejus filium missam. Quoad Agathiam, is lib. 1, pag. 15, de altera legatione a Gothis ad Theodebaldum directa digreditur, ut ejus mos est, a suo arguento, et obiter verba facit de qualior filiis Clodovei, quorum *Theodoricus* unus erat; mortem narrat Theodeberti ejus filii ac *Theodebaldi* patris. Quare non magis sequitur, Agathiam putasse Theodebertum anno **dlx** obiisse, quam Clodomerem, et Theoderium eodem anno decessisse; licet de utriusque morte etiam agat. De horum igitur morte ex occasione tantum sermonem habet Agathias.

23. Nova epocha ab Armeniis instituta. — Hoc anno *Armenii* Eutychianam heresim antea amplexi novam *Æram* instituerunt, quæ etiamnum apud eos usurpata. Cœpta ea die nona mensis Julii, feria tertia, ad formam annorum Nabonassareorum; ita ut anni singuli constant mensibus duodecim aquilibus, ac triginta diebus cum epagomenis quinque, ut in annis Nabonassareis. Differt hæc *Æra* ab Izdegirdica in Persia usitata, non numero dierum vel characteribus, sed tantum antiquitate, ut ostendunt Scaliger lib. 3 de emendat. Temp.

pag. 214, et lib. 7, pag. 762, ac Calvisius in Isagoge Chronologica pag. 81. Sed uterque in eo fallitur, quod existiment, hanc epocham ab accepta fide ab Armeniis deductam. Hic enim tempore *Gregorii Illuminatoris*, circa Constantini Magni tempora fidem Christianam receperunt, et anno xxxvii Theodosii jun. si fides habenda sit auctori anonymo narrationis « a S. Gregorii tempore ad nostram usque etatem, de iis qui ejus, seu Sedis ejus ordine successores fuerunt », publicatae a Combefisio in Historia haeresis Monothelitarum pag. 271 coacti sunt ad ignem adorandum, et postea a Catholica se Ecclesia abstraxerunt, juxente Persarum rege. Certe Theodosio jumore imperante Christiani in Perside per annos triginta vexati, annoque hujus imperatoris xxxvii ab *Isdigerde II* Persarum rege persecutio finis impositus, ut suis locis ostendi.

24. *Armeni Synodus Chalcedonensem damnant.* — Addit idem Anonymus, *Chosroe* in Perside regnante, *catholicum* Armenorum indixisse Synodus in urbe *Tiben*, in qua Armeni Synodum Chalcedonensem damnarunt, et *Trisagio* haec verba Petri Fullonis addiderunt, *Qui crucifixus es pro nobis*. Praeterea *Isaac* magnae Armenie catholicius, seu patriarcha in oratione invectiva adversus Armenios, ibidem a Combefisio relata, pag. 327 meminit blasphemae Synodi, quam Armenii fecerunt « in Deo odibili corum loco, quem Tiben Armenice vocant », ubi sanxerunt : « Si quis Christi carnem, aequalem Patri Deitatem non dixerit, anathema sit ». Deinde pag. 339 meminit duplicitis Synodi, in quibus Armenii omnem adversus Ecclesiam Catholicam defectionem statuerunt, habitis « in satanicis, ac diaboliceis, daemonicisque eorum locis, cum appellato Tiben, tum Mantzicert ». Isaac autem Orthodoxus erat, vixitque seculo Ecclesiae XII et ipsem testatur pag. 393 se apud Armenios natum, et eorum errores traducentem sese ad mortem quasi situm. Denique Galanus in Conciliatione Ecclesiae Armenae cum Romana, exhibet Chronicum lingua Armena scriptum ab Anonymo orthodoxo, in cuius cap. 10 et seq. legitur, *Niersem* patriarcham convocasse Synodum in civitate *Therin*, et superaddidisse trisagio verba illa Fullonis, *Qui crucifixus es*, et aliquot post annos indictum fuisse aliud Concilium in eadem urbe, cuius decreto « Turcomanorum annorum computatio in Armeno kalendario posita est », et praefata additio confirmata. Quare Armeniorum Aera ab anno susceptae, aut potius magis confirmatae haereseos, deductam esse, certissimum. In Opusculo Arnaldi doctoris Sorbonici, quo respondet ad librum Claudi ministri Calvinistae circa perpetuitatem fidei de sacramento Eucharistie, anno 1671 Parisiis impresso, exhibetur testimonium Jacobi catholici et patriarchae omnium Armeniorum, cui sui subscripti, et detestantur dogmata in libro ejusdem Claudi contenta, quod dicitur « Datum Constantinopoli, anno MCXX, secundum ealculum Armeniorum die XII Aprilis », id est, anno Aerae nostrae Dionysianae

MDCXXI. Porro cum *Turcomania* olim Armenia major dieta fuerit, recle vidit Scaliger citatus anno Christi DLX *Armenios* novam .Eram suam ad Persicam conformasse, et immerito Petavius lib. 3 deoet, cap. 17 et seqq. cum hac in re reprehendit.

25. *Moritur S. Datius episc. Mediolanensis.* — Mortuus est hoc anno sanctus *Datius* Mediolanensis episcopus, non die xiv mensis Januarii, quo in Tabalis Ecclesiasticis colitur, ut Bollandus in Actis SS. mensis Januarii et Em. card. Norisius loco laudato scripsere, sed post diem quartum mensis Februarii; cum ex Epistola Eneycliea *Vigiliu* hoc anno scripta constet, cum fuisse cum Vigilio papa in Ecclesia sanctae Euphemiae *pridie nonas Februarii*. Ad haec *Datius* mortuus est ante Totilam, mense circiter Junio hujus anni occisum. Ex litteris enim Pelagi papae Vigili successoris ad Narsetem illud certo eruitur : « Recolere debet celsitudo vestra, quid per vos Deus fecerit, tempore illo, quo Istriam et Venetias tyranno Totila possidente, non ante tamen Mediolanensem episcopum fieri permisistis, nisi ad elementissimum principem exinde retulissetis ». Loquitur Pelagius de ordinatione *Vitalis*, qui divo Datio successit, quique obfirmato animo Tria postea Capitula defendit. Reete tamen Bollandus hoc anno *Datiu* demortuum scripsit. Em. card. Norisius ejus mortem in annum sequentem distulit, quod existimarit, Procopium *Totilae* interitum male hoc anno consignasse, eumque unius anni additione corrigendum esse; sed illud fundamentum iam hoc ipso et superioribus annis eversum. Cum itaque S. *Datii* corpus Constantinopoli, ubi obiit, Mediolanum reportatum fuerit et in aede S. Victoris conditum ut tradunt scriptores Mediolanenses, is dies ad eam translationem referendus. Victor quidem Tununensis in Chronicis anno XIV post consulatum *Basilii*, qui secundum eum est annus Christi DLIV, non vero DLV, ut perperam eum explicat Bollandus et *Datii* mortem et *Totilae* necem narrat, additque illum *damnationi Trium Capitulorum* consensisse. Verum ultimum hoc valde dubium est et ex eo quod *Totilae* cædem biennio tardius narrat, ejus in *Dati* obitu consignando error manifeste delegitur; cum utrumque codem anno, quod negari non potest, defunctum tradat.

26. *Datius nullum Chronicum composuit.* — *Datio* archiepiscopo Mediolanensi ad haec usque tempora Chronicum de rebus urbis et Ecclesiae Mediolanensis attributum fuit. Verum Mabillonius tom. I Analect. pag. 3 et seqq. testatur, se accepisse litteris Antonii Mariae Pustulæ canonici et bibliothecarii Capituli metropolitani Mediolanensis, Chronicum, quod ibidem asservatur, diversa manu scriptum esse, prioremque partem composuisse *Landulphum seniorem*, secundam *Arnulphum*, et tertiam *Landulphum juniorem*, omnes Mediolanenses historicos, ideoque Chronicum illud, cuius etiam titulus recentior, non posse esse *Datii* Mediolanensis archiepiscopi. Denique illud non incipere ab exordio mundi, sed referre initia Ordinum Ecclesiae Medio-

lanensis; narrare illa quæ in ea Ecclesia configere tempore Alexandri papæ II et claudere Historiam anno LXVII in canonizatione sancti *Arialdi*, Mediolani anno antecedenti martyrium passi; postquam relationem inter omnes convenire debet Chronicon *Datio* archiep. Mediolanensi adscriptum quod nemo unquam asseruit se legisse, supposititum esse, nihilque continere quam partem aliquam trium historicorum Mediolanensium mox citatorum. Mīrum autem Puricellum Mediolanensis Basilicæ archipresbyterum, qui ab aliquot annis ejusdem Ecclesiae Historiam doce illustravit, persuasum habuisse, *Datium* archiep. Mediolanensem cuiusdam Chronici auctorem extitisse. Nam in Basilica Nazariana cap. 37 et 38 laudat caput sextum libri primi Landulphi senioris de sancto Ambrosio loquentis, aitque in fine Ms. Ecclesiae metropolitanae Mediolanensis legi: « Explicit liber Historiarum Landulphi Historiographi », et lib. I de SS. Arialdo et Herlembaldo cap. 2, num. 3 affirmat, se accepisse quæ ibi narrat « ex Ms. pergameno capituli metropolitani codice, quo libri quatuor Mediolanensium Historiarum Landulphi senioris continentur usque ad Gregorii papæ septimi mortem pertingentes », cui nimirum temporis Landulphus ipse videtur cœvus fuisse.

27. Quo tempore Chronicon Datio attributum. — Idem Puricellus variis Historiæ suæ locis fatetur, se nullum manuscriptum Chronici Datii vidisse, et quæ ex eodem narrat ab aliis hausisse, præsentim in Basilica Nazariana cap. 39, num. 16, ubi ait: « Utinam vero ille nobis etiam (nempe Datius) in præsens suppeteret! atque utinam felix exitus demum respondisset accuratissimæ saltem diligentia, qua illum Federicus cardinalis et archiepiscopus noster Borromaeus perquirendum curavit. Ipse siquidem ille liber se solo quæstionem hanc nostram dissolveret; nec aliter quam ex nostra sententia; cum nempe suam Historiæ seriem, usque ad Gregorii septimi pontificatum ab uno eodemque auctore continuatam, exhiberet ». Verum non *exhiberet*, sed iam *exhibituit*, et majori emolumento, quam Puricellus pularit; cum supposititius *Datius* nostris diebus detectus certos nos fecerit, *Datium* Mediolanensem archiepisc. nullum Chronicon, scripsisse, sed ei veram Landulphi senioris Historiam in quatuor libros divisam attributam esse. Manuscriptum illud ante finem saeculi xiii Datii nomen præferebat, ut probat Puricellus in Nazariana cap. 39, n. 15 ex processu verbali anno MCLXXXIX, in gratiam Decumanorum metropolitanae Ecclesie Mediolanensis contra præpositum et canonicos sancti Ambrosii confecto. « In eo autem processu, inquit Puricellus, duo præsentim testes in attestationis suæ confirmationem proferebant *Datium*, sive Datii Chronicon, prior a semetipso lectum, atter auditum cum legeretur a primicerio urbis Mediolani... isque Dominus Ardizonus de comite vocabatur... nunquam ipsum aliter appellabant, quam *Datium de Antiquitatibus Mediolani*, quia

scilicet liber ille ita *inscriptus*. Eundem vero sic etiam prior ille testis describebat; *Erat unus liber majoris voluminis quam liber Psalterii communis*. Alter vero intendo, quod liber ille esset viginti quaternionum, vel plus secundum quod videbatur ». Ita Puricellus. Ex quibus intelligimus, manuscriptum illud complexum esse duntaxat initium magni operis Landulphi, in quo facta singularia legebantur quibusdam Ecclesiasticis adversus alios faventia, ideoque quanta poterat antiquitas, huic libro tribuenda erat.

28. Illud majori ex parte opus Landulphi senioris. — Ut eam Historiam *Datio* Mediolanensi archiep. canonici illi affingerent, fundamentum desumere potuere ex auctoris *Miscellæ* verbis lib. 16, cap. 13, quibus is famem, qua Datii tempore Roma afflita fuit, narrat, dicens: « Sieut vir beatissimus Datius Mediolanensis antistes retulit ». De qua etiam fame loquitur Anastasius Biblioth. in Silverio: « Eodem tempore, inquit, tanta fames fuit per universum mundum, ut Datius episcopus Mediolanensis relatione sua hoc evidenter narravit, etc. » Verum Auastasius et auctor *Miscellæ* laudatis verbis tantum significant, *Datium* in suis de hac fame litteris ad varios datis retulisse quantum famæ apud Liguriam excreverit, quando ea universus orbis angebatur. Quæ conjectura eo certior, et suppositio manifestior, quo Mabillonius loco Landato asserat, sibi Mediolano responsum esse, in manuscripto, quod Datii nomen præfert, nullam tieri hujus famis, de qua ipse sciscitus fuerat, mentionem, nec ejus fieri potuisse; cum in eo Chronico ea narrarentur, quæ contigerunt octavo et undecimo saeculo. Porro quæ auctor *Miscellæ* de illa fame scripsit, de verbo ad verbum recitat Baronius anno DXXXIX, num. 17. Nullus ergo *Datius* chronographus querendus præter Landulphum seniorem Datii personam ferentem; frustraque Puricellus in Basilica Nazariana cap. 39, Gavantus Rubrie, part. 2, sect. 5, cap. 19, n. 4, aliquique Mediolanenses historici duos Datios utrosque Chronographos distinguunt, quorum posterior Gregorii septimi pontificatu vixerit. Galvaneus Flamma ordinis sancti Dominicæ in suo Chronico inedito, circa annum MCCXL elucubrato, quatuor Landulphi senioris libros *Datio* attribuit, et archiepiscopum a Chronographo diserte distinguit, asserens se ab ultimo hausisse, quæ de electione Gregorii VII in litteras misit, quod recentes historici Mediolanenses ad examen non revocantes, alter alterum in cumdem errorem induxit. Anno CCCXXXVII de hymno *Te Deum* verba facientes diximus in Chronico S. *Datio* archiep. Mediolanensi tributo dici a divis Ambrosio et Augustino post hujus baptismum decantatum, sed Chronicon illud Datii non esse. Nunc ex mox dictis colligere est, ejusdem Chronici auctorem esse Landulphum seniorem, qui cum anno millesimo centesimo adhuc in vivis fuerit, ut suo loco dicetur, perspicuum est, auctori res post sexcentos annos gestas referenti fidem adhibendam

non esse, indeque Canticum illud fœlum non esse
SS. Ambrosii et Augustini.

29. *Gesta inter Persas et Romanos in Colchide.*
— Romani in Colchide, postquam anno superiori turpissimam fugam arripiuerunt, *Gubazem Lazorum* regem, qui totius facti culpam in eorum vecordiam referebat, *Martimus* dux et *Rusticus* quæstor insidiis appetitum occiderunt, et imperatori significarunt, illum Medorum partes foventem esse deprehensum, interimque « ingrumento hyeme per oppida universum exercitum distribuunt », inquit Agathias lib. 3, pag. 80. Statim « inuenire vere, Nachoragan in locum Mermerois a Chosroe Persarum rege missus copias coegit », ait Agathias pag. 90. *Nachoragan* ad Phasidem urbem se conseruare statuit, eoque Romanos evocare, quod facilissimum expugnatum illic esse propugnaculum audisset. Est porro *Phasis* urbs Colchidis, etiamnum ampla, ad ostium fluvii cognominis sita. Verum Romani

duces strenue eam defendenterunt, et Persarum ad duodecim millia in pœlio occiderunt; cum vix ducenti Romanorum cecidissent. *Nachoragan* collectis reliquiis in Iberiam concessit, cum paucis tanquam ibi hibernaturus, ut scribit Agathias in fine lib. 3, postquam fuse pœlium illud narravit. Baronius anno DLVI, num. 43, de hac Romanorum victoria, in qua *Justini Germani* filii, qui unus e duabus erat, pietas inclinavit, verba facit. At certum est, eam currens reportalam, anno scilicet secundo post pacas Persas inter et Romanos inducias, ut ex dictis sequitur. Interim *Justinianus*, duces suos, qui *Gubazem Lazorum* regem indicta causa trucidarant, capitibus damnavit, ut Iose referit Agathias lib. 4.

Eustochius fit episcopus Hierosolymorum, ut videre est anno DLXVIII, num. 9. *S. Eutychius* fit episcopus Constantinopolitanus, ut ostendam anno sequentli.

VIGILII ANNUS 14. — CHRISTI 553.

1. *Eutychius electus episcopus Constantinopolitanus* fidei sui professionem Vigilio, qui eidem respondet, pace Ecclesie restituta. — Quingentesimus quinquagesimus tertius Christi inchoatur annus, adscriptus in Fastis post consulatum Basilii duodecimus, quo et Justiniani vicesimus septimus mense Aprili incipit, idemque numeratur a Procopio belli Gothicæ decimus octavus : cum excitatis turbis illis adversus Vigilium papam sedatis, atque sacerdotali auctoritate compressis adversariis, jam extincto Nenna, in locum ejus successit Eutychius monachus, qui communionis Catholice Ecclesie particeps fieri ab ipso Vigilio papa petiit; et ut Catholicus habetur antistes, fidei rectam confessio nem conscripsit : de qua antequam agamus, hic de ejusdem Eutychii ordinatione dicendum est : etenim mirifica quædam eam præcessisse narrantur : ipsam vero hujus anni exordio contigisse, ex ejus fidei professione et Vigilii responsione hoc anno redditu snademur.

2. Qui res ab eo gestas est prosecutus Eustathius¹ ejus alumnus, in primis narrat visionem

ipsi divinitus oslensam, ubi jussu Amaseæ episcopi Constantinopolim ad Synodum indictam mittitur : ea enim illuc veniendi causa intercessit, ubi univer sal Concilium est convocatum.

« Videam, inquit, in visione noctis digitum manus Domini in firmamento cœli, et montem sancto monasterio imminentem (est enim mons ille valde sublimis et excelsus, in quo sancti martyris Thalalæi ædem constructum videmus) cuius vertex milii a digito illo ostendebatur, et vox audiebatur, dicens : Illic eris episcopus. Quis per montem illum alind quam urbem regiam (ut exitus docuit) significari existimasset? Cum igitur visionem hanc vidisset, Deum qui illam ostenderat, deprecabatur, ut sacrum illud munus et periculum, quod ex eo immineret, a se transferret, atque sibi potius concederet in futura vita bonis illis, que justis promissa sunt, perfungi, atque audire verba illa² : Esto super decem civitates. Sed Deus, qui nubes eduevit ab extremis terræ, quique a gregibus ovium vocavit David, unxitque illum prophetam et regem, elegit et mihi hunc virum, et occasionem

¹ Apud Sur. die vi. Apr. tom. II.

² Lue. xix.

illa quam dixi (nempe ut ab episcopo Amaseno morbo detento, suo nomine mittetur ad Synodum) in urbitum amplissimam duxit.

3. « Mansit autem apud patriarcham qui tunc erat : Menas appellabatur, eratque vir sanctissimus et divinus. Cumque angelicam ageret vitam, futuraque prospiceret, magnum Eutychium hortatus est, ne a se discederet : ostendensque illum sancto clero, dixit : Hie monachus erit successor meus. Confestim autem illum misit ad imperatorem; apud quem cum de rebus propositis disputaretur, apparuit omni divina humanaque disciplina instructissimus. Cumque congressus esset cum haereticis, qui soliti sunt verbis digladiari, non ad utilitatem, sed ad simpliciorum eversionem : illi non poterunt resistere sapientiae et spiritui quo loquebatur. Cum enim quidam negarent eos anathemate feriendos, qui post mortem deprehensi essent haeretici; ipse divinarum Scripturarum testimoniis anathemate puniendos esse demonstravit. Rex enim Josias (inquit¹) cum id prophetia ante significasset, ossa eorum, qui vitulis immolarant, post mortem effudit atque combussit. Ideo ergo in haereticos servandum est, ut post mortem anathemate dammentur.

4. « Hoc igitur imperator, et qui adstabant, admirati, magnopere coluerunt et observarunt. Itaque majore cum libertate deinceps in regia versabatur : et maiores cognitionis ejus divitiae apud Deum alique homines declaratae sunt. Amabat eum imperator, imo vero imperatorum ac regum omnium Dominus : cui cum ante orfum nostrum nota sint omnia (quos²) enim praescivit et praedestinavit, hos et vocavit et glorificavit) magnum etiam Eutychium summa cum gloria vocavit ad pontificatus dignitatem. Paucis enim post diebus sanctus Dei servus Menas regiae urbis patriarcha, de quo mentionem fecimus in senectute bona et dierum plenus, quos cum Dei gratia transegerat, hinc ad Angelorum et sanctorum Patrum vitam migravit. Cujus quidem obitus nuntio ad Christianissimum imperatorem perlato, mulci certatim incredibili studio couabantur amicos imperatoris promissis et numeribus corrumperere, ut hominibus indignis pontificatum deferret.

5. « Sed qui omnia facit et mutat, quique corda scrutatur et renes Deus, in manuque sua cor regis continet eum finibus terre, quietissimi imperatoris cor ad virum dignum inelavit. Qui celeriter uni e referendariis (Petrus hie appellabatur) mandavit, ut quereret et teneret et congruenti honore custodiret magnum Eutychium : quod sane factum est. Sed audite visionem, quam is, dum servarebatur, vidit : Videbar (inquit magnus ille vir) magnam quandam et praeclaram domum videre et lectum splendide stratum, in quo mulier nomine Sophia jacebat : que cum vocasset me, ornamentaque demonstrasset, vidi mox domui adjacens solarium

nive repletum, et puerum in solario stantem, nomine Soterium, qui e solario casurus videbatur, nisi ego praeveniens, e nive eductum, a lapsu conservassem. Hoc viso quid aliud significabatur, nisi pulcherrima Ecclesiae sanctissimae opera? Haec enim erant illa ornamenta. Per puerum autem in nive periclitantem, dogmatica disciplina laborare indicabatur. Quae quidem omnia sancti viri praesidentis operam et diligentiam requirebant.

6. « Cum igitur haec ita processissent, sancto clero, saeroque senatus libere consilium suum exposuit Christi studiosissimus imperator, affirmans se de ille divinam visionem vidiisse. Cum enim, inquit, in aede sancti Petri principis Apostolorum, in qua senatus habebatur, me somnus complexus esset, in quiete vidi principem Apostolorum mibi magnum Eutychium ostendentem, dicentemque : Fac ut hic sit episcopus. Haec cum ilia se habere jurejurando affirmaret imperialor, omnes ipsius intentionem et studium (quod divino quodam splendore vultus declarabat) conspicientes, uno animo eademque mente, et cunctis suffragiis alque una voce ante tempus clavabant : Dignus est, dignus est. Cum igitur illi omnia ordine et ex divinorum canorum prescripto contigissent, et tempus esset ut sacrarum manuum impositione et initiatione consecraretur pater et magister ipsorum, adducitur ad sanctum altare, qui multos ad illud sacerdotes atque pontifices erat adducaturus : precebus ac manu et divinis ac venerandis orationibus consecratur : sancto inungitur Spiritu, vel potius sanctificatus ipse vicissim praesentes omnes pontifices sanctificat : ovis errantis typum super humeros tollit, in sedem sublimem ascendit, in solio sedet, atque pasforam principem Christum in caelum revertentem imitatur. Dicit enim ipse quaque populo universo verbum illud, quod conjunctionem, conciliationemque et conservationem significat, nempe, Pax omnibus, alque ab omnibus illud vicissim accipit ». Haecne de electione et consecratione Eutychii Eustathius, qui et paulo inferius ait, eum tunc fuisse aetatis annorum quadraginta.

7. Sed antequam ullius progrediatur oratio, quid significare velit verbis illis Eustathius, videamus, quibus ait : « Ovis errantis typum super humeros tollit ». Isidorus Pelusiota de haec re interrogatus, respondit, pallium illud, quod decoris gratia super omnia indumenta superinducitur sacerdoti, significare deperditam ovem illam, quam pastor ille Evangelicus super humeros imponit suos. Itae enim ipse in Epistola ad Hermimum comitem habet³ : « Id autem amiculum, quod sacerdos humoris gestat, atque ex lana et lino contextum est, ovis illius, quam Dominus obruantem quæsivit, inventamque humoris suis sustulit, pellem designat : episcopus enim, qui

¹ 4. Reg. xxiii — ² Rom. viii..

³ Isid. Pelus. lib. 1. Epist. cxxxvi.

Christi typum gerit, ipsius munere fungitur atque ipso etiam habitu illud omnibus ostendit, se boni illius ac magni pastoris imitatorem esse, qui gregis infirmitates sibi ferendas proposuit ». Ille Isidorus. Sed ad Eutychium redcamus : qui simul ac sacris iniciatus est mysteriis, fidei suae professionem, more majorum, Vigilio Romano Pontifici dedit, que sic se habet¹ :

8. « Sanctissimo et beatissimo domino et sacerdoti Vigilio Eutychius.

« Scientes quantorum bonorum causa est pax Dei, enstodiens corda et sensus fidelium, et colligens eos, ut unum idemque sapiant in recta fidei confessione, et ad perficienda divina iuranda, et propitium Deum faciens in his quae recta sunt concordantibus : ideo festinantes unitatem conservare, ad Apostolicam Sedem vestre beatitudinis manifestum facimus, quod nos semper et servavimus et servamus fidem ab initio traditam a magno Deo et Salvatore nostro Iesu Christo sanctis Apostolis, et ab illis in omni mundo pradicataim, et a sanctis Patribus explanatam, et maxime ab his qui in sanctis quatuor Synodis congregati sunt : quas in omnibus et per omnia amplectimur et suscipimus, id est, trecentos decem et octo sanctos Patres qui Nicaea congregati sunt, et sanctum Symbolum sive mathema fidei exposuerunt, et Arianam impietatem anathematizaverunt, et eos qui similia eis sapuerunt vel sapiunt. Suscipimus autem centum quinquaginta sanctos Patres Constantinopolis congregatos, qui idem sanctum mathema expianaverunt, et de Deitate sancti Spiritus dilucidaverunt, et haeresim Macedonianam sanctum Spiritum impugnauerunt, et impium Apollinarium condemnaverunt cum his qui similia illis sapuerunt vel sapiunt. Suscipimus autem et sanctos ducentos Patres in Ephesina prima Synodo congregatos, qui per omnia secenti sunt idem sanctum Symbolum sive mathema, et condemnaverunt Nestorium impium, et impia ejus dogmata, et eos qui similia ei aliquando sapuerunt vel sapiunt.

9. « Ad hæc autem suscipimus et sexcentos triginta sanctos Patres Chalcedone congregatos, qui etiam ipsi per omnia consenserunt predictis tribus Synodis, et seculi sunt predictum Symbolum sive mathema a trecentis decem et octo sanctis Patribus expositum, et a centum quinquaginta sanctis Patribus explanatum, et anathematizaverunt eos qui aliud praeter predictum Symbolum presumunt docere, aut exponere, aut tradere sanctis Ecclesiis Dei. Condemnaverunt autem et anathematizaverunt et Eutychetem et Nestorium, et impia eorum dogmata, et eos qui similia his sapuerunt vel sapiunt. His ita se habentibus certum facimus, quod omnia quae a predictis sanctis Synodis judicata et definita sunt, et servavimus et servamus : quia etsi per diversa tempora predicte

sanctæ quatuor Synodi factæ sunt, tamen unam eamdemque confessionem fidei servaverunt et praedieaverunt. Suscipimus autem et amplectimur etiam Epistolas præsumum Romanæ Sedis Apostolicæ tam aliorum, quam Leonis sanctæ memoriae de recta fide scriptas, et de quatuor sanctis Conciliis, vel uno eorum.

10. « Cum igitur praedicta omnia et servavimus et servamus, et in his nobis ipsis invicem consentimus ; necessarium est conferri de Tribus Capitulis, unde quibusdam questio nata est. Et ideo petimus, praesidente nobis vestra beatitudine, sub tranquillitate et sacerdotali mansuetudine, propositis sanctis Evangelii, communui tractatu eadem Capitulo in medio proponenda queri et conferri, et finem questioni imponi Deo placitum, et convenientem his quae a sanctis quatuor Conciliis definita sunt : quoniam ad augmentum pacis et concordiam Ecclesiarum pertinet, ut omni de medio dissensione sublata, quae predictis quatuor sanctis Conciliis definita sunt, in concusa serventur, sanctarum Synodorum reverentia in omnibus custodita. His autem et subscripti incolumis in Domino. Ora pro nobis, sanctissime et beatissime pater. Ego Eutychius misericordia Dei episcopus Constantinopolis novæ Romæ omnibus suprascriptis subscripti ». Hucusque Eutychius : ex quibus intelligis, tam ipsum quam imperatorem manus dedisse, ut questio de Tribus Capitulis synodice disputaretur, nec absque Patrum diligenti examinatione, quae ille de iisdem Tribus Capitulis promulgasset edicta, a fidelibus recipiatur. Sic igitur satis vides, tum secularem potentiam, tum etiam sacerdotalem reverentiam Pontificia auctoritate repressas, nec ausas præter id quod a Vigilio papa statutum esset, aliquid decernere, vel quæ ante promulgato edicto decreta essent, ullatenus approbare. Quæ autem Vigilius ad ista ab Eutychio data rescripsit, accipe¹ :

11. « Dilectissimo fratri Eutychio et episcopis sub se constitutis, Vigilius.

« Repletum est gudio os nostrum et lingua nostra exultatione, quod discordie confusione submota, pacem Dei sue reformavit Ecclesia : ut impleretur quod dictum est² : Ecce quam bonum et quam iucundum habitare fratres in unum. Valde enim nos in Domino exultare convenit, quod charitatis vestre scripto nobis est oblatâ professio, cuius tenor ita se habet : Scientes quantorum donorum causa est pax Dei, etc. » Descripta hic habebatur et inserta ipsa integra Eutychii fidei professio : eaque absoluta, hæc mox Vigilius subjicit, quae in ipsa desiderantur : « His autem et subscriptissimus, hujus professionis Orthodoxæ claritatem libenter amplexi, eadem nos per omnia et in omnibus approbantes custodituros atque inviolabiliter servatores Deo nostro protitemur auctore ». Pergit vero Vigilius in sua Epistola :

¹ Extat in Quinta Synod. collat. 1. et inter Vigili Ep. tom. 1. Ep. Rom. Pont.

² Ex quinta Synod. col. 1. et Ep. viii. Vigil. tom. 1. Ep. Rom. Pont. — ² Psal. cxxxii.

12. « Omnis igitur, quae professio vestra continet, in sua perenniter firmitate durantibus, poposcit vestra fraternitas, ut nobis præsidentibus, de Tribus Capitulis, ex quibus quæstio nata est, sub tranquillitate et sacerdotali mansuetudine, sanctis propositis Evangelii, conferatur, et finis quæstionis ipsi Deo placitus, et conveniens iis quæ a memoratis sanctis quatuor Conciliis definita sunt, imponatur: ut omni de medio dissensione sublata, quæ ab iisdem quatuor sanctis Synodis definita sunt, in eoneussa serventur, earundem Synodorum reverentia in omnibus custodita. Nam professionem paternarum traditionum memorem et sequacem tam in fraternitate vestra, quam in omnibus similia confessis atque confitentibus, omni laude plenissimam judicavimus, et nostros ex ea re vere fratres agnoscimus.

13. « Unde divinæ clementiae supplicamus, ut omnes nos in hac confessione et in paternis traditionibus permanentes, nostro digni reperiamur officio, et in die divini iudicii nulli prævaricationi paternarum constitutionum inveniamur obnoxii. Quibus ita prædictis postulationibus vestrum desiderium cognoscentes annuumus, ut de Tribus Capitulis, ex quibus quæstio nata est, factò regulari conventu, servata aequitate, mediis sacrosanctis Evangelii, collationem cum unitis fratribus habeamus, et finis detur placitus Deo et conveniens iis quæ a sanctis quatuor sunt definita Conciliis. Scientes utique, sicut et communis professionis testimonio declaratur, memoriarum Synodorum in omnibus reverentiam custodiri. Deus te incolunem custodiat, frater carissime. Data VI idus Januarii, imperii domini Justiniani perpetui Aug. anno viiiii sexto, post consulatum Balisii V. C. anno duodecimo ».

14. Sie igitur redditæ est pax Ecclesiæ, cum a persecutione Vigilii Justinianus imperator cessavit, suumque appensum jam in foro de Tribus Capitulis revocavit edictum, penitusque ipsius Romani Pontificis voluntati cessit, qua statuerat, ut nihil ea de re usque ad generalem Synodus decerneretur: annuitque eidem et Eutychius recens creatus episcopus, seque Vigilio subjecit, sue fidei professione illi oblata; ut Catholica ab ipso communione percepta, legitimus episcopus haberetur. Id ipsum fecit et Apollinaris Alexandrinus, cui licet vitiosum, et adulterinum ingressum ad episcopatum patefecerit imperator, eum, pulso Zoilo, ipsum intrusit, tamen eodem Zoilo ex hæ vita sublato, eum sicuti Eutychius et ipse eidem Vigilio ejusdem fidei Catholicae professionem obtulit, sicut ille pariter receptus est. Sic itaque animis junctis, restitutoque in pristinam dignitatem atque honorem ipso Romano Pontifice, indicta est œcumenia Synodus diu a Vigilio expedita, ad mensem Maium, jam exoptata diu (ut dictum est) sancta in Ecclesia pace: quæ quanta mox Romano imperio attulerit bona, breviter percurramus.

15. *Prospera cuncta succedunt Narseti qui Go-*

thos vincit, Totilam occidit, Urbemque recuperat. — Primum omnium Gothorum classis Orientem infestans, redire cogitur cum ignominia: Tarentum a Gothis antea captum, Romanis militibus redditor: preterque opinionem Narses cum exercitu, obstructis licet et obseratis itineribus a Francis et Gothis, Ravennam pervenit incolumis; ac tandem in Rubiconem fluvium ab hostibus custoditum, occiso Gothorum duce, transiens, in Tuseia occurrentem cum ingenti exercitu Totilam nactus, adversus cum collatis signis dimicans ac superans, in fugam ipsum convertit, atque occidit, universo cum eo exercitu trucidato. Factumque Dei opera (quod et ipse Narses ingenue professus est) ut bellicosissimus vir Totilas una cum potentissimo exercitu, innumeris clarus victoriis, ac viribus pollens a semiviro Narsete (eunuchus enim erat) cuncta nitente Maria Virginis ope (nt dicemus inferius ex Evagrio) vinceretur. Nonne, quaso te, lector, contractas manibus, nedum e longe digito signas, simulac Ecclesiæ capiti debitus honor impenditur, a Deo esse repensa bona cuncta, quæ in Pontifice vim passa et contumelia affecta religio penitus effugarat?

16. Sic igitur invictissimus rex Gothorum, qui ob offensum a Catholicis numen ex tenuibus parvisque principiis in immensum auctus, quam sepiissime prostratis adversariorum copiis, universam pæne Italianam Urbe iterum potitus subegerat; inita demum pace Ecclesiæ, numineque conciliato, eodem ferme momento conteritur una cum suis atque necatur, anno regni sui (ut Procopius¹ ait) undecimo inchoato, decimo expleto, secundum sancti Benedicti vaticinium²: regnare enim ceperisse diximus ex Procopio anno septimo belli Gothici, qui Domini est quingeniesimus quadragesimus secundus. Quo interempto, ejusque exercitu caeso, cum alia nobifissimæ Italæ civitates, tum Urbs ipsa a Narsete brevi tempore capta est: ejus portarum claves ad Justinianum imperatorem ab eo Constantinopolim missas, idem Procopius tradit. Factumque est, ut divini compensata lancee judicii, postquam imperator cum suis Orientalibus obsequientem se præbui Romano Pontifici, Romana ipse potiretur Urbe; ejusque claves acciperet, cum Petri claves in Vigilio recognovit.

17. Ad hæc additum, ut cum Theias Gothorum fortissimus in regem ab iis electus esset, et reparare Gothorum res satageret, postquam compunctionem diu Romanorum militum fortiter sustinuisse, demum et ipse occideretur. Hæc omnia adeo præclaræ et immensa consecutus est imperator, dum sibi imperari a Romano Pontifice passus est. Porro hæc tanta summatim collecta, pluribus prosecutus est Procopius, iisdemque rebus gestis (ut ipse in fine testatur) operi finem imponit. Cetera autem ab Agathia in posterum petenda erunt. Est

¹ Procop. de bello Gothic. lib. iii. — ² Greg. dial. lib. ii. c. 15.

mentio de Procopio Cæsariensi apud Sophronium¹, quem cumdem cum isto esse putamus. Corrigere vero errorem illapsum apud eundem auctorem in numerum annorum imperatoris, dum haec omnia facta esse anno vicesimo quarto Justiniani dicuntur, quae contigerunt vicesimo septimo.

18. Sed unde tantum virium semiviro Narseti, ex Evagrio audi, dum ait²: « Commemoratum est ab his qui una cum Narsete fuerunt, dum precibus et aliis pietatis officiis divinum numen placaret, debitumque cultum ei tribueret, sanctam Virginem Deiparam ei apparuisse, planeque tempus prescripsisse, quo bellum cum hostibus gereret, atque ut non prius ad prælium committendum se accingeret, quam cælitus signum acciperet. Multæ aliae quoque res a Narsete valde memorabiles gestæ sunt, etc. » Intelligis, lector, ejus miti præsidio duces debeant, ut maxima queque et inconcessa aliis præstare valeant, nimirum Dei Genitricis Mariæ, quæ interpellata precibus adversus hostes consurgat: de ea enim canit Ecclesia³: « Terribilis ut castrorum acies ordinata ». Cujus fultus auxilio Narses, indomitus Barbaros est expertus imbellis. Porro fuisse et ipsum Narsetem aequi amantissimum, quæ de eo Procopius referit ostendunt: nihil enim apud eum antiquius fuit, quam justitiae cultus, quo milites in officio continere consuevit aequi atque recti cultores; ut quæ de Longobardis ab ipso dimisis ostendit Procopius, ubi ait⁴:

19. « Narses itaque ex re bene gesta laetior factus, id omne Deo acceptum (ut erat in vero) indesinenter referre. Conversus deinde ad ea quæ proxima erant administrandum, Longobardorum in primis nefanda facinora se in expeditionem sequentium vindicare primum et expiare curavit. Illi namque ad ceteram vitae factorumque impictatem et scelus, vel aediticia ipsa in qua forte diverterant, injussi cremabant, stuprumque feminis et vim inserebant sacras in aedes refugientibus. Unde magna pecunia hos primum douatos ad proprieis redire penates permisit, Valeriano, Damianoque suis cum copiis ducibus traditis, qui eos tamdiu deducerent, quoad in Romanorum confinia pervenissent; et illis injunctum, ut sine aliorum injuria pertransirent ». Haec Procopius de Narse, qui delegit potius robore fortissimorum carere militum, quam Deum eorum perperam factis offendit: probe sciens ex militum delictis infirmiorem exercitum reddi, ex pietate autem imbellis effici quosque fortissimos. Jam vero ex Barbaricis præliis ad Ecclesiasticas lites orationem convertamus.

20. *Quibus de causis Synodus quinta celebrata fuerit, et quæ illam præcesserint.* — Cum Justinianus imperial. (ut superius dictum est) vi rem agere destitisset, propositumque de Tribus Capitulis edictum revocasset, atque ea omnia esse in Synodo generali cognoscenda secundum Vigilii papæ sen-

tentiam acquievisset: de ejusmodi cogendo episcoporum conventu laborat, quem pernecessarium Ecclesie paci putavit: etenim non ob Tria illa tantum Capitula schismate orbis videbatur esse divisus, verum etiam ob damnatum edicto imperatoris (ut diximus) Origenem una cum ipsius erroribus: ejus enim rei causa Oriens ferme totus cum Palæstina provincia gravioribus exagitatus motibus erat. Ad hos igitur omnes sedando tumultus Synodum vocatam esse, Evagrius⁵ pluribus docet; nos autem ea hic referre prætermittimus, cum de his suo loco latius dictum sit, tempore videlicet promulgati adversus Origenem imperatoris edicti, ubi et res perperam gestas ab Origenistis in Palæstina usque ad præsens tempus, quintæ videlicet Synodi, ex ejusdem temporis scriptoribus abunde satis prosecuti sumus. Caelerum præcipua hujus cogendæ Synodi causa fuit haud dubium maxima illa de Tribus Capitulis alteratio.

21. Leontius⁶ Scholasticus, qui his vixit temporibus Justiniani imperatoris, ad decernendum de Tribus Capitulis cum convocalam Synodum dicit, hujuscemodi ejus cogendæ dignos prætextus adducit, dicens ad occultos haereticos avertendos Eutychianos atque Nestorianos ejusmodi fuisse remedium excogitatum: cum eo ventum esset, ut tam illi quam isti sese Nestorii vel Eutychetis esse discipulos palam profiteri defrectarent, erubescentes; horum lamen favere dogmatibus, aliis quibusdam inventis causis, justis apparentibus, minime prætermitterent. Nam omnes qui Eutychetis laborabant morbo, cum non communicarent Ecclesiae, non ob defensionem erroris ipsius id facere profitebantur; sed nolle dicebant amplecti Synodum Chaledonensem eam ob causam, quod quædam in ejus Actis esse corrigenda viderentur, quæ Tribus illis erant comprehensa Capitulis. Ilos vero non Eutychianos, sed Hesitantibus nominatos fuisse, cum tamen ex Eutychianis progrederentur, affirmat.

22. Ad hos igitur Ecclesie Catholicæ uniendo, in causa Trium Capitulorum imperatorem studuisse dictam Synodum congregare, idem qui supra Leontius tradit. Quod enim hi haud longius videbantur aberrare, facile corrigi posse, et ex dubitantibus reddi certos atque securos existimavit; ita persuasus (ut dictum est superius) a Theodoro episcopo Cæsareae Cappadociae, fore nimirum ut omnes isti susciperent Chaledonense Concilium, si damnatis illis Capitibus, eadem Synodus purgaretur; cum tamen simul omnes juste clamare viderentur, Nestorianæ haeresis suspectos esse qui faverent Theodoro Mopsuesteno, Iba Episkepe, et Theodorei scriptis adversus Cyrillum Alexandrinum, quod scilicet Theodorus institutor fuerit Nestorii, cuius et sectatores ac socii extitissent Ibas atque Theodoretus.

23. Porro iidem ipsi qui Tria illa esse damnanda Capita asserebant, adversarios qui id nega-

¹ Prat. Spir. c. 131. — ² Evag. l. iv. c. 23. — ³ Cant. vi. — ⁴ Procop. de bello Goth. l. III. in fin.

⁵ Evag. l. iv. c. 37. — ⁶ Leont. de scđt. Act. vi.

rent faciendum, « Synoditas » nominare consueverunt : e converso autem Catholicis appellabant « Hesitantes » hujuscemodi occultos Eutychianos et Severianos : qui quidem (in quantum foris apparabat) se esse Catholicos. Synodumque suscipere profitebantur; imo et pro eadem certare isti, sicut illi, tum ore, tum scriptis etiam asserebant. Ad hos igitur simul uno nexus fidei Catholicae constringendos studium insudavit imperatoris, qui ante Synodum indielam (ut vidimus) ut ejusmodi Hesitanus colligeret, de damnandis Tribus illis Capitibus edictum antea promulgavit. Sed cum nec factus esset sui compos desiderii, ut illi redierint ad Ecclesiam, imo subsecutus esset contrarius optatis effectus, dum qui erant in Ecclesia Synodi defensores, existimantes ex Tribus illis Capitibus condemnatis maximam irrogatam esse eidem Synodo contumeliam, sese ab aliis Catholicis separarant, ut inter alios fecisse diximus complures episcopos Africanos : sed et cum inter haec pars alia nec illis nec ipsis inhaerens, Synodus exspectandam esse diceret, quae ambages omnes istas solveret, et quid de his agendum esset, summa auctoritate deerneret : bene consultum fuit, ut ex Vigili papæ sententia Synodus oecumenica ageretur. Id quidem Vigilius ipse Pontifex præ ceteris exposcebat, quem ejus rei causa tot tantaque mala esse perpessum vidiimus.

24. Cum igitur ejus eedendum esse voluntati necessitatem cogere intelligeret imperator; quievit tandem, atque ex ipsius sententia Synodum convocandum esse decernit, ratus nimirum fore, ut editum a se de Tribus Capitibus decreatum ab oecumenica Synodo firmaretur, quod alsique episcoporum decreto et Pontificia auctoritate omnibus earere penitus viribus sciret. At sicut laudabile fuit ex Vigili papæ sententia Synodum colligere laborasse; ita illud reprehensione non caruit, dum quos sciret suæ esse sententiae episcopos, eosdem ad Synodum convocare, omissis ceteris, conatus fuerit. Hujus quoque rei consequendæ causa episcopatum Constantinopolitanae Ecclesiae (ut vidimus) Eutychio contulit, quem acerrimum esse nosset Theodori Mopsuesteni impugnatorem : optime enim ipsum compertum habuit, dum Constantinopoli constitutum Apocrisiarium agentem episcopi Amaseni (ut Nicephorus tradit) sæpe sepius adversus defensores Trium Capitulorum ipsum audierat strenue dimicare. Insuper ejusdem quoque rei confiende causa illud antea fuisse orditum vidimus, ut in ordinem redacto Zoilo episcopo Alexandrino, in locum ejus substitueret Apollinarem ejusdem cum ipso sententie defensorem, cum et in eam traxisset quam plurimos Orientales episcopos : sed cunctantem expertus Romanum Pontificem, ad eum permovendum, penes quem ob Sedem Apostolicam summam sciebat esse prerogativam, tot tantosque (ut vidimus) terrores ipsi incussit, et ignominias irrogavit.

25. Ille vero sicut semper inconcussus restitit

imperatori sibi nimium arroganti et inconcessa tentanti, nec quievit quousque omnes sibi subjece-rit adversarios : ita modo conatu istiusmodi imperatoris ocurrere festinavit, illud in primis aggressus, si snadere illi posset, cum de ea re ageretur, cuius causa universus ferme orbis Occidentalis esset perturbans, ut Occidentalium episcoporum aequre requireretur assensus, atque sententia rogaretur, sieque ad eamdem Synodum vocarentur. Verum quod ob ingruentia bella perdifficilis esset eorumdem in Orientem accessus, aquiesceret imperator, nt in Sicilia eadem Synodus ageretur, loco nimirum in meditullio posito, quo et Orientales et Occidentales una cum transmarinis Africanis episcopis facilius convenienter : horum namque potissimum esse habendam rationem asserens, qui ob imperatoris de Tribus Capitibus promulgatum editum sese ab Orientalibus segregarant, neque cum Orientalibus convenienter, quos in imperatoris sententiam abductos suspicarentur. Proposuit et Justiniano Vigilius, si ad Synodum eogendam Sicilia non placeceret, ut aliam aliquam ipse Italiae civitatem maritimam aequre sibi subditam imperator eligeret.

26. Verum etsi aequa haec videri poterant, facere famen abnuit imperator, timens ne Latinorum episcoporum suffragiorum frequentia obruerentur qui de Tribus Capitibus condemnandis Orientales ex adverso pugnabant : niuis enim suæ ipsius sententiae tenax imperator sic Synodum cogi curabat, ut tamen eamdem sibi, si licet, faceret consentientem. At instat rursus Vigilius, urgetque imperatorem, ut sallem (quod aequitas non negaret) ex Italia et Africa ad Synodum Constantinopolim accerserentur episcopi : aliter fore, ut tanquam exclusi sacro cœtu iidem haud aequo animo id latui essent, periculumque ingens de alio excitando ab eis schismate immineret : cum enim id expeditum a Romano Pontifice ipsi scirent, ab imperatore vero negatum, nullamque sui habitam rationem, sed pro ipsius Augusti arbitrio cuncta facta cognoscerent ; fore ut seorsum illi Synodum collecturi essent, et adversantes deerelis Orientalium de Tribus Capitulis sive aliis eamenes sanctiuri.

27. His adeo efficacibus rationibus Justinianus persuasus, tunc Vigilio assensus est, sed ea adhibita conditione, ut exæquo numero episcoporum, qui sive ex Italia, sive ex Africa vocarenlur, non plures bi essent, quam qui ab ipso imperial. ex diversis Orientis Ecclesiis Constantinopolim vocarentur. Hujuscemodi igitur paetis conventis, cum Vigilius haec cuncta festinaret implere, ut legitima Synodus haberetur : Justinianus imperator per Theodorum decurionem palatii ad eundem Vigilium Romanum Pontificem a se ante conscriptum volumen de Tribus Capitulis misit, ut que de illis sua esset sententia, scriptis ipse profiteretur. Tunc episcopi qui cum Vigilio aderant, negaverunt id esse faciendum, non exspectato fralrum adventu. At imperator eam temporis dilationem moleste fe-

rens, rursus suos ad eum proceros destinavit, qui ngerent ipsum quantoins de ea referre responsum.

28. Ad hæc Vigilius rogavit imperatorem, ut sibi saltem viginti dierum temporis daret inducias, cum (quod omnibus erat manifestum) nondum convaluissest a corporis ægra valetudine, quæ eum diutius definituisset ægrotum. Hæc ut impetraret ab imperatore, idem Vigilius Pelagium diaconum ad eum abire jussit. Quibus obtentis, Vigilius æger adhuc in his cogit laborare, et addere ad priora, simulque in volumen quoddam ab imperatore per Benignum episcopum Heraclæ Paphlagonie ante defatum insudare, in quo horrendæ erant conscriptæ blasphemæ capitibus sexaginta distinctæ, nomine Theodori Mopsuesteni in ipsius liminari pagina prænotatae. Has omnes idem Vigilius per singulas rejecit, confutavit, anathematizavitque, atque tandem in fine quæ de Tribus Capitibus sua esset sententia fusim scripsit. Extat libellus ipse sive constitutum Vigilii ad Justinianum imperatorem datum hoc anno pridie idus Maii: quod descriptum ex Vaticano Codice antiquitus scripto inferius ponimus suo loco. Ex quo quidem cuneta hæc quæ ad Synodus prefati sumus, desumpsimus: quæ præstat audire magis, quam quæ ex Nicephoro præmittuntur ad quintam Synodum.

29. De qua illud etiam admonendum putamus, ipsa quæ edita in bane diem Aeta reperiumt, esse corrupta, atque decurtata in pluribus, ut suis locis fiet cuique manifestum: id autem factum ab adversariis Origenistis, sive a Monothelitis, fuit nonnullorum sententia. Pudenda plane in illis intexta habentur, ac prorsus indigna Synodo œcuménica: cum alioqui nec œcuménicæ tunc Synodi potuerit habuisse nomen, utpote nec in Spiritu sancto legitimate congregata, cui sive per se sive per suos ipse Romanus Pontifex noluit interesse.

30. Quod ad actiones ejusdem Synodi, sive collationes dixeris, seu sessiones pertinet: duas duntaxat Nicephorus numerat, alteram adversus Tria Capitula congregatam, alteram vero adversus Origenis errores: verum quæ extant quinte Synodi Acta, octo continent collationes, de quibus singulis dicluri sumus.

31. *Universa Acta quinque Synodi et Vigilius Constitutum.* — Sed nt ab ejusdem Synodi principio exordiamur: coeunt sine capite membra; imo nec cum aliis qui sub capite censebantur artibus compaginari curantes, nulla Vigilius papæ ægrotantis adhuc habita ratione, hoc eodem anno, cum vocatus prima die mensis Maii (ut habetur in ejus Synodi collatione secunda) Vigilius ad Synodum non venisset: quarto nonas Maii Orientales episcopi, qui Constantinopolim venerant, una convenienti, acturi de ventilata diu quæstione Trium Capitulorum, omnes numero centum sexaginta quinque. Tunc enim cum ibi essent, vocaverunt ad Synodum ipsum Vigilium summum Pontificem honestissima vocatione, nempe episcoporum nomine Synodi, et

magistratum nomine imperatoris: hac prærogativa etiam adversarii dignati Romanum Pontificem, ut cum alias (quod sœpe vidimus) si patriarchalium sedium vocandi essent episcopi, tres mitti solerent; ad convocabandum ipsum Romanum Pontificem Vigilium viginti missi fuerint, tres patriarchæ, reliqui vero omnes metropolitani episcopi, ut Acta ipsa docent in quibus nomina singulorum descripta leguntur.

32. Inter nobilium autem sedium episcopos, qui Synodo interfuerint, post Eutychium episcopum Constantinopolitanum, de quo diximus, numerantur Apollinaris patriarcha Alexandrinus, Domnusque Antiochenus; Eustochius autem episcopus Hierosolymitanus per legatos interfuit. Externorum vero Sextilianus episcopus Tunensis sive Tumetensis præsto fuit legatus missus a Primoso episcopo Carthaginensi, qui sedit post Reparatum, de quo superioris est habita mentio. Reliquos autem numerare prætermittimus, et quoniam essent civitatum antisitites, cujusve vite meriti.

33. Cum igitur (ut dictum est) episcopi convenissent: considentibus omnibus, Theodorus silentarius a Justiniano imperatore missus libellum attulit coram patribus in Synodo legendum: qui, cunctis audientibus, jussus est legi: est ejus exordium: « Semper studium fuit Orthodoxis et piis imperatoribus, etc. » Ea in primis scriptione, quid omnes prædecessores rectæ fidei imperatores ad destruendas obortas hæreses egeriunt, quantumve studii in idipsum sedulo impenderint, per singulos recenset. Qualis autem ante sua tempora Ecclesiæ esset facies lurida, sic describit: « Post Concilium Chalcedonense, exiguo tempore transacto, iterum surrexerunt Nestorii et Eutychetis sequaces, et tantas turbas in sanctis Ecclesiis fecerint, ut divisiones et schismata in eis fierent, et nullam ad se invicem communionem haberent. Neque enim præsumebat aliquis de civitate in civitatem veniens, in Ecclesiam procedere ». His addit suum a se naviter impensum studium ad conciliandas ac simul unidas Ecclesiæ: quo minus autem fieret in omnibus voti compos, Nestorianos obstitisse ait, qui scripta Theodori Mopsuesteni, aliaque Theodorei episcopi Cyri, neenon Epistolam Ibe proferrent in medium; siveque ea vi restituere conati essent Nestorii hæresim. Quibus cum occurrerendum sibi esset, pro remedio ea Tria Capitula primum ab episcopis qui convenerant Constantinopoli damnanda procurasse; quæ item Vigilius papæ auctoritate improbata iterum atque iterum fuisse, testatus est.

34. Insuper (quod nuper accidisset) se per suos convenisse Vigilium, ut scriptis dicta Capitula damnaret, vel si minus facere vellet, quæ esset sua de ea quæstione sententia itidem scriptis commendaret: quod et ipse se esse facturum, pollicitus esset. Post hæc autem sua fidei confessionem cum subdit, illos omnes qui ad Synodum convenerant Patres regat de his omnibus ferre sententiam, asserens de Theodoro Mopsuesteno: « Non nuper nomen ejus

abrasum est e Diptychis, sed ex quo ipsius hæreses prodiere in lucem». Hæc continet libellus Justiniani imperatoris oblatus Synodo, scriptus autem (ut ibi notatur) tercio nonas Maias, hoc ipso anno vicesimo septimo sui ipsius imperii. Eadem etiam Actione, suggeste sancta Synodo, jussæ sunt legi litteræ Eutychii episcopi Constantinopolitani, quibus suæ fidei professionem (quam superius recitavimus) dedit eidem Vigilio papæ: rursumque ipsius Vigilii ad Eutychium de eadem redditæ litteræ.

35. His omnibus recitatis, Synodus testata est, aliquos episcopos rogasse Vigilium Romanum Pontificem ut ad Synodum una cum cæteris conveniret, nec tamen hactenus id fecisse: quam ob causam illum solemni esse accersendum vocatione, opere præfum duxit. Missi itaque sunt fidem qui eum vocarent episcopi (ut dictum est) omnes numero viginti, iidemque metropolitani praeter tres præcipuarum sedium patriarchas, nimirum Constantinopolitanum, Alexandrinum, et Antiochenum. Qui redeuntes, de illo retulere, causatum ipsum esse corporis ægritudinem, scriptis tamen se Synodo satisfacrum pollicitum, et quid de Tribus Capitulis sentiret, palam faciunt.

36. Rursum enim ad octavum idus Maias convenerunt¹ episcopi: ubi primum viginti illi ac primarii Ecclesie Orientalis antistites, qui iterum missi erant ad conveniendum atque invitandum ad Synodum Vigilium Romanum Pontificem, quid ab eo acceperint, coram omnibus referunt: nimirum eam sua absentia causam Vigilium praetextuisse, quod non adessent Occidentales episcopi, nisi per pauci admodum; se autem conscriptam de ea quæstione sententiam ad imperatorem missurum. Ad hæc se respondisse testati sunt missi episcopi, olim in quatuor precedentibus Synodis œcumениis per paucos Occidentalium interfusse sacerdotes: satis que esse, ut qui adissent, convocati episcopi, ipsi inter se de proposita agerent quæstione. Hæc autem cum retulissent imperatori; ipsum suos una cum episcopis sequenti die ad Vigilium accersendum missurum, esse pollicitum; quod ei fecisse, testati sunt, misisque ad eum Liberium patricium, Petrum patricium magistrum officiorum, Patricium patricium, Constantium questorem, et cum his Belisariorum, Caethegum, atque Rusticum exconsules una cum deputatis episcopis a Synodo missis pridie ejus diei.

37. Post priorem istam habitam relationem, jussi sunt a Synodo ii qui missi erant, quæ apud Vigilium gessissent, palam facere. Qui relulerunt, Vigilium iterum inducias postulasse, quo suam sententiam scriptis depromeret; ut quid sentiret, omnibus notum faceret. Respondisse autem hos, ipsum idem jam alias sensisse, condemnasseque Tria Capitula, et per hæc suam esse sententiam declaratam; tantum ab eo requirere, ut quod solus fecisset, cum Patribus in publico conventu ageret.

Et si ad hoc inducias optaret, ut tandem ad Synodum conveniret; Synodum exspectaturam: alias inter se de quæstione Trium Capitulorum Patres qui convenissent acturos. Ad hæc autem Vigilium, se solum suam de ea re sententiam conscripturum respondisse. His porro tam ab episcopis missis quam a prædictis patriciis in Synodo relatis: qui missi erant ab imperatore se jam funtos munere, recessuros; de reliquo hortari Patres ut rei coptæ finem imponerent, eum id imperator optaret, apud quem nihil esset antiquius, quam ut fides Catholica semper maneret inconeussa.

38. His peractis, Synodus jussi mitti tres episcopos, qui Primarium episcopum Adrumelinum in Africa metropolitanum Constantinopoli tunc degentem vocarent ad Synodum simulque Sabinianum, Projectum, et Paulum episcopos Illyrici. Legati sunt ad hoc opus tres episcopi, totidemque presbyteri. Hi redeuntes, de Primasio in primis hæc retulerunt, illum dixisse: «Papa non præsente, non venio». Reliquos autem citatos episcopos Illyricos recusasse accedere, eo quod non adesse eorum archiepiscopus Benenatus. His relatis, de Primasio sententiam differre Synodo placuit; illi vero Illyrici ut Benenatum adirent, ut idem cum illo sentirent, quem constaret unius esse eum ipsis qui aderant ad Synodum convocati sententiae, eadem decrevit Synodus. His in hunc modum rebus gestis, finis habetur impositus secundæ Collationi.

39. Sequenti die, ad septimum idus Maias, iterum episcopi convenerunt; recitatisque omnibus ante actis, agendum jam esse de quæstione Trium Capitulorum proposuerunt. Antequam autem rem ipsam aggredierentur, publica professione Synodus fidem Catholicam profitetur: se nimirum credere quæ olim sancti Apostoli, quæ et sanctæ quatuor Synodi tradidissent, quæ insuper sancti Ecclesie doctores tam Graeci quam Latini, quos recolit, scripsissent, tenere. Sunt vero hi a Synodo nominati, Athanasius, Hilarius, Basilius, Gregorius Theologus, Gregorius Nyssenus, Ambrosius, Augustinus, Theophilus, Joannes Chrysostomus, Cyrillus, Leo, Proclus. Celerum professa est Synodus, et alios se suscipere Patres, qui in sancta Dei Ecclesia rectam fidem usque ad finem vitæ prædicassent. Quæstio autem de Tribus Capitulis, videlicet de Theodoro Mopsnesto et scriptis ejus, deque scriptis Theodoreti in Cyrrum, atque de Epistola quæ dicta est Ibae episcopi ad Marim Persam, in sequenti Collatione tractanda proponitur. Sieque præsens tertia Collatio finem accepit.

40. Convenerunt¹ rursus episcopi ad quartum idus Maias: jussæque sunt palam in Synodo recitari horrende blasphemiae excerptæ ex scriptiōibus (ut dicebant) Theodori Mopsnesti olim episcopi, quibus et subjecerunt ejusdem Theodori impium fidei symbolum. Porro in eis non tantum quæ impius homo adversus Christi Domini nostri humanitatem

¹ Tom. II Conc. nov. edit.

¹ Tom. II. Conc. edit. Nov.

in una persona cum divinitate conjunctam dicebatur conscripsisse, sunt posita; sed et quae improbus in Cantica Canticorum, librum tam ab Hebreis quam a Christianis semper receptum, effutit, adducta sunt in medium; sicut et quae in librum Job, quem repudiasse asserebatur, tanquam ab aliquo Pagano conscriptum, et alia ejusmodi: adversus quae omnia a Patribus magna fuit detestatione exclamat in Synodo. Cetera in aliud concessum sunt reservata, nimirum ut ageretur de his quae saneli Patres, vel leges imperiales, aut historici de eodem Theodoro conscripsissent.

41. Collationem autem quintam Patres quo potissimum die habuerint, haud adeo exploratum habetur. Nam quod in Codice¹ typis excuso notatus est octavo idus Maias: mendum inesse, dubitare nemo debet: siquidem nulla patitur ratio, ut cum praeedens Actio quarta sit habita ad quartum idus Maias, quinta haec quae post illam celebrata esse constat inseribatur octavo idus ejusdem mensis: unde potius vel sequenti, vel post sequentem diem pridie idus Maias, quo et oblatum Synodo Vigilii Constitutum datum reperitur, hanc esse habitam Actionem dixerimus. In qua primum ea quae sancti Patres adversus Theodorum scripserunt, quaeve legum imperatorum auctoritate adversus eum sancita reperirentur, insuper et quae Hesychius presbyter Hierosolymitanus nobilis historiens de eodem scriptorum monumentis testata reliquit, in medium adducta sunt et recitata: sed et quae etiam pro Theodoro conscripta fuerant, eadem discussa sunt et confutata.

42. Post haec autem omnia fusius explicata Sextilianus episcopus legalis missus a Primoso Carthaginensi episcopo atque a Concilio Carthaginensi, ex S. Augustino nonnulla attulit loca, quibus ille sepe profitetur, aliquem posse damnari post mortem; quod etiam roboratum fuit exemplis aliorum, ac praesertim Romani Pontificis, qui Dioscorum schismaticum post mortem damnavit: confirmatum est etiam exemplo ipsius Vigilii Romani Pontificis, qui dammarat Origenem: dictum est enim: « Quod etiam nunc in ipso Origene fecit et vestra sanctitas, et Vigilius religiosissimus papa antiquioris Romae ». Sed haec Acta ab ipsis episcopis cum desiderentur in Synodo, utique eam haud haberi integrum, sed decurtatam atque depravatam ab aliquo Origenista, nemo jure negarit. Vigilium seorsum Pontificio decreto damnasse Origenem, etiam Cassiodorus testatus²: sed de hoc inferius. Ad haec insuper post alia multa in eamdem sententiam a Patribus adversus Theodorum superaddita, recitata sunt Acta Synodi Mopsuestenæ, quorum superiorius suo loco meminimus, quibus probaretur ipsum Theodorum olim ex Diptychis Ecclesie fuisse abraham, et in locum ejus fuisse suspectum Cyrillum Alexandrinum.

43. Post haec autem omnia adversus Theodo-

rum allata, produnt Acta, ad causam Theodoreti factum transitum, eum videlicet ex ipsius Theodoreti scriptis aliqua loca excerpta sunt recitata, quae ab Orthodoxa fide viderentur esse aliena, contra sanctum Cyrillum scripta. His juncta legitur Epistola quædam Theodorti en nomine edita post obitum Cyrilli episcopi Alexandrini, qua mirum in modum dicteris et scommatibus in defunctum invehitur. His sic habitis, laudavit Synodus judicium sanctorum Patrum Concilii Chalcedonensis, quod non prius Theodoretum iidem suscepissent, quam ipse Nestorium condemnasset. Sieque finis impositus est presenti quinta Actioni. Deteximus autem, ubi de Cyrilli obitu egimus, de Theodoreti illa quæ dicitur Epistola imposturam. At hic quod opportune de ea tractari contingat, eadem modo repetere non gravamus, quo ostendatur non ea Synodi germana Acta esse, sed nebulonis cuiuspiam excoxitatum commentum. Dicimus itaque, Epistolam illam, quæ recitatur in Synodo haec Actione quinta sub nomine Theodoreti ad Joannem Antiochenum de Cyrilli obitu gaudentis, omni ex parte convinei, minime esse potuisse Theodoreti. Ex his vero disces, lector, Synodum quintam haud adeo esse legitimam, sed magna ex parte suppositam, in aliquibus mutilatam, auctam in aliis. Nam haec quae de Cyrilli episcopi Alexandrini obitu, sub nomine Theodoreti narrantur, ab aliquo Eutychiano heretico esse conficta, non ambigimus: idque ut credamus, imo certo affirmemus, non levi atqua ducimur conjectura, vel tenui quadam suspicione, sed firmissima sane rei demonstratione.

44. Quonam pacto, queso, haec Theodoretus de obitu Cyrilli ad Joannem episcopum Antiochenum scripsisse potuit, si ante Cyrilli mortem ipse Joannes ex humanis sublatis esse reperitur? Id enim tum ex Nicephori episcopi Chronico, tum ex aliis qui patriarchalium sedium successiones episcoporum conscripserunt, exploratum habetur. Verum ne rem tantam chronistarum duntaxat fide (etsi magna sit) definiendam esse velimus, in quorum scripta errorem irrepsisse quis dicere possit: ne de his ulla tibi penitus remaneat dubitatio, Joannem Antiochenum scilicet ante Cyrrillum mortuum esse: habes inter eas quae legituntur canonicas diversorum episc. Epistolas ejusdem Cyrilli patriarchæ Alexandrini scriptam Epistolam³ ad Dominum episcopum, qui fuit successor ejusdem Joannis episcopi Antiocheni: ut nullus jam dubitare valeat S. Cyrrillum post ejus obitum supervixisse. Quod autem ille Dominus, ad quem extat dicta Epistola Cyrilli canonica, ille ipse sit, et non aliis ab episcopo Antiocheno successore Joannis, ex rebus quae in ea tractantur, satis potest intelligi: dum tante illum fuisse auctoritatis ostendit, ut episcopum posset deponere, atque iterum restituere: unde appareat non inferioris sedis aliquem esse potuisse ejus nominis episcopum. Certe quidem in serie

¹ Tom. II. Conc. nov. edit. — ² Cassiod. Instit. div. lect. I. I. c. 1.

³ Apud Theodor. Balsam. in addit. pag. 79.

episcoporum Orientalium, qui tam in Concilio Ephesino, quam Chalcedonensi iisdem temporibus celebratis recensiti reperiuntur, nullus alius ejus nominis Dominus inscriptus vel subscriptus episcopus legitur, qui alias episcopos sub se haberet, lataque polleret auctoritate, ut ad libitum (quod dictum est) deponere atque restituere eos posset. Indigna plane ostenditur Epistola illa tanto viro, quem probavit ac recepit sancta Synodus Chalcedonensis et S. Leo a calumniatoribus (ut vidimus) vindicavit : quem et naviter Constantinopoli apud legatos Apostolicos pro fide Catholica vidimus insudasse. At hic iterum opportune ipsam Epistolam in dicta Actione quinta Synodi quintae recitatam describanus : ut quisque intelligat, non esse partum hominis vel mediocrem Christianam pietatem sectantis, sed impudentissimi cuiuspiam impostoris figmentum. Sic enim se habet ejusmodi titulo prænotata.

43. « Theodoreti ad Joannem archiepiscopum Antiochiae Epistola scripta, cum mortuus esset Cyrillus archiepiscopus Alexandrinus.

« Sero tandem et vix malus homo defunctus est. Boni enim et benigni ante tempus inde demigrant : mali vero in mullo tempore vitam producent. Et arbitror omnium dispensatorem bonorum providentem, celerius quam tempus est, humanis tribulationibus eos abducere, et tanquam viclores liberare Inctationibus, et in meliorem vitam transducere : quæ vita præmium positum est his qui pro virtute luctantur, sine et tristitia et sollicitudine libera. Malitia vero amatores, et operatores diutius concedit præsenli vita frui, ut aut satietatem caperent malignitatis, et virtutem postea disserent, aut poenas darent et in hoc sœculo, pro molestia suorum morum longo tempore amaris et malis vita præsentis fluctibus astuentes. Illum vero miserum nec ad similitudinem aliorum dimisit nostrarum animarum gubernator diutius corum potiri, quevidetur esse delectabilia; sed cresecentem quotidie viri malignitatem sciens, et corpori Ecclesiae nocentem, quasi quandam pestem ampulavit, et abstulit opprobrium a filiis Israël. Laetificavit quidem superstites ejus discessio : contristavit vero forsitan mortuos : et timor est, ne prægravati ejus conversatione, iterum ad nos remittant, vel illos diffugiat, qui eum abducunt, sicut ille tyranus Cyni Ciliaciam. Procurandum igitur est, et oportet tuam sanctitatem maxime hanc suscipere festiniantiam, et jubere collegio morluos adsportantium, lapidem aliquem maximum et gravissimum sepulcro impunere, ne iterum hinc perveniret, et instabilem voluntatem iterum demonstraret. Infernis nova dogmata adserat : ibi diu noctuque (sicut vult) sermocinetur. Non enim timemus, ne et illos dividere, adversus piatatem publice alloquens, et morte circumdans naturam immortalem. Lapidabunt enim eum non solum qui divina erudit sunt, sed etiam et Nemrod, et Pharaon, et Sennacherib, et si quis eorum est similis Dei impugnator. Sed enim sine

causa multa loquor : silet enim miser invitus. Egregietur enim, dicil, spiritus ejus, et revertetur in pulverem suum : in illo die peribunt omnes cogitationes. Iste vero et aliud habet silentium : nuda enim illius facta alligant linguam, obstruunt os, frænant sensum, silere faciunt, in terram inclinare cogant. Ideo plango miserum, et ploro : nec enim puram milii delectationem fecit mortis ejus annuntiatio, sed dolore permixtam. Laetor enim et jucundor, ejusmodi pestilentia commune Ecclesiae videns liberalum : contristor vero et ploro, quod nec requiem malorum miserabilis suscepit, sed maiora et pejora pertentans defunctus est.

46. « Somniavit enim (sicut dicunt) et regiam urbem perturbare, et pii ilerum dogmatibus repugnare, et tuam sanctitatem accusare, ultiote ea colentem. Sed vidit Deus et non despexit : immisit vero simum in os ejus, et frænum in labia ejus, et avertit eum in terra ex qua sumptus est. Fiat vero orationibus tuæ sanctitatis, ut misericordiam et veniam consequatur, et vineat immensa Dei clementia illius malignitatem. Rogo vero tuam sanctitatem, solvere nobis animæ tumultus. Plurimæ enim et diversæ famæ circumsonant, et nos perturbant, communes calamitates annuntiantes. Quidam vero et tuam reverentiam proficieci dicunt ad Comitatum sine voluntate. Et usque nunc despiciebam, ut pote falsa, ista quæ divulganter. Quoniam vero vidi sola eademque omnes dicentes, necessarium existimavi veritatem a tua discere sanctitatem ; ut vel rideamus, ut pote falsa ; aut ut vera, merito ingeamus ». Haec Epistola. Sane quidem et hujus scriptor temporis valde accuratus Leontius in libro de Sectis, cum multa ad haereticis conficta tradat, inter alia ab ipsis Epistolas scriptas esse nomine Theodoreli testatur. At quam fidem, rogo, merentur Acta hujuscemodi, quæ sunt his contexta commentis ? Illud etiam non praterminus leges illas Theodosii imperatoris adversus Nestorium prolatas ac recitatas in dicta Actione, alter se habere in Codice Theodosiano, atque in Actis Concilii Ephesini ; quas, et nos suo loco sub die et consule datas superius recitavimus ; in quibus nulla prorsus habetur mentio de Theodoro. Haec de commentis atque suppositis scriptis hic dicta sufficiant : desublatis modo dicendum.

47. Desideratur autem in iisdem publicis Syndicalibus Actis Vigilii papæ libellus oblatus Synodo, quem ipse Constitutum appellat, quod idem est quod Decretum. Hunc ipsum esse scias, quem de sua sententia ab imperatore interpellatus idem Vigilius pollicitus fuit se missum suo tempore ad ipsum imperatorem atque ad Synodum, quod et ingenue præstitit. Scripserat autem illud ipsum Constitutum iam antea : nam ejus ipse meminit in Epistola ad Valentianum episcopum Tomitanum in Scythia : nec quidem illud elaboravit ut ipsi duntaxat innolesceret imperatori vel Synodo, sed ut universo orbi Catholico ennetisque Christi fidelibus palam fieret : nec ob alienam causam (ut ex ipso

palet) nisi ut omnia quæ a sanctis Patribus in Chalcedonensi Concilio definita essent, firma consistent, nec ulla quovis præfextu possent calumnia labefactari. Porro Constitutum hoc ipsum Vigilii, quod sicut alia pleraque ex Actis quinta Synodi noscitur esse sublatum, nos hic suo loco restituentem esse putamus.

48. Ut igitur hie cunela suis reddantur diebus, post quintam Collationem describendum hic ipsum censuimus Vigilii papæ Constitutum, antequam de reliquis agamus ipsius quinta Synodi Collationibus: nacti illudsumus in Vaticana bibliotheca, ubi antiquitus scriptum asservatur. Id vero eo libentius facturis sumus, quod nunquam in hanc diem impressum ipsum invenerimus. Pertinere illud quidem ad ipsa Acta Synodalia quinta Synodi, que superius dicta sunt, aperte declarant. Ipso enim voluit Vigilius, quæ de Tribus Capitulis sua esset sententia, tam imperatori, quam Synodo universæ immotescere: quod enim antea pollicitus fuerat viris clarissimis ab imper. missis et episcopis a Synodo ad illud ipsum munus excludendum delectis, modo opportune præstandum putavit. Porro illud cum in fine notatum habeat diem et consulem, quo ipsum Vigilius publice edendum curavit, ad hunc ipsum annum et diem Collationis quinta pertinere cognoscitur: nosque hic ipsum suo loco inserendum putavimus.

49. In qua quidem scriptione illud in primis visus est Vigilius iniisse consilium, ne scilicet Tria illa pro Chalcedonensi Concilio defendens Capitula, in suspicionem vel levem ab adversariis adduci posset defensionis errorum Nestorii ob indemnatum Theodorum Mopsuestenum: primum omnium multo studio totus fuit in damnatione errorum illorum, qui in scriptis Theodori Mopsuesteni dicebantur inventi, quos attulerat ad ipsum Vigilium nomine imperatoris (ut vidimus) Benignus episcopus Heracleæ Paphlagoniæ. Sic igitur ne ipse redargui posset ab adversariis, favisse Theodoro, si eum anathemate damnum detractaret; oblatos damnat errores: ita quidem se gerens, ut ad damnandos defunctorum errores accurreret impiger; in damnandis autem auctoribus, quos scisset in Catholica communione defunctos, minime præ-propere agendum putarit. Jam vero ipsum Vigiliū recitemus Constitutum, in quo primum res transactæ de ineunda concordia recensentur: sic enim se habet:

50. « Gloriosissimo et clementissimo filio Justiniano Augusto, Vigilius episcopus.

« Inter innumeratas sollicitudines, quibus oneratur imperiale fastigium, laudabile clementia vestrae cognovimus esse propositum, per quod summotis omnibus discordiæ seminibus, quæ in agro Domini humani generis inimicus asperserat, universos Domini sacerdotes, præmissis ad testimonium conscientiae sue professionibus, per quas sanctorum Patrum, et venerabilium quatuor Synodorum ac presulum Sedis Apostolicæ inherere definitionibus atque iudiciis monstrarentur, ad unitatem atque concor-

diam restituere properastis: quarum professionum formam, ut Ecclesiastice pacis amplectendum posteris tradatur exemplum, praesenti (quemadmodum se habet) inserta pagina declaramus.

51. « Exemplum prime professionis, quam ad S. Euphemie templum fecerunt.

« Omnes quidem fideles, maxime vero Dei sacerdotes pacem, et sanctificationem sequi cum omnibus oportet, sine quibus nemo secundum Apostolum¹ videbit Dominum. Nos igitur Apostolicam sequentes doctrinam, et festinantes concordiam Ecclesiasticam servare, praesentem facimus libellum. In primis quatuor sanctas Synodos, Nicenam trecentorum decem et octo, Constantinopolitanam centum quinquaginta, Ephesinam primam duecentorum, in qua in legatis suis atque vicariis, id est, beatissimo Cyrillo Alexandrinæ urbis episcopo, Arcadio et Projecto episcopis, et Philippo presbylero, beatissimus Cælestinus papa senioris Romæ noscitur præsedisse, et Chalcedonensem sexcentorum triginta sanctorum Patrum suscipimus. Et per omnia et in omnibus quæcumque in omnibus Gestis Chalcedonensis Concilii aliarnique prædictarum Synodorum, sicut in iisdem quatuor Synodis scriptum invenitur, communi consensu cum legatis atque vicariis Sedis Apostolicæ, in quibus juxta tempora sua prædecessores sanctitatis vestrae beatissimi papæ senioris Romæ ipsis Synodis præ se ferunt, tam de fide, quam de aliis omnibus causis, judiciis, constitutionibus, aut dispositionibus definita, aut judicata, vel instituta, sive disposita sunt, inconcusse, inviolabiliter, irreprehensibiliter, atque irretractabiliter sine adjectione vel diminutione aliqua nos promittimus secuturos, nec quicquam contrarium, quod vel earum reprehensionem et retractationem vel permutationem sive injuriam sub qualibet occasione vel novitate pertineat, admissuros, aut tale aliquid præsumentibus consensuros. Sed quæcumque communi consensu cum legatis atque vicariis Sedis Apostolicæ Orthodoxæ ibidem dicta sunt, ea Orthodoxa veneramur atque suscipimus.

52. « Quæcumque anathematizaverunt vel damnaverunt, anathematizamus et nos atque damnamus: et universa, sicut ab iisdem Synodis communi consensu cum vicariis Sedis Apostolicæ judicata, aut definita, vel constituta, sive disposita lecta inveniuntur, irretractabiliter atque impermutabiliter conservamus. Sed et beata recordationis papæ Leonis Epistolas et Sedis Apostolicæ constituta, quæ tam de fide, quam de firmitate supradictarum quatuor Synodorum processerunt, nos in omnibus secuturos, servaturosque promittimus. Anathematizantes omnem hominem ad ordines et dignitates Ecclesiasticas pertinentem, quicumque contra ea, quæ superius prouisimus, sub qualibet occasione vel altercatione venire tentaverit. Libellum autem in causa Trium Capitularum, de quibus questio

¹ Thes. iv.

nata est, contra Constitutum piissimi principis, et beatitudinis vestrae ego quidem nullum feci : sed volo atque consentio, ut omnes libelli, qui facti sunt sub hac forma, beatitudini vestrae reddantur. De injuriis autem, quæcumque beatitudini vel Sedi vestrae factæ sunt, eas quidem non feci : sed quia pro pace Ecclesiae modis est omnibus festinandum, velut si eas fecisset, veniam postulo. Quia vero tempore discordiae excommunicatos vel non receptos a beatitudine vestra in communione suscepit, pariter veniam postulo.

« In hac forma fecerunt Mennas Constantinopolitanus episcopus.

« Theodorus Cæsareæ Cappadociae episc.

« Andreas Ephesinus episcopus.

« Theodorus Antiochiae Pisidiæ episcopus.

« Petrus Tarsensis episcopus : sed multi alii episcopi idem fecerunt ». Haec quidem Vigilius in sui ponit exordio Constituti; ut quæcumque transacta fuissent cum adversariis, omnibus innotescerent; viderentque singuli, quam ab ipsorum promissione facta contraria sint secuta, et quam mobiles illi fuerint episcopi, qui cum hæc subscripta sua ipsorum manu Vigilio obtulissent, non erubuerint rursus in eundem ob gratiam imperatoris insurgere. Sed audiamus aliam quam hic subjicit Vigilius fidei professionem trium patriarcharum, Constantinopolitani, Alexandrini, et Antiocheni, nempe Eutychii, Apollinaris, et Bonni, sive Domini, insuper et Eliae Thessalonicensis episcopi ; sic enim se habet :

33. « Exemplar professionis quam residui episcopi Theophaniorum die nobis fecerunt.

« Scientes quantorum bonorum causa est pax Dei custodiens corda et sensus fidelium, et colligens eos, ut unum idemque sapiant in recta fidei confessione, et ad perficienda divina mandata, et propitiandum Deum faciens in his quæ recta sunt concordantibus : ideo festinantes unitatem conservare, ad Apostolicam Sedem vestrae beatitudinis manifestum facimus, quod nos semper conservavimus et conservamus fidem ab initio traditam a magno Deo et Salvatore nostro Iesu Christo sanctis Apostolis, et ab illis in mundo prædicatam, et a sanctis Patribus explanatam, et maxime ab his qui in sanctis quatuor Synodis congregati sunt, quos per omnia et in omnibus sequimur et suscipimus, id est, trecentos decem et octo sanctos Patres qui Nicaeæ congregati sunt, et sanctum Symbolum sive mathema fidei exposuerunt; et Arianam impietatem anathematizaverunt, et eos qui eadem sapuerunt vel sapiunt. Suscipimus autem et centum quinquaginta sanctos Patres Constantinopoli congregatos, qui idem sanctum mathema explanaverunt, et de Deitate Spiritus sancti dilucidaverunt; et haeresim Macedonianam Spiritum sanctum impugnantem, et impium Apollinarium condemnaverunt cum his qui eadem eum illis sapuerunt vel sapiunt. Suscipimus autem et sanctos ducentos Patres in Ephesina prima Synodo collectos, qui per omnia secuti sunt idem sanctum Sym-

bolum sive mathema, et condemnaverunt Nestorium impium et seclerata ejus dogmata, et eos qui similia ei aliquando sapuerunt vel sapiunt.

34. « Ad hæc autem etiam suscipimus sexcentos triginta sanctos Patres Chalcedone congregatos; qui etiam ipsi per omnia consenserunt prædictis sanctis tribus Synodis, et secuti sunt prædictum Symbolum sive mathema a trecentis decem et octo sanctis Patribus expositum, et a centum quinquaginta sanctis Patribus explanatum, et anathematizaverunt eos qui aliud præter prædictum Symbolum præsumunt docere, aut exponere et tradere sanctis Dei Ecclesiis : condemnaverunt autem, et anathematizaverunt et Eutychetem et Nestorium, et impia eorum dogmata, et eos qui similia eis sapueront, vel sapiunt. His ita se habentibus, certum facimus, quod omnia quæ a prædictis sanctis quatuor Synodis judicata et definita sunt, servavimus et servamus : quia et si per diversa tempora prædictæ sanctæ quatuor Synodi factæ sunt, tamen unam eamdemque confessionem fidei servaverunt et prædicaverunt.

35. « Suscipimus autem et amplectimur et Epistolas præsulum Romanæ Sedis Apostolicæ tam aliorum, quam Leonis sanctæ memoriae de recta fide scriptas, et de quatuor sanctis Conciliis, vel de uno eorum. Cum igitur prædicta omnia servavimus et servamus, et in iisdem nobis invicem consentimus : necessarium est conferri (confiteri) de Tribus Capitulis, unde quibusdam quæstio nata est. Et ideo petimus, præidente nobis vestra beatitudine, sub tranquillitate et sacerdotali mansuetudine, sanctis propositis Evangelii, communis tractatu eadem Capitula in medio proponenda queri, et conferri, et finem quæstioni imponi Deo placitum, et convenientem his quæ a sanctis quatuor Conciliis definita sunt : quoniam ad augmentum pacis, et concordiam Ecclesiarum perlinet, ut omni de medio dissensione sublata, quæ a prædictis sanctis quatuor Conciliis definita sunt, inconcussa serventur, sanctorum Synodorum reverentia in omnibus custodita. His autem, et subscriptissimus in hunc modum fratres et coepiscopi nostri.

« Eutychius episcopus Constantinopolitanus.

« Apollinaris episcopus Alexandrinus.

« Dominus (Dominus) Antiochiae Syriæ episcopus.

« Elias episcopus Thessalonicensis ; sed et ceteri qui primam professionem non fecerunt, et in hac secunda professione aut subscripserunt, aut seorsum eamdem fecerunt.

36. « His igitur dispositis, optavimus quidem, venerabilis imperator (sicut frequentissime supplici prece poposcimus) eundum ad quemlibet Italæ locum, aut certe ad Siciliam, ut convocatis ad nos Africanæ et alias provinciarum latine lingue sacerdotibus, vel Ecclesiae nostræ saeratis ordinibus, secundum consuetudinem tractaremus, et de quæstionibus Trium Capitularum pietati vestrae redderemus plena deliberatione responsum : quod quia

fieri serenitas vestra non annuit, hoc iterum noscitur Constitutum, ut oblatis a nobis mansuetudini vestra nominibus de suprascriptis provinciis, qui nobiscum ad tractandum adhiberentur autistites, clementia vestra faceret advenire: cui dispositioni item præbuimus Ecclesiasticae pacis amore consensum. Postea vero hoc magis cum consensu fratrum nostrorum nostrarum partium episcoporum, nuper ante sanctum Paschæ diem pietas vestra constituit, ut exæquato numero his pontificibus qui in Constantinopolitana urbe præsentes sunt, de Tribus Capitulis, ex quibus questio veritatis, secundum superius designatam fratrum nostrorum episcoporum professionem deberemus inire tractatum.

57. « Sed quia, dum ea quæ pro conservanda Ecclesiârum pace cum fratribus nostris fieri, vestra dispositione convenerant, festinaremus impleri, ut adhibita salubri deliberatione communiter, et proprie informandam universalem Ecclesiam, cunctis quæ inter nos geruntur, in scriptis deducilis atque jacentibus, nostrum ex his collectum de Tribus Capitulis in questionem deductis judicium proveniret: continuo pietas vestra post illud volumen, quod nobis ante multos Paschæ dies per virum magnitudine Theodorum decurionem palatii destinavit, in quo vos interim, quid de Tribus sentiretis Capitulis exponentes, nostrum poposcitis dari ex eadem causa responsum.

58. « Ideoque cum fratres nostri, neque ex quo nobiscum numero residere, neque in scriptum quæ ageremus, vel tractaremus, redigi patremur, tanquam (quod absit) non convenientia reclinandi loqueremur, quæ scribere timeremus: et insuper gloriosissimis ad nos proceribus destinatis insisteret vestra clementia, nostrum de Trium Capitulorum negotio quam celerrime proferre debere responsum: nec sic destitimus vestræ obediens velle clementiae: hoc solummodo postulantes, ut pro infirmitate corporis nostri, quæ nulli habetur incognita, viginti dierum nobis dareti inducias, qualiter habito nobiscum, Deo auxiliante, tractatu definitionis nostræ, consitulo die scripto, sententiâ diceremus: ad fratres et coepiscopos nostros, a quibus similiter de eadem causa responsum vos flagitare dixistis, filium nostrum diaconum Pelagium cum hujusmodi mandato direxiimus, dicentes: ut quia constitulus Collationis facienda modus fuerat prætermisssus, saltem viginti dies pro antedicta nostri corporis imbecillitate, quam nörunt, nostrum deberent definitum de Tribus Capitulis sustinere responsum, antiquum et regularem custodientes ordinem; ne ante nostræ, hoc est, Sedis Apostolice, cui per Dei gratiam præsideremus, promulgationem sententiæ, quicquam proferre tentarent, unde scandali rursus, que sopila fuerat, oriri posset occasio.

59. « Propositis itaque nobis et diligenter inspectis, in quantum uniuscujusque Capituli in questionem deducti ratio postulabat, Synodalibus codicibus atque Geslis prolatis, quæ aliis corundem

Palrum vel in sanctis qualuor Synodis, aut in una earum rescriptsse (resedisse) monstrantur, Synodalibus Epistolis inspectis, nihilominus prædecessorum nostrorum Sedis Apostolice præsulum Constitutis, aliisque probatorum Patrum necessariis instructionibus pertractalis: si qua de his quæ in quæstionem deducta sunt apud Patres nostros examinata fuerint, finita atque disposita, memores superius designatarum professionum, investigare curavimus: insipientes dogmata quedam in prima chartacei voluminis parte per fratrem nostrum Benignum episcopum Ieracleæ Paphlagoniæ a vestra parte transmissi jacentia, quorum tenor secundum intellectum subler expositum ad excludendum totius ambiguitatis errorem præsenti definitioni nostræ tenetur inseritus, plena execrabilibus blasphemis, et Orthodoxæ fidei (que secundum Evangelicam Apostolicamque doctrinam a sanctis quatuor Synodis, Nicæna, Constantinopolitana, Ephesina, atque Chalcedonensi probabiliter atque irreprehensibiliter sancti Spiritus cooperante presencia, legitur desiuita) valde inimica esse perspeximus, et procul a Christianis sensibus repellenda. Propterea ergo ultiote execrabilia, atque a sanctis Patribus olim sine dubitatione damnata, nostra quoque sententia analhematizamus atque damnamus: quorum primum Capitulum ita se habet:

60. « Quomodo igitur tu, quem super omnes maxime decet animarum regimen, illum eundem, qui ex Virgine natus est, Deum esse, et ex Deo consubstantiale Patri existimari dicis, nisi forte sancto Spiritui imputari illius creationem nos jubes? Sed quis est Deus ex Deo et consubstantialis Patri? is idem qui ex Virgine natus erat? (o mirandum!) et qui per Spiritum sanctum secundum divinas Scripturas plasmatus est, et confictionem in muliere accepit ventre? ineral forsitan, quia mox quam plasmatus est, et ut templum Dei esset, accepit: non tamen existimandum nobis est, Deum de Virgine natum esse: nisi forte idem existimandum nobis est et quod natum est, et quod est in nato templo, et qui in templo est Deus Verbum: non tamen nec secundum tuam vocem promuntiandum est omnino, ex Virgine natum Deum esse et ex Deo consubstantiale Patri. Nam si non homo est (sicut dicens) assumptus, qui natus est ex Virgine, Deus vero incarnatus; quomodo qui natus est, Deus ex Deo et consubstantialis dicetur Patri, carne non potente hanc vocem suscipere? Nam est quidem dementia, Deum ex Virgine natum esse dicere: hoc enim nihil alind est, quam ex semine eum dicere David de substantia Virginis genitum et in ipsa plasmatum: quia quod ex semine David et de substantia Virginis est, in materno ventre consistit; et sancti Spiritus plasmatum virtute, natum fuisse dicimus de Virgine. Ut autem aliquis ex hoc concedat dicere ipsis, quod Deus ex Deo et consubstantialis Patri natus est ex Virgine, eo quod est in templo nato, sed non per se natus est Deus Verbum: incarnatus vero, sicut dicit iste sapiens. Si igitur

cum carne eum natum esse dicunt; quod autem natum est, Deus ex Deo et consubstantialis Patri est; necesse est hoc et carnem dicere: quod si non idcirco caro est, quoniam nec Deus ex Deo, nec consubstantialis Patri, sed ex semine David et consubstantialis ei cuius semine est, et non id quod natum est ex Virgine Deus est et ex Deo et consubstantialis Patri: nisi forte pars nati, prout ipse in inferioribus partem Christi nominat Deitatem; sed non divina natura ex Virgine nata est: natus autem est ex Virgine, qui ex substantia Virginis constat, non Dens Verbum ex Maria natus est; natus est autem ex Maria, qui ex semine est David, non Deus Verbum ex muliere natus est: sed natus ex muliere, qui virtute sancti Spiritus plasmatus est in ea; non ex matre natus est consubstantialis Patri (sine matre enim est, secundum beatii Pauli vocem) sed qui in posterioribus temporibus in materno ventre sancti Spiritus virtute plasmatus est, utpote sine Patre propter hoc dictus». Ita impius, duas in Christo personas constituens. Tantam hanc blasphemiam Vigilius damnans, ista subdit:

61. «In suprascripto primo Capitulo quoniam per circuitus id videtur adstrui, quia homo purus ex sancta Virgine Maria natus sit, dicendo: Si fatemur Deum Verbum, qui consubstantialis est Patri, carne ex eadem Virgine natum; necesse est, ut carnem consubstantiam Patri consequenter esse dicamus. Ideoque quicumque hujusmodi intellectus sapit, docet, credit, aut praedicat, et non eundem Verbum ac Filium Dei per secundam nativitatem ex sancta Maria incarnatum et natum credit; anathema sit». Cum una tantum sit dicenda persona in duabus naturis. Rursus impius:

62. «Mox autem in ipso plasmato Deus Verbum factus est: nec enim in cælum ascendi solum inerat, sed etiam ex mortuis resurgent, utpote et resuscitans eum secundum suam promissionem: nec resurgent solum inerat, sed etiam crucifixo et baptizato, et Evangelicam post baptismum conversionem peragenti, neenon etiam de baptismio legalem adimplenti constitutionem, et presentato secundum legem et circunciso, et fœtui paucis obvoluto: erat autem forte in ipso et nascente, et cum in utero esset a prima statim plasmatione: dispensationi enim quæ circa eum erat, ordinem imponebat, et particulatim ipsum ad perfectionem perducens.

63. «Et per tempus quidem ad baptismum dicens, post illud autem ad mortem. deinde secundum suam pronuntiationem resuscitans, dicens in cælum, collocans eum ad dexteram Dei per suam conjunctionem, ex qua sedet et adoratur ab omnibus, et omnes iudicabit. Istorum autem omnium finem apud se habebat Deus Verbum, cum in eo erat, et omnia per ordinem complebat: quem ordinem ipse arbitrabatur bene habere per finitatem quidem et voluntatem, quam antea statuit pro his quæ eventura erant, et bona voluntate, quam circa eum habebat, ab initio similiter inerat ei, per

ordinem autem placitum ad perfectionem ducebat ipsum.

64. «In suprascriptis secundo et tertio Capitulois hoc videtur adstrui, quia Deus Verbum homini plasmato inerat tanquam alter in altero. Dicendo enim, ut particulatim dispensationi, quæ circa eum erat ordinem videtur imponere, et eum propter bonam voluntatem, quam circa ipsum habebat, et parabat eum qui assumptus est ad proiectum perfectionis adducere: talibus verbis dualitas personarum in Domino uno et Deo nostro Jesu Christo execrabiliter videtur induci, et tanquam quemlibet hominem Dei Verbi gratia per spatia temporum profecisse. Ideoque quicumque eo intellectu sapit, docet, credit, aut praedicat; anathema sit». Rursum ex Theodoro.

65. «Suam autem cooperationem ad proposta opera præstabat ei qui assumptus: ubi hoc facit in loco sensus fuisse distantem illi qui assumptus est: nec enim eis quibuscumque donavit cooperacionem; sensus locum ejus obtinebat: si autem et modo præcipuam quamdam cooperationem donavit illi qui assumptus est, non hoc faciebat locum sensus Deitatem obtinere. Sed si Deitas pro sensu fiebat illi qui assumptus est, secundum vestra verba: quomodo timorem in passione suscipiebat? quid vehementioribus orationibus ad imminentem necessitatem indigebat, quas cum magna quidem et clamorosa voce, cum plurimis etiam lacrymis secundum beatum Paulum⁴ referebat Deo, Evangelista² aperte dicente, quod globis sanguinis similis sudor descendebat? Quid autem Angeli adventu et visitatione egebat animam reficientis in experientia malorum confortantis ejus alacritatem, exercitantis cum ad imminentem passionis necessitatem, tolerare fortiter mala suadentis, urgentis ad patientiam et tolerationem malorum, ostendentis præsentium malorum fructum ex passione, mutationem in gloriam bonam circa eum post passionem futuram? Qui enim secundum Evangelistæ³ vocem confortabat eum Angelus scilicet, verbis istis fortem eum faciebat, et infirmitati naturæ superiorem fieri horabantur, et corroborando cogitationes ejus fortem eum faciebat.

66. «In suprascripto quarto Capitulo, quia dici intelligitur, quod sicut aliis hominibus donavit suam cooperationem Deus, ita et ei qui assumptus est, licet præcipuam tamen similiter ut aliis hominibus dicitur esse donatam, et ita purum atque infirmum hominem circa passionem Angeli eguisse præsidio, ut ei pro corroborandis cogitationibus ejus futura gloria promitteretur de tolerantia passionis. Quæ si quis ita sapit, credit, aut prædicat; anathema sit». Item Theodus:

67. «Vade post me, Satanæ⁴, scandalum mihi es, quod non sapis ea quæ Dei sunt, sed ea quæ hominum: non est confusio mihi mors, non fugio ipsam ut indecentem, ad humanam gloriam respi-

¹ Hebr. v. — ² Luc. xxii. — ³ Ibid. — ⁴ Math. xvi. Marc. viii.

ciens. Sustinebo autem meliori animo experimentum mortis pro plurimis bonis futuris, in quibus et ipse fvero, et per omnes, ne mihi animum fedas atque turbes, tanquam confusione dignum fugere admones mortis experimentum.

68. « In suprascripto quinto capitulo dicitur, quod ideo Jesus Christus verba Petri Apostoli fuerat aspernatus, quando ei dixit: Vade post me, Satanus, scandalum nihili es, quia non sapis ea que Dei sunt: ne dissuasione ejus animus ipsius perturbatus refugeret passionem, et quia passione sua proficeret, et pro pluribus bonis exinde adipiscendis. Qui igitur haec ita sapit, docet, credit, aut praedicat, et non magis nobis mortem ipsius quam propria carne suscepit, aeternae credit vita premia contulisse; anathema sit ». Pergit haereticus :

69. « Quod enim dictum est¹: Duebatur a Spiritu: aperte hoc significat, quod ab eo regelatur, ab eo ad virtutem propositorum confortabatur, ab eo ad haec quae oportebat duebatur, ab eo quod decebat docebatur, ab eo cogitationibus corroborabatur, ut in tantum certamen sufficeret, sicut et beatus dicit Paulus²: Quicunque enim Spiritu Dei aguntur, hi sunt filii Dei: duci Spiritu dicens illos, qui ab eo gubernantur, ab eo docentur, ab eo ad melius constituantur, ab eo competentium doctrinam accipiunt. Cum dixisset autem Evangelista, quod Spiritu sancto plenus regressus est ab Iordan: aperte demonstravit, quod hujus causa sancti Spiritus habitationem in baptimate suscepit, ut inde propositam caperet virtutem: unde et ad certamen illud, quod pro nobis erat ad diabolum effecturus, Spiritu duebatur ». Tantam blasphemiam damnam Vigilius addit:

70. « In supradicto sexto capitulo rursus tanquam purus homo a Spiritu, cuius präsentiam, post baptismum suscepisse dicitur, ad omnia ductus perhibetur, confortatus et electus, sicut ceteri homines, de quibus (ut hic videtur dici) Apostolus ait³: Quicunque Spiritu Dei aguntur, hi filii Dei sunt. Si quis haec ita sapit docet, credit, aut praedicit, et non Deum Verbum incarnatum unum esse credit et confitetur et praedicit Christum; anathema sit ». Insaniens adhuc impius impia addens, ait:

71. « Dicant igitur nobis omnium sapientissimi, si pro sensu Domino Christo, qui est secundum carnem, Deitas facta esset, sicut dicunt: quid sancti Spiritus operatione ad haec Christus indigebat? Nec enim Unigeniti Deitas Spiritu indigebat ad justificationem, Spiritu indigebat ad vincendum diabolum, Spiritu indigebat ad operanda miracula, Spiritu indigebat ut doceretur ea que decebat peragere, Spiritu indigebat ut immaculatus appareret. Si enim pro sensu quidem Deitas sufficiebat, ad omnia autem ejus virtus, necesse erat inde omnia fieri ut superflua esset sancti Spiritus habitatio: sed nunc nuncum esse dicit⁴ ipsum Spiritu, et habitasse in

eo Spiritum, et ad omnia adjuvasse proposita, et doctrinam inde ipsum acepisse et virtutem, et inde impetrasse justificationem, et inde immaculatum factum esse ». Contra haec adeo enormia ita Vigilius:

72. « In suprascripto septimo capitulo hoc dici intelligitur; quia, ut ceteri homines ad justificationem snam et ad vincendum diabolum et ad operanda miracula, et ut doceretur ei que decebat eum agere, et ut immaculatus appareret, habitatione sancti Spiritus eguisse, et ipso Spiritu eum ad omnia adjutum fuisse proposita. Quicunque haec ita sapit, docet, credit, aut praedicit et non sua Deitate Christum, utpote verum Deum, omnia operatum fuisse que voluit, et operari que volet, sed tanquam purum hominem sancti Spiritus eguisse solatio; anathema sit ». Sed rursum invenitur in Orthodoxos haereticus :

73. « Hoc quod ante saecula erat, dicit in ultimis factum esse temporibus, utpote quibusdam hoc confidentibus; cum nemo ex his qui pietatis causam habent, istum patitur morbum habere dementiae, ut dicat eum qui ante saecula est, in ultimis factum esse; et ex his infert quod necesse est, et hoc quod in ultimis est, ante saecula esse; et accusat eos qui non omnia similiter cum observatione (execratione) dicunt; quasi hi qui unum esse Filium confidentur, necessitatem habeant cum observatione (execratione) omnia dicere. Et quis non beatificat vestram clementiam? Quid autem non optet tales impetrare doctores tantam confusionem rationi pietatis introducentes, ut dicent, hoc quod ante saecula factum est in ultimis, et hoc alienarent sua natura, et ad deterius deducerent; deinde obverterent, quod et hoc quod est in ultimis, ante saecula est; cum oporteret forte dicere, quia quod ante saecula erat, assumpsit hunc qui in ultimis erat, secundum beati Pauli¹ vocem. Vestras igitur leges sequentes, et a tua sapientia constitutam observationem, imo magis subversionem suscipientes, age omnia simul confundamus, et nulla jam sit discretio nec Dei formae, nec servi forme, nec templi sumptu, nec ejus qui in templo habitavit; nec ejus qui solitus est, nec ejus qui suscitavit, nec ejus qui perfectus est in passionibus, nec ejus qui perfecit, nec ejus qui memoriam meritus est, nec ejus qui memor factus est, nec ejus qui visitatus est, nec ejus qui visitavit, nec ejus qui paulo minus ab Angelis minoratus est, nec ejus qui minoravit, nec ejus qui gloria et honore coronatus est, nec ejus qui coronavit, nec ejus qui constitutus est super opera manuum Dei, nec ejus qui constituit, nec ejus qui accepit ista ad sublevationem, nec ejus qui dedit sublevationem ». At uno ictu ista praecidens Vigilius ait:

74. « In supradicto octavo capitulo diversis modis videtur induci dualitas personarum per hoc quod dicitur: Non ipse qui ante saecula erat, in

¹ Matth. iv. — ² Rom. viii. — ³ Ibid. — ⁴ Act. x.

¹ 1. Tim. iii.

ultimis dicendus est venisse temporibus : sed quasi altera sit assumentis humanitatem, altera assumpti persona. Si quis igitur haec ita sapit, docet, credit, aut praedicat, et non eundem Deum Verbum, qui ante aetate ex Patre natus est, in ultimis temporibus ex beata Virgine Maria incarnatum et natum esse fatetur, ut unus idemque sit Christus in ultraquaque natura ; anathema sit ». Delirans adhuc stultus stulla haec addit :

75. « Iustum igitur virum, in quo statuit omnium facere judicium ad fidem futurorum, cum resuscitasset eum ex mortuis et judicem omnium demonstrasset secundum B. Pauli¹ vocem, merili unilate ad seipsum dignatus est : et per conjunctionem ad se factam, talium participem fecit, ut et adorationis communionem haberet, omnibus quidem divinae nature debitam adorationem reddentibus, comprehendentibus autem adoratione et illum, quem inseparabiliter seit esse coniunctum. Ex quo manifestum est, quod ad majora eum perduxerit.

76. « In suprascripto nono capitulo conjunctionis et participationis cuiusdam vocabulo, quasi Dei ad hominem Christum factae, divinis Christus asseritur operibus decorari ; per quae rursus dualitas inducit personarum. Si quis igitur ita sapit docet, credit, aut praedicat ; et non unum eundemque Christum Deum ac Dominum nostrum, manentibus in suis proprietatis differentiis naturalium, agnoscit et credit : anathema sit ». Item haeticus :

77. « Ego quidem, quem videtis, nihil quidem facere possum secundum meam naturam, cum homo sim : operor autem, quia in me manens² Pater, omnia facit : quoniam enim et ego in Patre, et Pater in me, Deus autem Verbum Unigenitus in me est : certum est quod et Pater cum ipse in me manet, et opera facit. Et non est mirandum de Christo haec existimari, cum evidenter ipse de ceteris hominibus dicat³ : Qui diligit me, verbum meum observabit, et Pater meus diligit eum, et ad eum veniens, et mansionem apud eum faciemus. Si enim apud unumquemque hujusmodi hominum et Pater et Filius mansionem faciunt : quid existimandum est, ut in Domino secundum carnem Christi ambo simul putarentur manere, communionem eorum secundum substantiam, communionem etiam mansionis forsitan suscipientem ? » Damnam ista Vigilius, dicens :

78. « In suprascripto decimo capitulo ita in homine Christo Deus Verbum inesse dicitur, sicut Pater : ut per hoc aut et Pater incarnatus esse videatur, sicut et Filius : aut nec Filius sit incarnatus, sicut nec Pater, aut magis uterque in tertia persona hominis habitare. Qui igitur ita sapit haec, docet, credit, aut praedicat ; anathema sit ». Rursum haeticus,

79. « Ita et animam, ultiote humanam et im-

mortalem constitulam, et sensus participem prius accipiens, et per resurrectionem et immutabilitatem constituens, sic et nobis eorumdem istorum per resurrectionem praebevit communionem. Ideo autem ante resurrectionem ex mortuis increpat quidem Petrum, ut suis eum vocibus scandalizantem ; et in magna trepidatione per tempus passionis constitutus, apparitione Angeli indiget confortantis eum ad patientiam et tolerantiam imminentium malorum. Post resurrectionem autem ex mortuis et in caelos ascensum impassibilis factus, et immutabilis omnino, et ad dexteram Dei sedens, iudex universi est orbis terrarum, ultiote in eo divina natura faciente judicium ». Contra haec Vigilius :

80. « In suprascripto undecimo capitulo eadem repeti videntur, quae superius in quarto iam dicta sunt, quod ante passionem illa infirmus fuerit Christus, ut in magna trepidatione passionis tempore constitutus, Angeli videbatur eguisse solatio. Quod quia velut purum hominem, qui hujusmodi auxiliis egeat, significare videtur, si quis ita sapit, docet, credit, aut praedicat ; anathema sit ». Urget adhuc haeticus, dicens :

81. « Sic igitur et hic sapientissimum omnium habere nos doces Christi sensum, ut sanetum Spiritum habentem illum, qui sensu Christi aliquam virtutem adimplebat, prudentiam ejus praestans ad omnia quae agenda erant : sicut et in praecedentibus demonstravimus, quod ab ipso quidem in extremum ad certamina, quae contra diabolum erant ducebatur ; unctionem autem illius et scientiam, et vim eorum quae agenda erant, accipiebat ; et illius particeps factus, non solum miracula faciebat, sed etiam quomodo uti oportebat miraculis, sciebat subtiliter, ut notam quidem faceret gentibus pietatem, pateretur autem laborantium infirmates, et sic ad effectum suam voluntatem duceret, et justificabatur inde, et immaculatus ostendebatur, sive reparatione pejorum, sive custodia meliorum, sive etiam paulatim ad meliora profectibus ». Insectatur ista Vigilius, addens :

82. « In suprascripto duodecimo capitulo eadem quae in septimo capitulo videntur exponi, asserendo Dominum nostrum Iesum Christum per habitacionem sancti Spiritus ad omnia informatum, et per tempora ad perfectionem unctionis ejus auxilio pervenisse. Si quis igitur eum non sua Deitate perfectum esse credens, sed tanquam purum hominem unctione sancti Spiritus indigentem fuisse adjutum sapit, docet, credit, aut praedicat ; anathema sit ». Addit idem haeticus :

83. « Quomodo igitur sequentiam habet, eo quod homo factus est Deus, istum hominem Deum Verbum esse dicere ? Si enim homo est Deus Verbum, ut ipse dicas : omnino de homine dicimus ea quae de Deo Verbo Evangelista⁴ dicit. Quid autem dicil ? In principio erat Verbum, et Verbum

¹ Act. x. — ² Joan. xiv. — ³ Ibid.

⁴ Joan. i.

erat apud Deum, iste erat in principio apud Deum: omnia per ipsum facta sunt, et sine ipso factum est nihil quod factum est. Ergo si homo est Deus Verbum, dicemus de ipso: In principio erat homo, et homo erat apud Deum, et Deus erat homo, erat homo in principio apud Deum: omnia per ipsum facta sunt, et sine ipso factum est nihil quod factum est. Si enim homo est Deus Verbum, sicut dicitis, convenient omnia ipsi quae de Deo Verbo dicit Evangelista.

84. « In suprascripto decimo tertio capitulo negari videtur Deum Verbum hominem factum, et rursus hominem Verbum Deum esse, ut per hoc indicatur (sicut superius dictum est) dualitas personarum. Si quis igitur ita sapit, docet, credit, aut prædicat; et non potius manente in Domino Ieo nostro Iesu Christo inconvertibiliter atque indivise differentia naturarum, sic una persona, sive substantia ejus esse creditur, ut et Deus Verbum sine ultra divinae naturæ sue convertibilitate homo esse, et assumpta humanitas propter singularitatem personæ inconvertibiliter Deus esse credatur: anathema sit ». Addit Theodorus.

85. « Hoc quidem quid est: Ad Patrem meum et Patrem vestrum, et Deum meum et Deum vestrum? Nemo sie demens est, ut alii cuidam convenire diceret, nisi templo Dei Verbi assumpto pro nostra salute hemini, qui est mortuus, et resurrexit, et ascensurus esset in caelos. Et Patrem sibi adscribit eum discipulis suis Deum, et ipse gratia adoptionem meritus: et Deum summi appellat, quia cum ceteris hominibus similiter ut esset accepit. Unde propter communitatem quidem naturæ, Patrem meum et Patrem vestrum dicit, Deum meum et Deum vestrum. Divisit autem iterum suam personam ipsis, principium gratiae significans, propter quam ad Deum Verbum conjunctione in loco veri Filii ab omnibus honoratur hominibus.

86. « In suprascripto quarto decimo capitulo per hoc quod legitur in Evangelio¹: Ascendo ad Patrem meum et Patrem vestrum, Deum meum et Deum vestrum, ita intelligitur, quod Jesus Christus Dominus et Deus noster, sicut ceteri homines, gratiam adoptionis, ut Filius Dei diceretur, acceperit, et quasi per conjunctionem ad Deum Verbum in locum veri Filii ab omnibus adoretur. Quod si quis ita sapit, docet, credit, aut prædicat; et non magis unum Iesum Christum Filium Dei et Dominum nostrum in duabus ineonfusis et inseparabilibus intelligit et credit esse naturis: anathema sit ». Item haereticus:

87. « Ille quod dictum est: Accipite, pro Accipietis, dicit. Si enim cum insultasset, Spiritum dedisset (quod valde quidem stulte existimaverunt) superfluum erat dicere postea his, et maxime tempore ascensus in caelos², non separari ab Hierusalem, sed exspectarent promissionem Spiritus: et in sequentibus: Sed accipietis virtutem, superveniente

Spiritu sancto in vos. Adventum autem ipsum sancti Spiritus super discipulos Lucas factum esse dicit quinquagesimo die resurrectionis, post ascensum. Et illud tamen animadvertisendum est, quod si ab insultato suscepissent Spiritum, non diceret: Accipite, sed, Quoniam accepistis: hoc enim quod dictum est: Accipite, his convenit, qui nondum acceperunt.

88. « In suprascripto decimo quinto capitulo dicitur, quia insultans Dominus noster Jesus Christus¹ post resurrectionem suam in facies discipulorum suorum non dederit eis Spiritum sanctum, sed dandum significaverit: ut per hoc aut veritas ipsa (quod absit) putetur esse mentita; aut tanquam purum hominem illo statu non habuisse quod daret, aut dare minime potuisse. Si quis igitur haec ita sapit, docet, aut prædicat; anathema sit ». Pergit impius:

89. « Dicit ad Thomam: Infer digitum tuum huc, et vide manus meas; et porrige mammam tuam, et mitte in latus meum, et noli esse incredulus, sed fidelis. Quoniam, dicit, non credis, et tactum solum sufficere tibi ad credendum putas (haec enim dicens non me latuisti) tange manu, et cape experimentum, et disce eredere, et non diffidere. Thomas quidem cum sic ereditisset: Dominus meus, et Deus mens, dicit: Non ipsum Dominum et Deum dicens. Non enim resurrectionis scientia docebat etiam Deum esse enim qui resurrexit: sed quasi pro miraculo facto Deum collaudat.

90. « In suprascripto decimo sexto capitulo de illo loco Evangelii², ubi Thomas Apostolus palpans fixuras clavorum dixit: Dominus mens et Deus meus: asseritur quod Thomas Apostolus non ipsum Iesum Christum Dominum Deumque confessus sit, et quia resurrectionis scientiam non doceret, vel quia Deus esset qui resurrexit, sed quia magis pro miraculo facto Thomas Apostolus Deum laudaverit. Si quis igitur haec ita sapit, docet, credit, aut prædicat, et non potius Thomæ confessione et verum Deum esse Iesum Christum, et in vera carne eum resurrexisse declaratum credit; anathema sit ». Rursum Theodorus:

91. « Ille autem dixit³ oportere penitentiam agere eos pro crueis iniuitate, et agnoscentes Salvatorem et auctorem bonorum omnium Iesum Christum, quoniam propter ista pervenit et assumptus est de divina natura, in ipsum fidem suscipere, et ejus discipulos fieri, ante omnia autem ad baptismum accedentes, quod ipse tradidit nobis præformationem quidem habens operationis futurorum, in nomine autem celebrandum Patris et Filii et Spiritus sancti: hoc enim quod est: Ut baptizetur unusquisque in nomine Jesu Christi: non hoc dicit, ut vocationem quae in nomine Patris et Filii et Spiritus sancti est, relinquentes, Iesum Christum in baptismate vocent: sed quale hoc est quod in Moyse baptizati sunt in nube et in mari,

¹ Joan. xx. — ² Act. 1.

¹ Joan. xx. — ² Ibid. — ³ Act. 11.

nt diceret, quia sub nube et mari Aegyptiorum separati sunt, liberati eorum servitute, ut Moysis leges attenderent: tale hoc est, ut cum ad ipsum accessissent tanquam Salvatorem et omnium bonorum auctorem et doctorem veritatis, ab ipso utpote auctore bonorum et doctore veritatis vocarentur, sicut omnibus hominibus quamcumque sectam sequentibus consuetudo est ab ipso dogmatis inventore vocari, ut Platonicus, Epicurei, Manichaei, et Marcionista, et quidam tales dicuntur: eodem enim modo et nos nominari Christianos iudeave- runt Apostoli, tanquam per hoc certum lacentes, quod istius doctrinam oportet attendere. sic et quod ab ipso datum est, susciperent baptismum in ipso quidem primo constitutum, qui et primus baptizatus est, ab ipso autem et ceteris traditum, ut secundum praeformationem futurorum celebretur.

92. « In supradicto decimo septimo capitulo ex verbis beati Petri, quibus in Actis Apostolorum dicit¹: Baptizetur unusquisque vestrum in nomine Jesu Christi, hoc adstrutur: quia in ea invocatione, quae in nomine Patris et Filii et Spiritus sancti fit, non contineatur et Christus: et quod dixit Petrus Apostolus, debere eos in Christi nomine baptizari, ut secundum hunc intellectum appareat introducatur quateritas. Adjicitur etiam in eodem capitulo, quia sic a Christo Christiani vocemur, quemadmodum diversarum sectarum et errorum sequaces ab inventoribus et magistris suis sunt sortiti vocabula, ut a Platone Platonici, a Marcione Marcionista, et a Manichaeo (Manete) Manichaei. Si quis haec ita sapit, docet, credit, aut praedicat; anathema sit. Nos enim ideo Christiani vocamur et sumus, quia ipsum Dominum nostrum Iesum Christum in baptisma percipientes induimus, ipso nobis existente capite, omnes in eodem unum corpus efficiimus ». Hic adnectitur sequens blasphemia decima octava :

93. « Et secundum duas rationes locum imaginis obtinet: qui enim amant quosdam, post mortem eorum saepius imagines statuentes, hoc sufficiens mortis solatum habere arbitrantur; et cum qui non videtur, nec praesens est, tanquam in imagine adspicientes, putant videre, ita flammarum desiderii et vigorem placentes: sed etiam illi qui per civitates habent imperatorum imagines, tanquam præsentes et videntes honorare videntur eos qui non sunt præsentes, cultu et adoratione imaginum, Ista autem utraque per illum adimplentur; omnes enim qui cum illo sunt et virtutem sequuntur, et debitorum tui parati redditores, diligunt eum et valde honorant, et charitate quidem ei, divina natura licet non adspiciatur, adimplent in illo qui ab omnibus videtur, sic omnibus existimantibus, ut ipsum videntibus per illum et illi semper præsentibus, et honorem vero omnem sic attribuunt tanquam imagini imperiali, cum quasi in ipso sit divina natura, et in ipso spectetur. Si enim et Filius

est qui inhabitare dicitur, sed cum eo est etiam Pater et inseparabiliter omnimodo ad Filium esse ab omni creditur creatura, et Spiritus autem non abest, utpote etiam in loco unctionis factus ei, et cum eo est semper qui assumptus est, et non mirandum est, cum etiam quibuslibet hominibus virtutem sequentibus cum Filio et Patre esse dicitur: Veniemus² enim et ego et Pater, et mansionem apud eum faciemus: quod autem et Spiritus hujusmodi hominum inseparabilis est, certum est omnibus.

94. « In suprascripto decimo octavo capitulo ita invisibilis Dei imago asseritur esse Christus, tanquam si absentium principum imagines pro eorum colantur honoribus. Quae si quis ita sapit, docet, credit, aut praedicat; anathema sit ». Addit haereticus :

95. « Hoc enim, quod, Hic³ est Filius meus dilectus in quo mihi complacui, in baptismate adoptionem demonstrat, sed non comparationem Iudaicæ adoptionis: quia et ad illos dictum erat: Ego⁴ dixi. Di estis, et hlii Excelsi omnes: et: Filios⁵ genui et exaltavi. Ejus adoptionis præcipuum, eo quod dixi. dilectus, et in eo mihi complacui: ostendens propter hoc, et vox Patris siebat adoptionem confirmans, et Filii nominationem per adoptionem secundum gratiam, eum qui vere Filius est demonstrabat, cuius conjunctio ad veram et firmam adoptionem istum constituebat, et Spiritus sanctus in specie columbae descendens permanebat super eum, quatenus in conjunctione ad eum qui vere Filius est, ea co-operatione tentus maneat, firmam adoptionis habens dignitatem. Per omnia autem in quo primo adoptionis praeformabatur baptisma, dico autem Domini Christi ex Patre et Filio et Spiritu sancto, hoc quod siebat complebatur.

96. « In suprascripto decimo nono capitulo, ubi Evangelium secundum Lucam⁶ de baptismo Christi videtur exponi, duæ sunt reprehensiones: una, qua dualitas inducitur Filiorum, cum per adoptionem videtur dici Christus Filius Dei: alia, quia in nomine Trinitatis ipse quoque asseritur baptizatus, per quod quateritas sine dubitatione monstratur. Si quis igitur haec ita sapit, docet, credit, aut praedicat; anathema sit ». Pergit blasphemus Theodorus :

97. « Ideo ergo differentiam quidem Dei Verbi et recepti hominis tantum nobis ostendit psalmus: divisa vero haec in novo Testamento reperiuntur, Domino quidem in se accipiente primordia psalmi, in quibus factorem eum dicit esse creature, et elevatam habere super caelos magnificentiam, et mirificari in omni terra. Apostolo autem supradicta quæ de homine dicuntur, qui tantum beneficiorum merunt, quomodo non manifestum, quod alterum quidem nos divina Scriptura docet evidenter esse Deum Verbum, alterum vero hominem, et multam eorum

¹ Act. ii.

² Joan. xiv. — ³ Matth. iii. — ⁴ Psal. lxxxi. — ⁵ Isa. vii. — ⁶ Lyc. iii.

esse ostendit nobis differentiam : nam iste quidem memorat, ille autem memorium meretur : et iste quidem visitat, alter autem cum visitationem meretur, beatus dicitur : et iste quidem beneficium dando minuit paulo minus ab Angelis, ille autem et per talen minutionem beneficium accepit : et iste quidem gloria et honore coronat, alter autem coronatur et pro his beatus dicitur : et iste quidem constituit ipsum super omnia opera manuum ejus, et omnia subiectit sub pedibus ejus : alter autem meritus est dominari eis, quorum antea non habebat potestatem.

98. « In suprascripto vicesimo capitulo, ubi octavus psalmus videtur exponi, et nudus homo (sicut et in aliis jam dictum est) Christus asseritur, et divisus a Verbo monstratur, et dualitas inducitur personarum. Quae si quis ita sapit, docet, credit aut praedicat, et non ita in Christo Domino duas naturas indivisibiliter et inconfuse unitas intelligat, ut manente earumdem differentia naturarum, ipse unus atque idem verus sit Dei, et verus hominis Filius; anathema sit ». Sequuntur alia capitula haeretici.

99. « Sed non volentes ista considerare, voces omnes trahere ad Dominum tentant Christum, ut ea quae de populo facta sunt, simili modo intelligent, et risum praestarent Judavis, quando ex scriptorum sequentia nihil ad Dominum Christum pertinentes ostendant voces.

« Tale est et quod non derelicta est anima ejus in inferno, nec caro ejus vidi corruptionem : nam Propheta quidem supra modum ipsam ponit circa populum providentiam, volens dicere : quoniam inter tentabiles eos ab omnibus conservavit malis. Quoniam autem hoc verum et ex ipsis rebus eventum accepit in Domino Christo, frequentissime de eo loquens beatus Petrus, ufitur voce; ostendens quoniam quod de populo supra modum dictum est; ex quadam ratione utente voce Propheta, hoc verum eventum in ipsis rebus accepit nunc in Domino Christo.

100. « In suprascriptis vicesimo primo et vicesimo secundo capitulis hoc videtur dici, quod prophetiam, quae ex persona Christi loquens ait¹: Non derelinques animam meam in infernum; nec dabis Sanctum tuum videre corruptionem : non de ipso Christo predictam fuisse, sed de populo Israeliticæ generationis : beatum vero Pelrum Apostolum² ad Christum hanc prophetiam per eventum aptare voluisse. Et ideo qui haec ita sapit, docet, credit, aut praedicat; anathema sit ». Rursum Theodorus :

101. « Eundem intellectum habet et illud³ : Diviserunt sibi vestimenta mea, et super vestimentum meum miserunt sortem. Quod etenim psalmus nullatenus convenit Domino, certum est : neque enim erat Domini Christi, qui peccatum non fecit,

nec invenitus est dolus in ore ejus, dicere : Longe a salute mea verba delictorum meorum. Sed et ipse Dominus, cum secundum communem hominum legem in passione opprimetur⁴ : Deus meus, Deus meus, quare me dereliquisti? misit vocem. Et Apostoli⁵ : Diviserunt sibi vestimenta, et super vestimentum meum miserunt sortem, ad eum traxerunt manifeste : quoniam quod supra modum dictum fuerat prius a David propter illata ei mala, hoc ex operibus evenit in Domino Christo, cuius et vestimenta diviserunt, et sorti tum ea subjecerunt.

102. « In suprascripto vicesimo tertio capitulo exponendo quedam vicesimi primi psalmi verba, quibus dicitur : Diviserunt sibi vestimenta mea, et super vestem meam miserunt sortem, negantur Iesu Christo Domino convenire; sed quod David propter quedam mala que perpessus est, de se dixerit, Evangelistam ex eventu ad Christum traxisse. Et adjicitur : Quia non poterat dicere Dominus Jesus, qui peccatum non fecit : Longe a salute mea verba delictorum meorum. Et ideo qui haec sapit, docet, credit, aut praedicat; et non ea, in quibus delictorum meminit, ad corpus ipsius, quod est Ecclesia, quae in hoc mundo sine delicto esse non potest, intelligit pertinere : illa autem de divisione vestimentorum non specialiter de ipso capite, id est, Domino Deo nostro Iesu Christo praedicta, et in ipso credit esse completa : anathema sit ». Post haec Theodorus :

103. « Foderunt⁶ manus meas et pedes, et omnia perscrutabantur et quae agebam, et quae conabar. Nam foderunt, ex translatione dicit eorum, qui per fossionem serutari quae in profundo sunt tentant. Diminaverunt omnia ossa mea : totius meæ fortitudinis et totius meæ substantiae detentores facti sunt, ut eham numero mea subiecissent. Istud autem ex consuetudine, quam habent hostes dixit : qui quando obtinuerint, numero et talibus subtilem notitiam inventorum faciunt : propterea et sequenter dicens : Ipsi vero consideraverunt, et conspexerunt me. Intulit : Diviserunt sibi vestimenta mea, et super vestimentum meum miserunt sortem. Considerantes enim me, ait, et conspicientes, quod omnia eis evenerunt in me desiderata (conspicere enim ita ut apud nos dicitur pro eo quod est : Vedit in eum, quae volebat pati eum) jam tanquam me omnino malis dedito, sicut hostes in ea post vastationem et captivitatem diviserunt sorte divisionem eorum facultates. Et Evangelista⁷ quidem in Domino verba ex rebus assumens, eis usus est, sicut et in aliis diximus. Nam quod non pertinet ad Dominum psalmus, in superioribus evidenter ostendimus. At vero beatus David supra modum ista magis in his, quae ab Absalom facta sunt, dixit : quoniam dum recessisset David, jure belli metropolim ingressus, omnes

¹ Psal. xv. — ² Act. vii. — ³ Psal. ii.

⁴ Matth. xxvii. Marc. xvi. — ⁵ Matth. xxvii. Joan. ix. — ⁶ Psal. xxi. — ⁷ Matth. xxvii. Joan. xxi.

quidem obtinuit res regales, non piguit autem patris cubile inquinare.

404. « In suprascripto vicesimo quarto capitulo de memorato eodem vicesimo primo psalmo illa verba ubi dicit : Foderunt manus meas et pedes meos, dinumeraverunt omnia ossa mea : ipsi vero consideraverunt et inspexerunt in me : asseritur non de Christo esse praedicta, sed David hoc de se dixisse propter tyrannidem Absalon, qui regiam urbem substantiamque pervaserat, atque in terra omnia dinumeraverat patris : sed Evangelistam haec ex eventu ad Christi traxisse personam, Qui igitur haec ita credit, sapit, docet, aut praedicat; anathema sit ». Rursum ex impio Theodoro :

405. « Quoniam cibi et potus suaves quidem fiunt in tempore gaudii, insuavia autem et anara in tristitia : talia erant, inquit, que ab illis fiebant, ut ex tristitia et ira esset quidem mihi in locum fellis cibus, esset autem et potio acetum nihil differens. Maxime autem hoc fit in iracundiis, quae cum tribulatione fiunt, quod verisimile erat nisi eos contra suos. Usus est autem Evangelista hoc testimonio in Domino. Et ipse autem Dominus : Zelus domus tuæ comedit me, de se ipso dicens. Et Beatus Paulus de Judæis loquens : Fiat mensa eorum, etc. Et beatus Petrus de Iuda¹ : Fiat habitatio ejus deserta. Et certe diversis constitutis rebus, non quasi psalmo modo pro his dielo, iterum autem de illo, et iterum de alio. Sed quia de Judæis dicta sunt plura, qui superaverunt de Deo et lege convincentia illorum devotionem : necessarius est testimoniorum usus simul ex rebus captus, qualis est : Dederunt in escam meam fel, et in siti mea potaverunt me acetum.

406. « In suprascripto vicesimo quinto capitulo de eo loco psalmi, ubi dicit : Dederunt in escam meam fel, et in siti mea potaverunt me acetum : contra evidentem Evangelii veritatem exponitur, dicendo : quia nec vero acetum potatus est Dominus, sed ad tristitiam et iracundiam offerentium habuerit potationem in aceti loco, et escam in fellis; nec de ipso praedictum, sed Evangelistam hoc testimonio usum fuisse ex eventu in Domino. Propterea qui haec ita sapit, docet, credit, aut praedicat; anathema sit ». Sequitur alia blasphemia :

407. « Sicut igitur per hujusmodi confessionem non Deitatis Nathanael habens scientiam ostenditur, Judai et Samaritæ talia sperantes plurimum Dei Verbi a scientia longe erant, sic et Martha per confessionem illam non Deitatis habens tunc scientiam probatur : manifeste autem nec beatus Petrus : adhuc etenim ipsis sufficiebat tunc revelationem illam suscipientibus præcipuum aliquid et majus de ipso praeter ceteros hominum phantasia accipere. Post resurrectionem autem Spiritu perducti ad scientiam, tunc et revelationis perfectam scientiam suscepientib; ut scirent quia præcipuum ipsi præter ceteros homines, non ali-

quo puro honore ex Deo pervenit, sicut in cæteris hominibus, sed per unitatem ad Deum Verbum, per quam omnis honoris ei particeps est post in cælos ascensum.

408. « In suprascripto vicesimo sexto capitulo et agnitionem Deitatis Christi ante resurrectionem ejus Petrus habuisse negatur, phantasiam vero intelligentiae præ cæteris hominibus accepisse dicitur : et rursus dualitas Filiorum inducit, dum hominem participem dicit ad Deum Verbum, postquam in cælos ascendit. Qui ergo ita sapit, docet, credit, aut prædicat, et non unum eundemque esse intelligit Christum et Dominum nostrum Dei et hominis Filium, manente in ipso unitarum differentia naturarum; anathema sit ». Sed pergit blasphemus hæreticus :

409. « Matthæus quidem Evangelista² post tentationes dicit, quod accedentes Angeli ministrabant ei, scilicet cum eo constituti cooperantes, et omnibus circa eum Deo ministrantes, quod jam per certamina ad diabolum ostensus est clarius : sed et quod passuro ei aderant Angeli, ex Evangelii³ discimus. Et cum resurrexit, monumento visi sunt⁴ : per omnia enim ista monstratur dignitas Christi, quod inseparabile ei Angeli aderant, et omnibus circa eum ministrabant : sicut enim a peccantibus separantur, sic et per meritum honoratis subveniunt. Propter quod bene Dominus ait⁵ : Quod maius videbilis, quod et cælum aperietur omnibus per me, et omnes Angeli semper mecum erunt, nunc quidem ascendentes, nunc vero descendentes, sicut ad domesticum Dei et amicum.

410. « In suprascripto vicesimo septimo capitulo, ubi de Matthæo Evangelista exponitur, quia consommatis tentationibus accesserunt Angeli, ut ministrarent Christo, dicitur : Quia sicut et alii per meritum honorato Christo subvenerint Angeli; et quia sic ad Christum in cælos ascenderint et descenderint Angeli, tanquam ad amicum et domesticum Dei. Qui ergo haec ita sapit, docet, credit, aut prædicat, et non ut vero Deo, veri Dei Filio uni eidemque eum assumpta ex utero Virginis perfecta humanitate, Angeli utpote Creatori et Domino deservierint atque deserviant; anathema sit ». Sequitur hæreticus :

411. « Plus inquietabatur Dominus et certa men habebat ad animæ passiones quam corporis, et meliore animo libidines vincebat, mediante ei Deitate ad perfectionem ; unde et Dominus ad haec maxime instituens videtur certamen : cupiditate enim pecuniarum non deceptus, et gloriae desiderio non tentus, carni quidem præbuit nihil, nec enim illius erat talibus vinci : animam autem si non receperisset, sed Deitas est qui ea vinceret, nullatenus eorum quæ facta sunt, ad nos respicit lucrum : quæ enim ad conversationis perfectionem similitudo Deitatis,

¹ Act. 1.

² Matth. iv. — ³ Luc. xxii. — ⁴ Matth. xxviii. Marc. xvi. Ioc. xxiv. Joan. xx. — ⁵ Joan. 1.

et animæ humanæ? Etiam videntur Domini certamina non ad nos respiciens habere lucrum, sed ostentationis cujusdam gratia fuisse. Quod si hoc dicere non est possibile (certum etenim est, quod illa propter nos facta sunt, et majus certamen instituit ad animæ passiones, minus autem ad earnis) quanto et amplius et magis inquietare illos contingebat, et magis illa erant, quæ et ampliori indigebant medicina, videlicet, quod et carnem et animam assumens pro utraque certabat, mortificans quidem in carne peccatum, et mansuetus ejus libidines, et facile capiendas meliori ratione animæ faciens, erudiens autem animam et exercitans et suas passiones vincere, et earnis refrænare libidines. Hæc autem Deitas inhabitans operabatur, hæc inhabitans merebatur utrique eorum.

112. « In suprascripto vicesimo octavo capitulo iterum purus homo Christus inducitur, qui ratione animæ, corporis dicitur mansuetas fecisse libidines, et eruditæ animam, et exercitasse eam, ut passiones suas vinceret, et earnis in se libidines refrænaret: quæ tamen utraque mediante Deitate, operatam fuisse dicit animam: ut secundum hæc jam nec ipsum unum eundemque Jesum Christum mediatorem Dei et hominum habeamus, sed carni et animæ mediatrix Deitas fuisse videatur. Qui igitur hæc ita sapit, docet, credit, aut prædicat; anathema sit ». His adjungitur vicesimum nonum capitulum Theodori:

113. « Sed si caro erat, inquit, erucifixæ, quomodo sol radios avertit, et tenebræ oœcupaverunt terram omnem et terræ motus, et petræ dirumpabantur, et mortui surrexerunt? Quid igitur dicant et de tenebris in Ægypto factis temporibus Moysis non per tres horas, sed per tres dies? quid autem propter alia per Moysen facta miracula? et quæ per Jesum Nave, qui solem stare fecit; qui sol et in temporibus Ezechiae regis et contra naturam retroversus est? et de Elisei reliquiis, quæ mortuum suscitarunt? Si enim Verbum Deum passum demonstrant quæ in cruce facta sunt, et propter hominem non concedunt facta esse; et quæ in temporibus Moysis, propter genus Abraham non erant, et quæ in temporibus Jesu Nave, et quæ in Ezechiae regis: quod si illa propter Judeorum populum mirabiliter facta sunt: quomodo non magis quæ in cruce facta sunt propter Dei Verbi tempus?

114. « In suprascripto vicesimo nono capitulo, dum quasi Apollinari, qui divinam naturam passionibus implicabat, contradicetur, a recto tramite declinatur, et modus assertionis exceditur, ut purus homo pependisse putetur in cruce. Et ideo qui hoc ita sapit, docet, credit, aut prædicat, et non Christum Deum verum credens, manente impassibili Deitate, eundem carne propria passum esse confitetur; anathema sit ». Pergit hæreticus:

115. « Manifestum est autem quod unitas convenit: per eam enim collectæ naturæ unam personam secundum unitatem effecerunt. Sicut enim de

viro et muliere dicitur¹, quod jam non sunt duo, sed una caro: dicamus et nos rationabiliter secundum unitatis rationem, quoniam non sunt duæ personæ, sed una, scilicet naturis discretis. Sicut enim ibi non nocet numero duorum unam dici carnem (certum est enim secundum quod una dicitur) ita et hic non nocet naturarum differentiae personæ unitas. Quando etiam et naturas discernimus, perfectam naturam Dei Verbi dicimus, et perfectam personam: nec enim sine persona est, subsistentiam dicere perfectam, perfectam autem et hominis naturam et personam similiter: quando autem ad conjunctionem respiciamus, unam personam tunc dicimus.

116. « In suprascripto trigesimo capitulo pessimò exemplo tentatur ostendi, quomodo una persona Christi possit intelligi, id est, sicut de viro et de muliere convenientibus legitur, sic et in Christo discretis naturis quasi unam esse personam: et sequitur perfectam esse naturam Dei Verbi, et perfectam personam, et perfectam hominis naturam atque personam similiter: unde apparet, quia et de exemplo viri ac mulieris, ubi duæ personæ sunt, et de his quæ sequuntur, tametsi tacetur numerus, duæ autem inducuntur unius Christi personæ. Quod qui ita sapit, docet, credit, aut prædicat; anathema sit ». Prosequitur impius:

117. « Sed Christum quidem secundum carnem assumptam servi formam, eum autem qui eam assumpsit super omnia nominans Deum, intulit tamen hoc secundum conjunctionem; ut per significationem nominum, naturarum manifestam divisionem faciat. Nemo igitur neque eum qui secundum carnem ex Judæis est, dicat Deum, nec iterum Deum qui est super omnia secundum carnem ex Judæis.

118. « In suprascripto trigesimo primo capitulo, in expositione quæ de Symbolo trecentorum decem et octo Patrum facta videtur, non solum divisionem naturarum asseritur, sed et absolute dicendo, neque eum qui secundum carnem ex Judæis nudus Deitate homo et purus sine carne Deus, quasi seorsum et seorsum duæ pronuntiantur esse personæ. Si quis ergo hæc ita sapit, docet, credit, aut prædicat, et non sic in uno Christo unitas confitetur esse naturas; ut personæ sive subsistentiæ singularitas agnoscatur; anathema sit ». Adhuc Theodorus:

119. « Jesum enim dicit a Nazareth, quem unxit Deus Spiritu sancto et virtute: qui autem Dei Spiritu unctus est, omnino aliiquid inde assumpsit. Quis autem furens dicat de Spiritu aliiquid assumpsisse divinam naturam? neconon et participem? participes enim ejus videlicet vocat qui et ipsi uncti sunt: qui autem uncti sunt, et in hoc participes ejus juste facti, non aliter unctiones communicare dicuntur, nisi ei qui assumpsitus est: hoc ipsum autem demonstratur, quod mercedem justam accepit: Pro hoc enim, inquit, quod² dilexisti justitiam

¹ Matth. xix. Marc. x. — ² Psal. XLIV.

et odisti iniquitatem, pro his praecipuum unctionem mernisti.

420. « In suprascripto trigesimo secundo capitulo in commento Epistola ad Hebreos adhibetur illud Petri, ubi dixit¹: Jesum a Nazareth, quem unxit Deus Spiritu sancto et virtute. Et infertur: Qui autem Dei Spiritu unctus est, omnimode aliquid inde assumpsit: et additur: Quis autem furens dicat de Spiritu aliquid assumpsisse divinam naturam? Per quae verba purus homo Christus inducitur, qui unctione Spiritus sancti particeps factus sit divinae naturae, sicut et alii: et mercedis justae nomine, quia dilexerit justitiam et oderit iniquitatem, praecipuum meruerit unctionem. Qui ergo ita sapit, docet, credit, aut praedicat; anathema sit ». Pergit veterosus haeticus.

421. « Rabbi, tu es Filius Dei. tu es rex Israel: hoc est, tu es ille, qui de longe praedicatus es Christus: hæc enim scilicet de Christo sperabat, sicut domestico constituto preter omnes Deo.

« Certus quidem et ipse erat Filius Dei, non secundum Deitatis dicens divinitatem, sed secundum quod domesfius Deo erat, per quod Filii Dei qui per virtutem domestici Deo constituti homines interim vocabantur.

422. « In suprascriptis trigesimo tertio et trigesimo quarto capitulis de interpretatione Evangelii secundum Joannem adhibentur verba Nathanaelis dicentis Dominum²: Tu es Filius Dei, tu es rex Israel. Et infertur dictum esse Christo tanquam domestico Dei, ut non ipse Christus sit Deus, sed plusquam alii homines sit domesfius Deo: et dicitur, quia sicut alii sancti homines Filii Dei dicuntur, sic et Christus per familiaritatem, quam ad Deum habet, a Nathanaele, cum quo loquebatur. Deus sit nominatus. Quæ qui ita sapit, docet, credit, aut praedicat, et non eundem Christum verum Deum et verum hominem confitetur, unum in ultraque natura perfectum; anathema sit ». Rorsum ex Theodoro:

423. « Quando enim dicit, de Filio suo, qui Iacob est ex semine David secundum carnem, non Deum dicit Verbum, sed assumptam servi formam: nec enim Deus secundum carnem, nec Deus ex semine factus est David; sed sumptus pro nobis homo, quem Filium beatus Apostolus manifeste vocat.

424. « In suprascripto capitulo trigesimo quinto, cum exponitur locus Apostoli de Epistola ad Romanos, ubi dicit³, de Filio suo, qui factus est ex semine David secundum carnem, nuda servi forma deponitur, dicendo, quod hic Filium eum qui ex semine David factus est secundum carnem, non Deum Verbum dicat, sed sumptum pro nobis hominem, quem Filium beatus Apostolus manifeste vocet: que verba ostendunt nudum (sicut dictum est) hominem praedicari. Qui ergo ita sapit, docet, credit, aut praedicat, et non eundem qui ex

semine David secundum carnem natus est, juxta David et Pauli Apostoli vocem, ipsum credit esse etiam super omnia Deum; anathema sit ». Pergit impius:

425. « Renatus alter factus est pro altero, non jam pars Adam mutabilis et peccatis circumfusi, sed Christi, qui omnino inculpabilis per resurrectionem factus est.

426. « In suprascripto trigesimo sexto capitulo ubi ad baptizatum dicitur, quia renatus alter factus est ex altero non jam pars Adam mutabilis, et peccatis circumfusi, sed Christi, qui omnino inculpabilis per resurrectionem factus est: quibus verbis Christum ante resurrectionem (quod absit), vult videri fuisse culpabilem. Qui ergo hæc sapit, docet, credit, aut praedicat; anathema sit ». Addit adhuc execrandus haeticus:

427. « Ut multam quidem ejus faceret diligentiam, omnia autem illus propria taceret et toleraret, per omnes conductus passiones, per quas eum secundum suam virtutem perfectum fecit, nec a mortuis secundum sue naturæ legem recedens, sed sua præsentia et operatione et gratia liberans eum quidem de morte et malis quæ inde sunt, suscitans eum de mortuis, et ad meliorem finem perducens.

428. « In suprascripto trigesimo septimo capitulo dicitur, quia Christo in passionibus et morte Deus Verbum præsentia et operatione et ad gratiam affuerit: quod si ita est, tanquam alter alteri præsens gratiam et operationem impendi se videbitur. Qui ergo hæc ita sapit, docet, credit, aut praedicat, et non ipsum Deum Verbum, servata impassibilitate divinitatis sue in carne anima rationali et intellectuali animata, quam sibi ab ipso conceptu univit ex Virgine, omnia quæ de passione ejus scripta sunt, voluntarie sustinuisse dicit; anathema sit ». Subdit præterea blasphemus impostor:

429. « Deinde ostendens ejus gratia passus est, diminutionem infert: Quatenus citra Deum pro omnibus gustaret orem: quia divina natura ita volente, separata illa, ipse pro se, pro omnium utilitate gustavit mortem: et ostendens quod Deitas separata quidem erat ab illo qui passus est secundum mortis experimentum, quia nec possibile erat illam mortis experimentum accipere, non tamen ille qui passus est, adfuerat secundum diligentiam.

430. « In suprascripto trigesimo octavo capitulo et falsatum testimonium Apostoli agnoscimus: quia ubi legitur⁴: Ut gratia Dei pro omnibus gustaret mortem: hic invenitur, Ut sine Deo pro omnibus gustaret mortem. Et hoc quasi adstruendo dicitur: quia divina natura separata, ipse pro se, vel ut purus homo pro omnium utilitate gustaverit mortem. Qui ergo ita sapit, docet, credit, aut praedicat; et non confitetur, quia Dens Verbum carnem, quam sibi ex ipsa conceptione secundum substantiam

¹ Act. x. — ² Ioan. i. — ³ Rom. i.

⁴ Heb. ii.

adunivit, nec in passionibus, nec in morte unquam deseruerit; anathema sit». Sequitur trigesima noua blasphemia haeretici.

131. «Jesum autem, ait, de Nazareth, quem unxit Deus Spiritu et virtute: cuius unctionem meritus, immaculatus effectus est per omnia, et ad divinam naturam meruit coniunctionem; neque coniunctionem suscepisset illam, nisi prius immaculatus fuisset, ut sic condeceat illius unitatem.

132. «In suprascripto trigesimo nono capitulo rursum illud quod beatus Petrus dixit¹: Jesum a Nazareth, quem unxit Deus Spiritu et virtute: expōnens dicit, per unctionem Spiritus, quod meruit, et immaculatum eum per omnia factum, et ad divinam naturam meruisse coniunctionem: quae verba Christum parum hominem aperte signant. Qui ergo haec ita sapit, docet, credit, aut prædicat; anathema sit». Prosequitur Theodorus.

133. «Nam et illud: Hic² est Filius meus dilectus in quo mihi complacui: insaniam evidens est de Deo Verbo putare dicere eum. Qui enim dixit: Hic est Filius meus dilectus; et intulit: In quo mihi complacuit: significavit quod aperte ad comparationem hoc dicit aliorum filiorum, qui nec dilecti facti sunt, nec placere nimis potuerunt ei.

134. «In suprascripto capitulo quadragesimo de interpretatione Evangelii secundum Matthæum, ubi dicitur: Hic est Filius meus dilectus, in quo mihi complacuit: subjungitur et dicitur: Insaniam evidens est de Deo dicere eum. Qui enim dixit: Hic est filius meus dilectus, et intulit: In quo mihi complacuit, significavit, quod aperte ad comparationem hoc dicit filiorum, qui nec dilecti ei facti sunt, nec placere nimis potuerunt. Quae verba Christum Iesum purum rursus hominem, et adoptivum filium evidenter ostendunt. Qui igitur haec ita sapit, docet, credit, aut prædicat; anathema sit». Addit porro ista haereticus:

135. «Permanens autem donec secundum suam creaturam et virtutem solvens mortis dolores liberavit eum ineffabilibus illis vinculis, et de mortuis resuscitans, transtulit quidem in immortalem vitam: incorruptum autem eum et immortalem et immutabilem efficiens, in cælum duxit.

136. «In suprascripto quadragesimo primo capitulo dicitur, quod solvens mortis dolores, liberavit Christum ineffabilibus illis vinculis, et de morte resuscitans transtulerit quidem ad immortalem vitam, incorruptum autem eum et immortalem et immutabilem efficiens, in cælum eduxerit: per quae omnia verba declaratur nudum hominem esse Iesum Christum. Qui ergo ita sapit, docet, credit, aut prædicat; anathema sit». Pergit blasphemus:

137. «Christum justificatum et immaculatum factum secundum virtutem sancti Spiritus (sicut beatus Apostolus modo quidem dicit quod justificatus est in Spiritu, modo vero quod per Spiritum

æternum immaculatum se obtulit Deo) mori quidem fecit secundum legem hominum, utpote autem impeccabilem virtute sancti Spiritus factum resuscitavit de mortuis, et vitam constituit meliorem, immutabilem quidem animæ cogitationibus, incorruptum autem et indissolutum ex carne faciens.

138. «In suprascripto quadragesimo secundo capitulo dicitur Christum justificatum et immaculatum factum esse virtute Spiritus sancti: et adjicit, mori quidem eum fecit secundum legem hominum, utpote autem impeccabilem virtute Spiritus sancti factum resuscitavit de mortuis. Quibus verbis sic separatus a Verbo Dei insinuatur homo, ut sancti Spiritus virtute immaculatus et impeccabilis quasi aliquis justus homo asseratur effectus. Qui ergo haec ita sapit, docet, credit, aut prædicat: anathema sit». Rursus execrandus Theodorus:

139. «Deo autem gratias, qui nobis dedit victoriam per Dominum nostrum Jesum Christum. Istorum causam nobis fuisse dicens Deum, qui contra omnes adversarios dedit nobis victoriam sive mortis, sive peccati, sive ejusdemque hinc nascendi mali: qui Dominum nostrum Jesum Christum pro nobis hominem sumens, et ipsum per resurrectionem de mortuis ad meliorem transtulit finem, et in dextera sua sedere fecit, et nobis ad eum donavit communionem.

140. «In suprascripto quadragesimo tertio capitulo exponendo verba Apostoli Pauli, quibus dicit¹: Deo autem gratias, qui nobis dedit victoriam per Dominum nostrum Jesum Christum. Et post plura subjungitur: Dominus noster Jesus Christus pro nobis hominem sumens, et ipsum per resurrectionem de mortuis ad meliorem transtulit finem. Per quae jam quasi existens homo, a Deo Verbo significatur assumptus, ut duo fuisse videantur, et alter alteri prestitisse. Qui ita sapit, docet, credit, aut prædicat; anathema sit». Nondum finis blasphemiarum: adhuc pergit improbus haereticus:

141. «Cum ergo interrogent, hominis Genitrix aut Dei Genitrix Maria dicatur a nobis? Utraque, unum quidem natura, alterum autem relatione: hominis enim Genitrix natura, quia homo erat et in ventre Marie, qui et processit inde: Dei autem Genitrix, quia Deus erat in homine nato, non in illo circumscriptus secundum naturam, sed quod in eo erat affectu voluntatis.

142. «In suprascripto quadragesimo quarto capitulo dicitur: Cum ergo interrogent, hominis Genitrix, an Dei Genitrix Maria dicatur; quasi respondentis persona, dicitur, utraque dici, et adjungitur: Unum quidem natura rei, alterum autem relatione. Et additur: Hominis enim Genitrix natura, quia homo erat et in ventre Marie, qui et processit inde: Dei autem Genitrix, quia Deus erat in homine nato. Et adjicitur: Non ille circumscriptus secundum naturam, sed quod in eo erat

¹ Act. II. — ² Matth. XIII.

¹ Cor. xv.

affetu voluntatis. Quæ verba item et unum hominem Christum et duos filios beate Mariae demonstrant. Quod qui ita sapit, docet, credit, aut prædicat; et non Deum Verbum, qui ante omnia sœcula ex Patre ineffabiliter natus est, cumdem ex sancta Virgine Maria (sicut in primo capitulo diximus) per secundam nativitatem suam incarnatum et natum unum in utraque natura inconfusa inseparabilique cognoseit; anathema sit». Adhuc urgens impius addit:

143. « Gratia filius qui ex Maria est homo, natura autem Deus Verbum: quod autem secundum gratiam, non natura; et quod secundum naturam, non gratia; non duo filii: sufficiat corpori, quod ex nobis est, secundum gratiam filatio, gloria et immortalitas: quia tempulum Dei Verbi factum est, non supra naturam elevetur: Deus Verbum pro debita a nobis gratiarum actione non injurietur: et quæ est injuria componere eum cum corpore, et putare indigere corporis ad perfectam filiationem: nee ipse Deus Verbum vult se David filium esse, sed Dominum; corpus autem hoc vocari David filium non solum non invidit, sed et propter hoc adfuit». Contra hæc Vigilius:

144. « In suprascripto quadragesimo quinto capitulo dicitur, quia per gratiam sit filius qui ex Maria natus est homo, natura autem Deus Verbum: et quasi ratiocinatur dicendo: Quod gratia, non natura: et quod natura, non gratia. Et adjungitur: Sufficit corpori quod ex nobis est secundum gratiam filatio, et non supra naturam elevetur, et Deus Verbum pro debita a nobis gratiarum actione non injurietur. Quæ verba nudum hominem ex Virgine Maria significant, qui per gratiam appellantur Filius Dei. Qui ergo hæc ita sapit, docet, credit, aut prædicat; anathema sit». Insaniens adhuc ita blasphemat hæreticus:

145. « Quando erit quæstio de nativitatibus secundum naturam, ne Mariae filius Verbum Dei existimetur. Mortales enim mortales generant secundum naturam, et corpus simile sibi: et duas nativitates Deus Verbum non sustinuit, unam quidem ante sœcula, alteram vero in posterioribus temporibus». At damnans hæc Vigilius ait:

146. « In supradicto quadragesimo sexto capitulo dicitur ut Mariae filius Deus Verbum non existimetur: adjicendo, quia mortalis mortalem generat secundum naturam, et corpus simile sibi. Quæ verba et purum hominem de sancta Virgine Maria significant, et duos filios introducent. Qui ergo ita sapit, docet, credit, aut prædicat; anathema sit». Insuper hæreticus impie:

147. « Ergo jam cessabunt ab impudente pugna, desistent autem a sua contentione, erubescentes evidentiam prædictorum: plurimos enim dicunt filios in gloriam ducentes. Ecce igitur in filiationis rationem Apostolus¹ apparet, assumptum hominem ceteris connumerans, non secundum

quod illius filiationis particeps est, secundum quod similiter gratia filiationem assumpsit. Deitate sola filiationem possidente». Ita vero damnat ista Vigilius:

148. « In suprascripto quadragesimo septimo capitulo id quod dicit Apostolus: Qui multos filios ad gloriam adduxerat, exponendo dicitur, quod assumptum hominem ceteris connumeret sanctus Apostolus, eo quod similiter gratiam filiationis accepit, sola Deitate naturalem filiationem possidente. Quæ quidem verba (sicut superius dictum est) duos introducent filios, id est, unum per gratiam, alterum per naturam. Quod qui ita sapit, docet, credit, aut prædicat; anathema sit». Sed blasphemare non eessans hæreticus addit:

149. « Sed ad hoc dieunt, quod, Jesus nomen Salvatorem significat: Salvator autem si dicitur, quomodo ille homo dieatur? oblii quod Jesus dicebatur etiam filius Nave: et quod mirandum est, quia non sit vocatus fortuito in generatione, sed transnominatus a Moyse: certum autem est quod non hoc imponere homini patiebatur, si divinam naturam omnimode significabat». At damnat ista Vigilius, dieens:

150. « In suprascripto quadragesimo octavo capitulo de nomine Jesu quod Salvatorem significat, argumentando negatur, et dicitur: Quia si Salvator divinam naturam significaret, nunquam tale nomen homini imponeretur. Quibus verbis absolute et purus homo Christus ostenditur, et duæ personæ intelliguntur. Quæ qui ita sapit, docet, credit, aut prædicat; anathema sit». Adhuc insaniens blasphemus addit:

151. « Ilaque non solum Filium ipsum vocat a Deo Verbo separans, sed etiam secundum rationem filiationis communicans ceteris participibus filiationis convineitur: quoniam gratia et ipse particeps fuit filiationis, non naturaliter ex Patre natus, habens tamen ad ceteros excellentiam, qui unitate ad ipsum filiationem possidet, quod ei firmorem ipsius rei donat participationem». Rejicit ista Vigilius, dieens:

152. « In suprascripto quadragesimo nono capitulo dicitur, quia Christus per gratiam particeps fuit filiationis, habens tamen ad ceteros excellentiam, quod ei firmior ipsius rei donata fuerit participatione. Quod qui ita sapit, docet, credit, aut prædicat, et non magis Deus Verbum cum assumpta carne unus atque idem Dominus Jesus Christus et verus Filius Dei et idem ipse verus Filius hominis intelligitur et creditur; anathema sit». Pergit hæreticus:

153. « Homo Jesus similiter omnibus hominibus nihil differens connaturalibus hominibus, quam quod ipsi gratiam dedit: gratia enim data naturam non unitat: sed post mortis destructionem donavit ei Deus nomen super omne nomen». Contra hæc Vigilius:

154. « In suprascripto quinquagesimo capitulo dicitur, quod homo Jesus nihil differat ab omnibus

¹ I. Tim. iii.

connaturatibus hominibus, nisi quod ei gratiam dedit : quæ verba Dominum nostrum Jesum Christum velut unum de justis hominibus faciunt estimari, qui non Deitate sua excelsus intelligantur, sed gratia aliquid amplius quam ceteri homines asseratur adeptus. Quod si quis ita sapit, docet, credit, aut prædicat ; anathema sit ». Rursus impius :

155. « Sed mei fratres, qui ejusdem mihi malis sunt filii, dicunt mihi : Non separato hominem et Deum, sed unum eundemque dic hominem, dicens : Dico connaturalem mihi, dico Deum. Si dicam connaturalem Deo, dico : Quomodo homo et Deus unus sunt ? numquid una natura hominis et Dei, Domini et servi, factoris et facturae ? Homo homini consubstantialis est, Deus autem Deo consubstantialis est : quomodo igitur homo et Deus unus per unitatem esse potest : qui salvificat et qui salvificatur ? qui ante sæcula et qui ex Maria apparuit ? » At audi Vigilius.

156. « In suprascripto quinquagesimo primo capitulo negatur quod unus idemque dici possit Deus et homo, dicendo : Quomodo homo et Deus unus per unitatem esse potest ? qui salvificat, et qui salvificatur ; qui ante sæcula est, et qui ex Maria apparuit ? Quæ verba duas introducunt in Christo personas. Si quis igitur ita sapit, docet, credit, aut prædicat ; anathema sit ». Addit insuper execrandus hereticus :

157. « Bene intulit : Namque ego homo¹ sum : ne dicat, nihil mirandum si hoc potes, cum sis homo accipiens a Deo : quoniam et ego cum hoc sim, accipio obedientes, semel habens jubendi potestatem propter datoris indulgentiam.

« Quapropter et nec incongruum est et te, accepta ista a Deo potestate, verbo solo jubentem abigere passiones : nec enim tanquam Filio Dei et ante universam creaturam existens et Creatori eorum quæ sunt, accessit centurio ». Sed contra ista omnia ita Vigilius :

158. « In suprascriptis quinquagesimo secundo et quinquagesimo tertio capitulis dicuntur : quia Christo dixerit centurio, nihil mirandum esse si hoc potes, cum sis homo, accipiens a Deo : quoniam et ego cum hoc sim, accipio obedientes, semel habens jubendi potestatem propter datoris indulgentiam. Et quamvis ex eo quod sequitur, centurionem non tanquam Filium Dei adisse, qui universam condiderit creaturam ; videatur quidem esse confiteri eum esse Filium Dei et creaturæ totius opificem : tamen quia nec de centurionis intellectu bene existimavit, cuius Dominus fidem non laudaret dicendo : Non inveni tantam fidem in Israel, nisi sciret cum intellexisse quia Deus est : et ex his et superioribus capitulis et aliis dictis jam non per unitatem subsistentiae, sed per gratiam dicitur Christus esse Filius Dei, et ex eo Christus purus homo videtur induci, qui pro merito suo acciperet per datoris indulgentiam potestatem. Si quis ergo

hæc ita sapit, docet, credit, aut prædicat ; anathema sit ». Instat adhuc blasphemus, addens :

159. « Consonantia et Apostolus¹ dicit : Et manifeste magnum pietatis mysterium, quod manifestatum est in carne, justificatum est in Spiritu, dicens ipsum, sive quod ante baptismum, cum subtilitate competente legem custodivit, sive quod etiam post illud gratiæ conversationem cooperatione Spiritus cum magna subtilitate compleverit. Quæ verba quia item purum hominem Christum justificacione eguisse demonstrant : si quis ita sapit, docet, credit, aut prædicat, et non magis ipsum ut verum Deum consubstantiale Patri et Spiritui sancto justificare impios per fidem credit ; anathema sit ». Urget adhuc blasphemus :

160. « In suprascripto quinquagesimo quarto capitulo id quod Apostolus dicit : Quod manifestatum est in carne, justificatum est in Spiritu : Christus justificatus esse asseritur, sive quod ante baptismum cum subtilitate competenter legem custodivit, sive quod etiam post illud gratiæ conversationem cooperatione Spiritus cum magna subtilitate compleverit. Quæ verba quia item purum hominem Christum justificacione eguisse demonstrant : si quis ita sapit, docet, credit, aut prædicat, et non magis ipsum ut verum Deum consubstantiale Patri et Spiritui sancto justificare impios per fidem credit ; anathema sit ». Urget adhuc blasphemus :

161. « Idem hoc dicimus juste et de Domino, quod Deus Verbum sciens ejus virtutem, et secundum præscientiam slatim in ipso initio complasmentationis cohabitare bene voluit, et uniens eum sibi affectu voluntatis, majorem quamdam præstabat ei gratiam, utpote gratia quæ in eum est, et in omnes homines dividenda. Unde et circa bona voluntatem integrum ei custodiebat. Non enim hoc dicemus, quod ille homo voluntatem habebat nullam, sed quod volebat quidem bonum ; magis autem ei voluntarie plurimum aderat, et boni desiderium, et contrarii odium : conservabatur vero a divina gratia illi voluntas integra ab initio, Deo qualis erit subtiliter sciente, qui et ad confirmandum eum magnam illi cooperationem habitatione sua præstabat pro omnium nostrum salute : unde nec injustum dicat aliquis esse, quod præter omnes præcipuum aliquid datum est illi homini, qui a Domino assumptus est ». Ha profanus. Sed contra hæc Vigilius :

162. « In suprascripto quinquagesimo quinto capitulo dicitur, quia Deus Verbum secundum præscientiam sciens hominis Christi virtutem, initio complasmentationis slatim inhabitare in ipso bene voluerit, et uniens eum sibi affectu voluntatis, majorem quamdam ei præstabat gratiam. Ex quibus verbis, et ex aliis quæ sequuntur, duæ evidenter inducuntur esse personæ, et quia Filius Dei in filio hominis per affectum et gratiam et relationem habitare videatur. Si quis ergo haec ita sapit, docet, credit, aut prædicat, et non unum eundemque Christum in duabus perfectis et individuis inconfusisque agnoscit et credit naturis ; anathema sit ». Addit vero adhuc impius :

163. « Nam rationalis quidem primum est

¹ Matth. VIII.

¹ 1. Tim. III.

discretio honorum et malorum : cum vero non sint contraria, non erat ei possibile aliquid discernere. Primum igitur in his quae creata sunt, magnam contrarietatem fecit ». Sed haec expendens Vigilius, ait :

164. « In suprascripto quinquagesimo sexto capitulo dicitur, rationalis proprium esse discretiōnem bonorum et malorum. Et post pauca sequitur : Primum igitur in his quae creata sunt magnam contrarietatem fecit. Quae verba si ea intentione dicantur, ut mali natura, sicut et boni, introducatur; anathema sit ». Sed rursum haereticus :

165. « Quoniam autem non obaudivit Adam, deinde subditus est morti, et factum est hoc propter inobedientiam, quod et citra inobedientiam propter utilitatem nostram a Creatore factum est; edocti sumus omnes peccatum ». At contra haec Vigilius ita :

166. « In suprascripto quinquagesimo septimo capitulo dicitur, quia etsi non fuisset Adam inobediens, tamen propter utilitatem hominum a Creatore factum esse, et edoces nos esse peccatum : quod absit ut Catholica fides credat, a Deo nos, ut peccatores efficeremur, doceri potuisse peccatum. Si quis ergo hoc ita sapit, doceat, credit, aut praedicat; et non magis prohibente Deo, primi hominis culpa introductum faletur esse peccatum, et justo Dei iudicio eum atque ejus progeniem propter inobedientiam suam mortis subiisse supplicium; anathema sit ». Urget adhuc blasphemus, dicens :

167. « Nec igitur mortali sponte et praeter iudicium summi intulit hominibus, nec peccato aditum ad nullam utilitatem dedit : nec enim hoc fieri, nolente ipso, poterat : sed quoniam sciebat utile esse nobis, magis autem omnibus rationabilibus, prius quidem malorum et deteriorum fieri aditum, postea autem deleri quidem haec, introduci autem meliora : ideo in duos status divisit Deus creaturam, praesentem et futurum, in isto quidem ad immortalitatem omnia adducturus, in praesenti vero creaturam in mortem, et mutabilitatem interim dimittens. Nam si statim ab initio immortales nos fecerit et immutabiles, nullam differentiam ab irrationalibus haberemus, proprium nescientes bonum : ignorantes etiam mutabilitatem, immutabilitatis ignorabamus bonum : nescientes mortem, immortalitatis lucrum nesciebamus : ignorantes corruptionem, non laudabamus incorruptionem; nescientes passionem gravamen, impassibilitatem non mirabamur (compendiose dicam ne longum sermonem faciam) nescientes malorum experientia, bonorum illorum non poteramus scientiam mereri ». Audi vero Vigiliu :

168. « In suprascripto quinquagesimo octavo capitulo dicitur, ideo Deum dedit peccato aditum, quia utile hoc sciebat esse nobis magis autem omnibus rationabilibus ut prius videlicet malis et deterioribus rebus tieret aditus, postea autem his detulit introduci meliora. Et adjicitur : Quia si statim

ab initio immortales nos fecisset et immutabiles, nullam differentiam ad irrationalibilia haberemus, proprium nescientes bonum. Quibus verbis primum contra regulam fidei Deus asseritur tanquam nobis utile introduxisse peccatum. Secundo cum omnia rationabilia complectitur, hoc etiam de Angelis et de universa caelesti militia, quae ratione est predita, facit intelligi. Tertio quia illud, quod diabolus ad decipiendum primis hominibus persuaserit, quia si de ligno prohibito manducarent, sicut dii scientes bonum et malum, beneficii loco assertur profuisse. Que si quis ita sapit, doceat, credit, aut praedicat; anathema sit ». Rursum vero erroribus infexens errores impius addit :

169. « Necessa est autem omnia simul rationabilia, invisibilia dico, et nos ipsos, quibus mortale quidem est corpus, animam autem per omnia ejusdem generis invisibilibus et rationabilibus substantiis hic quidem praesentem mutabilitatem pati, ut optima erudiamur doctrina religiositatis, et ad benevolentiam constituantur ». Ad haec Vigilius :

170. « In suprascripto quinquagesimo nono capitulo dicitur : Necessa est omnia simul rationabilitia, invisibilia, et nos ipsos, quibus mortale quidem est corpus, animam autem per omnia ejusdem generis invisibilibus et rationabilibus substantiis hic quidem praesentem mutationem pati, ut optima erudiamur doctrina religiositatis, et ad benevolentiam constituantur. Quibus verbis si et Angeli lucis, et universae caelestes invisiblesque virtutes sic mutabilitati hactenus subjaceere, sicut humanae animae asseruntur; anathema sit ». Rursum haereticus :

171. « Nam sciebat quidem, quod peccabunt omnimodo : concedebat vero hoc fieri, expedire eis cognoscens, quoniam non erat impossibile eum qui confecerat non existentes, et tantorum quidem demonstraverit dominos, tanta vero bona proposuerit, ut eis fruantur, nec prohibere peccati aditum sed expedire eis hoc cognosceret. Sed enim non erat possibile nos aliter discere peccatum et passionum molestias et deteriora, et nostram infirmitatem in his demonstrandam, et ostendendam magnitudinem immutabilitatis, quam postea nobis esset donaturus, nisi sic ab initio haec fuissent a Deo dispensata, ut collatione et experimento infinitorum illorum bonorum possemus scire magnitudinem, et hujusmodi gratia, utpote profuturum nobis peccatum intrare dimittens, magnum in ejus bello auxilium invenit ». Contra haec Vigilius :

172. « In suprascripto sexagesimo capitulo dicitur, quia Deus sciens hominem peccaturum, ideo peccare permisit, quia hoc ei noverat expedire, et propterea non prohibuisse peccati aditum, quia sic ab initio a Deo fuerit dispensatum, ut collatione et experimento infinitorum malorum, bonorum possemus scire magnitudinem, et hujus rei gratia, utpote profuturum nobis peccatum intrare dimittens, magnum in ejus peccati bello auxilium invenit homo. Quae verba quoniam aliena sunt a sensu divinae Scripturæ, ut dicatur, quia peccatum

a Deo pro utilitate nobis introductum sit. Si quis ita sapit, docet, credit, aut prædicat; anathema sit. Sancta enim Catholica Ecclesia hoc certum tenet et credit, quia Deus et prohibuerit a peccato primum hominem, et per inobedientiam peccatum punierit iusto supplicio: sed bene utens etiam malis nostris, singulari nos remedio, per unigeniti Filii sui incarnationem, passionem, mortem et resurrectionem, hoc est Domini nostri Iesu Christi, ab omnibus peccatorum nexibus liberavit ». Ilactenus sexaginta capitum facta damnatio, ipsaque premissa defensioni Trium Capitulorum: ne (ut dictum est) cum pro ipsorum defensione laborat, pro atlata Theodori nomine mala doctrina pugnasse videri posset, et pati calumniam ab iis qui inferre parati erant. Subdit itaque hæc opportune Vigilius:

173. « His igitur competenter, et per Orthodoxæ fidei rectitudinem, Apostolicæ sententiae anctoritate damnatis: constituimus, ut ex omnibus istis, quæ nos Patrum statutis atque traditionibus inherentes Apostolica anctoritate damnavimus, nulla injuriandi præcedentes Patres vel doctores Ecclesiæ (quæ proculdubio scandala sacrosanctæ Ecclesiæ suscitata) præheatetur occasio: anathematizantes omnem ad ordines Ecclesiasticos pertinente, qui Patribus atque doctoribus Ecclesiæ contumeliam ex suprascriptis impietatibus quodammodo adscribere vel irrogare voluerit. Et quoniam præfata dogmata, quæ secundum intellectum de his expostum anathemati atque damnationi subjecimus in eo volumine, quod nobis per fratrem nostrum Benignum episcopum nuper a pietate vestra transmissum, sub Theodori Mopsuesteni episcopi perhibentur nomine prænotata: ad hoc sollicitudinis nostrae animum consequenter admrevimus, ut si qui de persona vel nomine memorati Theodori apud Patres quæsitus sit, vel si qua super ejus nomine ab eis regulariter fuerint constituta, sive disposita, diligentissima indagatione querere curaremus. Et haec investigantes advertimus beatæ recordationis Cyrilium Alexandrinæ civitatis antistitem de persona jam mortui Theodori episcopi Joanni reverendæ memoriae Antiochenæ civitatis episcopo, vel Orientali Synodo ad ejus litteras rescribentem, inter alia ita tradidisse: Quæ prolata est in sancta Synodo Ephesina definitio, veluti a Theodoro disposita (sicuti offerentes dicebant) nihil habens sanum, evanescerat quidem eam sancta Synodus veluti perversarum plenam intelligentiarum, condemnans item eos qui sic sapient. Dispensatim vero mentionem viri non fecit, neque eum nominatim anathemati subdidit, neque alios. Ipsam vero Synodum Ephesinam primam solliciter recensentes, nihil de Theodori Mopsuesteni persona referre compemus, sed symbolum, quod Carisius presbyter illuc prodidit, magis quia ab Athanasio et Photio, qui tunc temporis heretico Nestorio adhaerebant, per Antonium et Jacobum nomina tantum presbyterorum habentes ad Philadelphorum Ecclesias fuerit destinatum: ex quo claret, beatum Cyrilum hoc quod

per litteras profitetur, a prolatoribus scilicet symboli jam defuneti Theodori episcopi nomen fuisse delatum, sua providentia Ecclesiasticam moderationem circa mortuum sapientia sacerdotali servantem, notuisse nomen ejus, ne monumentis quidem Synodalibus, propter regulam quæ de mortuis in saeculio servanda est, contineri. Quomodo autem hoc quod supra dixit beatus Cyrillus dispensative factum, ut minime anathemati nomen viri subjicere voluisse intelligi, ad Ecclesiasticam regulam porrigidum, in eadem Epistola sua subtler adjectit, dicens: Sed juste audient, tametsi nolint, qui hujusmodi causas præbent. Obliviscimini vos ipsos, quando adversus cineres arcus extenditis: non enim superest qui apud eos inscriptus est: et me nullus culpet in hæc verba progressum, sed cedant valde, nimirum prædecessori.

174. « Grave est enim insultare defunctis, vel si laici fuerint, nedum illis qui in episcopatu hanc vitam deposuerunt. Justissimum enim appetet prudentibus viris cedere præscienti (Deo scilicet) uniuscujusque voluntatem, et cognoscenti qualiscumque quisque futurus sit. Beatum quin etiam Proclus hujus regiæ civitatis antistitem ita memorati Joannis Antiocheni episcopi similiter constat respondere rescriptis, dicentem inter alia: Quando enim scripsi tuæ sanctitatì, oportere aut Theodorum, aut alios quosdam, qui pridem defuncti sunt, anathemati subdi, aut nominatim alicujus feci mentionem? Et post pauca: Et illa capitula, quæ subjecta sunt, repuli, utpote subtilitatem non habentia pietatis: neque autem de Theodoro, neque de alio quoquam qui jam defuncti sunt scripsi, Deo amantissimi, aut ut anathematizaretur, aut ut abdicetur. Sed neque charissimus Theodotus, qui a nobis directus est, diaconus, talia mandata suscepit. Item ipse beatus Proclus in Epistola ad Maximum diaconum post alia ita dicit: Quomodo igitur per litteras didici nunc, quia Theodori Mopsuestenij et aliorum quorundam nomina præposita sunt capitulis ad anathematizandum, cum illi ad Deum jam migraverint: et eos qui jam vitam reliquerunt, supervacuum est injuriari post mortem, quos nec vivos aliquando culpavimus. Et post pauca: Post subscriptionem autem tomi, et post abjectionem capitulorum, quæ cujus sint ignoramus, continuo præpara diaconum Theodotum venire ad regiam civitatem.

175. « Perpendat ergo pietatis vestræ sapientia singularis, quia Proclus eruditissimus sacerdutum, et non longe a Theodori Mopsuesteni vita reperlus, mala que libenter damnaverat, cuius essent, se jam tunc professus est ignorare. Sed neque in sancto ac venerando Chalcedonensi Concilio aliquid de sœpius designati Mopsuesteni Theodori episcopi nomine invenimus statutum vel dictum esse contrarium, dum in relatione, quam eadem veneranda Synodus pia memoriae Marciano tunc imperatori transmisit, quauo vos quoque vestris legibus, dum Orthodoxa professione unum de san-

eta Trinitate Christum Deum ac Dominum nostrum confitendum adstruitis, ad testimonium laudabiliter adduxistis, litteræ Antiocheni Joannis cum Orientali Synodo ad Theodosium tunc piissimæ recordationis principem destinatae venerabiliter memorentur, quibus Mopsuesteni Theodori episcopi persona, ne post mortem damnari deberet, excusat.

176. « Post hæc ampliori cura prospexit, si quid in his, qui jam defuneti sunt, et minime reperiuntur in vita damnati, etiam sanctæ recordationis prædecessores nostri deereverint. Quibus inspectis, agnovimus quod hujus cautelæ providentiaque formam veneranda prædecessorum nostrorum Sedis Apostolicae præsulum Constituta nobis aperissime tradiderunt. Nam beatissimus papa Leo ad Theodorum episcopum Forolivensem post alia ita dicit : Non necesse est nos eorum, qui sie obierunt, merita actusque discurrere : cum Dominus Deus noster, cuius judicia nequeunt comprehendendi, quod sacerdotale mysterium implere non poterat, suæ justitiae reservavit. Item beatus Gelasius papa in Epistola, quam ad episcopos Dardanæ de causa Acacii scripsit, post alia ita dicit : Qui postquam in collegium recidens pravitatis, jure meruit ab Apostolica communione secludi, in hac autem persistens damnatione defunctus est, absolutionem, quam superstes nec quæsivit omnino, nec meruit, mortuus jam non potest impetrare. Siquidem ipsis Apostolis Christi voce delegatum est¹ : Quæ ligaveritis super terram, et quæ solveritis super terram. Cæterum jam de eo, qui in divino est judicio constitutus, nobis fas aliud decernere non est, præter id in quo cum dies supremus invenit.

177. « Item memoratus beatae recordationis papa Gelasius in gestis Synodalibus de Misera episcopi Cumani absolutione confessis, hoc evidenter edocuit, dicens : Totum quod supra facultatis est modulum, divino judicio relinquamus : non autem nobis poterunt imputare, cur prævaricationis offendam viventibus remittamus ; quod Ecclesiæ, Deo largiente, possibile est : nec nos jam mortuis veniam præstare depositant ; quod nobis non esse possibile, manifestum est, quia cum dictum sit : Quæ ligaveritis et solveritis super terram : hos quos super terram jam non esse constat, non humano sed suo Deus judicio reservavit : nec audet Ecclesia sibi metu vindicare, quod ipsis Apostolis conspicit non fuisse concessum : quia alia est causa superstitionis, alia defuctorum. Hanc autem regulam, et in sanctorum Joannis Constantinopolitani episcopi, quem Chrysostomum vocant, atque Flaviani ejusdem civitatis episcopi veneranda memoria constat esse servatam : qui licet violenter exclusi sunt, non tamen pro damnatis sunt habiti, eo quod semper inviolatam eorum communionem Romani Pontificis servaverunt : nec abscindi ab Ecclesia dici pos-

tuerunt, vel poterunt, quos sibi inconvulse unitos Apostolica judicavit auctoritas :

178. « In Eusebii etiam cognomento Pamphili historie libro septimo legitur, Dionysium Alexandrinæ civitatis episcopum, qui longe ante fuerat, de Nepote quodam episcopo Ægypti ita fecisse : hic enim Nepos episcopus de mille annis, quibus post primam resurrectionem sanctos cum Christo regnatos esse, beatus Joannes Apostolus in Apocalypsi dicit, scripsisse asseritur, in quibus Judaicum intellectum habuisse narratur. Post enjus mortem, cum ad Dionysium Alexandriae episcopum pervenisset, quod tota Ægyptus ipsos libros, quos Nepos reliquerat, veluti magnum aliquod et occultum mysterium se habere putaret : et pergens ad eum locum (in Arsinoite enim questionem ipsam motam fuisse refert) scribensque destruxit eosdem libros, atque evertit : Nepotem vero qui eos seripserat propter hoc maxime, quia jam defunctus fuerat, nulla sit aggressus injuria. Quæ si quis latius agnoscere velit, in memorato septimo historie ejusdem Eusebii libro reperiet.

179. « Quibus omnibus diligenter inspectis, quia licet diverso Patres nostri verborum modo, unius fameu duetu intelligentiae dissidentes, illætas sacerdotum in pace Ecclesiastica defensorum servavere personas, idemque regulariter Apostolicae Sedis quæ supra diximus definiti Constituta : nulli licere noviter aliquid de mortuorum iudicare personis : sed in hoc relinqui, in quo unumquemque dies supremus invenit : et specialiter de Theodori Mopsuesteni nomine, quid sancti Patres nostri disposerint, superius evidenter expressum est : eum nostra non audemus damnare sententia, sed nec ab alio quopiam condemnari concedimus. Absit tamen, ut suprascripta Capitula dogmatum quæ secundum subjectos intelligentiae sensus a nobis constant esse damnata, vel quæcumque dieta cuiuslibet sine nomine prænotata, Evangelicis tamen et Apostolicis ac quatuor Synodorum Nicænae, Constantinopolitanæ, Ephesinae primæ, atque Chalcedonensis, et Apostolicae Sedis non congruentia consonaque doctrinis, non solum sensu, sed vel etiam aure patiamur admittere.

180. « De scriptis vero quæ sub viri venerabilis Theodoreti quondam episcopi nomine proferuntur : miramur primum, cur necesse sit ejus sacerdotis nomine in obtreccationem quidquam cuiuslibet studio devocari, qui ante centum et amplius annos in sanctæ ac venerandæ Chalcedonensis Synodi iudicio constitutus sine aliqua cunctatione subscripsit, et beatissimi pape Leonis Epistolis prona devotione consensit. Behinc cum existerent tunc Dioscorus et Ægyptii episcopi, qui cum dicentes sanctum Cyrilium anathematizasse, et euudem Theodoreto etiam hereticum esse : tamen sancti Patres nostri haec audientes, diligentissime eodem Theodoreto posthac examinatione discusso, et præsente a præsentibus inquisito, nihil aliud ab eo exegisse noscuntur, nisi ut statim Nestorium ejusque impia

¹ Matth. xviii.

dogmata anathematizaret atque damnaret, hoc sibi tantummodo sufficere judicantes : quod ille coram universo Concilio faciens, Nestorium cum dogmatibus suis, universis Patribus audientibus, clara voce damnavit. Ex quo evidenter apparet, quia quicquid sit vel fuerit sub cuiuslibet prolatum nomine, quod impii Nestorii videatur concordare dogmatibus, hoc tunc in illo sancto Concilio a viro venerabili Theodoreto fuerit sine dubitatione damnum : et sit valde contrarium et Chaledonensis Synodi iudicio indubitate inimicum, quedam Nestorianae dogmata nunc sub ejus sacerdotis nomine condemnari, qui cum sanctis Patribus eundem impium Nestorium et execrabilia ejus dogmata (sicut diximus) tunc apertissime anathematizavit. Quid enim aliud est, mendaces aut simulantes professionem rectae fidei Patres in sancta Chaledonensi Synodo residentes ostendere, quam dicere aliquos ex eis similia sapuisse Nestorio, quorum iudicio videoas Nestorium ejusque dogmata fuisse damnata?

181. « Nec illud arbitrandum est, quia sanctæ memoriae Cyrilli injuriis per duodecim Capitulorum ejus reprehensionem a viro venerabili Theodoreto (ut putatur) ingesta beatissimi Patres nostri in sancta Synodo Chaledonensi neglexerint : sed aut (utpote rebus de proximo gestis cuncta præ oculis habentes) Theodoretum nihil tale fecisse probaverunt; aut exemplum ipsius sanctæ memoriae Cyrilli iudicaverunt esse sequendum, qui post multa et gravia contra se ab Orientalibus apud Ephesinum scripto gesta, tempore quo cum ipsis in concordiam remeavit, tanquam si acta non fuissent, pacis amore, silentio dereliquit: ut impleret utique illud Apostolicum dictum, quo Corinthiis scribit, dicens¹: Cui enim aliquid donasti, et ego. Nam et illud sancta Synodus Chaledonensis intendisse credenda est, quia dum doctrinam sancti Cyrilli ex Epistolis ejus in eadem Synodo reseratis atque receptis memoratus episcopus Theodoretus ita devota mente suscepit, ut doctrinæ quoque ejus ad laudanda beatissimi papæ Leonis Epistolam testimoniis inferetur; etiamsi in eum injurias intulisse constaret, plenisime satisfecisse videretur, illius venerabiliter amplectendo fidem, cuius falso fuerat suspicatus errorem. Et ideo nos nec aliquid velut omissum a Patribus nostris querere nunc aut retractare convenit; et eos, quibus S. Cyrilli reprehensio nunc placet, aut iisdem sanctis Patribus nostris estimant placuisse, modis omnibus refutamus.

182. « Hac ergo rerum veritate perpensa, statuimus atque decernimus nihil in injuriam atque obrectationem probatissimi in Chaledonensi Synodo viri, hoc est, Theodoreti episcopi Cyri, sub taxatione nominis ejus a quoquam fieri, vel proferri : sed custodita in omnibus personæ ejus reverentia, quæcumque scripta, vel dogmata ejus cuiuslibet nomine prolata sceleratorum Nestorii

atque Eutychetis manifestantur erroribus consonare, anathematizamus atque damnamus. Etenim satis habet, abundeque sufficere debet, quod dannantes atque anathematizantes cum Paulo Samosateno et Bonoso Nestorium, et e diverso cum Valentino atque Apollinare Eutychetem simul et errores eorum, aliasque haereticos omnes cum dogmatibus suis, illos quoque pariter condemnamus, qui erroribus eorum impliciti et inemendabiles permanentes de vita præsentis sæculi migraverunt. Siquidem per hoc nihil perversæ doctrinæ relinquimus, quod non per hanc sententiam a nobis prolatam a sancta Dei Ecclesia Apostolica auctoritate inveniatur exclusum.

183. Rursus tamen hoc specialiter dicimus : ut si quis, servata inconvertibilitate naturæ divinæ, non confiteatur Verbum carnem factum, et ex ipsa conceptione de utero Virginis humanæ naturæ sibi secundum subsistentiam umissem principia, sed tanquam cum existenti jam homine fuerit Deus Verbum, ut per hoc non sancta Virgo vere Dei Genitrix esse credatur, sed verbo tenus appelletur : anathema sit. Si quis secundum subsistentiam unitatem naturarum in Christo factam denegat, sed seorsum existenti homini tanquam uni justorum inhabitare, Deum Verbum ; et non ita confiteatur naturarum secundum subsistentiam unitatem, ut Deus Verbum cum assumpta carne una permanescat, permaneatque subsistentia sive persona : anathema sit.

« Si quis voces Evangelicas et Apostolicas in uno Christo ita dividit, ut etiam naturarum in ipso unitarum divisionem introducat : anathema sit.

« Si quis unum Iesum Christum verum Dei et eundem ipsum verum hominis Filium futurorum ignorantiam aut diei ultimi iudicii habuisse dicit, et tanta scire potuisse quanta ei Deitas, quasi alteri cvidam inhabitans, revelabat : anathema sit.

« Si quis illud Apostoli, quod est in Epistola ad Hebreos¹ dictum quod experimento cognovit obedientiam, et cum clamore forti et lacrymis preces supplicationesque obtulit ad Deum, qui salvum illum posset a morte facere : tanquam nudo Deitate Christo deputans, qui laboribus virtutis perfectus sit, ut ex hoc duos introducere Christos vel duos Filios videatur, et non unum eundemque credit Christum Dei et hominis Filium ex duabus et in duabus naturis inseparabilibus indivisisque confitendum atque adorandum : anathema sit.

184. « His omnibus et hujusmodi blasphemis ita a nobis abdicatis atque damnatis ; hac præsentis Constitutionis dispositione quam maxime providemus, ne (sicut supra diximus) personis quæ in pace et communione universalis Ecclesie quieverunt, sub hac damnati a nobis perversi dogmatis occasione aliquid derogetur : sed execrabilibus dogmatibus in Nestorio atque Eutychete haeresiarchis,

¹ 2. Cor. ii.

¹ Hebr. v.

universisque eorum sequacibus condemnatis, illis sacerdotibus, qui in pace Catholice Ecclesiae (sicut dictum est) sunt delinquenti, nulla contumelia generetur : ne inde injuriarum nascatur occasio, unde potius debeat sanctorum Patrum reverentia custodi».

185. Hic adverte assertionem istam Vigilii de mortuis non condemnandis hanc ita generaliter, ut ponitur, usu receplam. Quamvis enim aliquis probetur mortuus in pace Ecclesiae, et tamen absque calunnia constiterit eum damnatam haereticam aliquam scriptis suis acerrime reliquise defensam, et in eo errore perseverantem diem extremum clausisse, simulateque Catholice Ecclesie communicasse : ejusmodi hominem jure damnare post mortem sancta consuevit Ecclesia. Pergit vero Vigilius :

186. « De Epistola quoque venerabilis viri thae quondam Edessena civitatis episcopi, de qua pariter inquisistis, diligenti nihilominus investigatione quæsivimus, si quid de ea præcis temporibus apud Patres nostros motum vel agitatum, sive quæsitum, seu fuerit constitutum. Et quia Graecæ lingue (sunt eunctis et maxime pietali vestrae notum est) sumus ignari : nunc per nos, qui ejusdem linguae videntur habere notitiam, Gesta sancti venerandique Chalcedonensis Concilii in Synodalibus codicibus diligentissime perquirentes, dilucide aperque reperimus, duabus in eadem Synodo Actionibus prædicti viri venerabilis thae examinatum fuisse negotium, ibique ex Gestis apud Photium Tyri et Eustathium Berythi episcopos habitis, hanc de qua queritur, inter cætera prolatam fuisse contra eum ab accusatoribus ejus Epistolam : cumque consummata ipsius disceptatione negotii, a venerandis fuisse Patribus requisitum, quid de ejusdem constituendum videretur Ibae negotio; consequenter hujusmodi processisse sententias¹ :

187. « Paschasinus et Lucentius reverendissimi episcopi et Bonifacius presbyter tementes locum Sedis Apostolicae (quia missi Apostolici semper in Synodis prius loqui et confirmare soliti sunt), per Paschasimum dixerunt : Relectis chartis, agnovimus ex sententia reverendissimorum episcoporum, Ibam reverendissimum innoxium approbari. Relecta enim ejus Epistola, agnovimus eum Orthodoxum. Et ob hoc decernimus ei honorem episcopatus restituendum, et Ecclesiam a qua injuste et absens expulsus est reparandum. De episcopo igitur sanctissimo Nonno, qui pro eo paulo ante factus est, existimationis erit venerabilis episcopi Antiochenæ Ecclesiae, quid oporteat de eo formari (firmari) sive statui.

188. « Anatolius reverendissimus archiepiscopus Constantinopolis novæ Romæ dixit : Deo amantissimorum episcoporum et judicium fides, ac lectio omnium horum quæ sunt subsecuta, demonstrant innoxium Ibam reverendissimum ab accusationi-

bus que illate sunt in eum : unde omnem in praesenti suspicionem abjicio, quoniam consentit et subscrifit ei quæ nunc de fide sententia data est, a sancto Concilio et Epistola sanctissimi archiepiscopi Romæ Leonis ; et dignum eum iudico episcopatu, et habere curam in qua pridem existebat Ecclesiae.

189. « Maximus reverendissimus episcopus Antiochenus dixit : Ex iis quæ modo relecta sunt, constitui manifestum esse, quia ab omnibus ei illatis reverendissimus Ibas innocens est repertus : ex relecto vero rescripto Epistole, quæ probata est ab eo qui adversarius ejus existit, Orthodoxa est ejus declarata dictatio ». Et cætera usque ad finem Actionis decimæ. Ex quibus omnibus ille cognoscitur scopus fuisse Vigilii, ut non errasse probaret Apostolice Sedis legatos, vel alios, qui interlocuti sunt post illam recitatam Epistolam, Ibam esse Catholicum. Id se idcirco probare conatum, ne hac ex parte derogaretur Chalcedonensi Concilio, idem ipse ad finem hujus Constituti testatur ; non autem ut cuncta quæ dicerentur in ipsa Ibae Epistola voluerit asseruisse Catholica. Quæ vero in eamdem sententiam post illa recitata ipse subjiciebat, accipe :

190. « His igitur ita in sanctæ Chalcedonensis Synodi iudicio dispositioneque jacentibus et ila vicariatum Sedis Apostolice venerandorum præsumum sustinentium et cæterorum Patrum interlocutionibus declaratis, evidenter advertemus, quod ab his qui in eadem sancta Chalcedonensi Synodo locum beatissimi prædecessoris nostri papæ Leonis tenuisse noseuntur, dictum sit : Relecta ejus Epistola, agnovimus eum esse Catholicum : et ab Anatolio Constantinopolitano dictum sit : Lectio omnium quæ sunt subsecuta, demonstrant innoxium Ibam reverendissimum ab his quæ in eum accusatores intulerant : a Maximo vero Antiocheno dictum sit : Ex relecto scripto Epistole, quod perlatum est ab adversario ejus, Catholica est ejus declarata dictatio. Quorum interlocutionibus cæteri episcopi non solum non contradixisse, verum etiam aperflissimum noseuntur præbuisse consensum ». Haec Vigilius.

191. Antequam autem ulterius progrediamur, hic te admonendum, lector, putamus, non eo spectare sententiam Patrum Chalcedonensis Concilii suis ipsorum recitatis interlocutionibus, ut voluerint probasse Epistolam Ibae refertam erroribus recipiendam esse ut Orthodoxam, cum in ea essent complures assertæ blasphemiae, neque id Vigilium asserere voluisse ; sed tantum ex ea esse recipiendum Ibam, in qua nimiri testetur ipse se jam amplecti pacem Ecclesiae ; qua recepta, necesse fuerit eumdem probare Catholicum. Quod igitur ex dicta Epistola complures viderentur assertæ blasphemiae, ex quibus idem Ibas posset in suspicionem adduci Nestoriane haeresis : ad hanc suspicionem perpurgandam (licet antea in eadem Actione demonstraverit se post pacem initam plenissime Orthodoxum, atque cum Cyrillo communicasse) ut ab illis omnibus idem ipse post pacem acceptam

¹ Cone. Chalced. Act. x. prope fin.

redderetur omnino liber, Patres sanctissimi ejusdem Chalcedonensis Concilii addiderunt haec in fine ejusdem Actionis decimæ : « Omnes reverendissimi episcopi clamaverunt : Omnes eadem dicimus : Nestorium modo anathematizet et Eutychetem et ejus dogma modo anathematizet. Ibas reverendissimus episcopus dixit : Et jam in scripto anathematizavi Nestorium, et nunc anathematizo eum decem millies. Quod enim semel cum satisfactione fit, si fiat decem millies, non contristat : Anathema et Nestorio, et Eutycheti, et unam dicenti naturam : et omnem eum qui non sapit sicut haec sancta Synodus, anathematizo ». Haec ad finem decime Actionis Chalcedonensis Concilii Ibas. Quod igitur (ut dictum est) non propter errores, quibus antea fuerat Ibas implicitus, in eadem Epistola recensitos, Patres dixerunt eam Epistolam ut Catholicam recipiendam, sed quod ex illa ipse Ibas profiteretur se paci inter Joannem atque Cyrillum initia consentire; haec ex parte idem sanctissimi Patres pronuntiarunt recipiendam esse : prout declarat his verbis, idem Vigilius inferius, cum ista subjungit :

192. « Propter illam prædicationem fidei, per quam venerandæ recordationis Cyrillus Alexandrinus episcopus et reverendissimus Joannes Antiochenus antistes atque omnes Orientales episcopi per Paulum Emesenæ civitatis episcopum ad concordiam redierunt, quam Ibas quoque in eadem Epistola laudans libenter amplectitur, orthodoxa est Ibae episcopi a Patribus pronuntiata dictatio. Illa vero quæ in ipsa Ibae sacerdotis Epistola in injuriis beatæ recordationis Cyrilli per errorem intelligentiae dicta sunt, Patres in sancta Chalcedonensi Synodo Epistolam pronuntiantes Orthodoxam, nullatenus receperunt : quippe quæ etiam ipse venerabilis episcopus, intellectu Capitulorum ejus meliore recepto, mutando refutavit, sicut interlocutione venerandæ memorie Eunomii Nicomediensis episcopi in eadem sancta Chalcedonensi Synodo residentis evidentissime declaratur : quod ita se habet : Eunomius episcopus Nicomediæ dixit : Jam quidem ex his quæ relecta sunt, immoxius approbatus est beatus Ibas : in quibus etiam dicendo male culpare visus est beatissimum Cyrillum ; et in postremis recte confessus, illa quæ culpaverat refutavit : unde et ego anathematizantem eum Nestorium et Eutychetem et impia eorum dogmata, et consentientem his quæ a sanctissimo archiepiscopo Leone scripta sunt, et in hac universalí Synodo, dignum esse episcopatu decreno ». Sie vides non alia ex parte probari a Patribus illis Ibae Epistolam, nisi quantum ad id spectat, quod significavit in postrema ejus Epistolæ parte se in omnibus pactis conventis inter Joannem atque Cyrillum de unione Catholica facienda præbuisse consensum : nec aliud quidem sensisse ceteros qui interlocuti sunt Patres, ex coruindem sententiis, quas mox addit, satis aperle demonstrat : pergit enim :

193. « Nam et venerabilis memoria Juvenalis interlocutio hoc idem significat : quod Ibas episco-

pus de eo quod sancto Cyrillo Capitula ejus alter intelligendo detraxerat, postea professus, quia his ab eo explanatis et a se intellectis, in communione ejus devote concurrerit, et de his quæ prius aliter intellexerat sit conversus : properea recipere eum episcopatum decrevit, utpote quantum ad professionem fidei Orthodoxum existentem, ita dicens : Qui convertitur. Scriptura divina suscipi jubet : quapropter et ab haereticis revertentes suscipimus : unde prævideo reverendissimum Iham mereri clementiam, quia et senex est, ut habeat episcopatus gradum, Orthodoxum existentem. Quibus verbis (inquit idem Vigilius) hoc intelligitur, quod si ab haereticis venientes suscipimus, quomodo Iham, qui est Orthodoxus, et intellectu Capitulorum beati Cyrii hæsitans ei obloqui visus est, nunc ab eo in quo fallebatur intellectu conversum non suscipiamus, cum eum Orthodoxum constet existere ? Neque enim Orthodoxum existere Iham diceret Juvenalis episcopus nisi ex verbis Epistola ejus confessionem fidei Orthodoxam comprobaret. Ut autem appareat quia interlocutio Juvenalis Eunomii interlocutioni concordat, verba ipsa ex interlocutione Eunomii nos edocent, quæ inter alia ita se habent : In quibus enim dicendo male culpare visus est beatissimum Cyrillum, in postremis recte confessus, illa quæ culpaverat refutavit. Ex quibus verbis evidenter declaratur, in Iba episcopo nihil de confessione fidei reprehensum, quam constat esse laudatam ; sed eundem Iham, quod fallente intelligentia de beato Cyri, male senserat, refutasse ». Haec ipse Vigilius : qui, ne minus sufficientia esse putarentur ad Ibae excusationem, quæ ex ipsis Epistolæ extrema parte sunt allata, utpote quod possent in deteriorem partem accipi, quæ de duabus naturis Ibas ibi habet : « Non enim quisquam audet dicere quia una est natura divinitatis et humanitatis, sed confiteantur in templum et in eum qui in hoc habitat qui est unus Filius Jesus Christus ». Quæ quidem verba a Nestorianis in eum accipi sensum consueverunt, ut ita in Christo duas pariter constituerent personas inter se divisas, sicuti sunt templum et qui in eo habitat ab invicem separata : ne itaque putaretur Ibas ejusdem esse in verbis illis sententia cum Nestorianis ; ipse Vigilius veluti declarationem verborum illorum ad rectum sensum deducendorum affert, dum docet ex Actis ipsum Iham jam recepisse Ephesinum Concilium, cuius professione de Nestorianismo omnis suspicio tolleretur. Ait enim :

194. « Nam idem venerabilis episcopus Ibas ex ipsis Gestis præcedentibus (sicut Photii et Eustathii sententia continet) apertissime perhibetur habere se et recipere omnia quæ in Ephesina prima Synodo gesta sunt, et æqua judicare quæ in Nicaea sunt constituta, et nullam differentiam arbitrari ejus ad alia, et nimis ejus sanctitatem se laudasse, pronuntians, quod prono Ibas sapuerit curare eos qui vel suspicione vel alio aliquo modo ejus laede-

rent opinionem doctrinæ : nam et post explanationem duodecim Capitulorum beati Cyrilli factam, et intellectum ejus sibi quem sanctus Cyrillus in ipsis Capitulis habuit declaratum, et Orthodoxum enim se cum omnibus Orientalibus episcopis habuisse, et in communione ipsius usque ad exitum permanuisse professus est. Ex quo apparet eundem Ibas, et prius quam duodecim Capitula beati Cyrilli intelligeret, et cum in eis suspicaretur unam Christi prædicari naturam, Orthodoxo sensu quod male dictum existimaverat reprobasse : et post explanationem eorum, eundem Orthodoxo sensu, quærete dicta cognoverat, venerabiliter suscepisse.

193. « Sed et illud indubitanter cunctorum fidelium mentibus patet, quod magis in Ephesina secunda haeretico intellectu Diosecorus eum Eutychete beato Cyrillo et primo Ephesino Concilio contumelias irrogarint, qui crediderunt sanctum Cyrrillum unam naturam in Domino Deo nostro Jesu Christo per duodecim sua prædicasse Capitula : et ob hoc aliquos Orientales episcopos, qui unius naturæ prædicationem noluerunt suscipere, Diosecorus condemnavit: inter quos et Ibas episcopum propter hanc specialiter fidei ejus professionem, quæ duas naturas, unam virtutem, unam personam, quod est unus Filius Dominus noster Jesus Christus, apertissime contitetur, haereticum condemnavit; et Eutychetem propter unius naturæ prædicationem sicut Catholicum revocavit, damnans quoque propter duarum naturarum vocem sanctæ recordationis Flavianī personam : et inventus est ipse magis Diosecorus Ephesinani primam Synodus conari destruere, qui eam sub execrabilis intellectus imagine defendebat; et amplius beatum Cyrrillum eriminatus est laudans Diosecorus alique Eutyches, quam Ibas sub falso intellectus errore vituperans. Namque cum laus atque vituperatio ad unum tenderent intellectum : Diosecorus et Eutyches, qui laudaverunt, haeretico spiritu laudasse reperti sunt, atque ideo sunt a sancta Chalcedonensi Synodo damnati : at vero Ibas episcopus, qui per errorem unam putans in his prædicari naturam prius vituperavit Capitula, et post declaratum sibi intellectum eorum, communicatorem se beati Cyrilli cum omnibus Orientalibus esse professus est, et in Catholicæ fidei rectitudine ab eadem Chalcedonensi Synodo judicatus est permanisse. Haec ergo eadem Synodus in Diosecoro alique Eutychete, qui se falso per beatum Cyrrillum velamine tegere nitebantur, videns potius beati Cyrilli prædicationibus Diosecorum alique Eutychetem apparere contrarios per hoc quod unam post adiunctionem naturam blasphemio spiritu prædiebant, simili atque eadem Diosecorum cum Eutychete sententia condemnavit, destruens Ephesinam secundam, primamque confirmans.

196. « Et quia nobis de Ezechielis Prophetæ verbis objicitur illud, quod ad sacerdotes Hierusalem matum a bono non discernentes, ex persona Domini dicebat¹: Sacerdotes ejus spernentes legem

¹ Ezech. xxii.

meam, coinquaverunt sancta mea, inter sanctum et pollutum non distinguebant, et inter medium mundi et immundi non secernebant : debet vestra pietas pariter nobiscum et universorum corda fidelium ex his verbis advertere, ideo nos non audere Chaled. Synodi refractare judicium, ne ibidem consentientibus sacerdotibus ista (quod absit) ab haereticorum insidiis macula inuratur : ut eos inter sanctum et pollutum, et inter medium mundi et immundi non potuisse discernere criminentur, si nos modo causas ejusdem sanctæ Synodi cum consensu Sedis Apostolicæ judicio terminatas, sub qualibet occasione, viderint retractare. Propterea ergo discretionem atque judicium sanctorum Patrum nos in omnibus conservantes, et rerum omnium dispositionem, secundum eam quam reddimus rationem ex Chalcedonensis Synodi judicio declarata, eum satis apertissima luceat veritate, ex verbis Epistole viri venerabilis Ibae reellissimo ac piissimo intellectu perspectis, et ex Gestis apud Photium et Eustathium habitis ; et ex ipsis Ibae episcopi presentis a presentibus intentione discussa, Patres nostros in Chalcedone residentes justissime Orthodoxam ejusdem viri venerabilis Ibae episcopi pronuntiasse fidem, et reprehensionem beati Cyrilli, quam humanitus per errorem intelligentiae evenisse cognoverant, congrua satisfactione purgatam : presentis sententiae nostræ auctorale statuimus atque decernimus, cum in omnibus, tum eliam in saepius memorala venerabilis Ibae Epistola intemeratum Patrum in Chalcedone residentium manere judicium ». Quo nempe declararunt ex ea Ibas comprobatum esse Catholicum, non antem quod qui in ea recitantur errores aliquo modo recipiendos esse pulsariunt, quos jam antea ab iisdem Patribus et ab ipso Iba in eadem Synodo liquet fuisse damnatos. Quamobrem ne ob eam causam ab occasionem querentibus ex ea Epistola aliquid derogaretur integratam ipsius Synodi Chalcedonensis, idem Vigilius non pro defensione Epistolæ, sed pro firmitate ejusdem Synodi conservanda haec addit :

197. « Nec quenquam ad ordines et dignitates Ecclesiasticas pertinentem hoc Constituto nostro permitimus aliquando presumere vel super ejusdem Epistolæ negotium vel aliis in Chalcedonensi Concilio consensu vicariorum Sedis Apostolicæ judicatis, ordinatis, definitis atque dispositis, tanquam imperfectis atque reprehensilibus, sive per additamentum, sive per diminutionem, sive per immutationem, vel quoquo modo aliquid temerarie novitatis inferre ». Haec ipse pro defensione atque integritate Actorum Synodi Chalcedonensis : adeo ut duplex de ea Epistola esset judicium faciendum : alterum, cum Epistola illa consideratur in ejusdem Synodi Aelis inserita et ad hoc posita, ut qualis tunc esset Ibas, qui jam antea haereticus fuerat, intelligeretur : haec habita ratione, nequam detrahendum quis jure dixerit Apostolicæ Sedis legatis, vel aliis, qui ex ea comprobarunt

Ibam esse Catholicum, cum ex ea intelligeretur, ipsum esse, jam paci facta, redditum unitati, ob idque non esse explodendam Epistolam, sed ad hoc quod diximus, probandum esse recipiendam : alterum vero judicium faciendum, si ea ratio auferratur, atque seorsum posita extra Acta Epistola illa consideretur : tunc quidem jure meritoque nemo non dixerit (quod pariter a sancta Synodo et sanctissimorum Pontificum decretis definitum postea fuit) eam Epistolam ob blasphemias in ipsa positas penitus respondendam. Sed que bis addat Vigilius, accipe :

198. « Pari ratione decernimus, ne quisquam Epistole beati Cyrilli, cui duodecimi sunt subjecta Capitula, vel ipsis capitibus adversus Nestorii perfidiam promulgatis existimet derogandum : cum constet eundem Ibam, vel inter omnes Orientales episcopos post explanatum sibi eorumdem Capitulorum intellectum, beati Cyrilli communicatoreum toto vitæ ejus tempore permansisse, abjicientem ea, et a veri intellectus rectitudine repellentem, in quibus vel ex suprascripta Epistola unius Ibae episcopi, vel ex omnibus quæ in sancta Synodo Chalcedonensi judicata, ordinata, definita, atque disposita sunt, ita quidquam aptatur, ut per auctoritatem ejusdem Synodi aut perversum dogma assertum esse Nestorii aut ipse dicatur Nesiarius excusatus.

199. « Et ne quis forsitan arbitretur ambiguum, quod præfatis legatis atque vicariis Sedi Apostolice a beatissimo papa Leone tantum fidei causa, et non etiam de depositorum incompetenter episcoporum fuerit revocatione mandatum, et quasi superflue Ibae quoque Edessene civitatis episcopi causam coram sanctis Patribus existimet agitatam : noverit beatissimum papam Leonem sanctæ Chalcedonensi Synodo haec inter cetera scripsisse, dicens : Quia vero non ignoramus per pravas amulationes statum multarum Ecclesiarum fuisse turbatum, plurimosque episcopos qui heresim non reciperent, sedibus suis pulsos, et in exilia deportatos, atque in locum superstitionis alios substitutos: his primitus vulneribus adhibenda est medicina justitiae, ne quisquam careat propriis, vel aliter utatur alienis.

200. « Et ne quis dubitet, ulrum ea quæ de restitutione episcoporum gesta sunt in Chalcedonensi Synodo, ad beatissimi Leonis fuerint perducta nolitiam, et ab eodem confirmata : ipsam potius Synodi relationem ad beatissimum Leonem predecessorem nostrum directam congrua legere sollicitudine non omittat : cuius post alia in fine haec verba sunt : *Omnem vobis Gestorum vim insinuare curavimus ad consistentiam nostram, et eorum, quæ a nobis acta sunt, confirmationem et dispositionem.* Post quorum nolitiam idem beatissimus papa Leo ad preie memoriae Pulcheriam Augustam gratias referens de restitutis episcopis, ita scribit : *Clementia igitur vestra cognoscet omnem Romanam Ecclesiam de universis fidei vestre operibus plurimum gratulari, sive quod legationem nostram propter omnia juvistis affectu, et quod sacerdotes*

Catholicos, qui ab Ecclesiis suis injusta fuerant ejecti sententia, reduxistis. Ecce et in eo quod omnia gesta beatissimo papae Leonis directa sunt, rerum gestarum ad eum perducta notitia est, et in reurentium actione gratiarum rerum geslarum confirmatio declaratur.

201. « Non dubitamus igitur omnium fidelium sensibus patet factum, quæ vicariis beati Leonis papæ loco ejus Synodo præsentibus, ab eodem fuerit dispensandarum rerum forma mandata, vel quales ad expungendum perceperint actiones, vel quæ ab illo generali Concilio, præsidente ac consentiente per vicarios suos Sedi Apostolice præsule, fuerint constituta : quæ neque minui, neque augeri, neque perfringi, neque posse fas est ab aliquo retractari. Non licere autem venerandæ Chalcedonensis Synodi statula convelli, vel quolibet colore seu titulo retractari, prædecessorum nostrorum pauca de immumeris prolatæ Constituta nos docent, ex illius præcipue beati Leonis prædecessoris nostri Epistolis, quo in vicariis suis summo præsule floruit sanctum Chalcedonense Concilium. Ait namque in Epistola ad preie memoriam Leonem Augustum ita : Haec autem Dei munera ita demum nobis divinitus conferuntur, si de his quæ sunt præstata non inveniamur ingratiti, et tanquam nulla sint quæ adepti sumus, contraria potius exspectemus. Nam quæ patet facta sunt querere, quæ perfecta sunt retractare, et quæ sunt definita convelli, quid aliud est, quam de adeptis gratias non refferre, et ad interdictæ arboris cibum in pravos appetitus mortiferæ cupiditatis extendere? Et post aliquanta, ita : Prænoscat, inquit, igitur pietas tua, venerabilis imperator, hos quos spondeo dirigendos, non ad confilendum cum hostibus fidei, nec certandum contra illos a Sede Apostolica profecturos : quia de rebus et apud Nicæam et apud Chalcedonem, sicut Deo placuit, definitis, nullum audiens inire tractatum tanquam dubia vel infirma sint, quæ tanta per Spiritum sanctum fixit auctoritas.

202. « Neenon idem beatus prædecessor noster papa Leo ad præfatum venerabilem Augustum in alia Epistola : Non sinas (ait) contra dexteræ Omnipotentis triumphos redivivis exurgere motibus extineta certamina : præsertim cum in damnatis iamdudum hereticorum ausibus omnino non licet : et hic fructus piis laboribus debeatetur, ut omnis Ecclesie plenitudo in sue unitatis soliditate secura permaneat nihilque prorsus de bene constitutis retractetur : quia post legitimas et divinitus inspiratas constitutiones velle configgere, non pacifici est animi, sed rebellis, dicente Apostolo¹ : Verbis enim contendere nihil utile est, nisi ad subversionem audientium. Nam si humanis persuasionibus semper disceptare sit liberum, minquam deesse poterunt, qui veritati audeant resultare, et de mundane sapientiae loquacitate confidere. Item post pauca : Pie nobis et constanter videndum est,

¹ 2. Tim. ii.

ne, dum talium disputatio admittitur, his quae divinitus definita sunt auctoritas derogetur. Item in Epistola papa Leonis ad Anatolium Constantinopolitanum episcopum : Ut autem haec exhortatio ad omnium fratrum possit notitiam pervenire, diligentiae vestrae cura perficiat : quia (quod saepe dicendum est) tota religio Christiana turbatur si quidquam de his quae apud Chalcedonem constituta sunt, convellatur ; et quae ex divina sunt dispositione composita, nulla patiamini novitate temerari.

203. « Sed et beatissimus predecessor noster papa Simplicius ad Zenonem Augustum sic inter cetera dicit : Neque aliquis dubius rationis et trepidus mentis exspectet novi aliquid post Chalcedonense Concilium contra definitiones ipsius retractari; quia per universum mundum insolubili observatione refinetur, quod a saeculum universitate est constitutum. Item memoratus papa Simplicius Zenoni Augusto : Nullus ad aures vestrae pietatis perniciose mentibus pandatur accessus, nulla refractandi de veterum fiducia concedatur : sie haeresum denique machinamenta cunctarum Ecclesiasticis prostrata deerefas, nunquam sinuntur oppugnationibus elisi reparare certamina. Item predictus papa Simplicius ad prefatum Zenonem Augustum : Ha Chalcedonensis Synodi constituta, vel quae beatae memoriae predecessor meus Leo Apostolica traditione perdocevit, intemerata vigore jubatis ; quia nec ullo modo retractari potest, quod illorum definitione sotpum est.

204. « Constat ergo ex prefatis testimoniis Patrum, quam tenere debeamus pro Apostolice Sedis rectitudine, et pro universalis Ecclesiae consideratione cautelam : ejus nos quoque cautelam jandidum memores, in eam quam tunc dederamus ad Mennam Constantinopolitanum episcopum Epistolam, quam tum presentibus pluribus sacerdotibus et gloriose senatu, Menna sanctae recordationis episcopo vestrae clementiae offerente, et pietate vestra nobis cum ejus consensu restituente receptam, quantum ad Trium Capitulorum causam pertinet, evacuavimus, nullatenus a loci nostri atque propositi circumspectione cessantes, competentem Chalcedonensis Synodi reverentiam curavimus omnibus exhibere, sicut series ejusdem testatur Epistole; ejus ad probandum cautelam nostram subjecimus perpanea de plurimis : quibus diligenter inspectis, qualiter apud nos sancta Chalcedonensis Synodus inviolata permanserit atque permaneat, evidenter ostenditur. Siquidem de eadem Synodo ita nos ipsa Epistola nostra certum est inter cetera posuisse, dicentes : Cum apud nos manifesta ratione perelaret quicunque in contumeliam antefacta Synodi aliquid tentat agere, sibi potius nocturnum. Item post alia :

205. « Sed si evidenter nobis fuisset ostensum in ipsis Gestis potius contineri, nullus auderet tanta præsumptionis auctor existere, ut aliquid, quod in illud sanctissimum judicium productum est, velut

dubium judicaret : cum credendum sit, illos tunc praesentes a praesenti rerum memoria diligentius etiam preter scriptum aliqua requirere, vel definire certius potuisse, quod nobis nunc post tanta tempora velut ignota causa videatur ambiguum ; cum et hoc deferatur reverentiae Synodorum ; ut et in his quae minus intelliguntur, eorum cedatur auctoritati. Item post alia : Salvis omnibus, atque in sua perpetua firmitate durantibus, quae in Niceno, Constantinopolitano, Ephesino primo, atque Chalcedonensi venerandis constanti Conciliis definita, et predecessorum nostrorum auctoritate firmata ; et cunctis, qui in memoratis sanctis Conciliis abdicati sunt, sine dubitatione damnatis, et his nihilominus absolutis, de quorum ab iisdem Synodis absolutione decretum est : item post alia :

206. « Anathematis sententiae eum quoque subdentes, qui quaevis contra predictam Synodum Chalcedonensem, vel praesenti, vel qualibet in hac causa sive a nobis, sive a quibuscumque gesta scriptave inveniuntur, pro aliqua suscepit firmitate : et sancta Chalcedonensis Synodus, cuius magna et inconcessa est firmitas, perpetua et veneranda sicut Nicena, Constantinopolitana, atque Ephesina prima habent, suam teneat firmatem. Item post alia : Anathematizamus et eum quoque, quicunque sanctam Nicanam, Constantinopolitanam, Ephesinam primam, atque Chalcedonensem sanctissimas Synodos in una et immaculata fide Apostolis consonantes, et ab Apostolice Sedis presulibus roboratas, non et fideliter sequitur, et aequaliter veneratur : vel qui ea quae in ipsis sanctis Conciliis, quae praefati sumus, gesta sunt, vult quasi prave dicta corriger, aut vult imperfecta supplerre.

207. « Ecce venerabilis imperator, luce claris demonstratur, hanc nos habuisse semper in sanctarum quatuor Synodorum reverentia voluntatem, et quaecumque a sanctis Patribus in eisdem consentientibus definita, vel staluta, sive judicata sunt, intemerata permanere. Manentibus ergo omnibus quae de Epistola Ibae personaque ejus in sanctorum Patrum et Sedis Apostolicae vicariorum interlocutionibus continentur, illud nobis, omnibusque Catholicis aequali voluntate sufficiat, quod illic sibi sancta Synodus sufficere posse clamavit, dicens : Nestorium et ejus dogmata modo anathematizet : quo anathemate nefandissimorum Nestorii et Entychelis ab Iba episcopo folies iterato, totius satisfactum esse Synodi voluntati.

208. « His igitur a nobis cum omni undique cautela atque diligentia propter servandam inviolabilem reverentiam predictarum Synodorum et earumdem venerabilia Constituta dispositis : meores scriptum esse, terminos Patrum nostrorum nos transcendere non debere : statuimus et decernimus, nulli ad ordines et dignitates Ecclesiasticas pertinenti licere quidquam contrarium his quae praesenti asseruimus vel statuimus Constituto, de saepe dictis Tribus Capitulis aut conscribere, vel proferre,

aut compонere, vel docere, aut aliquam post præsentem definitionem movere ulterius quæstionem. Si quid vero de iisdem Tribus Capitulis contra hæc, quæ hic asseruimus, vel statuimus, nomine cujuscumque ad ordines et dignitates Ecclesiasticas pertinentis factum, dictum, atque conscriptum est, vel fuerit, et a quolibet ubicumque repertum; hoc modis omnibus ex auctoritate Sedis Apostolicæ, cui per gratiam Dei præsideamus, refutamus».

Subscriptio.



209. A **P** Juvante Deo et per ipsius gratiam Vigilius episcopus sanctæ Ecclesiæ Catholice Urbis Romæ huic Constituto nostro subscripti.

Subscriptiones episcoporum.

« Joannes episcopus Ecclesiæ Marsorum huic Constituto consentiens subscripti.

« Zaelænus episcopus Ecclesiæ Scyllacene huic Constituto consentiens subscripti.

« Pastor misericordia Dei episcopus Ecclesiæ Ioniensis metropolis huic Constituto consentiens, subscripti.

« Vincentius episcopus Claudiopolitanus Metropoleos huic Constituto consentiens, subscripti.

« Zacheus episcopus rogatus a fratre Valentino episcopo Silvæcandidæ, ipso præsente et consentiente et mihi dictante, huic Constituto pro ipso subscripti». Valentinus hic est ille, de quo superius egimus: qui missus vicarius a Vigilio Romanu, in Portu Romano a Totila rege Gothorum amputatus est manibus, ob idque per alium subserbit.

« Julianus humilis episcopus Ecclesiæ Cingulane huic Constituto consentiens subscripti.

« Paulus humilis gratia Dei episcopus Ecclesiæ Ulpianensis huic Constituto, quod beatissimus papa Vigilius in causa Trium Capitulorum protulit, ad omnia suprascripta consentiens, subscripti.

« Projectus episcopus Nassitanæ civitatis huic Constituto consentiens, subscripti.

« Fabianus gratia Dei episcopus Zapparenae civitatis huic Constituto, quod beatissimus papa Vigilius in causa Trium Capitulorum protulit, ad omnia suprascripta consentiens, subscripti.

« Prunasius Dei gratia episcopus civitatis Adrumetinæ, quæ etiam Justinianopolis dicitur Concilii Bizaceni, huic Constituto, quod beatus papa Vigilius in causa Trium Capitulorum protulit, consentiens, subscripti.

« Stephanus episcopus Ecclesiæ Ariminensis huic Constituto consentiens, subscripti.

« Alexander episcopus Ecclesiæ Melitenæ huic Constituto consentiens, subscripti.

« Julianus episcopus Ecclesiæ Melitensis huic Constituto consentiens, subscripti.

« Redemptus episcopus Ecclesiæ Nomentanae huic Constituto consentiens, subscripti.

« Venantius episcopus Ecclesiæ Lippiensis (Liparense) huic Constituto consentiens, subscripti.

« Quodvultdeus episcopus Ecclesiæ Numanæ (Nuceranae) huic Constituto consentiens, subscripti.

« Theophanius archidiaconus sanctæ Ecclesiæ Romanæ huic Constituto consentiens, subscripti.

« Pelagius miserante Deo diaconus sanctæ Ecclesiæ Romanæ huic Constituto consentiens, subscripti.

« Petrus miserante Deo sanctæ Ecclesiæ Romanæ diaconus huic Constituto consentiens, subscripti.

210. « Datum pridie idus Maii, imperante domino nostro Justiniiano perpetuo Augusto anno xxvii post consulatum Basilii V. C. anno xii, in Constantiopolitana civitate». Hactenus Vigili tractatus, Constituti nomine nuncupatus. Porro ejusmodi Vigili decretum ante conscriptum, ad imperatorem primum datum, ab eodem ad Synodum missum esse, ex sequenti Collatione sexta Synodi quintæ possumus intelligere, in qua allata ab ipso Vigilio pro defensione Ibas Epistolæ, nempe interlocutiones episcoporum in Concilio Chalcedonensi confutantur.

211. Agamus igitur de ipsa, quæ sexta ordine sequitur, Collatione: de qua primum monendum, quod dum falsa quedam asserta ibi reperiuntur, de impostura non mediocrem suspicionem inducent: cum videlicet habetur ibidem dictum, Ibam negasse Epistolam esse suam, ex eo quod post unionem pacemque factam negaverit se quidquam contra Cyriillum esse locutum. Verum cum eodem momento pacis initæ eam scripserit Ibas Epistolam; quod dixit, post unitatem inclusive intelligi voluit, post quam minime probaretur ipsum adversus Cyriillum aliquod protulisse indecens verbum. Sed et quod ibidem subditur, eamdem Epistolam in Synodo Chalcedonensi a Patribus suis damnatam, ipsa Acta secus docent: neutrum enim horum verum esse superius cum egimus de Chalcedonensi Concilio, sexto tomo ex ipsis Synodi Actis apertius demonstravimus. Certe quidem et sanctum Gregorium Romanum Pontificem eadem Acta depravata nactum esse, dum eadem affirmat, item ostendimus. Etenim Ibam eamdem Epistolam suam esse professum, et legatos Apostolicæ Sedis inter alios asseruisse, ex ea lecta Epistola Ibam cognitum esse Catholicum, quod Catholicæ pacta conventa initæ pacis se recipere profiteretur, inter quæ erat damnatio Nestorii et ejus errorum, superius diximus.

212. Porro haec sexta Collatio, quæ celebrata ponitur decimo quarto kalendas Junias, eo ordine disposita est, ut cum in ea actum sit de ipsa causa Ibas (quod est unum ex Tribus Capitulis) primo loco ipsius Ibas Epistola recitata sit, indeque contra Ibam Epistola Proeli in medium allata, ex quibus convinceretur Ibas post pacem Ecclesia perseverasse Nestorianus: postea judicium de ipso habitum Berythi breviter repetitum est. Inde vero additum de interlocutionibus episcoporum, quæ in causa Ibas in Chalcedonensi Concilio descriptæ reperiu-

tur, actumque est (ut apparet) adversus Vigilii Constitutum, licet præ reverentia ipsum non nominaverint : partimque excusant, partim vero redargunt, hoc usi potissimum arguento : « In Conciliis non unius vel secundi interlocutionem attendere oportet, sed quæ communiter ab omnibus vel amplioribus definitiuntur ».

Istis subjiciunt, ex episcoporum etiam interlocutionibus probari Epistolam Ibae esse hæreticam, et damnatam a Patribus, cum videlicet, ipsum Ibam coegerunt damnare Nestorium, cui visa esset eadem Epistola fuisse. Posthaec autem relegi jussa sunt Acta primæ Synodi Ephesinae, et sancti Leonis papæ ad Flavianum Epistola, atque ex Concilio Chalcedonensi petita fidei professio, cui collata Epistola Ibae in multis comprobata est hæretica, ob idque ab omnibus condemnata, dictumque iterum anathema Nestorio ac Theodoro Mopsuesteno. Huncque finem tandem sortita est Collatio sexta.

213. Sed quomodo hæc non contradicant Actis Synodi Chalcedonensis, in quibus interlocutione Apostolice Sedis legatorum et aliorum diseritis verbis dictum est, ea lecta Epistola, Ibam auctorem ejus probari esse Catholicum ? Nam si Epistola esse promuntiatur hæretica, quomodo auctor ipsius dici potuit probari Catholicus ? De his cum sëpe superius dictum sit, dum de eodem Concilio Chalcedonensi est historia recitata, atque itidem nuper ingestum iterum : hic rursum paucis erit in memoriam revocandum : nimirum quod in fine habetur Epistolæ, ejus auctorem Ibam pacem in Ecclesia initam esse testari, seque ostendere ex eo letari, paeque consentire, dum de restituta concordia Deo gratias agit : cumque ea conditione transactio illa facta fuerit, ut Nestorius atque ejus pariter condamnarentur errores, Synodusque Ephesina prior et in ea decreta reciperenrur : plane ex necessaria proveniebat assumptione, ut et (quod Catholicus esset hominis) Ibas Nestorium condemnaret, Synodusque Ephesinam proressus sit. Sic igitur haud perperam interlocuti sunt Apostolice Sedis legati et alii, cum dixerunt Epistola illa lecta, Ibam probatum esse Catholicum : et hoc plane fuit quod interlocutus est Eunomius episcopus, ipsam Epistolam in principio apparere hæreticam, in fine vero inventam esse Catholicam. Sed de his modo satis, de quibus superius sëpe diffusius actum est.

214. At non prætermittamus hic Graecorum illorum vafritem notam facere, nimirum præter fas jusque sacrum corrupisse textum Synodalium Actorum, dum tandem addiderunt (quod diutius tentarant) verba illa ad Chalcedonense Concilium, de quibus sub Hormisda papa diu fuerat altercatum, cum contendenter nonnulli Eutychianæ hæresis suspecti, præsertim vero Scythæ monachi de quibus superius pluribus actum est, ut in ipsam sacrosanctam Synodum Chalcedonensem inferrentur verba ista : « Dominum nostrum Jesum Christum unum esse de sancta Trinitate ». Quod cum tunc non obtinuerint, quod absque additamento

Synodus recte consistet : hic modo dum confortur Ibe Epistola cum Concilii Chalcedonensis professione, hæc recitant Synodi verba : Chalcedonensis saneta Synodus in definitione quam de fide fecit, prædicat Deum Verbum incarnatum hominem factum esse. Addideruntque Synodi verbis hæc : « Qui est Dominus noster Jesus Christus unus de Sancta Trinitate, etc. » Quasi id professa fuerit ipsa Synodus Chalcedonensis, quæ potius unam dicere maluit personam sanctæ Trinitatis, quam unum de sancta Trinitate. Sed cur id dicendum recusari Hormisda ob dolos vitandos hæreticorum Eutychianorum, et cur a successoribus ad confutandos Nestorianos illa sint verba reepta, dictum est de his pluribus suo loco superius. Jam vero veniamus ad septimam Collationem.

215. Rursus enim ad septimum kalendas Junii iidem qui supra Orientales episcopi ad Synodum convenere. Ubi primum Constantinus questor nomine imperatoris Synodo suggessit, ut singula legerentur quæ Vigilius ad diversos scripsisset, sive cum damnavit Rusticum et Sebastianum Ecclesiæ Romane diaconos, sive cum suspicione pulsatus de Trium Capitulorum damnatione litteras scripsisset ad Valentianum, Tomitanæ in Scythia Ecclesiæ antistitem, neenon ad Aurelianum episcopum Arelatensem ; in eo ex his laborante imperatore, ut posset arguere ipsum Vigilium prævaricationis, quasi ante Tria Capitula condemnasset, quæ postea defendisset. At postremum vero recitantur Acta Antiochena, quibus docetur, Nestorianos vindicantes sibi ut suum Theodoreum, ejus imaginem super currum cum triumpho duxisse. His peractis, absoluta est Collatio septima.

216. Ultima demum Collatio habita legilur quarto monas Junias : in qua recitata est sententia contra Theodorum Mopsuestenum, Ibae Epistolam, et Theodorei scripta adversus Cyrillum. Est ejus exordium : « Magno Deo et Salvatore nostro Iesu Christo, etc. » Ad calcem vero sententiae a Synodo positi habentur duodecim anathematismi contra Nestorii et Eutychetis hæreses et adversus Tria illa Capitula : quæ omnia secuta subscriptio episcoporum roboravit. Ab Eutychio episcopo Constantiopolitano primum omnium subscriptum est latè sententiæ, inde ab Apollinare Alexandrino, et Domino Antiocheno : sed cum episcopus Hierosolymitanus non adesset Eustochius per legatos subscriptus legitur : sunt omnes numerati centum sexaginta quinque. Quid autem in eadem sententia de Vigilio papa sint prælocuti, hic recitemus ; sic enim se habet :

217. « Quia contigit Vigilium religiosissimum in hac regia urbe degentem omnibus interesse quæ de Tribus Capitulis annotata sunt, et tam in scriptis quam sine scriptis ea sëpius condemnasse : postea tamen et consensit in scriptis in Concilio convenire et disceptare una nobiscum de his Tribus Capitulis, ut diffinitio communiter ab omnibus nobis prebeatur fidei rectæ conveniens : piissimus imperialor

(secundum quod inter nos placuit) tam ipsum quam nos hortatus est communiter convenire, eo quod sacerdotes decet communibus quæstionibus finem communem imponere. Unde necessario petivimus ipsius reverentiam, scriptis suas promissiones adimplere: nec enim justum esse amplius scandalum de his Tribus Capitulis crescere, et Dei Ecclesiæ conturbari ». Et inferius: « Cum autem et a nobis omnibus invitatus, et insuper glriosissimis judicibus missis ad ipsum a piissimo imperatore promisit per seipsum de iisdem Tribus Capitulis sententiam proferre. Hujusmodi responso auditio, Apostoli nos admonitiones in corde habentes, quod unusquisque pro se rationem reddet Deo, timentes autem et scandalum imminens eis qui vel unum ex minimis scandalizant, quanto magis imperatorem ita Christianissimum et populos et Ecclesiæ totas, etc. » Subditur enim causa, cur ipsi ad ea de Tribus Capitulis definienda permoti fuerint putantes præmissam excusationem sufficere, quod Vigilius Pontifex, vocatus licet tam solemniter, ad Synodum venire recusarit.

218. Ex his primum illud considerandum puliamus, remuentem Vigilium minime coactum fuisse aliquo termino peremptorio ex more præfixo ad Synodum convenire, neque prohibitum pro arbitrio de causa in Synodo ventilanda, pendente Synodo, sententiam ferre; neque illa ob id a Synodo censura perculsum. Illud insuper, quod sciret Synodus absque assensu Romani Pontificis irrita reddi decreta Concilii: uteumque possent Vigili consensum ad ea quæ ab ipsis de Tribus Capitulis sunt definita prætendere; in sententia posuerunt, antea ab ipso et sine scriptis Tria damnata esse Capitula, tacentes omnino quid ab ipso per editum Constitutum, pendente Synodo, pro defensione Trium Capitulorum decretum esset, utpote quod scirent, non esse eni⁹vis Synodi infringere latam sententiam ab ipso Romano Pontifice. Haec, inquam, omnia taceuere, ut qui (quod dictum est) non ignorarent, nullius esse roboris, quæ contra præceptum ejusdem Pontificis esset Synodus congregata, et quæ ipso contradicente, in eadem fuissent Synodo constituta. Quod igitur scirent, non esse tantum vitium cuivis Synodo quolibet numero episcoporum polenti, ut infringere possit decreta Romani Pontificis: silentio potius agere, quam contrariis niti viribus, consultis visum fuit: sicque nullam penitus de Vigili Constituto, quo defendebat Tria Capitula, mentionem habendam esse duxerunt.

219. His ista se habentibus, si ad numeros omnes, quibus constare debet Synodus, ut OEcumenica in Spiritu sancto legitime congregata dicatur, istam conferas: rebus sic stantibus quas exhibent Acta plane consenties ipsam non OEcumenicam tantum, sed nec privatæ Synodi mereri nomen: ut quæ resistente Romano Pontifice fuerit congregata, et contra ipsius decreta ab ea pariter sententia dicta. At quomodo factum sit, ut eadem postea nomen Synodi obtinuerit OEcumenicæ, inferius dicturi sumus.

220. Hic modo illud considerandum est: num effectum illum fuerit id Concilium consecutum, cuius causa fuit indictum, nempe ut Eutychiani illi haeretici, qui dicebantur Hæsitantes, reciperent (ut promittebatur) sacrosanctum Chalcedonense Concilium. Tribus illis, quibus offendit videbantur, Capitulis condemnatis? minime gentium: etenim in errore pressius permandere. Unde ex hac Synodo evidens fuerit posteris relietum exemplum, nihil contra fas haereticis concedendum sub specie conversionis illorum. Nam audi Leontium Scholasticum, qui his temporibus haec scribēbat¹. « Alia (inquit) nobis oritur de Justiniani temporibus difficultas: nam quia Justinianus, qui videret Hæsitantes occidere Theodoreto (Theodoro) et Ibae, quasique propter ipsos aversari Synodum, anathemati eos subjecit: objicunt nobis, quamobrem illos anathematizassemus? Aut boni scilicet erant, aut mali. Si boni, cur anathematizatis? Si mali, cur a Synodo, Chalcedonensi videlicet, recepti sunt? Quod si vos jam ipsos ut malos anathematizatis, quid hoc ad Chalcedonense Concilium a vobis probatum, quod eos suscepit? Ad hoc respondemus, Justinianum hoc certo quodam consilio fecisse. Nam quia videbat (ut diximus) horum causa Hæsitantes Synodum aversari: perfecturum se putabat, ut iis anathematizatis, Synodus reciperetur. Ideoque duos anathematizandos duxit (quoniam minime anathematizatos oportuit) ut omnes ad unionem redigeret. Haec igitur ob causam illos anathematizatos subjecit. Verum nec sie quidem adducti sunt Hæsitantes, ut Synodum reciperent ». Haec Leontius, qui et alia quæ in Orthodoxos idem Hæsitantes objicerent, recenset atque refellit. Citat ipsum Joannes Damascenus².

221. At non haeretici tantum minime conversi (quod ferendum aliquo pacto esset) sed quod longe deterius est, Orthodoxi schismate divisi sunt, et universa Ecclesia Catholica schismate dilacerata: et quod monstruosius accessit, ab imperatore, qui Christianissimus semper videri voluit, persecutio excitata fuit, et hanc quidem levis: siquidem illi qui damnationem Trium Capitulorum non reciperent, imperatoris jussu in exilium agebantur. Nam audi Liberatum diaconum³, dum ait, quod sicuti omnes qui consentiebant in damnationem Trium Capitulorum, ab imperatore muneribus dabantur: « Ita (inquit) non consentientes, depositi, in exilium missi sunt; vel aliqui fuga latitantes in angustiis felicem exitum suscepserunt ». Haec ipse, qui una cum suis Africanis pro Tribus Capitulis pariter pugnavit. Sed et de Victore in Africa episcopo haec Isidorus habet⁴: « Victor pro defensione Trium Capitulorum a Justiniano Augusto exilio in Ægyptum transportatur. Unde rursus Constantiopolim evocatus, dum Justiniano imperatori et

¹ Leon. de Sect. Act. vi. in fin. et vii. — Joan. Damas. de Ortho. fid. I. iii. c. 11. — ³ Liberat. diac. in Brev. c. ult. — ⁴ Isidor. de Vir. illust. c. 25.

Eutychio Constantinopolitanæ urbis episcopo obtrectoribus eorumdem Trium Capitulorum resisteret, rursus in monasterium ejusdem civitatis custodiendus militavit, atque in eadem damnatione (ut dicunt) permanens moritur ». Haec de Victore Isidorus. Constat et Faustum Hermianensem episcopum in Africa quæsum ad pœnas, eo quod quam disertissime pro Tribus illis (ut diximus) scripsisset Capitulis: ipsum autem captantem latebras evasisse, e quibus adversus Mocianum haec ipsa exprobrantem libellum scripsit.

222. At non Africanistantum episcopis obcamdem causam idem imperator negotium facessivit, sed adversus Illyrici episcopos, qui pro Tribus Capitulis collegerant Concilium, edictum promulgavit. De his enim haec Isidorus habet¹, cum de Justiniano imperatore agit: « Condidit quoque (inquit) et rescriptum contra Illyricanam Synodum et adversus Africanos episcopos, in quo Tria Capitula damnare contendit, etc. » Immunes a persecutione illi tantum fuere, qui non sub ipsis Justiniani degabant imperio: hinc accidit, ut Venetæ et ei adjacentium regionum episcopi, cum essent sub Franco-rum dominio (Franci enim tunc illis dominabantur provinciis) contra quintam Synodum cogerent Concilium Aquileiæ, cuius meninit Beda. Quem igitur contra adversantes episcopos promulgasse constat edictum, num Vigilio papæ pepercit, qui pro Tribus Capitulis adversus imperatoris promulgatum ante decretum et contra Synodi sententiam Constitutum ante a se editum universæ Ecclesie notum fecit? minime quidem. Liquet enim ex Anastasio Vigiliū una cum iis qui cum ipso erant, in exilium fuisse deportatum, demum vero rogatu Narsetis ab exilio omnes pariter revocatos: de quorum restituzione suo loco acturi sumus.

223. Quintæ Synodi auctoritas probatur, et Vigilius defenditur. — Porro si Vigilius in exilium actus est: quomodo dicunt nonnulli ipsum Vigiliū per litteras consensum jam Synodo tribuisse? Nou enim ista sibi inter se adversantia simul convenire possunt, ut Vigilius consensum Synodo præbuerit, et in exilium actus sit: cum præsertim Liberatus testetur, eos qui in damnatione Trium Capitulorum Synodo consenserunt, ab imperatore abdicatos esse. Græcorum tamen nonnulli sunt, qui de ipsis Vigili consensu affirmant, quod scilicet seirent absque ejus assensu cuncta irrita cassaque ipso jure esse. Evagrius enim haec ait²: « Vigilius autem per litteras consensit Concilio: non tamen interesse voluit ». Eadem quoque Nicephorus³ tradit; neconon Eustathius in Vita Eutychii: idipsum Cedrenus, Zonaras, atque Photius de septem Synodis apud Euthymium in Panoplia⁴. Sed mihi verisimile non fit, ut vel pendente Synodo, vel statim ut est absoluta, id Vigilius fecerit, tum ex his quæ dicta sunt de ejus exilio mox secuto:

¹ Isidor. de Vir. illust. c. 18. — ² Evag. l. iv. c. 37. — ³ Nic. l. xvii. c. 27, 28. — ⁴ Euthym. Pan. part. II. lit. xxiv.

tum eliam quod si verum esset, tunc per litteras assensum Vigiliū tribuisse, utique litteræ ille tanto emendicatione labore atque industria Actis fuisse intextæ, et plurima earum exemplaria exscripta, notaque facta omnibus tum Orientalis, tum Occidentalis orbis Ecclesiis, non secus ac Epistola Leouis pape, quod ex illis vadarentur quæ a Synodo sancta ipso contradicente essent invalida. An autem post exilium assensus sit, cum redire Romanum permisus est, suo loco dicemus.

224. Sed dices: Si Vigilius tunc cum ageretur non consensit, neque ratam statim absolutam Synodum habuit: quoniam pacto nomen et titulum et auctoritatem obtinuit OEcumenicæ? Hic siste, lector, atque rem attente considera: non esse hoc novum, ut aliqua Synodus, cui nec per legatos ipse Pontifex interfuerit, sed adversatus fuerit, titulum tamen obtinuerit OEcumenicæ, cum postea ut hujusmodi titulum obtineret, Romani Pontificis voluntas accessit. Ita quidem accidisse superius diximus Synodo Constantinopolitanæ sub Theodosio Majore celebratæ, repugnante Damaso, qui (ut suo loco vidimus) Synodum ipsam Romæ celebrandam indixerat: cui tamecum accedens postea ejusdem Damasi papæ consensus, eam OEcumenicam esse fecit. Huic igitur Synodo etsi Vigilius consensum aliquando defuisse dixerimus, ipsius tamen postea, vel successoris ejus Pelagii, et aliorum qui post ipsum præfuerunt Pontificium Apostolicæ Sedis sensu ipsa non caruit. Sic igitur quæ aliquando expers fuit penitus auctoritatis, ut nec legitima Synodus dici meruerit, eo quod resistente Romano Pontifice fuerit congregata, et eodem contra obnintente absoluta: ubi tandem pariter ipsius Vigiliū et successorum Romanorum Pontificium sententia est probata, eadem titulo oecumenicæ toti Christiano orbi plena illuxit auctoritate. Ex quibus quisque poterit intelligere, quanta vis in Apostolica Sede resideat, cuius arbitrio pendeat, quid velit esse in universa Ecclesia sacrosanctum, et ab omnibus custodiri legitimum, atque canonicum comprobari.

225. Quod autem dum de Synodis agunt Patres, non eodem præconio eademque fiducia celebrant Synodum quintam, sicut alias quatuor præcedentes: id ea ex causa accidisse videtur, quod hac ex parte haud adeo nobilis ista quinta ut aliae visa fuit, eo quod non de fide in hac actum est, sed de personis; in quatuor autem superioribus Synodis præcipua fidei Christianæ tractata atque stabilita sunt dogmata, nimirum de divinitate Filii Dei et Spiritus sancti, atque de incarnatione Verbi. Hinc vides sanctum Gregorium papam non audere hanc quintam cum quatuor superioribus conferre Synodis, cum ad Constantium Mediolanensem scribens, haec ait¹: « Nunc ita facimus, sicut vobis placuit, ut quatuor Synodos solummodo laudaremus. De illa autem Synodo quæ in Constantinopoli

¹ Greg. l. III. Ep. xxxvii.

postmodum facta est, quæ a multis quinta nominatur : scire vos volo, quia nihil contra quatuor sanctissimas Synodos constituerit vel senserit : quippe quia in ea de personis tanquammodo, non autem de fide aliquid gestum est, et de his personis, de quibus in Chalcedonensi Concilio nihil continetur, sed post expressas Synodos seu canones facta contentio, et extrema Actio de personis ventilata est ». Hæc Gregorius, eo quod ea de controversiis episcoporum post fidei definitionem statuta, Appendix potius quædam ad ipsam Synodum viderentur.

226. De probatione autem ipsius quintæ Synodi idem S. Gregorius ad Joannem Constantinopolitanum episcopum hæc habet¹ : « Quintum quoque Concilium pariter veneror : in quo Epistola quæ Iba dicitur, erroris plena reprobatur : in quo Theodorus personam Mediatoris Dei et hominum in duabus subsistentiis separans, ad impietatis perfidiam cecidisse convincitur; et in quo scripta quoque Theodoreli per quæ beati Cyrilli fides reprehenditur, ausu dementie prolata reperiuntur. Cunetas vero quas præfata veneranda Concilia prorsus respuunt, respuo; quas venerantur, complector ». Hæc Gregorius ad Joannem : in eamdemque sententiam ad Theodolindam Longobardorum reginam sic ait² : « Quantum vos pure diligimus, tantum de vobis fortius dolemus, quia vos imperitis stultisque hominibus creditis, qui non solun ea quæ loquuntur, nesciunt, sed vix ea percipere quæ audierint, possunt. Dicunt enim, pie memoriae Justiniani temporibus aliqua contra Chalcedonensem Synodum fuisse constituta. Qui dum neque legunt, neque legentibus credunt, in ipso errore manent, quem tibi de nobis ipsi finixerunt. Nos enim teste conscientia, latenuit de fide ejusdem sancti Chalcedonensis Concilii, nihil motum, nihil esse violatum : sed quidquid prædicti Justiniani temporibus actum est, ita actum est, ut tides Chalcedonensis Concilii a nullo vexarellur. Si quis autem contra ejusmodi Synodi fidem aliquid loqui præsumit vel sapere, nos ejus sensum sub anathematis interpositione delestanur ».

227. Ad Sabinum vero subdiaconum sic³ : « Exemplis maligni homines turbaverunt animos vestros, non intelligentes neque quæ loquuntur, neque de quibus affirmant, adstruentes, quod aliquid de Chalcedonensi Synodo pia memoriae Justiniani temporibus sit immunitum, quam omni fide omnique devotione veneramur : et sic quatuor Synodos sancta universalis Ecclesie, sicut quatuor libros sancti Evangelii recipimus. De personis vero, de quibus post terminum Synodi aliquid aetum fuerat, ejusdem pia memoriae Justiniani temporibus est ventilatum, ita tamen, ut nec fides in aliquo violaretur, nec de iisdem personis aliquid aliud ageretur, quam apud eamdem Synodum Chalcedonensem fuerit constitutum. Anathematizamus

autem, si quis ex definitione fidei, quæ in eadem Synodo prolata est, aliquid minuere præsumit ». Hæc ad Sabinum : sed fuis de his agit scribens ad Secundinum, ubi inter alia⁴ : « Synodus quæ post eam generaliter facta est, idecirco a nobis recipitur, quia ejusdem Synodi, Chalcedonensis scilicet, in omnibus sequax honorem illius auctoritatemque custodit ».

228. At quod in Epistolis suis breviter tantum attigisse hæc Gregorius potuit, nec cunctos qui ejus essent quæstionis valuit explicare numeros : idem scribens ad Hibernos episcopos de his querentes, mittit ad eos Pelagii papæ librū eodem arguento conscriptum, quo doceri potuissent, nihil ab Ecclesia perperam factum, quod ab aliis episcopis jure redargui potuisset. Nam audi ipsum de his ad eos ita scribentem⁵ : « Ut de Tribus Capitulis animis vestris ablata dubietate possit satisfactio abundantanter infundi; librum quem ex hac re sanctæ memoriae successor meus Pelagius papa scripsérat, vobis utile judicavi transmittere : quem si, posito voluntariæ dissensionis studio, puro vigilante que corde stupis volueritis relegere, eum vos per omnia senturos, et ad unitatem nostram reversuros nihilominus esse confido. Porro si post hujus libri lectionem, in ea qua estis voluerilis deliberatione persistere, sine dubio non rationi operam, sed obstinationi vos dare monstratis ». Hæc ad Hibernos dicta ex causa schismate divisos Gregorius. Meminit etiam ejusdem Pelagii papæ Epistole Paulus⁶ diaconus, quam dicit fuisse conscriptam ab ipso Gregorio, cum esset diaconus. Ex quibus intellegas, librum illum non Pelagii senioris, sed junioris, qui præcessit Gregorium, fuisse opus.

229. At non Gregorius tantum cum prædecessoribus Romanis Pontificibus, sed et successores omnes quintam Synodum recepisse atque confirmasse noscuntur. Constat id de Leone Secundo, qui ad Constantium imp. scribens, eamdem Synodum confirmavit, cuius Epistola in sexta Synodo recitat. Præstitit id ipsum Hadrianus papa in Epistola ad Nectarium data. Itemque in aliis OEcumenicis Synodis postea celebratis eadem quinta Synodus OEcumenica cognita est atque probata : ut nihil penitus sit, quo in dubitationem amplius revocari possit. Verum quod ad hæc spectat tempora accedit quidem, ut cum his temporibus Vigili Consilitum de Tribus Capitulis comprobandis ubique vulgatum haberetur præ manibus, ejus nisi auctoritate atque fiducia complures Catholici orbis episcopi Synodum quintam minime receperint, atque a contraria illis sentientibus sese divisorint : fuerunt hi episcopi Africani, Italiique illi Venetiae provincie atque Liguriæ, et alii Epirotici, Illyrici, et illis finitimi, demumque progressum est malum (ut vidimus) ad Hibernos. Constituto namque Vigili fretos, id sibi jure licuisse eos ar-

¹ Greg. l. i. Ep. xxiv. — ² Greg. l. iii. Ep. iv. — ³ Greg. l. ii. Ep. x. Ind. xi.

⁴ Greg. l. viii. Ep. li. Ind. x. — ⁵ Greg. l. ii. Ep. xxxvi. — ⁶ Paul. diac. de Gestis Longob. l. iii. c. 10.

bitratos esse, ex S. Gregorio satis intellegi potest.

230. Sed insurgens aliquis novator, urgensque dilemmate, dicet : Si bene fecit Vigilius contraria prioribus decernens, Pelagiusque et successores aliud statuentes de Tribus Capitulis, quam quae ab ipso Vigilio statuta essent; fateri necesse est Vigilium ipsum aliquando errasse. Contra vero si Vigilius suo Constituto minime errasse dicatur; tunc dicere opus erit, eumdem aliud decernentem, id ipsumque confirmantes Pelagium et successores, a recto veritatis tramite deviassse. Vel saltem erit, ut levitatis crimen Vigilius effugere minime posse videatur, juxta illud Ecclesiastici¹ : « Unus ædificans, unus destruens : quid prodest illis nisi labor ? » Sed et prævaricationis notam quomodo effugiet, secundum Apostoli verba dicentis² : « Si quæ destruxi, hæc iterum ædifico, prævaricatorem me constituo ? » Ut autem hos solvas nodos, tricasque resolvas, tollas ambages, spinæque tanta veritatis falee succidas, attende.

231. Primum omnium absque controversia nulla ab omnibus consentitur (quod modo legimus ab ipso S. Gregorio saepius inculcatum, et a nobis superius est pluries dictum) in his disceptationibus de Tribus Capitulis nullam fuisse de fide quæstionem, ut alter ab altero aliter sentiens dici posset hæreticus. Rursum pariter ex his quæ dicta sunt in comperto est, utramque partem in altercando ad disserendo professam esse, totum quod ageret, in id respexisse, ut consultum esset dignitati sicut ei auctorati sacrosancti Concilii Chalcedonensis. Id quidem quintæ Synodi sexcenta loca, id Vigilium papam suo Constituto saepè saepius inculcasse legisti : ut nec de his nulla dubitatio esse possit. Hæc cum ita se habeant : si lieuit Vigilio ex causa visitandi schismatis priorem mutare sententiam, et contraria iis quæ antea statuisset Constituto decernere : cur ipsi non licuit ex eadem causa, mutato rerum statu, rursum mutare sententiam, ifidemque ejus successoribus in ipsius Vigilii abire decretum ? Cum præsertim (ut saepe dielum est) in utroque bene esset consultum Concilio Chalcedonensi, sive cum damnaret Tria illa Capitula, sive cum eadem ipsa defenderet, ut ex allatis pro ultraque parte rationibus perspicue intelligi potest.

232. Cum enim damnarentur eadem Tria Capitula, nihil detractum fuit vel derogatum sacrosanctæ Synodo Chalcedonensi, sed additum potius sive dixerimus aliquid magis perspicue declaratum. Etenim cum Theodorus Mopsuestenus in Epistola Ibae inveniretur esse laudatus : ne quis decipetur, ut ob id a sancta Synodo ipsum una cum ejus scriptis putaret esse receptum, magnoque præjudicio Catholicæ veritatis plus illi quam par esset tribueret : placuit ipsum ex suis scriptis fuisse hæreticum demonstrare, pariterque damnare, ad obstruenda etiam hæreticorum ora, qui calumnia-

bantur Synodum suscepisse in Epistola Ibae ejusdem Theodori praconia. Insuper quod in eadem Epistola videri possent ab auctore laudata Theodoreti scripta, et Cyrillus nota Apollinaris erroris inustus : ne ex his daretur occasio, ut ab adversariis dici posset fuisse recepta a Synodo scripta Theodoreti contra Cyrrillum, probasseque Synodus Cyrrilli crimen : opus esse videbatur hac veluti declarando, damnare jam antea improbata Theodoreti contra Cyrrillum scripta. Rursum vero, ne quod Ibae Epistola Actis Synodi Chalcedonensis haberetur intexta conferta blasphemis, a Synodo in omnibus videretur esse suscepta : placuit Synodo et aliis ejus sententiae episcopis eam ut haereticam condemnare. Hæ sunt causæ et rationes, quibus Tria illa primum condemnare Capitula tum Vigilius tum Justinianus, tum Synodus postea sunt persuasi. His accedebat, quod magna spes erat, si ea Tria Capitula damnarentur, fore ut Eutychianorum pars illa, quæ Hæsitantium dicebatur, ad Ecclesiam remearet.

233. Ut autem Vigilius aliquando postea in hac sententia non steterit, sed pro defensione Trium Capitulorum fecerit Constitutum, utque alii quamplurimi diversarum provinciarum anlistites itidem pro defensione Trium Capitulorum solliciti fuerint, plures etiam accesserunt dignæ cause et rationes : atque primum, quod veluti per cuniculos aditus patefactus videretur ad invadendum sacrosanctum Chalcedonense Concilium, cum quæ in eo aeta essent, iterum ad examen revocarentur. Praeterea si consideretur, ut in communicatione Catholica defunctus aliquis posset damnari post mortem ; pateret ostium, ut ex suis scriptis quisque Ecclesiæ scriptor post mortem, licet in communione Catholica defunctus esset, saepè posset ut hæreticus condemnari : cum haud facile sit reperire aliquem rerum Ecclesiasticarum tractatorem, qui quantumlibet titulo sanctitatis atque doctrinæ refulerit, non sit erroris alicujus arguendus.

234. Rursum vero quod infirmari videretur ab adversariis ipsum sacrosanctum Concilium Chalcedonense, quod recepisset Epistolam Ibae blasphemam : pro ejus defensione insurgendum esse, necessarium visum fuit asserereque, quod elsi Synodus Chalcedonensis recitatam audierit Epistolam Ibae, non potest tamen affirmari ita eam recepisse, ut cuncta quæ in ea scripta haberentur probaret, sed tantum quod ex ipsa cognitus fuerit Ibas evasisse Catholicus, nimirum cum historicè ipse in ea mala præterita blasphemiasque recensens quæ hactenus viguissent, ad postremum de pace sancita, quæ ab omnibus Nestorius fuit condemnatus, exultans Ibas potuit videri Catholicus : sed quasi id non sufficeret, a Patribus compulsus est plenius ibi condemnare Nestorium, adeo ut bene definitum iudicium de Iba jam cum injuryia Synodi calumniose revocari videretur in dubium.

235. His accedebat causa urgentissima, qua coactus fuerit in hanc Vigilius sententiam perfran-

¹ Eccl. xxxiv. — ² Galat. ii.

sire : nempe quod (ut saepe dictum est) viderit tum Africanam, tum reliquas ferme omnes Occidentales Ecclesias schismate dividendas, si contra Tria Capitula in priori sententia perstisset. Cum vero graviori danno universum Orientem ab Ecclesia Romana divisum cerneret, nisi Synodo consentiret, eam probavit. Sic igitur novis emergentibus causis, sententiam cum saepe mutarit, haud arguendus est levitatis : sicut nec accensandus est Paulus Apostolus¹, neque prævaricator dicendus fuit, si cum ipsa tulisset de abroganda cirenumcisione suffragium, postmodum nova suborta causa Timotheum circumcidit², atque rursus priora secentus, Petro ad tempus dissimilanti in faciem restiterit et redarguerit eum, quod magno aliorum periculo Judazaret ; ita pro ratione temporis modo hoc, modo illud adimplens, factus est omnia omnibus, ut omnes lueraretur.

236. Haec sunt quæ ad excusationem Vigilius spectant, necnon eorum qui pro defensione Trium Capitulorum hactenus laborarunt : a quibus tamen in eo Vigilius discrepasse visus est, quod illi pertinaci animo impudenter satis cum Tribus Capitalis defendebant pariter Theodorum Mopsuestenii, ut appareat ex scriptis Liberati diaconi, atque Facundi episcopi Hermianensis : Vigilius autem contra, cuneta quæ ejus nomine allata fuissent, anathemate (ul vidimus) condemnavit. At sicut Vigilius, ita et Vigilius successor Pelagius papa eamdem iniens rationem, ipsam quintam Synodum damnantem Capitula Tria esse suscipiendam existimavit ; ex ea potissimum permotus ratione, ut Orientalis Ecclesia schismate seissa ob Vigili Constitulum, Romanæ Ecclesiæ uniretur. Quod insuper in ea (ut dicimus) rata habita esset damnatio Origenis et ejus errorum, qui magnopere in Orientali invalecebant Ecclesia : ne viderentur eam dammando Synodum, quæ insectata erat Origenis errores, iisdem aliquo modo lavisse, eamdem quintam Synodum iudicem comprobavunt.

237. Haec ad excusationem utriusque sibi invicem adversantis partis volumus in medium adduxisse : cum tamen illud affirmare non desinamus, longe præstantius futorum fuisse, ut ab his controversiis Dei Ecclesia jejuna mansisset, nec unquam de his aliquis habitus esset sermo, ex quibus tum Oriens tum Occidens immensa strage multiplicibus diu sunt repleti funeribus. Hanc tandem cladem orbi, pestemque Ecclesiae Justinianus invexit, dum suadente Theodoro Cæsariensi, de Tribus damnandis Capitulis primus legem sancivit, et promulgavit edictum. Vides, quanta jactura, quod est episcoporum principes sibi sumant, cum indicere audent ipsis sacerdotibus leges, a quibus sanctitas servare ipsi debent, et servandas edicere : quo semel e cardine suo revulso ordine, confundi omnia, cunctaque necesse sit in summum discri-

men adduci, periclitarique penitus quæ sunt in Ecclesia bene disposita.

238. *Quid in causa Origenistarum et aliis egerit quinta Synodus.* His visis, jam ad ea quæ in eadem quinta Synodo desiderari videntur, quæve spuria eidem postea accesserunt, orationem diu per altercationum tribulos, atque carduos dissensionum deducant, libentiori animo convertamus. Constat quidem plurimum testificatione (ut superius dictum est) in eadem Synodo damnatos esse Origenem, Didimum, et Evagrium una cum ipsorum erroribus, scriptosque adversus eos decem anathematismos, quos Nicephorus recitat¹ : in Actis antem Synodi de Origene ejusque erroribus condenmatis fit tantum brevis mentio in undecimo anathematismo. Affert vero Cedrenus ex Epistola Justiniani imperatoris ad Synodum quintam data de erroribus Origenis hæc ipsa² :

239. « Litterarum Justiniani ad Concilium haec est sententia.

« De Origene et iis quæ ab ejus sunt secta, operam dedimus, justum esse intelligentes, ut sanctam Dei Apostolicamque Ecclesiam a turbis secundum præsternimus, utque ea quæ quocumque modo adversa rectæ fidei enascentur, condemnentur. Cum ergo compertum habeamus, esse Hierosolymis quosdam monachos nimirum, qui Pythagoræ, Platonis, Origenis Adamantii impios errores sectentur atque doceant : existimamus curam et inquisitionem de his adhibendam, ne bi ad extremum Græcanieis et Manichæieis suis imposturis multos perdant. Nam ut de multis pauca commemoremus, mentes aiunt esse innumeræ et nominis expertes, omniaque ratione prædicta unum esse idemque substantia, et efficacia facultateque ad Deum et cognitione omnia unita. Has mentes, cum amoris ac contemplationis Dei satietas eas cepisset, pro eo ut quævis magis minusve in deterius deseiverat, vel crassiora vel tenuiora corpora indui, atque nomina sortiri, atque cælestibus et administris facultatibus esse subjectas : ipsum adeo solem et lunam, et stellas, cum ipsa quoque rationali ista unitate essent, mutatione in deterius facta, id corporis esse quod sunt. Eas vero mentes, in quibus Dei amor magis etiam refixit, animas factas, et crassioribus, qualia nostra sunt, corporibus immitti. Quæ vero ad extremum perveritatis venerint, eas frigidis et caliginosis inseri corporibus, quos dæmones vocant. Ex Angelico proinde statu animalem, ex animali dæmoniacum fieri et humanum.

240. « De tota autem unitate mentium unam duntaxat perstiffisse immotam, neque ab amore et contemplatione Dei passam esse abduci ; eum esse Christum, qui Deus et homo fuerit. Affirmavit etiam corpora prorsus interire, ipsumque primo Dominum corpus suum abjecisse, et id omnes homines facere : rursusque omnes in unitatem redire, ac

¹ Galat. ii. — ² Act. XVI.

¹ Niceph. l. xvii. c. 27. — ² Cedren. in compen. Annal.

mentes fieri, sicut ab initio fuerant : ipsum vide-
licet etiam diabolum et reliquos daemones, impios
que homines in eamdem cum sanctis et divinis
hominibus et cœlestibus facultatibus, eodemque
quo ipse Christus modo cum Deo unitum iri, sicut
et a principio uniti fuerant : atque adeo Christum
plane nihil a reliquis ratione præditis differre, neque
substantia, neque cognitione, neque facultate, neque
efficacitate. Sane Pythagoras principium omnium
rerum esse unitatem pronuntiavit, idemque et
Plato docuerunt, esse quandam gentem animarum
corporis experitum, quæ si quid delinquent, poena
loco in corpora demittuntur : quamobrem Plato
corpus σῶμα, quasi σῆμα, id est, vinculum appellavit,
in eo animam quasi sepultura alligari, in-
dicans.

241. « Idem de futuro judicio et premiis ac
poenis animarum sic scribit : Philosophi anima,
qui masculorum amore et flagitiis se polluit, tres
millenarias circumstitione poenas huius : itaque millesimo
anno allata ejicitur etabit : reliqua hac vita
defunctæ, aliae ad tribunalia infra terram deferuntur
penas ibi daturæ dicta causa, aliae in cœlestem
quendam locum sublevatae a justitia pro vita
meritis beatitudine fruuntur. Est autem in promptu
hujus sententia absurditatem perspicere. Quis enim
cum docuit millenarias istas annorum conversiones,
et quod mille annis elapsis, quævis anima ad suum
perveniat locum ? nam quae in medio sunt horum,
de his ne libidinosos quidem decuit ita promuntiare,
nendum tantum philosophum. Quippe eos qui vitam
perfectissimis functi officiis egerunt, cum intem-
perantibus et masculorum amatoribus compositi,
eademque utrosque manere dixit. Pythagoras ergo,
Plato, Plotinus, aliquique horum tribulus immor-
tallitatem animæ uno sensu adscribentes, eas corpori-
bus priores affirmant, et esse quandam animarum
gentem, ac eas quæ peccant ideo in corpora dilabi,
pigrorumque animas abire in asinos, rapacium in
lupos, dolosorum in vulpes, mulierum amore fu-
rentium in equos. Sed Ecclesia divinis adstipulans
Scripturis, animam una cum corpore condit affirmat,
neque alterum altero prius esse, ut recordi visum
est Origeni.

242. « Propter has igitur malas et perniciosas
opiniones, aut deliria potius, vos hortamur, o sanctissimi Patres, ut in unum collecti, subjectam ex-
positionem et singula ejus capita examinetis, dannetisque una cum Origene omnes qui idem sen-
tient, aut quoquinque tempore sentient. Patres his
acceptis litteris, omnibusque perpensis, exclama-
verunt : *Dannamus haec omnia, et omnes qui ita
sentient et sentient* ». Haec tenus de litteris Justiniani
ad Synodum Cedrenus : ceterum, et illas putamus
esse his subjectas litteras imperatoris ad Memmam
(sive edictum dixeris) quas superius recitavimus,
per singula distincta capita alios plures Origenis
errores continent, jam ante (ut vidimus) editas.
Porro ex ejusdem auctoris sententia, de Origene
ejusque sectatoribus Didymo, Evagrio, et aliis actum

esse in Synodo ponitur, inde vero de Theodoro
Mopsuesteno, Ibreque Epistola, et Theodoreti ad-
versus Cyrilum editis scriptis.

243. His autem recitatis subjicit aliam ejusdem
imperatoris ad Synodum datam Epistolam de quatuor
Conciliorum OEcumenicis historiam continentem, ubi
ad calcem plura habet adversus Theodorum Mop-
suestenum : est ejus exordium : « Majores nostri
fidei cultores, qui ante nos imperium pie admini-
strarunt, etc. » Fuisse vero eamdem Epistolam
ad Synodum datam, Actis ejus intextam, nemo jure
dubitari : ut ex his etiam intelligas, quamplurima
in eadem quinta Synodo desiderari.

244. Sed et cum Actorum contra Origenem et
Origenistas pars magna fuerit, quod desideratur in
eis, recitatum suo loco prolixum imperatoris contra
eosdem edictum, quod quidem ipsis fuisse putamus
adnexum : quis dubitet id factum ab Origenistis qui
Synodo praefuerunt, quorum summa erat apud im-
peratorem auctoritas, quorum patronus fuit (ut
sepe dictum est) Theodorus Cæsariensis malorum
omnium conciunctor? Sed et in non levem suspi-
cionem Origenismi induci potuit Eutychius Constan-
tinopolitanus episcopus, cum videlicet secundum
Origenis errores aliquando illud sensisse certum
sit, non cum eadem carne atque membris corpus
nostrum resurrectum ; licet redargutus postea a
sancto Gregorio papa tunc diacono apocrisiario Ro-
manæ Ecclesiæ, eo abdicato errore, Catholicus sit
defunctus. Cum igitur audis quinte Synodi cory-
phaeos Origenis errores vel ex parte sectatos esse :
aque intelligere potes, quorum arte, quæ in Synodo
acta sunt contra Origenem et ejus errores ex ea fue-
rint decurta.

245. Acta illa prælera deesse noscuntur, quibus
agebatur de adjectis patriarchatui Hierosolymitanio Ecclesiis, de quibus haec leguntur in Bello
sacro¹ : « Tempore prædicti principis, Justiniani vi-
delieet, congregata est Synodus generalis apud Con-
stantinopolim, tempore domini Vigilii pape, Eu-
tychii Constantinopoli, Apollinaris Alexandrini,
Pauli (Domini) Antiocheni, et Eustochii Hierosolymitanii
patriarcharum, super Tribus Capitulis, etc.
In qua Synodo post alias populo Dei necessarias
institutiones, quas pro tempore promulgandas de-
creverat sanctorum Patrum qui ad eam convenie-
rant auctoritas, prædictam Deo amabilem Hierosolymitanam honorare Ecclesiam, et ejus episcopo
locum inter patriarchas dare, communis sanxit
voluntate, reverentiam exhibens sanctæ Resurrec-
tioni. Et quoniam prædicta Dei cultrix civitas quasi
in limite Alexandrini et Antiocheni patriarcharum
erat, nec haberet unde illi urbi ordinaret suffraga-
neos, nisi utrique patriarchæ aliquid detraheret :
visum est expedire, ab utroque aliquid detrahere,
ut eidem juxta formam aliorum patriarchatum
ordinaret subjectos. Subtraxerunt ergo Antiocheno
Cæsariensem et Seythopolitanum metropolitanos,

¹ Guiliel. Tyr. de bello sacro l. xiv. c. 12.

Alexandrino vero Rubensem et Berythensem item metropolitanos. Et quoniam iterum eundem patriarcham oportebat habere praeter supradictos metropolitanos familiares suffraganeos, quos Graeci eameculos (synccellos) vocant : subtraverunt predictis metropolitanis quosdam episcopos, et quosdam de novo exerent usque ad vicesimum quintum, quorum nomina subjunximus, computatis prius metropolitanis et suffraganeis eorum. Est autem ordo talis : Dorensis, Antipatrita, ele. » Eadem reperimus in Valicana Bibliotheca in Codice notissimo, cuius est titulus, « Liber censuum ».

246. Meminisse debes, lector, haec tentasse et obtinuisse Juvenalem Hierosolymorum episcopum in Concilio Chalcedonensi post absentiam legatorum : sed quominus ea, quod in præjudicium verterentur aliarum Ecclesiarum, executioni mandata essent, Leonem Romanum Pontificem intercessisse. Sic igitur inverso antiquo ordine a sacrosancto Nicæno Concilio instituto, Cæsariensis Ecclesia totius Palæstinae metropolis spolia, nunc primum subiecta est Hierosolymorum Ecclesiae. Porro Justinianus imperator eamdem Cæsariensem civitatem nobilitare voluit proconsularibus fascibus, restituens quem diu ante possedisset proconsulatum, ut de his edita ejusdem imperatoris Constitutio¹ docet. Nunc ergo primum Hierosolymorum Ecclesia patriarchatu vere ancta cognoscitur, licet eodem nomine saepe ejus episcopus ante haec tempora usus esse inveniatur.

247. Jam vero ad postremum videamus quæ ab impostoribus fuerint quinta Synodi nomine pervulgata. Monothelitarum fuit inventum, ut sub titulo quinta Synodi, tanquam ex ejus Actis promptam ediderint Epistolam quamdam Menne Constantinopolitani episcopi nomine ad Vigilium papam conscriptam de unica in Christo voluntate. Sed ejusmodi strophe detecta est in sexta Synodo a legatis Apostolicæ Sedis ostenditibus tres quaterniones Actis quintæ Synodi recens adnexos. Rursus vero dum in sexta Synodo Actio septima quinta Synodi legeretur, duæ in ea superadditæ Epistolæ inventæ sunt Vigilii papæ nomine inscripæ, quarum altera ad Justinianum imperatorem, altera vero ad Theodoram Augustam data haberetur, quibus Vigilii pape de una in Christo operatione esset assertio, quas commentilias atque suppositas idem Apostolicæ Sedis legati manifeste probarunt. Detectæ sunt ejusmodi hæreticorum imposturæ in Actione decima quarta ejusdem sextæ Synodi, in qua dictum est pariter anathema in eos qui quoquo modo eandem quintam Synodus corruperunt. Vides igitur, quam fuerit quinta Synodus tum ab Origenistis, tum etiam a Monothelitis diversis temporibus lancinata.

248. His ergo hinc inde collectis quæ ad Synodum quintam spectare videbantur, reliquum est, ut iam quæ post Synodum diversis in locis fieri

contigerent, his adnectamus. Extant Acta sancti Sabæ a Cyrillo (ut dictum est) omni fide conscripta : ad quorum finem haec habentur de damnatione Origenis atque sectariorum ejus relata in Actione prima septimæ Synodi : « Itaque cum sancta universalis quinta Synodus Constantinopolis esset congregata, communis et generali anathemate rejecti sunt Origenes et Theodorus episcopus Mopsuestie, et quæcumque ab Evagrio et Didymo dicta sunt de præexistencia, περὶ πρώτης φύσεως. Probaverunt autem id quatuor patriarche præsentes. Praeterea imperator noster Dei observantissimus Acta Synodi Hierosolymam misit : in qua civitate coacto episcoporum conventu, quolquit erant Palæstiñorum episcopi manibus et pedibus et ore sententiam et statutum Synodi confirmarunt, nisi quod Alexander episcopus Abyles contrarium censit : quonobrem episcopatu exutus, Byzantium se recepit, et terræ motu absorptus est, et defossus. Neolauritas autem (monachos scilicet qui novam Lauream sancti Sabæ incolebant) cum se a Catholica communione separassent, Eutychius patriarcha diversis rationibus aggressus est, octo menses usque varia admonitione et cohorlatione usus, cum non posset voti tieri compos, neque ad unitatem Ecclesiæ eos perducere, imperatoris iussionibus obtemperans, illos per Anastasium ducem a Neolaura expulit, regionem ab illorum peste liberans ». Haec ibi.

249. *Terræ motus Constantinopoli et perturbatio Ecclesiarum circa Synodi receptionem.* — Cæterum quod pertinet ad terræ motum, quo Constantinopolitana civitas concussa est : id factum hoc anno, in Miscella ita describitur : « Anno vicesimo septimo imperii Justiniani factus est terribilis terræ motus Constantinopoli et per alias urbes, qui lenuit dies quadraginta. Et paullatim homines compuncti sunt, litaniæ agentes et frequentantes, atque in Ecclesiæ commenantes. Cumque multa misericordia Dei facta fuisset, homines ad pejora delapsi sunt. Fit autem memoria hujus terræ motus per singulos annos, in campo litaniæ populo agente ». Haec ibi. Agit de eodem terra motu Agathias¹, enjus etiam assertione colligitur, hoc eodem anno contigisse, nempe vicesimo septimo ejusdem Justiniani imperatoris, autumnalique tempore. Verum (ut dictum est) non Byzantium tantum, sed et alias regiones Orientis eodem fuisse motu concussas, et civitates solo aquatas, ut inter alias Berythum in Phœnicia, contremuisseque etiam Alexandriam Aegypti urbem (quod magno miraculo factum est) terræ motibus minimis soli natura subjectam, idem asserit Agathias, qui et de ejusmodi prodigiis multa philosophatur, quæ tu ipse consulere poteris : nobis non est tantum otii, nec patitur institutum ut haec inquiramus.

250. Cæterum quis negare poterit, si ab eventis facta noverit judicare, præsagia ista fuisse malorum, quæ sunt Synodum hoc anno habitam conse-

¹ Const. ciii. de Procons. Palæst.

¹ Agath. I. II.

cuta? Cum videlicet graviore concusione commotæ Ecclesiae sunt, quæ inter se invicem collidentes, civitatibus Orientis et Occidentis lacrymabile plane spectaculum intulerunt, cum nequaquam terræ motus instar brevi temporis spatio perdurantis, sed commotio talis fuit, quæ indesinenti concusione ad plurimorum annorum spatia sanctam Ecclesiam jugiter agitavit, prout quæ singulis ferme annis dicturi sumus facile demonstrabunt. Etenim ipsa Synodo absoluta, tantum abest ut pax reddita sit Ecclesiis, ut majus bellum exarserit, intestinaque discordia magis sacerdierit, Orthodoxis inter se invicem altercantibus, inhærentibus aliis Synodalibus de Trium Capitulorum damnatione decretis, aliis vero tuentibus Vigilii Pontificis Constitutum pro eorumdem Trium Capitulorum defensione sanctum. Praevaluerunt isti in Occidente, in Oriente autem illi, ubi imperatoria eminebat auctoritas. Sic igitur haud tunc accidit (quod in aliis OEcumenicis Conciliis evenisse scimus) ut de hæresibus expugnatis atque damnatis Orthodoxi episcopi ad propria cum triumpho redirent, pacemque referrent, erigerentque de impietate expugnata trophya, sed civilem potius discordiam invexere. Ubiunque enim Synodale decretum munitum imperatoris edicto a provinciarum præsidibus promulgabatur, illuc ab adversa parte fuctus excitabatur, quasi prosecuta sacrosancta Synodi Chalcedonensis magestate, atque auctoritate Apostolicæ Sedis in Vigilio vilipensa.

231. Verum luctus miserisque haud ipsorum animos hebetarunt, sed vehementioribus sumptis spiritibus exurgentibus ex adverso, pro Tribus Capitulis Synodos collegere, pulantes se legitimum inire certamen, quod iniisse scirent atque prosequi quantumlibet exulem Romanum Pontificem, sequentes pro sacrosanctis pugnare legibus, quarum causa viderunt primarium Catholicæ Ecclesie antistitem constanti animo exilium ferre. Congregata sunt igitur ea de causa ab ipsis in Occidente Concilia, in quibus Constituto Vigilii subscriventes, quæ facta essent Constantinopoli damnavere, memores ea tantum de Synodis in Ecclesia esse recepta, quæ Apostolicæ Sedis antislites suo cæculo comprobassent: cuius veritatis de præcedenti OEcumenica quarta Synodo ingerebatur exemplum, ubi quæ sexcenti et amplius de sedium prærogativa episcopi statuissent, non consentiente sed adversante ipso sancto Leone Romano Pontifice, irrita cassaque reddita sunt et nullius auctoritatis. Quo igitur justius juncta capiti membrasibi visa sunt suscepisse certamen, eo ardentius prosilierunt ad pugnam; coronandi quidem, si secuti eumdem postea Vigilium Romanum Pontificem probantem Synodum, capiti itidem inhærentes, ipsum non deseruissent, neque in Vigilii locum subrogatos sibi invicem Romanos Pontifices de questione proposita ob bonum pacis aliter statuentes, salva fide, et Chalcedonensis Concilii integritate servata. Verum dum contrariae sententiae defensioni Trium Capitu-

lorum obstinatus quam par erat inhærent, a conjunctione visibilis capitinis desciverunt. Sed de his abunde suis locis inferius.

232. *De avaro terribilis casus.* — Jam vero quæ reliqua sunt anni hujus rerum gestarum prosequamur. Habet hæc Cedrenus sub hujus anni periodo: «Eo tempore Constantinopoli dives quidam cum ægrotaret, mortenique timeret, triginta libras argenti in pauperes erogavit: restitutus autem praeter spem suam bona valetudini, fraude diaboli eo inductus est, ut faeti ipsum pœniteret, hocque fidei cuidam suo amico aperiret. Monet ille hominem, ne huic male assentiatur cogitationi, Deumque irrilet, qui propter istam largitatem miseratus, sanitatem donarit; alioqui fore, ut subita morte, nondum mutato facio, pereat. Cum non moveretur ille, sed magis magisque irritaretur, amicus: Quando, inquit, salutare consilium non admittis, aliud tibi subjiciam. Poscenti hoc, vere misericors ille: Agedum, ait, ad templum vade, et non te, sed me in pauperes elargilum pecuniam istam dicio: ipse statim triginta libras reddam. Consentiens infelix ille ad templum abiit, auroque accepto, ita ut alter præceperat, locutus est. Inde egrediens, ad ipsam templi portam mortuus concidit. Clericis de rei novitate stupentibus, omnibusque aliis qui forle aderant, jubentibus alterum pecuniam recipere suam; ille non obtemperavit, sed inter egenos omnem divisit: quod diceret, Deum non pati saninas. Promissa enim Deo non tantum pecuniam, sed verba voluntatemque obligant; et quidquid homo Deo pollicitus fuerit, id præstare opus habet, virgo virginitatem, continens continentiam, etc. » Haec auctor. Sed quæ post hæc subjicit de Synesio, suo loco illa posuimus. Jam vero hujus anni res Francorum invisamus.

233. *Sanctæ Chrotildis et sancti Florentini obitus.* — Hoc eodem anno finem huic vitæ impo-suisse magnam illam feminam sanctam Chrotildem Clodovei regis conjugem, scriptores tradunt¹: cui debent Franci, quidquid boni ob susceptam Christianam religionem sunt consecuti; ulti pote quæ suis precibus et hortationibus Clodoveo viro suo simulque Francorum genti auctrix fuit, ut Christianam religionem, abjecta idolatria, susciperent. Quæ fidei Catholicæ, vitæque fidei congrue profunda relinquens beneque impressa vestigia, viduata viro, reliquum vite tempus apud sepulcrum S. Martini Turonis ad obitum usque sanctissime perduxit, cum illi Ecclesie præsideret Injuriosus episcopus, quem interfuisse diximus quarto Concilio Aurelianensi. Ait enim Gregorius²: «Chrotildis regina plena die-rum, bonisque operibus prædicta apud urbem Turonicam obiit tempore Injuriosi episcopi. Quæ Parisios magno cum psallentium præconio deportata, in sacrario Basilicæ sancti Petri ad latus Clodovei regis sepulta est a filiis suis Childeberto

¹ Sigeb. in Chron. et alii enm scuti. — ² Greg. Thron. hist. l. iv. c. 1. et l. XVI. c. 31.

atque Clothario regibus : nam Basilicam ipsa construxerat, in qua et Genovefa beatissima est sepulta ». Hac Gregorius.

254. Quae enim vivens coluil, custodivit, propagavitque fidem Petri, in Petri pariter Basilica elegit, quam erexerat, sibi sepulcrum, sciens in terra et in cœlo ei traditam potestatem : ita quidem sicut vivens verbis et exemplis, sic moriens testatum relinquere voluit perpetuo monumento Francis omnibus, potissimum vero Parisiensibus amplissimis notis expressum, quam seclari deberent fidem et colere pietatem : quibus merito positum sit ob oculos semper loquens et auribus inclamans jugiter illud divinum elogium¹ : « Attendite ad petram unde excisi estis, et ad cavernam lacis, de qua præcisi estis. Attendite ad Abraham patrem vestrum, et ad Saram, quæ peperit vos ». Ad Clodovenum, inquam, atque Chrotildem, qui supra petram fundamenta regni perpetuo permansuri locantes, in signum Petro Basilicam erexere, in qua quiescentes in spe, diem novissimum exspectarent. Prosecuta vero est tante feminæ dignam memoriam Catholica Ecclesia, dum inter sanctos illam adscribens, die quoque natalis ejus anuiversariam memoriam celebrat². At de his satis.

255. Hoc eodem anno in cœlum migravit S. Florentinus primus abbas monasterii S. Crucis Arelate, a S. Hilario archiepiscopo Arelatensi instituti : cuius adhuc extat egregium Epitaphium versibus acrostichis, quibus primis elementis (ut videbis) nomen, munus, obitusque signatur. Sic enim se habet :

LITERATION S. FLORENTINI ABBATIS SANCTÆ CRUCIS AREL.

Fulgida regna petens colesti sorte vocatus,
Lucis et aeternæ penetrans fastigia latus
Optimus atque pius unus Florentinus in isto
Resplendet tunulo meritis sanctissimus abbas.
Eferra qui quandam lingue discrimina calcavos,
Nec optare malum studiū, nec ladere quemquam.
Terruit ipse tamen faciles, sed publice verbis,
Institutæ trauitem servaus cum pace paterna.
Nescia jurandi pandens colloquia euætis,
Verba bei solers toto de pectore proupsit,

¹ Isai. LIII. — ² Rom. Martyrol. die III. Junii.

Sancta quibus Domini resonant præonia semper,
Atque per assiduis concentibus æthera plaudunt.
Bella gerens carnis pestifera vita contra,
Belligeransque palam savissima prola vicit.
Ast hinc celsa poli capiens jam præmia felix
Sanctorum socius, fruatur cum laude corona.
Hujus namque viri corpus per concia sacram
Jamdudum advectum Domini cum landibus amplis
Constantinus ovans posuit feliciter abbas,
Intra beata Crucis condens fastigia sacra.
Necon et tumuli pretiosa tegmina firmans,
Præstruxit solide crustato marmore fulera.
Attamen exactis jam septem denique lustris,
Condita quo fnerant præfati membra sepulero.
Effulsere Petri tandem de Sede beat,
Quæ propriis meritis pandunt hic signa salutis,
Virtutumque simul præstant, et commoda larga,
Infirmis validum dantes per eneta vigorem.
Ergo potens pastor compensa præmia voti
Splendida : sed Christo communda saepè poetam,
Cujus parva tibi prouperunt carmina landem,
Januariom ex hoc quem candida mente notrist,
Tantillumque simul sculptorem marmoris bojus
Annixis precibus Domino per secula concia
More tuo placidus commenda jugiter, hinc jam
Esse quoque et monachum nosti, quem sancte benignum
Nunc et in aeternam Hilariandum semper adorna.

Post haec ita sequuntur.

« Primus itaque præfuit S. Florentinus abbas monasterio nostro per annos v, qui vixit annis PL. M. L. Obiit. prid. id. April. duodecies P. C. Basilii V. C. Junioris, Indict. prima. Post hunc secundus fuit dominus Redemptus abbas », Capitales litteræ versuum hujus Epitaphii hoc habent :

Florentius abbas hic in pace quiescit.
Ameo.

Porro monasterii sanctæ Crucis Arelatensis, cuius hic abbas fertur S. Florentinus, ne ulla quidem vestigia, imo nec ulla extant Arelate litterarum monumenta. Est solm Ecclesia vetustissima, sanctæ Crucis nomine insignita, hodie prioratus parochialis annexus mensæ capitulari sancti Trophimi. In qua videtur superius monumentum marmoreum cum dicto Epitaphio; sed marmor, sive antiquitate, sive humiditate seu negligentia sacerdotum nunc plurimum sordet. Corpus vero sancti Florentini ibidem est in capsula argentea.

Anno periodi Graeco-Romanæ 6046. — Olymp. 333. — Anno Æra Hispan. 591. — Jesu Christi 553. — Vigili papæ 17.
— Justiniani imp. 27.

1. *Postconsulatus.* — Ille annus ista formula notatus : *Post consulatum Basilii XII.*, et secundum aliquos *post consulatum Basilii V. C. anno XIII.*

2. *S. Eutychius anno superiori dictus ep. Constantinop.* — A num. I ad 15. Eustathius presbyter qui sancti *Eutychii* familiaris domesticus vixit, qui que nunquam ab ejus latere discessit. Vitam ejus scripsit, ab Henschenio ad diem sextam Aprilis recitatam, in qua testatur, cum omnes episcopi convocarentur a Justiniano, ut examinarent improbarentque Tria Capitula, metropolitam Amasenum infirma corporis valetudine impeditum, *Eutychium* monachum misse Constantinopolim. « Mansit autem apud patriarcham, qui Mennas appellabatur, eratque vir sanctissimus ac divinus », qui eum successorem sibi elegit, ut habeat Eustathius citatus cap. 3, et pluribus explicat Baronius. Verum fallitur Cardinalis doctissimus in eo quod Mennae morte anno superiori collocata, Eutychii vero ordinationem praesenti consignat; nam, ut ibidem ex Theophane ostendimus, Eutychius « eo ipso die, quo Mennae cadaver in sacris adytiis adhuc expositum jacebat », Constantiopolitanus episcopus a Justiniano electus. Verum quidem est fidei ejus professionem Vigilium papam *Theophaniorum die* sese accepisse testari litteris suis datis *VI idus Januarii* currentis anni, quas Baronius recitat; sed inde non sequitur, ut putavit annalisti eruditissimus, Eutychium hujus tantum anni initio praesulem dictum esse; cum ipso etiam die suam fidei professionem Vigilio tradiderint *Apollinaris* episcopus Alexandrinus, *Domnus Antiochenus* episcopus, *Elias* episcopus Thessalonicensis; « sed et ceteri, qui primam professionem non fecerunt », inquit Vigilius in suo Constituto apud Baronium num. 55. Quare ex ea fidei professione nihil colligi potest ad Eutychii ordinationis tempus statuendum. *Vigilius*, postquam accepit professionem fidei ab Eutychio, Constantinopolim regressus est quod Em. card. Norisius in Disserl. de quinta Synodo cap. 6, colligit ex eo, quod priorem professionem fidei hoc titulo inscribat in suo Constituto : « Exemplum primæ professionis, quam ad sanctæ Euphemiae templum fec-

runt »; posteriori autem Eutychii hunc titulum praesigat : « Exemplum professionis, quam residui episcopi Theophaniorum die nobis fecerunt », ubi prior fidei professio loco, altera tempore signatur.

3. *Agitur de Synodo generali indicenda ob questionem de Tribus Capitulis.* — Ceterum *Eutychius* Vigilium rogavit Epistola a se et ab *Apollinaris* Alexandrino, *Domno* Antiocheno, et *Elia* Thessalonicensi patriarchis subscripla, ut jam tandem Concilium ad Trium Capitulorum causam terminandam inchoaret. Vigilius VIII idus Januarii patriarchis respondit, ipsorum fidem collaudavit, petitioni vero de causa Trium Capitulorum discutienda haec reposuit : « Annuimus, ut de Tribus Capitulis, ex quibus quæstio nata est, facto regulari conventu servata æquitate, mediis sacrosanctis Evangelii collationem cum unitis fratribus habeamus, et finis detur placitus Deo, et conveniens iis, quæ a sanctis quatuor sunt definita Conciliis ». At illis clausulis, *Facto regulari conventu servata æquitate*, ita Synodus Pontifex indici consentiebat, ut et Latini episcopi pari numero adessent, quod tamen nunquam obtinere potuit.

4. *Lentharis dux Francus et Butilinus ejus frater Italianum deprædantur.* — A num. 15 ad 20. Totilæ interitum, Romanæ Urbis expugnationem a Narsete, ac *Teiæ* ultimi Gothorum regis mortem anno superiori, quo haec omnia contigere, retrahimus; quare hic narrabimus quæ anno belli Gothisci xix, ab Agallia libro secundo suæ Historiae recitata, gesta sunt, licet ea a Baronio in annum dlv, num. 41 et seq. differantur. Agathias itaque ipso libri secundi initio scribit, *ineunte vere*, currentis scilicet Christi anni, ut superiori demonstravimus, *Butilinum* cum majore validioreque exercitus parte Tyrrhenum littus, et totam fere Campaniam, Lucaniam et Brutios deprædatum esse, ac ad fretum usque, quod Siciliam et fines Italiae dirimit, pervenisse : *Leutharim* vero ejus fratrem reliquas copias ducentem, et Apuliam et Calabriam infestasse, et Hydruntem usque progressum esse; denique quotquot eorum Franci erant indigenæ, multam reverentiam pietatemque circa templo

exeruisse, Alemannicam vero gentem universam templo irreverenter diripuisse, suisque ornamenti spoliasse : « Aliter enim hi circa religionem sunt affecti », inquit Agathias. « Rebus hisce perpetratis cum iam ingentem spoliorum vim coacervassent, et iam praterlapso vere vigeret aëtas », alteri quidem ducum, Leuthari videlicet, in animo erat domum reverli ; sed cum viæ sese dedisset *Artabanes*, et qui cum exercitu Romano erant, insidiis in transitu collocatis, per quam exiguum e præda, quam *Leutharis* Francique fecerant, eis reliquit, eosque in fugam conjecit, postquam eorum multos trucidasset.

5. *Interitus Leutharis*. — « Paulo post pestilens quidam morbus repente incidens multitudinem assumpsit ; et nonnulli quidem illorum ambientis aeris pravitatem incusabant, causam morbi ei adscribentes : alii vero quod continua bellis et longis itineribus peractis repente ad otiosam mollemque vitam essent traducti, vite immutationem in causa esse putabant : at ipsam revera originem necessariamque causam mali plane intelligebant, quæ profecto erat injustitia, et divina pariter atque humana jura ab ipsis proculcata. Ipsum itaque ducem videre erat evidenter pœnis divinitus immisso obnoxium : insania enim, manifestaque rabie, instar eorum qui mente capti furere solent, corripiebatur », inquit Agathias pag. 38, qui addit Leutharim casterosque omnes in ditione Veneta periisse. *Butilinus* alter dux, omnibus ad Siculum fretum usque vastatis, Campaniam versus ac Romanum se receperat, et maxima exercitus qui ei aderat pars morbo correpta interierat. « Vergente enim iam aëstate et autumno inennite (currentis etiam Christi anni), vineæ quidem uvis omustæ erant, hi vero inopia aliarum rerum necessariarum (omnis enim commeatus per Narsem prudentissime præceptus erat) avulsis uvis, suecoque manibus expresso, musto sese ingurgitabant, etc., unde vehementissimo alvi proluvio laborarunt, et nonnulli eorum eo interierunt.

6. *Interitus Butilini*. — « Priusquam itaque hic morbus omnes pervaderet, committendum sibi quoque eventu prælium censebat. Quocirea cum in Campaniam venisset, castra non procul a Capua urbe fixit, ad ripas Casulini fluminis ». Narses vero ubi hæc cognovit, « statim et ipse universo exercitu Roma educto, non procul ab hostibus castra local, sed unde et strepitus exaudiri, et vallum confici posset ». Tandem ventum est ad prælium, in quo ipse dux *Butilinus* cum universo exercitu ad internicionem periit ; neque quisquam e Germanis ad suos est reversus, præter quinque viros, quoque tandem modo illi evaserint ; soli vero ex Romanis octoginta viri desiderati, qui quidem primum hostium impetum exceperant. *Lentharis* itaque et *Butilini* fratrum expeditio hunc calamitosum exitum habuit, « ob injusta impiaque ipsorum facta », inquit Agathias pag. 46, et quidem currenti anno, de cuius vere, aestate, et autumno Agathias

sine dubio intelligendus ; ideoque Continuator Martellini hanc cladem perperam confert in annum post *consulatum Basili* xi, Christi se. superiore, et magno anacleronismo Marius in suo *Chronico* in annum post *consulatum Basili* xiv, *Indict.* iii, annum scilicet Christi lvi, quæ et Baronii, qui ejus *Chronicon* non viderat, sententia etiam erat. Hoc itaque anno finis fuit diuturni belli, quod ab anno lxxxvii Franci sub *Theodeberto* et *Theodebaldo* regibus per annos septemdecim in Italia gesserunt, exitu adeo infelici, ut post tot prælia, ne unam quidem civitatem retinuerint.

7. *Benignus fuit episc. Heracleæ Macedonie*. — Ad num. 28. Anno superiori frequentissimi episcopi Byzantium jam ad Synodum advenerant, inter quos tres patriarchæ, itemque *Elias* metropolita Thessalonicensis, ut ex subscriptione libellorum ad Vigilium patet. *Elias* tamen paulo post discessit, relieto *Benigno* episcopo Heracleæ *Pelagonie*, qui suas in Concilio vices ageret. Baronius hunc *Benignum* Heracleæ in *Paphlagonia* episcopum appellat. Verum card. Norisius laudatus c. 4 animadverit, nullam unquam hujus nominis urbem in *Paphlagonia* extitisse, et *Benignum* episcopum fuisse in *Pelagonia*, quæ est parva Macedonia regio inter Axium et Erigonum posita. Jam enim olim tum in latrociniali conventu Ephesino, tum in Synodo Chalcedonensi legitur subscriptus *Quintillus Heracleæ Macedonie agens vices Anastasii episcopi Thessalonicensis*. Quare sicut tunc episcopus Heracleæ Macedoniae vices gessit episcopi Thessalonicensis; ita et in Synodo quinta.

8. *Agitur de celebranda Synodo generali*. — A num. 30 ad 36. *Vigilius* cum Occidentales episcopos timore Justiniani adesse nolle intelligeret, se cum paucis Italos atque Illyricis rem ita definiri posse negabat, ut nulla deinceps ab Occidentis episcopis contradicatio fieret. Ea tandem sententia plauit, ut pari Latinorum ac Graecorum numero Synodus componeretur, quod ante festum Paschæ hoc anno die xx Aprilis celebratum, statutum fuisse observat doctissimus card. Norisius citatus cap. 7. Ipsemet enim Vigilius in Constituto ad Justinianum ait : « Postea vero hoc magis cum consensu fratrum nostrorum, nostrarum partium episcoporum nuper ante sanctum Paschæ diem pietas vestra constituit, ut exæquato numero his Pontificibus, qui in Constantinopolitana urbe præsentes sunt, de Tribus Capitulis, ex quibus quæstio vertitur, secundum superiori designatum fratrum nostrorum episcoporum professionem deberemus inire tractatum ». At Graeci episcopi his intellectis tumultuari, venisse se ex longinquis provinciis Synodi OEcumenicae causa, hujus auctoritatem, ac nomen deprimi, si a paucissimis celebretur ; plurimos sapientissimos excludendos, si pari cum Latinis numero coeundum sit. Synodos frequentissimas a solis Graecis celebratas ; in Chalcedonensi sexcentorum et triginta Patrum conventu legatos tantum *Leonis* papæ ex Latinis interfuisse, Nicenam

omnibus venerabilem Synodum ex Graecis tantum conflatam; notam esse Occidentalium in Trium Capitularum defensione obstinationem, cum quibus si exæquato numero Orientales disputationem ineant, paribus hinc inde suffragiis re infecta Concilium dimissum iri.

9. *Indictio quinta Synodi generalis.* — *Justinianus* his acceptis a priori sententia discessit, Synodumque indixit, non ad *IV nonas Maii*, ut habet Baronius num. 31, eum Codicibus editis, sed *die III nonas Maias*, ut habent Codices Bellovacensis et Parisiensis, qui fuit Claudi Jolii cantoris Ecclesiæ Parisiensis. Hanc enim lectionem potiorem esse inde duxit Garnerius in Dissert. de *quinta Synodo generali* cap. 5, quod hoc anno dies tertius nonas Maii inciderit in feriam secundam, qua more majorum post rem divinam die Dominico rite procuratam, inchoabantur Synodi. Sic Chaledonensis die *VIII Octobris*; sic Ephesina *die xxii Junii*; sic Constantopolitana I, *die xxiv Maii*; sic denique Nicæna *die xiv Junii* congregatæ fuere, diebus qui cum feria secunda concurrebant, ut ex methodo Cyclica liquet. Adfuere tres patriarchæ, et Patres CLXV, lecta sacra divalis *Justiniani*, qua imperator significabat, nihil antiquius sibi fuisse, quam, haeresibus eliminatis, quietem Ecclesiæ dare, post excitatos ab Acephalis tumultus. Sed cum probe scirent episcopi Graci Synodum, Romano Pontifice non præsente, nihil haberí apud Occidentales; nobilissima ad eumdem destinata legatione trium patriarcharum, omnium primatum autocephalorum, aliorumque antistitutum Vigilium rogarunt, ut Synodo interesset, et secum disputaret de Tribus Capitulis. Eis reposuit Vigilius: « Se propter corporis infirmitatem non posse ad hanc petitionem respondere, in postero autem die pollicitus est manifestare, quid ei de tali conuento placuerit ». Atque ita die quinta mensis Maii prima Collatio se habuit.

10. *Fragimentum Judicati Vigiliani.* — Baluzius in Nova Collectione Concil. Acta vulgata Concilii V eum MSS. Bellovacensi et Parisensi diligenter contulit, multas varias lectiones ex his notavit, et prieterea varia fragmenta, quæ sunt magni momenti. Inter ea insigne fragmentum ex Judicato Vigilii, quod ad nos non pervenit, supplexitque sacram divalem Justiniani, quæ mutilata in omnibus Conciliorum editionibus legitur. Ait Justinianus in sua Epistola Vigilium in suo Judicato *prædicata impia Capitula* anathematizasse his verbis: « Et quoniam his quæ nobis de nomine Theodori Mopsuesteni scripta porrecta sunt, multa contraria rectæ fidei releguntur, nos monita Pauli sequentes Apostoli dicentis: *Omnia probate, quod bonum est retinet*e, ideoque anathematizamus Theodorum, qui fuit Mopsuestiae episcopus cum omnibus suis Scriptis, et qui vindicant eum. Anathematizamus et impiam Epistolam, quæ ad Marin Persam scripta esse ab Iba dicitur, tanquam contrariam rectæ Christianorum fidei, et omnes qui eam vindicant, vel

rectam esse dicunt. Anathematizamus et Scripta Theodoreti, quæ contra rectam fidem, et duodecim Capitula sancti Cyrilli scripta sunt. Et haec quidem in ea, quæ dicitur *Judicatum*, inserta sunt ».

11. *Queritur Justinianus de Vigilio quod ad nullam voluerit propositionem convenire.* — Paulo post in eadem Epistola, seu Epistolæ fragmento dicit Justinianus: « Quoniam vero cum postea venistis ad regiam civitatem scripta facta sunt inter vestram sanctitatem et Vigilium religiosissimum papam senioris Romæ, ut vos omnes conveniatis, et propter eos, qui vel ex ignorantia vel scientia impietatem Capitularum vindicant, convenientem his, quæ a sanctis quatuor Conciliis de fide definita sunt, sententiam dare, et nunc idem religiosissimus Vigilius contrarie factus est suæ voluntatis, nolens nra cum omnibus secundum quod placuit convenire, etc. Cum autem ad nullam propositionem voluisset convenire, mandavimus ei quod et vestram sanctitatem et alias patriarchas in scriptis de hoc interrogavimus, ut tanquam impia ista Capitula ab omnibus condemnentur. vel si quis putaverit, recta ea esse, evidenter suam voluntatem manifestet ».

12. *Tertia et quarta Collatio.* — A num. 36 ad 41. In secunda Collatione antistites, qui pridie nonas Maias Vigilium iterum convenerant, ipsum rogaturi, ut ad Synodum accederet, legationis sue extum ad Patres retulere *VIII idus Maias*. Respondebat autem se cum illis convenire non posse, quod Occidentales episcopi sibi adhaerentes, in minori numero essent quam Orientales, et inducias postularat, ac denique se circa *Trium Capitularum* quæstionem sententiam suam ad imperatorem missurum. Retulere pariter illustrissimi patricii, quos imperator cum episcopis legationem Synodi obeuntibus ad Vigilium delegarat, illum scilicet spondisse, ut prius, intra dierum aliquot spatum, quid sibi de controversia videretur, responsurum. Quare gloriosissimi judices episcopis mandarunt, ut etiam Vigilio absente Synodum haberent. Sequenti die, nempe *VII idus Maias*, Patres fidem ab Apostolis, et a sanctis quatuor Synodis expositam professi sunt, et sic habita est tertia Collatio. Tri luo post, nempe die *IV idus Maias* in quarta Collatione Synodus causam ipsam discutere cœpit. Lectæ sunt plures sententiae ex libris Theodori excerptæ, ac recensitum impium ejus Symbolum: quo auditio exelamavit universa Synodus: *Hoc Symbolum Satanæ compositum*. Ejus confutatio apud Marium Mercatorum legenda.

13. *Quinta Collatio.* — A num. 41 ad 47. *Quinta Collatio* in vulgatis Codicibus dicitur habita *die VIII idus Maias*, ubi manifestus error est. Baronius pridie *idus Maias*, quo et oblatum Synodo Vigilii Constitutum, hanc Actionem habitam esse suspicatur. In editione Romana Collectores *III idus Maias* ex conjectura posuere. Verum Baluzius loco citato pag. 1310 hanc conjecturam refellit, ostenditque

standum veteribus Codicibus, qui habent *XVII kal. Junias*, qui dies est decimus septimus mensis Maii. In hac Collatione recitata sunt, quae a sanctis Patribus contra *Theodorum Mopsuestenum* scripta fuerant. Disceptatum etiam, utrum licet defunctos anathemate damnare, probatumque id ficitum esse, et quandoque necessarium. Factus est postea transitus ad examen alterius Capituli Scriptorum scilicet *Theodoreti*, multaque ex ejus Operibus contra sanctum *Cyrillum* deflorata. Lecta et *Theodoreti* ad Ioannem Antiochenum post mortem Cyrilii Epistola, qua suam de ejus obitu significabat letitiam. Verum Patres Synodi errore facti decepti sunt; cum Epistola illa supposititia sit, ut recte vidit Baronius, et suo loco ostendimus.

14. *Collatio sexta*. — A num. 47 ad 225. *Collatio sexta* habita die xiv katendas Junias, die scilicet decima nona Maii. In ea discussum tertium Capitulum, scilicet Epistola *Ibae ad Marinum Persam*, omnesque episcopi exclamarunt: *Epistola heretica est*. Constitutum Vigili datum pridie idus Maias, ideoque conjectum ante quintam Collationem die xvii Maii habitam, sed an tunc missum fuerit imperatori vel postea, prorsus incertum. Recitat illud integrum Baronius, ejusque haec summa. In eo queritur *Vigilius* Synodum contra pactas conditio- nes coactam. Tum aggreditur disputationem de *Tribus Capitulis*, et ix sententias, quae *Theodori Mopsuesteni* esse dicebantur, ab imperatore per *Benignum* episcopum Heraclea Macedonie ad se transmissas damnat. *Theodori* vero personam ac nomen dammari non posse multis argumentis probat. Quoad *Theodorenum*, decernit ejus Scripta speciatim non debere damnari; cum in Synodo Chalcedonensi Nestorio anathema dixerit, quod solum ab eo postularant Patres. Ne vero *Theodorenum* defendendo, in haereseos Nestorianae suspicio nem veniret, eam quinque anathematismis percellit. Denique nec Epistolam *Ibae*, sub ejus nomine damnandam censet: tum quia relecta ea in Synodo Chalcedonensi Orthodoxus *Ibas* judicatus est; tum quia subscrispsit Decretis ejusdem sanctissimae Synodi, quam se inconcussam esse semper voluisse probat ex Epistola sua, sive *Judicato de Tribus Capitulis ad Mennam*. Tum *Constitutum* suum claudit, decernens multi licere quidquam contrarium his que eo asseruit, de dictis Tribus Capitulis, post praesentem definitionem suam, movere ulterius quæstionem. Si quid vero contra haec quæ hic asseruit, dictum atque conscriptum est, se ex auctoritate Sedis Apostolice refutare. Sexdecim episcopi huic Constituto subscrispserunt.

15. *Constitutum Vigili in Synodo lectum non est*. — Petrus de Marca in *Dissert. de Vigili Decreto pro confirmatione quintæ Synodi*, num. 12, recte refellit sententiam Baronii num. 210 putantis *Constitutum Vigili* missum a Justiniano ad Synodum, quod Baronius ex eo colligit, quod rationes in Constituto prolatæ pro *Ibae* Epistola disentiuntur, et refutantur in sexta Collatione. Nam, si *Constitu-*

tutum, relectum fuisset in Synodo, illius recitatio relata esset in Acta, quibus insertæ sunt minoris momenti reelectiones. Argumenta autem illa pro *Ibae* Epistola, quæ disentiuntur Collatione sexta, nota erant et trita, ulti potè quæ a sex vel septem annis summo studio contorquerentur ab adversariis, etiam scriptis copiosissimis libris, quemadmodum factum est a Facundo: ut necesse nou sit confugere ad *Constitutum Vigili*, quasi inde illa excerpti necessarium omnino foret. Deinde promulgatio *Constituti* aliena fuisset ab instituto et prudenter imperatoris, qui damnationi Trium Capitulorum cum lotus innumeraret, non debuit suis votis officere, *Vigili* auctoritate protata, quæ desiderium illius improbabet. Imo vero, ut facilis obtineret quem sibi proposuerat eventum, neu quis exspectaret quid principi *Vigilius* respondisset, quemadmodum pollicitus erat se facturum, per *Constantinum* sacri palati questorem *Justinianus* Synodo suggessit, *Vigili* mentem satis explicatam esse ex iis, quæ hac de re saepius docuerat, cum scriptis, tum viva voce.

16. *Refellitur opinio Baronii*. — Ait Baronius, instrumentorum, de quibus mox, prolatione id tentasse *Justinianum*, ut *Vigilium* prævaricationis argueret qui *Constituto* aliter quam antea decernebat. Sed principis in eo consilium aliunde melius deprehendi non potest, quam ex oratione Constantini questoris, qui ad excitandos et provocandos Patres, auctoritatem *Vigili* contra isthac Capitula scripto profert, non autem in Pontificis contumeliam. *Justinianus* enim, ut sacrum Conventum ad damnationem Trium Capitulorum animaret, litteras ea de re a Vigilio perscriptas ad *Aurelianum Arelatensem*, et ad *Valentinianum Scythiae* episcopum, et sententiam ab eodem Pontifice latam adversus Rusticum et Sebastianum diaconos suos, Trium Capitulorum fautores, e latina in græcam linguam versas, legendas exhiberi ab eodem questore curavit. Haec sunt verba Constantini in Collatione vii: « Communiter vero convenire invitatus (scilicet *Vigilius*) et hoc facere una cum sancta vestra Synodo pollicitus est per semetipsum facere, et dare piissimo Domino. Hic igitur etiam ea, quæ saepius ab ipso facta sunt ad condemnationem Trium Capitulorum, vos audientes alacriores efficiamini, de his formam celeriter proferre, direxit per me sanctitati vestre condemnationem ab ipso Vigilio religiosissimo prolatam, etc. Omnibus translatis ad græcam linguam ad faciliorem sententiam vestre sanctitatis ».

17. *Leetio Constituti consilio Justiniani contraria fuisset*. — *Justinianus*, qui prejudicio *Vigili* perfecto, Patres alacriores effici ad condemnationem existimabat, non adeo supinus erat, inquit Marca, ut eorum impetum contraria ejusdem Pontificis definitione retardaret. Deinde vero focus agendi de *Constituto* hic erat, cum pollicitationem *Vigili* principi factam questor recenseret: sed adeo mentionem ejus non injectit, ut potius id omnino

dissimulet, ejusque loco alia instrumenta substituat, non ut *Vigilium* prævaricationis argua, sed ut gradus inde ad definitionem Synodi contra Capitula sterneretur. Prima enim semper fuit in Synodis OEcumenicis sententia Romani Pontificis, qua non exspectata nihil decerni moris erat. Itaque *Justinianus*, ne prætermissa videretur in hoc negotio *Vigilii* auctoritas, *Constitutum* quidem suppressit, sed alias *Vigilii* priores sententias, quæ annis superioribus ab eo latæ erant, Synodo exhibuit, ut in Actis omnia rite et solemniter gesta fuisse viderentur. Quare Synodus quoque ipsa in Collatione octava magnum Decreti sui momentum in eo posuit, quod *Vigilius* Tria Capitula sæpius, et scripto, et sine scripto condemnasset, etsi conqueratur, quod Conventui, licet illustri legatione invitatus, interesse noluerit, satiusque duxerit polliceri, se suam ipsius sententiam ad principem missurum. Ex opinione Baronii novatores intulerunt, Pontificis Romani scripta in Synodo non solum discuti, sed etiam refutari, et definitionem illius Decretis promulgatis contrarium cum anathemate proferri. Sed ex vera rerum gestarum narratione, hanc illationem trivolam esse constat.

18. *Collatio septima*. — A num. 213 ad 219. *Collatio septima*, die vii kalendas Junias peracta. *Constantinus* sacri palati quæstor cum instrumentis probantibus *Vigilium* Tria Capitula semper execratum esse ac damnasse, ad Synodum missus est ab imperatore. Recitatum itaque anathema latum contra Romanos diaconos *Rusticum* ac *Sebastianum* *Judicati* impugnatores, et Capitularum pervicacissimos defensores. Lectæ item Epistole *Vigili* ad *Valentinianum* episcopum Tomitanum et *Aurelianum* episcopum Arelatensem; ex quibus omnibus liquebat, *Vigilium* non semel Tria Capitula condemnasse.

19. *Collatio octava*. — In octava Collatione, die iv nonas Junias celebrata, definitivam adversus Tria Capitula sententiam protulit Synodus. Subjiciuntur xiv anathematismi, quorum tres postremi *Tria Capitula*, duodecimus non solum impia *Theodori* scripta, sed etiam ejus nomen ac personam, defensoresque configit; xiii et xiv *Theodoreti* quidem scripta et *Ibae* Epistolam, corumque defensores: *Theodoreum* autem ipsum et *Ibam* Orthodoxos antistites, et in pace Ecclesie defunctos non configunt.

20. *Quinta Synodus pacem Ecclesiæ dedit*. — A num. 220 ad 223. Ait Baronius, quinta Synodo absoluta, tantum abesse, ut pax redditæ sit Ecclesiæ, ut majus bellum exarserit. Sed quis nesciat, inquit card. Norisius citatus cap. 9, post Nicænam Synodum ingentes tumultus ab Eusebianis et Meletianis excitatos? Post Chalcedonensem, quas turbas Ecclesie *Acephali* non dedere? Quid igitur mirum si post quintam Synodum non statim pax Ecclesiæ redditæ est? Hanc sane pacem se donaturum orbi Catholico per illam Synodum Justinianus existimaverat, unde eundem Augustum initio sui *Constituti* *Vigilius* commendavit: « Laudabile, inquit,

clementiae vestrae cognovimus esse propositum, per quod submotis omnibus discordiæ seinib[us], etc. » Sanetus vero Agathio circa finem Epistole ad Constantinem Pogonatum, quæ habetur Act. iv sextæ Synodi ait: « Extremi quidem, præfantissimi tamen omnium magni illius Justiniani, cuius ut virtus et pietas omnia in meliorem ordinem restauravit, etc. » Nam brevi Occidentalis Ecclesia Synodum V recepit. Quam rectum etiam fnerit Justinianii consilium, docet Leontius in lib. de Sectis Act. vi.

21. *Id testantur duo testes oculati*. — Sane in Oriente per Synodum V omnia dissidia composita fuisse duo oculati testes scripsere, Eustathius scilicet cap. 22 de Vita sancti Eutychii, qui inquit: Post V Synodum « summa pax, et magna tranquillitas in Dei Ecclesia est consecuta »; et *Cyrillus* cap. 109 de Vita sancti Sabæ, qui scribit: « Post haec cum sancta et OEcumenica V Synodus congregata fuisset Byzantii, Theodorus Mopsuestiæ et Origenes, et una cum his impia de præexistentia et restitutione dogmata generali fuerunt subjecta anathemati, et sic haereticis deinceps omni abdita libertate loquendi, divini Sabæ Laura, et universa fere cum eis Palestina, vicesimo tertio anno post illius mortem a gravibus haeresibus et temporis acerbitate, et iniquitate respirarunt, et quietem deinceps, et tranquillam vitam egerunt ». Mortuus est sanctus Sabas anno DXXI, universaque Palestina, in qua a tempore *Joannis Hierosolymitani*, *Ruffini* ac *Melanior*, circiter per annos CLX Origeniste ingentes turbas concilarant, Synodi V beneficio pacem sortita est.

22. *Tumultus post illius celebrationem exorti eidem non imputandi*. — Sed, inquit Baronius, nec eo pacto *Acephalos* ad unionem Ecclesiæ reductos. Verum non Synodus sed ipsorum malitia in causa fuit; Trium enim Capitularum dimissa a Synodo Chalcedonensi proscriptione, non unum erat argumentum, quo ad contradicendum *Acephali* seu Hesitantes movebantur: erant pleraque alia, quæ recenset et solvit Leontius in lib. de Sectis. Denique novatores simili arguento Concilium Tridentinum labefactare conantur, quod, inquit, postquam illud celebratum fuit non solum plerique ad Ecclesiam non redierint; sed suis erroribus obstinatus adhaeserint. Quinta itaque Synodus, Nicæna, Tridentina, aliaeque OEcumenicæ prava dogmata confodere, et viam que tenenda erat, docuere; quod si multi rebelles Iunini fuerint, et in præconceptis opinionibus pertinaces, hoc ipsis Synodis non adscribendum. Porro quod Baronius ait, condidisse rescriptum *Justinianum* contra Illyricanam Synodum, et Africanos episcopos, pertinet ad annum DL, ut ibidem num. 6 ostendimus: et *Concilium Aquileiense*, cuius meminit Beda, Sergii tempore celebratum, ut anno PCXXVIII ostendemus.

23. *Vigilius ob Tria Capitula defensa in exilium missus*. — A num. 223 ad 231. *Vigilium* statim non approbasse Concilium, et ob id in exilium

pulsum, Baronius, aliquique Anastasium secuti memorie prodiderunt, docueruntque eumdem tandem ad subscriptionem inflexum. Em. tamen card. Norisius citatus cap. 8 ex silentio Eustathii in Vita sancti Eutychii, Victoris Tunnensis in Chronico, et Liberati in Breviario, qui ne verbum quidem de hoc exilio habent, autumat Anastasium in hac narratione nullam fidem mereri. Verum quam infirmum esse argumentum negativum nullis aliis suffultum, jam saepius diximus, Liberatus in fine sui Breviarii inquit : « Ita non consentientes, depositi in exilium missi sunt » : capite vero 22, de Vigilio ait : « Ab ipsa haeresi afflictus Vigilius nec coronatus (quia scilicet usque ad finem Tria Capitula non defendit) qualem vitae terminum suscepit, notum est omnibus ». Ita Trium Capitulorum defensor haeresim vocat Justiniani factionem, et perseverantiam Vigilio defuisse asserit, quia in exitio Constitutum suum retractavit. Eustathius vero eadem de Vigilio Justiniani adulatione, quae falsa esse constat. Nam cap. 4 Vitæ Eutychii ait, quatuor patriarchas, quos *nemo meminit unquam conuenisse*, huic Concilio interfuisse : quatuor autem patriarchæ hi fuerunt : « Vigilius veteris, et hic Eutychius nova Romæ, Apollinaris magnæ Alexandriae, Dominus Theopoleos; qui tanquam in corpus unum ex quatuor elementis conflati, unanimes idemque sentientes manus inter se conjunxerunt », dicit etiam Eustathius, omnia in Synodo peracta esse « sine violentia, necessitate, partium studio, affectione ». Certe *Justinianus Vigilium post Concilii quinti celebrationem*, qui ipse refragatus esset, eo minus Constantinopoli versari permisisset, quonon solum alios episcopos definiitioni Concilii contrarios, aut in exilium misit, aut dignitate depositus; sed etiam quia in Collatione septima litteras misit ad Patres, quibus prohibuit Vigiliū nomen saeris Diptychis recitari. Eas refert Baluzius citatus p. 1545, et ex Manuscripto Parisiensi haec verba producit : « Constantinus gloriosissimus quæstor dixit : Dum intersum sancto vestro Concilio propter recitationem chartarum, quæ apud vos insinuatæ sunt, piissimus imperator formam destinavit ad sanctam vestram Synodum de Vigiliū nomine, ne jam sacris Diptychis Ecclesiæ inferatur propter impietatem, quam vindicavit, nec et recitetur vobis et conservetur tam in Ecclesiam hujus regiae civitatis, quam in ceteras Ecclesias, que et vobis et reliquis episcopis creditæ sunt in Republica a Deo ei commissa ». Quare Justiniano non magis religio fuit, *Vigilium* in exilium mittere, quam ne nouen ejus in Diptychis recitaretur, prohibere.

24. Quinta Synodus non aequalis auctoritatis ac quatuor precedentes. — Porro vere dicit Gregorius Magnus, in quinta Synodo non esse actum de fide, sed de solis personis. Deinde non quintum, sed sola quatuor prima Concilia tanquam Dei Evangelia venerantur idem Gregorius. Quare licet hujus Concilii summa sit auctoritas, parem tamen cum aliis quatuor auctoritatem non habet. Hinc Gre-

gorius in litteris ad Constantium episcopum Mediolanensem, qui conabatur *Theodelindam* Longobardorum reginam piissimam, a defensoribus Trium Capitulorum seduciam ad communionem Ecclesiæ reducere, prudenter respondit : « Quod scripsistis, quia Epistolam meam reginæ Theodelindæ minime transmittere voluistis, pro eo quod quinta Synodus in ea nominabatur; si eam exinde scandalizari posse credidistis, recte factum est, ut minime transmittetur. Unde nunc ita facimus, sicut vobis placuit, ut quatuor Synodos sotunmodo laudaremus, et quinta Synodi nullam memoriam faceremus ». Judicavimus itaque Constantius per pravum ac erroneous de quinta Synodo iudicium non desperdi fidem, ideoque posse illud dispensatorie ad tempus totetari; quod Gregorius comprobavit; eum tamen circa fidei Decreta dispensatorie dissimulari non possit.

25. Origenisticæ in quinta Synodo damnati. — A num. 238 ad 248. Negavit Halloixius in *Apologia Origenis*, quæst. x, Origenem ab Ecclesia damnatum esse; sed iltud nemini persuadere potuit, solideque tam ab illustrissimo Iluetio lib. 2 *Origenianorum* cap. 4, Sessione m, num. 14, quam ab Em. card. Norisio in sua de quinta Synodo dissertatione confutatur, Garnerius vero in *Dissert. de quinta Synodo* contendit, nullam habitam fuisse in ea de Origene cognitionem, sed tantum Constantinopoli in quadam alia Synodo sub Menna habita, quæ a Veteribus *quinta Synodi* nomine etiam appellata est, quæque *quintam* universalem aliquot annis præcessit. Verum neque haec opinio defendi potest. Cedremus enim ad annum Justiniani xxvi refert litteras Justiniani ad quintam Synodum, quibus Patres hortatur ad Origenem damnandum : « Vos hortamur, ait, o sanctissimi Patres, ut in unum collecti subjeclam expositionem, et singula ejus capita examinetis, damnatisque cum Origene omnes qui idem sentiunt ». Baronius cui *Lupus in Scholis ad Synodum V*, et card. Norisius citatus adstipulautur, recte monet, Capita a Justiniano laudata contineri in ipsis litteris, ab eodem olim ad patriarchas contra *Origenem* missis una cum anathematismis ibidem subjectis, que cum a patriarchis tunc validata fuerint, publica OEcumenicæ Synodi subscriptione iterum confirmata sunt. Valide autem refellitur Garnerii sententia ex verbis quæ leguntur in secunda professione fidei, quæ habetur in libro diurno Romanorum Pontificum, qui postquam actum est de quatuor prioribus Synodis OEcumenicis, subnectitur : « Haec igitur sancta atque universalia quatuor Concilia, etiam sanctum quintum Concilium venerandum assecutum est, et sub piæ memorie Justiniano principe apud Constantinopolitanam urbem est congregatum, cuius salutari consultu : Unus esse de Sancta Trinitate Dominus Noster Jesus Christus veraciter praedicatus est, etc. In hoc Origenes cum impiis discipulis et sequacibus, Didymo et Evagrio, et qui Creatorem omnium Deum et ommem rationalem ejus creatu-

ram Gentilibus fabulis prosecuti sunt, æternæ sunt condemnationi submissi. In eo Theodorus Mopsuestenus auctor Nestorii, pariterque Diodorus, etc. Cum his et Epistola, quæ Ibae dicitar ad Marin Persam, et Scripta Theodorei aduersus beatissimum Cyrillum, cum condemnatione projecta sunt, etc. Inter hæc veneranda universalia quinque Concilia etiam sanctum sextum Concilium universale prædicamus ». Quare Origenes et sectatores, Justiniano imperante, non solum in privato; sed etiam in universalis Concilio Constantinopolitano damnati sunt.

26. *Origenistæ in principio Synodi damnati.*

— Marea in *Dissert. de Synodo quinta*, num. 23 scribit: « Cæterum cognitionem de Origene successisse Trium Capitulorum damnationi ipsa series Actorum quintæ Synodi aperte demonstrat ». Verum ab opinione Baronii minime discedendum, damnationem scilicet Origenis priorem fuisse damnatione Trium Capitulorum; Theophanes enim et auctor Chronicus Alexandrinus quintam Synodus primo ac præcipue collectam esse asserunt aduersus errores Origenis et Evagrii ac Didymi; secundo autem loco aduersus Tria Capitula. Præterea, ut inquit card. Norisius citatus cap. 6, Synodus V, canone xi, ait: « Si quis non anathematizat Arium, Eunomium, Macedonium, Apollinarium, Nestorium, Origenem cum impiis eorum scriptis, et omnes alios haereticos, qui condemnati et anathematizati sunt a sancta Catholica et Apostolica Ecclesia, et in prædictis sanctis quatuor Conciliis, et eos qui similia prædictis haereticis sapuerunt, vel sapiunt, et usque ad mortem in sua impietate permanserunt, vel permanent, anathema sit ». Quatuordecim canones Synodi quintæ editi sunt Collatione viii, quæ cum postrema fuerit in causa Trium Capitulorum, evidens est antea jam *Origenis* causam cognitam fuisse; alioquin is indicta causa damnatus esset. Ad hæc *Theodorus Cappadox* Origenis patronus probaturus posse Theodorum Mopsuestenum, licet olim mortuum jure damnari, ita Synodus allocutus est Collat. v. « Et multos quidem etiam alios invenimus post mortem anathematizatos, necnon etiam Origenem, et si ad tempora Theophyli sanctæ memoriae vel superius aliquis recurrerit, post mortem invenitur anathematizatum; quod nunc in ipso fecit et vestra sanctitas et Vigilius papa religiosissimus antiquioris Romæ ». Fatente ergo Origenistarum principe, a Synodo V et a Vigilio papa Origenes damnatus fuit, et quidem antequam terminata esset Trium Capitulorum cognitione.

27. *Acta quintæ Synodi depravata non fuere.*

Existimat Barenius *Acta* græca quintæ Synodi ab haereticis Origenistis vitia prima primum, et mutilata fuisse, unde postea vitio illo infecta prodierit latina illa interpretatio. Sed, ut animadvertis Marca citatus num. 27, Acta illa adeo absunt a depravatione, ut ex eorum lectione Græci scriptores hauserint, quod ab iis solis Latini didicerunt de *Origenis*, et *Evagrii* damnatione. Neque enim *Acta* Latina, que initio delata fuerunt in Occidentem, aliud omnino conti-

nebant, quam Trium Capitulorum damnationem, de quibus solis agunt uterque *Pelagius I* et *II*, ac *Gregorius Magnus*, cum referunt Decreta quintæ Synodi; alioquin de *Origene* ejusque deliramentis non tacuissent; cum ex eo quinta Synodus a schismaticis adeo pertinaciter explosa, vehementer commendari potuisset. Sane beatus *Gregorius* in Epistola ad Joannem Constantinopolit. quando profiteatur, se quinque Synodorum fidem amplecti, recensens haereses a quatuor primis damnatas, et *Tria Capitula* a quinta Synodo reprobata, non omisisset damnationem *Origenis*, si ex Actis Latinis illi ea de re constitisset. Procul autem a vero abest Baronii num. 244, de *Eutychio* episcopo Constantinopolit. suspicio, eum nempe cum Theodoro Cappadoce Acta V Synodi decurtasse, et in non levem suspicionem Origenismi induci potuisse. Sanctus enim *Eutychius* inter præcipuos Origenistarum persecutores ab illius ætatis scriptoribus numeratur, uti ab *Eustathio* in ejus Vita cap. 4, num. 34, et a *Victore Tununensi* in *Chronico*, qui vocat eum damnatorem *Evagrii eremitæ diaconi, et Didymi monachi, et confessoris Alexandrini*.

28. *Epistolæ Vigiliæ ad Justinianum et Theodoram a Monothelitis interpolatæ.* — Balnzius in Praefatione in Acta Concilii quinti num. 4 et seqq. agit de duabus Epistolis *Vigiliæ* papæ ad *Justinianum* imp. et *Theodoram* Augustam, in quibus damnavit Tria Capitula, et de Epistola Justiniani ad Synodus de damnatione eorumdem Capitulorum, et ut nomen *Vigiliæ* non scriberetur in Diptychis Ecclesiasticis; ostenditque eas veras ac genuinas esse, et in sexta Synodo a legatis Apostolicis actionem falsi aduersus eas integras institutam non fuisse, sed tantum aduersus eam partem, in qua mentio unius operationis in Christo, quæ addita erat a Monothelitis, ut suam de una Christi voluntate opinionem fulcirent etiam testimonio *Vigiliæ* papæ. Neque enim legati dixerunt, has Epistolas falsas esse, cum cœptæ sunt recitari, ut existimat Baronius num. 247, sed cum ad eam partem ventum est, in qua Vigilius statuit docens unam in Christo operationem. Tunc quippe illi exclamaverunt dicentes: « Non faciat Deus, Domine. Non dixit Vigilius unam operationem. Non sunt libelli Vigiliæ. Falsatus est hic liber ». Et ut manifestius pateret, eorum querelam ferri tantum ad eam partem, in qua mentio unius operationis, statim addunt: « Nam, Domine, si unam operationem docuit Vigilius, et susceptus est a Synodo, utique et in definitione ejusdem sanctæ Synodi de una operatione vox habuit comprehendendi. Dum relecta ergo fuerit, piissime Domine, ipsa definitio, invenies omnem veritatem ». Post quæ compositor Gestorum ait: « Consequenter itaque et secundum ordinem relecto codem libro usque ad definitionem, ipsaque definitione usque ad finem relecta, nullo modo aliquid de una operatione in eadem definitione inventum est contineri », ut videre est tomo vi Concil. pag. 623. Confirmant hanc observationem Baluzii in

Actione xiv, pag. 980. Episcopi, qui aiunt Monothelitas huius fraudis esse auctores, « ex illorum vocabulis malitiose adversus recta dogmata haec interjicientes », ob eamque causam paulo post jubent « libros etiam obelis obduci in locis in quibus depravati sunt ».

29. *Monachi Novæ Lauræ V Synodum recipere nolentes, e Palæstina ejiciuntur.* — Ad num. 248. Cyrus in Actis sancti Sabæ testatur, Justinianum Acta quintæ Synodi Hierosolymam misisse, ubi Palæstinorum episcopi sententiam Synodi confirmarunt, « nisi quod Alexander episcopus Abyles contrarium sensit : quamobrem episcopatu exutus Byzantium se recepit, et terræ motu absorptus est et defossus ». Monachos vero, qui Novam Lauram sancti Sabæ inchoabant, cum Eustochius patriarcha octo menses usque non posset eos ad unitatem Ecclesiæ perducere, a Nova Laura expulit. Ita Cyrus. Verum contigere haec anno sequenti, octo scilicet mensibus a celebrata quinta Synodo, cuius definitionem adversus Origenistas ac Tria Capitula monachi illi recipere noluere. Praeterquam quod ille terræ motus, quo episcopus Abyles absorptus est, contigit tantum anno DLIV, die xv Augusti, ut anno sequenti demonstrabimus. Praeterea apud Baronium loco, *Eustochii* patriarchæ Hierosolymitanæ permanent legitur, *Entychius*, qui Constantinopolitanus patriarcha erat. Evagrius enim lib. 4, cap. 38, ubi tumultus istos monachorum Novæ Lauræ refert, ait ab *Eustochio* inde ejectos fuisse, et in varia loca dispersos multos suis partibus adjunxisse, sed perperam scribit, hos motus Synodi quintæ celebrandæ causam extitisse ; cum tumultus illi Synodum quintam subsecuti fuerint, non vero præcesserint, ut docet Cyrus, qui non solum hoc tempore vivebat ; sed etiam de his, quæ ad monachos illos pertinent, optime edocetus erat.

30. *Terræmotus Constantinop.* — Ad num. 249. Terra motus Constantinopolitanus, quem hoc anno Baronius recitat, anno tantum sequenti contigit, ubi commodius de eo agemus, ob connexionem, quam habet cum iis, que illum præcessere.

31. *Clothildis regina moritur.* — Ad num. 253. Sigebertus in Chronico *Clothildis* reliæ Clodovei Magni Francorum regis mortem anno sequenti, non vero currenti consignat ; sed sine dubio fallitur ; Gregorius enim Turonensis lib. 4, cap. 1, ait : « Apud urbem Toronicam obiit, tempore Injuriosi episcopi, quæ Parisios cum magno psallentium præeonio deportata, in sacrario Basilicæ sancti Petri ad latus Clodovechi regis sepulta est, a filiis suis Childeberto atque Clotochario regibus. Nam Basilicam illam ipsa construxerat, in qua et Genovefa beatissima est sepulta ». Injuriosus autem, qui interfuit Concilio Aurelianensi II anno DXXIII celebrato, anno DLVI e vivis excessit, idque mense Decembri, ut in part. II Dissert. de anno et die mortis S. Martini ostendi, ideoque et *Clothildis* mors ante annum illum accidit. Apud Gregorium Turonensem nulla ejus mentio post bellum civile a

Childeberto et Theodeberlo Francorum regibus contra Clotarium etiam Francorum regem motum, quod Clothildis beati Martini intercessione sedavit, ut refert idem Turonensis lib. 3, cap. 28, quod bellum a Sigeberto anno DXXXVII collokalur. Basilica illa sancti Petri posteris siccens a sancta Genovefa Virgine nomen accepit, quæ primum monachis, ac post aliqua saecula canonice regularibus sancti Augustini, ad quos nunc pertinet, donata fuit. Inscriptur *Clothildis* Tabulis Ecclesiasticis ad diem vii mensis Junii. Ejus reliquie in eadem Ecclesia etiamnum asservantur, et illius Vitam recitat Mabillonius saeculo I Benedictino.

32. *Obitus S. Florentini abbatis.* — Ad num. 254. Hoc anno in caelum migravit sanctus *Florentinus* primus abbas monasterii a *Childeberto* Francorum rege Arelate constructi. In clausula, quæ in calce regulæ sancti Aureliani episcopi Arelatensis in Codice antiquarum Regularum ab Holstenio publicatarum habetur, legitur : « In Christi nomine fundatum est monasterium virorum Dei in civitate Arelatensi a S. Aureliano episcopo, jubente sanctæ memorie Childeberto rege Francorum, quinto decimo kalendas Decembris, Indict. xi, anno quinto post consulatum Basili junioris V. C. (sed legendum, anno sexto, qui cum Indictione xi concurrit), et Basilica ibidem in honorem SS. Apostolorum et Martyrum ». Fundatum itaque monasterium illud, cuius hodie nullum vestigium extat, die XVII mensis Novembris anni Christi DLVII, eique sanctus *Florentinus* primus abbas præpositus, ut docet ejus Epitaphium, quod superest in Ecclesia Parochiali sanctæ Crucis in urbe Arelatensi, quo corpus sancti hujus abbatis translatum est, anno ab ejus morte trigesimo quinto, per Constantium ejusdem monasterii abbatem, ut elicetur ex ejus Epitaphio. Recitat illud Baronius, sed in aliquibus corruptum, uti ad se Arelatis missum fuerat. Verum D. Massonus, vicarius generalis archiepiscopatus Arelatensis et curatus Ecclesiæ sanctæ Crucis illud accurate legit, correxitque, et ad nos transmisit. Apud Baronium legitur : επιτάφιον sancti Florentini abbatis sanctæ Crueis Arel. Et tamen haec verba, sanctæ Crueis Arel. non habentur in Epitaphio. Praeterea in hujus fine legitur : « Primus itaqne fuit sanctus Florentinus abbas monasterio nostro per annos v et menses vi qui vixit annis pl. m. LXX, obiit prid. id. April. duodecies P. C. Basilii V. C. junioris, Indictione prima. Post hunc secundus fuit Dominus Redemptus abbas ». Et tamen in exemplari ad Baronium misso habebatur tantum pl. m. L. id est, plus minus quinquaginta, quia duo denaria minutissimis litterulis sculpta legi tunc non potuerant. Insuper in codem haec verba menses vi non habebantur ; cum tamen a die XVI mensis Novembris anni DLVII ad diem XIII mensis Aprilis hujus Christi anni, quinque anni, et menses sex utrinque incompleti fluxerint.

33. *Monasterium S. Florentini ab Aureliano episc. Arelatensi conditum.* — Putabat Baronius hoc

monasterium a sancto *Hilario* episcopo Arelatensi conditum fuisse, quia ultimus Epitaphii versus habet.

Nunc et in eterno Hilarianum semper adorna.

Sed *Hilarius* nomen est monachi benignitate commendabilis, ut in Epitaphio dicitur, ubi et mentio habetur *Januarii* qui illud composuit, et *Tantilli*, qui marmori inseculpsit. Fuit ergo hujus monasterii fundator sanctus *Aurelianus*, auctor duarum Regularium, ex quibus altera viris, altera monialibus inscripta, quae in laudato Codice recitantur. Extabat adhuc illud monasterium intra muros urbis constructum anno DCCCLVIII. Nam divus Gregorius papa lib. 7 sui Registri, Indict. II, Epist. cxvi, ut videre est apud Baronium anno DLV, num. 8 scribit, *Vigilio* episcopo Arelatensi se ultius privilegia inviolabiliter servari velle, testaturque monasterium illud *intra muros* Arelatensis civitatis aedificatum. *Sancti Florentini* Epitaphium integrum recitat Papebrocius ad diem XXI Maii, quo ille Arelatis colitur; sed cum non vidisset supradictam clausulam, credit illud diversum non fuisse a monasterio sancti *Cæsarii* episcopi Arelatensis, imo et a monasterio Montis-Majoris circa medium saeculi X condito; cum tamen sanctus *Cæsarius* monasterium suum *in suburbana insula* aedificaret, et

monachis suis peculiarem regulam, quæ adhuc superest, perscripserit. Monasterium sancti *Florentini* vulgo vocatum fuit *monasterium sancti Petri*, quia, ut diximus, fundatum erat in honorem SS. Apostolorum scilicet Petri et Pauli. Indeque fluxit error Bouchei in Historia Provinceæ, aliorumque omnium, qui ante Codicem antiquarum Regularium ab Holstenio publicatum scripsere. Existimat enim *monasterium Montis-Majoris*, sancto Petro dicatum hoc saeculo a *Childeberto* rege constructum, cum tamen illud saeculo tantum X conditum esse certo constet.

34. *Gesta inter Romanos et Persas.* — Hoc anno *Misimiani* Lazorum regis subditum, dum Romanorum copiae per urbes divisæ hybernarent, ad Persas descivere, quibus *Nachoragan* Persarum dux Persica auxilia non defutura promisit. *Ineunte autem vere*, inquit Agathias lib. 4, pag. 91, Romani in *Misimianos* expeditionem suscepere, et *Rhodopolim* oppidum Colchicum, antea a Mermerei Persarum duce caplum, Justiniano imperatori subdidere. « Hac igitur æstate nihil aliud gestum est memoratu dignum. Bruma vero invalescente, Persæ quidem statim solutis castris Cotæsium et Iberiam versus sese receperunt, animo ibi hybernandi », inquit Agathias citatus pag. 123.

Obitus *Theodebaldi* Francorum regis, de quo anno sequenti num. 7.

VIGILII ANNUS 15. — CHRISTI 554.

1. *Vigilius ab exilio liberatus, qui proinde quintam Synodus approbat.* — Annus Christi Redemptoris quingentesimus quinquagesimus quartus, post consulatum Basilii decimus tertius in Fastis notatur, quo Vigilius papa precibus Narsetis ducis ab imperatore liberatur exilio. Res gesta ab Anastasio ita describuntur: « Adunatus clerus Romanus rogaverunt Narsetem, ut una cum ejus suggestione rogarent principem, ut si adhuc viveret Vigilius papa, aut presbyteri, vel clerus qui cum eodem Vigilio fuerant in exilium deportati, reverterentur. Suscepta relatione Narsetis vel cuneti clerici Romani, laetus effectus est imperator, et omnes incliti ejus, eo quod requiem donasset Deus Romanis.

Mox misit iussiones suas per diversa loca, ubi fuerant in exilium deportati in Gissa et Proconesso, et adduxit eos ad se imperator, dicens: Vultis recipere Vigilium, ut fuit papa vester? gratias ago. Minusve? hic habetis archidiaconum vestrum Pelagium, et manus mea vobis eum erit. Responderunt omnes: Imperet Deus pietati tuæ. Restitue nobis modo Vigilium: et quando voluerit eum Deus transire ab hoc saeculo, tunc vestra præceptione donetur nobis Petagius archidiaconus noster. Tunc dimisit omnes cum Vigilio ». Haec Anastasius.

2. Audisti imperatorem jam arrogasse sibi Romani Pontificis confirmationem, imo et abrogationem, nimis dum se paratum exhibet, si clericus

Pelagium magis velit, facturum ut Vigilius cesseret; ita plane captivam ducens Romanam Ecclesiam, quam sub eodem humiliatam tenuit jugo, cum videlicet nullam haberet voluit electionem cleri, nisi electi accederet confirmatio ab imperatore. Vidisti et clerum abjecte nimis profitentem, post obitum Vigilii in successoris substitutione praceptionem ipsius exspectaturum. Sic quidem ducta est¹, in captivitatem domina gentium, et regina provinciarum facta est sub tributo. Totidem e Hieremia petitis verbis deplorat ista S. Gregorius² papa, cum et dolet non sine certa oblatione pecuniae ejusmodi fieri solitam ab imperatore probationem Romani Pontificis, ut apertius suo loco inferius apparebit.

3. Vidisti scelus? Qui enim præ cæteris videri voluit imperator maxime pius, se maxime impium praestitit, dum duriores coegit Romanam Ecclesiam subire conditions, quam tulerat sub Ethniciis imperatoribus, de quibus nulla est usquam mentio quod confirmationem electi in Romanum Pontificem sibi aliquando arrogarint. Ista igitur quæ neque humana neque divina jura tribuunt imperatori, iste qui legislator omnium maximus dici studuit, sibi sumens, in his impie decernendis divinorum et humanorum decretorum profanator et conculeator evasit, in gratiam hanc dubium æmulantium Graecorum Romanæ Ecclesiæ gloriam. Sed frustra humana id presumpsit astutia. Inpingentes enim ipsi in lapidem, fracti sunt: Romanæ vero Ecclesiæ deorum magis semper illuxit, ut quæ dicentur amplissimam fidem facient.

4. Hæc autem quæ de liberatione Vigilii et aliorum ab exilio dicta sunt, licet Anastasius facta tradat rogante Narsete exercitus in Italia duce: tamen et tunc accidisse putamus, ut Vigilius papa assensus fuerit imperatori, recedensque a sua sententia, quam Constituto edito declaraverat, quintam Synodum comprobarit. Etenim cum de consensione Vigilii Græci omnes affirment, et qui his temporibus vixit et scripsit Evagrius id ipsum asserat, ut quæ sunt superius dicta testantur: cumque pariter declaratum sit, id non eo tempore accidere potuisse, cum idem Pontifex actus est non ob aliam causam in exilium, nisi quod quintam Synodum minime probare voluisse: necesse est affirmare, id ab ipso factum esse hoc tempore, cum ab exilio solutus est, liberque dimissus, ut in suam rediret Ecclesiam, jam vindicata per Narsetem e Gothis Italia.

5. Ut istæ firmemus, alia plura suadent. In primis vero, quod Liberatus diaconus Carthaginensis, et ipse ex iis unus qui pugnarunt pro Trium Capitulorum defensione (ut ex Breviario ab ipso conscripto satis appetat vel ex eo potissimum, dum Theodorum Mopsuestenum laudat) ipse, inquam, Liberatus in Vigilium parum æquus, praeter alia quæ adversus eum conscripsit, ista de ejus fine

habet¹: « Hæc, inquit, Vigilius scribens hæreticis oculite, permanit sedens. In quo impletum est illud testimonium, quod Salomon in Proverbiis dicit: Edent viæ suæ fructus et consiliis suis saturabuntur. Ab ipsa hæresi afflictus Vigilius nec coronatus, qualem vite terminum suscepit, notum est omnibus ». Hæc Liberatus: qui quidem si perstantem in sententia usque ad mortem pro Trium Capitulorum defensione, quorum causa Constitutum ediderat, Vigilium conpperisset, ipsum in ea defunctum velut martyrem collaudasset: sed cum ait, ipsum fuisse afflictum nec coronatum, plane alludit ad ejus exilium, et post exilium a priori proposito defectionem.

6. Suadet etiam istud ipsum ea ratio, quod cum Justinianus imperator nihil antiquius habuerit Trium Capitulorum damnatione, quorum causa plura (ut vidimus) sancivit edicta, et Synodum OEcumenicam collegit, suæque sententia adversantes severe punivit: quomodo passurus fuisset, nisi consensisset, ut Vigilius, qui amplissimis scriptis contrariam sententiam professus fuit, et ad eam sectandam universam Ecclesiam Catholicam impunit, idem postquam solveretur exilio, sineretur proficisci in Occidentem, haud dubium universos episcopos orbis Occidui adversus edicta imperatoris atque Synodi decreta concitaturos? Rursum vero cum Justinianus imperator non solum ab exilio ipsum Vigilium liberaverit, sed alia nonnulla eidem petenti concederit, et ipso exigente sanctiōnem de rebus Italiciis promulgarit; absque dubio ex hujusmodi officiis declaratum est, eundem Vigilium ipsi valde carum extitisse, ut ea petenti indulserit: at nonnulli consensione in Trium Capitulorum damnatione effici potuit, ut inter eos amicitia sancretur, quorum solum causa odium conflatum erat, et in eum exilium irrogatum.

7. Sic igitur ex omnibus, suffragante potissimum Græcorum auctoritate, satis appareat, Vigilium papam, ut natum occasione Trium Capitulorum schisma penitus tolleret, omnemque Orientalem Ecclesiam Catholicæ communioni conjungeret, abrogato quod pro Tribus Capitulis ediderat Constituto quintæ Synodo adversanti, eamdem Syuodium auctoritate Apostolica comprobasse, OEcumenicamque dixisse: cuius postremam sententiam cum posteri omnes Romani Pontifices sint secuti, universa Dei Ecclesia, paucis exceptis schismaticis, eamdem Synodum ut OEcumenicam semper novit et prædicavit. Ejus vero exemplaria tunc in Romanæ Ecclesiæ archivis fuerunt inter alia scripta authentica collocata; quæ utinam conservata fuissent: non enim opus esset eam corruptam et mutilatam (ut vidimus) e Codicibus Græcis accipere.

8. Porro eadem exemplaria genuina misisse noscitur S. Gregorius ad Theodolindam Longobar-

¹ Thren. 1. — ² Greg. in septem. Psal. Pœnit.

¹ Liber. Brev. c. 22. in fin.

dorum reginam, et ejus filium Adulouvaldum regnamentem aliquando ea de causa Ecclesiae Catholicae communicare, quod accepisset, ex eadem Synodo derogari scriptis S. Leonis papae ab universa Ecclesia ut sacrosanctis toto orbe receptis. Sed accipe ipsius verba Gregorii ad ipsam Theodolindam reginam redditam¹ extremo tempore sui Pontificatus : « Eam tamen, inquit, Synodus, quae piae memoriae Justiniani tempore facta est, per latores praesentium transmisi : ut praedictus filius meus dilectissimus ipsam relegens, cognoscat, quia falsa sunt omnia, quae contra Sedem Apostolicam vel Catholicae Ecclesiam audierat. Absit enim nos eujuslibet sensum haeretici recipere, vel a tomo sanctae memorie Leonis prædecessoris nostri in aliquo deviare : sed quaecumque a sanctis quatuor Synodis sunt definita, recipimus ; et quaecumque reprobata sunt, condemnamus ». Haec Gregorius, qui tum ipsam reginam, tum ejus filium regem Longobardorum detrectantes interea ob falsos a schismaticis sparsos rumores Apostolicæ Sedi communicare, rei veritate dilucide demonstrata, communione Catholica et Apostolica impertivit.

9. *Rogatu Vigilii dat Justinus Constitutionem de rebus Italiorum.* — Sed ad ipsum Vigilium solutum jam exilio, dimissumque liberum ut ad suam redire Ecclesiam posset, revertamur. Cum reditus Romanum, Constantinopolim ad Justinianum imperatorem venisset ; ab ipso petiti sanctionem promulgari universæ Italie profuturam. Extat illa quidem, quam hic tibi reddendam putavimus, ut quæ sunt dicta notiora fiant. Ipsa vero ad Narsetem ducem et ad Antiochum Italie præfectum data reperitur hoc anno, distincta capitibus viginti septem : sed nobis satis haec ex multis pauca referre² :

10. « Pro petitione Vigilii venerabilis antiquioris Romæ episcopi quædam disponenda censuimus ad utilitatem omnium pertinentia, qui per Occidentales partes habitare noscuntur. In primis itaque jubarimus, ut omnia quæ Athalaricus, vel Amalasuntha regia mater ejus, vel etiam Theodatus, Romanis, vel senatu poscente, concesserunt, inviolabiliter conserventur : sed et ea quæ a nobis, vel a piae memoriae Theodora Augusta quondam conjugi nostra collata sunt, volumus ilitibata servari : nulla cuicunque danda licentia contra ea venire, quæ a prædictis personis pro quibuscumque rebus vel titulis data vel concessa esse noscuntur, excepta videlicet donatione a Theodato in Maximum pro rebus habita Marciani, ex quibus dimidiā portionem Liberio viro glorioissimo dedisse meminimus, reliquam dimidiā maximo viro magnifico relata, quas apud utrumque firmiter manere censuimus.

11. « Si quid a Totilano tyranno factum vel donatum esse inveniatur cuicunque Romano, seu cuique alii, servare, vel in sua firmitate manere, nullo modo concedimus ; sed res ablatas ab injusmodi delensoribus antiquis dominis reformari præ-

eipimus. Quod enim per illum tyranndis ejus tempore factum esse invenitur, hoc legitima nostra notare tempora non concedimus ». Et inferins de iisdem rebus a Totila alienatis : « Quia autem verisimile putamus, diversos tyranndis tempore res suas per metum alienasse hominibus vel officium quodecumque gerentibus, vel aliam a Totila commissam actionem, vel potentiam, vel gratiam apud eum habentibus, sive venditione, sive aliis quibuscumque contractis titulis ; modo vero quod factum est prius rescindi desiderare, ut pole per violentiam, vel per metum tyranndi temporis factum : sancimus omnibus esse licentiam sui recipiendi, sive vindicandi, vel possessionis a judice adipiscendæ, pretiis tantummodo videlicet restitutis : quæ tamen (eo qui se dedisse perhibet approbante) verae constiterit exsoluta, nec aliquo postea modo vel fraude subtracta, vel ab eo recepta, cum non absque ratione esse putemus multa tunc temporis per metum et violentiam facta esse, quæ nostris temporibus rescindi poseit justitia, poena videlicet instrumentis inserta propter prædictas factiones modis omnibus quiescente ». Haec et alia plura ad res sive immobiles sive mobiles spectantia, instantे Vigilio papa, Justinianus sanxit, multaque alia ad personas respicientia, quas vel Barbaricus furor redigisset in servitatem, vel militaris licentia profanasset. Nam post alia plura haec de dicatis Deo virginibus :

12. « Cum autem tyranndæ ferocitatis præsumptionem res etiam illicitas quasi permissas egisse, sine dubio sit : sancimus, ut si qui mulieres Deo sacratas, vel habitum religiosum habentes sibi conjunxisse inveniantur, nulla eis tenendi, vel dotes forte conscriptas, iterum monasteriis, vel Ecclesiis, aut sancto proposito cui dedicate sunt, restituantur ». Haec et alia Justinianus hoc anno vicesimo octavo sui imperii, et post consulatum Basilii tertio decimo : quæ quidem ab imperatore procurasse Vigilium apparet, ut, quæ tempore bellico fuissent iura jussa sileri, eadem reviviscerent, sumique unicuique tribuerent. Quomodo autem recepens Constantinopoli Vigilius papa, cum in Siciliam pervenisset, illuc exterritum clausit diem, sequenti anno, quo id contigit, dicturi sumus : modo quæ anni hujus sunt reliqua prosequamur.

13. Hoc eodem vicesimo octavo imperatoris anno a Cosrhœ Persarum rege adversus Justinianum Augustum bellum movetur, non quidem ex more in Syria, sed in Colchorum provincia : quo Romanus exercitus turpiter vixus atque fugatus est. Haec vero quomodo se habuerint, Agathias pluribus refert. Quibus accurate narratis, divertit idem auctor ad peregrinationem seu transmigrationem quorundam Gentilium philosophorum e Romano solo in Persidem, ea (ut refert) occasione, quod perteksti illi Christianam religionem et eam colementium mores, ad Persas, quos acceperant esse modestiores, proficiisci, ibique reliquum vitae tempus apud eos degere decreverunt : verum falsa decepti

¹ Greg. I. XII. Ep. VII. — ² Novel. Justinian. edit. in fin.

fama, ubi Persarum fœdissimos invenerunt mores, mox redire ad pristinos lares, et cum Christianis reliquum vite tempus degere censuerunt. Quæ autem notatu digna iisdem tunc acciderint remeantibus, ab eodem accipiamus auctore, qui rem sic exorditur¹:

14. De quibusdam philosophis ad Persas peregrinantibus. — « Paulo ante Damascius Syrus, Simpliciusque e Cicilia, Eulanius Phryx, Prisanius Lydus, Hermias præterea, et Diogenes ex Phœnicia, Isidorusque Gazæus in Persidem ad regem hunc visendum se contulerunt: qui omnes facile hac nostra ætate omnium erant philosophorum principes. Illi quidem, cum minus placerent quæ de Deo Romani rectius sentiunt, et multorum relatu persuasi jam essent Persarum instituta et mores cœteris longe præstare, in Persiam ad regem, ut in ea viciuri, una concesserunt, et eo libentius, quod regem in primis justissimum, continentissimumque esse acceperant, qualem et vult Plato, ut philosophia sit cum imperio juncta: subditos vero pollere virtutibus, quandoquidem nec fures apud hos essent, neque prædones, nec denique qui injustiora cœtera facerent: atque adeo ut pretiosissima quæque vel in solitudine quavis relictæ, qui forte invenierit, haudquam sit sublaturus, sed relinquenti utcumque domino integra omnia usque ad redditum maneat. Ubi tamen eo est tandem perventum, cum omnia aliter longe ac ipsi acceperant sese habere jam comperissent, et omnem scelerum apud hos speciem exerceri, ipsique hæc molestissime ferrent: inconstantiae et levitatis se statim insinularunt, et mutati loci cœpit hos pœnitere. Unde etsi Cosrhaes eos et benevolentia prosequeretur, et ut apud se manerent precibus fatigasset; confessim tamen ad pristina loca, e quibus excesserant, se reeperunt, existimantes, longe sibi potius fore, initis mox Romanorum confinibus mortem, si forte contingat, obire, quam apud Persas morando, maiora sibi præmia comparare. Sic demum omnes ad pristinas sedes reducti, Barbarica detestabantur hospitia ». Ita quidem experimento didicere philosophi, solitos licet disciplina Christianos præstare moribus quibuslibet veri Dei cultum ignorantibus populis. Quid vero his subjicit auctor admiratione dignum, accipe:

15. « Sed cum interea iter hi facerent, mirandum quiddam his ferunt et dignum memoria configisse. Nam cum in agrum quemdam Persicum philosophi divertissent, hominis ejectum cadaver viderunt recens mortui inhumatum. Tum hi legis Barbaricæ pravitatem commiserati (lege enim Persarum, defunctorum hominum corpora non hu-

mari, sed feris bestiis et volucribus exponi jubebantur) quandoquidem nec par fore existimabant, ut vel in partem aliam natura injuriam pateretur, cadaver illud per servos elatum, terra (ut licuit) obruerunt. Noctu vero, his quiescentibus, unus quidam eo ex comitatu (non enim sat calleo) observari sibi speciem vidi hominis senioris, sibique incogniti, alias tamen gravis et venerandi, et qui philosophiæ student ut pallio, ita et barba promissiore nihil esset absimilis; sibique perinde jubendo, monendoque hujusmodi inclamassem: Noli inhumatum humare: permitte canibus lacerandum. Terra universorum mater matris corruptorem hominem non suscipit (hæc idcirco, quod Persis in more esset, filios cum matribus commisceri). Tum ille quam primum præ formidine experrectus, aliis somnium statim renuntiavit. At illi tum primum dubii animi erant, quoniam esset id somnium evasurum. Antelucano autem tempore surgentes progrediuntur quo erat iter occoptum, agrum eundem carpendo, cogente ad id loci situ, in quo pridie mortui cadaver suffoderant. Nudum illum iterato inveniunt in agri superficie jacentem, tanquam sponte sua in apertum remittente terra, nec tolerante non a bestiis absumptum servare. Illi igitur rei miraculo obslupefacti, iter prosequebantur, omissa humanitatis officio, quod sibi ex lege injungebatur. Somnium interea cum sermonibus agitant, ex eo facile falebantur, pœnas luere Persas pro impudico et materno concubitu, eoque et inseptos manere, et non injuria per canes dilacerari ». Hæc Agathias, suorum temporum recensens historiam, haud leviter accepta refert.

16. Ex hoc quidem exemplo quis non intelligat, in sue ipsorum ultionem impietatis sini a Deo novatores hereticos spernere ab Apostolis traditos et in Ecclesia Catholica sëpe usu receptos atque posteris commendatos Christianis ritus sepulcrales, pompamque piam, qua sacris canticis dueuntur funera, sacrisque locis, quæ sunt Christi membra, humanunt corpora defunctorum; eosdemque vere impios sua sponte ab Ecclesiastica communione discessos hisce privari, atque tanquam infames in loco profano, profanæque sepulture mandari? Uti plane justo Dei judicio in eis Hieremias¹ vaticinium compleatur, quo ait: « Sepultura asini sepelietur, putrefactus et projectus extra portas Hierusalem ». Sed quæ de funere et sepultura dicimus, de pluribus aliis Dei beneficiis Catholicæ Ecclesiae collatis æque dicenda sunt, quibus in suorum scelerum pœnam sua ipsorum sententia impii, sed justo Dei judicio omnino privantur.

¹ Hierem. xxii.

¹ Agath. I. II.

Anno periodi Graeco-Romanæ 6047. — Anno Æra Hispan. 592. — Jesu Christi 554. — Vigilius papæ 18. — Justiniani imp. 28.

1. *Tricennalia Justiniani.* — Hic annus ista formula notatus : *Post consulatum Basilii V. C. xiii, vel secundum quosdam, post consulatum Basilii V. C. anno xiv.* In hunc annum incedunt *tricennalia Justiniani* post Justinum imperantis.

2. *Vigilius exilio relaxatur.* — A num. 1 ad 9. Testatur Anastasius, clericus Romanum Narsensem rogasse, ut una secum imperatorem deprecaretur, quo Vigilius ex exilio reverteretur, et imperatorem tam Narsenit, quam cleri Romani relatione recepta, Vigilium et presbyteros ejus revocasse ex Praeceno, que insula est parva Asie et Mysiae minoris, in Propontide. Quod hoc anno factum docet Continuator Marcellini ad annum xiii P. C. Basili V. C. praesente scilicet : « Vigilius papa tandem ab imperatoribus Romanis et Narse de exilio relaxatus ». Ubi librarius loco, *ab imperatore Romano*, scripsit, *ab imperatoribus Romanis*.

3. *Quintam Synodum approbat.* — Antequam Vigilius exilio solveretur, consensit Synodo, ut testatur Evagrius lib. 4, cap. 37. « Vigilius autem per litteras consensit Concilio, non tamen interesse voluit ». Hujus consensus meminit quoque sexta Synodus in Prosphechetico ad Constantimum Pogonatum imp., ubi postquam retulit Eutychius damnationem a Leone I. deeretam fuisse, et a Marciano principe cum Synodo Chalcedonensi susceptam, Act. xviii, ait : « Sicut et Vigilius post haec Justiniano piissimo consonuit, et quintum Concilium constitutum est, ut eorum Opuscula, que latenter reperta sunt repleta abominatione, anathematizarentur ». His addit Marca in Dissert. de *Epistola Vigilius pro confirmatione Synodi V.* Pelagi II testimoniom ex Epistola ad episcopos Istriæ. Etenim prolixis verbis ibi refertur, Sedem Apostolicam per Vigilium initio quidem probasse Tria Capitula, et pro eorum defensione diu laborasse, longoque tempore ad injurias usque certasse (quod de solo Vigilio intelligi potest) deinde cessisse quando *veritas se patefecit*. Marca ibidem refert Epistolam Vigilius ad Eutychium archiepiscopum Constantinopoleos, et ad præacentem Synodum, quæ dicitur data ante sextum idus Decembres, imperii domini nostri Justiniani aeterni Augusti anno xxvii post consulatum Basili V. C. anno xii, anno se. Christi DCLIII. Eruit eam Marca e veteri Codice Ms. Bibliothecæ regiae, existimatque illam esse, quam Vigilius pro

Synodo V dedit. Verum haec Epistola aliquibus viris doctis de suppositione suspecta visa; et si germana sit, de ea non loquitur Photius, quando de Vigilio scribit : « Communem Patrum fidem libello comprobavit ».

4. *Constitutum Vigilius quo Synodum V confirmat.* — Baluzius in Nova collectione Conc. p. 1551, invenit in veteri Codice Ms. Bibliothecæ Colberlinæ *Constitutum Vigilius pro damnatione Trium Capitulorum* hoc anno editum; in ejus enim fine legitur : « Data VII kalendarum Martiarum, imperante Domino Justiniano perpetuo Augusto, an. xxvi et post consulatum Basili V. C. anno xiii Constantinopolim ». In eo Constituto Vigilius fuse docleque Tria Capitula explicat, refellit, et damnat; tandemque concludit : « Prædicta igitur Tria impia Capitula anathematizamus atque damnamus, id est, Epistolam, quæ dicitur Ibæ ad Marin Persam, in qua nefandæ superius designatae blasphemiae continentur, et impium Theodorum Mopsuestenum cum nefandis ejus conscriptis, et quæ impie Theodoritus conscripsit, etc. Quæcumque vero sive meo nomine, sive quorumlibet pro defensione memoratorum Trium Capitolorum prolatæ fuerint, vel ubiquecumque reperta, præsentis nostri plenissimi Constituti auctoritate vacuamus ». Hoc Constitutum Vigilius germanum et genuinum libellum, quo Synodum V confirmavit, et Constantinopolim tam ad imperatorem quam ad episcopos misit, esse autuno : nihil enim in eo, quod a stylo Vigilius dissentiat.

5. *Vigilius in Siciliam redit.* — A num. 9 ad 13. Postquam Vigilius ad Synodi sententiam accessit, Romanum dimissus est, sed antea mense Augusto cum imperatore serio egit de universo provincie, ac præserfim Urbis Romane regimine meliorem in formiam reducendo. *Justinianus* ejus petitioni morem gerens, nobilem sanctionem Constantinop. editit *idibus Augusti datam*, qua Italiam plurimum indulxit, illorumque fortunas diuturno bello depressas erexit. Itane cum Vigilius rediens in Italianam deferret, calculi dolore oppressus in Sicilia usque ad mortem remansit. Continuator Marcellini ad annum xiii post consulatum Basili V. C. ad curremtem scilicet, ait : « Cum Romanum redire cepisset, in Sicilia morbo calcoli tactus discessit, moxque Romanum perlatus apud S. Marcellum in via Salaria

sepultus est ». Vigilium fere usque ad initium anni **DLV** vitam prostrasse, ex infra dicendis certum fiel.

6. *Finis belli Gothici in Italia.* — Ad num. 13 et seqq. Agathias lib. 2, pag. 49 et seqq. narrat quae hoc anno in Italia a *Narsete* gesta adversus Gothicarum reliquiarum motus. *Leuthari* et *Butilino* Francorum ducibus anno precedenti occisis, portio quedam Gothorum ad septem bellatorum milia, qui multis in locis Francis auxilio fuerant, in *Campsas* castellum munitissimum sese recepere. Eos ad hoc ineitabat *Regnates* Hunnus Gothorum dux, qui bellum instaurandum sibi censebat, ut ex eo celebrior fieret. Confestim itaque Narses castellum obsidione ciuit: « Hic autem in hoc transacta, statim ineunte vere, Regnates pacisendum sibi in rem praesentem cum Narsete putavit ». Sed cum majora quam ipsum deceret, postulasset, et in Narsetem sagittam torsisset, ab ejus satellitibus peremptus est. Eo sublato confestim Gothi se et castellum Narseti dedidere, qui « ne imposterum novis iterum rebus studerent, omnes ad imperatorem Byzantium misit », inquit Agathias, qui de hyeme et vere currentis Christi anni verba facit, ut sequentia demonstrant. Quare hoc anno *bellum Gothicum* ab anno **XXXV** inchoatum finem accepit. Marius quidem in Chronico bellum Gothicum usque in annum **DLVI** protrahit, et recentiores passim Historici in annum sequentem, sed eos errare ex Agathia, quem se sequi profitentur, nunc constat.

7. *Moritur Theodebaldus rex Francorum.* — « Interea dum haec geruntur », ut prosequitur Agathias, « Theodebaldus adolescens, qui finitimus Italie Francis imperabat, miserrime jam e vivis excesserat, morbo quo inde ab ortu laborarat absensus ». Quare continuator Marellini Theodebaldi Francorum regis mortem recte collocavit *anno post consulatum Basilii V. C. XII* Christi scilicet **DLII**. Ilujus continuatoris verba excipit Hermannus contractus in fusori Chronico ad annum **DLIII**, « Theodebaldus, inquit, Francorum rex moritur, et regnum ejus uxoremque Vanderadam (quam alii rectius Wldetradam appellant) Clotarius rex patris ejus Theodeberti patruus accepit, qui jam **XLIV** annis regnabat. Quo ipso anno Clotarius ipse Saxones juxta Wisaram fluvium magna eade domuit, et Thuringiam pervasam devastavit ». Marius in Chronico Theodebaldi regis mortem perperam consignavit *anno XIV post consulatum Basilii*, Christi scilicet insequenti, et omnibus rerum Francicarum scriptoribus errandi causam dedit.

8. *Annus ejus emortualis a plerisque male signatus.* — Hi enim Theodebaldi obitum, postquam Chronicon Marii lucem vident, sicuti et Theodeberti patris ejus mortem tardius retulerunt, non animadvententes hunc chronographum per haec tempora serius res plerunque recitare, et ab Agathia accurato scriptore dissentire. Regnum inierat Theodebaldus anno **DXLVII**, et « septimo regni sui anno mortuus est », inquit Gregorius Turonensis

lib. 4, cap. 9, ideoque anni seplem, quibus regnavit, incompleti fuere. In Hist. de Gest. reg. Franc. cap. 21, anni etiam **VII** eidem assignantur. Aimoinius, qui lib. 2, cap. 23, annos **VIII** ei tribuit, annum unum plus numeravit. Natus erat *Theodebaldus* ex *Deuteria*, propter quam *Theodebertus* pater ejus *Wisigardem* sponsam reliquerat, quam postea uxorem duxit, eaque defuncta *Deuteriam* ultra non habuit, ut videlicet apud Turonensem lib. 3, cap. 25 et 27, nullam prolem *Theodebaldus* reliquit, at *Clotarius* non tantum regnum ejus cum thesauris accepit, sed et *Wldetradam* uxorem strato suo copulavit, ut scribit Turonensis lib. 4, cap. 9, qui subdit, « increpitus a sacerdotibus, reliquit eam dans ei Garibaldum ducem ». Baronius Theodebaldi mortem recitat anno **DLVI**, num. 18. De Garibaldo primo Bajoarice duce vide dicenda anno **DLVI**.

9. *Terræ motu Constantinop. aliisque urbes concusæ.* — Agathias pag. 51 Theodebaldi morte Regnarisque caede narratis, statim subdit: « Sub idem fere tempus, vigente aestate Byzantii, aliisque compluribus Romani imperii locis ingens terræ motus est factus, adeo ut multæ urbes tam insulare quam in continente sitæ confestim subversæ fuerint, incolæque penitus absorpti ». Inter urbes, quæ tum corruere, memorat Agathias *Berytum* pulcherrimam tunc Phœnicie urbem, atque, nobiles juvenes, qui addiscendarum Romanarum legum causa eo commiabant, commigrasse *Sidonem* urbem vicinam, dum *Berytus* instauraretur. Narrat etiam, *Alexandriam ad Nilum flumen positam* terræ motui nou obnoxiam, per exiguum et brevem motum sensisse, dum ipsem ibi versatur, et *Coi* insulæ exiguum quamdam portionem servatam esse. Ilunc vero terræ motum præsenti anno, et quidem aestate, accidisse testatur Theophanes anno Incarnationis secundum Alexandrinos **DXLVI**, kalendis Septembbris superioris Christi anni inchoato: « Hoc anno, inquit, mensis Augusti decimo quinto, Indictione secunda, illucescentis jam Dominici diei post medianam noctem tempore (ideoque hoc anno, quo Sabbatum incidit in diem **xv** mensis Augusti), terræ motus contigit adeo horrendus, ut ædes plurimæ, balnea, Ecclesiæ, mœnium urbis Constantinop. pars, quæ maxime ad Chrysèn portam, damnum ingens passa fuerint: et eo plures oppressi perierint. Corruit etiam pars Nicomediae maxima. Invaluit autem is terræ tremor diebus quadraginta, modicoque spatio ad mentem et pœnitentiam redierunt homines, publicis per vias precibus, Ecclesiasticorum cœtum frequentia, diuturna in Ecclesiis mora, divinam opem implorantes: mox vero Dei clementiam experti, in deteriora prolabeantur. Ceterum populo in campum cum precibus processionem agente hujus terræ motus per annos singulos memoria renovatur ». Baronius anno **DLIII**, num. 49, ex auctore Miscellæ hunc terræ motum recitat, quod is tradat illum contigisse anno **XXVII Justiniani imp.** cum

tamen anno ejus imperii xxviii contigerit. Ita fuis erroris fons et origo modus Justiniani annos numerandi a Theophane usurpatus. Hic enim primum Justiniani annum a kalendis Septemb. anni Christi dxxvii cum anno civili exorditur, eoque pacto mense Augusto hujus anni, vicesimus septimus Justiniani adhuc in cursu erat. Quare ad vitandum errorem, in quem hactenus Chronotogi incidere, in Theophane legendo, citandoque, non ad annos imperatorum, sed ad annos Incarnationis secundum Alex. attendendum, quod satis monere non possum.

40. *Iste terræ motus cardo Chronotaxis Historia Agathiae.* — Hoc terræ motu suo anno reddito manifestum est, mortem *Leutharis*, *Butilini*, et *Theodebaldi* regis recte a nobis consignatam fuisse, et Agathiam continuationem Historiae Gothicæ Procopii, a Libro secunde sue Historiae exordiri; quod cum hue usque Chronologi non animadvertisserint, res ab Agathia narratas præpostere collocaerunt. Goarus in Notis ad Theophanem pag. 396 hunc terræ motum ab hoc historicō relatum confundit cum alio terræ motu, quem Theophanes docet contigisse anno Christi DL, ut ibidem vidimus; quod uterque aestate acciderit, et in utroque *Berytus* concussa fuisse dicatur. Verum summopere fallitur; eo enim anno *Byzantium* hanc calamitatem passum non est: et *Berytus* tam eo anno, quam currenti terræ motu quassata. Porro iste terræ motus censeri debet secundus cardo Chronotaxis Historiae Agathiae.

41. *Justinus dux direptionum Joannis Afri particeps.* — Quæ vero hoc anno inter Persas et Romanos contigere, paucis exponit Agathias lib. 4, a pag. 130 ad 132, aitque, *Justinianum Iuslino Germani filio, maximi per id tempus nominis viro, Byzantium ad se evocato per Colchicam regionem et Armeniam plenum et absolutum imperium detulisse, dum « Persæ quiescerent, statusque rerum inducijs esset similis ».* Sed quidam *Joannes nomine Afer*, vir obscurus et pauperrimus *Justino* promisit commeatum omnem commode suppeditaturum, modo ei certa pecunia summa traderetur, eique fieret quæ inter ipsos convenerat præstare. « At scelestus ille vienaliciarius et dardanarius » ingentem quæstum faciebat. Ex his opibus pacta *Justino* persolvebat. *Justinus* vero parvi lamenta eorumque, quos iste depraedatus fuerat, lacrymas faciens, « gaudebat, et inemptis epulis fruens, et præterea pleniorum gravioremque crumenam red-

dens ». Sed licet infinitos post haec labores exan-
tarit, maximamque gloriam consecutus sit circa
Istrum fluvium Barbarorum insultus retundens :
nihil inde Divina vindicta est emollita; postea enim
a Justino juniori capite pœnitus est. Addit Agathias,
neque Persas bellum instaurasse, neque Romanos
in eos movisse, « sed quieti manebant, perinde ac
si communis sententia ita decretum esset ». Choeroes
vero simul atque cognovit quod *Nachoragan* fu-
giens proelio excessisset, confessim eum ex Iberia
revocavit, et a summa cervice cutem ei ad imos
pedes detrahens a carnibus avulsit, « enjus primus,
uti arbitror, Sapores ille, qui multo ante Chosroen
tempore apud Persas regnavit, infamis auctor fuit »,
inquit Agathias, qui ideo significat, nihil neque hoc,
nec sequenti anno, ab exercitibus actum esse.
Pacem enim inter ultramque gentem anno DLVI
compositam fuisse infra visuri sumus. Theophanes
anno Incarnat. secundum Alex. DLVI, kalendis
Septemb. anni Christi DLIII inchoato loquitur de
Joanne isto, aitque : « Lazi a Romanis deficiente
ob Joannis eorum praefecti avaritiam, atque injusti-
iam, ad Persas transfugere : sed ilerum intra
eundem annum ad Romanorum partes redire : et
expulsi Persis Romani Castrum Petram cepere ».
Verum, neque Agathias, neque ultus alijs ex anti-
quis de hac *Lazorum* ad Persas defectione men-
tionem facit; *Petra* anno DL a Romanis expugnata, et
Lazorum querelæ adversus Joannem prædonem,
non vero præfectum perperam defectio appellantur
a Theophane, qui tempus dunlaxat rei gestæ, ac
durationem recte notavil.

12. *Synodus Arelatensis V.* — Celebratum hoc
anno Concilium Arelatense V sub Sapaudo Arela-
tensi episcopo, qui his verbis illud subscripsit :
« Notavit sub die tertio kalendas Julias anno XLII
regni Domini nostri Childeberti regis ». Sirmondus,
qui primus Synodum istam in lucem dedit ex Co-
dice Ms. Lugdunensi, addit Indictionem secundam,
quia mendose ibi *tertia* memoratur. Convocata est
ex provincia Viennensi secunda, et ex duabus pro-
vinceis finitimis, scilicet Narbonensi II et Alpium
Maritimorum. Septem Canones in ea conditi.

13. *Agila rex Hispaniæ occiditur.* — *Era* DLXII,
hoc nempe Christi anno, Visigothi regem suum
Agilam occidere, et *Athanagildi*, qui iam tyram-
dem arripuerat, sese regimini tradiderunt, ut pro-
dit Isidorus in Chronico Gothorum, qui subdit,
Agilam annos quinque regnasse.

VIGILII ANNUS 16. — CHRISTI 555.

1. *Vigilius in Sicilia moritur.* — Illic annus Domini quingentesimus quinquagesimus quintus, post consulatum Basilii numeratur decimus quartus : quo Vigilius Romanus Pontifex venturus in Italianam, in Sicilia diem obiit, cum sedisset annos sexdecim, licet Anastasius habeat sedisse annos decem et septem, menses sex, et dies viginti sex : sed nulla subsistunt talia ratione, quamplurimis his adversantibus. De ipso item hæc Anastasius subdit, cum agit de ejus obitu : « Venerunt itaque in Siciliam, in civitatem Syracusas, ubi Vigilius afflatus, calculi dolorem habens, mortuus est. Corpus ejus delatum Romam, sepultum est ad S. Marcellum via Salaria ». Sed quanto anni mense dieve sit mortuus, nulla apud antiquos mentio : nee nobis de his divinandum, cum nec ex successoris annis tempus Vigilii Sedis possit mensium atque dierum numero detiniri. Cæterum hic non prætermittendum. Pelagium diaconum ductum esse in suspicionem illatae mortis Vigilio ; id enim idem Anastasius tradit, cum agit de ejusdem Pelagii ordinatione : addit autem, ipsum Pelagium publice se purgasse de tanta illata calumnia. Sed de his inferius.

2. Illic tandem finis Vigilii papæ, ut justo Dei judicio in insula defunctus sit, confectus ipse ærumnus ex morbo, qui coegerat sanctum prædecessorem suum Silverium deportatum in insulam illuc animam exhalarere. Qui enim malis artibus ad Pontificatum sibi paravit ascensum, ipsum adeptus, immensis semper agitatus est fluctibus, invisus in primis imperatori, cuius gratiam tot studiis demererare conatus fuit, Orientalibus haud gratus episcopis, adversus quos diu multumque certavit : sed et Occidentalibus defensoribus Trium Capitulorum redditus execrabilis, quod in sententia non stetisset, sed impugnatoribus eorumdem, suo Constituto aboliito, inhæsisset, quintam probando Synodus, quam antea impugnasset : ac tandem cum e procellis in portum sibi visus est appulisse, pedemque alterum in Urbem, a qua diu abfuisset, propemodum intulisse, in via mori cogitur immensis confectus ex caleuli morbo doloribus.

3. Fuit ista Vigilii, dum esset Pontifex, vitæ periodus : ex qua quidem multa quis hauriet divinæ providentiae invigilantis super Ecclesiam Romanam exempla : quibus illud potissimum evidenter innotescat, ipsam divinitatem ejus gubernaculum tunc præcipue moderari, cum qui navi præsidet, clavumque tenet, obdormire videtur, vel alio non opportune dirigere, quo vel timor impellit, aut privatus commovet affectus. Qui enim in ea residet Christus, huc atque illuc universam navim pro arbitrio vertit : et fluetus licet contrarii urgeant et flantes venti in adversam partem impellant ; nunquam tamen ipsa navis impingat in scopulos, neque offendat in syrtes, vel crebrioribus undarum ictibus dissolvatur, sed illæsa permaneat, nesciens vel vetustate lentescere, ut per lata foramina sorbens aquam, absorbeat a fluctibus.

4. Intelliget ex iis pariter accuratus inspector, quanta Romania Ecclesiæ insit auctoritas, vigeatque potestas, cum viderit ex adverso frustra sæcularem nisi potentiam, incassumque armari perfidiam, vaneque contra nisi Orientales episcopos, otiose resilire Occidentales antistites, inutiliter ubique cogi Concilia, atque sanciri Decreta, ubi non accesserit ipsius Sedis Apostolicae confirmatio, et qui in ea sedet Romani Pontificis comprobatio : cum illud tantum necesse sit in Ecclesia Catholica haberri ratum et firmum, quod noscitur consensione asserta vel præsumpta ejusdem Romani antistitis comprobatum.

5. Vidisti enim, frustra nisum imperiali edicto Justinianum, quoisque illi Vigilius restitit, nulliusque roboris habitum totius Orientis collectum Concilium, donec illud ipsum suo assensu voluerit Romanus Pontifex effici OEcumenicum : cum plane non alia ratione ipsi etiam Graeci illud comprobent OEcumenicum esse, nisi quod illi consensus accesserit Romani Pontificis. Sic vides, quo magis in Vigilio contempta est Apostolicae Sedis auctoritas, eo amplius eamdem apparuisse illustratam : et cum nulla fuerint tempora, quibus sub Catholico imperatore adeo ignominiosa diraque pati coactus sit Romanus Pontifex, nunquam tamen magis.

quanta in Pelri successore vis atque potestas esset, cognitum fuit, in illo præsertim antistite, quem ante electionem præterita crimina adeo infamassent, et violenta præcedens intrusio, illicitæque atque probroæ promissiones factæ hereticæ feminae contemptibilem reddidissent, atque demum Silverii papæ obitus ferme omnibus detestabilem effecisset. Ita plane permisit Deus Apostolicam Sedem adeo fluctuare, atque in disserimen adduci, ut ab omnibus intelligatur non humanis sed divinis illam fulciri præsidiis. Sed quæ reliqua sunt Vigilii papæ, antequam de ejus agamus successore, prosequamur.

6. *A Vigilio collatum privilegium primæ Justinianæ et cætera ejus gesta.* — In hujuscemodi habitis cum Justiniano conflictibus cum fatigatus esset ærumnis Vigilius, idem imperator ab eo inter alia illud extorsit, quod ab Agapeto papa obtinere frustra tentaverat, nec ab ejus successore Silverio impetrare valuit, nempe ut prima Justiniana, natale solum, a se mirifice illustrata, non episcopatus tantum, sed metropolitanæ sedis angeretur dignitate. Cum id, inquam, a Vigilio prædecessoribus ipse Justinianus impetrare conatus esset, minime valuit obtinere, quod scirent iidem Romani Pontifices (ut superius dictum est) ea verti in præjudicium aliarum ipsi provinciae adjacentium metropolitanarum sedium, injustum rati dedecore nobilium Ecclesiærum illustrari novam Ecclesiam primæ Justinianæ, indecensque esse alias denudare, ut una superexornaretur Ecclesia; cresceret nimirum ipsa diminutione majoris, cui ipsa subdita fuisset, Ecclesiae; et pallium quod illa soleret accipere a Romano Pontifice, prima Justiniana ab eodem peteret, ac sibi superindueret. Id quidem fuisse a Vigilio papa decreatum, ut ejus episcopus pallio ornaretur, vicemque gereret Apostolicæ Sedis, idem Justinianus imp. in Constitutione Novella proficitur¹: de eodemque pallio, quod archiepiscopus primæ Justinianæ accipere soleret a Romano Pontifice, testis est Gregorius² papa in Epistola ad Joannem. Excidérunt autem ipsius Vigilii papæ Apostolicæ litteræ de collatis a se prærogatiis primæ Justinianæ. Hæc vero, quod incerta habeantur quo anno facta fuerint, hic ad finem ipsius Vigilii rerum geslarum ex more posuimus.

7. Ad postremum de eodem Vigilio papa his illud adjicere monumentum minime prætermittimus, quod habet Hadrianus Romanus Pontifex in Epistola ad Carolum Magnum imp. nempe ab eo egregiis iisdemque piis imaginibus exornatam fuisse Basilicam a se erectam. Cum enim inter alia plurima idem Pontifex vellit ostendere imperatori viguisse semper in Ecclesia sacrarum usum imaginum, et de singulis temporibus quibus celebratae essent OEcumenica Synodi adduxisset de Romana Ecclesia, quam aliae minores Ecclesiae imilarerentur exempla: ubi ventum est ad proxime dicta tempora

quintæ Synodi, ita habet: « Et de sancto quinto Concilio: Sanctissimus Vigilius papa in Lateranensi patriarchico Basilicam faciens, pulcherrimis eam decoravit picturis, tam in historiis, quam in saeris imaginibus ». Hæc ipse: quæ quidem verba (ut ex precedentibus patet) eam habent sententiam, ut Pontifex dicere voluerit, sicut tempore reliquorum Conciliorum OEcumenicorum usus probatur sacra-rum imaginum, ita etiam tempore quintæ Synodi, cum esset Pontifex Vigilius papa, qui Basilicam a se constructam sacris decoravit picturis. Quod ta-men ab ipso Vigilio ante factum oportuit, quam in Orientem profici sceretur: nam semel Roma discedens, illuc non est amplius reversus.

8. Quod rursum ad reliqua ejusdem Vigilii monumenta pertinet: nec excidat, quod sanctus Gregorius papa in Epistola ad Vigilium episcopum Arelatensem meminit de prærogatiis ab ipso concessis Arelatensi monasterio, quod Childebertus rex Francorum erexit, et petiit a Vigilio Sedis Apostolice immunitatibus communiri: cui illum assentientem, litteras Apostolicas ad Aurelium tunc Arelatensem episcopum¹ dedit significat, ad quem constat aliam quam superius recitavimus scripsisse Epistolam.

9. Vides igitur tam in Oriente, quam in Occidente, tum imperatores, tum reges non ab alio antistite quam a Romano Pontifice expetere consuevisse pro locis a se erectis prærogatiis, utpote quod earlo scirent in ipso totius Catholice Ecclesie residere primatum, universosque antistites ejusdem parere præceptis, sæcularesque principes haud andere violare, quæ scirent Apostolicæ Sedis prærogatiis esse munita. Nec de Vigilio illud prætereat (quod attigimus) Constitutioni aliud sancivisse ad-versus Origenem, ipsum condemnans, ut Cassiodorus testatur his verbis²: Hunc nempe Origenem, « licet tot Patrum impugnet auctoritas, præsenti tamen tempore et a Vigilio beatissimo papa denuo constat esse damnatum ». Hæc cum testetur Cassiodorus, satis habes declaratum, quomodo accipiendum sit, quod in alio suo Constituto Vigilius ad Justinianum imp. dato, quod haud pridem recitavimus, ait, post mortem non esse aliquem condemnandum, qui in pace et communione Ecclesie Catholice decesserit: cuius sententia sensus quomo-do sit accipiendum, suo loco diximus. Demum vero, ut res Vigilii ad finem perducamus, de ordinationibus ab eo factis quæ habeat Anastasius, accipe: « Hic fecit ordinationes duas per mensem Decem-brem, presbyteros quadraginta sex, diaconos sex-decim, episcopos per diversa loca octoginta et unum. Cessavit episcopatus ejus menses tres et dies quinque ».

10. *De electione Pelagii papæ.* — Subrogatus est in locum Vigilii Pelagius archidiaconus: quo autem mense et die, antiquorum nemo docet. De hujus ordinatione hæc idem Anastasius: « Dum

¹ Novel. cxxxl. c. 3. — ² Greg. l. iv. Ep. xv.

¹ Greg. l. vii. Ep. cxv. — ² Cassiod. Instit. divin. lect. l. t. c. 4.

non essent episcopi qui enim ordinarent, inventi sunt duo episcopi, Joannes de Perusio et Bonus de Ferentino, et Andreas presbyter de Ostia, et ordinaverunt eum Pontificem: tunc enim non erant in clero qui eum possent promovere; et multitudo religiosorum, sapientium, et nobilium subtraxerant se a communione ejus, dicentes, quia in morte Vigilii papæ se immiscerunt, ut tantis pœnis affligeretur. Eodem tempore Narses, et Pelagius papa, consilio inito, data litania a S. Pancratio, cum hymnis et canticis spiritualibus venerunt ad S. Petrum Apostolum: cum Pelagius tenens Evangelium et crucem Domini super caput suum, in ambonem ascendit; et sic satisfecit cuncto populo et plebi, quia nullum malum peregisset contra Vigilium. Item adjecit Pelagius papa: Peto ut petitionem meam confirmetis, ut si quis ille est, qui promovendus est in sancta Ecclesia ab ostiario usque ad gradum episcopatus, neque per aurum neque per alias promissiones proficiat (vos enim omnes scitis quia hoc simoniacum est) sed si quis ille est doctus in opere Dei bonam vitam habens, non per datinam, sed per bonam conversationem, inhibemus eum usque ad primum gradum venire. Eodem tempore Ecclesiae rebus praefecit Valentinius notarium suum timentem Deum, et restitui fecit omnia vasa aurea et argentea et pallia per omnes Ecclesiisas». Hacenus de Pelagii ingressu Anastasius.

11. Qui igitur non sine assensu, imo et promotione Justiniani imperatoris, qui etiam Vigilio adhuc superstite (ut vidimus) ei studebat, Pelagius Pontifex creatus est, licet vivente Vigilio cum esset archidiaconus, ejus Constituto pro Tribus Capitulis subscriptissit: tamen postremam ejusdem Vigilio sententiam probantem Synodum secutus est; eum præsertim probe nosset, causam non esse ejusmodi, ut nonnisi cum jaetura Catholicæ fidei, vel ignominia Synodi Chalcedonensis (ut superius est monstratum) sanciri pax potuisset. Sed ad alia transcaenam.

12. *Franci et Alemanni, ducibus Leuthare et Bucellino, grassantes in Italia vincuntur, occisis ducibus.* — Hoc anno vicesimo nono Justiniani imperatoris, qui sub Theodibaldo Francorum rege militabant duo germani, idemque Alemanni Leuthares et Bucellini (quem Agathias Bultinum vocat, cum Francorum ingentibus copiis descendentes in agrum Campanum, Lucanos, Brutios, omnesque interjacentes regiones depopulantur. Hæc pluribus Agathias¹, qui horum exercitum fuisse septuaginta duo millia delectorum viorū tradit. Porro Alemannos ductabat Leuthares, Franco vero Bucellinus. De eodem Francorum duce meminit Gregorius Turonensis², licet male temporibus Belisarii ejus expeditionem contigisse dicat, huncque ipsum Bucellenum appellat, quem S. Gregorius³ papa nominat Bucellinum, dum agil de S. Libertino, qui

in monasterio apud Fundos in Campania posito egregia floruit sanctitate; atque de eodem Bucellino, qui ejus tune monasterium invaserat, hæc scribit. « Eodem vero tempore in Campania partibus Bucellinus cum Francis venit. De monasterio vero præfati viri famuli Dei rumor exierat, quod pecunias multas haberet. Ingressi oratorium Franci, euperunt saevientes Libertinum querere, Libertinum clamare, ubi in oratione ille prostratus jacebat. Mira valde res, quærentes, saevientesque Franci ingredientes in ipso impingebant, et ipsum videre non poterant, sieque sua cæcitate frustrati a monasterio sunt vacui reversi ». Hæc Gregorius, qui de sancto viro miranda complura alia scribit. Agathias dum de Bucellini grassatione in Italianam facta agit⁴, hæc ait, Francorum erga res sacras abstinentiam commendans:

13. « Eo ubi ventum jam est, Franci omnes qui locis hisce ante insuevissent, erga sacra pietate et reverentia utebantur, ut qui ad potiores leges tanquam verae fidei cultores concesserant (ut supra jam diximus) et haud seculi ac Romani sacrificarent. Sed Alemannorum exercitus omnis (nam aliter longe hi sentiunt) sine ullo defectu et per impietatem templo diripiebant simul et deformabant; sacraque ex auro vasa, et ad peragendam rem divinam parata, pretiosamque cæteram supellectilem cum sustulissent, in possessionem turpiter vindicabant: cumque ea patrassent, needum malefactis exsatiati, vel urnas ipsas, quibus templorum structores recondebantur, frangebant, evertebantque pavimenta, et cruento templo feedabant, prædaque omnis conspurebatur, cum mortuos insepultos disjecerent. Haud tamen divina longe post ira, quæ oh tanta hæc scelera inferebatur, hos pœnis affecit. Quandoquidem bello partim, partim morbo interriere, ita ut eorum nemo quippam sit ex pristina rapiendi spe consecutus. Injustitia namque et erga Deum impietas ut fugienda permaxime sunt, ita et prodesse nil poterunt, et in ipso præsertim bello. Nam patriæ opem ferre, ac patrias leges tueri, et has devastantibus se minus permittere, sed enixius hos impugnare, æquum proculdubio fuerit et generosum. Qui vero lucri et avaritiae gratia, odiisque nulla ratione subnixi, cum nullum criminandi jus habeant, si velint in aliena irrumpere, et eos incessare, qui injuriæ nihil intulerint; profecto insolentes hi sunt, et plane insaniant, neque quid jus fasque sit norunt, nec magni id faciunt, si maleficiis sit infensor Deus. Quo fit, ut acriora his inferantur supplicia, et ad insanabilem calamitatem, qui prave gesserint, recidant, etsi ad breve felices existimentur. Leuthari itaque, Bultinoque istiusmodi evenere, etc. »

14. Quam autem terribilem Dei in se iram expertus sit Leuthares germanus Bucellini, dum onustus sacerorum spoliis domum redditum parat,

¹ Agath. hist. l. iv. — ² Greg. Turon. hist. Franc. l. iii. c. 32. — ³ Greg. dial. l. i. c. 2.

⁴ Agath. l. ii.

idem auctor paulo inferius his verbis conscribit¹:

« Paulo post pestilens morbus derepente cum hos invasisset, multitudinem assumebat ita ut partim circumjectorum locorum aerem ut noxiū causarentur, et ejus mali originem fuisse hunc ducerent, partim etiam vite incurvarent mutacionem: quandoquidem ex assidua belli exercitatione, longisque itineribus ad otium et delicias divertissent; morbi tamen principium et calamitatis necessitatem non admodum pernoscebant. Injustitia namque et rebus sacris, humanisque legibus illata injuria, exitii causa his (ut eisdem reor) fuere: cui rei vel princeps ipse argumento sat fuit, quem ex Deo ingesta supplicia divexabant. Quippe qui demens jam factus, in apertam est rabiem versus, ut amentes solent et furibundi. Vertigo preterea crebrior quædam eum exceptit, ejulatusque edebat horribiles, cernuusque nonnunquam, vel utrumque in labo se proruendo, illis solo volutabatur, abundantique spuma os ipsum profluebat: tamen oculi horribiles visu, inversaque erant, et eo jam miser vesaniae venerat, ut vel propria membra desæviendo gustaret. Brachiis siquidem ubi jam mortuus inhæsisset, dentibus carne dilacerata in feræ bestiae morem, his vesciebatur, defluenterque lingebat cruentem. Sic demum suo exsatiationis, et paullatim deperditus miserrime ex humanis excessit. Cæteri vero passim moriebantur, nil penitus remittente malo, quoisque tandem universi interiere. Quin etiam vel febre major pars degravata mortem obibat: nonnullos apoplexie morbus acerrimus invadebat, alii capitis dolore peribant, et mentis excessu quidam. Itaque dum varie omnes afficerentur, in pernicem morbi ipsi cedebant. Cum Leuthare igitur et cæteris omnibus, qui se sequerantur, sic actum: et hunc ea expeditio habuit finem ». Haec Agathias, qui de Bucellino refert, jurasse non se recessurum ab Italia, sed pro Gothis semper bello adversus Romanos acturum. Quæ vero dicta sunt de Leuthari atque Alemannorum exercitu, contigisse ait idem auctor trans Padum ad Venetiæ loca apud Cenedam urbem, cum iam iidem reverterentur in patriam.

15. Bucellinus autem apud Capuanum cum Francis agens, et prælio decernens cum Narsete ab eo victus est, ac necatus cum omni Francorum exercitu: adeo ut ex tam ingenti hostium numero quinque tantummodo fuerint reperti qui remearint ad propria. Rem porro egregie gestam cum Agathias describat, id tribuit pietati ac justitiæ Narsetis, qui non ante conserere manus cum hostibus voluit, quam purgato exercitu: inventum vero tunc unum Ilerulorum nobilem militem, qui servum occidisset, pari illum pœna plectendum esse jussit; nec magni fecit, etsi in tanta temporis ac rerum necessitate ingens Ilerulorum multitudo sese ab exercitu, mortem gentilis sui ægro ferens animo, separaret.

Pluribus hac omnia idem auctor scriptis mandavit qui et inferius ejusmodi recitat inscriptionem, quæ tantea victoriae monumentum exaratum fuit; ait enim²: « Mihi vero ex incolis quidam nonnulla elogia recitavit in urnam insculpta lapideam sub Casilini fluminis ripas locatam; quæ hujusmodi sunt:

AQUAS CASILINI FLUMINIS MORTUIS GRAVATAS SUSCEPIT
TYRRHENI MARIS LITTUS, QUANDO FRANCORUM GENTEM
OCCIDIT AUSONIUS ENSIS, UBI MISERO HÆC GESSIT MO-
REM BULTINO. FELIX ETIAM ISTE FLUCTUS, ET ERIT BAR-
BARICO PRO TROPHÆO DIUTINE ERUCTANS SANGUINEM.

Id epigramma sive in vero lapide fuerit insculptum, sive alias utecumque celebre sit, ad me pervenit: haud tamen diffido fuisse hoc modo inscriptum».

16. Cum autem idem auctor aperle testetur³, ob injustitiam victos fuisse Francos: hic examinandum est præcipuum eorum peccatum, eujus rei gratia adeo ad internectionem cædi mervere. Nam cum ab eodem auclore Francorum pietas commendetur, justitia tamen non ita: quod scilicet Agathias de eorum duce tradat, obstinate nimis patrocinium Gothorum suscepisse: adeo ut rececente Leuthari cum Alemannis, ipse latus Gothis opem remanere omnino voluerit. Ait enim: « Bultinus vero cum jurejurando jam confirmasset aduersus Romanos et pro Gothis se bella gesturum, hinc adulando Barbarum permulcerent, ac suum imperalorem fore se prædicarent: visum est tandem manendum apud hos potius esse, et peragenda conventa: unde apud Gothos is mansit, et ad bellum necessaria comparabat. Hæc auctor, dum in bello suscepto injuritiam aperit, cum illos defendendos Franei suscepissent, qui dilectionem invaserant alienam. Adde his etiam, quod ea ex parte impietatem defenderent (licet hoc non esset in animo) dum aduersus Catholicos pro Arianis, quales Goths erant, juratum prælrium prosequi statuerunt. His etiam junge illud, quod invito Theodibaldo Francorum rege (ut idem auctor testatur) suaque sponte idem dux exercitus Bucellinus pro Gothis Francos duxit eum Alemannis ad pugnam. Ut plane exemplo posteris fuerit, fortissimos quoque debiles reddi ac prorsus imbelles, quos justitia deserit, quam merito Sapiens prælianum⁴ thoram appellat, fidem vero scutum; quibus si careant præliares omnino sint perituri, nisi (quod sœpe contigit) ad scelera uilescenda his Deus ulatur tanquam virga furoris sui. Porro Pelagium papam nuncupasse vola pro Romano exercitu, ac pariter persolvisse, docet sequens velus inscriptio⁵.

VOX ARCANA PATRIS CŒLI QUIBUS AQUA POTESTAS
DESCENDIT TERRAS LUCE REPLERE SUA

¹ Agath. hist. I. II.

² Agath. I. II. — ³ Ibid. — ⁴ Sap. v. — ⁵ Antiq. Inscript. in Append. pag. 1103. num. 7.

HANC DEUS HUMANAM SUMENS DE VIRGINE FORMAM
DISCIPULOS MUNDO PRECIPIENDA DOCET
QUE MODO PELAGIUS PRESUL CUM PLEBE FIDELIS
EXERCENS OFFERT MUNERA SACRA DEO
UT ROMANA MANU COELESTI SCEPTRA REGANTUR
SIT QUORUM IMPERIO LIBERA VERA FIDES
PRO QUIBUS ANTISTES REDDENS HEC VOTA PRE-
CATUR
SECULA PRINCIPIBUS PACIFICATA DARI
HOSTIBUS UT DOMITIS PETRI VIRTUTE PER ORBEM
GENTIBUS AC POPULIS PAX SIT ET ISTA FIDES.

17. Romanus exercitus profligatus in Colehis.

— Sed quod res humanæ sui varietate inconstantes esse soleant, fætis mox admixta sunt tristia; eum videlicet post tam ingentem de Franciis adeptam victoriam in Italia, Romanus exercitus qui in Perside militabat, posteriores tulit. Siquidem hoc anno ab eo male pugnatum est eum Persis, fugatis a tribus millibus Persarum quinquaginta millibus Romanorum, ulciscente Deo (ut ab omnibus jactabatur) innocentem sanguinem regis Colchorum a Romani exercitus ducibus fraude necati. De his pluribus Agathias. Erat namque rex ille Christianus maxime pius, totaque ejus provincia Christianitate refulgens. Factaque hæc ait, dum Persæ ob sidererent Onogorim antiquum præsidium, quod Christiani Colehi a protomartyris nomine sanctum Stephanum nominarunt. Tu vero de his eumdem, si libet, auctorem consule.

18. Theodebaldi obitus. — Inter hæc vero, dum quæ dicta sunt de Franciis in Italia gererentur, Theodibaldum Francorum regem adolescentulum parne puerum morbo miserrime affectum ex hac vita migrasse, idem auctor Agathias affirmat: ob idque cum ad consanguineos superstites Francorum reges Childebertum atque Clotharium devoveretur hereditas, inter eos obortam esse discordiam tradit. De Theodibaldo seribit Gregorius, uxorem duxisse, annoque regni sui septimo decessisse. Porro una cum regno ejus quoque coniungem incestuoso connubio Clotharium accepisse narrat, reprehensum vero a sacerdotibus eam dimisisse.

Sed audi verba ipsius¹: « Regnum ejus Clotharius rex accepit, copulans Vuldotradam uxorem ejus strato suo: sed incepsitus a sacerdotibus, reliquit eam, dans ei Garivaldum ducem, etc. » Vigebat quidem Gallieanorum episcoporum sacerdotalis vigor his temporibus adversus incestuosos: nam extant plures canones diversorum Conciliorum in Galliis habitorum, quibus ejusmodi crimen Ecclesiasticis censuris insectati sunt sanctissimi Patres illi quos diximus Aurelianensium Synodorum secundæ, tertiae, quartæ et quintæ, neenon Concilii Turenensis. Sane quidem et aliud id genus crimen ejusdem Clotharii idem Gregorius² refert, nimirum duas sibi in matrimonium coniunxisse sorores, ex quibus septem susepit filios. Unde ob tanta hæc facinora haud modicum fuit iisdem sanctis epis copis laborandum, ut malos hos exoriri eceptos fructes sacrarum legum falce succiderent.

19. Judeorum tumultus. — Sed ut repetamus res Orientis, hoc eodem anno undetrigesimo Justiniani imperatoris tumultuatum rursum esse a Judæis et Samaritanis hereticis in Palaestina, Miscellea auctor ita describit: « Anno vicesimo nono imperii Justiniani seditionem concitaverunt Judæi et Samaritæ Cæsareæ Palaestinæ, et facti quasi in ordine Prasino et Veneto irruerunt in Christianos ejusdem civitatis, et multos interfecerunt; et Ecclesiæ combusserunt, et Stephanum ipsius civitatis præfectum in prætorio peremerunt, et substantiam ejus diripuerunt. Uxor vero illius fugiens in urbem, adiit imperatorem. Qui jussit Adamantio magistro militum descendere in Palaestinam, et occasionem exquirere Stephani: qui veniens, eorum quos reperit, alios suspendit, alios decollavit, alios vero debilitavit et publicavit: et factus est timor magnus in omnibus partibus Orientis ». Hæc adversus Judæos et Samaritas hoc anno facta sunt, quos jam antea sæpius adversus Christianos sævientes legibus ejusdem imperatoris compressos, sæpe superius dictum est.

¹ Greg. l. iv. c. 9. — ² Ibid. c. 3.

Anno periodi Graeco-Romanæ 6048. — Anno Æra Hispan. 593. — Jesu Christi 555. — Pelagi papa 1. — Justiniani imp. 29.

1. Postconsulatus. — Ille annus ista formula nolatus: *Post consulatum Basili V. C. xiv. et secundum aliquos, Post consultationem Basili V. C. anno xv.*

2. Opinio Baronii de institutione primæ Justinianæ. — A num. 1 ad 10. Baronius num. 6 loquens de institutione primæ Justinianæ ait: « In injuscemodi habitis cum Justiniano conflictibus, cum fatigatus esset ærumnis Vigilius, idem imperator ab eo inter alia illud extorsit, quod ab Agapeto papa obtinere frustra tentaverat, nee ab ejus successore Silverio impetrare valuit, nempe ut prima Justiniana, natale solum, a se mirifice illustrata non episcopatus tantum, sed metropolitanæ sedis augeretur dignitate. Cum, inquam, a Vigilio prædecessoribus ipse Justinianus impetrare conatus esset, minime valuit obtinere; quod scirent iidem Romani Pontifices ea verti in præjudicium aliarum ipsi provinciæ adjacentium metropolitanarum sediū, injustum rati dedecore nobilium Ecclesiærum illustrari novam Ecclesianæ primæ Justinianæ ». Verum rem non ita se habere demonstrat Baluzius in Supplemento libri 5 de Concordia cap. 29, cuius fere verbis difficultatem expediam.

3. Sex metropoles ei subjiciuntur. — Justinianus patriæ suæ Achridæ sive primæ Justinianæ, (quæ civitas in Dardania Europæa, etiamnum ampli) ornande cupidus, Novella xi ad *Catellianum* archiepiscopum primæ Justinianæ directa, dataque *Belisario V. C. consule*, anno scilicet 545 constituit, ut primæ Justinianæ antistes, non solum metropolitanus, sed etiam archiepiscopus fieret, et ut sub ejus auctoritate essent provinciæ Illyricianæ quæ sequuntur, *Dacia* nimirum Mediterranea, *Dacia Ripensis*, *Moesia* secunda, *Dardania*, *Praevalis*, et pars aliqua secunda *Pannoniae*, quæ Baćensi civitati contributa erat. Jus autem omne in provinciis illas abrogat episcopo Thessalonicensi, tam pro celebratione Conciliorum, quam pro ordinationibus metropolitanorum, quos ad consecrationem archiepiscopi primæ Justinianæ pertinere imposterum debere saucivit; ita ut ipse a generali provinciarum illarum Synodo ordinaretur.

4. Ea non Agapeto. — Eodem tempore Justinianus apud Agapetum papam egit, ut novo huic archiepiscopo vices Apostolicæ Sedis injungeret, videlicet per illas provincias, quæ supra nominatae

sunt. Quid ad hanc petitionem rescriperit Agapetus, non invenimus: ex Epistola autem ejus ad Justinianum, que inter alias hujus Pontificis ordine iv est, qua rem totam se per legatos significasse ait, et ex Novella cxxxii, data XV kal. April. *Basilio V. C. cos.*, id est, anno 541, in qua vicariatum illum revocat ad beneficium Vigilii, « secundum ea, inquit, quæ definita sunt a sanctissimo papa Vigilio », nulla Agapeti mentione facta, colligere est illum vices suas noluisse concedere archiepiscopo primæ Justinianæ. Haec verba Agapeli: « De Justiniana civitate gloriosi natalis vestri conceia, nec non et de nostræ Sedis vicibus injungendis, quid servato beati Petri, quem diligitis, principatu et vestre pietatis affectu, plenius deliberari contigerit; per eos quos ad vos dirigimus legatos, Deo propitio, celeriter intinamus ». Certe si Agapetus petita concessisset, opus non fuisset recurrere ad Vigilium. Præterquam quod Agapetus paulo post obiit.

5. Sed Vigilio sedente instituta. — Mortuo Agapeto successit Silverius, et huic Vigilius, ad quem Justinianus legationem misit, ut liquet ex prima Vigilio Epistola. Videtur autem Justinianus simul ab eo petiisse per *Dominicum* exconsulem atque patricium (nam is Justiniani legatus era), uti vices Apostolicæ Sedis committeret archiepiscopo primæ Justinianæ. Epistola enim Vigilio data anno 541. Vicarius vero istius meinimit ipse Justinianus in Novella cxxxii, anno insequentि data, in qua sic loquitur: « Per tempus autem beatissimum primæ Justinianæ nostræ patriæ archiepiscopum semper sub sua jurisdictione episcopos provinciarum Daciæ Mediterraneæ, et Daciæ Ripensis, et Praevalis, et Dardaniae, et Mysiae superioris, atque Pannoniae, et ab eo hos ordinari, ipsum vero a proprio ordinari Concilio, et in subjectis sibi provinciis locum obtinere eum Sedis Apostolicæ Romæ, secundum ea, quæ definita sunt a sanctissimo papa Vigilio ». Quare fallitur doctissimus Cardinalis, qui incertum esse ait tempus, quo vicarius iste tributus archiepiscopo primæ Justinianæ, et vi extortum esse a Justiniano, nimirum post dissociatam inter eos concordiam. Quippe ea dissoluta est post Vigilio adventum Constantinopolim, id est, post annum 546, vel ipso Baronio teste, hinc diuturna illa vis imperatoris, qua adactum *Vigilium* inquit, ut vices suas delegaret archiepiscopo primæ Justinianæ, ad

aliam vim referri non potest, quam ad eam, quam idem Pontifex pertulit anno **DCL** et sequentibus. Non itaque post aerumnas *Vigilius* vices suas tribuit archiepiscopo primae *Justinianae*, sed in felicibus Pontificatus sui initii, et ante omnem simultatem cum *Justiniano*, ut mox demonstratum. Ad haec frustra ait Baronius, imperatorem non potuisse ista impetrare a *Silverio*; cum id a nemine proditum sit memorie litterarum.

6. Prima Justiniana patriarchalis appellata. — Novam illam archiepiscopi primae *Justinianae* dignitatem acceptam non fuisse *Illyrianis* episcopis, præcipue vero *Thessalonicensi*, in cuius diminutionem ista constituta fuerunt, dubitandum non videtur. Mansit tamen novo archiepiscopo auctoritas, quam illi lege sua ex commendatione apud Romanos Pontifices procuraverat *Justinianus*. Discimus istud ex Epistolis sancti Gregorii Magni **LIII** et **LIX**, lib. 4, Indict. **xiii**, quæ docent eum una cum Pallio vices suas *Joanni* episcopo primæ *Justinianae* commississe juxta morem, et *iteratam*, ut ipse ait, *innovationem*. Unde recte scribit Marca in lib. de *Prinatu*, paragrafo 47, id circa episcopos sedis illius observatum esse per illas tempestates, ut Romani Pontifices singulis archiepiscopis, statim ac isti consecrati erant, vices Apostolice Sedis et Pallium conferrent, ac causas, personasque eorum subjectas fuisse censuræ Romanorum Pontificum; quod ibidem Marca ex sancto Gregorio Magno demonstrat. Ampla illa archiepiscopi primæ *Justinianae* auctoritas efficit, ut ei *Patriarchæ* dignitas et appellatio a nonnullis antiquis Scriptoribus tribuita sit, ut a *Curopalate* cap. de *patriarch.* designat. et *Barlaamo* in suis adversus *Graecos Schismaticos* disputationibus.

7. Obitus Vigilius P. P. — Vigilius papa postquam Constantinopoli anno præcedenti, elapo vel saltum affecto mense Augusto, Siciliam rediit, venit in civitatem *Syracusanam*, et ex multa afflictione calculi dolorem habens, defunctus est », inquit *Anastasius*, qui diem ejus emortualem non memorat, anteaque scripsérat, eum sedisse *annos sep-*

temdecim, menses quinque, dies viginti sex. In utroque tamen Ms. *Colbertino Anastasio* habentur menses sex, sed in altero dies **xxvi**, in altero dies **xxv**, que dierum variatio in quibusdam aliis MSS. et Catalogis Pontif. Rom. eliam reperitur. Sed ex Catalogis et MSS. Codicibus Anastasi inter se collatis eruitur, cum annos **xvii**, menses **vi**, et dies **xxvi** Vigilio attribuisse, quod verum esse non potest; cum anno **XXXVII**, die **xxii** mensis Novembris Pontifex consecratus fuerit. Parum tamen refert illud scire, dummodo *Pelagii I* ejus successoris initium e tenebris educatur. *Vigilium* anno superiori demortuum tradit *Marcellini continuator*, *Indictione II post consulatum Basilii V. C. xiii*, qui uno tenore *Pelagii I* electionem narrat (1). Ex recentibus Historicis aliqui *Pelagii* exordium cum praesenti anno copulant, uti Baronius; alii vero uti *Onuphrius* in *Chron.* *Holstenius* in *Diagrammate Chronologico* in Notis ad *Synodum Rom.* sub *Bonifacio II*, *Em. card. Norisius* in *Dissert. de Synodo quinta cap. 8*, et *Papebrocius* in *Conatu Chron. Hist.* illud in sequentem rejiciunt; sed ex dicendis tam in ejus morte, quam in successorum, qui ante *Gregorium Magnum Ecclesiam gubernarunt, temporibus digerendis constabit*, *Pelagium* hujus nominis **I**, natione *Romanum*, die undecima mensis Aprilis praesentis anni Pontificem Rom. consecratum fuisse. Cum vero nunc inter omnes conveniat, eum non alio mense, quam Aprili ordinatum, illudque ex ejus Epitaphio de quo infra, certo deducatur, vel sola subscriptio Epistole ejus *ad episcopos Tuscie* date, et a Baronio anno **DLVI**, num. 30 et seqq. ac a *Labbeo* tom. **v** *Council.* pag. 794 recitatæ, *Pelagium I* mense Aprili hujus anni ordinatum invicte demonstrat. Ita enim habet: *Data XV kal. Mart. anno xv post consulatum Basilii V. C.* Quare die **xv** mensis Februarii anni **DLVI** jam sedebat, ejusque consecratio ad mensem Aprilis illius anni nullo modo differri potest. Ex recta initii Pontificatus *Pelagii I* consignatione duorum priorum ejus successorum Chronotaxis pendet.

8. Pelagi electio vivente Vigilio fictitia. —

(1) In veteri Catalogo quorundam Romanorum Pontificum, qui in *Synmacho* ceptus desinit cum Vigilio, vulgato a *P. Josepho Blanchino* in Libro: *Enarratio Symboli Pseudo-Athanasiæ*; legitur de eodem Vigilio: *Moritur in Syracusa secunda feria, nocte, septimo idus Junias, Indict. III.* Hi temporum characteres congruunt cum anno **DLV** et cum sint auctoris, quautum conjicere hec, coævi, magna sunt auctoritatis. Ex his autem intelligimus Vigilium non quidem *Martio*, sed *Junio* meuse obiisse. Neque oppositum mihi probes ex Epitaphio *Pelagi* a Baronio relato: illud enim non legit in lapide Baronii, sed relatum accepit a *Manlio* in *Historia Templi Vaticanæ*, qui mendose nimis Epitaphia hac descripsit, ut patet legenti ejus *Historiam vulgatam a Hollandiis in Supplementis ad Acta SS.* Denique anni *Sedis* ejusdem Vigili fæminatur in eodem Catalogo annis **XVIII**, mensibus **II**, diebus **IX**.

Au vero, sicut ejusdem Catalogi fidem secuti sumus in designando mense et die emortuali Vigili, ita pariter et illum retinendum censemus in assignando *Sedis* tempore ad annos **XVIII**, menses duos, dies novem, id quidem minori fiducia desimus. Facilius enim irrepere potuit mensum in numeros, quibus tempus illud *Sedis* designatur, quam in characteres quibus dies emortualis exprimitur. Tempus tamen istud si detrahatur ex anno **DLV**, die **VII Junii**, ducemur ad annum **XXXVII**, die **XXIX Martii**. Annus cum *Paçii annuadversarius* congruit, menses vero non item, quia ex *Anastasi* fide consecratum illum censet die **x kalendas Decembres**. Sed cum *Anastasius* in Vigili rebus narrandis tam multipliciter errat, non est cur Auctori eocævo preferatur; eum præseruit dies illa **XXIX Martii** anni **XXXVII** incident in *Dominicam*, diem ordinationibus summorum Pontificum destinatam.

Sed iterum ex eodem Catalogo pergamus ad indaganda exordia *Silverii*. Porro ille *sedit menses novem*. Si menses isti sedulo retrahantur, superent annus **XXXVI**, dies **XXIX Junii** et *Dominica*. Quia sane die *Silverianum* ordinatum fuisse a vero non abudit. Utnam, sicut duorum istorum Pontificum, tempora illustranda procedere caretur. Sed cum interpolistica ibidem desint, non ita tutum esset eundem ducem sequi.

Composita tamen die emortualis Vigili anno et die de quo in superiori adnotatione, *Pelagi* ordinatio statuenda est die duodecima Septembris, que hoc anno in diem *Dominicam* incidebat; quod sic ostendo. Obit Vigilius die septima Junii, deinde cessavit episcopatus menses tres, dies quinque, uti fert *Anastasius* codex *vetustissimus Mediolaneus*, eum alias duobus laudatis *Iter. Ital. tom. III, col. 133*, et congruit *vetus Catalogus* destitens *to S. Paulo I*, vulgatus a *Blanchino* in *Prolegoni*, ad tonum quartum *Anastasii*. His ductis in calculum, sistimus in die duodecima Septembris, que cum Domini ea esset, ordinacioni novi Pontificis legitima habebar.

Papebrocius loco laudato existimat, clerum Romanum a *Vigilio* sese separasse, postquam anno **DXLVIII** *Judicatum* suum emisit, quo Tria Capitula eatenus a se propugnata damnavit, et elegisse *Pelagium* Pontificem, non tamen ordinasse; quod scirent Romani absque imperatoris consensu irritam habendam ordinationem, vellentque *Vigilio* penitentiae locum relinquvi. Movetur ad hunc opinandum, quod, inquit, in variis antiquis Catalogis Pelagio, qui sedet tantum annos **IV**, menses **X**, dies **xviii**, tribuantur anni **XI** praeter menses **X**, dies **xviii**, qui anni **XI** si retro numerentur ab anno **DLXI**, quo obiit *Pelagius*, fuerit electio ejus schismatica facta anno **DXLIX** vel sequenti, quando etiam *Vigilium* Africani excommunicarunt. Addit Papebrocii videli eo tempore Romanos expunxisse *Vigili* nomen ex serie Pontificum, unde et factum sit, ut illud etiamnum desit in vetustis aliquibus Catalogis qualis est *Palatinus*. Quae per simplicem conjecturam teclorem accipere vult vir eruditissimus. Verum haec conjectura, cui nullus ex antiquis faveat, minime admittenda. Nam in Catalogo Reginonis v. g. desunt *Deusdedit* et *Bonifacius* **I**, et in aliis Catalogis alii quidam Pontifices; sed id non nisi librariis attribuendum, qui etiam Pontificum modo annos, modo menses, modo dies corrupte descripsere. Praeterquam quod Manuscriptorum possessores suam quandoque de duratione quorundam Pontificum opinionem in ea insarcierunt. Errores ergo Manuscriptorum emendandi sunt. De annis **XI** Pelagi **H**, Pelagio primo male adscriptis in illius morte agemus.

9. Pelagius semper Vigilio adhaesit. — Certe *Pelagius* *Vigili* persecutionum socius fuit; cum eo et pro eo stetit; *Synodi quintae* congressus fugit ac subscripsit Constitutum ejus, quo *Synodus V* irritabatur, indeque in exilium expulsus est, et Tria Capitula, ut ait Victor Tununensis in *Chronico*, *constantissime defendebat*. A *Vigilio* Roma Constantinopolim evocatus fuerat, ut sibi in difficulti causa auxilio esset. Cumque nollet *Synodus V* subscribere, in exilium missus est, teste eodem Tununensi. Quod autem scribit Anastasius, *Vigilio* in custodiam detruso, clerum Romanum missum in exilium *ad diversa metalla incidenda*, plane falsum est; constat enim ex eodem Victore, qui Tria Capitula defendebant, ab imperatore in longinqua monasteria ablegatos. Cum Romae innotuisset, *Pelagium* Tria Capitula dammasse, postquam damnationem de exilio ab imperatore revocatus est, et Roma Pontifex ordinatus, ut habeat idem Victor, singuli tum saeri, tum laici homines ab ejus communione sese separabant, neque in tota Italia tertius episcopus inveniri potuit, a quo consecraretur: illum enim non quidem ut *Vigili* hostem, sed ut Chalcedonensis *Synodi* prævaricatorem detestabantur. Quare a *Perusino* et *Ferentino* episcopis, ac *Andrea presbytero* Ostiensi consecratus fuit, eique *Narses* jultente imperatore omnem operam praestit. Verum quidem est *Anastasium*, quem Baro-

nus num. **I** secundus est, populum Romanum inde *Pelagio* infensum scribere, quod auctor publicaret malorum, que *Vigilius* Constantinopoli perpessus fuerat; sed is error inter alios Anastasii non paucos in hac Historia commissos connumerandus, a quo profecto Baronius cavisset, si ejus tempore *Chronicon Victoris Tununensis* lucem vidisset. Hunc *Anastasii* errorem Eniinentis. card. Norisius in *Dissert. de Synodo V*, cap. **9**, paragr. **4**, optime observavit. Ex quibus Papebrocii conjectura prorsus evertitur, quia etiam *Pelagii I* ordinationem male in mense Aprili sequentis Christi anni differt, ut sequentia extra omne dubium ponent.

10. Novus mos inductus in electione Pontifice. *Roman.* — In electione *Pelagii* novus mos inductus, et *Justinianus* imp. qui jam ab annis quatuor Roma potiebatur, confirmandi Pontificis Romani auctoritatem sibi suisque posteris arrogavit, exemplo dicto a Gothorum regibus, qui confirmationes electionum ad se traxerant. Inde post *Vigili* mortem interPontificium trimestre fuit, et post mortem sequentium Pontificum solito etiam diuturnius; quia confirmatio ex aula imperatoris exspectanda era. Imperatores vero electionem non confirmasse nisi soluta auri quantitate consueta, discimus ex Anastasio in *Agathone*. Tertiam hanc electionis Pontificia periodum his verbis explicat Mabillonius in *Commentario prævio* in ordinem Romanum paragr. **17**, ex opere manucripto Onuphrii Panyvini *De varia creatione Romani Pontificis*. Gothis Italice ditione a *Narsete* omnino exactis, Italiaque cum Urbe Roma in Orientalis imperii portionem redacta, *insignior* fuit in electione papæ mutatio usque ad Carolum **M.** mortuo Pontifice Sedis Apostolicae vacantis cura tribus præcipuis cleri ministris committebatur, scilicet archipresbytero, archidiacono, et primicerio notariorum. Ab his quam primum de morte papæ mutuum significatur exarcho, quem Gothis pulsis Ravennæ instituerat imperator.

11. Imperator electionis confirmationem sibi attribuit. — Post justa defuncto persoluta, exæclumque tridui jejuniū, de eligendo Pontifice tractabatur. Huic electioni intererant clerus, optimates, populus et milites, hoc est militum stationes, qui ad tutandam adversus Langobardos, reliquam Italiae partem, Romæ potissimum, et *Ravennæ* consistebant. De electione mox referebatur ad imperatorem, a quo petebatur exspectabaturque factæ electionis approbatio. De ea item scribebatur ad *exarchum*, ad judices, archiepiscopum et apocrisiarium *Ravennæ*, ut electioni faverent. Post datam ab imperatore approbationem, electus tandem ordinabatur ad Confessionem beati Petri, ibique fidem profitebatur: moxque fidei suæ confessionem ad omnes Ecclesias dirigebat. Haec omnia constant ex libro diurno Romanorum Pontificum, cuius formulæ ab eo tempore, id est, post electionem *Pelagii* in usu esse cœperunt. Ita Mabillonius cui in omniibus assentio, nisi in eo quod ait morem hunc usque ad Carolum **M.** perdurasse; infra enim videbimus, re-

gnante Pippino Francorum rege Ecclesiam ab illa servitute liberatau fuisse, licet Ludovico Pio imperante, mos ille in pristinum statum restitutus fuerit, et Pontificum Rom. ordinatio coram legatis Cæsareis iterum peracta.

12. *Theodebaldi regis mors.* — A mm. 42 ad 49. Expeditionem Italieam *Leutharis* et *Butilini* hoc anno a Barouio recitatam narravimus anno plm, quo ea suscepta, et mortem *Theodebaldi* Francorum regis anno *DLIV*, quia de ea agit Aga-

thias postquam retulit, que eo anno in Italia gesta sunt.

43. *Tumultuantur Samaritani.* — Ad num. 19. *Tumultum Samaritanorum, et Iudarorum* in Palestina, quem auctor *Miscellæ ad annum Justiniani xxix*, Theophanes refert ad an. Incarnat. secundum Alex. *DXLVIII*, kalendis Septemb. hujus Christi anni inchoato : sed cum nullum nec diem nec mensem exprimat, incertum, an hoc vel sequenti anno excitatus fuerit.

PELAGII ANNUS 2. — CHRISTI 556.

1. *Episcopos Occidentales responentes quintam Synodum Pelagius per Narsetem coercere conatur, datis eidem litteris.* — Quingeniesimus quinquagesimus sextus Christi annus post consulatum Basilii decimus quintus notatur : quo debellatis Francis, Alemannis Iue consumptis, et Gothis in dditionem acceptis, a bellis Italia tandem quievit : cum tamen vigeret bellum Ecclesiasticum, et illud quidem haud leve, iam ante ortum, cum Vigilius Constantiopolii primum contra Tria Capitula illa sententiam tulisse ferretur, ut diximus ; auctum vero, cum cognitum fuit, ab eo quintam Synodum cocombatam eadem Tria Capitula condemnantem : magis autem commotum, cum auditum, quod Pelagius papa (ut dictum est) anno superiori creatus Pontifex, ut Orientalem Ecclesiam ob quintam Synodum cum Occidentalibus conjunctam in pace servaret, ipsam quintam Synodum recepisset : major eniū inde facta est scissura Occidentalium episcoporum, ad quam consarearendam idem Pelagius Pontifex impigre laboravit. Adeo enim visi sunt exhorritus Occidentales antistites fere omnes aliam OEcumenicam Synodum post quartam admittere, ut nee potuerit Pelagius reperire episcopos Romæ, a quibus consecraretur, atque opus fuerit presbyterum Ostiensem (quod nunquam antea accidisset) loco episcopi munus illud obire, ipso Pelagio ita juvente.

2. Quantum enim aversati fuerint quintam Synodum Occidentales, vel ex Cassiodoro¹ et aliis possumus intelligere, qui licet a communione Ca-

tholica nunquam defecerint, nec eamdem quintam Synodum aliquando damnarint : eam tamen silentio preterierunt, satis esse putantes in his quæ spectant ad Catholicam fidem quatuor profiteri OEcumenicas Synodos, in quibus Catholica dogmata adversus haereticos adversantes sunt stabilita : nam in ipsa quinta Synodo actum constat de personis : quoniam haud necessarium visum est in assertione Catholica una cum quatuor Synodis etiam quintam eadem observantia qua illas quatuor profiteri. Sic et Cassiodorus fecisse cognoscitur, et aliquando etiam S. Gregorius papa, atque Patres Concilii Bracarensis secundi, ut suo loco dicetur. Non dubium enim est, pertæcos etiam fuisse Catholicos Occidentales professores quintæ Synodi, aliquid esse occasione Chalcedonensis Concilii innovatum. Hinc est, quod ipse Cassiodorus in commentario illo, quo de divina lectionis Institutionibus agit, ubi de quatuor Synodis summa cum laude mentionem habet, adversus eos qui innovarunt sic invehitur¹ : « Sunt nonnulli qui putant esse laudabile, si quid contra antiquos sapient, et aliquid novi, unde periti videantur, inveniant. Chalcedonensis autem Synodi testis est Codex encyclicus, qui ejus reverentiam tanta laude concelebrat, ut sanctæ auctoritati merito judicet comparandam. Quem Codicem επιστολαν, id est, totius orbis Epistolarium a viro disertissimo Epiphanio fecimus in latinum de græco sermone converti ». Ille ipse intelligens per encyclicum Codicem tomum illum Epistolarum procurante Leone imperatore, a quam

¹ Cassiod. Inst. div. l. 1. e. 41.

¹ Cassiod. de div. lect. c. 14. et 17.

plurimis ejus temporis episcopis pro defensione Chaledonensis Concilii conscriptarum, quem continet secundum volumen Conciliorum, de quo suo loco pluribus dictum est. Neminem vero moveat, si idem Cassiod. recensens OEcumenicas Synodos, de quinta Synodo nullam habuerit mentionem, sicut et S. Gregorius¹ aliquando fecisse visus est; quod (ut ipse Gregorius testatur² in ea non de fide, sed de personis sit actum: id enim (ut dicitur) et alii plures fecisse noscuntur, eum tamen eidem non contradicerent.

3. At ne quis pulel Cassiodorum, quem clarius vidimus tempore Theodorici et successorum regum Gothorum, ad hæc tempora minime pervenisse: ex eodem libro Institutionum divinarum lectionum, quoniam tempore ætatis ejus ille sit scriptus, facile intelligi poterit. Cum enim trigessimo ejusdem commentarii capite meminerit libri de Orthographia a se conscripti, idemque testetur in ejusdem voluminis Praefatione illum ipsum a se elaboratum anno suæ ætatis nonagesimo tertio; plane intelligere vales, eumdem Cassiodorum his supervixisse temporibus, pluraque scripsisse, edisseque de sacra lectionis Institutionibus librum illum, ubi quatuor tantum Synodos agnoscere profiletur, omni explosa allercantium novitate. Quod (ut dictum est) mirum esse minime debet, cum et temporibus Gregorii papæ de eadem quinta Synodo haud esset omnium Orthodoxorum eam recipientium libera certaque assertio. Sed ad Pelagium redeamus, Cassiodorum opportuniori tempore conventuri.

4. Pelagius igitur ubi Occidentalium animos ex Oriente veniens exploratos habuit, etsi graveum subiisse provinciam sensit, et supra vires onus suscepisse ex ejus pondere intellexit: haud tamen a cœptis destitit, sed perarduum opus semel aggressus, illud perticere manibus (ut aiunt) pedibusque conatus omnes nervos intendit, ut Occidentales episcopos, potissimum vero Italos sibi in his obsequentes redderet. Verum cum omnes ferine reperit renitentes, tum vero præ cæteris refractarios illos invenit, qui in ea Italiæ erant regione, quæ hactenus Francis subdita fuit, nempe Venetos, Istrios, atque Ligures: quos ad Catholicam unitatem reducere festinans, eosdem litteris Apostolicis vocavit, et provocavit aliorum exemplis. At cum penitus resilirent, per Narsetem eos compescere, atque coercere putavit. Narses vero quod prius admodum esset, veritus est adversus episcopos aliquid agere; cum ad eum ita trepidantem Pelagius hæc tunc scripsit³:

5. « Non vos hominum vaniloquia retardent dicentium, quia persecutionem Ecclesia faciat, dum vel ea quæ committuntur reprimit, vel animarum salutem requirit. Errant hujusmodi rumoris fabulatores. Non persecutur, nisi qui ad malum cogit.

Qui vero malum vel factum jam punit, vel prohibet ne fiat, non persecutur iste, sed diligil. Nam si (ut illi putant) nemo nec reprimendus a malo, nec retrahendus a malo ad bonum est: humanas et divinas leges necesse est evanescere, quæ et malis pœnam et bonis præmia, iustitia suadente, constituant. Malum autem schisma esse, et per exheretas etiam potestates hujusmodi homines debere opprimi, et canonice Scripturæ anctoritas et paternarum regularum nos veritas docet. Quisquis ergo ab Apostolicis divisus est Sedibus, in schismate eum esse, non dubium est, et contra universalem Ecclesiam altare conatur erigere.

6. « Sed quid de talibus insertus Chalcedonensi Synodo canon statut, gloria vestra consideret, ubi post alia sic dicit: Qui a communione seipsum suspendit, et collectam facit, et altare constituit, et noluerit vocanti episcopo consentire, et noluerit eidem acquiescere, neque obedire primo et secundo vocanti; hunc omnino damnari, nec unquam vel orationem mereri, nec recipere eum posse honorem. Si enim permanserit turbas faciens et seditiones Ecclesie, per exteram potestatem tanquam sedilio sum comprimi. Et beatus Augustinus de talibus dicit¹: Multa eliam cum invitis benigna quadam asperitate pleclendis agenda sunt: quorum potius utilitati consulendum est, quam voluntati. Nam in corripiendo filio, quantumvis aspere, nunquam paternus amor amittitur: fit tamen, quod nollet, ut doleat, qui etiam invitus videtur dolore sanandus.

7. « Ecce videtis, quemadmodum tanti testimonia Patris non persequatur coercendo talia, sed diligat emendando tales semper Ecclesia. Facite ergo etiam vos (quod scientes intentionem Christianitatis vestræ frequenter horlamur) et date operam, ut talia fieri ultra non licet, sed etiam (quod vobis facultimum esse non dubito) hi qui talia præsumperunt, ad piissimum principem sub digna custodia dirigantur. Recolere enī debet celsitudo vestra, quid per vos Deus fecerit tempore illo, quo Istriam et Venetias tyranno Totila possidente, Francis eliam cuncta vastanibus non ante tamen Mediolanensem episcopum fieri permisistis, nisi ad clementissimum principem exinde retulissetis; et quid fieri debuisset, ejus iterum scriptis recognovisselis; et inter ubique ferventes hostes, Ravennam tamen ei is qui ordinabatur, et is qui ordinaturus erat, providentia culminis vestri deducti sint.

8. « De Liguribus atque Venetis et Istriis episcopis quid dicam? Quos idonea est excellentia vestra ratione et potestate reprimere, et dimittitis eos in contemptum Apostolicarum Sedium de sua rusticitate gloriari: cum si quid eos de judicio universalis Synodi, quod Constantinopoli per primam nuper elapsam Indictionem actum est, forte movebat; ad Sedem Apostolicam (quomodo semper

¹ Greg. l. iii. Ep. xxxiii. — ² Ibid. Ep. xxxvii. — ³ Pelag. Ep. iii. tom. i. Ep. Rom. Pont.

¹ Aug. Enchir. c. 7.

factum est) electis aliquibus de suis, qui dare et accipere rationem possent, dirigere debuerunt, et non clausis oculis corpus Christi Dei nostri, hoc est, sanctam Ecclesiam lacerare. Nolite ergo dubitare, hujusmodi homines principali vel judiciali auctoritate comprimere; quia regnū Patrum hoc specialiter constituerunt, ut si qua Ecclesiastici officii persona, cui subjectus est, restiterit, vel seorsum collegitur, aut atiud allare exeretur, seu schisma fecerit; iste excommunicetur, atque damnetur. Quod si forte et hoc contempserit, et permanserit divisiones et schisma faciendo, per potestates publicas opprimatur. Ecce, domine, quod animus vester forte timidus est, ne persequi videaris, de Patrum vobis auctoritate haec breviter dirigenda curavi: cum mille alia exempla et constitutiones sint, quibus evidenter agnoscerit, ut facientes scissuras in sancta Ecclesia, non solum exiliis, sed etiam proscriptione rerum et dura custodia per publicas potestates debeant coerceri ». Hactenus ad Narsetem Pelagius.

9. Ecce Pelagius papa (ut vides) schismaticos Donatistarum exemplo vult corripi per saecularem principem, sicut eos sanctus Augustinus cogendos seripsit per Romanum imperatorem. Ceterum quod ad haec spectat, Facundus episcopus Hermianensis Africanus (de quo plura superius) acerrimus Trium Capitulorum defensor, in libello quem scripsit ad Mocianum, nequaquam horum causam esse similem Donatistarum schismati, sed longe disparem, asserit et lamentatur: reclamabant enim undique schismatici, dum urgerentur, persecutionem se pati a Patribus Orthodoxis: isti vero ex adverso schismaticos vi coercendos, exemplis sanctorum Patrum atque legibus probabant Ecclesiasticis. Sed et quod iudeum essent in schismate inde certo declarabant argumento, quod divisi essent in primis ab ipso capite, simulque ab omnibus totius Catholicae Ecclesiae patriarchalibus sedibus.

10. Quod igitur idem probe sciret Pelagius, quanto cum detimento schismatici permitterentur sua insania agere, atque seorsum colligere conventiona; urget opus, ad Narsetem iterum scribens his verbis¹:

« Illud est quod a vobis poposcimus, et nunc iterum postulamus, ut Paulinum Aquileiensem pseudoepiscopum, et illum Mediolanensem episcopum ad clementissimum principem sub digna custodia dirigatis: ut et ille, qui episcopus esse nullatenus potest, quia contra omnem canonicanam consuetudinem factus est, alias ultra non perdat; et ille, qui contra morem antiquum eum ordinare praeumpsit, canonum vindictae subjaceat. Nec licuit alieni aliquando, nec licet particulari Synodum congregare. Sed quoties aliqua de universali Synodo aliquibus dubitatio nascitur, ad recipiendam de eo quod non intelligunt, rationem, aut sponte ii qui salutem animae suae desiderant, ad Apostolicam

Sedem pro recipienda ratione convenientem: aut si forte (sicut de talibus scriptum est²: Peccator cum venerit in profundum malorum contemnit) ita obstinati et contumaces extiterint, ut doceri non velet: eos ab eisdem Apostolicis Sedibus aut altrahit ad salutem quoquo modo necesse est; aut ne aliorum perditio esse possent, secundum canones per saeculares comprimi potestates ». Haec ad Narsetem Pelagius.

11. Ceterum etsi episcopi a capite schismate scissi essent, populi tamen non ita. Etenim quod longo usu didicissent, secundum hierarchicum in Ecclesia semper servatuni ordinem, esse non posse legitimum sacerdotem, qui a Romano Pontifice non habeat communionem, nec vivere in corpore membrum, quod a connexione capitis sit abscissum: bae de causa cum scirent ejusmodi esse a Romani Pontificis conjunctione discessos, eosdem non ut pastores legitimos cognoscebant, sed ut alienos aversabantur et fugiebant, et ad eum quem vere sciebant in Ecclesia omnium universalem esse pastorem acurrentebant, porridentes querelarum libellos adversus eos quos pasiebantur schismaticos sacerdotes. Hos cum audiret Romae Pelagius, officio non defuit, ut oves a luporum insultibus vindicaret: sed quod probe nosset, haud ejusmodi litteris permoveri, nec legationibus reprimi, sed magis ex iis pastoralibus admonitionibus eosdem reddi protertos; saecularis esse opus auxilio potestatis intelligens, in eamdem sententiam de comprimendis his qui a Sede Apostolica sunt divisi, haec ad Narsetem praefectum scribit²:

12. « Quali nos de gloriæ vestrae studiis judicio gratulemur, non solum vestram, sed multorum ac paene omnium credimus habere notitiam: et ideo nunc de his, quæ vobis præsentibus ibi fieri stuperemus, fiducialiter apud gloriam vestram duximus conquerendum. Thracins (Tertius) siquidem atque Maximilianus nomina tantum episcoporum habentes, et Ecclesiasticam ibi unitatem perturbare dicuntur, et omnes Ecclesiasticas res suis usibus applicare: in tantum ut contra unum eorum, id est, Maximilianum, usque ad nos per tam longum iter, necessitate compellente, quidam infatigabiliter venientes, preces offerrent. Ob quam causam Petrum presbyterum Sedis nostræ, sed et Projectum notarium ad eadem loca duximus destinandos; ut ea quæ canonice statutis a prædictis pseudoepiscopis compererint commissa, vel digna debeant ibi ultione compescere, vel eosdem ad nos usque perducere.

13. « Et ideo salutantes paterno affectu gloriam vestram, petimus, ut præfatis, qui a nostra Sede directi sunt, in omnibus præbeatis auxilium: nec putetis alicujus esse peccati, si hujusmodi homines comprimuntur. Ille enim et divinæ et humanæ leges statuerunt, ut ab Ecclesiæ unitate divisi, et ejus pacem nequissime perturbantes, a saecularibus etiam potestatibus comprimantur. Nec quicquam

¹ Pelag. Ep. v.

² Prov. xviii. — ² Pe'ag. Ep. II.

majus est, unde Deo sacrificium possitis offerre, quam si id ordinetis, ut hi qui in suam et aliorum perniciem debacchantur, competenti debeant vigore compesci ». Hæc Pelagius ad Narsetem, ad quem eodem argumento alias (ut vidimus) litteras dedit. Cæterum ipse litteris permotus Pelagii Narses, cum adversus schismaticos moveretur, non vi, sed hortatione cum eis agendum putavit; cum illi contra, eum a Pelagii communicatione debere recedere hortarentur: quod cum Narses detestaretur, ipsi schismatici eum cum ignominia veluti schismatum aversati sunt. Cum autem hæc omnia ipse Narses Pelagio significasset, idem Pontifex ad ipsum ista rescripsit¹:

14. « Relegentes litteras excellentiae vestræ, de injuria quidem, quam vobis iniquorum hominum præsumptio ingessit, valde dohuiimus. Sed quia scimus occulto Dei judicio animam vestram, etsi per aliorum iniquitatem et superbiam, a contaminatione schismatis custoditam; egimus omnipotenti Deo gratias, qui etiam de malis hominum actibus bona operari consuevit. Nec enim sine ictius providentia factum esse credendum est, ut insensati et perversi homines ad hoc usque prosilirent, ut suam divisionem Catholicam esse credentes Ecclesiam, a sua vos pollutione prohiberent. Sic enim per misericordiam Dei, etiam nescientibus ictibus, hoc factum est, ut a schismaticorum factione eruti, Catholicæ, quam diligitis, servari vos contigisset Ecclesiae. Quamvis igitur vestra per illorum seclus utilitas facta sit: notite tamen impunitam iniquorum hominum præsumptionem grassari permittere. Si enim hoc, quod in vestram gloriam præsumperunt, non fuerit vindicta compressum: quod in minoribus non valeant puniri, ambigi ultra non debet.

15. « Exercete igitur in talibus debitam auctoritatem; et ne eis amplius talia committendi spiritus crescat, vestris coercionibus reprimantur. Ad hoc siquidem Dei mutu etiam contra vos talia præsumperunt, ut alia vobis corrigentibus, ab eodem scetere alios possitis, Deo propitiante, munire. Quales autem sint qui Ecclesiam fugiunt, Euphrasii vos sclera (quæ amplius occulta Deus esse noluit) evidenter informant: qui in homicidio quidem nec hominis necessitudinem, nec fratri charitatem, nec sacerdotii reverentiam cogitavit. Incestuoso autem adulterio etiam ipsius vindictæ abstulit modum: quia si adulterium punias, non remanet in quo vindicetur incestus. Si incestuoso ingeras peccatum, iniustum erimen adulterii remanebit. Ecce de quo collegio sunt, qui quantum ad superbiam suam, injuriam vobis inferre moliti sunt; et quantum ad providentiam Dei, impollutos vos Ecclesiae servaverunt. Auferte tales ab ista provincia: utimini oblata vobis a Deo opprimendi perfidos occasione. Quod tunc plenius fieri poterit, si auctores scelerum ad clementissimum principem dirigantur, et ma-

xime Ecclesiae Aquileiensis invasor, qui in schismate, et in eo maledictus nec honorem episcopi poterit refinere, nec meritum ». Hactenus de his Pelagiis.

16. Hic autem episcopus Aquileiensis, de quo agitur, Paulinus nomine, post Macedonium sedit annos viginti duos, ut habent monumenta Ecclesiae Aquileiensis. Quæ vero gesta sint per Narsetem Pelagii papæ impulsionibus, ex scriptorum inopia latent. Sed et quæ reliqua fuerint Pelagii adversus schismaticos studia, ficit præter hæc altum sit silentium; ex his tamen quæ dicta sunt, ea quæ ignorantur, possumus intelligere: cum constet conflatum semel schisma minime consopitum, sed majoribus in dies incrementsis auctum, ut S. Gregorii papæ Epistolis satis liquet. At quidnam profecit Pelagius per Narsetem? Multum quidem, nempe ut nonnulli Italiæ episcopi veluti membra capiti subderentur. Aquileiensis tamen episcopus et aliquot ipsi inhærentes obstinatissimi permandere, adeo ut Ecclesia illa usque ad Sergii papæ tempora in schismate divisa permanserit ad ecentum ferme annorum spatium, licet omnes successores Pelagii, ut eum cum aliis ad Catholicam unitatem reducerent, naviter laboraverint. At de his hæc modo satis.

17. *Pelagii Epistolæ ad Sapaudum episcopum Arelatensem et Childebertum regem.* — Illoc eodem anno, nempe decimo quinto post consulatum Basili, idem Pelagius papa cum suscepisset legatos a Childeberto Francorum rege, neenon ab episcopo Arelatensi Sapundo, sive Sabaudio (ita enim subscriptus reperitur Concilio secundo Matisconensi) ad eosdem rescripsit, in primisque ad eundem episcopum Arelatensem litteras dedit, quibus eidem suas delegavit vices, et impertitus est pallium. Accepimus eas ab Ecclesia Arelatensi: sic enim se habent:

18. « Dilectissimo fratri Sapundo Pelagius.

« Majorum nostrorum, operante Dei misericordia, cupientes inhærente vestigiis, et eorum actus divino juvamine in omnibus imitari; charitati tuæ per universam Galliam sanctæ Sedis Apostolice, cui divina gratia præsidemus, vices injungimus: hoc enim antiquitatis memoria docet, hoc Ecclesiae Romanae testantur serinia a sanctis Patribus et decessoribus nostris tuis decessoribus esse concessum: ut ictius stabilis Petre sempiterna soliditas, supra quam Dominus Salvator noster propriam fundavit Ecclesiam, a solis ortu usque ad occasum primatus sui apicem, successorum suorum auctoritate tam per se quam per vicarios suos firmiter obtineret. Nos autem (sicut dicit beatus Apostolus¹) non in immensum gloriamur, sed secundum mensuram regule, qua mensus est nobis Deus mensuram pertingendi usque ad vos: nec enim quasi qui non pertingentes ad vos superextendimus nos. Sic ergo participata sollicitudine,

¹ Pelag. Ep. iv.

¹ II. Cor. x.

sanctam Dei universalem Ecclesiam nostri per Dei gratiam rexere maiores. Hinc est quod et nos fraternitati tuæ hujusmodi eras injungimus, ut Sedis nostræ vicarius institutus ad instar nostrum in Galliarum partibus primi sacerdotis locum obtineas; et quidquid ad gubernationem vel dispensationem Ecclesiastici status gerendum est, servatis Patrum regulis et Sedis Apostolice Constitutis, divini judicij consideratione dispenses, talemque te in custodiendis canonibus sancta conversatione de monstres, quam leanti loci decet esse vicarium.

49. « Memor sententiae beati Pauli Apostoli, qua Timotheum discipulum sollicite magister informat, dicens¹: Testor coram Deo, et Christo Jesu, et electis angelis ejus, ut haec custodias sine præjudicio, nihil faciens in aliam partem declinando: ut erogetur, carissime frater, auctoritas Pontificis et pastoris mansuetudo, per nos tibi locum vicarii, sicut et decessoribus tuis, noveris gratia largitate concessum. Quia ictet apud Dominum non sit acceptio personarum, tuam tamen charitatem etiam carnali generatione constat esse præclaram. Et ideo convenit, ut quanto in te Dominus multiplicia bona largitus est, tanto in sacerdotalibus actibus probitatem morum exhibeas clariorem. Scriptum est enim²: Cui commodaverunt multum, plus petent ab eo. Usum quoque pallii tibi alacriter affectioseque (affectione) concedimus, pariter etiam pallium dirigentes: ut in tanti loci fastigio constitutus præclaro quoque habitu decoreris, seiturus omnibus Ecclesiastici gradus hominibus nullam haberi licentiam sine Formata tuae charitatis ex quacumque Galliarum parte longiores petere regiones, ne prohibita præsumentes ipsi se proprio privare videantur officio. Haec igitur per Flavianum diaconum, et Nestorium subdiaconum Ecclesie tuæ, per quos Epistolas tuas accepimus, scribenda esse curavimus, in quorum etiam conversatione laudabilis tuae charitatis agnovimus institutum. Dominus te incolumem custodiat, frater carissime. Dat. III non. Februar., anno xv P. C. Basili V. C. » Ad ipsum vero Francorum regem hanc scripsit Epistolam:

20. « Domino filio merito gloriosissimo atque præcellentissimo Childeberto regi Pelagius.

« Excellentiae vestrae litteras, post illas quas legati vestri detulerunt, etiam per eos quos frater et coepiscopus noster Sapaodus (Sabaudius) ad nos direxit, reverenter accepimus; et salutis vestrae, quae nobis semper optanda est, cognoscentes indicia, gratias divinae pietati retulimus, exorantes elemosiam ejus, ut vos largiliua pietate sua conservet incolumes. Litteras autem nostras præfato sacerdoti nostro Sapaudo secundum petitionem vestram direximus, usum pallii pariter concedentes: quia in sermone Ecclesiastico hujusmodi exempla reperimus, quibus ostenditur Arelatensibus episcopis a sancte recordationis decessoribus nostris

haec fuisse collata. Propterea salutantes cultu regalibus insulis debito, postulamus, ut ita eum atque Ecclesiam ejus gratia excellentiae vestrae tueatur ac foveat, ne quem per vices nostras augeri, propitiante Domino, postulatis, in aliqua parte cuiquam Gallicanorum sacerdotum, vel cuiuslibet ordinis Ecclesiastici personis (quod non oportet) contemptibilis habeatur, et in eo auctorilatis sancte Sedis Apostolice et genio vestro, qui pro eo suffragatores acceditis (quod absit), videatur in aliquo derogari. Perincolumem excellentiam vestram Deus noster custodiat, domine fili gloriissime atque præcellentissime ». Desunt quibus data est dies et consulsatus; sed eodem tempore quo superior datam esse, argumentum ipsius significat. Cum autem ea data tertio non. Februarii habeatur, præmittenda est reliquis ab eodem Pelagio papa sive ad eundem Sabaudium, sive ad Childebertum regem postea eodem anno datis, atque in primis, quæ scripta legitur decimo octavo kalendas Junias ad eundem Sabaudium episcopum, quæ sic se habet:

21. « Dilectissimo fratri Sapaudo Pelagius.

« Quia legati filii nostri gloriissimi regis Childeberli beatorum Apostolorum Petri et Pauli et aliorum sanctorum martyrum reliquias poposcerunt; necesse habuimus hominem bonum subdiaconum de clero nostro dirigere, qui eas usque ad fraternitatem tuam cum reverentia deportaret. Et ideo salutantes, hortamur ut quæsita occasione sive navis, sive terreno, cum talibus personis, de quibus nulla periculi possit esse suspicio, ad nos eum, juvante Domino, remittatis. Ea autem quæ pro honore charitatis tuae a nobis supradicti legati poposcerent noscuntur, parati sumus, Deo juvante, concedete. Sed nisi litteras tuas per te acceperimus, sicut etiam decessores nostri postulantibus tuis decessoribus præstiterunt, superfluum judicavimus ultra transmittere: sed mox ad nos, juvante Domino, cum de clero tuo cum litteris direxeris, si Dominus voluerit, et si vixerimus, promittimus nos esse facturos. Prieterea hortamur, ut viro magnificientissimo filio nostro patricio Placido genitori tuo dicas, ut quod de pensionibus possessionum Ecclesie nostre collectum est, aut per suum hominem, aut per harum nobis dignetur dirigere portiforem: quia Italie prædia ita desolata sunt, ut ad recuperationem eorum nemo sufficiat. Et si possibile est ut nobis de ipsis solidis saga tomentacia, quæ pauperibus erogari possint, et tunicas albas, aut cucullas, vel colobia, aut si quæ aliae species in provincia fiunt, quæ pauperibus (ut diximus) erogari debeant, exinde facite comparari, et opportunitate navis inventa dirigite: ut maximas fraternitati tuae gratias referamus, dum hujusmodi sollicitudinem nostram providentia charitatis tuae revelari contigerit. Hora hanc etiam, ut Anastasium fratrem Panfi defensoris Ecclesie ad nos faciatis occurtere. Dominus te incolumem custodiat, frater carissime. Data XIX kal. Jun., anno xv P. C. Basili V. C. » Hæc Pelagius ad Arelatensem episcopum: quibus

¹ I. Tim. v. — ² Luc. xii.

intelligis studium regis Christianissimi erga sanctorum cultum, cum ad accipiendas sanctorum reliquias Romanum ad Pelagium papam legationem misit; et reverentiam illis exhibitam ab ipso Romano Pontifice, dum eas non credidit homini laico, sed mittendas putavit per Romanæ Ecclesie subdiaconum virum pium. Porro haec mense Maio esse a Pelagio papa scripta vidisti. Quo item anno, post consulatum scilicet Basilii decimo quinto, idem Pelagius papa mense Julio has ad eundem Arelatensem episcopum litteras per breve dedit:

22. « Dilectissimo fratri Sapundo Pelagius.

« Quæ nobiscum omnipotentis Dei gratia fuerit operata, ad charitatem tuam credimus fuisse perlatum: pro qua re ad vos (nos) destinari convenerat, ut visitatione communi magno invicem gaudio fruueremur. Nos tamen fraternalæ memores charitatis, per præsentium portitorem, occasione reperta, officium fraternalæ salutationis impendimus. Optamus, ut alterna in timore Domini charitale viventes, mutuo frequenter refoveamur alloquo. Dominus te incolumem custodiat, frater carissime. Dat. IV nonarum Juliarnum, anno xv P. C. Basilii V. C. » Rursum vero eodem anno mense Septembri ad eundem idem Pelagius papa dedisse litteras reperitur, quæ sic se habent:

23. « Dilectissimo fratri Sapundo Pelagius.

« Fraternitatis vestræ grata nobis colloquia, Felice viro honesto deferente, suscepimus: quibus recensitis, communi Domino ac Deo non insufficietes gratias egimus, qui incolumitatem dilectionis tuæ, quæ nobis est desiderabilis, eorum testificatione cognovimus. Ea autem quæ in nostris lundibus facundia oris vestri disseruit, quanquam vos congruentem vobis rem fecisse manifestum sit, nos tamen nihil nostrum ex omnibus quæ dicta sunt agnoscentes, verecundiam magis incurrimus, illud doctissimi viri ad animum perducentes, qui dixit: Sicut vera laus ornat, sic falsa castigat. Multum enim vitæ nostræ ac morum verba charitatis vestræ mensuras excedunt. Optamus tamen, ut Sanctorum omnium precibus et vestris orationibus faciat nos Deus tales existere, quales vos esse ex bona voluntate pinxit. Atque ideo salutantes debito charitatis affectu, indicamus, nos, inventa ante hoc parvum tempus occasione quorundam de provincia vestra Romam venientium, tanto amoris vestri fervore fuisse succensos, ut impatienter ferremus hujusmodi opportunitatem silentio praeterrire.

24. « Scribentes namque gloriissimo communi filio regi Childeberto, etiam ad charitatem tuam litteras, quales sub brevitate temporis potuimus dictare, transmisimus. Quædam autem nobis (sicut scripsistis) proprio ore, litterarum vestrarum in compendio portitor intimavit, quæ nos non mediocriter promoverunt, admirantes nimirum, ratione tam nova res fuerit usurpata: et necesse habemus sollicite (perscrutari), ut si quis venerit, non facile nobis tanquam ignaris subrepere videa-

tur. Melius tamen fraternitas tua faciet, si cognoscens illos quos suspicamini ad nos esse venturos, et vos personam instructam ex omni parte dirigatis, quæ eis possit obsistere. Quia cum Epistola vestra nihil de causa contineat: si hic, qui nobis modo ex voluntate vestra verbo suggessit, tunc apud nos nequeat inveniri, videbimur nos accusatoris officium suscepisse. Quod si a tua charitate persona dirigitur: nostrum est et pro affectu quem vobis impendimus, et pro rei gestæ novitate, salva æquitate, competentem, quem dilectio tua miserit, præbere favorem. Dominus te incolumem custodiat, frater carissime. Dat. XI kalend. Octob., anno xv P. C. Basilii V. C. » Quænam antem ista fuerint, quibus episcopus Arelatensis judicandus fuerit ab ipso Romano Pontifice, ex Epistola ejusdem Pelagii data ad Childebertum Francorum regem aliqua ex parte possumus intelligere, quæ sic se habet:

25. « Domino filio gloriissimo atque præcellentissimo Childeberto regi Pelagius.

« Cum celsitudini vestræ multa dona misericordia divina contulerit, pro amore tamen quem Ecclesia ejus sine reter exhibet, fecit vos multis regnantibus clariiores: quoniam inter alias regni vestri curas pro tranquillitate sanctæ Ecclesiæ præcipuum sollicitudinem vos certum est exhibere. Quæ cum ita sint, miramur quia et quantum nobis præsentium portitorum suggestio patet, passi estis subcripi vobis Sapaudum fratrem et coepiscopum nostrum Arelatensis civitatis antistitem, cuius Ecclesia in regionibus Gafficanis primatus privilegio et Sedis Apostolice vicibus decoratur, ad petitionem episcopi ab ipso ordinati in judicium sequentis civitatis episcopi (quod nulla Ecclesiastica lege vel ratione conceditur) judicandum juberetis occurtere; ut ipso de conciliato loci sui præjudicio conquerente, illum qui usurpavit necesse sit de illicita præsumptione culpari. Pro quibus Christianitatibus vestræ confidentia freti, paterno studio postulamus, ut si quid est tale factum, congrua satisfactione celeriter amputetur, nec ullum sui exemplum in perturbatione Ecclesiarum, quas vobis Deus credidit, relinquere concedatur. Et huiusmodi causis sollicitam vos in reliquo decet exhibere cautelam, ne quid contra Ecclesiasticas regulas potentibus concedatis: quia (quod bene cognitum est religiosæ menti vestræ) non aliter Deo nostro recte potest regalis devotio famulari, nisi providentia ejus Ecclesiasticorum ordinum servet integritatem. Incolumitatem excellentiæ vestræ Deus noster custodiat, domine fili gloriissime atque præcellentissime ». Hactenus Epistola ad regem Francorum, quæ sine die et consulatu licet posita habeatur, datam tamen anno quinto-decimo post consulatum Basilii, quæ dicta sunt, decent. Quo pariter anno ab eodem Pontifice scripta legitur Epistola mense Decembri ad eundem Childebertum Francorum regem per Ruffinum legatum missa. Quod enim Græcis consensisset Pelagius in probanda quinta Synodo, a schismaticis in suspi-

cionem adductus est de violata Catholica fide : cuius rei gratia idem rex Ruffinum legatum Romani ad ipsum Pontificem misit id exploratum. Quo auditio, mox idem Pontifex has ad eundem regem litteras reddidit :

26. « Domino filio gloriosissimo atque praeclentissimo Childeberto regi Pelagius episcopus.

« Ruffinus vir magnificus legatus excellentiae vestrae nobis dixit, quod et in provinciis Galliarum quidam semina scandalorum sparserunt, dicendo quid contra fidem Catholicam (quod Dominus non patiatur) admissum. Et quamvis a transitu divae memoriae Theodore Augustae nullas de fide quæstiones Ecclesia Dei in partibus Orientis, Deo miserrante, formidet, sed quedam capitula extra fidem fuerint agitata, de quibus longum est ut Epistolari possint complecti sermone : hoc breviter secundum admonitionem præfati magnifici viri Ruffini, ad sanandum animum vestrū, vel omnium fratribus et coepiscoporum nostrorum in Galliae regionibus consistentium, faciendum esse perspeximus, dicentes anathematizare nos, et alienos ab æternæ vite præmiis judicare, quicunque ab illa fide, quam beatæ recordationis papa Leo in suis Epistolis prædicavit, et quam Chalcedonense Concilium sequens eundem præsulem edita diffinitione suscepit, in una syllaba aut in uno verbo vel in sensu erravit vel erraverit aliquando, aut declinavit, vel declinaverit aliquando.

27. « Quibus se ita habentibus, non attendat celsitudo vestra, nec fratres nostri episcopi fabulas eorum hominum, qui scandalis delectantur. Quoniam hæc ipsa ita contigerunt, ut eum pater vester clementissimus imperator omnes haereses, quæ Constantinopoli episcopos suos et Ecclesias cum magnis redditibus et vasorum diversitate usque ad tempora imperii ejus habuerunt, everterit, et sublati Basilicis eorum atque redditibus, omnibusque aliis rebus, Catholicis tradiderit : hi ergo qui in ipsis erroribus remanserunt, conglobati sunt in unum, et agunt vehementer, qualiter Ecclesiam Catholicam scindant atque perturbent. Nam et sic in Italiā (quandiu nos in Constantinopoli fuimus) de nomine nostro chartas mittebant, dicendo, quasi nos dixerimus fidem Catholicam fuisse corruptam : nunc vero etiam contra nos afferunt huc chartas tacitis nominibus, ut nesciatur qui eas misit : sed sic faciunt Christiani qui in Constantinopoli sunt, dum eos constet non esse Christianos, maxime tamen Nestorianæ haeresis homines, pro eo quod Nestorius duas naturas in Christo separatas quidem et divisas adstruxerit, fraudulenter moluntur dicere longe ab intellectu esse Chalcedonensis Synodi et papæ Leonis, dum Nestorium pro eo quod divisas duas naturas assereret, ipso dogmate beati papæ Leonis constat esse damnatum.

28. « Hæc breviter insinuanda esse excellentiae vestrae curavimus, ut ille ardor fidei vestrae et unitatis amor non alicujus perversi hominis fabulas aut chartas superfluas permittat attendi : quia et sic

simplices aliquos episcopos et nescientes prima elementa fidei sollicitaverunt, ut nec rationem ipsam intelligent, nec discernant quantum sit bonum a fide Catholica non errare, sed si qua sunt alia quibus crimen ab haereticis patitur sancta Ecclesia, refutare. Quis enim patiatur, ut Nestorii vel sectatorum ejus blasphemias pro eo quod duas naturas in Christo separatas, id est, divisas esse adstruxerit, Catholice fidei existimet concordare ?

29. « Ut autem nos diu tribulationes Constantinopoli pateremur, illa res fecit, quam breviter superius tetigimus : quoniam vivente Augusta, quicquid in Ecclesiasticis causis movebatur, suspectum habuimus : nam pater vester clementissimus imperator et B. papæ Leonis dogma et Chalcedonensis Synodi fidem nullo modo patitur violari. Reliquias vero tam beatorum Apostolorum, quam sanctorum martyrum jam quidem per servos Dei monasterii Lirinensis direximus : sed et nunc quas legati vestri poposeerunt, nos misisse signamus, deputantes hominem bonum subdiaconum ex clero Ecclesiae nostræ, a quo usque ad fratrem et coepiscopum nostrum Sapaudum, jubente Domino, deferantur. Dat. III id. Decemb., anno xv post cons. Basili V. C. per Ruffium legatum.

« Pelagius misericordia Dei episcopus Ecclesiae Catholicæ Urbis Romæ exemplari Epistolæ nostræ subscrisimus ».

30. *Pelagi Epistola adhortatoria ad episcopos Tuscæ, et circulares ad universum populum Dei.* — Post hæc autem idem rex, ad omnem dubitationem tollendam, adjecit ut peteret ab ipso Pontifice exactiorem fidei professionem : quod et fecit anno sequenti eam scribens : habes ipsam collocatam in fine Pelagii. Has vero omnes Epistolas ab Ecclesia Arelatensi accepimus ex antiquitus scripto Codice. Hæc gesta sunt cum Ecclesia Gallicana. Quænam autem hoc eodem anno geri contigerit cum episcopis Italiæ provinciæ Tuscæ, ex litteris ejusdem Pelagii ad eos datis mense Februarii satis appareat. Extant ipsæ integræ ex eodem Codice acceptæ, sicutque se habent :

31. « Dilectissimis fratribus Gudentio, Maximiliano, Gerontio, Justo, Terentio, Vitali, et Laurentio per Tusciæ Amnonariam, Pelagius.

« Directam a vobis relationem, defensore Ecclesiae nostræ Jordane deferente, suscipientes, satis mirati sumus, ita vos Apostolicæ auctoritatis oblitos, ut divisionem vestram ab universalis Ecclesia meo etiam volueritis (quod absit) consensu firmari ; et quos decuit popularem ignorantiam sacerdotali doctrina comprinere, in contumeliam Sedis Apostolicæ, plebis velle sequi judicium. Nec ista dicentes, injuriam nostram dolemus, quibus donante Domino propositum est in mansuetudine supportantes omnia fraternali pacis vinculo custodire : sed (sicut diximus) divisionem vestram a generali Ecclesia, quam tolerabiliter ferre non potero, vehementer stupeo. Cum enim beatissimus Augustinus Dominicæ sententiae memor, qua fun-

damentum Ecclesiae in Apostolicis Sedibus collocavit, in schismate esse dicat, quicumque se a praesulis earumdem sedium auctoritate vel communione suspenderit; nec aliam manifestet esse Ecclesiam, nisi quae in Pontificibus Apostolicarum Sedium est solidata radicibus: quomodo vos ab universi orbis communione separatos esse non eritis, si mei inter saera mysteria secundum consuetudinem nominis memoriam retinetis, in quo licet indigno Apostolice Sedis per successionem episcopatus praesenti tempore videtis consistere firmatatem?

32. « Sed ne apud vos forte, vel apud greges qui vobis commissi sunt, de fide nostra aliqua possit remanere suspicio: hoc dilectionem vestram certissime nosse desidero, me illam, donante Domino custodire fidem, quam saera Apostolorum doctrina constituit, quam Nicene Synodi firmavit auctoritas, quam Constantinopolitana, Ephesinae primae, et Chaledonensis sanctorum Synodorum explanavere sententiae, nec quidquam de prefatarum Synodorum definitionibus vel immittuisse me aliquid, vel auxisse, aut in aliquo permutassem, sed omnia, Deo proprio, quae ab illis de fidei puritate conscripta sunt, inviolabiliter custodire: anathematis nihilominus judicio subdens, quisquis ad suprascriptarum quatuor Synodorum fidem, vel ad beatissimi Leonis praesulis Apostolice Sedis tomum, qui in Chaledonensi est Synodo confirmatus, aliqua ex parte vel infirmandum quoquo modo, vel in dubium (quod absit) deducendum aliquando consenserit. Hac igitur dilectio vestra fidei nostrae professione munita, ignorantiam hominum (sicut sacerdotes deceperunt) in spiritu mansuetudinis edocere festinet, et a prava intentione modis omnibus revocare, atque unitati Ecclesiae reddere. Quod si quis forte etiam post haec aliquem sibi superesse credit scrupulum; ab insano tumultu desinens, ad nos magis venire festinet: ut ex his quae dubitat, rationabili satisfactione recepta, laetus, Deo proprio, cognita veritate, universalis reformatur Ecclesiae. Nos enim (secundum Apostolicam¹ sententiam) parati sumus ad satisfactionem omni poscenti nos rationem de ea quae in nobis est fide: quia in nullo nos a sanctis Patribus, custodiente nos divina gratia, cognoscimus deviisse. Dominus vos incolumes custodiat, fratres carissimi. Dat. XV kalend. Mart., anno xv P. C. Basilii V. C. » Haec Pelagius, qui cum ubique tumultuari audisset, schismaticis omnes Ecclesias adversus ipsum Romanum Pontificem concitantes, expedire judicavit de fide Catholica ad universum populum Christianum circulares (quas diem) litteras dare, quas ex eodem Codice hic tibi reddere, operae pretium judicavimus; sic enim se habent:

33. « Pelagius episcopus universo populo Dei.

« Vas electionis beatissimus Paulus Apostolus² cum de Iudeis in Christo needum erudiantibus loqueretur, zelum eos Dei habere professus est, sed ne ex hoc sine culpa esse crederentur, consequenter

adjecit, sed non secundum scientiam: ut eos necessarie per doctrinam a Deo sibi creditam ostenderet emendandos. Quod testimonium nostro etiam temporis convenire, charitas vestra non ambigit: quia etsi zelum Dei in quorumdam mentibus esse deprehendimus, in hoc tamen quod suspicionibus quibusdam sine notitia veritatis se conesserunt atque concutunt, et quod se a visceribus unicæ matris Ecclesiae nefaria animositate discepunt, sine scientia eos esse non dubium est. Et possemus quidem totius causæ rationem ad sedandos rumores boni, divina nobis cooperante misericordia, fiducialiter explicare, nihilque contra fidem Patrum, contraque quatuor Synodorum firmatatem ulla tenus esse tentatum, lucidissimis approbationibus demonstrare; magisque id actum ut memoriarum Synodorum firmitas contra omnes inimicos immobili soliditate consisteret. Sed quia hoc his, qui lacte potius quam solido cibo nutriendi sunt, necessarium esse non duimus, ut (sicut memoratus doctor Gentium dicit³) inter perfectos loquenda sit sapientia: hoc interim, quod etiam parvulus abunde sufficiat, ad notitiam omnium deferendum esse perspeximus. Id autem est, ut fidem meam annexa subter professione detiniam, in qua, Deo proprio, et recte me Apostolorum doctrinæ et Patrum inhærente vestigiis evidenter appareat: ut per vos qui zelum Dei etiam cum scientia possidetis, ceteris innotescat, quos operante Domini nostri gratia, non sine vestra mercede ab irrationali divisionis sue malo confidimus liberandos.

34. « De sanctis vero quatuor Conciliis, id est, Niceno trecentorum decem et octo, Constantinopolitanum centum quinquaginta, Ephesino primo ducentorum, sed et de Chaledonensi sexcentorum triginta, ita me, protegente divina misericordia, sensisse et usque ad terminum vite meæ sentire toto animo et tota virtute profiteor, ut eas in sanctæ fidei defensione, et damnationibus haeresum atque haereticorum, utpote sancto firmatas Spiritu, omnimoda devotione custodiam; quarum firmatatem, quia universalis Ecclesiae firmitas est, ita me tueri ac defendere profiteor, sicut eas decessores meos defendisse non dubium est: in quibus illum maxime et sequi et imitari desidero, quem Chalcedonensis Synodi auctorem novimus extitisse; qui suo congruens nomini, ejus se membrum, qui de tribu Iuda leo extitit, vivacissima fidei sollicitudine evidenter ostendit. Similem igitur suprascriptis Synodis reverentiam me semper exhibitum esse confido, et quieunque ab eisdem quatuor Conciliis absoluti sunt, me esse Orthodoxos habiturum, nec inquam in vita mea, Deo nos in omnibus protegente, aliquid de sanctæ et vere prædicationis eorum auctoritate minnere.

35. « Sed et canones, quos Sedes Apostolica suscepit, securior et veneror, et Deo adjuvantе defendo, neque vel de hac professione reticere, aut discedere

¹ I. Petr. iii. — ² I. Rom. x.

³ I. Cor. vi.

aliquando promitto. Epistolas etiam beatae recordationis papæ Celestini, Sixti, et præ omnibus B. Leonis, neconon etiam successorum ejus Hilari, Simplificii, Felicis, Gelasii, Anastasii, Symmachii, Hormisdæ, Joannis, Felicis, Bonifacii, Joannis alterius, et Agapeti pro defensione fidei Catholice, et pro firmitate suprascriptarum quatuor Synodorum, et contra haereticos, tam ad principes, quam ad episcopos, vel quoslibet alios per Orientem et Illyrienn atque Dardaniam, aliasque provincias diversis temporibus missas inviolabiliter, adjuvante Christo Domino nostro, me custodire profiteor; et omnes quos ipsi damnaverunt, habere damnatos, et quos ipsi receperunt, præcipue venerabiles episcopos Theodoritum et Ibam, me inter Orthodoxos venerari.

36. « Haec est igitur fides mea, et spes quæ in me dono misericordiae Dei est: pro qua maxime paratos nos esse debere, beatus Petrus¹ præcipit ad respondentium omni poscenti nos rationem. Cum hac professione me vivere opto, cum ipsa ante tribunal Christi assistere: per hanc a peccatis meis absolvi me credo, et ad dexteram gloriae divina misericordia deportandum. Quicunque autem aliud senserit, crediderit, prædicaverit, hunc anathematizat sancta et universalis Ecclesia Dei. Deus vos in eolumnes custodiat, filii dilectissimi. Amen ». Ad hæc quidem compulsa est Pelagius papa, cum obrutus ubique esset schismaticorum calumniis, quod quintam probando Synodus, quartam abolevisse, vel sattem corrupisse jaetarent. Profuerunt ista quidem nullis, non tamen omnibus: etenim in pluribus Italæ locis diutius ejusmodi viguisse schismaticos liquet.

37. *Discordia civiles in Gallia, et Chramni rebellio in patrem Clotarium, inde divina ultiō.* — Hoc eodem tempore (ut Agathias² tradit) regnum Francorum in maximum discrimen adductum est ex bello civili contato inter fratres regem Childebertum atque Clotarium ob divisionem honorum Theodibaldi regis defuncti: cui et domesticum bellum accessit, cum Chramnus Clotarii filius contra patrem arma movit, quo tempore idem Clotarius adversus Saxones rebellantes in expeditione esset. Sed omnibus his omissis, hic ea tanquam refereuda sunt, quibus Dei adversus sacrilegos ultiō his temporibus non semel progressa narratur. Ac primum de Leone Pictaviensi, qui inter alios filium in patrem commovit, hæc notatu digna Gregorius³: « Habebat Chramnus et Leonem Pictaviensem ad omnia mala perpetranda gravem stimulum, qui nominis sui tanquam leo erat in omni cupiditate savissimus. Hic fertur quadam vice dixisse, quod Martinus et Martialis confessores nihil fisci viribus utile reliquissent: et statim pereussus a virtute confessorum, surdus et mutus effectus, amens est mortuus. Venit enim miser ad Basilicam sancti Martini Turonos, celebravitque vigilias, dedit munera: sed non eum respexit virtus consueta; cum

ipsa enim qua venerat infirmitate regressus est ». Inhiasse hominem rapacem in bona Ecclesiæ, ultio secula declarat.

38. Complures alios his civilium discordiarum temporibus injecisse manus in bona Ecclesiastica, nonnulla alia exempla divinae ultiōis in eos immissa demonstrant: quod et testatur primus canon⁴ Parisiensis Concilii post annum sequentem (ut suo loco dicemus) habiti: haec enim habet in fine post nonnulla adversus hujusmodi facinorosos statuta: « Accidit autem ut temporibus discordiae (hæc enim signat tempora) supra provisionem beatæ memorie Clodovei regis, res Ecclesiarum aliqui competissent, ipsasque res invasissent, improvisa morte colapsi, propriis haeredibus reliquissent. Placet et hos quoque, nisi res Dei admoniti a Pontifice, agnita veritate, reddiderint, similiter a sanctæ communionis participatione suspendi: quoniam res Dei, quæ antecessores eorum immatura morte credendæ sunt peremisse, non debent filii ulterius possidere. Iniquum esse censemus, ut potius custodes chartarum, per quas aliquid a fidelibus personis legitur derelictum, quam defensores rerum creditarum (ut præceptum est) judicemur ». Haec Patres in Concilio Parisiensi.

39. Sed et preter hos bonorum Ecclesiarum invasores regii quoque ministri eadem fisco addicere consueverunt: enijs rei gratia iidem in eadem Synodo Patres hæc in secundo canone posuerunt: « Perpetuo autem anathemate ferialur, qui res Ecclesiæ confiscare, aut competere, aut pervadere periculosa infestatione præsumpserit ». Periculosa, inquiunt, infestatione, quod scilicet (ut dictum est, atque dicetur) multa adversus hujusmodi ultiōis divinae exempla edi solerent. Haec canon secundus ejusdem Concilii, de quo post sequentem annum suo loco dicturi sumus: sed cœpta prosequamur.

40. Ad ejusmodi vero contra patrem sceleratum bellum susceptum idem perditissimus filius Chramnus patrum suum Childebertum regem Clotarii fratrem sibi, fœdere icto, conjunxit. Sed quænam essent obventura, clerici Divionenses in hunc modum ex divinis Scripturis deprompto oraculo notum fecere: ait enim Gregorius: « Positis clerici tribus libris super altarum, id est, Prophetiæ, Apostoli, et Evangeliorum, oraverunt ad Dominum, ut Chramnus quid eveniret, ostenderet: aut si ei feliciter succederet, aut certe si regnare posset, divina potentia declararet: simulque unam habentes conniventiam, ut unusquisque in libro quod primum aperiebat, hoc ad missas etiam legeret. Aperio ergo primum omnium Prophetarum libro, reperirent: Auferam² maceriam ejus, et erit in direptionem: pro eo quod debuit facere uvas, fecit autem labruscas. Reseratoque Apostoli libro, inveniunt³: Ipsi enim diligenter scitis, fratres, quod dies Domini sieū fur in nocte ita veniet: et cum dixerint, Pax et securitas, tunc repentinus illis su-

¹ I. Petr. iii. — ² Agath. I. ii. — ³ Greg. Turon. I. iv. c. 46.

⁴ Conc. Paris. c. 4. — ² Isai. v. — ³ I. Thes. v.

perveniet interitus, sicut dolores parturientis, et non effugient. Dominus autem per Evangelium ait¹: Qui non audit verba mea, assimilabitur viro stulto, qui edificavit domum suam super arenam: descendit pluvia, advenerunt flumina, flaverunt venti, et irruerunt in domum illam, et cecidit, et facta est ruina ejus magna ». Ista sunt in suscepto bello praemunita de Chramno, ac pariter adimpta in exemplum justi iudicij magni Dei: sed quomodo id acciderit, dicemus inferius, simulque divinitus ostensa prodigia. Suljicit enim ista Gregorius²:

41. « Austrapius dux Chramnum metuens, in Basilicam S. Martini confugit: eui tali in tribulatione posito non defuit divinum auxilium. Nam cum Chramnus ita eum constringi jussisset, ut nullus illi alimenta præbere præsummeret, et ita aretius custodiretur, ut nec aquam quidem ei haurire liceret; quo facilius compulsus inedia, ipse sponte sua de Basilica saneta periturus exiret: accedens quidam vasculum illi cum aqua semivivo detulit ad potandum. Quo accepto, velociter iudex loci advolavit, ereptumque de manu ejus terra diffudit. Quod velox Dei ultius et beati antistitis virtus est subsequuta. Ea namque die, iudex qui ista gesserat, correptus a febre, nocte media expiravit, nec pervenit in erastinum ad illam horam qua in Basilica sancti poeculum de manu excusserat fugitiui. Post illud miraenulum, omnes ei opulentissime quæ erant necessaria detulerunt ». Haec Gregorius: quibus præter divinitus patrata miracula, illud admiratione dignum pariter innotescit, quam religiose a Francis sacra custodirent, cum nec perditissimus Chramnus ea violare præsumperit, sed obsidione potius quam invasione capere voluerit inimicum. Quid autem eidem acciderit Chramno, cum evasrus indignationem patris confugit ipse in eamdem Basilicam S. Martini, suo loco dicemus. Sed quæ præterea divina ultius consequentia sit milites Chramni, cum res Ecclesie abstulissent, cumdem audi Gregorium³:

42. « In ipso quoque territorio, tempore quo Chramnus Arvernus abiit, cum diversa scelera ab ejus gererentur ministris, quinque viri sacrosanctum oratorium domus Iciacensis furtum appetunt: habentur autem in eo S. Saturnini reliquiae: interruptoque ablatis palliolis vel reliquis ministerii ornamentis, nocte tegente, discedunt. Sed presbyter recognoscens furtum, ac inter vicinos scrutans, nullum potuit ex his quæ ablata fuerant indicium reperire. Profinus vero latrones, qui haec admiserant, in Aurelianense se territorium traustulerunt; divisisque rebus, accepit unusquisque partem

suam. Sed mox inseguente ultiione divinia quatuor in seditionibus interfeci sunt: quinlus vero totam furti hujus hereditatem superstes remanens vindicavit. Sed ubi haec in dominum suam contulit, statim obiectis sanguine oculis, excæcatus est. Tunc compunctus tam doloribus, quam inspiratione divina, vovit, dicens: Si respexerit Deus miseriam meam, et mihi visum reddiderit, referam loco illi sancto quæ abstuli. Et haec eum lacrymis orans, visum recepit. Accedens vero ad oppidum Aurelianense, providente Deo, diaconum Arvernensem invenit: eum traditis rebus, suppliciter exoravit, ut easdem oratorio restitueret: quod diaconus devotus implevit ». Haecenus de his Gregorius. Sed ad Orientem recurrit oratio.

43. *Justinus dux Persas vincit.* — Hoc eodem anno (ut colligitur ex Agathia⁴) ingentem insperatamque victoriam de Persarum exercitu apud Colchis Romanus exercitus obtinuit. Deo ita cuncta sua providentia disponente, dum qui sacrificii causa Justinus dux cum equitatu abesset, reversurus in munitionem, hostes quibus occurrit, fugavit. Agathias rem gestam narrans, haec de Justino, qui post Justinianum imperavit: « Interea vero Justinum (non enim Nachoragan Persarum ducem de improviso afflaturum putabat) cogitatio subiit, et divinitus quidem (ut reor) templum quoddam sanctissimum, et apud Christianos haud dubie permagnificum, saecificandi gratia adeundi haud procul ab urbe situm. Delectis ilaque ex universo exercitu equitum mille fortissimis et bellicosissimis viris, haud secus instructis, armatisque ac acie mox esset concertandum, processit, sequentibus signis, et militari cætero apparatu: et ferme tunc accidit, ut nec Persæ hos abeuntes præviderint, neque hi illos in se adventantes: sed alia ducti, mœnia de improviso aggrediuntur ». Et inferius post enarratum sumimum discrimen in quo obsessi conjecti erant, de eodem Justino ita subiecit: « Interea Justino e templo jam redeunti, ex ipso tumultu et armorum concusione quæ gererentur innotuere: unde equitatu statim converso, et ordine suo quodam instruendo, jussisque antesignanis, ut signa erigerent, universos operam ut navarent hortatus suos certiores mox fecit, non sine divino nutu ex oppido se excessisse, ut hostes in se subita territos obsidione abduceret ». Quomodo autem compressione in hostes acta, omnes in fugam adegit, ordines turbans, et internecioni subiecit, idem pluribus referit. Sed haec satis ad institutum, quo moneamus omnia florida evenire, cum divini numinis cultus præcedit opus.

¹ Matth. vii. — ² Greg. l. iv. c. 18. — ³ Greg. de Glor. mart. c. 66.

⁴ Agath. l. iii.

Anno periodi Graeco-Romanæ 6049. — Anno æra Hispan. 591. — Jesu Christi 556. — Pelagii papæ 2. — Justiniani imp. 30.

1. *Septima Justiniani quinquennalia.* — Illic annus ista formula notalus: *Post consulatum Basilii I. C. xv*, vel secundum aliquos, *Post consulatum Basili I. C. anno xvi*. Septima quinquennalia imperii vivente Justino a Justiniano suscepti, ut ostendunt Natalitia ejus, de quibus hoc annum. 20.

2. *Tumultuatur in Italia ob Tria Capitula.* — A num. 4 ad 17. *Pelagi* Pontifex Romanus ordinatus est die xi mensis April. superioris Christi anni, ut jam ostendimus, et ex anno ejus emortuali magis patebit. Ipso sui Pontificatus initio varii tumultus in Italia ob Tria Capitula in Synodo V damnata, et ab aliquibus propugnata, excitati sunt. Anathema quidem latum in quinta Synodo præcipue feriebat Nestorianos, qui Trium Capitulorum doctrinam tanquam suæ haeresi consonam defendebant; pe- tebat tamen Catholicos, qui Capitula illa erroris pura, post Synodi OEcumenicæ judicium, asserebant, et inique damnata dicebant. De Nestorianis enim sententia Synodi, quæ Collatione vii legitur, habet: « Quoniam igitur videbamus, quod Nestorii sequaces conati sunt per Theodorum impium, qui Mopsuestia fuit episcopus, et impia ejus conscripla, et insuper per ea, quæ impie Theodoreetus conscripsit, et per Epistolam sceleratam, quæ ab illa dicitur ad Marin Persam scripta esse, suam impietatem Dei Ecclesiæ applicare, ideo ad eorum, quæ movebantur, correctionem surreximus, et pro Dei voluntate, et jussione piissimi imperatoris, vocati ad hanc regiam urbem, convenimus ».

3. *Anathema dictum in defensores Trium Capitulorum.* — Facundus, qui Tria Capitula perlatae ceteri defendebat, lib. 2, cap. 3 saletur, non solum in Nestorianos, sed etiam in Trium Capitulorum propugnatores latum a Synodo anathema fuisse: « Ubi, inquit, omittimus dicere, quoniam si communicemus eis, qui nobis jam dixerunt anathema, non solum condemnationi Synodi Chalcedonensis communicabimus; verum et sententias in nos eorum, ipsa eorum communicatione firmabimus. Sed hoc potius dicimus: Quoniam si ullus apud eos esset divinæ religionis vel rationis humanæ respectus, ipsis quoque profanum et minus turpe videri debuit, communicando nobis, anathema, quod in nos decreverunt, in semetipsos ultro convertere, etc. Proinde beneficio magis quam injuriæ depu-

tent, quod eis non communicamus, donec de medio tollant istud anathema, quod velut magnum chaos interjacens, dividit a populo spiritu paupere, in sensu paternæ fidei et sententiae quiescente, inquietos ac superbissimos præsumptores, qui sibi tantum videntur abundare sapientia, ut ablactati super matrem suam, Ecclesie instituta contemnant ».

4. *Pontifices Rom. dispensatione erga defensores Tria Capitula aliquando usi.* — Romani tamen Pontifices, cæterique Orientis et Occidentis episcopi, cum schisma a pertinacissimis Trium Capitulorum defensoribus factum viderunt; ut eos ad Ecclesie unitatem revocarent, dispensatione usi sunt, et de canonum rigore, ac disciplinæ severitate aliquid remiserunt, anathema latum a quinta Synodo ad tempus suspendentes, ut bonum Ecclesiastice pacis curaretur, sicuti an. DLI, numero 24 ex Gregorio Magno ostendimus. Constat ex Diurno Romanorum Pontificum Tit. 6, episcopum in promissione seu professione fidei coram Summo Pontifice facta, postquam fidem quatuor Synodorum OEcumenicarum se integrum servaturum promisisset, hec addidisse: « Eos autem quicunque ab eisdem sanctis patribus in memoratis quatuor Synodis, vel quinta sub pie memorie Justiniano confecta, diversis vicibus damnati leguntur, ego meaque Ecclesia, eorumdem venerandam Patrum auctoritatem sequentes, insolubili damnatione percellimus ». Garnerius in Notis ad libellum illum existimat, istam fidei professionem ad annum DCLXXXV referendam esse.

5. *Fundamenta eorum, qui Tria Capitula defendebant.* — Duo præsertim eorum, qui pertinaciter quintam Synodum aversabantur, fundamenta erant; ut inquit Lupus in Scholiis ad canones quinti Concilii. Primum anterior Ecclesiæ mos, neminem in Orthodoxæ pacis communione defunctum dammandi post mortem, nec non auctoritas *Theodori* Mopsuestensis episcopi, qui celeberrimus olim diœceseos Orientalis magister, qui a plurimis credi non poterat prava sensisse, licet nullas effutiisset locutiones, quoad verborum sonum Nestorianas; quia, inquit Facundus lib. 2, cap. 10: « Necdum exorlo Nestorio, secura simplicitas loquebatur ». Alterum ac principale erat Chalcedonensis, et omnium in ipso generalium Conciliorum auctoritas, quam Latini episcopi delosa *Acephalorum*

immissione retractari, et everti credebant. Verum frivola erant fundamenta illa; et ipsemet Facundus Theodori damnationem non fuisse causam laerandae communionis sufficientem, fassus est coram Vigilio papa in conventu Constantinopolitano, ac denique Synodus Chalcedonensis absoluta fuerat, cum sexta Actione, quando sanctus Leo Magnus fidei definitionem in ipsa confirmavit, ut jam diximus.

6. *Epistolæ Pelagii hoc anno datæ.* — A num. 17 ad 37. Baronius hoc anno, rursumque anno DLIX aliquas Epistolas *Pelagii* papæ ad *Sapaudum* episcopum Arelatensem, et *Childebertum* Francorum regem scriptas recitat, quas dicit sese accepisse ex Archiviis Ecclesiæ Arelatensis. Sirmondus tamen observavit, earundem Epistolarum ordinem Baronium invertisse: Epistola enim *Pelagii* ad *Sapaudum*, qua vices ei suas in Gallia delegat, quæque his verbis, ut apud Baronium num. 18 videre est, incepitur: *Majorum nostrorum*, etc. per errorem amanuensis his verbis subscripta est: « Data III nonas Februarii, anno xv post consulatum Basilii viri clarissimi », qua formula præsens Christi annus designatur, nam tam in exemplari Arelatensi, quam Pithecano, ac Lirinensi scriptum est, *anno xv post consulatum Basilii V. C.*, qui est annus Christi DLVII. Quare horum Codicum opera Sirmondus Epistolas illas hoc ordine digessit. *Pelagius* salutatoriam ad *Sapaudum* Epistolam seripsit, priusquam ab eo litteras acciperet. Ea data *IV nonarum Julianum*, anno xv; *post consulatum Basilii V. C.* anno sc. Christi currenti. Extat apud Baronium num. 22. Tum *Pelagius* alia Epistola modestè laudes rejicit, quibus illum *Sapaudus* in litteris suis ornarat. Data hæc *decimo sexto kalendas Octobris*, anno xv, *post consulatum Basilii V. C.*, ut videre est apud Baronium num. 23. Utrique Epistole tertia *Pelagii* subjicitur scripta *Childeberto* Francorum regi, qua anathema dicit iis, qui de fide aliter sentiunt, quam in litteris Leonis et in Concilio Chalcedonensi continetur: ac præterea reliquias sanctorum mittit per Ilomiuembonum subdiaconum. Et hæc dicitur data *III idus Decembres*, anno xv *post consulatum Basilii V. C.* per *Rufinum legatum*, eaque etiam integra refertur num. 26 et seqq. Hæc Sirmondo, sequentia vero nobis observata.

7. *Epistola Pelagi ad Childebertum ex duabus consarcinata.* — Epistola mox laudata *Pelagii* ad *Childebertum* regem *III idus Decembres* currentis anni scripta, ex duabus aliis, quarum altera ad *Childebertum*, altera ad *Justinianum* a Vigilio data fuerat, consarcinata est; eo fere modo, quo Epistola sancti Leonis ad *Januarium Aquileiensem* episcopum ex Epistola ad *Septimum Altinensem* episcopum, et ex Epistola ad *Nicetam Aquileiensem* episcopum compacta fuit, ut suo toco vidimus. Hæc duarum Epistolarum ad *Childebertum* sc. et ad *Justinianum* consarcinatio, nemini hue usque observata, quæ tamen non videtur in dubium revocanda. Finis enim et initium Epistole, quæ ad

Childebertum regem scripta supponitur, spectat ad Gallias et ad Francorum regem, qui, ut liquet ex alia *Pelagii* Epistola, de qua infra, *Rufinum Romanum* ad *Pelagium* papam miserat; qui postulavit, ut Pontifex, vel *Childeberto* significaret, se per omnia beati Leonis scriptis assentiri, vel propriis verbis confessionem suæ fidei ad eundem destinaret. Id constat ex alia *Pelagii* ad *Childebertum* regem Epistola, de qua etiam infra, in qua Pontifex ait: « Veniens *Rufinus*, vir magnificus, legalis excellentiae vestræ, confidenter a nobis, ut decuit, postulavit, quatenus vobis, aut beatæ recordationis papæ Leonis tomum a nobis per omnia conservari significare debuissemus, aut propriis verbis nostræ confessionem fidei destinare ». Hujusmodi petitio[n]is ratio hæc fuit, quod semina scandalorum in provinciis Galliarum a quibusdam spargebantur, quasi quid contra fidem Catholicam in quinta Synodo generali peractum esset. Quare *Pelagius* litteris hoc anno ad *Childebertum* *tertio idus Decembres* missis illam petitionem implevit, et anathema dixit iis, qui de fide aliter sentiebant, quam in Epistolis sancti Leonis, et in Concilio Chalcedonensi continebatur. Artifex Epistolæ, de qua agitur, refert priorem ejus partem ad *Childebertum*, ab initio usque ad hæc verba: *Quoniam hæc ipsa ita contigerunt*, sicuti et posteriore ab his verbis. « Reliquias vero tam beatorum Apostolorum, quam sanctorum martyrum, jam quidem per servos Dei monasterii Lirinensis direximus », et cetera usque in finem.

8. *Ex quibus altera ad Justinianum a Vigilio scripta fuit.* — Reliqua omnia in Epistola ad *Childebertum* contenta desumpsit consarcinato ex aliis quibus litteris a Vigilio papa ad *Justinianum* imp. datis. Nam hæc verba v. g. non nisi ad imperatorem Constantinopolitanum scripta sunt: « Hæc ipsa ita contigerunt, ut cum pater vester clementissimus imperator omnes hæreses, quæ Constantinopoli episcopos suos et Ecclesias, cum magnis redditibus et vasorum diversitate usque ad tempora imperii ejus habuerunt, everterit, et sublatis Basiliis eorum atque redditibus, omnibusque alijs rebus, Catholicis tradiderit ». Certum est autem *Justinianum* seniorem hæretorum Basilicas Orthodoxis tradidisse, et *Justinianum* ejus filium adoptivum fuisse; cum contra *Clodoveus Magnus* *Childeberti* pater, nec appellatus est imperator, praesertim a Pontificibus Romanis; neque aliquis Francorum rex hæretorum Ecclesias Constantinopoli evertere potuit. Ad hæc auctor illius Epistolæ infra ostendit, imperatorem, quem alloquitur, alium non esse, quam *Justinianum*: « Ut autem nos diu tribulationes Constantinopoli pateremur, illa res fecit, quam breviter superius tetigimus: quoniam viante Augusta (nempe *Theodora*, quam iam in eadem Epistola nominarat) quidquid in Ecclesiasticis causis movebatur, suspectum habuimus. Nam pater vester clementissimus imperator, et beati papæ Leonis dogma et Chalcedonensis Synodi

fidem nullo modo unquam patitur violari ». Ubi loco *patitur*, legendum, *passus est*. Mitto alia in ea Epistola memorata, quae dici non potuere ab alio Pontifice Romano, quam a *Vigilio* post suum Constantinopoli in Siciliam redditum. Denique inter partes tres, quibus Epistola illa consuta, nulla conexio est, ut legenti patet.

9. *Childebertus petit a Pelagio, ut vicariatum Apostolicum Sapundo ep. Arelatensi concedat.* — Secundo loco *Rufinus* a Childeberto rege ad Pelagium missus, rogavit eum, ut *Sapundo* vices Apostolicas delegaret, usumque pallii concederet. Sed excusavit se Pontifex per Epistolam apud *Sapaudum*, donec litteras ab ipso *Sapando*, per Arelatensis Ecclesiae clericum accepisset. Eas detulit *Homobonus* Ecclesiae Romanae subdiaconus, per quem Pelagius Arelatem usque deportari voluerat reliquias quas legali *Childeberti* regis poposcerant. Eaad *Sapaudum* Epistola data *XIX kalendas Januarias*, anno *xv post consulatum Basilii V. C.* qui praesens Christi annus est. Eam recitat Baronius num. 21. Tertio loco *Rufinus* reliquias a Pelagio petiit, de quibus mentio in Epistola mox explicata, et cum altera Vigilii ad *Justinianum* consuta.

10. *Annuuit Pelagius, sed anno tantum sequenti.* — Nunc agendum de *Pelagii* Epistolis, anno sequenti datis, ejus initio *Flavianus* diaconus, et *Nestorius* subdiaconus Ecclesiae Arelatensis Romanam venerunt, cum litteris ad Pelagium papam, missis non tantum a *Sapundo*, qui vices Pontificias, et usum pallii rogabat sibi concedi, sed etiam a *Childeberto* rege, qui *Sapaudum* illis honoribus exornari summopere cupiebat. Annuuit postulatis *Pelagius*, extantque litterae, quas ea de re, per *Flavianum* et *Nestorium* scripsit, cum ad *Sapaudum* episcopum Arlatensem, tum ad ipsum regem Childebertum, Epistola ad *Sapaudum* data *III nonas Februar.* anno *xvi P. C. Basilii V. C.* anno scilicet sequenti. In exemplari tamen Arelate ad Baronium missore legitur : *Dat. III non. Febr. an. xv P. C. Basilii V. C.*, ut videre est apud Baronium num. 18 et seq. Verum in Codicibus MSS. Sirmondus citatus invenit scriptum ; *anno xvi P. C. Basilii V. C.*

11. *Alia Pelagii Epistola anno sequenti data.* — Litterae ad *Childebertum regem* recitatæ a Baronio num. 20, scriptæque sine die et consule, eodem tempore ac superiores datae sunt. Sequitur alia Epistola *Pelagi ad Childebertum regem*, quæ etiam est sine die et consule. Praecedenti significat *Pelagius*, se vices suas, et pallii usum *Sapundo* concessisse, huncque Childeberto regi commendat ; haec vero est de *Sapundo*, qui contra sedis suaë privilegium alterius episcopi judicium subire jussus fuerat. Recitatur haec a Baronio num. 23. Epistola *Pelagi ad Sapaudum Arlatensem* dicitur data *idibus Aprilis anno xvi post consulatum Basilii V. C.* etiam apud Baronium ; qui tamen eam exhibet anno *DLIX*, num. 10 et seqq. quod eam, inquit, tardius ab Ecclesia Arelatensi, cum aliis quibusdam

aceperit. Quare ea ad annum Christi *DLVI* referenda. Est porro de ipsius *Pelagi* fide Catholica, quam is ad regem ante seripsit. Pelit enim in ea *Pelagius*, ut *Sapaudus* sibi significet, an sua fidei professio, tam ei, quam regi placuerit.

12. *Pelagius suam fidei professionem ad Childebertum regem misit.* — Denique in eadem Epistola *Pelagius* *Sapundo* notum facit, se ad Childebertum regem seripsisse, ad eumque suaë fidei confessionem misisse. Sed non dubium, quin data sit *idibus Aprilis*, sequentis scilicet Christi anni, quo die Pelagius ad *Sapaudum* de eadem re litteras dedit. Post utramque Epistolam sequitur *Fides pape Pelagi*, seu ejus fidei professio a Baronio, qui eam tarde accepit, anno *DLIX*, num. 44 et seqq. relata. Haec tamen magis integra refertur a Garnerio in *Auctario Operum Theodorei Dissert. iv*, cap. 6, paragr. 2, ex Codice Ms. Divisionensi sancti Benigni. Idem Garnerius in Appendix ad Notas capititis 2 libri *Diurni Romanorum Pontificum*, observat, Summos Pontifices cum ordinarentur, suaë fidei professionem emisisse, et duas professions distinguendas esse : alteram, quæ ab ordinando, alteram, quæ ab ordinato ederetur : priorem *Symbolum* vocatam esse, posteriorem *Synodicam* ; illam denique privati fuisse hominis ; hanc vero Ecclesiæ doctoris. Prioris vix mentio reperitur ante *Gregorium Magnum* : posterioris aliqua exempla extant. Verum septimo saeculo, cum *Summi Pontifices* ordinabantur, jam non *Symbolum*, quod antea fiebat, sed pro *Symbolo* fuit professio fidei, eujusmodi exhibetur in *Diurno Pontificum Romanorum*. Obtinuit vero illa, non tantum ad undecimum saltem saeculum, quo vivebat *Ivo Carnotensis*, qui ejus rei testis est : sed etiam ad tempora *Basileensis Concilii*, quod hanc ab ordinando Pontifice exigit. Mittebat illam Pontifex ordinatus ad patriarchas, suppareque patriarchis præsules *Autocephalos*, ut liquet ex *Gregorio Magno*.

13. *In ea professione nulla fit mentio quintæ Synodi.* — *Pelagius* itaque, qui calumniosè accusatus fuerat apud *Childebertum regem*, quasi de Incarnatione Verbi Divini non perinde sentiret ac sanctus Leo, post laudatum, quem aliis receperat litteris Leonis tomum, militit ad eundem regem laudatam fidei professionem, in qua nullus sermo de *V Synodo*, quoniam adhuc in Galliis male audiebat : fit autem de *Prædestinatione*, et de *vasis misericordiæ*, propterea quod quæstiones ea de re adhuc movebantur in regno *Childeberti*, quamvis *Arausicana Synodus II* habita anno *DLXIX* sententiam dixisset, eamque *Bonifacius II* confirmasset. *Mabillonius* in *Museo Italico* tomo 1, pag. 151, refert se vidisse Romæ in *Bibliotheca Capranica*, professionem fidei, ejus titulus : *Professio, quam fecit Benedictus Cajetanus*, postea dictus *Bonifacius VIII* post suam assumptionem anno *CCCLXIV*, cum glossa super eamdem : ejus glossæ auctor ait, se predictam professionem reperisse multis in locis, asserentibus, qui eam exhibebant, « quod

Bonifacius papa VIII miserat regi Franciae scire volenti, an habuisset ipse introitum canonicum in papatu. Et inter alia, quae rex allegabat, quod ad hoc Romanus Pontifex teneretur, inducebat Epistola papæ Pelagii Gilberto (legendum, Childeberto) regi Franciae pro causa simili destinatam ». Ita Glossator.

44. Chramni adversus Clotarium patrem rebellio. — A num. 37 ad 43. Marius in Chronicis post consulatum Basilii anno xiv, Christi scilicet superiori, ait : « Illoc anno Theudobaldus rex Francorum obiit, et obtinuit regnum ejus Clothacharius, patruus patris ejus. Eo anno Chramnus filius Clothacharii regis, sollicitante Childeberlo patruo suo, ad ipsum latebras dedit. Eo anno Saxonibus rebellantibus Clothacharius rex cum gravi exercitu contra ipsos dimicavit ; ubi multitudo Francorum et Saxonum ceciderunt ; Chlotarius tamen rex vicer abscessit. Eo tempore Buccelenus dux Francorum in bello Romano cum omni exercitu suo interiit ». At Theodebaldu rex et Buccelenus seu Butilinus dux anno DLII in vivis excessere, et Saxonum rebelli eodem anno, quo Butilini mors contigit. Legenda quæ de his dixi ad annum DLII et seqq. Praeterea Gregorius Turonensis lib. 4, testatur, post *Theodebaldi* mortem Clotarium, *Chramnum* filium suum in Avernum direxisse, et capp. 13 et 16, res ab eodem Chramno nefarie gestas fuse persequitur. Tum lib. 4 de Gloria Martyrum cap. 66, a Chramni ministris multa scelerate in Arvernia facta esse narrat, reterque penas a Deo illatas iis, qui Oratorium dominus Iciacensis, ubi sancti Saturnini reliquiae habebantur, furtim appetiere. Sed haec Chramni adversus patrem rebellio alligatur in Auctuario Marcellini anno xv P. C. Basilii V. C. Christi se. currenti.

45. Initium ducatus Bajoariæ. — Initium duum Bajoariæ ab hoc anno repetendum ; cum *Garibaldus* ex iis primus sit, cuius veteres auctores meminere, uti observat Henricus Valesius lib. 24 Rer. Franc. pag. 465. Recentes quidem ejusdem gentis Historici, uti Aventinus, aliique, qui post ipsum scripsere, *Theodonem* et *Utilonem* primos Boiorum duces statuunt, et principatum illum anno quingentesimo octavo institutum volunt ; sed non solum sine teste, verum etiam cum magna Historiæ confusione ; quia *Theodo* et *Utilo*, sicuti et quidam alii ab iis propositi, commentitii sunt, et alii quidam geninati, ut duces qui post saeculum septimum vixerent, cum iis, qui dicuntur hoc et sequenti saeculo floruisse, conferenti manifestissimum fiet. Non potuit autem Bajoaria Historia depravari, et fabulosis narrationibus deturpari, quin labes illa in Historiam Ecclesiasticam, cuius duces illi pars existunt, redundarit. Quare accurate nobis hic eorum series exhibenda, et Historia illa, quantum ad ea, quae cum Annalibus Ecclesiasticis connexionem habent, fabulis purganda. Turonensis itaque lib. 4, cap. 9, postquam scripsit Theodebaldu Francorum regem naturæ debitum solvisse, quod anno DLII accidisse diximus, ait : « Regnum ejus Clota-

rius rex accepit, copulans Vuldotradam uxorem ejus strato suo. Sed increpilus a sacerdotibus reliquit eam, dans ei Garivaldum ducem », scilicet Bajoariæ.

16. Garibaldus primus Bajoariæ dux. — Paulus diaconus lib. 1 de Gest. Langobard. cap. 21, haec confirmat, proditque Wachonem Langobardorum regem duas habuisse filias : « Nomen uni Wigarda, quam tradidit in matrimonium Theodeberlo regi Francorum ; secunda autem dicta est Walderada, quæ sociata est Cuswald, alii regi Francorum, quam ipse odio habens, uni ex suis, qui dicebatur Geripald, in conjugium tradidit ». Ubi duo errores corrigendi; alter librarii, alter ipsiusmet Pauli, qui de rebus regum Francorum saepe non bene edocetus fuit. Loco enim, *Cuswald*, legendum, *Teuwald*, id est Theodebaldo. Editio Gruteri magis depravata, habet enim *Cusupald* juxta Ms. Palatinum. Ex Turonensi emendandus Paulus, qui vult, Theodovaldum *uni ex suis, qui dicebatur Geripald*, Waldradam in conjugium tradidisse. Id enim a Chlotario, non vero a Theodovaldo factum, et Garivaldus, non regis domesticus, sed dux tributarius, Bajoariæ prefectus. Neque quis dical, *Garibaldum* a Turonensi et Paulo diacono memoratum non fuisse ducem Bajoariæ; infra enim videbimus, eum *Theodelindam* Longobardorum reginæ patrem extitisse, et Bajoariis praefuisse.

17. Christianus fuit. — *Garibaldum* Christianum fuisse ex eo colligitur, quod *Wuldetradam* Theodebaldi Francorum regis viduam strato suo copularit. Praeterea Paulus lib. 3 de Gest. Langobard. cap. 10, ait : « Evin quoque dux Tridentinorum accepit uxorem filiam Garibaldi Bajoariorum regis ». Erat vero Evinus unus e duabus Langobardorum, qui religionem Christianam profitebantur, sed qui haeresi Ariana infecti erant. Denique anno DLXXXIX *Authari* Langobardorum rex legatos ad Bajoariam misit, qui Garibaldi eorum regis filiam *Theodelindam* sibi in matrimonium pelerent. *Garibaldus* rex Bajoariorum a Paulo appellatur, quia duces illi regis nomen affectarunt.

18. Ducatus ille ante hæc tempora non institutus. — Bajoariæ a Clodovei Magui Francorum regis tempore suos duces habebant, uti *Alemanni*; neuter enim populus sine prepositis esse potuit. Sed Bavari nonnisi progressu temporis *Vindeliam*, postea *Bajoariam* appellatam, occuparunt, neque unquam *Theodorico* Gothorum regi, sed principibus Austrasiae dominantibus subditi fuere. *Theodoricus* quidem *Vindeliciam*, seu ultramque Rhætiam obtinuit, sed Bajoarii nullam tunc ejus parlem incolebant, et nonnisi post ejusdem *Theodorici* et *Amalasuntha* ejus filiae mortem in ea sedes fixere, cum nempe Ostrogothi a Justiniani imp. ducibus sub jugum missi fuere, et *Theodebertus* Francorum rex *Vindeliciam* et *Venetia* provinciam sibi subdividit. Tunc enim Bajoarii in *Vindelia* parteque Norici constituti, et hæc regio *Bajoaria* appellata. Loca vero ab eis antea inhabitata *Alemannis* con-

cessa, qui ab eo tempore nemine contradicente, in eis morati sunt, *Leko* flumine, quo Augusta Vindelicorum alhuitur, Alemannos a Bajoariis dividente. Licet itaque *Theodoricus* Italiæ rex supremus Vindelicie dominus fuerit, nunquam tamen Bajoariis praefuit, quia tunc hi *Theodorico* Francorum regi parchant, nondumque regionem postea Bajoariam dictam habitabant, sed pendebant ab *Austrasice* rege, uti etiam Alemanni, quibus ulrisque *Theodoricus* Francorum rex leges tunc dedit, de quibus suo loco sermo erit. *Garibaldus* post suum cum Waldrada matrimonium, Francorum ope ditiones ab Ostrogothis anissas aut derelicias sue potestatis fecit, et *Justinianus* imp. recuperande Italiæ totus intentus, de Vindelia tunc Bajoaria dicta parum curavit. Ex quibus perspicuum fit, Bajoarie duatum anno **DVIII** et multis cum consequentibus nondum initium habuisse.

19. *Franci a Saxonibus devicti.* — *Marius post consulatum Basilii anno xv*, hoc scilicet anno scribit: « Eo anno iterum rebellibus Saxonibus Clotarius rex pugnam dedit; ibique maxima pars Saxonum cecidit. Eo anno Franci totam Toringiam, pro eo quod cum Saxonibus conjuraverat, vastaverunt. Ipsis diebus Chramnus collecto exercitu regionem patris sui devastat ». Verum præterquam quod *Marius*, anno uno tardius secundam hanc Saxonum rebellionem consignat, non Saxones a *Francis*, sed hi a Saxonibus devicii sunt. Rem enim aliter narrat *Gregorius Turonensis* lib. 4, cap. 14, et post eum *Continuator Marcellini*, ad annum post consulatum Basilii **xiv**, qui Christi est **DLV**. « Hoc tempore », inquit continuator, « Saxones iterum Clothario rebellantes, cum ab eo peterentur hostiliter, eique pro satisfactione dimidiimi rerum suarum offerrent; idque exercitus Francorum refutans eo invito (Clothario nempe rege) pugnasset, magna ab eis (scilicet Saxonibus) caede prostritus fugae præsidium petiit ». Addit *Gregorius Turonensis*: « Tunc Clothacharins valde confusus pacem petiit, dicens se non sua voluntate super eos venisse. Qua obtenta ad propria rediit ». A *Gregorio Turonensi*, et *Marcellini Continuator* non discrepat *Fredegarius* in Epitome *Gregorii* cap. 51.

20. *Pax Romanos inter et Persas sancita.* — Ad num. 43. Victoria Romanorum de *Persis* in Colehide, quam ex *Agathia* lib. 2 narrat hoc anno *Baronius*, pertinet ad annum **DLII**, ut ibidem expo-

suimus. Hoc vero anno *Chosroes* considerans, se non posse in Colchica regione, adversus Romanos exercitum ducere, quod longis desertisque itineribus in castra sua etiam exiguum commicatum, nonnisi per bajulos, et jumenta oneraria difficulte mittere cogeretur, totum bellum deponendum censuit. *Byzantium* ergo cum legatione mittit virum quemdam Persam maximæ auctoritatis, cui nomen erat *Zich*. Is cum ad *Justinianum* imp. venisset, tandem ita inter eos convenit, ut Romani, et Persæ in Lazica regione omnia refinerent, quæcumque belli jure obtinuerint. Ita maximæ et dubiae inter se potentiae nationes, ut convenerat, arma deposuerunt, quietæque diutissime manserunt. Haec summarie ex *Agathia* in fine lib. 4 et initio lib. 5. Pacem illam currenti anno compositam fuisse colligo ex *Theophane* anno *Incarnat*. secundum *Alex.* **DXLVIII** kalend. Septemb. superioris Christi anni inchoato: « Mense Decembri variis in civitatibus hominum, maxime vero puerorum mortalitas pervagata est. Maio pariter mense panis raritas *Byzantium* afflixit: populus pie in angustias conieclus, ad imperatorem vociferatus est: Domine, da urbi abundantiam. Tum in ipsis natalitiis spectaculis Persarum legatis in Circu consideribus præfecti domum everterunt: ex quo indignatus imperator præfectum *Musonium* tetrum adeo facinus aggressos detineri, et in eos severius animadvertisi jussit. Imperator siquidem indoluit populi factiones coram Persarum legato in eum impudenter vociferatas: vini enim laridique, et eujustilibet ciborum speciei ubertas erat quam maxima: tantum frumenti et hordei penuria ». Ex hac Persica legatione, annoque quo ea obita liquet, *Agathiam* continuationem *Historiæ Persicæ*, a *Procopio scriptæ*, exordiri ab anno Christi **DLI** cum ab eo ad currentem, nullum annum ab *Agathia* memoratum, et a verno tempore inchoatum prætermisimus nullumque in duos, ut ab aliis factum, sequerimus. Porro eadem quæ *Agathias*, de ista pace habet *Menander Protector* in *Excerpt. de legationibus* pag. 132, qui ait, tunc ita inter Persas et Romanos convenisse, « donec controversa cum majori cause cognitione et sine armis dijudicarentur », quod et *Agathias* etiam observat, ut anno **DLXII** quo plena pax effecta, videbimus.

S. *Euphronius* dictus est episcopus Turonensis, ut ostendam anno **DLXXIV**, num. 47.

PELAGII ANNUS 3. — CHRISTI 557.

1. *Ingens terræ motus.* — Quinquagesimus septimus supra quingentesimum Christi annus, idemque post consulatum Basiliæ decimus sextus in Fastis inscriptus, Constantinopolitanis admodum luctuosus ob ingentem rursus repetitum terra motum ipsam urbem horrenda denuo quassatione concutientem, extitit. Agathias enim post recensitas anni hujus res gestas, nimirum quæ facta sunt hieme adversus Rusticum et Joannem duces exercitus capite damnatos ob necem illatam Choleorum regi Christiano Romani imp. socio; et bella quæ prospere confecta sunt adversus Misianos, qui defecerant a Romanis ad Persas: postque enarratum supplicium superbissimi Persarum exercitus ducis, quem ob male remi gestam Cosrhoes rex execrari jussit: post denique de regibus Persarum, ejusdemque gentis moribus plura fusius pertractata: quæ funesta hoc eodem anno Constantinopoli autunni tempore contigerunt, ita scribit¹:

2. « Paulo antequam hæc gererentur, iterato Byzantii vehementer adeo terra movit, ut omnis fere collapsa civitas sit. Hunc terræ motum et alter tanæ magnitudinis insecentus, quante (ut reor) nunquam antea fuerat; nimirum qui sit ex aestuantibus aquis, salientisque terræ perseverantia factus: et is sane eo horridior videbatur, quod et pleraque periculosius occurrebat. Exierat namque autunni jam tempus, et pro nominibus ex Romana consuetudine symposia peragebantur. Frigus tunc erat, quale per id esse tempus decebat; solque in occiduum vertens, in Capricornum deferebatur: eum interea circa mediae noctis custodiā civibus altiore sonno detentis et iam quiescentibus, derepente id malum invasit, atque adeo ut a fundamentis omnia quaterentur: motusque ipse, etsi in principio statim violentissimus fuit, in majus tamen continenter excrevit, ita ut alio addito ad id incremento, in immensum evaderet.

3. « Denum itaque omnibus excitatis, ejulatus undique, complorationesque exaudiebantur, et vox item illa quæ in hujusmodi malis afferri sponte ad

Deum solet. Nam sonitus quidam gravis, ferusque perinde tonantis e terra stridor, fragorque remittebantur, remisosque ventorum turbines subsequerentur, et terrorem ingeminabant paventibus: si quidem terrestris spiritus quidam fumosa nebula nescio quo pacto sursum versus expulsus desæviebat et turbulentior et sonorus: quo territi homines et pavore correpti, mentis quadam torpedine, e domiciliis se proruebant: tum publicæ angustioresque viæ multitudine complebantur, tanquam non domi deperituri, si pereundum jam esset: nam frequentia, continuata, connexaque invicem ejus urbis ædificia sunt, atque adeo ut vix locum subdio situm, apertumque, et omnino non adjacente ædificio altero vacuum reperiatur quisquam. Sed aliquin eum ad superiora dirigerent oculos, et utcumque cælum spectarent, Deumque hoc pacto deprecarentur; summitti timor animi omnis et perturbatio denique sensim his videbatur, et perinde leviter cadente nive irrigabantur, atq[ue]rre jam degavati: haud tamen vel ita affecti tecta iterato subibant, ni forte sacras ædes inissent nonnulli, eodemque provoluti ex Deo opem deposcerent.

4. « Videre tunc liquisset feminarum vim maximam, nec infimæ sortis, sed familiæ honoratissimæ eum viris simul deferri, et turbæ immisceri, omnem ordinem et pindorem confundi, nec eujusvis conditionis homines præ formidine sine ullo discriminè proculcari. Dominos præterea servi aspernabantur, nec dicto parabant, eum majore quodam terrore victi se in templâ reciperen. Haud securi inferiores privatique homines magistratus gerentibus sine ullo honoris respectu permixti jam aderant, ut ex communi omnibus incidenti periculo, universis existimantibus se non longe post perituros. Frequentiores ea sunt nocte eversæ domus, et præsertim in regio (urbis arx regium est) quam multa præterea et incredibilia contigere. Nam alibi forte sive lapide tecta, sive ligno adficata, velut renuntiata compage hiantia, ab invicem divellebantur, ita ut aether inde astraque nihil secus ac sub diu conspicerentur, ac mox iterato in pristinam compaginem coibant. Alibi vero columnæ e superiori

¹ Agath. 1. m.

domicilii loco firmius collocatæ, violentia exæstuantis motus depulsæ executiebantur, supervectæque proximas domos, ad eas quæ longius aberant, veluti funda emissæ evehebantur, et fragore ingenti omnia conferebant. Alibi vero horribilia accidebant, sed alias sepe et superioribus temporibus faela, et ut in posterum fiant necesse est, quoad usque terra hæc superest et humanæ naturæ peccata : tunc tamen in majus omnia occurserunt. Nam e turba magna vis hominum et obseuriorum interiit. Ex his vero qui senatorum numero essent adscripti, solus Anatolius perii, vir sane consularis dignitatis honoratissimus; ad quod accedebat, quod imperatoris domus ut curam susceperebat, sic et esset bonorum omnium proœctionem nactus.

5. « Is itaque eum suo et consueto lectulo quiesceret, marmoris juxta se frustum in cubiculi ædificio stabat pulchre atque decenter elaboratum, qualia parietibus solent ad ornatum et ostentationem, non ad necessitatem per eos affigi, qui istiusmodi supervacaneis inhiant rebus, non admodum necessariis ornamenti. Ea igitur saxi moles præ nimio motu diffracta laxataque e pariete pulsa huic in caput concidit dormienti, et plane contrivit. Anatolius vero tanta mole oppressus ad id modo sufficit, ut graviter ex cordeque ingemiscens, eodem tamen in lecto procumberet moribundus. Hæc noctu.

6. « Die autem comparente, per quam libenter se invicem eives continebantur, cum obviam offerrentur amantissimi quique et familiarissimi : complorationeque mutua cæteræ se turbæ insinuantes, alternisque singuli pro data redditaque ultra salutem, etsi sui jam desperantes, voluptate afficiebantur. Interca vero dum Anatolius in sepulcrum effertur, e plebe homines quidam (ut fit) dictitare, non injuria eum hoc mortis genere fuisse affectum, quippe qui injustissimus fuerit, et quam multis multa subtraxerit; et facile confirmare, descriptas illas per eum tabellas sub puniceas vestes hunc sibi denum exitum habuisse, quas sub prætextu in imperatorem benevolentiae in domos felicium frequenter congesserat, et hac via omnia sibi vindicasset, violassetque impudentius simul et fregerit quæ testamento mortui delegassent, abire in rem malam legibus jussis, quæ liberos velint in paternæ substantiae hæreditatem succedere. Istiusmodi vulgaris submurmurando, tanti casus compertam habere se causam opinabatur ». Et inferius, post nonnulla de Anatolii repantino obitu disputata, cœptam semel de terræ motu narrationem prosequitur verbis istis :

7. « Tunc igitur, et deinceps dies quamplurimos terra movit : brevior tamen, nec qualis tunc primum hic motus invasit, sed validus alioquin. ut qui reliqua quæ Byzantii essent concuteret. Tunc portenta mox quedam et prædictiones absurdæ in vulgus temere divulgari, et mundi hanc machinam prædicari quam concitatissime collapsuram. Nebulæ præterea quidam et deceptores, veluti divini

quidam et vates sponte sua circumire, et sibi visa prædicere, terroresque multis incutere ; quibus facile poterat, ut antea territis, persuaderi. Hi itaque sive incassum furere, et pravo agitari dæmonie se simularent, gravissima quedam passim jactabant, et tanquam ex adnata sibi pravorum dæmonum specie fuissent futura edocti, deque suis admodum furiis jactarentur. Alii præterea astrorum decursus, figuræque animo agitantes, majores calamitates, et perinde communem rerum eversionem fore significabant. Itaque terrore omnes percellebantur ». Quomodo autem et ob præsentia quæ aderant mala, et futura quæ timebantur, populus sibi timens totus esset in supplicationibus, idem sic adit auctor :

8. « Eorum tamen nemo qui affuerint, sibi non admodum formidolosus terrore obstupescet. Unde et supplicationes publice factæ, hymniisque supplices, universis adstantibus ad id unum coactis, exaudiensbantur. Quin etiam quæ verbo tenus antea laudassent, sed factis rarius confirmassent, tunc mira animi promptitudine exsequebantur : æquitatem præterea universi in suis commerciis præferabant ; ita ut vel principes civitatis, lueri cupiditate rejecta, ex lege causas vindicarent : tum alii etiam, etsi potentes, taciti secum quiescere, justioraque facere, et a turpissimis abstinere. Nonnulli vero immutato prorsus vivendi more, solitariam potius vitam et in montibus ducere maluerant relictis honoribus, pecuniisque et ejusmodi cæteris quæ suavissima dicunt mortales ; vel forte in sacras ædes, sacrosque viros collatis. Noctu præterea primores urbis publicas circumveeti vias abunde cibis, vestituque miseros quosque et calamitosos donabant, quorum plerique ut corpore mutilati in terram projecti tunc forte emendicabant. Hæc ferme per tempus aliquod gesta, et quandiu recens timor incubuit. Postquam vero sublevari parumper discriben est visum, confessim ad pristinam rediere plerique consuetudinem : dum enim necessitas urget, et formido ingruerit, quæ recentiora sunt factu, utrumque et leviter degustamus ». Hæc Agathias ; qui et post diversorum sententias de terræ motu causa allatas, de Justiniani studio ista subdit :

9. *Templum S. Sophiae.* — « Per eam itaque hiemem in his malis civitas versabatur, adeo ut ad plurimos dies terra visa sit commoveri, etsi minus concuteretur : insederat id hominum mentibus, et suspicio inerat animi cogitatus obturbans. Imperator interea ædificia pleraque quæ putrentia et debilia essent, vel forte prolapsa, instaurare nitebatur. Sed curæ illi præcipue fuit Dei illud maximum et egregium templum, quod antea ipse per populum quondam incensum, conspicuum et admirabile iterato construxerat, et ut pristina magnitudine excellentius, ita et formæ decore et metallorum varietate ornarat ». Et paulo post : « Erat in eo pars quedam testudinis et intermedia quidem, quæ cæteras superaret ædificii partes, terræ motu excusa ; quam imperator longe firmius exædificari curavit ». Quo-

modo autem id factum sit docet, asserens insuper de eodem mirabili ædificio extare egregium poema Pauli Flori viri majorum nobilitate clarissimi atque inter præfectos insignis, cujns etiam argumenti edita reperirentur egregia alia poemata. De eodem quoque templo præter illa quæ a Procopio¹ scripta habentur, Evagrius ejus structuram, situm, et dimensiones capite uno complexus est : quod hic describere, haud supervacaneum esse putamus. Ait igitur² :

10. « Idem Justinianus Constantinopoli cum alias multas sacras aedes pulcherrimo artificio elaboratas Deo et sanctis erexit, tum insigne illud et præ ceteris eximium, amplissimum dico Sophiae templum extruxit : quod quidem tale fuit, quale non aliquando visum fuisset, quodque ornatu et splendore adeo excelluit, ut nulla dieundi vi facile explanari posset : at ipse tamen illud pro virili describere conabor. Testudo sanctuarii quatuor fornicibus in sublime erecta, et ad tantam sublata attitudinem, ut ad ejus hemisphærii fastigium acies eorum qui infra ad basim consistentes oculos sursum tollebant, agre penetrare posset : et qui supra stabant, etiamsi valde essent animosi, despicer neutiquam auderent, oculosve ad basim dejicere. Fornices a solo usque ad tectum (usque eo namque eriguntur) penitus vacant. In dextro templi latere sunt homini ingredienti ad lævam columnæ ordine locatae, quæ ex lapide Thessalico confectæ sunt : sunt etiam alta tabulata aliis columnis similibus suffulta, in quibus si qui volunt, mysteria peracta videre possunt. In illis quoque imperator, diebus festis, dum sacrosanctæ mysteriorum celebrationi interesset, assidere solet. Quæ quidem partim versus orientem solem, partim occidentem versus sic diriguntur, ut minime impedimento sint, quoniam nus amplitudo talis operis spectari queat. Porro autem porticus eorumdem tabulatorum, quæ infra, columnis parvisque fornicibus operis extremitates ambiunt. Verum quo magis admirabilis ædificii fabrica velut ante oculos cujusque versetur, visum est hoc loco intexere, quot pedes ejus longitudo

¹ Proc. l. i. ædific. Just. imp. — ² Evagr. l. iv. c. 30.

contineat, quot altitudo, quot latitudo, et de fornicibus eodem modo quot pedes vacuuus eorum complectatur ambitus, quot denique eorum altitudo : sic igitur se habent :

11. « Longitudo a porta quæ a regione sacræ conchæ, in qua incruentum offertur sacrificium, sita est, ad ipsam concham usque pedes continet centum nonaginta latitudo a parte septentrionali ad Borealem pedes centum quindecim. Altitudo ab ipso punto in vertice hemisphærii ad solum usque pedes centum octoginta. Latitudo autem cujusque fornicis pedes habet sexaginta sex. Longitudo totius templi ab Oriente ad Occidentem pedes ducentos sexaginta. Latitudo vero τοῦ ἐνθέτου illius pedes continet septuaginta quinque. Sunt præterea versus solis occasum aliae due porticus valde eximiæ, et atria undique sub dio posita ». Hucusque de Sophiae templo Evagrius. De cujus sacra mensa ista Cedrenus : « Sacram quoque mensam tum fecit, opus imitatione multa æquandum : constabat vero auro, argento, omnisque generis lapidibus, lignis, metallis, omnibusque rebus, quas terra fert, mare, et totus mundus : ex omni materia pretiosiora plura, viliora pauciora collegerat : liquatisque his que fluunt, secca illis immiserat, atque in formam mensæ absolverat. Itaque varium illud opus continentibus stuporem conjiciebat. In orbem hanc habuit inscriptionem :

TUA DE TUIS TIBI OFFERIMUS SERVI TUI CHRISTE JUSTINIANUS ET THEODORA. EA TU PROPITIUS ACCIPE FILI DEI VERBUM QUI NOSTRI CAUSA CARNEM ASSUMPSISTI ET CRUCI AFFIXUS FUISTI. AC NOS IN TUA RECTA FIDE CONSERVA. ET QUAM NOPIS COMMISSISTI BEMP. EAM AD TUAM GLORIAM AUGE ET TUERE INTERCEDENTE SANTA DEIPARA VIRGINE MARIA.

Hactenus inscriptio. Rursus vero de eodem sumptuoso ornatu meminit Agathias, ubi ait : « Hujus ex versibus nosse insuper poteris, sanctius illud saeculum argento auroque constare, et in mysteria duntaxat sepositum pretiosissimis rebus et mira varietate ornatum ». At de his modo hactenus.

Anno periodi Graeco-Romanæ 6050. — Olymp. 331. — Anno Æra Hispan. 594. — Jesu Christi 557. — Pelagii papæ 3.
— Justiniani imp. 31.

1. *Postconsulatus.* — Hic annus ista formula notatus : *Post consulatum Basili V. C. XVI*, vel secundum aliquos, *post consulatum Basili V. C. anno XVII*.

2. *Terræ motu Constantinopolis concutitur.* — Ad num. 1 et seqq. Theophanes anno Incarnat. secundum Alex. dL, kalendis Septemb. hujus Christi anni inchoato, scribit : « Hoe anno, mensis Octob. die sexto, Indict. sexta, sub Sabbati (quod hoc anno in diem vi Octob. incidit) crepusulum ingens terræ motus extitit : et mensis Decemb. xiv alius pariter fuit plane horrendus : adeo ut duo muri Constantinop. urbis, qui nimurum Constantiniacus, et qui a Theodosio dicitur exstructus, damnum paterentur, etc. Quin etiam in aliis civitatibus idem contigisse relatum. Paris enim et æque magni terribilisque terræ motus famam, ea hominum ætate, per universum terrarum orbem se audivisse, nemo meminit. Concutebatur continuo terra diu noctuque per dies integros decem, non ab alienata penitus Dei clementia, et ad breve spatium homines processionum precibus attenti ad pœnitentiam sunt revocati : Dei vero humanitatem securius experti, in deteriora rursum facinora retro lapsi sunt. Imperator interim stemma capiti per dies quadragesima non imposuit : sed et absque corona sacris Christi natalitiis ad Ecclesiam processit : adeo ut agitata, ut moris est, ad novemdecim accubitus convivia, penitus cessaverint, et eorum pretium in pauperes in sumpserint ». Cedrenus habet : « Convivia duodecim spatio circa Christi Natalem agitari solita ». Agathias lib. 5, hunc terræ motum pluribus describit, ut videre est apud Baronium, qui hoc anno, de eo tantum agit.

3. *Pelagius varias Epistolas scribit.* — Illoc anno Flavianus diaconus et Nestorius subdiaconus Ecclesiae Arelatensis Romam venerunt, eum litteris ad Pelagium direclis, non tantum a Sapaudo episcopo Arelatensi, sed etiam a Childeberto rege, quorum rogatu Pelagius vices Pontificias, et usum pallii Sapaudo concessit, litteris ad Sapaudum datis III nonas Februar. anno XVI P. C. Basili V. C. Litteræ ad Childeberlum sunt sine die et consule. De utrisque anno superiori num. 6 egimus. *Sapa-*

dus vero vices Romani Pontificis, non ut decessores Auxanius et Aurelianus, per eam tantum Galliæ partem, cui Childebertus dominabatur, et per provincias, in quas episcopus Arelatensis, cum metropolitanus esset primi ordinis, jus metropoliticum exercebat; sed per universam gessit Galliam, ut liquet ex laudatis Pelagi litteris. Denique Pelagius Childeberto misit confessionem sue fidei per eosdem Flavianum et Nestorium, in litteris quas *idibus Aprilis* ad Sapaundum seripsit, ut anno praecedenti videre est.

4. *Concilium Parisiense.* — Concilium Parisiense III, de quo Baronius anno DLI, ad hunc annum pertinet.

5. *Moritur S. Cyriacus anachoreta.* — Hoc anno sanctus Cyriacus, qui jam super centum et septem annos vixerat spiritum Deo reddidit. Metaphraste quidem in ejus Vita, grece tom. I Analect. Græc. publicata, annum et diem mortis ejus tacuit; sed cum asserat, *tempus ejus ortus* fuisse finem imperii Theodosii junioris, et annum ejus XVIII cum nono imperii Leonis Magni, qui Christi est CDLXV conjugat, natus erat anno quadragesimo quinquagesimo octavo, idque saltem ante diem quintum Martii; cum ea die an. CDLXXIV jam vicesimum septimum ætatis annum inchoasset, ut ex ejus Vita liquet. Corintho, ubi natus erat, in lectoris gradum, in tenera adhuc ætate coaptatus, relicto, Hyerosolymam venit, et ad Lauram sancti Euthymii accessit, qui eum misit ad sanctum Gerasimum juxta Jordannem, et uterque post aliquot annos Euthymium, cum ea qua par est reverentia, sepeliere. Mansit postea Cyriacus in variis locis solitariis. Cum vero Susacim solitudinem petisset, in qua anachoretarum nullus, neque manserat, neque pertransierat aliquando, et septem illic annos transegisset, rediit in Lauram Sueæ anno Christi DLI, ad beati Charitonis cellulam quintum annum exegit, et Origenistas strenuissime expugnavit. « Tunc quoque admirabilis Cyrilus, qui a magni Euthymii ad beati Sabæ Lauram accesserat, ut Joannem Silentiarium episcopum videret, fit ei minister litterarum ad beatum hunc Cyriacum », inquit Metaphraste in ejus Vita, qui de hujus sancti virtutibus plura ha-

bet. Est Cyrilus iste Scriptor Vitæ SS. Euthymii et Sabæ, qui in iis quæ de utroque, et de Joanne Silentiario litteris mandavit, omnem fidem meretur;

cum testis oenatus fuerit. Colitur *Cyriacus* die xxix Septembris (1).

(1) Hoc anno Manichæos Ravennæ detectos populus insectatus ad intercessionem delevit, ut ex Agnello in Pontificali Ravennatensi discimus; qui et testatur hæc accidisse ante tres annos ab obitu Pelagi I, Pontificis Romani, adeoque hoc anno vel subsequenti. MANSI.

PELAGII ANNUS 4. — CHRISTI 558.

1. Dira pestis, unde Justiniani sanctiones ad sceleram compescenda. — Quingentesimus quinquagesimus octavus sequitur Christi annus, post Basilii consulatum decimus septimus, idemque Constantinopolitanae civitati ob novas ingruentes clades plane miserrimus, longeque superiori funestior: etenim ille ultima sui parte ob terræ motum dunataxat infelix, hic vero peste belloque semper ærumnosus extitit. Complectitur breviter Agathias lugubrem tragœdiam verbis istis¹: « Eodem anno, vere jam ineunte, drepente et iterato urbem pestilens morbus invasit, et infinitam sustulit multitudinem: haud tamen prorsus cessavit, ex quo tunc primum anno Justiniani imperii quinto irrepere hanc nostram regionem occœpit ». Qualis vero ejusmodi contagio esset, ita inferius: « Interibant autem repentina morte quam multi tanquam apoptexiæ gravi morbo correpti: qui plurimum resistebant, ad quintum vix diem vita defungebantur ». Sed et qualis esse soleret febris quæ hos perurgebat, narrare pergit.

2. « Ad tanta hæc avertenda mala, pestis seilicet et terræ motus, Justinianus imperator haud dubius ob peccata divinitus ejusmodi immitti flagella, hanc ad populum Constantinopolitanum edidit sanctiōnem²:

« Omnibus hominibus qui recte sapient, manifestum esse putamus, quia omne nobis est studium et oratio, ut crediti nobis a Domino Deo bene vivant, et ejus inveniant placationem: quoniam et Dei misericordia non perditionem, sed conversionem et salutem vult: et delinquentes qui corriguntur, suscepit Deus. Propter quod vos omnes invitamus, Dei timorem in sensibus accipere, et invocare ejus placationem: et novimus, quia omnes

qui Dominum diligunt, et misericordiam ejus sustinent, hoc faciunt. Igitur quoniam quidam diabolica instigatione comprehensi, et gravissimis luxuriis semetipsos inserunt, et ipsi naturæ contraria agunt: istis injungimus, in sensibus accipere Dei timorem et futurum judicium, et abstinere ab hujusmodi diaboliceis, et illicitis luxuriis: ut non propter hujusmodi impios actus ab ira Dei justa inveniantur, et civitates cum habitatoribus earum pereant. Docemur enim a divinis Scripturis, quia ex hujusmodi impiis actibus et civitates eum hominibus pariter perierunt.

3. « Et quoniam quidam ad hæc quæ diximus et blasphemæ verba et sacramenta de Deo jurant, Deum ad iracundiam provocantes: istis injungimus, abstinere ab hujusmodi et aliis blasphemis verbis et non jurare per capillos et caput et his proxima verba. Si enim contra homines factæ blasphemiae impunitæ non relinquuntur: multo magis qui ipsum Deum blasphemant, digni sunt supplicia sustinere. Propterea igitur omnibus hominibus hujusmodi præcipimus a prædictis delictis abstinere, et Dei timorem in corde accipere, et sequi eos qui bene vivunt. Propter talia enim delicta et famæ et terræ motus et pestileniæ fiant: et propterea admonemus abstinere ab hujusmodi prædictis illicitis, ut non suas perdant animas. Sin autem post hujusmodi nostram admonitionem inveniantur aliqui in talibus permanentes delictis; primum quidem indignos semetipsos faciunt Dei misericordia, post hæc autem et legibus constitutis subjiciuntur tormentis.

4. « Præcipimus enim gloriosissimo præfecto civilis regiæ, permanentes in prædictis illicitis et impiis actibus post hanc admonitionem nostram comprehendere, et ultimis subdere suppliciis, ut non ex contemptu talium inveniatur et civitas et Respublica per hos impios actus lædi. Sin autem

¹ Agath. l. v. — ² Nov. LXXVII.

post hanc nostram suasionem quidam tales inventientes hoc supercelaverint, similiter a Deo Dominu[m] condemnabuntur. Ipse etenim glorioissimus praefectus si invenerit quosdam tale aliquid delinquentes, et vindictam in eos non intulerit secundum nostras leges: primum quidem obligatus erit Dei iudicio, post haec et nostram indignationem sustinebit ». Hucusque imperator: qui dum famem, terrae motum, et pestem per ejusmodi delicta illata refert, nec de barbarica grassatione quicquam meminit: inde adducimur ut credamus eam hoc anno latam esse, sed ante Hunnorum adventum, qui tempore autumni contigit, ut Agathias docet. Verum primo quid Glicias his addat; audi:

5. « Cum, inquit, reperti quidam essent illicitis utentes amplexis, tanquam in triumpho per urbem, verebris prius amputatis, ducti sunt. Horum in numero quidam magnates et pontifices erant, qui hoc modo circumducti vitam misere finiebant ». Sed haec expressius accipe a Cedreno, dum ait: « Anno secundo Isaia Rhodi et Alexander Diospolis Thracie episcopi, aliquie multi deprehensi sunt masculorum corruptores. Horum alii veretur amputari jussit imperator, alii calamis acutis in meatus genitalium inseri, eosque nudos in forum quasi in triumpho produci. Fuerunt et civium ac senatorum multitudo, et pontificum summorum non paucia in eadem culpa: qui castrati et publice nudi in forum producti, miserabiliter perierunt, quoque exemplo reliquos pudicitiam colere docuerunt. Tulit Justinianus aeres leges contra impudicos, etc. » E quibus eam hoc tempore latam esse quam diximus, ea quae sunt dieta ex Agathia de terre motu atque peste satis docent: horum namque scelerum gratia tanta obvenisse mala, imperator ea est edita sanctione conquestus. Verum nec tante maculae tantis sunt absterea flagellis, quae olim nomini igne immisso cælitus dilui meruerunt. Nam audi ab eodem auctore Agathia¹, que hoc eodem anno autumni tempore mala Constantinopolim oppresserunt:

6. *Hunnorum incursiones proxima Constantinopolis loca farde grassantium.* — « Super his autem civitatibus et alia pleraque eodem tempore incidereunt tumultuosa et turbida, nihil minus, quam ea quae diximus, permotesta. Sed qualia fuerint, explicaturi mox sumus, si prius et breviter vetustiora quedam nos transegerimus ». Narratis post haec de Hunnorum gente nonnullis, mox ista subjungit: « Eodem itaque anno, quo pestilentissimum morbum Byzantium diximus invasisse, Hunnorum reliquiae salvabantur, erantque adhuc celebritate, et nomine clari. Descendentes itaque Hunni ad Notum ventum, haud longe ab Istri fluminis ripis pro eorum arbitrio considerabant. Tunc igitur hierne jam ineunte, hujus fluminis aquæ (ut alias semper) nimio præ algore magnam in profunditatem concretæ obstrictæque obduruerant, adeo ut perviae

tam viris essent quam equis jam redditæ. Zaberga igitur Cotrigurorum Hunnorum praefectus magna cum hominum equorumque multitudine dum per constrictos fluminis vortices nihil secus ac terra iter haberet, facilime in Romania ditionis loca pertransit, nimirum quæ deserta jam essent, et prodenniti sibi nihil impedimento fuisset. Quo factum est, ut quamprimum Mæsiam, Seythiamque transgressus, in Thraciam demum pervenerit: quo ubi ventum, exercitus partim in Græcam, ut de improviso sine custodia loca excurreret et populararetur, dimisit, et alias deinceps manus in Chersonesum Thracie ». Ac post nonnulla:

7. « Ipse vero Zaberga cum equitum millibus septem recta ire Constantinopolim pergit, agros depopulando, tentandoque proxima quæque castella, ita ut passim omnia perturbaret ». Et post haec: « Cum itaque prodeuntibus iis nemo obviandum iret, incursions libere factabant; et agros depopulati ingentem avertiebant predam, magna vi captivorum coacta: quos inter et feminae quam multæ ut nobiles, ita et continentissimæ crudelius trahabantur: quæ utique infeliores eo maxime erant, quo et Barbarorum ministrare profusæ libidini cogebantur. Quin etiam Barbari homines plenisque vel e sacramento abductis vim inferebant, quæ a pueritia jampridem nupfis renunciassent et sæculi voluptatibus, ac castam vitam ut degerent, in remoto aliquo domicilio recondenter Deo ad supplicandum idoneo, et id magni facerent, ut semotæ omnino et liberae a quovis hominum contubernio quam procul abessent, quietique se solum permitterent. Erant præterea, quæ cum Barbarorum renuntiant concubitus, vel partui proximæ (si quæ forte istiusmodi esse tunc contigissent) ita distrahebantur, ut si necessitas ipsa pariendi ingrueret, in ipso itinere, in propatulo fœtum mox ederent, nec vecundos possent parlus doctores obtegere, vel hos urgentes significare: unde vel editi plerisque infantes canibus discerpendi, vel avibus in solididine relinquerentur, perinde idcirco essent in lucem producti, et frustra quod nati fuerant hi degustas-

sent.

8. « Rem sane calamitosam, ut eo tandem res Romanorum redactæ jam essent, ut vel in circumjectis regiae urbi locis a Barbaris elsi perpaucis quidem mala haec inferrentur. Quibus famen non eatensis audacia finiebatur; sed urbem versus progrediendo ad Longos (quos nuncupant) muros se facile contulerunt; et præsidii quæ infra hos essent, appropinquabant: jam vero præ vetustate et negligencia majoris castelli dissolutum occiderat ædificium. Tum Barbari ipsi vel stantes in partem aliquam muros, haud secus ac sua intrepide disturbabant: nec aliquid erat quod hos coiceret, cum nullum ibidem esset militare præsidium collocatum, nec ulla ad defensionem tormenta, nec demum (si forte affuisserent) qui ea tractare satis callerent: nec canum latratus audiebatur, nec hominum fremitus: et si non id dictu ridiculum sit,

¹ Agath. l. v.

tanquam pororum in claustris Romani exercitus interclusi manebant, tametsi vel eo numero essent, quo tunc primum et veterum imperatorum tempore recensebantur, et non in minimum partem redacti, hancquam sint tamen imperii magnitudini suffecti ». Enarratis denique, quam florentissimi olim esse soferent atque copiosissimi qui ubique terrarum nutriebantur exercitus, sugillataque ignavia Justiniani jam in senectute non ferro, sed auro Barbaros avertere consueti, talia deplorens tempora, ista subdit :

9. « In scorta, aurigasque et homines ejusmodi effeminatos ac deliciis deditos, civilesque in seditiones tantum intentos et corporum curam, contentiosos, furentes, audaces, et alia demum minoris longe momenti militare stipendum insumebatur. Quo factum est, ut non solum Thracia, sed vel proxima regiae urbi loca deserta jam adeo essent et sine ulla custodiis derelicta, ut Barbaris pervia fierent, et ad incursionses nimium oportuna : nam illi eo evaserant insolentiæ, ut vel ad Melantidem vicum castra posuerint, qui a Byzantio ne centum quidem et quadraginta stadiis abest : quem vicum Atyras circumfluit amnis, qui ferme ex quo progredivi spatio, in Austum ventum sensim declinans, in Propontidem fluxum eructat, ad cuius ripam ipso in exitu promontorium habet porrectius, cuius appellationem et flumen id retulit. Hostibus itaque tam proxime urbem stationem habentibus, civium multitudo et timere primum et pavore percitti, et imminentia mala non sollem qualia essent, sed longe majora animo agitare, somniareque obsidionem, incendia, futuram necessariorum carentiam, moeniumque disruptiones.

10. « Itaque in civitatem, in publicas vias fugæ subito multitudinis factæ, impulsionesque mutuae et pavores, et quidem pertrepidi ita et temerarii, perinde jam Barbari in se impetum fecerint. In forumque ex portarum violento impulsu crepitus ingens jam edebatur: atque adeo ut non modo plebeios obscure sortis homines timor invaderet, sed magistratus omnes, et imperator hanc parvi quæ acciderant faceret. Dehomestabantur itaque imperatoris ipsius permisso sacra omnia tempia extra urbem locata, Europæque e regione, littorique adjacentia loca, quæ ubique e Blanchernis (id loco nomen) initum sumunt, in Pontum usque Euximum porrecta sunt, et in Bosphorum desinunt. Ex his itaque locis quæ pretiosiora essent oblationum cum cætero apparatu his necessario, partim plaustris deferentes intra urbem deposuerunt, partim invecla navigijs, et intermedio trajecta freto in adversum littus in continentem mox devehunt. Videres tunc sacras nudatas aedes suo splendore, sic et ornatae privatas, perinde ac nunquam ante dictas, nec religionis quidquam aut sanctitatis sortitas, sed ut nuper fundatas. Adeo autem terribilia erant et ingentia illa disserimina, tantopere, ut oecursura omnino animis ipsis concepta, ut vel in Syces moenia, Chiscamique portam primores qui-

dam praeflique, et armatorum vis magna insedrent hostes oppugnantium, si se forte invaderent ». Istiusmodi fuit miserandus civitatis status : ex quo quisque reliqua quæ extra urbem, et in aliis tum Thracie tuni Græciae civitatibus, in quas iidem Hunni grassati sunt, ab iisdem sint crudeliter acta, poterit intelligere. Subdit vero Agathias :

11. « Dum interea civitas omnis tumultuando maximum in modum perturbaretur, et Barbari haudquam proxima quæque depopulari intermisissent : Belisarius clarissimus olim præfector etsi præ senectute in curvitatem jam declinasset, mittitur tamen per imperatorem in hostes, eo armorum habitu circumactus, quibus a pueritia jam insueverat : unde et rerum per se quondam gestarum recordatio succurrebat, et ipse quidem de se mira animi promptitudine juvenis munera exequebatur : id namque illi ultimum in vita certamen fuit, nec tamen ex eo minorem retulit gloriam quam ex Wandalis olim Gothisque devictis : siquidem malorum præteriorum et futurorum jam desperatio, ut conatus hosce majores fore, superbioresque arguebant, ita et victoriam perjucundam ». Quomodo vero idem Belisarius non sine labore atque periculo ejusmodi tandem ab urbe propulsaverit infestos Barbaros, idem Agathias pluribus narrat : ac demum quoniam pacto reliquos Hunnos per Thraciam Græciamque grassantes, non armis, sed auro penso annuoque pollicito, ut ad propria redirent, tributo persuasit, atque alias Hunnos, quibus antea idem imperator tributum pendebat, astuto consilio in hos concitavit, idem auctor fusius prosequitur : sed hæc nobis satis ad institutum.

12. *Inertia et crudelitas Justiniani.* — Quam autem justa querela fuerit Agathie ista tempora deplorantis, cum thesauris Romani imperii non copiosissimi ut olim exercitus nutrimentur, sed iidem in aurigas et alios hujusmodi vanos homines impederentur : audi suorum quoque temporum nobilium historiarum scriptorem Evagrium, cum hæc tradit¹: « De alio item Justiniani facto mihi dicendum est : quod quidem sive ex naturæ vitio, sive ex formidine et timore ortum sit, non habeo dicere ; ejus tamen generis fuit, ut omnem belluinam immanitatem longe superaret. Duxit autem initium ab ea seditione populari, quam Nica, hoc est, Vince, vocant. Placuit Justiniano ita vehementer in alteram factionem eorum qui Prasini dicuntur animo propendere, ut impune possent ipso meridie in civitate adversarios trucidare, et non modo non penas metuerent, verum etiam dignarentur honoribus : adeo ut inde multi homicidæ existarent. Liecebat enim illis in ædes alienas irrumpere, thesanos diripere in illis reconditos, hominibus suam ipsorum salutem ac vitam dividere. Et si quis magistratus illos cohibere moliretur, suo ipsis capitum creavit periculum.

¹ Evag. l. IV. c. 31.

13. « Unde certe vir quidam qui gessit in Oriente magistratum, quoniam nonnullos eorum qui rebus novis studebant, nervis coercere voluit, quo modestiores efficerentur : per medium urbem circumductus fuit, nervis graviter caesus. Callynicus porro praefectus Ciliciae, cum duo Cilices Paulus et Faustinus, homicida uterque, in eum impetu facerent, occidereque in animo haberent : quoniam pena ex legibus constituta eos muletavil, in crucem actus est, hocque suppicio pro recta conscientia et legum observatione affectus. Inde factum est, ut qui alterius erant factionis, cum domiciliis suis fugissent, et a nemine usquam exciperentur hospitio, sed velut scelerati ubique exagitarentur, tendere insidias viatoribus, compilare, cedes facere cœperint, usque eo, uti omnia loca nece immatura, direptione, et reliquis id genus maleficiis redundarent. Interdum animo in contrariam sententiam mutato, ejus generis homines interfecit, legumque permisit potestati etiam eos quos ante passus fuisset more Barbarorum in civitatibus impia sclera conciscere. Sed ad ista singillatim prosequenda mihi nec tempus suspetit, nec facultas dicendi. Atque ea quæ diximus, satis esse poterunt ad conjecturam de reliquis ejus facinoribus faciendam ». Hucusque Evagrius de magno legislatore, verumtamen maximo revera juriū proculeatore. At a quibusnam abstinuisse injustis actibus potui, qui nec veritus est in ipsum Romanum Pontificem manum injicere ? Ita miser a pristino illo vite instituto descivit, dum se supra se contra Dei sacrosanctos sacerdotes erexit. Sed haec satis : ad res jam Occidentales.

14. *S. Cassii episcopi Narniensis obitus.* — Hoc eodem anno quem diximus adnotatum post consulatum Basiliī decimum septimum, magnus ille Ecclesiae Narniensis antistes S. Cassius ex hac vita feliciter transiit. Testanlur id ejusdem Ecclesiae vetera monumenta, nempe his versibus ad ejus sepulcrum inscriptio exarata, haud tamen exulta minerva : inter tot enim tantaque bella quibus est Italia devastata, bonarum litterarum campum spineta repleverant :

Cassius immerito præsul de munere Christi,
Quem fato anticipas censors dulcissima v.l.e.
Tu, rogo, quisquis ades, prece nos memorare benigna.
Hic sua restituō terra mihi credita membra.
Ante meum in pace requiescit Fausta sepulcrum.
Cuneta recepturum te nosce congrua factis.

DD. ANN. XXI. M. VIII. D. X.
RE. IN PACE. PR. KAL. JUL.
P. C. BASILII ANN. XVII.

Vides sanctissimum virum ex conjugio (ut aliis etiam plerisque viris sanctissimis contigit) vocalum

ad episcopatum, egregia clariusse sanctitate : cuius præclarā memoriam annis singulis in Ecclesia celebrandam Ecclesiasticæ tabulae reddunt die ipsius natali, qui ita describitur a sancto Gregorio papa¹ :

13. « Vir vilæ venerabilis Cassius Narniensis episcopus, qui quotidiam offere consueverat Deo sacrificium, seque in lacrymis inter ipsa sacrificiorum arcana mactabat, mandatum Domini per eujusdam sui visionem presbyteri suscepit, dicens : Age quod agis : operare quod operaris : non cesseret pes tuus, non cesseret manus tua : natali Apostolorum venies ad me, et retribuam tibi mercedem tuam. Qui posl annos septem, ipso natalitio Apostolorum die, cum missarum solemnia peregisset, et mysteria sacræ communionis accepisset, e corpore exilivit ». Haecen de Cassii transitu sanctus Gregorius.

16. *Joannis Silentiarii obitus.* — Hoc eodem anno magnus ille Joannes cognomento Silentarius ex episcopo anaehoreta, de quo complura superioris tomo dicta sunt, ex hæ vita migrasse reperitur annos natus centum quatuor, ut liquet assertione Cyrilli ejus discipuli, quem Euthymii et aliorum illustrium monachorum res gestas scriptis mandasse diximus : licet agones ejus adversus haereticos, præsertim vero Origenistas, ab aliis conscribendos fuisse testetur : quamobrem ipse de sancto præclariora pretermisso videri potest. Sed audi ipsum ita perorantem : « Haec quidem pauca ex multis selecta mandavi litteris, mittens narrare ejus de fide certamina, quæ suscepit adversus Origenis, et Theodori Mopsuestiæ dogmata, et eorum qui ea defensabant, et persecutions quas congruerter Evangelio pro decretis sustinuit Apostolicis. Sed quæ ab eo in his gesta sunt, relinquo narranda aliis. Scio enim fore, ut multi (sicut est consentaneum) post ejus decesum studeant scribere ejus certamina et persecutions et pericula quæ sustinuit pro fide Orthodoxa, victoriasque et res ab eo gloriose gestas, etc. » Sed his caremus magno detrimento ejus temporis historię veritatis. Quod ad rationem temporis ejus obitus perline, salis id liquet, ut quem natum idem Cyrus tradit anno quarto imperii Marciani Aug. qui est annus Domini quadragesimus quinquagesimus quartus, et vixisse seribit annos centum et quatuor, cum hoc anno defunctum opus sit affirmare : quem inter sanctos in tabulas Ecclesiasticas relatū, tum Orientalis, tum Occidentalis Ecclesia anniversaria memoria colit. Hic vero rerum gestarum anni hujus finis eslo.

¹ Greg. dial. I. iv. c. 56.

Anno periodi Graeco-Romanæ 6031. — Anno Æra Hispan. 596. — Jesu Christi 558. — Pelagii papa 4. — Justiniani imp. 32.

1. Septima Justiniani quinquennalia. — Ille annus ista formula notatus : *Post consulatum Basiliū U. C. xvii, vel secundum aliquos post, consulatum Basiliū U. C. xviii.* In hunc vel sequentem annum incidunt *septima quinquennalia* Justiniani post Justinum imperantis.

2. Pestis Constantinopoli grassatur. — Ad num. t. Theophanes anno Incarnat. secundum Alex. dl. kalendis Septemb. anni Christi superioris inchoato, ait : « Mense Februario mortifera ex bubone lues in homines, maximè juvenes grassata est : adeo ut sepe liendi mortuis non sufficerent vivi : obtinuit vero et invaluit a Februario usque ad mensem Julium ». Agathias lib. 5 de ingenti illa pestilentia, que Constantinopolim afflixit, verba facit, atque eam urbem invasisse *statim ineunte vere* : in quo a Thephane non discrepat, quia Historici vernum tempus a Februario incipiunt.

3. Bulgari in imperium irrumpunt. — A num. 6 ad 14. Theophanes anno Incarnat. secundum Alex. dl. kalend. Septemb. Iujus Christi anni incepito, ait : « Hoc anno Hunni et Selavi cum maximis copiis in Thraciam irruentes eam bello vastaverunt, multosque homines vel occiderunt, vel in captivitatem abduxerunt, etc. Cumque partes quasdam muri Anastasiani terre motibus collapsas reperissent, per eas ingressi, in potestatem suam redegerunt loca ad Drypiam, Nymphas, et Chittus vicem sita ; cunctaque facultatibus secum asportatis in urbem confugerunt. Quam ob rem imperator multos ex civium numero delectos ad Longum murum misit : ibi commissa pugna multi Romanorum et Scholarium ecclerunt, etc. Sed cum Barbaros illie pertinaciter permanere videret, imperator patricium Belisarium una cum aliis senatus contra ipsos progredi jussit.

4. Belisarius adversus eos mittitur. — « Porro Belisarius sumptis omnibus equis, tam imperatoris, quam Circi, sed et saerarum domorum, nec non uniuscujusque hominis privati, cui fuit equus in potestate, populoque armis instructo ad Chitti pagum profectus est : ibique aciem omnem composuit : tum quosdam ex Barbaris capere et interficere coepit : quin etiam arbores cædi, et pone exercitum in terram trahi imperavit : ex quo pulvis ingens vento excitatus, et in Barbaros delatus super eos incubuit : qui cum maximis copias inde adesse

existimarent, in fugam versi ad regionem sancti Stratonici ad Decatum recessere. At cum subinde a speculatoribus rescivissent Constantinopol. muros magno militum numero esse defensos Tuzurulum, et Arcadiopolim, et sancti Alexandri Zupparorum versus digressi sunt : ibique castris positis usque ad Pascha substilere ».

5. Bulgari ad proprias redire coacti. — « Peracto festo Paschali imperator cum universis civibus urbe reliqua, ad reparandas muri Longi ruinas Selymbriam perrexit : quare pedem retulerunt Barbari, et trans murum abierunt. Ibi mansit imperator ad Augustum usque mensem : similiter et Barbari usque ad mensem Augustum extra urbem circumvagabantur. Cæterum imperator bipuppes naves confici, iisque in Danubio adversus Hunnos, si quando transfretarent, excipere : et cum eis manus jussit conserere. His auditis Barbari, missis legalis petiverunt, ut sibi redditus tuto permitteretur, et Danubium traciearent. Misit ergo imperator Justinum nepotem suum et europalatem, eosque dimisit incolumes ».

6. Quod anno sequenti contigit. — Hanc Hunnorum seu Bulgarorum invasionem pluribus expavit Agathias lib. 5, et ex eo Baronius, testaturque Agathias, *Hunnos*, qui non procul ad ripam Istri fluminis descenderant, *vigente hyeme*, in Romanum imperium irruisse, partemque exercitus in Graeciam, alteram in Chersonesum Thraciacum misisse. Cum vero Constantinopolis in magno tumultu versaretur, « neque Barbari olvia quæque vastare desisterent ; tum demum Belisarius dux jam fractus senio, mandato tamen imperatoris in eos mittitur », inquit Agathias, qui deinde refert, *Hunnos*, postquam ingentem auri vim ab imperatore accipisset, pacificos ex imperio excessisse, tandemque illos mutuis sese cladibus attrivisse, sed plenam harum nationum eversionem atque infernacionem postmodum accidisse. Cum prolixa hujus belli narratione Agathias historicus Christianus, ut ex egregio ejus opere liquet, Historiae sue finem imponit, quam usque ad annum **DIX** exclusive perduxil, nosque omnem in suis annos accurate digessimus, ut non paucos, qui invaluere errores vulgares extiteramus. Ex hoc Agathie loco cum anno a Theophane memorato patet hanc victoriam anno sequenti reportatam esse, et Belisarium, hoc tempore

ætate proiectum fuisse, cum id non semel Agathias asserat.

7. Hunni isti iidem cum Bulgaris. — Porro *Uni* isti seu *Hunni* diversi non sunt a *Bulgaris*, ut liquet ex Theophane ad annum xi Constantini Pogonati, ubi et eos *Hunnogundos Bulgares* et *Contragos* etiam appellat, et ex Nicephoro in Breviario pag. 22, ex quo Theophanes desumpsit quæ de illis narrat. Agathias loco laudato, ubi eorum pladem refert, *Hannos Cotriguros* vocat; sed cum eadem de illis narret, ac Theophanes sub Hunnorum et Selavorum nomine, non dubium quin *Hunni* isti iidem cum Bulgaris fuerint, et hæc varia nomina eamdem gentem significant. Post hæc toto hoc sæculo nulla ferme apud Scriptores *Bulgarorum* mentio occurrit. Hanc nominum diversitatem reele observavit Ducangius in familiis Angustis Byzantinis, dum de Dalmaticis familiis cap. 6 verba facit, ejusque opera varijs errores poterunt vitari. Male autem Ducangius hanc irruptionem Bulgariam ab Agathia diligenter descriptam cum anno DLXI ifligat; hic enim *Historicus* ultra annum quingentesimum quinquagesimum nonum opus suum non produxit, nti mox insinuavi.

8. Moritur S. Joannes Silentarius. — Ad num. 16. Cyrillus monachus scripsit Vitam sancti *Joannis Silentiarii*, qui ex episcopo Coloniensi in Armenia, monachus Lauræ sancti Sabæ in Palestina mortuus est. Cyrillus testis in pluribus oculatus significat, hunc sanctum adhuc in vivis fuisse quatuor annos natum supra centum, cum ipse Vitam ejus scripsit. In Menologio vero Basillii imperatoris ad diem VIII Decemb. dicitur *Joannem*, quinque annos supra centum natum migrasse ad Dominum. Quare cum natus fuerit octavo mensis Januarii, septima Indictione, quarto anno imperii pii ac religiosi Marcianni, anno scilicet Christi CDLIV, ut se ab ipsomet Joanne Cyrillus accepisse scribit, mors ejus recte

hoc anno a Baronio recitata. Extat sancti Joannis Silentiarii Vita in Actis Bollandianis ad diem xiii mensis Maii.

9. Paulinus episc. Aquileiensis Trium Capitulorum defensor. — *Paulinus*, qui a Mediolanensi episcopo episcopus Aquileiensis illegitime ordinatus fuit, ut liquet ex Epistola v Pelagii pape Narseti inscripta, sicuti legitur in vulgatis editionibus Conciliorum, vel *Valeriano patricio*, ut habet Collectio Romana Holstenii pag. 227, hoc circiter anno Synodus celebravit, qua Tria Capitula defendit. Obiit enim Paulinus, teste Paulo Diacono lib. 2 de Gestis Langobard. cap. 23. Alboino Liguriā invadente, *Indictione ingredientे tertia*, duodecimo sacerdotii sui anno; ideoque anno DIXIX aut insequenti. Ille itaque vel superiori anno ordinatus *Paulinus* ab episcopo Mediolanensi, ut notat Bollandus ad diem viii Februarii in Vita sancti Honorati episcopi Mediolanensis. De ea Synodo loquitur Pelagius papa in citata Epistola, ubi ait: « Sed nec licuit aliquando, nec licet, particularem Synodus congregare ». Petit autem, ut Paulinus ad Justinianum Byzantium captivus mittatur, quod tamen factum non est. Baronius hanc Synodum *Aquileensem* cum alia in eadem urbe celebrata, cuius meminit Beda in libro de Sex. Ætate anno VII imperii Tiberii Apsimari, confundit, ut apud eum videre est anno DLIII, num. 221. Verum hæc duæ diversæ sunt Synodi. De posteriori suo loco agetur: hujus vero, cuius obscura mentio, in laudata tantum Epistola Pelagii, causa etiam obscura; existimant enim aliqui, eam tantum Aquileiensis episcopi consecrandi causa, coactam esse, et ita explicandum *Pelagiūm*.

Hoc anno *Childebertus* Francorum rex, cuius mortem Baronius anno DLXII recitat, vita funetus est, sicuti et *Dominus* episcopus Antiochenus, ut anno DLXI videre est.

1. Pelagius papa moritur, sub quo Basilica S.S. Apostolorum edificata. — Quingentesimus undes sexagesimus Christi annus, idem Justiniani Aug. trigesimus tertius, et post Basillii consulatum decimus octavus annus inscribirur: quo Pelagius papa,

ubi sedisset annos quatuor, menses decem, diesque decem et octo, ex hæc vita migravit secunda Martii. Ita ex Anastasii commentario, qui scriptus habetur in Vaticana bibliotheca, ex quo ista excripsimus: quibus erroris redarguntur, qui eundem vixisse

annos undecim, et aliquot menses ac dies ponunt, quive anno sequenti cumidem mortuum tradunt. Sed quae de ipso sparsim scripta reperiuntur, nec certo quo facta sunt anno describi possunt, his veluti appendieem apponamus. De eodem enim Pelagio hæc Hadrianus papa in Epistola ad Carolum Magnum de imaginibus: « Multo amplius vero ejus sanctissimi successores dominus Pelagius et dominus Joannes mira magnitudinis Ecclesiam Apostolorum a solo aedificantes, historias diversas tam in musivo, quam in variis coloribus cum sacris pingentes imaginibus et nunc usque haec tenus a nobis venerantur ». Hæc Hadrianus. Porro de eadem Basilica a Pelagio cœpta, a Joanne vero successore perfecta, idem qui supra Anastasius nomen in Joanne, eamque titulo Philippi atque Iacobi sanctorum Apostolorum consecratam affirmat. Ex antiquis Vaticanæ Basilice monumentis a Manlio collectis, de absoluta a Joanne papa Basilica a Pelagio cœpta, habet versum hunc:

Pelagius cœpit, complevit papa Joannes.

Recitatur ab eodem et Epitaphium Pelagii papæ inscriptum his versibus:

Terrenum corpus claudant hæc forte sepulchra
Nil sancti meritis derogatura viri.
Vivit in arce poli cælesti luce beatus,
Vivit et hic eunetis per pia facta locis.
Surgere iudicio certus, dextramque tenentem
Angelica partem se rapiente manu.
Virtutum numerat titulos Ecclesia Dei
Quos ventura ut sœcula ferre queant.
Rector Apostolicæ fidei, veneranda retexit
Dogmata, qua clare constituere Patres.
Eloquio curans errorum schismate lapsos,
Ut veram teneant corda placata fidem.
Sacrat multos divina lege ministros,
Nil pretio faciens immaculata manus,
Captivos redimens, miseri succurrere promptus,
Panperibus nunquam parta negare sibi.
Tristia participans lati moderator optimus:
Alterius genitus credidit esse suos.

« Hie requiescit Pelagius papa, qui sedit annos quatuor, menses decem, dies decem et octo. Deposit. IV non. Martii ». Haec tenus ibi.

2. Quod vero spectat ad Ecclesiam Apostolorum, his opportune subjiciendum duximus antiquum Bullæ exemplar e manuscriptis Vaticanis excerptum ejusdem Jo. III, cui ejusmodi inscriptio præposita legitur, his verbis:

« Exemplum Bullæ papæ Joannis Tertiæ, ubi dicit Basilicam duodecim Apostolorum initiatam per Pelagium prædecessorem suum, et morte prævento non absolutam consummasse, titulumque cardinalalem eam constituisse, et assignat eidem Basilicæ parochie fines, et eam diversis donariis donat de suo vestiario.

« Joannes episcopus servus servorum Dei, dilectis filiis cardinalibus et clericis Ecclesiae Apostolorum perpetuo in Christi servitio manentibus:

3. « Quoniam primitivam Ecclesiam post in-

carnationem Christi duodecim Apostoli prædicatione illustraverunt, et operibus stabiliverunt sicut in actibus eorumdem legitur, quibus erat cor unum, et in eisdem erant illis omnia communia, ac pro Christi fidei legitime decertantes gloriose coronati sunt: placuit mihi Joanni Urbis Romæ humilissimo Pontifici Ecclesiam duodecim Apostolorum confirmare (consummare), quam Pelagius papa bonæ memorie prædecessor meus ante palatium Constantii initiaverat, sed morte præventus inchoatam reliquit. Deinde patris nostri incepit caplantes, quod ipse dimisit, divina gratia optinente, vel (ad) perfectum usque finem adduximus: hanc etiam et in Natali Apostolorum Philippi et Jacobi, quod est in kalendis Maii ad honorem omnium Apostolorum decenter dedicalem titulum cardinalalem illam constituimus, neconon et parochiam, sicut cæteri tituli Urbis habent, de aliis, et de aliis colligentes, sic tantæ et tam honorabili Basilice ratam et inconcessam deliberamus. Non enim laudaremur, si solum in aedificiis extollendis laboravissimus, et alias dignitates Ecclesiasticas ei non provideremus.

4. « Idcirco præsentle et consentiente fratrum nostrorum cœtu, novæ Basilicæ concessam et attributam parochiam determinamus, ita sane ut omnes capellæ constituta vel constituenda et populus qui infra terminos istos comprehenduntur, Apostolicæ Basilicæ de parochiali jure deinceps penitus respondeant, videlicet: A via ubi est calix marmoreus, et lapis marmoreus magnus in gradibus excavatus, cum omnibus dominibus ante se; et inde itur juxta Ecclesiam sancti Marcelli, et declinatur ad lœvam, ante Ecclesiam sanctæ Mariæ quæ est in via lata, et inde recto itinere producitur per viam quæ est sub monte Tarpeio usque ad arcum Clagentiariorum, et inde itur in viam ad lœvam per viam securus hortum, qui dicitur Mirabitis, atque per Scalam mortuorum fit ascensus per cavam montis usque ante Caballos marmoreos recta via, ac inde vertitur ante arcum pacis: deinde ad dextram extenditor juxta latus montis super Catriam, et exinde derivatur per calicem montis usque ad hortum Veneris; et deinde itur in viam Salarium, et exitur in Pincianam, deinde descenditur per Silicem, et fit transitus super formam Virginem juxta monumentum, et deinde convertitur citra eandem formam continuo usque illuc ubi dicitur, Cannella ejusdem formæ, et exinde recolligitur per viculum Capralicum cum insula et easis ex utroque latere via ad præfatum calicem marmoreum, lapidem in gradibus excavatum.

5. « Insuper ex saero nostro vestiario hæc donaria contulimus, videlicet crucem unam auream pensantem libras sex, calicem unum aureum pensantem libras duas, calices duos argenteos pensantes libras quatuor, vestes quoque series cum gemmis albis et auro contextas quatuor; libris etiam multis ac variis eam adornare curavimus. Iis Ecclesiæ Apostolorum nostris manibus conditæ et de-

dicatae parochialibus terminis statutis, ac donariis imparitatis, ex parte Dei omnipotentis et beate Marie, et auctoritate Apostolorum Petri ac Pauli et omnium Apostolorum benedictionem nostram, et suorum peccatorum remissionem capituli hujus ac privilegi observatoribus et coadjutoribus condonamus. Contradicentibus aulem et prævaricatoribus, eadem auctoritate, usque ad satisfactionem, Dathan, Core et Abiron Moysi superlicientium et coulradicentium maledictionem et damnationem intendimus et confirmamus. Ipsi gloria, laus, polestas, imperium, qui vivit et regnat per infinita secula seculorum. Amen. Bene valete.

« Dat. temporibus domini Joannis tertii papæ per manus Petri episcopi cancellarii sanctæ Sedis Apostolicae, mense Maio, die tertia.

« Ego Cirinus in Dei nomine secretarius sancte Romanae Ecclesie, sicut inveni in chartu incipio tituli Apostolorum, fideliter in hac membra exemplificavi.

6. *Pelagii scripta et res gestæ, cui succedit Joannes III.* — Quod vero ad ejusdem Pelagi papæ scripta pertinet, præler Epistolas quas superius suis locis posuimus extat ejusdem nomine Epistola non nihil prolixa ad Vigilium quemdam episcopum scripta: sed dum ad finem ejus data ponitur sub consulatu Narsetis atque Joannis, impostura suspicionem anget. Etenim cum vetera quæque monumenta signata ubique reperiantur post Basilii consulatum lollies repetitum; plane significatur, nullum alium interea consulem esse creatum. Et ne de his dubites, habes Cassiodorum¹ numerantem annos post consulatum ejusdem Basilii vieces semel repetitum. Quod si Narsetis, vel aliorum post Basilii consulatum fuisse consulatus Fastis interpositus: certe non ab illo ultimo consulatu Basilii tot anni post ejus consulatum reperirentur inscripti, sed post consulatum Narsetis atque Joannis. Sie igitur ex his reliqua etiam Epistole post consulatum Basili date, sed aliorum a Mercatore consulium nola supposita, impostura suspecte redduntur.

7. Rursum vero quod ad Pelagi papæ scripta atque res gestas spectat, audi quæ Papyrius² vir plane disertus in Francorum Annalibus dicat, dum agit de Childeberto rege: « Childebertus Ruffinum in Italiam ad Pelagium Romanum Pontificem misserat, rogatum an catholice Leonis tomum adversus Entychelem sequeretur. Pelagius respondit, librum illum Ecclesie probari; ipseque, ut rex postularat, novam fidei formulam scripsit. Exlat Epistola Pelagi ad Childebertum ». Haec ipse. Porro cum scribendi fiduci professio libellum sive Epistolam Pelagio occasio oborta illa fuisse videtur, quod cum contra Tria Capitula pro quinla Synodo (ut vidimus) sententiam sequeretur, in suspicionem lese pieatis, offensaque Catholicae fidei haud mediocrem adducelus esset: eum præsertim defensores Trium Capitulorum illud undique vulgassent,

ac pariter exelamassent, omnes qui agerent contra Tria illa Capitula, impugnare Chalcedonense Concilium: qua quidem calumnia ut dubitantum animos liberarel, eam ad Childebertum de fide Catholica Pelagius Epistolam dedit: quod et præstisit S. Gregorium ad Theodolindam reginam eamdem ob causam oportuit.

8. Sed ex diolis illud observa: eum in dubium venit Romani Pontificis fides Catholica, non aliunde ejus peti consuevit examinationem atque discussionem, quam a fide tradita a prædecessoribus; quibus si consentiat, nihil fit quod possit eum erroris arguere, secus, si contra. Sic igitur Childebertus rex de fide Pelagi subdubitus, ad S. Leonis papæ Epistolam de recta fide ad Flaviam conscriptam provocavit: cui se in omnibus cum Catholica Ecclesia consenire cum professus sit scriptis Pelagius, omnem prorsus conceptam de se suspicionem amovit.

9. Haec autem ad finem rerum gestarum Pelagi papæ oportuit collocasse, cum nobis esset penitus incomptum, quo lo ejus Pontificatus anno contigerint. Sed accidit, ut euso jam tomus (ut sepe superius dictum est) cum allatae ad nos essent ab Ecclesia Arelatensi complices diversorum Romanorum Pontificum ad diversos episcopos Arelatenses datæ Epistole, inter alias reperiemus eas de tide Catholica ad Childebertum regem litteras scriptas, quæ et ipse cum die carerent et consulatu, quando tamen data fuerint, ex alia Epistola tunc ab eodem Pontifice ad Sapaudum, sive Sabaudum Arelatensem episcopum scripta possumus intelligere, quæ data legitur anno decimo sexto post consulatum Basili: est is annus Domini quingentesimus quinquagesimus septimus, Pelagi vero Pontificatus annus tertius. Epistola autem ad Sabaudum sic se habet:

10. « Dilectissimo fratri Sapundo, Pelagius.

« Tanta nobis est circa personam tuæ fraternalis affectio, ut nullas occasionses transire silentio patiamur. Denique veniente illuc Petro urbis negotiatore, præsentia curavimus ad fraternalitatem tuam scripta dirigere, desiderantes ut de incolumitate quoque vicissim datis opportunitatibus agnoscamus. Atque ideo salutantes fraterno charitatis amore, indicamus, propitiante Domino, circa nos omnia prospere geri. Et hortamur, ut si Epistola, quam per diaconum atque subdiaconum fraternalitatis tuæ ad excellentissimum filium nostrum Childebertum regem direximus, in qua de institutis beatissimorum Patrum nostrorum fidem Catholicae nostro per Dei gratiam sermone deprompsimus, tam ipsi gloriosissimo regi, quam charitati tuæ, vel aliis fratribus et coepiscopis nostris plauerit, rescripto tuae charitatis celerius agnoscamus.

11. « Praelerea commendamus specialiter dilectioni tuæ Romanos, qui illuc hostilitatis metu confugerunt, ut solatium fraternalitatis tuæ et continentiam, qualem peregrinatio eorum poscit, inventiant: quos etiam filio nostro magnificeissimo

¹ Cass. de comp. Paschal. — ² Papyr. Annal. Franc. I. I.

viro Patricio placido genitori tuo ex nostra persona volumus commendari, ut in sua continentia recognoscant, quantum apud charitatem tuam eis commendatio nostra profuerit.

12. « Sed et illud ad commemorationem tuæ fraternitatis adducimus, ut (sicut jampridem scripsimus) vestes quæ pauperibus erogentur, id est, cœullas et tunicas atque saga de eo quod pro pensionibus Ecclesiasticarum possessionum nobis dominus filius noster Placidus directurus erat, comparari faciat, et ad Portum Romanum, Deo propitiante, dirigere, quatenus sollicitudinem nostram ex parte aliqua relevetis; quia tanta egestas et nuditas in civitate ista est, ut sine dolore et angustia cordis nostri homines, quos honesto loco natos idoneos neveramus, non possimus aspicere. Deus te incolunem custodiat, frater carissime. Data idibus April. anno xvi P. C. Basili ». Epistola autem ad ipsum Francorum regem Childebertum data, in eodem Codice posita sequitur istis verbis:

13. « Domino filio gloriosissimo atque praecellentissimo Childeberto regi Pelagius episcopus.

« Humani generis Salvator ac Dominus discipulos suos docens, ait¹: Non est voluntas Patris vestri qui in celis est, ut unus saltem pereat de pusillis: de quibus nec scandalizari quemquam sine magni asserit comparatione supplicii. Cum igitur etiam de pusillis ista forma præcepti sit: quanto nobis studio ac labore satagendum est, ut pro auferendo suspicionis scandalo obsequium confessionis nostræ regibus ministremus, quibus nos etiam subditos esse sanctæ Scripturæ præcipiunt? Veniens etenim Ruffinus vir magnificus legatus excellentie vestre confidenter a nobis (ut decui) postulavit, quatenus vobis aut beatæ recordationis papæ Leonis tomum a nobis per omnia conservari significare debuissemus, aut propriis verbis nostræ confessionem fidei destinare. Et primam quidem petitionis ejus partem, quia facilior fuit, mox ut dixit, impleximus; meque in omnibus prædicti præsulis tomum pro Catholica fidei assertione conscriptum, Deo propitio, custodire, manus nostræ ad vos professione signavimus. Ut autem deinceps nullius (quod absit) suspicionis resideret occasio, etiam illam aliam partem, quam memoratus vir illustris Ruffinus admonuit, facere maturavi, scilicet propriis verbis confessionem fidei, quam teneimus, exponens. Definitiones quoque de eadem Catholica fide, quæ in quatuor sanctis Conciliis statuta sunt, sed et memorati Pontificis, quas universalis semper tenuit ac tenet Ecclesia, nos sancto Dei auxilio tenere atque defendere presenti ad excellentiæ vestram colloquio intimandum necessario judecavi.

« Fides papæ Pelagii.

14. « Credo igitur in unum Dominum Patrem et Filium et Spiritum sanctum, Patrem scilicet omnipotentem, sempiternum, ingenitum; Filium vero

ex ejusdem Patris substantia vel natura genitum autem omne omnino vel temporis, vel cuiusquam initium; de omnipotente omnipotente, æqualem, consempiternum, atque consubstantiale. Spiritum quoque sanctum omnipotentem, utrique Patri scilicet ac Filio æqualem, consempiternum, atque consubstantiale, qui ex Patre intemporaliter procedens, Patris et Filii quoque Spiritus, hoc est, tres personas, sive tres subsistentias unius essentiae, sive naturæ, unius virtutis, unius operationis, unius beatitudinis, atque unius potestatis, ut trina sit unitas, et una sit trinitas juxta vocis Dominice veritatem, dicentis²: Ite, docete omnes gentes, baptizantes eos in nomine Patris et Filii et Spiritus sancti. In nomine, inquit, non nominibus, ut et unum Dominum per indistinctum divinæ essentiae nomen ostenderet, et personarum discretionem suis demonstratam proprietatibus edoceret: quia dum tribus unum Deitatis nomen est, æqualitas ostenditur personarum. Et rursus æqualitas personarum nihil extraneum, nihil accedens in eis permittit intelligi: ita ut et unusquisque eorum verus perfectusque sit Deus, videlicet ex plenitudine divinitatis nihil minus in singulis, nihil amplius intelligatur in tribus.

15. Ex hac autem sancta et beatissima atque consubstantiali Trinitate credo atque confiteor unam personam, id est, Filium Dei pro salute humani generis novissimis temporibus descendisse de celo, nec patriam sedem, nec mundi gubernacula relinquente: et superveniente in beata Virgine Maria sancto Spiritu, atque obumbrante ei virtute Altissimi, eundem Verbum ac Filium Dei in utero ejusdem sanctæ Virginis Marie clementer ingressum, et de carne ejus sibi unisse carnem anima rationali et intellectuali animatam: nec ante creatam esse carnem, et postea supervenisse Filium Dei: sed sicut scriptum est²: Sapientia adficiante sibi dominum, mox carnem in utero Virginis, mox Verbi Dei carnem factam, exindeque sine ulla permutatione atque conversione Verbi carnisque naturæ Verbum ac Filium Dei factum hominem, unum in utraque natura, divina scilicet et humana, Christum Jesum Dominum verum eundemque verum hominem processisse, id est, natum esse, servata integritate maternæ virginitatis: quia sic eum Virgo permanens genuit, quemadmodum Virgo concepit. Propter quod eamdem beatam Virginem Mariam Dei Genitricem verissime contitemur: perperit enim incarnatum Dei Verbum.

16. « Est ergo unus atque idem Jesus Christus verus Filius Dei, et idem ipse verus Filius hominis, perfectus in Deitate, et idem ipse perfectus in humanitate, utpote totus in suis, et idem ipse totus in nostris: sic per misericordiam nativitatem sumens ex homine matre, quod non erat; ut non desisteret esse quod per primam qua ex Patre natus est, erat. Propter quod eum ex duabus et in duabus manen-

¹ Matth. xviii.

² Matth. xxviii. — ² Prov. ix.

tibus indivisis, inconfusisque credimus esse naturis : indivisis quidem, quia et post assumptionem naturae nostrae unus Christus Filius Dei permansit : inconfusis autem, quia sic in unam personam atque subsistentiam adunatas credimus esse naturas, ut intrinque proprieate servata, neutra converteretur in alteram. Ac propterea (sicut saepe diximus) unum eundemque Christum esse verum Filium Dei, et eundem ipsum verum Filium hominis contemur consubstantialem Patris secundum Deitatem, consubstantialem nobis enidem secundum humanitatem, per omnia nobis similem absque peccato : passibilem carne, eundem ipsum impassibilem Deitatem. Quem sub Pontio Pilato sponte pro salute nostra passum esse carne confitemur, crucifixum carne, mortuum carne, resurrexisse tertia die glorificata et incorruptibili eadem carne, et conversatum post resurrectionem cum discipulis suis, ac multimodis evidenter eis ostendisse sui corporis veritatem : et quadragesimo die, videntibus eisdem discipulis, ascendisse in caelos, sedere etiam ad dexteram Patris. Quem credo et confiteor secundum testificationem Angelorum¹, sicut ascendit in caelos, ita venturum judicare vivos et mortuos. Omnes enim homines ab Adam usque ad consummationem saeculi natos et mortuos, cum ipso Adam ejusque uxore, qui non ex aliis parentibus nati sunt, sed alter de terra, altera autem de costa viri creati sunt, tunc resurrectos esse confiteor, et adstare ante tribunal Christi, ut recipiat unusquisque propria corporis, prout gessit, sive bona, sive mala; et justos quidem per largissimam gratiam Dei, ultiote vasa misericordiae in gloriam preparata, aeternae vite premiis donaturum, in societate videlicet Angelorum absque ullo jam lapsus sui metu sine fine victuros. Iniquos autem arbitrio voluntatis proprie vasa irae apta in interitum permanentes, qui viam Domini aut non agnoverint, aut cognitam divits capti prævaricationibus reliquerunt, in penitentiæ atque inextinguibili ignis, ut sine fine ardeant, iustissimo iudicio traditurum.

17. « Hæc est igitur fides mea et spes, quæ in me dono misericordie Dei est, pro qua maxime paratos esse debere beatus Petrus Apostolus² præcipit ad respondendum omni poscenti nos rationem. Nunc convenit excellentiam vestram pro fervore ejusdem fidei, quam vos in corde habere gaudemus, peculiarem curam per universas Gallæ vestræ regiones impendere ; ne illic scandala seminantes (sicut in partibus istis facere conabantur) frontis sue procacitate impellente discurrant, et aliquos fratres et coepiscopos nostros vel creditas eis plebes ad dissensiones exagent. Quia dum rectæ fidei non sine dolore oppressionis sue, ut se ad nutrienda scandala Catholicis familiares efficiant, etiam recentam fidem se simulant vindicare, maxime apud eos qui fraudes ipsorum et delos ignorant. Sed Deus, qui gloriam vestram contra inimicos pacis Eccle-

siastica misericorditer hoc tempore preparavit, praeslet vos ista sollicitos et circumspectos existere, ut non prævaleant intra sata sancte Ecclesiæ in illis partibus loliorum suorum semina maligna jactare. Perineolum excellentiam vestram Deus noster custodiat, domine fili gloriissime atque excellētissime ». Hucusque fidei confessio Pelagii papæ.

Ad postremum autem haec de eo apud Anastassim : « Hic fecit ordinationes duas per mensem Decembrem, presbyteros viginti sex, diaconos novem, episcopos per diversa loca quadraginta novem. Qui etiam obiit secunda mensis Martii, et cessavit episcopatus menses tres, et dies viginti quinque ». Sieque vicesima septima mensis Junii subrogatus est in locum ejus Joannes cognomento Cateillus, ex patre Anastasio viro illustri.

18. *Primum Parisiense Concilium, ex quo plures canones ad firmandam Ecclesiasticam disciplinam, multis sanctis episcopis insigne, præser-tim Germano Parisiensi et Euphronio Turonensi.* — Quod autem res Galliarum perlustrando occurrit : hic est annus, quo S. Euphronius Turonensis episcopus creatus est, vir qui his temporibus non tam tantum provinciam, sed universas plane Gallias illustravit. Supputatio autem temporis hac ratione deducitur, quod scilicet ejusdem Ecclesiæ episcopus Gregorius³ secundum Sigeberti Francorum regis annum, eundem numeret septimum sancti Euphronii. Porro Sigeberti regnum inchoatum esse anno Domini quingentesimo sexagesimo quinto, quæ dicentur inferius palam facient. Quod igitur hoc anno certum sit testificatione Gregorii Euphronium Turonensem episcopum sedere cœpisse ; affirmare necesse erit, euncta quæ sub eodem episcopo facta esse dicuntur, non ante præsentem annum contigisse. Unde et illud ex his infertur, Parisiense Concilium, cui idem sanctus Euphronius præsens fuit, non ante hunc eundem annum celebrari potuisse, licet alii ante biennium referant. Dignus plane memoria conventus ille habetur : in quo Patres inter alia laudabiliter instituta, insurgentes adversus regios ministros in res Ecclesiistarum manus injicientes, quotquot id facere auderent, anathemate feriendos esse sanxerunt. Ex bello civili exorta licentia illud effecit, ut non in adversantium tantum bona manus hostes injicerent, sed et a rebus Ecclesiistarum minime abstinerent : atque qui ea ab episcopis impetrare diffiderent, importuna petitione a regibus obtinerent : ita cum sacrilegio avaritia grassans, inconcessa tentans, prædia invadebat Ecclesiistarum. Sed et ambitio ambiendo, fluxuosque gressu ad honores pervenire despiciens, breviori via saeculari juncta potentiae ad primos Ecclesiistarum honores sibi aditum patetfecit ; cum videficeret pro episcopatibus adipiscendis ipsos reges adirent, peterentque ab eis, quod obtinere per leges Ecclesiasticas non licet.

19. Quamobrem adversus ejusmodi adeo te-

¹ Act. I. — ² 1. Pet. III.

³ Greg. Turon. l. 1. mirae. S. Martin. c. 32.

mere præsumpta, sacrilege tentata, atque probrose usurpata sanctissimi Galliarum episcopi insurgentes, non clanculo, vel in angulo, regum timore. Synodum coegere, sed Parisiis, ubi rex ipse degere consuevit. Praerat tunc nobili Ecclesiæ Parisiensi S. Germanus recens creatus episcopus (ut ex ordine subscibentium patet) quem æstuantem zelo Ecclesiastice discipline auctorem fuisse ejusmodi congregandi Concilii, mili facile persuadeo. Res plane agebatur magni momenti : verum etsi adversus reges Ecclesiastica jura sibi usurpantes certamen suscipiendum erat : pluris tamen apud eos fuit Dei timor, quam principium terror, sieque sacerdotali vigore, quo scirent cunctos principes esse subditos sacerdotibus (si modo Christi esse oves, et numerari sub grege ipsius velint, et non procul alijici, et inter haedos haberi maledictionis haeredes) rem tantam aggreduntur, primoque loco ejusmodi canonem promulgariunt¹:

20. « Itaque placet, ac omnibus nobis convenit observare, ut quia nonnulli memores sui, per quaslibet scripturas pro captu animi de facultatibus suis, Ecclesiis aliquid contulisse probantur : quod a diversis minus Deum timentibus catenus mortifera calliditate tenetur, ut aliorum oblatio illis pertineat ad ruinam ; nec intueri corde possunt diem judicii, dum nimiae cupiditatis delectantur ardore. Quicumque ergo immemor sui interitus, res Ecclesiæ (ut supra diximus), delegatas injuste possidens, præsumpserit retinere, et veritate comperta res Dei servis suis dissimulaverit reformare : ab omnibus Ecclesiis segregatus, a sancta communione habeatur extraneus, neque aliud mereatur habere remedium, nisi culpam propriam rerum emendatione purgaverit. Indigne enim ad altare Domini properare permittitur, qui res Ecclesiasticas et audet rapere et injuste possidere, ac in iniqua defensione perdurat. Necatores enim pauperium judicandi sunt, qui eorum taliter alimenta subtraxerint. Sacerdotalis tamen debet esse provisio, ut vindictam admonitio manifesta præcedat : ut si res usurpatas injuste quis tenet (tulit), exhibita æquitate restituat. Quod si neglexerit ; cum necessitas compulerit, postea prædonem sacerdotalis districcio maturata percellat.

21. « Neque quisquam per interregna res Dei defraudare (defensare) vitatur : quia Dei potentia cunctorum regnum terminum singulare dominatione concludit. Quod si præsumpserit : et ipsius offensam et prædictæ damnationis periculum sustinebit. Competitoribus etiam hujusmodi frumentum distinctionis imponimus, qui facultates Ecclesiæ sub specie largitatis regiae improba surreptione pervaaserint.

22. « Sera namque de his rebus penitidine commovemur, cum iam anteactis temporibus contra hujusmodi personas canonum suffulti præsidio se sacerdotes Domini erigere debuissent, ne man-

suetudo indulgentiæ ad similia perpetranda improborum audaciam adhuc quotidie provocare : sed nunc tarde, injuriarum mole depresso damnis quoque Dominicis compellentibus, excitamur. Quod si is qui res Dei competit, in aliisque ubi res agitur, maxime solet territoriis commorari, sacerdotem loci illius, ubi habitat, episcopus ille hujusmodi pravitatis contemptus neglecta persona, litteris mox reddat instructum : tunc antistes, ipsius fratri anxietate comperta, aut pervasorem admonitione corrigat, aut canonica distinctione condemnnet, etc. » Quæ nos superius alia occasione recitavimus. Et rursum inferius² : « Perpetuo anathemate feriatur, qui res Ecclesiæ confiscare, aut conferre (a rege seilicet postulare) aut pervadere periculosa infestatione præsumpserit ».

23. Sed et ne Clotarii regis, qui (ut diximus) conjugis suæ defunctæ sororem uxorem duxerat, et aliorum incestuosorum principum exemplo populus Francus solitus mores suorum dominorum imitari depravaretur ; iudicem sanctissimi Patres adversus incestuosa conjugia hæc statuerint³ : « Convenit etiam universis fratribus, ut non solum præsentium rerum actus, sed et animarum quoque debeant præparare remedia. Nullus ergo illicita conjugia contra præceptum Domini inire præsumat, id est, fratri reliquam, nec novarem suam, reliquamque patrum vel sororem uxoris sue sibi andeat sociare, atque avunculi quoque quæ relata est ; neque murus sue vel materlæ conjugio poliatur : pari etiam conditione a conjugio amitæ, privignæ, ac filia privignæ conjunctionibus præcipimus abstinenre ». Hæc sancta Synodus malos exerescentes ex malis regum exemplis vepres succidens. Sed et in reges ipsos præsumentes contra canones, arrogantesque sibi jus præficiendi Ecclesiæ pastoribus destitutis episcopos, hæc statuere³ :

24. « Quod in aliquibus rebus consuetudo prisca negligitur, ac decreta canonum violantur : placuit ut juxta aliquam consuetudinem canonum decreta serventur. Nullus civibus invitis ordinetur episcopus, nisi quem populus et clericorum electio plenissima quæsierit voluntate : non principis imperio, neque per quamlibet conditionem contra metropolis voluntatem, vel episcoporum provincialium ingeratur. Quod si per ordinationem regiam honoris istius culmen pervadere aliquis nimia temeritate præsumpserit : a comprovincialibus loci ipsius episcopis recipi nullatenus mereatur. Quem indebet ordinatum cognoscant, si quis de provincialibus recipere contra interdicta præsumpserit, sit a fratribus omnibus segregatus, et ab ipsorum omnium charitate remotus, etc. » Sane quidem id a regibus præsumptum hoc saeculo tum in Occidente, tum etiam in Oriente, ea quæ sunt dicta, et suo loco dicentur, fidem hanc dubiam faciunt.

25. Insuper vero cum iisdem temporibus inter sanctos episcopos Gallicanos vigeret Ecclesiastica

¹ Conc. Paris. 1. c. 1. tom. ii. Cone.

² Cone. eod. c. 2. — ³ Eod. cone. c. 4. — ³ Cone. Paris. 1. c. 8.

disciplina, contigit ut pravi homines a rege impe-trare conarentur, quod ab episcopis seirent prohibi-ter : unde et fiebat, ut etiam praeter bona, favore regis, quam optarent peterent sibi conjugem. Cui temeritati Patres obviantes, ista etiam vetuere, haec sancientes¹: « Nullus res alienas competere a regia audeat potestate : nullus viduam, neque filiam alterius extra voluntatem parentum aut rapere præsumiat, aut regis beneficio aestimet postulan-dam : quod si fecerit, similiter ab Ecclesie com-munione remotus, anathematis damnatione plecta-tur ». Haec et alia Patres, in omnibus regiam auctoritatem plus æquo sibi sumentem sacerdotali robore reprimentes.

26. Cum autem huius Concilio Parisiensi minime subscriptus reperiatur Saphoratus ejus civitatis episcopus, quem interfuisse constat Concilio quinto Aurelianensi habitu (ut viduinus) anno Domini quingentesimo quinquagesimo secundo : facile mihi persuadeo, posterius quod habetur Concilium Parisiense, in quo idem Saphoratus depositus legi-tur, ante præsentem Synodum celebratum esse, inversumque ordinem, ut quod prius fuit, dicatur posterius celebratum Coneilium ; hoc vero de quo est sermo, post illud fuisse habitum ; ut et qui huic habetur Germanus subscriptus, ipse sit sanctissimus ille Dei sacerdos Germanus Parisiensis, quem Eu-sebio successisse post depositum Saphoratum Ai-moinus tradit. Sane quidem cum Parisiense Conci-lium illud secundum dictum (ut ex ipso patet) paulo post quintum Aurelianense Concilium habitum affirmetur, æque ratio persuadet ante præsentem Synodum esse collectum.

27. Quod vero pertinet ad sanctum Germanum : ipsum ex abbate monasterii S. Symphoriani sanctitate vitæ, dignis moribus, et miraculorum editione præstantem, præcedentibus prophetis, vocatum ad regimen Parisiensis Ecclesiae, Fortunatus Pietaviensis² episcopus tradit, qui res ab eo præ-clare atque mirifice gestas enarrat. Sed et Venantius Fortunatus, quanta sub eodem sancto Germano poferet Ecclesiastica disciplina Parisiensis Ecclesia, eleganti cecinit carmine ad Parisiacum clerum inscripto, in cuius fine³ :

Sub duce Germano felix exercitus hic est.
Moyses, tende manus, et tua castra juva.

Cuncta plane docuerunt, maximo Dei beneficio his calamitosis temporibus eveetum esse in sedem Pon-tificiam tantum antistitem, cujus virtutum fulgore non Gallie solum, sed universus orbis Occidentalis illustraretur, proficerentque omnes tanti viri mo-nitis et exemplis. Inter alias autem quantum sub eodem antistite Childebertus rex Francorum pietate enituerit, plura sunt exempla et egregia monu-menta, atque in primis Basilica, quam S. Vincentio,

ipso Germano hortante, construxit, de qua suo loco dicturi sumus.

28. De eleemosynarum vero copiosa largitione Fortunatus Pictaviensis episcopus in rebus gestis ejusdem sancti Germani haec habet his verbis : « Quæ, inquit, eleemosyna tam de rebus Ecclesie, quam populi oblatione, vel regio munere per manus ejus sanctificatae sint, solus ille qui omnia seit, novit, et numerat. Denique quadam vice praexcel-lentissimus Childebertus rex cum ei direxisset sex millia solidorum pauperibus eroganda; expendens tria millia, revertitur ad patatum. Interrogatusque a rege si adhuc resideret quod egenis tribueret; respondit, medietatem resedisse, nec invenisse se inopes, quibus mox totum expenderet. Erat ergo spectanda contentio inter sacerdotem et principem : faciebant apud se de misericordia propria, et de pietate certamen ». Haec Fortunatus de Childeberti regis sub sancto Germano erga pauperes amore atque munificentia : ut plane illud fuerit certo ex-perimento cognitum, ubi sacerdotes sancti digne numeros expletos suos, reges sponte se illis suaque bona subiecere, secundum vulgatum illud Macha-bæorum⁴. « Propter Omne Pontificis pietatem et animos odio habentes mala, fiebat, ut et ipsi reges et prænipes locum summo honore dignum ducerent, et templum maximis honoribus illustrarent ». At de sancto Germano plura inferius : nunc rursus ad sanctum Euphronium episcopum Turonensem, de quo dicere cœpiimus ipso exordio narrationis Con-cilii Parisiensis, recurrat oratio.

29. Extant ad hunc ipsum duæ Epistolæ Venantii Fortunati, neconon Carmen quo eum mirifice laudat, dignumque sancti Martini prædicat successorem, cum ejus tempore amplioribus miraculis ejusdem sancti cineres coruscarent. Prædicat idem Fortunatus ejusdem sancti viri inter alia erga pauperes mi-rificam charitatem istis versibus² :

Advena si veniat, patriam tu reddis amatam,
Et per te proprias hic habet hospes opes.
Si quis iniqua gemit, tristis hinc nemo recedit :
Sed lacrymas removens, læticare facis.
Martinus meritis hac vos in sede locavit :
Dignus eras haeres, qui sua jussa colis.
Ille lenet corlum, largo datus omnia voto :
Christo junctus eris hunc imitando virom, etc.

30. At (ut paululum a Synodi Actis divertamus) quæ hoc ipso tempore, cum sederet Euphronius, et bella vigerent Clotarii adversus Chramnum filium suum, miranda fieri contigerunt virtute sancti Martini, rogante eodem Euphronio episcopo, inmemo-ratu digna, accipe a Gregorio ejusdem Ecclesie anti-stite successore, dum ait³ :

« Dignum existimavi et illud non omittere in relatu, quod Viliathario presbytero referente andivi. Tempore quo propter perfidiam Chramnus iram Clotarii regis incurserat, in Basilicam S. Martini

¹ Cone. Paris. c. 6. — ² Extat apud Sur. die xxviii. Maii. — ³ Fortunat. carm. l. 1.

¹ Mach. iii. — ² Fortun. l. iii. — ³ Greg. Turon. de mira. S. Martin. l. i. c. 23.

confugit, atque ibidem in catenis positus custodiebatur : sed virtute beati Martini praesulis communiae catenae stare non potuerunt. Nescio autem quomodo inimicentia negligenter, foris atrium comprehensus est : quem oneratum ferro , vinetis post terga manibus, ducebant ad regem. At ille voce magna clamare coepit : ut sibi beatus Martinus misereretur, orare ; nec eum sineret abire captivum , cuius devotus expetierat templum. Statimque in ejus vocibus, orante beato Euphronio episcopo de muro civitatis contra Basilicam, dissolutae sunt manus ejus, et omnes bacca catenarum confractae ceciderunt. Perdutus autem usque ad regem , ibi iterum in compedibus et catenis constrictus retinebatur : sed invocato nomine sepe dicti patroni , ita omne ferrum super eum comminutum est, ut putares illud fuisse quasi figlinum. Hoc tantum erat in spatiis, ut non solveretur a vinculo, quoadinsque nomen illud sacratissimum invocasset : invocato autem, omnia solvabantur. Tunc rex altioris ingenii videns virtutes S. Martini ibidem operari , et ab onere vinculorum absolvit eum et pristine restituit libertati. Haec ab ipsis Viliatharii presbyteri ore coram multis testibus facta esse cognovi ». Ista Gregorius. Porro quomodo tot tantisque donis abusus, adversus patrem iterum rebellans, meritas impius poenas dedit, inferius suo loco dicemus.

31. Redeamus modo ad sanctos episcopos prioris ordine positi Concilii Parisiensis. Interfuisse eidem quoque reperitur S. Prætextatus Rothomagensis antistes nobilior postea redditus corona martyrii, de quo suo loco pluribus agendum erit. Qui vero subscriptus Chalactericus nominatur, scias hunc fuisse episcopum Carnotensem sanctitate clarum, sed injuria temporis obscurum redditum : de quo unicuius quod extat monumentum hic describendum putamus, ut quoquo modo eundem vindicemus in lucem. Venantius enim Fortunatus¹ ejus sepulcro hujusmodi inscripsit Epitaphium hoc titulo prænotatum :

EPIAPHIUM CHALACTERICI EPISCOPI CIVITATIS CARNOTENSIS.

Illacrymant oculi, quatuntur viscera fletu,
Nec tremuli dighi scribere dura valent :
Dum modo que nolui vivo, dabo verba sepulso,
Carmine vel dulci cogor amara loqui.
Digne tuis meritis, Chalacterice sacerdos,
Tardo notus nobis, quam cito, chate, fugis.
Tu patriam repetis, nos triste sub urbe relinquis :
Te lenet aula nitens, nos tenebrosa dies.
Ecce sub hoc tumulo pietatis membra quiescent :
Dulcior in tumulo (et melle) lingua sepulta jacet.
Forma venusta decens, annus sine fine benignus,
Vox suavis legem præmeditata Dei.
Spes cleri, tutor vulnerum, panis euentum,
Cura propinquorum, promptus (totus) ad omne bonum.
Organa psalterii cœcum modulamine dulci,
Et teligit lundans plectra beata Dei.
Cautere eloquii bene purgans vulnera morbi :
Quo paciente fuit hda medela gregi.
Sex qui lustra gerens, octo bonus in super annos,
Ereptus terra justus ad astra redit.

¹ Fortunat. carm. I. iv.

Ad paradisiacas epulas te cive redacto :
Unde gemit mundus, gaudet honore polus.
Et quia non dubito, quanta est tibi gloria landum,
Non debes fieri talis, amica Dei.
Hac qui, sancte Pater, pro magnis parva susurro :
Pro Fortunato, queso, precare tuo.

Hactenus vetus memoria Chalacterici : sed agamus de reliquis.

32. Interfuit pariter eidem Concilio fama ille insignis, decus Aquitaniæ, Leontius episcopus Burdegalensis, de quo plura dicenda nobis erunt inferius, cum agemus de Concilio Santonensi ab ipso collecto : porro idem interfuisse reperitur quarto Aurelianensi Concilio. Praeter alios vero nobis incomptos, qui pœnultimo ponitur loco Paternus, sanctitate conspicuus extitit episcopus Abricensis, quem etiam Catholica Ecclesia adscriptum tabulis Ecclesiasticis annua memoria celebrat decima sexta die Aprilis. Exstat ad eundem Epigramma Venantii Fortunati his versibus².

Nominis auspicio folgent tua facta, Paterne,
Numere qui proprio te facis esse patrem.
Servatu nostri non immemor omnia præstas,
Et tibi de votis das pia vota libens.
Ut bona destribas modo qui tam promptus baberis,
Unde magis præstes, amplificentur opes.

Quodnam esset servitium, quod Paterno impertit
Fortunatus, idem alio declarat Epigrammate versibus istis :

Parnimus tandem jussis, venerande sacerdos :
Nomini officium jure, Paterne, regis.
Qui propriis meritis ornans altaria Christi,
Tam prece quam voto das placitura Deo.
Supplico, cede tamecum, si quid me forte fefelit :
Nam solet iste meas error habere manus.
Obtineat supplex modo pagina missa salutem :
Hac quoque eum reliquis me memorare velis.

Haec Fortunatus ad Paternum tunc adhuc abbatem , ut ejusdem Epigrammati inscriptio habet. Extant res ab eo præclare gestæ².

33. Qui vero ultimo loco ponitur Samson episcopus, idem claruit in Minorie Britannia sanctus Dei sacerdos , cuius perpetua viget memoria in Ecclesia. quæ ejus natalem diem celebrat vicesima octava Julii. Sunt et alii nobis haud scriptorum monumentis satis noti : porro omnes quindecim numerantur ; statueruntque canones novem lantum numero , sed virtute pollentes , quibus regum eorumque ministrorum atque aliorum sibi nimium sumentium temeritatem represserunt : ex quibus non solum ii qui illis vixere temporibus, sed et Novatores nostri temporis exagitentur.

34. Euphroni et aliorum episcoporum Epist. ad Radegundem reginam de institutione monastica.
— Non præterea, quod episcopi qui huic S. Synodo

¹ Fortunat. carm. I. ix. — ² Sur. die xvi. April. tom. I.

interfuisse reperiuntur, Euphronius, Praetextatus, Germanus, Felix, Domitianus, ibidem nominati, et præter eos duo alii Victorius et Domnulus, alter Rhedenensis, Cenomanensis alter sanctitate clarissimi, inscripti reperiuntur in Epistola ab iisdem data ad S. Radegundem reginam de servanda institutione monastica, quam miro ardore animi suscepserat, et cum regiis aliisque nobilissimis virginibus Pictavi excolebat. Quod enim ex horum diœcesisibus ad dictum monasterium Deo dicandæ virgines convolassent: ne aliqua ex illis post promissionem Deo factam ad propria redire posset, vel nubere, iidem sanctissimi Patres ejusmodi scripsere Epistolam ad sanctissimam reginam, que sic se habet¹:

35. « Dominæ beatissime et in Christo Ecclesie filiae Radegundi Euphronius, Praetextatus, Germanus, Felix, Domitianus, Victorius, et Domnulus episcopi.

« Sollicita sunt jugiter circa genus humanum immensæ Divinitatis provisa remedia, nec ab assiduitate beneficiorum suorum quoctunque loco vel tempore videntur aliquando sejuncta, cum plus rerum arbiter tales in hereditate culturae Ecclesiastice personas ubique disseminat, quibus agrum ejus intenta operatione fidei rastro colentibus ad felicem centeni numeri redditum divina temperie Christi seges valeat pervenire. Tantum igitur benignitatis ejus se passum dispensatio profutura diffundit; ut illud nusquam deneget, quod prodesse multis agnoscit: quarum personarum exemplo sanctissimo, cum judicaturus advenierit, habeat in plurimis quod coronet.

36. « Itaque cum ipso Catholicæ religionis exortu cœpissent Gallicanis in finibus venerande fidei primordia respirare, et adhuc ad paucorum notitiam tunc ineffabilia pervenissent Trinitatis Dominicæ sacramenta (cum videlicet tempore Constantii in Gallis Ariana heres sub Saturnino Arelatensi episcopo grassabatur), ne quid hic minus acquireret, quam in orbis circulo prædicantibus Apostolis obtineret; beatum Martinum peregrina de stirpe ad illuminationem patriæ dignatus est dirigere, misericordia consulente: qui licet Apostolorum tempore non fuerit, tamen Apostolicam gratiam non effugit: nam quod defuit in ordine, suppletum est in mercede: quoniam sequens gradus illi nihil subtrahit, qui meritis antecellit. Hujus quoque, reverentissima filia, in vobis congratulatur, rediviva surgere supernæ dilectionis exempla propitiatione divina; nam declinante tempore sæculi vetustate, vestri sensus certamine fides revirescit in flore: et quod veterno tepuerat algore senectæ, tandem ferventis animi rursus inæscat ardore.

37. « Sed cum pæne eadem veneritis ex parte qua beatum Martinum huc didicimus accessisse; non est mirum, si illum imitari videaris in opere, quem tibi ducem eredimus itineris extisset: ut

enjus es secuta vestigia, felici voto compleas et exempla, et beatissimum virum in tantum tibi facias esse socium, in quantum partem refugis habere de mundo. Cujus opinionis radio præmonicte, ita reddis audientium pectora cœlesti fulgore suffusa, ut passim provocati puellarum animi, divini ignis scintilla succensi, raptim festinent avide in charitate Christi fonte vestri pectoris irrigari, et relictis parentibus, te sibi magis eligant, quam matrem. Facit hoc gratia, non natura.

38. « Igitur hujus studii vota videntes, gratias clementiae supernæ referimus qui voluntates hominum suæ facit voluntati connecti: quoniam confidimus, quas apud vos jubet colligi, suo vult amplexu servari. Et quia quasdam comperimus, Divinitate propria, de nostris territoriis ad institutionem vestræ regulæ desiderabiliter convolasse: inspicientes etiam vestræ petitionis Epistolam libenter a nobis exceptam, hoc Christo auctore et remediatore firmamus: ut licet omnes aequaliter quæ ibi conveniunt in Domini charitate mansuræ, debeant inviolabiliter custodire quod videntur libentissimo animo suscepisse: quoniam contaminari non debet Christo fides, cœlo teste, promissa; ubi non leve scelus est templum Dei (quod absit) pollui, ut ab eo possit ira succedente disperdi; tamen specialiter definimus, si qua (sicut dictum est) de locis sacerdotaliter nostræ gubernationi, Domino provide, commissis in Pietava civitate vestro monasterio meruerit sociari, secundum beatæ memorie domini Cæsari Arelatensis episcopi constituta, nulli sit ulterius discedendi licentia: quæ, sicut continet regula, voluntate prodita videtur ingressa; ne unius turpi dedecore ducatur in crimen, quod apud omnes meat in honore.

39. « Et ideo si (quod Deus avertat) aliqua insania mentis illicitatione succensa ad tanti opprobrii maculam suam præcipitare voluerit disciplinam, gloriam, et coronam, ut, inimici consilio sicut Eva ejecta de paradyso, per qualemcumque de claustris ipsius monasterii, imo de cœli regno exire pertulerit: mergenda et conculcanda vili platearum in luto, separata a communione nostra, diri anathematis vulnere feriatur. Ita ut, si fortassis, Christo relicto, homini voluerit nubere, diabolo captivante: non solum ipsa quæ refugit, sed etiam ille qui ei conjunctus est, turpis adulter et potius sacrilegus quam maritus; vel quisquis ut hoc fieret, venenum magis quam consilium ministravil, simili ultione, sicut de illa dictum est, cœlesti judicio, nobis optantibus, percussatur: donec separatione facta, per competentem exercandi criminis pœnitentiam a loco quo egressa fuerat, recipi meruerit et amneſti.

40. « Adjacentes etiam, ut eorum qui nobis quondam successuri sunt sacerdotes, similis condemnationis teneantur adstrictæ rectu: et si (quod non credimus) aliquid ipsi voluerint aliter, quam nostra deliberatio continet, relaxare: noverint se nobiscum aeterno Judice definitio causaturos: quia communis est salutis instructio, si quod

¹ Recitata habetur a Greg. l. ix. c. 39.

Christo promittitur, inviolabiliter observetur. Quod nostrae determinationis deeretum, pro firmatis intuitu, propriæ manus subscriptione ereditus roborandum, perpetuâliter a nobis (in annos) Christo ansiee duraturum». Ilactenus sanctissimorum Patrum Epistola, sive de dicatis Deo virginibus sacerdotale deeretum: quibus admoneantur nostri se-

culi Novatores et ipsi ex monachi, et Deo dicatas virgines ex monasteriis abducentes. Quis adeo mentis obtusus non statim intelligat, quam perfidi isti sint, qui contrarie statuant sanctissimis illis Deo dignis episcopis, qui immumeris eluxere miraculis, et virtutibus omnis generis effulgere decori? At de his satis.

Anno periodi Graeco-Romanæ 6052. — Annæ Eccl. Bisp. 567. — Ien. Christi 559. — Pelagii papa 5. — Justiniani imp. 32.

1. *Postconsulatus.* — Hie annis ista formula notatus: *Post consulatum Basilii U. C. xviii, vel secundum aliquos, post consulatum Basilii U. C. anno xix.*

2. *Obitus Pelagii pape.* — A num. 1 ad 48. *Obiit die ut mensis Martii,* inquit Anastasius de morte Pelagii I verba facieus. In ejus autem Epitaphio a Baronio recitato habetur: «tunc requiescit Pelagi papa, qui sedit annos quatuor, menses decem, dies decem et octo. Deposit. IV non. Martii». Quare cum consecratus ficerit die undecima mensis Aprilis anni 559 mortuus est anno Christi sequenti, non vero currenti, idque die prima mensis Martii, et die subsequenti sepultus; Anastasius enim diem obitus cum die sepulture aliquando confundit, et saepissime auctores diem sepulture diem obitus appellant. Præterea Anastasius, qui sicut et omnes fere Catalogi, annos iv, menses x, et dies xviii, Pelagio I attribuit, diem ejus emortualem ab illis diebus xviii excludit, ut sepe alibi facere solitus est. Conditor vero ejus Epitaphii, qui dicit *Pelagium die iv mensis Martii depositum esse, ad diem ejus emortualatem, qui tamen siepe depositionis nomine exprimitur, non respicit, sed ad illum quo honorificenter sepulturam nactus est, ut non raro Anastasius diem translationis sanctorum Pontificum pro die eorum mortis aut sepulture sumit.* Que omnia variis exemplis passim in hoc opere comprobata. Baronius, qui *Pelagii initium cum anno 559 recte copulavit, et durationem Sedis ejus accurate notavit, illius mortem cum praesenti anno alligare non potuit, ut numeranti patet; et quicunque eam*

usque ad annum 561 distulerit, sequentium Pontificum chronotaxim usque ad Gregorium M. non potuisse non fabefacere, ut ex dicendis apparebit⁽¹⁾. Recte tamen observavit Baronius Pelagii ad Vigiliū episcopum Epistolam suspectam esse; falsa est enim consulatus nota Epistolaque ex Ithaci, sanctique Leonis verbis varie corruptis contexta. Epistolas *Pelagii*, quas anno incerto das existimat, anno 561, ad quos annos pertineant ostendimus.

3. *Joannes III ei succedit.* — Post Pelagii mortem cessavit episcopatus, non menses tres, dies xxv, ut perperam in Anastasio legitur, sed menses iv, dies xv, ut ex dicendis in morte *Joannis III* Pelagii successoris constabit. In Catalogis nostris, et in exemplaribus MSS. Anastasii, que legi, male idem Interpontificium etiam refertur. *Joannes* itaque III, natione Romanus, ordinatus est die decima octava mensis Iunii, in quam anno quingentesimo sexagesimo Dominica incidebat.

4. *Councilium Parisiense II.* — Ad num. 48 et seqq. Councilium Parisiense II cum anno 561 a Cointio eo anno num. 5 alligatur; quod ante eum annum collocari non possit, quia Synodo Aurelianensi, cui *Saffaracus* episcopus Parisiensis ante duos annos interfuerat, posterior est Parisiensis, ut subscriptio-nes episcoporum aperte declarant. Cum *Saffaracus* de gravissimo crimine accusatus, propriaque confessione conviclus, merito secundum sacerorum canonomum Constitutiones episcopatu amotus in monasterium detrusus fuisset, illius exauctiorationem Patres Synodi Parisiensis II decreto confirmarunt, cui

(1) Pelagii dies emortualis juxta nostrum calendarium congruit cum die vi Augusti. Siquidem vixisse statuator cum plerisque Anastasi Codicibus editis et manuscriptis annis quatuor, mensibus decem, diebus octodecim. Hunc exceptit inter pontificium duorum mensium et viginti quinque dierum ut Manuscripta quædam Anastasi ferunt, quibus etiam congruit vetus illi Catalogus Blanchianus desinens in S. Paulu I, de quo nos in Nota ad A. 553, 7. Desinit periodus ista in die trigesimam primam Octobris anni 560, que dominica erat, adeoque et ordinationem Joannis novi Pontificis aptissima.

subscripsere episcopi viginti sex. Ex illis complures in numerum sanctorum relati, uti *Esychius* Vienensis, *Nicetius* Trevirensis, *Leontius* Burdigalensis, *Firminus* Ucetiensis, *Leobinus* Carnotensis, *Agricola* Cabilonensis, *Tetricus* Lingonensis, et *Aregius* Nivernensis.

5. *Concilium Parisiense III.* — Concilium vero *Parisiense III*, quod sine nota temporis legitur, pertinere videtur ad annum **DLVII**. Canonibus enim qui conditi sunt, subscripsit *Euphronius* episcopus Turonensis, qui sub finem anni antecedentis sedere cepit, ut in ejus morte videbimus, et posteriorem sexti canonis partem regio praecepto roboravit *Childebertus* rex, qui anno **DLVIII** vivere desit. Ex quindecim episcopis, qui huius Concilio subscripsere, Martyrologio Romano inscripti sunt *Prætextatus* Rotomagensis, *Euphronius* Turonensis, *Germanus* Parisiensis et *Samson* Dolensis. Præterea Burdigalenses *Leontium*, Nannetenses *Felicem*, et Carnotenses *Caletricum* venerantur.

6. *De duplice S. Paterno in Gallis episcopo.* — Ad haec *Paterno* Martyrologio Romano ad diem **xvi** mensis Aprilis inscriptus est, ibique *Abricatensis episcopus* dicitur. Sed incertum. an hic *Paterno* fuerit episcopus Abricatensis, vel *Venetius* in provincia Armorica. In Actis enim SS. Bollandianis ad diem **xv** mensis Aprilis refertur vita sancti *Paterno* episc. *Venetensis*, a Joanne Tinemuthensi in *Sanctilogio Britannie* scripta, et ad diem **xvi** ejusdem mensis Vita sancti *Paterno* episcopi Abricensis, a Fortunato episcopo elucubrata; et in priori dicitur. *Paterno* *Venetensem* episc. *XVII kal. Maii*, seu die **xv** mensis Aprilis in Domino obdormisse. In secunda, dies emortualis *Paterno* Abricensis non exprimitur, sed in aliquibus Martyrologiis diei **xv**, in aliis diei **xvi** mensis Aprilis inscriptus reperitur, et uterque post annum circiter **DLX** animam Deo reddidit. De *Paterno episcopo* Abricatensi egimus anno **DXIV**. *Baronius* num. **32** refert poema *Fortunati* episcopi *Pictaviensis*, auctoris Vitæ sancti *Paterno* episc. Abricensis, sed cum *Fortunatus*, qui poenititia sua in Gallia scripsit, illuc tantum circa annum **DLXII** adventarit, ut infra dicetur, et illud inscriptum sit *Paterno abbati*, incertum de quo *Paterno* *Fortunatus* intelligendus sit, præsertim cum uterque pluribus ante currenti annis abbatis munus gesserit.

7. *Floret S. Samson primus episc. Dolensis.* — Ad num. **33**. Vita sancti *Samsonis* primi episcopi Dolensis in Armorica scripta fuit ab auctore anonymo subæquali, et eam *Mabillonius* sœculo I *Benedictino* publicavit. Natus est in Cambria seu Wallia, et jani episcopus consecratus in Armorican transiit, ubi vitam monasticam, cui antea addictus fuerat, profiteri non destitit, et monasterium condidit proprio vocabulo *Dolum* nuncupatum. Agente *Childeberto* rege hujus nominis primo, Dolensis episcopus renuntiatus, multa monasteria per totam pœne Armorican fundavit. Cum vero Concilio III *Parisiensi*, anno **DLVII** celebrato subscripserit, nec

interfuerit Concilio Turonensi II, quod anno **DLXVII** habitum, intra illud temporis spatium, die incerto, ad Deum migravit. Tabulis Ecclesiasticis ad diem **xxviii** mensis Julyi inscriptus est. Præter anonymous laudatum de ejus virtutibus mentionem facit auctor Vitæ sancti *Maglorii* in episcopatu Dolensi successoris, ejusque consanguinei. *Usserius* in *Annal. Hiberniae* mortem ejus differt in annum **DXCIX**, sed eum hallucinatum non dubito.

8. *Decretum Concilii Turonensis II in favorem sanctæ Radegundis.* — Ad num. **34** et seqq. Decretum episcoporum quod suscepta *beatae Radegundis* Epistola, cuius initium est, *Sollicita sunt jugiter*, et cætera a Baronio recitata, datum ab illis fuit eodem anno, quo *Radegundis* Epistolam ad eos scripsit, (quam *Baronius* exhibet an. **DXC**, num. **29** et seqq.) et quidem in Concilio Turonensi II, anno **DLXVII** celebrato; cum, ut observavit *Sirmondus* in *Notis* ad illud Concilium, data sit ad episcopos illos ipsos: (quod ex illorum rescripto patet) qui Concilio Turonensi adfuerunt, indeque verisimile sit, tum ad eos missam, eum una essent in eo Concilio congregati. Turonensis lib. **9**, cap. **40**, varia negotia narrat, quæ *Sigeberto* *Pictavii* post *Charibertum* regnante, et *Xaroveo* *Pictaviensem* episcopatum regente, gesta sunt, indeque liquet, *Charibertum regem* ultra annum **DLXVII** vitam non produxisse. Episcoporum decreto, permittitur monachis *Pictaviensibus* servare regulam, quam *saintus Cæsarius* *Arelatensis* quondam antistes monialibus a se *Arelatis* institutis præscripserat; quod ipsa per Epistolam suam ab episcopis petierat. Vide quæ diximus anno **DXC**, num. **8**.

9. *Finis primæ periodi Victorianæ.* — Absolvitur hoc anno *Cyclus Paschalis Victorii Aquitani* **DXXXII** annorum, ab anno *Æra Christianæ* vicesimo octavo, quo is Christum passum existimavit, inchoatus, annoque sequenti eadem periodus repetita, numeratusque annus primus secundæ periodi Victorianæ. Ea tamen jam senescente *Victor Capuanus* episcopus cum suis, *Dionysius* *Exiguus*, omnes Itali, aliisque nonnulli *Egyptiam* Paschalis rationem latinæ postea prætulere, tandemque *Carolus Magnus* imperator potentia et auctoritate sua *Victorii* canonem ægre admodum a paucis Gallorum usurpatum, uniformitatis et concordiae studio antiquavit.

10. *Floret S. Sira in Perside.* — Hoc anno *sancta Sira* virgo Seleuciæ, quæ *Mesopolamia* ad Tigrim fluvium notissima urbs est, nata, in Perside martyrio coronata est. Refertur ejus Vita a *Papembrocio* ad diem **xviii** mensis Maii, ab auctore coævo græce scripta, ex qua discimus, sanctam virginem patrem habuisse scientia magica insignem, qui multo tempore imperium judiciale exercuerat. *Agathias* enim, qui hoc tempore vivebat, lib. **2**, pag. **63**, de præsenti tune Persidis statu loquens, ait: « *Nunc Magi* omnes in summo apud eos sunt honore ac veneratione, publicaque omnia eorum consiliis prædictionibusque administrantur, et uni-

enique privatum quæ ad dicam causamque suam pertinent intentanti : præsunt Magi, qui cognoscant quid agatur, et arbitrii suum anteponant ; neque quicquam omnino Persis videtur legitimum esse et æquum, quod non a Mago confirmatum stabilitumque fuerit ». Sira postquam perfectam magieæ artis nefandorumque saerorum cognitionem nacta est, comparatione Christianorum inter et Gentilium ritus instituta, a portentosa horum ingacitate discessit, et variis visionibus corroborata palam se Christianam professa est, spretis suorum suasionibus ac minis, præsertimque patris, a quo ad principem Magorum duxta est, ut rationem redideret mutatae religionis.

41. S. Sira martyrio coronatur. — At cum ad patrios ritus redire noluisset, in domum patris remissa, variis modis afflita est. Postea a praefecto quodam conjecta in carcerem manibus pedibusque vineta, et cum non frangeretur, ferri pondere ipsi imposito in puteum immissa est, ubi postquam dies quindecim extilerat, magnum populi murmur factum, « idque maxime propter siccitatem, quæ per id tempus facta erat. Ipso die quo e fovea educta est, ingens pluvia decidit, et terram sitibundam saturavit. Cum non exiguum temporis spatium sancta Sira transegisset in carcere, et legatus Romanorum redditum in suam pararet regionem », timentes Magi ne vinculis solveretur, miserunt illam ad Chosroen regem, tandemque coram Archimago vestibus nudata, morti adjudicata est non gladio percussa, sed teste suffocanda ; quod certamen gloriose confecit « duodetrigesima die

mensis Peritii, secundum Graecos, anno octingentesimo septuagesimo post Alexandrum Macedonum regem », inquit anctor anonymous Vitæ ejus qui jam dixerat, martyrum illud contigisse *vicesimo octavo regis Persarum Chosroë*, ideoque die vice-sima octava mensis Februarii currentis Christi anni, non vero præcedentis, ut perperam numerat Papebrocius citatus ; annus enim ille epochæ Rumææ, id est, Graecæ, seu Selencidarum inchoatur kalendis Octobris anni periodi Graeco-Romanæ 5182, et mensis *Peritius* Februario nostro respondet. Haec epocha, quæ hoc sæculo ab Arabibus, Chaldæis, et Persis usūrpabatur, solaris est, et ejus anni semper a die prima mensis Octobris, seu Teshris, inchoantur. Legendus Ulug-Beigus Indiæ citra extraque Gangem princeps in Tractatu *de Epochis celebrioribus, Astronomis, Historicis, et Chronologis usitatis*, ubi epocham Rumæam seu Selencidarum docte explicat. Biu *Sira* in carcere detenta fuit, ut ex auctore ejus Vitæ cum Theophane collato intelligitur. Hic enim scribit legatum Persarum, ad pacem tractandam Constantinopolim missum, ibidem fuisse mense Maio anni Christi 561, ut eo anno vidimus, additque, *Julii mensis die xiii, hebdomadis quinto imbre* ita copiosum fuisse, ut *imbris inopia laborans terra, aquis plane exsaturata fuerit*, ideoque et eo mense, an. 561, *Sira* e laen, in quem conjecta fuerat, educta. Cognata fuit sanctæ *Golinduchæ*, quæ etiam martyrum in Perside passa est, regnante Chosro juniori, ut anno 544 videbimus.

4. Turbae Constantinopoli, Justiniano ægrotante, qui ope SS. reliquiarum sanatur. — Sexagesimus supra quingentesimum Domini annus inchoatur, post Basili consulatum decimus nonus, idem imperatoris trigesimus quartus, Constantinopolitanus valde lugubris. Etenim¹ ægrotans idem imperator cum vulgo mortuus jactaretur, quasi in interregno quibusque quod vellent agendi licentiam

sibi sumentibus, ingentia plane perpetrata sunt sceleræ, quæ in urbis direptione ab hostibus fieri consueverunt ; inter alia vero ergasteria mercatorum sunt expilata. Si enim vivente adhuc principe, Prasinorum factioni talia impune agendi videbatur facultas esse concessa : quid pulandum post renuntiatam imperatoris mortem non esse præsumptum sive ab ipsis, sive potius a contraria factione imperatoris potentia diu compressa, luctuosaque passa ? Sed quomodo idem imperator ex insperato ope

¹ Misc. et Cedren. Annal. hoc anno.

sanctorum martyrum convaluerit, cum omnes referant; nos ex ipso fonte, nempe Procopio, eam petamus historiam: Ait enim¹:

2. « Juxta orificium Sinus Irenes marlyris templum fundatum est tanla magnificentia, ut satis enarrare non possim. Hic asservantur ex antiquo reliquiæ sanctorum virorum non minus quam quatuor, qui in Romano exercitu æra merentes, militabant in duodecima legione apud Melitenem urbem Armeniæ olim collocata. Etenim latoni, effossa humo, invenerunt arculam litteris indicantem, esse scilicet reliquias horum virorum. Quod Deus latere voluit, donec manifestari congruum foret. Quippe Justinianus corpore erat male affectus; vehemens enim fluxus in genua delapsus virum dolore confecit ». Quanam ex causa id acciderit, eum idem referat, nos alia occasione superius enarravimus: atque inox subdit: « Ille igitur morbus succrescens, medicorum operam evicit. Interim audiens inventas esse reliquias, relicta ope humana, ad has fidem convertit, et vera opinione in iis quæ maxime necessaria erant usus est. Postquam enim lanceam reliquiarum sacerdotes genibus regis imposuerunt, evanuit dolor, corporibus quæ Deo servierunt, cedens. Quod profecto Deus nolens esse dubium, magnum signum ostendit eorum quæ acta erant. Nam ex sanctis illis reliquiis subito oleum manavit, et arculam perfundens, pedes et totam purpuream vestem regis imbuit et humectavit. Quamobrem vestis hoc modo humectata asservatur in regiis receptaculis, in eorum quæ tunc facta sunt testimonium ». Haec Procopius.

3. At non semel tantum sanctorum martyrum beneficio curatum esse Justinianum ab ægritudine, et e mortis faueibus erutum atque renovatum ad vitam, constat: nam quæ sunt relata, num hoc anno acciderint, vel potius quæ idem auctor his præmisit, quisque pro animi sententia judicabit. Porro rem gestam idem Procopius ita narrat. Etenim quod expertus est modo remedium ex quatuor sanctorum martyrum reliquiis, alias ope sanctorum martyrum Cosmæ et Damiani factum itidem refert his verbis²: « Circa Sinus terminum in arduo satis et edito loco sanctis Cosmæ et Damiano olim templum dedicatum est: ubi Justinianum graviter ægrotantem, et jam morituri speciem præbentem, nempe a medieis desperatum, et inter cadavera jacentem, isti sancti per somnum et visum apparetentes curaverunt. Cujus beneficij menor, pristinam strucuturam permutans impolitam plane et indignam tantis cælibibus elegantia, magnitudine, et fulgore luminis templum illustravit ». Haec ipse.

4. Non id recens, semelve experimento declaratum est, sanctorum reliquias Dei ope edidisse miracula: ab exordio enim nascentis Ecclesiæ, vultu e fonte perenni copiose fluente, rivosque curationum in omnes orbis partes emitente, sanctorum reliquias id præstissime, quæ superius singulis ferme

annis sunt dicta, perspicua tuce demonstrant. Sicut etiam pariter ostensum est, ubique locorum cultum sacrarum imaginum semper in Ecclesia Catholica viguisse, de quo hoc pariter anno haud vulgare exemplum annales continent: hoc enim anno id accidisse, Siebertus est auctor, quod narrat his verbis: « Hoc tempore Judæus quidam imaginem Salvatoris de Ecclesia furtim deponens, eam telo transfixit, et eam clam in domum suam deferens, cum vellet flammis exurere, se sanguine imaginis cruentatum videns, præ stupore eam abscondit. Quam Christiani requirentes, et per vestigia sanguinis invenientes, eam sanguinolentam receperunt, Judæum vero lapidaverunt ». Haec ipse.

5. Quod vero de Judais mentio facta est: non prætermittimus dicere ejusdem Justiniani imperatoris tempore tradi, a Theodosio Judæo proditum librum apud Hebræos reconditum de Christi in templo sacerdotii functione, deque Dei Genitricis virginitatis a sacerdotibus Judæorum facta per obstetrics exploratione. Narratur ejusmodi apud Sudam historiæ; eademque a diversis aliis auctoribus recentioribus repetita; quam ut commentum nos respsuisse memores sumus tomo Annalium primo.

6. *Theodomirus Suevus, Gallicæ rex ab Ariano factus Catholicus miraculis reliquiarum S. Martini.* — Quod ad res Occidentalis Ecclesiæ pertinet, ultimos adeamus Hispaniarum fines Oceano contiguos, ipsam, inquam, Gallicie provinciam, ubi regnantes hactenus Suevi reges iidemque impii post Alaxam apostolam haud modicum Catholicæ Ecclesiæ dominum intulere usque ad præsentem annum, quo regnare coepit Theodomirus, tenuitque regnum annos decem, secundum exactam doctissimi viri moralis pvestigationem, eni haud inviti subscribimus. Quod autem hic ipse in Concilio priori Bracharensi Ariamirus dictus inveniatur, error iltapsus putatur. Commune fuisse reperitur tamen patri quam filio, ut Miro ulerque nominaretur: sed pater Theodo, Aria filio prænomen fuisse cognoscitur; licet apud Gregorium Turonensem idem qui Theodomirus, Charricus etiam nuncupatus inveniatur: eundem tamen esse cum ipso Mironis parente, ex eodem auctore probatur. Sed quanam occasione ejusdem regis conversio ad rectam fidem contigerit, hic ex ipso Gregorio res tunc temporis seribente de promimus, qui ait³:

7. « Charrici cuiusdam regis Gallicæ filius graviter ægrotabat: qui tale fædium incurrit, ut solo spiritu palpitaret. Pater autem ejus fœtidæ se illi Arianæ sectæ una cum incolis loci illius subdividerat. Sed et regio illa plus solito, quam alia provinciæ, lepra sordebat. Cumque rex videret urgeri filium in extremis, dicit suis: Martinus ille, quem in Galliis dicunt multis virtutibus cœlulgere, cuius, quæso, religionis fuerit, enarrate. Cui ait: Catholicæ fidei populum pastorali cura in corpore positus gubernavit, asserens, Filium cum Patre et

¹ Procop. de ædific. Justin. imp. l. I. — ² Ibid.

³ Greg. Turon. mirac. S. Martin. l. I. c. II.

Spiritu sancto aequali substantia vel omnipotentia venerari debere. Sed et nunc cœli sede locatus, assiduis beneficiis non cessat plebi propriæ providere. Qui ait : Si hæc vera sunt quæ profertis : discurrent usque ad ejus templum fideles amici mei, multa munera deportantes : et si oblineant mei filii medicinam, inquisita fide Catholica, quam ille credidit, credam. Pensato ergo auro argentoque ad filii pondus, transmisit ad venerabilem locum sepulcri.

8. « Qui profecti, oblatis muneribus, exorant ad beati tumulum pro ægroto. Sed insidente adiuvante in patris ejus pectore seela, non continuo integrum recipere meruit medicinam. Reversi autem nuntii narraverunt regi, se multas virtutes ad beati tumulum vidisse, dicentes : Cur non sanatus fuerit filius tuus, ignoramus. At ille intelligens, non ante sanari posse filium nisi æqualem cum Patre crederet Christum, in honorem B. Martini fabricavit Ecclesiam : miroque opere expedita, proclamat : Si suscipere mereor viri justi reliquias, quodenique sacerdotes prædicaverint, credam ». Haec idecirco de reliquiis quod seilicet omnes qui alicui sanctorum Ecclesiam fabricassent, sanctuaria accipere solebant, nempe veli partem, quæ sepulcro illius sancti superposita fuisset, ut ex S. Gregorii Epistolis liquet, et quæ superius dicta sunt de S. Leone manifestum faciunt. Sed pergit Gregorius :

9. « Et sic iterum suos dirigit majore cum munere : qui venientes ad beatum locum, reliquias postulabant. Cumque eis offerrentur ex consuetudine, dixerunt : Non ita faciemus : sed nobis, quæsumus, licentia tribuatur ponendi, quæ exinde iterum assumamus. Tunc partem pallii serici pensatam super beatum sepulcrum posuerunt, dicentes : Si invenimus gratiam eorum expedito patrono, quæ posuimus plus in sequenti pensabunt; eruntque nobis in benedictionem posita, quæsita per fidem ». Eundem plane usum servari solitum super corpora Apostolorum Romæ, idem auctor affirmat, quæ nos alia occasione superius retulimus : siebat enim, in signum divinae benignitatis imparienda petenti, ut eadem vela majoris ponderis reciperentur, quam data fuerint; secus si contra. Sed de pallio serico quid legatis acciderit. audi :

10. « Vigilata, inquit, una nocte, facto mane, quæ posuerant pensitabant. In quibus tanta beati viri infusa est gratia, ut tandem elevarent in sublime æream libram, quantum habere poterat, quo ascenderet momentanea. Cumque elevatae fuissent reliquiae cum magno triumpho, audierunt voces psallentes qui erant in civitate detrusi in carcere (non nisi enim cum psalmodiæ reliquia transferri solebant) et admirantes suavitatem soni, interrogant custodes, quid hoc esset. Qui dixerunt : Reliquiae domini Martini in Galliciam transmittuntur, et ideo sic psallitur. Tunc illi flentes, invocabant S. Martinum, ut eos sua visitatione liberaret. Exterritisque custodibus, et in fugam versis, disruptis obicibus retinaculorum, liber populus surgit a vin-

culo ; et sic usque ad sancta pignora, plebe insperante veinerunt, osculantे flendo beatas reliquias, simulque et gratias B. Martino pro sui absolutione reddentes, quod eos dignatus fuerit sua pietate salvare. Tunc obtentis per sacerdotem a judice culpis, incolunes dimissi sunt. Quod videntes gestatores reliquiarum, gavisi sunt valde, dicentes : Nunc cognovimus, quod dignatur beatus antistes nobis peccatoribus propitium se præbere ». Fuerunt haec eorum quæ facienda erant in Gallicia in solutione perfidieæ vinculorum signa prænuntia in catenarum fractione monstrata. Sed prosequitur cetera Gregorius :

11. « Et gratias agentes, prospero prosequente patroni præsidio navigium, undis levibus temperatis flatibus, velo pendulo, mari tranquillo, velociter ad portum Galliciæ pervenerunt. Tunc commonitus a Deo quidam nomine Martinus de regione longinquæ, qui ibidem nunc sacerdos habetur, advenit. Sed nec hoc credo sine divina fuisse providentia, quod eo die se commoveret de patria, quo beatæ reliquie de loco levatae sunt, et sic simul cum ipsis pignoribus Galliciæ portum ingressus sit ». Perinde ac si Martinus Martinum ad Suevorum conversionem adsciverit, atque perfecerit aequum Martinus doctrina, quod Martinus miraculis inchioaverat : ut illud Evangelicum probaretur exemplo, quod est a Domino dictum¹ : « In hoc veritas est, quod aliis est qui seminat, aliis est qui melit. Quæ pignora (subdit Gregorius) cum summa veneratione suscipientes, fidem miraculis firmant : nam filius regis, dimissa omni aegritudine, sanus properat ad occursum. Beatus autem Martinus sacerdotalis gratiæ acceptil principatum. Rex unitatem Patris et Filii et Spiritus sancti confessus, cum omni domo sua chrysostomatus est. Squallor lepræ a populo pellitur, et omnes infirmi salvantur, nec unquam ibi usque nunc super aliquem lepræ morbus apparuit. Talemque gratiam ibi in adventu pignorum beati patroni Domini tribuit, ut virtutes quæ ibidem illa die facte sunt, enarrare perlongum sit. Nam tantum in Christi amore populus ille promptus est, ut omnes martyrium libertissime susciperent, si tempus persecutionis adasset ». Haec de his Gregorius.

12. Porro haec omnia contigisse ipsius Theodosiri regni exordio, ex eo certum illud deducimus argumentum, quod post annum sequentem, nempe tertio ipsius regni totius suæ ditionis convocari fecit episcopos, Conciliumque Brachari celebrari. Sed et de ejusdem regis conversione paucis agit Isidorus in Chronicô Suevorum verbis istis : « Post multos deinde reges, regnum Suevorum suscepit Theodosirus : qui fidem Catholicam adeptus, Ariane impietatis errore destructo, Suevos unitati fidei reddidit. Ilujus tempore Martinus Dumiensis monasterii episcopus fide et scientia claruit, cuius studio pax Ecclesiæ redditâ est, et multa monasteria

¹ Joan. iv.

condita ». Hæc Isidorus : sed de Martino rursus interius dicendum erit.

13. *Ultrogotha reginæ peregrinatio ad sepulcrum S. Martini.* — Quod vero tanta S. Martini meritis tribuuntur : opportunum putamus his at texere gloriosissime Francorum regine (que iisdem temporibus contigit) peregrinationem ad sepulcrum ejusdem sancti Martini, de qua Gregorius ita pergit¹ : « Nam et Ultrogotha regina, auditis miraculis quae ad locum fiunt, quo sancta membra quiescent, tanquam sapientiam Salomonis expetit corde devoto prospicere. Abstiens ergo se a cibis et somno, præcurrentibus etiam largissimis elemosynis, pervenit ad locum sanctum, ingressaque Basilicam timens et tremens, nequaquam audebat adire sepulcrum, indignam se esse proclamans, nec ibidem posse, obsistentibus culpis, accedere. Tandem deducta vigiliis nocte, et orationibus ac profluvis lacrymis, mane oblatis muneribus multis, in honorem beati confessoris missas expetiit celebrari. Quæ dum celebrantur, subilo tres cœci, qui ad pe-

des beali antistitis longo tempore privati lumine residebant, fulgore nimio circumdati, fumen quod olim perdiderant, reperirent. Quo facto, clamor in caelum attollitur magnificantium Deum. Ad istud miraculum currit regina, currit et populus : mirantur omnes fidem mulieris, mirantur gloriam confessoris. Sed super omnia collaudatur Deus noster, qui tantam virtutem praestat sanctis suis, ut per eos talia operari dignetur ». Hæc Gregorius de Ultrogotha regina. Extat Venantii Fortunati Epigramma de horto ejusdem Ultrogothæ, sive Ultrogothonis reginæ, licet depravatus Codex habeat legis, pro regina : non enim de rege, sed de regina esse Epigramma illud, postremi saltem duo versus significant ; qui sunt hujusmodi¹ :

Possideas felix hæc Ultrogotha per ævum
Cum geminis natis tercia mater ovans,

At de ipsa satis : ad res jam sequentis anni transeamus.

¹ Greg. l. l. mir. S. Martin. c. 12.

¹ Venant. carm. l. vi.

Anno periodi Graeco-Romanae 6033. — Anno Æra Hispan. 598. — Jesu Christi 560. — Joannis III papæ 1. — Justiniani imp. 34.

1. *Postconsulatus.* — Hic annus ista formula notatus : *Post consulatum Basili V. C. xix*, vel secundum aliquos, *post consulatum Basili V. C. anno xx.*

2. *Justinianus SS. Cosmæ et Damiani templum illustrius reddit.* — A num. 1 ad 6. Theophanes anno Incarnat, secundum Alexandrinos dñi, kalendis Septemb. hujus Christi anni inchoato, ait : « Hoc anno, mensis Septembbris die nono, hebdomadis quinto, Indictione nona, imperatorem obiisse per Constantinop. rumor sparsus est. E Thracia quippe in urbem redux conspicuum nemini se fecerat, etc. » Integra demum valetudo Justiniano reddita est sanctorum Cosmæ et Damiani opæ, ut tradit Procopius lib. t de Aedificiis cap. 6, qui et scribit, imperatorem, in gratitudinis argumentum, templum iis sacrum, quod ad extremum sinum freti *jam olim* excitatum fuerat, in aliam redactum forum, majorique nitore, pulchritudine, magnitudine, ac denique luminis copia longe illustrius reddidisse. Primus illud excitaverat *Pandinus* Magister sub Theodosio juniore notissimus ob po-

mum ab Eudocia hujus uxore datum, quod illi tandem ullimum exitium conciliavit. Quare reele in *prædiis Paulini* situm ejus assignant Zonaras et Cuperiales pag. 502. De eo templo legendus Duangius lib. 4 Constantinopolis Christianæ paragraphe 15.

3. *Theodemirus Suevorum rex, fidem Catholica amplectitur.* — Ad num. 6 et seqq. Anno CDLXV, Remismundus Suevorum in Hispania rex deceptus ab Aiace Arianus effectus est, et tolam gentem Suevorum lethali hac tabe infecit. Hinc factum, ut successorum Remismundi nomina ab Historicis memorata non fuerint. Duos tamen ultimos Arianos Suevorum reges fuisse *Hermenericum* et *Riciliatum*, discimus ex Actis sanctorum martyrum Vincentii abbatis et sociorum, qui Legione in Hispania passi sunt, quæ recitantur a Bollandio ad diem xi mensis Martii, quo Legione coluntur. In illis legitur, *Riciliatum* regem, omnes Catholicos acerbe vexasse, et templo eorum solo aquasasse. Huic successit *Theodemirus*, quem tsidorus in Chronico Suevorum docet, ubi regiam potestatem suscepit,

Suevos Catholicæ fidei reddidisse, *imitante Martino monasterii Dumiensis episcopo*. Factum id tertio regni ejus anno, quo primum Concilium Bracarense celebratum, sed quo Christi anno, non satis compertum. Garsias Loiaza in Notis ad illud Concilium existimat coactum fuisse anno **DLXI**, Æra **DXCIX**, ideoque et *Theodemirum anno DLIX regnum iniisse*. Baronius autemavit, tertium Theodemiri annum, in ejusdem Concilii titulo expressum, coincidere cum anno **DLXIII**, et Theodemirum currenti regnare cœpisse. Bollandus denique ad diem **xx** Martii in Vita sancti Martini Dumiensis asserit, Concilium I Bracarense recte a Garsia anno Christi **DLXI** consignatum, ideoque debuisse *Theodemirum regem creatum esse anno DLVIII aut insequentis initio*. Verum haec opinio contrarium habet Gregorium Turonensem sancto *Martino Dumiensi* cœcum, qui lib. 5, cap. 37, scribit, hunc sanctum præsulem, cuius opera *Suevoriam* conversio facta, et hujus occasione ipse ad præsulatum evectus, *impletis in sacerdotio plus minus triginta annis*, idque anno Childeberli Austrasiarum regis quinto, anno **DLXXX** ad Deum migrasse. Inde enim consequens est *sanctum Martinum*, qui Concilio Bracarense subscrispit, jam ab anno quingentesimo quadagesimo nono, aut insequenti episcopum Dumiensem renuntiatum esse, eoque circiter anno Concilium Bracarense I habitum; cum dubitandum non videatur, quin initio conversionis regis Galliae episcopi convenerint, ad regulam fidei et sancte religionis constitwendam, ac Ecclesiasticos informandos.

4. *Theodemiri regni initium*. — Nihilominus quia Gregorius in referendis iis, quæ extra Gallias gesta sunt, non raro fallitur, existimo a Garsia scriptore Hispano non recedendum. Observavi enim, Innocentio III Ecclesiam Romanam administrante ventilatam fuisse causam, quæ jam agitata fuerat,

sub diversis judicibus, inter Compostellanam et Bracarensem Ecclesiam, super *quatuor episcopatus*, videlicet *Conimbreisi*, *Lamecensi*, *Visensi*, et *Egitaniensi*, et in Epistola Innocentii ad Petrum Compostellanum episcopum, recitata tomo vi Concil. pag. 544, qua hanc litem dirimit, asserit, *a primo Bracarense Concilio, usque ad Emeritense Concilium fluxisse spatium cxxv annorum*. Quare cum Concilium Emeritense congregatum fuerit die **vii** iduum Novembri anni sexagesimi sexagesimi sexti, apparet Concilium Bracarense ad praesentem Christi annum pertinere, ideoque *Theodemirum an. DLVI aut DLVII regnum obtinuisse*. Dicitur Concilium an. in *Ariamiri regis celebrationem*, die *kalendarum Maiarum*, ubi Ariamirus aliis non est, quam *Theodemirus*, qui et *Mirus* vocabatur, ut infra ostendemus.

5. *S. Martinus fit episc. Dumiensis*. — Porro sanctus *Martinus* statim ac e Pannonia, ubi natus erat, ut docet Turonensis lib. 5, cap. 37, Bracaram pervenit, aedificavit *Monasterium Dumiense* in pago ejusdem nominis prope eam urbem, cuius abbas ipse dictus est, ac dein primus episcopus. Nam cum hujusmodi monasterii conditorem fuisse, docet Decretum Concilii Toletani X, anno **DLVI** celebrati, in quo legitur: « Delatum est ad nos testamentum gloriose memorie sancti Martini Ecclesiae Bracrensis episcopi, qui et Dumiense monasterium visus est construxisse ». Testatur Ambrosius Moralis in sua Historia, abbatem monasterii Dumiensis fuisse etiam episcopum in Regis Curia, ob quam rationem in divisione episcopatum facta a *Wamba Visigothorum* rege, dicitur familiam regiam ad sedem Dumiensem pertinere. De priori Concilio Bracarensi agemus post triennium cum Baronio.

Chrammi, Clotarii Francorum regis filii, integritus hoc anno configit, ut anno **DLXIV** dicetur.

1. *Belisarii insignis calamitas*. — Redemptoris nostri annus quingentesimus sexagesimus primus, post Basilii consulatum vicesimus, idemque Justiniani imperatoris trigesimus quintus adest: quo

defuncto Domno juniore episcopo Antiocheno, ubi sedisset annos quatinus decim, subrogatus est in locum ipsius Anastasius cognomento Sinaita, quod ex monachis in Sina monte vitam agentibus ad

episcopatum ejus Ecclesiæ vocatus sit, de quo plura suis locis dicturi sumus. Quo etiam tempore post Eustochium Hierosolymorum Ecclesiæ substitutus est Joannes, cuius sedis tempus et res gestæ prorsus obscuræ mansere : licet alii in locum Macarrii iterum restituti eum creatum Hierosolymorum anti-stitem dicant.

2. Hoc item anno trigesimo quinto imperatoris, mense Novembri structas fuisse insidias ad occidendum ipsum Justinianum Augustum, habet Misellæ auctor. Cum detecta re, in crimen ad ductus Belisarins poenas dedit, bonis et dignitate exutus. Porro sequenti anno, mense Martio dimissum fuisse ipsum Belisarium ea de causa detentum, atque suis dignitatibus restitutum, idem auctor affirmat : quem et post biennium Byzantii mortuum esse Cedrenis tradit. Sed adversantur Latini¹ nonnulli, qui eum excæcatum, exutumque omnibus dignitatibus atque divitiis, mendicare stipem fuisse coactum asserunt.

3. Adversus hos scimus dimicare Aleiatum² sui Justiniani acerrimum defensorem. At ultimam leves ista tantum essent Justiniani sordes, quæ brevi ab eodem viro docto elui potuissent apologia et non potius illius generis, de quo Hieremias³ : « Si la veris te nitro, et multiplicaveris tibi herbam borith, maculatus es in iniuitate tua coram me ». Aspersus enim impietate et sacrilegiis coiquinatus antea perpetratis diem clausit extremum, ut suo loco dicemus : ut nulla esse possit sufficiens que ipsum emundet apologia.

4. Quod vero ad præsentem Belisarii causam pertinet, antiquiorum una omnium sententia fuit, ut ipse in conjurationis suspicionem adductus, ab eodem Justiniano imperatore fuerit redactus in ordinem. De reliquis autem varias reperimus sententias esse : cum alii dixerint excæcatum, et ita usque ad finem vitam traxisse miserrimam ; alii vero in eo tantum consentiant, ut e sublimiori statu dejectus, rursus fuerit in pristinum restitutus. Sed accipe de his in primitus Joannis Græci auctoris iambos :

Iste Belisarius imperator magnus
Justiniane existens temporibus imperator,
Ad omne quadrantem terræ cum explicuissest victorias,
Postea invidia excæcatus (o fortunam instabilem !)
Poculum ligneum detinens clamabat plebi in stadio :
Belisario obolum date imperatori,
Quem fortuna quidem clarum fecit, excæcavit invidia.
Alii dicunt chronicæ, non excæcatum fuisse hunc,
Ex honoratis autem infamem profecto factum esse,
Et iterum ad revocationem aestimationis venisse prioris.

Hæc ipse. Verum de Belisarii in pristinum restitu-tione altum apud Græcos silentium.

5. Certe quidem Zonaras, cum bonis omnibus privatum dicat, de restitutione nihil : ut plane in statu miserrimo ipsum derelictum, nec amplius

sublevatum possit intelligi. Sed et Glicas minime eum in pristinum restitutum affirmit; idem et Cedrenus, qui de eodem hæc ait : « Adeo autem acceptus fuit Justiniano, ut is perenno nummo, in altera parte se, in altera parte Belisarium armatum effinxerit eum inscriptione hac : BELISARIUS ROMANORUM DECUS. Verum enimvero invidia ut solet rebus prosperrime succendentibus insidiari, Belisarium quoque ita adorta est, ut is per calumniam delatus et magistratu et honore sit exutus ». Hæc Cedrenus. Sed et Constantinus Manasses in Annalibus cum id ipsum affirmet, vehementi istiusmodi invectiva probrosum imperatoris insectatus est facinus, ubi res a Belisario preeclare gestas enarrat :

6. « Sed hæc, inquit, invidiae sceleratissimæ non placebant : quapropter honestissimam ducis famam parum æquis oculis intuebatur, et toto impetu gloriam ejus oppugnabat : nam vulgo quod dicitur: Quid sit utile, ignorat invidia. Quamobrem vir fortunatus, magnus copiarum ductor, qui formidabilem Cosrhoen Persarum principem exter-rerat, qui reges servitutis jugo subjecerat, qui gladio tot Lybiae nationes domuerat, vir denique Mavortius, et in præliis animo Leonino præditus, immanis bellæ, nimirum invidiae dolis circum-ventus, absque milite, propugnatoribus, pharetratorum turba ruinam indignam et lacrymis deplo-randam ruit. Factus est (heu miser !) pupillo nudior, calicem calamitatum largiter hausit : eum fugitivum quoddam maueipium rebus suis universis spoliatus est ; eoque denique loci redactus est ut, (heu sortem acerbam !) carnificem exspectaret, quando cervice ei gladio secturus esset. O invidia, bellua nocens, latrocinatrix, cædibus et per-secutionibus gaudens, scorpie infinitis stimulis prædite, tigris homines devorans, dracæna, vene-fica lethalis herba, telum ferri exper, scupsis acutissima, qualia designas et improba committis ? Quas calamitates, quæ mala struis ? Vincit me dolor, confurbat luctus, et lacrymas exprimit. Quousque perditrix tantum virium habebis ? Quousque sceleratissima vitam humanam perturbabis ? O ty-ranne mala machinans, sanguinarie cuncta appetens, etiam ipse (quod nunquam factum oportuit) tuas in manus incidi, tuaque tela expertus jaceo, parumper adhuc spirans ». Ilucusque Constantinus in invidiam veluti malorum omnium causam stylo pugnans, cum et alii in eodem argumento versantes fortunam proditionis incusent.

7. Sed Ethnicorum sint ista lamenta : altius sigit oculos Christi fidelis, qui eum manare cuncta e divina providentia intueatur, haud casum incusat atque fortunam ; sed præterita hominum impie facta considerans, divinam intelligit esse vindictam, quam imprudens quispiam invidiæ tribuit atque fortunæ. Quod autem ex sententia Sapientis¹, Altissimus sit patiens redditor, cum interdum vindicet peccata patrum in filios, nepotes, ac prone-

¹ Cris. de honest. discip. I. xv. Vo'at. Pontan. vel alii recent. omnes.

— ² Aleiat. parerg. I. iv. c. 24. — ³ Hier. II.

1 Eccl. v.

potes : seram hand quis judicabit esse vindictam, qua ipsum viderit peccati esse prosecutum auctorem. Ut igitur æqua libra expensam intelligas in Belisarium cælitus Deum jaeulatum esse vindictam : hic ob oculos pone quæ in sanctissimum Ecclesie Romane Pontificem Silverium in gratiam Theodoræ Augustæ Romæ Belisarius aliquando perpetravit : quorum elsi pœnituisse postea visus sit, tamen (quod honor regis judicium diligit) licet culpa peccantem absolvat, ob quam perpetua gehenna dignus erat ; haud semper pœnam in præsenti vita luendam omnino remittit : ut inter alia exempla, quibus afluxit divina Scriptura, de David¹ patet expressum ; cui licet peccatum a Deo dimissum Nathan annuntiaverit, pœnam tamen in præsenti vila ipsi a Deo infligendam pariter demonstravit. Quam autem sit immane seclus, atque pavendum eliam dæmonibus sacrilegium, injicere manus in Christum Domini, nesciunq[ue] in sanctum sanctorum, ex illa satis sit ponderare sententia Domini qua ait² : « Qui tetigerit vos, tangit pupillam oculi mei ». Vel eum minatur³ : « Qui scandalizaverit unum de pusillis istis qui in me credunt, expedit ei ut mola asinaria appendatur in collo ejus, et dejectetur in mare ». Sed quis præterea, si secleris immensitatem consideret, incusare poterit et non admirari potius divinum judicium juste latum in Belisarium, cum experiri ipse coactus sit, quod (ut ex Procopio dictum est) pali coactus est Joannes consul atque praefectus prætorio insignis patricius, qui revera ob inopiam compulsus est mendicare ?

8. Quod vero his de Belisario enarratis Aleciatus (ut dictum est) repugnans, nullum preterea argumentum afferat, quam de re tanta silentium Procopii et Agathiae : quod ad Procopium pertinet, nihil est quod ex eo aliquid induci possit, cum minime ad hæc tempora suam historiam perduxerit. Caeterum ipsum post historiarum volumina seripisse librum constat, quo ejusdem Justiniani comprehendit vituperationes, simul et uxoris ejus Theodore, itemque Belisarii, atque conjugis ipsius, prout testatur Suidas : in quo quidem commentario ea tractata fuisse, ratio argumenti cogit existimare. Quod autem pertinet ad Agathiam, haud potuit ipse hæc pertractasse, quæ facta diximus anno trigesimo quinto ipsius Justiniani imperatoris, cum ejus historia annum trigesimum secundum non excedat. At de his hactenus. Ad res vero Occidentalis Ecclesiæ pietas Childeberti nos provocat.

9. *De donationibus a Childeberto factis Ecclesiæ S. Vincentii, quam et S. Germanus sacris munieribus locupletat.* — Hoc enim anno, qui ejusdem Childeberti Francorum regis quadragesimus octavus numeratur inchoatus, data reperitur ejusdem regis pragmatica sanctio de bonis a se donatis Ecclesiæ S. Vincentii, quam (ut jam diximus) sumptuose construxit. Ut ergo memorabili antiquitatis monumentum enctis notum fiat, quo Christianissimi

regis pietas innotescit, hic ipsam integrum describere, ex parte aliqua superius recitatam, haud erit otiosum ; sic enim se habet⁴ :

10. « Childebertus rex Franeorum V. I.

« Recolendum nobis est et perpensandum utilius, quod hi qui templa Domini nostri Jesu Christi aedificaverint, et pro requie animarum suarum ibidem tribuerint, vel in alimoniam pauperum aliquid dederint, et voluntatem Dei adjumperint, in æterna requie sine dubio apud Deum mercedem recipere merentur. Ego Childebertus Francorum rex una cum consensu Francorum et Neustrasiorum, et exhortatione sanctissimi Germani Parisiorum urbis pontificis, vel consensu episcoporum, cœpi construere templum in hac urbe Parisiaca prope muros civitatis in terra quæ adspicit ad fiscum nostrum Iaciensem, in loco qui appellatur Leucotitio, in honorem S. Vincentii martyris, enjus reliquias ex Hispania asportavimus, eeu et sanctæ Crucis, et S. Stephani, et S. Fereoli, et S. Juliani, et beatissimi S. Georgii, Prolati, Nazarii, et Celsi pueri, quorum reliquie ibi sunt consecratae.

11. « Properea in honorem dominorum sanctorum concedimus fiscum nostrum largitatis nostraræ Iaciæ, qui est in pago Parisiorum prope alveum Sequanæ, una cum omnibus quæ ibi adspiciunt eum mansis et commendantibus in ejus agris, territoriis, vineis, silvis, pratis, servis, inquilinis, libertis, ministerialibus (præler illos quos ingenuos nos esse præcepimus) cum omnibus appendentiis suis quæ ibi adspiciunt, cum omnibus adjaceentiis, cum omnibus quæ nobis deserviunt tam in aquis quam in insulis, vel cum molendinis intra portam civitatis et turrim positis, cum insulis quæ ad ipsum fiscum adjacent, cum piscatoria quæ appellatur Verena, cum piscatoriis omnibus quæ sunt in ipso alveo Sequanæ, summantque initium a ponte civitatis, et sortiuntur finem ubi alveolus Savarae veniens præcipitat se in flumen. Has omnes pescationes, quæ sunt et fieri possunt in utraque parte fluminis, sicut nos tenemus et nostra forestis est, tradimus ad ipsum locum, ut habeant ibidem Deo servientes vietum quotidiam per succedentia tempora. Damus autem hanc potestafem, ut euimusque potestatis littora fuerint utriusque partis fluminis, teneant unam perticam terræ legalem, sicut mos est ad ducendas naves et reducendas, ad dimittenda retia vel deducenda absque ulla refragatione et contradictione, seu judicaria contentione.

12. « De argumentis (instrumentis) vero, per quæ aves possunt capi super aquam, præcipimus ut nulla potens persona inquietare valeat famulos, sed omnia secure teneant, possideant per infinitas temporum successiones, et cum arcis et easis infra Parisios civitatem cum terra et vinea, et oratorium in honorem S. Andeoli martyris, quæ de Hilario et Ceranno, dato pretio, comparavimus, et eum om-

¹ 2. Reg. XII. — ² Zach. II. — ³ Matth. XVIII. Marc. IX. Luc. XVII.

⁴ Apud Aim. I. II. c. 20.

nibus quæcumque in eo nobis deserviunt, pro re que anime meæ, quando Deus de hac clarissima luce dederit discessum. Ipse fiscus qui vocatur Isiacus, cum omnibus quæ ibi adspiciuntur, ipso die ad ipsum templum Domini, quod nos aedificavimus, deserviat, et ad omnia quæ illi sunt opus iam ad lumen quam in Dei nomine ad stipendia servorum Dei quos ibi instituimus, seu ad ipsos rectores qui ipsos regere habent, omnino ibi transvolant, et per longa annorum spatia ad ipsum templum Domini, quod absque contradictione vet refragatione, aul judiciorum contentione inspecta, ipsa præceptione omni tempore proficiat in augmentum. Et ut hæc præceptio cessionis nostræ futuris temporibus firmior habeatur, et Deo auxiliante, per omnia tempora inviolabiliter conservetur: manibus propriis vel nostris signaculis infra decrevimus roborare. Datum quod fecit mense Decembri, die sexto, anno quadragesimo octavo postquam Childebertus rex regnare cœpit ». Hactenus donationis labule regis Christianissimi, ex Ecclesiastica disciplina colentis cineres sanctorum martyrum, et perpetuam requiem post obitum per elemosynas sibi conciliantis.

13. Porro quod ad nobilem Basilicam ab ipso Childeberto Parisiis erectam pertinet, est ejusmodi carmen Venantii Fortunati hac inscriptione notatum :

DE ECCLESIA PARISIACA.

Si Salomonici memoratur machina templi,
Arte licet pars sit, putchrior ista fide.
Nam quicumque illic veteris velamine legis
Clausæ fuere prius, hic reserata patent.
Floruit illa quidem vario intertexta metallo :
Clariss. hac Christi sanguine tincta nitet.
Illam aurum, lapides, ornarunt cedrina ligna :
Hic venerabilior de Cruce fulget honor.

Hæc ideo de cruce, quod (ut vidimus) in labulis donationis inter alias sacras reliquias lignum quoque sanctæ crucis illic Childebertus collocandum curavit. Sed pergit :

Constituit illa vetus ruituro structa talento :
Hæc prelio mundi stat solidata domus.
Splendida marmoreis attollitur aula columnis :
Et quia pura manent, gratia major inest.
Prima capit radios vitreis oculata fenestræ,
Artificisque manu clausit in aree diem :
Cursibus auroræ vaga lux laqueana complet,
Atque suis radiis et (hæc) sine sole micat.

His dictis, de auctore qui eam erexit, donisque nulliplicibus ditavit, hæc addit :

Hæc prius egregio rex Childebertus amore
Dona suo populo non moritura dedit,
Totus in affectu divini cultus inhæreus,
Ecclæsiæque juges amplificavit opes.
Melchisedech noster merito rex atque sacerdos
Complevit laicus religionis opus.
Publica pura regens, et celsa palatia servis
Unica Pontificum gloria, norma fuit.
Hinc aliens, ille meritum vivit honore :
Hic quoque gestorum laude perennis erit.

Hæc Fortunalus post obitum (ut apparet) ipsius Childeberti regis, de quo dicemus anno sequenti.

14. Ad hanc antem spiritualibus munieribus locupletandam Basilicam, ipse S. Germanus ad loca sancta invisenda in Orientem profectus, expeditas a Justiniano imperatore reliquias detulit, atque in eadem Basilica collocavit : de quibus Aimoinus hæc habet ¹: « Beatissimus quoque Germannus presul Parisiæ urbis ad sancta loca Hierosolymam pergens, indeque rediens, prelatum principem (nempe Justinianum imperatorem) adiit, a quo et honorifice est susceptus. Cumque enim plurimis vellet decorare munieribus, vir Deo plenus auri et argenti spernens minera, ab eo reliquias tantummodo sanctorum expetiit. Cujus devotioni præfatus congaudens princeps, de Domini nostri Jesu Christi corona spinea, simulque reliquias Innocentum, unaque brachium sancti Georgii martyris pro magno munere contulit. Quæ vir Dei grataanter suscipiens, ad propria rediit, et prædicta sanctorum pignora in Ecclesia sancte Crucis, sanctique Vincentii condidit ». Hæc auctor.

15. Porro quod ad reliquias ipsius S. Vincentii martyris pertinet, vigil magnopere non in Hispaniis tantum ubi passus est, sed et in Galliis earundem cultus : cuius rei præter cetera fidem faciunt alia ejusdem Forlunati eodem argumento scripta carmina ², nempe de ejusdem sancti Basilica ultra Garumnam, quam S. Leontius episcopus Burdigalensis stanno coopernit, et de alia in Vernemete, quam idem Leontius erexit a fundamentis; ubi et recolit miraculum in ejus dedicatione, martyris virtute faelum ; simulque docet foto orbe lerrarum cultum S. Vincentii martyris fuisse celebre. Sed accipe ejus Epigramma :

Cultoris Domini tota sonus exiit orbe,
Nec locus est ubi se gloria celsa neget.
Sed cuius meritum sciimus præcurrere mundum,
Hujus ubique viri surgere tempa decet.
Ecce beata nitent Vincenti culmina summi,
Menere martyrii qui colit astra poli.
Pronuptus amore pio qua papa Leontius olim
Consolidit eximio consolidata loco,
Nomine Vernemeticis volut vocata vetustas,
Quod quasi fanum ingens, Gallica lingua refert.
Auspicii præmissa fides erat aree futura,
Ut modo celsa domus flagret honore Dei.
Hic etiam sanctus Domini suffultus amore
Virtutis sunnum signa tremenda dedit.
Nam cum templa Dei præsul de more dieavit,
Martyris adventu daemonis ira fugit.
Redditur incolumis quidam de parte maligna :
Cui vidisse pia tempula, medela fuit.
Emicat aula potens divino pleua sereno,
Ut merito placeat hic babitare Deo.
Nunc specie suadente loci hac virtutis honore
Evocat hic populus : hinc decus, inde salus.
Qui plebem accendis, venerande conditor areis,
Talibus officiis præmia justa metis.

Hæc ad Leontium Fortunalus. Sed et de aliis ejusdem martyris in Gallia Basilicis, et miraculis illici solitis agit Gregorius Turonensis in commentario de Gloria martyrum. At de his hæc salis.

¹ Ann. de Gest. Franc. I. III. c. 9. — ² Fortun. I. I. c. 8. 9.

Anno periodi Graeco-Romanæ 6054. — Olymp. 333. — Anno Aë Hispan. 599. — Jesu Christi 561. — Joannis III papa 2.
— Justiniani imp. 33.

1. *Octava Justiniani quinquennalia.* — Hic annus ista formula notatus : *Post consulatum Basili V. C. xx, vel secundum aliquos, post consulatum Basili V. C. anno xxii, octava quinquennalia imperii, vivente Justino, a Justiniano suscepti, ut indicant Iudi Circenses mense Novembri celebrati, de quibus Theophanes ad annum Incarnat. secundum Alex. DLIV.*

2. *Obitus Domini episcopi Antiocheni.* — Ad num. 4. Cum *Domnus seu Dominus* episcopus Antiochenus anno **DLV** sedem inierit, annosque quatuordecim sederit, mors ejus contigit anno quingentesimo quinquagesimo nono; recteque in Latereculo Theophanis primus *Anastasii* ejus successoris annus inchoatur kalendis Septembribus anni Christi **DLIX**. Hunc *Anastasium* Baronius *Sinaitam* perperam appellat; quem vulgarem errorem infra confutabimus.

3. *Macarius in sedem Hierosolymorum restituitur.* — Quoad *Eustochium* Hierosolymitanum episcopum, Victor Tununensis anno **XXXVII** imperii Justiniani, qui kalendis Aprilis anni **DLXIII** exorditur, haec scribit : « Eustochius Hierosolymitanus episcopus, qui fuerat Macario superstite ordinatus, ejicitur : et rursum Macarius reformatur ». Victori suffragatur Evagrius lib. 4, cap. 39, ubi ait : « Macario Hierosolymitanæ Ecclesie sacerdotium possidente, atque in pristinam sedem restituto, cum post depositionem Eustochii Origenem, Didimum, atque Evagrium damnasset, Justinianus scripsit id quod Romani edictum vocant, in quo corpus Domini incorruptibile appellat ». Edictum autem illud anno **DLV** emissum, ut suo loco ostendam. Ex duobus his auctoribus hoc tempore viventibus, manifestum sit, Baronium anno **DLVIII**, num. 13, perperam scripsiisse *Macarium*, ante quintam Synodum, in sedem restitutum esse, et hoc anno etiam hallucinari, dum tradit, *Joannem* Eustochio successisse. Agnovit Theophanes *Macarii* restitutionem per haec tempora contigisse; sed gravi errore eam in Chronico narravit anno Justini junioris tertio, ubi etiam in Latereculo eum anno **IV** ejusdem imperatoris illigatur, supponens scilicet illius Laterenli auctor, *Eustochium* anno Justini junioris **III** fuisse depositum. Papebrocius in *Historia Chrono-*

*logica Hierosolymitanorum patriarcharum existimat, Eustochium annum **DLVI** sede exturbatum fuisse, et *Macarium* post restitutionem annos **XIV** sedisse. Sed ex iis quæ infra dicimus, *Macarium* anno circiter **DLXXI** demortum constabit; ejusque restitutio, contra fidem Tununensis, perperam retrahitur ad annum **DLVI**. Nicephorus quidem in Chronico *Macario duos annos, Eustochio unum, Macario iterum quatuor assignat*, sed loco annorum duorum, legendum, *annos octo*, et loco anni substituendi *anni XI*, iisque numerorum errores, non Nicephoro, sed librariis adscribendi.*

4. *Conjuratio adversus Justinianum.* — A num. 2 ad 9. Theophanes anno Incarnat. secundum Alex. **DLV** kalendis Septemb. anni Christi **DLXII** inchoato, scribit : « Hec anno, mense Octobri, popularis seditio in Pittaciis (erat Piltacia traclus urbis Constantinopoleos, ubi ad Leonis Magni statuæ columnæ impositæ gradus, cives querimonias deponebant, ac libellos supplices, quos apparitores ad imperatorem deferebant, qui statim responsum singulis dabat, ut videre est apud Ducangium lib. 2 Constantinop. Christianæ, paragrapho 16, num. 70) excitata est : et in plurimos imperator animadverlit. Mense vero Novembri ex diuturniore imbris penuria magnus ubique aquarum defectus exitit, adeo ut ad aquarum reeplaenula rixæ pugnæque fuerint commissæ, etc. Mense etiam Augusto, etc. mensis vero ejusdem die vicesimo quinto, sabbato circa vesperam (ideoque an. **DLXIII**, quo dies **XXV** mensis Augusti in sabbatum incidit) de imperatore interficiendo, ubi sederet in palatio quidam conjuraverunt ». Narrat postea, ex conjuratoribus unum, rem ad imperatorem nuntiasse, et Sergium in Blachernarum ædem confusisse : eumque vi eductum, et examinalum hortatos esse fateri Isacium argentarium, et patricium Belisarium cum eo coniurationis hujusmodi participes : « Ac insuper argentarium Vitum, Paulumque Belisarii curatorem ejusdem fuisse consciós. Comprehensus igitur ulerque, et Procopio praefecto traditus insidias omnes delulit, et patricium Belisarium accusavit. Confestim itaque in Belisarium imperator exarsit. Tum vero Decembribus die quinto curiam convocavit imperator, adducto secum etiam sanctissimo pa-

triarcha Eutychio, eorumque confessionibus palam recitari jussis, Belisarius eoram assistens et auditor graviter indoluit, et in imperatoris offensionem incurrit, qui militibus suumissis domesticos ejus detinuit omnes, ipsum vero propria domo inclusum sub custodia servari præcepit ».

5. *Belisarius conjurationis particeps creditur.*

— Paulo post eodem anno Alexandrino scribit Theophanes : « Julii mensis die decimo nono patricius Belisarius prioribus cunctis dignitatum honoribus restitutus, in gratiam quoque imperatoris rediit ». Deinde anno Incarnat. secundum Alex. DLVII, kalendis Septemb. anni Christi DLXIV inchoalo, ait : « Hoc anno, mense Martio, Indictione decima tertia, patricius Belisarius Byzantii moritur, facultatesque ejus omnes imperialibus Marinæ ædibus, et ejus arario addictæ ». Tres erant Constantinopoli *domus nobilissimæ*, seu imperatorum filiabus potissimum addictæ, ex quarum una erat *domus nobilissimæ* Marine, quam extruxit Marina Arcadii imp. ex Eudoxia filia, quæ hoc tempore, ut ex laudatis Theophaniis verbis intelligimus, recondendis imperatorum divitiis destinata erat. Verum Theophanes annos duos in unum confundit, quem errantem secutus est Cedrenus, qui ad annum Justiniani XXXVI, popularem illam seditionem refert, aitque, inter ejus autores falso delatum esse Belisarium, « qui xix Julii innocentia sua detecta, in publicum prodiit, et sua recuperavit ». Tum ad annum ejusdem imperatoris XXXVIII : « Moritur Belisarius patricius Byzantii », anno scilicet Christi DLXV, ut habet etiam Theophanes, a quo dissentit Cedrenus quoad annum, quo Belisarii innocentia detecta fuit.

6. *Innocens repertus.* — Baronius, qui hæc Cedreni verba non legerat, existimat *Belisarium* nunquam in pristinum restitutum fuisse, quod Cedrenus ad annum VII Justiniani scribat, Belisarium per calumniam delatum, et *magistratu et honore exutum esse*, nec ullam restitutionis ejus mentionem faciat. At *Belisarius* ter perduellionis falso accusatus est. Primo in Africa post *Gelimerum* devictum, ut testatur Procopius lib. 2 de Bell. Vandal. cap. 8, cuius etiam columnæ meminit in Historia Arcana cap. 18, aitque male cum imperatorem ex Africa revocasse : « Belisarium confessim nullaque mora evocavit, insimulatum tyraunidis, que haud in hominem conveniret, scilicet ut ipse liberius exinde omnia traheret, abactisque spoliis assumeret Africam universam ». Sed imperialor, nulla illius criminationis habita ratione, triumphum Belisario decrevit, neque hunc magistratu privavit, ut perperam scribit Cedrenus, qui hanc criminationem confundit cum secunda, de qua anno DLXI, num. 4 et seq. locuti sumus; post quam etiam priorem dignitatem recuperavit, iterumque in Italiam adversus Gothos missus est.

7. *Ejus execæatio et eleemosynæ petitio fabulosæ sunt.* — Ceterum execæatio *Belisarii*, eleemosyna ab eo petita, aliaque id genus, quæ ex

Ioanne Tzetze poeta græco, aliisque recentioribus Baronius recitat, commenta sunt, quibus reclamante antiquitate, nulla fides habenda. Præterea neque Zonaras, neque Michael Glyca in iv parte Annalium, neque Constantinus Manasses a Baronio laudati quidquam habent, quod huic fabella suffragetur : quinino omnes *Belisarium* in invidiā vocatum esse, ejusque innocentiam agitam altirunt. Primus qui eam scriptis mandavit, fuit idem *Tzetzes*, qui sub fine sœculi duodecimi vixit, quiqne in Historia 86, ea de Belisario habet, quæ Baronius in medium profert. Verum huic poetæ eo minus fides adhibenda, quod ipsem ibidem dicat, in aliis chronicis legi eum exæcatum non fuisse ; sed in ordinem redactum, et iterum postea restitutum. Ex quo liquet, *Tzetzen* de Belisarii casu parum edoctum fuisse. Poeta iste a Vossio in opere de Poetis Græcis prætermisso. Procopius in Historia Arcana de hac ultima calunnia in *Belisarium* structa non loquitur, qui eam scripsit anno DLIX : cap. enim 18 incursionis Hunnorum in diones imperii Romani meminit, et cap. 24 ait, *duos jam et triginta excurrere annos*, ex quo Justinianus imperium suscepit. « Ducebat Belisarius originem ex Germania, quæ inter Thraices et Illyrios sita est », inquit Procopius lib. I Wandal. c. 11, quæ Thracie urbs metropolis erat. Item Procopius initio lib. 3 de Bello Goth. lades ejus pluribus persecutur, aitque præditum eum fuisse singulari continentia, munificentia in milites, in rebus omnibus solertia, in rebus adversis imperturbatum animum ostendisse, et in prosperis superbia non elatum.

8. *Pragmatien sanctio Childeberti regis, vel interpolata, vel fictitia.* — Ad num. 9 et seqq. Refert Baronius ex Aimoino lib. 2, cap. 20, Pragmaticam sanctionem Childeberti regis de bonis a se donatis Ecclesiæ sancti Vincentii, modo sancti Germani appellatæ, cuius hæc est subscriptio : « Datum quod fecit mense Decembri, die sexto, anno quadragesimo octavo, postquam Childebertus rex regnare cœpit ». Verum Labbeus in Diatriba de *Aimoino* dissertatione de scriptoribus Ecclesiasticis subjuncta, jam oslendit, illud Pragmaticum cum aliis ad monasterium et abbates sancti Vincentii, seu sancti Germani de Pratis spectantibus, Aimoini Historiae ab anonymo Pratensi monacho fuisse intermixtum anno circiter millesimo centesimo sexagesimo quinto : quod et docent tam editio Duchesniana, quam varia MSS. Aimoini exemplaria. Imo Cointius an. DLVIII, num. 60, aliisque quidam viri docti existimant Diploma illud suppositum ; in illo enim dicitor factum esse *cum consensu et voluntate Francorum et Neustrasiorum*; cum tamen ab eo tempore, quo Austrasiorum ac Neustrasiorum nomina in usu esse coepere, Occidentales Franci promiscue dicti sint Franci, ac Neustrasii, nec unquam in eodem textu cum diversa significacione nominati reperiantur. Præterquam quod varie leguntur in eo Pragmatico interpolationes,

de quibus idem Cointius, et ante eum Lannoius egere.

9. *Pax Romanos inter et Persas sancita.* — Theophanes anno Incarnat. secundum Alex. DLV kalend. Septemb. sequentis Christi anni inchoato scribit : « Petrus magister e Persia reversus est, constitutis in annos septem pacis conditionibus, quod ad Lazicen, aliasque Orientis regiones spectabat ». Sed Theophanes de rebus Persicis non satis edocetus erat. Quare ejus narratio ex aliis supplenda. Anno DLVI, Romani et Persae certis conditionibus arma posuere, « donec arctius aliquod perfectiusque fœdus principes utrinque inirent », ut inquit Agathias ipso fine lib. 4, ut vero Menander Protector in Excerpt. de Legat. pag. 133, et seqq. refert, tandem pacem « omnibus numeris absolutam, et quæ in perpetuum obtineret, facere, Romanorum et Persarum reges, desiderium cœpit ». Hujus rei gratia Justinianus Petrum prætorianarum cohortium præfectum, Chosroes Indegovarch legatum dignitate Zichum, quæ maxime est apud Persas auctoritatis ad fines circa Daras misere, « ubi tandem decreto sancitum est, ut per quinquaginta annos pax esset, Romanis Lazicen Persæ redderent. Valere pacis conditiones, et utrinque observari, hac per Orientem, hac per Armeniam, et per ipsam quoque Lazicen. Triginta aureorum millia singulis annis, quibus pax erit, Romanos Persis prestare : universam decem annorum hujus annuae præstationis quantitatem ita represeñari, ut septem annorum summa præsenti pecunia, trium reliquorum amorum, quæ restabant ex decem, statim a decurso et peracto septemmo persolverentur. Deinde per reliquos annos ex conventione solutio fieret ».

10. *In ea Christiani regni Persie comprehensi.* — Paulo post pag. 142 ait Menander : « His ita decretis et corroboratis, separatim pacta sunt interposita de Christianis, ut illis licet tempora construere, et sine ullo timore sacra peragere, et gratiarum actiones per hymnos Deo, sicut apud nos fieri consuevit canere, neque cogi magicis ceremoniis

interesse, aut invitos colere et venerari deos, qui apud Medos deorum numero habentur. Neque tamen ideo Christiani auderent conari magica sectantes in suam sententiam pertrahere. Obtinuit quoque, ut Christianis potestas esset mortuos sepulcris condere, et illis ad nostrum morem justa persolvere ». Dein scribit Menander : « Petrus illic (scilicet in confiniis, ubi pax pacta fuerat) remansit, ut festum Nativitatis Christi Dei (instabat enim augusta et veneranda dies) sancte et religiose coleret. Nec multo post illic adhuc Epiphania quoque ex Ecclesiæ constitutione sancta habita, celebravit ». Postea ad Chosroen accessit, et Suaniam regi Lazorum alias subjectam Romanis reddi postulavit. Sed Chosroes jam constitutis nihil addere voluit, de Suanis cum contemptu locutus : « Suanos juga Caucasi habitare, esse latrones, prædarum abactores, et quorumcumque gravium et immanium scelerum patratores ». Subjunxit Chosroes : « Hodie præterierunt decem anni, ex quo Suaniam occupavimus : legatos saepius a voibis excepiimus, et nullam unquam mentionem de Suania fecistis ». Nihil itaque Petrus de Suania obtinuit ; sed tamen utraque regna bellum deposnerunt. « Nec multo post Petrus cum Byzantium rediisset, mortuus est », inquit Menander. Quare cum Suania anno DLVI ipso tempore, quo secundæ Indiæ quinquennales constituerentur in potestatem Persarum venerit, ut suo loco ostendi, hoc anno pax hæc Romanos inter et Persas sancita, et Menander intelligendus de die Epiphaniae sequentis Christi anni, quo juxta Theophanem post kal. Septemb. Petrus Constantinopolim rediit, ubi ei mortuus est. Praeterea pacem istam hoc anno stabilitam fuisse, certo arguento est legatio Chosrois ad Justinum imp. anno DLXXI missa, de qua anno DLXXII, num. 13 verba faciam.

11. *Obitus Clotarii regis Francorum.* — Obiit hoc anno Clotarius Francorum rex, ut anno DLXV dicemus. Ad hunc etiam annum revocanda mors sancti Medardi episcopi Noviomensis, de quo anno DLXIV agetur.

JOANNIS ANNUS 3. — CHRISTI 562.

1. Childeberti regis obitus et monumenta ab eo excitata. — Novus illuxit annus, idemque Domini quingentesimus sexagesimus secundus numeratur, atque post consulatum Basili vicesimus primus, decimæ Indictionis: quo religiosissimus Fraueorum rex Childeberlus sanctis operibus clarus ex hac vita migravit, agens in suo regno annos quadraginta novem. Ad hunc usque annum saltem pervenisse ipsum vetera scriptorum monumenta anno superiori recitata satis docent. Unde emendes qui eidem tribunut annos quadraginta quatuor: nam præter ea quæ dicta sunt, constat ex Fortunato ad tempora Euphronii episcopi Turonensis atque Germani pervenisse, qui haud pridem (ut diximus) creati fuere episcopi. Sane quidem Aimoinus atque Papyrius qui res Francorum accuratius sunt prosecenti, ad dictum a nobis positum annorum numerum enimdem regem pervenisse testantur. Porro ubi defunctus est, in erecta ab ipso Basilica S. Vincentii (quod jusseral) sepultus fuit: ad cuius sepulcrum ejusmodi inscriptio exarata legitur¹.

Francorum rector, præclarus in agmine ductor,
Cujus et Allobrogos metuebant solvere leges,
Dacus, et Arverni, Britonum rex, Gothus, Iberus:
Hic situs est, dictus rex Childebertus, Honestus.
Condidit hanc aulam Vincenti nomine claram
Vir pietate cluens (clarens), probitatis munere pollens,
Amplectens humiles, prosternebat mente rebelles.
Templa Dei dicans, gaudebat, bona repensans:
Milia mendicis solidorum dans et egenis,
Gazarum cumulos satagebat condere cœlo.

2. Porro idem rex religionis propensioris nullus alia plura monumenta reliquit, nempe hospitale domum pauperibus exstructam Lugduni, cuius est mentio in Concilio Aurelianensi²; celeberrimum insuper monasterium Arelatense, cuius meminil S. Gregorius³, cum illud locupletat privilegiis: ne non etiam monasterium Modoalense, in quo

S. Carilephus una cum suis monasticam vitam summa excoluit diligentia, ut ejus Vitæ Acta⁴ significant. Sed et alia multa huius, non dubium est, que nos latent.

3. Succedit Clotarius, qui filio Chramno parcit. — Post obitum vero Childeberti regis Clotarius germanus ejus regnum, tibiis ejectis, accepit, solusque totius Francorum regni monarchia potitus est. Qui Parisios veniens, et in morbum repente incidens, a S. Germano ejus civitatis episcopo, cuius contemptus causa ille divinitus immisus erat, curatur. Sed quomodo id acciderit, accipe a Fortunato, dum ait⁵: « Cum S. Germanus ad gloriosum Clotarium regem occurisset; nec tamen de sancto viro stante ante palatium ei fuisse indicatum: mora facta ante vestibulum, non praesentatus, dominum revertitur. At sequens nox consuetis in oratorio vigiliis ducitur: rex dolore atque febris infestatione torquetur. Vix primo diluculo ad dominum pontificis a proceribus concursatur: pena regis exponitur; et nt sua visitatione regis doloris vim mitiget, optimates deprecantur. Mox apud pie latiss virum injuriæ causa postponitur: et qui ante nee nuntiabatur, intrat jam honoratus, et exoratns palatium visitat. Tunc rex vix assurgens de lectulo, easum se divino flagello conqueritur, allambique palliolum, et vestem sacerdotis deducit gaudens per loca doloris: culpam namque confessus est eriminis, et sic dolor omnis fugatur. Itaque actum est, ut cuius incurrebat de contemptu periculum, sentiret de contactu remedium ». Haec Fortunatus. Porro ubi monarchiam Clotarius Galliarum obtinuit, cum ceteros viros sanctos, tum præcipue S. Maurum, qui a S. Benedicto missus erat in Gallias ad propagandam vitam monasticam, coluit, multaque erga ejus monachos exhibuit pietatis officia, atque contulit beneficia, que Mauri Acta prosequutus Faustus pluribus narrat. Pepercitque iterum

¹ Apud Aimoin. I. ii. c. 9. — ² Conc. Aurel. v. c. 15 — ³ Greg. l. vii. Ep. cxii.

⁴ Extant apud Sur. tom. iv. die 1. Jul. — ⁵ Fortun. in Vita S. Germani c. 24. apud Sur. tom. iii.

filio suo Chrammo saepius rebellanti Clotarius hoc anno, ubi monarchia in est consecutus; sed frustra: nam de eo ista Gregorius¹:

4. « Chrammus patri repræsentatur, sed postea infidelis extitit. Cumque se cerneret evadere non posse, Britannias petiit, ibique cum Conobio Britannorum comite ipse et uxori ejus et filiae latuerunt. Wilicharius autem sacer ejus ad Basilicam sancti Martini confugil. Tunc sancta Basilica a peccatis populi ac ludibriis, quae in ea fiebant, per Wilicharium, conjungemque ejus succensa est: quod non sine gravi suspirio memoramus. Sed et civitas Turonica ante annum jam igne consumpta fuerat, et tot Ecclesiae in eadem construetae desertae reliæ sunt. Protinus beati Martini Basilica, ordinante Clotario rege, stanno cooperata est, et in illa qua prius fuerat elegantia reparata ». Hæc Gregorius: reliqua autem de Clotario suo loco.

5. *Cassiodorus a cuius Paschali computo Indictiones coptar, monasterium sibi ædificat, monachos instituit, bibliothecam instruit, sacris scriptis et litterariis laboribus clarescit.* — Sed ratio temporis a nobis exigit, ut doctissimum illum et æque sanctissimum virum decus Romanæ nobilitatis praefecturis innumeris diutius illustratum conveniamus Aurelium Cassiodorum, non ofiosum illum quidem, licet feriatum degentem in monasterio quod extruxit: ubi velut in portu residens post naufragia regum Gothorum, quorum regna prætoria præfectura curarat, Deo et litteris vacans, reliquum vite tempus ad obitum usque semper aliquem fertilissimi ingenii partum edens, effetam licet annis, fecundam frugibus senectutem ducebat. Scribebat hoc anno Paschalem computum, et de Indictione adinvenienda currente, ac de Epacta, aliisque ad Paschalis temporis computum spectantibus. In quibus singulis disponendis quam admissum in omnibus idem ipse nostræ consentiat Annalium Chronographiæ (quod ex aliis festibus sœpe docuimus) ipsum audi ista dicentem: « Si nosse vis, quotus annus est ab Incarnatione Domini nostri Jesu Christi: compula triginta sex per quindecim, fiunt quingenti quadraginta: his semper adde duodecim, et fiunt quinquaginta duo: adde et Indictiones anni ejus volueris, ut puta, decima, vices semel post consulatum Basilii junioris: sunt quingenti sexaginta duo, etc. » Ac paulo post: « Si vis scire, quota est Indictio, ut puta vices semel post consulatum Basilii junioris: sume ab Incarnatione Domini nostri Jesu Christi, id est, quingentos sexaginta duos: his semper adde tria; fiunt quingenti sexaginta quinque. Hæc partire per quindecim; remanent decem: decima est Indictio ». Hæc ipse, presentem designans annum.

6. Nos igitur ab eodem Cassiodoro hæc accurate tractante, accepto hoc anno tradito, Indictionis inveniendæ numerandæque modo, singulos post

hæc annos Indictionis nota signaturi sumus. Cum enim jam prope nos deserant consules, per quos haecenus annos singulos numerare consuevimus, vel admodum infrequentes inveniantur: nihil est ut per eos annos singulos numerare possimus: unde opus est per Indictionum periodos deducere temporum suppurationem. In quo illud mouendum, quod etsi nuineret Cassiodorus ab Incarnatione, nos vero a natali Domini, unus idemque annus Domini est, cum novem tantum menses intercedant ab Incarnationis tempore usque ad natalem ipsius diem, idemque annus sit sub consulatu Basilii vi- cies semel signatus, ut etiam numeratum eum vides a Cassiodoro. Verum si a mense Septembri, more majorum, numerare cœperis Indictiones: tunc fiet non eadem sit Indictio anni ab Incarnatione numerati, et ejus qui exorditur a sequenti natali Domini: sape enim opus erit ut unius numero crescat annus a Domini natali notatus, sieque hic ipse annus Domini quingentesimus sexagesimus secundus, sub consulatu Basilii vicies semel, Indictionis decimæ ab Incarnatione Domini, idem sit Indictionis undecimæ a natalis tempore. Quamobrem cum hoc anno Indictio decima a Cassiodoro ponatur, undecima ponenda a nobis esset, ipsa in- cipiente a mense Septembri ejusdem anni quingen- tesimi sexagesimi secundi Incarnationis Domini, qui deducitur usque ad vicesimam quintam mensis Martii anni hujus, a quo tempore postea sexagesimus tertius incipit numerari.

7. Quoniam vero maiores nostri, qui Christi annis coniunxere Indictiones, eos non a natali Domini, sed ab Incarnatione (ut vides) incipiunt numerare: nos ad evitandas perplexitates eodem pariter ordine jungemus Christi annis Indictiones, ita ut praesenti anno, veluti tit ab Incarnatione inchoatus, ex sententia Cassiodori decimam ponamus Indictionem. Cæterum nequaquam fit præjudicium institute chronographiæ; cum eodem anno et sub iisdem consulibus (ut sœpe dictum est) quo Christus est incarnatus, pariter et natus sit, curratque idem annus, licet non eadem Indictio, absoluta priori mense Septembri, quo et sequens inchoatur. Hæc igitur meminisse oportuit, ut in ponendis Indictionibus nostri instituti ratio habeatur. Sed ad Cassiodorum redeamus.

8. Ut autem tanti viri memoria nostris Annalibus pressius inhæreat, præter illa quæ de ipso superius dicta sunt, quæ sunt reliqua recolamus; ne qui nobis scribentibus quanplurima suppeditavit, suumque sæculum mirifice illustravil, ipse obscurus prætereat, atque ingrata nimis oblivione sepeliatur inglorius. Qui igitur a tempore Theodoricæ Amali regis usque ad Vitigem itidem Italiae regem, apud ipsos Gothorum reges florentissime vixit, summis semper honoribus auctus; exsaturalus ad nauseam usque continuatione amplissimorum magistratum, quo turbulentius mundi pelagus magis expertus est, eo libentius tenui cymba constituit se in solitudinem, exoptatum diu portum tran-

¹ Greg. Tur. l. iv. c. 20.

quillitatis, nempe in monasterium a se construētum, de quo ipse pluribus in libris de Divinis Lectureibus¹ meminit; appellatque ipsum monasterium Vivariense, sive Castellense, ita a loco denominatum, ubi (ut ait) piscosus amnis Pellenā dictus se mittit in mare. Sane quidem ubi iste silus fuerit qui ab ipso Cassiodoro describitur locus, hanc facilis est inventu: ex Gregorio tamen Romano Pontifice in Epistola ad Joannem Scyllitanum episcopum, ubi positum fuerit ipsum Cassiodori monasterium, quod Castellense nominatum tradit, possumus intelligere.

9. Meminit enim ipse² de Castellense sive Castelliensi monasterio a Romanis Pontificibus privilegiis communio; traditque collocatum fuisse apud civitatem Scyllitanam. Et ne quis putet S. Gregorium de alio aliquo Scyllitano, sive Seyllacæo loco esse locutum, quam de eo qui in extrema parte Cabriae, sive dixeris Magnæ Græcie situs est, ubi famosus Scyllæ contra Caribdim scopulus imminet, a quo civitas nomen accepit; satis id intelligere possumus ex alia Epistola³ ejusdem Gregorii papæ ad Secundum Tauromenii episcopum data, cui committit causam ejusdem Castelliensis monasterii monachorum. Esse autem Tauromenium in Sicilia civitatem ex adverso littore positam nemo ignorat. Caeterum de Pellenā annis nusquam mentionem reperimus. At ex his quæ dicta sunt, minime induci possumus, ut credamus (quod alii dicunt) Cassiodori monasterium in Ravennate fuisse territorio collocatum. Remotiora videtur quæssisse loca qui seculo nuntium omnino remisit, et non ubi assiduo bella vigeant.

10. Sed eur duo nomina uni monasterio ab ipso indita, cum ejusmodi affixit titulum loci descriptioni, videlicet, De positione monasterii Vivariensis, sive Castellensis, accipe quæ ipse in fine ejus capitilis habet his verbis: « Si nos in monasterio Vivariensi (sicut credere dignum est) divina gratia suffragante cœnobiorum consuetudo competenter adjnvat, et aliquod sublimius defectos animos optare contingat: habetis montis Castelli secreta suavia, ut velut anchorite, præstante Domino, esse positis: sunt enim semota et emicantia ereimi loca, quando muris pristinis ambientibus probantur inclusa ». A vivariis vero piscium Vivariense monasterium esse dictum, ipse superius testari videtur, ubi ait: « Maria quoque nobis ita se subjacent, ut piseationibus variis pateant, et captus piscis, cum libuerit, vivariis possit includi. Fecimus illuc, juvante Domino, grata receptacula, ubi sub claustro fideli vagetur piscium multitudo, ita consentanea montium speluncis, ut nullatenus se sentiat captum, cui libertas est escas sumere et per solitas se cavernas abscondere ». Haec de loco et nominibus monasterii.

11. Porro ita ipsum optime, civitatis instar, in-

stituit, ut nihil Deo servientibus ex iis deessent, quæ Christiano philosophanti ad rerum divinarum contemplationem conducerent. Describit ipse⁴ eadem utensilia: ubi et de Incernis ex Archimedis officina sumptis haec mira: « Paravimus etiam nocturnis vigiliis mechanicas lucernas conservatries illuminantium flammam, ipsas sibi nutrientes incendium, quæ, humano ministerio cessante, prolixè custodiant uberrimi luminis, abundantissimam claritatem; ubi olei pinguedo non deficit, quamvis flammis ardentibus jugiter torreatur ». Et de horologiis ista mox subiecit: « Sed nec horarum modulos passi sumus ullatenus ignorare, qui ad magnas utilitates humanae generis noscuntur inventi. Quapropter horologium vobis, quod solis claritas indicet, præparasse cognoscor: alterum aquatile, quod die noctuque horarum jugiter indicet quantitatem: quia frequenter nonnullis diebus solis claritas abesse cognoscitur, miroque modo in terris aqua peragit, quod solis flammæ vigor desuper modulatus exenrrit. Ita que natura divisa sunt, ars hominum facit ire concorditer; in quibus fides rerum tanta veritate consistit, ut quod ab utrisque geritur, per intermissiones existimes constitutum. Haec ergo procurata sunt, ut milites Christi certissimis signis admoniti, ad opus exerceendum divinum quasi tubis clangentibus evocentur ». Haec ipse.

42. Sed quod omnibus prestat, egregiam plane eisdem vitam monasticam excellentibus ibidem bibliothecam constituit, quam et in commentario Institutionis divinarum lectionum descripsit: quo et effecit, ut (quod in ejus Præfatione proficitur) cum bellis pax esset in Italia ubique turbata, ob idque ad discendum schole minime essent aperte; ipse addiscere eupientibus doctores veluti in cathedris constituerit, cum eorum scripta per novem (ut ipse testatur⁵) distincta armaria ibidem collocavit. Sed audi consilium ejus, quod præfando declarat his verbis: « Quoniam non habet locum res pacis temporibus inquietis: ad hoc divina charitate probor esse compulsus, ut ad vicem magistri, introductorios vobis libros istos, Domino præstante, confecerim, per quos (sicut aestimo) et Scripturarum divinarum series, et sæcularium litterarum compendiosa notitia, Domini munere panderetur ».

43. Et post haec, qui e singulis sit accipiendum libris, sic utiliter adiunget: « In quibus non propriam doctrinam, sed priscorum dicta commendo, quæ posteris laudare fas est, et prædicare gloriosum. Quoniam quicquid de priscis sub laude Domini dicitur, odiosa jactantia non putatur ». Et paulo post, non propriam sed priscorum esse in divinis rebus sententiam sectandam, his verbis docet: « Quapropter, dilectissimi fratres, indubitanter ascendamus ad divinam Scripturam per expositiones probabiles Patrum, veluti per quamdam scalam visionis Jacob⁶; ut eorum sensibus proiecti, ad

¹ Cass. de divin. lect. c. 29. — ² Greg. l. vii. Ind. 1. Ep. xxxiii.
— ³ Ibid. Ep. xxxii.

⁴ Cassiod. de div. Instit. c. 29, 30, 31. — ⁵ Cassiod. Instit. divin. lect. c. 8. et 11. — ⁶ Gen. xxvii.

contemplationem Domini efficaciter pervenire mereamur. Ista enim fortasse scala Jacob, per quam Angeli ascendunt atque descendunt; cui Dominus innititur, lapsis porrigen manum et fessos ascendentium gressus sui contemplatione sustentans ». Hæc ipse : qui et quæ tyronem deceant, quæve prosectoribus sint proponenda, magna habita discretione partitur.

14. Preter autem sanctorum Patrum varia scriptorum monumenta, recentiorum lucubrationes recenset auctorum, ut Dionysii Exigui, Epiphani, Bellatoris, Eugipii, Primasi; quorum omnium superius suis locis fecimus mentionem. Meminit et Mutiani viri disertissimi, cuius se opera usum tradit, ut triginta quatuor homilia S. Joannis Chrysostomi in Epistolam Pauli ad Hebreos latinitate douaret. Porro hunc crediderim Mutianum illum faventem quiete Synodo et Romanis Pontificibus in damnatione Trium Capitulorum, redarguentemque Africanos obstinate nimis resistentes, et schismate se ab Ecclesia Catholica dividentes : adversus quem Facundus Hermianensis episcopus opusculum scripsit, enjus ante meminimus.

15. Agit præterea Cassiodorus, dum relegit suam bibliothecam, de quodam Petro abbe in Africa; cuius scripta dum recenset, hæc ait¹: « Petrus abbas Tripolitanæ provinciæ, S. Pauli Epistolas exemplis opusculorum S. Augustini subnotasse narratur, ut per os alienum sui cordis declareret arcanum : quæ ita locis singulis competenter aptavit, ut hoc magis studio beati Augustini credas esse profectum (perfectum). Mirum est enim sic alterum ex altero dilueidasse, ut nulla verborum suorum adjectione permixta, desiderium cordis proprii complesse videatur : qui vobis inter alios Codices, divina gratia suffragante, de Africana parte mitten-
dus est ». Hæc de Petro Cassiodorus.

16. Tu vero scito, lector, ejusdem Petri extare labores, sed Bedæ nomine editos; quod ut probaret qui Praefationem præfecit operi, Bedæ quadam verba id testantia recitat ad finem (ut ait) historiæ ipsius apposita : sed cum desiderentur illa in ipsa recentiori etiam Bedæ edictione, imposturam arbitror. Absit a venerabilis Bedæ probitate, alienos sibi partus supposuisse. Sed sicut Bedæ illud opus non est, ita nec Flori abbatis, cui a Sigeberto tribuitur. Quis vero ejus sit legitimus auctor, satis definitam habes item, nempe esse opus illud Petri abbatis Tripolitani : quod (ut vidimus) Cassiodori testificatione monstratar.

17. Inter alios autem illustres viros quorum ibidem Cassiodorus meninuit, Eusebius caecus est nemini notus, nisi qui commentarium illum legerit. De ipso enim hæc habet² dñm de Dydimio Alexandrino agit : « De dydimo quod ferebatur mihi pâne impossibile videbatur esse, cum legarem : nisi de partibus Asiae quendam ad nos venire Eusebium nomine contigisset. Qui se infantem

quinque annorum sic exæcatum esse narrabat, ut sinistrum ejus oculum excavatum orbis profundissimus indicaret; dexter vero globus vitreo colore confusus, sine vivendi gratia infructuosis usibus volvebatur. Ille tantos auctores, tantos libros in memoriae sue bibliotheca condiderat, ut legentes probabiliter admonereret, in qua parte Codicis quod prædixerant invenirent. Disciplinas omnes et animo refinebat, et expositione planissima lucidabat ». Et post alia de ejus lucubrationibus : « Quem tamen adhuc Novatianæ pravitatis errore delentum miserericordia Domini suffragante, rectæ fidei credimus illuminatione complendum ; ut quem scripturas suas animo facil discere, jubeat Catholice fidei integritate pollere ». Hæc Cassiodorus.

18. Sed jam ipsius recensemus Cassiodori lucubrationes, quas in eadem collocavit bibliotheca; et quo ordine scriptæ fuerint, pernoscamus. Scriptæ per breve Chronicon usque ad annum Domini quingentesimum decimum nonum, id Theodorico rege petente : itemque de rebus Gothicis duodecim libros, ut ipse tradit in Variarum Praefatione : id ipsumque et Jordanus, qui eos in compendium rededit. Variarum insuper duodecim libros collectos Epistolarum in eadem bibliotheca posuit asservandos. Mox vero seripsit librum de Anima, ut ipse testatur, cum ita exorditur³ : « Cum jam suscepti operis optato fine gauderem, meque duodecim voluminibus jaetatum, quietis portus exciperet, ubi elsi non laudatus, certe liberatus adveneram; amicorum me suave collegium in salutem rursus cogitationis exposuit: postulans, ut aliqua, quæ tam in libris sacris, quam in saecularibus abstrusa compereram, de animæ substantia, vel de ejus virtutibus aperirem, etc. » Habet idipsum in undecimi libri Variarum Praefatione. Porro ex dictis etiam illud appetat, tamdiu permansisse ipsum in saecularibus euris, quandiu vixere illi Gothorum reges, quibus in amplissimis præfecturarum ordinibus militabat usque ad Vitigem : inde vero saeculo huic nuntium remisisse, atque monasterii capasse quietem : cum jam degustans spiritualis vita dulcedinem, craterem potatus sapientiae, hoc ore promiebat, styloque pingebat, quo erat plenus interior : nam in fine ejusdem opusculi : « Tibi denique Domino (inquit) nobilis es servire, quam mundi regna capessere; quando ex servis filii, ex impiis justi, de captiis reddimur absoluti, etc. »

19. Tunc temporis etiam, hortatu Summi Pontificis, Psalms accepit interpretandos, ut ipse profitetur, cum ait in ipsius operis Praefatione his verbis : « Repulsus aliquando in Ravennate urbe sollicititudinibus dignitatum, et euris saecularibus noxio sapore conditis, cum Psalterii celestis animarum melia gustasse, etc. » In fine autem : « Quocirca, inquit, Pater Apostolice, calesles litteras sanctis monitis reddidisti, praestante Deo, tua imitatione provocatus, abyssus divinas ingrediar ». Ea scrip-

¹ Cassiod. Instit. divin. lect. c. 8. — ² Ibid. c. 3.

³ Gal. in Praef. l. de anima.

tione perfecta, ad Salomonis Parabolam stylum convertit: id enim ipse pollicitus est in fine ejusdem commentarii super Psalmos: idemque in Institutione divinarum lectionum super Psalmos a se editas lucubrationes affirmat: sed et in Parabolam Salomonis meminit in Prologo¹ aliqua commonuisse. Quos autem post haec ipse ediderit commentarios, audi ipsum eosdem hoc ordine referentem²:

20. « Jam tempus est, ut totius operis nostri conclusionem facere debeamus, ut melius in animo recondantur quae septenaria conclusione distincta sunt. Prima post commenta Psalterii, ubi, præstante Domino, conversionis meæ tempore primum studium laboris impendi. Secunda deinde post Institutiones quemadmodum divine et humanae deberent intelligi lectiones, duobus libris (ut opinor) sufficienter impletis, ubi plus utilitatis invenies, quam decoris. Tertia post expositionem Epistole quæ scribitur ad Romanos, unde Pelagianæ heresos pravitates amovi, quod etiam in reliquo commentario facere sequentes admonui. Quarta post Codicem, in qua artes Donati cum commentis suis et librum de Eymologiis, et alium librum sacerdotis de Schematicis, Domino præstante, collegi; ut instructi simplices fratres, ubi necesse fuerit, similia dicta sine confusione percipiant. Quinta post librum quoque Titularum, quem de divina Scriptura collectum, Memorialem volui nuncupari, ut breviter cuncta percurraut, qui legere prolixa fastidunt. Sexta post complexiones in Epistolis Apostolorum, et Actibus Apostolorum, et Apocalypsi quasi brevissimas explanationes decursas. Septima ad amantissimos orthographos discutiendos anno aetatis meæ nonagesimo tertio, Domino adjuvante, perveni ». Haec ipse de suis scriptis hacenus edilis.

21. In quibus omnibus sane admirari non desino doctissimi viri incredibilem animi demissionem, facti secundum Apostolum³ omnia omnibus: etenim non quæ sua sunt querens, sed aliorum, prima etiam rudimenta in decrepita senectute monachos veluti pueros docere voluit, et tanquam puerorum manum tenere, et ad characteres recte formandos dueere non recusavit: in eorumdem enim fratrum militatem plurimum se laboris insumpsisse testatur, ut secundum orthographiam jam librariorum incuria prætermissam, ad utilitatem legentium, sacros Codices restitueret: nam audi ipsum, dum in Praefatione Institutionis divinarum lectionum haec ait: « Illud quoque credimus commonendum, sanctum Hieronymum simplicium fratrum consideratione pellectum, in prophetarum Praefatione dixisse, propter eos qui distinctiones non didicerunt apud magistros scolarum litterarum, colis et comitibus translationem suam, sicut hodie legitur, distinxisse. Quod nos talis viri auctoritate commoniti, sequendum esse

judicavimus, ut cetera distinctionibus ordinentur, etc. » Verum licet diligentissimis notariis opus delegarit, ipse tamen plurimum laboris insumpsit, ut cunctos a se in bibliotheca positos Codices cum aliis antiquis voluminibus sedulo legendo conferret. Sed qua haec tanta ipse mercede? in fine operis posita ipsius verba audi: « Valete, fratres, atque in orationibus vestris mei memores esse dignemini, qui inter cetera et de orthographiae virtute, et de distinctione ponenda (quæ nimis pretiosa cognoscitur) sub brevitate commoniti: et quemadmodum Scripturæ divinae intelligi debeant, copiosissime legenda preparavi: quatenus sicut ego vos ab imperitorum numero sequestratos esse volui, ita nos virtus divina non patiatur eum nequissimis penali societate conjungi ».

22. Sed quid poslea? immo hic finis ejus didascalie? minime gentium. Etenim post haec quos recte scribendi facultatem docuit, eosdem arte grammatica reddere voluit diligenter exultos, dum ejusdem de eadem Grammatica librum conscripsit: sed et postea de Rhetorica breve adjecit compendium, de Dialectica etiam copiosius volumen, necnon de Arithmetica, de Musica, de Geometria, et Astronomia, non evanescens quidem in philosophorum sententiis, sed de ea persecentus, que lectorem sobrium reddant ac pius: nam haec habet in fine libri de Astronomia: « Nobis sufficit quantum in Scripturis sacris legitur, tantum de hac arte, (nempe Astronomia), sentire: quia nimis indecorum est, hinc humanam sequi sententiam, unde quantum nobis expedit, divinam noscimur habere doctrinam ». Haec ipse, explosa penitus a fideli corde ea, quam judicariam dicunt, Astronomia, eventa hominum presignante. Ad postremum autem libellum addidit de Paschali computo, quem hoc ab eo anno esse elucubratum, ex annorum numero post Basili consulatum designato (ut dictum est) satis manifeste apparat: an autem post haec aliquid scripserit, nobis ignotum; quantumque viam duxerit, pariter incomptum: sed prope centenarium ex hac vita migrasse, ex dictis possimus opinari.

23. Quod autem ad reliquias superius non numeratas Cassiodori lucubrationes pertinet: ante duodecim libros Variarum ipse de se testatur⁴, dixisse panegyricos regibus atque reginis; insuper Ecclesiasticam historiam ex Socrate, Sozomeno, atque Theodoreto tripartitam conlexuisse, iisdem auctoribus (ut ipse affirmat) ab Epiphanio in latinum versis. Addit de Schematicis et Tropis libros duos, quos ante libros de Orthographia positos habes. Sic igitur, qui vegetorem aetatem in optima regni guber natione utiliter honorificeque consumpsit, nec in decrepita senectute labores ad res divinas conversos vel minimum intermittens in suo monasterio tandem sancto fine quievit; ad monasterii curam duobus

¹ Cassiod. Instit. div. lect. c. 5. — ² Cassiod. de Ortograph. in Pref.
— ³ I. Cor. ix.

⁴ Cassiod. in Praef. Varian.

praefectis abbatibus viris sanctissimis, Chaledonio scilicet atque Geronio, quorum alter Vivariensis cœnobitis, Castellensibus alter præcesset ibidem junctis anachoretis. At de Cassiodoro satis.

Anno periodi Graeco-Romanæ 6055. — Anno Æra Hispan. 600. — Jesus Christi 562. — Joannis III pape 3. — Justiniani imp. 36.

1. Octava Justiniani quinquennalia. — Hic annus ista formula notatus : *Post consulatum Basili U. C. xxi, vel secundum aliquos, post consulatum Basili V. C. anno xxii.* In hunc annum incidunt octava quinquennalia Justiniani post Justinum imperantis, quorum indicium dedicatio Ecclesiæ sanctæ Sophiæ, de qua mox.

2. Moritur Childebertus Francorum rex. — A num. 1 ad 5. Gregorius Turonensis lib. 4. cap. 5, ubi de morte *Childeberti* Franeorum regis agit, quot annis regnaverit, non memorat, et Aimoinus lib. 2, cap. 29, annos xlix ei attribuit. Sed non dubium, quin Marius in Chronico *post consulatum Basili anno xvii*, anno nempe **DLVIII** recte scripsit : « *Hoc anno Childebertus rex Francorum transiit : et obtinuit regnum ejus Clotarius rex frater ejus.* » Regnavit itaque *Childebertus* annos **XLVII** aut **XLVIII** in eompletos. Diem ejus emortualem notarunt Usuardus in suo martyrologio, et anetor *anonymus*, qui vitam sancti Droctovei abbatis monasterii sancti Germani Parisiis ab eodem Childeberto post suum ex Hispania redditum in honorem sancti Vincentii martyris fundati, recitatam a Boldando ad diem **x Martii**, scripsit, diem nempe vicesimum tertium mensis Decembris. Habuit in matrimonio *Ultrogotham* ab iis, qui Acta sanctorum scripsere, pluribus commendatam, quamque auctor Vitæ sanctæ Bathilda reginae tutricem pupillorum, nutricem egentium, et fidelium monachorum adjutricem appellat. Ex ea duas filias suscepit, quas interpolator Aimoini loco citato *Crothbergam*, et *Crothsindam* vocat. *Clotarius*, ad quem solum universum Francorum imperium devolutum est, *Ultrogotham*, ejusque filias post Childeberti mortem in exilium misit, ut testatur Gregorius lib. 4, cap. 20.

3. Floret S. Carilephus abbs Anisolensis. — Inter monasteria a Childeberto fundata memorantur monasterium illud *saneti Vincentii* Parisiis ædificatum, quod nunc monasterium sancti Germani de *Pratis* nuncupatur, monasterium *Arelatense*, de quo suo loco egimus, et monasterium sancti Carilephi, vulgo *Saint-Calais*, ut hodie vo-

catur, ad Anisolam fluvium in diœcesi Cenomanensi : illud enim, ut legitur apud Mabillonum in Gestis episcoporum Cenomanensium tomo iii veterum Analect. pag. 76, Childebertus de rebus fisci sui locupletavit. Fuit *Carilephus* monachus Menaensis, tum Miciacensis monasterii, qui sedente Innocentio episcopo Cenomanensi, in diœcesim ejus venit, hujusque auxilio amplissimum construxit monasterium. *Childebertus* donationes eidem monasterio tam a se, quam ab Innocentio factas confirmavit præcepto a Mabillonio ibidem recitato pag. 86 eius subscriptio : « *Datum dies octo quod facit mensis Junius, anno xv regni nostri* », ideoque anno Christi **DXXXVI**. Refertur etiam ibid. pag. 84 sancti Carilephi testamentum : *Dat. XV kal. Februarii anno XIV regnante Childeberto rege.* Quo anno obierit sanctus *Carilephus*, incomptum. Legenda ejus Vita apud Surium ad diem **i Julii**, et apud Mabillonum saeculo i Benedictino, ubi aliam a B. Siviardo abate Anisolensi initio **viii** scriptam et a Suriana diversam repræsentat.

4. Floret Cassiodorus. — Ad num. 5 et seqq. Pluribus de magno Aurelio *Cassiodoro* senatore agit hoc anno Baronius, quo ejus mortem consignat. Verum annus mortis ejus deficientibus veteribus monumentis definiri non potest, unde plures eam in annum **DLXXV** differunt. *Cassiodori* Vitam ex ejus operibus collegit Joannes Garetus monachus ordinis S. Benedicti e congregazione sancti Mauri, qui *Cassiodori* Opera in duos tomos distributa nuper in lucem emisit. Natus est clarissimis parentibus *Scyllaei*, quæ urbs Bruttiorum tum erat primaria, quamvis eum Ravenna oriundum esse multi perperam crediderint. Ipse enim lib. 42, Epist. xv, patriæ sue situm amoenissimum egregie describit. Anno **DXXXVIII** aut in sequenti deposita præfectura prætorii, seculoque valere jusso, in urbem *Scyllacium* quietoris vitæ desiderio contendit, juxta quam constructum a se monasterium, veluti tutissimum salutis portum, ingressus est; quod cœnobium prope Ravennam fuisse male aliqui existinarunt, ut ostendit Baronius, cui tamen, ut inquit Garetius, Pelena fluvius; qua Italiæ parte

suis aquas volveret, hand innotuit. Ejus fluenta monasterio Vivariensi admodum vicina Cassiodorus lib. de Divin. Lect. cap. 29 asserit, adeo ut « annis arte moderatus in hortos, cum necessarius judicaretur, facile influeret », et qui haec loca oculis perlustrarunt, affirmant, luce clarius patere fluvium *Pelenam* eum esse, quem hodie *Scyllacii* animum vocant, et vicinum monasterio Vivariensi agrum labentibus leniter aquis irrigare. Unde cenobium Cassiodori non procul *Scyllacio* distare nova certaque probatione ostendit Garelius, eum et illud *Pelenae* undis pervium fuisse, vel Cassiodorus comitemoret. Incertum vero, an cenobium quod subler montem et cellulæ quas supra eumdem eremitis condidit Cassiodorus, unicum vel duplex monasterium censeri queant, ita ut quæ pars *Vivariensis* dicebatur cenobitarum sedes esset; quæ *Castelliensis*, eremitarum. Incertum pariter, quis primus cenobio Vivariensi præfuerit archimandrita: illud innum scitur ex Praefatione libri de Orthographia munus abbatis aliquando gessisse *Cassiodorum*. De ejus libris, virtutibus, ac vita monastica legendus idem Garelius.

3. Iterata encænia templi S. Sophie. — Theophanes anno Incarnat. secundum Alex. DLV, qui kalendis Septemb. hujus Christi anni inchoatur, ait: « Mensis Decembris die vicesimo magnæ Ecclesiæ dedicatio secundo celebrata: nocturnæque vigiliæ dedicationi hujusmodi præmitti solitæ apud sancti Platonis peractæ: et exinde sacro procedendi

ritu, cui præsentem imperator se exhibuit, patriarcha Constantinop. Eutychius curru vectus, et Apostolico habitu ornatus, sacrum manibus tenens Evangelium progressus est, cunctis e populo concientibus: Attollite portas, principes vestras ». Loquitur Theophanes de Ecclesia sancte *Sophie*, cuius Trullus seu Hemisphærium die septima Maii anni Christi DLVIII concidit, ut idem Theophanes scribit ad annum Justiniani XXXII: qua de re legendus etiam Agathias lib. 5, pag. 452. Verum haec nova encænia, non die XX Decembris, sed die XXIV ejusdem mensis, ut legitur apud auctorem Chronicæ Alexandrini peracta; in quam etiam diem hoc anno Dominica incidit. Fallitur tamen idem auctor Chronicæ Alexandrini, qui hanc dedicationem in annum sequentem differt. Paulus Silentarius parte 1, versu 196, scribit, eam celebratam esse die, qui Christi Natalitia præcessit: « Decebat, inquit, post divinum istum diem deinceps vitæ parentis Christi Natalem advenire ». De his encæniis legendi Duangius in Constantine Christiana lib. 3, cap. 8, et Hankius in libro de Byzantinarum rerum scriptoribus Græcis, in Vita Pauli Silentarii, qui tempore Justiniani floruit, quique prolixo carmine libris Historiarum Joannis Cinnami subiecto templi Constantinopolitanum sanctæ Sophie descripsit.

Concilium Santonense hoc anno celebratum, de quo anno DLVI.

1. *Justinianus in heresim Aphilardocitorum, sive Incorrumpibilium lapsus.* — Quingentesimo sexagesimo tertio Christi anno, post consulatum Basillii vicesimo secundo numerari cepto, Indictionis undecima, novi de fide tumultus Ecclesiam Constantinopolitanam perturbant, cum se Justinianus imp. infelix in heresim præcipitem dedit. Hunc tandem consecuta est linem reprehensibilis imperatoris curiositas, atque temeritas in miscendis sacris, summus velut antistes esset. Qui igitur compositam a prædecessore Justino pacem invent, fidemque Catholicam stabilitam, undique compressis hereticis;

dum quæ sunt sacerdotum sibi nimium arrogat, et pontificum partes usurpat, pacem profligat, fidemque in discrimen saepe adducit, atque tandem penitus labefactat. Ita plane homini accidit non quæ sunt Cæsaris tantum sibi sumenti, sed et quæ Dei procaciter usurpanti. Sed hæc quomodo se habuerint, videamus.

2. Ibi semel pacis et concordia Ecclesiasticae ineundæ velamento cœpit Justinianus imperator cum hereticis habere consuetudinem, quos procul pellere, et more Catholicorum imperatorum in exilium mittere debuisse; plane accidit, ut eorum

venena minus caute vitarit : dumque adversantes sibi Romanos Pontifices (ut vidimus) aversari cœpit et persequi, factum est, ut tum maiorem fiduciam conciliaret haereticis, tum etiam adversus eos clamantium ora Orthodoxorum obstruxerit ; ex quibus partes haereticorum reddite fuerint firmiores. Sed et quod iidem essent inter se conflictantes haeretici ab invicem separati : æque factum est, ut (quod consuevit in iudicis Circensibus) alteri ipsorum parti adversus alteram laitorum se imperator addixerit ; sicuti magnis animis summoque conatu adversus Venetos Prasinis stulte studuisse meminimus.

3. Erat ultraque pars ex Eutychianorum secla progrediens ; quarum altera Corrupticolarum, altera vero Gainitarum, sive Aphthardocitarum, sive Incorruptibilium, vel Phantasiastarum nominabatur : quarum altera a Severo, a quo et Severiani haeretici dicti fuere; altera vero a Juliano pseudoepiscopo Halicarnasseo codein tempore ei loco, nempe Alexandriae, principium duxit : prout suo loco ex Liberato¹ diacono et Leontio Scholastico² ambobus suorum temporum rerum scriptoribus dictum est. Testatur vero Leontius, prævaluuisse sententiam Aphthardocitarum ; ex quo factum esse, ut pulso Theodosio haeretico Eutychiano episcopo Alexandrino Corrupticolarum laitore, in locum ejus subrogatus fuerit Gaiamus potentissimus defensor incorruptibilitatis, a quo ejus sententiae sectatores dicti fuerint Gaianite. Ihi enim sic incorruptibilem et passionum expertem penitus Christi carnem dicebant, ut tamen, si voluisset, eamdem subjicere passionibus valuisset.

4. At contrarium omnino profitetur Ecclesia Catholica, ita assumptam a Deo carnem passionibus absque peccato fuisse subjectam, ut tamen si voluisset, vel quando voluisset, ab eisdem se liberum reddere potuisset : quamobrem qui erant in carne Christi ejusmodi naturales affectus, non passiones, sed propassiones Theologi Orthodoxi nominaverunt, nempe ut cum vellet ipse, tantum insurgerent : et si nollet, nequaquam ipsi dominarentur. Ex priori autem sententia illud deducebatur absurdum, ut una tantum esset in Christo voluntas : ex posteriori autem recta illa Catholicaque assertio, ut sicut duæ prædicantur in Christo naturæ, ita pariter et duæ voluntates affirmarentur. Quamobrem factum est, ut ex illa priori sententia exorta fuerit Monothelitarum heresis, quæ diu multumque Ecclesiam Catholicam perturbavit, ut suo loco dicturi sumus. Porro eo magis culpanda fuit horum haereticorum de Incorruptibilitate sententia, quo eam scire potuissent in Hilario esse damnatam non a recentioribus tantum, sed et a Claudio³ Mammerto episcopo Viennensi ; licet in meliorem sensum Hilarii dicta recentiores acceperint, excuselque idem Claudio virum sanctissimum.

¹ Liber, diac. in Brev. c. 19, 20. — ² Leon. de sectis. sect. 5, 10.
— ³ Claud. de statu anima l. II. c. 11. — ⁴ Magist. sent. 1. m. dist. xv.

5. Contraria vero sententia dicentium Verbum corpus suscepisse passionibus subditum, in eo a Catholicis discepabat, quod id illi necessitate incubuisse traderent, ut etiam si noluisset, illis inservire cogeretur : unde et in illam deteriorem prolapsi sunt haeresim, qua ab ignorantia dicti sunt Agnoitæ, utpote qui dicent nescisse penitus Christum iudicii magni tempus; quod scilicet ignorantiae passio ita ipsi inhaeserit, ut quod nesciret sui natura, eadem nosse minime potuisset. Sic igitur ab uno eodemque Eutychiana haeresi intoso lente turbidos hos videoas rivos Corruptibilem et Incorruptibilem haereticorum manasse; rursumque ex illo Agnoitaram, ex isto autem Monothelitarum esse haereses propagatas. Cum e contra Catholicæ Ecclesia euenios hosce Ægypti laicus declinans, bibens aquam (ut monuit¹ Sapiens) de cisterna sua, eamdem in plateas derivans, sic asseruit atque docuit Christi corpus subditum fuisse passionibus, ut non nisi voluntem illæ enimdem appetere possent : unde et olim Propheta² : « Oblatus est, quia ipse voluit ». Et sic in eodem duas novit et docuit voluntates, ut tamen que esset secundum humanam naturam ei quæ secundum divinam in omnibus et semper subditam esse nosset.

6. Justinianus igitur ubi semel de dogmatibus edicta sanciendi sibi arrogavit auctoritatem, ad hujusmodi dirimendas quæstiones haud more majorum Orthodoxorum imperatorum consulendam sibi putavit Apostolicam Sedem (sicut antea saepe ipsum fecisse vidimus) neque coacto aliquo provinciali saltem Concilio, quid sentiendum esset exploravit Patrum sententias : sed quid ab universa Catholicæ Ecclesia credendum, atque prædicandum foret ab omnibus Orthodoxis, super omnes episcopos elevans sibi thronum, non secus ac Antichristus in templo Dei erigens sibi cathedram, et extollens se supra id omne quod colitur ; de stabilienda perfidia leges sacrilegas saucit, atque de haeresi conscribit edicta : ut plane lugubre illud Hierenia³ fuerit omnibus Orthodoxis ex imo corde duelis suspiriis exclamandum : « Obstupescite cœli, et porte ejus desolamini » ; ob tam grande peccatum imperatoris, cum relinquens venam aquarum viventium, effodil sibi cisternas dissipatas.

7. Visum plane tunc fuit in Ecclesia contra Ecclesiam monstrum illud triceps, quod adeo odio dignum et execrabile esse Ecclesiasticus⁴ monuit, ubi ait : « Tres species odivit anima mea, et aggravor valde animæ illorum : pauperem superbum, et divitem mendacem, et senem fatuum et insensum ». Ita plane apparuit Justinianus, qualem fabule fingunt fuisse tricornem Gerionem, cum in se tria hæc adeo detestanda conjunxit : dum videbilet eum pauper esset, imo pauperrimus, expers penitus litterarum, cui nec ad legendum (ut aiunt) ipsa elementa suppeterent ; nihilominus voluit omnium videri doctissimus episcoporum, et quem

¹ Prov. v. — ² Isai. LIII. — ³ Hierem. II. — ⁴ Eccl. v.

sequi deberet universa Ecclesia, cui non veretur doctrinam suam prescribere, et ne quis contradicere andeat, sua prohibere potentia : ex quo et dives ille mendax apparuit, de quo est illud etiam Sapientis¹ : « Locutus est dives et omnes tacuerunt, et verbum illius usque ad nubes perducent ». Sed et cum respuit consilia seniorum, plane senex cognitus est fatuus et insensatus : nam e contra subdit Ecclesiasticus² : « Quam speciosum canitie judicium, et presbyteris cognoscere consilium ! Quam speciosa veteranis sapientia, et gloriis intellectus et consilium ? Corona senum multa peritia, et gloria ilorum timor Dei ». Sic igitur incante miser tune lapsus est jam senex, cum caeteri, licet desipuerint in juventute, sapere saltem in senectute incipiunt.

8. Utinam probrosa haec possent aliqua execusatione purgari : cum enim ejus in haeresim lapsus tam Graeci quam Latini auctores omnes sint testes, omnesque pariter facinus detestentur, unus tantum Nicephorus³ crimen ab eo admissum his verbis attenuat : « Haec ipsa est Aphthardocitarum haeresis, qua multi mortales sunt correpti, non solum ex his qui honores et magistratus gesserunt, sed et Hierarchae primarii, et monachi vita illustres, et ex sacerdotali ordine alii, atque adeo etiam ipse imperator Justinianus : ei is plurimum opinioni ei inhaesit, non ille altius dogma tale investigans, verum verbi ipsius significationi acerius insistens, videbat quod haudquam tale quiddam de Christo propter summum ipsius erga illum amorem et desiderium audire constituerit ». Nempe ut carnem corruptibilem passionibus obnoxiam idem suscepisse diceretur. At subdit : « Princeps enim iste tanto in Christum pietatis ardore flagrasse, ab eis qui res illius memoriae posteritatis mandarunt, dicitur, quanto aliis ex iis qui ante eum imperium obtinuerunt, ter maximo illo Constantino semper excepto. Itaque propter vehementem in Christum amorem, illius gratia, multa etiam violenter fecit : Hebraeos namque Pascha ante Christianos celebrare passus non est, etc. » Haec quidem Nicephorus : verum et ipse hac ex parte (venia si dictum obtempera) fatuus judicandus, qui putavit ex nimio in Christum amore posse aliquem adversus Christum ejusque Ecclesiam haereses promulgare : « Charitas enim non agit perperam, nec querit quae sua sunt ». Justius excusasset, si quod ait Apostolus⁴ de ipso dixisset : « Testimonium illi perhibeo, quod zelum habuit, sed non secundum scientiam ».

9. *Quomodo Anastasius episcopus Antiochenus restiterit Justiniano.* — Qui igitur semel imbibit de incorruptibilitate sententiam, ita ebrius factus est, ut mente motus quid de ea sententia vellet ut universa Catholica sentiret Ecclesia, conscriperit edictum; de quo ista Evagrius⁵ : « Justinianus edictum scripsit, quo asseruit corpus Domini non fuisse obnoxium internectioni, neque affectionum

illarum que naturaliter insita sunt, inque nullam incurruunt reprehensionem, particeps esse, et Dominum codem modo ante passionem comedisse, quo post resurrectionem comedit, et corpus ejus sanctissimum nullam conversionem mutationem, vel ex formatione que in matrice facta est, vel ex voluntariis naturalibus affectionibus accepisse, ino ne post resurrectionem quidem ». Haec ex ejus conscripto edicto summatim est complexus Evagrius. Sed quomodo ad id compellere natus sit sacerdotes, et quomodo resilierint Orthodoxi, mox ita subdit : « Quibus opinionibus ut sacerdotes et episcopi ubique assentirentur, compellere instituit. At omnes se Anastasii episcopi Antiochiae sententiam exspectare respondendo, primum illius conatum repulerunt ». Magui tune nominis erat inter omnes Orthodoxos antistites Anastasius Sinaita ex cremo Sinae montis petitus tum ob eminentem vitam sanctitatem, tum etiam ob eximiam viri doctrinam ubique in Oriente spectatam, de quo idem Evagrius ista mox subjicit :

40. « Anastasius vir quidem erat cum in sacrum litterarum cognitione apprime disertus, tum in moribus et tota vite ratione adeo exquisitus, ut etiam rerum levicularum magnam curam haberet, inque illis nec a constanti et stabili animi sui proposito decedere vellat, nequid a rebus maximi momenti et ponderis, et quae ipsum Deam viderentur attingere. Quin etiam ita suum temperavit ingenium, ut neque propter lenitatem animi atque comitatem nimis facile his rebus, quae minus rationi consentientes erant, cederet; neque propter severitatem et inclemantium aegre his, quas recta ratio postulabat, assentiretur. Ac rebus seriis audiendis ejus patabant aures, et ut sermone profluenis, ita in quæstionibus dissolvendis acutus et perspicax : rebus autem ineptis et nullius momenti oculis aures : linguam vero sic freno cohibuit, ut et sermonem ratione moderaretur, et silentium loquela præstabilius efficeret. Iustum tanquam turrini munitionem oppugnare omni machinarum genere aggressus est : illud scilicet complectens animo; se si istum everteret, nullo labore civitatem totam occupaturum, recta fidei dogmata redacturum veluti in servitatem, et oves Christi denique captivas ab Ecclesia abducturum ». Assensus est petitioni episcoporum Orthodoxorum Justinianus imperator, sperans fore, ut datis ad eundem Anastasium ipse litteris, cum mox in eamdem quam ipse fovebat sententiam perduceret, stulte credens eundem Anastasium id genus esse episcopum, qui imperatoris gratiam quibuslibet dogmatibus anteferret. Sed quam deceptus sit imperator, Evagrius ita subdit⁶ :

11. « Verum Anastasius sic divina quadam animi celitatem elatus fuit (nam supra firmam petram constitut) ut Justiniano per litteras suas libere, et aperte contradiceret, tum perspicue admodum, tum di-

¹ Eccl. xiii. — ² Eccl. xxv. — ³ Niceph. l. xvii. c. 19. — ⁴ 1. Cor. xiii. — ⁵ Evagr. l. iv. c. 38.

⁶ Evag. eod. l. iv. c. 39.

serte ostenderet, Apostolos et sanctos Patres confessos esse atque adeo tradidisse corpus Domini internecioni obnoxium esse, et affectionum quae sunt natura in animis impressae, quæque reprehensione carent, particeps. Eodem modo etiam monachis Majoris et Minoris Syrie de hac re seiscitantiibus sententiam respondit : omnes confirmavit mentes, ad certamen ineundum præparavit. In Ecclesia denique lexitavit quotidie illam Pauli vasis electionis sententiam : Si quis vobis evangelizaverit praeter id quod accepistis, etiam si Angelus de celo sit, anathema esto. Quibus omnes, panceis exceptis, assensi, simile studium erga fidei defensionem declararunt ».

12. Justinianus autem cum litteras Anastasii perlegisset, intellexissetque violentia sibi agendum fore, si vellet turres ejusmodi expugnare; ne evanesceret quod scripsisset edictum : exilium omnibus episcopis contradicentibus comminatur. Cum itaque et ipse Anastasius esset eadem ex causa subiturus exilium, ante proficationem suos armarios putavit ad proelium, data ad eos Epistola, de qua subdit his verbis Evagrius : « Idem vero Anastasius, cum accepisset Justinianum velle ipsum in exilium mittere, scripsit ad Antiochenos orationem, qua eorum animos in fide confirmaret : quæ certe tum ob sermonis elegantiam, tum ob cerebritatem sententiarum, tum ob testimoniorum e sacris litteris petitorum frequentiam, tum denique ob historiam que tam commode in ea narrata est, optimo jure sane permagni facienda est ». Illeusque Evagrius. At egregium tanti viri opus haec tenus latere dolemus. Quid autem post hæc adversus renitentes episcopos Justinianus molitus sit, dicturi sumus anno sequenti.

13. *Incendium Constantinopolis.* — At Dens tantum imperatoris lapsum aliquo non prætermisit statim admonere flagello : siquidem ipsa Constantinopitana civitas hoc ipso anno contlagravit; eodemque incendio contlagrasse præcipuum domum hospitalem Samsonis, et complura alia aedificia ac monasteria et Ecclesias, anctor est Cedrenus; qui in eadem civitate a trigesimo quarto imperatoris anno usque ad trigesimum septimum diversis in locis eamdem urbem tertio incendium passam affirmat, magno civium damno. Sed nec tot incendiis purgata scoria, civitas pura mansit, polluta ubique ab hereticis atque aliis seeleratis hominibus pacem publicam perturbantibus.

14. *Concilium Bracharensis et ejus canones.* — Sed quid accidit? Dum imperator in Oriente a Catholica fide deficiens insequitur Orthodoxos (o mirabile divinitate providentiae signum!) in Occidente, qui erat hereticus ad fidem conversus princeps, colligit Catholicos episcopos, per quos Concilium celebrat, quo damnantur hereses cum hereticis. Hoc enim ipso anno, qui tertius Theodosiri Suevorum regis numeratur, idem princeps celebrari curavit Concilium Bracharensis in totius Gallie metropoli civitate. Porro in editis ibi canonibus, loco

Theodomiri, Ariamirus positus est, qui ejus filius fuit. Praefuit autem Synodo Lucretius Bracharensis episcopus, qui successit Profuturo, præcessit autem Martinum. Est ipsis Synodi ejusmodi exordium : « Anno tertio Ariamiri (Theodomiri) regis, kalend. Maii, cum Gallicæ provinciæ episcopi, etc. »

15. In hoc antem Concilio primum omnium ex præscripto Apostolice Sedis damnata est heresis Priscillianistarum, et aliorum hereticorum errorum, capitulis decem et septem. Sed sicut fides recta sancta est ex Apostolice Sedis instructione, ita pariter ex ejusdem scriptis datis ad Profuturum episcopum Lucretii prædecessorem, quæ spectarent ad Ecclesiasticam disciplinam viginti duabus regulis sunt instituta. De litteris autem a Romano Pontifice ad Profuturum antea datis ita ibi testati sunt Patres : « Si quid est illud magnum vel parvum, quo variari videmur : ad unam (sicut dictum est) formulam, præfixis rationabiliter capitulis, revocetur : præcipue cum et de certis quibusdam causis instructionem apud nos Sedis Apostolicæ habeamus, quæ ad interrogaciones suas quondam venerandæ memorie prædecessoris tui Profuturi prudentia ab ipsa beatissimi Petri accepit cathedra ». Lecta est ipsa ibi Epistola Romani Pontificis, quam se omnes sequi professi sunt, in ipsis præsertim sacris ritibus, et inter alia ita de missa¹ :

16. « Item placuit, ut eodem ordine missæ celebrentur ab omnibus, quo Profuturus quondam hujus metropolitanae Ecclesiae episcopus ab ipsa Apostolica Sedis auctoritate accepit scriptum ». Ita quidem more majorum usus semper ille viguit in Ecclesia Catholica, qui ab exordio ipsius incipiens, idem ad posteros propagatus semper est, nempe ut ad Apostolicam Sedem, ipsam Romanam Ecclesiam veniant omnes longe lateque per orbem universum sitae Ecclesiae, ut ab eadem tum de fide, tum de his quæ ad sacros ritus, neconon ad Ecclesiasticam disciplinam pertinent, erudiantur.

17. Quo insuper ab omni heresis suspicione Dei ministri procul abessent, audi quid fuerit ab iisdem sanctis Patribus salubriter institutum² : « Item placuit, ut quicumque in elero cibo carnium non utuntur, pro amputanda suspicione Priscilliana heresis, vel olera cocta cum carnis tamen prægustare cogantur. Quod si contempserint, secundum quod de talibus sancti Patres antiquitus statuerunt, necesse est pro suspicione heresis hujus hos excommunicatos ab officio omnimode removeri ». Hoc plane sibi laudis vindicavit semper Ecclesia Catholica in Hispania, ut non ab erroribus tantum, sed et a suspicionibus esse voluerit suos immunes. Quo factum est, ut et hoc ipso nostro sæculo, cum longe lateque facibus hereticorum orbis inflammaretur, ipsa illæsa perstiterit, accurritibus summa celeritate Dei ministris, si vel tenuem suspicionis scintillam, vel si non ignem, funum saltem viderint latentis ignis indicium,

¹ Conc. Brach. i. c. 22. — ² Eodem Conc. c. 32.

ipso pricipue Catholico rege super omnes in opus naviter incumbente.

48. Sed et illud ex sanctis hic legibus¹ velim observes, hactenus perseverasse veterem usum, ne in Ecclesiis corpora defunctorum sepelirentur : sanctorum tantummodo martyrum vel confesso-

rum sepulturae Ecclesia tunc temporis servabatur. Ille pluribus S. Gregorius papa Epistolis admonet, summopere cavendum esse, ne in ea quae dedicanda foret Ecclesia aliquod corpus hominis cuiuslibet, licet Christiani, humatum esset. Quando autem, quave ratione fuerit deinde concessum, ut intra Ecclesiis, fideles sepelirentur, suo loco dicturi sumus. Statutis igitur canonibus quadraginta, quos tu consulas, episcopi octo numero subscriptis.

¹ Eoder. Concil. c. 36.

Anno periodi Graeco-Romanæ 6056. — Anno Era Hispan. 601. — Jesu Christi 563. — Joannis III pape 4. — Justiniani imp. 37.

4. *Postconsulatus.* — Ille annus ista formula notatus : *Post consulatum Basili V. C. xxii, vel secundum aliquos, post consulatum Basili V. C. anno XXIII.*

2. *Justiniani edictum de Incorruptibili datum anno DLXV.* — A mun. 1 ad t4. Theophanes anno Incarnat. secundum Alexandrinos m.vii, qui kalendis Septemb. anni Christi DLXIV inchoatur, ait : « Eodem anno Justinianus opinionem de Corruptibili alque Incorruptibili movens, cum edictum super ea re ab omni pietate alienum in provincias omnes emisisset, Deo prævertente, mortuus est ». Idem habet Cedrenus ad annum Justiniani xxxviii, qui cum illo anno Incarnat. secundum Alexandrinos kalendis Septembribus inchoatur. Auclor Miscellæ idem scribit ad annum Justiniani xxxviii. Quare nescio quo fundamento Baronius, quem passim alii hac in re sequuntur, edictum istud hoc anno consignarit. Ex exilio enim Eutychio patriarchæ Constantinopolitano, quod hæretice opinioni subscribere remueret, irrogato, liquet edictum initio anni quingentesimi sexagesimi quinti datum esse. Eustathius quippe in hujus sancti patriarchæ Vita cap. 5, ait : « Festo enim sancti Timothei die, dum illud in novo palatio Hornisda dicto celebraretur, et sanctus Eutychius divinam rem faceret ; tribunus militum et satellites tribuni seu potius ferae immanis ministri, invaserunt patriarcham ; comprehenderuntque et distraxerunt, viri sancti lami- liares, qui contra illum testifiearentur, ut quoquo modo verosimile ficerent, eum non sine causa fuisse a pontificatu depositum ». Festum sancti Timothei Ephesini episcopi celebratur quidem a Latinis die xxiv mensis Januarii, sed a Grecis die xxii ejusdem mensis, ut videre est in illorum Menais et Menologijs. *Eutychius* autem ante depositionem sedet annos duodecim, ut testatur ibidem Eustathius

cap. 4. Nicephorus in Chronico supra annos illos xii, menses duos addit : sed cum Eutychius mense Augusti anni DLII sedem Constantinopolitanam suscepit, et die xxii mensis Januarii ejus depositio contigerit, manifestum est, Eustathium explicandum esse de die xxii Januarii anni quingentesimi sexagesimi quinti, ideoque sedisse *Eutychium* ante suam persecutionem annos xii, et menses circiter quinque.

3. *Eutychius sede Constantinop. depositus.* — Edictum initio anni DLXV emissum esse ex Theophane cum Eustathio collato magis confirmatur. Ille enim cap. 5 testatur *Eutychium* e palatio in monasterium quoddam ab *Hetherio* deportatum fuisse ; quo in loco postquam diem unum moratus est, collocarunt eum in alio monasterio prope Chalcedonem. *Post diem octavum* conventus episcoporum convocatus, et *Eutychius* ad causam dicendam citatus ; cumque comparere recusasset, *in insulam Principis dictam*, que in Astaceo sive Propontidis sita, translatus est, ubi tres hebdomadas sub militari custodia egit, indeque *Amascam* Helenoponti metropolim, etiamnum celebrem, relegatus in monasterium, in quo primum monachus, ac dein archimandrita fuerat. Eo in illud exilium acto *Joannes exscholasticus* ordinatus est episcopus Constantinopolitanus die xii mensis Aprilis, in quam anno Christi DLXV Dominica eadebat. Theophanes enim anno Incarnat. secundum Alex. DLVII, kalend. Septemb. anni Christi DLXIV inchoalo, ait : « Ejusdem quoque Indictionis xii, mense Aprili, ejusque die xii, patriarcha Constantinop. Eutychius a Justiniano dignitate motus est, et Amascam relegatus : Joannes vero exscholasticus magnæ Antiochiae responsarius in ejus locum subrogatus est », ubi Theophanes occasione ordinationis Joannis uno tenore *Eutychii* depositionem, et exilium narrat ;

quod tamen exilium Baronius in an. DLXIV con-
gessit. *Anastasii patriarchae Antiocheni*, quem Ba-
ronius num. 9 cum Anaslasio Sinaita monacho
perperam confundit, exilium pertinet etiam ad an-
num DLXV.

4. *Concilium Bracarensse I anno DLX indictum.*
— Ad num. 14 et seqq. *Concilium Bracarensse I*
anno quingentesimo sexagesimo, qui tertius *Theo-
demiri Suevorum regis* fuit, celebratum, ut eo anno
jam insinuavimus. Est illud inter Concilia Bracarensia,
quaes Gallicæ civitas metropolis ordine, *primum*,
non vero *secundum*, ut male in editione Labbeana
Conciliorum, et passim a recentioribus appellatur.
In Epistola enim Innocentii III papæ ad Petrum
Compostellanum archiepiscopum, de lite quæ
inter Compostellanam et Braecensem Ecclesias
versabatur, *primum Concilium Bracarensse* vocatur
illud quod Theodemiro regnante congregatum est :
« Porro secundum Bracarensse Concilium non præ-
cessit Braecensis Synodus nisi prima », inquit
Innocentius loquens de Synodis, quæ semper I et II
Bracarenses appellatae fuere. Praeterea Loisa in
Notis ad Concilium Bracarensse II, ait, Thodemiri
Era DCVII congregasse Concilium Lucense,
seque invenisse scriptum : « Ego Theodemitus rex
cognomento etiam Mirus Gallicæ totius provin-
cie rex, etc. » Et infra : « His itaque determinationi-
bus seu definitionibus a me Nitigio nutu Dei Lu-
censis sedis episcopo, diligentissime exquisitis, per
antiquorum virorum scientiam seu Scripturarum
seriem vetuslarum, studiosissime prius peractam
Bracarensem Synodum secundam ibidem in diebus
gloriosissimi Mironis regis sub Era DCX, in praesen-
ta ipsius regis, et omnium Catholicorum magnatu-
m totius Gallicæ ». Quod si Concilium Bracarensse
Era DCX, seu anno Christi DLXXII indictum,
secundum ordine sit, Concilium Bracarensse sub
Theodemiro rege habitum nonnisi *primum* ap-
pellari potest. Loquitur Loisa de dnobus instru-
mentis a se visis, quæ diversis annis scripta fuere
et ex priori discimus *Theodomirum* fuisse etiam
Mirum appellatum. Ipso initio Concilii Bracarensis I
legitur : « Anno III Arianiri regis celebratum die
kalendarum Maiarum », et in Praefatione ejusdem
Concilii dicitur, episcopos convenisse ex præcepto
praefati gloriosissimi Arianiri regis, ubi *Ariomirus*
alius non est quam *Mirus* seu *Theodemirus*.

5. *S. Martinus episc. Dumiensis hunc Concilio
interfuit.* — Habitum istud Concilium ab octo
episcopis, et in eo 17 capitula contra haeresim Pris-
cillianam relecta, ac denuo probata. Inter episco-
porum subscriptiones legitur : *Martinus episcopus
subscripsi*, qui aliis non est, quam S. Martinus
episcopus Dumiensis, qui postea Bracarensis metro-
polita renuntiatus est, eoque nomine Concilio

Bracarensi II, anno DLXXII habitu subscriptis.
Episcopi Dumienses interfueru postea Concilio To-
letano III, anno DLXXXIX coacto, cui subscriptis
Joannes monasterii Dumiensis episcopus. Sed Con-
cilio Letano VI, anno DCXXXVIII coacto, subscriptis
Pimenius Ecclesiæ Dumiensis episcopus, nulla
monasterii mentione faela.

6. *Nicetus episc. Trevirensis sollicitus de con-
versione Alboini Langobardorum regis.* — Hoc
circiter tempore Nicetus Trevirensis episcopus
Chlotsindam seu *Chlodovisdam* Clotarii Francorum
regis filiam, quæ *Alboino* Langobardorum regi
nups erat. litteris hortatus est ut mariti sui Arianam
haeresim profitentis, saluti procurandæ sedulo in-
veniret. Eas litteras Sirmondus tomo i Concil.
Gall. in lucem edidit, in quibus inter alia haec
leguntur : « Gaudere nos Christus faciat de Alboino
rege, quem habes, et de felicitate sua triumphare.
Stupentes sumus, cum gentes illum tremunt, cum
reges venerationem impendunt, cum potestates
sine cessatione lassant, cum etiam ipse imperator
suis ipsum preponit, quod animæ remedium non
festinus requirit, etc. Te, domina Chlodosinda, per
tremendum dicm julicij conjuro, ut hanc Epistolam
et bene legas, et bene illi et frequenter exponere
studeas, etc. Ipsi Gothi hodie ipsis id est, Apostolis)
venerationem impendunt, et reliquias eorum furtim
tollunt, sed nihil ibi habent, quia fidem eorum
annullare presumunt, etc., quibus fidem Ortho-
doxam comprobant ». Nicetus populos, quibus
Alboinus præerat, non tantum *Langobardos*, quod
longas barbas nutrarent; sed etiam *Gothos*, quod
origine Gothi essent, appellat. Sedes antiquissimas
habuerunt in *Scandinavia*, teste Paulo diacono
lib. 4, cap. 2. Est *Scandinavia* peninsula, quæ
Sueciam, Gothiam et Norvegiæ, regiis titulis insi-
gnitas hodie complectitur. *Scandinavia* relieta,
trajecto que mari Suevico, seu Baltico copiosa mul-
titudo Gothorum migravit in Germaniam, ibique
pars eorum gens Langobardorum nuncupari cœpit.
Ibi variae sedes, diversaque eorum fortuna fuit,
donec a Justiniano Augusto *Noricum* et *Pannoniam*,
ac pecuniam insuper maximam accepérunt, ut docet
lib. 3 de Bello Goth. cap. 32. Pannonia autem
et Noricum tunc complectebantur has hodiernas
regiones; *Pannonia* partem Hungariae, Austriae,
Stiriae, et Carniolæ; *Noricum* vero Carinthiam,
parlemque Austriae, Stiriae, Carniolæ comitatus
Tirolensis et Bavariae. Indeque in Italianum Longo-
bardi venere, ut anno DLXVIII videbimus. *Alboinus*
tamen quandiu vixit, in haeresi perseveravit.

Conjuratio adversus *Justinianum* imp. a cuius
gratia exedit Belisarius, ut videre est anno DLXI.
Gregorius Turonensis ope sancti Martini varia be-
neficia consequitur, ut dicitur anno DLXI.

JOANNIS ANNUS 5. — CHRISTI 564.

1. *Justinianus in hæresi perseverat ope Theodori Corsariensis, fortiter resistente Eutychio patriarcha Constantinopolitano et aliis episcopis.* — Qui sequitur annus Christi quingentesimus sexagesimus quartus, idem ultimus est Justiniani imperatoris, atque postremus qui post consulatum Basilii numeretur vicesimus tercius, Indictionis duodecimæ. Quo ipse Justinianus imperialor ubi elaboratum a se edictum contemni ab Orthodoxis et pro nihil duei percepit, ira exestuans magnam adversus Catholicos episcopos persecutionem commovit: quos enim habuit consultores ad impietatem statuendam, eosdem invenit instigantes adversus resistentes antislites. Non enim sibi (ut alias fecerat) visum est ea de causa cogi debere Concilium, cum sciret uon Antiochenum tantum, sed et Constantinopolitanum patriarcham, atque alios primarum Ecclesiarum episcopos fore totis viribus impietatem oppugnaturos; nec ullo modo passuros, ut ejusmodi pravum dogma decretis Synodalibus probaretur, quod tanquam idolum nulla ratio sed sola imperatoris auctoritas erectura erat in Dei templo.

2. Neque etiam (quod ante sepe federal, cum aliqua oboriretur Ecclesiastica controversia) voluit de re tanta consulere Apostolicam Sedem, quam adversariam sibi fore haud dubiis signis intelligebat: quin potius ipsi celandum esse pulavit; ne scilicet, si recesset, more consueto, eadem inconcessa tentanti Pontificie auctoritas restitisset, cohuiissetque quod jam aggressus facinus esset; scripsissetque ad episcopum, clerum populumque Constantinopolitanum et alios omnes hortans adversus emergentem hæresim ad mortem usque certare: jussissetque pariter convocari ea de causa episcopos, atque celebrari Concilium. Ilæc, inquam, omnia ut vitaret imperator, noluit de insdem ex more certiore reddere Romanum Pontificem.

3. Quod igitur omnis qui male agit¹, odit lucem, ne ejus prava opera arguantur: agi cuncta voluit imperator summo silentio, nolens penitus intelligere ut bene ageret, secundum illud Davidi-

enm²: « Iniquitatem meditatus est in cubili suo, adstitit omni viae non bonæ »; non alios quam complices erroris adhibens in consilium. Resciveritne per suum apocrisiarium ista Joannes Romanus Pontifex, haud exploratum habetur: periere enim ejusdem Pontificis totius ipsius Pontificatus scripta, ac reliqua monumenta. Quicquid sit, illud quidem constat, absque episcoporum assensu imperatorem hæresim comprobasse, eamdemque scripto edicto firmasse, et in episcopos persecutionem haud mediocrem commovisse, cuius primus passus est imperium, qui proxime aderat ipsi contradicens Eutychibis Constantinopolitanus episcopus, cuius res gestas cum imperatore Eustathius ejus Vitæ auctor scriptis mandavit: nos antem cuncta reddemus verbis ipsius, quibus ejusmodi narrationem instituit³ ab exordio lapsus ipsius Justiniani imperatoris historiam texens, sui temporis rerum geslarum scriptor:

4. « Scitis vos omnes, inquit, qui pī imperatoris Justiniani divinorum dogmatum studium membristis; quomodo is in eam potissimum curam incumberet, ut omnes hereticorum rationes una cum ipsis hereticis improbaret, et everteret: quod quidem fecit tum argumentis et demonstrationibus, tum testimonis Scripturarum. Hic nescio quo auctore et magistro cœpit execrabilem ac detestandam et perniciem opinionem illam sub specie religiosi probare quæ Domini nostri Jesu Christi corpus ex ipsa divinitatis conjunctione incorruptum asserbat: quæ quidem ut cancer serpens atque depascens totum prope orbem perdidisset, nisi noster Phinees antevertens restitisset. Sed quod huic morbo remedium adhibitum est? Sanctorum Apostolorum, Prophetarum, atque doctorum testimonia, et demonstrationes sunt multæ, quibus usus est ille ad pestiferum illum morbum opprimendum.

5. « Pernicosa omnino pestis est affirmare incorruptum fuisse Domini nostri Jesu Christi corpus ante resurrectionem. Quis adeo stultus est, ut Domini corpus ex eo quod cum divina natura copula-

¹ Joan. iii.

² Psal. xxxv. — ³ Extant ejus Acta die VI Apr. apud Sur. t. II.

tum fuit, incorruptum asserat; cum hoc concessu colligendum sit necessario fictam et simulatam humanæ carnis susceptionem extilisse. Quomodo enim incorruptum corpus pati potuit, aut circumcidere, aut pannis involvi, aut lacte nutrir? Quæ si illam vitæ largitricem carnem subiisse credimus; crucem item et clavorum foramina, et lanceæ vulnus confiteri oportet. Incorruptum igitur de illo dici non potest: nisi per hoc verbum intelligamus, corpus illius nulla unquam fuisse peccati macula contaminatum, aut in sepulcro non esse dissolutum. Verum hæc a magno divinoque doctore Eutychio scriptis studiose sunt et acriter disputata. Ex quibus, si quis veritatem ignorat, facile eam poterit intelligere. Longiores essemus, si ea vellemus persequi. Videamus igitur, quid posteaquam Patrum attulit testimonia, consecutum sit ». Hæc de disputatione, qua Eutychius redarguit imperatorem; abduxisseque eum fortasse poterat ab errore, in quem sese præcipitem dederat, nisi in eo veluti quibusdam vinculis obligatus fuisset quam arctissime ab illis qui ei assistebant hæresis ejus defensoribus episcopis.

6. At quinam isti fuerint, lieet a nemine expressum invenerimus: ex eo tamen quod idem Eustathius prosecutus res gestas ejusdem Eutychii cum imperatore (ut dicemus) hos fuisse testetur, qui præcipui defensores essent Origenis errorum: facile quidem et absque calumnia affirmare poterimus, horum antesignanum fuisse Theodorum illum nequissimum Cæsareæ in Cappadocia archiepiscopum, quem mirum in modum favisce ostendimus Origenis hæresibus: ejusque causa universum concussum vidimus Orientem, dum olim in odium Pelagii Romanæ Ecclesiæ apocrisiarii Constantiopolis exurgentis atque damnare curantis universos cum auctore Origenis errores, ipse ex adverso contra Chaledonense Concilium occulte se erigens, famosam illam de Tribus Capitulis excitavit in Ecclesia questionem, qua tantopere tantoque tempore Catholicam Ecclesiam perturbavit, atque hactenus perturbare minime quievit.

7. Ille igitur nefandissimus, totius Ecclesiæ pestis, postquam otum id quod tamdiu molitus fuerat, esset de Tribus Capitulis consecutus, cum etsi faciem præ se ferret antistitis Orthodoxi, omniumque maxime pii, revera tamen hæreticus esset, non Origenis tantum erroris assecula, sed et Eutychianæ blasphemiae vehementissimus propugnator; sensim rudem rerum saclarum imperatorem in quam voluit flexit opinionem: ubi enim semel de homine isto nequam optimam ipse imp. concepisset aestimationem, ejus semper inhærente vestigiis summam putavit esse religionem: ita miser cæcus cæcum sectans, cum ipso pariter mergitur in profundum. Fuerunt nescienti sacras litteras ad errorem illecebri ipsius nominis pulchritudo, nempe ipsa de incorruptibilitate sententia, ut dignius putaret asserere incorruptibile, quam contrarium affirmando, inter detestabilis nominis hæreticos Corrupticos

numerari: ita plane rem tantam sono vocis definiens imprudenter, sicut Ariani olim a fide Catholicæ homines absterrere solebant, dum voce exotica Catholicos nominarent Homousianos. Sieque Theodorus versus homo, ut puerum larva, absterruit a contraria sententia Justinianum imperatorem, atque in hæresim captivum abduxit.

8. Ille igitur de auctore atque malorum omnium concinnatore Theodoro Cesariensi assertam sententiam: reliquos autem qui ad malum accesserint adjutores, ex superius dictis quisque poterit reperire, eos scilicet quos ad alias miscendas discordias idem adseiverat sibi sodales: facile enim est, auctore invento, reliquos pravitatis ejusdem pervestigare consocios: ad malum namque pravi homines ut spinæ¹ sese invicem complectuntur. Quos omnes cum optime Eustathius nosset, cur non expresserit, ea fuisse causa videtur quod cum suorum temporum eam ipse historiam scriberet, superstites etsi ipsi non essent, corum tamen propinqui, iidemque pietatem magnopere præ se ferentes, viverent; quinam hi fuerint, maluit ex quibusdam notis notos ipsos relinquere, quam invidiouse nominatim exprimere, haud tamen numeros omnes scribentis historias in hoc implens: sed nec illos voluit proprio nomine significare, qui magistris perfungentes amplissimis ad ejusmodi errores ipsi imperatori impulsores inhærebant; quos tamen quam citissime poena est consecuta ex recenti delicto in ipsam majestatem imperatoriam perpetrato. Quod enim qui Deo infideles existunt, haud hominibus norunt præstare fidem; iidem ipsi qui ejusmodi hæresis laborabant infamia, pravi instinctu demonis iisdem dominantis adversus imperatorem coniurationem conflare, machinarique cædem aggressi sunt; sed detecti luere merito penas. Fuerunt hi Ablavius, Marellus, et Sergius, inter quos et Belisarius, quem (sive juste, sive injuste id acciderit) vidimus fuisse proscriptum. Sed jam ipsum Eustathium eamdem prosequentem historiam audiamus; ait enim hæc post superius dicta consecuta fuisse.

9. *Eutychius a sede pulsus, in quam Joannes Scholasticus intruditur, exilium suum miraculis illustrat.* — « Cum magnus hic vir (Eutychius scilicet Constantinopolitanus episcopus), longa oratione imperatori non esse id Catholicæ Ecclesiæ dogma comprobasset; animam suam (ut ait Ezechiel Propheta²) quæ ad propositum pertinerent explicans, servavit: illi vero malorum inventores in peccatis suis perierunt; instar enim sœpe cadentis guite et petram excavantis imperatori persuaserunt. Atque hujus quidem improbae opinionis magistri exerceenda nugacis Origenis et Evagrii, et Didymi dogmata defendebant: quorum nomina libens prætereo, ne malum malo pendere videar, et contumeliam calumnia persequi, et contra propositum et mores sancti Eutychii facere, qui ex beati

¹ Nah. 1. — ² Ezech. iii.

Salvatoris mandato, non esse malum pro malo redendum, sed contra potius maledicentibus benedendum, et pro perseverentibus precandum, tum factis, tum verbis docuit. Quanquam silenda potius videntur, quam praedicanda, quae tunc gesta sunt. Quamobrem (ut ipse vir sanctus edocuit), quae silentio sunt digna, præterea manus. Vigil igitur justitiae oculus malitiam impunitam abire non permisit, sed calumniam omnino retexit et patefecit: adeo ut illi ipsi ore proprio conjurationem confessi sint, et ultionis aquilatam collaudarint.

10. « Erant autem qui haec machinali sunt, non solum ex eorum numero qui plurimum valebant apud imperatorem, verum etiam ex sacerdotibus qui erant insignes, quique magnas Ecclesias gubernabant (si tamen sacerdotis nomine digni sint homines improbi et calumniatores) quos tamen omnes justitia punivit obstruens labia adversus justum loquentia iniquitatem in superbia et despectione. Iste igitur (ut dictum est) execrabitum et impiorum dogmatum studio simplicitatem imperatoris perverterunt, et sub incorrupti occasione inique (ut demonstrabatur) et præter divinos canones et Ecclesiastica instituta beatum ac pius virum oppugnauit. Sed eos justus Index et in hac vita punivit, et mox in inferorum supplicia defrui sempiterna.

11. « Cum igitur studiis istorum diurna vis morbi esset adaueta, et vulnus intraetabile atque adeo immedicable evasisset: cumque imperator, assumpta charta, in qua detestanda illa opinio quod Domini corpus ex divina naturae copulatione incorruptibile fuerit, confinebatur, eam divino magno que pugili Eutychio perlegisset; flagitabat, ut sententia et suffragio suo illam comprobaret. At ille, ut arquum erat, primum cohortationibus uteus, negabat eam esse doctrinam Apostolorum: quamobrem se illi nec auimo posse, nec verbis assentiri. Deinde cum nec cohortationibus, nec admonitionibus posset imperatori persuadere, ne quid contra Catholicam Ecclesiam et recta dogmata ficeret; omnem curam et sollicitudinem suam in Deum rejiciens, Apostoli¹ verbis testatus est, se nihil utilium omisisse, quod non nuntiarit: atque in posterum ita se contírmavit, ut pro Christi fide vellet omnia perpeti: Certo, inquiens, scio, nec mortem, nec vitam, nec presentia, nec futura, nec afflictionem, nec angustiam, nec famem, nec nuditatem, nec gladium, nec exilium posse me separare a charitate Dei, quae est in Christo Jesu Dominino nostro. Haec vir sanctus verbis primum, mox autem factis comprobavit. Constat enim facta esse subsecuta.

12. « Cum enim nollet dogmatis errorem suscipere, et Aphardocitas comprobare: statim malorum inventores, qui omnia facile audent, principes illi et sacerdotes anni congregati in auditorium et convenientes meditati sunt inania et stulta adversus Dominum et adversus Christum ejus: et imperatori persuaserunt, ut virum omnibus ornatum virtuti-

bis a sede exturbaret, in eaque alium constitueret, qui studiis et opinionibus suis consentiret. Quod quidem et factum est. Nam cum festus dies S. Timothei apud Hormisdæ regionem in novo palatio celebraretur (erat ibi Ecclesia sancti Petri ab ipso Justiniano in suis aedibus structa, ut Procopius² docet) et S. Eutychius rem divinam ficeret: tribunus militum et satellites immanis feræ ministri episcopatum invaserunt, comprehensis et distractis viris sancti familiaribus, qui contra illum testificarentur, ut quoquo modo illum non sine causa ex episcopatu ejectum fuisse ostenderent. At vir magnus cum eorum invasionem in episcopatum, et quosdam e snorum numero illinc violenter abstractos et in carcерem conjectos fuisse cognovisset, peracto sacrificio, distributaque sancta communione, in sacraario mansit. Dicebant enim quidam graves viri: si e saero templo exiret, fore ut interficeretur; quosdam enim armatos; atque in Antiochi prædio collocatos, eo consilio eum foris exspectare.

13. « Ille cum beatus vir accepisset, constituit ante altare; solitisque vestibus et superhumerali induitus, quod semper secum habebat, usque ad vesperam precationibus incubuit, Deum obsecrans, ut Ecclesiam suam tranquillam et recta dogmata conservaret. Cum autem fecisset obsecrandi finem: sacerdotes et monachi qui aderant, hortati sunt enim ut cibum caperet; quod et fecit. Cumque paululum quietiisset, affuit cum gladiis et fustibus, multoque cum præsidio militari magna illa fera, qui Etherius² appellabatur: correptum sanctum virum nudum et nihil habentem, in monasterium, quod Choracudim appellant, asportavit. Quo in loco cum uno die commoratus esset, et propter monasterii paupertatem male tractaretur; misericordia commoti (nam viri sancti virtutem adversarii quoque mirabantur) eum in Osiae, id est, Sanctæ sic appellato monasterio prope Chalcedonem collocarunt. Nec amplius quarentes, utrum jure, an injuria e sede fuisse ejectus, coacto post diem octavum conventu episcoporum et principum, virum sanctum, quem indicta causa ejecerant, in jus ut se defendet, vocarunt, quod libellus adversus eum concessui esset oblatus. Quid autem libellus contineret, non sine risu potest audiri: Quod unctus esset; quod aviculas comedisset; quod multas horas genibus flexis orasset: et alia his magis adhuc ridicula. Ab hujusmodi igitur criminibus ut sese purgaret, eum accersiverunt». Sic igitur revocantur impie in Eutychium, quæ olim fuerunt contra S. Joannem Chrysostomum, urgente Eudoxia, acitata.

14. Ubi primum autem de exilio Eutychii sententia lata est; continuo de successore eligendo actum, delectusque fuit Joannes cognomento Scholasticus ex apocrisiario Ecclesiae Antiochenæ, homo plane servus gloriae et mundigator rerum sacrarum,

¹ Act. xx.

² Procop. l. 1. adit. Justin. imp. — ² Quas inde hic Etherius pœnas dedit, scribit Evagrius hist. l. v. c. 3.

quique pretio adulatio[n]is eam mercatus est dignitatem. Ne quid tamen absque umbra saltem judicialis formae factum contra canones videretur: ubi Joannes creatus est, jubetur citari Eutychius a concilabulo collecto Constantinopoli. At quid ipse, ita Eustathius subdit: « Sed vir sanctus episcopis et principibus, qui confessus mandato nuntium attulerant: Ad quem, inquit, acceditis? ad quem me vocatis? Illi veritate coacti responderunt: Ad dominum nostrum et patrem. Quibus ipse rursus: Quis est, inquit, iste dominus et pater vester? Venimus (inquiunt, tanquam occultis quibusdam verberibus vapularent) ad patriarcham nostrum dominum Eutychium. Patriarcha ego, inquit ille, patriarcha Dei gratia sum, nec a me quisquam hominum tollat hanc dignitatem. Quis est ille, quem meo in loco collocasti? Quibus verbis cum illi respondere non possent; victi reverterunt ad eos, a quibus missi fuerant. Verum idem conventus iterum et tertio contra canones eum vocavit. Sed ille semper congruerter respondit: Si canonicum, inquiens, judicium constitutum est; detur mihi clerus meus et ordo patriarchatus, et veniam, defendamque me, et accusatorum meorum utar testimonio. Haec illi responsa cum accepissent, nihil consentaneum facientes, sententiam contra ipsum tulerunt ipsis judicibus dignam. Quam tamen beatus vir anteverens, subjecit omnes poenit[er] canonicis, donec resipiscerent.

15. « Verum cum finem accepisset confessus illius Iudi: is qui consilium Achitophelis disjecerat, axesque currum Pharaonis confregerat, dissipavit etiam illorum consilium, implicans eos inter se. Qui cum occasionem honestam non reperirent adversus justum: ut quæ inuste egerant, juste viderentur gessisse (erant enim iudices et accusatores) eum ex loco, ubi erat, in insulam, quæ Princepo dicitur, transtulerunt. Ad hanc appulit insulam beatus vir cum tempestate, die sabbati, nocte propenda. Cum autem illuxisset, antequam quicquam aliud ageret, vidi crucem in pariete pictam, cum hoc elogio: CHRISTES VOBISCUM / nobiscum) EST. STATE ». Terræ motus enim tempore ejusmodi verba in dominibus inscribi consuetum fuisse, diximus supra, cum actum est de clade terræ motus Antiocheni. Subdit vero: « Qua quidem re vehementer latratus gratias egit Deo, qui hanc sibi consolationem attulisset.

16. « Sed cum in illa insula tres heblomadas sub magna militum custodia transegisset, rursus ab iisdem judicibus decretum est, ut Amasenorum metropolim peteret, maneretque in monasterio, quod ipse constituerat: quod et factum est. Quæ autem illie adversus eum acta scriptave sint, dicere, ne longior sim, supersedebo. Satis enim est quod ad hoc propositum dixit Ezechiel ex persona Dei¹: Eo tempore avertam faciem meam ab eis, et inquinabunt episcopatum meum, et ingredientur

in sancta mea sine reverentia, et facient inquinationem magnam. Sed quæ inde evenerint, videamus.

17. « Fidelis Dei servus Eutychius Paulo similis declaratus est, et ad eum quoque Pauli historia referri potest. Sic enim de Paulo scriptum est²: Ut autem iudicatum est, ut Italiam navigaremus, tradiderunt Paulum et quosdam viarios centurioni nomine Julio. Sic et de sancto viro factum est. Nam postquam multa temere consulta essent, tandem (ut diximus) decretum fuit, ut ad Amasenorum metropolim sese conferret, et in suo ipsis monasterio viveret. Hoc ille nuntio doluit fortasse? aver-satus est? Vel succurrerit illi quod Dominus præ-dixerat: Nemo Propheta acceptus est in patria sua? Minime vero, sed prompto animo omnia subiit. Gandebat enim, quod dignus habitus esset, qui pro nomine Dei contumelia afficeretur. Studebat enim, non solum ut in illum crederet, verum etiam ut paterebatur: quoniam fides sine operibus mortua est. Imitatus est haec item in re super omnia ipsum Deum, qui dorsum suum tradidit Bagellis, et genas alapis, et faciem suam non avertit a feditate spuorum; cajus livore sanati omnes sumus. Qui etiam dixit: Si me persecuti sunt, et vos persequentur: Si patrem familias Beelzebub vocaverunt, quanto magis domesticos ejus? Hoc egit et servus Dei.

18. « Decreverat enim omnes potius perpeti acerbitates, quam fidem prodere: ut exemplo sui multi confirmarentur, stabilesque et immobiles in rectæ fidei confessione permanerent. Quod quidem et factum est. Omnes enim patriarchæ, multique episcopi, præcipue Orientales recusarunt imperatoris opinioni subscribere: et ei tum Synodo, tum scriptis restiterunt; in primisque sanctissimus Theopolis patriarcha Anastasius, qui easdem, quas magnus, æruminasne dicam, an coronas? pertulit. Cum igitur inicta causa damnatus esset exilio, parataque essent jam omnia: nos item cum illo persecutionem pro Christo et exilium ferre decrevimus. Quo quidem constituto, ille omnes qui adebant in insula ore osculans, ut Ephesios Paulus in littore, animo autem totam Ecclesiam sibi a Deo creditam in osculo sancto, eam Domino, a quo ipsam acceperat, commendavit. Eorum igitur qui nos duebant, et qui miserant arbitrio in monasterio ipsius constitutus tanquam in exilio, ut ipsi arbitrabantur: quod tamen vir sanctus salutiferum sibi et multorum bonorum causam existimabat. Quæ autem tunc in via publica gesta sunt, nrum molesta acerbaque fuerint, an miraculis et ægrotantium eurationibus plena, ut orationis longitudo vitetur. prætero: quanquam eadem, majoraque publicaque perspecta sunt, cum viri sancti revocatio cœlebrata est³: Et paulo post: « Qui cum fide ad sanctum accedebant, plus gratiae accipiebant, cum omnia sint credenti possibilia, viro sancto nimiri traditam sibi a Patre Iuminum gratiam im-

¹ Ezech. xxxvi.

² Act. xxvi.

pertiente. Hic autem exordiar : Vos qui hujusmodi narrationibus delectamini, attendite.

19. « Sed unde et a qua gratia exordiendum est ? Quamvis atia sint miracula præstantiora, ab hoc tamen initium sumendum existimo. Erat in urbe Amasea quidam Androginus legitiina uxore copulatus : qui cum filiis procreandis operam darent, ita frustrabantur, ut infantes, antequam e ventre exirent, immaturi præperirentur ; ex quo parentes ipsi magno mœrore afficiebantur. Quid igitur faciunt ? Utile consilium capiunt. Confugunt ad Deum, qui mortuos etiam potest per servos suos in vitam revocare. Imitantur viduam illam Sareptanam, cuius filium Elias suscitavit : Sunamitidem imitantur, que currit ad Eliseum, cum filius ejus in cœnaculo mortuus jaceret. Confugunt et ipsi ad beatum virum : supplicant ut preeibus suis impetreret, ne infantes sibi in lucem editi staliim moriantur. Quæ cum pro illis precatus esset, ambo unxit oleo sancto, tum eo quod e pretiosa Cruce, tum illo quod ex sanctæ puræque Dei Genitricis et perpetuæ Virginis Mariæ nostræ Domine veneranda imagine scaturire solet Sozopoli, dicens : In nomine Domini Iesu Christi. Hec enim verba cunctis agrotantibus, qui ad se accedebant solitus erat adhibere, quemadmodum et S. Jacobus præcipit ». Sed non ut in Sacramenlo. « Cum igitur precandi timem fecisset, et tanquam gratia quadam afflatus taceret, mox : Nomen illi, inquit, Petrum imponebis et vivet : erat enim mulier grava. Cum autem ego adessem, et respondissem : At si feminam, inquiens, pariet, ecquod illi nomen imponent ? Minime, inquit, sed Petrum vocabunt, et salvus erit. Quibus verbis gaudentes, tanquam puerum nondum natum in utris gestarent, domum reversi sunt.

20. « Tempore jam impleto peperit filium, quemadmodum anteviderat et prædixerat servus Dei. Quem cum baptizandum eurassem parentes, et nominassent Petrum : postea una cum ipso ad virum sanctum accedentes, complexi sunt pedes ejus, et confessi sunt quæ sibi fecisset Deus, et quod sui misertus esset. Impositis rite puer manibus, vir sanctus benedixit ei. Sed cum crevisset ille, qui ex præcognitione et preeibus genitus fuerat, alter natus est illis. Haque venientes rursus, ambos filios ad sanctum virum attulerunt, laudantesque Deum rogabant, quo nomine potremus deberet appellari. Qui geminos filios intuitus, illud Salomouis venuste usurpavit¹ : Frater qui coadiuvatur a fratre, quasi civitas firma. Parentibus autem illorum dixit : Joannem hunc appellabis ; quoniam in aede sancti Joannis preebes vestras Dominus Deus audivit ». Hæc Eustathius, qui his omnibus præsens aderat.

21. Porro quod hæc et alia de Eutychio ab eodem recensita ibi miracula, non tam ad Eutychii probandam sanctitatem, quam ad fidem Catholicam, cuius causa ea patiebatur, confirmandam, Deo vo-

lente, edita fuisse videntur : nos hic eadem referre minime preterierimus. Ita plane Deus (sicut Pharaonem, ubi in populum Israëlitum insurrexit, miraculis votum repressisse) eum Justinianus imperator omni ad stabiliendam hæresim et fidem Catholicam deprimendam potentia usus est, ex adverso consurgens, ad indicandam, firmandam stabilendamque Catholicorum dogmatum veritatem, confutandam vero hæreticam pravitatem, haec voluit per Eutychium Catholicæ fidei confessorem edi signa, atque propalari miracula : ut si vel ex ipsis Pharaeo non proficeret, neque Ægyptii emendarentur, remanerent tamen in Ecclesia perpetua de veritate Catholicæ fidei monumenta, et contra expugnatam divinitus impietatem erectæ columnæ. Quaniobrem hic de his agere, ratio postulat argumenti. Subdit igitur hæc Eustathius :

22. « Senex quidam e villa quæ ad sanctissimam Ecclesiam pertinebat, filium habebat surdum et mutum annorum circiter quatuordecim : quem cum ad sanctum virum perduxisset, supplicabat, ut ipsi a Deo opem impetraret. Haque cum pro illo preebes fudisset, omnes ejus sensus unxit oleo sancto, terque Nunechem (nam illi id erat nomen) vocat. Ac primo quidem die obseure respondit : cum autem tres ibi dies mansisset, et oleo sancto inungeretur, solutum est vineulum linguae ejus, et plane audiebat et loquebatur. Sed cum vellet eum pater in monasterio relinquere, noluit Dei servus. Senex igitur, assumpto filio, dominum magno cum gudio reversus est. Audiamus et aliud insigne miraculum.

23. « Quidam alius ejusdem loci, qui inter ipsius sanctissimæ Ecclesiae clericos electus erat (Cyrillus ille appellabatur) filium habebat, qui cum quinque esset annorum et eo amplius, nec loqui poterat, nec alimentum accipere, nec vita prope, nec mortis erat particeps. Hunc cum ad virum sanctum perduxissent, ille solitas preebes adhibuit, et sanctam communionem impertivit, et cum panem benedixisset, dedit ei, atque dimisit. Ex illa autem die solutum est vineulum lingue ejus, et loquebatur, et edebat atque bibebat, cum Dei gratia sanitatem receperisset. Videamus et aliud huic simile, imo vero mirabilius.

24. « Est oppidum quoddam nomine Zala (Zela) ipsi metropoli Amaseæ propinquum. Quidam inde protecti, quadrinulum puerum ad sanctum virum adduxerunt. Ille nihil aliud nisi ex matris ubere nutrimenti paululum capiebat. Erat autem prope carnis et corporis expers, neque calorem ullum habebat; sed tanquam spica vento corrupta, quæ nondum creverit, exilem quamdam ac inanem granorum et aristarum speciem habet, sic et ille puer videbatur. Potuisse autem omnes illius costas et nervos et ossa numerare. Hunc vir magnus cum adspexisset sic exsiccatum, et parentes ipsius dolore tabescentes; Dei, qui ea quæ nou sunt facit ut sint, implorans auxilium, totum pneri corpus inunxit oleo pretioso, et sanctam communionem

¹ Prov. xviii.

imperlavit; cumque panem communem benedixisset, parentibus dedit, præcepitque ut mero panem illum intingerent, puerisque præberent. Quod illi cum tecissent, voti compotes facti sunt». Subdit de duobus aliis pueris, quorum alter e desperata valitudine, veluti e mortuis excitatus revixit, atque sanatus est; alter claudus, qui stare super plantas non valebat, omnino curatus: aliud idem grande miraculum refert de arreptitia puella graviter a dæmonie cruciata, que ab eo pariter liberata est. Sed quod de pictore a dæmonie percutso, a sancto autem sanato his subjicit, verbatim reddam, quod plurimum idem miraculum in se continet utilitatis. Ait enim Eustathius de his quæ præsens adspexit, hæc verba:

25. « Juvenis quidam arte pingendi peritus eam in domo Chrysaphii pia memoriam in ipsa civitate Amaseorum exercebat. Hic aliquando veterem in pariete Veneris picturam delebat, ut historias pias reponeret. Volebat enim vir ille ex domo sua superiore Archangeli oratorium facere. ex inferiore autem oratorium sanctæ immaculateque dominice nostre Dei Genitricis et semper Virginis Marie. Cum igitur pictor fœdam impudicæ Veneris historiam evertisset; dæmon qui illi inhærebatur, artificis manum sic invasit, ut inflammata tumesceret, et gravi vulnere affecta, necessario amputanda videretur. Quare cum periculum adspiceret, utile capit consilium, et ad virum sanctum configit, ut per ipsum a Deo auxilium impetraret. At ille cum pro ipso Deum orasset, unxit oleo sancto dexteram ipsius manum, que inflammatione et ulcerere laborabat: idque fecit tribus diebus, et manus ejus divino auxilio convaluit, atque alteri similis reddita est. Et quo in loco pictor vulnus acceperat, in eo memoriae et grati animi declarandi causa sancti viri depinxit imaginem; ut manus, quæ curationis beneficium acceperat, medicum suum secundum Deum testaretur».

26. Hie velim attendas, lector, non tantum editum divina virtute miraculum, sed etiam patet factam latenter ipsam veritatem, si quis eam ab exemplis deductam accipere velit. Si enim in profanis dishonestisque imaginibus inhæsisse cognita est ad nocendum, Deo permittente, vis inimica; utique vel ex his discas, in sacris Deo dicatis imaginibus non deesse divinam ad beneficia præstanda virtutem et sicut illæ Christianis obesse solent, ita et istas consueuisse iisdem esse proficiens. Subjicit autem his auctor de eodem sancto miracula admiratione quidem digna, ut de apostata a dæmonie arrepto et mirum in modum cruciato, deque perjurio cœco reddite, atque aliis pluribus ab eodem incolumentem divinitus consecutis. Sed illud hic non prætermittendum pulamus, quomodo sanctus vir ab exercitu Cosrhoes et a fame urgente complures Amaseam confugientes Christianos liberavit. Rem gestam memoratu dignam sic describit Eustathius, qui præsto fuit:

27. « Impiorum Persarum in rempublicam

nostram impetum omnes scimus, cum novus Nambuchodonosor Cosrhoes Sebastem venit et Melitem. Cum igitur in magnas tunc angustias atque discrimen adductæ res essent: vicini omnes fercunt Nicopoli, tum Cæsarea, tum Comanis, tum Zala (Zela). ex aliisque finitimis civitatibus Amaseam tanquam ad locum munitissimum se conferebant, noui fami urbis præsidio, quam viri sauci precibus confisi. Omnes enim et eives et inquilini, qui magna ex parte erant Iberi, et hospites reliqui suas secundum Deum in hoc sancto viro spes collocaerant: ex ejus enim ore pendentes, et verba ipsius audientes servati sunt. Merito igitur in tali tumultu innumerabilis hominum multitudo ad eam urbem concurrit. Sed cum ibi diu esset commorata, magna elbariorum penuria consecuta est. Itaque omnes ad sanctum ipsius monasterium tanquam tutissimum in portum confragiebant, ut simul cum corporibus animos pascerent. Quare cum magnus quotidie sumptus fieret, et fames in dies cresceret, cum propter nostros exercitus, tum propter Dei et Reipublicæ nostræ adversarios, magna omnes in mœstitia et angustiis versabamur.

28. « Cum enim multitudini panis subministratur, et sic exinanite essent arcæ monasterii, in quibus farinæ conservabantur, ut ne unius quidem hebdomadie cibus in eis reliquias esset: eum igitur horrei custodes monachi religiosissimi farinam minui, et flagitantium cernerent crescere multitudinem, ad virum magnum accesserunt, illum Scripturæ locum usurpantes¹: Transiens in Macedoniā adjuva nos; quoniam farina jam in arcis defecit, et spes victus nobis adimitur. At ille nulla interposita mora, nihil dubitans, sed opulentæ Dei misericordiae fidens, in eum ingressus est locum, in quo arcæ erant farina jam vacuae. Et cum Deum obsecrasset, ministros hortatus est: Bono, inquietens, animo estote: quantum enim egentibus impertitis, duplum Dominus noster elargietur. Spero enim, quemadmodum olim² ex hydria farina non defecit, ita nunc minime defuturaui. Nam licet declinaveritis ex hoc in illud (ut in Psalmo³ dictum) hoc est, a pleno in id quod est inane: tamen fæc ejus non erit exinanita: sedent omnes, et saturabuntur, et laudabunt Dominum Deum nostrum. His verbis gaudio repleti religiosissimi monachi, alacriter mandata exequabantur, panes omnibus advenientibus distribuentes. Atque hoc quidem modo magnam populi turbam fame laborantem diu nutritiverrunt. Et eo sane majus miraculum apparuit, quod cum farinæ in annum paratae nihil adderetur, et tantum quotidie insumeretur; tamen non solum non defecit, verum etiam postquam nova farina esset illata, farina vetus diu, mox semper satis fuit, sicut scriptum est: Comedetis vetera super vetera, et vetera a conspectu recentium effteritis». Haec tenus Eustathius de rebus gestis Eutychii, cum

¹ Act. XVI. — ² 3. Reg. XVII. — ³ Psal. LXXIV.

exularet; quibus ejus confessionis corona et veritas Catholice fidei illustrata fuere.

29. Perduravit exilium Eutychii (ut idem auctor¹ affirmat) spatio duodecim annorum et amplius, nimirum annis duodecim et mensibus septem, quibus sedit Joannes Scholasticus, ut habet Nicephori Chronicorum, in quo et ipsum hoc anno Justiniani imperatoris trigesimo octavo Eutychium esse ejus etum traditur; eni ceteri Graeci historici assentuntur. At quomodo ultus est Deus una cum prodita fide etiam Eutychii et aliorum Orthodoxorum episcoporum calamitates quas passi sunt, dicemus anno sequenti.

30. *Chramni miserandus interitus.* — Quod ad res pertinet Occidentales, nihil præterea Annales reddunt, nisi monumenta Francorum. Hoc enim ipso anno, qui Clotarii regis Francorum præcedit obitum, ejus filii Chramni sape rebellantis et ad veniam saepe recepti tragœdia finem habuit, qui a Gregorio ita describitur²: « Clotarius autem rex contra Chramnum frendens, cum exercitu adversus eum in Britanniam dirigit. Sed nec ille contra patrem egredi timuit. Cumque in uno campo conglobatus uteque resideret exercitus, et Chramnus contra patrem aciem instruxisset, incumbente nocte a bello cessatum est. Ea quoque nocte Coonober comes Britannorum dicit ad Chramnum: Injunctum censeo te contra patrem tuum debere egredi. Permitte me hae nocte, ut irruam super eum, ipsumque cum toto exercitu prostrernam. Quod Chramnus (ut credo) virtute Dei præventus, fieri non permisit. Mane aulem facto, uteque commoto exercitu, ad bellum contra se properant. Ibatque Clotarius rex tanquam novus David contra Absalonem filium bagnaturus, plangens, atque dicens: Respice, Domine, de caelo, et judica causam meam, quia injuste a filio injuriam patior: Respice, et judica juste, illudque impone judicium, quod quondam inter Absalonem et patrem ejus David posuisti. Contligentibus igitur pariter, Britannorum comes terga vertit, ibique et cecidit. Denique Chramnus fugam iuicit, naves in mari paratas habens: sed dum uxorem et filias suas liberare voluit, ab exercitu patris oppressus, captus atque ligatus est. Quod cum Clotario regi nuntiatum esset, jussit eum cum uxore et filiabus igne consumi; inclususque in turgurio eiusdem pauperculæ Chramnus super seannum extensus orario singillatus est, et sic postea super eos incensa casula cum uxore et filiabus interiit». Cum eo illas per pœna conjunxit, quas ad rebellandum contra patrem habuit impellentes; ignemque pali iidem meruerunt, quorum occasione (ut dictum est superius) incensa est Turoni Basilica S. Martini.

31. *S. Medardi obitus et Suessionem translatio.* — Reverso autem ab hostium cæde Clotario, contigit interesse sancti Medardi episcopi Noviomensis felici

ad Deum ex hac vita migrationi. Auctor enim res ab eo præclare gestas narrans, qui asseritur Fortunatus, haec habet¹: « Cum autem beatus hic Pontifex vite appropinquaret ad exilium, contigit Clotarium regem, postquam Chramnum filium eum cum uxore sua ac filiabus combusserat, e regione reveri Britannorum. Cognita vero hujus invaliditate pontificis, ad eum visendum humiliter festinavit, ejus se non diffidens contra diabolicas infestationes benedictione muniri, et intercessione apud divinam majestatem reconciliari. Cum ergo in hac regali visitatione in conspectu ejusdem et principum de sepultura pontificis tractaretur, suorum assensu filiorum sua se in sede sanctus ipse præordinavit sepeliendum. Cuius sententia obstinato rex animo resistens, Suessionem eum constitutum transferendum, asserens se super corpus ejus Basilicam decenter ædificaturum, et ad laudem et gloriam divinae majestatis cenobiale servorum Dei regnulan ordinaturum. Cessit igitur beatissimus pontifex regiae dispositioni; et indefesse se suosque Domino commendans, finita oratione, spiritum exhalavit. O felix corpus, feliciorumque animam! Mox eorum certissimo qui aderant testimonio, cæli aperli sunt, et divina luminaria fere per duarum horarum spatium ante sancti apparuere præsentiam, de tenebris eum transitoris ad lucem designantia pro certo transiisse perpetuan. Hoc tanto beatissimi præsulis animati miraculo, majori ut eum transferrent, accensi sunt desiderio. Corpore itaque sancto composito ac delato ad Ecclesiam, nocte illa evequale cum multa devotione celebraverunt vigiliam.

32. « Mane autem facto, cum episcopi, quibus interesse configerat, suum defunco celebrassent officium, inopinabilis multitudo convenit nobilium de castellis et civitatibus, de agris et municipiis adjacentibus inæstimabilis accurrit conventus, alii ejus devote desiderantes interesse obsequiis, alii admodum lugentes patrem separari a filiis. Per medias ergo plorantium lacrymas rex irrumpens cum episcopis et optimatibus, sui ipsius humeris corpus sustulit sanctissimum, Suessionis (sicut prædixerat) efferre volens sepeliendum. Ea nimirum hora, quibus interesse contigit, inefabilem lugentis populi expavere gemitum, dum non modo in illa Ecclesia, sed per totam civitatem et in suburbio per vios quoque et plateas unam et eamdem vocem audirent plorantium. Recolebant siquidem urbis illius indigenæ patris sanctissimi (qua eatus informati fuerant) benignissimam prædicacionem: dolebant vero et vehementer angebantur, quia cum patrem amisissent, patris etiam sepultura, regis et procerum violentia, frustrabantur. Compatiebantur qui supervenerant ad tantam plebis illius compunctam illacrymationem. Verum quia regia urgebat dignitas, ad sanctissimi corporis intente insudabant

¹ Apud Lipom. tom. VII. — ² Greg. hist. Fr. I. IV. c. 20.

¹ Extat apud Sur. die VIII Junij.

translationem. Vix ergo et non sine multo labore . patre, inerentibus et lugentibus filiis, crepto (sic!) a rege suscepserant) iter aggrediuntur ».

33. Qui enim multa audierat jam ante edita a viro sancto miracula, quique præsens inspexerat cælitus missis luminibus coronatum feretrum, cui venerandum corpus erat impositum, eidem Clotarius rex humeros supponere ad gestandum, maximum esse duxit honorem, ac veluti agere de victoria nuper adeptâ triumphum: amplius vero erga sanctum affectus es!, ubi vidit quæ in via, dum pergerent Suessionem ab eodem sunt edita magna miracula: quorum gratia magis de construenda illi Ecclesia excitatus, colligere hinc inde magna sollicitudine curavil, quæ ad sumptuosum ædificium opus essent: quam, eum ipse decessisset anno sequenti, ejus filius Sigeberlus exstruxit, monasteriorumque conjinxit. Hæc omnia pluribus auctor enarrat, simulque miracula ibi fieri solita recenset. Porro quale quantumve ipsum S. Medardi fuerit monasterium quod regia est exædificatum impensa; ex Gregorii papæ¹ Epistola intelligere potes, dum munitum illud a se voluit Sedis Apostolice privilegiis, ut primum omnium esset honore et dignitate Gallie monasterium. Joannes autem, qui hoc tempore sedebat Romanus antistes, idem monasterium aliis munivit privilegiis, prout Gregorius eadem testatur Epistola, dum ait: «**A**uxta filiorum nostrorum præcellentissimorum scripta regum Brunichildis ac nepotis ejus Theodorici, monasterio sanctoræ Dei Genitricis Mariae, ac beatorum Petri Apostolorum principis, necnon protomartyris Christi Stephani, quod est in Suessionum civitate situm, ubi S. Medardus requiescere, et vir venerabilis Gailardus præesse videtur. In iusmodi privilegia auctoritatæ nostræ decreto indutgenuis; et ea plenius confirmamus privilegia, quæ a bona memoria papa Joanne, comitate illustrium regum clementia, Clotarii scilicet, et Sigeberti hujus nostræ filiae jugalis, ipsi loco sub anathematis vinculo sunt concessa vel indulta, concedimus et terminamus: statuentes nullum regum, etc. » Ac post nonnulla: « Ne vilescat tantæ sublimitatis locus sanctæ Mariae, et beati Petri, nec non et protomartyris, et domini Medardi meritis sacratus, queni caput monasteriorum Gallie constituimus, nullique ditioni patimur subesse ». Ad haec satis de monasterio.

34. Extat autem de egregia sanctitate atque miraculis ejusdem sancti Medardi carmen elegiacum Venantii Fortunati, ubi et aliquot recenset ab eo edita tum in vita, tum post mortem Apostolica signa; cuius est exordium²:

Inter Christicolas, quos actio vexit in astra,
Pars tibi pro meritis magna, Medarde, patet.

Deque caeco illuminato, ubi defuncti corpus jaceret adhuc in feretro, haec eleganter:

Cum pia composito veherentur membra feretro,
Subtractum meruit cæcus habere diem.
Anxius ille sacra lumen sucepit ab umbra,
Et tua mors illi lucis origo fuit.
Dumque sepulcræ dante, oculi redire sepliti:
Tunc sopor ille tunc hunc vigilare facit.
Cum fugis a mundo, datur illi lumine mundus
Te luquente dies, hunc fugient tenebrae, etc.

Reliqua item alia plura tunc edita recenset invocato sancto viro signa, quæ ex auctore latius tibi petenda relinquisimus. Ad finem vero pro rege Sigeberto, qui exstruendum templum curavit, precans auctor ita perorat :

En tua templa colit nimio Sigebertus amore,
Insistens operi promptus amore tui.
Culmine custodi qui templum in culmine duxit.
Protege pro meritis qui tibi tecta dedit.
Hec pia panca ferens ego Fortunatus amore
Auxilium posco; da mihi vota, precor.

35. *S. Gildardi episcopi Rothomagensis obitus.*

— Porro eadem ipsa die qua obiit sanctus Medardus, pariter excessisse ex hac vita sanctum Gildardum Rothomagensem episcopum ejus germanum, eademque cum ipso die natum atque sacratum, Audioenus ejusdem Ecclesiæ episcopus his testatur versibus :

Hi sunt Gildardus fratres gemini atque Medardus :
Una dies natos utero, videntque sacratos,
Albis indutos, et ab ista carne solutos.

Sie et Catholica Ecclesia¹ una eademque die ambo-rum ad Deum transitum celebrat. Quos igitur una die peperit, simulque aluit, et Pontificia dignitate insuper auxit, una pariter die Ecclesia Catholica missos ad superos colit. Porro qui una eadem die nati gemini dicuntur Medardus, et Gildardus in reliquis, ut qui una item die fuerint episcopi consecrati, et una pariter die mortui dicuntur; utique ad eundem quoque annum referri cum minime possint, necesse est ea esse facta diversis annis, sed una eademque die. Nam ecce in Concilio primo Aurelianensi legitur interfuisse Gildardus episcopus Rothomagensis, Noviomensis vero Ecclesiæ non Medardus, sed Sophronius; quibus appareat eos non eodem quoque anno sicut una die esse creatos episcopos; sie etiam neque eodem anno esse defunulos. Nam quomodo ad hunc annum, quo Medardus defunctus asseritur, Gildardus potuit pervenisse: si ante præsentem annum legimus Ecclesiæ Rothomagensi præfunisse post Gildardum, Flavium, et post Flavium, Prætextatum, quorum prior subscriptus reperitur Conciliis Aurelianensibus secundo, tertio, et quarto; posterior autem adhuc superstes plures annos post præsentem annum, quo Medardus asseritur obiisse? Quæ igitur facta una die dicuntur de consecratione et obitu; ea quidem etsi eadem die, diversis tamen intercurrentibus annis contigisse, necesse est affirmare. At rerum gestarum anni hujus hic finis esto.

¹Greg. l. xxxii. eñst. xxxii. — ²Fortun. l. ii.

Martyrol. Rom. vi. id. Junii.

Anno periodi Graeco-Romanæ 6037. — Anno Era Hispan. 612. — Jesu Christi 564. — Joannis III pape 5. — Justiniani imp. 38.

1. *Postconsulatus.* — Ille annus ista formula notatus : *Post consulatum Basilii V. C. xxiii.* ut liquet ex continuatore Marcellini, et Mario Aventicensi, qui simili formula duos subsequentes annos insigniunt. Quare fallitur Baronius num. 1, qui ait, *Hunc Christi annum postremum esse, qui post consulatum Basilii numeratur in Fastis.*

2. *Edictum Justiniani et episcoporum persecutio pertinent ad annum DLXV.* — A nunn. 1 ad 30. Quiequid hoc anno referit Baronius de vexatione sancti *Eutychii* patriarchæ Constantinopol. et aliorum antistitum, quos Justinianus edicto suo de corporis Christi incorruptibilitate resistentes inventil, pertinet ad sequentem Christi annum, enjus initio edictum illud promulgatum, et *Eutychius* in exilium missus, ut anno superiori demonstravimus. Illud etiam constat ex fine exhibi *Eutychii*, quod Eustathius testatur, *post annos duodecim et amplius finitum esse, idque anno DLXXVI, ut suo loco videhimus.*

3. *Chramni Clotarii regis filii interitus.* — Ad num. 30 et seqq. Marius in Chronico ad annum xix *post consulatum Basilii*, Christi scilicet DLX, ait : « Eo anno Chramnus post sacramenta, quae patri dederat, ad Britannos petiit et molieus regnum patris invadere, adversus ipsum cum Britannis movere ausus est; multaque loca graviter deprædavit. Ad eius insaniam reprimendam pater cum exercitu properavit, et imperfecto comile Britannorum Chramnum vivum eepit, incensumque cum uxore et filiis, lotius regionis incidit excidium ». Tum Marius anno *post consulatum Basilii* xx, Christi scilicet DLXI, Clotarii regis mortem narrat. Turonensis autem lib. 4, cap. 2t, de Clotario scribit : « Obiit post unum decurrentis anni diem, quo Chramnus fuerat imperfectus ». Quare cum Clotarii mors anno DLXI contigerit, Chramni interitus ad annum DLX retrahendus. Illum quidem recitat continuator Marcellini anno *post consulatum Basilii* xvii, Christi nempe DLVIII; sed ille adversus Gregorium minime audiendus. Bellum itaque Britannicum anno DLX gestum. *Britannia Gallicana*, sive Armorica subdita erat multis comitibus regum Francorum feudatariis, teste Turonensi lib. 4, cap. 4. Dominabatur eo tempore huc provincie *Chonober*, ad quem Chramnus adversus patrem Clotarium rebellis sese receperat; qui victus in prælio captus,

et fugio ejusdam paupercula inclusus, casa incensa, cum uxore et filiabus periit, ut prodit idem Turonensis cap. 20, ubi bellum Britannicum prolixè narrat.

4. *S. Medardus episc. Noviomensis et S. Gildardus episc. Rotomagensis florent.* — Sanctum *Medardum* episcopum Noviomensem, ac postea simul et Tornacensem, et sanctum *Gildardum* episcopum Rotomagensem eodem die natos, eodemque episcopos consecratos, uno quoque die de hac vita subtractos, habent Martyrologium Romanum ad diem viii Junii, et Audoenus Rotomagensis episcopus in versibus a Surio ad eundem diem laudatis. Sed quæ de horum fratrum ordinatione in episcopos, sive de eorumdem obitu, uno die narrantur facta, certum est diversis annis conligisse. *Gildardus* prior iniit pontificatum, et prior ex haec vita discessit; etenim Concilio Aurelianensi primo anno DXXI habito subscriptis jam episcopus Rotomagensis : et Concilio Aurelianensi II, anno DXXXIII celebrato, interfuit *Flarius* episcopus Rotomagensis *Gildardi* successor, quo tempore florebat *Medardus* Noviomensem et Tornaeensem episcopus, qui anno DXXXII in episcopatum Tornacensem sancto Eleutherio successerat. Cointius in Annal. Ecclesiast. Francorum variis in locis de utroque sancto agit, existimatque *Gildardum* anno DXXIX demortuum, et *Medardum* ultra annum DLX vitam non produxisse, quod variis conjecturis adstruit, certis argumentis deficientibus. Baronius quidem, qui hoc anno *Chramni* interitum memorat, *Medardum* etiam e vivis excessisse arbitratur, cui favere videtur Turonensis lib. 4, cap. 19, ubi de sancto Medardo sermonem habet, indeque ejus mortem post Theodebaldi Francorum regis obilum rejicere videtur. Praeterea Aimoinus secutus anonymum, qui gesta regum Francorum scripsit, narrata *Medardi* morte, sermonem statim ad obitum Clotarii patris Chramni convertit : quo paculo hic sanctus præsul anno quingentesimo sexagesimo, non vero hoc anno, ut Baronius habet, mortuus esset. Verum caput illud decimum nonum omittitur in MSS. Codicibus Historiae Gregorii Turonensis tam Bellovacensi, quam Corbeiensi; et anonymous, qui gesta regum Francorum scripsit, non raro vera falsis admisceret.

5. *Fortunatus poeta ex Italia in Galliam venit.* — Circa hæc tempora *Venantius Fortunatus*

poela Christianus, in Italia band procut Tarvisio natus, et Ravennæ liberatibus litteris imbutus in Galliam venit, ubi in amicitia fuit clarissimorum antistitum, Nicetii Trevirensis, et aliorum quos lib. 3 suis carminibus celebravit. In carmine eniu quod *Sigoaldo* comiti postea inscripsit, testatur, adventum suum in Franciam contigisse sub *S'giberto* rege, ut videre est lib. 10, cap. 22, et deinde cum in Francia versaretur, *Sigiberto* regi et *Brunichildi* Athanagildi regis filiæ ex Hispaniis adiectæ, Epithalamium cecinit, ut lib. 6, cap. 2 legere est. Ac *Pictarum* jam pervenerat, cum *Gelesuinta* illac transiit Chilperico regi nuptura, ut habet Fortunatus lib. 6, cap. 7. *Sigibertus* autem *Brunichildem* duxit anno regni sui quinto. *Gelesuintam Chilpericus* anno regni sui sexto. De Fortunato pluribus infra.

6. *S. Gildas libellum de Excidio Britanniae componit.* — Hoc anno S. Gildas aureum suum libellum de *Excidio Britanniae* in lucem emisit, in quo quæ rerum facies per annos XLIV a victoria Badonica usque ad hoc tempus in Britannia fuerit, enarrat. De hoc rerum Britanicarum statu loquitur Baronius an. **CDXCIV**, num. 79 et seqq. ubi diximus, pugnam Badonicam ad annum **VXX**, et editionem libelli Gildæ ad præsentem pertinere. Dividitur Opusculum illud duas in partes, in quarum prior reges quinque diversis insulæ regionibus tum dominantes corripit: in secunda clericos et sacerdotes seu episcopos: « Reges hahet Britannia, inquit, sed tyrannos, judices habet, sed impios; saepe prædanties et concutientes, sed innocentes; vindicantes et patrocinantes, sed reos et latrones; quamplurimas conjuges habentes, sed scortantes et adulterantes etc. », a generali deinde principum reprehensione ad singularem quinque regulorum castigationem descendit, et loquens de Constantino eorum uno. ait: « Cujus tam nefandi piaculi non ignarus est immundæ leænæ Damnoniæ tyrannus catulus Constantinus: qui hoc anno post horribile juramenti sacramentum, quo se devincit, nequaquam dolos

civibus (Deo primum jureque jurando sanctorum demum choris, et genitricे comitantibus fretis) facturum: In duarum venerandis matrum sinibus Ecclesiæ carnalisque sub sancti abbatis Amphibalo regiorum tenerrima puerorum vel præcordia crudeliter dum totidemque nutritorum (quorum brachia nequaquam armis, quæ nullus pene hominum fortius hoc ejus tempore tractabat, sed Deo altarique protenta in die judicii ad tuæ civitatis portas, Christe, veneranda patientie ac fidei suæ vexilla suspendent) inter ipsa (ut dixi) sacrosancta altaria, nefando ense hastaque prodentibus laceravit; ita ut sacrificii cælestis sedem purpurea, ac si coagulati cruentis pallia attingerent ».

7. *Britanniae reguli magnis criminibus inquietati.* — De Conano alio regulo Gildas scribit: « Quid tu quoque, ut Propheta ait, catule leonine Aureli Conane, agis? Nonne eodem, quo supradictus, si non exitiabiliore parricidiorum, fornicationum, adulteriorumque cœno, velut quibusdam marinis irruentibus tibi voraris feraliter undis? etc. » Tum Wortipero, Cunegoso, Maglocuno regulis gravissima crima exprobrat, quæ excidii Britanniae causam fuisse asserit. Eos in diversis Britanniae partibus regnasse ex eo intelligitur, quod Gildas innuat. *Constantinum*, præfuisse Damnoniis, qui populi habitabant, ubi nunc provinciæ Devonia et Cornubia, et Britannis paruere usque ad annum **DCLXXXI**, quo in Chronographia Saxonica legitur: « Hoc ipso anno Centwinus Britanno-Wallos usque ad mare fngavit ». Erat Centwinus Occidentalium Saxonum rex, de quo suo toco. De morte S. Gildæ agemus anno **VXXV**. Hi porro reguli post *Arthuri* Britonum regis mortem ejus principatum in plures divisere, sed eorum successores ignoti. Anglorum traditio est, *Constantinum* regem Cornubiæ monachum postea induisse, imo et martyrium in Scotia passum esse, ut videre est apud Bollandum ad diem **XI** mensis Martii, qui tamen omisit referre, quæ de eodem Constantino Gildas in litteras misit.

JOANNIS ANNUS 6. — CHRISTI 565.

1. Justiniani obitus et quid de eo sentiendum.
— Quingentesimus sexagesimus quintus Domini, idemque Justiniani imperatoris novissimus, Indictionis decimae tertiae, incipit annus: quo Justinianus imp. ubi absolvisset sui imperii annum trigesimum octavum, atque nonum ingressus esset (ut ait Evagrius¹) per menses octo vel post annos triginta octo (ut auctor Misellæ habet) menses septem et dies decem, aut (quod Cedrenus tradit) dies tredecim, ex hac vita migravit idibus Novembribus, media nocte, ut ex Corrippo hujus temporis poeta in carmine de Justini imp. laudibus habes. Media namque nocte clamor factus est, eum ex improviso instar furis januam effringentis mors cum rapuit improvisa et importuna, opportuna vero ipsi Romano imperio sub imperatore haeretico titubanti, et in deteriora labenti; vindicante Deo illatas sanctis episcopis contumelias, pariterque prohibente, ne accensum ab eo semel incendium universam deasperetur Ecclesiam.

2. Ut enim Dei judicium fieret manifestius, tunc subitanea est morte subreptus, cum jam indixisset exilium Anastasio episcopo Antiocheno, atque cæteris illi inherentibus Ecclesiæ sacerdotibus. Tulerat diu consueta patientia Deus, quæ adversus Eutychium patriarcham anno superiore imperator contra fas jusque sacrilege perpetrarat, eum e sede eum violentus abstraxit: verum qui non relinquit virginis peccatorum super sortem justorum, haud sivit ulterius progrexi qui non solum non emendaret perperam facta, sed audaciora tentaret, repentina eum morte subdueens. Nam audi Evagrium²: « Verum, inquit, Justiniani edictum divina providentia, qua melius nobis prospectum fuit, minime vulgatum est. Nam Justinianus, qui Anastasio et suis sacerdotibus exilium indixerat, ex improviso percussus, cum triginta octo annos et menses octo regnasset, ex hæ luce migravit ». De obitu item ejus ista Nicephorus³: « Justinianus namque eum Anastasii, sacerdotumque ejus, qui eodem cum illo ardore flagrabant, exilii libellum

dictaret, invisibili iefus plaga, ex hac vita excessit ». Evagrius insuper cum quem divina hæc vindicta percussit, ob impietatem quam fovebat, et discordias quas in Ecclesia excitavit, ad inferos detrusum affirmat, eum ait⁴: « Justinianus igitur, cum omnia omnino turba ac tumultu complevisset, mercedeindeque his debitam in extremo vite sue tempore reportasset, ad supplicia justo Dei judicio apud inferos suenda profectus est ». Haec Evagrius suorum temporum rerum gestarum scriptor insignis.

3. Qui antem diu post ipsum vixit, eum extremito illo spiritu facti poenituisse, jussisseque Eutychium ab exilio revocari, Nicephorus tradit⁵: quod ex eo (ut puto) arguento deduxit, dum non sicut aliorum haereticorum ejus nomen abrasum fuit e sacris tabulis; sive quod Patres sextæ Synodi et alii elogio Catholico homine digno et pietatis titulo reperiuntur ejus memoriam prosecuti: nam S. Gregorius⁶ papa eum eumdem nominat imperatorem, pia memoriae Justinianum appellat. Sed accipe de eodem imperatore in Synodo Romana ab Agathone papa pronuntiatum preconium: in Epistola⁷ enim ad Heraelium et Tiberium imperatores post recitatos sanctos Orthodoxos episcopos, qui adversus haereticos pro fide Catholica certamen inierunt, mox de Justiniano hæc subdit: « Et præ omnibus æmulator veræ et Apostolicæ fidei pia memoriae Justinianus Augustus, cuius fidei rectitudine quantum pro sincera confessione Deo placuit, lantum Rempublicam Christianam exaltavit. Et utique ab omnibus gentibus ejus religiosa memoria veneratione digna censemur, ejus fidei rectitudine per augustissima ejus edicta in toto orbe diffusa lantatur, quorum unum, quod ad Zoilum Alexandrinum præsulem adversus Acephalorum haeresim missum est pro Catholice fidei rectitudine, satisfacere sufficiens cum hac nostræ humilitatis suggestione vestrae tranquillissimæ Christianitati dirigentes per præsentium latores offerimus, etc. » Et

¹ Evag. I. iv. c. 40. — ² Ibid. — ³ Niceph. I. xvi. c. 31.

⁴ Evag. I. v. c. 1. — ⁵ Niceph. I. xvii. c. 31. — ⁶ Greg. I. ii. Ep. x. I. iii. Ep. iv. I. vii. Ep. cxxvi. — ⁷ Extat recitata in Synodo sexta Act. iv.

in alia rursus Epistola ad eosdem Augustos Roma ex Synodo centum viginti quinque episcoporum missa, ubi Theodosii magni atque Marciani fidei Catholicæ præstantiam prædicavit, hæc de Justiniano mox infert, cum præfert iisdem : « Sicut extremi quidem, præstantissimi tamen omnium magni illius Justiniani, cuius ut virtus, ita et pietas omnia in meliorem ordinem restauravit: cuius instar fortissimæ vestre clementiae principatus, virtutis quidem conatibus Rempublicam Christianam tuetur et restaurat in melius, pietatisque studiis Catholicæ succurrit Ecclesiæ ». Hæc sunt ex Agathone Romano Pontifice Justiniani præconia.

4. Quod enim quæ de ejus hæresi jactarentur, nullis constarent edictorum ipsius publicis monumentis (nam etsi seripsit, non tamen, ut vidimus ex Evagrio, promulgavit de hæresi imperator edictum) et e contra ejusdem imperatoris fides Catholicæ pluribus promulgatis sanctionibus probaretur: nihil præterea de eo sentendum, quam suis ipsius scriptis reperiretur expressum, idem Romanus Pontifex existimat, cuius sententia non ex populari clamore, sed potius ex certa scriptorum testificatione proferri debet. Sed nec irrogata in Orthodoxos exiliorum supplicia eum omnino convincebant hæreticum, etsi injustum arguebant atque sacrilegum: sicut nec cum Vigiliū papam eadem pena mulctavit; præserlim vero eum de exilio Eutychii episcopi culpam visus fuerit delevisse, dum eum ex testamento (ut Nicephorus ait) revocandum constituisset.

5. Quod igitur edictum retentum minime fuerit promulgatum, et perperam facta ultimo elogio visus sit revocasse; haud adeo infamis posteris, sed honorifica ejus memoria mansit. Nam audi eundem de his Nicephorum¹: « Joannes Chalcedonij filius cum Constantinopolitanæ præcesset Ecclesiæ, Alexii Comneni ætate, in ipso Verbi Dei Sapientiae templo quotannis magnifice memoriam ejus celebravit, populi universi concione ad rem divinam coacta. Memoria ejus Ephesi quoque, in Ecclesia discipuli ejus qui supra pectus Salvatoris recubuit, culta: quam Ecclesiam ipse Justinianus construxerat ». Hæc de ejus memoria publicis honoribus affecta post mortem Nicephorus qui et de ejusdem sepultura hæc subjecit²: « In magnifico monumento ab ipso lapide Sardio in Apostolorum templo constructo sepultus est, ad dexteram in eadem ingredienti partem ».

6. Sed quo magis humanum possunt imperatores, subductis chartis, legitimum fallere atque vitare judicium, quod nouis (ut aiunt) secundum Acta atque probata proferri potest; eo distrietius divino reservantur examini judicandi atque atrociori pena plectendi, secundum illud quod ait Sapientis ad reges terræ³: « Horrende et cito apparet vobis, quoniam judicium durissimum his qui

præsunt fiet. Exiguo enim conceditur misericordia, potentes autem polenter tormenta patientur ». Sane quidem etsi humanæ non sit facultatis divinis interesse judiciis, ac de illis omnino nefas sit judicare; tamen secundum irrevocabilem illam Dei sententiam, quæ de omnibus reperitur pronuntiata defunctis⁴: « Opera illorum sequuntur illos »: eadem ipsa quæ hinc abeuntem secuta sunt Justinianum, adversus eum hactenus clamant in charlis, nempe iuge bellum Ecclesiasticum, quod (exule facta, quam reperit, pace) jugiter enutrit, decedensque reliquit accensum, sacrilegorum immensitas, cum saepè in Christos Domini sanctos episcopos violentas manus injectit, ut inter alios in Vigiliū Romanum Pontificem et Eutychium sanctissimum Constantinopolitanum antistitem: crudelitas insuper in eives innoxios ab Evagri superius deplorata, et avaritia ab eodem pressius sugillata, ut omittamus reliqua. Quam autem mortuus ante horrendum majestatis divinae tribunal sententiam accepit, etsi non sit hominis judicare: opinari tamen si cui licet, facilius est invenire, qui Evagrii de ejus condemnatione veht sequi sententiam, quem jure sciat prærogativa temporis, cum quæ seripsit inspicerit, historicis reliquis esse præferendum, qui longo post Justiniani tempora res ab eo gestas scripsere: cum præsertim in eamdem proculdubio abiisse sententiam Procopius ejusdem temporis luculentus historiens visus sit, dum quem ante saepè laudarat, postea scripto volumine tam ipsum quam Theodoram conjugem, recantans palinodiam magnopere vituperavit, ut apud Suidam notatum habetur.

7. At cum laudatam audis ab eodem Procopio insignem ejus pietatem in erectione templorum quibus replesse non Constantinopolim tantum, sed universum pene visus est orbem: provoco te ad Evagrium de his ista dicentem⁵: « Erat porro tam largus in pecunia eroganda, ut multa sancta et magnifica templa in multis locis exstrueret, aliasque sacra aedificia, quibus tum viri tum mulieres et ætate tenera et exacta, tum qui variis morbis vexabantur, sedulo accurarentur, aedificaret: magnamque seorsum colligeret a suis pecuniarum vim, unde ista perficerentur: alia denique infinita exsequeretur opera: que sane pia, Deoque accepta essent, si modo vel ille, vel alii qui talia moluntur, de suis ipsorum bonis efficienda curarent, suæque vitæ actiones vacuas a sceleris labe tanquam hostiam Deo offerrent ». Hæc ipse, qui paulo superius de ejusdem imperatoris in pecuniis a subditis corradendis cupiditate ista recenset:

8. « In Justiniano vero tam inexplicabilis fuit pecuniae cupiditas, et tam turpis atque adeo absurdum appetitio: ut omnia subjectorum bona his qui magistratus administrabant, qui tributa colligebant, qui nulla de causa insidias hominibus struere solebant, ob auri amorem vendiderit. Com-

¹ Niceph. I. xvii. c. 31. — ² Ibid. c. 33. — ³ Sap. vi.

⁴ Apoc. xiv. — ⁵ Evagr. I. iv. c. 29. in fin.

plures vero, imo innumerabiles qui bona multa possidebant, causa falsa commentitiaque conficta, omniibus fortunis muletavit. Quod si quae meretrix oculos cupiditatis ad alicujus bona adjiciens, consuetudinem se ullam cum eo vel conjunctionem habuisse simularer : statim omnia jura ac leges, modo Justinianum turpis lucri socium constitueret, ejus causa eversa jacuerunt; facultatesque omnes illius, qui falso in crimen adductus erat, fuerunt in ejus domum translate». Hæc Evagrius; cuius sententia, quot ab eo novæ promulgatae sunt leges et veteres restitutæ, tot tensa ad extorquendam pecuniam retia diees : cum etsi ex illis aliquæ curarentibus ad prædam judicibus venatoribus aliquando potuissent obstatæ, continuo easdem mira arte depresso siverit a magistris pro arbitrio proenleari. Ista ex antiquioribus, fideque sincera pollutibus scriptoribus reserans, scio in me concitasse jurisconsultorum agmina pro suo Justiniano pugnantia : verum satis sit ad defensionem unica opposita veritas, quam prolixemur, et illibata co-limus et excolumus.

9. Ceterum quæ ab eo juste pieque restituta vel sancta reperiuntur, ut Dei munus Christianitas non refugit, sicut nec Ethnicorum imperatorum, eorumdemque Christianorum persecutorum leges juste decretas ; mente illud refinens et ore versans, quod divina Sapientia elamat¹ : « Per me reges regnant, et legum conditores justa decernunt : per me principes imperant, et potentes decernunt justitiam ». Hinc videas ipsum quoque S. Gregorium Romanum Pontificem² in moderandis etiam rebus Ecclesiasticis uti ejusdem Justiniani imperatoris Constitutionibus, easdemque citare consueisse, sicut et aliorum Christianorum imperatorum, neconon et Gentilium, ut Modestini et aliorum, cum opus fuit, jureconsultorum. Quæ vero præter ius fasque idem Justinianus suis sanctionibus observanda præcepit, Catholica Ecclesia respuit, ut quæ sibi super Ecclesias personasque Ecclesiasticas arrogare præsumpsit, quæve de usuris constituit. Sed in his consule Alciatum³, licet ei in omnibus minime assentiamur. Quod autem inuratur nota Justiniano de voluntario concesso divertio ; ad ejus successorem Justinum eam legem potius pertinere, suo loco dicemus.

10. Quæ vero spectant ad ejusdem imperatoris scripta, seu potius aliorum lucubrationes suo ipsius nomine promulgatas : præter illa quæ sunt recensita ipsius de fide edicta, Isidorus de eodem ista habet⁴ : « Justinianus imperator quosdam libros de Incarnatione Domini edidit, quos etiam per diversas provincias misit. Condidit quoque rescriptum contra Illyricanam Synodum et adversus Africanos episcopos, in quo Tria Capitula damnare contendit, etc. » Sed ne quis ex iis redarguat Suidam, quod analphabetum dixerit Justinianum tot scriptorum au-

ctorem : nam sicut Tribonianus fuisse civiles leges, ita et Theodori Cesariensis scripta suo nomine vulgariter voluisse, quæ dicta sunt superius docent. At de Justiniano hactenus.

11. *Narsætis monumenta in ponte Anienis.* — Antequam autem ad ejus successorem convertamus orationem, incisas a Narsete prope Romam, cum adhuc viveret Justinianus hoc anno, in ponte a se restituto super Anienem fluvium inscriptiones (ne eas amplissimis litteris exaratas non legisse culpæ sit) hic describamus : sic enim se habent :

IMPERANTE. D. N. PISSIMO. AC. TRIUMPHALI. SEMPER JUSTINIANO. PP. AUG. ANN. XXXVIII.
NARSÆS. VIR. GLORIOSISSIMUS. EX. PRÆPOSITO. SACRI PALATII. EX. CONS. ATQUE. PATRICIUS. POST. VICTORIAM GOTHICAM. IPSIS. EORUM. REGIRUS. CULERITATE. MIRABILI. CONFICTU. PUBLICO. SUPERATIS. ATQUE. PROSTRATIS. LIBERTATE. UBBIS. ROMÆ. AC. TOTIUS. ITALIE. RESTITUTA. PONTEM. VIE. SALARIE. USQUE. AD AQUAM. A NEFANDISSIMO. TOTILA. TYRANNO. DESTRUCTUM. PURGATO. FLUMINIS. ALYLO. IN. MELIOREM. STÄTUM. QUAM. QUONDAM. FUERAT. RENOVAVIT.

Hemque ibi :

QUAM. RENE. CURBATI. DIRECTA. EST. SEMITA. PONTIS
ATQUE. INTERRUPTUM. CONTINUATAR. ITER
CALCAMUS. RAPIDAS. SUBJECTI. GURGITIS. UNDAS
ET. LIBET. IRATE. CERNERE. MURMUR. AQUE
ITE. IGITUR. FACILES. PER. GAUDIA. VESTRA. QUIRITES
ET. NARSIM. RESONANS. PLAUSUS. UBIQUE. CANAT.
QUI. POTUIT. RIGIDAS. GOTHORUM. SUBDERE. MENTES
HIC. DOCUIT. DURUM. FLUMINA. FERRE. JUGUM.

Jam ad ipsum Justinum veniamus.

12. *Justinus nepos Justiniani in imperium assumptus coronatur, avunculo insigniter parentatur, populum sibi demeretur.* — Simul ac autem ex hac vita Justinianus discessit, succedit Justinus ipsius sororis Justiniani imperatoris nomine Vigiliante filius, patreque nomine Dulcissimo natus ; conjux vero Justini, Sophia appellata, Theodoræ Augustæ neptis fuit, ut ex Victoris Tununensis Chronico, et Corippo Africano grammatico, qui Justini laudes eccevit, appetat : nam pulchre hic de ipsius Justini, matrisque ejus, atque uxoris nominibus :

Mater consilii placidis Vigilantia vestris.
Semper inest oculis : quamque omni pectore gestas.
Alma Augusta tui censors sapientia regni.
Tu quoque justitiae nomen de nomine sumens
Frena regendorum retines firmissima regum, etc.

Justinus igitur apud Justinianum imperatorem cognationis jure primum sibi vindicaverat locum, ab eodemque Europalates creatus (ita Graeci dicunt magistratum, cui palati eura credita erat) qui et Cæsar jam antea dictus fuerat. Id quidem Corippus his versibus docet :

¹ Prov. xviii. — ² Greg. l. xi. Ep. liv. — ³ Alciat. parerg. l. vi. . 20. — ⁴ Isidor. c. 18.

Te dominum sacrae quis non prædixerat aulae,
Cum magni regeres divina palatia patris.
Par extans curis, solo diademate dispar,
Ordine pro rerum vocatus Curapalatu :
Dispositus jam Cæsar eras. Cum sceptræ teneret
Fortis adhuc senior, regui tu summa regebas
Consilio moderata gravi : nil ille peregit
Te sine.

Sed quæ divinitus de eodem sint prævisa ab Eutychio patriarcha, Eustathius ita narrat¹ :

13. « Tribus circiter annis ante imperium Iuslini futura præsipienti et magno pontifici paterfactum fuit, ipsum imperaturum : qui nulla interposta mora, ut eum in Dei timore confirmaret, tutiusque vitam ejus ad pietatem incenderet, cum in Jucundianis quodam die senatus haberetur, in remotum quemdam locum Dei servus Justinum seduxit, quo quidem in loco fenestra erat (hoc enim signum, ut lapidum cumulus olim inter Jacob et Laban testimonium fuit). Et audi, inquit, amplissime vir : Quanvis ego humilis sim servus et sacerdos Dei; significavit mihi Deus te post avunculum tuum fore imperatorem. Quare vide, ne hue illuc occupationibus distraharis; sed attende tibi, et operam da, ut dignus evadas, qui Dei perficias voluntatem. His auditis Justinus, gratias egit Deo, et viro magno respondit in hunc modum : Deus me dignum faciat, ut voluntati ejus obtemperem, meque gubernet et regat arbitrio suo. Et haec quidem sic facta sunt. Cum autem vir magnus esset in insula qua Princeps appellatur, quadam die narrabat nobis : In visione (inquiens) noctis quidam gladium dedit duorum imagines continentem, Justini et conjugis ejus, qui et mihi arribabant. Sed quidnam id significaret, ab eo quæsivit unus ex iis qui illie praesto erant, num illius gladii visione sectionem aliquam, vel rei finem portendi seiret. Minime, inquit ille : sed hi ipsi regnabunt, et me liberabunt : imperatorio enim habitu induitos adspexi. Quod imperaverint, perspicuum est : quod autem fuerit liberatus quodque exilio ejus multæ visiones extiterint, omnes novimus ». Haec Eustathius. Verum sicut pincerna tardius recordatus est Joseph² in carcere detenti, ita et Justinus serius quam par erat Eutychium ab exilio revocavit, et non antequam qui in ejus locum intrusus fuerat Joannes ex hac luce discesserit.

14. Ex hac vita jam subducto Justiniano imperatore, excitatur media nocte Justinus a Callinico excubitorum preposito, et ut habendas sumat imperii admonetur; progressusque ad aulam, et senatu hortante, sumit imperium, cum interea componitur exanime imperatoris cadaver ornaturque ad sepulturam, Sophia tunc ipsum veste contextit pretiosa valde, in qua effigiatæ erant ejusdem imperatoris res gestæ : quæ describitur a Corippo, cum agit de Sophie pietatis tum exhibitis officiis defuncto Justiniano. Pandemus hic tibi eam velut picturam in tabula, quam docta manus non penicillo, sed acu

formavit. Cum igitur de paratis agit exequiis, pompaque funeris adornata, hos etiam habet versus :

Exequiis adjicit solito plus dona paternis :
Ireque contractas denso jubet agmine turbas :
Et tulit intextam pretiosum murice vestem,
Justinianorum (series) ubi tota laborum
Nexo auro insignita fuit, gemmisque cornsca.
Illic Barbaricas flexa cervice phalanxes,
Occisos reges, subiectasqne ordine gentes
Pictor acu tenuя multa formaverat arte,
Fecerat et fulvum distare coloribus aurum,
Omnis ut aspiciens ceu corpora vera potaret.
Effigies auro, sanguis depingitur ostro.
Ipsum autem in media victorem pinxerat aula
Efferâ Wandalici calcantem colla tyranni,
Plaudenter Libyam fruges laurumque ferentem :
Addidit antiquari tendentem brachia Romam
Exerto et nudo gestantem pectore mammam.
Altricem imperii, liberatisque parentem.
Hoc ideo fieri vivax sapientia jussit :
Ornatum ut proprius funus regale triomphis
Augustum in tumulum fatalis duceret hora.

Hæc de ornatu cadaveris atque feretri.

15. Cæterum idem post multa subdit auctor, nullum ferme vas fuisse, in quo non sculptæ essent victoriae ejusdem imperatoris imagines ; nam ait :

Ipse triumphorum per singula vasa soorem
Barbarico historiam fieri mandaverat auro,
Tempore quo capitis injecit vincula tyrannis
Justinianus ovans quarto cum consule princeps
Alta triumphal terret Capitoliā pompa.

16. At ita composito ad funus Justiniani fetro, illud minime tamen effertur, nisi postquam insignia Justinus accepit imperii; quæ quidem nec recipere voluit, nisi consulto oratoque numine, et religionis officiis persolutis : nam idem hæc de his cecinit auctor :

Ipse aulem procerum magnis oratibus actus
Non primum imperii regalia signa recepit,
Ni sacra prius supplex oracula poscens,
Effusis precibus Christo sua vota dicaret.
Ilicet Angelici pergens in limina templi,
Imposuit pia thara focis, cerasque micantes
Obtulit, et supplex lacrymis ita cepit oboris :
Omnipotens princeps, etc.

Quod item pielatis opus ipsa ejus uxor Sophia seorsum exsolvit.

17. Expletis vero quæ solerent a proceribus exhiberi solemnis, a patriarcha Joanne idem Justinus benedictionem accepit atque coronam : quod pulchre his versibus idem poeta describit :

Postquam cuncta videt ritu peracta priorum,
Pontificum somnum, plenaque alete venustos
Astantem benedixit eum ; cælique parentem
Exorsans Dominum, sacro diademate jussit
Augustum sancte caput, summoque coronam
Imponens apici, etc.

18. Post haec autem diademate insignitum et in solio collocatum, acclamationibus absolutis, orationem habuisse testatur ad populum, quam describit : ante cujus exordium cum signasse eruce fren-

¹ Apud Sur. die vi. Apr. tom. II. — ² Genes. XL.

tem tradal, veterem morem intellige, consuevisse nimirum fideles ante concessionem praemittere crucis signum : nam audi :

Ipse coronatus solium concendit avitum,
Atque crucis faciens signum venerabile, sedet :
Erectaque manu, cuncto presente senatu,
Ore pio haec orans ait : Super omnia regnans
Regna Deus, etc.

At non manu tantum signasse crucis signum, sed et ligno sacratissimae Dominicæ crucis frontem exornasse, idem inferius docet, hæc dicens :

Egreditur eum luce sua, Irontemque serenam
Arnavit sancti faciens signacula ligni.

In frontibus enim regum crucem fulgere consueisse, superius auctoritate Patrum alia id poscente occasione, dixisse meminimus.

19. Post hæc autem ubi ad populum perorasset, atque ejus querelas lugubribus editas vocibus perceperisset, quibus dolebat injuste exactiibus vexatum a prædecessore principe, et ab eo dekita non esse soluta : Justimus sua unicuique reddenda præcipit, et æs alienum Justiniiani dissolvi jubet. Hæc autem pereleganter Corippus his versibus cecinit :

Flere diu tantis lacrymis non passus acerbis
Condoluit miserans, et se pietate subegit
Legibus ultra suis : Alienæ pecunia, dixit,
Reddenda est. Vivus patti qui substitit hæres,
Thesauros filii privatos ferre ministris
Imperat. Innumerae mos adveneri catervæ,
Fortia centenis onerataque brachia libris
Deposneri humeris : turmæ glomerantur in unum,
Et totus fuso Circus resplendunt auro :
Tunc posita ratione palam, populoque vidente,
Debita persolvit genitoris, cants recepit.
Gaudia quanta illie, quantus favor! undique latus
Tollitur in cœlum populorum clamor ovantum, etc.

20. Hæc quidem omnia profecto redargunt Justiniani prædecessoris avaritiam, ne recitata superius ex Evagrio esse calumnias, et ex pravo ea seribentis animo prodiisse quis putet. Praeter hæc etiam de cavendis delictis Justinum populum admonuisse, tradit auctor. Sed nec prætermisso quæ ad Ecclesiæ statum pertinere videbantur, testatur Evagrius, qui ubi plura præcedentibus consentientia narravit, hæc addit : « At primum dat mandatum, ut omnes episcopi et sacerdotes, qui ex omnibus locis in unum Constantinopoli convocati erant, ad suas ipsorum dimitterentur sedes, uti consuetos cultus Deo sancte religioseque adhiberent, monens ne quisquam quod ad fidem pertineret novare moliretur. Atque istud quidem ejus factum in laude ponendum est ». Hæc Evagrius.

21. Sed quæ ad Justiniani imper. funus spectant, quod postea curatum constat, pauca quædam hic ex eodem Corippo cuncta exacte prosequente describenda putamus, utpote quæ ad Christianum cultum pertinere noscuntur, atque primum de

multiplicibus luminaribus celebri pompa delatis. cum ait :

Vasa aurea mille,
Mille columnarum species, argentea mille,
Quæ superimpositis implebant atria ceris,
Ordine cuncta suo, patrum sic more parata.

Vasa illa fuisse intelligas multiplicia instrumenta pretiosorum diversi generis candelabrorum ad portandos cereos fabrefactorum, quorum superius diversis in tocis mentio facta est. Subdit vero de his quæ ferebantur conendi causa cadaveris :

Thora Sabæa cremant : flagrantia mella locatis
Infundunt patris, et odoro balsama succo :
Centum aliae species unguentaque mira feruntur
Tempus in æternum sacrum servantia corpus.

Et inferius de procedente populo, et psalmodia qua religiosam prosequebantur fumeris pompam :

Tota populus processit ab aula :
Mæstaque funereas accidunt agmina ceras.
Omnis in exequias sexus convenit et attas.
Quis memorare potest tantæ miracula pompe?
Hinc Levitarum mirabilis ordo canentum,
Virgineus tonat inde chorus ; vox æthera pulsat.

At hæc satis ad insinuandam veterem Ecclesiæ Catholice consuetudinem in celebritate fumerum fidelium defunctorum, per singula tempora usque in præsens religiosissime propagatam. Sed de funere imperatoris ad aliud regis funus transeamus.

22. *Mortuo Clotario, ejus filii dividunt inter se regnum, ex quibus Sigebertus S. Nicetum ab exilio revocat.* — Hoc enim anno et Clotarius rex Francorum, cum ageret ab obitu Clodovei annos quinquaginta et unum in regno, ex hac vita migravit : de quo ista Gregorius¹ res sui temporis scriptis prosequens : « Rex vero Clotarius anno quinquagesimo primo sui regni cum multis munieribus limina beati Martini expetiit; et adveniens Turanos ad sepulcrum antedicti antistitis, cunctas actiones, quas fortasse negligenter egerat replicans, et orans cum grandi gemitu, ut pro suis culpis beatus confessor Domini misericordiam exoraret, ea quæ irrationabiliter commiserat, suo obtentu dilueret. Exin regressus quinquagesimo primo regni sui anno, dum in Cotia silva venationem exercet, a febre corripitur, et exinde Compendium villam rediit; in qua cum graviter vexaretur a febre, aiebat : Vah! quid putatis? qualis est ille rex caelstis, qui sic tam magnos reges interficit? In hoc enim tædio positus, spiritum exhalavit ». Quod ad ejus culpas pertinet : ipsum quidem compluribus delictis obnoxium, potissimum vero incestis nuptiis infamatum, saepè excommunicatum fuisse a S. Nicetio episcopo Treverensi, idem Gregorius in rebus gestis ejusdem episcopi, quas conscripsit, affirmsat. Sed de ejus

¹ Gregor. Turon. VII. S. Nicet. c. 1.

sepultura ubi supra idem auctor hæc addit: « Quatuor filii sui cum magno honore Suessionas defrantes, in Basilica beati Medardi sepelierunt ». Loco scilicet quem delegerat ad Basilicam construendam, quam tamen filius Sigebertus construxit. Ac demum: « Obiit autem post unum decurrentis anni diem, quo Chrammus fuerat interfectus ». Hæc Gregorius.

23. Defuncto Clotario, quatuor ejus filii inter se parti sunt regnum, nempe Charibertus, Chilpericus, Guntheramus, et Sigebertus: quorum Charibertus regni sedem renuit Parisis, Chilpericus Suessionis, Guntheramus Aurelianis, Sigebertus Rhenis. Porro horum omnium religiosissimus habitus est Sigebertus. Hic enim simul ac accepit patrem esse defuntem, nihil antiquius habuit, quam ut sanctum Nicetium Treverensem episcopum ab eo in exilium amandatum postlimino revocaret: de quo ista in Vita ejusdem sancti Nicetii Gregorius habet¹:

24. « Sanctus Nicetius quotidie prædicabat populis, denudans crimina singulorum, et pro remissione deprecans assidue confitentium: unde adversus eum saepius odii virus exarsit, quod tam veraciter multorum facinora publicare. Nam plerisque se persequenteribus ultiro obtulit, gladio exerto cervicem præbuit: sed nōcere ei Dominus non permisit. Voluit namque pro justitia mori, si persecutor fuisset infestior. Aiebat enim: Libenter moriar pro justitia. Sed et Clotarium regem pro injustis operibus saepius excommunicavit; exiliumque minante eo, nunquam est territus. Quodam vero tempore, cum ad exilium ductus, ab reliquis episcopis, qui adulatores regis effecti fuerant, remotus esset, atque a suis omnibus derelictus; unī diacono, qui adhuc perstebat in tide, ait: Quid tu nunc agis? quare non sequeris fratres tuos et eos quos volueris, sicut et illi fecerunt? Qui ait: Vivit Dominus Deus meus, quia usquequo spiritus meus intra hos artus contentus fuerit, nunquam derelinquam te. Et ille: Quia, inquit, haec dixisti, dicam tibi quæ Domino revelante cognovi: Cras enim in hac hora et honorem recipiam, et Ecclesiæ meæ restituar. Hi autem qui me dereliquerunt, cum magno pudore ad me contigent. Praestolabatur itaque diaconus rem promissam attonitus: quod postea est expertus. Ilucescente enim die crastina, subito advenit legatus Sigeberti regis cum litteris, nuntians Clotarium regem esse defunctionem, seque regnum debitum cum episcopi charitate debere percipere. Hæc ille audiens, ad Ecclesiam regressus, potestati restituitur; confusisque iis a quibus derelictus fuerat, omnes in charitate recepit». Hucusque Gregorius, qui et alia sanctissimi præsulii egregia facta scriptis mandavit.

25. Pestis inguinaria per Italiā et Galliā grassatur, mira operantibus reliquias sanctorum. — Hoc eodem anno (quo nimirum Justinianus ini-

perator mortuus est) pestis illa vehemens, inguinaria dieta, universam invasit Italiā, pervasisque etiam regiones Boreales; de qua isla habet Paulus diaconus²: « Isdem temporibus in Liguria provincia maxima pestilentia exorta est. Subito enim apparebant quædam signacula per domos, ostia, vasa, vestimenta; quæ si quis voluisset abluere, magis magisque apparebant. Post annum vero expletum coepérunt nasci in inguinibus hominum et aliis delicatioribus locis glandulae in modum nucis, seu dactyli quas mox sequebatur febris intolerabilis æstus, ita ut triduo homo extingueretur. Si vero aliquis triduum transegisset, habebat spem viventi. Erat ubique luctus, ubique lacrymæ. Nam (ut vulgi rumor habebat) fugientes cladem aut vitantes relinquabant domos desertas habitatoribus solis catulis eas servantibus: pecuaria sola remanebant in pascuis, nullo adstante pastore. Cerneres villas et castra agminibus hominum repleta, postero die, universis fngientibus, in summa vastitate et silentio. Fugiebant filii, insepulta parentum relinquentes cadavera. Si quem forte antiqua pietas perstringebat, ut vellet sepelire proximum, restabat ipse insepultus: et dum obsequebatur, perimebatur: dum offerre obsequium defunctis præmeditabatur, ipse sine obsequio futurum cadaver remanebat: ut videres sæculum in antiquum redactum silentium. Nulla vox audiebatur, nisi gementium in morte, nullus pastorum sibilus, nullæ ferarum insidie parabantur peccubibus, nulla damna domesticis volueribus: sata transgressa metendi tempora infaeta expectabant messores; vineæ amissis foliis, radiantibus uvis, illæse remanebant, hieme appropinquante. Nocturnis horis personalbat tuba bellantium; audiebatur a pluribus quasi murmur exercitus; nulla erant vestigia commendantium; nullus ceruebatur percussor, et tantum visus oculorum superabant cadavera mortuorum. Pastoralia loca conversa fuerant in hominum sepulturas, et habitacula humana facta fuerant habitacula bestiarum. Et hæc quidem mala intra Italiā tantum usque ad fines Alemannorum et Bajoariorum solis Romanis accidere. Inter hæc Justiniano principe e vita deceidente, etc. » Hæc Paulus diaconus. At quæ de eadem hic ubique pavenda scripserint duo Gregorii, res gestas suorum temporum prosequentes, his subjiciam.

26. Hæc plane pestis illa fuit, cuius sanctus Gregorius papa meminuit in Dialogis, miraque narrat verbis istis²: « Ammonius mihi jam in monasterio positus narravit, quod in ea mortalitate, quæ patriæ Narsetis temporibus hanc urbem vehementer afflixit, in domo prædicti Valeriani puer armentarius fuit præcipue simplicitatis et humilitatis. Cum vero ejusdem advocati domus eadem clade vastaretur, idem puer percussus est, et usque ad mortem deductus. Qui subito sublatus a præsentibus, rediit,

¹ Gregor. Turon. Vit. S. Nicet. c. 4.

² Paul. diacon. de Gest. Longobard. I. I. c. 4. — ² Gregor. dialog. I. iv. c. 26.

sibique dominum suum vocari fecit. Cui ait : Ego in cælo fui, et qui de hac domo mortui sunt, agnovi. Ille, ille, et ille mortui sunt. Tu vero ne timeas, quia in hoc tempore moriturns non es. Ut vero scias, quia me in cælum fuisse, verum fateor : ecce accepi illuc ut linguis hominum loquar. Numquid tibi incognitum fuit græcam me linguam omnino non nosse ? et tamen græce loquar, ut cognoscas an verum sit quod me linguas hominum accepisse testificor. Cui tum græce dominus suus locutus est, atque ille in eadem lingua respondit ; ut cuncti qui aderant, mirarentur. In eadem quoque domo prædicti Valerianus Narses spatharius Bulgar manebat ; qui festine ad ægrum deductus, ei bulgarica lingua locutus est : sed ita puer in Italia natus et nutritus in eadem, barbara locutione respondit, ac si fuisset ex eadem gente generatus. Mirati sunt omnes qui audiebant ; atque ex duarum linguarum experimento, quas eum ante nescisse noverant, crediderunt de omnibus quæ probare minime valebat. Tunc per biduum mors ei dilata est ; sed die tertio (quo occullo Dei iudicio nescitur) manus et brachia, laetosque suos dentibus lauavit, et ita de corpore exivit ». Hæc Gregorius. Sane quidem et in amena-
tiam quoque atque furorem deducere homines consuevisse pestem illa Gregorius Turonensis testatur. Nec vero de alia plane lue metuunt idem Gregorius quam de ista tunc grassante in Gallias : non enim Italæ terminis contineri potuit, sed et exteris regiones Gallias atque Germaniam pervasit, ut ex pluribus Gregorii locis apparet ; qui in primis quomo-
do Rhemensis civitas fuerit liberata, ita describit¹ :

27. « Sed nec illud sileri placuit, quod illo gestum est tempore, cum lues inguinaria populum primæ Germaniæ devastaret. Cum autem omnes terrorentur hujus cladis auditu, cœncrevit Rhemensis populus ad S. Remigii sepulcrum, congruum hujus causa flagitare remedium. Accensis cercis, lychnisque non paucis, hymnis psalmisque cœlestibus per totam excubat noctem. Mane autem facto, quid adhuc precatni desit, in traetatu rimatur. Reperiunt etenim, revelante Deo, qualiter oratione præmissa adhuc majori propugnaculo turbis propugnaula munirentur. Assumpta igitur patla de beati sepulcro, componunt in modum feretri ; accensisque super crucis cercis atque ceroferalibus, dant voces in cantieis : circumneunt urbem cum viis, nec prætereunt ullum hospitium, quod non hac circuitione concludant. Quid plura ? Non post multos dies, fines hujus civitatis lues aggreditur memorata. Verumtamen usque ad eum locum acedens, quo beati pignus accessit, ac si constitutum cerneret terminum, initio ingredi non modo non est ausa, sed etiam quæ in principio pervaserat, hujus virtutis repulsa reliquit ». Hæc Gregorius : qui et quoniam modo Treverensis etiam civitas ab eadem inguine-
tunc lue fuerit liberata per S. Nicetum hoc tem-

pore ejus episcopum, narrat in libello, quo ejusdem sancti res gestas prosecutus est, his verbis² :

28. « Cum autem lues inguinaria Trevericum populum in circuitu³ civitatis valde vastaret, et sacerdos Dei pro ovibus commissis Domini misericordiam imploraret assidue ; factus est sonus de nocte magnus tanquam tonitruum validum super pontem annis, ita ut putaretur urbs ipsa absorberi. Cumque omnis populus exterritus in lectulis reseedisset, lethiferum sibi interitum opperiens ; audita est in medio vox una cœteris clarior, dicens : Et quid hic, o socii, faciemus ? Ad unam enim portam Eucharius sacerdos observat, ad aliam Maximinus excubat, in medio versatur Nicetus : nibil hic ultra prævalere possumus, nisi sinamus hanc urbem eorum tuitioni. Hæc audita voce, statim morbus quievit, nullusque ab eo ultra defunctus est. Unde non ambigitur, virtute memorati antistitis fuisse defensam ». Hæc Gregorius de eadem agens inguinaria lue. Quonodo etiam precibus S. Galli episcopi populus Arvernensis sit liberatus, idem auctor hæc ait² :

29. « Hujus tempore, cum lues illa, quam inguinariam vocant, in diversas regiones desæviret, et maxime tunc Arelatensem provinciam depopularetur ; sanctus Gallus Arvernensis episcopus non tantum pro se quantum pro populo suo trepidus erat. Cumque die noctuque pro populo deprecaretur, ut veniens plebem suam vastari non cerneret ; per visum noctis apparuit ei Angelus Domini, qui tam cœsarium quam vestem in similitudinem nivis candidam effrebat : et ait ad eum : Bene enim facis, o sacerdos, quod sic Dominum pro populo tuo supplicas : exaudita est enim oratio tua, et ecce eris cum populo tuo ab hac infirmitate liberatus ; nullusque te vivente, in regione ista ab hac strage deperiet : nunc autem ne timeas, post octo vero annos time. Unde manifestum fuit, transactis his annis, eum e sæculo discessurum. Expergefactus autem, et Deo gratias pro hac consolatione agens quod eum per cœlestes iunctum confortare dignatus est ; Rogationes illas instituit, ut media Quadragesima psalmo lendo ad Basilicam beati Juliani martyris itinere pedestri venirent. Sunt enim in hoc itinere quasi stadia trecenta sexaginta. Tunc etiam in subita contemplatione parietes vel domorum vel Ecclesiarum signari videbantur : unde a rusticis hæc scriptio Than vocabatur. Cum autem regiones alias (ut diximus) lues ista consumeret, ad civitatem Arverniam S. Galli intercedente oratione, non attigit. Unde hanc non parvam censeo gratiam, qui hoc meruit, ut pastor positus oves suas devorari, defendente Domino, non videret ». Hæc Gregorius, qui eadem repetit, cum ejusdem S. Galli collectas res gestas conscripsit. Sed quid post annos octo timendum esse Angelus prædictus, cum videlicet ipso sancto defuneto, in locum ejus subrogatus est Cau-

¹ Gregor. de Glor. confess. c. 79.

² Gregor. Tur. in libel. Vitæ S. Nicetii. — ³ Gregor. hist. Franc. l. iv. c. 5. in Vita S. Galli.

tinus episcopus Arvernensis, suo loco dicturi sumus.
At e Galliis in Britanniam insulam transeamus.

30. *Pictorum populorum in Britannia convercio per S. Columbanum.* — Hoc enim anno gens Pictorum in Britannia insula commorantium ad Christi fidem per sanctum Columbanum perducta est. Rem gestam certa temporis nota signata Beda narrat his verbis¹:

« Anno Incarnationis Dominicæ quingentesimo sexagesimo quinto (quo tempore gubernaculum Romani imperii post Justinianum Justinus junior accepit) venit de Hibernia presbyter et abbas habitu, et vita monachi insignis nomine Columbanus, in Britanniam prædicaturus verbum Dei provinciis Septentrionalium Pictorum, hoc est, eis qui arduis atque horrentibus montium jugis ab Australibus eorum sunt regionibus sequestrati. Namque ipsi Australes Picti, qui intra eosdem montes habent sedes, multo ante tempore (ut perhibent) relichto errore idolatriæ, fidem veritatis acceperant, prædicante eis verbum Nyma episcopo reverendissimo et sanctissimo viro de natione Britonum, qui erat Romæ regulariter fidem et mysteria veritatis edocetus: cuius sedem episcopatus S. Martini episcopi nomine et Ecclesia insignem (ubi ipse etiam corpore cum pluribus sanctis requiescit) jam nunc Anglorum gens obtinet: qui locus ad provinciam Berniciorum pertinens vulgo vocatur Ad Candidam Casam, eo quod ibi Ecclesiam de lapide, insolito Britonibus more, feceril.

31. « Venit autem in Britanniam Columbanus, regnante Pictis Bridio filio Meilochon rege potentissimo, nono anno regni ejus; gentemque illam verbo et exemplo ad fidem Christi convertit: unde et præfatam insulam ab eis in possessionem monasterii faciendo accepit; neque enim magna est, sed quasi familiarum quinque juxta aestimationem

Anglorum: quam successores ejus usque hodie tenent, ubi ipse sepultus est post annos circiter triginta duos, ex quo ipse Britanniam prædicaturus adiit.

32. « Fecerat autem sibi, priusquam in Britanniam veniret, monasterium nobile in Hibernia, quod a copia roborum Dearnach, lingua Scotorum, hoc est, Campus roborum, cognominatur. Ex quo utroque monasterio plurima exinde monasteria per discipulos ejus et in Britannia et in Hibernia propagata sunt; in quibus omnibus idem monasterium insulanum, in quo ipso requiescit corpore, principatum tenet. Habere autem solet ipsa insula rectorem semper abbatem presbyterum, cuius juri et omnis provincia et ipsi etiam episcopi ordine inusitato debeat esse subjecti, juxta exemplum primi doctoris illius, qui non episcopus, sed presbyter extitit et monachus: de cuius vita et verbis nonnulla a discipulis ejus feruntur scripta haberi.

33. « Verum qualisunque fuerit ipse, nos hoc de illo certum tenemus, quod reliquit successores magna continentia, ac divino amore, regularique institutione insignes: in tempore quidem summæ festivitatis (Paschatis scilicet), dubios circulos sequentes, utpote quibus longe ultra orbem positis nemo Synodalia Paschatis observantiae decreta porrexerat; tantum ea que in Propheticis, Evangelicis, et Apostolicis litteris discere poterant, pietatis et castitatis opera diligenter observantes. Permanens autem hujusmodi observantia Paschalis apud eos tempore non pauco, hoc est, usque ad annum Dominicæ Incarnationis septingentesimum decimum sextum, per annos centum quinquaginta. At tunc veniente ad eos reverendissimo et sanctissimo patre et sacerdote Egberto de natione Anglorum, qui in Hibernia diu exulaverat pro Christo, et erat doctissimus in Scripturis, et longævitæ perfectione eximius; correcti sunt per eum, et ad verum canonicumque Paschæ diem translati ». Sed de his inferius suo loco.

¹ Beda de Gestis Angl. I. m. c. 4.

Anno periodi Græco-Romanæ 6058. — Olymp. 336. — Anno Æra Hispan. 603. — Jesu Christi 565. — Joannis III papæ 6.

— Justini junioris imp. 1.

t. *Postconsulatus.* — Hic annus ista formula notatus: *Post consulatum Basillii V. C. xxiv*, ut habent continuator Marcellini et Marius Aventicensis.

2. *Edictum de Incorrutibilitate corporis Christi.* — A num. 1 ad 13. *Justinianus* hujus anni initio *Edictum suum de Incorrutibilitate corporis Christi* emisit, ut anno DLXII et insequenti

demonstravi : « Verum oratio illa haudquaquam publicata est, eo quod Deus nobis prospiciens, res nostras in melius commutavil », inquit Evagrinus lib. 4, capit. ult. qui statim mortem ejus narrat, ex quo et liquet illud datum ipso anno, quo Justinianus vitam cum morte consumulavit. Sanctus Nicetus Trevirensis episcopus, ubi imperatorem in illam haeresim incidisse accepit, eum statim ab ea per litteras revocare conatus est. Promulgavit eas Sirmondus tomo i Concil. Gall. quas tamen perpetram anno praecedenti scriptas existimavit : « Dulcis et duleis noster Justiniane », inquit Nicetus, « rememorare quae promisisti cum baptizatns es, quid per singula te credere dixisti. Unum Filium inanentem in duabus substantiis, eum Patre et Spiritu sancto, non duos Christos testatus es, etc. Palres a quibus benedictionem exspectare debuisti, in exilium transmisisti. Tum eum in ultima aetate tua componere et conjungere te ad Redemptorem tuum debuisti, ipse te non alter, sed tu et te et tuos decepisti. Cum Laetantius, ut dicit, presbyter, loca sancti per Gallias per Domini misericordiam visitaret, ante nos apparuit, quae legis, deprecavimus, et per Jesum Christum Redemptorem nostrum conjuravimus. Ergo litteris presentibus Deum nostrum conjura-

mus insuper, contestamur, ut et tu revertaris et quantos perire snasti in horrenda persecutione, revertere provokes, etc. Laetetur sancta Ecclesia de regressu tuo, quia vehementer Inget de excessu tuo, etc. Nam notum tibi sit, quod tota Italia, integra Africa, Hispania, vel Gallia cuncta, nome tuum, eum de perditione tua plorant, anathematizant. Et si non que docuisti destruxeris, et publica voce clamaveris, erravi, erravi, anathema Nestorius, anathema Eufyches, cum ipsis te ad supplicia sempiterna tradidisti », et caetera in eisdem litteris contenta. Cointius anno DLXVI, num. 59, postquam illas Nicetii litteras recitavit, ait : « Sane beatissimus antistes ejusmodi litteris non parum profecit apud imperatorem, ut ejus animum ab Edicto, quod orthodoxae fidei contrarium scripserat, promulgando revocare ». Verum cum Justinianus die xiv Novemb. hujus anni mortuus fuerit, eum Nicetii litteras non recepisse valde verosimile est. Sed Cointius Edictum illud anno DLXVII cum Barouio emissum fuisse existimans, et Justiniani obitum in an. DLXVI differens, ex depravata hujusmodi Chronologia, in vanam illam conjecturam inductus ; adeo referit, ut singula, quantum fieri potest, suis annis reddantur (t).

(1) Contra ea quae Pagius hic disputat de anno emortuali Justiniani, et Justini exordio cum hoc anno DLXV illigando, invicte pugnat vetus et genuina adnotatio, quam leguisse se in Codice Ms. collegii Sorbonici assert Baluzius, Miscel. tom. v, pag. 478. « In Dei nomine, dies ordinantis ueae Gaudisi presbyteri, Indict. quinta decima, quarto decimo kal. Januari anno i Domini Justini, eodem consule ». Indictio hec notat annum DLXVI, e cuius Septembri illa exordium sumebat. Igitur Justinus exordii imperium non potuit a Novembri anni DLXV; a ias enim anno DLXVI, Decembri mense, secundum, non primum imperii annum numerasset. Ita pariter et primus Justini consulatus ad annum DLXVI, non ad DLXVII referendus est. Ex his autem inferior non vana conjectura Cointius suspicatur fuisse Justinianum annum ab haeresi de Incorruptibilitate corporis Christi revo casse. Nam si ea tantum ratione respiceret illum non potuisse censem Pagius, quod Epistola S. Nicetii ea de re ad imperatorem scripta anno DLXV reddi illi non potuerit, quod hoc anno e vivis excesseret ; totum hoc argumentum plane corrui, si Justinianus usque ad annum DLXVI viam prorogaverit. Ex hoc denique scripto inferre licet et sacras cleri ordinationes aetate illa die Dominica haberi consuevisse, que Pagius est conjectura, mirifico hoc documento illustrata. Sed juvat a monumento hoc Baluziano oculos nondum retrahere : valere enim illud arbitror ad chronologiam consultarem non adhuc pleae explicatam ab omni difficultatis nexu exsolvendam. Id autem tunc fiet, si Baluzianum istud monumentum cum nota temporaria expressa in Instrumento in papyro Egyptia descripto, de quo nos in Nota ad A. DLXVII, i, conferatur. Ita vero concepta est : « Imp. D. N. Justino p. p. Augusto anno septimo et p. c. (post consultationem) ejus secundo anno quarto, sub die tertio nonarum Juniarum, Indictione quarta ». Proditur hisce annus DLXXI quo Indictio quarta currebat. Habes autem ex eo annum quo Justinus consulatum secundum egit, nempe annum DLXVII, quo utique consulem Justinum processisse scriptores plures apud Pagium agnoscent; sed non satis lucusque explora unum fuit consulatum hunc secundum, non primum fosse. Atque ita inter se ambo egregia vetustatis monumenta a nobis producta coherent. Adnotatio enim Baluziana consulatum Justini primum exhibet, quem anno anno DLXV illigat ; papyrus vero secundum consulatum gestum anno DLXVII exprimit. Ab eo vero secundo consulatu Justini postconsulatus ejus in eundem recensiti sunt, quod a scriptore nostri papyri servatum est ; nec dubito quin eadem mens fuerit alius Fastorum scriptoribus qui Justini postconsulatus a consulatu anni DLXVII supputant, licet non aeo diligenter, ac a scriptore papyri praestitum est, adnotant se epocham suam in secundo consulatu statuere. Alii vero ex Chronologis postconsulatus suos a primo Justini consulatu anno DLXV deducunt, quam inesse mente Mario Aventicensi suspicor, apud quem postconsulatus Justini reliquias unitate superant, ut qui alius est quintus, sextus apud illum numeretur. Idem eham in enumerandis Justinis postconsulibus auctor Chronicus Alexandrinus servat. Suspicio autem Justinum priorem consulatum suum non quidem ab exordio anni DLXVI, quo in vivis Justinianus agebat, sed ab eo tempore copisse, quo imperium solis administravit ; indeque factum credo, ut cum denum succidente anno DLXVII processit consul a kalendis Januarii rito solemni, consul tunc primo egisse censeretur. Hac regula consulatum Cæsareorum a Justino constituta, apud reliquias deinde imperatores usque ad Constantium Paganum obtinunt. Ita Tiberius Constantius qui anno DLXVIII solus imperare cepit, anno illo consulatum gessit, ut non obscurae significat auctor Chronicus Alexandrinus, qui sequente annum DLXXIX ita designat : *I. Ind. XII post consulatum Tiberii etc. anno i p. c. in' t. t. c. z. z.* Corrumptum esse textum censem Pacius, delendam particulam illam aegrotatus ; sed non advertit id recurrere apud eundem scriptorem in exordio omnium sequentium imperatorum. Mauritius prior illo anno quo imperium solis administrare cepit, anno scilicet DLXXXIV, notum consulatum solemni rito mire a kalendis Januarii ejusdem anni, quod cum novum et insuetum fuerit, ideo auctor Chronicus Alexandrinus id adnotandum consulit, *Primus annus*, ait, (*Mauritii*) *caruit consulibus*. Nihilo tamen secundus consulatum gessit, quem appellare mihi licet minus solemnum, qui inti cum imperio et perserverare usque ad exordium secundi consulatus censebatur ; adeoque annus DLXXXIV, quo solemnum consulatum gessit, ab auctore eundem Chronicus pro consueto more notatur *p. c. i. post consulatum*, nempe post primum consulatum ; ab aliis vero Chronographis annus idem consulatu Mauritii (nempe secundo ab inito imperio et primo solemni) insignitur. Mauritius successit Phocas anno DCI, et cum imperio consulatum pariter eodem anno capessivit, sed consulatum minus solemnum ; hinc ut apud alios Chronologos huic anno nulli consules assignentur ; ab auctore vero Chronicus Phocas consulatus effertur, ut Pagius ibidem notat. Idemque deinde auctor subsequente annum DCIV quo idem Phocas consul solemni rito processit, notat : *Post consulatum Phocor*, nempe post primum minus solemnum consulatum. Cum autem eundem pariter anno consulatum secundum et primum solemnum Phocas gesserit ; hinc auctor idem postconsulatus a secundo illo consulatu numerare deinceps occipit, adeoque annua DCV appellat annum primum post consulatum Phocor, et sic deinceps. Successit Heraclius, de quo ita in Chronicis Alexandrinis juxta versionem Changi edit. Ven. pag. 305. « Ab ipso vii Octobris die presentis Inbetionis (nempe xiv a Septembri anni DCV ceptae) usque ad xiv Januarii mensis, ejusdem Indictionis scriptum est in Actis publicis : Imperante Heraclio ; et a xiv ejusdem Inbetionis ipsius mensis scriptum est in reliquo anni (scilicet DCI) usque ad Decembrem (sciaret expletum) xv Indictionis (a Septembri ejusdem anni ceptae) sic : « Et consulatu ejusdem plissimi Domini ». Anno vero sequenti DCX postconsulatus Heraclii idem auctor exorditur. Ex his habes Heraclium ab successorum suorum consulatum via nonnulli exorbitasse, in eo nempe quod prioribus imperiis sui mensibus usque ad Januarium succendentis anni in Actis publicis consulatum

3. *Moritur Justinianus imp.* — Moritus est *Justinianus* imperator hoc anno *idibus Novemb.* seu die *xiv* mensis Novemb. cum imperasset annos trincta octo, menses septem, et dies tredecim. Diem ejus emortualem auctor *Chronicorum Alexandrinorum*; regni annos, menses, ac dies *Theophanes*, et auctor *Miscellanea notarunt*. Sed erravit *Theophanes*, vel potius librarii, in ejus enim *Chronico legitur*, eum die *xii Novembbris* vita functum esse, *Indictione decima quarta jam currente*; quem tamen errorem anno insequenti correxit, asserens *Justinum ei successisse* mensis Novembbris die *xiv*. *Indictione xiv.* *Marius Aventicensis*, *Joannes abbas Biulariensis*, *Victor Tununensis*, auctor *Chronicorum Alexandrinorum* et *sanctus Isidorus cap. 3t de Script. Ecclesiast.* inter quos numeral *Justinianum*, asserunt eum *Indictione xv* deceessisse, ideoque anno sequenti, quo kalendis Septemb. *In iusmodi Indictio exorditur*; indeque *Labbeus in Chronicorum Cointius anno DLXVI et anno DLXIV*, num. *27*, aliisque quidam recentiores *Justiniani obitum* in annum sequentem differunt; quod priores tres scriptores citati hoc tempore vixerint. Verum *Justini junioris Justiniani successoris*, et sequentium imperatorum Chronologia hanc opinionem falsam esse demonstrat, nullumque fere esse ex imperatoribus Constantinopolitanis, de cuius initio ac fine minus dubitare debeamus. Certe auctor *Chronicorum Alexandrinorum* multipliciter sibi met contradicit, initio enim imperii *Justiniani* dicit, eum regnum iniisse anno mundi *6075*, sc. secundum Constantinopolitanos, et imperasse annos *xxxviii*, menses *ix*. Cum vero de morte ejus loquitur, scribit, *Justinum juniores imperium suscepisse* anno mundi *6087*, et iterum consulem processisse anno *xxxix Justiniani*. Quo pacto annos tantum tredecim *Justinianus* imperium administrasset, obiissetque anno Christi *DLXXXVIII*, quo kal. Septemb. inchoatur annus mundi *6087*, praeterquam quod secundus *Justini junioris consulatus* prorsus fictitius, ut infra ostendam. Alios etiam auctores hac in re errasse pluribus probat *Em. card. Norisius* in *Dissert. de Synodo V*, cap. *9*, paragr. *2*. Scriptores vero coeterni in rebus Historicis vel Chronologicis quandoque falli, variis exemplis constat.

4. *Ætas Justiniani.* — Pervenit ad imperium *Justinianus* natus *anno* *xlv*, ut asserit Zonaras, et confirmat *Theophylus Justiniani praceptor*, qui prodit eum sub finem *Anastasii dominatus Byzantium* venisse tricenario majorem; Zonara Cedrenus et *Nicephorus* consentiunt. Quare mortuus est anno atatis circiter octogesimo tertio. Nec audiendus Alemaurus in *Notis ad Historiam Areanam Procopii* cap. *6*, qui dicit, videri Zonaram secum pugnare, ubi narrat, *Justinum* avunculum recusasse *Justinianum* imperii socium habere; atque id urgentibus principibus respondisse: « *Vobis optandum est, ne hanc purpuram junior aliquis induat* »; et *Procopium de Justiniano* summam imperii moderante, dum *Justinus* viveret, scribere illum *aetate adhuc juniores* fuisse. Nam illis temporibus qui ad annum atatis *XL*, vel etiam *XLV* pervenerant, *juvenes* vocatos fuisse, multis exemplis liquet.

5. *Mores Justiniani.* — Zonaras hanc de *Justiniano* scribit: « *Fuit hic imperator aditu facillimus, ad pecuniam irrogandam æque promptus atque ad crimina audienda: pecuniam et temere profudit, et per fas ac nefas comparavit, aliam in aedificia, aliam ad executa consilia sua, aliam in rem bellicam et contentiones eorum, qui voluntati ipsius adverabantur, insunendo. Ita factum, ut cum pecunia semper egeret, eam ratiomibus parum honestis compararet, ac gratiam haberet iis, qui colligendi argenti vias ostenderent, etc.* » Hoc nomine praesertim damnandus *Justinianus*, quod in ultima aitate lapsus sit in heresim *Incorrumpibilem*, sive *Aphthartocitarum*, quæ Domini nostri Jesu Christi corpus ex ipsa Divinitatis coniunctione incorruptum asserebat: « *Hæc ipsa est* », inquit *Nicephorus lib. 17, cap. 29.* « *Aphthartocitarum heres*, qua multi mortales sunt correpti, non solum ex his, qui honores et magistratus gesserunt, sed etiam hierarchæ primarii et monachi vita illustres, et ex sacerdotali ordine alii, atque adeo ipse etiam imperator *Justinianus* ». Hunc tamen ex ea paulo ante mortem resipisse, ostendunt quæ narrat *Baronius num. 3 et seq.* Imo in *Menais Graecorum ad diem 11 Augusti* legitur: « *Memoria piae recordationis imperatoris Justiniani, in aede Apostolorum* ». Erat

*svum non admolavat. In eo vero a reliquis non discessit; quod sequenti anno consulem nomine saltem egerit: adeoque non duphei, sed unico consuleto inservitus fuit. Dux gestum ab eo suis-e consularum nomine tenuis, non re, nam ut in eodem Chronicorum admotatum est: « *Lacet in sella curulis non processerit, iudicium tamen eius consulari acribit debere et iuriu*n* visu*n* est* ».*

Hac olim scripsoram; den certior factus sum de sententia illiusissimi *Philippa a Turre* episcopi Adriensis qui argumentum hoc de anno emortua *i Justiniani*, et de consulari duplo *Justin* occupans, in opinionem longe a ea, quam hic consistit, diversam abiit, contendens *Justinianum Novembri mense anno DLXV obiisse*, annoque insequentia a kil. Januarii *Justinianum* processisse consulem, qui den anno *DLXXVII* eamdem dignitatem secundum lo adharet. Quo vero hdeum servel velut in pluribus documentis ac lapidibus in quibus Justin epocha ab anno *DLXVI* repetitur; cunctus *Justinianus* nomus a Januario anno proxime ab assumptione sua sue dentis, anno scilicet *DLXVI* annos supponere crepisset; ex quo factum opinatur, ut duplex *Justin* epocha coarta sit, altera quidem ex anno *DLXV* quo *Justinianus* decessit; allega vero ex ratio anno *DLXVI*. Hinc veterum monum entorum dissidium omnino tollitur. Id ego quidem ubens susci, etem, squadem eo admisso epocha cum discutione ab omni corruptionis suspicione vetera monumenta literatur. Verum si ea conciliatio lapi es inter se coharent; cogemur tamen corruptionis arguere non unus tantum vel alterius, sed triu*m* simul coeterni scriptorum, quos vnde apud *Pagnum* inc. textus Id vero petaque arduum est ac veteres quosda*c* lapides inhibentias ac suppositionis attuere. A iis ergo tentamus viam omnia inter se componeant, quam nobis suppediat velut ille mos apud imperatores graecos familius, ut quos destituerint post obitum suum successores, se adiuv superstitibus Cesares dicenter, et exinde novorum Cesarum epocha quemam duci interdum soebat. Fec ergo *Justinum* anno *DLV* incerto mense Cesarem renuntiatum forse, et itam hanc imperi mitus epocham constitue. Alteram epocham oculi ab obitu *Justiniani* anno *DLXVI*. His positis, dissida omnia conciliantur. Sed Cesarem renuntiatum fuisse *Justinum* negat *Pagnum* nro. *7*; at *Corrupcio*, cuius testimonium *Baronius* recitat, non obscurae affurat. Eteni etiam potuit ut epocha prior *Justinii*, sui annas a Cesarea ejus dignitate, a munere tamen Cœpalatis, quod imperatoria dignitati proximum erat, unceretur.

vero is dies natalis imperii ejus post Justini senioris obitum. Odilbertus archiep. Mediolanensis postquam accepit Epistolam Encyclicam a Carolo Magno universis imperii sui episcopis directam, a Mabilionio tom. i Analect. pag. 21 recitatam, qua petit certior fieri, quid de Baptismo, ejusque ritibus sentirent, ad eum respondens ait : « In vestra tranquillitate salutem nostrorum omnium adesse cognoscimus atque tenemus, qui vos sollicitudinem habentes Orthodoxae fidei magis præ ceteris omnibus, qui ante vos Christiani imperatores in universo mundo, fuerunt devotione quique et divino zelo commoti, id est, Constantinus, Theodosius major, Marcianus, et Justinianus. Hi omnes, ut Christianum populum ab omni erroris macula liberarent, divinitus inspirati, quæ meritis et scientia præcellentes, David sanctum imitantes, etc.

6. *Anecdota Procopii*. — Post Baronii mortem prodire *Anecdota Procopii* primum Lugduni et postea Parisiis ex typographia regia, de qua ultima editione loquens Combeffisius in Observatione prævia ad Procopii locum de *santa Sophia*, cum Diatriba Leonis Allatii de *Simeonum Scriptis*, pag. 292 impressa, ait, docti interpretis Anecdotis vindicantis aut expungendis operam desideratam esse; sed si vir doctissimus vidisset loca asteris notata in editione Parisiense cap. 9, pag. 28. (Lugdunensem enim præ manibus non habeo) ne eorum lectione aures castæ offendentur, de industria resecta ex textu Græco Codieis Vaticani, non dubitasset, quoniam ea Historia sit mere probrosus in *Justinianum et Theodoram* ejus uxorem libellus; adeo enim teda et obscena, quæ ab ea ante matrimonium in ipso etiam theatro ac spectantibus omnibus saepè patrata fuisse Procopius dicit, ut incredibile videatur, virum non mente captum, aut ad summam egematem non redactum, cum lupa, quæ omnes naturæ leges publice perfregisset, conjugio sociari voluisse, aut ab ea jam sibi conjuncta tandem non abhoruisse. Si duo, quæ prætermissa fuere loca mihi referre licet, omnes opinor in eamdem concedeant sententiam; sed jure merito uterque luce indignus visus fuit. De cætero non pauca sunt in eo libro, quibus horum temporum Historia plurimum illustrari potest. Duo prefata loca ex Codice Ms. Vaticano descripsit clarissimus dominus Ludovicus de Mazaugues consiliarius regius in Parlamento Aquensi, mihiique communicavit.

7. *Justinus ante imperium Cæsar non fuit*. — A num. 12 ad 22. Justinus junior, filius Dulcissimi ex Vigilantia Justiniani sorore, die xiv Novembris a Joanne Exscholastico patriarcha coronatus, suscepit imperium. Baronius num. 44, scribit, Corippum Africanum grammaticum, qui Justini laudes cecinit, hunc Cæsarem jam antea dictum fuisse his versibus docere :

Te Dominum sacrae quis non predixerat aula,
Cum magis reges divina palata patris,
Par extans curis, solo diademate dispar,
Ordine pro rerum vocitatus cura palatii,

Dispositus jam Cæsar eras. Cum sceptra teneret
Fortis adiuc senior, regni tu summa regebas
Consilio moderata gravi. Nil ille peregit
Te sine.

Verum Corippus tantum indicat *Curopalatis* dignitatem utpote imperatoriae proximam, quam vivente Justiniano obtinebat *Justinus*, omen ei fuisse imperii; nec ullus unquam veterum *Justinum* arte imperium Cæsarem renuntiatum esse asseruit. Imo Corippus solemnes ritus inaugurationis ejus describit, et nonnisi exstante Justiniano illum imperatorem fuisse manifeste indicat, ut ostendunt ejus versus a Baronio recitati.

8. *Obitus Clotarii Francorum monarchæ*. — A num. 22 ad 23. *Clotarius* Francorum monarchæ vivis excessit anno quingentesimo sexagesimo primo, teste Mario Aventicensi in Chronico, qui anno post consulatum Basilii xx, Christi scilicet DLXI, ait : « Hoc anno Chlotacharius rex mortuus est ». Mario suffragantur Aimoinus lib. 2, cap. 37, qui tradit eum obiisse anno regni sui quinquagesimo, Gregorius lib. 4, cap. 21, et Fredegarius cap. 33, qui testantur, *Clotarium* vita functum quinquagesimo primo regni sui anno, quia scilicet Aimoinus annos regni Clotarii fere completos numerat; Gregorius vero et Fredegarius annos tantum Julianos, eosque utrinque incompletos; qui numerandi modus antiquis Scriptoribus familiaris. Quare non erat quod Hadrianus Valesius in Hist. Rer. Franeic. et Cointius, uterque ad annum DLXI contenderent, *Clotarium* annos tantum quinquaginta regnasse. Praeterquam quod illum quinquagesimum primum regni annum inchoasse, valde verosimile. Successerat enim *Clodoveo magno* patri die xxvii Novembris anni DLXI, ut nunc inter omnes convenire debet, annoque quingentesimo sexagesimo primo, die decima Novembris adhuc in vivis erat. *Guntramnus* quippe rex Clotarii filius anno quingentesimo octogesimo quinto, *quarto idus Novembres*, agebat annum regni sui vicesimum quartum, ut liquet ex secunda Synodo Matisconensi eo die habita. Quare *Clotarius* anno DLXI, die x Novembris adhuc supersles erat, et die xxvii ejusdem meusis, li regni suianum inchoare debebat. Henschenius in *Exegeside episcopatu Tungrensi et Traiectensi*, prefixatomo vii SS. meusis Maii, c. 10, autumat, duos Clotarii annos ultimos, vitio librariorum apud Gregorium conflatos in unum fuisse, et rationem temporis deducti exigere, et verba Gregorii hb. 4, cap. 21 monstrare : « Rex Clotarius, inquit, anno li regni sui limina B. Martini expetiit, etc. » Et postea : « Regressus quinquagesimo primo regni sui anno spiritum exhalavit » : ubi, inquit Henschenius, legendum esse quinquagesimo secundo, demonstratur ex eo quod Gregorius, qui nusquam eodem annos repetit, id multo minus fecisset in eodem capite. Verum vana hæc conjectura, cum Fredegarius in Epitome Gregorii cap. 55 scribat : « li regni sui anno vexatus a febre obiit » ; neque dubium est, quin id in Historia Gre-

gorii Fredegarius iegerit. Hic Henschenii error ex alio procedit, quod scilicet *Clodoveum Magnum* anno **vix** demortuum erediderit.

9. Mores Clotarii. — Quamvis autem annus emortalis Clodovei valide suo loco confirmatus non fuisset, ex anno emortalii *Clotarii* exira omnem controversiam poneretur: hunc enim an. **DLXI** ex hac vita migrasse certis argumentis infra constabit. Extat in Capitularibus regum Francorum a Baluzio editis *Constitutio Clotarii*, in qua multa pro commodis Ecclesiae statuta leguntur. Paulus ante obitum multa pie et religiose fecit: corpus sancti *Medardi Noviomensis* episcopi suis humeris tulit, et episcopos, primoresque regni, ut ipsi quoque suos subiecissent humeros, exemplo compulit, ac ut Basilica super tumulum ejus conderetur, *Sigeberto* filio mandavit. Virtutum tamen ejus splendorem obscuravit saevitia, nonnunquam cum aliena rapiendi cupiditate conjuncta. Eo regnante Francia plurimum dilata.

10. Divisio regni inter quatuor ejus filios. — *Clotario* superstites vixerunt quatuor filii, Charibertus, Guntramnus, sive Guntchramnus, Chilpericus, et Sigebertus, filiaque Chlodisinda Alboino Longobardorum regi nupta: « Sic inter se hi quatuor, id est, Charibertus, Guntchramnus, Chilpericus atque Sigibertus divisionem legitimam faciunt. Deditque sors Chariberto regnum Childeberti, sedemque habere Parisiis; Guntchramno vero regnum Chlodomeris ac tenere sedem Aurelianensem; Chilperico vero regnum Chlotacharii patris ejus, cathedralisque Suessionas habere; Sigiberto quoque regnum Theodorici, sedemque habere Rhemensem », inquit Turonensis lib. 4, cap. 22. *Charibertus* regnum adeptus, *Ultrogotham* Childeberti patrui reliquit, ejusque filias ab exilio revocavit, in quod a *Clotario* deportatae fuerant, ut probant versus Fortunati lib. 5, Carm. iii, ubi et *Charibertus* ob justitiam et peritiam latine lingue plurimum commendatur. *Charibertus* vivo patre *Iugobergam* uxorem duxit, ex qua filiam tantum suscepit, quem nupsit *Ethelberto* Cantiae regi, quam Gregorius Magnus *Aldibergam*, *Bertham* vero nominal Beda lib. 4, cap. 26. *Sigibertus* cum patri successit, uxorem nondum sibi sociarat. Initium sui regni tribus egregiis facinoribus plurimum illustravit. *Nicetum* enim episcopum Trevirensim revocavit ab exilio, Basilicam sancti *Medardi* Suessione a *Clotario* patre incloamat perficit, *Hunnos* in Franciam irrumptentes conseruo prelio profligavit. De bello Hunnico loquitur Turonensis lib. 4, cap. 23, de Basilica sancti *Medardi* Fortunatus lib. 2, Carm. xvii, et de reditu sancti Nicetii idem Turonensis de Vit. Patrum, cap. 47.

11. Pestis Galliam alio anno quam Italianam

afflxit. — A num. 25 ad 30. Baronius memorat hoc anno pestem, quae *Narsete* Italæ præfecturam gerente, ibidem grassata est. De ea loquuntur iam Paulus diaconus lib. 2 de Gest. Langobard, cap. 4, quam Gregorius Magnus lib. 4 Dialog. cap. 26, eaque narrata Paulus ait: « Inter hæc Justiniano principe e vita decedente, etc. » Italia itaque hoc circiter anno peste afflita. Verum ad eam perpetram Baronius refert quod Gregorius Turonensis lib. de Gloria Confess. cap. 79 scribit de Rhemensi populo ope sancti *Renigii* a peste liberato, quod idem Gregorius habet in lib. Vitæ S. *Nicetii* Trevirensis episcopi de civitate Trevirensi hujus sancti precibus a lue inguinaria defensa, et denique quod habet Gregorius lib. 4, cap. 5, et in Vita S. Galli Arvernensis episcopi, ubi, inquit, *S. Galli* intercedente oratione, Inem, quæ alias regiones consumebat, civitatem Arverniam non altigisse. Nam ubi Gregorius hæc de civitate Arvernensi prodidit, dicit sanctum *Gallum* post annos octo a seculo discessisse: quo pacto vixisset usque ad annum **DLXXIII**, quo Baronius num. 26 ejus obitum consignavit; quod tamen subsistere non posse, eo anno monstrabimus.

12. S. Columba ex Hibernia in Britanniam venit. — Ad num. 30 et seqq. Hoc anno sanetus *Columba* ex Hibernia patria sua cum duodecim commilitonibus et sociis in Britanniam descendit, Pictosque Septentrionales fidem docuit. Annum et rem gestam narrat Beda lib. 3, cap. 4: « Anno Incarnationis Dominicæ **DLV** (quo tempore gubernaculum Romani imperii post Justinianum Justinus minor accepit), venit de Hibernia presbyter et abbas habitu et vita monachi insignis nomine *Columba*, Britanniam », et cætera a Baronio recitata, qui tamen vulgares Codices Bede secutus eum semper *Columbanum* vocat. Columbi nomine in Martyrologio Romano appellatur; cum tamen Codices MSS. Bedae et auctores passim omnes Anglici eum *Columbam* vocent; quod nomen refinendum, ut distinguatur a sancto *Columbano*, qui etiam ex Hibernia in Britanniam, indeque in Galliam, et in Italiæ profectus est, de quo pluribus infra. Regnabat tunc apud Pictos Septentrionales *Bridius*, a quo *Columba* humaniter exceptus, ab eoque *Hyensem insulam* sibi suisque sedem accepit, ut habeat ibidem Beda, et lib. 5, cap. 4. Porro insula *Hy*, vel *Hu*, hodie *Jona* appellatur. Mabillonius sœculo primo Benedictino publicavit Vitam sancti Columbae abbatis *Hyensis* in Anglia, auctore Cummeneo Albo, qui ante Adamannum Scotum librum de Virtutibus sancti Columbae scripsit. In ea min. 4 dicuntur, *Columbam cum duodecim commilitonibus discipulis ad Britannium transnavigasse* (1).

13. Novum ritum Paschatis celebrandi inducit.

(1) S. *Columba* Vitam quam Mabillonius edidit, longe aliam esse ab ea, quam Cummeneus Albus litteris consignavit, perspicue demonstrant Bollandistæ, id probantes, primo, quod scriptum illud male consuetum sit ex duplice Vita ejusdem sancti a diversis auctoribus scripta; bis enim obitus viri sancti descriptus ibidem legitur. Secundo vero, quod Adamannus fragmentum Vitæ scriptæ a Cummeneo laudet, quod frustra in scripto illo Mabilloni queras. Vide Acta SS. ad diem IX Junii pag. 184.

— Columba « reliquit successores magna continencia, ac divino amore, regularique institutione insignes : in tempore quidem summae festivitatis dubios circulos sequentes, ntpote quibus longe ultra orbem positis, nemo Synodalia Paschalis observantiae decreta porrexerat », inquit Beda lib. 4, cap. 4. Britannia per quinque secula in *tempore summae festivitatis* a Romanae Ecclesie more non discreparat, sed Columba et successores ejus dubios secuti circulos a recepto Britannorum more recessere. Non desunt tamen, qui existiment, non *Columba*, sed ejus successoribus errorem istum adscribendum esse ; quod Beda hac in re dubius, inquit, videatur. Verum is clarius loqui non posuit, quam cum lib. 3, cap. 4 scripsit : « Permansit hujusmodi observantia Paschalis apud eos tempore non paucis, hoc est, usque ad annum Dominicæ Incarnationis septingentesimum decimum sextum, per annos CL, ideoque ab hoc anno, quo *Columbam* in Britanniam adventasse asserit, usque ad annum CCXVI. Præterea in Pharensi Synodo anno DLXIV super hac controversia coacta *Colmanus* Lindisfarnensis episcopus asseruit, Columbam hunc morem induxisse, cui sanctus *Wilfridus* hac in re assensus est, sicuti et rex *Oswius*, ut videre est apud Bedam lib. 3, cap. 5. Toleravit novum illum ritum Ecclesia, quandiu errore aut Ecclesiasticarum rerum inscitia commissus est ; sed cum errori accessit pertinacia, et ubi Scotti moniti a majoribus cervicem obstinarunt, tunc ea pertinaciam magis quam ritum est persecuta. Sed de ritu illo pluribus infra. Ibi etiam Beda refert, *Columbam* demortuum « post annos circiter triginta et duos, ex quo ipse Britanniam prædicaturus adiit ».

14. *Vixit usque ad annum DCCXIX.* — Sed exactius annos ejus numeravit Cummeneus ; etenim num. 16 ait, eum *annos ter denos completos* in Bri-

tannia vixisse, et in fine trigesimi a Deo petuisse, ut cum ipso esset ; sed eum, multis Ecclesiis exortibus, quatuor adhuc annis superstitem fuisse, quibus transactis, *quodam die mense Maio* fratribus suis dixit : « In Paschali solemnitate nuper Aprili peracta mense, desiderio desideravi ad Christum emigrare : sed ne vobis latitiae festivitas in tristitiam verteretur, diem obitus paulo diutius protelare malui ». Subdit Cummeneus, « transactis paucis diebus virum sanctum, die sabbati, ministro suo Diormetio clam vocato dixisse : Vere est mihi hodierna dies sabbatum, quia vitæ ultima mihi est, in qua post laborum meorum molestias sabbatizo, et hac sequenti Dominica nocte patrum viam gradiar ». Quare cum *Columba* hoc anno in Britanniam adventarat, ibi annos XXXIV vixerit, annoque, quo Pascha mense Aprili celebratum, ad superos abierit, mors ejus contigit anno quingentesimo nonagesimo nono, quo Pascha in diem xix mensis Aprilis incidit. Dies emortualis ejus incomptus ; non dubium tamen, quin die aliqua Dominicæ niensis Maii aut Junii animam Deo reddiderit. Mabillonius in Notis ad Vitam hujus sancti arbitratu est, cum feria secunda, die nona Junii, quo in Martyrologiis colitur, mortuum esse anno DCCVIII, quo anno dies Dominicæ in Junii diem octavum incidebat. Verum præterquam quod sancti aliis saepius diebus quam quibus mortui sunt, Martyrologiis inscribuntur, ipse *Columba* apud Cummeneum prædixit se moriturum nocte Dominicæ sabbatum insecente, additique Cummeneus, *media nocte, pulsante campana*, Columbam ad Ecclesiam festinum perrexisse, et spiritum exhalasse. Denique anno DCCVIII Pascha mense Martio habitum est.

15. *Legatio Avarum.* — Legatio Avarum ad Justinum imp. de qua anno sequenti agitur.

Errat etiam Pagius hic adventum S. Columbae in Britanniam anno DLXV illigans. Eo enim venit anno secundo post bellum Culebertini, ut ait Adamannus in ejus Vita. Accidit autem proclum illud A. DLXI, ut Bollandistæ ad Acta S. Patritii probant. Anno igitur DLXII venit, et quidem, ut non vane conjectant Bollandistæ, occasione cujusdam Synodi in Hiseltor ut ex Adamanno colligimus, celebrata. Est autem locus iste idem facile qui noue Garsalle in Lagenia. De hac Synodo nihil prater hoc scimus, nimirum pro quibusdam venialibus etiam excusabilibus causis non recte virum sanctum excommunicasse, ac deinde absolvisse, quod tradit Adamannus lib. 3, cap. 1, in num. 83.

Ita vero adventu viri sancti in suis sedibus collocato, patet illum obnusse anno DCCVII, cum ex eodem Adamanno annis XXXIV, *insulanus miles* (id est, insula Ileensis in Oescitania non iochus) egerit. Porro anno DCCVII, Pascha in Aprili incidit, et Junii dies nona, quam emortualem viro S. fusse docet Beda lib. 3, cap. 4, noctem habebat præcedentem ioter sabbatum et Dominicam medianam, ut merito vir sanctus ita socios suos alloqui apud Adamannum potuerit. « Vere nibi sabbatum est haec hodierna, quia hujus vitæ laboriosæ ultima est, et hac sequenti media Dominicæ nocte patrum gradiar viam ». MANST.

JOANNIS ANNUS 7. — CHRISTI 566.

1. *Justinus consulatum suscipit et instaurat.* — Qui sequitur annus Redemptoris quingentesimus sexagesimus sextus, idem Justinus imp. primus numeratur, inchoatus tamen ab anno superiori mense Novembri, Indictionis decimae quartae : quo idem imp. consul creari voluit. Intermissus diu a consulatu Basili ejusmodi magistratus populum nonnihil moestum reddiderat; exhilaratus vero est, cum Justinus restituendum consulatum fore promisit: nam haec Corippus¹ ex Justini persona :

Non solum optati jubeo spectacula Circi;
Præmia sed populi et maxima dona parabo :
Dabo pœbes opibus, nomenque negatam
Consulibus consul post tempora cuncta novabo,
Gaudeat ut totus Justini nomen mundus.
Dona kalendarum properant vicina mearum ;
Vos vestris adstare locis, properate, parate,
Promissaq[ue] aie nostras s[ic] erate curutes.
Expavit gaudens inopino nomine vulgus
Consulis auditu : uetus frigor, ique tumultus
Per latos ingens, hennit undique murmur,
Iugemuantque cavos dulci modulamine plausus.

2. Advenientibus igilur ipsis kalend. Januariis consulatum iniens imp. donativum more majorum dedit, templumque petit Deo acturus gratias more Christiano, non Gentili, quo Romani olim consueverunt ascendere Capitolium. Sed audi ipsum Corippum :

Hunc, Christum scilicet, mente fidei
Regnator Justinus amans, trabeatus ab aula
Egressiens templum primus sublīme petivit;
Alque Deo grates solita pietate peregit.
Plorima votorum sacravit dona suorum,
Innuensque pium datavit nomine templum.
Obtuhi et ceras, sed minus voce petivit,
Corde humili, dextroque Dei benedictus abivit.
Plus exaltatus, plus justificatus in ipsum,
Quod se humilem stans ante Deum, veramque fatetur
Quam refuet pietate fidem.

Alludit haec dicens auctor ad fidei professionem, quam novus creatus imperator ipso sui imperii initio publice exhibere solebat.

¹ Corp. in laud. Justin. l. II.

3. *Fidei Catholicæ per Decretum Justinus consulit.* — Quod vero periclitantem nactus esset statum imperii ob fidem Catholicam a predecessorē magnopere (ut dictum est) perturbatum, edictum etiam de fide conscripsit, quo consultum voluit fidei Orthodoxie. Recitat illud ab Evagrio istis verbis² :

« In nomine Domini Iesu Christi Dei nostri, imperat. Cesar Fl. Justinus, fidelis in Christo, Mansuetus, Max. Beneficius, Alemannicus, Gothicus, Germanicus, Atticus, Francicus, Herulicus, Gipedius, pius, fortunatus, glorirosus, victor, triumphator, semper Augustus.

« Pacem meam do vobis, inquit² Christus Dominus verus Deus noster; pacem meam relinquo vobis, idem Dominus omnibus prædicat. Atque istud aliud nihil est quam ut credentes in eum, ad unam eamdemque Ecclesiam se conferant, et in recta Christianorum fide ipsi inter se consentiant; eosque qui ei contradicunt, opinionemve adversariam consecrantur penitus detestentur. Est enim prima omnibus hominibus salus ingenua veræ fidei confessio. Quocirca nos tum præceptis Evangelicis, tum sancto Symbolo, id est, doctrinae sanctorum Patrum obsequentes, hortamur omnes, ut ad unam eamdemque Ecclesiam et disciplinam se recipient, credentes in Patrem et Filium et Spiritum sanctum, Trinitatem consubstantialem, Unam Deitatem, id est, naturam et substantiam ratione et reipsa unam, vim, potentiam et facultatem unam in tribus personis glorificantes, in quibus baptizati sumus, in quas credimus, quibus in unum conjungimur. Unitatem in Trinitate, et Trinitatem in unitate adoramus; tum divisionem habentem, tum conjunctionem plane admirabilem : unitatem secundum substantiam, id est Divinitatem; Trinitatem secundum proprietates, id est, personas (dividitur enim ratione, ut ita dicam, individua, conjungitur autem dividua; siquidem Divinitas unum est in tribus, et tres unum, in quibus est Divinitas, vel, ut accuratius dicam, quæ sunt ipsa Divinitas) Deum Pa-

² Evagr. l. V. c. 4. — ² Joan. XIV.

Irem, Deum Filium, Deum Spiritum sanctum : quandoquidem singulae personae per se considerantur, mente ea quae sejungi non possunt sejungentes : Deum nimirum Ires esse personas, que in unum innotus et nature (ut ita dicam) identitate conjuncte intelliguntur. Nam oportet et unum confiteri Deum, et tres personas sive proprietates praedicare.

4. « Confitemur etiam ipsum unigenitum Filium Dei, Deum Verbum ante saecula et ab aeternitate a Patre genitum, non factum, et in novissimis diebus propter nostram salutem descendisse de celis, et incarnatum ex Spiritu sancto, et ex domina nostra sancta et gloria Deipara semperque Virgine Maria, et natum ex ea : qui est aequalis Patri et Spiritui sancto. Nam quartae personae accessionem, id est, Dei Verbi incarnati, qui est una persona Trinitatis, sancta Trinitas non admittit : sed est unus et idem Dominus noster Jesus Christus, qui est consubstantialis Patri secundum Divinitatem, nobis autem consubstantialis secundum humanitatem, patibilis quidem carne, Divinitate autem impatibilis. Non enim alium Deum Verbum qui miracula edidit, et alium qui passus est agnoscimus, sed unum eundemque confitemur Dominum nostrum Jesum Christum Dei Verbum incarnatum, et vere hominem factum : et tum miracula quae edidit, tum afflictiones quas sua sponte pro nostra salute carne sustinuit, unitus et eisdem fuisse. Nam non homo aliquis scipsum pro nobis tradidit, sed ipse Deus Verbum, qui sine Divinitatis mutatione factus est homo, et sua sponte passionem et mortem pro nobis subiit. Quapropter dum Deum illum confitemur, non inficiamur hominem esse; et dum illum confitemur hominem, Deum esse non negamus. Unde dum unum Dominum nostrum Jesum Christum ex utraque natura Divinitate et humanitate constare asserimus, non confusionem in unitate introducimus. Etenim quod secundum nostram naturam factus sit homo, non desinet esse Deus ; neque quod Deus sit secundum suam naturam, similitudinemque habeat nostrae similitudinis haud capacem, homo esse detrectabit : sed manet sicut Deus in humanitate, sic non minus in Divinitatis praestantia homo.

5. « Ambo igitur in eodem, et unus Deus pariter et homo, qui est Emmanuel. Ennidem porro dum perfectum in Divinitate, perfectum quoque in humanitate, ex quibus duabus rebus constat, concedimus ; uni ejus composite personae divisionem, sectionemque particularem non inferimus, sed naturarum significamus differentiam, quae propter copulationem minime tollitur. Siquidem neque divina natura mutata est in humanam, neque humana natura in divinam conversa : sed quia utraque in propria naturae finitione rationeque melius intelligatur, existatque, idcirco copulationem factam in persona dicimus. Copulatio autem quae est in persona, ostendit Deum Verbum, hoc est, unam ex tribus personis in Divinitate, non homini qui ante extitit, conjunculum fuisse, sed in utero Dominae

nostrae sanctae et gloriae Deiparae et semper Virginis Marie sibi ex ea in propria persona carnem nobis consubstantialem, et iisdem nobiscum affectionibus, peccato excepto, obnoxiam, eamque anima rationis et intelligentiae participe imbutam fabricasse. In se namque propriam habuit personam, et factus est homo, et est unus et idem Dominus noster Jesus Christus ejusdem cum Patre et Spiritu sancto particeps gloriae.

6. « Ac dum mente complectimur inexplicabilem ejus copulationem ; confitemur vere unam naturam Dei Verbi incarnatam carne anima rationali et mentis participe imbuta. Rursus autem cum cogitatione comprehendimus naturarum differentiam ; duas naturas, nulla tamen inducta earum direptione, asserimus. Nam in eo utraque inest natura : et propterea unum et eundem confitemur Christum, unum Filium, unam personam sive unam proprietatem essentiae divinae, Deum pariter et hominem. Quocirea omnibus qui istis contraria vel senserunt vel sentiunt, denuntiamus anathema, alienosque a sancta Catholica et Apostolica Dei Ecclesia judicamus. Et cum recta veraque dogmata, quae sancti Patres nobis tradiderunt, nobis praedicata sint ; hortamur vos omnes, imo vero etiam obsecramus, ut in unam eandemque Catholicam et Apostolicam Ecclesiam coalescatis. Nam non gravamus, licet simus in hoc eximio imperii gradu locati, ejusmodi verbis pro omnium Christianorum concordia et conjunctione uti, eo quidem consilio, uti omnes uno ore laudem et gloriam Dei optimi maximi et Salvatoris nostri Iesu Christi celebrent ; et nemo de reliquo ulla de causa vel de personis Trinitatis, vel de ulla syllaba in ea comprehensa digladietur : quandoquidem ipsae syllabae nos ad unam et sinceram fidem sententiamque ferant, et eadem consuetudo et modus in sancta Catholica et Apostolica Dei Ecclesia hactenus omnino firmus et minime novatus manserit, et in universum posterum tempus mansurus sit ». Hucusque Justini imper. edictum. Pergit vero Evagrius.

7. « Huic edicto quanquam consensere omnes, illudque sicut vera tides poscit, editum dixere ; membra tamen Ecclesiæ, que opinionum varietate distracta erant, minime fuerunt ad concordiam reducta : propterea quod edictum plane et apertis verbis significarit, unam consuetudinem in Ecclesiæ firmam et minime novatam hactenus mansisse, et in posterum tempus mansuram ». Haec Evagrius. Jecit stabiliendo imperio haec fundamenta Justinus, ex quibus magna est ei pars fiducia, ut ingruentes Barbaros non timeret : tantumque abfuit ut eisdem dona mitteret, ut et pactum a Justiniano tributum, quo redemerat cladem imperii, eisdem persolvere denegarit, imo minas addiderit : ut secundum illud Proverbiorum⁴ : « Iustus quasi leo contendens absque terrore erit » : Justinus fide munilis summam induerat animi fortitudinem.

⁴ Prov. xxviii.

8. Barbaros minantes contemnit Justinus. — Illo namque anno cum auspicatus est consulatum, idem Justinus imperat, audiuit legatos Gagani regis Avarum, qui missi erant ad exigendam a Justino annuam pecuniam quam Justinianus imper. illi solvere consueverat, ne lacesseret, incursionemque faceret in Romani imperii ditionem: sed renuit id præstare Justinus, cosdemque imanes ac vacuos redire jussit, bellum eisdem comminatus, si quid contra imperium moliri tentarent. Prosequitur ista describere Corippus, qui inter alia, hæc Justinum ad legatos constanti animo esse locutum tradit:

Res Romana Dei est: terreuis non eget armis:
Jure pio vivit: bellum non ingerit ultra;
Suscepit illatum.

Et inferius:

Quod superest, unumque meum speciale levamen,
Imperi Dens est virtus et gloria nostri,
A quo certa salus, sceptrum datur atque potestas:
Qui populos clemens super omnia regna Latinos
Constituit, pacemque suam commendat amari:
Cujus spe fruimur, cuius virtute superbos
Dejicimus: cuius populos (populum) pietate timemus:
Qui nostros auget mira virtute triumphos:
Ipsius laudamus opus, solumque timemus:
Hunc unum colimus regem (rerum) Dominumque fatemur,
Cognoscant Avares, quoniam Deus omnium (omnibus) hic est.

Ita plane Justinus secundum illud Davidicum¹: « In Deo faciemus virtutem et ipse ad nihilum deducet inimicos nostros »: contemnit formidabiles omnibus gentibus Barbaros, qui (ut dictum est) et suum prædecessorem Justinianum, qui Wandalos ac Gothos debellavit, jam sub tributo redegerant.

9. Quod insuper ad eosdem Barbaros a Justino repulso spectat, non prætermittendum putamus, Photium in sua Bibliotheca, dum agit de Theophanis Byzantii historia cœpta (ut ait) a bello Persico, quod actum est post foederis solutionem anno secundo Justini junioris successoris Justiniani imperatoris et producta usque ad annum decimum ejusdem belli, inter alia mentionem habere de legatione Turcarum missa una cum donis ad Justinum ipsum, qua peterent ne susciperet Avares Barbaros ipsis infestissimos: aitque de Turcis, fuisse populum habitantem apud Tanaim versus Euri venti partem, eosdemque antiquitus appellatos esse Massagetas, a Persis vero ipsorum lingua Chermichiconas nominatos. Hæc de his ex Theophane Byzantio Photius.

40. *Justinus, licet de Catholica fide studiosus, moribus tamen corruptus, decernit eidem adversa, maxime de divortio.* — Sic igitur Justinus in Deum sperans² non est fraudatus a desiderio suo: sed eosdem truculentos hostes hactenus semper et ubique victores summa gloria superavit per Tiberium ducento anno quarto sui imperii, ut suo loco dicemus.

Ad hæc idem imper. maxime pius hoc itidem anno (ut Miscellæ auctor habet) ad sedando obortos Alexandriæ tumultus occasione diversarum sectarum inter se altercantium, Photinum Belisarii privignum illuc misit, simulque munera Ecclesiis offerenda dedit et quidem sumptuosa. Sunt hæc sane magna laude digna, si in reliquis idem imperialor optimi principis numeros omnes simul explesset, et non potius turpi vita fedasset quæ ipso sui imperii exordio laudabiliter (ut Christianissimum decet principem) peregisset. Hæc autem ut cognosecas, accipe quæ de ipso scripta sunt ab Evagrio istis verbis¹:

11. « Verum quod ad vitæ ejus rationem attinet, deliciis revera defluxit et mollitie in voluptatibus obscenis volutatus, alienæ pecuniae adeo ardenter appetens, uti omnia iniqui quæstus gratia divenderet; imo vero etiam ipsa sacerdolia, divinum numen minime reverens, plebeis hominibus venalia palam exponeret ». Hæc Evagrius. Porro incontinentis animi primum illud publica lege² sanctita hoc anno kal. Jan. dedit indicium, dum penas Justiniani legibus adversus illicita conjugia contrahentes sanctitas silere voluit, atque ita conjuctos ab invicem minime separavit: sed his etiam deferior constitutio illa hoc eodem anno Septembri mense lata, qua communii conjugum consensu dissolvi matrimonium posse sauvit. Exlat ipsa Constitutio, sed male inter Justiniani imperatoris novellas³ adnumerata; cum ipse Justinus in ea festetur expresse, diversam Justiniani de ea re fuisse sententiam. Habet editionem Juliani antecessoris, in qua cum ejusmodi Constitutio recitetur, Justino, non autem Justiniano tribuitur: ut de his nihil sit quod dubitare quis possit. Hæc oportuit admonisse, ut Justinianus ab illata a nonnullis calumnia vindicetur. Porro ad testandam ac detestandam Justini temeritatem istiusmodi inter Christianos contrariam sacro Evangelio legem善良is, hic ipsam describendam putavimus. Sic enim se habet:

12. « Imp. Cæs. Flavius Justinus Alemannicus, Gothicus, Francicus, Alanicus, Wandalicus, Africanus, pius, felix, gloriosus, viator, ac triumphator semper colendus Aug. Juliano præf. Urbis eos.

« Nuptiis decentius nihil est hominibus, ex quibus filii, ceteraque nationum successiones fundorum quoque et civitatum habitacula, et Reipublicæ eximius status. Propter quod nuptias felices esse eis qui eas ineunt, sic optamus, ita ut nunquam eas sinistri omnis opus fieri, neque nuptiis copulatos ab invicem separari, justam non habentes absolutionis nuptiarum occasionem. Sed quoniam difficile est in omnibus hominibus hoc servari (in multitudine enim tanta non aliquas incidere irrationabiles simultates, unum de impossibilibus existit) oportere pulavimus his reperire quamdam medelam; magis vero illic, ubi pusillanimitas in

¹ Psal. LIX. — ² Psal. LXXVII.

¹ Evagr. I. v. c. I. — ² Justin. Nov. const. III. apud Julian. — ³ Apud Novel. Justinian. cXL.

tantum erigitur, ita ut implacabilis horror fiat conjugibus una manentibus. Antiquitus quidem licet sine periculo tales ab invicem separari secundum communem voluntatem et consensum hoc agentes, sicut plurimae tunc leges extarent hoc dicentes : **ET BONA GRATIA,** sic procedentem solutionem nuptiarum patria vocantes voce. Postea vero divae memoriae nostro patri pietate et temperantia omnes nbi cumque aliquando imperantes excedenti visum est, qui ad suam utillem et firmam respiciens voluntatem, non autem miserias pusillanimatis conjiciens, legem sancire, qua prohibuit consensu conjugia solvi : quod nos quoque volebanus nimis obtinere in hoc ipso.

13. « Plurimi autem nos adierunt inter se conjugium horrentes, et abominantes, et prælia discordiasque propter hoc domi contingere accusantes (hoc quod valde doloriferum et triste consistit) dissolvere propter hoc precantes connubia ; etsi occasiones non habuerunt dicere, per quas sine timore lex hoc dabant (debeat) facere ipsis. Desiderium vero et studium eorum pro hac re in aliquanto distulimus tempore, aliquando quidem momentes, aliquando vero minantes quiescere eos ab irrationabili circa invicem horrore, et ad unanimitatem prope rare, et melioris fieri voluntatis : agebamus vero plus nihil. Quoniam vero difficile est immutare semel detenlos irrationabili passione et horrore : forsitan enim contigit istis et insidias aggredi ad invicem, et venenis aliisque ad mortem agentibus uti ; ita ut nec filios eis factos valere ad unam similemque tales voluntatem imminiscere. Haec igitur aliena nostris judicantes temporibus, in praesenti sacram constituimus legem, per quam sancimus licere (ut antiquitus) consensu conjugium solutiones nuptiarum fieri ; non ultra vero obtinere constitutas penas Constitutione nostri patris adversus eos qui cum consensu conjugii faciunt solutionem. Si enim alterutrorum affectus nuptias solidat, merito contraria voluntas istas cum consensu dissolvit, adsignificantibus rebus que nuptias solvunt.

14. « Certum autem sit, omnia alia quantumcumque legibus ac potissimum sacris Constitutionibus nostri patris dicta sunt de nuptiis, et tiliis, occasionibusque ex quibus præcipitur dissolvi nuptias (si et sine ratione non et cum communi consensu, secundum quod et præsens nostra constituit divinitas, hoc agentibus et disponentibus ponis interpositis) obtinere, et ex præsentem nostra lege per omnia habere virtutem propriam. Quæ ergo nobis visa sunt, et per præsentem manifestata legem, tua gloria per consuetum sibi modum omnibus fieri manifesta præcipiat in haec urbe regia. Data decimo octavo kal. Octob. Chaledone, imp. D. N. Justino PP. Aug. anno primo, Indictione quinta decima ». Hactenus Justini sanctio, qua bene instituta primordia sui turpiter fœdavit imperii.

15. Porro horrenda hæc debuere per episcopos prohiberi ne fierent, et jam facta rescindi, et ab Ecclesia penitus propulsari : sed cuius id erat mu-

neris Joannes Constantinopolitanus episcopus, quod precario eam sedem quodammodo possideret intrusus antistes, minime restitisse reperitur. De Joanne autem Romano Pontifice, cum omnia ferme ejus rerum gestarum monumenta perierint, nihil est quod dicere valeamus : quem lamen a prædecessoribus minime existimamus fuisse degenerem, quorum saepe sacerdotalis vigor enituit in confinendis Orientalibus imperatoribus in fide Catholica et Ecclesiastica disciplina, in coercendisque illis cum ab ea vel leviter declinarent, prout res geste ipsorum superioris recensite declarant.

16. *Leontius Burdigalensis episcopus jure deponit Emerium Santonensem episcopum, relunctante rege Chariberto; ubi de ceteris ejus laudibus usque ad obitum.* — Sed jam de statu Ecclesiæ Gallicanæ, qualis fuerit, postquam quatuor reges Francorum post obitum Clotarii anno superiori inter se regnum partiti sunt, videamus. Cum autem (ut superioris suo loco vidimus) in Concilio Parisiensi episcopi statuissent, neminem admittendum ad episcopatum, quem regis auctoritas absque canonica electione intruderet; sed quem clerus eligeret, et episcopi provinciales una cum metropolitano probarent : Leontius Burdigalensis episcopus, collecto collegarum Concilio Santonis, inter alia Decreta Emerium episcopum Santonensem a Clotario rege eo modo in episcopatum regia auctoritate intrusum, sede privavit ; qui tamen a rege Chariberto vi rursum intruditur. Haec autem emet quomodo se habuerint, aecipe a Gregorio res sui temporis scriptis tradente his verbis¹ :

17. « Apud urbem Santonicam Leontius, congregatis provinciae sue episcopis, Emerium ab episcopatu depulit, asserens non canonice fuisse hoc honore donatum. Decretum enim regis Clotarii habuerat, ut absque metropolitani consilio benediceretur, qui non erat præsens. Quo ejecto, consilium fecere in Heraclium tunc Burdigalensis Ecclesiæ presbyterum : quod regi Charipero (Chereberto) subscriptum propriis manibus per nuncupatum presbyterum transmiserunt. Qui veniens Turonus, rem gestam beato Euphronio pandit, deprecans hoc, ut consensum, decretum videlicet, subscribere dignaretur. Quod vir Dei manifeste respuit. Igitur postquam presbyter Parisiacæ urbis portas ingressus regis præsentiam adiit, haec effatus est : Salve, rex gloriose : Sedes enim Apostolica eminentie tue salutem mittit uberrimam. Cui ille : Numquid, ait, Turonicam adiisti urbem, ut papæ illius nobis salutem deferas ? » Hic acceperit, sic dicit a Gregorio Ecclesiam Turonensem Sедem Apostolicam, atque Burdigensem ; non quod ab Apostolis fuerint institutæ, cum longe post Apostolorum tempora (ut ipsem tradit) cœperint habere episcopum ; sed quod eisdem ab Apostolica Sede Petri concessa per pallium Apostolica inesset auctoritas. Sed pergit :

¹ Greg. Turon. l. iv. c. 26.

18. « Pater (inquit presbyter) Leontius tuus cum comprovincialibus episcopis salutem tibi mittit, indicans annulum (sic enim vocitare consuevit Emerium ab infantia sua) ejectum ab episcopatu, pro eo quod prætermissa canonum sanctione, urbis Santonice episcopatum ambivit. Ideoque consensum ad te direxerunt, ut alius in locum ejus substituatur: quo fiat, ut dum transgressores canonum regulariter arguuntur, regni vestri potentia ævis prolixioribus propagetur. Hoc eo dicente, tremens (frendens) rex, eum a suis conspectibus extrahi jussit, et plaustro spinis suppleto imponi desuper, et in exilium protrudi precepit, dicens : Putasne, quod non est desuper quisquam de filiis Clotarii regis, qui patris facta custodiat, quod hi episcopum quem voluntas regis elegit, absque nostro judicio projecterunt ? Et statim electis viris religiosis, episcopum loco restituit, dirigens etiam quosdam de camerariis suis, qui exactis a Leonlio mille aureis, reliquos juxta possibilitatem dannarent episcopos : et sic patris est ultus injuriam ». Haec quidem tyranice rex. Quomodo autem idem rex impie agens, invadens res Ecclesiarum, divina ultiione percutius interiit, suo loco dicenius. Permansisse quidem Emerium in Santonensi episcopatu, eundemque reconciliatum fuisse Leontio, ex his quæ scribit Venantius Fortunatus¹ in carmine de Basilica S. Bibiani intelligi potest : nam ejus precibus idem Leontius Basilicam S. Bibiani Santonensis cœptam ab Eusebio perfecit, ut ipse Fortunatus docet his versibus :

Digna sacerdotis Bibiani templa coruscant,
Quo, si justa petis, dat pia vota tides.
Quæ præsul fundavit ovans Eusebius olam ;
Ne tamen exploraret, raptus ab orbe fuit.
Cui mox Emerius successit in arce sacerdos,
Sed cœptum ut strueret, ferre recusat onus.
Quod precibus communist opus tibi, papa Leonti,
Cujus ad hoc volum jugiter instat amor, etc.

At non S. Bibiani tantum inchoatam Leontius perfecit Ecclesiam, sed etiam collapsam restituit S. Eutropii primi ejus sedis episcopi, ut aliud ejusdem Fortunati subsequens indicat Epigramma : quibus declaratur erga Santonenses fuisse Leontium propensiorem. Sed accidit (iisdem puto temporibus, cum regis violentia oppimeretur) ut falso allato nuntio ipsum jam esse defunctum, non defuerit qui in Burdegalensi Ecclesia creari conaretur episcopus; cum ex improviso ipse adveniens, summo civium exceptus est gaudio : quando et ejusdem Leontii studiosissimus Venantius Fortunatus jucundissimum illum eccepsit hymnum, cuius haec sunt exordia :

Agnoscet omne sæculum
Pontifice Leontium,
Burdegalense præmium,
Dono superuo redditum.
Bilinguis ore calido

Crimen sovebat invidum,
Ferens acerbum nuntium
Hunc jam sepulcro conditum.

Et post multa :

Non longiore tempore
Versantur in hoc murmure :
Dum cogitant succedere,
redit sacerdos qui fuit. etc.

19. Quod igitur ad Leontium spectat, decimus tertius hic Burdegalensis Ecclesiae episcopus numeratur ab eodem Fortunato his versibus¹ :

Teritus a decimo huic urbi autistes haberis,
Sed primus meritus enumerandus eris.

Qui nobilissimo ortus genere, divitiisque pollens,
et egregiis animi virtutibus exornatus, conjugatus
licet, invitus ad ejus Ecclesiae episcopatum assumptus est. Fuit nomen conjugis Placidina ex imperatore stemmate procreata; de qua idem auctor :

Cogor amore etiam Placidine paucâ referre,
Quæ tibi tunc conjux, est modo chara soror.
Lumen ab Arcadio veniens genitore resulget,
Quo manet angustum germeu, Avite, tuum :
Imperii factus (fasces) toto qui rexit in orbe,
Cujus adhuc potiens jura senatus habet.
Humani generis si culmina prima requiras,
Semine Casareo nil superesse potest.
Sed genus ipsa suu sensu et moderamine vicit,
Cujus ab eloquio dulcia mella fluant.
Chara, serena, decens, solets, pia, mitis, opima,
Quæ bona cuncta gerit, quicquid honore placet :
Moribus, ingenio, meritorum luce coruscans
Ornavit sexum mens pretiosa suum.

Ita quidem optimis composita moribus, etsi divisa corpore a sancto viro, iuhæsit tamen ipsi in bonis operibus comes individua, ut inter alia illis quoque docet versibus Fortunatus, ubi agit de Ecclesia S. Bibiani :

Sacra sepulera tegunt Bibiani argentea tecta,
Unanimis tecum que Placidina dedit.

Et cum idem agit de Basilica S. Martini ab eodem Leontio erecta, ab ipsa vero Placidina ornata, hos in fine habet versus :

Quæ Placidina sacris ornavit culmina velis :
Atque siuul certant : hic facit, illa colit.

Sed et de aliis Deo donis ab ipsis oblatis ejusmodi extat ejusdem auctoris Epigramma :

Summus in arce Dei pia dona Leontius offert,
Votis juneta sacris et Placidina simul.
Felices quorum labor est altaris aptus,
Tempore qui parvo non peritura ferunt.

¹ Fortun. carm. l. 1.

¹ Fortun. in laud. Leontii car. l. 1.

Exstitit vero et Placidinæ virtutis æmula soror ipsius nomine Alchima: quæ et ipsa juncta conjugio, Apollinari viro suo, ut episcopus crearetur, indulxit, pariterque ad construenda sanctis martyribus tempta se contulit, ut ex Gregorio¹ habes, ubi agit de martyre Antoliano. Tanta hæc antiquæ Gallicanæ nobilitatis germina haud fuerunt prætereunda silentio, quæ egregiarum additamento virtutum reddita sunt contemptu sœculiclariora. Sed ut ad Leontium redeamus, cuius præclaras res gestas nonnisi per fragmenta scriptorum colligere licuisse dolemus, sive eas a Gregorio, sive a Fortunato relatas: seias et in Actis² quoque S. Maclovii episcopi in Britannia de hoc eodem Leontio mentionem esse frequenter: ex quo etiam tempus, quo idem Maclovius vixit; poteris facile intelligere; qui fuit vir sane a Deo plurimis magnisque miraculis illustratus.

20. Demum vero ut eidem nostro Leontio persolvamus extrema, quod ejus sepulcro Epitaphium affixit idem qui supra Venantius Fortunatus³, hic describamus: sic enim se habet:

Omne bonum velox, fugitivaque gaudia mundi,
Prosperitas hominum quam cito rapta volat:
Mallem cui potius nunc carmina ferre salutis,
Perverso voto flere sepulcra vocor.
Hoc recubant tumulo veneraudi membra Leontii,
Quem sua pontificem fama sub astra levat,
Nobilitas altum ducens ab origine nomen,
Quale gemmæ Rome forte senatus habet.
Et quamvis celso fluoret de sanguine patrum,
Hic propriis meritis crescere fecit avos.
Regum summus amor, patriæ caput, arma parentum,
Tutor amicorum, plebis, et urbis honor,
Templorum cultor, tacitus largitor egentum,
Susceptor peregrini, distribuendo cibum.
Longius extremo si quis properasset ab orbe
Advena mox vidit hunc, at esse patrem.
Ingenio vivax, animo probus, ore serenus:
Et mihi qualis erat, pectore flente loquor.
Hoc habuit clarum, quem modo Gallia nullum:
Nunc bumili tumulo calmina celsa jacent.
Placabat reges, recreans moderamine cives.
Gaudia tot populis, heu! tibi una dies.
Lustra decem felix et quatuor insuper annos
Vixit et a nostro lumine raptus obit (abit):
Funeris officium magni solamen amoris
Dulcis adhuc cineri dat Placidina tibi.

Hucusque Epitaphium Leontii, qui junior Leontius dicendus est respectu senioris itidem Burdegalensis episcopi, cuius Epitaphium apud eumdem Fortunatum extat⁴ a Theodosio scriptum, de quo puto mentionem haberet apud Sidonium⁵ Apollinarem: neque enim atrum illum existimo a Leontio seniore Burdegalensi episcopo, æque nobilitate et vite sanctitate conspicuo. At de his haec tenus.

21. *Hiberni episcopi in schismate permanent, dum Gallia miraculis illustratur ex cineribus S. Martini.*—Sed invidia pravidæmonis interea factum est, ut dum tot luminaribus Gallicana Ecclesia perfulgeret; quæ erat hoc tempore bene hactenus culta Ecclesia in Hibernia densis tenebris obduce-

retur, passa naufragium, dum non sequitur eam, quæ ad salutis portum ante omnes pergit viam monstraus, naviculam Petri: dum enim justior cæteris videri voluit, et plus sapere quam oportuit, decipitur imprudens a schismaticis. Dolo namque schismaticorum falso ad eos rumore perlato, a quinta Synodo peccatum esse in sacrosanctam Chalcedonense Concilium, quasi Trium damnatione Capitulorum damasset pariter quæ in eadem Synodo statuta essent; ardentissimo itidem studio pro Trium Capitulorum defensione, junctis animis, omnes qui in Hibernia erant episcopi insurrexere. Addiderunt et illud nefas, ut cum perceperissent Romanam Ecclesiam æque suscepisse Trium damnationem Capitulorum, atque suo consensu quintam Synodum roborasse; ab eadem pariter resilierint, atque reliquis qui vel in Italia vel in Africa, aliiwise regionibus erant, schismaticis inhæserint, fiducia illa vana erecti, quod pro fide Catholica starent, cum quæ essent in Concilio Chalcedonensi statuta defenderent. Ita miseri rerum ignari, specie quadam apparentis justitiae permoti, zelum habentes, non tamen illum qui esset secundum scientiam, cum et in remotioribus orbis partibus degerent, ut hand facile admoneri et corrigi potuissent, accedentibus incommodis aliis, quæ bella, pestis, et famæ secum ferre solent; ita permandere diutius, miserti illorum qui quintam Synodum sectarentur, tanquam qui a recto fidei tramite aberrarent, tantum abfuit ut se errore deceptos esse intelligere potuissent. Sed eo fixius inhaerent errori, cum quæcumque Italia passa sit bellorum motibus, fame, vel pestilentia, ea ex causa illi cuncta infesta accidisse putarent, quod pro quinta Synodo adversus Chalcedonense Concilium proelium suscepisset. Quo statu miserrimo collocati usque ad S. Gregorii papæ tempora, ad finem videlicet præsentis sœculi, permanesere, cum de his itidem litteras ad eumdem quem scirent Deo amicum virum sanctissimum conscripsere. Quid autem ad ea Gregorius ipse rescripserit, suo loco dicturi sumus. Extat ipsa Epistola⁶, ex qua ista depropinquimus.

22. At vero quod non solum (ut dictum est) sanctorum virorum hoc tempore viventium Catholica Ecclesia est illustrata miraculis, ex quibus ubi esset veritas, potuisset agnosci, si id attendere schismatici voluissent; verum etiam præstarent idipsum abundantius sanctorum cineres ubique miraculis coruscantes: his jungenda putavimus, que hoc ipso anno, quo et secundus Sigiberti regis Francorum incipit numerari (anno enim superiori, ut vidimus, auspiciatus est regnum) ipsi Gregorio Turonensi episcopo tunc diacono, qui successit Euphronio, hoc eodem anno, quem septimum ejus sedis numerat, acciderint. Dum enim insignia recenset ejusdem S. Martinii miracula, haec habet de seipso⁷:

23. « Ergo his exactis quæ circa alios gesla

¹ Greg. de Glor. mart. c. 63. — ² Apud Sur. tom. vi, die xv. Novemb. c. 21, 22, 23, 24, 25. — ³ Fortun. cart. l. iv. nov. edit. — ⁴ Ibid. — ⁵ Sidon. l. vi. Ep. iii. et l. vii. Ep. vi.

⁶ Greg. l. ii. Ep. xxxvi. — ⁷ Gregor. Turon. mirac. S. Mart. l. i. c. 32.

sunt, aggrediar quæ circa me indignum virtus præsentis est operata patroni. Anno centesimo sexagesimo tertio post assumptionem sancti ac prædicabilis viri B. Martini antistitis, regente Ecclesiam Turonensem S. Euphronio episcopo anno septimo, secundo anno Sigiberti glorioissimi regis ». Concordat his optime posita chronographia ab obitu S. Martini, quem decessisse diximus anno Domini quadragesimo secundo: a quo tempore si deducas annos centum sexaginta tres exactos, plane hunc ipsum annum constituit, nempe quingentos sexaginta quinque absolutos, inchoato sexagesimo sexto. Sed pergit ipse: « Irrui in valetudinem cum pustulis malis et febre; negaloque usu polus et cibi, ita angebar, ut amissa omni spe vitæ præsentis, de solis sepulturæ necessariis cogitarem: obsederat enim memors cum ardore, animam cupiens expellere de corpore.

24. « Tunc jam valde exanimis, invocato nomine beati Martini antistitis, parumper convalui, et lento adhuc conamine iter incipio præparare: incederat enim animis, ut locum venerabilis sepulcri visitare deberem. Unde tanto desiderio affectus sum, ut ne vivere me optarem, si tardius direxisset. Et quia vix evaseram, ex ardore incommodi cœpi iterum ardore febris succendi. Nec mora, adhuc parvum fortis iter cum meis arripi: actisque vel duabus vel tribus mansionibus, ingressus silvas corrui rursus in febrem, et tam graviter ægrotare cœpi, ut omnes me autumarent vitam amittere. Tunc accedentes amici, et videntes me valde lassum, dicebant: Revertamur ad propria: et si te Deus vocare voluerit, in domo tua moriere; si autem evaserit, votivum iter facilius explicabis: satius est enim reverti ad dominum, quam mori in eremo. Ego vero hæc audiens, vehementer lacrymabar; et plangens infelicitatem meam, locutus sum cum eis, dicens: Adjuro vos per omnipotentem Deum, et reis omnibus metuendum judicii diem, ut ea quæ rogo consentiatis: de cepto itinere non desistere: et si mereor S. Martini videre Basilicam gratias ago; sin alias, vel exanime corpus deferentes ibidem sepelire: quia deliberatio mea est non reverti domum, si non ejus sepulcro meruero præsentari. Tunc una pariter tentes, iter quod cœperam aggredimur: præcedente vero præsidio gloriösi domini, ad Basilicam ejus advenimus.

25. « Eodem¹ tempore unus ex clericis meis Armentarius nomine, bene eruditus in spiritualibus Scripturis, cui tam facile erat sonorum modulationes appendere, ut eum non putas hic meditari, sed scribere, in servitio valde strenuus et in commisso fidelis: hic vero, insidente veneno, a pustulis malis omnem sensum perdidit, et ita redactus fuerat, ut nihil penitus aut intelligere posset, aut agere. Tertia autem nocte postquam advenimus ad sanctam Basilicam, vigilare dispositiimus; quod et implevimus. Mane autem facto, signo ad matutinas com-

moto, reversi sumus dormitum: qui lectulis quiescentes usque ad horam prope secundam dormivimus. Expergefactus ergo, amota omni languoris et cordis amaritudine, sentio me pristinam recepisse sanitatem; et gaudens, puerum familiarem, qui mihi serviret, evoco. Exsurgens autem Armentarius, velociter coram me stetit, et ait: Domine, ego parabo quod jussis. At ego existimans adhuc esse eum exsensum, Vade, inquam, voca puerum. Et ait: Ego quaecumque præceperis, adimplebo. Obstupefactus interrogo quid hoc esset. Qui ait: Intelligo me valde sanum; sed unus error est animi, quod nescio de qua parte huc advenerim. Et ita incipiens, ita mihi impendit servitum, sicut erat solitus ante triduum. Tunc ego exultans et flens præ gaudio, gratias omnipotenti Deo tam pro me quam pro ipso refero, quod intercedente patrono incolorem me corpore, illum mente reddiderit, et unus excursus ex fide etiam alteri amenti, qui nec petere noverat, salutem præstisset ». Ac paulo post²:

26. « Nos vero revertentes, tres cereculos pro benedictione beati sepulcri portavimus. De qua cera quam multæ virtutes factæ sunt super frigoreticis et alius infirmis, longum est enarrare. Sed unum e multis miraculum proferam. Agrum quenam possessionis nostræ grando annis singulis vastare consueverat, et tam graviter sieviebat, ut nihil ibidem, cum venisset, relinquaret. Tunc ego in vineis illis arboreum unam quæ erat excelsior cæteris eligens de sancta cera super eam posui. Post illam autem diem usque in præsens tempus, nunquam ibidem tempestas cecidit; sed veniens, locum illum tanquam timens præteriit ». Hæc ibi. Quomodo vero uno ex cereolis e S. Martini sepulcro sublati sanavit Justinum filium sororis suæ, idem Gregorius pluribus inferius narrat³. Sed pergit ipse reliqua referre⁴:

27. « Fide commovente, quidam ex nostris lignum venerabile de cancello lectuli a monasterio sancti, me nesciente, detulerat: quod in hospitiolo suo pro salvatione retinebat. Sed, credo, quia non sie honorabatur aut decorabatur, ut decuerat, cœpit familia ejus graviter ægrotare. Et cum penitus nesciretur quid hoc esset, nec minueretur aliquid, sed quotidie augeretur deterius: vidi in visu noctis personam terribilem dicentem sibi: Cur sic tecum agitur? Qui ait: Ignoro prorsus unde hoc evenerit. Dicit ei persona: Lignum quod de lectulo domini Martini tulisti, negligenter hic retinens: ideo hæc incurristi. Sed vade nunc, et defer illud Gregorio diacono, etipse secum retineat. At ille nihil moratus, mihi exhibuit: quod ego cum summa veneratione collectum, loco digno reposui. Et sic omnis familia in domo ejus sanata est, ita ut nemo ibidem deinceps aliquid mali perferret ». Hæc Gregorius qui his longe majora edita a sancto refert miracula, eademque quatuor libris distinxit. Hæc autem quæ de se

¹ Ibid. c. 33.

² Ibid. c. 34. — ³ Greg. I. II. mirac. S. Martini c. 2. — ⁴ Greg. I. I. mirac. S. Martini c. 35.

Gregorius hoc anno accidisse tripli signat chronographia, prætermisso nolumus : quo eliam fieret manifestum, qualisnam et his temporibus cultus reliquiarum vigeret in Galliis, præcipue vero in sacris cineribus S. Martini; de cuius celebritate vide quæ inter alia Venantius Fortunatus¹ his consentientia scribat ad Childebertum regem, atque Brunichildem reginam :

Qui modo de Gallis totum mire occupat orbem,
Et virtus pergit, quo pede nemo valet :
Qui velut alta pharus lumen protendit ad Indos :
Quem Hispanus, Morus (al. Maurus), Persa, Britannus amat :
Hunc Oriens, Oceanus habet, hunc Africa et Arctos,
Martini decus est, qua loca mundus habet.
Quique per Oceanum discurrit marginis undas,
Omnibus ut præstet, circuit orbis iter.

Sed quomodo idem Gregorius jam episcopus, hausto pulvere e sepulcro S. Martini accepit, e morte fuerit revocatus ad vitam, suo loco inferius dicturi sumus. Habet ex his in Ecclesia Catholica, tum ex vivis, tum vita functis sanctissimis viris (uti proposuimus) semper scaturire veluli e fonte perenni miracula; quibus manifestissimis notis quisque licet mente stolidus cognoscere possit, ubi veritas permaneat saerorum dogmatum, ac pariter intelligere haereticos atque schismaticos censendos esse, qui ab iis procul aberrant.

28. *Radegundis duplex legatio in Orientem pro colligendis sanctis reliquiis; unde exportatum lignum sanctæ Crucis in monasterio Pictaviensi reconditur, miraculis clarum versibus celebratum.* — Cæterum admiratione maxima dignus est fidei Christianæ fervor, qui his temporibus erga saerarum reliquiarum cultum adeo exardebat in Galliis, ut licet abundarent illæ provinciae saeris pignoribus sanctorum martyrum et confessorum, nihilominus fame inhiarent ad peregrina: quorum gratia in Orientem profectum esse diximus S. Germanum Parisiensem episcopum, qui factus pii voti compos ad suam Ecclesiam locupletatus hisce divitiis est reversus Parisiis, ut diximus. Sed et sancta regina, Clotarii regis quondam conjux, clarissima Radegundis his ipsis temporibus sæpius legatos misisse reperitur in Orientem ad perquirendas sanctorum reliquias, de quibus hic nobis opportune dicendum: de prima enim legatione hæc habet Bandonia, sive Bandomina, quæ eum ea in monasterio coalescens, quæ vidit, de ipsa quam fidelissime scripsit, his verbis²: « Quantam illam postquam in monasterium se contulit, sanctarum reliquiarum multitudinem precibus fidelissimis aggregari, testatur Oriens, Aquilo, Auster, et Occidens confitetur. Undique enim gemmas pretiosas, caelo reconditas et quas paradisus habet, et muneribus et precibus ut adipisceretur, effecit: apud illas vero sine intermissione meditari psalmos et hymnos sibi depro-

mere videbatur. Perlatum est ad eam, Mammetis (Mamantis) martyris saeros artus Hierosolymis quiescere. Illa instar hydropicæ, mire sifiens, avide haec hauriebat. Sicut enim qui hydropisi laborant, quanto plus bibunt, tanto majori ardenti sit; ita et ipsa rore Dei perfusa magis incaluit. Itaque virum venerabilem Reculum (Regulum) presbyterum, qui tum sæcularis adhuc erat, et hodie superest, ad patriarcham Hierosolymitanum transmisil, petens B. Mammetis pignora sibi donari. Ejus preces vir Dei benigne admittens, orationes populo indixit, cupiens nosse Dei voluntatem. Tertio die missa celebrata, ad beati martyris sepulcrum cum omni populo, accessit, altaque voce et plena fide dixit: Obsecro te, confessor et martyr Christi, si vera est ancilla Dei beata Radegundis, innotescat gentibus potentia tua, permittasque de pignoribus tuis menti fidelem accipere quod poseit. Oratione completa, cum populus omnis respondisset, Amen: venit ad sanctum sepulcrum, semper beatæ fidem pronuntians, contrectat saera membra, scire cupiens quænam ipse martyr beatissimus dominæ Radegundi donari velit. Tangit manus dextere singulos digitos: ubi ad minimum ventum est, leni tactu e manu amotus est, ut beatæ reginæ desiderio satisfaceret. Eum vero digitum vir Apostolicus eo quo par erat honore beatæ Radegundi misit. Ab Hierosolymis vero Pictavos usque in ejus honorem semper divinae laudes promebantur.

29. « Quis vero pro dignitate explicet, quam ardenti animo, quam fida devotione tantum illa munus exspectans sese abstinentiae mancipari? Postquam autem hoc cælestè domum cum multa animi alacritate accepit, tota hebdomada cum universa congregatio psallentium vigiliis et jejuniis se accommodavit, Deum benedicens quod tale munus consequi meruisset. Sic Deus suis fidelibus quæ postulant, non negat ». Ilucusque de prima a sancta Radegunde regina in Orientem legatione missa.

30. Post hæc autem paulo inferius de alia ab eadem missa legatione in Orientem ad imperatorem pro ligno sanctæ Crucis accipiendo eadem Bandonia refert, haecque habet: « Quod igitur fecit sancta Helena in Oriente, hoc fecit beata Radegundis in Galliis. Sed quia nihil sine consilio facere voluit quandiu vixit in hoc mundo, litteris ad Sigebertum excellentissimum regem datis (is est filius Clotarii regis, qui una cum fratribus regnavit in Galliis) petit ab eo, ut cum ejus bona venia liceret sibi pro totius patriæ salute, et regni ipsius stabilimento, lignum salutaris Crucis Domini ab imperatore expetere. Illo clementissime sanctæ reginæ precibus amante, devotione plena cum mullo desiderio ad imperatorem munera misit, quippe quæ causa amoris Christi pauperem se fecerat. Sed sanctos jugiter implorans, nuntios suos ablegavit; sanctorumque suffragiis, quod optabat, adepta est. Imperator enim et beatum lignum Crucis Domini auro et argento ornatum, nullasque sanctorum reliquias, quas Oriens obtinebat, ei per-

¹ Venaut. carm. I. x. — ² Bandon. in Vita S. Radeg. I. II. tom. IV. Sur. die XIII. Aug.

legatos transmisit nra cum Evangelis auro gemmisque decoratis». Aserit Gregorius eas fuisse reliquias sanctorum Apostolorum atque martyrum. Pergit vero Bandoninia :

31. « Ut autem salus mundi Pieflavorum urbem cum sanctis reliquiis advenit, locique antistes (is erat Moroveus) cum omni populo devote ea vellet accipere; inimicus humani generis per satellites suos egit, ut pretium mundi repelleretur, nec illud intra urbem vellent accipere, alind pro alio Judaico more asserentes. Quid sane egerint, non est nostrum commemorare : ipsi viderint : Dominus novit quinam rei sint ». Tamen prudens femina peccatum antisilitis Morovei, quod Gregorius ex parte saltein prodit his verbis¹ : « Petiti regina episcopum, ut eum honore debito grandique psallentio in monasterio locarentur ; sed ille despiciens suggestionem ejus, ascensis equis, villa se contulit. Tunc regina iterato ad Sigebertum regem direxit, deprecans, ut injunctione sua quicunque ex episcopis haec pignora cum illo quo decebat honore, votumque ejus exposcebat, in monasterio locarent. Ad hoc enim opus beatus Euphronius urbis Turonicæ episcopus injungitur, etc. » Sed et modeste quidem Gregorius facet, quod a civitate, sicut a monasterio, ne illuc inferretur, saerosanctum lignum exclusum sit : ne enim vel in civitatem admitteretur, satanico ille spiritu hoc prohibebat. Sed audiamus Bandoniniam ita historiam prosequentem :

32. « At beata Radegundis fervens spiritu, animo certans, ad elementissimum regem scripsit orans ut in civitatem lignum Dominicum recipi jucheret. Interim donec ejus nuntii a rege redirent, Turonico suo virorum monasterio, quod ipsa condiderat, cum psalmodiis et cantibus sacerdotum crucem Domini et sanctorum pignora commendavit. Ubi tam non minorem injuriam saneta Crux perpessa est, stimulante invidia, quam Dominus ipse, cum ad præsidem judices iniquos maligna omnia patienter pertulit, ne id quod creaverat periret ». Quidnam autem istud fuerit, sicut nec ipsa, ita neque Gregorius innuit.

33. Cæterum ea cuneta in majorem Dominicæ Crucis cessere gloriam : etenim apud Turonus in honorem sanctæ Crucis erectum oratorium fuit, de quo meminit Venantius Fortunatus : qui, cum pallia crucibus intexta successor Euphronii Gregorius dono dedit, eamdem dignam oblationem his versibus prosequetus est, quibus et crucis gloriam prædicavit² :

Virtus celosa Crucis totum recte rite occupat orbem :
Bæc quoniam mudi perdita cuncta reddit.
Quodque ferus serpens inficit felle veneni,
Christi sanguis in hac dulce liquore lavat.
Quaque lupi fuerant raptoris pœda ferociis,
In cruce restituit Virginis agnus oves.
Tensus in his ramis cum plautis brachia pandens,
Ecclesiam stabilit pendulus ipse Crux,
Hoc opus (pius) in ligno reparans deperdita pridem,

¹ Greg. Tur. I. ix. c. 40. — ² Fortun. carm. I. II.

Quod vetiti ligni poma tulere boni.
Addita quin etiam virtutum flamma coruscet (coruscat).
Bona quod obsequiis Crux parat ipsa suis.

Hacenus de Crucis sanctæ præconiis. Quenam autem ejusmodi essent dona, quibus Crucis gloria illustraretur, ex nuncupato voto persoluta, mox ista subjungens ostendit :

Denique sancta Crucis hæc templa Gregorius offert,
Pallia dum coperit signa gerendo Crucis :
Dona repente dedit divina potentia Christi :
Mox fuit et voti causa secunda pii.
Pallia nam meruit, sunt quæ Cruce texile pulchra :
Obsequiisque suis Crux habet alma Cruces.
Serica cum niveis agnata (agnana) est blattea telis,
Et textis Crucibus magnificatur opus.
Sic cito pontifici dedit hæc devota voluntas,
Alque dicata Crucis condita vela placent.
Unde salutiferi signo tibi, clare sacerdos,
Hæc cui complacuit, reddere magna valet.

Ita plane usu veteri receptum fuit ut cum ipsa figura Ecclesiæ, tum vel vestes, vasaque sacra, et alia ad divinum opus parata utensilia tam in Occidente quam in Oriente sanctæ Crucis signis multiplicibus ornarenur. Sed cœptam ex Bandoninia prosequamur historiam, cum post despectam a membris diaboli Crucem ista refert.

34. « Id vero sancta femina animadvertis, magnis se cruciatibus dedil, jejuniis, vigiliis, profusioni lacrymarum se addieens cum tota congregazione sua ; donec respxit Dominus humilitatem ancillæ snæ, aspiravitque eam mentem regi, ut in populo faceret judicium et iustitiam. Misit enim devotus rex virum illustrem Justinum ad virum Apostolicum Euphronium episcopum, præcipiens ut cum honore condigno gloriosam Domini Crucem et sanctorum reliquias in monasterium dominæ Radegundis inferret ».

35. Tunc temporis vero a Venantio Fortunato ejusdem S. Radegundis studiosissimo (ut ex plurimis ad eamdem scriptis carminibus constat) nobilis ille conscriptus est sacer hymnus, qui ab universa Occidentali Ecclesia ut in honorem sanctissimæ Crucis sæpe caneretur, usu receptus est, sieque incipit :

Vexilla Regis prodeunt,
Fulget Crucis mysterium,
Quo carne carnis conditor
Suspensus est patibulo, etc.

Adjecit et illum itidem in Ecclesia Catholica ubique a Latinis musicis modulis occimi solitum, cuius hoc est exordium :

Pange lingua gloriosi prælium certaminis,
Et super Crucis trophaeum dic triumphum nobilem,
Qualiter Redemptor orbis immolatus vicent, etc.

Quod enim ore omnium ferme fideliuum iidem soliti sint concini sacri hymni, eos hic reddere integros non curamus. Verum aliud ab eodem tunc tem-

poris eadem occasione in honorem ejusdem sanctissimae Crucis elaboratum elegans Epigramma hic describendum putavimus: sic enim se habet:

Crux benedicta nitet, Dominus qua carne peperit,
Atque crux suo vulnera nostra lavat.
Mitis amore pio pro nobis victima factus
Traxit ab ore lupi qua sacer agnus oves.
Translatis palmis, ubi mundum a clade redemit,
Atque suo clausit funere mortis iter.
Hic manus illa tuit clavis contixa cruentis,
Que eripuit Paulum criminis, morte Petrum.
Fertilitate potens, o dulce et nobile lignum,
Quando tuis ramis tam nova pon a geris.
Cujus odore novo defuncta cadavera surgunt,
Et redirent vita: qui carnere die.
Nullum uret astus sub frondibus arboris hucus,
Lata nec in nocte, sol neque mortifico.
Tu plantata micas secus est subi cursus aquarum,
Spargis et ornatas flore recente comas.
Appensa est vitis inter tua brachia, de qua
ulcia sanguinea vina ruhore flant.

Quæ autem secuta sint post illatum in monasterium venerandum lignum Crucis, audi quæ subdit sacra virgo Bandoninia:

36. « Quod ut factum est, exullavit mirifice beata illa cum omni congregatione tale sibi donum cœlitus collatum, quod propitium Deum effecturum esset sue congregationi quam in Dei servitium collegisset, nimirum spiritu praesentius, post decessum suum quam esset eximia monasterii ejus futura facultas, lieet ipsa cum cœli rege gloriaretur. Ut ergo illi subveniret, instar optimi provisoris et pastoris boni, ne oves usquequa desereret, pretium mundi de pignore Christi e longinqua regione expeditum in loci ejus honorem et populi salutem suo monasterio reliquit ». Sed quid accidit? Quæ visa est sanctissima Crux alieno auxilio et regum obsequio indigere ad eliciendam credentium fidem, mox ipsa apparere voluit; non alieno quo non indigebat, sed suo fulgore corusea. Nam audi quid dictis subjiciat: « Ibi divina agente virtute, cœcis redditur lux, aures surdorum patescunt, mulorum linguis suam restituitur officium, claudi ambulant, dæmones profligantur. Quid multa? Quisquis morbo laborans (quicumque tandem ille sit morbus) ex tide eo accedit, per sancte Crucis virtutem recedit incolmis. Pro quo inefabili domo, quod in hanc urbem beata intulit, quisquis ex tide vivit, ejus nomini benedicit ». At ne jejunum omnino lectorem ista præterire sinamus, unum vel duo ex Gregorio Turonensi, qui interfuit his miracula at texamus; qui cum ea describit, ista præfatur¹:

37. « Crux Dominica, quæ ab Helene Augusta reperta est Hierosolymis, ita quarta et sexta feria adoratur. Hujus reliquias et merito et tide Helene comparanda regina Radegundis expetiit, ac devote in monasterium Pictaviense, quod suo studio constituit, collocavit; misitque pueros iterum Hierosolymas, ac per totam Orientis plagam; qui circumvenientes sepulera sanctorum martyrum, confess-

sorumque cunctorum reliquias detulerunt. Quibus in area argentea cum ipsa Cruce sancta locatis, multa exinde miracula conspicere meruit. De quibus illud primum exponam, quod ibidem Dominus in diebus Passionis sue dignatus est revelare.

38. « Sexta feria ante sanctum Pascha, cum in vigiliis sine lumine pernoctarent, circa horam tertiam noctis apparuit ante altare lumen parvulum in modum scintillæ: deinde ampliatum hue illucque comas fulgoris spargens, cœpit gradatim in altum condescendere; effectaque pharus magna, obscuræ nocti, vigilantique plebeculæ lumen præbuit supplicanti: illucescente quoque cœlo pannatim desciens, data terris luce, ab oculis mirantium evanuit.

39. « Ego autem audiebam sèpibus, quod etiam lychni qui accendebantur ante hæc pignora ebullientes virtute divina, in tantum exundarent oleum, ut vas suppositum plenimque replerent: et tamen juxta stultitiam mentis duræ numquam ad hæc credenda movebar, denec brutaliter significem ipsa ad præsens quæ ostensa est virtus argueret. Ideoque quæ oculis propriis viderim, explicabo.

40. « Causa devotionis exstitit, ut sepulcrum sancti Hilarii visitans, hujus regime audirem colloquia, ingressusque monasterium consalutata regina, coram adoranda Cruce ac sacris beatorum presteror pignoribus. Denique oratione facta, surrexi. Erat enim ad dexteram lychnus accensus: quem cum stillis frequentibus detluere conspexisse, testor Deum quia putavi quasi vas esset effractum, quia erat ei concha supposita, in quam oleum defluens decidebat. Tunc conversus ad abbatissam, aio: Tantane te retinet mentis ignavia, ut integrum cœcindile laborare non possis, in quo oleum accendatur, nisi effractum, quo detluat, ponas? Et illa: Nec est ita, domine mi, sed virtus est Crucis sanctæ, quam cernis. Tunc ego ad me reversus, et ad memoriam revocans quæ prius audieram, conversus ad lychnum, video in modum olle ferventis magnis fluctibus exundare, ac per oram ipsam undis intumescentibus superfluere, et (ut credo) ad incredulitatem meam arguendam magis ac magis augeri; ita ut in minus horæ spatio plus quam unum sextarium redderet vasculum, quod quartarium non tenebat: admiratusque sibi, ac virtutem adorandæ Crucis deinceps, prædicavi ». Hæc et alia ex dicto Crucis ligno manasse miracula, idem auctor affirmat.

41. *Miracula et sanctitas Radegundis.* — Porro sancta Radegundis pretiosissimi accepti ab imperatore munera grata, non litteris tantum ipsi gratias agendas existimavit, verum etiam certos misit ad gratias debitas persolvendas legatos, nempe venerandum sacerdotem Regulum, per quem illud ipsum accepérat, et alios. De hac rursum missa in Orientem legatione, eadem que supra ejusdem monasterii monialis sacra virgo Bandoninia ista habet¹: « Pro cœlesti autem hoc munere misit supra-

¹ Greg. Turon. de Glor. mar. c. 5.

¹ Baud. in Vita S. Radeg. l. II. c. 17.

dictum presbyterum cum aliis gratias ut agerent imperatori ». Quid vero iisdem legatis in Gallias redeuntibus, dum navigarent, acciderit, ex quo ejusdem sancte Radegundis virtus magis enuit, ex eadem acceipe, dum ista mox subdit :

42. « Quibus redenitibus, mare fluctibus cœpit agitari; ita ut multis illi objecti periculis, ejusmodi procellas et tempestates nunquam se vidisse fatigentur. Quadraginta diebus et noctibus in medio mari in summum vitæ disserimen conjecti, cum vitam plane desperarent, et mors eis ob oculos versaretur; inter se mutuo conciliati pelago illos jam-jam absorbere incipiente, vocem in cœlum dabant, ita dicentes : Domina Radegundis subveni servis tuis, ut qui tibi obedivimus, sine subsidio non pereamus : libera nos de presentissimo submersionis periculo. Ubicumque ex fide invocaris, misericors es : adjuva etiam tuos, ne pereamus. Ad has voces in medio mari columba ad eos veniens, nave ter circumvolavit : cumque tertio id faceret in nomine sanctissimæ Trinitatis, quam beata Radegundis semper in suo habuit pectore, famulus ejus Bensarus manum extendens, e cauda tres extraxit pennas, quas mari intingens, tempestatem sedavit ». Hæc de liberatione legatorum precibus Radegundis (ut ab omnibus fuit existimatum) per alitis nuntium suos periclitantes invisentis, et per ejus pennas, quibus nihil levius esse potest, exuestantis maris fluctus divinitus mitigantis, penitusque sedantis.

43. Magno namque beneficio Francorum gentis talem tantamque reginam virginem æque ex Burgundiæ regibus oriundam, sicut et Crotildem fidei Christianæ Franciæ auctricem, Deus clarere in Ecclesia fecit hoc sæculo, cum Gallia bello civili sœpe repetilo flagrarent; quæ veluti nocturno tempore super excelsam turrim ingens pharus esset posita lucens, perspicua errantibus duplice lumine tum ex sanctissimæ vite moribus, tum etiam ex frequentibus edi solitis ab ea miraculis comparato. In cuius laudem tum metro tum soluta quoque oratione cum plurima scripsit Venantius Fortunatus, ex meltis unum hie acceipe Epigramma¹:

AD BEATAM RAEGUNDEM.

Regali de stirpe potens Radegundis in orbe,
Altera cui cœlis regna tenenda maneat.
Despiciens mundum, meruisti acquirere Christum:
Et dum clausa lates, hinc super astra vides.
Gaudia terreni couculans noxia regni,
Ut placeas regi lœta favente polo.
Nunc augusta tenes, quo calos largior intres;
Effundens lacrymas gaudia vera metes
Dum corpus eruciant, animam jejuna pascunt.
Salve, quam Dominus servat amore suo.

Quod autem idem Fortunatus eamdem sancte pieque amans sœpe carmine caneret, et munusculis

frequentaret : cum ejusmodi officia quæ ex pietate animique integritate progredi solerent, in deteriorem partem susurriones acciperent, qui nonnisi ex suis ipsorum depravatis moribus soleant aliorum facta metiri ; idem ad ipsam hæc scripsit tum carmina¹:

Mater honore mihi, soror autem dulcis amore :
Quam pietate, fide, pectore, corde colo,
Cælesti affectu, non crumne corporis ullo :
Non caro, sed hoc quod spiritus optat, amo.
Est testis Christus, Petro, Pauloque ministris,
Cumque piis sociis sancta Maria videt,
Te mihi non aliis oculis, animoque fuisse,
Quam soror ex animo tu Titiana fores :
Ac si uno parta mater Radegundis utrosque
Viseribus castis progeniisset, eram,
Et tanquam pariter nos ubera chara beatæ
Pavissent uno lacte lluente duos.
Hæc! mea dama gemo, tenui ne forte susurro
Impediant sensum mollia verba meum.
Sed tamen est an quis sumi me vivere voto,
Si vos mi dulci vultis amore coli.

Hæc et alia aliis versibus sœpe idem auctor inculcat adversus obtructatores. At quomodo non foto amanda corde, omnibusque laudibus prosequenda, obsequiisque cunctis honoranda, et muneribus demerenda, ab omnibus, que regiae nobilitatis veritatem Christi amoris causa summa animi demissione adeo inclinasset, angelicamque vitam in terra, spreto connubio regis, ducere statuisset, omnique virtutum genere compta Christo sponso placere semper ardentissime studuisset? Quis vehementer amare refugere posset quam a Deo ejusque Angelis atque sanctis præ cæteris diligenter perspexisset? Quis obsequi in omnibus illi refugeret, eujus virtutis in miraculorum editione cælestia atque terrestria pariter obtemperare cognovisset? Quis denique omni cultus genere prosequi eam prætermisisset, quam currentem in odorem unguentorum cælestis sponsi, et post eam et ab ea sacrarum virginum chorum duci intellexisset? Sed de Radegunde ac Forlunato modo satis.

44. *De Victore chronographo episcopo Africano.* — Quod vero jam ad calcem anni hujus pervenimus, non prætermittendum de Victore chronographo meminisse quem genere Africanum in hunc usque primum Justinus imp. annum, suum Chronicon perduxisse, auctor est Isidorus, qui de ipso ista habet²: « Viator Tumuensis sive Tunnensis Ecclesiae Africanæ episcopus a principio mundi usque ad primum Justinus junioris imperatoris annum perbrevem per consules annuos bellicarum Ecclesiasticarumque rerum nobilissimam promulgavit historiam laude et notatione illustrem ac memoria dignam, etc. » Diximus ex eodem de ipso superius suo loco, jussu imperatoris in exilium deportatum, ac denunci Constantiopolim revocatum, detrusumque ibidem in monasterium in de-

¹ Fortun. carm. I. viii.

¹ Fortun. carm. I. xi. — ² Isidor. de Vir. illustr. c. 23.

fensione Trium Capitulorum persantem diem clausisse extremum. Porro de eodem Victore locum corrigere Isidori in libro Originum : ibi enim dum de ipso agitur, nominatus reperitur, Turonensis episcopus, loco Tumensis, sive Tumuensis. Finis hic Victoris : quem cum aliis, dum videri voluit unius justus, stupor oppressit, non attendentem,

quod commonet Ecclesiastes, dicens¹ : « Justus perit in iustitia sua ». Et paulo post : « Noli esse multum justus, neque plus sapias, quam necesse es, ne obslipescas ».

¹ Eccles. vii.

Anno periodi Graeco-Romanæ 6059. — Anno Æra Hispan. 604. — Jesu Christi 566. — Joannis III pape 7. — Justini jun. imp. 2.

1. *Ultimus postconsulatus.* — Hic annus ista formula notatus : *Post consulatum Basilii U. C. xxy*, ut continuator Marellini et Marius Aventicensis testantur. Baronius num. 1 et 2 de consolatu Justinii verba facit : sed cum anno tantum sequenti Justinus illum inierit, commodius ibidem de eo agemus (1).

2. *Edictum Justini pro fide Orthodoxa.* — A num. 2 ad 8. Evagrius lib. 5, cap. 4, recitat *Edictum a Justino imp.* sine nota temporis ejus imperii initio datum, ut fidei Orthodoxæ consuleret, eam solam exposuisse contentus; de Nestoriano et Eutychiano dogmate disputationes impostorum prohibuit, unumquemque pro arbitrio suo de his rebus sentire permittens. Addit Evagrius ex hoc ediculo nullam utilitatem consequentiam esse Ecclesiam. Johannes abbas monasterii Bielariensis, qui ab hoc anno, quo Victoris Tumensis Chronicon desirat, summexordit, ait : « Justinus anno primo regni sui ea, quæ contra Synodum Chaledonensem fuerant commentata, destruxit ». Valesius in Notis ad Evagrium autem, Bielariensem *Justino juniori* ea tribuere, quæ seniori potius conveniebant : hic enim Concilii Chaledonensis acerrimus defensor fuit. Verum Em. card. Norisius in Dissert. de *Synodo quinta*, cap. 9, paragr. 2, ea Bielariensis verba referens, recte observat *Justinum*, cum videret ob Tria Capitula proscripta, Africam atque Occidentales provincias dissensionibus laceratas, edictum illud fidei publicasse, in quo nullius Synodi mentionem faciens, quæ credenda cuique essent proposuit; sed Tria Capitula non solum non nominasse, sed inter dogmata adiaphora numerandam esse quæstionem de Tribus Capitulis visum esse innuere in fine edicti, dum ait, se illa credenda proposuisse, « ut deinceps nemo ullo praetextu propter personas, aut syllabas rixetur ». Qui-

bus *Theodori* personam, itemque scripta *Theodori*, alique *Iba* forte intellexit, nec non quæstionem nuperrime exortam de corpore Christi corruptibili, vel incorruptibili; una enim syllaba Romani imperii autistites nobilissimos in exilium procul a suis Sedibus deportaverat. Nihil autem boni per illud edictum Catholicæ Reipublicæ illatum fuisse scribit Evagrius; quia Synodus quinta non dogma recens de fide credendum condidit, sed de personis tantum quædam statuit.

3. *Hispani Tria Capitula damnare noluerunt.* — Africani autem, eum mitius secum agere *Justinum* cernerent, neque in edicto nominata Tria Capitula legerentur, publicarunt revocata per imperatorem Acta Synodalia quinti Concilii statuta adversus Synodum Chaledonensem, et vicinos Hispanos hæc sinistra opinione imbuerunt, ut non solum laudata Bielariensis verba indicant; sed et sanctus Isidorus in Chronico, ubi Justinianum ob Tria Capitula damnata reprehendit, confirmat. Imo Isidorus in Catalogo Script. Ecclesiast. de Theodoro Mopsuesteno scribit : « Ille Acephalorum episcopi in prædictio Chalcedonensis Concilii Justiniano principe compellente, damnare post mortem cum *Iba* et Theodoreto episcopis censuerunt, dum constet, eum laudabilem virorum testimoniis clarissimum Ecclesiæ doctorem fuisse ». Ille in Synodis Hispaniae hoc et sequenti sæculo celebratis, nulla Synodi V mentio facta, licet *Hispani* ob illam controversiam ab Apostolicæ Sedis communione nunquam sese separant, ut recte ibidem cardinalis Norisius habet. Ceterum Justinus « bene sensit in omnibus de fide. Photinum præterea Belisarii patricii privignum, polestate in quasvis personas atque res data, ad omnes Ægypti et Alexandriae Ecclesias reconciliandas bonaque pace compomendas misit », inquit Theophanes ad annum I. Justini.

(1) Hoc anno Justinianum primum consulatum inisse discimus ex monumento in superiori Nota ex Baluzio producto.

MANSI.

4. Legatio Avarum ad Justinum. — Ad num. 8 et seq. *Aares non hoc anno, sed superiori Byzantium venere, ut solemnia munera, quae a Justiniano sibi dari consueverant, a Justino quoque acciperent.* Describitur haec legatio in Excerptis Menandri Protectoris, qui Historiam ab obitu Agathiae continuaverat, ut docet Photius in Bibliotheca : « Tunc Abari », inquit Menander, « voluntatis imperatoris periculum facere statuerunt, siquidem ampliora numera caperent, quibus per Romanorum pusillanimitatem sua sibi compararent comoda ». Modo itaque precibus agebant, modo minas ingerebant. Sed imperator tantum sui terrorem legatis incussit, ut intellexerint, illum eorum superbiam minimie toleraturum, neque quicquam eorum, quae prius accipere consueverant, indultrum, aut impune posthac incursionses in Romania ditionis regiones facturos, ut luse narrat Menander. Valesius in Notis ad ejus Excerpta observat, hanc Avarum legationem introductam esse die vii post inaugurationem Justini, teste Corippo in lib. 3 :

Septima bix aderat.

Et mox :

Legatos Avarum jussos intrate magister
Ante fores sacras divine nuntiat aula.
Orantes sese vestigia sacra videte
Clementis Domini : quos vocè et mente benigna
Imperat acciri.

Reliqua Corippi narratio, cum Menandri Historia prorsus congruit. Audili itaque legati ab imperatore die vicesima prima, aut vicesima secunda mensis Novembris superioris anni, ut ex morte Justiniani, quae die xiv Novembris contigit, intelligere est. Non bene itaque Baronius scribit, hanc legationem faclam esse, postquam *Justinus* auspicatus est consulatum (1).

5. Aares Europæi munera ab imperatoribus acciperi consueti. — *Justiniano Augusto imperium obtinente, ex Scythis ad Caucasum et Boream habitantibus, qui Abarum nationem in ditionem suam redegerant, exigua Abarum pars a primavo genere illo profugiens, in Europam Pannioniamque se instituit, « qui se Aares, et principem suum Chaganum honoris causa nominarunt »,* ut narrat Theophylactus lib. 7, cap. 8. Cum vero ad loca Scythia ac Mœsiæ pervenissent, legatos ad Justinianum miserunt, vel anno xxxi ejus imperii, ut tradit

Theophanes, vel anno post consulatum Basilii xxiii, ut habet Victor Tununensis, qui, juxta eum, est annus Christi DLXII; pluribus de ea legatione ad Justinianum agit Menander Protector ipso Operis sui initio, qui addit *Abarum* legatos munera, *ut consuetum erat*, a Justiniano accepisse, et Justino juniore imperante Abarum legatos Byzantium ad eundem finem venisse.

6. Legatio Turcorum ad Justinum, et Justini ad Turcos. — Theophanes Byzantius in Excerptis de legationibus, refert *Justinum* imperatorem, et Chosroen fœdera inter Romanos et Persas constituta soluisse, *exempte altero imperii anno*, ideoque anno Christi DLXVII. et *Turcos* ad Justinum imp. legatos misse, *ne Abaros recipere obsecrant* : Justinum vero Zemarchum ad Turcos legatum misse, qui utrinque omni officiū generē excepti sunt. Narrat etiam hanc Justini ad Turcos legationem Menander Protector pag. 151, atque, Zemarchum, Justini Aug. legatum « circa finem quarli anni imperii Justini, exacta secunda Indictione, initio mensis, qui Latinis vocatur Augustus », ideoque anno DLXIX profectum esse Byzantio, et convenisse *Disabulum* Turcorum principem, cui placuit *ut se proficiscentem contra Persas Zemarchus sequeretur*. Post haec cum ab invicem discessissent, « *Disabulus* quidem in Persas contendit, et Zemarcho ac ejus comitibus ad se vocatis, ubi amicitiam cum Romanis confirmassent, eos, ut ad sua redirent, missos fecit ». Valesius in Notis ad Menandrum, quia sibi persuaserat, *Justinum* anno tantum DLXI imperium iniisse, dicit, scribendum fuisse, *Indictione tertia*. Verum inde intelligere poterat, opinionem, quam amplectebatur, a veritate alienam esse, hancque Justini ad Turcos legationem, cuius hoc anno num. 9 meminit Baronius, esse anno Christi DLXIX, quo tertia Indictio et annus quartus Justini Aug. in cursu erant. Adlit Theophanes Byzantius : « Quamobrem etiam Chosroes in Aethiopias, amicos populi Romani (olim Macrobios, nunc Homeritas appellatos), expeditiōnem suscepit, regemque Homeritarum Sauatureen, opera Meranis Persarum ducis, vivum cepit, urbeque eorum direpta, incolas subjugavit ». Haec fure præludia magni illius belli Romanos inter et Persas exorti, quod anno DLXI tandem in apertum erupit.

7. Justini edictum de divorcio. — A num. 10 ad 16. *Justinus* imp. imperii sui initia fœdavit lege, qua sancivil communi conjugum consensu

(1) Quia hic narrat Pagius de Avari qui Byzantium ad Justinum venerunt, ad hunc utique annum, non vero ad superiorem pertinent. Cum Barbari ad Justinum, qui anno isto imperare cœpit, venerint. Sicut et ea qua refert de legatione Turcarum ad Justinum, ad annum DLXVIII rejici oportet. Zemarchus a Justino ablegatus fuit ad Turcas Augusto mense ineunte *exacta Indictione* ii in fine anni quarti Justini, ut notat Menander Protector apud Pagium hic num. 6, ex quibus constat ad annum DLXIX haec revocanda esse, ut ex ead. Norisio de Synodo V, cap. 8, Pagius optime animadverterit. Sed non ideo tamen sententia nostra de initio imperii Justini in Novembri anni DLXVI debilitatur, quin et corroboratur magis. Vix enim credo Menandrum epocham aliam p̄t oculis habuisse, quam que cœperit a Cæsarea Justini dignitate quam ex eo Menandri loco non dum post Augustum mensem ceptam colligo. Alioqui enim minus apto Menander scrupulose Augusto mense ineunte imperii Justini annum quartum circa finem agi. Cum enim imperium solus administrare cœperit circa medium Novembres, incipiente Augusto menses adhuc tres et semiis ad anni extum superfluerint. Et hoc etiam Menandri loco discimus quoniam lucis apud Veteres ratio Justini annos supportandi non enim illas a kil. Januarii vel alias Januarii kalendas, ut censit illustrissimus a Terre, sed vel a Novembri in Novembrem, vel a Septembri in Septembri ducebantur.

dissolvi matrimonium posse. Recitat eam Baronius, et in ejus subscriptione habetur : « Data decimo octavo kal. Octob. Chalcedone, imp. D. N. Justino PP. Aug. anno primo, Indictione quinta decima ». Ita haec subscriptio concepta legitur apud Pitheum, qui hanc Novellam edidit; nam apud Seringerum legitur sine ulla Indictionis nota. Ex altera tamen Novella justini *De filiis liberarum*, infra recitanda constabit, Novellam, *Ut possit ex consensu dissolei matrimonium*, recte apud Pitheum Indictione xv insignitam esse; qua ex subscriptione manifestum fit, *Justinum* die xiv mensis Novembris anni elapsi imperium suscepisse, et hallucinatos esse viros doctissimos, qui volunt, eum tantum die xiv Novemb. hujus anni regnare coepisse.

8. *Concilium Santonense*. — A num. 16 ad 21, Gregorius Turonensis lib. 4, cap. 26, meminit *Synodi Santonensis*, in qua Heraclius presbyter, episcopus Santonensis creatus est, remoto Emerio, quod Clotario rege Francorum regnante *absque metropolitani consilio*, ordinatus fuisse. Sed cum Concilium hoc statim ab obitu Clotarii regis celebratum fuerit, revocandum illud ad annum Christi quingentesimum sexagesimum secundum, Synodo praecepsit Leontius episcopus Burdigalensis, Aquitanie secunda metropolita, quem Fortunatus variis in locis a Baronio citatis valde celebrat, praesertim ob multas Ecclesias ab eo erectas. Baronius observat ex Fortunato lib. 1, sanctum *Leontium* ante episcopatum conjugalum fuisse, uxoremque habuisse *Placidinam*, feminam clarissimam ac piissimam: huius vero sororem fuisse virtutis aemulam nomine *Alechimam*, quae et ipsa juncta conjugio, Apollonari viro suo, ut episcopus crearetur indulsil, quam in rem citat Gregorium Turonensem de Gloria Martyrum cap. 65. Verum ipsemet Gregorius lib. 3 Hist., cap. 2 scribit : « Alechima et Placidina, uxor sororque Apollonaris ad sanctum Quintianum venientes, etc. » Tum cap. 42 loquens de bello Arver-

nico anno dxxv gesto, ait : « Theodoricus cum exercitu in Arvernios veniens, tolam regionem devastat ac proterit. Interea Arcadius Bituricas urbem petuit. Placidina vero mater ejus, et Alechima soror patris ejus, comprehensiene apud Cadureum urbem, rebus ablatis exilio condemnatae sunt ». Quare, ut observat Cointius anno DLXVII, num. 30, due distingui debent *Placidinæ*, quarum altera alterius avia fuit, senior coniux extitit *Apollonaris* qui postea episcopus fuit, et maior Arcadii, unius ex primoribus Arverniorum; junior Arcadii filia extitit, et uxor *Leontii*, postea episcopi Burdigalensis. Baronius num. 20 existimat, *Leontium* episcopum, de quo loquitur Sidonius lib. 6, Epist. iii, et lib. 7, Epist. vi, esse *Leontium* seniorem episcopum Burdigalensem. Verum Sidonius loquitur de *Leontio* episcopo Arelatensi, ut suo loco explicavimus. Porro *Charibertus* rex, in cuius regno Concilium illud celebratum, Clotarii patris injuriam vindicaturus, *Emeritum* in sedem suam restituit, hieque postea cum Leontio metropolita suo reconciliatus est, ut ex Fortunato probat Baronius num. 18. Colitur sanctus *Leontius* a Burdigalensibus die xvi kalend. Decembris.

9. *Gregorius Turonensis ope S. Martini varia beneficia consequitur*. — A num. 22 ad 28. Baronius narrat ex Gregorio Turonensi lib. 4 de Miraculis sancti Martini, cap. 32, 33 et 34, varia beneficia, quae ipsemet fatetur se consecutum esse ope sancti Martini episcopi Turonensis « regente », inquit Gregorius, « Ecclesiam Turonicam sancto Euphronio episcopo, anno septimo, secundo anno Sigiberti glorioissimi regis », ideoque anno Christi DLXIII, quo secundus Sigiberti regis annus in cursu erat.

18. *Concilium Turonense II*. — Concilium II *Turonicum*, de quo Baronius anno DLXX hoc anno celebratum, ut ibidem ostendemus. Justinus imp. sicut in *Justinum*, *Etherium*, et *Addeum*, ut anno sequenti dicetur.

JOANNIS ANNUS 8. — CHRISTI 567.

1. *Justini ducis et Aetherii et Addæi senatorum supplicium et ner.* — Quingentesimus sexagesimus septimus annus Redemptoris adest, qui Indictionis decimæ quinta. ipsius *Justini imperatoris secundus a mense Novembri anni superioris jam coptus adnumeratur; idemque alienbi secundo ejusdem Augusti consulatu inscriptus habetur: sic enim visus est revocasse in usum consulatus amplissimum magistratum, ut ipse solus eo potitus nullum adsciverit sibi collegam.* Sanguinolentus fluxit hic annus nece *Justini ducis cognati ipsius imperatoris, neenon clarissimorum virorum Aetherii et Addæi, quos hoc anno imperatorum gladium sustulisse, omnes historici nota temporum singula consignantes affirmant: sed et diem necis notat Eustathius¹, fuisseque ait tertiam mensis Octobris.* Ante hos illustres viros e medio sublatum esse *Justinum*, Evagrius² docet, cui potius assentimur, quam recentiori³ auctori ad sextum annum *Justini imperii referenti.* De *Justino* igitur primum aggrediamur tragœdiam: enjus non sit quem non misereat, qui res ab eo præclare gestas in bello Persico et aliis ex Procopio atque Agathia perceperit. Sed audiamus de ejus nece quæ scribat Evagrius⁴:

2. « *Quinetiam, inquit, audacia et timiditate, duabus vitiis contrariis irretitus, primum Justinum cognatum, virum in magna gloria apud omnes, tum ob rerum bellicarum usum, tum ob alia ornamenti, jam circiter Danubium ideo commorantem ut Abaros, ne eo flumine trajecto in fines Romanorum irrumperent, prohiberet, ad se accersit. Isti Abari sunt ex gente Scytharum, qui Amazobii dicuntur, quique agros ultra Caucasum jacentes accolunt, oriundi. Qui Tureas vicinos suos ab illis gravibus affecti incommodis cum omnibus suis fugientes, primum ad Bosphorum venerunt; deinde Euxini Ponti littoribus relictis ubi multæ gentes barbaræ habitant illæ quidem, sed urbes et castella a Romanis incolebantur, atque eo, tum nonnulli*

ilites rure donati advenerant, tum coloniae erant de sententia imperatorum deductæ), recto itinere contenduerunt, omnibus Barbaris qui ante pedes erant usque eo expugnatis, quoad Danubii ad littora pervenirent: unde legatos miserunt ad Justinianum ». At quod ad Tureas pertinet, quos Abaris fuisse confines Evagrius tradit, veteres eosdem non ignorarunt: siquidem a Plinio¹ adnumerantur inter eas gentes, quæ circa Maeolidem paludem habitant. Illorum dum hujus etiam temporis scriptor meminit Agathias², ait ipsos fuisse horribiles visu, infisos, sordidos, implexos, squatidos. Sed de his alias. Pergit Evagrius:

3. « *Ex eo loco Justinus accercebatur, eo nomine videlicet, uti conditionibus inter ipsum et imperatorem Justimum paetis frueretur. Nam quoniam ambo in simili vita splendore positi videbantur, et imperium ad utrumque spectaret; post magnam de rerum summa disceptationem et controversiam convenit inter eos, ut ute illorum ad imperii honorem ascenderet, alteri deferret secundas, eafenus quidem, uti licet secundas ab imperatore, præ cæteris tamen omnibus primas obtineret. Quapropter Justinus imperator benevolentia quadam fronte simulata, alterum *Justinum* complectitur; et criminibus paulatim contra eum conticis, et satellitibus militibus prætorianis ac stipitoribus ab eo remotis vetat quomodo in publicum prodiret (domi enim assidue se continuuit) et tandem mandat Alexandriani transportandum. In qua urbe nocte intempesta, cum jam decumberet in lecto, miserandum in modum interemptus est: istaque mercede tum ob benevolentiam in Rempublicam, tum ob res præclare in bello gestas remuneratus. Atque non prius imperatoris, ejusque conjugis Sophiae Augustæ furor et iracundie flamma restincta fuit, quam caput ejus cervicibus abscessum cernerent, inque illud calcibus insultarent* ». Hæc de nece *Justini ducis* exercitus habet Evagrius.

4. Sed quæ in *Aetherium et Aldæum* clarissimos senatores admiserit, ita subdit: « *Non longo*

¹ Miscell. hoc ann. et Cedren. — ² Eustat. in Vita S. Entych. apud Sur. die vi. Apr. — ³ Evag. l. v. c. 12. — ⁴ Cedr. Annal. in *Justino.* — ⁵ Evagr. l. v. c. 1. 2.

¹ Plin. hist. l. vi. c. 7. — ² Agath. l. 1.

tempore post, Aetherium et Addaeum, utrumque ex ordine senatorio, qui principem locum apud Justinianum diu tenuerant, in judicium ob placitum quoddam adducit Justinus. Quorum alter (Aetherium dico) confessus se animo instituisse imperatorem veneno confidere, habuisseque Addaeum illius conatus socium et in omnibus adjutorem. Verum Addeus grandi cum jurejurando affirmat se istius rei prorsus ignarus esse. At uterque tamen securi percussus est. Atque Addaeus, cum jam caput abscederetur, dixit ingenue, licet falso de his rebus esset accusatus, justa tamen debitaque a Deo lacinoris cujusque contemplatore et vindice sibi inficta supplicia : Theodotum namque aulae praefectum se prestigiis quibusdam e medio sustulisse. Cæterum ista itane se habeant, an secus, non possum quidem pro certo affirmare. At tamen uterque scelestus fuit : quippe Addaeus insano puerorum amore exarsit : Aetherius autem nullum calumniam genus præteriens, tum vivos, tum mortuos nomine aulae imperatoriae, cui regnante Justiniano præfuit, fortunis spoliavit. Atque haec res hunc habuere exitum ».

5. Hac eum habeat Evagrius, ipsum quidem illa causa præterit utrinque supplicii, sacrilegium nimirum ab utroque adversus sanctum Eutychium Constantinopolitanum episcopum perpetratum, cum eum prudentes in exilium pessime habuere. Est horum omnium fidelis testis Eustathius, qui interfuit, cunctaque litteris commendavit, atque de his haec habet¹ :

6. « Ea quidem die tertia mensis Octobris, quæ erat Dominica. Qua quidem die et illi qui viro sancto insidias struxerant, atque in exilium ejecerant, Aetherius et Addaeus, quorum hic urbis praefectus erat, ille autem Antiochiae curator, mortui sunt : et quemadmodum virum sanctum ejiciendum curaverant, ita ambo mercedem percepérunt. In hac igitur die vir optimus sedem recepit alique Ecclesiastum suam, et ipsi privati sunt vita, multis annis antequam ipse revocaretur ». Et paulo inferius : « Jam de superhumerali (pallio videlicet), dicenda sunt : neque enim illi in ea expulsione fuit eroplum, sed apud eum mansit. Cum enim quidam e clericis suaderent Aetherio, ut ipsum atlineret viro sancto ; ille neglectis eorum verbis recusavit. Itaque cum ipse in indignatione versaretur, eis, qui ad se invisendum venerant, confessus est : Quæ, inquiens, feci domino Eutychio, ea in me cunctate reciderunt. Per homines enim meos oppugnavi eum, et per homines meos oppugnatus sum : Vestimenta illius diripi ; omnia mihi direpta sunt. Unum tantum non ademi : id mihi quoque relatum est. Cum enim clerici me hortarentur, ut adimerem superhumerales, non feci. Et ecce cum in haec sim calamitate, zona tantum et dignitatis næc insignia a me non sunt ablata. Lugens ille quidem haec narrabat ; penitentiae tamen tempus

non invenit, quamvis multis lacrymis eam quasi-visset. At de his quidem satis ». Haec Eustathius : quibus intelligas virginem illam, quam vigilantem Hieremias² vidit, divinam scilicet imminentem super quoslibet delinqentes ultionem, juste digneque ad infligenda peccantibus verbera divine manus arbitrio tempore congruo deorsum ferri.

7. *An vocatio Longobardorum in Italianam per Narsetem sit admittenda.* — Sed jam ingens strepitus Barbarorum Italiani aggredi parantium, ut oculos atque aures, ita et stylum ad se convertit. Quæ enim depresso alique penitus fere extinctis Gothis, cunctisque Franciæ eam subigere laborantibus, jam tandem visa est Italia quievisse; novis exundantibus Barbaris, majori cepit subjacere discrimini, cum videlicet grassantes Longobardi in eam parant adventum. Haec autem quomodo se habuerint, que Paulus diaconus Longobardorum res prosecutus conscripsit, primum adducamus in medium, qui sic exorditur² :

8. « Narses, inquit, dum multum auri et argenti, aliarumque rerum divitias acquisivisset, magnam a Romanis, pro quibus multum contra eorum hostes laboraverat, invidiam traxit : qui contra eum Justino Augusto, ejusque conjugi Sophiae Augustæ suggessere, dicentes, quod expedierat Romanis servire Gothis potius quam Græcis, ubi Narses eunuchus imperat et nos servitute opprimit, et haec noster piissimus imperator ignorat. Aut igitur libera nos de manu ejus, aut certe Urbem Romanam et nosmetipsos gentibus trademus. Cumque hoc Narses audisset, haec breviter retulit verba : Si male feci Romanis, male inveniam. Tunc Justinus Augustus in tantum adversus Narsetem commotus est, ut statim in Italianam Longinum praefectum mittet, qui Narsetis locum obtineret. Narses vero his cognitis valde timuit, et usque adeo ab Augusta perterritus est, ut ultra regredi Constantinopolim non auderet : cui inter cætera (quia eunuchus erat) illa hoc fertur mandasse, ut cum puellis in gynæcco Ianarum pensa faceret dividere. Ad que Narses respondisse fertur : Talem se eidem telam orditum, qualem ipsa, dum viveret, deponere, aut detexere non posset.

9. « Itaque odio et metu exagitatus, Neapolim Campaniæ civitatem secedit : unde legatos mox ad Longobardorum gentem dirigit, mandans ut pauperima Pannonicæ rura desererent, et ad possidendam Italianam cunctis refertam divitiis venirent : simulque multimoda pomorum genera, aliarumque rerum species, quarum Italia ferax est, ad eos mittit, ut eos adveniendum citius posset illicere. Longobardi lata nuntia, que ipsi præoptaverant gratanter accipiunt, deque futuris commodis animos extollunt. Continuo vero apud Italianam terribilia noctu signa visa sunt, utpote ignæ acies in celo apparentes, eum videlicet, qui postea effusus est, sanguinem tali coruscatione portendentes ». Haec Pau-

¹ Eustat. in Vita S. Eutychi, apud Sar. die VI. Apr.

² Hierem. 1. — ² Paul. diac. de Gest. Longobard. I. i. c. 5.

Ius diaconus, qui hæc accidisse hoc eodem anno satis demonstrat, dum ipsam eruptionem Longobardorum e Pannonia in Italiam anno sequenti, nimirum, quingentesimo sexagesimo octavo, quarto nonas Aprilis, vel ipsis kalendis ejusdem, contigisse commemorat¹.

10. Quod autem spectat ad iniurias inter se natum populumque Romanum atque Narsetem conflatas: Anastasius auctor est Joannem Romanum Pontificem ad eosinter se conciliandos accessisse sequesrem. Neapolimque ea de causa profectum, eundemque in Urbem revocasse: ait enim: « Ut cognovit Joannes papa, quia suggestionem suam ad imperatorem contra Narsetem senatorem mississent, (Romani scilicet), festinus venit Neapolim: cœpit eum Joannes papa rogare, ut reverteretur Romanum. Tunc Narses divit ei: *Dic sanctissime papa, quid mali feci Romanis? Vadam ad pedes ejus qui me misit; ut cognoscat Italia, quomodo totis viribus laboravi pro ea.* Respondit Joannes papa, dicens: *Citius ego vadam, quam tu de hac terra egressus fueris.* Reversus est ergo Narses cum Joanne sanctissimo papa. Ille sanctissimus papa refinuit se in cœmeterio sanctorum Tiburtii et Valeriani, et habitavit ibi nullum temporis, ut etiam episcopos ibi conseraret. Narses vero ingressus Romanum, non post multum temporis mortuus est, etc. » Sed de Narselis obitu inferius pluribus agendum erit. Videlicet omnia quæ de Narsete tum a Paulo diacono, tum ab Anastasio scripta sunt. At hæc verane sint, diligenteri sunt studio investiganda.

11. Atque primum illud expendendum, an veritate subsistat. Narsetem hoc tempore in Italia commoratum, atque inde Longobardos e Pannonia convocasse, qui sequenti anno irruperint in Italiam, cum jum in locum ejus ab imperatore Longinus subrogatus esset. Hæc autem ab auctoribus conscripta, qui post plurimos annos vixerunt, ut in dubium revocentur, haud mirum videri debet; cum praesertim ab auctore arguantur, qui his temporibus vixit. Cerle quidem Corippus grammaticus Africanus, quem superius saepè citasse meminimus, Narsetem jam ante præsentem annum revocatum Constantinopolim, magnumque honorem apud Justinum imperatorem consecutum docet, dum ait ipsum præsentem fuisse anno superiori quo Justinus adiit consutatum, inhavissequæ præ ceteris lateri ipsius imperatoris, cum audivit legatos missos ab Avaribus Barbaris. Habet enim de ipso hos versus²:

Armiger interea, domini vestigia lusians,
Eminet excelsus super omnia vertice Narses.
Agmina et Augustam eu tu præfigurat aulam,
Comptus cesarie, formaque insignis et ore:
Aureus omnis erat, cultaque habituque modestus,
Et morum probitate p'ares, virtute verundus.
Fulminens, canticus, vigilans noctesque diesque
Pro rerum dominiis.

¹ Paul, diae, de Gest. Longobard, l. i. c. 6. — ² Corip., in laud. Justin, l. iii.

Et inferius de codem Narsete ita magnifice³:

Nec non ensipotens membrorum robore constans,
Adspectu mentis, non a gravitate benignus
Adstabat Narses, sedemque ornabat herinem,
Splendida signa gerens qualis pretiosus Achates,
Aut medius fulva Parus lapis emitet auro,
Artificis formante manu: sic luce coruscus,
Sic armis placidus, mutis, sic gravior ore,
Terga tegens dominum, clarus fulgebat in armis.

Hæc de Narsete auctor ipso anno primo Justini imperatoris: ut non sit dubium ipsum jam antea ab Italia fuisse Constantinopolim revocatum. Quamobrem ea omnia a Paulo diacono, sive ab aliis de ipso asserta commenta corrumpunt dum volunt minime antehac fuisse reversum Constantinopolim, sed hoc anno altercatum cum senatoribus Urbis, et ab Augusta contemptum.

12. Sed nec est quod diei possit ipsum Narsetem, qui reperitur anni superioris initio fuisse Constantinopoli, ab imperatore iterum in Italiam missum cum eodem munere præfecturæ. Etenim omnes consentiunt atque simul testantur, Longinum in ejus locum subrogatum fuisse: quamobrem in Italiam iterum missum esse, ut dicamus, nulla ratio persuadet. Sic igitur cuncta quæ de vocatis ab eo ex dicta causa Longobardis sunt per Paulum diaconum narrata, in dubium revocari posse videntur, et fabulæ loco accipi quæ sponte corrunt, cum firmitate veritatis non subsistant. His in medium adductis, reliquum est, ut cœptam jam de adventu Longobardorum in Italiam historiam prosequamur, atque primum de iis quæ de dira clade ab ipsis Italie inferenda fuerant ante significata.

13. *Adrentum Longobardorum et cladem inde secuturam quædam signa præmontiant.* — Quod igitur ad prodigia attinet quorun meminit Paulus, eis ex ipso sunt fonte petenda. S. Gregorius papa de his agens, hæc pro concione habuit ad populum²: « Prinsquam Italia Gentili gladio ferienda tradere-t, igneas in caelo acies vidimus, ipsumque, qui postea humani generis fusus est, sanguinem coruscantes ». Hæc Gregorius. Sed que ante hæc ostensa de his sint sancto Redempto episcopo Ferentinati, idem S. Gregorius narrat his verbis³: « Redemptum Ferentinae civitatis episcopum vitæ venerabilis virum, qui ante hos fere annos septem ex hoc mundo migravit, tua dilectio cognitum habuit. Hic, sicut mihi adhuc in monasterio prope positio valde familiariter jungebatur, hoc quod Joannis junioris prædecessoris mei tempore de mundi fine cognoverat, sicut longe latequeclaruerat, a me requisitus mihi ipse narrabat. Aiebat namque quia quadam die, dum parochias suas ex more circuiret, pervenit ad Ecclesiam beati Eutychii martyris. Advesperascente autem die, stratum sibi fieri juxta sepulcrum mar-

¹ Corip., l. iv. in fin. — ² Greg. homil. l. in Evang. — ³ Greg. dial. l. iii. c. 38.

tyris votuit, atque ibi post laborem quievit. Cum nocte media (ut asserebat) nec perfecte vigilare poterat, nec dormiebat; sed depresso, ut solet, somno, gravabatur quodam pondere vigilans animus: atque ante eum idem martyr Eutychius adstitit, dicens: Redempte, vigilas? Cui respondit: Vigilo. Qui ait: Finis venit universæ carnis: Finis venit universæ carnis: Finis venit universæ carnis. Post quam trinam vocem visio martyris, quæ mentis ejus oenlis apparebat, evanuit. Tunc vir Dei surrexit, seque in orationis lamentum dedit.

14. «Mox enim illa terribilia in celum signa sentia sunt, ut hæste atque acies ignes ab Aquilonis parte viderentur. Mox effera Longobardorum gens de vagina suæ habitationis educta, in nostram cervicem grassata est; atque humanum genus, quod in hac terra præ niniâ multitudine quasi spissæ sedgefis more surrexerat, succidit aruit: nam depopulatae nrbes, eversa castra, concrematae Ecclesiae, destruta monasteria virorum et feminarum, desolata ab hominibus prædia, atque ab omni cultore destituta in solitudine vacat terra: nullus hanc possessor inhabitat: oecuparunt bestie loca, quæ prius multitudo hominum tenebat. Et quid in aliis mundi partibus agatur, ignoro. Nam in hac terra, in qua nos vivimus, finem summam jam non nuntiat, sed ostendit. Tanto ergo nos necesse est instantius æterna querere, quanto a nobis cognoscimus temporalia fugisse. Despicendum a nobis hic mundus fuerat, etiamsi blandiretur, si rebus prosperis demulceret animum. At postquam tot flagellis permittitur, tanta adversitate fatigatur, tot nobis quotidie dolores ingeminal: quid nobis aliud, quam ne diligatur, clamat?» Haec S. Gregorius de adventu Longobardorum prædictione.

15. At ne quis potest mendax fuisse oraculum de fine universæ carnis prædictum; seiat hisce verbis non sæculi consummationem significatam, sed gentis Italie cladem: sicut olim Deum per suum Prophetam comminatum fuisse constat, ubi ait¹: «Haec dieit Dominus Deus terræ Israel: Finis venit: Venit finis super quatuor plagas terræ: Nunc finis super te, etc.» Sieut ergo finem universæ carnis minitante Propheta, non mundi est demonstratus interitus, sed imminentes tantum clades præsignatae fuere: ita pariter eadem quæ prædicta sunt S. Redempto accipienda erunt. Certe quidem finis quodammodo tunc diei potuit advenisse Romani Occidentalis imperii, cum Longobardi Italiani invadentes, rerum potiti sunt. Etenim post paucos exarchos Constantinopoli ab imperatoribus in Italiam missos, qui Ravennæ considere consuevere, iisdem diu prævalentibus Longobardis, Occidentis imperium penitus collapsum est. neque usque ad Carolum Magnum amplius restitutum, ut tamen in Gallias fuerit ipsum translatum. Sane quidem quam dirissima foret Longobardorum adventura grassatio, ejusmodi factis divinitus vati-

ciniis præsignata potest intelligi, quibus mundi ipsius interitus fuit creditus significari.

16. Quid autem passa sit a Longobardis Italia, vel hoc uno collige arguento: Si, teste Procopio, cum iidem amici essent imperatoris, et laboranti Italiae bello Gothicæ in auxilium Longobardi venientes, longe deteriora hostibus perpetrarunt, ut opus fuerit eos dimittere: quid ab iisdem factum potest existimari, cum iam hostes redditi hostili animo Italiam invaserint? Sane quidem adeo immensa ubique inerebuerit sub ipsis mala, ut non leves queque personæ, sed ipse S. Gregorius papa, idemque Magnus præ meritorum celsitudine nuncupatus, existimarit jam instare novissimum diem, quo universi orbis conflagratio imminenter. Sed de his pluribus suo loco agendum inferius: jam vero quæ rerum gestarum annis hujus sunt reliqua videamus.

17. *Regis Gothorum filio in Hispania nubio in regibus Francis; quarum Gelesuinthæ necem passa laudatur.* — Hoc eodem anno, qui est secundus Justini imperatoris, defuncto Athanagildo rege Gothorum in Hispania, cum cessasset regnum meunes quinque, Linba ei præficitur, secundoque sui regni anno sibi collegam adscivit Leuvigildum fratrem. Haec Chronicæ Isidori, licet quod ad notam Æræ perlinet, depravatus numerus ejus reperiatur. Fuerunt Athanagildo duæ filiæ, quarum altera major natu Gelesuinthæ, minor Brunichildis; illa nuptiæ tradita Chilperico Francorum regi regnanti Suessionis, ista Sigeberlo regi itidem Francorum Rhemis regni sedem habenti. Quod enim a patre etsi Ariano, Catholicis tamen favente, imo et clam (ut Tuditianus est auctor) Catholicam fidem colente, sint genitæ; perfacie fuit easdem, ubi venerunt in Gallias, rectis dogmatibus imbui, et abjurata Ariana impietate, reddi Catholicas.

18. Cecinit tunc temporis Venantius Fortunatus¹ epithalamium de nuptiis Sigeberti regis atque Brunichildis reginæ, ubi plura de laudibus Sigeberti, deque pace inter Francos et Gothos nuptiis Brunichildis sancta haec habet:

Quis crederet autem
Hispaniam ibumet dominum Germania nasci,
Quæ duo regna juvo pretiosa annexit uno?
Non labor humanus potut tam mira parare:
Nam res difficilis divinis uitetur armis.
Lona retro series regi hoc vix contulit (quæ regi hoc contulit) ulli:
Difficili nisi superatur arcta rerum.
Nobilitas excelsa intet genus Athanagilli,
Longius extremo regnum qui porrigit orbi,
Dives opum, quas mundus habet, populorumque gubernat
Hispanum sub jure suo pietate canenda, etc.

De ipsa vero a viro suo ad fidem conversa Brunichilde haec idem auctor in carmine in laudem Sigeberti regis ejus conjugis habet²:

Catholicæ cultu decorata est optima conjux:
Ecclesia crevit, te faciente, domus.

¹ Ezech. vii.

¹ Fortun. car. I. vi. — ² Ibid.

Reginam meritis Brunichildem Christus amore
Tunc tibi conjonxit, hanc tibi quando dedit.
Altera vota co'is natus, quia (qua) munere Christi
Pectora juneta prius, plus modo lege placent.
Rex pie, regina tanto de innine gaudie;
Acquisita bis est, qua tibi nupta semel.
Pulchra, modesta, decens, solters, pia, grata, benigna,
Ingenio, vultu, nobilitate potens
Sed quamvis tantum meruisse sola decorem :
Ante tamen homini, nunc placet ecce Deo.

19. Cecinit idem auctor de Gelesuintha ejus sorore nupta Chilperico regi non epithalamitum, sed lugubres elegos : quibus plane ostendit in poeticis facultatibus haud latinas musas his temporibus raucas, sed plane sonoras, quae et ad collaerymandum lectorem impellant. Miserrima quidem fuit Gelesuintha conditio : de ejus enim cum Chilperico infeli conjugio Gregorius ista habet¹: « Chilpericus rex, cum jam plures haberet uxores (ita nominat concubinas) sororem Brunichildis Galsuinham, (sive Gelesuinham, vel Galsuinham dictam), expectit promittens per legatos se alias relieturum, tantum condiguam sibi regisque prolem mereretur accipere. Pater vero ejus has promissiones accipiens, filiam suam sicut anteriorem similiter ipsi cum magnis opibus destinavit. Nam Gelesuintha etate senior quam Brunichildis erat. Quae cum ad Chilpericum regem venisset, cum grandi honore suscepit, ejusque est sociata conjungio. A quo etiam magno amore diligebatur : detulerat enim secum magnos thesauros. Sed per amorem Fredegundis, quam prius habuerat, ortum est inter eos grande scandalum. Jam enim in lege Catholica conversa fuerat et chrismata. Cumque se regi quereretur assidue injurias perferre, diceretque nullam se dignitatem cum eodem habere; petiit, ut relictis thesauris quos secum detulerat, libere redire permetteret ad patriam. Qnod ille per ingenia dissimilans, verbis etiam lenibus demulsiit. Ad extremum eam sugillari jussit a pueru : mortuamque reperit in stratu ». Haec Gregorius. Cæterum rem haud omnibus compertam fuisse, Fortunatus demonstrat, dum repentina eam morte abreptam, non violenta ex hac vita subductam tradit : qui de ambabus sororibus haec primum habet²:

Toletus geminas misit tibi Gallia turres :
Prima stante quidem, fracta secunda jacet.
Alta super colles speciosa cacumine pulchro
Flatibus infestis culmine lapsa ruit.
Sedibus in patre sua fundamenta relinques,
Cardine mota suo, non stetit una cin.
De proprio migrata solo nova mersit (mors fit) arena :
Exul, et his terris, heu ! peregrina jacet.

Et inferius de ejus in pauperes amore et fide Catholica recens accepta hos versus idem auctor ecce in eleganter :

Regnabat placido componens tramite vitam,
Pau' eribus tribuens advena mater erat.
Quoq' magis possit regno supereesse perenni,

Catholice fidei conciliata placet.
O dolor insignis, quid differs tempora fletus,
Lugubresque vices plura loquendo facies ?
Impròbi sors hominum, quae improviso condita lapsu
Tot bona tam subito, sorte volante, voras (fugas) !
Nam breve tempus habens, consorti nexa jugali,
Principio vite funere rapta fuit.
Præcipiti casu, volucri præventa sub ictu
Deficit, et verso lumine lumen obit.

Hoc tamen lucrata fuit Hispana virgo, ut ex Ariana Gallia Catholica redderetur, ac plane saneta moribus efficeretur. Quid autem acciderit ad ipsius sepulcrum, quod ejus sanctitatis indicium haud leve existimatum est, refert Gregorius, dum ista subdit¹:

20. « Post ejus obitum Deus virtutem magnam ostendit. Lichus enim ille qui fune suspensus eoram sepulcro ejus ardebat, nullo tangente, fune disrupto, in pavimentum corruit ; et fugiente ante eum duritie pavimenti, tanquam in aliquod molle elementum descendit, atque medius est suffusus (suffixus) nec omnino contritus : quod non sine magno miraculo videntibus fuit ». Haec ipse ; quæ idem Fortunatus in ejus panegyrico, dum de ipsius funere agit, ita carmine ecce in:

Ducitur, ornatur, deponitur, undique fletur,
Conditur et tumulo sic peregrina suo.
Nascitur et subito rerum mirabile signum,
Dum pendens lychus lucet in obsequium,
Decidit in lapidem, nec vergit, et integer arsit :
Nec vitrum saxis, nec perit ignis aquis.

Et ad finem ex eodem arguit auctor miraculo, quod anima ejus lucidas cum sanctis sedes accepit : haec enim idem Fortunatus habet, quæ ut alia plura in veteri editione desiderantur, in tantæ feminæ commendatione pie ac religiose decantata :

Tot lacrymas stillasse sat est : sed ab inbre vaporis
Non relevanda situm gut'a ministrat opena.
Affactus si forte potest intescere, dicam :
Namque ea flenda jacet, que loca latâ tenet.
Dicit si quid ei nocuit, quam tempore lapsu
Morts iter rapuit, vita perennis alit.
Quo modo cum Stephano caelesti consule pergit,
Fulget Apostolico principe clara Petro.
Matre simul Domini plaudens radiante Maria,
Rege sub aeterno militat illa D.o.
Conciliata placet, pretiosissimo funere fulget :
Deposita veteri, nunc stola pulchra tegit.
Atque utinam nobis illos accedere vultus
Cedat amore Deus per mare, per gladios.
Vita signa tenet, vitro cum vase cadente
Non aqua restinxit, nec petra fregit humi.
Tu quoque mater habes consultum voce tonantis
De nata et genero, nepte, nepote, viro.
Credite Christicole vitam quia credit illam,
Non hanc flere decel, quam paradisus habet.

Hactenus Forlunatus. Sed quæ est secuta ultio Chilpericum, cum delectum est facinus, a Gregorio item accipe, qui ait : « Rex autem Chilpericus eum eam mortuam dellesset, post paneos dies, Fredegundem recepit in matrimonio. Post quod

¹ Greg. hist. I. iv. c. 28. — ² Fortun. de Gelesuin. car. I. vi.

Greg. I. iv. c. 28.

factum reputantes ejus fratres, quod sua emissione antedicta regina fuerit interfecta, eum e regno deficiunt ». Sed haec postea.

21. *Hispaniadversus Gracos pugnant.* — Porro hoc tempore in Hispaniis etsi non amplius adversus Francos conjuncti fodere sociatos Gothis certandum esset; adversus tamen Graecos adscitos socios, sed conversos in hostes jugiter pugnandum fuit: post obitum enim Athanagildi Isidorus tradit, Hispaniarum regibus adhuc fuisse eum iisdem conligendum: «Adversus quos, inquit, hucusque confligitur: nam frequentibus ante praeliis casi, nunc autem multis casibus fracti ac diminuti sunt». Haec Isidorus. Ad haec plane spectant quae S. Gregorius¹ scribit ad Recharedum regem requirentem capitulo ac pacta illa conventa cum Justiniano imperatore, dum ait: «Item in Anagnostico ante longum tempus dulcissima mihi vestra excellentia, Neapolitano quodam juvete veniente, mandare curaverat, ut piissimo imperatori scriberem, quatenus pacfa in chartophylacio requireret, quae dum inter pie memoriae Justinianum principem et jura regni vestri fuerant emissa: ut ex his colligeret, quid vobis servare debuisset. Sed et ad haec facienda duæ res mihi vehementer obstiterunt: Una, quia chartophylacium praedicti pie memoriae Justiniani principis tempore ita subrepente subito flamma incensum est, ut omnino ex ejus temporibus panis nulla charta remanceret: Alia autem, quia (quod nulli dicendum est) ea quæ contra te sunt, apud temetipsum debes documenta requirere, atque (neque) hoc per me in medium proferre. Ex qua re hortor, ut vestra excellentia suis moribus congrua disponat, et quæque ad pacem pertinent, studiose peragat, ut regni vestri tempora per longa sint annorum curricula cum magna laude moderanda ». Haec Gregorius: quibus indicat adhuc dignissimum bellum in Hispania adversus milites imperatoris, qui aliquo sibi jure id faciendum putaret: conventum namque inter eos tradunt, ut si opem ferret imperator, Hispaniae pars sub Romani imperii ditionem, hoste superato, rediret: ob idque ad pacem idem Gregorius hortatus est Recharedum. Verum non pace, sed gladio finem bello impositum, idem Isidorus affirmat.

22. *Launomarius in Gallia signis et virtutibus florescit.* — Sub hoc anno secundo Chilperici Clotarii filii regis Francorum notatae reperiuntur praecellentes res gestæ S. Launomari abbatis, qui his temporibus in Gallia egregia sanctitate atque miraculis refulsi. Extant ipsæ omni fide conscriptæ ab æquali² ipsius: ex quo haec tantum quæ ad annum hunc spectant, haud silentio prætereunda putamus, cum agit de monasterio ab eo erigi cœpto, ubi antea plurimi miraculis claruisset: reliqua vero quæ ab eodem auctore descripta leguntur, tu consulas: «cepit, inquit, eo in loco vir Dei ad laborem se accingere, Deo adjuvante, illum repurgare, Turbionis Cor-

bionis), pristino permanente vocabulo: statuitque ibi oratorium, instarque cenobii cellulas ædificavit, in iis cum suis habitans. Factum hoc est anno secundo Chilperici regis, qui fuit filius Clotarii supradiceti a Clodoveo primo Francorum rege Christiano progeniti. Die quadam monachi venerabilis patris velutam quercum ampulaverunt, cessuram in structuram oratorium. Ubi autem hora eibi capiendo advenit, vir Domini illos jussit abscedere; ipse vero cum suo ministro in opere permansit. Erat arbor illa in loco importuno sita, ut a fratribus neque securi, neque dolabris aptari posset ad usum ædifici.

23. « Itaque servus Dei ad solitum præsidium recurrens, precibusque pulsans Dominum, illius virtute et opere Iretus, arboreum immensæ molis et roboris, quo illi collibitum fuit transposuit: ita ubi ab hominibus non suppeditebat adjutorium, non deerat fidelis servo manus auxiliatrix præpotentis Dei. Fertur autem ea arbor tanta fuisse vastitatis, ut vix quadraginta viri illi deportandæ sufficerent. Praecepit autem vir sanctus ministro suo, ut venientibus fratribus diceret, a prætereuntibus allatum fuisse opem. In cuncis autem operibus suis valde id studebat, ut hominum fugeret notitiam, et spiritum vanitatis atque jaclantie: admonebatque ut omnis laus uni Deo adscriberetur, cuius etiam revera totum esset, quicquid fecisset boni ». Ita quidem tegere sua admiranda opera consuevit, ut tamen mendacii pravitatem effugeret: neque enim quisquam eum esse mentitum dicere potuit, dum a prætereuntibus allatum opem ad querendum transferendam asseruit, præterennles namque quis dixerit sanctos Angelos viatores, qui ipsorum apparitiones factas Abrahæ, Lothi, atque Tobiae in memoriam revocari. Sed attende quid mox idem subiectat auctor:

24. « Fuit post haec vir quidam nobilis, Ermoaldus nomine, qui jam ad extrema perduelus, mortis angoribus premebatur. Misit igitur ad virum Dei solidos quadraginta, obnixe rogans, ut ipsi jam in supremo constituto spiritu velit benignus opitulari, et suis apud Deum precibus efficere, ut spes obtinendie sanitatis ipsi præstetur. Illam pecuniam vir sanctus prorsus recipere noluï; attamen rogante latore, accepit illam quidem, sed ingressus in oratorium fudit preces ad Deum, ut accepta foret in conspectu illius oblatio hominis: imponensque allari pecuniam, et multo studio singulos appendens et manu reversans nummos, cerebroque flectens genua et orans Dominum; ad extremum non nisi unum ex omnibus retinuit sibi solidum, quem per spiritum cognovit non rapina, sed jure partum esse. Reliquos autem restituens illi qui eos attulerat, ait: Haec pecunia per iniquitatem conflata est: nec potest mutare sententiam Dei, nec vita spatio producere, nec peccatorum veniam impetrare. Scriptum enim est³: Victimæ impiorum abominabiles

¹ Greg. l. vii. Ep. cxxvi. — ² Recitat Sur. t. i. die xix. Januarii.

³ Prov. xv.

Domino : vota justorum placabilia. Hinc est illa Prophete exprobratio¹ : Sacrificate de fermento laudem. De fermento quippe laudem immolat, qui Deo sacrificium de rapina parat. Tu ergo, frater, celeriter annuntia domino tuo, ut pro anima sua salte sit sollicitus, injusteque aliis ablaia restituat, neveritque hoc morbo vitam se amissrum temporariam : nos vero, Christo propitio, bonis omnibus

abundamus, nec quicquam nobis in Christum firmiter credentibus poterit deesse. Dominus tecum sit, fili : vade in pace. Ille, his auditis, abiit ad dominum suum; quem tunc quidem adhuc viventem reperit; sed idem tamen, invalescente morbo, excessit e vita». Alia his ab auctore subjiciuntur observatione dignissima : sed quod alio nostra tendit oratio, ista de sancto viro libasse salis erit. Jam vero ad cladem per Longobardos Italiæ sequenti anno inferri coepit transeamus.

¹ Amos. iv.

Anno periodi Græco-Romanæ 6060. — An. V. C. 1320. — Anno Æra Hispanæ 605. — Jesu Christi 567. — Joannis III pape 8.
— Justini jun. imp. 3.

1. *Consulatus Justini Aug.* — Hic annus ista formula notatus : *Justino Augusto solo consule*. Vel, *anno secundo, Justino juniore Augusto primum solo consule*, ut Onomphrius lib. 3 Fast. dicit, se legisse in Fastis Maffeiiorum, qui munquam lucem viderunt; vel denique, ut loquitur Marius Aventicensis; *Anno primo consulatus Justini junioris Aug.* Consulatum init Justinus *kalendis Januariis*, ut liquet ex Corippo lib. t de laudibus Justini, ubi hunc sic populum alloquenter inducit :

Nomenque negatum
Consulibus consul post tempora cuncta novabo
Gaudet ut totus Justini munere mundus
Dona kalendarum properant vicina mearum.

Consulatum autem hoc anno a Justino gestum, non vero superiori, ut Baronius ibidem, Fasti Hera-

liani, et auctor Chronici Alexandrini habent, docent non tantum Fasti Maffeiiorum citati, et Marius, qui eum cum Indictione xv copulat; sed etiam postconsulatus xxv Basilii, a continuatore Marcellini et eodem Mario memoratus; hic enim postconsulatus nonnisi anno DLXVI usurpari potuit. Ad haec Theophanes anno Incarnat. secundum Alex. DLIX, qui kalendis Septemb. anni Christi DLXVI incipit, ait : « Consulum more munus dedit Justinus, multasque pecunias, quibus etiamnum plures ditati, sparsit in populum », kalendis scilicet Januariis (1).

2. *Justinus consulatum in solos Augustos translit.* — Porro *Justinus* consulatum ordinarium, tam ab imperatoribus quam a privatis geri solitum; et *Decennalia* ac id genus Festa, singulis quinquenniis exhiberi solita abrogavit, consulatumque

(1) Fieri nisque potest Justinum hoc anno consulatum innesse, at secundum, non primum, ut perspicue docet instrumentum in papyro Ägyptia descriptum, quod e schedis Cl. Fontanii produxit Cl. Scipio Maffeius in Appendice operis : *Historia diplomatica* etc. editi Mantuae MDCCXXVII in 4. Sic autem consignatur : « Iup. D. N. Justino pp. Augusto anno septimo, et p. c. ejus secundo anno quarto sub d. tertio nonarum Januarum, Indictione quarta ». Sermonem hic esse de Justino junore, non vero de seniori altero, constat, quia sub seniore imperatore postconsulatus nondum recensabantur, neque ejusdem imperatoris annus septimus cum Indictione IV congruit. Indictio haec quarta cum quarto postconsulatu secundi consulatus Justinus minoris exhibet annum DLXXI. Cum enim certum sit ex anctombus a Pagno productis anno DLXVII Justinus egisse consulem, et cum consulatus iste, ut erudit ex Collatione monumenti Baluziani, de quo nos in Nota ad A. DLXV, i non primum, sed secundus fuerit; quartus postconsulatus secundi consulatus dicit nos in annum DLXXI, Indictione quarta notatum. Quonodo autem annus iste die *tertio nonarum Junii* fuerit septimus imperii Justinus negotium eruditus facessit. Mea quidem opinione, annus iste septimus ducentus esset a Cæsaris dignitate, quau Justinus a Justino ante ejus mortem obmenerit, anno forte DLXIV vel DLXV. Quanquam enim Casaream hanc Justinus dignitatem negat Pagus, Corippo tamen, quod prædictum testimonium apertius est, quum ut evasione aliqua eludatur. Porro attitus ejus imperatores Casareae dignitatis annos cum annis imperii interdum numerasse ex documentis pluribus Mauritu, et Tiberii discimus. Vide inscriptionem Synodi Gradensis apud Pagum ad A. DLXXVII. iii Quanquam enim hucus Synodi veritas nobis est suspiciosa; ejus tamen subscriptio a nemine eiros arguitur.

Hac olim ego mecum commentabar, postmodum vero plura sicut conferens vetera monumenta Justinis annis notata, vindicias hac in re instrumenti papyraceti deserere coactus sum. Etenim si annus iste septimus ab inita Cæsarea dignitate docatur, statuerit illam ante diem III non. Junias anni DLXV eopret. Sed apud Moratoriū ex illustrissimo Philippo a Turre desumptus ex lat. lapis Capuanus, in quo annus VII cum Indictione V et mense Augusto conjugantur. Hinc vero confititor anno DLXXI his characteribus notato annum Justinii VI nondum desuisse, adeoque anno DLXV ante Augustum Casareum nondum agebat. Temporaria igitur documenta hujus note corrigeantur sunt. Ubi vero mendam cubet, quis divinaverit? Forte enim Indictio V pro IV repente est. Forte vero annus Justinii VI pro VII legendus.

sine collega a solis Augustis imposterni geri vobis, et tam ab illo, quam ab imperio annos eorum diminuerari : haec scilicet ratione, ut plures imperii quam consularis annos numerarent; quæ consularis forma usque ad Constantium Pogonatum duravit. Fastos istos Orientales ac Byzantinos in 3 parle Dissert. Hypaticæ pluribus declaravi, et in hoc opere, quæ ibi dixi, magis confirmabo. Hactenus enim hoc consularis genus parum notum fuit. Invabit autem observare, *consulatus honorarios* non solum cum ordinariis abolitos non fuisse; sed etiam, postquam perpetui intermissi sunt, adhuc per aliquod tempus obtinuisse, ut patet ex Novella xciv Leonis Philosophi, qua Novellam ex Justiniani, quæ de consulari agit, reseindit.

3. Justinus in aliquot viros primarios sorvit. — A num. 1 ad 7. *Justinus* Aug. ut refert Evagrius lib. 5, cap. 2 et seqq. imperii sui initio in *Justinum* cognatum suum, qui consularum ordinarium anno DXL, aliasque magnas dignitates consecutus fuerat, et in *Aetherium* ac *Addeum*, *viros ordinis senatorii*, qui apud imperatorem *Justinianum plurimum* potuerant, animadverlit, ac eos morti tradidit. Sed contigit id anno superiori, ut deduco ex Eustathio in Vita sancti Eutychii episcopi Constantinop. cap. 8, ubi dicit, *Eutychium* ab exilio revocatum esse « *tertia Octobris*, quæ Dominica erat : quæ quidem die et illi, qui ipsi insidias struxerant, eumque ejecerant in exilium *Aetherius* et *Addeus*, hic urbis praefectus, ille palatiorum Antiochi dictatorum curator, mortui sunt ». Ubi Eustathius loquitur de die *tertia mensis Octobris* anni quingentesimi septuagesimi septimi, quæ Eutychius restitutus est in episcopatum Constantinopolitanum, et in quam Dominica eo anno cadebat. Theophanes autem *Aetherium* et *Addeum* anno Christi DLXVI interfecos esse docet. Anno quippe Incarnationis secundum Alex. DLIV, qui kalendis sept. anni Christi DLXVI exorditur, de utriusque suppicio disserit, quod cum illis die *tertia Octobris*, ut testatur Eustathius laudatus, irrogalium fuerit, ad ann. DLXVI pertinet, quo dies in Octob. in Dominicam cadit. Theophanes cædem Justini differit usque ad annum Incarnat. secundum Alex. DLXIII, qui anno Christi DLXX incepit. Verum rectius Evagrius eam ante mortem *Aetherii* et *Addei* recitat, cui suffragatur Biatoriensis in Chonicco, qui eam cum anno secundo imperii Justini attingat. Erat *Justinus* ille Germani patricii filius, et consobrinus imperatoris *Justini*, ut scribit idem Biatoriensis. Eum *Justinianus* imp. magistrum militum per Colchidem et Armeniam creaverat, ut prodit Agathias in lib. 4. Postea vero eundem magistrum militum per Thracias instituit, ut tradit Menander Protector pag. 99.

4. Narses ex Italia revocatur. — A num. 7 ad 17. *Narses* Italie reparator, pessimo *Justini* consilio, Constantinopolim revocatus est, indeque non solum Barbaris, sed et Venetis schismatis animus crevit, ac paulo post nobilissima illa provincia et

Longobardorum bello, et schismaticorum dissidiis afflita est. Marius quidem Aventicensis Narsetem anno tantum sequenti ex Italia revocatum asserit : « *Anno secundo*, inquit, *consulatus Justini jun. Aug. Indictione prima*. *Hoc anno Narses ex praeposito et patricio*, post tantos prostratos tyrannos, id est Baduillam, et Tejam reges Gothorum, et Bucellemum ducem Francorum, nec non et Sindevalum Erolum, Mediolanum, vel reliquas civitates, quas Goths destruxerant, laudabiliter reparatas, de ipsa Italia a suprascripto Augusto remotus est ». Verum Marius, qui *Justini* initium in annum Christi DLXVI male distinxit, res quas postea narrat, anno uno tardius subinde collocait. Cumque Langobardi anni sequentis initio Italiam ingressi sint, *Longino* Narsetis locum obtinente, Iujus exarchatus superiori anno inchoari debuit, et Sigebertus in Chonicco ad annum DLXVI recte ait, Narsetem accusatione Romanorum patriciatus dejectum invitasse *Langobardos* ad possidendam Italiam : enī enim illuc pervenerint initio anni DLXVIII, eos uno aut altero antea anno invitatos oportet.

5. Langobardos in Italianum accersivit. — Paulus diaconus lib. 2 de Gestis Langobard. cap. 5. Anastasius in vita Joannis III papæ, Fredegarius in Epitome cap. 65, Sigebertus, Marianus Scotus, Hermannus Contractus, alioque scriptores Latini scripsere, *Narsetem* a Sophia Augusta territum, ut regredi ultra Constantinopolim non auderet, Langobardos, ut in Italiam venirent, invitasse. Baronius hoc inter fabulas rejicit, existimatque, *Narsetem* ante *Justini* imperium ex Italia a *Justiniano* revocatum fuisse, quod in Corippo legisset, ipso *Justini* initio Narsetem ducem celeberrimum Constantinopoli ejus inaugurationi interfuisse, et curo-palatem tunc fuisse, quæ summa palati dignitas haberet cœpit, ex quo *Justinus* *Justiniani* nepos eam gessit. Verum imperante *Justino* tres Narsetes clarnere, iisque Persarmeni. De duobus prioribus loquitur Procopius lib. 2 de Bello Goth. cap. 13. « *Etat is*, inquit, *Narses* spado, et sacrarum largitionum comes, etc. *Justinus* dux Illyricorum, et *Narses* alter, qui ex Armeniis Persie subditis ad Romanos transflugera olim cum Aratio fratre ». Primus prefectus Italie fuerat, et de eo loquitur Marius citatus. Secundus, qui frater erat Aratii et Isaci, perit in bello Persico imperante *Justino* gesto, ut refert Procopius lib. 2 de Bello Pers. cap. 25, qui et alibi saepe ejus mentionem facit. Tertius, *Narses* ille est, de quo Corippus loquitur, et hæc a Baronio num. 11 recitata cœcinit :

Armiger interea, Domini vestigia lustrans
Eminet excelsus super omnia vertice *Narses*,
Agmina, et Augustam cultu præfulgurat aulam
Comptus casarie, formaque insignis et ore.

6. Narses cubicularius diversis a Narsete cunacho. — At *Narses* iste, de quo loquitur poeta, non est is, qui tantas res in Italia gessit, quique in

offensionem *Sophiae* Augustae incurrit. Neque enim *Narses* eunuchus forma insignis fuit et ore, neque etiam juvenis, sed senex. *Narses* itaque de quo *Corippus*, sub *Mauritio* dux militum fuit, et triginta circiter annis post priorem adhuc floruit, tantoque Persis terrori fuit, ut Persarum infantes, auditu solo *Narsesis* nomine tremerent. De eo luse *Theophylactus* in *Historia Mauriciana*. *Baronius* anno **DLXXVIII**, num. 13 et seq. de isto *Narsete* loquitur, concluditque, se hanc suam opinionem considerandam potius proposuisse, quam historica lege credendam. Dubitat ibidem cardinalis doctissimus, an *Narses* ille, de quo loquitur *Paulus* lib. 2, cap. 4, quem scribit, exilio damnasse *Vitalem* episcopum *Altinæ* civitatis, diversus sit a *Narsete* eunuchus: sed certum est, illum enimdem esse; cum ibidem *Paulus* sermonem habeat de peste, quæ *Narsesis* tempore *Italiæ* vastavit. ipso nempe fine imperii *Justiniani*, ut supra ostendimus. Præterea *Narses*, de quo *Theophanes* ad annum vi *Justinii* jun. scribit: « *Iloc* anno *Narses* cubicularius et protospatharius, qui *Justino* imp. adeo carus fuit, ut ejus gratia *Iudibriis* respergeretur, domum *Narsesis* construxit, et *Catharorum* monasterium ». *Narses*, inquam, iste ille est de quo verba facit *Corippus*, qui cubiculariis et eunuchis præsidebat; horum enim seriem et ministeria describit *Corippus* lib. 3. Hunc etiam *Narsetem* protospatharium fuisse, seu *protectorum comitem*, ense armatum, turmæque sibi subditæ signum gerentem, manifeste ostendunt versus *Corippi* lib. 4, quos recitat *Baronius* hoc anno, num. 11, quorum initium est :

Necnon Ensipotens membrorum robore constans, etc.

7. *Scriptoribus Latinis major fides habenda quam Græcis in re apud illos gesta.* — Ceterum, an *Narses* eunuchus Longobardos in *Italiæ* accersiverit, ab auctoribus Græcis discere non possumus, ex quibus nec *Theophanes*, nec *Cedrenus*, nec *Zonaras*, nequidem irruptionis Longobardorum in *Italiæ* mentionem faciunt; cum contra plerique historici Latini, apud quos res gesta, ejus diserte meminerint. Extat in Bibliotheca *Colbertina Melliti Brevis temporum Expositio* manuscripta, cuius initio preficitur hic autor se in medium adducere, quæ ab antiquioribus scriptoribus accepit, et temporum summam ab exordio mundi usque ad *Augusti Heraclii*, vel *Sisebuti* regis principatum breviter notare. Is cum ad *Justinum* minorem pervenit, ait : « *Narsis Patricius*, postquam sub *Justiniano Augusto* *Tutilane Gothorum* regem in *Italiæ* superavit, *Sophiae Augustae* *Justini* conjugis minis perterritus Longobardos a *Pamoniis* invitavit, eosque in *Italiæ* perducit ». Ita *Mellitus* de verbo ad verbum, qui testatur se Opus suum absolvere anno *Heraclii* imp. *Vet IV Sisebuti*, anno scilicet Christi **DCXIV** aut insequenti : quem *Hispanum* fuisse, *Sisebuti* regis mentio in tam parvo Chronico ostendit. Habemus itaque auctorem coævum, qui nihil

scribit quod ab antiquioribus non acceperit. Codex ab octingentis circiter annis exaratus. Idem habet sanctus *Isidorus Hispalensis* episcopus, auctor etiam coætanens in brevi suo *Chronico* nuper a *Schelestro* ex *Bibliotheca Urbino-Vaticana* publicato.

8. *Moritur Athanagildus Hispanie rex.* — A num. 17 ad 21. Recite *Baronius Athanagildi Gothorum* in *Hispania* regis mortem hoc anno colloeat. Abbas enim *Bielariensis* eam cum anno *Justini* imp. secundo, et *Isidorus* in *Chronico Gothorum* cum *Arae* bcv copulant, ac præterea *Isidorus* eidem annos **XIV** assignat. *Baronius* errorem in annum *Arae* irrepsisse suspicatur; sed ex dictis, de initio regni *Athanagildi*, locum purum esse constat. Ait *Isidorus*, *Athanagildum* fidem Christianam occulte tenuisse, et Christianis valde benevolum fuisse: vacasse regnum *mensibus quinque*, et *Athanagildo Liuvam* *Narbonæ* a *Gothis* substitutum esse.

9. *Sigebertus Brunichildem, Chilpericus Gal-suendam dicit.* — Suscepit *Athanagildus* duas ex *Gosuinda* uxore filias, *Galsuindam* seu *Galsuendam* aetate seniorem, ut docet *Turonensis* lib. 4, cap. 28, et *Brunichildem*: *Sigeberlus* Francorum rex juniores sibi connubio conjunxit, quæ per prædictionem sacerdotum atque ipsius regis commotionem haeresi Arianae renuntiavit, ut habet idem *Turonensis*. *Baronius* recitat carmen *Fortunati* de nuptiis *Sigeberli* et *Brunichildis*, et aliud ejusdem auctoris de ultriusque laudibus, postquam *Brunichildis* Catholicæ fidei se mancipavit. *Sigeberlus* in *Chronico* ait *Brunichildem* in Franciam venisse anno *Sigiberti* regis quinto. *Chilpericus* rex, cuius regia apud *Suessionas* erat, *Galsuendam* *Brunichildis* sororem natu maiorem, in conjugem expetiit, promisitque se alias relicturam. « Sed per amorem *Fredegundis*, quam prius habuerat, ortum est inter eos grande scandalum », inquit *Turonensis* lib. 4, cap. 28. *Fortunatus Galsuende* profectionem ex *Hispania*, *Narbene*, *Pictavio*, et *Turonis* usque *Rotonagum*, ubi nuptiæ celebrae sunt, deinde conversionem ad fidem Catholicam, ac tandem mortem prosecutus est lib. 6, Carm. 7. *Chilpericus* pravis consiliis imbutus, eam stranguli jussit, ut narrat *Turonensis* citatus, qui addit. *Chilpericum post paucos dies Fredegundem recepisse in matrimonio*. *Fortunatus* loco laudato eam brevi tautum tempore jugali consortio nexum fuisse scribit.

10. *In Hispania varie urbes Romanis adhuc parebant.* — Ad num. 21. Plures adhuc urbes in *Hispania* imperio Romano subjectæ erant, nec ante *Sisebutum* regem *Gothi Romanos* ex *Hispania* expellere potuere. Quare non mirum, si *Isidorus* in *Chronico* scribat, dum de *Athanagildo* loquitur : « *Adversus quos* (scilicet milites Romanos), *huc usque conflictum est* : frequentibus antea proliis cæsi, nunc vero multis casibus fracti atque finiti »; sed legendum cum exemplari quo usus est *Baronius*, ac dimitti.

11. *Floret S. Launomarus abbas Curbionensis.* — Ad num. 22 et seqq. Vita sancti *Launonari*

abbatis Curbionensis in dilione Carmutensi, scripta ab auctore monacho Curbionensi anonymo, extat apud Bollandum ad diem xix mensis Januarii, et apud Mabillonum saeculo i Benedictino, qui et aliam ex Codice Ms. descriptam exhibet. In priori Vita dicitur *Launomarus* natus, Francorum regnum administrante Clotario Clodovei magni filio, et fundasse monasterium Curbionense, dum *Chilpericus filius supradicti Clotarii secundum annum in regno agebat*, anno scilicet **DXXXI**. Addit alium temporis characterem anonymous ille, aitque eum visitasse sanctum *Malardum* Carnolensem episcopum, dum graviter aegrotaret, eoque mortuo *Launomarum* non diu superstitem fuisse. Verum licet idem dicitur in secunda Vita a Mabillonio producta, et ab alio auctore Anonymo etiam elucubrata, nomen tamen episcopi, quem *Launomarus* visitavit, in ea tacetur. Nec dubitandum quin *Malardi* nomen ab aliquo sciole additum alteri Vita fuerit; eum *Malardus* Concilio Cabillonensi, anno **DCXLIV** celebrato, interfuerit, et *Launomarus* usque ad annum illum vitam producere non potuerit. Existimavit Cointius anno **DLVIII**, num. 79, loco, *Malardi*, legendum esse, *Pappolum*, quem constat Concilio Parisiensi interfuisse, eique Bertharium ac dein Malardum successisse. Quo pacto obitus *Launomari* anno **DXCIII**

configit. Verum non legendus *Pappolus*, cum in posteriori vita nomen episcopi taceatur, sed sub-intelligendus. Porro anno **DLXVII**, num. 34, episcoporum Carnotensium successionem Cointius indubitatis argumentis demonstrat. Non itaque audiendum Bollandus citatus, qui *Launomari* mortem, usque ad extrema tempora Malardi, post annum **DCL** vita funeti, differt.

42. Ejus virtutes. — *Launomarus*, postquam presbyter ordinatus est, perrexit ad quendam eremum, ubi fama sanctum vulgante multorum animos ad vitam monasticam inflammavit. Post aliquantos annos cum fama virtutis ejus magis pererebusset occultus esse desiderans, relieta celiula, secessit in locum alterum eum commilitonibus suis, et monasterium *Curbionense* a vicino amne Curbione, Gallice *Corbion*, appellatum, ab urbe Carnotensi sex circiter leuis distans, aedificavit, secundo, ut diximus, *Chilperici regis anno*. Nunc monasterium illud, vulgo *S. Lomer le Moutier* vocatum, redactum est in prioratum, ut notat Mabillonius, cuius Notae sienti et Bollandi consultandæ.

Concilia *Turonense II* et *Lugduuense II*, de quibus infra eum Baronio, hoc anno celebrata. *Charibertus rex moritur*, ut anno **DLXXII** videre est.

JOANNIS ANNUS 9. — CHRISTI 568.

1. Longobardorum in Italianam adventus, et ipsorum mores, rege Alboino. — Quingentesimus sexagesimus octavus Domini annus adest, Indictionis prime, qui et consularu secundo Justinii imperatoris in aliquibus (ut dicetur) monumentis notatus habetur: quo Alboinus rex Longobardorum e Pannonia, quam occuparat, et ad quadraginta duorum annorum spatia illie manserat eum suis ex Scandavia insula jam ante progressis, in Italianam magnis potens viribus ingreditur.

2. Quod autem aliqui anno superiori id factum volunt, temporis ratio exactius est exploranda. Licet enim Paulo diacono¹ id testanti de prima Indictione et anno præ ceteris fides praestanda esset; ejus adhuc sententiam S. Gregorii papæ assertione

fulcire in promptu est: in Epistola¹ enim ad Constantiam Augustam data sub Indictione decima tertia post mensem Junium (qui est annus Domini quingentesimus nonagesimus quintus) cum numeret annos viginti septem ab adventu Longobardorum: utique ab hoc anno eum oportuit numerare cœpisse. Rursum vero eum in Epistola ad Phocam imperatorem data sub sexta Indictione (qui est annus Domini sexcentesimus tertius) numeret annos triginta quinque a Longobardorum incursionibus: utique etiam affirmare necesse est, ab hoc ipso anno numerum deduxisse. Ait enim scribens ad Constantium, sive potius dixeris Constantinum: « Viginti jam et septem annos ducimus, quod in hac urbe inter Longobardorum gladios vivimus ».

¹ Paul. diacon. de Gest. Longobar. l. II. c. 6.

¹ Greg. l. IV. Ep. xxxiv.

Quae verba cum nequaquam intelligi possint, ex quo Longobardi Romam venerunt, utique de tempore invasæ ab eis Italiæ accipienda erunt, sicut et cum hæc scribit ad Phocam imperatorem¹: « Qualiter enim quotidianis et quantis Longobardorum incursionibus eeejam per triginta quinque annorum longitudinem premimur, nullis supplere vocibus suggestionis valamus ». Hæc quoad annum Longobardorum in Italiam advenit. Sed et diem pariter signant, ubi id factum hoc anno, quarto Nonas Aprilis, alii ipsis kalendis ejusdem tradunt.

3. Quod autem ad ipsum regem spectat: cum esset Francis amicitia et affinitate conjunctus, magis reddebat Romanis timendus: ipse enim (ut Gregorius² auctor est) Chlothosindam Clotarii filiam in uxorem duxit; sieque non tantum regis potentissimi effectus est gener, sed et quatuor Francorum regum cognatus. His addebatur, quod et Hunnis credere erat junctus, quibus Pannoniam libere possidendam preccario concessit. Accedebat ad tanta hæc, quod et alios complures Barbaros nactus est auxiliares, nempe Saxones, et præter hos alias nationes, quarum vel singulæ negotium facessere Romano imperio potuerunt. Quenam hæc fuerint, audi Paulum diaconum³: « Certum est, inquit, Alboinum tunc multos secum ex diversis gentibus, quas vel alii reges, vel ipse ceperat, ad Italiam adduxisse. Unde in hodiernum usque diem populos in his quos habitant vicos. Gipetas, Bulgares, Sarmatas, Pannonios, Suevos, et aliis hujuscemodi nominibus appellamus ». Hæc Paulus.

4. Sed et quid magis exterrnerit animos audiendum vel solum nomen Longobardorum, memoria rursum repeate qua ex Procopio superius dicta sunt: qui res belli Gothici tractans, expertam jam fuisse Italiam tradit, quam feræ bestiae essent et truculentæ quamque turpissimæ: cum Narserti, qui aliquot ex ipsis vocaverat contra Gothos, necessarium fuerit eos numeribus donatos quam cito ad propria dimisisse, quod intolerabilis esset eorum in Italia commoratio, amicorum cuncta præda, incendiis et libidinum pintore miscerium. Sed iterum acciēre verba Procopii ista dicentis⁴: « Illi namque (Longobardi videlicet), ad ceteram vitæ factorumque impietatem et scelus, vel aedificia ipsa, in quæ forte diverterant, injuste cremabant, stuprumque feminis et vim inferebant sacras in aedes refugientibus: unde magna pecunia hos primum donatos, ad proprios redire penates permisit, etc. » Si tanta hæc, Romanis militantes, adversus eosdem scelera inmania perpetrabant; quid putandum eosdem iam hostes, in Romanum solum cum irrumperent, peracturos? cum præser-tim nullus esset qui illis arma objicieendo resisteret. Licet enim exarchus in Italiam ab imperatore missus Longinus defendere a Barbaris cum quantum fas esset, conaretur; tamen quod valde debilis

viribus esset, occurrendi et cum eisdem in campo collatis signis pugnandi nulla penitus illi facultas. Quales autem fuerint in Italiam Longobardorum progressus, scire si cupis, eos consule qui eo argu-mento commentarios conscripsere; nobis salis ad institutum, hæc quo potissimum anno agi sint cœpta, in medium afferre, his et alia pro ratione temporis addituri, quæ ad rerum Ecclesiasticarum statum spectare noscentur.

5. Illud autem minime prælermittimus, ipsum Alboinum regem ad conciliandos sibi Italorum animos benignum se præbuisse, depositisque pavendam illam cunctis Longobardis innatau sævitiam: testatur siquidem Paulus⁵ diaconus, eidem in Italiam ingredienti occurrisse Felicem Ecclesie Tarvisianæ episcopum, ab eoque sua Ecclesie petiisse immunitatem, ne scilicet ab hostibus detrimentum aliquod pateretur; accepisseque ab eodem quæ postulasset. Ait enim: « Igitur Alboinus cum ad flumen Plavem pervenisset, ibi ei Felix episcopus Tarvisianæ Ecclesie occurrit: eique ut erat largissimus, omnes Ecclesie sue facultates postulanti concessit, et per summum pragmaticum postulata firmavit ».

6. *De Felice Tarvisorum episcopo et Fortunato.* — Hæc narrans Paulus de Felice, hunc illum tradit esse Felicem pernecessarium Venantii Fortunati, eius meminit in Vila S. Martini his ver-sibus⁶:

Illustrum socium Felicem, quæso, require,
Cum mecum lumen Martini reddidit olim.

Sed quid sit quod ait: Cui mecum lumen, ele-declarat inferius idem ipse, dum ad finem Vitæ S. Martini, quam heroico carmine cecinit; de seipso testatur, taborantem oculis, oleo lampadis ad imaginem S. Martini incensæ esse sanatum, quorum nos jam meminimus. Sed andi iterum ipsum rem tantam his versibus describenlem:

Expete Martini loculum, quo jure sacelli
Jam desperatum lumen mihi redditum auctor,
Monera qui tribuit, saltem rogo verba repende.
Est ubi Bas licet culmen Panli atque Joannis,
Hic paries tenet saucti sub imagine formam,
Amplexenda ipso duci pictura colore.
Sub pedibus justi paries habet ante (ante) fenestram:
Lychinus adest, cuius vitrea natat igitur in urua.
Huc ego dum propero, valido torquenti dolore,
Diffusigente genens oculorum luce fenestrae.
Quo procul ut tetigi benedicto lumen olivo,
Irenens ille vapor mactenti fronte recessit,
Et praesens iudeicus blando fugat ungue morbos.

Ista et alia Fortunatus: qui accepti divinitus beneficij memor, pro gratiarum actione res gestas S. Martini quatuor libris concinuisse voluit. Sed de his alia occasione superius: hic vero ob Panlum

¹ Greg. l. xi. Ep. XLIII. — ² Greg. Tur. hist. Franc. l. IV. c. 35.
— ³ Paul. diac. l. II. c. 12. — ⁴ Proc. de bello Goth. l. III.

⁵ Paul. diac. l. II. c. 9. — ⁶ Venant. Forten. in Vit. S. Martini, l. IV. in fin.

diaconum repetenda putavimus, qui ejusdem Fortunati natale solum describit his verbis :

7. « Sane quia hujus Felicis fecimus mentionem, libet quoque pauca de venerabili et sapientissimo viro Fortunato contexere, qui hunc Felicem asserit sibi socium fuisse. Hie itaque Fortunatus ortus quidem in loco, qui Duplabilis dicitur, fuit; qui locus haud longe a Cenetenzi castro vel Tarvisana distat civitate; sed tamen Ravennae nutritus et doctus in arte Grammatica, Rhetorica et Geometria clarissimus extitit. Is cum oculorum dolorem vehementissimum patetur, similiter et Felix praefatus socius ejus eorumdem dolore labaret, etc. » Curationem eorum recenset ipsius Fortunati versibus recitatam; de quo et ista subdit :

8. « Fortunatus in tantum B. Martiuum veneratus est, ut relicta patria, paulo antequam Longobardi Italiam invaderent, ipsius sanctissimas reliquias in Gallia sitas visitare decreverit: quod iter suum per flumina, montes, valles, oppida, pagos ipse in carminibus suis dilucide describit in Praefatione ad Gregorium. Qui postquam Turonos juxta vetum proprium pervenit, Pictavos transiens, illuc habitavit, et multorum ibidem sanctorum gesta partim prosa, partim metrica oratione conscripsit: novissimeque in eadem civitate primum presbyter, deinde episcopus ordinatus est, alique in eodem loco digno tumulatus honore quiescit ». Subdit de ejusdem Iucubrationibus, atque haec ad finem : « Ad eius tumulum, cum illuc orationis gratia adventasset, Epitaphium rogatus ab ejusdem loci abbate contexui ». Hucusque Paulus diaconus de Fortunato, non aliunde quam ex ipsius scriptis elicita. Sed que hujus auni rerum gestarum reliqua esse putantur, jam prosequamur.

9. *De fine Narsesis diverso sententiis, a quo etiam crimen prodictionis repellitur.* — Longino (ut vidimus) ab imperatore in Italiam missio, cessasse Narsensem a prefectura, atque pariter vita finem imposuisse, sunt qui testentur. Verum quid actum sit de eodem Narsete in Italia duce, haud levis suboritur controversia, quam needum ab aliquo invenimus esse solutam, sed nec etiam per tractatam. De eo autem quid primum Latini trahant, audiamus. Paulus⁴ diaconus, Anastasius et alii eos secuti testantur eundem cum Joanne Pontifice Romam reversum, facti admissi pœnitentem, Romæ extremum diem clausisse, corpusque ejus loculo plumbeo collocatum una cum ipsius thesauro Constantinopolim esse translatum. Haec, inquam, Latini habent. Sed longe discrepant ab his Graeci, dum asserunt, eum Constantinopolim esse reversum, et post redditum sumptuosa ædificia erexisse. Cedrenus enim haec habet anno sexto Justini imperatoris : « Narses carissimus imperatori, domum Narsesis dictam, construxit, et Catharrorum mansionem ». Sed et Misella haec in Tiberio : « Narses quoque patricios Italiae cum multis

thesauris ab Italia ad supra memoratam urbem (Constantinopolim videlicet) advexit, et ibi in domo sua cisternam effudit magnam, in qua multa milia centeniorum auri argenteique depositus: interficisque omnibus conciis, uni tantummodo seni, haec pro juramento ab eo exigens, commendavit, etc. » Ex quibus intelligas plures post haec annos oportuisse eundem Narsensem fuisse superstitem.

10. Quibusnam autem alterulrorum major sit in tanta scriptorum diversitate præstanda fides, aqua sunt cuncta expendenda statera. Certe quidem inclinari lanceam pondere veritatis in Graecorum sententiam, quæ superius recitata sunt ex Corippo sui temporis scriptore declarant; quibus demonstratum est, ante annum Narsensem rediisse Constantinopolim, illucque mirifice cultum, nec amplius in Italiam, misso illic Longino, esse reversum. Quæ vero haec de re scripta sunt a Latinis, levitate tolli, et instar fumi in aera evanescere, præter ea quæ dicta sunt, phura alia persuadent. Primo quidem periclitari fides Latinorum videtur, dum dicunt, statim ut reversus est Narses in Urbem, mortuum esse. Etenim si Anastasius habet eodem tempore contigisse mori Joannem Pontificem, quo Narses extinctus est: cum constet de Joanne adhuc post annos quatuor fuisse superstitem, totidem anni vitæ Narseti tribuendi erunt. Id magis patebit ex litteris Joannis papæ, si agere ex illis velis, in quibus mentio est consulatus Narsesis cum Justino sextum consule, quem hoc anno secundum consulatum gessisse, ex his quæ proxime dicentur, appareat.

11. Sed nec illud asseri quidem, vel conjectura existimari potest, quod aiunt, post tam immane facinus Narsesis quo Italiam Barbaris prodidit, cum justissimam imperatoris iram commeruerisset, ejus tamen corpus (ubi ipse defunctus est) cum honore esse translatum Constantinopolim; quod quidem si fuisset sepultum exhumandum illud et projiciendum foras, magnitudo sceleris postulasset. Sic ergo sive vivens Constantinopolim rediisset, sive post mortem ejus cadaver translatum dixeris Constantinopolim, utrumque (quodcumque fuerit) eundem ab Italæ prodictionis crimine reddit immunem; ut plane tela illa, in qua tot tantaque mala ab eo ordita feruntur, contexta appareat in mendaciorum textrina. Quonam pacto, rogo, totius Italæ fax tanta anctor prodictionis, postquam defunctus est, tanto honore dignus est habitus, ut si non ipse, cineres ipsius saltem velut quodam triumpho evenhendæ fuerint Constantinopolim; cum jure meritoque siqua illius sive lapide sive ære extaret incisa memoria, fuisset more majorum penitus abolenda? Graecis igitur haec in re majorem putarem fidem adhibendam; cum præsertim iidem et Latinum hujus temporis scriptorem adstipulatorem habeant Gregorium Turonensem⁵, qui ea cuncta de thesauro abscondito tradita a Graecis narrat.

⁴ Paul. dice. l. ii. c. 3. et 8. et in Miscel. l. xvii.

⁵ Greg. Turon. l. v. c. 19.

12. Verum et Græcorum in eo fides vacillat, dum quem omnes prædicant religione maxime pium, operibusque probe factis Deo gratissimum, ipsi eundem avarum atque crudelem fuisse tradunt; cui non salis fuerit adeo ingentem pecuniam congregasse, sed et insolentum immani cæde eamdem sanguine madidam nullius profuturam utilitati in loco abdito collocasse: de quo portentoso facinore dicturi sumus inferius in Tiberio Augusto opportunitiori loco. Porro laudatum vidimus Narsatem a Procopio, eumque ob insignem pietatem de Gothis plenam meruisse, desperatis jam plane rebus victoriam, id ipsum testante Evagrio¹, atque Nicephoro, istis repetitis verbis²: « De Narsete qui familiariter cum eo vixere illud perhibent, ita ipsum ex divino numine pependisse, atque id omnis generis pietate coluisse, et Virginem eamdemque Dei Genitricem ita veneratum esse; ut illa manifesto ei apparens, quando prælium committendum esset, præciperet: neque illum facile prius in aciem descendisse, quam tempus opportunum ab ea cognovisset. Plures et alias res maximas Narses gessit, etc. » Haec de Narsete Evagrius; itemque Nicephorus. Laudavit et ipsum plurimum Agathias³. Sed de eodem audi elogium Pauli diaconi⁴: Erat, inquit, vir piissimus, in religione Catholicus, in pauperes munificus, in reparandis Basilicis multum studiosus, vigiliis et orationibus in tantum studens, ut plus supplicationibus quam armis bellicis victoriam obtineret ». Certe quidem si quid hujusmodi Narses post adeptam ob Victorias tantam gloriam perpetrasset, scribebas post haec res sui temporis Evagrius parcius saltem landasset hominem, quem tam infamis exitus suggillasset; eaque de ipso referre, vel saltem meminisse minime præternisiisset: sed cum ad Mauritiū tempora suam historiam perducat, nec de ejus obitu vel minimum quidem loquatur, adhuc fuisse superstitem, haud levem suspicionem ingerit.

13. Quod facit ut in illum respiciam virum insignem eodem nomine nuncupatum Narsatem sub eodem imperatore Mauritiō domi forisque spectatum, summa gloria auctum, eademque patriciatus dignitate insignitum, eidem muneri mancipatum, nempe Romani exercitus, præfecturæ, et (quod magius est) eadem etiam pietate imbutum; hunc ipsum, inquam, dum intueor, me suscipio haud levis pulsat, num hic idem cum ipso sit, atque adhuc ad annos triginta vitam propagarit. Quod si quis penitus inticias ierit; tunc necesse erit affirmare duos eodem ferme tempore ejusdem nominis, ordinis, dignitatis, probitatis, et victoriis insignitos, bello spectatos duces exercitus vixisse Narsetes: quod haud adeo sit verisimile, cum nulla distinctione prior senior vel major, posterior vero junior vel minor dictus inveniatur. De ejus Narseticis præfectura exercitus, quo vicit Varanem invaso-

rem regni Persarum, restituitque in regnum Chosroem juniores senioris filium, agitur pluribus in Miscella¹ sub anno quarto Mauritiū imperatoris, itemque de ipso Zonaras², Cedrenus in Tiberio, Nicephorus³, et Constantinus⁴, qui et de ejus nece sub Phœca tyranno agunt: ab eodemque aedificatas Ecclesiæ SS. Pataleemoni, Probo, Taraco, et Andronico; neenon hospitalem domum, Zonaras tradit⁵, dum recenset viri insignis pietatis monumenta: quibus ipsum eundem esse Narsatem patricium S. Gregorii papæ observantissimum, ad quem ipsius Pontificis tres extant Epistole⁶, suadetur.

14. Si vero hunc sub Maurilio imperatore tot insignibus speciatum Narsatem diversum ab eo qui sub Justiniano Gothos vicit fuisse quis dieat; haud pro his nobis adeo pugnandum erit, cum res tantummodo conjecturis agatur, et haec ipsa potius consideranda proposuerimus, quam historicæ lege eredenda. Ad postremum autem de Narsete Italiae duec quod refert Paulus diaconus haud perfunctorie præteremendum est: « His quoque temporibus, inquit⁷, Narses patricius, cuius studium ad omnia vigilabat. Vitalem episcopum Altinæ civitatis, qui ante annos plurimos ad Francorum regnum, hoc est, ad Moguntinensem civitatem confugerat, tandem comprehensum apud Siciliam exilio damnavit ». Haec ipse. Porro non tanta sibi arrogasse Narsatem virum pium, ut in episcopos manus injiceret, quisque sciat, nisi cum id jussum ipsi fuit pluribus litteris a Pelagio papa Joannis hujus prædecessore, prout que recitatæ sunt superius ipsius Pelagii litteræ facile demonstrant. Pelagium vero ipsum ad haec Narsatem excitasse constat, ut obortum recens schisma sedaretur: quod et jure faciendum esse, sanctus Augustinus adversus Donatistas agens pluribus comprobavit. Fuisse autem tum Altinensem tum Aquileiensem Ecclesiæ temporibus istis in schismate, que superius dicta sunt atque dicuntur ostendunt.

15. *In oppressores pauperum exemplum justitiae.* — Sed res Orientales obvias prosequamur. De Sophia Augusta dignum Christiana femina facinus chronographi⁸ hoc anno recensent, nempe dissolvisse nomina omnium debitorum: ait enim Cedrenus: « Tertio anno Sophia Augusta, accitis omnibus qui ære alieno obstricti erant, debita eorum creditoribus dissolvit, et pignora suis auctoribus (domini scilicet) reddidit ». Eadem in Miscella. Præcesserunt haec clamores pauperum a potentibus oppressorum: pro quibus cum imperator sæpius rescripsisset, sed nihil profecisset, violento tandem intellexit opus esse remedio; nempe ut uno ex sublimioribus magistratibus pœnam dante, reliqui discerent adversus justitiam nihil debere præsumi.

¹ Mscel. I. xvii. — ² Zonar. in Maunt. — ³ Niceph. I. xviii. c. 20. — ⁴ Constant. in Annal. — ⁵ Zonar. in Phœca. — ⁶ Greg. I. I. Ep. vi. l. v. Ep. xiv. et l. vi. Ep. xxvii. — ⁷ Paul. diacon. de Gestis Longob. I. II. c. 4. in fin. — ⁸ Cedr. anno III. Justin., et Miscellæ auctor.

¹ Evagr. I. iv. c. 25. — ² Niceph. I. xvii. c. 13. in fin. — ³ Agath. I. I. — ⁴ Paul. diacon. de Gest. Longob. I. II. c. 3.

Quodnam autem istiusmodi remedium fuerit, Gedrenus exakte rem gestam narrat his verbis :

46. « Justinus hic eum crebro ægrotaret, ac vertigine vexaretur, neque in publicum prodi posset : potentes quidam (quia ad imperatorem querelæ de eis afferri non possent) nemini parentes, omnium facultates diripuerant. Cum vero imperator aliquando se recollegisset atque in templum prodiisset; ii qui injuria fuerant affecti, misericordiam ipsius magna voce imploraverunt. Omnibus ergo in curiam vocatis Justinus : Existimabam, inquit, vos omnes pietatem colere, vestrisque contentos, nemini egenorum injuriam inferre : at vos et Deo et imperio nostro adversa patratis facinora. Hoc ergo vos, ut pauperibus sua ultro reddatis, ne vestra ipsorum bona amittatis. Potentes his auditis, tamen consuetudine dueli deteriora etiam prioribus adjecerunt. Aceris enim res est consuetudo, que jam altera natura judicatur. Itaque cum imperator rursum ad processum prodiret, plures eum invocabant. Rursum igitur in progressu convocalo senatu, dicit : Si me a Deo putatis imperatorem factum, ejus auxilio imperare; parete justis meis mandatis : injuria afflicere pauperes desinite ; solis namque piscibus moris est, ut validior et major devoret minorem. Quod si meis præceptis non parere, sed in rapiendo vestris obsequi vultis cupiditatibus, alium vobis vestro arbitrio deligte imperatorem. Ego enim contumacibus, injustis, et aliena violentibus imperare nolo.

47. « Ibi quidam procerum, libertate dicendi sumpta, ita imperatorem alloquitur : Constitue me coram omnibus præfectum urbis, mandaque ne cujusquam rationem potiorem justitia habeam, utque mihi te de rebus necessariis monituro semper aditus pateat : recipio in me, effecturum me intra mensem, ne illa sit vel illata in urbe, vel accepta injuria. Quod si quis profert culpam, quam mihi indicatam non punierim, capite me plecti jubeto. Pergratum hoc imperatori fuit, eumque præfectum urbis constituit. Is ergo cum mane pro tribunali sederet, et quedam vidua quereretur se a magistro quodam omnibus suis facultatibus spoliata; mittit eam cum sigillo ad magistrum illum, iubetque eum ad dicendam causam venire.

48. « Cum eamdem viduam magister verberibus male mulcetam remisisset, mittit præfectus ad eum de cursoribus unum; sed hunc quoque verbis delusum dimittit. Interim dum præfectus in Circu sedet, magistrumque operitur; hic ad convivium ab imperatore vocatur. Eodem se præfectus quoque confert, atque imperatori : Si in eo, imperator, persistis, quod mihi mandasti, ne cui eorum, qui pauperes concientiunt, parcam; scito me promissis meis satisfacturum. Sin eos tu, pœnitentia ductus, amicos potius habes, et conviviis adhibes; scies me quoque detrectare ea quæ in me recepi. Imperatore respondente, uti seipsum potius solio detraharet, si sontem talis criminis sciret; præfectus illico magistrum vi abripuit, et in curiam, quæ Arca

dicitur, cum eo abiit. Ibi diligenter utrinque sermone considerato : cum haud levibus injuriis ab eo affectam mulierem emperisset; verberibus impositis, homini caput rasit, asinquo nudum impositum per medium urbem velut in triumpho duxit, et omnes ejus opes mulieri addixit. Hoc exemplum reliquæ ita in viam rededit, ut ubique summa in pace vivetur, atque intra trigesimum diem neque actor ullus esset, neque reus injuriarum. Tunc præfectus imperatori significat, se promissa implevisse : et imperator in publicum progressus, cum nulla querela audiretur, rursus patricia dignitate eum ornat, et per omnem vitam præfectum urbis esse jubet ». Haec tenus de his auctor.

49. *Ecclesiæ Bizacenæ privilegiis consulit Justinus.* — Hoc eodem tertio anno Justinus imp. cum Spesindeum episcopus primas Bizacenæ provincie in Alibia de sue Ecclesiæ privilegiis conservandis interpellasset imperatorem, ipse morem gerens in hunc modum ad eum rescripsit¹ :

« Imperator Justinus Aug. Spesindeum viro beato archiepiscopo Vizacenæ (Bizacenæ) provinciae.

« Cum et privatis hominibus donata privilegia pietas nostra observare curaverit; hoc ipsum multo magis et sanctis Ecclesiis custodiri, necessarium esse putamus. Petivit enim tua beatitudo per Evasium reverendissimum diaconum, divinas regulas atque privilegia data sancto Concilio tuo vel Ecclesiæ tuae inviolata custodiri : Ut si quando contra clericos accusatio processerit : que pertinent ad divinas regulas, non apud judices civiles aut militares causæ examinatio procedat, sed ad tuam beatitudinem, sicut et pater noster per divinos apices constituit. Quapropter sancimus, secundum regularum divinarum tenorem, atque dispositionem patris nostri, episcopos, sive omnes clericos subjectos tuae beatitudini, si accusantur ab aliquo sub tua audiencia, satisfacere in his quæ ad regularem ordinem pertinent : quia nostra pietas hæc ipsa atque privilegia data sancto Concilio tuo prævidit confirmare.

20. « Super hæc petiisti, ut quando opus fuerit ad nostram pietatem tuos responsales dirigere, nullus eos prohibeat navigare : quod et nobis placuit, ut nihil necessiorum lateat aures nostras. Unde licentiam tuae beatitudini damus, ut quando opus fuerit aut Ecclesiæ aut communi provinciæ ad serenitatem nostram aliquem transmittere doctrinæ causas necessarias, sine aliquo impedimentoo dirigere eum; ut veritatem audientes, quidquid oporteat fieri, statuamus. Alios vero episcopos illius provinciæ, si necessariae causæ emerserint, ad nos dirigere, aut ad nostram venire pietatem, cum voluntate primatis hoc faciant. Hæc ergo tua beatitudo effectui tradere observareque procuret. Legi. Ita kal. Maii, Constantinopoli, imperii domini nostri Justinus PP. Aug. ann. iii consulatu ejusdem secundo ». Hæc quidem ipse pio digna imperatore : quibus hujus anni rerum gestorum finem imponimus.

¹ Exstat. in Novel. Julian. Anteces.

Anno periodi Graeco-Romanæ 6061. — Anno Æra Hispan. 606. — Iesu Christi 568. — Joannis III papæ 9. — Justiniani juri. imp. 4.

1. Postconsulatus. — Hic annus ista formula notatus: *in post consulatum Justiniani Augusti solius, tertio nempe imperii ejus anno secundum loquendi modum Marcellinianum.* Marius postconsulatum a consulatu non distinguens, habet: *Anno ii consulatus Justiniani jun. Aug. Indict. i.* Ipsem et Justinus eumdem ac Marius loquendi modum adhibet in Novella ad *Spem in Denu* que apud Julianum antecessorem, et apud Baronium num. 19 legitur. Ea his verbis subscripta: *Dat. kalend. Maias Constantinop. imperii domini Justiniani PP. Aug. an. iii cons. ejusdem ii.* Fallitur porro Cardinalis doctissimus dum *Justinum* hoc anno iterum consulem processisse scribit. Is enim, quemadmodum et cæteri deinceps imperatores, semel tantum consul fuit. Erravit etiam auctor Chironici Alexandrini qui scripsit, *Justinum* an. **DLXVI** secundum consulatum gessisse, sicuti et auctor Fastorum Heraclianorum, quos Baronius non viderat, hoc anno *Justinum* secundo consulem proponens. Cum enim *Justinus* consulatum perpetuum instituerit, secundum consulatum inire non potuit. Ex citata Justiniani Novella liquet etiam eum anno **DLV** imperatorem dictum; alioquin mense Maio currentis anni, tertium imperii et consulatus annum secundum non numerasset. Suspicor errorem auctoris Chironici Alexandrini, et auctoris Fastorum Heraclianorum ex eo procedere, quod uterque *Justinum* juniores imp. cum Justino ejus consanguineo, anno **DLX** consule ordinario confuderit; similitudo enim nominis eiusdem fucum fecit.

2. Langobardi hoc anno in Italianam irrumunt. — A num. 1 ad 15. *Langobardi* seu, ut a multis vocantur, Longobardi ex Scandinavia in Germaniam descenderunt, et Justiniani imperat. initio Pannoniam et Noricum ab eo acceperunt, ut supra narravimus. Paulus diaconus lib. 2 de Gestis Langobard. cap. 7, de illis scribit: « Habitaverunt in Pannonia annis quadraginta duobus; de qua egressi sunt mense Aprili per Indictionem primam, alio die post sanctum Pascha, cuius Festivitas eo anno, juxta calculi rationem, ipsis kalendis Aprilibus fuit, cum jam a Domini Incarnatione anni quingentí sexaginta octo essent evoluti ». Praeterea Sigebertus in Chironico qui diligenter de rebus Langobardorum agit, quod tamen non video a quopiam animadversum,

corm in Italiā ingressum hoc anno recitat. Quare non erat, cur Cointius illum in annum sequentem differret, quod Marius in Chronico adventum eorum in Italiā cum anno tertio consulatus Justiniani illigari. Marius enim, qui hujus imperatoris mitum anno uno serius collocavit, res eodem imperante gestas, uno etiam anno tardius sepe enarrat. At, inquit Cointius, anno **DLXIX**, num. 9, Procopius lib. 3 de Bello Gothi. cap. 33 indicat, Paulum loco laudato errasse, cum ait, Langobardos in Pannonia habitasse *annos XLII*. Ab anno enim **DLXXVII**, quo Justinianus imperium suscepit, ad annum usque **DLXVII**, quo Paulus Langobardos affirmat in Italiā irrupisse, numerantur anni duntaxat **XLII**, nec Procopius indicat, eos in Noricum et Pannoniam venisse in euntes Justiniani principato, imo de illorum adventu in Pannoniam loquitur anno belli Gothicī **xv**, id est, ad annum Christi **DLXVIII**. Ita Cointius.

3. Haec irruptio in annum sequentem differri non potest. — Verum Paulus, quemadmodum et alii antiqui, annos incompletos pro completis numeravit. Indeque annos Incarnationis **DLXVIII** evolutos fuisse scribit, quando Langobardi in Italiā venere, cum tamen eam irruptionem cum mense Aprili currentis Christi anni alliget. Deinde inter Procopium, Paulum ac Sigebertum egregie convenit de anno, quo Langobardi Pannoniam habitare ceperere. Paulus enim lib. 1, cap. 15, migrationem illam principatu Andoini factam his verbis asserit: « Andoinus regnum adeptus est, qui non multo tempore post Langobardos in Pannoniam adduxit ». Sigebertus vero Andoini initio anno **DLXVI** consignato, ad annum **DLXXV** ait: « Audohin Longobardos in Pannoniam duxit in qua habitaverunt annis **XLII** » ntrinque scil. incompletis. Ab utroque minime dissentit Procopius citatus, qui inquit: « Cum urbem Noricum et Pannonię munitiones aliaque loca, ac pecuniam insuper maximam Justinianus Augustus Langobardis donasset, eam illi ob causam, patriis sedibus relictis in adversa Istri fluminis ripa considerant, haud procul a Gepidibus. Inde Dalmatias et Illyricum, Epidamnum ad usque fines, peruersabant, multosque homines in captivitatem adducebant ». Procopius itaque affirmit anno belli Gothicī **xv**, Christi **DLXVIII**, Romanorum res in pessimō statu fuisse, Francos Venetiarum pleraque fa-

cile in suam ditionem redegisse, *Gepidas* Sirmium ac Dacias pene omnes invasisse, et Langobardos, quibus Justinianus imperii sui initio urbem Noricum et Pannoniae munitiones concesserat, anno belli Gothici xiv Dalmatas et Illyricum percursasse, concluditque Procopius : « Sie Barbari Romanum imperium partiti lacerabant ». Sed Cointius hunc auctorem male explicans putavit eum significare anno xiv belli Gothici Justinianum urbem Noricum et Pannoniae partem Langebardi concedisse; cum tamen tantum asserat Procopius, eosdem in Dalmatas et Illyricum eo anno excurrisse. Neque id dicere potuit Procopius; eum *Audoinus* Langobardorum rex, qui suos in Pannoniam duxit, anno **DXLIII** obierit, enique eo anno *Alboinus* filius exceperit, ut tradit Sigebertus in Chronico. *Audoinus* itaque Langobardos anno **DXVII** in Pannoniam, *Alboinus* eosdem hoc anno in Italiam deduxit.

4. *Floret Venantius Fortunatus postea episc. Pictaviensis.* — Baroniis num. 7 et 8 mentionem facit *Venantii Fortunati*, natione Itali, patria Tarvisini, poetae celeberrimi et postea episcopi Pictaviensis, ut scribit Paulus diaconus lib. 2, cap. 13; fuisse tamen qui de Fortunati episcopatu dubitarint, quod Turonensis eum tantum presbyterum vocifarat, non animadverentes eum nonnisi post Gregorii Turoneus mortem ad episcopatum promotum, et dam adhuc presbyter esset, Theodeberto II in Gallis regnante, Vitam S. Medardi Noviomensis episcopi litteris commendasse. Quare recte Cointius cum anno **DXCIX** episcopum renuntiatum esse, et *Platoni* Pictaviensi episcopo successisse scribit. Neque Fortunati episcopatus Pictaviensis in dubium revocari potest; cum *Baudonivia* monialis ei coeva in Prologo Vitæ sanctæ Radegundis reginæ a se scriptæ, affirmet : « Non ea quæ vir Apostolicus Fortunatus episcopus de beatæ Vita composuit iteramus, sed ea quæ prolixitate sui prætermisit ». Mortuus est itaque *Fortunatus*, qui invocatur in Litaniis monasterii sancti Cypriani extra muros Pictavienses, ut ex Ecclesiæ Pictavieensis monumentis refert Saussatus ad ealcem Marcyologiae Gallicani, post annum Christi sexcentesimum. Certe illum anno **DCCVIII** in vivis adhuc fuisse, evincit Epitaphium *Theodechilidis* reginæ anno ætatis **LXXV** demortuæ, et post annum Christi **DXII** natæ, ab eo conditum. Qua de re vide quæ scripsimus anno **DLXXII**, cum de *Theodechilde* verba fecimus. *Fortunatum* vero composuisse Vitam S. Medardi, dum presbyter esset, enique a posteris interpolatam fuisse demonstrat Cointius anno **CDLVI**, num. 8. Sed redeo ad Langobardos.

5. *Adventus Longobardorum in Italiæ ab hoc anno removeri non potest.* — Ex Prologo legum Longobardicarum, quas Rotharis Langobardorum rex auctas in tabulas retulit, Cointii opinio etiam evertitur, lignetque eos hoc anno in Italiæ venisse; ait Rotharis : « Ego Rotharis rex septimus decimus gentis Longobardorum, anno regni mei octavo, ætatis meæ trigesimo octavo, Indictione secunda,

et post adventum in provinciam Italiæ Longobardorum, ex quo Albuinus tunc temporis rex advenit, anno septuagesimo sexto, feliciter datum Ticini in palatio ». Data est legum illa Collectio, quam Rotharis edictum vocat, *decimo kalendas Decembris*, ut in earum Prologo a Signonio lib. 2 de regno Italiæ relato dicitur, ideoque anno Christi sexagesimo quadragesimo tertio, quo a kalendis Septemb. Indictio II in cursu erat. Si hic itaque Christi annus cum septuagesimo sexto adventus Langobardorum in Italiæ concurrit, primum in præsentem annum incurrisse oportet. Turbat tamen Paulus diaconus, qui lib. 4, cap. 44, de eo edicto loquens ait : « Erat autem jam ex quo Langobardi in Italiæ venerant, annus septuagesimus septimus, sicut idem rex in sui edicti testatus est Prologo ». Imo Basilius Joannes Heroldius, qui Rotharis leges in lucem emisit, idem ac Paulus diaconus habet. Verum cum Heroldius legum a Rothari datarum Prologum in medium non adducat, et Indictio secunda cum anno adventus Langobardorum in Italiæ **LXXVII** conjungi non possit, nullus dubito, quin is titulum illum ex Paulo diacono desumpserit, nisi forte possessor exemplaris, quo Heroldius usus est, titulum illum jam apposisset, erroremque Pauli descripsisset.

6. *Paulus diaconus in Historia Langobardica ex Sigeberto quandoque supplendus.* — Paulus enim accurate quidem Langobardorum Historiam eluebravit; sed cum regoante Carolo Magno, extincta nempe jam Langobardorum regum dominatione, vixerit, non semel lapsus est, indeque ejus errores ex Sigeberto, qui tamen diu post illum floruit, sed qui optima documenta nactus erat, quandoque corrigi possunt, licet et Sigebertus aliquando in Chronologiam peccet. Paulus, v. g. lib. 4, cap. 22, *Audoinum* supradictum *nonum* Langobardorum regem appellat; qui tamen decimus fuit; alioquin Rotharis, non xvii, sed xvi Langobardorum regem in citato proœmio sese appellasset. Quem errorem vidit Sigebertus, qui ad annum **CDLXXIX** Langobardorum reges qui in Rugia insula regnarunt enumerans, *Waltharith*, cui Audoinus successit, *nonum* Langobardorum regem statuit, ideoque et *Audoinum* decimum fuisse ostendit. Langobardi itaque in *Rugia* sub variis regibus per annos **XLVI**, ab anno scilicet **CDLXXIX** ad annum **DXVII** habitaverent, ut ibidem Sigebertus exponit.

7. *Fabula de thesauris Narsetis Constantinopolis inventis.* — Denique Narsetem Langobardos in Italiæ invitasse, et hac in re majorem Latinis, quam Græcis scriptoribus fidem præstandam esse, jam anno superiori ostendimus. Duo tamen plane fabulosa de Narsete a Latinis narrantur. Primum ridiculum est quod auctor Miscellæ lib. 17 accidisse ait, regnante Tiberio Constantino, *Narsetem*, scilicet patrem Italiæ magnum thesaurum Constantinopolis in quadam cisterna deposituisse, eoque demortuo senem quemdam, cui soli *Narses* rem apernerat, Tiberio Cæsari prodidisse. Illud

acceptum a Paulo lib. 3, cap. 12, et cum iis circumstantiis ab eo narratum, que a fabulatore quodam confictum fuisse ostendunt. Jam cap. 11 scripsérat Paulus: «Bella quae per Narsētem patricium, Gothis vel Francis illata, superius per anticipationem dicta sunt, hujus temporibus (nempe Justinī junioris de quo loquitur) gesta sunt», ubi Paulus a se jam recte recitata insulse revocat. Secundo, fabulosum, quod idem Paulus lib. 2, cap. 11 de *Narsete* tradit, eum scilicet Romæ ex hac luce subtractum esse, ejusque «corpus positum in locello plumbeo, cum omnibus ejus divitiis Constantinopolim» esse perlatum. Si enim *Narses*, ut postea refert Paulus lib. 3, cap. 12, cum multis thesauris Constantinopolim advenit, ibique oeculite cisternam magnam fodit, in qua thesaurum suum reposuit, ac in ea urbe defunctus sit, ut ibidem habet, quomodo Roma mori potuit, omnesque ejus divitiae Constantinopolim Roma perferrī? Et nihilominus haec fabula apud Anastasium etiam legitur. Baronius anno DLXXXII. num. 6 et seq., Gregorii Turonensis eamdem fabulam narrantis verba recitat. A Gregorio eam cæteros mutuos esse, dubitandum non videtur. Rectius Hermannus Contractus in fusiori Chronico ad annum DLXXI habet: «Narses patricius cum e Campania Romanam reversus esset non multo post mortuus, et in loculo plumbeo cum thesauris suis Constantinopolim relatus est (1)».

8. *Hunni terras a Longobardis relictas occupant.* — «Tunc Alboin sedes proprias, hoc est, Pannoniam, amicis suis Hunnis contribuit, eo scilicet ordine, ut si quo tempore Langobardis necesse esset reverti, sua rursus arva repeterent», inquit Paulus diaconus citatus lib. 2, cap. 7, loquens de Longobardis Italiam hoc anno proficiscentibus; indeque Velserus lib. 4 Rer. Boicarum ad annum DLXVIII hæc habet: «*Hunni* sive *Avares*, nam duo sunt unius gentis vocabulā, *Anasso* deinde tenus

coluere, et quod fluminis tantum alveus distineret, occasionem secuti, *Boicam* multis sœulis, qua justo bello, qua perpetuis excursionibus et latrociniis per omnia barbaræ et immanis crudelitatis exempla infestam habuere, sed vice crebro relata cum nullo accolarum manus sèpius conserbe, nec plura invicem danna aut data aut accepta sunt. Prima hostilem impetum situ proxima *Laureacum* excepit, et urbes circa fines ex improviso invasit, multi mortales necati, multi cum pecore atque alia præda capti, agri vastati, ædificia incensa, nulla denique res incolinis relieta cui ferro aut igni noceri potuit. Antores sunt, episcopum tanta calamitate admonitum, sedem ad *Batava* transtulisse: quod sive tum statim, sive aliquot post annis contigit, uti magis credo, *Hunnorum* vicinia Laureensem Ecclesiam disturbatam esse, dubitationem non habet». Ita recte Velserus; sed *Laureacum*, vel Lauriacum, quod hodie vicus est tantum Austriae superioris, ad Danubium fluvium, uno milliari ab Aniso seu Anasso fluvio dissitus cum Batava seu Patavia Norici urbe aule sæculum octavum unilum non fuit, cui tunc *Vivilis* seu *Vivulus* primus Lauriaci ac Pataviæ episcopus constitutus, ut suo loco ostendam. Quare duodecim episcopi qui ab Hundio in metropoli Salisburgensi ante *Vivulum* numerantur, ordinarii non fiere, sed regionarii, licet ipse, ac Cointius, aliisque passim id existimarent. Hunnis *Marcianus* imp. *Daciam*, quam nunc *Transilvaniam* vocamus assignarat, ut anno CDLIV vidimus, sed post Langobardorum discessum sedes extenderunt usque ad *Anisum* fluvium indeque *Bojoarium* summopere affixere. Quando postea sedes archiepiscopalís *Leaureaco* restituta fuerit, infra suo loco dicemus.

Justinus imp. legationem ad *Turcos* misit, ut ostendimus anno DLXVII, num. 6.

(1) Fallitur profecto Pagins falsi arguens Paulum diaconum, quasi scripserit Narsētem Constantinopoli cisternam effodisse, in qua ditissimos, quos concesserat, thesauros absconderit; scribit enim: «Cum in quadam civitate intra Italiani (ita lechio: In quadam civitate Italie) deceret», eo deportasse thesauros suos infideliros. Vide lib. 3, cap. 12. In his igitur contra se Paulus non pugnat, quamvis ejus narratio aliis argumentis fabulosa deprehenditur.

JOANNIS ANNUS 10. — CHRISTI 569.

1. *Leuvigildus regnat in Hispania.* — Quintagesimus ac sexagesimus nonus vertitur annus Domini, secundae Indictionis, idemque quartus Justini imperatoris : cum Liuba rex Gothorum in Hispania, ipsius regni anno secundo prope dilapso, collegam sibi allegit fratrem suum Leuvigildum, cui et cessit Hispanias, ipse contentus regno quo potiebatur in Gallia Narbonensi. Erat Leuvigildo uxor Theodosia Catholica femina, eademque soror sauctorum Leandri, Fulgentii, Isidori, ac Florentiae, filia vero Severiani Carthaginensem provinciam moderantis. Sed nihil ex sancto consortio profecit rex impens Arianismi tenacissimus. De tempore fidem facit idem S. Isidorus¹ in Chronico, dum ait, anno secundo Justini imp. Liuvam (Liubam) regnare cœpisse; et idem addit, eundem secundo anno ab adepto principatu adscivisse in regnum socrum fratrem Leuvigildum. Unde opus est ut ex eodem Isidoro corrigas Isidori depravatum in eo Chronicone, cum ibidem subditur, anno secundo Justini vocatum ad regnum a fratre Leuvigildum; ut quartus Justini pro secundo ponendus sit annus. De persecutione autem a Leuvigildo adversus Catholicos excilata suo loco dicturi sumus.

2. *Lucense Concilium in Galicia.* — Hoc item anno sub Theodomiro Suevorum Catholico rege celebratum est in Galicia Lucense Concilium, de quo perpanca hæc tantum monumenta habentur, Ambrosii rerum Hispanicarum Iuculenti historie diligentia nuper inventa : « Tempore Suevorum, sub Æra sexcentesima septima, die kalend. Januarii, Theodomirus princeps Suevorum Concilium in civitate Luco fieri præcepit, ad confirmandam fidem Catholicam, vel pro diversis Ecclesie causis, etc. » Quod insuper recitat ex aliis scriptis

exordium, cum spectare cognoscatur ad secundum Lucense Concilium, de eo suo loco dicendum. In hoc autem actum rogatione regis, ut nova institueretur metropolitana Ecclesia in Galicia, que tamen esset subdita Bracharensi : circumscriptaque sunt in eodem conventu limites Lucensis Ecclesiae ad lites de finibus evitandas. Ita plane incaluit reccens redditio Catholici regis fidei ardor, ut totus esset in his quæ spectarent ad fidem Catholicam illustrandam, conservandamque in Ecclesia pacem ; curarique summa diligentia neophytus princeps, quæ sunt absolutissimi sacerdotis.

3. *Awares vici a Tiberio.* — Quod vero ad res Orientales pertinet, hoc ipso anno quarto Justini imp. Tiberius comes excubitorum, qui postea Augustus creatus est, adversus Awares Barbaros pugnans, eos vicit atque penitus debellavit, adeo ut eisdem pacem submisso petere ab imperatore coegerit. Hæc apud Victorem Tununensem in Chronicone : sed et horum meminit Corippus in carmine ad Justinum his versibus¹ :

Illa colubrimodis Avarum gens dura capillis,
Horribilis visu, crudisque asperna belis,
Imperio subiecta tuo servire parata,
In media supplex defusis crimibus aula
Exorat pacem, nec fidere milibus audet
Tot numerosa suis Romana lacessere signa.

Et infra :

Pars inimicorum cecidit cum magna tuorum.
Perfida puuila sua : nunc marte peracto,
Victores victique famulantur in aula (una).

At hæc satis.

¹ Corip. in priu. carm.

¹ Isidor. in Chron. Goth.

Anno periodi Graeco-Romanæ 6062. — Olymp. 337. — Anno Æra Hisp. 607. — Jesu Christi 569. — Joannis III papæ 10.
— Justini jun. imp. 5.

1. *Postconsulatus.* — Is annus haec formula notatus : *iv post consulatum Justini jun. Aug. so-
litus n.*, vel modo loquendi a Mario Aventicensi usurpato : *Anno iii consul. Justini jun. Aug. In-
dict. n.*

2. *Leovigildus regni Hispanici consors decla-
ratur.* — Ad num. 1. In Chronico Isidori edito a Labbeo tomo i Novæ Biblioth. ex Codice MSS. op-
timæ note legitur : « Æra DCVI anno imperii Justi-
ni minoris Leovigildus adepto Hispanie priuci-
patu, ampliare regnum bello et angere statuit »,
ideoque currenti Christi anno. Justini annum Isi-
dorus non exprimit, qui nee etiam memoratur in
editione Grotii, in qua præterea loeo, *Æra DCVI*,
perperam habetur, *Æra DCV*; Biclarensis abbas in
Chronico dicit fuisse *iii* Justini annum : « Hujus
imperii anno *iii*, Leovigildus germanus Lubani
regis, superstite fratre in regnum celerioris Hispaniæ
constitutur : Gosintham reliquam Athanagildi
in conjugium accipit ». Verum hic auctor, qui
Justini initium ab anno *DLXVI* exorditur, hunc
Christi annum tertium Justini, desinentem scilicet,
appellat. Isidorus in Chronico dicit, *Liu[m] secundo
anno regni sui Leovigildum fratrem Hispanie præ-
fecisse et Galliæ regnum, Septimaniam scilicet, sibi
reservasse. A præsenti itaque anno *Leovigildi* ini-
tium inchoandum.*

3. *Synodus Lucensis.* — Ad num. 2. In His-
pania celebratum Concilium Lucense, cuius initio
hæc verba leguntur : « Tempore Sueorum, sub
Æra DCVII, die kalendarum Januarii, Theodemirus
princeps idem Sueorum, Concilium civitate Luco
sieri præcepil ». Æra autem DCVII in hunc Christi
annum incidit. Eo in Concilio Iecta est Epistola
Theodomiri regis, hortantis, ut plures in Gallœcia
diœceses instituerentur; ac præterea, ut præter
unam metropolitanam sedem, Bracarensem scilicet,
designaretur alia, quod et factum est. Sedes enim
Lucensis erecta in metropolim. *Luco* porro seu Lu-
eus, hodie *Lugo*, nunc tantum est episcopalis me-
tropoliæ Compostellano subdita.

4. *Bellum Avaricum.* — Ad num. 3. Abbas
Biclarensis ad annum *iv* Justini et secundum Leo-
vigildi regis, ait : « Justinus imp. per Tiberium
excubitorum comitem in Thracia bellum genti
Barbarorum ingerit et victor Tiberius Constantino-
polim reddit », quæ Baronius memorie lapsu Vie-
tori Tununensi, qui Chronicon suum ultra primum
Justini annum non producit, attribuit, et de *Avaris*
explicat. Verum cum hæc Tiberii de *Avaris* victoria
in nullo scriptore Byzantino legatur, suspicor eam
commentitiam esse.

5. *Apollinaris episc.* Alexandrinus moritur, ut
ostendam anno sequenti.

JOANNIS ANNUS 11. — CHRISTI 570.

1. *Apollinaris episcopi Alexandrinî obitus.
sanctitas et gesta.* — Septuagesimus supra quin-
gentesimum adest annus Domini, tertie Indictionis,
idemque quintus Justini Augusti, qui et in ipsius

Constitutione¹ annus secundus post consulatu[m]
eiusdem inscribitur. Quo Apollinaris Alexandrinæ

¹ Const. de filiis liber. apud Jul. Anteces.

Ecclesiae episcopus, ubi sedisset annos decem et novem (secundum Nicephori Chronicorum rationem) ex hae vita migravit. De quo non praetereant quae de ipso apud Sophronium omni fide testata leguntur, cum contigit eum sanctissimos viros ordinare episcopos in Aegypto, quorum unus e mortuis resurrexerat. Res gesta ita describitur¹ testificatione Zozimi Cilicis magni anachoretæ :

2. « Narravit autem nobis, inquit, et hoc senex, dicens : Ante annos viginti duos ascendi in Porphyreum, volens illic morari. Accepi autem et discipulum inenam Joanneum mecum. Cum autem illuc venissemus, invenimus duos anachoretas mansimusque prope illos. Erat autem alter quidem ex his Galata nomine Paulus, alter vero Melitinus nomine Theodorus (ex monasterio fuerant abbatis Euthymii) ferebant autem collobria ex pellibus bubalorum. Mansi autem illic ferme duos annos : distabamus ab invicem quasi duobus stadiis. Die autem quadam, cum sederet Joannes discipulus meus, percussit eum serpens, statimque defunctus est, sanguinem ex omnibus partibus fundens. In multa igitur angustia existens, abiit ad anachoretas. Qui ut viderunt me turbatum et afflitum, antequam aliquid dicerem ad eos, dicunt mihi : Quid est, abba Zozime? mortuus est frater? Dico : Ita sane, mortuus est. Verientes igitur mecum, videntesque ipsum in terra jacentem, dicunt mihi : Noli contristari, abba Zozime : adest divinum adjutorium. Vocantesque fratrem, dixerunt : Frater Joannes, surge : quia senex te opus habet. Continuoque surrexit frater de terra. Quarentes autem bestiam et invenientes, tenierunt eam, et in conspectu nostro illam in duas partes disrupterunt. Tunc dicunt mihi : Abba Zozime, vade in Sina. Deus vult tibi committere Ecclesiam Babylonis. Continuo itaque recessimus nos. Cumque venissemus in Sina, abbas misit me et duos alios in ministerium Alexandriam : tenensque nos papa Alexandrinus beatissimus Apollinaris, omnes tres fecit episcopos, unum quidem Heliopoleos, aliud Leontopoleos, me vero in Babylonem misit ». Haec de facta ab Apollinare ordinatione episcoporum. Porro idem Zozimus abdicavit se postea episcopatu, et in Sinae monasterium reversus est, ut idem auctor testatur². In locum vero ipsius Apollinaris episcopi Alexandrini subrogatus est Joannes.

3. Sane quidem frequentia fuisse miracula, quæ his temporibus Deus per Catholicos operabatur ad haereses destruendas, accipe ex relatione ejusdem auctoris, cum ait³ : « Dicebat senex quidam : Signa et prodigia usque hodie divinitus in Ecclesia tunc propter eas que pullulaverunt, et pullulant quotidie impias haereses, et maxime propter Acephali Severi et ceterorum perniciose schismata, ad munimen ac firmitatem intimarum animalium, atque ad illorum ipsorum, si ita voluerint, conversionem. Propterea igitur a sanctis Patribus

et a beatissimis martyribus ab initio fidei usque hodie sunt mirabilia in sancta Catholica et Apostolica Ecclesia ». Haec quidem seite, utpote quod peculiaris haec sit dos Ecclesiae, neque enipiam extra Ecclesiam positio aliquando concessum, ut vera miracula faciat. Gloriantur licet haeretici de argumentorum captiositate quam præ se ferunt, insultent licet in Catholicos contumeliis; nunquam tamen ostendere possunt suam ipsorum veris miraculis confirmationem esse perfidiam, Dei voluntate signis ostensa.

4. At non praetereat de Apollinare Alexandrino episcopo illa his addere, quæ ipsius sanctitatem commendent. Quod enim ejus ingressus in Alexandrinum episcopatum pulso Zoilo, visus sit Vigilio Romano Pontifici (ut dictum est) haud legitimus, sed probrosus : rursum vero ipse una cum quinta Synodo, cui interfuit, cum fuerit aequo receptus, purgata est labes intrusionis, et inter germanos Alexandriæ episcopos admiratus est. Ut ergo eum ostendamus magnæ quoque fuisse virtutis, quæ de ipso ex Sophronio narrata habentur, hic sunt referenda ; sic enim se habent⁴ :

5. « Narraverunt nobis de sancto abate Apollinare Alexandrino patriarcha, quod valde fuerit misericors, et compassionis visceribus astutus : cuius rei indicium id asserebant. Erat (aiebant) Alexandriae juvenis quidam, qui primarii civitatis dignitate atque divitii clarissimi filius fuerat. Parentibus itaque istius defunctis, qui infinita illi bona tam in auro, quam in navalibus commerciis reliquerant, non satis feliciter et prospere ea gubernans, perdidit omnia, atque ad extremam inopiam deductus est ; cum neque gulae, neque luxuriae vacaverit (quæ solent divitum exhaustire patrimonia) sed in casus varios atque naufragia inciderit. Itaque ex opulentissimo pauperissimus est effectus, juxta illud Psalmiste : Ascendunt usque ad celos, et descendunt usque ad abyssos. Namque adolescens quanto fuerat pecuniis sublimior, tanto per inopiam inferior factus est.

6. « Hoc audiens beatus Apollinaris vidensque in quantum miseriae et paupertatis adolescens delapsus esset, cum parentes ejus fuissent locupletissimi ; miseratus illius casum, exiguum ipsi charitatis impendere voluit ministrando alimenta : sed erubescerat, et quoties videbat illum, in secreto conscientiae sua angelatur, cernens vestem sordidam et luridam faciem, quæ sunt extremæ paupertatis indicia. Cum igitur hujusmodi curis angereatur pontifex, die quadam divinitus inspiratus, consilium profecto mirabile adiunxit ipsius sanctitati maxime conveniens. Accersivit itaque dispensatorem sanctissimæ Ecclesiae, seorsumque illum alloquens, dixit ei : Poteris mihi servare secretum, domine dispensator? Qui ait : Spero, domine mi, in Filium Dei, quia quodcumque mihi jussesis, nemini dicam; neque discet aliquis unquam ex me,

¹ Pr. Spi. c. 123. — ² Ibid. c. 127. — ³ Ibid. c. 213

⁴ Pr. Spi. c. 193.

quod mihi servo tuo aperueris. Tunc ait ad illum episcopum Apollinaris : Vade et conscribe chirographum quinquaginta librarum auri, quae a sanctissima ista Ecclesia Macario illius miseri adolescentis patri debeantur, et appone testes et stipulationem et ratam, et affer illud mihi.

7. « Dispensator continuo quod sibi fuerat a pontifice injunctum cum omni celeritate peregit, attulitque chirographum, et dedit illi. Cum itaque pater adolescentis ante decem annos defunctus esset, chartaque chirographi nova videretur, ait illi pontifex : Vade, domine dispensator, chirographum istud vel in tritico vel in hordeo absconde, et post paucos dies affer illud ad me. Quod ille cum fecisset, præfinito die chirographum retulit quasi subvetustum, deditque pontifici. Tunc ait ille : Perge modo, domine dispensator, et dicio adolescenti : Quid mihi datus es, si tibi dedero chirographum magnæ pecuniae quæ debetur tibi? Et eave ne plus quam tria numismata ab illo accipias, et præbe illi chirographum. Respondens autem dispensator : Vere mi domine, si jusseras, nihil accipiam. Dixit ei ille : Volo omnino ut tria numismata accipias. Perrexit autem ille ad juvenem, sicut ipsi jussum fuerat, et dixit ei : Dabis mihi tria numismata, si ostendero tibi aliquid magnæ utilitatis tuae? Ille vero pollicitus est illi, quidquid vellet, se daturum. Fingens autem dispensator ait illi : Ante quinque vel sex dies evolvens instrumenta Ecclesiastica : reperi chirographum istud, et memini quia Macarius pater tuus mihi multum confidens, ipsum mihi diebus aliquot permisit; defunctoque ipso, contigit illud apud me usque hodie manere : oblivione enim subreptum est mihi, nec nunquam venit in mentem, ut illud redderem tibi. Ait illi adolescentis : Nosti quod persona illa sit locuples quæ debet? Dixit ei dispensator : Ita sane, locuples et grata est : potesque ab illa debilum sine labore recipere. Dixit ei junior : Novit Deus, quia modo nihil habeo; sed si recepero quod meum est, quidquid petisti, dabo tibi ultra etiam tria numismata.

8. « Tunc dedit ei dispensator instrumentum quinquaginta librarum. Suscepito itaque chirographo, perrexit ad sanctum pontificem, prostratusque ante illum, dedit ei chirographum. Cum ergo acceperisset ille instrumentum ipsum ac legisset, cœpit se ipsum turbatiorem ostendere, dixitque ei : Et ubi fuisti usque modo? pater tuus ante decem annos defunctus est : perge, nolo tibi nunc respondere. Qui dixit illi : Veraciter, domine mi, non ego illud habui, sed dispensator illud habebat, et ego nesciebam, sed Deus ipsius misereatur, quia modo ipsum mihi reddidit, dicens, se inter chartas suas domi invenisse. Pontifex vero illum interim remisit, dicens : Deliberabo mecum, servato apud me chirographo. Post unam igitur hebdomadam rediit ad episcopum junior, iterumque deprecabatur eum. Ille autem quasi nihil ei vellet dare, dicebat : Quare tantum distulisti proferre chirographum? Dixit illi adolescentis : Mi domine, scit Deus quia non habeo

unde familiam meam nutriam : itaque si Deus inspirat vobis, miseremini mei. Tunc dixit illi S. Apollinaris, fingens se illius precibus cedere : Summam quidem integrum ego tibi restitnam : hoc autem obsecro, mi domine frater, ne a sancta hac Ecclesia usuras exigas. Tunc procidens ille adolescentis, ait : Quidquid voluerit et jusserrit mihi dominus meus, hoc faciam; et si ex principali summa placet minuere aliquid, minne. Dixit illi episcopus : Non id quidem : satis est si nobis usuras dimittis. Tunc proferens quinquaginta libras auri, dedit ei, et dimisit eum, orans eum pro usura remissione. Hoc opus summi Apollinaris ista sancta illius ars atque misericordia ». Hic ibi, hic apposita ad Apollinaris sepulcrum ornandum.

9. *Progressus Longobardorum in Italiam deprædationem, ubi de origine Aquileiensis patriarchatus.* — Quod autem ad res Occidentalis orbis spectat, de progressu Longobardorum in deprædationem Italiam Paulus diaconus agens sub hoc anno tertiae Indictionis, præter illa quæ in devastationem Venetiæ provinciae ab iisdem perpetrata esse superius¹ tradidit, hæc postmodum hoc anno facta addit² : « Alboinus igitur Liguriam introiens, Indictione ingrediente tertia ad nonas Septembbris, sub temporibus Honorati archiepiscopi Mediolanensis ingressus esl. Dehinc universas Liguriæ civitates, præter eas quæ in littore maris posite sunt cepit. Honoratus vero archiepiscopus Mediolanum deserens, ad Genuensem urbem confugit. Paulinus vero patriarcha Aquileiensis undecim annis sacerdotio functus ex hac luce subtractus est, regendamque Ecclesiam Probino reliquit ».

10. Quod vero si hie prima mentio de patriarchatu Aquileiæ : unde emerserit istiusmodi inauditum haec tenus in Italia nomen in qua præter Rom. Pontificem, neminem ejusmodi titulo apud veteres reperies insignitum, accuratius disquiramus. Ad hæc autem primo illud dicendum occurrit, usurpatum frequenter id ipsum nomen his temporibus reperiri pro archiepiscopo; nimicum ut qui sub se alios haberet episcopos, sicut dictus esset archiepiscopus, idem pariter ex vocis significatione princeps patrum, et græco nomine patriarcha nominaretur. Sunt de his plura exempla : etenim Gregorius Turonensis³ patriarcham appellat sanctum Nicetum archiepiscopum Lugdunensem : id ipsum etiam habes in Concilio secundo Matisconensi, ubi item Priscus Lugdunensis episcopus patriarcha pariter appellatur. Sunt et de his alia plura testimonia. Constat præterea Arianos consueuisse suos primarios episcopos patriarchas appellare; quod cum apud Victorem, tum apud Gregorium et alios usurpatum invenies : fæcumque est, ut et alii hæretici a Catholica communione discissi, quem sequerentur erroris principem, eundem quoque dicerent patriarcham, ad hoc male usurpato nomine

¹ Paul. diacon. de gestis Longobard. I. n. c. 10. — ² Eod. I. c. 12.

³ Greg. Tur. hist. Franc. I. v. c. 20.

patriarchæ, quod olim Apostolicarum tantum Se-
diūm consuevit esse nomen amplissimæ dignitatis.

11. Cæterum quod ad præsentem causam spec-
tat, non alio præterito tempore, sed præsenti, cum
videlicet Venetiarum et Istriæ episcopi atque Li-
guriæ (ut vidimus ex Epistolis ¹ Pelagii pape) essent
in schismate, Paulinusque Aquileiensis his omnibus
præemineret; placuit isdem schismaticis qui ab
Ecclesia Romana descivissent, illum sibi loco Pon-
tificis constitutere supremum antistitem, quem et
patriarcham nuncupavere. Hanc igitur putamus
veram geruanamque fuisse novi nominis causam;
ab hæc vero diversam neque quis poterit somniare,
cum non ante, sed tunc aucta sit majoris dignita-
tis amplitudine Ecclesia illa, dum esset in schismate.

12. Sed o mirabilis, sicut et terribilis Deus in
consilis super filios hominum! Etenim in ultionem
eorumdem schismaticorum feros Barbaros advo-
cavit, inque gladium eorum eos primum cum
sextoribus suis tradidit consumeundo. Annon
sunt haec certa divinae vindictæ impressa vestigia?
Cum ipsi primum schismatici traditi sint a Deo ore
gladii devorandi, et ante omnes schismatiorum
latibula Aquileia, Mediolanum, et aliae Ecclesie
diitarum provinciarum captæ atque in prædam
datae Longobardis; Roma autem ipsa quamvis a
Gothis saepe antea capta fuerit, a Longobardis licet
invadi, minime tamen comprehendendi potuerit?
Habes igitur hæc de Aquileiensis Ecclesie patriar-
chatus origine ex schismate derivata: quod quidem
nomen eidem retinere bono præmissum fuisse
videtur, quo et ad præsens utitur. Sedis Apostolicæ
indulgentia. Pergit vero Paulus ejusdem Ecclesie
diaconus: «Ticinensis autem civitas per ea tem-
pora ultra quatuor annos obsidiolum perlerens, se
fortiter continxuit, Longobardorum exercitu non
procul ab ea in Occidentali parte residente. Interim
Alboinus ejectis (electis) militibus invasit omnia
usque ad Tusciam præter Romanum et Ravennam, et
quædam castella quæ erant in maris littore consti-
tuta. Nec erat tunc virtus Romanis ut resistere pos-
sent: quia et pestilenia que sub Narsete facta est,
plurimos in Liguria et Venetia extinxerat, et post
annum quem diximus mire ubertatis fuisse, famæ
nimia irruens universam Italianam devastavit». Ille
Paulus: cætera autem quæ subdit, suo loco.

13. *Secunda Synodus Turonensis. ejusque ca-
nones.* — Sed ad res Gallicanas invisendas trans-
eamus. In Galliis hoc tempore ob complures sanctos
episcopos, qui præerant diversarum provinciarum
Ecclesiis, vigebat magnopere Ecclesiastica disciplina:
nam et siuebi ea collapsa reperiretur evesti-
gio qui eam restituerent excitabantur episcopi. Hoc
namque anno, qui sextus Chariberti regis numer-
atur, celebrata reperiatur Synodus Turonensis
secunda decimo quinto kalendas Decembris, ut ex
eius Actis habetur expressum; nam ea sexto anno
ipsius regis habita dicitur. Cui etsi pauci numero

interfuisse reperiuntur episcopi, nempe ocio tan-
tummodo numerati; tamen ex eis viri sanctitate
celebres quatuor præter alios subscripti habentur,
idemque in sacras Ecclesie tabulas relati, nempe
qui primo loco ponitur Prætextatus Rothomagensis,
Germanus Parisiensis, Domitianus Catalaunensis,
atque Domnulus Cenomanensis, quorum omnium
memoriam suis descriptam diebus annis singulis
Ecclesia Catholica celebrare consuevit. Verum quod
inter eos non legatur sanctus Euphronius hoc tem-
pore episcopus Turonensis, ejus videlicet loci ubi
Synodus est celebrata sacer antistes, neque per
vicarium subscriptus reperiatur; inde existimo
seriem episcoporum intercisam et minime integrum
ibi poni. Ejus autem Synodi celebrande illa occasio
intercessit, quod videlicet nonnullorum temeritate
sacri canones procularentur; pro quorum stabili
firmitate sanctissimi patres illi ex adverso consur-
gentes, pro muro se domini Israel opposuere, atque
duodecimta canones statuerunt, quibus Eccle-
siastica disciplina collapsa resurgeret, pristinoque
nitore splendeseret.

14. Inter alios vero ille observatione dignus est
canon, quo de asservatione sanctissime Eucha-
ristie illa decernitur²: «Ut corpus Domini in altari
non in imaginario ordine, sed sub Crucis titulo
componatur». Nempe ut dignorem sibi vindicaret
locum, statulum est, ut non inter sacras imagines
super altari ponit solitas poneretur; sed sub ipsa
Cruce, quæ in meditullio ipsius altaris collocari
consuevit. Scimus intra columbam argenteam
alicubi his temporibus conservari consueisse Eu-
charistiam; quod Synodus prohibuisse videri potest,
dum prohibet ne in imaginario collocaretur ordine:
sive videas non esse novum, ut corpus Christi
super allare servetur.

15. His adjicimus de Felice episcopo Bituri-
ensi, qui huic Synodo interfuit, tertioque loco sub-
serpsit, ipsum per elegans aureum vas ad sacratissi-
mam Eucharistiam conservandam turris instar
fabreficeri curasse, quod Venantius Fortunatus ejus-
modi Epigrammate celebravit, cui præposita legitur
haec inscriptio:

AD FELICEM EPISCOPUM BITURICENSEM, IN TURREM EJUS.

Quam bene juneta decent, saera ut corporis Agni
Margaritum ingens aurea doua ferant.
Cedant chrysolutis Salomonia vasa metallis:
Ista placere magis ars facit atque fides.
Quæ data, Christe, tibi Leicias munere sic sint,
Quia tunc tribut de grege pastor Abel:
Et enjus tu corda vides pietate coæquas
Par viduae merito que dedit æra dno.

Vides igitur quanto honore consueverit Eucharistia
custodiri super altare sub sacratissima Cruce in
pretiosissimo tabernaculo turris instar, quo nomine
auctor in titulo ipsum appellat. Commendatur ta-
men a S. Hieronymo ³ S. Exuperius Tolosanus, qui

¹ Pelag. Ep. iii et v.

² Cone. Tur. II. c. 3, -- ³ Hier. Ep. iv.

tempore exundantium Barbarorum, ne istiusmodi aurea sacra vasa cederent illorum rapinae, ipsa contlarat in usum pauperum, canistro vimineo et vitro calice corpus Domini portans. Ilac occasione canonis de loco Dominicie corporis ea statuerunt.

16. Sed illud Christianam magnam redolet pietatem, cum ad curam pauperum adhibendam ista sauxere Patres¹: « Ut unaquaque civitas pauperes et egenos incolas alimentis congruentibus paseat secundum vires: ut tam vicini presbyteri, quam cives omnes suum pauperem pascant. Quo fieri, ut ipsi pauperes per civitates alias non vagentur ». Sed et de jejuniis observari solitis in monastica observantia, deque psallendi ordine in Ecclesia usu recepto canones condiderunt. Insuper adversus repullulantem Nicolaitarum haeresim, qua saeculi ministri jam relietas resumebant uxores, invigilavit sacerdotalis diligentia, succidens ejusmodi frutices Dei Ecclesiam occupantes, canone sancito vicesimo.

17. Insuper et plurimum iudicium cognoscuntur laborasse Patres adversus incestuosos, quorum gratia vicesimum secundum canonem statuerunt, in quo ex divina Scriptura locis allatae sententiae, et diversorum Conciliorum diversi intexti sunt canones. Et hoc quidem sunt statuisse sanctissimi Patres ad corrigendum ipsum regem Charibertum tanto crimine labefactatum, ulti potest qui sororem conjugis sibi nefarie copulasset, Marcovefam scilicet Merofflendis uxor sororem. Sed quid accidit? Cum nec ista remedia ipsi profuerint, paratumque a sanctis Patribus antidotum omnino respuerit; ab ipso S. Germano Parisiensi episcopo hujus canonis vindice, cui subscrivit interpellatus, sed non emendatus, fuit excommunicatione percusus, ut Gregorius² ait, cum post turpitudines ejusdem regis recensitas haec addit: « Post haec Marcovefam Merofflendis scilicet sororem conjugio copulavit: pro qua re a S. Germano episcopo excommunicatus uterque est. Sed cum eam rex relinquere nolle, primum illa percussa judicio Dei obiit, nec multo post et ipse rex post eam decessit Charibertus ». Quod contigit post sequentem annum, quo agemus de eodem pluribus.

18. Quod autem ab iisdem additum est³ sanctis Patribus, ut praeter S. Ambrosii hymnos alii etiam in Ecclesia canerentur; ni fallor, ejusmodi sanctae legis causam dedisse existimo hymnos Venantii Fortunati, quos (ut dictum est) haud pridem de sancta Cruce cecinerat; quos et scimus fuisse ab Ecclesia receptos, atque haec tenus pie sanctaque concepi solitos.

19. Itursum vero quod excisae semel atque iterum spinæ ille in agro Dominicano, adhuc magno danno e maledictis radicibus foras emergenter; fuit in his denuo succidendis sanctis Patribus laborandum. Acciderat enim ut frequentium occasione bellorum, cum non esset amplius in regiis thesau-

ris unde princeps satisfaceret militantibus, bona Ecclesie iudicium invaderent, ea a rege petentes, vel sponte eademi usurpantes. Ad haec igitur reprehensa penitusque tollenda divino pollentes Spiritu Patres ista decreverunt⁴:

20. « Illud quoque quanquam canonica sit auctoritate praetrium, quod dum intra se stetivit domini nostri (reges Francorum scilicet), ac malorum hominum stimulo concitantur, et alter alterius res rapida cupiditate pervadit: ne ista caduca actione qua inter se aguntur, Ecclesiastica rura aut contaminare presumant, inviolabiliter observandum censemus. Ut quicumque tam Ecclesie, quam episcopi res proprias, quae et ipsae Ecclesie noscuntur esse, quas pontifex actoribus Ecclesie dignoscitur assignasse, vel abbatum, aut monasteriorum, sive presbyterorum quaqua temeritate pervadere, competere, vel confiscare presumpserit, tunc servato correctionis hoc loco adhuc presbyter ejusdem Ecclesie, cujus interest, pervasorem convenit admonere: et si restitutionem distulerit; adhuc quasi filius ab omnibus fratribus ad reddendum, missis Epistolis, compellatur. Qui si pertinaciter in pervasione persistiterit, et se tollere post tertiam commotionem de re illa aut Ecclesie aut propria noluerit: convenit omnes omnino cum conniventia simul cum nostris abbatibus ac presbyteris, vel clero, qui stipendiis ex ipso alimento pascuntur (quia arma nobis non sunt alia) adjuvante Christo, circumsepto clericali choro, necatori pauperum, qui res pervadit Ecclesie, psalmus centesimus oclavus dicatur, qui incipit: Deus meus, laudem meam ne facieris, etc., ut vere sit super eum illa maledictio que super Iudam⁵ venit, qui cum loculos ferret (faceret), subtrahebat pauperum alimentum: ut non solum excommunicatus, sed etiam anathema moriatur, et celesti gladio fodiat, qui in despectu Dei et Ecclesie et pontificum in hac pervasione presumit assurgere ». Itae de his Patres, qui et eidem ipsorum instituto canoni subjiciunt alium ante (ut dictum est) eadem ex causa contra eosdem in Concilio Parisiensi sancitum; nihil penitus omitentes, quo ejusmodi cohiberent rerum Ecclesie invasores. Caeterum compluribus fuit declaratum exemplis, maledictionem illos sequi non desinere qui res Ecclesie invasere, divinitusque vindictam immitti in ejusmodi delinquentes: quae quidem cum suis locis opportune scripserimus, hic vel nnnn ex iis (quod ratio exigat argumentum) reddere minime pretermittimus. Accipe igitur quae eodem ferme tempore ibidem in Gallia Gregorius accidisse narrat his verbis⁶:

21. Fuit etiam quidam diaconus, qui, relicta Ecclesia, Fisco se publice junxit; acceptaque a patribus potestate, tanta perpetrabat, ut vix posset a vicinis circumpositis sustineri. Accidit autem quadam vice, ut saltus montenses, ubi ad astivandum

¹ Iher. c. 5. — ² Greg. Tur. hist. Frane, l. iv. c. 26. — ³ Conc. Tur. n. c. 21.

⁴ Conc. Tur. II. c. 25. — ⁵ Jo. XIII. — ⁶ Gregor. de glor. mart. l. ii. c. 17.

oves abierant, circinaviret, atque pascuaria, quae Fiseo debebantur, inquireret. Cumque diversos spoliaret injuste, conspicit eminus greges, qui tunc sub nomine martyris Juliani tuebantur: ad quos levius cursu volans, tanquam lupus rapax diripit arietes. Conturbati atque exterriti pastores ovium, dicunt ei: Ne, quæsumus, contingas hos arietes, quia beati martyris Juliani dominio subjugati sunt. Quibus hæc ille irridens respondisse fertur: Putasne quia Julianus comedit arietes? Deline ipsis verberibus affectis, quæ voluit abstulit, ignorans miser, quod qui de domibus Sanctorum aliquid anfert, ipsis sanctis injuriam facit, ipso sic Domino protestante: Qui vos spernit, me spernit; et qui recipit justum, mercedem justi accipiet». Sed ne immissa in sacrilegum ultio aliqua alia ex causa vel easu accidisse a qualibet fingi posset: delectus est ad supplicium locus et modus, ut vindicta divinitus illata fieret manifestior. Verum quomodo id acciderit, audi: subdit enim:

22. «Contigit autem, ut post dies multos, non religione, sed easu conferente, ad vicum Brivatensem diaconus properaret; projectusque humo ante sepulcrum martyris, mox a febre corripitur, et tanta vi caloris opprimitur, ut neque consurgere, neque puerum evocare posset. Famuli vero cum vidissent eum extra solitum plus procumbere, accedentes: Quid tu, inquiunt, in tanta diuturnitate deprimaris? non enim tibi tam longus mos erat orandi, aut devotio. Ferebant autem de eo, quod quandoquidem in Ecclesiam fuisset ingressus, parumper immurmurans, nec capite inclinato, regrediebatur. Tunc interpellantibus pueris, cum responsum reddere non valeret, ablatus manibus e loco, in cellam quæ erat proxima, lectulo collocatur. Igitur invalescente febre, proclamat se miserum incendi per martyrem. Et quod primo siluerat, admotis animæ judicij facibus, crimina confitetur; jaetarique super se aquam voce qua poterat, deprecabatur. Delatis quoque in vasculo Iimphis, et in eum semper dejectis, tanquam de fornace, ita fumus egrediebatur e corpore. Interea miseri artus eum combusi, in nigredinem convertuntur: unde tantus procedebat foetor, ut vix de adstantibus posset aliquis tolerare. Innuens enim deline manu indicat se esse leviorem. Mox illis recendentibus, hic spiritum exhalavit. De quo haud dubium est quem illic teneat locum, qui hinc cum tali discessit iudicio». Hæc Gregorius, occasione canonis Concilii Turonensis a nobis relata, quo Patres divinam ultiō aduersus hujusmodi facinorosos implorandam esse putarunt. At quomodo et in ipsum regem pervadentem bona S. Martini dira vindicta secutā sit, dicemus inferius in ejus obitu. Sed de Turonensi Concilio haec tenus.

23. *Concilium Lugdunense primum.* — Hoc eodem anno, qui pariter sextus numeratur Guntheriani Francorum regis, celebrata reperitur Synodus Lugdunensis, quæ prima earum quæ reperiuntur, dicta invenitur; cui interfuerunt episcopi qua-

tuordecim, eorumque aliqui per legatos: statuique in eadem sex canones reperiuntur, quibus Ecclesiastice paci atque indemnitat consutitur, apposite quidem ob scandala a quibusdam malis episcopis tunc illata. Quemam autem ista fuerint, ex Gregorio Turonensi ita accipe¹: «Contra Salonium, inquit, Sagittariumque episcopos tumultus exoritur: hi enim a S. Nicetio Lugdunensi episcopo educati, diaconatus officium sunt sortiti; hucusque tempore Saloni Ebredunensis urbis, Sagittariusque Vapingensis Ecclesiae sacerdotes statuuntur. Sed assumpto episcopatu, in proprium relati arbitrii, cœperunt in pervasionibus, cedibus, homicidiis, adulteriis, diversisque in sceleribus insano furore grassari: ita ut quodam tempore celebrante Victore Tricassino rum episcopo solemnitatem nataliti sui, emissis cohorte, eum gladiis et sagittis irruerent super eum: venientesque sciderunt vestimenta ejus, ministros ceciderunt, vasa et omnia ad apparatum prandii auferentes, relinquentes episcopum eum grandi contumelia. Quod cum rex Guntheramus comperisset, congregari Synodum ad urbem Lugdunensem jussit. Conjunctique episcopi cum patriarcha Nicetio beato, discussis causis, invenerunt eos de his sceleribus, de quibus accusabantur, valde convictos. Praeceperuntque ut qui talia commiserant, episcopatus honore privarentur. At illi cum adhuc propitium sibi regem nossent, ad eum accedunt, deplorantes se injuste remotos; sibique tradi licentiam, ut ad papam Urbis Romanae accedere debeant. Rex vero annuens petitionibus eorum, datis Epistolis, eos abire permisit». Vigebat his etiam temporibus (uti semper vixit) usus ille a quovis Concilio ad Sedem Apostolicam appellandi: quod et hi fecisse noseuntur: de quibus pergit Gregorius hæc dicere:

24. «Qui accedentes, coram papa Joanne exponunt se nullius rationis existentibus causis, dimotis. Ille vero Epistolas ad regem dirigit, in quibus locis suis eodem restitui jubet. Quod rex sine mora, castigatis prius illis verbis multis, implevit². Videsne, lector, quantam reverentiam exhibuerint reges atque episcopi sententie Romani Pontificis, ut quanvis iidem videri potuissent injuste restituti esse, quos Synodus juste damnasset, parere tamen ipsi minime prætermiserint? «Sed nulla», subdit Gregorius, «quod est pejus, fuit emendatio subsecuta. Tamen Victoris episcopi pacem petierunt, traditis hominibus, quos in seditionem direxerant. Sed ille recordatus præcepti Dominicæ, non debere reddi inimicis mala pro bonis (malis), nihil his mali faciens, liberos abire permisit: unde in posterum a communione suspensus est, pro eo quod publice accusans, clam inimicis pepercisset absque consilio, quibus accusaverat, fratrum». Hæc de his quæ spectant ad Concilium Lugdunense hoc anno tempore Joannis papæ celebratum. Porro de iisdem episcopis hæc superius idem Gregorius², dum agit de bello Longobardorum aduersus Burgundioncs:

¹ Greg. Tur. hist. Franc. I. v. c. 20. — ² Greg. hist. I. iv. c. 37.

« Fueruntque in hoc prælio Saloni et Sagittarius fratres atque episcopi, qui non eruce cœlesti munili, sed galea atque lorica sæculari armati, multos manibus propriis (quod pejus est) interfecisse referruntur ». Haec tunc primum sunt monstra cœpta videri, ut loricali episcopi militarent.

25. Ariamirus filius et successor Theodomiri in Gallicia. — Hoc anno Liubia rex Gothorum in Hispania, ipso regni sui anno tertio moritur : siveque Leuvigildus ejus germanus in collegam antea adscitus, solus universo potitur regno. Quo pariter anno defunctus Theodemirus Suevorum rex Catholicus, maximeque pius, filio Ariamiro, quem precibus S. Martini ex diuturno atque gravissimo morbo sanum accepérat, una cum pietate regnum pariter reliquit : de quo hic describenda putamus, quæ Gregorius Turonensis rudi licet stylo, veritatis fane fulgore coruseo posteris tradidit hisce verbis¹ : « Et quia Florentia majoris memoriam fecimus; quid ab eo didicerim, nefas puto faceri. Tempore quodam causa legationis Galliciam adiit, neque ad Mironis regis præsentiam accedens negotia patet fecit injuncta. Erat enim eo tempore Miro rex in civitate illa, in qua decessor ejus Basilicam S. Martini ædificaverat, sicut in libro primo hujus operis exposuimus. Ante hujus ædis porticum vitium camera extensa per traduces dependentibus uvulis quasi pietà vernalat. Sub hæc enim erat semita, quæ ad sacras ædis valvas peditem deducebat. Cumque rex sub hæc præteriens camera hoc templum adiret, dixit suis : Cavele ne contingatis unum ex his botrionibus, ne forte offensam sancti ejus incurritis : Omnia enim quæ in hoc habentur atrio, ipsi sacra sunt.

¹ Greg. Turon. mirac. S. Martini, l. iv. c. 7.

26. « Hoc audiens unus puerorum, ait intra se: Utrum sint haec huic sancto consecrata, annon, ignoro; unum scio, quia deliberatio animi mei est de his vesci. Et statim injecta manu, caudam botrionis cœpit incidere; protinusque dextera ejus adhærens camerae, arente lacerto, dirigit. Erat autem minus regis, qui ei per verba jocularia laetitiam erat solitus excitare: sed non eum adjuvit eachinus aliquis, neque præstigium artis suæ; sed cogente dolore, voces dare cœpit, ac dicere: Succurrite, viri, misero; subvenite oppreso, relevate appensum, et S. antis litis Marlini virtutem deprecamini: quia tali exitu erucior, tali plaga affliger, tali incisione disjungor. Egressus quoque rex, cum ea quæ acta fuerant didicisset, tanto iurore contra puerum est accensus, ut ejus manum vellet incidere, si a suis prohibitus non fuisset. Dicentibus tamen præterea famulis: Noli, o rex, judicio Dei tuam adjungere ultionem, ne forte injuriam quam minaris puero, in te reforreas. Tunc ille compunctus corde, ingressus Basilicam, prostratus coram sancto altari, cum lacrymis preces fudit ad Dominum, nec antea a pavimento surrexit, quam flumen oculorum hujus paginam deflexi deleret. Quo a vinculo, quo nexus fuerat, absoluto, ac in Basilicam ingresso, rex elevatur e solo: et sic recipiens incohatum famulum, palatum repetivit. Testatur autem major præfatus, hoc se ab ipsis regis relatione, sicut actu narravimus, cognovisse ». Hucusque Gregorius. Hisce Dens miraculis recens credentem regem voluit admonuisse, quod non sine divina ultiōne peccant, qui vel minimum quippiam e rebus Ecclesiæ auferunt, quæ vel servientium usui, vel pauperum alimonii sunt destinate. Quomodo autem idem rex paterno exemplo duo Concilia, Bracharensē videlicet, atque Lucense congregavit; suo loco dicemus.

1. Postconsulatus. — Is annus hac formula notatus: *v post consulatum Justini jun. Aug., solius m,* vel ut habet Marius, *anno iv cons. Justini jun. Aug. Indict. m.* Baronius num. 1 ait, in Constitutione Justini de filiis liberarum, quæ apud Julianum antecessorem legitur, hunc annum inseribi secundum postconsulatum ejusdem, quod verum est, sed mendum in numerum 2 irrepit, Novella

his verbis signatur: *Data kal. Mart. Constantinop. imp. D. N. PP. Aug. Justini anno v, Indict. m quæstor legi*, qui ut moris erat subscrispsit: *Dat. kal. Mart. Constantinop. imp. D. N. Justino PP. Aug. anno v post consul. ejusdem D. N. ann. ii,* ubi legendum, *anno iv*, ut observavit Baluzius in Notis ad Capitularia regum Francorum pag. 1255. Justinus enī, quemadmodum et Marius Aventi-

censis, modo loquendi Victoriano usus est, ut liquet ex alia Novella anno DLXVIII, n. 1 memorata.

2. *S. Apollinaris episc. Alexandrinus moritur.*
— A num. 1 ad 9. Obitus *Apollinaris* Alexandrinae Ecclesiae episcopi pertinet ad annum superiorem; in Chronico enim Nicæphori, et in Tabulis Theophani insertis anni xix eidem attribuuntur, et ipse Theophanes in Chronico, anno Incarnat, secundum Alex. DXXII, kalendis Septemb. anni Christi DXXIX inchoato, loquitur de ordinatione *Joannis Apollinaris* successoris, ejus verba anno DLXXII, n. 10 in medium adducimus. Praeterea ex initio et fine *Eulogii*, qui Joanni successit, patebit, *Apollinaris* mortem anno precedenti contigisse. Quare quæ Baroniūs a num. 1 ad 9 de virtutibus sancti Apollinaris refert, ad annum superiorem revocanda.

3. *Patriarchæ titulus initio episc. Aquileiensis tributus ad significandam Metropolitæ dignitatem.*
— A num. 9 ad 13. Marca in Dissert. de *Primitibus*, num. 20 et seqq. disserit de patriarchatu Aquileiensi, atque episcopum Aquileensem, licet nullos sub se metropolitas habuerit, appellatum esse patriarcham, eo quod reges Gothorum, episcopos regni Italici patriarcharum nomine ornare, quemadmodum testatur Epistola Athalarici Italiae regis ad Joannem papam apud Cassiodorum lib. 9 Epistolarum, Epistola xv. Quare *Elias* episcopus Aquileiensis, qui post aliquot annos ab excidio Gothorum in schisma delapsus est ob *Tria Capitula* una cum reliquis Istriæ provinciae episcopis, liberum sibi existimavit, ejus nominis usum continuare, quod litteræ regiæ metropolitanis Italiae Ecclesiis dederant, et quo usus fuerat *Paulinus* ejus successor anno DIX, præcipue quod ejusmodi titulus ad suam Autocephaliam, qua schismatis tempore potiebatur, multum conferret. Occupata ab imperatoribus Constantinopolitanis Istriæ et Venetiæ provincie parte maritima, episcopatus Aquileiensis sectus, et *Gradus*, quæ est maris Venetici insula, constitutus est *Candidianus* episcopus anno sexcentesimo quinto, Romanæ communioni et imperio adjunctus; qui patriarcha Gradensis, seu novæ Aquileiae dictus est.

4. *Aquileiae patriarcha nunc Utini moratur.*
— Sopito tandem schismate, *Aquileiensis patriarcha* (qui aliquando *Foro Juliensis* quoque resedit, unde dictus quoque *Foro Juliensis*) nomen et locum suum retinuit, ea lege, ut *Gradensis* quoque dignitate sua non excideret; quæ tandem translata est in civitatem Venetiarum, Nicolai V papæ beneficio anno millesimo quadragesimo quinquagesimo primo. Nihil ergo eximum in ea patriarchae appellatione præter sonum verbi, quod metropolitanum significabat ex Gothorum Italicorum usu. Atamen temporis progressu, qui solo nomine a ceteris Italie metropolitanis differebant, honoris quoque privilegio tandem a Sunnis Pontificibus aucti sunt, ut præ ceteris Italie archiepiscopis primatus honore fruerentur. Quod privilegium *Leo VIII* Rodoaldo Aquileiensi concessit anno DCCLXIV iis litter-

ris, quas refert *Ioannes Candidus* lib. 4. Hodie in modico oppido *Utini* consistit.

5. *Metropolita Gradensis dictus etiam patriarcha.* — Hanc prærogativam derivatam fuisse in Gradensem patriarcham probat Marca ex Epistola secunda Leonis noni; qui Dominicum Gradensem, titulo patriarche ornat, et testatur, Romanorum Pontificum privilegiis decretum fuisse, *ut nova Aquileia totius Venetia et Istriæ caput et metropolis haberetur*. Dominicus ille Gradensis (qui missus erat a Gregorio VII cum litteris ad Michaelem imp. Constantinop. ad unitatem Ecclesiae resarcendam anno M. quinque in eadem Pontificis Epistola lib. 1 Regesti, Epist. xviii, patriarcha Venetia dicitur) scripsit ad Petrum Antiochenum episcopum Epistolam graecam, quæ habetur in Codice Ms. Bibliothecæ regie, in ejus inscriptione Gradensis et Aquileiensis Ecclesiae patriarcham sese appellat, ac profitetur Ecclesiam suam a Marco Evangelista conditam, solamque a beato Petro infra Italiam patriarchicum nonnen obtinuisse, ejusque episcopos in Synodo Romana dexteræ Summi Pontificis assidere solitos. *Dominico* rescripsit *Petrus Antiochenus*, ut legitur in codem Ms. se nunquam legisse, vel fando audivisse episcopum Aquileie, seu Venetie, appellari patriarcham; quinque tantum numero esse patriarchas in Ecclesie corpore, quod ab eis administratur, ad exemplum quinque corporis humani sensum. Inter eos Antiochenum episcopum proprie dici patriarcham, Romanum vero et Alexandrimum nuncupari papas, Constantinopolitanum et Hierosolymitanum archiepiscopos. Si autem Gradensis ex eo patriarcha dici velit, quod dexteræ beatissimi pape assideat: id aliquo pacto ferri posse; quoniam episcopi patres appellantur, et qui priorem locum post patriarchas in Synodis obtinent, exarchi, protothroni, et proedri vocantur: qua ratione patriarcha dici possit episcopus Venetie, quod in Synodo Romana primus sit a papa: ac si diceret quod antecedat patres et episcopos. De patriarchatu Aquileiensi legenda quæ habet Em. card. Norisius cap. 10, dissert. de quinta Synodo, ubi fuse et docte de eo agit.

6. *Concilium Turonense II.* — A num. 13 ad 23. In Concilio secundo Turonico legitur: « *Euphronius Turonice civitatis episcopus has Constitutiones nostras relegi et subscrispi. Notavi sub die xv kalendas Decembris, anno vi regni Domini nostri Chariberti gloriosissimi regis* ». Clotarius Chariberti Francorum regis pater, die x mensis Novembris anni DIXI adhuc in vivis erat, ut in ejus morte ostendi, ubi et eo anno eum demortuum vidimus. Quare Concilium II Turonense celebratum est die xvii mensis Novembris, vel anni DLXVI, vel insequentis. Extant ejus canones viginti septem, coactumque fuit ex solis ditionibus *Chariberti* regis, ut ex ejus Praefatione colligitur. Concilio subscrivserunt episcopi novem, ex tribus provinciis Lugdunensibus, secunda, tertia et quarta: *Euphronii Turonensis, Prætextati Rotomagensis, Germani*

Parisiensis nomina leguntur in Tabulis Ecclesiasticis. Praeterea Cenomanenses *Domnatum*, Rhedenenses *Victurium* seu *Victorium*, Nannetenses *Felicem*, et Carnotenses *Caletricum* colunt. Baronius usus est Codice hujus Concilii mendoso, cum asserat in eo non legi nomen *Euphronii*, qui tamen in recentibus Conciliorum editionibus primus subscriptus reperitur. Praeterea scribit *Felicem* episcopum Bituricensem tertio loco subscriptissime; in eisdem vero editionibus *Felix* Nannetensis tertio loco subscrabit, nec *Felix* Bituricensis huic Concilio interfuit; cum Bituriges *Guntramno regi* parerent non autem *Chariberto* ejus fratri, e cuius regno episcopi ad Turonense Concilium vocati sunt. Gregorius Turonensis lib. 10, cap. 102 asserit, piissimum hunc praesulem post mortem miraculis clariusse, et post annum Iere XII ab ea corpus ejus repertum esse illasum.

7. *Concilium Lugdunense II.* — Ad num. 23 et seqq. In Actis Concilii *Lugdunensis II* (1) nullus est temporis character, qui in anni, quo celebratum est notitiam nos ducere possit; cum tamen in collectione Conciliorum Gallicanorum ponatur sub *Nicetio* Lugdunensi episcopo coactum, et in vulgatis Conciliorum editionibus dicatur habitum anno VI regni glorioissimi *Guntramni regis*, ad annum DLXVII revocandum videtur. In hoc Concilio, ex solis ditionibus *Guntramni regis* coacto conditi sunt canones sex: eique subscripsere sua, vel vicariorum manu episcopi XIV. Ex illis Tabulis Ecclesiasticis inscripti sunt *Nicetus* Lugdunensis, *Agricola Cabillonensis*, *Syagrius Augustodunensis*, *Baronius* hoc Concilium *Lugdunense primum* appellat, sed saeculo precedenti de alio Concilio *Lugdunensi* locuti sumus.

8. *Theodomirus rex Suevorum moritur.* — Ad num. 25 et seqq. Abbas Biclariensis ad annum IV

Justini, qui est Leovegildi regis II, scribit: «In provincia Galliae, Miro post Theodomirum Suevorum rex efficitur». ideoque anno DLXX, juxta Biclarensem collatum cum Concilio Bracarensi II, an. II regis Mironis, die prima mensis Junii anni Christi DLXXII celebrato, ut eo anno videbimus. Ex quo et liquet, *Mironem* anno DLXX post diem primam Junii regnare cepisse; cum eodie anno DLXXII nondum tertium regni sui auspicatus fuerit. Isidorus in Chronico Suevorum asserit *Mironem* filium fuisse Theodomiri, qui ideo hoc anno mortuus est, ut recte Baronius habet, qui tamen perperam tradidit, *Mironem* Ariamirum vocatum fuisse, ut in Concilio Luceensi II videbimus.

9. *Post Celsi patricii mortem Langobardi saepe in Gallias irrupere.* — Marius Aventicensis ad annum IV consulatus Justini, Indict. III currentem scilicet, ait: «Hoc anno morbus validus cum profluvio ventris, et variola Italiam Galliamque valde afflixit; et animalia bubula per loca suprascripta maxime interierunt. Eo anno mortuus est Celsus patricius». Quare cum Gregorius Turonensis, lib. 4, cap. 36, varias Langobardorum in Gallias irruptiones, post Celsi mortem, contigisse narrat, eae ad proximos annos, eos scilicet, qui *Sigiberti* Francorum regis mortem praecessere, pertinent. Nam, ut animadverbit Cointius anno DLIX, num. 1, quae eam mortem subsecutae sunt, per annos distinguuntur a Gregorio Turonensi. Huic suffragatur Paulus diaconus, qui lib. 3, cap. 1 et seqq. loquens de bellis Gallos inter et Langobardos gestis, dicit, tunc *Amatum* et *Munundum* provinciae praeuisse: hi vero in administratione ejusdem provinciae *Celso* successerant.

Hoc anno *Anastasius* episcopatu Antiocheno dejectus, ut anno DLXXII ostendam.

(1) Lugdunensem hanc Synodum, neque primam cum Baronio, nec secundam cum Pagio; sed tertiam Lugdunensem appellandam esse in Notis ad A. 517, 10 demonstravimus.
MANSI.

1. *Alboinus rex a Rosimunda uxore occiditur, que et ipsa cum complice Helmige veneno tollitur.*
— Advenit annus Domini quingentesimus septua-

gesimus primus, quartae Indictionis: quo Alboinus Longobardorum rex, ubi regnasset in Italia annos tres et iuenses sex, id est Octobris moritur, cum

panlo ante Ticinensem civitatem per tres annos et amplius obsessam cœpisset. Quid autem tunc admiratione dignum acciderit, a Paulo diacono ita accipe¹: « At vero Ticinensis civitas per tres annos et aliquot menses obsidionem perferens, tandem se Alboino tradidit et obsidentibus Longobardis. In quam cum Alboinus, per portam que dicitur sancti Joannis, ab orientali urbis parte introiret, equus ejus in portæ medio concidens, quamvis calcariibus stumplatus, quamvis hinc inde a Stratorio verberibus cæsus, non poterat elevari. Tunc quidam de Longobardis ita regem allocutus est : Memento, domine rex, quale votum vovisti : frange tam dirum votum, et ingredieris in urbem. Vere enim Christianus est populus in hac civitate. Siquidem Alboinus voverat, quod universum populum, qui se dedere nolnerat, gladio extingueret. Qui postquam tale votum disrumpens, veniam promisit; mox equo surgente civitatem ingressus, in sua promissione permansit. Tunc ad eum omnis populus in palatium, quod quondam rex Theodoricus construxerat, corruens post tantam miseriam, de spe jam fidens, cœpit animum ad meliora futura levare. Qui rex postquam in Italia tres annos et sex menses regnaverat, insidiis sue conjugis peremptus est ». Quomodo autem id acciderit, pluribus ipse narrat his verbis²:

2. « Causa autem ejus interfectionis hujusmodi fuit. Cum in convivio ultra quam oportuerat, apud Veronam letus resideret, cum pœnulo, quod de capite Chumimundi regis sui socii fecerat, reginae ad libendum vimini dari præcepit, atque eam ut cum patre suo letanter biberet, invitavit. Itoc ne cui videatur impossibile; veritatem in Christo loquor : ego hoc pœnulum vidi in quadam die festo Raticbis principem, ut illud convivis suis ostentaret, manu tenentem. Igitur Rosimunda (id erat uxori Alboini regis nomen) ubi rem animadvertisit, alium conciens in corde dolorem, quem compescere non valens, mox in mariti necem, patris eadem vindicatura exarsit : consiliumque mox cum Helmige, qui regis scilpor, id est, armiger et lactaneus erat, ut regem interficeret init. Qui reginæ suasit, ut Peredeum, qui erat vir fortissimus, in hoc consilium adsciceret.

3. « Cum vero Peredeus reginæ suadenti tantum nefas consensum adhibere nollet; illa se noctu in lectulo suæ vestiarie, cum qua Peredeus slupri consuetudinem habuerat, supposuit : ubi Peredeus inscius fraudis cum regina concubuit. Cumque illa, patrato jam scelere, ab eo quereret quam se esse existimaret : et ipse nomen suæ amicæ, quam esse putabat, nominasset, regina subjunxit : Ne quaquam est ut putas, sed ego Rosimunda sum. Certe nunc, Peredeo, rem talem perpetrasti, quod aut tu Alboinum interficies, aut ipse te suo gladio extinguet. Tunc ille intellexit malum quod fecit : et quod sponte noluerat, tali modo in regis necem

coactus assensit. Tunc Rosimunda, dum se Alboinus in meridie sopori dedisset, magnum in palatio silentium tieri præcipiens, omnia alia arma subtrahens, spathum illius ad lectuli caput, ne tolli aut evaginari posset, forliter colligavit, et juxta consilium initum Peredeum et Helmigem (Amechildem) interfectores, omni bestia crudelior, introduxit. Alboinus subito de sopore experrectus, malum quod imminebat intelligens, niandum citius ad spatham porrexit, quam strictius ligatam cum trahere non valeret, apprehenso scabello suppeditaneo, se per aliquod tempus defendit. Sed heu, proh dolor ! vir bellacissimus et summæ audaciæ, nihil contra hostem prævalens, quasi unus de incerbib⁹ interfectoris est, uniusque mulierculæ consilio periit, qui per tot hostium strages in bello fortunatissimus extitit ». Hinc finis regis Longobardorum, qui invaserit Italiæ, et tot malorum, quæ sunt subsecuta, primus extitit auctor. Subdit vero Paulus diaconus de fuga Rosimundæ ad Romanos Ravennam, cum Helmige, simulque cum Longobardorum regis thesauro. Sed quæ utrumque sint consecuta mala Rosimundam et Helmigem, ab eodem sic breviter accipe :

4. « Tunc Longinus præfclus (erat is missus ab imperatore exarchus, morabaturque Ravennæ) suadere cepit Rosimundæ, ut Helmigem interficeret, et ipsius se nuptiis copularet. Illa ut erat ad omnem nequitiam facilis, cum affectaret Ravennatum domina fieri, ad tantum facinus perpetrandum assensum præbuit : atque dum Helmigis se in balneo abluerat, egredienti mortis pœnulum, quod salutare asseruit, propinavit. Ille ubi sensit se mortis pœnulum bibisse, Rosimundam (evaginato gladio super eam) quod reliquum erat bibere coegit. Sieque omnipotentis Dei judicio regis interfectores nequissimi uno momento perierunt ». Hucusque Paulus : quibus vidisti representatam de rege atque regina tragediā : ita plane agente Deo vindice, ut qui innoxios populos crudeli cæde depascerent, in seipso suam ipsorum saevitiam retorquerent. Successit post Alboinum Clephis rex, tenique regnum annum unum et menses quinque. Corrigendus vero textus Gregorii Turonensis esse videtur, ubi præter omnium sententiam Alboinum regnasse in Italia tradit annos septem : ab ipsa enim Gregorii papæ sententia de tempore adventus Longobardorum discrepare cognoscitur, quam duabus ipsius testatam Epistolis superius proposuimus.

5. Sed de propagatione Longobardorum in Italia regni, divinum admirare consilium, quod manifeste declararunt eventa : Denm permisso ejusmodi feros Barbaros poliri Italia, ut ejus dominio Orientales exueret imperatores quibusvis Barbaris adversus Romanos truciores; sieque tandem fieret ut excussa Greecorum tyraannide, et vindicata a Francis cum Urbe Italia, eadem magna ex parte cederet Romano Pontifici : ita suaviter Deo ex more cuncta disponente, qui semper majores Ecclesiæ clades majoribus consuevit compensare pro-

¹ Paul. diac. de Gest. Longobard. l. II. c. 13. — ² Ibid. c. 14.

ventibus, sicut et Ecclesiae ipsius nomine cognoscitur occinuisse Propheta, dum ait¹: « In tribula-

¹ Psal. iv.

tione dilatasti mihi ». Cum et consilium illud Graecorum evanuit, quo deprimere Romanam Ecclesiam diutius laborarunt, redditia illa magis magisque ex ipsorum cladibus ampliore.

Anno periodi Graeco-Romanæ 6064. — Anno Ætæ Hispan. 609. — Jesu Christi 571. — Joannis III papæ 12. — Justini jun. imp. 7.

4. *Postconsulatus.* — Is annus haec formula notatus : *vi post consul. Justini jun. Aug. solius iv*, a Mario vero Aventicensi : *Anno v consul. Justini Jun. Aug. Indict. iv.*

2. *Alboinus Langobardorum rex occiditur.* — Ad num. 1 et seqq. Paulus diaconus lib. 2, cap. 13, de Alboino Langobardorum rege ait : « Postquam in Italia tres annos et sex menses regnaverat, insidiis sue conjugis pereemptus est ». Quibus verbis motus [Baronius] eam cædem hoc anno recitat, aditque eam accidisse kalendis Octob., quia scilicet *Alboinus* initio Aprilis Pannoniam reliquit. Verum non solum Marcius eam in annum sequentem differt, sicuti et abbas Bielarensis, qui regnum Justini ab an. DLXVI incipiens tradit eum anno vii Justini occidum esse; sed etiam Sigebertus et Hermannus Contractus in Chronicis Alboino annos sex assignant, ejusque cædem in annum Christi DLXXIV conferunt, quibus omnino adhærendum. Sigitius lib. 1 de regno Italiæ existimat, Paulum tres annos illos deducere a victoria Mediolanensi anno DLXX reportata. Verum Hermannus citatus in fusori Chronico ad annum DLXXI Pauli mentem nos edocet, aitque *Alboinum* Papiam occupasse, et sedem regni, ibi statuentem « iii annos et vi menses in Italia regnasse », usque sc. ad annum DLXXIV. Quare Pauli mentem recte assecutus est. *Alboinus* a Rosimunda secunda uxore occisus est, ut narrat Baronius ex Paulo. Quare *Chlotsinda* prior ejus uxor, quæ inter Aria-

nos vixil Catholica, jam demorua fuerat. Ilæc unicam *Alboino* filiam peperit, nomine *Albisindam*, cuius meminit Paulus lib. 1, cap. 18, et lib. 2, capp. 13 et 16 (1).

3. *Italia per annos vii a Langobardis afflita.* — Ait Baronius corrigendum videri textum Gregorii Turonensis, qui, præter omnium sententiam, *Alboinum* regnasse in Italia annos septem tradat. Verum Turonensis lib. 4, cap. 33, asserit, tantum Langobardos Italiam pervagatos esse, *maxime per septem annos*, et spoliasse Ecclesiæ, ac sacerdotes interfecisse, et loquitur de iis, quæ Alboino et Clepho, ejus successore, jam extinctis acciderunt, ut etiam Paulus diaconus, qui iisdem fere utitur verbis, ut anno DLXXXIII patet. « Clephus », ut habet Paulus lib. 2, cap. 31, « multos Romanorum viros potentes, alios gladio extinxit, alios ab Italia exturbavit ».

4. *Joannes fit episc. Hierosolymitanus.* — *Macarius* hujus nominis II, patriarcha Hierosolymitanus, hoc circiter anno vita funetus est, ut liquet ex iis, quæ in morte Joannis ejus successoris dicimus. Baronius quidem initium *Joannis* anno DLXI, num. 1, ante decennium scilicet, constituit. Vermum eum Evagrius, Macario in sedem Hierosolymitanam restituto, Justinianum emississe edictum de Incorruptibilitate corporis Christi asserat, et edictum illud initio anni DLXV datum sit, Baronii opinio subsistere non potest.

5. *Initium belli vicennialis Persas inter et Ro-*

(1) *Alboinus* neci traditus est jussu Rosimunda uxoris sua IV kalendas Julii juxta Agnelum in Pontificali Ravennat. fol. 124 ad Vitam S. Petri senioris. Id vero accidisse ait anno Justini II sexto. Perbelle haec cum nostra chronologia quadrat; cum enim nos anno DLXVI cœpisse Justinum demonstraverimus; hinc sequitur annum ejus sextum anno DLXXI cœpisse ac aliquam anni DLXXII partem occupasse, ut proinde die IV kalendas Julii annus sextus Justini adhuc ageretur, adeoque et recte a Mario et abate Biclarensi obitum Alboini cum anno DLXXII compositum fuisse. Unde vero cœperint anni tres et menses sex regni Alboini in Italia definire operosum est. Nec enim cum Pagio a capta Papia exordium illud duci posse, censeo. Si enim tribus annis et mensibus aliquot obsidio illa duravit; et si cœpisse statuamus statim ab ingressu Longobardorum in Itiam (qui in annum DLXXIII incidit mense Aprilis) tres anni et menses aliquot ad annum DLXXI et semis circiter nos redigunt. His si addas tres annos et sex menses regni Alboini, conficies annum DLXXV circiter. Juxta hanc supputationem Alboinus decessisse oportet non anno DLXXIV, ut Pagius censem, sed anno DLXXV, quod nemo admittit. Censeo igitur tres illos annos exordenos paulo post ingressum Longobardorum in Itiam, quando forte Papia obsideri cœpta est; nam tunc facili supputatione ad annum DLXXII, IV kalendas Julii deducemur. Nec est eurum Bacchinius in Dissertatione ad Agnelum, obsidionem Papie non nisi anno DLXIX Septembri mense cœptam reputemus; nam textus Pauli diaconi, unde id erit Bacchinius, commode explicatur tempore illo perseverasse quidem Ticinensem obsidionem; non vero tunc cœpisse (nam si tunc cœpisset, omnis nostra suppositione corrut, cum Alboinus in palatio, Papiensi urbe iam capta, post tricennalem et mensium aliquot obsidionem interfectus fuerit). Paulus enim lib. 2, cap. 25, ait Alboinum ingressum fuisse Liguriam III nonas Septembres, Indictione tercia; cap. 26 scribit: « Ticinensis eo tempore civitas ultra tres annos obsidionem perfereas se fortiter continuit. MANSI.

manos. — Cœptum hoc anno bellum *Persicum*, quod Theophylactus lib. 3, cap. 8, *annos viginti* durasse testatur, quodque anno *Dxc* finem accepisse videbimus; ex quo liquet, ejus initium in præsentem Christi annum competere. Praeterea Evagrius, qui hoc tempore vivebat, lib. 3, cap. 7, docet, bellum Romanos inter et Persas exortum esse, quod *Persarmenii* Romanis se tradidissent *Gregorii Pontificatus anno primo*. Est hic Gregorius ille, qui in locum Anastasii anno superiori episcopatu Antiocheno dejecti, a Juslino imp. substitutus est, ut infra videbimus. Quare episcopatus ejus annus primus hoc Christi anno currebat. Tertio, Theophylactus lib. 3, cap. 9, scribit: « Is (scilicet Justinus) dum septimum imperat annum, Romani ejus imitati levitatem, fœdus minime sanatum et intemeratum habent; unde pacifica illa felicitate distracta et dirupta, bellum inter Romanos atque Persas introductum est, etc. Fœdus autem inter hasce duas gentes in annos quinquaginta suscep- tum et confirmatum (anno sc. *DLXI*, ut ibidem ostendi) magna imperatoris stultitia dirupit atque corruptit ». Ostendit postea Theophylactus hujus belli causam in Romanos, qui fœdera transgressi essent, refundendam.

6. *Ob quas rationes pax rupta.* — Quarto, Theophanes anno *Iucarvat*, secundum *Alexandrinos DLXIII*, qui *kalend. Septemb. superioris Christi anni* inchoatur, ait: « Hoc anno ruptis Romanos inter et Persas pacis fœderibus *Persicum* rursus renovatum est bellum, missorum videficeret ab Homeritis Indis ad Romanos legatorum invidia; ac insuper quod Julianum magistrum (id est, agen- tem in rebus) ab Alexandria per Nilum fluvium et Indicum mare cum Sacris ad Aretham regem *Aethiopum* misisset imperator. Legatum cum ingenti gudio rex Arethas excepit, eeu qui Romanorum imperatoris amicitiam desideraret ». Addit Theophanes: « Extitit etiam alia, quæ Chosroen turbavit, molestia. Per id tempus, Unni, quos Turcos nuncupamus, per Alanorum terras legationem ad Justinum destinant (de qua legatione egimus anno *DLXVI*, num. 6); ea de re Chosroes in metum adductus, Armeniorum adversus se rebellionem ementitus, eorum eliam ad Justinum defectionem prætexebat, et transreddi sibi postulabat. Quingen- tas insuper auri libras Romanorum imperatore pendere solito, ut vicina Barbaris castella custodi- rent Persæ, ne ex Barbarorum locis irrumperentes alterutri imperio perniciem inferrent; quare omnibus utriusque impensis loca quæque munita servabantur in utriusque limitibus. Justinus pac- tum hujusmodi rescindendum censuit; Romanos Persis tributa pendere indecorum ratus. Eaque

magni illius Romanos inter ac Persas belli occasio extitit. Quamobrem Justinus Martinum patricium cognatum suum Orientis militiae magistrum renun- tiatus in expeditionem contra Persas misit ».

7. *Prima adversus Persas expeditio anno tan- tum sequenti suscepta.* — Verum non *Martinus*, ut perperam Theophanes habet, sed *Marcianus*, magister Orientalis militiae, genere imperatori conjunctus, adversus Persas missus est, ut docent Evagrius lib. 3, cap. 8, et Theophanes Byzantius in Excerptis Photii, qui ait: « Marcianus Justini imperatoris patruelis, Orientis dux jam renuntiatu- tus, in expeditionem adversus Chosroen, octavo imperii Justini anno missus est ». Denique Theophylactus lib. 3, cap. 10, postquam pacem anno *VII* Justini ruptam fuisse affirmavit, inquit: « Violata igitur pace, ac fœdere utrinque conculetato, Justinus Marcianum patricium genere, ac propemodum de familia imperatoria, virum excellenti fama ad exercitum gubernandum in Orientem destinat. Marcianus transito Euphrate, cum in regionem Osrhoenam, mæcente ac senescente jam æstate, venisset, Barbarique de bello nihil cogitarent, tribus millibus de exercitu separatis, eos in Arzanenam, quæ dicitur, regionem immittit. Quorum impro- visa irruptione, insanisque deprædationibus, depo- pulationibus male tune Persidi factum est. Justini imp. anno sequenti, etc. » Haec itaque prima expe- ditio ad æstatem anni sequentis pertinet, et de ea non loquitur Theophanes Byzantius; cum bellum ab anno *VII* Justini inchoare se indiceat. Baronius bellum *Persicum* tardius exorsus est, ut ex dicendis constabit.

8. *Lues in Gallia et in Italia sævit.* — Marius ad annum *v* consulatus Justini ac Indictionem *IV*, præsentem scilicet Christi, ait: « Infanda infirmitas atque glandula, cuius nomen est pustula, innumerabilem populum devastavit in suprascriptis regio- nibus », id est, in Gallia et Italia, ut ex dictis anno superiori liquet. Lue illa inguinaria sæviente labo- rarunt præcipue *Arverni*, quorum calamitatem multa signa præcessisse narrat *Turonensis lib. 4*, cap. 31, inter quae fuit cometes quidam, qui *per annum integrum apparuit* super regionem illam. Meminit et hujus Iuis Gregorius in *Vitis Patrum cap. 9*, et lib. *2 de Gloria Martyrum*, cap. 43. Eva- grius lib. 3, cap. 8, loquens de bello *Persico* ait: « Multa tune visa sunt prodigia quibus mala, quæ eventura erant, indicabantur. Nos tamen initio belli, vitulum vidimus recens natum, et ex cujus cervice capita duo prominebant ». Verum signa, quæ in Oriente apparent, sæpe in Occidente nou- visuntur, et vice versa.

JOANNIS ANNUS 13. — CHRISTI 572.

1. De Joannis papæ obitu, sub quo floruit Constantius episcopus Aquinas, deque ejus rebus gestis et scriptis. — Quingentesimus ac septuagesimus secundus Domini annus quintæ Indictionis adest : quo Joannes papa, ubi sedisset annos tredecim minus diebus quatuordecim, moritur tertio idus Julii, ut ex Anaslasio admonemur, qui de eodem hæc habet : « Hie ampliavit et restauravit cœmeteria sanctorum martyrum. Hie constituit, ut oblationes, et amulae vel luminaria in eadem cœmeteria per omnes Dominicæs de Lateranis ministrarentur. Hie perfecit Ecclesiam sanctorum Philippi et Jacobi, et dedicavit eam ». Et in fine : « Eodem tempore Joannes papa et ipse mortuus est, et sepultus est in Basilica S. Petri Apostoli tertio idus Julias. Hie fecit ordinationes duas per mensem Decembrem, presbyteros triginta octo, diacones tredecim, episcopos per diversa loca numero sexaginta et unum. Cessavit episcopatus ejus menses decem, dies tres ». Haec Anastasius. De subrogatione igitur successoris agemus suo loco anno sequenti. Exstat ejusdem Joannis Epistola respondentis ad consultationem archiepiscopi Viennensis; enjus date cum non sit certus annus, ut suo loco collovari potuisset, hic illam ponemus : sic enim se habet¹ :

« Joannes episcopus, Ealdo Viennensi archiepiscopo.

« De officiis missarum, de quibus in litteris vestris requisistis, scial charitas vestra, quia varie apud diversas Ecclesiæ fiant : aliter enim Alexandrina Ecclesia, aliter Hierosolymitana, aliter Ephesina, aliter Romana facit, cuius morem et instituta debet servare Ecclesia tua, quæ fundamentum sancti habitus ab illa sumpsit. Venerabilis (venetandi) pallii usum per sanctum presbyterum vestrum Felicem tibi destinavimus, nolentes te privari antiquo B. Petri munere : simul mittentes de capillis S. Pauli, ut esset Ecclesie vestre illius intercessione solatum, per enjus discipulum suscepit primum religionis honorem ». Et alia manu : « Benedictio

Apostolorum vos ab imbre malignorum custodiat ».

2. Ad hæc tempora ejusdem Joannis Romani Pontificis, antequam tamen Longobardi irrumperent in Italiæ, Constantius episcopus Aquinas, qui vivente adhuc S. Benedicto jam sedere cooperat, defunctus est, ut testatur S. Gregorius, qui et ipsius ex hac vita ad Deum transitum refert his verbis¹ : « Vir quoque venerabilis vilæ Constantius Aquinæ civitatis episcopus fuit, qui unper predecessoris mei tempore beatæ memorie Joannis papæ defunctus est. Hunc prophetæ habuisse spiritum, multi testantur. Cujus inter multa hoc ferunt religiosi veracesque viri, qui præsentes fuerunt, quod in die obitus sui cum a circumstantibus civibus, utpote discessurus, pater tam amabilis amarissime plangetur; eum flendo requisierunt, dicentes : Quem post te patrem habebimus? Quibus ipse pater per prophetæ spiritum respondit, dicens : Post Constantium milionem, post milionem fullonem. Otu Aquina, et hos habes. Quibus prophetæ verbis editis vita spiritum exhalavit extremum. Quo defuncto, ejus Ecclesiæ pastorem suscepit curam Andreas diaconus illius; qui quondam in stabulis itinerum cursum servaverat equorum. Atque hoc ex hac vila subdueto, ad episcopatus ordinem dovinus accersitus est, qui in eadem civitate fullo fuerat. Quo adhuc superstite, ita cuneti habitatores civitatis illius et Barbarorum gladiis et pestilentiae immanitate vastati sunt, ut post mortem illius nec quis episcopus fieret, inveniri potuisset. Sic itaque completa est viri Dei sententia, quatenus post discessum duorum se sequentium, ejus Ecclesiæ pastorem minime haberet ». Hucusque Gregorius : quæ quidem cum sub Joanne papa contigisse dicat, nec quoto ejus Pontificatus anno sint facta referat, hic ad finem rerum gestarum ejusdem Pontificis ex more voluimus collocasse cum reliquis aliis quæ certo anno minime definita reperiuntur. Porro ex his etiam infeliciem Italæ statum hujus temporis

¹ Bibl. Florac. edit. a Jo. a Bosco Cœl. par. ult. pag. 40.

¹ Greg. dialog. l. m. c. 8.

possimus intelligere, cum desolarentur penitus tum ob bella, tum eliam ob pestem integræ civitates. Quod rursus ad Constantium ipsum spectat, ejusdem nominis et civitatis diximus in Notis¹ reperiri episcopum qui sub Hilaro papa claruit, et peruenit ad Symmachii tempora, ut Concilia Romana sub iisdem Pontificibus celebrata testantur: licet priorem illum alieibi non Constantium, sed Constantium appellatum invenerimus.

3. Ut autem ad postremum de scriptis ejusdem Joannis Pontificis nomine editis agamus: fertur ejus Epistola ad universos episcopos Germania et Gallia aduersus chorepiscopos, qui sibi quæ essent episcoporum usurparent: data habetur eadem sub consulatu Iustini sexto cum Narsete, quo designatur iste ipse præsens annus, si annis singulis eum gessisse dixerimus consulatum. Elenim quem anno tertio consulem secundo fuisse constat ex recitata superius ejus Constitutione, utique hoc sui imperii anno septimo, et non ante oportuit gessisse sexum consulatum. Verum dum decimo quarto kalendas Augusti eadem data reperitur Epistola, utique non nisi ad tempus post obitum Joannis referri potest; adeo ut impostura argui facile possit: quæ et non ex his tantum, sed et aliis signis convineatur non esse Joannis, sed ex suppositis mereibus Mercatoris. Etenim nomen chorepiscoporum, de quorum munere integra est Epistola illa scripta, in Galliis sive in Germania penitus erat abolitum. Consule cuncta Gallicana Concilia his temporibus celebrata, et nullam de chorepiscopis invenies mentionem. Sed quod eadem Epistola contineat de Lino et Cleto Romanis Pontificibus, quod non fuerint revera Romani Pontifices, sed chorepiscopi tantum, est plane ab omni antiquitate et veritate historiæ alienum. Sunt præterea alia signa quæ vultum exprimant Mercatoris, sive potius subdoli venditoris. Sed de his satis.

4. *Charibertus Francorum rex excommunicatus moritur.* — Hoc pariter anno defunctus est Charibertus Francorum rex, qui regnabat Parisiis, cum tenuisset regnum annos octo: sed quæ ejus obitum seiu digna præcesserint in testimonium judicii magni Dei, hic recensenda putamus. Gregorius igitur, qui his temporibus vivebat, hæc in primis de ipso habet²: « Videtur non silentium, qualiter vir beatus Martinus præsidia famulis ad res suas defendendas quaqua julet, accommodat. Charibertus rex cum exosis clericis Ecclesiæ Dei neglicheret, despiciisque sacerdotibus magis in luxuriam declinasset; ingestum est ejus auribus, locum quemadun, quem Basilica S. Martini diuturno tempore retinebat, sisti suo juri reddique debere: loco autem illi Navicellis nomen præsea vetustas indiderat. Qui accepto iniquo constilio, pueros velociter misit, qui Remiculam illam in suo dominio subjungarent. Cumque hæc recte possidens videretur habere, jussit in locum illum slabularios cum equiti-

bus dirigi, ibique sine æquitalis ordine præcepit equos ali. Accedentes ergo pueri fœnum, quod coacervatum fuerat, accipiunt in equorum expensas. Cumque injunctum studiose ageretur servitium, atque equi apposilum fœnum cœpissent expendere; corripuntur rabie: et frenentes adinvicem, disruptis loris, per plana prosiliunt, et in fugam vertuntur: et sic male dispersi alii excaecantur, alii rupibus præcipitantur, alii se seibus ingerentes palorum acuminibus transfodiuntur. Tandem stabularii, iram Dei intelligentes paucos extra terminum loci, quos assequi potuerunt, expellunt, sanosque recipiunt, munitantes regi rem illam injustissime delineri. Et ideo hæc cum fuissent perpessi, dixerunt: Dimitte eam, et erit pax tibi.

5. « Qui furore repletus, sic dixisse fertur: Sive juste sive injusle reddi debeat, regnante me hanc Basilicam non habebit. Qui protinus divina jussione transitum accipiens, quievit. Adveniente autem gloriosissimo Sigeberlo rege in ejus regnum, ad suggestionem beati Euphronii episcopi hoc in domo sancti Martini restituit, quod usque adhuc ab ejus Basilica possideatur. Audite hæc omnes potestatē habentes: sic vestite alios, ut alios non spoliatis: hoc adjungite vestris divitiis, ut damna non inferatis Ecclesiis. Vindex est enim Deus velociter servorum suorum. Et ideo monemus, ut qui de potestatibus hæc legerit, non irascatur, nam si irascitur, de se fatebitur dictum ». Ilucusque Gregorius, piam ingerens monitionem legenti.

6. Quomodo autem idem S. Euphronius Turonensis episcopus ejusdem regis obitum propheticō spiritu præsensit, idem auctor alibi narrat his verbis¹: « Ipse quoque Pontifex cum a multis cerebrius urgeretur, ut ad occursum Chariberti regis deberet accedere: et innectens moras ire differret; tandem commotus a suis, ait: Ite, præparate iter, ut eamus ad occursum regis, quem visuri non sumus. Igitur imponentes plaustris necessaria, et caballis ad iter præparatis, jamque in hoc stanle ratione, ut deberet viam incedere, ait: Revertantur plaustra, laxentur equi; non modo hoc iter incedimus. Dicentibus autem suis, quæ esset hæc levitas, ut que tam instanter parari jusserset, tam facile deturbaret, ait secretius: Princeps ad quem nos ire compellitis, obiit; nec vivemus, si abierimus, inveniemus. Stupefacti audientes, diem notant, et sancti verba taciti servant. Advenientibus autem ab urbe Parisiaca hominibus, ea hora regem transiisse munitant, quæ sacerdos plaustra de itinere jusserset revocari ». Hæc de Euphronii prædictione Gregorius ejus in episcopatu successor.

7. *De Theodigilde regis concubina et alia ejusdem nominis regina sanctissima.* — Verum eumdem Charibertum decessisse excommunicatum a sancto Germano Parisiorum episcopo ob incestum conjugium (quod dictum est superius) idem auctor

¹ Not. in Rom. Martyrol. die 1. Sept. 6. — ² Greg. Turon. de mirac. S. Martini, l. 1. c. 29.

¹ Greg. de Glor. confess. c. 19.

affirmat : et quæ post obitum de Theodigilde regina secuta sint, ita narrat¹ : « Nec multo post illatam excommunicationem a sancto Germano, et ipse rex post eam decessit. Cujus post obitum, Theodigildis una reginarum ejus nuntios ad Guntherium regem dirigit, se ultiro offerens matrimonio ejus. Quibus rex hoc reddidit respondum : Accedere ad me ei non piceat cum thesauris suis : ego enim accipiam eam, faciamque magnam in populis, ut scilicet majore mecum honore, quam cum germano meo, qui nuper defunctus est, potiatur. At illa gavisa, collectis omnibus, ad eum profecta est. Quod cernens rex, ait : Rectius est enim, ut hi thesauri apud me habeantur, quam apud hanc, quæ indigne germani mei torum adivit. Tunc ablatis multis, paucis reliefis, Arelatensi eam monasterio destinavit. Haec vero ægre acquiescens jejuniis ac vigiliis affici, per occultos nuntios Gothum quendam adivit, promittens, si se in Hispanias deduetam conjugio copularet, quod cum thesauris suis de monasterio egrediens, libensi eum animo sequeretur. Quod ille nihil dubitans, rem promisit. Cumque haec collectis rebus, factisque involueris, e cœnobio pararet egredi ; anticipavit voluntatem ejus industria abbatissæ, deprehensaque fraude, eam graviter caesam custodie mancipari præcepit, in qua usque ad exitum vita præsentis non medioribus attrita passionibus perduravit ». Hucusque Gregorius.

8. Porro licet nomine eamdem, diversam plane moribus atque genere Theodigildem aliam, sive Theodichildem itidem reginam laudat Venantius Fortunatus : licet errore librariorum in carminis inscriptione loco Theodigildis reginæ, inditum sit nomen Theodigildi regis : de femina namque, non de viro illa fuisse scripta, his plane haud obscure declarat versibus dicens² :

Femineum sexum quantum præcedis honore,
Tantum alias superas et pictas ope.
Si novus adveniat, recipis sic mente benigna,
Ac si servitus jam placueret avis.
Pauperibus fessis tua dextera seminas escas,
Ut segetes fructu fertiliore metas.
Punde foveas inopes semper sabata manebis :
Ut quem sumit egens, sif tuus ille cibis.
Pervent ad Christum, quequid largius egeno :
Etsi nemo videt, non pertura manent.
Cum venit extremus tuis concludere unandum,
Omnia dum perent, tu meliora petis :
Ecclesie sacras, te dispensante, novantur :
Ipsa dominus Christus condit (conducit), et ille tuam.
Tu fabricas illi terris, dabit ille supernis :
Comunitas in melius sic habitura polos.
Stat sine fraude tuum quod mittis ad astra talentum :
Quas bene dispergis, has tibi condit opes.
Quae domino vivis summo, non perdis bonores,
Begna tenes terris, regna tenenda polis.
Sit modo longa salus pro munere plebis in urbe,
Felix quæ meritis, Ince perennis eris.

Hactenus Fortunatus de Theodigilde regina tunc vivente. Porro longe diversam hanc esse a conjugi

Chariberti, de qua nuper egimus, non mores tantum valde dissimiles significant, sed et genus : illam enim Opilionis filiam fuisse, idem qui supra Gregorius tradit¹ ; quam vero Fortunatus laudat, idem docet regali genere, patreque rege natam : nam ita de ipsa exorditur :

Inclita progenies regali stirpe coruscans,
Qui celum a proavis nomen origo dedit :
Curtit in orbe volans generis nova gloria vestri,
Et simul hinc frater personal, inde pater. Etc.

Rursum vero cum dicat de illa Gregorius, nullius ipsam matrem fuisse filii (nam quem unicum aliquando genuerat, mox, inquit, ut processit ex alvo, delatus est ad sepulcrum) istam e contrario secundam fuisse, idem Fortunatus his versibus significat, quibus ait :

Mens veneranda, decens, sollers, pia, chara, benigna
Cui sis prole potens, gratia major adest.

Haec idecirco ad discriminationem alterius ab altera dicta voluimus, ne quis post laudes ab eodem Fortunato tributas Chariberto regi legens præconia Theodigildis reginæ, existimat eam fuisse ipsius conjugem.

9. Mentio est etiam de eadem Theodigilde apud eundem Gregorium in commentario de Gloria confessorum², ubi pro Theodigilde, Theodichildis scripta habetur, sicut et in Epitaphio ipsius ab eodem Venantio³ Fortunato conscripto, ubi inter alia de ejus nobilitate atque pariter pietate :

Cui frater, genitor, conjux, avus, atque priores,
Culmine succiduo regis ordo fuit :
Orphanus, exnl, egens, vidua, nudaque jacentes
Matrem, escam, tegmen hic sepehsse dolent.

Diem vero obiisse senem annorum ætatis septuaginta quinque, postremo versu docet, cum ait :

Aetibus bis inslans terrena in luce redacta,
Ter quanto lustro vixit in orbe deus.

Hacenus Fortunatus : qui etsi laudasse legitur Charibertum regem, quem infami exitu diem extremum clausisse vidimus ; non eum post mortem, sed eum regnare cœpit, laudasse cognoscitur : quas laudes et Nero commiserisse potuit, qui primo triennio optime imperii habendas moderatus est. Sed de Theodigilde, atque de rebus Gallicis hacenus : jam ad Hispanicas transeamus.

10. *Bracharens et License secundum Concilium.* — Hoc ipso anno, mense Decembri celebrata est Synodus posterior Bracharensis, anno secundo Ariamiri regis Suevorum, ut ejus Acta sui exordio declarant his verbis : « Regnante Domino Iesu Christo, currente Era sexcentesima decima, die

¹ Greg. Turon. hist. Franc. l. iv. c. 26. — ² Venant. carm. l. vi.

¹ Greg. hist. Franc. l. iv. c. 26. — ² Greg. de gloria confess. c. 41.
— ³ Fortun. carm. l. iv.

decimo octavo kalendarum Januariarum, cum Gallicie episcopi tam ex Bracharensi, quam ex Lucensi Synodo cum suis metropolitani praecerto prefati glorioissimi regis simul in metropolitana Bracharensi Ecclesia convenissent, id est, Martinus, Nitigius (Nitigius, Nigetius), etc. » Omnes numero duodecim. Statuti sunt autem canones decem ad Ecclesiasticam disciplinam spectantes : extant ipsi quidem ab ipso Martino metropolitano canonum collectore summa industria elaborati, quos tu consulas. Porro eadem Era sexentesima decima, qui cum metropolitano suo Nitigio ad propria reversi sunt episcopi, Luci habuere conventum, in quo de eadem secunda Synodo Brachari habita mentio facta est. De his locuples testis est vetus Constitutio ejusdem regis hac pariter Era data, vindicata autem in lucem ex abditis Ecclesiasticis tabulis ab Ambrosio, quo nomine plurimum ei debent Hispaniae, omnesque simul rerum antiquarum studiosi. Recitat ipse quae in ejusdem regis Constitutionis habentur exordio verbis istis¹ :

11. « Deo omnipotenti trino et uno et vero Patri et Filio et Spiritui sancto, qui sua sapientia ineffabili in Deitate perfecta ex arce summa quemque sunt tam praesentia quam futura insipiet, ut praeceps ordinat, atque disponit ut dominus. Ipso celorum rege inspirante seu opitulante, ego Theodomirus rex, cognomento etiam Mirus, Galliae totius provinciae rex, Deo ejusque Genitrici gloriose Mariae ac easteris sanctis cupiens esse famulus et servulus, coadunato nullo Dei Concilio in Lucensi jam prefatae provinciae urbe omnium Catholicorum episcoporum, seu religiosorum virorum, nobis ab ipsis intimatum est uno animo cordeque perfecto, auctoritate etiam Sedis Apostolice sancti Petri, cuius legationem laeti exceperimus ». Huensque ex ejus Constitutionis exordio Ambrosius : ex quibus et illud intelligis, nisos Sedis Apostolice auctoritate reges, cum preciperent episcopos ad Synodos convenire. Missam autem appareret ad hunc regem a Joanne papa legationem, simul ac paternum regnum accepit. Moris quidem fuisse liquet Romanorum Pontificum, novos, ubicumque essent, Christianos reges legationibus convenire, quibus eos quae decent Catholicos principes commonerent, et quae opus essent ad religionis statum integre conservandum, ut facerent, aequi juberent, facultatemque eisdem eam tribuerent, que ad res bene conficiendas necessaria videtur.

12. Sed quae post regis Constitutionem, Nitigii episcopi verba postrema recitat, videamus : ubi enim de his rex egil quae ad terminos dioecesis constitutos in priori Lucensi Concilio conservandos admonuit, ipse Nitigius episcopus ista subjecit : « His itaque determinationibus seu definitionibus comitalium a me Nitigio mutu Dei Lucensis sedis episcopo diligentissime exquisitis, per antiquorum virorum scientiam seu scripturarum seriem velu-

starum studiosissime post peractam Synodum Bracharensem secundam, ibidem in diebus glorioissimi domini Mironis regis sub Era sexentesima decima in presentia ipsius regis et omnium Catholicorum magnatum totius Gallicæ, etc. » Sed illa haud levis suboritur de textu depravato suspicio, cum Theodomiri ea dicatur Constitutio, quam ex Era notata et mentione secundæ Synodi Bracharensis constat non patris eo nomine appellati, sed filii Ariamiri esse : nam quod eterque Mirus dicitur, commune nomen fuisse videtur regibus Suevorum, ut Ambrosius existimat, cui consentio ; sed et Theodem, sicut et Mirum, eorum fuisse regum cognomina honorem et dignitatem aliquam significantia, haud facile admittendum putamus : nam cum ambo ejusdem fuerint reges regni, non diversa cognomina, sed eadem iisdem fuerant ipsorum nominibus apponenda. Unde magis inesse in scripto vitium, librariorum (ut accedit) errore dapsum, putamus.

13. Quod vero eadem sancta Synodus cum sacrosanctas OEcumenicas recensem Synodos, omissa quinta, quatuor tantum numerat, nempe Nicenam, Constantinopolitanam, Ephesinam, et Chalcedonensem : rationem disces ex Gregorio Romano Pontifice : quod videlicet in quinta (ut ait¹) non sit actum de fide, sed de personis, in illis vero quatuor de tide, ob idque illarum professio necessaria videatur. Nihil est ergo ut ob id iisdem sanctissimi episcopi in suspicionem schismatis possint adduci, quibuscum constat (ut dictum est) Apostolicam Sedem litteris atque legatione ad regem missis communicasse. Videmus enim et ipsum quoque Gregorium² interdum nonnisi quatuor recensere OEcumenicas Synodos, cum tamen et quintam recipiendam esse testetur³.

14. Ad eundem Lucensis Ecclesiae episcopum Nitigium, simulque ad universum Lucense Concilium Martinus Bracharensis episcopus collectionem et emendationem Orientalium canonum direxit hujusmodi perbrevi Prefatione notam :

« Domino meo beatissimo et Apostolice Sedis honore suscipiendo in Christo fratri Nitigio (Nigetio) episcopo, vel universo Concilio Lucensis Ecclesiae, Martinus episcopus. Canones sancti, qui in partibus Orientis ab antiquis Patribus constituti sunt, postea autem succedenti tempore in Latinam linguam translati sunt. Et quia difficile est ut simplicius aliquid ex alia lingua transferatur in aliam, simulque et illud accidit, ut in tantis temporibus scriptores aut non intelligentes, aut dormitantes multa pretermittant, et propterea in ipsis canonibus aliqua simplicioribus videantur obscura : ideo visum est, ut cum omni diligentia que per translatores obscurius dicta sunt, immutata, simplicius et emendatius restaurarem, id primum observans, ut illa quae ad episcopos vel universum

¹ Ambr. Moral. Chron. I. xl. c. 62.

² Greg. I. iii. Ep. xxxvii. — ³ Greg. ad Theodolind. I. iii. Ep. xxix. — ³ Greg. I. i. Ep. xxiv. in fin.

elerum perlent, una in parte conscripta sint; similiter et quae ad laicos pertinent, simul sint adunata: ut de quo capitulo scire aliquis voluerit, possit celerius invenire ». Extat ipsa collectio canonibus octoginta quinque locupletata.

15. Verum fuerunt ejusdem viri alia scriptorum monumenta, de quibus Isidorus dum agit, haec ait¹: « Martinus Dumiensis monasterii sanctissimus pontifex, ex Orientis partibus navigans, in Galliciam venit, ibique conversis ab Ariana impietate ad fidem Suevorum populis regulam fidei et sanctae religionis constituit, Ecclesias informavit, monasteria condidit, copiosaque praecepta piæ institutionis compositum. Cujus quidem ego legi librum de Differentiis quatuor virtutum; et alind volumen Epistolarum, in quibus hortatur vitae emendationem et conversionem fidei, orationis instantiam, et elemosynarum distributionem, et super omnia culturam virtutum omnium pietatem. Floruit regnante Theodosiro rege Suevorum temporibus illis quibus Justinianus in Republica, et Athanagildus Hispanus imperium tenuere ». Haec Isidorus. Porro libellum illum de virtutibus quatuor, complectentem honeste vitae formulam, inserpsisse ad Mironem regem, Sigeberlus² est testis. Reliqua de eodem sancto rursus in ejus obitu dicturi sumus. Sed iam pandat vela in Orientem oratio.

16. *Anastasio legitime etsi injuste depulso, sedem Antiochenam obtinet Gregorius scientia et virtute ornatus.* — Hoc ipso anno qui numeratur S. Anastasii Sinaitæ episcopi Antiocheni sedis undecimus (ut in Chronico Nicæphorus docet), ipse a Justino imperatore in exilium missus est, inque Iocum ejus subrogatus Gregorius fuit. Haec autem quomodo se habuerint, ab Evagrio res sui temporis prosequente petamus historiam; ipse enim de his agens, haec primum ait³:

« Justinus itaque Anastasium, his illi objectis eriminibus, primum quod sacrum thesaurum extra modum et in nullum usum necessarium profuderit, deinde quod convicia in ipsum jecerat (Anastasium enim, cum rogaretur quid causæ esset, cur sacrum thesaurum tam effuse absumpsisset, ingenue respondisse ferunt: Ne a Justino communii totius orbis principe diriperetur) sede Antiochenam exturbavit. Quin etiam dicitur, Justinum Anastasio succensuisse, quod postulanti ei pecuniam, cum episcopus esset designatus, Anastasius dare noluit. Alia præterea erimina a quibusdam, qui imperatoris instituto (credo) inservire studebant, ei intendebantur ». Haec Evagrius de exilio Anastasii, qui exul vixit annis viginti quatuor (tot enim annis sedit Gregorius, qui in Iocum ejus a Justino est subrogatus, vel annis viginti tribus, ut idem habet Evagrius⁴) inde Mauritii imperatoris tempore iterum restituitur, ut suo loco dicemus inferius. Verum cum a Justino depositus dicatur

Anastasius, non tamen sine coacto ad hoc episcoporum conventu id esse factum scias: docet id enim Enyehii Constantinopolitani episcopi superius enarratum exemplum. Porro quem in locum ejus substitutum Gregorium diximus, hunc mirifice laudat Evagrius, sic dicens⁵:

17. « Post illum Gregorius ad saeculum episcopatus gradum elatus fuit, qui ob poeticam facultatem magnam apud omnes gloriam consecutus est. Ille inuenit aetate monasticam vivendi viam ingressus est, et adeo viriliter et excelsa animo in ea decertavit, ut cum iam primum pubescere inciperet, ad summum et perfectissimum gradum pervenerit, præfueritque monasterio Constantinopoli, in quo vitam inopem et austera degit. Deinde mandato Justini monasterio in monte Sina præfectus fuit; ubi obsessus a Barbaris Seenitis Arabibus, in gravissima incidit pericula. Ac cum in illis locis pacem constiluisse, inde ad episcopatum capessendum accersitus fuit. Erat vir quidem, sive prudentiam, sive virtutem species, omnium præstantissimus, et ad quacumque rem animum suum applicaret, in ea perficienda longe diligentissimus: atque ut metu percussi non poterat, sic nullo modo adduci, ut vel sententia cederet, vel hominum pertimesceret potestatem.

18. « Ita porro magnificas pecuniarum facil largitiones (liberalitate namque et munificentia in quacumque usus) uti cum aliquo prodiret, ingens multitudo, præter eos qui illum comitari consueverent, cum sequeretur; et qui vel viderent, vel audirent eum quocumque iturum, frequentes confluenter. Atque ad eximiam illius dignitatis amplitudinem, in qua collocatus fuit, haec secunda adjecta fuere ornamenta, quod videlicet homines sua sponte induerent tam sœpe vel prope in eum intueri, vel verba facientem audire euperent. Erat enim ad desiderium sui in animis omnium, qui quacumque de causa vel quocumque modo ipsum compellasent, inserendum aptissimus, admirabilis cum primis adspectu, sermone propter leporem jucundissimus; et sicut ad rem quamplam intelligentiae acumen ex tempore eliciendam peracutus, sic ad optimum consilium capiendum et ad judicandum tum de suis rebus, tum de alienis solertissimus. Unde etiam evenit, ut tot et tam egregia facinora gereret: nihil enim distulit in crastinum.

19. « In magnum præterea traduxit admiracionem non solum imperatores Romanos, verum etiam reges Persarum: propterea quod omnibus ita uti poterat, sicut tum poscebat necessitas, tum occasio, quam non aliquando omisit, postulabat. Cujus quidem rei singulæ ejus res gestæ argumento esse possunt. Erat quoque in eo multa severitas, et interdum ira: non exigua rursus, immo etiam permagna comitas et mansuetudo: ut illud prudens Gregorii Theologi dictum in eum optime conveniret: Severitas sic cum pudore temperata fuit, uti

¹ Isid. de Script. Ec. c. 22. — ² Sigeberl. de Script. Eccl. c. 19. — Evag. l. v. c. 6. — ³ Evag. hist. l. vi. c. ult.

⁴ Evagr. hist. l. v. c. 6.

nentra res laederetur ab altera, sed utraque alterius ope maximam consequeretur commendationem ». Haec Evagrius : sed et alia de eodem laude dignissima tradunt : quibus appareat eum minime fuisse violenter in selem Antiochenam intrusum, sed legitime electum, cum Anastasius fuisse in Synodo ab episcopis etsi non juste, aliqua tamen specie pretensa justitiae legitime condemnatus. Alioqui quam commernisse potuit laudem intrusus? an non potius insectandus probris, qui ut fur et latro altiude quam per ostium in ovile oxum ascendisset? Porro eundem Gregorium etiam postea ex aliis rebus probe gestis summam gloriam asserendum esse, dicitur inferius.

20. Hie vero in ejus ingressu mira illa dicenda, que de eodem Gregorio episcopo Antiocheno in Prato Spirituali¹ habentur, dum ejusmodi narratur historia de S. Cosma abate : « Narravit nobis abbas Basilius presbyter Bicatiformum, dicens : Cum essem Theopoli apud patriarcham Gregorium, venit ab Hierosolymis abbas Cosmas enucleus Laura Pharan, vir singularis religionis et fidei, rectorumque dogmatum valde tenax et zelator, ac divinarum Scripturarum scientia non medioeriter instruetus. Cum ergo fuisse ibi senex dies non paucos, defunctus est. Et iussit patriarcha pretiosas illius reliquias in monasterio suo sepeliri, ubi et positus erat quidam episcopus. Die igitur quadam prolectus sum ut salutarem sepulcrum senis. Erat autem supra sepulcrum ejus jacens homo quidam pauper, eleemosynam petens ab ingredientibus in templum. Cum ergo me conspexisset pauper tertio prostratum et seni orationem facientem, dicit mihi : Abba, magnus profecto erat senex ille quem sepelisti hic ante duos menses. Tunc ego ad illum : Unde hoc tu nosti? Qui respondit : Vere, domine abba, ego paralytiens fui annis duodecim, et per ipsum curavit me Deus, et quoties in tribulatione sum, venit ad me consolationem afferens, miliisque refrigerium praestat.

21. « Sed et aliud audi de illo miraculum. Ex qua die illum sepelitis, usque ad horam hanc, audio illum singulis noctibus clamantem, ac dicentem ad episcopum : Noli me tangere, haeretice, et ne approximes mihi, iunice sancte Dei Catholicae Ecclesie. Hoc ego audiens ab eo qui sanatus fuerat, perexi, et omnia ex ordine patriarchae retuli, orabamque ipsum sanctissimum patriarcham, ut sumptum ex eo loco corpus senis, in sepulcro alio condere-

mus. Tunc ait abbas Gregorius patriarcha : Mihi crede, fili, nihil ab haeretico latitur abbas Cosmas; sed hoc tantum factum est, ut sensi virtus, zelusque fidei nobis innotesceret, qualis seitac fuerit, qualisve sit etiam post carnis occubitum, utque episcopi nobis proderetur opinio, ne illum arbitraremur Orthodoxum fuisse atque Catholicum etc. » Plura de eodem Cosma subjicit, de quo etiam Cyrillus in Actis sanctae Sabae abbatis meminuit.

22. *Persarum legatio ad Justinum.* — Hoc autem primo anno, quo Gregorius, de quo agimus, accepit sedem Antiochenam, Christiani incolentes majorem Armeniam, cum gravia paterentur fidei causa a Cosrho rege Persarum, legationem miserunt ad Justinum imperatorem, cupientes, sicut olim erant, Romui imperii ditioni subjici. Quid autem actum sit, Evagrius rem gestam narrat his verbis¹ : « Primo anno quo iste episcopatum administravit, qui Majorem accolebant Armeniam (sic enim olim appellata est, postea autem Persarmenia, quae ante fuerat Romanis subjecta, et a Philippo, qui Gordiano successit, Sapori prodila : atque ut Armenia, que Minor dicitur, fuit in ditione Romanorum, sic reliqua tota Persis paruit) qui, inquam, Majorem accolebant, fidem Christianam professi : quoniam a caeteris Persis misere et potissimum religionis suae gratia vexabantur, clandestinam ad Justinum misere legationem, supplicaturi, ut Romano subjeicerentur imperio, quo libere, nemine impidente, diyinos cultus exequerentur. Quam legationem cum Justinus admisisset, et quedam conditiones in litteris, quas ad eos dabat, explicatae essent, ac sacramento ac solemnni juramento confirmatae; Armenii ipsos suorum principes trucidant, et se cum suis omnibus Romano adligunt imperio. Quibuscum regio finitima, in qua homines cum ejusdem generis, tum peregrini habitabant, uni Romanorum ditioni accessit, duce Vardane, qui apud eos tum ob generis et honoris splendorem, tum ob peritiam rei militaris facile primas obtinuit. Itaque Justinus Cosrhoen his de rebus eum insimulanten haec ratione repulit: Praefinitum paci tempus effluxisse: nec fas esse, ut Christiani Christianos in tempore belli ad se configentes desertos esse patientur. Atque Justinus tametsi hoc responsum dedit Cosrhoi, tamen ad bellum gerendum nentiquam se parat, sed consuetis deliciis tenetur irretitus, omniaque suae voluptati postponit ». Haec ipse. At de his haec modo salis.

¹ Prat. Spir. c. 40.

¹ Evagr. I. v. c. 7.

Anno periodi Græco-Romanæ 6065. — Anno Era Hispan. 610. — Jesu Christi 572. — Joannis III pape 43. — Justini jun. imp. 8.

1. *Postconsulatus.* — Is annus hac formula notatus: *vii post consulatum Justini jun. Aug. solius v.*, a Mario vero Aventicensi: *Anno vi consul. Justini jun. Aug. Indict. v.*

2. *Obitus Joannis III. PP.* — A num. 4 ad 4. Anastasius scribit: « Joannem III sedisse annos XII, menses XI, dies XXVII, cui in annis et mensibus suffragantur varii ejus Codices MSS., Honorius Augustodunensis, Hermannus Contractus, Regino, Luitprandus, Abbo, Orlericus lib. 2, Gottfridus Viterbiensis, et Catalogi Pontif. Rom. Ex illis tamen aliqui habent dies XXVII, et alii tantum dies XXVI. Quare enim Joannes Pontificatum inierit die XVIII mensis Julii anni DIX, et ut testatur idem Anastasius, sepultus sit in Basilica B. Petri sub die XIII mensis Julii, anno quingentesimo septuagesimo tertio e vivis excessit, postquam Ecclesiam Romanam gubernasset annos XII, menses XI, dies XXVI, die emortuali excluso. Baronius, qui Pontificatus ejus exordium anno uno citius consignavit, mortem ejus non potuit non anticipare. Recete autem monet, Epistolam episcopis per Germaniae et Galliae provincias constitutis, que dicitur a Joanne papa III scripta, commentitiam esse, et vultum exprimere Mercatoris.

3. *Moritur Charibertus Francorum rex.* — A num. 4 ad 8. *Chariberto Francorum regi annos IX tribuit Sigebertus in Chronico, Baronius annos VIII, sed cum Chilpericus frater ante illius obitum non obtinuerit Rothomagum, ubi Galsuendam anno DLXVII uxorem duxit, ultra annum illum Charibertus vitam non propagavit.* Obiit absque prole mascula: vivo patre Clotario *Ingobergam* uxorem duxit, ex qua filiam tantum suscepit *Bertham* appellatam, que nupsit *Ethelberto* Cantuariorum regi, ut habeat Gregorius lib. 4, cap. 26, qui addit, *Charibertum*, vivente Ingoberga, exarsisse in *Merofledem* et Marcovfam artificis lanari filias, et relieta Ingoberga accepisse *Merofledem*, ac habuisse « aliam puellam opilionis, id est, pastoris ovium nomine Theodegildem ». Vituperatur ab eodem Gregorio lib. 1 de Mirae Martini cap. 29, quod res Ecclesiasticas pervaserit, quodque sancti *Germani* Parisiensis episcopi, qui Marcovfa religiosam vestem habentis nuptias incestuosas redarguebat, piis hortationes neglexerit. Superstites vixerunt *Ingoberga* et *Theodegildis*, ac tres filiae *Bertha*, *Berthefledis*, et

Chrotildis, quarum duæ postremæ monasticam vitam professæ sunt, illa Turonis, haec Pietavii, ut videtur est apud Gregorium lib. 4, cap. 33 et cap. 39. Mortuo Chariberto, Francia in tria regna dividi cœpit, in *Austriam* videlicet ad Orientem sitam, *Neustriam* ad Occidentem, et *Burgundiam*. Sigiberti ditio, Austria; Chilperici Neustria: Guntramni Burgundia nuncupata est; de qua divisione legenda quæ habet Cointius anno DLXVII, num. 4t.

4. *Floret S. Theodechilde regina.* — Ad num. 8 et seqq. *Theodegildes* opilionis filia non confundenda cum *Theodechilde* filia Theodorici Francorum regis, que in editione Venantii Fortunati, quo usus est Baronius, librariorum errore appellatur *Thedegildes*. Haec per plura sœcula credita fuit filia Clodovei Magni, Cointius ad annum CDXCII, num. 3, ad annum DXI, num. 55, praesertimque ad annum DLXIV, num. 5 et seqq. duas fuisse *Theodechilde* contendit, quarum senior Clodovei Magni, junior vero Theodorici filia extiterit. Verum unicam fuisse Theodechildem, eamque Theodorici regis filiam certum esse debet. Nata ea post annum DXXII, quo *Theodoricus* rex, Clodovei Magni filius Sigismundi Burgundionum regis filiam alteris nuptiis sibi copulavit; quas nuptias Turonensis lib. 3, cap. 3 et 8 perstringit. Flodoardus enim in Historia Rhemensi lib. 2, cap. 4, testatur Theodechildem filiam fuisse *Suavegottæ*, que nonnisi secunda Theodorici uxor esse potuit; cum ex priori immunitata Theodeberfum regem tantum suscepit: « Hujus (nempe Mapinii episcopi Rhemensis, inquit Flodoardus) temporibus Suavegotta regina Rhemensi Ecclesie tertiani partem villa Virisiaci, per testamenti paginam delegasse reperitur. Quam partem villa ipse quoque præsul Theudechildi præfata reginae filia, usufructuario, per precarium, salvo Ecclesiae jure concessit, ita duntaxat ut post ejus obitum, absque ullo præjudicio sicut ab ea meliorata fuisse, ad diuinationem Rhemensis revocaretur Ecclesie. Quare scilicet Theudechildis regina postmodum nonnulla per testamenti sui auctoritatem, tempore domini Egidii Rhemensi contulit Ecclesiae prædia ». Vivebat itaque Theodechilis regina sedente Egidio episcopo Rhemensi, quem constat anno D XC in Concilio Metensi depositum, ut infra dicetur.

5. *Filia fuit Theodorici non vero Clodovei Magni.* — Fuisse vero filiam Theodorici, non Clodovei

Magni, diserte docet Procopius lib. 4 de Bello Gotth. cap. 20, ubi semel et iterum de *sorore* Theodeberti Francorum regis loquitur, aitque eam nupsisse primo *Hermegiselo* Varnorum regi Transrhenano, deinde alteras nuptias cum *Radigere* predicti regis *Hermegiseli* filio ac successore contraxisse. Sed cum is antea repudiasset sponsam virginem, que rei indignitatem non ferens adversus eum bellum movit. *Radigerus remissa* Theodeberti sorore illam sibi matrimonio copulavit, inquit Procopius, qui nomen Theodeberti sororis non exprimit, sed que alia esse non potest, quam *Theodechilis*. Respondet quidem Cointius Procopium ibidem hallucinatum, et amitam Theodeberti regis, sororem ejus perperam nominasse, ac non pauca corrigenda esse in hujus auctoris narratione. Verum id probat tantum erroribus geographieis, non vero aliquo facto, quod aliquam eum eo, de quo agitur, connexionem habeat, ideoque ea in re minime audiendus; sicut et quando contendit Flodoardum verbis laudatis indicare *Suavegottam* Theodechilis matrem obiisse sub Pontificatu Mapinii, ejusque filiam matri superstitem sub Egidio Mapinii successore vitam clausisse. *Theodechilis* enim longe ante mortem suam, et ante depositionem Egidii, testamentum condere potuit, et partem bonorum suorum Ecclesie Rhemensi largiri.

6. *Vixit usque ad annum circiter dc.* — *Fortunatus* lib. 4. Carm. 25 condidit Epitaphium *Theodechilae* reginae, aitque, eam vixisse annos septuaginta quinque, fratrem, maritum, patrem, avum ac proavos habuisse regia dignitate pollentes; que optime convenienter Theodechilde Theodorici regis filia.

Ter quino lustro vixit in orbe decus.
Cui frater genitor, conjux, avus atque priores,
Calmine succiduo regns ordo fuit

At, inquit Cointius, si *Theodechilis*, que nata est post annum DXXII, vixit annos LXXV, superstes fuit Gregorio episcopo Turonensi, cui *Fortunatus* opus suum dicavit, quique anno DCCX vivere desiit. Quis autem putet reginæ, que tum vivebat, Epitaphium a poeta conditum fuisse? Ita Cointius. Sed leve illud argumentum; *Fortunatus* enim professione poeta, versus ad mortem usque edidit, novaque, que faciebat, carmina Collectioni sua addidit more poetarum nostri temporis, qui quandoque plures suorum Opusculorum Collectiones confecere. Præterea tantum abest, ut *Fortunatus* in dedicatione ad Gregorium Turonensem asserat, sese ei suorum carminum Collectionem offerre, ut diserte contrarium affirmet: « *Qui flagitas, ut quardam (non vero omnia) ex Opusculis imperitiae meae tibi transferenda proferrem, magnum mirarum admiror te amore seduci.* »

7. *Ante Gregorium Turonensem mortua non est.* — Nec dici potest pro Cointio, *Theodechilam* ante Gregorium Turonensem mortalitatem explesse,

ideoque Theodorici regis filiam non fuisse, nec de ea intelligendum *Fortunati Epitaphium*, sed de Theodechilde Clodovei Magni filia, quod Gregorius lib. 4 de Gloria Confess. cap. 41 scribat: « Tempore Theodechilde reginae Nanninus quidam tribunus ex Arverno de Francia post redditum reginae tributa reverens Autisiodorensem urbem adivit ». Eam enim, quando haec scribebat Turonensis, jam demortuam fuisse, ex illis verbis minime sequitur. Vox quippe *tempore* aliquando ad præfecturam, ejusque durationem refertur, ut quando aliquis dieit, id factum suo tempore, id est, se magistratum gerente; vel ad vitam naturalem, ad quam ibi Gregorius non respicit. Quare *Nanninus* erat quæstor sive tribunus aerarius *Theodechilde* regine, antequam principatum Arvernensem abdicaret, ut juxta Basilicam monasterii Senonensis, vulgo *S. Petri Viri* appellati, et a se pro monachis aedificati, vel sanctimonialis, vel devota viveret. Certe ipsem Cointius anno DCCIV, num. 35, *Theodechilam*, ejus ibi meminit Gregorius, *Theodorici* filiam fuisse latetur; neque hoc negari potest; eum *Theodorico*, ac postea ejus filio *Theodeberto* Anstrasiorum regibus Arverni parnerint.

8. *Duarum Theodechilum distinctio vana.* — Labbeus inter Miscellanea curiosa, que regum Francorum elogiis Historicis adjecit, *Clodovei* regis præceptum, quo dotatio monasterii Senonensis continetur, cuique *Theodechilis* filia Clodovei subserbit, in Incem emisit; sed illud suppositum esse jam viri doctissimi pluribus ostenderunt, inter quos ipsem Cointius laudatus, qui illud integrum etiam refert, fateturque monasterium illud in conspectu Senonensis urbis, ad instar illius quod *Clodoveus* prope Parisios construxerat, a Theodechilde Theoderici regis filia, in honorem sanctorum Apostolorum aedificatum fuisse, ac errasse *Odorandum* et *monachum Autisiodorensem* in suis Chronicis, qui scripsere *Theodechilam* illam monasterii Senonensis conditricem, filiam fuisse Clodovei Magni. Unicam *Theodechilam*, Theodorici regis filiam agnoscunt Sirmondus, Hadrianus Valensis lib. 6 et 7 Rer. Franc., Mabillonius parte t saeculi in Benedictini in Observat. præviis ad Vitam sancti Ebonis archiepiscopi Senonensis, ac Hugo Mathoudus monachus e Congregatione sancti Mauri in Dissert. de vera Senonum origine Christiana, capit. 2, paragr. 5, quamvis hic longe a vero absit, contendens eam sanctimoniale et Clodovei Magni filiam extitisse; sed que in medium adducit, ex dictis nullo negotio solvuntur. Colitur *sancta Theodechilis* regina in Ecclesia Senonensi die XXVII mensis Junii.

9. *Concilium Bracarense II.* — A num. 10 ad 16. Concilium Bracarense II his verbis inchoatur: « Regnante Domino nostro Iesu Christo, currente Æra DCX, anno secundo regis Mironis, die kalendarum Juniarum, etc. » ideoque illud currenti anno congregatum, et Miro anno DLXX regnum Suevorum inierat. Ei interfuerere *Martius*

Bracarensis metropolitanae Ecclesiae episcopus, Nitigisius Licensis Ecclesiae metropolitanae episcopus, et decem alii episcopi. Ex quo intelligimus, iam *S. Martinum* ad metropolitanam sedem Bracarensem enectum fuisse. Pars Constitutionis, quam ex Ambrosio Morale Baronius num. 11 recitat, pertinet ad Concilium *Lucense* anno DLXIX celebratum, non vero ad hoc Concilium Bracarense; in ea enim legitur: « Ego Theodomirus rex, cognomento eliam Mirus, etc. Coadunato mutu Dei Concilio in Licensi jam prefatae provincie urbe, etc. » quod cum non animadvertisset Baronius, existimavit, Theodomiri filium, *Ariamirum* vocatum esse, unde loco, anno secundo regis Mironis, legit, anno secundo regis Ariamiri, et librarios errasse existimat. Quae conjectura ex dictis in Concilio primo Bracarensi ruit.

10. *Gregorius in locum Anastasii episcopi Antiocheni subrogatur*. — A num. 16 ad 22. Theophanes anno Incarnat. secundum Alex. DLXI qui kalendis Septemb. anni Christi DLXIX exorditur, haec habet de Anastasio ex Antiocheno sede depulso, juxta versionem Valesii in Notis ad lib. 5 Evagrii cap. 5, quia interpretes Theophanis ejus sensum assecuti non sunt: « Eodem anno », inquit Theophanes, « Magnus Anastasius episcopus Antiochiae, cum in responsione sua ad Synodicas Epistolas reprehendisset Joannem Constantinopolitanum, qui Joannem Alexandriæ episcopum ordinaverat, et eum qui ab illo fuerat ordinatus simul perstrinxisset, pulsus est e suo episcopatu ob indignationem Justini, et in ejus locum Gregorius monachus et Byzantiorum monasterii apocrisiarius promotus ». Quare cum *Anastasius* annos XI sederit, ut tam in Chronicis Nicephori quam in Tabulis Theophanis legitur, annoque quingentesimo quinquagesimo nono ad sedem Antiochenam enectus fuerit, liquet ejus depositionem ad annum DLXX retrahendam, cum anno quingentesimo nonagesimo tertio, mortuo Gregorio, postquam annos XXIII sedisset, in sedem Antiochenam restitutus fuerit. Id certo constabit ex dicendis an. DCCIV, sicuti et horum patriarcharum Chronotaxim post Euphrasii mortem recte constitutam a nobis fuisse. *Anastasium* Baronius perperam *Sinaitam* vocat, et cum sancto Anastasio monacho Sinaita confundit. Cæterum tam *Anastasium*, quam *Gregorium* magnæ sanctitatis et doctrinæ præsules fuisse, vel ex iis, quæ Baronius in medium adducit, indubitatum redditur.

11. *Persarmenii a Persis deficiunt*. — Ad n. 22. Bellum *Persicum*, de quo Baronius agere incipit, anno superiori inchoatum, ut ibidem demonstravi, et tam defectio *Armeniorum*, qui majorem Armeniae incolebant, quam *Chosrois* regis Persarum ad Justinum Aug. legatio, ut pecunia sibi quotannis solvenda representaretur, de quibus hoc anno Baronius, bellum illud antecessere. Biatoriensis abbas ad annum Justinum primum, qui juxta ejus sententiam anno DLXVI exorditur, de *Armeniorum* rebel-

lione haec habet: « *Armeniorum gens, et Iberorum, qui a prædicatione Apostolorum Christi suscepérunt fidem, dum a Cosroa Persarum imperatore ad culturam idolorum compellerentur, remuentes tam impiam jussiouem, Romanis se cum provinciis suis tradiderunt: quæ res inter Romanos et Persas pacis foedera rupit* ». Verum haec defectio tardius contigit, quam anno DLXVII, ut ex mox dicendis intelligetur. Justam fuisse hujus defectionis causam, docent paeta anno DLXI Justinianum inter ac Chosroen conventa, in quibus nominatim de religione Christiana non violanda cautum fuerat, ut eo anno num. 9 et seq. videre est. Cæterum recte Biatoriensis *Iberes Armeniis, seu Persarmenis, conjungit*; Theophanes enim Byzantius in Excerptis de legat. scribit: « *Armenii a Surina male accepti (maxime in pietatis religionisque negotio) Surinam conjugatione facta per Vardanum (cuius fratrem Manuelem ille interficerat) et alium quemdam Verdum occiderunt, et a Persis deficiente ad Romanos transiere, reliquo oppido, quod incolebant, Dubii nomine, in Romanorum regionem commigrarunt, atque haec ipsa potissimum causa Persis fuit rumpendi federis, induciarumque cum Romanis. Deserviunt post hos statim etiam Iberes, et Gorgone ipsos dueente, ad Romanos transierunt* ». Quæ narrat Theophanes Byzantius, postquam retulit legationem Justini ad Turcos, quam an. DLXIX obitam fuisse, anno DLXVII ostendi. Quare non dubito, quin anno DLXX ea defectio accident.

12. *Quod contigit anno DLXX*. — Theophani Byzantio suffragatur Evagrius lib. 3, cap. 7, cuius verba, cum ex depravata versione recitet Baronius, hic ea ex versione Valesiana referam: « *Hujus Gregorii Pontificatus anno primo, incole majoris Armeniae, quæ nunc Persarmenia dicitur; fidem Christianam professi, cum a Persis graviter vexarentur, præcipue iis in rebus, quæ ad religionem uxorum pertinebant: clam legatos ad Justinum miserunt. Quam legationem eum admisisset Justinus, et conditiones quasdam scriptis proditas approbasset, Armenii præelectos suos necarunt, et universi Romano imperio sese adjunxerunt, una cum finitimiis, quos sibi sociaverant, tam ejusdem gentis, quam alienigenis: duce Vardane, qui apud ipsos genere ac dignitate et rei militaris peritia eminebat* ». Haec ex Evagrio de verbo ad verbum excerpta, *Gregorius Antiochenus episcopus anno DLXX sedere cœpit, ut mox vidimus, ideoque occulta ea Armeniorum ad Justinum legatio, et cædes præfectorum ad an. DLXX referenda videntur*. Hanc conjecturam confirmat, quod Evagrius post laudata verba scribit: « *Ilis de rebus cum Chosroes conquestus esset, Justinus legatos ejus cum hoc responso dimisit, terminatam esse pacem, quæ inter ipsos facta fuerat, nec fieri posse, ut Christiani Christianos belli tempore ad se confingentes rejicerent* ». Nam, ut an. DLXVI, num. 6 jam ostendi, ab anno DLXVII Romanos inter et Persas pax læsa fuerat. Cum vero *Chosrois* ad Justinum legatio anno DLXXI peracta fuerit, ut statim demon-

stro, *Armeniorum* ad eundem imperatorem legatio modico tempore hanc secundam legationem antecessit.

13. *Legatio Chosrois ad Justinum anno DLXXI habita.* — Menander enim protector in Excerptis de legat. testatur, *Chosroen* legatum ad Justinum misisse elapo decimo anno a pace inter utramque gentem sancita : haec autem constituta anno DLXI, ut eo anno monstravi, et haec Chosrois legatio, que ab anno DLXXI nullo modo removeri potest, certum et indubitatum reddit : « Exacto decimo », inquit Menander, « quinquaginta annorum induciarum anno, post Surinæ cædem (erat is Persarmeniae rector), Persarum rex Sebochtem virum Persam legalum ad Justinum imp. mittit. Ille quidem ignorantem eorum, que in Persarmenia gesta erant, fingebat (haec in circumstantia Evagrius laudatus a Menandro discrepat, ut mox vidimus) et cum decem anni præteriissent, quorum præstaciones in unam collatae, fuerant soluta, deinceps Romanos aurum conventum solvere, ut fœderibus scripsum erat, et pacem constare petebat, etc. Imperator autem Sebochtem ad se venientem, ne minimum quidem, etiamsi alias id facerat, antevertit. Neque ideo minus simul atque ingressus est, imperatorem, ut moris erat, venerans, ad pedes ejus huini procubuit, etc. Haque cum Sebochtes, ea quorum causa general, renuntiaret, imperator eum contempsit, et nullo numero habuit, dixitque amicitiam pecuniis contractam haud probari, etc. Deinde ex ipso quæsivit, numquid vellet de his, que in Armenia, que eorum juris erat, contigerant, disserere? Et ille se quidem a rege suo accepisse respondit, exortum quemdam in illa provincia tumultum levem et exiguum, ad eum sedandum potentem misisse, qui comprimeret et res pristino statui restitueret (quare Armenianorum rebellio exiguo tempore ante hanc legationem facta fuerat). Justinus palam dixit, se Persarmenos, qui a Persis deficerent, in fidem tutelamque suam recepturos, neque si quis eos injuria afficeret, neglecturum, quippe qui eadem que ipse de religione sentirent. Sebochtes autem, qui apud Persas prudentia excellebat, cum eamdem, quam ceteri Christiani de religione opinionem haberet, etiam atque etiam vehementer Justinum orabat, ne ea que se bene haberent, moveret, etc. Etenim ut Persarum regionem invaserint (scilicet Romani) et longe lateque via processerint, offendent, omnes non alio ritu religionem, quam ipse colat, colere et amplecti. Hossi occidere susceperint, nihilominus postea longe ipsis inferiores erunt. Etenim injuste contra Christianos

Orthodoxos euses strinxerint. His tam aquis et lenibus sermonibus Justinus minime sibi aequiescendum existimavit, sed dixit, etiamsi unum digitum apponere, se expeditionem suscepturum. Confidere, si in bellum eriperit, Chosroen de medio sublatum, et regem Persis daturum. Ad hunc modum insolenter locutus, Sebochtem missum fecit ».

14. *Romani in Persas, hi in illos causis belli rejiciunt.* — Caeterum tam Menander et Evagrius citati, quam Theophylactus lib. 3, cap. 9, hoc viennale bellum, a quo tot clades et miseriae in Romanam rem publicam postea dimanarunt, in levitatem ac sluttiam imperatoris rejiciunt. « Romani porro », inquit Theophylactus, « Persas in crimen vocantes, eos belli hujus inventores esse palam diffitabant, quod Homeritas (gens Indica est, Romanis patens) ad defectionem sollicitasseut (ut vidimus anno DLXVI, num. 6, ubi Homerite a Theophane Byzanzio vocantur *Ethyopes*, et Indi, quia Romani Æthiopianam *Indianam* appellabant, ut vel ex hoc Theophylacti loco liquet). Quos cum, quo volebant, consiliis suis pellicere nequivissent, pace disturbata incredibilia damna infestis incursionibus insidem intulisse : ad haec irati objiciebant, quod cum Turei legationem ad Romanos misissent (de ea legatione ibidem egimus) illi primum Alanos pecunia ab officio detorquere studuerint, ut per eorum regionem legatos iter habentes interinerent, atque ita transitum impedirent, etc. Contra Persæ Romanos belli autores proclamantes, causas hujuscemodi edebant. Quod Romani Armenios Persarum proprios in fidem auctoritatemque suam recepissent, tyrannidemque Surena Climatareho (id est, Armenia rector) quem in Armenianam rex misisset, imperfecto exercuerint. Praeterea, quod Romani noluissent in annos singulos quinquaginta libras auri consuetas persolvere, quas Justinianus imp. in fœdere faciendo sponderat », anno scilicet DLXI, ut ibi vidimus.

15. *Justinus adversa valetudine jaetatur.* — Theophanes anno Incarnat. secundum Alev. DLXV, qui kalend. Septemb. hujus Christi anni inchoatur, ait : « Hoc anno mensis Octobris die sexto adversa valetudine jaetus fuit imperator. In proprium vero fratrem Badurium ira incitatus extremis eum subjecit contumeliis ». Erat *Badurius* comes stabuli imperatorii, ut habeat ibidem Theophanes, qui addit, id agre tulisse *Sophiam* Angustam, ipsumque Justinum pro temere perpetratis veniam petuisse. Hanc illatam Badurio contumeliam fusi narrat Baronius anno DLXXVI, num. 15, sed loco non suo.

Gregorius Historiographus hoc anno creatus est episcopus *Turonensis* ex dicendis an. DLXXIV.

BENEDICTI ANNUS I. — CHRISTI 573.

1. *Benedictus papa.* — Anno Redemptoris quingentesimo septuagesimo tertio, Indictionis sextae, ubi Romanæ Ecclesiæ Sedes bellieis tumultibus exagitata vacasset menses decem et dies tres, creatus est Benedictus cognomento Bonosus decima sexta mensis Maii: Græci vero hunc a cognomento non Benedictum, sed Bonosum appellant, ut Evagrinus¹. De eo autem ista Anastasius: « Benedictus natione Romanus ex patre Bonifacio sedit annos quatuor, menses duos, dies quindecim. Ejusdem tempore gens Longobardorum invasit totam Itiam, simulque et famæ nimia, ut etiam multitudo castrorum se traderet Longobardis, ut temperare posset inopiam famis. Quod dum cognovisset Justinus piissimus imperator, quia Roma periclitaretur fame et mortalitate, misit in Agyptum, et oneravit naves frumento, et transmisit Romam: et sic miseratus est Deus Italie ». Haec Anastasius.

2. *Occiso Clephi, in triginta sex duces Longobardi regnum partivntur; quorum dira exitit grassatio in Italia, sanctis viris magna et mira operantibus.* — Quod autem ad Longobardos pertinet: hoc anno, qui fuerat in locum Alboini subregatus Clephi, ubi regnasset annum unum et menses quinque, a servo occisus est, interregnumque fuit (ut Paulus² diaconus ait) annis decem, cum interim triginta sex militum duces partiti sunt sibi quas cepissent in Italia civitates. « Quibus diebus », inquit Paulus, « multi nobilium Romanorum ob cupiditatem ducum interfeci sunt: reliqui vero per partes divisi tertiam partem frugum Longobardis persolverunt, et tributarii efficiuntur. Porro his Longobardorum ducibus, septimo anno ab adventu Alboini et totis gentis, expoliatis Ecclesiis, sacerdotibus imperfectis, civitatibus subrutis, populisque, qui more segetum exereverant, extenuatis in iis regionibus quas Alboinus ceperat, Italia maxima ex parte capta a Longobardis subjungata est ». Haec Paulus.

3. De persecutione Longobardorum acturi, primum omnium ipsorum exploremus religionem,

ejus numinis cultores iidem fuerint Longobardi. Eos quidem Christianos fuisse, Procopius⁴ haud obscure testatur: verum etsi non omnes, quamplurimos tamen adhuc gentiles et idolorum cultores perseverasse, multa quæ de ipsis a S. Gregorio⁵ papa in Dialogis conseribuntur ostendunt: unde haec ex parte saevior illis ineral adversus Christianos immanitas, et major in loca sancta despectus: ut plane quæ antehac a Barbaris passa Italia esset, tolerabili videri potuissem. Cæterum et eos qui inter ipsis erant Christiani, fuisse secula Arianos, Gregorius testatur, dum in Dialogis³ agit de Longobardorum episcopo quodam Ariano. In his autem aliquos ex principibus conversos fuisse postea ad Catholicam fidem, quæ dicentur, ostendent.

4. Quod vero ad persecutionem ab eis illatam spectat: numerat idem S. Gregorius Longobardorum grassationem inter alias sevas Ecclesiæ persecutions, dum ait: « Sunt etiam portæ inferi quædam potestates hujus mundi. Quid enim Nero, quid Diocletianus, quid denique iste qui hoc tempore Ecclesiam persequitur », nempe Longobardorum populus, « numquid non omnes istæ portæ inferi ? etc. » Sed ejusmodi portæ inferi non prævaluerunt adversus Romanam Ecclesiam, neque ipsam quidem Urbem, qua potiri minime datum est Longobardis, veluti magno miraculo, ut Gregorius testator his verbis in Epistola ad Rusticauam patriam, ubi ait⁴: « Si vero gladios Italæ et bella formidatis: sollicite debetis adspicere, quanta beati Petri Apostolorum principis in hac Urbe protectio est, in qua sine magnitudine populi, sine adjutoriis militum, tot annos inter gladios ilkesi, Deo auctore, servamus ». Haec Gregorius tempore sui Pontificatus.

5. Cæterum ut ingruentes ejusmodi possent abigere bestias, imuneribus interdum Romani Pontifices eos avertebant ab Urbe: nam ad Constantinam Augustam haec scribit⁵: « Viginti autem jam et

¹ Evagr. l. v. c. 16. — ² Paul. diae. l. ii. c. 17.

³ Procop. de bello Goth. l. ii. — ⁴ Greg. in Evang. homil. t. dial. l. iii. c. 26, 28. — ⁵ Greg. dial. l. iii. c. 29. — ⁴ Greg. l. viii. Ep. xxiii. — ⁵ Greg. l. iv. Ep. xxxi.

septem annos ducimus, quod in hac urbe inter Longobardorum gladios vivimus: quibus quam multa haec ab Ecclesia quotidianiis diebus erogantur, ut inter eos vivere possimus, suggesta non sunt». Verum in Urbem licet non sint ingressi, in suburbia tamen omnia quae potuerunt damna iohulerunt, demoliti etiam aedificia que constructa erant in sanctorum martyrum coemeteriis, quibus Urbs abundabat. Testatur id quidem Paulus Romanus Pontifex in suo Constituto de erectione Ecclesiae sanctorum Stephani et Silvestri Romanorum Pontificium: cuius haec sunt verba, ubi de coemeteriis loquitur: « Igitur eum per evoluta annorum spatia diversa sanctorum Christi martyrum atque confessorum ejus foras muros hujus Romanae Urbis sita coemeteria neglecta antiquitus satis inanerent diruta; contigit postmodum ab impia Longobardorum gentium impugnatione funditus esse demolita. Qui etiam et aliquanta ipsorum effodientes martyrum sepulera, et impie devastantes, quorundam sanctorum secum depopulata auferentes deportaverunt corpora. Et ex eo tempore omnino desidiose atque negligenter eis debitus venerationis exhibebatur honor. Nam (et quod dictu nefas est) etiam et diversa animalia in aliquantis eisdem sanctorum coemeteriis aditum habebant, et illic eorum existebant septa bovilia, in quibus foeloris egerebant squallorem, etc. » Ex quibus accidit, ut ad avertenda animalia in coemeteriis stabulantia, eorum complurium fuerint aditus omnino clausi; ex quo et illud gravius accidit damnum, ut et ipsorum memoria omnino perierit: contigit vero saepe diebus nostris, a vinitoribus, vel a fessoribus arenam fossilem erunderantibus aliquod detegi coemeterium. Haec autem ut querantur, et quæsita religioso cultu custodiantur, scimus esse curæ sanctissimo D. N. Clementi octavo Pontifici Maximo: quod ut impletat, Deus concedat. Sed ad cladem per Longobardos illatam redeamus.

6. Quoniam vero non sicut res Gothicas Procopius, ita Paulus per singulos annos grassationes Longobardorum prosecutus est, sed quamplurima prætermisso constat, utpote qui neque sicut ille sui temporis, et quæ adspexit oculis, sed post duecentos et amplius annos suam de Longobardis historiam scripsit, tempore videlicet Caroli Magni imperatoris, neque antiquorum aliquid inveniatur qui in eo argumento versatus sit; opera pretium existimavimus, quæ diversis in locis sanctus Gregorius papa de eorumdem Longobardorum persecutione suis scriptis mandavit, hic tibi in unum colligere; cuius fides cum ob dignitatem et sanctitatem personæ omnibus probata videri possit, eo certior atque exploratio simulque fidelior haberi debet, quod sui temporis res gestas fuisse stylo prosecutus apparat, et cuncta ferme certa testificatione consignata reliquit: ut ex his quæ lector vera sinceraque compererit, reliqua possit mente concipere, quæ remanserunt absque scriptioris alicuius lucerna tenebris obscurata.

7. Age igitur, quæ certo tempore in reliquis

Italiæ partibus sub Benedicto papa in eadem Longobardorum incursione sunt facta, quæ et a sancto Gregorio sunt scripta, hic colligentes sub anno præsenti recenseamus, quo videlicet deficiente rege, duces esse cœperunt: cum eo licetius ipsos sævisse constat, quo ex crudelitate quisque potentior videri vellet, cum neminem haberet, qui patratorum sceleurum ultior iudex existeret. Etenim hoc ipso eorumdem ducum primo progressu, hisque diebus quibus Benedictus Pontifex vixit, teste Paulo diacono, eorumdem furor rabiesque Barbarica vehementiori incendio exarsit.

8. Dispersis creatis ducibus per diversas Italie regiones, cum eorum crudelitatis fama percurseret, frequentes erant fidelium latræ atque fugæ; snaque ipsorum bona eisdem relinquentes in prædam, saluti singuli consulere sollicite festinabant, fiebantque desertæ civitates, ipsa vero loca deserta civibus replebantur: magis autem insulae maris appetebantur ab iis, quibus navigii alicuius poterat esse tacitas. Inter alios autem una cum suis clericis magnus ille confessor Cerbonius episcopus Populonii, qui Gothorum tempore sese ipsis objecit intrepide, modo exundante vehementiori Longobardorum sævitia, in Hyam insulam Tyrrheni maris se contulit, ubi et Deo juvante, vitæ præsentis finem accepit: sie enim melius abscondit eum Dominus in abscondito faciei suæ a pusillanimitate spiritus et tempestate. Moritur igitur iisdem primordiis ducum Longobardorum incursionis sanctissimus hic episcopus, de cuius obitu et sepultura idem sanctus Gregorius scribit• his verbis¹:

9. « Cum Longobardorum gens in Italiam veniens cuncta vastasset, ad Helbam (Hyam) idem sanctus Cerbonius recessit. Qui ingruente ægritudine, ad mortem veniens, clericis suis sibique obsequentibus præcepit, dicens: In sepulcro meo, quod mihi præparavi Populonii, me ponite. Cui illi cum dicerent: Corpus tuum illuc qualiter deferre possumus; quia a Longobardis teneri loca eadem, et ubique illic eos discurrere scimus? Ille respondit: Reducite me securi: nolite timere, sed festine sepelire me curate: mox ut sepultum fuerit corpus meum, ex eodem loco sub omni festinatione recedite. Defuncti igitur corpus imposuerunt navi. Cumque Populonium tenderent, collectis in aere nubibus, immensa nimis pluvia erupit. Sed ut patesceret omnibus cuius viri corpus navis illa portaret, per illud maris spatium, quod ab Helba insula usque Populonium duodecim millibus distat, circa utraque navis latera procellosa valde pluvia descendit, et in navem eamdem una pluvie gutta nou ecedit. Pervenerunt itaque ad locum clerici, et sepulture tradiderunt corpus sacerdotis sui, cuius præcepta servantes, in navem sub festinatione reversi sunt: quam mox ut intrare potuerunt, in eundem locum, ubi vir Domini sepultus

¹ Greg. dial. l. iii. c. 44.

fuerat, Longobardorum dux crudelissimus Gunnar advenit. Ex ejus adventu, virum Dei habuisse spiritum prophetiae klaruit : quia ministros suos a sepulture sue loco sub festinatione discedere praecepit ». Haec de S. Cerbonio et Longobardorum duece Gregorius.

10. Erat Gunnar unus ex dictis triginta sex ducibus, quos inter se hoc anno partitos esse regnum Longobardorum diximus. De Populonii autem Ecclesia destituta pastore agit idem Gregorius cum esset Pontifex. Ita plane qui a Longobardis, jubente Deo, cum suis timens visus est in insulam confusisse, mortuus de iisdem apparuit triumphasse, dum celitus missis aquis icti rejecti sunt; cum quot pluvie gntis, tot veluti characteribus ful ejus sanctitas praedicata : ut non lugubre fatus illud Deus esse voluerit, sed paratum illi e caelo triumphum, quo pariter quam accepisset ejus anima a Deo in caelo coronam, omnibus perspicue immotesceret. Sic igitur quem confessorem sub Gothis novit Ecclesia, et sub Longobardis post obitum tanto miraculo divinitus illustratum accepit, cumdem inter sanctos eadem die, qua ex hac vita migravit, allegit, atque legit ex more in Ecclesia anniversaria¹ obitus die ipsius populo Christiano confessionem.

11. Ceterum sicut et fugientes Dominus non deseruit, et defunctis honorificam parari voluit sepulturam, ita et iis qui remanserunt praesto fuit, et manus conseruentibus adstitit, ut unus fugaret mille, et duo decem millia, non armis, sed fide, qua sancti vicerunt regna, fortis facti sunt in bello, et cæstra verterunt exterorum. Nam accipe primum, quæ in provincia Samnit accidisse iisdem temporibus, idem S. Gregorius his verbis enarrat² : « Nuper in provincia Samnit quidam venerabilis vir, Menas nomine, solitariam vitam duebat : qui nostrorum multis cognitus, ante hoc fere est decennium defunctus. De ejus operis narratione unum auctorem non refero, quia pene tot mihi in ejus vita testes sunt, quot Samnii provinciam noverant. Hic itaque nihil ad usum suum alind, nisi pauca apium vascula possidebat. Huic cum Longobardus quidam in iisdem partibus rapiam voluisse ingere, prius ab eo viro verbo correptus est, et mox per malignum spiritum ante ejus vestigia vexatus. Qua ex re factum est, ut sicut apud omnes incolas, ita etiam apud eamdem Barbaram gentem ejus celebre nomen haberetur, nullusque ultra præsumeret ejus cellulam nisi humiliis intrare ». Hactenus de Mena Gregorius.

12. Sed coronis coronas jungens, hujuscemodi addit glriosum ex religione triumphum, cum videlicet non adversus Longobardos tantum pugnatum est, sed et contra Ariana perfidiam, qua armatus ipsorum episcopus in castra Dei tentavit violentus irrumpere : ait enim³ : « Unum narro, quod per Bonifacium monasterii mei monachum, qui

usque ante quadriennium cum Longobardis fuit, adhuc ante triduum agnovi. Cum ad Spoletanam urbem Longobardorum episcopns, scilicet Arianus, venisset, et locum illic, ubi solemnia sua ageret, non haberet, cœpit ab ejus civitatis episcopo Ecclesiæ petere, quam suo errori dedicaret. Quod dum valde episcopus negaret, idem qui venerat Arianus, beati Pauli Apostoli Ecclesiæ illie cominus sitam se die altero violenter intraturum esse professus est. Quod ejusdem Ecclesiæ custos audiens, festinus eucurrit : Ecclesiæ clausit, seris munivit : facio autem vesperæ, lampades omnes extinxit, seque in inferioribus abscondit. In ipso autem subsequentis lucis crepusculo Arianus episcopus collecta multitudine advenit, clausas Ecclesiæ januas effringere paratus. Sed repente cuncte simu portæ divinitus concusse, abjectis longius seris, aperæ sunt, atque cum magno sonitu omnia Ecclesiæ claustra patuerunt. Effuso desuper lumine, omnes quæ extinctæ sunt lampades, accensæ sunt. Arianus vero episcopus, qui vim faetum advenerat, subita cæcitatem percussus est, atque alienis manibus ad suum habitaculum reductus. Quod dum Longobardi in eadem regione positi omnes agnoscerent, nequaquam ulterius præsumperunt Catholica loca », ibidem scilicet posita, « temerare. Miro cuius modo res gesta est, ut quia ejusdem Ariani causa lampades in Ecclesiæ beati Pauli fuerant exstinctæ, uno eodemque tempore et ipse lumen perderet, et in Ecclesia lumen rediret ». Haec Gregorius. Sed quod arma fidelium non sint carualia, sed Deo potentia, et non ira sed charitate adversus hostes consueverint dimicare : his adjungam quæ de Christi milite Sanctulo Nursinae Ecclesiæ presbytero idem anclor tunc accidisse scribit his verbis⁴ :

13. « Hic, inquit, quodam tempore, emi in prælo Longobardi olivam premerent, ut oleum liquari debuisset : sicut jucundus erat et vultu et animo, utrem vacuum ad prælum detulit, laborantesque Longobardos late vultu salutavit, utrem protulit, et jubendo polius, quam petendo, emi impleri sibi dixit. Sed gentiles viri, quia tota iam die frustra laboraverant, atque ab olivis exigere oleum torquento non poterant, verba illius moleste suscepérant, eumque injuriis insectati sunt. Quibus vir Dei latiori adhuc vultu respondit, dicens : Si premetis, ut istum utrem Sanctulo impletatis, sic oleum vobis revertetur. Cumque illi ex olivis oleum defluere non cernerent, et virum Dei ad impletendum utrem sibi insistere viderent, vehementer accensi majoribus hunc verborum contumeliis detestari cœperunt. Vir autem Dei videns quod ex prælo oleum nullo modo exiret, aquam sibi dari petiit, quam cunctis videntibus benedixit, atque in prælum suis manibus jactavit : ex qua protinus benedictione tanta ubertas olei erupit, ut Longobardi, qui diu incassum laboraverant, non solum sua vascula omnia, sed utrem quoque, quem vir Dei

¹ Martyrol. Rom. die x. Octob. — ² Greg. dial. l. iii. c. 26. — ³ Ibid. c. 29.

⁴ Greg. dial. l. iii. c. 37.

detulerat, implentes, gratias agerent, quia is qui oleum petere venerat, benedicendo dederat quod postulabat ».

14. Sed de eo subdit majora idem S. Gregorius, referens insigne miraculum ab ipso Sanctulo eodem tempore editum, cum Ecclesiam S. Laurentii a Longobardis incensam restituere conaretur. Ait enim: « Alio quoque tempore vehemens ubique fames incubuerat (illa videlicet, de qua ex Anastasio hoc anno mentionem fecimus) et B. Laurentii martyris Ecclesia fuerat a Longobardis incensa; quam vir Dei restaurare cupiens artifices multos ac plures subministrantes operarios adhucuit; quibus necesse erat ut quotidianos sumptus laborantibus sine dilatione preberet. Sed exigente ejusdem famis necessitate, panis defuit: cœperuntque laborantes instanter victum querere, quia vires ad laborem per inopiam non haberent. Quod vir Dei audiens, eos verbis consolabatur, foris promittendo quod deerat; sed ipse graviter anxiebatur intus, exhibere cibum non valens, quem promittebat.

15. « Cum vero hue illueque anxius pergeret, devenit ad clibanum in quo vicinae mulieres pridie panes coxerant: ibique incurvatus adspexit, si forte panis a coquentibus remansisset. Tunc repente panem miræ magnitudinis atque insoliti candoris invenit: quem quidem tulit, sed deferre artificibus noluit, ne fortasse alienus esset, et culpam velut ex pietate perpetraret. Per vicinas itaque hunc mulieres detulit, cumque omnibus ostendit; ac ne cui earum reuansisset, inquisivit. Omnes autem quæ pridie panem coxerant, suum hunc esse negaverunt, atque panes suos numero integros retulisse, professæ sunt. Tunc laetus vir Domini perrexit ad multos artifices cum uno pane: et ut omnipotenti Deo gratias agerent, admonuit; et quia eis annam præbuerat, indicavit. Eisque ad refectionem protinus invitatis inventum panem apposuit. Quibus sufficienter pleneque satiatis, plura ex eo quam ipse panis erat, fragmenta collegit: quæ die quoque altero eis ad refectionem intulit: sed id quod ex fragmentis supererat, ipsa quoque quæ aposita fuerant fragmenta superabat. Factumque, ut per dies decem omnes illi artifices et operarii ex illo pane satiati, hunc et quotidie ederent, et ex eo quotidie quod edi posset in crastinum superesset; et sic fragmenta panis illius per esum crescerent, et cibum comedentium ora repararent ». Hucusque de his Gregorius: sed nondum de Sanctulo, ejusque cum Longobardis inito certamine finis. Audi enim quæ iis idem S. Gregorius de eodem mox adnequit, cum plene de Longobardis adversantibus victoriam tulit, spoliaque revexit, et perspicuo in Ecclesia permansura trophyæ Christi gloriam prædicantia statuit. Ait ergo Gregorius¹:

16. « Die quadam captus a Longobardis quidam diaconus tenebatur ligatus; cumque ipsi qui

tenuerant, interficere cogitabant. Advesperascente autem die, vir Dei Sanctulus ab iisdem Longobardis petiit, ut relaxari, eique vitam concedi debuisse: quod posse se facere, omnino negaverunt. Cumque mortem illius deliberasse eos cerneret, petiit ut sibi ad custodiandum dari debuisse: Cui protinus responderunt: Tibi enim quidem ad custodiendum damus, sed ea conditione interposita, ut si iste fugerit, pro eo ipse moriaris. Quod vir Domini libenter accipiens, predictum diaconum in suam suscepit fidem: quem nocte media, cum Longobardos omnes somno gravi depresso adspiceret, excitavit, et ait: Surge, et concitus fuge: liberet te omnipotens Deus. Sed idem diaconus promissionis ejus non immemor, respondit, dicens: Fugere, pater, non possum: quia si fugero, pro me sine dubio ipse morieris. Quem vir Domini Sanctulus ad fugiendum compulit, dicens: Surge et vade: te omnipotens Deus eripiat: nam ego in manu ejus sum: tantum in me possunt facere, quantum ipse permiserit. Fugit itaque diaconus, et quasi deceptus in medio fidejussor remansit.

17. « Facto igitur mane Longobardi, qui diaconum ad custodiendum dederant, venerunt: quem dedecrant, petierunt: sed hunc venerandus presbyter fugisse respondit. Tunc illi inquiunt: Scis ipse melius quid convenit. Servus autem Domini constanter ait: Scio. Cui dixerunt: Bonus homo es: nolumus te per varios cruciatus mori: elige tibi mortem quam vis. Quibus vir Domini respondit, dicens: In manu Dei sum: ea morte me occidite, quia occidi permiserit. Tunc omnibus qui illic adherant Longobardis placuit, ut eum capite truncare debuissent, quatenus sine gravi cruciati vitam ejus comprehendiosa morte terminarent. Cognito itaque, quod Sanctulus, qui inter eos pro sanctitatis reverentia magni honoris habebatur, occidendum esset, omnes qui in eodem loco inventi sunt Longobardi convenerunt, sicut sunt nimis crudelitatis, latè ad spectaculum mortis. Circumsteterunt itaque acies. Vir autem Domini deductus in medium est, atque ex omnibus viris fortibus electus est unus, de quo dubium non esset quin uno iectu caput ejus abscederet. Venerandus igitur vir inter armatos deductus, ad sua arma statim cucurrit: nam petiit ut sibi paululum orandi licentia daretur. Cui dum concepsum fuisset, in terram se stravit et oravit. Qui dum paulo diutius oraret, hunc electus interfector calce pulsavit, ut surgeret, dicens: Surge, et flexo genu extende cervicem. Surrexit autem vir Domini, genu flexit, cervicem extendit; sed tenso collo educitam contra se spatham intuens, hoc unum publice dixisse fertur: Sancte Joannes, suscipe illam. Tunc electus carnifex evaginatum gladium tenens, misu forti in altum brachium percussurus elevavit, sed deponere nullo modo potuit: nam repente diriguit; et erecto in cælum gladio, brachium inflexible remansit.

18. « Tunc omnis Longobardorum turba, quæ ad illud spectaculum aderat, in laudis favorem con-

¹ Greg. dial. I. iii. c. 37.

versa, mirari coepit, virumque Dei cum timore venerari : quia prefecto clarnerat, cuius sanctitatis esset, qui carnificis brachium in aere ligasset. Itaque postulatus ut surgeret, surrexit : postulatus ut brachium sui carnificis sanaret, negavit, dicens : Ego pro eo nullo modo orabo, nisi mihi ante jumentum dederit, quia cum ista manu Christianum hominem non occidet. Sed Longobardus idem, qui (ut ita dicam) brachium contra Deum tendendo perdidera, pena sua exigente, compulsus est jurare, se Christianum hominem nunquam occidere. Tunc vir Dei praecipit, dicens : Depone manus deorsum. Qui statim depositum. Atque illico adjunxit : Remitte gladium in vaginam : et statim remisit.

19. « Omnes ergo tantæ virtutis hominem cognoscentes, boves et jumenta, que deprædati fuerant, certam ei offerre in munere volebant : sed vir Domini tale munus suscipere recusavit, munus autem bona mercedis requisivit, dicens : Si milii aliquid vultis concedere, omnes captivos quos habetis, milii tribuite, ut habeam unde pro vobis debeam orare. Factumque est ut omnes captivi cum eo dimissi sint ; atque superna gratia disponente, cum se unus pro uno morti obtulit, multos a morte liberavit ». Ilucusque Gregorius de Sanctuli initio cum Longobardis certamine, in quo charitati juncta fides extinxit odium, atque pertidam superavit. Si quando vero eos permisit Deus in Dei servos sic sœvire, ut eosdem absque obice neci tradarent ; et in hoc declarata est divina potentia, cum iidem occisi licet, tamen ut victores triumphale carmen concinere auditi sunt. Nam accipe quæ insuper in provincia Valeria accidisse in hunc modum idem auctor enarrat¹ :

20. « Vitæ namque venerabilis Valentius, qui posthaec in Romana Urbe milii (sicut nosti) meoque monasterio præfuit, prius in Valeriæ provincia suum monasterium rexit. In quo dum Longobardi sœvientes venissent (sicut ejus narratione didici) duos ejus monachos in ramis unius arboris suspenderunt ; qui suspensi eodem die defuncti sunt. Facto autem vespere, utrumque eorum spiritus claris illuc apertisque vocibus psallere cœperunt ; ita ut ipsi quoque, qui eos occiderant, nituum mirati tenerentur : quas videlicet voces captivi quoque omnes qui illuc aderant, audierunt, atque eorum psalmodiae postmodum testes extiterant. Sed has voces spirituum omnipotens Deus idecirco pertinere voluit ad aures corporis, ut viventes quique in carne disserent, quia si Deo servire studeant, post carnis mortem uberioris vivant ». Ilæc ipse : sed et aliis quoque signis Deus reddidit manifestum in cælo vivere, quos tunc Barbariens gladius in terra necasset. Nam audi eundem Gregorium ista narrantem² :

21. « Quibusdam religiosis quoque viris attestantibus, adhuc in monasterio positus agnovi, quod

hoc Longobardorum tempore juxta in hac provincia, quæ Sura nominatur, quidam monasterii pater venerabilis Soranus nomine fuerit, qui captivis advenientibus, atque a Longobardorum deprædatione fugientibus, cuncta quæ in monasterio videbatur habere, largitus est. Cumque in eleemosynis vestimenta sua ac fratrum omnia et cellarium consumpsisset ; quicquid habere in horto potuit, expendit. Expensis vero rebus omnibus, Longobardi ad eum subito venerunt, eumque tenuerunt, et aurum ab eo petere cœperunt. Quibus cum ille diceret, se omnino nihil habere ; in vicino monte ab eis ductus est, in quo silva imminens magnitudinis stabat. Ibi captivus quidam fugiens, in cava arbore latebat : ubi unus ex Longobardis, educto gladio, prædictum venerabilem occidit virum ; cuius corpore in terram cadente, mons protinus et silva concussa est, ac si se ferre non posse pondus sanctitatis ejus diceret terra quæ tremueret ». Sic igitur sanctum virum martyrio coronatum, anniversaria recurrente die, quolibet anno Ecclesia celebrare consuevit. Sed attende quid de alio itidem martyrio vita perfuncto Gregorius subdit³ :

22. « Alius quoque in Marsorum province vitæ valde venerabilis diaconus fuit : quem inventum Longobardi tenuerunt, quorum unus educto gladio caput ejus amputavit. Sed cum corpus ejus in terram caderet : ipse, qui hunc capite truncaverat, immundo spiritu corruptus, ad pedes ejus corruit, et quod amicum Dei occiderit, inimico Dei traditus ostendit ». Ilæc sanctus Gregorius. Quod igitur alios eruptos, alios vero ab eisdem Barbaris necatos audis ; in utrisque admirandam Dei providentiam contemplari licet, cum nt alii coronam consequerentur, et ut alii in aliorum levamen solatinumque remanerent, effecit : ne si magistri omnino deficerent, exolesceret disciplina. Quomodo autem reliqui sanctissimi monachi mirifici illius Equitii alumni a Deo illæsi a furore Barbarico conservati sint, eundem audi Gregorium, cum ita seribit² :

23. « Eamdem Valeriæ provinciam Longobardis intrantibus, ex monasterio reverendissimi viri Equitii in prædio oratorio ad sepulcrum ejus monachi confugerunt. Cumque Longobardi sœvientes oratorum intrassent, cœperunt eosdem monachos foras trahere, ut eos aut per tormenta discenterent, aut gladiis necarent. Quicrum unus ingemuit, atque acri dolore commotus clamavit : Heu, heu, heu, sancte Equiti, placet tibi quod trahimur, et nos non defendis? Ad cuius vocem protinus sœvientes Longobardos immundus spiritus invasit : qui corruentes in terram tamdiu vexati sunt quoque cuncti qui foras erant Longobardi cognoscerent, quatenus locum sacrum temerare ulterius non auderent. Sicque vir sanctus dum discipulos defendit, etiam multis postea remedium illuc fugientibus præstítit ». Idemque de Cassinati monasterio S. Benedicti ista inferius³ tradit, in primis referens

¹ Greg. dial. I. iv. c. 21. — ² Ibid. c. 22.

³ Greg. dial. I. iv. c. 23. — ² Ibid. I. i. c. 4. — ³ Ibid. I. ii. c. 17

quæ ab ipso sancto viro ante cognita atque prenumitata fuissent :

24. « Vir quidam nobilis Theoporus nomine ejusdem Benedicti Patris fuerat admonitione conversus, qui pro vita sua merito magnam apud eum familiaritatis fiduciam habebat. Hic cum quadam die ejus cellam fuisse ingressus, hunc amarissime timentem reperit. Cumque diu subsisteret, ejusque non finiri lacrymas videret (nec tamen vir Dei consueverat orando plangere, sed inerendo) quænam causa tanti luctus existeret, inquisivit. Cui vir Dei illico respondit : Omne hoc monasterium quod construxi, et cuncta que fratibus preparavi, omnipotentis Dei judicio gentibus tradita sunt. Vix autem obtinere potui, ut mihi ex hoc loco animæ concederentur. Cujus vocem tunc Theoporus audiuit, nos autem cernimus, qui destructum modo a Longobardorum gente ejus monasterium scimus. Nocturno enim tempore quiescentibus fratibus, nuper illuc Longobardi ingressi sunt, qui diripientes omnia, ne unum quidem hominem tenere potuerunt. Sed implevit omnipotens Deus, quod fidei famulo Benedicto promiserat, ut si res Gentibus traderet, animas custodiret ». Hac Gregorius. Porro eosdem monachos inde pulsos Romanam commigrasse, idem alibi tradit, abbalesque numerat, qui ad ea usque tempora eidem monasterio præfuerunt¹, traditumque his fuisse Lateranense coenobium incolendum affirmat. Hos etiam accipere consuevisse alimoniam una cum aliis monachis ab ipsa Apostolica Sede, idem Gregorius in Epistola ad Constantinam Augustam² docet. At de Longobardorum sub Benedicto papa cœpta grassatione perduces in reliquias Italiae partes satis. Plura sunt alia, quæ certis annis, quibus gesta esse reperiuntur, opportunius inserentur.

25. Quod vero ad res hoc anno in Galliis gestas pertinet, auctor est Sigebertus, hoc anno altercatum esse inter Hispanos et Gallos de Paschatis diei celebritate. Ait enim : « Hispani et Franci de Pascha celebrando dissentient, Hispani duodecimo kal. Aprilis, Franci vero decimo quarto kal. Maii Pascha celebrantibus. Sed Francos recte celebrasse, per hoc divinitus claruit, quod fontes in Hispania, qui in sabbato sancto Pasche ad baptizandum sponte divinitus repleri solent, non in Hispanorum, sed in Francorum Pascha repleti sunt ». Hec ipse, ex quibus omnis de impostura interdum oborta suspicio abolita est. Si enim humana arte ea de fontibus contigissent, utique eadem ad Hispanorum sententiam comprobandam accommodata fuissent.

26. *S. Galli episcopi Arvernensis obitus et limes.* — Hie ipse insuper numeratur annus octavus a tempore inguinariae pestis, quo suum *S. Gallus Arvernensis episcopus obitum designauit*, et cladem populi ex renascente eodem morbo prædictit, ut suo loco ex Gregorio³ Turonensi narratum est,

Porro de ejus felici ad Deum transitu idem auctor ista alibi habet⁴ : « Cum gravatus incommodo deambaret, ita febris interna omnia membra ejus depilavit, ut capillos et barbam simul amitteret. Sciens autem, revelante Domino, post triduum migratum, convocat populum, et omnibus confracto pane, communionem sanctam ac pia voluntate largitur. Adveniente autem die tertia, que erat Dominica dies, quæ civibus Arvernis immancem contulit luctum albescente jam caelo, interrogat, quid in Ecclesia psallerent. Dixerunt, benedictionem sese psallere», nempe psalmum, Benedicote omnia opera Domini Domino. « At ille, psalmo quinquagesimo, et benedictione decantata, et alleluialico cum capitello expleto, consummavit officium totum temporis matutini. Quo jam extremo perfunctus officio, ait : Vale dicimus vobis, fratres. Et haec dicens, extensis manibus spiritum celo intentus premisit ad Dominum : transiit autem ætatis sue anno sexagesimo quinto, episcopatus vero sui septimo et vicecentimo anno ». Hucusque Gregorius de obitu *S. Galli* : pergit vero dicere de funere atque miraculis : sed satis ad institutum.

27. At non prætereundum de eodem *S. Gallo Venantii Fortunati*⁵ Epitaphium, quod in gratiam Gregorii Turonensis ejus nepotis conscripsit : sic enim se habet :

Hostis inique, Adam paradiso fraude repellis :
Ecce Deus fauulis præstat adire polos.
Invide, sic tua mors homini meliora paravit :
Tu expellis terris : hic dat et astra suis.
Testis et antistes Gallus probat ista beatus,
Nobilis in terris, dives cundo polos.

Sed quod ad ejus pertinet antiquam nobilitatem, testatur Gregorius Turonensis⁶ in Vita ipsius, genus ducere ab egregio martyre Veto Epagathio, cuius mentio est in Epistola Ecclesiae Lugdunensis apud Eusebium⁷, fuisseque tradit natum ex Georgio senatoriæ stirpis viro et matre Leocadia. Pergit vero idem Fortunatus ejus vitam summationem referre :

Qui Christi auxilio fultus nec adulterus in annis
Se majora petens, odi amore lares :
Effugit amplectus patrios, matremque relinquit :
Qui monachum regeret, queritur abba parens.
Illic tyro rudi generoso caput ab avo
Mightie Boni belliger arma pati.
Quintiano denum sancto erudente magistro,
Punchrier est auro corde probatus homo.

Fuit iste Quintianus sanctitate præclarus episcopus Arvernensis, qui enim ex monacho reddidit clericum, atque imbuuit sanctis moribus et Ecclesiasticis litteris; quibus optime excultus, cum innotuisset Theodorico Francorum regi, ab eo accessitus atque relentus est : ubi cum esset, apud Coloniam Agrip-

¹ Greg. dial. I. II. in prin. — ² Greg. I. IV. Ep. XXXIV. — ³ Greg. Tur. hist. Franc. I. IV. c. 5.

⁴ Greg. Tur. in Vita SS. Patr. c. 3. — ⁵ Fortun. I. IV. carm. — ⁶ Greg. Vit. SS. Patr. c. 3. — ⁷ Euseb. I. V. c. 1.

pinam idolorum templum, quod frequentabatur a rusticis, succendisse tradit Gregorius. Pergit vero Fortunatus :

Inde Palatinam regis translatus in aulam,
Theoderice, tuam, vixit amore pio.
Mox ubi destitnens terras, petit astra magister,
Cessit discipulo cura tenenda gregis,
Pontificatus enim moderans ita rexit habendas
Pastor ut officii, esset amore pater,
Mansuetus, patiens, bonus, aquos, amator, amandus,
Non erat offensa; sed locus hic venia.
Si qua supervenit facta est injuria verbis :
Unde furor poterat, inde triumphus erat.

Plura id genus de ipso Gregorius refert exempla, de contumeliis scilicet atque verberibus a suis presbyteris magna patientia toleratis. Sed audi reliqua :

Plebeam voce foyens quasi natos ubere nutrix
Dulcia condito cum sale mella dabat.
Hoc opus exercens praeasnisti dona futuri,
Se pastore nihil posse perire gregis.

Hoc ideo Christianus poeta, quod ingruente inguinaria lue, a divino oraculo accepit responsum (ut idem tradit Gregorius) ipso vivente, nullum e suis ea peste kædendum : quod et sicuti prædictum fuit, evenit. Quot autem annis eamdem Ecclesiam gubernarit, his Fortunatus quos subdit, versibus docet :

Sic Pater Ecclesiam regit in quinquennia quinque,
Bis terrena tamen lustra superstes agens.
Hinc mehore via sanctum ad caelusta vectum
Non premat urua regi, sed tenet nra Dei.

Huensque Fortunali de sancto Gallo Epitaphium. Clarnuisse autem corpus ejus terræ mandatum pluribus miraculis, Gregorius tradit, qui tamen in numerando sedis ipsius tempore duobus annis a Fortunato discrepat : siquidem eum Ecclesie Arvernensi praefuisse episcopum ait annos viginti septem. Remansit posteris ejus memoria in universa Ecclesia celebris : etenim sacris inter sanctos ipse adscriptus tabulis, die qua obiit kalendis Iulii anniversaria memoria ubique recolitur.

28. *Arvernensis civitas peste et schismate laborat.* — Sed qui dum vixit extitit suis mediator apud Deum, tanquam Moyses¹, qui stetit in confractione in conspectu ejus, ut averteret indignationem ejus, ne disperderet eos : ubi vero mortuus est, sublatto de medio tanto obice, tanquam a vinea macerie deputsa de qua scriptum est²: « Afferam maceriem ejus, et erit in direptionem » : mox lues illa inguinaria, que ante annos octo Italos et Gallos attlixit, Arvernos autem, sancto intercedente, non læserat ; populum illum invasit, magna que clade afflictit, ut Gregorius ipse testatur³, cum de divina virtute, quam tunc fuit in famulo suo expertus per sancti

Juliani martyris Arvernensis reliquias, ita alibi narrat⁴ :

29. « Inter reliqua vero insignia suscipiendo ruin miraculorum ponimus et istud, quod insipientes corrigat, et roboret sapientes. Igitur Cautini episcopi tempore, quo ingruentibus peccatis populi Arverna regio ab excidio hinc, quam inguinariam vocant, devastabatur; ego Brivatensem vicum expetui, scilicet ut qui meritis tutari nequibam, beati martyris Juliani tutarer præsidio. In quo dum commorarer vico, unus puer ex nostris ab hoc morbo corripitur; reclinatoque ad lectulum capite, gravioriter aegrotare coepit. Erat autem febris assidua cum stomachi pituita, ita ut si quid acciperet, confestim ejiceret, nec erat ei eibus confortatio, sed magis exitus pulabatur. Denique mei cum viderent eum in extrema vexari, hariolum quemdam invocant. Ille vero venire non differens, accessit ad aegrotum, et artem suam exereere conatur, incantationes immurmurat, sortes jactat, ligaturas collo suspendit, promittit vivere quem ipse mancipaverat morti. Haec autem me insecu agebantur. Quæ cum mibi delata fuissent, amarissimus reddor, et cum gravi suspirio illud commemoro, quod Dominus per Eliam prophetam Ochozie regi pronuntiat, dicens² : Quid dereliqueristi Dominum Deum Israel, et consultasti Deum Accaron, ideo de lectulo in quo ascendi non consurges, sed morte morieris. Nam iste post adventum harioli validius febre suescens, spirillum exhalavit. Cujus post obitum interpositis paucis diebus, puer alius simili laborare coepit incommodo. Tunc ego eis inquo : Accedite ad martyris tumulum, et aliquid exinde ad aegrotum deportate, et videbitis magnalia Dei, atque cognosctis quid sit inter justum et injustum, et inter timementem Deum et non servientem illi. Accedentes autem, parumper pulvris circa sepulcrum jacentis sustulerunt. De quo ut hauisit infirmus cum aqua, protinus assecutus est medicinam, recuperatisque viribus ac restineta febre convalescit. Intelligite ergo nunc, o omnes qui insipientes estis in populo, et postquam ita disenseritis, scitote quia nihil sunt quæ ad seducendum humanum genus diabolus operator. Ideo moneo, ut si quis vexillo Crueis signatus, si quis baptismi absolutione mundatus, si quis vetustate deposita in novo nunc homine viget, talia postponat ac negligat : querat autem patrocinia martyrum, per quos sanitatum miracula celebrantur : postulet adjutoria confessorum, qui merito amici sunt Dominicis nuncupati; et quæ voluerit, obtinebit ». Hucusque Gregorius, eamdem spirans in sacrarum reliquiarum cultu pietatem, quæ omnes non Galharum tantum, sed totius Catholici orbis sanctissimi episcopi prædicti semper fuerunt.

30. Quod vero Arvernenses populi post obitum sancti Galli ea meruerunt affligi elade : ad alia ipsorum peccata, quorum Gregorius meminit, illud accessit, ut post obitum ejus divisa schismate Ec-

¹ Psal. cxi. — ² Isai. v. — ³ Greg. Tur. hist. Franc. I. iv. c. 13.

⁴ Greg. Turon. de glor. mart. I. ii. c. 45. — ² I. Reg. 1.

clesia illa fuerit, studentibus aliis Caloni presbytero, archidiacono vero Caulino aliis, cum iste dolo agens, clam profectus ad regem, ab eodem dari sibi petuit episcopatum. Quae quidem omnia luctu digna idem Gregorius suo prosecutus est stylo¹. At vero ista de S. Galli obitus tempore in priori editione ex chronologia ab inguinaria peste uti certa deprompta, jam denuo ad incendem revocata, non posse subsistere sunt inventa, que magis ad anteriora tempora sint reducenda, cum alias idem morbus pervasit Galhas. Quod autem ad haec tempora Gallus non potuerit pervenisse, in evidens deducitur argumentum. Cum enim ipsum annos tantum

¹ Greg. hist. Franc. I. iv. c. 5. 6. 7.

viginti septem dicit sedisse episcopum Arvernensem, idemque reperiatur interfuisse Concilio Aurelianensi secundo, anno Christi quingentesimo trigesimo sexto, et Arvernensi anno quingentesimo quadragesimo primo; quomodo potuit ad haec tempora pervenisse? Accedit ad haec, quod cum Galli episcopi successorem Cautinum idem Gregorius ejus nepos, rerum ab ipso gestarum testis fidelis, referat ad tempus Theodebaldi regis, quem constat regnare corporis anno Christi quingentesimo quinquagesimo secundo, licet positum sit anno quingentesimo quinquagesimo quinto, tenuisseque tantum annos septem: utique prohibetur omnino ad hunc annum pervenire potuisse. Haec de tempore ejus obitus dicta sunt.

Anno periodi Graeco-Romanæ 6066. — Olymp. 338. — Anno Æra Hispan. 611. — Jesu Christi 573. — Joannis III papæ 13.

— Justini jun. imp. 9.

1. *Postconsulatus.* — Is annus hac formula notatus: *viii post consulatum Justini jun. Aug. solius vi: a Mario vero Aventicensi: Anno vii consul. Justini jun. Aug. Indict. vi.*

2. *Benedictus fit Pontifex Rom.* — Ad num. 1. Anastasius tradit, post Joannis papæ III obitum cessasse episcopatum *menses decem, dies tres*, quod et in exemplaribus ejus MSS. et in Orderico lib. 2 legitur, nisi quod in uno Catalogo nostro Pontif. Rom. habentur *dies xii*, et in alio *dies xiv*. Verum duratio Sedis *Benedicti* a Græcis *Bonosi* nuncupati, natione Romani, Joannis III successoris, demonstrat, Sedem vacasse *menses decem, et dies viginti et unum*, ac *Benedictum* ordinatum esse die *tertia mensis Junii anni quingentesimi septuagesimi quarti*, in quam eo anno Dominica cadebat. Tam longi inter pontificii causa in tumultu a Langobardis Italiam turbanibus excitatos referenda videatur (1).

3. *Langobardi decem sibi duces præficiunt.* — Ad num 2. Paulus diaconus lib. 2, cap. 31, ait, *Clephum Longobardorum regem, eum unum unum et sex menses regnum obtinuisset*, interiectum esse. A Paulo Sigebertus in Chronico non dis-

cedit, cum annos ei duos attribuit, quia eos incompletos intelligit, ejusque nece anno DLXXVI recte collocata scribit: « Clepho mortuo, Longobardi subducibus fuerunt annis decem »; de qua decennali Aristocratia loquitur etiam Paulus lib. 2, cap. 32, qui addit: « Per hos Langobardorum duces septimo anno ab adventu Albuvin et totius gentis spoliatis Ecclesiis, sacerdotibus interfectis, civitatibus subrutis, populisque, qui more segetum exereverant, extinctis, exceptis his regionibus quas Albuvin ceperat, Italia ex maxima parte capta, et a Langobardis subjugata est ». Quod desumpsit ex Gregorio Turonensi lib. 4, cap. 35, qui ubi dixit, Alboinum cum suis Langobardis Italianam petuisse, subiungit: « Quam regionem ingressi maxime per septem annos pervagantes, spoliatis Ecclesiis, sacerdotibus interfectis, in suam redigunt potestatem ». Mala incertis annis a Langobardis in Italia perpetrata ex variis divi Gregorii Epistolis narrat Baronius, a num. 3 ad 23.

4. *Dissidium de Paschate anni DLXXVII.* — Ad num. 25. Dissidium de Paschate celebrando inter Hispanos et Gallos, quod Gregorius Turonensis lib. 5,

(1) Joannes ex nostro calculo decessit anno DLXXXIII die xxv Octobris, cum Sedis tempus in probatissimis Anastasi Codicibus, et Catalogo Blanchianiano (non quidem velutissimo illo qui desinit in Vigilio; sed altero usque ad Panium I perduto) sit annus xii, mensibus xi, diebus vinti sex. His et aliis mensibus decem, et diuersum trium Inter pontificum cum Anastasio, pertinges ad A. 574, 28 Augusti, diem electionis Benedicti. Sed cum dies illa in feriam tertiam incident; ideo mendum aliquod hic irrepsisse suspicor, et forte sistendum in die vicesima sexta Augusti, quia Dominica erat. Nisi malueris, quod tempus hujus Inter pontificii, fidem sequi Catalogi omnium quotquot in fronte Pagin excusi sunt velutissimum, qui Inter pontificum istud definit ad menses tres, dies decem, que temporis ratio dicit nos ad diem quartam Februarii anni DLXXIV et Dominicam.

cap. 17 narrat, fuit de Paschate anni quingentesimi septuagesimi septimi; Turonensis enim de eo loquitur anno II Childeberti Francorum regis, qui an. DLXXV Sigiberto patri successit, aitque: « In Galliis nos cum multis civitatibus XIV kalendas Maias Pascha celebravimus. Alii vero cum Hispanis XII kalendas Aprilis solemnitatem hanc tenuerunt ». Hujus controversiae causa fuit, quod eo anno terminus Paschalis incideret in diem xviii mensis Aprilis ac in feriam primam; unde sequebatur Pascha in sequentem Dominicam, ac in diem xxv Aprilis differendum, secundum Cyclos Alexandrinos; quibus ideo nec Hispani, nec multe Galliae civitates consentiebant. Turonenses cum multis aliis Gallis Pascha juxta Victorii Aquitani Cyclum celebrarunt XIV kalend. Maias, id est, die xviii mensis Aprilis, in quem, ut jam dixi, terminus Paschalis incidebat. Hispani vero cum aliis Gallis, quibus hoc inconveniens videbatur, illud toto mense anticiparunt, et XII kalend. Aprilis, seu die xxi Martii, ipso scilicet Äquinoctii die juxta Cyclum Latinorum Victorio antiquiorum peregerunt. Ex quo liquet, ut observat Bucherius de Doct. Temp. cap. 10, Galliam plerisque, non tamen omne, Victorii Cyclum hoc tempore amplexam esse. Alibi die xxv Aprilis solemnitatem hanc, secundum Cyclos Alexandrinos tenuerunt Christiani.

5. *Moritur S. Gallus episc. Arvernensis.* — Ad num. 26 et seqq. Sanetus Gallus episcopus Arvernensis interfuit primo Concilio Arvernensi anno DXXXV celebrato, Concilio Aurelianensi IV anno DLXI, et Concilio Aurelianensi V anno DLIX habitis; transiit autem ad Dominum, ut scribit Gregorius Turonensis in Vitis Patrum cap. 3, *Episcopatus sui septimo et vicesimo anno.* Idem Gregorius in Historia lib. 4, capp. 5, 6 et 7, pluribus agit de Cautini ejus successoris electione, eamque refert ad tempus Theodebaldi Francorum regis, quem constat regnare cœpisse anno DLVII, et e vivis abiisse anno DLIII. Cointius in Annal. Ecclesiast. Franc. mortem sancti Galli consignat anno DLIV, quia Theodebaldi regis mortem in annum DLV differt, existimatque, Gallum liberasse Arvernos a lue inguinaria anno DLVI, quod Turonensis lib. de Vitis Patrum, cap. 6 tradat, eum vita functum die Dominica, jacuisse in Ecclesia triduo, quarta die sepultum fuisse, et in Tabulis Ecclesiasticis inter sanctos adscribatur ad diem calendarum Julianum. Nam parte alia idem Gregorius in Historia lib. 4, cap. 5, et in Viti hujus sancti asserit, sancti Galli intercedente oratione, luem, que alias regiones consumebat, civitatem Arverniam non attigisse; additque sanctum Gallum post annos octo a lue illa e saeculo migrasse. Haec Cointius. Verum dies Martyrologiis adscripti ad anni emortualis notitiam nos perducere non possunt, ut

mille exemplis liquet, et, ut falsum illud Chronologie principium everteremus, sæpius inculcavimus. Neque divus Gallus kalendis Juliis sepeliri potuit; cum Turonensis loco citato doceat corpus ejus jacuisse in Ecclesia, dum *Rogationes*, que post Pascha fuit, celebrabantur, et lib. 2 Hist. cap. 34 scribat, prædictas Rogationes ante Ascensionis Dominae triumphantem fuisse celebratas. Annus itaque quo Gallus Arvernenses a peste liberavit, quove ipse ad Deum migravit, incertus. Baronius in secunda Annal. Ecclesiast. editione animadvertisens eum laudatis Conciliis interfuisse, quod et jam in Notis ad Martyrologium ad diem primum mensis Julii observarat, agnovit quæ anno DLV, num 29 de civitatis Arvernensis præservatione a peste, et hoc anno num. 30 de anno mortis sancti Galli scripsérat, subsistere non posse, et corrigenda monuit.

6. *Gesta in bello Persico.* — Theophylactus lib. 3, cap. 10, postquam gesta anno VII Justini Romanos inter et Persas narravit, scribit: « Justini imperatoris anno sequenti, Marciano delectus habente, et ex oppido Dara prodeunte, Barbarisque juxta Nisibim tendentibus, prælum prope Sargathum (locum a Persis ita nominatum) committitur: Persæ Romanis dant manus. Qui deinde Thebothum castellum Persicum cingentes, cum per dies multos continuata oppugnatione nihil proficerent, Daram se retulerunt ». Theophanes Theophylacto suffragatur, asseritque, Romanos viciisse Persas ad Sargathum anno linear. secundum Alex. DLV, qui cum mense Augusto currentis Christi anni absolvitur.

7. *Nisibis a Romanis obsessa, et Apamea a Persis capta.* — Subdit Theophylactus, Cosroen Persarum regem, dum Romani Nisibim Mygdoniæ urbem obsidione cingerent, cum copiis Babylone discessisse, et ad oppidum quoddam Persicum Abarum nomine, quinque dierum itinere a Circesio Romanorum urbe venisse, indeque Adormaanem ducem ad Romanorum provinciam proficiisci jussisse. Hic extra laborem Antiochiam usque ferlur, et suburbanis ædificiis pro tempore dirutis in Cælesyriam venit, et die tertio Apameam urbem occupavit, eaque flammis tradita in Persidem reversus est. Eadem ac Theophylactus narrat Evagrius lib. 3, capp. 8, 9 et 10, et pluribus prosequitur. Baronius hanc Adharmanis Persarum ducis expeditionem in annum sequentem perperam diflert, et pluribus explicat num. 2, 3 et 4.

Concilium Parisiense IV celebratum, de quo anno DLXXVI verba faciemus. Ibi etiam agemus de dissensione inter Francorum reges hoc anno exorta. Divus Gregorius postea Pontifex Romanus, hoc anno præfecturam Romanam administrabat, ut videtur est an. DLXXXI, num. 3.

BENEDICTI ANNUS 2. — CHRISTI 574.

1. Persarum incursionses cum clade Antiochiae.
— Jam quingentesimus septuagesimus quartus Christi annus adest septimae Indictionis, idemque nonus numeratus Justini imperatoris : qui quidem extitit Orientali imperio funestissimus, Abaris una ex parte, Persis ex altera Romanum imperium devastantibus.

« Anno enim hoc nono Justini », inquit Cedrennus, « Abari sive Avares ad Danubium venerunt, ac vicerunt Romanos ». De his hæc pauca ipse : Evagrius vero pluribus, dum agit de Tiberio, qui adscitus postea fuit collega in imperium a Justino : « Hunc, inquit, Justinus, ingenti collecto exercitu, ad congregendum cum Abaris jam pridem miserat. Qui quidem, militibus adspectum Barbarorum haud ferentibus, parum aberat quin captus fuisset, nisi divina providentia eum præter omnium opinionem servasset, et in fines imperii Romani reduxisset incolunem : quippe temerariis Justini institutis obsecutus, ipse cum tota Romana Republica in periculum venit penitus pereundi, et amplius imperii Romani decus Barbaris concedendi ad occupandum ». Hæc ipse. His autem hæc prælerea hoc item anno addita mala a Persis, idem Evagrius affirmat his verbis⁴ : « Et Arlabanus Persa, in Romanorum ditionem faela incursione, multos captivos abduxit, captoque etiam Daras castro, domum rediit. Justinus nuntio tante cladi accepto, animo abalienatus est, peflitque ab Horisda, uti pacem componeret, quæ et in annum pacata est. Constitutum sub eo est, ut psalmus : Tuæ cœme mysticæ ; magna feria quinta caneretur. Illata quoque tunc est imago nulla manu facta Camulianis pago Cappadociae (ille enim Edessa, ne in Persarum manus deveiret, olim translata fuit) et veueranda ligna (Crucis sanctissimæ scilicet), ab Apamea Syria Secunda Constantinopolim translata sunt ». Quibus exuta civitas illa, quæ (ut dictum est superius) ab iisdem in alia Persarum incursione miraculo magno divinitus defensa fuit, capta slatim atque in favillam redacta est.

2. Verum quæ de hac Persarum incursione, ex qua in magnum discrimen Antiochia adducla est. idem Evagrius tradat, hic deseribamus. Ipse enim dum agit de Nisibis, quæ erat sub potestate Persarum, obsidione, quam Marcianus dux Romani exercitus ad multum temporis spatium prostraxerat. ob idque Justinum imp. in indignationem commoverat, ejus et præcipili animo mala cuncta imperio inferrentur, hæc ait⁵ : « De ea incursione », quam scilicet pararel Cosrhoes per Adaarmannem dueem (sic enim eum appellat, quem Cedrennus nominat Artabanum) « fit certior Gregorius episcopus Antiochiae : nam huic episcopus Nisibis amicissimus fuit, magnis munieribus ab eo donatus : et propterea cum insanam Persarum contumeliam contra Christianos admissam, qua semper fere premebantur, ægre admodum patrestrer, et magnopere euperet civitatem, ejus ipse fuit episcopus, in ditione Romanorum venire ; omnia que extra fines Romanorum circiter Nisibin gerebantur, significavit, opportunèque exposuit. Quæ quidem Gregorius illico ad Justinum refluit, eique quam celerrimam declaravit Cosrhois incursionem. At vero ille in consuetum voluntatum sordibus voluntatus Gregorii litteris neque animum attendere, neque fidem habere voluit ; illud duntaxat verum arbitralus, quod ipse in animum induxerat. Nam hominem intemperantium et luxu perditorum consueludinem imitabatur, in quorum animis si-ent ignavia insita est, ita de prospero rerum adventu nimis magna fiducia ; et si quid contra ipsorum voluntatem acciderit, ei nolunt ullo modo fidem adjungere. Itaque scribit Gregorio, resque ad se relatas, quasi omnino vera non sint, rejicit : quod si vera sint, Persas non ante suos obsidione occupaturos ; sin autem ante oecuparent, cum magno suo malo discessuros ». Ita quidem Evagrius, devastationem Syriae et captivitatem Antiochiae tribuens imperatoris ignavie : sed altius optassem ipsum ista considerasse, cur ante septem annos, quibus imperium Justinus administravit,

⁴ Evagr. l. v. c. 9. 10.⁵ Evag. ibid.

minime contigerint; sed ubi scilicet sanctissimum episcopum ab ea civitate dimovit? Haec enim si considerasset, non in ignaviam, sed ad sacrilegium imperatoris ea cuneta mala refulisset: sieuli enim in templo columnæ, et in aedibus sunt fundamenta, ita plane se habent in civitatibus atque provinciis sanctissimi sacerdotes; quos si quis e loco dimoveat, forasque pellat, necesse sit cuneta quæ virtutum fortissimo robore sustinebant, omnino corrueire ac pessumire. Cum Anastasius Antiochiae sederet, ipse Dominus positus erat in Syria universa murus et antemurale; quo sublato, et Dominus pariter recessit ab eis, atque tunc luxit¹ antemurale, et murus pariter dissipatus est, cum universa Syria cessit deprædationi Barbarorum: cum jam nullus penitus esset qui resisteret grassantibus ubique locorum hostibus crudelissimis. Sed quomodo id acciderit, sic narrare pergit Evagrius.

3. « Deinde mittit Aeacium imperator, hominem superbum et contumeliosum, ad Marcianum duecum exercitus cum hoc mandato, ut si Marcianus alterum pedem in civitatem Constantinopolitana ante intulisset, quam scilicet de hostibus victoriam accepisset, honoris sui gradu eum abdicaret. Quod quidem factum est ab eo sedulo: idque non sine republicæ detimento, quo imperatoris mandato inserviret. Nam prefectus ad castra Romanorum, Marcianum juxta fines imperii versantem, in sciente exercitu, spolial dignitate. Praefecti autem manipulares ac centuriones, ubi peractis vigiliis didicerant duecum suum de honoris gradu dimotum, copias non ulterius ducunt, sed clam se inde subducentes, sparsi fugiunt, obsidione civitatis Nisibis cum omni irrisione dimissa. Adaarmannes igitur, qui Persarum et Scenitarum Barbarorum satis validum et magnum habebat exercitum, Circesium præteriens, res Romanorum incendio, occisione, et aliis omnibus vastationis generibus populatus, nec quiequam clementiae omnino vel cogitatione complexus est, vel factis declaravit. Capit castella et pagos multos, nemine præterea repugnante: primum quod copie Romanae nullum duecum habuere; deinde quod militibus circiter Daras a Cosrhoes circumclusis, populationes agrorum, et incurSIONES absque ullo timore fiebant.

4. « Invadit porro Cosrhoes Antiochiam per suos duntaxat milites (ipse namque eo non venit) qui præter omnem spem inde repulsi fuere: cum tamen nemo, vel pauci admodum in civitate remanerent. Cumque episcopus inde fugisset, secumque eduxisset saerum Ecclesiae thesaurn, propterea quod magna pars muri ecciderat, et populus (ut sit in his præsertim temporibus) seditione contulata novis rebus studebat, quibus fugientibus urbs deserta relicta; nec quisquam erat, qui vel ad machinas ullas contra hostes fabricandas, vel ad eisdem ullo modo resistendum, animum intenderet». Subjicit² his de Heraclea ab hostibus incensa, Apa-

meaque capta ei igne absumpta, abducto captivo episcopo una cum civitatis praefecto, alisque malis innumeris illatis regionibus illis, in quas iidem se grassantes infuderant; cum interea ipse Cosrhoes Daram expugnavit civitatem munitissimam in finibus positam.

5. *Simeonis junioris Stylitæ, de cuius sanctitate multa, Epistola ad Justinum querentis de Samaritarum furoribus.* — Alia rursus clade contigit his Justini temporibus Syriam nonnullum affligi a Samaritis hereticis saepè repressis, ejectis, ac saepè receptis; sed denuo in Catholicos insurgentibus, de quibus idem imp. Novellam¹ Constitutionem ediderat, mulcans civilibus penis eos qui in eodem permansissent errore. Quæ autem malæ bestiæ istæ tentaverint, videre est apud Acta Nicæni posterioris Concilii OEcumenici, cum a Patribus recitari jubetur Epistola Simeonis Stylitæ junioris ad ipsum tunc imperialorem Justinum data, cuius titulus sic se habet²:

6. « Beati Simeonis Stylitæ, qui in admirando monte vixit, Epistola ad Justinum juniorem imperatorem.

« Quis dabit oculis meis fontem lacrymarum, ut omnibus diebus miserae vitæ meæ satis ex corde fleam? Tanta enim, vestra serenitate et pietate regnante, tanta sceleræ et impietas ab impiis et execrandis Samaritanis in sanctum templum, quod devota tua majestas extrui jussit, designata sunt, qualia nunquam sunt audita. Dico autem eos qui castra habent prope civitatem Porphyronis. Haec autem quæ sunt facta, breviter et tenuiter cognoscat vestra serenitas in his quæ nostra humilitas per sanctissimum episcopum Orientalem patriarcham, qui non leviter ex hoc angitur, ad vestram majestatem scripsit. Nec lapides sufficientes sunt ferre, si omnem illam impietatem exclamat, quam oculis suis dictus sanctissimus archiepiscopus vidit. Citius enim mortem et interitum nostra lenitas expeteret, quam iterum talia mihi narrari audire. Omnem enim blasphemiam excellit improbum hoc factum, quod in Deum Verbum pro nobis incarnatum, ejusque gloriosam matrem, et venerandam sanctamque Crucem designarunt. Hanc rem cum cogitamus, ad divinas vestras aures nos referimus. Nam cum videamus pias leges vestras, eos qui imaginem aut statuam imperatoris ignominia afficiunt, extremo et justo mortis suppicio pletere; quatenus pena puniendi sunt, qui in imaginem Domini nostri ejusque matrem nefando facinore grasseti sunt? Profecto, non video quid mihi dicendum sit. Tantum enim seclusus est commissum, ut nec ulla humanitatis mica amplius superesse credatur. Quamobrem obseruamus victoriosam vestram potentiam, ne ulla posthac eis misericordia ostendatur, neque amplius parcere illis quispiam velit, neque ullam apologiam aut excusationem illorum

¹ Thren. II. — ² Evagr. I. v. c. 10.

¹ Novel. v. Justin. inter Novel. Justiniani XLIV. — ² Nicæn. Conc. II. Act. I.

nomine accipere, ne posthac pejora aggrediantur». Haec enim magnus Simeon.

7. Videant recentiores Ieonoclastae, quibus sese conjunxerunt haereticis omnium nefandissimis: aindiant a spirituali homine qui omnia recte iudicat, qualia sint de quibus etiam gloriantur sacrilegia, dum violentas in sacras imagines manus immittunt: et quibus sint digni supplicii, ex verbis pariter Simeonis expendant. Quid vero de his factum sit, nosquam verbum.

8. De ipso autem Simeone plura etiam scribit Evagrius, cui magnus cum eo usus amicitiae interessit: qui quoniam pacto tam arduum vitæ institutum arripuerit, abbatem, in eius monasterio degebat, id monente, narrat his verbis⁴: «Erat autem iste Simeones propter eximiam virtutem omnium hominum suæ ætatis facile præstantissimus; qui in columna vitam severam coluerat adeo a teneris (ut aiunt) unguiculis, ut dentes suos in ea mansione commutaret. Ad vitam autem in columnam degendantem tali causa inductus fuit. Cum adhuc tenella valde ætate esset, et puerorum more per montis juga ludendo saltandoque pererraret; forte fortuna incidit in pardum: cuius collo cingulo circumjecto, eo veluti fræno bestiam, quæ jam suam feram naturam exuerat, ad suum monasterium secum ducit. Quod cum magister ejus, qui ætatem agebat in columna, videret; percontatur quid sit. Respondit puer, felem esse, quem vulgo catum nominant. Hinc igitur conjecturam faciens, quantopere virtute esset in posterum præstaturus, ad vitam in columnam degendantem eum induxit. In qua columna simul et in altera summo in montis vertice sita sexaginta et octo annos vixit omnibus gratiæ donis repletus: quippe dæmones expulit, sanavit omnem morbum et omnem languorem, res futuras perinde ac præsentes prævidit. Qui predixerat Gregorio, illum ejus morti minime adfuturum, atque adeo ignoraturum quid post ipsum mortuum eveniret.

9. «Quin etiam cum ipse mecum cogitarem de liberorum amissione: quereremque quid cause esset, cur gentibus, qui liberis abundant, idem ipsum neutquam accideret; Simeones, quamvis hanc cogitationem nemini patetescisset, scripsit ad me, ut ab hujusmodi cogitationibus, utpote Deo minime probatis, desisterem. Porro autem hoc factum cum uxore scribæ mei: quoniam lac illi postquam pepererat ita obstructum fuit, ut infans in maximum vite veniret periculum; Simeones ubi manum dexteram viri ejus tetigera, jussit ut ad uxoris ubera injiceret: quo facto, exemplo lac veluti ex fonte erupit, adeo ut vestem mulieris totam madefaceret. His accedit, quod puerum a viatoribus, quibuscum iter faceret Simeones, in tempora nocte a tergo relictum leo dorso imposuit, et ad monasterium Simeonis adduxit. Itaque ministri Simeonis jussu ingressi, puerum a leone apporlatum introduxerunt. Multa alia præterea gessit

admirabilia, quæ linguam disertam et vacuum tempus et separatam tractationem desiderant: que certe crebro hominum ore sunt atque sermonibus decantata. Nam eujusque nationis homines, non Romani solum, sed etiam Barbari ad eum adventarunt, rerumque postulatarum compotes facti sunt. Huic Simeoni rami quidam fruticis in monte crescens et cibi et potionis loco fuere». Ille Evagrius de Simeone obiter, alia occasione ad ea de ipso scribenda perductus. Porro hic junior Simeon cognomento Stylita, senioris respectu dictus reperiatur: diversum enim ab illo seniore Stylita fuisse, tempora distineta, actionesque atque demum ætas cum pluribus aliis, quibus alter ab altero discriminatur, ostendunt.

10. *Gregorius in sede Turonensi succedit Euphronio, et de ejus sanctitate Fortunati Epistolæ et carmina.* — Sie igitur tum Oriens tum Occidens eodem tempore, cum plurima ingruerent undique mala, viris sanctissimis illustrantur, tantam noctem non sine facibus Deo relinquente. Nam in Occidente hoc eodem anno S. Euphronius episcopus Turonensis ex hac vita cum migrasset, Gregorius aequo sanctus ipsi successit. Porro ipsum Euphronium virum quidem sanctitate conspicuum inter sanctos cooptatum habent Ecclesiasticae tabulae, honore impertilo anniversarie commemorationis. Quod vere ad tempus Euphronii obitus spectat (ne quid perfunctorie astrinxere videamus) ex Gregorio ejus successore optime colliges asserti temporis rationem. Cum enim ipse de se testetur⁵, vicesimum primum habuisse in episcopatu Turonensi annum, cum S. Gregorius papa ageret in Pontificatu annum quintum (ipse est annus Domini quingentesimus nonagesimus quintus) ab hoc numero si viginti et unum delrabas, hoc anno ipsum repries Euphronio successisse. Rursum vero cum alibi⁶ dieat, se ordinatum anno centesimo septuagesimo secundo a transitu S. Martini, quem anno quadringentesimo secundo ex hac vita migrasse sepe superius demonstravimus: utique repieres hoc anno ipsum fuisse Euphronio subrogatum. Verum dum ibidem addit id factum anno duodecimo Sigiberti regis; ne ipse sibi contrarius esse appareat, dicendum pro anno nono regis illius errore esse positum duodecimum, cum alibi anno secundo Sigiberti regis habuisse Euphronium annum septimum tradat, qua etiam ratione dicendum est ipsum sedi Turonensi præfuisse annis quatuordecim: cum tamen habeat alibi, dum de ejus morte agit, sedisse annos decem et septem: unde opus est, ut ex Gregorio ipsiusmet Gregorii textum emendas.

11. Quoniam vero egregiæ sanctitatis virum ipsum appellat ejus in sede successor Gregorius⁷, par est ut ex iis que sunt reliqua de monumentis

⁴ Greg. Turon. hist. Franc. l. iii. in fin. — ⁵ Greg. Turon. de mirac. S. Martini l. i. c. 32, et l. ii. c. 1. — ⁶ Greg. Tur. hist. l. x. c. ult.

⁴ Evagr. l. vi. c. 22.

a majoribus traditis, quibus ipsius virtutes prædicantur, reddamus posteris notiorem. Extant in primis ejus æqualis Venantii Fortunati duæ datæ ad eum diversis temporibus Epistole, quas hic tibi describere haud putavimus supervacuum : solent enim legentibus esse jucunda quamvis etiam cor rosa carie, quæ e suo penu fragmenta pauper et pannosa, sed fidelis antiquitas prodit. Est autem ejusmodi prioris inscriptio :

42. « Domino sancto et meritis Apostolico domino et dulci patri Euphronio papæ, Fortunatus. Ante paucorum dierum volubilitatem transversam, deferente litterarum portatore, venerabilis oris vestri colloquium a me cælesti pro munere significo fuisse perceptum : quod ea aviditate, teste rerum creatore, complexus sum, qua et vestrum piissimum animum circa meam humilitatem jugiter approbavi profusum, et me supplicem multis copiosum (repletum) beneficiis agnosco devotum. Qui quamvis in altera commoreret civitate, novit Deus, quia a vobis absens sum tantummodo loco, non animo, et quocumque fuero, intra me vos clausos habeo. Vere dico : non est illud cor carneum, ubi vestræ animæ non recipitur miranda dulcedo, sed marmore durans, si tantæ charitatis non amplectitur blandimentum : nam quis de te tam congrua predicit, quam mens vere sancta depositit? Aut quis suo sic satisfaciat animo, ut vestrum sicut debet digne prodat affectum ? qui interea sic humiliabitur eretus in cælis, ut inclinando ad infima, te sublevari faciat ad excelsa : ut jam cognoscas, qui Christi humilitatem libenter amplectaris, de ejus regni munere quid habebis.

43. « Quoniam (sicut ipsius mandata sunt) qui se parvulum inter homines vult videri, magnificum se elatumque respiciet in supernis. Unusquisque qualiter desiderat, exponat. Ego vero gratulor, in corde domini Euphronii, dilectionem domini mei sedisse Martini. Quapropter multiplici me prece Apostolati et sanctæ charitati vestræ commendans, rogo per ipsum dominum Martinum, cuius fruoris participatio consortio, ut apud eum memorari præcipias me famulum et devotum ; quatenus quid apud eum meritis prævalens, in meæ humilitatis protectione jugiter ostendas. Ora pro me, domine sancte et Apostolice, peculiaris domine et Pater ». Ita se habet prior quæ reperitur Epistola, facta collatione duorum exemplarum. Posterior autem est huiusmodi, ut expressas in ea videoas præcipias illas virtutes non in episcopo tantum, sed in quolibet Christiano homine commendatas, charitatem videlicet cum humilitate atque mansuetudine :

44. « Domino sancto, mihi in Domino peculiari patrono Euphronio papæ, Fortunatus.

« Copiosam et superabundantem pectoris vestri dulcedinem, quam circa devotionem personæ meæ vestram beatitudinem, Pater amantissime, fateor impendisse : quis illam (ut dignum est) vel corde possit concipere, vel sermone valeat explicare? Quæ tanto me sibi vinculo admirandæ chari-

tatis adstrinxit, ut ne unius horæ spatio ab illo mihi videar separari conspectu, quem etsi præsentem non video, attamen intra pectoris habitaculum retineo conditum et reclusum. Quis enim tuæ charitati peculiaris non redditur, in qua tantæ bonitatis beneficia continentur? aut quem ad tuam dulcedinem non inducas invitum, cuius probavimus animum inellabili charitate profusum? Quia autem illud admiratione complectar, cum te sic video cunclos diligere, ac si unumquemque visus sis proprio latere generasse? Quis vero filiorum superbis esse desideret, ubi te patrem et doctorem tantæ humilitatis agnoscit? Aut quis summo nobilitatis descendens de cœli, cum te hic respicit supplicem, non se tuis vestigiis in terra provolutum ostendet (ostendit)? Vere dieo. Si tumidum superbia dejicit; multum est laudabilis humilitas, quæ vos erigit (erexit). Quis denique illic posset esse iracundus aut turbidus, ubi sacerdos et Pontifex tam placidus es inventus (invenitur)? Scit enim totus sine rapacitate grex vivere, ubi vivendi tranquillitas diseilur a pastore.

45. « Quid de rebus reliquis referam, in quibus sic impendis singulis, ut lauderis a cunctis? Quæ tamen etsi imitari non possumus, vel vidiisse quod imitari deceat, congaudemus. Quapropter dominationi et sanctitati vestrae peculiariter me commendans, rogo et obtestor, sic ille dominus meus Martinus sua intercessione obtineat, ut cum ipso juxta merita vestra in luce perpetua vos collocet divina misericordia, ut pro me humili filio et servo vestro ad ejus beatum sepulcrum orare dignetur, ut pro peccatorum meorum remissione pins intercessor accedat. Eos vero qui vestri sunt, omnes dominos et dulces (duces) reverenter saluto. Dominum meum filium vestrum Eventum pro me multipliciter supplico salutari. Domino meo Felicem episcopo, si per vos venit, me benigno animo commendari deponso. Ora pro me ». Hactenus Fortunatus ad S. Euphronium.

46. Quem Felicem hic nominal Fortunatus episcopum, fuisse Nannensis Ecclesiæ præsulē ex sequenti ad ipsum data Epistola possumus intelligere, de quo pauca paulo post dicturi sumus : nunc autem ejusdem Fortunati de laude Euphronii carmina, aliqua ex parte superius recitata, velut Epitaphium hic ad sepulcrum ejus appositum, integra audiamus¹:

Quamvis pigra mibi jaceat sine fonte lingua,
Nec valeam dignis reddere digna virtus :
Atamen, alme Pater, Christi venerande sacerdos
Euphroni, cupio solvere parva tibi.
Debeo multa quidem, sed suscipe pauca libenter.
Sit venale precor, quod tuus èdit amor.
Ecclesie lampas sub te radiante coruscat,
Lumen pontificis fulget ubique tides.
Grata præcelens sincero in pectore vermat,
Quo nullus dolus est, Israëlita vir es.
Immaculata tibi feliciter actio currit;
Ut penetres celos, hac via pautit iter.

¹ Fortun. carm. I. iii.

Dulcia colloqui sine fuco dicta refundis.
 Non sic mella mihi, quam tua verba placent.
 Quicquid habet sensus, hoc lingua serena relaxat :
 Pectore sub vestro frans loca nulla tenet.
 Qui sine felle manens in simplicitate columbae,
 Nec serpens in te dira veneua sovet.
 Advena si veniat, patram tu reddis amatan,
 Et per te proprias hic habet hospes (exul) opes
 Si quis iniqua gemit, tristis hunc nemo recedit,
 Sed lacrymas removens letificare facis.
 Martinus ueritis hae vos in sede locavit :
 Dignus eras heres, qui sua jussa colis.
 Ille tenet calum, largo dans omnia voto.
 Christo junctus eris hunc imitando virum.
 Non perit hic vestrum qui grex ad ovile recurrit,
 Candida nec spinis vellera perdit ovis.
 Non lupus ore rapit prædam, pastore vigente,
 Sed fugit exclusus non lacerando greges.
 Hac tibi lux maneat longos, venerande, per annos,
 Atque futura dies lucidiora ferat.

Hæc de S. Euphronio Fortunatus.

17. De Felice episcopo Nanmetensi. — Quod vero ad Felicem perflinet, de quo in dicta Epistola ad S. Euphronium Fortunatus agit : meminisse debes de ejusdem genere ex consularibus viris deducto nos egisse superiori tomo, anno videlicet Domini quingentesimo undecimo, ibique Felicis consulatus occasione de hujus nobili familia, ex qua oriundus era, recitasse carmina Venantii Fortunati, qui hunc ipsum Felicem antiquæ nobilitatis Romanæ decus et ornamentum, clarum doctrina, pontificia dignitate decorum, auctum summis cum sæculari potentia atque divitiis animi dolibus, neunte virtutibus omnibus plurimum celebrat, scriptis de eo Epigrammatibus et elegiis¹ : ex quibus, ne jejunus penitus abeas, vel hoc unum accipe :

Fida salus patriæ, Felix, spe, nomine, corde,
 Ordo sacerdotum, quo radiante, micat.
 Restituti terris quod publica jura petebant,
 Temporibus nostris gaudia prisca ferens :
 Vox procerum, lumen generis, defensio plebis,
 Naufragium probibes hic, ubi portus ades.
 Auctor Apostolicus, qui jura Britanica vincens,
 Totus in adversis spe Crucis arma fugas.
 Vive decus patriæ, fidei lux, auctor honoris,
 Splendor pontificum, noster et orbis amor.

18. Celebravit idem Fortunatus carmine saera encænia, cum erecta in honorem sanctorum Apostolorum Petri et Pauli ab eodem Felice Basilica, vocatis episcopis, et inter alios S. Euphronio Turonensi, de cuius obitu ac sanctitate agimus, ab eisdem est dedicata. collocatis in ea eorumdem principum Apostolorum sacris pignoribus ab Urbe acceptis : in quorum laudem hæc idem egregie Fortunatus, cuiuslibet ipsorum distinguens peculiare munus et gradum.

* Siderei montes, speciosa cacumina Sion,
 A Libano gemini flore comante cedri,
 Calorum porta, lati duo lumina mundi,
 Ore totum Paulus, fulgurat areæ Petrus.
 Inter Apostolicas radianti luce coronas
 Doctor hic monitu, celsior ille gradu.

¹ Fortun. arm. l. iii.

Iluac per corda hominum reserantur, et astra per illum :
 Quos docet iste styllo, suscipit ille polo.
 Pandit iter cali hic cum domine, clavibus alter :
 Est via cui Paulus, janua fidei (sede) Petrus.
 Hic Petra firma manens, ille architectus habetur :
 Surgit in his templum, quo placet ars Deo.
 Uno fonte pares medicata fluenta rigantes,
 Restinguunt avidam dulce liquore situm.
 Fortia bella geret quisquis cupit astra tenere,
 Rex dedit hos proceres militis esse duces.
 Gallia, plande libens : mitit tibi Roma salutem,
 Fulgor Apostolicus visitat Allobrogos.
 A facie hostili duo propugnacula presunt :
 Quos fidei turres Urbs caput orbis habet.

*
 Cum autem in honorem Apostolorum omnium atque martyrum erigerentur a majoribus nostris ubique Memoriæ, quas sive Ecclesiæ, sive tempora atque Basilicas nominamus; nomine lamen ipsorum principum Apostolorum Petri et Pauli ubique locorum Christiani orbis frequentiora atque celebriora excitari consuevit monumenta, præsertim in Galliis, que diversis in locis a nobis sunt superius dicta fidem faciunt. Quibus et addendum de Ecclesia a Trisarico in honorem eorumdem Apostolorum eo in loco aedicata : ubi sanctus Martinus se spolians vestivit egenteum : de qua extal etiam ejusdem Fortunati Epigramma, ex quo satis relulisse² :

Hec est aula Petri, celos qui clave catenat,
 Substitit et pelagi, quo gradiente, lacus.
 Sedibus his habitat Paulus, tuba Gentibus una :
 Et qui prædo prius, hic modo prece manet.

Jam de his satis.

19. Gregorius ordinatus episcopus Turonensis, quæ a S. Martino miracula ipse receperit. — Inter alias nobiles Galliarum Ecclesiæ illustrata est hoc sæculo sanctissimis viris Ecclesia Turonensis; acta nimirum egregiae sanctitatis episcopis felici propagatione sibi invicem succendentibus : prius aliqui enim, quos superius recensuimus, defuncto proxime dicto sancto Euphronio, S. Gregorium successisse in locum ejus diximus. Hujus quidem egregiam cum sanctitate nobilitatem generis Fortunatus³ versibus celebravit, quem matre natum maxime pia femina, nomine Armentaria, affirmat⁴ : patrum vero habuisse sanctum Gallum episcopum Arvernensem, ex ipsiusmet Gregorii testificatione⁵ dictum est. Post obitum igitur Euphronii, ubi vacasset sedes ejus (ut idem ipse ait⁶) diebus decem et novem, episcopus creatus est Turonensis. Cenit ejus ingressum Fortunatus his versibus⁷ :

Plaudite, felices populi, nova vota teneentes,
 Praesul's adventu redditæ vota Deo.
 Ille puer exortus celebet, hoc curva senectus,
 Hoc communè bonum predictæ omnis homo.
 Spes gregis ecce venit, plebis pater, urbis amator :
 Munere pastoris latifundent oves.
 Sollicitis oculis, quem prospera vota petebant,
 Venisse aspiciant, gaudia festa culant.

¹ Fortun. arm. l. ii. — ² Fortun. arm. l. iii. in præc. — ³ Fort. arm. l. v. in fin. — ⁴ Greg. Tur. hist. l. x. c. ult. — ⁵ Greg. Tur. de Glor. mart. l. ii. c. 23. — ⁶ Fortun. arm. l. v. in præc.

Jura sacerdotis merito reverenter adeptus
Nomine Gregorius pastor in urbe gregis, etc.

20. Quid aulem ei contigerit mense secundo a die ordinationis ipsius notatu dignissimum, hic descriptsse haud pœnitibit. Ait ergo ipse¹: «Anno centesimo septuagesimo secundo post transitum S. Martini antistitis, Sigeberto glorioissimo rege duodecimo anno regnante, post excessum sancti Euphronii episcopi, non meo merito, cum sim conscientia teterimus et peccatis obvolutus, sed tribuente fidei Deo, qui vocat ea quæ non sunt tanquam ea quæ sunt, onus episcopale indignus accepi. Meuse autem secundo ordinationis meæ, cum issem in urbem, incurri dysenteriam cum febre valida, et taliter augi cœpi, ut imminentे morte, vivere omnino desperarem». Et inferius, ubi ipsam descriptsit infirmitatem, mox subdit:

21. «Cumque sic ageretur mecum, ut non mansisset spes vitæ, sed cuneta deportarem in funere, nec valeret penitus medici antidotum, quem mors mancipaverat ad perdendum: ego ipse de me desperans vocavi Armentarium archiatrum, ei dico ei: Omne ingenium artificii tui impendisti, pigmentorum omnium vim probasti, sed nihil proficit. Perituro ex sæculo unum restat quod facias; magna tibi theriacam ostendam: pulverem de sacratissimi domini Martini sepulcro exhibe, et exinde inibi facito potionem; quod si hoc non valuerit, amissa sunt omnia evadendi præsidia. Tunc misso diacono ad antedictum beati præstulis tumulum, de sacrosancto pulvere exhibuit, dilutumque milii porrigunt ad bibendum. Quo hausto, mox omni dolore sedato, sanitatem recepi de tumulo: in quo tam præsens fuit beneficium, ut cum datum fuerit hora tertia, incolumis procederem ad convivium ipsa die hora sexta». Haec ipse de pulvere sacro; idemque inferius ex pulvere eodem alias curatos

tradit, sicut ex cereolis ad sepulcrum sancti incendi solitis. Audi vero quæ de velo, lignoque cancelli sepulcri ejusdem sancti se miracula sensisse testatur²:

22. «Nuperrimo autem tempore, inquit, ventris dolorem incurri: et licet non usquequa dabat solutionem, tamen doloris malum in illis intraneorum flexuosis recessibus bacchabatur. Adhibui, fateor, saepius balnea, atque res calidas super ipsas alvi torturas ligari faciebam: sed nihil mederi poterant infirmitati. Sexta enim dies illuxerat, quod magis ac magis dolor invalescebat: cum mihi venit in memorem, ante paucos annos (sicut in libro secundo hujus operis continetur scriptum) me ab hoc dolore sancti virtute fuisse sanatum. Accessi haud temerarius ad locum sepulcri, projectusque solo orationem fudi, atque secretius a pendentibus velis uno sub vestimento injecto filo, crueis ab hoc signaculum depinxi. Protinus dolore sedato, sanus abscessi». Addit his hæc de se itidem.

23. «Quodam vero tempore lingua mihi graviter obrignerat, ita ut plerumque dum loqui vellem, balbutire me faceret: quod non mihi sine improprio erat. Accessi autem ad tumulum sancti, ac per lignum cancelli linguam impeditam traxi. Protinus tumore composito, convalui. Intumuerat enim valde, et totum palati impleverat antrum. Deinde post diem tertium labium mihi exilire graviter cœpit. Accessi iterum querere sanitatem ad tumulum: tactusque a dependentibus velis, protinus stetit vena pulsus». Ilæc Gregorius quæ ipse expertus testatur. Quibus quis non magnopere Dei potentiam prædicet in sanctis suis, dum non ex anima tantum in calo heata, et ex corpore humi sepulto, sed et ex pulvere circa sepulera sanctorum consperso, exque velorum contactu, lignisque cancelli fideles hauriant sanitatem? At de his modo satis: jam ad res gestas anni sequentis migremus.

¹ Greg. Turon. de mirac. S. Martini l. II. c. 1.

² Greg. Turon. mirac. S. Martini l. IV. c. 1. 2.

Anno periodi Graeco-Romanæ 6067. — Anno Æra Hispan. 612. — Jesu Christi 574. — Benedicti I papæ 1.

— Justiniani jun. imp. 10. Tiberii Constantini Cæs. 1.

1. *Postconsulatus.* — Is annus hic formula notatus: ix post consulatum Justinij jun. Aug. so- lius vii, a Mario vero Aventicensi: Anno viii consul. Justin. jun. Aug. Indict. vii.

2. *Avarum de Romanis victoria.* — A num. 1 ad 6. Victoriam Avarum de Romanis recte hoc anno recitat Baronius ex Cedreno et Evagrio cap. 11. Sed haec verba, et *Artabanus Persa in Romanorum*

ditionem facta excursione, et cetera usque ad finem numeri 1, quæ Evagrio attribuit, Cedreni sunt, non vero Evagrii. Annum rei gestæ nos edocet Theophanes anno Incarnat. secundum Alexand. DLXVI, kalendis Septemb. superioris Christi anni inchoato, ubi ait: « Hoc anno in provincias Danubio conterminas grassati sunt Avaræ, quo cognito Tiberium exercitiorum comitem adversus eos misit imperator. Pugna cum Avaribus commissa, Tiberius ex improviso ab hostibus oppressus superatur, nullisque e suis desideratis revertitur ». Meminit hujus Avarorum de Romanis victorie Menander Protector pag. 113, qui pagina præcedenti narraverat legationem Bajani eorum Chagani, seu principis ad Justinum, a quo legalis petivit, ut annue collationes antea solvi soline, quotannis penderentur, et Sirmium sibi traduceretur, cum Gepidas, quibus illud dederant Romani viciissent. Fusis eamdem Avarorum legationem recitat Menander pag. 154, et utrobique ait, imperatorem legatum contempnsisse, et Tiberium adversus Abaros misisse.

3. *Persæ Daras capiunt, et Romani obsidionem Nisibis relinquunt.* — Gestæ Romanos inter et Persas hoc anno refert Evagrius lib. 5, cap. 10, qui ait, Adaarmatum Persarum duecum post expugnatam Apamæam venisse ad Chosroen, qui *Daras* oppidum fortissimum in Mesopotamia positum obsidebat. Ejus igitur copiis Chosroes *hyberno tempore urbem illam vi cepit*, postquam *quinq[ue] et amplius menses* eam obsedisset. Quod confirmat Theophylactus lib. 3, cap. 11, qui dicit, eam a Chosroë *mensibus sex* oppugnatam fuisse. Theophanes Byzantius in Excerptis de legat. eamdem expugnationem narrat, postquam Iocutus est de exauctoratione Marciani Romanorum ducis, et de obsidione Nisibis a Romanis relieta; quem ordinem etiam servat Evagrius, qui cap. 9, tam de Marciano, quam de Nisibi loquitur. Refert autem Evagrius *Justinum*, qui cum vili et abjecto exercitu tantam urbem obsidere jussærat, cum videret eam a *Marciano* cito non capi, ei injunxit, ut eam desereret, illumque dignitate exuisse. Quod et narrat Theophylactus loco laudato, additque, *Justinum* formidantem, ne alia insuper mala existerent, *præsentis anni inducias* cum Persis fecisse. Menander Protector pag. 156, istarum induciarum mentionem facit, aitque, *Sophiam Augustam*, dum *Justinus* mentis imbecillitate laboraret, Jacobum ex medicis imp. ad Chosroen misisse, et per annum ut ab armis cessaretur, statutum esse, numeratis *Chosroi* quadraginta quinque aureorum millibus. Vide pag. 118, ubi jam Menander fusius de ea legatione egerat. His imperii Romani calamitates Theophylactus *vitio mentis* *Justini*, Evagrius vero *voluptatibus*, quibus immersus erat, attribuit, et uterque asserit, cum nihil sani animi repintaret, rempublicam *Tiberio* regendam commisso, eumque *Casarem* creasse, suadente *Sophia Augusta*. Bielarius *Daras* expugnatam tradit anno VIII *Justini*, quia hujus imperium ab an. DLXVI orditur.

4. *Tiberius fit Cæsar.* — Haec dignitas in *Tiberium* collata est veluti index et cardo temporum usque ad imperium Phœcae, annumque Christi DCII, quod Baronius agnoscit, qui anno DLXXXVIII, num. 1, narrata haec *Tiberii* municipatione, dicit standum esse Evagrio rerum præsentium inspectori, et anno DCII, num. 22, loquens de imperii Mauritii annis, ait, eos certius detegi non posse quam ex Evagrius, omnia, inquit, ob oculos habente, et annos imperatoris Mauritii ad exactissimam temporis rationem revocante, quibus ideo reliqui omnes corrindi et emendandi. Haec autem Evagrii verba lib. 5, cap. 23: « Porro ut tempora accuratissime distinguantur, sciendum est *Justinum* juniorum solum quidem imperasse annis duodecim, et mensibus decem cum dimidio; cum Tiberio autem collega annis tribus, ac mensibus undecim. Finit itaque in universum anni imperii Justini sedecim cum mensibus novem ac dimidio. Tiberius vero imperavit solus annos quatuor, cum Justino autem tres et menses undecim ». Sunt haec Evagrii verba canonique firmissimus temporis constitutus. « Si anno DLXV, et diei xiv Novemb. addas annos XVII, minus mense uno cum dimidio, quibus imperavit *Justinus*, pervenies ad annum DLXXXII. His jungas quatuor, quibus solum regnasse Tiberium idem Evagrius tradit, pervenies ad an. DLXXXVI, quo tempore incipe numerare annos Mauritii, usque ad præsentem annum DCII, utique non amplius quam annos XVI et tres menses, quibus Mauritus imperavit, reperies ». Haec Baronius. Verum locus ille Evagrii, ut nunc lere inter eruditos conveuit, a librariis corruptus fuit, neque enim accuratissimus scriptor in rebus sua ætate litteris mandandis, in tamen graves errores laudatis verbis contentos labi potuit; quod et ex ipsomet Evagrio infra ostendemus.

5. *Chronologia Cœsarea in integrum restituitur.* — Intra Baronius, qui primo *Evagrium* seculus fuerat, Tiberiique cooptationem, an. DLXXXVIII colloccarat, re postea accuratius perspecta in Appendix tomi XI, ad an. Christi DLXXXVI scripsit, Evagrium errasse in recensendis annis imperii *Justini*, *Tiberii*, et *Mauritii*. Interim Annales Ecclesiastici ab hoc anno ad an. DCII valde perturbati, quos, ut in integrum restitueret Spomedus, cooptationem Tiberii cum an. DLXXV, *Justini* mortem cum an. DLXXXIX, et *Mauritii* initium cum anno DLXXXIII copulavit. Sed hoc pacto errorem quidem immuniuit, sed non sustulit; et in ejus Epitome, sicuti et in Annalibus, a currenti Christi anno ad DCII, quo *Phocas* imperare coepit, chronologia valde depravata.

6. *Tiberii municipatio ab hoc anno non potest removeri.* — Repertum est olim in Vaticano Cœmterio marmor, in quo legitur Epitaphium eujusdam pueri, translatum postea in atrium Ecclesie sancti Angeli, ubi ad levam majoris Aræ parieti affixum fuit, ex quo cum aliis antiquitatis monumentis collato constat, non tantum *Tiberium* hoc anno; sed etiam post diem xxv mensis Octobris participem imperii facit. Habetur illud apud Paulum Arin-

ghum lib. 2, Romæ Subterraneæ cap. 10, et apud Reinesium in Syntag. Inscriptionum pag. 912, ex

quo haec excerpti, omissis ad chronologiam non necessariis.

DEP. EST BOETIUS. CL. P. OCT. KAL. NOBR. INDICT. XI IMP.
DOM N. IUSTINO. PP. AVG. ANN. XII. ET TIBERIO CONST. CAES.
ANN. III. DEP. EST IN PAG. ARGENTEA. MAT. SS. XIII. KAL.
DECembr. QUI SS BOETIUS VIXIT ANN. XI. M. VIII. D. XXIII. ET
MAT. EJUS VIXIT ANN. XXXVI. M. II. D. XII (1).

7. Neque a mense Decembri hujus anni. — Ex egregio hoc Epitaphio apparet primum, errasse viros doctissimos, qui *Justiniani* mortem et *Justini* junioris initium cum an. DLXVI alligarunt; nisi enim anno antecedente regnare cœpisset, annus *Justini* duodecimus neque cum Indictione undecima, neque cum anno Christi DLXXVII, qui ea a Septembri notatur, concurreret; sed cum Indictione duodecima, annoque DLXXVIII, cum dies ejus natalis in XIV Novembribus inciderit. Apparet secundo, *Tiberium* currenti anno Cæsarem appellatum post diem vicesimum quintum Octobris, seu octavum kalendas Novembribus in Epitaphio memoratum; alioquin anno Christi DLXXVII, eo die, annoque XII *Justini*, is jam inchoasset annum quartum imperii; ideoque auctorem Chronicæ Alexandrini recte quidem annum inaugurationis *Tiberii* expressisse; sed in mense errasse; ait enim: « Hoc octavo imperii sui anno, Septembri mense, die septimo, octava Indictione, morbo correptus *Justinus Augustus Tiberium Cæsarem* creavit, nominavitque illum Constantium, et vixit cum illo annos quatuor ». Currentem aulem Christi annum octavum imperii *Justini* auctor iste vocat, quia ejus imperium ab anno DLXVI male exorditur. Non solum enim *Tiberius* die VII Septemb. et die XXV Octobris hujus anni nondum Cæsar erat; sed nee die decima tercia mensis Decembribus eo honore adhuc affectus fuerat, ut ex clausula subjecta Collectaneo ab Eugipio composito anno DLXXXI, num. I referenda certo constabit. Quare unus Theophylactus Simocalla lib. 3, cap. 11, mensem et feriam rei actæ nos edocuit; postquam enim sermonem, quem *Justinus* ad *Tiberium* habuit, quo tempore Cæsar salutabatur, retulit, ait: « Atque hæc mense Decembri, sexta die hebdomadis, Indictione nona prolocutus est ». Loco laueni, *Indictione nona*, reponendum, *Indictione octaua*, que kalendis Septemb. hujus anni auspicatur. Porro post diem decimum tertium mensis Decembribus feria sexta non incidit, nisi in diem XIV, XXI et XXVIII ejusdem mensis; ideoque unus ex tribus illis diebus *Tiberii Constantini* natilius fuit.

8. Tiberius post mensem Novembribus Cæsar appellatus. — Quod si quis dicat, ex Indictione IX a Theophylacto notata sequi *Tiberium* anno duntaxat sequenti imperii participem factum, et laudatum Epitaphium non videri contrarium, si tertius *Tiberii* annus non desinens, ut a nobis explicatum, sed iniens intelligatur, erroris convincetur ex Dandolo in Historia Veneta Ms., ubi refert, Synodus habitam a Schismaticis Tria Capitula prepugnantibus apud Gradum, die III Novembribus anni DLXXXIX, quam refert Ughello tomo V Italiae Sacrae, cuius Synodi hoc initium est: « Imperante serenissimo *Tiberio Constantino Augusto*, anno imperii ejus quinto, eodem consule, sub die III nonarum Novembrium, Indictione XIII ». Si enim anno sequenti post diem XIII mensis Decembribus, imperium Cæsareum *Tiberius* suscepisset, die tertia mensis Novembribus anni DLXXXIX adhuc quartum imperii annum numerasset, nec quintum exorsus esset ante diem XIII mensis Decembribus illius anni. Emin. card. Norisius in Dissert. de Synodo V, cap. 9, paragr. 3, docebat de initio *Tiberii Cæsaris* disserit, et ex prefatis Synodi Gradensis verbis concludit, *Tiberium* anno currenti, mense Novembri Cæsarem appellatum fuisse; que et sententia Omuphriri in lib. 3 Fastorum fuit. Verum illam quoad mensem ipsius inaugurationis sententiam et laudata clausula libro Eugipii subjuncta, et citatus Theophylacti locus plane convellunt.

9. Nuncupatio Tiberii in annum sequentem differri non potest. — Spoudanus in Epitome Baronii ad annum DLXXV dicit, in annis *Tiberii* et *Mauritii* lapides variare, dum in Epitaphio Boetii mox recitat, tempus ejus depositionis notatur VIII kal. Novemb. Indict. xi. *Justini Aug. an. XII*, et *Tiberii Cæsaris* anno III, in Epitaphio vero cuiusdam tabernarii, quod Romæ extat, annus III imp. *Mauritii*, cuius æque initium pendet ab isto *Tiberii*, jungitur cum Indictione prima; cum tamen, inquit Spoudanus, pro correctione Baronii qui in Appendice laudata monuit, *Mauritii* initium ad annum DLXXXIII retrahendum esse, faciat etiam Historia Miscellæ, que *Tiberii* cooptationem ponit

(1) Hoc Boethii Epitaphium, quod summi esse momenti ad stabilendam imperii *Justini* chronologiam censet Pagius, nihil nobis officere, et cum ex studio *Justini* ab anno DLXVI cepero congruere posse, nullo negotio demonstra. Eleum *Justinus* imperium exorsus est die XIV Novembribus anni DLXVI, adeoque anno DLXXVII die illa Novembribus annum imperii XII incepit. Argentea vero mater Boethii, quorun utriusque in hoc lapide mentio fit, decebat XII kal. Decembribus ejusdem anni DLXXVII, qua die *Justini* annus duodecimus jam fluebat. Totâ igitur Pagâ hallucinatio ex eo provenit, quod notas illas temporarias Indictiones annorumque *Justini* et *Tiberii* a filium retulerit, cum ad matrem, interpunctione multata, referenda sint, adeo ut mater, non filius anno *Justini* XII et *Tiberii* III decesserit. Ita sua fides constat vetusto illi Baluziano monumento a nobis supra ad A. 565, 2 producto, et veterum coevorum Scriptorum auctoritas in tuto est.

anno x imperii Justini, in ante ejusdem Justini obitum. Ita Spondanus. At Epitaphium illius tabernarii manifeste mendosum est; cum in nulla opinione annus iii Mauricii cum iudictione prima connecti possit, ut numeranti palet. Quod anctorem Miscellae, recte is seribit, *Tiberium anno Justini x nuncipatum esse Cæsarem*, quod et Cedrenus ac Theophanes etiam habent, qui annum primum Justini ab anno **DLXV** deducunt, heet de more uterque a kalendis Septembribus quæ mortem imperatorum sequuntur, successorum gesta narrare incipiunt: quia scilicet *Justinianus* non longe post kalendas Septembres, die scilicet **xiv Novembres** vita functus est, ideoque res duorum fere annorum, sub uno codemque narranda fuissent, si primum *Justini* a kal. Septemb. an. **DLXVI** auspicati fuissent. Quare quia *Justinus junior* anno **DLXXVII**, mense Octobri obiit, Theophanes ac Cedrenus initium Tiberii ab eodem Christi anno auspicantur, non vero a kalendis Septemb. anni Christi insequentis. Sic etiam quia *Mauritius* mense Novembri anni **DCII** perire, ab eodem Christi anno a scriptoribus Byzantinis *Phocæ* successoris initium præter momen inchoatur. Certum itaque maneat, *Tiberium* post diem **xiii** mensis Decembris hujus Christi anni Cæsarea dignitate exornatum fuisse.

10. Samaritæ tumultuantur. — A num. 3 ad **10. Samaritæ**, qui Justino imperante in Syria tumultuati fuerant, Justino juniore imperium administrante rursus turbas excitarunt, et in *sanctum templum*, quod Justinus extrui jusseral, gravissima scelera designarunt, ut legitur in Epistola ad Justinum imp. a sancto Symone Stylita juniore tunc data, cuius hic est titulus in secunda Synodo Nicæna Act. 1, ubi integra recitat: «Beati Simeonis Stylite, qui in admirando monte vixit, Epistola ad *Justinum juniorem imperatorem*». *Justinus* ea Epistola accepta Constitutionem adversus eos emisit, quæ alia non est quam Novella **cxlii**, *Justiniano* imperatori ab ejus Novellarum collectore perperam attributa. In ea Justinus abrogat, quæ Samaritanis a *Justiniano* Novella **cxxix**, anno **DML** data, concessa fuerant: «Unde, inquit, et sacra illa forma per indulgentiam ipsis a patre nostro concessa, quæ legis vicem obtinens, largitur ipsis, ut haereditatem pariter adire et transnuttare, item legatis honorari et legata relinquere possint, imposterum vacabit, neque prorsus ullam firmitatem habebit». In Praefatione ejusdem Constitutionis dicit *Justinus*: «Sæpenumero tam pientissimus princeps pater noster, quam etiam nos ipsi studio habuimus, ut Samaritanorum heresim ad meliorem frugem perduceremus». Nou itaque hæc Constitutione a *Justiniano* data, sicuti Novella **cxxix** que in ea abrogatur, sed a *Justino*, qui ab eo adoptatus fuerat, quem ideo *Justinus* patrem appellat. Hoc recte videt Baronius, et ante eum alii; sed nullus hactenus annum quo ea promulgata, detegere potuit.

11. Adversus eos ad imperatorem scribit S. Symeon Stylita junior. — Allatius in Dialtriba de

Symeonibus, inter sancti Symeonis Stylite junioris scripta Epistolam ejus ad *Justinum juniorem* recentet, et genuinum hujus sancti fortun non esse existimat; quod Symeon in erectoris oves divinas mucuparrit; quod cuandem uti misericordia prohibuerit; quod qui debuerat iram regis refranare, illum magis magisque succenderit; quod ejus exemplo usus non sit, qui neminem vult perire; quod denique eidem imperatori Deum corregnare dixerit. Sed ea argumenta ita ineficacia sunt, ut ea refutare opis non sit, sicut inquit Janninghus in Commentario prævio ad Vitam sancti Symeonis Stylite ad diem **xxiv** mensis Maii apud Bollandum. Subiungit, animum ejus eo non parum inclinare, ut putet ad *Justinianum* potius Justini junioris decessorem eam Epistolam dataam esse; tum quod sub *Justiniano Samaritarum* audacia plus solito invaluerit, vix cognita sub *Justino* aliunde, quam ex hac, de qua ambigit, *Symeonis* Epistola; tum quod Epistola Caroli Magni ex Capitulari de non adorandis imaginibus lib. 4, cap. 5, ab Allatio producta, et alia Hadriani I papæ ad eundem Carolum pro Nicaena Synodo II dictæ Synodo subiuncta, exprimant nomen *Justiniani*, non *Justini*; tum denique etiam vel maxime quod statim in principio Epistole dicantur Samaritæ in *sanctum templum*, quod imperator struendum curaverat, per summum scelus seviisse; cum tamen Justini pauula quedam monumenta ab auctoribus memorentur, *Justiniani* vero innumera.

12. Leges quædam Justiniano attributæ *Justino jun.* restituendæ. — Verum apud me certum, virum doctum hallucinari, ipsosque etiam homines eruditos quatuor has litteras *Just.* quæ variis Constitutionibus in Antiquis MSS. et in diuibus Imitatis Epistolis præfixæ erant, perperam sœpe interpretatos esse de *Justiniano*; cum aut *Just.* seniori, aut *Just.* juniori adscribendæ fuissent. Alemannus in Nolis ad Hist. Arcanam Procopii cap. 9, varias leges *Justiniano* attributas, *Justino* seniori, restituit, nullique dubium esse debet, quin Novella **cxlii** sit *Justini* junioris, ut verba, quæ ex ea recitavimus, manifestissimum faciunt. Denique *Justinum juniorem* varia templo, aliaque publica aedificia construxisse testantur Zonaras, Theophanes, aliique Historici Byzantini; et Samaritas. Gregorio magno Romanam Ecclesiam regente, adhuc extitisse videre est in Annalibus Baronii. Imo auctor Chronicæ Alexandrini, qui opus suum usque ad annum Christi **DCXXX** perduxit, loquitur de *Samaritis*, qui suo tempore provinciarum procuratores pecunia corrumpebant, ut et secte Samariticae faverent, sicuti videre est anno **BXXX**, num. 12 et seqq.

13. S. Symeonis Stylite jun. virtutes. — Natus erat *Simeon Stylita junior* Antiochiae matre nomine *Martha*, cuius egregias virtutes, visiones, ac miracula scripsit græca lingua auctor monachus coævus in ejus Vita, quam Janninghus in linguam latinam vertit, et ad diem **xxiv** mensis Maii, quo ejus filius colitur, representat. Quando sanctus iste ad postremam, eamque maximam columnam por-

tabatur, antecedebat eum *Sancta Martha* mater ejus, plaudens atque exultans, quod talem uteri sui fructum obtulisset; præferebat autem Crueenim manu, altioribus cogitatis cum animi gudio singulari intenta, inquit *Nicephorus Magister* num. 117, qui Vitam sancti Symeonis Stylite junieris non multo post ejus mortem grecè conscripsit, et idem Janninghus latinam fecit. Erat autem *Nicephorus* magister eloquentiae in urbe Antiocheno. Allatius in lib. *de Symeonibus*, hujus sancti opera recenset, quorum pleraque temporum injuria perire. Agit de eo Evagrius lib. 3, capp. 23 et 24, isque saepto *Symeone* familiariter usus est, et eum eo commercium litterarum habuit, ut ibidem testatur. Vidit Baronius que de eo habet Evagrius; sed laudatam Vitam videre non potuit, ideoque de anno ejus emortuali locutus non est; Evagrius enim tantum habet. *Symeonem* non multo ante *Gregorium Antiochenum*, anno DCCXIII demortuum, ad Deum inigrasse.

14. *Quo anno mortuus sit.* — In Vita ejus ab eodem Nicophoro Magistro edita, mortis quidem ejus dies, nempe *quarta et vicesima mensis Artemisiæ*, qui diei xxiv Maii nostri respondet, notatur, sed annus, quo obiit, tacetur. Verum cum eum nos Evagrius docuerit; nunc ex eodem Nicophoro illum ernere facile est, dummodo locus, in quo is de Symonis aetate, ac de ejus commemoratione in secunda columna loquitur, qui absque dubio mendorosus est, emendetur juxta ea, quæ scribit Evagrius, qui hac in re vix falli potuit. Nicophorus num. 248, Symonis mortem narratus ait: «*Ην μὲν γὰρ κατώ τῆς θύειν τόπος ἡδὺ πέμπτοι ἐπὶ τοῖς ἑδηρυκαντα, τῆς δὲ επὶ τοῦ μεγίστου καὶ τελευτικοῦ στήθου σάσσως πέμπτοι ἐπὶ τοῖς τεσσεράκοντα, id est: « Agebant igitur sanctus Symeon jam quintum supra septuagesimum aetatis suæ annum; quintum vero supra quadragesimum, ex quo in maxima atque postrema columna stelerat », ubi loco πέμπτοι, id est, *quintum*, utrobius reponendum, τρίτον, id est *tertium*: Nam ipsem Nicophorus magister, num. 10 scribit: « Accidit, Symone nostro jam quinqueni facto, magnam Antiochiam magno terræ motu sic labefactari, ut non modo dominus, ubi parentes illius morabantur, eodem rueret; verum ipse quoque pater ruinis interceptus vitam luctuoso exitu concluderet ». Loquitur de terræ motu, quo an. Christi DCCXVI, mense Maio omnes aedes et Ecclesiæ Antiochiae eversæ sunt, ut suo loco ex Theophane explicavimus. Si itaque annus quintus Symonis æræ vulgaris nostra quingentesimus vicesimus sextus est, ejus nativitas in annum Christi DCCXI incidit, ut ex eo terra motu recte colligit Janninghus; qui tamen cum ex eodem deduci putat ejus mortem cadere in annum DCCVI, cum Symon annum aetatis LXXV ageret, procul dubio decipitur; siquidem ex Evagrio constat, eum ultra annum DCCXIII vitam non produxisse; cum eo anno, mortuo jam Symone, Historiam suam clauserit Evagrius, ut suo loco demonstrabo. Quare si die vicesima quarta mensis Maii anni quingen-*

tesimi nonagesimi tertii diem obiit, et quinquennis fuit, cum Antiochia prefato terræ motu concussa est, amplius quam annos LXXXIII vivere non potuit, nee in magna columna plusquam an. XLIII conmoriari.

15. S. *Symeon Stylita junior anno DCCXIII demortuus.* — Etenim *Nicephorus Magister* num. 42, asserit, *Symeonem* in basi seu columna humiliori sex annos sub disciplina *Joannis* viri sanctissimi stetisse, et num. 43 eum deductum fuisse in columnam pedum XI ab episcopis, ibique annos octo perdurasse. Tum num. 117 refert virum sanctum in novam ac majorem columnam delatum, « anno quidem a quo in lapide stelerat decimo; aetatis vero trigesimo ». Nam anno aetatis vicesimo « petram super quam stetisse Domini pedes conspicerat, gaudens quam poterat alacerrime, descendit », ut ait *Nicephorus* num. 71 et seqq. Si igitur sanctus *Symeon* anno Christi DCCXIII, columnam pedum quadraginta descendit, in eaque annos octo vixit, et annos decem super petram fuit usque ad annum DCCXII, quomodo in maxima columna annos quadraginta quinque penitentiam agere potuit; cum ultra annum Christi DCCXIII vitam non propagari? Laudatus itaque locus depravatus, nostramque emendationem certam reddit Evagrius, quando de *Joanne Symonis* magistro, qui in columna vitam agebat, scribit: « Conjecturam capiens, qualis quantusque Symeon in virtutis studio futurus esset, in columna cum admisit. Quia in columna, et in altera quæ est in summo montis vertice, octo et sexaginta exegit annos, omni gratia genere donatus ». Qui anni LXVIII numerati ab anno Christi DCCXVI, quo *Symeon* quinquennis erat, et ad Joannem se contulit, basinque ex adverso ejus ascendit, anno DCCXIII desinunt; ideoque posita nostra emendatione *Evagriu*m inter et *Nicephoru*m magistrum egregie convenit; ea vero sublata inter se contrarii sunt, et *Symeon* cum Antiochia terræ motu subversa, quinquennis esse non potuit. Baronius in Notis ad diem V mensis Januarii quo sanctus *Symeon Stylita senior* celebratur, perperam scribit, Symonis senioris Stylite natalem agi a Græcis die xxiv Maii, deceptus Menologio cardinalis Sirleti, ut ad diem V Januarii observat Bollandus; ille enim dies *Symeoni Styliti juniori* apud eos sacer.

16. S. *Gregorius anno DLXXII creatus episcopus Turonensis.* — Ad num. 10 et seqq. Sigebertus in Chronico ad annum DLXXII scribit: « Gregorius Turonensis ordinatur episcopus: clarus habetur in omnibus ». Et ipsem sanctus Gregorius de miraculis sancti Martini lib. 2, cap. 1 testatur, se ordinatum anno CLXXII a transitu sancti Martini. Haec sancti Gregorii verba: « Anno centesimo septuagesimo secundo post transitum sancti Martini antisititis, Sigeberto glorioissimo rege duodecimo anno regnante, post excessum sancti Euphronii episcopi, etc., onus episcopale indignus accepi », ut videre est apud Baronium num. 20. Verum in alterutrum numerum error irrepit. Sigibertus enim

rex post diem x mensis Novembris anni Christi DLXI, primum regni annum exorsus est, secundum vero post diem x Novembris anni DLXII, indeque Turonensis lib. 1 de miraculis sancti Martini cap. 32, annum CLXXII post transitum sancti Martini cum anno secundo Sigiberti regis recte copulat, quia anni a transitu sancti Martini deducti, a die xi mensis Novembris anni Christi quadringentesimi profieiscuntur; ex quo necessario sequitur, annos a morte sancti Martini, *Sigiberti* regis annos unitate superare. Quare annus CLXXII a transitu sancti Martini, non cum anno Sigiberti regis XII, sed cum anno ejusdem regis XI convenit, locusque sancti Gregorii laudatus madosus est, et uti existimo, in anno Sigiberti regis, ut ex dicendis in morte sancti Gregorii Turonensis apparebit. Error tamen ille antiquus; cum clerici Turonenses in Vita sancti Martini, quae extat apud Surium ad diem XI Novembris scribant, *Gregorium* ordinatum esse anno CLXXII a transitu sancti Martini, annoque XII Sigiberti regis. Quod nos movere non debet; cum Vita illa longe post Gregorii Turonensis obitum litteris mandata fuerit, ut ex aliis erroribus Chronologicis in ea contentis colligitur. Ordinatio itaque sancti hujus antistitis, a Sieberto in Chronico accurale consignata; quam quidem anno DLXXII, ante diem XI mensis Novembris natali sancti Martini sacram configisse, annus CLXXII ab hujus transitu demonstrat.

17. *Initium et finis episcopatus Euphronii decessoris S. Gregorii Turonensis.* — *S. Euphronius* Gregorii decessor, episcopus Turonensis anno quingentesimo quinquagesimo sexto renuntiatus fuerat, quod certo deducitur ex Gregorio lib. 1 de Mirac. S. Martini cap. 32, ubi annum *Euphronii* septimum cum anno Sigiberti regis secundo copulat; ad eam dignitatem evectus Clotarii regis jussu, ut prodit Turonensis lib. 4, cap. 43. Magna illi fuit cum *Fortunato* amicitiae necessitudo, quem non tantum ut amicum, sed etiam ut patronum coluit. Meminit ejus Fortunatus cum laude lib. 3, Carm. 4, ad Felicem episcopum Nannetensem, cum agit de Dedicatione Ecclesiæ suæ. Gregorius Turonensis lib. 10 Hist. cap. ult. scribit, cum sedisse annos septemdecim, et cessasse episcopatum, dies xix, post quos ipsem et ejusdem Turonensis Ecclesiæ antistes renuntiatus, dum esset in aula *Sigiberti* regis, ut habent clerici Turonenses in ejus Vita. *Euphronii* dies emortalis incertus. Colitur in Tabulis Ecclesiasticis *die quarta mensis Augusti*. Baronius, qui Sigiberti regis initium cum an. DLXIV, transitum vero sancti Martini cum anno CXXII alligavit, juxta ea principia *Euphronii* ordinationem anno DLIX, num. 18, ejus mortem, et *Gregorii* subrogationem cum praesenti male coniunctit; recte tamen observavit, annum regis Sigiberti XII, cum anno a transitu sancti Martini CLXXII alligari non posse, at non annus IX Sigiberti regis, ut ipse putat, sed annus XI Sigiberti regis, loco anni XII omnino

reponendus. Praeterea sicuti videre est numero 10, ut ostendat, *Gregorium* hoc anno pontificatum Turonensem suscepisse, innititur loco ejusdem Gregorii in fine ejus Historie descripto, ubi ipse met annum XXI ordinationis sue cum anno quinto Gregorii magni conjungit; ab anno enim XCIV, qui quintus est Gregorii pape, ad presentem, an. XXI intercurrunt. Verum, ut in morte sancti Gregorii Turonensis ostendam, textus ille madosus, et loco anni V Gregorii pape, legendum, anno II, qui librorum error saepe in libris occurrit, numero 2 in numerum 5 facile transeunte.

18. *Floret S. Felix episc. Namnet.* — Loquitur *Fortunatus* in Epistola ad Euphronium scripta, de *Felice episcopo*, quem Baronius, qui eam integrum recitat num. 12 et seqq. recte existimat, esse sanctum *Felicem*, Nannetensem episcopum ab eodem Fortunato carminibus celebratum. Erat *Felix* Aquitanus genere, nobilissimis parentibus natus, ut docet *Fortunatus* lib. 3, ubi illius genus et eruditioem commendat. Intervit Concilio Parisiensi III, anno DLVII celebrato, qui ideo paulo ante Nannetensis episcopus nuncupatus fuerat. Vivebat adhuc anno DLXXXIX, quo Gregorius Turonensis lib. 3, cap. 30 et 32 serabit, Britannos anno quarto *Childeberti regis* circa urbem Nanneticam atque Redonicam, immensam abstulisse prædam, ac captivos abduxisse, et *Felicem* ad eos legationem misisse; ubi loquitur Gregorius de Britannis Arnonensis. Annus autem IV Childeberti regis in annum DLXXXIX incidit. Colitur *Felix* a Nannetensibus, die VII mensis Iulii.

19. *Moritur S. Maglorius episc. Dolensis.* — *Sanctus Maglorius* secundus Dolensis in Armorica episcopus a majori Britannia, in qua natus erat, transivit in Armoricam cum *sанто Samsonе* ejus consanguineo, qui postea primus ejusdem urbis episcopus constitutus est, et moriens eum successorem sibi designavit. Post annos aliquot sanctum *Budocum* in locum suum Dolensis Ecclesiæ episcopum *Maglorius* consecravit, et in solitudinem secessit. Sed cum comitem quemdam ab annis septem lepra infectum sanasset, ab eo locum accepit, in quo condidit Ecclesiam, et collegium sexaginta duorum monachorum aggregavit. Tandem inter sanctæ exhortationis verba, quibus monachos suos alloquebatur, « felici transmigratione nono kalendas Novembris pervenit ad Christum », inquit auctor anonymous ejus Vitæ apud Mabillonum seculo I Benedictino. Grassante Normanorum furore *Parisios* corpus ejus delatum, ubi nunc in Ecclesia sancti *Maglorii* dicta, et ab aliquot annis Patribus Oratorii concessa asservatur. Cointius anno DLXXIV, num. 19 et seqq. ex aliquibus conjecturis concludit, ejus obitum hoc anno configisse. Baronius in Notis ad diem xxv Octobris Martyrologii Rom. dicit eum elaruuisse anno DCXX, sed ad eum annum pervenisse non arbitror.

BENEDICTI ANNUS 3. — CHRISTI 575.

1. *Longobardorum in Gallias irruptiones quos S. Hospitii virtutes et miracula detinunt.* — Quintagesimus et septuagesimus quintus Christi volvitur annus, Indictionis octavæ : quo non Italis tantum Longobardorum incurso (ut dictum est) sed Gallis etiam molesta fuit, aliquot ducibus ad eos infestandos immissis : licet enim antea eos frustra tentassent, atque cum ignominia repulsi fuissent ; visi jam sibi Italæ dominatione redditi fortiores, ne a Francis victi fuisse aliquando dicerentur, certamen instaurantes, aditum sibi per Alpes Cotias parant¹, Nicæamque devastant et alias obvias civitates. Sed quomodo populi peccatis id factum sit, audiamus Gregorium Turonensem, ex quo Paulus diaconus quæ narrat accepit : nam licet stylus ruidior, veritas tamen ipsa securior atque purior hauritur e fonte. Cum enim S. Hospitii reclusi voluntarie ad pœnitentiam res præclare gestas narrat, de prævisa ab eo Longobardorum incurSIONE in Gallias æque narrationem instituit. Quæ quidem dum Gregorius post regis Alboini obitum sub ejus successore contigisse tradit, utique ad hæc sunt tempora referenda : quod præmonuisse voluimus, ne quis hunc Longobardorum in Gallias adventum cum superiori confundat.

2. Accidit plane tunc quidem, quod sicut evenire sæpe videmus, cum timentes maris fluctus ventorum impulsibus sursum elati exitium singuli navigantibus minitentur ; iidem vilis obice arenæ collisi, fracti retro resilire cogantur : ita cum exastuentes Longobardorum furores in Francorum clama effunderentur in Gallias, homuncionis unius (si tantum species quæ foris sunt) ejusdemque vinci atque ergastulo clausi virtute sint victi, secundum illud sapientis² : « Fugat umbra justi impium, et fugit impius, nemine persequente : justus autem quasi leo confidens absque terrore erit ». Sie plane Deus eosdem primo voluit homuncionis unius virtute vinci, quo discerent ad plectenda po-

pñlorum peccata accipere gentes a Domino fortitudinem. adeo ut si quis justus inveniatur, omnibus ipse potentior efficiatur : ut cunctis innolescat, ad hostes vineendos magis pietatem conferre, quam arma. Sed audiamus Gregorium, qui hæc ait de S. Hospitio¹ :

3. « Quodam tempore, revelante sibi Spiritu sancto, adventum Longobardorum in Gallias hoc modo prædicti : Venient, inquit, Longobardi in Gallias, et devastabunt civitates septem, eo quod increverit malitia earum in conspectu Domini : quia nullus est intelligens, nullus qui faciat bonum, quo ira Dei placatur : est enim omnis populus infidelis, perjuriis deditus, furtis obnoxius, in homicidiis promptus, a quibus nullus justitiae fructus ullatenus gliscit ; non decimæ dantur, non pauper alitur, non nudus tegitur, non peregrinus hospitio recipitur, aut cibo sufficienti satiatur : ideo hæc plaga superveniet. Nunc autem dico vobis : Congerite omnem substantiam vestram intra murorum septa, ne a Longobardis diripiatur. Haec eo loquente, omnes obstupfacti, et vale dicentes, cum magna admiratione ad propria sunt regressi.

4. « Monachis quoque dixit : Abscedite et vos a loco, auferentes vobisqñ quæ habetis : ecce enim appropinquat gens, quam prædicti. Dicentibus autem illis : Non relinquemus te, sanctissime pater : ait : Nolite timere pro me : futurum est enim ut inferant mihi injurias, sed non nocebunt usque ad mortem. Discedentibus autem monachis, venit gens illa, et dum cuncta quæ reperit vastat, peruenit ad locum ubi sanctus Dei clausus erat. At ille per fenestrarum turris ostendit se eis. Illi vero circumventes turrem, aditum per quem ingredierentur ad eum invenire non poterant. Tunc duo ascendentes detexerunt tectum, et videntes eum vinculum catenis, induitumque cilicio, dicunt : Hic malefactor est, et homicidium fecit; ideo in his ligaminibus vinculus tenetur. Vocatoque interprete, sciscitantur

¹ Paul. diae. de gest. Longob. l. iii. c. 1. — ² Prov. xxviii.

¹ Greg. hist. l. vi. c. 6.

ab eo quid mali fecerit, ut tali suppicio arctaretur. At ille fatetur se homicidam esse, omnisque criminis reum ». Utpote quia peccatum quodlibet perpetrare minime prætermisisset, nisi Deus sua gratia munivisset. Sed pergit :

5. «Tunc unus, extracto gladio, ut in ejus caput vibraret, dextera in ipso ictu suspensa diriguit, nec eam ad se potuit revocare : tunc gladium laxans, terræ dejecit. Haec videntes socii ejus, clamorem in cœlum dederunt, flagitantes a sancto, ut quid agi oporteret, clementer insinuaret. Ipse vero imposito salutis signo, brachium sanitati restituit. Ille autem in eodem loco conversus, tonsurato capite fidelissimus monachus nunc habetur. Duo vero duces, qui eum adierunt, incolores patriæ redditi sunt : qui vero contempserunt præceptum ejus, miserabiliter in ipsa provincia sunt defuncti. Multi autem ex ipsis a dæmoniis correpti clamabant : Cur nos, sanete et beatissime, sic crueias et incendis ? Sed imposta eis manu, mundabat eos ». Haec de his Gregorius : quibus videoas non Longobardos tantum ab Hospitio Dei servo victos fuisse, sed et ultores dañones ad vindictam a Deo missos nullo negotio expulsos. Haec tunc transacta fuere cum Longobardis secundum Propheticum illud oraculum¹ : «Erunt capientes eos qui se ceperant». Pergit autem idem Gregorius alia ejusdem Hospitii miracula recensere, quibus Deus voluit innotescere quanta esset in homine sanctitas.

6. Ex quibus illud unum satis in medium adduxisse, quo perseverans pristinus ille usus declaratur, quo fideles consueverunt Romanū ad Apostolorum limina, ut ibi a diversis languoribus sanarentur, se conferre : Ait enim Gregorius² : «Itomo erat Audegavenis incola, qui per nimiam febrem eloquium pariter auditumque perdiderat; et cum de febre convaluisse, surdus permanebat ac mutus. Igitur diaconus ex provincia illa Romanū directus est, ut beatorum Apostolorum pignora, vel reliquorū sanctorum, qui illam Urbem muniunt, exhiberet. Qui cum ad parentes infirmi illius pervenisset : rogant cum, ut eum sibi comitem itineris sumere dignaretur, confisi, quod si beatissimorum Apostolorum adiret sepulera, protinus posset assequi medicinam. Eunibus autem illis, venerunt ad locum ubi beatus Hospitius habitat. Quo salutato ac deosculato, causas itineris diaconus pandit, ac proficisci se Romanū indicat; seseque his qui sancto viro de naucleris amici essent, commendari depositit.

7. «Cumque ibi adhuc moraretur, sensit vir per spiritum Domini adesse virtutem, et ait diacono : Infirmum qui comes tuī nunc est itineris, rogo, ut meis adspectibus repræsentes. At ille nihil moratus, velociter ad metatum vadit, invenitque infirmum febre plenum, qui per mutum aures suas dare timitum indicabat; apprehensumque, ducit ad sanctum Dei. At ille apprehensa manu cæsarie,

attraxit caput illius ad fenestram, assumptoq[ue] oleo benedictione sanctificato, tenens manu sinistra liguam ejus, ori, verticique capitis infudit, dicens : In nomine Domini mei Jesu Christi, aperiantur aures tue, resereturque os tuum virtus illa, que quondam ab homine surdo et muto noxiū ejicit dæmonium. Et haec dicens, interrogat nomen. Ille vero clara voce ait : Sic dieor. Cumque haec vidisset diaconus, ait : Gratias tibi immensas refero, Christe, qui talia per servum tuum dignaris ostendere. Quærebam Petrum, quærebam Paulum Laurentiumque, vel reliquos, qui proprio cruce Romam illustrant : hic omnes reperi, hic eunatos inveni. Haec eo cum maximo fletu et admiratione dicente, vir Dei omni intentione vanam vitans gloriam, ait : Sile, sile, dilectissime frater : non haec ego facio, sed ille qui mundum ex nihilo condidit; qui pro nobis hominem suscipiens, cæcis visum, surdis auditum, mutis præstat eloquium; qui leprosis eutem pristinam, mortuis vitam, omnibusque infirmis affluentem medicinam indulget. Tunc diaconus gaudens abscessit cum comitibus suis, etc. » Haec Gregorius : ex quibus etiam vetus illa in Ecclesia Catholica consuetudo perseverans ostenditur, cujus Tertullianus ad Scapulam meminit, qua videlicet oleum benedictum adhibere consueverunt fideles ad morborum curationem.

8. Quod rursus pertinet ad Longobardos, idem Gregorius superius de aliis corundem in Gallias eruptionibus diversis temporibus repetitis haec ait¹ : «Prorumpentibus Longobardis in Gallias, armatur Pericus nuper Celsi successor : concurruntque ibi, tantamque tunc stragam Longobardi feruntur fecisse de Burgundionibus, ut non possit colligi numerus occisorum : oneratique præda, ascenderunt iterum in Italianam. Quibus ascendentibus, Eunius, qui et Mummolus, accersitus a rege Guntheranno patriciatu[m] culmen meruit. Irruentibus iterum Longobardis in Gallias, et usque Muscias Calmes ascendentibus, quod adjacet civitati Ebredunensi; Mummolus exercitum movet, et cum Burgundionibus illuc proficisciatur : circumdatisque Longobardis cum exercitu, actisque conciudibus, per divertia silvarum irruit super eos, multosque interfecit, nonnullos cepit, et regi direxit : quos ille per loca dispersos custodire præcepit, pancis quodammodo per fugam elapsis qui patriæ nuntiarent.

9. *De nonnullis Galliæ episcopis militiam secularē sectantibus.* — «Fueruntque² in hoc prælio Salvinus et Sagittarius fratres, alque episcopi, non eruce cælesti muniti, sed galea et lorica sacerdotali armati : multos manibus propriis (quod pejus est) interfecisse reperiuntur. Itæc prima Mummolis certaminis victoria fuit ». Meminisse debes, lector, hos episcopos jam tempore Joannis papæ (ut dictum est superius) fuisse episcopali dignitate diminutos, sed rege intercedente, per ipsum Romanum Pontificem restitutos : verum licet specimen aliquod ad

¹ Isai. xiv. — ² Greg. l. vi. c. 6.

¹ Greg. Tur. hist. l. iv. c. 36. — ² Ibid.

breve tempus ediderint modestioris vite; quia tamen quodcumque fictum durabile non est, in pristinos relapsi mores, se ipsis sunt deterioriores effecti. De quibus haec rursum ipse Gregorius¹:

10. « Hi vero in majoribus sceleribus quotidie miscebantur, et in pœliis illis (sicut jam supra meminimus) quæ Mummolus cum Longobardis gessit, tanquam unus ex laicis accineti arma, plurimos propriis manibus interfecerunt: in cives vero suos nonnullos conuicti felle, verberantes fustibus usque ad effusionem sanguinis sæviebant. Unde factum est, ut clamor populi ad regem denuo procederet, eosdemque rex accersiri præcepit. Quibus advenientibns, noluit suis obtutibus præsentari; scilicet ut prius habita audientia, si idonei invenirentur, sic regis præsidium mererentur. Sed Sagittarius felle commotus, ut erat levis ac vanus, et in sermonibus irrationalibus profusus, declarare plurima de rege cœpit, ac dicere, quod filii ejus regnum capere non possent, eo quod mater eorum ex familia Magnacharii quondam ascita regis torum adiisset; ignorans, quod praetermissis nunc generibus seminarum, regis vocarentur liberi, qui de regibus fuerint procreati. His auditis rex commotus valde, tam equos, quam pueros, vel quacumque habere poterant, abstulit, ipsosque in monasteriis a se longiori accessu dimisit, in quibus pœnitentiam agerent, includi præcepit, non amplius quam singulos eis clericos relinquens, judices locorum terribiliter commonens, ut ipsos cum armatis custodiare debeant, ne cui ad eos visitandos ullus pateat aditus.

11. « Superstites autem erant his diebus filii regis, ex quibus senior agrotare cœpit. Accedentes autem ad regem familiares ejus dixerunt: Si propitius audire dignaretur rex verba servorum suorum, loquerentur in auribus suis. Qui ait: Loquimini que libet. Dixeruntque: Ne forte innocentes hi episcopi exilio condemnati fuissent, et peccatum regis augetur in aliquo, et ideo filius domini nostri pereat». Non quidem innocentes ex dictis superius comprobati, sed injuste ab eo damnati dici poterant, cum regum hoc non sit, sed tyrranorum, episcopos condemnare: summorum enim Pontificum sententia, vel Synodali decreto more majorum id fuit solitum agi. Subdit vero de rege: « Quod rex hac ex parte suam culpam sentiens, ait ad eos: Ite quantocius, et relaxate eos, deprecantes ut oreant pro parvulis nostris». Viles quantum tribuat rex christianissimus episcopatu ob sacramentum, ut licet seiret deterrimos esse homines, eos tamen vinetos absolverit, et preces ad Deum ab eisdem efflagitarit. Intelligis pariter, quanti Deus ipse fieri voluerit a principibus quoscumque licet improbos sacerdotes, pro quibus adversus eos, quos non detet, insequentes eorum sclera festine vindex surgat. Sed quid de illis? pergit auctor dicere:

12. « Quibus abeuntibus dimissi sunt. Egressi

igitur de monasteriis, conjuncti sunt pariter, et se osculant, eo quod olim se visi non fuerant, ad civitates suas regressi sunt: et in tantum compuncti sunt, ut viderentur nunquam a psallentio cessare, celebrare jejunia, elemosynas exercere, librum Davidici carminis explere per diem, noctesque in hymnis et lectionibus meditando deducere. Sed non diu haec sanctitas illibata permansit; conversique sunt iterum retrorsum: et ita plerumque noctes epulando atque bibendo ducebant, ut clericis matutinas in Ecclesia celebrantibus, hi pocula posseverent et vina libarent: nulla prorsus de Deo erat mentio, nullus omnino versus memoriae habebatur: residente aurora, surgentes a cena, mollibus se indumentis operientes, sommo vinoque sepulti usque ad horam diei tertiam dormiebant: sed nec mulieres deerant, cum quibus polluerentur. Exurgentes igitur, abluti balneis, ad convivium discumbebant, ex quo vespre surgentes, cœme inhibabant usque ad illud lucis tempus, quod superius diximus. Sic faciebant singulis diebus, donec ira Dei diruit super eos: quod in posterum memoraturi sumus ». Hucusque de his modo Gregorius. Quomodo autem hi in episcoporum Concilio ab episcopatu ejecti sunt, et alii in locum eorum subrogati, atque demum licet correcti, sed inemendati male periere, inferius eodem anno quo ista fieri contiguntur, dicturi sumus.

13. *Justino fatuitate laborante, Sophia cum Persis pacem init.* — Quod vero ad statum pertinet rerum Orientalium, additum est ad calamitatem, ut post grassationem Persarum, devastationemque Syrie, et expugnationem, qnam diximus, Daræ, Justinus imperator ob mœorem nimium, quem ex tot acceptis cladibus hausit, in phrenesim inciderit, deliquumque mentis sit passus, dilucidis interdum intervallis ad modicum temporis spatium resipiens. Cum interea Sophia Augusta ut corruenti omni ex parte Reipublicæ consuleret, consilium init ut precibus a Cosrhoen rege pacem redimeret: quomodo autem id factum sit, ab Evagrio ita accipe:

14. « Initum est, inquit, malure consilium rebus Romanis opportunum et accomodatum, quo illud quod temeritate peccatum erat, in integrum restitutum est. Nam mittitur ad Cosrhoen Trajanus vir eximius ex ordine senatorio, magno in honore ab omnibus tum ob canos, tum ob singularem prudentiam habitus, non ex persona imperatoris aut Reipublicæ, sed pro Sophia duntaxat imperatricie verba facturus. Nam scripsit illa litteras ad Cosrhoen, quibus apud illum de viri calamitate, deque Republica principe orbata conquesta est, et quod non oportet illum in mulierem viduam, in imperatorem jacentem et afflictum, in Rempublicam desertam opeque deslitutam impetum facere. Nam olim ei morbo divexato non modo parem benignitatem declaratam, verum etiam optimos quosque medicos a Republica Romana ad ipsum missos, qui eum morbo curarent. Quibus verbis persuasus fuit

¹ Greg. Tur. hist. Franc. l. v. c. 20.

Cosrhoes; et quanquam in res Romanorum ex templo erat incursionem facturus, tamen ad triennium pacis curia inducias pro partibus versus Orientem; simulque decretum fuit, ut Armenia similiter frueretur conditione, nullumque bellum ibi gereretur, neque quisquam partibus ad Orientem vergentibus quicquam facesseret molestiae ». Haec de fœdere inito Evagrius, quod hoc anno esse sancitum inde ducimus argumentum, quod cum illud ad triennium pacis servatum integrum fuerit, post tres annos a Tiberio adversus eum pugnatum constat. Corrigendi¹ vero videntur, qui id non anno ejusdem imperatoris factum putarunt, quo tempore (ut dictum est) nondum eam cladem accepterat a Persis Romanum imperium: sicuti etiam errant, dum eodem anno nono creatum Tiberium Cæsarem tradunt, refragante Evagrio, qui ea ipsa quae oculis vidisse potuit, scripsit.

15. Quod rursus ad eumdem Justinum perlinet: quomodo magicas incantationes passus, divino praesidio cœratus sit, a Gregorio Turonensi ejusmodi accipe narrationem², ubi agit de elavis quibus Christus in Cruce confixus est, deque freno Constantini, in quo ex illis unus connexus fuit: « Magnam, inquit, asserunt virtutem esse injus freni, quod ambigi nequaquam potest: quod Justinus imperator publice expertus est, ac suis omnibus patet. Illus enim a quodam mago propter pecuniam emissas sibi a dæmonis umbra intolera-biles per duarum curricula noctium sustinuit insidias: sed dum tertia nocte frenum capiti collo-

casset, locum insidiandi inimicus ultra non habuit, repertumque auctorem insidiarum gladio pereulit». Haec Gregorius: qui licet de seniori vel de juniori an haec dicat non exprimat; de juniori potius Justino, qui ejus tempore vixit, accipendum putamus. quem deliquum mentis passum diximus. Quo tempore idem ipse imperator illud stulto homine dignum facinus edidit, quod in Miscella, non tam congruo tempore ita narratur³: « Justinus infirmatus et contristatus adversus Biduarium fratrem suum, et hunc injuriis laeaverat: novissime vero præcepit cubiculariis pugnis cæsum educere illum in conspectu Concilii senatorum: erat enim comes imperialium stabulorum. Quo comperto, Sophia tristata est, et conquesta imperatori. Qui se penituit, et descendens ad eum in stabulum, introivit subito cum præposito cubiculariorum. Biduarius autem, viso imperatore, fugit e loco in locum per superiora præsepsis præ timore imperatoris. At imperator clamabat: Adjuro te per Deum, frater mi, exspecta me. Et eum cucurisset, tenuit eum: et amplexatus osculatus est eum, dicens: Peccavi tibi, frater mi: sed suscipe ut fratrem tuum primum et imperatorem; ex diabolica enim operatione novi quod factum sit hoc. Qui cecidit ad pedes ejus, et tensus ait: Veraciter, domine potestatem habes; verum tamen in præsentia senatus deformasti servum tuum: modo, domine, his rationem redde. Et ostendit ei equos. At vero imperator rogavit eum secum manducare, et pacificati sunt». Hucusque auctor, sed interverso (ut dictum est) ordine temporum. At de fatuitate Justini satis.

¹ Cedren. et Miscel. anno ix. Just. — ² Greg. de glor. mart. l. i. c. 6.

³ Misc. l. xvi. anno viii. Justini.

Anno periodi Græco-Romanæ 6068. — Anno æra Hispan. 613. — Jesu Christi 575. — Benedicti pape 2. — Justini jun. imp. 11.

Tiberii Constantini Cæs. 2.

1. *Postconsulatus*. — Is annus hac formula notatus: x post consulatum Justini jun. Aug. soilius viii, vel ut Marius Aventicensis habet: Anno ix consul. Justini jun. Aug. Indict. viii.

2. *Variae Langobardorum in Gallias irruptiones*. — A num. 1 ad 13. Anno dclxx monuimus varias Langobardorum in Gallias irruptiones, quas Gregorius Turonensis narrat, accidisse ante Sigiberti regis mortem, quæ sub currentis anni finem

configit. Verum cum nec idem Gregorius, nec Paulus diaconus eas suis annis illigant, eas in sua tempora certe digerere potis non est. Turonensis lib. 4, cap. 36 et 37, asserit primam fuisse quæ configit, Mummulio patriciatum provincie gerente, dum adhuc Alboinii Langobardorum rex viveret. Vieti tunc Langobardi circa civitatem Ebredunensem. Interfuere huic prælio *Saloni* et *Sagittarius* fratres atque episcopi, ille Ebredunensis, hic Va-

pincensis. Uterque damnatus fuerat in Concilio Lugdunensi II, ut videre est apud Baronium, anno DLXX, num. 23, et postea a Joanne papa III restituti fuerant; sed cum in deterius laberentur, in Synodo Cabilonensi anno DLXXXI rursus postea depositi sunt, ut testatur Turonensis lib. 5, cap. 28. Ann. DLXXII, Saxones, qui cum Langobardis in Itiam venerant, in Galliam irruere infra territorium civitatis Regiensis apud Stablonem, qui viculus adhuc superest, rursumque a Mummolo vel Mummullo vici sunt, sed cum iterum sese ad bellum pararent, acceptis a Mummullo munieribus, cum captiis discesserunt, ut scribit ibidem Gregorius; quæ ideo contigere Alboino adhuc regnante.

3. *Langobardi in territorio Vallensi vici.* — Fredegarius in Epitome, cap. 68, aliud Langobardorum bellum describit, quod Marius his verbis narrat: « Clebus rex Langobardorum a puero suo interfectus est, et eo anno iterum Langobardi in valle ingressi sunt, et Clusas obtinuerunt, et in monasterio sanctorum Acauniensium diebus multis habitaverunt, et postea in Bacci pugnam contra exercitum Francorum commiserunt, ubi pene ad integrum interfecti sunt, pauci fuga liberati. Sed et Mauri et aliae gentes, qui in provincia eorum ingredi praeumpsuerunt ab ipsis Francis devicti sunt». Ita Marius ad annum VIII consulatus Justini et Indiet. VII, ad annum scilicet Christi DLXXIV. Verum quoad annum rei gestæ fallitur Marius; Clebus enim Longobardorum rex anno tantum DLXXVI occisus est, ideoque hoc bellum ad annum illum referendum. Hujus irruptionis non meminit Gregorius Turonensis, neque etiam Baronius, cuius tempore Chronicen Marii nondum lucem viderat. Est autem Baccis vicus non longe ab Agaunensi monasterio situs, vulgo Bex appellatus; Clusa vero vulgo la Cluse, vicus ad Rhodanum fluvium Iurensibus rupibus proximus.

4. *Langobardi in varias partes Gallo-Provincie excurrunt.* — Gregorius Turonensis lib. 4, cap. 39, asserit, hanc Langobardorum irruptionem exceisse alteram factam a tribus Langobardorum ducibus Amo, Zaban, ac Rhodano, hancque Gregor. in pluribus describit, tandemque concludit eos virtute Mumuli perterritos, post varias devastaciones recessisse. De ea irruptione fuse agit Cointius ad annum DLXXIV, num. t et seqq. verum loco non suo; nam tunc Langobardorum regnum carebat regibus, ut ipsemet fatetur, et tamen interregnum post mortem Clebi contigit, ideoque non ante annum DLXXVI. Quo etiam tempore accidit, quod narrat de sancto Hospitio Gregorius Turonensis lib. 6, cap. 6, et Baronius hoc anno. *Hospitius* cladem Langobardorum praedixit, bique in Gallias venientes invenerunt eum Niciæ in quadam turri cinctum catenis, indutumque cilicio: et credentes eum homicidam, aut magui erinnis reum, unus ex illis gladium extraxit, ut in caput ejus libraret: sed dextera in ipso ietu suspensa diriguit, ut ex Gregorio Baronius narrat.

5. *Inducæ triennales inter Persas et Romanos compositæ.* — Ad num. 13 et seqq. Evagrius lib. 5, cap. 12 refert, *Tiberium*, dum rempublicam regebat, *Trajanum* ad Chosroen Persarum regem misisse Sophiæ Augustæ nomine, qui hunc rogaret, ne mulieri viduæ, et imperatori mortuo et reipublicæ desertæ insultaret, cum ipse olim morbo afflictus, humanitatem imperatorum expertus esset. Quare Chosroes « cum in Romanorum ditionem jamjam invasurus esset, trium annorum inducias pactus est in Orientis partibus. Cautum tamen ne Armenia simili conditione frueretur ». Tum capite sequenti Evagrius refert, *Tiberium* a Justino Cæsarem nuncupatum. Quare cum hæc nuncupatio mense Decembri superioris Christi anni peracta fuerit, ea legatio ad eum Christi annum pertineret. Verum Theophylactus lib. 3, cap. 12, asserit eam legationem missam, postquam Tiberius ad Cæsaream dignitatem evectus est. Imo *veris initio* legatos missos affirmat, ideoque hoc Christi anno.

6. *A quibus Armenia exclusa.* — Menander Protector pag. 157, egregie cum Theophylacto convenit; postquam enim sermonem habuit de induciis annuis, Persas inter et Romanos sancitis, ait, *Tajanum* cum *Zacharia* in Orientem missum esse, ut triennales inducias a Chosroë obtinere conaretur. « Ut Tiberius negotiorum administrationem suscepit, Trajanus et Zacharias legati, ad eum rescripserunt, Persas nolle ad tres annos, sed ad quinque inducias pacisci. Id utile suis rationibus fore Cæsar exsiliabat: confidebat enim se intra tres annos idoneas copias coacturum, quibus se satis munitum et instruelum ad Persis resistendum exhiberet ». Per annos itaque tres inducias pactæ, et *omnis motus in Armeniam est translatus*. Fusius Menander postea pag. 163, usque ad finem sui operis de eadem legatione, aliaque a Tiberio ad Chosroen missa verba facit, ibique *Tiberium*, modo Cæsarem, modo imperatorem appellat, quia *imperatoris* nomine Cæsares cohonestabantur; quod toties non iterarem, nisi viderem errorem vulgarem suos adhuc seclatores habere.

7. *Insignis victoria a Romanis in Armenia reportata.* — Postquam itaque foedus per triennium initum est, arma in Armeniam translata, et Justinianus Germani filius exercitus Romani dux a Tiberio electus « Amidam urbem praetergressus, Armenie campos ingreditur, quem Persarum rex cum frequentibus copiis secutus, Euphratem eas transduxit », inquit Theophylactus lib. 3, cap. 12, qui duobus sequentibus capitibus præclaram victoriam de Persis a Romanis reportatam recitat. Hanc vero ad præsentem annum pertinere, docet abbas Bielariensis, qui ad annum IX Justiniani imp. qui juxta ejus suppurationem mense Novembri superioris Christi anni inchoatur, eam paucis verbis explicat: « Chosroes Persarum imperator cum nimia multitudine exercitus ad vastanos Romanorum terminos promovet: cui Justinianus dux Romanæ militiæ, et magister milium Orientis a Tiberio destinatus

bellum parat : et in campos, qui inter Daras et Nezinios ponuntur, fortis pugna congressus, habens secum gentes fortissimas. quae Barbaro sermone Hermam nuncupantur, memoratum imperatorem bello superal. Quo cum suo exercitu in fugam verso, castra ejus pervadit : et provinciae Persidae fines victor Justinianus vastat, exuviasque eorum pro triumpho Constantinopolim dirigit, 24 elephantes inter cætera, qui magnum spectaculum Romanis in urbe regia exhibuerunt. Praedam vero de manubiis Romanorum.... Persarum multitudine ob nimiam vilitatem nummo publico venundata sunt ». Theophylactus narrata hac Victoria, cap. 15, refert Romanos ad interiora Persidis postea penetrasse. et proxima quæque devastasse : « Conscenso porro Hyrcano mari, ubi Persis dama quæ plurima dederunt, hyeme oppressi in sua non redierunt : Persidis ergo elades cumulabantur. Vere ipso Romani comite fortitudine in ditionem suam se recipiunt », verno scilicet tempore in sequentis Christi anni. Theophanes eamdem Victoria recitat, sed loco non suo, anno scilicet Incarnat. secundum Alex. DLXXIII, kalendis Septemb. anni Christi DLXXX inchoato.

8. *Chosroes, Melitina incensa, fugam arripit.* — Evagrius lib. 3. cap. 14, eamdem Justiniani ducis de Persis victoriam etiam narrat, atque, Persis in fugam versis, Chosroen *Melitinam* urbem in proximo sitam invasisse, eaque concremata Euphratem trajecisse. Idem habet Theophylactus lib. 3. cap. 14. Eustathius in Vita sancti *Eutychii* patriarchæ Constantinopolit. qui hoc tempore Amaseæ exul agebat, refert cap. 7, dum famæ magna esset, Chosroen « Sebaslen et Melitenem venisse, et vicinos fere omnes Nicopoli, Neocæsarea, Comanis, Zela, aliisque ex civitatibus tuitimis Amaseam sese contulisse », tanquam in munitissimum locum ; sed eum diu ibi commorati essent, consecutam esse magnam eibariorum penuriam, omnesque ad sanctum *Eutychii* monasterium confugisse, ubi licet nihil farinæ in annum parata adderetur, nunquam ea defecit. Quod miraculum, ex Eustathio narrat Baronius anno. DLXIV, num. 27 et seq., sed illud praesenti anno patralum esse, ex dictis colligere est.

Iloc anno *Sigibertus* Austrasiæ rex occisus est, ut videbimus anno DLXXXIX.

4. *Francorum regibus bello civili inter se di gladiantibus. Ecclesiæ vexantur.* — Sequitur Christi annus quingentesimus septuagesimus sextus, nonæ Indictionis : quo civili bello in Galliis reeru descente inter Guntherammum atque Sigebertum et Chilpericum in societatem vocatum Francorum reges¹, celebrata est provincialis Synodus Parisiis, ea de causa ab eodem rege Guntheramno procurata, ut sanctissimi qui tunc in Galliis florebant episcopi causam cognoscerent, contentionemque obortam sedarent, litesque antequam deveniret ad arma, componerent. Verum ubi semel res armis cœpta est agi, siluerunt Ecclesiastice leges. Accidisse namque ait Gregorius inter hæc, ut Chilpericus per filium suum Theodoberatum magnam intulerit cladem, superato Gundebaldo duce, Tu-

ronensibus, Pictaviensibus atque aliarum civitatum Ecclesiis ; quam paucis his Gregorius ipse Turonensis antistes ita perstringit : « Vastat, evertit, Ecclesiæ incendit, ministeria detrahit, clericos interficit, monasteria virorum dejicit, puellas deludit, et cuncta devastat, fuitque illo in tempore pejor in Ecclesiis genitus, quam tempore persecutionis Dioctetiani ». Ista sie deplorans Gregorius, mox exelamat in depravatos corruptosque moribus Francorum reges, a majoribus ipsorum valde degeneres : excipitur vero ab eis Guntheramnus, qui ab eo sanctissimus prædicatur : « Recurramus (inquit) ad illud quod parentes eorum egerunt, et isti perpetrant. Illi post prædicationem sacerdotum defanis ad Ecclesiæ sunt conversi : isti quotidie de Ecclesiis prædas detrahunt. Illi sacerdotes Domini ex toto corde venerati sunt et audierunt : isti non solum non audiunt, sed etiam persecuntur. Illi

¹ Greg. Turon. de Gest. Franc. l. iv. c. 47. 48.

Ecclesias et monasteria ditaverunt : isti eas diridunt et subvertunt.

2. « Quid de Latta monasterio referam, in quo B. Martini habentur reliquiae? Cum ad eum unus currens hostium adventaret, et fluvium qui propinquus est, transire disposeret, ut monasterium spoliaret, clamaverunt monachi, dicentes : Nolite Barbari, nolite huc transire : B. enim Martini est monasterium. Hæc audientes eorum multi compuncti a Dei timore regressi sunt. Viginti tamen ex ipsis, qui non metuebant Deum, neque beatum confessorem honorabant, ascendentibus, navem illuc transgrediuntur; et inimico stimulante, monachos cædunt, monasterium evertunt, resque diripiunt, de quibus facientes sarcinas, navi imponunt. Ingressique fluvium, protinus vibrante carina, hinc illueque feruntur. Cumque amissis auxilio remorum, hastilibus lancearum in fundo alvei defixis, remeare conarentur, navis sub pedibus eorum dehicit, et unusquisque ferrum quod contra se tenebat, pectori defigit ; transverberatique cuneti a propriis jaculis interimumuntur. Unus tantum ex ipsis, qui eos increpauit ne ista committerent, remansit illæsus. Quod si quis hoc fortuito evenisse dicat, cernat unum insolenti plurimis evasisse de noxiis. Quibus interfectis, monachi ipsi res suas alveo detrahentes, et illos sepelientes, res domi restituunt ». Hæc Gregorius, res gestas sui temporis, suæque pariter regionis describens : quæ autem his subiecit, annis potius sequentibus facta noscuntur, si res singulas exacte pensemus.

3. Vidisti saerilegorum divinitus immissam vindictam, ut suis ipsorum singuli armis confossi perirent : quo discant impii, passuros se vindicem Deum, cum in res ipsi dicatas insurgunt. Nec gloriantur, si qui ejusmodi scelera perpetrantes, non eamdem festim vindictam experiantur : sed meminisse debent sententia Domini¹ de occisis a Pilato Judæis, atque necatis ruina turris Siloe, asserentis de aliis diriora patrantibus facinora, nec statim peunas dantibus, eos ad pœnitentiam reservari ; quam si agere prætermittant, durius esse judicium subituros. Quam male autem cesserit Sigeberto regi, sacerdotes Dei sanctissimos episcopos, quæ sunt pacis curantes, non expectasse, ut secundum sacras civilesque leges sententiam ferrent, exitus

patefaciel, de quo sequenti anno dicturi sumus. Demum, ut uno verbo rem absolvam, pluribus fuit semper declaratum exemplis, regna tunc optime gubernari, cum sanctæ religioni fuerint veluti fundamento solido superposita ; quo si careant, nutare sit necesse, et quolibet licet levi terræ motu prostrandi : eo quod nemo possit aliud ponere fundamentum quo firme quid permaneat, praeter id quod a Deo positum est, Christus scilicet Deus noster.

4. Quid præterea ejusdem regis furore grassantis tempore accidentit militibus qui Basilicam S. Vincentii martyris in eadem regione positam invaserunt, audi eudem Gregorium ista narrantem his verbis¹ : « Tempore autem illo, quo contra Gundibaldum commotus exercitus ad Conveniensem urbem directus est, ab hujus hostilitatis multitudine Basilica S. Vincentii martyris vallatur tota : erat enim in ea plebs omnia rerum suarum præsidia confidens de reverentia martyris, quod nullus ea præsumptione temeraria auderet attingere ; et obseratis ostiis, se ab intus cum rebus incluserat. Circundantes autem hostes, cum aditum per quem ingredierentur, invenire non possent, ignem ostiis ædis subiiciunt : quem diu multumque succendentes, non apprehendebant valvæ, donec impulsu securium communutis, ingressi sunt, diripientes res, populumque inclusum in ore gladii trucidantes. Sed non diu haec remanserunt inulta : nam alii a dæmone correpti, nonnulli in flumine Garumnae necati, multi etiam a frigore oceani diversis in partibus diversorum morborum genere vexabantur : nam vidi ex eis multos in Turonico territorio, qui in hoc fuerant mixti scelere, graviter cruciari, et usque ad vitæ presentis amissionem intolerabilium dolorum cruciatu torqueri. Multi enim ex his confitebantur se judicio Dei ob injuriam martyris fuisse morti pessimæ destinatos. Ecce quantum Deus præstet martyribus suis : ecce qualibus eosdem landibus Christus Dominus bellorum fidelium inspector honorat : ecce quantum præstat ipsius nominis dignitas Christiani, si non Gentilium more aut inhiemus cupiditati, aut luxuria serviamus ». Huusque de his ibi Gregorius : quomodo autem ex insperato inter Francorum reges pax sancta fuerit, dicetur anno sequenti.

¹ Greg. de glor. mart. l. i. c. 103.

² Luc. XIII.

Anno periodi Graeco-Romanæ 6069. — Anno Æra Hispan. 614. — Jesu Christi 576. — Benedicti papæ 3. — Justini jun. imp. 12.
Tiberii Constantini Cæs. 3.

1. *Postconsulatus.* — Is annus hac formula nolatus : *xii post consulatum Justini jun. Aug. solius ix.*, vel, ut Marius habet : *Anno x consul. Justini jun. Aug. Indict. ix.*

2. *Synodus Parisiensis IV.* — Ad num. 1 et seq. *Synodus Parisiensis IV*, anno **DLXXXIII** indicta; Gregorius enim lib. 4, cap. 42, qui solus de ea agit, scribit : « Cum contentio inter Chilpericum et Sigibertum reges (sc. Francorum) verteretur, Guntchramnus rex (Francorum) apud Parisios omnes episcopos regni sui congregat, ut inter utrosque, quid veritas haberet, edicerent ». Constitutio autem *Synodi Parisiensis* ad *Egidium* episcopum Remensem directa, et tom. v Concil. pag. 919 recitata, hanc habet subscriptionem : « Data Constitutio die in iduum Septembrium, anno xii regum Dominorum nostrorum, Indictione vi, Parisius ». Qui characteres, ut statim videbuntur, annum **DLXXXIII** signant. *Egidius* episcopus Remensis Belgicæ secundie metropolita *Promotum* conseraverat episcopum Dunensis Castri, seu Castri Duni, vulgo *Château-Dun*, qui est locus in Carnutino agro ad flumen Lidericum, qui cum nec ad territorium Remense, nec ad Belgicam secundam perlinaret, contra Canoniam disciplinam in hae promotione manifeste peccatum fuerat. Scripsit etiam *Synodus ad Sigibertum* regem, ut *Promoti* causam non tueretur, quia suspicio erat episcopum Remensem absque ejus consensu id ausurum fuisse in aliena provincia. Eas litteras refert Turonensis lib. 7, cap. 17, et ex illo patet, episcopos parum profceisse; testatur enim ante mortem Sigiberti regis amotum fuisse *Promotum*, qui se episcopum Dunensem vocitabat.

3. *Ejus epocha.* — Convenerunt ad eam *Synodus* **XXXII** episcopi cum presbytero ab episcopo Aurelianensi misso. Ex quibus vel in Tabulis Ecclesiasticis, vel in suis Ecclesiis coluntur *Quinidius Vasionensis*, *Germanus Parisiensis*, *Syagrius Augustodunensis*, *Aunacharius Altissiodorensis*, *Philippus Viennensis*, *Felix Nannensis*, et *Palladius Santonensis*. De illis, aliisque huic Concilio præsentibus disserit Cointius anno **DLXXXIII**, num. 12 et seqq. Cum vero *Guntramnus*, et duo fratres ejus Chilpericus et Sigibertus anno **DLXI**, Clotario patri post

diem x mensis Novembris successerint, an. **DLXXIII**, tertio iduum Septembrium, seu die *xii* ejusdem mensis, numerabant annum regni duodecimum.

4. *Indictio Constantiniana in Francia usurpata.* — *Franci* enim, *Germani* et *Angli* ante Caroli Magni mortem *Indictionem Constantinianam viii*, kalend. Octobris, sive die *xxix* mensis Septembries ceptam ursupabant; quod vel hoc exemplum demonstrat; neque enim *Indictio vi* tertio iduum Septembrium cum anno *xii* Sigiberti regis et duorum ejus fratrum copulari potest, si eam a kalendis Septembribus exordiaris; eum anno **DLXI**, post diem x mensis Novembris fratres isti regnare in Francia cœperint, et *Indictio sexta* a Romanis, non kalend. Septembribus anni **DLXXIII**, sed anni **DLXXII** inchoetur. Verum is annus erit undecimus regum istorum, non vero annus *xii*, ut est in *Synodi* subscriptione, et recte observavit Sirmondus in Notis ad hoc Concilium Parisiense IV. Cum itaque *Constantinus M.* in Gallia positus anno **cccxi**, ut eo anno num. i jam dixi, *Indictionem* instituerit, constetque post mortem Ludovici Pii Franeos sæpe a *VIII kalend. Octobr.* *Indictiones* exorsos esse, postquam scilicet variare cœptum est in *Indictionis* initio consignando, nullum mihi dubium est, quin in similibus, quæ nono et decimo sæculo occurrunt exemplis, moris antiqui, qui per aliquot sæcula obtinuerat, ratio habita fuerit. *VIII kalend. Septembribus Angli* etiam usque ad initium sæculi noni vel circiter *Indictionem* exorsi sunt, idque usu invariato, ut certa exempla ostendunt. Quem morem Angli ab aliis non accepere, quam a Francis; eum quando *Indictiones* adhibere iacepere, initio nempe sæculi septimi, tam Romæ, quam Constantinopoli earum exordium a kalendis Septembribus, constanter repetebatur. Denique *Germanos* ante sæculum nonum *Indictiones* a *VIII kalend. Octobr.* sicuti Francos et Anglos, incepisse ex eo colligere est, quod postquam in *Indictionum* exordio variatum fuit sæpius eas ab eodem die deduxerint.

5. *Francia bello civili ardet.* — Porro bellum civile, quod in Gallia ardebat, relatum a Baronio ex Turonensi lib. 4, cap. 2 et seqq. non tantum anno **DLXXXIII**, sed etiam duobus consequentibus duravit. *Sanctus Germanus* episcopus Parisiensis, cum

illud Parisiis prope imminere jam præsagiret, *Brunichildem* reginam per litteras vehementissime sollicitavit, ut *Sigibertum* regem conjngem suum ad pacis consilia revocare conaretur. Verum Sigibertus, trajecta Sequana, in agrum Pariensem facile pervenit, et licet Lutetiam Parisiorum ingressus non sit, vicos tamen meridionales Sequanam inter et Ligerim positos diripuit, combussitque, dum insequebatur *Chilpericum*, qui usque Avelocium Carnotensem vicum abierat. Tunc ad S. Dionysii sepulcrum duo perpetrata miracula a Turonensi lib. 1 de Gloria Martyr. cap. 72 enarrata.

6. *Romani a Persis superati.* — Theophylactus lib. 31, cap. 13, loquens de iis, quæ a verno tempore hujus anni, Romanos inter et Persas, gesta sunt, referit *Chosroen* seditionem a militibus timenter, cum Tiberio Cæsare de pace agere decrevisse. Hic legavit paci facienda idoneos Joannem, et Petrum, ac Theodorum magistrum, et *Chosroes* Sarnachorganen, aliasque viros clarissimos : « Per id tempus atroci prælio inter Persas Romanosque, illuc Tanchostro, hic Justiniano dñece in Armenia perpetrato, Romanorumque gloria priore obscurata, Persæ recenti fortuna ebrii, resuscitata bellandi aviditate fœdus recusant. Quare legati verborum tenus voli compotes, unde venerant, rediere ». Menander Protector in Excerptis pag. 119 et seqq. et pag. 458 et seq. tam de hac legatione, quam de bello hoc sermonem habet, atque : « Soletabant Persæ priscis ante temporibus, circa finem mensis, qui Latinis vocatur Augustus, in Persarmenia apparere, et inde ad bellum accingi. Hoc

tempus preveniens Chosroes illuc accessit. Accidit autem Romanos semel præventos, cum tardius rebus suis prospexit, nihil toto illius anni spatio, feliciter et opportune gerere »; paulo post : « Ilaque Chosroes Armeniam liber ab omni metu, sine pulvere occupavit, cum nemo inventus esset, qui illi resisteret.

7. *Armenia a Persis devastata.* — « Vere jam exacto, Armeniam, quæ Romanis parebat, et Theodosiopolis proxima erat, invasit. Hæc ubi acciderunt, nuntii Byzantium profecti sunt, qui nuntiarunt Persarum regem Armeniam, qua Romani dominabantur, ex improviso adortum, Theodosiopolim usque penetrasse, eumque in his locis esse ». Subdit Menander. Chosroen, ut cognovit sua potestate non esse Theodosiopolim improvisa invasione capere, ab ejus obsidione discessisse. Theophylactus Ioco laudato rem eamdem his verbis narrat : « Sarnachorganes Barbarorum dux, fœdus super Oriente inter Persas et Romanos in triennium pereussum perfidiose rumpit, festinatoque ad Constantinam et Theodosiopolim copias mittit, quæ effusa in circuitu populatione omnia miscent ». Armenia itaque hoc anno misere a Persis devastata, et Romanorum res deteriore statu fuere.

Moritur *saint Germanus* episc. Parisiensis, et *Childebertus* Francorum rex *Judeos* fidem Christianam suscipere cogit, ut anno **DLXXIX** dicenus, ubi etiam de exilio et secundo conjugio *Brunichildis* reginæ sermo erit. Ab hoc anno incipiendum decennium, quo *Longobardi* sub dueibus fuere, ut videre est anno **DLXXIII**.

4. *Benedicto papa mortuo, eligitur Pelagius.* — Quingentesimo septuagesimo septimo Domini anno, decimæ Indictionis, ultima die Julii, Benedictus papa cum sedisset annos qualuor, menses duos, dies quindecim, moritur, ut colligitur ex Anastasio, qui de eodem ista subdit : « In istis laboribus (ex incursionibus Longobardorum illatis), et afflictionibus positus sanctissimus Benedictus papa mortuus est : qui sepultus est in Basilica B. Petri Apostoli in secretario, pridie kal. Augsti. Hic fecit ordinationem unam per mensem Decembrem,

presbyteros quindecim, diaconos tres, episcopos per diversa loca numero viginti unum ». Hæc Anastasius. Iabetur nomine ipsius notata Epistola ad David episcopum in Hispania Bætica de mysterio sanctissimæ Trinitatis ex divinis Scripturis de prompto. Quod autem Joannes diaconus dicat a Benedicto creatum fuisse diaconum S. Gregorium : id quantum a veritate aberret, dicemus suo loco inferius, cum de Gregorio agemus pluribus.

2. Ubi vero post obitum Benedicti sedes vacasset menses tres et dies decem, undecima mensis

Novembris creatus est Pelagius junior, ejusque nominis secundus Romanus Pontifex, natus ex Patre Winigildo, ex quo quidem nomine eum potius genere Gothum quam Romanum putamus : « Hic, inquit Anastasius, ordinatur absque jussione principis, eo quod Longobardi obserderent civitatem Romanam, et multa vastatio ab eis in Italia fieret ». Haec de ejus ordinatione, que quidem in calamitosissima plane tempora incidit, cum gladio Longobardorum universa vastaretur Italia, idemque in ipsam Urbem immiseret exercitus. Addebatur ad mala haec tanta dirum schisma orbis Occidentalis, separatis quamplurimis Ecclesiis, ipsisque provinciis usque ad Hibernos (ut dictum est) ab Ecclesia Romanae communione ob damnationem Trium Capitolorum : cum idem Pontifex istis consulturus, adhibito in consilium et auxilium S. Gregorio, qui ipsi in Sede successit, librum edidit pro quinta Synodo quam defendit, probeque factam ostendit Trium Capitolorum damnationem. Meminuit ejusdem scriptio ipse S. Gregorius in redditâ Epistola ad Hibernos. Sed de his modo hactenus : reliqua vero suis locis inferius.

3. *Pax inter Francorum reges inita, miraculis ad S. Martini sepulcrum patratis.* — Eodem tempore inter reges Francorum inter se mutuo (ut dictum est) præliis decertantes pax ex insperato composita est : « Nec hoc, inquit Gregorius¹, B. Martini virtute factum ambigitur, ut hi inter se sine bello pacifarentur : nam ipsa die qua hi pacem fecerunt, tres paralytici ad beati Basilicanum sunt directi : quod sequentibus libris, Domino juvante disservimus ». In commentario videlicet de miraculis sancti Martini, ubi haec de his habet² : « Quidam ex Antisiodorensi oppido, Manlulfus nomine, deferentium manibus ad B. Martini sepulcrum jactatus est. Qui jugi orationi et jejunio incumbens, pedes quos intortos exhibuit, reddita subito sanitatem retulit in usu consueto directos ; et ita sancti virtute reformatus est, ut qui aliorum manibus deportatus est, propriis firmatus vestigis, praesentibus nobis consureret hospes ».

4. « Alius autem paralyticus ex Aurelianensi territorio carruca devectus venit in sanctam Basiliacum : qui diebus multis jacens ad ostium illud, quod secus baptisterium ad medium diem pandit

egressum, beati antistitis implorabat auxilium : factum est autem ut una die jacens gravius extra solitum torqueretur, ita ut vicini de proximo ad ejus voces concurrerent (dissolvebantur autem ligaturæ nervorum ejus, et dirigebantur, propterea erat dolor intolerabilis) et sic tribuente patrono, erectus super plantas, flens præ gaudio, populo teste, surrexit : qui continuo clericus factus, et in sospitate tiruatus, ad domum regressus est. Sed et alius gressu debilis, nomine Leubovius, jam clericus, adveniens, sed per terram se trahens, quia paupertate faciente, non habebat qui eum ferret, de die in diem B. Martini limina requirebat. Qui dum quadam die ad sancti pedes iteret, directis genibu atque pedibus, spectante populo, sanitatem recepit. Tres virtutes istas ipsa die factas fuisse constat, qua Sigeberlus gloriosissimus rex Sequanam transiens sine collisione exercitus pacem cum fratribus fecit. Quod nullus ambigat hanc tertiam beati antistitis fuisse victoriam ». Hucusque Gregorius, cum de inita inter Francorum reges pace testatur, quæ tamen anni unius terminum non excessit : siquidem post sequentem annum iterum Chilpericus Guntherianum excitavit adversus Sigebertum, ut idem Gregorius¹ tradit : sed de his suo loco dicendum erit.

5. *Ecclesia Dei genitrici ædificatur ab imperatore.* — Quod ad rerum Orientalium statum pertinet, nihil praeterea nobis veteres reddunt Annales, nisi quod Justinus imp. cum vastari a Persis audiret imperium, ad conciliandum sibi divinum numen, Dei genitrici Mariae templum erigendum curavit, de quo ita hoc anno ejusdem imperii duodecimo in Miscella : « Justinus imp. synagogam Iudaorum, quæ erat Constantinopoli in Chalco, pretiis ablatam ab eis, fecit Ecclesiam dominæ nostræ sanctæ Dei Genitricis, quæ proxima est magnæ Ecclesie ». Quenam autem sit Justinus a Deo ob pie factum beneficia consecutus, idem auctor mox addit, nimirum, quod cum deliquio mentis laboraret, ob idque res imperii in summo essent discriminé posite, tantum ei Dei genitrix præstitit sanitatis, ut dilucido intervallo positus, cunctis recte dispositis, statum Reipublicæ in tuto collocaret, adscito sibi Tiberio in collegam : quod quomodo anno sequenti contigit, paulo post dicturi sumus.

¹ Greg. l. iv. c. 49. in fin. — ² Greg. de mirac. S. Martin. l. ii. c. 5. 6. 7.

¹ Greg. l. iv. c. 50.

Anno periodi Graeco-Romanae 6070. — Olymp. 339. — An. V. C. 1330. — Anno Æra Hispan. 615. — Jesu Christi 577.
— Benedicti pape 4. — Justini jun. imp. 13. Tiberii Constantini Caes. 4.

1. *Postconsulatus.* — Is annus hac formula notatus : *xii post consulatum Justinii jun. Aug. solius x*, vel ut Marius habet : *Anno xi consul. Justinii jun. Aug. Indict. x.*

2. *Obitus Benedicti PP.* — Ad num. 1. Docet Anastasius *Benedictum* papam sedisse *annos iv, mensem i, dies xxvii*, et sepultum esse *in Basilica B. Petri Apostoli in secretario, sub die xxx mensis Julii*, quod et exemplaria ejus MSS. habent, ac præterea quoad Sedis durationem Orderiens lib. 2, Regino, Luitprandus, Abbo, Hermannus contractus, Marianus Scotus, Honorius Augustodunensis et passim Catalogi Rom. Pontif. Quare non dubium, quin Anastasius ilia seripserit, licet in editione vulgata legatur, eum sedisse *annos iii, mensem i, dies xvii*. Mortuus est itaque *Benedictus* die *xxx mensis Julii anni quingentesimi septuagesimi octavi*, non vero currenti, ut Baronius, aut anno *DLXXIX*, ut Papebrocius in *Conatu Chronicu-Hist.* habent. Ordinatus enim fuerat die tertia mensis Junii anni *DLXXIV*. Baronius, qui *Pelagii* mortem anno uno anticipavit, uno etiam anno *Benedicti* mortem citius quam oportebat, consignavit. Existimavit etiam Epistolam *episcopo David*, que dicitur a *Benedicto* scripta, geminam esse; cum tamen ab aliquo impostore conficta sit, qui operis adversus Varimadum Ariannum capitii primo, varie interpolato, Philonis sententiam, et I ad Tim. cap. 4 adlexuit; versionem ex vetere et Hieronymiana sibi peculiarem edidit, ac Epistolam commentitia consulatus nota obsignavit. Anastasius dicit cessasse episcopatum *menses tres, dies decem*. Verum cum *Pelagius II* ejus successor ordinatus fuerit die trigesima mensis Novembris anni quingentesimi septuagesimi octavi, divo Andreæ Apostolo sacra, ut ex dieendis in morte ejus liquerit, sedes vacavit *menses quatuor*.

3. *Pelagius II absque jussione imperatoris ordinatus.* — Tradit Anastasius *Pelagium II* ordinatum esse *absque jussione principis*, eo quod Langobardi obsiderent civitatem Romanam, et multa *vastatio ab eis in Italia fieret*. Quare aliquando contigit, ut Romani Pontifices, necessitate urgente, non exspectato consensu imp. aut exarchi, consecrati fuerint. De hac Langobardorum invasione loquuntur Biatoriensis, et Marianus Scotus. Ille ad annum II

Tiberii, anno *DLXXIX* inchoatum ait : «Romani contra Longobardos in Italia faerymabile bellum gerunt». Marianus vero ad annum Christi *DLXXIX* : «Gens Longobardorum comilanle fame, mortalitate et peste omnem invasit Italianam, ipsamque Romanam vastatnra obsidet». Bellum tamen illud jam anno sequenti inchoatum fuisse tempus ordinationis *Pelagii II* sine exarchi consensu factæ demonstrat. Imo in Catalogo Pontif. Rom. a Schelestradio pubblicato in Append. ad Opus Chron. pag. 647, in *Benedicto* legitur : «Tempore istius gens Longobardorum invasit Italianam».

4. *Pelagius II anno sequenti Pontifex Rom. creatur.* — Norisius cardinalis doctissimus in Dissert. v de Synodo quinta, cap. 9, § 4, observat, *Pelagianum II* rogatum ab *Helia* archiepiscopo Aquileensi, ut sibi liceret Synodus congregare, Pontificem illius precibus annuisse, et delegasse *Laurentium presbyterum*, qui Synodo celebrandæ suo nomine adessel. Coacta ea apud *Gradum*, die in mensis Novemb. anni *DLXXIX*, et recitata ab Ughello tom. I Itiae Sacrae ex Dandulo in Historia Veneta Ms. Synodi initium est : «Imperante serenissimo Tiberio Constantino Augusto, anno imperii ejus quinto, eodem consule, sub die in nonarum Novembrium, Indictione XIII». Quae notæ temporarie annum Christi *DLXXIX* cerlo designant. Quare cum *Pelagius II*, die *xxx* mensis Novembris divo Andreæ Apostolo sacra ordinatus tuerit, dies illa *xxx* Novemb. ad alium annum referri non potest, quam ad annum *DLXXVIII*. Præterea lecta est in Synodo Gradensi Epistola *Pelagii II*, die *xvii Februarii* data, in qua inquit Pontifex : «Castrum Gradense totius Venetie, cum omnibus vestre Ecclesie pertinentibus etiam Istriae metropolim perpetuo confirmamus», diciturque Epistola data *XII kal. Martii, imperatore Tiberio II Augusto*. Sed de ea Synodo an. *DLXXIX* verba faciemus. Hic enim ista tantum affero, ut errorem vulgarem in Pontificatus *Pelagii II* exordio collocando haec tenus commissum tollam, evidenterque pateat, ideo quatuor nullorum decessorum *Pelagii II* Pontificatus suis annis redditos non fuisse, quod Sedis *Pelagii II* initium anno uno multikalam fuerit, et citius quam par erat, inchoatum. Qua enim ratione *Benedicti* mors usque

ad diem xii mensis Augusti anni DLXXIX a Papabrocio in Conatu Chronicō-Hist. differri potuit, cum laudata *Pelagii II* Epistola die xviii Februarii ejusdem anni data fuerit? quod vero Baronius *Pelagii II* initium cum currenti anno non bene alligavit, ex iis, quae in morte ejus dicemus, extra omnime dubium ponetur.

5. *Guntramni regis filii duo moriuntur.* — Gregorius Turonensis lib. 5, cap. 17, loquens de iis, quae accidere anno secundo Childeberti Francorum regis, qui hoc Christi anno in cursu erat, ait: «Ipse (nempe Guntramnus rex) duos filios suos subito morbo oppressos perdidit, de quorum funere valde contrastatus est, eo quod orbatus absque liberis remansisset. Eo anno dubetas Paschae fuit». De illa controversia, circa diem Paschalis Iunius anni exorta, locuti sumus an. DLXXXIII cum Baronio: de morle

vero duorum *Guntramni* filiorum verba facit Marius in Chronicō ad annum xi consulatus Justini, ac Indictionem x: vocabantur egregii istū adolescentes *Chlotacharius* et *Chlodomeres*, quorum prior annum agebat ætatis decimum, posterior annum quartum, ut ex eorum Epitaphiis a Duchesnio, tomo i Collect. Hist. Franc. publicatis constat.

6. *Synodus Parisiensis V.* — Celebrata hoc anno *Synodus quinta Parisiensis*, ob causam *Protextati* episcopi Rotomagensis, de qua cum Baronio an. DLXXX agemus.

7. *S. Eutychius in sedem Constant. restituitur.* — Mortuus est hoc anno *Joannes* episcopus Constantinopolit. et sanctus *Eutychius* in sedem suam restitutus, ut anno sequenti, juxta Baronii ordinem ostendemus. *Merovei*, filii Chilperici regis rebellio, de qua anno DLXXX.

1. *Tiberius, vir optimus, in collegam imperii adscitus, Eutychium in sedem Constantinopolitum revocat, defuncto Joanne.* — Quingentesimo septuagesimo octavo Christi anno, Indictionis undecimæ, cum Justinus imperator decimum tertium ageret in imperio, adscivit sibi collegam Tiberium. Ita quidem Evagrius rerum præsentium inspector, cum hæc ait¹: «Ut autem ordinem temporum accuratissime complectamur; intelligendum est, Justinum juniores per se solum ad annos duodecim et menses decem cum dimidio regnasse, atque una cum Tiberio ad annos tres, et undecim menses». Hæc ipse: ex quibus corrigas alios qui Tiberii cooptationem ante quatuor vel quinque annos collocauit in suis Annalibus. Causam autem allegendi sibi collegam, idem auctor superius refert hujusmodi²: «Itis rebus auditis, (nempe Persarum felicibus progressibus), Justinus præ nimia insolentia ac superbia sanitatem animi et prudentiam ex mentis domicilio exturbata, casum qui acciderat, multo acerbius quam humana fert consuetudo, tulit; atque in morbum, quem Graeci φρενίδα vocant, id est, mentis alienationem et insaniam incidit: adeo ut de cætero, rerum quæ gereret, nullum

omnino sensum haberet. Haque Tiberius genere Thrax, qui facile primas apud Justinum obtinuit, Reipublicæ capessit administrationem». Hucusque Evagrius.

2. Hæc autem quonodo eidem Tiberio præsumta fuerint a S. Eutychio episcopo Constantinopolitano cum in exilio degeret, Eustathius³ ejus comes ita scripsit: «Quid porro de pœ memorie Tiberio prædixerit, videamus. Primum quidem ipsum Tiberium notarium apud Justinum, antequam eset imperator, collocavit. Deinde cum apud Syrmium Abarici belli causa ageret, scripsit ad eum vir admirabilis. Scribendi autem hæc fuit occasio: tribunus quidam militum Anasæ commorantium cupidus apud Tiberium gratiam inire, acceptis a sancto viro litteris commendatiis, ad eum alacri animo Syrmium profectus est. Atque illius quidem Epistole argumentum erat hujusmodi, sed tamè imperii quoque prænuntiationem confinebat. Post proœmium enim Epistole sequebantur hæc verba: Nunc quidem in partem reipublicæ gubernacula tibi commisit Deus, mox autem et finem concedet. Hoc nemo nostrum tunc animadvertisit, sed ubi Cæsar creatus est, tunc intelleximus. Epistolam autem

¹ Evag. l. v. c. 23. — ² Ibid. c. 11.

³ Eustat. in Vit. S. Eutychii apud Sor. tom. II. die VI April.

ille (ut audivimus postea) servavit ». Hæc Eustathius.

3. Pérro Tiberius ubi administrationem accepit imperii, horum memor, opportune oblata occasione mortis Joannis intrusi in sedem Constantinopolitanam, mox eundem Eutychium summo cum honore restituit. Hæc autem quonodo se habuerint, paulo post dicturi sumus. Versemur modo in his quæ de Tiberio scripta narrantur, de ejus laudatissimis moribus accipe Suidæ verba: « Tiberius Romanorum Constantinopolitanus imp. quem Justinus commendat ut virum clementissimum et humanum, hominem alienum ab avaritia, qui felicitatem in uno eo reponat, ut floreat populus et omnibus rebus abundet, communem hominum felicitatem præclarum et inviolatum thesaurum existimans: quique tyramicam insolentiam perosus, et humanitatem amplectens, et regi a suis, quam illos a se crudelius tractari, paterque a suis diei maluerit, quam dominus ». Hæc Suidas. Sed majora de eo ab Evagrio sunt preconia decantata, cum primum de iis quæ acciderunt in ejus promotione ejusmodi orationem instituit¹:

4. « Interea temporis Justinus de consilio Sophiæ Tiberium Casarem declarat, taliaque verba in eo declarando locutus est, qualia nulla historia vel vetere vel recentiore sunt omnino commemorata; Deo videlicet propitio ei tempus largiente tum ad sua peccata confitenda, tum ad explenda ea quæ ex usu reipublicæ forent. Nam cum Joannes episcopus una cum suis, cumque principes et magistratus, cum denique milites præloriani in atrio sub dio ubi ejusmodi negotia de more inveterato agi solent, in unum cogerentur; sic clara voce Justinus allocutus est Tiberium, tunica indvens imperatoria, et laena circumvesiens: Ne te in errorem inducat vestis splendor, neque illustris ornatus istarum rerum, que sub aspectu cadunt, decipiatur; quibus ipse in fraudem impulsus imprudens me ipsum gravissimis suppliciis obnoxium reddidi. Itaque tu in Reipublica summa cum mansuetudine et animi lenitate regenda vitia mea praestato. Atque dixi magistratus demonstrans: Non oportet, inquit, horum consilii morem gerere: nam hi me ad istas quas cernis miserias deduxerunt. Aliaque ejus generis protulit verba, que omnes in maximam adduxere admirationem, tum ad immensam lacrymarum vim profundam impulere.

5. Erat iste Tiberius corpore maxime procero et robusto, et pulchritudinis excellentia omnium opinione majore; adeo ut non regibus solum et imperatoribus, sed omnibus etiam hominibus facile præstaret. At primum quod ad corporis formam attinet, ea principatu plane digna fuit. Quod autem spectat ad animum: illum mansuetudo et benignitas exornarunt: primo enim aspectu omnes videbatur ad se diligendum invitare: divitias eas putavit, quæ cuique satis essent ad largiendum

non solum ad necessitatem, verum etiam ad affluentiam. Nam non istud modo considerabat, quod qui opis indigeant, illis beneficia accipienda sint, sed quod imperatorem Romanum decebat liberaliter dare: aurum vero adulterium existimavit quod cum subjectorum lacrymis collectum est: qua re inductus, tributum unius integri anni vectigalibus condonat: quinetiam prædia quæ Adaarmanes tributis impositis fere labefactaverat, quasi in libertatem vendicavit, et non modo dannum pro ejus magnitudine, sed etiam cum fœnore sarcivit; atque iniquas largitiones, pro quibus alii imperatores suos subjectos magistratibus pro sua libidine abutendos exponere et quodammodo divendere consueverant, remisit, cavitque per leges, ne quid hujusmodi in posterum committeretur ». Hæc Evagrius de Tiberio. Quomodo autem hoc anno defuncto Joanne episcopo intruso, revocatus a Tiberio est Eutychius exul tertia die Octobris; Eustathius, qui interfuit, rem gestam ita describit¹:

6. « Cum ex hac vita decessisset is quem Deus arcanis quibusdam de causis, quas ipse novit, in sedem hujus ær umosi magnique viri irrepare permiserat, cumque pius populus pastorem doctoremque suum flagitaret; ad pite memorie imperatores Justinum et Tiberium, in primisque ad imperatorem et regum dominum nostrum exclamant, ut fidei cunctos et Trinitatis buccinator redideretur. Suspiciens illi divinum populi fidelissimi studium, et charitatis ardorem, quo ipsi quoque jampridem erga sanctum virum flagabant; pio populo id quod petebat, concesserunt. Illud enī semper optaverant cum multis aliis de causis, tum ob eam præcipue, quod eos imperatores futures prædixerat ». Et inferius: « Cum igitur Christi amantissimi populi clamores exaudissent Justinus et Tiberius imperatores, statim magna cum celeritate ingentique gaudio scribas generosissimos miserunt ad sanctissimum virum, ut eum vel invitum ac recusantem ad regiam civitatem reducerent. Hi cum ad eam pervenissent, reddiderunt litteras imperatorum: quas cum ille perlegisset, suspiciens in eam et lacrymans, egit gratias Deo: Ecce, inquiens, Domine, labia mea non prohibeo: quoniam tu cognovisti cogitationes meas de longe, semitam meam et funiculum meum investigasti, et omnes vias meas prævidisti: Mirabilis facta est scientia tua ad me: confirmata est, et non potero ad eam. Quis novit mentem Domini, et quis consiliarius ejus fuit? Quis ea quæ Deus altissimus decrevit, dissipabit? Num dicet figmentum ei qui se fecit: Cur me fecisti sic? An divi auditionem tuam, et timui: cogitavi opera tua, et expavi.

7. *Reditus Eutychii et ingressus Constantiopolim, amore populi et signis illustratus.* — « His et aliis multis verbis cum gratias egisset, et in sancto monasterio divinum sacrificium obtulisset,

¹ Evag. l. v. c. 13.

in sede constitutus (dies tunc erat Dominica) postquam salutiferæ etiam Crueis memoriam die quadragesima mensis Septemb. splendide celebravimus, monasterio et omnibus in eo habitantibus benedixit, universæque civitati, omnesque Deo commendans, iter suscepit. Comitatus est autem eum usque ad regiam civitatem archiepiscopus Apameæ civitatis. Videre lieuit novum plane spectaculum et divina etiam anima dignum; mixta inter se contraria, dolorem et gaudium, luctum et tantum: cum ali quidem ob ejus discessum dolerent, alii propter ejus revocationem lætarentur ». Et paulo post :

8. « Quis (inquit) ea quæ tunc admirabilia configerunt pro dignitate valeat explicare? Quæ lingua narrare queat assiduos et varios concursus et congressus, et faustas acclamations, cum omnes una clara voce dicebent: Benedictus qui venit in nomine Domini; et, Gloria in Excelsis Deo, et in terra pax. Sciebant enim qui ita clamabant, a Domino esse dictum: Qui vos accipit, me accipit: et qui accipit justum in nomine justi, mercedem justi accipiet ». Hæc quoad acclamations: quo vero ad miracula, accipe quæ mox subdit de populorum ipsi occurrentium magna fide, sanctique virtutibus :

9. « Infirmos autem juxta viam efferebant, ut vel umbra fortasse viri eos attingeret: qui pro ratione fidei a Deo auxilium accipiebant. Accidit et res admirabilis. Nam eum ab Euchaitis vir sanetus discederet, mulier quædam cum filio ægrotante progrediens, sic est a multitudine conculeata, ut de ipsis filiique salute omnes desperarent: quæ tamen evasit incolumis, morbusque discessit: atque ita totum iter nostrum perfecimus. Cum autem in Nicomediensium metropolim pervenissimus, videbamur nobis in alium mundum venisse (sicut aecedit Petro, qui cum liberaretur ab Angelo, putabat ea per visum fieri) sic cum Nicomediam pervenissimus, vere cognovimus Deum misisse Angelum suum, et Petri imitatorem eripuisse de manu omnium qui illi struxissent insidias. Non solum enim fidelis et Christi studiosus populus, regale sacerdotium, gens sancta congruenles acclamations edebat, et gratias agebat Deo: sed et incredulus etiam et a grege nostro alienus populus Hebreworum, propemodum pueros illos imitans, elabebat: Benedictus qui venit in nomine Domini: et, Crescat fides Christianorum.

10. « Cum hoc igitur honore ex honesta peregrinatione in urbium regina ingressus est propagator, ut forlis olim magnus Athanasius Alexandriam (italia enim de ipso S. Gregorius scripsit) neque enim aliquis arrogantiæ ei tribuat. Pullus enim asinæ virum illum portabat: rammuli ac strigulae vestes varie illum excipiebant: alii præcinebant et alii præsultabant. Neque enim solum multitudine puerorum, sed omnium linguae certatim faustis acclamationibus utebantur. Præterea varios plausus et thura quæ incendebantur, et ignes qui

ita ubique tiebant, ut tota urbs ardere videretur. Mitto convivia publica, et nova ædificia, et quæcumque solent civitates efficere, ut gaudium keti-giamque significent: quæ quidem omnia abunde fuerunt exhibita. Tanta profecto vir admirandus et magnus Entychius exceptus est celebritate, ut eum honorifice nullæ jam fuerint, nulla post hominum memoriam splendidior extiterit. Illud Isaiæ¹ prophætæ eximii huic merito congrue dixeris: Adducunt fratres ipsorum, id est, viri fidetæ et pii, levitas et sacerdotes in splendidis multis, eum vehiculis in sanctam civitatem nimis Domino. Annon ita fuit? Imo vero patrem ac pastorem, magistrumque suum fidelis populus duxit in sanetam civitatem novam Hierusalem ac reginam urbium.

11. « Quis dicendo assequi posset res admirandas, quæ tunc in terra mariæ gesta sunt? Quomodo mare constratum sit, tergaque sua navibus subjiciens terræ factum fierit simile, adeo ut sine impedimento possent omnes super ipsum incedere? Nemo enim præ hominum multitudine poterat aquam a terra discernere, et erat terra omnis atque mare tabùnum unum; voxque divina et cœlestis omnium simul Domini et Creatoris sui Dei gloriam celebrantium. Hæc dieta sunt, ut qui sciunt recordentur, et qui nesciunt diseant. Quid porro? prætermittimusne reliqua? minime vero. Quænam ista sunt? Divino consilio factum est, ut inde discessus principium fuit, inde redditus etiam initium habuerit. Cum enim dies festus S. Timothei in Ilormisda (ut ante diximus) celebraretur, illius pius vir sacrificium faciens sublatus est, et ea perfulit quæ passus est. Cum autem cursus explesset tanquam sol, exultavit ut gigas, currens etiam a summo cœli, et occursus ejus usque ad summum ejus. Rursus enim in Ilormisda restitutus est, tanquam sponsus ingrediens in thalamum suum, et non fuit qui se absconderet, aut calore ejus non frueretur. Omnes enim fideles sanctitatis et gratiæ ejus participes extiterunt vel per visum, vel per tactum: multi enim per salutationem et dulcem congressum delectabantur; alii per auditum vehementer gaudebant: fama enim ejus paulo post per omnem terram est pervagata. Cum igitur noctem ibi transgisset, mane, sumpto superlumerali, quod secum ipse semper gestabat, cum sancto clero suo in angustam ædem sancte et immaulatae dominæ nostræ Dei Genitricis et semper Virginis Mariæ, quæ in Blanchernis sita est, concessit. Illius erant pii imperatores Justinus et Tiberius: qui hilari vultu et magno cum honore sanetum virum excipientes, quæ tempori conveniebant, collocuti sunt: et quia dies era dominica, et divinum ipse sacrificium erat facturus, eum dimiserunt. Quis non commemeret hic opportune verba Psalmi²: Dies diei eructat verbum, et nox nocti indicat scientiam? Si quis illam tempestatis et tentationis seu persecutionis diem ac noctem cum hæc revocationis et

¹ Isai. lxvi. — ² Psal. xviii.

reditus ejus, summæque pacis et tranquillitatis die nocteque comparet ; magnam sapientiam atque scientiam in utroque tempore negotioque reperiet. Nam in persecutionis tempore sabbatum et hiems erat.

12. « Vicesimo secundo mense Januarii die vir sanetus tentus et ejectus fuit, revocatus autem est die tertia mense Octobris, qui erat Dominica : qua quidem die et illi qui viro sancto insidias struxerant atque eum in exsuum ejecerant, Ætherius et Addeaus, quorum hic quidem Urbis praefectus erat, ille autem Antiochiae curator, mortui sunt : et quemadmodum ambo virum sanctum ejiciendum curarunt, ita meritam ambo mercedem acceperunt. In hac igitur die vir optimus et sedem recepitalque Ecclesiam suam, et ipsi privati sunt vita multis annis antequam ipse revocaretur ». Et post multa de Ætherii persecutoris confessione quæ et superius alia occasione dicta sunt, haec subdit :

13. « Cum vir sanctus (ut dictum est) cum imperatoribus congressus esset, et vix tandem ab eo divelli potuisset ; videus populum Christi pastoris sui studiosum sine interpellatione gratias agentem Deo, precatus est enim, ut bonus ipsius esset remunerator. Atque ita cum universo populo fidei in sanctam Dei magnam Ecclesiam ingressus est, non sine labore tamen, tanquam in regnum Dei, cum magna premeret multitudo, quæ divinum templum occuparat. Cunque in locum editum ut Moses olim in monte Sinai, ascendisset ; sublati ad Deum manibus populi preces et supplicationes cælesti Deo et Patri offerre, Deique misericordiam ad populum deducere videbatur : neque enim aliud propter populi multitudinem fieri poterat. Tonitruus enim et bnecinæ progredientes, id est, aptæ divinorum oraculorum lectiones clarius et vehementius pronuntiate cum timore et magna compunctione peragebantur. Quid tum ? Divina caligo sanctum operuit altare, super quo cum incurvantum sacrificium obtulisset, fideli populo distribuit : quæ quidem distributio ab hora tertia ad nonam usque perducta est, cum omnes ab ipso accipere vellent communio-

nem. Quoties enim distribuebat, omnes ad eum sine cessatione concurrebant. Nam qui recte sentire soliti erant, nulla visendi eum satietate affiebantur : sed quanto quis illi magis hærebat, tanto magisatrahebatur, eodem erga illum affectus modo, quo erga magnetem lapidem ferrum, quod arcana quadam illius vi naturali pertrahitur : ita vir admirabilis omnes qui videndi ipsum studio tenebantur, amanteratrahebat ». Et post multa de virtutibus ejus dicta, hæc etiam de reditu populo admundum proficuo addit :

14. « Vos qui redditum ejus memoria tenetis, non ignoratis magnam et diuturnam, antequam reverteretur, pestem extitisse : quæ quidem ita sæviebat, ut nisi hic a Deo electus tanquam alter Phinees obstitisset, omne genus hominum atque omnis ætas interiisset. Quomodo autem placatus est Deus ? Supplicationibus, quas ipse cum Christi studio populo adhibuit, a sanctissima magna Ecclesia incipiens, usque ad ædem sanctæ et immaculatae Dominae nostræ Dei Genitricis semperque Virginis Marie, que in Blanchernis colitur. Dum igitur supplicationes ad Christum Deum nostrum, quem ipsa Virgo de Spiritu sancto concepit, fierent, perciperit ille populo Angelumque cohibuit, qui civitatem sine intermissione persecutiebat ». Et paulo post : « Ab eo igitur die usque ad beati viri vite finem Christus Deus noster a populo provocatus iram cohibuit. Ac redditum quidem ipsius primum opus hoc fecit, quo salutem omnibus communem impetravit, etc. » Pergit Eustathius enarrare complura miracula ab eodem Eutychio Constantinopoli post redditum suum edita, quæ brevitatis causa prætermittimus : cætera autem de ipso opportunius suo loco dicemus inferius. Ecce sufferentiam¹ sancti auditis, et finem Domini vidistis, quoniam misericors Dominus est et miserator, qui non dat in aeternum fluctuationem justo, secundum illud² : « Usque ad tempus sustinebit patiens, et postea redditio jucunditatis ». At de his satis.

¹ Jac. v. Psal. LIV. — ² Eccl. I.

Anno periodi Graeco-Romanæ 6071. — Anno Ærie Hispan. 616. — A. C. 578. — Jesu Christi 578. — Pelagii II pape I.
— Tiberii Constantini 5 et 1.

1. *Postconsulatus.* — Is annus haec formula notatus: *xiii post consulatum Justini jun. Aug. solius xi*, vel, ut habet Marius: *Anno xii consulatus Justini jun. Aug. Indict. xi.*

2. *Tiberii nuncupatio et Justini imp. mors ad suos annos vereanda.* — A num. I ad 6. Baronius existimavit *Tiberium* hoc tantum anno Cæsarem creatum, et *Justinum juniorum* usque ad annum **DLXXXII** in vivis fuisse. Verum anno **DLXXIV**, num. 4 et seqq. demonstravimus, *Tiberium* mense Decembris illius anni nuncupatum esse Cæsarem, et dubius Baronii satisfecimus. Quare quæ hoc anno numeris citatis de *Tiberio* Baronius habet, ad illum Christi annum retrahenda; ac pro certo tenendum, *Justinum juniorum* die quinta mensis Octobris currentis anni naturæ debitum solvisse.

3. *Obitus Justini jun. Aug.* — Auctor enim Chronicæ Alexandrinæ ad Indictionem xi, praesentem scilicet Christi annum, seribit: « Hoc anno **xii** Justinus imperatoris, mense Septembri **xxvi**, **xii** Indictione, coronatus est ab ipso Tiberius junior Constantinus et quinto die mensis Octobris *Justinus Augustus* vita excessit, et Tiberius Constantinus solus imperavit alios annos quatuor », ubi tamen auctor iste annum illum *Justini* perperam *duodecimum* vocat, quia scilicet ejus initium anno uno tardius collocavit. Marius Aventicensis, qui male etiam *Justini* exordium cum anno **DLXVI** copulavit, dissimili errore, hujus mortem in annum sequentem distulit. Imperavit itaque *Justinus* annos duodecim, menses decem, et dies **xxii**, die emortuali inclusio, indeque Zonaras et Theophanes numero rotundo loquentes annos tredecim eidem assignant. Theophanes lamen male cum anno Incarnat, secundum Alex. **DLXX**, kalendis Septemb. superioris Christi anni inchoato, cooptationem Tiberii et *Justini* mortem alligat; scribitque, mense Octobri, Indictione undecima, *Justinum* *Tiberium* Cæsarem renuntiasse, annoque Incarnationis secundum Alexandr. **DLXXI**, eo anno, mense Octobri, Indictione **xii**, *Tiberium* ab *Eutychio* imperatorem coronatum fuisse. Mors enim *Justini*, et *Tiberii* ejus successoris coronatio uno eodemque anno peracta, currenti scilicet. Huc itaque revocanda quæ anno **DLXXXII** a num. I ad 6. Baronius habet, tam de *Justini* obitu, quam de *Tiberio Cæsare* ejus

in imperium successore. Porro auctorem Chronicæ Alexandrinæ mense Septembri Indictionem mutare, laudatus locus demonstrat, quod et multis exemplis ex eo deductis liquet.

4. *Mors Joannis patriarchæ Constantinop. et ejus scripta.* — Ad num. 6 et seqq. Theophanes anno Incarnat, secundum Alexandrinos **DLIXIX**, qui kalendis Septemb. anni Christi **DLXXVI** exorditnr, ait: « Mensis Augusti die trigesimo primo, Indictione decima, Joannes episcopus Constantinop. obiit »: quare ejus mors anno quingentesimo septuagesimo septimo contigit, nt ex mox dicendis magis liquebit. Nicephorus in Chronicæ annos duos, et menses septem ei assignat; sed numeri corrupti sunt; cum enim *Joannes Scholasticus* die **xii** mensis Aprilis an. **DLV** ordinatus fuerit, et sanctus *Eutychius* per annos duodecim in exilio egerit, sedit *Joannes* annos duodecim et menses quinque, intrinque incompletos, ideoque in Tabulis Theophanis recte ei anni **xii** attribuuntur, neglectis sc. mensibus. Inter veteres Juris canonici Collectores quos Ecclesia celebrat, *Joannes Scholasticus* numerandus. Ducas ejus canonum Collectiones nunc primum editas habemus tomo **ii** Bibliothecæ Juris canonici. Is porro imitatus non est priores græcas canonum Collectiones, quæ singulari Synodorum slatuta, sub certis numeris consequenter refrebant, sed canones variorum Conciliorum ad eamdem materiam spectantes sub uno titulo posuit; sieque sub quinquaginta titulis omnes lere canones ordinavit. Ediderat laudatam canonum Collectionem *Joannes*, dum adhuc esset presbyter Antiochenus; faclusque patriarcha, *Nomocanonem* composuit, qui extat Ms. in Bibliotheca regia sub nomine Theodoreti Cyrrestensis episcopi, quem proinde illius auctorem credidit Perronius cardinalis. Verum Justellus in Praefatione ad tomum **ii** Bibliothecæ Juris canonici notat, opus illud *Joanni Scholastico* tribuere omnes alias Codices Ms. Et quidem recte; nam et canones Apostolicos **LXXXIX** laudat, qui *Theodoreti* relate nondum in Orientalis Ecclesiæ Codicem relati erant, nec ab aliquo scriptore Ecclesiastico illius temporis citati reperiuntur. Præterea in *Nomocanone* Ecclesiastici canones cum principum legibus, præcipueque cum *Justiniani* imperatoris Novellis

conferuntur, ideoque hallucinantur, qui Collectionem canonum *Joannis Antiocheni* ab ejus Nomocanone non distinguunt. Baronius de morte *Joannis* verba non facit, sed anno DLXIV, num. 29, ait tantum eum sedisse annis duodecim, et mensibus septem, idque habere Nicephori Chronicum. Quare nactus erat cardinalis doctissimus exemplar Nicephori, in quo error editionis graecæ Scaligeri, et græco-latinæ regiae non extabat: loco tamen *menses* *quinque*, legendum est, *menses* *quinque*.

5. *S. Eutychius anno DLXXVII in sedem Constantinop. restitutus.* — Non diu post Joannis Scholastici mortem *S. Eutychius* in sedem Constantinopolitanam restitutus est: Theophanes enim anno Incarnat. secundum Alex. DLXX, qui kalendis Septemb. anni Christi DLXXVII auspiciatur, inquit: «Hoc anno (mense Octobri, Indictione undecima, a Septembri cœpta) Eutychius thronum Constantinopolitanum secundo accepit», ideoque anno Æra nostræ vulgaris DLXXVII. Eustathius in hujus sancti præsulis Vita cap. 7 et seq. de Eutychii Constantinopolim ad patriarchatum regressu sermonem habet, aitque: «Postquam Christianissimi populi clamores exandivisseni Justinus et Tiberius imperatores (Cæsares enim imperatores appellatos fuisse non seint ostendi) magna statim cum celeritate et gudio miserunt generosissimos scribones (id est, satellitii imperatorii præfectos, ab imperatoribus ad mandata preferenda, vel exequenda mitti sohtos, ut reete ostendit Ducangius in Glossario in voce Scribones) ad sanctum virum, ut eum vel invitum ac recensantem reducerent ad regiam civitatem, etc. Cum gratias egisset (sc. Eutychius) et in sancto monasterio (sc. Amaseæ) supra thronum residens, divinum sacrificium obtulisset (dies enim Dominica erat, postquam etiam salutiferæ Crucis memoriam Septembbris die decima quarta splendide celebravimus) monasterio, et omnibus in eo habitantibus benedixit, universaque civitati, etc.» Anno autem Christi DLXXVII, festum Exaltationis sanctæ Crucis incidit in teriam tertiam, ideoque dies Dominica in diem XII Septemb. et die XV ejusdem mensis *Eutychius* cum Eustathio et sociis viæ sese dedit. In itinere miraculis inclinavit, et Constantinopoli quasi alter Athanasius Alexandriam rediens, exceptus est: «Cum sancto clero ad Augustam adem sanctæ et immaculatae Dominae nostræ Dei Genitricis et semper Virginis Marie in Blanchernis se contulit: nam illic erant imperatores Justinus et Tiberius, qui sanctum virum hilari vullu et magno cum honore excipentes, ac tempori tali congrua locuti, dimiserunt eum, quia dies Dominica erat, et divinum sacrificium volebat peragere». Paulo post ait Eustathius: «Restitutus est tertia Octobris, quæ Dominica erat», ideoque anno Christi DLXXVII, quo Dominica in diem teriam Octobris cadebat.

6. *Romani ditiones Persicas devastant.* — Theophylactus lib. 3, cap. 15, refert, *Tachrostrom* Persarum ducem, ubi se Romanis multitudine longe inferiore cognovit, Armeniam reliquisse, et per

Arzanenam prædabundum domo discessisse: «Mauritius dux (qui postea Augustus fuit) Barbaros Armenia egressos, et Orientem pervastare aggressos cognoscens, totis copiis in Persidem ruit, et ex calore immodico morbum ac dolorem nactus est. Irruptione igitur in Arzanenam facta, Romani, quia deerat, qui vim arceret, ac propulsaret, Aphumos castellum natura et operibus firmissimum occupant, aliaque insuper castella evertunt, multaque strage in Persas debacchantur, etc. Sic itaque Arzanena Romanorum armis male muletata, dux inde excedens, Arabiae loca, non procul a Nisibi, summo velut compendio incursal. Deinde usque ad Tigrem vastitate illata, Cursium et Romanum trans flumen mittit, qui hostium regionem deprædentur, ipse Gingaro castello subacto, quoniam hyems appetebat, cum copiis in hyberna concedit. Hoc tempore Justinus Romanorum imperator tabe confectus, moriens, magnam rerum in vita gestarum mercedem est adeptus». Legenda quæ habet Menander Protector in fine paginæ 124, ab illis verbis *etiamsi Romani*, etc. et tota pag. sequenti, ubi gesta hoc anno a Romanis adversus Persas fusius quam Theophylactus narrat, et plura quæ ipse prætermisit, habet. Legenda pariter quæ Baronius anno sequentinum. 8 ex Agathia de *Chosroe* refert. Hæc enim æstate currentis anni accidere.

7. *Selavini Thraciam, Longobardî Italiam depopulanter.* — Idem Menander pag. 124 sribit: «Circa quarum imperii Tiberii Constantini annum centum fere millia Selavorum in Thraciam irruerunt, et Thraciam multasque alias regiones prædati sunt. Cæsar misit in Italiæ magnam auri quantitatem, usque ad centum triginta pondo, quæ Pamphronius nomine, dignitate patricius a seniori Roma ad imperatorem attulerat. Is tune ad regiam venerat, ut precibus a Cæsare impetraret, ut Italiæ a Langobardorum excursionibus oppressam, in libertatem vindicaret. Cæsar vero, cui omnia præ bello Persico nullius momenti erant, quippe qui totus in illud incumberet, exercitum mittere non potuit, neque bellum in Oriente et in Occidente simul sibi gerendum statuïl. Sed peccrias dedit Pamphronio, quibus si qua posset, aliquos Langobardorum persuaderet ad Romanos transire, una cum eorum exercitu et Italiæ minime turbare. Si Longobardi renuerent, ut veris imile erat, bellatum foris ire, Francorum ducum aliquos merecede sibi socios adjungeret, et hac ratione Longobardorum potentiam labefactaret et infringeret». Hinc abbas Biclarieensis ad annum X Justini imp., qui juxta ejus supputationem eum majori parte anni Christi DLXXVI concurrit hanc *Selavinorum* irruptionem citius quam par erat, narrat.

8. *Exordium regni Orientalium Anglorum.* — Hoc circiter anno cœplum est regnum *Orientalium Anglorum*, quod a situ et Saxonum differentia *East-Anglia* vulgo nominabatur. Ad Orientem et Austrum Oceano clauditur: ad Occidentem fossato ingenli, quod a sancto *Edmundo* martyre nomen

babet. Regum ac principum hujus regni nemo nonnum prodidit, et quicunque illi fuerint, ante fidem Christianam in illud invectam, ad Annales Ecclesiasticos nihil faciunt.

9. *Alia hoc anno gesta. — Pelagius II* creatur

Pontifex Romanus, ut anno superiori dictum. *Vinum miraculo divi Martini auctum*, ut videre est anno DLXXX. *Daceo et Dracolenus* in Francia occisi, ut anno DLXXXI ostendetur.

PELAGII ANNUS 2. — CHRISTI 579.

1. *De annis Cosrhois Persarum regis ratio.* — Sequitur ordine temporis Christi Redemptoris annus quingentesimus septuagesimus nonus, Indictionis duodecimæ : quo Tiberius imperator Cosrhoen Persarum regem evolutu jam triennio ieti fœderis arma moventem adversus Romanum imperium vicit, eoque mœroris adegit superbū hominem crebris victoriis elatum, ut mori cogetur.

2. Antequam autem rem gestam hic describamus, de annis ejusdem Persarum regis ratio exquirenda est. Constat ipsum, ex sententia Agathiae¹ hujus quoque temporis scriptoris, regnasse annos quadraginta octo; hoc vero anno secundo Tiberii imp. ab eodem superatum, esse morte sublatum, quem testatur inchoasse regnum anno quinto Justiniani imp. (est is annus Domini quingentesimus trigesimus primus) licet Procopius tradat² ipsum non ante septimum ejusdem Justiniani annum regnare cœpisse : quo anno ait perenne illud inter Romanos et Persas fœdus decretum fuisse, cum statim Cosrhoes regnum invasit. Verum Agathias³ nobis sequendus res Persicas accuratis prosecutus, cuius sententia dicimus Cosrhoen hoc anno victum esse atque defunctum.

3. Sed corrigendus est locus Agathiae, ubi coniungit quintum annum Cosrhois regis cum Justiniani imp. anno vicesimo octavo : qua ratione dicendum foret, ipsum cœpisse regnare anno ejusdem imperatoris vicesimo tertio, pervenisseque ad annum Domini quingentesimum nonagesimum septimum : quod utrumque pro monstrō eset habendum. Nam quomodo dicto anno vicesimo tertio potuit inchoasse regnum, cum inferius tradat anno quinto defunctum Cadabem, et regnum cœpisse Cosrhoen? Rursus vero cum constet sub Tiberio

mortuum esse, quomodo ad annum Domini nonagesimum septimum post quingentesimum pervenit, cum tunc Maurilius imperaret? Liquet igitur apud Agathiam in annorum numerum mendum irrepsisse, ne accuratum in sui temporis rebus gestis scriptorem hallucinatum dicere quis cogatur, stabili manente ejusdem sententia Agathiae testantis hoc anno Cosrhoen victum atque defunctum finem imposuisse regnandi. Quæ vero ante obitum Cosrhois præcesserint prælia, hic ex Evagrio breviter ea prosequente narremus⁴.

4. *Bellum contra Persas cum clade hostium et nece Cosrhois confectum.* — « Idem Tiberius cum pecuniam male et inique partam ita collocasset, sicut ratio et æquitas postulabat, res ad bellum faciendum necessarias parare, ingentem cogere exercitum virorum facile præstantissimorum tam ex gentibus Transalpinis circiter Rhenum incolentibus, quam ex Cisalpinis, quin etiam ex Massagetis, aliisque ex genere Scytharum; ex Pœonia præterea, Mysia, Illyria, Isauria collectorum: adeo ut prope centum quinquaginta turmas equitum lectissimorum instructas haberet; quorum subsidio Cosrhoen, qui statim post Daram expugnatam tempore aestivo Armeniam invaserat, indeque iler versus Caesaream urbem Cappadociae primariam suscepserat, penitus proligavit. Iste Cosrhoes tam insolenter se gessit adversus Romanum imperatorem, uti cum imperator legatos ad eum misisset, illis ne quidem adenndi potestatem facere digaretur, sed juberet eos Caesaream usque sequi; ibi namque se consilium de eorum legatione initurum dixit. Postquam vero exercitum Romanum ex adverso sibi occurrentem, et a Justiniano fratre Justini, qui tam miserabiliter imperfectus fuit, gubernatum et armis firme munitum, et tubas classicum ea-

¹ Agat. hist. l. iv. — ² Procop. de bello Persic. l. 1. — ³ Agat. l. ii.

⁴ Evag. lib. v. c. 11. 13.

nentes, et signa ad pugnam sublata, et milites acute vociferantes et in acie pulchro ordine locatos, iram et furorem anhelantes, et tantum et tam egregium equitatum, quantum nemo aliquando ex imperatorum numero vel ipsa cogitatione conceperit, animadvertisit: vehementer obstupefactus prae rem insperata inexspectataque, ex intimo pectore ingemuit, et proelium exordiri noluit.

5. « Eum igitur pugnam differentem, cunctantem, terentem tempus, et callide iudicantein, Curs Scytha, qui dextero cornu exercitus Romani praefuit, adortus est: et cum Persae impetum ejus ferre non possent, sed aciem penitus desererent, Curs magnam eadem hostium fecit. Postremum agmen a tergo invadit, ubi apparatus tum Cosrhois, tum totius exercitus locatus fuit. Capit thesaurum regis universum, et omnem praeterea apparatum bellicum, idque Cosrhoe spectante, toleranteque, atque hoc potius perpetiendum arbitrante, quam Curs impetu facto in ipsum irrueret. Curs igitur cum suis magna pecuniae vi et multis spoliis potitus est: jumenta cum sarcinis, inter quas ignis fuit, quem pro deo coluit Cosrhoes, abduxit: atque Persarum exercitu repulso, laetum paean canens, sub erepulseulum reddit ad suos, qui jam stationes, in quibus ordine locabantur, reliquerant. Et adhuc neque Cosrhoes, neque illi preliari coepерant, sed quædam duntaxat velitares pugnae facte sunt, sicubi singuli ex utroque exercitu (ut fieri solet) enim singulis congrederentur. Cosrhoes autem ingenti rogo accenso, nocturnum proelium instituit. Ac cum Romani duos haberent exercitus, illum qui versus Septentrionem erat, intempesta nocte adoritur, Melitinam urbem sitam in proximo praesidiis nudatam ac prorsus desertam a civibus invadit: qua igne assumpta, parat se ad flumen Euphratem trajiciendum.

6. « Ubi vero copie Romanorum in unum coactæ eum sequi coeperunt, ipse metuens de salute sua, consenso elephanto, fluvium transmittit: magna autem pars exercitus sui, tranando flumine, undis obruta est: quam submersam cum accepisset, mature discessit. Itaque Cosrhoes hoc postremum supplicium pro insana temeritate contra Romanos admissa luens, una cum suis qui supererant, in Orientem revertit. Ibia tamen pactas habuit inducias, ne quis eum invaderet. Justinianus vero incursione cum toto exercitu in fines ditionis Persarum facta, tota hieme ibi commoratus est, nemine quicquam omnino ei exhibente molestiarum: circiter vero solstitium aestivum rediit, nulla parte exercitus amissa; atque in finibus, quibus Romanorum et Persarum imperium terminatur, cum magna vitae prosperitate et rerum gestarum gloria totum aestatis tempus contrivit. Cosrhoes autem ingenti doloris cumulo oppressus, animo fracto et acripi cura debilitato languens, erebris denique et variis ægritudinis fluetibus deuersus, miserandum in modum interit; ac legem quam scripsit, ne rex Persarum in posterum contra Romanos

arma ferret, velut sempiternum suæ fungæ monimentum post se reliquit. Quo extineto, Hormisdes ejus filius regnum capessit ». Hucusque Evagrius de Romanorum bello cum Persis, quod biennii temporis spatio confectum est.

7. At quod spectat ad interitum Cosrhois, aliqua habet Agathias, quæ in ipso Evagrio desiderari videntur: eujus res præ oculis habentis atque puro stylo easdem prosequentis haud est auctoritas contentnenda. Admiratus vero ipse mirabilem Dei potentiam, quomodo post tot annorum curricula ipsi Cosrhoi quam felicissime evoluta, respexit Deus tandem in mentem illam magnam, in regem Assyriorum, eumque e solo detraxit, in terramque prostravit; ejusmodi de eodem Cosrhoe habet ad calcem orationem¹: « Illud, inquit, in praesentia dixerim, per octo et quadraginta annos, quibus potitus imperio est, quam nullas hunc retulisse victorias, et eo magnitudinis evasisse, ut nullus priorum apud Persas regum fuisse huic similis compariatur: vel si cum singulis eum quis conferat, ne Cyrus dicam, Cambysi huic parem facturus sit; sed ne Xersem quidem ipsum, quem mare ferunt contabulasse, æquitableque id reddidisse, et navigabiles montes. Cosrhoes igitur etsi magnitudine cæteros anteivit, vita tamen est exitum ut calamitosum et inglorium naetus, ita et alienissimum a sui temporis principum fine ». De ipsius vero Cosrhois obitu ejusmodi habet historiam:

8. Is namque enim interea circa Carduchios montes aestivo tempore, in Thamanorum vico quodam, vitandi aestus ob gratiam, et ob locorum temperiem secedendo diversaretur: Mauritius Pauli per Tiberium Constantinus Romanorum imperatorem Orientalibus copiis praesesse jussus, in Araxanum agrum incursionem de improviso fecit, qui ntique contiguus erat circumjectis vico, ubi rex erat Persarum, castellis et agris protinus et intrepide devastatis. Zirma flumine trajepto, in anteriora processit, et proxima quæque depopulatus, igne demum succedit. Cum is itaque armis igneque omnia pervastaret, Cosrhoes ipse (non enim longe aberat, quam ut in altum eveetam lateque diffusam flamمام intueretur) hostilibus perinde incendiis insuetus, haudquaquam ejus prospectum tulit: unde pudore simul ac formidine pereitus, nec hostibus obviam ivit, nec quoquam paeto injuriam vindicavit: sed præter modum ex ea elade ingenti dolore perenitus, ac sui prorsus desperans, morbo statim insanabili quodam corripitur: unde quam eelerine ac per manus elatus, ad Seleuciam Ctesiphontem regiam fertur; et in fuge morem facta discessione, non longe post vitam finivit ». Haec Agathias. Ita Deus tumentes fluctus exiguae arenæ obiec in gracilem spumam convertit, cum dispergit² superbos in furore suo, et respiciens omnem arroganter humiliat. Haec in Oriente. Jam vero quæ memoria digna facta sint in Occidente, videamus.

¹ Agath. l. iv. — ² Job. xl.

9. *Martyres necati a Langobardis.* — Hoc eodem anno (ut ex S. Gregorio possumus intelligere) contigit octoginta martyrum coronis Ecclesiam illustrari. Ad hunc enim annum referenda sunt, quae idem S. Gregorius de his scribit¹ in Dialogis tertio sui Pontificatus anno, dum ante annos quindecim eadem contigisse affirmat, ubi haec ait : « Ante hos ferme annos quindecim (sicul hi testantur) qui interesse potuerunt quadraginta rustici a Longobardis capti earnes immolatitias comedere compellebantur. Qui cum valide resisterent, et contingere cibum sacrilegum nollet : cœpere Longobardi qui eos temperant, nisi immolata comedenter, mortem eis minari. At illi aeternam potius vitam quam præsentem ac temporariam diligentes, firmiter perstiterunt, atque in sua constantia simul omnes occisi sunt. Quid itaque isti, nisi veritatis martyres fuerunt, qui ne vetitum comedendo conditorem suum offenderent, elegerunt gladiis vitam finire ? »

10. « Eodem quoque tempore, dum fere quadraginta captivos alios Longobardi tenuissent, more suo immolaverunt caput capre diabolo, hoc ei per circuitum currentes, et carmine nefario dedicantes. Cumque illud ipsi submissis cervicibus adorarent, eos quoque quos cœperant hoc pariter adorare compellebant. Sed ex eisdem captivis maxima multitudo, magis eligens moriendo ad vitam immortalem tendere, obtemperare jussis sacrilegis noluit, et cervicem quam semper Creatori flexerat, creature inclinare contempsit. Unde factum est, ut hostes qui eos cœperant, gravi iracundia accensi, cunatos gladiis interficerent, quos in errore suo participes non haberent.

11. « Quid ergo mirum si erumpente persecutionis tempore illi martyres esse potuissent, qui in ipsa quoque pace Ecclesie semetipsos semper affligendo, angustam martyrii tenetur viam; quando ingrumente persecutionis tempore, hi etiam meruerunt martyrii palmam accipere, qui in pace Ecclesie latas hujus saeculi vias sequi videbantur? » Haec quidem tunc facta. Postea vero licet Longobardi esse hostes perseverarint, nullum tamen fidei causa negotium facessere consuevere : nam paulo post Petrus diaconus haec interloquitur : « Super indignos nos divina misericordiae dispensationem minor, qui Longobardorum saevitiam ita moderatur, ut eorum sacerdotes sacrilegos, qui esse se tidelium quasi victores vident, Orthodoxorum fidem persequi minime permittat ». Ad haec Gregorius : « Hoc, Petre, facere plerumque conati sunt, sed eorum saevitatem miracula superma restituere ». Nec vero quae inculcat, idem demonstrat exemplis, de quibus nos alias.

12. Quod autem spectat ad hujusmodi aliquot Longobardorum idolatriam, qua caput capre imolantes venerarentur : est de his ejusdem Gregorii papæ querela ad reginam Francorum Brunii-

childem de quibusdam licet Christianis in eodem tamen errore perseverantibus. Sed audi ejus verba² : « Hoe quoque pariter hortamus, ut caeteros subjectos vestros sub discipline debeatis moderatione restringere, ut idolis non immolent, cultores arborum non existant, animalium capitibus sacrificia sacrilega non exhibeant : quia pervenit ad nos, quod multi Christianorum et ad Ecclesias ocurrant, et quod dici nefas est, a culturis daemonum non discedant ». Haec Gregorius papa.

13. *Sigebertus, licet in bello civili Francorum vicit, dolo occiditur; sub quo plura divinitus immissa in invadentes iura Ecclesiarum.* — Hoc ipso anno, cum pax inita inter Francorum reges, post anni unius elapsum curriculum, novi helli obice turbaretur, conspirantibus in Sigebertum Chilperico ac Guntheramno, prelio Theodobertus filius Chilperici vicitus occiditur. Victor vero Sigebertus rex Francorum hoc eodem anno, cum in regno decimum quartum annum ageret, dolo impia Fredegundis, dum adversus Chilpericum germanum suum regem iterum certamen parat, per sicarios necatur annos aetatis agens quadraginta. Haec ex Gregorio, qui fusi rem gestam prosequitur³ : atque ubi primum de nece Theodoberti penas luentis nefandorum scelerum, quae (ut vidimus) a mililibus sibi subditis in Dei Ecclesias Ecclesiasticæ personæ sunt perpetrata, narravit; haec de nece habet Sigeberti, quam incurrit, quod audire noluerit S. Germanum Parisiensem episcopum⁴ : « Misit Sigebertus, qui fratrem suum Chilpericum in supra memorata civitate Rothomagensi obsiderent, ipse illuc properare deliberans, cui S. Germanus episcopus dixit : Si abieris, et fratrem tuum interficere notueris vivus et vitor redibis; si aliud cogitabis, morieris. Sic enim Dominus per Salomonem dixit⁵ : Foveam quam fratri tuo parabis, in eam corruies. Quod ille, peccatis facientibus, audire neglexit. Veniente autem illo ad villam, cui nomen erat Victoriaeum, collectus est ad eum omnis exercitus, impositumque super clypeum sibi regem statuunt. Tunc duo pueri cum cultris validis, quos vulgo seramasaxos vocant, infecti veneno mafeficati a Fredegunde regina, cum alioqui optimi regis et vere Christianissimi saepè antea egregium specimen ediderit : ut plane inter maxime pios principes collocandus fuisset, nisi furor ille belli civilis ejus animum invassisset : quanvis enim saepè provocatus illud invitus visus sit suscepisset; ubi tamen semel atque iterum excitaretur, eo impetu ferri se sivit, ut Dei contemnens monita sacerdotis, in eam insidiarum foveam præceps incurrit.

14. Commendatur inter alia ejusdem pietas

¹ Greg. dial. I. iii. c. 27. 28.

² Greg. I. vii. Ep. vii. — ³ Greg. I. iv. c. 50. — ⁴ Ibid. c. 51. — ⁵ Prov. xvi.

regis in colendis Dei servis, monasteriisque construendis a Jona ea scriptio quia prosecutus est res gestas¹ sancti Columbani Hiberni egregie sanctitatis viri, cuius opera magnopere in Galliis atque etiam in Italia propagatus est monachismus, ut ejusdem viri sancti Acta demonstrant.

15. Sed quidnam memoria dignum acciderit hujus Sigeberli regis tempore (quolo autem anno ejus regni, nescitur) euidam Childerico qui apud eundem regem primum locum obtinebat, hic tibi historiam perpetui dignam monumentis intexendam putamus. Narrat eam Gregorius istis verbis²: « Aquensibus concessus est inelylus athleta Metrias, vir in corpore juxta historiam actionis magnifica sanetitatis, et licet ditione servus, liber tamen justitia: qui (ut ferunt legentes certaminis ejus textum) peracto cursu boni operis, a saeculo victor absedit, saepius se in celis degere virtutibus manifestis ostendens. Tempore igitur quodam, cum Franco episcopus hujus municipii Ecclesiam gubernaret; Childericus, qui tunc primus apud Sigebertum regem habebatur, villam ejus competit, dicens, quia iuste ab Ecclesia Aquensi retineretur. Ac dicto ciuiti convenitur episcopus, datis pie fidejussoribus, in praesentia regis adsistit, elamans et obsecrans ut rex ad hujus causae audientiam praesentiam suam averteret, ne caelesti judicio condemnetur; addens: Scio enim virtutem Metriæ beati viri, quod velociter in pervasorem suum irrogat iktionem. Denique conjuncti auditores causam discentiunt. Insurgit Childericus, et improverans criminibus exacerbatum episcopum, quod res fisci ditionibus debitas iniquo ordine relineret: extrahi enim a judicio jubet; et eundem ablata per judicium præsentium villa trecentis aureis condemnavit. Favebant ei omnes, nec quisquam contra voluntatem ejus audebat decernere, nisi quod eidem libuisset.

16. « Denique condemnatus, spoliatusque sacerdos ad urbem redit, atque prostratus in oratione coram sepulcro sancti, dicto psalmi capitello, ait: Non hic accendetur lumen, neque psalmorum modulatio canetur, gloriosissime sancte, nisi prius uteiscaris servos tuos de inimicis suis, resque tibi violenter ablatas Ecclesie sanctæ restituas. Haec cum laetymis effatus sentes cum acutis aculeis super tumulum projicit. Egressusque clausis ostiis, similiter in ingressu alias collocavit (typus is erat derelicti penitus loci). Nee mora, corripitur pervasor a febre, decumbit in lectulo, exhorret cibum, fastidit et potum; profert aestuans juge suspirium: cui etiam si interdum ab ardore febris silis accederet, aquam tantum, nihil aliud hauriebat. Quid plura? in hac ægrotatione integrum dueit annum, sed mens prava non flectitur: interea labitur cæsaries cunctorum barba, et ita omne caput remansit, nudum ut putares eum olim sepultum, nuper ejectedum fuisse post funera de sepulcro.

17. « His et talibus miser afflictus malis, sero recogitat, dicens: Peccavi, eo quod expoliaverim Ecclesiam Dei, atque episcopo sancto intulerim injuriam. Nunc autem ite quantocius, et redditæ villa, sexcentos aureos super tumulum sancti deponite: est enim mihi spes, quod res redditæ tribuat ægrotanti medelam. Quod audientes homines ejus, accepta pecunia fecerunt sicut eis fuerat imperatum. Reddiderunt agrum, solidosque super sepulcrum servi Dei posuerunt. Sed cum hoc fecissent, statim ille in loco quo erat, spiritum exhalavit, lucratusque est detrimentum animæ per adoptionem acquisitionis iniquæ. Episcopus autem obtinuit ultionem de inimico Ecclesie, quam promiserat futuram per athletæ Dei virtutem ». Hucusque Gregorius, ostendens renovatum Antiochi exemplum, qui licet in extremis positus violati templi Dei penitentiam præ se tulerit, ablataque restitui præcepisset, ab ægritudine tamen qua detinebatur, haud valuit convalescere. Haec tempore Sigeberti, quem hoc anno vita functum diximus.

18. Sed quid insuper statim post obilum ejusdem regis acciderit violatori Ecclesiastice immunitatis, ab eodem Gregorio accipe res ob oculos positas enarrant¹: « Cum vero, inquit, interempto Sigeberto rege, Chilpericus regnum exemptus ab imminenti morte cepisset: Ruccolenus cum Cenomanieis graviter civitatem Turonensem opprimebat, ita ut euneta devastans, nullam spem almoniae in domos Ecclesie vel pauperum hospitiola relinquere. Postera autem die legatos ad civitatem mittit, ut homines qui propter culpam minimè nobis incognitam ad sancti Basilicam residebant (quod illuc confugisset Guntheramus dux, qui dicebatur occidisse Theodobertum) extraherentur a clericis. Quod si differretur fieri, universa promittit incendio concendiari. Et nos haec audientes, moesti valde Basilikam sanctam admisimus, et beati auxilia flagitamus; statimque paraflytica, que per duodecim annos fuerat contracta dirigitur. Ipse vero Ruccolenus ulteriore ripam aggressus, morbo contestum regio sauciatur, atque ab infirmitatibus Herodianis (quas enarrare longum videtur) afflatus, et sicut cera a facie ignis guttatum defluens, quinquagesima die ab hydrope conflatus inferit ». Haec Gregorius, qui Herodianum appellat morbum, quo nefandus Herodes interierit. Subdit vero his ista: « Sed nec hoc silebo, quod illo tempore alvens fluvii nutu Dei, vel virtute beati viri absque pluviarum inundationibus repletus, hostem, ne civitatem tederet, transire prohibuit ». Haec ipse: qui de superbia Ruccoleni et de ejus miserando interitu atibi² pluribus agit: ubi post multa, rursus ad ea que hoc anno facta sunt, revocat orationem, sic dicens³:

19. « Anno vero quo supra, id est, quo mortuo Sigeberto, Childebertus ejus filius regnare cepit, multæ virtutes ad sepulcrum beati Martini appa-

¹ Sigeb. de Script. Ecel. c. 41. Extat apud Bed. tom. III. Sur. tom. VI. die XXII Novembr. — ² Greg. Turon. de Glor. conf. c. 4.

¹ Greg. Turon. de mirac. S. Martini I. 1. c. 27. — ² Greg. Tur. hist. Franc. I. v. c. 1 et 4. — ³ Greg. Tur. I. v. c. 6.

ruerunt, quas in illis libellis scripsi, quos de ipsius miraculis componere tentavi: et hie sermone rustico, tamen celari passus non sum quae aut ipse vidi, aut a fidelibus relata cognovi. Illic tantum quid negligenter evenerit, qui post virtutem celestem terrena medicamenta quæsierunt, exsolvam: quia sicut per gratiam sanitatum, ita et per castigationem stultorum virtus ejus ostenditur. Leonastes Biturigis archidiaconus, decedentibus cataactis, lumen caruit oculorum. Qui cum per multos medicos ambulans nihil omnino visionis recipere posset, accessit ad Basilicam beati Martini, ubi per duos aut tres menses consistens, et jejunans assidue, lumen ut reciperet, flagitabat. Adveniente autem festivitate, clarificatis oculis, cernere coepit. Regressus vero domum, vocato quodam Judeo, ventosas, quo earum beneficio oculis lumen augeret, humeris superponit: decidente vero sanguine, rursus in recidivam cæcitatem redigitur. Quod cum factum fuisset; rursus ad templum sanctum regressus est: ibique ilerum longo spatio commoratus, lumen recipere commenavit». Ita ante punitus, dum a Judeo petiisset suppleri, quod a sancto Martino videri poterat prætermisum. Et inferius de sanctis viris hoc anno defunctis ista subjicit¹:

20. *S. Germani episcopi Parisiensis obitus, aliorumque sanctorum virorum.* «Sed et illud commemorare libet, qui vel quales viri hoc anno a Domino sunt vocati». Nempe Senoch presbyter virtutibus clarus, de quo ait: «Benedictus Senoch presbyter, qui apud Turonos morabatur, hic migravit e saeculo. Fuit genere Thessalus, et in Turonico clericus factus, in cellulam, quam ipse inter parietes antiquos composuerat, se removit, collectisque monachis, oratorium, quod multo tempore dirutum fuerat, reparavit. Idem super infirmos multas virtutes fecit, quas in libro Vite ejus scripsimus». Haec ipse. Subdit de transitu sancti Germani episcopi Parisiensis his verbis²:

21. «Eodem anno et beatus Germanus Parisiensis episcopus transit: in eius exequiis multis virtutibus, quas in corpore gesserat, hoc miraculum confirmationem fecit. Nam carceralis acclamantibus, corpus in platea aggravatum est, solutisque iisdem, rursum sine labore levatur. Ipsi quoque qui soluti fuerant, in obsequium funeris usque ad Basilicam, in qua sepultus est, liberi pervenerunt. Ad sepulcrum autem ejus multas virtutes, Domino tribuente, credentes experiuntur: ita ut quisque, si justa petierit, velociter exoptata reportet. Si quis autem strenuas virtutes illius, quas in corpore fecit, sollicitate vult inquirere; librum Vite illius, qui a Fortunato presbytero compositus est, legens, cuncta periret». Haec sanctus Gregorius.

22. Porro Epitaphium ejus a Chilperico rege fuisse conscriptum, Amoinus affirmat his verbis³: «Ingredienti aulem postmodum Chilperico rege

in urbem Parisiacam, sequenti die postquam rex ingressus est civitatem, paralyticus qui in portu Basilicæ sancti Vincentii (in qua beatus Germanus requiescit in corpore) residebat, dirigitur: mane autem facto, spectante populo, beato antistiti gratias referebat. Quod enim regi nuntiatum foret, magna cum devotione illuc adveniens, et tanto gavisus miraculo, ejus Epitaphium his distichis rhythmitice composuit:

Ecclesiae speculum, patriæ vigor, ara reorum,
Et pater et medius, pastor, amorque gregis,
Germanus virtute, fide, corde, ore beatus
Carne tenet tumulum, mentis honore polnum.
Vir cui dura nibil nocuerunt fata sepulcri:
Vixit enim: nam inors quem tulit, ipsa timet.
Crevit adhuc potius justus post funera: nam qui
Fictile vas fuerat, gemma superba (superba) micat.
Hujus opem ac meritum mutis data verba loquuntur,
Redditus et cœcis predicit ore dies.
Nunc vir Apostolicus rapiens de carne tropheum,
Jure triumphali considerit arce throni.

Haecens a rege scriptum Epitaphium. Exultum quidem fuisse ipsum regem poeticis litteris, testatur Venantius Fortunatus, atque Gregorius Turonensis. Subdit vero idem scriptor: «Factaque illi predictus rex oblatione solemnii, munificentia regali, ad propria rediit».

23. Delegisse potissimum visus est ad sepulturam S. Germanus Ecclesiam S. Vincentii, quod saeras reliquias ab imperatore Justiniano acceptas, cum rediit Hierosolymis, illuc (ut idem testatur⁴ auctor) collocaverat, nempe spineæ coronæ Domini nostri Jesu Christi partem, sanctorumque innocencium reliquias, neconon S. Georgii martyris celebrarimi brachium. At qui vivens miraculorum virtute resplendens sanctus Germanus, in cælum scandens majoribus fulgoribus coruscavit, ut que a Gregorio et Fortunalo et aliis de ipso sunt scripta testantur. Dies vero natalis ejus anniversaria veneratione celebris ab Ecclesia Catholica custoditur. Successit autem sancto Germano Ragnemodus, sive Regnemundus: de quo, cum esset diaconus, Gregorius narrat⁵, liberatum a morbo, hanc diluto pulvere collecto e sepulcro S. Martini. Subdit his etiam idem Gregorius, hoc item anno migrasse e villa Caluppani reclusum, cuius res gestas alibi scriptis mandavit, agitque de Patroclo ejusdem vitæ instituto ad magnum sanctitatis culmen evecto: quos omnes anniversaria commemoratione Dei Ecclesia colere consuevit.

24. *Magna conversiones Judæorum in Gallia per sanctos Avitum et Germanum factas.* — Ad postremum vero quae de Judæorum conversione Arverni per ejus civitatis episcopum S. Avitum facta hoc itidem narrat, ipsius hic verbis reddenda pulamus. Ait enim⁶: «Et quia semper Deus noster sacerdoles suos glorificare dignatur:

¹ Greg. Tur. hist. I. v. c. 7. — ² Ibid. c. 8. — ³ Amoin. I. iii. c. 16. — ⁴ Aim. I. iii. c. 9. — ⁵ Greg. mirac. S. Martin. I. ii. c. 12. — ⁶ Greg. hist. Franc. I. v. c. 11.

quid Arverni de Judæis hoc anno contigerit, pandam. Cum eosdem plerumque B. Avitus episcopus commoneret, ut reliquo velamine legis Mosaicæ spiritualiter lecta intelligerent, et Christum Filium viventis Dei prophetica et legali auctoritate promissum corde purissimo in sacris litteris contemplarentur; manebat in pectoribus eorum jam non dicam velamen illud, quo facies Moysi obumbrabatur, sed paries. Sacerdote quoque orante, ut conversi ad Dominum, velamen ab eis litteræ rumpetur; quidam ex eis ad sanctum Pascha, ut baptizarentur, expelit: renatusque Deo per baptismi sacramentum, cum albatris reliquis in albis et ipse procedit. In ingredientibus autem populis portas civitatis, unus Judæorum super caput conversi Judæi oleum fœtidum, diabolo instigante, diffudit. Quod cum enetus abhorrens populus voluissest eum urgere lapidibus, Pontifex ut fieret non permisit ». Fuisse quidem in Galliis frequentem Judæorum populum, eosque superbia elatos in religionis Christianæ contemptum quamplurima perpetrare consueisse, quæ habentur de iisdem in Concilio Matisconensi demonstrant. Sed petigit Gregorius:

25. « Die autem beato, quo Dominus ad caelos post redemptum hominem ascendit gloriosus, cum sacerdos de Ecclesia ad Basilicam psallendo procederet; irruit super synagogam Judæorum multitudine tota sequentium, destruens eam a fundamentis, ut campi planicie locus assimilaretur. Alia autem die sacerdos eis legatos mittit, dicens: Vi ego vos contiteri Dei Filium non impello, sed tamen prædicto, et salem scientiae vestris pectoribus trago: pastor sum enim Dominicis ovibus superpositus; et de vobis ille verus pastor, qui pro nobis passus est, dixit habere se alias oves que non sunt ex ovili suo, quas enim oporteat adducere, ut fiat unus grex et unus pastor. Ideo, si vultis credere ut ego, estote unus grex, custode me posito; sin vero aliud, absedite a loco. Illi autem diu aestuentes atque dubitantes, tertia die (ut credo) obtenui pontificis conjuncti in unum, ad eum mandata remittunt, dicentes: Credimus Iesum Filium Dei vivi, nobis Prophetarum vocibus repromissum; et ideo petimus ut abluamur baptismio, ne in hoc delicto permaneamus.

26. « Gavisus autem nuntio pontifex, nocte sancta Pentecostes, vigiliis celebratis, ad baptisterium foras muranum egressus est: ibique omnis multitudo coram eo prostrata baptismum flagitavit. At ille præ gaudio lacrymans, cunctos aqua ablueens, et chrismate liniens, in sinu matris Ecclesie congregavit. Flagrabant cerei, lampades resplendebant, albiciabant tota civitas de grege candido; nec minus fuit urbi gaudium, quam quandam Spiritu sancto descendente super Apostolos Hierusalem videre promeruit. Fuerunt autem qui baptizati sunt, amplius quingenti. Hi viro qui baptismum recipere noluerunt, discedentes ab illa urbe, Massiliæ redditum sunt ». Hucusque Gregorius de Judæorum conversione a S. Avito divino Spiritu administrata, ex

Evangelii (ut putavit) præscripto, quo Dominus monuit¹ compellendos vi aliqua intrare in Ecclesiæ remorantes; licet a Gregorio² papa incensio synagogarum minime comprobetur: sed nec a recentioribus scholasticis scriptoribus, qui eamdem quæstionem diffusissime pertractarunt, vi extorquendam conversionem, conceditur; quamvis non desint qui ex adverso omnixe repugnant, et contrariam sententiam tueri concantur. In Avito autem quis id audeat condemnare, viro præsertim encta sua sancti Spiritus arbitrio moderante, itidemque miraculis coruscante?

27. Cecinit carmine Fortunatus ejusmodi Judæorum conversionem atque baptismum, idipso expetente Gregorio Turonensi, ad quem illud misit, cui et Epistolam dedit, quæ eidem prælia legitur: de quibus post alia quæ præclare cecinuit, de absterno ex sacro lavacro Judaico fætore ista habet³:

Abluitur Judæus odor baptismate divo,
Et nova prægenies reddita surgit aquis.
Vincens ambrosios suavi spirantium rores
Vertice perfuso chrismatis efflat odor.

Deque usu illo pristino, quo baptizati candidis indui vestibus, et accensos ferre cereos solerent, ista subdit admodum præclare:

Undique rapta manu lux cerea provocat astra,
Crelas ut stellas ire trahiendo comas.
Lacteus hinc vestis color est, hinc lampade fulgor
Ducitur, et vario lumine picta dies, etc.

Qui vero ista de Judæorum conversione cecinit Fortunatus, ejusdem ad eundem Avitum tria extant Epigrammata, quibus et ipsius insignes celebrantur virtutes.

28. Quod rursus spectat ad Judæorum in Gallia commorantium conversionem: opera quoque S. Germani episcopi Parisiensis constat complures ex eis esse conversos; cuius obitum cum hoc eodem anno contigisse dixerimus. aspergatur floribus islis ejus sepulcrum, hincque reddamus quæ de his miranda recitat Fortunatus in Vita ipsius⁴: « Cunctorum, inquit, saluti semper instans sollicitus, cum Bilituricas accessisset pro ordinatione Felicis episcopi, prædicante illo, Sigericus quidam Judæus, fidei sacramento perceptio, conversus est; habebat enim in Judaismo conjugem Mammoram nomine. Ille de sui conversione, dum nec mentionem quidem reciperet saepius per missos beati admonita, sed cum magis refugeret; facta ad eam vigilia, doctor ipse profectus est. Quæ cum beatum viram nec visu vellet intendere, decantato cursu tertiae; manum suam Pontifex ad mulieris frontem dignanter admovit pietatis ex opere. Statim a circumstantibus de mulieris naribus, quasi scintillante igne, fumus

¹ Luc. XIV. — ² Greg. I. I. Ep. XXXIV, et I. XI. Ep. LV. — ³ Fortun. carm. I. V. — ⁴ Fortun. in Vit. S. Germ. c. 64.

egredi visus est; ut cunctis clarum fieret, ejecto insidiatore, mulierem usque tunc repugnasse saluti sue per obsidentem. Tunc exonerata iuniori fasce, respirans confessa est, nunquam se prius faciem beati viri potuisse conspicere. Inde petens ac humilior supplicans cum propria domo meruit effici Christiana, nam et exinde quasi capite subdit, exemplo eorum ad fidem conversi sunt ». Hæc Fortunatus.

29. *Chilpericus regnat in Gallia, munificus erga monachos.* — Sed iam ad Chilpericum obrepentiam Sigeberti necem et periculo erutum redeamus. Magna quidem momento temporis facta est rerum mutatio, ut qui obsidione vallatus quereretur ad necem, iam regno integro ferme deperdito, idem mox surgens una cum vita recuperaret et regnum. Tribuit id Venantius Fortunatus ejusdem regis pietati, caeterisque virtutibus, quas hoc tempore carmine laudationis edito celebravit, in pristinum statum preter spem restitutionem ejus his versibus concinens¹:

Sed meritis tantis subito sors invida rerum
Perturbare parans regna quieta tibi,
Concutiens annos populorum et fideles fratrum,
Ladere dum volunt, prosperitate favet.
Demique iam capitum valido pendente pericolo,
Quando ferire habuit, reppulit hora necem.
Cum retumeret mortis circumdatus ardens,
Eripuit gladio sors operante Deo.
Ductus ad extremum, remeas de funere vite:
Ultima que fuerat, fit tibi prima dies.
Noxia domi euperent hostes tibi bella parate,
Pro te pugnavit fortis in armis fides.
Prospera iudicium sine te tua causa peregit,
Et reddit proprio celsa cathedra suo.
Rex boue, ne doleas: nam te fortuna querens
Unde fatigavit, hinc meliora dedit.
Aspera tot toleranda diu modo lata sequuntur,
Et per merores gaudia nata metis.
Multimodis per opes seminans, tua regna resumis:
Namque labore gravi crescere magna solet.
Aspera non noemit, sed sors te dura probavit:
Unde gravabant, celior inde reus, etc.

30. Ut autem tol tantaque a Deo oblinere meruerit Chilperiens, S. Lupicini insignis sanctitatis viri preces intercessisse videntur: de eo enim in Vita ipsius ista habet Gregorius Turonensis: « Lupicinus jam senex factus accessit ad Chilpericum regem, qui tunc Burgundie praerat. Audierat enim eum habitare apud urbem Janubam: cuius cum ingressus est portam, tremuit cathedra regis, qui ea hora ad convivium residebat. Exterritusque ait suis: Terre motus factus est. Responderunt qui aderant, nihil se sensisse commotionis. Ait ille: Occurrite quantocius ad portam, ne forte aliquis adversari cupiens regno nostro adsit quasi nocturnus nobis: non enim sine causa haec sella contremuit. Qui protinus occurrentes, offenderunt senem in ueste pellicea, et dixerunt de eo regi. Qui ait: tte et adducite eum in conspectu meo, ut intelligam cuius ordinis sit homo. Et adductus stetit

coram rege, sicut quondam Jacob coram Pharaone. Cui ille ait: Quis es, et unde venisti, et quod est opus tuum, vel quid necessitatis habes ut venias ad nos?

31. «Cui ille: Pater sum, inquit, Dominicarum ovitum, quas cum Dominus spirituatus eibis iugi administratione retinet, corporalia eis interdum alimenta deficiunt. Ideo petimus potentiam vestram, ut ad victus vestitusque necessaria aliquid tribualis. Rex vero haec audiens, ait: Accipite agros vineasque, de quibus possitis vivere, ac necessitates vestras explere. Qui respondit: Agros et vineas non accipiemus; sed si placet potestati vestrae, aliquid de fructibus delegate: quia non deceat monachos facultatibus mundanis extolliri, sed in humilitate cordis Dei regnum justitiamque ejus exquirere. At rex cum audisset haec verba, dedit præceptio nem, ut annis singulis trecentos modios tritici, ejusdemque mensurae numero vinum accipient, et centum aureos ad comparanda fratrum indumenta: quod usque nunc a tisci ditionibus capere referuntur ». Illeusque Gregorius. Sic igitur seminans rex ista carnalia, messuit iugi proventu spiritualia, nempe preces assiduas tantorum monachorum, ex quibus etiam ditatus est rerum temporalium copia, novo auctus regno, qui jam prope casurus erat e suo.

32. *De Meroveo Chilperici filio ob incestuosas nuptias cum Brunichilde afflito.* — Sed quæ lata haec sint tristia subsecuta, iam ex Gregorio¹ nobis dicendum erit. Accedit enim, ut major natu ex alia conjugे filius Chilperici, Moroveus nomine, adversus patrem insurrexit occasione incestuosi contracti conjugii, cum videlicet copulavit sibi in matrimonium Brunichildem Sigeberli regis sui patrui relictam uxorem, quam apud Rhotomagum idem rex Chilpericus jusseral exulare. Cujus rei gratia contra filium indignans pater iussergns, ipsum armis rem agentem superatum, captumque in custodia detineri mandavit: « Qui (inquit Gregorius) ibi tonsuratus es, et mutata ueste, qua clericis uti mos est, presbyter ordinatur, et in monasterium Cenomanicum, quod vocatur Aninsula, dirigitur, ut ibi sacerdotali eruditetur regula ». Subdit autem Gregorius, eundem Moroveum patrem eludere conatum, inde aufugisse, confugisseque ad Basilicam S. Martini Turonos, ubi ipsum tunc Gregorium adesse continget, qui de re gesta ejusmodi historiam texit²: « Opero capite, induitus ueste sæculari, B. Martini templum expetiit. Nobis autem missas celebrantibus, in sanctam Basilicam, aperti reperiens ostia, ingressus est. Post missas autem petit ut ei eulogias dare deberemus (erat autem tunc nobiscum Ragnemodus Parisiacæ sedis episcopus, qui S. Germano successerat). Quod cum refutaremus, ipse cœpit clamare, et dicere, quod non recte cum a communione sine fratrum coniunctiva suspenderemus. Illo autem haec di-

¹ Fortun. carm. I. ix.

² Greg. Tur. hist. I. v. c. 2. 14. — ² Græg. hist. Franc. I. v. c. 11.

cenle, cum consensu fratris qui præsens erat contestati causa canonica, eulogias a nobis accepit. Veritus autem sum, ne dum unum a communione suspendebam, in multos existerem homieida : minabatur enim aliquos de populo nostro interficere, si communionem nostram non meruisset. Multas tamen pro hac causa Turonica regio sustinuit clades». Et quenam fuerint, haec paulo inferius : « Igitur Chilpericus rex nuntios ad nos direxit, dicens : Ejicite apostamat illum de Basilica : sin autem tolam regionem illam igne succendam. Cumque nos rescripsissemus, impossibile esse ut quod tempore hæreticorum non fuerat, Christianorum luce temporibus fieri, (nempe ut confugientes ad Ecclesiam vi expellerentur :) ipse exercitum commovet et illuc dirigit ». Quæ autem post hæc facta sint, dicemus postea.

33. Verum hand perfunctorie factum hujusmodi Gregorii prætereundum pulamus, ne imitan-

dum posteris factum perperam relinquatur. Laudandus mihi semper in reliquis Gregorius fuit multis de causis, potissimum vero ob pietatem, quo nomine etiam ab ejus temporis scriptore Venantio Fortunato plurimum commendatur : in hoc autem minime mihi probandus, cum communionem imperiti apostatae transfugæ, qui præsertim eam minis expeteret. Esto, purgatum fuerit per pœnitentiam utcumque prætensum delictum illud incestus; tamen ut habitus clericalis desertori, ad hominumque cædes parato imperlierit communionem, non (ut decebat) constantiam sacerdotalem exhibuit ; sed enervatum animum, tantoque muneri imparem demonstravit, cum non satis sibi inesse virium doenit, ut minacem repelleret peccatorem, cum ipse majori polleret auxilio, nempe patrocinio S. Martini, qui ad uilescendas injurias illatas personis vel loco, continuo soleret assurgere. Sed missa istæ.

Anno periodi Graeco-Romanæ 6072. — Anno Ære Hisp. 617. — Jesu Christi 579. — Pelagii II papæ 2. — Tiberii Constantini imp. 6 et 2.

4. *Consulatus Tiberii Aug.* — Is annus hac formula notatus : *Tiberio juniore Constantino Augusto consule*, ut habent Fasti Heracliani a Dodwello publicati, et Theophanes, qui anno incarnati, secundum Alex. **DXXI** kal. Septemb. superioris Christi anni inchoato de Tiberio scribit : « Amplum consulare munus in populum sparsit », kalendis scilicet Januariis hujus Christi anni. Præterea in Concilio Gradensi, in patriarchatu Aquiliciensi a schismaticis hoc anno celebrato, Tiberii Augusti consulatus illigatur eum Indictione XII, que kalendis Januariis hujus Christi anni in cursu erat. Vide locum hujus Concilii anno **DLXXIV**, n. 8 a nobis recitatum. Auctor quidem Chronicus Alexandrinus habet : ἡ ιδὴ μετὰ τοῦ Τιβέριου νέου Κωνσταντίνου Αὐγούστου τὸ ξ, id est, anno i. *Indict. XII, post consulatum Tiberii novi Constantini Augusti anno primo.* Verum locus ille corruptus est, delendaque particula illa μετὰ, id est *post*, ac legendum *anno i, Indict. XII, consule Tiberio novo Constantino Augusto primum;* quod non intellexit Dueangius in Notis ad illud Chronicon, quod magnum Paschale appellavit, contendens Tiberii consulatum in annum sequentem differendum esse, quæ et sententia Onuphrii in Fastis fuit. Marius in Chronicis, quia Justini imperium anno uno tardius consignavit, coactus fuit *Justini mortem* in hunc annum, *Tiberii* vero con-

sulatum in annum sequentem differre. Contra vero auctor Chronicus Alexandrinus, qui sieuli Marius Justinus jun. initium eum anno **DLXVI** copulavit, annum unum ex imperio ejus detraxit. Porro, juxta modum loquendi ejusdem Marii, hic annis hæc formula notari debet : *Anno i consulatus Tiberii Constantini Aug. Indict. XII.*

5. *Agitur de pace Romanos inter et Persas sanctienda.* — A num. 1 ad 9. Menander Protector p. 166 et seqq. refert. *Tiberium Augustum nihil praetermississe, ut pacem cum Chosroë Persarum rege constitueret.* In hunc finem *Zachariom et Theodorum* quemdam legatos ad Chosroen misit cum litteris humanitatis plenis, significans paratum se esse abstinere ab omni Persarmenia et Iberia, restituere Aphonium castellum, et Arzanicem, id est, Arzaniensem Persis cedere, modo oppidum Duras pro his omnibus a Persis obtineret. Sed Chosroes « his quæ illi contra sententiam acciderant, perculsus, antevertit, et ad Romanorum imperatorem legatum misit, qui jam hyene ineunte prefectus erat ». Is a Persarum rege ad imperatorem litteras detulit, « quibus certabat Persarum rex officio et humanitate ». Antequam legati Romani ad Chosroen pervenirent, *Perochdates* legatus Persicus in regiam urbem adveniavit, et postquam cum Tiberio Augusto sermones habuit de his, quæ prius ad legalos

suos scripserat, « discessit a Byzantio Pherochildas. Romani et Persie sane pacem fecissent, nisi Chosroes ex hominum numero sublatuſ, et Hormisdas ejus filius (sceleratus hic vir fuit) eidari redimitus fuisset. Neque ego sum in alia opinione, quin pax stabilita fuisset, si adhuc superstile Chosroe Zachariam et Theodorum legatos advenisse in Persideſ contigisset. Elenim tunc temporis uondum adhuc Syriam transgressi erant, neque tamen quicquam ideo ex eorum legatione mutualum est. Itaque litterae ab imperatore illis reddite sunt, ut continuarent iter. Sibi quidem nuntiatum esse, inter id temporis Chosroen mortem obiisse. Verum tamen se esse eodem in filium animo, et paratum secundum ea a bello discedere, neque propterea omitterent Persas captivos, libertate donatos in manus regis Persarum tradere ». Ha Menander Protector.

3. *Moritur Chosroes Persarum rex.* — Mortuus est autem Chosroes hoc anno, ut recte Baronius habet. Theophylactus enim lib. 3, cap. 46, ubi de Justini junioris imp. deceſſu qui die v Octobris superioris anni contigit, verba fecit: « Veris autem, inquit, principio Chosroes Persarum rex morbo irretitus, vita modum imposuit, Hormisda filio successore appellato, qui morum stetitia paternam impietatem superavit: homo violentus ac furens, et inexplebilis avaritia ». Quare cum anno DXXXI Chosroes regnum inierit, recte seripſit Agathias lib. 4, pag. 140, eum per octo et quadraginta annos regno potuisse esse. Baronius quidem num. 3 dicit, corrigendum esse locum Agathiae lib. 2, conjungentis quintum Chosrois regis annum cum anno Justiniani vicesimo octavo. In editione regia p. 66, legitur annus XXV Chosrois, loco anni quinti; sed utrobique mendose, ut liquet ex dictis anno DLII, num. 14, ubi illum Agathiae locum restituī.

4. *Legatio Tiberii Aug. ad Hormisdam.* — « Zacharias et Theodorus Tiberii Augusti legati cum in Persideſ veniſſent ad Persarum regem qui recenter ad thronum regum ascenderat, sunt introducti», inquit Menander Protector pag. 468. « Spem habebant sibi multum honoris et humilitatis imparitumiri, quamvis, ut sibi honos haberetur, non valde laborabant». Verum postquam litteras ab imperatore tradiſſent, et captivos reddidiſſent, « cum eos Persæ nullo liberali et benigno sermone affati essent, discesserunt ». Denou tamen Persarum rex legatos exceptit, sed acerbe admodum, et arroganter habuit, tandemque ait: « Sciant Romani me non aliis conditionibus pacem fieri permisſurum, quam si persolvant omnes pecunias, quas Justinianus singulis annis nobis pendere erat soſtus. Ilac insolenti oratione Hormisdas usus, vix tribus demum post mensibus elapsis, quibus Zacharias et Theodorus in Persideſ fuerunt, missionem obliminerunt ». Tiberius tamen, qui bellum contra Persas finire in animo habebat, iterum Zachariam elegit, qui in Persia constitut ad huius Romanorum et Persarum. Eo Persarum rex Andigan virum admodum prudenter misit, qui una ad Daras convenerunt. Sed

Andigan nouatiter egit cum Zacharia, quam ante eum Hormisdas ejus rex. Hac eius Menander Protectore citatus. De eadem legatione ad Hormisdam loquitur Theophylactus lib. 3, cap. 47, additque Hormisdam consueludinem significandū inaugurationis neglexisse, « ut qui Tiberium honore hoc non dignaretur ».

5. *Chosroes doctrina exultus existimatus.* — Baronius num. 1 ait, Procopium regni Chosroes initium perperam consignasse, ac scripsisse, ipsum non ante seplimum Justiniani annum, quo asserit, inter Romanos et Persas pacem sanctam fuſſe, Chosroen regnare cœpisse. Verum, ut an. DXXXIII, num. 5, jam observavi, Procopius asserit, pacem illam compositam esse anno VI Justiniani imp. non vero anno VII, ut in mendoso quodam Procopii Codice legerat Baronius. Pax itaque illa, initio anni Christi DXXXIII constituta, primis Chosrois regis annis, non vero regni ejus initio, quod etiam non affirmat Procopius. Agathias lib. 2, pag. 66, de Chosroē tradit: « Depradicant illum atque admirantur supra ipsius meritum non tantum Persæ, sed et nonnulli Romanorum, veluti litterarum amalorem, quiq; ad philosophiæ nostræ culmen evaserit ». Sed subdit Agathias, se nequaquam credere eum summa doctrina prædictum fuſſe; cum barbarum vite genus sectalus sit, et in agresti ac ineptissima lingua puritas veterum nominum et nativa gratia conservari non possit. Ex morte interim Chosrois ab Agathia memorata colligo, Agathiam ante currentem annum Historiam suam, quam ad annum usque Christi DLIX tantum perduxit non publicasse, nec absolvisse. Tam Agathiam vero, quam Procopium, ac Menandrum Protectorem Christianos fuſſe, ipsi tam manifeste in suis operibus indicant, ut mirer id a quibusdam recentioribus negatum. Baronius a num. 4, ad finem fere num. 6, recitat ex Evagrio Historiam de Chosroë, a Justiniano Romanorum duce reportatam; sed revocanda est ad annum DLXXV, quo de ea locuti sumus. Nam ideo Evagrius haec victoria narrata, de Chosrois morte loquitur, quia prætermittit quæ postea inter Romanos et Persas gesta sunt, quæ nos ex Theophylacto, aliisque, suis locis exposuimus.

6. *Sigibertus rex Francorum occisus.* — A num. 13 ad 18. Anno quingentesimo septuagesimo quarto bellum, quod inter Guntramnum, Chilpericum, et Sigibertum germanos Francorum reges gerebatur, sopitum fuerat, sed anno DLXXV, Sigibertus rursus illud renovavit, ut tradit Turonensis lib. 4, cap. 43. Sanctus Germanus Parisiensium episcopus prædictit fore, ut si mortem Chilperici fratris optaret, in foveam corrueret, quam eidem parasset, idque revera accidit; cum enim impositus clépeo Victoriae rex ab omnibus acclamatus fuisset, a duobus sicariis, quos uxor Chilperici, Fredegundis ad illud facinus intulerat, cultris veneno infectis occisus est. Qua de re legendus Turonensis lib. 4, cap. ult. et anonymous de gestis regum Fran-

eorum cap. 32, qui addunt, eum necatum anno **XIV regni sui aetate quadragenaria**, quod et Fredegarius in Epistome cap. 72, etiam habet. Marius quidem in Chronico Sigiberti cædem in annum **DLXXXVI** differt; sed ea in re non magis audiendus, quam cum mortem *Theodeberti Austrasiorum regis* in annum **DXLVIII**. *Theodebaldi* vero filii ac successoris in annum **DLV** conjetit. Cointius anno **DLXXV**, num. 2 recte eo Christi anno *Sigiberti* regis mortem recitat, Mariumque arguit, quod eam anno uno serius refulerit. At inde intelligere poterat, Marium in anno mortis *Theodeberti* regis etiam errasse, cuius tamen ipse sententiam amplexus est. Praeterea scribit Cointius, Turonensem in suis numeris a se ipso nonnumquam discrepasse, « ut, inquit, cum annos viginti novem a transitu *Theodeberti* regis, ad exitum ipsius *Sigiberti* computat ». Verum Turonensis a semetipso non dissentit, sed *Theodebertum* anno **DXLVII** demortuum, ostendit et Marii sententiam, quam Cointius alioque passim secuti sunt, a veritate alienam esse demonstrat; cum ab eo Christi anno, ad **DLXXV**, quo *Sigibertum* peremptum esse nunc inter omnes convenit, anni **XXIX** et quidem utrinque incompleti intercurrant; ab anno vero **DXLVIII**, quo *Theodeberti* regis obitus a Mario collocatur, ad **DLXXV**, anni tantum **XXVIII**, utroque extreuo incompleto numerato, intercurrant.

7. Childebertus II succedit patri. — Audita *Sigiberti* regis nece, *Brunichildis* hujus uxoris quæ Lutetiae cum liberis suis residencebat, animo fluctuabat, ignara quomodo se suamque prolem a praesenti periculo liberaret: « *Gundobaldus dux* », inquit Turonensis lib. 5, cap. 1, « apprehensum Childebertum filium ejus parvulum furtim abstulit, erexitque ab imminente morte, collectisque gentibus, super quas pater ejus regnum tenuerat, regem instituit, vix lustro aetatis uno jam peracto, qui die Dominicæ Natalis regnare coepit ». Sive, ut loquitur Guntramnus ejus patrus apud Turonensem lib. 8, cap. 4: « Rex in die sancto Dominicæ Nativitatis est elevatus ». Errant tamen communiter scriptores Gallici, dum initium Childeberti regis, a die Natali Christi anni **DLXXV** deducunt; in publicis enim monumentis exordium principatus Childeberti II, non a die quo rex solemniter elevatus est, sed ab eo, quo *Sigibertus* pater ejus occubuit, desumitur, ut anno **DLXXXVII**, num. 12, certo argumento demonstrabo.

8. Moritur S. Germanus episc. Parisiensis. — A num. 21 ad 24, Turonensis lib. 5, cap. 8, referens quae anno primo Childeberti II contigere, ait, *sanc-tum Germanum* episcopum Parisiensem vitam cum morte committasse, et Venantius Fortunatus in ejus Vita tradit eum *quinto kaleudas Junias* ad Deum migrasse. Quare mors sanctissimi hujus præstilis pertinet ad annum quingentesimum septuagesimum sextum. Episcopatum Parisiensem iniit circa annum **DLV**, factusque episcopus monasticam vitam excolare non destitit; erat enim antea abbas monasterii sancti Symphoriani, apud Augustodunum positi,

Neque tantum evocavit Augustoduno monachos, qui cœnobium sancti Vincentii de *Pratis* prope Parisios a Childeberto I rege constructum habitarerent; sed et ædem minorem illi monasterio contingam ubi sepeliretur, in honorem sancti Symphoriani erexit, ac sœpe profectus est Augustodunum, ut in monasterio, eni præfuerat abbas, secretins ac liberius orationi vacaret, ut in ejus Vita a Malillonio, sancto i Benedictino, et ab Henschenio ad diem **XXVIII** mensis Maii, quo sanctus Germanus colitur, recitata habetur.

9. Judæi Arrerni fidem Christianam recipere coacti. — A num. 24 ad 29, Turonensis lib. 5, cap. 11 narrans gesta anno primo Childeberti II asserit, sanctum *Aritum* Arvernensem episcopum *Judeos* qui Arverni erant, tam hortationibus, quam minis ad fidem perduxisse: de quorum etiam conversione loquitur in lib. de *Vitis Patrum* cap. 42. Hanc conversionem Baronius hoc anno memorat, quia *Childebertum II* hoc anno regnare cœpisse putavit. Verum cum is sub exitum anni **DLXXV**, patri *Sigiberto* successerit, manifestum est, acta haec esse anno **DLXXVI**. Addit Gregorius *Judeos*, qui baptismum recipere noluere, Arvernus decessisse, et cum opibus suis *Mossiliam* sese contulisse; quæ tamen urbs sicuti et Arvernus Childeberto II parebat. Eamdem *Judaeorum* conversionem narrat Fortunatus, cuius verba Baronius num. 28 recitat; sed in rei geste narratione a Gregorio Turonensi discrepat, ut utrumque auctorem inter se conferenti liquebit. Colitur *S. Aritus* Arvernus XII kalend. Octob. Cointius anno **DCLXIV**, num. 4, quo enim mortuum existimat, plura habet de Ecclesiis, quas vir sanctus aedificavit.

10. S. Lupicinus saeculo praecedenti floruit. — Ad num. 30 et seq. Gregorius Turonensis lib. de *Vitis Patrum* cap. 1, refert, *Lupicinum et Romanum* germanos fratres accessisse ad Jurensis deserti secreta, quæ inter Burgundiam Alemanniamque sita sunt, ibique post aliquod tempus fecisse sibi monasterium, quod *Condatiscone vocari voluerunt*, cumque turbae fratrum ad hos confluenterent, duo postea alia instituisse. « *Lupicinus* iam senex factus, accessit ad Chilpericum regem, qui tunc Burgundiae præterat: audierat enim eum habitare apud urbem *Janubam* ». *Chilpericus* petita alimenta ei de fisco suo liberaliter præberi jussit, et ante sanctum *Romanum* fratrem suum *Lupicinus* mortuus est, ut narrat Turonensis. Verum *Chilpericus* iste, quem Baronius cum *Chilperico*, qui hoc tempore in Gallis regnabat, confundit, filius *Gundeuci* erat, et saeculo praecedenti vixit, quo ideo in finem vergente *Lupicinus* et *Romanus* floruerent, ut sno loco ostendi. De *Chilperico* illo Burgundionum Germanorum rege vide quæ suo loco diximus.

11. Meroveus turbas in Gallia excitat. — Ad num. 32 et seq. *Brunichildis* omnibus a Chilperico rege spoliata *Rotomagum* relegata est; quod anno primo Childeberti II accidisse, affirmat Gregorius Turonensis lib. 5, cap. 1, qui cap. se-

quenti addit, ejus amore captum *Meroveum*, Chilperici regis filium, eam, patre inseio, uxorem duxisse. Sed *Chilpericus* eum defineri, et presbyterum ordinari mandavit: anfngit postea *Meroveus*, ut narrat ibidem *Turonensis* cap. 14, et ex eo Baroniis. Verum cum hinc anno primo *Childeberti II* contigerint, gesta sunt anno quingentesimo septuagesimo sexto, ut ex dictis consequitur.

12. Sedes Aquileiensis Gradum transfertur. — Universa Italia, ut narrat Emin. cardinalis Norisius in Dissert. de *Synodo quinta*, cap. 9, §. 4, Synodus V receperat, solique Transpadam Istri, ac Veneti, eidem co securius refragabantur, quo sub Longobardorum imperio vivebant. Quare pro *Tribus Capitulis* acerrime adversus Romanos Pontifices dum pugnarunt, Panlinus archiep. Aquileiensis, quem litteris ad Narsetem datis Pelagius I insectus fuerat, capta a Longobardis *Aquileia*, saecum omnem suppelleatilem in *Gradis* insula, prope urbem in aestuariis sita, servandam curarunt, illoque mortuo, atque *Probino* ejus successore intra annum extincto, *Helias* archiepiscopus renuntiatus fuerat. Qui cum *Aquileiae* inter Christianae rei infensissimos hostes hand tuto se degere posse animadverteret, *Pelagium II* rogavit, ut metropolitana sedes Aquileiensis *Gradum* transferretur, ubi templum martyri Euphemiae aedificaret. *Pelagius*, tum ut initio Pontificatus schismaticorum principem collatis beneficiis, erga Sedem Apostolicam reverentiorem faceret, tum quod sub Romano imperio viventem ad obedientiam facilius revocari posse intelligeret, *Heliae* precibus annuit, delegavitque *Laurentium presbyterum*, qui cum litteris Pontificiis Synodo provinciae ea de causa celebrande suo nomine adcesset. Illam recitat Dandulus in Historia Veneta Ms. et ex eo Ughellus tom. v Italiæ sacrae in Tabulis Aquilejensium patriarcharum, extatque Ms. tam in Bibliotheca Barberina num. 247, quam in Vaticana num. 3922.

13. Ea translatio in Synodo Gradensi confirmata. — Coacta est *Synodus* apud *Gradum* die tercia Novembris currentis Christi anni, ut ex dictis anno DLXXVII, num. 4, manifeste patet. Lecta in ea Epistola Pelagi II cuius summa his verbis continetur: « Quapropter vestro compatientes mœrori, necessitudinem, ino etiam rabiem tarentium pendentes Longobardorum, inclinati precibus vestris per hujus præcepti seriem, suprascriptum

castrum Gradense totius Venetiae cum omnibus vestre Ecclesiæ pertinentibus etiam Istriæ metropolim perpetuo confirmamus ». Dicitur Epistola data XII kalend. Martii imperatore Tiberio II Augusto, hoc scilicet Christi anno. In fine Epiphanius jussus Patrum Decreta legere, statim definitio fidei Synodi Chalcedonensis lecta est; autistes enim pro Synodo illa mordicus stabant. Praeter *Heliam* Ecclesiæ Aquileiensis episcopum et *Laurentium presbyterum* Apostolice Sedis legatum Synodo subscripsere episcopi decem et octo Aquileiensi metropolitæ subjecti, cuius amplissima erat jurisdictio; cum a Pannonia secunda usque ad Abduam in Insubria extenderetur. Continebat enim *Rhodium II*, cuius metropolis *Sabio*, ubi erat episcopus sanctus *Ingeninus*, huic Synodo subscriptus: *Noricum*, cuius primaria urbs erat *Tiburnia* ad Dravnum, ut patet ex Vita sancti Severini Noricorum Apostoli, cuius urbis *Leonianus* episcops erat. Actisque subscripsit. Itenique complectebatur *Istriam*, Forum Iulii, ac Venetiam, que provincie uno Istriæ nomine id temporis, ac in sexta Synodo vulgo appellabantur (1).

14. In eadem episcopi Istriam schismate non discessere. — Cæterum in haec Synodo contra V Concilium schismatiæ episcopi iterum jurarunt vano eo praetextu, ne Synodus Chalcedonensis laederetur. In laudata enim Danduli Historia legitur, eos episcopos, demonstrat *Synodo Chalcedonensi* subscripsisse, et in Chronico Aquileiensi a cardinali Norisio laudato haletur: « In qua Synodo quidquid de Chalcedonensi Concilio dubitabatur, pulsa dubitatione confirmatum est ». Quare eo beneficio schismaticis collato, nihil *Pelagio* peractum est. Ex illa autem sedis translatione factum, ut metropolite promiscue Aquileienses, vel Gradenses dicentur. Ita sanctus Gregorius M. *Serorum Eliæ* successorem episcopum *Aquileensem* dixit lib. t, Epist. xvi; *Gradiensem* vero lib. ii, Epist. xxxviii. Quæ omnia Emin. card. Norisio citato observata, qui de episcopis huius Synodo præsentibus varia leetu digna et tenebris eruit. Cumque nulla hujus Synodi Gradensis nec in Annal. Ecclesiast. nec in Conciliorum Collectione mentio habeatur, in futura ejusdem editione prætermittenda non erit.

Synodus Cabilonensis hoc anno habita, ut videre est anno DLXXXII.

(1) Gradensem hanc Synodum commentariam esse multis adductis argumentis probat P. de Rubeis in *Dissert. Hist. de schismate Aquileiensis*, excusa Venet. anno MDCCXXXII. Id autem evincit, primo, quod ejus Acta a variis ex antiquis Codicibus descripta inter se non leviter discrepant. Secundo quod tam multos episcopos Gradum convenisse in ea temporum difficultate credi vix possit, cum Pelagius II in Pontificem electus anno precedente DLXXVII in ea, quam scripta ad Eliam Gradensem Epistola, anno, ut Rubeus ipso probat, DLXXXV, se ad id usque eadem temporum difficultate impedimentu fuisse probat, ne ad ipsum Epistolam dirigeret. « Quod ad dilectionem vestram nostra tardus scripta dirigamus.... temporalis qualitas, et hostilis necessitas bacemus impedivit ». Ex quibus Pontificis verbis recte demonstrat Rubeus, nonquin antehac a Pontifice ad Eliam litteras datas fuisse. Quorsum igitur in Actis eiusdem Concilio, dum ante celebrati, recitator ejusdem Pontificis Epistola ad eundem Eliam pro constitutione Gradensis metropolis? Expedit pariter Rubeus veterum omnium, puta Pauli diaconi, puta et ejusdem Pelagi II in suis ad Eliam Epistolis silentium, tum de hoc Concilio, tum de constituta in eo Gradensi metropoli. Insuper in Mantuanio Concilio habito anno DLXXXVII, de quo nos in Notis ad eundem annum, cum causa agitaretur de translatione Sedi Aquileiensis in Gradum, jussi sunt Gradenses vetusta sua documenta proferre. Cum prodixissent, reperta sunt (verba sunt Synodi) exemplaria nullius manu esse roborata. Inter haec autem documenta erant etiam Acta Synodi Gradensis, ut ibidem legitur. Tunc autem prima Synodi Gradensis mentio antehac ignota occurrit. Vide reiqua apud eundem de Rubeis cap. 8 et 9 qui sane agre admodum fert eam fuisse impostoris audaciam, ut Synodo schismaticorum a se conflicte, et ad scismatis confirmationem sedis Apostolicae legatum subscriptum induxerit.

PELAGII ANNUS 3. — CHRISTI 580.

1. Terræ motus Antiochiæ, ubi Anatolii idololatriæ judicium et supplicium. — Octogesimus supra quingentesimum Christi annus adest. Indictionis decima terliae, idemque tertius Tiberii, cum Justino regnantis : quo¹ Antiochia Syriae iterum terræ motu quassata, magna ex parte vastatur. Unde aulem tantorum malorum fluxerit causa, Evagrius in primis illorum temporum scriptorem audiamus, qui ait² : « Antiochiæ porro et Daphne, quæ est illi finitima, ad terrium annum imperii Tiberii Cæsaris tam ingens terræ motus in ipso meridie extitit, ut Daphne tota ejus vi impetu concideret, et Antiochiæ aedificia tam publica, quam privata ad terram usque dirumperent illa quidem, sed non ita tamen, ut ad solum ruerent. Acciderunt præterea tum Antiochiæ, tum Constantinopoli alia nonnulla, quæ longum sermonem requirunt : quæ quidem certe utramque urbem graviter exagilarunt, et in maximas turbas congecerunt; atque ut ex divino quodam zelo orta sunt, sic exitum habuere plane admirabilem; de quibus deinceps verba facturus sum.

2. « Anatolius quidam, vir primum quidem plebeius et molliis, postea vero ad magistratus et alia munera obeunda subdole (nescio quomodo) arrepsit, et Antiochiæ attatem traduxit : quo in locores, quas habebat in manibus, sedulo executus est. Unde cum Gregorio ejus urbis antistite maximam conflavit familiaritatem, persæpeque illum adiit, partim gratia de negotiis suis colloquendi, partim ut majorem auctoritatem ex cœbra ejus consuetudine sibi conciliaret. Iste Anatolius hostias simulacris immolasse forte deprehensus est : qui cum vocaretur in quaestionem, homo impius, prestigiator, et infinitis involutus sceleribus repertus fuit. Et tamen parum aberat quin et ipse et sui omnes (habuit namque alios sui similes, qui idolis itidem sacrificasse manifesto tenebantur) liberi dimissi tuissent; nisi populus, excitato tumultu, omnia turba ita miscuisset, ut consilium de illis impiis initum eo pacto diremptum esset. Quin etiam contra Gregorium episcopum clamores tolluntur, eum

consilii Anatolii participem fuisse, palam prædicatum. Porro autem execrabilis daemon, humanæ vita perturbator, nonnullos induxerat, ut victimis immolandis cum Anatolio se socios adjungerent. Hinc Gregorius in maximum venit disserimen, populo eum gravissime exagitante, insectanteque : hinc etiam in illum tam vehemens movebatur suspicio, ut imperator ipse Tiberius coram ex ore Anatolii veritatem expisci laboraret.

3. « Mandatum igitur dat, uti Anatolius et sui omnes quam celerrime adventarent. Quibus rebus cognitis, Anatolius ad imaginem quandam Mariae Deiparae fune in carcere sublimem appensam aecurens, manibus a tergo complicatis, se ei supplicare, precesque adlibere ostendit. Illa autem eum veluti sacrilegum detestata, et ut Deo invisum coargueus, penitus ab se averrit : spectaculum plane horribile et sempiternæ memorie prodendum ; quod quidem a præsidariis militibus, et ab his quibus illius custodia commissa fuit, visum est, et ab hiis omnibus aliis divulgatum. Apparuit item Deipara re ipsa nonnullis aliis fidelibus, eosque contra se celestum illum incitavit; inquiens, Anatolium filium suum contumeliis afficere.

4. « Ubi vero Anatolius ad urbem Constantiopolitanam ductus fuit, et ibi verberibus supra modum cæsus, nihil contra episcopum potuit dicere, ipse cum suis majoris tumultus et seditionis plane popularis civitati auctor et causa extitit. Nam cum quidam illorum sententiam haberent de se pronuntiatam, ut non morte, sed exilio duntaxat mulcarentur : populus divino quodam zelo succensus, omnia turbare, bile, et iracundia exarde-scere, exilioque damnatos rapere cœpit : qui in navem pescatoriam impositi, totius populi suffragiis vivi ignis tradabantur incendio. Contra imperatorem porro et Eutychium episcopum sunum tanquam fidei proditores graviter vociferari. Nec dubium, quin et Eutychium, et eos quibus potestas in Anatolium cum suis inquirendi permissa fuit (istos namque singulis locis inquirere et undique circumcidere cœperunt) prorsus e medio sustulissent, nisi Dei Providentia, quæ omnium saluti prospicit, illos e querentium manibus eripuisse.

¹ Evagr. l. v. c. 17. et Nicéph. hist. l. xviii. c. 3. — ² Evagr. hist. l. v. c. 17. et 18.

et tam ingentis multitudinis furorem pedelenim sedavisset. Siquidem ita factum est, ut neque nullum atrox facinus eorum manibus ederetur, et Anatolius primum in amphitheatro bestiis expositus, ab iisdem dilaniaretur, deinde ageretur in cruce.

5. « Neque tamen ita finem suppliciorum sibi infectorum reperit. Nam lupi corpus ejus in terram disturbantes (quod ante nunquam visum fuisset) pastu crudeli membratum devorarunt. Erat autem quidam e nostris hominibus, qui, priusquam resistae confectae essent, dixerat, se secundum quietem vidisse sententiam contra Anatolium ac suos a populo latam. Quin etiam vir illustris, qui imperatoris palatio praefuit, quique Anatolii causam certiter admodum tuebatur, dixerat, se quoque vidisse Deiparam Mariam, eamque sic ipsi loculam : Quousque defendis causam Anatolii, qui tum me, tum filium meum tantis onerat contumeliis ? Sed de his hoc modo ». Haec enim Evagrius de rebus in Oriente gestis.

6. *Meroveus plura molitus ob regni cupidinem, Turone fugit ad Brunichildem.* — Quod ad res Occidentalis Ecclesiæ spectat, de Ecclesia Gallicana nonnulla a Gregorio, cum prosequitur res Francorum, suppedantur, ex quibus complura observatione digna de rebus Ecclesiasticis elici possunt. Dum igitur styllo prosequitur Morovei filii Chilperici regis confugium in Ecclesiam ; quæ potissimum hoc anno facta sint, quo Childeberti filii Sigeberti annus secundus regni incipit numerari, ita narrare pergit¹ : « Anno autem secundo Childeberti regis, cum videret Moroveus patrem suum in hac deliberatione intentum, assumpto secum Guntheram nonne ad Brunichildem pergere cogitat, dicens : Absit ut propter meam personam Basilica domini Martini violentiam perforat, aut regio ejus propter me captivitati subdatur. Et ingressus Basilicam, dum vigilias ageret, res quas secum habebat ad sepulcrum beati Martini exhibuit, orans ut sibi sanctus succurreret, atque ei concederet gratiam suam, ut regnum accipere posset ». Vides hominem quantumlibet improbum, haud tamen sanctorum cultum despexisse, sed eo amplius propensiisque Martini auxilium expetiisse precibus atque munerialibus quo magis angustiis premeretur. Subdit autem Gregorius : « Moroveus vero de patre atque noverca multa crimina loquebatur ; quæ cum ex parte vera essent, credo acceptum non fuisse Deo, ut hæc per filium vulgarentur, sicut in sequentibus cognovi.

7. « Quadam enim die ad convivium ejus accessus cum pariter sederemus, suppliciter expellit aliqua ad instructionem animæ legi. Ego vero reserato Salomonis libro, versiculum qui primus occurrit, arripui, qui hæc continebat² : Oculum qui adversus respexerit patrem, effodiunt eum corvi de convallibus. Hlo quoque non intelligente, consideravi hunc versiculum a Domino preparatum ». Animus enim semel imbutus ambitione

regnandi aliud non admittit ad salutem oblatum remedium. In deteriora igitur infelix lapsus, Sanlem imitatur, ad Pythonissam configiens, cum se a Deo desertum esse cognovit. Nam audi quæ mox subdit Gregorius :

8. « Tunc direxit Guntheram puerum ad mulierem quamdam habentem spiritum pythonis, ut ei quæ erant evenitura narraret. Ascerbat praeterea, ipsam sibi ante hoc tempus non solum annum, sed et diem et horam in qua rex Charibertus obiret, denuntiassese. Quæ hæc ei per pueros mandata remisit : Futurum est enim, ut rex Chilpericus hoc anno deficiat ; et Moroveus, inclusus fratribus, omne capiat regnum. Tu vero ducatum totius regni ejus annis quinque tenebis ; sexto vero anno in una civitate, quæ super Ligeris alveum sita est in dextera ejus parte, favente populo, episcopatus gratiam adipisceris, ac senex plenus diecum ab hoc mundo migrabis. Cumque hæc pueri redeentes omnino muniassent, statim ille vanitate elatus, tanquam si jam in cathedra Turonicæ Ecclesiæ resideret, ad me hæc detulit verba. Cujus ego irridens stultitiam, dixi : A Deo hæc poseenda sunt : nam credi non debent quæ diabolus repromittit : ille autem ab initio mendax est, et in veritate nunquam stetit. Illoque cum confusione discedente, valde irridebam hominem qui talia credi debere putabat ». Ha plane hæc punitione curiosi plectuntur, ut in hunc modum a dæmone illudantur atque traducantur falsis promissionibus, quibus aliquid verum immisceat. Ludus iste est sapientiae, ut illudat hominibus hujuscemodi vana sectantibus, sicut cum talia querentem decipi voluit Achab, dicens³ : « Quis ibit nobis ad decipiendum Achab ? » Vix credi potest, quam amplius sit rete istud, quod super orbem, ut decipiatur curiosos, diabolus tendere consuevit. Pergit vero Gregorius de seipso :

9. « Denique quadam nocte, vigiliis in Basilice S. Martini celebratis, dum lectulo decumbens obdormissem, vidi Angelum per aera volantem : cumque super sanctam Basilicam præteriret, voce magna ait : Heu, heu, percussit Deus Chilpericum et omnes filios ejus, nec supererit de his qui processerunt de humbris ejus, qui regat regnum illius in æternum. Erant ei eodem tempore de diversis uxoribus filii quatuor, exceptis filiabus. Cum autem hæc imposterum impleta fuissent, tunc ad liquidum cognovi falsa esse quæ promiserant harioli ». Cum vero admonitione Gregorii Moroveus regis filius oraculum pythonissæ suspectum haberet, quid praeterea ad prænoscenda ventura idem excoilarit, ab eodem Gregorio ita accipe :

10. « Moroveus non credens pythonissæ, tres libros super sancti sepulcrum posuit, id est, Psalterii, Regum, Evangeliorum : et vigilans tota nocte, petiit ut sibi beatus confessor, quid eveniret, ostenderet ; et utrum possel regnum capere, an non, ut Domino judicante, cognosceret. Post hæc continuato

¹ Greg. Tur. I, v. c. 14. — ² Prov. xxx.

³ 3. Reg. xxii.

triduo in jejuniis, vigiliis, atque orationibus, ad beatum tumulum iterum accedens, revolvit librum qui erat Regum. Versus autem primus paginae, quam reseravat, hic erat¹: Pro eo quod reliquistis Dominum Deum vestrum, et ambulastis post deos alienos, nec fecistis rectum ante conspectum ejus; ideo tradidit vos Dominus Dens vester in manibus inimicorum vestrorum. Psalterii autem versus hic est inventus²: Verumtamen propter dolos posuisti eis mala: dejecisti eos, dum allevarentur. Quomodo facti sunt in desolationem? subito defecerunt: perierunt propter iniurias suas. In Evangelii autem hoc est repertum³: Scitis quia post biduum Pascha fiet, et Filius hominis tradetur ut erueatur. In his responsionibus ille confusus, tensus diutissime ad sepulcrum beati antistitis, assumpto secum Guntheranno duce, cum quingentis aut eo amplius viris discessit». Haec quidem Turonis, quo ad S. Martini Basilicam ante confligerat. Sic homo toties admonitus, plurimorum peccatorum pondere praegravatus, resipiscendi haud obtinuit facultatem.

11. Sed et Chilpericus Dei beneficiorum oblitus, odio plus aequo indulgens, dum furit in filium, religionem kedit: nam de eo haec paulo post Gregorius: « Exercitus autem Chilperici regis usque Turonos accedens, regionem illam in pradas iuit, succedit, atque devastat, nee rebus S. Martini pepereit; sed quod manu tetigit, sine ullo Dei intuito aut timore dirupil. Morovenus prope duos menses ad antedictam Basilicam residens, fugam iuit, et ad Brunichildem reginam usque pervenit: sed ab Austrasiis non est collectus ». At de bellis turbisque haecenus.

12. *De die Paschatis in Hispania.* — Post haec antem recensita Gregorius de controversia oborta dici Paschatis causa inter Gallicanam et Hispanieam Ecclesiam ista habet: « Eo anno dubetas Paschae fuit. In Gallis vero nos cum multis civitatibus XIV kalendas Maias sanctum Pascha celebravimus; alii vero cum Hispanis XII kalend. Aprilis solemnitatem hanc tenuerunt. Tamen (ut ferunt) fontes illi, qui in Hispanis iutu Dei complentur, in nostro Paschate repleti sunt ». Haec Gregorius: deque his fontibus dictum est superius. Jam vero ad nobilem episcoporum conventum hoc eodem tempore Parisiis celebratum, a Gregorio vero descriptum, stylum admoveamus. Interfuit ei ipse, et pars magna fuit.

13. *Concilium Parisiense in causa Praetextati episcopi Rhotomagensis, qui calumniam passus in exilio damnatur.* — Hoc ipso anno, agente Chilperico rege Francorum convocabatur Synodus Parisiensis in Ecclesia sancti Petri ob causam Praetextati episcopi Rhotomagensis. Datum est enim illi criminis a rege, quod manus ejus fuerit cum ipsis filio, qui rebellaverat, Moroveo: conjurassetque cum illo adversus regem. Agit de his pluribus

Gregorius Turonensis, atque ait⁴: « Adductus est igitur in Synodum Praetextatus episcopus. Rex adversus eum causam agens sic est locutus: Quid tibi visum est, o episcope, ut inimicum meum Moroveum, qui filius esse debuerat, cum amica sua, id est, patrui sui uxore conjungeres? An ignarus eras, que pro hac causa canonum statuta sanxissent? Etiam non hic solum excessisse probaris: sed etiam cum illo egisti, datis munieribus, ut ego interficerer, hostem autem filium patri fecisti: seduxisti pecunia plebem, ut nullus mecum fidem habitam custodiret; voluistique regnum meum in manus alterius tradere. Haec eo dicente, infrennit multitudo Francorum, voluitque ostia Basilicea rumpere, quasi ut extractum sacerdotem lapidibus urgeret: sed rex prohibuit fieri.

14. « Cumque Praetextatus episcopus ea quae rex dixerat, facta negaret; advenerunt falsi testes, qui ostendebant species aliquas, dicentes: Haec et haec nobis dedisti, ut Moroveo fidem promittere deberemus. Ad haec ille dicebat: Verum enim dicitis, vos a me sapius numeratos: sed non ex hac causa extitit, ut rex ejiceretur e regno. Nam et cum vos mihi, et equos optimos et res alias preberetis: numquid poteram aliud facere, nisi et ego vos simili sorte remunerarem? Recedente vero rege ad metatum suum, nos collecti in unum sedebamus in secretario Basilice beati Petri. Confabulantibusque nobis, subito advenit Aelius archidiaconus Ecclesie Parisiacae, salutatisque nobis ait: Audite me, o sacerdotes Domini qui in unum collecti estis. Aut enim hoc tempore exaltabitis nomen vestrum et bone famae gratia reflugebitis; aut certe nullus vos amodo pro Dei sacerdotibus est habiturus, si personas vestras sagaciter non erigitis, aut fratrem perire permittitis. Haec eo dicente, nullus sacerdotum ei quicquam respondit: timebant enim regine, Fredegundis scilicet, furorem, cuius instinctu haec agebantur. Quibus intentis, et ora digito comprimentibus, ego aio: Attenti estote, queso, sermonibus meis, o sanctissimi sacerdotes Dei, et praeferim vos qui familiares regi esse videmini. Adhibete ei consilium sanctum et sacerdotale, ne exardescens in ministrum Dei, pereat ab ira ejus, et regnum perdat et gloriam.

15. « His vero silentibus, adjeci: Mementote, domini mei sacerdoles, verbi propheticci, quod ait⁵: Si viderit speculator iniuritatem hominis, et non dixerit; reus erit animae pereuntis. Ergo nolite silere, sed praedicate, et ponite ante oculos regis peccata ejus, ne forte ei aliquid mali contingat, et vos rei sitis pro anima ejus. An ignoratis quid novo geslum inheret tempore? quomodo apprehensum Sigismundum Clodomeris retrusit in carcerem, dixitque ei Avitus Dei sacerdos: Ne injicias manum in eum, et cum Burgundiam petieris, victoriam obtinebis. Ille vero abnuntens quae ei a sacerdote dicta fuerant, abiit, ipsumque cum uxore et filiis intere-

¹ 2. Paral. vii. Hier. ii. — ² Psal. lxxii. — ³ Matth. xxvi.

⁴ Greg. Tur. hist. Franc. l. v. c. 18. — ⁵ Ezech. iii.

mit : petiitque Burgundiam, ibique oppressus ab exercitu, interemptus est. Quid Maximus imperator? nonne cum beatum Martinum complisset communicare euidam homicidae episcopo, et ille quo facilius addictos morti liberaret, regi impio consensisset; prosequente regis aeterni judicio, ab imperio depulsus Maximus, morte pessima condemnatus est? Haec me dicente, non respondit ullus quicquam, sed erant omnes intenti et stupentes.

16. « Duo autem adulatores ex ipsis (quod de episcopis diei dolendum est,) nuntiaverunt regi dicentes, quia nullum majorem inimicum, quam me haberet. Illico unus ex aulicis cursu rapido ad me representandum dirigitur. Cumque venissem, stabat rex juxta tabernaculum ex rauis factum, et ad dexteram ejus Bertheramus episcopus, ad levam vero Ragnemodus stabat, (hic erat episcopus Parisiensis successor S. Germani) et erat ante nos scannum pane desuper plenum cum diversis ferululis. Visoque me rex ait : O episcope, justitiam cunetis largiri debes : et ecce ego justitiam a te non accipio, sed (ut video) consentis iniquitati, et impletur in te proverbium illud, quod corvus oculum corvi non eruet. Ad haec ego : Si quis de nobis, o rex, justitiae tramitem transcendere voluerit, a te corrigi potest : si vero tu excesseris, quis te corripiet? Loquimur enim tibi : sed si volueris, audis : si autem nolueris, quis te condemnabit, nisi is qui se pronuntiat esse justitiam? Ad haec ille (ut erat ab adulatoribus contra me accusus) ait : Cum omnibus enim inveni justitiam, et tecum invenire non possum. Sed scio quid faciam, ut noteris in populis, et injustum te esse omnibus perpatescat. Convocabo enim populum Turonicum, et dicam eis : Vociferamini contra Gregorium, quod sit injustus, et nulli hominum justitiam praestet. Illis quoque haec clamantibus respondebo : Ego qui rex sum, justitiam cum eodem invenire non possum : et vos qui minores estis, invenietis? Ad haec ego : Quod sim injustus, tu nescis : seit enim ille conscientiam meam, cui occulta cordis sunt manifesta. Quod vero falso clamore populus, te insultante, vociferas, nihil est : quia sciunt omnes a te haec emissa ; ideoque non ego, sed potius tu in acclamacione notaberis. Sed quid plura? habes leges et canones ; haec te diligenter rimari oportet : et tunc quae praeceperunt si non observaveris, noveris tibi Dei iudicium imminere. At ille quasi me demulcens (quod dolose faciens putabat me non intelligere) conversus ad juscillum, quod coram me erat positum, ait : Propter te haec juscilla paravi, in quibus nihil aliud preter volatilia et parumper ciceris continetur. Ad haec ego, cognosens adulacionem ejus, dixi : Noster cibus esse debet, facere voluntatem Dei, et non his deliciis delectari ; ut ea quae praeceperit, nullo casu prætermittamus. Tu vero qui alias de justitia culpas, pollicere prius quod leges et canones non emittas, et tunc credimus, quod justitiam prosequaris. Ille vero porrecta dextra,

juravit per omnipotentem Deum, quod ea quae lex et canones edoceant, nullo prætermitteret pacto. Post haec accepto pane, et hausto vino, discessi ». Hactenus Gregorius de prima Synodi Actione ; quæ autem post haec facta sint, antequam iterum Synodus cogeretur, sic narrat :

17. « Ea vero nocte decantatis nocturnalibus hymnis, ostium mansionis nostræ gravibus audio cogi verberibus ; missosque pueros nuntios Fredegundis reginæ adstare cognosco. Quibus introducis, salutationem reginæ suscipio. Deinde precantur pueri, ut in ejus causis contrarius non existam, simulque ducentas argenti promittunt libras, si Praetextatus, me impugnante, opprimetur. Dicebant enim : Jam omnium episcoporum promissionem habemus : tantum tu adversus non incedas. Quibus ego : Si mibi mille libras auri argenteique donetis, numquid alind facere possum, nisi quod Dominus agi præcepit? Unum tantum pollicor, quod ea quæ cæteri secundum canonum statuta consenserint, sequar. At illi non intelligentes quæ dicebam, gratias agentes discesserunt. Mane autem facto aliqui de episcopis ad me venerunt, simile mandatum ferentes : quibus ego similia respondi, etc. » Sequitur modo Actio ejusdem Synodi secunda, quæ sic se habet :

18. « Convenientibus autem nobis ad Basiliacam S. Petri, mane rex affuit, dixitque : Episcopus enim in furtis deprehensus ab episcopali officio ut avellatur, canonum auctoritas sanvit. Nobis quoque respondentibus, quis ille sacerdos esset, cui furti crimen irrogaretur, respondit rex : Vidistis enim species quas nobis farto abstulit (ostenderat enim nobis ante diem tertiam rex duo volucra speciebus et diversis ornamentis referta, quæ pretiabantur amplius quam tria millia solidorum, sed et saeculum cum numismatis auri pondere tenentem quasi millia duo) hæc enim dicebat rex sibi ab episcopo Praetextato fuisse furata. Qui respondit : Recolere vos credo, discedente a Rhotomagensi urbe Brunichilde regina, quod venerim ad vos : dixique vobis, quia res ejus, id est quinque sarcinas commendatas haberem ; et frequentius advenire pueros ejus ad me, ut ea redderem, et nolui sine consensu vestro. Tu autem dixisti mihi, o rex : Ejice haec a te, et revertantur ad mulierem suæ res ; ne inimicitie inter me et Childebertum nepotem meum pro his rebus debeant pullulare. Reversus ergo ego ad urbem, unum voluerum tradidi pueris : non enim volebant amplius ferre. Reversi iterum requirabant alia : iterum consulni magnificentiam vestram : tu autem præcepisti, dicens : Ejice, ejice haec a te, o sacerdos, ne faciat scandalum haec causa. Iterum tradidi eis duo ex his, duo autem alia remanserunt mecum. Tu autem quid nunc me calamiaris, et me furti arguis cum haec causa non ad furtum, sed ad custodiām debeat deputari?

19. « Ad haec rex : Si hoc depositum penes te habebatnr ad custodiendū, cur solvisti unum ex his, et limbum aureis contextum tiliis in partes de-

secasti, et dedisti per viros, qui me regno dejicent? Prætextatus episcopus respondit: Jam dixi tibi superius, quia munera eorum acceperam: ideoque cum non haberem quod de præsentí darem, hinc præsumpsi, et eis vicissitudinem munerum tribui: proprium mihi esse videbatur, quod filio meo Moroveo erat, quem de lavaero regenerationis excepit. Videns autem rex Chilpericus, quod enim his columnis superare nequiret, attonitus valde ac conscientia confusus discessit a nobis: vocavitque quosdam de adulatoribus suis, et ait: Victum me verbis episcopi fateor, et vera esse quæ dicit, scio: quid nunc faciam, ut reginæ de eo voluntas adimaleatur? et ait: He, et accedentes ad eum dicite, quasi consilium ex vobismetipsis dantes: Nostri quod sit rex Chilpericus pius atque compunctus, et cito fleetatur ad misericordiam: humiliare sub eo, et dicio ab eo objecta a te perpetrata fuisse: tunc nos prostrati omnes coram pedibus ejus, dari tibi veniam impetramus. His seductus Prætextatus episcopus pollicitus est se ita facturum». Hactenus secunda Actio Synodi. Sequitur rursus tertia et ultima:

20. « Mane autem facto, convenimus ad consuetum locum: adveniensque et rex, ait ad episcopum: Si munera pro muneribus his hominibus es largitus, cur sacramenta postulasti, ut fideli Moroveo servarent? Respondit episcopus: Petii, fateor, amicitias eorum haberi eum eo: et non solum hominem, sed si fas fuisset, Angelum de caelo evocasse, qui esset adjutor ejus: filius enim mihi erat (ut saepe dixi) spiritualis ex lavaero. Cumque haec alteratio altius tolleretur, Prætextatus episcopus prostratus solo, ait: Peccavi in caelum et eorum te, o rex misericordissime: ego sum homicida nefandus, ego te interficere volui, et filium tuum in solio tuo ergere. Haec eo dicente, prosteruit rex coram pedibus sacerdotum, dicens: Audite, o piiissimi sacerdotes, rem crimen exercitabile confitem. Cumque nos tenuerat regem elevassemus a solo, jussit eum Basilica egredi. Ipse vero ad metatum discessit, transmittens librum canonum, in quo erat quarternio novus annexus, habens canones quasi Apostolicos, continebat haec: Episcopus in homicidio, adulterio, et perjurio deprehensus, a sacerdotio divellatur.

21. « His ita lectis, eum Prætextatus starerat, stupens Bertheramus episcopus ait: Audi, o frater et coepiscope, quia regis gratiam non habes, ideoque nec nostra charitate uti poteris, priusquam regis indulgentiam merearis. His ita gestis, petiit rex, ut aut ei tunica scinderetur, aut centesimus octavus psalmus, qui maledictiones Ischarioticas continebat, super caput ejus recitaretur; aut certe

judicium contra eum scriberetur, ne in perpetuum communicaret: quibus conditionibus ego restitu, juxta promissum regis, ut nihil extra canones gereretur. Tunc Prætextatus a nostris raptus oculis in custodiam positus est: de qua fugere tentans, nocte gravissime cæsus, in insulam maris, quæ adjacet civitati Constantiae, in exilium est detrusus». Hactenus Gregorius de Synodo Parisiensi, et causa Prætextati: qui etsi turpiter nimisque animo fracto columnas in se latas confessus est; tamen majoribus sumptibus animi viribus adversus Fredegundem, alteram Jezabelem, strenue agens, morteni subire non timuit, de qua agemus suo loco inferius. Porro hoc eodem anno artibus Fredegundis Moroveum regis filium fuisse spontanea necesse defunctorum, id ipso exposeente a Gaileno familiari, ne in manus inimicorum veniret, idem auctor testatur¹. Quo item anno ejusdem regis filium juniores Samsonem nomine ex humanis sublatum esse, idem affirmit²:

22. *Vinum S. Martini.* — Quid autem hoc eodem anno Turonis apud sancti Martini sepulcrum tieri contigit, ex eodem ipsius civitatis episcopo Gregorio haud erit inutile recitare: «Tunc, inquit³, Vinnocus Brito in summa abstinentia a Britanniis venit Turonos, Hierosolymam accedere cupiens, nullum aliud vestimentum nisi de pellibus lane privatis habens: quem nos quo facilius teneremus (quia nobis religiosus valde videbatur) presbyterij gratia honoravimus. Ingetrudit autem religiosa consuetudinem habebat aquam de sepulcro sancti Martini colligere. Quia aqua deficiente, rogat vas cum vino ad beati tumulum deportari: transacta autem nocte, id exinde hoc presbytero præsente; nsumi mandavit: Et ad se delato, ait presbytero: Aufer hinc vinum, et unam tantum guttam de aqua benedicta, unde parum superest, funde. Quod eum fecisset (mirum dictu) vasculum, quod semiplenum erat, ad unius guttae descensum impletum est: idem his impletum. Quod non ambigitur, et in hoc beati Martini fuisse virtutem». Ex hujusmodi miraculo longe lateque vulgato, aliquis ejusdem generis accidisse videtur, ut super vinnum sancti Martini nomen invocaretur, illudque pariter eo modo sancti viri nomine benedictum, unaque simul mutuae symbolo charitatis invicem propinatum in honorem ejusdem sancti potarent. Sed quod tun pietas docuit, pravus usus labelactavit, ut ejus invocatione non ex vino miracula, ut olim, sed ebrietates ex luxu solcant provenire.

¹ Greg. Tur. hist. Franc. l. v. c. 48 in fin. — ² Ibid. c. 22. —

³ Ibid. c. 21.

Anno periodi Graeco-Romanæ 6073. — Anno Æræ Hispan. 618. — Jesu Christi 580. — Pelagi II pape 3. — Tiberii Constantini imp. 7 et 3.

1. *Postconsulatus*. — Is annus hac formula nolatus : *u post consulatum Tiberii novi Constantini Aug. solus*, vel modo loquendi a Mario usurpato : *Anno u consulatus Tiberii Constantini Aug. Indict. XIII.*

2. *Antiochia terræ motu' concussa*. — A num. 4 ad 6. Evagrius lib. 5, cap. 47, refert terræ motum, qui Antiochiæ, et in suburbano Daphnensi extitit, cum *Tiberius Cæsar annum tertium imperii ageret*. Suspicatur Valesius in Notis ad illum Evagrii locum, tertium illum Tiberii annum intelligendum esse de anno III imperii ejus Cæsarei; cum Evagrius hunc terræ motum narret, antequam de *Justini junioris morte verba fecerit*. Quæ conjectura valde verosimilis, eoque pacto Antiochia anno DLXXVII terræ motu concussa videtur.

3. *Merovens ab Austrasiis non recipitur*. — A num. 6 ad 12. Anno secundo Childeberti II, ut narrat Baronius ex Turonensi lib. 5, cap. 14, *Merovens* Chilperici regis filius, qui adversus eum rebellarat, et Turonas ad Basilicam sancti Martini confugerat, cum accepisset, exercitum ejusdem *Chilperici* ad eam urbem accedere, et regionem illam devastare, postquam ibi *prope duos menses* resedisset, « fugam initit, et ad Brunichildem reginam usque pervenit, sed ab Austrasiis non est collectus ». Brunichildis enim, quam *Chilpericus* per legationem requisitus ad Childebertum nuper renuserat, ut in gestis Reg. Frane. cap. 33, et apud Aimoinum lib. 3, cap. 46 legitur, in Austrasia versabatur. Verum annus secundus Childeberti II non cum hoc Christi anno, sed cum anno DLXXVII concurrit.

4. *Controversia de Paschate anni DLXXVII*. — Ad num. 12. Controversiam de die Paschatis anni quingentesimi septuagesimi septimi, Baronius anno DLXVIII, num. 25, ex Sigeberlo in Chronicō, et hoc anno ex Turonensi lib. 5, cap. 14 recitat, estimans auctores illos de dupli Paschate sermonem habere, et tamen de una et eadem controversia, a nobis anno DLXXIII, num. 4 explicata, verba faciunt, ut dies, de quibus dissidium erat, certum reddunt.

5. *Councilium Parisiense V*. — A num. 43 ad 22. Councilium Parisiense V anno secundo Childe-

berti regis, teste Gregorio lib. 5, cap. 19, celebratum, proindeque anno Christi quingentesimo septuagesimo septimo, idque verno tempore; cum *Gregorius Synodi Iunius narrationem* pane conjugat eum mentione Paschatis, de quo illo anno controversia fuit. Hæc Baronium impulit, ut Synodum illam in hunc annum differret. Huic interfuit *Ragnemodus* episcopus Parisiensis, divi Germani successor, qui ideo anno DLXXV e vivis excesserat. Eo in Concilio accusante rege Chilperico, sancti *Prætextati* episcopi Rothomagensis falso accusati, quod *Meroveo* filio rebelli ejusdem regis favisset, causa discussa est. *Prætextatus* ab Ecclesia pulsus custodie traditus, de qua cum fugeret nocte, gravissime caesus in insulam prope Constantiam est relegatus, subrogato in ejus locum *Melanio*, cuius meminil Turonensis, lib. 7, cap. 19.

6. *S. Martini miraculum*. — Ad num. 22. Miraculum *sancti Martini* episcopi Turonensis, quod Baronius narrat ex Turonensi lib. 5, cap. 22, quod scilicet vinum in vase positum, injecta unica gutta aquæ ex ejus sepulcro colligi solet, mirum in modum auctum fuerit, pertinet ad annum Christi quingentesimum septuagesimum octavum. Gregorius enim asserit, illud peractum esse anno tertio Childeberti regis. Ex illo miraculo longe lateque vulgato, aliisque id generis accidisse putat Baronius, ut vinum sancti Martini nomine postea benedictum fuerit.

7. *Gesta a Romanis adversus Persas*. — Theophylactus lib. 3, cap. 17, postquam de superbia Hormisdæ Persarum regis et legatione Tiberii insolenti fastigio aspernata locutus est, ait : « Ubi de arrogantia regis Tiberius comperit, aestate proxima Mauritius contractis iterum copiis Persidem ingressus ex adverso Tigridis castra local, Romanumque, Theodoricum, et Martinum ad interiora regni dí vexanda dimittit. Hili florentissimam agrorum copiam, et universam æstatis amoenitatem depopulantes, ac cædibus grassantes, Persarum rebus vastitudinem, pestiferamque cladem invexere. Mauritius sub adventum hyemis Cæsaream Cappadocie discedit ». Quæ de aestate et hyeme currentis Christi anni intelligenda esse, non tantum innuit Theophylactus, qui ante mortem *Tiberii*, annos tantum

duos postea memorat; sed etiam Menander Protector, pag. 166 et seqq. qui indicare videtur, superiorem annum in colloquiis de pace consumptum fuisse, ac abbas Bielariensis, qui ad annum II Tiberii imp. ait, *Mauritium* magistrum militiae Orientis institulum, ad repugnandum Persis direclum esse.

8. *Alia hoc anno gesta.* — *Eulogius* patriarcha Alexandrinus succedit *Joannū*, ut videre est anno DLXXXI. *Concilium Brennacense*, de quo anno DLXXXIII, ubi et de dysenteria, quae hoc anno Gallias afflixit. Filius *Chilperici* regis necatur, et *Austri-gilde* regina moritur, ibidem *S. Hermenegildus* a patre vexatus.

PELAGII ANNUS 4. — CHRISTI 581.

1. *Laurentius jun. episcopus Mediolanensis.* — Sequitur annus Christi quingentesimus octogesimus primus, decima quarte Indictionis: quo consultus Pelagius papa scripsit ad Benignum archiepiscopum Epistolam decretalem die decima tertia Augusti de translatione episcoporum, an et quando episcopum e sede in sedem transire deceat: que incipit¹: « Lectis fraternitatis tuae litteris etc. » An autem et ipsa ex Isidori sit mercibus, tu videto.

2. Hoc eodem anno Laurentius junior post Frontonem creatur episcopus Mediolanensis Ecclesiae: moxque ad Pelagium papam, ut in communionem Catholicam recipereatur, scripsit libellum (quem cautionem Gregorius papa appellat) quo se aversari schismaticos, et in causa Trium Capitulo-rum Romanæ inhærere Ecclesiae profitebatur. Cui quidem libello cum complures nobiles senatores subscripserint, etiam Gregorius, qui postea fuit Romanus Pontilex, dum hoc tempore Urbanum gereret prefecturam, suum apposuit chirographum, ut ipse testatur in Epistola² ad Laurentii successorem Constantium. Subscripsere autem senatores, ipseque prefectus Urbis Gregorius tanquam tidejussores Laurentii ipsius Mediolanensis episcopi: ex quo intelligas, cur idem Gregorius ipsum Laurentii libellum tidei nominat cautionem. Cum igitur haec ipsius Gregorii papæ testificatione adeo manifesta sint, vides quam longe ab historica veritate aberret Joannes diaconus, dum in Vita S. Gregorii papæ tradit, ab eodem Benedicto papa ipsum Gregorium ex monacho, invitum licet et reniten-ti, creatum fuisse diaconum Cardinalem S. R. E. Ait insuper, quod antequam hoc Benedictus papa

aggrederetur, ipsum adhuc monachum Gregorium miserit in Britanniam insulam ad conversionem gentis Anglorum; sed tumultuantibus civibus, ab eodem revocatum, et inter diaconos cooptatum. Haec quidem Joannes³ diaconus tradit, sed quam fabulose, tu ex citatis ipsius Gregorii scriptis judec eris.

3. *Gregorii Magni primordia suis quaque temporibus redditia.* — Aggressuri itaque jam nos ordine temporum res mirifice gestas ejusdem S. Gregorii recensere: quoniam continget interdum a Joannis diaconi, qui Vitam ejus scripsit sententia discrepare: ne hoc nimium audax alicui videri possit, cum auctor absque reprehensione hactenus lectus fuerit, hic primum de ipsius auctoris tempore, quo scripsit, paucis agendum putamus. Cum ipse in eadem scriptione meminerit⁴ Leonis quarti, Nicolai, atque Hadriani Romanorum Pontificum, inscribatque opus illud ad Joannem Romanum Pontificem ejus nominis octavum ordine, qui sedere coepit anno Domini octingentesimo septuagesimo secundo; jam liquet post haec trecentis ferme annis eos libros elaborasse. Ex quibus pariter erroris redarguas Sigibertum, qui non ad Joannem octavum, sed septimum illud affirmat⁵ ab ipso opus inscriptum: etenim cum dictorum Pontificum, qui vixerunt post Joannem septimum, auctor ipse in eo meminerit, nulla de his dubitatio reliqua esse potest. Mortuus est autem Joannes papa septinus anno Domini septingentesimo septimo, post quod tempus iidem nominati Pontifices vixisse

¹ Extat tom. II. Cone. — ² Greg. I. II. Ep. XI.

³ Joan. diac. in vit. S. Greg. I. I. c. 22, 23, 24, 25. tom. II. Sur. — ⁴ Joan. diac. ibid. I. IV. c. 86, 93, 94, 97. — ⁵ Sigib. de Scrip. Eccl. c. 117.

reperiantur Hadrianus, Leo quartus, et Nicolaus. Sic igitur haud quisque prudens in verba auctoris dixerit esse jurandum, qui post annos (ut dixi) ferme trecentos ea de S. Gregorio scriptorum monumentis posteris commendavit : cum aliqui etiamsi eodem tempore cum S. Gregorio ipse vixisset a perspicua veritate refelli, sive ipse, sive alius minime refugere jure possit; eoque magis, si ex ipsiusmet Gregorii scriptis auctor redarguendus erit.

4. Acturi igitur de Gregorii papae primordiis, de genere prius aliqua veluti præludia præmittenda putamus. Scimus ipsius Gregorii¹ testificatione, fuisse ipsi atavum Felicem Romanum Pontificem, non quidem quartum ejus nominis (ut vult Joannes diaconus) cum non Romanus ille, sed Samnitia fuerit: Gregorii enim progenitores et antecessores liquet fuisse Romanos. Sed de his superius. Fuisse autem illi patrem nomine Gordianum, matrem vero Silviam appellatam, eosdemque pietatis cultores, omnes æque consentiunt: sed excelluisse Silviam sanctitatem, meruisseque inter sanctos adnumerari. Ecclesiastice tabulæ fidem faciunt, sicut eadem claritudine illustrate fuere ejus amitiæ Tarsilla atque hujus soror Æmiliana Deo dicatae virginis, quas sui patris² affirmat fuisse sorores, sicut et Gordianam, sed a sanctis sororibus valde degenerem. Quod si adhuc ipsius Gregorii cunabula perscruteris, invenies et nutricem ejus, eamdemque adhuc superstitem tempore ipsius Pontificatus, cuius meminit in Epistola ad Rusticiana patriciam³. Institutum vero fuisse optimis moribus, et in domo sancta inter sanctos sanctitudine æque imbutum coalusse, par est credere; excultumque bonis litteris (quantum illud ferebat sæculum ob diurna bella eruginatum) certum est: juris quoque fuisse consultissimum, suis postea litteris declaravit⁴. De ipsius eruditione Gregorius Turonensis æqualis ipsius Romani Gregorii hæc habet⁵: « Litteris grammaticis, dialecticis atque rhetoriciis ita erat institutus, ut nulli in Urbe ipsa videretur esse secundus ». Porro inter senatores militasse, in eaque forensi militia primos ordines duxisse, præfecturamque urbanam administrasse, ex suis ipsius scriptis postea litteris satis constat.

5. Sed quo tempore id acciderit, ex iisdem ejus scriptis est perscrutandum. Sane quidem diversis verbis ipse sanctus Gregorius testatur. se tunc in eo magistratu fuisse, cum Laurentius adhuc esset Mediolanensis episcopus: id enim ipse habet in Epistola ad ejus successorem Constantium, ubi sunt hæc verba⁶: « Quamvis decessor fraternitatis tuæ Laurentius districtissimam cautionem Sedi Apostolice remiserit, in qua viri nobilissimi ex legitimo numero subscripserunt, inter quos ego quoque tunc Urbanam præfecturam gerens pariter subscripsi ».

Cum igitur ejus testificatione satis liqueat, superstite adhuc Laurentio Mediolanensi episcopo, ipsum Gregorium in ea functione fuisse: quærendum modo de tempore ipsius Laurentii episcopatus. Fuit iste (ut diximus) Laurentius junior. Senior enim, ad quem sæpe et de quo plura Ennodius Ticinensis, vixit Symmachus papæ temporibus (ut Conciliorum Acta declarant) ante annos sexaginta; junior vero his Longobardorum temporibus vixit, quem diem obiisse liquet, cum jam ipse Gregorius Romanus Pontifex creatus esset, ageretque in Sede annum tertium: tunc enim de ejus obitu et in ejus locum subrogatione Constantii extant ipsius Gregorii datae litteræ ad exarchum¹ Italiae Romanum, neenon aliae² ad Joannem subdiaconum de ejusdem Laurentii obitu, et electione Constantii. Est is annus Domini quingeniesimus nonagesimus tertius.

6. Cum igitur constet de anno quo Laurentius defunctus est, appareatque eum sedisse annos duodecim, sedereque cœpisse anno Domini quingentesimo octogesimo primo ut omnes qui res Ecclesiæ Mediolanensis prosecuti suint, et ex ejusdem Ecclesiæ monumentis seriem episcoporum texuerunt, affirmant³) nihil est ut dici possit a Benedicto papa Gregorium creatum esse diaconum, sive monasticam vitam excoluisse; cum hoc ipso Laurentii tempore adhuc Iaicum præfecturam Urbanam administrasse pateat. Porro quod eodem hoc anno initum episcopatus Laurentii configerit, cum Gregorius ipse præfector Urbis una cum aliis nobilissimis viris subscripsit Laurentii de communione cum Romana Ecclesia scriptæ cautioni, colligi satis potest ex veteri instituto, quod esset in more, ut simul ac quis creatus esset episcopus, fidei professionem mitteret ad Apostolicam Sедem; prout et ab ejus successore Constantio in sua electione factum appareat ex eadem Epistola⁴ ad eum data, cum eumdem tradit scripsisse similem cautionem de Trium Capitulorum damnatione, cuius causa tres episcopi ab ejus se communione divisorant. At vero ante Laurentium Fronto, et ante Frontonem Honorius rexit Mediolanensem Ecclesiam, qui et eo quidem tempore fuisse episcopus reperitur (teste Paulo diacono, cum Albonius invasit Italiam. Indictione tertia, anno Domini quingentesimo septuagesimo; ut appareat ipsum cum successore Frontone usque ad Laurentium implesse decennium).

7. Gregorius autem cum negotiis sæcularibus foris inserviret, intus anhelasse ad solitudinem, ipsem testatur scribens postea ad sanctum Leandrum episcopum Hispalensem his verbis⁵: « Omne tuis auribus, quod mihi de me displicebat, exposui; quoniam diu longeque conversionis gratiam distuli: et postquam cælesti sum desiderio affatus, sæcularem habitum contemnere melius putavi. Aperi-

¹ Greg. dial. l. iv. c. 16. — ² Greg. homil. xxxviii. — ³ Greg. l. v. Ep. xliv. — ⁴ Greg. l. xi. Ep. liii. — ⁵ Greg. Turon. hist. l. x. c. 1. — ⁶ Greg. l. iii. Ep. 1.

¹ Greg. l. ii. Ep. xxxi. Indit. xi. — ² Greg. l. ii. Ep. xxx. Ind. xi. — ³ Panv. in Fast. et Galesin. — ⁴ Greg. l. iii. Ep. i. — ⁵ Greg. in præf. Mor. ad Leandr.

batnr mihi tunc de æternitatis amore quod quærem ; sed inolita me consuetudo devinxerat , ne exteriorem cultum mutarem. Cumque adhuc me cogeret animus præsentí mundo quasi specie tenuis deservire : cœperunt multa contra me ex ejusdem mundi cura succrescere, ut in eo jam non specie, sed (quod est gravius) mente relineret. Quæ tandem cuncta sollicite fugiens , portam monasterii petii , et relieti que mundi sunt (ut frustra tunc eredidi) ex hujusmodi naufragio nudus evasi ». Haec de se ipse usque ad ingressum in monasterium. Quod igitur ipse adhuc sæcularis specie tenuis (ut ait) sic reipubl. ministrabat, ut tamen animo Deo intrinsecus militaret ; utique ea illa putamus fuisse tempora, quibus ipse Gregorius in erigendis in Sicilia monasteriis totus erat, post quæ et aliud erexit Romæ in Clivo Scauri. De his autem, usque ad munus diaconatus suscepsum, Gregorius Turenensis hujus temporis inspector et scriptor ista habet¹: « Hic de senatoribus primis, ab adolescentia devotus Deo, ex rebus propriis sex in Sicilia monasteria congregavit, septimum vero intra Urbis muros instituit : quibus tantam delegans terrarum copiam, quanta ad victum quotidianum præbendum sufficeret, reliqua venundedit cum omni præsidio domus, ae pauperibus erogavit. Et qui ante serico contextu ac gemmis micantibus solitus erat per Urbeum procedere trabeatus , nunc vili contemptus vestitu ad altaris Domini ministerium consecratur, septimusque levita in adjutorium papæ adsciscitur. Tantaque ei abstinentia in cibis, vigilantia in orationibus, strenuitas in jejuniis erat, ut infirmato stomacho vix consistere posset ». Haec Turenensis Gregorius de Gregorii Romani primordiis.

8. Sed et in eo etiam redarguendos est Joannes diaconus, dum ait ipsum Gregorium Vitam excoluisse monasticam primo sub Hilarione abbatे, inde vero sub Maximiano. Nam ipse Gregorius his diversa ponit, dum ait² : « Vita venerabilis Valentius, vel Valentio, sive Valentinus, qui post in hac Romana Urbe milii (sicut nosti) meoque monasterio præfuit, prius in Valeria provincia suum in monasterium rexit, etc. » Qui igitur haud diu permisus est degere in monasterio, sed inde evulsus in diaconum ipse Gregorius est assumptus, haud alium abbatem post Valentium habuisse institutorem putamus. Nam quod ad Maximianum spectat, licet ipse Gregorius³ testetur eum eidem suo monasterio præfuisse, non tamen addit et sibi, sicut de Valentio dixerat. Post Maximianum vero præfuit eidem ipsius monasterio Pretiosus, cuius idem Gregorius⁴ meminit : inde autem Probus, adhuc vivente Gregorio, qui de eo in Constituto⁵ ad ipsum dato mentionem habet : monasteriumque illud titulo sanctorum Andreæ Apostoli, atque Luciae, seu potius Lueæ, cuius reliquias, sicut et Andreæ acceperat Constanti-

tinopoli, nominatum fuisse, publica intexta Constituto Acta reserant. Quo exstructo, in ipsum cum est ingressus monasterium, contigisse sanctam Romulam virginem ex hæ vita migrare, idem affirmat⁶.

9. Porro instituto ab ipso in Urbe eodem sancti Andreæ monasterio non ex proxime positis Cassinatibus monachis (ut multi putant) quibus Longobardos fugientibus apud Lateranensem Basilicam datum fuerat monasterium, sed ex provincia Valeria monasterio sancti Equitii, in quo vigebant monastica instituta, petitum primum abbatem appetat : idque non ex ipsius Gregorii loco citato tantum, sed et alio ejusdem, dum sancti Equitii post obitum edita miracula receuerset; dumque ex relatione ejusdem Valentii, sive Valentini sui abbatis, quæ narrat, se accepisse testatur, ubi ait⁷ : « Silere non debeo, quod de hoc viro abbatे quondam meo reverendissimo Valentio cognovi, etc. » Suum enim illum abbatem dum iterum appellat, haud alium ab eo de quo dictum est, fuisse cognosce. Porro nullum aliud celebre eo tempore in provincia Valeria monasterium fuisse reperitur, nisi sancti Equitii, ex quo primus petendus esset abbas monasterii ab ipso in Urbe erecti, a quo et habitum ipse Gregorius monastice conversionis accepit, et ab eo monachorum institutus est regulis.

10. Videant hinc ergo, quo jure nonnulli trandant, fuisse Gregorium institutionis sancti Benedicti professorem, cum sanctus Equitius ante sanctum Benedictum in dicta provincia monasterium exeret, et monachis in eo positis præfuerit : congregaverat jam ille monachos, cum sanctus Benedictus petuit erenum. Nec est enim, cui magis quam ipsi Gregorio credi posit de se testanti : sed neque est ut quis Valentium hunc, quem sibi præfuisse abbatem latetur iterum ipse Gregorius, illum existimet fuisse Valentianum , secundum numeratum post S. Benedictum abbatem, primum vero Lateranensis cœnobii. Nam constat diversum fuisse monasterium sancti Andreæ ab illo Lateranensi, ut ex diversa etiam abbatum serie intelligere potes. Lateranensi enim primum Valentianus abbas, inde Simplicius, et post eum præfuit Honoratus, ut idem ipse Gregorius⁸ docet. In monasterio autem S. Andreæ primo (ut ejusdem Gregorii testificatione diximus) Valentius sive Valentinus, inde Maximianus, tertio loco Pretiosus, atque postea substitutus est Probus.

11. Qui indigne ferunt, S. Gregorium alterius instituti quam S. Benedicti monachum asseri, eosdem S. Equitii monachos sub eodem patriarcha S. Benedicto redigere laborant, quasi monasterium S. Equitii unum ex eis fuerit duodecim monasteriis, quæ S. Benedictum exessere , ipse S. Gregorius tradit⁹. Verum an his annuere, vel contradicere idem Gregorius inveniatur, ex ejus verbis exactissime disquiramus. Qui dum agit de duodecim a S. Be-

¹ Greg. Tur. hist. l. x. c. 1. — ² Greg. dialog. l. iv. c. 21. — ³ Ibid. c. 32. et hom. in Evang. xxxiv. — ⁴ Greg. dialog. l. iv. c. 55. — ⁵ Greg. l. ix. Ep. xxii.

⁶ Greg. in Evang. homil. xl. et dialog. l. iv. c. 13. — ⁷ Ibid. dial. l. i. c. 4. prope fin. — ⁸ Ibid. dialog. l. ii. in princ. — ⁹ Ibid. c. 3.

nedicto erectis monasterii, ait non in diversa provincia, sed, « illie », inquit, « duodecim monasteria construxit ». Et paulo post¹, de iisdem agens eadem in eodem loco circumquaque fuisse constructa ait. Et sequenti capite²: « Ex his autem monasteriis », inquit, « quae in eodem loco construxerat, tria sursum in rupibus montis erant, etc. » Sicque repetita tertio ejusdem Gregorii testificatione, ubinam eadem essent a S. Benedicto ereta monasteria, uniuersique exploratum absque dubitatione redditur : parva enim ea fuisse, ex numero monachorum duodenario in singulis (ut idem ait Gregorius) collocato, possumus intelligere. Haec autem ex dictis cum perspicua reddita sint : adhuc ista manifestiora redduntur, si de S. Equitii monastica praefectura quae ab eodem S. Gregorio descripta sunt videamus.

12. Ipse enim superius in secundo Dialogorum³ libro non unius tantum monasterii, sed multorum S. Equitium fuisse abbatem affirmat. Sunt enim haec ipsius verba : « Equitius prae sua magnitudine sanctitatis multorum in ea provincia (Valeria scilicet) monasteriorum pater extitit ». Hac cum ita sint, quomodo sub S. Benedicto abate (si temporis ratio ferret) redigendus Equitius est, qui in diversa provincia jam abbas multorum monasteriorum esset, nemini subjectus preterquam summo Pontifici; cum constet duodecim illis monasteriis a S. Benedicto aedificatis (ut idem testatur⁴ S. Gregorius) singulis singulo^s esse praefectos abbates, nec alium quempiam nisi ipsum Benedictum universalem curam omnium habuisse? Sic igitur tot ejusdem S. Gregorii assertionibus (quibus non acquiescere nefas) non est qui negare jure possit, S. Benedicti et S. Equitii diversas inter se atque distinetas fuisse collectiones monachorum; ex S. Equitii vero classe propagatos fuisse S. Gregorii monasterii monachos; ex sancti vero Benedicti, quos diximus, Lateranenses. Vincat veritas, privata facessat affectio. Sed de his modo satis ad explodendam Joannis diaconi sententiam de sancti Gregorii diaconatu sub Benedicto papa, quem contigisse potius sub ejus successore Pelagio jumore, certis assertionibus suo loco dicturi sumus.

13. Eulogius episcopus Alexandrinus.—Eodem quoque anno, defuncto Joanne episcopo Alexandrino, cum sedisset annos undecim, in locum ejus suffactus est sanctus Eulogius, qui sedet annis vinti septem. Hæc ex Niephori Chronico : de eodem Evagrius⁵, et alii. Ille ille Eulogius, de quo saepè in Epistolis suis meminit sanctus Gregorius papa : sed de eo plura inferius pro temporis ratione dicturi sunus. Illuxit Deus tandem, ut Ægypti tenebras ab hæreticis eam invadentibus sedeni olim

offusas, tanti electi episcopi splendore fugaret, qui cum Orthodoxa tide polleret, sanctæ vitæ quoque meritis coruscaret.

14. Res Francorum.—Sed iam res Francorum, quæ ad Ecclesiasticam spectant historiam, prosequamur. Languescerent plane his temporibus Annales inopia, nisi ex rebus Francicis suppeditaretur annis ferme singulis argumentum. Hoc igitur anno, qui Childeberti filii Sigeberti regis numeratur tertius, Guntheranni vero regis ipsius patrui decimus septimus, inquit Gregorius Turoneus : « Dacco nobilis dux insidiis Dracolei ducis captus, cum occidendum esset, vocato presbytero, ab eodem penitentiam petiit, qua accepta, interfactus est ». Vigebat in Ecclesia pius usus, ut absque peccatorum remissione a Deo per sacerdotem accepta, nemo ex haec vita migraret. At homicida ipse est passus quod fecit : superbus enim, et arrogans a Guntheranno Bosone, invocato nomine Domini et virtute S. Martini, occisus est. Rem gestam narrat Gregorius¹, qui de eodem Guntheranno iterum ope S. Martini a naufragio liberato haec ait² : « Quodam die dum Guntherannus Boso contra vicum Ambianensem Ligerni fluvium transmearet, ac irruentibus tembris, mundum nox horribilis retineret : subito adversante vento naute turbantur in pelago, separatisque navibus que pontem illum sustinebant, et aqua usque ad summum repletis, descendunt cuncti usque ad cingulum cum ipsis navibus in profundum, nequaquam famen navibus subductis a pedibus. Exterritisque omnibus, Boso non rauce vociferans, B. Martini auxilium implorabat, et ut eis ad liberandum festinus occurseret, precabatur, dicens fidenter suis : Nofite timere : scio cuim quod dextera sancti viri ad auxilium porrigidum maxime in necessitatibus sit parata. Hæc eo dicente, directis ab eo navibus, mutatoque vento contrario in secundum, nullo pereunte pervenit ad littus, ubi tam præsens occurrit beati confessoris suffragium, ut etiam argentum quod rapiente fluvio perdidérant, denuo fluvio in littus restituente, reciperent ». Hæc de Bosone Gregorius. Ad eumdein Bosonem extat Venantii Fortunati carmen³, quod incipit :

Sic tegat omnipotens radiantia culmina regis,
Atque ejus causas arua superna regant.

Et inferius illud cum ipsi bene precatur bis versibus :

Sic placido regi summus pius auctor ab alto,
Qui dedit ante Petro, porrigit ipse manum.

Exauditum fuisse vidisti.

¹ Greg. l. ut. c. 4. — ² Greg. dialog. l. ii. c. 5. — ³ Ibid. c. 3. in fin. — ⁴ Greg. dial. l. i. c. 4. — ⁵ Evag. l. v. c. 16,

¹ Greg. Turon. hist. l. v. c. 23. — ² Greg. Turon. mirac. S. Martini l. ii. c. 17. — ³ Fortun. carm. l. vii.

Anno periodi Graeco-Romanæ 6074. — Olymp. 340. — Anno Ære Hispan. 619. — Jesu Christi 581. — Pelagii II pape 4.
— Tiberii Constantini imp. 8 et 4.

1. *Postconsulatus.* — Is annus haec formula notatus : in post consulatum Tiberii novi Constantini Aug. solius n. vel : anno in consulatus Tiberii Constantini Aug. Indict. xiv.

2. *Epistola Pelagio II afficta.* — Ad num. t. Epistola ad Benignum archiepiscopum de episcoporum translatione, afficta Pelagio II papæ, certo est ex variis locis Athanasii, Zozimi, Celestini, Leonis, Soeratis, Eunodii, ac Concilii X Toletani, et horridam ubique barbariem exhibet, ut jam a viris doctis demonstratum.

3. *D. Gregorius praefecturam Urbanam ante novenium gessit.* — A num. 2 ad 13. Sanctus *Gregorius*, qui poslea Pontifex Romanus renuntiatus est, anno quingentesimo septuagesimo terlio Urbanam praefecturam jam gerebat, eodem aut circiter anno monachum induit, et ante annum DLXXXII Constantinopolim a *Pelagio II* apocrisiarius missus est; quæ tria hic nobis adversus Baronii sententiam probanda. Tempus praefecture Urbanæ *Gregorii* pendet ex initio episcopatus *Laurentii* in Ecclesia Mediolanensi; nam ii qui urbi antistites consecabantur, in Synodi quintæ Decreta jurabant, ac fidei datae chirographum ad Apostolicam Sedem transmittebant, ut scribit idem *Gregorius* lib. 3, Epist. n ad Constantium ejusdem *Laurentii* successorem : « Et quidem, inquit, si quid de Tribus Capitulis in quocumque vel verbo, vel scripto nominatum est, bene fraternitas tua reminiscitur, quamvis decessor fraternitatis tuae *Laurentius* strictissimam cautionem Sedi Apostolice reniserit, in qua viri nobilissimi ex legitimo numero subscripterunt; inter quos ego quoque tune Urbanam praeturam gerens pariter subscripti ». Initium autem Pontificatus *Laurentii* hactenus in tenebris sepullum, tandem nos docuit *vetus Catalogus episcoporum Ecclesiae Mediolanensis*, servatus Ms. in Bibliotheca Ambrosiana, quem nuper Mabillonius in tomo I Musaei Italici, part. II, pag. 109, et eodem fere tempore Papebrocius in Exegesi *de episcopis Mediolanensis* præfixa tomo VII Sanctorum mensis Maii, in lucem emisere. In eo legitur : « *Laurentius* sedit annos xix, menses vii, obiit XII kalendas Septemb. sepultus est in Genua ad sanctum Syrum.

Vixit annis LXXXV ». Porro libro 2 Registri sancti Gregorii Epistola xxvi scripta est *Magno Ecclesiae Mediolanensis Presbytero*, qua hortatur eum, ut non obstante excommunicatione, a Laurentio quondam episcopo ei innocentia inficta, officium suum secure peragat, ac admoneat « Clerum et populum, ut ad eligendum nullatenus dissentiant sacerdotem, ne si aliter actum fuerit, in diversis studiis dannum Ecclesiasticis rebus adveniat ». Data ea Epistola mense Martio, *Indictione undecima*; anno scilicet DCCXIII. Cum vero *Laurentius*, cuius in ea mentio, die XXI Augusti mortuus fuerit, obitus ejus contigit mense Augusti anni quingentesimi nonagesimi secundi, a quo per annos xix et menses vii retrocedendo, pervenitur ad mensem Januarium anni DLXXIII. Hinc consequens est *Laurentium* cautionem ad *Joannem papam* transmisso, qua Tria se Capitula damnare jurejurando affirmabat, an. DLXXIII. Eodem anno *Gregorium* praefecturam Urbanam gessisse, eidemque cautioni subscriptissime, quod ipsem in laudata ad Constantium Epistola, data *Indictione XII*, testatur.

4. *D. Gregorius per plures annos monachus vixit.* — Non multo post jusjurandum illud Laurentii sanetus *Gregorius* sæculo renuntiavit, et monachum induit. Etenim, ut animadverterunt *Bollandus* ad diem XII mensis Martii in *Commentario prævio* ad *Vitam sancti Gregorii Magni*, Em. card. Norisius in *Dissert. de Synodo V*, cap. 9, paragr. 3, et *Mabillonius* tom. II *Veterum Analect. in dissert. de Monastica vita Gregorii papæ I*, *Gregorius* plures annos in monasterio S. Andreæ, a se in Urbe condito, commoratus est ante susceptum diaconatus gradum, et legationem Constantinopolitanam. Ipse met lib. 3. Dialog. cap. 33, de *Eleutherio abbate* dieit : « *Diu mecum est in hac Urbe in meo monasterio conversatus* ». Quare diu sanctus *Gregorius* in monasterio vixit. Certe plures ei commemorationis annos in monasterio tribuere necesse est; cum in eo duobus minimum abbatibus paruerit, *Valentio* scilicet, ex lib. 4 Dialog. cap. 21, et *Maximiano*, qui tum, cum *Gregorius* apocrisiarius dictus est, sancti Andreæ monasterii pater erat, ex lib. 3, cap. 36. Deinde *Merulus* monachus, quem *Gregorii* in cœnobio soeum ac discipulum fuisse, scribit *Ioan-*

nes Diaconus in lib. 4 de Vita Gregorii cap. 19, ante annos quatuordecim, quam Gregorius Dialogos scriberet, e vivis abierat, teste Gregorio in lib. 4 Dialog. cap. 47. Certum est autem Gregorium Dialogos elucubrasse anno DCCXII; quare ante annum DCCXIX Gregorius jam vitam monasticam profitebatur.

3. *Ante aliquot annos apocrisiarius Constantinopolim missus.* — Post aliquot annos a susceplo monachatu, *Gregorius diaconus factus*, ut ad Tiberium Augustum apocrisiarius mitteretur; diaconi enim eo munere, juxta antiquam consuetudinem, fungebantur, teste eodem Gregorio lib. 11, Epist. xlv, ad Phocam Augustum. Se eo consilio et diaconum et apocrisiarium ad Tiberium electum fuisse ipse Gregorius in Praefatione ad libros Moralium Leandro Hispanensi episcopo inscriptos affirmat. « Eo quoque tempore, quo ad ministerium altaris accessi, hoc de me, ignorante me, actum est, ut saeri ordinis pondus acciperem, quatenus in terreno palatio licentius excubarem ». Non convenit tamen inter auctores, a quo Romano Pontifice *Gregorius Constantinopolim* directus fuerit, Joanne diacono in Vita ejus lib. 1, cap. 3, asserente *Benedictum* eum Ecclesiastie ordinis officio sublimasse, et auctore anonymo, sed synchrono alterius Vitæ sancti Gregorii, a Bollando loco citato publicato, eamdem electionem *Pelagio II* tribuente. Sed cum *Tiberius Justino* juniori mense Octobri anni DCCXVIII in imperio successerit, ea legatio Gregorio injuncta initio imperii Tiberii a *Pelagio II* initio sui Pontificatus. Certe cardinalis Norisius laudatus observat, *Gregorium* Tiberio imperante, apocrisiarium Sedis Apostolicæ apud eum egisse, quo tempore cum *Eutychio* patriarcha Constantinop. de palpabilis carnis resurrectione coram imperatore litigavit. Rem ipsumel Gregorius describit lib. 49 Moral. cap. 29. « Tunc itaque », inquit Gregorius, « de hac re in longa contentione perducti, gravissima a nobis cœpimus simulatione resilire; cum piæ memoriae Tiberius Constantinus imperator secreto me et illum suscipiens, quid inler nos versaretur discordiæ, agnovit ». Cum vero *Eutychius* die sexta Aprilis anni DCCXXII mortuus sit, ea dissensio ad præsentem annum ad minus retrahenda est, ut dici possit *ex longa contentione* inter utrumque similitudo suborta.

6. *Fundamentum opinionis contrariæ revertitur.* — Baronius tamen anno DCCXXXIII, num. 13, contendit, quod et hoc anno num. 6 jam affirmarat, prefecturam Urbanam Gregorii in præsentem annum incedere, ideoque et eum brevissimo tempore in monasterio mansisse; cum anno DCCXXXIII, num. 11 et seqq. arbitretur, eum ad legationem Constantinopolitanam eo anno missum fuisse. Affirmat Baronius, episcoporum Mediolanensis Indices, *Laurentio* duodecim duntaxat Pontificatus annos tribuere, ac substituere *Constantium* quem anno DCCXII jam *Laurentio* successisse liquet ex Epistolis divi Gregorii. Quare si delrahas annos duodecim,

quibus *Laurentius* Mediolanensem Ecclesiam rexit; habebis annum DCCXXXI, quo proinde *Laurentius* pontificatum suscepit, et *Gregorius* tum prætor Urbanus, *Laurentii* cautioni subscrispsit. Indeque infert cardinalis doctissimus, *Gregorium* brevi tempore in monasterio versatum esse. At Mediolanensis Pontiticum Indices, quos Baronius viderat, recentiores erant ac parum accurati. Cum itaque ipsemel observarit, in more positum fuisse, ut simul ac quis creatus esset episcopus, fidei professionem mitteret ad Apostolicam Sedem, et nunc constet, *Laurentium* anno DCCXXXI episcopum Mediolanensem ordinatum, manifestum est hunc eo anno cautionem seu fidei professionem ad Sedem Apostolicam misisse, eidemque *Gregorium* prætoris Urbani nomine subscrisisse; cumque diu in monasterio vitam duxerit, annoque saltem currenti Constantinopoli cum *Eutychio* episcopo Constantinopol. de Resurrectione disputatione, ejus monachatus brevis esse non potuit, nec prælor jux Romanis hoc anno dixit; cum *Pelagii* legatus in regia Urbe apud *Tiberium* imp. egerit.

7. *Ex invasione sedis Mediolanensis per Frontonem nihil deduci potest adversus nostram sententiam.* — Quia vero invasio Ecclesiae Mediolanensis per *Frontonem* seu *Frontum*, occasionem aliquibus præbuit existimandi non intelligi quietam possessionem *Laurentii* in sede Mediolanensi, nisi *Frontone* mortuo, ideoque ante mortem ejus *Laurentium* cautionem suam tunc solum misisse, non vero initio Pontificatus sui, juvat hic ostendere ex illa *Frontonis* invasione, nihil colligi posse ad prefecturam Urbanam Gregorii ad præsentem annum differendam; eo magis, quo ante publicatum Catalogum Ambrosianum Mediolanensium episcoporum hæc controversia satis explicari non potuerit, historieis Mediolauensibus, multa ex conjectura, tanquam si vere gesta essent, referentibus, Paulus Diaconus lib. 2, cap. 25, de Alboino primo in Italia Longobardorum rege ait: « Alboin Liguriā introiens, Indictione ingrediente tertia, tertio nonas Septembri, sub temporibus Honorati archiepiscopi, Mediolanum ingressus est. Dehinc universas Liguriæ civitates, præter eas, quæ ad mare sunt, cepit: Honoratus vero episcopus Mediolanum deserens ad Genuensem urbem configit »; ideoque anno DCCXIX, quo kalendis Septemb. Indictione inchoata. Genuæ mortuus est sanctus *Honoratus*, unde corpus ejus Mediolanum postea translatum, ut liquet ex iis, quæ ex variis Historicis Mediolanensis refert Bollandus in ejus Vita, ad diem viii mensis Februarii.

8. *Annus emortualis S. Honorati episc. Mediolanensis.* — Ibi Bollandus mortem sancti *Honorati* consignat anno DCCXX, quemadmodum et Papebrocius laudatus. Verum ea mors vi letur configisse anno DCCXII, et *Honoratus* per triennium sedisse, ut quidam historici Mediolanenses habent; cum mense Januario anni insequeutis *Laurentius* sedem Mediolanensem consecutus sit, eodemque, ut videtur,

tempore *Frontus* sedem eamdem invaserit (1). In Catalogo enī Ambrosiano post narratam Honorati mortem habetur : « *Frontus* sedit annos xi, depositus in Genna ad S..... » Gennae itaque, ubi clerus Mediolanensis agebat, et ubi *Constantius* et *Deusdelit* Laurentii successores electi postea fuere, ut patet ex Epistolis xxx et xxxi Libri 2 Registri Gregoriani, et ex Epistola xxii Libri 9, eodem circiter tempore *Fronto* et *Laurentius* electi sunt, sed *Frontus*, uti saerilege superordinatus, a Sede Apostolica rejectus est, qui tamen usque ad mortem, ad annum se. Christi DLXXXIV, si sedet, annos xi sedem retinuisse videtur; cum in Catalogo Ambrosiano dicatur etiam *depositus in Genna*, ubi et *Laurentius* commorabatur; in eodem enim Catalogo ibidem sepultus asseritur. Non potest igitur dici *Laurentium* cautiouem suam non nisi mortuo æmulo, Romam transmisisse; cum, ut jam diximus, id de more initio episcopatus fieret, et tanto magis *Laurentius* eo officio defungi debuerit, quo Apostolice Sedis favore indigebat. Praeterea nullum tempus nec monachatui sancti *Gregorii*, nec ejus legationi superesset, cum ex eadem anno DLXXXIV Romanum reversus sit, quod statuit Baronius in Appendice Tomi xii, revocata priori sententia, qua *Gregorii* redditum cum anno DLXXXVI illigaverat. Post sumum Constantinopoli redditum, rursus in monasterii sui portum *Gregorius* confugit, ubi etiam abbatis munus gessit, ut ipse declarat in Constituto pro monachis a Baronio anno DCI, num. 9 edito : « *Gregorius* episcopus omnibus episcopis. Quam sit necessarium monasteriorum quieti conspicere (forte prospicere, inquit Mabillonius in Veter. Analect. citatis) et de eorum perpetua securitate tractare; anteactum nos officium, quod in regimine cœnobii exhibuimus, informat». Hinc est quod *Pretioso* preposito, quem Baronius num. 8 abbatem perperam vocat, præcipit, qui in *Justum* monachum, proprietatis (ut vocant) reum, agendum sit, ex libri 4 Dial. cap. 55, usus hoc in facto jure et potestate abbatis.

9. *S. Gregorius non fuit Instituti S. Equitii*. — Quo in monasterio vite monasticae rudimenta didicerit *Gregorius* docet ipse variis in locis, nimirum in monasterio S. Andreæ, quod Romæ construxerat, ut scribit in lib. 4 Dialog. cap. 21. Benedictinam vero eo loci viguisse regulam ostendit Mabillonius in Disserlat. laudata part. 2, ex ipsius scilicet regulæ observatione et auctoritate apud monachos Andreamos; ex *Gregorii* singulari studio in eamdem regulam, ejusque auctorem; ex ipsiusmet regulæ propagatione per *Gregorii* discipulos facta in magna Britannia, et ex testimoniosis veterum, qui ab annis fere nonagentis *Gregorium* sodalibus Benedictinis adnumerant. Baronius quidem num. 9

et seqq. *Gregorium* non sancti *Benedicti*, sed sancti *Equitii* Institutum amplexum fuisse creditit, et ad id probandum multa concessit. Sed Mabillonius loco citato ad ejus argumenta respondet, ut ibide videre est.

10. *Ante Gregorium monasteria Äquitanæ regulam Benedictinam amplexa sunt*. — Gallo-nius, qui Baronii sententiam de *Gregorii* Magni professione Äquitanæ propugnavit, creditit *Benedicti* regulam, quoad vixit, latuisse, et a *Simplicio* duntaxat tertio ejus successore divulgalam esse: quam in rem profert versus quosdam, qui in veterinis regulæ Benedictinæ codicibus premittuntur, inter quos hi duo leguntur : « *Iloc* *Benedictus* pater constituit sacrum volumen, suisque manda-vit hæc servanda alumnis. *Simplicius* Christi minister, magistri latens opus propagavit in omnes ». Sed verbis illis nihil aliud significatur, quam regulam Benedictinam, que monasteriis non ita multis usque ad *Simplicium*, nota et publicata fuerat, per cum in omnia Italæ monasteria fuisse trans-fusam, eoque modo inscriptio interpretanda, ut *Simplicius* Casinensis abbas tertius regulam, quam S. *Benedictus* suis alumnis, hoc est, monasteriis a se erectis, servandam mandaverat; in Benedictinis cœnobis latentem propagaverit in omnes, id est, in omnia saltem Italæ monasteria, ac proinde etiam in Äquitanæ, idque longe ante *Gregorii* monachatum.

11. *Simplicius abbas Instituti Benedictini per Italiam propagator*. — De *Simplicio* abate sic to-quitur *Gregorius* initio lib. 2 Dialog. testes producens quatuor, quorum relatu sancti *Benedicti* gesta rescribat : « *Hujus* ego, inquit, omnia gesta non didici, sed pauca quæ narro quatuor discipulis illius referentibus agnovi, Constantino scilicet reverentissimo valde viro, qui ei in monasterii regimine successit : *Valentiniano* quoque, qui auniis multis Lateranensi monasterio præfuit : *Simplicio* qui congregationem illius post eum terius rexit : *Honorato* etiam, qui nunc adhuc cellæ ejus, in qua prius conversatus fuerat, præest ». *Simplicium* tertio loco nominatum, non *S. Benedicti*, sed *Valentiniani* in Lateranensi regimine successorem tertium statuit Baronius, ratus pronomina relativa *illius* et *eum*, ad *Valentinianum* referri. Verum eodem modo intelligendus *Gregorii* locus de *Simplicio*, ac de *Honorato*, qui tunc præerat *cellæ ejus*, nempe sancti *Benedicti*, qui in Sublacensi cella primum conversatus fuerat. Praeterea post *Valentinianum* in Lateranensi monasterio abbas tertius fuit *Theodorus*, ut patet ex Prologo Fausti in Vita sancti Mauri. Denique Paulus Diaconus ac monachus Casinensis, sancti *Benedicti* in Casinensi monasterio successores enumerans, *Simplicium*

(1) In statuendo anno emortuali S. *Honorati* Mediolanensis Pagium sapienter corrigit Cl. Saxius in Notis ad regnum Italæ Sigonii novæ edit. i. ii. col. 18; nam ex lide omnium veterum Catalogorum S. *Honoratus* biennio tantummodo sancti prælunt. Constat autem ex Vita S. *Honorati* in Actibus SS. die VIII Februarii, S. *Vera*nni Cabalicensem episcopum exceptum iunse Mediolani ab eodem S. *Honorato*, quo tempore in Italia omnia pacata et tranquilla erant, adeoque ante Aprilium anni DLXVIII, quo Longobardi e Pannonia moventes venerant in Italiæ, fuit anno DLXX circiter, S. *Honoratus* vitam cum morte communitavit.

hinc in lib. de gestis Langobard. cap. 18, tertio loco statuit. Cum vero *Simplicius* iste vix ad annum DLXX pervenerit, regule sancti Benedicti propagatio in omnia Italie monasteria ante eum Christi annum facta necessaria consecutione dieenda est, inquit Mabillonius, apud quem cetera Baronii dubia soluta lector vide poterit.

12. *Moritur Joannes episc. Alexandrinus.* — Ad num. 13. In Tabulis Theophanis *Elogii* episcopi Alexandrini *Joannis* successoris annus primus jungitur cum anno Incarnationis secundum Alex. DLXXII, kalendis Septemb. anni Dionysiani DLXXXIX inchoato. Quare cum tam in iis Iem Tabulis, quam in Chronico Nicephori anni XI *Joanni* tribuantur, isque sedere coperit anno DLXIX, *Elogius* anno DLXXX sedem Alexandrinam inuit. Bollandus quidem, ut videre est ad diem XXIII Januarii, in Commentario prævio ad Vitam sancti Joannis episcopi Alex. indrini Eleemosynarii dieti, in ilium *Elogii* retrahit ad an. circiter DLXXVI, sed manileslo errore, ut in *Elogii* obitu monstrabimus.

13. *Dracolenum insidiis occisus.* — Ad num. 14. Gregorius Turonensis lib. 5, cap. 23, refert, *Dacconem*, qui relicto Chilperico rege huc illueque vagabatur, dolo captum fuisse, et vinclum ad Chilpericum deductum, dato prius ei a *Dracoleno* sacramento, quod vitam illius a rege obtineret, sed postea eum rege *Dracolenum* egisse, ut *Dacco* interimeretur, ac *Dracolenum* haud diu post jure per insidias occisum esse. Sed eum Turonensis consignet hinc anno in Childeberti regis, gesta sunt anno Christi DLXXVIII.

14. *Gesta inter Romanos et Persas.* — Theophylactus lib. 3, cap. 17, narratis iis, quæ anno superiori a Mauritio exercitus Romani duce adversus Persas acta sunt, ait: « Estate sequenti in Orientem rursus, et ad Carescum (erat oppidum ad confluentes Chaboræ, seu Aboræ fluvij in Euphratem, descriptum ab Evagrio lib. 5, cap. 9) Romanorum oppidum toto cum exercitu advenit ». Inde per Arabiæ solitudinem in Persidem proficii maturavit. Eum *Alamundurus* Nomadum Barbarorum dux comitatitur, quem regi Persarum de Romanorum adventu indicasse perhibent. « Tum rex ad urbem Callinicum (Persarum oppidum in Euphratis ripa in Osrhoena regione positum) molem belli transtulerat », et Adormaanem ducem creaverat. Sed postquam *Alamundurus* Mauritii consilia evertit, in nihilum recidit adversus Persas expeditio; « Mauritus enim cum delectis cohortibus ad oppidum Callinicum properavit, ubi collatis signis res Romana longe superior fuit. Quo circa Persis fugientibus, hostium impetus conquievit ». Loquitur de hoc pœlio Evagrius lib. 5, cap. 20, aitque: « Adaarmanes ingenti clade accepit, et multis suorum amissis, contensissime fugit: idque tametsi *Alamundurus* Saracenorum rex prodiisset, nec Euphratem amorem traxicere, et Mauritio versus Saracenos, qui in hostium acie erant, suppicias ferre voluisse ».

15. *Sirmium ab Avaris occupatum.* — Hoc vel superiori anno *Sirmium* post longam obsidionem *Avaris* a Romanis deditum, jubente Tiberio imperatore, qui « potius esse duxit, urbis ditionem facere quam civium multitudinem in captivitatem et servitatem una cum urbis ammissione adduci sinere », inquit Menander Protector pag. 173, qui addit, exegisse etiam Chaganum Avarum trium præteriorum annorum aurum, quod illi solvere solebant Romani, ut armis abstineret: « Erant vero pecuniae, quæ pro pace uno quoque anno pendebantur, ad mille octuaginta nummi aurei ». Jam ideo auctor pag. 114 et seqq. narraverat Chagani legationem ad Justinum juniorem, qua petebat Sirmium sibi tradi, quia ab ipso *Gepidarum* res essent eversæ, anno nempe DL, ut iam vidimus; *Sirmium* antem Gepidae obtinuerant. Annū rei gestæ indicat abbas Bielariensis ad annum III Tiberii imp. ubi ait: « Abaræ a finibus Thracie pelluntur, et partes Græcie atque Pannonie occupant »: *Sirmium* enim, quod nunc paucis constat incolis, Pannonia celeberrimum oppidum fuit. Erravit itaque Evagrius, qui lib. 5, cap. 12 refert, *Sirmium* a Barbaris occupatum, antequam Tiberius Cesar nuncuparetur. Quod magis constabit ex dicendis anno DLXXXIII, hoc fœdus Romanis probissimum fuisse, et multarum postea calamitatum colophonem, asserit Theophylactus lib. 1, cap. 3.

16. *Longobardi Neapolim obsident.* — Mabillonius tomo II Vcl. Analect. pag. 11, refert ex Codice Ms. Bibliothecæ Sangermanensis clausulam seu subscriptionem, subjectam Collectaneo, quod ex libris sancti Angustini Eugipins presbyter et abbas Lueullanensis defloravit. Ex ea discimus, Longobardos currenti anno civitatem Neapolitanam obsedisse: qui enim illud Collectaneum exscripsit, diecit, se id fecisse iussu *Reducis* episcopi, qui illud Ecclesiae Neapolitanæ obtulit: « Et eo jubente, ego Petrus notarius sanctæ Ecclesie Catholice Neapolitanæ, ut potui, emendavi sub die idum Decembris, imperatore Domino nostro Tiberio Constantinopolis Agusti, anno septimo, post consulatum ejusdem Agusti anno tertio, Indictione quinta decima, obseribus Langobardis Neapolitanam civitatem ». Arbitratnr Mabillonius, hos characteres in annum DLXXII convenire. Verum Indictio XV kalendis Septembribus hujus anni Christi copta eam clausulam presenti anno die XIII mensis Decemb. scriptam esse, et Petrum notarium in numerandis postconsulatibus modo loquendi Victoriano usum esse, certo nos edocet. Ex ea multa magni momenti deduco: primum, *Tiberium* anno DLXXIV, renuntiatum fuisse Cæsarem, idque post diem decimum tertium mensis Decembri; alioquin currenti anno, non septimum, sed octavum imperii Cæsarei Tiberianii annum eo die Petrus notarius numerasset. Secundum, *Tiberii* consulatum in an. Christi DLXXIX competere. Tertium, Theophylactum lib. 3, cap. 11, recte scripsisse *Tiberii* cooptationem mense Decembri peractam esse, non *Indictione* IX, ut per

librarii errorem apud Theophylactum legitur, sed *Indictione VIII. Quartum, obsidionem Neapolitanam* a Langobardis factam hoc anno contigisse. Denique in serie Neapolitanorum antistitium collocandum esse *Reducem*, non inter Stephanum et Pomponium, ut perperam Ughellus in tomo VI Italiæ sacræ, sed inter *Vincentium et Demetrium*, ut recte Mabillo-nius observavit.

47. *Finis Chronicæ Marii Aventicensis episcop.* — *Marius* episcopus Ecclesiæ Aventicæ, qui Concilio Matiseonensi secundo, anno DLXXXV habito, subscriptus legitur, hoc anno Chronicum suum absolvit, quod post Baronii mortem Petrus Fran-

ciscus Chiffletius publicavit, observavitque eum in Ediis nobili genere natum, in Aventicensi, sen Lausanensi episcopatu annos viginti et menses octo exegisse, et *pridie kalendas Januarias* nomen ejus sacris Fastis adscriptum esse. Is cum stante Burgundiae regno vixerit, in persegnendis Burgundio-num rebus accuratior fuit, sed in iis quæ ætate sua gesta sunt, non raro in Chronologiam peccat, ut identidem observavi. Ejus Chronicum ab anno, quo suum Prosper terminavit, initium sumit.

Pax inter *Francorum* reges sancta, de qua anno DLXXXIV, ubi et de morte *SS. Ferreoli, Eparchi, et Domnoli*.

PELAGII ANNUS 5. — CHRISTI 582.

1. *Justinus allocutus Tiberium, moritur, qui solus imperat, Sophiæ et Justiniani insidiis elusis, liberalis erga pauperes.* — Quingentesimo octogesimo secundo Redemptoris anno, Indictionis decimæ quintæ, Justinus imper. post annos in imperio sexdecim, mensesque novem cum dimidio exactos ex haec vita recedit mense Augusto, ut testatur Evagrus; Tiberiusque solus imperat, tenuitque annos quatuor. Quid autem proxime obiturns Justinus imp. ad Tiberium conversus dixerit, astante senatu et Eutychio patriarcha, a Cedreno alque Miscella¹ recitatur his verbis :

2. « Ecce Deus qui bene facit tibi, hunc habi-tum dedit tibi, non ego. Honora illum ut tu quoque honoreris ab illo. Honora matrem tuam (Sophiam Augustam intelligens) quæ aliquando domina tua fuit. Nosti quod primum servus ejus fueris, nunc autem filius. Non gratuleris in sanguinibus, nec communices homicidio, nec malum pro malo red-das, ne in malo iniurictæ similis mihi efficiaris. Ego enim ut homo culpavi : etenim culpabilis factus sum, et recepi secundum peccata mea ; sed causam habeo cum his qui hoc mihi fecerunt, ante tribunal Christi. Ne elevet te habitus quædam modum me. Sic attende omnib[us] sicut tibi. Scito quis fueris, et quis modo existas. Ne superbias, et non peccabis. Nosti quis fuerim, et quis factus sim, extiterim et existam. Omnes isti filii tui sunt et

servi. Scis quod pro visceribus meis honoraverim te. Illos tu eum videas omnes, quæ Reipublicæ sunt vides. Exercitus curam geras : molles et imprudentes ne præficias ; neque eo tibi persuadeant, quod priores te tales imperatores fuisse dicent. Haec tibi præcipio, meoque edoctus malo, horter ut iis stes. Qui habent substantias, fruantur eis : his vero qui non habent, dona. Et facta oratione a patriarcha, cum dixissent omnes, Amen : cecidit Cæsar ad pedes imperatoris, et dixit ei: Si vis, sum : si non vis, non vivam. Et imperator : Deus, ait, qui fecit cælum et terram, ipse omnia, quæ dicere oblitus sum, in cor tuum mittat. Porro dum hæc prosequeretur imperator, replebat lacrymis totum collegium ». Haec ibi: eadem fere cuncta Cedrenus, ex quo et aliqua emendanda sunt; qui et hæc his addit : « Ceterum morbo ingravescente, hand multo post vitam conclusit. Corpus vero in Hero Justiniani depositum est, in area Proconnesia, juxtaque Sophia uxor ejus ». At hæc postea. Quod spectat ad Justi mores, haec item in Miscella : « Hic Justinus in initio imperii sui bonus fuit, post in omnem avaritiam incidit, contemptor pauperum, senatorum spoliator : cui tanta cupiditatis fuit rabies, ut areas juberet ferreas tieri, in quibus quæcumque rapiebat, auri talents congregaret ». Porro ipsum etiam in hæresim Pelagianam dilapsum tradit Gregorius; quod tamen minime receptum esse videtur.

3. De coronatione Tiberii Augusti hæc idem

¹ Misc. I. xvi.

Gregorius Turonensis¹: « Cum eum secundum consuetudinem loci ad spectaculum Circi praestaretur populus processurum, parare ei cogitans pro parte Justiniani insidias, qui tunc nepos Justini habebatur: ille per loca sancta processit: completaque oratione, vocato ad se urbis papa cum consulibus ac prefectis, palatium est ingressus. Dehinc induitus purpura, diadema coronatus, throno imperiali impositus, cum immensis lantibus imperium confirmavit. Factionarii quoque opperientes ad Circum, cum cognovissent quae facta fuerant, pudore confusi, sine effectu regressi sunt, nihil homini qui in Deo spem posuerat, adversari valentes. Transactis autem paucis diebus, adveniens Justinianus, pedibus se projectit imperatoris, quindecim ei centenaria deferens ob meritum gratiae: quem ille secundum patientiae suae ritum colligens, in palatum jussit assistere.

4. At quid post haec? Subdit auctor: « Sophia vero immemor promissionis, quam quondam in Tiberium habuerat, insidias ei tentavit intendere. Procedente autem eo ad villam, ut juxta ritum imperiale triginta diebus iucundaretur ad vendimiam: vocato clam Justiniano Sophia, voluit eum erigere in imperium. Quo comperto, Tiberius cursu veloci ad Constantinopolitanam regreditur urbem, apprehensamque Augustam omnibus thesauris spoliavit, solum ei victus quotidiani alimentum relinquens. Segregatisque pueris ejus ab ea, alios posuit de fidelibus suis: mandans prorsus, ut nullus de anterioribus ad eam haberet accessum. Justinianum vero objurgatum tanto in posterum amore dilexit, ut filio ejus filiam suam promitteret, rursumque filio suo filiam ejus expeteret; sed res non est sortita effectum. Exercitus ejus Persas debellavit, victorque regressus, tantam molem prede detulit, ut crederefetur cupiditati humanae posse sufficere: viginti elephanti capti ad imperatorem deducti sunt». Hæc Gregorius: eadem et Paulus diaconus²; quæ et in Miscella³ leguntur. Sed eos puto errare in his quæ scribunt de victoria Justiniani ducis contra Persas obtenta, quæ (ut vidimus ex Evagrio) facta sunt, cum Tiberius, vivente adhuc Justino, ante tres annos regnare cœpisset. Ceterum eo defuncto, Justinianum ducem honore fuisse spoliatum, scribit Evagrius⁴, eo quod non tam feliciter atque antea contra Barbaros depugnasset; inque ejus locum subrogatum tradit Mauritium, qui et genus et nomen traxerat ab antiqua Roma, Iacet Arabisso Cappadocie civitate oriundus esset; de quo paulo inferius plura sumus dicturi.

5. Sed manifestemus causam, cur Sophia Augusta Tiberium post viri obitum aversata est: priuimque audiamus quæ de ea Zonaras ita habet⁵: « Tiberius ab Eutychio patriarcha coronatus, uxorem quoque suam Anastasiam Auguslam salutavit,

quæ duas ei filias peperit Charitonem et Constantinam. Sophia vero Justini vidua, relieta aula, in regiam sibi cognominem migravit, regio comitatu ei a Tiberio tanquam matri attributo». Hæc Zonaras. Subdit his Cedrenus, indignatam nonnullam Sophiam fuisse nova manifestatione Anastasiae conjugis: nam cum ignorasset illam fuisse Tiberio uxorem, quo post obitum ei nuberet, virum fuerat cohortata, ut Tiberium Cæsareum diceret. Addit insuper de Tiberio hæc verba: « Huic in somnis Angelus prædictix nomine sanctæ Trinitatis, tyrannos, ipso imperante, imperium non invasuros». Hæc ille. Missos autem a diversis regionibus legalatos ad Tiberium, et inter alios Chilpericum Francorum regem id officii præstítisse, Gregorius narrat¹: et quæ ab eodem dona acceperint reddenda Chilperico, idem recenset.

6. His addimus quæ idem Gregorius Turonensis de thesauro a Tiberio invento sic scribit²: « Cum Tiberius multa de thesauris, quos Justinus aggredavit, pauperibus erogaret, et Augusta illa cum frequentius incereparet, quod rem publicam redigisset in paupertatem, diceretque: Quod ego multis annis congregavi, tu infra parvum tempus prodige dispergis. Aiebat ille: Non deerit fisco nostro: tantum pauperes cleemosynam accipiant, et captivi redimantur. Hic est enim magnus thesaurus, dicente Domino: Thesaurizate vobis thesauros in cælo, ubi neque aerugo, neque finea corrumpit, et ubi fures non effodiunt, nec furantur. Ergo de quo Deus dedit, congregemus per pauperes in cælo, ut Dominus nobis angere dignetur in sæcula. Et qui (ut diximus) Tiberius Magnus et verus Christianus erat, dum hilari distributione pauperibus openi præstat, magis ac magis Dominus ei subministrat. Nam deambulans per palatum, vidi in pavimento domus tabulam marmoream, in qua crux Dominicæ erat sculpta; et ait: Cruce tua, Domine frontem nostram munimus et pectora, et ecce crucem sub pedibus conculeamus. Et dicto citius jussit eam auferri: defossaque tabula atque erecta, inveniunt subtus et aliam hoc signum habentem; nuntiantesque jussit auferri: qua amota reperiunt et terram, jussuque ejus et hæc auferuntur: qua ablata, inveniunt magnum thesaurum habentem supra milie auri centenaria, sublatumque aurum pauperibus adhuc abundantius (ut consueverat) subministrat, nec Dominus aliquid deficere permittebat pro bona voluntate sua.

7. Quid ei Dominus in posterum transmiserit, non omittam. Narses ille dux Italiae, cum in quadam civitate dominum magnam haberet, in Italianam (Italia) cum multis thesauris egressus ad supra memoratam urbem advenit: ibique in domo sua occultam cisternam magnam fodit, in qua multa millia centeniorum auri argenteique reposuit, ibique interfectis consciis, uni tantummodo seni per juramentum condita commendavit. Defuncto-

¹ Greg. hist. Franc. l. v. c. 50. — ² Paulus diac. de gest. Longob. l. iii. c. 6. — ³ Hist. Miscel. l. xvii. — ⁴ Evag. l. v. c. 19. — ⁵ Zouar. Annal. p. 3.

¹ Greg. hist. l. vi. — ² Ibid. l. v. c. 19.

que Narsele, hæc sub terra lalebant. Cumque supradictus senex hujus eleemosynas assidue cerneret; pergit ad eum, dicens: Si, inquit, mihi aliquid prodest, magnam rem tibi, Cæsar, edicam. Cui ille: Dic, ait, quod volueris: proderit enim tibi, si quiddam nobis profuturum sciens narraveris. Thesaurum, inquit, Narsetis reconditum habeo; quod in extremo vite positus celare non possum. Tunc Tiberius Cæsar gavisus, mittit usque ad locum pueros suos. Praecedente vero sene, hi sequuntur attomiti; pervenientesque ad cisternam, deopertamque ingrediuntur: in qua tantum aurum argentumque reperiant, ut per multos dies vix evacuaretur a portantibus. Ex hoc ille amplius bilari erogatione dispensavit egenis». Hactenus Gregorius Turonensis: eademque de his duobus ingentibus thesauris inventis historia Miscella¹, Paulus diaconus², et alii recentiores. Miramur tamen historiam ore Latinorum tantopere decantatam, nullum (quod invenerim) ex Graecis auctoribus habere adstipulatum. Sed de his consule quæ superius, cum de obitu Narsetis actum est, dicta sunt.

8. *Pelagii papæ Epistola ad episcopos.* — Quod ad res Pontificias spectat, data reperitur a Pelagio papa Epistola ad omnes episcopos, præcipue ad Campaniæ atque totius Italiæ sacerdotes. Quod enim bello vigente Longobardorum, quo universa flagrabit Italia, cultus episcopis deferri solitus nonnihil diminutus esse videretur, ex quo quamplurima mala manarent, nempe ut qui minime suos revererentur antistites, contemnentes personas, nequamnam parcerent bonis Ecclesiasticis, persuasi nimis bellorum tempore silere jura: hinc Pelagi papa hoc ipso anno kalendis Decembribus decretalem dedit Epistolam de accusationibus ac judiciis episcoporum. Evenire enim frequenter solebant, ut cum episcopi bona Ecclesiarum a laicis usurpata repeteret atque ad usum pristinum vindicare student, in se illorum linguis provocent, qui ne quod abstulerunt reddant, criminosis primum omnium episcopos accusationibus impetuunt: quæ omnia Pelagius ea edita Constitutione correxit. Incipit vero Epistola: « Sollicitudinem omnium Ecclesiarum juxta Apostolum circumferentes, etc. »

9. *Synodi Cabilonensis et Matisconensis in Gallia.* — Hoc item anno, qui quartus Childeberti regis, decimus vero octavus Guntheranni habetur, celebrata est prima Synodus Cabilonensis in causa Sagittarii et Saloni episcoporum, ut Gregorius Turonensis testatur his verbis³: « Anno quoque quarto Childeberti regis, qui fuit decimus octavus Guntheranni et Chilperici regum, apud Cabilonium civitatem Synodus facta est ex jussu principis Guntheram: discussisque diversis causis, contra Salonim et Sagittarium episcopos iteratur vetus judicium, objiciunturque eis crimina; et non solum de adulteriis, verum etiam de homicidiis accusan-

tur. Sed hæc per pœnitentiam purgari censentes episcopi, illud est additum, ut constituerentur rei majestatis, et patriæ proditores. Qua de causa ab episcopatu disiecti, in Basilicam B. Marcelli sub custodia detruduntur; ex qua per fugam lapsi, discesserunt per diversa vagantes, donec in civitalibus eorum alii subrogati sunt». Hæc Gregorius.

10. Eodem anno Indictionis idem decimæ quinta, kalendis Novembbris, evocatione ejusdem Guntheramni Francorum regis, in Gallia celebrata est prima Synodus Matisconensis; ut ejus Acta¹ testantur in fine ejusdem Concilii, licet illie numerus annorum ipsius regis depravatus habeatur, dum coacta diciatur Synodus anno duodecimo dicti regis: nam si (ut illic legitur) decima quinta Indictione eam Synodus celebratam habent ipsius Acta, non duodecimo, sed decimo octavo habitam esse, dicere oportet. Nec est quod quis eam revocet ad præcedentis Indictionis periodi itidem decimam quintam Indictionem; nam illis temporibus Nicetus præcerat Ecclesie Lugdunensi, hoc autem tempore et Indictione regebat eam Ecclesiam Priscus, qui eidem Synodo subscriptus reperitur. Ado Viennensis hujus Synodi cum meminit, hæc ait²: « Post Philippum Evansius vir sanctus episcopus Viennæ levatus est. Itic cum sancto Prisco, et Artemio Senonico, et Remigio Bituricensi, et cum aliis sanctis episcopis viginti capitula Ecclesiastica perfecte roboravit, quibus consensil (consedit) quoque Syagrius Eduensis episcopus, vir summæ sanctitatis ». Hæc Ado. Syagrius autem iste, enjus meminit, haud pridem creatus fuit episcopus Eduensis, enjus ordinationi interfuisse sanctum Germanum episcopum Parisiensem, auctor est Fortunatus in ipsius Vita.

11. Quod vero ad ejusdem Synodi canones spectat: cum viginti in Concilio sanctos canones Ado testetur, nonnisi decem et novem reperiuntur, idemque omnes ad morum emendationem. Ecclesiasticaque disciplinam spectantes, complures vero ad Judæorum petulaniam coercendam. Inter alia illud etiam caverunt Patres, ne ad sacerdcale forum episcoporum cause traherentur. Sed et enni veluerunt³ ne clerici sacerdali habitu incederent, vel armati; ad pravum illum usum, qui factione dictorum episcoporum Saloni et Sagittarii irrepereral, respectum habuisse Patres videntur. Actum⁴ ibidem de Quadragesima dicta S. Martini ante Natalem Domini trium dierum in hebdomada jejuniis observanda: quo tempore canones publice recitari mandarunt. Sed accipe verba ejusmodi Ecclesiastice sancitionis:

12. « Ut a feria sancti Martini usque ad Natalem Domini, secunda, quarta, et sexta sabbati jejunetur, et sacrificia quadragesimali debeant ordine celebri. In quibus diebus canones legendos esse speciali definitione sancimus, ut nullus se faleatur

¹ Miscel. I. xvii. — ² Paul. diae. de Gest. Longob. I. iii. c. 3. 6.
— ³ Greg. Tur. hist. Frane. I. v. c. 27.

⁴ Conc. Matisc. tom. II. Concil. — ⁵ Ado in Chrom. — ⁶ Ead. Syn. can. v. — ⁷ Ibid. can. ix.

per ignorantiam deliquisse ». Hæc Patres. Fuisse autem in Galliis hujusmodi jejunia primum instituta a sancto Perpetuo Turonensi episcopo, Gregorius ejusdem Ecclesie antistes docet, ubi inter alia jejunia¹: « A depositione, inquit, S. Martini

usque ad Natalem Domini terna in septimana jejunia ». Fluxit inde, ut nonnulli fidelium ipsius integrum tempus adventus, quod Natalem Domini diem praecedit, jejuno continuato transigerent. At de Synodo hactenus: jam ad sequentis anni res geslas transeamus.

¹ Greg. Tur. hist. l. x. c. 31.

Anno periodi Graeco-Romanæ 6075. — Anno Era Hispan. 620. — Jesu Christi 582. — Pelagii II papa 5. — Mauritii imp. 4.

1. *Postconsulatus.* — Is annus hac formula notatus: *iv post consulatum Tiberii novi Constantini Aug. solius m.*, vel secundum alios, *anno iv consulatus Tiberii Constantini Aug. Indict. xv.*

2. *Justini imp. obitus.* — A num. 1 ad 8. Quæ hic Baronius habet de *Justini* morte, et *Tiberio* ejus successore, contigere anno quingentesimo septuagesimo octavo, quo *Justini* mortem consignavimus. Fabulam vero de *Narsensis* thesauro *Tiberii* tempore invento, confutavimus anno DLXVIII, num. 7.

3. *Epistola Pelagii II commentitia.* — Ad num. 8. Epistola Pelagii II, quæ dicitur data *episcopis per Campaniæ et Italie provincias militantibus*, farrago est ex variis sententiis Prosperi, Hilari, Acacii, Ennodii, Conciliorumque Romani sub Symmacho, Toletani VIII et Lateranensis sub Martino I, ut jam a viris doctis demonstratum.

4. *Synodus Cabilonensis.* — Ad num. 9. *Synodus Cabilonensis* anno quingenlesimo septuagesimo nono celebrata, ut accurate Marius in Chronico ad Indictionem XII notavit. Nam Gregorius Turonensis lib. 5, cap. 27, ait: « Anno quarto Childeberti, qui fuit decimus octavus Guntramni et Chilperici regum, apud Cabillonum civitatem *Synodus* acta est, ex jussu principis Guntramni, etc », ideoque anno DLXXIX, in quem annus IV Childeberti, et XVIII Guntramni ac Chilperici incident. Eo in Concilio *Saloni* Ebredunensis, et *Sagittarius* Vapicensis episcopi dignitate dejecti sunt, *quod essent rei majestatis et patriæ proditores*.

5. *Synodus Matisconensis.* — Ad num. 10 et seqq. *Synodus Matisconensis*, cui *Priscus* episcopus Lugdunensis praefuit, in quibusdam exemplaribus dicitur habita anno Guntramni regis XXI, in aliis anno XXII, in editione Veneta anno XVIII. In quibusdam libris legitur Indictio XV cum mense Novembri conjuncta, in aliis omittitur. Quare ea hoc circiter anno celebrata, in eaque conditi canones XIX, qui-

bus subscrpsere episcopi XXI ex variis provinciis. Inter illos sanctitate conspicui sunt *Syagrius* Augustodunensis, *Annacharius* Altisiodorensis, *Priscus* Lugdunensis, *Ecantius* Viennensis, *Agricola* Nivernensis, *Artemius* Senonensis, et *Flavius* Cabilonensis.

6. *Moritur S. Eutychius patriarcha Constantinop.* — Usque ad hunc annum vixit *Tiberius Constantinus Augustus*, cuius mortem recitat Baronius anno DLXXXVI, a num. 10 ad 24. Eam præcessit quatuor mensibus obitus sancti *Eutychii* patriarchæ Constantinop. de quo ibidem agit Baronius a num. 4 ad 10, sed quia fasti Orientales nec ordinari nec intelligi possunt, nisi imperatorum initia suis annis reddantur, hic nobis de utriusque obitu agendum. Sanctus itaque *Eutychius* patriarcha Constantinopolitanus die sexta Aprilis hujus Christi anni, qua Graeci ejus festum celebrant, ad Deum migravit. Theophanes enim anno Incarnat. secundum Alex. DXXIV, kalendis Septembr. superioris Christi anni inchoato, scribit: « Hoc anno, die sexta Aprilis, Indictione XV, *Eutychius* patriarcha diem ultimam obiit: et post dies sex Joannes magnæ Ecclesiae diaconus, qui Jejunator dictus, consecratus est », die scilicet duodecima Aprilis, in quam hoc anno Dominica incidebat.

7. *Annis ejus emortualis certo arguento probatus.* — Idem demonstratur ex charactere Paschali ab Eustathio in ejus Vita cap. 10 memorato: ubi enim asseruit, sanctum præsulem testo die Paschatis sacra mysteria in Ecclesia celebrasse, et vespertinas etiam ibidem preces solvisse: statim addit: « Reversus deinde in episcopum, in lectulo suo decubuit, vehementique febri circa medianam noctem correptus est, atque ita mansit dies septem orationibus continuis incumbens. Porro cum totam hebdomadam ægrotasset sancus, usque ad septimam horam Dominicæ secundo-primæ post Paschæ (con-

veniebat enim, ut septima hora perageret, ea quæ sunt quietæ obdormitioni propria) post benedictionem cunctis datam, circa nonam aut decimam horam in manus Domini commendavit spiritum suum, etc. » Hoc anno Pascha incidit in diem **xxix Martii**, quo die decumbens vir sanctus septem dies ægrotavit, nocteque sequenti benedictionem adstantibus dedit, et jam illucescente die sexta Aprilis ad Deum migravit, non quidem Dominica in Albis, ut quidam perperam interpretantur, sed feria secunda jam illucescente, quæ hoc Christi anno in diem **vi Aprilis** conveniebat. Nocteque itaque Dominicæ in Albis benedictionem suis dedit *Eutychius*, et post medium ejusdem noctis animam Deo reddidit. Eustathius Dominicam in Albis *Secundo-primum* appellans ad Judeos alludit, cum de sabbato *Secundo-primo* loquuntur, ut exposui tomo primo hujus Criticæ anno **xxx**, quia scilicet Dominicæ in Albis secunda Dominicæ est respectu Dominicæ Paschalis, sed prima in ordine ad Dominicæ Paschales subsequentes. Vita hujus sancti ab Eustathio presbytero domestico ejus familiari diligenter scripta, et in Actis SS. Bollandianis ad diem **vimensis Aprilis** recitata.

8. Tiberius imp. eodem, quo Eutychius anno demortuus. — Ex anno emortuali sancti *Eutychii* pendet annus mortis *Tiberii* Augusti. *Eustathius* enim in hujus sancti Vita, capit. 9 asserit, sanctum præsulem cursum suum consummasse, postquam a reditu suo, et in cathedram Paschalem restituzione, transactis quatuor annis et sex mensibus, annos universim vixisset septuaginta, et capite sequenti affirmat, eum paulo ante mortem *Tiberio* Augusto mortem prænuntiassse : « Quam prædicationem, inquit, comprobavit eventus; nam Christi amantissimus imperator quatuor post menses e vivis abiit ». A die autem tertia Octob. an. **DLXXVII**, quo *Eutychius* in sedem restitutus, ad diein **vi Aprilis** hujus anni, quo certissimi temporum characteres eum obiisse demonstrant, anni quatuor et meuses sex intercurrunt, ac prælerea dies tres, quos *Eustathius* negligit, et a die **vi Aprilis** currentis anni ad diem **xiv mensis Augusti** *Tiberii* emortualem intercurrunt menses quatuor ac dies octo, quos *Eustathius* numero rotundo utrobius locutus, prætermisit. Sicuti igitur *Eutychium* hoc anno; ita et *Tiberium* de mortuum esse, certissimum. Cointius in Annal. Ecclesiast. Franc. aliisque recentiores historici, qui *Justini junioris* mortem in an. **DLXXIX**, *Tiberii* vero obitum et *Mauritii* ejus successoris initium in annum sequentem distulere, ordinem temporum in aliis passim turbare, et antiquos scriptores ubi sine Chronologię adversantur, corrumperem, dum emendare voluere, coacti sunt.

9. Annus mortis Tiberii imp. magis confirmatur. — Praeter *Eustathium* auctorem coeyum, auctor Chronicæ Alexandrini anno post consulatum *Tiberii III*, et Indictione **xv**, hoc anno scribit de *Tiberio*: « Hoc quarto imperii ejusdem anno aeger *Tiberius Caesar*, quinto Augusti, xv Indictionis præ-

sentis crealus est *Cæsar Mauritus Tiberius*, et **xii** Augusti coronatus *Augustus*; data illi in uxorem a *Tiberio* novo Constantino filia *Constantina*. **xiv** Augusti moritur *Tiberius novus Constantinus* in Processo Illebdomi, impositoque ejus funere in navi deferlur Constantinopolim, posteroque die exequis celebratis corpus in aede SS. Apostolorum deponitur. Deinde imperavit *Mauritus* annos **xx**. Præterea subscriptio saeræ Pragmaticæ *Tiberii*, qua paulo ante mortem *Justini junioris* successoris Constitutiones confirmavit, his verbis concepta est : « Data tertio idus Augusti Constantinopoli : imperatoris Domini nostri *Tiberii* Constantini Augusti anno **viii**, et post consulatum ejus anno tertio, et nobilissimi Flavii *Tiberii Mauriti* felicissimi Cæsaris anno primo ». Die itaque undecima Augusti hujus anni jam *Mauritus Cæsar* erat, recteque auctor Chronicæ Alexandrini die **v** ejusdem mensis ea dignitate exornatum fuisse asserit, et præsentem annum tertium esse post consulatum *Tiberii*, qui ideo anno **DLXXIX** eum capessierat, secus ac in ejus Chronicæ librarii errore legitur. Ex qua eliam subscriptione liquet, *Tiberium* mense Decembri anni **DLXXIV**, creatum esse Cæsarem; si enim anno **DLXXV**, ut multi voluere, eum honorem consecutus fuisset, annus currens non octavus, sed septimus tantum imperii *Tiberiani* esset.

40. Mauritus Tiberio succedit. — Theophanes anno Incarnationis secundum Alex. **DLXXIV** kalendis Septemb. superioris Christi anni inchoato, Chronicæ Alexandrini auctori plane consentit, atque Augusti mensis die **xiv**, Indictione **xv**, *Tiberium* in tahem incidisse, et letho vicinum *Mauritium* proprium generum, renuntiassse imperatorem, et expirasse, cum annos tres, menses decem, et dies octo imperasset, quod de mense et die Cedrenus etiam habet, sicuti et de annis, mensibus et diebus, quibus *Tiberius* imperavit; quod etiam in Zonara legitur, assignato nempe die quinto Octobris anni **DLXXVIII**, quo *Tiberius* imperium suscepit, *Justino* successori, et die **xiv** Augusti, quo ille obiit, *Mauritio* ejus successori. Nec Evagrius lib. 3, cap. 23, contrarius est cum doceat, *Tiberium* post *Justini jun.* obitum imperasse, annis quatuor, et *Mauritii* initium cum præsenti Christi anno alliget, ut anno **xii** *Mauritii*, quo Historia Evagriana terminatur, demonstrabimus. Verum quidem est, verba Evagrii de duratione imperii *Justini* depravata esse; sed ex iis, quæ de *Tiberio* et *Mauritio* scribit, librariorum error cerlo immotescit. His adde nummum *Tiberii*, qui extat apud Ducangium in libro de Familiis Augustis Byzantinis, in quo legitur : **DN TIB CONSTAN PP AVG**. Visitur imperator habitu consulari, cum stemmate absque cruce : in Postica, ANNO **VIII** ejus nempe imperii Cæsarei. Quod si anno **DLXXV** Cæsar dictus fuisset, ut communis fert sententia, octavum imperii Cæsarei numerare non potuisset; cum mense Decembri eam dignitatem adeptus sit, et currenti anno e vivis excesserit, quod utrumque demonstratum esse existimo. Theophanes ci-

tatus ait, Mauritium *annos quadraginta tres natum* imperare cœpisse. Menander Protector dicit, se Mauritio imperante, Historiam suam scribere decrevisse, quia is litteratis summopere favebat : « posteaquam vero, inquit, Mauritius imperatorian potestatem suscepserat cum sollicitus maxime de populo, tum inusarum amator, et poematum atque historiarum avidus auditor, ut qui et magnam partem noctis in iis studiis consumeret et pecunias uberiora ingenia acueret et excitaret : perlittere ego etc. » Legendum Theophylactus lib. 1, cap. 1 et seq. ubi Tiberii Augusti Orationem sub ejus excessu habitam refert, ac de ejus et Mauriti virtutibus agit, aitque *postero die ab inaugurato jam Mauritio* Tiberium esse inter homines desiisse. Huc etiam retrahenda, quæ de utroque Baronius loco citato habet.

11. Mauritius ante adeptum imperium Persas vincit. — Idem *Mauritius*, qui anno superiori *Adarmaanem* Persarum ducem vicit, præsenti *Tanchosrum* alterum Persarum ducem superavit, ut narrat Theophylactus lib. 3, cap. 18. « Anno sequenti, inquit, Tanchosro Persarum dux ingentes copias Constantinam admovit, quo maximo et forma admodum celebri pælio concursum est. Ipse dux in prima acie pugnans occubuit, infeliciterque prelati Barbari Romanis victoriam concesserunt, ac domos refugerunt. Sic ad acceptam cladem etiam dedecus adjunxerunt. Mauritius castellis, quæ munitione egebant, communis, Byzantium revertitur. Cumque Tiberio Romanorum imperatori communis omnium hujus lucis terminus adisset, Mauritius dux nobile, inclytum et legitimum virtutis sue præmium, Romanum scilicet impe-

rium adipiscens, inferiorem conditionem exxit ».

12. Finis regni Suevorum. — Bielariensis abbas ad annum Mauritii primum, scribit *Mironem Suevorum* regem diem clausisse extremum, cui *Eburicius filius in provincia Gallæcia in regnum succedit*. Regnavit Miro annos tredecim, ut habeat Isidorus in Historia Suevorum, qui de Eburicio, quem *Eboricum* vocat, scribit : « Quem adolescentem Audica, sumpta lyramide, regno privat, et monachum factum in monasterio dannat. Pro quo noui dilata est sententia. Nam Leuvigildus Gothorum rex Suevis mox bellum inferens, obtento eodem, regno Audicam dejicit, atque detonsum post regni honorem, presbyterii officio mancipavit ». Bielariensis abbas anno II Mauritii imp. *Eboricum* regno privatum dieit, annoque tertio Mauritii *Leuvigildum* Gothorum regem, *Audicam*, quem *Andecam* appellat, presbyterum factum in exilium mississe; ideoque anno Christi DLXXXV, quo tertius Mauritii imp. annus absolutus est, *Suevorum* regnum desit, et in Gothos translatum est. Cœperat illud anno Christi quadrageantesimo nono, quare accurate tradit Isidorus laudatus, mansisse centum LXXV annis, ut habent correctæ editiones, tam Grotii, quam Labbei, non vero, ut editio, quam secutus est Baronius, annis centum viginti sex: ab anno enim CDIX ad tertium Mauritii, desinentem scilicet, annumque Christi DLXXXV, anni centum septuaginta septem, et quidem utrinque incompleti, intercurrunt. Legenda verba Isidori apud Baronium anno DLXXXIV, num. 9.

Chilpericus Francorum rex *Judeorum* conversioni incumbit, ut videre est anno DLXXXV.

1. Mauritius, cuius optima indoles et imperii præsagia patefunt, Orientis præfecturam a Tiberio accipit, Persas vincit. — Sequitur annus Christi quingentesimus octogesimus tertius, Indictionis primæ; quo Tiberius imperator, in ordinem redacto Justiniano exercitus duce ob conspirationem initam cum Sophia, Mauritium in bello Persico satis spectatnm virum magistrum militum creat,

quieti reipublicæ consulturns: cognitione enim Justiniani cum Justino Augusto intercedente, eidem regnandi parta cupidus fuit; quæ ubi semel cor humandum invaserit, haud facile quibuscumque remediis ab animo penitus extrahi potest, radicitusque convelli, cum st̄pe recisa, uberiori germine, oborta occasione, soleat pullulare. Sed cum tanta haec nonnisi consulto numine Tiberius sit aggressus,

sus, omnia quam felicissimum sortita sunt exitum : etenim bellum civile ipso est ejus ortu compressum, paxque ubique parta, atque cultus religionis viridem retinuit observantiam; ex quibus factum est, ut ex bello Persico quam plures sint relatae victoriae. Utinam sicut florentissimum extitit imperii Tiberii tempus, ita fuisse et diuturnum !

2. Cum igitur (ut ex Evagrio dictum est) Mauritius cum prefectura Orientis bellum adversus Persas a Tiberio imperatore creditum esset ; favente numine adversus eos saepe bello decernens, divina fultus ope, semper egregias de illis victories retulit : quae cum haud facile brevitate perstringi possint (res enim gestas peculiari scriptione cum se scriptis prosecuturum Evagrius spem dederit ; quod ea carentus : nec si praestiterit scimus) ex multis pauca dicemus, quae idem auctor in Ecclesiastica digessit historia, ubi primum de Mauritiis moribus ejusmodi orationem instituit¹ :

3. « Vir erat Mauritius prudens, ingeniosus, in rebus quidem diligens, animo consans et stabilis, ipsa vita ratione et moribus compositus, beneque cultus : ventris etiam cupiditates sie coerevit, ut non modo rebus necessariis et facile parabilibus, verum etiam aliis omnibus, quibus vita intemperans se insolenter efferre solet, abstinuerit : vulgus hominum non facile admisit ad colloquium, neque aures cuiusque sermonibus patefecit ; quippe qui seiret, alterum contemptum, alterum assentationem parere : raro se adeundi concessit potestatem, eamque nonnisi vehementer oratus targitus est : aures sermoni supervacaneo obturavit, non cera (ut est apud poetam) sed ratione, nt illa pro clavi existaret, quae eas hominum sermonibus commode tum aperiaret, tum clauderet. Inscitiam autem matrem audaciae, que ei vicina et finitima est, sic ab se depulit, ut in temeritate periculum, in cunetatione securitatem esse censeret : quippe fortitudo et prudentia, quae in ejus animo insidebant, sic ferebantur ad res gerendas, sicut temporum momenta postulabant, habenasque appetitionis ita direxerunt, ut usus rerum requirebat : adeo ut in ea tum remittenda, tum intendenda modus quidam et moderatio conservaretur. Sed de hac re postea aceratius disputabimus. Nam quam egregius quisque sit, et qualis natum moresque habeat, ex ejus imperio considerandum est : quae una res hominem solet perspicue, qualis sit, ostendere : quandoquidem cum libera ei sit vivendi potestas, ea que sunt in animi domicilio recondita, omnium oculis subjicit ad contemplandum ». Haec de Mauritiis moribus : sed pergit reliqua enarrare, cum ait :

4. « Iste Mauritius cum bellum in exteris regionibus gereret, civitates et arcis Persis accommodatissimas cepit, tantamque prædam inde evexit, ut insulas, urbes, agrosque diu ab hominibus desertos captivis, quos abduxerat, completeret ; terramque quae ante cultura diu caruerat, jam sedulo coli effi-

ceret : atque adeo ex illis hominibus ingentem cogeret exercitum, qui contra alias gentes valide, viriliter, et excelso animo dimicarent ; denique quamque familiam domesticis ministeriis impleret, quoniam captivi quam minimo comparari poterant. Porro autem idem Mauritius cum præstantissimis quibusque Persarum, utpote cum Tamocosrboe, et Adaarmane, qui copias ingentes ad bellum facendum ducebant, præliis decertavit. Verum quo modo, quæso, quove tempore, et qua fortuna res istæ ab eo geste sint, vel alii litteris persequantur, vel nos in alio opere separato (præsertim cum in opere quod in manibus est, aliarum rerum explicationem simus polliciti) fortasse exponemus.

5. « Tantum tamen hoc loco dicam, Tamocosrhoen in acie non exercitus Romani fortitudine, sed sola ducis pietate et in Deum fide cecidisse : Adaarmanem autem viribus in prælio proligatum, ac multis amissis copiis, versum in fugam : idque cum non solum Alemaudurus Barbarorum Scenitarum dux Mauritium propterea prodiderat, quod fluvium Euphratem trahere, et contra Seenitas Barbaros, qui ex adversis partibus militabant, ei subsidio venire noluit (isti enim Scenitæ ab aliis propter equorum velocitatem vinci non possunt, neque sieubi interclusi sint, capi ; sed hostes, dum fuga sit ipsis facienda, longe prævertunt) verum etiam Theodericus dux Seytharum, qui intra telijactum consistere non audebat, sese cum suis illico fugæ mandavit ». Hæc summatum complexus est Evagrius de præliis Mauritiis adversus Persas, quæ hoc anno cœpta in sequentes sunt propagata : nequaquam enim esse potuit anni unius opus inita adversus Persas tot diversis locis temporibusque certamina ; licet in Miscella¹ omnia referantur anno sequenti, tertio videlicet Tiberii imperatoris : nos autem que certis singulorum aunerum limitibus distingui non possunt, sub ipsorum ortu, quo narrari sunt cœpta, collegimus. Sed et iis quæ sunt de ejus reditu scripta pariter conjungamus, ex quibus mirificus ipsius Mauritiis religionis cultus, quo potissimum vicit hostes, cognoscatur.

6. Gregorius enim presbyter in Actis quæ scripsit S. Theodori Sicæota, ejus fuit discipulus, hæc de reditu Mauritiis ad imperatorem seribit his verbis² : « Eo tempore piae memorie Tiberius imperio potiebatur : qui eum Mauritium sibi a secretis comitem fecisset, misit eum adversus Persas : cumque viciisset illos, in urbem ab imperatore revocatus est. Hie igitur cum per Galatiam iter faceret, auditis quæ de Christi servo S. Theodoro cognomento Sicæota archimandrita dicebantur, ad eum, qui tune in spelunca quiescebat, cum fratre Petro et sociis accessit : et ad pedes ejus prostratus, orabat, ut pro se Deum precaretur, ut iter suum ad imperatorem fortunaret. Beatus autem vir, cum, ut surgeret, præcepisset, et pro illo Deum obseera-

¹ Evag. hist. l. v. c. 19. 20.

² Apud Metaph. die xxii. April. Sur. tom. II.

vit ; et Deo sibi palefaciente, dixit ei : Fili, si sancti martyris Georgii memor extiteris, hand ita multo post cognosces, qua in gloria imperii collocaberis. Quid cum evenerit, me mento ut panperas alas atque sustentes. Et cum Mauritius haesitaret, qua in imperii gloria se collocandum fore diceret, seorsum duxit eum, et amotis sociis aperte significavit, ipsum futurum imperatorem. Mauritius igitur cum sociis accepta benedictione, iactus discessit, et Constantinopolim pervenit ». Haec tenus de his Gregorius, quae quando, quove modo impleta siut, dicturi sumus postea suo loco. At de Mauritii imperio longe ante his similia praedicta fuerant ab Eutychio Constantinopolitano episcopo, cum exul ageret in Ponto : quae ab Eustathio, qui presens erat, ita describuntur¹ :

7. « Cum ageret vir sanctus in monasterio, in ea rerum perturbatione contigit, ut qui provinciam Ponti incolebant, venirent ad sanctum hunc virum, magnam ex illius sermone utilitatem percepturi. Cumque (ut in colloquiis sit) alii alias provincias laudarent ; magnus Dei vir, cum de Arabissorum civitate mentio fieret, venuste dicebat ad principes, qui inde venerant : Magna est civitas vestra, et de illa merito dici potest : E Nazareth potest aliquid boni esse ? Id autem ita prænuntiabat, ut non diceret se id affirmare, ne se sublimem, sed humilem ostenderet ». Hoc quidem verborum involuero clausit mysterium, nempe ex Arabisso futurum qui orbi dominaretur. Sed de patentiori valicinio, quod hoc anno, biennio videlicet ante Tiberii obitum ab eo prænuntiatum est, haec subdit idem Eustathius :

8. « Cum autem, inquit, Deo placuisset, ut insuam sedem restitueretur sanctus Eutychius, biennio ante obitum Tiberii imperatoris contigit ut ipse Tiberius in morbum incideret : et invisiit eum Dei servus Eutychius, atque convaluit. Per visum enim intellexerat, tunc enim non esse moriturum. Cum igitur multa dicentur de successore, si quid humanitus ei contigisset : Non morietur, dicebat vir magnus. Et cum diversi nominarentur, beatus nihil respondebat. Sed cum piissimus hic imperator Mauritius nominatus esset : se colligens, ea quae antea cognoverat atque praedixerat, aperuit : Vere non est aliis, inquiens : idque juramento asseruit. Tunc igitur ea quae Amaseæ dicta fuerant, meminimus ». Haec Eustathius, quae hoc anno contigisse demonstrat. Sed et quod in hujusmodi rebus versatur oratio, reliqua quae ejusdem sunt argumenti his contextamus, ea videlicet, quae de prodigiis divinus ostensis ejusdem præsignantibus imperium ab Evagrio sunt enarrata, qui ait² :

9. « Signa quoque divinitus ostentata antegressi sunt, quae Mauritiū imperatorem fore præsignificarunt. Nam ad multam noctem ei intra sanctuarium templi sancte eastissimæ Virginis et Deiparæ Marie dedicati (quod quidem ab Antiochenis

templum Justiniani nuncupatur) thus incensum offerenti, autem sacre mensæ igne conflagrare visum est, adeo ut ingens admiratio ac stupor illum incesserit, visionemque magnopere extinxerit. Cui adstant Gregorius illius urbis episcopus, dixit : Visionem cælitus demissam esse, et summum ei splendorem atque eximum portendere. Apparuit præterea versus Orientem re ipsa Christus Deus ultionem de hostibus requires : qua quidem visione imperium Mauritiū perspicue demonstratum est. Nam a quo, queso, nisi ab imperatore, et ab illo homine qui ipsum pie colebat, rem hujusmodi postularet ?

10. « Quin etiam mihi de his rebus percontanti, aliae res sane memorabiles et dignæ historia a parentibus suis narratae sunt. Nam pater ejus memoravit, se eo tempore quo Mauritius conceptus fuit, in somnio vidisse vitam maximam ex suo cubili pullulascere, et botros fere innumerabiles et maturos ex ea pendere. Mater vero narravit, terram tempore partus sui suave olentem odorem, peregrinum, et alternis vicibus variatum ex se efflasse ; ac saepè larvam, quam Graeci επιτοσες vocant, infantem de loco in locum movisse, tanquam illum voratram, minime autem ei nocere potuisse. Itemque Simeones, qui prope Antiochiam in columna habitavit, vir ad res quascumque prudenter ac studiose exquirendas aptissimus, et omnibus divinis virtutibus eximie ornatus, multa cum verbis tum factis expressit, quae Mauritiū fore imperatorem plane indicarunt ». Hucusque Evagrius. Post hæc vero Tiberius imperator, cum expertus esset Mauritiū pius, prudentemque, eundem sibi generum cooptavit, tradens illi filiam Constantinam in matrimonium. Sed de his satis.

11. *Gregorius ex monacho diaconus cardinalis et legatus Constantinopolim.* — Hoc eodem anno, quo post primum Tiberii imp. a mense Augusti secundus incipit numerari : Pelagius papa, ubi opportunum navigandi tempus advenit, ordinato Gregorio ex monacho diacono, eundem mittit Constantinopolim apocrisiarium. Quoniam vero quod asseritur id factum a Benedicto papa Pelagii prædecessore testificatione Joannis diaconi, ex ipsis S. Gregorii scriptis confutavimus suo loco superius : cur in hunc ipsum annum potius ordinacionem Gregorii et legationem ejus Constantinopolim referamus, ratio lectori reddenda est : qui primum meminisse debet, demonstratum esse, perseverasse Gregorium adhuc Iaicum licet maxime pium, in functione Urbana prefecturæ usque ad annum quingentesimum octagesimum primum, cum creatus est Laurentius Mediolanensis episcopus, prout ex ipsis Gregorii litteris est plenissime declaratum. Quomodo vero nuntium remittens sæculo, factus est in monasterio monachus, et statim inde avulsus a Pelagio papa et diaconus ordinatus, missus est Constantinopolim apocrisiarius ad Tiberium novum imperatorem, haec apertius insinuanda sunt.

¹ Eust. in Vita S. Eutychii. — ² Evag. l. v. c. 21.

12. Cum igitur Gregorius monasterium ingressus esset, ne ibi diu permanere, oborta occasio fecit, qua Pelagius papa bene usus, eum e monasterio invitum ac nolentem abstraxit, ut ipsum videlicet ad recens creatum Tiberium imperatorem mitteret apocrisiarium : sciebat enim tanti viri in rebus gerendis prudentiam, diligentiam, atque dexteritatem, quas omnes animi ejus dotes satis perspectas habuerat in functione Urbanæ præfecturæ ; nec ignorabat quanti esset momenti apud imperatorem ad negotia Ecclesiastica obeunda adstare virum nobilitate insignem, virtutibusque conspicuum, qui et perficiam rerum gerendarum calleret, tantaque esset præstantiae, ut si opus foret adversus haereticos atque schismaticos non tantum staret intrepidus, sed et Catholicos coerceret, atque in officio contineret, ipsumque imperatorem (si res exigeret) redargueret. Quoniam vero moris erat, nominis sanctæ Romanae Ecclesiae diaconis cardinalibus ejusmodi munus obeundum fideliter eredi ; ob id Pelagius addidit, ut ipsum Gregorium, renitentem licet, crearet diaconum cardinalem.

13. Haec autem omnia a nemine fidelius quam ab ipso Gregorio relata percipias, qui in Praefatione ad S. Leonardum episcopum Hispanensem haec de se habet, ubi primum de tarda a se facta ad monasterium conversione agit : « Quia enim, inquit, plerumque navem incaute religatam etiam de sinu tutissimo littoris unda exxit, cum tempestas exrescit; repente me sub prætextu Ecclesiastici ordinis in causarum secularium pelago reperi : et quietem monasterii, quam habendo non fortiter temui, quam striete tenenda fuerit, perdendo cognovi. Nam cum mihi ad percipiendum saeculi altaris ministerium obedientiae virtus opponit, hoc sub Ecclesiæ colore susceptum est, quod si inulte liceat, iterum fugiendo deflectatur ». Et paulo post : « Eo quoque tempore, quo ad ministerium altaris accessi, hoc de me, ignorante me actum est, ut sacri ordinis pondus acciperem ; quatenus in terreno palatio licentius excubarem ». Sic itaque vides, tum avulsum a monasterio creatum esse diaconum, cum apocrisiarius Constantinopolim mittendus esset, et non ante. Nam non nisi diaconis ejusmodi munus credi consuevit, idem Gregorius in Epistola ad Focam Augustum docet his verbis¹ : « Quod permanere in palatio juxta antiquam consuetudinem Apostolice Sedis diaconem vestra serenitas non invenit ; non hoc mee negligentiae, sed gravissime necessitatis fuit. Quia dum ministri omnes hujus nostræ Ecclesiae contrita asperaque tempora cum formidine declinarent atque refugearent, nulli eorum poterat imponi, ut ad urbem regiam in palatio permanensur accederet ». Subdit vero, se tunc Ecclesiæ defensorem ordinasse diaconum, quem apocrisiarium mitteret Constantinopolim.

14. At quid Gregorius ordinatus jam diaconus,

cum prefecturus Constantinopolim esset? Illud quidem admiratione dignum prestitit, ut qui non permisus esset in suo monasterio permanere, miro quodam modo ipsum monasterium secum veheret, cum videlicet complures ex eodem ipse inde duceret secum monachos, quo ubicumque locorum esset, sive in diversorio, sive in navi, sive Constantinopoli, idem nobile redderent monasterium florissimum monasticis institulis. Id quidem ex eisdem ad Leandrum scriptis in Praefatione ad libros Moralium facile possumus intelligere, ubi ait : « Me scilicet multi ex monasterio fratres mei germana charilate secuti sunt. Quod divina factum dispensatione conspicio, ut eorum exemplo ad orationis placidum littus quasi anchoræ fune restrinqueret, cum causarum sæcularium incessibili impetu fluctuarem. Ad illorum quippe consortium, velut ad tutissimi portus sinum, post terreni aclus volumina fluctusque fugiebam. Et licet illud me ministerium ex monasterio abstractum a pristinæ quietis vita muerone suæ occupationis extinxerat; inler eos tamen per studiosæ lectionis alloquium, quotidianaæ me aspiratio compunctionis animabat ». Hac Gregorius de seipso. Inter alios autem monachos secutus est Gregorium Maximianus, qui numeratur ab ipso sui monasterii secundus abbas primus post Valentium. Porro res gestæ ab eodem Gregorio Constantinopoli inferius pro temporis ordine dicentur.

15. Concilium Brennacense in Gallia, ubi calumniae in Gregorium Turonensem diluntur. — Hoc eodem anno, qui et quintus numeratur Childeberti junioris regis filii Sigeberti, habita est in Gallia Synodus Brennacensis, cuius aliquot apud Gregorium¹ Turonensem episcopum, qui interfuit, monumenta extant : nam celebrata ipsa est in causa ipsius Gregorii, cum reus factus esset, quod in reginam Fredegundem uxorem Chilperie et in Bertheramnum Burdigalensem episcopum crimen nefarium composuisset et evulgasset. Res autem ita se habuit. Leudastes praefectus sive comes Turonensis, cum injuste admodum se gessisset, Ecclesiisque damna plurima dedisset, ob idque e præfectura opera Gregorii amotus esset ; adversus eum una cum Riculfo Turonensi presbytero conjurans, calumniam ambo simul struunt, accusantes ipsum tradere machinatum Turonensem civitatem Childeberto regi. Quod cum minime crederetur, adjece- runt calumniam aliam, qua rex commoveri facile potuisset : nempe dixisse Gregorium, Fredegundem reginam commisceri solitam cum Bertheranno episcopo Burdigalensi : ejus rei testes esse Platonem archidiaconum, et Gallienum ejusdem Ecclesiae æque diaconum. Accepérat autem a Leudasle Rículfus de episcopal Turonensi promissionem, cum Gregorius damnaretur. Qui quasi jam ejus possessor multas interea in Gregorium irrogabat injurias, neque a sputis temperans : qui et accusatorem ad

¹ Greg. I. xj. Ep. xlviij.

¹ Greg. I. v. c. 47, 48, 49.

regem misit ejusdem nominis Riculfum clericum, promisso illi archidiaconatu. Cum vero vineti cœtu-nis testes ducerentur ad reginam, quid tunc Gregorius egerit, ab ipso accipe : « Hæc ego, inquit, audiens, dum in domo Ecclesiae residerem, inœstus turbatusque ingressus oratorium, Davidie carminis summo librum, ut scilicet apertus aliquem consolationis versiculum daret : in quo ita repertum est : Eduxit eos in spe, et non timuerunt, et inimicos eorum operuit mare ». Interim vero jussus est ipse Gregorius custodiri usque ad futurum conven-tum episcoporum in villa Brennaco colligendum.

16. Sed quid interea mirandum acciderit, audi. Modestus quidam faber figurans cum zelo justitiae redarguisset istæ patrantem, falsoque objicientem Riculfum clericum accusatorem : iste eum auxilio Eunomii comitis retrudi fecit in careerem, ubi jussu reginæ mandatur subdi tormentis. « Apprehenditur, inquit Gregorius, Modestus, torquetur, flagellatur, et in vincula compactus, custodie deputatur. Cumque inter dnes custodes careeris et cippo teneretur vinctus, media nocte dormientibus custodibus, orationem fndit ad Dominum, ut digna-retur ejus potentia miserum visitare, et qui inno-cens illigatus fuerat, visitatione Martini præsulii et Medardi absolveretur. Mox disruptis vinculis, difracto cippo, sancti Medardi Basilicam, nocte nobis vigilantibus introivit ». Haec Synodus præcesserunt : quæ satis fuisse poterant ad Gregorii inno-centiam contestandam, cuius causa vinctus Modes-tus divinitus fuerat liberatus.

17. Ubi autem Brennaci Synodus episcoporum eam ob causam collecta est : quid actum sit, Gregorius ita narrat : « Congregati igitur apud Brennacum villam episcopi, in unam domum residere jussi sunt. Deinde, adveniente rege, data omnibus salutatione ac benedictione, resedit. Tunc Bertheramus Burdegaleensis civitatis episcopus, cui hoc cum regina crimen impactum fuit, causam proponit, meque interpellat, dicens a me sibi ac reginæ cri-men objectum. Negavi ego in veritate me hæc locatum, et audisse quidem hæc alios, me non exco-gitasse. Nam extra domum rumor in populo mag-nus erat dicentium : Cur hæc super sacerdotem Dei objiciuntur? Cur fasia rex prosequitur? Num quid potuit episcopus talia dicere vel de servo? Heu, heu, Domine Deus, largire auxilium servo tuo. Rex autem dicebat : Crimen uxoris meæ meum habetur opprobrium. Sic ergo censetis ut super episcopum testes adhibeantur : ecce adsunt. Certe si videtur ut hæc non fiant, sed in fidem episcopi committuntur, dieite : libenter audiam quæ jube-tis. Mirati sunt omnes regis prudentiam, vel patientiam simut. Tunc cunctis dicentibus : Non potest persona inferior super sacerdotem cœdi (credi) : restitit ad hoc causa, ut dictis missis in tribus alta-ribus, me de his verbis exuerem sacramento ; et licet canonibus essent contraria, pro causa tamen regis impleta sunt.

18. « Sed nec hoc silebo, quod Rigunthis re-

gina condolens doloribus meis, jejunium cum omni domo sua celebavit, quoisque puer nuntiaret, me omnia sic implesse, ut fuerant instituta. Igitur re-gressi sacerdotes ad regem, aiunt : Impleta sunt omnia ab episcopo quæ imperata sunt, o rex. Quid nunc ad te, nisi ut cu u Bertheramno accusatore fratris communione priveris? Et ille : Non ego nisi audita narravi. Quæreribus illis, quis hæc dixerit? respondit se hæc a Leudaste audisse. Ille autem se-cundum infirmitatem vel consilii vel propositionis sue fugam inierat. Tunc placuit omnibus sacerdotibus, ut sator scandali, infamator reginæ, accusator episcopi ab omnibus arceretur Ecclesiis, eo quod se ab audiencia subtraxisset : unde et Epistola subscriptam aliis episcopis qui non adfuerant transmiserunt, et sic unusquisque ad locum suum regressus est ». Haec Acta Synodi Brenna-censis.

19. Quid autem factum fuerit adversus Ricul-fum clericum accusatorem qui aderat, idem sic tra-dit : « At Rieulfus clericus ad interficiendum depu-tatur, pro eujus vita vix obtinni : tamen de tor-mentis exensare non potui; nam nulla res, nullum metaflammum tanta verbera potuerit sustinere, sicut hic miserrimus. Ab hora tertia diei, revinctis post tergum manibus, suspensus ad arborem dependebat : ad horam vero nonam depositus, extensus ad trochleas, cædebatur fustibus, virgis et loris dupli-cibus, et non ab uno vel duobus, sed quot accedere circa miseros potuissent artus, tot cæsores erant. Cum autem in discrimine esset, tunc aperuit veri-tatem, et arcana dolii publice patefecit. Dicebat enim, ob hoc reginæ crimen objectum, ut ejecta de regno, imperfectis fratribus et patre, Clodoveus re-gnum acciperet, Leudastes ducatum ». Haec de falso teste. Porro Leudastem instar Cain undique pul-sum, undique profugum super terram vagasse tradit.

20. Non prætermittendum, de haec Synodo scripsi-sse carmen Venantium Fortunatum, quo et ce-niuit laudes Chilperici, necnon Fredegundis reginæ. Quod enim adversus Fredegundem tanta calumnia sparsa est, et cum ignominia ad judicium usque causa deducta ; placuit Fortunato (quem puto eidem Synodo cum Gregorio interfuisse) eam scripto car-mine celebrare, atque ejus canere laudes, cuius opprobria fuerant adeo turpiter divulgata. Est vero ejusmodi præfixa inscriptio carmini¹ :

« Ad Chilpericum regem, quando Synodus in Brennaco habita est ». Incipit autem :

Ordo sacerdotum, venerandaque culmina Christi,
Quos dedit alma tides religione patres.
Parvulus opto loqui regis præconia celsi :
Sublevele exigui carmina vester amor.

Et post multa habet ista de Fredegunde regina ap-posite quidem :

¹ Fortun. carm. l. ix.

Conjuge enim propria, quæ regnum moribus ornat
Principis, et culmen participata regit,
Provida consilii, solers, canta, utilis auctæ,
Ingenio pollens, munere larga placens,
Omnibus excellens meritis Fredegundis opima,
Atque serena suo fulget ab ore dies
Regia magnanimitis curarum pondera portas,
Te bonitate colens, utilitate juvans.
Qua pariter tecum moderate palatia crescunt,
Cujus et auxilio floret honore domus.
Quærens uide viro duplicitur vota salutis,
Et tibi mercedem de Fredegunde facit :
Quæ meritis propriis effulget gloria regis,
Et regina suo facta corona viro.
Tempore sub longo hec te fructu prolis honoret,
Surgat et inde nepos, ut renoveris avus.
Ergo Creatori referatur gratia digne,
Et cole, rex, regem qui tibi præbet opem.

Ista et alia Forlunatus ad Chilpericum, et quidem, puto, intuitu charitatis, ut e domo regia manantem ex impudica regina fætorem veluti plurimo effuso balsamo effugaret.

21. Verum qui regibus dominatur, et solus verax est, nec secundum faciem judicat, adversus Chilpericum et Fredegundem sententiam et quidem durissimam protulit, nulla penitus interposita mora : acciditque nutu Dei, ut idem qui cecini gloriosa Fortunatus, paulo post lugubri carmine occinuerit luctuosa : quæ S. Salvio, qui eidem Synodo interfuit, quomodo fuerint antea demonstrata, proxime dicturi sumus : modo vero accipe, quæ antea ibidem transaeta sunt cum disserente de fide Judæo, et quæ idem habet de Chilperico rege ipsi Gregorio conciliato, et ab ipso benedictionem petente, cum inde recedens esset Parisios redditurus. Cum enim moraretur adhuc apud Chilpericum Gregorius Turonensis (ut ipse testatur) data occasione Andai nomine Prisci, cum eo de veritate Christianæ fidei contulit : sed in obstinatione ille sua perseverans, nihil profecit : scripsit tamen eam ipse disputationem Gregorius¹, ad cuius finem, ubi agit de rege inde Parisios profecturo, haec habet : « Ad me, (inquit), conversus postulat ut accepta benedictione discederet : ait enim : Dicam, inquit, tibi, osacerdos, quod dixit Jacob ad Angelum, qui ei loquebatur : Non dimittam te, nisi benedixeris mihi. Et haec dicens, aquam manibus porrigi jubet : quibus ablatis, facta oratione, accepto pane, gratias Deo agentes, et ipsi accepimus, et regi porreximus, haustoque mero, vale dicentes discessimus ». Haec de rege accipiente eulogias ab ipso Gregorio, ut his pacis symbolis ipsi reconciliatum se ostenderet. Sic igitur qui ad regem reus majestatis advenerat, a regia majestate eo modo maximo affectus honore recessit. Sed ad S. Salvii vaticinium redeamus.

22. *Filiorum regis Chilperiei funera.* — Quid enim post haec ibi contigerit memoratu dignum, idem Gregorius narrat his verbis²: « Igitur cum, vale post Synodus memoratam regi jam dicto, ad propria redire vellemus : non ante discedere pla-

cuit, nisi hunc virum (Salvium episcopum scilicet), libatis osculis, linqueremus. Quem quæsumus in atris Brennacensis domus reperi. Cui dixi, qua jam eram ad propria redditurus. Tunc remoti paululum, dum hinc inde sermocinaremur, ait mihi: Videsne super hoc tectum quæ ego suspicio? Cui ego : Video enim super tegulum, quod nuper rex ponit præcepit. At ille : Aliud, inquit, non adspicis? Cui ego : Nihil aliud, inquam, video (suspicabar enim quod aliquid joculariter loqueretur) et adjeci : Si tu aliquid magis cernis, enarra. At ille ultra trahens suspiria, ait : Video ego evaginatum iræ divinæ gladium super domum hanc dependentem. Verumtamen non fecellit dictio sacerdotem : nam post dies viginti, duo filii regis (quos superius mortuos diximus) obierunt ». Hæc Gregorius: quomodo vero mortui sint, inferius docet.

23. Nam idem Gregorius eodem anno, qui numeratur (ut dictum est) quintus Childeberti junioris, pestem ingentem depastam esse Gallias tradidit, qua tacti iidem duo filii regis Chilperici et Fredegundis extinti sunt. Porro rem gestam ita idem auctor enarrat³ : « Igitur in his diebus Chilpericus rex graviter ægrotavit. Quo convalescente, filius ejus junior needum ex aqua et Spiritu sancto renatus ægrotare cœpil : quem in extremis videntes, baptismo abluerunt. Quo paruus melius agente, frater ejus senior nomine Clodobertus ab hoc morbo corripitur. Ipsumque in periculo mortis Fredegundis mater cernens, sero pœnitens ait ad regem : Diu nos male agentes pietas divina sustentat : nam sæpe nos febribus et aliis malis corripuit, et emendatio non successit. Ecce jam perdimus filios : ecce jam nos lacrymæ pauperum, lamenta viduarum, suspiria orphanorum interimunt, nec spes remanet, cui aliquid congregemus. Thesaurizamus, nescientes cui congregemus ea : ecce thesauri remanent possessore vacui, rapinis ac maledictionibus pleni. Numquid non exundabant promptuaria vino? Numquid non horrea abundabant frumento? Numquid non erant thesauri referti auro, argento, lapidibus pretiosis, monilibus, vel reliquis imperialibus ornamentis? Ecce quod pulchrius habebamus, perdimus.

24. « Nunc sie placet, venite, incendamus omnes descriptiones iniquas. Sufficiat fisco nostro, quod sufficit patri regique Clotario. Haec effata regina, pugnis verberans pectus, jussit libros exhiberi qui de civitatibus suis per Marcom venerant : projectisque in ignem, iterum ad regem conversa : Quid tu, inquit, moraris? Fac quod vides a me fieri, ut etsi dulces natos perdimus, vel pœnam perpetuam evadamus. Tunc rex compunctus corde tradidit omnes libros descriptionum igni, conflagratisque illis, misit qui futuras prohiberet descriptiones. Post haec infantulus junior, dum nimio labore tabescit, extinguitur : quem cum maximo dolore ducentes e villa Brennaco Parisios ad Basilicam

¹ Greg. Turon. hist. Franc. l. vi. c. 5. — ² Greg. l. v. c. 50.

³ Greg. l. v. c. 34.

S. Dionysii sepeliri mandaverunt. Clodobertum vero componentes in feretro, Suessionas ad Basilicam S. Medardi duxerunt, projicientesque eum ad sanctum sepulcrum vota voverunt pro eo : sed media nocte anhelans jam et temuis spiritum exhalavit; quem in Basilica sanctorum Crispī et Crispiniani martyrum sepelierunt. Magnus usque huc planetus omni populo fuit : nam viri ingentes mulieresque lugubribus vestimentis induitae (ut solet in conjugum exequiis fieri) ita hoefunus sunt prosecutæ. Multa postea Chilpericus rex Ecclesiis, sive Basilicis, vel pauperibus est largitus ». flæc de funere dñorum filiorum regis, et de rege ipso in meliorem frugem mutato Gregorius.

25. Scripsit iisdem regis filiis Epitaphia Venantius Fortunatus, atque primum majori natu filio Clodoberto his versibus¹ :

Flere monet populum crudelia funera regum,
Cui caput orbis humo moesta sepulcra tegunt.
Hoc igitur tumulo recubans Clodobertus babetur,
Qui tria lustra gerens raptus ab orbe fuit,
De proavo veniens Clodoveo celsa propago,
Clotarii nepos, Chilpericique genus :
Quem de regina sumpsit Fredegundis venusta :
Auxerat et nascens Francia vota puer :
Quem patriæ dum spes adolesceret ampla,
Accelerante die, sors iuimca tuhi.
Sed cui nulla noceut queruli contagia mundi,
Non fleat ullus amor, quem modo cingit honor.
Nam puer innocus vivens sine crimne lapsus
Perpetui regni se favel arce frui.

Sed et ejus germano infanti Dagoberto æque Epitaphium elaboravit, ex quo nomen ejus a Gregorio prætermissum edisces, vocatum nempe Dagobertum; sic enim se habet :

Dulce caput populi. Dagoberte perennis amore,
Auxilium patriæ spes puerilis, obis (abis)
Germine regali nascens generosus, et infans,
Ostensus terris, mox quoque rapte polis.
Belliger veniens Clodovei gente potenti
Egregio proavi germine, houore pari.
Regibus antiquis resplendens nobilis infans,
Chilpericique patus, vel Fredegunde genus.
Te veneranda tamen mox ablui unda lavacri,
Hiuc licet abreptum lux teuet alta throno.
Vivis honore ergo, et cum judex venerit orbis,
Surrecturus eris fulgidus, ore nitens.

Ista Venantius, qui (ut diximus), cum paulo ante hæta cecinisset, scribere mox coactus est regum funeribus Epitaphia. Sed et tunc etiam ad ipsum regem consolationem de filiorum obitu carmine scripsit, cuius est exordium :

Aspera conditio et sors irrevocabilis hora,
Quam generi humano tristis origo dedit.

Et inferius alludens ad luctum universi populi, ista subdit :

Talis erit populus, qualem te viderit omnis,
Deque tua facie plebs tua vota metit.

Innatum est enim Franciæ, eisdemque illud peculiare, ut cum præ ceteris gentibus suum diligent regem, sese in regis vultum, mores animi, corporis habitum, atque alia denique omnia (quantum fas est) transformare, similesque reddere cupiant.

26. *Funera Clodovei, impiæ reginæ Austregildis, et Nantini comitis.* — At nec finis hic filiorum Chilperici regis funerum : etenim Fredegundis amatis carens filiis novoreali od.o in privignum Clodoveum commovetur, quem in suspicionem adduetur, quod atquid in eam moliretur, eumdem detrusum in carcere ibi gladio feriri præcepit ; de ipso illud evulgans, quod scipsum obnoxium culpæ necasset. Rem gestam narrat ipse Gregorius¹. Erat Clodoveus iste filius Chilperici ex Audovera uxore sua, ex qua pariter Theobertum et Morovenum suscepserat. Ipsa autem Audovera velata, quanam arte se Fredegundis conjunxerit Chilperico, ab Adone Viennensi sic accipe : « Absente Chilperico, Fredegundis Audoveram reginam tali fraude decepit, ut filiam quam ex Chilperico habebat Audovera ex saero fonte ipsa per se, non per aliam suscipret : quod et ipsa seducta quidem fecit. Ac idecirco postmodum a marito suo Chilperico dimissa : sicutque Fredegundis in conuubium transiit. Audovera vero velata villas et prædia tantum ad sustentationem sui accepit. Episcopus, qui filium baptizavit et matri eum tenere non prohibuit, exilio damnatus est ». Haec Ado, quibus pleniis Fredegundis perfidia innotescat, quam in privignum Clodoveum filium Audoveræ ad postremum Phædræ instar explevit.

27. Sed funeribus regum tristiora reginæ funera conjungamus. Gregorius enim his de obitu filiorum Chilperici narratis, de alia regina Franco-rum conjugé Guntheramni germani Chilperici haec eadem peste defuncta mox ista funesta subjungit : « His diebus Austregildis Guntheramni principis regina ab hoc morbo consumpta est. Sed priusquam nequam spiritum exhalaret, cernens quod evadere non posset, alta trahens suspiria, volnit lethi sui habere particeps, agens ut in exequiis ejus aliorum funera plangerentur. Fertur enim Herodiano more regem petuisse, dicens : Adhuc spes vivendi fuerat, si non inter iniquorum mediorum manus incidisset : nam potionis ab illis acceptæ mihi vi abstulerunt vitam, et fecerunt me hanc lucem velociter perdere. Et ideo ne mors mea multa prætereat ; quæso, et cum juramento interpositione conjuro, ut cum ab hac luce discessero, statim ipsi gladio trueidentur ; ut siue ego amplius vivere non queo, ita nec illi post meum obitum glorientur, sed sit unus dolor nostris pariter et corum amicis. Haec effata, infelicem animam tradidit. Rex vero peracto ex more justitio, oppresus iniquæ conjugis juramento, implevit præceptum iniquitatis ; nam duos medicos, qui ei stu litum adhibuerant, gladio feriri præcepit ». Haec Gregorius.

¹ Fortun. l. ix. carm.

¹ Greg. l. v. c. 39.

28. Eadem quoque lue tactum abruptumque ex hac vita Nantinum comitem Engolismensem, idem subdit : qui cum in sancta loca Deique ministros mala multa patrasset, ultimo ipse elogio, quid pateretur ob scelera perpetrata, testatus est : ait enim Gregorius¹ : « Post paucos menses a supradicto morbo Nantinus comes corripitur. Qui nimia exustus febre, clamavit, dicens : Heu, heu, ab Heraclio antisite exuror : ab illo crucior : ab illo ad judicium vocor. Cognosco facinus : reminiscor injuste injurias me intulisse pontifici : mortem deprecor, ne diutius crucier hoc tormento. Haec cum maxima in febre clamaret, deficiente robore corporis, infelicem animam fudit, indubia relinquentes vestigia hoc ei ad ultionem beati viri venisse : nam exanimum corpus ita nigredinem duxit, ut putares eum prunis superpositum fuisse combustum. Ergo omnes haec obstupescant, admirantur, et metuant, ne inferant injurias sacerdotibus, quia uthor est Dominus servorum suorum sperantium in se ». Quae autem adversus Heraclium Burdigalensem episcopum Nantinus egisset, idem Gregorius paulo superius narrat, cum tradit ab eo ob immensa scelera perpetrata ipsum Nantinum fuisse excommunicatum. At de his hactenus : jam vero e Galliis in Galliciam transeamus, Gregoriumque sectenur, qui ait² :

29. *Martini episcopi Gallicensis obitus et laudes.* — « Hoc eodem tempore (nempe anno quinto Childeberti junioris, qui hoc Christi anno incipit numerari), et B. Martinus Gallicensis episcopus obiit, magnum populo illi faciente planctum. Nam hic Pannoniae ortus fuit (sicuti nomen et patriam, ita etiam sanctitatem Martini Turonensis adeptus) et exinde ad visitanda loca sancta in Orientem properans, in tantum se litteris imbutit, ut nulli secundus suis temporibus haberetur : et exinde Galliciam venit, ubi cum beati Martini reliquiae portarentur, episcopus ordinaretur : in quo sacerdotio impletis plus minus triginta annis, plenus virtutum migravit ad Dominum. Versiculos qui ad ostium sunt a parte meridiana in Basilica S. Martini, ipse composuit ». Haec Gregorius.

30. Porro quod perlinet ad annos ejus episcopatus : dum numerat triginta circiter annos ejus sedis Gregorius, seias ipsum deducere numerum ab eo tempore quo illatae sunt santi Martini Turonensis reliquiae in Galiciam, ut patet ex ejusdem testificatione, dum de eademi a nobis superius recitata translatione agit³. Qua ratione dicendum esset, inchoatum ejusdem episcopatum circa annum Domini quingentesimum quinquagesimum tertium, cum alii (ut vidimus) referant ad annum quingentesimum sexagesimum : cui sententiae magis inhaesimus, quod ex Actis Concilii Bracharensis secundi tum nota Aera, tum numero annorum Ariamiri regis sibi vindicet auctoritatem. Dies au-

tem, quo tantus vir, cui nullum debet Hispania, ex hac vita ad celum migravit, celebri solemnitate anniversario cultu refulget ad decimum tertium kal. Aprilis.

31. Ad postremum vero quod reperimus ipsius sepulcrum, nefas sit praeterisse eum insalutatum : quamobrem ipsum ex prato Venantii collectis floribus aspergamus versibus illis, inquam, quibus ipse mirifica ejus facta tunc temporis cecinit, cum provinciam illam, absterto Ariano pntore, ad Catholicam fidem convertens, grande Deo obtulit sacrificium in odorem snavitatis. Sint igitur ejusmodi vetera monumenta, Epitaphii loco, sanctissimi viri incisa sepulero. Editum enim ad ipsum adhuc viventem carmen ita incipit⁴ :

Lumen Apostolicum cum spargeret una Triados,
Exciperetque novum mundus honore diem.

Pergit dicere de Apostolis ad diversas gentes missis, ac demum ista de duabus Martinis, seniore ac juvniore, Turonensi videlicet atque Gallicensi episopis :

Martini Gallia prisci
Excellentie fide luminis arma capit.
Martino servata novo, Galicia, plaudet;
Sortis Apostolice vir tuus iste fuit.
Qui virtute Petrum, praebet tibi dogmate Paulum :
Hinc Jacobi tribuens, inde Joannis opem.
Pannonia (ut perhibent) veniens e parte Quiritum,
Est magis effectus Gallica vera salus.
In selenam sterilem vitæ plantaria sevit,
Quo natura seges fertilitate placet.
Ehie meritis alter redit imber aristis,
Monera toris habens, ne premat arva sitis :
Neu jaceant stupidis arentia jugera sulcis,
Influit irriguo fonte pereanis aquæ.

Spectant haec ad prædicationem Evangelii ; et quod subdit, idipsum insinuat.

Heresis in ramis fidei plantaria fixit ;
Quodque oleaster erat, pinguis oliva viret.
Quæ stetit exilis, viduatis frondibus, arbor
Jam paritura cibum floret honore novo.
Imponenda focis sine quo siculnea tristis
Praparat ad fructum stercore culta summ.
Palmitis uva tumens avium laceranda rapinis,
Hoc custode bono, non peritura latet (patet).
Rebus Apostolicis ovantes (orantes) vivere monstrat,
Arva ligone movens, falce flagella premens.
Ex agro Domini lappas excidit inertes :
Atque racemus adest, qui fuit ante frutex.
De satione Dei zizaria vulsit amara :
Surgit et æqualis letificata seges.

Ut plane dicendus fuerit Gallicæ restitutorum Ecclesiæ. Hinc idem Fortunatus subjetit :

Martino servata novo, Galicia, plaudet :
Sortis Apostolice vir tuus iste fuit.
Pastoris studio circum sua septa recurrens,
Ne lupus infret, oves servat amore gregis.
Et portante manu trahit ipsa ad pabula Christi,
Montibus instabilem ne voret error ovem.

¹ Greg. l. v. c. 36. in fin. — ² Greg. Tur. Inst. Franc. l. v. c. 37.
² Greg. Turon. mirac. S. Martini l. i. c. 11.

⁴ Fortun. carm. l. v.

Cujus vox reflens plebi de fonte salubri,
Ut bibat ore fidem, porrigit ore salutem.
Hosti donna quidem, Domino pia vota paravit,
Et commissa sibi dupla talenta refert.

Et de æterno præmio, quod esset a Deo consecuturus, mox addit hæc ipsa :

Vocem Evangelicam spectans operarius almus,
Ut tibi dicatur, servile perze bone :
Quando fidelis enim mali supra pauca fuisti,
Supra multa misericordia constitutus eris.
Ecce tu Domini modo gaudia luctor intea,
Proque labore brevi magna parata tibi.
Auditus enim vocem, Martine, beatam :
Sed Fortunati sis menor ipse tu.
Quaso, precare, pater, videam tua gaudia tecum.
Sic pieas regi, postulet ante Petrus. Etc.

Commendat eidem sanctam Radegundem adhuc viventem in monasterio Pictaviensi reginam, cum ea quæ præeral eidem Agnæ abbatissæ, de qua sœpe Gregorius.

32. *Leuigildus rex Arianus insectatur Catholicos, Hermenegildo ejus filio ad Catholicam fidem converso ab uxore.* — Hoc item anno, teste Gregorio, qui (ut numerat) annus quintus est Childeberli regis dira persecutio in Hispania excitata est a Leuigildo rege Ariano adversus Catholicos : ait enim¹ : « Magna eo anno in Hispania Christianis persecutio fuit, multique exiliis damnati, facultatis privati, facie decocti, carceri mancipati, verberibus affecti, ac diversis suppliciis trucidati sunt ». Hæc summatio de persecutione Gregorius. His consentiens S. Isidorus, ubi narravit res ab eodem rege in bello fortiter gestas, ista subiungit² : « Sed offuscavit, inquit, error impietatis gloriam tantæ virtutis. Denique perfidæ furore repletus, in Catholicos persecutione commota, plurimos episcoporum exilio relegavit, et Ecclesiarum reditus et privilegia tulit : multosque terroribus suis in Arianaum hæresim et pestilentiam impulit : plerosque sine persecutione illecos auro, rebusque decepit. Ausus quin etiam inter cætera hæresis suæ contagia rebaptizare Catholicos, et non solum ex plebe, sed etiam ex sacerdotalis ordinis dignitate, sicut Vincentium Cæsaraugustum de episcopo apostatam factum, et tanquam e caelo in inferna projectum ». Hucusque de persecutione Isidorus, brevi quidem compendio quamplurima perstringens, ex quibus magnum plane iuisset implendum volumen.

33. Sed quæ recentior causa persecutionis hujus indicendæ præcesserit, Gregorius ita recenset³ : « Caput autem (nempe origo) hujus seeleris Goisniutha iuit, quam post Athanagildi regis conubium rex Leuigildus (Leuichildus) acceperat. Sed quæ Dei servis notam humilitatis inflixerat, prosequente ultione divina, ipsa quoque omnibus populis est facta notabilis : nam unum oculum

nitube alba contingens, lumen quod mens non habebat pepulit a palpebris. Erant autem Leuigildo regi ex alia uxore duo filii (nempe Hermenegildus et Reccaredus), quorum senior Sigeberti, juniori Chilperici regis filiam despousaverat. Sed Ingundis Sigeberti regis filia cum magno apparatu in Hispanias directa, ab axia Goisniutha cum magno gaudio suscipitur (erat enim Ingundis filia Brumichildis, quæ filia fuit ipsius Goisniuthæ, ut superius ex Fortunato et Gregorio diximus) quam nec passa est in religione Catholicæ diu commorari, sed ut rebaptizaretur in Ariana hæresi, blandis cœpit sermonibus iñhicere. Sed illa viriliter reluctans, cœpit dicere : Sufficit satis me ab originali peccato baptismò salutis semel ablutam esse, et sanctam Trinitatem in una æqualitate confessam. Hæc me credere ex toto corde confiteor, neque unquam ab hac fide ibo retrorsum.

34. « Hæc illa audiens, iracundia furore succensa, apprehensam per comam capitis puellam in terram collidit, et diu calcibus verberatam ac sanguine eridentatam jussit spoliari, et piscinæ immersi; sed (ut asserunt multi) nunquam animum suum a fide nostra reflexit. Leuigildus autem dedit eis, nempe ipsi Ingundi, et viro suo Hermenegildo, unam de civitatibus, in qua residentes regnarent. Ad quam eum abiissent, cœpit Ingundis prædicare viro suo, ut relieta hæresis fallacia, Catholicæ fidei veritatem agnosceret. Quod ille diu refulans, tandem commotus ad ejus prædicationem conversus est ad legem Catholicam, ac dum chrismaretur, Joannes est vocatus ». Sed tamen nomine, quo cognitus erat ab omnibus, perseveravit dici Hermenegildus. Leandrum quoque Hispanensem episcopum doctrina et pietate clarum plurimum contulisse, ut Hermenegildus fieret Catholicus Christianus, qui prosecuti sunt res Hispaniarum tradunt, in primis vero S. Gregorius papa, ut suo loco dicemus.

35. *S. Leandi episcopi Hispalensis legatio ad Tiberium.* — Ceterum cum pater perfidæ argueret filium, filius vero eum hæresis insimularet : factum est ut bellum ingens inter ipsos conflaretur, altera ex parte cum Leuigildo pugnantibus Ariani, quorum major numerus, fortiorque potentia ; ex altera vero resistantibus cum Hermenegildo Catholicis. Hie sentiens se imparem viribus, etsi justiorem causam foverent, legat in Orientem ad Tiberium Orthodoxum imperatorem S. Leandrum Hispanensem episcopum, ut laborantibus sub gladio Ariano Catholicis suppicias ferret. De hac Leandi honorifica legatione meninuit S. Gregorius, cum de amicitiae usu qui intercesserat cum eo dum esset Constantinopoli agit ; ait enim⁴ : « Dudum te, frater beatissime, in Constantinopolitana urbe cognoscens, cum me illic Sedis Apostolicæ responsa constringerent, et te illuc injuncta pro causis fidei regis Wisigothorum legatio perduxisset ; omne tuis auribus,

¹ Greg. Tur. hist. Franc. I. v. c. 38. — ² Isidor. in Chron. Goth. — ³ Greg. Tur. eod. I v. c. 38.

⁴ Greg. in Praef. Mora.

quod de me displacebat exposui, etc. » Repetens suæ conversionis initia, et quomodo e monasterio abstractus ac diaconus ordinatus compulsa sit a Pontifice Romano Pelagio legationis pondus subire, seu potius apocrisiarii munus obire Constantinopoli.

36. Quomodo autem tunc monachis suis petentibus, quos secum Roma duxerat, ipsoque admittente S. Leandro, aggressus sit expositionem sacri voluminis Job, ita subdit : « Tunc eisdem fratribus, etiam te cogente placuit (sicut ipse meministi) ut librum beati Job exponere, importuna me petitione compellerent, etc. » Cœptum vero hoc anno opus illud Gregorius absolutum primo sui Pontificatus anno ad Leandrum id expertem misit, ut litteræ ipsius tunc ad eum scriptæ significant¹ necnon quæ in eundem in Job commentarium ipse præfatus est.

37. Quod vero ad Leandri legationem spectat, quæ obtinuerit apud Tiberium imp. haud satis liquet. Qui enim his temporibus rebus Persicis occupatus erat, haud eo statu positus fuisse videtur, ut adversus Gothos Arianos tam longe positos dirigeret vires Romani exercitus : tamen quod Gregorius Turonensis tradidit Græcorum copias presto fuisse Hermenegildo, putandum Tiberium, quibus potuit auxiliaribus copiis eidem adjumento tuisse. Quæ autem post hæc gesta sint, et quomodo proditione perfidi parentis tentus Hermenegildus, et in carcere occisus consecutus fuerit coronam martyrii, dicemus anno sequenti, quod tantum nefas contigit perpetrari.

38. *Controversie de fide inter Catholicos et Arianos, martyria et miracula.* — Quæ vero memoratu digna acciderint, dum ejusmodi civile bellum in Hispaniis exardesceret, ex diversis locis petita narremus, atque hæc in primis ex Gregorio Turonensi² : « In Hispaniis, inquit, nuper factum cognovi, cum Leuvigildus rex contra filium suum ambularet, atque exercitus ejus (ut assolet) graviter loca sancta concuteret. Monasterium erat S. Martini inter Seguntum atque Carthaginem Spartariam. Audientes autem monachi, quod hæc exercitus ad locum illum deberet accedere, fugam ineunt, et se, relieto abbate sene, in insulam maris abscondunt. Advenientibus autem Gothis, ac diripientibus res monasterii, quæ sine custode remanserant, abbatem senio incurvatum, sed sanitatem erectum offendunt, extractoque innus gladio quasi ampullaturus cervicem ejus, resupinus ruit ac spiritum exhalavit : reliqui vero hæc videntes, timore perterriti fugerunt. Quod cum regi nuntiatum fuisset, cum testificatione præcepit, omnia quæ ablata fuerant, monasterio restaurari.

39. « Cernens autem præfatus rex tanta miracula per servos Dei, qui nostræ religionis erant, fieri ; vocavit unum episcoporum suorum : dixitque secretius ad eum : Quamobrem vos, ut isti, qui se Christianos dicunt, non ostenditis signa in

populos secundum fidem vestram? Dicil ei episcopus : Saepius ego cœcis lumen reddidi, et surdis auditum, nunc autem hæc possum facere quæ dieis. Et vocato ad se uno de hæretieis, clanculo ait ad eum : Accipe quadraginta aureos, et clausis oculis reside in loco, unde nobis est transitus : et prætereunte mecum rege, exclama in virtute, ut perditum lumen mea tibi credulitate restituam. Cumque hie accepta pecunia fecisset quod sibi fuerat imperatum, procedit novus Cyrola ad dexteram constipatus hæretieorum caterva. Exclamat et iste cœcratus pecunia, ut fide episcopi reciperet oculos suos. At iste cum non minima arrogantia imponebat manus super oculos ejus, ait : Secundum fidem meam fiat tibi. Hæc eo dicente, ita obserati sunt oculi hominis cum dolore, ut non solum visum perderet, verum etiam dolum, quem avaritia impellente finxerat, publicaret ». Haetenus Gregorius, qui idecirco episcopum lumen, cuius non refert nomen, novum appellat Cyrolam, quod ejusdem nominis episcopus istiusmodi facinus tempore Wandalico in Africa perpetrasset, ut superiorius est dictum. Ejusmodi plane esse consuevere hæreticorum miracula, ut imposturis affectent agere, quod omnino denegat ipsis gratia Spiritus sancti in operatione virtutum, quæ tanquam certa atque legitima dos cum aliis charismatibus Ecclesiæ Catholice tantummodo impertita cognoscitur, veluti evidens signum, quo Catholici ab hæreticis internosci possint; nempe in ostensione signorum, que vere proprieque miracula dici queant.

40. Sed audi ab eodem auctore egregiam confessionem hominis Orthodoxi, quem ipse novit. Describit rem gestam his verbis¹ : « Sed et nostro tempore, cum incredulitas atque iniqua hæreticorum secta in locis Hispanie per malorum pessimas assertiones disseminata fuisse : quidam clericus apprehensus, Christianum se esse confessus est, assensu aequali Patri Filium et Spiritum sanctum. Cui rex qui præverat, oblatis muneribus, tanquam majorem se suppliciter deprecabatur, ut scilicet compressa confessione de sanctae Trinitatis aequalitate, minorem Patre Filium cum sancto Spiritu fateretur. Quod si faceret, facultatibus ditaretur, et magnus haberetur in populis. Quod illo consilium tanquam morsum viperæ fugiente, ac iniqui virus mortiferum respiente anguis; adjectit rex : Video, inquit, duram intentionem mentis insanæ ; sed novi temperamentum tuum, ut quem munera non deflectunt, facile tormenta subjiciant. At ille : Utinam dignus haberer, ait, in hac jugulari confessione; nam munera tua tanquam stercus exhorreo. Tunc iratus rex jussit eum ad trochleas extendi, et fortiter cædi, interrogans : Quid credis? Respondit : Jam tibi dixi : Credo deum Patrem omnipotentem, et Filium ejus Jesum Christum. Post hec cæsus est valde: sed semper durabat in confessione, neque unquam eum a fideli linea potuit hæc tor-

¹ Greg. l. i. Ep. xli. — ² Greg. Turon. de Glor. conf. c. 12. 43.

¹ Greg. de glor. mart. c. 82.

tura defletere. Nam in primordio cum cæderetur, tres tantum verberum ielus sensit, qui (ut poslea referebat) ipsam animam penetrarunt; reliqua vero flagella nequaquam, tanquam si aliquod velamentum dorso superpositum fuisset. Ita non sentiens, magis fidem quam cœperat, inter tormenta positus prædicabat. Itaque cum regi satisfactum de ejus ecede fuisset, dimissus est, obtestante eo, ne in terminis Hispanie unquam inveniretur. At ille latus discedens, in Gallias est regressus. Sed ut dictis fides adhibeatur; ego hominem vidi, qui hac ab ipsis clerici ore audita narravi». Hacenus de ipso Gregorius. Quid vero de confictu Orthodoxi tunc temporis inito cum haeretico, alibi idem auctor seribat, his attlexere, congruum existimamus: ait enim¹:

44. « Refulit alius vir fidelis, spectasse se Christianum cum haeretico pro fide nostra certantem. Altercabitusque diu de divinis Scripturis, cum deteti non posset haereticus, ut agnosceret veritatem, ait: Si nostræ religionis, si Scripturarum testimonia te ad credendum minime movent, vel virtutem individuæ Trinitatis experire. Est digito meo annulus aureus, ego eum in ignem jacio, tu carentem collige. Projectumque inter prunas annulum ita igniri permisit, ut eis similis cerneretur. Conversusque ad haereticum ait: Si vera est prosecutio tua, sume eum ab igne. Illo autem resistente, ait: Immensa Trinitas Deus, si quid indignum te credo, ostende: certe si recta est fides mea, nihil mihi prævalebunt hæc incendia sæva. Et ablatum ab igne annulum diutissime palma sustinuit, et nihil est nocitus; sed magis confuso haeretico, Catholicos reliquos fervore sue fidei roboravit». Hucusque Gregorius.

42. Sed non facenulum de Agilane Ariano homine misso legato ab eodem Leuvigildo rege hoc tempore ad Chilpericum, qui in via ad disputandum ipsum Gregorium provocavit. Quæ autem inter utrumque transacta fuerint, idem auctor² enarrat, recensetque disputationem tunc inter se habitam, perbrevem illam quidem, ac non ut exigebat ratio argumenti, sed humilem atque pedestrem, si conferas cum illis quæ ab aliis sanctis Patribus adversus haereticos copiosius atque nervosius allata sunt. Sed audiamus ipsam ab ipsem et Gregorio descriptam his verbis:

43. « Leuvigildus (Leuvioldus) vero rex Agilanum legatum ad Chilpericum mittit, virum nullius ingeni aut dispositionis ratione peritum, sed tantum voluntate in Catholica lege perversum. Quem cum via Turonos detulisset, lacessire nos de tide et impugnare Ecclesiastica dogmata cœpit: In qua enim, inquit, fuit antiquorum episcoporum lata sententia, quæ aequalem asseruit Filium Patri. Nam qualiter, inquit, poterit esse Patri aequalis in potestate, qui ait: Pater major me est? Non est

ergo æquum, ut ei similis aestimetur, quo se minorem dicit, qui tristitia mortis ingemuit, cui postremo moriens spiritum quasi nulla prælitus potestate commendat. Vide Patre eum et astate et potestate paterna minorem. Ad hanc ego interrogo: Si cederet Iesum Christum Filium Dei esse, si cunctemque esse Dei sapientiam, si lumen, si veritatem, si vitam, si justitiam fateretur. Qui ait: Credo haec omnia esse Filium Dei. Etego: Die ergo mihi: Quando Pater sine sapientia? Quando sine lumine? Quando sine vita? Quando sine veritate? Quando sine justitia fuerit? Sicut enim Pater sine ipsis esse non potuit, ita et sine Filio esse non potuit, quæ maxime et Dominicis nominis mysterio coaptantur. Sed nec Pater esset ubique, si tilium non haberet. Quod autem eum dixisse ait: Pater maior me est: Seias eum hoc ex assumpta carnis humilitate dixisse, ut cognoscas, non potestate, sed humilitate te fuisse redemptum. Nam tu, qui dicas: Pater major me est, oportet meminisse quod alibi ait: Ego et Pater unus sumus. Nam et mortis timor, et commendatio spiritus ad infirmitatem corporis est referenda, ut sicut verus Deus, ita et verus homo credatur.

44. « Et ille: Cujus quis implet voluntatem, eo et minor est: semper Filius minor est Patre, quia ille facit voluntatem Patris, nec Pater illius voluntatem facere comprobatur. Ad hanc ego: Intellige quia Pater in Filio, et Filius in Patre in una semper Deitate subsistit. Nam ut cognoscas Patrem Filii facere voluntatem: si in te fides Evangelica manet, audi quid ipse Jesus Deus noster, cum ad resuscitatum venit Lazarum, ait: Pater, gratias ago tibi, quoniam audisti me: et ego sciebam quia semper me audis; sed propter turbam quæ circumstat, dixi, ut credant quia tu me misisti. Sed et cum ad passionem venit, ait: Pater, clarifica me claritate, quam habui apud temetipsum, priusquam mundus fieret. Cui Pater de cælo respondit: Et clarificavi, et iterum clarificabo. Aequalis est ergo Filius in Deitate, non minor, sed neque aliquid minus habens: nam si Deum confiteris, necesse est integrum latearis, et nihil egentem; si vero integrum esse negas, Deum esse non eredis. Et ille: Ex assumptione hominis cœpit Filius Dei vocari: nam erat quando non erat. Et ego: Audi David dicentem: Ex utero ante Luciferum genui te. Et Joannes Evangelista ait: In principio erat Verbum, et Verbum erat apud Deum, et Deus erat Verbum: et hoc Verbum caro factum est, et habitavit in nobis: per quem facta sunt omnia. Nam vos caecati veneno persuasoris nihil dignum de Deo sentitis.

45. « Et ille: Numquid et sanctum Spiritum Deum dicitis, aut aequalem Patri Filioque decernitis? Cui ego: Una in tribus est voluntas, potestas, et operatio. Unus Deus in Trinitate, et unus in unitate: tres personæ, sed unum regnum, una majestas, una potentia, omnipotentiæque. Et ille: Spiritus sanctus, inquit, quem aequalem Patri protertis ac Filio, utrinque minor accipitur: quia et a

¹ Greg. Tur. de g. or. conf. c. 14. — ² Greg. Tur. hist. Franc. l. v. c. 13.

Filio promissus, et a Patre legitur missus : nemo enim promittit, nisi quod suæ dominationi subsistit : et nemo mittit nisi inferiorem se, sicut ipse ait in Evangelio : Nisi abiero, Paracletus ille non veniet ; si autem abiero, mittam illum ad vos. Ad hæc ego respondi : Bene Filius ante passionem ait : quia nisi ille ad Patrem vicerit remeaverit, ac proprio sanguine redempto mundo dignum Deo ex homine præparet habitaculum, non potest sanctus Spiritus idem Deus in pectore fanatico et originalis criminis labe infecto descendere : Spiritus enim sanctus (ait Salomon) effugiet fictum. Tu autem si spem aliquam resurrectionis habes, noli loqui adversus Spiritum sanctum ; quia juxta sententiam Domini, Spiritum sanctum blasphemanti non remittetur neque in hoc sæculo, neque in futuro. Et ille : Deus est qui mittit : non est Deus qui mittitur. Ad hæc interrogo, si crederet doctrinam Petri et Pauli Apostolorum ? Respondente eo : Credo. Adjeci : Cum argueret Petrus Apostolus Ananiam pro fronde fundi, vide quid dicat : Quid enim tibi visum est mentiri Spiritui sancto ? non es mentitus hominibus, sed Deo. Et Paulus, cum gratiarum spirituallium distingueret gradus : Hæc omnia, inquit, operatur unus atque idem Spiritus dividens uniuersique sicut vult. Qui enim quod voluerit facit, in nullius redigitur potestatem. Non et vos (ut superius dixi) nihil recte de Trinitate sancta sentitis : et quam iniqua sunt hujus sectæ perversitas, ipsius auctoris vestri, id est, Arii expressit interitus.

46. « Ad hæc ille : Legem quam non colis, blasphemare noli : Nos vero quæ creditis, etsi non credimus, non tamen blasphemamus ; quia non deputatur criminis, si et illa et alia colantur : sic enim vulgato sermone dicimus : Non esse noxiū, si inter Gentilium aras, et Dei Ecclesiam quis transiens, ultraque veneretur ». Vides in quam jam Ariani fuerint lapsi dementiam, ut qui semel a vero cultu religionis exciderint, omnem impietatem purarent esse colendam. Sed pergit Gregorius : « Cujus ego stultitiam cernens, aio : Ut video, et Gentilium defensorem et haereticorum assertorem te esse maniferas, cum, et Ecclesiastica dogmata maculas, et paganorum spurcias prædicas adorari. Satius, inquit, faceres, si ea te armaret fides, quam Abraham ad ilicem, Isaac in ariete, Jacob in lapide, Moyses vidit in sente ; quam Aaron portavit in Logio, David exultavit in tympano, Salomon prædicavit in intellectu ; quam omnes patriarchæ, prophetæ, sive lex ipsa vel oracula cecinuit, vel sacrificiis figuravit ; quam et nunc præsens suffragator Martinus noster vel possedit in pectore, vel ostendit in opere : ut et tu conversus crederes inseparabilem Trinitatem, et accepta a nobis benedictione, purgatoque a malo credulitatis veneno pectore, delerentur iniuriantes tuæ. At ille furor commotus, nescio quid quasi insanus frendens, ait : Ante anima ab hujus corporis vinculis emicet, quam ab ullo religionis vestrae sacerdote benedictionem accipiam. Et ego : Nec nostram Dominus

religionem sive fidem ita tepeccere faciat, ut distribuamus sanctum ejus canibus, ac pretiosarum margaritarum sacra porcis squallentibus exponamus. Ad hæc ille, relieta altercatione, surrexit et abiit. Sed post hæc cum in Hispanias reversus fuisset, infirmitate debilitatus ad nostram religionem, necessitate cogente, conversus est ». Haec enim Gregorius : qui diversis in locis quæ hoc tempore intercesserunt inter Catholicos et Arianos facta recenset, et quidem seitu dignissima, ut memorabile illud de Leone episcopo Agathensi adversus Gomacharium comitem, qui administrabat provinciam a Leovigildo rege Arianu[m] praefectus. Sub Gothorum namque ditione eam fuisse civitatem, idem Gregorius alibi tradit. Narrat autem rem gestam his verbis¹ :

47. « Ecclesia quoque Agathensis urbis, quæ S. Andreæ reliquiis plandit, plerumque gloriis illustratur miraculis ; pervasores rerum suarum sapientia arguit. Denique Gomacharius comes agrum Ecclesiæ ipsius pervadit. Tunc Leo episcopus hujus Ecclesiæ valde molestus concurrit ad eum dicens : Relinque, lili, res pauperum, quas ordinationi nostræ Dominus commendavit ; ne tibi sit noxiū, et a lacrymis egentium, qui de fructibus ejus ali consueverunt, eneceris. Ille vero quia haereticus erat, parvipendens quæ de his ab episcopo dicebantur, rem in sua dominatione retinuit. Interim procedente die, arripitur a febre. Cumque non modo ardore corporeo, verum etiam animæ vexaretur incommodo ; misit ad episcopum nuntios, dicens : Dignetur pro me sacerdos orationem ad Dominum fundere, et ego dimittam agrum ejus. Quo orante, hic a valetudine qua gravabatur convalesuit ; factusque sanus, ait suis : Quid putatis quod isti nunc Romani dicant ? Aiunt enim, me ob hoc fuisse febre gravatum, quod tulerim agrum eorum : quod mihi iuxta consuetudinem humani corporis accidit. Verumtamen non habebam eum, me vivente ». Sed antequam ulterius progrediamur, attende nomenclaturam : appellat Romanos Catholicos, licet Gallos, quod idem apud Arianos esset dicere Romanos ac Catholicos, ut observavimus in Victore Utrechtensi et aliis, ob prærogativam videlicet Romanæ Ecclesiæ : quod et alio quoque exemplo ex eodem Gregorio paulo inferius patebit. Pergit vero ipse Gregorius :

48. « Quod cum episcopus compumperisset, venit ad eum, dicens : Num penitent te fecisse bene, quod hoc iterum conaris evertere ? Ne facias, queso, ne ultioni divinae subjaceas. Qui ait ad episcopum : Sile, sile, decrepite : jam infrænum te loris circumire urbem super asinam faciam, ut sis in ridiculo omnibus qui te adspexerint. At ille silens, ad nota recurrit præsidia. Prosternitur in oratione, celebrat vigilias, et noctem totam in lacrymis et psallentio ducit. Mane autem facto, accedit ad Ichnos qui de camera Ecclesiæ dependebant, extendensque virgam, quam tenebat in manu, effregit cunctos,

¹ Greg. hist. l. vi. c. 2. — ² Greg. de glor. mart. l. i. c. 79.

dicens : Non hic accendetur lumen : donec uleiscatur Deus de inimicis, et restituat res Ecclesie suæ.

49. « Hæc eo dicente, protinus haereticus ille in redivivam febrem corruit. Cumque in extremis ageret, misit ad episcopum, dicens : Oret pro me sacerdos ad Dominum, ut vivam : et restituam agrum, ac similem ejus conferam dominationi. Quibus Pontifex respondit : Jam oravi ad Dominum, et exaudiuit me. Misit et alios et tertios ad eum nuntios ; sed sacerdos in uno responso persistens non movebatur ad hæc, ut pro eo orationem daret ad Dominum. Ille haereticus cernens, jussit se in plaustro componi, atque ad eum evehi, ac per se deprecari episcopum, dicens : Quia dupla satisfactione restituo agrum, quem iniuste pervasi ; tantum ut oret pro me sanctitas tua. Illo quoque recusante, compulit eum vi, ut abiret ad Ecclesiam. Quo discedente, ut Ecclesiam est ingressus, et hic spiritum exhalavit : recepitque confessum Ecclesia rem suam ». Hæc Gregorius de comite Ariano, moxque subiungit de presbytero itidem Ariano presbyterum Catholicum deludente presentaneum pavendumque Dei judicium, quod ipse auctor veritatis tantummodo cupidus, simpliciter ut res gesta fuit, enarrat his verbis¹ :

50. « Mulier quedam erat Catholica habens virum haereticum : ad quam cum venisset presbyter nostræ religionis valde Catholicus, ait mulier ad virum suum : Peto charitati tuæ, ut pro adventu hujus sacerdotis, qui me visitare dignatus est, letitia habeatur in domo nostra, ac preparatum dignis impendiis prandium epulemur cum eo. Promittente autem viro ejus, sic se, ut illa flagitabat, facturum : advenit et aliis haereticorum presbyter. Dixitque vir mulieri : Duplicata est letitia hodie, eo quod sint sacerdotes utriusque religionis in domo nostra. Discubentibus autem ad convivium, vir ille cum presbytero dexteræ partis cornu occupat, Catholicum ad sinistram statuens, positaque ad lævam ejus sellula, in qua coniux ejus resideret. Dixitque vir ad presbyterum haereticum : Si consenseris dictioribus meis, exerceamus hodie cachinnum de hoc Romanorum presbytero, ut scilicet deposito fereulo, tu celerius signare festines : cumque ille manum non posuerit, illo tristante, nos cum letitia comedamus cibum (mos enim in Ecclesia erat, ut de benedictionibus haereticorum nemo Catholicus participaret) : Cui ille : Faciam, inquit, quod præcipis.

51. « Denique veniente disco cum oleribus, signavit haereticus, posuitque primus manum suam. Quod cernens mulier, ait : Ne feceris, quia ingrate fero injuriam sacerdotis. Et exhibito alio cibo, sumpsit Catholicus. In secundo vero et tertio fereulo similiter fecit haereticus. Quarto autem exhibito, cuius in medio sartago fervens advenerat, in qua compositus erat cibus ille, qui ex collisis uvis, parum permixta farina, dactylorum partibus, oli-

varumque rotunditatibus assolet exornari : festinans haereticus, priusquam ferenulum illud vel mensam tangeret, elevata obviana manu signat : statimque positum colearium sumit, non intelligens an caleret, ferventemque cibum velociter deglutivit. Protinus accenso pectore vestuari cepit, emissaque cum suspirio immenso ventris strepitu, nequam spiritum exhalavit : ablatusque de convivio, locatus in tumulo, terrene molis congerie est coopertus. Tunc exultans presbyter nostræ religionis, ait : Vere ultius est Deus servos suos. Et conversus ad virum cuius erat convivium, dixit : Perit hujus memoria cum sonitu, et Dominus in aeternum permanet : tu vero appone quod comedam. Tunc homo ille perterritus, expleto convivio, pro voluntus est ad pedes presbyteri, conversusque ad fidem Catholicam, credidit cum domo sua qui in hac perfidia tenebatur, et multiplicata est laetitia, sicut prins mulier flagitaverat ». Ita tamen de re gesta Gregorius, qua terribili iudicio dominus derisorum derisit, secundum Scripturæ divinæ elo- gium² : « Erit Moab in derisum et in exemplum omnibus in circuitu suo ».

52. Subjicit his controversiam de fide habitam inter Catholicum diaconum et Arianum presbyterum, quæ miraculo direpta est : remque tunc gestam sic narrat² : « Arianorum presbyter cum diacono nostræ religionis altercationem habebat, proferens contra Dei Filium ac Spiritum sanctum (ut mos est genti) venenosas assertiones. At ille cum diu multumque nonnulla de fidei nostræ ratione disseruisse, et haereticus perfidie obsecratus caligine, quæ erant vera respueret, juxta illud : Quia in malevolam animam non introibit sapientia ; adjecte dicens : Quid longis sermocinationum intentionibus fatigamur? factis rei veritas approbatetur : Succendatur igni æneus, et in ferventi aqua annulus alicujus projiciatur. Qui vero eum ex ferventi unda sustulerit, ille justitiam consequi comprobetur : quo facto pars diversa ad cognitionem hujus justitiae converlatur. Intellige itaque et tu, haereticus, si haec pars nostra, Spiritu sancto adjuvante, compleverit ; nihil in sancta Trinitate dissonum, nihil esse dissimile fatearis. Consensit haereticus hinc definitioni, et initio usque mane placito discesserunt.

53. « Sed fidei fervor, per quem hæc primum diaconus protulerat, cepit, inimico insidiante, tepescere. Diluculo autem surgit, brachium infundit oleo, unguento conspergil ; sed tamen loca sancta circuit, et dominum deprecatur. Quid plura? Carea horam tertiam in foro conveniunt : concurrevit populus ad spectaculum : accenditur ignis, æneus superponitur, fervet valde, annulus in unda fervente projicitur. Invitat primum diaconus haereticum ut ipse eum a calore auferat ; sed statim recusat, dicens : Qui hanc sententiam protulisti, debes auferre. Diaconus vero licet trepidus, tamen denu-

¹ Greg. Turon. de glor. mart. l. v. c. 80.

² Hierem. XLVIII. — ² Greg. de Glor. mart. l. i. c. 81.

dat brachium. Cumque ipsum vidisset nunguentis hæreticus presbyter delibutum, exclamavit dicens : Magicis artibus te elitandum putasti, ut hæc unguenta diffunderes : nec valebunt ista quæ agis.

54. « His itaque litigantibus, supervenit diaconus ab urbe Ravenna Hyacinthus nomine; sciscitansque quæ esset hæc alteratio, ut veritatem cognovit, nec moratus, extracto a vestimentis brachio, in æneum dexteram mergit. Annulus autem qui ejectus fuerat, erat valde levis ac parvulus, nec minus ferebatur ab unda, quam vento ferri posset vel palea. Quem diu mulumque quæsitum infra unius horæ spatium reperit. Accendebatur interea vehementer focus ille sub dolio, quo validius fervens non facile assequi posset annulus a manu quærentis; extractusque tandem. Nihil diaconus sensit in carne sua, sed potius protestatur, in imo quidem frigidum esse æneum, in summitate vero calore teporis modici continentem. Quod cernens hæreticus, valde confusus injicit audax manum in æneo, dicens : Præstabat mihi hæc fides mea. Injecta manu protinus usque ad ipsa ossium internodia omnis caro liquefacta defluxit, et sic alteratio finem accepit ». Ista Gregorius : sed de miraculis jam satis ad pietatem.

55. *Chilpericus rex in Sabellianam hæresim lapsus resipiscit.* — Ad postremum autem quid hoc item anno configerit de rege Francorum Chilperico Arianam hæresim insectante, videamus. Accedit enim, ut cum idem rex adversus ipsos pugnans victor regreditur, ab alia his contraria hæreticorum turma fuerit captivus abductus, vixque tandem a suis Catholicis liberatus; cum videlicet expugnans suis etiam scriptis Arianos a Sabellianis tenetur deprehensus erroribus. Non audi Gregorium¹ qui rem gestam narrat : « Per idem, inquit, tempus Chilpericus rex scripsit indiculum, ut sancta Trinitas non in personarum distinctione, sed tantum Deus nominaretur, asserens indignum esse ut Deus persona, sicut homo carneus nominetur; affirmans etiam ipsum esse Patrem qui est Filius, idemque ipsum esse Spiritum sanctum qui est Pater et Filius : Sie, inquit, prophetis ac patriarchis apparuit, sic eum ipsa lex nuntiavit. Cumque haec mihi recitari jussisset : Sic, inquit, volo ut tu et reliqui doctores Ecclesiarum credatis. Cui ego respondi : Hac credulitate relicta, pie rex, hoc te oportet sequi, quod nobis post Apostolos alii doctores Ecclesiæ reliquerunt; quod Hilarius Eusebiusque docuerunt; quod et in baptismo es confessus. Tunc iratus rex ait : Manifestum est mihi in hac causa Hilarium Eusebiumque validos inimicos haberi. Cui ego respondi : Observare te convenit, neque Deum neque sanctos ejus habere offensos. Nam scias quia in persona alter Pater, alter Filius, alter Spiritus sanctus. Non Pater assumpsit carnem, neque Spiritus sanctus, sed Filius : ut qui erat Dei Filius, ipse ad redemptionem hominis filius habe-

retur et Virginis. Non Pater passus, neque Spiritus sanctus, sed Filius : ut qui carnem assumperat in mundo, ipse offerretur pro mundo. De personis vero quod ais, non corporaliter, sed spiritualiter sentiendum est. In his ergo tribus personis una gloria, una aeternitas, una potestas.

56. « At ille commotus ait : Sapientioribus te hoc pandam, qui mihi consentiant. Et ego : Numquam erit sapiens, sed stultus, qui hæc que proponebis, sequi voluerit. Ad hæc ille trepidans siluit. Non post mullos vero dies adveniente Salvio Albigensi episcopo, hæc ei præcepit recenseri, deprecans ut sibi consentaneis fieret. Quod ille audiens, ita respuit, ut si chartam, in qua hæc scripta tenebatur, potuisset attingere, in frusta dispergeret. Et sic rex ab hæc intentione quievit ». Hæc de regis Sabellianismo. Addit Gregorius, fuisse Chilpericum poetis facultatibus leviter exultum, addidisseque Graeca elementa Latinis. Celebrat eum quidem Fortunatus² ut omnium Francorum regum antecessorum et æqualium doctissimum, linguisque in primis varias callentem : unde ipse :

Discernens varias, sed nullo interprete voces,
Et generum linguas unica lingua refert.

Et inferius :

Inter utrumque sagax armis et jure probaris :
Belliger hinc radias, legifer inde micas.
De virtute pater reparatur, avunculus ore,
Doctrina studio vineis et omne genus.

Et de poetica facultate :

Regibus æqualis, de carmine major haberis
Dignate vel qualis non fuit ante patens.
Te arma ferunt generis similem, sed littera præfert.
Sic regum veterum pars simul, atque prior.
Admirande mihi unum rex, cuius opinie
Prælia robur agit, carniaua luna poht.
Legibus arma regis, et leges dirigis armis.
Artis diversæ sic simul itur iter, etc.

Humanum fuit deliquisse regem, et excusatione dignum, quod dum fertur præceps in pugnam adversus Arium, transgressus limitem in Sabellianum impegil, ac Christianissimi regis præclarum reliquum exemplum, cum contraria adstruenteribus sacerdotibus acquievit. Sed ad felices sanctorum ad Deum transitus veniamus.

57. *S. Maurili episcopi Cadurcensis aliorumque sanctorum virorum obitus.* — Hoc enim anno S. Maurilium episcopum Cadurcensem miræ sanctitatis virum ex hac vita migrasse, idem tradit Gregorius³ qui ejus virtutes recenset ac celebrat : itemque sanctum Agricolam Cabilonensem antistitem evocatum ad superos addit³. Fuit hic filius senioris Agricolæ æque sancti, a quo una cum

¹ Greg. Tur. l. v. c. 44.

² Fortun. carm. l. ix. — ³ Greg. hist. Franc. l. v. c. 42. — ³ Greg. eod. l. c. 45.

juniore Agricola Venantius Fortunatus sacris litteris instructus fuit, ut ipse Epigrammate testatum reliquit¹ ad Agricolam episcopum Cabilonensem, quod alia occasione superius est recitatum.

58. Jungit eidem coronæ sanctorum Gregorius Dalmatium Ruthenæ civitatis episcopum æque hoc anno ad cœlestia gaudia evocatum. Quam autem terribili Dei judicio poenas dederit, qui adversus eum probra jacere et blasphemare presumpsit, a Gregorio ita accipe²: « Transobadus autem presbyter epulum in ipsa urbe clericis preparat. Residentibus autem illis, unus presbyterorum cœpit

antistitem memoratum impudicis blasphemare sermonibus, et usque ad hoc erupit, ut cum delirum et fatuum nominaret. Hec eo dicente, pincerna poculum oblaturus advenit. At ille acceptum dum ori proximat, tremere cœpit; laxatoque de manu calice, super alinum qui sibi erat proximus caput reclinans, reddidit spiritum: ablatusque ab epulo ad sepulcrum humo conlectus est ». Haec Gregorius. Moritur et his Tiberii imperatoris temporibus in Palæstina Sisinnius ex episcopo factus anachoreta, itemque ejus discipulus magistro sanctitate non impar, ut exitus declaravit³.

¹ Fortun. carm. I. vi. — ² Greg. hist. I. vi. c. 46.

³ Apud Soph. prat. spir. c. 93.

Anno periodi Graeco-Romanæ 6076. — Anno Aëre Hispan. 621. — Jesu Christi 583 — Pelagi II papæ 6. — Mauritiū hæc. 2.

4. *Postconsulatus*. — Auctor Chronicus Alexandrinus hoc anno scribit: « Primus annus (Maurilii, scilicet) caruit consulibus: atque ex communi hominum sensu scriptum est: Post consulatum divinæ memoriae Tiberii Constantini anno quarto ».

2. *Acta aliis annis*. — A num. t ad t5. Que habet hic Baronius Iam de bello *Persico*, quam de *Tiberii* et *Mauritii* virtutibus, ac de sancti *Gregorii*, qui postea Pontifex Romanus fuit, monachatu, diaconatu, et legatione ad aulam Constantinopolitanam, ad suos annos revocanda, juxta ea quæ suis locis jam exposuitur.

3. *Concilium Brennacense*. — A num. t5 ad 23. Concilium *Brennacense* celebratum in causa Gregorii Turonensis, cum accusatus fuisset, quod in *Fredegundem Chilperici regis uxorem*, et in *Bertherannum* Burdigensem episcopum crimen nefarium composuisset, pertinet ad annum quingentesimum octogesimum. Gregorius enim lib. 5, cap. 49, ubi de illo disserit, narrat quæ gesta sunt anno quinto Childeberti regis, qui eo Christi anno in cursu erat. Eo in Concilio *Gregorius* sanctitate vitæ conspicuus favorabili episcoporum sententia absolutus est, ut ex eodem fuse Baronius refert. Fuit porro *Brennacum*, vulgo *Braine*, villa regia pagi regniique *Suessionici*, posita ad *Vidulam* fluvialem; in qua *Clotarius* extruxerat regiam, ubi et ejus thesauri servabantur. Hic locus hodie insignis abbatia *Praemonstratensis*, vulgo *Saint Jued*, ob *Basilicam* sancto *Euhodio* saeram. De hac villa legendi *Valesius* in *Notitia Galliarum* in voce *Brennacum* et *Mabillonius* lib. 4 de re Diplomat.

pag. 233, ubi et ostendit, *Brennacum* time temporis Ecclesie Rotomagensis juri subditam fuisse.

4. *Duo Chilperici regis filii dysenteria extincti*. — A num. 23 ad 26. Gregorius Turonensis lib. 5, cap. 34 et seqq. narrat, morbum dysentericum mense *Augusto* post varia prodigia grassari cœpisse, regibus Francorum inter se jam dissidentibus, et bellum civile parantibus. *Chilpericus* rex primum ægrotavit, et non multo post duos filios amisit, *Chlodobertum* scilicet, et *Dagobertum*, ut hi hie a *Venantio* in utrinque *Epitaphio* lib. 8, Carm. 4 et 5 appellatur, ubi et *Chlodobertus* tria lustra vñisse dicitur. Baronius, hujus dysenteriae occasione scribit, magnam pestem in Galliis anno, quo *Brennacense* Concilium celebratum, grassataam esse. Verum Turonensis non de *peste*, sed de *dysenteria*, id est, intestinorum torminibus loquitur, et Cicero *dysenteriam*, viseerum morbum vocat, ut videre est apud Henricum Stephanum in *Thesauro linguae græcae*. Narrat haec Gregorius anno v *Childeberti* regis, quæ ideo ad annum *DLXXX* revocanda.

5. *Clodoveus filius Chilperici necatur*. — Ad num. 26. *Fredegundis* uxor Chilperici regis, et noverca Clodovei hunc eum *Audovera* matre, quæ *Fredegundis* ancilla erat, occidi jussit. « Soror illius (nempe *Audoveræ*) in monasterio, delusa a pueris reginæ, transmittitur: opes eorum omnes reginæ defatæ sunt », inquit Turonensis citatus. *Basina* itaque *Audoveræ* soror primum delusa seu stuprata fuit a famulis *Fredegundis*, postea in monasterio *Pictaviensi* inclusa, ubi cum *Chrodielde* Chariberti quondam regis filia graves tumultus ad-

versus abbatissam concilavit, de quibus suo loco. Verum gesta haec anno DLXXX, qui Childeberti regis quintus erat.

6. *Austrigildis regina moritur.* — Ad num. 27. Gregorius lib. 5, cap. 35, narrat mortem *Austrigildis* uxoris Guntramni regis, que adeo crudelis fuit, ut duos medicos, *qui ei studium adlibnerant*, gladio feriri preeceperit, ut mortis participes haberet. Sed factum etiam id anno DLXXX, cum Turonensis ibidem agat de rebus anno v Childeberti regis gestis. De ejusdem reginæ interitu loquitur Marius ad annum ii consulatus Tiberii, Indict. xiv, quibus characteribus ipse annum Christi DLXXXI designat : « Ea Indictione, inquit, mense Septembri Austrigildis regina obiit, post enjus transitum interfici sunt duo medici, Nicolans et Donatus ». Rex enim, ut habet Gregorius Turonensis, *implerit preceptum iniquitatis* ab Austrigilde factum. Verum Marius, qui Tiberii initium tardius consignavit in ea morte narranda in errorem etiam lapsus est. Ab *Austrigildis* morte Guntramnus rex in perpetuo cœlibatu vitam duxit.

7. *Nantinus comes extinguitur.* — Ad n. 28. *Nantinus* comes Incolensis morbo dysenterico correptus pœnas scelerum suorum luit, ut scribit Turonensis lib. 5, cap. 37, narrans quæ accidere anno quinto Childeberti regis, qui in an. Christi DLXXXI convenit, indeque intelligimus Galliam eo anno dysenteria valde afflictam fuisse, licet Baronius tam *Nantinum*, quam *Austrigildem* peste perire scribat.

8. *Moritur S. Martinus Apostolus Suevorum.* — A num. 29 ad 32. Turonensis lib. 5, cap. 37, annoque v Childeberti regis, ait : « Hoc tempore et beatus Martinus Gallicensis episcopus obiit ». Paulo post : « In sacerdotio impletis plus minus triginta annis, plenus virtutibus migravit ad Dominum ». Mabillonius saeculo primo Benedictino in Elogio sancti Martini episcopi et abbatis Dumiensis primi, num. 45, recte scribit, ex his Gregorii verbis, nec plane constare, quo anno S. Martinus in caelos migraverit, nec quantum temporis episcopatum tenuerit. Hi etenim loquendi modi, *hoc tempore, et plus minus triginta annis*, hominem incertum et fluctuantem produnt. Addo, Turonensem, de his quæ extra Gallias contigere, plerumque satis edoctum non fuisse, ut pluribus exemplis liquet. Verbi gratia lib. 8, cap. 46, *Leovigildi Hispaniarum regis mortem* cum anno Childeberti xii, qui in an. DLXXXVII convenit, alligat. *Desiderium* Francorum ducem, quem Biclariensis a ducibus Reccaredi post Leovigildi patris mortem prælio superatum, cœsumque asserit anno v Mauriti Aug. et Reccaredi primo, Turonensis lib. 6, cap. 34, an. viii Childeberti regis, Christi se. DLXXXII, Leovigildo regnante, prolligatum tradit. Denique lib. 5, cap. 30, asserit, *Justinum juniores* impleto imperii xviii anno vitam finisse, quod manifeste falsum est. Quare cum *Theodemirus* Suevorum rex hæresim Arianam hujus sancti præsulis horlatu ejurari, et ante annum

DLVII aut insequentem regnare non cœperit, *Martinus* triginta annos episcopus esse non potuit, nisi post annum quintum Childeberti, Christique DLXXX e vivis excesserit. Praeter *Collectionem canonum Orientalium* ex Græcis Synodis, *Sententias Ægyptiorum Patrum*, quas e græco in linguam lati- nam verili, *Formulam honestæ ritæ*, seu de *Differentiis quatuor virtutum cardinalium*, quæ Opuscula lucem viderunt, reliquit quædam alia ingenii sui monumenta nondum publici juris facta. Inter ea est tractatus *de Paschate*, in quo testatur, « a plerisque Gallicanis episcopis ad suum fere tempus id eiusloditum, ut semper VIII kal. April. diem Paschæ celebrarent, in quo facta Christi Resurrec- tio traditur ». Verum sanctus Martinus hac in re Gregorium Turonensem, qui hoc ipso tempore in Gallia vivebat, contrarium habet, qui, ut vidimus anno DLXXXVII, num. 5..... loquitur de controversia, quæ eo anno extitit in Galliis de die Paschatis, quam etiam controversiam aliis quibusdam annis agitata fuisse memorat. Originem erroris S. Martini alio in loco aperiens.

9. *Leovigildus rex Visigothorum filium Hermenegildum vexat.* — A num. 32 ad 42. *Leovigildus* Gothorum in Hispania commorantium rex anno quingentesimo octogesimo magnam adversus Orthodoxos excitavit persecutiōnem, quam memorat Turonensis lib. 5, cap. 38, loquens de gestis anno quinto Childeberti regis, qui eo Christi anno obtinebat. Moluum causa et origo fuit dissidium inter *Leovigildum* et *Hermenegildum* ejus filium, de quo Biclariensis abbas in Chronico hec habet : « An. iii Tiberii imp. qui est Leovigildi xi annus, Leovigildus rex Hermenegildo filio suo filiam Siberti regis Francorum in matrimonium tradit : et provinciæ partem ad regnandum tribuit. Leovigildo ergo quieta pace regnante adversariorum domestica rixa conturbat. Nam eodem anno filius ejus Hermenegildus factione Goisvinthæ reginæ tyrannidem assumens in Hispali civitate rebellione facta recluditur, et alias civitates atque castella secum contra palrem rebellare facit. Quæ causa in provincia Hispaniæ tam Gothis quam Romanis majoris exiti, quam adversariorum infestatio fuit ». Annus iii Tiberii Aug. in annum DLXXXI incidit, ideoque Biclariensis abbas, quoad rei geste annum, a Gregorio non dissentit.

10. *Persecutio a Leovigildo rege excitata juxta narrationem Turonensis.* — Verum quoad rem ipsam, aliter eam Gregorius Turonensis narrat, ut legere est apud Baronium. Tumullum origo fuit *Goisvintha* Brunichildis Sigiberti quondam regis uxoris mater, *Childeberti II* regis avia, quæ post *Athanagildi* Hispaniae regis obitum *Leovigildo* nuperat duos jam filios habenti, quorum senior *Hermenegildus Ingundem* Childeberti sororem, junior *Richardus Rigunthem* Chilperici filiam desponde- runt. *Ingundis* ad sponsum in Hispaniam prolecta, cum Arianam perfidiam sequi nollet, ab avia sœpe in terram collisa, diu calcibus verberata, et piscinæ

immersa multas ærumnas pertulit, donec ejusdem *Goisvinthæ* suasu in unam civitatem procul ab aula regia cum marito relegata, eum ad fidem Catholicam convertit. Exarsit inde vehementis odium *Leuwigildi* in filium, illicque vocatis in auxilium Graecis praefecto Tiberii Augusti se junxit, deinde Basilicam, quæ vicina erat, expedit, nefas ratus aut patrem a filio, aut filium a patre trucidari. Quod audiens *Leuwigildns* ad eum misit *Richaredum*, qui dato securitatis sacramento induxit in animum fratri, ut egressus Ecclesia se parentis sui pedibus advolveret, veniam proculdubio impetraturus. Prostratum *Leuwigildus* blandis sermonibus definitum duxit ad castra. Tunc oblitus sacramenti eum vestimentis spoliavit, vilique panno indutum jussit in exilium detruiri. Ita Turonensis citatus.

11. *Disputat Turonensis cum legato Ariano Leuwigildi regis.* — A num. 42 ad 53. Priorquam convocaretur Synodus *Brennacensis*, Gregorio Turonensi egregium in civitate Turonensi certamen fuit de fide sanctæ *Trinitatis* cum *Agilane* Leuwigildi Gothorum regis legato Ariano ad Chilpericum proficidente, qui licet negasset, se unquam fore Catholicum, reversus tamen in Hispaniam, eum in uorbum incidisset, Catholicam religionem amplecti non dubitavit, ut ipsem Gregorius lib. 3, cap. 44, loquens de gestis anno Childeberti regis v. testatur. Itanc disputationem recitat Baronius hoc anno, quæ tamen, ut ex dictis liquet, ad annum DLXXX perfimet.

12. *Chilpericus rex in errorem Sabellii incidit.* — Ad num. 53 et seqq. Cum episcopi ad Synodum *Brennacensem* contulerent, *Chilpericus* rex qui præceps in pugnæ ruens adversus Arianos, qui Filium Patri consubstantiale negabant, et limitem prætergressus inciderat in errorem Sabellii, qui docuit Patrem et Filium et Spiritum sanctum esse unam personam, sed nomina tria, Gregorium Turonensem episcopum frustra conatus est ad suas partes pertrahere: « Non post multos vero dies adveniente *Salvio Albiensi* episcopo, hæc ei præcepit (nempe Chilpericus rex) recenseri, deprecans, ut sibi consentaneus fieret. Quod ille audiens, ita respuit ut si chartam, in qua hæc scripta tenebantur, potuisse attingere, in frusta disperceret, et sic rex ab hac intentione quievit », inquit Gregorius lib. 5, cap. 43, ubi agit de rebus anno v Childeberti regis transactis, ideoque anno Christi DLXXX.

13. *Maurilius, Agricola et Dalmatius episcopi Galli sanctitate illustres.* — Ad num. 57 et seqq. Turonensis lib. 5, cap. 42, sermonem habet de morte Maurilius Caduricensis urbis episcopi scientia et virtutibus clarissimi, et cap. 43 de morte sancti *Agricola* Cabilonensis episcopi, qui « obiit, inquit, episcopatus anno XLVIII, ævia autem LXXXIII ». Quare Agricola anno Christi 583 ad gradum episcopalem evectus fuerat, et tam ipse quam *Maurilius* anno Childeberti regis v, et Christi DLXXX ad Deum migrarunt. *Agricola* variis Conciliis hoc saeculo in Galtia celebratis interfuit. Bollandus ad diem XVII

Martii, quo *Agricola* colitur, recitat Acta elevationis reliquiarum sancti *Agricola* et SS. Lupi et Sylvestri episcoporum etiam Cabilonensium, et sancti *Desiderati* presbyteri Cabilonensis, Joanne papa VIII Ecclesiam Romanam gubernante lacte; sed eæ reliquæ a Calvinistis saeculo elapso dissipatae, sacrilegeque direptæ. Referit etiam ibidem Gregorius c. 47, mortem sancti *Dalmatii* Ruthenæ civitatis episcopi, qui in Supplemento Martyrologii Gallicani colitur idibus Novembbris, qui ideo mortuus est etiam anno DLXXX. De eo legeudi San-Marthani in episcopis Ruthenensibus.

14. *Constantinopolis terræ motu concussa.* — Theophanes anno Incarnat. secundum Alex. D LXXXV, qui kalend. Septemb. superioris Christi anni inchoatur, ait: « Die decima Maii maximus fuit terræ motus, adeo ut universus populus ad Ecclesiæ confugerit, et natalitium certamen equestre celebratum minime fuerit ». Celebrabatur de more eo die, qui natalis urbis Constantinopolitanae erat. De hoc terræ motu Theophylactus lib. 2, cap. 42, haec scribit: « Anno hoc elapso, verna tempestate jam procedente, et humum gramine, arbores frondibus induente, Encæniorum, seu dedicatae urbis anniversario die, primo adhuc anno postquam Mauritius inivit, passa tellus quod solet concussu atrocissimo, veluti si ab imis sedibus exiliret, Constantinopolis quassata est ». Ex his liquet, diem natalem urbis Constantinopol. fuisse x mensis Maii, non vero undecimum, ut a quibusdam perperam existimatum. Præterea prælium inter *Chardrigum* Persarum ducenti, et *Joannem Mystraconem* magistrum militiae Romane Orientalis ad Nymphyum fluvium, ubi cum Tigride confunditur, in quo Romani in fugam versi, quodque autumno jam adventante habitum fuisse jam narraverat Theophylactus cap. 9, pertinet ad currentem Christi annum, quo et Theophanes laudatus accurate illud describit, et tam ipse, quam Theophylactus testantur, *Joannem* a Mauritio imperatore magistrum militiae Orientalis constitutum esse. Quare autumnus, cuius mentionem facit Theophylactus, intelligendus autumnus currentis anni.

15. *Avares bellum in Romanos movent.* — Theophanes laudatus narrato terræ motu, qui mense Maio Constantinopol. concussit, subdit: « Eodem mense Abares, qui non multum ante Sirmium nobilem Europæ urbem occupaverant, decreta ad Mauritium legatione postulaverunt, ut octoginta millibus annue distributionis, quæ sibi a Romanis pendebatur, alia adhuc auri viginti millia adderentur: quam pecuniarum summam imperator pacis conservandæ studio solvere non detrectavit ». Sed cum Chaganus alia viginti millia centenis illis adjici postularet, et recusaret imperator, ille « expeditione suscepta Sigdonem evertit, multasque alias urbes Illyrici præfecturæ subditas expugnavit: cepitque Anchialum ». Sed bellum hoc longe accuratius descripsit Theophylactus lib. 1, cap. 3 et seqq. aitque, Abares, qui Istrum accolabant, et Sirmium « prius

ceperant, parvo admodum spatio, quam Mauritius curas Rom. una cum purpura indueret, dintius biennio » fœdus cum Romanis non servasse : nec cunctatos *Singidonem*, *Augustam*, et *Viminacium* expugnasse, et *Anchialum* devastasse : Mauritiū duos legatos ad Chaganum, dum Anchiali esset, misisse, Elpidium sc. et Comentiolum. Sed cum *Comentiolum* liberius et minacius locutus fuisset, parum abfuit, quin Chaganus eum morti traderet. « Anno insequenti », inquit Theophylactus, « Elpidius iterum ad eumdem missus », et inter eum et

Chaganum statuit, « ut Romani vicenis millibus summam priorem cumulent. Verum autumno ineunte. Barbari fœdus de integro temerant, bellique societatem aperte abjiciunt et aspernantur ». Chaganus Martionopolim, aliasque Romanorum urbes subegit. Quæ partim superiori, partim currenti anno gesta, ut ex laudatis Theophylacti verbis liquet.

Moritur sancta *Disciola*, ut videre est anno DLXXXVI. Synodus *Lugdunensis III*, de qua anno DLXXXVII.

PELAGII ANNUS 7. — CHRISTI 584.

4. Martyrium regis Hermenegildi a Leuvigildo ejus patre Ariano interfeeti. — Quingentesimus octogesimus quartus Christi annus Indictionis secunda nota signatur : quo, die decima tertia Aprilis, nobile martyrium Hermenegildi regis Catholici tum Hispanias, tum etiam universum Christianum orbem mirifice illustravit, Gothorumque gentem Ariana haec tenus infamem haeresi tanta corona nobilitavit, ac reddidit gloriosam. De re hac acturi primum omnium, nostro more, rei gestae tempus certis rationibus confirmemus, quod sciamus a diversis ejusmodi insigne martyrium diversis annis collocatum : alii enim anno octogesimo tertio, alii sexto, alii octavo, alii nono id factum affirmant. Verum cui magis credamus, quam S. Isidoro ob oculos haec habenti, inventinus neminem. Cum enim obitum Leuvigildi regis persecutoris, auctorisque filii necis, anno sequenti referat configuisse, nempe anno regni ipsius decimo octavo; nihil est penitus, ut post ejus obitum martyrium filii ipsius Hermenegildi regis quis valeat collocare.

2. Et ne quis putet errorem illapsum in numerum apud Chronicoum Isidori, acceperit id magis exploratum ex Synodalibus Actis, ex quibus pariter anno sequenti habes Leuvigildo defuncto fuisse subrogatum ejus filium Reccaredum. Quod vero his videatur repugnare nota ærae ex numero ab annis Justini imp. deducto : ne quis dicere possit potius in illum, quam in istum per notam ærae numerum supputatum irrepsisse mendum, habet ad hæc arguenda Acta Synodalia Toletani Concilii,

quod cum habitum dicatur anno quarto Reccaredi Leuvigildi successoris, et eidem numero jungatur æra (ut ibi ponitur) sexcentesima vicesima septima (qui est annus Domini quingentesimus octogesimus nonus) plane habes unde intelligas, ipsum auspicatum esse regnum anno sequenti post patris obitum : ex quibus consentientia vides Isidoro Acta Synodalia de obitu Leuvigildi, quod contigerit anno sequenti. Cum vero ante annum filii ipsius martyrium consummatum constet, utique hoc anno et non alio id factum evidenter appetat.

3. Quod autem deducatur hoc ipsum ex tabulis astronomicis ab Ambrosio, eo quod hoc ipso anno et non sequentibus contigerit celebrari Pascha eo die quo et martyrium subiit; frivolum videri potest ex ejusmodi tabulis hoc asserere, eum Ariani de quorum Paschate agitur, nequaquam Catholieorum legibus subderentur. Firmior stet sententia ex Synodalibus (ut diximus) Actis asserta, hoc anno, nec postea, nec antea contingere potuisse martyrium Hermenegildi. Cum enim (ut dictum est) anni unius interlapsum spatium a eade martyris usque ad obitum patris etiam Gregorius asseveret, et liqueat pariter sequenti anno ipsum Leuvigildum esse defunctum; necesse est affirmare, hoc anno S. Hermenegildum gloriosum consummasse martyrium. Hæc satis de his quæ spectant ad tempus.

4. Quæ vero hæc præcesserint, ex Gregorio Turonensi petamus, nimirum proditionem factam a Græcis, qui a Tiberio missi in auxilium venerant Hermenegildi, quem nominat Hermenechildum;

cujuſ rei gratia ipſe rex patri iusta ſpondenti ſe dedit: ait enim¹: « At ille », nempe Leuvigildus parens, « datis präfecto imperatoris trifta miliibus ſolidorum, ut ſe a filii ſolatio revocaret, conmoto exercitu contra eum venit. Hermenegildus vero vocatis Graecis contra patrem egreditur, relictā in urbe conjugē ſua. Cumque Leuvigildus ex adverſo veniret, relictus a ſolatio (Graecorum ſcilicet), Hermenegildus cum videret nihil ſe prävalere poſſe, Ecclesiā quæ erat propinqua expetit, diceens: Non ve- niat ſuper me pater meus: nefas eſt enim aut patrem a filio, aut filium a patre interfici. Hæc audiens Leuvigildus, misit ad eum fratrem ejus; qui dato ſacramento, ne humiliaretur, ait: Tu ipſe accede, et proſternere pedibus patris noſtri, et omnia indulgebit tibi. At ille popoſcit vocari patrem ſuum. Quo ingrediente, proſtravit ſe ad pedes illius; ille vero apprehenſum oſculatus eum, et blandiſ ſermonibus delinitum duxit ad eaſtra: oblitusque ſacramenti, innuit ſuis, et apprehenſum ſpoliavit eum indumentis ſuis, induitque illum veste vili; regressusque ad urbem Toletum, ablatiſ pueri ejus, misit eum in exilium eum uno tantum puerulo ». Hæc Gregorius: verum non in exilium, ſed in carcerem fuſſe detruſum, omnes affiſmant. Conjugem vero ejus ezeptam a Graecis et ductam in Africam, ut perducearent eam ad imperatorem, ibi defunctam tradit²: ſed in eo quam prudens, ipſe viderit, dum appellat miſerum Hermenegildum judicio divino in p̄ſilio derelictum, quod contra genitorem quantumlibet hæreticum talia cogiſtarit. Quasi non monuſſet Dominus, pietati erga Deum, patrem, matrem, et omnia poſt habenda. Sed jam ea quæ de ipſo rege martyre omni fide testata S. Gregorius narrat, hic reddamus: ait enim³:

5. « Sicut nullorum qui ab Hispaniarum partibus veniunt, relatione cognovimus, nuper Hermenegildus rex, Leuvigildi regis Wiſigothorum filius, ab Ariana hæreſi ad fidem Catholicam, viro reverendissimo Leandro Hispalitano epifcopo du- dum mihi in amicitiis familiariter juncto p̄diciante, conuersus eſt; quem pater Arianus, ut ad eandem hæreſim rediret, et p̄misiſ ſuadere, et minis terrere conatus eſt. Cumque ille conſtantissime responderet, nunquam ſe veram fidem poſſe relinquere, quam ſemel agnoviſſet; iratus pater eum privavit regno, rebusque ſpoliavit omnibus. Cumque nec ſic virtutem mentis illius emollire valuiſſet, in arctam illum custodiā includens, col- lumi manusque ejus ferro ligavit. Cœpit itaque idem Hermenegildus rex juuenis terrenum regnum despicer, et forti desiderio caeleſte quaerens in celi- ciis vinculatus jacens, omnipotenti Deo ad confor- tamendum ſe preces effundere; tantoque ſublimius gloriam tranſeuntis mundi despicer, quanto et re- ligatus agnoverat nihil fuſſe quod potuerit offerri.

6. « Superveniente autem Paschalis festivitatibus

die, intempeſtæ noctis silentio, ad eum perfidus pater Ariānum epifcopum misit, ut ex ejus manu ſacrilegæ conſecrationis communionem perciperet, ac per hoc ad patris gratiam redire mereretur. Sed vir Deo deditus Ariāno epifcopo venienti exprobravit, ut debuit, ejusque a ſe perfidiā dignis incre- pationibus repulit: quia elſi exterius jacebat ligatus, apud ſe tamen in magno mentis culmine ſlabat ſecurus. Ad ſe itaque reverſo epifcopo, Ariānus pater infrenuit, ſtatiuſque ſuos apparitores misit, qui conſtantissimum confeſſorem Dei illie, ubi ja- cebat, occiderent. Quod et faciūm eſt. Nam mox ut ingressi ſunt, ſecurem cerebro ejus infligentes, vitam corporis abſtulerunt; hoque in eo value- runt perimere, quod iſum quoque qui peremptus eſt, in ſe conſtiterat deſpexiſſe. Sed pro ostendenda vera ejus gloria, ſuperna quoque non defuere mi- racula. Nam cœpit in nocturno ſilentio psalmodie cantus ad corpus ejusdem regis et martyris audiri, atque ideo veraciter regis, quia et martyris. Quidam etiam ferunt, quod illie nocturno tempore accenſae lampades apparebant: unde et factum eſt, quatenus corpus illius, ut videlicet martyris, jure a cunctis fideliſbus venerari debuſſet. Pater vero perfidus et parcieſla commotus pœnitentia, hoc feciſſe ſe doluit: nec tamen uſque ad obtinendam ſalutem pœnituit. Nam quia vera eſſet Catholicā fides co- gnoviſſet, ſed gentiſ ſue timore perterritus ad hanc pervenire non meruit ». Hæc Gregorius: habeat eadem Ado Viennensis.

7. *Leuvigildus persequens Catholicos, exilio damnat Leandrum, aliosque epifcopos, Suevosque a fide revocat.* — Addidit et illud amplius, ut quamvis viuſ ſit pœnituisse necis illatae filio, non tan- tum non deseruerit perfidiā, cuius impulſu exer- crandum facinus perpetravit, ſed iracondia ex dolore concepta exaſtuans eam aerius propagari; utpote qui ejus cauſa adverſus Catholicos acerbiori- rem perſecutionem excitavit, relegans Orthodoxos epifcopos in diversa loca, Ecclesiæque bonis ſpolians. Exulasse tunc quidem conſtat S. Leandrum atque Fulgentium fratres epifcopos, Mauso- nam archiepifcopum Emeritensem, Licinianum Carthaginensem antistitem, Joannem quoque Ger- rundensem epifcopum et alios. Sed ut, quorum eſt ex confeſſione memoria glorioſa, trophya ereta prosequamur, diendum de his ſingulis, priu- mique de S. Leandro, de quo hæc habeat Isidorus⁴: « Bic namque in exilio ſui peregrinatione compo- ſuit duos adverſus hæreticorum dogmata libros eruditione ſanctorum Scripturarum ditissimos, in quibus vehementi ſtylo Ariāne hæreſis (impietatis) confudit atque detegit impietatem; ostendens ſcili- cet quid contra eosdem habeat Catholicā Ecclesia, vel quantum diſtet ab eis religione, vel fidei ſa- ſamentis. Exaltat et aliud laudabile ejus opusculum adverſus instituta Ariānorū, in quo propositis eorum dictis, suas reſpoſtiones apponit ». Hæc de-

¹ Greg. Tur. hist. Franc. I. v. c. 38. — ² Greg. Tur. I. vi. c. 33. et I. viii. c. 18. — ³ Greg. dial. I. iii. c. 31.

⁴ Isidor. de ſcr. Eccles. c. 28.

armis, quibus etiam exnlans Leander persequentes profligavit inimicos : quibus quoque missilibus perfidum apostamatam Vincentium Cæsarangustanum episcopum vulneravit, adversus quem alii quoque Orthodoxi episcopi decertarunt. Ait enim idem Isidorus¹ : « Severus Malacitanæ sedis antistes, collega et socius Liciniani episcopi, edidit librum nnum adversus Vincentium Cæsarangustanum urbis episcopum, qui ex Catholica fide in Arianam pravitatem fuerat devolutus, etc. » Recenset alia ejusdem celebris viri monumenta. Porro Licinianum ejus collegam Carthaginem episcopum exulasse, pariterque pervenisse Constantinopolim, tradit Isidorus, ibique ab amulis extinctum veneno.

8. Sed audi de exultante Joanne episcopo Gerundensi : « Fuit iste, inquit Isidorus², natione Gothus provinciæ Lusitanæ Sealtabalitanus. Hie cum esset adolescens, Constantinopolim perrexit, ibique graeca et latina eruditione nutritus, septimo denum anno in Hispanias reversus est, eodem tempore, quo ineitante rege Leuvigildo Ariana ferrebat insania. Hunc suprascriptus rex cum ad nefandæ haeresis credulitatem compelleret, et hic omnino resisteret, exilio transiit, Barchinone relegatus per decem annos multas insidias et persecutions ab Arianis perpessus est. Qui postea condidit monasterium, quod nunc Biclaro dicitur, uti congregata monachorum societate, scripsit regulam ipsi monasterio profuturam, sed et cunelis Deum timentibus satis necessariam. Addidit et in libro Chronicorum ab anno primo Justini junioris principatus usque ad annum octavum Mauritii principis Romanorum, et quartum Reccaredi regis annum, historico compositeque sermone valde utiliæ historiam ». Haec de Joanne Isidorus, qui inferius addit de Maximo episcopo Cæsarangustano in eodem scribendi argumendo versato : « Scripsit, inquit,³ et brevi stylo historiolam de his que a temporibus Gothorum in Hispaniis acta sunt, historico et composito sermone ». At perierunt ista. Sed et inter hos æque adnumerandus Eutropius episcopus Valentinus, cuius idem lucubrationes recenset⁴:

9. Floruisse namque visæ sunt diebus istis Hispaniæ viris valde disertis, adversus quos certamen Leuvigildum suscepisse diximus: sed nec ipsi satis exagitasse Catholicos in Hispaniis commorantes; verum et Suevos hanc pridem una cum rege (ut dictum est) ad Catholicam fidem conversos a recta fide abire coegerit: quos ipsos (ut habent Acta Concilii tertii Toletani) Reccaredus ejus in regno successor ad fidem Catholicam revocavit, ut suo loco dicemus. Quomodo autem Leuvigildus Suevos subegerit, quave occasione corum regnum invaserit, Isidorus in Chronicis Suevorum ita paucis ostendit: « Mironi Eburiens filius in regnum succedit, quem adolescentem Andicas assumpta tyrannide regno prival, et monachum factum in monasterio

damnam: pro quo non est dilata sententia. Mox enim Leuvigildus Gothorum rex Suevis bellum inferens obtento eodem regno, Audicam deject, atque eodem tonso, post regni honorem presbyteri officio consecravit. Sic enim oportuit, ut quod regi suo fererat, rursum idem ab alio congrua meriti necessitate pateretur. Regnum autem Suevorum deletum in Gothos transfertur; quod mansit annis centum viginti sex ». Hucusque Isidorus. Reliqua de Leuvigildo dicemus anno sequenti.

10. *Vincentii abbatis martyrium.* — Non Hermegildi tantum sanguine illustrata est Hispaniarum Ecclesia, sed et Vincentii abbatis. Cernens enim hic maximam esse irrogatam ignominiam Christiano Catholicō nomini per Vincentium Cæsarangustanum episcopum (uti superius dictum est) nomenque Vincentii in apostata Vincentio labefactatum; e soliditudine prosiliit iste Vincentius, adversus Arianam blasphemiam ubique pugnare non desimens: qui ab Arianis comprehensus, affectus verberibus, est detrusus in carcerem: dimissus vero tandem ab illis martyrii coronam eidem invictibus, ubi majori spiritu ardore in Arianos invenitus, eosdem una cum Ariana haesi exigitasset, ante fores monasterii ab eisdem irruentibus crudelissime peremptus est Legione, undecima mensis Septembribus, qua die in Ecclesia Occidentali anniversaria memoria celebratur. Sed ex Hispaniis ad Gallias.

11. *Igidii episcopi Rhemensis laudes in rebus Francorum compendialis.* — Eodem anno per Igidiū Rhemensem episcopum et alios collegas legatos compositæ sunt res Francorum, pace stabilita, ea conditione, ut post obitum Chilperici Childebertus ei haeres in universo regno succederet: habet ista Gregorius¹. Tanti boni auctor qui extitit, ipse Igidius pacis conciliator clarus fuit his diebus antis: cuius laudes cecinit egregie Venantius Fortunatus his versibus², quos ut dignum gloriæ tanti viri monumentum hie tibi integre reddimus:

Actibus egregiis venerande culmen Igidi,
Ex eius meritis crevit honore gradus.
Substrabor ingenuo, compellor amore parato,
Landibus in vestris prodere panca favens.
Namque reus video tantis existere causis,
Si solus faciam, quidquid ubique sonat.
Sed quamvis nequam digno sermone fateri,
Pa. ventam voto me volvise loqui.
Exit in mundum gestorum fama tuorum.
Et meritis propriis sidus in orbe micas.
Clarior effulges, quam Lucifer ore sereno :
Ile suis ramis, tu pietate nites.
Nil lupus insidiis canto subducit ovili,
Te pastore sacro pervigilante gregem.
Facundo eloquo coelestia dignata fondis :
Ecclesia crevit te monitore domus.
Pontificis studio correctio plebis haberis :
Ne tenebrae noctant, semita lucis ades.
Cunctorum recreas annos dulcediae verbi :
Qui satias epulis, pascis et ore greges.
Præcepta implentur : non solo pane cibamur :
Delicias capimus, quas tua verba ferunt.

¹ Isidor. de Eccl. Scr. c. 21. — ² Ibid. c. 31. — ³ Ibid. c. 33. — ⁴ Ibid. c. 32.

¹ Greg. I. vi. c. 3. 31, et I. vii. c. 14. — ² Fort. carin. I. .

Ut gaudet corpus, cui minior esca paratur;
Sic anima gaudent, si tua lingua sonet.
Heresis ira cedit, fortis te mihi Christi:
Acquiris regi quae dedi arma tibi.
Qui purgas spinas agros sermone colente,
Et mundata Deo surgit ubique seges.
Qui venit hoc exult, Iustus, defesus, regens,
Ihc recipit patriam, te refovente, snam.
Quia dolus tollis, geminis in gaudia vertens,
Exibum removens, redi amorem latet.
Panper habere cibum, meruit quoque nudus amictum:
Invenit hic semper quae bona quisque cupit.
Consulatum tribus generaliter omnibus unum:
Qui populi pater es, tota rite geris (regis).
Hec tibi vita dui, Domino tribuente, supersit,
Atque futura micet lucidore die.

Hactenus Venantius Fortunatus: ex quibus profecto non laudes tantum Igidi episcopi habes expressas, sed et eorum qui bene presunt suis Ecclesiis episcoporum partes, quas debent explere, enumeratas. Verum quod ad ipsum Igidium Rhemensem episcopum spectat, novissima ipsius haud adeo fuisse felicia, idem Gregorius Turonensis affirmat: sed de his dicendum inferius suo loco.

12. Pro furibus Gregorius intercedit apud Chilpericum. — Quæ vero his diebus accidisse idem Gregorius tradidit jam dicamus: obortam enim sibi esse occasionem ad Chilpericum regem scribendi hoc anno, ut fures liberaret a morte, qui ob sacrilegium ingens perpetratum muletandi ab ipso regerant, ipse docet his verbis¹: « His diebus Basilica S. Martini a furibus effracta fuit, qui ponentes ad fenestram apsidæ cancellum, qui super tumulum eujusdam defuncti erat, ascendentem per eum effracta vitrea sunt ingressi: auferentesque multum auri argenteique et palliorum holosericorum, abierunt, non metuentes super sanctum sepulcrum pedem ponere, ubi vix os applicare præsumimus. Sed virtus sancti voluit hanc temeritatem etiam cum judicio manifestare terribili. Nam hi perpetrato seelere ad urbem Burgalensem venientes, orto scandalo, unus alterum interemil: sieque patefacto opere, lurtum repertum est, ac de hospitali eorum argenlum comminutum et pallia sunt extraeta. Quod cum regi Chilperico nuntiatum fuisset, jussit eos alligari vinculis, et suo adspicere praesentari. Tunc ego metuens, ne ob illius causam homines morerentur, qui vivens in corpore pro perditorum vita sepius deprecatus es; Epistolam regi precatiois transmisi, ne nobis non accusantibus, ad quos prosecutio pertinebat, hi interficerentur. Quod ille benigne suscipiens, vitae restituit: species vero quæ dissipatae fuerant, studiosissime componens, loco sancto reddi præcepit ». Haec Gregorius, specimen egregium edens mansueissimi sacerdotis.

13. — Qui sancti viri hoc anno vita excesserint. — Post haec autem idem auctor divertit ad illustrium sanctitatem virorum ad Deum transitum, quos hoc Childeberti anno sexto diem obiisse contigit, nimirum Ferreolum episcopum Uccensem magnæ (ut ait³) sanctitatis virum, qui et scri-

ptorum suorum reliquit monumenta, libros vide-
lieet Epistolarum, Sidonium Apollinarem secentus.
Sed et eodem tempore ex humanis desissee tradit¹
Eparchium Engolismensem, cuius cum sanctitate
vite admirabili magna eniebat virtus in ostensione
signorum: quæ idem auctor recenset, resque ab eo
gestas libello conscripsit². His jungit³ Domnolum
Cœnomanensem episcopum aequa sanctitate ac mira-
culorum virtute conspicuum. Quos omnes saecul-
sanctorum catalogus, quem appellant Martyrolo-
gium habet certis diebus, quibus ex hoc mundo dis-
cesserunt, adscriptos, anniversarii cultus memoria
celebres. Reperitur præterea hoc eodem anno ad
caeleste præmium vocatus S. Maurus abbas, anno
videlicet ab ejus in Gallias adventu quadragesimo
primo: cuius res gestas proscenitus est historico
stile Faustus monachus ipsius discipulus, eas scri-
bens ad Bonifacium tertium ejus nominis, qui post
sanctum Gregorium papam secundus Pontifex nu-
meratur.

**14. Pelagius petit auxilium ab imperatore contra Longobardos per Gregorium, ubi de Maxi-
miano presbytero.** — Hoc item anno, iam impleta
Indictione secunda, incipiente vero Indictione tertia,
quarto nonas Octobris Pelagius papa fatigatus ad-
modum Longobardorum assiduis bellis, post foedus
cum illis initum, jusjurando perfraクト iterum
redivivis, ab imperatore Tiberio petiturus auxi-
lium, legal Constantinopolim Honoratum notarium,
enī ad Gregorium diaconum apocrisiarium ibidem
apud imperatorem agentem has litteras dedit⁴:

**15. « Pelagius episcopus dilecto filio Gregorio
venerabili diacono.**

« Omnia quidem quæ necessaria fuerunt, per
Honoratum notarium tibi curavimus indicare: quem
cum fratre et coepiscopo Sebastiano ad dilectionem
tuam direximus. Ut quia in illis partibus ad Raven-
nam usque nunc cum viro glorio domino Decio
patricio fuit, ipse sua relatione studeat te de omni-
bus informare: vel si necessaria judicaveris, possis
domino imperatori suggestere quia tantæ calamitates
ac tribulationes nobis a perfidia Longobardorum
illatae sunt contra proprium jusjurandum, ut nullus
possit ad referendum sufficere. Prædictum autem
fratrem Sebastianum quomodo suscepimus, vel
quali apud nos, te suggestente, fuerit charitate,
ipsius poteris relatione cognoscere. Qui etiam jam
pron sisit nobis, necessitates vel pericula totius Italiæ
piissimo domino imperatori suggestere.

**16. « Loquimini ergo et tractate pariter, quo-
modo nostris celeriter possitis subvenire periculis;**
quia ita hic coangusta est Res publica, ut nisi Deus
piissimi in corde principis inspiraverit, ut insitam
sibi misericordiam suis famulis largiatur, et super
illam diacopesin, vel unum magistrum militum et
unum ducem dignetur concedere, in omni simus
angustia destituti: quia maxime partes Romanæ

¹ Greg. Tur. hist. l. vi. c. 8. — ² Greg. Tur. in Vit. SS. Patr. apud Sur. die i. Jul. — ³ Greg. Tur. hist. l. vi. c. 9. — ⁴ Pelag. Ep. v.

omni præsidio vacuatae videntur. Et exarchus scribit, nullum posse nobis remedium facere : quippe qui nec ad illas partes custodiendas se testetur posse sufficere. Imperet ergo illi Deus, nostris velociter periculis subvenire, antequam nefandissimæ gentis exercitus loca quæ adhinc a republica detinentur, Deo sibi contrario (quod absit) prævaleant occupare. Presbyterum autem ad nos transmittere, Deo juvante, festina : quia et in monasterio tuo, et in opere, cui eum præposuimus necessarius esse omnino cognoscitur. Dat. IV non. Octobr. Indict. III». At quisnam iste fuerit presbyter monasterio ipsius S. Gregorii adeo necessarius, ex ejusdem Gregorii scriptis et rebus gestis satis possumus intelligere. Etenim quem secum duxerat Maximianum presbyterum, eumdem his puto ex causis a Pelagio inculcatis Gregorius Romanam redire præcepit : hunc ipsum namque Constantinopoli ab eo dimissum constat. Cui et quid acciderit Romanam redeunti, cum mare Hadriaticum navigaret, sic narrat idem ipse Gregorius¹ :

17. « Neque hoc silentum puto, quod omnipotens Deus super Maximianum famulum suum, nunc Syracusanum episcopum, tunc autem mei monasterii patrem, dignatus est monstrare miraculum. Nam dum jussione Pontificis mei in Constantinopolitanae urbis palacio responsis Ecclesiasticis deservirem, illuc ad me idem venerabilis Maximianus, charitate exigente, cum fratribus venit. Qui cum ad monasterium meum Romanam rediret, in mari Hadriatico nimia tempestate deprehensus, inæstimabili ordine atque inusitato miraculo erga se, cunctosque qui aderant, omnipotentis Dei et iram cognovit, et gratiam. Nam cum in eorum morte, ventorum nimietatibus elevati fluctus saevirent, ex navi clavis perditis, arbor abscissa est, vela in undis projecta, totumque vas navis quassatum nimis fluctibus ab omni fuerat sua compage dissolutum. Rimis itaque patentibus, intravit mare, atque usque ad superiores tabulas implevit navem, ita ut non tam navis intra undas, quam undæ jam intra navem esse viderentur.

18. « Tunc in eadem navi residentes, non jam ex morte vicina, sed ex ipsa ejus præsentia ac visione turbati omnes sibimet pacem dederunt ; corpus et sanguinem Redemptoris acceperunt, Deo se singuli commendantes, ut eorum animas benigne susciperet, quorum corpora in tam pavenda morte tradiderat. Sed omnipotens Deus, qui eorum mentes mirabiliter terruit, eorum quoque vitam mirabilius servavit. Nam diebus octo navis eadem usque ad superiores tabulas aquis plena, iter proprium peragens, enalavit; nono autem die in Cothonensis castri portum deducta est : ex qua exierunt omnes incolumes, qui cum prædicto venerabili viro Maximiano navigabant : eumque post eos ipse quoque fuisset egressus, mox in ejusdem portus profundum navis demersa est; ae si, illis egredientibus, præ pondere sublevatione caruisset; et quæ

plena hominibus in pelago aquas portaverat atque nataverat, Maximiano cum suis fratribus recedente, aquas sine hominibus in portu non valuit portare. Ut hinc omnipotens Deus ostenderet, quia hanc onustam sua manu tenuerat, quæ ab omnibus vacua et derelicta super aquas non potuit manere». Hactenus Gregorius : ex quibus intelligis pariter, perseverasse usum, ut pii Christiani peregrinantes, nавigantesque secum ferrent sacratissimam Eucharistiam, ut vidimus olim a S. Satyro S. Ambrosii germano factum atque ab aliis, ut suis locis habetur expressum. Porro quod ad Maximiani redditum spectal, plane errat Joannes¹ diaconus, cum et tunc S. Gregorium Constantinopoli Romam rediisse videtur asserere. Quod autem pertinet ad Longobardorum statum, dicimus anno sequenti. Qui igitur a Pelagio monasterio præfector fuit Maximianus, hunc ipsum secundum ordine ejus monasterii abbatem fuisse, successisseque Valentio, sive Valentino superiorius ejusdem Gregorii testificatione diximus : dictum vero Valentium his diebus defunctum esse, ex successoris suffectione possumus intelligere.

19. *Pelagi Epistola ad Auxanium in Gallia episcopum de incursionibus Longobardorum.* — Extat hoc anno Tiberii imperatoris sexto, ex quo cum Justino regnare cœpit, data Epistola Pelagi papæ ad Auxanium episcopum in Gallia, qua rogat eum, ut suadeat Francorum regibus opem ferre Romanæ Ecclesiæ laboranti incursionibus Longobardorum, atque a confederatione eorumdem Longobardorum recedere. Accepimus eam cum aliis monumentis ad Ecclesiasticos Annales spectantibus a Nicolao Fabro Parisiensi viro insigni. Sic enim se habet :

20. « Dilectissimo fratri Aumanio² Pelagius Urbis Romæ.

« Landanda tuae charitatis vota relegimus, quibus te, nisi Gentilis motus obsisteret, ad nos venire voluisse significas. Liceat enim spiritualiter et simul et unum simus semper in Domino, verumtamen præsentias corporales et antiquiores Patres, et ipsos quæsisse invenimus Apostolos. Sed dum tua desideria, causasque quibus obstareris exponeres, mirati sumus minus te illud, quod ipsis obviaret excusationibus, attendisse. Si enim mundo venerabilem judicatis hanc Urbem, si ad pacem Sedis Apostolice cuncularum regere Ecclesiarum moderamina prædicatis : cur non et tribulationes nostras et temporales angustias charitatis compassione gemitis ? scientes divino per Apostolum nobis ore mandari, ut nos invicem diligamus, ut onera invicem nostra portemus, ut quotiens fratrum quicunque uritur, nos uramur ; dum pâne in conspectu vestro tantus sanguis innocentium sit effusus, ita sacra violentur altaria, ita Catholicæ fidei ab idolatriis insultetur. Novimus et nos quod temporalia ista flagella sint, ut ad probationem, sicut de cælesti

¹ Greg. dial. I. iii. c. 36.

² Joan. diac. Vita S. Greg. I. i. c. 33. — ² Auxanio Episcopo Arelatensi, de quo superiorius.

confidimus miseratione, proficiant (*et sicut proxime a vobis scribitur*); et proximum vobis, *sicut scribitur*, Dominus noster de tribulatione det gaudium: quia qui nequiter agunt exterminabuntur, et inimici Dei mox ut exaltabuntur, *sicut Iunus deficient*: et generaliter peribunt gentes de terra ejus. Propter quod vos decernerat, qui illic Catholice membra estis Ecclesiae uni corpori unius capitatis gubernatione conjuncta, omnibus quibus viribus vaferelis, paci quicunque nostrae pro ipsa Spiritus sancti unitate conenrrere. Nec enim credimus oliosum, nec sine magna divina Providentiae admiratione dispositum, quod vestri reges Romano imperio in Orthodoxae fidei confessione sunt similes: ut huic Urbi, charissime frater, nedum regibus vestris juvandi nos virtus sit data divinitus, charitatis vestre circa nos levitas argualur, qui illis et in fide et in consiliis vestro sacerdotio sic devotis (debitis) suadere talia

aut negligitis, aut differtis. Sacras aulem reliquias quas et tua charitas, et gloriissimus filius noster petiit dirigendas, cum coherenti sibi sanctificatione transmisimus. Propter quod nihilominus admonemus, ut quod ad virtutem queritis, eorum tempora a pollutione gentium liberari, in quantum vobis est possibile festinatis: et vestris regibus instantissime suadeatis, qualenus ab amicitiis et conjunctione nefandissimi hostis Longobardorum salubri se provisione segregare festinent, ne dum illorum vindictae tempus advenerit, sicut et celere fieri Divina miseratione confidimus, et eorum etiam illi inveniantur esse participes: quia scriptum est: Non solum qui ea faciunt, sed etiam qui consentiunt facientibus puniendos. Deus te in columen custodiat, carissime frater. Datum III non. Octob. imperante domino Tiberio Constantinopoli Aug. anno VI cons. ejusdem ann. regum, Sic V. C.

Anno periodi Graeco-Romanæ 6077. — Anno Æra Hispan. 622. — Jesu Christi 584. — Pelagii II pape 7. — Mauritiū imp. 3.

4. *Consulatus Mauritii imp.* — Hic annus ista formula notatus: *in Mauritio Tiberio Aug. solo consule*, ita auctor Chronici Alexandrini, licet errore exscriptoris ibidem legatur, *μετὰ δύο* particula enim *μετὰ* id est, *post*, perperam addita; quod Duengius in editione hujus auctoris non animadvertis, Fastos Orientales, quos jam in Dissert. Hypatia accurale consignaveram, susdeque vertit. Consulatum Mauritii in hunc annum incidere certo constat, non tantum ex Chronico Alexandrino, dum postconsulatus ejus exprimit, animumque superiorem sine consulibus fuisse affirmat; sed etiam ex Theophane, Cedreno, auctore Miscellæ, Fastis Heraclianis, et Theophylacto. Theophanes enim anno Incarnat. secundum Alex. DLXXVI, kalendis Septembbris superioris Christi anni inchoato, scribit: « Hoc anno, mensis Decembri die vicesimo, Indictione secunda, imperator consul designatus magnorum thesaurorum munera Urbi largitus est ». Quare kalendis Januariis bujus Christi anni Mauritius cōsul processil. Ad hæc Theophylactus lib. 4, c. 12, ait: « Agebatur annus Mauriti secundus, cum hyeme consul creatus, consenso curru imperatorio, summe conspicuus erat ». Quæ verba cum Ein. cardin. Norisius in Dissert. de Synodo quinta

cap. 9, paragr. 3 de anno Christi superiori primum explicasset, postea in Dissert. iii de anno et epochis Syro-Macedonum cap. 6, pag. 200, recte vidit, Mauritium mense Decembri anni DLXXXIII, in annum Christi proximum DLXXXIV designatum fuisse consulem, meque in Dissert. Hypatia laudati Theophylacti verborum sensum attigisse. Hoc passim infra certissimis argumentis demonstrabo, ne quis imposterum hac de re controversiam moveat. Baronius an. DLXXXVII, num. 1 vulgarem, que tunc invalescebat, opinionem secutus est, Mauritium scilicet proximis a susceplo imperio kalendis Januariis consulatum iniisse (1).

2. S. *Hermenegildus interficitur*. — A num. 4 ad 9. Sanctus *Hermenegildus* Leuvigildi Visigothorum regis Ariani filius natu major anno tantum sequenti martyrum consummavit, ut abbas Biclariensis et Gregorius Turonensis, qui hoc tempore vivebant, nos edocent. Prior scribil: « Anno vii Mauriti, qui est Leovigildi xvii annus, Hermenegildus in urbe Tarracensi a Sisberto interficitur. Franci Galliam Narbonensem occupare cupientes cum exercitu ingressi: in quorum congressionem Leovigildus Recaredum filium obviam mittens, et Francorum est ab eo exercitus repulsus, et pro-

(1) Opinionem Pagii, et Norisii suscipio, et veneror; at seropulum in hoc meum proponere non irreligiosum duco. Apud Cl. Masseium extat papyraceum quoddam instrumentum ita signatum: *Imp. Di a Tiberio pp. Aug. anno nono pc. ejusdem anno octavo, sub d sexto iduum Martiarum, ind. nona.* Exhibitetur hisce annus DLXCI, qui cum esset post consulatum Mauriti octavus, indicare videtur Mauritium anno DLXXXIII eonsullem egisse. Vide dicta ad A. DLXV, 2.

vincia Gallæciae (legendum Galliæ) ab eorum infestatione est liberala. Castra vero duo cum nimia hominum multitudine unum pace, alterum bello occupat. Castrum vero qui Hodierno vocatur, tūtissimum valde in ripa fluminis Rhodani ponitur : quod Recaredus rex fortissima pugna aggressus obtinuit : et victor ad patrem patriamque rediit ». Sed loco, *Hodierno*, legendum, *Ugerno*, cuius Arelatensis castrum meminere Strabo lib. 4, Cyprianus in Vita sancti Cæsarii Arelatensis episcopi, et Gregorius Turonensis lib. 8, cap. 30.

3. *Mortem ejus Franci ueliseuntur.* — Joanni Bielariensi suffragalur Gregorius Turonensis lib. 8, cap. 28, ubi loquens de gestis anno Childeberti regis x, qui in an. Christi DLXXXV convenit, ait : « Igitur Ingundis a viro (nempe sancto Hermenigildo) cum imperatoris exercitu derelicta, dum ad ipsum principem cum filio parvulo duceretur, in Africa defuncta est, et sepulta. Leuvigildus vero Herminchildum filium suum, quem ante dicta natalie habuit, morti tradidit. Quibus de causis commotus Gunthrammus rex, exercitum in Hispanias destinat, scilicet ut prius Septimaniam, quæ adhuc intra Galliarum terminum habetur, ejus dominationi subderent : et sic in antea proficisceretur, etc. » quæ fusi sequentibus capitibus prosequitur, aitque Recaredum filium Leuvigildi *Ugernum Arelatense castrum* irrupisse, et se *intramuros Nemausensis urbis* inclusisse. Quibus verbis patet, eum loqui de eadem expeditione, de qua Bielariensis, et cum eo in anno rei gestæ convenire; quod et ex eo etiam patet, quod ipso initio libri 8 agat de iis, quæ anno XXIV Guntramni regis, qui in anno Christi DLXXXV incidit, contigere. Ille porro bellum in *Septimania* a Guntrammo Hermenigildi morlem ultro gestum.

4. *Situs castri Ugerni.* — *Ugerni* situs magnis hactenus tenebris circumseptus, licet Hadrianus Valesius in Notitia Galliarum ac in voce *Ugernum*, pro certissimo haberi debere scribat, castrum illud fuisse *Belliquadrum*, Tarasconi oppositum, et solo Rhodano ab eo divisum; vel *potius insulam Germeiam* Tarasconem inter et Belliquadrum positam, quam Rhodanus absorbuit. Nam verum quidem est, Bielariensem abbatem citatum, qui hoc tempore in Hispania vixit, asserere illud ad ripam Rhodani fuisse; sed ex Tabula Peutingeriana patet, *Ugernum* aliquot milliaribus a Rhodano distasse. Illud ergo tantum nobis certo innoscit, *Ugerni* castrum extitisse in Septimaniam, Rhodano fluvio, Nemauso, ac Arelati vicinum, et anno quingentesimo octogesimo quinto, non autem anno quingentesimo octogesimo sexto, ut perperam Cointius eo anno num. 4, a Recaredo Visigothorum rege expugnatum esse. Error inde natus Cointio, quod eadem sauci *Hermenigildi* ad eum annum distulerit : Hadrianus enim Valesius lib. 13 Rer. Frane, qui martyrium illud suo anno reddidit, recte etiam *Recaredi* victoriam cum eodem copulavit. Baronius primum istud bellum Francos inter et Gothos con-

fundit cum alio, quod infra videbimus diversum fuisse, ac contigisse an. DLXXXIX.

5. *S. Hermenigildus die xxiv Martii Martyrium fecit.* — Sanctus Gregorius papa lib. 3. Dial. cap. 31, diem, quo *Hermenigildus* martyrium passus est, notavit : « Superveniente, inquit, Paschalis festivitatis die, intempestæ noctis silentio, ad Herminchildum perfidius pater Levichildus Ariani episcopum misit, ut ex ejus manu sacrilegæ consecrationis communionem perciperet, ac per hoc ad patris gratiam redire mereretur. Sed vir Deo deditus Ariano episcopo venienti exprobavit, ut debuit, ejusque a se perfidiam dignis increpationibus repulit. Ad se itaque reverso episcopo Arianus paler infremuit, statimque suos apparatores misit, qui constantissimum confessorem Dei illic ubi jacebat, occiderent, quod et factum est ». Cum autem divus Hermenigildus tam in veteribus, quam in recentibus Martyrologiis colatur die decima tercia mensis Aprilis, annoque DLXXXVI, sabbatum sanctum in illum diem inciderit, Henschenius ad diem xvi Martii in Commentario prævio ad Vitam sancti Leandri episcopi Hispalensis, et ad diem xiii mensis Aprilis, qui sancto Hermenigildo sacer est, ac Cointius anno DLXXXVI, num. 3 existimaretur, martyrium istud ad an. DLXXXVI pertinere. Verum praterquam quod sanctos confessores ac martyres aliis plerumque diebus, quam quibus ad Deum migrarunt, Ecclesia veneretur, Bielariensis abbas et Gregorius Turonensis Hermenigildo æquales eum an. DLXXXV pereimplumi esse diserit affirmat, ideoque die xxiv Martii ; cum anno sequenti Pascha die xxv ejusdem mensis celebratum fuerit. Porro ideo Baronius *Hermenigildi* martyrium hoc anno collocavit, quia *Leuvigildi* patris morlem anno sequenti contigisse putabat. Sed eam ad an. DLXXXVI revocandam, infra monstrabimus.

6. *Regnum Suevicum cum Gotthico unitum post martyrium S. Vincentii abbatis.* — Ad num. 9 et seq. Regnum Suevorum anno tantum sequenti in *Leuvigildi* potestate venisse, et cum regno Gotthico unitum esse anno DLXXXII, ibidem numero 12 ostendimus. Sanctum vero *Vincentium* abbatem Legionensis monasterii in Hispania antequam *Theodemirus* Suevorum reximperare martyrium fecisse, demonstrabimus anno DCXXX quo Baronius de ejus martyrio rursus verba facit, arbitratus, *Vineantium*, de quo ibi disserit, alium esse a *Vincentio*, cuius hoc anno mentionem facit, quamvis unus idemque sit, qui Ricila Suevorum rege Ariano regnante, morlem cum sociis pro fide Christi oppelli.

7. *Pax inter Francorum reges sancta.* — Ad num. 41. Gregorius Turonensis lib. 6, cap. 4, scribit : « Anno sexto regni sui Childebertus rex rejectam pacem (ubi accusativus absolute ponitur a Gregorio, ut quandoque ab aliis antiquis, pro rejecta pace) Gunthrammi regis, cum Chilperico conjunctus est. Mummolus a regno Gunthrammi fuga dilabitur, et se infra murorum Huennicorum munitionem concludit ». Quare pax hæc inter Francorum reges

sancita anno Christi DLXXXI, qui sextus erat Childeberti regis. Hoc confirmat Marius Aventicensis, qui ad Indictionem xiv seu annum Christi DLXXXI, quo Chronicum suum absolvit, ait: « Eo anno Mummolus patricius cum uxore et filiis, et multitudine familiae, ac divitiis nullis in Marca Childeberti regis, id est, Avinione, confugit ». Inclaruit Mummolus in bellis a Gallis adversus Langobardos gestis, ut videre est in lib. 3 Pauli diaconi cap. 4 et seqq. *Aegidius* Rhemensis episcopus qui in aula Childeberti regis potentissimus erat, cum aliis proceribus in legationem ad Chilpericum regem venit, et pacem stabilivit ea conditione, ut post obitum *Chilperici*, qui nullos tunc habebat liberos, *Childebertus* ei succederet. Verum postea Chilperico natus est *Clotarius*, qui post patrem regnavit.

8. *Moritur S. Ferreolus episc. Ucetiensis.* — Ad num. 13. Turonensis ibidem cap. 7, meminil sanctorum *Ferreoli* episcopi Ucetiensis, *Eparchii* abbatis Inculismensis, et *Domnoli* episcopi Cenomanensis, qui anno sexto Childeberti regis ad Deum migrarunt, ideoque anno DLXXXI. *Ferreolus* Ansberti filius, sancto *Firmino* episcopo Uctetiae patruo suo successit anno DLIII, ut ex ejus Vita a se ex veteri Ms. publicata colligit Marcus Antonius Dominicus. In ea urbe monasterium instituit, quod de suo nomine *Ferriolaceum* nuncupavit. Extat ejus regula in Codice regularum apud Holstenium, cuius capitula pleraque conformia sunt statutis sancti Caesarii episcopi Arelatensis, ut ostendit Cointius anno DLVIII, num. 9 et seqq. E vivis excessit, postquam *pontificatus* tenuit annis xx et viii, ut in ejus Vita dicitur, ubi et legitur eum mortuum *H nonas Januarii*.

9. *Obitus S. Eparchii reclusi Inculismensis.* — *Eparchius* in urbe Petragoricensi natus, relicta militia seculari, in scis omnibus monachum induit; sed eum de ipso praezellens fama multa jactaret, venit ad quamdam solitudinem, ubi sedem fixit ad *Carantonum* fluvium, et cum licentia *Sabaudis* episcopi Petragoricensis sese inclusit. Postea monachis praefectus diebus ac noctibus ab oratione non cessavit. Denique « eum annos triginta novem in reclusione explesset, nullo tædio fatigatus die kal. Jul. emisit spiritum », inquit anonymous coætaneus in ejus Vita a Mabillonio saeculo i Benedictino publicata, quæ et jam extabat apud Surium, sed stylo immutato. Gregorius quidem Turonensis habet eum demortuum post annos reclusionis xi; sed Cointius anno DLXXXI, num. 7 asserit, caput 8 libri sexti Gregorio Turonensi deesse in MSS. Bellovacensi et Corbeiensi. Extat *Eparchii* reclusi monasterium prope urbem Inculismam.

10. *Obitus S. Domnoli episc. Cenomanensis.* — Mabillonius tomus in Veter. Analect. pag. 96, gesta episcoporum Cenomanensium ex veteri Ms. Ecclesie Cenomanensis publicavit, in quibus mentio

cujusdam donationis a Domnolo factæ anno xx regni domini nostri *Chilperici*, gloriösi regis, prid. non. Septembri, ideoque anno quingentesimo octogesimo secundo, mensis Septembri initio, adhuc in vivis erat *Domnolus*. In iisdem Gestis dicitur sedisse annos XLVI, menses XI, dies XXIV, et obiisse plenus dierum kal. Decembri. Verum in annos sedis ejus error irrepsit; cum *Innocentius* Domnoli antecessor Synodo Aurelianensi IV, anno DLXI subscripterit. Cointius anno DLXV, num. 47, notavit tamen non mereri caput nonum lib. 6 Gregoriani; cum totum absit a MSS. Corbeiensi et Metensi, resque multis contineat historicæ veritati contrarias. Legenda ejus Vita apud Bollandum ad diem XVI Maii ab auctore synchrono scripta, ubi dicitur, *Domnolum* construxisse in suburbio civitatis Cenomanensis monasterium in honorem sanctorum martyrum Vincentii et Laurentii, quod etiam monasterium sancti Vincentii martyris appellatur (1).

11. *Annus emortualis S. Mauri ordinis Benedictini per Gallias propagatoris.* — Sancti *Mauri* abbatis Glannafoliensis, et ordinis Benedictini in Gallia fundatoris mortem recitat hoc anno Baronius. Verum cum anno quingentesimo quadragesimo quarto in Galliam venerit, ut suo loco vidimus, mors ejus in annum sequentem differenda. Faustus enim in ejus Vita a Mabillonio saeculo i Benedictino Notis illustrata, num. 70 ait: « Dolor lateris graviter beatum invasit Maurum, qui languore ingravescente, quadragesimo primo adventus sui ad eundem locum anno, decimo octavo kalendarum Februarii die feliciter migravit ad Dominum », ideoque die XV mensis Januarii in sequentis Christi anni. Addit Faustus: « Dies autem vite B. Mauri ita supputantur. Oblatus est Deo, ac traditus B. Benedicto eum duodecim esset annorum (anno sc. DLXV) habitavit eum eo viginti annis (nempe usque ad finem anni DLXII) : commoratus est in monasterio suo, quod ipse aedificavit, annis quadraginta, diebus quatuordecim, qui simul sunt anni septuaginta duo, et dies quatuordecim », ideoque S. Maurus in lucem prodit die prima vel secunda mensis Januarii anni quingentesimi decimi tertii, et anni illi XI quibus natus erat, quando ad sanctum Benedictum venit, et XX quibus cum eo commoratus est, incompleti fuere. Odo Glannafoliensis abbas, qui Vitam sancti Mauri a Fausto scriptam nobis conservavit, anno octingentesimo quadragesimo quinto, Indictione octava, quarto idus Martii, reliquias sancti Mauri solemniter transtulit, et ipsem in Historia hujus Translationis corporis S. Mauri in Fossatense monasterium agri Parisiensis, quæ extat apud Mabillonum saeculo iv Benedictino part. 2, refert, eas absque macula repertas esse, cum parte membranulae, in qua scriptum erat: « Hic requiescit corpus

(1) Bollandista ad diem XIX Junii pag. 862, melius quam ab illis factum fuerat ad diem XVI Maii, ubi de S. Domnolo, discutientes chronologiam episcoporum Cenomanensium evincent S. Domnolum obuisse A. DLXXXIII, sedisse annis XXVI, non XLVI, ut male legitur in Actis episcoporum Cenomanensium apud Mabillonum in vet. Analectis. Ac denique ordinatum fuisse A. DLVII.

Mauri monachi et levitae, qui tempore Theodoberi regis in Galliam venit, et octavo decimo kalendram Februariarum migravit a saeculo ».

42. S. Maurus Clotario regnante demortuus.

— In eadem sancti Mauri Vita, num. 63 et seqq. legitur, per idem tempus *Clotarium* Andegavos venientem rogatum fuisse a viro Dei, « ut regali ediclo firmare dignaretur, quatenus Congregationi loci ipsius electionem propriam per succedentia liceret habere tempora », et regem ejus petitioni libenter annuisse. Postea Maurus « trigesimo octavo ipsius monasterii fundationis anno, cum ad perfectam jam venisset etatem, et juxta prophetiam beatissimi magistri sui, qui eum post consummatam trinam vicenorum annorum decurcionem, mercedem operum suorum a Domino recompensandam esse praedixerat, finem vite sua jam propinquum cognosceret; edificata sibi domuncula juxta B. Martini Ecclesiam, remotiorem delegit vitam assumere ». Addit Faustus, Maurum *Bertulfum* sibi substituisse abbatem; « eumque duos ac dimidium in contritione spiritus et corporis maceeratione complesset annos », vita functum esse. Verum quemadmodum in illa Vita nomen *Bertieranum* loco *Innocentii*, qui Cenomanensis episcopus erat, quando Maurus in Galliam adventavit, ab Odone additum; sic *Clotarius* loco *Chilperici* ab eodem positus est, licet Faustus nec episcopi nec regis nomen expressisset, quae additiones interpolatoribus familiares. Cerle *Clotarius*, qui hoc tantum anno *Chilperico* natus est, laudatum praeceptum sancto Mauro Iargiri non potuit, neque cum eo verba facere.

43. S. Gregorius e legatione Constantinopitana Romam redux. — Ad num. 14 et seqq. Anno quingentesimo octogesimo primo diximus, sauctum *Gregorium* diaconum et apocrisiarium in aula Constantinopolitana agentem, praesenti anno Romanam rediisse. Episcola enim *Pelagii II* papae ad eum scripta, et a Baronio num. 15 et seq. recitata, quae data dicitur *H non. Octob. Indict. iii*, currenti scilicet anno, mentionem facit cuiusdam presbyteri, quem ad se confessum mitti *Pelagius* petit. Is presbyter erat *Maximianus*, cum quo sanctum *Gregorium* Romanam rediisse, testatur Joannes diaconus in ejus Vita lib. 1, cap. 33. Quare sub hujus anni finem vel sequentis initio sanctus *Gregorius* Constantinopolim reliquit, et Romanam venit. Baronius quidem num. 18 dicit, falsum esse Joannem diaconum, et *Gregorium* non nisi ann. **DLXXXVI** Constantinopoli profectum esse. Verum, ut loco laudato monimus, hanc sententiam postea cardinalis doctissimus in Appendice ad tomum **xii** retractavit.

44. Pelagii II Epistola ad Aunacharium episc. Autissiodorensem data. — Aseril etiam Baronius num. 18, *Pelagium II* scripsisse ad *Auxani* episcopum Arelatensem, eumque rogasse, ut suaderet Francorum regibus, quo a confederacione Langobardorum recederent. Eam Epistolam ipsemel exhibet, datum *III non. Oct. imperante Domino Tiberio Constantinopoli Aug. anno vi eos. ejusdem ann. regum*, inscriptamque *Aunani*. Verum Codex Ms. ex quo illa Epistola descripta, mendosus era. Eamdem enim recitat Sirmondus in Conciliis Gallicanis recieque observat, eastigandam esse inscriptionem, legendumque, *Aunario*, qui et interdum dicitur *Aunaharius*, qui hoc tempore episcopus erat Alli-siodorensis. In subscriptione vero Sirmondus legi: « Datum III nonas Octobres, imperante Domno Tiberio Constantinopoli Augusto, anno VII », omissis scilicet consulatu; quo pacto ea Epistola anno **DLXXXI** data fuerit. In editione tamen Vaticana Concil. subscriptio diversa non est a Baroniana; quo pacto Epistola anno **DLXXX** scripta fuerit, et loco *eos. ejusdem ann. regum*, legendum erit, *consulatus ejusdem anno secundo*, modo scilicet loquendi Victoriano. Porro Sigebertus in Chronico ad an. **DLXXXI**, scribit: « Duces Langobardorum Gallias aggredintur, et vario bellandi genere nunc Franci, nunc Langobardi inter se colliduntur ». Sed de confederacione Francorum cum Langobardis, de qua queritur Pelagius II in laudata Epistola, nihil Paulus diaconus habet, quae tamen in dubium non revocanda; sed inde collendum multa a Paulo fuisse pratermissa.

15. Bellum Persicum continuatum. — Theophylactus lib. 1, cap. 12, postquam locutus est de consulatu a Maurilio imp. kalendis Januariis hujus anni suscepto, ait: « Hoc anno ingrediente, Joannes (qui Mystaco vocabatur) ducis loco movetur, ut qui Persis, quamquam in majori belligerandi commoditate, nesciret resistere ». Narrat postea capite sequenti in ejus locum subiectum fuisse *Philippicum* Orientalium militum duecem, qui imperatoris sororem *Gordiam* habebat in matrimonio. *Philippicus* autumno primo apud Tigrim stativa habuit, indeque movens, *crebrius in agrum Persicum descendit, ac praedam plurinam facit, sed nihil magni momenti hoc anno eo in bello patratum.*

16. Chilpericus Francorum rex necatur. — *Chilpericus* Francorum rex hoc anno occisus, ut anno **DLXXXVII** ostendemus. Hoc vel sequenti anno **S. Gregorius** e sua legatione Constantinopolim reversus est, ut videre est anno **DLXXXVI**. De matrimonio *Rigunthis* cum Recaredo Leuvigildi regis filio vide quae scripsi anno **DLXXXVII**.

PELAGII ANNUS 8. — CHRISTI 585.

1. *Creatur rex Longobardorum Antharit.* — Adest annus Domini quingentesimus octogesimus quintus, Indictionis tertiae : quo Longobardi cum per decennium sine rege sub dueibus extilissent, regiminis ejusmodi sine capite iam pertasi, in illo una comitiis, regem ut antea creant, delectusque ex omnibus Antharit : verum Barbaricum nomen nimis asperum cognominis Flavii lenitate delinunt. Sed audi Paulum diaconum de Longobardorum Republica hoc modo composita ista narrantem¹ : « At vero Longobardi cum per annos decem sub potestate ducum fuissent, tandem communis consilio Antharit Clephonis supra memorati principis filium regem sibi statuerunt : quem etiam ob dignitatem Flavium appellarunt; quo pronomine omnes qui postea lucere Longobardorum reges, feliciter usi sunt.

2. « In hujus diebus ob restorationem regni, duces qui tunc erant, omnis substantia sua medietatem regalibus usibus tribuunt; ut esse posset, unde rex ipse, et qui ei aderant ejusque obsequiis per diversa officia decti, alerentur : populi tamen aggravati per Longobardos hospites partiuntur. Erat sane hoc mirabile in regno Longobardorum, quod nulla erat violentia, nullae statuebantur insidiæ, nec aliquem injuste angariabant, neminem spoliabant; non erant furtæ, non latrocinia, unusquisque quolibet securus sine timore pergebat ». Hec Paulus : sed Longobardus, et ipse sue genti nimium favit: non ita caeteri qui hoc tempore vivere, praesertim vero Gregorius papa, qui saepe ob ingentia ab eisdem scelera perpetrata ipsos Longobardos gentem nefandissimam nominal, compluraque de iisdem refert quæ contraria omnino iis quæ a Paulo narrantur esse noscuntur.

3. *Roma defensa divinitus.* — Sed quo statu res Romanae hoc tempore fuerint, quas a Pelagio papa adeo vidimus deploratas, perquirendum est. Accidit sane a Deo mirandum prodigium, ut et absque auxilio Constantinopoli ab imperatore (ut exspectabatur) accepto, tamen Roma subsisteret, non qui-

dem humano fulta præsidio, sed (quod Gregorius libere profitetur) defensa Apostolico patrocinio. Inter alia admiratione dignaque acciderunt virtute Petri, humiliata est Barbarica vis, atque flexa novo miraculo novi regis ferrea cervix ; adeo ut et ad ejus limina donum mittere divinitus cogeretur. Sed audi rem gestam, a S. Gregorio in Epistola ad Theotistum ita narratam¹ :

4. « Benedictionem, inquit, sancti Petri Apostoli, clavem a sacrissimo ejus corpore transmisi; de qua videlicet clavis hoc est gestum, quod narro miraculum. Dum eam quidam Longobardorum civitatem ingressus in Transpadanis partibus, inventisset : quia sancti Petri clavis esset despiciens; sed pro eo quod auream vidit, facere sibi ex illa aliquid aliud volens, eduxit cultellum ut eam incideret : qui mox cultellum, cum quo eam per parles mittere voluit, arreplus per spiritum sibi in gutture defixit, eademque hora defunctus cecidit. Et dum illic rex Longobardorum Antharit atque alii multi ejus homines adessent, et is qui se percusserat, seorsum mortuus, clavis vero haec seorsum jaceret in terra; factus est omnibus vehementissimus timor, ut eamden clavem de terra levare nullus præsumeret. Tunc quidam Longobardus Catholicus, qui sciebatur orationibus et eleemosynis dedicatus (Minulphus nomine) vocatus est, atque ipse hanc elevavit de terra : Antharit vero pro eodem miraculo aliam auream clavem fecit, atque cum ea pariter ad sanctæ memoriae prædecessorem meum transmisit, indicans quale per eam miraculum configisset ». Ilucusque Gregorius. Sed quod per clavem possessio designatur, veluti hieroglyphicis quibusdam notis (quas tamen cum scriberet rex Barbarus non intellexit) illud significatum fuisse, posset ex eventis certo interpres asserere, non tantum a Longobardis Urbem non capiendam, sed ipsos omnes cum sua ditione Romano Pontifici parituros. Unde merito his diebus Venantius Fortunatus laudes celebrans Apostolorum Petri et Pauli, inter alia de ipsis magnifice decantata; de ipsorum

¹ Paul. diae. de Gest. Longob. l. iii. c. 8.

¹ Greg. l. vi. Ep. xiii.

patrocinio, quo muniunt Urbem, hos habet versus¹:

A facie hostili duo propugnacula presunt,
Quos fidei turres Urbs caput orbis habet.

Testatur idipsum S. Gregorius, de his quae ipse experiebatur certam fidem faciens. Sed haec modo satis. Jam ad res in Hispania gestas emarrantas nobilitas nos provocat argumenti.

5. *Leuvigildo defuncto Reccaredus succedit qui Catholicus. Catholicis faret. Arianos confundit.* — Hoc anno qui sequitur primus a martyrio Hermenegildi, ejus pater infelix Leuvigildus, subactis Suevis, eisdemque in Arianam heresim revocatis, post persecutionem Ecclesie ex hac vita migravit, prout ex iis quae anno superiori sunt dicta de martyrio regis expressum patet in Actis Toletani Concilii; ex quibus constat hoc anno filium ejus Reccaredum regnare copisse. Era sexagesima vicesima tertia: nam in iisdem Actis. Era sexagesima vicesima septima annus quartus ejusdem regis numeratur. Verum in Isidori Chronico. Era sexagesima trigesima quinta obitus Leuvigildi et Reccaredi ingressus in regnum mendose legitur: quod nullo penitus modo convenire potest.

6. Quod vero ad fidem ejusdem regis pertinet, ambo Gregorii suorum temporum scriptores eundem facti penitentem decessisse ex hac vita tradunt: etenim de Leuvigildi obitu et Reccaredi successione habet ista S. Gregorius papa²: « Leuvigildus, oborta ægritudine, ad extrema perductus est, et Leandro episcopo, quem prius vehementer affligerat, Reccaredum regem filium suum, quem in sua heresi reliquerat, commendare curavit; ut in ipso quoque talia ficeret, qualia in fratre ejus exhortationibus fecisset. Qua commendatione expleta, defunctus est ». Haec de penitentia regis, sed non satis visa ad salutem Gregorio, qui subdit:

7. « Post ejus mortem Reccaredus rex non patrem perdidit, sed fratrem martyrem secutus ab Ariana pravitate conversus, totam quoque Wisigothorum gentem ita ad veram perduxit fidem, ut nullum in suo regno militare permetteret, qui regno Dei hostis existere per hereticam pravitatem non timeret. Nec mirum quod verae fidei prædicator factus est, qui frater est martyris, cuius hunc quoque merita adjuvant, ut ad omnipotentis Dei gremium tam multos reducat. Quia in re considerandum nobis est, quia totum hoc agi nequaquam posset, si Hermenegildus rex pro veritate mortuus non fuisset. Nam sicut scriptum est³: Nisi granum frumenti cadens in terram mortuum fuerit ipsum solum manet: si autem mortuum fuerit, nullum fructum affert. Hoc fieri videmus in membris, quod factum scimus in capite. In Wisigothorum enim gente unus mortuus est, ut multi viverent; et dum unum granum fideliter cecidit, ad obtinendam

fidem seges nulla surrexit ». Hucusque Gregorius. Sed et alterum Gregorium, Turonensem videlicet, audi, qui aliquid amplius de penitentia refert ejusdem Leuvigildi: ait etenim⁴: « Post hæc Leuvigildus rex Hispaniarum ægrotare coepit: sed (ut quidam assurunt) penitentiam pro errore heretico agens, et obstans ne huic heresi quisquam reperiretur consentaneus, in legem Catholicam transiit, ac per septem dies in fletu perdurans pro his quae contra Deum inique molitus est, spiritum exhalauit ». Haec ipse. Verum etsi facti penitens, quod tamen Catholicus omnino decesserit, haud satis certis probatur assertionibus: etenim execrabilis ejus memoria remansit posteris.

8. Quod vero ad ejus successorem Reccaredum pertinet, accipe quae de eo summatis Isidorus habet in Chronico: « Leuvigildo defuncto, filius ejus Reccaredus regno est coronatus, cultu prædictus religionis et patris moribus longe dissimilis: namque ille irreligious et bello promptissimus, hic fide pius et pace præclarus: ille armorum artibus gentis imperium dilatans; hic religiosus eamdem gentem fidei trophy, insoliti erroris labi detersa ad cultum recte fidei revocavit. Synodus etiam ad condemnationem Arianei heresis congregavit: cui Concilio idem gloriosissimus princeps interfuit, snaque eum præsentia et subscriptione firmavit ». Haec de pietate Reccaredi Isidorus: de bellica autem virtute que subdit suo loco dicemus.

9. His jungamus quae de coramdem conversione Gothorum, et de infelici exitu episcopi Ariani qui se obicem posuit, Gregorius Turonensis narrat his verbis⁵: « Igitur eo tempore in Hispania Reccaredus rex compunctus miseratione divina, convocalis episcopis religionis sue ait: Cur inter vos et sacerdotes illos, qui se Catholicos dicunt, jugiter scandalum propagatur: cum illi per fidem suam signa multa ostendant, vos nihil tale agere potestis? Qua de re convenite, quæsimul, et discussis utriusque partis credulitatibus, quæ vera sunt cognoscamus. Et tunc aut accepta illi a vobis ratione, ea credant quæ dicitis: aut certe ab illis veritatem cognoscentes, quæ prædicaverint, vos credatis.

10. « Quod cum factum fuisset, congregatis utriusque partis episcopis proposuerunt heretice illa quæ sepius ab ipsis dicta jam seripsimus: similiter responderunt episcopi nostræ religionis ea de quibus hereticorum partem plerunque vietam libris superioribus demonstravimus: et præsertim eum rex diceret, quod nullum signum sanitatis super infirmos ab hereticorum ostenderetur episcopis, ac in memoria replicaret, qualiter tempore genitoris sui, episcopus, qui se jactabat per fidem rectam cœcis restituere lumen, taeto cœco, et cœctali perpetue damnato, discessisset compunctus (quod nos in libro Miraculorum plenius declaravimus) vocavit ad se seorsum sacerdotes Dei: quibus perscrutatis cognovit verum

¹ Fort. cœm. I. m. — ² Greg. dialog. I. m. c. 31. — ³ Joan. XII.

⁴ Greg. Tur. hist. I. VIII. c. ult. — ⁵ Ibid. I. IX. c. 3.

Deum sub distinctione coli personarum trium, id est, Patris, Filii, et Spiritus sancti, nec minorem Filium Patre, Spirituque sancto, neque Spiritum sanctum minorem Patre, vel Filio, sed in una aequalitate atque omnipotencia hanc Trinitatem verum Deum fateri.

11. « Tunc intelligens veritatem Reccaredus, postposita altercatione, se Catholicæ legi subdidit, et accepto signaculo sanctæ Crucis cum chrismatis unctione, ereditus Iesum Christum Filium Dei aequalem cum Patre et Spiritu sancto regnante in sæcula saeculorum. Amen. Deinde nuntios mittit ad provinciam Narbonensem, quibus narrantibus ea quæ ille gesserat, simili credulitate populus ille connecteretur. Erat enim tunc sectæ Arianae episcopus Athalocus, qui ita per propositiones varias et interpretationes falsas Scripturarum Ecclesias Dei conturbabat, ut putarebatur quod ipse esset Arius, quem projectisse in secessum exta, historiographus narravit Eusebius: sed cum hoc populo sectæ sue credere non sineret, et ad consentiendum ei paucorum faveret adulatio; commotus felle ingressus in cellulam suam, inclinato super lectulum capite, nequam spiritum exhalavit. Sicne haereticorum populus in ipsa consistens provincia, inseparabilem Trinitatem confessus, ab errore discessit ». Hucusque Gregorius. Egisse quidem Reccaredum regem cum episcopis Ariani non terrore vel imperio usum, sed placidis verbis atque blanditis, summam in omnibus præ se ferentem manuadinem, auctor est Joannes Biulariensis abbas, qui his temporibus vixit et scripsit.

12. Sic igitur summo Dei beneficio, cum per Gothos, Wandalos, Suevos, Alanos, aliasque Barbaras nationes Ariana haeresis exundans implesset Italiam, Africam, Hispanias, atque Gallias: tanquam torrens in austro exsiccata decrevit. Sed de his rursus inferius. Porro regina Leuvigildi conjux Goisinthia, noverca Reccaredi regis, Arianae perfidiae addictissima, sive rubore compulsa, sive timore convicta, simul cum aliis fidem Catholicam professa, abdicare Ariana haeresim videri voluit, cum tamen intus Arium haberet inclusum: nam etsi cum aliis Orthodoxis ut Orthodoxa ad Synaxim conveniret, atque sicut alii communicaret, secreto tamen sacratissimam Eucharistiam ex ore rejiciebat: quæ et nihil sollicitius procuravit, quam ut proditione aliqua Reccaredum e medio tolleret; inventaque ejusdem sua sententia Ariandum itidem hominem, dignitate episcopum, nomine Udlam, sive Uldilam, qui in necem regis pariter consipraret; sed conjuratione detecta, Arianus episcopus inuleatur exilio; regina vero, Deo ultore, cilius ex hac vita luitura pœnas aeternas præripitur. Haec Joannes abbas hujus temporis scriptor narrans, tertio regis ejusdem anno accidisse tradit. Sed jam ad res Francorum orationem convertamus.

13. *Chrodini ducis, Juliani, aliorumque illustrum virorum laudes.* — Hoe anno septimo Childeberti regis Chilpericus rex ad Judaorum con-

versionem addicens animum, complures eorum ad fidem conversos in baptismo suscepit: sed dum alios adigere vellet, nullarum cædium occasionem præbuit. Habet ista Gregorius¹ pluribus: qui et subdit post alia² de obita Chrodini viri maxime pii, de quo paucis magna recenset. Fini plane iste Chrodius dux ille, ad quem extat Venantii Fortunati Epigramma, quo ejus pariter laudes celebrat. Sed primum audi Gregorium: « Eo, inquit, anno Chrodius obiit, vir magnæ bonitatis et pietatis, eleemosynarius valde, pauperunque reector, profluus dictator Ecclesiarum, clericorumque nutritor, nam sepe a novo fundans villas, ponens vineas, ædificans domos, culturas erigens, vocatis episcopis quorum erat parva facultas, dalo epulo, ipsas domos cum cultoribus et culturis, cum argento, peristromatis, utensilibus, ministris et famulis, benigne distribuebat, dicens: Sint haec Ecclesiæ data, ut duci de his pauperes reticuntur, mihi veniam obtineant apud Deum. Multa autem et alia bona de viro audivimus, quæ insequì longum est. Transiit autem ætate septuagenaria ». Haec ipse: ex quibus et vides pariter, quo fine bona largiri fideles solebant Ecclesiis, nempe ut eisdem pauperes alerentur. Sed audi Fortunatum viri dignissimi laudes carminibus hisce prosequentem³:

Inclite dux, meritis totum vulgate per orbem,
Quem nimis egregium splendida fama refert.
Non ego præterea præconia celsa, Chrodius,
Ne videar solus magna silere bonis.
Ita terra tibi, pariter Germania plaudunt:
Laus tua cunctorum semper in ore sonat.
Clarus ab antiquis digno generosior ortu,
Regibus et patriæ qui placiturus eras.
Tutorumque alii, nutritoremque fatentur;
Et nit certamen de pietate tua.
Ut habeant alii, nulli tua bona recusas:
Tu tibi plus aanges, quas bene fundis opes.
Qui possis præstare, libens exquiris, et optas:
Ut sis apud cunctos, hos facis esse tuos.
Es generale bonus, nulli gravis, omnibus æquus:
Justitia socium nulla rapina tenet.
Mitis, in aliquid placidus, gratusque modestus:
Omnia cui data sunt, ut decus omne geras.
Gentibus adstrictus, Romanis carus habebis:
Felix qui populis semper in ore manes.

Hacenus Fortunatus. Sic igitur qui tot tantisque laudibus meruit a duobus dignis episcopis celebrari Chrodius dux, hic his elogiis honoratum proponimus ejus monumentum post obitum, cuius erga pauperes sanctaque loca munificentia semper enuit.

14. Sed his subjiciendum putamus alterius pietate insignis viri ab eodem Fortunato Epitaphium scriptum, cuius pariter in ergoandis divitiis pauperibus largitas commendatur: qui ex mereatura (quod magis mirandum videtur) ad Deum conversus, Julianus dictus est nomine: de quo accipe ex scripto codice carminum Fortunati Epitaphium, quod desideratur in codicibus iterum eusis:

¹Greg. Tur. l. vi. c. 17. — ²Ibid. c. 20. — ³Fort. carm. l. ix. in fin.

Condita sunt tumulo Juliani membra sub isto,
Cujus in aeternum vivere novit honor.
Mercator quondam conversus, fide beato,
Raptus ab hoc mundo criminis liber homo.
Collegit nimium, sed sparsit egenitus aurum :
Præmisit cunctas quas sequeretur opes.
Sollicitus quemcumque notum prospexit in urbe,
Hunc meruit veniens exul habere patrem.
Pasceré se credens Christum sub paupere forma :
Ante omnes apud hunc sumpsit egenus opes.
Non solum refovens, sed dona latendo ministrans,
Amplius inde placet, quod sine teste dedit.
Felicem censu qui fratris migrat in aluum,
Et vivos lapides adfiscare potest.
Extulit hunc tumulum genitoris honore Joannes,
Qui modo divinis fungitur officiis.
Qualiter hic vivo serviret amore parenti,
Cum nati pietas ipsa sepulera colit.

Id genus est et Epitaphium Atoli discipuli S. Remigii, hujus plane saeculi viri pietate conspicui, quod Rhemis habetur in Ecclesia S. Juliani martyris :

Hic pater est Atolus nato nataque sepultus,
Exspectansque diem nunc Domini properam,
Instruxit bis sena suis xenodochia rebus,
Jure foveus plebes, divitiis inopes.
Sic proprium censum calum transvexit in altum,
In quo suscepit quod miserando dedit.
Hoc totum sub amore sacri studioque Remigi :
Oh hoc prærutilum detinet ipse polum.

Florardus autem dum quorumdam S. Remigii discipulorum meminit, inter eos et hunc Atolum recenset. Habet ex his, lector, ne putes haec otiose narrata, quibus consueverint titulis exornari Christianorum sepulera non episcoporum tantum, sed et laicorum hominum pietate praestantium.

15. Sed quod in his versatur oratio, hic tibi reddendum putamus Andream ex presbytero cardinali episcopi Epitaphium quod in cathedrali Ecclesia Cajetae legitur hoc utique saeculo positum sub consulatu Decii junioris, de quo superius anno Domini quingentesimo trigesimo quarto. Sed cum nondum illud accepissemus; ne praetereat omnia, hic ipsum describi debere, etsi non temporis, argumenti tamen ratio persuasit. Sic enim se habet :

Pande tuas, paradise, fores, sedemque beatam,
Andreae meritum suscipe pontificis :
Cultor justitiae, doctrinæ et pacis amator :
Quem vocat ad summum vita beata bonum.
Plenus amore Dei nescivit vivere mundo :
At tamulo Christi gloria Christus erat.
Quæ meditata fides et credita semper inhæsit,
Huc te usque ad caelos et super astra tulit.
Nunquam de manibus tibi lex divina recessit :
Eloquium Domini vixit in ore tuo.
Romanamque prius decoravit presbyter urbem :
Culminis auctus honor hic dedit esse patrem.
Districtus sub jure pio et moderamine certo,
Utque bonus pastor texit ab hoste gregem.
Hospitibus gratis, seipsum donavit egenis ;
Ilos eloquo, hos satiabat ope.
Præsule sub tanto florens Ecclesia mater,
Crevit munieribus, crevit et officiis.

VIXIT ANN. PM. LXX. PRESR. ROMANUS VII.
ET IN EP. ANN. XXVII. M. X. D. XX.
REQUIEVIT IN PACE XIII. KAL. NOV.
CONS. DECI. JUN.

In tabula ubi ejusmodi inscriptio legitur, apposita visuntur insignia nobilis familiae Columniensium.

16 Cujusnam vero civitatis hic episcopus fuerit, cum non exprimatur; certum est Cajetanum minime esse potuisse, cum nondum Cajetae cathedra episcopalnis erecta esset; sed in vicinioribus locis erant haec, Formiana ac Minturnensis Neapolim versus, altera vero ex parte Romam versus Fundana et Terracensis, ut constat ex Actis primæ Romanæ Synodi sub Symmacho Rom. Pontifice, et ex Epistolis sancti Gregorii. Porro hoc saeculo ejusdem nominis fuisse reperitur Andreas Fundanus episcopus, cuius est celebris memoria apud sanctum Gregorium in Dialogis¹: vixit etiam iisdem ferme diebus Andreas episcopus Aquinas, de quo idem sanctus Gregorius meminit², sed ignobilis, longeque ab isto de quo agitur diversus: hic enim ante episcopatum in Romana Ecclesia funetus est honorifice presbyterio. At de his satis.

¹ Greg. dial. I. m. c. 8. — ² Ibid.

Anno periodi Graeco-Romanæ 6078. — Olymp. 341. — Anno Ærae Hispan. 623. — Jesu Christi 585. — Pelagii II pape 8.
— Mauriti imp. 4.

1. Postconsulatus. — Is annus hac formula notatus : **in post consulatum Mauriti Tiberii Aug. solis**, ut legitur in Chronico Alexandriu, idque juxta modum loquendi a Marellini continuatore usurpatum. Nam juxta modum loquendi Victoria-num, hic annus est **in post consulatum**, consulatu scilicet cum posteconsulatu confuso. Baronius anno **DCXXV**, num. 5., refert vetus Epitaphium *Candidæ*, quam arbitratur esse sanetam Candidam martyrologio Romano ad diem iv Septemb. inscrip-tam. Epitaphium his verbis clauditur : **HIC REQUIESCIT IN PACE CANDIDA C. F. Q.V.E VIXIT PL. M. ANN. L. DIE IV. ID. SEPT. IMP. D. N. MAURITIO PP. AVG. ANN. IV. P. C. EIUSD. ANN. II. IND. QVARTA.** Idem Epitaphium exhibet Reinesius in Syntagma Inscripti-onum pag. 960, ex Capacio lib. 1 Hist. Neap., cap. 12, et Sumontio lib. 1, pag. 389, existimatque, conditum anno **DLXXXVI**. Verum eum in eodem Indictio iv, cum IV idus Septembribus copuletur, man-ifestum est, currenti anno, quo kalend. Septemb. Indictio iv auspicatur, positum fuisse. Ex eo con-stat primo, consulatum *Mauriti* recte a nobis fuisse consignatum. Secundo, conditorem Epitaphii modum loquendi Victoriam usurpasse, juxta quem postconsulatus a consulatu non distinguitur. Tertio, *Mauritium anno DLXXXII*, ante mensem Septembrem imperium inisisse. Denique Reinesius loco iv per-peram legisse, anno **III**, tertius enim *Mauriti* annus ante Septembrem currentis anni jam absolutus fuerat.

2. Autharis fit rex Langobardorum. — A num. 1 ad 5. Cum aristocratiam triginta dueum, qui post mortem *Clephi* Langobardis præfuerere, decennalem extitisse, annoque **DLXXXVI** cœpisse jam ostenderimus, *Autharis* Langobardorum regis initium ad annum sequentem pertinet, quod illud *Sigebertus* in Chronico, et *Hermanus Contractus* juxta editionem *Canisii* memorant; *Antharis* in correcta editione *Pauli diaconi* a *Grolio* curata *Autharis* appellatur. Porro Bielariensis abbas ad annum **IV** *Mauriti* imp., *qui est Leovigildi regis XVIII annus*, scribit : « *Anthane Longobardorum rex cum Romanis congressione facta superat, et cæsa multitudine militum Romanorum Italiae fines occupat* ». Quæ anno sequenti quo annus *Mauriti* iv

desinit, sicuti et miraculum, quod Baronius ex sancto Gregorio Magno refert, necesse est contigisse.

3. Recaredus Leovigildo patri in regnum Gothorum succedit. — A num. 3 ad 13. Idem Bielariensis loco laudato, ait : « *Hoc anno Leovegildus rex diem clausit exterritum : et filius ejus Recaredus eum tranquillitate regni ejus sumit sceptra* ». Quod etiam anno sequenti contigit. Baronius in Appendix tom. XII et in editione Coloniensi ad an. **DCXI**, *Leovigildi* mortem, quam antea cum praesenti anno conjinxerat, ad annum **DCXI** referendam esse mon-nuit ; quam posteriorem Baronii sententiam Spon-danus secutus, per Mauriti imp. tempora non parum Chronologiam perturbavit. Nam *Leovigildi* mortem, neque in alterutrum annum, neque in annum **DLXXXVII**, ut Cointius ad eum annum, et Bollandus ad diem **XIII Martii** in Commentario Historico ad Vitam santi Leandri episcopi Hispaniensis arbitrati sunt, sed in annum quingentesimum octogesimum sextum incidisse, certa mihi stat sententia. Nam præter abbatem Bielariensem jam citatum, sanctus *Isidorus* in Historia Gothorum festatur Recaredum *Æra DCXXIV anno tertio imperii Mauriti*, *Leovigildo* patri successisse, ideoque anno Christi sequenti. Loco tamen, *anno tertio*, legendum *anno quarto*. Ad hæc Bollandus citatus affert anti-quam inscriptionem dedicate Toleti Ecclesie Cathedralis, in qua dicitur : « *In nomine Domini consecrata est Ecclesia S. Mariae in Catholico die I idus Aprilis, anno feliciter primo regni D. N. glorio-sissimi Flav. Recaredi regis, Æra DCXXV* », id est, anno Christi **DLXXXVII**, quo dies **XIII Aprilis** in Do-minicam incidebat. Bollandus autemavit eam inscriptionem sub initium regni Recaredi positam esse; ideoque hunc anno **DLXXXVII**, regnum inisisse.

4. Initium Recaredi regis valide stabilitum. — Sed hæc interpretatio refellitur primo ex Bielariensi, qui *anno V Mauriti imp. Romanorum, qui est Recaredi regis primus feliciter annus*, ait : « *Sis-bertus interfeclor Hermenegildi morte turpissima perimitur. Recaredus primo regni sui anno, mense X, Catholicus, Deo juvante, efficitur, et sa-cerdotes sectæ Arianæ sapienti colloquio aggressus, ratione potius, quam imperio converti ad Catho-licam fidem facit : gentemque omnium Gothorum*

et Suevorum ad unitalem et pacem revocat Christianæ Ecclesie. Sectæ Arianæ, gratia divina, in dogmate veniunt Christiano. » Quod si *Reccaredus* decimo tantum regni sui mense fidem Catholicam amplexus est, quando ea dedicatio facta, jam decimum ad minus regni mensem inchoarat. Refellitur secundo ex Concilio Toletano III, anno DLXXXIX celebrato, nempe « anno quarto regnante glorioissimo domino Recaredo rege, die octavo iduum Maiorum, Æra DCXXVII », ut in eadem Synodo dicitur. Si enim die VIII mensis Maii anni Christi DLXXXIX; *Reccaredus*, annum regni quartum jam numerabat, primus ejus annus ab anno DLXXXVII deduci non potest. Ex hac itaque temporis notatione cum praefata inscriptione collata, discimus *Reccaredum* patri successisse anno DLXXXVI, post diem XIII mensis Aprilis, quo die anno DLXXXVII, primus ejus annus adhuc in cursu erat, et ante diem octavum mensis Maii, quo die quartum regni annum jam inchoarat, quando Synodus illa Toletana congregata est. Indeque manifestum etiam sit, conversionem ejus decimo post patris mortem mense factam pertinere ad mensem Februarium, vel Martium anni DLXXXVII, ideoque dedicationem illam, non *Reccaredi* regis initio, ut putavit Bollandus, sed initio conversionis ejus peractam esse.

5. *Chilpericus Iudeorum conversioni incumbit.* — Ad num. 43. Turonensis lib. 6, cap. 17, loquens de gestis anno septimo Childeberti regis narrat, *Chilpericum* regem multos Iudeorum baptizari præcepisse; nonnullos tamen eorum Deo mentitos ad priorem perfidiam regressos esse. Tum cap. 20 pluribus laudat *Clorodinum* virum, qui ditaverat Ecclesias, quicunque summam pauperum curam haberat. Verum revocanda hæc ad annum Christi DLXXXII, quo annus Childeberti regis VII in cursu fuit.

Theophylactus lib. 1, c. t4 refert, *Philippicum* Orientalium militum ducem adversus Persas missum Arzanene regioni arma intulisse, et prædam ad memoriam insigillum abstulisse, sed morbo postea correptum difficillimo, postquam eo recreatus fuit, militibus, hyeme jam appetente, missionem dedisse, Byzantiumque venisse. Quæ præsenti anno contigisse ostendit Theophylactum asserens, ea peracta anno deinceps sequenti, anno sc. postquam consulatum gessit.

6. S. Columbanus ex Hibernia in Galliam venit. — Hoc circiter anno sanctus *Columbanus*, cuius opera tam in Gallia quam in Italia monachismus propagatus fuit, relicta Hibernia iusula in Galliam venit, ut Mabillonius saeculo III Benedictino, parte 2, in Vita sancti Waldeberti abbatis Luxoviensis deducit ex haec clausula, que habetur in fine Expositionis Ms. sancti Augustini in Epistola Joannis a quodam monacho Luxoviensi a pluribus saeculis scripta: EXPLECITUM OPUS FAVENTE DOMINO APED COENUBIUM LUSSOVICUM ANNO DUODECIMO REGIS CHLOTHACHARII, INDICATIONE TERTIA-DECIMA, ANNO Xlsimo PIS NI FELICITER PERACTO, id est. ut in-

terpretatur vir doctissimus anno quadragesimo Patris nostri, Columbani videlicet primi abbatis Luxoviensis; qui proinde anno quingentesimo octogenimo quinto in Vosagum advenisse dicendus est, cum annus duodecimus Clotharii regis in Burgundia regnantis, et Indictione XIII convenienter in annum Christi DCXXV aut DCXXIV, quo Indictione illa mense Septemb. inchoata est. Idem Mabillonius lib. 5 de Re Diplom. refert eamdem clausulam similibus characteribus descriptam; eumque illi numeri nec ad *Clotarium* nec ad *Wandelbertum* referri possint, tempus adventus Columbani in Burgundiam nunc exploratum. Columbanus itaque circa praesentem annum in Galliam venit; a quo calculo non multum discrepat Usserius, qui elegit an. DCXXXVIII, sicuti nec Hadr. Valesius lib. 47 Rer. Franc. p. 542, ubi seribit, *Columbanum* ad Guntramnum Burgundiæ regem annum regni XXVII aut XXVIII agentem primum venisse. Opinio Cointii, quæ hunc adventum in annum Christi DCXXVIII confert, licet valde communis sit, omni verisimilitudine caret. Hujus sancti Vitam scripsit *Jonas* monachus, et Mabillonius saeculo III Benedictino publicavit; sed *Jonas* tempus, quo is in Gallias profectus est, non notavit, ac præterea cum eam vitam post annos ab obitu Columbani sex circiter ac viginti scripserit, in Bobiensi monasterio sub hujus regimine nunquam degerit, patriamque nactus sit *Segusium* in hodierno Pedemontio situm, ut ipsemet testatur in fine Vitæ sancti Attale a se conscriptæ, ideoque a Vosagi saltu multum remotam, in iis narrandis quæ magis a sua aetate distabant, non tantum brevior fuit, sed etiam in aliquos errores lapsus est.

7. Tempore Guntrammi Burgundiæ regis. — Scribit *Jonas* cap. 12: « Pervenit fama Columbani Sigiberti regis ad aulam, qui eo tempore duobus regnis Austrasiorum Burgundionumque inclitus regnabat Francis », additique regem ab eo petuisse, ut intra terminos Galliarum resideret, et Columbanum regis persuasionibus obtemperantem petuisse vastam eremum Vosagi nomine, « in qua castrum erat dirutum olim, quod Antiquorum traditio ANAGRATES nuncupabant ». Verum non solum *Sigibertus* rex Austrasiorum anno DLXXV interiit; sed etiam nunquam Burgundionibus imperavit. Quare cum hoc tempore *Guntramnum* Sigiberti frater Burgundiæ principatum gesserit, ab eo, non vero a Sigiberto *Columbanus* in Galliam veniens exceptus est. Silva Vosagus ingenti magnitudine, Austriam a Burgundia tunc dividebat: ejusque major pars a Childeberto Austrasiorum rege, sicut antea ab ejus decessoribus possidebatur, qua scilicet Vosagus Spiram et Straburgum, seu Argentoratum ad Rhenum attingit, et qua introrsus pertinens inter Mosellam ac Mosam attollitur: reliqua pars circa castrum Luxovium et Anagrafas regum Burgundiæ erat. Indeque natus forsitan error anonymi coœvi, qui sanctæ Saldabergæ Acta scripsit, et Orderiei sub finem lib. 8, qui hæc accidisse aiunt sub rege Childeberto. *Columbanus* in loco *Anagrates*, seu

Anagrata dicto, vulgo Anegray, distante plus minus octo milliaribus a Luxovio monasterium aedificavit, quod amplius non extat, in eoque vixit usque ad annum DCC, quo monasterium aliud aedificasse infra ostendemus. Anagratis vir sanctus « Orationum medicamine cunctorum ad se venientium infirmatibus divino fultus auxilio curando subveniebat», inquit Jonas cap. 44. Erant eum Columbano sanctus Gallus, et undecim alii ejus comites, qui ex Britannia cum eo in Gallias venerant. « Cumque jam multorum monachorum societate densaretur, cœpit cogitare, ut potiorem locum in eadem eremo quæreret, quo monasterium construeret», inquit Jonas cap. 47, quo de monasterio, nempe Luxoviensi, infra sermio erit. Baronius ad. DLXXIX, n. 12, loquens de Sigiberti regis morte, et Iohannam sequens, sancti Columbani meminuit.

8. *Initium regni Merciorum.* — « Anno gratiae DLXXXV, regnum Merciorum initium sumpsit», inquit Westmonasteriensis. Malmesburiensis tamen hujus regni exordium ad Pendam, qui anno DCXXVI regnabat, referendum censet. Surrexit illud septimum et ultimum in Saxonum heptarchia Anglorum regnum in meditullio insulæ. Ejus limites erant, ad Aquilonem Umber, Merseusque fluminis; ad Meridiem Thamesis; ad Occasum Sabrina, Devaque; ad Orientem Germanicus Oceannus.

Sanctus *Hermenigildus* hoc anno martyrium fecit, ut anno superiori ostendimus. Synodus Matisconensis II, ut videre est anno DLXXXVIII, hoc anno celebrata. Moriuntur sanctus *Maurus*, ut anno superiori ostendi, et *S. Salvius* episcopus Albigensis, ut anno DLXXXVII probabitur.

1. *Eutychius episcopus Constantinopoli post insignem cum Gregorio disputationem de resurrectione carnis, in confessione dogmatis pie moritur.* — Quingentesimo octogesimo sexto Christi anno, quartæ Indictionis, mense Augusto moritur Tiberius imperator, atque in locum ejus Mauritius subrogator. Sed antequam de his agamus, quæ Tiberii obitum præcesserunt, sunt recensenda. Constat etiam hoc anno, ante qualuor menses quam Tiberius moreretur, Eutychium Constantinopolitanum episcopum ex hæ vita migrasse. Testatur id quidem is qui præsens fuit Eustathius, qui res ab eo præclare gestas conserpsit, cum de ægritudine Eutychii instituens exactam narrationem, haec ait¹: « Imperator magno desiderio et tide beatum virum invisit; primum quidem, ut ab illo benedictionem accepiret; deinde ut intelligeret, quis post illum pastor esset populum gubernaturus. Benedixit ille quidem imperatori, sed alterum reticuit, non quod ignoraret, sed propter quasdam causas, quas, Deo sibi aperiente, ipse noverat. Quare cum ea que res et tempus postulabant, cum imperatore locutus esset, hilari lætoque vultu ille discessit. Ego autem a quibusdam imperatoris familiaribus accepi, ei fuisse

a sancto viro prænuntiatum, celerem ipsi mortem instare; idque verum fuisse eventus docuit: nam qualuor post mensibus a vita discessit Christi amantisissimus imperator». Haec de tempore. Cum igitur obitus imperatoris hoc anno dicto mense contigerit (ut paulo post dicturi sumus) utique necesse est affirmare hoc anno mense Aprili Eutychium ex hac vita migrasse: ex quo corrigenda sunt, quæ superius in eodem auctore vel atillis habentur, sedisse Eutychium, ubi est revocatus ab exilio, annos quatuor et sex menses, nisi quis Joannis intrusi sedem usque ad annum ultimum Justini perduxerit.

2. Sed et quæ paulo ante præcesserunt ejusdem Eutychii obitum, hoc eodem anno hic sunt accurate tractanda; addendaque ab Eustathio prætermissa disputatione illa de resurrectione carnis cum Gregorio diacono Romano apocrisiario habita. Contigit enim ut ipse Eutychius eodem argumento commentarium a se scriptum ediderit; quo cum firmiter adversus Gentiles et haereticos carnis resurrectionem adstrueret, ab Origenis tamen erroribus petitam opinionem iisdem suis scriptis insereret, nimirum fore eam absque carne palpabili. Cum autem id accepisset Gregorius, convenit eum atque redarguit, utque ab erronea et prorsus haeretica sententia recederet verbis instans admonuit: atque

¹ Exst. apud Sor. die vi. Apr. tom. II.

perfecit tandem, ut dannatus liber incendio cremaretur, ipseque Eutychius sanioris mentis effectus suum fuerit detestatus errorem. Ita plane humana sors fert, ut sicut illustrans orbem e caelo sol raro contingat ad occasum absque nubium obice puris radiis deorsum ferri, ita sanctissimi quoque viri virtutum fulgore coruscantes absque aliqua labe raro usque ad obitum perseverent: quod de Eutychio dici potest, qui gloria confessionis ob exilium passum illustris, miraculorumque operatione sublimis, prophetæ quoque charismate pollens, animarum lucro prædives, victoriis adversus haereticos longe lateque conspicuus; prope exitum tamen obscurio nimbo contextus penitus obscuratur; sed quam citissime tante divino Spiritu, nubibus illis procul expulsi, enitescens prioribus fulgoris radis ad occasum, ascensurus in cælum, descendit.

3. Sed quomodo se haec habuerint, a sancto Gregorio ista narrante petamus: in commentariis enim in Job illud explicans: « Et rursus circumdabor pelle mea »; Sic exorditur¹: « Dum aperte pellis dicitur, omnis dubitatio vera resurrectionis auferetur: neque sicut Eutychius Constantinopolitanæ urbis episcopus scripsit, corpus nostrum in illa resurrectionis gloria erit impalpabile, ventis aereque subtilius. In illa enim resurrectionis gloria erit corpus nostrum subtile quidem per effectum spiritualis potentiae, sed palpabile per veritatem naturæ. Unde etiam Redemptor noster dubitantibus de sua resurrectione discipulis ostendit manus et latus, palpanda ossa, carnemque præbuit, dicens²: Palpate et videite, quia spiritus carnem et ossa non habet, sicut me videtis habere. Qui cum eidem Eutychio in Constantinopolitana urbe positus hoc Evangelice veritatis testimonium protulisset, ait: Ideo Dominus hoc fecit, ut dubitationem resurrectionis sue de discipulorum cordibus amoveret. Cui inquam: Mira est res valde quam adstruis, ut inde nobis dubietas surgat, unde discipulorum corda a dubietate saufata sunt. Quid enim deterins diei potest, quam ut hoc nobis de ejus vera carne dubium fiat, per quod discipuli ejus ad fidem ab omni sunt dubitate separati? Si enim non hoc habuisse adstruitur quod ostendit: unde fides discipulis ejus confirmata est, inde nostra destruitur.

4. « Qui adjungebat etiam dicens: Corpus palpabile habuit quod ostendit; sed post confirmata corda palpantium, omne illud in Domino quod palpari potuit, in subtilitatem est aliquam redatum. Ad hæc ipse respondi, dicens: Scriptum est³: Christus resurgens a mortuis jam non moritur, mors illi ultra non dominabitur. Si quid ergo in ejus corpore post resurrectionem potuit immutari, contra veridicam Pauli sententiam post resurrectionem Dominus rediit ad mortem: quod quis dicere vel stultus præsumat, nisi qui veram carnis ejus resurrectionem denegat? Tunc mihi objecit, dicens:

Cum scriptum sit⁴: Caro et sanguis regnum Dei possidere non possunt: qua ratione credendum est resurgere veraciter carnem? Cui inquam: In sacro eloquio aliter caro dicitur juxta naturam, alique aliter juxta culpam vel corruptionem. Caro quippe juxta naturam, sicut scriptum est⁵: Hoc nunc os ex ossibus meis, et caro de carne mea: Et, Verbum⁶ caro factum est, et habitavit in nobis. Caro vero juxta culpam, sicut scriptum est⁷: Non permanebit in hominibus istis Spiritus meus, eo quod sunt caro: et sicut psalmus ait⁸: Memorialis est quia caro sunt, spiritus vadens et non rediens. Unde et discipulus Paulus dicebat⁹: Vos autem in carne non esatis, sed in spiritu. Neque enim in carne non erant, quibus Epistolas transmittebat: sed quia passiones carnalium desideriorum vicerant, jam liberi per virtutem Spiritus in carne non erant. Quod ergo Paulus Apostolus dicit: Quia caro et sanguis regnum Dei possidere non possunt; carnem vult secundum culpam intelligi, non carnem secundum naturam. Unde et mox quia carnem secundum culpam diceret, ostendit subdens: Neque corruptio incorruptelam possidebit. In illa ergo cœlestis regni gloria caro secundum naturam erit, sed secundum passionem desideria non erit; quia devicto mortis aculeo, in æterna incorruptione regnabit.

5. « Quibus dictis idem Eutychius consentire se protinus respondit, sed tamen adhuc corpus palpabile resurgere posse denegabat. Qui etiam in libello quem de Resurrectione scripserat, Pauli quoque testimonium indiderat dicentis¹⁰: Tu quod seminas, non vivificatur, nisi prius moriatur: et quod seminas, non corpus, quod futurum est seminas, sed nudum granum. Hoc nimimum ostendere festinans, quia caro vel impalpabilis vel ipsa non erit, dum sanctus Apostolus de resurrectionis agens gloria, non corpus quod futurum est seminarit dixerit. Sed ad haec etius respondebatur. Nam Paulus Apostolus dicens: Non corpus quod futurum est seminas, sed nudum granum; hoc insinuat quod videmus: quia granum cum culmo et foliis nascitur, quod sine culmo, et foliis seminatur. Ille itaque in augmento gloriae resurrectionis non dixit grano seminis deesse quod erat, sed adesse quod non erat. Iste autem dum verum corpus resurgere denegat, nequaquam dicit adesse quod deerat, sed deesse quod erat.

6. « Tunc itaque de hac re in longa contentione perducti, gravissima cepimus a nobis similitate (simulatione) resilire. Cum piae memoriae Tiberius Constantinus imperator secreto me et illum suscipiens, quid inter nos discordiae versaretur agnovit, et utriusque partis allegationes pensans, eumdem librum quem de Resurrectione scripserat, suis quoque allegationibus destruens, deliberavit ut flammis cremari debuisset. A quo ut egressi sumus, me ægritudo valida, eumdem vero Eutychium

¹ Greg. Moral. I. iv. c. 29. — ² Luc. xxiv. — ³ Rom. vi.

⁴ 1. Cor. xv. — ⁵ Gen. ii. — ⁶ Joan. i. — ⁷ Gen. vi. — ⁸ Psal. LXXVII. — ⁹ Galat. iv. — ¹⁰ 1. Cor. xv.

regritudo et mors prolinus est secuta. Quo mortuo, quia p̄nē nullus erat qui ejus dicta sequeretur, dissimulavi cœpta persequi, ne in favillas videret verba jaaculari. Dum lamen adhuc viveret, et ego validissimis febribus agrotarem : quicunque noli mei ad eum salutationis gratia pergebant (ut eorum relatione cognovi) ante eorum oculos pellēt manus suę tenebat, dicens : Consiteor quia omnes in hac carne resurgemus : quod (sicut ipse fatebatur) omnino prius negare consueverat ». Hucusque de his Gregorius, quæ inter ipsum et Eutychium transacta sunt. Porro Eustathius, qui res Eutychii est prosecutus, haec de controversia cum S. Gregorio sciens volensque preteriit, leviterque errorem attingens, culpam rejicit in adversarium, quasi Eutychii verborum sensum haud assecutus fuisset, cum ipse (ut ait) minime carnis resurrectionem negarit. Sed non id criminī dat illi Gregorius, verum quod eam non secuūdum Catholicam assertionem assereret, sed ut Origeniste solerent.

7. Porro quod ad obitum Eutychii perlinet, idem tradit Eustathius ipsum die Paschatis post officium vespertinum acri febre corruptum, sieque depastis eo igne visceribus post dies septem, nempe sequenti Dominica migrasse ex hac vita. Caeterum haud valuit nævus iste, vel quanlavis macula, quam cito abstersit, ejus animæ labefactare pulchritudinem : utpote etsi erraverit, haud tamen hæreticus videri potuit, quippe qui minime superinduxerit cutem illam compactam squammis, scutis¹ fusilibus duriorem, qua hæretici perlinae obtegi consueverunt : nam ubi primum, doctore et monitore Gregorio, didicit veritatem, eamdem coram omnibus ad se ingredientibus certa confessione professus est : ut non immerito eum Græci ut sanctum eolant, anniversariaque die ejusdem natale celebrent.

8. *Joannes jejunator episcopus Constantinopolitanus ejusque superbìa.* — Ubi vero sancto viro postrema digne sunt persoluta, actum de successoris electione : et quia talēm requirebat religiosissimus imperator, qui cæteros antecelleret sanctitatem, Joannes quidam monachus, qui cognomento Jejunator est appellatus, reliquis prefertur ; cui tamen (ut ex Eustathio vidimus) præcessor Eutychius adhuc vivens haud voluit suo elogio suffragari : utpote qui nihil boni præviderat de homine, qui ex jugi omnibus noto jejunio popularē captans auram, eadem inflatus intumuisset. Ne vero quid deesse posset ad perfectam illam quam oculis hominum intuendam exposuerat sanctitatem, illud iste addidit corollarium, ut fugam arripere tentaret, ne eligeretur episcopus : sed secundum bucolicum illud :

Et fugit ad salices, et se cupit ante videri ;

ita fugere videri voluit, ut ne fugeret detineretur a suis. Quali namque esset tunc animo, mox ipsa sublimis dignitas declaravit. Ut enim in altioribus

montibus aer purgatior detegere et foras mittere e visceribus solet latentes morbos, reddereque eunelis perspicuos, ita eminens honos, altum fastigium, sublimis cathedra, celsa potestas mox patet, que in hominis penetralibus cordis latet hypocrisis, et occultatur ambitio.

9. Accidit id profecto in Joanne : qui ubi electus est et ordinatus Constantinopolitanus antiates, mox sanctam quam in Ecclesia invenit pacem tot laboribus partam foggavit. Etenim mentis sublimi, elatoque corde homini prædicto visa est humili tanta dignitas, qua se imparem ante fuerat fuga professus : quamobrem grande sibi comparans nomen, non patriarcha tantum dici, sed et œcumenicus, affectavit. Sunt de his justæ querelæ Gregorii tune diaconi, postea Romani Pontificis, ubi ad ipsum postea scripsit his verbis¹ : « Eo tempore, quo fraternitas vestra in saecularem honorem proiecta est, quantam Ecclesiarum pacem atque concordiam invenerit, recolit. Sed quo ausu, quove tumore, nescio, novum sibi conata est nomen appere, unde omnium fratrum corda potuissent ad scandalum provenire. Qua in re vehementer admiror : quia ne ad episcopatum venire potuisses, fugisse velle te memini : quem tamen adeptum ita exercere desideras, ac si ad eum ambitioso desiderio cœurrisse. Qui enim indignum te esse fatebaris, ut episcopus dici debuisses, ad hoc quandoque perductus es, ut despexit fratribus, episcopus appetas solus vocari ». Haec ad eum, ad quem rursus superius² de ejus animo quo se abhorre professus est præfecturam : « Quo enim ardore, inquit, quo studio episcopatus pondera fugere volueritis, seio ». Plane loco monstri habitum est, ut qui agnus antea apparuit, mox una cum insulis episcopalibus leonis jubas induerit. Quomodo autem Pelagius papa homini glorie aura inani fumenti restiterit, suo loco dicemus. Jam ad Tiberium redeamus.

10. *Tiberius pie moritur cui Mauritus in imperio succedit, Cæsar antea renuntiatus.* — Ubi vero ab obitu patriarchæ Eutychii (ut ait Eustathius³) quatuor fuisse menses elapsi, moritur Tiberius imperator mense Augusto, cum imperasset solus annos quatuor, totidemque cum Justino uno minus mense, prout testatur Evagrius⁴, neconon Gregorius Turonensis⁵ : dum enim sub octavo Childeberti regis anno Tiberii Augusti mortem contigisse tradidit, utique cum ad hunc annum referre patet. Cum igitur ex græco atque latino suorum temporum scriptoribus id liquido constet : coarguas erroris necesse est alios recentiores, qui in aliud tempus Tiberii obitum referunt. Ita quidem possumus hoc anno una cum Tiberi obitu ingressum Mauritiū, non solum Eustathii tune scribentis auctoritate suasi ; sed etiam Evagrii, rebus his omnibus præsentis, et quam exactissime annos

¹ Greg. l. iv. Ep. xxxviii. — ² Greg. l. r. Ep. iv. — ³ Eustat. in Eutych. apud Sur. die vi. Apr. tom. II. — ⁴ Evagr. . v. c. 43. — ⁵ Greg. l. vi. c. 30.

Justini, Tiberii et Mauritii numerantis assertione coacti, cuius verba posuimus inferius in obitu ejusdem Mauritii imperatoris anno Christi sexcentesimo secundo, prope finem. Ubi rursum cum subduximus numerum armorum trium imperatorum; eorumdem testificatione in idipsum conspirantium hic oportuit annum primum Mauritii collocasse. His adde et Joannem Bielariensem ex Latinis ejusdem quoque temporis auctorem, haud pridem in lucem emissum, idipsum profitentem. Quos tantos viros secuti, sero licet ab eisdem in errorem nos ductos de exordio ejusdem Mauritii sensimus: dum, si quae alia iis adversantibus invenerimus, illapsos in Codices errores ignavia librariorum (ut accidere solet) existimavimus, magis quam ipsos adeo enormi errore lapsos, ut crederemus, induci potuisse. Quamobrem (quod raro accidit) Graecos auctores de rebus Graecorum scribentes, per Latinos corrigere opus fuit, recentioribus Graecis in eandem sententiam cum Latinis abeuntibus, ubi rursum ad calculos revocanda tuit de annis Mauritii disputatio. In qua ubi Gregorius Turonensis et ipse hujus temporis scriptor¹ affirmat, Mauritium iniisse imperium anno octavo Childeberti regis, idemque² superius tradit, eo anno ultimum Januarii fuisse Dominicum diem, quo Dominicalis littera fuit, C, quam manifestum est cadere in annum quingentesimum octogesimum tertium, non autem in praesentem annum quingentesimum octogesimum sextum, quo fuit littera Dominicalis non, C, sed F; evidentissima ratione ostensum est, non hoc anno octogesimo sexto, sed octogesimo tertio post quingentesimum, Mauritium imperare cœpisse. Qua pariter ratione, nullum in textum irrepsisse errorum invenies, de quo erat suspicio, apud S. Gregorium; dum in Regesto, initio libri secundi, annotatum est, Indictione decima, et secundo anno Pontificatus sancti Gregorii, sive Christi anno quingentesimo nonagesimo primo fuisse septimum annum consulatus, seu post consulatum Mauritii: ubi si recurrimus ad eundem annum consulatus, quem certum est omnium sententia incedisse anno secundo ejus imperii; dicere necessario opus est, eundem Mauritium regnare cœpisse anno quingentesimo octogesimo tertio, qui consulatum gessit anno sequenti, nempe octogesimo quarto. Quamobrem errore correcto, numeretur iste Mauriti tertius, cuius primus numerandus fuerat anno Christi quingentesimo octogesimo tertio. Ad hæc confirmanda accedit, quod cum constet ex Mauriana historia auctore Theophylacto antiquitus scripta, Mauritium imperasse annos decem et novem, vice-simo inchoato; et certum sit tempus obitus ejus et ingressum Phœcœ accidisse nimirum anno Christi sexcentesimo secundo: utique affirmandum est, imperare cœpisse anno Christi quingentesimo octogesimo tertio, et consulatum iniisse octogesimo quarto. Sed audi de Tiberii obitus tempore ejusque

virtutibus quæ Gregorius habet¹: « Hoc anno (octavo scilicet Childeberti regis Francorum), Tiberius imperator migravit e saeculo, magnum luctum relinquens populis de obitu suo: erat enim summae bonitatis, in elemosynis promptus, in judiciis justus, in judicando cautissimus, nullum despiciens, sed omnes in bona voluntate complectens: omnes diligens, ipse quoque diligebatur ab omnibus, etc. » Pergit narrare de substitutione Mauritii; sed ea petemus a Graecis.

11. Quod autem de mense quo obiit nulla sit inter scriptores controversia, de die tamen haud verum esse reperitur, quod traditur ad quartum idus Augusti eundem esse defuntem: siquidem tertio idus Augusti reperitur data pragmatica sanctio ejusdem Tiberii de confirmatione eorum quæ statuta essent a Justino de filiis colonorum et liberorum in Africa, instante Publiano episcopo Carthaginensi; ad cuius finem hæc leguntur: « Data tertio idus Augusti Constantinopoli, imperii D. N. Tiberii PP. Aug. anno octavo (ex quo videlicet cum Justino imperare cœpit) et post consulatum ejus anno tertio, et R. S. Nob. Tiberii Mauritii felicissimi Cæsaris anno primo ». Hæc ibi in editione Juliani antecessoris, ex qua corrigas ubi apud alios legitur, loco Mauritii, Martii. Habes præterea, non imperatorem a Tiberio Mauritium esse creatum, sed Cæsarem; nomenque imperatoris non nisi post Tiberii mortem accepisse: Cesar enim vocatus tantum dum Tiberius supervixit, licet diadematæ fuerit coronatus.

12. Interfuisse autem solemnibus istis Joannem Constantinopolitanum episcopum, Nicephorus² tradit, habitamque affirmat brevem orationem a Joanne rethore questoris munere insignito, nomine Tiberii ad Mauritium, his verbis: « Tu vero, Mauriti, pulcherrimum nihil Epitaphium imperium tuum facere perge, et sepulcrum meum virtutibus tuis exorna, neque spem eorum qui tibi concrediti sunt per dedecus fallens, neque virtutes ipse tuas oblivioni tradens, et veluti pristinam animi tui generositatem fugiens. Proinde potestatis insolentiam ratione fac frænes, et philosophia artibus sapienter potentiae scapham gubernes. Imperium namque res est quedam sublimis et excelsa, in altum qui ei insidet sustollens, et recte cogitata excutiens. Minime vero opinionem eam, quod prudentia omnibus antecetas, concipe; quamvis fortuna, quæ tibi sublimis contigit, omnes superas. Porro civium et subjectorum benevolentiam potius quam metum face consecteris: et objurgationem magis, perinde atque magistratum quendam, quam assentationem complectere. Potestas namque res est quedam, quæ admoneri docerique nolit, et castigationem ægre ferre. Ante oculos tuos assistens justitia excubet, que vitæ nostræ actionum remunerationem pro summa sua potestate constituit.

13. « Purpuram perinde atque vilem pannum

¹ Greg. l. vi. c. 30. — ² Ibid. c. 25.

¹ Greg. Tur. hist. Franc. l. vi. c. 30. — ² Niceph. l. xviii. c. 6.

tibi injectam esse per philosophiae studium existima: coronam autem, qua caput tuum cinctum est, nihil a lapillis qui circa marinum littus fluctibus abluuntur, differre puta. Iste purpuræ flos, qui subtristior est, exhortari mili principes videtur, ut moderationem animi in rebus secundis servare assuecant; neque nimium latentur, aut luctuosa ista monarchie stola superbiant: imperii siquidem sceptrum non immoderatam potestatem, sed splendidam potius servitatem exercere adinonet. Iræ imperii humauitas et misericordia, arrogantiae autem timor. Nam et apibus natura duces dedit, earumque regem aculeo quasi quadam spontanea et naturali potestate armavit, ut pungere etiam eum possit, qui legitime non pareat: sed apis minime tyrannicum, verum communi utilitati commodum et justum aculeum habet. Itaque ejus saltem erimus imitatores, si quidem ratio ipsa consilia meliora subiecere non valeat. Ego quidem haec ad te veluti proditor tuus ac parens. Consilii autem nostri indicem habebis potestatem ab affectione omni et munib; incorruptam. simul et virtutes ipsas remunerantem, et vita coercentem.

14. Cum igitur imperator finem orationis fecisset, cives et subditi propter dolorem quo afficiebantur, multam vim lacrymarum profuderunt. Deinde sublatam imperator coronam et purpuream chlamidem Cæsari circuimedit. Ibi tum subditorum acclamations, gratulationesque exorditæ: partim tam commodi consilii auctorem, partim ipsum renuntiatum principem propter eas quibus se dignum imperio præstiterat virtutes admirari. In primis vero laudibus earum rerum omnium conciliatorem, qui universa commodissime dispensat, extulerunt. Ubi vero in hunc modum Mauritius imperatoris caerimonias princeps est declaratus, imperator ipse in lecto suo repositus, in somnis viri speciem ea forma, qua neque verbo neque scripto exprimi queat, et veste tam candida ut cubiculum ejus illustraret, vidit. Vir is, manu protensa, talia verba ad eum prefatus: Haec tibi, Tiberi, ter sanctum numen renuntiat: Tyranni impii imperii tui (sui) temporibus non extabunt. Postquam autem evigilavit, somnum illud amicis exposuit. Legibus deinde naturæ quanvis imperator esset obsecutus, terram tunicam depositus, anima autem velut umbraculum quoddam relinquentे ad sedes superas evolante. Imperio Tiberius cum Justino tribus, solus autem quatuor annis præfuit: qui postquam imperatorum sepulcro repositus est, homines omnes ad Mauritium perinde atque satellites conversi, et lacrymae quibus Tiberi funus prosecuti fuerant, eo ipso die restinctæ sunt. Non enim homines tantum præteriorum meminisse, quantum præsentia curare et colere solent ». Hucnsque Nicephorus.

15. Quod autem ad ostensum visum in somnis Tiberio pertinet: non ad Mauritium referri potest, cuius tempore Phocas insurgens in ipsum ejusque filios tyrannidem diram exercuit; sed dictum existimari debet de Tiberio ipso, eum nimirum fore

post obitum consecutrum imperium pacificum atque perenne, ubi nullus esset timendus, qui illud auferret tyrannus, cœli videlicet principatum, in quo cum Christo regnant omnes sancti ejus.

16. *Martyres per Sarracenos passi.* — Antequam vero ad ejus successorem Mauritium veniamus, hic de aliquot sanctis martyribus intexenda narratio est, qui hoc Tiberii Augusti tempore cœsi a Barbaris in extremis Egypti partibus consequenti sunt coronam martyrii. Rem gestam autem apud Sophronium ita habes fideliter enarratam¹: « Temporibus imperii Tiberii fidelissimi Cœsaris ascendimus Oasim, vidimusque magnum illie in divinis rebus monachum, genere quidem Cappadocem, nomine autem Leonem. De hoc multi multa digna admiratione narrabant nobis. Nos autem ad illius perfligentes familiare colloquium, magnumque experimentum capientes sancti hujus viri, magnifice aedificati sumus, et maxime in humilitate ejus et silentio, et nuditate rerum omnium, et charitate quam ad omnes habuit. Dicebat ergo semper venerabilis senex: Credite mihi, filii, quia regnare habeo. Nos autem dicebamus ei: Crede nobis, abba Leo, quia nullus ex Cappadocia unquam regnavit, importunam ergo habes istam cogitationem. Ille vero rursus dicebat: Veraciter, filii, regnare habeo. Nemo autem poterat eum ab hac cogitatione removere ». Ut qui jam divinitus accepisset se in servum vendendum, atque corona martyrii coronandum. Pergit auctor:

17. « Cum autem venisset Mazices, et universam provinciam illam devastasset, ac diripuisse: venerunt et in Oasim, et monachos quidem plures occiderunt, plurimosque captivos duxeront: inter quos acceperunt et abbatem Joannem (fuerat autem hic lector magnæ Constantinopolitanae Ecclesiæ) et abbatem Eustathium Romanum, et abbatem Theodorum Cilicem (erant autem tres infirmantes). Cum ergo vinceti fuissent, ait abbas Joannes Barbaris: Ducite me in civitatem, et faciam ut episcopus det pro nobis numismata viginti quatuor. Accepit ergo illum unus ex Barbaris, et duxit prope civitatem. Ingressusque est abbas Joannes ad episcopum: inventus est autem in urbe et abbas Leo et alii quidam Palrum, atque ideo tenti non fuerant. Ingressus igitur abbas Joannes, cœpit orare episcopum ut Barbaro numismata daret. Episcopus autem non plura quam octonumismata habere inventus est. Voluerunt ergo dare Barbaro octo numismata, et noluit accipere, dicens: Aut viginti quatuor numismata præbete mihi, aut monachum date.

18. Coacti sunt qui erant in civitate rursum abbatem Joannem dare Barbaro flentem et ejulantem. Adduxit aulem illum in sua tabernacula Barbarus. Post tres autem dies sumpfis octo numismatis abbas Leo in eremum exiit, ubi erant Barbari, oravitque illos, dicens: Accipite mecum octonumismatis, et tres illos dimittite, qui infirmi sunt,

¹ Prat. Spir. c. 412.

neque pergere per erenum possunt: nam interficiet eos, et detrimentum patiemini: ego vero sanguis sum, et serviam vobis. Tunc Barbari acceperunt abbatem Leonem et octo numismata, et dimiserunt illos tres. Abiit ergo abbas Leo usque ad quendam locum: et cum prae debititate pergere ultra non posset, Barbari decollaverunt eum: implevitque abbas Leo Scripturam dicentem¹: Utponat animam suam quis pro amicis suis, majorem hac dilectionem nemo habet. Tunc nos quoque cognovimus quidnam esset quod dixerat: Quia regnare habeo. Veraciter enim regnavit, quia posuit animam suam pro amicis suis». Hucusque apud Sophronium de martyribus monachis sub Tiberio imperatore.

19. Sed et de his opportune adjicimus, quem itidem paulo post, imperante Mauritio, rursum Barbarorum incursione contigisse idem auctor tradit his verbis²: « Dicebat et hoc nobis de abbatे Nicolao abbas Jordanes: Narravit, inquit, senex, quia imperante fidelissimo imperatore Mauritio, quando Namanes Sarracenorum nationis dux prædam egit: cum circuarem ego per Arnonem et Aidonem, adspicio Sarracenos tres habentes secum unum adolescentem valde formosum annorum ferme viginti vinclum atque captivum. Ut ergo vidit me adolescentis, flere coepit, et orare ut ab eis illum acciperem. Ego autem Sarracenos rogare coepi, ut dimitterent eum. Unus autem illorum sermone respondit græco, et ait: Non dimittamus eum. Et ego rursum illis dixi: Accipite me, et hunc dimittite, quia fatigationem non sustinet. Ait miti et ipse rursum: Non dimittamus eum. Dixi eis tertio: Vel preium pro illo non accipitis? Date mihi illum, et quicquid petieritis, ego afferam vobis. Respondit: Non possumus tibi dare illum: sacerdoti enim nostro promisimus, quia si quid pulchrum ceperimus, offeremus illud ei, ut ipsum in sacrificium offerat: sed vade jam: nam si moram feceris, caput tuum in terram projiciam. Tunc prostratus ego humi dixi: Salvator noster Christe Deus, salvum fac servum tuum. Et continuo tres Sarraceni dæmonio repleti evaginatis gladiis seipsos conciderunt. Assumensque ego adolescentem, in speluncam meam refovi illum: qui noluit discedere a me, sed renuntians seculo, cum septem annos implesset in habitu monastico, requievit: erat enim genere Tyrius». Haec ibi: sed ad Mauritium redeamus.

20. *Mauritius Catholica fide et morum sanctitate spectabilis.* — Mortuo igitur Tiberio imperatore, Mauritus liberas regiminis habendas moderatur: de cuius in imperium progressu habet ista Gregorius³, personam faciens: « Respondebit, inquit, Christus dicens: ego te de notario comitem exubitorum, de comite excubitorum Cæsarem, de Cæsare imperatorem, nec solum hoc, sed etiam patrem imperatorum feci». Haec ipse: sed miror quod nihil de castrensi militia attingens tantum qui

forensis militiae ejus fuerint magistratus, cum tamen constet ex castrenibus rebus bene gestis judicatum esse dignum imperio. Non omittendum de Mauritio illud ipsi Tiberium filiam suam nominatam Constantinam, sive (ut alii habent) Constantiam in matrimonium collocasse eo tempore cum iam moriturus in lecto decumberet; de quo ista Evagrius⁴: « Cum autem Tiberius jam prope ad extremum spiritum edendum veniret, Mauritio qui ad imperium gubernandum jam elatus fuit, filiam Augustam collocavit in matrimonium, et imperium pro dote tribuit». Ac paulo post:

21. « Qui eliam ipsius nomina illis impertivit: siquidem Mauritium, Tiberium, Augustam Constantinam appellavit». Et inferius: ubi nuplias solemnii pompa celebratas descripsit, haec de Mauritii moribus addit⁵: « His rebus confectis, Mauritius deinceps non corpus modo, verum etiam animum eximia purpura et corona vestivit. Nam solus fere ex imperatorum numero sibi ipsi imperare ntitur, et imperator revera factus, primo popularem perturbationum statum ex animo suo exigere: deinde statum optimatum in rationis domicilio constiluens, vivum se virtutum exemplar præbere, quo subjectos ad se imitandum eruditet. Atque isla dicuntur a me quidem, non uti eum blanditiis et assentatione deliniam (cur eni, amabo, haec a me ad eum finem dicerentur, cum ille quæ ipse litteris prodo penitus ignoret?) sed quod tum dona a Deo tam munifice tributa, tum res quæ tam variis modis adeo prospere et feliciter acciderunt, ea ita se habere, liquido ostendunt quæ sane omnia ex animo et ingenuo Deo accepta referre debemus». Haec Evagrius.

22. Cum autem omnium sententia constet Mauritium egregium omnium virtutum fuisse cultorem, potissimum vero observantissimum ipsius Catholicæ religionis cultus; testis est de hoc S. Gregorius in Epistola ad Anastasium Antiochenum, ubi ait⁶: « Omnipotenti Deo gratiae sine cessatione exsolvende sunt, et pro vita piissimi et Christianissimi domini nostri imperatoris, et tranquillissima ejus conjugi et mansuetissima sobole semper orandum est, quorum temporibus haereticorum ora contilescent: quia etsi eorum corda in insanis perversi sensus ebulliunt, Catholici tamen imperatoris tempore, prava quæ sentiunt, eloqui non presumunt». Haec Gregorius.

23. Quod etiam ejusdem Mauritii magnam animi demissionem cum pietate commendat, illud ab eo specimen hoc anno editum legitur, quod ad sanctum Theodorum archimandritam, a quo de imperio, cum victor a Persis rediret, oraculum hand dubium accepérat, confessim litteras dedit, ab eodem preces exposcens: Gregorius enim sanctissimi viri discipulus, qui res ab eo gestas omni fide conscriptas posteris tradidit, haec de his habet: « Ubi

¹ Joan. xv. — ² Prat. Spir. c. 155. — ³ Greg. l. II. Ep. LXI. Indict. XI.

⁴ Evagr. l. v. c. 22. — ⁵ Evagr. l. vi. c. 1. — ⁶ Gregor. l. VII. Ep. XLVII.

defunculo Tiberio (ut vir sanctus prædixerat) imperium obtinuit, et ejus verborum memor, Epistolam ad illum misit, rogans ut Deum pro se deprecaretur, ut imperium in pace tueri posset et ab hostibus defendere, addiditque ut peteret si quid a se vellet. Sanctus autem Theodorus beatum Philumenum misit, et rescripsit imperatori, ut in usus pauperum aliquid frumenti monasterio tribueret. Addixit igitur imperator monasterio singulis annis triticī modios sexcentos, et peculium illi pro munere misit ». Hucusque Gregorius : reliqua autem Mauritii res geske annis singulis ordine temporum narrabuntur.

24. *Misso novo apocrisiario Constantinopolim, Gregorius Romanam redit, scribitque adversus schismaticos.* — Cum vere immotuisset Pelagio Romano Pontifici Mauritium imperatorem post Tiberium coronatum, ex more novum ad eum misit apocrisiarium diaconum cardinalem. Testatur id quidem sanctus Gregorius in Epistola ad Eulogium. Fuisse vero illum sanctae Romanæ Ecclesiæ archidiacorum nomine Laurentium, idem Gregorius¹ testatur in Epistola ad Joannem Constantinopolitanum episcopum postea missa : qui, cum ipse Gregorius Pontifex creatus est, fuit ab eo ob delicta depositus, et in locum ejus subrogatus Honoratus, ut ex ipsis Gregorii Registro² colligi posse videtur.

25. Gregorius igitur tempore Tiberii eo bene functus munere, illo defuneto, Romanam reversus est et quidem magnus donatus numeribus, nempe sacerosanctis reliquiis Andree Apostoli, et Luce Evangeliae, quas nuper tempore Justiniani refossas et honorificentiori loco reconditas vidiimus. Quod enim (ut dictum est) erexit in Urbe in Cæli montis regione ad clivum Scauri monasterium Gregorius sub titulo S. Andree, ejusdem sancti reliquias sibi dari petiti ab imperatore : quas et accepit insigne quidem, nempe brachium S. Andree cum capite S. Lucæ. Est de his in Vaticanis monumentis vetus assertio in priori pagina Codicis signati numero centesimo quinquagesimo tertio. Extat adhuc in eodem monasterio S. Andree ipsum ejusdem Apostoli brachium argentea theca ornatum, quod certis diebus super altare primarium populo visendum et venerandum proponitur; caput vero sancti Lucæ in Basilica Vaticana reconditum, ibi hacennus honorifice asservatur.

26. Reversus S. Gregorius Romanam, hoc otio bene usus est : nam quos inchoaverat Constantinopoli libros Moralium perficere laboravit, ut ipse testatur scribens ad Leandrum³. Inservisse postea Gregorium Romanæ ipsi Pelagio papæ in scribendo adversus schismaticos, proxime dicturi sumus. Simul ac enim Romanum rediit, adversus ingruentes ob Capitula illa Tria schismaticos jussu Pelagi stylum exeruit. Eorum omnium (ut dictum est) caput fuit Aquileiensis antistes Paulinus, posteaque ejus suc-

cessor Elias, inde vero Severus. Vixisse autem in hunc usque annum tradunt⁴ Eliam, ad quem coarctandum ipse Gregorius diaconus jussu Pelagi Epistolam scripsit. Testatur id Paulus diaconus, ubi ait⁵ : « Pelagius papa Eliæ Aquileiensi episcopo nolenti Tria Capitula Chalcedonensis Synodi suscipere, Epistolam satis utilē misit, quam beatus Gregorius, cum adhuc esset diaconus scripsit ». Ille Paulus. Qui dum ait, nolentem Eliam suscipere Tria Capitula Chalcedonensis Synodi redargutum a Pelagio papa, minime quidem de Trium Capitulorum quæstione visus est fuisse consultus : etenim illi se inter schismaticos collocarunt, qui cum universa Catholica Ecclesia (ut saepè superiorius dictum est) recipiente Trium Capitulorum damnationem ipsi eam ratam habere minime voluerunt, quos acerrime propugnarunt cum ipso Elia alii ejusdem Ecclesiæ episcopi Aquileienses, qui prærogativa scdis se duces schismaticorum exhibuerunt. Non ergo Elias schismaticus erat, quod nollet Tria Capitula suscipere, sed quod damnationi eorum minime acquiesceret, ac pro illis pugnaret quæ tuenda suscepérat. Sed et in eo corrigendus est Paulus⁶, dum Eliæ obitum et successionem Severi ad illa refert tempora quibus S. Gregorius Augustinum in Angliam misit : cum id non solum auctoribus omnibus hoc anno ponentibus Eliæ obitum aduersetur, sed et ipsi Gregorio id testanti, dum longe ante Augustini ad Anglos legationem suscepit, imo antequam ipse Gregorius esset Pontifex, Severum sedisse Aquileiæ significat litteris ad eum scriptis anno primo sui Pontificatus⁷ : utpote qui post litteras Pelagi papæ nomine a Gregorio scriptas, ad unitatem se Catholicae Ecclesiæ converterat, sed iterum se ab ea concindens, ad schismatics transfuga factus est : quo nomine ipso sui Pontificatus exordio idem Gregorius ipsum redarguit.

27. Quod vero ad dictam Epistolam a Pelagio papa missam ad Eliam episcopum spectat, ejusdem plane generis fuisse visa est, cuius erat Epistola S. Leonis ad Flavianum, quæ eum Epistolæ nomine scripta esset, eadem diceretur et tominus ob sui amplitudinem atque tractatum : nam et ipsa Pelagi Epistola ab ipso S. Gregorio liber est nuncupata ; de quo ad Ilibernia episcopos dum scribit, haec habet⁸ : Ut igitur de Tribus Capitulis, animis vestris ablata dubietate, possit satisfactio abundanter infundi ; librum quem de hac re sancte memoriae decessor mens Pelagius papa scriperat, vobis uille judicavi transmittere : quem si posito voluntariae defensionis studio, puro vigilantique corde volueritis relegere, eum vos per omnia secuturos, et ad unitatem vestram (nostram) reversuros nihilominus esse confido ». Ille Gregorius ; cujus modestia commendatur, cum totum Pelagio tribuat, quod tantum ejus nomine scriptum esset, nihil sibi arro-

¹ Panv. Hieron. Rub. hist. Raven. l. iv. — ² Paul. diac. de Gest. Longob. l. iii. c. 10. — ³ Paul. diac. l. iii. c. 12. — ⁴ Greg. l. i. Ep. XVI. — ⁵ Ibid. Ep. XXXVI. Indict. X.

— ⁶ Greg. in fin. præfat. lib. Moral.

gans laboris a se in eo scribendo suscepti. Quanta autem esset efficacie liber iste, ex his que mox idem Gregorius subdit, intelligere possumus, ubi ait: « Porro si post hujus libri lectionem, in ea qua estis volueritis deliberatione persistere; sine dubio non rationi operam, sed obstinationi vos dare monstratis ». Haec Gregorius ad Hiberuos.

28. *Tres Epistolæ Pelagii nomine a Gregorio scriptæ ad Istriæ episcopos schismaticos.* — Porro dictam Pelagi Epistolam, tomum, sive librum dictam ob sui prolixitatem, ad episcopos Istriæ a S. Gregorio adhuc diacono scriptam, diu optatam, frustra quæsitam, Dei magno beneficio, post editionem septimi hujus et octavi eliam tomij, cum jam desperassimus omnino, accepimus eam Parisiis missam a viro disertissimo mei amantissimo Nicolao Fabro, una cum aliis egregiis antiquitatis monumentis, suis a nobis locis in Annalibus intexendis, simulque duas alias ejusdem Pelagii pape, sive dixerimus Gregorii, ab auctore qui scripsit denominando, Epistolas breviores eodem argumento ad eosdem Istriæ schismaticos antea datas: quas omnes eodem quo scriptæ sunt ordine, hic tibi reddendas merito existimavimus. Pelagi enim ægre ferens tardiu Istrios populos ab unitate Catholicæ Ecclesie schismate scisso, adhuc remanere disjunctos; Christi Redemptoris admonitione sollicitus, quia dixit Petro: Confirmata fratres tuos: ad Eliam Aquileiensem episcopum illorum antesignanum, simulque alios ejus collegas, factionis ejusdem complices hanc primam Epistolam scripsit, quam missis ad hoc legatis dedit.

29. « Prima Epistola Pelagii papæ junioris ad episcopos Istriæ.

« Dilectissimis fratribus Eliae aliisque episcopis, universisque filiis Ecclesie Istriæ partibus constitutis, Pelagi episcopus sanctæ Ecclesie Catholicæ Urbis Romæ.

« Quod ad dilectionem vestram, fratres filiique carissimi, nostra tardius scripta dirigimus, non malevolæ voluntatis, aut dissimulationis vel negligenter fuisse credatur: sed sicut nostis, temporalis qualitas et hostilis necessitas hactenus impedivit. Nam sicut ait Dominus per Prophetam¹: Numquid oblivisceatur mulier filium uteri sui? Non ergo creditur nos viscerum nostrorum divisionem non cum gravi fletu ac gemitu doluisse: sed utinam, carissimi, illuminet Dominus oculos cordis vestri, ut nostri cordis gemitus pro vobis videre possitis. Quis enim, sicut ait beatus² Apostolus, infirmatur, et ego non infirmor? Quis scandalizatur, et ego non uror? Et alibi³: Quia si patitur unum membrum, compatiuntur omnia membra. Postea ergo quam Deus omnipotens pro felicitate Christianissimorum principum per labores atque sollicitudinem filii nostri excellentissimi Smaragdi exarchi et chartularii sacri palati pacem nobis interim vel quietem donare dignatus est; cum omni sollicitu-

dine festinamus praesentia ad vos scripta dirigere, hortantes et obsecrantes, ne in divisione Ecclesiæ ulterius quisquam studeat permanere. Nos enim secundum Evangelicam vocem studemus fraternitati ac dilectioni vestrae, in quantum fragilitas nostra sufficit, quæ nobis jussa sunt, cum sinceritate cordis humiliter exhibere. Nostis enim in Evangelio Dominum proclamantem⁴: Simon, Simon, ecce satanas expelit vos, ut cibraret sicut triticum, ego autem rogavi pro te Patrem, ut non deticiat tides tua; et tu conversus confirma fratres tuos.

30. « Considerate, carissimi, quia veritas mentiri non potuit, nec fides Petri in aeternum quassari poterit vel mutari: nam cum omnes discipulos diabolus ad exercitandum poposcerit, pro solo Petro se Dominus rogasse testatur, et ab eo voluit eatteros confirmari: cui etiam pro majori dilectione quam præ ceteris Domino exhibeat, pascendarum ovium² sollicitudo commissa est, cui et claves³ regni celorum tradidit; et super quem Ecclesiam suam ædificaturum esse promisit, nec portas inferni adversus eam prævalere, testatus est. Sed quia inimicus humani generis usque in finem sæculi non quiescit in Domini Ecclesias bono semini superseminare zizania: ideoque ne forte quisquam maligno studio aliqua de fidei nostræ integritate, diaboli instigatione singere præsumperit et argumentari, et ex hoc vestri fortasse videantur animi perturbari; necessarium judicavimus per præsentem Epistolam nostram, et ad viscera vos matris Ecclesie ut reverti debeatis, cum lacrymis exhortari, et de fidei nostræ integritate vobis satisfactionem nostram mittere: quatenus nulla possit in cordibus vestris de nobis remanere suspicio, ut in divini tremendique judicij die de taciturnitate mea reus inveniri non possim.

31. « Nos enim illam fidem prædictam teneimus, et cum omni puritate conscientiae usque ad sanguinis effusionem defendimus, quæ ab Apostolis tradita, et per successores eorum inviolabiliter custodita, reverenda Nicæna Synodus trecentorum decem et octo Patrum suscepit atque reliquit (redigit) in Symbolum, sed et Constantinopolitana centum et quinquaginta Patrum sub piæ memorie Theodosio seniore principe factum; etiam Ephesina prima, cui præsedidit beatæ recordationis prædecessor noster Cælestinus Romanæ Urbis antistes, et Cyrilus Alexandrinæ episcopus; sed et Chaleidonensis sexcentorum triginta Patrum, quæ sub piæ memorie Marciano imperatore convenit, cuique sanctæ recordationis papa Leo per legatos vicarios suos præsedidit; et ut diversarum haeresum damnanda exigebat adversitas, eamdem fidem uno eodemque sensu clamanter (clamantes) latius ediderunt. Sed et Epistolam prædicti beatæ memorie Leonis ad Flavianum Constantinopolitanum episcopum datam, quæ et tomus appellatur, per omnia

¹ Isaï. XLIX. — ² 2. Cor. XI. — ³ 1. Cor. XII.

⁴ Luc. XXII. — ² Joan. XXI. — ³ Matth. XXVI.

veneramur, tenemus, defendimus; atque secundum ejus tenorem, adjuvante Domino, praedicamus. Et sicut predecessor noster siue dictus beatæ memorie papa Leo Synodum Chalcedonensem suscepit atque firmavit: ita et nos per omnia, operante divina gratia, veneramur, custodimus, atque defendimus.

32. « Si quis autem contra hanc fidem aut sapit, aut credit, aut docere præsumit; secundum eorumdem Patrum sententiam, damnatum atque anathematizatum esse cognoscat. Non ergo patiamini falsis suspicionibus, aut rumoribus denuo agitari, et in divisione Ecclesiae malorum hominum persuasionibus (quod avertat Dominus) remanere. Quid enim vos a sancte Ecclesie unitate dividitis? quando nihil novi, nihil (quod absit) contrarium in dicta Ecclesia prædicari cognoscitis vel teneri; sed unam eamdemque fidem quam ab Apostolis tradita, et a sanctis Patribus et prædictis quatuor Synodis explanata atque confirmata dignoscitur, sincerissime teneri atque defendi modis omnibus comprobatur. Ubi ergo de fidei firmitate nulla vobis poterit quæstio vel suspicio generari: in unitate fidei atque in sinu sancte matris Catholicae et Apostolicae Ecclesiae permanete. Si quid forte causæ est, unde vestri scandalizati animi videantur: manentes in unitatis charitate, eligit de fratribus ac filiis nostris, quod ad nos inquirendo (in querendo) de quibus moveniantur, transmittere debetis; et parati sumus secundum præceptionem⁴ Apostolicam, et cum charitate eos suscipere, et cum humilitate ad placita satisfactionis reddere rationem: et sine aliquo impedimento cum omni dilectione, quando reverti voluerint, voluntate sincerissima relegare.

33. « Audiamus autem Doctorem² gentium clamantem: Sicut acceperitis Christum Iesum Dominum, in ipso ambulite, radicati et superelevati in ipso; et confirmati in fide, sicut didicisti, abundanter in gratiarum actione. Vide te ne quis vos decipiat per philosophiam et inanem fallaciam; nec ad contentionem aut superfluas questiones vestra ulterius studia convertantur. Vocem ejusdem Apostoli cum humilitate cordis attendite; sic enim scribens ad Timothicum ait³: Stultas autem et sine disciplina questiones devita, sciens quia generant h[ab]es: servum autem Domini non oportet litigare. Et iterum ad Corinthios⁴: Si quis autem videtur inter vos contentiosus esse: nos talem consuetudinem non habemus, neque Ecclesia Hei. Et iterum post alia: Non est Deus dissensionis, sed pacis.

34. « Considerate ergo, quia quicunque in pace et unitate Ecclesie non fuerit, Dominum habere non poterit. Item ad Galatas⁵ scribens ait: Qui ex fide sunt, hi sunt filii Abraham. Provideus autem Scriptura, quia ex fide justificat gentes Deus,

prænuntiavit¹ Abeahæ, quia benedicentur in te omnes gentes. Igitur qui ex fide sunt, benedicentur cum fidei Abraham. Quam ergo excusationem apud Dominum post presentem satisfactionem nostram habere ulterius potestis, quando nulla vobis de fidei nostræ sinceritate et puritate contraria suspicio remanebit? Audite protestantem et commoneantem eumdem Apostolim²: Nolite seduci, corrumptu[m] mores bonos colloquia mala. Non ergo circumveniamur a satana, non enim ignoramus cogitationem ejus. Cum dilectione ergo fraterna et humilitate Deo placita, si eni[m] forte animi scandalizari videntur in aliquo, manens in unitatis charitate, perquirat, atque cognoscat. Nam sicut beatus Jacobus Apostolus ait³: Ubi zelus et contentio, ibi et inconstans et omne opus pravum. Et iterum docto Gentium⁴: Quis vos impeditivit, caritati non obedire: persuasio haec non est ex eo qui vocavit vos, modicum fermentum totam massam corrumpit. Et alibi⁵: Ego confido in Domino, quod nihil aliud sapiatis: qui autem conturbat vos, portabit iudicium quicunque est ille. Et in subsequenti ait⁶: Utinam abscondantur qui vos conturbant. Et rursum admonens dicit⁷: Quod si invicem mordeatis et comeditis, vide te ne ab invicem consumamini. Et iterum⁸: Si spiritu vivimus, spiritu et ambulemus: non efficiamur inanis glorie cupidi, invicem provocantes, invicem invidentes: Alter alterius onera portemus, et sic adimplebimus legem Christi. Et alibi item Apostolus⁹: Flecto genua mea ad Dominum Patrem Domini nostri Jesu Christi, ex quo omnis paternitas in celis et in terra nominatur, ut de vobis secundum divitias gloriae suæ virtutem, corroborari per Spiritum ejus in interiori hominem, habitare Christum per fidem in cordibus vestris, in charitate radicati et fundati, ut possitis comprehendere cum omnibus sanctis. Et post alia¹⁰: Obsecro ita que vos ego vincus in Domino, ut digne ambuletis in vocatione qua vocati estis, cum omni humilitate et mansuetudine, cum patientia supportantes invicem in charitate, solliciti servare unitatem spiritus in vinculo pacis. Unum corpus et unus spiritus, sicuti vocati estis in una spe vocationis vestrae. Unus Dominus, una fides, unus baptismus, unus et Pater omnium, qui super omnia et per omnia, et in omnibus nobis. Et dum tales exhortationes Apostolicas habeamus: quis nos separabit a caritate, que est in Christo Jesu Domino nostro? Si enim cum intimitate et fletu diligenter intendimus: consideramus et intelligimus quod ille sit insidiator misteri, de quo dictum¹¹ est: Quia adversarius vester diabolus, sicut leo rugiens circuit querens quem devoret; cui secundum ejusdem Apostoli exhortationem, cum omni nos concordia et unitate in fortitudine fidei resistere atque obviare necesse est. Exemplo enim omnes didicimus, carissimi fratres ac filii, quanta mala quan-

¹ Gen. xxi. — ² Colos. ii. — ³ 2. Tim. ii. — ⁴ 1. Cor. x. — ⁵ Gal. v. — ⁶ Ibid.
— ⁷ Ibid. — ⁸ Ibid. — ⁹ Eph. iii. — ¹⁰ Eph. v. — ¹¹ 1. Pet. v.

que flagella divisionem Ecclesie fuerint subsecuta. Unde in ipsis misericordia, licet indigni, confidimus, quia si Ecclesiam suam adunare atque pacificare concesserit, omnia a nobis que pro delictis nostris suscepimus flagella, celerius removentur; et unitas ac firmitas pacis Ecclesiae pacem nobis et temporalem obtinet et aeternam.

35. « Tantummodo rogamus, et obseeramus, et per divinum vos tremendumque Dei judicium obtestamur, ubi sibi nullus hominum poterit argumentis vel excusationibus subvenire; ne ultius per vos Dei dividatur Ecclesia, sed haereditatem Domini communis possideamus et teneamus studio. Quae autem sit ejus haereditas, ipsius verba que ad discipulos dicta sunt, audiamus¹: Pacem meam do vobis, pacem meam relinquo vobis. Et iterum²: In hoc cognoscet omnes, quia mei estis discipuli, si dilectionem habueritis ad invicem. Id ipsum autem, sicut ait³ Vas electionis, dicamus omnes, et non sint in vobis schismata: sumus autem perfecti in eodem sensu et in eadem scientia, ut in sinum matris Ecclesiae congregati efficiamur unus ex eis, et unus Christi pastoris custodia ab omnibus externis internisque hostiis insidiis ejus protectione atque defensione servemur illae. Haec aulem ad vos direximus per fratrem et coepiscopum nostrum Redemptum et Quodvultdeum abbatem monasterii majoris Basilice beati Petri Apostoli: quos vestra dilectio et complacita Deo charitate suscipiat, et ad nos cum unitatis vestrae gaudio sine mora reverti dimittat; quatenus cognoscentes dilectionem atque obedientiam charitatis vestrae cum sanctis Angelis communiter atque veraciter dicere mereamur⁴: Gloria in altissimis Deo, et in terra pax hominibus bonae voluntatis ». Haec tamen Pelagii papae Epistola per legalos missa, qua instar amantissimi patris perditos filios studuit in domum paternam revocare; et oves errantes, ut vigilantissimus pastor, ad gregem sollicita cura reducere. Sed frustra: siquidem illi obdurato magis corde resilierunt, nihil pacificum, humanum, ut par erat, ad Pelagium Pontificem resribentes; sed adversaria ac contradictionia potius scripta profervo animo, pertinaci spiritu, superba intentione, atque arroganti fastu misere per suos nunios ad hoc delectos.

36. Cum tamen nec sic quidem Pelagius papa despexit furentes illos, et multa febre pluveneticos delirantes: sed de adhibendis medicamentis agrotantibus majori cura sollicitus, quam inepte, quam stulte deviantes a veritate suas illi contradictiones opposuissent, ostensurus; primum missos ab eis nuntios, voluit proditis ex Apostolicis scrinis rerum gestarum exemplaribus reddere certiores, inde per litteras rursum eosdem schismaticos episcopos admonere, arguere, rogareque deum, ut aversione contentiosa deposita, ad sinum patentem, eosque expectantem sancte matris Ecclesiae properarent: invitans eos ad Concilium sive Romam, sive potius

Ravennam ob majorem ipsorum commoditatem habendum. Epistola autem sie se habet ab eodem Gregorio diacono (ut idem communis aliis pra se fert stylus) conscripta.

37. Secunda Epistola Pelagii papae ad episcopos Istriae.

« Dilectissimis fratribus Eliæ vel aliis episcopis Istriae, Pelagi episcopus.

« Dilectionis vestrae per eos quos direxisti scripla suscepimus, relectisque his, gravis sumus mœrore et dolore perculti: cum neque his que nos vobis scripsimus respondisti, neque ut fraternalm decuerat charitatem, fidei nostra satisfactione suscepta ad unitatem Ecclesie revertendi obedientiam commodasti; postremo nec eos aliter qui venerunt dirigere pertulisti, ut apertissimam lucidissimamque satisfactionem se paterentur accipere: sed scripto nobis quasi capitulare, vel interdictum potius ostenderunt, nihil injunculum sibi a vobis aliud asserentes, nisi ut vestrae tantummodo essent portatores Epistolæ. In qua tamen nullam rationis satisfactiæionem quæsisse vos legitur, sed velut judicatum quid nobis expressisset: quod quam pravum sit, quam injustum, Patrumque regnus inimicum, si volueritis ad cognitionem veritatis accedere, splendidissime cum divino auxilio potestis addiscere. Unde noscum Propheta lacrymabiliter convenit exclamare¹: Obmutui, et humiliatus sum, et simili a bonis, et dolor cordis mei renovatus est. Renovatus est dolor cordis nostri, quando diurnæ divisionis scandalum minime tanto fidei fulgore superatur: maxime quia pravorum hominum persuasione decepti, scripta nobis diversis infecta contagiosis direxisti: et quod in Epistolis Patrum quædam testimonia non incongrua solum, sed nec ad causam pertinentia tentastis inserere, ita ut nec ordinem testimoniorum, qui in ipsis Epistolis Patrum legitur, servaretis: quippe ut quod scriptum nomine alterius fuerat, alterius nominis titulo promeretur. In quo evidenter dictum vobis Apostolicum² constat aptari: Nescientes neque de quibus dicunt neque de quibus affirmant.

38. « Quod quidem non vestrae malitiæ vel callicitati credimus adscribendum, sed veneno hostis malignissimi perspicimus exquisitum; qui zizania seminare per vasa iræ usque in finem sæculi, in Dei Ecclesia non quiescit. Ex quo intelligimus, fraternalm vestram Epistolas, de quibus posuisti testimonia, non legisse: neque enim si vobis eorum scriptura constaret, illa que apertissime pro fidei tantummodo causa sunt posita, aliis congruere singerezis, propter quod ab errore divisionis, in quem falsis opinionibus incidisti, hortor et opto vos celerius revocari: et non (sic ut scriptum³ est) jugum eum infidelibus ducere, sed illi iterum jugo manus tua colla submittere, de quo ipse Dominus dicit⁴: Jugum enim meum suave est, et onus meum leve est: quod nullo modo poterit quis, vel ferre vel

¹ Jo. xiv. — ² Jo. xiii. — ³ 1. Cor. i. — ⁴ Luc. ii.

¹ Psal. xxxviii. — ² 1. Tim. i. — ³ 2. Cor. vi. — ⁴ Matth. i.

discere, nisi eidem jugo charitatis vineulis fuerit subjugatus, ipsi oneri per dilectionem quippe ut spirituali sarcinae mentes, humeros, viresque subdidet. Sicut namque animositas abscissionis intellectum facit per superbiam caligare, ita recuperatae charitatis humilitas mentes in unitate fidei perseveranter ad cognitionem veritatis illuminat.

39. « Propter quod presentium portatoribus, quos fraternitas vestra direxit, et ex Codicibus, et ex antiquis polyptieis scrinii sanctae Sedis Apostolicae relecta sunt aliqua, quibus evidenter apparet, nihil eorum que in vestra posuistis Epistola, causa Trium Capitulorum, convenire nullatenus, aut verisimiliter coaplari. Ideoque necesse est, vos omnes Epistolas synodales sollicite vigilanterque percurrere, ut evidentius agnoscatis, quia sancti Patres nihil aliud de Chalcedonensi Synodo in suis Epistolis firmaverunt, nisi ut inviolabilis fidei definitio servaretur. Nam ad eamdem Synodum confirmandam beatitudinis recordationis predecessor noster papa Leo scribens inter alia sic ait : Ne ergo per malignos interpretes dubitabile videatur, utrumque in synodo Chalcedonensi per unanimitatem vestram de fide statuta sunt, approbarim ; haec ad omnes fratres et coepiscopos nostros, qui predicto Concilio interfuerunt scripta direxi, quae gloriissimus et elementissimus princeps, sicut poposci, in notitiam vestram mittere, pro Catholica fidei amore dignabitur : ut et fraterna universitas, et omnium fidelium corda cognoscant, me non solum per fratres, qui vicem meam execuli sunt, sed etiam per probationem gestorum Synodalium, propriam vobis munisse sententiam ; in sola videlicet fidei causa (quod saepe dicendum) propter quam generale Concilium et ex precepto Christianissimorum principum, et ex consensu Apostolicae Sedis plenitudo congregari.

40. « Sed ne forte animis vestris aliqua adhuc videatur questio aut dubietas remanere, aperius quae ad Maximum Antiochenae Ecclesiae antistitem scripserit, pariter curavimus indicare. Post plurima itaque sic ait : Si quid sane ab his fratribus, quos ad sanctam Synodum vice mea misi, praeter id quod ad causam fidei perlinebat gestum esse prohibetur, nullus erit firmatus : quia ad hoc tantum ab Apostolica Sede directi sunt, ut excisis heresis, Catholicae essent fidei defensores. Quicquid enim praeter speciales causas synodalium Conciliorum ad examen episcopale defertur, potest dijudicandi habere rationem, etc. Ecce sicut superius dictum est, cognoscitis, fratres carissimi, nihil aliud saepe fatum predecessorum nostrorum, quam ea que de fidei firmitate definita sunt, confirmasse : quod pene in omnibus Epistolis ejus, si volueritis, plenus potestis cognoscere. Nam privatas causas quae illic post definitionem fidei acte sunt, non solum minime confirmavit, sed et retractari atque dijudicari concessit. In Encycliis vero quod est episcopatum collectio litterarum, ex quibus aliqua in scriptis vestris testimonia incongrue similiter posuistis) unde mota sit causa, vel quid pię recor-

dationis Leo imp. per universas provincias sacerdotibus scripserit consulendo, aut qualiter ab ipsis responsa suscepit, nobisque facientibus, eorum affectione valebatis plenus informari : ut nulla de cetero in vestris cordibus malignae evocatio pravitatis locum subreptionis inveniat. Nos enim propter prolixatem hujus Epistole ordinem causae ipsius declinavimus indicare. Nam si cum studio charitatis, que a nobis scribuntur, cum timore Domini sollicite vigilanterque relegitis; facile sentitis, quantum sit periculum pro superfluis questionibus et hereticorum defensione Capitulorum, tandem ab universalis Ecclesia segregari.

41. « Nolite ergo amore jactantiae, quae superbiae semper est proxima, in obstinationis vitio permanere, quando in die judicii nullus vestrum excusare se valeat, et neque Theodorus Mopsuestiae, neque Ibae Epistola, que ab adversariis est prolata, ante tribunal tanti judicis vobis valeat subvenire. Doctori itaque Gentium pareamus, qui in prima ad Corinthios Epistola dicit¹ : Emulamini charismata meliora, et adhuc excellentiorem viam vobis demonstro. Quae ergo majora sint, et a se demonstranda promittat, ex ipsius voce audiamus intentius² : Si linguis hominum loquar et Angelorum, charitatem autem non habeam ; factus sum sicut as sonans aut cymbalam tunciens. Et si habuero prophetiam, et noverim omnia mysteria, et si habuero omnem fidem, ita ut montes transferam, et si distribuero in cibos pauperum omnes facultates meas, et si tradidero corpus meum ut ardeat, charitatem autem non habuero, nihil mihi prodest. Et iterum : Fides, spes, charitas, tria haec, major aulem his charitas. Quam igitur ante Dominum poteritis habere fiduciam, quando nullum scandalum generari vobis de fidei nostrae integritate cernentes, tantis temporibus per superfluas quæstiones ab Ecclesia Dei, que una est, et a fraterna charitale vos dividi durabis. Ubi namque sit Ecclesia constituta, licet ipsius Domini voce in sancto Evangelio sit apertum, quid tamen beatus Augustinus ejusdem Dominicæ memor sententiae definierit, audiamus : in his namque ait esse Dei Ecclesiam constitutam, quia Sedibus Apostolicis per successionem præsulum præsidere noscuntur. Et quicumque ab earumdem sediis se communione vel auctoritate suspenderit, esse in schismate demonstratur. Et post alia : Positus foris, etiam si pro Christi nomine mortuus fueris, inter membra Christi (non numeraberis). Pater pro Christo, haerens corpori, pugna pro capite. Sed et beatus Cyprianus egregius martyr in libro quem de unitatis nomine titulavit, inter alia sic dicit : Exordium ab unitate proficiscitur : et primatus Petro datur, ut una Christi Ecclesia et cathedra monstretur : et pastores sunt omnes, sed grex unus ostenditur, qui ab Apostolis unanimi consensione pascatur. Et post pauca : Hanc Ecclesie unitatem qui non tenet, tenere se fidem credit? Qui

¹ 1. Cor. xii. — ² 2. Cor. xiii.

cathedram Petri, super quam Ecclesia fundata est, deserit et resistit, in Ecclesiae se esse confidit? Item post alia: Ad pacis primum pervenire non possunt, quia pacem Domini discordiae furore ruperunt:

42. « Item ex eodem libro sic ait: Ad sacrificium cum dissensione venientes revocat ab altari, et jubet ¹ prius concordare cum fratre, tunc cum pace redeentes Domino munus offerre: quia nec ad ² Cain munera respexit Deus; neque enim habere Dominum pacatum poterat, qui cum fratre pacem per zeli discordiam non habebat. Quam sibi igitur pacem promittunt inimici fratrum? Quae sacrificia celebrare se credunt aenuli sacerdotum? Secum esse Christum cum collecti fuerint opinantur, hi qui extra Ecclesiam colliguntur? Tales etiam si oecisi in confessione nominis fuerint, maacula ista nec sanguine abluitur. Inexpialis et gravis culpa discordie nec passione purgatur. Esse martyr non potest, qui in Ecclesia non est: ad regnum pervenire non poterit, qui eam quae regnatura est derelinquit. Et post alia: Cum Deo manere non possunt, qui esse in Ecclesia Dei nūnūmīter noluerunt: ardeant licet flammis et ignibus traditi, vel objecti bestiis animas suas ponant; non erit illa fidei corona, sed pena perfidie: nec religiosæ virtutis exitus glriosus; sed desperationis interitus: oecidi talis potest, coronari non potest. Item ejusdem: An esse sibi cum Christo videtur, qui adversus sacerdotes Christi facit? qui se a cleri ejus et plebis societate secesserit? Arma ille contra Deum portat, contra Dei dispositionem repugnat: hostis altaris, adversus sacrificium Christi rebellis, pro fide perfidus, pro religione sacrilegus, inobsequens servus, filius impius, frater inimicus, contemptis episcopis et Dei sacerdotibus derelictis, constitueret audet aliud altare. Item cuius supra: Pejus schismatis crimen est, quam quod hi qui sacrificaverunt: qui tamen in pœnitentia criminis constituti Dominum plenis satisfactionibus deprecantur. Hic Ecclesia queritur et rogatur, illic Ecclesia repugnat. Hic potest necessitas fuisse, illic voluntas tenetur in seclere. Ille qui lapsus est, sibi tantum nocuit, illic qui haeresim vel schisma facere conatur, multos secum trahendo decepit. Ille animæ nnius est damnum. Illic periculum plurimorum. Certe se peccasse hic intelligit et lamentatur et plangit; ille timens in peccato suo, et ipsis sibi delictis placens, a matre filios segregat, oves a pastore sollicitat, Dei sacramenta disturbat: et cum lapsus semel peccaverit, ille quotidie peccat. Postremo lapsus martyrium postmodum consecutus potest regni promissa percipere; ille si extra Ecclesiam fuerit oecisis, ad Ecclesiae non potest premia pervenire. Item qui supra: Quod si in Scripturis sanctis frequenter et ubique disciplina precipitur, et fundamentum religionis a fidei observatione ac timore proficisciatur; quid cupidius appetere, quid magis

velle ac tenere nos convenit, quam ut radicibus fortius fixis, et domiciliis nostris super petræ robustæ mole solidatis, incontrauti ad procellas ac turbines saeculi stemos, ut ad Dei munera per divina praecpta venire possimus?

43. « Et ideo hortamur dilectionem vestram, et obsecramus, ut iam terribilia Patrum testimonia cognoscentes nullo modo patiemini ulleris in divisione Ecclesiae persistere; sed in viscera sanctæ matris Catholice atque Apostolice regredi tota mentis intentione celerate (accelerate): ut radicati in charitate unitatis atque fundati dicere mereamur ¹: Ecce quam bonum et quam juvendum habitare fratres in unum: veraciter exclamantes ²: Repletum est gaudio os nostrum, et lingua nostra exultatione. Quibus breviore quidem stylo, abundantia tamen charitate responsis; et de fraternitatis vestrae mentibus, et de divina misericordiae virtute consilimus, vos sancte citius reformari indubitanter Ecclesie. Si tamen pro nostris adhuc delictis aliquid inimicis animarum vobis obstinationis (quod absit) aut dubietatis intulerit: secundum quo l'interlocutio nostra gestorum apud nos habitorum suprema complectitur, et sicut excellentissimo domino filio nostro Smaragdo exarchio Italie supplicare curavimus; instruetas hue ad nos personas, quibus facilis reddenda recipienda sit ratio, mittere festinate, ut nulla deinceps consensus vestri dubiefas supersit, aut turditas, si eis satisfactio plena redditur. Vel si hoc pro longinquantate locorum, vel temporum qualitate pavescitis: illuc Ravennæ fiat congregatio sacerdotum, quo nos etiam, qui loco nostro intersint, divinitate propitia, dirigemus, a quibus satisfactionem plenissimam capiatis; ne amplius animæ simplices divisæ a sancta Ecclesia pro superfluis quaestionibus tam longa obstinatione remaneant, nec per vos, quos Dominicæ gregis dicit esse pastores, oves a septis Ecclesiasticis evangeliis rapaci lupi denilibus consumantur ». Hucusque secunda Pelagi papa Epistola. Qua tantum abfuit, ut permoverentur perditissimi illi, quorum corda (ut de magna illa bestia est in ³ Job) instar incudis fabri constricta obduruissent; ut rursum adversus Pelagium ipsum atque universam Christi Ecclesiam pro defensione damnatorum in quinta Synodo Trium Capitulorum, quorum causa ab Ecclesia se disciderant, scripserint prolixam satis apologiam. Ad quam confutandam Pelagius, ejusdem qui supra Gregorii opera usus, scriptum illam refractariam pelitus confutavit, scripta ab eo prolixiori Epistola, que et tomus dieta, qua cuncta pro Tribus adducta Capituhs esse vana ostendit et falsa; solida vero ac firma illa, nullaque ex parte mutantia, sed certa veritate constanta, quæ in condemnationem eorumdem Trium Capitulorum asserventur. Opus quidem dignum Romano Pontifice, et Gregorii qui scripsit, auctore; ipso siquidem Tribus Capitibus latrantis Cerberi fauces occlusit, ut

¹ Matth. v. — ² Gen. iv.

¹ Psal. cxxii. — ² Psal. cxxv. — ³ Job. xl.

sic velut offa picea spirili interceplo, latrare vetuerit, atque tandem expirare coegerit. Ipsa autem sic se habet.

44. « Terfa Pelagii papae ad episcopos Istriæ Epistola, eademque tomus seu liber dicti.

« Dilectissimis fratribus Eliæ vel universis episcopis in Istriæ partibus constitutis, Pelagius episcopus.

« Virtutum mater caritas, quæ Redemptoris sui lucris serviens, quæ nunquam ea que sua sunt quæreret, desiderio anhelanti me impulit dudum fraternitati vestre plena dulcedinis scripta transmittere, quæ disjuncta diu possint suo corpori Christi membra sociare. In quibus plus precibus quam monitis loquens, affectu quo valui, exhortari curavi, ut quos aptos discutienda rationi prævideret, huc dilectione vestra dirigeret, quatenus in Trium Capitulorum negotio, vel quaque apertas uini cognoscerent, vel quæque forsan obscura viderentur, haec ejus collatio pacifica intentionis aperiret: tandem dilectionis vestre scripta suscepimus, quæ non rationis causas quaererent, sed deliberata apud vos judicii sententia imperarent. Hoc autem quod vos audere de vestra sapientia video, fateor, dolens miror, et quidem per Epistolas exempla (ut puto) ostendi humiliatis, amoris specimen præbui. Sed dum nihil apud vos reperi admonitionis meæ verba proficere, flens, gemensque cum Propheta cogor exclamare¹: Curavimus Babylonem, et non est sanata. Igneum, quantum valui, charitatis accendi, et tante scissionis exurere rubiginem volui; sed inpleta Prophecie sententiam peccatis exigentibus inveni, qui ait²: Frustra conflagavit conflagator, scoria ejus non sunt consumpta: nulla in rescriptis flamma charitatis adspicitur, nullam vel post exemplum dulcedinem redolent in cunctis suis sermonibus, nihil quod ad pacem perveniat, sonat. Pensate, quæso, hoc (quod dicere nisi singultu interrumpe non valeo) longo divisionis usu, quanto mentis frigore fraternitas vestra torpuerit, quæ nec conficta recalcet.

45. « Quid igitur inter haec faciam, nisi ut pro vobis ad lacrymas vertar? Quia enim leo rugiens circuit quærens quem devoret, scio et vos stantes extra caulas ovium (devorandos). Non deceptis fructibus palmiles attendo, sed abscissas a radice vites adspicio. Et sudantes vos operarios cerno, sed tamen laborare extra vineam, non ignoro. Ecce nrgente fine, cuncta vastantur, ad solitudinem terra rediguntur, alique (ut ita dixerim) procella diluvii mundum subruit; et vestra fraternitas aream fugit. Cum Jeremia dicam³: Quis dabit capiti meo aquam, et oculis meis fontem lacrymarum? Et rursum: Deducant oculi nostri lacrymas, et palpebrae nostræ dcluant aquis. Dicam cum illo iterum: Plorabo et requiescam. Quia enim quietem concordie in vestro corde non invenio, fessæ menti lacrymas sterno: quæ enim mei spiritus requies esse potest,

si ab occulto hoste inflictum vulnus mederi non potest? Ecce in cunctis mundi partibus sancta et universalis Ecclesia unitatis sue radiis fulget; sed tamen adhuc umbram vestra divisionis sustinet. Ubique in fidei statu perdurat; sed gaudere eam de sua salute prohibet vulnus, quod de vestra : hæc scissione tolerat. Neque enim sanum caput brachii mœrentibus gaudet; nec se quasi incolore esse pectus laetatur, cum subjectorum viscerum doloribus tangitur: tota namque corporis compago afficitur, si pars ejus vel extrema laceratur. Quicquid ergo est quod aliam pati sentit, in se harmonia charitatis attrahit, Paulo attestante, qui ait⁴: Et si quid patitur unum membrum, compatiuntur cætera membra. Nos itaque sumus, qui vestro dolore transfigimur, nos qui vestris scissionibus secamur. Tanto igitur dannis vestris festina debemus consolatione succurrere, quanto ea per charitatem cogimur ut nostra sentire. Nam etsi differre forsitan volumus, superne increpationis voce terremur, quæ ignavos pastores increpans dicit⁵: Quod fratrum erat non alligatus, et quod abjectum non reduxisti, et quod perditum non quæstisti. Si differre volumus, indiscretæ inventionis increpamus, qua per Prophetam Dominus dicit⁶: Numquid resina non est in Galaad, aut medicus non est ibi? Quare ergo non est obducta cicatrix filiæ populi mei? Quid enim per resinam, quæ fomentum ignis est, que et in ornamentum domus marmora dissipata conjungit, nisi charitas designatur? que et in amore corda sucedeunt, et ut sanctam Ecclesiam unitatis ornamento componat, discordes hominum mentes per pacis in se studium ligat. Quid per Galaad, quæ Aeervus testimonii interpretatur, nisi in Scripturæ sacrae altitudinem innumera sentiarum densitas dicit? Quid per medici vocabulum, unusquisque predicator? Quid per non obductam filiæ cicatricem, nisi culpa plebis ante Dei oculos nuda monstratur? Resina ergo in Galaad defuisse convincitur, si pre ostendenda veritate, cum tanta adsint Scripturæ sacrae testimonia, adsciando vos sanctæ Ecclesiæ, nequaquam digne ardoris charitas exhibetur: et velut absente medico cicatrix non obducitur, si exhortatione cessante, tante scissionis culpa nullo velamine subsequentis pacis operitur. Sed jam tempus est, ipsa nos suspicionum vesicularum vulnera tangere, eisque auctore Deo medicamina patelacte veritatis adhibere, per ea quæ piae memorie Justiniani principis temporibus acta sunt.

46. « Fraternas vestra suspicatur, sanctam Chaledonensem Synodus fuisse convulsam. Sed absit hoc a Christiano opere, a Christiana cogitatione. In ipsa quippe Nicæna, Constantinopolitana, ac prima Synodus Ephesina firmata est; et quisquis illam parte aliqua convellere nittitur, illas nimurum lunditus, quæ per hanc firmatae sunt, destruere co-natur. Cui suspicioni in scriptis vestris ex sanctis

prædecessoris nostri Leonis Epistolis ac Eneyeliis testimonia adjungitis, ut præfatam sanctam Chaledonensem Synodum illibatam debere observari monstretur. Quæ quidem, fratres carissimi, ex pauis Epistolis sumptis permixto ordine confusæ posuitis, ut dum interjecta alia Epistola, ad alia prioris Epistolæ verba reurrerit, quasi ex multis Epistolis prolata viderentur. Et valde miramur, cur fraternitas vestra de tam (sicut diximus) pauis Epistolis noua pauca sumpserit : cum constet quod de sanctæ Chaledonensis Synodi illibata veneratione et prædecessorum nostrorum assertio innumera, et multorum Patrum consensus in Eneyeliis, quasi quædam se mundo (sumendo) nobis infudit. Sed quia semper dictandi ordo tanta sibimet connexione subiungitur, ut et præcedentia subsequentibus serviant, et subsequentia ex præcedentibus suspendantur; eorum sensum quæ prolata sunt melius pandimus, si infra supraque legentes, vel quo tendunt, vel unde pendeant, demonstremus.

47. « A dilectione igitur vestra primum testimonium sancti prædecessoris nostri Leonis ponitur, quod in ejus Epistola ultima continetur, quo ait : De rebus apud Nicæam, et apud Chaledonem, sicut Deo placuit, definitis, nullum audeamus inire tractatum, tanquam dubia vel infirma sint, quæ tanta per Spiritum sanctum fixit auctoritas : cui secundum testimonium ex ea Epistola a vobis adjungitur, quod illie paulo superius habetur, quo dicitur : Quia sicut sancte veraciterque dixistis, perfectio incrementum et adjectionem plenitudo non recipit. Interjectis autem duobus testimoniis de Eneyeliis assumptis, præfati prædecessoris nostri Leonis item ad Leonem principem scripto vestro verba replicantur, quibus dicitur legitimas et divinitus inspiratas Constitutiones velle mouere non est pacifici hominis, sed rebellis, dicente Apostolo¹ : Verbis contendere, ad nihil est utile, nisi ad subversionem audientium. Nam si humanis persuasionibus semper disceptare sit liberum, nunquam deesse poterunt, qui veritati audeant resultare. Et ejus rursus ad eum : Non sinas contra dexteræ omnipotentis Dei triumphos redivivis exsurgere motibus exsilieta certainina. Cujus adhuc testimonium post pauca subdidistis : Nihil prorsus de bene compositis retractetur.

48. « Ultimum vero a vobis ponitur testimonium, quod in priori ejus Epistola, de qua multa jam testimonia prolata fuerant, continetur, primum quo dicitur : Quæ jam patefacta sunt querere, quæ perfecta sunt retractare, et quæ sunt definita convellere, quid aliud est, quam de adeptis gratias non referre, et ad interdictæ arboris cibum improbos appetitus mortiferae cupiditatis extendere? Haec sunt, fratres dilectissimi, quæ beatissimi Leonis ad Leonem principem verba posuitis, quæ videlicet ab eo pro custodia illibatae fidei, non autem pro causis episcoporum specialibus, quæ apud Chaledonem

gestæ sunt, proferuntur. Nam quia pro solius fidei intemerata observatione dixerit, pensandum est in eadem Epistola quid præmisit : ait enim ad eundem principem loquens : Supra : Curam rerum temporaliū religiose providentia famulatum divinis, et aeternis dispositionibus perseveranter impenditis, ut scilicet Catholica fides, quæ humanum genus sola vivificat, sola sanctificat, in una confessione permaneat ; et dissensiones quæ de terrenarum opinionum varietate nascuntur, a soliditate illius petræ, supra quam civitas Dei ædificatur, abigantur. Si igitur fidem, fratres carissimi, in cunctis mundi partibus uno ac solido statu vigere non cerneretis : convulsum quicquam de sancta Chaledonensi Synodo recte diceretis. At postquam nihil nunc aliud nisi de personis agitur, nihil de sancta Chaledonensi Synodi fide queritis, auctoritatem Patrum quasi sequendo declinatis. Namque ut iisdem B. Leo ostenderet retractari quæ perfecta sunt non deberi : qua haec intentione dixisset, illico subdidit : Quia ad pacem universalis Ecclesiæ, et ad custodiam Catholicæ fidei cura dignamini solliciiore vivere. Quid igitur cum proliberet definita convelli, admonitionem protinus de custodia Catholicæ fidei subjunxit, et quia non hoc de retractandis causis specialibus, sed de sola fidei professione dixisset, indicavit? Illa namque nunc in vestra quæstione vertuntur, quæ ipse quoque prædecessor noster beatus Leo dijudicat : dum nonnisi ea quæ apud Chaledonem de fide sunt statuta, confirmat. Ipse quippe ad Anatolium Constantinopolitanæ urbis episcopum scribens, dum eum de quodam novo ansu corriperet, dicit : Ut sanctam Synodum ad extinguentiam solum hæresim, et ad confirmationem fidei Catholicæ studio Christianissimi principis congregatam, in occasionem ambitus trahas. Et rursum : Ita abuti voluit Concilio Synodali, ut fratres in fidei tantummodo negotio convocatos, et definitiæ ejus causa, quæ erat curanda pertractos, ad consentiendum sibi, aut depravando traduceret, aut terrendo compelleret. Qui ut nihil se omnimodo de Chaledonensi Synodo suscipere, nisi quod de sola fide gestum fuerat, demonstraret, eidem Synodo scribens, ait : Et fraterna universitas, et fidelium corda cognoscant, non solum per fratres qui vicem meam executi sunt, sed etiam per approbationem gestorum Synodatum propriam vobiscum inisse sententiam, in sola videlicet fidei causa, quod saepe dicendum est.

49. « Qui ergo unit cum Chaledonensi Synodo in sola fidei causa convocata, cuncta quæ illie specialiter gesta sunt, se proculdubio extraneum demonstrat. Hinc est rursum quod cum præfato Anatolio de recipiendo Attico presbytero scriberet, dicit : Ita ut Chaledonensis Synodi definitionem de fide, cui etiam dilectio tua scribendo consensit, et quam Apostolicæ Sedis firmavit auctoritas, profiteatur se per omnia servaturum. Qui Chaledonensis Synodi definitionem dicens, vigilanter etiam, de fide, non adderet, nisi causas quæ illie specialiter

¹ 2. Tim. 11.

motaे fuerant, reprobasset (solam nihilominus exciperet) quae ei singulariter displicerent. At postquam nihil aliud Synodi, nisi fidei definitionem recepit: quid est aliud, nisi quod cetera que illuc specialiter mota sunt, refutavit? Neque enim si vellet, unam tantummodo causam prafati Anatolii reprehendere vereretur, qui hanc suo iudicio non approbatam et serenissimis principibus, et auctori ejus eidem Anatolio non est veritus scriptis discurreribus indicare. Cum vero et de illa prafato Anatolio private loquitur, et rursum ad Synodus scribens, quod de sola fide gestum fuerat, se recipere confitetur: constat quod et Anatolium de speciali criminis causa redarguit, et cuncta privata negotia, quae mota in Synodo fuerant, retractari concessit.

30. « Rursum in scripto vestro testimonium ac exemplum de Encycliis ponitur, quod multi episcopi simul dicunt: Neque unum iota vel apicem possum aut commovere, aut commutare eorum quae apud Chalcedonem decreta sunt: cui aliud quoque testimonium, quasi ex eadem Epistola subjunxit, quod videlicet Anatolii Constantinopolitanae urbis episcopi esse non dubium est, quo ait: De Chalcedonense vero sancta Synodo dico, quoniam ipsam querere omnino, aut revolvere aliquid eorum quae ab ipsa finita sunt, hominum est insidianum tantummodo Ecclesiis, et universalis Christi paci. In quo revolu et convelli prohibeat, ipse subjugat. Ait enim: Quando Apostolica quidem et paterna dogmata olim nobis tradita, in eo roborata sunt atque firmata. Si igitur insidianum est hominum Apostolica dogmata et paterna convellere: qui eadem paterna et Apostolica dogmata illibata recipiunt, constat proculdubio, quia insidiantes non sunt. Ejusdem namque Synodi fidem intemeratam Deo auctore retinemus, et sic privata negotia que illuc gesta sunt, cum sancto praedecessore nostro Leone preterimus, ut definitionem fidei illuc probatam, proposita etiam morte, reservemus. In praecedenti autem testimonio multorum simul episcoporum utrum dictator, an scriptor erraverit, ignoramus. Neque enim in Encycliis continetur, ut ipsi in scriptis vestris posuistis: Neque euim iota unum aut apicem possumus commovere aut violare eorum quae ab ea recte sunt et inviolabiliter definita. At longe est aliud, non posse commoveri ea quae decreta sunt, et non posse commoveri ea quae recte et inculpabiliter sunt decreta. Seiebant enim viri doctissimi ea que illuc gesta fuerant de causis specialibus, a praedecessore nostro Leone recepta omnimodo non fuisse: et ideo cautissime scribunt, commoveri aut violari que recte ab ea et inculpabiliter definita sunt, non deberi; ne si cuncta confirmare se dicrent, sententiae saepetati praedecessoris nostri Leonis obviarent. Unde et illuc ideo subjugunt: Ita sapiamus semper sicut sapit Apostolica Romanorum Sedis Ecclesia.

31. « Post haec quoque exempla, ejusdem præ-

decessoris nostri Leonis ad⁴ Basilium episcopum testimonium posuistis, quo ait: Obsecro dilectionem tuam, ut Chaledonensis Synodi definitionibus in nullo animum relaxetis; et que ex divina sunt inspiratione composita, nulla patiamini novitate temerari. Et rursum: Ut autem possit haec exhortatio ad omnium fratrum, et coepiscoporum notitiam pervenire, diligenter vestre fraternitatis cura perspiciat: quia (quod saepè dicendum est) tota religio Christiana turbatur, si quicquam de his que apud Chalcedonem constituta sunt convellatur. Sed utrum haec de causis quarundam personarum specialibus, an de sancte fidei definitione asserat, inquiratur ipse quid superius dicat. Ait enim: Haec scripta direxi, quibus dilectionem vestram credidi commonendam, ut sceleratis ausibus sancta constantia resistatis, ne in quoquam nostra communis fides aut trepidia inveniatur, aut tepida. Qui igitur admonitionem servandae fidei præmisit, ubi custodiri Synodum voluit, indicavit. Si autem in hujus Epistole sermonibus ambigimus, cum ex aliis suis Epistolis, quo sensu haec dixerat, requiramus. Marciiano namque Augusto scripta sua pro eadem Synodo dirigens, ait: Ad gloriam vestram et ad Constantinopolitanum antistitem scripta direxi, quae evidenter ostenderent, me que de fide Catholica in predicta Synodo definita fuerant, approbare. Qui si cunctas et speciales causas ejusdem Synodi recepit, cur ea se approbare que de Catholica fide in predicta Synodo definita sunt specialiter asserit? Rursum quoque prafato principi scribens: Quia omnibus modis obediendum est potestati vestrae et religiosissime voluntati, Constitutionibus synodalibus, que mili de confirmatione fidei Catholicae placuerunt, libens adjeci sententiam. Si ergo confirmationem fidei Catholicae sibi placuisse, eique sententiam adjecisse adstruit, in hisquisibus confirmatione fidei non fuit, constat quia sententiam non adjecit.

32. « Adhuc autem ex ejusdem beati Leonis Epistola testimonium scriptis vestris inseritis que ad Basiliū dicunt: Pie nobis et constanter utendum est, ne dum talium disputatio admittatur, eorum que divinitus definita sunt, auctoritati derogetur. Et infra: Nec in aliquam disceptationem plene definita revocanda sunt, ne ad arbitrium damnatorum ipsi de his videamur ambigere, que manifestum est per omnia Propheticis, et Evangelicis atque Apostolicis auctoritatibus consonare. Quae autem vel superius definita divinitus, vel inferius plene definita asserat: ex ipsa vel ex aliis ejus Epistolis vestra fraternitas penset: in quibus nunquam specialia gesta commemorat, sed sola que de fide sunt prolatā confirmat. Unde in his quoque verbis vigilanter imprimuntur (exprimitur), et que plene definita dixerit attenditur (ostenditur), cum dicit: Ne de his ipsis videamur ambigere, que manifestum est per omnia Propheticis et Evangelicis atque Apostolicis auctoritatibus consonare.

⁴ Desideratur Epistola ista S. Leonis.

53. «Pensate, queso, fratres carissimi, si scripta Theodoreti Propheticis et Evangelicis atque Apostolicis auctoritatibus consonant, quæ Redemptorem nostrum ini quis ausibus Dominum negant. Pensate si illa Epistola Propheticis, et Evangelicis atque Apostolicis auctoritatibus consonare videatur, in qua et hostis Ecclesie Nestorius defenditur, et defensor Ecclesie Cyrillus accusatur. Pensate si illa Theodoreti scripta Propheticis, Evangelicis atque Apostolicis auctoritatibus consonant, quæ prius contra rectam fidem edita, ipse postmodum conversus damnat. Extremum quoque sæpe fati Leonis ad¹ Aetium presbyterum testimonium ponitis, quo ait: Ne patiatur sacerdotum rerum certamen adferri, quarum retractator non nisi sacrilegus invenitur: quod de quibus rebus adstruat ad eundem Aetium scribebas ipse manifestat, dicens: Nihil Apostolicis unquam potero sentire diversum, nec a me ipse deviare sententia: et quod sancto Spiritu revelante confessus sum: quodque mecum totius Synodi professione prædicante patefeci. aliqua varietate communtem; cum facilius mihi sit quibuslibet et supplieis ab hoc mundo auferri, quam ab ea quam generaliter credidi professione mutari. Si ergo enuncta res quæ retractari non debet, sola est professio fidei; ille retractator rerum erit sacrilegus, qui professioni ejus fuerit diversus. Nam quod idem beatus Leo solam in Synodo professionem fidei summo ardore custodiat, innumeris Epistolis demonstrat, ex quibus pauca breviter perstringimus, ut in eis certior facta vestra fraternitas colligat quam multa taceamus.

54. «Hinc est enim quod Marcianum Augustum scripto suo alloquitur dicens: Fratri autem meo Iohano episcopo neverit vestra clementia hoc me proprie delegasse, ut quicquid illic ad custodiam fidei pertinere probaverit; meo nomine vestra fiducialiter suggerat potestati. Hinc est quod Pulcheria Augstæ scribens ait: Quod vero piissimus imperator ad omnes episcopos qui Chalcedonensi Synodo interfuerunt, voluit me scripta dirigere, quibus ea quæ illic de fidei regula sunt definita firmarem, libenter implevi. Hinc est quod Juliano episcopo scribens dicit: Qued necessarium eredit didicimus imperator, libenter immo leviter; ut ad omnes fratres qui Chalcedoniensi Synodo interfuerunt scripta dirigicerem, quibus placuisse mihi quæ sanctis fratribus nostris de regula fidei confirmata sunt, demonstrarem. Hinc est quod Pulcheria Auguste iterum scribens ait: Carea fratrem autem meum veneratorem vestrum Julianum episcopum quantum debeat credere vestra dignatio, Apostolicae Sedis aëstimate judicio: cum in causa fidei, cui gloriosa pietas vestra famulatur, vicem ipsi meam eatenus delegare in, ut ab ea quæ vobis debetur observantia non recedens, me pietati vestrae praesentare non desinet. Causam quippe fidei memorans nequaquam

eatenus diceret, nisi quicquid extra fidem ageretur, ex Synodo exclusi voluisse.

55. «Rursum per Epistolam vestram dicitur, a Sede Apostolica vos doctos, atque ab scrinio sanctæ Ecclesie, cui Deo auctore præsumus confirmatos, ne huic rei, quæ sub pie memoriae Justiniano principe gesta est, consentire debeatis: atque hanc opitulationem excusationi vestrae adjungitis dicentes, quod in eausè principio et Sedes Apostolica per Vigilium papam et omnes Latinarum provinciarum principes damnationi Trium Capitulorum fortiter restiterunt. In quibus verbis attendimus, quod res quæ provocare vos ad consensum debuit, a consensu vos ipsa divellit. Latini quippe homines et græcitatibus ignari, dum linguam nesciunt, errorem tarde cognoverunt: et tanto eis celerius credi debuit, quanto eorum constantia, quousque verum cognoscerent, a certamine non quievit. Quorum consensum certe fraternitas vestra despiceret, si ausu præcipiti priusquam verum cognoscerent, consenserint: at postquam diu ab eis laboratum est, et longo tempore ad injurias usque certatum: hinc vestra fraternitas penset, quia tot labores repente non relinquerent, nisi quæ vera sint agnoscissent. Quid enim divini consilii finis credimus, fratres, quod diu Saulum omnipotens Deus repugnatorem suæ fidei esse permisit, et sic eum suæ fidei prædicatorem fecit? nisi ut cuneiis qui per illum fuerat prædicturus, ostenderet, quia valde verum est Dei Evangelium, quod et tanta duritia inclinata prædicaret: ut dum ea auditores ejus quæ ab illo contra fidèles gesta recoolerent, repente eum ad fidem versum non sine evidenti ratione sentirent. Unde ipse quoque dum prædicationem suam debere facile ab infidelibus recipi Domino diceret, ait¹: Domine, ipsi scimus quia ego eram concludens in carcere, et cædens per synagogas eos qui credebant in te. Et cum Galatas relicta Evangelii regula in Judaismi consiperet errorem declinasse, suam eis priorem contra Evangelium duritiam retulit, et ab intentione perfidiae eorum mentes retrorsit dicens²: Auditis conversationem meam aliquando in Judaismo, quoniam supra modum persequebar Ecclesiam Dei, et expugnabam illam; et proficiebam in Judaismo supra multos coetaneos meos in genere meo, abundantius æmulator existens paternarum mearum traditionum. Cum autem placuit ei qui me segregavit de utero matris meæ, et vocavit per gratiam suam, ut revelaret Filium suum in me, ut evangelizarem illum in Gentibus; continuo non aequievi carni et sanguini. Ecce, fratres carissimi, et Paulus egregius doctor quia diu veritati restitut, inde ad confirmanda corua audientium in ejusdem prædicatione veritatis adjutorium sumpsit; ostendens profecto, quia fidem, cui tanto prius labore restiterat, postmodum sine magnæ rationis certitudine non tenebat.

56. « Debet erga perpendere vestra dilectio, quia prædecessorum nostrorum in hæc causa consensus tanto post inanis non fuit, quanto prius duris contradictionum laboribus insudavit. Sed his insuper factum Petri, qui et Paulum superat, vestra fraternitas ad memoriam reducat. Diu quippe restitit, ne ad fidem Gentes sancta Ecclesia sine circummissione reciperet, diu se a conversarum Gentium communione substraxit, Paulo attestante, qui ait¹: Cum venisset Antiochiam, in faciem ei restitu, quia reprehensibilis erat: prius enim quam venirent quidam ab Iacobō, cum Gentibus edebat; cum autem venissent, subtrahebat et segregabat se, timens eos, qui ex circumcisione erant. Et paulo post: Et cum vidi sem quod non recte ambularet ad veritatem Evangelii, dixi Petro eoram omnibus: Si tu, cum Judæis sis, gentiliter et non iudaice vivis; quomodo Gentes cogis iudaizare? Qui tamen ab eodem Paulo postmodum ratione suscepta, dum quosdam consiperet, qui Gentiles ad Ecclesiam venientes pondere servandæ circumcisionis onerarent, dicit²: Cur tentatis Deum, imponentes jugum cervicibus discipulorum, quod neque Patres nostri, neque nos portare potuimus? Numquid, fratres dilectissimi, Petro Apostolorum principi sibi dissimilia docenti debuit ad hæc verba responderi: Hæc quæ dicas, audire non possumus, quia alius ante prædicasti? Si igitur in Trium Capitulorum negotio, aliud cum veritas quereretur, aliud autem inventa veritate, dictum est; eur mutatio sententiae huie Sedi in ermine objicitur, quæ a cuncta Ecclesia humiliiter in ejus auctore veneratur? Non enim mutatio sententiae, sed inconstantia sensus in culpa est. Quando ergo ad cognitionem recti, intentio incommutabilis permaneat, quid obstat, si ignorantiam suam deserens verba permuteat? De ipso quoque auctore omnium Deo Scriptura attestante cognoscimus, quia dum consilium non manet, saepe sententiam mutat: neque enim inopinatus ei proventus accesserat, cum de eo quem ipse ungi præceperat, dicebat³: Poenitet me Saulem unxisse regem in Israel. Hoc quippe se facturum etiam tunc præscivit, cum eum quasi approbando prætulit; nec ad poenitentiam quasi inopinatus dolor accessit: sed tamen pœnitere se insinuat; quia non mutato consilio, ea quæ dudum dixerat de illo, verba permutat.

57. « In his autem testimoniis quæ ex Epistolis Leonis prædecessoris nostri posuistis, præmisistis dicentes: Doctrina vestra reverenda Sedis est, per beatum Leonem, successoresque ejus, unde pauca commemorare præsumpsimus, mortuum ab hominibus damnari nullatenus oportere. Et tamen nulla ejus testimonia subdidistis, quibus hanc sententiam firmaretis. Etenim quæ a vobis subjuneta sunt, retractationem fidei fieri prohibent, non autem damnari infideles mortuos contradicunt. Sed neque hoc beatum Leonem prædecessorem nostrum quo-

dam loco divisso meminimus. Quis autem nesciat, quod in nullo sibi ejusdem Leonis et beati Augustini prædicatio contradicat? Ipse namque ad Bonifacium comitem seribens ait: Si vera essent quæ ab eis objecta sunt Cæciliano, et nobis possent aliquando monstrari: ipsum jam mortuum anathematizaremus. Sed tamen Ecclesiam Christi, quæ non litigiosis opinionibus tingitur, sed divinis attestationibus comprobatur, propter quenlibet hominem relinquere non debemus. Eece mirabilis prædicator et scissionem Ecclesie propter hominem vetat, et si qua perversa deprehendat, eum quem publice defendebat Cæcilium, se etiam post mortem anathematizare non abnegat: quia videlicet tunc viventibus vere consulatur, eum culpa in fide perpetrata nec morte interveniente laxetur. Si vero hoc faciendum dicere fortasse præsumimus, hoc proculdubio facimus, quod fieri vetamus. Theodorum quippe mortuum sancta Synodus prima Ephesina damnavit: nam eum ab ejus discipulis dictum ab illo Symbolum in eadem Synodo fuisse prolatum: illio illic a sanctis Patribus cum auctore damnatum est. Et quidem ipsi sancti Patres in eadem Synodo residentes ad Dominum jam recepti sunt, postquam Theodorus damnavere: et si damnari mortuum non debuisse dicimus, proculdubio mortuos accusamus, et incipimus committere, quod nitimus prohibere. Sed eur diu, et quæ nos tis loquimur? Ejusdem Theodori ex libris illius dicta replecemus.

58. « Et si Jesum Dominum ac Deum nostrum, qui post mortem vivere, imo quia vivere creditur, post mortem Theodorus postposita dubitatione damnavit: neque enim nostra fides patitur, ut qui tot blasphemias Redemptori nostro hostiis extitit, a vobis ulterius defendatur. Ipse quippe contra Apollinarem in libro tertio Iohannis ait: Quomodo igitur, tu, cui super omnes maxime decet mitem regnum, illum qui ex Virgine natus est, Dominum esse, et ex Deo consubstantiale Patri existimari dicis, nisi forte sancto Spiritui illius creationem imputare non jubes? Sed quis Deus est, et ex Deo, et consubstantialis Patri? Is idem qui ex Virgine natus erat (O mirande) et qui per Spiritum sanctum secundum divinas Scripturas plasmatus est, et confectionem in muliere accepit ventre? ineral forsitan quia mox quam plasmatus est, et ut templum Dei esset accepit: non tamen existimandum nobis Dominum de Virgine natum esse. Et post pauca: Nec secundum tuam vocem pronuntiandum est omnino ex Virgine natam Dominum esse, et ex Deo consubstantiale Patri. Et post pauca: Si igitur eum carne eum natum esse dicunt, quod autem natum est, Deus et ex Deo et consubstantialis Patri est, necesse est et hoc earum dicere: quod si non hoc caro est, quoniam nec Deus, nec ex Deo, nec consubstantialis Patri, sed ex semine David, et consubstantialis ei cuius semen est, non id quod natum est ex Virgine Deus, et ex Deo, et consubstantialis Patri. Et post pauca: Non Deus

¹ Galat. II. — ² Act. xv. — ³ I. Reg. xv.

Verbum ex Maria natum est, natus autem est ex Maria, qui ex semine est David : non Deus Verbum ex muliere natus est. Et iterum : Quod enim dictum est, Duebatur a Spiritu, aperte hoc significat, quod ab eo regebatur, ab eo ad voluntatem propositorum confortabatur, ab eo ad haec quae oportebat docebatur, ab eo cogitationibus roborabatur; ut ad tantum certamen sufficeret : sicut et beatus Paulus docet¹ : Quicunque enim Spiritu Dei aguntur, hi sunt filii Dei. Idem ejus supra.

59. « Dicant igitur nobis omnium sapientissimi, si pro sensu Domino Iesu Christo, qui est secundum carnem, divinitas facta esset, sicut dicunt : quid sancti Spiritus cooperatione ad haec Christus indigebat ? nec enim Unigeniti divinitas Spiritu indigebat ad justificationem : Spiritu autem indigebat ad vineendum diabolum. Spiritu indigebat ad operanda miracula. Spiritu indigebat ut diceretur ea quae decebat peragere, Spiritu indigebat ut immaculatus appareret. Et post pauca : Ae si dicat Jesus : Ego quidem, quem videtis, nihil quidem facere possum secundum meam naturam, cum homo sim, operor autem quia in me manens Pater omnia facit. Quoniam enim et ego in Patre, et Pater in me, Deus autem Verbum unigenitus Dei in me est, certum est quod et Pater cum ipso in me manet, et opera facit. Et non est mirandum de Christo haec existimari, cum evidenter ipse de ceteris hominibus dicit² : Qui diligit me, meum verbum obseruet, et Pater diligit eum et ad eum veniemus, et mansionem apud ipsum faciemus. Et iterum : Sciebat subtiliter ut notam quidem ficeret gentibus pietatem, pateretur autem laborantium infirmitates, et sic ad effectum suam voluntatem educeret : et justificabatur inde, et immaculatus ostendebatur sive reparatione, sive custodia meliorum, sive etiam paulatim ad meliora profectibus. Et post pauca ejusdem Theodori ex commento secundum Ioannem : Dicit ad Thomam³ : Infer digitum tuum huc, et vide manus meas, et porrige manum tuam, et mitte in latus meum, et noli esse incredulus, sed fidelis. Quoniam dicit, non credis, et factum solum sufficere tibi ad credendum putas; haec enim dicens non me latnisti : tange manu, et cape experimentum, et disce credere, et non diffidere. Thomas quidem cum sic ereditisset : Dominus meus, et Deus dicit, non solum ipsum Dominum et Deum dicens ; non enim resurrectionis scientiam docebat, et Dominum esse eum qui resurrexit, sed quasi proximaenlo facto Dominum collaudat.

60. « Ejusdem Theodori ex commento quod est in Actibus Apostolorum libro primo : Ille autem dixit, oportere pénitentiam agentes eos pro Crucis iniquitate, et agnoscentes Salvatorem et Dominum, et omnium auctorem bonorum Iesum Christum, quoniam per istam pervenit et assumptus est de divina natura, in Spiritu quidem fidem suscipere et ejus discipulos fieri, ante omnia ad baptismum acce-

dentes, quod et ipse tradidit nobis, reformationem quidem habens inspirationis futurorum, nomen autem celebrandum Patris et Filii et sancti Spiritus. Hoc enim quod est : Ut baptizetur unusquisque in nomine Iesu Christi, non hoc dicit ut vocazione quae in nomine Patris et Filii et sancti Spiritus est, relinquentes, Jesum Christum in baptismate¹ vocent. Sed quale est hoc² quod in Moyse baptizati sunt in nube et in mari, et diceret quia sub nube et in mari Egyptiorum separati sunt, liberati eorum servitute, ut Moysis leges attenderent : tale est, ut baptizetur unusquisque in nomine Iesu Christi : ut cum ad ipsum accessissent tanquam Salvatorem, et omnium bonorum auctorem, et doctorem veritatis, ab ipso utpote auctore bonorum, et doctore veritatis vocarentur : sicut omnibus hominibus quamcumque sectam sequentibus consuetudo est ab ipso dogmatis inventore vocari, ut Platonici, et Epicurei, et Manichei, et Marcionistae : et quidem tales dicuntur. Eodem enim modo et nos nominari Christianos, judicaverunt Apostoli.

61. « Ejusdem Theodori in libris de Incarnatione : Plus inquietabatur Dominus, et cerlamen magis habebat ad animae passiones quam corporis ; et meliori animo libidines vincebat, mediante Deitate ad perfectionem. Unde et Dominus ad haec maxime instituere videtur certamen. Item ejusdem in libro contra Synusiastas vel Apollinaristas : Sed si caro erat, inquit, crucifix, quomodo sol radios avertit, et tenebrae occupayerunt terram omnem, et terrae motus, et petre scissae sunt, et mortui surrexerunt ? Quid igitur dicant et de tenebris in Egypto factis temporibus Moysi non per tres horas, sed per tres dies ? Quid autem propter alia per Moysen facia miracula ? et que per Iesum Nave, qui solem stare fecit : qui sol temporibus Ezechiæ regis et contra naturam retroversus est. Et de Eliswei reliquiis quae mortuum suscitaverunt ?

62. « Ejusdem ex libro octavo de Incarnatione : Manifestum autem est quod unitas convenit ; per eam enim collectæ naturæ unam personam secundum unitatem effecerunt. Sicut enim de viro et muliere dicitur, quod jam non sunt duo, sed una caro ; dicamus et nos rationabiliter secundum unitatis rationem, quod non sunt duas personæ, sed una, scilicet naturis discretis. Et post pauca : Quomodo igitur homo et Deus unus per unitatem esse potest ? qui vivificat, et qui vivificatur, qui salvificat, et qui salvificatur ; qui ante saecula est, et qui ex Maria apparuit ?

63. « Ejusdem ex interpretatione Symboli trecentorum deem et octo Patrum : Sed Christum quidem secundum assumptam servi formam ; eum autem qui eam assumpsit, super omnia nominans Dominum : intulit tamen hoc secundum conjunctionem, ut per significationem nominum, naturarum manifestam divisionem faciat. Nemo igitur neque eum qui secundum carnem ex Judæis est,

¹ Rom. VIII. — ² Joan. XIV. — ³ Iona. XX.

¹ Act. VIII. — ² Cor. X.

dicat Dominum : nec iterum Dominum qui est super omnia secundum carnem ex Iudeis. Jesum enim dicit a Nazareth, quem unxit Deus Spiritu sancto et virtute : qui autem de Spiritu unctus est, omni modo aliquid inde assumpsit : quis autem furens dicat, de Spiritu aliquid assumpsisse divinam naturam ? Et iterum : Certus quidem et ipse Filius Dei se non secundum divinitatis dicens nativitatem, sed secundum quod domesticus Dei erat : per quod filii Dei, per voluntatem domestici Domino constituti homines, interim vocabantur.

64. « Haec de innumeris pauca preterimus, ut quasi per foramen angustum, quam nimium barathrum intus lateret, monstraremus. Ecce quales plusquam decem millia libros Theodosius scripsisse prohibetur. Pensate, quæso, si non tanto acriora tormenta promeruit, quanto pluriora conscripsit ? Sed haec illius dicta quæ prolata sunt, utrum ejus sint fortasse dubitatur. Patrum, si placet, scripta proferamus. Ita apud vos libros ejus, quos de perfidia illius testes deduximus, deductis insuper testibus affirmemus. Armenie quippe episcopi Proculo Constantinopolitanae urbis episcopo libellos contra Theodorum porrigentes, dicunt : Fuit autem aliquis pestis homo, magis autem fera, hominis habens foramen diabolicum, mentito nomine Theodorus, qui schisma et nomen episcopi habuit, in angulo et ignobili loco orbis terrarum latitans in Mopsuestano Cilicie secundæ vili oppido, vere quidem et principaliter a Paulo Samosateno descendens, licet Photino et ceteris haeresiarchis in libro de Incarnatione Domini nostri Iesu Christi in toto suo proposito ipsis verbis inveniatur usus. Et si quid pejus, iste per machinationem et audaciam et errorem diaboli volebat homines auctæ sue sicut colubrae lingua veneno, quod sub lingua aspidis est, deperire. Et interim quidem retinebatur suo latibulo, timens potestatem eorum, qui a magno Deo et Salvatore nostro ¹ acceperant Iesu Christo calcare super colubras, scorpions et omnes virtutes inimici. Bico autem sanatos Apostolos, et qui consequenter ab his suscepserunt Martyres et confessores et episcopos, et ceteros sanctos. Invento autem, nescio quomodo, tempore, cœpit repere, et extra fines suos fiduciam gerens, et in parochiam ad eum non pertinentem, tanquam eruditus sermocinator, et in Antiochia Syriae in Ecclesia alloquens, sic dixit : Homo Jesus, quid est enim homo quod memor es ejus ? Apostolus autem, de Jesu dictum fuisse hoc, dixit : Eum enim qui paulo minus ab angelis minoratus est, vidimus, inquit, Jesum. Quid ergo homo Jesus ? similiter omnibus hominibus, nullam habens differentiam ab homine ejusdem generis, præter ea quæ gratia ei dedit.

65. « Quibus Proclus Constantinopolitanae urbis episcopus rescribens, ait : Fugiamus turbulentos et cœnosos fallacie rivos, septa Dei impugnantes,

dico Avii furorem dividentem individuam Trinitatem ; Eunomii audaciam circumcludentem scientia incomprehensibilem naturam ; Macedonii rabiem separantem a Deitate inseparabiliter procedentem Spiritum, et novam istam blasphemiam quæ Judaismi multo amplius superat blasphemiam, introducentes : nam icti quidem cum Filium negant, fraudant ramo radicem : isti vero eum qui est negantes, alterum introduceunt, detrahentes sinceram naturam.

66. « Rursus de hujus errore Joannes quoque Antiochenæ Ecclesiæ antistes ait : Multo autem tempore perseverans Theodosius, persuasit multis ut Nestorio, quod Christus Filius Dei vivi qui de sancta Virgine Maria natus est, non est qui ex Patre natus est Deus Verbum consubstantialis Genitori, sed homo pro qualitate sue voluntatis ex Deo Verbo cooperationem suscipiens.

67. « Rursus de ejus errore Cyrillus ad Lamponem presbyterum scribens, ait : Cum apud Aëliam commorarer, vir aliquis ex his qui nobiliter militant in palatio, Epistolam multorum versuum et grandem obtulit mihi signatam, quam se dicebat accepisse ab Antiochenis Orthodoxis : subscriptiones autem erant in ea plurimorum clericorum et monachorum et laicorum. Accusabant autem Orientales episcopos, quasi tacentes quidem Nestorii nomen, et dissimulantes ei adversari : transeuntes autem ad Theodori codices de Incarnatione factos, in quibus multo peiores nefariae blasphemiae posse sunt : pater enim fuit Nestorii perfidi, qui et illius mala locutus, impins in his factus est.

68. « Rursum de errore illius idem Cyrillus Alexandrinæ urbis episcopus ad Acacium Melitinanæ urbis episcopum scribens, ait : Non oportebat latere sanctitatem vestram aut forsitan cognovit, quod omnes Orientales religiosissimi in Antiochiam converunt, cum transmisisset eis tomum dominus meus sanctissimus Proclus bonorum plenum intellectum et rectorum dogmatum. Erat enim ei ratio multa et longa de dispensatione Domini nostri Iesu Christi. Supposuit vero Capitula quædam collecta e Theodori codicibus, quæ consonantem Theodori pertidiis intellectum habent, et adhortatus eos etiam illa anathematizare.

69. « Rursum de errore illius, Edessenæ Ecclesiæ antistes ad beatum Cyrrillum scribens, ait : Jam vero quidam unitatem secundum subsistentiam omnibus modis aldicant. Morbus enim aliquis sublatens inveteravit Orienti, immedicabilis modo vulneris depascens Ecclesiæ corpus, apud aliquos quasi studiosos, et supercilia extollentes eruditione, latenter Honoratus.

70. « Episcopus enim quidam provinciæ Cilicie Theodosius, vir verisimilis dicendi, et potens suadere, alia quidem supra tribunal de Ecclesiæ statu dicebat ad populi placentiam : alios autem laqueos in scriptis ponebat, qui in principiis quorundam ejus Codicum anathemate circumcludebat insipientem non manifestare aliis scripta.

¹ Luc. x.

Iste primus exposuit, non esse vere Dei Genitricem sanctam Virginem, tanquam Deo Verbo non suscipientem secundum nos nativitatem. Et post pauca: Nec enim dicunt, secundum substantiam, vel secundum subsistentiam unum esse Deo Verbo hominem, sed bona voluntate quadam, tanquam divina natura non suscipientem alterum modum unitatis propter non circumscriptibilem. Iste dixit Dominum nostrum Jesum Christum non oportere adorari sicut Dominum, sed relatione Dei honorari sicut imaginem quamdam: magis autem manifestius secundum eos dicere, sicut, instar aliquid relatione assidentis daemonis. Iste et carnem Domini pronuntiavit nihil omnino prodesse, dissipans Domini vocem¹, quae est: Caro nihil prodest. Isle et Apostolos dicit non cognovisse Christum quod Deus erat, sed supra fidem quae est in homine jedificatam esse Ecclesiam.

71. « Rursum de errore illius Hleyschius Hierosolymorum presbyter, Ecclesiastice historiae scriptor, ait: Ita Photinum, in multis et aliis eos esse secutos: Theodorus quidam praeceps imitatus est, malitiosus quidem loquendi, et in lingua paratissimus, et ipse tamen instabili voluntate, qui huc et illuc melinans ferebatur: clericatui enim Antiocheno a prima aetate commumeratus, et bene conversari pollicitus, ad seculares libidines reversus iterum delectabatur. In omniibus autem donis imitabilis (mutabilis) beatus vir Joannes Constantiopolitanus episcopus scripsit Epistolam, quae usque adhuc in codicibus legitur, et a pejore ad meliorum penitentiam eum transferre praevaluit, et iterum bene conversari, iterum in clericatu esse cepit. Et Antiochia reicta, in Tharso transmigravit. In ea episcopus, nondum Deo volente manifestam impietatis illius prædicationem fieri. Prima autem elementa sue doctrine ex Judaico vaniloquio incipiens, Codicem in Prophetiam Psalmorum conscripsit, omnes de Domino predicationes (prædictiones) abnegantem: culpatus vero et periclitatus, contraria sibi dixit, non ex voluntate, sed compulsus omnibus cæseroniis: et codicem ipsum delere pollicitus, latenter conservabat Judaicæ impietatis viaficum. Et post pauca: Christum enim Jesum generis nostri Salvatorem et Dominum (quem splendorem paternæ gloriæ et imaginem substantiae Paulus² vocat, ferre eum omnia dicens verbo sue virtutis, qui purificationem nostrorum fecit peccatorum, et ad dexteram paternæ Majestatis consedit: de quo ad Colossenses scripsit Epistolam³, quod in eo omnia creata sunt, quae sunt in caelis, et in terris, visibilia et invisibilia, quod per eum in eum creata sunt omnia) hunc non incarnatum Verbum, sicut Evangelicis vocibus docti sumus, sed hominem per vitæ provectionem et passionum perfectionem conjunctum Deo verbo scripsit stultus in omnibus. Et haec in mysticis sermonibus ausus est.

72. « Contra errores ejusdem Theodori, pia

recordationis Theodosius et Valentinianus legem promulgantes, inquiunt: Debitam a nobis venerationem piissimæ doctrinæ reddentes, eos qui ausi sunt contra Dominum impie conscribere debite condemnationi subjicere, et nominibus dignis vocari oportere existimavimus. Justum igitur circumdari eos confusione suorum peccatorum, et in tali vocabulo permanere in æternum, quatenus nec vivi liberentur, et post mortem permaneant contempti. Igitur doctrina Theodori et Nestorii impiorum et pestiferorum visa est nobis abominanda esse, similiter autem et omnes qui sequuntur eorum errorem, et consentiunt eorum impietati, justum est ipsos eamdem nominationen mereri, et confessionem indui, ut non Christiani, sed Nestoriani nominentur, ne dum nominantur Christiani, ex ipso inveniantur decorati vocabulo, longe constituti a Christianorum proposito, et alienati a recta et immaculata fide. Et post pauca: Si quis præterierit praesentem nostram sanctionem, et Theodoro et Nestorio assenserit, et illorum socios imitatur, post gladii ultiōnem omnis ejus substantia fisco addicatur. Rursum contra errores illius, pia recordationis Theodosius et Valentinianus legem promulgantes, inquiunt: Nemo habeat, aut legat, aut seribat, aut proferat Nestorium, seu illius libros, vel Codices omnino inutilles, vel ipsius Nestorii vel alterius, et maxime Nestorii adversus solos Christianos conscriplos, aut Theodori; sed unusquisque habens tales Codices publice illos proferat, et in conspectu omnium igni tradat.

73. « Et si adhuc fortasse post tot prolatas Patrum contra illum sententias vestra fraternitas dubitat, Theodorei libros legat, in quibus dum contra Cyrillum Alexandrinæ urbis anlistitem eum defendere nititur, verius accusat, dicens: Interpretationem Cyrillus accusat octavi Psalmi, et arguit haec verba divini Theodori: Consideremus igitur, quis est homo, de quo stupescit et miratur, quod unigenitus dignatus est ejus memoriam et visitationem facere. Sed quod quidem non dictum est de omni homine, in superioribus demonstratum est; quod autem de uno quolibet, et hoc certum est. Deductas itaque tot testibus blasphemias has ejus esse quis dubital? Et tantis blasphemis illius cognitis, eum damnatum jure quis neget? Discusso ergo primo de Theodori damnatione capitolo, nunc ad dieta Epistola Theodorei indaganda transeamus, cuius tota series si solerter adspiciatur, sanctæ Chalcedonensi Synodo quam sit adversa pensatur. In Gestis namque ejusdem Synodi et scriptis Leonis Cyrillus prædicatur; in Epistola vero illa Theodorei Cyrillus in Apollinaris dogma corruens reprobat: scriptum quippe in ea est: Cyrillus autem libros Nestorii volens destruere lapsus est, et inventus est in Apollinaris dogma cadens. In Gestis Nestorius ut Redemptoris nostri adversarius jure damnatus ostenditur; verbis vero Epistolæ damnatus aijuste memoratur. Sic quippe in ea dicitur: Antequam in Synodo adveniret reverendissimus ac

¹ Joan. vi. — ² Heb. i. — ³ Colos. i.

sanctissimus archiepiscopus Joannes, Nestorium ex episcopatu deposuerunt judicio et inquisitione non facta. In Gestis Synodi in Dei et Domini nostri una persona dnas naturas Cyrillus confessus ostenditur; in verbis Epistolæ unam naturam tradere dicitur, atque ab hoc sensu correptus vix resipuisse narratur. In Gestis Synodi anathematizatus Nestorius etiam post mortem dicitur; in verbis vero Epistole etiam post depositionem suam, pro solo civium suorum odio ad civitatem suam non redisse perhibetur. Sic quippe illic scriptum est: Nestorius autem quia in suæ erat odio civitatis, et virorum qui in ea sunt maximorum, illuc reverti non potuit. In Gestis ac definitionibus Synodi unus Filius Jesus Christus dicitur; at juxta doctrinam Theodori atque Nestorii Deus facetur. Et in Gestis Synodi nusquam Theodorus veritatis docto dicitur; in verbis vero Epistolæ idem, cuius blasphemias supra protulimus, veritatis doctor clamatur: qui nimirum si vera dixit, falsa erunt quæ de veritate Synodus protulit. Quisquis igitur qui Epistolam quæ ibidem dicitur, ostendere quod sit de Synodo nititur; quid aliud quam gesta ejusdem Synodi destruere conatur? Si enim sibimetipsis diversa sunt, nulla præcudubio auctoritate subsistent: quia quæ se impugnando destruunt, alios ædificare non possunt: si sibimetipsis diversa sunt, nulla firmitate convalescent, Domino attestante qui ait: Regnum in se divisum non stabit. Sed absit hoc, absit ab illo venerando Concilio, ut sibimet contraria sapiat: et vel superiora subsequentibus discordia præferat, vel inferiora præcedentibus impugnatura subiungat. Sancta enim fides, quæ uno illic spiritu accepta est, uno sensu credita, una est et fide prædicata. Idecirco in cunctis mundi paribus forma nostræ professionis facta est, quia in precantium vocibus sibimet ipsa dissimilis non est.

74. « Sed cur tantummodo sanctam Chalcedonensem Synodum couelli dicimus, si auctoritatem hinc Epistolæ reprobemus? Quæ nimirum si vera creditur, etiam tota sancte Ephesinae Synodi fides ac reverentia dissipatur. Haec quippe ait, quod in ea Cyrillus præmiorum medicamine sapientum oculos exceccavit. Quid ergo illic de veritate certum dicitur, ubi ipsa veritas sacerdotibus vendita esse perhibetur? Sed quis hoc dicere, quis hoc consentiat patienter audire? Reprobetur ergo una Epistola mentiens, ne utraque sancta Synodus tantæ falsitatis erimen sustineat. Vestræ fidei fundatum tenemus, ne postquam sancta prima Ephesina Synodus quasi venalis arguitur, Chalcedonensis etiam (quod absit) culpa varietatis notetur: quæ ut in verbis suis quantæ sit concordia clareat, necesse est, ut vestra fraternitas ubi sit completa cognoscat. Omnes namque novimus, quod in Synodo nunquam canones, nisi peractis definitionibus fidei, nisi perfectis Synodalibus gestis habeantur, ut servato ordine eum prius Synodus ad fidem corda ædificet, tunc per regulas canonum mœres Ecclesiæ actusque componat. Vigilanti ergo

enra respicie, quæ in sexta illius Actione sanctæ fidei professio consummatur: moxque in septima ad institutionem jam fidelium regula canonum figuratur. Ulterioribus vero Actionibus nihil de causa fidei, sed sola negotia privata versantur: quod eum responsales vestri ita esse ambigerent, curæ nobis fuit, ex prolatis multis hoc Codicibus demonstrare. Nos tamen hac de re nunquam dubitari posse (credidimus), quia et eadem series sic se insinuat ut credi aliter contradicat.

75. « Primum quidem, quia (sicut dictum est) dum definita fidei regula in Actione sexta ostenditur, ordo causæ indicat, ut in Actione subjuncta canonum forma sequeretur. Secundum vero est, quia et in Actionis sextæ terminum jam canonum norma prælibatur, dum illic a principe venerabilibus episcopis dicitur: Aliqua sunt Capitula quæ ad honorem vestre reverentiae vobis reservavimus, justum existimantes, haec a vobis regulariter per singula Synodum firmari (formari), et cætera. Prælibatione itaque sextæ Actionis ostenditur, quia jure Constitutiones canonum nonnisi in septima continentur. Quid enim supererat quod perfecta fidei professione fieret, nisi nt quorundam fidelium Actiones illicitas sancta Synodus positis regulis iudicaret? Quamvis si solerter adspicimus canonum regulas positas, non, sicut putatur, in septima, sed intextas sextæ Actioni invenimus. Nam eum in eisdem Constitutionibus sanciendis, non dies, non imperium ponitur, non qui residerent, describuntur; proculdubio cum non consueto exordio coepitæ sunt, quia præcedenti Actioni subiuxæ sunt demonstrantur: Quia vero in Actione sexta fidei causa perficitur, ipsa episcoporum omnium generali subscriptione declaratur. Nam qui post subscríperunt sententiam, cuncta quæ de fide agenda fuerant, finita testati sunt. Unde et in causis post specialibus, nudis tantummodo verbis loquuntur, atque ea quæ decernentes dixerant, nulla supposita subscriptione, firmaverunt. Quæ reverendiissimi episcopi ita in Actione sexta omnia quæ de fide agenda fuerant, cognosebant; ut, sicut illic scriptum est, clamarent: Supplicamus, dimitte nos, pie imperator, dimitte nos: quod non pro fide, sed pro specialibus causis detenti sunt, principali illic responsione monstratur, cum dicitur: Sacratissimus et piissimus dominus noster Marcianus Augustus ad sanctam Synodum dixit: Laborasti multo spatio fatigationem perpessi: sustinet autem tres aut quatuor dies adhuc, et præsentibus magnificissimis judicibus nostris, singula quæcumque vultis movete, competens adepturi solatium. Qui igitur ad singula quæque vellent motura retenti sunt, licet quia nequaquam ultra Actionis sextæ terminum pro fidei causa restiterant.

76. « Sed cur de his extensa ratione agimus, qui lanta prædecessoris nostri beati Leonis auctoritate fuleimur? Ipse namque, sicut multa superius Epistolarum ejus attestatione docuimus, gesta multiplicia causarum specialium reprobando, auctoriti-

tatem Synodi in sola fidei definitione constrinxit. Hinc est enim, quod peracta Synodo, cunctas nobis suspicionum nebulas tergens, aperte ad Maximum Antiochenæ sedis antistitem scribit, dicens: Si quid sane ab his fratribus, quos ad sanctam Synodum vice mea misi, præter id quod ad causam fidei pertinebat gestum esse prohibetur; nullius erit penitus firmitatis; quia ad hoc tantum sunt ab Apostolica Sede directi, ut excisis hæresibus, Catholicæ essent fidei defensores; quicquid enim ad examen episcopale defertur, potest aliquam dijudicandi habere rationem. Sed solent nonnulli dicere, haec eum pro Anatotii Constantinopolitanæ urbis episcopi præsumptione dixisse: qui si et res gestas, et ea quæ nunc protulimus Epistole verba considerant, suspicere protinus falsa cessant. Namque eum prædictus Constantinopolitanæ urbis episcopus novum aliquid conatur arripere, constat illie ei legatos Sedis Apostolice cum summa auctoritatis libertate restitisse. Quod et factum in Synodo legitur, et ejusdem Synodi ad prefatum prædecessorem nostrum Epistolis approbatur. A sæpe fato autem eodem prædecessore nostro ad Maximum, sicut prædictus, novimus scriptum: Si quid sane ab his fratribus, quos ad sanctam Synodum vice mea misi, præter id quod ad causam fidei pertinebat, gestum esse prohibetur, nullius erit penitus firmitatis: quia ad hoc tantum sunt ab Apostolica Sede directi, ut excisis hæresibus, Catholicæ essent fidei defensores. Si ergo de Anatolii causa loquens, hoc quod a vicariis suis actum in Synodo fuerat redarguit: nimirum quia contradixerant, reprehendit.

77. « Et quis hæc vel stultus sentiat? dum constet, quod hac de re beatus Leo Anatolio conquerenti multa in vicariorum suorum, quia contradixerunt, laude rescribat: cuius Epistolæ nunc idcirco verba non ponimus, ne volumen hoc immoderatus extendamus: cum vero et subjeicitur: Quicquid enim præter speciales causas Synodalium Conciliorum ad examen episcopale defertur, potest aliquam dijudicandi habere rationem: aperte nobis licentia tribuitur, ut quicquid illie extra fidei causas de personis gestum est, retractetur. Specialis quippe Synodalium Conciliorum causa est fides: quicquid ergo præter fidem agitur, Leone docente, ostenditur, quia nihil obstat, si ad judicium revocetur. Quia vero et apud eosdem episcopos qui in Chalcedone resederunt, in veneratione Synodus nonnisi usque ad fidei definitionem fuit; per hoc aperte ostenditur, quod plerique Graeci antiquiores continere Synodum nonnisi in sex Actionibus subjunctis canonibus demonstrantur, ut omnino cætera quæ privato studio fuerant mota, non habeant. Unde et Encyclia hæc ita esse testantur. Nam Leoni Augusto Alipius episcopus Cæsareæ Cappadociæ scribens ait: Sic se habitibus vestram pietati significo, quia ea quidem quæ particulariter examinata sunt, et quæ gesta a sanctis episcopis in Chalcedonensi civitate collectis, non legi: neque enim a sanctæ memoria tunc episcopo Thalassio qui inter-

fuit sancto Concilio, hæc delata inspexi. Attestante ergo Alipio episcopo perdocemur, quod non aliquid est allatum amplius ex his quæ gesta uoscuntur, sed tantummodo definitionem expositam ab illo sancto Concilio hanc delatam inspexi. Attestante ergo Alipio episcopo perdocemur, quia præter causam fidei nihil de Synodo in veneratione Thalassius tenuit: qui illie et præter causam fidei episcoporum negotiis privatis interfuit. Si igitur in Actione sexta professio fidei consummatur, moxque canonum regula figitur, si beatus Leo negotiis, quæ illie private mota sunt, contradicit, si hoc quod ultra fidem gestum est, nec is qui fecit Thalassius tenuit; cur nos hæreticam Epistolam retractasse reprehendimur, qui hac in re cunctorum nos præcedentium auctoritate roboranr? Et quamvis ab eadem Epistola alienum se habas respondeat, quamvis quia approbata sit, aut difficulter, aut nullatenus demonstretur: licenter tamen unusquisque eam reprehenderet, etiamsi episcopi in eodem Concilio residentes suis illam subscriptionibus approbassent: quia postquam, beato Leone scribenta, jus retractandi et dijudicandi conceditur, etiamsi qua esse poterat eorum qui interfuerant, in privatis negotiis auctoritas vacuatur.

78. « Disensus itaque secundo Capitulo, tertium superest: quod tanto debemus in brevitate constringere, quanto et vos nobis hac in re non credimus resultare. Neque enim Theodoreti omnia scripta damnamus, sed sola quæ contra duodecim Cyrilli Capitula, sola quæ contra rectam fidem aliquando scripsisse monstratur. Quæ tamen et ipse damnasse cognoscitur, qui in sancta Chalcedonensi Synodo vera confessus inveniuntur. Nam quomodo post errorem recte sapiat, et ea quæ prius scripserrat, et ea quæ in Chalcedonensi Synodo ab illo sunt gesta, manifestant. Ipse namque Nestorio scribens ait: In his quæ in tuam venerationem injuste atque iniuste profata sunt, nec si mihi quis utramque manum abseiderit, potero præbere consensum. Emerio quoque Nicomediae episcopo scribens ait: Damnationi venerandi et sanctissimi episcopi Nestorii quæ facta dicitur, non debemus præbere consensum. Ad Alexandrum quoque Hierapolitanum episcopum scribens ait: Et ante tue sanctitati prædixi, quasi domini mei venerabilis et sanctissimi episcopi Nestorii fuerit dogma damnatum, nec ego cum his qui faciunt, communicabo. Ad Alexandrum vero Syriæ Palæstinorum præsulem scribens ait: Existimo præ omnibus maxime satisfactum esse domino meo sanctissimo ac venerando Joanni episcopo, quod nullatenus acquiescam in damnatione domini mei sanctissimi et venerandi Nestorii episcopi præbere consensum, quæ in Tharso et in Epheso facta est.

79. « Qui postmodum tamen cum resistantium certamine a sancto Chalcedonensi Concilio admis-sus, aperte anathema in Nestorium protulit; se-que Orthodoxum ipso hæretico reprobato mon-stravit. Dudum namque sanctæ Ecclesiæ diversa

sentiens, et contra beati Cyrilli duodecim Capitula scribens, ait : Sanctam Virginem Theotocam vocamus, non quod Deum peperit per naturam, sed quod hominem ediderit conjunctum Deo, quem ipse formavit. Et post pauca : Si naturalis conjunctio facta est formæ Dei et formæ servilis, et invenietur legislator necessitatibus legis serviens. Et rursum : Nomine communicationis utentes, ut unum quidem filium adoramus, et eum qui assumpsit, et eum qui assumptus est; differentiam tamen cognoscimus naturarum. Theophoron autem dicere portans vel Dominum induitus hominem Christum, ut a multis sanctis Patribus dictum est, non recusamus. Et post alia : Considerate, inquit Apostolus¹, Pontificem confessionis vestrae Iesum fidem ei qui fecit illum, sicut et Moyses in omni domo sua. Facturam autem eum quis esse dixerit recta sentiens : increatum et cum Patre coeternum, et addam, verum : sed eum qui est ex semine David, qui liber ab omni peccato Pontifex noster fuit, et victimam ipse se pro nobis obtulit Deo habens in se certe Dei Verbum adunatum sibi inseparabiliterque conjunctum. Et rursum, ut eum quasi ostenderet ad Divinitatem per incrementa creuisse, in eodem opere subjungit dicens : Ait Angelus² Virginis : Spiritus sanctus superveniet in te, et virtus altissimi obumbrabit tibi : ideoque quod nascetur ex sanctum, vocabitur Filius Dei. Considerate hic etiam, quia cuncta humana dicuntur : erit, inquit magnus, non dixit, est : et Filius altissimi vocabitur, non dixit, vocatur : et dabit ei Dominus secum David Patris sui, non dixit, habet, sed dabit ei Dominus : et regnabit, non dixit, regnat : et super quos ? super dominum Jacob, non dixit, super Angelos et Archangeli. Rursum in eodem libro secundo ait³ : Jesus autem plenus Spiritu sancto regressus est a Jordane. Et iterum : Regressus est Jesus in virtute Spiritus in Galileam, non Dei verbum cooperatione vel auxilio exuisse Spiritus sancti arbitriteris, sed visible templum variis sancti Spiritus donationibus fruebatur. Et post alia : Jesus Christus, inquit⁴, heri et hodie, ipse et in saecula. Quomodo igitur, o sapientissimi, debemus advertere, quomodo idem ipse heri et hodie et in saecula, et temporaliter et aeternus, et in tempore et super tempora; nam si aeternus est, temporalis non est; et si in tempore est, super tempus non est. Et rursum : in Domino Deo nostro Iesu Christo deitatis et humanitatis quasi unitatem adstruens, ait : Naturas discernimus Dei Verbi : naturam integrum dicimus et personam sine dubitatione perfectam; nec enim sine persona fas est asseverare substantiam; perfectam quoque humanam naturam cum sua persona similiter contineatur. Cum vero ad conjunctionem respicimus, tunc demum unam personam merito nuncupamus.

80. « Quis haec, fratres carissimi, plena omni impietate non videat? A quibus tamen constat, quod si postmodum ipse correxit qui in sancta

Chalcedonensi Synodo Nestorium anathematizare consensit. Quis non videat quanta temeritate plenum sit, Theodorei scripta superbiendo defendere; quæ eundem ipsum constat, recta post profitendo damnasse? Domus vero ejus et personam recipimus, et ea quæ dudum latuerant pravae scripturae probamus, in nullo a sanctae Synodi actione deviamus : quia sola ejus haeretica scripta respondeunt, et cum Synodo adhuc Nestorium insequimur, et cum Synodo Theodoreum profitentem recta veneramur. Alia vero scripta illius non solum recipimus, sed etiam contra adversarios utimur. Nam cum Theodorus Cantorum Canticum vellet exponere, et non ad commenta sed potius ad deliramenta laboraret ; per hunc librum Ethiopissæ regiae blanditum fuisse, professus est : quod Theodoreus reprehendens, nomen quidem ejusdem Theodori suppressit, sed tamen vesaniam patefecit. Ejusdem namque libri commenta conscribens, ait : Audio plures Canticum Cantorum detrahentes, et non credentes spiritalem esse librum; fabulas autem quasdam aniculares per vesaniam texentes componere et presumere dicentes : quia sapiens Salomon ad se ipsum et filiam Pharaonis hunc librum conscripsit. Quomodo ergo nulla scripta ejusdem Theodorei recipimus, qui illum etiam contra Theodorum assertorem veritatis invenimus? Haec ad scripta vestra respondemus.

81. « Sed opportunum valde judicamus, ut ea quæ sine scripto a responsalibus vestris audivimus, breviter verba replicemus. Dixerunt enim Theodorum a Joanne Antiochenæ urbis episcopo mira per Epistolam attestatione laudatum : quod verum nos nullo modo credimus. Si tamen et tale aliquid fortasse reperitur : plus fidei primæ Ephesinae Synodo, plus Cyrilli libris, plus Hesychii, quam aliis quæ innotescere nunc usque nequiverrunt, Epistolis commodamus. Debemus tamen accedere, etiam concedentes aliquid dicere : ita ergo ut responsales vestri asserunt, esse sentiamus. Vos scitis, fratres dilectissimi, quod res quæ dubietati subjacet, in partem semper est interpretanda meliorem. Quid itaque obstat, si dum de ejus errore occultum adhuc et dubium fuit, ab uno Patre laudatus est : et innotescente post perfidia, pene omnium magnorum Patronum sententiis velut inumanis bestia quasi crebrecentibus jaculis est confossus? Annon et malos a bonis aliquando laudatos novimus? nec tamen eisdem laudibus defensos. Quid namque in haeresiarchis Origene deterius, et quid in Historiographis inveniri Eusebio honorabilibus potest? Et quis nostrum nesciat in libris suis quantis Origenem Eusebius praecomiis attollat? Sed quia sancta Ecclesia suorum fidelium corda benignius, quam verba districtius pensat : et plus in haereticis sensum proprium, quam testatio Eusebii absolvere potuit, nec rursum Eusebium laudati Origenis culpa damnavit.

82. « An non et Gregorius Nyssæ urbis episcopus cum Cantorum Canticum exponit, magnis

¹ Hebr. iii. — ² Lue. i. — ³ Lue. iv. — ⁴ Hebr. xm.

Origenem laudibus præfert? Annon et Hieronymus nostræ Ecclesiæ presbyter et singularis Hebræi sermonis interpres tanto erga Origenem favore inten-ditur, ut pæne discipulus esse videatur? Sed quia plus causa quam verba pensanda sunt, nec istis sua benignitas nocuit, nec illum a reatu proprio favor alienæ attestationis excusavit.

83. « Cogor post haec, fratres carissimi, dolens cum¹ Paulo dicere: Testimonium perhibeo vobis, quod aëmulationem Dei habetis, sed non secundum scientiam: cuius erga unitatem sancte Ecclesiæ dum viscera charitatis adspicio, discordes vos in-tolerabilius ingemiso. Pensate, quæso, quo ardore sanctæ unitatis anhelabat, cum Philippensisibus di-ceret²: Si qua consolatio in Christo, si quod solati-um charitatis, si qua societatis spes, si qua viscera et miserationes, implete gaudium meum, ut idem sapientes, eamdem charitatem habentes, unanimis, idipsum sentientes. Qui igitur unanimitatem locu-turus, tot et tales inquisitiones premissit; quantum esset hujus virtutis meritum, non explendo, sed inquirendo monstravit. At contra quam sit malum discordia, loquens Corinthi ostendit. Ait³ enim: Significatum est mihi de vobis, fratres mei, ab his qui sunt Chloes, quia contentiones sunt inter vos: hoc autem dico, quod unusquisque vestrum dicit: Ego sum Pauli, ego autem Apollo, ego vero Cepha, ego autem Christi. Quod cum quanta animadver-sione loquatur, agnoscimus, si subjunctæ increpa-tionis verba pensamus. Ait enim: Divisus est Christus? numquid Paulus crucifixus est pro vobis, aut in nomine Pauli baptizati estis?

84. « Considerate igitur, fratres mei, et dum Deo adhuc exspectante, omni incerto vitae fine per-mittimur, vigilanti cura perpendite, quia illam scissionem sanctæ Ecclesiæ pro Theodoro facere fraternitas vestra non metuat, quam pro se vel pro-fiteri Paulus expavit. Cur non ad memoriam pro-unitate servanda beati Augustini dictum reducitur? qui dum de unico baptismate loqueretur, idecirco Cyprianum martyrem, qui de iterando baptismate scriperat, defunctum perhibuit, quia licet pravum quid senserit, nunquam tamen se a totius Ecclesiæ communionem suspendit. Sic igitur permanere in sanctitate servante constat, fratres dilectissimi, quia dum vos ab Ecclesiæ unitate disjungitis, omne virtutis meritum perdidistis, etiam si recte teneatis. Scriptum quippe est⁴: Pacem sequimini cum omnibus et sanctimoniam, sine qua nemo videbit Dominum.

85. « Multa locuti sumus, quia et ad multa ratiocinando respondimus. Et cum testimonia ex Pa-trum dictis innumera suppeterent, per pauca posui-nus: videlicet cupientes ut scripta nostra in causis singulis narratio brevia la succingeret, ne fortasse tedium legenti generarent. Unum tamen quod jam superius diximus, non fædet si etiam crebro repli-cemus: Quia fidem sanctæ Chalcedonensis Synodi

illibatam per omnia Deo auctore servamus, ejusque definitiones, sicut Ephesinæ primæ, Constantinopolitanæ, ac Nicænae Synodi irretractabiles nunc nsque tenuimus, et vel morte proposita irretracta-biles custodimus. Vestra igitur dilectio communio-nem fidelium Orthodoxorum fratrum non fugiat, ne præsentis vocis nostræ adjutorium si audire neglexerit, contra se in testimonium vertat. Nos autem ad Dominum post verba recurrimus, eumque quantum possumus fletibus exoramus, ut hoc quod vobis ad sequendam concordiam a nobis dicitur, ipse in vestris mentibus manu intimæ inspi rationis operetur ». Haec tenus ultima adversus schismaticos Gregorii Epistola, Pelagii papæ jussu nomineque conscripta, nunc primum edita, quam et una cum aliis duabus superiori recitatis in recentiori, quæ paratur, ejusdem Gregorii papæ Epis-tolarum editione, eudendam dedimus.

86. *Pelagius per exarchum schismaticos exagit.* — Cum autem adhibitum bene præparatum a Gregorio adversus schismaticos pharmacum male affectis animis schismaticorum papa Pelagius mi-nime profuisse cognovisset; eosdem per sæcula-rem potestatem colibere conatus est, imitatus Pela-gium Pontificem seniorem, qui eosdem (ut vidimus) per Narsetem ducem compescere laboravit. Itaque adversus ipsos Smaragdum Italie exarchum Ra-vennæ degentem excitavit: qui hand impiger eos-dem coercere aggressus est, nec cessavit quoisque depascentem Ecclesiam morbum illum auferret penitus ex iis regionibus. Rem vero gestam sic narrat Paulus¹: « Smaragdus patricius veniens de Ra-venna in Gradum, per semetipsum e Basilica extrahens Severum, Ravennam cum injuria duxit eum aliis tribus ex Istria episcopis, Joanne Paren-tio (Parentino), Severo atque Vindemio: quibus comminans exilia, atque violentiam inferens, com-municare compulit Joanni Ravennati episcopo Trium Capitulorum damnatori: qui a tempore papæ Vigilii et Pelagii a Romana Ecclesiæ decide-rat societate. Exacto vero anno, e Ravenna ad Gra-dum reversi sunt. Quibus nec plebs communicare voluit, nec ceteri episcopi eos receperunt ». Hæc de conatu exarchi Smaragli Paulus. Quod igitur exacto anno hi permitti sunt ad suas redire Eccle-sias indicatur eos assensum præbuisse Catholicæ veritati, et conjunxisse se a qua divisi schismate erant Romanae Ecclesiæ: nam de Severo id affirmat S. Gregorius papa² in Epistola ad ipsum scripta anno primo sui pontificatus, sed quomodo (quod idem testatur) ad vomitum sit reversus, suo loco dicemus. Hæc autem sub exarchio Smaragdo hoc anno cœpta sequenti absoluta fuisse oportuit: si-quidem exarchatus Smaragi exordium ponitur anno quingentesimo octagesimo quarto, ac triennio tantummodo perdurasse.

87. Sed hic lector attendat, gravissime in erro-re lapsum (quod attigimus) Paulum diaconum,

¹ Rom. x. — ² Philip. ii. — ³ 1. Cor. iii. — ⁴ Hebr. 1.

¹ Paul. diac. de gestis Longob. l. iii. c. 12. — ² Greg. l. i. Ep. xvi.

aliis errandi occasionem fuisse, dum putavit damnatores Trium Capitulorum eosdem fuisse ab Ecclesie communione extores, ut dum de Joanne Ravennate asserit, eo quod Trium Capitulorum damnator extiterit, a Romane Ecclesie communione excidisse: adeo ut plane convincatur ipse Paulus de Tribus Capitulis historiam minime assentus fuisse, quae ex superioribus dictis et iis quae S. Gregorius papa pluribus tradit Epistolis, satis perspicua insipientibus redditur: nam penitus contrarium accidit. In quem errorem lapsos vidiimus recentiores historicos¹ et quidem disertos viros Paulum errantem secutos: ex quo factum est, ut in devium semel immisso pede, iidem implicati teneantur aliis multis erroribus, ut cum dicunt Joannem Ravennatem episcopum adversus Romanam Ecclesiam rebellasse, atque Smaragdum exar-

chum adversus Catholicos episcopos concitasse, et alia hujusmodi veritati contraria: nam ita in re tanta a vero exorbitantes, vix credi potest, in quot sint abducti mendacia, nec quidem levis momenti, dum qui fuerunt Catholici collocant inter schismaticos, schismaticos vero inter Catholicos numerant, et persecutorem vocant exarchum Smaragdum qui schismaticos zelo pietatis exagitavit. Sed ad alia transeamus.

88. *Obitus S. Disciolas virginis in Gallia.* — In Galliis hoc anno ex hac vita decessit sancta Disciola virgo, sancti Salvii episcopi Albigensis nepis, monialis in monasterio sancte Radegundis regiae Pietatis existentis: in eius transitu quae admiranda effulserunt sanctitudinis signa, narrat pluribus Gregorius¹ hoc ipso anno, qui est octavus Childeberti regis.

¹ Sigon. de reg. Ital. l. iv. et Hieron. Rub. l. iv. hist.

¹ Greg. Tur. hist. Franc. l. vi. c. 29.

Anno periodi Graeco-Romanæ 6079. — Anno Aera Hispan. 624. — Iesu Christi 586. — Pelagi II pape 9. — Mauriti imp. 5.

1. *Postconsulatus.* — Is annus hac formula notatus: *iv post consulatum Mauritii Tiberii Aug. solius iterum*, ut recte Chronicon Alexandrinum.

2. *Obitus S. Eutychii episc. et Tiberii Aug.* — A num. 1 ad 24. Quæ Baronius hoc anno habet, tam de morte sancti Eutychii patriarchæ Constantinopolitani, quam de obitu Tiberii Augusti, et Mauritii ejus successoris initio, ad annum DLXXXII, quo de iis egimus, retrahenda sunt; haec autem nunc tam explorata, quam quæ in Chronologia certissima.

3. *S. Gregorius e legatione sua Romanam redux.* — Ad num. 24 et seqq. *Sanctus Gregorius Constantinopolis legatione sua reversus est sub finem anni DLXXXIV, aut initio anni DLXXXV. Pelagius enim II litteris datis IV non. Octob. Indictione tertia, et a Baronio anno præcedenti num. 15 et seqq. recitatis, eidem Gregorio mandat, ut quamprimum presbyterum (qui Maximianus vocabatur) ad se venire jubeat; Gregorius autem cum eodem presbitero Romanam redit, ut anno antecedenti exposuimus. Quare tunc, non vero hoc anno, Pelagius alium apocisiarium Constantinopolim misit.*

4. *Pelagius II Schismaticos Istriae ad Ecclesiam reducere conatur.* — A num. 26 ad 88. *Langobardi Francorum regis cum validissimis copiis*

adventum reformidantes, inducias cum *Flavio Smaragdo exorcho* statuere, quarum meminuit Pela-gius II in prima Epistola ad episcopos Istræ; apud Baronium num. 29. Bellum adversus Langobardos suscepérat *Childebertus* rex anno regni sui ix, ut testatur Turonensis lib. 6, cap. 42, qui ait, *Langobardis multa ei munera dantibus, in Gallias regressum esse. Quod cum accepisset Mauricius, et quod Childebertus cum Langobardis in pace conjunctus esset, pecuniam quam ei dederat, ut Langobardos de Italia extruderet* repetit, sed Childebertus nec responsum quidem pro hac re ei reddere voluit. Haec secundum Turonensem anno DLXXXIV, qui nonus erat Childeberti regis gesta. Et tamen Paulus diaconus lib. 3 de gestis Langobard. cap. 17, postquam capite superiori de initio regni *Autharis*, quod ad præsentem annum pertinet, ut anno superiore ostendimus, locutus est, eademque narrat, et iisdem fere verbis, que Turonensis, ex quo multa exscribere solet. Sive itaque pax illa Francos inter et Langobardos anno DLXXXIV, sive currenti peracta fuerit, *Pelagius II*, quod iam diu in votis habuerat, Italia bello liberata, schismaticis ad Ecclesiam reducendis animum suum convertit. Quare *Redemptum* episcopum, et *Quodvultdeum* abbatem ad eosdem legatos cum litteris misit, ut rogati ad

pacem venirent. Erat *Redemptus* episcopus Ferentinus, ut liquet ex verbis sancti Gregorii lib. 3 Dialog. cap. 38, a Baronio anno DLXVII, numm. 43, recitatis. Litterarum Pelagii hæc erat inscriptio: «Dilectissimis fratribus Elie, aliisque episcopis, universis filiis in Ecclesiæ Istriæ partibus constitutis Pelagi episcopus S. E. Catholice Urbis Romæ. Quod ad dilectionem vestram, etc.» apud Baronium a num. 29 ad 36 recitata.

5. *Eos Pelagius semel et iterum hortatur, ut ad Ecclesiam redeant.* — Elias ac college, Pelagii legatione auditæ, tantum abest, ut a diuturno schismate discesserint, ut et ipsi cum litteris muntios Romani miserint, intoleranda superbia mandantes, ut litteris papæ datis ne verbum quidem adderent. Non despondit animum *Pelagius*, sed, ut aberrantes oves ad Domini caulam revocaret, iterato ad eosdem scripsit. In iis autem litteris, in quibus muntiorum ad se ab Istris missorum mentio fit, schismaticos iterum hortatur *Pelagius*, ut suorum quosdam Romanam mittant, vel Ravennam saltem, ut « Ille, inquit, Ravennæ fiat congregatio sacerdotum, quo nos etiam qui loco nostro intersint Divinitate propitia dirigemus». Recitat eam Epistola Baroniis a num. 37 ad 44.

6. *Sed nihil proficit.* — Schismatici his litteris acceptis errorem sumi defendere non destitere, ideoque *Pelagius*, tertio prolixia ad eosdem data Epistola eos monuit, scripsitque, nihil per Concilium V Synodus Chalcedonensem, quod ad fidei decreta spectat, læsam fuisse, initio per *Vigilium* papam Apostolicam Sedem noluisse Tria Capitula damnare, quæ tamen, causa postea diligentius discussa, *Vigilio* eodem auctore proscriptis, ibique *Theodorum* haereticum ex sanitatis Patribus ostendit, ac *Theodoreti* libros contra sanctum Cyrillum, itemque Epistolam *Ibae* omnino damnandam esse demonstrat. Legenda hæc ter tertiæ Epistola apud Baronium a numero 44 ad 87. Porro omnes ille *Pelagii* H Epistolæ notis temporariis carent. Hoc tamen anno videntur datae.

7. *Obitus S. Disciolæ monialis.* — Ad num. 88. Turonensis lib. 6, cap. 29, anno octavo Childeberti regis pluribus narrat mortem sanctæ *Disciolæ* sanctimonialis monasterii beatæ Radegundis, et beati *Salvii Albiensis* episcopi neptis, quæ ideo contigit anno quingentesimo octogesimo tertio, quo mense circiter Decembri annus viii Childeberti regis absolutus est. Sancta *Disciola* in Litaniis Pictonicis, quas Castaneus episcopus Pictaviensis compositus, invocatur die xiii Maii, quo etiam die in Officiis propriis Ecclesiæ Pictaviensis colitur.

8. *Britanni a Saxonibus vexati in Cambriam secedunt.* — Westmonasteriensis scribit: « Anno gratiæ DLXXXVI secesserunt Britannorum reliquæ in Occidentalibus regni partibus, Cornubia videlicet atque Wallia; maximam insulae partem relinquentes. Unde crebras et ferales irruptiones sine intermissione hostibus inferebant. Tunc archipresules, Theonus Londinensis, et Thadiacus Eboracensis,

cum omnes Ecclesias sibi subditas solo tenus destrictas vidissent, cum pluribus ordinatis, qui in tanto discrimine superfuerant, cum reliquiis sanctorum in Cambriam diffugerunt, timentes, ne Barbarorum irruptione, tot et tantorum sacra ossa veterum a memoris hominum delerentur, si ipsa imminentि periculo minime subtraxissent. Plures etiam Armoricanam Britanniam petentes, totam Ecclesiam duarum provinciarum, Loegriæ videlicet, et Northanhumbriæ, a conventibus suis viduatam deseruerunt et inanem. Quibusdam vero sanctorum corporibus, quæ in sepulturis jacebant, reverenter occultata, tumulos terræ superposuerunt, ne ab infidelibus respectui haberentur. Erant enim Anglorum, sive Saxonum reges, armis strenuissimi, pagani atrocissimi; qui nihil potius quam Christum, et Christianorum cultum subvertere sitiebant. Nam si qua Ecclesia, terra subjugata, illæsa servabatur, hoc magis ad confusionem nominis Christi quam ad gloriam faciebant. Nempe ex eis, deorum suorum templo facientes, profanis suis sacrificiis, saneta Dei altaria polluerunt ».

9. *Fidem Orthodoxam conservarunt.* — Cum itaque Saxones, per universam fere insulam sparsi, et numero provinciarum, viribusque auctiores essent, ac novæ leges ab infidelibus fidelibus graves conderentur, in antiquorum incolarum præjudicium; visum est clero populoque Britanno, qui adhuc Saxonibus ubique mixtus erat, nihil cum illo commune habere. Quare decrevere omnes alio migrare, novas sedes quærere, procul hostium commercio esse; nec amplius cum illis vivere. Inter eos, qui in insula erant, fugisse dicuntur *Thonus* Londinensis, et *Thadiacus* Eboracensis, uterque archiepiscopus. Qui tamen Londini post missionem sancti Gregorii Magni sederunt, episcopi nudi fuerunt, metropolitana dignitate Cantuariam translata. Ex his liquet, ut Alfordus in Annalibus Anglieis hoc anno observavit, antiquos *Britanos* ab avita fide nunquam declinasse, sacras reliquias veneratos esse, et eam fidem conservasse quam sub *Lucio* acceperant, ideoque Protestantes hodiernos Angliae non habere Christianam *Lucii* et antiquorum Britannorum fidem; cum eodem modo tractent eorum cineses, ac Barbari Saxones pagana superstitione cecati, dum eos Britanni venerabantur.

10. *Persæ a Romanis memorabili prolio victi.* Bellum Romanos inter et Persas hoc anno continuatum. Theophylactus a fine capituli 14 libri primi usque ad caput undecimum libri secundi, quæ in eo configere, narrat, atque *Philippicum* Orientalis exercitus ducem, vere incipiente ex Urbe imperante, discessisse, et ubi *Amidanum* intravit, Persas pro federe pecunia a se redimendo ad Romanos legationem misse. Verum statim ac legalius dixit, auri persolutione placari posse iracundiam Persicam, Romani fedus turpissimum respuerunt, et *Philippicus* ad Arzaniensem fluvium exercitum duxit, ac eo in tria agmina distributo in pugnam processit: « Ubi hostes appropinquare pulverea

nubes indicio fuit, Philippicus Dei hominisque (Jesu Christi) effigiem circumfert. Jam olim fama emanavit, et usque hodie durat, eam effigiem non texentis manu comparatam aut pictoris arte, coloribus variatam, sed divinitus efformatam esse, etc. Hanc effigiem sacra ueste nudalam gestans, exercitum obibat, indeque audiendi generosam, et inexpugnabilem militibus alacritatem injiciebat », inquit Theophylactus lib. 2. cap. 3, qui subdit, *Philippicum* illam Domini imaginem *Mardes* ad Simeonem Amidae antistitem, postea misisse. Quare habitum praelium in Mesopotamia, ubi *Amida* ad Tigrim fluvium posita est. In eo praelio Persae dissipati, et illustris Victoria a *Philippico* reportata. Is vulneratos donativis est prosecutus, et cum reliquo copiarum in Persidem irrumpens, eam atrocius incuravit, quod fuse prosequitur Theophylactus, qui cap. 10, ait, *adveniente hyeme anniversaria stipendia exercitui numerata esse, sub finem scilicet currentis Christi anni, quod ex dicendis annis sequentibus magis manifestum fiet.*

11. *Imago Christi per exercitum a Philippico circumdata.* — Baronius anno DLXXXIX, a num. 49 ad 52, hanc Romanorum de *Persis* victoriam ex *Miscella* et *Cedreno* narrat. Verum cum uteque auctor eamdem alliget cum anno IV Mauritiū imp. nullum dubium esse debet, quin ad presentem perfineat; cum et Theophanes eamdem referat ad annum Incarnat. secundum Alex. DLXXVIII, qui kalend. Septemb. superioris Christi anni inchoatus fuit. Gretserus *Syntagma de Imaginibus non manu factis* composuit, quas dicit sacratissimum Christi vultum exhibere, ipsumque linteis seu sudariis admodum faciei sue impressisse. Harum tres potissi-

mum celebrantur: prima *Edessena*, quae creditur missa a Christo ad *Abagaram* Edessae regem. Altera est *Camidianensis* a civitate Cappadociae hoc nomen sortita, ut docet Cedrenus in *Chronico* ad annum IX Justini junioris. Tertia, quam vulgo *Veronicam* vocant, a *Philippico* in memorato praelio circumdata fuit. Graeci festum in imaginis *Edessenae* honorem instituere, eujus mentio ad diem XVI Augusti in eorum Menologio, ob ejus nempe translationem ex urbe Edessena Constantinopolim. *Camidianensis* imaginis Christi mentio fit in secunda Synodo Nicæna, Act. V, quam Constantinopolim allatam esse loco citato tradit Gedrenus. In hujus honorem festum die IX Augusti institutum est, ut in Menao Graecorum legitur; eaque ab *Heracio* imperatore anno imperii sui decimo in bello contra Persas suscepto circumdata. Denique sudarium *Veronicæ* colitur Romæ, et alias proxima post octavam Epiphaniæ Dominica ex Basilica Vaticana ad ædem sancti Spiritus processionaliter deferetur. Hujus processionis mentionem facit Innocentius III in Sermone supradicto Dominicæ.

12. *Concilium Arver. III et S. Prætextati martyrium.* — Concilium *Arvernense III* hoc anno celebratum, ut anno DLXXXVII videbimus. Sanctus *Prætextatus* episcopus Rotomagensis hoc anno martyrium passus est, ut an. DLXXXIX ostendemus. *Autharis* fit Langobardorum rex, ut anno superiori diximus, ubi et de *Reccaredi* Gothorum regis initio actum. Moritur sancta *Corsaria*, ut videre est anno sequenti. Incendium urbis Parisiensis, et nativitas *Theodeberti*, Childeberti regis filii, ut ostendam anno DLXXVIII.

1. *In Synodo Constantinopolitana habita in causa Gregorii Antiocheni Joannes episcopus nomen usurpat OEcumenici; ejus proinde Acta irritat Pelagius.* — Adsunt Januarii kalendas anni Redemptoris quingentesimi octogesimi septimi, Indictionis quintae, cum secundum in imperio annum Mauritius ageret, quo consulatum absque collega suscepit, ut ita reliqui ejus imperii a primo consulari nomen multiplicato numero sortirentur: quod

factum reperies apud volumen Epistolarum S. Gregorii, in eujus libri secundi exordio septimus numeratur annus a Mauritii consulatu.

2. *Hoc ipso anno a Joanne episcopo Constantinopolitano celebrata est Synodus in causa Gregorii episcopi Antiocheni.* De hac nos acturi, primum omnium, ut ex more rationem temporis sartam tectam in omnibus relinquamus, plura sunt quæ hoc anno eam habitam Synodus docent: atque in

primis dum S. Gregorius decima terlia Indictione numerat a tempore hujus Synodi annos octo : nam seribens ad Eulogium episcopum Alexandrinum dicta Indictione decima tertia, haec habet¹ : « Ante annos siquidem octo, sanctæ memoria Pelagii predecessoris mei tempore, frater et coepiscopus noster Joannes in Constantinopolitana urbe ex causa alia occasionem querens, Synodum fecit, in qua se Universale appellare conatus est. Quod mox idem decessor meus ut agnovit, directis litteris, ex auctoritate S. Petri Apostoli ejusdem Synodi Acta cassavit : quarum videlicet Epistolarum sanctilati vestræ exemplaria studui destinare. Diaconum vero qui juxta morem pro responsis Ecclesie faciens piissimorum dominorum vestigiis adhærebat, cum prefato sacerdote nostro missarum solemnia celebrare prohibuit ». Haec Gregorius de tempore Synodi, et rebus in ea gestis. Idem insuper redditur certum tempus ex sententia Evagrii², dum numerat annos sexaginta et unum a tempore memorabilis illius terræ motus, quo Antiochena civitas prostrata est anno Domini quingentesimo vicesimo quinto, usque in hunc annum, vel potius superiorem (si anni exacti non numerentur, quod magis concordat Epistola Pelagii papæ, ut ante Synodum scripta dici possit) quo postquam Gregorius Antiochenus episcopus e Synodo reversus est, iterum configit eamdem civitatem eadem funesta clade vexari. Haec quoad tempus satis.

3. Quod vero pertinet ad Gregorii episcopi Antiochiae causam, quam ad suos explendos affectus Joannes Constantinopolitanus antistes (ut ex Gregorio papa vidimus) stulte praefexu*m̄*; hic recitemus que Evagrius de ea habet in haec verba³ : « Cum Asterius Orientis gereret præfecturam, et contentio inter eum et Gregorium orta esset : primum omnes primores civitatis Asterii partibus se addixerunt : deinde adjuneli sunt etiam ei qui populares erant et artes exercebant in civitate (singuli enim se aliquid damni a Gregorio accepisse affirmabant), postremo vero plebi, ut convicia in Gregorium jaceret permissum erat. Ambo igitur et optimates et populares in eamdem cum plebe quasi pedibus iere sententiam ; et eum in plateis, tum in theatro probra et contumelias in episcopum Gregorium intorquere non cessavere. Quin etiam ne a scena quidem talis abfuit petulantia. Quapropter Asterius abdicatur præfectura, ad quam administrandam Joannes eligitur : cui imperator dat mandatum, ut de seditione illa accurate inquireret.

4. « Hic Joannes vir sane erat nec ad minima quidem negotia procuranda, nedum ad tam gravem suscipiendam provinciam idoneus. Itaque cum civitatem tumultu ac seditione referisset, edictumque publicasset, enique liberum esse pro arbitratu suo episcopum insinuare : libellum contra eum ab argentario quodam accepit, quo accusabatur eum

propria sorore alteri viro in matrimonium data rem habuisse. Recepit item ab aliis ejus generis hominibus, quod prosperum civitatis statum non semel, sed sœpius labefactarat. At Gregorius cum de eo se purgavit criminis, tum de aliis ad imperatorem et Concilium provocavit. Me igitur cum eo assidue versante præsentisque, iter capili Constantinopolim de criminibus hisce se purgaturus. Ac eum patriarchæ omnes partim per se, partim per vicinos quæstiōni de Gregorio habilitate interessent, ac causa esset coram sacro senatu et multis sanctissimis primarum urbium episcopis cognita ; post multas et graves contentiones secundum Gregorium sententia promulgata est, ut ejus accusator acerius exerueri et circum civitatem actus, exilio mulcetur. Itaque Gregorius ad suam revertitur sedem ». Haec Evagrius de causa Gregorii episcopi : sed (ut diximus) hi erant Joannis Constantinopolitani praetextus cogendæ Synodi, revera autem ut illud de nomine OEcumenici adimpleret, quod ex animi sententia omnino perfecit.

5. Cum haec autem in Synodo Constantinopoli esse acta Pelagius Pontifex Romanus accepisset ; cuncta delenda esse præler sententiam pro Gregorio latam, datis ad Joannem Constantinopolim litteris scripsit ; et archidiacono suo illie agenti, ut irrita cuncta redderet, præcepit. Id quidem tum ad Ensebium episcopum Thessaloniceensem scribens S. Gregorius testatus esl. tum eliam in Epistola quam postea ad ipsum Joannem dedit, affirmat. Sunt in Epistola ad Joannem haec verba⁴, dum exprobrat ipsi quam præ se tulit hypoerismus : « Qui enim, inquit, indignum te esse fatebaris, ut episcopus dici debuisses ; ad hoc quandoque perduebas es, ut despexit fratribus, episcopus appetas solus vocari. Et quidem haec de re sanctæ memoriae decessoris mei Pelagii gravia ad sanctilatam vestrā scripta transmissa sunt : in quibus Synodi, quæ apud vos de fratribus quondam et consacerdotibus nostri Gregorii causa congregata est, propter nefandum elationis vocabulum Acta dissolvit ; et archidiaconum, quem juxta morem ad vestigia dominorum transmisserat, missarum vobiscum solemnia celebrare prohibuit ». Haec Gregorius de rebus tunc a Pelagio papa gestis.

6. Affirmat hoc ipsum in dicta Epistola ad Ensebium episcopum Thessalonice, ubi de Actis ejusdem Synodi ex parte abolitis ab ipso Pelagio, integris remenantibus quæ in causa Gregorii Antiocheni aeta fuissent, haec ait⁵ : « Cognoscat siquidem fraternitas vestra, Joannem quondam Constantinopolitane Ecclesie antistitem contra Deum, contra pacem Ecclesie, in omnium despectum et injuriam saecerdotum, modestia et mansuetudinis terminos excessisse, et illicite in Synodo superbū ac pestiferū OEcumenicon, hoc est, Universalis sibi vocabulum usurpasse. Quod beatae recordationis Pelagi decessor nosler agnoscens, omnia Gesta ejus-

¹ Greg. l. iv. Indict. XIII. Ep. XXXVI. — ² Evag. l. vi. c. 7. — ³ Ibid.

⁴ Greg. l. iv. Ep. XXXVIII. — ⁵ Greg. l. VII. Ep. LXIX.

dem Synodi, praeter illa quæ illic de causa venerandæ memoriae Gregorii episcopi Antiocheni sunt habita, valida omnino districtione cassavit, districtissima illum increpatione corripiens, ut se a novo et temerario superstitionis nomine cohiberet : adeo ut suum illi diaconum (nisi tantum nefas emendaret) procedere prohiberet ». Ilæc ibi. Erat magna indicium inflicte pœnae, prohibere ne diaconus apocrisiarius in sacris cum Joanne communicaret : significabatur enim his symbolis, ipsum Constantinopolitanum episcopum rejectum esse a communione Apostolice Sedis. Sed par est hic ipsas Pelagii litteras recitare.

7. *De Joannis præsumptione Epistola Pelagii ad universos episcopos ; unde contra Novatores argumenta de primatu Romani Pontificis.* — Cum igitur Pelagius papa accepisset in Synodo Constantinopolitana (ut vidimus) hoc anno habita ipsum Joannem episcopum Constantinopolitanum OEcumenici nomen usurpasse, continuo adversus eum datis litteris, quæ in dicta Synodo facta sunt ad eam rem spectantia, irrita reddidit. Extant ipse littera omni memoria dignissima, quæ ut Christiano orbi innotescerent, exemplar ipsarum S. Gregorius¹ papa successor ipsius Pelagii misit ad Eulogium episcopum Alexandrinum. Date illæ quidem habentur ad omnes episcopos, qui eidem Synodo interfuerunt, ut ipsarum docet inscriptio, quæ est hujusmodi² :

8. « Dilectissimis fratribus universis episcopis, qui illicita vocatione Joannis Constantinopolitani episcopi ad Synodum Constantinopolim convenierunt, Pelagius ». Cur autem illicita vocatione convenisse dicat, ipse in contextu Epistolæ declarat, que sic se habet :

« Manifesto (sicut optavimus) per gratiam Dei. Inmine Evangelicæ veritatis, ab universalis Ecclesia perniciosissimi erroris nocte depulsa, ineffabiliter gaudemus in Domino : sed non modico contristamur merore, quia ea, quæ olim calcata fuerant, et funditus damnata, nec unquam fieri debuerant, redivivis radicibus germinant atque pullulant ». Calcata dicit atque damnata, respectum habens ad ea quæ S. Leo papa scripsisset ad Anatolium Constantinopolitanum episcopum, et Gelasius in Acacium (ut suis locis abunde superius dictum est) cum se super omnes collegas patriarchas episcopos Constantinopolitanus erigeret. Sed pergit: « Et quoniam multa quæ pœnititudinem possunt generare, proveniunt; necesse est ea cassare, quæ contra ordinem et omnem auctoritatem facta esse nosecuntur. Unde, fratres, rejecta penitus audacia, quæ contra Apostolicam Sedem, et contra ipsam Domini Salvatoris nostri vocem, qua dictum est : Tu es Petrus, et super hanc petram ædificabo Ecclesiam meam, sumpta est disputandi contra Domini præcepta,

vana errantium corda conquiescant ; nec licet defendi, quod non licet agere.

9. « Relatum est ad Apostolicam Sedem, Ioannem Constantinopolitanum episcopum, Universalem se subscribere, vosque ex hac sua præsumptione ad Synodum convocare generalem : cum generalium Synodorum convocandi auctoritas Apostolice Sedi beati Petri singulari privilegio sit tradita : et nulla unquam Synodus rata legatur, quæ Apostolica auctoritate non fuerit fulta. Quapropter quicquid in praedicto vestro conventiculo (quia Synodus taliter præsumpta esse non potuit) statuistis, ex auctoritate S. Petri Apostolorum principis, et Domini Salvatoris voce, qua beato Petro potestate ligandi atque solvendi ipse Salvator dedit; quæ etiam potestas in successoribus ejus indubitanter transivit : præcipio omnia quæ ibi statuistis, et vana et cassata esse, ita ut deinceps nunquam apparet, nec ventilentur. Etenim ipse Salvator beato Apostolo Petro, tanquam ipsa per se veritas loquitur, dicens¹ : Quaecumque ligaveris super terram, erunt ligata et in celo; quaecumque solveris super terram, erunt soluta et in celo. Multis demum Apostolicis et canonicis atque Ecclesiasticis instruimur regulis, non debere absque sententia Romani Pontificis Concilia celebrari. Quapropter (ut jam dictum est) recte non Concilium, sed vestrum conventuum, vel conciliabulum cassatur; et quicquid in eo actum est, irritum habetur ac vacuum. Vos quoque deinceps, ut nullus horatu talia præsumatis, si Apostolica Sedis communione carere non vultis. Modo vero ideo suspenditur ultio, ut locum possit habere correctio.

10. « Prædecessores vero Joannis, et ipse Joannes, non semel, sed sæpissime Epistolas atque libellos propria manu subscriptos sanctis antecessoribus nostris miserunt, quibus coram Deo protestati sunt, nihil unquam proterve contra Apostolicam Sedem agere, nec de illius aut aliorum privilegiis quicquam usurpare : qui haclenius in archivo sanctæ Romane Ecclesiæ sub sigillis ac chirographis eorum roborati habentur integri. In ipsis enim Epistolis vel libellis anathematis vinculo se et successores eorum constrinxerunt, si unquam aliquid contra præsumpsissent, aut contra Apostolicam, vel ullius alterius episcopi sedem quicquam adversi quoquo modo essent moliti.

11. « Idcirco eos non est necesse excommunicare aut anathematizare : quia ipsi anathematis vinculo, propriis manibus profesiones suas, suaque scripta roborando, constrinxerunt. Sciat se tamen et ipse Joannes, nisi errorem suum cito corixerit, a nobis excommunicandum fore, et Apostolica Sedis atque omnium sanctorum episcoporum communione carere.

12. « Universalitatis quoque nomen, quod sibi illicite usurpavit, nolite attendere, nec vocatione ejus ad Synodum absqne auctoritate Sedis Aposto-

¹ Greg. l. iv. Ind. xiii. Ep. xxxvi. — ² Pelag. Ep. i. tom. i. Ep. Rom. Pont.

¹ Matth. xvi.

licet unquam venire; si Apostolicæ Sedis ac cæterorum episcoporum communione vultis frui. Nullus enim patriarcharum hoc tam præfano vocabulo unquam utatur: quia si sumimus patriarcha Universalis dicitur, patriarcharum nomen cæteris derogatur. Sed absit hoc, absit a fidelis cuiusquam mente, hoc sibi vel velle quempiam arripere, unde honorem fratrum suorum imminuere ex qualicunque parte videatur. Quapropter caritas vestra neminem unquam suis in Epistolis Universalem nominet; ne sibi debitum subtrahat, cum alteri honorem offert indebitum ».

43. Sed hic, amabo te, siste gradum, lector: spectaculum tuis oculis ingeram, unde rideas. Ecce progreditur e cathedra juris professor¹, factus uno momento theologus, atque veluti in scena mimus, mutatis vestibus, ac superinducta persona; licentia histrionica statim vociferari incipit adversus Romanos Pontifices, quod super universalem Ecclesiam sibi auctoritatē arrogant ac nomen: ita rauue inflamans et obstrepens tuba Novantium, ut dormientes in eunis absterrere posset infantes. Ex re citatis enim modo Pelagii papæ verbis, quibus ait neminem patriarcharum uti debere nomine Universalis, ipse mox infert primatum esse in Ecclesia non debere; ac proinde contra Pelagii assertam sanctissimi papæ sententiam Romanos episcopos sibi super omnes Ecclesias vindicare primatum. O Cymmeriis tenebris offusam mentem!

44. Sed ignoscendum misello nonnisi ex illatis in Gratiani² aream fragmentis stipem mendicanti. Si enim ipsam hanc Pelagii integrum Epistolam perlegisset, in qua tot robustis sententiis eluet primatus Romani Pontificis; erubuisse certe, sensisseque damnum suum, nimirum ex suo egesto stereore instar turli sibi viscum parasse. Sed accipe quot valida Pelagii pape in hac Epistola sint de primatu Romani Pontificis prodita argumenta, atque firmatae sententiae. Primo quidem, dum habet Romanum Pontificem verum legitimumque Petri Apostoli successorem; cumque addit a Christo in eum collata privilegia, eadem in ipsius successorum redundare præstantiam. Secundo, dum firmiter asseverat jus generalis Synodi convocandæ, ejusque firmandæ, unius esse tantum Romani Pontificis. Tertio, dum quæ acta ab ipsis essent in eadem Synodo universalis, reipsa Pelagius ipse nullius esse præcipit auctoritatis. Quarto, dum iudicium in Orientis omnes patriarchas exercet, sententiamque excommunicationis comminatur, si quid ejusmodi inconcessum præsumant. Quinto, dum disertis verbis affirmat, prædecessores ejusdem Joannis Constantinopolitanos episcopos sëpissime (ut ait, Epistolis scriptis, datisque libellis propria manu consignatis) esse professos Romanorum Pontificum primatum, quem et nunquam in pos-

terum sub obtestatione divinæ sententiae labefactare polliciti sunt.

45. Sexto, dum in eundem ipsum Joannem Constantinopolitanum patriarcham fulmen excommunicationis interminatur, nisi cito emendaret quod deliquisset. Septimo, dum inferius (ut audies) totidem verbis Romanam Ecclesiam a Domino esse institutam caput omnium Ecclesiarum affirmat. Octavo dum praxis ostenditur de Orientalibus patriarchis consulere consuetis Apostolicam Sedem, atque ab ipsa de ambiguis exspectare sententiam. Nono, dum veteri consuetudine servatum et Synodali decreto firmatum tradit, ut ex universo orbe majores et difficiliores causæ ad Sedem Apostolicam deferrentur. Decimo, dum eminentiori solio constitutus, lata sententia infames esse decernit, quicumque adversus Patres armantur, veluti eoruūdem invasores et occisores. Undecimo, dum ad ealecū ait, ipsos Romanos Pontifices in Ecclesia Catholica vindices canonum præsidere, eosdemque instaurare ac renovare quæ pravorum hominum essent labefactata conatu. Hæc ex Pelagii pape Epistola, ex cuius fragmēto abrogationem primatus Romanæ Ecclesiæ se eliciuisse stulte vaniloquus existimavit.

46. Sit modo satis tot virgis verberatum e scena fugasse miserum leguleium in theologum ex improviso conflatum, vane existimantem ex animi libitu atque libidine majore facilitate quempiam posse profiteri theologum, quam evadere juris peritum; cum ad hoc perficiendum triduum sibi satis esse putarit orator³. Quod vero eadem levitate, atque etiam procacitate, qua Pelagium, Gregorium quoque papam conatus est heresis constituere assertorem; nos, quæ ex Gregorio citat, cum res Gregorii prosequemur, in ipsum pariter retorquebimus. Cum igitur tot firmissimis assertionibus Pelagius papa in hac Epistola sit promulgator atque assertor primatus Romanorum Pontificum: quis ingenio adeo obtusus non videat, ipsum, dum ait nullum patriarcharum dici debere Universalem, ad illos Orientales, ad quos scribit, habuisse respectum? Sed jam reliqua ejus Epistolæ prosequamur; ait enim :

47. « Adversarius² namque noster diabolus, qui contra humiles sœvicns, sicut leo rugiens circuit querens quem devoret, non jam (ut cernimus) caulas circuit, sed ita valide in quibusdam Ecclesiæ necessariis membris dentem figit, ut nulli sit dubium, quia nisi unanimiter, favente Domino cunctorum provida pastorum turba concurrat, omne (quod absit) citius ovile dilaniat. Perpenditis, fratres carissimi, quid e vicino subsequatur, cum et in sacerdotibus erumpunt tam perversa primordia. Quia enim juxta est ille, de quo scriptum est³: Ipse est rex super universos filios superbiæ (quod non sine gravi dolore dicere compellor, dum frater et coepiscopus noster Joannes mandata Dominica, et Apostolica præcepta, regulasque Patrum despi-

¹ Molinæum sagittal auctor, adversus quem etiam Remondus Rufus egregium commentarium scriptit, et duplicito scripto ejus defensorem exigit. — ² Cap. Nullus Patriarcharum dist. xcix.

³ Cic. pro Murena. — ² I. Petr. v. — ³ Job. xli.

ciens, eum præ elatione præcurrere conatur e nomine) vestrae beatitudini indicet omnipotens Deus, quam gravi considerationis hujus gemitu torqueor, quod ille quondam mihi notissimus, ille omnibus dilectus, qui eleemosynis, orationibus, atque jejunii videbatur occupatus; et ex eo quo fœtebat cinere, ex ea quam prætendebat humilitate jactantiam tantam simpsit, ita ut universa sibi tentet adscribere, et omnia, quæ soli uni capiti cohærent, videbile Christo, per electionem pompatici sermonis, ejusdem Christi sibi studeat membra subjungare.

48. « Nec mirum, quod ille tentator, qui initium omnis peccati scit esse superbiam, et tunc ea in primo homine ante omnia usus est, et nunc eam in quibusdam hominibus ponit in fine virtutum: et qui aliquatenus bonis vita studiis videbantur crudelissimas manus ejus effugere, eis in ipsis metis boni operis, et in ipsa quodiammodo apponat perfectionis conclusione tendiculum. Unde magnopere orandum est, et omnipotens Deus assiduis precibus implorandus, ut hunc a mente illius avertat errorem, hoc ab unitate atque humilitate Ecclesiae malum superbiae et confusionis amoveat: et favente Deo, omnibus viribus concurrendum atque providendum, ne in unius veneno sermonis viventia in Christi corpore membra moriantur. Si enim dici hoc licenter permittitur, honor patriarcharum omnium negatur; et fortasse is in errore perit, qui Universalis dicitur, et nullus jam episcopus remansisse in statu veritatis invenitur.

49. « Oportet ergo, ut consanter ac sine præjudicio servetis, sicut accepistis, Ecclesiæ, et nihil sibi in vobis haec tentatio diabolica usurpationis adscribat. State fortes, state securi. Scripta quæ universalis nominis falsitate condemnata sunt, nec dare unquam, nec accipere presumatis. Omnes episcopos curæ vestræ subjectos ab hujus adulatio-nis inquisitione prohibete; ut universa vos Ecclesia patriarchas non solum in bonis operibus, sed etiam in veritatis (unitatis) auctoritate cognoscat. Si qua autem forsitan adversa subsequantur, unanimiter persistentes, etiam moriendo debemus ostendere, quia in damno generalitatis nostrum specialiter aliquid non amamus. Dicamus cum Paulo¹: Mihi vivere Christus est, et mori Iucrum. Audiamus quod primus omnium Apostolorum dicit²: Si quid patimini propter justitiam, beati eritis. Mihi enim credite quia honorem, quem pro prædicanda suscepimus veritate, si necessitatibus causa exigat, securius pro eadem veritate relinquimus, quam tenemus. Orate, fratres, ut honor Ecclesiasticus nostris diebus non evacuetur, nec unquam Romana Sedes, quæ, instituente Domino, caput est omnium Ecclesiarum privilegiis suis usquam caret, aut expolietur.

50. « Confidimus autem de vobis, carissimi, meliora atque viciniora salutis³: quia neque mors, neque vita, neque angeli, neque principatus, neque

instantia, neque fortitudo, neque altitudo, neque profundum, neque creatura alia (Magistro gentium⁴ docente) poterit nos separare a charitate Domini nostri Iesu Christi, et quæ in ipso est recta fide». Et post multa quibus eos admonuit et cohortatus est sacerdotali constantia agere, haec ad finem habet de consultatione ipsorum: « De cætero fratres, super provinciæ causa unde Sedem Apostolicam dudum constdere voluisti videtur, nobis sufficienter tractatum a sanctis prædecessoribus nostris. Sed quia denio nostram mediocritatem de eadem re interrogare, dignum duxistis; scilicet certam provinciam esse, quæ habet decem vel undecim civitates, et unum regem, et totidem minores protestates sub se, et unum episcopum, aliosque suffragatores decem vel undecim episcopos judices, ad quorum judicium omnes cause episcoporum et reliquorum sacerdotum ac civitatum causæ referantur, ut ab his omnibus juste consona voce discernantur: nisi ad majorem auctoritatem fuerit ab his, qui judicandi sunt, appellatum. Unde non oportet, ut degradetur vel dehonoretur unaquæque provincia, sed apud semetipsam habeat judices sacerdotes, et episcopos singulos, videlicet juxta ordinis suos. Et quicumque causam habuerit a suis judicibus judicetur, et non ab alienis, id est, a suæ justis judicibus provinciæ, et non ab externis, nisi (ut jam prælibatum est) a judicialis fuerit appellatum. Si vero in qualibet provincia ortæ fuerint quæstiones, et inter ipsius provinciæ episcopos diserepare cœperit ratio, atque inter ipsos dissidentes non conveniat; ad majorem tunc Sedem referantur: et si illæ facile et juste non discernuntur, ubi fuerit Synodus regulariter congregata, canonice et juste judicentur. Majores vero et difficiles quæstiones (ut sancta Synodus statuit, et beata consuetudo exigit) ad Sedem Apostolicam semper referantur». Et post alia nonnulla, haec de die qua scripta est: « Data kalendis Martii, Indictione quinta ». Verum putamus, pro « Martii, Maii », restituendum esse: siquidem non amplius quam quatuor menses numerat Evagrius a reditu Gregorii Antiochiam usque ad terræ motum, qui incidit (ut ait) pridiie kalendas Octobris.

51. Hac quidem omnia de judicio universalis Concilii Constantinopoli habiti videtur scripsisse Pelagius aduersus eundem Joannem Constantinopolitanum episcopum, sibi totius Orientis episcoporum judicia arrogantem, et causam Antiochenæ Ecclesiæ episcopi judicantem: aduersus quam præsumptionem alias sœpe proclamatum a Romanis Pontificibus, superius vidimus. Ratam famen habuisse Pelagium papam absolutionem Gregorii patriarchæ Antiocheni, ex dicta Epistola Gregorii papæ ad Eusebium Thessalonicensem satis appetat. Qnod insuper Pelagius papa eadem sua Epistola tradat nunquam antea aliquem Constantinopolitanorum anfisitum fuisse permisum eo uti nomine OEcumenico.

¹ Philip. i. — ² 1. Petr. iii. — ³ Hebr. vi.

⁴ Rom. viii. 38.

menici, sed omnes ipsorum conatus retrusos, penitusque repressos esse a Romanæ Ecclesiæ Pontificibus, vel hinc saltem potes liquido perspectam habere Grecorum imposturam (quod superius admonuisse meminimus) in Actis quinta Synodi, in quibus passim legimus Constantinopolitanum episcopum OEcumenicum appellari.

22. *Post redditum Gregorii Antiochiam ingens ibidem terræ motus.* — Sed ad Gregorium redeamus. Hie accusatus a suis, et persecutionem passus a præfecto, reus compulsus in Synodo Constantinopolitana causam dicere, penitus absolutus, liberque cum honore in suam remeavit Antiochenam Ecclesiam. Quam autem severe ultus sit Deus Antiochenos, qui eum dire adeo incessantique studio sunt persecuti, Evagrius testis est : relictumque plane fuit exemplum posteris post multa alia quæ videri poterant exotuisse, magno periculo insurgere populos in suos episcopos, et a Iuporum parte stare oves adversus pastorem suum. Quod igitur Antiochiae habitatores omnes tam nobiles quam statu humiles, divites atque pauperes, æque convenerint adversus Dominum et adversus Christum ejus; omnes pariter eadem insecura est ultio divinitus immissa, nempe terræ motus, diruta civitate, atque oppressis hominibus : quo et ipse anctor ductorque pravorum Asterius, quem diximus, misere periit : evasit vero episcopus, qui fuerat jam innocens absolutus : ut plane visus sit Dominus præjudicata iterum judicare, et damnans sontes, iucentem veluti digito demonstrare. Sed haec quomodo se habuerit, Evagrius exaele describit quem audi¹ :

23. « Quatuor mensibus post redditum Gregorii dilapsis, anno sexentesimo trigesimo septimo post nomen Antiochiae urbi impositum, et anno sexagesimo primo post terræ motum, qui proximus ante in ea civitate extitisset : cum ipse Asterius Gregorii inimicus pridie kal. Octobris teneram virginem uxorem duceret, et civitas propterea festum celebraret, et publicos conventus cum pompa circiter thalamum jugalem ageret, tertia hora post crepusculum turbatio et terre motus simul cum impetu irruens totam civitatem concutit; multaque loca, conquassatis fundamentis, deturbat : adeo ut omnia aedificia circa Ecclesiam sanctissimam ad terram prosternerentur, excepto solo hemisphærio, quod Ephramio, ex lauro construendum curaverat, quodque terræ motu temporibus Justini facto non parum acceperat incommodi ; quod denique terræ motibus, qui deinceps acciderunt, graviter agitatum, ita inclinabatur versus Septentriōnem, ut trabes ligneas ejiceret, quæ cum ingenti fragore ceciderunt, hemisphærio in proprium locum resiliente, et velut perpendiculari quadam directe locato. Multæ vero paries Ostracinae, et Psephium, de quo supra diximus et omnia illa loca quæ Brisia vocantur, quinetiam aedificia sanctissimi templi Deiparæ Mariæ corruerunt, media quadam

portiou mirum in modum conservata. Secundum illud lugentis Hieremias¹ : Emolitus est tabernaculum summ. Et : Repulit Dominus altare suum, maledixit sanctificationi sue ». Pergit insuper :

24. Porro autem omnes turres, quæ in plano constructæ erant, disiectæ sunt, reliquo aedificio, pinnis muri exceptis, integro stante manenteque : pinnarum autem lapides nonnulli retro pulsi, minime tamen prolapsi sunt. Alia præterea templa, et utrumque balneum publicum, quod duobus distinctum temporibus inservit, eadem oppressit calamitas. Multitudo quoque promiscæ est eadem involuta clade : et (ut quidam conjecturam ex pane, qui in tota civitate consumi solet, faciunt) haec lues sexaginta hominum millia extinxit. Verum episcopus præter omnium exspectationem evasit incolumis, toto domicilio, in quo sedebat, ruinam passo, et solis illis, qui eum circumstabant, servatis, alio præterea nemine : qui illum omni festinatione sublevantes, cum terræ motus locum secunda concussione patefaceret, per funem demissum e periculo eripuerunt.

25. « Accidit autem in hoc infelici casu res quædam civitati persalutaris. Nam clementia Dei propitiæ furorem suum mitigantis et virga miserationis et misericordiarum peccata populi corrigen-
tis, nullum incendium factum est, cum ingens flamma, quæ partim ex foco et lucernis tam publice quam privatim accensis, partim ex culinis, balneis et aliis locis prope infinitis erumperet, totam urbem circumiret. Ille terræ motu oppressi fuere tum nobiles et illustres viri quamplurimi, tum Asterius una extinctus. Quam cladem urbi inflictam pecunia sarsit imperator. Quod autem ad exercitum pertinet : eodem fere loco fuit : adeo ut Barbari persuasum haberent, neminem eos prohibitos, quo minus suo more grassarentur, et in fines Romanorum irruerent. Verumtamen Germanus cum suis copiis illis obviam profectus, vi manuque sic proligavit, ut nec unus fuerit reliquis, qui cladem caeteris Persis mutariet ». Hneusque Evagrius. Quæ post haec secutæ sint perturbationes in exercitu, dicimus inferius suo loco. Cedrenus² hoc item anno accidisse tradit, ut Mauritius imper. sororem suam Gordiam Philippico in matrimonium dans, eundem Orienti præfecerit : sed quæ ex hoc secutæ sint turbæ, dicimus anno sequenti.

26. *Avarum grassatio.* — Subdit idem auctor de Cagano, qui cum esset dux Avarum, pace violata, in Longum murum apud Constantinopolim prædando excurrit : quando Commentiolus dux Romani exercitus de improviso Barbaros adortus, magna multitudine cesa, eos abegit : « Inde, inquit, cum Hadrianiopolim venisset, in Andagastum incidit Selavinorum ducem, qui prædam agelat : in hunc facto impetu, prædam recepit, insigni potitus Victoria ». Addit haec insuper :

27. *Blasphemi puniti.* — « Eo tempore Græci

¹ Evag. l. vi. c. 8. 9.

² Thren. II. — ³ Cedren. an. II. Maurit.

quidam in domo enjusdam prandentes, eo prolapsi sunt, ut in Virginem Deiparam convicia atque execrationes jacerent. Horum reliqui illico a malis correpti spiritibus, penas dederunt. Dominus autem dominus illius per somnium vidi adstare sibi Deiparam : quae alloqui ipsum non dignata, pedes ejus virgula veluti notis impressis circumscriptis. Ille autem praे dolore statim vigilans, pedes suos incisos inventit : gestatus in pulchrum, ibique expeditus, justum Dei judicium et inculpatae Virginis Deiparæ contra se indignationem prolessus est ». Haec ipse hoc anno imperatoris secundo.

28. *Synodus Lugdunensis secunda*. — Quod ad res pertinet Occidentalis imperii, hoc anno, qui et ab obitu Clotarii Francorum regis numeratur Guntneranni ejus filii regni vicesimus secundus, celebrata est secunda Synodus Lugdunensis¹, enjus extant sex canones, quibus sanctitas antea a predecessoribus Ecclesiasticas regulas innovantes, hoc de leprosis Patres addiderunt : « Placuit etiam universo Concilio, ut uniusenjusque civitatis leprosi, qui intra territorium civitatis ipsius aut nascuntur, aut videntur consistere, ab episcopo Ecclesie ipsius sufficientia alimenta et necessaria vestimenta accipiant; ut illis per alias civitates vagandi licentia denegetur ». Haec Synodus, cui subscrivserunt episcopi octo, vicarii vero episcoporum duodecim. Inter episcopos eminebat Syagrius episcopus Augustodunensis sanctus adnumeratus, honestatusque ab Ecclesia anniversaria ipsius natalis memoria. Extat ad eum Fortunati Epistola in Praetatione egregii operis, quod perii.

29. *Reccaredi conjugium*. — Hoc item anno qui secundus numeratur Reccaredi Hispaniarum regis, ipse rex Catholicus nonnisi Catholicam jugalem sibi querens, quam sciebat bene sanctis dogmatibus institutam probeque educatam Chilperici Francorum regis filiam sibi in matrimonium dari, missa legatione petiit : quod et est feliciter consecutus, accepta in conjugem Badla virgine maxime pia, que post annum sequentem una cum rege subscripta reperitur Concilio Toletano, ut suo loco dicimus. Haec hnt illa legatio, cuius Gregorius Turenensis² meminit, magnamque legationem appellat, qua de nuptis actum est regis Hispaniarum. At licet nomen virginis nuptæ non prodat; tamen quod hoc factum anno certum sit ex ipsis asserzione, dum res gestas Francorum prosequens, easdem per annos regis Childeberti disponit, collocatque sub anno ejusdem regis nono, qui est praesens annus Domini quingentesimus octogesimus septimus : et cum reperiatur in Actis Synodi Toletanae post sequentem annum celebrate, uxor ejusdem regis Badda nominalis; non aliam ab hac ipsa regna ex Francis petita eam fuisse dicere possumus : etenim quam constat in matrimonium duxisse Clodosvindam filiam Brunichildis et sororem Childeberti regis, longe post accidit, nempe (ut ex eodem

Gregorio patet³) anno Domini quingentesimo nonagesimo secundo, anno videlicet (ut ponit) decimo quarto ejusdem Childeberti regis. Cæterum in Chronographia regni Reccaredi nos scenti Acta Toletani tertii Concilii, impeginus in mendosam Aëram, ex qua posuimus hoc anno ejusdem regni aium secundum, et quidem male : quem errorem a nobis examinatum et emendatum invenies inferius anno Redemptoris quingentesimo nonagesimo primo. Sed hic, rogo, siste gradum. Quod vero attinet ad Baddam et Clodosvindam, de quibus hic habetur mentio : cum ex eodem Gregorio constet, anno post hunc quinto, nimirum Childeberti Francorum regis decimo quinto, Reccaredum duxisse Clodosvindam ejusdem Childeberti regis sororem; dicendum omnino videtur Baddam illam, quæ subscripta reperitur Concilio Toletano biennio post has nuprias celebrato, ex vera suppuratione inferius declarata eamdem esse cum ista Clodosvinda, eo modo, Baddam, mitato nomine dictam; vel ejusmodi additum ipsi cognomen. Quod vero attinet ad filiam Chilperici, quam primo Leovigildus Reccaredo filio obtinuerat : cum ex Gregorio constet, ipsam invitissimam in Hispaniam deductam esse; verisimile est, eam brevi morore consumptam vivere desisse. Demum (ut ad Baddam redeamus) si negetur, Clodosvindam eamdem esse cum ipsa; tunc omnino dicendum erit, Baddam tertiam fuisse uxorem Reccaredi, quam duxerit post obitum Clodosvindæ.

30. Verum non Baddam primum desponsam a Chilperico rege Reccaredo fuisse, sed aliam filiam collocatam apud sanctam Radegundem in celeberrimo illo Pictaviensi monasterio, quam suscepserat ex Audovera, testatur⁴ ipse Gregorius, quam et Basinam appellatam inferius prodit⁵. De hac igitur in primis ista Gregorius : « Voluit enim tunc aliam filiam illuc dirigere, quam de Audovera habebat, et eam in monasterio Pictaviensi posuerat : sed illa distulit, resistente præcipue beata Radegunde, ac dicente : Non est enim dignum, ut puella Christo dieata iterum ad sæculi voluptates revertatur ». Haec ipse, qui et eam remansisse in eodem monasterio, ex iis que inferius tradit⁶, ostendit.

31. *Chilperici occisio et pravi mores*. — Sed quæ post haec in Gallis secuta sint mala, ex eodem auctore enarrantur. Tunc enim temporis cum filius parvulus Chilperici moreretur, Fredegundis regina existimans a maleficiis id factum esse, de iisdem dirissimani exercuit questionem ; in crimenque vocatus est dux exercitus Mummolus, de quo superius mentionem fecimus : qui post dira tormenta coactus est miserrime mori. Pluribus prosequitur ista Gregorius⁷ : qui et quomodo ultus est Dominus quæ reges sibi videntur impune delinquisse (siquidem hoc anno ipse Chilpericus rex occiditur) rem gestam sic narrat⁸ :

32. « Chilperiens, Nero nostri temporis et Hero-

¹ Extat tom. II Conc. — ² Greg. hist. Franc. I. vi. c. 45.

³ Greg. hist. I. ix. c. 26, 28. — ⁴ Ibid. I. vi. c. 34. — ⁵ Ibid. I. ix. c. 39. — ⁶ Ibid. — ⁷ Ibid. I. vi. c. 35. — ⁸ Ibid. c. 46.

des, ad villam Calensem, quæ distat ab urbe Parisiaca quasi centum stadiis, accedit, ibique venationes exerceat. Quadam vero die regressus de venatione jam subobscura nocte, dum de equo susciperetur, ut unam manum super seapulam pueri retineret, adveniens quidam cum cultro percussit sub aseilla, iteratoque ictu ventrem ejus perforat : statimque profluente copia sanguinis tam per os quam per aditum vulneris, iniquum fudit spiritum ». Et post nonnulla, quibus recenset ejus scelera Nerone digna, addit de odio quo flagabat adversus sacerdotes et Ecclesias, et inter alia de his quæ spectant ad bona Ecclesiastica, quorum expiator erat.

33. « Aiebat enim, addit Gregorius, plerumque : Ecce pauper remansit fiseus noster : ecce divitiae nostræ ad Ecclesias sunt translate. Nulli penitus, nisi sofi episcopi regnant : perit honor noster, et translatus est ad episcopos civitatum. Haec agens assidue, testamenta quæ in Ecclesiis conscripta erant, plerumque disrupt ». Vides quales esse soleant homines Neroni atque Herodi similes, qui talia dicerent ac perpetrarent. Sed ac si pauca de eo mala narrasset, haec addit : « Jam de libidine atque luxuria non potest reperiri in cogitatione, quod non perpetrasset in opere. Nova semper ad laedendum populum ingenia perquirebat. Nam si quos hoc tempore culpabiles reperisset, oculos ejus jubebat erui ; et in præceptionibus quas ad judices pro suis utilitatibus dirigebat, hoc addebat : Si quis præcepta vestra contempserit, oculorum avulsione muletetur, etc. »

34. Sed quid de eo per visum ostensum sit Guntheranno regi, Gregorius ita narrat¹ : Rex ait : Vidi et ego aliam visionem, quæ hujus interitum nuntiavit. Addueebatur enim in conspectu meo a tribus episcopis vincetus catenis, quorum unus Tetricus, alias Agricola, tertius vero Nicetius Lugdunensis erat. E quibus dicebant duo : Solvite, quæso, eum, et castigatum abire permittite. Quibus e contrario cum amaritudine Tetricus episcopus respondebat : Non fiel ita, sed igne concremabitur pro sceleribus suis. Et cum diu nullumque quasi alterantes, haec inter se verba proferrent, conspicio eminus æneum super ignem positum fervore vehementer. Tunc me flente, apprehensum infelicem Chilpericum, confactis membris, projiciunt in æneum : nec mora inter undarum vapores ita dissolutus ac liquefactus est, ut nullum ex eo penitus indicium remaneret ». Haec a rege Gregorius et alii qui aderant accepere.

35. *Sulpitii et Salvii episcoporum laudes, et Lupentii abbatis martyrium.* — Reliquit Chilpericus filiolum infantem Clotarium nomine nondum baptizatum, de quo saepè Gregorius². Profecit nonnihil tali sibi ostenso viso rex Guntherannus, cuius hoc anno clementia refusit in suscipiendo Etherio episcopo columnis diu muttumque circumvento, cumque muneribus exornando, et suis Epistolis ad

episcopos comitando. Rem gestam idem Gregorius³ scribit ejusdem regis commendans benignitatem et misericordiam; quem et ad ambientes episcopatum Bituricensem hæc eodem tempore respondisse tradit⁴ : « Non est principatus nostri consuetudo, sacerdotium venumdare sub pretio, sed nec vestrum eum præmiis comparare ; ne et nos turpis fueri infamia notemur, et vos mago Simoni comparemini : sed juxta Dei præscientiam Sulpitius vobis erit episcopus. Et sic ad clericatum deductus, episcopatum Ecclesie supradictæ suscepit. Est enim vir valde nobilis et de primis senatoribus Galliarum, in litteris bene eruditus rhetoriciis, in metricis vero artibus nulli secundus. Hic Synodus illam cuius supra meminimus, de parochiis Cadurcinis fieri commonuit ». Sed et quod præstat cæteris, idem electus Sulpitius egregia nituit sanctitate vivens, mortuusque pariter sanctus est cultus, honestatus ab Ecclesia anniversaria ipsius diei natalis memoria. Quod vero ad Synodum spectat, fuit ea celebrata Arverni pro sedandis turbis obortis inter episcopos Rutenorum et Cadurcensium occasione diœcesis usurpatæ, ut idem Gregorius docet⁵ :

36. Sed quæ miranda de cæde martyris tunc acciderint, accipe ex eodem Gregorio, ubi ait⁶ : « Lupentius vero abbas Basilicæ S. Privali martyris urbis Gabalitanæ a Brunichilde regina accersitus advenit : incusatus enim (ut ferunt) fuerat ab Innocentio supradictæ urbis comite, quod profanum aliquid effatus de regina fuisset. Sed discussis causis, cum nihil de criminis majestatis conscientius esset inventus, discedere jussus est. Verum ubi viam carpere cœpit, iterum ab antedicto comite captus, et ad Ponticonem villam deductus, nullis suppliciis est affectus. Dimissusque iterum ut rediret, cum super Axonam fluvium tentorium tetendisset, iterum irruit super eum inimicus ejus. Cujus vi oppressi amputatum caput in culleum oneratum lapidibus posuit, et flumini dedit : reliquum vero corpus vincum cum saxo immersit gurgiti. Post vero paucis apparuit quibusdam pastoribus, et sic extractum de flumine sepulture mandatum est.

37. « Sed dum necessitates funeris pararentur et ignoraretur quis esset de populo, præsertim cum caput truncati non inveniretur; subito adveniens aquila levavit culleum e fundo fluminis et ripæ depositum. Admirantesque qui aderant, apprehenso culleo, dum sollicite quid contineret inquirunt, caput truncati reperiunt, et sic cum reliquis artibus est sepultum. Nam ferunt nunc et lumen ibi divinitus apparere : et si infirmus ad hunc tumulum fideliter deprecatus fuerit, accepta sospitate, recedit. Hucusque Gregorius.

38. Sed jungamus martyri confessorem. Hoc enim eodem anno, quo Chilpericus occisus est, idem auctor testatur migrasse ex hac vita S. Salvium episcopum Albigensem mirificæ sanctitatis

¹ Greg. hist. Franc. I. viii. c. 5. — ² Ibid. c. 9. et 31.

³ Greg. I. vi. c. 36. — ⁴ Ibid. c. 39. — ⁵ Ibid. c. 38. — ⁶ Ibid. c. 37.

virum, de quo plura preclare gesta idem Gregorius narrat¹, quem tu consulere poteris.

39. *Ingens miraculum.* — In fine autem præsentis anni hic ea reddamus summa admiratione digna quæ S. Gregorius papa in fine Dialogorum suorum accidisse tradit ante septennium : est enim hic ipse annus, numerando a quarto anno ejus Pontificatus, quo (ut dicemus) librum illum scribebat. Ait ergo ipse² : « Ex alia etiam re, quæ nobis ante annos septem gesta est, certissime confirmatur. Agathus enim Panormitanus episcopus (sicut fideles mihi ac religiosi viri multi testati sunt atque testantur) cum beatae memoriae antecessori mei tempore jussus esset ut Romanu veniret, vim nimbæ tempestatis pertulit, ita ut se ex tanto undarum periculo evadere posse diffideret. Nauta vero illius, Baraæ nomine, qui nunc ejusdem Ecclesiæ clericatus munere fungitur post navem carabum regebat; ruptaque fune, cum eodem carabo quem regebat, inter undarum cumulos repente disparuit. Navis autem, cui episcopus præerat, tandem post multa pericula ad Usticam insulam fluctibus quassata pervenit. Cumque die tertio episcopus nautam, qui ab eo abruptus in carabo fuerat, in nulla maris parte videret apparere, vehementer afflicitus mortuum credidit; sed per obsequium charitatis vivo unum, quod mortuo debebat, impendit, et omnipotenti Deo pro absolutione ejus animæ offerri sacrificium victimæ salutaris jubet. Quo oblato, restaurata nave, perrexit ad Italiam. Cumque ad Romanum portum venisset, illuc nautam reperit, quem mortuum putabat. Tunc inopinata exultatione gavisus est, et eum qualiter tot diebus in illo tanto maris periculo vivere potuisse, inquisivit.

40. « Qui videlicet indicavit, quoties in illius tempestatis fluctibus cum eodem quem regebat fuisset carabo versatus, qualiter cum illo undis pleno nataverat; et quoties eo a superiori parte deorsum verso, ipse carinæ ejus supersederet, adjungens : Cum diebus ac noctibus hoc incessanter faceret, jamque ejus virtus funditus ex fame simul et labore cecidisset, quo eum ordine divina misericordia servaverit, indicavit. Etenim quod etiam nunc usque testatur, dicens : Laborans in fluctibus atque deliciens, subito mentis pondere sum gravatus, ita ut neque vigilare me crederem, neque depresso

somno essem : et ecce in eodem medio mari me posito, quidam apparuit, qui mihi panem ad refractionem detulit : quem mox ut comedì, vires recepi. Nec longe post navis transiens affuit, quæ me ab illo undarum pericolo suscepit, atque ad terram deduxit. Quod scilicet episcopus audiens requisivit diem; atque illum fuisse diem reperit, quo pro eo presbyter in Ustica insula Deo omnipotenti hostiam sacre oblationis immolavit. Ad hæc Petrus : Ea que narras, ipse quoque in Sicilia positus agnovi. Hæc Gregorius. Reliqua vero sequenti anno.

41. *Epitaphium Cœsariae.* — Ejusdem quoque anni nota consignatum repertum est Epitaphium Cœsariae feminæ dignæ memoriae, quam putaverunt aliqui, illam esse clarissimam femiuam S. Cœsariam abbatissam, sororem S. Cœsarii archiepiscopi Arelatensis; sed temporis ratio id opinantes erroris arguit; nam ex iis quæ superius dicta sunt, certum habetur, ante annos ferme octoginta, ipsam jam fuisse abbatissam, adeo ut impossibile sit in hunc usque Christi annum fuisse superstitem; sed et ista conjugata fuisse videtur, illa virgo. Epitaphii autem tantum quatuor ultimi versus extant, fracta enim tabula, superiores periisse. Hi autem sic se habent :

Mensibus et geminis, concludens tempora vitæ
Vivit in æternum nullum moritura per ævum.
Ista Valens fieri fletu manante rogavit,
Jura sacerdotii servans, nomenque jugalis.

Videtur autem Cœsaria ista conjux fuisse Valentis, qui (ut saepè fieri continebat) ex conjugio transierit, consentiente uxore, in sacerdotium. Post versus hinc sequebatur inscriptio :

OBIIT BOXE MEMORIE CÆSARIA MEDIUM NOCTIS
DIE DOMINICO ILLUCESCENTE VI. ID. DECEMBRIS
QUATRAGIES ET VI. P. C. BASILII JUNIORIS. V. C. G.

« Anno XII regni Domini Childeberti regis Indictione quinta ». Qui autem misit Romam, ista de loco, ubi inventa.

42. « Juxta oppidum S. Andreæ quod in Gallia Oscitana situm est diocesis Avenionensis, in summitate montis, in capella in ipsa rupe excisa; in qua sancta Cœsaria agens pœnitentiam multos annos dehuisse creditur. Videtur hoc Epitaphium litteris Romanis majusculis in marmore semifracto exaratum. Quod ego fideliter hic reddidi, Franciscus Claret archidiaconus Arelatensis.

¹ Greg. hist. Franc. I. vii. c. 1. — ² Greg. I. iv. dial. c. 57.

Anno periodi Graeco-Romana 6080. — Anno Era Hispan. 625. — Anno V. C. 1310. — Jesu Christi 587. — Pelagii II papae 10.

— Mauritii imp. 6.

1. *Postconsulatus.* — Is annus haec formula notatus: *v post consulatum Mauritii Tiberii Aug. III solius*, ut habet *Chronicon Alexandrinum*. *Baronius num. I consulatum Mauritii* hoc anno collocat; sed eum anno **DLXXXIV** ab eo capessitum fuisse, superius demonstravimus.

2. *Gesta anno sequenti.* — A num. 2 ad 28. *Concilium Constantiopolitanum*, in quo *Gregorii episcopi Antiocheni* falso accusati causa agitata, ejusque missio in Orientem, ut exercitum Romanum, qui adversus ducem suum rebellarat, cum hoc reconciliaret, pertinet ad sequentem Christi annum, quo de iis commodius agemus, hic acturi de iis, quae *Baronius* prætermisit.

3. *Romani per loca Persidis grassantur.* — *Theophylactus lib. 2, cap. 10*, refert. *Phili, picum Orientalis exercitus ducem, cum minus belle valens, armis interesse non posset, ubi verna tempestas herbis circumquaque prata convestivit, tripartito divisus copiis, duas partes Heraclio, tertiam Theodoro Abdeno, et Andreæ Saracenorum interpreti tradidisse, cum mandatis, uti per loca Persidis hostiliter denuo grassarentur.* Tum cap. 18 refert, *Heraclium munitissimum quoddam Persarum castrum acerrime oppugnasse, ipsumque et alind, Mazorum appellatum, in Romanorum potestatem venisse, quibus narratis ait: « Hyeine jam ingrediente, Philippicus ad Heraclium summa belli delata Constantinopolim discedit ».* Quæ hoc anno gesta esse, ex dicendis duobus consequentibus annis certo constabit. Præterea eadem fuse refert *Theophanes* anno Incarnat. secundum Alexan. **DLXXIX**, qui kalendis Septembr. superioris Christi anni inchoatur; et tam in anno, quam in rei gestæ narratione cum *Theophylacto* consentit. *Heraclius* dux pater erat *Heraclii*, qui postea imperavit.

4. *Aares Thracian infestant.* — *Theophylactus cap. 10 et seqq.* usque ad finem libri secundi narrat quæ hoc anno inter *Chaganum*, seu *Abarum* principem, et *Comentiolum* adversus enim missum cum *Casto* et *Martino*, gesta sunt, et quomodo *Aares* Thraciam universam ad vastitatem redegerint. *Romani* quidem in hostem progressi sunt, sed ex falso terrore clamor totum exercitum disturbavit, indeque *Chaganus* varia Romanorum oppida

sub suam potestatem rededit. Et quia *Castus* et *Ansimuthus* peditatus Thracici praefectus capti sunt ab *Abaribus*, « populi Byzantini aures fama de *Casto*, et *Ansimutho* captis circumsonabat, multumque murmuris tumultus urbe inundabat, et apertissime imperatori a quibusdam e media plebe, stultis et protervæ lingue hominibus, quorum neque fortunis quisquam invidit, neque animi bona amulatus est, contumelie dicebantur », inquit *Theophylactus* cap. 17, quæ etiam *Theophanes* loco laudato pluribus refert; ideoque hæc currenti anno sine dubio peracta.

5. *Synodus Lugdunensis III.* — Ad num. 28. Inscriptio tertiae Synodi Lugdunensis, quæ *Baronio* secunda tantum est, habet: « *Synodus habita in civitate Lugdunensi anno regni xxii gloriosissimi domini Guntrammi regis* », ideoque anno **DLXXXIII**, quo annus **XXII** Guntrammi regis in cursu erat, celebrata. Extant hujus Concilii canones sex, quibus subserpsere præsules octo, ex quibus quinque sanctitate claruere, *Priscus* Lugdunensis, *Ecantius* Viennensis, *Syagrius* Eduensis, *Agricola* Nivernensis, et *Flavius* Cabilonensis.

6. *Rigunthis Reccaredo regi uxor non fuit.* — Ad num. 29 et seqq. *Gregorius Turonensis lib. 6, cap. 43*, ait: « *Advenientibus kalendis Septembribus, Gothorum magna legatio ad regem Chilpericum accedit* ». Missa ea a *Leuvigildo* Visigothorum rege, qui *Rigunthem* filiam Chilperici regis *Reccaredo* filio suo desponsatam petebat. *Rigunthis* nouissi renitens protectionem in Hispaniam instituit: cumque *Tolosæ* subsisteret, ut elegantiori cultu atque apparatu fines Gothorum attingeret, *Chilperici* regis mors *Desiderio* *Tolosæ* duci nuntiata, inquit *Gregorius* lib. 7, cap. 9, qui eum narret, hæc gesta esse anno nono *Childeberti* regis, retrahenda ad annum quingentesimum octogesimum quartum, quo etiam *Chilpericus* rex interemptus fuit. *Rigunthis* a *Desiderio* capta, ae thesauris omnibus spoliata *Tolosæ* resedit in *Basilica sanctæ Mariæ*; cui *Desiderius* arctum constituit victum, ut narrat *Aimomus* lib. 3, cap. 60, qui addit, eum *Rigunthis* thesaurum sigillo munitum, in quadam domo fortissimis viris custodiendum tradidisse. Tum cap. 72, asserit, *Fredegundem* reginam *Cuppenam* cubien-

Iarium suum Tolosam direxisse, huncque Rigunthem, quam in magna humiliatione constitutam offendit, ad matrem devexisse. Quod etiam scribit Turonensis lib. 7, cap. 39.

7. *Neque etiam Chlodosvinda, sed Badda.* — Autharis Langobardorum rex legatos ad Childebertum misit, sororemque ejus Chlodosvindam sibi in matrimonium petiit. Childebertus quidem eam se Authari uxorem daturum sponpondit; sed cum postea Reccaredus Gothorum rex eamdem per legatos postulasset, facile Catholicum principem Ariano preposuit, et Reccaredo Chlodosvindam, uti Guntramnus consenserat, despondit: loquitur de hac Reccaredi ad Childebertum legatione Turonensis lib. 9, cap. 23, et cap. 28 innuit matrimonium illud peractum non fuisse. Sed cum is asserat Chlodosvindam a Reccaredo rege anno xiiii Childeberti regis conjugem petitam, de hoc matrimonio anno quingentesimo octogesimo octavo actum. Hermannus quidem contractus et Sigebertus in Chronicis scribunt, illud factum fuisse. Verum Isidorus et Rodericus nullam matrimonii hujus mentionem faciunt, constatque, *Reccaredum*, non obtenta *Chlodosvinda*, sibi *Badonem* copulasse, quae Concilio Toletano III, mense Maio anni **DLXXXIX** celebrato his verbis subscripsit: « Ego Baddo, gloria regina, hanc fidem, quam credidi et suscepisti, mea manu de toto corde subscrispsi ». Marianus quidem lib. 5 de Reb. Hisp. cap. 14, et lib. 6, cap. 4 scribit, Reccaredum regem *Bada* regina defuncta *Chlodosvindam* matrimonio sibi jungi ultiro postulasse, tandemque obtinuisse. Verum id gratis et sine ulla probatione asserit. Haec *Reccaredi* conjugia Baronium in Annibus, et postea in Appendice ad tomum viii, et hoc anno in eorumdem editione Coloniensi, valde irrefutum tenuere, ut apud eum legere est.

8. *Chilpericus Francorum rex occiditur.* — A num. 31 ad 36. *Chilperici* Francorum regis cædes post niensem Augustum anni quingentesimi octogesimi quarti patrata. Gregorius enim lib. 6, cap. 43 loquens de iis, quae contigere anno nono Childeberti regis, qui eo Christi anno terminatur, testatur, advenientibus *kalendis Septembribus* Gothorum magnam legationem ad regem Chilpericum accessisse, et Rigunthem filiam ejus uxorem regi suo petiisse. Tum cap. sequenti affirmat Chilpericu ad villam Calensem, quae ab urbe Parisiensi distat quasi centum stadiis, profectum esse, ibique venationes exercuisse: « Quadam vero die regressus e venatione, jam subobscurâ nocte, dum de equo susciperetur, et unam manum super scapulam pneri retineret, adveniens quidam eum cultro percudit sub ascellam, iteratoque ietu ventrem ejus perforat, etc. » Quod Fredegundis ejus uxoris insidiis factum tradunt Fredegarius in Epitome Gregorii cap. 93, *Anonymus* de gestis Reg. Franc. cap. 33, et *Aimoinus* lib. 3, cap. 57. Idem *Anonymus* habet, eum regnasse *annos xxiiii*, qui fere completi fuere. Prima enim die Septembribus exceptit legationem Reccaredi regis et dum Rigunthis ejus filia in

Hispaniam pergeret, uiae maturæ erant, ut scribit Turonensis lib. 6, cap. 43, qui lib. 7, cap. 9, ait, *Rigunthem* cum Tolosam pervenisset, variis ex causis moras in eadem urbe inuexuisse, interimque *Chilpericum* occisum. Quare cædes haec ante memsem Octobrem patrata non fuit. Auctor quidem Historia Tornacensis lib. 1, cap. 67, refert, in Chartulariis primarie Ecclesie Tornacensis haec verba legi: « Quinto kalend. April. obitus gloriosi regis Franeorum Chilperici, qui hanc Ecclesiam ita larga Christi caritate dotavit, etc. » Verum haec verba, ut alibi saepe, ad anniversarias precationes, non vero ad diem ejus obitualem, referenda.

9. *Chilperici regis virtutes et vitia.* — Tres duxit uxores *Chilpericus*, *Audoveram*, *Galsuinham* et *Fredegundem*, et ex duabus ultimis plures liberos suscepit, ex quibus superstites duntaxat patri vixerunt due filii, *Basina* et *Rigunthis* eum *Clotario* anno ejus mortis nato, et in regno successore. Fuit, inquit Hadrianus Valesius lib. 11 Rer. Franc., princeps inaequalis, et ex virtutibus vitiisque compositus; paternæ libidinis, superbie, et arrogantiæ hæres, qui sævitia quoque et rapacilitate non minus quam fortitudine patrem *Clotarium* retulit. Furenti uxori nimis addictus et indulgens, ac novis et gravibus exactiōibus subditis suis molestissimus. Fuere tamen in eo multa laude digna: ingenio, prudentia, et pro captu illorum temporum arte poetica valuit: multa Ecclesiis atque Basilicis largitus est, et episcopis magnum honorem habuit. Ex anno emortuali *Chilperici* regis, qui certus est, praecedentium regum Francorum Chronologia certa etiam esse dignoscitur.

10. *Concilium Arvernense III.* — Concilii Arvernensis III, cuius Baronius num. 35 meminil, epocha adhuc incerta. Gregorius enim lib. 6, cap. 38 et 39, ubi loquitur de occasione, qua illud celebratum, dicit, *Innocentium Ruthenorum episcopatum adeptum, Ursicinum Cadureensem episcopum statim lacessere coepisse, et asseruisse dieceses seu parochias Ruthenæ Ecclesiæ debitas ab eo retineri. Post aliquot annos Sulpitius Bituricensis metropolitanus eum suis provincialibus apud urbem Arvernem definiit, ut parochias, quas nunquam Ruthenæ Ecclesia tenuisse recolabatur, Ursicinus recuperet;* quod ita factum esse Gregorius tradit, dum loquitur de Gestis anno Childeberti regis ix, qui in annum Christi **DLXXXIV** competit. Verum haec verba, post aliquot annos, Concilium illud post eum Christi annum celebratum fuisse immunit.

11. *Obitus S. Salvii episc. Albigensis.* — Ad num. 39 et seq. Sanctus *Salvius* Albigensis episcopus obiit anno quingentesimo octogesimo quinto. Turonensis enim lib. 8, cap. 22, anno Guntramni regis xxiv, eo Christi anno absoluto, narrata aliquot episcoporum morte, ait: « Post obitum sancti Salvii hoc anno, Desideratus Albigensis episcopus datus est ». Libro quidem 7, cap. 1, a Baronio citato, postquam ultimo libri praecedentis interitum Chilperici regis Gregorius narravit, sermonem habet

de obitu *sancti Salvii* episcopi sub anno Childeberti regis ix, circa kalendas Decembres anni DLXXXIV absotuto. Verum hæc inter se contraria non sunt, si *Clotarius* Guntramni pater, qui anno D.XI, die x mensis Novembris adhuc in vivis erat, eodem Christi anno ante kalendas Decembres e vivis excesserit, eique *Guntramnus* successerit: hoc enim pacto anno DLXXXIV inter diem undecimum Novembris et primum Decembres *Salvius* ad Deum migrarit. Cointius tamen an. DLXXXIV, num. 23 asserit, caput illud primum libri septimi Gregorii esse eujusdam interpolatoris, cum non legatur in Codice Ms. Metensi, qui in Bibliotheca Thuana extabat. Verum librarios integra quandoque capita prætermissee non dubitandum. Colitur *Salvius* in Tabulis Ecclesiasticis die decima mensis Septemb.

42. *Epitaphium S. Cæsariæ*. — Ad num. 41 et seq. Saneta *Cæsaria* anno quingentesimo octogesimo sexto ad Deum migravit in diœcesi Avenionensi juxta oppidum sancti Andreæ, cuius Epitaphio subjecta reperiebatur alias hæc inscriptio, quam fideliter descriptam Baronio transmisit Franciscus Clarensis Arelatensis Ecclesiae archidiaconus:

OBHIT BONÆ MEMORIE CÆSARIA MEDIUM NOCTIS DIE DOMINICO INLUCESCENTE VI. ID. DECEMBRIS. QVADRAGIES ET VI. P. C. BASILII IVNIORIS V. C. C. ANNO XII. REGNI DOMINI CHILDEBERTI REGIS. INDICTIONE QVINTA, ideoque die octava mensis Decemb., die Dominica illuecente anni Christi quingentesimi octagesimi sexti, quo Dominica in diem viii mensis Decembres inedit, quove annus Childeberti regis xii, et Indictio v in eurus erant. Baronius hanc temporis notam *Quadragesies et vi post consulatum Basilii junioris*, interpretatus est de currenti Christi anno, qui quadragesimus sextus est post consulatum Basilii secundum modum loquendi a Marcellini continuatore usurpatum. Verum qui Epitaphium illud con-

didit, usus est loquendi modo Victoriano supra a nobis explicato, et passim variis exemplis confirmato: quod certum faciunt reliqui characteres in eo memorati. Ex hoc Epitaphio multa discimus. Primum, *Childebertum* Sigiberto patri successisse an. DLXXV. Secundum, *Childebertum* eo Christi anno die viii Decembres jam regnasse, licet Gregorius Turonensis lib. 5, cap. 1, narrata Sigiberti cæde scribat: « Gundobaldus dux apprehensum Childebertum filium ejus parvulum fuitim abstulit: eruptumque ab imminenti morte, collectisque gentibus, super quas pater ejus regnum tenuerat, regem instituit, vix lustro ætatis uno jam peracto: qui die Dominicæ Natalis regnare cœpit ». Nam post Sigiberti mortem aliquod tempus effluxit, antequam *Childebertus* rex solemniter elevaretur, et a subditis agnosceretur. Gregorium enim ibi loqui de solemni ejus elevatione, Guntramnus Childeberti patruus apud eumdem Gregorium lib. 8, cap. 4 manifestum facit, dum ait: *Rex in die sancto Dominicæ Nativitatis est elevatus*. Cointius anno DLXXXVI, num. 43 et seqq. Epitaphium sanctæ *Cæsarie* explicavit observavitque, laudata verba ejus Epitaphii amplius non superesse, quidquid dieat Joannes Columbi lib. t de Gest. Vasionensium episcoporum num. 12 et seqq. Hic tamen gravi errore hunc *Basilii* junioris consulatum cum consulatu alterius Basilii junioris anno CDLXXX gesto confundit, et *Cæsarie* mortem in annum DXXVI Indictione v a Septembri notatum confert. Nam eo Christi anno feria tertia in diem viii Decemb. conveniebat, et *Childebertus* primus anno D XI, non vero anno D XIV, *Clodoveo magno* patri successit.

Obit *S. Radegundis* regina, ut anno D XC ostendam, ubi et de *Guntramno* rege a sicario appetito, et de morte *S. Juniani* abbatis.

4. *Gregorius episcopus Antiochenus reconciliat exercitum duci Philippico*. — Quingentesimo octogesimo octavo Christi anno, Indictionis sextæ, Orientalis orbis status militum dissensione vacillat. Cum enim Romanus dux, qui irruentes in Romanum

solum Barbaros viceral, in ordinem redactus esset, et in locum ejus Philippicus, cui suam sororem Mauritius in matrimonium collocaverat, Orientalibus rebus præfectus fuisset, atque jurasset exercitus huic non obedire, discessionem fecit. Quomodo

antem opera Gregorii episcopi Antiocheni redditus est obediens imperatori, Evagrius narrat his verbis¹:

2. « Imperator Andream suorum saeclitum facile principem mittit persuasorum exercitu, ut dues manipulares, et alios prefectos quos antea habuerant, admitterent. Ac cum milites Andreæ adhortationem ne audiire quidem sustinerent, negotiis ad Gregorium episcopum Antiochenum transfertur, non solum quod res maximas eommodo conficere poterat, sed quod multum honoris ei jure debebat exercitus: quippe nonnulli milites ab eo pecunia liberaliter donati erant, alii vestitui et cibo et aliis rebus adjuti tum cum in album militum relati et per eum admissi fuerunt. Itaque nuntiis ad loca singula missis, totius exercitus facile principes Litarbis (qui locus Antiochia abest circiter trecenta stadia) in unum cogendos curat. Ad quos cum accessit, genibus humi positis, lateni habuit orationem: Jam pridem de cereveram, o Romani, etc. » Et recitata oratione, Evagrius ista subdit²:

3. « Haec cum dixisset Gregorius, magnamque vim lacrymarum profundisset, omnium illorum mentes veluti divina quadam vi ac virtute momento temporis mutatae sunt: adeo ut postularent potestatem e consensu exeundi, quo separatim ipsi inter se quid agendum esset deliberarent. Itaque haud diu post veniunt, se episcopi voluntati atque arbitrio dedituros. At eum Gregorius Philippum illis nominaret, quem voluit ut sibi ducem peterent; respondent, tum se, tum universum exercitum sancte jurasse, se nunquam id facturos. Tum ille sine mora, aut nulla cunetatione: Episcopo, inquit, concessum est et potestas data solvendi atque ligandi in caelo et in terra. Sententiamque Evangelii illius citavit.

4. « Cum vero illi etiam in hac re ejus arbitrio cederent: Deum idecirco precibus et obsecrationibus placare ceperit, atque immaculato Christi corpore eis distributio (erat enim sacrosancta illa dies, quæ sancte Domini passioni proxima est) cum omnes qui circiter duo millia erant, toris in herba ad eam rem confectis accumbentes cena exceperisset; postridie dominum rediit, decrevitque ut illo quo loco vellet, in unum convenirent. Itaque Philippicum interim Tarsi Cilicie atatem degentem accersit, ut Constantinopolim mature contendat: deque his rebus refert ad imperatorem, eique posulata exercitus de Philippico per litteras signitac. Milites autem Philippico postea Antiochiam profecto occurserunt, et hominibus qui lavaero regenerationis tincti erant, sibi ut pro eis deprecarentur adscitis, ad genua Philippi accidenti. Qui cum dexteram illis dedisset, se praeterita culpe memoriam oblivione penitus deleturum, cum eo denuo in militiam proficiscuntur ». Haec de reconciliatione exercitus per Gregorium facta Evagrius hoc anno, qui sequens fuit a terra motu.

5. Idemque describit bellicos sub Philippico progressus in Persidem, cum exercitu adesset imperatoris mandato idem Gregorius Antiochenus episcopus, qui in tempore iracundiae factus est reconciliatio: cum ad persuadendum usus est illis potissimum locis ex rhetorica Christiana petilis, nempe humilitate simul et lacrymis. Quis non permovendus erat ac suadendus vel ipso tantum adspectu, cum videret genibus flexis perorantem cum lacrymis patriarcham? Hi sunt, inquam, ad persuadendum Christianæ eloquentiae loci efficiaciissimi ab animi demissione, corporisque humiliacione quæsiti. Abeant qui tunido fastu cuneta quæ sunt humilitatis, indigna putant episcopo, sacrilegiumque existimant vel inclinare cervicem laico, antequam ab eo sit salutatione preventus. Cum enim salus queritur animarum, cur (si expediatur) non se inclinet episcopus cuivis homini, cujus causa humiliavit seipsum usque ad mortem Deus factus homo?

6. *Mauritius Francos sollicitat in Longobardos.* — Eodem anno¹ Mauritius imp. auctus filio, cumdem Theodosium appellavit. Misit idem imperator hoc anno legatos ad Childebertum Francorum regem cum pecuniis, sollicitans eum ad bellum adversus Longobardos suscipendum: sed accepta pecunia cum remoraretur ille, et iste iterata legatione eum urgeret, rex legatos illiberaliter tractans inanes dimisit; verum pernotus tandem, cum ad Italiam invadendam parasset exercitum, discordia ducum re infecta revertitur. Narrat pluribus ista Gregorius².

7. *Guntheranni regis bellum in Gothos Gallie Narbonensis.* — Infeliciter quoque cessit bellum, quod paraverat Guntheramus adversus Gothos illos qui hactenus in Gallia Narbonensi sedes semel fixas tenebant. Hoc illud plane prælrium, de quo Isidorus his meminit verbis, de Reccaredo cum agit³: « In belli quoque gloria satis clarus ac præcipiuus extitit: De Francis enim cum sexaginta fere armatorum copiis Gallias iuuentibus, misso Claudio duce adversus eos, glorioso triumphavit eventu. Nam nulla unquam in Hispaniis Gothorum vel major, vel similis extitit victoria: prostrati sunt enim et capti multa millia: residua pars exercitus in fugam versa, Gothisque post tergum insequenteribus usque ad regni sui fines cæsa est ». Haec de victoria adversus Francos in Gallia Narbonensi Gothorum ditione accepta Isidorus, quam Gregorius silentio magna ex parte obvolutam reliquit, querelas tantum Guntheranni regis, qui expeditionem paravit, prosecutus, cum rem male gestam ob militum scelerata perpetrata deplorat.

8. Ceterum illa potius causa iniqua belli illati expendenda fuerat, cum adversus Gothos potitos ad longum tempus Gallia Narbonensi jam Catholicos redditos bellum movit: quando abdicata jam

¹ Evag. l. vi. c. 10. 11. — ² Ibid. c. 12.

³ Cedren. Annal. hoc anno. — ² Greg. Tur. l. viii. xxx. xxxviii.
— ³ Idor. in Chron. Got.

Ariana impietate, in unitatem Catholicam una cum rege ipsorum coissent; quo nomine ab omnibus principibus Orthodoxis fuerant amplectendi, munieribusque et aliis pietatis officiis frequentandi. Sed audi ex Gregorio¹, quae post redditum fugatorum militum egerit Guntheramus: « Quibus, inquit, reversis, magna Guntheranum regem amaritudo cordis obsedit. Duees vero supradicti exercitus Basilicam S. Symphoriani martyris expetierunt. Veniente itaque rege ad ejus solemnitatem, representati sunt sub conditione audientiae in postmodum future. Postea vero quatuor vocatis episcopis, neenon et majoribus natu laicorum, duces discutere coepit, dicens: Qualiter nos hoc tempore victoriam obtinere possumus, qui ea quae patres nostri consecuti sunt, non custodimus? Illi vero Ecclesias aedificantes, in Deum spem omnem ponentes, martyres honorantes, sacerdotes venerantes, victorias obtinuerunt; gentesque adversas divino opitulante adjutorio, in ense et parma saepius subdiderunt. Nos vero non solum Deum non metuimus, verum etiam sacra ejus vastamus. Non enim potest obtineri victoria, ubi talia perpetrantur, Ideo manus nostrae sunt invalidae, ensis hebescit, nec clypeus nos (ut erat solitus) defendit ac protegit.

9. « Ergo si hoc mee culpa adscribitur, jam id Deus capiti meo restituat. Ceterum si vos regalia jussa contemnitis, et ea que praeципio implere differtis; jam debet securis capiti vestro submergi. Erit enim documentum omni exercitui, cum nus de prioribus fuerit interlectus. Verum jam experiri debemus, quod agi oporteat. Si quis justitiam sequi destinat, jam sequatur; si quis contemnit, jam ultio publica cervice ejus immineat: satius est enim ut pauci contumaces percaut, quam ira Dei super omnem regionem dependat innoxiam. Hec rege dicente, responderunt duees: Bonitatis tuae magnanimitas, rex optime, enarrari facile non potest, qui tunc tibi in Deum sit, qui amor in Ecclesias, quae reverentia in sacerdotes, quae pietas in pauperes, quaeve dispensatio in egenos. Sed quia omnia quae gloria vestra proferi, recta veraque esse censentur; quid faciemus, quod populus omnis in vitium est dilapsus? omnemque hominem agere quae sunt iniqua delectat: nullus regem metuit; nullus dumtem, nullus comitem reveretur. Et si fortassis aliqui ista displicant, et ea pro longevitate vestra emendare conatur: statim seditione in populo, statim tumultus exoritur: et in tantum umusquisque contra seniorem saeva intentione grassatur, ut vix se credat evadere, si tandem silere nequiverit. Ad haec rex ait: Si quis sequitur justitiam, vivat; si quis legem mandatumque nostrum respuit, jam pereat, ne diutius hoc blasphemum prosequatur». Hucusque regis oratio, quae novis nuntiis de Recaredo Galliam Arelatensem invadente intercepta est.

10. *Matisconense secundum Concilium sub Guntheranno rege, ejusque canones.* — Verum rex

ipse ren altius meditatus, unde malorum omnium fons erumperet, solleitius pervestigavit, detexitque negligentiam episcoporum esse in culpa, cum populum sibi subiectum non Evangelieis (ut par esset) instituerent disciplinis: ex quo fieret, ut corruptis moribus viventes populi, nullam justi rectique rationem habentes, nefandissima scelera perpetrarent. Quamobrem in eosdem episcopos non nihil commotus, Synodum convocat, Matiscone habendam in fine anni hujus, quo incipit numerari ejusdem regis vicesimus quartus. Extat ipsa quidem Synodus Matisconensis secunda dicta, eademque generalis appellata, ad quam omnes metropolitani episcopi in provinciis Guntheramni positi convenerunt, interque alios numeratos, primum locum Priscus Lingdunensis obtinuit, idemque nominatus patriarcha.

11. Praeter illa autem quae in Actis ejusdem Synodi habentur, nonnulla collegimus ex diversis locis Gregorii Turonensis, que ad eamdem Synodum spectare posse videantur. Atque in primis quod pertinet ad diem praescriptum Synodi celebrandae, constat ex eodem Gregorio¹ eamdem indictam ad undecimum kalendas Novembris. Ita quidem Gregorius, dum agit de Palladio episcopo Santonensi, et Bertheramno episcopo Burdegalensi jussis ad dictam diem Synodo interesse. Quod insuper ad eum qui ipsam celebrandam curavit, Guntheranum regem spectat: constat quidem, etsi zelum Dei habuit, haud tamen in omnibus secundum scientiam. Etenim levibus quibusdam suspicionibus ferebatur adversns nonnullos episcopes, quos tamen morum sanctitas commendabat, ut inter alios accidit de Theodoro Massiliensi antistite, quem a saeculari judice primum nonnihil exagitatum huic voluit Synodo interesse; de quo recenset ista Gregorius²:

12. « Denique cum rex maxima intentione Theodorum episcopum iterum persequi conaretur, et Massilia jam in Childeberti regis dominationem revocata fuisset, ad dissentandas causas Retharinus illuc quasi dux a parte regis Childeberti dirigitur. Sed postposita actione quae ei a rege injuncta fuerat, episcopum vallat, tidejussores requirit, et ad praesentiam regis Guntheranum direxit, ut scilicet ad Synodum quae Matiscone futura erat, quasi ab episcopis damnandus adesset. Nec defuit ultio divina, quae servos suos ab ore canium rabidorum servare consuevit. Nam egrediente episcopo a civitate, statim res Ecclesie diripit, et alia quidem sibi vindicat, alia sub sigillorum munitione concludit: cumque hoc fecisset, protinus famulos ejus sevissimus invadit morbus, exhaustosque febre peremit: filius ejus ab hoc incommodo defecit, quem in suburbano Massiliae ipsius cum gravi gemitu sepellivit; fuitque talis domi ejus plaga, ut cum ab urbe illa esset digressus, vix ad patriam suam regredi putaretur. Theodorus vero episcopus a Gunthe-

¹ Greg. Tur. hist. Franc. l. viii. c. 30.

² Greg. Tur. hist. Franc. l. viii. c. 7. — ² Ibid. c. 42.

ramno rege detentus est : sed nihil rex ei nocuit. Est enim vir egregiae sanetitatis et in oratione assiduus : de quo mihi Magnericus Treverensis episcopus haec retulit : Ante hos annos cum ad presentiam Childeberti regis ita sub ardua custodia duceretur, ut quandocumque ad urbem aliquam venisset, neque episcopum, neque quemquam de civibus videre permetteretur : adveniente Treveros, nuntiatum est episcopo, hunc jam in navi positum clam abduci. Surrexitque sacerdos tristis, ac velociter prosecutus, reperit eum ad littus, causatusque custodibus, cur tanta esset impietas, ut non liceret fratri fratrem adspicere. Visoque tandem, oscutatus est eum ; indulgensque aliquid vestimenti, discessit.

13. « Veniens itaque ad Basilicam S. Maximini, prosternitur sepulero, illud Apostoli retinens : Orate pro invicem, ut salvemini. Fusaque diu oratione cum lacrymis, ut fratrem dignaretur Dominus adjuvare, egressus est foras. Et ecce mulier quam spiritus erroris agitabat, clamare sacerdoti cepit, et dicere : O sceleste et inveterate dierum, qui pro inimico nostro Theodoro orationem fundis ad Dominum. Ecce nos quotidie querimus, quater ab his Galliis extrudatur, qui nos quotidianis incendiis conflagrat ; et tu pro eo orare non desinis ? Satius enim tibi erat res Ecclesiae tuae diligenter inquirere, ne pauperibus aliquid deperiret, quam pro hoc tam intente deposcere. Et aiebat ? Vnde nobis, quia eum non possumus expugnare. Et licet demoniis credi non beat : tamen qualis esset sacerdos, de quo haec dæmon condolens declamabat, apparuit ». Haec Gregorius, qui et subdit¹, Childebertum regem nepalem Guntheramni rogasse patrum per Felicem legatum, ne quid injuria inferretur Theodoro episcopo, quem colebat ut patrem. Cæterum ipse Childebertus noluit sui regni episcopos proficisci, ut ante pollicitus erat. Haec Synodus præcesserunt : jam ad ipsam Synodum veniamus.

14. Habent in primis ejus Acta, hoc codem anno xxiv inchoante regis Guntheramni, celebratam esse in Galliis eamdem Synodum Matisconensem secundam dictam², in eaque statutos canones viginti. Inter alios episcopos sanctitate conspicuos, qui eidem sub-cripti reperiuntur, sunt Priseus Lugdunensis, Evansius Viennensis, Prætextatus Rhotomagensis, Theodorus Massiliensis, Sulpitius Bituricensis, Veranus Cavallicensis, et alii, omnes numero sexaginta duo præter eos qui per legalos interfuerent.

15. Cum autem illic multa ad œconomiam Ecclesiasticam utilia sint constituta ; notatu digna sunt, que de veneratione a sacerdibus præstanta clericis sancta fuere. Primum vero illud magnopere inculcatum, ut præcedentibus vigiliis, singulis diebus Dominicis sanctificarentur, et ab operibus servilibus cessaretur, eodemque die a populo

oblationes panis et vini Deo in Ecclesia offerrentur, ac decime darentur in pauperum usum. Sed et illud sanctum a Patribus fuit, ut confugientes ad Ecclesiam extrahere nemo anderet. Ad hæc iterum sancti Patres induiti funtes videntur ob diversos casus, quos diversis in locis accidisse diximus : quibus addita sunt, que hoc ipso anno, cum de nece Chilperici regis quæstio haberetur, Turonis in Ecclesia sancti Martini fieri plura illicita contigerunt ; quæ insuper in Basilica S. Vincentii martyris facta sunt, quorum causa plura accidisse miracula Gregorius docet, qui ipsorum omnium narrat historiam. In primis vero agit de his quæ contigerunt Turonis³ de violato hoc ipso anno atrio Ecclesiae sancti Martini, in quo occisus est Eberulfus reus maiestatis, quod necem intulisset Chilperico regi Francorum, cuius erat cubicularius⁴, qui et aliorum quoque scelerum patrator inventus est, quæ idem Gregorius narrat⁵ pluribus ; factaque hæc testatur invito rege Guntheramno, qui ad hæc missis mandatum dederat, ut cuncta fierent, salva Ecclesie immunitate : quem et his auditis magnopere succensuisse tradit. Sic igitur sacrilegium tantum per legem Ecclesiasticam, ne ulterius fieret, placuit emendari. Sed interfectores ultio secura est, cum et ipsi interfecti sunt.

16. Erat præterea recens memoria, quanta locis sacris habenda reverentia esset, de militibus illis qui violassent Basilicam S. Vincentii martyris apud Agennensem civitatem ; de quibus pauca ista Gregorius habet⁶ : « Multos ibi divina ulti conternit. Nam plerisque manus divinitus urebantur, emitentes fumum magnum sicut ex incendio surgere solet : nonnulli arrepti a dæmonie per energiam debacchantes, martyrem dectamabant ; plurimi vero semoti a seditione propriis se jactulis saucientib⁷. His igitur adeo pavendis visis sœpe portentis, permoti sunt cum rege episcopi, ut Ecclesiasticam immunitatem iterum novis sanctis legibus communirent.

17. Sed et quod plerumque graviter in Galliis a principibus peccatum esset, cum judices sœpe in episcopos manus violentas injecissent, cosque in carcere detrusissent, et iussu regum etiam exilio poena damnassen : prohibuit sancta Synodus⁸ episcoporum judicia agitari per sæculi magistratus : sed per suos metropolitanos, vel si causa esset gravior, apud provinciale Concilium agi decrevit. Id ipsum de clericis cujusque ordinis statuit : quod quidem non recens institutum, sed ab ipso ferme Christianitatis nascentis exordio esse servatum, Patres asseruerunt.

18. Qnod vero irrepisset ille pravus usus in Galliis ut episcopi reges adeuntes, ipsos etiam negotiorum causa in venationibus sequerentur ; atque iidem mox ex episcopis in venatores transformarentur, alerentque canes et accipitres : sique

¹ Greg. hist. Franc. I. viii. c. 1.3 — ² Tom. I. Concil.

³ Greg. hist. I. vii. c. 29. — ⁴ Greg. hist. Franc. I. vi. c. 21. — ⁵ Greg. ibid. c. 21. — ⁶ Ibid. — ⁷ Conc. Matice. c. 9. et 10.

fieret, ut in episcoporum quorundam domibus audirentur ejusmodi aves stridere, canesque latrare; vetuit Synodus ista fieri statuto canone, ad cuius finem hæc leguntur¹: « Custodienda est igitur episcopalis habitatio hymnis, non latratibus, operibus bonis, non morsibus venenosis. Ubi igitur Dei est assiduitas cantilenæ: monstrum est et decoris nota, canes ibi vel accipitres habitare ».

Sed et iltud crimen inemendatum minime reliquerunt, cum potentes fulti favore regum aliena sibi vindicarent fisci titulo, vel quovis modo usurparent; quos anathemate Synodus² ipsa percelluit.

19. Verum et illud præterea memoria dignum Patres, rege annuente, constituerunt, ut laici clericos omnino venerari deberent, ista saneientes memoria digna: « Statuimus, ut si quis sacerdarium quempiam clericorum in itinere obvium habuerit, usque ad inferiorem gradum honoris veneranter (sicut condecet Christianum) illi colla subdat, per eujus officia et obsequia fidelissima Christianitatis jura promeruit. Et si quidem ille sacerdalis equo vehitur, clericusque similiter; sacerdalis galera de capite auferat, et clero sinceræ salutationis munus adlibeat. Si vero clericus pedes graditur, et sacerdalis vehitur equo sublimis; illico ad terram defluat, et debitum honorem prædicto clero sinceræ caritatis exhibeat: ut Deus, qui vera caritas est, in utrisque lætetur, et dilectione sua utrumque adseseat (adstringat). Qui vero hæc, quæ Spiritu sancto dictante sancita sunt, transgredi voluerit, suspendatur ». Hæc Patres.

20. Rursum vero Ecclesiasticos omnes procul volentes esse a sanguine³, vetuerunt clericos interesse examini reorum, et ad locum accedere, ubi rei criminum morte mulctarentur. Hæc et alia salubri consilio a Patribus sunt constituta, ut conditio illorum temporum exigere videbatur: ad postremumque illud additum, ut quolibet triennio generale Concilium ageretur, indicereturque illud ab archiepiscopo Lugdunensi. Praeter hæc autem in eadem Synodo diversorum episcoporum ventilatae sunt causæ et peracta judicia, de quibus ita Grgorius⁴:

21. « Interim, inquit, dies placiti advenit: et episcopi ex jussu regis Guntheranni apud Matisonensem urbem collecti sunt. Faustinianus autem, qui ex jussu Gundebaldi Aquensis urbis fuerat episcopus ordinatus, ea conditione removetur, ut eum Berthrammus, Orestesque sive Palladius, qui eum benedixerant, vicibus pascerent, centenosque ei aureos annis singulis ministrarent. Nicetius autem ex laico, qui primus Chilperico regi præceptum elicerat, in ipsa urbe episcopatum adeptus est. Ursicinus Cadurecusis episcopus excommunicatur pro eo quod Gundebaldum excepsisse, publice est confessus, accepto ejusmodi placito, ut pœnitentiam tribus annis agens, neque capillum neque

¹ Cone, Matise, c. 13. — ² Eod. Cone, c. 14. — ³ Ibid. c. 19. — ⁴ Greg. hist. Franc. l. viii. c. 20.

barbam teneret, vino et carnibus abstineret; Missas celebrare, clericos ordinare, Ecclesiæ chrismaque benedicere non præsumeret, Eulogias dare penitus non auderet: utilitas tamen Ecclesiæ per ejus ordinationem, sicut solita erat, omnino exerceceretur ». Et paulo post: « Prætextatus vero Rhomagensis episcopus, orationes suas in exilio positus sealpsit, eoram episcopis recitavit: quibusdam quidem placuerant; a quibusdam vero, quia artem secutus minime fuerat, reprehendebantur. Stylus autem per loca Ecclesiasticus, et rationabilis erat ». Et inferius:

22. « His etiam diebus Guntheramus rex graviter ægrotavit, ita ut putaretur a quibusdam non posse prorsus evadere: quod credo providentiam Dei fuisse. Cogitabat multos episcoporum exilio detrudere. Theodorus itaque episcopus ad urbem suam regressus, favente omni populo cum laude susceptus est ». Hactenus de Actis Synodis Grgorius. Eorundem sanctæ Synodi decretorum visiuti meminimus Ado Viennensis, dum ait de S. Evantio episcopo Viennensi: « Hic cum S. Priseo et Artemio Senonico, et Remigio Bituricensi, et cum aliis sanctis episcopis, viginti capitula Ecclesiastica perfecte comprobavit, quibus consedit quoque Syagrius Eduensis episcopus, vir summae sanctitatis ». Hæc de Synodo et sanctis qui interfuerunt, Ado, dum recenset sue Ecclesiæ Viennensis episcopos: de quibus non prætereat, quod ante hunc de quo agit, Evantium successisse ait Namatio, sive Manatio, quem generis nobilitate, vitæ egregia sanctitate, et eloquentia celebrem prædicat. Fuerat ipse ex conjugio vocatus ad Ecclesiam: cuius uxor non minor quam ipse sanctitate resplenduit, sicut et generis nobilitate: fuitque illi nomen Euphrasia, de qua ex scripto Codice Fortunati hie tibi Epitaphium legendum exhibeo.

Si pietatis opus nunquam morietur in ævum:
Vivis pro merito, femina sancta, tuo.
Inclita sidereo radians Euphrasia regno,
Nec mihi flenda inaues, cum tibi leta places.
Terram terra edit, sed spiritus astra recepit:
Pars jacet hæc tumulo; pars tenet illa polum.
Corpo deposito leviori vecta volatu:
Stans melior celo, quam prius esses humo:
Carnis iuiqua domaus, de te tibi facta triumphans,
Ad patriæ sedes civis opima redit.
Ardua nobilitas præavorum luce coruscans,
Plus tamen es meritis glorificanda tuis.
Vir cui Namatinus datus Vienna sacerdos,
Conjuge defuncto, consociata Deo.
Exulibus, viduis, captiuis omnia fundens,
Paupertate pia dives ad astra subis.
.Eternum mercata dieu sub tempore parvo,
Misisti ad caros quas sequereris opes.
Sed rogo per regem paradisi gaudia dautem,
Pro Fortuato supplice funde preceum:
Obtineas votis, hæc qui tibi carmina misi,
Ut merear claudi quandoque clave Petri.

23. *Guntheranni ad episcopos edictum de moribus populi emendandis.* — Hactenus Epitaphium. Jam ad Guntherannum regem tantæ Synodi cognoscere auctorem redeamus.

Post Synodum peractam Guntheramus rex edidit sanctionem ad episcopos atque judices scriptam, qua (ut decet religiosissimum principem) eosdem hortatur episcopos, verbi in primis prædicationi invigilare; sed et ne munus episcopale per vicarium, sed per se ipsos expleaut, admonet. Datum est edictum hoc eodem anno, quarto id. Novembris: quod cum memoria dignum sit, hic apponimus: sic enim se habet¹:

« Guntheramus (Guntheramus) rex Francorum omnibus pontificibus ac universis sacerdotibus et cunctis judicibus in regione nostra constitutis.

24. « Per hoc supernæ majestatis auctorem, cuius universa reguntur imperio, placari eredimus, si in populo nostro justitiae jura servamus: et ille pius Pater et Dominus, qui humanae fragilitatis substantiam suo semper adjuvare consuevit auxilio, melius dignabitur cunctorum necessitatibus quae sunt oportuna concedere, quos cognoscit præceptorum snorum monita custodire. Dum ergo pro regni nostri stabilitate et salvatione regionis, vel populi sollicitudine pervigili attentis pertractavimus; agnoscimus infra regni nostri spatia universa scelera, quæ canonibus et legibus pro divino timore puniri consueverunt, suadente adversario boni operis, perpetrari. Et ex hoc proculdubio indignatione cœlesti per diversas sæculi tempestates homines aut pecora aut morbo consumi merentur, aut gladio, dum divina judicia non timentur: atque ita fit, ut admittendo illicita, per ignorantiam multi depercant, et non solum præsentem vitam celerius cogantur amittere, sed et inferni supplicia sustinere.

25. « Ad vos ergo, sancti pontifices, quibus divina clementia potestatis paternæ concessit officium, in primis serenitatis nostræ sermo dirigitur, sperantes quod ita populum vobis providentia divina commissum frequenti prædicatione studeatis corrigere, et pastorali gladio gubernare; quatenus dum universi diligendo justitiam conversatione præcipua cum omni honestate studuerint vivere melius, cuncta rerum adversitate remota, cœlesti beneficio concedatur tranquillitas temporum, et congrua salvatio populorum. Et licet absque nostra admonitione ad vos specialiter prædicandi causa pertineat: attamen reliquorum peccatis vos omnino eredimus esse participes, si filiorum vestrorum culpas non assidua objurgatione corrigitis, sed silentio præteritis. Nam nec nos, quibus facultatem regnandi superni regis commisit auctoritas, iram ejus evadere possumus, si de subiecto populo solitudinem non habemus.

26. « Idecirco hujus decreti ac definitionis generalis vigore decernimus, ut in omnibus diebus Dominicis, in quibus sanctæ Resurrectionis mysterium veneramur, vel in quibuscumque reliquis solemnitatibus, quando ex more ad veneranda tem-

plorum oraœula universæ plebis conjunctio devotionis congregatur studio, præter quod victimum præparari convenit, ab omni corporali opere suspendantur, nec ulla causarum præcipue iuris moveantur.

27. « Sed vos, Apostolici pontifices, jungentes vobissem consacerdotes vestros et filios senioris Ecclesie, ac judices locorum, quoscumque agnoscitis, quod vite qualitas honesta commendat, ita universam populi multitudinem constanti vel Deo placita jugiter prædicatione corrigite; ut bene viventes mysticus adhortationis sermo mulceat, et excedentes ad viam recti itineris correctio pastoralis adducat: quatenus omnes uniuersi detiberatione laudabiliter studeant vivere, vel æquitatem et justitiam conservare, qualiter ab omni peccatorum face liberos suos sancta suscipiat Ecclesia Christianos.

28. « Enimvero quicumque sacerdotum aut sæcularium intentione mortifera perdurantes, erebrius admoniti emendare neglexerint: juxta quod conditiones causarum aut excessus personarum exegerint, alios canonica severitas corrigat, alios legalis pena percellat: quoniam nec innocentes potest reddere collata securitas liberos, nisi culprum probatio punierit criminosos: nec minor est pietas protertos conteri, quam relevare compressos. Convenit ergo, ut justitiae et æquitatis in omnibus vigore servato, distringat legis ultio judicium, quos non corrigit canonica prædicatio sacerdotum: quo fiat, ut dum præterita resecantur scelera, nullus audeat perpetrare futura; et ita universos excedentes pro discipline tenore servando correctionis fræna constringant, et in universa regione nostra pacis et concordie jura proficiant. Cuncti itaque judices justa (sicut Deo placet) studeant dare judicia: nam non est dubium, quod aceris illos condemnabit sententia nostri judicii, a quibus non tenetur æquitas judicandi. Non vicarios aut quoscumque a latere suo per regionem sibi commissam instituere aut destinare præsumant, qui (quod absit) malis operibus consentiendo, venalitatem exerceant, aut iniqua quibuscumque spolia inferre præsumant.

29. « Clericorum transgressiones, cum, adversario instigante, contigerint, quantum illis pro divino amore reverentia major impenditur, tantum convenit ut acerius resecantur: quoniam si sancti pastores, aut instituti judices (quod nefas est) subditorum snorum scelera potius occultare quam resecare tentaverint: se ex hoc amplius reos esse vel noxios, non ignorent. Cuncta ergo, quæ hujus edicti tenore decrevimus, perpetualiter volumus custodiri: quia in sancta Synodo Matisconensi haec omnia (sicut nostis) studiuinus definire, quæ præsenti auctoritate vulgamus».

Subscriptio domini Guntheramni regis:

« Data sub die quarto idus Novembris, vice-simo quarto anno regni supradicti regis ». Ilac-tenus edictum regis maxime pii a cunctis Christianis principibus præ oculis habendum, ut cum sive

¹ Tom. II. Conc. post. Acta Conc. Matiscon.

peste, sive penuria, bellove affligi suos populos vident, ad populi mores corrigendos atque judices emendandos se convertant, prout fecisse vidimus Guntheramnum.

30. *Reccaredus rex pacis studiosus.* — Quod vero pertinet ad Reccaredum regem, ipse (ut Christianum principem decet) filius pacis, quantumlibet victor, pacem tamen missa legatione a Guntheranno rege Francorum petuit hoc anno : sed cum non obtinuerit, sequenti rursus anno alia missa legatione id ipsum enixius postulasse constat; verum eam minime consequentum esse, idem Gregorius tradit¹. Porro tantum regem pacis cultorem maxime pium eo dono muneras est Deus, ut eum a maximo liberaret discrimine, a conjuratione nimirum dolis fabricata regiae novercae conspirantis cum Udila episcopo Ariano hoc ipso anno tertio regni ejus.

31. *Incendium Parisiacum.* — Sed redeamus ad Francos, quos prater bellorum infelices exitus hoc pariter anno afflixit non modicu[m] regiae civitatis incensio : hoc enim anno decimo Childeberti regis Parisiensis civitas conflagravit. Quae vero admiranda memoria digna tum acciderint, Gregorius ita narrat² : « Extitit autem in his diebus apud urbem Parisiacam mulier, quae diceret incolis : Fugite ab urbe, et scitote eam incendio concemandam. Quae cum a multis irridetur, quod haec aut sortium praesagio diceret, aut vana aliqua somnasset, aut certe diemonii meridiani haec instinctu proferret; respondit : Nequaquam est ita ut dicatis : nam in veritate loquor, quia vidi per somnum a Basilica S. Vincentii venientem virum illuminatum tenentem manu cereum, et domos negotiatorum ex ordine succendentem. Denique post tertiam noctem quod haec mulier est effata, inchoante crepusculo, quidam e civibus accenso lumine in promptuarium est ingressus, assumptaque oleo ac ceteris quae necessaria erant, abscessit, lumine seu cupellam olei derelicto. Erait antem dominus haec prima secus portam quae ad n[on] ediam diem pandit egressum : ex quo lumine apprehensa dominus incendio concrematur, de qua et aliae apprehendi coepunt.

32. « Tunc diruente igne super vincos careeris, apparuit eis beatus Germanus, et comminuens trahem atque catenas quibus vinci tenebantur, reserato careeris ostio, vincos abire permisit incolibus. Illi vero egressi, se ad Basilicam S. Vincentii, in qua sepulcrum habebatur beati antistitis, contulerunt. Igitur cum per totam civitatem huc atque illuc, flante vento, flamma ferretur, totisque viribus regnaret incendium, appropinquare ad aliam portam coepit, in qua B. Martini oratorium habebatur, quod ob hoc aliquando factum fuerat, eo quod ibi lepram maculosi hominis osculo depulisset. Vir autem qui cum intextis virgultis in su-

blime construxerat, confisus in Domino, nec de B. Martini virtute diffisus, se resque suas intra ejus parietes ambivit (abdidit), dicens : Credo enim et fides mea est, quod repellat ab hoc loco incendium, qui saepe incendiis imperavil, et in hoc loco leprosi hominis cutem, osculo medente, purgavit. Appropinquante enim illuc incendio, ferebantur varii globi flammarum, qui perentientes parietem oratorii, protinus tebescabant.

33. « Clamabat autem populus viro ac mulieri : Fugite, o miseri, ut evadere possitis. Ecce jam ignium pondus super vos diruit: ecce faville incendi cum carbonibus tanquam validus imber ad vos usque distenditur : egredimini ab oratorio, ne cum eodem incendio concinemini. At illi orationem fundentes, nequaquam ab his vocibus movebantur. Sed nec mulier se unquam a fenestra, per quam interdum flammæ ingrediebantur, amovit, quae erat spe firmissima de virtute beati antistitis præmunita. Tanta itaque fuit virtus beati pontificis, ut non solum hoc oratorium cum alumni proprii domo salvaret, verum etiam nec aliis domibus, quae in circuitu erant nocere flammis dominantibus permisisset : ibique cedit incendium, quod ab una parte pontis cœperat desævire. Ab alia vero parte tam valide encta conflagravit, ut amnis finem imponeret : verumtamen Ecclesia cum domibus suis non sunt adustæ ». Hucusque Gregorius de incendio, in quo Prophetæ ille sermo locum habuit dicentis³ : « Vox Domini intercedens flammam ignis » : cum videlicet ea potuit ignis comburere, que Dei voluntate incendio damnata fuere : in reliquis vero suam vim flamma amisit. Addit his Gregorius², hoc anno natum filium Childeberto regi, a Magnerico Treverensi episcopo baptizatum, appellatum fuisse Theodobertum, de quo saepe dicendum inferius. Hic vero annus Childeberti regis decimus numeratur.

34. *De episcopis schismaticis.* — Quo pariter anno Smaragdi exarchatus triennio evoluto, cum accepisset successorem Romanum patricium ; Severus episcopus Aquileiensis cum tribus collegis episcopis, qui metu vique coacti communicaverant cum Ecclesia Catholica per Joannem episcopum Ravennatem, ad propria reversi, ab episcopis Istria non recepti, nec a populo honore habiti in pristinum schisma dilabuntur, Tria illa propugnantes jam ab Ecclesia Romana damnata Capitula. De his vero tantum haec breviter Paulus diaconus³ : « Exacto anno e Ravenna in Gradum reversi sunt. Quibus nec plebs communicare voluit, nec cæteri episcopi eos receperunt. Smaragdus autem patricius successorem Romanum patricium accipiens, Constantinopolim remeavit ». Reliqua vero nempe de conciliabulo schismaticorum in Mariano habito, suo loco dicemus.

¹ Greg. hist. Franc. l. viii. c. 33. et 39. — ² Ibid. c. 33.

³ Psal. xxviii. — ² Greg. hist. Franc. l. viii. c. 37. — ³ Paul. diacl. de gest. Longob. l. iii. c. 11.

Anno periodi Greco-Romanæ 6081. — Anno Æra Hisp. 626. — Jesu Christi 588. — Pelagii II papæ 11. — Mauritii imp. 7.

1. *Postconsulatus.* — Is annus hac formula notatus: vi, post consulatum Mauritii Tiberii Aug. solis iv, ut habet auctor Chronicæ Alexandrini.

2. *Exercitus Romanus in Oriente adversus Priscum rebellat.* — A num. 1 ad 6. Quæ Baronius anno superiori a num. 2 ad 26 de Synodo Constantinopolitana, et de bello Persico refert, hoc anno configere, hieque explicanda: quæ vero de eodem bello currenti anno narrat, ad sequentem revocanda, ubi ea exponam. Theophylactus lib. 3, cap. 1 et tribus seqq. gesta hoc anno Romanos inter et Persas fuse describit, quæ in pauca contraham, et ex Evagrio teste oculato confirmabo. *Priscus* itaque, ipso vere *Philippico abdicante*, Orientalibus copiis præpositus est; sed *Philippicus* huic invidens ad Hieracium scribil, uti annonæ immunitatem exercitu significet. Præterea *Priscus*, neglecto veteri more, veniens ad exercitum de equo non descendit, ut ita militibus de plano salutem diceret. Quocirea milites, quoniam et de commatu amitterent, et honore suo fraudarentur, seditionem occipiunt tertia die Paschatis sc. xx mensis April. *Priscus* animo hæsanti quid ageret, imaginem Christi non mortali manu confectam per castra circumferendam committit. At cum multitudo milito hinc modestior saniorque evaderet, quin potius saerosaetam imaginem lapidibus appeteret; *Constantinum* orbem fugit. Non multo post antistitem in castra legat, significatque mandasse imperatorem, ut ammonaria erogatio in pristinum revocaretur. Verum in locum *Prisci Germanus*, quamquam invitus, ab exercitu sufficitur, interimque Persæ ex Romanorum miseriis voluptatem capientes ditionem Romanam diveniant, et multis calamitatibus imperium affligunt.

3. *Inclytam de Persis victoriam reportat.* — Eam ob causam imperator, *Prisco* abdicato, *Philippicum* rursus in Orientem proticisci jubet, et *Aristobulum domus regie*, quæ *Antiochi appellatur*, procuratorem ad exercitum mittit, qui qua muneribus, qua verbis duris et implacabiles animos aliquantum emollivit. Romanus exercitus pacem complexus *Martyropolim* abit, quem *Marazas* Persicarum copiarum dux procul *Martyropoli* assequitur, « ubi prælio in primis memorabili concursum est, et Romani magnificam atque inclytam victoriam retulerunt. Nam Persarum dux occubuit, captique ter mille cum optimatibus ». Romani post

tam admirandam hostium stragem odia in *Mauritium* deponenda decernunt, et Persica signa ad eum transmittunt. *Philippicus* Hierapoli timore turbaram interim se tenebat, et hieme adveniente castra dissolvuntur. Hæc omnia Theophylactus, qui de Hierapoli Syriae, ubi *Philippicus* morabatur, intelligendus. Nam, ut tradit Evagrius lib. 6, cap. 6, *Philippicum* « milites non modo non suscepérunt; verum si quem forte ei favere suspiciati fuissent, is de vita ipsa periclitabatur ». Theophanes anno Incarnat. secundum Alex. **DLXXIX** kalendis Septemb. anni Christi **DLXXXVI** inchoato, eadem quo Theophylactus et Evagrius, refert; sed certum est, cum res in bello Persico gestas suis annis plerumque non reddidisse, ut pluribus exemplis constabit. Seditionem enim exercitus Romani hoc anno configisse, et Theophylactum de vere et hieme præsentis anni sermonem habere, quæ ex Evagrio narranda suscipio, certo demonstrant.

4. *Synodus Constantinopolitana in causa Gregorii episc. Antiocheni.* — « Dum res in hoc statu essent, Gregorius Antiochensis episcopus ex urbe regia dominum revertitur, cum jam victoriam reportasset ex quodam certamine, quod hoc loco commemorabo », inquit Evagrius cap. 7, immediate post ea, quæ ex eo retinimus. Loquitur deinde de Synodo Constantinopolitana, quam Baronius anno superiori consignavit, asseritque, *Gregorium* accusatum fuisse de incesto, et de criminis turbate pacis ac tranquillitatis urbis Antiochia, et de his, quæ sibi objiciebantur, ad imperatorem et Synodum provocasse: « Me igitur consiliarium et comitem habens venit Constantinopolim his accusationibus responsurus. Cumque omnes qui ibi sunt patriarchæ, partim per se, partem per legatos suos quæstiōne interessent, senatores urbis regiae, et ex religiosissimis metropolitanis quamplurimi, negotio diu multumque examinato: tandem post multas actiones Gregorius causam obtinuit ». Ad hæc Evagrii verba Valesius notat, quod hodie apud Gallos fieri solet in criminalibus judiciis, ut reo a judicibus detur jurisperitus, qui consilium eisuggesterat, id olim quoque in Ecclesiasticis judiciis factum fuisse, docere hunc locum. Secundo, Evagrium scribere *Gregorium* Antiochenum episcopum ab homine laico coram stœnulari judice accusatum ad imperatorem et Synodum provocasse, de qua ad impera-

torem provocatione legenda Epistola Concilii Romani ad Graianum Aug. a Sirmondo edita. Tertio, Evagrium referre causam *Gregorii* coram patriarchis et metropolitanis, ac coram senatoribus disceptatam. Sic in Synodo Chalcedonensi episcopis et sacerdotalibus simul convenientibus causa *Dioscori* Alexandrini episcopi discussa, et judicata est. Quia in Synodo glorioissimi judices et senatores perpetuo nominantur ante episcopos, qui Synodo interfuerant; perinde ac in hoc Evagrii loco senatores nominantur ante metropolitanos, subjiciuntur tamen patriarchis.

5. *Epocha hujus Synodi.* — Hanc Synodum, neque anno superiori, neque an. DLXXXIX, ut voluit Valesius citatus, sed currenti congregatam, Evagrius, qui Constantinop. tunc erat, indubitatum fidem facit. Narratis enim in Synodo gestis ait: «Inde igitur Gregorius ad suam sedem reversus est, quo tempore exercitus Romani in Oriente tumultuabantur, et Philippicus circa urbes Beroiam et Chatcidem moras agebat. Post autem ejus redditum, quatuor mensibus elapsis, anno urbis Antiochiae sexcentesimo trigesimo septimo, post annum unum ac sexagesimum ab ultimo terrae motu, postremo die mensis Hyperberetai, (id est Octobris) dum ego virginem sponsam acciperem tertia circiter noctis hora, terrae motus eum fragore et sonitu irruens totam urbem concussit». Baronius anno superiori num. 23, Evagrii verba hoc modo refert: «Anno LXI post terrae motum, qui proximus ante in ea civitate exstitisset: cum ipse Asterius Gregorii inimicus pridie kalendas Octobris teneram virginem in uxorem duceret». Verum, ut videre est in versione Valesiana, Evagrius, non *pridie kalendas Octob.*, sed *pridie kalendas Noremb.* seu quod idem est, *postremo die mensis Hyperberetai* habet. Praeterea Evagrius non dicit, *Asterium* virginem uxorem duxisse; sed de semetipsa foquitur, jamque lib. 4, cap. 28, se priorem uxorem morbo pestilenti amississe narraverat. Qui uteque error ab Emin. card. Norisio animadversus in Dissert. III de Anno et Epochis Syro-Macedonum, cap. 6, ubi pluribus de annis Antiochenis ab Evagrio usurpati, de anno Synodi Constantinopolitanae, et de annis belli Persici usque ad an. DLXXXIX gesti accurate disserit.

6. *Ab hoe anno non potest removeri.* — Evagrius incipit annum Antiochenum a kalendis Septembbris, ideoque in ejus sententia annus Antiochenus DLXXXVII kalendis Sept. hujus Christi anni initium sumpsit, et terrae motus, de quo loquitur Evagrius, ultima die mensis Octobris, Antiochiam concussit. Quare Synodus Constantinopolitana, quae quatuor et amplius mensibus ante illum terrae motum absoluta fuerat, a currenti anno removeri multo modo potest. Ultimus terrae motus Antiochenus die XXIX mensis Novembris anni Christi DXXVIII acciderat, ideoque recte Evagrius prodit, post illum effluxisse annos LXI, refelitque Vatesium loco citato, ubi gravi errore scribit, annos Antiochenos a mense

Dio, seu Novembri nostro proficisci, ideoque hunc terrae motum, et Synodum Constantinopolit. ad annum sequentem pertinere.

7. *Contrarie sententiae refelluntur.* — Hanc celebrem Synodum *Joannes jejunator* patriarcha Constantinopolit. non tam ut *Gregorii Antiocheni* causam discuteret, indixit, quam ut sibi Synodali decreto episcopi *OEcumenie* seu *Universalis* titulum confirmaret. At, inquit Baronius citatus num. 2, sanctus Gregorius papa lib. 4, Indict. XIII, Epist. XXXVI, scribens ad *Eulogium Episc. Alexandrinum* affirmit, *ante annos octo Ioannem in Constantinop. urbe Synodum fecisse, et ab anno DLXXXVII ad DCCV, Indict. XII notatum, anni octo interjiciuntur. Verum sepius jam observavi, antiquos annos Julianos, eosque utrinque incompletos, plerumque pro integris numerasse; quod et a divo Gregorio in ea Epistola praestitum. Octo itaque anni illi Valesii quidem opinionem evertunt, nostrae vero minime officiunt. Producit praeterea Baronius Epistolam, quae dieitur post hanc Synodum scripta a Pelagio II ad Joannem Constantinopolitanum, *kalendas Martii, Indict. V*, quae Indictio mense Martio praecedentis Christi anni decurrebat. Verum ea tanquam supposititia ab omnibus viris doctis hodie rejicitur: tum quia e Procli, Celestini, Leonis, Innocentii, Gregorii, et Martini I scriptis consarcinata est, tum quia stylus a reliquis Pelagi II Epistolis abhorret, et Isidori lineamenta refert. Epistola igitur quam divus Gregorius ad Joannem episcopum Constantinopolit. a Pelagio II datam docet, perit, et ea, quam Baronius integrum recitat, commentitia est.*

8. *Nascitur Thodosius filius Mauriti.* — Ad num. 6. Auctor Chronici Alexandrini, anno VI post consulatum Mauriti Aug. Christi sc. DCC, scribit *Theodosium* Mauriti filium coronatum fuisse, et *Theophanes Theodosium* tunc annos quatuor et menses sex egisse affirmat. Quare in lucem prodierat anno DLXXXV, ut ex dicendis an. DCC, ubi Theophanis et auctoris Chronici Alexandr. verba referimus, constabit.

9. *Secundum bellum in Septimaniam gestum.* — Ad num. 7. Supra monuimus, duo per haec tempora Francos inter et Gothos, seu Visigothos, bella habita fuisse, postquam *sanctus Hermenegildus* morti traditus fuit, ostendimusque primum accidisse anno Christi quingentesimo octogesimo quinto. De illo Baronius sermonem non habuit, qui a secundo diversum fuisse non animadvertis. Praeterquam quod vix de illo Turonensis loquitur, et Baronii tempore Bielariensis abbatis Chronicorum in lucem non prodierat. Hie ad annum Mauriti vu et Reccaredi regis III, qui annus Christi est DLXXXIX, scribit: «Francorum exercitus a Gonteranno rege transmissus, Bosone duce, in Galliam Narbonensem obveniunt, et juxta Carcassonensem urbem castra metati sunt. Cui Claudius Lusitanie dux a Reccaredo rege directus obviam inibi occurrit: cum quo congreessione facta, Franci in fugam vertuntur: et direpta castra Francorum: et exercitus a Gothis

ceditur. In hoc ergo cerlamine gratia divina, et fides Catholica, quam Reccaredus rex in Gothis fideliter adeptus est, esse noscitur opera. Nam Claudio dux cum ccc viris lx millia ferme Francorum noscitur iungasse et maximam eorum partem gladio trucidasse ». Verum errorem in numeros irrepisse necesse est, vel Bielriensem haec nimia jactantia scribere; cum verosimile non sit, a trecentis Gothis sexaginta Francorum millia vicos fuisse. Baronius num. 7, refert verba Isidori in Chronicō Gothorum hanc victoriam multum exagerantis, sed nihil simile affirmantis. Cointius anno DLXXXVI, num. 4, utrumque bellum confundit, quod recte Hadrianus Valesius lib. 13 Rer. Francic. distinxit. Ille fuit ullimum Francorum in Gothos bellum. Nunquam enim postea per annos fere cl Septimania a Gallis tentata; donec Carolus Martellus, fusis Saracenis, eam regionem pene omnem in formam provincie redigit.

10. *Concilium Matisconense II.* — A num. 8 ad 30. *Concilium Matisconense II*, anno quingentesimo octagesimo quinto celebratum. Turonensis enim, qui hoc tempore vivebat, librum 8 sua Historiae his verbis exorditur: « Igitur Guntchrammus rex anno xxiv regni sui, etc. », et hoc ipso anno, quem Childeberti regis decimum lib. 7, cap. 24, prius appellavit. Synodus Matiscone habitam ita testatur cap. 28. « Interim dies placiti advenit, et episcopi ex jussu Guntelrammi apud Maticensem urbem collecti sunt ». Synodus habitam Guntramnum ad episcopos et judices regni sui praeceptionem dedit, quae dicitur data sub die iv idus Novemb., anno xxiv regni suprascripti regis, quam Baronius, num. 24 et seqq. integrum recitat. Is num. 11 ex Turonensi lib. 8, cap. 7, refert Synodus indictam ad undecimam kalendas Novemb. Verum correctae editiones omnes Turonensis habent, X kalendas mensis noni, qui dies est xxii mensis Novembris. Synodo subscripsere episcopi quadraginta tres, item missi episcoporum viginti, et praeterea tres episcopi, qui sedes non habebant. Conditi canones viginti, quos Cointius anno DLXXXV summarie explicat.

11. *Duplex Reccaredi ad Guntramnum legatio de pace irrita.* — Ad num. 30. Reccaredus Gothorum seu Visigothorum rex post bellum cum Guntramno Francorum rege anno DLXXXV gestum, nihil praelermisit ut ab eo pacem oblimeret. Quare anno quingentesimo octagesimo sexto legationem ad eum misit, ut narrat Turonensis lib. 8, cap. 35, sed eam impetrare non posuit: « Nam anno praeterito cum exercitus (Guntramni scilicet) Septimani debellasset, naves quae de Gallis in Galliciam

abierant, vastate sunt », ubi per verbum *debellare* Turonensis intelligi bellum inferre, ut videre est in Glossario Ducangii verbo *debellare*. Cum itaque certum sit prius illud bellum pertinere ad annum DLXXXV, ut anno DLXXXIV, num. 3 iam ostendimus, prior haec Reccaredi regis legatio cum anno Christi DLXXXVI copulanda; quod et secunda ejusdem regis legatio, de qua Turonensis ibidem cap. 38, eodem anno obita sit. Ait enim Turonensis: « Anno denique xi regni Childeberti regis, legati ilerum de Hispanis venerunt, pacem petentes: sed nihil certi obtinentes, regressi sunt ». Annus autem Childeberti regis undecimus in eundem Christi annum convenit. Agit de hac secunda Reccaredi regis legatione Baronius anno DLXXXIX, num. 46 et seqq. quem putabat esse Childeberti regis undecimum; sed ejus opinione supra eversa manifestum est utramque legationem ad eundem Christi annum spectare, scilicet DLXXXVI, et quae ibi habet Baronius ad eum revocanda esse.

12. *Conjuratio adversus Reccaredum regem.* — Conjuratio vero ab Uldila episcopo adversus Reccaredum regem facta, quam hoc anno recitat Baronius, pertinet ad annum DLXXXIX; Bielriensis enim seribit: *Anno vii Mauriti*, qui est Reccaredi regis iii annis, Uldila episcopus enim Gosvintha regina (quae vidua erat Levigildi regis) insidiantes Reccaredo manifestantur: et fidei Catholicæ communionem, quam sub specie Christiana quasi sumentes projiciunt, publicantur. Quod malum in cognitionem hominum deductum, Uldila exilio condemnatur: Gosvintha vero Catholicis semper infesta vita tunc terminum dedit ».

13. *Incendium Parisiis excitatum.* — A n. 31 ad 34. Incendium urbis Parisiensis, quo saeviente, sanctus Germanus, Parisiensis quondam episcopus, apparuit illis, qui vineti in carceribus tenebantur, eosque abire permisit incolumes, ut ex Turonensi lib. 8, cap. 33, narrat Baronius, non contigit anno x Childeberti regis, ut ipse *Gregorium* interpretatur. Jam enim a capite 31 de cæde sancti *Prætextati* episcopi Rotomagensis Gregorius egerat, quae, ut infra videbimus, juxta ipsummet *Gregorium* patrata est anno ejusdem regis xi. Quare licet ann. xi Childeberti regis capite tantum 38 memorare incipiat, non dubitandum tamen, quin ad eundem annum pertineant, quae a capite 31 ad 38 narrat; ideoque quin *Theodobertus* Childeberti filius, de cuius ortu loquitur Gregorius cap. 37, anno undecimo Childeberti in lucem prodierit. Quare anno DLXXXVI et incendium illud contigit, et *Theodobertus* natus est.

Sanetus *Columba* abbas Hyensis ad Deum mitigavit, ut anno DLXV ostendi.

PELAGII ANNUS 42. — CHRISTI 589.

1. *In Synodo Valentina Guntheranni regis liberalitas erga Ecclesias.* — Quingentesimus octogesimus nonus incipit annus sub septima Indictione : cum decimo kalendas Julii, anno Guntheranni vicesimo quarto nondum absoluto, celebrata est Synodus Valentina in Gallia decem et septem tantummodo episcoporum : in qua pauperum causae sunt cognitae ; sed et donationes factae ab eodem rege, sive regina, atque tiliabus ejus diversis Ecclesiis confirmatae auctoritate Apostolica, subscriptionibus eorumdem munitae sunt. Est de his ejusmodi decretum :

2. « Cum in urbe Valentina juxta imperium gloriosissimi domini Guntheranni nostra mediocritas pro diversis pauperum querimoniiis convenisset : id primo, auctore Deo, decrevimus sancendum, quod pro salute et animae sue salvatione vel religionis statu censuimus opportunum : id est, ut quia praedictus rex per virum illustrem Asclepiodotum referendarium datis ad sanctam Synodus Epistolis suis injunxit, ut quodcumque tam ipse, quam beatæ memoriae jugalis sua Austrechibildis regina, vel filiae eorum Deo sacratæ puellæ, id est, bonæ memoriae Clodoberga, vel Clodeildis locis sanctis contulissent, aut adhuc conferre decreverint, auctoritate Apostolica deberet sancta Synodus praesenti titulo manuum suarum subscriptione firmare. Et tam laudabili devotioni non sollem sacerdotalem, sed etiam divinam credimus posse committentiam conspirare.

3. « Ideo præsenti Constitutione, unanimi consensu, Deo medio, Synodus sancta decrevit, ut si quid Basilicæ sancti Marcelli, vel sancti Symphoriani, vel quibuscumque locis, vel servientibus Deo per quascumque auctoritates, aut Scripturarum Epistolas præfatus dominus rex, vel supra nuncupata jugalis sua filiaeque eorum, sive in ministerio altiorum, sive in quibuscumque speciebus, quæ ad divinum cultum pertinere noscuntur, contulisse vel adhuc conferre voluerint ; neque episcopi locorum, neque potestas regia quæcumque tempora successura de eorum voluntate quicquam minorare aut auferre præsumant. Quod si quis hoc quoque tempore temerare aut auferre præsumperit ; velut

necator pauperum, anathemate perpetui judicii divini plectatur, et veluti sacrilegii perpetrator, criminis sui reus, supplicii aeterni teneatur obnoxius ». Hucusque Patres, nec de eodem Valentino Concilio quicquam præterea invenitur. Emendandum vero, dum in titulo inscriptum illud habetur Indictione secunda : multum enim inter se pugnat, ut haec aeta sint vicesimo quarto Guntheramni regis anno, et facta dicantur Indictione secunda : manifestus enim arguitur error, cum hic annus (ut dictum est) septimæ sit Indictionis.

4. *S. Prætextati episcopi Rothomagensis martyrium.* — Quo pariter anno aucta est Gallia novo martyre, nempe Prætextato episcopo Rothomagensi : qui diu multumque odio perfidae Fredegundis exiliis fatigatus et afflictatus, nihil remittens sacerdotalis constantiae in redarguendo perperam facta principum, potissimum vero Fredegundem ipsam, quam alteram Jezabelem his temporibus Gallia passa est ; ab eadem immisso tandem sicario, in Ecclesia ipsa ferro percuditur : ac paulo post spiritum Deo reddidit. Ha plane secundum S. Ambrosii sententiam, utilius principes episcopos odio prosequuntur, quam illecebris blandiuntur. Ad coronam enim suorum sacerdotum permittit Deus scelestos principes insanire, furereque adversus eos : quo quid in eis intus virtutis lateat, foris appareat ; et qui in vasis fictilibus thesaurus occultabatur, in multorum utilitatem effundatur ; et lumen quod reconditur in lagenis militum Gedeonis, iisdem perfractis, foris appareat, quo sancta Dei illustretur Ecclesia. Res autem gesta a Gregorio Turomensi ita describitur¹ :

5. « Dum haec agerentur, et Fredegundis apud Rothomagensem urbem commoraretur, verba amaritudinis cum Prætextato pontifice habuit, dicens, venturum esse tempus, quando exilia, in quibus detentus fuerat, reviseret. Et ille : Ego semper et in exilio et extra exilium episcopus fui, sum, et ero. Nam tu non semper regali potentia perfrueris. Nos ab exilio provehimur, tribuente Deo, in regnum : tu vero ab hoc regno demergeris in abyssum.

¹ Greg. l. viii. c. 31.

Reclins enim erat tibi, ut stultitia relicta atque malitia, qua semper ferves, abstrahereris; ut et tu vitam adipisceris æternam, et parvulum quem genuisti, adducere ad legitimam posses ætatem. Hæc effatus, cum verba illius mulier graviter acciperet, se a conspectu ejus felle fervens abstraxit.

6. « Adveniente autem Dominicæ resurrectionis die, cum sacerdos ad implenda Ecclesiastica officia ad Ecclesiam maturius properasset, antiphonas juxta consuetudinem incipere per ordinem cœpit. Cumque inter psallendum formulæ decumberet: crudelis adfuit homicidea, qui episcopum super formulam quiescentem, extracto e baltheo cultro, sub ascella perent. Ille vero vocem emitens, ut clerici qui aderant adjuvarent, nullius auxilio de tantis adstantibus est adjutus. At ille plenas sanguine manus super altarium extendens, orationem fundens, et Deo gratias agens, in cubiculum suum inter manus fidelium deportatus, in suum lectulum collocatus est. Statimque Fredegundis cum Beppoleno duce et Ansovaldo adfuit, dicens: Non oportuerat nobis ac reliqua plebi tuae, o sancte sacerdos, ut ista tuo cultui evenirent. Sed utinam indicarebatur qui talia ausus est perpetrare, ut digna pro hoc scelere supplicia sustineret. Sciens autem eam sacerdos hæc dolose proferre, ait: Et quis hæc fecit, nisi is qui reges interemit, qui sæpius sanguinem innocentem effudit, qui diversa in hoc regno mala commisit? Respondit mulier: Sunt apud nos peritissimi medici, qui huic vulneri mederi possunt: permitte ut accedant ad te. Et ille: Jam, inquit, me Deus præcepit de hoc mundo vocari: nam tu, quæ his sceleribus princeps inventa es, eris maledicta in sæculo, et erit Deus ulti sanguinis mei de capite tuo. Cumque illa discederet, pontifex, ordinata domo sua, spiritum exhalavit. Ad quem sepeliendum Romacharius Constantinæ urbis episcopus advenit ». Addit Gregorius de necato ab eadem regina seniore quodam ejusdem Ecclesiæ Rhotomagensis, cum ipse eidem necem sanctissimi antistitis exprobrasset: agitque demum de successore eidem subrogato Melantio. Porro quem perfida Fredegundis in Ecclesia occidi fecit, coluit semper Ecclesia Catholica martyrem, enidemque inter martyres scriptum anniversaria memoria celebrat. Quomodo autem facimus ab imperfectore palam factum sit, idem Gregorius in rebus gestis Franco-rum anni hujus qui est decimus Childeberti regis, refert¹.

7. *De conversione Gothorum.* — Jam vero magna instans causa e Galliis in Hispanias nostram evocat orationem. Felix plane hic ille annus. Deo placabitis et acceptabilis ab omnibus prædicandus, quo Dei benignitas respexit tandem propria Gothorum gentem; cum e tenebris eam transtolit in regnum lucis. Quæ enim a temporibus Constantii imperatoris, a pravis doctoribus in transversum aeta gens Gothorum fuit; præcepis per devia Iere-

batur, eoque sine metu securior, quo ex beneficiis a Deo acceptis se remunerationem consecutam de impietate putabat. Quod enim ipsa gens Gothicæ in Italia, Gallia, Hispania et Africa suum populum propagasset, et regna subegisset externa, hæc cuncta rectæ quam putabant religioni ferebant accepta: nam et quod Orthodoxorum provincias suæ ipsorum Deus subjeceral poteslati, tolunt id Dei iræ ulciscientis impios tribuebant. Hæc illis signa fuere pro doctrina atque miraculis, quibus se Catholicis religione præstare jaetabant, exultabantque veluti de Dei vero cultu securi, insultabantque piis, veluti a Deo eos ob impietatem afflidente rejectis.

8. Ut igitur tanto erroris offusi caligine, tamque profundis mersi tenebris ignorantiae veritatis lumen agnoscerent, illius tantum fuit opus, qui de tenebris facit splendescere (quod ait Apostolus²) lumen suum, et illius qui vinclis dicit: « Exite, et his qui in tenebris, Revelamini »: domuit ille fera corda tandem, suoque subegit iugno cervices ferreas; egitque magno miraculo, ut qui iugum imposuerant Romanis semper indomitæ, iidem Romanæ subiecerentur Ecclesie vinci non ferro sed fide: idque præcipue per sanctissimum Leandrum Hispanensem episcopum, aliosque saeros Hispaniarum antistites, vigiles, fortisque fidei Orthodoxæ cultores: quorum industria atque labore factum est secundum illud propheticum vaticinium³: « Ut quæ erat arida esset in stagnum, et sitiens in fontes aquarum; et ubi erat cubile draconum, oriatur viror calami et junci, et semita esset ibi, vocareturque via sancta, ut non transirent per eam polluti »: squalensque vepribus Ecclesia Hispania conversa fuerit in paradisum Domini, qui gratiarum irriguis fœcundatus redderet fructum centuplum, factus ager plenus benedictionibus ejus. Sed narrationem rerum gestarum aggrediamur.

9. *Concilium Toletanum tertium sub Reccaredo rege, præside S. Leandro episcopi Hispalensi legato Apostolico, et singula ejusdem Acta, decreta et canones.* — Ubi coronato feliciter Hermenegildo martyrio, Reccaredus post patris obitum regnans Catholicam fidem (ut dictum est) proficeret cœpit; ad hoc ipsum hortatus est Gothos episcopos ac pariter magistratus et populum: factumque Dei gratia, ut per paucis exceptis, omnes eamdem cum rege, abdicata hæresi Ariana, Catholicam fidem profiterentur: cuius rei causa, ut cuncta solide stabiliret, universale totius Hispanie voluit Concilium celebrari. Sie igitur hoc anno a Christo Domino quingentesimo octogesimo nono, qui est quartus annus ipsius Reccaredi regis Wisigothorum in Hispania, conversis ipsis ab Ariana perfidia ad Catholicam veritatem, celebrata est Synodus Toletana, quæ tertia ordine pomitur, cui intertuerunt episcopi circiter septuaginta, ex quibus pauci per legatos suam præsentiam exhibuere, iidemque ex omnibus Hispaniarum provinciis, imo et Galliæ

¹ Greg. hist. Franc. I. viii. c. 41.

² I. Cor. iv. Isai. XLIX. — ³ Isai. XXXV.

ejus partis quæ apud Narbonensem provinciam subjecta erat Gothis, ut ex episcoporum subscriptione appareat. Non sine scientia atque consensu simulque auctoritate Pelagii papæ generale hoc celebratum esse Concilium, ex eo intelligi potest, dum Lucas Tudensis ait. S. Leandrum huic interfuisse et præfuisse legatione functum pro Romano Pontifice, quod absque controversia credi debet, cum certum sit ex his quæ sëpe superius dicta sunt, Romanos Pontifices tum in aliis, tum in Hispaniarum provinciis vices suas delegare consuevisse eminentioribus earum Ecclesiarum episcopis. Certe quidem præter S. Leandrum, qui magis spectatus esset hoc tempore inter Hispanos episcopos, neminem scimus. Sed ad ipsa Concilii Acta pernoscenda, ex quibus complura sunt quæ Annalibus his inseri debeant, veniamus. Est quidem ipsorum istiusmodi exordium¹:

10. « In nomine Domini nostri Iesu Christi, anno quarto regnante gloriosissimo atque piissimo et Deo fidelissimo domino Reccaredo rege, die octavo iduum Maiorum, Aera sexcentesima vice-sima septima, haec Synodus habita est in civitate regia Toletana ab episcopis totius Hispanie et Galliciae numero septuaginta duobus, etc. » De hac eadem Synodo haec S. Isidorus²: « In ipsis regni sui exordiis Catholicam fidem adeptus, totius Gothicæ gentis populos inoliti erroris labo detersa, ad cultum rectæ fidei revocavit. Synodus etiam ad condemnationem Ariane hæresis congregavit: cui Concilio idem gloriosissimus princeps interfuit, snaque id præsentia et subscriptione firmavit ». Haec Isidorus.

11. Exlat ipsa Synodus, canonesque viginti tres in ea editi, neenon fidei professio sincerissima, itemque regis Reccaredi edictum; de quibus omnibus agemus per singula. Primum vero omnium opportunum putamus hic intexere sermonem a S. Leandro horum omnium præcipuo architecto tunc temporis habitum de eorumdem conversione Gothorum: quem licet alii ponant in fine Synodi, nos (sicut reperimus in scripto Codice bibliothecæ Sforianæ, ex quo exscripsimus) ante Synodum positum hic eodem ordine ponendum putamus, quo auctor licet stylo inculto, eruditio tamen, veluti rudi rastro vertit auri fodinam: ejus rei gratia putamus ista carius accipienda, quo simplicius atque fidelius dicta leguntur, haud probantes eum qui cultiori sermone eamdem orationem illustrandam putavit³ minime hac ex parte de antiquitate (pace ipsius dixerim) bene meritus. Ipse autem sermo sic se habet:

12. « Festivitatem hanc omnium esse solemniori festivitatum, novitas ipsa significat. Quoniam sicut nova est conversio tantarum plebium causa: ita et nobiliora sunt solito Ecclesiae gaudia. Nam multas solemnitates per anni decursum celebrat

Ecclesia; in quibus tamen si habet gaudia consueta, nova vero, sicuti in hæc, non habet. Aliter enim gaudet de rebus semper possessis, aliter de lueris magnis his nuper inventis. Pro qua re et nos majoribus gaudiis elevamur, quia repente novos Ecclesiastis parturisse populos intuemur; et quorum asperitate quondam gemebamus, de eorum nunc gaudemus credulitate. Ergo materia gaudii nostri, tribulationis præteritæ occasio fuit. Gembemus, dum gravaremur, dum exprobraremur: sed gemitus illi id egerunt, ut hi, qui per infidelitatem nobis erant sarcina, fierent nostra per snam conversionem corona. Hoc enim gratulative profert in Psalmis sancta Ecclesia, dicens: In tribulatione dilatasti me. Et Sara dum sëpe a regibus concupisceitur, nec maculam pudicitiae sentit, et Abraham causa pulchritudinis suæ divitem facit; ab ipsis regibus Abraham ditatur, a quibus Sara concupisceitur.

13. « Condigne ergo Ecclesia Catholica gentes quas simul senserit fidei suæ deoore affici, ad sui eas sponsi, hoc est, Christi lueru traducit; ut per ea regna virum suum divitem reddat, per quæ se inquietari præsenserit. Sic enim, dum ex viro lassetur, vel invidentium dentibus mordetur: dum premitur, eruditur; dum inseclatur, dilatalur: quoniam patientia sua æmulatores suos aut superat, aut lueratur. Dicit enim ad eam divinus sermo¹: Mulie filiæ congregaverunt sibi divitias, tu vero supergressa es universas. Sed non mirum, quod hæreses filiæ dicuntur: sed attendendum, quod loco spinarum ponuntur. Filiæ sunt, eo quod ex semine Christiano generantur; spinæ sunt, eo quod foris Eden e Dei paradiiso, hoc est, extra Catholicam Ecclesiam nutrituntur. Et hoc non conjectura sensuum nostrorum, sed Scripturæ divinæ auctoritate probatur, dicente Salomone²: Sicut lily inter spinas, sic amica mea inter filias. Ergo, ne magnum vobis videatur, quod hæresim dixerim filias, continuo eas nominat esse spinas: hæreses, inquam, que aut in aliquem angulum mundi, aut in unam gentem inveniuntur versari: Ecclesia vero Catholica sicut per totum mundum tenditur, ita et omnium gentium societate constituitur. Certe ergo hæreses in cavernis quibus latent, congregant ex parte divitias: Ecclesia autem Catholica in specula totius mundi locupletata supergreditur universas.

14. « Exulta ergo et lætare, Ecclesia Dei; gaude et consurge in unum corpus Christi, induere fortitudine tua, et jubila exultatione: quoniam tui mœrores in gaudium sunt mutati, et tristitia habitus in amictum lætitiae versus est. Ecce repente oblita sterilitatis et paupertatis tuae, uno partu populos innumeros genuisti Christo tuo: nam dispendiis tuis proficiis, tuoque damno suberes: tantus denique est sponsus tuus, ejus imperio regeris, ut dum te pafiatur deprædarí ad modicum, rursum et prædam tuam ad te redneat, et hostes

¹ Tom. ii. Conc. edit. nov. — ² Isidor. in Chron. Goth. — ³ Joan. Marian. Histor. Hispan. l. v. c. 5.

¹ Prov. xxxi. — ² Cant. xi.

tuos tibi conquerat. Sic autem agricola, sic pescator, dum lucra attendit futura, quae seminat, et quem hamo ille dat cibum, non imputat damnum. Tu proinde jam ne fleas, ne lugeas, temporaliter quosdam recessisse a te, quos earnis cum magnis lacrymis rediisse ad te. Exulta ergo fidei confiditia, et tui capitis merito fide esto robusta, dum quae recolis olim repromissa, nunc earnis fuisse completa. Ait enim in Evangelio ipsa Veritas¹: Oportebat Christum mori pro gente, et non tantum pro gente, sed ut filios Dei, qui erant dispersi, congregaret in unum. Tu prefecto in Psalmis clamas², odientibus pacem dicens: Magnificate Dominum mecum, et exalteamus nomen ejus in unum. Et rursum³: In conveniendo populos in unum et regna, ut serviant Domino.

15. « Quam duleis sit charilas, quam delectabilis unitas, non nesciens per prophetica vaticinia, per Evangelica oracula, per Apostolica documenta, nonnisi connexionem gentium prædictas, nonnisi unitatem populorum suspiras, nonnisi pacis et charitatis bona disseminas. Lætare ergo in Domino, eo quod non sis fraudata a desiderio tuo: nam quo tanto tempore gemitu tristi et oratione continua concepisti, nunc post glacies hiemis, post duritiam frigoris, post austoritatem nivis velut jucunditatem agrorum frugem et latos verni flores, vel adhaerentes (adridentes) vinearum stipitibus palmites, reperente in gaudio peperisti.

16. « Ergo, fratres, tota hilaritate animi exultemus in Domino, et jubilemus Deo salutari nostro. Hæc de cætero pro eis quæ jam oblata sunt, ea quæ adhuc exspectantur implenda, vera esse credamus. Quæ enim præfata sunt, Domino dicente⁴: Alias oves habeo, quæ non sunt ex hoc ovili, et illas oportet me adducere, et fiet unus grex, et unus pastor: ecce contuemur fuisse completa. Pro qua re non dubitemus totum mundum posse in Christum credere, atque ad unam Ecclesiam convenire: quoniam rursus ipso testifice didicimus Evangelio⁵: Et prædicabitur, inquit, hoc Evangelium regni in universo orbe in testimonio omnibus gentibus; et tunc, inquit, veniet consummatio. Si ergo remansit pars aliqua mundi, vel gens Barbara, quam fides non irradiavit Christi; prefecto credituram, atque in unam Ecclesiam esse venturam, nullo modo dubitemus, si ea quæ Dominus dixit, vera esse putamus.

17. « Ergo, fratres, reposita est loco malignitatis bonitas, et errori occurrit veritas; ut quia superbia linguarum diversitate ab unione gentes separaverat, eas rursus gremio germanitatis colligeret charitas: et quemadmodum unus possessor est mundi Dominus, ita et possessionis ejusdem unum cor et unus animus. Pete a me (ait⁶) et dabo tibi gentes hæreditatem tuam, et possessionem tuam terminos terræ. Propterea et ex uno homine propa-

gatum est omne genus humanum, ut qui ex illo uno procederent, unam sperarent unitatem et quærerent et diligenter. Ordo ergo naturalis exposcit, ut qui ex uno homine trahunt originem, mutuam retineant caritatem; nec dissentiant a fidei veritate, qui non disjunguntur naturali propagine. Hæreses vero ut divisiones e fonte emanant vitiorum: unde quicumque ad unitatem venit, ex vitio ad naturam reddit: quia sicut naturæ est fieri ex pluribus unitatem, sic est vitii fraternitatis vitare dulcedinem. Erigantur ergo tota mente in gaudio; ut quæ gentes studio decertandi perierant, simul et in amicam Christi unam Ecclesiam percurrent, in quam eas rursus reducit et concordia charitatis.

18. « De hac prefecto Ecclesia vaticinalur Prophetæ, dicens¹: Domus mea domus orationis vocabitur omnibus gentibus. Et iterum: Erit, inquit, in novissimis diebus preparatus mons domus Domini in vertice montium, et elevabitur super colles, et fluent ad eum omnes gentes, et ibunt populi multi, et dicent: Venite ascendamus ad montem Domini, et ad domum Dei Jacob. Mons enim Christus est: domus Jacob una Ecclesia est ejus, ad quam et gentium concursus et populorum pronuntiat confluere conventum; de qua rursus in alio loco dicit prophetia²: Surge, illuminare, Hierusalem, quia venit lumen tuum, et gloria Domini super te orta est, et ambulabunt gentes in lumine tuo, et reges in splendore ortus tui. Leva in circuitu oculos tuos et vide. Omnes isti congregati sunt, et venerunt tibi. Et ædificabunt, inquit, filii peregrinorum muros tuos, et reges eorum ministrabunt tibi. Qui ut notesceret, quæ ventura essent genti vel populo, quæ ab unius Ecclesiæ communione recidissent, secutus est: Gens enim et regnum, quod non serviet tibi, peribit. Alio denique loco similiter ait³: Ecce gentem, quem nesciebas, vocabis; et quos non cognoveras, ad te current.

19. « Unus est enim Christus Dominus, cuius est una per totum mundum Ecclesia sancta possessio: ille igitur caput, et ista corpus; de quibus in principio Genesis dicitur: Erunt duo in carne una; quod Apostolus in Christo intelligit et in Ecclesia. Dum ergo ex omnibus gentibus Christus unam vult habere Ecclesiam: quicumque extraneus est ab ea, licet Christi nomine nuncupetur, Christi tamen corporis compage non continetur. Hæresis enim, quæ respuit Catholica Ecclesiæ unitatem, eo quod adulterino amore diligit Christum, non uxoris, sed concubinae obtinet locum: quoniam revera duos dixit Scriptura esse in carne una, videlicet Christum et Ecclesiam, quo locum merefrix nullum invenit tertium. Una est (ait Christus) amica mea, columba mea, una est sponsa mea, una est genitricis suæ filia. De qua item eadem Ecclesia pronuntiat, dicens: Ego dilecto meo, et dilectus mens mihi. Quærant nunc hæreses a quo consuprentur, vel cujus sint prostibulum factæ: quoniam ab immaculato toro recesserunt

¹ Joan. xi. — ² Psal. xxxiii. — ³ Psal. cl. — ⁴ Joan. x. — ⁵ Matth. xxiv. — ⁶ Psal. ii.

¹ Isai. n. — ² Isai. lx. — ³ Isai. lv.

Christi, a quo quanto pretiosam esse novimus consuetam charitatis, tanto Dominum hac celebritate laudemus, quod gentes, pro quibus sanguis fusus est Unigeniti sui, non est passus extra unum ovile, diaboli dentibus devorari.

20. « Lugeat igitur veternosus prædo, suam prædam amississe: quia impletum videmus, quod Propheta vaticinante andivimus. Evidem, inquit¹, et captivitas a forti tollitur; et quod ablatum fuerat a robusto salvatur. Arietem enim discordiae, quem fabricaverat diabolus, pax Christi destruxit: et dominus, quæ divisione in mutuam certabat cædem, uno jam Christo lapide angulari conjungitur. Dicamus ergo omnes²: Gloria in excelsis Deo, et in terra pax hominibus bone voluntatis. Nullum enim præmium charitati compensatur, inde omni gauilio præponitur: quia pax et charitas facta est, quæ omnium virtutum obtinet principatum. Superest autem ut unanimiter uiam omnes regnum effecti; tam pro stabilitate regni æterni, quam pro felicitate cælestis Domini precibus aderamus; ut regnum et gens, quæ Christum glorificat in terris, glorificetur ab illo non solum in terris, sed etiam in cælis. Amen ». Ita peroravit ante Synodum sanctus Leander simplici et impolito stylo (ut saeculi hujus barbarie silvescentis conditio ferebat) sed divina scientia valde referto et sapientia mirifice exornato, instar arboris licet cortice durioris, tamen pomorum pendulorum fœcunditate pulcherrimæ.

21. Congregatis igitur in unum sanctis episcopis, Reccaredus rex et ipse in eadem Synodo coram Patribus habuit sermonem: nam ejusdem Synodi haec habent Acta³: « Cum pro fidei sinceritate idem glorioissimus princeps omnes regiminis sui pontifices in unum convenire mandasset, ut tam de ejus conversione, quam de gentis Gothorum innovatione in Domino exultarent, et divinæ dignationi pro tanto munere gratias agerent: sancti-simius idem princeps sic venerandum Concilium alloquitur, dicens .

22. « Non incognitum reor esse vobis, reverendissimi sacerdotes, quod propter instaurandam disciplinæ Ecclesiasticae formam ad nostræ vos serenitatis præsentiam evocaverim. Et quia decursis retro temporibus haeresis immensu in tota Ecclesia Catholica agere Synodica negotia denegavit: Deus, cui placuit per nos ejusdem haeresis obicem depellere, admonuit instituta de mere Ecclesiastica reparare. Ergo sit vobis jucunditatis, sit gaudii, quod mos canonicus prospectu Dei per nostram gloriam ad paternos reducitur terminos. Prius tamen almoneo pariter et exhortor, jejunis vos, et vigiliis atque orationibus operam dare, ut ordo canonicus, quem a sacerdotalibus sensibus detraxerat longa atque diuturna oblivio, quo ætas nostra se nescire latet, divino vobis dono rursus patefiat ». Hæc rex Reccaredus est prelocutus in Synodo. Sed postea Acta: « Ad hæc autem gratias Deo agentes, et religiosis-

simo principi universo Concilio taudibus acclamante, triduanum est exinde prædicatum jejuniunum. Sed cum octava idum Maiorum in unum cœtum Dei sacerdotes adessent, et oratione præmissa unusquisque sacerdotum competenti loco resedisset; ecce in medio eorum adfuit serenissimus princeps, seque eum Dei sacerdotibus orationi communicans, divino deinceps flamme plenus sic ad loquendum exorsus est, dicens :

23. « Non credimus vestram latere sanctitatem, quanto tempore in errore Arianorum laborasset Hispania, et non multos post decessum genitoris nostri dies, quibus nos vestra beatitudine fidei sanctæ Catholice cognovit esse sociatos, credimus generanter magnum et æternum gaudium habuisse. Et ideo, venerandi Patres, ad hanc vos peragendam congregandos decrevimus Synodum, ut de omnibus nuper advenientibus ad Christum, ipsi æternas Domino gratias deferatis. Quiequid vero verbis apud sacerdotium vestrum nobis agendum erat de fide atque spe nostra, quam gerimus, in hoc tomo conscripta atque allegata notescimus. Relegatur ergo in medio vestri lomus, ut in iudicio Synodali examinatus, per omne succiduum tempus gloria nostra ejusdem fidei testimonio decorata clarescat ». Hæc princeps. Pergunt Acta: « Suscepimus est autem ab omnibus Dei sacerdotibus, offerente rege, sacrosanctæ tidei tomus, et pronuntiante notario clara voce, recensitus est ita.

24. « Quamvis Dominus Deus omnipotens pro utilitatibus populorum, regni nos culmen subire tribuerit, et moderamen gentium non paucarum regiæ nostræ curæ commiserit; meminimus tamen nos mortali conditione perstringi, nec posse felicitatem futurae beatitudinis aliter promereri, nisi nos cultui veræ fidei deputemus, et conditori nostro saltem confessione, qua dignus est ipse, placeamus. Pro qua re, quanto subditorum gloria regali extollimur, tanto providi esse debemus in his quæ ad Deum sunt, vel nostram spem augere, vel gentibus nobis a Deo ereditis consulere.

25. « Cæterum quid pro tantis beneficiorum collationibus omnipotentie divinae valeamus tribuere, quando omnia ipsius sunt, et bonorum nostrorum nihil egeat, nisi ut eum sie tota devotione credamus, quemadmodum per Scripturas sacras se ipse intelligi voluit, et credi præcepit: id est, ut confiteamur Patrem qui genuerit ex substantia sua Filium sibi coæqualem et coæternum, non tamen ut idem sit natus et genitor, sed persona aliis sit Pater qui genuit, aliis sit Filius qui fuerit generatus, unius tamen uterque substantiæ in divinitate subsistat: Pater ex quo sit Filius, ipse vero ex nullo sit alio: Filius qui habeat Patrem, sed sine initio et sine diminutione in ea qua Patri coæqualis et coæternus est, divinitate subsistat. Spiritus sanctus a nobis confitendus est et prædicandus a Patre et Filio procedere, et cum Patre et Filio unius esse substantię, tertiam vero in Trinitate Spiritum sanctum

¹ Isai. XLIX. — ² Luc. II. — ³ Synod. Tolet. int. tom. II Conc.

esse personam, qui tamen communem habeat cum Patre et Filio divinitatis essentiam. Hæc enim sancta Trinitas unus est Deus, Pater et Filius et Spiritus sanctus, enjus bonitate (omnis licet bona sit condita creatura) per assumptam tamen a Filio humani habitus formam, e damnata progenie reformamur in beatitudinem pristinam. Sed sicut veræ salutis indicium est, Trinitatem in unitate, et unitatem in Trinitate sentire: ita erit consummata justitia, si eamdem fidem intra universalem Ecclesiam teneamus, et Apostolicam unitatem in Apostolico positi fundamento servemus».

26. « Tamen vos, Dei sacerdotes, meminisse oportet, quantis hucusque Ecclesia Dei Catholica per Hispanias adversæ gentis molestiis laboraverit, dum et Catholici constanter fidei snæ tenerent et defendérent veritatem, et hæretici pertinaciori animositate propria niterentur perfidia: me quoque (ut re ipsa conspicitis) calore fidei accensum in hoc Dominus excitavit, ut depulsa obstinatione infideltatis, et discordiae summoto furore, populum qui sub nomine religionis famulabatur errori, ad agnitionem fidei et Ecclesiæ Catholicae consortium revocarem.

27. « Adest enim omnis gens Gothorum inclita, et fere omnium gentium genuina virilitate illustrata, quæ licet suorum pravitate doctorum a fide hactenus vel unitate Ecclesiæ Catholicae fuerit segregata, tota nunc tamen meo assensu concordans, ejus Ecclesiæ communione participatur, quæ diversarum gentium multititudinem ināterno simu suscipit, et charitatis uberibus nutrit; de qua Prophetæ canente, dicitur¹: Domus mea, domus orationis vocabitur omnibus gentibus. Nec sola Gothorum conversio ad cunctum nostræ mercenaria accessit, quinimo et Suevorum gentis infinita multitudo, quam presidio celesti nostro regno subjecimus, alieno licet vitio in hæresim deductam, nostro tamen ad veritatis originem studio revocavimus.

28. « Proinde, sanctissimi Patres, has nobilissimas gentes, quæ Dominicas iueris per nos applicatae sunt, quasi sanctum et placabile sacrificium per vestras manus æterno Deo offero. Erit enim mihi immarcescibilis corona vel gaudium in retributione justorum, si hi populi, qui nostra ad unitatem Ecclesiæ solertia transcurrerunt, fundati in eadem et stabiliti permaneant. Sicut enim nostræ curæ fuit, hos populos ad unitatem Christi Ecclesiæ pertrahere, ita sit vestrae docilitatis, Catholicis eos dogmatibus instituere: quo in toto cognitione veritatis adstricti, neverint ex solido errore hæresis perniciose respnere, et verae fidei tramitem ex charitate retinere, vel Catholicae Ecclesiæ communione desiderio avidiore amplecti. Cæterum sicut facile ad veniam pervenisse confido, quod nescia hucusque tam clarissima erraverit gens; ita gravius esse non dubito, si agnitam veritatem haud corde

teneat, atque a patenti lumine (quod absit) oculos suos avertat.

29. « Unde valde pernecessarium esse perspexi, vestram in unum convenire beatitudinem, habens sententie Dominicæ fidem quæ dicit²: Ubi fuerint duo vel tres collecti in nomine meo, ibi sum in medio eorum. Credo enim beatam sanctæ Trinitatis divinitatem huic sancto interesse Concilio: et ideo tanquam ante conspectum Dei, ita in medio vestri fidem meam protuli, conscient admodum sententiae divinæ dicentis³: Non celavi misericordiam tuam, et veritatem tuam a congregatione multa. Vel Apostolum Paulum⁴ Timotheo discipulo præcipientem audivi: Certa bonum cerlamen fidei, apprehende vitam aeternam in qua vocatus es, confessus bonam confessionem coram multis testibus. Vera est enim Redemptoris nostri ex Evangelio sententia⁵, quæ confitentem se coram hominibus, contiteri dicit coram Patre; et negantem se esse negaturum. Expedit enim nobis id ore profiteri, quod corde credimus, secundum cœlestè mandatum, quo dicitur⁶: Corde creditur ad justitiam, ore fit confessio ad salutem.

30. « Proinde sicut anathematizo Arium cum omnibus dogmatibus et complicibus suis, qui unigenitum Dei Filium a paterna degenerem asserebat esse substantia, nec a Patre genitum, sed ex nihilo dicebat esse creatum; vel omnia concilia malignantium, quæ adversus sanctam Synodum Nicænam extiterunt: ila in honorem et in laudem Dei, fidem sanctam Nicæni obseruo Concilii, et honoro ea quæ contra eumdem rectæ tidei pestem Arium trecentorum decem et octo sancta episcopalis scriptit Synodus. Amplector itaque et teneo fidem centum et quinquaginta episcoporum Constantinopolii congregatorum, quæ Macedonium Spiritus sancti substantiam minorantem, et a Patris et Filii unitate et essentia segregantem jugulo veritatis interermit. Prima quoque Ephesiæ Synodi fidem, quæ adversus Nestorium ejusque doctrinam lata est, credo pariter et honoro. Similiter et Chalcedonensis Concilii fidem, quam plenam sanctitate et rectitudine adversus Eutychen et Dioscorum protulit, cum omni Ecclesia Catholica reverenter suscipio. Omnia quoque Orthodoxorum venerabilium sacerdotum Concilia, quæ ab ipsis suprascriptis quatuor fidei puritate non dissonant, pari veneratione observo.

31. « Properet ergo reverentia vestra fidem hanc nostram canonice applicare monumentis, et ab Episcopis vel religiosis aut gentis nostræ primatibus solerter fidei, quam in Ecclesia Catholica crediderunt, audire: quam renovatam (rem notatam) apicibus, vel eorum subscriptionibus roboretur futuris olim temporibus in testimonium Dei atque hominum reservate: ut hæ gentes, quas in Dei nomine regia potestate præcellimus, atque de-

¹ Isai. LVI.

² Matth. xviii. — ³ Psal. xxxix. — ⁴ 1. Tim. vi. — ⁵ Matth. x. — ⁶ Rom. x.

terso antiquo errore, per unctionem sacrosancti chrismatis vel manus impositionem paracletum intra Dei Ecclesiam perceperunt Spiritum (quem unum et aequalem cum Patre et Filio confitentes, ejusque dono in sinu Ecclesiae sanctae Catholicae collatae sunt) [in fide perseverent] si eorum aliqui hanc rectam et sanctam confessionem nostram minime credere voluerint, iram Dei cum anathemate aeterno percipient, et de interitu suo fidelibus gaudium, infidelibus sint exemplum. Huic vero confessioni meae sanctas suprascriptorum Constitutiones connexui, et testimonio divino tota cordis simplicitate subscripti ». Hactenus Recaredi regis professio, cui subscripta fuere symbola, Nicenum, Constantinopolitanum, et Chalcedonense, hisque apposita ejusdem regis subscriptio verbis istis :

32. « Ego Recarens rex fidem hanc sanctam, et veram confessionem, quam unam per totum orbem Catholica confitetur Ecclesia, corde retinens, ore affirmans, mea dextera, Deo protegente, subscripti ». Moxque sequitur regiae subscriptio in haec verba :

« Ego Baldia gloriosa regina hanc fidem, quam credidi et suscepi, manu mea de toto corde subscripti ». Sed audi quae piae religiosaeque seculae sunt cum Dei laudibus acclamations.

« Tunc (inquit Acta) acclamatum est in laudibus Dei, et in favore principis ab universo Concilio :

33. « Gloria Deo Patri et Filio et Spiritui sancto, cui cura est pacem et unitatem Ecclesiae sue sanctae Catholicae providere.

« Gloria Domino nostro Iesu Christo, qui pretio sanguinis sui Ecclesiam Catholica ex omnibus gentibus congregavit.

« Gloria Domino nostro Iesu Christo, qui tam illum gentem unitati fidei vere copulavit, et unum gregem et unum pastorem instituit.

« Cui a Deo aeternum meritum, nisi vero Catholic Reccaredo regi ?

« Cui a Deo aeterna corona, nisi vero Orthodoxo Reccaredo regi ?

« Cui praesens gloria et aeterna, nisi vero amatori Dei Reccaredo regi ? Ipse novarum plebium in Ecclesia conqueritor. Ipse mereatur veraciter Apostolicum meritum, qui Apostolicum implevit officium. Ipse sit Deo et hominibus amabilis, qui tam mirabiliter Deum glorificavit in terris, praestante Domino nostro Iesu Christo, qui cum Deo Patre vivit et regnat in unitate Spiritus sancti in saecula saeculorum ».

34. Hie peractis, praecepit sancta Synodus uni ex episcopis Orthodoxis explorare fidem Gothorum episcoporum et clericorum, et aliorum qui inter Gothos primores essent, num revera damnarent Arianum, fidemque Orthodoxam profiterentur, atque si hoc assererent, idipsum voce firmarent atque subscriptione munirent : « Quo facto, subdunt Acta, episcopi omnes una cum clericis suis, primo resque gentis Gothicæ, pari consensione dixerunt :

Licet hoc quod paternitas atque fraternitas vestra a nobis cupit audire vel fieri, iam olim conversionis nostræ tempore egerimus, quando secuti gloriosissimum dominum nostrum Reccaredum, ad Ecclesiæ transivimus, et perfidianam Ariam cum omnibus superstitionibus suis anathematizavimus, pariterque abjecimus; nunc tamen propter charitatem et devotionem, quam vel Deo vel sanctæ Ecclesiæ Catholicae meminiimus nos debere, non tantum haec eadem quæ petitis, promptissime agere properamus : sed si quæ adhuc congrua fidei esse perspicitis, nobis de charitate persuadete. Nos etenim semel recte fidei amor in eam devotionem evexit, ut omne quod nobis verius fraternalis vestra pateficeret, teneamus, et libera fateamur confessione.

35. « Omnis ergo qui fidem et communionem ab Ario venientem, et hucusque a nobis retentam, adhuc tenere desiderat ; anathema sit.

« Quicumque Filium Dei Dominum nostrum Iesum Christum negaverit a paterna substantia sine initio genitum, et aequalem esse Patri, et consubstantialem ; anathema sit.

« Quicumque Spiritum sanctum non credit, aut non crediderit a Patre et Filio procedere, eumque non dixerit coeternum esse Patri et Filio consubstantialem ; anathema sit.

« Quicumque in Patre et Filio et Spiritu sancto et personas non distinguit, et unius divinitatis substantiam non agnoscit ; anathema sit.

« Quicumque Filium Dei Dominum nostrum Iesum Christum, et Spiritum sanctum esse Patre minorem asseruerit, et gradibus separaverit, creaturamque esse dixerit ; anathema sit.

« Quicumque Patrem et Filium et Spiritum sanctum unius substantie, et omnipotencie, et aeternitatis esse non crediderit ; anathema sit.

« Quicumque nescire Filium Dei, quod Deus Pater sciat, dixerit ; anathema sit.

« Quicumque initium Filio Dei et Spiritui sancto deputaverit ; anathema sit.

« Quicumque Filium Dei secundum divinitatem suam visibilem aut passibilem ausus fuerit proferre ; anathema sit.

« Quicumque Spiritum sanctum, sicut Patrem et Filium, verum Deum omnipotentem esse non crediderit ; anathema sit.

« Quicumque alias fidem et communionem Catholicam, praeter quam in Ecclesia universalis, quæ Niceni, et Constantinopolitanæ, et primi Ephesini, et Chalcedonensis Concilii decreta tenet pariter et honorat ; anathema sit.

« Quicumque Patrem et Filium et Spiritum sanctum honore et gloria et divinitate separat et disjungit ; anathema sit.

« Quicumque Filium Dei et Spiritum sanctum cum Patre non crediderit esse glorificandum et honorandum ; anathema sit.

« Quicumque rebaptizandi sacrilegium opus esse bonum credit, aut crediderit, egit, aut egerit ; anathema sit.

« Quicumque libellum detestabilem duodecimo anno Leuvigildi regis a nobis editum, in quo continetur Romanorum (Comanorum) ad Arianam Ecclesiam traductio; et gloria Patri per Filium in Spiritu sancto, et male a nobis instituta continentur: hunc libellum si quis pro vero habuerit, anathema sit in æternum.

« Quicumque Ariminense Concilium ex toto corde non respuerit et damnaverit, anathema sit.

36. « Confitemur enim, nos ex haeresi Ariana toto corde, tota anima, et tota mente nostra ad Ecclesiam Catholicam fuisse conversos. Nulli dubium sit, nos nosrosque decessores errasse in haeresi Ariana, et fidem Evangelicam atque Apostolicam nunc intra Ecclesiam Catholicam didicisse. Proinde fidem sanctam, quam religiosissimus dominus noster patefecit in medio Concilii, et manu sua subserpsit, hanc et nos tenemus, hanc contitemur pariter et suscipimus, hanc in populis praedicare, et docere promittimus. Haec est vera fides, quam omnis Ecclesia dum per totum mundum tenet, Catholicæ esse ereditur et probatur. Cui haec fides non placet, aut non placuerit, sit anathema maranatha in adventu Domini nostri Iesu Christi. Quicumque fidem spernit Nicæni Concilii, anathema sit. Quicumque fidem Concilii Constantinopolitanum quinquaginta episcoporum veram esse non dixerit, analhema sit. Qui fidem Ephesiæ Synodi prima et Chaledonensis non tenet, et ea non delectatur, anathema sit. Proinde, et damnationem hanc perfidae communionis Arianae et omnium Conciliorum haresim Ariana foventium cum anathemate eorum manu propria subserpsimus. Constitutiones vero sanctorum Conciliorum Nicæni, Constantinopolitanæ, Ephesiæ, vel Chaledonensis, quas gratis-sima aure adivimus, et consensione nostra veras esse probavimus, de toto corde, et de tota anima, et de tota mente nostra subserpsimus, nihil ad cognitionem veritatis lucidius arbitrantes, quam que supradictorum Conciliorum continent auctoritates.

37. « De Trinitate autem et unitate Patris et Filii et Spiritus sancti nihil bis verius, nihil lucidius, unquam potest vel poterit demonstrari. De mysterio Incarnationis unigeniti Filii Dei pro salute humani generis, quo et vera probatur humana naturæ sine peccati contagione susceptio, et permanentis incorrupte in eo divinitatis plenitudo, dum et natura ultraque non deperit: et una sit ex utraque Domini nostri Iesu Christi persona, satis plene in his Conciliis probatur patescere veritate, et a nobis creditur, omni dubitatione remota.

38. « Qui unquam hanc fidem sanctam depravare, corrumpere, mutare tentaverit, aut ab eadem fide, vel communione Catholicæ, quam nuper sumus Deo misericordie adepti, egredi, separari, vel dissociari voluerit; sit Deo et universo mundo criminis infidelitatis in æternum obnoxius. Floreat autem Ecclesia sancta Catholicæ per omnem mundum pacatissime, et emineat doctrina, sanctitate, et potestate. Si qui intra eam fuerint, crediderint, commu-

nicauerint: hi audient ad dexteram Patris positi: Venite benedicti Patris mei, percipite regnum, quod vobis paratum est ab origine mundi. Si qui autem ab ea recesserint, ejusque detraxerint fidei, et communionem respuerint: hi audient ex ore divino in die iudicij: Discedite a me maledicti: nescio vos: ite in ignem æternum qui paratus est diabolo et angelis ejus. Sunt ergo dannata, et in caelo, et in terra, quaecumque per hanc fidem accipiuntur, regnante Domino nostro Iesu Christo, cui cum Patre et Spiritu sancto est gloria in secula seculorum». At quid post Gothorum confessionem editam rex maxime pius?

39. Rursum sanctam Synodus allocutus, illud inter alia petit, ut in omnibus Hispaniarum provinciis, quod in Synodo semel factum esset de Catholicæ fidei assertione, id semper repeti deberet in Ecclesiis, cum quisque eorum sacram esset sumpturus Eucharistiam. Sed audi verba ipsius: « Hoc, inquit, adhuc necessario pro firmitate fidei Catholicæ nostra Deo supplex instituere decrevit auctoritas, ut propter roborandum gentis nostræ novellam conversionem omnes Hispaniarum et Gallicæ Ecclesie hanc regulam servent, ut omni sacrificii tempore ante communicationem corporis Christi et sanguinis juxta Orientalium parlum morem, unanimiter clara voce sacratissimum fidei recensant Symbolum: ut primum populi, quam credulitatem teneant, fateantur, et sic corda fide purificata ad Christi corpus et sanguinem percipiendum exhibeant.

40. « Dum enim hæ Constitutio fuerit perenniter conservata in Dei Ecclesia, et fidelium ex solo corroboratur credulitas, et perfidia infidelium confutata, ad id quod repetitum saepius recognoscit, facillime inclinatur: nec se quisquam jam de ignorantia fidei excusabit a culpa, quando universorum ore cognoscit, quid Catholicæ teneat et credat Ecclesia. Omnibus ergo Capitulis, quæ adhuc per vestram sanctitatem regulis Ecclesiasticis adjicienda sunt, hoc pro fidei sanctæ reverentia et firmitate propone, quod de proferendo Symbolo nostra, Deo docente, decrevit serenitas. De cætero autem, prohibendis insolentium moribus mea vobis consentiente clementia, sententiis terminante districtioribus: et firmiore disciplina, quæ facienda non sunt, prohibe: et ea quæ fieri debent, immobili Constitutione firmale». Haec tenus rex Catholicus ad Patres in Synodo consistentes, in omnibus exemplar religiosissimi principis prie se ferens, qui (ut par est) leges accipiat a saeculotibus. Paruerunt ipsi quidem, leges Ecclesiasticas sancientes, quibus et regnum bene disponi posset. In primis vero ad integrum consequendum conservandumque splendorum Hispaniarum Ecclesiarum diu denso nubilo haeresis vel superstitionis Gentiliciae obscuratum, satis consultum visum est Patribus, si (quod primo canone statuunt) permaneant (ut aiunt) in suo vi-gore Conciliorum omnium Constituta, simul et Syndicæ sanctorum præsulum Romanorum Epistolæ.

41. Inter alia vero saluberrima decreta, ut pravus ille usus aboleretur efficiunt, quo ad seculare forum clericus clericum traheret, ista sancientes¹: « Diuturna indiscretatio, et licentiae inolita præsumptio usque adeo illicitis ausibus aditum patet, ut clerici conclericos suos, relieto pontifice, ad judicia publica pertrahant. Proinde statuimus hoc de cetero non præsumi. Si quis hoc præsumperit facere; et causam perdat, et a communione efficiatur extraneus ». Hæc Patres, non recens quippiam in Ecclesia statuentes, sed quod semper ante factum esset, ad legitimam observantiam revocantes, nempe ut nullum aliud tribunal nisi Ecclesiasticum clerici seirent laicisque inaccessum esset ad seculare forum clericum trahere, quod conclerico seirent esse vetitum. Unde magis erubescant, qui eam quam inolitam dicunt Patres præsumptionem et indiscretationem condemnant atque procul abjiciunt, impudenter nimis scriptis dictisque satagunt restituere.

42. Quantum autem ista cavenda curarint sanctissimi Patres illi qui Synodo interfuerunt, atque religiosissimus ipse rex in conversione Gothorum et Suevorum Apostoli vice functus vitanda censuerit; qui in eodem Concilio decimus octavus sanctus est canon hic nobis recitandus ostendit, qui sic se habet²:

« Præcepit hæc sancta et universalis Synodus, ut stante priorum auctoritate canonum, quæ bis in anno præcepit congregari Concilia, consulta itineris longitudine, et paupertate Ecclesiarum Hispanie, semel in anno in loco, quem metropolitanus elegerit, episcopi congregentur: Judices vero locorum, aut auctores fiscalium patrimoniorum, ex decreto domini nostri Reccaredi regis simul cum sacerdotiali Concilio, autumnali tempore, die kalendarum Novembrium in unum convenient; ut discant, quam pie et juste cum populis agere debeant, nec in angariis aut in operationibus superfluis sive privatum onerent, sive fiscalem gravent. Sint prospectores episcopi, secundum regiam admonitionem, qualiter judices cum populis agant, ut ipsos premonitos corrigant, aut insolentiam eorum principum auribus innotescant. Quod si correptos emendare nequiverint: et ab Ecclesia, et a communione suspendant. A sacerdote vero et senioribus deliberetur, quid per provincias sine detrimento præstare debeat judices, si ad Concilium non venerint ». Hæc de his canon.

43. Ex his quidem non tantum hæc sancientes sunt commendandi episcopi, sed ipse rex summis laudibus celebrandus; utpote quod nonnisi ipso anniente, volente, atque fortasse etiam præcipiente, adversus seculares magistratus, quos præficeret ipse provinciis, voluerit invigilare sanctos episcopos, ne quid ab illis præter jus fasque decerneretur; probe sciens, parentum esse, filios quoslibet errantes corripere; esse pastorum, oves quascumque

sive aries eadem disciplina pecuaria coercere. Si vero id prætermittant episcopi, et quod prædicantur, et in Synodo a Patribus nominantur, prospectores desinant esse et monitores; diram illam per Ezechielem¹ annuntiatam diu ante sententiam infelices accipient, qua segnis speculator corripiens erit, qui buceina non insonuerit, ut ab irruente gladio divinæ vindictæ suos liberent, et periculum antevertant. Vetus est de his sanctio² Ecclesiastica, qua jubentur episcopi invigilare super præsides provinciarum, ne quid contra disciplinam committant; quod si præsumant, anathemata persecuntur. Sed et antiqua est Constitutio imperatorum Christianorum (ut suo loco diximus) qua præfectorum tribunalibus præesse debere monentur episcopi. At de Synodi canonibus satis: quod vero ad reliqua Concilii Acta pertinet, aliquid in eis desiderari posse videtur, cum alia ab eodem rege statuta esse tradantur, quæ in eisdem Actis minime reperuntur expressa: nam et regio dicitur sanctum edictio, ut libri omnes hæreticorum igni comburendi darentur. Testatur id quidem Aimoinus³.

44. Statutis igitur a sancta Synodo viginti tribus canonibus, rex Reccaredus edidit sanctionem de firmitate Concilii, cuncta quæ in eo sunt statuta recensens, pœnam ea non servantibus addens. Est ejus exordium: « Amatores nos sui divina faciens veritas, etc. » Quam sequitur mox ipsius regis subscriptio, atque omnium qui interfuerunt episcoporum numero sexaginta septem, illis computatis qui per legatos subscripterunt. Celerum in tomis Conciliorum errore omissus habetur S. Leander Hispalensis episcopus, qui ex vicaria præfectura, sive (ut Tindensis ait) ex legatione Apostolicæ Sedis, primo loco legi debuerat: equidem non omissum oportuit, qui Gothorum conversione, Gothorum Apostotis dici meruit, de quo Isidorus hæc ait in Chronico: « Interfuit tunc dignitate primas ille Catholicus et Orthodoxus Leander Hispalensis episcopus, et Romanæ Sedis legatus sanctitate, et doctrina perspicuus ». Desideratur in subscriptione et Euprepii (Eutropii) nomen, quem collaborasse cum Leandro testatur Joannes abbas Biclarensis, idemque episcopus Gerundensis, qui in hunc usque annum quod scripsit temporis Chronicorum perduxit. Qui autem primo loco subscriptus invenitur Mausona Emeritæ archiepiscopus, egregia claruit sanctitate, cuius res præclare gestæ scriptæ sunt a Paulo diacono Emeritensi, qui et Nunci abbatis miræ sanctitatis viri, qui his item temporibus floruit, Acta conscripsit, et aliorum.

45. *Reccaredus ob suas virtutes prosperatur.* — Pro tanto pietatis munere Deus Reccaredum regem hoc anno eripuit a conjuratione Argimundi ducis exercitus, qui ut rex fieret, adversus eum una cum pluribus aliis conspiravit: quorum studiis Dei nutu detectis, capti omnes meritas dedere

¹ Conc. Tolet. III. c. 13. — ² Conc. Tolet. c. 38.

¹ Ezech. xxxiii. — ² Conc. Arebat. c. 7. — ³ Aim. de rebus Franc. I. m. c. 77.

pœnas. Hæc quidem hoc anno post Concilium facta esse, idem qui supra Joannes Biclarensis suo Chronico affirmat.

46. Insuper idem filius pacis Recaredus Catholicus princeps hoc item anno, qui a Gregorio numeratur Childeberti regis indecessimus, legatos rursus misit in Gallias ad Guntheramnum Francorum regem: sed cum nihil hujusmodi officio effecisset, ipse Narbonam veniens in Francorum ditionem irrupit, prædasque agens regressus est. Hæc Gregorius¹. De ejusmodi incursionibus et aliis visus est locutus Isidorus in Chrolio, dum ejusdem regis predicans virtutem bellicam, hæc addit: « Sæpe etiam et lacertos contra Romanas insolentias et irruptionem Waseonum movit, ubi non magis bella tractasse, quam potius gentem quasi in palestra ludis pro usu utilitatis videretur exercuisse. Provincias autem pater prælio conquisivit, iste pace servavit, æquitate dispositus, moderamine rex. Multi quoque adversus eum tyramnidem assumere cupientes, detecti sunt, siuimque machinationis consilium implere non potuerunt. »

47. « Fuit autem placidus, mitis, egregiæ bonitatis, tantamque in vulgus gratiam habuit, et tantam in animo benignitatem gessit, ut in omnium mentibus influens, etiam malos ad affectum sui amoris attraheret: adeo liberalis, ut opes privatorum, Ecclesiarum prædia direpta a patre et fisco associata, juri proprio restitueret; adeo quoque clemens fuit, ut populi tributa sepe indulgentiæ largitione donaret: multos etiam ditavit rebus, plurimos sublimavit honoribus, opes suas in misericordia, thesauros suos in egenis recondens, sciens ad hoc illi collatum regnum ut eo salubriter intereretur, bonis initis bonum finem adeptus: fidem enim rectæ glorie, quam primum perceperit, novissime publica confessione pœnitentiae cumulavit ». Hæc Isidorus de virtutibus Recaredi, quas etiam cum Isidori germanus, sanctus Leander postea suis litteris Gregorio papæ significasset, respondens Gregorius hæc ad Leandrum inter alia habet²: « Hujus dum milu per scripta vestra mores exprimitis, anare etiam quem nescio fecistis ». Hæc ipse.

48. *De subdiaconiorum continentia.* — De rebus Italiæ nihil præterea. In Sicilia autem hoc eodem anno, qui tertius numeratur ante illud tempus, quo S. Gregorius papa Epistolam³ scripsit ad Petrum subdiaconum in Sicilia de rebus Siculis, subdiaconi prohibiti sunt cum uxoribus ante subdiaconatum sibi conjunctis permanere, jussique sunt ut Ecclesiæ Romane more continentiam servarent, cum tamen iisdem antea permisum fuisse ut uxorem ducere: quod postea Gregorius abolevit. Ait enim: « Ante triennium subdiaconi omnium Ecclesiarum Siciliæ prohibiti fuerant, ut more Romane Ecclesiæ nullatenus suis uxoribus miscerentur. Quod mihi durum atque incompetens

videtur, ut qui usum ejusdem continentie noui uenit, neque castitatem ante prouisit, compellatur a sua uxore separari, atque per hoc (quod absit) in deterius cadat. Unde videtur mihi, ut in præsentि die omnibus episcopis dicatur, ut nullum subdiaconum facere præsumant, nisi qui vieturum caste promiserit ». Hæc Gregorius. Non in Sicilia tantum, sed et in Hispania continentiam subdiaconus minime adhuc imperatam fuisse videri potest ex canone quinto Toletani Concilii hoc anno habiti, ubi sacerdotes tantum atque diaconi absque uxoribus caste vivere admonentur. At de continentia clericorum late superius.

49. *Insignis victoria in Persas.* — Quod vero pertinet ad res Orientis, hoc anno quarto Mauritiī imperatoris, Philippium Orientis praefectum, ducentum exercitus adversus Persas admirabilem consecutum victoriam tradunt tum Miscellæ⁴ auctor, tum Cedrenus². Ad confutandum quidem magorum vaticinium, cum polliciti essent regi Persarum omnino vincendos ab ipso esse Romanos, simulque ostendendam ipsorum vanam superstitionem, tanta hæc Deus visus est prestitisse Christiano eidemque Catholico exercitu. Sed audianus res gestas simplici stylo narratas³: « Quarto imperii Mauritiī anno Philippicus egressus e regia urbe, hostili sumpto apparatu, ad civitatem Amidam properat. Et collectis armatis, percontabatur eos, si in promptu haberent properandi ad bellum. At Romanis juramentis credulum eum redditibus, se alacriter bellaturos; venit ad Anazarbum. At vero Cardarigas (dux iste erat exercitus Persarum) hoc comperto, risui auditionem mandavit, somnium esse quod dicebatur, opinans. Accersitisque magis, interrogavit: Quis erit victorï dominus? Ast dæmonum placatores, Persas adstruebant a diis victoriam laturos. Consultabant igitur Persæ magos, lati promissionibus facti, et parabant continuo compedes ex ligno ferroque quibus Romanos vineiant compeditos. Prætor autem commonet Romanos, ne agrorum exterminent labores; ne justitia Dei, quæ malum edit, victoriam ad Barbaros transferat.

50. « Postera die prætor duos dirigit phylarchos Sarracenorum, et capiunt Persas vivos, per quos motus adversariorum didicerunt. Qui asseruere, ducem velle quotidie Barbaros in Romanos irruere. Porro Philippicus diluculo vale dicens Romanis, tribus phalangibus occurrit in prælium: ipseque assumpta Dei hominis facti imagine, quam ἀπεπιντω, id est, non manu factam Romani prædicant», eam videlicet quam ad Abagarum a Christo missam produnt veteres, « disurrens per aciem, armatis divinam impertiebatur virtutem: et stans post aciem hæc retinens arma, lacrymis multis Deum placabat; sieque cælestium ordinum principes auxiliatores assumpsiit. Cum autem bellum ageretur, Vitalianus princeps aciei præ omnibus

¹ Greg. Tur. hist. Franc. I. viii. c. 38. — ² Greg. I. II. Ep. xli. — ³ Ibid. Ep. xlvi.

⁴ Misc. xvii. — ² Cedr. Annal. in Maurit. — ³ Misc. ubi supra.

audacius motus, phalangem disruptit Persarum, et sarcinam tulit. Romani autem circa spolia cepere vacare: quos adspiciens Philippicus, ne ad exuvias etiam reliqui reversi, praelii obliviscerentur, conversique Barbari praedarent eos; Theodoro tribuno galea sua imposta, misit gladio percutere eos, qui circa exuvias vacabant: quem videntes, et existimantes esse Philippicum, dimissis spoliis, properarunt ad bellum. Cum autem bellum per multas horas ageretur, vox fit a praetore, Persarum equos lanceis percuteat: quo facto, in fugam versus est Persarum exercitus, et triumpho ingenti potiti sunt Romani, et occiduntur Persae, multi comprehenduntur etiam vivi duo millia, et Bysantium mittuntur. Anfugit quoque Cardarigas, quem Persae cum injuriis respunnt.

51. « Porro Philippiens Heraclium Heraclii patrem, qui postea imperio praefuit, subpraetorem, exploratoremque Barbarorum transmisit, sumptisque militibus Babyloniam adiit, et Clomanorum castellum obsidet. At vero Cardarigas elegit milites idiotas cum subjugalibus; et turba collecta, exercitum sese mouere jactabat, et per munita loca obseura nocte in dora Romanorum defungunt, nequaquam fidentes se manus in eos missuros. Timore autem importuno cadente in Philippicum, fuga mirabili usus est. Quo comperto Romani in fugam vertebantur per loca ad meandum difficilia, incurrentes pericula multa. Cumque sol ortus esset, a calamitate liberantur, nemine persequente: et pervenientes ad praetorem, hinc injuriis pessimis blasphemabant. Verum Persae fictam existimantes fugam, persecuti ausi non sunt. Porro Heraclius transmeans Tigrim, quæ Claudiae regionis erant insignia praesidia igni tradebat, et sic ad Philippicum rediit cum spoliis multis ». Haec acta sunt hoc anno quarto Mauritii. Ostensum est omnia bene cessisse Romanis, quos in pretio Salvatoris imago veneranda comitabatur, cum hostes vinci fecerit, et ducis incuriam, per quam universus exercitus in maximum discriben coniectus est, suis non permisit obesse.

52. *Maxima Tiberis inundatio.* — Jam vero quæ ad hujus anni finem contigerunt, ordine temporis describamus. Cum enim cuncta felicia, sive in Occidente conversione Gothorum, sive in Oriente debellatione Persarum acciderint, extrema anni hujus Romanæ Urbi funesta admodum extitere: Tiberis in primis portentosa alluvione, et cuncta vastante inde secuta peste. De his acturi in primis quæ sunt temporis rationis, quo velut recta deducta linea, quæ dicenda sunt, veritati æque consona disponantur, aceratius disquiramus: a qua aberrantes alii sequenti, post sequentem vero alii annum, alii ulterius nimis absurde collocant; ex quibus alios deteriores subhoriri errores necesse sit.

53. Cum autem id de alluvione accidisse constet mense Novembri Indictionis octavae, quæ hoc anno incipit mense Septembri; nihil est ut de his dubitari possit. At ne de asserta Indictione octava

possit aliqua dubitatio subhoriri, accipe firmitatem ex litteris scriptis a S. Gregorio papa in fine anni sequentis, cum Pontifex creatus est; et invenies eas datas nova Indictione, cum constet anno ante ejus creationem, dicto mense et Tiberim exundasse, et paulo post pestilentiam exortam esse. Rursum firmatum id habes etiam ipsius S. Gregorii assertionem, cum scribens Dialogorum libros anno tertio evoluto sui Pontificatus, dum de hac Tiberis excrementia meminit¹, ante fere quinquennium accidisse testatur. Insuper addit. quod cum ipse numeret annum secundum sui Pontificatus, cum Mauritius jam septimum ageret in imperio, constetque (ut dicimus) anno sequenti creatum esse ipsum Gregorium papam, et ante annum ipsius creationis ejusmodi inundationem accidisse: plane ad hujus anni finem (ut dictum est) eam esse referendam, nulla dubitatio reliqua esse potest. Haec de temporis ratione satis.

54. Res gesta autem etsi a pluribus tum antiquis, tum recentioribus scripta habeantur, a nemine puto fidelius esse narratam, quam ab eo qui prope interfuit: is fuit diaconus Turoneus Ecclesie tunc ab ejus episcopo Gregorio in Urbem missus, ut a Romano Pontifice reliquias sanctorum acciperet, quas, defuncto Pelagio, a Gregorio adhuc diacono accepit: cuius relatione ipse Turonensis episcopus Gregorius ista seripsit: « Anno, inquit, quintodecimo Childeberti regis, diaconus noster ab Urbe Roma sanctorum cum pignoribus veniens, sic retulit: Quod anno superiori, mense nono, tanta inundatione Tiberis fluvius Urbem obruit, ut aedes antiquæ diruerentur, horrea etiam Ecclesiae subversa sint, in quibus nonnulla tritici modiorum millia periire. Multitudo enim serpentium cum magno dracone in modum trabis validæ per hujus fluvii alveum in mare descendit; sed suffocatae bestiae intersos mari turbidi fluctus littori ejectæ sunt; subsecuta est evestigio clades, quam ingninariam vocant ». Haec de Iue. Subdit de obitu Pelagii papæ; sed de eo inferius sequenti anno. Corrigendum in auctore illud putamus errore, in numeri notam illapso, dum ante annum decimum quintum Childeberti Tiberis excrementiam ponit, cum non nisi ante annum decimum id esse factum, ex sua ipsius sententia de numero annorum Childeberti regis dici necesse sit, hoc ipso scilicet anno. Eadem Paulus² atque Jonnes³ diaconi tradunt.

55. Quod ad draconem pertinet undis mersum et fluendo delatum in mare, certum est minime esse potuisse id genus serpentium, quos dracones naturalium rerum scriptores appellant, sed vulgo ita appellatas monstruosas illas reptantes bestias que magnitudine sua reliquos serpentes excedunt: eas Plinius boas nominat, quas et aliquando visas in regionibus his prope Tiberim positis tradit.

¹ Greg. dial. l. iii. c. 49. — ² Paul. diac. de gest. Longob. . iii. c. 4. — ³ Joan. diac. in Vit. S. Greg. l. i. c. 34. 36.

56. Porro quod contingere solet, ut istiusmodi inundationes fluminum non uno in loco, sed in aliis circumeirea provinciis sint communes : quid mirandum acciderit, cum hoc eodem anno Athesis fluvius exundavit, alveumque transgressus longe lateque effluit, S. Gregorius papa his narrat verbis¹ : « Nuper Joannes tribunus relatione sua me docuit, quod Pronulphus comes cum illic adisset, se cum rege Antharith eo tempore in loco eodem, ubi mira res contigit, affuisse, eamque rem cognovisse testatus est. Predictus enim tribunus narravit, dicens : Quia ante hoc fere quinquennium, quando apud hanc Romanam Urbem alveum suum Tiberis egressus est, tantum crescens, ut ejus unda super muros urbis influeret, atque inde jam maximas regiones occuparet : apud Veronensem urbem fluvius Athesis excrescens, ad beati Zenonis martyris atque pontificis Ecclesiam venit, cuius Ecclesiae dum essent januae apertae, aqua in eam minime intravit :

¹ Greg. dial. l. iii. c. 19.

quæ paulisper crescens, usque ad fenestras Ecclesie, quæ erant teetis proximæ, pervenit. Sieque stans aqua, Ecclesia januam clausit, ac si elementum liquidum in soliditatem parietis fuisset mutatum. Cumque essent multi inventi inferius, sed aquarum multitudine omni Ecclesia circumdata, qua possent egredi, non haberent, ibique se fame et siti (non siti) defiere fornidarent : ad Ecclesie januam veniebant, ad bibendum hauriebant aquam, quæ (ut prædixi), usque ad fenestras exereverat, et tamen intra Ecclesiam nullo modo diffluerebat. Hauriri itaque aqua poterat, sed diffluere (ut aqua) non poterat, stans ante januam, ad ostendendum cunctis meritum martyris, et aqua erat ad adjutorium, et quasi aqua non erat ad invadendum locum ». Hucusque Gregorius, atque hactenus de alluvione : pestem autem cum subsecutam tradat mense Januario¹ dicemus de ea anno sequenti.

¹ Greg. hist. Franc. l. x. c. 1.

Anno periodi Græco-Romanæ 6082. — Olymp. 342. — Anno Æra Hispan. 627. — Jesu Christi 589. — Pelagi II pape 12.
— Manritii imp. 8.

1. *Postconsulatus*. — Is annus hæ formula notatus : vii post consulatum Mauritiū Tiberiū Aug. solius v, ut habet auctor Chronie Alexandrinæ.

2. *Synodus Valentina*. — A num. I ad 4. Epocha *Synodi Valentine*, qua donationes factæ diversis Ecclesiis a Guntrammo rege confirmantur, incerta. Sirmondus illam in annum DLXXXIV, Cointius in annum DLXXXV confert, et nenter aliquid in medium producit, quod rem certo definit : circa alterutrumq[ue] annum Synodus illa X kal. Junii habita. Valentinæ enim Constitutioni subscripsere episcopi septemdecim, et inter alios Sapaudus Arelatensis, qui juxta Gregorium Turonensem obiit anno quingentesimo octogesimo sexto. Turonensis vero lib. 8, cap. 39, anno Childeberti regis undecimo ejus mortem narrat. Quare Synodus Valentina tardius, quam anno illo celebrari non potuit (t).

3. *S. Prætextatus episc. Rotomagensis occidi-*

tur. — A num. 4 ad 7. Turonensis lib. 8, cap. 31, de his verba facere incepit, quæ anno Childeberti regis undecimo configere, lieet ante caput 38, ut anno superiori vidimus, annum illum xi non exprimat. Et ratio est, quia ipsemel Gregorius eodem libro, cap. 20, loquens de Synodo secunda Matisonensi testatur, eidem *Prætextatum* Rothomagensem episcopum interfuisse, cui et subscriptus reperitur. Cum itaque ea Synodus mense Novemb. anni Christi DLXXXV, annoque x^o Childeberti regis celebrata fuerit, sancti *Prætextati* martyrium, quod die Paschatis contigit, ad annum DLXXXVI et Childeberti regis undecimum necessario referendum. Scribit Turonensis cap. 31, « adveniente Dominicæ resurrectionis die, cum saerdos ad implenda Ecclesiastica officia ad Ecclesiam maturius properasset », adfuisse homicidam, qui *Prætextatum* occidit. Cointius, qui recte eo Christi anno martyrium illud consignavit, observat, anno DLXXXVI, diem sexlum

(t) Quid si Valentina hæc Synodus referatur ad annum DLXXXIII? Non est utique attendenda ejus inscriptio, quam nec Sirmondus nec Cointius pluom fecerunt. Sed annus DLXXXIII diem x kal. Junii cum Dominica jungebat; quod neque cum anno DLXXXIV, neque cum anno DLXXXV congruit. Videant docti otrum conjectura hæc nostra præponderet aliorum opinioni, quam nullum nec argumentum nec conjectura fulcit.

kalendas Martias, quo colitur *Prætextatus*, in diem Dominicam incidisse, indeque deducit, Turonensem per diem *resurrectionis Dominicæ* non intelligere solemnitatem Paschalem, sed diem Dominicum, quia, inquit, singulis diebus Dominicis memoria resurrectionis Dominicæ celebratur. Sed jam plurimis exemplis demonstravi, sanctos aliis diebus, quam quibus mortui sunt, saepius celebrari; quod eo magis de sancto *Prætextato* dicendum, quod in nullo antiquo Martyrologio ejus nomen legitur, nequidem in Romano Gregorii XIII jussu edito. Quare quando *Prætextatus* inscriptus est Martyrologio Romano ad diem xxiv Februarii a Baronio, et ante eum a Galeniso, Canisio, et Molano Martyrologio Usuardi, dies quo passus erat, ignorabatur, ideoque die xxiv Februarii aliqua hujus sancti reliquiarum elevatio aut translatio facta fuerat. Præterea Turonensis diserte diem *Dominice resurrectionis* memorat; cum tamen dies Dominicales eo nomine nunquam insigniat. Hinc lib. 6, cap. 25, anno VIII Childeberti regis ait: « Pridie kalendas Februarias, cum die Dominicæ signum commotum fuisset, etc. » *Prætextatus* itaque die xiv Aprilis, in quem anno DLXXXVI Pascha ineedit, martyrio coronatus est, agente *Fredegunde* regina, quam is ad meliora convertere conatus fuerat, ut ex Gregorio citato Baronius narrat.

4. *Concilium Toletanum III.* — A num. 7 ad 46. Hoc anno, præsente *Reccaredo* Vigilotherum rege Catholicæ. Concilium *Toletanum*, omnium nationalium quotquot unquam fuerunt in Hispania celebrissimum, celebratum, « anno quarto regnante gloriosissimo Domino Reccaredo rege, die octavo iduum Maiarum. Æra DCXXVII », ut in eadem Synodo legitur. Reccaredus Leuvigildo patri successerat anno DLXXXVI, post diem xiii mensis Aprilis, et ante diem octavum mensis Maii, ut suo Ioco ostendi. Hujus Coneilii Epocha Baronium, Bollandum ad diem xiii Marti in Commentario prævio ad Vitam sancti Leandri episcopi Hispalensis, aliasque viros doctissimos, qui initium *Reccaredi* regis male collocarunt, mirum in molam torsil; unde suspiciuntur, errorem irrepsisse, vel in annum IV Reccaredi, vel in annum Ærae DCXXVII. Verum ei-tatæ temporiae nota, que in omnibus Conciliorum editionibus leguntur, et ex iis, que habentur in Conciliis Hispalensi et Cesaraugustano II confirmantur, minime sollicitandæ, ut facetus Bollandus, qui subdit: « *Reccaredum* arbitramur post martyrium sancti Hermenegildi assumptum in consortem regni a patre Leuvigildo, saltem ante diem vii iduum Maiarum, atque ita in Conciliis numerari annos ejus: quos a morte patris solum cœpit digerere sanctus Isidorus, ne Chronicon Gothorum interturbaretur ».

5. *Hoc anno celebratum.* — At conjecturam hanc ipsemel Isidorus in Chronico evertit: *Leuvigildi* enim annos ab eo quo collega a *Liuva* rege nunenpatus est, numerat, et tamen *Reccaredi* regis annos a morte tantum Leuvigildi auspicatur. Præ-

terquamquod nec Isidorus, nec abbas Bielariensis, nec ullus alius ex antiquis *Reccaredum* vivente patre in regni consorium adscitum tradidere. Verum est, Bielaiensem, dum de *Reccaredo* vivente patre loquitur, hunc regem appellare; sed factum id quia regum filii, reges ab historicis plerumque nominantur, ut innumeris exemplis patet.

6. *Gesta in Concilio Toletano III.* — Hoc itaque anno Concilium *Toletanum III* congregatum, ut recte videt Baronius; quod ideo perperam Spondanus in annum DCXIII distulit. De hoc Concilio Joannes Bielariensis anno VIII Mauriti imp. qui est *Reccaredi* IV annus, currenti scilicet Christi anno, haec habet: « *Sancta Synodus* episcoporum totius Hispaniæ. Galliæ. et Gallæciæ in urbe Toletana, præcepto principis *Reccaredi* congregatur episcoporum numero 72, in qua Synodo intererat membratus Christiani-sinus *Reccaredus*, ordinem conversionis suæ et omnium sacerdotum, vel gentis Gothicæ confessionem tomo scriptam manu sua episcopis porrígens, et omnia quæ ad professionem fidei Orthodoxæ pertinent, innotescens, eujus tomi ordinem decrevit sancta episcoporum *Synodus* canonice apl. care monumentis. Summa tamen *Synodal* negoti penes sanctum Leandrum Hispalensis Ecclesiæ episcopum, et beatissimum Eutropium monasterii Servitani abbatem fuit ». Perperam tamen Bielariensis annum VIII Mauriti cum quarto *Reccaredi* conjungit, non advertens Concilium *Toletanum III* coactum esse die VIII mensis Maii, qua die Æra DCXXVII, seu anno Christi currenti annus VII Mauriti adhuc in cursu erat; nisi forte Bielariensis annos Mauriti et *Reccaredi* ab eodem die ac mense repetat.

7. *Dogma Ariam in Hispaniis exterminatum.* — Paulo post laudata verba subjungit Bielariensis abbas: « A vicesimo Constantini principis anno, quo tempore hæresis Ariana iniitum sumpsit, usque in octavum annum Mauriti principis Romanorum, qui est *Reccaredi* quarlus regni annus, anni sunt CCLXVI, quibus Ecclesia Catholica hujus hæresis infestatione laboravit: sed favente Deo vicit, quoniam fundata est supra petram ». Annus XX Constantini magni die XXV mensis Julii anni CCCXXV inchoatus est, ab eoque ad præsentem Christi annum, quo octavus Mauriti absolvitur intercurrunt an. CCXLVI, utrinque sc. incompleti. Quare Bielariensis abbatis *Chronicon* usque ad sequentem Christi annum inclusive perdicitur, quo sequentia quæ narrat contigere, licet Baronius num. 45 ea cum præsenti anno alliget. Argimundus, « qui regnum assumere cupiebat, primum verberibus interrogatus, deinde turpiter decalvatus, post hæc dextra amputata, exemplum omnibus in Toletana urbe asino sedens pompizando dedit, et docuit famulos Domini non esse superbos », ut in fine sui operis scribit Bielariensis. Vide dicenda anno DCXI, num. 3, et anno DCXII, num. 3. Eminentissimus cardinalis de Aguirre in *Notitia Concil. Hispaniæ*, pag. 95, refert, se habere additionem incerti auctoris

ad istud Chronicon, complectentem gesta ab anno Christi pccxlii, usque ad pccxlii, quam se in Iucem emissurum pollicetur.

8. *Gothi per annos ccxiii eo dogmate infecti.* — Hoc itaque anno *Reccaredus rex Gothos et Suevos ad Orthodoxam fidem convertit, Synodumque Tolestanam III haberi praecepit, in qua scripti anathematismi xxiii ac canones totidem, quibus subjicitur edictum ejusdem regis de confirmatione Synodi, quæ omnia conciduntur Homilia sancti Leandri in laudem Ecclesie ob conversionem gentis Gothorum. Sanctus Isidorus in Chronicō Gothorum refert, Athanaricum Gothorum regem anno xiii imperii Valentis, Æra cxxv, anno scilicet Christi ccclxxvii, legatos ad hunc imperatorem misisse, et ab eo doctores, qui suos Christianam fidem edocerent, postulasse, ac Valentem, qui Arianus erat, in eam gentem virus pestiferum transfudisse : « Cujus blasphemiae, inquit, malum per discessum temporum, regumque successu annis ducentis tredecim tenuerunt, qui tandem reminiscentes salutis suæ, renuntiaverunt inolite perfidiae, et Christi gratia ad unifatam fidei Catholicae pervenerunt ». Verum annus Æræ mendose ibidein descriptus, annusque Valentis xiii tantum retinendus; cum, ut tomo superiori anno ccclxxvi jam ostendi, Goths eo anno in Thracia seu in Mœsie partibus a Valente suscepti fuerint, et ut testantur Sozomenus lib. 6, cap. 37, et Theodoretus lib. 4, cap. 37 sectam ejus ac communionem amplexi sint. Quare anni illi cexiii ab anno ccclxxvi deducendi, et fere completi numerandi.*

9. *Secunda legatio Reccaredi ad Guntramnum.* Ad num. 46 et seq. Secunda Reccaredi regis Gothorum legatio ad Guntramnum Francorum regem ad pacem ab eo impetrandam gesta anno DLXXXVI, ut anno superiori num. 41 exposuimus.

10. *Romanos inter et Persas bellum continuatur.* — A num. 49 ad 52. Quæ Baronius narrat, contingisse inter Romanos et Persas anno quarto Mauritii imp. revocanda sunt ad annum Christi DLXXXVI, ubi de iis egimus. Quæ vero anno superiori a num. 2 ad 6 de eodem bello ex Evagrio recitat, hoc anno gesta, quo, ideo ea magis, tam ex Evagrio, quam ex Theophylacto, hic exponemus. Theophylactus lib. 3, c. 4 ait : « Vere placidum et jueundum terris vultum exhibente, bellum inter Romanos et Persas recrudescit. Gete, seu (quod idem est) Sclavini Thraciæ proxima valide devastant ». Persæ Romanis ducibus forte occurrentes ab iis velut aliud agentibus morte multantur. « Roma vetus Langobardorum impetus retundit ». Tum cap. 5: « Postquam triumphum illum præclarum Romani retulerunt (anno sc. superiori) adhuc bellum ad Martyropolim durabat ». *Philippicum* pro duce nondum admittebat exercitus. Hic litteris a Mauritio acceptis, e Cilicia, ubi morabatur, in Syriam redit, ibi ægre ab exercitu est receptus, cum *Gregorius Antiochenus* id temporis archiepiscopus eum in gratiam et amicitiam militum restituisset. *Martyro-*

polis vero delo et insidiis tum occupata est a Persis fraude architecti cuiusdam *Sittæ*, qui ad Persas transfugerat. Quid ubi *Philippicus* rescivit, illuc infesto agmine progressus castris oppidum circumdat. Sed conserta pugna, Romani spe frustrati, Barbaris palnam cedere compulsi sunt. *Philippicus* illico abire præfectura cogitur, cuius locum *Comentiolum* imperatoris auctoritate capessil. Ilæc fore de verbo ad verbum Theophylactus.

11. *Exercitus Romanus cum duce suo opera Gregorii Antiocheni reconciliatus.* — De bello illo Langobardico, enjus meminit Theophylactus laudatus, mentionem etiam facit Theophanes anno Incarnat. secundum Alexand. DLXXX, kalendis Septembris anni Christi DLXXXVII ineboato, ubi ait, *eo anno mense Septembri, Indictione vi, Langobardos adversus Romanos bellum movisse, et narratam Persarum de Romanis victoriam ac Comentioli in Philippici locum subrogationem refert. Qua in re eum, quoad annum rei gestæ, errare cerum. Quæ memorat Theophylactus, lucem accipiunt ex iis, quæ Evagrius lib. 6, cap. 41 et seqq. habet; cui eo major fides adhibenda, quo eum Gregorio Antiocheno episcopo hoc tempore versabatur. Ait Evagrius, imperatorem *Gregorium Antiochenum*, ad res maximas perficieendas aptissimum in Orientem misisse, persuasorum militibus, ut priores præpositos, quos antea habebant, susciperent. *Gregorius*, ubi illuc pervenit, missis quaquaversum nuntiis, *principales milites evocavit ad locum, quæ Litarba dicitur*, et trecentis stadiis ab urbe Antiochia distat. Ad hos orationem habuit, quam Evagrius integrum recitat. Milites postquam inter se deliberassent, sese arbitrio voluntatiique episcopi permiserunt. Cumque *Philippicum* illis nominasset, responderunt, universum exercitum gravi jurejurando ea de re obstrictum esse. Tum *Gregorius Dei gratia sacerdotem se esse dixit, et datam sibi esse potestatem ligandi atque solvendi, tum in celo, tum in terris.* Cumque milites hæc etiam in re acquiescent, immaculato Christi corpore eis distributo : « Erat enim venerabilis imprimis dies secunda feria, quæ Dominicæ Passionis vicina est, cum universos, duo circiter hominum millia toris in granime tumultuarie compositis Cœna excepisset », postridie dominum reversus est. *Philippicus* postea Antiochiam venit, ubi dextra data oblivionem præteriorum militibus confirmavit, qui una cum illo in expeditionem profecti sunt. Ilæc Evagrius, qui narrat postea quomodo *Martyropolis* a Persis capta fuerit. Quare cum hoc anno Pascha celebratum sit die x mensis Aprilis, feria secunda majoris Dominicæ Passionis incidit in diem iv ejusdem mensis, quo ea reconciliatio facta, postquam milites per annum in seditione obstinatius perseverassent.*

12. *Tiberis Ronæ exundat.* — Ad num. 53 et seqq. Turonensis lib. 10, cap. 1, scribit : « Anno xv Childeberti regis, diaconus noster ab Urbe Roma cum sanctorum pignoribus veniens sic retulit, quod anno superiore mense nono, tanta inundantia Ti-

beris fluvius Urbem Romam obtexit, ut ædes antiquæ diruerent ». Annū incipit Turonensis a mense Martio, ut iste locus nos edocet, Paulus autem diaconus lib. 3 de Gestis Langobard. cap. 23, asserit, similem inundationem Veronæ factam esse *sextū decimo kalend. Novembri*, seu die xvii mensis Octobris. Mensis nonus secundum Gregorium November est, quo ideo Roma effusione Tiberis devastata, ut capite sequenti narrat idem Paulus.

Baronius num. 54. existimat, loco, *anno xv Childeberti regis*, legendum esse *anno decimo*. Verum inde intelligere poterat, *Childebertum anno DLXXXIX* regnum non iniisse, sed anno DLXXV, ut nunc inter omnes convenit; ideoque ea inundatio hoc anno contigit, quo annus xiv Childeberti regis in cursu erat usque ad initium mensis Decembri, aut circiter.

PELAGII ANNUS 13. — CHRISTI 590.

1. *Pestis Romæ ex qua moritur Pelagius papa.* — Nonagesimus supra quingentesimum volvitur Christi annus, Indictionis octavæ, ipso sui exordio Urbi Romanæ funestissimus, cum mense Januario lues inguinaria (ut auctor est Gregorius Turonensis¹) invasit populum, ex ira divina (ut signa docuerunt) immissa: siquidem testatur Gregorius papa², visas esesagittas cælitus delapsas in homines, quos mox pestis improvisa percuteret. Ait enim: « Ante triennium quoque hac pestilentia, quæ hanc Urbem clade vehementissima depopulavit, in qua etiam corporati visu sagittæ cælitus venire, et singulos quosque ferire videbantur (sicut nosti), Stephanus item defunctus est, etc. » De ipso vero Stephano agemus inferius. Sed quomodo ipso pestis exordio Pelagius papa eadē tactus defunctus est, ita paucis Gregorius Turonensis docet: « Subsecuta est, inquit, de vestigio clades, quam inguinariam vocant: nam medio mense undecimo, Januarius is est, adveniens, primum omnium (juxta quod in Ezechiele propheta legitur: A sanctuario meo incipite) Pelagium papam perculit. Quo defuncto, magna strages populi facta est ».

2. Habet Anastasius, defunctum esse Pelagium sexto idus Februarias, cum sedisset annos duodecim, menses duos, et dies viginti septem. Sed manifeste labi in errorem certum est eos qui alium depravatum textum Anastasii secuti tribuunt eidem Pontifici annos dimitaxat decem, menses duos, et dies decem: multoque magis qui obitum Pelagii et creationem Gregorii rejiciunt in annum sequentem,

vel qui diverso anno Pelagii obitum, et Gregorii ponunt creationem; cum eodem anno, quo moritur Pelagius, post menses sex et dies viginti quinque vacantis Sedis, æque certum sit, suffectum esse Gregorium, inchoante Indictione nona, ut ex ipsius Epistolis colligi potest. Longius vero errasse in tempore Sedis Pelagii, et creatione Gregorii Beda¹ videtur, dum creationem Gregorii collocat sub anno decimo Mauritii imperatoris, quam hoc anno quinto ejusdem imperatoris contigisse certum est testificatione ipsiusmet Gregorii², dum (ut dictum est superius) sui Pontificatus anno secundo septimum numerat annum imperii Mauritii.

3. *Gesta Pelagii et ejus Epistola ad archiepiscopum Benignum.* — His igitur de tempore obitus Pelagii ex Sedis Gregorii ratione stabilitis, reliquum est, ut ejusdem Pontificis res gestas illas, quæ certo anno definiri nequeunt, hic simul ponamus; atque in primis quæ habet Anastasius, qui hæc præmittit de aquarum inundatione: « Eodem tempore tantæ pluviae fuerunt, ut omnes dicarent, quia aquæ diluvii superinundarent: et tatis clades fuit, qualem a sæculo nullus meminit fuisse. Eodem tempore vestivit corpus beati Petri Apostoli tabulis argenteis deauratis ». Confessionem videlicet, ubi corpus erat sancti Petri, eo modo argento contextit. « Hic (addit Anastasius) domum suam xenodochium fecit pauperum senum. Hic fecit coemeterium beati Hermelis martyris. Hic fecit supra corpus beati Laurentii martyris Basilicam a fundamentis construtam, et tabulis argenteis exornavit sepulcrum ejus ».

¹ Greg. Thir. hist. l. x. c. 1. — ² Greg. dial. l. iv. c. 36.

¹ Beda de Gest. Angl. l. i. c. 23. — ² Greg. l. II. in princ.

Hæc Anastasius. De eadem Basilica est vetus Epigramma, nuper repertum, jamque prœlo cusum redditum immortalitati his versibus :

PRÆSULE PILAGIO (PELAGIO) MARTYR LAURENTIES OLIM
TEMPLA SIBI STATUIT TAM PRECIOSA DARI.
MIRA FIDES, CLAUDIUS HOSTILES INFERET IRAS,
PONTIFICEM MERITIS NEC CELEBRASSE SUIS.
TU MODO SANCTORUM CUI CRESCERE CONSTAT HONORES,
FAC SUB PACE COLI TECTA DICATA TIBI.
MARTYRIUM FLAMMIS OLIM LEVITA SUBISTI :
JURE TUIS TEMPLIS LEX VENERANDA REDIT.

4. Quid vero mirandum atque pavendum tunc acciderit, cum ejusdem sancti Laurentii corpus ab operariis quereretur, audi sanctum Gregorium ista narrantem¹: « Sanctæ memorie decessor meus itidem ad corpus sancti Laurentii martyris quædam meliorare desiderans, dum nescitur ubi venerabile corpus ejus esset collocatum, et effoditur exquirendo, subito sepulcrum ejus ignoranter apertum est; et ii qui præsentes erant atque laborabant monachi et mansionarii, qui corpus ejusdem martyris viderunt, quod quidem minime tangere præsumperunt, omnes intra decem dies defuncti sunt, ita ut nullus superesse potuisset, qui sanctum et justum corpus illius viderat ». Hæc Gregorius.

5. Inter alias res gestas ab ipso Pelagio papa est mentio de Concilio Romano ab eodem habito: id quidem ipse testatur in Epistola, quam postea scripsit ad episcopos Germaniae et Gallie his verbis:

« Cum in Dei nomine in Romana Ecclesia Synodus episcoporum sive cæterorum consacerdotum Dei fidelium congregatam habuissimus, et de Ecclesiasticis statutis, ut sunt ab Apostolis et sanctis Patribus tradita, diligentius tractaremus: supervenire litteræ vestræ, et ut magnæ essent auctoritatis, etiam vivæ voces præcesserunt (nempe legatorum), rogantes, ut ordinem Praefationum, quas sancta Romana Ecclesia hactenus haberet, nostris litteris vobis remandaremus. Tunc de vestra voluntate et studio tam bono multum gavisi sumus, et sacrum Ordinem Romanum, sacraque Constituta nostrorum antecessorum solerter relegentes; invenimus has novem Praefationes sacro catalogo tantummodo recipienda, quas longa retro veritas in Romana Ecclesia hactenus servavit: Unam in Albis Paschalibus, aliam de Ascensione Domini, tertiam de Pentecoste, quartam de Natali Domini, quintam de Apparitione Domini, sextam de Apostolis, septimam de Trinitate, octavam de Cruce, nonam in jejunio et quadragesima tantummodo dicendam. Has Praefationes tenet et custodit sancta Romana Ecclesia: has tenendas vobis mandamus ». Hucusque litteræ Pelagii papæ de Praefationibus in missis dici solitus.

6. Sub eodem Romano Pontifice tunc temporis a Joanne S. R. E. presbytero erectum est oratorium

apud Thermas Agrippinas, quod usui esset servis Dei, monachis videlicet; illudque redditibus locupletavit, scripto de his omnibus testamento, quo tradito Pelagio pape, e vita decessit. Cumque et post eum æque Pelagius ex hac vita migrasset; qui postea in locum ejus successit Gregorius, minata voluntate testatoris, in eodem sacras virgines collocauit sub cura religiosæ feminæ Bonæ abbatis. Extant de his omnibus ipsius Gregorii pape litteræ¹: quibus intelligas, arbitrum esse Romanum Pontificem testamentorum ad pias causas conditorum, eaque, si ratio persuadeat, in alium æque pius usum mutare. Ad postremum de rebus Pelagiæ hæc Anastasius: « Ille fecit ordinationes duas per mensem Decembrem, presbyteros octoginta duos, diaconos octo, episcopos per diversa loca numero quadraginta octo. Cessavit episcopatus ejus menses sex, dies viginti quinque ». Hucusque Anastasius de Pelagio papa.

7. Ad postremum hic referendum putavimus Epistolæ fragmentum ejusdem Pelagiæ papæ ad Benignum archiepiscopum, quod ex promptuariis Vaticanis erutum, hic tibi describendum curavimus. Sic se habet:

« Epistola Pelagi II ad Benignum
archiepiscopum.

« Quod enim in canonibus legitur: Non debere episcopum de civitate transire vel transferri: non de his dicitur, qui aut vi expulsi, aut necessitate coacti, aut auctoritate majorum hoc agunt: sed de his qui avaritiae ardore inflammati sponte sua prosiliunt, et potius ambitioni, quam utilitatì Ecclesiae servire, et ut dominationem agant, insisterè eupiunt. Unde et in subjectis canonibus continetur: Si aliquis extiterit temerarius, qui forsitan accusationem (excusationem) afferat quod populi litteras accepit, et ideo migraverit, dum manifestum sit, præmio et mercede paucos qui sinceram fidem non habent potuisse corrumpi ut clamarent in Ecclesia, et ipsum repetere (repellere) viderentur episcopum; omnino has fraudes removendas esse censemus. His verbis et aliis multis exemplis liquet non de his dicere (ut paulo superius prælibatum est), qui pulsi, aut non recepti a civibus, vel a quibuscumque, aut necessitate cogente, vel auctoritate majorum transeunt de civitate ad civitatem; sed de his qui sponte prosiliunt, aut temeritatis, vel ambitionis causa hoc faciunt. Nam aliud est sponte transire, et aliud est coacte aut necessitate venire: unde non isti mutant civitates, sed mutantur, quia non sponte, sed coacte hoc agunt. Quis enim unquam audet dicere sanctum Petrum Apostolorum principem non bene gessisse quando mutavit Sedem de Antiochia Romanam? aut quis eum negat ob id sanctum non esse? aut dignitatem et meritum Apostolatus tam in cælis quam in terris perdidisse? aut quis dicat sanctos non esse multos alios episcopos, qui de civitatibus ad civitates translati sunt, aut

¹ Greg. I. III. Ep. xxx.

¹ Greg. I. VII. Ep. XLVIII.

meritum Pontificatus perdidisse, quorum nomina si inciperem enumerare, ante dies transiret, quam onus intranscribere possem, et prolixior fieret Epistola, quam necesse foret. Aut quis unquam approbare potest, sanatos non esse Alexandrum, qui Hierosolymam de altera civitate translatus est; aut sanctum Gregorium Nazianzenum, qui Nazianzo Constantinopoli constitutus est; aut sanctum Proculum qui de Cyzico translatus est, et Constantinopoli est inthronizatus?

8. « Non ergo bene intelligunt Ecclesiastieas regulas qui hoc negant causa utilitatis aut necessitatis fieri non posse, quotiens communis necessitas, aut utilitas persuaserit. Nullum enim ex his, aut ex aliis qui meliori consilio mutaverunt civitates, necessitate quadam vel utilitate Ecclesiastica, aut laice communione earere reperimus, ne ulla tenus unquam fieri debeat. Sententia vero quae in Antiocheno Concilio habetur: Ut episcopus ab alia parochia nequaquam migret ad aliam terram, atque omnes sententiae de eadem re (ut superius comprehensa retinent) nihil praetaxato modo translationibus episcoporum actis vel agendis nocent. Sed magis robur eis a Domini Salvatorisque omnes canonicos superexaltetur libros auctoritate praestant. Tales autem questiones magis ex invidia, quam ex charitate, aut utilitate nasci videntur, eum ipsa per se Veritas dicit: Si vero persecuti fuerint in unam civitatem, fugite in aliam, et retiqua. Huic ergo sententiae nullus Catholicorum usquam contradicere potest, quae non alterius, sed ipsius proprio Domini ore prolati et confirmata esse dignoscitur. Cui si aliquis contradixerit, non solum extorris, sed etiam anathematizatus ab Ecclesia pellatur ».

9. *Quae mirabilia hujus temporis facta narrat Gregorius in suo monasterio vitam degens.* — De ejus autem successore S. Gregorio agemus sequenti tomo Annalium, quem octavum ordine ab ipso ejusque auspiciis auspiceatur sumus. Modo autem quae reliqua sunt anni hujus usque ad mensem Septembrem, quo ejusdem Gregorii ordinatio contigit, enarreremus; atque in primis quae in monasterio S. Andreae ad Clivum Seauri de monachis quibusdam digna memoria contigerunt, cum adhuc ipse Gregorius hoc anno in eodem suo degeret monasterio: ubi enim ex Oriente rediit, haud in palatiis vixit, sed in monasterio habitavit cum suis monachis, quibus nec pergens Constantinopolim (ut vidimus) earere voluit. Ad hunc namque annum referenda sunt, quae post triennium ea scribens ipse accidisse testatur, ut suo loco manifestius ostendetur. Ait igitur¹: « Neque hoc silendum puto, quod actum in meo monasterio ante trienium reminiscer. Quidam namque monachus, Justus nomine, medicinali arte fuerat imbutus: qui mihi in eodem monasterio constituto sedulo obsequi atque in assiduis aegritudinibus meis excubare consueverat. Hic itaque languore corporis præven-

tus, ad extremum deductus est. Cui in sua molestia frater germanus, nomine Copiosus, serviebat, qui ipse quoque nunc in hac Urbe per eamdem medicinæ artem temporalis vita stipendia sectatur. Sed prædictus Justus, cum jam se ad extremum pervenisse cognovisset, eidem Copioso fratri suo, quia oecultatos tres aureos haberet, innotuit. Quod nimis fratibus non potuit celari; sed subtiliter indagantes, atque illius omnia medicamenta perscrivant, eosdem tres aureos invenerunt absconditos in medicamine.

10. « Quod mox ut mihi nuntiatum est, tantum malum de fratre qui nobiscum communiter vixerat, æquanimiter ferre non valui: quippe quia ejusdem mei monasterii semper regula fuerat, ut euneti fratres ita communiter viverent, quatenus eis singularis nulla habere propria licet. Tune nimis inæorre percussus, cogitare cœpi, vel quid ad purgationem morientis facerem, vel quid ad exemplum viventibus fratibus providerem. Pretioso igitur ejusdem monasterii præposito ad me accersito, dixi: Vide ut nullus ex fratibus se ad eum morientem jungat, nec sermonem consolationis ex eujuslibet eorum ore percipiat: sed eum in morte constitutus fratres exquisierit, ei suus frater carnalis dicat, qui propter aureos quos oecultatos habuit, a cunctis fratibus abominatus sit: ut saltum in morte de culpa sua mentem ipsius amaritudine transverbaret, atque a peccato quod perpetravit, purget. Cum vero mortuus fuerit, corpus illius cum fratribus corporibus non ponatur; sed quolibet in sterquilinio fossam facite, et in eam corpus ejus projicie; ibique super eum tres aureos quos reliquit, jactate, omnes simul clamantes: Pecunia tua tecum sit in perditione. Et sic eum terra operite. In quibus utrisque rebus unam morienti, alteram vero volui prodesse fratibus viventibus: ut et illum amaritudo mortis a culpa solubilem faceret, et istos avaritiae tanta damnatio terret, atque a culpa prohiberet. Nam eum idem monachus pervenisset ad mortem, atque anxie se quereret commendari fratibus, et nullus ei fratribus ei applicari et loqui dignaretur: ei carnalis frater, eur ab omnibus fratribus esset abominabilis, indicavit. Qui profinus de reatu suo vehementer ingemuit, atque in ipsa sua tristitia e corpore exivit. Qui ita est sepultus, ut dixeram. Sed fratres omnes ex eadem ejus sententia conturbati, cœperunt singuli extrema quæque et vilia, et quæ eis habere regulariter semper lieuerat, ad medium proferre, vehementerque formidare ne quid apud eos esset, unde reprehendi potuissent.

11. « Cum vero post mortem ejus triginta jam essent dies evoluti, cœpit animus meus defuneto fratri compati, ejusque cum dolore gravi supplicia pensare, et si quod esset erexitonis ejus remedium querere. Tunc invocato ad me eodem Pretioso monasterii mei præposito, tristis dixi: Diu est quod frater ille qui defunctus est, in igne cruciatur: debemus ei aliquid charitatis impendere, et eum in

¹ Greg. dial. I. iv. c. 33.

quantum possumus) ut eripiatur, adjuvare. Vade itaque, ab hodierna die diebus triginta continuis offerre pro eo sacrificium stude, ut nullus omnino prætermittatur dies, quo pro absoluzione illius hostia salutaris non offeratur. Qui protinus abscessit, et dictis paruit. Nobis autem alia curantib[us], et dies evolutos non numerantibus, idem frater qui defunctus fuerat, nocte quadam fratri suo germano Copioso per visionem apparuit. Quem ille cum vi lisset, inquisivit dicens : Quid est, frater? quomodo es? Cui respondit : Nunc usque male fui : sed jam modo bene sum; quia hodie communionem accepi. Quod idem Copiosus pergens, protinus indicavit fratribus in monasterio. Fratres vero sollicite computaverunt dies, et ipse dies extiterat, quo pro eo trigesima oblatio fuerat impleta. Cumque et Copiosus nesciret quid pro eo fratres agerent, et fratres ignorassent quid de illo Copiosus vidisset : uno eodemque tempore dum coguoscit ille quid isti egabant, et isti cognoscent quod ille viderat, concordante simul visione et sacrificio, res aperte claruit, quia frater, qui defunctus fuerat, per salutarem hostiam evasit supplicium ». Haec enim Gregorius de his quæ hoc anno, dum in suo adhuc degeret monasterio, contigerunt ante triennium quam libros Dialogorum factus jam Pontifex scriberet. De quo item tempore et loco haec idem superius¹:

12. « Ante hoc autem triennium, cum quidam frater fuisset mortuus, atque in ejusdem monasterii cœmeterio a nobis sepultus, cunctis nobis ab eodem monasterio exequitibus, idem Joannes (sicut nobis pallens et tremens indicavit) illic, nobis discedentibus, inventus, ab eodem fratre qui mortuus fuerat, de sepulcro vocatus est; quod mox subsequens finis edocuit : nam post dies decem invasus febris, carne solitus est ». Haec de Joanne, cuius virtutes paulo superius enarravit.

13. Sed et quæ etiam hoc anno in eodem suo ipsius monasterio, cum pestis urgeret, acciderint memoria digna, ipso emarrante audiamus, quæque ipse postea pro concione ad populum² in Ecclesia dixit, et in Dialogis brevius recitatavit his verbis³ : « Is de quo in homiliis eorum populo me narrasse jam memini, inquietus valde Theodorus nomine puer fuit, qui in monasterium meum, fratrem suum necessitate magis quam voluntate secutus est. Cui nimium grave erat, si quis pro salute sua aliquid loqueretur. Bona cuim non solum facere, sed audire non poterat. Nunquam se ad sanctæ conversionis habitum venire, jurando, irascendo, deridendo testabatur. In hac autem pestilentia, quæ nuper hujus urbis populum magni ex parte consumpsit, percussus in inguine, est perductus ad mortem. Cumque exterrit spiritum ageret, conuenerunt fratres, ut egressum illius orando protegerent. Jam corpus ipsius ab extrema parte fuerat præmortuum; in solo tantum pectore vitalis adhuc

calor anhelabat. Cuncti autem fratres tanto pro eo cœperunt enixius exorare, quanto eum jam videbant sub celeritate discedere. Tunc repente cœpit iisdem fratribus assilentibus clamare, alque eum magnus vocibus orationes eorum interrumpere, dicens : Recedite, recedite : ecce draconi ad devorandum datus sum, qui propter vestram præsentiam devorare me non potest : Caput meum jam suo ore absorbuit : date locum, ut non me amplius cruciet, sed faciat quod factorus est. Si ei ad devorandum datus sum : quare per vos moras patior? Tunc fratres cœperunt ei dicere : Quid est quod loqueris, frater? signum tibi sancte Crucis imprime. Respondit ille, dicens : Volo me signare, sed non possum; quia squamini hujus draconis premor.

14. « Cumque fratres audirent, prostrati in terram eum lacrymis cœperunt pro unctione illius vehementer orare. Et ecce subito cœpit æger clamare dicens : Gratias Deo : qui me ad devorandum accepit, fugit; orationibus vestris expulsus stare non potuit. Pro peccatis meis modo intercedite : quia converti paratus sum, et sæcularem vitam funditus relinquere. Homo ergo, qui (sicut jam dictum est) ab extrema corporis parte fuerat præmortuus, reservatus ad vitam fato corde ad Deum conversus est; et postquam mutata mente diu est flagellis adstrictus, tunc ejus anima carne soluta est ». Haec Gregorius.

15. Sed nec prætermittenda quæ divinitus ostensa sunt eodem pestis tempore de diverso post obitum animarum statu militi cuidam, quæ idem Gregorius ita scribit¹ : « Illustris vir Stephanus, quem bene nosti, de semetipso narrare consueverat, quia in Constantinopolitana urbe pro quadam causa demoratus, molestia corporis superveniente, defunctus est. Cumque medicus et pigmentarius ad aperiendum eum atque conditum esset quæsusitus, et die eodem minime inventus, subsequente nocte corpus jacuit inhumatum. Qui ductus ad inferni loca, vidi multa quæ prius auditæ non credidit. Sed cum præsidenti judici præsentatus fuisset, ab eo receptus non est : ita ut diceret : Non hunc adduci, sed Stephanum ferrarium jussi. Qui statim reductus in corpore est : et Stephanus ferrarius qui juxta eum habitabat, eadem hora defunctus. Sicque probatum est, vera fuisse verba, quæ audierat, dum haec effectus mortis Stephanus demonstravit. Ante triennium quoque in hac pestilentia quæ hanc Urbem clade vehementissima depopulavit, in qua etiam corporali visu sagittæ cælitus venire et singulos quosque ferire videbantur (sicut nosti) Stephanus idem defunctus est ». Quid autem acciderit de anima Stephanii ejusdem, antequam dicamus, in hac eadem recensita historia pauculum immoremur.

16. Cum haec que scribit Gregorius ab eodem se Stephano audisse testetur, idemque esset Stephanus vir illustris, atque tum Romie tum etiam

¹ Greg. dial. I. iv. c. 47. — ² Greg. in Evang. homil. xxxviii. — ³ Gregor. dial. I. iv. c. 37.

⁴ Greg. dial. I. iv. c. 36.

Constantinopoli satis notus : omnis proeul abesse debet de narrata historia imposturæ suspicio. Hæc idcirco dixerimus, quod eadem prorsus perpaucis tantum mutatis a scriptoribus gentilibus recensentur, atque in primis a Luciano Samosateno⁴, de Cleodemo et Demylo fabro, vel quæ de alio itidem fabro Curina nomine scribuntur : quibus iteratis exemplis magis magisque ostendatur, divina factum voluntale, ut sepe aliquibus per species quasdam quæ percipi possint a cunctis, ostense sint pœnæ inferorum, quas ipsi ad vitam reduces viventibus testarentur : quo homines fierent justitiae cultores, et timore saltem abstinerent a malo, vel præmii spe excilarentur ad bonum, ne rerum futurae vita cognitionis penitus expertes mortales dilaberentur in deteriora.

17. Quæ vero per visum ostensa sint eodem anno militi itidem Romæ ex hac vita subducto, idem Gregorius mox subdit his verbis⁵ : « Quidam vero miles in hæc eadem urbe nostra percussus, ad extrema pervenit. Qui eductus de corpore, exanimis jacuit; sed citius rediit, et quæ cum eo fuerant gesta narravit. Aiebat enim (sicut tune res eadem eliam multis innotuit) quia pons erat, sub quo niger atque caliginosus fœtoris intolerabilis nebulam exhalans fluvius decurrebat. Transacto autem ponte, amena erant præ alque virentia odoriferis herbarum floribus exornata, in quibus albatorum hominum conventicula esse videbantur; tautusque in eodem loco odor suavitatis inerat, ut ipsa suavitatis flagrantia illuc deambulantes, habitantesque satiaret. Ibi mansiones erant diversorum, singula magnitudine lucis plenæ. Ibi quædam miræ potentiae ædificabatur domus, quæ aureis videbatur latereulis construiri; sed cuius esset, non potuit agnosci. Erant vero super ripam prædicti fluminis nonnulla habitacula: sed alia exsurgentis fœtoris nebula tegebat, alia autem exsurgens fœtore flumine minime tangebat. Hæc vero erat in prædicto ponte probatio: Ut quisquis per eum vellet injustorum transire, in tenebrosum tœtentemque flumine labeatur; justi vero, quibus culpa non obsisteret, securo per eum gressu ac libero ad loca amena pervenirent.

18. « Ibi se etiam Petrum Ecclesiastice familie majorem, qui ante quadriennium est defunctus, deorsum positum in locis tœterrini magno ferri pondere religatum ac depresso vidisse confessus est. Qui dum requireret, cur ita esset: ea se dixit audisse, que nos qui eum in hæc Ecclesiastica domo novimus, scientes ejus acta, recolimus. Dictum namque est: Illic idcirco patitur: quia si quid ei pro facienda ultione videbatur, ad inferendas plagas plus ex crudelitatis desiderio quam obedientie serviebat. Quod sic fuisse, nullus qui illum novit, ignorat.

19. « Ibi se etiam quemdam peregrinum presbyterum vidisse fatebatur, qui ad prædictum

pontem veniens, tanta per eum aueroritate transit, quanta et hic sineeritate vixit. In eodem quoque ponte hunc quem diximus Stephanum se cognovisse testatus est: qui dum transire voluisset, ejus pes lapsus est, et ex medio corpore jam extra pontem dejectus, a quibusdam tœterrini viris ex lumine surgentibus per coxam deorsum, atque a quibusdam albatis et speciosissimis viris ecepit per brachia sursum trahi. Cumque hoc fælamentum esset, ut hunc boni spiritus sursum, mali deorsum traherent; ipse qui hæc videbat, ad corpus reversus est; et quid de eo plenus gestum sit, minime cognovit. Quia in re de ejusdem Stephani vita datur intelligi, quia in eo mala carnis cum eleemosynarum operatione cœrabant. Qui enim per coxas deorsum, per brachia trahebatur sursum, patet nimirum quia et eleemosynas amaverat, et earnis vitiis perfecte non restiterat, quæ eum deorsum trahabant. Sed in occulto arbitri examine quid in eo vicerit, et nos et eum qui vident et revocatus est, latet. Constat tamen, quod Stephanus postquam (sicut prius narraví) et inferna loca vidiit et ad corpus rediit, perfecte vitam minime correxit: qui post multos annos de corpore adhuc in certamine vitæ et mortis existit. Quia de re colligitur, quia ipsa quoque inferni supplicia cum demonstrantur, aliis hoc ad adjutorium, aliis vero ad testimonium fiat, ut isti videant mala quæ eaveant, illi vero eo amplius puniantur, quoniam inferni supplicia nec visa et cognita vitare voluerunt ». Ad hæc interlocutus Petrus diaconus, Gregorium compellans ait :

20. « Quid est hoc, quæso te, quod in amenis locis cuiusdam domus latereulis aureis ædificari videbatur? Ridiculum est valde, si credimus quod in illa vila adhuc metallis egeamus ». Ad hæc Gregorius: « Quid, inquit, hoc, si sanum sapit, intelligat? sed pro hoc quod illuc ostensum est, quisquis ille est, cuius mansio ista construebatur, aperte datur intelligi, quid est quod hic operatur. Nam qui præmia æterne lucis eleemosynarum largitate promerebitur, nimirum constat, quia auro ædificat mansionem suam. Quod enim superius memoriam fugit ut dicerem; idem miles qui hæc viderat, narrabat, quod eosdem latereulos aureos ad ædificationem domus senes ac juvenes, pueræ ac pueri ferebant. Quia ex re colligitur, quia si quibus hæc pietas facta est, ipsi illuc operatores esse videantur.

21. « Illic etiam quidam juxta nos, Deus dedit nomine, religiosus habitat, qui calciamenta solebat operari: de quo alter per revelationem vidit, quod ejus domus ædificabatur, sed in ea constructores sui solo die Sabbati videbantur operari. Qui ejusdem viri postmodum subtiliter vitam inquirens, invenit, quia ex Ihsu quæ diebus singulis laborabat, quicquid ex victu alque vestitu superesse posuisse, die Sabbati ad beati Petri Ecclesiæ deferre consueverat, atque indigentibus erogare. Quia ex re pendet, quia non immerito domus ipsius fabrica crecebat ». Sane quidem quæ per visum ostensa

⁴ Lucian. in Philopseud. — ⁵ Greg. dial. I. iv, c. 36.

sunt symbola veritatis, ex divinis quoque Scripturis sibi vindicant testimonium. Si enim de structura agitur, scriptum est¹: « Misericordia aedificabitur in cælis ». Et de lapidibus pretiosis sive latereculis aureis, habes preter alia multa Apostolum istud ipsum uberiori exprimentem, cum ait²: « Si quis aulem superaedificat super fundamentum hoc, aurum, argentum, lapides pretiosos, lignum, ferrum, stipulam, uniusenjusque opus manifestum erit : dies enim Domini declarabit, quia in igne revelabitur, et cujusque opus quale sit, ignis probabit : si cuius manserit opus quod aedificavit, mercede accipiet ». Hæc et alia plurima id genus in divinis Scripturis facile est invenire, non ad insinuandum quid sint, sed quid significare velint.

22. Qui igitur ea que divinus per quietem ostensa sunt hominibus, abjecte nimis ac stulte, prout dicta vel scripta sunt, intelligit, nec ex symbolis veritatem quæ in eis latet elicere seiverit; sumit ansam ut seria in jocos verlat, veritatem in commentia fabulasque convertat ; ut factum vidimus apud Gentiles, dum quæ historice in libris de Republica scribit Plato visa ab homine qui mortuus revixit, et visu mira horrenda quæ narravit, transiere, superadditis nonnullis, in poeticas fictiones, quæ a nostris excusso superinducto pulvere Gentilitio, altiori percepta sensu, veritati consona retinentur, quæ divinae Scripturæ minime repugnare noscuntur, atque similibus exemplis saepe ostensis pariter fulciuntur. Sed de his satis.

23. Jam vero reliqua videamus, que hoc eodem anno, eadem lue grassante, configerunt apud Romanum Portum de Mellito monacho; que idem S. Gregorius ita narrat³: « In ea quoque mortalitate quæ ante triennium hanc urbem vehementissima clade vastavil, in Portuensis civitatis monasterio Mellitus dictus est monachus adhuc in anuis juventilibus constitutus, sed miræ simplicitatis ac humilitatis vir, qui appropinquante vocationis die, eadem clade pereussus ad extrema perductus est. Quod vir vitæ venerabilis Felix ejusdem civitatis episcopus audiens (eujus et haec relatione cognovit) ad eum accedere studuit, et ne mortem timere debuisse, verbis hunc persuasoriis confortare : cui etiam adhuc de divina misericordia longiora vita spatia polliceri cœpit. Sed ad haec ille respondit, cursus sui tempora esse completa, dicens apparuisse sibi juvenem, atque Epistolas detulisse, dicentem : Aperi et lege. Quibus apertis, asseruit, quia se et omnes qui eodem tempore a predicto episcopo in Paschali festivitate fuerant baptizati, scriptos in iisdem Epistolis litteris aureis invenisset. Primum quidem (ut dicebat) summum nomen reperit, ac deinde omnium illo in tempore baptizatorum, qua de re certum tenuit, se et illos de hac vita esse sub celeritate migraturos.

24. « Factum est ut die eadem ipse moreretur, atque post cum cuncti illi qui baptizati fuerant ita

secuti fuerunt, ut intra paucos dies nullus eorum in hac vita remaneret. De quibus nimirum constat, quod eos predictus Dei famulus idecirco auro scriptos viderat, quia eorum nomina apud se fixa aeterna claritas habebat. Sicul ilaque hic revelationibus potuerunt ventura cognoscere, ita nonnunquam egressuræ animæ possunt etiam mysteria caelstia non per somnum sed vigilando prælibare ». Subdit ad haec demonstranda de his exempla eorum qui migraturi ex hac vita imbuti sunt spiritu prophetæ. Ex his in mentem revoco que Cicero¹ ait his verbis : « Divinare autem morientes etiam, illo exemplo confirmat Posidonius, quo affert Rhodium quemdam morientes sex aequales nominasse, dixisse qui primus eorum, qui secundus, qui deinceps moriturus esset ». Quomodo autem id accidere possit, tres affert rationes, duas Gregorius, nimirum sive accidere per revelationem; sive quod e materia emergere jam egressuræ animæ inchoantes, prælibare quardam possunt de his quæ vinculis solutæ carnis intelligent.

25. Hic vero dum de haec agimus peste, non possumus non confutare errorum, qui nulla veterum testificatione vulgo jaetatur : ex hoc tempore scilicet, cum pestis ingrueret, et homines morbo tactu sternutan to mortui caderent, pie introductum, ut sternuntantem quemlibet salutemus. Inolevisse enim ejusmodi usum apud Gentiles longe ante, Plinius² testatur: accidisse tamen certum est, ut aliter illi quam nos ejusmodi salutationem imperfittere deos invocando, nos Deum. Sed de peste jam satis.

26. *Concilium Hispalense.* — Hoc eodem anno pridie nonas Novembriis celebrata est Synodus Hispalensis, cui præfuit S. Leander ejusdem civitatis episcopus: ex nota enim Aera sexcentesimæ vice-simæ octavæ, annoque regis Reccaredi quinto assertum tempus definitur. Fuit ista Synodus provincialis, cui interfuerunt octo episcopi, qui tria Synodō decreta firmata ad Pegasum episcopum Astigitum, et non Pelagium (ut scriptus Codex habet, ex quo Pelagius pro Pegasio irrepit in textum) direxerunt: inter quae illud memorabile, quo statuerunt, sæculares judices, permissione tamen episcopi, separare debere ancillas, aliasque extraneas mulieres a clericis: ita quidem, ut quod frequentissime legibus Ecclesiasticis frustra vetitum fuisse constaret atque neglectum penitus, observaretur, voluit sancta Synodus laicos judices insurgere, episcopis jubentibus, lese sèpius legis Ecclesiasticæ vindices. Praeter autem tres dictos canones, collegit ex diversis locis Hispalensis Concilii canones undecim vir insignis Garsias Loaisa in editione, quam summa elucubravit industria. Hispanorum Conciliorum.

27. *Guntheramus rex a sicario frustra invaditur.* — Quod vero ad anni hujus res Francorum pertinet: quonam modo rex Guntheramus in Ecclesia a sicario appetitus, Dei ope illæsus reman-

¹ Psal. LXXXVIII. — ² I. Cor. III. — ³ Greg. dial. I. iv. c. 26.

¹ Cicer. de Div. I. i. — ² Plin. Nat. hist. I. XXVII.

sit, et ipsum sicarium verberatum tantum dimisit incolumem, dignum Christianissimi principis exemplum Gregorius¹ narrat his verbis: « Interea, inquit, advenit festivitas S. Marcelli, quae apud urbem Cabilonensem mense septimo celebratur, et Guntheramini rex affuit. Verum ubi peractis solemnibus ad sacrosanctum altarium communicandi gratia accessisset; venit quidam quasi aliquid suggesturus: qui dum properaret contra regem, cultus ei de manu delatus est. Apprehensoque repente, alium cultrum evaginatum in manu ejus reperiunt. Nec mora, eductus de Basilica sancta, vinetus et tormentis adductus, confitetur, se emissum ad interticiendum regem, dicens: Sic enim tractavit qui misit me: Quia cognovit rex multorum in se odia aggregata, et suspectus ne percutiatur, omnino se a suis vallari praecipit, nec reperitur aditus qualiter ad eum cum gladiis quis possit accedere, nisi in Ecclesia, in qua securus et nihil metuens stare digneatur, transverberetur. Sed et his de quibus loentus fuit, apprehensis, multis interemptis, hunc verberatum plagiis dimisit vivum: quia nefas putavit, si is qui ab Ecclesia ductus fuerat, truncaretur ». Haec Gregorius.

28. *Radegundis per Epistolam suum monasterium commendat episcopis, ac sanctissime moritur.* — Sed claudamus tonum praesentem Annalium narratione obitus sanctae Radegundis reginae, quae hoc anno decima tertia Augusti diem clausit extremum, de cuius obitu idem Gregorius agit his verbis²: « Hoc, inquit, anno beatissima Radegundis ab hoc mundo migravit: quae magnum planum in monasterio, quod constituerat, dereliquit. Fui et ego praesens ad eam sepeliendam. Obiit autem mense sexto, tertia decima die mensis, sepulta post triduum. Quae autem ibi ipsa die virtutes apparuerunt, et qualiter funerata, in libro Miraculorum plenius scribere studui ». Haec paucis Gregorius. Par est autem, ut antequam sumus regium prosequamur, quae ipsa in sui quod exerat commendationem monasterii ad episcopos ante obitum scripserat, hic recitemus; egregium monumentum haetenus industria Gregorii conservatum, licet se habeat depravatum, rudique stylo ita conscriptum³:

29. « Dominis sanctis et Apostolica Sede dignissimis in Christo Patribus omnibus episcopis Radegundis pœnitrix.

« Congruæ provisionis tunc roborabiliter ad effectum tendit exordium, cum generalibus Patribus, medicis, ac pastoribus oxilis sibi commissi causa auribus tradituri, cuius sensibus commendantur, quorum participatio de charitate, consilium de potestate, suffragium de oratione ministrare poterit interventum. Et quenam olim vineulis laicalibus absoluta, divina providente et inspirante clementia, ad religionis normam visa sum voluntarie, duee Christo, translata; hæc prout mentis studio cogi-

tans eliam de aliarum profectibus ut annuntiante Domino, mea desideria efficerentur reliquis profutura, instituente et remunerante præcellentissimo domino rege Clotario, monasterium puellarum Pietava in urbe constitui: conditumque quantum mibi munificientia regalis est largita) facta donatione datur. Insuper congregationi per me, Christo præstante, collectæ, regulam sub qua sancta Cæsaria dedit, quam sollicitudo beati Cæsarii antistitis Arebatensis ex institutione sanctorum Patrum convenienter colligit, adscivi.

30. « Cui consentientibus beatissimis et hujus civitatis et reliquis pontificibus electione eliam nostræ congregationis dominam et sororem meam Agnetem: quam ab ineunte ætate loco biliarum colui et educavi, abbatissam institui, ac me post Deum ejus ordinationi regulariter obedientiam commisi. Cuique formam Apostolicam observantes, tam ego, quam sorores de substantia terrena quæ possidere videbamur, factis chartis tradidimus, metu Annaiae et Saphiræ, in monasterio positæ, nihil proprium reservantes.

31. « Sed quoniam incerta sunt humanæ conditionis momenta vel tempora, quippe mundo in finem currente, cum aliqui magis propriæ quam divinæ cupiant voluntati servire: zelo dñcta Dei, hanc suggestionis meæ paginam Apostolatui vestro in Christi nomine superstes porrigo vel devota. Et quia præsens non valui, quasi vestris provoluta vestigiis Epistole vicarietate prosternor, conjurans per Patrem et Filium et Spiritum sanctum, ac diem tremendi judicii, sic representatos ves non tyranus oppugnet, sed legitimus rex coronet: ut si easu post meum obitum quæcumque persona, vel loci ejusdem pontilex seu potestas principis, vel alius aliquis (quod nec fieri eredimus) congregationem vel suasu malevolo, vel impulsu judicario perturbare tentaverit, aut regulam frangere, seu abbatis sam alteram, quam sororem meam Agnetem, quam beatissimi Germani, præsentibus suis fratribus benedictio consecravit: aut ipsa congregatio (quod fieri non potest) habita murmuratione, mulare contenderit: vel quasdam dominationes in monasterio, vel rebus monasterii quæcumque persona, vel pontifex loci, præter quas antecessores episcopi, aut alii me superstite habuerunt novo privilegio, quicunque affectare voluerit; aut extra regulam exinde egredi quis tentaverit: seu de rebus quas in me præcellentissimus dominus Clotarius vel præcellentissimi domini regis filii sui contulerunt, et ego ex ejus perceptionis permisso monasterio tradidi possidendum, et per aneriorates præcellentissimorum dominorum regum Chariberti, Guntheramni, Chilperiei, et Sieberti eum saeramenti interpositione, et suarum manuum subscriptionibus obtinui confirmari: aut ex his quæ alii pro animarum suarum remedio, vel sorores ibidem de rebus propriis contulerunt, aliquis princeps, aut pontifex, aut potens, aut de sororibus cuiuslibet persona ausus minuere, aut sibimet ad proprietatem revo-

¹ Greg. Tuto, I. ix. c. 3. — ² Ibid. c. 2. — ³ Ibid. c. 42.

care saerilego voto contendertil; iram vestrae sanctiatis, successorumque vestrorum post Deum pro mea supplicatione et Christi voluntate incurrat, ut sicut pradones et spoliatores pauperum extra gratiam vestram habeantur. Nunquam de nostra regula, vel de rebus monasterii, obstantibus vobis, imminuere valeat aliquid, aut mutare. Hoc etiam deprecans, ut cum Dens praedictam dominam sororem nostram Agnetem de seculo migrare voluerit, illa in loco ejus abbatissa de nostra congregacione debeat ordinari, quae Leo et ipsi pleuerit, custodiens regulam, et nihil de proposito sanctitatis imminuet: quam nunquam propria aut eujusquam voluntas precipitet.

32. « Quod si (quod absit) contra Dei mandatum et auctoritatem regum aliquis de supraseriptis conditionibus coram Domino et sanctis ejus precabiliter commendatis agere, aut de persona, aut substantia minuenda voluerit, aut memorata sorori meae Agneti abbatissae molestias aliquas inferre tentaverit: Dei et sanctae Crucis et Beatae Mariæ incurrat judicium, et beatos confessores Hilarium et Marlinum, quibus post Deum sorores meas tradidi defendendas, ipsos habeat contradictores et persecutores. Te quoque, beate pontifex, successoresque vestros, quos paltronos in causa Dei libenter adseisco, si (quod absit) extiterit, qui contra haec aliquid moliri tentaverit, pro repellendo et confutando Dei hoste, non pigate ad regem, quem eo tempore locus iste respexerit, vel ad Pietavam civitatem pro re vobis ante Dominum commendata percurrere, et contra aliorum injustitiam executores et defensores justitiae laborare, ut tale nefas nullo modo suis admitti temporibus rex patiatur Catholicus, nec convelli permittat, quod Dei et mea et regum ipsorum voluntate firmatum est.

33. « Simul etiam principes, quos Deus pro gubernatione populi post decepsum meum superesse praecepit, conjuro per regem cuius regni non erit finis, et ad cuius nulum regna consistunt, qui eis donavit ipsum vivere et regnare; ut monasterium, quod ex permisso et solatio dominorum regum patris vel avi corum construxisse visa sum, et ordinasse regulariter, et dotasse sub sua tuitione et sermone, una cum Agnete abbatissa studeant gubernare; et a nullo neque sepe dictam abbatissam nostram, neque aliquid ad nostrum monasterium pertinens molestari, aut inquietari, vel exinde imminui, aut aliquid mutari permittant: sed magis pro Dei ntu una cum dominis episcopis ipsis, me supplicante coram Redemptore gentium, sicut eis commendo, defensari jubeant et muniri: ut in eujus honore Dei famulas protegunt, eum defensore pauperum et sponso virginum perpetuasiter aeterno socientur in regno.

34. « Illud quoque vos sanctos pontifices, et praecellentissimos dominos reges, in universum populum Christianum conjuro per fidem Catholicam in qua baptizati estis, et Ecclesias quas conservatis, ut in Basilica, quam in sanctae Mariae Dominicæ

Genitricis honorem cœpimus ædificare, ubi etiam multæ sorores nostræ condite sunt in requie, sive perfecta sive imperfecta, cum me Deus de hac luce migrare præcepit, corpusculum meum ibi debeat sepeliri. Quod si quis aliud inde voluerit, aut fieri tentaverit, obliniente Cruce Christi, et beata Maria, divinam ultionem incurral: et vobis intercessoribus, in loco ipsius Basilicae inerear cum sororum congregatione obtinere locum sepulture. Et ut haec supplicatio mea, quam manu propria subscripsi, in universalis Ecclesiae archivo servetur, effusis cum lacrymis deprecor: quatenus si contra improbos aliquos necessitas exegerit, ut vestra defensione soror mea Agnes abbatissa, vel congregatio ejus, quo succurri sibi poposcerint, vestra misericordia pia consolatio openi pastorali sollicitudine subministret: nec de me destitutas se proclament, quibus Deus præsidium vestre gratiae præparavit.

35. « Illud vobis in omnibus ante oculos revocabiles, per ipsum qui de Cruce gloriosam Virginem suam Genitricem beato Joanni Apostolo commendavit, ut qualiter ab illo completum est Domini mandatum, sic sit apud vos quod indigna ethumilis dominis meis Ecclesia Patribus et viris Apostolicis commendo: quod cum dignanter servaveritis depositum, meritis participes ejus impletis mandatum Apostolicum, digne reparebis exemplum ». Ita factus Epistola sanctæ Radegundis, prophetico (ut puto) impulsæ spiritu, quæ venitura essent prædicentis. Biennio enim ab obitu ejus regia stirpe exortæ moniales adversus abbatissam concitatæ, ab ejus obedientia evelentes quamplurimas sorores, extra monasterium egressæ, innumerabilium turbarum causa fuerunt. Sed haec suo loco dicenda. De hujusmodi contestatione ista leguntur in libro secundo Vitæ ipsius¹: « Porro clarissimis regibus et serenissimæ reginae, quos haud vulgariter dilexit, atque sanctissimis Ecclesiis et earum episcopis cum divina oblatione suum commendavit monasterium ». Haec ibi.

36. Sed jam prævisum ante annum ab ea ipsius transitum, fumusque pariter prosegnamur. Res ab ea gestæ duobus habentur conscriptæ libris, priori Fortunati episcopi, posteriori Bandominiæ monialis ejusdem sanctæ Radegundis alumnae, quæ ipsius postrema hujusmodi prosecuta est oratione²: « Sed veniamus nunc ad ejus felicissimam e corpore migrationem, quam sine lacrymis preferre non possumus. Fluunt lacrymae ab ipsis intimis medullis, gemitusque prorumpunt, nec tamen percipitur inde consolatio. Sed si sic lacrymis indulgeamus, ul interim de ejus devotione minus dicamus, majori sane culpæ nos obnoxios reddimus. Usque ad diem illum quo hinc excessit, nunquam quiequam de cursu quem suscepit, imminuere voluit, memoria retinens: Non³ qui cœperit, sed qui perseveraverit usque in finem, eum salvum fore. Ubi

¹ Apud Sur. tom. III. die XIII. — ² Ibid. — ³ Matth. x.

jam ad vitæ finem pervenit sanctum ejus corpuseulum longa Christi amore ducens martyris, et multiplices perpessum cruciatus : omnes sancti oniales lugentes et flentes ejus lectulo assistebant, ejulantesque ac duris pugnis ac lapidibus pectora verberantes, voces ad cælum dabant, clamantes et dicentes : Domine, ne permittas nos tam gravi damno affici : lumen nostrum tollis a nobis : cur nos in tenebris relinquis ? » Eadem de immenso luctu sanclimonialium habet Gregorius Turonensis, qui interfuit¹. Pergit vero Bandoninia :

37. « Sed quia illa quicquid facere constituisset, id die natalitio Salvatoris facere solebat, ejus quoque beatus decessus ita evenit ». Ille attende, sic dicit ab ea, die natalitio Salvatoris esse defuntem, quod eo migraverit die, quo natalis Domini dies incederat ; constat enim die decima tertia Augusti diem clausisse extrellum : nam subdit : « Quarta feria, mane Idibus Augusti clausi sunt ejus oculi, et nostri obscurati. Vœ nobis, quia peccavimus : afflictum est in dolore cor nostrum. Flevimus et plangimus, quod te diiluus, vita nostra, habere non meruimus. Eo ipso mane, quo nobis tantum mali accidit, una voce, uno planctu, uno clamore caelos penetrante, lapidieide, qui in monte operabantur, in aere audierunt loquentes, et unum quidem dicentem ceteris : Quid facilis ? dimittile eam adhuc : haec enim voces ad nostras usque aures pertingunt. Angeli vero eam ducentes responderunt : Quid iterum faciemus ? eam jam paradisus recipit, ut glorietur cum Domino. Credimus non deserturam eam illas, quas ei placere volumus ». Cognitum est autem, has fuisse voces Angelorum pacifice altercantium (uti apud Danielē² exemplum legitur) illorum videlicet qui monialium praeerant euslodiae, ac monasterium in tutelam acceperant, ad Angelos illos qui ad cælum euntem Christi sponsam comitabantur. Subdit vero Bandoninia :

38. « Flenda ergo nobis jam non est, sed reverenda : amissimus quidem in praesenti sæculo dominam et matrem, sed ad regnum Christi præmissimus intercessorem. Magnum illa gaudium excitavit in celis, intolerabilem nobis dolorem in terris reliquit. Migrante sancta ejus anima a seculo ad Christum, episcopus Pietaviensis non erat domi, Abiit ergo nuntius ad virum Apostolicum dominum Gregorium Turonensem episcopum. Ille mox advenit, et quantum suis ipse conspexit oculis, antequam eam sepeliret, ejus virtutes in libro Miraculorum inseruit. Veniens autem ille ad locum, ubi sanctum jacebat corpus, sicut ipse post sacramentum lacrymans dicebat, in forma humana vultum vidit angelium : facies enim instar rose et lili nitebat. Unde haud secus ille contremuit et timuit, atque si ipsam Domini Jesu sanctissimam matrem sibi adstantem videret. Exspectabatur interim vir devotus Deo plenus Pietavorum antistes, ut eam quo par erat honore sepulture mandaret.

39. « Sanetimoniales omnes apud ejus tornum stabant psallentes : si vero psallentium voces vel paululum reticerent, mox planetus audiebatur intolerabilis. Triduo exspectatus præsul, qui tum suam diœcesim visitabat, cum non veniret ; is quem diximus vir Apostolicus Gregorius de ejus humanitate præfidens (perfecta enim charitas foras mittit timorem) in Basilica sancte Mariæ, ubi sacra ejus monasterii virginum corpora condulnur, eam in primis honorifice tumulavit. Cumque corpus ejus sub muro cum psalmodiis deportaretur (quandoquidem instituerat illa, ut nulla vivens extra monasterii fines egredereetur) tota congregatio in muro lamentans, ita ut planetus ejus superaret psallentium voices, pro psalmo lacrymas, pro cantico mugitum, pro alleluia gemitum reddebant ». Ille, lector, meminisse debes, veterem usum huius, ut in funere fidelium defunctorum una cum aliis laetitiae cantici caneretur alleluia, ut sanctus Hieronymus admonet in Epistola ad Aletium de funere Ruffinæ conjugis. Sed pergit Bandoninia :

40. « Orabant moniales superne, ut sub terra nonnihil quiesceret feretrum, in quo beatae corpus portabatur, graviter ferentes ejus absentiam. Ibi tum ut Dominus fidem famulam suam declararet, corpore ejus in medio populi deposito, cæcus quidam humen recepit : qui multorum annorum passus cætitatem, ubi ad corpus accessit, ita sanatus est, ut nunquam huminibus orbatus videretur : vivit, hodieque clare videns. Cum jam humata esset a Gregorio episcopo, operculum tumulo ejus non est ab illo impositum, donec rediret Pietaviensis antistes. Itaque libere cereos ad eam afferebant omnes sepulcrum circumstantes, et singulæ suis cereis nomina sua inscriperant, dabantque cereos omnes per ordinem uni e famulis : et ecce exsilit contentio in populo, aliis dicentibus cereos illos in sanctum ejus sepulcrum mittendos, aliis id negantibus. Interim e pueri cereos tenentis brachio unus exilens, et populum omnem transcendens, in sepulcrum ad pedes beatæ se dimisit, litem omnem eo ipso dirimens. Inspecto cereo, inventum est nomen Calvæ inscriptum. Ea re perspecta, episcopus et plebs omnis B. Radegundis virtutes admirantes, Dominum benedixerunt. Que vero post ejus decessum eo in loco declaratae sunt virtutes et edita miracula, quot dæmoniaci liberati, quot pulsis febribus curati, quis numerare sufficiat ? » Referit aliqua itidem Fortunatus, atque Gregorius.

41. *Bajoariorum conversio per Rupertum episcopum Vangionensem in Gallia.* — Ad haec tempora referri posse videtur Bajoariorum ad fidem Christi conversio, annuntiante illis Evangelium viro sanctissimo Ruperto episcopo Vangionensi in Gallia : qui a Berchario (Berhario) loci comite dira passus, solumque vertere coactus, Dei nutu ad Borealeum conversionem populorum aeinetus, Boreales silvas penetrans, rigescientia adhuc impietatis glacie corda Gentilium Christianæ fidei prædicatione calefecit, atque igne divini Spiritus inflam-

¹Greg. de glor. confes. c. cxi. — ²Dan. x.

mavit. Ista quidem tam grandia cœpta Childeberti regis Francorum anno secundo (ut ejusdem sancti Acta testantur¹) in hunc annum et ulterius propagata noscuntur. Porro quod de Childeberlo dicitur, non ad primum Childebertum, sed ad secundum potius, quem post patrem suum Sigebertum regnare cœpisse diximus anno Domini quingentesimo septuagesimo nono, esse referenda, in Notis ad Romanum Martyrologium festati sumus. Quamobrem falli cum certum est, qui² ad primum Childebertum filium Clodovei, qui regnare cœpit in Galliis anno salutis quingentesimo decimo quarto, ista resultat hand leví prejudicio historicæ veritatis.

42. At non ipse tantam sibi soli putavit aggregandam esse provinciam : sed Christi exemplo, duodecim delegit sacerdotes quos ad praedicandum Borealibus Evangelium secum duxit : apertum vero est late ad tidem capessendam Gentilibus illis ostium, cum ipse Bajoarie princeps Theodo hujus nominis tertius Christo credidit : etenim reliqui ipsi subjecti, ducem secenti, pariter effecti sunt Christiani : cuius rei gratia factum est, ut ipse Rupertus Bajoariorum Apostolus sit merito nuncupatus, qui sicut fidei Christianæ fuit plantator in Bajoaria, ita in Norico rigator extitit : siquidem per sanctum Severinum, de quo plura superiori tomo diximus, illi iam acce-

¹ Apud Sur. tom. II. die xxvii. Martii. — ² Valen. I. III. Annal. Bojorum.

1. *Auctoris peroratio cum gratiarum actione.*
— Age jam, ex more, de absoluto septimo hoc Annalium tomo agamus gratias Deo optimo maximo, offeramusque ipsum pariter Dei Genitrici Mariæ, ut cuius est ope cœptus atque perfectus, ejusdem quoque meritis omni labe mundatus reddatur dignus divino conspectu, qui offerentis auctoris iure posset defectu repellere. Etenim cum bilarem datorum (ut monet Apostolus¹) diligit Deus, haec saltē ex parte prope respundens hic esset, qui non eadem alacritate qua cœleri, sed morenti animo scriptus, uti luctus parlus officeret : qui et genitus summo dolore atque morte parentis², Benoni, filius doloris mei, sit merito appellandus, quantumlibet pater eundem Benjamin, filium dexteræ scilicet, nuncupari : editus enim in lucem sine luce, usum vitae pristinæ abstulit parenti ; et dum sub honoris specie purpureis fasciis involvitur, ferreis nesciens miser vinculis obligatur : unde sit merito lamentandum, illudque lugubre dicendum³ : « Quare egressus ex utero? quare exceptus genibus? cur lactatus uberibus? Nunc enim dermiens silerem, et somuo meo requiescerem cum regibus illis et consulibus terre, qui ædificant sibi soliditudines ».

2. Haec dum mecum verso, bandare non desino senem sapientissimum illum Berzellaium, qui a rege licet sanctissimo invitatus in regiam, ad quietem, ad securitatem, ad gloriam⁴ : « Non indi-

perant Evangelium, quod prædicatione Ruperli magis magisque excolere didicierunt. Sic igitur intidelitatis excisis silvis, redditioque jam ad culturam agro Dominico, extitit cum suis auctor, ut illic complures nobiles sedes episcopales erigerentur, in quibus suos socios episcopos ordinandos curavit : ipse vero remisso jam antea nuntio Ecclesie Vangionensi, a qua expulsus fuerat, electa cœlesibus præviis signis sede Saleburgensi, exstructaque ibi Basilica S. Petri, quo Apostolicæ Sedi obsequenter esse eundem populum commoneret, ejusdem est nominatus primus episcopus, ubi ei sanctæ sorori Erentrude monasterium ducis munificentia ædificavit sub nomine sanctissimæ Virginis Marie Deiparae. Demum vero posquam cuncta que fuisse aggressus Dei ope ex sententia confecisset, sexto kalendas Aprilis ex hac vita migrans, ab Ecclesia inter sanctos relatus, eadem colitur die.

43. Atque de his satis, finemque accipial septimus tonus : ejusdem vero præsentis anni res gestæ, quæ reliqua sunt spectantes ad Gregorii papæ electionem, in sequentem sunt referenda tommi, qui opportune ab ipsius Gregorii papæ electione exordiū sumet. Ista enim Annalium tomi hujus sectio hic facienda est, quod nimis cresceret in immensus, si Gregorii papæ res in Pontificatu geslas comprehendere voluissimus, quas nec in diversos partiti tomos ratio persuasit.

geo, inquit, haec vicissitudine; sed obseero ut revertar servus tuus, et moriar in civitate mea, et sepeliar juxta sepulerum patris mei et matris meæ» : iure præferens aula regiae patriam sepulturam, atque regium apparatus posthabens vitæ rusticæ haec tenus feliciter ductæ. Sed et quem sapientem prædicto, non desino beatum terque felicem dicere, et invidere, dum quod rogavit, est consecutus, nec fuit jussu regis retentus invitus, sed permisus latus ad propria remeare, atque in pace vitæ cursum absolvere.

3. Ast cum a quiete et tranquillitate aliisque bonis abstrahar violenter, atque invitus abripiat : unum duntaxat reliquum est quod petam : ut cum haec adeo inquieta, tristia, aeru mosa, metu plena atque periculis nomisi te curante, Dei Genitrix, mihi contigerint : tu ipsa per lubrica gradienti, in summo versanti discrimine, deque aeterna salute ad singula momenta periclitanti feras opem assidue, et fluctuant præsidium afferas : alioquin perplexos resolvias laqueos, atque molestæ et invitæ vita fila disruptas, ne ob inanem gloriolam istam miser incaute vere peremis glorie dispendium patiar : sieque benedicens tu ipsa novissimis meis¹ magis quam principio, te juvante, aeternam beatitudinem consequar, gratia Domini nostri Jesu Christi, qui cum Patre et Spiritu sancto vivit in saecula saeculorum. Amen.

¹ 2. Cor. ix. — ² Gen. xxxv. — ³ Job. iii. — ⁴ 2. Reg. xix.

¹ Job. ii.

Anno periodi Graeco-Romanæ 6083. — Anno Era Hispan. 628. — Jesu Christi 590. — Gregorii pape I. — Mauriti imp. 9.

1. *Postconsulatus*. — Is annus hac formula notatus : *viii post consulatum Mauriti Tiberii Aug. solius vi*, ut legitur in Chronico Alexandrino.

2. *Moritur Pelagius II. PP.* — A num. 4 ad 9, *Turomensis lib. 10, cap. 4* narrat, anno xv *Childeberti regis diaconum suum Roma redemptem sibi narrasse inundationem Tiberis mense nono*, id est Novembri, anni superioris factam, additque: « Subsecuta est de vestigio clades, quam inguinariam vocant : nam medio mense xi adveniens primum omnium juxta illud quod in Ezechiele Propheta legitur, *A sanctuario meo incipite*, Pelagium papam percutit : quo defuncto magna strages populi de hoc morbo facta est ». Anastasius testatur, *Pelagium II mortnum esse et sepultum ad B. Petrum Apostolum sexto idus Februarias*, seu die octava mensis Februarii. Pontificatum inierat die trigesima mensis Novembris anni **DLXXVIII**; ideoque sedit annos xi, menses ii, dies x, non vero annos x, menses ii, dies x, ut habent exemplaria Anastasii, *Ordoenius lib. 2*, *Lulprandus, Abbo, Regino, Hermannus Contractus*, et passim catalogi Rom. Pont. Non dubium itaque, quin error ille Anastasio, seu, ut verius loquar, auctori libri Pontificalis adscribendus sit. Baronius, qui ejus Pontificatum anno uno citius quam par erat, auspicatus est, coactus fuit eidem assignare annos xii, menses ii, dies xxvi. Papebrocius vero in *Conatu Chronico-Hist.* qui Pelagi II ordinationem cum die **xxvi Novembris anni DLXXIX** copulavit, mortem ejus cum die tertia Februarii hujus anni non potuit non conjugere.

3. *Anni xi Pelagi II, perperam tributi Pelagio I.* — Unus Biclariensis abbas hujus temporis scriptor in *Chron.* ad annum x Justini imp. annos undecim Pelagio II accurate assignavit, quos aliqui Anastasii interpolatores Pelagio primo perperam attribuerunt. Hos vel antecessore, vel seculi sunt *Ordericus lib. 2, pag. 447*. Regino in *Catalogo Pontif. Rom. ac Getridus Viterbiensis, et Hermannus Contractus in Chronicis*; tradunt enim *Pelagium pri- nū sedisse annis xi, mensibus x, diebus xviii*, quot menses et dies ultra annos quatuor Pelagius primus Ecclesiam Romanam gubernavit. Qui numeri in aliqua exemplaria MSS. Anastasii in fide editionis regie citata, ac in exemplaria MSS. Casinense et Antuerpiense etiam infarti sunt, nisi quod dies supra annos xi et menses x in aliquibus

a librariis corrupti fuere. Verum anni illi undecim non *Pelagio primo*, sed *Pelagio secundo* attribuendi, et Anastasii error corrigendum. *Pelagium* enim I annos tantum ix, menses x, et dies xviii sedisse certum et indubitatum. Papebrocius in *Conatu Chronico-Hist.* dum de Pelagio I verba facit, ait sibi videri Romanos censuisse Ecclesiam carere Pontifice, per excommunicationem, quam ipso facto incurrisse *Vigilium* judicabant, et elegisse *Pelagium*, non tamen ordinasse, quod scirent absque imperatoris consensu irritam habendam ordinationem; undeque factum putat, ut aliqui *Pelagio primo* annos undecim attribuerint. Verum ex mox dictis haec conjectura corruit, liquefque annos undecim, quos constat Pelagium II Romanæ Ecclesiae presedisse, Pelagio I per errorem a quibusdam adscriptos fuisse. Porro si a die mortis Pelagi II de quo nullum est dissidium, ad diem ei annum ordinationis Pelagi I qui hactenus obscuri fuere, retrocedas, *comperies* non solum hunc Pontificem consecratum fuisse die undecima Aprilis anni Christi **DLV**, sed etiam ejus mortem, et proximorum ejus successorum suis annis a nobis redditam fuisse, et qui aliam viam inire, Chronotaxim Pontificiam turbasse.

4. *S. Gregorius Pelagio II succedit.* — Post Pelagi II mortem cessavit episcopatus menses sex, dies xxv, ut in Anastasio legitur. Quare sanctus *Gregorius Magnus* die tertia mensis Septembris, in quam Dominica eadebat, ordinatus est, ideoque Anastasius diem emortualem Pelagi II ab Interponitio excludit. Epistola *Pelagi*, episcopis *per Campanię et Italiam provincias* scripta, quam Baronius genuinam existimavit, supposititia est, et confitata ex variis sententiis Prosperi, Hilari, Acacii, Ennodii, Conciliorumque Romani sub Symmacho, Toletani VIII et Lateranensis sub Martino I. Est vero ea de accusationibus ac judiciis episcoporum. Ejusdem farinae est Epistola fragmentum *Pelagi ad Benignum archiepiscopum*, quod Baronius num. 7 hoc anno recitat. Est enim pars Epistole ejusdem Pontificis *ad Benignum archiepiscopum*, cuius supra meminimus. Epistola vero integra refertur tomo v Conc. editionis Labbeanae, pag. 931, et quadam omnes partes suis ibidem rejicitur.

5. *Epistola Pelagi II de ix Praefationibus Ecclesie Rom. supposititia.* — Præterea cum Concilii

Romani, de quo hoc anno Baronius num. 5 et in tomo v^o Cone, pag. 953, mentio tantum fiat in Epistola ix Pelagii ad *episcopos Germaniarum et Galliarum*, quae a Pseudo-Isidori stylo non discrepat, illud pariter spurium ac commentitium. In ea Epistola legitur, *episcopos Germaniarum et Galliarum* Pelagium rogasse, ut ordinem *Profationum missarum* eis mitteret, quem sancta Romana Ecclesia tunc habebat, ipsumque respondisse eam novem tantum *Prefationes* ab antiquis temporibus servasse, easque ipsis tenendas mandare. Verum, ut observavit eruditissimus cardinalis Bona lib. 2 Rer. Liturgicarum cap. 10, num. 3, si aetate Pelagii illis tantum novem Praefationibus, festis in ea Epistola memoratis, Romana Ecclesia tanquam dudum in ea receptis et probatis utebatur, quomodo *Gregorius* ejus immediatus successor, sacerorumque rituum tenacissimus custos alias novas instituit? Suspicionem angel *Joannes diaconus*, qui cum res a Gregorio gestas in Vita ipsius minutissime prosequatur, nullam tamen de *Praefationibus* ab eo contra morem diu receptum institutis mentionem facit. Ipse item *Gregorius* in Epistola ad Joannem Syracusanum in qua de additis vel immutatis in ritibus sacrificii, propter quae reprehensus fuerat rationem reddit, de Praefationibus silet: sicut et de Epistola Pelagii II silent scriptores illius, et aliquot sequentium seculorum. Ad hæc in libris antiquis Saeramentorum, qui Romanæ Ecclesie titulum præ se ferunt, plures reperiuntur *Praefationes*, vixque illa missa est, eni propria et peculiaris non assignetur. Accedit testimonium *Guitmundi* ex monacho sancti Benedicti episcopi Aversani, undecimo Ecclesie saeculo demortui, Romanis ritibus jam ubique recepis, qui lib. I de Eucharistia, refert Praefationem quam in quadam die Dominicæ, per totum præne orbem Latinum inter Epiphaniam et Septuagesimam recitari dicit: cuius Praefationis auctoritate utitur etiam *Aglerus* monachus Cluniacensis, qui anno MXXX floruit, lib. I de Sacram. Corp. et Sang. Domini cap. 5. Quare Decretum illud de novem Praefationibus nullibi receptum invenitur. Denique ante Pippini et Caroli Magni tempora Gallicana Ecclesia non suscepit Romanæ missæ ritum et ordinem, sed propriis officiis propriaque missa usæ est, ut ex variis antiquis monumentis ostendit idem cardinalis lib. I Rer. Liturg. cap. 12.

6. *Concilium Hispalense I.* — Ad num. 26. Concilium Hispalense I celebratum hoc anno, a quo Spondanus in Epitome perperam illud removit, et ad annum DCCXIV rejecit. Episcopi enim in Epistola ad *Pegasium episcopum missa*, asserunt se eam subscriptisse die primo nonarum Novembrium, anno quinto regni gloriosissimi Domini nostri Recaredi regis Æra DCXXVIII. Regnum inierat Recaredus mense Aprili, aut initio mensis Maii anni DCCXVI, ideoque mense Novembri hujus Christi anni quintus regni ejus decurrebat. Erat *Pegasius*, ad quem episcopi scripsere, Astigitanae Ecclesiae antistes, ut liquet ex subscriptioni-

bus Concilii Toletani III et ex canone ii hujus Concilii Hispalensis: « Fuit », inquit Baronius, « ista Synodus provincialis, eni interfuerunt octo episcopi, qui tria in Synodo decreta firmata ad Pelagium, quem vivere putarent, direxerunt ». Verum tria illa decreta, non ad *Pelagium* papam, sed ad *Pegasium* missa sunt, ut postea cardinalis eruditissimus recte vidit.

7. *Guntramnus rex a sicario frustra invaditur.* — Ad num. 27. Turonensis, lib. 9, cap. 3, anno Childeberti regis XII refert, *Guntramnum* regem, cum in festivitate sancti Marelli ad Cabillonensem urbem venisset, quemdam ad eum accessisse, quasi aliquid suggesturum. « Qui dum properat contra regem, enter ei de manu dilabitur ». Rex tamen illum verberatum dimisit vivum, « quia nefas putavit, si is qui ab Ecclesia eductus fuerat, truncaretur ». Sed facinus patratum anno DLXXXVII, qui Childeberti regis est XII.

8. *Obitus S. Radegundis reginæ.* — A num. 28 ad 41. Anno Childeberti regis XII, Christi scilicet DLXXXVII, « beatissima Radegundis obiit, mense sexto, tertio decimo mensis », inquit Turonensis lib. 9, cap. 2, qui annum incipit a Martio. *Baudoniæ* monialis in hujus sanctæ reginæ Vitæ eundem diem ac mensem uotat, scilicet decimum tertium mensis Augusti, adhucque, illum in feriam quartam incidisse: « Quarta feria, mane primo, idus Augusti, quo fecerat idem mensis dies XIII, clausi sunt ejus oculi ». Quare currebal littera Dominicalis E, qua insignitur, annus Christi DLXXXVIII, eodem, quo obiit, die Radegundis in Tabulis Ecclesiasticis colitur. Refert Baronius n. 29 et seqq. hujus sancte reginæ Epistolam ad episcopos, quam protulæ et stabilitate iustitiae a se in urbe Pictaviensi sanctimonialium Congregationis absens ad eosdem scripsit. Verum, ut Sirmondus in Edit. Cone. Gallie, notavit, cum ea data sit ad episcopos, qui Concilio Turonensi II anno DLXVI celebrato adfuere; verosimile est, tum ad eos missam, cum una essent in eo Concilio congregati. Ad hæc Turonensis lib. 9, cap. 39, eam initio institutæ ab ea Congregationis monichium editam docet, et inter episcopos, qui conscripserunt deeretum, quo suscepta est beatae Radegundis Epistola, primus nominatur *Euphronus* ille scilicet, qui episcopus Turonensis fuit, quique anno DLXXII mortuus est.

9. *Epistola ejus ad episcopos Concilii Turonensis II.* — Cointius anno DLXXXVII, num. 5, eam Epistolam a *Ruglegunde* tardius datam credit, scilicet vel post obitum *Sigiberti* regis, vel etiam post obitum *Chilperici* regis, quod Radegundis in ea dicat, monasterium a se constructum esse ex permisso et solatio domitorum regionum patris vel aviæ eorum. Quibus ex verbis eos iam e vivis decessisse necessario sequi existimat. At fallitur vir doctissimus. Vox enim *solutum* per hæc secula quodvis auxilium significat, ut innumeris exemplis liquet, ex quibus aliqua Dūcangius in Glossario medie et insimæ latinitatis, in voce, *solutum*, in medium

profert. Turonensis v. g. lib. 6, cap. 42, loquens de Childeberto II, refert Mauritium imperatorem, cum accepisset eum pacem cum Langobardis pepisisse, pecuniam eidem a se dalam repetuisse : « Sed hic fidus a solatiis », inquit Turonensis, « ne responsum quidem pro hac re voluit reddere ». Non in alia itaque significacione vocem *solutii Radegundis* usurpat in sua ad episcopos Epistola, cui eorum decretum proxime subjici debet, cum illa eo confirmetur. Quare Baronius qui *Radegundis* Epistolam hoc anno, quo eam demortuam credebat recitat, episcoporum responsu refert anno DIX, num. 34 et seqq. Extat etiamnum in urbe Pictaviensi, quod ibidem condidit *Radegundis*, monasterium nomine monasterii *S. Crucis* insignitum, in quo a pluribus saeculis divi Benedicti Regula servatur. Vitam ejus scripsere *Venantius Fortunatus* episc. Pictaviensis, et *Baudonivus* monialis aequalis, utramque a Mabillonio saeculo I Benedictino recitatam, et cum Codicibus MSS. collatam.

10. *Obitus S. Juniani abbatis Mariacensis.* — Eadem hora, eademque die, qua *beata Radegundis*, obiit etiam *S. Junianus* abbas *Mariacensis*, cuius Vitam a Vulfino Boetio episcopo Pictaviensi, qui Ludovico Pio imperante floruit, scriptam refert ibidem Mabillonius. *Junianus*, quanvis cœnobium *Mariacense* construxisset, et abbas monasterii esset, solitario tamen vita studio in quemdam locum a se antea constructum frequenter secedebat. Mandaverat « ut statim cum a saeculo migrasset, munieretur beatissimæ Radegundi, ut pro eo precem Domino funderet, quod et illa similiter fecerat. Accedit, ut eodem die, eadem hora, uterque migraret de saeculo, et quos hic unius charitatis vinculum constrinxerat, illic eos pariter paradisi gloria simul acceperet ». Monasterium *Mariacense* in finibus Pictonum et diœcesi Pictaviensi, vulgo *Mairé* nuncupatum, positum erat sed progressu temporis in Ecclesiam parœcialem conversum fuit.

11. *Moritur Garibaldus Bajoarie dux.* — Ad num. 4t et seqq. Paulus diaconus lib. 3 de Gest. Langobard. cap. 31, scribit : « Flavius rex Authari legatos post hæc (id est, post ingressum Francorum in Italiam adversus Langobardos) ad Bajoarium misit, qui Garibaldi eorum regis filiam sibi in matrimonium peterent. Quos ille benigne suscipiens Thendelindam snam filiam Authari se daturum promisit ». Hæc legatio anno superiori obita. Subdit Paulus : « Denique post aliquod tempus, cum propter Francorum adventum perturbatio Garibaldo regi advenisset, Thendelinda ejus filia cum suo germano, nomine Gundoald, ad Italiam confugit, seque adventare Authari sponso nuntiavit, etc. Qui eamdem cunctis lætantibus in conjugium idus Maias accepit ». Childebertus Francorum rex ea affinitate offensus, ac veritus, ne *Boii*, qui ejus tributarii erant, a fide descicerent, et ad Longobardos hostes inclinarent, *Garibaldum* bello aggressus est. Cæsusne is in acie fuerit, an ad generum ligerit, ambi-

gum; sed in ejus locum *Tassilonem* Bojoariorum ducem, a Childeberlo rege constitutum, docet Aimoinus lib. 3, cap. 77. « Apud Bajoarium, inquit, post Charibaldum Tassilo a Childeberto rex ordinatus est : qui, mox cum exercitu Señavorum provinciam introiens, parta victoria ad solium proprium cum maxima remeavit præda ». Quæ verba Aimoinus ex Paulo diacono lib. 4, cap. 8, desumpsit; adeo ut certum sit *Tassilonem* post Garibaldum genli Bojaricæ praefectum fuisse.

12. *S. Rudbertus, regnante Childeberto III, Bajoariis fidem annuntiavit.* — Cum igitur *Garibaldus*, primus Bajoarie dux usque ad presentem annum vitam protraxerit, *sanctus Rudbertus* Bajoariorum Apostolus de quo loquitur hic Baronius, in eam provinciam non adventavit anno secundo Childeberti II Francorum regis. Auctor enim ejus Vitæ sive. in Benedict. part. t recitatæ ait : « Tempore Hildiberti regis Francorum, anno seicent regni ejus secundo, honorabilis confessor Christi Rudbertus in Vormacia civitate episcopus habebatur ». Addit, *Theodonem* Bajoarie ducem eum rogasse, ut *Noricum* provinciam saera illuminare doctrinæ; quo cum se contulisset Rudbertus, ducem *Theodonem* et multos istius gentis ad fidem Christi convertisse, et ab eo licentiam oblinuisse eligendi locum ad episcopii sedem, qui eam collocauit apud *Juvaviam*, postea *Salisburgum* appellatam. Verum eum nullus *Theodo*, quo Bojariorum regente *Rudbertus* eis Evangelium annuntiavit, ut in ejus Vita legitur, et inter omnes rerum Bojariorum scriptores convenit, anno secundo Childeberti II Francorum regis dux Bajoarie fuerit, sed *Garibaldus*, manifestum est, auctorem *Anonymous* Vitæ sancti Rudberti intelligendum esse de anno secundo Childeberti III, qui non minus, quam *Childebertus II* in Austrasia regnavit, ideoque et adventum *Rudberti* in Bajoarium, sicut et ducatum *Theodoni*, pertinere ad finem sequentis saeculi, quo de nitroque verba faciemus. Porro valde refert, ut iste centum annorum prochronismus emendetur; cum ex hoc uno capite tot magni momenti pendant, ut ex sequentibus patet.

13. *Monasterium Luxoviense a S. Columbanus fundatum.* — *Sanctus Columbanus*, qui cum sociis hactenus in loco, cui nomen *Anagrates*, in Vosago monte degerat, hoc anno *Luxovii* in eodem monte positi monasterium extruxit; quod nunc *Luxeu* dicuntur, et in comitatu Burgundie situm est, sicuti et oppidum ejusdem nominis. Cum enim multi se in ejus societatem monachi adjunxisserint, commodi locus in ea eremo inquirendus fuit, ut narrat Jonas in ejus Vita. Regulari, quam monachi sequerentur, condidit quæ etiamnum extat apud Holstenium in codice veterum regularium. Ibi *Columbanus* *sexcentorum ferme monachorum* rector extitit, ut ait Asso abbas Dervensis in passione sancti Bercharii. Hoc monasterium currenti anno constructum esse, non tantum docet *Mariannus Scotus* in Chronico; sed etiam Jonas in *Columbani*

Vita indicat, cum scribit eum *vice* *anno post incolatum eremi illius* in exilium missum esse, quod anno *DCC* contigisse suo loco videbimus.

Hoc anno dissidium fuit in Gallia *de die Paschatis* quod anno *DXCIV*, juxta Baronii ordinem, explicabo.

HIC BARONIUS SEPTIMUM ANNALIUM TOMUM ABSOLVIT.

GREGORII ANNUS 4. — CHRISTI 590.

1. Profatio auctoris cum imploratione Divini auxilii. — Ex superaddita oneri consuelto Ecclesiasticorum negotiorum sarcina ad optatam quietem longe positam cum magis anhelem atque suspirem: magna tamen octavi Annalium tomī scriptiōnēm aggrediendi ex eo mihi fiducia comparatur, quod pro foribus Gregorius Magnus occurrit; patronus idem noster duplīcī subsidio profuturus, adminiculō precū scilicet, quibus divinum concilietur auxilium, et suorum scriptorum copia, ex quib⁹ tanquam ex locupletissima cella penaria, quae primum erunt scribenda, ipse abunde suppeditat. Verum non progreditur solus, cum in occursum egreditur; sed quæ p̄cedit in titulo, prima procedit in via, nobis opitulatura p̄currens Virgo Deipara. Amborum etiam nomine, nempe Marie, atque Gregorii, nostra nobilitatur Ecclesia, apud quam iidem Annales nostri sunt elaborati, scripti, recitati, ac siēpius repetiti, atque hactenus in lucem editi. Quae igitur prior ordine et major est merit⁹, nobis occurrat potior in auxilio, atque virtute potentior adsit: ipsa mater foveat partus suos, atque faveat natis snis. Ut enim quos ad genua Bachelis pariebat ejus ancilla ipsa eos suos filios esse dicebat¹; ita suos hac lege esse dicat oportet nostros Annales ipsa Virgo sanctissima, quos summo labore, ad ejus

genua provoluti, enixi precibus consuevimus parturire.

2. Sed et inde erigitur magis animus, quod creverint nobis divina ex recenti collata dignitate subsidia: gloriosi enim martyres patrocinii quoque titulo accesserunt, Petri discipuli, conciliatores regiae virginis nupliarum cum sponso cœlesti, atque ejusdem ad coronam martyrii promotores, enuchi fratres, concupiscentia steriles, spirituali prole fœundi, potentes gratia, gloria celebres, decori purpura, coronis fulgidi, insignes palmis Nereus et Achilleus una cum martyre æque et virgine Flavia Domitilla. Quibus cum Magno Gregorio in auxilium junctis, erit mihi in sancta quadriga ista, cui insidiat auriga Deipara, magna fiducia: adeo ut illud ex Cantico secure occinere liceat¹: « Quadrigæ tuae salvatio ». Qua cum veccus fuero, ardua quæque accessu et transitu difficultia facile superabo: sperans insuper Dei beneficio dandum, ut una cum Annaibus, amis quoque vitæ bene perfunctus, jam non amplius in circi istius vitæ periodis e calce rursum reducendus ad carceres, sursum cælum versus curru isto cœlesti, adminiculō scilicet sanctorum precū, sublimis tollar, atque ex optato in Domino tandem perpetuo requiescam.

¹ Habac. III.

¹ Genes. xxx.

4. Universali voto ad Cathedram Romanam expetitus Gregorius. — Quingentesimi nonagesimi Christi anni res gestæ majori ex parte in superiorem tomum relate sunt, usque videlicet ad electionem Gregorii Magni in Romanum Pontificem: jam vero reliqua prosequamur de rebus ab eo p̄aclare gestis post electionem usque ad finem præsentis anni, qui et imperii Mauritii Augusli quintus numeratur,

octava Indictione ad mensis Septembrib⁹ terminum decurrente, et nona tunc inchoante.

2. Sed autequam ista aggrediamur, quod in primis ad tempus spectat, scias errare eos qui diversam inueni rationem annorum Mauritii imp. ab hac nostra assertione, qua ponimus S. Gregorii creationem sub anno quinto ejusdem Mauritii. Praeter id enim quod superius dictum est anno primo

ejus imperii: qui hujus temporis, siveque aetatis breviter res gestas conscripsit Joannes fundator monasterii Bielariensis (hoc enim titulo ejus per brevis historia inscribitur) asserit istud ipsum anno videlicet quinto ejus imperii sanctum Gregorium esse creatum Pontificem: quo pariter anno Theodosium Mauriti filium a patre tradit Cæsarem esse dictum. Haec de anno imperatoris, et promotionis Gregorii in Pontificem Maximum. Sed his revocatis ad caleulos, aliam iniisse oportuit rationem, quam vide superius anno quingentesimo octagesimo sexto, ubi annum primum Mauriti auctoritate Graecorum, et Latinorum, et Bielariensis hujus pariter collocavimus, sed opus fuit dimovisse.

3. Quod autem ad diem ordinationis ejus spectat, nihil est quod revocari possit in dubium, ut pote quæ excellentiam tanti Pontificis relata fuerit singulari prærogativa in tabulas Ecclesiasticas, annis singulis in memoriam ac cultum fidibus revo- canda ipsa die qua contigit, nempe tertio nonas Septembris, ejusmodi pæclaro elegio²: « Romæ ordinatio incomparabilis viri sancti Gregorii M. in Summum Pontificem: qui omnis illud subire coactus, e sublimiori throno clarioribus sanctitatis radiis in orbe refulsi ». Haec de ejus ordinatione, cum videlicet est consecratus in Romanum Pontificem: qui et ante, cum ex prescripto sacerorum canonum a clero electus fuit, revera Pontifex dici potuit, cum ab eo tempore a Deo accepit Pontificium, absque alia exspectata de consecratione ab imperatore licen- tia.

4. Jam vero in hanc unum Gregorium conversi oculi omnium erant, ntpote qui ceteris omnibus vita sanctitudine, claritudine generis, scientia, atque usu rerum praestaret; quique non in Occidentali tantum orbe, sed et in Orientali quoque ubi diu in functione legationis, sive apocrisiarii munera versatus fuerat, omnibus optime notus, ab omnibus pontifex expeteretur; ut quæ de ipso inferius dicenda erunt, ostendunt. Qui enim in orbis theatro prefecturæ Urbanæ fascibus iam antea, qualis quantusve esset, immotisset, contemptu mundi in trabea monachali magis enituit: clarior vero redditus, ex quo assumptus est in cardinalem: sed fulgore maiore resplenduit ex legatione Constanti- nopolii bene perfumeta. Tot igitur splendorum radiis illustratus, etsi nollet, ac vitaret licet (quod non possit abscondi civitas supra montem posita) in se omnium annos traxerat et obligarat, hoc ipso potissimum tempore, cum (ut diximus tomo superiori) ingens lues Urbem depasceretur; quo ut qui omnium esset sanctissimus eligeretur, necessitas impel- lebat: urgebat vero magis, dum super urbem Barbaricus Longobardorum gladius immineret, diraque faunes ingrueret atque sæviret: unde querendus ab omnibus fuit sanctus, qui pestilentiam propulsaret; fortis, qui defenderet urbem; et qui esurientem populum pasceret, deligendus pastor amator pau-

perum; nonnisi illud propheticum eidem occinen- tibus cuneti¹: « Princeps esto noster: ruina autem hæc in manu tua. Ad hoc præelectus a Deo, ut ædifices, et plantes, et dispersa colligas, atque infirma consolides ». Quæ cuncta ipse naviter (ut suo loco dicemus) implevit, atque abundantius præstitit.

5. *Quid senserit et egerit Gregorius antequam confirmatio sue electionis ab imperatore Mauricio redderetur.* — At non simul ac Pontifex Romanus electus est, in Petri cathedra sedet, neque sedere licuit: etenim quod sub Arianis Gothorum regibus præsumptum diximus superioribus tomis, ut electus pontifex, nonnisi persoluta pecunia confirmatus a principe sedere deberet; vindicata postea Urbe cum universa Italia a Gothorum tyranide per Justinianum imperatorem, non minore ille tyranide idem jus confirmandi Romanum Pontificem, et pro confirmatione pecuniam exigendi sibi retinuit. Deplorat ista idem S. Gregorius, dum illud Psalmi pœnitentialis elucidat: « Qui laudabant me, adversum me jurabant »; cum Simoniaca hæresim insectatur, et ait²: « Haec est, inquam, hæresis quæ prima nascens Ecclesie rudimenta tentavit, et ante alias hæreses prima apparuit. Cujus erroris vesania licet ex tunc damnata fuerit, postea tamen in Ecclesia germine pestifero pullulavit, nostris vero maxime temporibus malitiae sue virus exercuit, et totius Ecclesie pacem schismatica infestatione turbavit. Concitavit enim adversus Ecclesiam Dei non solum immunerabilem multitudinem, verum eliam regiam (si fas est dicere) potestatem. Nulla enim ratio sinit, ut inter reges habeatur, qui destruit potius, quam regat imperium; et quosecumque habere potest per- versitatis suæ socios, eos a consortio Christi efficit alienos. Qui turpissimi iueri cupiditate allctus, sponsam Christi captivam cupit abducere, et passionis Dominicæ sacramentum ausu temerario con- fudit evanescere. Ecclesiam quippe, quam sui san- guinis pretio redemptam Salvator noster voluit esse liberam, hanc ipse, potestatis regiae jura transcen- dens, facere conatur ancillam. Quanto melius foret, si dominam suam esse agnosceret, eique religio- sorum principum exemplo devotionis obsequium exhiberet, nec contra Deum fastum extenderet dominationis, a quo suæ dominium accepit potes- tatis? Ipse est enim qui ait³: Per me reges regnant. Sed immensæ cacatus cupiditatis caligine, et divino (ut patet) ingratus beneficio, et contra Deum fastuo- sus, terminos quos posuerunt patres nostri, con- tempto divino timore, transgreditur, et contra Catholicam veritatem suæ furore tyranidis effera- tur.

6. « In tantam autem suæ temeritatem extendil vesania, ut caput omnium Ecclesiarum Romanam Ecclesiam sibi vindicet, et in domina gentium ter- renæ jus potestatis usurpet: quod omnino ille fieri prohibuit, qui hanc beato Petro Apostolo speciali- ter coniuris, dicens⁴: Tibi dabo Ecclesiam meam.

¹ Mart. Rom. die III Septemb.

² Isa. iii. — ³ Greg. in Psal. IV Pœnit. — ⁴ Prov. VII. — ⁵ Matth. XVI.

Obstruatur ergo os loquentium iniqua, et omnis hæreticorum acies obmutescat : quia nullas vires habet mendacium, quod ipsius voce veritatis inventur destructum ». Hucusque Gregorius, qui (ut vides) regis non sine indignum eum habet, qui Romanam Ecclesiam suis spoliis juribus et libertate, quoquo modo subjugare et sub tributo ipsam redigere conabatur : quem et contra Catholicam agere veritatem proclamat. Qui et inferius in ejusdem Psalmi expositione eo versu, « initio tu, Domine, terram fundasti », inter diros Ecclesiae persecutores adnumerat imperatorem talia præsumentem, dum ait : « Quid enim Nero? Quid Diocletianus? Quid denique iste, qui hoc tempore Ecclesiam persecutur. Numquid non omnes portae inferi? » Cum tamen sive de Mauritio, sive eo qui ipsi successit, Phoca, vel Tiberio, vel Justino, qui hos præcesserunt, Augustis (eiusvis horum temporibus velis scripsisse Gregorium commentarium illum) omnes reperiantur fuisse fide Catholica Orthodoxi, haecque tantum ex parte damnandi, quod confirmationem electi in Romanum Pontificem sibi (ut vidimus) vindicarent.

7. Tam grande malum licet Gregorius adeo sit detestatus, tolerandum tamen ipsi in tanta temporum iniuitate fuit, cum jugi bello Longobardi Italiam infestarent, Romanque ipsam obsidione sæpe vallarent atque perstringerent : unde periti nautæ more turgentis maris undas haud prora finitentis, sed clavo potius declinantis, electionem suam irritam reddere laboravit, sieque anteverttere malum illud, quod sibi immuinere cognosceret. Quamobrem qui clero ipsum eligenti non posset obsistere, neque resistere populo postulanti : ad unicum illud remedium sibi confugiendum esse putavit, ut bene intens occasione illa, et ex veneno sibi parans antidotum, ad Mauritium imperatorem, ad quem de electione facta mittebatur a clero populoque Romano decretum, litteras daret, quibus ipsum pluribus dehortaretur ab electionis confirmandæ sententia.

8. Ista præsentiens Germanus¹ præfector Urbis, occurrens malo, nesciente ipso Gregorio, ejus ad Mauritium Augustum datas litteras interceptit; suas vero addidit ad eundem, quibus eum certum redderet, nihil his perditissimis temporibus opportunitas contingere potuisse, quam ut Gregorius nobilis genere, vita sanctissimus, scientiaque cæteris præstans, Romanus Pontifex esset electus ; rogans ipsum pariter, ut petenti clero, et populo postulanti, ejus confirmando electionem, annuere vellet. Quod ei perfacile fuit suadere, nipte qui ipsum Gregorium degentem olim Constantinoli satis perspectum habuisset, eoque fuisse familiarissime usus ; quem et compatrem delegisset, cum genitum a se filium ab eo ex sancti lavacri regeneratione suscipi voluit². Hic autem admonendum lectorem

putamus, quod quem præfectum Urbis Joannes diaconus Germanum nominat, aliter habet Gregorius Turonensis ex relatione sui diaconi, qui tunc in Urbe erat : non enim Germanum dictum nomine præfectum Urbis fuisse, sed eundem fuisse germanum ipsius sancti Gregorii significat. Sunt hæc verba ipsius : « Præfector Urbis Romæ germanus ejus, anticipavit nuntium, et comprehenso disruptis Epistolis, etc. » Nisi interpunctio vitiosa irrepsit, ut legendum sit : Præfector Urbis Germanus, ejus anticipavit nuntium. Quæ lectio magis placet, eo quod apud neminem auctorum legerim, Gregorio fuisse germanum.

9. Degebat interea Gregorius in Urbe securus, quod adeo efficaces se sciret dedisse litteras ad imperatorem, quibus redderetur omnino a confirmatione sua electionis aversus. Mihi enim et illud facile persuadeo, ipsum non siluisse, quod exigeret argumentum, de tyranice usurpata electionis Romani Pontificis confirmatione, immo ut ingens malum detestatum esse, contestationem adjecisse, interminatumque adversus eum divinum judicium, si non sineret Romanam Ecclesiam liberam, iamdiu in servitutem eo modo tyranice vindicatam : ut cum Mauritius ista legisset, longe longius abhorret ut missum a clero et populo decretum electionis probaret, eidemque subscriberet. Itaud enim æquo animo principes, dominari aliis assueti, pati rigidos sacerdotes solent, quibus in iis que ad Deum sunt, cogantur obtemperare, vel eos, si renuant, experiantur ultores. Ista, inquam, fretus securitate Gregorius una cum comministris in Urbe degebat.

10. Sed quomodo se habere soleret administratio Romane Ecclesie, dum qui electus erat vetabatur tyranice ab imperatore ea que sunt Pontificis minnia exercere, donec accedente imperatoris consensu, Pontificio initiari daretur : colligi facile potest ex Epistola¹ Romani cleri ad Scotos redditâ, cum sedes vacaret morte Severini Pontificis, eleetusque in locum ejus esset Joannes hujus nominis quartus, sed nondum consecratus. Videre est in litteris illis, curam Romane Ecclesie non electum Pontificem solum gessisse, sed quatuor simul ejusdem Ecclesiae ministros sacros nempe archipresbyterum primo loco, deinde ipsum electum, tertio loco primicerium, quarto vero consiliarium : apud hos enim donec legitimus Pontifex sedere posset, cura posita erat non Romane tantum, sed universalis totius orbis Ecclesie : eodemque ordine quo recensiti sunt, inscribabantur eorum nomina in litteris quas scribi in diversas provincias continebat; sicut positum videmus in dictis ad Scotos datis litteris, in hunc modum : « Dilectissimis et sanctissimis Thomiano, etc. Hilarius archipresbyter et servans locum sanctæ Sedis Apostolice, Joannes diaconus et in Dei nomine electus, item Joannes primicerius et servans locum Sedis Apo-

¹ Joan. diac. in Vita S. Greg. l. 1. c. 39. 40. — ² Greg. Tur. hist. Franc. l. xi. c. 1.

¹ Bed. hist. Angl. l. ii. c. 49.

stolicæ, et Joannes servus Dei consiliarius ejusdem Sedis Apostolicæ». Ita ibi.

11. Cæterum quod ad Gregorium spectat, in ipsum, veluti si confirmatus Pontifex esset, ut ab eo in tanta, in qua ob pestem ingruentem calamitate erant, remedii aliquid acciperent, intenti oculi omnium erant. Nullus enim interea sacri ordinis ministrorum existebat, qui tanto electo Pontifice, nisi ejus jussione sibi aliquod arrogaret officium, præsumeretque quodvis publicum obire munus: quam obrem invitus in tanta rerum et temporis necessitate cogitum ipse Gregorius, Christiana jubente charitate, ad breve spatum temporis gerere se Pontificem, seu potius pro Pontifice, in his dumtaxat, quæ ad expiationem spectarent Urbis, ad hunc videlicet ingruentem avertendam litanias indicendo, et eisdem pio studio frequentandis, exhortationemque ad populum, qua ad poenitentiam provocaret, habendo.

12. *Concio Gregorii et Litania Septiformis dicta, unde pestis cessatio.* — Cum enim eadem pestis magis urgeret (inquit Gregorius Turonensis¹) verbum ad plebem pro agenda poenitentia in hunc modum exorsus est: « Oportebat, fratres carissimi, etc. » Sed antequam hic ipsum reddamus integre sermonem, monendus est lector, eumdem perperam relatum in ipsius Gregorii Epistolarum librum undecimum sub Indictione sexta; quod et fecellit qui novam ejusdem Gregorii operum editionem elaborarunt, dum ad finem concessionis, eam habitam posuerunt sexta Indictione. Præstat quidem haec ex parte audire historicos omnes testantes dictum ab ipso Gregorio fuisse quarto kalend. Septembri, Indictione octava, præsentí videlicet anno: cui veritati certum est assentiri vetera exemplaria; quæ omnia si decessent, ex veritate historiæ dicta lectio magis probanda: nam cum constet eum ad populum habitum esse sermonem tempore ingruentis pestilentiae, eamque hoc anno contigisse, quo et Pelagius papa obiit, assertione ipsius Gregorii certum sit, neque aliquando postea tam dire, dum Gregorius vixit, eam vexasse populum; plane impossibile est ut ad sextam, vel aliam aliquam Indictionem referri possit. His accedit ejus qui sermoni interfuit, diaconi Turonensis testificatio, dum id factum refutat, antequam Gregorius Pontifex ordinaretur. Quibus quidem omnibus cum æque omnes assentiantur, qui habitam hoc tempore eam asserunt esse orationem, cum id ipse disertis verbis insinuet; nihil est ut de iisdem vel leviter salte dubitari possit. Cum autem eadem quæ inter Epistolas ipsius Gregorii concio habetur, recitetur pariter a Gregorio Turonensi: in quibus inter se editiones discrepant, ponemus in margine. Sic enim se habet²:

13. « Oportet, fratres carissimi (dilectissimi), ut flagella Dei, quæ metuere ventura debuimus, saltem præsentia et experta timeamus. Conversionis nobis aditum dolor aperiat, et cordis nostri duritiam

ipsa jam, quam patimur, poena dissolvat. Ut enim, Propheta teste, prædictum est³: Pervenit gladius usque ad animam. Ecce enim cuncta plebs cœlestis iræ mucrone percutitur, et repentina singuli cæde vastantur; nec languor mortem⁴ prævenit, sed languoris moras (ut cernitis) mors præcurrat. Percussus quisque ante rapitur, quam ad lamenta poenitentiae convertatur. Pensale ergo, qualis ad conspectum districti Judicis pervenit, cui non vacat flere quod fecit: habitatores quippe non ex parte subtrahuntur, sed pariter corruunt, domus vacuae relinquuntur, filiorum funera parentes adspiciunt, et sui eos ad interitum hæredes precedunt. Unusquisque ergo nostrum ad poenitentiae lamenta confugiat, dum flere ante percussionem vacat. Revocemus ante oculos mentis, quicquid errando commisimus: et quod nequiter egimus, flendo puniamus. Præveniamus faciem ejus in confessione, et sicut Propheta⁵ admonet, levemus corda nostra cum manibus ad Deum (Dominum). Ad Deum quippe corda cum manibus levare, est orationis nostræ studium cum merito bonæ operationis erigere. Dat profecto, dat tremori nostro fiduciam, qui per Prophetam clamat⁶: Nolo mortem peccatoris, sed ut convertatur et vivat. Veterosas namque Ninivitarum⁷ culpas triduana poenitentia abstersit, et conversus⁸ latro vitae præmia etiam in ipsa sententia suæ mortis emeruit.

14. « Levemus igitur corda, et præsumamus nos jam perceperisse quod petimus. Cifius ad precem Judex flectitur, si a pravitate sua petitor corrigatur. Imminente ergo tantæ animadversionis gladio, nos importunis fletibus insistamus: ea namque quæ ingrata esse hominibus importunitas solet. Judicii veritatis placet; quia pius et misericors Deus a se vult veniam precibus exigi, qui, quantum meremur, non vult irasei. Hinc etenim per Psalmistam⁹ dicitur (dicit): Invoca me in die tribulationis tuæ, et eripiam te, et maguiscabis me. Ipse ergo sibi testis est, quia invocantibus misereri desiderat, qui monet ut invocetur. Proinde, fratres carissimi, contrito corde et correctis operibus erastina die, primo diluculo ad Septiformem litaniam, juxta distributionem inferius designatam, devota mente cum lacrymis (devota ad lacrymas mente) veniamus. Nullus vestrum ad terrena opera in agros exeat, nullus quodlibet negotium agere præsumat: quatenus ad sanctæ Dei Genitricis Domini Ecclesiam convenientes, qui simul omnes peccavimus, simul omnes mala quæ fecimus deploremus, ut districtus Judex, dum culpas nostras nos punire considerat, ipse a sententia propositæ damnationis parcat ». Hactenus sermo, idemque dictus in Ecclesia sanctæ Sabinae in Aventino, et scriptus affixus Ecclesiæ Albo, cui litaniarum ordo istiusmodi subscriptus habetur:

15. « Litania clericorum exeat ab Ecclesia beati Joannis Baptistæ.

¹ Greg. Tur. I. x. c. 1. — ² Greg. I. xi. c. 2. Regist.

³ Hierem. IV. — ⁴ Thren. III. — ⁵ Ezech. xviii. — ⁶ Jon. III. — ⁷ Matth. xxvi. — ⁸ Psal. XLIX.

« Litania virorum ab Ecclesia beati martyris Marcelli.

« Litania monachorum ab Ecclesia martyrum Joannis et Pauli.

« Litania ancillarum Dei ab Ecclesia beatorum martyrum Cosmæ et Damiani.

« Litania feminarum conjugatarum ab Ecclesia beati primi martyris Stephani.

« Litania viduarum ab Ecclesia martyris Vitalis.

« Litania pauperum et infantium ab Ecclesia beatæ martyris Cæciliae. Faeta sunt haec in Basilica sanctæ Sabine sub die quarto kal. Septembris, Indictione octava ». Hactenus ex veteri eademque germana lectione, ex qua recentiores emendes, in quibus (ut diximus) inconsulte nimis sexta Iudicio ponitur : quando enim ista contigerint, liquido constat. Porro quam legisti Septiformem litaniam per diversarum personarum alque locorum ordinem distinctam, apud Gregorium Turonensem alter dispositam invenies in hunc modum¹ :

16. « Clerus igitur egrediator ab Ecclesia sanctorum martyrum Cosmæ et Damiani cum presbyteris regionis sextæ.

« Omnes vero abbates cum monachis suis ab Ecclesia sanctorum martyrum Gervasii et Protasii cum presbyteris regionis quartæ.

« Omnes abbatissæ cum congregationibus suis egrediantur ab Ecclesia sanctorum martyrum Marcellini et Petri cum presbyteris regionis primæ.

« Omnes infantes ab Ecclesia sanctorum martyrum Joannis et Pauli cum presbyteris regionis secundæ.

« Omnes vero laici ab Ecclesia sancti protomartyris Stephani cum presbyteris regionis septimæ.

« Omnes mulieres viduae ab Ecclesia sanctæ Euphemiae cum presbyteris regionis quintæ.

« Omnes autem mulieres conjugatæ egrediantur ab Ecclesia sancti martyris Clementis cum presbyteris regionis tertiae. Ut de singulis Ecclesiis exeuntes cum precibus ac lacrymis ad beatæ Mariæ semper Virginis Genitricis Domini Dei nostri Jesu Christi Basilicam congregemur : ut ibi diutius cum fletu ac gemitu Domino supplicantes, peccatorum nostrorum veniam promereri valeamus. Haec eo dicente, congregatis clericorum catervis, psallere jussit per triduum, ac deprecari Domini misericordiam. De hora quoque tertia veniebant utrique (undique) chori psallentium ad Ecclesiam clamantes per plateas Urbis, Kyrie eleison ». Haec Gregorius, quæ accepit a suo diacono tunc in Urbe morante. Sed unde ista diversitas? non aliunde puto, quam quod cum non semel ejusmodi indictæ fuerint litaniae, proque diversitate dierum, diverse affigerentur in Ecclesia inscriptiones, singulæ diebus singulis : ex alia ipsarum alterius diei Gregorii diaconus descripscerit, ex alia alius retulerit inter Epistolas. Plures eo tempore celebratas esse ejusmodi Litanias

diversis diebus, et processum quoque fuisse ad sancti Petri Basilicam, constat ex veteribus Ritualibus. Subdit vero idem Gregorius Turonensis :

17. « Asserebat autem diaconus noster qui aderat, in unius horæ spatio, dum voces plebs ad Dominum supplicationis emisit, octoginta homines ad terram corruisse, et spiritum exhalasse. Sed non deslit sacerdos tantus prædicare populo, ne ab oratione cessarent ». Hensque de his Gregorius, quæ (ut dictum est) accepit a suo diacono : qui cum eundem Gregorium sacerdotem nominet, plane declarat ipsum jam ex diacono fuisse presbyterum ordinatum, sed haud dum ante; nam inferius idem Gregorius : « Ab hoc etiam diaconus noster reliquias sanctorum (ut diximus) sumpsit, dum adhuc in diaconatu Gregorius degeneret ». Haec ipse.

18. Habent veteres Rituales libri (ut vidimus) ultimis litanis esse processum ad Basilicam Apostolorum principis Petri, atque ab eodem Gregorio sanctam imaginem Deiparæ magna veneratione delatam : fuisse autem illa traditur, quæ hactenus extat in Basilica S. Marie ad Praesepem, et a populo honorifico cultu frequentatur : eam tunc a S. Gregorio in processione delatam. Ordo Romanus, quem pluribus exemplaribus Vaticana bibliotheca custodit, affirmat : quibus major procudubio adhibenda tides est, quam eusis haud pridem Venetiis. Tunc vero et mirandum illud accidisse tradunt, ut cum pervenisset procedendo Gregorius ad molem Hadriani Tiberi adjacentem, in signum reconciliati numinis, visus fuerit Angelus nudatum gladium in vagina reponere, eoque symbolo morbum cessasse significare voluisse, quemadmodum (ut superius ex eodem Gregorio¹ dictum est) per sagittas visas cælitus lapsas idem fuerat divinitus premonstratus. Sie itaque in tempore concitatæ divinæ iracundiae (ut seriptum est²) Gregorius factus est reconciliatio, cum averterit ipse divinam indignationem a populo : enjus rei gratia in litanis illis, quæ annua celebitate in Ecclesia antiquo usu recurrunt pro omnibus avertendis malis, idem Gregorius preces indixit cum gratiarum actione pro tanto accepto divinitus beneficio. Extat ejus indictionis formula, quam hactenus inter ipsius Gregorii Epistolas asservatam hic tibi legendam proponimus : sic enim se habet³ :

19. « Solemnitas annuæ devotionis nos, filii dilectissimi, admonet, ut Litaniam, quæ Major ab omnibus appellatur, sollicitis ac devolis debeamus, auxiliante Domino, mentibus celebrare ; per quam a nostris excessibus, ejus misericordiæ supplicantes, purgari aliquatenus mereamur. Considerare etenim nos convenit, dilectissimi, quam variis continuisque calamitatibus pro nostris culpis et offensionibus affligamur, et qualiter cælestis pietatis nobis subinde medicina subveniat. Sexta igitur feria veniente, a Titulo beati Laurentii martyris, qui appellatur Lucinæ, egredientes, ad beatum Petrum Apostolorum

¹ Greg. Tur. l. x. c. 1.

² Greg. dial. l. iv. c. 36. — ³ Eccles. xliv. — ³ In Registr. in prin. Ind. x.

principem Domino supplicantes cum hymnis, et canticis spiritualibus properemus; ut ibide sacra mysteria celebrantes, tam de antiquioribus, quam de præsentibus beneficiis pietati ejus, in quantum possumus, referre gratias mereamur ». Haec Gregorius de lue cessante gratiarum referens actionem. Verum non sic pestis penitus cessavit, ut omnino extincta fuerit, licet in maxima ex parte vis ejus repressa sit; ut quæ dicentur ostendat.

20. *Gregorius fugiens divinis patet factus indiciis consecratur Pontifex.* — Sed quid ipse post haec? non quidem secundum illud de ignavis atque superbis antiquitus usurpatum proverbium: In prælio cervi, in pace leones: sed e converso, se leonem in prælio exhibuit, prodigens vitam ipsam, stansque ante omnes in prima acie primus in tanto disserimine militabat intrepidus: et ubi pax, conciliatio numine, redditum est, tanquam cervus sibi timens, fugam arripuit, latibula captans, cum scilicet littere imperatoris de confirmatione ejus electio-nis Romanam delatae fuerunt; quod iisdem ferme diebus accidit. Sed quid de his primo Turonensis Gregorius habeat, hic reddamus: « Cum, inquit¹, latibula fugæ prepararet, capitur, trahitur, et ad beati Apostoli Petri Basilicam deducitur, ibique ad Pontificalis gratie officium consecratus, papa Urbi datus est. Sed nec destitutus diaconus noster, nisi ad episcopatum ejus de portu rediret, et qualiter ordinatus fuerit, præsenti contemplatione suspiceret ». Haec ipse. Verum de ejus occulta fuga habet ista Joannes diaconus²: « Quia, inquit, palam egredi portas civitatis non poterat, a negotiatoribus expoundum se, dissimulato (ut fertur) habitu, callidus impetravit: silvarum saltus expetiit, cavernarum latibula requisivit. In quibus dum ab omnibus summa sollicitudine quaereretur, indicio columnæ fulgidæ super se jugiter e celo dependentis agnoscitur, capitur, trahitur, et apud Petri Apostolorum principis templum Pontifex consecratur ». Haec de fuga, inventione, et consecratione Gregorii Joannes: quæ quidem omnia et ex ipsis Gregorii papæ scriptis fidem aliquam sibi vindicat.

21. Etenim dum per apologiam ad Joanneum Ravennatem episcopum, qui ipsum ob eam causam incusarat, in Praefatione libri curæ pastoralis ad eum scripta se excusal, haec habet³: « Pastoralis curæ me pondera fugere delitescendo voluisse, benigna, frater carissime, ac humillima intentione reprehendis, etc. » De signo autem divinitus ostendo, quod dictum est a Joanne, ipse ex Epistola ad Cyriacum Constantinopolitanum episcopum fidem aliquam sibi sumit, dum ista habet⁴: « Ego quoque qui indignus ad locum regimini veni, infirmitatis meæ conscius, secretiora loca petere aliquando decreveram: sed superna mihi indicia (judicia) adversari conspiciens, jugo Conditoris subdidi

cervicem cordis, hoc præcipue perpendens, quia quælibet occulta loca sine Dei gratia animam salvare non possunt, etc. » Idemque ad Natalem episcopum Salonitanum his verbis¹: « Quia divinis judiciis (indiciis) non poteram resultare, necessario mentem meam parti lætiori revocavi ». Ita Gregorius, cum conceptum ex sua creatione mœrem deponere ac penitus propulsare eo argumento studeret, quod scilicet ita Deo placitum esse, signis haud dubiis cognovisset. Quæ igitur adeo mirandis præostensta est signis ordinatio, celebrata hoc anno, tertio nonas Septembbris, eadem veluti sacrosancta annis singulis in Ecclesia repetenda, consignata tunc publice fuit in Romanæ Ecclesie tabulis; quæ et in universo Catholicō orbe solemnis hactenus perseverat. Cæterum etsi pendenda ab ipso Gregorio fuerit imperatori eadem pecunia quantitas, quæ a prædecessoribus Gothorum temporibus exacta est; haud tamen in crimen adduci potuit, quasi redemptum pecunia Pontificatum obtinuerit: et enim electio (ut dictum est) legitime facta illi constituit Pontificatum, non imperatoris confirmatio tyrannice usurpata, quæ pecunia licite redimi potuit, eum non redimeretur ea Pontificatus, sed executio muneris, eo modo (quod aliter non licet) ab illata vexatione se liberando.

22. *Pestis, bellum et penuria vexant Romanum et Italiam.* — Ordinatus igitur S. Gregorius Summus Pontifex, mox creditum sibi populum, ut optimus pastor, Dei verbo alere aggressus, in eadem S. Petri Basilica primam ordine positam habuit homiliam, qua pluribus præsentis temporis deploravit temerumas: etenim accidere visum est tunc temporis secundum illud Joelis²: « Residuum erucæ comedit locusta, residuum locustæ comedit bruchus, residuum bruchi comedit rubigo ». Siquidem alia plura post pestem secuta sunt mala; nam cum adhuc apud Basilicam Vaticanam ordinatus Pontifex Gregorius resideret, ventis vehementibus concussa civitate, quæ vetustate infirma erant ædificia solo prostrata sunt: addita his fuere mala alia recentia et instantia, quibus tum Italia premebatur ubique, tum Roma ipsa dirius vexabatur. Quo factum est, ut erederetur extrema mundo dies judicii imminere: cuius rei gratia idem Gregorius Pontifex mense Novembri habens eam in eadem Basilica sancti Petri ad populum homiliam in illam Evangelii lectionem, qua³ signa adventus sui a Domino prænuntiata sunt, post alia habet ista: « Pestilentias sine cessatione patimur ». Et de signis præostensis futurorum malorum: « Priusquam, inquit, Italia gentili gladio ferienda tradetur, igneas in celo acies vidimus, ipsoque qui post humani generis fusus est sanguine coruscantes ». Et inferius: « Ecco, fratres mei, jam cernimus, quod audiebamus: novis quotidie et crebrecentibus malis mundus urgetur. Ex illa plebe innumerablem quanti remanseritis, adspicitis: et tamen ad-

¹ Greg. Tur. hist. Franc. l. x. c. 1. in fin. — ² Joan. diac. Vit. S. Greg. l. i. c. 44. — ³ Greg. in prefat. lib. Pastor. — ⁴ Greg. l. vi. Ep. IV. vel. edit.

¹ Greg. l. i. Ep. xx. — ² Joel. i. — ³ Lue. XXI.

huc quotidie flagella urgent, repentinae casus opprimunt, novae nos et improvise elades affligunt ». Et paulo post : « Nudius tertius, fratres, agnoscitis, quod subito turbine annosa arbusta eruta, destruetæ domus, atque Ecclesiae a fundamentis eversæ sunt. Quantu ad vesperum sani alique incolumes acturos se in crastinum aliquid putabant, et tamen nocte eadem repentina morte defuncti sunt, in laqueo ruinæ deprehensi? Sed considerandum est nobis, dilectissimi, quod ad hæc agenda invisibilis Judex venti tenuissimi spiritum movit, unius procellam nubis excitavit, et terram subruit, casura tot ædificiorum fundamenta concussit. Quid ergo Judex ipse facturus est, cum per semetipsum venerit, et in ultionem peccatorum ira ejus exarserit, si porlari non potest, cum nos per tenuissimam nubem ferit? In iræ ejus præsentia quæ caro subsistet, si ventum movit, et terram subruit, et concitat aera, et tot ædificia stravit? »

23. Fuerant hæc omnia jam antea a sancto Benedicto prænuntiata, cum S. Sabinum episcopum Canusinum alloquerebatur ea quæ ipse S. Gregorius recitat verbis istis¹ : « Roma a Gentilibus non exlerninabitur, sed tempestatibus, coruscis turbini bus, ac terræ motu fasigata in semetipsa marecesset. Cujus prophetæ mysteria nobis facta sunt luce clariora : qui in hac Urbe dissotota mœnia, eversas domos, destructas Ecclesiæ turbine cernimus; ejusque ædificia longo senio lassata, quia ruinis crebrescentibus prostermantur, videmus ». Hæc Gregorius. Sed his malis alia addebat, nempe Longobardorum foris urgentium metus, pavor infus ex iis qui tunc erant Urbis custodiæ initites inancipiati, accensa discordia : de quibus idem Gregorius in Epistola ad Paulum Scholasticum post Pontificatum initum tertia ordine scripta ista habet² : « Veniente autem viro magnifico domino Mauretio christulario, ei, quæso, in Romana Urbis necessitate concurrite : quia hostilibus gladiis foris sine cessatione confodimur, sed seditione militum inferno periculo gravius urgemur ».

24. Imminebat insuper hoc anno dira famæ; cuius rei causa ipse Gregorius, simul ac ordinatus est Pontifex, e Sicilia frumentum vehendum curavit, ut patet ex secunda ordine data Epistola ad prætorem Siciliæ ipso mense Septembri, inchoante nona Indictione : ubi inter alia³ : « De qua re curram gerile : quia si quid minus hue transmittitur (frumenti petiti videlicet), non unus quilibet homo, sed cunctus simul populus trucidatur ». Sic igitur non tam Sedem Pontificiam, in qua sederet, visus est Gregorius consecutus, quam condescendisse jactam omni ex parte turbinibus navem, atque dimotus e sede quæatis vocatus ad bellum, duroisque labores subeundos, et graves perpetuas aerumnas. Hinc ipse ad Joannem Constantinopolitanum episcopum scribens quartam ordine Epistolam, inter

alia habet ista⁴ : « Quia vetustam navem vehementer contractam indigimus (ego infirmusque suscepit) : undique enim fluctus intrant, et quotidiana ac vafa tempestate quassate putridæ naufragium fabulæ sonant; per omnipotentem Deum rogo, ut in hoc mihi periculo orationis vestrae manum porrigitur: quia et tanto enixius pœstis exorare, quanto et a confusione tribulationum, quas in hac terra patimur, longius statis ». Ille Gregorius pressus angustiis undique gemens ac dolens.

25. *Librum curæ pastoralis scribit Gregorius.* — Verum quo magis increbrese vidit mala, eo fortius ad ea superanda animi virtute surrexit, et tantum abiuit ut illis succumberet, ut ea omnia potentisime superans, visus sit tot immensos fluctus, Christi contusus verbo qui vocaverat, sicco vestigio pertransisse; ut dieceret cum Apostolo⁵ : « In omnibus tribulationibus patimur, sed non angustiamur ». Quanta enim fuerit animi tranquillitate inter tot fluctus atque procellas, ex eo quisque facile poterit intelligere, dum (ut ipse testatur in Epistola ad Leandrum episcopum Hispalensem⁶) hoc ipso exordio Pontificatus sui, tanquam si summo otio fruenteret, curisque omnibus vacans, solitarius detineretur monastica cellula, præclarissimum illud de pastorali cura commentarium elaboravit, ea occasione accepta, quod (ut dictum est) Joannes Ravennas episcopus ipsum litteris arguisset, quod pastoralem curam deltescendo fugere voluisse. Qua in re imitatus est Magnus Gregorius Gregorium Nazianzenum : sicut enim ille eadem ex causa scripsit de sua fuga apologeticum, quo sublimem periculosamque ejusmodi spiritualem præfecturam ostendens, se haud insipienter fugisse monstraret; ita hic noster suæ fugæ defensionem parans, simul ostendit periculum, pariterque docuit, quæsos esse debeant, qui in episcopos assumuntur, et quomodo qui assumti sunt se gerere in regimine ipso, atque insuper quomodo docere alios debeant, et ad sni cognitionem eosdem redire demum oporteat. Qua in re non apologiam tantum de fuga sua visus est scribere, sed pastor ipse pastorum pascere eos primum omnium voluisse, unde et daretur eis optime sibi subditos curare greges; memor nimur, primum omnium in eum ex Domini⁷ jussione, sicut Petro, ita et successoribus ejus, labantes confirmare fratres.

26. Scribens igitur de cura pastorali volumen, nihil aliud visus est operatus, quam in eminentissima omnium cathedra sublimis positus docere voluisse omnes qui essent in toto Christiano orbe pastores, necnon eos qui eisdem postea futuri substituti in eodem munere pastorali essent successores. Ita plane, cum ad Synodos celebrandas postea convenerunt episcopi, hoc ipsum (ut suo loco dicetur) ingenuæ professi sunt. Sed quanta id animi demissione, procul abhorrens a

¹ Greg. dial. lib. II. c. 15. — ² Greg. I. I. Ep. III. — ³ Ibid. Ep. II.

⁴ Greg. I. I. Ep. IV. — ⁵ 2 Cor. IV. — ⁶ Greg. I. IV. Ep. XLVI. — ⁷ Luc. XXI.

fastu, Gregorius ipse præstiterit, ejus accipe verba, cum perorat : « Ecce, inquit, bone vir, reprehensionis meæ necessitate compulsus, dum monstrare qualis esse debeat pastor invigilo, pulchrum depinxii hominem pector fœdus, aliosque ad perfectionis littus dirigo, qui adhuc in delictorum fluctibus versor ». Hæc ipse : qui eo se vinculo arctius obstringere voluisse videtur, ut quæ alios scribendo docuisset, primus ipse opere implere satageret, exemplar sibi optimi pastoris velut in fabula pictum ob oculos ponens, ut seipsum in eandem imaginem transformaret.

27. Cæterum quod ad ipsius Gregorii scripta pertinet, plane ea admiranda cognosces, si in eis non folia tantum, sed qui insint fructus velis attentæ perspicere, atque percipere. Tali⁹ infelicitissima conditio sæculi hujus, ut inter Barbaros barbarismis luculentia repleta latinitas, et solœcismorum obducta carie fuerit Romana lingua : ut paene miraculum habitum sit, Gregorium inter tot tenebras aliquo illucescere potuisse fulgore. Sed cœpta jam prosequamur.

28. Cum autem meditaretur ista Gregorius, ipso suæ Sedis exordio, pati coactus est ingruentia undique gratulantium agmina : « Importuna sane uarratio in lucu musica¹ »; quod cogat Christiana charitas², « gaudere cum gaudientibus ». Magis vero exulcerabant animum ejus illi, qui cum spirituales essent, ut consciët ejus animi et instituti, aliter judicare deberent, æque ut cæteri gestire gaudio viderentur. Hinc ipse ad Paulum scholasticum his primis ordinationis sue diebus scribens, hæc ait³ : « Quicquid mihi ex honore sacerdotalis officii extranei arrident, non valde penso : de vobis autem mihi hac ex re arridentibus non minime doleo, qui desiderium meum plenissime scitis, et tamen profecisse me ereditis. Summus enim mihi prefectus fuerat, si potuisset implere quod volui ; si voluntatem meam, quam dudum cognitam habetis, perticere optata quietis perceptione valnissim ». Alludens ad fugam, quam frustra captasset, scribit hæc ad Paulum scholasticum Siciliæ praefectum, cum successorem ab imperatore accepisset Leonem exconsulem : quo tempore idem S. Gregorius⁴ ad curandum Ecclesie Romanæ patrimonium in Siciliam misit Petrum subdiaconum, cui et in mandatis dedit, ut interesset Conciliis ab omnibus episcopis ejus insulæ annis singulis convocandis. Sed ad eundem Petrum paulo post litteras⁵ dedit, cum ipse vindicare vellet Romanæ Ecclesie fundum quemdam, præcipiens, ut si quadraginta annis absque intermissione possessio illius continuata esset, nulla fieret possessori molestia ; nolens ut privilegio a Justiniano Ecclesie Romanæ concessa centum annorum, ne exordia Pontificatus sui aliorum lacrymis auspicaretur.

29. *Gregorii Epistolæ circa sui muneric labo-*

res et curas. — Dum in his esset, nec quæm devoratal ex suis æruminis conceptum mœrem digerere omniō posset, eo magna sipe regurgitante amaritudine animi, gemens et dolens, unde sibi malum quo angebatur provenisse sciebat, eo conversus ; gravius questus est, cum amicis expostulans, quod apud imperatorem non intercessissent, ut de sua electione decretum irritum redderetur. Hoc arguimento ab eo scriptæ sunt litteræ ad Joannem episcopum Constantinopolitanum et alios : ad ipsum enim in primis hæc habet¹ : « Si charitatis virtus in proximi dilectione consistit, et sic diligere proximes sicut nos jubemur; quid est quod me beatitudo vestra non ita sicut se diligit? Quo enim ardore, quo studio episcopatus pondera fugere volueritis, scio : et tamen hæc cadem episcopatus pondera ne mihi deberent imponi, non restititis. Constat ergo, quia non me sicut vos diligitis, qui illa me voluitis onera suscipere, quæ vobis imponi noloistis ». Sunt complures ejusdem Gregorii Epistole ad diversos datæ, quibus Inget miserrimum quem putabat animæ sua statum, in quem sub honoris specie se videret esse conjectum : dignæ quidem omnes quæ ab omnibus legerentur, verum ob prolixitatem vitandam eas hic reddere prætermittimus : ne tamen jejunum omnino lectorem dimittamus, satis sit hic referre quam hoc ipso sui Pontificatus initio scripsit ad sororem imperatoris, nomine Theoctistam, pietate, sicut et generis claritudine insignem feminam ; qua quidem, qui intus laterent, animi fluctus aperit : ait enim post ejus exordium² :

30. « Sub colore episcopatus ad sæculum sum reductus : in qua (ura scilicet pastorali), lantis terræ curis inservio, quantis me in vita laica nequaquam deservisse reminiseor. Alta enim quietis meæ gaudia perdidit, et intus corruens, ascendisse exterius videor : unde me a Conditoris mei facie longe expulsum deploro. Conabar namque quotidie extra mundum, extra carnem fieri ; cuncta phantasmata corporis ab oculis mentis abigere, et superna gaudia incorporaliter videre : et non solum vocibus, sed medullis cordis mei ad Dei speciem anhelans, dicebam³ : Tibi dixit cor meum : Quæsivi vultum tuum ; et : Vultum tuum, Domine, requiram. Nihil autem in hoc mundo appetens nihil pertimescens, videbar mihi in quodam rerum vertice stare : ita ut in me pæne impletum credarem, quod pollicente Domino, ex Propheta didicisse⁴ : Sustollam te super altitudines terræ. Super enim altitudinem terre sustollitur, qui et ipsa quæ alla et gloria præsentis videntur sæculi per mentis despectum ealeat. Sed repente a rerum vertice, tentationis hujus turbine impulsus, ad timores pavoresque corui : quia etsi mihi nihil timeo, eis tamen qui mihi commissi sunt, multum formido.

¹ Eccl. xxii. — ² Rom. xii. — ³ Greg. I. i. Ep. iii. — ⁴ Ibid. Ep. i. — ⁵ Ibid. Ep. ix.

¹ Greg. I. i. Ep. iv. — ² Ibid. Ep. v. — ³ Psal. xxvi. — ⁴ Isa. lviii.

31. « Undique causarum fluctibus quatior, et tempestatibus deprimitur; ita ut recte dicam: Veni¹ in altitudinem maris, et tempestas demersit me. Redire post causas ad eorum desidero, sed ab eo cogitationum tumultibus exclusus redire non possum. Ex hoc ergo mihi longe factum est, quod intra me est: ita ut obedire nequeam propheticæ voci, qua dicitur²: Redite, prævaricatores, ad eorum. Sed stultis pressus cogitationibus solummodo exclamare compellor³: Cor meum dereliquit me. Contemplativae vitae pulchritudinem velut Rachelem⁴ dilexi, sterilem, sed videntem ac pulchram, quæ etsi per quietem suam minus generat, lucem tamen subtilius videt. Sed quo iudicio, nescio, Lia mihi in nocte conjuncta est, activa videlicet vita, freeunda, sed lippa, minus videns, quamvis amplius pariens. Sedere ad pedes Domini cum Maria festinavi, verba oris ejus percipere: et ecce cum Martha compellor in exterioribus ministrare, et erga multa satagere. Expulsa a me (ut credidi) legione daemonum, volui oblivisci quos novi, ad Salvatoris pedes quiescere: et ecce mihi nolenti atque compulso dicitur⁵: Revertete in domum tuam, et annuntia quanta fecerit tibi Dominus. Sed quis inter tot terrenas curas valeat Dei miracula prædicare, cum jam mihi difficile sit saltem recolere? Pressus enim in hoc onere (honore) tumultu sæcularium negotiorum, ex eis me esse video, de quibus scriptum est⁶: Dejecisti eos, dum allevarentur. Neque enim dixit: Dejecisti eos, postquam allevati sunt: sed, dum allevarentur: quia pravi quique dum temporali honore suffulti, foris videntur surgere, intus cadunt. Allevatio ergo ipsa ruina est: quia dum gloria falsa subnixi sunt, a gloria vera evanescantur».

32. « Hinc iterum dicit⁷: Deficientes ut fumus deficient. Fumus quippe ascendendo deficit, et sese dilatando evanescit. Sic videlicet tit, cum peccatoris vitam præsens felicitas comitatur: quia unde ostenditur ut altus sit, inde agitur ut non sit. Hinc rursum scriptum est⁸: Deus meus, pone illos ut rotam. Rota quippe ex posteriori parte attollitur, et in anterioribus cedit. Posteriora autem nobis sunt bona præsentis mundi, quæ relinquimus; anteriora autem sunt aeterna et permanentia, ad quæ vocamus, Paulo attestante, qui ait⁹: Quæ retro sunt oblitus, in ea quæ sunt priora me extendens. Peccator ergo cum in præsenti vita proficerit, ut rota ponitur, quæ in anterioribus corruens, ex posterioribus elevatur: nam eum in hac vita gloriam percipit quam relinquit, ab illa cedit quæ post hanc venit. Et quidem multi sunt, qui sic exteriores proiectus regere sciunt, ut per eos nequaquam interiorius corruant. Unde scriptum est¹⁰: Deus potentes non abjectit, cum et ipse sit potens. Et per Salomonem dicit¹¹: Et intelligens gubernacula possidebit. Sed mili haec difficulta sunt, quia et vaide onerosa:

et quod mens sponte non recipit, congrue non disponit. Ecce serenissimus dominus imperator fieri simiam leonem jussit. Et quidem pro jussione illius vocari leo potest, fieri autem leo non potest: unde necesse est, ut omnes culpas et negligentias meas non mihi, sed sua pietati deputet: quia virtutis ministerium infirmo commisit». Hactenus Gregorius, qui eodem quoque arguento litteras¹² dedit ad Narsetem patricium, necnon alias ad Anaslaus episcopum Antiochenum: desiderantur autem litteræ scriptæ ad imperatorem, quarum meminit in illis redditis ad eundem Anastasium, dum ait: « Praeterea indicio, quia a serenissimis dominis quantis valui precibus postulavi, ut vos, honore restituto, ad sancti Petri Apostolorum principis limina venire, et quousque Deo placuerit, hic mecum vivere concedant: quatenus dum vos videre meruero, peregrinationis nostræ tedium de eterna patria invicem loquendo relevemus». Haec Gregorius.

33. Quorum verborum sensum ut percipias, in memoriam revocare debes, quæ de eodem Anastasio Sinaita in superiori Annalium tomo sunt dicta, ipsum nimirum resistentem Justino calumniam passum, ab eodem fuisse Antiocheno episcopatu dejectum, in locumque ipsius subrogatum Gregorium, quem cognitum perutilem Reipublicæ constat nunquam ab ea sede fuisse per successores imperatores dimotum. Cum vero magna ob spiritualem animorum conjunctionem intercessisset inter ipsum Pontificem Romanum Gregorium et Anastasium necessitudo: illud ab imperatore expetit Gregorius, ut eidem Anastasio honor sedis restitueretur, sine retur tamen ad obitum usque qui tunc sedebat Gregorius sedere, ipse vero Roman ad se Anastasius mitteretur. Verum litteras de restitutione Anastasii licet scriptas, non tamen fuisse missas idem Gregorius testatur in Epistola ad Sebastianum episcopum, ubi ait¹³: « Praeterea indicio suggestionem, meam ad piissimos dominos summis precibus plenarii fecisse, ut virum beatissimum dominum Anastasium patriarcham, concessu usu pallii, ad beati Petri Apostolorum principis limina mecum celebraturum solemnia missarum transmittere debunssent: quatenus, si et ad sedem suam minime reverti liceret, saltem mecum in honore suo viveret. Sed quæ causa fuerit ut eadem scripta retinerem, præsentium lator vobis innescet». Haec ipse. Sed factum est divino consilio, ut post sequentem annum ille Gregorius moreretur, thronum vero suum post viginti quatuor annos ipse receperit Anastasius, ut sao loco dicemus.

34. *Consulit Greg. Ecclesiis derelictis.* — Qui igitur in Orientalem Ecclesiam, mox ut creatus est Pontifex, convertit oculos, certe quidem illis consulere, quæ proxime essent, non despexit: cum enim sciret complures Italiae Ecclesias post tot bella tempore Gothorum illata et per Longobardos ite-

¹ Psal. LXVIII. — ² Isa. XLVI. — ³ Psal. XXXIX. — ⁴ Genes. XXIX.
— ⁵ Marc. V. — ⁶ Psal. LXXII. — ⁷ Psal. XXXVI. — ⁸ Psal. LXXXII.
— ⁹ Phile. III. — ¹⁰ Job. XXXVI. — ¹¹ Prov. I.

¹² Greg. I. I. Ep. VI. VII. — ¹³ Ibid. Ep. XXVII.

rata penitus desolatas, earumdem propensiorem curam gessit : quamobrem¹ Minturnensem Ecclesiam non clero tantum, sed et populo destitutam, Formianæ illi proxime inhærenti conjunxit, in qua tunc fuisse venerandum corpus sancti Erasmi martyris tradit. Verum et Formiana postea pariter desolata, in proximum locum ad mare positum natura loci munatum, Cajetam dictum, tam sedes, quam martyris pignora sunt translata. Sed et hoc pariter anno, Ecclesia Populonensi in Tuscia, cuius tuerat episcopus sanctus Cerbonius, sacris destituta ministris, Rosellano episcopo, ut eam curare deberet, litteris jussit, quarum est exordium²: « Peruenit ad nos, quod Populonensis Ecclesia ita sit sacerdotis officio destituta, ut nec pœnitentia decedentibus ibidem, nec baptisma possit præstari infantibus, ele. » Ex quibus duo ista percipiendas in Ecclesia Catholica servari solita, nimirum ut nemo fidelium adullorum absque pœnitentia, ipso sacramento videlicet pœnitentia per sacerdotem impertiendo, ex hac vita migrare sineretur, neque infantes coalescere absque baptismo permetterentur. Hæc sui episcopatus exordio: de reliquis autem Ecclesiis collapsis, et ut lieui restitutis, vel altis commendatis, sequentibus annis pro temporis ratione dicturi sumus.

33. *Schismaticis ad unitatem revocandis studet Gregorius qui contra libellum ad imperatorem mittunt.* — Sed majus negotium illud totis viribus suscipiendum ipsi fuit, ut schismate divisa membra capiti jungeret: hoc enim anno idem Gregorius conatus est schismaticos illos ob Tria Capitula (de quibus saepe tomo superiori dictum est) ab Ecclesia Romana separatos communioni Catholice restituere. Erant³ ex eis nonnulli Neapoli degentes, qui quidem, quod non ut alii tumidi arrogantia et aversione superba se ab Ecclesia Romana separaverant, sed quod vererentur, ne Tria damnando Capitula, aliquid facerent in præjudicium Concilii Chaleedonensis, quo praetextu alii omnes schismatici (ut suis locis est demonstratum) contra quod intam Synodum se erexerant, facilius curari potuerunt. Horum unus, Stephanus nomine, simul ac accepisset sanctissimum virum Gregorium creatum esse Romanum Pontificem, purum sinecumque veritatis cultorem, apud quem nullum haberet accessum privata affectio, sed studium veritatis; Romanu veniens, ipsum converit, suæque mentis ambages, animique dubitationem aperuit, quorum causa se ab Ecclesia separarat: illud pollicitus, reversum se ad fideli Catholice communionem, si ipse Gregorius sua ipsius animæ susciperet in se periculum, intercederetque sponsor et tidejussor apud Deum, ut ratum haberetur in caelo, quod ipse rediens ad communionem Romanæ Ecclesie in terris ageret. Quod Gregorius facere minime cunctatus est; sed et ut idem præstaretur ab ejus sociis Neapoli de-

gentibus, litteris admonuit Demetrium his temporibus Neapolitanum episcopum.

36. Urgebat et jussio imperatoris, ut schismatici omnes ad Ecclesiam redire deberent: enijs rei gratia scripsérat Mauritius Augustus ad ipsum Gregorium Romanum Pontificem, ut eos omnes Romam ad Synodum convocaret: ut Synodali decreto iis quæ ab ipsis revocata essent in dubium, amotis, perfecta Ecclesie unitas sanciretur. Non extant ipsæ litteræ imperatoris, sed tantum Gregorii id habetur testificatione de his scribentis ad Severum Aquileiensem episcopum iterum in schismatis errorem delapsum; ubi ad finem hæc habet⁴: « Pro qua re imminentे latore praesentium, juxta Christianissimi et serenissimi rerum domini jussionem, ad beati Petri Apostoli limina cum suis sequacibus venire te volumus: ut auctore Deo, aggregata Synodo, de ea quæ inter nos vertitur dubietate, quod juslum fuerit, judicetur ». Hæc ipse. Verum venire cum contempisset, sede ab hostibus privatus est, Aquileia ipsa (ut dicimus) incensa, et ipse profugus ad summam est deductus inopiam, ut stipem quereret. Sed de his inferius.

37. At licet, ut vidiſti, jussione etiam imperatoris cogerentur schismatici episcopi Romanam ad Synodum proficiisci, idque etiam suis litteris præciperet S. Gregorius papa, scribens ad Severum Aquileiensem episcopum ipsorum antesignanum, ipsi tamen more præcedentium schismaticorum, qui, ut subterfugerent judicium Ecclesiasticum, provocare consueverunt ad imperatorem, dederunt libellum Mauritio Augusto, ne cogerentur Romanam ad Pontificem proficiisci; sieque eluserunt ejusdem imperatoris missam anteā jussionem, necnon Gregorii papæ præceptum. Exlat libellus ipse, hic tibi modo recitandus: accepimus enim una cum aliis Episcopis a Nicolao Fabro nostri studiosissimo, de promptum (ut putamus) ex bibliotheca Pithei, cuius ipse extitit amicus intimus et conlubernalis. Sic se habet:

38. « Sub Gregorio papa schismaticorum libellus supplex episcoporum ad Mauritium imperatorem.

« Suggereundum domino nostro elementissimo ac piissimo domino Mauritio Tiberio humiles Venetiarum vel secundæ Rhetæ Ingenuinus, Maxentius, Fonteius, Laurentius, Agnellus, Felix, Augustus, Junior, et Horontius episcopi.

« Pielatis vestræ est, clementissime dominator, preces humilium sacerdotum imperiali dignatione suscipere: quod etiam supplices depreciamur per Dominum Deum nostrum Jesum Christum Salvatorem omnium, per fidem Catholice et regnum quod meruistis a Deo concessum, atque salutem dominorum filiorum vestrorum, quibus perpetuum imperium Deo gubernante permanet, ut aditum inveniat supplicatio nostra apud pias aures vestras, et cum fiducia recurrentes ad principalia remedia,

¹ Greg. l. 1. Ep. VIII. — ² Greg. l. 1. Ep. xv. — ³ Greg. l. 1. Ep. XIV.

⁴ Greg. l. 1. Ep. XVI.

mereamur quæ petimus impetrare. Nam etsi nos peccata nostra ad tempus gravissimo iugo summisserunt, auxiliante nobis Domino, nullo pondere pressurarum ab integritate Catholicæ fidei invenimur ullo modo titubare. Deinde nec oblii sumus sanctam Remp. vestram, sub qua olim quieti vivimus, et adjuvantे Domino redire totis viribus festinamus. Suggestimus etenim, domine piissime princeps, scandalum Ecclesie, quod tempore divæ memorie Justiniani principis totius mundi Ecclesias conturbavit, nostrarum quoque provinciarum partibus ex tunc jam esse compertum; damnationem scilicet Trium Capitulorum, id est, Epistolæ venerabilis Ibæ episcopi Edessenæ civitatis, personæ quoque Theodori Mopsuestie episcopi, atque scriptorum Theodorei episcopi Cyri, quæ in sancta Synodo Chalcedonensi recepta sunt, et Vigilio tunc Romano præsuli, atque omnibus pene sacerdotibus damnatio ipsa, sicut revera contraria sancto Chalcedonensi Concilio, execrabilis noseitur extitisse. Qui etiam Vigilius scripta sua per omnes provincias mittens, anathematis vinculis obligavit omnem populum, si quis damnationi Trium Capitulorum præberet aliquando consensum. Et licet postea imperiali pondere ad consensum damnationis Capitulorum ipsorum paulatim singuli tunc fuerint coarctati, nostrarum tamen provinciarum venerandi decessores, quibus indigni successimus, prædicti quondam Vigilius instructionibus informati, ad hoc inclinare nullo modo potuerunt. Quorum nos exempla, Deo propitiante, servantes cum universo populo nobis credito, sequentes etiam in omnibus definitionem saneli Chalcedonensis Concilii, defensioni Capitulorum ipsorum et reverentiam exhibemus, et a communione damnablem cum divina gratia abstinere dignoscimur. Et dum Smaragdus glorus chartularius patrem nostrum sanctæ memorie Heliam archiepiscopum Aquileiensis Ecclesie pro causa ipsa pluribus vicibus contristaret: cum nostro omnium consilio atque consensu direxit ad pia vestigia principatus vestri preces, supplicans, ut exspectata Dei misericordia, revocatis omnibus consacerdotibus Synodi nostræ in potestatem sanctæ Reipub. ad vestrae clementie præsentiam veniretur, et vestrum in causa ipsa exspectaretur judicium. Quod pietas vestra mansuetudinis ad mercedem et laudem imperii sui, elementi dignatione suscipiens, iussionem suam dedit ad prædictum gloriosum Smaragdum, ut nullatenus quemquam sacerdotolum pro causa communione inquietare præsumeret, sed Dei misericordia operante suslinetur, quounque compressis gentibus ad libertatem omnes sacerdotes Concilii sub sancta Rep. pervenirent. Deinde defunctus est memoratus archiepiscopus noster Helias.

39. « Nos vero pro imperatis precibus, ejusdem cum omnibus populis ardentibus devoteores effecti, si fieri potuisset, eisdem diebus ad vestra certabamus redire vestigia: et gratias Deo retulimus, et pro vita imperii vestri, sicut ipse novit Dominus, assiduas preces ejus obtulimus majestati. Post hoc

ordinato in sancta Aquileiensi Ecclesia beatissimo archiepiscopo nostro Severo, quæ contumeliae illæ sint, et quibus injuriis, ac cæde corporali fusilium, et qua violentia ad Ravennatem civitatem fuerit perductus alque redactus in custodiam, quibusque necessitatibus oppressus atque contritus fuerit, poluit ad domini nostri pias aures sine dubio pervenire. Nos autem tamen inauditis calamitatibus patrem et archiepiscopum nostrum, quod nunquam sub Christiano principe factum dignoscitur, cognoscentes afflictum, insanabilium dolorum sumus stimulis vulnerati: nam in hoc tempore iterum cognovimus, reverendum papam Gregorium ad ejusdem patris nostri exhibitionem misisse cum sacratissima vestra pietatis jussione, ut pro causa ipsa communionis ad Romanam deberet civitatem deduci. Quod audientes, quamvis certi essemus talēm jussionem domini nostri specialiter adversariorum improba importunitate subreptam, contabuimus; et contriti atque lucru gravissimo sauciali ad ultimam desperationem pervenimus, ut ad illius judicium metropolita nosler cogeretur occurreret, eum quo causa ipsa esse dignoscitur, et cuius communionem ab initio motionis cause hujus usque nunc decessores nostri et nos cum omni populo evitamus. Et quidem memoratum beatissimum archiepiscopum nostrum frequenti contestatione convenimus: ne nobis absentibus, et a se ad præsens divisus de communi causa Ecclesie aliquid audeat definire. Quoniam, piissime domine, sic accensi sunt omnes homines plebitum nostrarum in causa ista, ut ante mortem perpeti, quam ab antiqua Catholicæ patianlur communione divelli.

40. « Revera, clementissime dominator, fidem Catholicam conservantes, et Chalcedonensis Concilii definitiones in omnibus venerantes, ut quibuslibet occasionibus conlistentur, nec Deo, nec vestrae pietati placere, credendum est. Ergo, mitissime dominator, totius nostræ parvitatis haec est deliberatio, sicut et eidem patri et archiepiscopo nostro scripsimus, ut pro reddenda ratione communionis nostræ contenti Deo judicio in iugo barbarico, opportuno tempore, ad vestrae pieatis vestigia occurramus, habentes præ oculis exempla fidelia, quibus edocli sumus, cum omnes intentiones sotpæ sunt. Sic Theodosii senioris Constantinopolitana Synodus, Deo propitiante, sedatis est scandalis confirmata: sic deinde Ephesina prima Synodus divæ memorie Theodosio juniore disponente, bene noscitur definita; sic ad postremum præsentia Marciani divi principis, abscissis omnibus scandalis, pax Catholicæ in Chalcedonensi Concilio reformata est. Nam per absentiam Christianissimorum principum in Ephesina secunda episcoporum congregatiæ in Dioscoro Alexandrino Flavianus sanctissimus regiae urbis vestra episcopus veritatem Catholicæ fidei defendens occisus est, aliisque episcopi assertores Orthodoxæ fidei injuste dejecti sunt, et scandalum Ecclesie pessimum generatum est: quod cum magno labore postea divæ memorie Marcianus imper. avus vestra

pietatis sua praesentia in sancto Chalcedonensi Concilio amputans, Catholicam pacem universalis Ecclesiae restauravit.

41. « Hoc tanquam prostrati deposcimus, ut quia misericordia Dei circa sanam Remp. operante, in meliori statu Italæ partes, laborante fideliter gloriose Romano patre, dignanter perduxit: et credimus nos celeriter, devictis gentibus, ad pristinam libertatem deduci; casset violentia militaris, quam vestro felicissimo tempore Deus fieri non permittat. Sint induciae; et cum jussione saceratissimi imperii vestri parati erimus ad pedes vestrae pietatis occurtere, et nostræ fidei atque communiois plenam reddere rationem. Nam enim quo nobis ipsa causa est, et quem in communione vitamus, judicem experiri non possumus: quod etiam saceratissimis legibus vestris statutum est, nullum posse judicem esse in causa qua adversarius comprobatur. Sed sicut semper Deus praesentia Christianorum principum intentiones Ecclesiasticas sedare dignatur; hoc et nunc fieri supplicamus. Etenim si aliter, clementissime domine, actum fuerit, ut archiepiscopum nostrum quod absit) ad Romanam contingat violenter exhiberi Ecclesiam; spes jam nulla erit conservandæ justitiae, sed tantum pondus gravissimæ violentiae.

42. « Suggerimus etenim, pie dominator, quia tempore ordinationis nostræ, unusquisque sacerdos in sancta sede Aquileiensi cautionem scriptis emitimus studiose de fide ordinatoris nostri: nos fidem integrum sancte Reipub. servaturos: quod ipse novit Dominus, nos fideliter tolo corde, et servasse, et hucusque jugiter conservare. Si conturbatio ista et compulsionis pliis jussionibus vestris remota non fuerit, si quem de nobis qui nunc esse videamus, defungi contingeret; nullus plebi nostrarum ad ordinationem Aquileiensis Ecclesie post hoc patetur accedere: sed quia Galliarum archiepiscopi vicini sunt, ad ipsorum sine dubio ordinationem accurrent, et dissolvetur metropolitana Aquileiensis Ecclesia sub vestro imperio constituta, per quam Deo propitio, Ecclesias in gentibus possidet; ut quod ante annos jam fieri ceperat, et in tribus Ecclesiis nostri Concilii, id est, Bremensi, Tiburniensi, et Augustana Galliarum episcopi constituerant sacerdotes; et nisi ejusdem tune divæ memoriae Justiniani principis jussione commotio partium nostrarum remota fuisset; pro nostris iniquitatibus pâne omnes Ecclesias ad Aquileensem Synodum pertinentes Galliarum sacerdotes pervaserant. Ergo, domine pie, quia semper piissimorum principum fides pro tranquillitate Ecclesie vigilavit, et hoc studio, repensante Deo, contrarie gentes divina manu compressa sunt: mereamur nos humiliissimi sacerdotes supplicationis nostræ sortiti effectum. Nam qui aliter pro domino nostro subrepere cipiunt, nec Dei iudicium habent prae oculis, nec utilitatem sanctæ Republicæ vestre, seu opinionem pli imperii, quam lacerari non metunt de murmuratione lotius populi partium istarum, qui persecutionem evidenter Christianis fieri suspicantur.

Præsentem igitur supplicem relationem confiderent direximus, quam pia clementia dignetur placida aure recipere, ut effectum nostræ supplicationis Deo vobis aspirante sortiti, pro quiete matris nostræ Aquileiensis Ecclesie saceratissimis jussionibus relevetur; et pro incolumentate domini nostri ac dominorum filiorum vestrorum Domino Deo nostro jugiter supplicemus.

Subscriptio.

« Ingenuinus episcopus sanctæ Ecclesie seconde Retiae hanc relationem a nobis factam subscripti.

« Maxentius episcopus sanctæ Ecclesie Juliensis, ut supra.

« Laurentius episcopus sanctæ Ecclesie Bellunæ, ut supra.

« Augustinus episcopus sanctæ Catholicæ Concordiensis Ecclesie, ut supra.

« Agnellus episcopus sanctæ Trajentinæ (Parentinae) Ecclesie, ut supra.

« Junior episcopus sanctæ Catholicæ Ecclesie Veronensis, ut supra.

« Fonteius episcopus sanctæ Feltinæ Ecclesie, ut supra.

« Felix episcopus sanctæ Tervisianæ Ecclesie, ut supra.

« Horontius episcopus sanctæ Catholicæ Ecclesie Venetinæ, ut supra ».

Hactenus de his ibi.

43. *Mauritii imperiosa Epistola ad Gregorium.* — Hoc antem accepto libello Mauritius imperator querelis ipsorum permotus, nullo de veritate habito diligentiori examine, has imperiosas, more tyraunico ad S. Gregorium papam litteras dedit, quas ab eodem Fabro (ut diximus) Parisiis missas accepimus, quæ sic se habent:

« Mauritii Epistola ad sanctum Gregorium papam.

« In nomine Domini Dei nostri Jesu Christi imp. Cesar Fl. Mauritius Tiberius Fidelis in Christo. Pacificus, Mansuetus, Maximus, Beneficius, Alamanicus. Gregorio viro sanctissimo et beatissimo archiepiscopo almæ Urbis Romæ ac papæ.

« Consuetam et Deo placitam vestram sanctitatem scientes, et quod recte Catholicæ nostræ Ecclesie dogmatum omnibus doctrinam exercetis: scire vos volumus quod episcopi Istriensium provinciarum per clericos aliquos ad nos directos suggestiones nobis transmiserunt, unam episcoporum civitatum et castrorum quæ Longobardi tenere dignoscuntur, aliam Severi Aquileiensis episcopi aliorumque episcoporum qui cum illo sunt, et tertiam solius ejusdem Severi. In quibus omnes dixerunt, tuam beatitudinem milites ad illos transmissee cum uno tribuno et excubitore, necessitatem imponentes prælato reverendissimo Severo, et omnibus episcopis, ut ad tuam beatitudinem perveniant propter diversam voluntatem quam habent ad saera et Catholicæ dogmata sacrosancte nostræ Ecclesie. Et supplicaverunt nos, inducias ad hoc sibi

fieri, et nullam eis interim necessitatem imponi ad vestram sanctitatem pervenire : et licenter quod tempore opportuno ad hanc sacratissimam urbem accedentes per seipso suggerere nobis habent, quae sibi obstat evidentur. Quia igitur et tua sanctitas cognoscit praesentem rerum Italicarum confusione, et quod oportet temporibus competenter versari : jubemus, tuam sanctitatem nullatenus molestiam eisdem episcopis inferre ; sed concedere eos otiosos esse, quoisque per providentiam Dei, et partes Italiae pace aliter conslituantur, et ceteri episcopi Istriae seu Venetiarum iterum ad pristinum ordinem redigantur. Tunc enim perfectius omnia pro pace, et diversitate dogmatis cum antecedentibus tuis orationibus corrigentur. Et sua subscriptio. Divinitas te servet per multos annos sanctissime ac beatissime pater. Explicit ». Haec est ex scripto Codice Manritii ad sanctum Gregorium pro schismaticis Epistola, in qua more suo imperialor præter consuetudinem piorum Augustorum arroganti fastu non rogat, sed præcipit, quod obtinere nuditur a Pontifice : id quidem minime jure imperorio sed tyranno facere consuevit, quæ suo loco dicentur inferius declarabunt. Sed quæ sunt reliqua rerum gestarum Gregorii anni hujus prosequamur.

44. Pro Arianorum conversione Gregorii studia. — Gregorius insuper et eos quos impietas Ariana per regiam potestatem segregaverat ab Ecclesia, quantoce eidem Catholicæ Ecclesie restituendos curavit. Antharit enim rex Longobardorum Ariana labe pollutus, eadem inficere Catholicos studens, hoc anno Paschali tempore prohibuerat, Longobardorum Orthodoxorum filios, in fide Catholicæ baptizari. Sed quid accidit ? ulti Deus impiatis exsurgens hoc eodem anno eodemque ferme die quo sanctus Gregorius conseratus est Pontifex, nempe nonis Septembbris, ipsum ex hac vita subduxit, ut Paulus affirmat¹. Quamobrem ipse Pontifex ut cœno impiatis mersos erueret, ejusmodi ad universos Italæ episcopos decretum misit² :

45. « Quoniam nefandissimus Antharit (Antharis) in hac, quæ nuper expleta est Paschali solemnitate, Longobardorum filios in fide Catholicæ baptizari prohibuit, pro qua culpa eum divina maiestas extinxit, ut solemnitatem Paschalem ulterius non videret : vestram fraternitatemi decet cunctos per loca vestra Longobardos admonere, ut quia ubique gravis mortalitas imminent, eosdem filios suos in Ariana haeresi baptizatos ad Catholicam fidem concilient, quatenus super eos iram Domini omnipotentis placent. Qnos ergo potestis, admonete ; quanta virtute valeatis, eos ad fidem rectam suadendo rapite ; aeternam eis vitam sine cessatione prædicate : ut cum ad districti veneritis conspectum Judicis, possitis ex vestra sollicitudine lucrum in vobis ostentare pastoris ». Hæc Gregorius : quibus

etiam iudicatur, peslein illam, inguinariam dictam, in Urbe coepiam, alia loca Italæ invasisse ; quam non Italiani tantum esse depastam, sed et alias provincias, constat.

46. Pestis in Gallia in qua pietas regis Guntheranni luctet. — Pervasisse enim Hispaniam atque Galliam eamdem inguinariam pestem, Gregorius Turonensis affirmat, dum ait¹ : « Navis ab Hispania una cum negotio solito ad portum ejus appulsa civitatis, quæ hujus morbi somitem secum nequiter deferebat : de qua cum multi civium diversa mercarentur, una contestim domus, in qua octo animabantur, hoc contagio interfectis habitatoribus, relieta est vacua. Nec statim hoc incendium luis per domos spargitur totas, sed interrupto certi temporis spatio, ac velut in segetem flamma accensa, urbem totam morbi incendio conflagravit. « Quid autem rex Guntheramus pietate insignis ad eamdem lucem avertendam praestiterit, ne reliquas Galliae civitates adiret, idem auctor superius ita narrat² : « Ipse autem rex (ut sepe diximus) in eleemosynis magnus, in vigiliis atque jejuniis promptus erat. Nam tunc ferebatur Massilia a lue inguinaria valde vastari, et hunc morbum usque ad Lugdunensem vicum, Octavum nomine, fuisse celeriter populatum. Sed rex ac si bonus sacerdos, providens remedia, quibus cicatrices peccatoris vulgi mederentur, jussit omnem populum ad Ecclesiam convenire, et rogationes summa devotione celebrari, et nihil aliud in usum vescendi nisi panem hordeaceum cum aqua munda assumi, vigilisque adesse instanter omnes jubet. Quod eo tempore ita gestum est : per triduum enim ipsius eleemosynis largius solito præcurrentibus, ita de cuncto populo formidabat, ut jam tunc non rex tantum, sed etiam sacerdos Domini pularetur, totam spem suam in Domini miseratione transfundens, et in ipso jaetans cogitationes quæ supervenierant, a quo eas effectui tradi, tota fidei integritate putabat.

47. « Sed et quomodo etiam in eodem rege virtus miraculorum cognita fuerit, ita mox subdit : « Celebre tunc a fidelibus ferebatur, quod mulier quedam, cuius filius quartano typo gravabatur, et in stratu anxius decumbebat, accessit inter turbas populi usque ad tergum regis, abruptisque clam regalis indumenti simbriis, in aquam posuit, filioque bibendum dedit ; statimque restincta febre sanatus est. Quod non habetur a me dubium, cum ego ipse sepius larvas, energia famulaute, nomen ejus invocantes audierim, ac erimum propriorum gesta, virtute ipsius discernente, fateri ». Hæc de his ipse Gregorius Turonensis.

48. Ex reliquis sanctorum Martyrum miracula. — Sed jam ejus diaconum, quem acceptis Romæ a S. Gregorio papa saeris reliquis ibi reliquimus, in Gallias redeuntem assecemur : miranda quidem ei in ipsa navigatione contigisse videbimus, audiamus autem ipsum Gregorium ejus episcopum

¹ Paul. diac. l. iii. c. ult. — ² Greg. l. i. Ep. xvii.

¹ Greg. Tur. hist. Franc. l. ix. c. 12. — ² Greg. eod. l. c. 21.

ista narrantem his verbis¹: «Ab hoc etiam Gregorio papa diaconus noster reliquias sanctorum (ut diximus) sumpsit, dum adhuc in diaconatu degeret», vivente scilicet adhuc Pelagio, ut idem habet in commentario de gloria martyrum his verbis²: «Sicut a diacono nostro relatum, ita gestum esse cognovimus. Ille autem diaconus a papa Urbis Romæ Pelagio quorundam martyrum confessorumque pignora accipiens, cum grandi psallentio, psalmodia videlicet, vel clericorum officio, ac populi immensi obsequio, usque ad portum deductus est». Cum autem ibidem exspectans navigandi tempus opportunum moraretur, contigisse tradit, celebrari ordinationem ipsius Gregorii papæ, eamque ut videtur, e Portu Romano euodem diaconum redisse. «Recurrens vero rursus ad Portum: Ingressus, inquit, navem, erectis velis ac per illum antennæ (quæ modulum crucis gestat) apparatum extensis, ilante vento, pelagus altum arripiunt.

49. «Qui dum navigauit, ut Massiliensis civitatis portum attingant, appropinquare cœperunt ad locum quendam, de quo a littore maris lapideus mons exsurgens, ac paulatim decedens, summatus unda in mari distenditur. Cumque impetuoso vento, earina magno impetu ferrelur in præceps, ut scilicet scopulo illa quassaretur atque nautæ disseri- men intuentes exitus vociferarentur; diaconus elevata cum sanctis pignoribus capsæ, invocare nomina singulorum cum genitu et voce maxima cœpit, depreeans ut eoram virtute ab hoc periculo perituri liberarentur. Jam jamque appropinquabat navis (ut præfati sumus) ad scopulum: et statim in sanctorum contemplatione reliquiarum, ab ipso loco commotus cum violentia majori ventus hinc vento contrarium fluctum elisit, ventumque adversum repulit, ac nave in pelus profundum revocata, cunctos a mortis periculo liberavit: sieque gyrata mole periculi, portum quem desiderabant, cum Domini gratia ac sanctorum patrocinio configerunt. Erant enim reliquiae sanctorum, (Apostolorum scilicet), quorum sacra vestigia Domini manibus sunt abluta, cum Pauli, Laurentiique, atque Pancratii, Chrysanthi, Dariaeque virginis, Joannis, atque alterius Pauli fratris ejus quorum certamina et palmas victoriarum ipsa caput orbis Urbs Roma devota celebrat». Hucusque Gregorius.

50. *Francorum motus in Longobardos.* — Hoc eodem anno contigit Francorum motus adversus Longobardos Galliam Cisalpinam occupantes, ab eodem Gregorio Turonensi³ descriptus, eodem anno videlicet, quo Gregorius creatus est Pontifex: idque ex eo colligitur, quod sequenti anno, ubi Agilulphus creatus est rex Longobardorum⁴, ad captivos redimendos misit Agnellum Tridentinum episcopum, ut suo loco dicetur. Franci enim sinnul cum imperatore Mauritio fœdus adversus Longo-

bardos ineuntes, ad eos ab Italia expellendos; in Italiam descenderunt, magnumque ubique accolitum intulerunt, devastantes omnes regiones illas per quas transisse contigit, ex quibus divinum numen adversum se concitaverunt. Pervenientes enim in Italiam, cum non reperissent exercitum imperatoris ex condicto adversus Longobardos mitterendum, nihil magni momenti efficere potuerunt, cum Longobardi una cum suo rege in minita loca se receperissent, sive in Ticinensem civitatem, vel alii ad alias munitiones con fugissent. Franci vero circumque palantes, in prædam conversi per trium mensium spatum, demum morbis affliti atque consuerti, pauci cum preda quam egerant, et captivis in Gallias redire compulsi sunt. Hic finis expeditionis hujus anno, adhuc rege vivente Longobardorum, de cuius obitu nuper alia occasione mentio facta est. Porro quem Antharit Gregorius papa et alii regem Longobardorum nominant, Turonensis Gregorius euodem Aptacharium appellat, quem et hoc anno obiisse refert; et Paulum ejus successorem vocat, quem Agilulphum dictum fuisse omnes affirmant. Porro quod Gregorius Turonensis Agilulphum vocat Paulum, respexit ad nomen, quod postea sumpsit a Baptismo, ut suo loco dicetur inferius.

51. Quod autem ad vinculos pertinet: quid tunc temporis admiratione maxima dignum Arvernus in Gallia acciderit, idem Gregorius subdit his verbis⁵: «Apud Arvernos vero vinci careeris nocte, Dei notu disruptis vinculis, reseratisque aditibus custodie, egressi, Ecclesiam ingressi sunt. Quibus cum Eulalius comes onera catenarum addi jussisset; ut super eos sunt posita, exemplo seu vitrum fragile communata sunt: et sic obniente Avilo sancto ejus civitatis pontifice eruti, propriæ sunt redditū libertati». Quæ vero miraculum istud prosecuta sit munificentia Childeberi regis, idem pergit sic dicere: «In supradicta vero urbe Childebertus rex omne tributum tam Ecclesijs, quam monasterijs, vel reliquis clericis qui ad Ecclesiam pertinere videbantur, aut quicunque Ecclesie officium excolebant, larga pietate concessit. Multum enim iam exactores hujus tributi expoliati erant, eo quod per longum tempus et succendentium generationes, ac divisis in multas partes ipsis possessionibus colligi vix poterat hoc tributum: quod hic, Deo inspirante, ita præcepit emendari, ut quod super hoc fisco debetur, nec exactorem damnia percerarent, nec Ecclesie cultorem tarditas de officio aliqua revo caret». Ille Gregorius.

52. *Synodus Antisiodorensis diœcesana.* — Quod rursus ad Francorum res spectat, ad hoc ipsum tempus pertinet Concilium Antisiodorense diœcesanum, cui præfuit Aunacharius ejusdem civitatis episcopus solus cum abbatibus et presbyteris ejusdem diœcesis; in quo plura, quæ statuta fuerant in Matisconensi Concilio secundo, cui idem Aunacha-

¹ Greg. Tur. hist. Franc. l. x. c. 4. — ² Greg. Tur. de glor. mart. c. 83. — ³ Greg. Tur. hist. Franc. l. x. c. 3. — ⁴ Paul. diac. l. iv. c. 4.

⁵ Greg. Tur. hist. Franc. l. x. c. 6.

rius interfuit, et sexto loco subserpsit, pariter repetita esse reperiuntur. Habentur in eo sancti canones quadraginta quinque ad Ecclesiasticam disciplinam et monasticam observantiam refinendam spectantes; quorum nonnullorum etsi usus exoleverit, antiquitatis tamen indices remanserunt. De quibus monendum, ne dum in duobus ex illis vigiliis prohibitas legis, de sacris intelligas, sed que in privatis domibus fieri consueverunt, ut cum dicitur canonice tertio: « Non licet compensas in domibus propriis, nec vigilias in festivitatibus sanctorum facere ». Nam et paulo post: « Sed quicunque votum habuerit, in Ecclesia vigilet ». Sic et intelligas quae habentur in ejusdem Concilii canone quinto illis verbis: « Omnino et inter supradictas conditiones, vigilias quas in honore Domini observant, omnibus prohibemus ». Quae nimurum fiebant in domibus propriis, admixtasque habebant aliquas superstitiones.

53. Quam autem frequens esset hoc tempore sacrarum vigiliarum usus in Galliis, illud ostendit inter alia, quod quemlibet diem Dominicum fideles praecedentibus nocturnis vigiliis agerent, ut docet canon primus posterioris Concilii Matisconensis, cui (ut divimus) idem interfuit et subserpsit Annacharius, qui huic Synodo Antisiodorensi praefuit: ejus haec sunt verba, dum de die Dominico religiosissime celebrando agitur: « Noctem quoque ipsum, quæ nos supernæ luci et immarescibili reddidit, spiritualibus exigamus exequiis, nec dormiamus in ea, quemadmodum dormitant, qui nomine duntaxat Christiani esse noseuntur; sed oremus et vigilemus operibus sacris, ut digni habeamur in regno coheredes tieri Salvatoris ». Hæc ante annum statuta in Concilio provinciali, hanc potuerunt post annum a diœcesano Coneilio aboleri, ab eo præsentim episcopo, qui (ut dictum est) eidem et statuenti Concilio subserpsisset. Quin etiam in hoc ipso Antisiodorensi Concilio, de quo agimus undecimo canone habetur de religiose servandis vigiliis Paschatis: « Ne quis scilicet quiequam in eis post medianam noctem comedat ». Hæc de vigiliis oportuit admonuisse adversus eos qui putant per idem Coneilium fuisse abrogatas.

54. Pertinet et ad antiquitatis usum, quod ejusdem Synodi canone trigesimo sexto prohibetur mulier nuda manu Eucharistiam sumere: sed (quod habet inferius canon quadragesimus secundus) præcipitur ut ad hoc opus unaquæque mulier habeat dominicalem suum, alioqui non communiceat. Quid autem per dominicalem intelligi debeat, accipe ex S. Augustino, qui de hoc agit sermone centesimo quinquagesimo secundo de tempore, ubi ait: « Omnes viri quando communicare desiderant, lavant manus, et omnes uulieres nitida exhibent linteamina, ubi corpus Christi accipiant ». Subdit pluribus, quid haec significant.

55. De sancto Theodoro episcopo Anastasiopolis. — Sed jam invisanus Orientis Ecclesiam, quæ misericordia Dei non destituta, eodem tempore quo Occidens tanto Pontifice illustratur Gregorio Magno,

ipsa resulget splendore viri sanctissimi Theodori Siceotor, qui in Galatia ex archimandrita invitus est proiectus ad episcopatum Anastasiopolis civitatis itidem in Galatia sub Ancyra metropoli. Serpsit res ab eo præclare gestis quam fidelissime, qui a puero cum ipso coauit Georgius presbyter atque ejusdem monasterii praefectus: nam in fine ejus Commentarii, hæc ipse: « Hæc ego Eleusius, qui et Georgius a S. Theodoro vocatus sum, omnia, Deo adjuvante, conscripsi. Neque vero miraculorum ipsius expers fui, sed ea maxime omnium expertus sum. Cum enim parentes mei ex oppido Adigermaro oriundi du simul vixissent, nec ullos possent liberos suscipere, ad sanctum virum accesserunt; cumque zona, quibus ille benedixerat, accepissent, ego conceptus sum, et in lucem editus, et infans ipsi oblatus: qui et in ejus monasterio enutritus, a religiosissimo praefecto litteras didici, etc. » Qui igitur rerum mirabilium ipsius Theodori inspector maxime fuit, eas sincerissimo stylo memorie perpetuae posteris tradidit. Quomodo autem (quod hoc tempore Mauritii imperatoris accidit) ad episcopatum Anastasiopolis tractus sit, idem auctor narrat his verbis:

56. « Defuncto Timotheo Anastasiopolis episcopo, cives et clerici ad beatissimam Ancyram metropolis archiepiscopum convenerunt, et magnum Dei servum Theodorum Siceorum mansionis archimandritam in sanctissimam Ecclesiam suæ episcopum efflagitarunt. Quorum ille laetus studio et voluntate, præcepit, ut eum ad se adducerent. Erat autem tempus quo sanctus Theodus in spelunca inclusus preicationi vacabat et quieti. Accesserunt igitu Anastasiopolis clerici et cives ad monasterium atque speluncam, et supplicarunt, ut se pastorem ipsis concederet. Quod ille cum ne audire quidem vellet, nedum concedere: ipsi vi quadam pia illata eum e monasterio extulerunt, et in lectican conjectum abduxerunt. Cujus discessu eum et monachi, et ceteri qui illic commorabantur, mœsti essent: vir sanctissimus eos per fratrem consolatus est: Omitte, inquiens, mœrem, filii: nam si mihi credideritis, non dimittam vos: nihil enim est in terra, quod me a consuetudine vestra possit separare. Ancyram igitur metropolim ingressus, a beatissimo archiepiscopo Paulo cum laetitia susceptus est, et episcopus constitutus. Viderat autem quidam in quiete stellam ingentem e caelo delapsam, et super Ecclesiam illius civitatis constitisse, quæ radis suis tum civitatem ipsam, tum regiones finitimas illustrabat ». Probavit quidem ostensam visionem eventus, eum incredibili miraculorum virtute illic vir sanctus effulgens, toti penitus illuxit Oriente: narrat ea idem auctor, quæ nos brevitatis causa dicere prætermittimus. Porro sæpe sequentibus annis idem nebis occurret Theodus, semperque præclaris factis insignior.

57. Quod ad res bellicas spectat, male sæpe pugnatum esse adversus Avares, docent Theophanis Annales, cum et certa spes victoriae insperate oblata

Romanis dilabitur, amplius non reversura. Adversus item Persas discordia duorum Romani exercitus nihil gloria dignum est actum ; rebellansque exer-

citus adversus imperatorem, vix tandem illi paruit postea reconciliatus. Sed de his pluribus in Theophane.

Anno periodi Graeco-Romanæ 6083. — Anno Æræ Hispan. 628. — Jesu Christi 590. — Gregorii papæ 1. — Mauritii imp. 9.

1. *Postconsulatus.* — Is annus hac formula notatus : *viii post consulatum Mauritii Tiberii Aug. solius vi*, ut habet Chronicum Alexandrinum, et in altera hujus anni parte, qua Baronius tomum vii claudit, jam diximus.

2. *Mauritiana Chronologia confirmatur.* — Ad num. 2. *Mauritius* qui die xiiii mensis Augusti anni quingentesimi octogesimi secundi imperium suscepit, eodem die hoc anno nonum imperii inchoavit, ideoque haec verba : « Pelagio junniore mortuo Romanæ Ecclesie Gregorius in episcopatum succedit : p̄œst annis xv », tenere inserta sunt in Chronicum Joannis abbatis Bielariensis ad annum v. Mauritii imp. Nam cum is auctor hoc tempore vixerit, *Reccaredo* scilicet in Hispaniis regnante, ignorare non potuit, *Gregorium Magnum* præsenti anno Sedem Romanam adeptum esse. Hic locus Baronio fraudi fuit ; inde enim deduxit, *Mauritium*, cuius anno quinto *S. Gregorius* Pontifex Romanus creatus fuisset, anno DLXXXV imperatorem non-eupatum esse, cum tamen illum ea dignitate triennio postea exornatum, certum indubitatumque sit.

3. *Theodosius Mauritii filius fit imperator.* — Errat etiam Bielariensis, qui ad annum v ejusdem Mauritii scribit : « Mauritius Theodosium filium suum ex filia Tiberii imp. natum Cæsarem facit ». Et ad annum vi Mauritii : « Mauritius Theodosium filium suum, quem supra Cæsarem diximus, Romanorum imperatorem facit ». Nam de dignitate Cæsarea ante Augusteam Theodosio collata, neque Theophanes, neque Zonaras, neque auctor Chronicæ Alexandrinae, neque Cedrenus mentionem faciunt : sed aiunt tantum, festis Paschalibus coronatum esse imperatorem ; quod currenti anno peractum, Theophanes et auctor Chronicæ Alexandrinae testantur : haec verba auctoris Chronicæ Alexandrinae, ad annum vi post consulatum Mauritii : « Hoc anno festis Paschalibus Mauritius Tiberius inauguavit filium suum Theodosium imperatorem ; sed non in societatem administrationis, nec aliud quid sub ipso gestum, quod in cognitionem imperatoris esset, sed tantum

coronatus est ». Idem habet Theophanes ad annum Incarnationis secundum Alexandrinos DLXXXII, qui kalendis Septembribus superioris Christi anni inchoatur : « Hoc anno mensis Martii die sexto supra vice-simum, Indictione octava, Theodosius Mauritii imp. supremi filius, die Paschatis sancto, a Joanne patriarcha, quatuor solis annis cum medio natus corona-m imperii accepit ». Idem denique scribit Cedrenus ad annum Mauritii VIII. Quare *Theodosius* anno DLXXXV circa finem mensis Septembribus in lucem prodiit, non vero anno DLXXXVIII. uti existimavit Baronius anno DLXXXVIII, num. 6, qui tamen evocationem Theodosii ad imperium recte hoc anno consignavit, licet eum quintum imperii Mauritii cum Bielariensi perperam appellat, ut jam dixi. Porro *Theodosium* in Actis publicis *Augustum* vocatum fuisse infra videbimus.

4. *Imperatorum filii sine participatione imperii aliquando.* — Notabile est quod modo ex auctore Chronicæ Alexandrinae retulimus, *Mauritium* nempe imperatorem *Theodosium* filium *Augustum* renun-tiantem in societatem imperii eundem non adsci-visse ; id enim ante haec tempora rarius factum. Hujus tamen rei exemplum habemus in *Albinō*, cui *Commodus Aug. Cæsar*is nomen, sed non Cæsareum imperium communicavit, quamvis *Albinus* postea a *Severo* illud obtinuerit. uti anno excvii ostendi. Imperio magis declinante id s̄epius quam antea factum, et aliquod disserimen positum inter vocem Βασιλέως, qua imperatores promiscue donabantur, et vocem αὐτοκράτορος que imperatorem propriè significat. Nam cum ii filios suos Augustali corona exornabant, et imperatores renuntiabant, non semper patiebantur, ut sese αὐτοκράτορες sed βασιλεῖς, id est, reges duntaxat inscriberent. Sic Chronicus Alexandrinus de coronatione *Theodosii* in imperatorem verba faciens, priori tantum voce uitit ; atque, *Mauritium* filium coronasse εἶ; Βασιλέως, id est, in regem, ut ostendat patrem supremam sibi auctoritatem reservasse. Hunc posteriorum s̄eculorum usum potissimum discimus ex Codino de Officiis Palat. cap. 47, num. 2, ubi professionem fidei in

coronatione ab imperatoribus fieri solitam refert in hunc modum : « Ego N. in Christo Deo nostro fidelis rex et imperator Romanorum (πιστὸς βασιλεὺς καὶ ἀνταρχὴ τῶν Πατρίων) propria manu haec præmisi , ac præscripsi . Subdit Codinus : « Si vero filium habeat, præfigit et ipse confessioni sue illud : Imperator Romanorum (ἀνταρχὴ τῶν Πατρίων) ; si pater concederit : si minus, istud solummodo præfigit : Fidelis in Christo Deo nostro Romanorum rex N. seu, ut in greco legitur, βασιλεὺς Πατρίων ». Quæ ad scriptores Byzantinos intelligendos observanda. Utramque enim vocem, etiam postquam a me tom. i hujus Criticæ sedulo discussa fuit, aliquos viros doctos in errorem traxisse animadverti.

5. *S. Gregorius ordinatur Pontifex Romanus.* — Ad num. 3. *Divus Gregorius Magnus consecratus est Pontifex Romanus die tertia mensis Septembbris, ut non tantum Martyrologium Romanum, Usuardus in antiquissimo Codice Ms. San-Germanensi, et Bellinus; sed etiam alii Martyrologi asserunt apud Bollandum ad diem xii mensis Martii in Vita sancti hujus Pontificis. Quia tamen episcoporum ordinationes aliis sæpe diebus quam quibus contigerint, in Martyrologiis recitantur, et divi Gregorii ordinatio ad diem xxix Martii refertur in Martyrologiis MSS. Aquisgranensi, Bruxellensi, Ms. Florario ab eodem Bollandio ibidem citatis, et in Martyrologio Galliano Saussaii ad dictum diem legitur : « Leodii et Suessione hoc die colitur ex antiqua observatione ordinatio S. Gregorii papæ »; certius argumentum ad hoc probandum eruitur, tam ex charactere Dominicæ, quæ hoc anno in diem in Septembbris incidit, quam ex duratione ejus Sedis. Sanctus enim Gregorius die xii mensis Martii anni pciv ad Deum migravit, postquam Romanæ Ecclesiæ præfuisse annis tredecim, mensibus sex, et diebus decem, ut Joannes diaconus in ejus Vita, et communis consensu ceteri tradunt. Quonobrem die tertia Septembbris hujus anni consecratus fuerat. Ceterum cum tres alii Romani Pontifices ejusdem nominis, scilicet Gregorius II, Gregorius III, et Gregorius VII in Martyrologio Romano, aliisque quibusdam memorentur, posset referri dies ille xxix Martii ad aliquem ex his tribus Pontificibus, licet alii diebus consecrati fuerint; cum ibidem divus Gregorius titulo *Magni* aut *Doctoris Ecclesie* non appelletur.*

6. *Expositio in vii Psalmos Penitentiales non est factus S. Gregorii M.* — Ad num. 5 et seq. Baronius refert locum quem credit esse S. Gregorii Magni in Psalmum iv Penitentiale, ex quo deducit Romanos Pontifices postquam legitimate electi fuerant, possessionem Sedis Apostolicæ inire non potuisse, nisi numerata pecunia imperatori. Verum Commentarius illenec divi Gregorii, nec alienijs auctoris æqualis opus est, et ex modo loquendi de regia et imperiali auctoritate in ea usurpato, appareat illud editum Gregorio VII sedente, et Henrico IV imperante, cui melius quam Mauritio aut Phocæ, attribui possunt quæ auctor imperatori exprobrat, quod nempe schismate Ecclesiam seiderit, et simonia

pacem Ecclesiæ turbarit. Non desunt tamen qui censem eam septem Psalmorum Penitentialium Expositionem Gregorio VII adjudicandam esse, uti notavit Guisanilla in ultima editione operum S. Gregorii Magni.

7. *Praefectus Urbis S. Gregorii electionis confirmationem petit.* — Ad num. 8. *Germanus praefectus Urbis* scripsit ad Mauritium imp. ut *Gregorii electionem confirmaret*, licet is Pontificatum declinaret, et imperatorem, ut populis a quibus electus fuerat consensum negaret, rogasset per litteras occulte ad eum missas. Praefectus Urbis, tam Joannes diaconus in Vita Gregorii Magni lib. 4, cap. 3, quam auctor Anonymus, sed synchronus, Vilæ S. Gregorii Magni a Bollando publicatus, vocant *Germanum*, licet in vulgaris Gregorii Turonensis Collicibus lib. 10, cap. 1, legatur : « Sed praefectus Urbis Romæ Germanus ejus anticipavit nuntium », nempe Gregorii Magni, qui eum cum litteris suis ad imperatorem dirigebat. Nam, ut recte observat Baronius, interpunctio vitiosa irrepsit, legendumque : « Praefectus Urbis Germanus, ejus anticipavit nuntium », vel clarius interpunctio post vocem, Germanus, apponenda.

8. *Mortuo aut absente Romano Pontifice a tribus Ecclesia regebatur.* — Ad num. 10. Existimat Baronius, post electionem novi Pontificis curam Romanae Ecclesiæ non electum Pontificem solum gessisse, sed quatuor simul ejusdem Ecclesiæ ministros sacros; quod colligit ex Epistola Romani cleri ad Scotos reddita, cum Sedes vacaret morte Severini Pontificis, electusque in locum ejus esset Joannes IV, sed nondum consecratus. Recitat eam Beda lib. 2, cap. 19, ejusque principium est : « Dilectissimis et sanctissimis Thomiano, etc. Hilarus archipresbyter et servans locum sanctæ Sedis Apostolicæ, Joannes diaconus et in Dei nomine electus : item Joannes primicerius et servans locum sanctæ Sedis Apostolicæ, et Joannes servus Dei consiliarius ejusdem Apostolicæ Sedis ». Verum rerum gerendarum potestas vacante Sede fuit penes archipresbyterum, archidiaconum, et primicerium notariorum, nisi contingaret, ut ex illis tribus unus eligeretur Pontifex : tunc enim quarlus substitueretur, et archipresbyter aut archidiaconus, qui nomine *Diaeoni* sepe exprimitur, suum locum servabant, ut liquet ex laudata Epistola, in qua Joannes IV diaconus secundo tantum loco nominatur, licet Pontifex electus esset. Profecto si servare locum Sedis Apostolicæ jure electionis ei competisset, primo loco nominatus fuisset. Electo itaque nihil fuit juris ad res gerendas, donec ordinaretur, ratione electionis sua, nisi ante eam *inter servantes locum Sedis Apostolicæ* commimeralus esset.

9. *Ab archipresbytero, archidiacono et primicerio notariorum.* — Archipresbyter, archidiaconus, et primicerius notariorum, non tantum vacante Sede, sed etiam absente summo Pontifice, Ecclesiam Romanam administrabant. Extat in capite 2 libri Diurni Romanorum Pontificum, titulo 1, for-

mula litterarum ad exarchum *de Transitu Pontificis* scribi solitarum, in qua hæc leguntur : « Superscriptio. Domino atque præcellentissimo et a Deo nobis longæviter in principalibus ministeriis feliciter conservando, m. exconsuli, patricio et exarcho Italiae, m. archipresbyter, m. archidiaconus, m. primicerius notariorum, servantes locum sanctæ Sedis Apostolicæ, ubi m. idem est quod hodie apud nos N, cum scilicet locus nominis indicatur. Præterea sanctus *Martinus* papa in Epistola ad Theodorum, quæ ordine est xv, ait, in jussione a Calliopa exarcha scriptum fuisse, quod ipse regulariter et sine lege episcopatum subripuisset, et in regiam urbem transmittendus esset, *subrogato episcopo* : « quod », inquit sanctus Martinus, « neclum aliquando factum est, et spero quod nec aliquando fieri habet : quia in absentia Pontificis archidiaconus, et archipresbyter, et primicerius locum præsentant Pontificis ». Animadvertis Garverius in Notis ad citatum titulum, archidiaconum priore loco a Martino appellatum ; cum tamen ille tam in citata ad Seotos Epistola, quam in illa formula secundo tantum loco censeatur. Peculiare itaque privilegium fuit sancti Gregorii M. et consequentium nonnullorum, quod clero amiente res administraverint, licet nondum ordinati essent.

10. *Synodus Romana in causa Trium Capitulorum*. — Ad mun. 33. Sancto Gregorio maximæ curæ fuit, Synodum V ubique recipi, in quan remoto fere sui Pontificatus tempore incubuit. Initio statim *Severum* episcopum Aquileensem, qui date fidei prævaricator luerat, Romam una cum cæteris episcopis schismaticis evocavit : et quo metum illis inferret, a Mauritio imp. decretum obtinuit, quo Severo ac collegis idem injungebat. Est Epistola xvi, lib. I Regesti sancti Gregorii, data hoc anno mense Decembri, in qua « *juxta Christianissimi et serenissimi rerum Domini jussionem ad B. Petri Apostoli cum sequacibus* » venire eum vult, « *ut auctore Deo, aggregata Synodo* », de ea, quæ inter illos vertitur, dubitate judicetur. Est hæc prima Synodus Romana sub S. Gregorio.

11. *Synodus schismaticorum in Mariano*. — Verum *Severus* illico litteras ad collegas dedit, qui conventiculo congregato decrevere, ne ullus Romanus ad Synodum proficeretur : interimque litteras ad Mauritium imp. misere, quibus facti rationem reddebat, ut lique ex supplici libello schi-

smaticorum ad imperalorem, quem Appendici noni tomii Baronius inseruit, quique in editione Coloniensi hoc anno recitat. *Pseudo-Synodus* enim tunc celebratam colligitur ex illo libello, in quo schismatici aiunt : « Ergo, mitissime dominator, totius Concilii nostræ parvitatæ hæc est deliberatio, sicut et eidem patri et archiepiscopo nostro (nempe Severo) scripsimus etc. », quibus ex verbis intelligimus, etiam *Severum* eidem conventiculo non interfuisse, sicut nec quispiam alias ex Istria episcopus adfuit; horum enim urbes maritimæ in imperatoris potestate perseverabant, et Langobardi ægre ferebant, suarum urbium episcopos cum iis, qui imperatori subjectas urbes regebant, convenire. *Pseudo-Synodus Severo* per litteras injunxit, ne quid novi in causa sine communi provincialium consilio deliberaret, ut in eodem libello legitur. Huic *Pseudo-Synodo* subscripsere *Ingeninus* episcopus S. Ecclesie secundæ Rhetiæ, *Laurentius* ep. S. Ecclesie Bellumatae, id est, Bellunensis, *Agnellus* Tridentinus, ut legitur apud Paulum diaconum lib. 3, cap. 27, non vero *Trajentinus*, ut habetur in Codice Ms. Nicolai Fabri, quo usus est Baronius, quique nunc in Bibliotheca Colbertina asservatur; præterquam quod tres illi episcopi illa subscripsi reperiantur in *Synodo Gradensi* sub Elia Aquileiensi metropolita anno DLXXXIX coacta. Subscripsere et sex alii, inter quos *Horuntius Vincentinus*, ut legitur in Paulo citato, tam ex editione Gruteri, quam ex editione Grotii, non vero *Horontius epise. Ecclesie Venetiorum*, ut habet Baronius ex codice Nicolai Fabri. Coacta illa *Synodus Marani*, seu, ut alii vocant, *Mariani*, teste Paulo diacono loco laudato. Est autem *Maranum* seu *Mariannum*, vulgo hodie *Mariano* appellatum, munifissimum Venelorum oppidum, stagnis Adriatici maris fere circumdatum in Foro Juliensi littore ad Celinam, sive, ut incolæ vocant, *Zelinam* (1).

12. *Synodus Gradensis schismaticorum*. — Interea, ut observat card. Norisius in Dissert. de Synodo quinta, cap. 9, paragrapho 3, *Severus* Aquileiensis episcopus, jam Gradensis (quia, ut Helias decessor, degebatur ob timorem Langobardorum, apud Gradum, urbem sitam in parva insula, quæ est in ora littorali maris Adriatici), alteram Synodum cum episcopis Istriæ indixit, in qua statutum, ut a Pontifice ad Mauritium imp. appellarunt. Hinc tres Epistolæ ad hunc missæ sunt quibus privatas

(1) Quæ hic disserit Pagins de Synodis a schismaticis Aquileiensibus habitis, diligentius explicandi sunt. Primo igitur constat *Severum* vi adductum Ravennam Tria Capitula coactum ejus esse, atque ita deum et Pontificis gratiam, et libertatem obtinuit. Ingratum id accidit episcopis ejus suffraganeis; quare coacta Synodus Marani grave aliiquid in *Severum* statuisset, nisi ille oblatio libello palinodiam recinens schismatis se iterum adhære professus fuisset. Hanc relapsum illi object S. Gregorius in Epistola ad eum data, legenda Regest. I, Epist. XVI. Id ergo ut rescrivit S. Gregorius, ex sententia Synodi Romæ coacta, diem Severo dixit Rome. Ea de re commoti schismatis iterum convenierunt in loco incerto, atque ita totius Synodi sententia litteras ad imperatorem dederunt, quas singuli subscriptione sua munierunt, rogantes principem, ut inducas pro Severo a Pontifice impetraret, significantes, quamprimum per tumultus Italicæ literet, Constantiopolim se couenturos ad causam suam coram eo dicendam. Ex Synodica hujus subscriptiōnib⁹ inquit aliam esse hanc Synodum a Maranensi, cum utrinque alii et alii sibi ejusdem Ecclesiae episcopi, Maraneti et sub-scribit Clarissimus Concordensis; Epistola vero Augustus Concordensis; ibi Rusicus, hic Felix de Tarviso. Hinc autem Synodo incerti loci Severus non adfuit; scribunt enim Patres illi, agentes de Severo : *Nobis absentibus, et a se ad præsens divisus*. Alias in eamdem sententiam litteras ad imperatorem dedit Severus cum suis; et ipsis forte in Synodum Graio coenitibus, quorum Synodica inq. erat in suo scripto apud Pagum, hic nom. 12 meminit. Ex his patet genitus præter Maranensem et Romanam Synodos schismaticorum admittendas esse; his vero utrasque, cum Romanam Decembri mense anni DVC habitum subsecutæ fuerint, ad annum DVC pertinere. Maranensis vero, cum Romanam præcesserit, serius anno DVC cogi non potuit.

etiam *Severus* addidit, quod ex rescripto Mauritiis ad Gregorium a Baronio producto intelligitur. Mauritus bis litteris acceptis a priori sententia discessit, et Gregorio rescripsit: « Quia igitur et tua sanctitas cognoscit præsentem statum rerum Italicarum, confusionem, et quod oportet temporibus competenter versari, jubeamus tuam sanctitatem nullatenus molestiam eisdem episcopis inferre, sed concedere eos otiosos esse, quoisque per providentiam Dei et partes Italiæ pace aliter constituantur, et episcopi Istriæ, seu Venetiarum iterum ad pristinum ordinem redigantur ». Etenim verebatur Mauritus, ne si vim adhiberet, Istros ad Longobardos proniores ficeret, sub quorum dominio libere poterant in schismate perdurare. Eadem mandata accepit a Mauricio *Romanus exarchus*, a quo cum haec ipsa intellexisset Joannes episcopus Ravennæ, certiorem per litteras Gregorium fecit, qui anno DCCX, mense Julio respondit: « De causa vero episcoporum Istriæ omnia, que mihi vestra fraternitas scripsit, ita esse jam ante deprehendi in iis jussionibus, quæ ad mea piissimis principibus venerunt: quatenus me interim ab eorum compulsione suspenderem. Ego quidem pro iis quæ scrupulis zelo atque ardori vestro valde congaudeo, debitoremque me vobis multipliciter factum profiteor. Scitote tamen, quia de eadē re serenissimis Dominis cum summo zelo Dei et libertate rescribere non cessabo ».

43. *Epocha trium illarum Synodorum*. — Concilium *Romanum*, sicuti et utramque Pseudo-Synodus, exeunte hoc anno, vel saltem in sequenti, congregatas esse, ostendit locus citatus Epistolæ XVI libri primi Gregorii, currente Indictione nona data: post Romanam enim aliæ duas statim celebrat. Schismaticos vero duas illas Synodos indixisse deducitur ex laudatis Mauritiis ad sanctum Gregorium litteris, in quibus ait: « Scire vos volumus, quod episcopi Istriensium provinciarum per clericos aliquos ad nos directos suggestiones nobis transmiserunt, unam episcoporum civitatum et castrorum, quæ Longobardi tenere dignoscuntur (haec de prima Synodo schismaticorum), aliam Severi Aquileiensis episcopi aliorumque episcoporum, qui cum illo sunt, et tertiam solius ejusdem Severi »; quæ verba de Synodo Gradensi presidente *Severo* habita intelliguntur. Neutrius Synodi mentio est in collectionibus Conciliorum, sed tantum Romanae, quæ in nova Conciliorum editione prætermittendæ non erunt.

44. *Galli ordinant episcopos in ditionibus imperio subditis*. — In libello a priori Synodo schismaticorum scriptio hi imperatorem rogant, ut suam jussionem removeat; quod periculum sit, ne archiepiscopi Galliarum sensim in Ecclesiis imperio subiectas jus sibi usurpent, dum ad eos relieto Aquileiensi metropolita, pro suorum episcoporum ordinatione variæ Ecclesiae imperio subditæ recurrent, aspernante illius communionem, quia cum Romano Pontifice viderint paria sentire de Trium damnatione Capitulorum: « Quia, inquit, Gallia-

rum archiepiscopi vicini sunt, ad ipsorum sine dubio ordinationem accurrent; et dissolvetur metropolitana Aquileiensis Ecclesia sub vestro imperio constituta, per quam, Deo propitio, Ecclesiæ in gentibus possidet; ut quod ante annos jam fieri cœperat, et tribus Ecclesiis nostri Concilii, id est, Bremensi, Tiburniensi, et Augstana Galliarum episcopi constituerant sacerdotes: et nisi ejusdem tunc divæ memorie Justiniani principijs jussione commotio partum nostrarum remota fuisset, pro nostris iniquitatibus pene omnes Ecclesiæ ad Aquileensem Synodum pertinentes Galliarum sacerdotes pervaserant ». Contigit id ut animadvertisit Bollandus ad diem V Februarii, in Vita S. Ingenuini episc. Sabionensis, qui huic libello subscripsit, paragrapho 4 tempore Theodeberti I et Theodobaldi ejus filii, regum Austrasie, et postquam bellum Gothis a Justiniano illatum est. Tunc enim, ut ait Agathias hb. I, pag. 18, *Theodebertus* Alemannorum nationem a Gothis dimissam in suam potestatem rededit: quo mortuo *Theodobaldo* filio una cum reliquis subditis etiam hi cesserunt, erant Alemanni Gentilitiis superstitionibus imbuti, quas ibidem refert Agathias, qui addit: « Porro consuetudo, quam cum Francis habent, ipsis condicit, in melius transferens et quodammodo pertrahens cordatores: et brevi, ut spero, tempore hoc ipsum apud omnes evincet. Opinionis enim absurditas et vesania etiam ab ipsis arbitror, qui ea imbuti sunt, nisi plane stolidi sint, cognoscitur et cernitur, facileque ex iis eximi possit ». Cum igitur Francorum imperio Alemanni et Vindelici subjecti essent, Galliarum episcopi in illis partibus episcopos ordinarunt, quæ de re qui rurunt schismatici. *Augsta Vindelicorum* metropolis erat Mediolanensi episcopo contributa. *Tiburnia*, que et *Teurnia*, urbs erat Norici, hodie in Carinthia, vulgo *Villach*, sed *Brema* ad *Visurgim* sita, urbs clara veteris Saxonie, quæ needum Christi fidem eo tempore receperat, longe ab Aquileensi provincia distat. Mendoza itaque fuit codex, quo usus est Baronius, negne alium superesse sciens. Bollandus citatus dicit, vix sibi dubium esse, quin loco *Bremensis* legendum hic sit, *Breonensis*, aut *Brennensis*, sive *Brenensis*, quos populos Ptolomeus tab. 3 Europe, cap. 13 inter Vindelicos locat, sicuti et Strabo hb. 4, de quibus plura ibidem Bollandus: sed cum hic non ostendat, horum populorum urbem episcopalem fuisse, haec conjectura non admittenda.

45. *Gallia et Hispania hoc anno peste afflita non sunt*. — Ad num. 46. Pestem inguinariam hoc anno non solum urbem, sed et alia Italæ loca attlixisse supra ostendimus. Sed quod addit Baronius, eamdem pervasisse Hispaniam atque Galliam, et *Guntramum* regem operam dedit, ne ad reliquas Gallie civitates penetraret, pertinet ad annum quingentesimum octogesimum octavum. Turonensis enim lib. 9, cap. 21 et 22, quem hanc in rem citat, agit de ea peste sub anno Childeberti regis XIII, qui anno Christi DCCXXV regnare cœpit.

16. *Francorum bellum adversus Langobardos.*

— Ad num. 50. Gestum hoc anno in Italia bellum inter *Childebertum* Francorum et *Autharim* Langobardorum reges, quod pluribus narrant Paulus diaconus, lib. 3, cap. 32, et Gregorius Turonensis lib. 10, cap. 3; sub anno xv *Childeberti* regis. Primo impetu oppida Langobardorum, quae Bojariae vicina erant, in Tridentino agro cladem acceperunt, igne ferroque excisa, hominibusque in servitutem abstractis, paenam in solitudinem redacta. Decem a Paulo enumerantur, qui de Ferruge sic disserit : « Pro Ferruge castro, inlercedentibus episcopis Ingenuino de Sabione, et Agnello de Tridento, data est redemptio per capitum uniuseujusque viri solidi sexcenti ». Uterque episcopus subscrispsit Concilio Veneto schismaticorum, ut supra visum est, Gregorius vero Turonensis de Francis scribit : « Per tres menses Italianam pervagantes, cum nihil proficerent, neque se de inimicis ulcisci possent, eo quod se in locis communisissent firmissimis, neque regem capere, de quo ultio fieret, qui se infra Ticinenses munierat muros, infirmatus aerum intemperantia exercitus ac fame attritus redire ad propria destinavit. Et sic regredientes ita fame conficiebantur, ut prins et arma et vestimenta ad coemendum victum demerent, quam locum genitalem contingerent ». De hoc bello Baronius agit num. 30.

17. *Obitus Autharii Langobardorum regis.* — *Autharius* Langobardorum rex locum esse agendi de pace datum arbitratus, statim legatos ad *Gundramum* regem misit, qui *Childeberto* nepos ex fratre erat, ut per ejus nutum pavcum gente Langobardorum firmaretur. Sed, ut habet Paulus citatus cap. 36: « Dum legali *Authari* regis in Francia morarentur, rex *Autharis* apud *Ticinum* nonas Septembbris veneno, ut tradunt, accepto, moritur, postquam sex regnaverat annos », qui incompleti intelligendi. *Sigebertus* in *Chronico*, ubi sex etiam annos ei assignat, mortem *Autharis* usque ad annum *xcxi* differt; sed is error ei ex alio natus, quod scilicet divi *Gregorii Magni* exordium eidem anno perperam illget. A currenti porro ad annum *clxii*, quo tardius *Grimoaldi* Langobardorum regis initium contingere non potuit, Paulus diaconus annos septuaginta octo aut circiter, principibus Langobardorum, qui per illud intervallum regnarunt, attribuit; *Sigebertus* vero annos tantum septuaginta, qui veritatem assecutus esset, nisi mortem *Autharis* biennio distulisset, et *Grimoaldi* initium anno uno anticipasset.

18. *Agilulfus fit rex Langobardorum.* — Post *Autharis* mortem statim a Langobardis legatio ad *Childebertum* regem Francorum missa, quae pacem ab eo expeleret, quae et sancta est. *Reginam* vero *Theudelindam* *Autharii* viduam permiserrunt Langobardi, ut sibi, quem voluisset, ex omnibus Langobardis virum eligeret. Illa Agilulfum duecem Taurinatum cognatum regis *Autharis*, virum strenuum et bellicosum sibi virum, et Langobardorum genti regem elegit. Celebrantur nuptiae, inchoante

jam mense *Novembri*, et postea Agilulfus mense *Maii*, ab omnibus in regnum apud *Mediolanum* levatus est, inquit Paulus in fine libri 3, *Autharim* vero hoc anno obiisse testatur *Gregorius Magnus* lib. 1, Epist. xvii ad universos episcopos Italiae, quae cum nonnullis aliis mense *Decembri*, Indictione nona, data reperitur.

19. *Concilium Autisiodorens.* — Ad num. 52 et seqq. In Synodo Autisiodorensi, quam *Aunacharius* Autisiodorensis episcopus cum abbatibus et presbyteris suae dioceseos celebravit, nullus est character temporis praeter nomen ipsius episcopi qui praefuit. Cum autem *Aunacharius* diurno tempore sederit, inde factum est, ut alii Synodum illam citius, abii tardius collocarint. *Sirmonodus* in Conciliis Galliarum eam anno *dlxxxviii*, *Cointius* vero anno *dlxxxvi* illigat, uterque levibus conjecturis inuixus. Quare hac in re a Baronio non recedendum. In ea Synodo Canones quadraginta quinque editi sunt. In primo dicitur : « Non licet kalendis *Januarii* vetula aut cervolos facere, vel strenas diabolicas observare, sed in ipsa die sic omnia beneficia tribuantur, sicut et reliquis diebus », ubi *vetula* prisco more scribitur pro *vitula*, ut et apud S. *Audoenum* in Vita S. *Eligii*, « nullus in kalendis *Januarii* nefanda et ridiculosa, vetulas aut cervolos, ele. faciat ». Invechitur Synodus in eos, qui Gentilium more kalendas *Januarii* colunt, sicuti et Synodus Turonensis Canone xxii, celebrata anno *lxvi*. Secundus Canon : « Ut omnes presbyteri ante Epiphania missos suos dirigant, qui eis de principio Quadragesima nuntient, et in ipsa Epiphania ad populum indicent ». Sanctus hic canon, ut festum Dominicæ Resurrectionis per totam diocesem Autisiodorensem uno eodemque die celebraretur, quia frequenter oriebatur dubietas Paschæ, seu controversia de die quo Paschalis solemnitas agenda esset, sicut hoc anno contigit, ut an. *nxciv* videbimus, quia eam controversiam in eum annum Baronius distulit.

20. *Floret S. Aunarius episc. Autisiodorensis.* — Praeter Autisiodorensem Synodum *Aunacharius* sive *Aunarius* episcopus res egit quamplurimas laude dignas. *Stephanum presbyterum*, ut sanctissimorum Pontificum *Amatoris* ac *Germani* predecessorum suorum *Vitas*, illam soluta, hanc stricta oratione, scriberet, hortatus est litteris, que adhuc extant. Rescripsit *Stephanus*, et post longas excusationes, quibus humilitatem suam testatus est, *Aunarii* postulationi acquievit. Obiit sanctus *Aunarius* secundum calculum *Cointii* anno *ccv*, et colitur in Tabulis Ecclesiasticis *II kal. Octobris*. Patria fuit Aurelianensis, genere nobilissimus, et facultatum amplissimarum, quas possedit, haeredem Ecclesiam Autisiodorensem constituit, ut legitur in Historia episcoporum Autisiodorensum tomo primo Bibliothecæ MSS. *Labbei*.

21. *S. Theodorus Siceota fit episc. Anastasiopoleos.* — Ad num. 56. Nullus est temporis character in Vita sancti *Theodori Siceotæ*, ex quo possi-

mus devenire in cognitionem anni, quo dictus est episcopus *Anastasiopoleos*, Galatiae civitatis, quae subjacebat Ancyra metropoli Galatiae primae. Ad Anastasiopolitanum episcopatum spectabat oppidum *Siceon*, ab ipsa civitate duodecim milibus distans, ubi erant varia monasteria, unde *Siceota* fuit appellatus sanctus *Theodorus* archimandrita, cuius Vitam ab Eleusio ejus discipulo scriptam exhibent Acta sanctorum Bollandiana ad diem xxii mensis Aprilis.

22. *Gesta in bello Persico*. — Ad num. 57. Rebellio militum Romanorum adversus suos duces in Perside, et facta cum illis conciliatio, pertinent ad superiores annos, ut ibidem demonstravimus. Quæ vero hoc anno Romanos inter et Persas gesta, narrat his verbis Evagrius lib. 6, cap. 14: « Sequenti æstate (nempe a conciliatione militum cum Philippico suo præfecto) cum exercitus Romanorum in unum collectus esset, et Persæ expeditionem suscepissent adversus Romanos, circa Martyropolim gravis commissa est pugna. Cumque Philippicus superior fuissest, multique Persæ, et inter hos princeps quidam fortissimus, in prælio cecidisset. Persarum tamen multitudo non contempnenda Martyropolim ingressa est, id quod maxime illis studio fuerat. Exinde Romani ab obsidione quidem urbis abstinentium sibi esse censuerunt. Neque enim fieri posse, ut eam vi expugnarent. Et hæc quidem æstivo tempore facta sunt a Romanis. Hyeme vero dimissus est exercitus ». Quæ ex Evagrio descripsit Nicephorus lib. 18, cap. 17. Idem habet Theophylactus lib. 3, cap. 5, sine ulla temporis nota, et Theophanes ad an. Incarnat. secundum Alex. DLXXXIX, qui kal. Septemb. anni Christi DXXXVI inchoatur, ideoque anno non suo. Pergit Evagrius cap. 15: « Militur posthac ab imperatore Comentiolum, genere Thrax, qui Philippico in magisteria potestate succederet ».

23. *Persæ adversus Hormisdam regem conjura-*

tionem inceunt. — Addit. eum fortissime cum Persis congressum, hos fugam arripuisse: cumque ad regem summ reverti minime auderent, adversus Hormisdam Persarum regem conjurationem inisse, auctore Varamo magistrum militum apud Persas; interfæque Comentiolum Martyropolim interclusam præsidii tenuisse, et Ocas castellum munitissimum, e regione hujus urbis in adversa ripasitum vicepsisse. Altera haec narrat Theophylactus. Nam lib. 3, cap. 5, relata priori pugna, ait: « Philippicus illico (προτίνα) abire prefectura cogitur, cuius locum Comentiolum imperatoris auctoritate capessit ». Capite sequenti Comentioli cum Persis prælium memorat; et lib. 4, cap. 2, ait: « Cum per illos dies Comentiolum dux Romanus arem Aebas cepisset, militemque in hyberna dimisisset, Varamus castella Persidis paulatim aggreditur », ubi castrum ab Evagro Ocas vocatum ipse Aebas nominat, enjus situm lib. 1, cap. 12, eodem prorsus modo, quo Evagrius, describit. In eo hic et Theophylactus convenient, quod uterque de rebellione Varami adversus Hormisdam regem loquitur post secundum prælium. Sed in eo dissentiant quod Theophylactus exercitum post secundum prælium a Comentiolo in hyberna dimissum scribil: ille vero id accidisse tradit ante secundum congressum et Comentioli adventum, ideoque significare videtur Evagrius, haec prælia duobus diversis annis inita. Verum, ut ex infra dicendis liquebit, uno eodemque anno commissa fuere. Quare non dubito, quin Theophylactus qui Heraclii imp. temporibus Historiam suam publicavit, aliquot scilicet annis postquam Evagrius suam in lucem edidisset, istum hujus Historici errorem emendaverit. Haec Evagrii aberratio Baronium impulit, ut Hormisdæ mortem in annum DCXII rejiceret, quem tamen exeunte hoc anno trucidatum esse infra demonstrabo.

Concilium Metense, de quo anno DCXIV.

1. *Ex privatis Gregorii Epistolis ejus erga pauperes cura*. — Sequitur Christi Redemptoris annus quingentesimus nonagesimus primus, nona Indictione: quo cum plures sancti Gregorii papæ res

gestæ ex Epistolis ipsius legantur, illæ a nobis Annalibus intextentur, quæ videntur esse præalentiores: cum alioqui ex singulis ipsarum versibus non nisi magna, quæcumque gesserit, aut scripserit, esse,

quisque prudens intelligat, si accurate recta judicij lance cuncta pensaverit; atque plane digna censeat, ut nec vel apex omittetur ex scriptis ab eo Epistolis, qui non redderetur iisdem Annalibus: verum affluens nimis copia secus agere persuasit: etenim præsens tonus unius tantum Pontificis rebus gestis implendus esset, nec ipse puto sufficeret, si cuncta quæ illis annexa videntur, iisdem pariter jungerentur. Cæterum sunt complura, quæ licet minima esse videantur, magnam tamen insinuant in Apostolico viro virtutem.

2. Elenim qui contemplatione cælestium præ se ferebat extra orbem hunc positum Angelum, et quem universalis Ecclesiæ circumspetione aquilam volatu lustrantem mundum quisque jure dicere potuisset, dum eidem cum hereticis universis atque schismaticis toto orbe dispersis juge certamen esset, cunctaque regendæ universalis Ecclesiæ machina onus incumberet; idem ipse tamen amplitudine charitatis, et misericordis animi immensa latitudine, quæ etiam videntur minima minime prætermisit: privatorum enim semper intentus comodis, ut egentes levaret inopia, mœrentes animo solaretur, dissidentes componeret, factus omnia omnibus, prout quisque opus haberet, sollicito studio præslo fuit. Sunt indices ejus rei litteræ ipsius hoc anno mense Februario datae¹ ad Anthemium subdiaconum in Campania, quibus ei mandavit, ut ancillis Dei Nolæ degentibus egestate pressis, Paulino insuper presbytero monasterii S. Erasmi, ac duobus monachis in oratorio S. Archangeli servientibus præscriptam eleemosynam impertiret.

3. Cum enim Gregorius subdiaconos ad Ecclesiæ Romanae bona curauda mitteret, æque ut ante fecerat, in mandatis illis dedit, ut pauperum curam gererent, eos pue investigatos scripto notatos mitterent. Quod cum ex his unus idem Anthemius subdiaconus agere negligeret, ab eodem Gregorio objurgatur, cum rursus ad eum scribens, hæc ait²: « Discedenti tibi mandavimus: et postea præceptis discurrentibus injunxisse meminimus, ut curam pauperum gereres; et quos illuc egere cognosceres, scriptis recurrentibus indicares: et vix de paucis hæc facere curasti. Volo autem, ut dominæ Paterichiae meæ, mox ut præsentem jussionem suscepis, offeras ad calciarium puerorum solidos quadraginta, et tritici modios quadringtonos: dominæ Palatinæ relictae Urbici solidos viginti, et tritici modios trecentos; dominæ Vivianæ relictae Felicis solidos viginti, et tritici modios trecentos. Qui omnes simul octoginta solidi in tuis rationibus imputentur ». Puto has quidem fuisse ex illis nobilibus Romanis feminis a Totila Gothorum rege ex Urbe pulsis cum viris suis; quibus defunctis, bonisque deperditis, eas summa egestate laborasse. Porro eidem Palatinæ illustri feminæ, rursus litteris aliis³ ad eumdem hoc anno datis, præberi jussit solidos

triginta annos: similiter et pastor oculis infirmo annos modicos viginti tres et fabæ undecim dari præcepit ab eodem Anthemio subdiacono⁴. Sed de eleemosynis hæc satis, exempli causa adducta de his quæ ad privatarum rerum curam exactam spectare videri possunt; ex quibus reliqua discas, quæ in aliis provinciis, potissimum vero in Urbe idem Gregorius erga pauperes ageret.

4. *Synodalis Gregorii Epistola ad Orientalis Ecclesiæ patriarchas.* — Quod autem ad publica Ecclesiæ universalis negotia spectare videtur: idem Gregorius hoc eodem anno mense Februario, more majorum, Synodalem Epistolam (ita eam appellat ipse superius²) dedit ad Orientalis Ecclesiæ patriarchas: qua cum primum ipse pastorum pastor, quales revera debeant esse pastores, pluribus quam accuratissime doceat; quid insuper credere recte debeant, ut communione Catholicæ et Apostolica perfruantur, insinuat. Erat autem (ut sæpe vidimus) illud in more, ut simul ac quis Romanus creatus esset Pontifex, vicinis collectis episcopis, Synodum ageret, in qua se esse fidei Catholicæ custodem tenacissimum declararet, ex eaque Synodo Epistola Synodalis transmitti soleret ad absentes universi orbis episcopos, potissimum vero ad præcipuarum Ecclesiarum patriarchas: quod quidem S. Gregorius more majorum egregie præstítit, dictam seribens Epistolam, cuius ejusmodi inscriplus titulus reperitur³: « Gregorius Joanni episcopo Constantinopolitano, Eulogio Alexandrino, Gregorio Antiocheno, Joanni Hierosolymitano, et Anastasio patriarchæ Antiocheno a paribus ». Cur autem hic nominari contingat duos patriarchas Antiochenos, Gregorium, et Anastasium, superius dictum est. Sed quod « a paribus » scriptum dicatur, non sic velim accipias, ut pares eos esse dignitate significare Gregorius papa voluerit, quos ex Concilii Nicæni canone satis sciret esse distinctos. At non puto exemplum unum ad omnes esse missum simul; sicque accidisse, ut cum quatuor unius Epistolæ inventa sint exemplaria, satis fuerit visum librario nomina simul jungere, a parique addere, quo significaret, eamdem ad eos quatuor æque missam: sed primo loco ponendum Joannem putarit, quem ob regiam civitatem eliori videret fulgere splendore, existimans antiquitus constitutum sedium ordinem et prærogativam jam antiquatam. Quod vero ad ipsam spectat Epistolam, omissis cæteris quæ munera sacerdotalis eminentiam exprimunt; ea tantum quæ ad fidem Catholicam spectant, tanquam totius ædificii fundamentum, hic breviter, ut scripta habentur, sunt recensenda.

5. « Præterea, inquit, quia corde⁴ creditur ad justitiam, ore autem confessio fit ad salutem: sicut sancti Evangelii quatuor libros, sic quatuor Concilia suscipere et venerari me fateor; Nicænum scilicet, in quo perversum Arii dogma destruitur;

¹ Greg. l. 1. Ep. xxiii. — ² Ibid. Ep. xxxvii. — ³ Ibid. Ep. lvii.

⁴ Greg. l. 1. Ep. lxv. — ² Ibid. Ep. iv. — ³ Ibid. Ep. xxiv. —

⁴ Rom. x.

Constantinopolitanum quoque in quo Eunomii et Macedonii error convincitur; Ephesium etiam primum, in quo Nestorii impietas judicatur; Chalcedonense vero, in quo Eutychetis Diocorique pravitas reprobatur, tota devotione complector, integerrima approbatione custodio ». Quod vides, lector, cubitalibus (ut aiunt) litteris probatum a sancto Gregorio poni Chalcedonense Concilium: id seias velim scile prudenterque factum occasione schismaticorum asserentium damnantes Tria Capitula, ac quintam Synodum profientes, labefactare ipsum sacrosanctum Chalcedonense Concilium. Pergit vero Gregorius: « Quia in his », quatuor Conciliis videlicet, « velut in quadrato lapide, sanctæ fidei structura consurgit; et eujuslibet vita atque actionis existat, quisquis eorum soliditatem non tenet, etiam si lapis esse cernitur, tamen extra ædificium jacet.

6. « Quintum quoque Concilium pariter veneror: in quo Epistola que Iba dicitur erroris plena reprobatur: in quo Theodosius, personam mediatoris Dei et hominum in duabus substantiis separans, ad impietatis perfidiam cecidisse convincitur: et in quo scripta quoque Theodoreti, per quæ beati Cyrilii fides reprehenditur, ausu denientiae prolatæ refutantur ». Sunt hæc illa Tria Capitula ab Orthodoxis damnata, quorum causa totum inversum sæpe vidimus orbem. Rursum vero ne horum damnatione videretur carpere idem sacrosanctum Concilium Chalcedonense, generali hæc, quam subdit, sententia satisfacit: « Cunctas vero quas præfata veneranda Concilia personas respuunt, respo: quas venerantur, amplector: quia dum universaliter sunt consensu constituta, se et non illa destruit, quisquis præsumit aut solvere quos ligant, aut ligare quos solvunt. Quisquis ergo aliud sapit, anathema sit. Quisquis vero predictarum Synodorum idem tenet, pax ei sit in Deo Patre per Jesum Christum Filium ejus, qui cum eo vivit et regnat consubstantialiter Deus in unitate Spiritus sancti per omnia sæcula sæculorum. Amen ». Hacenus ad eos Gregorius.

7. *Aliæ private Epistole ejusdem.* — Porro ad eumdem Anastasium Antiochenum alias privatas litteras¹ dedit, in quibus rationem pariter reddidit, cum ad eum sicut ad alios scripserit, cum non sederet in Ecclesia patriarcha, subrogato jamdiu ante Gregorio, dicens in fine: « Praeterea sicuti patriarchis aliis, vel Patribus, ita et Synodum vobis Epistolam dixi: quia apud me semper hoc estis, quod ex omnipotenti Dei munere accepistis esse, non quod voluntate hominum putamini non esse ». Addidit et litteris donum, nempe claves S. Petri: ait enim ad finem Epistole: « Amatoris vestri beati Petri Apostoli vobis claves transmisi, quæ super ægros positæ, multis solent miraculis coruscare ». Sed et ad Andream² virum insignem idem clavem misit habentem intus de ejusdem

S. Petri catenis limaturam: nam ad finem Epistole eadem quæ superius ferme verba habet, cum ait: « Praeterea sanctissimam clavem a S. Petri Apostoli corpore vobis transmisi, quæ super ægros multis miraculis solet coruscare: nam etiam de ejus catenis interius habetur. Eadem igitur catenæ, quæ illa sancta colla tenuerunt, suspensæ, colla vestra sanctificant ». Tolidem habet etiam verba in Epistola ad Joannem exconualem patricium et quacstrom, cum illi idem munus impertitur: hic enim quo plus cateris Gregorium diligebat, eo sollicitius procuraverat apud in peratorem, ut delectus Pontifex probaretur. Ad quem inter alia Gregorius³: « Vobis quidem omnipotens Deus, qui bono animo fecistis, bona æterna retribuat: sed me a tanto loei hujus periculo, qualiter voluerit, absolvat: quia sicut peccata mea merebantur, non Romanorum, sed Longobardorum episcopus factus sum, quorum synthetie⁴ spathæ sunt, et gratia pena ». Haec idecireo Gregorius, quod universa Italia gente esset Longobardorum repleta, quæ fera et dura ex beneficiis effici soleret truculentior.

8. Quod vero ad claves spectat e corpore S. Petri (ut ait) mitti solitas: quoniam frequens est eadem ad diversos pietatis ergo mitti munera ab ipso S. Gregorio, hic tibi repetenda opportune videntur, quæ de iisdem clavibus superiori tomo ex Gregorio Turonensi sunt recitata ex commentario de gloria martyrum, ubi post alia hæc addit⁵: « Multi enim et claves aureas ad reserando cancellos beati sepulcri (principis Apostolorum videlicet), faciunt, qui eas ferentes pro benedictione priores accipiunt, quibus infirmitatem tribulantium mendentur: omnia enim fides integra præstat ». Quanta vero et quam miranda consueverit Deus per hujusmodi claves operari miracula, elicita etiam ab hostibus testimonia suo loco superius recensuimus: quanta praeterea ex sudariis sepulcro admotis, quæ brandea, sive palliola, aut sanctuaria dicta repertæ, miracula manare solerent, ex utroque Gregorio saitis superius dictum est.

9. *Cura et vigilancia Gregorii erga episcopos.* — Laborans interea Gregorius papa in ministerio pastorali, sollicitus erat oppressiones episcoporum sublevare: quod enim sciret Blandum⁶ Hortensem episcopum definiri a Romano exarcho Ravennæ, ut eum e manibus illius vindicaret, jussit ut in causa ejus cogeretur Synodus, et deponeretur, si obnoxius criminibus repertus fuisset; sin securus, in suum restitueretur Ecclesiam. Non solum enim criminalia episcoporum judicia procul aberat ut a prefectis judicarentur, sed quæque alia minora si haberent ipsi prefecti adversus episcopos, nonnulli per episcopos judicari ipsimet petere consueverant, ut constat ex ejusdem Gregorii Epistola ad Malchum⁷ episcopum in Dalmatia data. Sieubi autem andaret

¹ Greg. I. I. Ep. xxx. — ² diss. Æ, id est, sodalitates ex voce Graeca. — ³ Greg. de glor. mart. I. I. c. 28. — ⁴ Greg. I. I. Ep. xxxii. — ⁵ Ibid. Ep. xxxvi.

¹ Greg. I. I. Ep. xxv. — ² Ibid. Ep. xxix.

sive clericos, sive laicos a præpositis affletari, continuo illis presto esse non destitit : ejusmodi plane argumenti est Epistola¹ ad Gennadium patricium exarchum in Africa, cum accepisset illic a Theodoro magistro militum subditos male haberi : de quo etiam reprimendo scripsit² ad Honoratum diaconum.

10. Sollicitum vero eundem Gregorium semper super episcopos invigilasse, ut animarum saluti iidem invigilarent, plane declarat per brevis ejus Epistola ad Projectitium Narniensem episcopum data hoc anno, mense Septembri, verbis istis³ :

« Pervenit ad nos, peccatis imminentibus, in civitate vestra Narniensi mortalitatem omnino grassari : quae res nos nimis afflitit. Quamobrem salutantes fraternitatem tuam modis omnibus suadimus, ut a Longobardorum, sive Romanorum, qui in eodem loco degunt, admonitione, sive exhortatione, nulla ratione cesseris, et maxime a Gentilium et haereticorum, ut ad veram rectamque fidem Catholiceam convertantur. Sie enim aut divina misericordia pro sua eis forsitan conversione et in hac vita subveniet : aut, si eos migrare contigerit, a suis (quod magis notandum est) transient facinoribus absoluti » : Haec ad Narniensem episcopum Gregorius : in quo et illud mirandum, quod cum in dando effusissimus esset, in accipiendo continentissimus semper extitit. Est de his dignum exemplum in ipsis litteris ad Felicem Messanæ in Sicilia civitatis episcopum, in quibus inter alia haec habet⁴ : « Nobis de caetero ne quid transmittere debeas, inhibemus. Et quoniam noui delectamur xeniis : Palmatianas, quas tua direxit fraternitas, cum gratiarum actione suscepimus; sed eas, ne quod exinde potuisses sentire dispendium, digno lecimus prelio venundari, et id fraternitati tuae transmisimus singulatim ». Haec ipse.

11. Sed quid per Palmatianas intelligat, haud satis explicat. At obserurus locis elucidatur per Cassiodorum⁵, qui in Epistola ad Anastasium sudet esse intelligendum vinum ita nominatum : et enim eum pretiosa vina recenset, Palmatianum adnumerat. Sed cur ita dictum, num ab uva Palmaria, ita a Plinio appellata⁶, ex qua vinum Palmatium idem fortasse quod Palmatianum? Seimus majores etiam ex palma arbore potionem conficerem consueisse : nam S. Hieronymus ait⁷: « Palmarum fructus exprimuntur in liquorem ». Same quidem et Philostratus in Apollonio⁸ vinum ex palmarum fructibus ednici testatur, et Strabo⁹ in Arabia vinum ex palmis confici solitum aque adstipulatur.

12. Verum nequaquam de his intellexisse Gregorium puto : sed potius ex ratione loci appetet esse locutum de illo vini genere, quod dicebatur Palmatianum ; de quo audi Cassiodorum : « Vinum

quoque quod laudare cupiens, Palmatianum nominavit antiquitas, nos stipsim, a spiritu, sed gratum suavitate perquire : nam licet inter vina Brufia videatur extremum, factum tamen est pæne generali opinione præcipuum. Ibi enim reperitur et Gazeta par, et Sabino simile, et magnis odoribus singulare. Sed quia illud famam sibi nobilissimam vindicavit : hoc et in suo genere nimis elegans perquiratur, ne prudentia majorum aliquid appellasse videatur improprium (quod scilicet ob ejus excellentiam nominarit Palmatianum). Est enim suavi pinguedine, molliter erassum, vivacitate firmissimum, nare violentum, candore quoque perspicuum : quod ita redolet ore ructatum, ut merito illi a palma noniem videatur impositum. Viscera defecta constringit, vulnera madida desiccat, lapsum reficit pectus ; et quod vix valet implere potus arte compositus, hic naturaliter præstat infectus ». Huncque de Palmatiano vino Cassiodorus ; quod pretiosum sanctus Gregorius accipere dono notuit, sed vendi fecit ; et ei qui dederat, misit pretium.

13. Caeterum Gregorius, qui non vult ab episcopis munera accipere, eosdem erga coepiscopos pauperes monet ut sint misericordes. Etenim cum anno superiori (ut vidimus) incursione Avarum subduee Gagano, sive Gajano, perturbatae essent regiones Orientis, expulsique episcopi cum populis e sedibus suis, cum jussisset imperator eosdem profugos et extorres ab episcopis Illyrici ali : id ut libenter faciant, monet eos S. Gregorius, datis ad ipsos his litteris¹ :

14. « Iobinus excellenfissimus vir, filius noster, præpositus per Illyricum, scriptis suis nobis indicasse dignoscitur, ad se saeris apicibus destinatis, jussum fuisse, episcopos quos a propriis locis hostilitatis furor expulerat, ad eos episcopos, qui nunc usque in locis propriis degunt, pro sustentatione et stipendiis præsentis vita esse jungendos. Et licet ad hoc fraternitatem vestram jussio principalis admoneat : habemus tamen majus his mandatum æterni principis, quo ad haec terribilis peragenda compellimur, ut non dico fratres et coepiscopos nostros, sed ipsos etiam quos nobis contrarios patimur, cum opportunitas postulat, in conferendis subsidiis necessitatum carnarium diligamus. Oportet ergo vos adhanc rem et celesti primitus Principi obedientes existere, et imperialibus etiam jussionibus consentire, quatenus fratres coepiscoposque nostros, quos et captivitatis, diversarumque necessitatum angustiae comprimit, debeatis consolando, convicturosque vobissem in Ecclesiasticis sustentationibus libenter suscipere : non quidem ut per communio nem episcopalis throni dignitas dividatur, sed nt ab Ecclesia juxta possibilitatem sufficiente debeat alimenta percipere. Sic enim et proximum in Deo, et Deum in proximo diligere comprobamur. Nullam quippe eis nos in vestris Ecclesiis auctoritatem tribuimus ; sed tamen eos vestris solatiis contineri

¹ Greg. l. i. Ep. LVII — ² Ibid. Ep. XLVII. — ³ Greg. l. ii. Ep. II. — ⁴ Greg. l. i. Ep. LXIV. — ⁵ Cassiod. l. XII. Ep. XII. — ⁶ Plin. l. XIV. c. 6. — ⁷ Hier. Ep. II. — ⁸ Philo. in Apol. l. II. — ⁹ Strabo l. XVI.

¹ Greg. l. i. Ep. XLIII.

summopere hortamus ». Hucusque Gregorius de his quae ad episcopos pertinent.

15. *Ad monasticam disciplinam instarandam incumbit Gregorius.* — Non defuit prieterea pastorali propensiōi cura sanctissimus Pontifex erga monachos, ut regulari observantia tenerentur; illos vero polissimum in monasterium revocando esse curavit, qui facili essent disciplinae monasticae desertores. Erat inter eos Venantius vir illustris, ille cancellarius, divitiis prepotens, ex Deciorum familia, quo cum magna ipsi intercedebat necessitudo: pater hic erat clarissimarum illarum virginum Barbarae et Antoniae, de quibus frequens mentio in ejusdem S. Gregorii litteris habetur; plures etiam ad easdem datae ab ipso reperiuntur. Hunc, inquam, exmonachum litteris scriptis revocare ad monasterium studuit; quem inter alias his admonuit¹: « In quo enim habitu fueris, recolis; et supernae distictionis animadversione proposita, ad quid sis delapsus, agnoscis. Culpmi ergo tuam pensa, dum vacat; distictionem futuri judicii, dum vales, horresce: ne tunc illam amaram sententiam audias, cum jam nullis fletibus evadas ». Et inferis: « Ananias pecunias Deo voverat, quas post diabolica victus persuasione subtraxit: sed qua morte mulcatus sit, scis. Si ergo ille mortis pericolo dignus fuit, quia eos quos dederat nummos Deo abstulit: considera quanto pericolo in divino iudicio dignus eris, qui non nummos, sed te ipsum Deo omnipotenti, cui te sub monachali habitu devoveras, subtraxisti. Considera iudicium Dei quod mereatur, qui semet ipsum Deo vovit, continuoque mundi desideriis irretitus mentitus est quod vovit ». Haec et alia ad eum Gregorius: quibus suam exmonachi infelissimi nostri temporis sententiam recognoscant, qualis erit, cum ad apostasiā etiam haeresim addiderint, ab ipsa Catholica fide discessionem. Porro Venantius nihil profecit ex S. Gregorii litteris, ita extra monasterium usque ad obitum perseverans. Extant enim aliae ejusdem Gregorii litterae² post annos octo ad eum dīte, cum aegrotaret; aliae³ insuper ad Joannem Syracusanum episcopum de ipso jam in extremis laborante.

16. Reperit prieterea monachos qui et uxores duxissent, quos revocando immonasterium studuit: bellorum enim jugis molestia fecerat monasticam observantiam relaxari, et monachis destitui monasteria. Ad hos corrigendos, cosdemque suis restituentibus monasteriis, quantum putas laboris insumpsisse Gregorium? Id indicant ejus hoc anno co argumento datae litterae⁴ de Sicilia atque Campaniae provincie monachis. Elecerat insuper necessitas bellica, ut cum uxoribus, filiabus, atque sororibus, aliisque feminis fugerent viri in proximas insulas Orfianam atque Palmariam et alias, ubi monachorum erant monasteria: eosque miserationis intuitu cum monachi suscepissent, haud leve allatum est

dannum monastice continentis. Ad haec averlenda mala idem Gregorius longe separati a feminis monachos voluit⁵ per Anthenium subdiaconum: cum et illud quoque prohibuit, ne ante decem et octo annorum etatis tempus quis recipereetur in monasterium. Sed et quod monachos ilidem Gorgoniae insulae solitos monastica disciplina audisset, ad eos instituendos Orosium misit⁶ abbatem, cui et erigere in insula Corsica monasterium in loco munito in mandatis dedit. Quos vero sciebat in monasteriis monastice vivere monachos, iidem ut Deo propensiōi cura vacarent, sollicitudine pastorali providit, curavitque ut exteriora negotia eorumdem monasteriorum per prudentes secularares viros curarentur, constituto salario: ita quidem de his seripsit⁷ ad Petrum subdiaconum negotia Ecclesiastica curantem in Sicilia. Quos vero pauperes novit, sed monastici instituti tenaces, eosdem impertita eleemosyna alendos curavit⁸.

17. *Laurentium archidiaconum et Demetrium episcopum Neapolitanum deponit, et clericos ad disciplinam, maxime ad caribatum revocat Gregorius; ubi fabella refellitur de filiis clericorum.* — Qui igitur monachos ubique degentes sub regulari confineri voluit disciplina, clericos pariter ex sanctorum canonum prescripto vitam agere, componeque mores curavit: adversus vero contemptores Ecclesiasticam promeritis censuram exercuit: etenim hoc anno, mense Septembri, Laurentium Romanum Ecclesiae archidiaconum rededit in ordinem, alio in ejus loco subrogato: de quo in exordio secundi ejus Epistolarum libri haec scripta leguntur: « Temporibus papae Gregorii, consulatus Mauritii Augusti anno sexto, depositus est Laurentius, qui primus fuerat in ordine diaconus Sedis Apostolice, propter superbiam et mala sua, que facienda duximus: et factus est archidiaconus Honoratus coram omnibus presbyteris, et diaconibus, notariisque, subdiaconibus, vel cuncto clero in Basilica aurea ». Haec ibi. Quem igitur vidisti erga monachos clementem, et in pauperes misericordem, superbientem archidiaconum minime tolerandum putavit, secundum illud Apostoli⁹: « In promptu habentes uicisci omnem inobedientiam ». Atque ex sententia Petri¹⁰, iudicium incipiendum esse ostendit a domo Domini, ab ipsa Apostolica Sede, ne vilesceret, eum illud exerceendum esset apud externos. Quod autem audis id factum sexto Mauritii anno, intelligillum inchoatum hoc anno, mense Augusto, quo Tiberium mori contigit. Vides re ipsa S. Gregorium perfecisse, quod scriptis suis unumquemque episcopum facere debere communiuit, nimirum quod ait¹¹: « Si rector bene agentibus per humilitatem socius, contra delinquentium vita per zelum justitiae erectus, ut et bonis in nullo se praeferat, et cum pravorum culpa exigit, potestatem protinus sui prioratus

¹ Greg. I. I. Ep. xxxviii. — ² Ibid. Ep. xlvi. L. — ³ Ibid. Ep. lxvii. — ⁴ Greg. I. II. Ep. I. — ⁵ I. Cor. X. — ⁶ I. Petr. iv. — ⁷ Greg. Past. I. II. c. 6.

⁸ Greg. I. I. Ep. xxxviii. xxxix. xl.

agnoscat: quatenus et honore suppresso, aqualem se subditis bene viventibus putet, et erga perversos jura rectitudinis exercere non formidet ». Hac in Pastorali.

18. At non solum adversus superbientem archidiaconum Ecclesiasticae censuræ vigorem exercuit, sed et Demetrium Neapolitanæ Ecclesiæ episcopum hoc eodem anno sede depositum; quibusdam autem exigentibus culpis, audi quæ scribat ad Neapolitanos¹: « Demetrius siquidem, qui nec antea episcopus dici meruit, tantis et talibus nequitis inventus est involutus, ut si secundum suorum quatitatem facinorum judicium sine misericordia receperisset, divinis mundanisque legibus durissima proculdubio fuerit morte plectendus: sed quia pœnitentiae reservatus, sacerdotii honore privatus est, etc. » Jubet autem eis de successoris agere electione, cum illi Paulum quendam episcopum usque ad creationem novi episcopi ministratorem dari sibi petiissent².

19. Quid rursum pertinet ad clericorum disciplinam, ex sacerorum canonum instituto veltuit eos cum feminis conversari, ita inter alia scribens ad Symmachum Defensorem³: « Præterea volumus, ut sacerdotes, qui in Corsica commorantur, prohiberi debeant, ne cum mulieribus conversentur, excepta dundaxat matre, sorore, vel uxore, quæ caste regenda est ». Hac ibi. Cum enim (quod sepe dictum est) uxorati adsciscerentur in clericum, non alia id fieri erat solitum ratione, quam si uxor acqnesceret caste vivere, et quem haec tenus maritum novisset, jam exinde fratrem esse cognosceret, atque inter ipsos castissima conversatio intercederet. Dicebantur feminae illæ presbyteræ, quæ sic interdum conversari cum viris suis jam sacerdotibus sinerentur (secundum ea que habentur in Concilio Turonensi⁴, et ipse Gregorius scribit in dicta Epistola ad Symmachum defensorem⁵) ut tamen nulla prorsus suspicio esse posset mutuum mixtionis. Quamobrem ea licentia magna cautela uti solebant: ut exemplo vel uno percipias ex iis que ab ipso S. Gregorio in dialogis⁶ scripta leguntur his verbis:

20. « Sed neque hoc sileam, quod vir venerabilis abbas Stephanus, qui non longe ante hoc tempus in hac Urbe defunctus est (quem ipse etiam bene nostri) in eadem provincia Nursie configisse referbat. Aiebat enim, quod illie presbyter quidam Ursinus nomine, commissam sibi cum magno timore Domini regebat Ecclesiam. Qui ex tempore ordinationis accepte presbyteram suam, ut sororem diligens, sed quasi hostem cavens, ad se propius accedere nunquam sinebat; eamque sibi met propinquare nulla occasione permittens, ab ea sibi communionem funditus familiaritatis abscederat. Habent quippe sancti viri hoc proprium: nam ut semper ab illicitis longe sint, a se plerunque etiam licita abscondunt. Unde idem vir ne unquam per eam

incurreret culpam, sibi etiam per illam ministrari recusabat necessaria. Hic ergo venerabilis presbyter cum longam vitæ implesset ætatem, anno quadragesimo ordinationis suæ, in ardente graviter febre correptus, ad extrema deductus est. Sed cum eum presbytera sua conspiceret, solutis jam membris, quasi in morte distentum, si quod adhuc ei vitale spiramen inesset, naribus ejus apposita curavit aure dignoscere. Quod ille sentiens, cui tenuissimus inerat flatus, quantulo aduisu valuit ut loqui potuisse, infervescente spiritu, collegit vocem, atque erupit, dicens: Recede a me, mulier, adhuc ignobilis vivit, paleam tolle. Illa igitur recedente, crescente virtute corporis, cum magna cœpit fætitia clamare, dicens: Bene veniant domini mei: bene veniant domini mei. Quid ad tantillum servulum vestrum estis dignati convenire? Venio, venio: Gratias ago, gratias ago. Cumque haec iterata cerebro voce repeteret: quibus hoc diceret, noti sui, qui illum circumsternerant, requirebant. Quibus ille admirando respondit, dicens: Numquid hic convenisse sanctos Apostolos non videlis? Beatum Petrum et Paulum primos Apostolorum non adspicitis? Ad quos iterum conversus dicebat: Ecce venio, ecce venio. Atque inter haec verba animam reddidit ». Ilucusque Gregorius.

Quod insuper ad continentiam perlinet clericorum, idem S. Gregorius arctiori eam disciplina contraxit, ubi audivit esset solutam. In Sicilia enim pravus abusus obrepserat, ut subdiaconi uxorem ducerent: quod ne penitus fieret, Pelagius papa predecessor Gregorii (ut vidimus) omnino veltuit, atque conjunctos separari mandavit: Gregorius autem ipse scribens⁷ ad Petrum subdiaconum, prohibuit ne in posterum quis subdiaconus ordinaretur, nisi continentiam servare episcopo sposondisset: conjunctos autem ita manere voluit, ut nulla eis spes esset ad superiorem ordinem ascendendi, nisi ab ea quam acceperant, uxore se penitus separassent. Ex his plane refellitur, expluditurque longe longius effectum illud pudendum mendacium et inane commentum inter aniles fabulas illas adnumerandum, quas velut dum fusum digitis torquent, ad lucernam inter juvenculas narrare solent, sive potius inter delirantium putas somnia recensemendum; quod tamen Novalores magno emploio pretio ad clericalem destruendum cælibatum exponunt, dum fabellam hanc ex conficta Epistola nomine S. Uldarie Augustani episcopi ad Nicolaum papam depromunt, his verbis conscriptam:

21. « Beatus Gregorius Magnus papa primus aliquando suo quodam decreto uxores sacerdotibus ademit. Deinde paulo post eum idem Gregorius jussisset ex piscina sua pisces aliquot capi, piscatores pro piscibus, sex millia capitum infantium suffocatorum repererunt. Quam cædem infantium cum intelligeret S. Gregorius ex occultis fornicationibus vel adulteriis sacerdotum natam esse: con-

¹ Greg. l. ii. Ep. iii. — ² Ibid. Ep. vi. — ³ Greg. l. i. Ep. L. — ⁴ Conc. Turon. ii. c. 43. 44. 20. — ⁵ Greg. l. i. Ep. L. — ⁶ Greg. dial. l. iv. c. 44

⁷ Greg. l. i. Ep. XLII.

tinuo revocavit decretum, et peccatum suum dignis pœnitentia fructibus purgavit ». Haec tamen ex dicta Epistola historie¹ illi magni, demolitores Ecclesiastice continetiae, ubique mendaces et impii, qui et hoc in omnibus laborasse noscuntur, ut veritatem mendaciis obscurent, pietatem vero blasphemis obruant; dum et hoc ipsum fragmen vitri non seens ac margaritam ostentant. Qui si vel leviter veritatis amore tinti fuissent, quo maximus imbutum esse oportet historicum, et si cuncta Gregorii scripta exakte legissent; tanto viro plane erubuerint impingere tantum calumniam. Quis adeo frequens tamque sollicitus assertor celibatus clericorum, atque Gregorius? Quis adeo ejusdem antiquae legis Ecclesiastice diligens custos et vindex, ut ipse²? Quot sunt de ea re ab ipso Epistola scriptae? Et cui magis credendum de statutis ab ipso decretis, quam eisdem ipsi non semel, sed frequentius id profidenti? Quenam ratio, ut eujuſlibet quævis assertio de Gregorio adversus ipsum Gregorium contrarium saepius profitentem afferri possit sine risu, et recipi sine stomacho?

22. Et ne quis putet pœnituisse Gregorium etiam subdiaconis uxores adimentem (ut taceamus de diaconis atque presbyteris) quæ hoc anno de his scripsisse vidimus, eadem repetit Indictione duodecima scribens ad Leonem³ episcopum Catanensem: sed et in Concilio Romano habitu anno decimo tertio Mauritii imperialoris, Indictione decima quarta, canonem de his statuit, verbis istis: « Si quis presbyter, aut diaconus uxorem duxerit, anathema sit ». Quot insuper sunt ejus Epistola, quibus prohibet habitationem⁴ cum clericis, feminas, illis exceptis, quas canon concedit? Que demum novissima de his Gregorii sententia fuerit, ultima ejus consule scripta, sed illa non prætermittas, quibus ad Augustinum⁵ in Angliam missum decernendo multa respondit, et inter alia illud, ne permittat uxores dueere clericos in sacris ordinibus constitutos. Sed et quam severus exactor ipse fuerit pudicitiae sacerorum ministrorum, vel iisdem cognoscere ejus scriptis ad Augustinum, cum pollutus in somnis sacerdos ex crapula præcedenti, ut abstineat a sacri celebratione mysterii admonet. Qui cum de laicis cum uxoribus admixtis abunde agit, an Eucharistiam sumere debeant: cur de sacerdotibus uxoratis æque (ut argumentum exigit nihil tractat: nisi quia de his quæ omnino non essent, nec dubitare quis posset? Cum igitur quæ de his fuerit semper Gregorii sententia, ex scriptis ipsius toties confirmata noscatur; quis locus ulterius potest esse adeo vana fingentibus?

23. Sed quod vindicavimus Gregorium papam a tanta calunnia, vindicemus modo et S. Udalricum a supposita ipsius nomine impostura. Cusæ sunt nuper Augstantæ res ab eo gestæ ex diversis

¹ Magdeb. cent. vi. c. 7. col. 388. et cent. ix. col. 540. 541. 542. et cent. x. col. 686. — ² Grez. l. iii. Ep. xxxiv. — ³ Greg. l. i. Ep. l. l. vii. cix. et l. xi. Ep. xl. — ⁴ Greg. l. xii. Inter Aug. c. 2.

locis summa diligentia collectæ, in commentarium unum redactæ, in ejus Praefatione disertus auctor hæc habet: « Sejo ad haec impuram nescio ejus nomenclonis Epistolam Udalrici aliquando nomine venditam: sed cum ea ad Nicolaum Pontificem scripta sit: Nicolaus autem Primus plusquam vi-ginti annis ante Udalricum natum fuerit mortuus. Secundus Pontificatum octogesimo et quod excurrit anno post eum mortuum inierit; ferrei sit oris oportet, qui tantum mendacium ausit asserere, plumbi cordis, cui possit imponere ». Ex his tam certis demonstrationibus exclusi ter miseri mendaciiorum textores eo configunt, ut alium effingant Udalricum episcopum Augustinum, quem nec Augustani ipsi, neque alii vel anditu norunt. Quod si tot tantæque deessent probatio-nes, adversus quas nihil sit quod mendacium sibi vindicet; adhuc ex ipsius commenti contextu falsites redarguitur: adeo ut illud Davidicum jure usurpari queat: « Menta est iniquitas sibi ». Quoniam medo, rogo, jungi simili possunt, quæ in eadem Epistola commentitia ita leguntur: « Uxores sacerdotibus adenit: deinde paulo post, cum idem Gregorius jussisset ex piscina sua pisces aliquot capi, pescatores pro piscibus sex millia capitum infantium suffocatorum repererunt ». Quomodo, inquam, paulo post sanctum decretum potuit tale quid accidere, et non saltem plures annos oportuerit exspectare, ut tot furtivi nascerentur infantes? Sed et quomodo liber aditus patere omnibus sex mille numero infantium projectoribus potuit nocturno tempore ad piscinam; cum certum sit, piscinas illas, in quibus pisces asservari solent, non fuisse omnibus publicas, sed optime custoditas? Siccatusne erat Tiberis, qui interluit Urbem, ut ea ad scelus tanta commoditate prætermissa, quare-retur ad infantium necem piscina Gregorii? Sed jam plus satis quam opus fuerit, immorati sumus, in hujuscemodi verendis quisquiliis, que tanquam gemme in suis historiis sunt a Novatoribus collo-cate, ut iis vecordes et oscitantes decipient, confi-antque more suo ex hujusmodi paleis arietes, qui-bus nonnisi luteos demoliantur parietes, addictos nimirum crapulis atque libidinibus homines, liben-ter audientes quæ voluptatibus carnis latissimam viam parent.

24. Ecclesiæ ejusque ministris et bonorum Ecclesiasticorum administrationi consulit Gregorius.

— Sed ad Gregorium redeamus, qui hoc anno, ad bene instituendam in clericis Ecclesiasticam disciplinam, ad diversos litteras dedit, quibus jussit puniri transgressores; et inter alios ad Iannarium¹ Calaritanum episcopum de Liberato diacono superbo fastu diaconos cardinales supergredi sat-a gente, quem ultimo loco inter diaconos consistere voluit. Delinquentes præterea clericos illos, qui Venafrañæ Ecclesiæ diripentes utensilia, Iudeo ven-diderant, nempe argenteos calices duos, coronas

¹ Greg. l. i. Ep. lxxxi.

enm delphinis duas, et de aliis coronis lilia (erant vasa ista ad usum luminarium) insuper et pallia majora sex, relegari mandavit ad paenitentiam, ubi lacrymis delictum expiarent, de his scribens ad Anthemium¹ subdiaconum. Item et Epistolam² ad Petrum subdiaconum dedit, mandans itidem sacerdotes atque levitas delinquentes in monasterium tradi. Ac sicut delinquentes coercent, ita digne ministrantibus bene prospexit, ne quid illis decesset: quorum etiam infirmitate languentium³ rationem haberi voluit, ut sicut ante, ab Ecclesia, cui servierant, eamdem quam solebant cum sani essent, stipem acciperent. Haec de his quae pertinent ad Ecclesiasticam disciplinam.

25. Quod vero ad loca spectat, quoniam complures ob bellicas turbas contingebat Ecclesias relietas esse absque ministris, earumdem vicinis episcopis curam mandavit, ut necessitatis causa in illis constituerentur presbyteri, qui ex more baptizarent infantes, et ex hae vita migrantibus paenitentiam impertirent. Extant de his ejus litterae ad episcopum Sipontinum de Ecclesia Camusina, et ad Leonem episcopum in Corsica de Ecclesia Sagonensi. Cum et vacantes alias Ecclesias episcopis, novorum episcoporum electione curavit implendas, nempe Ariminensem⁴, Perusinam⁵, Vivianensem⁶, et Neapolitanam⁷, cui curande interim missus est Paulus. Porro ejus rei praxis sic his temporibus se habuisse cognoscitur, ut si dissidenterent eligentes, vel minus idoneos diligere perseverarent, tunc ipse Romanus Pontifex quem vellet daret illis pastorem. Habentur haec expressa in Epistola ad Severum⁸ de electione Ariminensis episcopi. Transtulit⁹ item episcopum Tamitanum in Corsica ad Ecclesiam Sagonensem (Aleriensem), eo quod prior illa Ecclesia ab hostibus penitus diruta esset. Complures insuper in Sicilia Ecclesias pastoribus destitutas cognoscens, quod earum episcopi ob crimen depositi essent, per Petrum diaconum jussit dari illis episcopos, nulla contraria obstante consuetudine. Ex quibus apparet Romanum Pontificem pro libitu, suadente animarum salute, abrogare consuevit quasvis diversarum Ecclesiarum antiquas consuetudines.

26. Quod item ad loca spectat, dedicationem diversarum¹⁰ Ecclesiarum faciendam mandavit: haud enim fas erat, inconsulto Romano Pontifice, Ecclesiam aliquam dedicare; ut patet etiam Gelasii pape¹¹ auctoritate. Quod quidem non intelligendum puto in provinciis Orientalibus patriarchis subjectis. Cum vero dedicabantur Ecclesiae, praeter alia solennibus ritibus exhiberi solita, peragi consueverunt antiquae illae agapes, in quibus pauperes epulari solerent: at quanta illae exhiberentur in ipsa ex eodem Gregorio accipe, ubi ait: « Quia cellae

ipsius tenuitas exigit debere nos in ipsa diei festivitate concurrere: propterea volumus, ut ad celebrandam dedicationem dare debetas ad erogandum pauperibus in auro solidos decem; vini amphoras triginta, annone medios ducentos, olei orcas duas, verveces duodecim, gallinas centum ». Haec ipse ad Petrum diaconum pro dedicatione oratorii sanctae Mariae, ad supplendam inopiam ejus quae dedicaretur Ecclesie: quae reddidisse voluimus ad significandum retentum haec tenus veterem usum sacrarum agapum, in quibus vocatis pauperibus, una simul convivari solerent.

27. Quod vero ad res pertinet Ecclesiarum, sic eas voluit custoditas, ut tamen alienum nihil ab eis possideri permetteret, hinc accidit, ut donum cuiusdam Petronii¹², injusto apposito titulo a defensore Ecclesie vindicatum, domino suo statim restituendam mandarit. Egitus alias de hujusmodi fiscalibus Ecclesiasticis titulis. Itemque monnit¹³ episcopos Siciliæ, ut caverent eos, qui sub falso nomine defensorum Romanæ Ecclesie alienas prædabantur substantias. Voluit etiam ut possessiones Ecclesia Tauromenitanæ¹⁴ occupatae ab Actionariis Romanæ Ecclesie, eidem redderentur. Cæterum qui noluit aliena bona Ecclesiarum ministris afferti, idem magnopere cautum voluit, ne aliquo modo bona Ecclesie per surreptionem invaderentur. Nam audi, quid ad Petrum diaconum missum in Siciliam ad finem scribat hoc anno¹⁵: « Tua experientia sanctæ Ecclesie utilitatem conspiciat, memor quod ante sacratissimum beati Petri Apostoli corpus potestatem patrionum ejus acceperit. Et licet hinc scripta decurrant: Quod utilitatem patrimonii impedit, fieri nullo modo permittat: quia nec nos sine ratione aliquid dedisse reminiscimur, vel dare disponimus ». Rursus vero quam fuerit rerum Ecclesie tenacissimus custos, ut tamen indemnitatii aliorum voluerit semper esse consultum, indicant ejus litteræ prolixiores datae ad eundem Petrum¹⁶, dum in fine illarum ejusmodi contestationem habet: « Haec omnia sollicite perlege, omnemque illam familiarem negligentiam tuam postpone. Scripta mea ad rusticos, quæ direxi, per omnes massas fac relegi: ut seiant quid sibi contra violentias debeant defendere ex auctoritate nostra: eisque vel authentica, vel exemplaria nostra dentur. Vide ut omnia absque imminutione custodias: quia de his quæ tibi pro servanda justitia scribo, ego absolvor; et tu, si negligis, obligaris. Terribilem Judicem considera, et de adventu illius nunc tua conscientia contremiscat, ne tunc sine causa jam timeat, cum coram illo cælum et terra tremuerit. Audisti quod volo; vide quid agas ».

28. Ista quidem tanta cum energia Gregorius, quod sæpe ministri, qui fideliores videri volunt, ut in Ecclesie arcem quid inferant, cuncta distorquent et extorquent, corradunt et corrodunt, sacri-

¹ Greg. l. i. Ep. LXVI. — ² Ibid. Ep. XLII. — ³ Greg. l. II. Ep. V. — ⁴ Greg. l. I. Ep. LV. LVI. — ⁵ Ibid. Ep. LVIII. — ⁶ Ibid. Ep. LXXVIII. — ⁷ Greg. l. II. Ep. III. VI. VII. — ⁸ Greg. l. I. Ep. LV. — ⁹ Ibid. Ep. LXXVII. — ¹⁰ Ibid. Ep. LII. LIV. — ¹¹ Gelas. Ep. I. c. 6. et 27.

¹ Greg. l. I. Ep. LXIII. — ² Ibid. Ep. LXVIII. — ³ Ibid. Ep. LXXI. — ⁴ Ibid. Ep. LXX. — ⁵ Ibid. Ep. XLII.

ficium se Deo magnum ob id offerre pulantes, sed de rapina minime Deo gratum; de quo in Ecclesiastico¹: « Qui offert sacrificium ex substantia pauperum, quasi qui victimat tibum in conspectu patris sui ». Quam autem ab his longe abesse voluerit suos ministros Gregorius, legas dictam Epistolam, et alias id genus scriptas, ita quidem in his quae spectant ad contractus. In his autem quae pertinent ad delicta, illud admonuit, ut ex delictis alienis commodum nullum Ecclesie fiscus sentiret: nam quod ad laicos Ecclesiae subditos pertinet, in eadem ad Petrum Epistola haec habet: « Cognovimus etiam, quod si quis ex famitia culpam fecerit, Ecclesie, non in ipso, sed in ejus substantia vindicetur ». Quod improbat. Et desacerdotibus, vel aliis clericis delinquentibus, ita inferius: « De lapsis sacerdotibus et levitis, vel quolibet ex clero, observare te volumus, ut in rebus eorum nulla contaminallione miscearis: sed pauperrima monasteria require, etc. » Si enim non putarent mittendum in carbonam Iudei impi et avari, in his vero continentis, sed in plium usum pretium sanguinis converterunt; quid agere decet Ecclesiam Christi? Qua de re post S. Gregorium, et aliorum decreta Pontificum, sancte pieque et sacrosanctum Concilium Tridentinum admonuit, ut si quae ab istiusmodi pene exigantur, ipse sint profuturae pauperibus.

29. Rursum vero ita semper comparatos voluit Ecclesiae rerum ministros Gregorius, ut in administratione bonorum, non Ecclesie emolumenti tantum, sed semper ratio pauperum haberetur. Hinc ad Anthemium subdiaconum²: « Non solum, inquit, frequentibus præceptionibus, sed etiam præsentem te sèpius me munisse memini, ut illi vice nostra non tantum pro utilitatibus Ecclesiasticis, quantum pro sublevandis pauperum necessitatibus fungereris, et eo magis a cuiuslibet oppressiobibus vindicares ». Et in fine: « Iterum atque iterum experientiam tuam necessario submonemus, ut illuc si quæ inter pauperes et Romanam Ecclesiam sanctam quæstiones vertuntur, omini mentis integritate discutiat, siveque patrimoniales utilitates peragat, ut a benignitate justitia non recedat ». Haec ipse, qui nullo pacto voluit Romanam Ecclesiam cum alterius Ecclesie jactura locupletari, sed quam exactissime jura cujusque pervestigari, ediri, et sollicita disquisitione examinari, ut videre est in litteris³ hoc anno datis ad Laurentium Ecclesie Mediolanensis episcopum de redditibus ex patrimonio in Sicilia existente, de quo extat Epistola Theodorici regis⁴ data ad sanctum Eustorgium Mediolanensem episcopum: sed de his jam suo loco dictum est.

30. Habebat Romana Ecclesia locupletissima ubique toto orbe terrarum patrimonio, non in Italia solum et Sicilia, sed et in Asia, ut vidimus su-

periori tomo, et in Gaffiis, ut suo loco dicimus, atque in Africa. Haec vero cum jam cultorum defectu destituta pene haberentur, Gennadii exarchi in Africa diligentia ad pristinum cultum restituta fuere: ejus rei gratia idem a Deo maxima beneficia fuit assecutus, ut ad ipsum Gennadum patrium scribens testatur ipse sanctus Gregorius, mirum ingentes divinitus esse consecutum a Deo victorias adversus hostes, quos pietate potius quam armis subjecisset: dignum quidem exemplum Christianis cunctis ducibus proponendum. Sed audi ipsius verba Gregorii tantum virum digno præcoño prosequentis⁵:

31. « Si non ex fidei merito, et Christianæ religionis gratia, tanta excellentia vestrae bellicorum actuum prosperitas eveniret, non sumuopere miranda fuerat; cum seiamus haec antiquis bellorum ducibus faire concessa. Sed cum futuras, Deo largiente, victorias non carnali providenta, sed magis orationibus prævenitis; sit ut hoc in stuporem veniat, quod gloria vestra non terreno consilio, sed Deo desper largiente descendat. Ubi enim meritorum vestrorum loquax non discurrat opinio? que bella vos frequenter appetere non desiderio fundendi sanguinis, sed tantum dilatandæ causa Reipublicæ, in qua Deum coli conspicimus, loquitur: quatenus Christi nomen per subditas gentes fidei prædicathone circumquaque discurrat. Sicut enim exteriora vos virtutum opera eminentes in haec vita constitunt, ita et interna morum ornamenta ex corde mundo procedentia in futuram vitam caelестium gaudiorum participatione glorificant. Plurima enim pro pascendis ovibus B. Petri Apostolorum principis utilitatibus excellentiam vestram præstissee didicimus: ita ut non parva loca patrimonii ejus propriis nudata cultoribus, largitis Battitorum (deditiorum) habitatoribus, restaurari. Quæcumque igitur illuc Christiana menle confertis, horum retributionem per spem in futuro judicio sustinetis ». Haec Gregorius. At quenam istæ fuerint gloriose per Gennadum exarchum in Africa obtentæ victoriae, scriptorum inopia penitus remanserunt obscuræ, que adeo tunc clare fulserunt. Cæterum Christianam dueis pietas his et aliis ejusdem Gregorii scriptis perpetua memoria consignata permanuit: bene enim usus est Gregorius tanfi viri religione, et erga res Ecclesiasticas adhiberi solita diligentia, eundem quoque litteris suis adversus schismatistarum et hereticorum præsumptionem erexit.

32. *Donatistus ad evelundos ex Africa incumbit Gregorius, ubi de munere chartularii.* — Accidit enim, ut pestis illa nefanda Donatistarum, quæ a temporibus Constantini imperatoris invaserat Africam, sèpe curata, nunquam sanata, ita in ea provincia invalesceret, ut non solum absque legum pena securi ipsi degerent Donatistæ, sed et non securi atque Catholici suos iidem haberent episcopos,

¹ Eccl. xxxiv. — ² Greg. l. i. Ep. lxxii. — ³ Ibid. l. i. Ep. lxxx.

— ⁴ Apud Cassiod. l. ii. Ep. xxix.

⁵ Greg. l. i. Ep. lxxiiii.

qui nec ulla ex parte Catholicis loco cederent. Quoniam igitur in provincia Numidiae vetus illa vigebat consuetudo, ut ille primas ejus provinciae diceretur autistes qui antiquitate ordinationis reliquos antecederet: cum inter ejusdem provinciae episcopos quidam reperiretur episcopus Donatista ceteris sede antiquior, ipse sibi primatum veluti jure veteri vindicabat. Quod ne ulla modo fieret, S. Gregorius intercessit, scribens ad eundem Gennadium exarchum. Sed in primis ad universos episcopos ejusdem provinciae Numidiae dedit has litteras¹:

33. « Si quando, charissimi in Christo fratres, inter virentes segetes zizaniorum quadam se infert importuna commixtio: hanc radicitus necesse est cultoris manus adimat, ne futurus fœcumque segete fructus possit intercipi. Et nos ergo, qui licet indigni. Dominicæ agri culturam suscepimus, ab omni zizaniorum scandalo ingennam reddere segetem festinamus, quatenus ager Domini redditu abundantiori fructificet. Petiistis enim per Bilarium chartularium nostrum a beate memoriae prædecessore nostro, ut omnes vobis retro temporum consuetudines servarentur, quas a B. Petri Apostolorum principis ordinationum initis haecne vetustas longa servavit. Et nos quidem juxta seriem relationis vestram, consuetudinem, que tamen contra fidem Catholicam nihil usurpare dignoscitur, immotam permanere concidimus, sive de primatibus constituendis, ceterisque capitulis, exceptis his qui ex Donatistis ad episcopatum perveniunt, quos proveti ad primatus dignitatem, etiam cum ordo clericorum eos ad locum eundem deferat, modis omnibus prohibemus. Sufficiat autem illis commissari sibi plebis tantummodo curam gerere; non autem etiam illos antistites, quos Catholicæ fides in Ecclesiæ sinu et edocuit et genuit, ad obtineendum culmen primatus anteite ». Considerare ex his, lector, potes, quanta rursus in Africa increbuerit Donatistarum multitudo, cum talia tantaque præsumerent: ut non mirum sit, si tradiderit postmodum Deus eamdem provinciam Sarracenis. Sed pergit:

34. « Vos ergo, fratres charissimi, admonitiones nostras zelo charitatis Dominicæ prævenite, scientes quod districtus Iudex ad examinandum deducturus est cuncta quæ gerimus, et unumquemque nostrum non ex prærogativa sublimioris gradus, sed ex operum meritis approbabit. Quæso ergo, vosmetipsos invicem alterna pace diligite in Christo, et haereticis vel inimicis Ecclesiæ uno cordis intuitu obviante. De proximorum animabus estote solliciti: ad fidem quos valetis prædicatione charitatis, prætenso etiam terrore futuri judicii, suadete, etc. » Vides ex his insuper, lector, quomodo demersa jacuerit hoc tempore prostrata Ecclesia Africana, ut nemo Catholicorum reperiretur, qui adversus schismaticos Donatistas insurget, nullusque prorsus zeli S. Augustini haeres existeret, vel aliorum ejusdem pro-

vincie sanctorum episcoporum, qui objiceret se pro muro domui Israel; sed æque languescerent omnes, sinerentque ab eis Catholicos subjici, imo et (quod pro monstro habendum) eisdem, ut tales essent, aliqui eliam ex Catholicis suffragiis presto esse nou erubescerent: adeo ut opus fuerit ex eminenti Apostolicæ Sedis throno exclamare Gregorium, idque ne fieret prohibere: cui probe visum est, torpescentes iisdem aculeatis urgere stimulis, atque in re tanta ad obviandum facinori, exarchum excitare Gennarium, ad quem ejusmodi litteras dedit, hortans eum ad excitandum Catholicos adversus Donatistas, his verbis¹:

35. « Sicut excellentiam vestram hostilibus bellis in hac vita Dominus victoriarum fecit luce fulgere: ita oportet eam inimicis Ecclesiæ ejus omni vivacitate mentis et corporis obviare: quatenus ejus ex utroque triumpho magis ac magis evitescat opinio. cum et forensibus bellis adversariis Catholicæ Ecclesiæ pro Christiano populo vehementer obsistitis, et Ecclesiastica prælia sicut bellatores Domini fortiter dimicatis. Notum est enim, haereticæ religionis viros, si eis (quod absit) suppetit nocendi licentia, contra Catholicam fidem vehementer insurgere, quatenus haereses sue venena ad tabefacienda (si valuerint) Christiani corporis membra transfundant. Cognovimus enim eos contra Ecclesiam Catholicam, Domino eis adversante, colla subrigere, et fidem velle Christiani nominis inclinare. Sed eminentia vestra conatus eorum compriuat, et superbas eorum cervices jugo rectitudinis premat.

36. « Concilium vero Catholicorum episcoporum admoneri præcipite, ut primatem non ex ordine loci, postpositis vite meritis faciat: quoniam apud Deum non gradus elegantior, sed vitae melioris actio comprobatur. Ipse vero primas non passim (sicut moris est) per villas, sed in una juxta eorum electionem civitate resideat, quatenus adeptæ dignitatis meliori negotio (ingenio) resistendi Donatistis possilitas disponatur. Ex Concilio vero Numidie si qui desiderarint ad Apostolicam Sedem venire, permittite; et si quilibet eorum viae contradicere voluerit, obviate. Magna profecto excellentiae vestrae apud Creatorem gloria proficit, si per eam dispersarum Ecclesiarum potuerit societas restaurari. Cum enim largita munera ad nominis sui gloriam conspicit revocari, tanto largiora tribuit, quanto per ea religionis sue dignitatem viderit ampliari. Persolventes præterea paternæ charitatis affectum, Dominum petimus, quo brachium vestrum ad comprimendos hosles forte efficiat, et mentem vestram zelo fidei velut micronem gladii vibrantis exacuat ». Haecne Gregorius ad exarchum.

37. Non defuerunt hoc eodem anno aliæ querelæ de Africanis episcopis conniventibus cum Donatistis perlatæ ad Apostolicam Sedem; quarum

¹ Greg. l. 1. Ep. LXXV.

¹ Greg. l. 1. Ep. LXXII.

causa ad eumdem Hilarium, enjus superius mentio facta est, Gregorius scribit de convocando in ea provincia Concilio: scribens enim ad eum, haec habet¹: « Felicissimus atque Vincentius diacones Ecclesie Lamicensis, oblata petitione, quae tenetur in subditis, suggesserunt, ab Argentio ejus civitalis episcopo gravem se injustitiam pertulisse, et accepto præmio Donatistas in Ecclesiis fuisse præpositos, eumque inter alia non leve aliud facinus, quod dici nefas est, commissose commemorant. Propterea experientiae lue præsentí pagina præcepti duximus injungendum, quatenus præfatum episcopum idoneæ satisfactioni committere non omissas, tunc instantia in locis illis fiat ex more Concilium, et omnia secundum oblatae petitionis textum canonice coram positis partibus subtili indagatione perquirantur; et quæcumque eorum judicio fuerint terminata, te exequente, modis omnibus compleantur ». Haec Gregorius. Fuisse quidem Hilarium hunc Romanæ Ecclesie chartularium, in Africam ea de causa missum a Gregorii prædecessore, ipsæ recitatæ S. Gregorii litteræ docent. Residebat hic in Africa non apocrisiarius, sed judec ecclesiasticus, perseveravitque illie residere etiam sequentibus annis ejusdem Gregorii Pontificatus: nam de eo saepe inferius mentio habetur in litteris² ejusdem Gregorii in Africam missis.

38. Quodnam autem esset munus chartularii (quod de his frequentissima sit mentio in Annalibus) hic obiter declarandum. Atque primum illud intelligendum, quod quem Latinum chartularium appellabant, Graeci chartophylacem nominabant. Cæterum majoris hunc fuisse auctoritatis in Ecclesia Orientali, quam in Occidentali, ex iis quæ scribit Theodorus in Responsionibus liquet. Curare hunc judicia Ecclesiastica loco Pontificis commune fuisse tam in Occidente, quam in Oriente, certum est.

39. Verum in Oriente fuisse chartularium amplissimæ dignitatis, abunde satis docet idem Theodorus³ in Meditatis sive Responsis: utpote qui curaret judicia, quæ jure pontificatus ad patriarcham pertinerent; unde idem nuncuparetur os et manus patriarchæ. Injus erat insigne gestare amulum aureum, et ante pectus patriarchale bulloterium instar Rationalis Aaronis: cui et in ipsius initiatione dabat patriarcha in manu claves, sumimam et signo collatam significans potestatem. His accedebat, quod uti consueverat pileo auro ornato. Sed quod hi omibus præstat, illud est, quod cum chartularius ordine sacro diaconus tantum esset, in publicis tamen concessibus sederet ante episcopos; licet saepe sed frusta ab episcopis ea de causa fuerit reclamatum. Porro cum procedendum esset, vehebatur chartularius mulo, qui (sicuti patriarcha uti soleret) ornatus esset linteo albo, teclus ipse tiara

auro conspersa, habens salellium exhibitorum. Rursum vero ipsi soli post patriarcham calecheticō more populum in Ecclesia docere cœuisse idem tradit. In judicialibus aulem ubicumque adesset personam representabat patriarcha, magno insidens tribunal, et causas audiens tam criminales, quam civiles, duo lecum babens sub se notarios ex sede patriarchali tideum habentes. Haec et alia de eminenti chartularii dignitate Theodorus, in iis scilicet quæ spectant ad Constantinopolitanam Ecclesiam.

40. Cæterum quod istiusmodi chartularii ante episcopos sederent, non id accedit in OEcumenicis Synodis, in quibus neque sedebant, sed praestabant suæ functioni. Elenim præeral chartularius, sive chartophylax, chartophylacio, unde et nomen accepit; et ex chartophyla iopromebat scripta, quæ in Syndodo legenda essent. Erat siquidem chartophylacium idem quod Latini « Archivum » dicunt, locus scilicet ubi scripture publice ad conservandam perpetuam memoriam asservarentur. Habes huc pluribus expressi in Actionibus decima tercia et decima quarta sextæ Synodi. Habes præterea in Responsis⁴ Joannis episcopi Cittri, ejus foisse, sigillum scriptis imprimere. Quod vero spectat ad chartularios Romanæ Ecclesie; etsi ejusdem munieris essent, ut iudiciis Ecclesiasticis presiderent, et chartarum publicarum custodes essent: longe tamen inferioris noscuntur fuisse dignitatis, quam Constantinopolitani. At de chartulario satis, deque causa Donatarum hactenus.

41. Ne inviti cogantur Judæi ad fidem. — Quem igitur vidisti auctoritate Apostolica Gregorium scriptis suis invisisse Orientem, Iustrasseque Africam, eumdem prosequitur G. Alias adeunte. Ita plane, cui sollicitudo universalis Ecclesie incombebat, oportuit eum veluti quibusdam pennis ferri litteras in universas Christiani orbis oras. Quod enim accepisset, apud eos compelli violenti. Judæos ad fidem: ne id penitus fieret, scribens ad Virginium Arelatensem et Theodorum Massiliensem episcopos, Apostolica auctoritate prohibuit: habet enim hæc in Epistola hoc anno mense Junio ad ipsos data⁵: « Plurimi siquidem Judææ religionis viri in hac provincia coemorantes, ac subinde in Massiliæ partes pro diversis negotiis ambulantes, ad nostram perduxere notitiam, mullos consistentium in illis partibus Judæoru, vi magis ad fontem baptismatis, quam prædicatione perductos. Nam intentionem quidem hujuscemodi et laude dignam censeo, et de Domini nostri dilectione descendere prolico. Sed hanc eamdem intentionem nisi competens Scripturæ sacre comiletur offetus, timeo ne aut incredis opus exinde non proveniat, aut juxta aliquid animalium quas eripi volumus (quod absti) dispensia subsequantur. Num enim quispiam ad baptismatis fontem non prædicatione suavitate, sed necessitate pervenerit, ad pristinam supersili-

¹ Greg. l. 1. Ep. LXXXVII. — ² Greg. l. 1. Ep. LXXXVII. l. II. Ep. XXXIII. Ind. X. l. 2. Ep. LXXXVII. — ³ Theodor. Bals. Medit. de duob. ofic. Chartul. et Defect. extat l. VII. Juris Græc.

⁴ Juris Græc. l. v. Resp. l. — ⁵ Greg. l. 1. Ep. XLV.

tionem remeans, inde deterius morilur, unde re-natus esse videbatur. Fraternitas ergo vestrabujus-modi homines frequenti prædicatione provocet, quatenus mutare veterem vitam magis de doctoris suavitate desiderent. Sic enim et intentio vestra recte perficitur, et conversi animus ad priorem denuo vemitum non mutatur. Adhibendus ergo illis est sermo, qui et errorum in ipsis spinas urere debeat, et prædicando quod in his tenebrescit, illuminet: ut pro his admonitione frequenti mercede fraternitas vestra capiat, et eos quantum Deus donaverit, ad novæ regenerationem vitæ perducat». Hæc ad dictos Galliarum episcopos S. Gregorius. De Theodoro Massiliensi dicta sunt plura tomo superiori Gregorio Turonensi¹, ex quo etiam apparet, Virgilium haud pridem fuisse, vivente Theodoro adlinc, et ipso cedente, creatum episcopum Arelatensem. Sed de Judæis alias etiam vexatis in Galliis, adactisque ad suscipiendum baptismum, æque superiori tomo narratum est. Deiisdem rursus Judæis non persequendis, sed benignitate ad fidem alli-ciendis, dedit hoc eodem anno idem Gregorius Epi-stolam ad Petrum episcopum Tarracinensem².

42. *Gregorii Epistola ad Leandrum episcopum Hispalensem, ubi de Recaredi factis præclaramentio.* — Invisit præterea hoc anno idem Pontifex litteris suis Hispanias, provocatus consultatione S. Leandri episcopi Hispalensis. Accidere enim ex more solebat, ut cum aliqua de sacris ritibus quæstio verteretur, licet a viris doctissimis quid agen-dum esset plenissime assereretur: nihilominus ea de re quid Apostolica Sedes definiret, rogata de his sententia, expectaretur. Cum igitur ob Arianos (ut vidimus tomo superiori) recens ad Catholicam fidem conversos in Hispania de trina in baptismale mersione controversia orta esset, et S. Leander cum aliis episcopis optime respondisset: nihilominus idem voluit consuluisse Romauum Pontificem, qui ad eum ita respondit³: « De trina vero mersione baptismatis, nihil responderi verius potest, quam quod ipsi sensistis: quia in una fide nihil officit sanctæ Ecclesiæ consuetudo diversa. Nos autem quod tertio mergimus, triduanae sepulturae sa-ramenta signamus, ut dum tertio infans ab aquis educiatur, resurrectio triduani temporis exprimatur. Quod si quis forte etiam pro summae Trinitatis veneratione aestimet fieri: neque ad hoc aliquid obsistit, baptizando semel in aquis mergere: quia dum in tribus personis una substantia est, comprehensibile esse nullatenus potest, infautem in baptisme in aquam vel ter, vel semel immergere, quando et in tribus mersionibus personarum Trinitas, et in una potest divinitatis singularitas designari. Sed quia nunc usque ab hereticis infans in baptisme tertio mergebatur, tiendum apud vos esse non censeo: ne, dum mersiones numerant, Divinitatem dividant; dumque quod faciebant faciunt, se morem nostrum

vieisse glorientur ». Hucusque de his Gregorius, plane docens, enim hereticis (quantum fieri potest) neque in bonis communicandum, cum eadem illi non bene, sed male, diversa videlicet peragant intentione.

43. Quod vero S. Leander eumdem S. Gregoriūm de conversione Reccaredi regis Gothorum ad fidem Catholicam unā cum gente Gothorum iisdem litteris certiorem fecisset: idem Pontifex ad hæc ista: « Explere autem loquendo nullatenus valeo gaudium meum, quod communem filium Reccaredum glorioissimum regem ad Catholicam fidem integerima agnovi devotione conversum. Hujus dum mihi per scripta vestra mores exprimitis, amare etiam quem nescio, fecistis. Sed quia antiqui hostis insidias seitis, quoniam bellum durius contra victores proponit: nunc erga eumdem solertia sanetas vestra evigilet, ut bene cœpta perficiat, nec se de perfectis bonis operibus extollat: ut fidem cognitam vite quoque meritis teneat; et quia aeterni regni civis sit, operibus ostendat: quatenus post multa annorum curricula de regno ad regnum transeat ». Hæc ipse.

44. Sed hic, rego, siste gradum, lector, atque una mecum considera, quomodo potuit accidisse, ut quod factum vidimus ante annos sex, cum Recaredus simul cum regno fidem quoque Catholicam propagandam suscepit, hic modo Gregorius ex Leandri litteris tanquam quid novum se accepisse demonstret? Ex his igitur, et aliis quæ dicentur, vehemens me dubilatio angit de tempore ejusdem regni exordii et susceptæ Christianæ religionis, num videlicet in Acta tertii Concilii Toletani error irre-pserit, ex cuius nota *Æra tempus ejus regni pos-tum est: nihilominus, ut eum Concilium habitum ponatur anno quarto ejusdem regis, Æra sexente-sima vicesima septima (qui est annus Domini quin-gentesimus octogesimus nonus) necesse sit affirmare ipsum regnare cepisse anno quingentesimo octo-gesimo quinto: contra vero ex dicta S. Gregorii Epistola ad S. Leandrum apparcat, eumdem Recaredum haud pridem iniisse regnum, Christianamque religionem esse professum. Huic assertioni gravissima adeo testimonia accedunt, ut opinari id liecat, veritate suadente, vel fortasse cogente: siquidem haud pridem pervenit in manus meas per brevis historia Joannis Biclarensis, hujus tem-poris rerum scriptoris, qui a Justino juniori Justiniani successore sumens exordium, eamdem usque ad octavum Mauritii imperatoris annum propagavit. Hie, inquam, primum annum Recaredi regis duplii consignans chronographia habet, ipsum regnare cœpisse cum Mauritius imperator annum quintum ageret in imperio, et Gregorius papa Pe-lagio successisset. Huic igitur auctori res sui tem-poris prosequenti quam sit consentiens dicta S. Gre-gorii Epistola ad Leandrum, nemo non videt. His præterea accedit, quod et ea, quam æque ex veteri-ribus monumentis scriptam acceperimus, Luce Tu-densis historia id ipsum pariter profitetur duplicitis*

¹ Greg. Tur. hist. l. ix. c. 23. in fin. — ² Greg. l. i. Ep. xxviv.
— ³ Ibid. Ep. xl.

etiam testificatione chronographie, dum videlicet aque anno quinto Mauritii Augusti regnare ceperisse Reccaredum ponit: et addita nota .Era idipsum confirmat, cum obitum Leovigildi et successionem Reccaredi configuisse dicat .Era sexcentesima vice-sima octava, anno videlicet superiori, quo scilicet de his S. Leander suis litteris S. Gregorium papam admonuit. Hec tibi occasione dicta Epistole Gregorii ad Leandrum volumus ingessisse. Cum tamen, ne videamur omnia quae sequuntur Toletana et alia Hispaniarum Concilia diversa accusatione .Era mendacis invertere, eamdemque omnia erroris redarguere, initiam semel rationem temporis prosequi cogamur: quod quidem factum volumus absque prejudicio veritatis.

45. Quoniam vero quae ex eodem Biclarensi a nobis citata sunt superius, non e fonte hausta, sed ab aliis per alveum ducta, haud ita integra reperimus, cum ipsam scriptam ab eo historiam naeti sumus: hic totidem verbis eadem, quae panca sunt, ex originario fonte reddere non pigebit: anno enim praesenti, qui et secundus ab eo ponitur regni ipsius Reccaredi, haec breviter habet: « Quidam ex Arianis Sunna episcopus et Segga cum quibusdam tyrannidem assumere cupientes, deleguntur. Convicti, Sunna in exilium truditur, et Segga manibus amputatis in Galliciam exulans mittitur. Mauritius Theodosium filium, quem supra Cesarem diximus, imperatorem facit ». Hoc de his quae ad hunc pertinent annum sextum Mauritii imperatoris,

46. Sequenti autem, quem et tertium ejusdem regis anni numerat, septimum vero Mauritii, haec habet: « Anno septimo Mauritii, qui est Reccaredi tertius annus. Uldila episcopus cum Gosuinthia regina insidiantes Reccaredo, manifestantur, et quod fidei Catholicae communionem sub specie Christiana quasi sumentes projiciunt, publicantur. Quod malum in cognitionem hominum deductum, Uldila exilio condemnatur, Gosuinthia vero Catholicis semper infesta vitae terminum tunc dedit ». Pergit de rebus Francorum idem ista referre:

47. « Francorum exercitus a Guntheranno rege transmissus, Basone (Bosone) duce in Galliam Narbonensem obveniunt, et juxta Carcasonem urbem castrametati sunt. Cui Claudius Lusitaniae dux a Reccaredo rege directus, obviam inibi occurrit: cum quo congressione facta, Franci in fugam vertuntur, et direpta castra Francorum, et exercitus a Gothis cæditur. In hoc ergo certamine gratia divina et fides Catholica, quam Reccaredus rex in Gothis fideliter adeptus est, esse noscitur operata. Quoniam non est difficile Domino nostro, sive in paucis aut in multis detur victoria. Nam Claudius dux vix cum trecentis viris sexaginta millia fere Francorum noscitur infugasse, et maximum eorum partem gladio trucidasse. Non immerito Deus laudatur temporibus nostris in hoc prælio esse operatus, qui similiter ante multa temporum spatia per manum ducis Gedeonis in trecentis viris

multa millia Madianitarum Dei populum infestatum noscitur extinxisse ». Hactenus de rebus tertii anni ejus regis auctor, res (ut diximus) sui temporis prosequens. In quibus illud consideratione dignum: quod etsi Guntheramus Francorum rex pietate insignis haberetur: tamen quod inconsulte nimis privato indulgens affectui, adversus regem, qui re-cens Catholiceam fidem ex Ariano suscepit, et aliis omnibus Gothis idipsum agendi auctor fuit, impotente valde omnes Francorum vires immittere ausus est, cui magis gratulari ut fratri in Christo debuerat, et præsto illi in omnibus esse: Deum nimis iratum jure quidem expertus fuisse videtur, victis suis omnibus per Claudium ducem, virum religiosissimum, quem (ut suo loco dicemus) S. Gregorius summis laudibus, ad eum scribens, extollit.

48. Sed redeamus ad Biclarensem, qui paulo post haec sublit: « Reccaredo ergo Orthodoxo quieta pace regnanti, domesticæ insidiæ prætenduntur. Nam quidam ex cubiculo ejus etiam provinciae dux, nomine Argimundus, adversus Reccaredum regem tyrannidem sunnere cupiens, ita ut si posset, eum regno privaret et vita; sed nefandi ejus consilii machinatione comprehensus, et in vineulis ferreis redactus. Habita discussione, socii ejus impian machinationem confessi, condigna sunt ultione interfecti. Ipse autem Argimundus, qui regnum assumere cupiebat, primum verberibus interrogatus, deinde turpiter decalvatus, post haec dextera amputata, exemplum omnibus in Toletana urbe asino sedens pompizando dedit, famulos dominis non esse superbos ». Hactenus Biclarensis, octavo anno Mauritii historiæ finem imponens, a nobis hic recensitæ occasione S. Gregorii Epistole ad Leandrum hoc anno scriptæ: ad quem etiam petitos mittit Codices; sed quos exegerat Moralia libros ad ipsum inscriptos, quod nondum exscripti essent, cur non mittantur, excusat: misit autem postea, ut suo loco dicemus. Ex mutua illa (ut superiori tomo vidimus) consuetudine, quae jam Constantiopolis, dum ambo ibi diversis essent ex causis, inter ipsos intercesserat, ea est amicitia contracta, quam neque temporis longitudo, neque loci distantia delere poterit. Quoniam autem esset ipse Gregorius erga S. Leandrum animi affectu, ex postremis Epistole verbis haec accipe: « Absente corpore, præsentem mihi te semper intueor: quia vultus tui imaginem intra cordis viscera impressam porto ».

49. *Agilulphus rex Longobardorum convertitur ad fidem Catholiceam.* — Sed quae hoc anno a Barbaris Longobardis in Italia gesta sint, cognoscamus. Cum enim anno superiori (ut vidimus) Antharit (Autharis) rex mortuus esset; reginaque Theodolinda, quem nuper acceperat in uxorem a Bajoarie rege Garibaldo (ut Paulus¹ affirmat) Longobardorum concessione regina perseverans, delegisset sibi virum Agilulphum ducem Tamitanum, cum-

¹ Paul. diae. I. iii. c. 44.

demque et nominalum Agonem, et in baptimate Paulum : idem Agilulphus Longobardorum rex appellatus est hoc anno, mense Maio. Habet hæc omnia pluribus Paulus¹ diaconus : additique eumdem, simul atque rex confirmatus est, missis Agnellum Tridentinum episcopum in Gallias ad redimendos captivos, qui Tridenti a Franciis capti fuerant. Cum interea idem Agilulphus, debellatis occisisque illis quos adversarios passus esset, regnum sibi stabilivit Italiae : exceptis enim Roma atque Ravena cum aliis ad eas spectantibus locis, universa Italia ab Alpinis montibus Regium usque Calabrie illi parebat.

50. Porro magnum a Deo per Theodolindam reginam consecutos esse a Deo beneficium regem ipsum et sub eo positos Longobardos, idem Paulus² affirmat : minirum, cum ex Ariana perfidia conversum esse ad fidem Catholicam, et qui erant Longobardi Gentiles, sive Ariani, eosdem redditos esse Christianos atque Catholicos. Magnum Dei consilium, dum quæ sunt infirma mundi eligit, ut confundat fortia : cum scilicet robustissimas easdemque indomitas gentes sive Christano sive Catholiconomini infensissimas, Francos, Gothos, et Longobardos, avitis abdicatis erroribus, per feminas ipse Deus converterit ad verum religionis cultum. Franci enim per Crofildem, Gothi in Hispania per Ingundem, quæ (ut superiori tomo diximus) virum suum convertit Hermenegildum, ex quo omnium facta est accessio Gothorum ad fidem Catholicam : et in Italia, Longobardi per Theodolindam, decus et ornatum Bavariae principum, fidem Christianam eamdemque Catholicam, perceperunt.

51. *Ecclesia S. Agathæ Romæ Catholicæ ritu dicata.* — Hoe item anno sanctus Gregorius papa dedicavit Ecclesiam sanctæ Agathæ Romæ positam, quam Gothi Ariani (ut superiorius dictum est) sibi usurpaverant : quæ licet, illis ex Urbe Italiaque penitus cœctis et proligatis, relicta libera fuisset : tamen quod fermento Ariano videretur esse polluta, et proinde non amplius sacra, sed execrabilis haberetur : Gregorius divinitus inspiratus adjectit animam, ut eamdem sacris ritibus expiatam sacro cultui idoneam redderet. Deoque sacraret. Id quidem hoc anno factum esse, ex iis que ipse scripsit in dialogis anno quarto sui Pontificatus elaboratis, satis expresse patet, cum ante biennium id contigisse dicat, hoc ipso videhet anno. Quæ autem tunc acciderint admiratione digna, ipse sic narrat³ :

52. « Sed neque hoc sileam, quod ad ejusdem Arianae hæreseos damnationem in hac quoque Urbe ante biennium pietas superba monstravit. Ex his quippe quæ narro aliud populus agnovit, alius autem sacerdos et custodes Ecclesie se audisse et vidisse testantur. Arianorum Ecclesia in regione Urbi illa quæ Suburra dicitur, cum clausa usque ante biennium remansisset, placuit ut in fide Catho-

lica, introductis illuc beati Stephani et sanctæ Martiriae martyrum reliquiis dicari debuisset : quod factum est. Nam cum magna populi multitudine venientes atque omnipotenti Domino laudes canentes, eamdem Ecclesiam ingressi sumus. Cumque in ea jam missarum solemnia celebrarentur, et præ ejusdem loci angustia populi se turba comprimeret : quidam ex iis qui extra sacrarium stabant, porcum subito intra suos pedes hue illucque discurrere senserunt. Quem dum unus prius sentiret, et juxta se stantibus indicaret : idem porcus Ecclesiejanus petierit; et omnes per quos transit in admirationem commovit, se videlicet a nullo potuit, quamvis sentiri potuisse. Quod idecirco divina pietas ostendit, ut eumelis patesceret, quia de loco eodem immundus habitator eviret. Peracta igitur celebratione missarum, recessimus. Sed adhuc nocte eadem magnus in ejusdem Ecclesie teatris strepitus factus est, ac si in eis aliquis errando discurreret. Sequenti autem nocte gravior sonitus excrevit, ac subito tanto terrore insonuit, ac si omnis illa Ecclesia a fundamentis fuissest eversa : et protinus recessit, et nulla illuc ulterius inquietudo antiqui hostis apparuit : sed per terroris sonitum quem fecit, innotuit, quod ab eo loco quem diu tenuerat coactus exibat.

53. « Post paucos vero dies in magna serenitate aeris super altare ejusdem Ecclesie nubes caelitus descendit, suoque illud velamine operul, omnemque Ecclesiam tanlo terrore ac suavitatis odore replevit, ut patentibus januis, nullus illuc præsumeret intrare. Sacerdos quoque et custodes, et hi qui ad celebranda missarum solemnia venerant, rem videbant, ingredi minime poterant, et suavilatem mirisici odoris trahebant. Die vero alio cum in ea lampades sine lumine dependenter, emiso divinitus lumine, sunt accensæ. Post paucos iterum dies, cum expletis missarum solemnitiis, extinctis lampadibus eustos ex eadem Ecclesia egressus fuissest, post paululum intravit, et lampades quas extinctas reliquerat, luctantes reperit : quas negligenter extinxisse se credens, eas jam sollicitus extinxit, et extensis Ecclesiam clausil : sed post horarum trium spatiuum regressus, luctantes lampades, quas extinxerat, iterum accensas invenit : ut videlicet ex ipso lumine aperte claresceret, quia locus ille a tenebris in lucem venisset ». Hæc in Urbe eo tempore, et ipso præsente qui narrat, ob oculos omnium facta, et contra Arianos ab eodem Gregorio inculcata, nos veluti aculeata tela ad feriendos impios haereticos Novatores opportune convertimus.

54. Extat de eadem Ecclesia Gregorii rescriptum, cum eamdem in iis quæ ad ejus bona pertinent commendat Leoni acolytho, datum sub Indictione duodecima, nempe post biennium, istis verbis⁴ : « Locorum venerabilium cura nos admonet de eorum utilitate per omnia cogitare. Quia ergo Ecclesia sanctæ Agathæ, sita in Suburra, quæ

¹ Paul. diac. I. iii. c. ult. et I. iv. c. 1. — ² Paul. diac. I. iv. c. 2.
— ³ Greg. dial. I. iii. c. 30.

⁴ Greg. I. iii. Ep. xix.

spelunca fuit aliquando pravitatis haereticae, ad Catholicæ fidei culturam, Deo propitante, redacta est: illeo hujus auctoritatis tenore commonitus, pensiones omnium domorum in hac Urbe constitutarum, quas prædictam Ecclesiam temporibus habuisse Gothorum constiterit, annis singulis congregare non desinas: et quantum in sartus tectis, vel luminaribus, aliaque reparatione ejusdem Ecclesiæ necessarium fuerit, erogare modis omnibus studebis. Quicquid vero exuberare potuerit, fideliter rationibus te Ecclesiasticis inferre præcipimus ». Haec ipse. His addendum putamus (quod in eodem argumento versemur) aliam Ecclesiam ab Ariani possessam, ab eodem sancto Gregorio consecratam esse post annum sequentem sub titulo S. Severini episcopi Noricorum, cuius reliquias apud Neapolim in Lucullano collocatas ad se mitti mandavit, ita scribens ad Petrum subdiaconum Campaniæ patrimonium curantem¹:

55. « Cor nostrum pia Divinitatis inspiratione compungitur, loca quondam execrandis erroribus deputata in Catholicæ religionis reverentiam dedi-

care. Quia igitur Ecclesiam positam juxta domum Merulanam regione tertia, quam supersticio diu Ariana detinuit, in honorem sancti Severini empiimus consecrare: experientia tua reliquias beati Severini summiopere debita cum veneratione transmittat: quatenus que nostris animis perficienda decrevimus, implere, omnipotens gratia suffragante, possumus ». Hec Gregorius.

36. *Res bellicæ*. — Quod vero ad res bellicas pertinet Orientalis imperii, hoc eodem anno² Romanus exercitus qui saepius ob studia erga diversos duces saepe amatos ac saepe redditos discordiam conflaverat, per Aristobolum donorum imperialium praefectum conciliatus est, et iterum juramento firmatus. Fortasse hic ille vir eruditus, ad quem extat² S. Gregorii Epistola. Conciliato autem simul exercitu, adversus Persas eodem concitato, victoria obtenta est, expugnataque Martyropolis civitas munitissima; unde Romanis plurimum roboris increvit. Hec Græcorum Annales apud Theophanem.

¹ Misc. histor. hoc anno imp. — ² Greg. l. i. Ep. xxviii.

¹ Greg. l. ii. Ep. ix. Indict. xi.

Anno periodi Græco-Romanæ 6084. — Anno Æra Hisp. 629. — Jesu Christi 591. — Gregorii papæ 2. — Mauritiī imp. 10.

1. *Postconsulatus*. — Is annus hac formula notatus: *ix post consulatum Mauritiū Tiberii Aug. solius vii*, juxta Chronicon Alexandrinum.

2. *Chartularius diversus a chartophylace*. — Ad num. 37 ad 4t. Epistola LXXXII libri primi Registri S. Gregorii inscripta est *Hilario monacho Africæ*, quem Ecclesiæ Romanae chartularium in Africam missum, recte docet Baronius, qui tamen fallitur, quod *chartularium* cum *chartophylace* confundit; nam *chartularius* alterius officii et inferioris nomen est, et apud Codinum libro de officiis palatii Constantiopolitani et de officiis Magnæ Ecclesiæ cap. 1, *chartularius* memoratur in nona pentade, seu nono quinario, *chartophylax* in quinto, ibique de eo legitur: « *Chartophylax* tabulas habet chartaceas ad jura Ecclesiastica perlineutes; hoc est, litteras, quibus privilegia et alia jura Ecclesiæ continentur et est ju-lex omnium causarum Ecclesiasticarum, et controversiis matrimonialibus cognoscendis ac dirimendis præsidet. Quin et in cæteris clericorum libris index est, tanquam dextera patriarchæ manus ». Quare quasi vicarii generalis

onus sustinebat in iis, quæ ad patriarcham spectabant. *Chartularius* vero registrorum, chartarum, codicillorum onus sibi impositum, vel solo nomine indicat. Quorum vero commentariorum, inquit Goar in Notis ad cap. 1 Codini, curam suscepit privatim, ex generica communique voce non facile assignaveris. *Sacelario* et *economio* pariter legimus in eodem Codino *chartularium* adjunculum, laboris, ut ait Balsamon, participem: hic vero *lectores* inter et *cantores* recensitus commentariis et memoriis non invigilat aliis, quam quæ *lectores* et *cantores* decent, Ecclesiasticis videlicet libris proferendis, quorum copia cum trigesimum superet numerum, custodem privatum non immerito sibi exposcit. Sed de *chartulario* et *chartophylace* legendi Goar citalus, et Gretzerus in Notis ad caput primum Codini.

3. *Reccaredi regis Hispaniarum initium ab anno DLXXXVI repetendum*. — Ad num. 44 et seq. Baronius qui tomo præcedenti initium *Reccaredi Hispaniarum* regis anno DLXXXV collocavit, hoc tomo, quem illustramus, illud ad præsentem an-

num differt. Verum *Reccaredum* anno DLXXXVI, post diem XIII Aprilis, et ante octavum mensis Maii regnum iniisse, anno DLXXXIX, n. 4 et seqq. demonstravimus, et dubiis Baronii satisfecimus. Quare videnda quæ ibi diximus.

4. Obitus Gosvinthæ Hispaniæ reginæ. — Ad num. 46. Annus septimus Mauritii imp. et tertius Reccaredi, Hispaniarum regis, inchoatur anno Christi quingentesimo octogesimo octavo, ideoque cum juxta Bielariensem abbatem *Gosvintha*, seu *Gosvintha* vidua Leuvigildi Hispaniarum regis seuae Ariane addicta, anno VII Mauritii, et in Reccaredi vivere desierit, ea mors ad eum annum referenda. Illud confirmatur ex Gregorio Turonensi lib. 9, cap. 3t, ubi refert eladem Galliis inflictam in Septimania a ducibus Gothorum seu regis Reccaredi : « Illi », scilicet Gothis, « paulatim resistentes fugam simulant : prosequuntibusque istis eonsurgunt, qui preparati erant de insidiis concludentes eos in medio, usque ad internectionem ceciderunt», inquit Gregorius ; Bielariensis enim eam Hispanorum victoriam septimo Mauritii et tertio Reccaredi anno recitat. Gregorius vero Turonensis anno VIII *Childeberti Francorum* regis, qui anno DLXXXVIII desinit. Quare perperam Cointius hanc copiarum *Guntramni* profligationem in annum DLXXXIX differt, refragante Gregorio Turonensi, juxta quem Bielariensis explicandus. Verba ejusdem Bielariensis recitat Baronius, qui putabat *Mauritium* hoc anno septimum imperii exorsum esse.

5. Joannes abbas Bielariensis Chronicum suum absolvit. — Ad num. 48. Bielariensis anno VIII Mauritii imp. qui est Reccaredi IV annus, refert Reccaredo Hispaniarum regi structas esse insidias ab Argimundo tyranidem assumere cupiente : sed detecta ejus consilii machinatione pœnas dedisse : quibus enarratis Chronicum suum absolvit, ideoque anno Christi DCCX, qui erat annus CLXVI a Concilio Niceno et damnatione Arii juxta verba, quæ ex

ipsomet refuli anno DLXXXIX. Erat Joannes nativitate Gothus, Gerundinensis Ecclesie episcopus. Hunc *Leovigildus Hispaniarum* rex eum ad nefandæ haereseos Arianæ eruditatatem compelleret, in exilium misit, et Bareinonem relegavit, qui per decem annos multas persecutions ab Arianis perpessus est. Condidit postea monasterium, quod nomine *Bielaro* dicitur, ut tradit Isidorus de Viris Illustribus cap. 44. Ejus Chronicon incipit ab anno primo Justini junioris, et desinit anno VIII Mauritii imp. et IV Reccaredi regis. Monasterium vero illud, ejus ipse abbas fuit, situm prope Bareinonem. Vide dicta anno DCCX, num. 3.

6. Gesta inter Romanos et Persas anno DLXXXVIII. — Ad num. 56. Quæ narrat Baronius hoc anno de *Aristobulo* ab imperatore ad exercitum in Perside agentem misso, cui persuaderet, ut priores præpositos quos antea habebat, susciperet, perfidient ad annum DLXXXVIII, quo exercitus Romanus adversus duces suos tumultuari cœpit. Evagrius enim lib. 6, cap. 10, ubi quem Theophylactus lib. 3, cap. 3, *Aristobulum* appellat, ipse *Andream* vocat, addit capite sequenti, « cum milites id mandatum ne audire quidem sustinuerint, totius negotii cura in Gregorium transfertur ». Hie erat episcopus Antiochenus, ejusque opera anno DLXXXIX omne dissidium sublatum est, ut suo loco ostendi. Theophylactus citatus idem etiam narrat, antequam recitet gesta anno DLXXXIX.

7. Chosroes in regnum restitutus. — Quæ hoc anno in Oriente Romanos inter et Persas gesta sunt, et quomodo *Chosroes junior* Hormisdæ filius in regnum restitutus fuerit, anno DCCIII declarabimus.

8. Obitus S. Sulpitii Severi. — Sanctus *Sulpitius Severus* episcopus Bituricensis hoc anno ad Deum migravit, ut anno DCCV, quo Baronius mortem ejus differt, demonstrabimus.

1. Quid Gregorius passus per Armulplum dum Longobardorum Urbi imminentem. — Qui sequitur annus Domini quingentesimus nonagesimus secundus, Indictione decima, idemque Gregorii

papæ tertius incipiens mense Septembri et Mauritii imperatoris sextus finiens mense Augusto, fūnester fuit Italiæ, et valde aerumnosus S. Gregorio papæ tum foris præliis assiduis agitato, tum intus

morbo vexato. Id enim in primis ipse litteris ad Joannem Ravennatem episcopum datis testatur his verbis¹:

« Quod multis scriptis vestrae beatitudinis minime respondi: non hoc torpori meo, sed languori deputate: quia peccatis meis facientibus, eo tempore quo Arnulphus ad Romanam Urbem veniens, alios occidit, alios detruncavit, tanta incepsit afflictus sum, ut in colicam molestiam caderem ». Hæc ipse. Erat iste Arnulphus dux Longobardorum in Tuscia, de quo altum silentium apud Paulum: ex ipso autem Gregorio hæc elicuntur in Epistola ad Mauritium imperatorem; ubi de prima sub suo Pontificatu facta incursione Longobardorum in Tuseia ista habet²: « Multas enim jam plagas aegeram, et supervenientibus dominorum jussionibus inveni consolations quas non sperabam ». Hæc per antiphrasim. « Si enim possum, has eele- riter plagas enumero. Primum, quod mihi pax subducta est, quam cum Longobardis in Tuscia positis sine illo Reipublicæ dispendio feceram ». Hæc Gregorius, ostendens salutem Urbis pace redemisse, quæ postea occasione insultantium Romanorum militum facta est; nam mox subdit: « Deinde corrupta pace, de Romana civitate milites ablati sunt, et quidem alii ab hostibus occisi, alii vero Narniis et Perusii positi: et ut Perusium teneretur, Roma relicta est ». Hæc ipse de rebus gestis usque ad Agilulphi adventum post duos annos, de quo suo loco dieturi sumus.

2. Sed quæ hoc anno cum eo peragi contigerunt, suo ordine prosequamur ex dicta Epistola ad Joannem episcopum Ravennatem, quem pauci sequestrem esse voluit, ad persuadendum videlicet Romano exarcho Ravennæ degenti, ut pacem cum Longobardorum duee aequis conditionibus contrahere fieret. Scribens igitur ipse Gregorius immensa afflictatus angustia ad eundem Joannem, ejus in primis commendans studium pro publicis impensis negotiis, hæc ait³: « Valde autem mirabar, quid esset quod illa mihi nofissima sollicitudo vestrae sanctitatis huic Urbi meisque necessitatibus minime prodesset. Sed scriptis vestris discurrentibus, agnovi vos quidem sollicite agere, sed tamen apud quem agere possitis, non habere. Peccatis ergo hoc meis reputo, quia iste qui nunc interest, et repugnare contra inimicos nostros dissimulat, et nos facere pacem vetat: quamvis jam modo, etiam si velit faere, omnino non possumus: quia Arnulphus exercitum Antharit (Autharis) et Nordulphi habens, corum sibi dari precaria desiderat, ut nobiscum aliquid loqui de pace dignetur ». Et inferius: « Movere autem vos non debet præfati excellentissimi viri Romani patricii et exarchi animositas: qua nos quanto eum loco et ordine præmissus, tanto si qua sunt ejus levia, tolerare mature et graviter debemus. Si quando famen est aliquis cum eo locus

obtinendi, agat apud eum fraternitas vestra, ut pacem cum Arnulpho, si ad aliquid parum possumus, faciamus: quia miles de Romana Urbe ablatus est, sicut ipse novit. Theodosiani vero, qui hic remauerunt, togam non accipientes, vix ad murorum custodiæ se accommodant. Et destituta ab omnibus civitas, si pacem non habet, quomodo subsistet? » Et inferius de iisdem Longobardis sub eodem duee Arnulpho: « De Neapolitana vero urbe, excellentissimo viro exarcho instanter imminentem, vobis indicamus; quia Areges (ut cognovimus) eum Arnulpho se fecit, et Reipublicæ contra fidem venit, et valde insidiatus est eidem civitati: in quam si celeriter dux non mittatur, omnino jam inter perditas habebitur ». Quod vero ab iisdem Longobardis civitatibus capti, et aliquibus ex eis incensis, alii civium dispersi essent, alii duici captivi: pro iisdem redimendis idem Gregorius laboravit. Verum quod ab eodem Joanne litteris commendatam accepisset civitatem Aquileensem, cui præterat Severus episcopus schismaticus: quid de his in primis rescriperit eadem Epistola Gregorius, accipe: sie enim ait :

« De hoc quod dicitis, incense civitati Severi schismatici eleemosynam esse mittendam: idecirco vestra fraternitas sensit, quia quæ contra nos premia in palatum mittat, ignorat. Que etsi non transmitteret: nobis eonsiderandum fuit, quia misericordia prius fidelibus ac postea Ecclesiæ hostibus est facienda. Juxta quippe est civitas Phanum, in qua multi captivi sunt: ad quam ego jam transacto anno transmittere volui, sed inter hostes medios non præsumpsi. Videtur ergo mihi, ut Claudium abbatem, cum aliquanta pecunia illuc transmittere debeatis; et liberos, quos illuc pro pretio suo in servitio teneri invenerit, vel si qui adhuc sunt captivi, redimat. De summa vero ejusdem pecunie transmittenda, vobis cerlum sit, quia quiequid vos decernitis, mihi placeat. Sin autem cum excellentissimo viro Romano patricio agitis, ut pacem facere cum Arnulpho debeamus: ego ad vos personam aliam transmittere paratus sum, cum qua mercedis causæ melius fiant ». Hæc de redimendis capti, et pace cum Longobardis facienda Gregorius. Quod vero ad Severum schismaticum pertinet, cuius civitatem incensam tradit: non aliud hunc Severum ab illo putes episcopo Aquileensi, qui ad Synodum Romanum ab eodem S. Gregorio vocatus fuerat⁴, iterum (ut vidimus) lapsus.

3. *Contra Donatistas in Africa iterum insurgit Gregorius.* — Inter tot vero Longobardorum tumultus, ipse Gregorius summo veluti in otio constitutus, nihil praetermisit exactissimæ enræ pastoralis. Legati autem ex Numidia Romanum hoc anno sunt missi ad Sedem Apostolicam nihil boni ferentes. Etenim cum anno superiori (ut vidimus) datis ad ejus provinciae episcopos litteris, vetinisset Gregorius Donatistarum episcopum deligi in Numidæ

¹ Greg. l. II. Ep. XXXII. Indict. x. — ² Greg. l. IV. Ep. XXXI. Indict. XIII. — ³ Greg. l. II. Ep. XXXII. Indict. x.

⁴ Greg. l. I. Ep. XVI.

primatem; alia via hostis irrumperem conatus est, nempe illud agens, ut quod olim bono pacis vidi-
mus aliquando fuisse permisum, iterum resti-
tueret, nimis ut in unaquaque civitate, ubi
essent populi Donatistæ, licet ibi esset Catholicus
episcopus, nihilominus sineretur esse pariter epi-
scopus Donatistarum. Id enim ut fieret, pecunia
data, Donatista ab episcopo Catholicio impetrarat;
insuper et illud, ut persoluta pecunia, concedere-
tur iisdem Donatistis iterum baptizare Catholicos.
Horum malorum nuntii duo ad ipsum Romanum
Pontificem ex Numidia diaconi sunt profecti.

4. Ad hæc tam enormia corrigenda, in Numi-
diam proficisci jussit Gregorius Hilarium S. R. E.
chartularium degenem Carthagine, de quo facta est
mentio anno superiori: ut coacto Concilio, depo-
neret episcopum, qui episcopalem vendidisset di-
gnatem schismatico. Atque ut conatus Donatista-
rum magis magisque coalescentes comprimerentur,
scripsit de his dolens ipse Pontifex litteras ad Col-
lumbum in Numidia episcopum istis verbis¹:

« Notum est, carissime in Christo frater, quod antiquus hostis, qui primum hominem de paradisi
deliciis in hanc æruginosam vitam callida persua-
sione depositus, et in eo jam tunc humano generi
pœnam mortuitalis inflxit, eadem nunc calliditate
ovium Dominicarum pastores, quo facilius gregem
capiat, transfusis eonetur venenis inticere, et jure
jam potestati propriæ vindicare. Sed nos, qui licet
immeriti. Selem Apostolicam vice Petri Apostolo-
rum principis suscepimus gubernandam, ipso
Pontificatus officio cogimur generali hosti quibus
valamus nisibus obviare. Porrecta igitur petitione
insinuaverunt nobis præsentium latores Constan-
tius et Mustellus (ut asserunt) Ecclesie Pudentianæ
diacones in Numidia provincia constitutæ, Maxi-
mianum ejusdem Ecclesiæ antistitem in loco quo
degit, corruptum præmio, Donatistarum epi-
copum nova licentia fieri permisisse: cum etsi hoc
anterior usus permitteret, manere atque persistere
fides Catholica prohiberet. Ob hoc ergo fraternita-
tem tuam scriptis præsentibus necessario duximus
adhortandam, ut veniente ad te Hilario chartulario
nostro, adunato episcoporum universalis Concilio, ha-
bito præ oculis terrore venturi Judicis, causa eadem
subtili ac solerti debeat indagatione perquiri. Et si
capitulum hoc a præsentium latoribus prædicto
episcopo documentis idoneis fuerit approbatum; a
dignitate officioque quo fungitur, modis omnibus
degradetur: ut et iste ad pœnitentiæ lucra per agnitionem
delicti redeat, et cæteri tentare talia non
præsumant. Æquum enim est, ut qui Jesum Christum
Dominum nostrum hæretico, accepta pecunia,
vennudedit, ut retur, ab ejus videlicet sacro-
sancti corporis ac sanguinis tractandis mysteriis
submoveatur. Si qua autem inter eos extra crimen
hoc damnorum quorumdam, vel privatorum ne-
gotiorum (sicuti petitio diaconorum ipsorum con-

tinet) versatur intentio: hanc tua fraternitas cuim
prædicto chartulario nostro privata cognitione per-
quirat, et inter utramque partem justitia proce-
dente definiat.

« Porro autem præsentium latorum insinua-
tione didicimus, Donatistarum hæresim pro pec-
catis nostris quotidie dilatari, et valde plures, data
per venalitatem lieentia, post Catholicum baptismum
a Donatistis demum baptizari. Quod quam grave sit,
frater, oportet nos tota mentis intentione perpen-
dere. Ecce lupus Dominicum gregem non jam in
nocte latenter, sed in aperta luce dilaniat: et nos
eum grassari in ovium nece cernimus, et nulla ei
sollicitudine, nullis verborum jaculis obviamus? Quos ergo fructus Domino multiplicati gregis ostendimus, si et ipsum quem paseendum suscepimus,
otiosa mente eernimus a bestia devorari? Studeamus igitur eorū nostrum terrenoru[m] pastorū imi-
tatione succendere, qui hyemales noctes, imbris
geluque constricti, dueunt st̄pē pervigiles, ne vel
una ovis, et non forte utilis pereat. Quam et si in-
sidiator ore vorae momorderit: quomodo sata-
gunt? quibus cordis anhelant æstib[us]? in quas
voces, ut eruant captū pecus, angustia stimulante
prosiliunt, ne a gregis domino, quicquid per in-
curiam perdiderint, exigatur? Vigilemus ergo, ne
quid pereat: aut si captū forte quid fuerit, vocib[us]
divinorum eloquiorum ad gregem Dominicum
reducamus: ut ille qui Pastor pastorum est, vigi-
lasse nos circa gregem suum, suo misericors dignet
judicio comprobare. Hoc quoque vos necesse
est solerter attendere, ut si qua contra latores,
præsentium ejusdem episcopi recta fuerit petitio,
subtili debeat indagatione perquiri. Et si fortasse
ipsi quoque pro sua culpa jure feriendi sunt, ne
quaquam censemus esse parendum ». Hactenus
Gregorius ad primatem Numidiæ Columbum mense
Augusto. Porro infelix Ecclesia Africana non his
tantum spinis Donatistarum hæreticorum oppleta
erat, sed insuper (quod magis dolendum fuit) Ma-
nichiorum etiam veribus abundabat, prout idem
ipse Gregorius testatur in Epistola ad Joannem epi-
scopum Scyllaeenum, eum ait¹: « Afros passim,
vel incognitos peregrinos ad Ecclesiasticos ordines
tendentes, nulla ratione suscipias: quia Afri qui-
dem aliqui Manichæi, aliqui rebaptizati ». Dona-
tistæ hi erant, qui rebaptizabant.

5. *Legatio episcopi Carthaginensis ad Grego-
rium.* — Quo etiam mense, hoc anno, idem Grego-
rius papa, suscepta honorifica legatione ab episcopo
Carthaginensi, qua de electione ipsius Pontificatus
adgavitus est, Epistolam ad eum reserpsisse legi-
tur. Dominicus is erat nomine, qui quatuor ad
S. Gregorium misit Romanum legatos, episcopos duos
Donatum et Quodvultdeum, Victorem diaconum
et Angelum notarium; per quos, post gratulationis
impertitum officium, petiit ab eodem, ut impertita
suæ Ecclesiæ privilegia salva esse vellet. Ad quem

¹ Greg. I. II. Ep. xxxiii. Indict. x.

¹ Greg. I. II. Ep. xxv. Indict. x.

Gregorius pastoralem reddens Epistolam, haec de privilegiis habet¹: « De Ecclesiasticis vero privilegiis quod vestra fraternitas scribit: hoc postposita dubitatione teneat, quia sicut nostra defendimus, ita singulis quibusque Ecclesiis sua jura servamus: nee cuiilibet, fivente gratia, ultra quam meretur, imperior; nee nulli hoc quod sui juris est, ambitu stimulante, derogo: sed fratres meos per omnia honorare cupio: siue studeo honore singulos subveniri, dummodo non sit quod alteri jure ab altero possit opponi». Haec de his ipse, equidem Gregorio digna.

6. *Ad episcopos Hiberniae schismaticos parneticas dat litteras Gregorius.* — Laboravit praeterea hoc anno Gregorius in reducendis schismatis ad Ecclesiam. Eodem enim tempore episcopi in Hibernia positi, elsi (ut vidimus tomo superiori) schismati essent, tamen angustia pressi, ad Romanam Ecclesiam litteris datis clamant. Etenim ad Hibernos quoque occasione Trium Capitulorum conflatum haud pridem schisma pertansit. Quos in tribulatione suspirantes ut colligeret, et Apostolicæ Ecclesiæ uniret, Gregorius anxi studio laboravit, scribens ad eos litteras, et librum ea de causa conscriptum mittens. Epistola autem sic se habet²:

« Scripla vestra summa cum gratulatione suscep: sed erit in me uberior vallde Iætitia, si mihi de vestra contigerit reversione gaudere. Prima itaque Epistolæ vestræ frons gravem vos pati persecutionem innotuit. Quæ quidem persecutio dum non rationabiliter sustinetur, nequaquam proficit ad salutem. Nam nulli fuis est retributionem premiorum exspectare pro culpa. Debetis enim seire (sicut beatus Cyprianus dixit) quia martyrem non facit pena, sed causa. Dum igitur ita sit, incongruum nimis est de ea vos, quam dicitis, persecutione gloriari, per quam vos constat ad æterna præmia minime provehiri. Reducat ergo charitatem vestram tandem integratas fidei ad matrem, que vos generavit, Ecclesiam. Nulla vos animorum intentio a concordia unitale dissociet; nulla persuasio repetendo vos a recto itinere defatiget. Nam in Synodo, in qua de Tribus Capitulis actum est, aperte liquet, nihil de fide conyulsum esse, vel aliquatenus immutatum; sed sicut scitis, de quibusdam ille solummodo personis est actitatum, quarum una, ejus scripta evidenter a rectitudine Catholicæ fidei deviabant, non injusne damnata est. Quod autem scribitis, quia ex illo tempore inter alias provincias maxime flagellatur Italia; non hoc ad eus debetis intorquere opprobrium: quoniam scriptum est³: Quem diligit Dominus castigat: flagellat autem omnem filium, quem recipit. Si igitur ita est, ut dicitis: ex eo tempore magis dilecta est apud Deum et modis omnibus approbata, ex quo Domini sui meruit sustinere flagella». At non est verum, quod post quintam Synodus, ubi deereta fuit et recepta damnatio

Trium Capitulorum gravius Italia vexata sit. Ante eom quan ista configerint ab Herulis primum, inde vero a Gothis Italia dirissima passa, et Roma saepe ab eisdem fuisse capta reperitur. Sed concessu quod dicerent, pergit ita Gregorius:

« Quia vero non ita sit, quemadmodum vos in ejus insultatione affirmare conamini, rationem attendite. Postquam recordandæ memoriae Vigilius papa in urbe regia constitutus, contra Theodoranum Augustam et Acephalos damnationis promulgavit sententiam; tunc Romana Urbs ab hostibus adita et captivata est. Ergo bonam causam habuerunt Acephali, et injuste damnali sunt, post quorum damnationem talia configerunt? Absit: hoc enim nec nostrum quempiam, nec alios qui Catholicæ fidei mysteriis instituli sunt, vel dicere, vel aliquo modo confiteri convenit. His denique cognitus, ab hæ quandoque jam deliberatione recedite. Et igitur de Tribus Capitulis animis vestris ablata dubietate, possit satisfactio abundanter infundi: librum quem ex hæ re sanctæ memorie decessor meus Pelagius papa scripserat, vobis utile judicavi transmittere. Quem si, deposito voluntariae defensionis studio puro vigilante corde sæpius volueritis relegere: eum vos per omnia secuturos, et ad unitalem nostram reversuros nihilominus esse con-fido.

« Porro autem si post hujus libri lectionem in ea qua estis, volueritis deliberatione persistere: sine dubio non rationi operam, sed obstinationi vos dare monstratis. Unde iterum habita locutione, charitatem vestram admoneo, ut quoniam, Deo suffragante, fidei nostræ integritas in causa Trium Capitulorum inviolata permansit; mentis tumore deposito, tanto citius ad matrem vestram, que filios suos exspectat et invitat, Ecclesiam redealis, quanto vos ab ea quotidie exspectari cognoscitis». Haec ad Hibernos Gregorius. Porro hos ad Catholicam communionem et unitatem, relicto schismate, rediisse, inde certum ducitur argumentum, quod post hæc iidem qui erant in Hibernia episcopi de rebus dubiis, uti cæteri Orthodoxi; eundem Gregorium consuluisse reperiuntur⁴: quod utique non fecissent, si adhuc in schismate permanissent.

7. *Idem laborat pro episcopis Istricæ schismaticis.* — Collaboravit insuper adversus eosdem schismaticos in Italia præsertim agentes Joannes Ecclesiæ Ravennatis autistes, urgens episcopos Istricæ provincie per auctoritatem exarchi Ravenne degentis. Cujus rei gratia ipse Gregorius multum se debere fatetur, gratias agens: nam in dicta superius Epistola ad ipsum scripta haec inter alia²: « De causa vero episcoporum Istricæ, omnia quæ mihi vestra fraternitas scripsit, ita esse jam ante deprehendi in iis jussionibus quæ ad me a piissimis principibus venerunt, quatenus me interim ab eorum compulsione suspenderem. Ego quidem pro

¹ Greg. l. ii. Ep. xxxix. Ind. x. — ² Ibid. Ep. xxvii. Ind. x. — ³ Hebr. xl.

⁴ Greg. l. ix. Ep. lx. Ind. iv. — ² Greg. l. ii. Ep. xxxii. Ind. x.

iis quæ scriptis, zelo atque ardori vestro congaudeo, debitoremque me vobis multiplicitate factum profiteor. Scitote tamen, quia de eadem re serenissimis dominis cum summo zelo Dei et libertate rescribere non cessabo ». Hæc ad Joannem Gregorium. Ex quo vel uno loco redarguas necesse est Paulum diaconum¹, qui inter schismaticos colloeat Joannem hunc episcopum Ravennatem : deceptus enim ipse vehementer fuit (quod superiori tomo dictum est) dum defensores Trium Capitulorum putavit esse Catholicos, impugnatores vero schismaticos, cum omnino contrarium acciderit. In quam profundam erroris foveam lapsos esse omnes recentiores historicos inexplorate sectantes Pauli vestigia, diximus latius superiori tomo.

8. Qnod vero ad seducendum fideles ea schismati uterentur calumnia, dicentes in quinta Synodo aliqua esse decreta contra sacrosanctum Chalcedonense Concilium : Sabinum quemdam subdiaconum his fraudibus ab illis in errorem adductum S. Gregorius studuit in Ecclesiam revocare, per brevem hanc ad eum scribens Epistolam² :

« Exeuntes maligni homines turbaverunt animos vestros, non intelligentes neque quæ loquuntur, neque de quibus affirmant, adstruentes quod aliquid de sancta Chalcedonensi Synodo pia memorie Justiniani temporibus sit imminutum : quam omni fide, omniisque devotione veneramus. Et sic quatuor Synodos sanctæ universalis Ecclesiæ, sicut quatuor libros sancti Evangelii recipimus. De personis vero, de quibus post terminum Synodi aliquid actum fuerat ejusdem pia memorie Justiniani temporibus est ventilatum ; ita tamen, ut nec fides in aliquo violaretur, nec de iisdem personis aliquid aliud ageretur, quam apud eamdem sanctam Chalcedonensem Synodus fuerat constitutum. Anathematizamus ergo, si quis ex definitione fidei, quæ in eadem Synodo prolata est, aliquid minuere presumit, vel quasi corrigendo ejus sensum mutare ; sed siue illic prolata est, per omnia custodimus. Te ergo, fili carissime, decet ad unitatem sanctæ Ecclesiæ remeare, ut finem tuum valeas cum pace concludere ; ne malignus spiritus, qui contra te per alia opera prævalere non potest, ex hac causa inveniat unde tibi in die exitus tui in aditu regni ælestis obsistat ». Hucusque ad eum Gregorius : ex quibus intelligas magnam hanc fuisse in Ecclesia tentationem, in quam eo facilius fideles impellerentur, quo se tenaciores esse Catholicæ fidei profiterentur. In his igitur (ut baetenus vidimus) fuit ipsi Gregorio plurimum insudandum.

9. *Quorundam causas episcoporum et clericorum jure appellationis cognoscit, ac definit Gregorius.* — Hoc enim anno Thebanae civitatis in Beotia episcopus, nomine Hadrianus, damnatus a coepiscopis sue provincie confudit Rouam, Apostolicam Sedem appellans. Ita quidem ut ad asylum ex toto orbe Christiano confugiebant, qui injuste persecuti-

tionem aliquam paterentur, quibus Romanæ Ecclesiæ Pontifex jus dicebat. Sic igitur percognitis iis quæ contra eundem Hadrianum allata essent, eum sanctus Gregorius ut innocentem absolvit: archiepiscopum vero primæ Justinianæ, qui eum damnaverat, ad certum tempus communione privavit, ejusmodi in hac causa in eum sententiam promuntians³ :

« Quod vero ad præsens attinet, cassatis prius atque ad nihilum redactis prædictæ sententiae tuæ decretis : ex beati Petri principis Apostolorum auctoritate deeremus. trigesita dierum spatio te sacra communione privatum, ab omnipotenti Deo nostro tanti excessus veniam cum summa penitentia ac lacrymis exorare. Quod si hanc sententiam nostram te cognoverimus implesse remissius : non jam tantum injustitiam, sed et contumaciam fraternitatis tuæ cognoscas, adjuvante Domino, severius puniendam. Prefatum vero Hadrianum fratrem et coepiscopum nostrum ex tua sententia (ut diximus) nequaquam canonibus, neque legibus existente damnatum, in suum locum atque ordinem reverti, Christo comitante disponimus : ut nec illi fraternitatis tuæ noceat contra justitiae tramitem prolata sententia, nec charitas tua pro placanda futuri indignatione iudicis incorrecta remaneat ». Hucusque sententia, atque finis Epistolæ. Eodem quoque argumento scripsit² ad Joannem episcopum Larissæ, quem consentientem in Hadriani damnatione eidem Joanni Justinianæ episcopo aliis pœnis affecit. Facta sunt hæc Romæ hoc anno, mense Octobri. Ex quibus probe vides præfuisse Romanum episcopum judicem primarium totius Christiani orbis episcopis ; fuisseque ejusdem Romani Pontificis muneris, reliquorum in orbe positionum antistitutum mores noscere, atque eorrigere ; ut ex his quæ diximus atque sape dicti sumus, intelliges.

10. Ex Dalmatia enim hoc item anno allata est in Urbe causa Natalis episcopi Salonitani adversus suum archidiaconum concitatæ : ad quem ista Gregorius³ :

« Multis ab urbe tua venientibus, frater carissime, didici, pastorali cura derelicta, solis te conviviis oecupatum. Quæ audita non crederem, nisi haec actionum tuarum experimentis approbare. Nam quia nequaquam lectioni studeas, nequaquam exhortationi invigiles, sed ipsum quoque usum Ecclesiastici ordinis ignores : hoc est in testimonium, quod eis, sub quibus es positus, reverentiam servare nescis. Cum enim sanctæ memorie decessoris mei tueris scriptis prohibitus, ne contra Honoratum archidiaconum tuum dolorem tam longæ ingratitudinis in corde retineres : cumque a me saepe correctus fueris, et haec tibi summopere fuerint interdicta ; et mandata Dei negligens, et scripta nostra contemnuens, præfatum Honoratum archidiaconum tuum quasi ad fortiorum honorem provehens, conatus es callida arte degradare. Unde

¹ Paul. diae. I. iii. c. 12. — ² Greg. I. II. Ep. x. Indict. xi.

³ Ibid. Ep. vi. Indict. xi. — ⁴ Ibid. Ep. xv. Indict. x.

actum est, ut eo de archidiaconatus loco suummodo, alium accersires, qui tuis moribus obtemperare potuisse, cum præfatus vir pro nulla tibi re (ut arbitrator) displicuit, nisi quod vasa sacra et velamina tuis te parentibus dare prohibebat, etc. » Haec tota causa. Decernit vero, ut eundem Honoratum restituat in pristinum locum : quod nisi obtemperet, usu pallii privat ; et si retardet adhuc, excommunicatum denuntiat : et de episcopatu, an ipsum retinere debeat, alia sententia deliniendum relinquit. Scribil eadem ad episcopos omnes in Dalmatia constitutos¹ et alias.

11. Quod vero idem Natalis episcopus de iis omnibus, que dicta sunt objecta ab ipso Gregorio papa, se excusaret; quomodo easdem ipsas ejus excusationes idem Pontifex arguat : que exfat de his ipsius Gregorii Epistola² satis docet : qui vero antea usus fuerat ad correctionem Gregorius acrimoniam vini, leniens nleera oleo, omnino sanavit. Sed audi, quam se deorsum, ut superbum humiliet, inclinet ipse Gregorius : « Eeee, inquit, fraternitas tuae gre tulit se de conviviis a me esse reprehensam : cum ego, qui etsi hanc non vita, tamen loco transgredior, ab omnibus corripi, ab omnibus emendari paratus sim ; et hunc solum mihi amicum aestimo, per enjus linguam ante apparitionem districti Judicis meae maenras mentis tergo ». Haec Gregorius, et non frustra : etenim correptionis emplastrum ex hoc libenter super uetus ille accepit, quod grato animo se eo usi paratum, ipse Pontifex Gregorius sit professus ; sieque adhibito lali remedio, curavit aegrotum : nam eum ad meliorem fuisse frugem conversum, gavisus est Gregorius ipse in litteris postea ad Joannem Ravennatem episcopum datis, in quibus haec in fine³ : « De fratre autem et coepiscopo nostro Nalali valde contristabar, quod de illo quedam superba cognoveram ; sed quia mores suos ipse correxit, meam tristitiam simul meipsum vincendo consolatus est ». At de Natali Salonitano episcopo satis.

12. Cum igitur omnes qui se aliquid injuste pati ab episcopo suo dolerent, ad Romanum Pontificem libellum supplicem afferre consueverint : inter alios accedit hoc item anno, ut Isidorus vir illustris se injuste excommunicatum a Januario episcopo Calaritano in Sardinia, apud Gregorium conquestus sit. Sed quam ob causam, audi ex ipso sancto Gregorio ad eundem Januarium ista scribente⁴ : « Inter querelas multiplices Isidorus vir clarissimus a fraternitate tua frustra excommunicatum anathematizatumque conquestus est. Quod ob quam rem factum fuerit, dum a clero tuo, qui præsens erat, voluissemus addiscere ; pro nulla alia causa, nisi pro eo quod te injuriaverat, factum innotuit. Que res nos vehementer affligit. Quod si ita est, nil te ostendis de caelestibus cogitare, sed terrenam te conversationem habere significas, dum pro

vindieta propriae injuria (quod sacris regulis prohibetur) maledictionem anathematis invexisti. Unde de cætero omnino esto circumspectus atque sollicitus, et talia eniquam pro defensione propriae injurie tuae inferre denio ne presumas. Nam si tale aliquid feceris, in te scias postea vindicandum ». Ha ad Januarium.

13. Contra vero sicut de acceptis injuriis ulciscentes se episcopos reprehendit, ita eas patienter perferentibus praesto esse non destitit. Cum enim Paulus, cui administratio demandata fuerat Ecclesie Neapolitanæ, non verba, sed verbera in quadam seditione contuta per familiam Clementiæ illustris feminæ passus esset ; ad vindicandum scelus Gregorius ipse insurgens, misit qui de persecutoribus inquireret, scripsitque in eos ad sæcularem quoque judicem pro vindicta. Extant de his ipsius Gregorii litteræ ad Petrum subdiaconum Campaniæ⁵, necnon ad ipsum Paulum episcopum, qui id passus fuerat, et quidem (ut puto) ab haereticis sive schismaticis : etenim veritatis id causa ipsum esse passum, in data ad eum Epistola docet, ubi ait⁶ : « Ut ergo ad maiorem fraternitatis tuae gloriam applicetur, haec res constantiam tuam nec frangere, nec a via debet veritatis avertere : nam major in sacerdotibus merces est, in veritatis tramite etiam post injurias permanere ». Porro Paulum paulo post ex hac vita migrasse, docent ejusdem S. Gregorii litteræ date⁷ mense Decembri de Neapolitano episcopo eligendo ; eo quod qui electus fuit Florentius subdiaconus Apostolicæ Sedis, cum fugiens evasisset, hactenus vacans illa erat Ecclesia.

14. Accidit quoque eodem anno, ut aliae hinc inde e diversis locis ex more deferrentur appellations ad ipsum Gregorium Romanum Pontificem. Damnato enim non secundum canones Florentio Epidauritanæ Ecclesie episcopo, voluit⁸ iterato judicio ejus causam tractari. Gregorium vero Argenti episcopum accusatum, Romanum mittendum ; litteris præcepit⁹ anno superiori : sed de ea causa inferioris pluribus suo loco agendum erit. Praxis autem tune in his ita se habebat, ut si quando episcopus apud Romanum Pontificem accusatus Romanique vocatus damnari minime meruisset : tunc ad sui purgationem jurare compelleretur supra corpus S. Petri Apostoli, secundum ea etiam que habet S. Augustinus¹⁰. Quod hoc anno factum est de Leone episcopo Catanensi, anno superiori Romanum vocato.

15. *Idem in episcoporum mores invigilat, et Ecclesiis consulit.* — Ceterum qui deductas in iudicium accusations episcoporum quam diligenter studio Gregorius expendi voluit, ne damnaretur innocens, vel absolveretur criminis auctor : idem totus in his erat, ut si vel latum unguem quenquam episcoporum (quos decet esse omnino

¹ Greg. I. II. Ep. xv. XVI. XVII. — ² Ibid. Ep. II. Indict. XI. —

³ Ibid. Ep. XV. Indict. XI. — ⁴ Ibid. Ep. VIII. IX. Indict. XI. — ⁵ Greg. I. II. Ep. LXX. et I. II. Ep. XII. Indict. XI. — ⁶ Aug. Ep. CXXXVII.

¹ Greg. I. I. Ep. xxxiii. Indict. x. — ² Ibid. Ep. XXXIII. Indict. x. — ³ Ibid. Ep. XXXIV. Indict. x.

perfectos) a recto virtutis tramite declinare cognoscet; ipse continuo susteret, datis ad eum litteris, revocare. Nam cum ex litteris Bonifacii episcopi Regiensis perceperisset ipsum de bonis operibus capare aliquam gloriam; eum ad animi demissionem revocans, ista scripsit¹: « Quibusdam venientibus agnovi fraternitatem tuam misericordiae operibus vehementer insistere, alique omnipotenti Deo gratias retuli quia juxta egregii praedicatoris voem: Nunc vivimus, si vos statis in Domino. Sed illud, fateor, non leviter mente meam inomordit, quod eadem opera multis vos ipsi nuntiasti: ex qua re collegi, quod mens vestra non studeat Dei oenit, sed humano iudicio placere. Unde necesse est, frater carissime, ut cum bona opera exterius agis, haec interius n' agna cautela custodias, ne appetitus placendi hominibus subrepas, et omnis labor boni operis incassum fias, etc. » Accidebat enim, ut cum ex toto ferme Christiano orbe frequens esset accessus ad sacra limina Apostolorum, et iudeum qui Romam venirent, inviserent pariter Summum Pontificem, benedictionem ab eodem acceptum; ipse singulos de episcopis suis, vel aliis, per quos transsissent, interrogaret, sieque omnium ferme episcoporum mores nosceret.

16. Nam accipe, queso, quae in hanc sententiam idem Gregorius scribat ad Secundum de Mariniano episcopo Ravennate²: « Venerunt, inquit, quidam ad me, in quibus erant senes mendicantes: qui a me disenssi sunt, a quibus quid acceperint: et per singula retulerunt quanta eis et a quibus in itinere data sint. Quos dum sollicite de praedicto fratre requirerem, quid eis dedisset: responderunt, se eum rogasse, sed ab eo se omnino nihil accepisse, ita ut neque panem in via acceperint, quem dare omnibus illi Ecclesie semper familiare fuit. Dixerunt enim: Respondit nobis, dicens: Non habeo quod vobis dare possim. Et miror, si is qui vestes habet, argenlum habet, cellaria habet; quod pauperibus debeat dare, non habet. Die ergo ei, ut cum loco mutet et mentem. Non sibi credat solam lectio- nem et orationem sufficere, ut remotus studeat sedere, et de manu minime fructificare: sed largam manum habeat, necessitatem patientibus concurrat, alienam inopiam suam credat: quia si haec non habet, vacuum episcopi nomen tenet ». Haec Gregorius, quibus solerter ejus curam in investigandis episcoporum moribus et iis corrigendis intelligas. Praeter haec etiam super mores episcoporum voluit invigilare Ecclesia Romanae ministros in diversis provinciis ad Ecclesiastica curanda negotia degere solitos. Nam audi, quid de his ad Castorium diaconum scribat³: « Non solum, inquit, de eo, (episcopo Pisauensi videlicet), sed et de aliorum quoque sacerdotum te vita convenit esse sollicitum. Et si de quolibet sinistrum quipiam sentire potueris, nobis remuntiare festina, ut actuum pravitas

salubriter eum Dei solatio debeat emendari ». Quod enim diaconi sint oculi episcoporum: per hos Gregorius, quicquid in Ecclesia ubique ageretur, sollicite curabat inspicere.

17. Vacuum praelerea Ecclesiarum, quousque diligenter episcopi, ex more, impensam curam egit: ut Nepesinae⁴, Liparitanae⁵, Cumanae⁶, cui et Misenatam⁷ Ecclesiam conjunxit, Lisitanae⁸, Tarritane⁹, Crotoneensis¹⁰, Velinae¹¹, Uxentinae¹², Blanderane¹³, Trium Tabernarum¹⁴, ubi vetus editio legit mendose Treverensem, itemque Albanensis¹⁵, et Tarracinensis¹⁶. Sed et quod hodie sit ut Summus Pontifex in alia diocesi conferat sacerdolia etiam curam animarum habentia amixam, tunc pariter consuetum fuit, ut docet ejus Epistola¹⁷ hoc anno data ad Importunum episcopum. Haec de episopis et Ecclesiis.

18. *Monachorum et laicorum bono prospicit.* — Quod vero ad monachorum causam perlinet, ob eorum vita eminentiam atque sanctitudinis exactam professionem aliquid amplius ab eis Gregorius exigendum pulavit, quam quod communibus condonari possit hominibus. Nam audi, quid ad Eusebium abbatem scripserit, cum quæstus ille esset se aliquid ab episcopo passum¹⁸: « Et quidem, inquit, ab illo hoc quod factum est, minime fieri debuit: a te famen omnino debuit humiliiter suscipi; et rursum cum gratiam reddebat, ad eum cum gratarum aetione debuit occurri. Quod quia ita a te factum non est: adhuc cognosco quia nobis omnino lacrymarum opus est. Non enim grande est, iis nos esse humiles, a quibus honoramur: quia et hoc seculares quilibet faciunt. Sed illis maxime humiles esse debemus, a quibus aliqua patimur. Nam Psalmista ait¹⁹: Vide humiliatem meam de iniurie meis. Nos cujus vita sumus, qui humiles esse eliam patribus nolumus? » Sed quo Gregorii progreditur immensa charitas? Hunc ipsum quem arguit, dono missu demulcit: nam in fine Epistole: « Centum, inquit, solidos per Pelrum subdiaconum dilectioni tue dari fecimus, quos pelo ut absque injuria sui suscipiat ». Caeterum qui de quolibet privato monacho propensiorem adeo curam gessit, certe quidem magis invigilavit, ut monachorum prefecti quam sanctissime viverent. Qualiter enim abbas gerere se debeat in suo munere, idem scribens ad Joannem abbatem haec habet²⁰: « Non frequenter foras egrediaris. In causis istis procuratorem institue, et tu ad lectionem vaca. De hospitalitate esto sollicitus. Quantum potes pauperibus largire, ita famen, ut serves quod Floriano restitui debeat ». Haec de monachis.

19. Quod vero ad laicos perlinet: idem Grego-

¹ Greg. I. II. Ep. viii. xx. Indict. x. — ² Ibid. Ep. xiii. et xxvi. — ³ Ibid. Ep. xix. — ⁴ Ibid. Ep. xxxi. — ⁵ Ibid. Ep. xxv. — ⁶ Ibid. Ep. xiii. — ⁷ Ibid. Ep. xxvi. — ⁸ Ibid. Ep. xxix. — ⁹ Ibid. Ep. xxxv. — ¹⁰ Ibid. Ep. xi. Indict. x. — ¹¹ Ibid. Ep. xiii. xiv. Indict. x. — ¹² Ibid. Ep. x. Indict. x. — ¹³ Ibid. Ep. xxiv. Indict. x. — ¹⁴ Psal. ix. — ¹⁵ Greg. I. II. Ep. iii. Indict. xi.

¹ Greg. I. II. Ep. iv. Indict. xi. — ² Greg. I. v. Ep. xxix. — ³ Greg. I. IV. Ep. xxiv. Indict. XIII. xxvi.

rius non solum peccantes arguebat, sed retardantes bonum aliquod agere, hand absque reprehensione abire sinebat. Etenim Rusticianam patriam ex nobilibus civibus illis Romanis, qui Constantinopolim migraverant, progenitam (de quibus plura superius dicta sunt) remorantem nimis profectionem ad terram sanctam, Hierosolymam scilicet, datis ad ipsam litteris, ita compellat¹: « Valde autem miratus sum, cur deliberatae viae eundi ad loca sancta intentionem et votum boni operis deflexisti, dum si quando bonum aliquod dono Conditoris in corde concepitur, celeri necesse est devotione compleri: ne, dum callidus insidiator animum irretire nittitur, subiude impedimenta suggerat, quibus ad effectum minime desideria sua mens occupationibus debilitata perdiret. Unde necesse est excellentiam vestram omnibus impedimentis piis causis obviantibus anteire, etc. » Vidisti quanti Gregorius faciat ad loca sancta peregrinationem: unde magis damnentur impii Novatores. Porro Rusticianam hanc eamdem esse cum illa, ad quam inferius extant duas aliae² ejusdem Gregorii Epistolae, ex personis in iisdem nominatis, quas salutari mandat, intelligi potest. Ceterum sicut ad bene agendum laicis se exhibuit impulsorem, ita refractariis refragatus est: nam eorum impetum frangi jubet, cum adversus miserabiles personas insurgunt. Ad Petrum enim subdiaconum Campanie ita scribit³: « Sicut in judiciis laicorum privilegia turbare non cupimus, ita eis praejudicantibus mederata te volumus auctoritate resistere. Violentos namque laicos coercere, non contra leges est agere, sed legi ferre subsidium, etc. » Subdit de violentia illata bonis viduae a laico homine; pro qua ministerium suum Gregorius adversus eum surgere jubet.

20. *De tunica S. Joannis.* — Hoc eodem anno inter tot Gregorii aerumnas felix illud ac faustum accedit, ut reperta tunica S. Joannis Evangeliste Romam deferretur. Cum enim innotuisset ipsi Gregorio tunicam sancti Joannis apud quemdam episcopum asservari, episcopum illum cum ea Romanum venire praecepit, ita de his scribens ad Joannem abbatem⁴: « De tunica vero sancti Joannis omnino grata suscepī, quia sollicitus fuisti mihi indicare. Sed, studeat dilectio tua, mihi ipsam tunicam, aut (quod melius est) eundem episcopum, qui eam habet, cum clericis suis et cum ipsa ad me transmittere: quatenus et benedictione tunicea perfruamur, et de eodem episcopo vel clericis mercudem habere valeamus ». Haec Gregorius. Perlatam quidem eam fuisse Romanum, et collocatam sub altare S. Joannis in Basilica Constantiniana, testatur Joannes diaconus⁵ qui eamdem consuevit coruscare miraculis tradit; ait enim: « Quæ quidem vestes usque hactenus tantis miraculis coruscare

probantur, ut siccitatis tempore, foras excusse pluviam conferant, inundationis vero, serenitatem reducant ». Recenset et atia, quæ tu consulas. Quid mirum, si in tunica sancti Joannis ederentur divinitus signa, cum et in sudariis ac semicinctis Pauli (quod sciunt omnes) miracula fierent? Sed de his alias locupletius dictum est.

21. *Homilia habitæ a Gregorio.* — Ne quid vero praetercamus Gregorii anni hujus rerum gestarum: inter alias quas ad populum habere consuevit homilias, ea quæ in Evangelia trigesima octava numeratur, dicta in Basilica sancti Clementis, hoc ipso anno habita esse noscitur, dum a tempore illo ingruentis in Urbe pestilentie biennium ibi numerat, cum res tunc gestas recenset, quas nos superius suo loco narravimus. Porro homiliarum illarum quadraginta in sacra Evangelia ab ipso editarum non alia est habenda ratio, quam quæ ab ipso inita intelligitur: eo enim quo ordine collocata, pariter dictæ sunt, vel per notarium recitatæ, ita dispositæ, prout ipse in Praefatione illarum fecisse testatur his verbis: « Inter sacra missarum solemnia, ex his quæ diebus certis in hac Ecclesia legi ex more solent, sancti Evangelii quadraginta lectiones exposui. Et quarundam quidem dictata expositio, assistenti plebi est per notarium recitata: quarundam vero explanationem coram populo ipse locutus sum; atque ita ut loqueretur, ita excepta est ». Et paulo post: « Easdem quoque homilias, eo quo dictæ sunt ordine, in duobus Codicibus ponere curavi: ut et priores viginti quæ dictate sunt, et posteriores totidem quæ sub oculis dictæ, in singulis essent distinctæ corporibus. Quod vero quædam antepositæ sunt, quæ in Evangelio post leguntur; quædam vero postpositæ, quæ ante per Evangelistam scriptæ sunt, inveniuntur: nequaquam movere tuam fraternitatem debet: quia sicut a me diversis temporibus dictate sunt, ita quoque sunt ab exceptoribus in Codicibus affixæ ». Haec et alia ad Secundinum episcopum, ad quem eas Gregorius misit. Quæ quidem ratione dicendum est, hoc anno absolvisse conciones ipsas omnes super selecta Evangelia illa quadraginta per annum in Ecclesia recitari solita: si enim trigesimam octavam hoc anno esse habitam certum est; usque duæ quæ supersunt ad quadragenarium numerum, hoc pariter anno dictas oportuit, tamenque posuisse concionandi ad populum super dictas quadraginta recitari in Ecclesia per annum solitas sacri Evangelii lectiones. Post haec autem haud otiosus Gregorius degit et mutus: immo sequenti anno (ut dicimus) aggressus est concionari super Ezechielem prophetam.

22. Sed historica illa, quæ idem ipse Gregorius in iisdem homiliis hoc anno memoria digna coram populo recitavit, nos sub hoc eodem anno reddere non pigeat, omissis iis quæ tempore ingruentis pestilentie accidisse dicta homilia trigesima octava tradit, quæ suo loco ac tempore superius collocavimus. In ea autem quæ sequitur ordine homilia

¹ Greg. I. II. Ep. xxi. Indict. x. — ² Greg. I. vii. Ep. xxiii. I. ix. Ep. xxxviii. — ³ Greg. I. II. Ep. v. Indict. xi. — ⁴ Ibid. Ep. iii. Indict. xi. — ⁵ Joan. diacl. in Vita S. Gregorii.

trigesima nona ejusmodi historiam ad populum narrat¹:

« Epiphanius diaconus, Isauria provincie exortus, in vicina factum terra Lycaonie solet narrare miraeulum. Ait enim, quod in ea quidam, Martyrius nomine, vita valde venerabilis monachus fuit, qui ex suo monasterio visitationis gratia ad aliud monasterium tendebat, qui spiritualis pater praeerat. Pergens ilque leprosum quemdam quem densis vulneribus elephantinus morbus per membra foedaverat, invenit in via volentem ad summum hospitium redire, sed praे lassitudine non valentem. In ipso vero itinere se habere perhibebat hospitium, quo idem Martyrius monachus ire festinabat. Vir autem Dei, ejusdem leprosi lassitudinis miseris pallium quo vestiebatur, in terram protinus proiecit et expandit, ac desuper leprosum posuit, cumque suo pallio undique constrictum super humerum levavit, secumque revertens delulit. Cumque jam monasterii foribus propinquaret, spiritualis pater ejusdem monasterii magnis vocibus clamare coepit: Currite, jannas monasterii citius aperite; quia frater Martyrius venit, Dominum portans.

« Statim vero ut Martyrius ad monasterii aditum pervenit, is qui leprosus esse putabatur de collo ejus exiliens, et in ea specie apparens, qua recognosci ab hominibus solet Redemptor humani generis Dens et homo Christus Jesus, ad caelum, Martyrio adspiciente, rediit; eique ascendens dixit: Martyri, tu me non erubisti super terram; ego te non erubescam super caelos. Qui sanctus vir, mox ut est monasterium ingressus, ei pater monasterii dixit: Frater Martyri, ubi est quem portabas? Cui ille respondens, dixit: Ego si sevissem quis esset, pedes illius tenuissem. Tunc idem Martyrius narrabat, quia cum eum portasset, pondus ejus minime sensisset. Nee mirum. Quomodo enim pondus sentire poterat, qui portantem portabat? Quia in re pensandum est nobis, quantum fraterna compassio valeat, quantum nos omnipotenti Deo misericordiae viscera conjungunt, etc. » Haec de his Gregorius, hoc anno ad populum, quo (ut diximus) et dicendi finem super lectiones Evangelii fecit.

23. De quibus ne ambigas, vel levis aliqua apud te remaneat dubitatio; praeter illa quae dicta sunt, ex hoc certo id accipias argumentum: cum enim quae ab ipso Gregorio narrata habentur in ultimis homiliis trigesima octava ac quadragesima² de Theodoro monacho primum, ac demum de Romula atque Redempta; eadem intexens quarto Dialogorum libro, ipse testetur, ea a se esse narrata in dictis homiliis in Evangelia: cumque constet eosdem Dialogorum libros cœptos esse a Gregorio anno sequenti, cum quartum ageret in Pontificatu annum³: utique oportuit hoc anno esse ab ipso absolutas omnes in Evangelia homilias. Haec dilu-

cidius, ne res gestae sanctissimi viri mixtim confusæ narrentur, sed divisim singulæ singulis suis reddantur temporibus.

24. Sed age jam et perelegantem hic intexamus historiam, hoc eodem anno ab eo dicta et ultimo loco posita homilia relatam de rebus antea gestis, cum ipse monasterium petiit, ex quibus magis gavisus sit saeculo penitus nuntium remisisse. Ait ergo⁴: « Rem, fratres, refero, quam bene is qui praesto est, frater et compresbyter meus, Speciosus novit. Eodem tempore, quo monasterium petiit, anus quædam Redempta nomine, in sanctimoniali habitu constituta, in Urbe hæc juxta B. Mariæ Virginis Ecclesiam manebat. Haec illius Herundinis discipula fuerat, quæ magnis virtutibus pollens, super Prænestinos mentes vitam eremiticam duxisse ferebatur. Illic due in eodem habitu discipulæ adhærebant, una nomine Romula, et altera quæ nunc adhuc superest, quam quidem facie scio, sed nomine nescio. Tres itaque bæ in uno habitaculo commanentes, morum quidem divitiis plenam, sed tamen rebus pauperem vitam dueabant. Haec aulem, quam præfatus sum, Romula aliam quam predixi condiscipulam magnis vita meritis anteibat: erat quippe miræ patientia, summae obedientia, custos oris sui ad silentium, studiosa valde ad continua orationis usum. Sed quia plerunque hi quos jam perfectos homines aestimant, adhuc in oculis summi opificis aliquid imperfectionis habent: sicut sæpe imperiti homines needum perfecte sculpta sigilla conspicimus, et jam quasi perfecta laudamus quæ adhuc artifex considerat et limat; laudari jam audit, et tamen ea laudare meliorando non desinit: haec quam prædictimus Romula, eam quam graeco vocabulo Graeci paralysin vocant, molestia corporali percussa est, nullisque annis in lectulo decubans, pane omnium jacebat membrorum officio destituta: nee tamen haec eadem ejus mentem ad impatientiam flagella perduxerant: nam ipsa ei detrimenta membrorum lacta fuerant incrementa virtutum; quia tanto sollicitius ad usum orationis succreverat, quanto et aliud quodlibet agere nequaquam valebat.

« Nocte ergo quadam eamdem Redemptam, quam præfatus sum, quæ utrasque discipulas suas filiarum loco nutriebat, vocavit, dicens: Mater, veni; Mater, veni. Quæ mox cum alia ejus condiscipula surrexit; sicut utrisque referentibus, et multis eadem res claruit, et ego quoque eodem tempore agnovi. Cumque noctis medio, lectulo jacentis assisterent: subito cælitus lux emissâ omne illius cellulæ spatium implevit, et splendor tantæ claritatis emicuit, ut corda assistantium inæstimabili pavore perstringeret, atque (ut post ipsæ referebant) omne in eis corpus obrigeseret, et in subito stupore remanearent. Cœpit namque quasi eujusdam magnæ multitudinis ingredientis sonitus audiri, osium cellulæ concuti, ac si ingredientium turba premeretur. Atque (ut dicebant) intrantium multi-

¹ Greg. hom. XXXIX. in fin. — ² Greg. dial. I. iv. c. 37. et sup. c. 15. — ³ Greg. l. iv. c. 46. 36. 47. et 53.

⁴ Greg. hom. XL. et dial. I. iv. c. 15.

tudinem sentiebant, sed nimietate timoris et luminis videre nihil poterant: quia earum oculos et pavore depresserat, et ipsa tanti luminis claritas reverberabat. Quam lucem protinus miri odoris est fragrantia subsecuta; ita ut earum animum, quia lux emissam terruerat, odoris suavitas resoveret. Sed cum vim claritatis illius ferre non possent, cœpit eadem Romula assistentem sibi et trementem Redemptam snorum morum magistram blanda voce consolari, dicens: *Noli timere, mater, non moriar modo.* Cumque hoc illa crebro diceret, paulatim lux, quæ fuerat immissa, subtraeta est, sed is qui subsecutus est odor remansit. Sieque dies secundus et tertius transiit, ut aspersa fragrantia odoris remaneret.

« Nocte ergo quarta eamdem magistram suam iterum vocavit. Quia veniente, viaticum petiit et accepit. Needum vero eadem Redempta et alia ejus discipula a lectulo jacentis abcesserant, et ecce subito in platea ante ejusdem cellulae ostium duo chori psallentium adstiterunt, et (sicut ipsæ se dicebant sexus ex vocibus discrevisse) psalmodiae cantus dicebant viri, et feminæ respondebant. Cumque ante fores cellulae exhiberentur caelestes exequiae, sancta illa anima carne soluta est. Qua ad cælum ducta, quanto chori psallentium altius ascendebant, tanto cœpit psalmodia lenius audiiri, quoisque et ejusdem psalmodiae sonitus et odoris suavitas elongata finiretur ». Hactenus Gregorius ad populum eo sermone, quem de Lazaro et divite immisericorde habuit: in quibus caelestis connubii nuptiis ipse conviva, tantæ snavitatis dulcedine captus, eorum quæ sunt in mundo jaeturam fecisse magis magisque gavisus est. Perseverant in tabulis Ecclesiasticis¹ nomina Romulae atque Redemptæ virginum et Herundinjæ, memoria annua insignita: corpora vero earumdem in eadem Basilica S. Mariæ ad præsæpe in Confessione collocatae coluntur.

25. *Concilium Cæsaraugstanum secundum.* — Hoc eodem anno celebratum est in Hispania Concilium Cæsaraugstanum secundum, Era scilicet sexcentesima trigesima, septimoque anno (ut ubi ponitur) Reccaredi regis. Ubi inter alia illud notatu dignum sanctum reperitur, ut sacrosanctæ reliquiae quæ inventæ essent in Ecclesiis Ariorum, eadem præsentatae episcopis igne probarentur: ut tune legitimæ censerentur, si ab incendio illæsæ remanerent. Quibus vides, quantum diligentiam majores adlibuerint, ne quid in sacris admitterent adulterinum, sed omnia pura et sancta, tanquam aurum quod per ignem probatur, purgatum septuplum. Sulscripterunt Concilio episcopi quatuordecim. At de rebus Occidentalibus hactenus.

26. *Hormisda rex Persarum occiditur; Cosrhoes ejus filius ad Romanos fugit.* — Jam vero Orientales oras perlustremus. Ille ipso anno (quantum ex Evagrio et aliis colligere fas est) Persarum rex Hormisda Romano imperio infestissimus a suis

occiditur: de quo ista idem Evagrius²: « Dum Iree geruntur, Persæ Hormisdam regem omnium sceleratissimum injustissimumque propterea frucidant, quod subjectos suos non modo pecunia, sed variis etiam mortis generibus multasset ». Ille ipse. Porro in Miscella³ ex Theophane ejusmodi causa processisse necis ejus ostenditur, nimirum, « quod cum dux Persarum exercitus Baranes male enim Romanis pugnasset, posterioresque tulisset, rex in eum infensus, ignominiae causa vestem ad eum muliebrem misit, atque prefectura privans in ordinem redigit. Id autem dux indigne ferens, adversus regem rebellat, milites tictis litteris in regem commovens; sed et quem recens ducem creaverat Hormisda Ferrochanem, sibi adversus eumdem regem conjungit: quibus accessit Bindois nobilis Persa liberatus a carcere per fratrem suum; qui ex improviso cum suis invadens regiam, Hormisdam ipsum sedentem in solio ex eo deturbat, diademate privat, atque in carcerem conjicit, filiumque ejus Cosrhoem regem constituit. Postea educto Hormisda de carcere, Persæ nobiles ante oculos ejus uxorem et filium serra dividunt, ipsum vero Hormisdam oculis privant, et detrundunt in ergastulum. Cosrhoes autem rex ejus filius parentem benigne tractavit in custodia positum, tribuens illi omnem escam. At Hormisda ex adverso ipsum injuriis lacerabat, conculeans ea quæ a rege millebantur. Unde Cosrhoes iratus eum fustibus silvestribus jussit per ilia cæsum obire. Quod factum et Persas tristes reddidit, et contra Cosrhoen odium auxit: quod crevit magis, cum occidit quosdam nobiles ea suspicione, quod Barami duei tyrannidem exercenti inhærenter: cuius rei causa factum est, ut a militibus destitueretur, transeuntibus ad Baramen. Relictus vero ita ipse, fugam capessit: dubius autem ad quos confugeret, ad Christianosne, vel Turcas; descendens equo, laxans habenas, quo abire vellet liberum reddens, ejus ipse secentus vestigia, ad Romani imperii ditionem se contulit ». Ille Theophanes. His hand admodum dissidentia Evagrius affert, rem gestam ita subsecutus³:

27. « Hormisda extinto, Cosrhoen ejus filium regem creant: contra quem Barames eum suis copiis arma fert: Cosrhoes igitur cum exiguo exercitu illi obviauit: atque cum suos a se desicere cerneret, capessit fugam, rectaque, cum Deum (ut ipse aiebat) Christianorum invocasset, ut equus ipsum eo deportaret, quo ab illo diceretur, Circesium contendit. Ubi autem cum uxoribus, duobus tenellis liberis, et quibusdam Persis nobilibus, qui eum sua sponte comitabantur, co-venisset; inde legatos mittit ad Mauritium imperatorem. Ille eum de hæ re consilium accuratissime iniisset, et inconstantem volubilemque vita humana rationem, et repentina tum ejus, tum aliarum similium rerum mutationes vicissitudinesque ponderasset; sup-

¹ Evag. I. vi. c. 45. — ² Misc. I. xvii, hoc anno imp. — ³ Evag. I. vi. c. 16. 17.

plicem admittit legationem, et Cosrhoen hospitem pro exule, et pro fugitivo filium efficit, muneribus plane regalibus donat, quibus eum ad se diligendum invitaret. Atque non Mauritus solum tam magnifica dona misit ad Cosrhoen, sed imperatrix etiam erga Cosrhois conjuges, et liberi Mauritiis erga liberos ejus paria benignitatis officia praestiterunt. Porro Mauritus omnes satellites suos et totum exercitum Romanum cum duce, qui Cosrhoen, quocumque vellet, comitarentur, mittit. Quin etiam, quo plus honoris ei deferret, mittit quoque Domitianum episcopum Melitinae sumum cognatum, virum prudentia et ingenio praestantem, et ium verbo, tum re ipsa ad res maximas gerendas maxime idoneum, et ad gravissima obennda negotia aptissimum. Mittit præterea Gregorium (qui tunc erat Antiochenus episcopus superstes adhuc), qui Cosrhoen eum ob prudentes sermones, quos de aliis rebus omnibus cum eo conferebat, tum ob munierum magnificeniam, et consilia, quea pro rerum quibus perturbatus erat conditione peropportune ei impertiebat, in maximam traduxit admirationem ». Hucusque Evagrius.

Sed locupletior rerum Cosrhois messis inest apud Theophylactum, quem græce scriptum latinitate donavit Jacobus Pontanus. Ubi inter alia defastu ejus, cum regnare cœpit, divinum nomen sibi adsciscentis, haec habet de litterarum inscriptione, quas ad Varamum ducem¹ conscripsit : « Cosrhoes rex regum, dominantum dominus, gentium dominus, princeps pacis, hominum salus, inter deos quidem homo bonus et aeternus, inter homines autem deus illustrissimus, victor longe gloriissimus, cum sole exoriens, nocti oenlos (stellas) largiens, a majoribus nobilis, rex belli osor, bene merens de omnibus, Asonas mercede conducens, et regnum Persis custodiens, Varamo Persarum duci amico nostro ». Haec ejus inscriptio, de qua illud Proverbiorum dici possit² : « Qui altam facit domum suam, querit ruinam ». Siquidem qui omnem immunitat³ arrogantem, eum docuit esse hominem inter homines, et inferiorem hominibus, quorum fugeret summa adductus desperatione potentiam, et coactus confiteri caeleste numen ipsum, quod vernum erederent et colerent Christiani : quod et votis nuncupans, ab eodem salutem fauerit consecutus. Sed haec Theophylactus pluribus, quem tu consulas. Quod vero pertinet⁴ ad legationem Bonifacii episcopi Melitenes, egregiam quippe vir sanctissimum navavit operam, ut fidem Christianam

in Persarum populo propagaret, sed non licuit : multa insuper est operatus proficia Christianis. Ejus quoque opera Martyropolis civitas inexpugnabilis recepta est. Extant ejusdem duæ homiliae tunc ad populum dictæ, ab eodem auctore in eadem Mauritanica historia recitatæ.

28. At quomodo per Mauritium Cosrhoes in regnum fuerit restitutus, dicetur anno sequenti, quo id configisse probatur. Quæ insuper vota Deo Christianorum, sanctoque martyri Sergio in Oriente celeberrimo idem Cosrhoes in hujusmodi periculis constitutus sedulo studio nuncuparit, sequenti etiam patebit anno. Haic autem bello præfæcum fuisse Narsem ducem, et ineruenta potum victoria, habet Theophanes : additique de Turcis illis, qui in exercitu Persarum militantes capti, et Constantinopolim ducti, inventi sunt stigmata in fronte erace signati ; eos ab imperatore rogatos, quid sibi id vellet. respondisse, cum peste ipsorum provincia laboraret, illud se a Christianis fuisse edoclos remedium pro salute consequenda. Celerum mittendi Domitianum episcopum adeo celebrem, atque Gregorium ad Cosrhoen, illud videtur fuisse Mauritii imperatoris consilium, ut per eos idem rex Christianam fidem pereiperet : quod ex litteris Gregorii papæ ad eundem Domitianum episcopum redditis⁴ anno sequenti satis intelligi posse videtur.

29. *Mauritii lex iniqua*. — Inter tot tantaque præclare gesta, denigravit tamen Mauritus imperator hoc anno nomen suum, dum post victorias adversus Persas sub Hormisda rege Persarum ex insperato obtentas legem tulit, qua prohibebat, ne quis miles, nondum expleta militia, monachus effici posset. Ille quidem anno ab eo lalam ejusmodi legem, ipse Gregorius testatur in litteris² datis anno sequenti ad Theodorum : agemus de ea tunc temporis, cum sequenti anno adeo Gregorius eamdem impugnavit. Exhaustum enim eum videret Mauritus Romanum exercitum, totque præliis esse consumptum, omne quod valuit remedium integrandæ militiae excogitavit, et usque adeo inconcessa tentavit. Misit hanc legem idem imperator ad Gregorium papam per Longinum Stratorem, qui succedit Romano in exarchatu, ut testatur ipse Gregorius in litteris ad Mauritium imperatorem anno sequenti redditis. Quod vero Gregorius hoc tempore (ut ipse testatur³) mala oppressus valetudine detineretur, adversus ejusmodi legem insurgere dis tulit.

¹ Greg. I. II. Ep. LXII. — ² Ibid. Ep. LXV. Indict. XI. — ³ Ead. Ep. LXV.

⁴ Theophyl. hist. Maur. I. IV. — ² Prov. XVII. — ³ Job. XL. — Theophyl. I. IV. c. 14. 15. 16. et I. V. c. 14.

Anno periodi Graeco-Romanæ 6085. — Anno Æra Hispan. 630. — Jesu Christi 592. — Gregorii pape 3. — Mauriti imp. 41.

1. Postconsulatus. — Is annus haec formula notatus : **x post consulatum Mauriti Tiberii Aug. solius viii**, ut legitur in Chronico Alexandrino.

2. S. Gregorius scribit ad episcopos schismaticos Hibernie. — Ad num. 6. Inter Epistolas a divo Gregorio hoc anno scriptas, notabiles sunt Epistola xxxii lib. secundi, data mense Julio, Indict. x. et Epist. xxxvi scripta eadem Indictione, mense Augusto (t). In utraque agit de schismaticis in causa Trium Capitulorum, quos ad Ecclesie unitatem reducere salagebat. Prior data est ad Joannem episcopum Ravennæ, de qua Baronius hoc anno n. 2, ubi tamen prætermittit verba, que de hisdem schismaticis anno DCC, num. 1t, ex eadem Epistola retulimus. Posterior data est *universis episcopis per Hiberniam*, ut in pluribus Codicibus MSS. et omnibus editis legitur, et habet Gessanvilleus in Notis ad eam Epistolam, addens videri legendum potius esse, per *Histriam*, quam *per Hiberniam*; quod credibile non sit, Hibernos quidquam inandisse de causa Trium Capitulorum. Verum ea ad Hibernos data, ut recle viderunt Baronius, tam hic, quam anno DLXVI, num. 21, Usserius in Epistolis Hibernicis, qui de illius insulte rebus optime doctus erat, utpote qui de Antiquitatibus Ecclesiasticis Hibernie Historiam compositus, et Bollandus in Notis ad Vitam S. Gregorii pape lib. 3, cap. 1, ad diem xii Martii, nisi quod in Joanne diacono, loco *Hiberos*, legendum Bollandus putet *Hibernos*. Nam schisma Trium Capitulorum Hiberniam pervaserat, ut ille ex Epistola S. Columbani, qui Hibernus erat, scripta ad S. Bonifacium papam hujus nominis IV, quæ legitur in ejus operibus a Patricio Flamingo, Franciscano, Lovanii ab aliquot annis publicatis, in quibus ea exhibetur, quemadmodum et in Bibliotheca Veterum Patrum editionis Lugdunensis tomo xii. In ea Epistola, quam viri doctissimi lau-

dati non viderant, testalor sanctus Columbanus Hibernos suos quintam Synodus non admisso, queriturque quod ipsemel Bonifacius eam receperit : « Nos, inquit, SS. Petri et Pauli et omnium discipulorum, divinum canonem Spiritu sancto (deest, dictante) sribentium, discipuli sumus : toli Heberi, ultimi habitatores mundi, nihil extra Evangelicam et Apostolicam doctrinam recipientes. Nullus haereticus, nullus Judæus, nullus schismaticus fuit, sed fides Catholica, sicut a vobis primum, sautorum scilicet Apostolorum successoribus, tradita est, inconcessa tenetur ». Ubi *Heberorum* nomine Flamingus in Notis ad eam Epistolam observat, Columbanum de suis Hibernis loqui, ut ipsemel indicat in sua Epistola secunda sub finem, ubi ait : « Unius enim sumus corporis commembra, sive Galli, sive Britanni, sive Iberi, sive quæque gentes ». Addit Flamingus, Hibernos sic dictos ab Ibero fluvio Hispaniæ, unde primum processisse dicuntur, et Hibernos referre originem suam ad Iberiam seu Hesperiam antiquam, hoc est, Hispaniam. Epistolam Columbani ad Bonifacium IV suo loco adducemus, ex qua certo constabit, Hibernos Trium Capitulorum causam propugnasse. Divus itaque Gregorius ad Hibernos, non vero ad Istros Epistolam illam xxxvi direxit, neque post Epistolam *Columbani* ad Bonifacium quartum in lucem emissam, hoc in controversiam venire potest.

3. Hormisdas Persarum rex occiditur. — A num. 26 ad 29. Hormisdas Persarum rex exente anno quingentesimo nonagesimo Chosrois junioris filii a Persis ad regnum evecti jussu occisus est. Cum enim Varinus Persarum dux infeliciter in Colchide cum Romanis pugnasset, Hormisdas ignoratio causa vestem ad eum mulierem misit, isque despiciatum illum scripta Epistola remelitur, indeque inter ipsos Persas civile bellum emersit.

(t) Epistolam hanc xxxvi libri secundi ad episcopos Istriæ a S. Gregorio scriptam fasce multis argumentis asserit, et demonstrat P. de Ilhebeis in Dissertatione de schismate Aquilensis Ecclesie cap. 14. Istriæ enim, non vero Hibernæ episcopi schismate nlo infecti erant. Neque oppositum convinet Epistola S. Columbani a Pagio huc tanata; non enim in ea vir sanctus Hibernorum se nomine scribere significat cum an : « Nos sanctorum Petri et Pauli... discipuli sumus, toli Heberi, ultimi habitatores mundi... nullus haereticus... Sicut a nobis fides Catholica, sicut a vobis primum... tradita est, inconcessa tenetur ». Sed haec ad ille ut benevolum sibi redderet Pontificem, et monita sua aure promori exciperet : quæ se illi dare proflitur, non tamquam a schismatis Italia seductus, sed tamquam unus aliquis ex Orthodoxis Iberis, qui nisi quæ sunt puxta sanam doctrinam sparant. Cur ratur ex hac Epistola cœlificatur Hibernos schismati Trium Capitulorum adhaersse, nihil est. Locus pariter Joannis diaconi in Vita S. Gregorii lib. 3, cap. 1, in quo reductos a unitatem Ecclesie ab eo in viro sancto *Ligures*, *Veneti*, et *Iberos* legimus, corruptus est, corrugendusque ex Epistola Pelagii I al Noregum, in qua schismatici episcopi sunt *Ligures*, *Veneti*, *Istrii*.

MANSI.

Vide Adnotationem nostram ad A. d. XIV, XVIII.

Varamus per hyemein varias arcis oppugnavit, enique Hormisdas *Pherorachanem* recens dueem in locum Varami creasset, hunc sibi adversus regem conjungit *Varamus*, ipsum regem e solio de turbat atque in careerem conjecit, filiumque ejus *Chosroen* conventus procerum regem constituit, *Chosroes* patrem in custodia positum benigne tractavit, *Hormisda* vero ipsum injuriis lacerabat. Quare filii jussu usque ad necem fustibus contusus est. *Chosroes* postea *Varamum* ad tyranidem ab jiciendam invitavit, sed frustra. Ventum est ad velitationes, multaque caedes edita. Sed cum multi ad *Varamum* deficerent, etiam ipse *Chosroes* fugam iniit, et auxilium *Mauritii* imperatoris rogavit, ut pluribus narrat *Theophylactus* lib. 3, cap. 8 et lib. 4, cap. 1 ac seqq. Tum cap. 13 ait: «Vere ineunte, *Chosroæ* oratores ad imperatorem adveniunt», qui *Chosroen* per *Domitianum Melitensem* et *Georgium Antiochenum* antistites vita sanctitate illustres, donis et solatio prosequitur. Ubi *Theophylactus* vernum tempus anni quingentesimi nonagesimi primi proculdubio indicat. *Chosroes* *Martyropolm* majoris Armeniae urbem ad *Nymphaeum* fluvium in Mesopotamiae confinio positam Romanis reddidit. Sanctus *Domitianus Melitensis* episcopus concionem ad populum habuit ob illud oppidum receptum, qua populum ad fætitiam invitavit et clementiam imperatoris commendavit. Recitatur ea a *Theophylacto* cap. 16, qui subdit, civitatem dies septem cum oblectamento in feriis consumpsisse.

4. Persæ rebellant adversus *Chosroen Hormisdæ filium*. — *Chosroes* angore et *Varami* tyranni metu plenus ad Deum Christianorum sese convertit ac sanctum *Sergium martyrem*, quem colere etiam *Barbaræ nationes* consueverant, rogat,

ne sibi desit, polliceturque *Crucem ex auro purò confectum, et marginitis, perlucidisque ex India lapillis variatam victoriae suæ primitias oblatum*. Non multo post ei assertur caput *Zadespratæ*, qui ad *Varamum* transfugerat. Testatur *Chosroes* apud *Theophylactum* lib. 5, cap. 13, anno primo regni sui, mensis Januarii die septimo vovisse, si caballarii sui *Zadespraten* occidissent, aut vivum cepissent, crucem auream in sancti *Sergii* templum sese missurum: ac die nono mensis Februarii caput *Zadespratæ* sibi apportatum esse. Quod volum a *Chosroë* die septima mensis Januarii anni quingentesimi nonagesimi primi emissum: cum verno tempore anni quingentesimi nonagesimi secundi pax in Oriente vigeret, et *Mauritius* imperator ex Oriente copias in Occidentem reduxerit, ut infra certo argumento ex eclipsi solari deducet demonstrabimus. Cum itaque unius ejusdemque anni vere idem *Romanus* exercitus in Oriente et Occidente esse non potuerit, et in Oriente bellum ac pax vigere, manifestum est, *Theophylactum* loco recitato loqui de verno tempore anni DCCCI, ac mensibus Januarii et Februarii illius anni; ideoque jam ab anno DCCCI *Chosroen juniores* in locum patris suffectum fuisse. De fine rebellionis adversus *Chosroen*, ejusque per Romanos in regnum restitutionem anno sequenti agemus cum *Baronio*, quem passim in morte *Hormisdæ* consignata recentes scriptores secuti sunt. Interim juvabit legere *Abulfarajium* in viii dynastia, ubi refert *Epistolam Chosrois ad Mauritium*, qua ei milites et auxilium adversus *Varamum* postulat, et *Epistolam* imperatoris ad *Chosroen*, qua significat, se ei copias et pecuniam mittere, seque eum filium sibi constituiere.

1. *Cosrhoes in regnum restitutus dona offert Ecclesiæ S. Sergii; unde ambigitur fuerit necne Christianus*. — Nonagesimus tertius post quingen tesimum Redemptoris annus Indictionis undecima incipit: quo restitutus in regnum *Cosrhoes* rex Persarum, multa pietatis signa publicis egregie factis edidit, quæ quam exactissime describit *Evagrius*:

primum vero ejus in regnum per *Mauritium* restitutionem verbis istis enarrat¹: «Cosrhoes vero cum Hierapolim, que primaria Euphratesiæ civitas est, pervenisset, rursum revertit. Quod cum inteflexisset *Mauritius*, pluris faciens commodis *Cosrhois* sup-

¹ *Evagr. I. vi. c. 18.*

plieis, quam sue ipsius glorie consulere, ingenti pecuniae vi (quod non ante aliquando visum fuit) eum juvat, atque ex Persis conscribit exercitum, et impensis omnibus de suo suppeditatis, Cosrhoen utroque exercitu, Romano scilicet et Persico instructum, extra fines imperii Romani ad Martyropolim usque producendum curavit. Cui Sittas primum traditus est, deinde a Martyropolitanis lapidibus obrutus, postea ab eisdem in crucem actus. Traditum est ei quoque Daras oppidum, a quo clavis exiverant Perse. Atque Barame a Romanis solis unico bello superato, et solo cum ignominia in fugam verso, Cosrhoes ad suum ipsius regnum reductus est ». Haec Evagrius : subdil vero post pauca¹ :

2. « Cosrhoes autem jam ad suum regnum restitutus, mittit ad Gregorium episcopum Antiochenum crucem multo auro et lapidibus pretiosis exquisite elaboratam, qua honorem Sergii martyris inelyti illustrari voluit ». Hanc crucem primum Theodora conjux Justiniani ei dedicaverat, deinde Cosrhoes senior cum aliis monumentis (uti a me supra commemoratum est) inde abripuerat. Mittit quoque aliam cruelem auream, in qua litteris graecis ista curavit inscribenda :

HANC CRUCEM EGO COSRHOES REX REGVM FILIVS HORMISDE MISI. CVM ENIM DIABOLICO CONATV ET VETERATORIO INFELICISSIMI BARAMIS ET SVORVM CABALLARIORVM IN ROMANIAM CONFVGERE ERAVVS COMPVLSI, ET PROPTER ADVENTVM SCelerati ZADESPRAM CVM EXERCITV AD NISIBIN, QVO CABALLARIOS QVI A PARTIBVS NISIRENSIVM STABANT SVRDUCERET : CABALLARIOS CVM DVCE AD CARCHIAS VSQVE QVI ZADESPRAM RESISTERENT EI VSQVE VIRES FRANGENT MISERAMVS OPE ET PRÆSIDIO COMMVNITI S. SERGII MARTYRIS HONORATISSIMI ET IN PRIMIS MEMORABILIS. QVONIAM ACCEPERAMVS EVM RES AB SE POSTVLATAS SOLERE LARGIRI, PRIMO ANNO REGNI NOSTRI SEPTIMO IDVS JANVARII POSTVLAVIMVS OPEM AB EO, VOTVMQUE FECIMVS, SI CARALLARII NOSTRI ZADESPRAM VEL INTERFICERENT, VEL CAPTIVVM SECVM DUCERENT, NOS AVREAM CRUCEM LAPILLIS DISTINCTAM AD EIIS TEMPLVM MISSVRVS, QVA VENERANDVM EIIS NOMEN ILLVSTRARETVR. ATQVE AD QVINTVM IDVS FERRVARI CAPVT ZADESPRAM AD NOS PERLATVM FVIT. ITAQVE POSTVLATIONIS NOSTRE FACTI COMPOTES, QVO RES GESTA NEMINI DVRIA ESSET, AD VENERANDVM S. SERGII NOMEN ILLVSTRANDVM, HANC CRUCEM A NOBIS FABRICATAM AD TEMPLVM EIJS MISIMVS VNA CVM CRUCE QVAM JVSTINIANVS IMPERATOR ROMANVS AD IDEM TEMPLUM MISIT, QVAMQUE COSRHOES REX REGVM FILIVS CABADI PROAVI NOSTRI TEMPORIBVS QVIBVS ROMANI ET PERSÆ GRAVISSIME INTER SE DISSIDERENT HVC ADVEXIT, QVAM DENIQUE NOS IN NOSTRIS THESAVRIS INVENIMVS ET AD EDEM SANCTI ET VENERABILIS SERGII MITTENDAM CVRAVIMVS.

Ita etenim Cosrhois inscriptio crucis a se missæ perpetui monumenti ergo incisa grecis litteris. Pergit Evagrius :

3. « Has cruces Gregorius episcopus Antiochenus cum de sententia Mauriti imperatoris accepisset, cum magna pompa ad sacrum martyris templum defert, inque eo reponit. Haud ita multo post alia dona ad sanctum illud templum misit Cosrhoes, inter quæ erat discus ex auro confectus, in quo inscribenda curavit hæc verba :

EGO COSRHOES REX REGVM FILIVS HORMISDE HÆC IN HOC DISCO INSCRIPTA CYRAVI, NON UT SPECTENTVR AB HOMINIRVS, NEQVE UT AMPLITVDÖ TVI VENERANDI NOMINIS EX MEIS VERBIS COGNOSCATVR, SED PARTIM PROPTER RERVM IN EO INSCRIPTARVM VERITATEM, PARTIM PROPTER MVLTA BENEFICIA ET LIBERALIA QVLE ABS TE ACCEPI. NAM MECVM FELICITER ACTVM PVTO, QVOD NOMEN MEVM IN TVIS SACRIS VASIS EXTET. CVM FORTE BERAMAIIS ESSEM, PETERAM ABS TE S. SERGI UT MIII SVBSIDIO VENIRE, ET SIRA CONJX CONCIPERET. AC CVM SIRA CHRISTIANA ESSET ET EGO GENTILIS, ET LEX NOSTRA NON PERMITTERET NOBIS POTESTATEM MVLIEREM CHRISTIANAM VXOREM DVCENDI : TAMEN OB MEVM SINGVLALEM ERGA TE AMOREM LEGEM IN HAC MVLIERE NEGLEXI ET EAM DE DIE IN DIEM INTER CLETERAS VXORES INGENVE DILIGERE NON DESTITI NEQVE DESISTO. QVAMORREM VISVM ERAT TVAM BONITATEM, SANCTE SERGI, DEPRECARI UT GRAVIDA FIERET.

QUIN ETIAM VOTVM TIBI NVXCVPAVI SYMQUE POLLICITVS SI SIRA CONCIPERET, ME CRUCEM QVAMILLA GESTAT AD SANCTISSIMVM TEMPLVM TVVM MISSVRVM. QVAPROPTER IPSE EQVIDEM ET SIRA HOC APVD ANIMOS NOSTROS PROPONEBAMVS YT HANC CRUCEM IN MEMORIAM NOMINIS TVI, SANCTE SERGI, IPSI TENEREVYS. ET VISVM ERAT PROILLA PRETIVM EJVS QVOD QVATYOR MILLIA ET QVADRINGENTOS STATERES MILIARESIOS NON EXCEDERET MITTERE, ET SIC IDEM AVGERE, VT EJVS SVMMA QVINQUE MILLIA STATERVM COMPLECTERETVR. ATQVE EX EO TEMPORE QVO ISTAM POSTVLATIONEM ANIMIS NOSTRIS CONCIPERE HÆC QUE COGITARE COOPERAMVS, AD TEMPYS QVO RHOSON CHOSRON VENIVMS, NON AMPLIUS DECIM DIES PRIETERIERANT. AD QVOD QVIDEM TEMPVS TV. SANCTE SERGI, NON QVOD IPO DIGNVS ESSEM, SED PROPTER TVAM IPSIUS BONITATEM MIII NOCTY SECUNDVM QVIETEM VISVS ES, ET JAM TERTIO DIXISTI SIRAM CONCEPTVRAM. ATQVE EGO IN EADEM VISIONE TERTIO APERTE TIBI QVLE ERANT CONSENTANEA RESPONDI.

AT QVONIAM TV RERVM ABS TE POSTVLATARVM LARGITOR ES EX EO DIE SIRA MORBV M QVO MVLIERES LABORARE SOLENTE NON SENSIT. EGO AVTEM ET SI HAC DE RE ANIMO HESITABAM, VTRVM VERBIS TVIS FIDEM HABEREM AN NON. CVM SIS POSTVLATIONVM LARGITOR : POSTEA TAMEN EX EO QVOD MORBVS MVLIERIS SIRAM NON ATTIGIT. TVM VIM EXPLORATAM HABVI VISIO- NIS. TVM TVORVM VERRORVM VERITATEM. QVOCIRCA CRUCEM HANC ILLICO ET EIUS PRETIVM VNA AD TV-

¹ Evagr. I. vi. c. 20.

AM SANCTISSIMAM AEDEM MISI. DEDIQVE MANDATVM
VT EX EIVS PRETIO DISCVS VNVS ET CALIX FIERENT,
QVI DIVINIS MYSTERIIS CELEBRANDIS INSERVIRENT.
QVIN ETIAM VT CRVX FIERET ET THYRIBVLVM FABRI-
CARETVR VTRVMQVE AVREVM IN VSVM SACRE MENSÆ,
ET VNICVM VTRINQVE APERTVM CONFICERETVR AV-
RO COLLYSTRATVM. QVOD AVTEM DE SYMMA PRETI
RESTARET, AD NECESSARIOS VSVS TVÆ SACRE AEDIS
RESERVARETVR. VT MIHI ET SIRE TV. SANCTE SERGI,
CVM IN ALIIS REBUS OPITVLARERIS, TUM MAXIME IN HAC
PETITIONE SVBSIDIO VENIRES. ET QVOD PER TVAM IN-
TERCESSIONEM NOBIS EVENERIT. IDEM IPSVM PER TV-
AM CLEMENTIAM ET RONITATEM MIHI ET SIRE EX SEN-
TENTIA PENITUS SVCCEDAT. QVO TVM IPSE TVM SIRA
TVM ALII OMNES DENIQVE IN TOTO ORBE TERRARVM
TVA IN VIRTUTE SPEM PONAMVS ET IN TE DEINCEPS
CREDAMVS.

Haecenius incisa in auro inscriptio. Pergit rursum Evagrius : « Hæc donaria a Cosrhoe oblata, ea loqui videntur, quæ cum prophetia Balaam consentiunt : quod plane Dei providentia factum est, ut Gentilium linguae verba salutaria proferrent ». Digna quidem quæ cubitalibus (ut aiunt) litteris formarentur, quo Novatores magis robore sulfusi faceant, cum etiam ab infidelibus et idololatris redarguantur in veneratione sanctissimæ crueis et cultu sanctorum martyrum, dum talia loquuntur Ethniens, sua tamen conscientia Christianis, veritus publice profiteri quid sentiret, ne rebellem experiretur populum, quem omnibus demulcere officiis hoc sui regni exordio satagebat.

4. Sane quidem increbuit hoc tempore per orbem fama, ipsum Persarum regem Christianam religionem suscepisse : etenim qui in hunc usque annum res sui temporis gestas scriptis prosecutus est Joannes abbas Biacariensis, hoc eodem anno octavo Mauriti imperatoris id accidisse tradit his verbis : « In his ergo temporibus, quibus omnipotens Deus, prostrato veterosæ haeresis veneno, pacem suæ restituit Ecclesiae. imperator Persarum Christi suscepit fidem, et pacem cum Mauritio imperatore firmavit ». Haec ipse : verum liquet esse mendacium, sicut quæ de conversione reginæ regisque Persarum habet Paulus diaconus, quæ hic ipsis verbis describenda putamus : ait enim ¹ :

« Circa hæc tempora, regis Persarum conjux, nomine Cæsara, de Perside exiens cum paucis suis fidelibus, privato habitu propter Christianæ fidei amorem Constantinopolim venit. Quæ ab imperatore honorifice suscepta, post aliquot dies, ut desiderabat, baptismum consequata, et ab Augusta de sacro fonte levata est. Quod vir ejus Persarum rex audiens, legatos Constantinopolim ad Augustum direxit, quatenus eidem suam uxorem redderet. Qui ad imperatorem venientes, verba regis Persarum nuntiant, qui suam requirebat reginam. Imperator hæc audiens, remque omnino ignorans, eis

responsum reddidit, dicens : De regina, quam quæris, fatemur nos nihil scire, præter quod ad nos hic aliqua mulier privato habitu advenit. Legali vero responderunt, dicentes : Si placet vestro conspetui, volumus hanc quam dicitis mulierem videre.

5. « Quæ cum jussu imperatoris advenisset : mox ut eam conspiciunt, ad ejus vestigia provolvuntur, eique venerabiliter, quod eam vir suus requireret, suggestur. Quibus illa respondit : Ite, nuntiate regi vestro et domino : quia nisi, sicut ego jam credidi, ita et ipse in Christum erediderit, me jam ultra consortem tori habere non poterit. Quid multa ? reversi legali ad patriam, universa quæ audierant, regi nuntiant. Qui nihil moratus, cum sexaginta millibus viris Constantinopolim pacifice ad imperatorem venit, a quo gratariter et satis digne susceptus est. Qui cum universis in Christum Dominum credens, pariter cum omnibus sacri baptismatis unda perfusus, et ab Augusto de fonte levatus, Catholica fide confirmatus est ; multisque munib; ab Augusto honoratus, accepta sua conjugi, laetus et gaudens ad suam patriam repedavit ». Haec Paulus, sed quæ haud satis integra fide constent, cum multas patientur difficulæs, et incognita habeantur græcis scriptoribus : potissimum vero, quod ex Epistola sancti Gregorii hoc anno scripta, de qua paulo inferius agemus, constet ipsum regem Persarum remansisse Gentilem.

6. Neque de his quidquam in Mauritiana habetur historia, quam Theophylactus tunc scripsit. Ex qua tamen illud addendum, post adeptam beneficium Christi victoriam, in Judæos, qui Varamo fuerant adjumento, regem Persarum gladium exercuisse ; ait ¹ enim : « Die sexto multos item Judæos, novarum Varami militionum magnopere participes, morte pœnas reposcens, ferro necat ». Hos autem fuisse, quorum progenitores post excisas Hierosolymas ad Assyrios, unde venerant, esse reversos, et magnopere locupletatos affirmat : additque eam ² victoriam auspice Dei Genitricë Persas consecutos, cuius et nomine pro symbolo militari in bello usi essent. Haec et alia auctor observatione digna. Cesserunt namque Cosrhoe prospera cuncta, quounque usus est auxilio divino intercessionibus sanctorum martyrum impetrato, quibus digne et nuncupata vota persolvit, datis litteris, quæ adhuc ³ extant, ad sanctum Georgium martyrem. Sed timore populi a religione et nomine Christiano ad popularem superstitionis cultum rediisse liquet.

Sunt vero certiora quæ sequuntur, nempe Saracenorum principem Naamanem hoc codem tempore initiatum esse Christiana religione : quod idem qui supra tradit Evagrius, cum subdit ⁴ : « Per id temporis Naamanes gentis Scenitarum tribunus gentilis adeo nefarius et sceleratus, ut propria manu homines dæmonis suis mactaret, ad sanctum accessit baptismum, statuamque Veneris auream igne

¹ Paul. diac. l. iv. c. 17. vet. edit. et nov. LII.

² Theophyl. hist. Maurit. l. v. c. 7. — ³ Ibid. l. v. c. 10, 14. — ⁴ Ibid. c. 13, 14. — ⁵ Evagr. l. vi. c. 21.

liquefactam pauperibus erogavit: et omnes qui ad eum spectabant, ad veram in Deum fidem traduxit». Ihs vero haec subjicit: «Gregorius autem (Antiochenus episcopus) postquam cernees a Cosrhoem donatae erant, de sententia imperatoris omnia monasteria in solitudine, Liniearmi dicta, et maxime in quibus perversa Severi dogmata regnabant, perlustravit, exposuitque illis vera Ecclesiae dogmata; et multa castella, pagos, monasteria, et gentes integras ad Dei Ecclesiam adduxit». Haec omnia Evagrius, res postremas sui temporis scriptis commendans.

7. *De lege Mauriti prohibentis milites ingredi monasteria Gregorii querelæ; ubi de immunitatis Ecclesiastice juribus.* — Domitianus autem metropolitanus Armeniæ, episcopus Melitene, cum non fuisset assecutus quod optabat, cuius causa ad Cosrhoem profectus erat, ut ille fieret Christianus; reversus, mōrens Epistolam scripsit ad S. Gregorium Romanum Pontificem, deque his quæ gesta erant, eum reddidit certiorem, intermiscaens de divina Scriptura fusiorem tractationem. Has cum ipse Pontifex litteras accepisset, hoc eodem anno ad eum rescrispit, et ad finem Epistole ista habet¹: «Imperatorem vero Persarum etsi non fuisse conversum doleo: vos tamen ei Christianam fidem prædieasse, omnimodo exulto: quia etsi ille ad lucem venire non meruit, vestra tamen sanctitas prædicationis sue præmium habebit. Nam et Æthiops in balneum niger intrat, et niger egreditur, sed tamen balnearior nummos accipit. De Maurilio autem bene dicitis, ut in actione ejus ab umbra statuam cognoscam, id est; in minutiis majora perpendam: in hoc tamen ei credimus, quia ejus nobis animam sacramenta et obsides ligant». At quid per ista subobscura legenlibus de Maurilio significare velit Gregorius, certe quidem etsi incomperium habeatur, haud bonum fuisse conjicimus ex controversia illa, que inter ipsum et Mauritium intercessit: expostulans enim vehementer adversus eum Gregorius de lege lata qua milites ingredi monasteria prohibebat, ad eundem tamen ejusmodi, ut privatus Epistolam scripsit²:

8. «Omnipotenti Deo reus est, qui serenissimis dominis in omne quod agit et loquitur, purus non est. Ego autem indignus pietatis vestrae famulus in hac suggestione neque ut episcopus, neque ut servus jure Reipublicæ, sed jure privato loquor: quia, serenissime domine, ex illo jam tempore dominus meus fuisti, quando adhuc dominus omnium non eras. Longino viro clarissimo stralore veniente, dominorum legem suscepi: ad quam, fatigatus tunc ægritudine corporis respondere nil valui. In qua dominorum pietas sanxit, ut quisquis publicis administrationibus fuerit implicatus, ei ad Ecclesiasticum officium venire non licet. Quod valde laudavi, evidentissime sciens, quia qui saecularem habitum deserens, ad Ecclesiastica officia venire festinat, mutare vult saeculum, non relinquere. Quod vero

in eadem lege dicitur, ut ei in monasterio converti non licet: omnino miratus sum, dum et rationes ejus possint per monasterium fieri, et agi potest, ut ab eo loco in quo suscipitur, ejus quoque debita solvantur. Nam et si quisquam devota mente converti voluisse, prius res male ablatas redderet, et de sua anima tanto verius, quanto expeditior cogitaret. In qua lege subiunctum est, ut nulli qui in manu signatus est, converti licet». Erat istiusmodi militibus apponi solitum signum, quo a caeteris noscerentur; ut etiam ex iis quæ inferius subdit, appareat. Sed pergit:

9. «Quam Constitutionem ego (faleor dominis meis) vehementer expavi: quia per eam cælorum via multis clauditur; et quod nunc usque licet, ne licet, prohibetur. Multi enim sunt, qui possunt religiosam vitam etiam cum saeculari habitu ducere. Et plerique sunt, qui nisi omnia reliquerint, salvari apud Deum nullatenus possunt. Ego vero haec dominis meis loquens, quid sun, nisi pulvis et vermis? Sed tamen quia contra auctorem omnium Deum hanc intendere Constitutionem sentio, dominis facere non possum. Ad hoc enim potestas dominorum meorum pietati cælitus data est super omnes homines, ut qui bona appetunt, adjuventur, ut cælorum via largius pateat, ut terrestre regnum cælesti regno famuletur. Et ecce aperta voce dicitur, ut ei qui semel in terrena militia signatus fuerit, nisi aut expleta militia, aut pro debilitate corporis repulsus, Domino nostro Iesu Christo militare non licet.

10. «Ad haec ecce per me servum ultimum suum et vestrum respondebit Christus, dicens: Ego te de notario comitem excubitorum, de comite excubitorum Cæsarem, et de Cæsare imperatorem, nec solum hoc, sed etiam patrem imperatorum feci. Ego sacerdotes meos tuæ manu commisi, et tu a meo servitio milites tuos subtrahis? Responde, rogo, piissime domine, servo tuo. Quid venienti et haec dicenti responsurus es in judicio Domino tuo? Sed fortasse creditur, quia nullus eorum puro animo convertatur. Ego indignus famulus vester scio, quanti his diebus meis in monasterio milites conversi miracula fecerunt, signa et virtutes operari sunt. Sed per hanc legem jam, ne quisquam talium converti valeat, prohibetur. Requirat, rogo, dominus meus piissimus, quis prior imperatorum talem legem dederit; et subtilius aestimet, si debuit dari. Et quidem considerandum valde est, quia eo jam tempore prohibentur quique relinquere seculum, quo appropinquat finis saeculorum. Ecce enim mora non erit, et ardente caelo, ardente terra, coruscantibus elementis, cum Angelis et Archangelis, cum Thronis et Dominationibus, cum Principibus et Potestatibus tremendus Judex apparebit. Si omnia peccata dimiserit, et solam hanc legem contra se dixerit esse prolatam: quæ rogo, erit excusatio?

11. «Unde per eundem tremendum Judicem deprecor, ne ille tantæ lacrymæ, tantæ orationes,

¹ Greg. l. n. Ep. LXIII. Indict. XI. — ² Ibid. Ep. LXII. Ind. XI.

tanta jejunia, tantæque cleemosynæ domini mei ex qualibet occasione apud omnipotentis Dei oculos fuissecentur; sed aut temperando pietas vestra, aut immutando vigorem ejus legis inflebat: quia tunc magis dominorum exercitus contra hostes crecebat, quanto Dei exercitus ad orationem creverit. Ego quidem jussioni subjectus, eamdem legem per diversas terrarum partes transmitti feci: et quia lex ipsa omnipotenti Deo minime concordat, ecce per suggestionis meæ paginam serenissimis dominis nuntiavi. Utrobiisque ergo quæ debui, exsolvi qui et imperatori obedientiam præbui, et pro eo quod sensi, minime facui». Hactenus Gregorius papa ad Mauritium imperatorem. Verum has ipse litteras noluit per apocrisiarium sum, quem habebat Constantinopoli, dari imperatori, sed misit ad Theodorum medium intimum ejusdem Mauriti, ut ipse daret; cui haec scripsit¹:

12. «Quanta bona omnipotentis Dei et serenissimi domini mei imperatoris habeam, lingua mea non sufficit explere. Pro quibus bonis quid est meum retribuere, nisi eorum vestigia pure amare? Peccatis autem meis facientibus (ex quorum suggestione vel consilio, nescio, an vestro) transacto anno talem in Republica sua legem protulit, ut quisquis eum pure amat, flere vehementer debeat. Ad quam legem tunc respondere non potui, quia ægrotus fui: modo autem eidem domino aliqua suggesti. Præcepit enim, ut nullus qui actionem publicam egit, nullus qui officio et manu signatus vel inter milites fuit habitus, ei in monasterio converti liceat, nisi forte si militia ejus fuerit expleta. Quam legem primum (sicut ii dicunt, qui leges veteres noverunt) Iustianus protulit, de quo scimus omnes quantum Deo adversus fuerit. Quod si ideo serenissimus dominus noster fecit, quia forte multi milites convertebantur, et exercitus decresceret: nunquid per virtutem militum subjugavit ei omnipotens Deus imperium Persarum? Nunquid non soke lacryme illius auditæ sunt, et eo ordine quem ipse nescivit, ejus imperio Persarum regnum subdidit?

13. «Valde autem mihi durum videtur, ut ab ejus servitio milites suos prohibeat, qui ei et omnia tribuit, et dominari eum non solum militibus, sed etiam sacerdotibus concessit. Nunquid si intentio est servandarum rerum: non poterant ea ipsa monasteria, que milites suscepissent, alienas res reddere, atque ad couersionem homines tantummodo habere? Haec quia mihi valde dolent, eidem domino suggesti; sed vestra gloria opportuno tempore secrete suggestionem meam ei offerat. Nolo eam a responsali meo publice dari, quia vos, qui ei familiarius servitis, loqui ei liberius et apertius (aptius) potestis, quæ pro ejus sunt anima; quoniam in multis est occupatus, et vix animus ejus invenitur a curis majoribus vacuus. Tu quidem, gloriose fili, pro Christo loquere. Si auditus fueris, lucrum operatus es animæ prædicti domini tui et tuæ: si vero

auditus non fueris, lucrum solummodo tuæ fecisti». Hucusque ad Theodorum Gregorius.

14. Sed, amabo te, hic, pie lector, siste gradum: etenim, ni fallor, dum hæc audisti, te admiratum vidi, et subindignatum obduxisse supercilie, eo quod aliecte nimis visus sit tibi locutus S. Gregorius, dum præter alia tum in Epistola ad Mauritium, tum in ista ad Theodorum data quodammodo professus appareat sacerdotes a Deo subjectos esse imperatori, verbis illis in primis, cum ait ex persona Christi: «Sacerdotes meos tuae manui commisi». Et de imperatore ad Theodorum: «Ei et omnia tribuit, et dominari eum non solum militibus, sed etiam sacerdotibus concessit». At hæc Novatores non ut tum merentes accipiunt, sed hilari vultu, exultantes, imo et insultantes, quasi irrefragabile naeti sint testimonium viri sanctissimi atque doctissimi, cui nefas sit contradicere; qui docentis cathedram cum ascenderit, tam apertis verbis videatur esse testatus subjectum a Deo imperatori sacerdolum esse: ut nonnisi contumelia lanti Patris id negari et adstrui contrarium videri possit, nempe ipsum hallucinatum, et non vera locutum, vel saltem imperatori turpiter adulatum. Sed larvis istis absterreant Novatores ipsi infantes, et clamoribus istiusmodi pueris pavorem inœulant, noui tibi, lector, si bene nosti vim sanctionum Ecclesiasticarum, atque traditionum robur, et fortitudinem doctrinæ Patrum; sed ridebis nobiscum insultantium impudentiam et imprudentiam.

15. Dum enim nulla habetur ratio rerum gestarum et temporum, id efficitur, ut frustra isti insultent, vel timeant pavidi. At cum accurate cuncta perspecta habuerint, plane intelligent S. Gregorium acerrimum fuisse vindicem Pontificie æstimationis, et assertorem immunitatis Ecclesiasticae. Hæc ut omnes percipiant, in primis menuinisse oportet, que superius dicta sunt, quantum idem Gregorius deplorarit hæc infelicissima tempora, quibus, licet sub imperatore Catholicó, ipsa tamen Ecclesia fuerit non secus ac sub Nerone et Diocletiano captiva. Revocanda hic tibi sunt in memoriam (quod rerum sic exigat argumentum) quæ idem S. Gregorius de his habeat jam a nobis anno primo ejus Pontificatus superius recitata, ubi inter alia¹: «Concitavit enim, diabolus seilicet, adversus Ecclesiam Dei non solum innumerabilem populi multitudinem, verum etiam regiam (si fas est dicere) potestatem: nulla enim ratio sinit, ut inter reges habeatur, qui destruit potius quam regat imperium». Et paulo post: «Ecclesiam quippe, quam suo sanguinis prelio redemptam Salvator noster voluit esse liberam, hanc iste, potestatis regiae jura transcendens, facere conatur ancillam». Hæc et alia fusiæ a nobis superius recitata.

16. Quibus in primis vides S. Gregorium detinire, non solum non esse subditam regibus aliquo modo Ecclesiam, verum etiam firmiter asseverare

¹ Greg. I. II. Ep. Lxv.

¹ Greg. in Psal. psalm. iv.

(cum de his agit) non habendum esse Mauritium inter imperatores, dum adversus Dei sacerdotes regiam potestate exercet. Rursum ejusdem Gregorii sententia reddi firmum intelligis, Christi Ecclesiam ab ipso liberam factam esse, quam imperator iniquissime redigere studuerit in servitatem. Adeo ut quod dicit in duabus recitatis Epistolis, a Deo subjectos fuisse sacerdotes imperatori : ne ipse tibi contrarius Gregorius fuisse dicatur; necesse sit ut aliud divinae tribuere voluerit voluntati, permissioni vero aliud.

17. Sed quomodo permissioni? cum videlicet permiserit Deus (ut ipse deplorat) non posse exequi munus suum summum universe Ecclesiae sacerdotem, nisi etiam persoluta pecunia, electioni facta ipse consensisset imperator. Sie igitur Deum subjecisse tradit sacerdotes Mauritio imperatori, ut olim eosdem subjicerat persecutoribus Neroni atque Diocletiano, quos in eos etiam gladio agere permisit. Cum iisdem quidem certe constat Gregorium adnumerasse Mauritium, ubi ait¹: « Quid Nero? quid Diocletianus? quid denique iste, qui hoc tempore Ecclesiam persecutus est? Numquid non omnes portae inferi? » Habes ergo ex Gregorio ipso sensum verborum ipsius; qua interpretatione nulla verior nec germanior esse potest: ut sic dixisse voluerit subjectos a Deo sacerdotes imperatori, quemadmodum Christus Redemptor noster fatetur² se divina permissione subditum potestati Pilati; et sicut itidem dixit iis qui ipsum neci tradere satagabant³: « Hæc est hora vestra, et potestas tenetrum ». Quamobrem si res jure agatur, non violentia, ut solent latrones in silvis: non subjectos esse sacerdotes imperatoribus, sed imperatores sacerdotibus, ejusdem Gregorii sicut et aliorum sanctorum doctorum omnium constans est firmaque sententia.

18. Si quid prælerea humile, si quid感激um et enervatum atque indignum Apostolico vi- gore illa ad Mauritium Gregorii Epistola habere videatur: meminisse, lector, pariter debes, quæ Gregorius ipsius Epistolæ est præfatus exordio et contestatus, se nimis non ut episcopum ea scribere, sed jure privato loqui: quod satis ad excusationem Gregorii esse potest, cum aliam agat personam tanquam in scena, ubi ejus quam quis personam induit, verbis uti debeat.

19. Quod vero illud ipsum quod non probaret edictum imperatoris, ut adversarium Ecclesiasticae libertati, se tamen ex ejusdem imperatoris jussione dicit misisse per diversas terrarum partes; non fuit ista prævaricatio; eo quod ipse non fuerit edicti illius iniquissimi contra Ecclesiastica jura sancti promulgator, sed potius corrector, emendator, et censor; maximumque in his ediderit specimen sacerdotalis vigoris, Pontificie auctoritatis, et super imperium potestatis: dum accedens censor et arbitrus Constitutionis imperatoria, et admovens ad

sacram (quam vocabant) tabulam stylum edicti illius quedam expunxit, quedam addidit, jungens ac minuens pro arbitrio, ut ad rectam Catholica Ecclesiae normam et disciplinam aptaret, nihilque penitus in eo, quod Ecclesiastice officeret libertati, et sacris canonibus contradiceret prætermittens intactum: posteris egregium relinquent exemplum, quicquid leges sanciendo delirant imperatores ac reges, a Romana Ecclesiae Pontificibus esse protinus entendandum et corrigendum; sieque ab ipsis favendum eorum votis, ut eos errantes cum mansuetudine (ut videmus fecisse Gregorium) corrigant et Pontificia potestate, quod perperam factum norunt. Apostolica censura castigent, seque exhibeant eorum magistros, doctores, et correctores, iuxta illud divinum oraculum non illi tantum Prophetæ¹ pronuntiatum, sed omnibus qui pro Deo ad populum divina legatione funguntur: « Constituite hodie super gentes et super regna, ut evellas, et destruas, et disperdas, et dissipes, et ædifices, et plantes ».

20. *Eamdem legem emendatam promulgat Gregorius.* — Gratias Deo immensa agimus, quod illa tunc data a sancto Gregorio ad metropolitanos tum Orientis tum Occidentis extat Epistola, qua corrigens imperatoris edictum, una cum ipsa illud (ut ipse testatus est) in provincias misit: qua et effecit, ut quod videbatur exitiale esse venenum, in antidotum mutaretur, dum qui non recipiendi essent in monasterium, quive non rejiciendi, salubri definitione constituit. Epistola illa non uno loco collocata, hic ubi ejus Gregorius meminit reitanda, ita se habet²:

21. «Gregorius Eusebio Thessalonicensi, Urbitio Dirachitano, Constantino (sive Constantio) Mediolanensi, Andreae Nicopolitano, Joanni Corinthi, Joanni primæ Justinianæ, Joanni Cretensi Coritano (Scorintano), Joanni Larisso, Mariniano Ravennati, Januario Calaritano Sardinie, et omnibus episcopis Sicilie». Sunt autem omnes superius nominati episcopi sive metropolitani, sive nobilium civitatum antistites, tum in Oriente, tum in Italia et in insulis constituti. Sed audi Epistolam:

22. « Legem quam piissimus imperator dedit, ne fortasse hi qui militiæ vel rationibus sunt publicis obligati, dum causarum suarum periculum fugiunt, ad Ecclesiasticum habitum veniant, vel in monasteriis convertantur, vestre studi fraternitati transmittere: hoc maxime exhortans, quod hi qui seculi actionibus implicati sunt, in clero Ecclesiae præpropere suscipiendi non sunt: quia dum in Ecclesiastico habitu non dissimiliter quam vixerant vivunt, nequaquam student seculum fugere sed mutare. Quod si etiam tales quoque monasterium petunt, suscipiendi nullo modo sunt, nisi prius actionibus publicis absoluti fuerint.

23. « Si qui vero ex militaribus viris numeris in monasteriis converti festinant, non sunt temere

¹ Greg. in Psal. pœnit. iv. — ² Ioah. xix. — ³ Luc. xviii.

¹ Hieron. i. — ² Greg. l. vi. Ep. xi. Indict. i.

suscipiendi, nisi eorum vita fuerit subtiliter inquisita. Et iuxta normam regularem debent in suo habitu per triennium probari, et tunc monachicum habitum. Deo auctore, suscipere. Qui si ita sunt probati atque suscepti, et pro anima sua pœnitentiam de perpetratis culpis agere student; pro eorum vita et luero cœlesti non est eorum conversio remnenda. Qua de re etiam serenissimus et Christianissimus imperator (mibi credite) omnimodo placatur, et libenter eorum conversionem suscepit, quos in rationibus publicis implicatos non esse cognoscit ». Haec tenus Gregorii Epistola : in qua videas in duobus esse emendatum imperatoris edictum, nempe in eo primum, quod prohiberet actionibus publicis implicatos nullo pacto recipiendos in monasterium : hos enim recipiendos esse Gregorius statuit, cum iisdem obligationis nexibus fuerint soluti. Deinde quod imperator statuisset, milites nonnisi absoluto tempore militandi posse ingredi monasterium : vult Gregorius, si probati inventi sint, eosdem recipi et retineri. Sieque vides eundem sanctum Pontificem optime in omnibus explesse numeros constantissimi sacerdotis. Sed jam quæ sunt anni hujus reliqua prosequamur.

24. *De tunica Salvatoris.* — Hoe anno tunica Domini nostri Jesu Christi in Zaphat non longe a Hierosolyma inventa confessione Simeonis Iudæi, a Gregorio episcopo Antiocheno, Thoma Hierosolymano, et Joanne Constantinopolitano transfertur Hierosolymam, ubi publicæ venerationi exposita est. Hæc apud Sigeberlum : antiquorem autem quem de his citem auctorem habeo neminem. Sed diversa ab his ante hæc tempora scribit Gregorius Turonensis de tunica inconsutili, verbis istis¹ : « De hac vero immaculati agni tunica, quæ a quibusdam audivi, sitere nequeo. Ferunt autem, in civitate Galatiæ, in Basilica, quæ ad sanctos Archangelos vocitur, retineri. Est enim bæc civilas ab urbe Constantinopolitana quasi millibus centum quinquaginta. In qua Basilica est crypta abditissima, ibique in area lignea hoc vestimentum habetur inclusum ; quæ arca a devotis atque fidelibus cum summa diligentia adoratur ». Hæc Gregorius Turonensis.

25. *Per litteras et Sabinianum legatum corripit Gregorius Joannem episcopum Constantinopolitanum.* — Misit hoc anno Gregorius papa Constantinopolim Sabinianum diaconum apocrisiarium. Fuit hic ille, qui eidem Gregorio in Pontificatu successit. Huic proficisci dedit litteras ad Joannem Constantinopolitanum episcopum, quem auctoritate Apostolica, qua super omnes eminent, redarguit, quod reprehensionem non eo quo scripta fuerat animo suscepisset. Increpauerat enim litteris iterum, quod monachum quemdam presbyterum fustibus puniri jussisset. Non extant ille ad eum date Gregorii litteræ, neque item ille quas subinfenso animo ipse ad Gregorium rescripsisset

adeo aversas et refractarias, ut dubitare visus sit ipse qui eas accepit Gregorius, num ab ipso Joanne scriptæ fuissent. Sed accipe Gregorii Epistolæ verba, quæ sic se habet² :

26. « Quamvis cause consideratio me movet ad scribendum, tamen et charitas impellit : quia et semel et bis sanctissimo fratri meo domino Joanni scripsi, sed non ejus Epistolas recepi : alter enim mihi secularis quidam sub ejus nomine loquebatur. Quæ si Epistolæ ejus fuerint, ego vigilan non fui, qui longe de eo aliter credidi, quam inveni. De causa enim reverendissimi viri Joannis presbyteri scripseram, atque de quæstionibus monachorum Isauriæ, quorum unus et in sacerdotio positus in Ecclesia vestra fustibus cæsus est ; et rescripsit mihi (sicut ex nomine Epistolæ agnosco) sanctissima fraternitas tua, quia nescierit de qua causa scriberem. Ad quod scriptum vehementer obstupui, mecum tacitus, volvens, si verum dicit, quid esse deterius potest, quam ut agantur talia contra servos Dei, et ipse nesciat qui præsto est ? Quæ enim potest esse pastoris excusatio, si lupus oves comedit, et pastor nescit ? Si autem scivit sanctitas vestra et de qua causa scripserim, et quid, vel contra Joannem presbyterum, vel contra Anastasium Isauriæ monachum atque presbyterum gestum sit, et mihi scripsit contra hoc : ego nesciam quid respondeam ; quando per Scripturam snam Veritas dicit³ : Os quod mentitur, occidit animam. Requiro, frater sanctissime : illa tanta abstinentia ad hoc pervenit, ut fratri suo ea quæ novit gesta, negando velit abscondere ? Numquid non melius fuerat in illud os carnes ad vescendum ingredi, quam de eo falsum sermonem ad illudendum proximum exire ? præcipue cum Veritas dicat⁴ : Non quod intrat in os, coquinat hominem, etc. » Demum vero de his quæ ad causam spectant, hæc ad finem subjicit :

27. « Sed etiam nunc jam dico, aut easdem personas in suis ordinibus suscipe, eisque quietem præbe : aut si hoc fortasse notueris, omni mihi alteratione postposita, de eorum causa statuta majorum et canonum terminos custodi. Si vero neutrini feceris, nos quidem rixam inferre nolumus, sed tamen venientem a vobis non devitamus. Quid autem de episcopis qui verberibus timeri volunt, canones dicant, bene vestra fraternitas novit. Pastores etenim facti sumus, non percussores. Et egregius prædictor dicit⁵ : Argue, obsecra, increpa, in omni patientia et doctrina. Nova vero atque inandita est ista prædicatio, quæ verberibus exigit fidem. Sed de his multa in Epistolis loqui non debeo : quia dilectissimum filium meum Sabinianum diaconum pro responsis Ecclesiasticis faciens ad dominorum vestigia transmisit, qui vobiscum cuncta subtilius loquitur, etc. » Ex his intelligis, injuriam passos a suis patriarchis appellare solitos Ro-

¹ Greg. Tur. mirac. l. i. c. 8.

² Greg. l. ii. Ep. LII. Indict. XI. — ³ Sæp. I. — ⁴ Matth. xv. — ⁵ 2. Tim. iv.

manum Pontificem, et ab ipso adversus eorumdem perperam facta auxilium implorare; ipsum vero Romanum Pontificem officio non defuisse suo, ut quibuscumque injuste oppressis opem ferret.

28. Quod autem ad Ecclesiasticam animadversiōnem pertinet: velitum quidem fuisse aliquem fustibus cædi, certum est: virgis vero subiecere rem fuisse concessum, ex pluribus ejusdem Gregorii Epistolis patet. Ad hoc ipsum spectat, quod idem Gregorius Tarentinum episcopum Andream nomine, hoc eodem anno, duobus mensibus a celebratione missarum voluit¹ abstinere, eo quod mulierem quamdam fustibus subjecisset; privat vero sacerdotio, si (ut ferebatur) concubinae esset consortio maculatus. Sed ad Sabinianum redeamus.

29. *Coneilium Numidiæ Gregorius redarguit.* — Dedit eidem Sabiniano diacono litteras ad Prismum patricium² virum piissimum, cum jam in gratiam imperatoris rediisset, docens ipsum, vitæ presentis inconstantiam bene cedere Christiano, ne in rebus mundi hujus radices figat: sed qua occasione id asserat, inferius dicturi sumus. Commendat eidem demum eumdem Sabinianum. Cui pariter alias dedit³ ad Theotinum imperatoris medicum, amicum intimum ipsum Sabinianum aequè commendans. Sed et ad Narsetem patricium pariter scripsit; ubi in causa Joannis episcopi Constantinopolitanus quo animo esset, declarat his verbis⁴: « Charitati tuae breviter fateor, quia omni virtute et omni pondere eamdem causam, auxiliante omnipotente Deo, exigere paratus sum. In qua si videro Sedis Apostolice canones non servari, dabit omnipotens Deus quid contra contemptores ejus faciam ». Qui igitur Apostolica auctoritate (ut vidimus) coercuit Constantinopolitanum patriarcham, eadem quoque res Africane Ecclesiae curans, Coneilium generale ab episcopis Numidiæ provinciae habitum⁵ nullum penitus redditum atque cassum, eo quod in eo aliqua contra Ecclesiasticos canones accepisset fuisse statuta. Sed rem ab exordio repetamus. De eodem cogendo Concilio hoc eodem anno litteras Gregorius dedit⁶ ad provincie Numidiæ Adeodatum episcopum, atque alias ad Columbum⁷ in eadem provincia item episcopum, cui et pro benedictione claves S. Petri transmisit cum ramentis de catena ejusdem S. Petri in eis inclusis. Cum igitur ad Coneilium celebrandum Numidiæ provinciae episcopi convenissent, et præter jus fasque aliqua statuerint: eadem cum rescisset ipse Gregorius, qui residebat inspector et custos sacrorum canonum, nullius ea voluit esse auctoritatis, ita de his scribens⁸ ad eumdem Gennadium exarchum, de quo summa cum laude supra mentio facta est:

30. « Satis credimus religiosam excellentiam vestre mentem adversus ea maxime que in Ecclesiis geruntur incongrua, divini auctoris annulata-

tione succendi. Tanto igitur Ecclesiasticarum correptionem causarum vobis libenter ingerimus, quanto de pia vestra mentis intentione contidimus. Cognoscat siquidem excellentia vestra, quibusdam de Africanis partibus venientibus, ad nos fuisse perlatum, plura in Concilio Numidiæ contra Patrum tramitem atque canonum statuta committi. Quarum rerum frequentes querelas, quia diutins tolerare nullatenus potuimus, Columbo fratri et coepiscopo nostro, de cuius gravitate ipsa ejus quæ percrebuit dubitare jam non permittit opinio, commisimus perquirendas. Quamobrem paterno salutantes affectu, hortamur excellentiam vestram, in cunctis que ad Ecclesiasticam correptionem pertinent, vestri robur ei subrogetis auxiliū: ne si quod male geritur, quæsitum vel vindicatum non fuerit, longorum usurpatione temporum, cum majori licentia in futuris crescat excessibus. Seito autem, excellentissime fili, si victorias quæritis, si de commissâ vobis provinciae securitate tractatis, nihil vobis magis aliud ad hoc proficeret, quam zelari sacerdotum vitas, et intestina Ecclesiarum, quantum possibile est, bella compescere ». Haec ad Gennadium: ex quibus perspicue intelligas, Romani solius esse Pontificis, quæ ab aliis sunt facta episopis, decretave in ipsorum Coneiliis, probare, sive rejicere; ut illa duntaxat firma sint, quæ ipse in partita sibi divinitus facultate firmaverit.

31. *Theodolindam reginam Gregorius a schismaticorum fraudibus deterret.* — Quod insuper Gregorium Romanum Pontificem non mediocriter hoc anno afflitiv, illud fuit, quod laboravit factio schismaticorum, ut Theodolindam Longobardorum reginam religiosissimam feminam in schisma seducerent episcopi tres schismatici, qui creato Constantio Mediolanensi episcopo, ab ejus communione secesserant, quod Trium Capitulorum damnationi consensisset: eo nimis colore illi reginam ex more decipientes, quod per Romanos Pontifices ac per quintam Synodum dicherent aliquid fuisse detractum saero Chalcedonensi Coneilio. Quod cum Gregorius accepisset, considerans magnum immunitum periculum, ut una cum ipsa regina gens Longobardorum universa in eamdem schismatis ruinam preceps abduceretur; continuo ad eam misit Joannem abbatem, et Hippolytum notarium, ut quæ sana, sancta, pia veraque essent, ipsam docere cunrarent. Extat ipsius Gregorii de his ad eam Epistola hoc amo scripta verbis istis⁹:

32. « Quorundam ad nos relatione pervenit, ab aliquibus episcopis gloriam vestram usque ad hoc scandalum contra sanctam Ecclesiam fuisse perductam, ut sese a Catholicæ unanimitatis communione suspenderet. Quod quantum vos pure diligimus, tantum de vobis fortius dolemus, quia vos imperitis stultisque hominibus creditis, qui non solum ea quæ loquuntur nesciunt, sed vix ea percipere, quæ audierint, possunt. Dicunt enim, pia-

¹ Greg. l. ii. Ep. XLIV. Indict. XI. — ² Ibid. Ep. LI. Ind. XI. — ³ Ibid. Ep. LXVI. Ind. XI. — ⁴ Ibid. Ep. LXIV. Ind. XI. — ⁵ Greg. l. III. Ep. VII. Ind. XII. — ⁶ Greg. l. II. Ep. XLVIII. Ind. XI. — ⁷ Ibid. Ep. XLII. Ind. XI. — ⁸ Ibid. Ep. VII. Ind. XI.

⁹ Greg. l. III. Ep. IV. Ind. XII.

memoriae Justiniani temporibus aliqua contra Chalcedonensem Synodum fuisse constituta; qui dum neque legunt, neque legentibus credunt, in ipso errore manent, quem sibi de nobis ipsi finxerunt. Nos enim, teste conscientia, fatemur de fide ejusdem sancti Chalcedonensis Concilii nihil motum, nihil esse violatum. Sed quicquid praedicti Justiniani temporibus actum est, ita actum est, ut fides Chalcedonensis Concilii in nullo vexaretur. Si quis autem contra ejusdem Synodi fidem aliquid loqui præsumit, vel sapere, nos ejus sensum sub anathematis interpositione detestamur.

33. « Cum ergo integratam nostram ex conscientiae nostrae attestatione cognoscitis, superest ut nunquam (nequaquam) vos a Catholicæ Ecclesiæ communione separatis: ne tot vestra lacrymae, tantaque bona opera pereant, si a fide vera inventiuntur aliena. Decet ergo gloriam vestram, ad reverendissimum fratrem et coepiscopum meum Constantium, cuius et fides et vita bene olim mihi approbata est, sub omni celeritate transmittere, ei que direclis vestris Epistolis iudicare ordinationem ejus, quam benigne suscepistis, et quia ab ejus Ecclesiæ communione in nullo separamini. Quamvis in hac re me vobis superflue dicere arbitror: quia etsi quid in vestro animo dubietatis fuit, veniente filio meo Joanne abbate, atque Hippolylo notario, ex corde vestro arbitror fuisse sublatum ». Ille ad Theodolindam reginam Gregorius.

34. *De electione Constantii episcopi Mediolanensis, ad quem Epistola Gregorii.* — Quod vero spectat ad Constantium cuius hic Gregorius meminit, rogatque Theodolindam, ne ab ejus se communione separat: de ipso ejusque ordinatione agamus opus est. Fuit hic Mediolanensis nuper (ut dictum est) post Laurentium juniorem creatus episcopus, ut ex ipsis Gregorii litteris antea datis appareat, et illis in primis¹ quas reddidit ad clericum Mediolanensem de ipso ordinando Constantio ejusdem Ecclesiæ diacono, qui ipsi Gregorio agenti apocrisiarii Constantinopolii familiaris inhæserat, atque in omnibus irreprehensibilis probatus fuerat. Quem licet ita probum probatumque ipse Gregorius compertum haberet, pro ejus tamen electione nihil officii impendere voluit: quod scilicet hoc in mentis proposito fixum habuisset, pro nullius episcopi electione se acturum. Sed audi ejus verba magna quidem consideratione digna:

35. « Cum, inquit, in urbe regia responsa Sedi Apostolicæ facerem, longo mili tempore adhæsit; sed nihil unquam in illo quod reprehendi passim potuisset, inveni. Verumtamen quia antiquæ mee deliberationis intentio est, ad suscipienda pastoralis euæ onera, pro nullius unquam misceri persona; orationibus prosequor electionem vestram ». Ille ipse, hortans eos, ut quem optimum cernerent, eum eligerent, monens etiam bene componere mores suos, ut dignum ea sede mereri possent ob-

tinere pastorem: simulque ostendit quam esset infelix ejus Ecclesiæ ob tot bella conditio; ait enim: « Sed quia juxta meritum plebium soleut superno judicio personæ provideri pastorum: vos spiritualia querite, cælestia amate, temporalia ut fugitiva despicate: et certissimum tenete quia placenter Deo pastorem habebitis, si vos in vestrīs actibus Deo placetis. Eece jam mundi hujus omnia perdita conspicimus, quæ in sacris paginis audiebamus peritura. Eversæ urbes, castra eruta, Ecclesiæ destruetæ: nullus terram vestram cultor inhabitat: in nobis paucissimis, qui ad modicum derelicti sumus, cum supernæ persecutionis cladibus humanus gladius incessanter stetit ». Quod ait derelictam cultoribus terram Mediolanensem, probe convenit iis quæ superius dicta sunt, nimirum Francos infesto exercitu eam provinciam invasisse, atque homines in Gallias captivos abduxisse.

36. Ubi autem Gregorius electum novit Constantium quem optabat, de ejus consecratione quæ absque consensu Apostolicæ Sedi fieri non valebat, hæc habet scribens ad Joannem subdiaconum²: « Quanto Apostolica Sedes, Deo auctore, cunctis prælata constat Ecclesiis: tanto inter multiplices curas et illa nos valde sollicitat, ubi ad consecrandum antisitem nostrum exspectatur arbitrium, etc. » Voluit et absentium Mediolanenum, qui Genuam ob Barbaricum metum confugerant, persecutari voluntates. Porro non aliter assensus de electo impendi solet ab Apostolica Sede, nisi emissa Catholicæ fidei professione, ut ex iis quæ paulo post dicentur appareat. Scripsit de iisdem Gregorius³ ad Romanum exarchum, commendans eumdem Constantium jam electum. Alias item litteras⁴ dedit ipsi Constantio, congratulatus electioni ipsius, cum ab eo alias litteras accepisset: quem et monet in cura pastorali quam sollicite agere. At tunc accidit quod dictum est, nempe ut cum probandus ab Apostolica Sede electus fidem Catholicam professus, assensum quoque prebuisset damnationi Trium Capitulorum: tres illi episcopi ipsi subjecti se ab ejus communione subtraxerint, abducere conantes in schisma una secum reginam Longobardorum Theodolindam. Quod audiens Gregorius, ad Constantium ipsum has litteras dedit pro reparatione periclitantis reginæ⁵:

37. « Dilectissimus filius meus Bonifacius diaconus quiddam mihi ex scripto fraternalis tuæ secreto nuntiavit, quod exquisita occasione politus, quam inventa, tres se episcopi a pia fraternalitatis vestræ communione separaverint, dicentes, vos in damnationem Trium Capitulorum consensisse, atque cautionem fecisse. Et quidem si quid de Tribus Capitulis in quoemque vel verbo vel scripto nominatum est, bene fraternalis tua reminiscitur: quamvis decessor fraternalitatis tuæ Laurentius districtissimam cautionem Sedi Apostolicæ emiserit, in qua

¹ Greg. l. ii. Ep. xxix. Ind. xi.

² Greg. l. ii. Ep. xxx. Indict. xi. — ³ Ibid. Ep. xii. Indict. xl.

⁴ Greg. l. iii. Ep. xii. Ind. xii. — ⁵ Ibid. Ep. ii. Ind. xi.

viri nobilissimi ex legitimo numero subscripti erunt, inter quos ego quoque hunc Urbanam prætoram gerens pariter subscripti. Quia postquam talis scissura pro nulla re facta est, justum fuit ut Sedes Apostolica curam gereret, quatenus unitatem universalis Ecclesie in sacerdotum mentibus per omnia custodiret.

38. « Quod autem dicitur, tiliam nostram Theodolindam reginam sese a communione tua, hoc auditio munio, suspendisse: constat per omnia, quia etsi pravorum hominum verbis ad paubulum seducta est, venientibus tamen Hippolyto notario, et Joanne abate, erit modis omnibus vestrae fraternitatis communionem quæsitura. Cui etiam meas Epistolæ direxi, quas fraternalitas vestra sine dilatione transmittat. De episcopis vero qui se suspendere visi sunt, aliam Epistolam feci, quam cum eis ostendi feceris, eos non ambigo de superstitione suæ superbiæ apud fraternitatem tuam penitentiam acturos ». Hæc de schismaticis. Desiderantur autem litteræ illæ Gregorii, quas ad eosdem schismaticos se scriptisse festinatur. Extant vero aliae ejusdem argumenti ipsius Gregorii litteræ ad eundem Constantium¹, in quibus haec ad curandos schismaticos, qui prætextu lœsi Concilii Chalcedonensis ab Ecclesia descivissent:

39. « Nos enim, inquit, auctore veritate, teste conscientia, fatemur, nos fidem sanctæ Chalcedonensis Synodi per omnia illibatam custodire, nihilque ejus definitioni addere, nihilve subtrahere audere. Sed si quis contra eam, ejusdemque Synodi fidem, sive plus minusve ad sapiendum appetit usurpare, eum, omni dilatione postposita, anathematizamus, atque a simi matris Ecclesiæ alienum esse decernimus. Quem igitur ista mea confessio non sanat, non jam Chalcedoneusem Synodum diligit, sed matris Ecclesiæ simum odit. Si ergo ea ipsa quæ audere visi sunt, zelo loqui animæ præsumperunt: superest ut hac satisfactione suscepta, ad fraternitatis tuæ unitatem redeant, seque a corpore Christi (quod est sancta universalis Ecclesia) non dividant ». Haec tamen ipsius Gregorii contestatio: atque hic finis de rebus gestis in causa schismatiscorum hoc anno. Constat autem aliquandiu ipsam Theodolindam in eadem enim schismaticis sententia perstitisse: ut quæ anno sequenti contigerunt, edocent.

40. *Schismaticis resipiscentibus consulit Gregorius.* — Qui igitur hac prævia admonitione redierunt, ad Ecclesiam, ab ipso Gregorio benigne suscepti sunt. Extat enim hoc anno ab ipso data Epistola ad Maximianum Syracusanum de quodam Felice diacono ex schismatis errore converso, his verbis conscripta²: « Præsentium labor Felix diaconus, enim nullatenus in haereticorum dogmata lapsus sit, nec a Catholica fide discesserit, pravis illectus adversus Constantinopolitanam Synodum suspicionibus, in Hystricorum se separatione remo-

verat. Qui cum Romanum venisset, recepla a nobis juvante Domino ratione, excessum suum, recepta Dominici corporis et sanguinis communione correxit. Quia ergo (ut dictum est) non in haeresim incidit, sed a sacris generalis Ecclesie mysteriis quasi recte studio intentionis erravit: imbecillitati ejus atque necessitatibus consulentes, maximeque sustentationi ejus pietatis intuitu providentes, in tua Ecclesia Syracusana cum prævidimus cardinandum: sive ut officium diaconatus expletat, seu certe ut sola ejusdem officii pro sustentanda pauperitate sua commoda consequatur, in tuae fraternitatis volumus hoc pendere iudicio. Quod hortamur ut tua fraternitas implere festinet, commendantes etiam personam ejus quatenus nullis eum patiaris molestiis aut necessitatibus subjacere: ne vel nostræ commendationis inveniaris tramitem neglexisse, vel minus exhibuisse, quam tuus exigit ordo pauperibus; quia et nos ei annuum quid de nostra Ecclesia dari fecimus, ut ejusdem operis, quod te hortamur exhibere, participes esse possemus ». Hæc pro schismatico ad Ecclesiam reverso Gregorius: quibus cum commendandam video erga lapsos ejus charitatem, habes etiam ut intelligas et confirmes quæ eodem Gregorio auctore dicta sunt ante, nimicum cum in quinta Synodo non actum sit de fide, sed de personis, in eam peccantes nequam fuisse dicendos haereticos, sed tantum schismaticos: si vero aliquando haeretici dicti iidem inventantur, id de illis tantum accipi, qui obstinati nimis in errore permanere statuerint, tuncque fieri, ut schisma in haeresim transeat, ut alias superius pluribus dictum est.

41. *Gregorius captans recessum scribit libros Dialogorum, quos postea in græcum vertit Zacharia papa.* — Inter hæc autem idem sanctissimus pater laboribus et angustiis fatigatus et pressus, ad modicum temporis spatium amicam repetit solitudinem, ita tamen, ut in otio esset maxime operosus: meditatus quippe scribere libros Dialogorum, eos anno quarto sui Pontificatus, qui ingreditur hoc anno mense Septembri una cum duodecima Indictione, vigilantissimo studio elaboravit. Collegerat enim res præclare gestas sanctissimorum virorum Italiæ, eorum potissimum qui sua ætate vixerunt, quas vel ipse probe sciret, vel a viris fide dignissimis accepisset, diligentissimam in his curam impendens, ut vide est ex ipsius Epistola hoc anno data ad Maximum Syracusanum episcopum verbis istis³:

42. « Fratres mei qui mecum familiariter vivunt, omnimodo me coimpellunt aliqua de miraculis Patrum, que in Italia facta audiivimus, sub brevitate scribere. Ad quam rem solatio vestrae charitatis veheanter indigo, ut ea quæ vobis in memoriam redeunt, que cognovisse vos contigit, mihi breviter indicetis. De domino enim Nonnoso abbe qui juxta dominum Anastasiom de Pentinis fuit, aliqua retulisse te memini, quæ oblivioni mandavi.

¹ Greg. L. iii, Ep. iii, Ind. xii. — ² Ibid. Ep. xiv, Ind. xii.

³ Greg. L. ii, Ep. L, Ind. xi.

Et hoc igitur, et si qua sunt talia, tuis per Epistolis imprimi, et mibi sub celeritate transmitti, si tamen ad me ipse non properas ». Hæc ad Maximianum, mirificum illum virum ipsius Gregorii monasterii sancti Andreæ antea prefectum, quem secum (ut vidimus superiori tomo) Constantiopolini duxit. Porro id genus alias litteras ad diversos scripsisse, cum hujusmodi meditaretur opus, nulli dubium esse potest: siquidem a diversis, quos testes citat, ea quæ scribit, se accepisse cum testetur, eosdem vel accersisse Romanum, vel litteris admonuisse, ut quæ scirent scriberent (ut fecit cum Maximiano) necesse est affirmare.

43. Porro quod absolvisset idem S. Gregorius opus quadraginta homiliarum, in quibus contigerat (ut ex eis apparet) aliquid hujusmodi inter concionandum referre mirabilium rerum: incendit animos fratrum suorum, quos referit, et puto, aliorum, qui et eum sæpe rogarint, ut quæ reliqua essent, una cum illis perpetuitati (ne oblivione delerentur) consecraret scriptis suorum temporum monumentis: quod egregie prestitit, ipsaque cuncta per dialogismum prosecutus est, adhibens secum in ea solitudine Petrum diaconum, virum a pueritia sibi usu amicitiae intimum. Quæ ipse omnia in exordio operis aperit, cum ita prefatur¹:

44. « Quadam die mmiis quorumdam sacerdrium tumultibus depresso, quibus in suis negotiis plerumque cogimur solvere etiam quod nos certum est non debere ». Ha dicens, videtur plane alludere ad controversiam illam, quam exercuit cum Mauritio imperatore de iniqua lege ab ipso edita, quam ad tempus perferre cogeretur, licet ea minime posset obstringi. Sed pergit, dicens: « Secretum locum petri amicum mœrori, ubi omne quod de mea mibi occupatione displicebat, se patenter ostenderet, et cuncta quæ infligere dolorem consueverant, congesta ante oculos licenter venrent. Ibi itaque cum afflictus valde et dum tacitus sederem, dilectissimus filius meus Petrus diaconus affuit, qui mibi a primævo juventutis flore in amicitiis familiariter obstrictus est, atque ad sacri verbi indagationem socius. Qui gravi exequi cordis languore me intuens, ait: Numquidnam novi tibi atiquid accidit, quod plus te solito mœror tenet? Cui inquam: Mœror Petre, quem quotidie patior et semper mihi per usum vetus est, et semper per argumentum novus, etc. »

45. Quod S. Gregorium scriptorum Dialogos, quibus historia texeretur, caplasse recessum lego, non ita vero cum alias scriptiones adorsus est: mili in mentem veniunt, quæ de his Cicero, que Plinius, sive alii in eamdem sententiam scriptis prodidere. Omnibus namque solutum esse negotiis oportere, qui in ea se exercere vult facultate, Cicero tradidit². Plinius itidem rogatus scribere historiam, eamdem excusationem affert, nimisrum non esse sibi integrum id aggredi, nisi secretum solita-

riumque locum aliis liber negotiis petat, quod tradit ad Eumtium scribens¹. Ille autem volui consideranda proposuisse, quo, si minus forte omnes explesse me numeros in Annalibus conscribendis quis invenerit, excusat, quod nunquam mibi lieuerit vel diem unam vacuam ab interventoribus, absque alienis curis atque molestiis, felicem albo signandam lapide, transigere solitarium.

46. Porro quod ad sancti Gregorii Dialogos pertinet, non taceamus eosdem a Zacharia papa fuisse ex latino in græcum conversos, ita plane expertentibus Græcis Romanas merces, quas noscerent omni penitus impostura carere. Sed quid accidit? eorum posteri eosdem postea alicubi polluerunt, ut Joannes diaconus observavit: nempe, quod S. Gregorius germane sincereque secundum majorum assertionem habet in fine secundi libri ipsorum Dialogorum, Spiritum sanctum a Patre Filioque procedere, corruerunt illi textum, ut græce diceret, a Patre tantum procedere, dempto nomine Filii. Sed audi Joannem diaconum²: « Quos libros Zacharias sanctæ Ecclesiæ Romanæ episcopus græco latinoque sermone doctissimus temporibus Constantini imper. post annos ferme centum septuaginta quinque in græcam linguan convertens, Orientalibus Ecclesiis divulgavit: quamvis astuta Græcorum perversitas in commemoratione Spiritus sancti a Patre procedentis, nomen Filii suapliu radens abstulerit ». Ille Joannes Germani autem latini Codices eo loco ita habent: « Cum enim constet, quia paracletus Spiritus a Patre semper procedat, et Filio: cur se Filius recessurum dicit, ut ille veniat? etc. »

47. Sed antequam de impostura Græcorum agamus, corrigendum est in primis ipse Joannes, dum annos ferme centum septuaginta quinque intercurrisse ait a scriptione Gregorii usque ad Zachariam Pontificem, cum nennisi anni sint centum quadraginta oculo. Quod vero ad imposturam pertinet, indequaque confitatur et convincitur illorum Græcorum perversitas. Etenim non Latini tantum Patres ejus senleniae hoc tempore fuerunt assertores, sed et Græci. Qui enim bis temporibus luce plurima claruit in Oriente Anastasius Sinaita Antiochenus episcopus, ad quem plures extant ejusdem S. Gregorii papæ Epistole, ista habet in libro primo de rectis fidei Catholice dogmatibus: « Rursum ipse Spiritus ab ipso procedit, nisitum non a Patre solo, sed et a Filio, quemadmodum ait ipse Dominus: Paracletus quem mittet vobis Pater. Et rursus: Si abierto, mittam eum ad vos, etc. » Sed et hanc Græci existimant Latinorum imposturam, dum vident hanc sententiam citatam et recitatam ab ipsorum homine, docto viro, Andrea episcopo Colossensi in Actione septima Concilii Ferrariensis. Ex his, lector, cætera cognoscere satis potes, et quomodo ipsorum obstinatae mentes digne luant poenas sub Turca tyranno.

¹ Greg. dial. I. i. in pref. — ² Cic. de leg. I. i.

¹ Plin. I. v. Ep. VIII. — ² Joan. diae. Vit. S. Greg. I. iv. c. 75.

48. Ceterum ne quid de tempore dubiles scriptorum a Gregorio Dialogorum : elaboratos eos esse anno quarto ipsius Pontificatus, ejusdem sepe testificatione certum redditur. Ita quidem colligere licet ex pluribus locis¹ quarti et ultimi ipsorum libri, in quibus cum de peste mentionem facit, quae Urbem depasta est eo anno quo ipse Pontifex creatus fuit, ante triennium accidisse, semper affirmat.

49. *Nonnulli episcopi corripiuntur a Gregorio.*
— At secessio illa brevis, et otium illud haud omnino Pontificalibus negotiis feriatum extitit, ut datae hoc anno ab eo Epistolæ docent : nam inter alia altercandum ipsi sunt cum Joanne archiepiscopo Ravennate, quod praeter Ecclesiasticam consuetudinem nec tempore nec loco decenti pallio uteretur. Qui et obiurgatus cum perindigne id tulisset, haec ad eum initio ferme Epistolæ Gregorius habet² : « Contra morem quippe Ecclesiasticum est, si non patientissime toleratur (quod a nobis absit) etiam iusta correptio, etc. » Ex quibus quidem verbis satis percipere posse, quanta ab universis episcopis reverentia et observantia Summo Pontifici deferretur, cum licet injuste correpti, non resilire, sed patienter ferre solerent. Extat ad hanc Gregori correptionem responsio Joannis ipsius episcopi Ravennatis, qua demisso admodum animo se excusat : habetur non suo loco in veteri editione, sine titulo Ecclesiæ Ravennatis, libro decimo, Epistola quinquagesima sexta. Ubi inter alia :

50. « Recolo me, inquit, in sinu atque in gremio sacro sancte Ecclesiæ vestrae Romanæ et nutritum, et Deo auxiliante proiectum. Et quibus ausibns ego sanctissimæ illi Sedi, que universalis Ecclesiæ jura sua transmittit, præsumperim obviare, propter cuius conservandam auctoritatem (sicut Deo manifestum est) nullorum contra me inimicorum invidiam graviter exitavi? » Et in fine : « Quia ergo universa privilegia, que sanctæ Ravennati Ecclesiæ a prædecessoribus vestris inducta sunt, pro majori satisfactione subjici, in scrienis venerabilibus, secundum consecrationum decessorum meorum tempora, fidem nihilominus reperitis : nunc vero in Dei et vestra est potestate, quicquid veritate cognita terti jussuris. Quoniam ego jussionibus Apostolatus domini mei parere desiderans (quamvis antiqua consuetudo obtinuit) usque ad sanctam jussionem parere curavi ». Haec Joannes, ingenue professus veritatem, omnia nimis privilegia Ravennatis Ecclesiæ esse collata a Romanis Pontificibus. Ex quibus redarguimus illos, qui ea præ se ferunt ab imperatoribus esse collata, quos alias suo loco redarguimus.

51. Corripuit insuper idem Pontifex Gregorius diversis ex causis diversos³ alios episcopos, ut Felicem Sipontinum, quod ejus nepos stuprum perpetrasset : in ipsum episcopum redundare sectus affirmans, quod ab ejus nepote admissum esset ;

nam ait : « Exspectabamus fraternitatem tuam sua aliquos ad Deum predicatione convertere, et male agentes ad relictitudinem revocare. Quare nimis contristamus, quia e diverso in nepotis tui Felicis pravitate, tua evidenter, qui tales nutristi, culpa monstrata est ». Insuper quod et hunc dilapidare bona Ecclesie andisset, duos ad eum misit notarios, qui Inventarium, sive Breve (ut dicebatur) sive matriculam conficerent de rebus mobilibus ejus Ecclesie. Redarguit rursus eumdem, quod clericum sue Ecclesie ab hostibus captum non redemerit : « Nam valde, inquit⁴, durum est, si de Ecclesia, cui militat, remedium nullum inveniat ». Andream præterea episcopum Tarentinum ob concubinatum et nimiam in corrigoendo severitatem adhibitam punxit⁵. Damnatum item Paulum episcopum, in monasterio ad penitentiam agendum manere voluit⁶. Redegit pariter in ordinem Agathonem episcopum Liparitanum, quem tamen ex illa Ecclesia voluit accipere alimenta⁷. Insuper et Bonifacium Regitanum episcopum redarguit, quod simeret clerum suum solute absque Ecclesiastica disciplina vivere ; nam ait⁸ : « Contumelia siquidem sacerdotum est, de divinis cultibus admoneri. Quod enim ipsi debent exigere, exiguntur ».

52. Fuerunt etiam a Gregorio corripiendi episcopi omnes Dalmatiae provincie, eo quod vacante hoc anno sede Salonitana ob Natalis ejus episcopi obitum, cum de procuranda successoris electione ipse Gregorius haud mediocriter sollicitus esset, electo⁹ primum ab ejusdem Ecclesie clero Honrato diacono, quem de criminibus objectis Gregorius ipse innocentem absolvit : iidem Dalmatiae episcopi Maximum quemdam pravum hominem ejusdem Ecclesie deligere studuerunt metropolitatum episcopum. Haec nefanda Gregorius audiens, Apostolica fultus auctoritate, non solum Maximum rejecit, sed et ne inconsulta Apostolica Sede alium quemvis eligerent, eisdem præcepit, ita ipsos redarguens¹⁰ :

53. « Oportuerat quidem fraternitatem vestram divini respectu judicii, clavis carnibus oculis, nihil quod ad Deum pertinet a recta intentis intentione omittere, nec cuiuslibet hominis faciem relictitudini justitiae præponere. Sed postquam mores vestri ita sunt secularibus traducti negotiis, ut obliviousentes omnem sacerdotalis in vobis honoris tramitem, cunctumque superni metus intuitum, non quid Deo, sed quid vobis placeat, studeatis explorare : necesse habuimus haec ad vos districtiora specialiter scripta transmittere, quibus ex beati Petri principis Apostolorum auctoritate præcipimus, ut nulli penitus extra consensum permissionemque nostram quantum ad episcopatus ordinationem perficit, in Salonitana civitate manus præsumatis imponere, nec quemquam in civitate ipsa aliter

¹ Greg. I. III. Ep. xvii. Ind. XII. — ² Greg. I. II. Ep. XLIV. XLV. Ind. XI. — ³ Ibid. Ep. XLIX. Ind. XI. — ⁴ Ibid. Ep. LIII. — ⁵ Greg. I. III. Ep. V. — ⁶ Greg. I. II. Ep. XXII. Ind. XI. Ep. XXXII. Greg. I. II. Ep. XLVI. Ind. XI. — ⁷ Greg. I. III. Ep. XV. Ind. XII.

⁸ Greg. dial. I. IV. c. 16. 36. 47. 55. — ⁹ Greg. I. II. Ep. LIV. Ind. XI. — ¹⁰ Ibid. Ep. XL. XLI. XLII. Ind. XI.

quani diximus ordinare. Quod si contra haec quipiam vel sponte vestra, vel a qualibet coacti praesumpseritis vel tentaveritis agere : decernimus vos a Dominici corporis et sanguinis participatione privatos, etc. »

54. Quomodo autem contra prohibitionem iidem ordinantes Maximum excommunicati sunt, et ordinatus inordinatus remansit, dicetur anno sequenti, quo contigit ; cum Apostolica Sedis vigorem, quantum esset, experiri coacti sunt contumaces. Pendebat adhuc et electio Neapolitani episcopi : quando revocans curatorem Paulum, idem Gregorius¹ litteris urgens, effecit tandem ut Fortunatus eligeretur : quem de munere suo digne explendi datis ad eum litteris monuit², deque consecrando monasterio Gratiost abbatissae mandavit. Misit³ etiam Gregorius in Achaiam, qui causam Hadriani episcopi cognosceret, licet inter reum et accusatorem transactum esset. Haec de rebus eum episcopis peractis.

55. *Gregorii plura documenta ad monachos aliosque ; cura de pauperibus ac bonis temporibus.* — Sed quam curam hoc anno adhibuerit monasteriis, monachorumque disciplinae, videamus. Disciles enim monachos coercuit, abbateunque post lapsum creatum digna plecti censura voluit, ac loco deponi : voluit etiam auferri⁴ baptisteria ab Ecclesiis monachorum, ne quavis occasione conversatione saeculari detinerentur. Praecepit insuper, ut monialium negotia obciunda subire deberet per suos ministros episcopos, ne ille egredi monasteriorum septa ea occasione cogerentur⁵ : lapsas virgines arctiori curavit penitentiae subiecendas. Addidit item, scribens ad Maximianum Syracusanum episcopum, ne quis unquam clericorum praeficeretur abbas monasterio⁶ : quem et monuit, ne juvencula abbatissae eligerentur, sed tantum sexagenariae.

56. Qui igitur corripuit (ut vidimus) inquietos, non destitit pusillanimes et in variis afflictionibus positos consolari, consulens singulorum opportunitatibus pro facultate : restituui enim voluit occupatam domum Florae abbatissae⁷ : insuper pupillis reddi parentis bona, licet Ecclesiae obligata. Redarguit Ariminenses, quod non compassiessent suo episcopo. Presbyterum Mediolanensem insontem excommunicatum mandat absolvit. Dedit litteras ad omnes episcopos Italie pro Armenio orphano genere nobis. Egit pro episcopo Festo a suo populo contempto. Pro Theodosia femina adversus Januarium Calaritanum episcopum, scripsit ad suos, necnon ad ipsam episcopum⁸. Itemque ad Regitanum episcopum⁹ pro Stephania femina oppressa. Mancipa Christiana¹⁰ a Nasate Iudeo empta reddi libertati mandavit, ipsum insuper puniri, quod lueri causa captandi, Eliae prophetae nomine erexisset altare,

¹ Greg. I. II. Ep. XXXV. Ind. XI. — ² Ibid. Ep. LIX. LX. Ind. XI. — ³ Ibid. Ep. XXXVIII. Ind. XI. — ⁴ Ibid. Ep. LXI. — ⁵ Greg. I. III. Ep. IX. Indict. XII. — ⁶ Ibid. Ep. XI. Ind. XII. — ⁷ Greg. I. II. Ep. XVII. et XXI. Ind. XI. et Ep. XXIV. XXVIII. XXXV. — ⁸ Ibid. XXXVI. Ind. XI. et I. III. Ep. VIII. Ind. XII. — ⁹ Ibid. Ep. XLIII. Ind. XI. — ¹⁰ Ibid. Ep. XXXVII. Ind. XI.

invitans Christianos ad cultum Eliae. Insuper puelam¹ servituti obnoxiam, monasticam vitam amplecti eupientem, redimi Ecclesie pecunia voluit, nt voti compos effici posset. Cosmæ debita, quorum causa filios habebat a creditoribus detentos, dissolvi mandavit² : pariter et auxiliatus est Petronillæ conversæ vim passæ³. Alias itidem pro oppressis ad Maximianum Syracusanum episcopum litteras dedit⁴, subvenitque presbytero ob aegritudinem ab episcopo pulso. Vetus praeterea Iudeorum ancillas vel servos ad Ecclesiam fugientes eisdem reddi⁵. Cum autem audisset, in angulo quodam Siciliae adhuc reperiri quosdam idololatras et angelorum cultores, (quæ Iudeorum haeresis erat) loci episcopum Eutychium admonuit⁶ pro eorum conversione strenue labore.

57. Bona praeterea Ecclesie sic conservari voluit, ut tamen pauperum rationem haberi præcipnam jusscrit, ut appareat ex Epistola data ad Paschalem⁷ et Domitianum et alios. At licet honorum Ecclesiae vindex fuerit alque defensor : sobrie tamen in his versatus est, non anxiò animo, ut qui præcipue ad animas lucrandas, inde vero ad bona custodienda se sciret esse Pontificem ordinatum, siue aliqua justa de causa interdum sibi dissimulandum putarit. Nam audi, quid ad Italiam patriciam scripserit inter alia⁸ : « Illud vero quod Epistolis predictis revocare in memoriam nostram excellentia vestra studiose contendit : scriptum vobis sciat, nihil cum scandalo, nihil cum forali strepitu vobisenni velle nos de causis pauperum definire. Hoc nos scripsisse meminimus, et scimus nosmetipsos, juvante Domino, a causarum litigiis Ecclesiastica moderatione compescere, atque secundum Apostolicum illum sensum, rapinam bonorum nostrorum cum gudio sustinere. Sed illud scire vos volumus, taciturnitatem atque patientiam nostram futuris post me pontificibus in rebus pauperum præjudicium non facturam, etc. » Fuit Italica femina patricia potentissima, in Sicilia sub imperatoris protectione degens. Ad ejusdem nominis religiosas feminas consuetares extant Epistolæ scriptæ a sanctis Patribus Ambrosio, Hieronymo, Augustino, atque Chrysostomo.

58. Tenax exactor Gregorius fuit, ul pauperibus debita ab episcopis redderentur, nempe quartâ pars Ecclesiasticorum proventuum : hinc ad Maximianum Syracusanum episcopum ista habet⁹ : « Cognovimus namque de redditibus Ecclesiæ noviter acquisitis canonicam dispositionem quartarum minime provenire, sed episcopos locorum tantummodo distribuere quartam antiquorum redditum, nunc vero quæsita suis usibus retinere. Quam rem pravam subintroductamque consuetudinem fraternitas tua vivaciter emendare festinet, etc. » At de quartâ sive tertia pauperibus debita superius diffu-

¹ Greg. I. II. Ep. XXXIX. Indict. XI. — ² Ibid. Ep. LV. Indict. XI. — ³ Ibid. Ep. VI. Ind. XII. — ⁴ Ibid. Ep. XII. — ⁵ Ibid. Ep. IX. Ind. XII. — ⁶ Greg. I. II. Ep. LX. Ind. XI. — ⁷ Ibid. Ep. XXI. Ind. XI. — ⁸ Ibid. Ep. LVIII. Ind. XI. — ⁹ Greg. I. III. Ep. XI. Ind. XII.

sius actum est quinto Annalium tomo. Quod rursum ad bona Ecclesiae pertinet; curavit hoc anno, ut furata Ecclesiarum diversarum vasa, et in Siciliam delata, diligenter investigarentur¹.

59. Qui laborantes pro bonis Ecclesiasticis digna merecede munerari voluit: si ea curantes mercenarii minime essent, eos gratis donis sacris dignari consuevit: nam hoc anno Dinarium patrium curantem patrimonium S. Petri in Gallis aliquo ejusmodi munere honestavit, cui haec scripsit inter alia²: « Transmisimus autem beati Petri Apostoli benedictionem, crucem parvulam, cui de catenis ejus beneficia sunt inserta: que illius quidem ad tempus ligaverunt, sed vestra colla in perpetuum a peccatis solvant. Per quatuor vero in circitu partes de beati Laurentii eraticula, in qua perustus est, beneficia continentur: ut hoc ubi corpus illius pro veritate crematum est, vestram mente ad amorem Domini accendat ». Haec tenus de sacris munib[us]. Porro hunc illum puto esse Dinarium degentem Massiliæ, virum clarissimum, Venantio Fortunato amicitia conjunctissimum, ad quem extant ejusdem Fortunati scripta carmina³; quem et rectorem fuisse Massiliæ civitatis, Gregorius Turoensis affirmat⁴.

60. Sub hac item undecima Indictione scripta apparet Gregorii Epistola ad Petrum subdiaconum curantem Siciliæ patrimonium, que quidem non suo loco posita habetur sub Indictione septima collocata: verum cum ab eo rationem proxime præteritarum Indictionum nomine atque decimæ exigit, utique sub undecima eam datam esse Indictione asseri posse videtur. Multiplicita habet illa negotia quam diligentissime examinata, ut admiratione sit dignum, tam diligenter privata negotia ab eo esse curata, qui publicis paene obrutus mergentur; et terrena adeo solerter intuitum, qui contemplando celestia, caelestis propemodum appareret. Habet præterea lepida quadam; ex quibus aliquid tamen haurias utilitatis, dum post multa observatione dignissima, haec de missis ab eo jumentis habet⁵: « Praeferea nūn nobis caballum miserum et quinque bonos asinos transmisisti. Caballum illum sedere non possum, quia miser est; illos autem bonos sedere non possum, quia asini sunt. Sed petimus, ut si nos continere disponitis, aliquid nobis condignum deferatis ». Haec ipse; qui in elemosynarum largitione effusissimus existens, egenissimus in iis quæ ad sui corporis usum spectarent, esse voluit: nam vel absque equis stabula possidens, vel non bonis, ex Sicilia ad se equum mitti expectavit, Pontifice tamen dignum: ut videoas ita pauperatis fuisse cultorem, ut tamen sacerdotalis decoris esset tenacissimus. Haec autem spectanda proponimus adversus eos qui pontificium deus totum collocant in regio apparatu, quo si vel mini-

num careat, imminui penitus putant pontificiam majestatem. Sed cum et hoc non negligendum putemus, Apostolicum tamen splendorem cælestibus magis intelligent micare radijs, et divine præsentia, quæ ei assistens invigilat cornucopie futgoribus, illustrari insuper addito nitore virtutum: cum sciamus pauperrimos sepe Pontifices extores regibus imperasse, et imperatores potentiissimos infrenasse, atque ad pœnitentiam humi quoque prostrasse.

61. Ad postremum autem, ut rebus gestis S. Gregorii anni hujus finem imponamus: que de statu suo ipse scribat in Epistola ad Narsetem¹, haec accipe: « Peto, inquit, ut mihi ignoscas, quod Epistolis tuis sub brevitate respondeo: quia tantis tribulationibus premor, ut mihi neque legere, neque per Epistolas multa loqui licet. Hoc solum tibi breviter dico, quia oblitus sum manduare panem meum a voce gemitus mei ». Haec ad Narsetem patricium Constantinopoli agentem, quocum dñm Constantinopoli esset, magnam consuetudinem contraxerat, simulque eum ejus domesticis, de quibus in fine: « Omnes qui vobiscum sunt, mea dñe peto vice salutari. Domine Dominice salutes meas dicite: cui minime respondi, quia eum sit Latina, græce mihi scripsit ». Ex iis namque ipsa fuisse videtur nobilibus Romanis, qui ob Barbarorum infestationem ex urbe migrarant Constantinopolim.

62. Sed quid sibi vult Gregorius verbis illis: « Minime respondi: quia cum sit Latina, græce mihi scripsit? » Attende, quæso, quantam sterilitatem bonarum litterarum secum vexerint assidui in Italia bellorum motus (quod et alias nos attigisse meminimus), ita ut haud in promptu esset facile reperiri, qui utriusque linguae peritus esset. Certe quidem de seipso testatur idem Gregorius alibi, græcas litteras minime calluisse, cum ait²: « Quamvis in multis occupatus, quamvis græcae linguae nescius, in contentione tamen vestra judec resedi, etc. » Haec ad Anastasium presbyterum de contentione quæ intercedebat inter ipsum atque Hierosolymorum episcopum. Sed eadem infelicitas Constantinopolitanam quoque urbem vexabat, ut careret illa homine, qui latine scripta posset perfecte reddere græcae linguae: nam ad eundem qui supra Narsetem inferius haec habet³: « Quod vero scribitis, ut excellentissimæ filiae meæ domnae Gordie, et sanctissimæ filiae ejus domnae Theotistæ, et magnificis earum homiis domino Marino et domino Christiodoro scribere debeam, eosque aliquid de anima sua admonere: bene scit dulcissima vestra magnitudo, quia hodie in Constantinopitanâ civitate, qui de latino in græcum dictata bene transferant, non sunt: dum enim verba custodiunt, et sensus minime attendunt, nec verba intelligi faciunt, et sensus frangunt ». Haec ipse.

63. *Monialium nobilium in monasterio Picta-*

¹ Greg. l. iii. Ep. xv. Ind. — ² Greg. l. ii. Ep. xxviii. Ind. xi. — ³ Fortun. carm. l. vi. ad fluem. — ⁴ Greg. Tor. l. vi. c. 11. — ⁵ Greg. l. xii. Ep. xxx. Indict. vii.

¹ Greg. l. ii. Ep. lxiii. Ind. xi. — ² Greg. l. vi. Ep. xxix. Ind. xv. — ³ Ibid. Ep. xxviii. Ind. xv.

viensi rebellio, duce Chrodielde; unde Concilium Pictaviense in quo ipsae damnantur. — Hoc eodem anno qui et numeratur regis Francorum Chilberti decimus quartus, conventus episcoporum Pielavis in Gallia celebratus est, duarum regiarum monialium universam provinciam illam comminuentium causa, cum et aliam antea eadem occasione oportuerit Synodum celebrari: de utrisque his meminit Gregorius Turoneus pluribus¹. Duæ namque Francorum regum filiae Chrodielis filia Chariberti regis, et Basina filia Chilperici, sub sancta Radegunde professæ virginitatem et monastica instituta sub regulis S. Cæsarii episcopi Arelatensis, post obitum ejusdem sanctæ reginæ non patientes ab abbatissa Lenbovera regi, cum ipsæ primatum ambientrent, facta seditione extra claustra erumpentes, foras egressæ, secum traxerunt quadraginta et amplius virgines, eo prætextu, ut reges Francorum adirent, et quod male tractarentur ab abbatissa expostularent. Sed vide furorem feminine nullam locorum et temporum rationem habentem:

64. « Venerant, inquit Gregorius², pedestri itinere a Pictavo, nec ullius equi beneficium habuerunt; unde anhelæ et salis exiguae, id est, consumptæ erant: sed nec victus alimoniam ullam eis in via quisquam præbuerat. Accesserunt enim ad urbem nostram die prima mensis primi: erant enim pluviae magnæ, sed et viæ dissolute erant a nimia immensitate aquarum ». Sed has omnes difficultates cœcus furor minime consideravit, et obstinatio leminea superavit. Exspectato autem aestivo tempore, Chrodielis ad Guntheramnum regem profecta est, sed nihil agens, nisi quod muneribus donata recessit, rediitque Turonos: cum interim ex seductis virginibus complures lapsæ abierunt retro post satanam, viris matrimonio colligatæ. Regressæ vero Pictavos duæ cum armato satellitio, se intra S. Hilarii Basilicam continuerunt, indeque armates nefandissimos homines ad invadendum monasterium miserunt, atque abbatissam vinculis alligandam; quod et factum est.

65. « Cum vero haec agerentur, subit Gregorius³, Gundegisilus episcopus Burdegalensis, adjunetis secum Nicasio Engolismensi, et Saffario Petragorico, ac ipso Moroveo Pictaviensi episcopis, eo quod hujus urbis metropolis esset, ad Basilicam sancti Hilarii advenit, arguens has puellas, et in monasterium reducere cupiens: Sed cum illæ obstinatius reluctarentur, et hic cum reliquis (juxta Epistolam superius nominatam) eis excommunicationem indicaret; exsurgens turba murionum præfatorum tanta eos in ipsa sancti Hilarii Basilica cæde mactavit, ut corruentibus in pavimento episcopis, vix consurgere possent. Sed et diaconi et reliqui clerici sanguine perfusi, cum effractis capitibus Basilicam sunt egressi. Tam immensus enim eos

(et, nt credo, diabolo cooperante) pavor obsederat, ut egredientes e loco sancto, nec sibi Vale dicentes, unusquisque per viam, quam arripere potuit, repedaret ». Haec in episcopos. Subdit vero de factiosa femina Chrodielde: « Ex hoc, inquit, Chrodielis ordinatores elegit, villas monasterii pervadit; et quosecumque de monasterio arripere potuisset, plagis ac cœdibus affectos, suo servitio subjugavit; minans, ut si monasterium posset ingredi, abbatissem de muro projectam terræ dejiceret ».

66. Cum autem episcopi illi, qui convenerant, easdem contumaces et factiosas feminas a sacra communione suspendissent, de his litteras dederunt ad alium conventum episcoporum, qui apud Guntheramnum regem collecti erant: qui et ad eos has litteras reddidere, probantes quæ ab ipsis facta essent⁴:

« Dominis semper suis atque Apostoliea Sede dignissimis Gundegisilo, Nicasio, Saffario, Moroveo, Etherius, Syagrius, Aunacharius (Anacharius), Hesychius, Agricola, Urbicus, Felix, Veranus, item Felix, et Bertheramus episcopi.

67. « Litteras vestræ beatitudinis, quantum reserante nuntio de vestra sospitate gavisi, exceptimus; tantum de injuria, quam vos pertulisse signastis, non modico mœrore adstringimur, dum et regula trascenditur, et nulla reverentia religioni servatur. Sed quia indicastis monachas, quæ de monasterio bonæ memorie Radegundis, instigante diabolo, fuerunt digressæ, quod nullam a vobis acquieverint correctionem audire, nec intra monasterii sui septa, de quo egressæ fuerant, voluissent reverti, insuper Basilice domini Hilarii per cœdes vestras vestroruunque injuriam intulisse: quapropter ipsas a communionis gratia visi fueritis suspendere, ac per hoc nostram exinde mediocritatem elegistis consulere.

68. « Igitur quia optimæ vos novimus statuta canonum pereurrisse, ac regulae plenitudinem continent, ut qui in talibus excessibus videntur deprehendi, non solum excommunicatione, verum etiam pœnitentiae satisfactione debeat coerceri: ea de re addentes cum venerationis cultu summae aviditatis dilectionis instinctum, indicamus, ea quæ definitis, nos concordanter vestræ sententie consentire, quoadusque in Synodali Concilio kalend. Novembribus pariter positi debeamus consilio tractare, qualiter talium temeritas frœnum distinctionis possit accipere; ut deinceps nulli licet sub hunc lapsum faciente jactantia similia perpetrare.

69. « Attamen quia nos sua dictione dominus Paulus Apostolus indesinenter videtur monere, ut opportune inopportuneque debeamus quoscumque excedentes sedula prædicatione corriger, et piatem protestatur ad omnia utili esse; ideo suggerimus, ut adhuc et oratione assidua Domini misericordiam deprecemini, ut ipse spiritus compunctionis ipsas inflammare dignetur, ut id quod per

¹ Greg. Tur. hist. Franc. l. ix. c. 30. 40. 41. et l. x. c. 13. 16. 17. 18. 19. — ² Greg. Tur. ibid. l. ix. c. 39. — ³ Greg. Tur. ibid. c. 41.

⁴ Greg. Tur. ibid.

delictum visae sunt contraxisse, digna satisfactione pœnitentia; ut in monasterio suo, vestra prædicatione, animæ quæ quodammodo perierunt, propitio Christo revertantur: ut ille, qui unam humeris inlatam errantem ovem ad ovile reduxit, et de istarum transgressione quasi acquisito gregi congaudere dignetur: hoc specialius postulantes, ut pro nobis intercessionum vestrarum suffragia indesinenter (ut confidimus) tribuatis». Haecen Epistola Synodalnis, quam sicuti alia injus temporis scripta barbarismis ac solœcismis scatentem cum legimus, ne exhorrescat, qui delicati est gustus, et emunctæ naris; cum ad historiam satis sit, si veritas sincera condiat, quæ sunt ipsa styli rusticitate insipida: memor, quid Orator¹ de vetere illo dicat scriptore: « Attilius licet ferreus, sed quia verus scripтор, libenter est electus ». Porro eidem Epistole hæ appositæ sunt subscriptiones:

70. « Peculiaris vester Ætherius peccator salutare præsumo. Cliens vester Hesychius reverenter audeo salutare. Amator vester Syagrius reverenter saluto. Cultor vester Urbicus (Urbicus) peccator famulanter saluto. Venerator vester Veranus episcopus reverenter saluto. Famulus vester Felix salutare præsumo. Humilis vester atque amator Felix audeo salutare. Humilis atque obediens vester Bertheramus episcopus salutare præsumo ». Quarum autem Ecclesiarum hi fuerint episcopi licet non exprimatur, riperies tamen his temporibus vixisse Ætherium episcopum Lioxensem (de quo idem Gregorius agit²), sive potius ejusdem nominis episcopum Lugdunensem, ad quem extant sancti Gregorii papæ litteræ; Hesychium vero fuisse episcopum Gratianopolitanum, Syagrium Augustodunensem, Urbicum Regiensem in Gallia Narbonensi, Veranum Cabelicensem, Felicem Belicensem, qui subscripti reperiuntur Concilio posteriori Matisconensi haud pridem habito, et Bertheranum fuisse episcopum Cœnonianensem, de quo ipse Gregorius Turonensis³ meminuit.

71. At quid factionis ductrix Megaera altera Chrodieldis? deteriora prioribus his adjicit: nani audi Gregorium, qui ait⁴: « Cum autem scandalum, quod serente diabolo in monasterio Pictaviensi ortum, in ampliorem quotidie iniquitatem consurgeret, et Chrodieldis aggregatis sibi (ut supra diximus) homicidis, maleficiis, adulteris, fugitivis, et reliquorum criminum reis, in seditione parata resideret; jussit eis, ut irruentes nocte in monasterium, abbatissam foras extraherent. At illa tumultum sentiens venientium, ad sanctæ Crucis arcum se deportari poposeit: gravabatur enim humore doloris podagriei; scilicet ut vel ejus foveretur auxilio. Sed ubi ingressi viri, cæreco accenso, cum armis hinc illueque vagarentur per monasterium inquirentes eam, introeundentes in oratorium, reperebant jacentem super humum ante arcam sanctæ

Crucis. Tunc unus acerbior ceteris, qui ad hoc scelus patrandum aggressus fuerat ut abbatissam gladio divideret, ab alio (ut credo, divina providentia cooperante) cultro percudit: profluente vero sanguine, solo decubans, votum, quod levi conceperat animo non expletivit. Interea Justina præposita cum aliis sororibus pallia altaris quod erat ante Crucem Dominicam, extincto cæreco, abbatis operit. Sed venientes cum evagiatis gladiis ac lanceis, scissa veste, et pene sanctimonialium manibus laniatis, apprehensam præpositam pro abbatisa, quia tenebrae erant, excussis liuteaminibus; a capite soluta cæsarie detrahunt, et usque Basiliacum sancti Hilarii inter manus deferunt custodie mancipandam: appropinquantesque Basilicæ celo modicum albescente, ubi cognoverunt non esse abbatissam, mox ad monasterium redire puellam præcipiunt: revertentesque abbatissam apprehendunt, extrahunt, et in custodiam juxta sancti Hilarii Basilicam in loco ubi Basina metatum habebat, retrudunt, positis ad ostium custodibus, ne quis ullum captiæ præberet auxilium.

72. « Exinde nocte subobscura aggressi monasterium, eum nullo fulgore accensi luminis potirunt, extracta promptuaria cuppa, quæ olim pie inita siccæ remanserat, ignem injiciunt, factaque pharo magna, de hujus incendio cunctam monasterii supellectilem rapuerunt, hoc tantum quod ferre non poterant, relinquentes. Haec autem gesta sunt ante septem dies Pasche. Cumque episcopus Pictaviensis Moroveus hæc omnia graviter ferret, nec valere, seditionem diaboliceam mitigare, misit ad Chrodieldem dicens: Relinque abbatissam, ut in his diebus in hoc carcere non retineatur: aliqui non celebrabo Pascha Domini, neque baptismum in hac urbe ullus catechumenus obtinebit, nisi abbatissa a vinculo, quo tenetur, jubeatur absolviri. Quod si nec sic volueritis, collectis civibus auferam eam. Hæc eo diecente, statim Chrodieldis percussores deputat, dicens: Si eam violenter quis auferre tentaverit, statim eam gladio percudit. Adhuc autem diebus illis Flavianus nuper domesticus ordinatus, cuius ope abbatissa S. Hilarii ingressa Basilicam absolvitur.

73. « Inter hæc ad sepulcrum sanctæ Radegundis homicidia perpetrantur, et ante ipsam beatæ Crucis aream quidam per seditionem truncati sunt. Cumque hic furor, superveniente die, per Chrodieldis superbiam augeretur, et assidue cædes et reliqua plaga, quas supra memoravimus, a seditionariis perpetrarentur, atque ita hæc jaetantia tumuisset, ut eosobrinam suam Basinam altiori cothurno despiceret; illa pœnitentiam agere cœpit, dicens: Erravi se-puendo Chrodieldis jactantiam; et ecce despectui habeor ab eadem, et abbatissæ meæ contumax existo. Et conversa humiliavit se coram abbatissa, expetens pacem ejus; fuit unque pariter uno animo, eademque voluntate. Denique orto scandalo, pueri qui cum abbatissa erant, dum seditioni quam Chrodieldis schola commovit resisterent, puerum

¹ Cicer. de fin. I. i. — ² Greg. Tur. hist. Franc. I. vi. c. 36. — ³ Greg. Tur. I. ix. c. 18. — ⁴ Greg. Tur. hist. I. x. c. 11.

Basinæ percutiunt, qui cecidit et mortuus est. At illi post abbatissam ad Basilicam confessoris confundunt: et ob hoc Basina, relicta abbatissa, discessit; sed pueris iterum per fugam lapsis, in pace quam prius habuerunt, redierunt. Postea vero multæ inter has scholas inimicitiae ortæ sunt. Quis igitur tantas plagas, tantasque strages, vel tanta mala verbis poterit explicare, ubi vix praeterit dies sine homicidio, hora sine jurgio, vel momentum aliquod sine fletu?

74. Novum plane inventum hoc quod elegit diabolus ad vexandam Ecclesiam, quo jugiter affligit sanctos episcopos, quibus ad hujuscemodi contiñendas in regulari observantia discolas nobiles moniales majus opus atque onus incumbit, quam in universo grege custodiendo. Sed habes expressam ex his originem, compertumque fontem, unde soleant tanta defluere mala, exoririique scandala: nimurum dum nobiles potentesque homines filias suas, invitatas, licet detrudunt in monasteria tanquam in carcerem, ubi infelices illæ qua possunt via, cum in libertatem carnis, cuius fecisse jacturam dolent, sese vindicare laborant, hos gravissimos concitant fluctus, quibus universam commovent atque perturbant Ecclesiam. Ita plane (ut vidimus) tunc accedit, quod Francorum reges quas filias ex conubio nasciissent, ad sanctam Radegundem, ut moniales ibi efficerentur, mittere consueverint. Sed quæ sci-
rent se ex regibus ortas, haud passæ inferioris nobilitatis feminæ se esse subjectas, ejusmodi turbas concitavere. Ad haec forte cavenda spectat, quod divina monent oracula¹, ne texat quis cum lino lanam, vel dupli semine agrum serat. Sicut enim caelum reddit in terra sanctorum virginum chorus, quæ divino afflate spiritu, Deo se dicant oblatione libera atque spontanea mancipantes ad serviendum ipsi in monasterio: ita contra, quæ invitæ, sive parentum blandimentis vel minis vinciuntur votorum vineulis, et clauduntur veluti carcere monasterii, paradisum ipsum in infernum convertunt, seditionibus euncta miscentes. Sed tragedie hujus reliquæ prosequamur, quomodo scilicet unius feminæ causa universæ Galliæ fatigantur. Pergit enim Gregorius:

75. « Hæc autem Childebertus rex andiens, legationem ad Guntheranum regem direxit, ut scilicet episcopi conjuncti de utroque regno, hæc quæ gerebantur sanctione canonica emendarent. Ob hanc causam Childebertus rex medioeritatis nostræ personam cum Ebregisilo Agrippinensi, et ipso urbis Pietavæ Moroveo episcopo jussit adesse, Guntheranus vero rex Gundegisilum Burdegensem cum provincialibus suis, eo quod ipse metropolitanus huic urbi esset. Sed nos resultare coepimus, dicentes, quod non accederemus ad hunc locum, nisi sœva sedatio, quæ per Chrodiellem surrexit, judicis districione prematur. Pro hac causa Macconi tunc temporis comiti prolata præceptio est,

in qua jubebatur, ut hanc seditionem, si resisterent, vi oppimeret. Ille audiens Chrodielis, sacerdos istos cum armis ante ostium oratorii adstare jubet: ut scilicet repugnantes contra judicem, si vim vellet inferre, pariter resultarent. Unde necessarium fuit huic comiti illuc cum armis procedere, et quosdam cæsos vectibus, nonnullos telis transfixos, et acrinis resultantes gladiorum ictibus affectos opprimere. Quod cum Chrodielis cerneret, accepta Crux Dominica, cujus prius virtutem despexerat, in obviam egreditur, dicens: Nolite super me, quæso, vim inferre, quæ sum regina, filia regis, regisque alterius consobrina: nolite facere, ne quando veniat tempus, ut ulciscar ex vobis.

76. « Sed vulgus parvipendens quæ ab ea dicebantur, irruens (ut diximus) supra hos resultantes, vinclitos monasterio extraxerunt, ac ad stipites extentos, gravissime cæsos, aliis cæsarie, aliis manibus, nonnullis auribus naribusque decisis, seditio pressaque invictus. Tunc residentibus sacerdotibus, etc. » Pergit enim dicere de judicio de abbatissa habitu tunc in Synodo, deque calumniis adversus eam a Chrodielde compositis; quæ omnia iidem episcopi in Synodali Epistola de eodem judicio, et lata sententia scripta intexuerunt, ita scribentes ad ipsos Francorum reges¹:

77. « Domnis gloriosissimis regibus, episcopi qui adfuerunt.

« Propitia Divinitate, piis atque Catholicis populo datis principibus, quibus concessa est regio, rectissime suas causas patefacit religio, intelligens sacrosancto participante Spiritu, eorum qui dominantur se sociari et constabiliri decreto. Et quia ex iussione potestatis vestrae cum ad Pietavam civitatem pro conditionibus monasterii sanæ recordationis Radegundis convenimus, ut altercationes inter abbatissam ejusdem monasterii, et monachas quæ de ipso grege non salubri deliberatione progressæ sunt, ipsis disceptantibus, agnoscere deberemus; evocatis Patribus, interrogata Chrodielis et Basina, quare tam audacter contra suam regulam foribus monasterii contractis discesserant, et hac occasione congregatio adunata discessit? Quæ respondentes, professæ sunt, famis, nuditatis, insuper et cædis se jam non ferre periculum. Adjicientes etiam, eo quod diversi earum in balneo lavarentur incongrue; ad tabulam ipsa luserit, atque sœculares cum abbatissa reficerent: etiam sponsalia in monasterio facta sint: de patta holoserica vestimenta neptis suæ temerarie fecerit: foliola aurea, quæ fuerant in gyro pallæ, inconsulte sustulerit, et ad collum neptis suæ facinoroze suspenderit: vittam de auro exornatam eidem nepti suæ superflue fecerit: barbatarias intus eo quod celebraverit». Hactenus accusations, quas diluit abbatissa: pergunt enim quæ hæc sunt subsecuta Patres:

78. « Interrogantes abbatissam, quid ad hæc responderet? dixit: De fame quod conqueruntur,

¹ Deut. xxxi.

¹ Extat apud Greg. Turon. I. x. c. 16.

secundum quod temporis penuria permitteret, nunquam ipsæ nimiam egestatem pertulerunt. De vestimento vero dixit : Si quis earum arcellas scrutaretur, amplius eas habere, quam necessitas indigeret. De balneo vero quod opponeretur, retulit hoc factum diebus Quadragesimæ, et pro calebris amaritudine, ne lavantibus noceret novitas ipsius fabricæ, jussisse dominam Radegundem ut serviens monasterii publice, hoc visitarent, donec omnis odor nocendi discederet : quod per Quadragesimam usque ad Pentecosten in usu famulis fuerit. Ad hæc Chrodieldis respondit : Et postea similiter multi per tempora laverunt. Retulit abbatissa, se nec probare quod dicerent, et se nescire an factum sit. Sed adhuc inculpans easdem, quod si ipsæ vidissent, cur abbatissæ non proderent? De tabula vero respondit : Etsi lusisset vivente domina Radegundæ, se minus culpa respiceret : tamen nec in regula per scripturam prohiberi, nec in canonibus retulit : sed ad iussionem episcoporum repromisit, eervice se inflexa, per pœnitentiam quicquid juberetur, implere ». Hic advertas, lector, secundum illud Apostoli¹ : « Omnia mihi licent, sed non omnia expedient : omnia mihi licent, sed non omnia aedificant ». Etenim Apollonius antiquis theologus² probro objicit Priscilæ Montani, quod tabulis luderet : ait enim : Prophetæ tabulis et tesseris ludit? Sed pergunt de excusatione ejus ad alias accusationes hæc dicere :

79. « De conviviis etiam ait, se nullam novam fecisse consuetudinem, nisi sicut actum esset sub domina Radegunde, se Christianis fidelibus eulogias obtulisse ; nec sibi comprobari cum illis ullatenus convivasse. De sponsalibus quoque ait : Coram pontifice, clero, vel senioribus pro nepte sua orphana arrhas accepisse : et tamen si hæc culpa sit, veniam se eoram cunctis petere professa est; tamen nec tunc convivium in monasterio fecerit. De palla quod reputarent, produlit monacham nobilem, quæ ei maforem holosericum, quem de parentibus detulit, muneris causa concesserit, et inde partem abscedisset, unde quod vellet et faceret : de reliquo vero quantum opportunum fuit, ad ornatum altaris pallam condigne considerit ; et de illa scissura, quæ pallæ superfuit, purpuram nepti suæ in tunica posuerit, quam ibi dedisse dixit, quo monasterio profuit : quæ per omnia donatrix Didimia confirmavit ».

80. Sed antequam ulterius progrediamur, quod audis donatum maforem holosericum, tibi puto satisfaciendum, quem de voce ista exotica, maiores, nonnihil harentem videre, lector, sum visus : ea quidem diversi generis indumentum pro diversarum personarum conditione reperimus significari. Atque in primis Cassianus³ declarat, fuisse super humeros apponi solitum habitum monachi, ubi ait : « Post hæc angusto pallio tam amictus hu-

militatem, quam utilitatem pretij compendiumque sectantes, colla pariter et humeros tegunt : quod maiores, sive magiores, iam nostro quam ipsorum numerupatur eloquio ». Ceterum etsi ejusdem nominis haud idem erat hoc indumentum, de quo in hac Synodali Epistola : etenim minime erat vile quod holosericum esset; neque breve, ex quo, et facta est altaris palla, et insuper ornata sponsa : unde magis illius generis putamus fuisse maforem, de quo S. Hieronymus ad Eustochium scribit, cum hæc ait de luxu nimio stultarum virginum⁴ : « Et per humeros hyacinthina lena magorte volitans ». Quibus intelligas, non breve fuisse palliolum et angustum, sed lavam vestem, que præ latitudine expandetur ad ventum, ut etiam in statu sculptum videamus : commune tamen fuit utriusque sexui, quod ad tegendum collum et humeros veluti pallium compositum erat, ob ilque communis aequalis nomine maiores diceretur. Sed de mafore satis. Prosequuntur reliqua Patres Concilii Pictaviensis :

81. « De foliolis aureis et vitta auro exornata Maeconem famulum vestrum præsentem testem adlibuit, eo quod per manum ejus a sposo pueræ prædictæ neptis sue viginti solidos accepit, unde hoc publice fecerit, nec de re monasterii quiequam ibi permixtum sit. Interrogata Chrodieldis cum Basina, si forsitan aliquid abbatissæ (quod absit) adulterii reputarent, sive quid homicidii, vel maleficiti fecerit, aut erimen capitale, quo pereuteretur, edicerent : respondentes protulerunt, non habere se aliquid nisi per hæc quæ dixerant, eam ista fuisse contra regulam proclamarent.

« Ad extremum pro peccatis, quia claustra disrupta sunt, et miseri lieuit sine disciplina abbatissæ suæ, quod vellent committere per tot mensum spafia; quas credebamus innocentes monachas, nobis protulerunt prægnantes : quibus per ordinem discussis, nec invento criminis quod abbatis dejecteret, levioribus causis paterna communitate contestati sumus, ut hæc nullatenus deinceps pro reprehensione repeterent. Tunc nobis per cunctantibus causam adversæ partis, quæ majora crimina commiserant, id est, quæ predicationem sui sacerdotis intra monasterium, ne foras procederent, despexerunt, pontifice concutendo, et in summo contemptu monasterio relicto, confractis seris et januis, irrito facto discesserunt; et ad suum peccatum aliæ tractæ transgressæ sunt. Insuper et Gundegisitus pontifex enim suis provincialibus pro ipsa causa communitatis per præceptionem regum Pictavos accessisset, et ad audienciam eas ad monasterium convocarent; despecta communitatione, ipsis occurribus ad beati Hilarii confessoris Basilicam, ubi ipse commorabatur, accedentes, ut condecat pastorum sollicitudinem, dum commonerentur, facta seditione, fustibus tam pontifices, quam ministros affecerunt, et intra Basilicam fuderunt sanguinem levitarum.

¹ Cor. x. — ² Apud Euseb., l. v. c. 17. — ³ Cassia. l. i. c. 7. de habitu monachi.

⁴ Hier. Ep. xxii.

82. « Dehinc ex jussione domorum principum cum vir venerabilis Theutarius presbyter in causa directus fuerit, et statutum fuisset quando judicium fieret: non exspectato tempore, monasterium seditionis accensis in corte cuppis, vectibus ac securibus contractis posticis, igne accenso, intra septa casis et vulneratis monachatus, in ipsis oratoriis spoliato monasterio, denudata et discissa capillis abbatissa, graviter ad ridiculum ducta, et tracta per compita, et in locum retrusa, et si non ligata, nec libera: superveniente diei Paschæ festo per saeculum, offerente pontifice pro condemnata pretium, ut spectaret vel baptismum, nec ulla suasione hoc impetrasset vox supplicum: atque respondente Chrodielde, eo quod tale facinus nec scirent nec jusserint, adhuc Chrodielde asserente ad intersignium suum, ne a suis interficeretur, obtentum sit; unde certum est tractari quid ex hoc datur intelligi, quod additur crudelitati, ad sepulcrum beatæ Radegundis fugientem servum monasterii sui occidentem, et scelere crescente, nihil petendo sauaverint, sed per se post intrantes monasterium eeperint, et ad dominorum jussionem, ut seditiones illos in publico representarent, nolentes acquiescere, et contra regum præcepta magis arma tenerent, et se sagittis vel lanceis contra comitem et plebem indignauerter erigerent: hinc denmo egressæ ad audientiam publicam, extrahunt Crucem sanctam saeratissimamque occulite, et ad injuriam indecenter, et ad culpam, quæ postea restitneré coactæ sunt in Ecclesia.

83. « Quibus tot capitalibus agnitis faenoribus, nec refranatis, sed jugiter magis auctis criminibus, nobis isdem dicentibus, ut abbatissæ procula veniam peterent, aut quod male direclum fuerat, emendarent; et nolentes hoc facere, sed magis de ejus imperfectione traclarent, quod publice sunt professæ: reseratis a nobis et recensitis canonibus, visum est equissimum, ut eas, usquequo dignam agerent pœnitentiam, a communione privari, et abbatissam loco suo permansuram restituï.

« Hæc nos pro vestra jussione, quod ad Ecclesiastiken pertinuit ordinem, circumscriptis canonibus, absque personarum aliqua acceptione suggerimus peregisse. De cætero, quod de rebus monasterii, vel instrumentis chartarum domorum regum parentum vestrorum de loco subreptum est, quæ se habere professæ sunt, sed nobis inobedientes nullatenus erunt voluntarie redditurae: qualiter vestra, vel anteriorum principum merces aeterna permaneat, ad loci instaurationem vestre pietatis atque potestatis est, auctoritate regia cogere reformati: neque ipsas ad locum quem tam impie et profanissime destruxerunt, ne pejora proveniant, vel redire concedite, vel permittatis iterum aspirare; quatenus his in integrum, præstante Domino, restitutis, sub Catholicis regibus totum acquiratur Deo, nihil perdat religio: ut status conservatus tam Patrum, quam canonum nobis proficiat ad cultum, vobis propagetur ad fruelum. Christus vos Dominus alat, regatque, regnum tribunens prolixius,

vitamque conferat beatam ». Hucusque de Synodali iudicio Epistola ad reges Francorum: hieque finis Synodi Pictaviensis ea de causa a Francorum regibus convocatae. Sed quid de feminis anathemate condemnatis? audi Gregorium¹:

84. « Post haec, inquit, eum emisso iudicio a communione fuissent suspensi, abbatissa etiam in monasterium restituta; hæ ad Childebertum regem petierunt, adjacentes malum supra malum, denominantes scilicet regi personas quasdam, quæ non solum cum ipsa abbatissa adulteria exercerent, verum etiam ad inimicam ejus Fredegundem quotidie nimbia deportarent. Quod audiens rex, misit qui eos vincitos adducerent: sed cum discessi, nihil criminis inventum in eis fuisset, abscedere jussi sunt ». Hæc de his Gregorius. Porro hæc cœpta hoc anno, qui numeratur decimus quartus Childeberti regis ad annum decimum quintum ejusdem propagata esse, ex ejusdem Gregorii scriptis appareat. Quomodo autem eodem anno sequenti, collecto Metensi Concilio, veniam petentes, ab episcopis sunt absolutæ, suo loco dicemus. Quo pariter anno configisse convocari episcopos ad dirimendam causam quandam contra Telradiam illumstem feminam idem Gregorius tradit².

85. *Privilegia concessa monasterio S. Medardi.* — Eodem quoque anno, petentibus Francorum regibus, datum legitur a S. Gregorio papa privilegium³ monasterio S. Medardi Suessionensi in Gallia; ita enim ad finem ejus legitur: « Datum septimo kalend. Junii, anno ab Incarnatione Domini quingentesimo nonagesimo tertio (ita veteres Codices habent, et non nonagesimo quarto, ut recens habet editio) mense Junio, Indictione undecima ». Sed advertendum est, subscriptionem episcoporum, et regis Francorum Theodorici laud congruere his temporibus: siquidem complures episcopi, qui subscripti reperiuntur, post aliquot abhinc annos creati noscuntur, veluti inter alios (ut de reliquis dicere omittamus) Augustinus episcopus Cantuariensis, et Mellitus Lundoniensis, quos constat neque hoc tempore profectos esse in Angliam, quo etiam neque Theodoricus regnabat in Galliis, sed Childebertus, ac Guntheramus. Quamobrem in eam inducor sententiam, ut ea subscriptio postea adjecta fuerit. Est autem ejusmodi privilegii hoc exordium: « Pretiosissimis lapidibus in diademate Christi merito renitentibus, omnibusque sanctæ Dei Ecclesiæ membris, quorum universale caput est Christus, Gregorius licet sanctæ Romanæ Sedis pontificio sublimetur, humillimus famen servorum Dei servus, etc. » Ita quidem ipse (ut profiteatur postea in litteris datis ad Joannem Constantinopolitanum episcopum) refutat nomen Universalis, quo deorsum inclinaret, qui illud indignissime usurparet, cum famen reipsa jure Pontificis universalis utatur præcipiens eodem decreto episcopis omnibus

¹ Greg. Tor. I. x. c. 17. — ² Ibid. I. xi. c. 8. — ³ Greg. I. n. Ind. XI. post Ep. xxxviii. nov. edit.

atque regibus. Sed et quomodo id profiteatur, ex ejus verbis anli, quae habet inferius : « Caput, inquit, monasteriorum totius Galliae constituum, nulliusque ditioni patinum subesse. Sed velut haec Sedes Romana speculationem suam toto orbi indicit, et novas Constitutiones (consuetudines) omnibus mittit, et omnium personarum servitio caret (nulli subjecta videlicet), ita praefitus locus, remota omni consuetudine pessima regum, autistitum, etc. »

86. Sed quas infligat penas, audi quae habet in fine : « Si quis autem regum, autistitum, iudicium, vel quarumcumque secularium personarum, hujus Apostolice auctoritatis, et nostre praeceptio-
nis decreta violaverit, aut contradixerit, aut negligenter duxerit, vel fratres inquietaverit, vel con-
turbaverit, vel aliter ordinaverit : eujuscumque dignitatis vel sublimitatis sit, honore suo privetur, etc. » Vides, lector, Pontificis Romani esse sancire leges, quibus si ipsi reges non pareant, regno priventur : quae etiam comminatio ab eodem apponi solita erat in aliis privilegiis, sive monasteriis, sive hospitalibus concessis, nempe ut privarentur regno reges, si quid ab eis contra ea que concessisset, factum fuisse. Consideravit haec Gregorius septimus Romanus Pontifex in Epistola¹ ad Metensem episcopum, atque recitatis privilegiis hujus dictis verbis, haec addidit : « Quod si beatus Gregorius doctor utique mitissimus, reges qui statuta sua super unum xenodochium violarent, non modo deponi, sed etiam excommunicari, atque in aeterno examine damnari decrevit; quis nos Henricum non solum Apostolicorum judiciorum contemptorem, verum etiam ipsius matris Ecclesie improbissimum praedonem et atrocissimum destructorem deposuisse, et excommunicasse reprehendat, nisi similis ejus? » Haec ipse.

87. *Ingobergæ reginæ et Sanctuli obitus.* — Hoc etiam eodem anno, qui est decimus quartus Childeberti regis, reginæ Franeorum Ingoberga maxime piæ feminæ obitum Gregorius Turonensis ponit his verbis² : « Anno quoque quarto decimo Childeberti regis, Ingoberga regina, Chariberti quondam relicta, migravit a seculo, mulier valde cordata, ac vita religiosa prædita, vigilis, et orationibus atque eleemosynis non ignava: quæ, credo, per providentiam Dei commonita, ad me usque nuntios dirigen, ut in his quæ de voluntate sua, id est, pro animæ remedio cogitabat, adjutor existerem: sic tamen, ut ad ipsam aceedens, quæ consilio habito, fieri deernebat, scriptura connecteret. Accessi, fateor, vidi hominem timentem Deum: quæ cum me benigne excepisset, notarium vocat, et habito (ut dixi) meenm consilio, quedam Ecclesiæ Turonicæ et Basilicæ sancti Martini, quedam Cœnomannicæ Ecclesiæ delegavit: ac post paucos menses subitanæ ægritudine fatigata, migravit a seculo, multos per chartulas liberos derelinquens,

septagesimo (ut aribitor) vitæ anno, relinquens unicam filiam, quam in Canthia regis cuiusdam filius matrimonio copulavit ».

88. Quo pariter anno, quarto seilicet Gregorii pape, quo (ut dictum est) Dialogos scribebat, Sanctulus vir ille sanctitate celebris, cujus res mirifice gestas tertio Dialogorum libro intexit, ex hac vita migravit: nam acturus de ipso, haec premiltit³: « Ante hos dies fere quadraginta vidisti apud me eum cujus superius memoriam feci, venerabilis vita presbyterum Sanctulum nomine, qui ad me ex Nursia provincia annis singulis venire consuevit. Sed ex eadem provincia quidam monachus ante triduum venit, qui gravis nuntii mœrere me perculit, quia eundem virum obiisse nuntiavit, etc. » Pergit narrare ejus miracula, a nobis suo loco et tempore, quo sunt facta, relata. Haec quidem hoc anno in Occidente. Sed bellum motus, de quibus præfatis summis, jam nos revocant in Orientem.

89. *Inter Chaganum ducem Abarum, et Prismum ducem Romanorum res bellicæ et ferdus.* — Hoc namque anno (ut ex Gregorio percepimus) pacatis rebus Persicis, restituto per Mauritium in regnum Cosrhoë, vertenda fuerunt arma adversus Abares sub duce Cajano sive Chagano Thraciam invadentes, de quibus ista Nicephorus⁴ : « Inenarrabile vere, translati ex Oriente copis, Mauritius Byzantio solvit, et multis impedimentis intervenientibus, Anchialum contendit: eo namque excurrere vel Abares audierat, post auream illam mensam et elephantis pectaenum, multorumque talentorum auri largitionem: quæ illis imperator, pacem sibi complectendam ratus, potentibus tribuit. Ac pri-
mum Perinthum, quam nunc Heracleam vocant, cum quidem in terrores plures et in maximam tempestatis procellam incidisset, venit. In qua urbe Glyceriæ martyri, quæ ibi æde sacra magnitice constructa honoratur, debitam religionem persolvit. Et grave quiddam a Barbarorum excursionibus passus exercitus, duce in Europa Prisco creato, inde in urbem imperantem est reversus. Abarum vero et Slavinorum gentes, Istro trajecto, sub Chagano Hunno militantes, Thracianque percurrentes et omnia passim diripientes, usque ad Heracleam pervenerunt. Quin Prisco duce Turuli se continente, Didymoticum quoque stratagemate cuperunt. Eorum impetum arte et consilio quodam admirando imperator inhibuit: qui se classe instruula in eorum sedes expeditionem facturum assimilavit. Quæ res metum illis ingentem incussit, et vel invitatos ad sua redire coegit. Post quorum discessum imperator ad transitum Istri, ne rursus Barbari facile in Thraciam excurrerent, firma militum præsidia collo-
cavit. Prisens autem Byzantium reversus, de manubiis accusatus est, et militarium copiarum præfecturæ dignitas ei abrogata, Petroque Mauriti fratri data. Verum cum et is nihil præclarum ex sententia imperatoris gereret, adempto illi ma-

¹ Greg. VII. l. viii. Ep. xxi. et sup. l. iv. Ep. II. et xxii. — ² Greg. Tur. hist. Franc. l. ix. c. 26.

³ Greg. dial. l. iii. c. 37. — ⁴ Niceph. l. xviii. c. 28.

gistratu, eodemque Prisco reddito, domi ipse consedit ». Ista utique hoc anno, cum S. Gregorius papa de restituто Prisco in gradum pristinum con-gandens, et salutaria monita impartiens, iste ad ipsum seruosit mense Julio¹ :

90. « Si vita istius cursus veraciter attendamus, nihil in eo firmum, nihil invenimus stabile ; sed quemadmodum viator modo per planū, modo per aspera graditur, sic nobis utique in hac vila manentibus nunc prosperitas, nunc occurrit adversitas. Denique alternis sibi succedunt temporibus, et mutua se vice confundunt. Dum igitur omnia in hoc mundo mutabilitatis ordo confundit, nec elevari prosperis, nec frangi debemus adversis. Tota ergo mente ad illum nos convenit anhelare, ubi quicquid est, firmum permanet, ubi non mutatur adversitate prosperitas. In hac ergo vita miro Dei omnipotentis moderamime idcirco agitur, ut vel prosperitatem adversitas, vel adversitatem prosperitas subsequatur : quatenus et humiliati discamus quicquid delinquimus flere, et iterum exaltati adversitatis memoriam quasi humilitatis anchoram in mente teneamus.

« Non in hoc ergo Creatoris nostri ira est deputanda, sed gratia, per quam discimus, ut ejus dona tanto servemus verius, quanto humilioris tenemus. Quia igitur perfectam vos dominorum gratiam, auctore omnipotente Deo, reparasse cognovimus, magna pro vobis exultatione gaudemus, optantes ut vitam vestram rerum omnium gubernator et bonis semper praesentibus fulciat, et ad gaudia perpetua extendat. Haec vobis ideo loqueror, quia multum vos diligo, atque me a vobis diligisco. Sed hoc quod me diligitis, in latorem praesentium Sabinianum diaconum demonstrate, ut ubi unus exegerit, vestra patrocinia consequatur. Vir autem gloriosus Castus praeco laudum vestrum in Romanis partibus existit, quem vestre excellentiae paterna dilectione commendo ». Hucusque ad Priscum Gregorius.

91. Sic igitur revocatus Priscus ad ordines militares, magna praeda peracta, mox Barbarum regem Chaganum adversantem sensit, et anniem trahicere impedientem. Quamobrem legationem pacis mittere ratio persuasit. « Sieque Theodorum medicum », inquit Nicephorus², « virum cordatum, sagacitatemque et prudentiam multos excellentem, ad eum misit. Qui cum Barbarum frementem maxime et superbientem, ac verborum fastu exultantem (nationum enim omnium dominum se esse minabundus jaetabat) vidit, veteri quadam narratione Barbaricum legatus lenuit timorem. Inquit enim : Audi, Chagane, veterem et ntilem orationem. Sesostris Aegyptiorum rex illustris admodum et felix plurimas et maximas sibi subjecit nationes atque ex eo successu in proterviam arrogantiam sublatus currum sibi aureum pellucidis pretiosisque lapillis ornatum fieri fecit : in quo considens quatuor ex

devictis regibus currui, qui eum traherent, jugo illis imposito, junxit. Hoe vero eum saepius fieret, et celebri quodam festoque die ex quatuor istis regibus nuns oenlis conversis continue retrospiceret, et rotæ volubilitatem intueretur; Sesostrisque eum, cuius rei gratia tam frequenter oculos in rotam conieceret, percontaretur : respondisse id fertur : Cum stupore admiror rotam, cum eam instabilis modo ferri, atque alias aliter volvi et nunc quidem sublimia demittentem, rursus autem demissa sublimantem conspicio. Sesostris porro ubi dictum id intellexit, slatuit, ne illi posthac currum traherent.

92. « Barb rus vero subridens, satis se pacem complecti indicavit, et Priseus ei pro transitu bonam spilorum partem, maxima quaque concedendo dedit, et se Romanorum ditione cedere (Romanum namque id solum esse) significavit. At Barbarus Romanos armis et jure belli id amisisse respondit. Et cum Chaganus ad hunc modum familiarius cum Prisco rixaretur : Priscus ei, quod ex Oriente profugisset, convicci loco objicit ». Haec minus de Chagani et Prisci rebus, liberataque Europa ab incursione Abarum cum armis Prisci, tum vero eloquentia Theodori medici, ad quem extant plures sancti Gregorii Epistole, et inter alias illa superius recitata, qua persuadet eum Mauritio agere, ut latam impiam legem abroget. Quod vero ad temporis rationem spectat, errore vides positum a Theophane, quod ista de Prisco contigerint anno Mauritii imperatoris tertio decimo, cum ex litteris recitatis sancti Gregorii ipsum hoc anno restitutum constet, dum adhuc tertius perseveraret Gregorii Pontificatus annus, cuius hoc anno quartus incipit mense Septembri. Quomodo vero Priscus una cum Commentiolo, rupto foedere, eumdem regem vicerit, suo loco dicturi sumus.

93. *Sanctorum Glyceriae et Euphemiae miracula.* — Quod autem nuper mentio facta est de Mauritio imperatore visitante Heracleae Ecclesiam S. Glyceriae, hic opportune quid his diebus illic acciderit, ex Nicephoro referam, rem sane memoria dignam : ait enim³ : « Minime vero abs re fuerit, si celeberrimae martyris istius miraculo (nempe Euphemiae, de qua dicturi sumus inferius) ; admirande Glyceriae, et ipsius martyris miraculum conjunxero. Vir quidam, cui Paulino nomen erat, obscurio loco natus, in bonis autem disciplinis admodum edeatus, manifesto in impostorum et maleficorum barathrum demersus esse deprehensus est. Incantatori huic et mago argentea fuit pelvis, in qua detestandum cruentum excipiens, per eum execrandus ipse eum apostatis virtutibus colloquebatur. Vasculum id, necessitate flagitante, argentiariis vendidit. Qui pretio numerato, lanceam eam receperunt, venalemque et ipsi pro foribus cuivis praetereunti emendi liberam facultatem facientes proposuerunt. Accidit autem, ut Perinthius antistes

¹ Greg. l. ii. Ep. li. Ind. xi. — ² Niceph. l. xviii. c. 29.

³ Niceph. l. xviii. c. 32.

(ipsius scilicet Heraeae), Byzantii esset, et pelvum eam, ita ut venundabatur, comparare.

94. « Itaque enim vasculo empto se in suam sedem recepil, et ob reverentiam unguenti martyris Glyceriae sublato priore vase aeneo, argenteum istud repositi, cultui divinilis manantis unguenti id maxime convenire arbitratus. Atque ille quidem hoc sic fecit : rarus autem unguenti constituit. Marty enim ipsa tantum piaculum detestata, gratiam et donum id cohibuit : haudquaquam enim fas esse, tacens etiam dicebat, ut mundum immundo contingeretur. Hoc postquam diebus plurimis fieri cognovit episcopus, oppido quam graviter tulit, variasque euras in animo ipse suo, quod ipsius culpa Ecclesia commoditate tanta privari deberet, volutavit. Proinde ad lacrymas et preces conversus, Deo supplicavit, ut rem tam gravem auferret, et facti ejus causam latenter ostenderet. Deus vero rite abominationem eam amoliens, et inscitiam misericordia legilime prosequens, antistiti in somnis lancis piaculum manifestat.

95. « Ille statim argenteam phialam subducit, et priorem illam aream perinde atque puram et quasi virginem et immaculatam ministram cullui religioso restituit. Et ecce tibi, drepente unguentum rursus securit, et miraculorum latex denuo exundat. Piaceum autem exercandum manifeste in opertum produceitur, et non alter quam in publicis columnis incisum proponitur, urbique gloria sua redditur. Ea res ubi ad imperatoris aures per primariae sedis episcopum (Joannes is jejunator erat) relata est, princeps ab eodem episcopo ad reos capitali suppicio persequendos excitatus est ; nam is resipiscentia atque penitentia crimen corriger voluit. Iudicium igitur maximum cogitatur, et maleficorum multitudo ingens produceatur. Qui in gravem careerem conjecti, ad supplicia, debitam persoluturi poenas producti sunt. Inter quos Paulinus in palum summa parte hiantem actus turpiter vitam finiit, cum prius caedis filii sui spectator fuisset : siquidem et hunc abunde impostura et malefici portentis imibuerat. Atque hoc ita est gestum ». Haec Nicephorus. Eamdem historiam¹ exactissime descriptam habes a Theophylacto, dum Mauritianam texit historiam.

96. Eadem quoque gratia pollebat sanctissima martyr Euphemia, de qua alias dictum est : præstabat vero in miraculis ista in eo, quod cum liquore etiam admixtum sanguinem e sacro corpore emittebat, eo tantum die, quo natalis ipsius anniversaria celebritate festivus populo recurrebat. Quid autem tunc acciderit de Maurizio imperatore ex eodem Nicephoro accipe² : « Hoc autem loco, inquit, quid Maurizio de celeberrima martyre Euphemia acciderit, dicam. Iners namque cogitatio imperatori incesserat, ut anxie nimis de ingentibus ejus miraculis inquireret, et fallaciam hominum prodigia ab ea edita esse putaret. Ex adverso Con-

stantinopoli inelyta Chaleedonensis civitas sita es, ubi sane templum quoque est magnifice constructum. Diximus autem non ita dudum, sacrosanctas ejus reliquias olim in hoc ipso templo in urna marmorea repositas esse, atque in ejusdem memoria miraculum insigne, atque eis qui id non viderunt, prope incredibile fieri solere. Ex quo enim illa in martyri stadio decurrerit, et corpus ejus in monumento conditum est, ipso passionis ejus die, in conspectu omnium, loci ejus episcopus spongias quibusdam ex defunctae corpore sanguinis liquorem hanril. Sanguinem sane veluti ab recens cæso corpore vulnerum tabo mixtum, et unguentis quibusdam ex seipsis natis temperatum cernas : quem exignis vitreis vasculis episcopus exceptum atque divisum turbæ advenienti donat.

97. « Hoc igitur auditum (sicut dixi) animi quadam recordia in dubium revocans Mauritius, cum tempus appeteret, argenteum ornatum ex sepulcro detrahit, et imperiali signo monumentum martyris obsignat : sic enim hoc incredulitatis vollebat audacia. Postquam autem tempus ipsum quod debebat, advenit, curiose mysterium indagat, accuratiusque experimento solito miraculum explorat. Ecce tibi vero rursus, sicut ante, sanguis unguento conditus instar rivuli e monumento proximal, et spongias sanguine suaveolenti pingue- scunt; et martyr ipsa tum, ut prolixius sanguinis fons proflueret, fecit. Atque illa ad hunc modum imperialoris incredulitatem erudiens, castigavit. Ipse autem digitis sanguini admotis, eoque humore delibutis, seipsum sanctificando conspersit; et reipsa ut id crederet persuasus, deinceps cum admiratione laudes suas clara voce martyri tribuit ». Hucusque Nicephorus : atque de his hactenus. Recitat pariter eam historiam Theophylactus¹ in scripta a se historia Mauritiana.

98. *Theodosius filius Mauritii, et Colinduch martyr.* — Eodem quoque anno, die Paschatis Theodosius filius Mauritii, jussu ejus, coronatur imperator collega patris a Joanne patriarcha Constantinopolitano. Ita ex Theophane : alii ante biennium, ut dictum est superius ex Biclarensi. Nomen quidem Augusti esse a patre conseculum Theodosium, ex publicis monumentis invenies apud sanctum Gregorium in Epistolis².

Hoc prælerca tempore claruisse in Perside insignem feminam Christianam, eamdemque corona martyrii auctam, cum Evagrius temporis hujus accuratus scriptor, tum ab aliis recentiorum Gracorum tradunt. Evagrius enim in primis de ipsa habet ista³ : « Eodem tempore vixit apud nos Golanduch martyr, que multa tormenta perpessa, et a magis Persis graviter exercutata, martyrii coronam post magna miracula, que ediderat, assecuta est. Cujus Vita ab antiquore Stephano Hierapolis episcopo litteris mandata est ». Haec Evagrius. Colinduch vo-

¹ Theop. l. viii. c. 45. — ² Greg. l. iv. Ep. xliv. — ³ Evag. l. vi. c. 19.

eat eam Nicephorus¹, eumdemque Stephanum anctorem citat vitæ ejus, quædam captu difficileia narrans. Quicquid sit, certum est ab Orientalibus, penes quos passa est, eamdem receptam esse ut

martyrem, cultuque anniversario celebratam. Sed et haud mediocrem addit historie auctoritatem Theophylactus, qui eam exactissime narrat¹.

¹ Niceph. l. xviii. c. 23.

¹ Theoph. hist. Mahr. imp. l. v. c. 12.

Anno periodi Graeco-Romane 6086. — Olymp. 343. — Anno Æra Hispan. 631. — Jesu Christi 593. — Gregorii papæ 4.
— Mauritiū imp. 12.

1. *Postconsulatus.* — Is annus hac formula notatus : *xii post consulatum Mauritiū Tiberii Aug. solius ix*, ut legitur in Chronico Alexandrino.

2. *Chosroes Persarum rex in regnum restituatur.* — A num. 1 ad 6. Theophylactus lib. 5, cap. 3, scribit, *Narsēm Mauritiū imp. satellitem ac ducem exercitus Romani cum Chosroë, primo vere* (anni nempe **D**XCI, juxta ea quæ anno superiori diximus), *Persidem ingressum esse sequente Domitiano Melitenes episcopo; ac plures ordinum ductores Chosroen regem acclamassem.* Tum cap. 9 ait : *Famam esse, « Chosroen cum auxiliariis amplius sexaginta millia duxisse, Varamum quadraginta millia ».* Pugnatum ad Cauzagum (oppidum est Persarmeniae), et Narses illustri victoria potitus est, Persarum multis occisis, et ad sex millia captis, quos Chosroes ad se adductos jaculis omnes confecit. Varamus ad varia loca fugit, et « Chosroes, ubi discessum hostium apertissime intellexit, Romanos, uti dominum redcant, blande monet, ipse coacta phalange Persica Babylonem abit, nihil dignum pro auxilio iisdem remensis ». Metuens tamen ne ab indigenis per fraudem occideretur, a Mauritiū petiit, uti ad custodiam corporis mille sibi gravis armaturæ mitteret, quos et obtinuit. Eodem tempore *sancto Sergio* martyri crucem ex auro fabrefactam primum munere obtulit, missa Epistola, quam Baronius ex Evagrio lib. 6, cap. 20, integrum recitat. Legitur etiam apud Theophylactum lib. 5, cap. 13, qui eam forte ex Evagrio descripsérat. Subjungit, « anno dehinc proximo Chosroen Siram, genere Romanam et religione Christianam, quam aestate florentem connubio sibi copularat, reginam publicitus » appellasse, et *tertio anno* sancto Sergio Persidis martyri pro filio ex Sira suscipiendo supplicasse; nec ita diu post eum donis honorasse adjuneta Epistola græce composita, quam ad verbum Theophylactus cap. 14 recitat.

3. *Rumor de conversione Persarum regis spargitur.* — *Chosroen* fidem Christianam suscepisse, fama nuntiavit. Hinc abbas Bielariensis, qui ad annum Christi **D**CX, Mauritiū imp. octavum Chronicon summ perdixit, quique hoc tempore vivebat, haec verba eidem Chronico poslea inseruit : « Imperator Persarum Christi suscepit fidem, et pacem cum Mauritio imp. firmavit », et Fredegarius in Chronico cap. 9, ad annum **XXVIII** Guntranini, qui anno **D**LXXXIX desinit, multa fabulosiora, quam quæ Baronius ex Historia Miscellæ de hac conversione refert, in medium adducit. Idem ex auctoribus Græcis testatur Theophylactus lib. 4, cap. 10 et lib. 5, cap. 2, scilicet, eum fassum esse Deum, « qui a Romanis coleretur, omnium esse potentissimum atque ore libero veterem superstitionem » condemnasse. Sed de baptismo ejus, reginæ ac suorum ne verbum quidem habet. Haec fabula inde nata, quod *Chosroes* pro sua in regnum restituzione *S. Sergio* martyri volum fecerit, et ut Mauritiū imperatorem demereretur, se Christianum fieri velle tinxerit.

4. *Finis belli vicennialis Persas inter et Romanos.* Theophylactus lib. 5, cap. 13, postquam dixit Chosroen, quotquot cum Varamo in tyrannide communicaverant, spiritu privasse subdit : « Fœderata inter Romanos et Persas pari æquitate colicepta. Hoc tandem modo aere illud, et Persicum bellum a Romanis non sine gloria finitum atque compositum est ». Duravit annos viginti, ut Theophylactus lib. 3, cap. 8 nos edocet; cœperat enim an. **D**LXXI et septimo Justini junioris imp. anno, ut eo anno, num. 5 ostendi. Quare perperam Theophanes in Chronico, ubi hujus belli initium recte consignarat, ejus finem cum anno Mauritiū imp. **VII**, annoque Incarnat. secundum Alex. **D**LXXXI copulavit. Nam *Chosroen* anno **D**XCI regnum recuperasse, præter ea, quæ retulimus, confirmat auctor Chro-

nici Alexandrii, qui anno *ix post consulatum Mauriti*, Christi scilicet *dxci*, inquit: «Hoc anno Chosroes Persarum rex a Varamo contribuli suo regno pulsus ad Romanos confugit, et inita cum illis societate et amicitia in regnum est restitutus». Neque video de hujus restitutionis tempore posse imposterum ambigi.

5. *Regem Persarum non esse conversum dolet S. Gregorius.* — Ad num. 7. *Chosroen* Christianam fidem amplecti noluisse scriptis ad S. Gregorium *S. Domitium* episcopum Melitiae, ut liquet ex Epistola, quam ad eum rescripsit S. Gregorius, que extat lib. 2, Epist. *lxiii*, *Indict.* xi., mense Augusto data, hoc scilicet anno. Verum perturbatus est Epistolarum ordo in Regesto Gregorii, ut multis exemplis constat, ideoque videtur, *Domitium* anno *dxci* ad Pontificem Romanum de rebus a se in Perside gestis litteras de lisse, et Pontificem anno *dxci* ad eum rescriptsse; res enim haec majoris momenti erat, quam ut adeo sero eidem nuntiata fuerit; praesertim cum de regis Persarum conversione per totam Europam tam multus sermo disseminatus fuisset.

6. *Inventio tunicae Christi.* — Ad num. 24. Fredegarius Sigeberto chronographo a Baronio citato longe antiquior, in Appendix ad Gregorium Turonensem cap. 2, eadem de *tunica Christi* refert, eam scilicet non longe a Hierosolyma inventam fuisse, et ad eam urbem translatalam; sed inventio nem hanc consignat anno Guntramini regis *xxx*, quod sub eodem anno Guntramni habet etiam Aimoinus lib. 3, cap. 74, quod ideo secundum Fredegarii suppulationem contigit anno Christi *dxc*, non vero anno *dxciv*, ut scribit Sigebertus. Falluntur etiam omnes isti scriptores, quando asserunt, *Gregorium Antiochenum*. Thonam Hierosolymitanum, et Joannem Constantinopolitanum episcopos illum tunicam *ordine pedestri* Hierosolymam perduxisse. Nam Gregorius quidem Antiochenus hujus anni initio adhuc in vivis erat, ut infra videbitur, sed anno *dxc*, non *Thomas*, sed *Joannes Ecclesiam Hierosolymitanam* regebat, et anno Christi *dxciv*, Amos episcopus Hierosolymorum erat. Praeterea Aimoinus et Fredegarius, narrata illa tunicae Christi inconsutile inventione, aiunt: *eo anno luna obscurata est*; que lunae eclipsis facta est in Gallia anno *DXXXIX*, die sexta Martii, post medianam noctem, feria sexta incunite, juxta calculum Calvisii in Opero suo Chronologico. Hujus itaque inventonis annus ex solo illo lunari defectu innotescit. Ea Christi tunica nunc religiose Treviris asservatur, ut prodit Browerus in Annal. Treviren. lib. 45, ubi de ea plura.

7. *Moniales duæ regum filiæ tumultus in Gallia excitant.* — A num. 63 ad 85. Gregorius Turonensis lib. 9, capp. 39, 40 et seqq., et lib. 10, cap. 10 fuse agit de orto scandalo in monasterio Pictaviensi post *sancæ Radegundis* regine ejus Iundatricis mortem, occasione *Chrodielidis* filie Chariberti regis, ac *Basiliæ* filie Chilperici pariter

Francorum regis, quæ nolebant morem gerere *Leuborera* abbatissæ, injectis in eam criminibus, ut loco ejus substitui possent. Utraque pedibus Turones venit *kalendis Martiis* ad sanctum Gregorium Turonensem, qui totum illud negotium prolixo stylo deseripsit. Eo tandem prorupti *Chrodielidis* andacia, ut occupato nocte per emissarios suos monasterio, vi abbatissam inde abduxerit; ex quo dira mox secuta seditio cadibus ac stragibus urbem feedavit. Re ad *Childebertum* et *Guntramnum* reges delata, convenit inter eos, ut episcopi ex utroque regno conjuneti, haec quæ gerebantur, canonica sanctione emendarent. Cogitur *Concilium Pietavicense*, ubi constituto judicio abbatissa de levibus rebus confessa, gravioribus non probatis absolvitur, et monasterio restituitur. *Chrodielidis*, ejusque consortes flagitiis et sceleribus comprobatis communione private donec condignam penitentiam agerent. Haec discordia universa Gallia non parum fatigata. Verum cum Turonensis narret haec annis Childeberti regis *xiv* et *xv*, ea pertinent, partim ad annum Christi *DXXXIX*, partim ad annum *dxc*, ut ex iis, quæ de Childeberti regis initio diximus, indubitatum redditur.

8. *Privilegium monasterio S. Medardi concessum.* — Ad num. 85 et seq. *Indictione undecima* in Registro Epistolarum sancti Gregorii recitatur privilegium quod Suessionensi monasterio *sanci Medardi* in Gallia hic sanctus Ponifex dieitur concessisse, regnante Theodorico in Gallia. Verum, eum Indictio *xi* non incidat in annum *dxciv*, quo privilegium datum dicitur, sed in currentem annum; sanctus Gregorius annos Incarnationis suis Epistolis non adhibeat; et Theodoricus ante annum *dxcvi* non regnaverit, Joannes Launoins in Dissertatione singulari quam de eo privilegio edidit, et Cointius hoc anno num. 12 et seq. illud suppositum esse contendunt. Adversus Launoium scripsit Robertus Quatremarius monachus Benedictinus congregationis S. Mauri, et predictum privilegium omissis subscriptionibus publicavit. Legi possunt quæ in utramque partem haec de re nuperis annis edita fuere.

9. *Ingobergæ reginæ obitus.* — Ad num. 87. Gregorius Turonensis lib. 9, cap. 26, anno *xiv Childeberti regis*, narrat mortem *Ingobergæ* reginæ, Chariberti Francorum regis viduae, mulieris valde piae, quæ reliquit filiam, a Gregorio Magno *Aldibergam*, a Beda vero lib. 4, cap. 26, *Bertham* appellatam. Nupsit haec *Edilbertha* Cantii regi et Christianam religionem invexit in palatium regum Anglorum, qui prius idolis serviebant. Verum mortua *Ingoberga* anno *DXXXIX*, qui Childeberti regis decimus quartus est.

10. *Initium belli a Romanis aduersus Aves gesti.* — A num. 89 ad 93. Postquam pax in Oriente Romanos inter et Persas stabilita fuit, Mauritius imp. copias in Europam transtulit adversus *Chaganum* Abarum seu Turcorum regem, qui in Thracia tumultuabatur. Imperator ipse e regia urbe

egressus, loca a Barbaris eversa contemplari voluit, et ducis officio fungi. Cumque usqne in Septimum, ut a Byzantiis nominatur, processisset, « eo die sol pene totus est obscuratus. Annus imperii ejus nonus tun agebatur », inquit Theophylactus lib. 5, cap. 16. Ejusdem eclipsis solaris diserte meminere Theophanes et Zonaras. Accidit illa, juxta Calvisium in Opere chronologico, die decima nona Martii, feria quarta, non vero septima, ut ibidem errore typographi legitur, horis post medianam noctem deceim Constantinopoli, idque anno quingentesimo nonagesimo secundo. Ejusdem eclipsis calculum pleniorum descripsit Petavius lib. 8 de Doct. Temp. pag. 853, adeo ut certum indubitatumque sit, eo Christi anno deliquium illud solare Constantinopoli visum esse. Indeque intelligimus, Chosroen anno DCCCI post vernum tempus in regnum restitulum, et vere sequenti, anni scilicet DCCII, tranquillis in Oriente imperii rebus, Mauritium Aug. copias exinde in Occidentem translusisse.

11. Francorum legati ab imperatore repulsum ferunt. — Mauritius post aliquot dies, cum de legatorum regis Persarum adventu Byzantium certior factus esset, illuc rediit. « Die tertio », inquit Theophylactus lib. 6, cap. 3, « legati Celtiberorum, qui hodie Franei dicuntur, Boso et Bettus in urbe adiunxerunt. Iujus gentis princeps Theodoricus tributum pro societate cum Romanis coeunda, et pretium pro bello adversus Chaganum gerendo paciscebatur. Qui legatos muneras humaniter et Barbaros a Romanis exigere pecuniam inique patiens, horribatur Francos ut citra stipendium, seu vectigal, quod postulabant, armorum societate secundum devineiri vellent. Chaganus item pacta tributa angari a Cæsare contendebat, cui eum aures non darentur, contumino bellum moliri, et Selavis bonum numerum parandorum actuariorum ad Istrum trajicendum indicere ». Verum Theophylactus loco Childeberti, *Theodoricum* per errorem scribit. Neque enim *Theodoricus* in Gallia regnavit ante annum DCCVI, ut suo loco ostendetur.

12. Initium belli Romanos inter et Avaros gesti. — *Prisco* hujus belli Europei administratio ab imperatore commissa est, ut habet Theophylactus c. 4, qui cap. 6, tradit. *Priscum* instantे jam hyeme exercitum dimisisse, Byzantiumque reversum esse: vere inenire eum auctoritate imperatoris ad Istrum movisse, ut ab eo *Sclavorum* gens, que Chagano parebat, flumen trajicere prohibita, vel nolens securitatem et otium Thraciæ praestaret. Ubi Theophylactus de verno currentis Christi anni sine dubio loquitur. *Priscus* post aliqua gesta bellica trans Istrum hyemare jubetur, ut prodit Theophylactus cap. 10, qui capite sequenti subjungit, imperatorem *Priscum* exauelorasse, et *Petrum*, cujus frater germanus erat, Romanarum copiarum prefectum instituisse. Is cum a Barbaris debellatus fuisset, *Priscus* dux iterum renuntiatur, et *Petrus* abrogata sibi functione Byzantium rediit, ait Theophylactus cap. 5 libri septimi. Quod cum accepisset S. Grego-

rius papa seripsit ad *Priscum* patricium Orientis Epistolam quæ est in libri secundi Registri sui, Indictione XI, mense Julio, quæ est *de humilitate tenenda in prosperis et adversis*, et de ejus in pristinum gradum restitutione gratulatoria: *Quia igitur perfectum vos dominorum (nempe Mauritii et Theodosii imp.) gratiam auctore omnipotente Deo reparasse cognovimus, magna pro vobis exultatione gaudenus*. Sed eum mense Julio, Indictione undecima, anno scilicet Christi currenti, *Priscus* nondum exauelatus fuisset, annoque sequenti *Petrus* expeditiones militares confecerit, *Priscus* iterum belli Orientalis dux electus non est ante finem anni DCCIV, ideoque ea divi Gregorii Magni Epistola extra proprium locum in ejus registro collocata. Theophlaues in Chronico quæcumque ad hoc bellum pertinentia narravit, ex Theophylacto colligit. Sed illud anno uno tardius inchoavit, et quæ is in pauciores, ipse distribuit in plures; et aliquando in unum eundemque confert, quæ in plures dispergenda erant. Qua de re legendus Goar in Notis ad illud Chronicon. De pace Romanos inter et Chaganum pœcta, de qua Baronius hoc anno, suo loco agemus.

13. Imperatoris pietas erga S. Glyceriam martyrem. — A num. 93 ad 96. Anno superiori *Mauritium Augustum* ex nrbe exuentem marina tempestas exceptit, qui naufragio elapsus Heracleam Thracie urbem in Propontide venit, « Glyceriaeque martyris templum ingressus, et quam maxime illud veneratus, pecuniam insuper ad partes ejus illato per Abaros incendio vastatas ac prolapsas iterum excitandas, exornandasque erogavit », inquit Theophylactus lib. 6, cap. 1. Solemnis est S. Glyceriae martyris potissimum in patriarchatu Constantiopolitano, et apud Orientales ad diem XIII mensis Maii veneratio, ut liquet ex variis Synaxariis et Menæis Græcis ab Henschenio in Actis sanctorum Bollandianis ad eum diem citatis. Erat in ea urbe hujus sanctæ martyris templum, in eoque corpus ejus sacrum in magna veneratione, propter unguenium quod ex ejus monumento defluebat, ut docent Niephorus, Callixtus (enjus verba recitat Baronius), et Theophylactus lib. 1, cap. 11. In Actis martyrii ejus ex Ms. graeco latine ab Henschenio redditis dicitur, *Antoninum imperatorem anno primo imperii sui edictum promulgasse*, quo qui nolent diis sacrificare jubebantur interfici. Illud cum in Europam perlatum fuisset, *Sabinus* Graciæ præses *Glyceriam* virginem, quod nollet diis sacrificare, variis suppliciis affecit, tandemque jussit feris objici, et cum eis pugnare. Martyrium obiit *mnia* cum S. *Laodicio* eustode carceris, ejus tamen nulla fit mentio in hodierno Martyrologio Romano ad diem XIII Maii, quo S. *Glyceria* memoratur, licet nomen ejus legatur in Menologio cardinalis Sirteti, quo usus est Baronius, qui etiam sanctæ hujus martyris non meminit, quando loquitur de martyribus sub Antonio Pio passis.

14. Sudor sanguineus e corpore S. Euphemioæ

effluit. — A num. 96 ad 98. Theophylactus lib. 8, cap. 44, prodit, in urbe Chalcedonensi ex adverso Byzantii sita, esse templum sancte *Euphemie* martyris, ubi ejusdem sacratissimum corpus asservatur, et die quo ipsa martyrium obiit, in conspectu omnium, loci episcopum, spongiis a corpore mortuo plurimum sanguinis colligere, quod per vascula vitrea ab eodem adventantibus distribuitur. Sed *Maurilium duodecimum jam annum agentem* rejecisse tam insigne miraculum, ac asseruisse illud fallacium hominum commentum esse. Cum itaque sepulerum obsignasset, et ubi status dies affuit, arcum explorasset, iterum sanguine instar fontium fluit. Quo pacto *Mauritius* incredulitatem depositus, et summa imposterum veneratione martyrem prosecutus est. Colitur *Euphemia* in Martyrologio Romano, aliisque, die xvi Septembbris, in persecutione Diocletiane martyrio coronata. Cum autem istud miraculum anno duodecimo *Mauritii* imp. configerit, pertinet ad praesentem annum, vel saltem ad insequentem.

15. *Theodosius coronatur imperator.* — Ad num. 98. *Theodosius* imperator *Mauritii* filius coronatus est die xxvi mensis Martii, die sancto Paschatis, ideoque anno DCC, quo Pascha in illum diem incidit. Qua de re legenda quae eo anno num. 3 scripsimus. Baronius annum, quo *Theodosius* dictus *imperator*, ab eo quo coronatus est, perperam distinguens, ejus coronationem in praesentem, contra mentem Theophanis distulit.

16. *Floret in Perside S. Golinducha.* — Theophylactus lib. 5, cap. 12, loquens de iis, quae anno DCC, quo *Chosroes* in regnum restitutus est, contigerunt, refert sanctam feminam *Golinducham* multa eventura *Chosroae* vaticinatam fuisse, et Romanis de ejus ad ipsos perfugio, antequam fieret praedixisse. Nata erat Babyloniae e Magorum familia,

que cum viro nobili desponsa esset, Christianam religionem venerata est, coepie in sua infidelitate demortuo Christianorum disciplina initiata est. Quod, ut Magi compererant, eam tetro carceri incluserunt, ex quo Angelo apparente exiit, et Hierapolum venit, ubi tolerantiae corona cum triumpho semipaterno redimita est. Haec Theophylactus. Evagrius lib. 6, cap. 20, ait: « Iisdem temporibus Golanduch, martyris vivens ac spirans, apud nos mansit », ubi martyr vivens appellatur, quod post martyrium dum superstes vixit. Eam enim martyrium passam docent Evagrius citatus, et Nicephorus lib. 18, cap. 24. Ejus diem natalem Graeci celebrant die undecimo Julii, ut legitur in Menologio, eique celebrem constitutum fuisse cultum Constantinopoli, docent Menaea graeca Basilii imperatoris, et Ms. Synaxarium graecum Ecclesie Constantinopolitane quod servatur Parisiis in bibliotheca collegii Ludovici Magni. Cognata fuit *S. Syrae* virginis, que Chosroe seniori in Perside regnante martyrium pertulit, ut anno DCLIX ostendi. Titulus enim passionis sanctae Sirae graece scripta his verbis concipitur, ut refert Papebrocius ad diem xviii mensis Maii in Commentario praevio ad ejus Vitam: « Certamen S. martyris Sirae, martyrium passae in Perside, cognatae S. Golinduchae (quae et ipsa martyrio coronata fuit) sub Chosroes avo Chosroes, qui hoc tempore regnat in Perside ».

17. *Res ad hunc annum aliis narratæ reducendæ.* — Evagrius hoc anno Historiam suam absolvit, ut anno sequenti videbitur. Guntramni Francorum regis mors ad hunc annum revocanda, ut anno DCCVIII ostendam. Mortui et sanctus *Simeon junior Styli*, et *Gregorius* episcopus Antiochenus, ac *Anastasius* in sedem Antiochenam restitutus, ut anno DCLXXIV, de *Simeone* monstravi, et de *Gregorio* anno sequenti probabo.

1. *Gregorius papa Constantium episcopum Mediolanensem instruit circa schismaticorum presumptiones.* — Nonagesimus quartus supra quingentesimum annis duodecima Indictionis agitur, quo *Mauritii* octavus absolvitur, et *Gregorii* papae quintus iuxtaeatur: cum ipsis Pontifici ex more la-

borandum fuit adversus schismaticos atque haereticos, neconu pravos mores Orthodoxorum, praecepue vero clericorum. Quod vero in primis ad schismaticos pertinet: exigebant hi a Constantio episcopo Mediolanensi recens creato, ut si recipi vellet, damnaret dannantes Tria illa Capitula in

quinta Synodo reprobata, zelo quodam absque scientia concitati. Invaluerat enim apud eos (quod saepe dictum est) sententia illa, qua assererent per quintam Synodum in damnandis Tribus Capitulis irrogalam esse injuriam Synodo Chalcedonensi, cuius se esse defensores tenacesque custodes profiterentur: qua assertione interdum adeo valuerunt, ut optimos quoque in schisma pellicerent. De his autem cum idem Constantius Gregorium Romanum Pontificem consuluissest hoc anno, ad eum ista ipse respondit¹:

2. « Scriptis sanctitatis vestrae percursis, in gravi vos merore esse cognovimus, maxime propter episcopum et eives Brixiae, qui vobis mandant, ut eis Epistolam transmittatis, in qua jurare debeatis, vos Tria Capitula minime dannasse. Quod si decessor fraternitatis vestrae Laurentius nou fecit, a vobis queri non debet: si autem fecit, aut eum universalis Ecclesia non fuit, aut cautionis sue iuramenta transcendit. Sed quia cumdem virum sua credimus sacramenta servasse, atque in unitate Ecclesiae permanisse; dubium non est, quod nulli episcoporum suorum juraverit, se Tria Capitula minime dannasse. Ex qua re colligat sanctitas vestra, quia cogi non debet ad hoc, quod a decessore vestro factum nullo modo est. Sed ne hi qui vobis ista scripserunt, scandalizari videantur, transmitte eis Epistolam, in qua sub anathematis interpolatione fateamini, neque vos aliqui de fide Chalcedonensis Synodi imminuire, neque eos qui imminunt recipere: et quoscumque dannavit, dammare; et quoscumque absolvit, absolvere. Unde credo eis posse celerrime satisfieri ». Hac pariter professione et ipse Gregorius ab hisdem schismaticis impetus (ut vidimus) statim fecit.

3. Quod vero Joannem Ravennatem episcopum acerrimum quinte Synodi defensorem idem Constantius nominare soleret in missis, inde etiam hisdem schismaticis scandali occasio data est non recipiendi sumi ipsorum episcopum Constantium, nisi ab ejus nominatione desisteret. De quibus haec rescripsit ad ipsum Gregorius:

« Quod autem scripsistis, quia scandalizantur plurimi corum, quia fratrem et coepiscopum nostrum Joannem Ravennatis Ecclesie inter missarum solemnia nominetis: requirenda vobis consuetudo antiqua est. Et si consuetudo fuit, modo a stultis hominibus reprehendenda non est. Si vero consuetudo non fuit, fieri non debet unde quibusdam scandalum moveri possit. Tamen sollicite perquirere stude, si idem Joannes frater et coepiscopus noster vos ad altare nominet, quod minime dicunt fieri. Et si ille vestri nominis memoriam non facit: quae necessitas cogat, ignoro, ut vos illius faciatis ». Haec quidem ex more. Verum quod non nominando Joannem tunc jam ceplum nominari, potuisset scandalum suboriri, quod ejus communionem, qui defensor quinta Synodi esset,

rejecisset; idcirco ad ea quae dixit, ista mox jungit: « Quod quidem si sine aliquorum scandalo fieri potest; vos tale aliquid facere, valde laudabile est: quia quam charitatem erga fratres vestros habetis, ostenditis ». Porro ad hos curandos eo usque progreditur Gregorius, ut ad tempus de quinta Synodo commendet silentium, cuius causa schisma esset obortum: quod quidem absque serupulo læsæ Catholice fidei fieri posse demonstrat, cum in ea (quod alias saepe professus fuit) non de fide, sed de personis sit actum. Subdit his ergo Gregorius:

4. « Quod autem scripsistis, quia Epistolam meam regine Theodolindæ transmittere minime voluistis, pro eo quod in ea quinta Synodus nominabatur: si eam exinde scandalizari posse credidistis, recte factum est, ut minime transmitteretis. Unde nunc ita facimus, sicut vobis placuit, ut quatuor Synodos solummodo laudaremus. De illa tamen Synodo, quæ in Constantinopoli facta postmodum est, quæ a multis quinta nominatur, scire vos volo, quia nihil contra quatuor Synodos constituerit, vel senserit: quippe quia in ea de personis tantummodo, non autem de fide aliquid gestum est, et de his personis, de quibus in Chalcedonensi Concilio nihil continetur: sed post expressos canones facta contentio et extrema actio de personis ventilata est. Nos autem, sicut voluistis, ita fecimus ut ejusdem Synodi nullam memoriam faceremus ». Haec de his Gregorius.

5. Istæc quidem accurata indigent consideratione, ne ipsi Gregorio quoquo modo prælatus fasque prevaricationis inuratur nota, quasi inserviens temporis mendaciter dicat, nihil de personis damnatis in quinta Synodo, contineri in Chalcedonensi Concilio: cum contrarium magis verum appareat, nempe Tria illa Capitula de personis damnata in quinta Synodo, legi omnino in Actis ejusdem Concilii Chalcedonensis. Sed scito, lector, legitima appellatione Concilii Chalcedonensis, ea tantum significari, quæ de eodem Concilio sciuntur esse probata, et auctoritate Romani Pontificis confirmata. Sie igitur sanctus Gregorius ejus videtur fuisse sententia, ut Chalcedonensis Concilii nomine, non nisi editum in eo fidei decretum, et sancti ibidem canones continerentur: extra Synodum autem censenda esse privata illa diversarum causarum judicia, in quibus facile posset contingere, errores inveniri occasione falsarum probationum partium mendaciorum saepe intentium. Nec putes ex his derogatum aliquid a Gregorio Concilio Chalcedonensi: inno scias amplius esse tribulum, quam jure exigi potuisse, dum prælatus Decretum fidei, etiam canones ejus Synodi salvos esse velit: siquidem Leo Magnus, cuius tempore illud Concilium congregatum est, confirmatur illud, sepius est contestatus in diversis Epistolis, et in ea potissimum² ad ipsum Concilium scripta, se non nisi sanctum in ea fidei Decretum probare, canones autem secus, cum ex

¹ Greg. I. m. Ep. xxxvii. Ind. xii.

² Leo, Ep. LXI.

eis in prærogativa patriarchalium sedium derogatum esse definitioni sacrosancti Nicæni magni Concilii : quod quidem non in ea tantum Epistola ad Concilium data, sed et in aliis idem profitetur Epistolis tanquam validum firmatum a se decreatum. Seite igitur sancteque Gregorius non spectare dixit ad Chaleedonense Concilium quæ de personis in quinta Synodo statuta fuissent. Utinam ad ejusmodi Leonis decreta de confirmata ab eo Synodo Chaleedonensi respxissent schismatici illi, qui querebantur ob Tria damnata Capitula irrogatam esse injuriam Concilio Chaleedonensi ; hoc idem atten-dissent et illi qui adversus eos pugnabant pro quinta Synodo , certe quidem auctoritate Leonis liberas-sent se et alias a tot tantisque undique per orbem plurimis annis excitatis turbis, rivis, atque schismati-bus : cum nullus jure queri potuisset, si quæ in eodem Concilio minime reperirentur esse probata, quoquo modo corrigerentur : neque enim eidem Synodo plus esse tribendum, quam tribuisset Leo qui confirmavit, quis jure dicere potuisset.

6. Episcopi in Africa pugnant in Donatistas. — Sed ad Gregorium redeamus, cui non contra schismaticos tantum, sed et contra haereticos fuit hoc anno certandum, qui depassebant Africanam Ecclesiam. Erant hi Donatistæ, de quibus supra : de his enim in Epistola ad Pantaleonem episcopum hæc habet¹ :

« In illis igitur partibus (quantum discimus) ita Donatistarum crevit audacia, ut non solum de suis Ecclesiis auctoritate pestilera ejiciant Catholice fidei sacerdotes; sed et quos vera confessione aqua salutaris abluerat, rebaptizare non metuunt ». Exclamat valde de his adversus Africanos Orthodoxos episcopos, atque post objurgationem hæc habet² : « Comperimus siquidem Donatistarum stimulos sic in illis partibus gr. gem turbasse Dominium, ac si nullius pastoris moderamine regeretur; nullatenus que nobis est (quod dicere sine gravi dolore non possumus) quod plurimi eorum venenatis jam sint dentibus laniati, etc. » Hortatur eos pluribus malo resistere, atque coaetio Concilio, omnique studio obviare. Hæc quidem in Numidia coercenda mandat ab ejus provinciæ episcopis.

7. Cæterum quod pertinet ad episcopum Carthaginensem, tantum abest ut socors in his fuerit, ut etiam a nimio impetu, quo adversus eos impellebatur, fuerit revocandus. Siquidem insuetas pœnas, habitu tunc Concilio, sauxit adversus negligentes episcopos, nempe ut qui haereticos non inquirerent et expellerent, dignitate atque bonis privandi essent. Quod quia prævidebat Gregorius majores concitatrum inter episcopos discordias, quæ magis ad propagandas quam ad destruendas haereses proficerent; eas ab ipso tunc non promulgandas, prudenter sane persuasit. Hæc enim habet postalia in ejus commendationem præmissa³ : « Desideraremus omnes ha-

retieos a Catholicis sacerdotibus vigore semper rationeque compesci : tamen subtiliter influentes omnino nos tetigit, ne per ea que apud vos gesta sunt, aliorum consiliorum primatibus (quod avertat Dominus) generetur scandalum. Sententia namque a vobis prolata est in conclusione gestorum : in qua dum pro investigandis illis haereticis admone-tis subiniustis, eos qui negligunt, substancialium dignitatumque privatione plectendos. Optimum est igitur, frater carissime, ut in his quæ foris corrienda sunt, prius charitas interna servetur, ut simus mente subjecti. Quod maxime vestra gravitatis proprium judicamus, etiam personis dignitate minoribus. Tunc enim totis coadunatis viribus, haereticorum commodius obviatis erroribus, cum secundum morem sacerdotii vestri, studueritis Ecclesiasticam interius custodire concordiam ». Ille ad episcopum Carthaginensem Gregorius. Laborasse idem Pontifex cognoscitur adversus Manichæos haereticos in Sicilia degentes, ut ejus hoc anno datae litteræ indicant.

8. Pro Judæorum conversione laborat Gregorius, et Gentilium in insula Sardinia, pro quibus legatio et litteræ ad episcopos, clericos aliosque. — De convertendis quoque Judæis fuit hoc anno valde sollicitus; quos non violentia, sed spe præmii alluci debere jussit, ita de eis scribens ad Cyprianum diaconum¹ : « Pervenit ergo ad me, esse Hebraeos in possessionibus nostris, qui converti ad Deum nullatenus volunt. Sed videtur mihi, ut per omnes possesiones, in quibus ipsi Hebrei esse noscuntur, Epistolas transmittere debeas, eis ex me specialiter promittens, quod quicunque ad verum Dominum Deum nostrum Jesum Christum ex eis conversus fuerit, onus pensionis ejus ex aliqua parte minuetur. Quod ita quoque fieri volo, ut si quis ex eis conversus fuerit: si solidi pensionem debet, tremissis ei relaxari debeat: si tres vel quatuor, unus solidus relaxetur: si quid amplius, iam juxta eundem modum debet relaxatio fieri, vel certe juxta quod dilectio tua prævidet: ut et ei qui convertitur, onus relevetur, et Ecclesiastica utilitas non gravi dispensatio prematur. Nec hoc inutiliter facimus, si pro levandis pensionum oneribus eos ad Christi gratiam perducamus: quia etsi ipsi minus fideliiter veniunt, hi tamen qui de eis nati fuerint jam fidelibus baptizantur. Aut ipsos ergo, aut eorum filios lueramus: et ideo non est grave, quidquid de pensione pro Christo dimittimus ». Hactenus de Judæis, de quibus et hæc eodem hoc ipso anno ad Anthemium subdiaconum² : « His quos de Judaica perditione Redemptor noster ad se dignatur convertere, rationabili nos oportet moderatione concurrere, ne victus (quod absit, inopiam patientur. Ideoque tibi hujus bracepti auctoritate mandamus, quatenus filiabus Justæ ex Hebreis, id est, Julianæ, Redemptie, et Fortunatae, a tertia decima succendentí Indictione, annis

¹ Greg. I. iii. Ep. xxxii. Indict. xii. — ² Ibid. Ep. xxxv. Ind. xii.

³ Greg. I. iv. Ep. vi. Indict. xiii. — ⁴ Greg. I. iii. Ep. xxx. Ind. xii.

singulis solidos... dare non differas, quos tuis novis modis omnibus rationibus imputandos».

9. Quantum præterea impenderit operis, ut Gentiles Barbaricinos dictos, populos in Sardinia comorantes, ad Christianam religionem converteret, scriptæ ad diverses hoc anno ab ipso Epistole fidem faciunt. Accidit enim, ut cum Wandali Africa potiti essent, Barbarros eosdem ad Aurasium montem omnium altissimum positos, abactos, ne eos patrarentur infestos, in Sardiniam insulam relegarint. Id Procopius tradit¹, qui haec de his addit: «Eos non adinodum multos cum uxoribus in Sardiniam mittentes, hic sunt dominati. Praecedente autem tempore montes occupavere qui prope Calarim sunt: ac primo quidem clanculum latrocinia in vicinos exerceentes, postea vero non minus quam ad tria millia crevere, et manifesto excursiones facientes, minime latere curaverunt, ac omnem circa oram depopulati sunt; quamobrem Barbaricini a vicinis appellati sunt». Haec de his Procopius. Sunt iidem hi de quibus Justinianus de officio præfecti prætorio Africæ lege secunda ita scribit: «In Sardinia autem jubemus ducem ordinari, et eum juxta montes ubi Barbarice gentes videntur sedere, habentem milites pro custodia locorum, quantos et ibi tua magnitudo providerit, etc.» Perseverantibus vero his in Gentilitio cultu ut olim erant, cum nec locorum episcopis nulla cura esset ut eos redderent Christianos: mirum in modum sanctus Gregorius doluit, segnesque pastores ad eorum conversionem litteris excitavit: sed et Felicem et Cyriacum Dei ministros in Sardiniam misit ad hos convertendos ad fidem, quos suis litteris duei Sardiniae commendavit: etenim de his in data ad Zabardam ducem Sardiniae Epistola ista habet²:

10. «Scriptis fratris et coepiscopi mei Felicis, et Cyriaci servi Dei glorie vestrae bona cognovimus: magnisque omnipotenti Deo gratias agimus, quod talem ducem Sardinia suscepit, qui sic sciit quæ terrena sunt Reipublica exsolvare, ut bene etiam noverit omnipotenti Deo obsequia patriæ cœlestis exhibere. Scripsermi etenim mili, quod eo pacto cum Barbaricinis facere pacem disponitis, ut eosdem Barbaricinos ad Christi servitium adducatis. Haec de re valde letatus sum, et dona vestra (si omnipotenti Deo placuerit) citius serenissimis principibus iunctosco. Vos ergo quod coepistis, explete: omnipotenti Deo devotionem vestram meritis ostendite. Eos quos illuc ad convertendos Barbaricinos transmisiimus, quantum valetis, adjuvate, scientes quod talia opera multum vos et ante terrenos principes et eorum cœlesti rege prævaleant adjuvare». Haec ad Sardinie ducem Gregorius, qui et ad ipsorum Barbaricinorum ducem jam Christianum redditum has litteras dedit³:

11. «Cum de gente vestra nemo Christianus sit: in hoc scio quia omni gente tua es melior, quia

tu in ea Christianus inveniris. Dum enim Barbaricini omnes ut insensata animalia vivant, Deum verum nesciant, ligna autem et lapides adorent: in eo ipso quod Deum verum colis. quantum omnes anteedas, ostendis. Sed fidem quam percepisti, etiam bonis actibus et verbis exequi debes, et Christo, cui credis, offerre, quod prævales, ut ad eum quoscumque potueris adducas, eosque baptizari facias, et æternam vitam diligere admoneas. Quod si fortasse ipse agere non potes, quia ad aliud occuparis: salutans, peto ut hominibus nostris, quos illuc transmisimus, fratri scilicet et coepiscopo meo Felici, filio meo Cyriaco servo Dei, solatiari in omnibus debeas: ut dum eorum labores adjuvas, devotio nem tuam omnipotenti Domino ostendas, et ipse libi in bonis actibus adjutor sit, eujus tu in bono opere famulis solatiaris. Benedictionem vero sancti Petri Apostoli per eos vobis transmisimus, quam petto ut debeat digae suscipere». Hactenus ad Barbaricinorum ducem Gregorius.

12. Profecti itaque Felix episcopus et Cyriacus abbas in Sardiniam, reperientes primariam ejus insula Ecclesiam Calaritanam negligentia pastoris incultam, et colonos agrorum Ecclesie Barbaricinos æque ut alios perseverare infideles, de his omnibus, litteris monuerunt S. Gregorium papam. Qui ad ipsum Januarium Calaritanum episcopum, eum segnitiei redargens, de his scripsit, ubi primum de clericis a laicis oppressis ista prefatur⁴: «Fratribus et coepiscopi nostri Felicis et Cyriaci abbalis relatione cognovimus, quod in insula Sardinia sacerdotes a laicis judicibus opprimantur, et fraternitatem tuam ministri sui despiciant; dumque solum simplicitati a vobis studetur, quaatum videmus, disciplina negligitur. Unde hortor, ut omni excusatione postposita, Ecclesiam quam suscepistis, auctore Deo regas, disciplinam clericos tenere cogas, nullius verba meluere studeas». Et paulo post de Barbaricinis ista: «Accidit autem aliud valde lugendum, quia ipsos rusticos, quos habet Ecclesia tua, nunc usque in infidelitate remanere, negligentia fraternitatis vestrae permisit. Et quid vos admoneo, ut extraneos ad Deum adducatis, qui vestros ab infidelitate corrigerem neigitis? Unde necesse est vos per omnia in eorum conversionem vigilare. Nam si eujuslibet episcopi in Sardinia insula Paganum rusticum invenire potuero, in eundem episcopum fortiter vindicabo. Jam vero si rusticus tantæ fuerit perfidie et obstinationis inventus, ut ad Dominum Deum venire minime consentiat; tanto pensionis onere gravandus est, ut ipsa exactio suæ pœna compeliatur ad rectitudinem festinare». Haec de his Gregorius, haud dubitans, si in unus summum pastores expleant, laborem eorum inanem minime cesurum. Etenim vivus² et efficax est sermo Dei, penetrabiliorque omni gladio ancipi: cuim de eodem Dei sermone³ sit pariter diculum, quod missum non

¹ Procop. de bello Wand. l. II. — ² Greg. I. III. Ep. xxv. Ind. xii.
— ³ Ibid. Ep. xxvii. Ind. xii.

⁴ Gregor. lib. III. Epist. xx. Indict. xii. — ² Hebr. iv. —
Isai. LV.

revertatur inane, sed perficiet opus, ejus causa proditum est.

13. Et quid mirum si episcopum sacerdotem ita redarguat, qui et nobiles quosque ejus insulae aecolas vehementer¹ increpat, quod Barbaricinos in suis villis colonos habentes, paterentur eosdem ligna et lapides adorare? Eadem ergo occasione ordinari praecepit² episcopum in Phausiana, ubi diu ante esse desierat; ut qui illuc Gentiles essent, ab eo ad fidem converterentur. Quae autem haec scenta sint, ex litteris ejusdem Gregorii anno sequenti datis ad Constantiam Augustam intelligi satis potest, nimirum eosdem esse ad fidem conversos, sed baptizatos licet, adhuc pressos remansisse pensatione illa, quam ante solvere cogebantur si voluissent idola colere. Quod quidem indigno animo Gregorius ferens, eamdem Augustam, ne id fieret, vehementer admonuit³.

14. Porro eadem Epislola de aliis Januarium Gregorius monuit, ut de privando archidiacono peccato carnis inquinato, illud firmiter statnens, ut qui post susceplum sacrum ordinem in carnis peccatum lapsus eset, nunquam amplius ad altaris ministerium admitteretur. Demum in fine Epistolæ ista habet consideratione quidem haud levi digna: « Pervenit quoque ad nos, quosdam scandalizatos fuisse, quod presbyteros chrismate tangere in fronte eos qui baptizati sunt, prohibuimus. Et nos quidem secundum veterem usum Ecclesiæ nostræ fecimus ». Anno enim superiori de his ista scriperat ad eundem Januarium Gregorius⁴: « Presbyteri baptizatos infantes signare sacro in frontibus chrismate non presumant: sed presbyteri baptizatos ungant in pectore, ut episcopi postea ungere debeant in fronte ». At vero quod graviter ista accepta audiisset Gregorius, indulsit, ut et presbyteri, ubi decessent episcopi, hoc facerent, cum subdit in dala hoc anno Epistola: « Si omnino haec de re aliqui contristantur, ubi episcopi desunt, ut presbyteri etiam in frontibus baptizatos chrismate tangere debeant, concedimus ». Haec Gregorius, in quem plerique oblatrant⁵ tanquam errantem, ex his conclusionem illam elicientes prorsus inanem, posse etiam in iis que sunt fidei Romanos Pontifices errare: quod tam falsum est, quam quod asserunt, errasse Gregorium minime verum.

15. Cum enim in his quea sunt de essentia sacramenti Romanum Pontificem mulare aliquid posse, minime concessum dicant; et illud affirmant de essentia ejus esse sacramenti, ut ab episcopo ministretur: sicut primum est absolute verissimum, ita posterius falsum: licet enim id sit proprium ac peculiare nimis episcopi, atque statim ut creatus est episcopus, illi inhæreat, ut semper ejus ministerio character imprimatur: tamen ex delegatione Summi Pontificis presbyter id efficiet erga illos tantum.

pro quibus eam potestatem accepit, secus in aliis: sed et in eo praestat episcopus, quod consignans non sibi subditum, licet peccet, vim tamen suam, characterem imprimendo, collatum sacramentum operatur. Ut autem retundamus eorum sententiam, qui ministerium episcopale constituant esse de essentia sacramenti, accipe quid dicat sanctus Hieronymus scribens adversus Luciferianos: « Quod si, inquit, hoc loco queris: Quare in Ecclesia baptizatus nisi per manus episcopi non accipiat Spiritum sanctum, quem nos asserimus in vero baptismate tribui? Disce hanc observationem ex ea auctoritate descendere, quod post ascensum Domini Spiritus sanctus ad Apostolos descendit; et multis in locis idem factum reperitur ad honorem potius sacerdotii, quam ad legis necessitatem ». Cum igitur dicat sanctus Hieronymus, potius ad honorem quam ad necessitatem eam episcopi in sacramento Confirmationis functionem pertinere: intelligere potes nou adeo esse de sacramenti essentia, ut jubente pontifice, non possit impleri per presbyterum. In quam sententiam definitum intelligas in sacrosanctis OEcumenicis Conciliis Florentino ac Tridentino, nimirum, Confirmationis ordinarium ministrum esse episcopum: ex quo possit intelligi, extraordinarie a papa id posse committi (ut Gregorius fecit) presbytero, necessitate tamen urgente, ne præter consuetum Ecclesiæ morem quid innovetur.

16. *Episcopos et monachos monet ac corripit Gregorius.* — Quod pertinet ad reliquias S. Gregorii res gestas cum episcopis: hoc eodem quoque anno, cum in electione Maximi pseudoepiscopi Salonitani, quasi imperatoris jussione prætensa, persisterent Dalmatiae episcopi, eundemque animo obstinato consecrassent; omnes a communione suspendit¹. Exfuit et severus censor in redarguendis episcopis illis, qui non ut docet episcopos viverent: et inter alios Ravennalem antistitem Joannem corriput, quem alias etiam antea corripuisse demonstratum est. Sed accipe, qualem esse velit episcopum, dum quæ inesse in ipso nolit, ostendit²: « Primum, inquit, me hoc contristat, quia mihi fraternitas tua duplice corde serbit, et alia blandimenta in Epistolis suis exhibet, alia in lingua sua seculariter ostendit. Deinde grave mihi est, quia irrisiones illas, quas habere notarii adhuc pueri solent, usque hodie frater mens Joannes in lingua sua retinet: mordaciter loquitur, et quasi de tali astutia laetatur: amicis presentibus blanditur, de absentibus obloquitur. Tertio grave mihi et omnino execrabile est, quia servis suis quia hora furit, turpia crimina impunit, ut effeminati et adhuc graviter hoc apertius vocentur. Post haec accessit, quod disciplina ad vitam clericorum custodiendam nulla est, sed tantummodo se clericis suis dominum exhibet. Ultimum vero est, quod tamen pondere elationis primum est, scilicet de usu pallii extra Ecclesiam ». Et paulo post: « Et quidem omnipotenti Deo gratias

¹ Greg. I. tit. Ep. xxiii. Ind. xii. — ² Ibid. Ep. xxix. Ind. xii. — ³ Greg. I. iv. Ep. xxxiii. Ind. xiii. — ⁴ Greg. I. iii. Ep. ix. Ind. xii. — ⁵ Duran. in IV. d. 7. q. 4. Hadr. in quasbo. de Confir. art. ult.

¹ Greg. I. tit. Ep. xx. Ind. xii. — ² Greg. I. iv. Ep. xv. Ind. xii.

ago: quia eo tempore quo ad me hoc pervenit, quod ad aures decessorum meorum nunquam per venerat. Longobardi inter me et Ravennatem civitatem positi fuerant. Nam ostendere forsitan hominibus habui, quantum scio esse discretus ». Hæc et alia, figens aeuleum. Corrigens insuper lapsum episcopum Saturninum post depositionem saceris se miscentem, vix ut inter laicos communicare possit indulget¹. Monuit et Constantium Mediolanensem episcopum de corrigendis clericis, quos nosset sibi subjectos. Redarguit Felicem Sirmii episcopum, quod suo metropolitano obedire despiceret². Admonuit vero et Joannem episcopum Primæ Justiniane, et ad exactam curam pastoralem præstandam Epistola³ scripta redditum vigilantem.

17. Monachos etiam sub regulari contineri disciplina laboravit: ejus rei gratia, ne laicorum consuetudine solverentur, vetuit ne commates laarent, neve mulieres accederent ad monasterium, deque his scripsit ad Valentimum abbatem⁴. Vetuit insuper, ne quis clericus, licet videretur probatae vitæ, monasteriis præficeretur. De his sunt litteræ ad Joannem Ravennatem episcopum, ubi inter alia⁵: « Nemo enim potest et Ecclesiasticis obsequiis deservire, et in monachica regula ordinate persistere; ut ipse monasterii distictionem teneat, qui quotidie in ministerio Ecclesiastico cogitur permanere ». Redarguit hac ex causa Victorem⁶ Panormitanum episcopum, quod monialium curam despiciat, quam ipse Gregorius tam longe absens suscipere cogatur. nam inter alia: « Cujus enim, inquit, jam culpa sit intelligis, ut ego tam longe positus, quæ in civitate tua aguntur agnoscam, et tot curis occupatus, quæ fieri debeant disponam ». Monuit et episcopum Mediolanensem, ne abbas ob culpam depositus⁷ post penitentiam recipiat locum suum. Insuper moniales de serentes monasterium, et ad nuptias transeuntes, per exaratum defensas, vehementer insectatus est⁸.

18. Vacantibus Ecclesiis optimos curavit eligi sacerdotes, curam interea illarum mandans haberet. Id præstítit Ecclesia Hortonensi⁹, itidem Capuanæ¹⁰, defuncto in urbe Festo episcopo. Idem præstítit etiam Ecclesia Agrigentinæ¹¹, alteri ea commissa episcopo, donec Gregorius ejus episcopus Romæ accusatus, et in Urbem ab ipso Pontifice ad dicendam causam venire jussus¹² subiret Apostolicæ Sedis judicium. Vocaverat antea accusatores ejus, scribens ad Maximianum episcopum Syracusanum¹³. Extant Acta Gregorii Agrigentini græce scripta; sed a graeco auctore dum ampliantur, fide ministruntur, cum multa addantur, quæ sint haud in omnibus tutæ, in his præsentim, quæ ad causam spectant, quam accusatus Romæ dixit. Etenim etsi revera vir san-

ctus calumniam passus ab accusatoribus est, et Romani venire coactus: haud probantur quæ de Eleusio in ipsius absentia curatore ejus Ecclesiæ dicuntur: repugnant enim his ad Petrum Tracolitanum episcopum data Epistolæ, cum ei S. Gregorius commisit illius Ecclesiæ visitationem et curam. Sed et ridicula ibidem et fabulosa esse probantur, quæ habentur de lignis Tiberis ripas hinc inde positas perflingentibus et immobiliter inhærentib[us] is. Illa præterea de eodem Gregorio Agrigentino missis ab eodem Gregorio papa Constantinopolim ad patriarcham, absque exemplo antiquo probantur asserta: repugnant enim Ecclesiæ Romanae consuetudini. Hæc et alia cum minus fide constantia reperiantur apposita ab impostore, in dubium reliqua revocantur, quæ vera certaque esse noseuntur, nempe ipsum Gregorium Agrigentinum vite sanctitate claruisse, et in Ecclesiasticis tabulis intersertos relatim esse, atque tum a Latinis tum a Græcis ejus memoriam frequentari.

19. *Locis sanctis consulit.* — Qui igitur longe positarum Ecclesiarum quam exactissimam curam gessit, haud praetermisit ex more urbana curare, loca sancta perspicere, propensioremque de illis sollicitudinem gerere. Ut plane videoas, ipsum in eo potissimum laborasse, ut qualis nomine diceretur, opere in omnibus vigilantissimus inveniretur. Ille enim anno lustrans in Urbe omnes quæ erant Ecclesias, omnium curam gessit: et inter alias Ecclesiam S. Agathæ in Subura, de qua superius, ad Catholicon cultum jam redditam, bonis locupletare curavit, in integrum restitutam in ea quæ Gothorum temporibus possidebat. Insuper Ecclesiam S. Paneratii extra portam Anreliam positam, a clericis derelictam, monachis tradidit, de his scribens ad Maurum abbatem¹⁴, quem illi præfecit. Sed et locorum venerabilium etiam longe positorum propensiorem curam gessit. Tunc accedit ut redargueret Joannem Calaritanum episcopum hospitallium curam negligentem, jubens¹⁵ ut xenodochiorum diligentissimam curam gerant episcopi, qui non nisi religiosos homines, nempe clericos, qui non subjaceant secularium judicium potestati, illis præficiant. Hæc de his quæ ad sacra loca tum Romæ, tum alibi posita spectant.

20. *Gregorii Epistola ad Constantinum Augustam, petentem reliquias S. Pauli.* — Sed ne Urbs ipsa saceris in ea positis spoliaretur sanctorum reliquiis, sollicitior fuit. Accedit namque, ut hoc eodem anno, eum Constantina Augusta in suo palatio Ecclesiam in memoriam sancti Pauli edificasset, putat eam coherestandam ejusdem Apostoli saceris reliquias: cuius rei gratia scripsit ad ipsum Gregorium Romanum Pontificem, ut Constantinopolim mitteret ejusdem Apostoli caput, sive partem aliquam ejus corporis. Acceptis his ab Augusta litteris sanctus Pontifex, quod rem nimis grandem petiisset, negaturus omnino, redditis litteris, multipliciter

¹ Greg. I. iv. Ep. v. Ind. xiii. — ² Ibid. Ep. vii. Ind. xiii. — ³ Ibid. Ep. xv. Ind. xiii. — ⁴ Greg. I. iii. Ep. xl. Ind. xii. — ⁵ Greg. I. iv. Ep. i. Ind. xiii. — ⁶ Ibid. Ep. iv. Ind. xiii. — ⁷ Ibid. Ep. xvii. Ind. xiii. — ⁸ Ibid. Ep. xviii. — ⁹ Greg. I. iii. Ep. xxix. Ind. xii. — ¹⁰ Greg. I. iv. Ep. ix. Ind. xii. — ¹¹ Ibid. Ep. xi. Ind. xiv. — ¹² Greg. I. i. Ep. lxxv. Ind. ix. — ¹³ Greg. I. ii. Ep. xii. Ind. xi.

¹⁴ Greg. I. iii. Ep. xix. Ind. xii. — ¹⁵ Ibid. Ep. xxiv. Ind. xii.

sibi id minime licere excusat. Epistolam autem, quod multa seitu digna ad historiam pertinentia habeat, hie integrum describendam duximus, quae sic se habet¹:

21. « Serenitas vestrae pietatis, religionis studio et sanctitatis amore conspicua, propter eam quae in honorem S. Pauli Apostoli in palatio aedificatur Ecclesiam, caput ejusdem S. Pauli, aut alius quid de corpore ipsius suis ad se jussionibus a me praecipit debere transmitti. Et dum illa mihi desiderarem imperari, de quibus facillimam obedientiam exhibens, vestram erga me amplius potuisse gratiam provocare, major me modestia tenuit, quod illa praecipitis quae facere nec possum, nec audeo. Nam corpora sanctorum Petri et Pauli Apostolorum tantis in Ecclesiis suis coruscant miraculis atque terroribus, ut neque ad orandum sine magno illicet timore possit accedi. Denique dum beatæ recordationis decessor meus, quia argentum, quod supra sacratissimum corpus B. Petri Apostoli erat, longe tamen ab eodem corpore fere quindecim pedum spatio mutare voluit, signum ei non parvi terroris apparuit. Sed et ego aliquid similiter ad sacratissimum corpus S. Pauli Apostoli meliorare volui: et quia necesse erat, ut juxta sepulcrum hujusmodi effodi altius debuisset; præpositus loci ipsius ossa aliqua non quidem eidem sepulcro conjuncta reperit: quae quoniā levare præsumpsit, atque in alium locum transponere, apparentibus quibusdam tristibus signis, subita morte defunctus est.

22. « Praeter haec autem sanctæ memoriae decessor meus itidem ad corpus S. Laurentii martyris quedam meliorare desiderans, dum nescitur ubi venerabile corpus ipsius esset collocatum, et effoditur exquirendo, subito sepulcrum ipsius ignoranter apertum est; et ii qui presentes erant atque laborabant monachi et mansionarii, qui corpus ejusdem martyris viderunt, quod quidem minime tangere præsumpserunt, omnes intra decem dies defuncti sunt: ita ut nullus vita superesse potuisse, qui sanctum justi corpus illius viderat. Cognoscit autem tranquillissima domina, quia Romanis consuetudo non est, quando sanctorum reliquias dant, ut quicquam tangere præsumant de corpore; sed tantummodo in pixide brandeum mittitur, atque ad sacratissima corpora sanctorum ponitur. Quod levatum, in Ecclesia que est dicanda, debita cum veneratione reconditur, et tanta per hoc ibidem virtutes finit, ac si illuc specialiter eorum corpora deferantur. Unde contigit, ut beatæ recordationis Leonis papie temporibus (sicut a majoribus traditur) dum quidam Graeci de talibus reliquiis dubitarent, prædictus Pontifex hoc ipsum brandeum, allatis forcibus, inciderit, et ex ipsa incisione sanguis effluxerit.

23. « In Romanis namque vel totius Occidentis partibus omnino intolerabile est atque sacrilegium, si sanctorum corpora tangere quisquam fortasse

voluerit: quod si præsumpserit, certum est, quia haec temeritas impunita nullo modo remanebit. Pro qua re de Græcorum consuetudine, qui ossa levare sanctorum se asserunt, vehementer miranur, et vix credimus. Nam quidam monachi Graeci hue ante biennium venientes, nocturno silentio, juxta Ecclesiam S. Pauli corpora mortuorum in campo jacentia effodiebant, atque eorum ossa recondebat, servantes sibi, dum recederent. Qui cum deprehensi, et cur hoc facerent diligenter fuissent discussi, confessi sunt quod illa ossa ad Graciam essent tanquam sanctorum reliquias portaturi. Ex quorum exemplo (sicut prædictum est) major nobis dubetas nata est, utrum verum sit, quod levare veraciter ossa sanctorum dicuntur ». Vides ex his, lector, quantus esset in Catholica Ecclesia Christianorum ardor, ut reliquias sanctorum habere possent. Pergit vero idem Gregorius, veterem historiam reserans.

24. « De corporibus vero beatorum Apostolorum quid ego dicturus sum, dum constet, quia eo tempore quo passi sunt, ex Oriente fideles venerunt, qui eorum corpora sicut civium suorum repeterent? que dueta usque ad secundum Urbis milliarium, in loco qui dicitur ad Catacumbas collocata sunt: sed dum ea exinde levare omnis eorum nullitudo conveniens niteretur, ita eos vis tonitruī atque fulgoris nimio metu terruit atque dispersit, ut talia denou nullatenus attentare præsumerent. Tunc autem exuenientes Romani, eorum corpora, qui hoc ex Domini pietate meruerunt, levaverunt, et in locis quibus sunt condita posuerunt. Quis ergo nunc, serenissima domina, tam temerarius possit existere, ut haec sciens, eorum corpora non dico tangere, sed vel aliquatenus præsumat inspicere? Dum igitur talia mihi a vobis precepta sunt, de quibus parere nullatenus potuisse, quantum invenio, non vestrum est: sed quidam homines contra me pietatem vestram excitare voluerunt, ut mihi (quod absit) voluntatis vestrae gratiam subtraherent, et propterea quesiverunt capitulum, de quo vobis quasi inobediens invenirer. Sed in omnipotente Domino confido, quia nullo modo benignissimæ voluntati subripitur, et sanctorum Apostolorum virtutem, quos toto corde et mente diligitis, non ex corporali præsentiâ, sed ex protectione semper habebitis.

25. « Sudarium vero, quod similiter transmitti iussistis, cum corpore ejus est; quod ita tangi non potest, sicut nec ad corpus illius accedi. Sed quia serenissima dominæ tam religiosum desiderium esse vacuum non debet, de catenis quas ipse S. Paulus Apostolus in collo et in manibus gestavit, ex quibus multa miracula in populo demonstrantur partem aliquam vobis transmittere festinabo, si tamen hanc tollere limando prævaluerero; quia dum frequenter ex catenis eisdem multi venientes benedictionem petunt, ut param quid ex limatura accipiant, assistit sacerdos cum lima; et aliquibus potentibus, ita concite aliquid de catenis ipsis excu-

¹ Greg. l. m. Ep. xxx. Ind. xii.

titur, ut mora nulla sit : quibusdam vero petentibus, diu per catenas ipsas duecitur lilia, et tamen, ut aliquid exinde exeat, non obtinetur ». Hucusque Gregorii ad Augustam Epistola, ita ejus illiberali petitionem prudenter eludentis. Fuisse autem haec omnia tentata molitionibus Joannis episcopi Constantinopolitani, ostendetur inferens suo loco.

26. De Rusticana et nutrice S. Gregorii. — Eodem quoque anno Constantinopolim itidem ad Rusticianam patriciam litteras dedit, postquam e peregrinatione ad montem Sina reversa erat. Meminuit in fine de nutrice sua Gregorius ibidem commorante, quam suo nomine salutari mandat. Caeterum sunt plura hujus anni monumenta charitatis Gregorii erga pauperes, impertientis illis annuas pensitationes vel dissolventis eorum æs alienum contractum : quæ tu consulas.

27. Synodus Metensis. — Agitur hoc anno Metis in Gallia Synodus, in qua in ordinem redigitur Aegidius Rhemensis episcopus, reus majestatis convictus. Rei gestæ seriæ habet Gregorius Turonensis anno decimo quinto Childeberti regis, idemque in fine subdit² : « In hac Synodo Basina Chilperici regis filia, quam supra cum Chrodielde a communione remotam diximus, coram episcopis solo prostrata veniam petiit, promittens se cum charitate abbatissæ monasterium ingredi, ac de regula nihil transcedere. Chrodieldis autem obtestata est, quod Leobovera abbatissa in hoc monasterio commorante, ibidem nunquam ingrederebatur. Sed utrisque rex Childebertus veniam impetrari deprecatus est : et sic in communionem receptæ, Pietavos regredi jussæ sunt, scilicet ut Basina in monasterium (ut præfati sumus) regredieretur, Chrodieldis vero in villa, quæ quondam Waddonis superius memoriati fuerat, sibi a rege concessa resideret ». Haec de his Gregorius, subdens³ et de ultione divina in Chuldericenm Saxonem, qui dux fuerat eorum qui jussu Chrodieldis invaserant Basilicam S. Hilarii : etenim noctu in convivio vino repletus, ab eo suffocatus, mortuus in suo strato inventus est.

28. Erratum in Paschate. — Quomodo autem hoc eodem anno occasione Cyclo Victoris a nonnullis erratum est in Paschatis diei celebratione, ista addit⁴ : « Dubietas Paschæ fuit ob hoc, quod in Cyclo Victor Iuna decima quinta Pascha seripsit fieri. Sed ne Christiani ut Judæi sub hac luna haec solemnia celebrarent, addidit : Latini autem Iuna vicesima secunda. Ob hoc multi in Galliis decima quinta luna celebraverunt, nos autem vicesima secunda. Inquisivimus tamen studiose : sed fontes Hispaniæ, qui divinitus implentur, in nostrum Pascha repleti sunt ». Haec Gregorius : sed de perenni miraculo de fontibus Hispaniæ anniversaria die Paschatis impleri consuetis, superius pluribus dictum est.

29. Obitus Gregorii episcopi Antiocheni. —

Moritur hoc anno, seu potius ex correctione superiori. Mauriti imperatoris anno sequenti Gregorius episcopus Antiochenus, de quo ista Evagrius¹ : « Non longo tempore post, Gregorius podagra correptus, qua maxime torquebatur, cum medicamentum ex Itermodactylo (sic enim vocatur) confectum, quod medieus quidam ei dedisset, ebibisset, exiit e vita. Moritur autem tempore, quo Gregorius, qui successerat Pelagio, episcopatum antiquæ Romæ ges- sit, novæ autem Joannes, et Alexandrie Eulogius, ut supra dixi, et Anastasius Antiochite, qui post viginti tres annos ad suam sedem restitutus fuisset, et Hierosolymorum Joannes, qui paulo post obiit mortem, et nemo adhuc ad illius episcopatus gubernacula capessenda designatus est ». Haec Evagrius, cui consentiunt sancti Gregorii papæ litteræ²; ex quibus habetur, Anastasiū restitutum in sedem Antiochenam sub Indictione decima tertia, quæ hoc anno incipit : dicemus de his anno sequenti suo loco. Sed quod post viginti tres tantum annos restitutum ipsum affirmat Evagrius id factum intelligas anno sequenti, tot enim anni reperiuntur ab anno quingentesimo septuagesimo secundo usque ad annum quingentesimum nonagesimum quintum, quo et finem imponit historie : nam subdit :

30. Evagrī historiæ finis. — « Hoc loco historiæ finem imponere, animus est, anno scilicet duodecimo regni Mauriti Tiberii imperatoris Romanī ». Etenim sequenti anno, quo absolvit historiam suam, annus expletur Mauriti nonus, et decimus inchoatur. Emendatum habes Evagrium apud Photium in Bibliotheca, ubi de Evagrio agens, ait ipsum suam produxisse historiam usque ad annum decimum Mauriti imperatoris. Sed ipsum Evagrium perorantem audiamus, cum sic ait : « Res, quæ deinceps sequuntur, his quibus librum fuerit narrandas, monumentisque litterarum prodendas relinquere, animus est. Quod si quicquam a nobis vel omissum negligentia, vel minus accurate expositum videatur : nemo nobis criminis det, illud secum cogitans, nos historiam dispersam dissipataisque in unum collegisse, quo utilitatì hominum, quorum gratia tantos, et tam graves labores suscepimus, inserviremus. Aliud præterea opus a nobis elaboratum est, quod relationes, Epistolæ, decreta, orationes, disputationes, et alias res nonnullas complectitur. Relationes autem, quæ in eo continentur, sunt maximam ad partem ex persona Gregorii Antiochiae episcopi factæ. Pro quibus duos honoris gradus consecuti sumus, questuram a Tiberio Constantino, et munus tabularum servandarum, in quibus præfectorum nomina inscribantur, a Mauricio Tiberio, quo regnante eas relationes composuimus, idque eo ipso tempore, quo Theodosium, qui tum ei, tum Reipublicæ principium felicitatis ejusque generis dabat, in lucem edidit ». Hucusque Evagrius ex Græcis primus

¹ Greg. l. int. Ep. xliv. Ind. xii. — ² Greg. Tur. l. x. c. 20. — ³ Ibid. c. 22. — ⁴ Ibid. c. 23.

Evagr. l. vi. c. 23. — ² Greg. l. iv. Ep. xxxvii.

eorum qui leguntur Orthodoxus historicus. Quisnam alius res gestas sub Maurilio prosecutus sit, habes ex Actis Nicæni posterioris Concilii¹: nempe S. Leontium Constantiæ in Cypro episcopum scripsisse tribulationes, quas his temporibus Dei Ecclesia passa est: sed hactenus incomptum nobis opus vel excidit, vel latet incognitum. Sed his prope diebus et tenebris emersit Theophylactus Graecus historicus, qui Mauritiam scripsit historiam, de qua superius. Quod autem ad successorem Joannis Hierosolymorum episcopi spectat: constat post ipsum sedere cœpisse Amos, ad quem extat S. Gregorii pape Epistola septima, sub Indictione prima. Porro ejus successionem ex sententia Evagrii in annum sequentem potius referendam putamus.

31. *Obitus Maximiani episcopi Syracusani.* — Hoc eodem anno Maximianus ille vir sanctissimus, abbas olim monasterii S. Gregorii, ejusque

peter et educator in monastica disciplina, ac postea ab ipso creatus episcopus Syracusanus (de quo superius sepe) hoc inquam anno, mense Novembri, ex hac luce migravit, inclitum hand exiguum relinquentis bonis. De quo ista Gregorius ad Cypriannum diaconum²: « Amarissimas tue dilectionis Epistolas de domini Maximiani obitu mense Novembri suscepit. Et quidem ille ad praemia desiderata pervenit: sed infelix populus Syracusana civitatis lugendus est, qui pastorem tales duci habere non meruit ». Et de eodem in Epistola ad Syracusanos³: « Hoc tamen sciat magnitudo vestra, quia civitati illi quem dare possimus Maximiano reverendissimo similem, non habemus ». Adeo enim eminentis erat viri sanctitas, ut parem illi in Ecclesia Pontifex non inveniret. Subrogatus est autem in locum Maximiani Joannes, cui et pallium³ more majorum Gregorius ipse concessit.

¹ Conc. Nicen. c. 2. Act. iv.

² Greg. I. iv. Ep. xix. Ind. xiii. — ³ Ibid. Ep. xlvi. Ind. xiii.

— ³ Greg. I. v. Ep. xviii. Ind. xiv.

Anno periodi Graeco-Romanæ 6087. — Anno Aëre Hispan. 632. — Iesu Christi 594 — Gregorii pape 5. — Mauritii imp. 13.

1. *Postconsulatus.* — Is annus hac formula notatus: *xii post consulatum Mauritii Tiberii Aug. solius x*, ut habet Chronicon Alexandrinum.

2. *Synodus Metensis.* — Ad num. 27. Gregorius Turonensis lib. 10. cap. 19 et 20, refert episcopos Galliarum *Metis* congregatos fuisse, medio mense nono ad discutientiam causam *Egidii Remensis episcopi*, accusati quod *Chilpericum filium Brunichilde*, et postea *Charibertum* reges occidere tentasset. In eo Concilio *Egidius* ab ordine sacerdotali remotus est, et in exilium ductus. Praterea *Bosina*, quam supra cum *Chrodielde* a communione privatam diximus, promisit se monasterium Pietaviense ingressuram; *Chrodielde* vero in villa sibi a rege concessa residendi facultatem obtinuit. Habita itaque Synodus medio mense Novembri, qui nonus est a Martio, a quo Turonensis annum incipit, idque anno *quinto decimo Childeberti regis*, ut habet idem Turonensis. Quare ea retrahenda ad annum *DXC*, qui *xv* est Childeberti.

3. *Dissidium de Paschate anni DXC.* — Ad num. 28. *Dissidium de Paschate a Gregorio Turonensi* lib. 10. capp. 20 et 23 ac 24 narratum, quod Baro-

nins hoc anno recitat, contigit anno *DXC*, anno Childeberti regis *xv*, Guntramni vero regis anno *xxix*, ut scribit Turonensis. Alii enim anno *DXC* Dominicam Resurrectionem celebrarunt *septimo kal. April.*, die nemque *xxvi Martii*, luna decima quinta; alii *die secunda mensis Aprilis*, luna *xxii*. Priores juxta Cyclos Alexandrinos, posteriores, quorum sententiam amplexus est Gregorius Turonensis cum suis clericis, juxta Cyclos Victorii. Dic agitata fuit haec questio, utrum in plenilunio, id est, luna decima quinta Pascha a Christianis rite celebrari posset. Sopita nunc tamen ea est; primum enim ac citimum Pascha celebratur die *xxii Martii*, quotiescumque luna *xiv* cum æquinoctio in diem sabbati cadit. Addit Gregorius: « Terra motus factus est magnus, *XVIII kal.* mensis quinti (id est mensis *Iuli*), ideoque die *xiv* mensis *Junii*) die quarto (id est feria quarta, que anno *DXC* in diem *xiv Junii* convenit) primo mane, cum lux redire cœpisset. Sol eclipsim perfulit mense octavo mediante ». Qui characteres annum *DXC* certo designant. Mensis enim octavus juxta Gregorium est October, cuius die *iv*, feria *iv*, hora circiter decima,

sol defecit. Nam mediante aliquo mense ex usu Gregorii et multorum aliorum scriptorum idem est ac habente. Eam eclipsim solarem Petavius lib. 8 de Doct. Temp. pag. 832, juxta calculum astronomie explicat. Quod si anno DCC Childebertus annum XV regni sui, Guntrannus vero annum XXIX egerit, profecto Guntrannus anno DLXI. Childebertus anno DLXXX regnare cœperat, liquetque ntriusque regis initium male a Baronio collocatum fuisse. De hoc dissidio Pasehali legendus Bucherius lib. de Doct. Temp. cap. 10.

4. *Obitus S. Gregorii episc. Antiocheni.* — Ad num. 29 et seq. *Gregorii episcopi Antiocheni obitus ad superiorum Christi annum pertinet.* Lambecius enim lib. 7 Bibliotheca Cœsareæ, pag. 168 asserit, inter alia Anastasii patriarchæ Antiocheni opera MSS. in ea asservari Orationem, cuius titulus est : « Anastasii patriarchæ Antiocheni Oratio, cum post viginti tres annos ad thronum patriarchalem reverteretur, habita die vicesimo quinto Martii, feria quarta sanctæ hebdomadis, Indictione undecima, imperante piissimo Maurilio » ; qui characteres annum DCCM, quo Pascha die XXIX Martii celebratum, certo denotant. Legerat eam Orationem Nicephorus Callixtus, qui lib. 18, cap. 44, sermonem pacificum eam recte appellat, atque Anastasium in illa Mauritium imp. laudibus efficeret, quod ipsum exilio liberasset ; sed in eo errat Nicephorus, quod ntrumque Anastasium patriarcham Antiochenum confundat, et Anastasio juniori hunc sermonem perperam attribuat. Cum itaque hæc Oratio recitata fuerit ab Anastasio, scilicet seniori, cum ad thronum patriarchalem reverteretur, ejus restitutio in sedem Antiochenam anno superiori configit, eodemque post diem XXV mensis Martii Gregorius patriarcha Antiochenus e vivis abiit ; cum ante mortem ejus episcopatum suum Anastasius occuparet, teste Evagrio libro 6, cap. ultimo, ubi de Gregorio scribit : « Mortuus est eo tempore, quo senioris quidem Romæ Gregorius successor Pelagii, junioris autem Romæ Joannes episcopatum gererant ; Alexandrina Ecclesie Eulogius, Antiochenæ vero præsidebat Anastasius, post tres ac viginti denum annos in sedem suam restitutus. Hierosolymitanæ autem Ecclesie Joannes pontificatus administrabat. Quo non multo post mortuo, nemo etiamnum Ecclesiae gubernationem suscepit. Atque hic Historia nostra finis esto, anno scilicet duodecimo principalis Mauritii Tiberii ».

5. *Patriarcharum Antiochiae chronotaxis hoc seleno accurata.* — Nicephorus in Chronico annos XXIV *Gregorio Antiocheno* attribuit, ntrumque scilicet incompletos, et ab anno DCCX deducendos. Cumque titulus Orationis ab Anastasio seniori in sua restituzione pronuntiate antiquus sit, uti notat Lambecius laudatus, ex eo patriarcharum Antiochenorum chronotaxis ab Euphrasii patriarchæ morte, quam mense Maio anni Christi DCCVI accidisse constat, valide confirmatur, liquetque ab eo tempore ad hujus sæculi finem eorumdem patriarcharum initia, et finem suis annis a nobis redditam fuisse. Ad hæc cum ea Anastasii Orafo his verbis auspicetur : « Pacem, et iterum pacem, et tertium pacem, in honorem videlicet sanctissimæ Trinitatis, etc. » apparelt Gregorium Magnum lib. IV, Epist. XXXVII, qua S. Anastasio de reditu ad Ecclesiam Antiochenam congratulatur ad eandem respicere, cum his verbis eam exordiatur : « Gloria in excelsis Deo, et in terra pax hominibus bona voluntatis ; quia magnus ille fluvius, qui quondam arenaria Antiochiae saxa reliquerat, tandem ad proprium alveum reversus, subjectas et juxta positas valles rigat, etc. » Eteamdem his verbis claudat : « De vita igitur vestra dicamus pariter, et dicamus omnes : Gloria in excelsis Deo, et in terra pax hominibus bona voluntatis ». Sed de ea Epistola rursus anno sequenti, quo eam Baronius recitat.

6. *Mortuus postquam Anastasius in sedem Antiochenam est restitutus.* — Fallitur itaque auctor Chronicus Alexandrinus, qui sub Indictione X, anno nempe Christi DCCM, inquit : « Hoc anno Anastasius Antiochiae patriarcha Antiochiam rediit post mortem Gregorii patriarchæ (μετὰ τέλευτὴν Εργαζοῦ etc.) qui vivus etiam Anastasium receperat ». Nam ex Oratione laudata Anastasii constat, hunc nonnisi anno DCCM in sedem restitutum esse. Recte quidem scribit auctor Chronicus Alexandrinus *Gregorium*, dum adhuc viveret, *Anastasium* receperisse ; cum haec in re Evagrium laudatum consentientem habeat. Sed perperam tradit Anastasium post mortem Gregorii patriarchae Antiochiam rediisse. Colitur *Gregorius* in Menæis Graecorum. Combeſius tomus I Auctarii Bibliotheca Patrum pag. 827 notat, eum in Indice librorum palatii, et ab Andrea Cretensi et aliis vocari *sanetum*, refertque piam ac eruditam Orationem Antiochiae extra urbem, ac in cormelerio habitam, ubi S. Joannes Chrysostomus adhuc Antiochenus presbyter, duas et ipse habuit, quæ extant tomo V editionis Dueæi. Depositus fuerat *Anastasius* anno Christi DLXX, a quo ad annum DCCM anni sunt tres ac viginti, quot Gregorio assignant Nicephorus et Oratio MSS. de quibus supra : nec dissentit alter Nicephorus in Chronicis, uti jam insinuavimus.

7. *Evagrius Historiam suam non produxit ultra annum DCCIII.* — Baronium ex laudatis Evagrii verbis suspicari, ait Valesius in Notis ad Evagrium, *Gregorium Antiochenum* mortuum esse anno Mauritii XII. Cur enim, inquit Valesius, diceret Evagrius, se anno XII imperii Mauritii Historiam suam terminasse, nisi antea aliquid retulisset, quod gestum erat anno ejusdem Mauritii duodecimo ? « Verum », pergit Valesius, « non videtur Evagrius his verbis id significare voluisse. Scribit enim, *Gregorium Antiochenum* fato funetur esse, Gregorio quidem Romanam, Eulogio autem Alexandrinam Ecclesiam administrante ; Joanne vero Hierosolymis praesidente. Qui cum haud non multo postea e vivis abiisset, neminem adhuc in ejus locum sufficuum fuisse dicit. Non igitur Gregorii morte Historia

riam suam terminavit *Evagrius*, cum post ejus mortem Joannem Hierosolymitanum episcopum obiisse referat, et post ejus interitum neminem adhuc eo tempore, quo haec scribebat, substitutum esse. Id ergo tantum his verbis significat Evagrius, se haec scripsisse anno duodecimo imperii Mauriti. Ita Valesius. Photius vero in Bibliotheca Cod. xxix, ubi Historiam Evagrii recenset, ait: « Ἀργῆν πανομένην τὸ τελεῖται Σωτήριον καὶ Θεοδόσιον ἴστοπις, καὶ καθηύσας μεγάλη τῆς Επανίνειας Μαυρίκιον, ἐπειδὴ δωδεκάτην ἐν τῇ βασιλείᾳ διανύσσετο. id est, inchoans a fine Socratis et Theodoreti Historiarum, perlingensque ad Mauriti annum duodecimum imperii ». Recte uterque vidil, *Evagrium* non attigisse quae anno Mauriti duodecimo, die xiv mensis Augusti anni Christi pxcin inchoato, gesta sunt, sed eo tantum currente Historiam suam clausisse. Sed fallitur Valesius, quando ait, suspicatum esse Baronium Gregorii Antiocheni episcopi mortem anno xii hujus imperatoris, contigisse. Diserte enim Baronius scribit, *Gregorium* episcopum *Antiochenum* anno pxcv mortalitatem reliquisse, eodemque anno, quem ipse numerat x, non vero xii, *Evagrium* Historiae suae finem imposuisse. Baronius enim Mauriti imperatoris initium repetit ab anno Christi dccccxvi, quia in re cardinalis doctissimus valde hallucinatur, quenadmodum et quando tradit, Photium loco laudato emendare *Evagrium*, et asserere hunc produxisse Historiam suam usque ad annum x Mauriti imp. in neutra enim Bibliotheca Photii editione annus x Mauriti legitur, sed *duodecimus*. Denique ipsem Evagrius hb. 3, cap. 33, ait se, quae in eo capite narrat, scribere anno Antiocheno *sexcentesimo quadragesimo primo*, qui kalend. Septemb. anni Christi pxcii exorditur. Quare anno duodecimo Mauriti tres etiam sequentes libros exaravit. Verum annus quo suam Historiam scripsit, distinguendus est ab anno, quo eidem finem imposuit. Ejus enim Historia non progreditur ultra mensem Augusti anni Christi pxcii, et in lucem data, vel eo Christi anno exeunte, vel potius anno pxciv, quo Mauriti annus duodecimus absolvitur. Neque enim tres ultimi Historiae ejus libri tam prolixii sunt, quin intra duodecimum Mauriti imper. annum elucubrari potuerint. Quae anno dccccvi de sancti Simeonis Stylite junioris obitu diximus nostram sententiam etiam confirmant, annoque sequenti Epistolam sancti Gregorii papae, qua Anastasium in sedem Antiochenam restitutum gratulatur, quave inuitib[us] Baronius ad suam opinionem probandum, extra proprium annum in Registro Gregoriano positam esse ostendam.

8. De *Evagrio* ejusque scriptis. — Porro *Evagrius* Scholasticus fuit Syrus genere, perinde ac *Theodoreetus*: ortus ex urbe Epiphania, que civitas fuit Syriæ secundæ, ut ipse in titulo Operis sui prodit; qui et in hb. 3, cap. 34, diserte testatur, se domo Epiphaniensem fuisse. Is relictis Grammaticorum scholis, rhetoricae operam dedit. Cumque magno in hac arte progressus fecisset, *advocato-*

rum numero adscriptus est. Unde etiam cognomenum retulit *Scholastici*: que vox *Causidicum* significat, ut docet Macarius in homilia xv. Antiochia longo tempore versatus est, et uxorem ibi duxit, filiosque ex ea sustulit, ut ipsem testatur in hb. 4, cap. 29. Que cum pestilentि morbo extincta fuisse cum liberis, ad secundas nuptias transiit, et aliam in eadem urbe sibi sociavit, ut refert in lib. 6, cap. 8. Scripsit volumen Epistolarum, orationum, et relationum principatu Tiberii Constantini, qui ideo eum *querstoris* dignitate donavit. Nec multo post eum Orationem composuisse de Iandibus Mauriti Augusti ob Natalem Theodosii nobilissimi pueri, codicillos *prefecturae* ab eodem Mauricio accepit, ut ipse in Epilogo Historiae sue testatur. Verum scripta illa ad nos non pervenere. Edidit postea sex libros *Historiarum Ecclesiasticarum*, exorsus ab iis temporibus in quibus Theodorelus ac Socrates desierant, in qua summa diligentia quemque ad argumentum suum faciebant, ex optimis scriptoribus collegit, puta, ex Prisco Joanne, Zacharia, Eustathio et Procopio rhetoribus. Sed quod praecepit in *Evagrio* laudandum est, solus rectæ fidei doctrinam integrum atque illibatam servavit, ut post Photium observavit Baronius. Ejus Historiam Valesius de novo e græco in latinum vertit, et egregiis Notis illustravit. Versio enim Christophorsoni, quia usus est Baronius, variis in locis non satis accurata.

9. Florent Dorotheus et Joannes Climacus. — Usque ad hoc circiter tempus vixisse videntur *Dorotheus* archimandrita, et sanctus *Joannes Climacus*, auctores Graeci, qui de moribus præclare scripsere. *Dorothei* quidem nomen neque in Mæneis Graecorum, neque in vetustis Latinorum Martyrologiis legitur, sed ejus virtutes gravissimis festimoniis Theodori Studitæ, et Tarasii Constantino-politani patriarchæ celebratae sunt, ut liquet ex prologo ad ipsius *Dorothei* Aseticas Institutiones. De eo non semel mentio in Vita S. *Dosithei* monachi in Palæstina, ejus discipuli, qui circa annum dcccxx ad Deum migravit, juxta Bollandum ad diem xxiii mensis Februarii, quo *Dositheus* colitur. Annus emortualis *Dorothei* incertus. Citat ipse abbatem *Zosimam*, qui sub Justino seniore clarus sanctimonia fuit, et cuius miracula refert Evagrius hb. 4, cap. 7, dum agit de Viris Illustribus, qui Justino seniore imperante vixerunt. Intra *Dorotheus* allegat S. *Joannem Climacum*, qui circa annum dcccclxx scripsisse videtur. Hic *Climacus* vocatus est ob librum triginta capitibus, quibus lanquam gradibus seu scalis ad perfectionis religiosæ culmen ascendit, a se conscriptum. Vita Climaci aliquod compendium ejus libro, cui titulus: *Scala Paradisi*, præfigitur elucubratum a Daniele monacho Raythuno. Colitur die xxx Martii, ad quem diem Bollandus illud recitat, qui et ad diem xiv mensis Januarii in Vita de sanctis xliii martyribus, monachis *Cornobii Raythu* in Arabia existimat, cœnobium illud, cuius abbas tuit S. *Climacus*, silum

fuisse in ora Orientali maris Rubri, haud procul a Phara oppido, hec Baronius in Notis ad Martyro-

logium Romanum ad eundem diem putaverit, illud positum eis sinum Arabicum in ipsa Aegypto,

GREGORII ANNUS 6. — CHRISTI 595.

1. *Irruptio Longobardorum, rege Agilulpho, interrupit Gregorium a concionibus super Ezechiel prophetam.* — Sequitur annus quingeniesimus nonagesimus quintus Indictionis decimæ terliæ, qui extitit universæ Italiae calamitosus : cum Agilulphus Longobardorum rex, rupta pace, ipso veris initio, cum exercitu, furore plenus, Romanum versus parat adventum. Unde antem acciderit, ut idem rex talia aggressus sit, Paulus narrat his verbis¹ : « Hæc eadem tempestate Romanus patricius exarchus Ravennæ Romam properavit : qui cum Ravennam reverteretur, recepit civitates quæ a Longobardis tenebantur, quarum ista sunt nomina: Polinartium, Horta, Tudertum, Ameria, Perusium, Luceoli, et alias quasdam civitates. Quod factum cum regi Agilulpho nuntiatum esset : statim Ticino egressus cum valido exercitu Perusium petiit, ibique per dies aliquot Mauritatem duecem Longobardorum, qui se Romanorum partibus tradiderat, obsedit, et captum sine mera vita privavit. Hujus regis adventu in tantum beatus Gregorius papa exterritus est, ut ab expositione templi, de quo Ezechiel scripsérat, desisteret, sicut ipse quoque in ipsis suis homiliis refert. Rex autem Agilulphus, exstincto Mauritione, Ticinum repedavit ». Hucusque Paulus, qui multa præterisse ex sancti Gregorii litteris redarguitur, ex quibus perrexisse quoque in agrum Romanum eundem Agilulphum apparet.

2. Scribebat hoc anno alque dicebat ad populum S. Gregorius homilias super Ezechielem prophetam ; jamque decimam tertiam dicturus erat, cum ista prefatur² : « Quia multis curis prementibus Ezechielis propheta librum coram charitate vestra totum per ordinem perscrutari non licuit : bonis vestris desideriis placuit parere (petere), ut saltem extrema ejus visio, quæ ei facta est de adiutorio in monte constituto, quæ et cunctis est visioni-

bus ejus obsenior, exponi debuisset. Et quidem voluntati vestræ me parere necesse est. Sed duo sunt quæ hac in re perturbant animum meum. Unum, quod hæc eadem visio tanta obscuritatis nebulis legitur, ut vix in ea aliquid intellectu interluecente videatur. Aliud, quod jam Agilulphum Longobardorum regem, ad obsidionem nostram summopere festinantenem, Padum transisse (transmeasse) cognovimus. Unde pensate, fratres carissimi, in caliginosis et mysticis sensibus penetrare quid valeat mens misera timoris sui perturbationibus occupata, etc. »

3. Admiratione hæc profecto digna videntur, quod his hoc tempore vacare potuerit ipse Gregorius obsidionem Urbis exspectans, et quod populus in summo discrimine civitatis conœciones ab eo tales exigeret, quas in summo olio vix intelligere posse daretur. Etenim non solum (ut diclum est) ista Gregorius ipse scribebat, sed etiam coram universo populo pro conœctione dicebat, ut idem ipse in ejusdem expositionis Præfatione libri primi testatur, cum ait, seribens ad Marinianum episcopum : « Homilias, quæ in beato Ezechiele propheta, ut coram populo loquebar, exceptæ sunt, multis curis irruentibus, in abolitione reliqueram ».

4. Admirati sunt hæc omnes qui sapiunt, ut sub oneroso fasce curæ totius orbis, et in tanto discrimine Urbis potuerit Gregorius in his philosophari, et populum edocere : ut plane constiterit ipsum pro arbitrio pennis contemplationis potuisse sursum super astra levari, alque deorsum ad populi descendere opportunatatem ; illud Pauli³ consecutus : « Scio abundare, et scio penuriam pati ». Et secundum illud David³ : cum poneret pro animi voluntate ascensiones in corde suo, rursum vero disponeret descensiones in valle lacrymarum. Admiratur inter alios ista sanctus Bernardus, dum ad Eugenium seribens hæc ait³ : « Non de-

¹ Paul. diac. l. iv. c. 7. in nova edit. et in vet. m. — ² Greg. pref. in l. ii. super Ezechiel.

¹ Philap. iv. — ² Psal. LXXXIII. — ³ Bernard. de Consid. l. i. ad fin.

Intra Romani Pontifices, qui sibi otia inter maxima negotia invenirent. Obsidio Urbi et Barbaricus ensis civium cervicibus imminebat : numquid tamen istud terruit beatum papam Gregorium, quo minus sapientiam scriberet in otio? Eo nempe tempore (quod ex ejus Praefatione huc obseruissimam et extremam parlem Ezechielis tam diligenter quam eleganter exposuit). Atque etiam homiliae illas ad populum dixit.

5. Sed et multo magis mirabitur, qui legerit quae habet S. Hieronymus in Epistola ad Marcellinum et Anapsychiam¹: ubi ait, interpretationem in eumdem Ezechielem aggressum se, impeditum prosequi, quod audisset multas Occidentales provincias et ipsam Urbem vastari a Gothis : ut plane ostenderit, nonnisi tranquillissimum esse animi, et ab omni penitus quamvis e longe etiam emergentis sollicitudinis nebula liberi, in tam profunda mysteria ingredi. Sed audi, quæso, ejus verba : « Ezechielis volumen olim aggredi volui, et sponsionem celeberrimam studiosis lectoribus reddere ; sed in ipso dictandi exordio ita animus meus Occidentalium provinciarum, et maxime Urbis Romane vastatione confusus es, ut juxta vulgare proverbiū, proprium ignorarem vocabulum. Diu tacui, sciens tempus esse lacrymarum ». Haec ipse : ex quibus, inquam, magis admirare Gregorium. Si enim rumor tantum Occidentalium cladem a cœptis Hieronymum revocavit in Oriente degentem, nullo pastorali onere prægravatum, sed solum sacris litteris incumbenter ; quantum putas tuisse Gregorium, qui inter ipsos gladios Barbarorum, obstrepentibus tubarum clangoribus, pressus et oppressus totius orbis sollicitudine pastorati, hand vegeto et sano corpore, sed languente morbis assiduis, aggreditur et prosecutur in eum prophetam interpretationem et conciones? Sed quid insuper? Cum idem sanctus Hieronymus (prout ipse eadem testatur Epistola) jam iterum majori otio cumdem prophetam esset aggressus interpretari, jamque (ut ait) tres explicasset libros : Barbarorum rursus irruprone attingentium limites Palæstinae, a cœptis desistere iterum coactum se fuisse dicit, illud ad excusationem obtexens : « Quod si, inquit, juxta inclytum oratorem, silent inter arma leges : quanto magis studia Scripturarum, quæ et librorum multitudine, et silentio, ac libraiorum sedulitate, quodque prornum est, securitate et otio dictaminum indigent? » At vero Gregorius vix tunc a cœptis est violenter abstractus, ubi vallata Urbe obsidione, vulnera civium, vinclia, atque cædes est oculis contemplatus : cum enim conceperit adhuc pergeret, et ad finem vicesimæ secundæ homiliae pervenisset, ita ad populum peroravit :

6. « Nemo autem me rei reprehendat, si post hanc locutionem cessavero : quia (sicut omnes cernitis) nostra tribulationes exereverunt, undique gladiis circumfusi sumus, undique imminens mortis peri-

culum timemus. Alii detruncatis ad nos manibus redemunt, alii capti, alii interempti nuntiantur. Jam cogor linguam ab expositione retinere : quia tædet² animam meam vita meæ. Jam nullus in me sacri eloquii studium requirat ; quia versa est³ in luctum cithara mea, et organum meum in vocem lamentum. Jam cordis oculus in mysteriorum discussione non vigilat : quia dormitavit⁴ anima mea præ fædio. Jam minus lectio animo dutis est : quia oblitus sum⁵ manducare panem a voce gemitus mei. Cui autem vivere non licet, de Scripturae sacrae sensibus toqui mystica qualiter libet? Et qui cogor quotidie amara libere, quando possum dulcia propinare? Quid igitur restat, nisi ut inter flagella, que ex nostris iniquitatibus patiuntur, cum lacrymis gratias agamus? Ipse etenim qui nos creavit, etiam pater factus est per adoptionis spiritum quem dedit : et aliquando filios pane nutrit, aliquando flagello corrigit, quia per dolores et munera ad hereditatem perpetuam erudit. Sit itaque gloria omnipotenti Domino, etc. » Vidi hominem in carne extra carnem positum, scientem quidem dolores, sed non succumbentem illis, Angelum merito appellandum, et forte plus quam Angelum ; dum illi absque adversantibus malis (quod ipsorum naturæ est) laudes Deo persolvunt; iste undique vallatus aerumnis, nihil praeterea in genilibus suis, quam Deo gratias agere, eique gloriam occinere didicit.

7. *Gregorii virtus ex ejus homiliis.* — Sed antequam quæ de rebus Longobardorum anni hujus sunt reliqua prosequamur, quæ vel de se ipso, vel de Urbis miserando statu diversis in locis dictarum homiliarum in Ezechielem ipse Gregorius tradat, instituto consentientia, hic describamus. Audi primum, quam exactissimus fuerit suorum morum custos : ex eis enim in quibus deplorat incautum, senties ipsum in levibus etiam cavendis sordibus vigilantissimum. Iuri itaque verba illa interpretatur : « Fili hominis, speculatorum dedite domini Israel » : et status ac perfectionis eminentiam describit eorum qui presunt aliis, haec ait⁶ : « O quam dura mali sunt ista que loquor : quia memetipsum loquendo ferio, cuius neque tingua (ut dignum est) prædicationem tenet ; neque in quantum tenere sufficit, vita sequitur lingua. Qui otiosis verbis sepe implicor, et ab exhortatione atque adiunctione proximorum torpens, et negligens cesso. Qui in conspectu Dei factus sum mutus et verbosus : mutus in necessariis, verbosus in otiosis. Sed ecce sermo Dei de speculatoris vita compellit ut loquar. Tacere non possum, et tamen loquendo me ferre pertimesco. Dicam, dicam, ut verbi Dei gladius etiam per meipsum ad contigidum cor proximi transeat. Dicam, dicam, ut etiam contra me sermo Dei sonet per me. Ego reum me esse non abnego, torporem meum atque

¹ Hier. Ep. xcii.

² Joh. x. — ³ Job. xxx. — ⁴ Psal. cxviii. — ⁵ Psal. c. — ⁶ Greg. in Ezech. homil. x.

negligentiam video. Erit fortasse apud prium Judicem imputatio veniae ipsa cognitio culpa.

« Et quidem in monasterio positus valebam et ab otiosis linguam restringere, et in intentione orationis pene continue mentem tenere. At postquam cordis humerum sarcinae pastorali supporsi, colligere se ad semetipsum assidue non potest animus, quia ad multa partitur. Cogor namque modo Ecclesiarum, modo monasteriorum causas discutere : saepe singulorum vitas actusque pensare : modo quadam civium negotia sustinere : modo de irruentibus Barbarorum gladiis gemere, et commisso gregi insidiante lupos timere : modo rerum euram sumere, ne desint subsidia eis ipsis, quibus disciplinæ regula tenetur : modo raptiores quosdam aquanimititer perpeti, modo eis sub studio servatae charitatis obviare. Cum itaque ad tot et tanta cogitanda scissa et dilaniata mens ducitur ; quando ad semetipsam redeat, ut totam se in prædicatione colligat, et a proferendi verbi ministerio non recedat ? Quia autem necessitate loci saepe viris secularibus jungor, nonnumquam mihi lingue disciplinam relaxo : nam si in assiduo censuræ meæ rigore me teneo, scio quia ab infirmioribus fugior, eosque ad hoc quod appeto, nunquam traho. Unde fit ut eorum saepe et otiosa patienter audiam. Sed quia ipse quoque infirmus sum, in otiosis sermonibus paulisper tractus, libenter ea loqui incipio, quæ audire cœperam invitus : et ubi tædebat cadere, libert jacere. Quis ergo vel qualis spectator sum, qui non in monte operis sto, sed adhuc in valle infirmitatis jaceo ? etc. »

8. Disce insuper ex iisdem dictis ad populum homiliis, quanta idem polleret animi denissione, quam sancti Patres vocare consueverunt humiliatem. Andi ipsum inferius, quibus acceptum fera quicquid concionari soleret ad populum : dum quales comparare se debeant interpretes divinae Scripturæ, docet. sieque ait¹ : « Non enim hoc temeritate aggredior, sed humiliatem. Scio enim, quia plerumque multa in sacro eloquio, quæ solus intelligere non potui, coram fratribus meis positus intellexi. Ex quo intellectu, et hoc quoque intelligere studui, ut sciem ex quorum mihi merito intellectus daretor : patet enim, quia hoc mihi pro illis datur, quibus mihi presentibus datur. Ex qua re, largiente Deo, agitur ut sensus creseat, et oratio decrescat ; dum propter vos disco quod inter vos doceo. Quia (verum falso) plerumque vobiscum audio quod dico. Quidquid ergo in hoc propheta minus intellexero, meæ cæcitatris est : si quid intelligere apte potuero, ex divino numeri vestrae venerationis ». Haec ipse. Dicam libere, pluris apud me est ejusmodi coram populo facta professio, quam quævis ab eo miracula edita.

9. *Miserandus Urbis et Italiae status, grassantibus Longobardis.* — Sed revocemus orationem ad luctum : hic, inquam, reddamus quæ de misera

Urbis ac totius Italæ facie iisdem homiliis Gregorius coram audiente populo representat ; ait enim¹ : « Quid est jam, rogo, quod in hoc mundo libeat ? Ubique luctus adspicimus, ubique gemitus audiimus. Destruente urbes, eversa sunt castra, depopulati agri, in solitudinem terra redacta est : nullus in agris incola, pene nullus in urbibus habitator remansit : et tamen ipsæ parvæ generis humani reliquiae adhuc quotidie et sine cessatione feriuntur ; et finem non habent flagella celestis justitiae, quia nec inter flagella correcta sunt actionis culpæ. Alios in captivitatem duci, alios detruncari, alios interfici videmus. Quid est ergo quod in hac vita libeat, fratres mei ? Si et talem adhuc mundum diligimus, non jam gaudia, sed vulnera amamus ». Haec generaliter pro concione Gregorius, qui et mox de ipsa Urbe subjicit ista miserrima :

10. « Ipsa autem quæ aliquando mundi domina esse videbatur, qualis remanserit Roma, conspicimus. Immensis doloribus multipliciter altrita, desolatione civium, impressione hostium, frequentia ruinarum : ita ut in ea completum esse videamus, quod contra urbem Samariam per hunc eundem prophetam Ezechielem longe superius dicitur² : Pone ollam, pone, inquam, et mitte in ea aquam, et congere frusta ejus in ea ». Et paulo post : « Effebuit coctio ejus, et decocta sunt ossa illius in medio ejus ». Atque iterum : « Congere ossa, quæ igne succendam, consumentur carnes, et coquetur universa compositio, et ossa tabescant. Pone quoque eam super prunas vacuam, ut incalescat, et liquefiat æs ejus. Tunc enim nobis olla posita est, cum haec est civitas constituta. Tunc in eam aqua missa est, et frustula ejus congesta sunt, quando ad eam undique populi confluebant, qui velut aqua calens actionibus mundi fervescerent, et quasi frusta carnium in ipso suo fervore liquarentur. De qua bene dicitur : Effebuit coctio ejus, et decocta sunt ossa ejus in medio illius. Quia prius quidem in ea vehementer incaluit actio gloriae sæcularis, sed postmodum ipsa gloria cum suis sequacibus defecit. Per ossa etenim potentes sæculi, per carnes vero populi designantur : quia sicut carnes portantur ossibus, ita per potentes stolidi infirmitas regitur populorum. Sed ecce jam de olla omnes hujus sæculi potentes ablati sunt : ossa ergo excoclasunt. Ecce populi defecerunt : carnes ejus liquefactæ sunt. Dicatur itaque : Congere ossa, quæ igne succendam : consumentur carnes, et coquetur universa compositio ejus, et ossa tabescant. Ubi enim senatus ? ubi jam populus ? Contabuerunt ossa, consumptæ sunt carnes : omnis enim sæcularium dignitatuum ordo extinctus est. Eœcocta est universa compositio ejus : et tamen ipsos nos paucos, qui remansimus, adhuc quotidie gladii, adhuc quotidie innumeræ tribulationes premunt. Dicatur ergo : Pone quoque eam super prunas vacuam. Quia enim senatus deest, populus interiit : et tamen in paucis, qui sunt, dolores et gemitus

¹ Greg. in Ezech. homil. XIV.

² Ezech. xxiv.

quotidie multiplicantur : jam vacua ardet Roma.

11. « Quid autem ista de hominibus dicimus, cum ruinis crebrescentibus ipsa quoque destrui aedificia videmus ? Unde aple de civitate jam vacua subditur : Inealescat et liquetiat aedes ejus. Jam enim et ipsa olla consumitur, in qua prius et carnes et ossa consumebantur : quia postquam defecerunt homines, etiam parietes cadunt. Ubi autem sunt qui in ejus aliquando gloria lababantur ? ubi eorum pompa ? ubi superbìa ? ubi frequens et immoderatum gaudium ? Impletum est in ea, quod contra destruētam Ninivem per Prophetam dicitur¹ : Ubi est habitaculum leonum et pascua caturorum leonum ? An ejus duces ac principes leones non erant, qui per diversas mundi provincias discurrentes prædam saeviendo et interficiendo rapiebant ? Hic leonum caturi inveniebant pascua : quia pueri, adolescentes, juvenes sacerdotes et sacerdotum filii huc undique concurrebant, cum proficere in hoc mundo voluissent. Sed jam ecce desolata, ecce contrita, ecce genitibus oppressa est. Jam nemo ad eam curril, ut in hoc mundo proficiat : jam nullus potens et violentus remansit, qui opprimendo prædam diripiatur. Dicamus ergo : Ubi est habitaculum leonum, et pascua caturorum leonum ? Configil ei quod de Iudea novimus per Prophetam dictum² : Dilata calvitium tuum sicut aquila. Calvitium quippe hominis in solo capite fieri solet, calvitium vero aquila in toto corpore : quia cum valde sennerit, plumae ejus ac penae ex omnibus membris illius cadunt. Calvitium ergo suum sicut aquila dilatat : quia plumas perdidit, quae populum amiserit. Alarum quoque penae ceciderunt, cum quibus volare ad prædam consueverat : quia omnes potentes extincti sunt, per quos aliena rapiebat. Hæc autem quæ de Romanæ Urbis contritione dicimus, in enctis facta mundi civitalibus scimus. Alia etenim loca clade desolata sunt, atia gladio consumpta, alia fame cruciala, alia terra hiatibus absorpta. Despiciamus ergo ex toto animo hoc præsens sæculum vel extinctum, etc. »

12. Sed quam justo Dei iudicio Barbari sinearentur in Romanum imperium prævalere, alibi idem S. Gregorius ad ipsam Constantiam Augustam scribens hoc anno, exemplis ingerit, que cum sub Romano imperatore subliti palerentur, narrat his verbis³ : « Corsica, inquit, insula tanta nimietate exiguum et gravamine premitur exæstionem, ut ipsi qui in illa sunt, eadem que exiguntur, complere vix filios suos vendendo sufficiant. Unde fit, ut derelicta pia Republica, possessores ejusdem insulae ad nefandissimam Longobardorum gentem cogantur configere. Quid enim gravius, quid crudelius a Barbaris pati possunt, quam ut constricti atque compressi suos vendere filios compellantur ? In Sicilia autem insula Stephanus quidam marinarum partium chartularius tanta præjudicia, tantasque oppressiones operari dicitur invadendo loca

singulorum, atque sine distinctione causarum per possessiones ac domos titulos ponendo; ut si velim aeta ejus singula, que ad nos pervenerunt, dicere, magno volumine hac expiere non possim. Quæ omnia serenissima domina solerter adspiciat, et oppressorum genitus compescat. Hæc enim ego ad piissimas aures vestras pervenisse non suspicor : nam si pervenire potuissent, nunc usque minime permanissent. Quæ piissimo domino apto sunt tempore suggesta : ut ab anima sua, ab imperio, atque a filiis suis tale hoc tantumque facinus peccatiique pondus amoveat.

13. « Qui seio quoniam dicturus est, quia nobis in Italia expensis transmittitur, quiequid de praeditis insulis aggregatur. Sed ego suggero ad hoc, ut etsi minus expensæ in Italia tribuantur, a suo lamen imperio oppressorum lacrymas compescat. Nam et idecirco forlasse tantæ expensæ in hac terra minus ad utilitatem proficiunt, quia cum peccati aliqua admixtione colliguntur. Praincipiant ergo serenissimi domini, nil cum peccato colligi. Nam seio, quia etsi parum Reipublicæ attribuunt utilitatibus, ex eo multum Respubliea adjuvatur. Quod etsi forlasse contingat expensis minoribus minus adjuvari ; melius est tamen temporaliter nos non vivere, quam vos ad æternam vitam obstatum aliquod invenire. Quæ enim mentes, qualia viscera parentum esse possunt, perpendite, quando filios suos distrahit, ne torqueantur ? Qualiter autem miserendum sit filiis aliorum, hoc bene sciunt qui habent proprios. Unde mihi hæc breviter suggestisse sufficiat ; ne si ea quæ in his partibus aguntur pietas vestra non cognoscere, me apud districtum Judicem silentii mei culpa multaret ». Hæc ad imperialricem Gregorius.

14. Ex his videas, unde fluxerit divina vindicta post hæc in Mauritium atque ejus filios immissa, de qua suo loco dicendum. Intelliges hinc, quanto damno non audiant principes sacerdotes : quantoque dispendio regni, filiorum, ac denique animæ, præler jus fasque a populis sibi subjectis quovis praetextu necessitatis gravia tributa extorqueant. Pecebat et in eo summopere Mauritius imp. quod superbientem in Romanam Ecclesiam Joannem Constantinopolitanum episcopum confovebat : cuius rei causa Dei iram in imperium Romanum frequenti Barbarorum immissione conversam, idem Gregorius alibi alia occasione scribens ad ipsum Mauritium imperatorem affirmat. Dum enim agit de superbìa Joannis episcopi Constantinopolitani erigentis se titulo universalitatis adversus fratres et collegas aliarum sedium sacerdotes, ait hæc observatione dignissima⁴ :

15. « Quæ enim, serenissime domine, virtus humana, quodque carni robur brachii, contra vestri Christianissimi culmen imperii irreligiosas præsumeret manus erigere, si studeret concors sacerdotum mens Redemptorem suum lingua pro

¹ Nahum, iii. — ² Mich. i. — ³ Greg. l. iv. Ep. xxxiii. Ind. xiii.

⁴ Greg. l. iv. Ep. xxxii. Ind. xiii.

vobis, atque ut oportebat, meritis exorare? Aut quis ferocissimae gentis gladius in necem fidelium tanta crudelitate grassaretur, nisi nostra vita, qui sacerdotes nominamur, et non sumus, a pravissimis gravaretur operibus? Sed dum nos competentia nobis relinquimus, et nobis incompetentia cogitamus, peccata nostra Barbaricis viribus sociamus, et culpa nostra hostium gladios exacuit, quae Reipublicæ vires gravat». Hæc et alia ipse, ex obliquo feriens imperatorem, qui non reprimeret Joannis superbiam Ecclesiam perturbantem. Rursum vero in regios ministros malorum ingruentium culpam rejiciens, hæc ad Sebastianum episcopum de iisdem¹: «Quæ enim, inquit, frater sanctissime, de amie vestri domini Romani (exarchus hic erat) persona in hac terra patimur, loqui minime valamus. Breviter tamen dico, quia ejus in nos malitia gladios Longobardorum vicit: ita ut benigniores videantur hostes, qui nos interimunt, quam reipublicæ judices, qui nos malitia sua rapinis atque fallaciis in cogitatione consumunt». Hæc ipse.

16. *Quanta cura saluti Urbis prospiceret Gregorius.* — Contra vero, quod antea et præsentि anno grassantibus Longobardis in omnes Italie regiones, Roma fuerit inaccessa: præstít id vigilantia Romanorum Pontificum, qui præter juges excubias in vigiliis, jejuniis, et orationibus addiderunt ut Ecclesiæ pecunias redimerent vexationem, prout idem ipse Gregorius hoc item anno scribens ad eamdem quæ supra Constantinam Augustam hæc post alia nounulla habet²: «Viginti autem jam et septem annos ducimus, quod in hac Urbe inter Longobardorum gladios vivimus. Quibus quam multa hæc ab Ecclesia quotidiani diebus erogantur, ut inter eos vivere possimus, suggesta non sunt. Sed breviter indico, quia sicut in Ravennæ partibus dominorum pietas apud primum exercitum Italie sacellarium habet, qui causis supervenientibus quotidianas expensas faciat, ita et in hac Urbe ex causis talibus eorum sacellarius ego sum. Et tamen hæc Ecclesia, quæ uno eodemque tempore clericis, monasteriis, pauperibus, populo, atque insuper Longobardis tam multa indesinenter expendit, ecce adhuc ex omnium Ecclesiarum premitur afflictione, etc.»

17. Quod ad ea quæ dicta sunt pertinet, putavi interdum in textu Gregorii, pro, sacellarium, legi debere, sacellarium, quasi a sacellis sumptum nomen: quod satis ipse Gregorius docet, dum ostendit sacellarium fuisse thesaurarium pecuniae publicæ, cuius rei gratia oportuit ipsi creditos esse pecuniarum saeculos, ob idque sacellarium dictum esse. Huic meæ sententiæ suffragatur idem Gregorius in Epistola³ ad Honoratum diaconum, ubi agens de solutione consuetæ pecuniae pro dignitate consulari adipiscenda, ait: «Magis ex se agat dilectio tua, quatenus oblatis in saccella consuetudinibus,

honores mereatur accipere». Ubi per saccella, certum est intelligi principis pecuniarum capsam, et proinde per saccellarium thesaurarium. In quam sententiam et Isidorus⁴: «Fiseus, inquit, saceus est publicus». Hinc accidit ut saepè per saccellarium in causis criminalibus appellatum invenias fiscalem procuratorem; ut in Actis S. Maximi martyris saepius invenitur, ut suo loco dicetur.

Reperiri etiam contingit eamdem vocem sacellarii in Ecclesiasticis ministeriis apud Graecos (ut auctor est Cyprianus) pro iis qui curam gerunt non anteriorum, tam virorum, quam mulierum. Itemque habet Theodorus in Meditatis, idem esse nomen economi, custodis, sacellarii, vel præfecti sacellis. Apud Latinos si sacellarius scribitur a sacellis, thesaurarius Ecclesiæ intelligitur: si vero per simplicem e, sacellarius a sacello, qui scilicet sacello præest, significatur. Sed de his hactenus.

18. Revertamur jam ad S. Gregorium, qui (ut dictum est) redimebat pretio salutem Urbis in disamine posita, non quod diffideret viribus, sed potius quod ægro animo ferret humanum sanguinem bello fundi: satis namque sibi virium fuisse, ut hostes interneccione deleret, si voluisset, ipsem testatur; nam audi quæ habet, scribens ad Sabrinianum diaconum⁵: «Unum est, inquit, quod breviter suggeras serenissimis dominis nostris: quia si ego servus eorum in morte Longobardorum me miscere voluissem, hodie Longobardorum gens nec regem, nec duces, nec comites haberet, atque in summa confusione esset divisa. Sed quia Deum timeo, in mortem eujuslibet hominis miscere formido». Hæc Gregorius: ex quibus reque intelligas, quantæ essent in ipso Romano uno Pontifice vires: ut cognoscas effusam in Longobardos largitionem ex charitate Christiana manasse.

Verum quod ad mitigandos concitatos Barbaricos animos quæque obsequia videri inutilia potuissent: quod solius Dei sit opus, tumentes sedare marinos in tempestate fluctus: revera divina potius opitulante gratia configit, Urbem fuisse Longobardis inaccessam: de eadem enim idem agens, totum id tribuit non largitioni pecuniarum, sed Petro Apostolo vigilanti super custodiam Urbis: cum enim ad Rusticianam patriciam scribit, hæc ait⁶: «Si vero gladios Italie ac bella formidatis: sollicite debetis adspicere, quanta beati Petri Apostolorum principis in hac Urbe protectio est, in qua sine magnitudine populi et sine adjutoriis militum tot annis inter gladios illæsi, Deo auctore, servamur». Hæc ipse.

19. Sed quantis adhuc præter hæc idem Gregorius hoc anno angustiis premeretur, audi ipsum ita scribentem ad Sebastianum episcopum⁷: «Uno, inquit, tempore curam episcoporum, atque clericorum, monasteriorum quoque et populi gerere,

¹ Greg. l. iv. Ep. xxxv. Ind. xiii. — ² Ibid. Ep. xxxiv. Ind. xiii.
— ³ Greg. l. xii. Ep. xi. Ind. vii.

⁴ Isid. Orig. l. xx. c. 9. — ⁵ Greg. l. vii. Ep. 1. Ind. 1. — ⁶ Ibid. Ep. xxiii. Ind. 1. — ⁷ Ibid. Ep. xxxv. Ind. viii.

contra hostium insidias sollicitum vigilare, contra ducum fallacias atque malitias suspectum semper existere; cuius laboris, cuius doloris sit, vestra fraternitas tanto verius penset, quanto me, qui haec patior, purius amat». Haec idecirco Gregorius, quod expertus esset, quam infideles Barbari in tide servanda existerent, et quam versipelles qui ab imperatore in Italiam mitterentur exarchi. Audi insuper ipsum ad Joannem Constantinopolitum episcopum ad finem Epistola, hoc item anno ista seribentem¹: «Sub tantis tribulationibus circumclusus, Barbarorum gladiis premor, ut non dico multa tractare, sed mihi respirare vix licet». Inter haec igitur tot discri-mina Gregorius constitutus, nihil sibi tutius suisque rebus putavit securius accidere posse, quam curare si cum Agilulpho rege Longobardorum componere pacem posset: cuius rei perficiendae gralia, haec ad Severum scholasticum exarchi scripsit²:

20. *De pace agens cum Agilulpho deridetur Gregorius a Mauritio.* — «Qui assistunt judicibus, et sinceris erga eos dilectionibus obstringuntur, illa eis suadere debent atque suggerere, quae et animam salvent et opinioni non derogent. Proinde quoniam novimus, quanta fidei sinceritate excellētissimum exarchum diligatis: idecirco magnitudini vestrae, quae acla sunt, indicare curavimus: ut haec cognoscentes, ad consentiendum eum rationabiliter provocetis. Scitote autem, quia Agilulphus Longobardorum rex generalem pacem facere non recusat, si tamen ei dominus Patricius judicium esse voluerit. Nam multa sibi in locis suis intrapacis terminum queritur esse commissa. Et quoniam sibi, si ratio judicantium invenerit, satisfieri postulat, et ipse quoque se satisfacturum modis omnibus pollicetur, si quid a partibus suis constituerit in pace esse commissum.

«Quia ergo rationi non ambigitur convenire quod petit, oportet esse judicium, ut si qua ab utraque parte male facta sunt componantur; dummodo generalis pax fiat, atque Deo valeat protegente firmari: nam qualiter sit nobis omnibus necessaria, bene noscitur. Sapienter itaque sicut consuevistis, agile, ut excellentissimus exarchus ad hoc sine mora debeat consentire; ne per eum pax renui, quod non expedit, videatur. Si enim consentire nolnerit, nobisne quidem specialem pacem facere repromittit: sed scimus quia et diverse insulae et loca sunt alia proculdubio peritura. Haec autem consideret, et pacem habere festinet: quatenus in hac saltem dilatione et nos quietem possimus habere ad modicum, et Reipublice resistendi vires, adjuvante Domino, melius reparentur». Hucusque de pace Gregorius, cui ista de Agilulpho promittenti minime ab imperatore credita sunt. Delata enim cum haec fuissent ab exarcho ad ipsum Mauritium imperatorem, sicut ille, ita et ipse sanctum Gregorium ut simplicem nimis derisit, quod facile adeo crederet regi Longobardorum; datisque ad eum

litteris haud summo Pontifice dignis, de pluribus conquestus est, nulla summi sacerdotii habita ratione: non extant illae quidem, sed quales fuerint, ex redditis a S. Gregorio ad eum litteris facile potest intelligi: sic enim istae se habent³:

21. «In serenissimis iussionibus suis dominorum pietas dum me de quibusdam redarguere studuit, parcendo mihi minime pepercit. Nam in eis urbane simplicitatis vocabulo me fatum appellat. In Scriptura etenim sacra cum in bona intelligentia ponitur simplicitas, vigilanti saepe prudentiae atque rectitudini sociatur». Et post nonnulla in eam sententiam allegata, ad causam descendit, haec subdens: «Ego igitur, qui in serenissimorum dominorum iussionibus ab Arnulphi astutia deceptus, non adjuncta prudentia simplex denunior, constat proculdubio, quia fatuus appeller: quod ita esse, ego quoque ipse confiteor. Nam si hoc vestra pietas faceat, causae clamant. Ego enim si fatuus non fuisse, ad ista toleranda, quae inter Longobardorum gladios hoc in loco patior, minime venissem. In ea autem re quam de Arnulpho perhibui, quia toto corde venire ad Rempublicam paratus fuit: dum mihi non creditur, etiam mentitus esse reprehendor. Sed etsi sacerdos non sum: scio gravem esse hanc injuriam sacerdoti, ut veritati serviens, fallax credatur. Et dudum novi quoniam Arnulphus plus est creditum, quam mihi: Leoni amplus est creditum, quam mihi: et nunc eis qui esse ad medium videntur, plus quam meis assertionibus credulitas impenditur.

22. «Et quidem si terrae meae captivitas per quotidiana momenta non exeresceret, de desperatione mea atque irrisione ketus tacerem. Sed et hoc me vehementer afflit: quia ego unde crimen falsitatis tolero, inde Italia quotidie ducitur sub Longobardorum jugo captiva: dumque meis suggestionibus in nullo creditur, vires hostium immaniter excrescunt. Hoc tamen piissimo domino suggero, ut de me mala omnia quaelibet existimel, de utilitate vero Reipublicae, et causa erectionis Italae non quibuslibet facile pias aures preheat, sed plus rebus quam verbis credat». His subjicit de honore cultuque quo debeant omnes ex praescripto legis divinae venerari sacerdotes, exemplumque ingerit Constantini Magni, et in majus opprobrium Gentiles etiam in medium adducit, quanta illi veneratione prosecuti fuerint sacerdotes. Demum vero: «Haec ergo, inquit, pietati dominorum non pro me, sed pro cunctis sacerdotibus suggero. Ego enim homo peccator sum: et quia omnipotenti Deo incessanter quotidiane delinquo, aliquod mihi apud tremendum examen illius esse remedium suspicor, si incessantibus quotidianis plagiis ferior. Et credo, quia eundem omnipotentem Dominum tanto vobis amplius placatis, quanto me ei male servientem districtius affligitis.

23. «Multas enim iam plagas acceperam, et

¹ Greg. I. iv. Ep. xxxviii. Ind. xiii.—² Ibid. Ep. xxix. Ind. xiii.

³ Greg. I. iv. Ep. xxxi. Ind. xiii.

supervenientibus dominorum iussionibus inveni consolationes, quas non sperabam. Si enim possum, has celeriter plagas enumero. Primum, quod mihi pax subducta est, quam cum Longobardis in Tuscia positis sine ullo Reipublicæ dispendio feceram. Deinde corrupta pace, de Romana civitate milites ablati sunt, et quidem alii ab hostibus occisi, alii vero Narniis, et Perusii positi: et ut Perusium teneretur, Roma relata est. Post hoc plaga gravior fuit adventus Agilulphi, ita ut oculis meis cernerem Romanos more canum in collis sumibus ligatos, qui ad Franciam dueebantur vendles. Et quia nos qui intra civitatem fuimus, Deo protegente, manus ejus evasimus: quæsitum est unde culpabiles esse videremur videlicet, cur frumenta defuerint, quæ in hac Urbe diu multa servari nullatenus possunt, sicut in alia suggestione plenus indicavi.

24. « Et quidem de memetipso in nullo turbatus sum: quia (teste conscientia fateor) adversa quælibet pati paratus sum, dummodo hæc omnia cum salute duntaxat mere animæ evadam. Sed de gloriois viris Gregorio praefecto et Castorio magistro militum non mediocreiter sum afflictus: qui et omnia quæ potuerunt fieri, nullo modo facere neglexerunt, et labores vigiliarum, et custodie eivitatis in eadem obessione vehementissimos pertulerunt, et post hæc omnia gravi dominorum indignatione percussi sunt. De quibus patenter intelligo, quia eos non sua acta, sed mea persona gravat: cum qua quia pariter in tribulatione laboraverant, post laborem pariter tribulantur. Quod autem dominorum pietas illud mihi pavendum et terrible omnipotentis Dei judicium intentat, rogo per eumdem omnipotentem Dominum, ne hoc ulterius quidem faciat: nam adhuc nescimus, quis ibi qualis sit. »

25. Vidisti, lector, quanta petulantia litteris insultaverit Mauritius imperator in S. Gregorium? Sed dedit postea pœnam temeritatis satis ampla et conferta mensura: caeteris factus exemplum, quam humiliter, quamque modeste, placide ac reverenter gerere se debeant principes enim sacerdotibus, maxime vero cum supremo Romanae Sedis antistite. Sed de his suo loco dicendum. Intellexisti pariter, non spiritualibus tantum rebus, sed et publicis Reipublicæ curis incubuisse Gregorium, ipsamque Urbem non sacerdotali tantum, sed et regali administrasse regimine: licet illie praefecti essent Urbani, neconu milites ab imperatore ibidem collocauti.

26. In his positus angustiis sanctus Gregorius, prius instantem sollicitudinem omnium Ecclesiastarum (secundum illud Apostoli, tentatus supra modum, ita ut taderet ipsum vivere) si quos novit Dei intimos servos, eos rogavit, ut precibus a Deo expeterent, ut a vinculis vite hujus citius solvereatur: scribens enim hoc anno ad Eliam abbatem Isauriæ, hæc ad finem habet¹: « Per omnipoten-

tem Dominum rogo, ut assiduas preces pro nobis faciatis: quatenus de peccatis in quibus obligatus teneor, et tribulationibus quibus premor, citius absolvatur, et patriæ cælestis gaudiis perfruar ». Et ad Sebastianum episcopum eadem ferme verba, quibus addit²: « Quamvis enim inestimabilis sit cælestis patiæ dulcedo, quæ trahat; multi tamen in hac vita dolores sunt, qui ad amorem cælestium quotidie impellant: qui mihi in hoc ipso solum vehementer placent, quia placere in hoc mundo aliiquid non permittunt ». Haec ipse.

27. *De origine et progressu presumptionis episcopi Constantinopolitani se vocantis OEcumenicum.* — Sed aliae maiores cum presserunt angustiæ. Nam quo magis ipsum despectui habitum sciret ab imperatore Joannes Constantinopolitanus episcopus, eo arrogans in ipsum Gregorium Romanum Pontificem insurrexit, eidemque adversari obstinatus cœpit, cum solita temeritate prosequitur insolentius quod cœperat adversus Apostolicam Sedem se Universalem Pontificem nominare: alias enim tempore prædecessoris ipsius S. Gregorii (Pelagii inquam) eadem contentio fuerat agitata; sed repressus, nunquam tamen vi leri potuit quietuisse: nam nec per apocrisiarios monitus cessavit aliquando: cuius rei causa fuit ipsi S. Gregorio haud segniter laborandum atque insudandum vehementius isto tempore, quo ipse imperator in odium ipsius videri poterat patrocinium ejusdem suscepisse Joannis; cum Gregorius contra repugnans hoc ipso anno vehementius conatus est, si ad meliorem frugem reducere posset hominem fastu tumidum, illum imitante apostolam Angelum, qui se exultit contra Deum. Qui eum ultriceret, imitatus est Dei Filium, qui cum Satana non in sua majestate, sed in nostra est congressus humilitate: siveque sanctus Gregorius pugnans contra Joannem, non egit ipsa summa qua pollebat Apostolica auctoritate, sed Christiana humilitate, se deprimens ut jacentem erigeret, ac deorsum humilians, ut lapsum in profundum sursum sublevaret, qui se extollendo ceciderat. Extant de his hoc anno datae complures ad diversos ejusdem Gregorii papæ eodem arguento litteræ, quibus videas ejusmodi quod diximus suscepisse certandi genus, atque in primis cum ad ipsum Joannem Constantinopolitanum litteras dedit, quibus primo cum ipso egit ex sancti Evangelii præscripto admonitione canonica, juxta illud³: « Si peccaverit in te frater tuus, vade et corripe eum inter te et ipsum solum, etc. » Nam ait ad finem Epistolæ³: « Nos quidem, in quos talis fantaque per ausum nefarium culpa committitur, servamus quod Veritas præcepit, dicens: Si peccaverit in te frater tuus, etc. » Ac paulo post: « Ego itaque per responsales meos semel et bis verbis humiliibus hoc quod in tota Ecclesia peccatur, corripere studui:

¹ Greg. l. iv. Ep. xxxv. — ² Matth. xviii. — ³ Greg. l. iv. Ep. xxviii. Ind. xiii.

nunc per meipsum scribo. Quicquid facere humiliter debui, non omisi. Sed si in mea correptione despicio, restat, ut Ecclesiam debeam adhibere. Haec itaque dicens, omnipotens Deus fraternitati vestrae indicit, quanto circa vos amore constringar, quantumque in hac causa non contra vos, sed pro vobis lugeo». Haec Gregorius Christiana evestitans charitatem.

28. In hac autem controversia ut cuncta quam exactissime explicentur, eadem summarum sunt ab origine deducenda, brevique compendio hic repetenda, quae superioribus tomis in medium sunt allata. Prurigo quardam humane gloriae diu complures episcopos ejus sedis exagitavit, ne aliqui Orientalium sedium esset Ecclesia Constantinopolitanam subjecta. Etenim (ut suo loco est demonstratum) Alexandrinus episcopus, cum totius sibi vindicaret praefecturam Orientis, electionem quoque Constantinopolitanum episcopi ut p[ro]p[ter]e sibi debitam studuit arrogare a temporibus Theodosii imp. cum Ecclesiae illi praesesset S. Gregorius Nazianzenus, ac Timothenus regeret Ecclesiam Alexandrinam. Resilientes vero Constantinopolitani episcopi, illud amplius post haec sunt conati, ut ipsa Ecclesia Constantinopolitana non solum aliqui Orientalium sedium non subjeceretur, sed ipsa præstaret ceteris, primaque post Romanam esset: favoreque aduententes imperatorum, id consequi studuerunt; perficereque conatus est id Anatolius Constantinopolitanus episcopus in Magno Chaledonensi Concilio, edito ea de re furtive (ut vidimus) canone. Sed resolutus est S. Leo papa, abolens cuncta que de prærogativa ejus sedis indicio Concilio statuta fuerint.

29. Acieius vero ejusdem sedis episcopus, ejus rei causa conflans schisma, favore quoque hereticorum imperatorum id sibi sumere conatus est: eum Romani Pontifices adversantes Felix et Gelasius in primis eidem restiterunt. Ad haec additum, ut Joannes iste jejunator non tantum patriarchæ nomen sibi arrogaret, sed et addiderit nomen œcumenicum, hoc est, Universalis episcopi. Haec quidem faciosi haetenus conati sunt: qui sicut imperatores Constantinopolitaniani universo Romano imperio dominabantur, ita ipsi spirituali praefectura nomine tenus saltem universæ præses Ecclesia, novo adiumento nomine, videri voluerunt.

30. Quod vero inter alia excellere Romanum principum Apostolorum pignoribus probe sciret iste Joannes; per Augustam, alterius eorum, nempe Pauli caput sibi studuit vindicare, quo tanto accepto pignore (quoquo modo captato praetextu) Ecclesia Constantinopitana, nemini gloriæ Romanorum, gloriaretur Apostolo Paulo, sicut Petro Roma. Suadebat haec innata Grecois de Latinorum gloria æmulatio: sed inane quidem constitum, cum nequaquam cum reliquis Apostolorum transferatur Sedis dignitas et auctoritas. At restitit (ut vidimus) his nihilominus sanctus Gregorius, negans fieri posse, ut vel leve quid de Apostoli Pauli cor-

pore amoveretur. Porro Augustam ipsam Constantinam excitatam fuisse ab æmulis Gregorii, palam ipse profiteatur illis verbis ad eam scriptis¹: «Quidam homines contra me pietatem vestram excitare voluerunt, ut mihi quod absit voluntatis vestrae gratiam subtraherent: et propterea quæsiverunt capitulum, de quo vobis quasi inobediens invenire». Tales ergo fuerunt Joannis conatus, nimirum, ut vel obtineret quod optaret; vel si nimis, ipsum Gregorium Augustæ redderet perinfensum; quos inanes penitus reddidit ipse Pontifex.

31. Gregorius igitur, sicut et ipsius predecessor Pelagius, execratus est arrogans illud nomen novum: nullus enim haec nomen Orientalium patriarcharum, neque Alexandrinus ipse, licet totius Orientis spirituali praefecturam sibi vindicaret, eo usus est nomine quod nec cogitasse quidem reperitur. Erant in Ecclesia Dei ejusmodi spiritualium praefectorum ista usu recepta nomina: episcopus, archiepiscopus, metropolitanus, primas et patriarcha. Qui igitur Constantinopolitanæ Ecclesie olim tantummodo dicebatur episcopus, ipseque ut dictum est superius) sub Heraclæ metropoli constitutus, non acquievit archiepiscopus diei nec simpliciter patriarcha, sed addito nomine œcumenicus, patriarcha œcumenicus voluit nominari, quam vocem etiam in potentiori acciperet significatione: nam audi Gregorium ad eum ista scribentem²:

32. «Qui ergo, frater carissime, in illo terribili examine venientis Iudicis dicturus es, qui non solum Pater, sed etiam generalis Pater in mundo vocari appetis?» Haec ipse, qui quod ait: «Generalis Pater in mundo vocari appetis»; plane ad graecum nomen allusisse visus est: etenim Graeci, *πατέρας*, dicunt *πάτερνος*, quod est orbis terrarum: sieque pater sive patriarcha œcumenicus, idem dici videatur ac patriarcha orbis terrarum. Unde et patet accepisse Gregorium nomen Universalis pro singulari, et uno solo, præter quem nemo sit: nam ad ipsum Joannem³: «Nullus unquam, inquit, tali vocabulo appellari voluit, nullus sibi hoc temerarium nomen arripuit: ne si sibi in pontificatus gradu gloriam singularitatis arriperet, hanc omnibus fratribus denegasse vide-retur». Habet eadem in Epistola ad Mauritium Augustum his verbis⁴: «Certe pro beati Petri Apostolorum principis honore per venerandam Chaledonensem Synodum Romano Pontifici oblatum est: sed nullus eorum unquam hoc singularitatis vocabulum assumpsit, nec uti consensit: ne, dum privatum aliquid datur uni, honore debito sacerdotes privarentur universi». Quia etiam significatione dicitur Ecclesia universalis una toto orbe diffusa, extra quam nulla esse potest Ecclesia. Sic igitur habes, quod nomen Universalis respuit Romanus Pontifex oblatum a Synodo Chaledonensi, quia

¹ Greg. I. iii. Ep. xxx. Indict. xii. in fin. — ² Greg. I. iv. Ep. xxxviii. Ind. xiii. — ³ Idem. eadem Ep. — ⁴ Greg. I. iv. Ep. xxviii. Ind. xiii.

nolnerit eo sensu dici pater totius mundi ipse Romanus episcopus, cui reliqui omnes subessent ut filii, et non ut fratres et in administratione collegae: Christumque tantum eo sensu S. Gregorius dicit universale caput Ecclesiae, in Epistola¹ ad omnes episcopos de privilegio collato monasterio S. Medardi.

33. Alia vero est ejusdem nominis significatio qua dicitur Universale, hoc est, quod remanentibus partibus integris, ipsum ceteris supereminet: qua ratione veluit inter patriarchas dici aliquem oecumenicum, de Orientalibus intelligens quod nequamquam alterum alteri voluit esse subjectum. Quo sensu saepe reperiri certum est Romanum Pontificem esse dictum Universalem episcopum absque aliquo fastu, cum eo nomine id quod est, exprimatur, nempe quod ipsi cura pastoralis universi gregis totius orbis superemineat. Nam ipse Gregorius in eadem Epistola de privilegio concesso S. Medardi monasterio: « Hæc, inquit, Sedes Romana speculationem suam toto orbi indicet, et novas Constitutiones omnibus mittit ». Qua etiam significazione eamdem Ecclesiam dominam gentium appellat². Porro eum ipse testetur in Epistola ad Joannem et alibi, S. Petrum esse primum membrum universalis Ecclesie, reliquos vero Apostolos singularium plebium capita, seque Petri esse successorem æque profiteatur: nonne se universalis Ecclesie universalem pastorem esse confirmat? Sicut et Joannes episcopus Ravennas agnovit, ubi in Epistola ad ipsum redditum ait: « Quibus ausib[us] ego sanctissime illi Sedi, que universalis Ecclesie jura sua transmittit, praesumpserim obviare? etc. »

34. Quod rursum ad Gregorium ipsum spectat: annon opere saepe ostendit se esse totius orbis episcopum? Quis annus est ejus Pontificatus, quo non appareat ipsum universalis Ecclesie habendas regere, Orientalibus et Occidentalibus episcopis jura dare, omnes audire, et omnes itidem judicare, appellaciones ab orbe universo recipere, Concilia cognoscere, probare, vel rejicere, dare pallia metropolitanis episcopis, atque Ecclesiis privilegia impartiri? Et ne recedamus ab hoc anno, idem ipse dat pallium episcopo³ Corinthiorum, itemque episcopo⁴ Nicopolitano: pratermittimus de Occidentalibus dicere. At nomine, et ipse Joannes Constantinopolitanus subditum se cognovit Romano Pontifici, cum ab eo adeo severe redargutus est in causa Joannis presbyteri de qua extat Epistola Gregorii ad ipsum data⁵, cuius causæ Acta Romanam discutienda misit? Annon paruit ipse Joannes? Uique paruit, minas Gregorii timens per Sabinianum apocrisiarium Constantiopolis degentem illatas, cum et Acta ipsa judicii Romanam misit, quo appellatio antea delata eucurisset. Sunt et alia de his exempla.

35. Hoc enim anno idem Gregorius Græcorum Ecclesiis ut universalis pastor invigilans, ad Joannem Corinthi episcopum scribens⁶, probavit depositionem episcopi Anastasii. Dedit et alias litteras ad eundem de exacta exhibenda cura pastorali, præcipue admonens, ne pro ordinationibus quid accipiat. Eodem quoque arguento dedit litteras⁷ ad universos episcopos per Helladiam provinciam constitutos. Idipsum præstitit scribens ad Epiri episcopos, cum pallium mittit ad ipsorum metropolitatum Andream ordinatum episcopum Nicopolitatum, monens eos, ut omnino caveant, ne quid pro ordinatione facienda accipiant. Sed et quo alio jure alienos clericos Romæ ordinatos retineret, nisi universalitatis? Est de his Epistola⁸ ad Eliam abbatem Isauriæ. Sic vides Gregorium, cum refugit dici Universalis, universalis tamen Ecclesie curam subire. Nam quod observandum præcipit in Oriente, in Occidente etiam ab Ecclesiis Galliarum æque servari mandat, scribens in primis ad Virgilium Arelatensem episcopum⁹, cui et petenti pallium mittit, quem monet de cavenda in ordinationibus simonia, et ne quis ex laico mox creetur episcopus. Eadem quoque ad universos Galliarum episcopos scribens¹⁰ admonuit, utque pareant Virgilio, de quo hæc ait: « Secundum antiquam consuetudinem fratri nostro Virgilio Arelatensis civilis episcopo vices nostras tribuimus, etc. » Ita quidem ex his et aliis pluribus hoc anno a Gregorio datis Epistolis, ipsum universalis Ecclesie curam gessisse, ubique repertus.

36. Sed quid post hæc ipse Joannes? Uique fecit, quod pater ejus, de quo Dominus¹¹: « Vos estis ex patre diabolo ». Et quod princeps ipsius, de quo scriptum est¹²: « Ipse enim est rex super omnes filios superbia ». Nempe quod sicut ille invitus, velut, nolit, Deo pareat necesse est imperanti, licet blasphemare soleat, dum obedit; ita et iste coactus paret Gregorio jubenti: atque Acta illa transmittens, blasphemat, dum subscribens ipsis, se nominat Universalem. Nam audi quæ de his habeat idem Gregorius hoc anno¹³ scribens ad Sabinianum diaconum (ita legendum, et non Anianum) apocrisiarium Constantinopolis agentem, non ejus Ecclesie diaconum, ut ex Epistole ipsius contextu facile assequi licet:

37. « Ad hoc enim, inquit, usque pervenit, ut sub occasione Joannis presbyteri gesla hue transmitteret, in quibus se pœnit per omnem versum διαφερεντιον patriarcham nominaret. Sed spero in omnipotentem Deum, quia hypocrisim illius superna majestas solvet ». Et quidem haud frustra speravit: cielo enim (ut suo loco dicimus) ex hac vita sublatus est, quem potius optasset emendatum fuisse in hac vita superstitem. Ad postremum autem Sabinianum diaconum apocrisiarium admonet, ne ullo modo

¹ Greg. l. xii. Ep. xxxii. vet. edet. — ² Greg. in Psal. pœn. v. — ³ Greg. l. iv. Ep. lv. Ind. xiv. — ⁴ Ibid. Ep. vii. Ind. xiv. — ⁵ Greg. l. ii. Ep. li. Ind. xi. et Ep. lxiv. ad Narsetem.

⁶ Greg. l. iv. Ep. l. Ind. xiii. — ⁷ Ibid. Ep. lvi. Ind. xiii. — ⁸ Ibid. Ep. li. Ind. xiii. — ⁹ Ibid. Ep. li. Ind. xiii. — ¹⁰ Ibid. Ep. li. Ind. xiii. — ¹¹ Joan. viii. — ¹² Job. xli. — ¹³ Greg. l. iv. Ep. xxxix. Ind. xiii.

cum illo communicet, ne ejus videretur favere superbiæ : ut vel hoc modo ille confusione perfusus, corrigeret quod peccasset : nam in dicta Epistola ad eundem Sabinianum data habet ista in fine. « Sicut tibi jam transactis Epistolis scripsi, nunquam cum eo procedere præsumas ». Vidisti igitur, quomodo universalis Ecclesiae episcopi munus Gregorius impletit ubique, cum in eum qui se diebat Universalem, jura dicit. Sed haec ipsius prefectura in totius orbis Ecclesias passim in ejus Epistolis ostenditur. Jam vero ad ea quæ ad historiam pertinent redeamus.

38. *In predicta controversia acriter pugnat Gregorius scriptis Epistolis ad Joannem ipsum, Mauritium, Augustam aliosque.* — Audisti occasionem, cur Gregorius, qui aberrante Joannem summa toleraverat patientia, hoc potissimum anno excitatus in ipsum, plures adversus eum litteras scripsit. Porro fradulentus ille dolos annexuit dolis : etenim egit cum Mauritio imperatore, ut ad ipsum Gregorium litteras daret, quibus eum rogarerat ut pacem cum ipso haberet; id faciens, ut hac via concitaret imperatorem, cui non paritum Gregorium sciret. Sed audi haec ex iisdem Gregorii litteris ad Sabinianum¹: « Miror, inquit, quomodo dilectionem tuam fallere potuit, ut permitteres domino imperatori persuaderi, quatenus ad me sua scripta de hac causa transmitteret, in quibus admoneret, ut cum eo pacem habere debuisse. Qui si justitiam tenere volt, illum debuit admonere, ut se a superbo vocabulo compesceret, et protinus inter nos pax fieret. Tamen qua id calliditate a prædicto fratre nostro Joanne factum sit, minime, suspicor, pensasti. Idecirco enim hoc ille fecit, ut aut audiretur dominus imperator, et ille in sua vanitate confirmatus esse videretur; aut non a me audiretur, et ejus animus contra me irritaretur. Sed nos rectam viam tenemus, nihil in hac causa aliud, nisi omnipotentem Dominum metentes».

39. Qui et tanti ponderis hanc esse existimat controversiam, ut ad fidem spectare putari : nam in fine hæc habet : « Postquam enim defendi ab inimicorum gladiis nullo modo possumus : postquam pro utilitate Reipublicae argentum, anrum, mancipia, vestes perdidimus ; nimis ignominiosum est, ut per eos etiam fidem perdamus. In isto enim seculo vocabulo consentire, nihil est aliud quam fidem perdere». Hæc ipse. Sed quomodo id, inquires, ad fidem pertinet? ea quidem ex parte, quod cum a Christo nui Petro prefectura sit gregis universatis credita : si quis a Christo Domino stabilitam Ecclesiasticam violat hierarchiam, aliter sentire videtur, quam ipse Dominus sentiendum precepit. Non mireris igitur, si unius voculae occasione adeo Gregorius laboravit, cum etiam unius interdum syllabæ causa, ipso teste sancto Basilio ad Amphilochium, fuerit adversus haereticos Eunomianos diu multumque pugnandum.

Sic igitur provocatus S. Gregorius, pacifice, more filiorum Israel², ad bellum progreditur, pacem primum offerens adversario istis litteris :

40. « Eo tempore quo fraternitas vestra in sacerdotalem honorem provecta est, quantum Ecclesiarum pacem atque concordiam invenerit, recolit. Sed quo ausu, quove tumore nescio, novum sibi conata est nomen arripere, unde omnium fratrum corda potuissent ad scandalum pervenire. Quia in re vehementer admiror, quia ne ad episcopatum venire potuisses, fugisse velle te memini, quem tamen adeptum ita exercere desideras, ac si ad eum ambitioso desiderio eucurrisses. Qui enim indignum te esse fatebaris, ut episcopus dici potuisses : ad hoc quandoque (quoque) perductus es, ut despecies fratribus, episcopus appetas solus vocari. Et quidem hac de re sanctæ memorie decessoris mei Pelagii gravia ad sanctitatem vestram scripta transmissa sunt, in quibus Synodi, quæ apud vos de fratribus quondam et consacerdotis nostri Gregorii causa congregata est, propter nefandum elationis vocabulum Acta dissolvit ; et archidiacorum, quem juxta morem ad vestigia dominorum transmiserat, missarum vobiscum solemnia celebrare prohibuit. Post ejus vero obitum, cum indignus ego ad Ecclesiae regimen adductus sum, et ante per alios responsales meos, et nunc per communem filium meum Sabinianum diaconum alloqui fraternitatem vestram, ut a tali se presumptione compesceret, non equidem scripto, sed nudo sermone curavi : et si emendari nollet, eum missarum solemnia cum fraternitate vestra celebrare prohibui. ut sanctitatem vestram prius sub quadam verecundiæ reverentia pulsarem, quatenus si emendari nefandus ac profanus tumor verecunde non posset, tunc ad ea debuisset quæ sunt districta atque canonica pervenire.

41. « Et quia resecanda vulnera prius levmani palpanda sunt : rogo, deprecor, et quanta possum dulcedine exposco, ut fraternitas vestra cunctis sibi adulantibus, atque erroris nomen deferrientibus contradicat, nec stulto ac superbo vocabulo appellari consentiat. Vere enim fles dico, atque ex intimo viscerum dolore peccatis meis deputo, quod ille meus frater nunc usque ad humilitatem reduci non valuit, qui ad hoc in episcopatus gradu constitutus est, ut aliorum animas ad humilitatem reducat : quod ille qui veritatem docet alios, semetipsum docere, nec me quoque depreceante, consensit. Perpende, rogo, quia in hac presumptione temeraria pax totius turbatur Ecclesiae, et gratiae contradicitur communiter omnibus effusæ. In qua nimur ipse tantum crescere poteris, quantum penes temetipsum decreveris. Tantoque major efficeris, quanto te a superbi et stulti vocabuli usurpatione restringis ; atque in tantum proficiis, in quantum tibi non studueris derogando fratribus arrogare.

¹ Greg. l. iv. Ep. xxix. Indict. XIII.

² Deut. xxii.

42. « Humilitatem ergo, frater carissime, totis visceribus dilige, per quam cunctorum fratrum concordia, et sanctæ universalis Ecclesiæ unitas valeat custodiri. Certe Paulus apostolus cum audiret quosdam dicere¹: Ego sum Pauli, ego Apollo, ego vero Cephae: hanc dilacerationem corporis Domini, per quam membra ejus alijs quodammodo se capitibus sociabant, vehementissime perhorre-sens, exclamavit, dicens: Numquid Paulus pro vobis crucifixus est, aut in nomine Pauli baptizati estis? Si ergo ille membra Domini corporis certis extra Christum quasi capitibus et ipsis quidem Apostolis subiecti particulariter evitavit; tu quid Christo universalis sanctæ Ecclesiæ capiti in extremi judicii es dicturus examine, qui cuncta ejus membra tibi met conatis Universalis appellatione supponere?

43. « Quis, rogo, in hoc tam perverso vocabulo, nisi ille ad imitandum proponitur, qui despectis Angelorum legionibus secum socialiter constitutis, ad culmen conatus est singularitatis erumpere, ut et nulli subesse, et solus omnibus praesesse videatur? Qui etiam dixit²: In celum condescendam, super astra caeli exaltabo solium meum. Sedebo in monte testamenti, in lateribus Aquilonis. Ascendam super altitudinem nubium, similis ero Altissimo. Quid enim fratres tui omnes universalis Ecclesiæ episcopi, nisi astra caeli sunt? quorum vita simul et lingua inter peccata erroresque hominum quasi inter noctis tenebras lucent. Quibus dum cupis temetipsum vocabulo elationis præponere, eorumque nomen tui comparatione calcare; quid aliud dicas, nisi: In celum condescendam, super astra caeli exaltabo solium meum? Annon universi episcopi nubes sunt, qui et verbis prædicationis pluunt, et bonorum operum luce et miraculis eoruscant? Quos dum vestra fraternitas despiciens, sub se premere conatur: quid aliud dicit, nisi hoc quod ab antiquo hoste dicitur: Ascendam super altitudinem nubium?

44. « Quæ cuncta ego cum flens conspicio, et occulta Dei iudicia pertimesco, augmentur lacrymæ, gemitus se in meo corde non capiunt, quod ille vir sanctissimus dominus Joannes tantæ abstinentiae atque humilitatis, suorum familiarium seductione linguarm ad tantam superbiam erupit, ut in appetitu perversi nominis itli esse conetur similis, qui dum superbe esse similis Deo voluit, etiam donatae similitudinis gratiam amisit, et veram beatitudinem perdidit, quia falsam gloriam quæsivit. Certe Petrus Apostolus primum membrum sanctæ et universalis Ecclesiæ est: Paulus, Andreas, Joannes, quid aliud, quam singularium sunt plebitum capita; et tamen sub uno capite omnes membra sunt Ecclesiæ. Atque ut cuncta brevi cingulo locutionis adstringam, sancti ante legem, sancti sub lege, sancti sub gratia, omnes hi perficientes corpus Domini, in membris sunt Ecclesiæ constituti, et nemo se unquam universalem vocare voluit. Vestra an-

tem sanctitas agnoscet, quantum apud se tumeat, quæ illo nomine vocari appetit, quo vocari nullus præsumpsit, qui veraciter sanctus fuit.

45. « Numquid non (sicut vestra fraternitas novit) per venerandum Chalcedonense Concilium hujus Apostolicæ Sedis antistites, eni Deo disponente deservio. Universales, oblato honore, vocati sunt? sed tamen nullus unquam tali vocabulo appellari voluit, nullus sibi hoc temerarium nomen arripuit: ne si sibi in pontificatus gradu gloriam singularitatis arriperet, hanc omnibus fratribus denegasse videretur, etc. » Multa post hæc ingerens in detestationem nominis arrogantis, nihil de causa Joannis presbyteri attigit, de qua (ut dictum est) Joannes ipse Constantinopolitanus episcopus scripserat: nam in fine hæc habet: « Scripta autem sanctitatis, vestræ duleissima atque suavissima de causa presbyterorum Joannis et Athanasii suscepit: de qua vobis in subsequentibus, Domino adjuvante, respondebo; quia sub tantis tribulationibus circumfusus Barbarorum gladiis premor, ut non dico multa fractare, sed mihi respirare vix licet ». Hæc ad Joannem Gregorius.

46. Quo etiam argumento scripsit¹ ad Mauritium imperatorem, plura inculeans in detestationem Joannis sibi vindicantis superbum OEcumenici nomen: ubi post multa de primatu Romanæ Ecclesiæ ista ingerit ex Evangelicis fontibus: « Cunctis, inquit, Evangelium scientibus liquet, quod voce Dominica sancto et omnium Apostolorum Petro principi Apostolo totius Ecclesiæ cura commissa est. Ipsi quippe dicitur²: Petre, amas me? pasce oves meas. Ipsi dicitur³: Ecce Satanas expedit cribrare vos sicut triticum, et ego pro te rogavi, Petre, ut non deficiat fides tua: et tu aliquando conversus confirma fratres tuos. Ipsi dicitur⁴: Tu es Petrus, et super hanc petram adificabo Ecclesiam meam, et porta inferi non prævalebunt adversus eam: Et tibi dabo claves regni cælorum: et quodecumque ligaveris super terram, erit ligatum et in cælis: et quodecumque solveris super terram, erit solutum et in cælis. Ecce claves regni cælestis accipit: potestas ei ligandi ac solvendi tribuitur; cura ei totius Ecclesiæ et principatus committitur, et tamen Universalis Apostolus non vocatur: et vir sanctissimus consacerdos meus Joannes vocari Universalis episcopus conatur. Exclamare compellor, ac dicere: O tempora, o mores!

47. « Ecce cuncta in Europa partibus Barbarorum juri sunt tradita, destructæ urbes, eversa castra, depopulatae provincie, nullus terram cultor inhabitat: sœviant et dominuantur quotidie in necem fidelium cultores idolorum; et famam sacerdotes, qui in pavimento et cimere flentes jacere debuerunt, vanitatis sibi nomina expetunt, et novis ac profanis vocabulis gloriantur. Numquid ego hac in re, piissime domine, propriam causam defendeo?

¹ 1. Cor. 1. — ² Isa. xiv.

³ Greg. l. iv. Ep. xxxii. Ind. xiii. — ² Joan. xxii. — ³ Lac. xxo.
— ⁴ Matth. xvi.

Numquid speciale injuriam vindico, et non magis causam omnipotentis Dei, et causam universitatis Ecclesiae? Quis est iste, qui contra statuta Evangelica, contra canonum decreta novum sibi usurpare nomen presumit? etc. » Rogat pluribus ut turgentem inani gloria hominem compescat.

48. Scripsit pariter ad Consilium Augustam¹ de eodem; ubi post plurima: « Etsi, inquit, peccata Gregorii lauta sunt, ut pati talia debeat, Petri famen Apostoli peccata nulla sunt, ut vestris temporibus pati ista mereatur ». Petri plane causam esse tradens, ut quis contra ejus primatum Universalis appellat appellari, sieque et subdit: « Unde iterum atque iterum per omnipotentem Dominum rogo, ut siue parentes priores vestri principes S. Petri Apostoli gratiam quiescerint, illa vos quoque et hanc vobis querere et conservare cureatis; et propter peccata nostra, qui ei indigne servimus, ejus apud vos honor nullatenus minatur, etc. » Dicit de his pariter litteras² ad Eulogium Alexandrimum episcopum, et ad Anastasium Antiochenum, deque ipsius Joannis conatu tempore Pelagii ista in memoriam revocat: « Ante hos siquidem annos octo, sanctae memoriaedecessoris mei Pelagi tempore, frater et coepiscopus noster Joannes in Constantinopolitana urbe ex causa alia occasionem querens, Synodum fecit, in qua se Universalem appellare conatus est. Quod mox idem decessor meus, ut aguavit, directis litteris ex auctoritate sancti Petri Apostoli ejusdem Synodi Acta cassavit: quarum videlicet Epistolarum sanctitati vestrae exemplaria studui destinare, etc. » Sed hic appello te, qui sancti Petri nomine seribit litteras, et cassat Synodi Constantinopolitanæ Acta, nonne facto ipso se ostendit Universalem antisitem?

49. Sed quod pertinet ad Pelagii praedecessoris Gregorii adversus Joannem scripta, jam suo loco superius egimus, dum virga discipline propulsavimus atque fugavimus petulautem leguleum male interpretantem verba ista in ipsius Pelagii litteris ita posita³: « Nullus enim patriarcharum hoc tam profano vocabulo unquam utatur: quia si sumimus patriarcha Universalis dicilur, patriarcharum nomen ceteris derogatur. Sed absit hoc, absit a fidelis cuiusquam mente, hoc sibi vel velle quempiam arripere, unde honorem fratrum suorum immuovere ex quaefulacumque parte videatur ». Pe Orientalibus patriarchis Pelagius intellectus, quos Gregorius ipse quatuor numeral, ubi ait in Epistola ad Natalem episcopum Salontianum⁴: « Quod si quilibet ex quatuor patriarchis fecisset, sine gravissimo scandalo tanta contumacia transire nullo modo potuisse ». At cum veritas conspicua omni ex parte sit verbis et exemplis sanctissimorum Romanorum Pontificum Pelagii atque Gelasii (ut modo taceamus de ceteris) ipsos Romanos Pontifices vere esse Universalis Ecclesie episcopes; no-

men eur iidem abhoruerint, declarat ipse Gregorius, ncmpe quod fastuosum esse videretur, atque superbum, et Christianae humilitati minime congruens. At qui Gregorii loquendi usum minime caleat, facile in errorem labatur: unde non adeo mireris, si se negat dici velle Universalem, qui in Epistola ante hanc ad Mauritium scripta, se etiam negat sacerdotem esse: nam accipe verba ipsius⁵:

50. « Sed etsi, inquit, sacerdos non sum: scio gravem esse hanc injuriam sacerdoti, ut veritati serviens, fallax credalur ». Dixerisne, rogo te, sacerdotem Gregorium non fuisse, qui se non esse sacerdotem testetur? Non puto, sicut neque rerum negaris dominos fuisse eos imperatores qui se dominos vocari velluerunt. Si igitur de re convenit, de nomine quid frustra contendimus? Numquid Paulus non erat Apostolus, qui se indignum dicit fuisse⁶ vocari Apostolum: imo et ipse de seipso⁷: « Annon sum Apostolus? » Et⁸: « Bonum est mihi magis mori, quam ut gloriam meam quis evanescet ». At quis tandem finis cerlaminis? Disrupit anno sequenti Deus inflatum ulrem, suslulit (ut praedixisse visus est Gregorius) ex hac vita Joannem, ut suo loco dicturi sumus. Sed quod de reprobis dictum est⁹: « Superbia eorum ascendit semper »: posteri ipsius cum veluti sanctum coluerunt, et inter beatos recensuerunt, insuper ejusdem superbium nomen retinuerunt. Quia de causa humiliavit illos qui est ante secundum Deus, posuitque Ecclesiam illam desolatam, ut nonnisi auctione pretii a Turcis emptos habeat sacerdotes: ac secundum inviolabilem illam volgatam Domini sententiam factum vidimus, qua dicitur¹⁰: « Omnis qui se exaltat, humiliabitur ».

51. Quod rursum ad S. Gregorium spectat: dum ait saepe, nullum unquam Romanorum Pontificum illud sibi nomen usurpasse, ut Universalis episcopus diceretur; idcirco hoc ipse, quod aliquam inesse differentiam existimat secundum ea que dicta sunt, ut quis Universalis episcopus diceretur, vel Universalis Ecclesia. Etenim complura reperiuntur exempla, ut Pontifices, qui ipsum Gregorium præcesserunt, se inscriberent episcopos Ecclesie Universalis: nam ut pretermittamus eos de quorum Epistolis controversia est, ecce sanctus Leo Magnus sepius ea voce usus esse reperitur, ut in Epistola ad Marcianum Augustum¹¹ inscribitur Leo episcopus Romanæ et Universalis Ecclesie: ita etiam in Epistola¹² ad Eudociam Augustam: sicut et ad Leonem Augustum inscribitur¹³: « Leo Romæ et Universalis Catholicæque Ecclesiae episcopus ». Insuper cum aquipollere videatur, imo idem Catholicum sit, quod Universale: habes pariter eosdem Pontifices Romanos inscribi solitos Catholicæ Ecclesie episcopos: ita siepe idem Leo¹⁴, et inter alia ad Maximum episcopum Antiochenum scri-

¹ Greg. l. iv. Ep. xxxiv. Ind. xiii. — ² Ibid. Ep. xxxvi. Ind. xiii.
— ³ Pelag. Ep. l. — ⁴ Greg. l. ii. Ep. xxxvii. Ind. x.

⁵ Greg. l. iv. Ep. xxxi. Ind. xiii. — ⁶ 1. Cor. xv. — ⁷ 1. Cor. ix. — ⁸ Ibid. — ⁹ Psal. lxxiiii. — ¹⁰ Matth. xxvii. — ¹¹ Leo Ep. lvi. — ¹² Leo Ep. lxix. — ¹³ Leo Ep. xcvi. — ¹⁴ Leo Ep. xlv. xv.

bens¹ : « Leo, inquit, Catholicae Ecclesiae, etc. »

52. Quod quidem nomen, ut consuetus titulus in Ecclesia Dei, ab aliis item iis tamen Romanae Ecclesiae Pontificibus imperitum saepius reperitur, et inter alios a viro illustri Pompeio cognato Justiniani imperatoris, qui cum ad Hornisdam papam scribit², eum Universalis Ecclesie episcopum nominat : ita etiam Anastasia itidem ejusdem Augusti affinis. Sed et alii episcopi cum ad eos scriberent, quam amplissimis sint usi titulis, pete exemplum a Synodo in Epiro celebrata, ubi in Epistola ad Hornisdam papam ejusmodi praesignunt titulum : « Patri Patrum, communisistro, ac principi episcoporum, etc. » Atque ad eundem Joannes episcopus Nicopolitanus, et monachi Universae Syriae ita libello supplici : « Universi orbis terrae patriarchae Hornisdae continentis Sedem principis Apostolorum Petri ». Sed haec dicta exempli causa sufficient. Jam reliquas prosequamur res gestas Gregorii cum Joanne.

53. *Causa Joannis et Athanasii presbyterorum in Romana Synodo judicata.* — Agebatur etiam in litteris ejusdem episcopi Constantinopolitani de causa Joannis et Athanasii presbyterorum, quorum prior haeresis damnatus iniuste fuerat : quam ob causam Gregorius Romanum eum advocaverat. Quid autem de eo factum sit, ubi Acta judicialia jussa sunt Romanum deferri, ex aliis Gregorii papae litteris³ possumus intelligere, cum rescribens ad eundem Joannem episcopum Constantinopolitanum, causam ejus in Synodo Romana fuisse cognitam tradit, ipsumque repertum innocentem absolutum, atque Orientale de eo habitum jam abrogatum esse judicium, in quo inique admodum presbyter ille Chalcedonensis Ecclesie, licet Catholicus esset, per Joannis judices, impositis (ut vidimus) verberibus, fuerat uti haereticus condemnatus. Qua de causa perbenigne hoc modo coniunctione eundem Joannem Gregorius⁴ : « Hoc ergo, frater sanctissime, subtiliter perpendamus, et sub praedictu haeresis affligi quempiam veraciter innocentem non sinamus : ne (quod absit) haeresim fieri sub emendationis magis specie permittimus ». Et in eamdem sententiam de eo scribens ad Mauritium imperatorem, haec habet⁵ : « Veraciter confitenti non credere, noui est haeresim purgare, sed facere ». Marcionistarum enim heresis criminis nomine infamatus, et per Joannis judices judicatus. Quod igitur Romae judicet Gregorius Chalcedonensem presbyterum Constantinopoli condemnatum, atque etiam contra judicium habitum Constantinopoli ipsum absolvat ; quomodo etsi non se dicat Universalem, non cognosci necesse sit ipsum esse Ecclesia Universalis episcopum ?

54. Quod vero pertinet ad Athanasium reorum alterum, quid gestum sit, ipse Gregorius docet in

Epistola ad Narsetem⁶, nimurum inventum esse (ut ait) aliqua ex parte Manichaeum, verumtamen accusatorem ipsius ex ejus accusationibus esse convictum Pelagianum : inventumque Codicem editi Ephesini Concilii missum Constantinopoli esse falsatum. Quam autem parum tuti fuerint tunc Graeci Codices, ista accurate tractans ipse Gregorius, haec addit : « Existimamus, quia sicut Chalcedonensis Synodus in uno loco ab Ecclesia Constantinopolitana falsata est, sic aliquid in Ephesina Synodo factum est. Charitas ergo vestra vetustos omnino Codices ejusdem Synodi requirat, et illic inde videat, si quid tale invenitur : milique eundem Codicem, quem invenerit, transmittat : quem mox ut legero, retransmitto. Novis enim Codicibus passim non eredat ». Et paulo post : « Romani autem Codices multo veriores sunt, quam Graeci : quia nostri sicut non acuminata, ita nec imposturas habent ». Haec Gregorius.

55. Quando autem in Constantinopolitano iudicio fuit ipse Athanasius condemnatus, magna tunc accedit recordia ipsius Joannis adducta in judicium minime perscrutantis, vel nescientis inter verum et falsum ob imperitiam sacerorum canonum accurate distinguere : ut apud ipsum Constantinopolitanum episcopum ederetur Synodus secunda Ephesina pro prima, Concilialebulum videlicet Nestorianorum sub Joanne Antiocheno pro OEcumenica Synodo : quod culpa gravi non caruit, aut dolo, vel saltem rurum Ecclesiasticarum maxima ignorantia : ex quo tunc est factum, ut Catholici, qui haereticorum illi Synodo minime assentirentur, dicerentur haeretici ; et haeretici assidentes, Catholici putarentur. Porro id non semel in iudicio factum, sed iterum in causa quorundam monachorum, de quibus postea ipse S. Gregorius scripsit ad Eulogium episcopum Alexandrinum his verbis⁷ :

56. « Præterea ante triennium, cogente causa monachorum Isauriae, qui haeretici accusabantur ; satisfaciens mibi quondam frater et consacerdos meus dominus Joannes (Constantinopolitanus episcopus scilicet) litteras misit, quibus nitebatur ostendere, eos Ephesine Synodi diffinitionibus contradixisse : et velut ex eadem Synodo, certa nobis, quibus ipsi obsisterent, capitula destinavit. Inter alia autem scriptum illie confinebatur de Adae anima, quia in peccato mortua non fuerit, eo quod diabolus etc. » Erant haec in Nestorianorum Concilio posteriori Ephesino, canone secundo : quod olim per Joannem Antiochenum seorsum celebratum est, diversum ab illo per Dioscorum postea habito : quod cum pro germano Ephesino Joannes ipse ad Gregorium miserit, quam prius dici potuerit, omnes, puto, intelligunt. De iisdem quoque et ad Anastasium Antiochenum episcopum Gregorius haec dilucidius, ubi ait⁸ : « Ex annotatione haeretici Codicis, qui ad me ex regia nrbe transmissus est,

¹ Leo Ep. LXVI. — ² Habent, inter Ep. Horm. — ³ Greg. I. v. Ep. XV. XVI. XVII. Ind. XIV. — ⁴ Ibid. Ep. xv. Ind. XIV. — ⁵ Ibid. Ep. XVI. Ind. XIV.

⁶ Greg. I. v. Ep. XIV. Ind. XIV. — ⁷ Greg. I. vi. Ep. XXXI. Ind. XV. — ⁸ Greg. I. vii. Ep. XLVIII. Ind. II.

agnovi per hoc quod quedam capitula Catholica cum haereticis fuerant reprehensa, quia quidam illam Ephesinam primam Synodum in eadem urbe existimant, quae quondam ab haereticis traditur esse composita: omnino necesse est, ut charitas vestra eamdem Synodum apud sanctam Alexandrinam et Antiochenam Ecclesiam requirat, et qualiter in veritate habeatur, inveniat. Vel si placet, hinc dirigimus, quae ab antiquitate servata in scriptis habemus. Hila enim Synodus (secunda Ephesina) quae sub prime Ephesinae imagine facta est, quedam in se oblata capitula asserit approbata, quae sunt Cælestii atque Pelagii predicamenta, etc. » Andisti totius imposturae comediam? Vidisti, qui vocari voluit OEcumeniens, quas miserit merces in Urbem: dum, nisi Gregorius vigilasset, sub auctoritate Concilii OEcumenici Ephesi, Pelagianam haeresim ante sepe damnatam rursum introduxisset in Ecclesiam? Sed de his inferius iterum agemus.

57. *Synodi Romanæ canonæ.* — Sed quod ad dictum Concilium in ea causa collectum spectat: habitum illud hoc anno Romæ, ex scriptis ejus lem S. Gregorii satis appareat, ubi haec in ejus Praefitione leguntur¹: « Regnante in perpetuum Domino nostro Iesu-Christo, temporibus piissimi ac serenissimi dominorum Maurili, Tiberii, et Theodosii Augustorum ejusdem domini, imperio Maurilii anno tertio decimo (decimo) Indictione tertia decima, quinta die mensis Julii, etc. » Sed corrige quod habet de imperii Maurilii anno decimo tertio: nam hoc anno Indictione decima tertia non decimus tertius Maurilii currebat, sed decimus, ut ex ejusdem Gregorii scriptis appareat, ubi superius numerat² annum septimum ipsius imperatoris, decima Indictione.

58. Quod autem ad canones in eadem Synodo sancitos pertinet, sex numero habentur. Quorum primus est de diaconis, ne quorum munus est altari ministrare, Evangelium prædicare, et eleemosynis inservire, iidem cantores existarent. Secundus ille, ne cubiculo Pontificio servirent pueri laici et scutulares, sed clerici vel monachi id ministerii exhiberent. Tertius quo decretum est, ne rectores patrimoniorum Ecclesiae alienis possessionibus affigant titulos. Quartus vero ut sine tegmine corpora Pontificum ad sepulcrum deferrentur, ea nimis occasione, quod cum ut ait dalmaticis tegerentur, ipsas postea populus inter se partitas loco saerarum reliquiarum asservarent: quem monuit, ut e corporibus potius Apostolorum ac martyrum velamina acciperent. Ita Gregorius vivens consuluit sibi post mortem, ne coleretur ut sanctus. Adject illud etiam statuere ne in ordinationibus sacris conficiendis, vel pallii exhibitione aliquid penitus acciperetur, neque etiam a notariis pro charta vel calamo quid sunneretur, nisi post ordinationem exhibitam aliquid ordinatus sponte dare voluerit.

59. Postremo vero illud constituit, ut servi Ecclesie ad monasticam vitam venire cupientes, in

laicali primum habitu probarentur. In quo item Romano Concilio illud implendum dixit³, ut nullius essent ponderis, que de bonis post episcopatum adeptis episcopus testamento disponuisse, secus vero de his que ante episcopatum possedisset. Reperimus in scripto Codice Sublacensi, in Concilio Romano cum leui Gregorium papam probasse et constituisse regulam S. Benedicti. Subscripterant Concilio episcopi viginti duo, presbyteri vero cardinales triginta quatuor.

60. *Marinus episcopus Salomonianus, Gregorii opera legitimus evadit.* — Hoc pariter anno accidit, ut schismati Istræ provincie petierint a S. Gregorio ad Urbeam veniendi securitatem, ut de verentibus questionibus una conferrent: quam libenter animo Gregorius præstítit, datis ad Petrum et Prudentium Istræ episcopos litteris⁴; sed a proposito ipsi defecere.

61. At vero secundum illud Apocalypsis⁵: « Qui nocet, noceat adhuc; et qui in sordibus est, sordescat adhuc ». Mauritius imperator, adversus S. Gregorium papam Maximum in Ecclesiam Salomonianam intrusum, ab ipso autem Gregorio censuris ejectum, per suos ministros in Ecclesia illa episcopum retinuit. Id quidem hoc anno idem imperator Mauritius tyranice gessit, quod animum ipsius Gregorii papæ vehementer exagitavit. Nam cum idem Pontifex Maximum Salomonianum Simoniacum intrusum missarum celebratione privasset, et ille eam jussionem sub auathematis pena mandata contempssisset, missisque celebrare minime prætermittens, auxilium quæsivisset imperatoris; litteras ab eo impetravit, quibus juberetur cum honore suscipi. Hec accipiens Gregorius, cum Augusta expostulavit his verbis⁶:

62. « Salomonæ civitatis episcopus, me ac responsali meo nesciente, ordinatus est, et facta res est, quæ sub nullis anterioribus principibus evenit. Quod ego audiens, ad eundem prævaricatorem, qui inordinate ordinalus est, protinus misi, ut omnino missarum solemnia celebrare nullo modo præsumeret, nisi prius a serenissimis dominis cognoscerem, si hoc fieri ipsi jussissent, quod ei sub excommunicationis interpositione mandavi. Et contempto me auctie despecto, in audaciam quorundam seculariorum hominum, quibus denudata sua Ecclesia, præmia multa præbere dicitur, nunc usque missas facere præsumit, atque ad me venire secundum jussionem dominorum noluit. Ego autem præceptioni pietatis eorum obediens eidem Maximo, qui me nesciente ordinatus est, hoc quod in ordinatione sua me vel responsalem meum prætermittere præsumpsit, ita ex corde laxivi, ac si me auctore fuisset ordinatus. Alia vero perversa illius scilicet mala corporalit, quæ cognovi, vel quia cum pecuniis est electus, vel quia excommunicatus missas facere præsumpsit, propter Deum irquisita

¹ Ex Mat. l. v. sub Ep. XLIV. — ² Greg. l. IV. Ep. XLIX. Ind. XIII.

³ Apoc. XXII. — ⁴ Greg. l. IV. Ep. XXXIV. Ind. XIII.

præterire non possum. Sed opto et Dominum deprecor, quatenus nihil in eo de his que dicta sunt, valeat inveniri, et sine periculo anime meae causa ipsius terminetur. Prius tamen quam haec cognoscantur, serenissimus dominus discurrente jussione præcepit, ut eum venientem eum honore suscipiam. Et valde grave est, ut vir de quo tanta et talia nuntiantur, cum ante requiri et discuti debat, honoretur.

63. «Et si episcoporum causæ mihi commissorum apud piissimos dominos aliorum patrocinis disponuntur; infelix ego in Ecclesia ista quid facio? Sed ut episcopi mei me despiciant, et contra me refugium ad seculares judices habeant, omnipotenti Deo gratias ago, peccatis meis deputo. Hoc tamen breviter suggero, quia aliquantulum exspecto; et si ad me diu venire distulerit, in eo exercere distinctionem canoniam nullo modo cessabo. In omnipotenti autem Domino confido, quia longam piissimis dominis vitam tribuet, et nobis sub manu vestra, non secundum peccata nostra, sed secundum gratiae sue dona disponet. Haec ergo tranquillissimæ domine suggero: quia integrissima serenitatis ejus conscientia quanto moveatur zelo recrudens atque justitiae, non ignoro». Haec ad imperatricem Gregorius.

64. At non statim ut accepit ista de Maximo, verecundia detentus, favit ei Manritius, sed postea ab exarcho Ille et aliis magistratibus concitatus? Si quidem dictam de eodem Maximo historiam latius explicatam habes in Epistola ejusdem Gregorii ad Sabinianum diaconum verbis istis¹: «Postquam, inquit, serenissimus dominus imperator jussiones transmisit, ut ordinari minime debuisset, tunc ad altiorem superbiam erupit. Nam homines gloriosi viri patricii Romani (hic exarchus erat) ab eo præmia acceperunt, eumque ita ordinari fecerunt, ut Autonium subdiscotum et rectorem patrimonii, nisi fugisset, occiderent. Ego autem Epistles transmisi postquam eum ordinatum contra rationem cognovi et contra consuetudinem, ut missarum solemnia celebrare non presumeret, nisi prius a serenissimis dominis cognoscere quid de ejus persona jussissent. Quæ scripta mea publice relecta vel in civitate posita, publice scindi fecit, atque in contemptum Sedis Apostolicæ apertius exilii. Quod ego qualiter patiar, scis, qui ante paratior sum mori quam beati Petri Apostoli Ecclesiam meis diebus degenerare. Mores etiam meos bene cognitos habes: quia diu porto; sed si senecte deliberavero non portare, contra omnia pericula ketus vado. Unde necesse est cum Dei auxilio periculo succurrere, ne cogatur excedendo peccare. Vide quæ dico, et pensa ex quanto dolore sunt». Ille et alia ad Sabinianum apocrisiarium degentem Constantinopoli, insinuanda imperatori, Gregorius scribit.

65. Quod autem ipse Gregorius eundem Maximum iterum atque ilerum Romanum a se² vocatum,

obtemperare contemnentem excommunicasset: ille ad suam excusationem severitatem nimiam Gregorii praetexebat, rumorem excitans, quod episcopum quendam Mileum Rome in carcere mori coegisset. Ad haec Gregorius mox ista subiungit: «Pervenit vero ad me quia transmisit nescio quem clericum, qui diceret, quia Maleus episcopus in custodia pro solidis occisus sit. De qua re unum est quod breviter suggeras serenissimis dominis nostris, quia si ego servus eorum in morte Longobardorum me miscere voluisse; hodie Longobardorum gens nec regem, nec duces, nec comites haberet, atque in summa confusione esset divisa: sed quia Deum timeo, in mortem cuiuslibet hominis me miscere formido». Quasi diceret, tantum abesse ut coegerit mori episcopum, ut nec ipsos hostes, cum posset, voluerit occidi. At quomodo de Maleo res se habuerit, accipe ex ipso cum subdit: «Maleus autem episcopus neque in custodia fuit, neque in aliqua afflictione: sed de die qua causam dixit, et addidit, nesciente me, a Bonifacio notario in domum ejus ductus est: eni et prandium factum est, ibique prandit et honoratus est ab eo, et nocte subito mortuus est: quod jam dilectionem tuam arbitror cognovisse». Haec de calunnia ex morte Malei praetensa. Sed quae haec senta sunt?

66. Vicit Gregorius in bono malum. Etenim concessit, ut cum Romanum venire nollet, saltem Ravennam se conferret, ubi delegatum a Sede Apostolica haberet judicem Marinianum episcopum, sub quo causam diceret. Praestit ille Maximus, Ravennamque se contulit ubi et juramento se purgavit supra corpus sancti Apollinaris, se nimis a simoniae labe integrum atque immunem esse: accepitque penitentia de inobedientia et contumacia quia in Apostolicam Sedem peccasset, ad Salonicam est missus, consentiente Gregorio, Ecclesiam, ut legitimus illuc sederet sacerdos: eni et experienti idem Pontifex pallium dedit. Haec omnia constant ex Epistolis ipsis S. Gregorii datis¹ Indictione secunda: unde appareat causam hanc cœptam Indictione duodecima, perdurasse annos quinque.

67. *Anastasius Sinaita episcopus Antiochenus.* — Eodem anno Anastasius Sinaita, ubi in sedem Antiochenam restitutus est, litteras dedit ad Gregorium Romanum Pontificem; qui cum accepisset post mortem Gregorii episcopi Antiocheni ipsum Anastasium, a tempore Justiniani imperatoris a sede expulsum, esse restitutum, illi congratulatus litteras reddidit, quarum est hujusmodi exordium²: «Gloria in excelsis Deo, et in terra pax hominibus bona voluntatis: quia magnus ille fluvius, qui quondam arenaria Antiochiae saxa reliquerat, tandem ad proprium alveum reversus, et subjectas iuxta positas valles rigat, etc.» Dunque enim solatur de tribulationibus quibus afflictatus fuerat, suas, quas tunc ipse Gregorius pateretur, aerumnas in-

¹ Greg. I. vii. Ep. 1. Ind. i. — ² Greg. I. v. Ep. xxv. Ind. xiv.

¹ Greg. I. vii. Ep. LVIX. LXXX. LXXXI. Indict. II. — ² Greg. I. v. Ep. xxxvii. Ind. xiii.

gerit, dicens : « Quantas vero in hac terra tribulationes de Longobardorum gladiis, de iniuritatibus iudicium, de insolentia atque impunitate causarum, decura subjectorum, de molestia etiam corporis quam patior, explere nec calamo, nec lingua sufficio ». Ad finem vero Epistole duo ista apponens verba, AMEN, GRATIA : mox subdit : « Quae videlicet verba de scriptis vestris accepta, idecirco in meis Epistolis pono, ut de S. Ignatio vestra beatitudo cognoscatur, quia non solum vester est, sed etiam noster ». Ut pole quod eadem salutatione, sive Epistole signo S. Ignatius uteretur. Sed de his primo Anualium tomo diximus.

68. Amos episcopus Hierosolymae. — Hoc eodem anno (ut in fine anni superioris est demonstratum) Amos Hierosolymiorum episcopus post Joannem electus est : de enjus ingressu haec apud Sophronium habes¹ : « Cum descendisset abbas Amos Hierosolymam, et patriarcha ordinatus esset : venerunt omnes monasteriorum eremii abbates, ut adorarent eum : inter quos affui et ego cum abbatte meo. Cœpitque patriarcha dicere Patribus : Orate pro me, fratres : magnum enim onus et intolerabile mihi injunctum est, sacerdotumque dignitas me terret immodice. Petri enim et Pauli et similium est regere rationales animas. Nam inveni scriptum, quia beatissimus et aequalis angelis papa Leo, qui Romanorum Ecclesiae præfuit, per quadraginta dies perseveravit ad sepulcrum Apostoli Petri vigiliis et orationibus insistens, petensque ab Apostolo, pro se apud Deum intercederet, ut dimitterentur sibi peccata sua. Impletisque diebus quadraginta, apparnit ei Petrus Apostolus, dicens : Oravi pro te et dimissa sunt tibi peccata tua præter impositionis manum : hoc enim solum abs te requiretur, sive bene, sive forlasse aliter egeris ». Haec dicta quidem ab Amos, ut inventa sunt scripta reddimus : sed de veritate historiæ superiorius in Leone dictum est.

69. Ad Gallie reges Gregorii litteræ. — Hoc pariter anno, cum (ut vidimus) ad Galliarum episcopos litteras dedisset sanctus Gregorius pro corrigendis iis que adversus sacros canones in Galliis agerentur, ut id omnino perfici posset, regias manus in auxilium petuit : cuius rei causa scripsit ad Childebertum² Francorum regem de pluribus rebus corrigendis in regno ipsius, quæ deficiente verbi cultura succreverant : potissimum vero illud admonuit, ne lati statim tonso capite raperentur ad episcopatum; seu potius raperent ipsi episcopatum, hoc suadens exemplo : « Certum namque est, inquit, non vos ante exercitu ducem præponere, nisi vobis labor ejus tidesque probata constiterit, nisi eum anteaetæ vite virtus et sollicitudo aptum esse monstraverit. Si vero non aliis, nisi hujusmodi viris committitur gubernandus exercitus : qualis dux esse debeat animarum ex istius rei comparatione bene colligitur ».

70. Scripsit et ad Brunichildem³ reginam Francorum, matremque regis, ubi inter alia de ipso Francorum regno atque rege haec habet : « Non immerito contingit, ut cuncta gentium regna preceperet : quippe earumdem gentium Creatorem et pure colit et veraciter continetur. Sed ut laudabilius in eo tides cum operibus enitescat, adhortationis vestrae cum verba succendant, etc. » Et rursus postea ad ejus filium Childebertum⁴ : « Quanto caeteros homines regia dignitas antecedit, tanto caeterarum gentium regna regni vestri profecto eminem excellit. Esse autem regem, quia sunt et alii, non mirum est : sed esse Catholicum, quod alii non merentur, hoc satis est. Sieut enim magnæ lampadis splendor in tetra noctis obscuritate luminis sui claritate fulgescit, ita tidei vestrae claritas inter aliarum gentium obscurredam perfidiam rutilat, ac coruscat. Quicquid enim reges se caeteri gloriantur habere, habetis : sed ipsi in hæc re vehementius superantur, quoniam hoc principale bonum non habent, quod habetis. Ut ergo sicut tide, ita et actione vincantur, benignam se excellentia vestra suis subiectis semper exhibeat, etc. » Dedit has litteras Gregorius Candido presbytero, quem post patricium Binarium ad curandum patrimonium S. Petri misit ad eundem regem, atque una cum litteris etiam manus rege Christianissimo dignum, de quo in fine ejusdem Epistole istis verbis : « Claves praeterea S. Petri, in quibus de vinclis catenarum ejus inclusum est, excellentiae vestrae direximus : que collo vestro suspensa a malis vos omnibus tueantur ».

71. Gregorius libros mittit ad S. Leandrum. — Sed de Galliis transeamus in Hispanias. Hoc enim anno idem sanctus Gregorius scripsit⁵ ad sanctum Leandrum episcopum Hispalensem, mittens ad eum librum, quem nominat, regulæ pastoralis scriptum (ut ait) ipso sui episcopatus exordio ad Joannem (ut vidimus) episcopum Ravennatem : misitque ad eundem libros Moralium, apud ipsum Leandrum (ut Prefatio docet) inscriptos; non omnes tamen, sed quos haberet præ manibus : tertiam enim et quartam ejusdem operis partem minime in promptu habere, quæ mitti tunc posset, eadem Epistola ipse testatur. Rursus autem cui inueniebat universalis Ecclesie eura, invisit litteris Ecclesiam Africanam, hoc pariter anno scribens ad totius Africæ primatrem⁶ Dominicum Carthagensem episcopum, ubi haec pulchre de communione sanctorum precibus conservanda : « Ut ad haec pervenire mereamur, et me pro vobis apud sanctissimum beati Petri Apostolorum principis corpus, et vos pro me apud sanctum Cyprianum martyrem orationibus decet incumbere ».

72. Pro Anglorum conversione mira studia Gregorii. — At quod successorem se esse novit ille, cui non munda tantum animalia, sed et im-

¹ Prat. Spir. c. 149. — ² Greg. l. vi. Ep. xliii. Ind. xiii.

³ Greg. l. iv. Ep. v. Ind. xiv. — ⁴ Greg. l. v. Ep. xix. Ind. xiv.

munda, feraeque bestiae ad cibum paratæ ostensæ divinitus fuere in hunc¹; parum ipsi fuit tantummodo curare fideles, sed et adjecit animum, ut gentem Anglorum Britanniæ insulæ magna ex parte dominiam factam sacro imbuueret Evangelio. Sed quod tanta molis opus aggredi, Longobardorum (ut vidisti) tumultus obstanter; illud saltem quod præ manibus esset, operari minime praetermisit, nempe ut carperet ob famem ex ingenti segete spicas cui nondum falcam immittere licuit. Quid ergo agit? Novit in Galliis complures detineri jure belli captivos Anglos, eosdemque exponi venales: dat itaque in mandatis Candido presbytero (quem ad curandum patrimonium sancti Petri hoc anno in Gallias missum diximus) ut eosdem coemat Anglos adolescentes, quos ad fidem Christi conversos monasterio bene instruendos committat. Scribit enim de his, deque emendis vestimentis ad pauperes vestiendos, hæc breviter ipse S. Gregorius²:

73. « Pergens, auxiliante Deo D. N. Jesu Christo, ad patrimonium quod est in Galliis gubernandum: volumus, ut dilectio tua ex solidis, quos acepit, vestimenta pauperum, et pueros Anglos, qui sunt ab annis decem et septem, vel decem et octo, ut in monasteriis dandi (dati) Deo proficiant, comparet: quatenus solidi Galliarum, qui in terra nostra expendi non possunt, ad locum proprium utiliter expendantur. Si quid vero de pecuniis reddituum, quæ dicuntur oblate, recipere potueris: ex his quoque vestimenta pauperum comparare te volumus, vel (sicut prefati sumus) pueros, qui in omnipotentis Dei servitio proficiant. Sed quia pagani sunt qui illic inveniri possunt: volo ut eum eis presbyter transmittatur, ne quid aegritudinis contingat in via, ut quos morituros conspexerit, debeat baptizare. Ita igitur tua dilectio faciat, ut haec diligenter implere festinet ». Haetenus ad Candidum Gregorius. Novisse antea Anglos Gregorium Romæ venum expositos, tradit Joannes draconus, admiratissimique in iisdem vultus elegantiam, quo non Barbarorum trucem representarent ad aspectum, sed angelicam, quæ coloribus fingi solet, imaginem, atque ob id eosdem Anglos angelos nominasse: censuisseque eos emptos non ut alia mancipia tradendos glebis, sed eosdem Anglos inter angelos collocandos, in monasteriis scilicet, ad vitam angelicam excolandam. Favit Deus volis ejus, ut post has evulsas Apostolica manu spicas, in magnam mox messem fateam immitteret. Sed haec congerunt anno sequenti: dicemus nos de his suo loco.

74. Mortuo Joanne Marinianus eligitur episcopus Ravennatus ad quem avaritia corruptum scribit Gregorius, deque illius Ecclesie privilegiis. — Hoc eodem anno moritur Joannes ille episcopus Ravennas, quem irrisorem et fastu tumentem duplice animo ambularem Gregorius proxime redarguerat³. Demerere hominem omni genere bene-

fici sanctus Gregorius minime praetermissee visus est, qui reperitur misse ad eum reliquias sanctorum Romanorum Pontificum Marci, Marcelli, atque Feliculæ martyris, ut docet inscriptio ejusmodi a Rubeo edita⁴:

Inclita præfulgent sanctorum limina templo
Marci, Marcelli, Feliculæque simul:
Pontifices hos Roma cepit, hæc martyr habetur.
Horum Gregorius dat papa reliquias:
Quas petit antistes meritis, annoque Joannes:
Parvula pro summis reddire dona parat.
Oracula statuit tanta virtute repleta,
Cujus ab auspiciis gratia et extat opus.
Qui his septime sacri diadematis anno,
Tractatu vigili quo regit Ecclesiam,
Hanc quoque regentem verenij culminis arem
Vixit (struxit), et eventum traxit ad arbitrium.
Miranda subito suspendens arte caeruleu
Inflexum reparat parte ab utraque latuis.
Additur his meritis felix Smaragdus in ænum,
Cujus in his titulis participantur opes.

75. Defuneto igitur Joanne, facta est successoris elecio atque in locum ejus substitutus est Marinianus. Extant de his Gregorii ipsius litteræ⁵, quibus primo respuit atium Joannem electum, eo quod nesciret Psalms: rejecit et Donatum archidiaconom, cui multa obstanter; consensit vero in Mariniano presbytero, qui secum diu in monasterio fuerat conversatus: de quo ista ad Andream scholasticum⁶: « Tandem venerabilem virum fratrem presbyterumque Marinianum, quem diu mecum didicere in monasterio conversatum, communis concordantique voce atque consensu sèpius petiverunt. Cui refugienti diversis modis vix aliquando potuit suaderi, ut eorum præberet petitioni consensum. Et quia bene nobis ejus vita est cognita, atque in lucrandis animabus illum novimus esse sollicitum, nullam in ordinatione ipsius moram attulimus ». Hæc et alia in ejus laudem Gregorius, cui et pallium⁷ concessit statutis diebus utendum. Sed quod mox in eum oblectu sunt aliqui, quod Concilium Chalcedonense minime sectaretur (consueta haec erat calunnia, ut sèpius dictum est, schismaticorum adversus Catholicos) de his scribens⁸ Gregorius populo et clericis Ravennatis Ecclesie in omnibus satisfecit.

76. Sed quid accidit? Quem præsenti anno adeo laudavit Gregorius, eundem anno sequenti mense Martio reprehendere opus fuit. Ita humanæ conditionis instabilitas fert, ut mutatione status, mutari interdum homines, atque virtutes in vitia converti facile possint. Ubi enim priuum iste nobilissimæ Ecclesie moderandas suscepit habendas, in id vires omnes intendit, ut redditus ejusdem augeret; eoque progressus est, ut a monasteriis etiam pecuniam cuperet extorquere: cujus rei gratia fuit ab ipso Gregorio arguendus. Ad eum enim scribens ipse Pontifex, hæc præfatur⁹: « Miramur

¹ Act. x. — ² Greg. l. v. Ep. x. Ind. xiv. — ³ Greg. l. iv. Ep. xiv. Ind. xiii.

⁴ Hist. Rub. hist. Ray. l. iv. — ⁵ Greg. l. vi. Ep. xxl. xxxiiij. et xlv. Ind. xiii. — ⁶ Ibid. Ep. xlvi. Ind. xiii. — ⁷ Ibid. Ep. xlvi. Ind. xiii. — ⁸ Greg. l. v. Ep. ii. Ind. xiv. — ⁹ Ibid. Ep. xxvii. Ind. xiv.

cur sic in brevi fraternitatis tuae fuerit immunitata discretio, ut ea quae postulat non advertat. Ex qua re dolemus quia manifestum præbes indicium, plus apud te verba male suridentium valuisse, quam divinae lectionis studium profuisse. Cum ergo monasteria te oporteat defensare, et religiosos illuc summopere congregare, ut lucrum de animarum congregatione possis efficere; in eorum te e diverso gravamina (sicut littera tua testantur) desideras exercere, et quod est deterius, nos tue culpe studes fieri debere participes ». Et post aliqua : « Quia ergo, inquit, te multum diligo, instanter admoneo (quod sic recte consideres) ut non plus pecuniae quam animabus studeas. Illud a latere resipiciendum est : ad hoc autem tota mentis intentione laborandum ac vehementius intenendum, etc. » Sed et de his adde quæ anno sequenti, mense Martio, idem S. Gregorius de eodem Mariniano scripsit ad Secundinum Dei servum Ravennæ degenrem, quæ et superius alia occasione majori ex parte posuimus, his verbis¹ :

77. « Fratrem nostrum Marinianum episcopum quibus vales excita : quia obdormisse eum suspicor. Nam venerunt quidam ad me, in quibus erant senes mendicantes; qui a me discussi sunt, a quibus quid acceperint : et per singula retulerunt, quanta eis, et a quibus in itinere data sunt. Quos dum sollicite de prædicto fratre requirerem, quid eis dedisset : responderunt, se eum rogasse, sed ab eo se omnino nihil accepisse, ita ut neque paumen in via acceperint, cum dare omnibus illi Ecclesiæ semper familiare fuit. Dixerunt enim : Respondit nobis, dicens : Non habeo quod vobis dare possim. Et miror, si is qui vestes habet, argentum habet, cellaria habet, quod pauperibus debeat dare non habet. Die ergo ei, ut cum loco mutet et mentem. Non sibi credit solum lectionem et orationem sufficere, ut remotus studeat sedere, et de manu minime fructificare ; sed largam manum habeat, necessitatem patientibus concurrat, alienam inopiam suam eredat : quia si haec non habet, vacuum episcopi nomen tenet. Quedam vero eum per Epistolam meam de anima sua admonui, sed nihil mihi omnino respondit, unde credo quia eam neque legere dignatus est. Pro qua re jam necessarium non fuit, ut cum per Epistolam meam admonere aliquid debuissem ; sed tantum illa scripsi, quæ in causis terrenis consiliarii dictare potuit : nam ego ad hominem non legentem fatigari in dictatu non debui. Tua ergo dilectio secreto ei omnia loquatur, et admonet qualiter se disponere debeat, ne per præsentem negligentiam, vitam (quod absit) priorem perdat ». Hucusque de Mariniano ad Secundinum Gregorius : quibus innotescit diaboli ars, ut quos decipere non potuit in monasterio, in spirituali constitutos præfectura avaritiæ sibi telis subjiciat. Habes præterea quod ex his intelligas, S. Gregorium scribere consuevisse litteras eas ipotissimum quæ

ad animarum salutem spectarent; reliquas vero quæ ad res (ut ait) terrenas pertinerent, consilia- rium ipsum dictare.

78. Quod insuper ad eundem Marinianum spectat, extant litteræ¹ ejusdem Gregorii ad ipsum datæ Indictione decima tertia, in quibus haec ad calecni habentur : « Omnia etiam privilegia, quæ tuae pridem concessa esse constat Ecclesiæ, nostra auctoritate firmamus, et illibata decernimus permanere ». Fertur autem alia ejusdem S. Gregorii nomine Epistola ex Ursiana (ut aiunt) bibliotheca Ravennate deprompta² ad eundem Marinianum scripta de privilegiis ejusdem Ecclesie Ravennatis, sed quæ ex multis commentilia convineatur. Idem enim (ut puto) auctor, qui eodem argumento Valentianii imp. rescriptum continxit, quod superius suo loco refellimus, istam quoque est commentus Epistolam. Etenim (ut haec cursim annotasse sat sit) quid in ipsa habet inscriptione : « Mariniano archiepiscopo Ravennati, et filio? » Quam procul utrumque ab usu S. Gregorii, qui nomini episcopum et nonnisi fratrem Ravennatem antistitem nominare consuevit? Quam longe illud etiam a nomenclatura Gregorii, ut cum de Gelasio papa contingit mentionem haberet, glorioissimum Gelasium appellat? et titulus iste præfectorum potius, quam Pontificum. Ubi porro mos ille, ut non ipsi tantum, sed et ejus successoribus omnibus pallium in perpetuum tribuat, enim talis privilegii concessio nunquam personam cui conceditur, excedere soleat? Sed et quid, quod Ravennatem Ecclesiam primam filiam Romanae Ecclesie auctor? Quot sunt Ecclesie a Petro ante Ravennatem eretæ? Nec puto dicere primam quoad dignitatem : nam nemo negat Alexandrinam et Antiochenam peculiares Petri Ecclesias longe Ravennati præstare. Quid præterea, quod secundum Longobardorum regum Constitutiones firmat ejusdem privilegium? Quid commune Ravennati Ecclesie cum regibus Longobardorum, qui ea nunquam potiti sunt? Quid ibi nomen illud Marchio temporibus istis in cognitione? Omittimus alia plura, quæ longe a Gregorii stylo aberrant. Illud tantum quod extre- mum in comminatione anathematis ponitur verbis istis : « Sciat se ex parte Dei omnipotentis, et sanctorum trecentorum decem et octo Patrum, etc. » considerandum propomimus. Quando nunquam Gregorius ejusmodi usus est modo anathematis interminandi? Vel quando quis Romanorum Pontificum ejusmodi usus est anathematis comminatione per episcopos scilicet, qui Niceno Concilio interfuerunt? Sunt alia quidem privilegia ab eodem Gregorio diversis concessa locis, quorum formæ quam procul abhorrent ab ea quæ in eadem commentitia Epistola posita legitur, videat lector. Haec scio stomachum plurium turbatura, qui erga eam Ecclesiam, alioqui nobilissimam atque dignissimam, privato studio affecti sunt. Sed antidotum veritatis

¹ Greg. l. v. Ep. xxix. Ind. xiv.

² Extat apud Rub. hist. Bav. l. iv.

si adhibeatur, omnem protinus sanabit, quæ commota ex bile provenit, amaritudinem.

79. *Gregorius neminem invitum cogebat ad episcopatum.* — Quod autem ad reliquas anni hujus res geslas ejusdem S. Gregorii spectat: id est summa quoque sollicitudine cum vacantibus Ecclesiis providere curarel, plures hoc anno dedit eodem argumento litteras, in quibus et aliis alio tempore eodem argumento conscriptis illud admiratione dignum, quod invitum neminem subire Apostolica jussione coegisse reperitur onus episcopale; dum licet interdum persuaserit, vim tamen nemini adhibuerit: imo quo aliquem sanctiorem sciret, eo magis suo relinquebat arbitrio ut quod vellet faceret. Est de his notandum exemplum de Sebastiano, de quo ad ipsum hoc anno scribens haec habet¹: «Indico, quod ad me Bonifacio defensore referente pervenerit, quia vir sanctissimus frater noster dominus Anastasius, patriarcha», Antiochenus scilicet, Sinaita dictus, «in una suarum civitatum regendam vobis Ecclesiam committere voluit et consentire noluistis. Quem sensum ac sapientiam vestram valde ego libenter amplexus sum: laudavi vehementer, et vos felices, me infelicem esse depnavi, qui hoc lali tempore regimen Ecclesiae suscipere consensi. Si lamen animus vester fortasse fratribus condescendendo, et misericordiae operibus intentus, ad hoc unquam consentire decreverit, peto ut amori meo alium minime preponatis. Similiter enim in Sicilia insula Ecclesiae vacantes episcopis: et si vobis placet auctore Deo Ecclesiam regere, juxta beati Petri Apostoli limina cum ejus adjutorio melius potestis. Sin vero non placet, feliciter insta, ut ista in vobis intentio permaneat, et pro nobis infelicibus exora».

Hac Gregorius ad Sebastianum Orientalem episcopum, sed episcopatu (ut puto) Barbarorum infestatione carentem: cum tamen certum sit ab aliis sanctissimis Pontificibus alias ad illud esse sepe coactos. Sed secundum Apostolum²: «Alius quidem sie, aliis vero sie».

80. *Monachorum disciplina et commodis inservit Gregorius.* — Quod rursum ad hujus anni impensos labores Gregorii pertinet: monachorum Deo servientium curam, ex more, propensiorem habuit, ut si quem sciret vere cultorem monasticae vitae, quicquid peteret illi daret, et plus quam peteret. Poscenti namque Evangelii librum Eliæ abbati in Isauria, illum misit, et solidos pro aedificio cellae plus quam pehisset mittere voluit. Sed audi in altero petendi modestiam, in altero dandi abundantem largitatem: scribens enim ad eum, haec habet interalia³: «Solidos autem vobis voluntis pro necessitatibus cellae quinquaginta transmitti; quos multum esse aestimantes, ex eis uobis decem donastis, ut quadraginta mitteremus. Sed ne forsitan vel hoc grave esset, adhuc alios nobis ex eis estis dignati largiri. Sed quia valde vos in conti-

nentia nostra benignos invenimus, eidem benignitati vice simili respondemus. Quinquaginta transmisimus: et ne forsitan minus essent, alios decem superaddidimus: ne vero et hoc adhuc minus esset, alios duodecim jungi fecimus». Haec ipse ad Eliam virum sanctum.

81. Sollicite itidem Gregorius prospexit quieti monachorum, et si quando comperit eos ab episcopis aliquibus infestari, illos ex eorum potestate exemit: ita quidem scribens ad Luminosum⁴ abbatem. Si quæ vero soluta disciplina essent monasteria, eadem reformanda curavit⁵. Egentibus insuper monachis duo millia modiorum tritici dari præcepit⁶. Quos prælerea conditione servos in monasterio profecisse novisset, eodem libertate donavit: est de his exemplum manmissionis⁷ ab eodem Gregorio factæ. Sed et servos infideles emere consuevit, ut Christianos factos monasterio traduceret⁸, superius dictum est. Quod vero ad bona pertinet Ecclesiastica: in his jus antiquum omnino servatum custoditumque voluit, nimirum ut ex Ecclesiarum redditibus partes quatuor fierent, quarum una cederet clero, pauperibus alia, tertia sartis tactis, quarla episcopo, si præcesset: alioqui quarla ista divideretur, ita ut dimidia absentis esset episcopiac dimidia visitatoris ab Apostolica Sede missi⁹.

82. *Pseudopropheta in Gallia.* — Illoc item anno, qui numeratur a Gregorio Turonensi regnum Franeorum Childeberli decimus sextus, et Guntherianus trigesimus, per pravum dæmonem pseudopropheta in Galliis, qui deciperet plurimos, excitatur. Rem gestam Gregorius ita narrat¹⁰: «Quidam, inquit, ex Biturico (ut ipse postmodum est professus) dum saltus silvarum ingressus, ligna cæderet ad explendam operis enjusdam necessitatem, muscarum circumnsedit examen; qua de causa per biennium amens est habitus: unde intelligi datur diabolice emissionis fuisse nequiliam. Post haec transactis urbibus propinquis, Arelatensem provinciam adiit, ibique induitus pellibus quasi religiosus orabat: ad quem illudendum pars adversa divinandi ei tribuit facultatem. Ex hoc ut in majori proficeret scelere, commotus a loco, provinciam memoratam deserens, Gabitanæ regionis terminum est ingressus, proferens se magnum, ac profiteri se non metuens Christum, assumpta secum in uiliere quadam pro sorore, quam Mariam vocitari fecit. Confluebat ad eum multitudo populi exhibens infirmos, quos cointingens sanitati reddebat. Conferabant enim ei aurum, argentumque et vestimenta illi qui ad eum convenientebant: quod ille quo facilius seduceret, pauperibus erogabat prosternens se solo, effundens orationem cum unihere memorata, et surgens, se iterum a circumstantibus adorari jubebat. Prædiebat enim futura, et quibusdam morbos, quibusdam damna provenire denuntiabat, paucis

¹ Greg. I. iv. Ep. xxxv. Ind. xiii. — ² I. Cor. vii. — ³ Greg. I. iv. Ep. xxx. Ind. xii.

⁴ Greg. I. iv. Ep. xl. Ind. xiii. — ⁵ Ibid. Ep. xlvi. Ind. xiii. — ⁶ Ibid. Ep. x. Ind. xiv. — ⁷ Greg. I. iv. Ep. xlvi. Ind. xiii. — ⁸ Greg. Tur. hist. I. x. c. 25.

sahitem futuram. Sed haec ommia diabolice artibus et præstigiis nescio quibus agebat.

83. « Sedueta est autem per eum multitudo immensa populi, et non solum rusticiores, verum etiam sacerdotes Ecclesiastici. Sequebantur autem eum amplius quam tria millia populi. Interea cepit quosdam spoliare ac prædarī, quos in itinere repriisset: spolia tamen non habentibus largiebatur. Episcopis ac civibus minas mortis intentabat, eo quod ab iis adorari despiceretur. Ingressus autem Vellavæ (Belluaci) urbis terminum, ad locum quem Anicium vocavit, accedit: et ad Basilicas propinquas eum omni exercitu restitit, instruens aciem, qualiter Aurelio ibidem tunc consistenti episcopo bellum inferret, mittens etiam ante se munitios, homines nudo corpore, saltantes atque ludentes, qui adventum ejus annuntiarent. Quod stupens episcopus, direxit ad eos viros strenuos inquinientes quid sibi vellent ista quæ gererent.

84. « Unus autem ex iis qui erat senior, cum se inclinasset, quasi osculatus genua ejus, ac discussurus viam illius, jussit pseudopropheta eum appreheendum spoliari. Nec mora, ille evaginato gladio, in frusta concidit: ecclitique Christus ille, qui magis Antichristus nominari debet, et mortuus est; dispersique sunt omnes qui cum eo erant. Maria autem illa suppliciis dedita omnia phantasmatata ejus ac præstigias publicavit. Nam homines illi, quos ad se credendum diabolica circumventione turbaverat, nunquam ad sensum integrum sunt regressi, sed hunc semper quasi-Christum. Mariam autem illam partem deitatis habere protibabantur. Sed et per totas Gallias emiserunt plerique qui per has præstigias adjungentes sibi mulierculas quasdam, quæ debacchantes sanctos eos confitentur, magnos se in populis præseferent: ex quibus nos plerosque vidimus, quos oljurgantes revocare ab errore nisi summis ». Hucusque Gregorius Turonensis.

85. *De S. Aredii sanctitate et miraculis.* — Porro ejusmodi impostura arehitectus diabolus æmulatus est gloriam Dei, quam hoc potissimum anno consecutus est ex sancto suo, qui et femina, nempe matre sancta Pelagia comministra usus, ad sublime culmen sanctitatis evectus, hoc eodem anno, devicto diabolo gloriosus, comitantibus sanctis, in cælum ascendit. Fuit iste, qui hoc quidem anno (ut idem auctor testatur) ex vita migravit, S. Aredius Lemovicensis, cuius res gestas brevi compendio idem Gregorius prosequens est verbis istis¹:

86. « Aredius quoque hoc anno terras relinques, vocante Domino, migravit ad cælum. Lemovicæ urbis incola fuit, non medioeribus regionis sine ortus parentibus, sed valde ingenuus. Ille Theodeberto regi traditus, aulicis palatinis adjungitur. Erat enim tunc temporis apud urbem Trevericam vir eximiæ sanctitatis Nicetius episcopus non

solum in prædicatione admirabilis facundiæ, verum etiam in operibus bonis ac mirabilibus celeberrimus habebatur in plebe. Qui intuens puerum in regis palatio, nescio quid in volu ejus cernens divinum, præcepit ei se sequi. At ille relieto regis palatio, secutus est eum. Cumque ingressi in cellulam, de iis quæ ad Deum (eum) pertinent confabularentur: expetiit adolescens a beato sacerdote se corrigi, ab eo doceri, ab eo imbuī, ac in divinis voluminibus ab eodem exerceri. Cumque in hujus studii flagrantia cum antistite memorato degret, tonsurato jam capite, quadam die psallentibus clericis in Ecclesia, descendit columba e camera, quæ leniter voltans circa eum, resedit super caput ejus, illud indicans (ut opinor) eum Spiritus sancti gratia jam repletum. Quam ille cum non sine pudore conatur abigere, haec paululum circumvolans, iterum super caput ejus ant super seapulam residuebat: que non modo ibi, sed etiam cum in cellulam episcopi ingredieretur, jugiter comitabatur eum eo: quod per dies plurimos factum, non sine admiratione episcopus intendebat ». Sed quod auspicio columba Dens initasse visus est servum suum, diabolus id æmulatus, muscarum examine pseudoprophetam inauguravit. Pergit vero Gregorius: « Exinde vir Dei, Spiritu (ut diximus) sancto repletus, ad patriam, genitore ac germano defunctis regreditur, consolatus Pelagiam genitricem, quæ nullum parentem præter hanc suboleo spectabat.

87. « Deinde cum jejuniis atque orationibus vacaret, deprecatur eam, ut omnis cura domus, id est, sive correctio familie, sive exercitium agrorum, sive cultus vinearum ad eam adspiceret; ne huic viro aliquod accideret impedimentum, quo ab oratione cessaret: unum sibi tantum privilegium vindicans, ut ad Ecclesias ædificandas ipse præcesset. Quid plura? Construxit templa Dei in honore sanctorum, expetiitque eorum pignora », nempe sacras reliquias, «æ ex familia propria tonsuratos instituit monachos: cœnobiumque fundavit, in quo non modo Cassiani, verum etiam Basili, et reliquorum abbatum, qui monasteriale vitam instituerunt, celebrantur regulæ, beata muliere vietum atque vestitum singulis ministrante. Nec minus haec tamen impedita hoc onere in Dei landibus perstrepebat, sed assidue etsi quiddam operis exercebat, semper orationem Dominob tamquam odorem incensi acceptabilis offerebat.

88. « Interea ad sanctum Aedium cœperunt infirmi confluere: quos, manus singulis cum vexillo Crucis imponens, sanitati reddebat: quorum si singillatum nomina scribere velim, nec numerum percurrere valeam, nec vocabula memorare. Unum tamen novi, quod quicunque ad eum ager advenit, sospes abscessit. De majoribus quoque miraculis parva proponimus. Hec quidam tempore eum genitrice dum ageret, et S. Juliani martyris ad Basilicam properaret, venerunt vespere in quendam locum: erat autem locus ille aridus et absqne fluentis currentibus infœundus. Dixitque

¹ Greg. Tur. hist. l. x. c. xxix.

ad eum mater ejus : Fili, aquam non habemus : et qualiter hic nocte presenti quiescere possumus? At ille prostratus in orationem, et diutissime preces fundit ad Dominum : et erigens se, defixit virgam in terra quam manu gerebat, eamque cum bis aut tertio in gyrum vertisset, ad se laetus extraxit : moxque unda aquæ secuta est tam valida, ut non solum ipsis de præsenti, sed etiam pecoribus affatim deinceps pocula ministraret. Nuperrimo autem tempore iter carpens, nimbus ad eum pluviae advenire cœpit : quem ille cernens, paululum super equum in quo sedebat caput inclinans, manus extendit ad Dominum. Consummata vero oratione, divisa est nubes in duas partes, ac in circuitu eorum immanis descendit pluvia; super eos tamen nulla (si dici fas est) gutta descendit. Wistrimundo quoque cognomento Tattonis, civi Turonico dentes gravem inferebant dolorem, ex quo etiam maxilla intumuerat. Quod cum beato viro questus esset, manum super locum doloris imposuit : statimque dolor fugatus, unusquam deinceps ad injuriam hominis excitatus est. Haec ipse qui passus est retulit. De his vero signis quæ per virtutem sancti Juliani martyris, Martinique confessoris beati in ejus manibus Dominus operatus est, pleraque in libris Miraculorum, sicut ipse effatus est, scripsimus.

89. « Post has vero et multas alias virtutes, quas Christo cooperante complevit, advenit Turonos post festivitatem sancti Martini : ibique paululum commoratus, dixit nobis, se haud longævo tempore adhuc in hoc mundo refineri, ac certe velocius dissolvi : et vale dicens, abscessit, gratias agens Deo, quod, priusquam obiret, sepulcrum beati antistitis oculari promeruisse. Cumque ad cellulam suam, accessisset, testamento condito, ordinatis omnibus, ac S. Martino Hilarioque antistitis hæredibus constitutis, ægrotare cœpit, ac dysenteriae morbo gravari. Sexta quoque ægrotationis ejus die mulier quæ a spiritu immundo saepius vexata, a sancto emundari non poterat : ligatis perse a tergo manibus, clamare cœpit, ac dicere : Currite cives, exilie populi, exite obviam martyribus confessoribusque qui ad exequium beati Aredii convenient. Ecce adest Julianus a Brivate, Privatus ex Mimate, Martinus a Turonis, Martialisque ab urbe propria : adest Saturninus a Tolosa, Dionysius ab urbe Parisiaca, nonnulli et alii quos cælum retinebant, quos vos ut confessores et Dei martyres adoratis. Ilæcum in exordio noctis clamare cœ-

pisset, a Domino suo revincta est : sed nequaquam potuit contineri. Quæ rumpens vincula ad monasterium eum his vocibus properare cœpit : moxque beatus vir spiritum tradidit, non sine testimonio veritatis, quod sit susceptus ab Angelis. Mulierem quoque in exequiis suis cum alia muliere nequiori spiritu vexata, ut est sepulcro lectus, a nequitia infesti daemonii emundavit. Et credo ob hoc Dei nutu easdem in corpore positus non potuit emundare, ut exsequiæ illius hac virtute glorificarentur. Post celebratum vero funus mulier quædam rictu patulo sine vocis officio, ad ejus accessit tumulum : quo osculis delibato, elocutionis meruit recipere beneficium ». Haec enim de S. Aredio Gregorius Turonensis : a quo contumelia affectus diabolus frustra in impostore (ut demonstratum est) similem sibi gloriam aucepari conatus fuit. Ibis et paucis alijs rebus præterea additis, appositaque serie Turonensium episcoporum, ipse Gregorius finem historiæ Francorum imposuit propagatae in quintum usque annum Gregorii papæ, cuius sextus hoc item anno incepit mense Septembri : quo pariter tempore finem vivendi idem fecisse putatur. Adjecit et catalogum scriptorum suorum contestatione apposita, ne quis ob rusticitatem sermonis eos aboleret, aut aliqua ex parte mutilaret.

90. *S. Sulpitii episcopi Bituricensis obitus.* — Eodem pariter anno idem sanctus Gregorius¹ recenset, obitum contigisse sancti Sulpiti episcopi Bituricensis, inque ejus locum suffectum Euslathium tradidit. Qui vero sanctissime vitam duxit, et divinis miraculis coruscavit, æque dignus est habitus ut annua die ejus memoria in Ecclesia Catholica coleretur sexto decimo kalend. Februario, ut Latinorum omnia Martyrologia indicant. Hunc successisse Austregisilo æque sancto, habent res gestæ ipsius Austregisili ; Gregorius autem Remigium ejus prædecessorem ponit². Tu de his consule quæ in Notis ad Romanum Martyrologium diximus, ubi ostendimus non duos tantum, sed et tres Sulpitios ejusdem Bituricensis Ecclesiæ ponere oportere, si alium Sulpitium successorem Austregisili affirmare ex aliorum sententia voluerimus. At certum est Austregisilum vixisse tempore Theodorici regis Francorum, successoremque Iuisse Apollinaris : agemus de eo nos suo loco inferius.

¹ Greg. Tur. l. x. c. 26. — ² Ibid. l. vi. c. 39.

Anno periodi Graeco-Romanæ 6088. — Anno Æra Hispan. 633. — Jesu Christi 595. — Gregorii papæ 6. — Mauritiū imp. 14.

1. *Postconsulatus.* — Is annus haec formula notatus : *xiii post consulatum Mauritiū Tiberii Aug. solis xi*, ut tradit Chronicum Alexandrinum.

2. *Ecclesia et imperium suos sacellarios habebant.* — Ad num. 16 et seq. Divus Gregorius lib. 4, Epist. xxxiv, scribit Constantinae Augustae quanta a Langobardis Roma paliaatur, atque inter alia : « Breviter indico, quia sicut in Ravennæ partibus dominorum pietas apud primum exercitum Italiae, sacellarium habet, qui causis supervenientibus quotidianas expensas facial; ita et in haec urbe ex causis talibus eorum sacellarius ego sum ». Significat *saccus*, fiscum seu thesaurum, indeque Augustinus in Psalm. 146, et ex eo Isidorus lib. 20, cap. 9, *fiscus, saccus est publicus*. In eadem notione usurpatur *sacculus*; indeque Gregorius M. lib. 1, Epist. xlvi, *quia nos sacculum Ecclesie ex fueris turpibus nolumus inquinari*. Denique eodem significatu sumitur *sacellum* et *sacellum*, ut huius ex Corippo lib. 4 :

Gratior Augustis servans pia gaza sacelli.

Et Gregorius M. lib. 12, Ep. xxvii, data ad Honoratum diaconum, agens de solutione consuetæ pecuniae pro dignitate consulari adipiscenda, ait : « Magis ex se agat dilectio tua, quatenus oblatis in sacella consueludinibus honores mereantur accipere ». Ubi per *sacella*, certum est, inquit Baronius, intelligi principis pecuniarum capsam, et proinde per *sacellarium*, thesaurarium. Porro non solum imperatores; sed etiam Ecclesia Romana *sacellarios* suos habuit, quibus sacelli seu fisci Ecclesiæ cura incumbebat. Que dignitas magna fuit in Ecclesia Constantinopol. Haec omnia variis exemplis a Ducangio in voce *saccus* confirmata. Baronius explicans laudatam Epistolam xxvii libri 12, ait : « Putavi interdum in textu Gregorii pro *sacellarium* legi debere *sacellarium* quasi a *sacellis* sumptum nomen, quod satis ipse Gregorius docet, dum ostendit, *sacellarium* fuisse thesaurarium pecuniae publicæ, cuius rei gratia oportuit ipsi creditos esse pecuniarum sacculos, ob idque *sacellarium* dictum esse ». Ha Baronius. Verum nihil opus illa mutatione, inquit Gretzerus in c. 3 Codini, num. 9, nam et *sacellarius* est *sacellarium*

a sacello, simplici C, vel a *sacella* mox ex Corippo descripta, quia latini græcos imitati, aliquando alterum C expungunt; ideoque idem est *sacellarius*, et *sacellarius*, neque admittendim discrimen, quod inter utrumque his verbis statuit Baronius : « Apud Latinos, si *sacellarius* scribitur a *sacellis*, thesaurarius Ecclesie intelligitur. Si vero per simplex C, *sacellarius* a *sacello*, qui scilicet *sacello* (intellige capellam) præest, significatur ». Verum secus se res habet, ut ex dictis planum relinquatur. Videatur etiam Ducangius in voce *sacella* et *sacellum*.

3. *Virgilius episc. Arelatensis fit vicarius S. Sedis.* — Ad num. 33, S. Gregorius dignitatem vicarii in dilitionibus *Childeberti* Francorum regis, a quo rogatus fuerat, Virgilio Arelatensi episcopo, de snorum predecessorum more, concessit, data illi potestate convocandi Coneilia, in quibus Ecclesiastice controversiae terminarentur. Quod si causa fidei illuc ageretur, aut negotia incidenter, quæ dubia essent, aul, ejus momenti, ut in provinciis decidi nequeant, jubet ut ad Sedem Apostolicam referatur. Praeterea illi hoc tribuit, ut personæ Ecclesiastice que extra Gallias proficiunt volent, teneantur ab eo accipere litteras communicatorias, ut videre est in Epistola 1, lib. 4. Attamen licet episcopi Arelatenses vicariatum Apostolicae Sedis accepissent abhinc annis centum et viginli enim auctoritate convocandorum Conciliorum, certum est, inquit Marca lib. 7 de Concordia cap. 19, n. 12, eos nullam Synodus congregasse, si Synodos provincie Arelatensis excipiās. Contra, ex regum jussu convocate inerunt, et judicia in illis lata sunt adversus episcopos nulla mentione facta episcopi Arelatensis, ut plurimum a Concilio absentis. Nihil igitur Virgilio supererat preter honorem et amplitudinem vicarii, et quamdam velut generalem praefecturam in Ecclesia Gallicana, de enjus negotiis referebat ad Summum Pontificem quoem particularē communicationem habebat. Certe ut jam diverat Marca lib. 6, cap. 19, n. 9, facile est cognoscere integrum convocandorum Conciliorum auctoritatem non fuisse penes Virgilium, quandoquidem ei S. Gregorius duodecim alios episcopos adjunxit, et a Francorum regibus postulavit, ut Synodus intra Gallias habert juberent. Denique S. Gregorius vices suas Virgilio per regnum *Chil-*

deberti II duntaxat commisit, ut diserte in ejus Epistola exprimitur. Hoc tempore penes *Childebertum II* erant Austria et Burgundia. Nestrii penes *Clotarium II* ejusdem Childeberti patruellem. Quare *Virgilius* per Austriam et Burgundiam, Sedis Apostolice vicarius fuit. Extincto *Virgilio*, extinctus quoque vicarius eius episcopatus Arelatensis; cum nullus eorum, qui post Virgilium cathedram illam tenuere, Apostolice Sedis vicarius appellatus reperiatur. Personalia fuere tam *Virgili*, quam antecessorum, puta Cæsarii, Auxanii, Aurelianii, et Sapandi privilegia, cum constet, eos hanc delegationem a Romanis Pontificibus postulasse.

4. *Concilium Romanum II sub S. Gregorio*. — A num. 57 ad 60. Sanctus Gregorius papa hoc anno indixit *Concilium Romanum II* in causa Joannis presbyteri Chalcedonensis Ecclesiae, qui cum a *Joanne Jejunatore* dicto, episcopo Constantinopolitano injuste damnatus fuisset, et ad Sedem Apostolice appellasset, innocens reperitus, retractato Constantinopolitano Synodali iudicio absolutus est, ut testatur S. Gregorius lib. 5. Epist. xv ad Joannem episcopum Constantinopolitanum, Epistola xvi ad Mauritium imp. et Epist. xvii ad Theodosium cognatum imperatoris. Quae Epistole datae sunt anno sexto ordinationis S. Gregorii, et *Indictione XIV* a kal. Septembribus hujus Christi anni inchoata. Gestæ Synodi refert S. Gregorius lib. 4, Indict. xiii, Epist. XLIV, quæ his verbis incipit: « Regnante in perpetuum Domino nostro Iesu Christo, temporibus piissimi ac serenissimi dominorum Mauriti Tiberii, et Theodosii Augustorum, ejusdem Domini imperii Mauriti anno tertio decimo, Indictione tercia decima, quinto die mensis Julii (1)». Baronius ait, loco, anno xiii, legendum esse *annum decimum*, idque apparere ex ejusdem Gregorii scriptis, qui lib. 2 Registri sui numerat annum vii ipsius imperatoris, decima Indictione. Verum ex illis temporis characteribus constat, cum tardius, quam par erat, Mauritanus imperii initium posuisse. Si enim illud cum die xv mensis Augusti anni DLXXXII, ut fieri debet, consignes, invenies mense Julio hujus anni in cursu fuisse annum xiii ejusdem imperii, et Indictionem pariter XIII. Praeterea ex istis verbis, quæ leguntur in Registro Gregoriano lib. 2, Indict. x, anno ordinationis Gregorii II, mense Septembri: « Temporibus papæ Gregorii, consulatus Mauriti Augusti anno septimo, depositus est Laurentius, etc. » minime sequitur, ut putat Baronius, præsenti Christi anno *Mauritium* decimum tantum imperii numerasse. Nam Præfatio illa libri secundi Registri sancti Gregorii post hujus mortem addita est eidem libro; cum in ea agatur de re gesta Indictione x, annoque ejus ordinationis primo quod ipse Mauriti consulatus extra controversiam ponit. *Mauritium* enim anno DLXXXIV consulatum suscepisse certissimum. Quare annus septimus consulatus Mauriti non est annus vii ejus imperii, sed de-

notat annum Christi DCC. Auctor quippe illius additamentum usurpat modum loquendi Marii Aventicensis, annumque DLXXXV annum secundum consulatus Magritii appellat. Quæ loquendi formula accurate a nobis suo loco explicata. His adde in Registro divi Gregorii ipsas etiam ejus Epistolas stet temporis ordinem non repræ entare, ut ostendimus numero sequenti. Denique eadem nota temporariae leguntur in exemplari Ms. Bibliothecæ Victorinæ num.

22. B. A. ubi istud Concilium Rouanum referuntur.

5. *Epistola S. Gregorii ad Anastasium episc. Antioch. extra locum suum posita*. — Ad num. 67. In Registro divi Gregorii lib. 4. Epist. XXXVII, Indict. xiii, recitat Epistola, quam *Anastasio* episcopo Antiocheno scripsit *Gregorius* illum de revisione ejus congratulans. Ponitur inter Epistolas mense Junio das. Ex ea Baronius anno DCCIV, num. 29 intulit, *Gregorium Antiochenum* currenti solum anno demortuum, et *Evagrium Historie* sua finem imposuisse. Verum anno superiori demonstravimus, *Gregorii Antiocheni* obitum accidisse anno DCCIII. *Anastasium* iam mense Martio illius anni sedem suam recuperasse, et *Evagrium Historiam* suam ultra eundem annum non produxisse. Quamobrem illa divi Gregorii papæ ad *Anastasium* Antiochenum Epistola extra locum suum posita. Neque enim S. *Gregorius* litteras gratulatorias *Anastasio*, quem summopere amabat, non nisi post tertium restitutioonis sue annum inchoatum dedisset.

6. *Amos fit episcopus Hierosolymorum*. — Ad num. 68. Ex eodem fundamento, ex anno scilicet, quo *Evagrius* historiam suam terminavit, pendet initium Amos patriarchæ Hierosolymitani. Cum enim Evagrius in fine sui operis diserle asserat, *Joannem Amos* decessorem mortuum esse, quando ipse Historiam suam absolvebat, sed neminem etiamnum Ecclesiæ illius gubernationem suscepisse, manifeste indicat. Amos anno DCCIV, quo Evagrius illa scribebat, ad thronum Hierosolymitani nondum evectum fuisse. Ex duratione autem sedis Amos, de qua in ejus morte, liquet anno superiori cum episcopum Hierosolymitanum dictum esse. Nicephorus in Chronicō annos viginti duos *Joanni* tribuit, qui ideo sedem Hierosolymitanam circa annum DLXXI adeptus fuerat.

7. *S. Gregorius dolet pueros Anglos venales esse*. — Ad num. 72 et seq. Beda lib. 2, cap. 1 narrat, cum quadam die S. *Gregorius* nondum Pontifex factus in Forum Romanum venisset, et *tres pueros venales*, candidi corporis, ac venusti vultus adspexisset, et Anglos esse accepisset: « Bene, inquit, nam Angelicam habent faciem », et a Pontifice Romano petiit, ut genti Anglorum aliquos Dei ministros mitteret, et seipsum in hoc opus paratum exhibuit, sed cives Romani non permisere, ut tam longe ab Urbe recederet; quod se ab antiquis accepisse Beda asserit. *Benedicto* papa Ecclesiam Roma-

1. *Quinto die mensis Julii*, etc. Legendum forte quinto die mensis Junii; que hoc anno in Dominicam incidit.

nam regente, illud contigisse asserunt Joannes diaconus in Vita S. Gregorii lib. 1, cap. 21, et Malmesburiensis lib. 1 de Reg. Angl. cap. 3, qui et ait : « Allæ regis tempore, venales erant e Northumbria pueri; familiari se, et prene ingenita nationi illa consuetudine; adeo ut, sicut nostra etiam secula viderint, non dubitarent, arctissimas necessitudines, sub pretextu minimorum commodorum, distrahere ». Alla autem Northumbriæ rex, postquam annos XXXI regnasset, anno Christi circiter DXXXIX obiit, cuius filius et successor tidem Christianum amplexus est, ut suo loco videbitur. Parkerus in antiqu. Britann. pag. 34, de hac traditione loquens scribit : « Pontificii, qui primam in Anglia Evangelii sationem sibi acceptam ferri cupiant; tradunt de Augustini hue a Gregorio mittendi occasione, suis annalibus non indignam fabulam ».

8. *Pravus ille Anglorum mos diu duravit.* — Verum hanc pravam consuetudinem sua aetate inolevisse testatur ipsemnet *Gregorius* in Epistola ad Candidum, apud Baronium cum tides Christiana radices in Anglia gessit, hunc Barbarorum morem conati sunt reges antiquare. *Iwas* Occidentalium Saxonum rex, ita cavit hujuscemodi commercia, scripta lege : « Si quis popularē suū, sive servū, sive liberū, vel criminis conciū mercatus fuerit, et trans mare amandarit; integra capitīs ejus aestimatione multū, Deoque faciat cumulate satis ». Et iterum : « Si quis feminā mercatus fuit, et quod conventū est, non confecerit; ipsam dato pecuniam, tantumdem etiam persolvito, et graves nihilominus (atque fide jussionem violasse) pœnas pendito ». His legibus non obstantibus Barbarus ille mos vendendi pueros gentis vitio adeo invaluit; ut usque ad *Henrici II* tempora perduarit. Ecclesiarum prælati hunc morem exosi, lege lata hujusmodi mercimonia naturae gratiaeque contraria sæpe vetuerunt, uli in Concilio Londinensi sub *Anselmo* Cantuariensi anno MCV et prius in Enthamensi Concilio anno MVIII indicto, ut videre est apud Spelmannum, et apud Alfordum in Annal. Anglic. anno DXXXVIII, qui phura hac de re habet. Quare quod Parkerus loco citato in Ecclesiae Romanæ odium scribit, non fabula, sed constans veritas est, agnita a Seldeno in Analectil. lib. 2 et a Protestantibus aliis Parkero moderatioribus.

9. *Pseudopropheta in Galliis occisus.* — Ann. 82 ad 83. *Gregorius Turonensis* lib. 10, cap. 25, anno *Childeberti Francorum regis* XVI, et *Guntramni regis* XXX, narrat, pseudoprophetam in Galliis apparuisse, qui diaboliceis præstigiis sanitatem infirmis reddebat, et futura prædicebat, quique per missos ab episcopo Aniciensi in medio suorum gladio confossus est; quæ pluribus ex Gregorio narrat Baronius; verum non suo loco, annus enim *Childeberti* XVI, et *Guntramni* XXX, in annum Christi DCCCI ex putatione Gregorii incident.

10. *Obitus S. Aredii abbatis Attanensis.* — Ann. 83 ad 90. Ibidem *Gregorius* cap. 29 loquens de iis, quæ contigere iisdem *Childeberti* et *Gun-*

tramni annis, refert mortem *santi Aredii*, qui in dieceſi Lemovicensi monasterium *Attanense* in ſuo fundo conderat, et ſumma laude gubernarat, « in quo, inquit, non modo Cassiani, verum etiam Basilii et reliquorum abbatum, qui monasteriale vitam instituerunt, celebrantur regule ». Monasterium illud hodie nomen gerit sancti Aredii, vulgo *Saint-Trier de la Perche*; Mabillonius tom. II *Analect.* pag. 48 et seqq. ejus et Pelagie matris testamentum ex perverto Codice Attanensi integrum repræſentat, ac Notis illustrat, et in ſeculo primo Benedictino Vitam ejus ex Ms. Codice majoris monasterii, in qua dicitur *eum nono & tendus Septembres* ad Deum migrasse, qui tamen cofitur in Martyrologio Gallicano VIII kalend. Septemb. die ſicile, quo sepultus est. *Attanum* ſitum in finibus pagi Lemovicensis versus Petracorios. Indeque sanctus Aredius Lemovicensis abbas, ejusque monasterium *sancti Aredii monasterium* numeratur; quod eum desolatum fuisset, in locum monachorum canonici XXXII substituti ſunt. Verum eum annus XVI Childeberti et XXX Guntramni conveniant in annum Christi DCCCI, *Aredii* mors eidem anno illiganda.

11. *Gregorius Turon. Historiam suam absolvit.* — Historia Ecclesiastica *Gregorii Turonensis* desinit cum anno XVI Childeberti et Guntramni XXX, non vero cum præſenti, ut putavit Baronius, ob initium duorum istorum Francie regum perperam conſignatum. Quare Turonensis res postremis vitæ ſue annis gestas in ea Historia proſecutus non est. Certum tamen videtur, eum hoc anno ad Deum migrasse.

12. *S. Gregorius Turonensis moritur.* — Clerici Turonenses in Vila ejus a Surio ad diem XVII mensis Novembris recitata, et longo, ut ex ejus lectione appetat, post hujus sancti mortem, tempore ſcripta, diem quidem ejus emortualem diligenter notarunt, quintum nempe decimum kalendas Decembris; ſed perperam tradidere : « Vicesimo et primo episcopatus ſui anno, tanquam septenario annorum numero ter in fide sancte Trinitatis completo », appositum esse ad patres ſuos : ac præterea male afferuerunt, eum *sexdecim annos in episcopatu* exegisse. *cum æquivocus ejus ille Magnus Gregorius in Sede Apostolica subrogatur*: hi enim temporum characteres inter ſe non cohererent; annus quippe CLXXII a transitu sancti Martini ab illis memoratus cum die decima mensis Novembris anni Christi CLXXII, et annus XVI *Gregorii Turonensis* desinit anno Christi DXXXVIII, biennio tere ante ordinationem sancti *Gregorii Magni*. Quomodo igitur ſcribere potuere, Turonensem annos tantum XXI completos præſulatum gessisse; cum eum die XVII mensis Novembris anni Æra Christianæ DCCIV, adhuc in vivis fuiffe certum sit? Ipſemnet enim Turonensis lib. 4 de Miraculis S. Martini cap. 3 refert, ſervum Theodulphi civis Turonensis anno *Childeberti regis decimo tertio*, qui in annum Christi quingentesimum octogesimum octavum

convenit, *tertio idus Novembres*, quo die festivitas de felici transitu B. Martini celebratur, visum amississe, et recuperasse post annos sex in eadem festivitate. Qui anni sex numerari non possunt, nisi a die xi Novembris anni DLXXXVIII divo Martino sacra, ad diem xi ejusdem mensis anni DCCXIV, quo die Gregorius nondum absolverat librum quartum miraculorum sancti Martini. Mortuus est itaque sanctus praesul die XVI mensis Novembris currentis Christi anni, non vero superioris.

13. *Epilogus librorum x Historiae Gregorii Turonensis.* — Consecratus fuerat anno DLXXII ante diem XI mensis Novembris, ut anno DCCXIV, num. 16 et seq. monstravimus; sed itaque Gregorius annos XXIII completos. In fine libri x Historiae ejus legitur haec clausula : « Decem libros Historiarum, septem libros Miraculorum (id est, II de Gloria Marlyrum, IV de Miraculis S. Martini, et I de Gloria Confessorum) unum de Vitis Patrum scripsi. In Psalterii tractatum librum unum commentatus sum (is liber non extat). De Cursibus etiam Ecclesiasticis unum librum condidi (is etiam liber periiit). Quos libros hieet stylo risticiori scripserim, tamen conjuro, etc. ut omnia vobiscum integra illibataque permaneant, sicut a nobis releta sunt. Quod si te, sacerdos Dei, etc. salvo opere nostro te scribere versu non abnuo. Hlos autem libros in anno vice-simo primo ordinationis nostrae perscripsimus, etc. non tamen sequitur ac supputatur numerus chronicalis, quia intervalla ordinationum (episcoporum scilicet Turonensium) integre non potuimus reperire. Est ergo omnis summa annorum mundialium talis, etc. a transitu sancti Martini usque ad memoratum superius annum, id est ordinationis nostrae primum et vicesimum, qui fuit Gregorii papae Romani quintus, Guntelramni regis XXXI, Childeberti junioris XIX, anni CCXVII ».

14. Totus hic Epilogus Gregorii est : interpolator enim non dixisset, *intervalla ordinationum integre non potuimus reperire*. Quoad numeros annorum a nobis praetermissos, fatendum, multos ex iis corruptos esse; cum seorsim conficiant tantum summam annorum 5814, et summa totalis dicatur esse annorum 5864. Sed errores illi librariis adscribendi. Verum anni episcopatus divi Gregorii XXI, semel et iterum ibi memorati, omnino puri sunt, indeque liquet, *Gregorium*, qui anno DLXXII consecratus fuerat, inchoasse annum XXI episcopatus sui, anno Christi DCCXIV, quo annus XXXI Guntelramni regis in cursu fuit. Quare cum annus II sancti Gregorii papae eo Christi anno usque ad tertium diem Septembris obtinuerit, loco, *qui fuit Gregorii papae Romani quintus*, legendum, *qui fuit Gregorii papae Romani secundus*. Illi enim numeri 2 et 5, facile a librariis inter se commutantur, ut saepius observavi in isto opere. Cum itaque certum videatur *Gregorium Turonensem* anno XXI episcopatus sui et secundo Pontificatus Gregorii Magni Historiam suam absolvisse, extremam manum ei apposuit anno Christi quingentesimo nonagesimo secundo, qui

fuit Childeberti regis annus XVII, non vero, ut errore librariorum in eo Epilogi legitur, XVIII. Cointius anno DCCXV, num. 32 et seqq. contendit postremam partem Epilogi, quae ab his verbis inchoatur : *Hos autem libros in anno XXI*, etc. adiectam esse a Neotericis, quod absit a Codice Ms. sancti Michaelis, nec bene cohæreat cum Gregoriano calculo. Verum ultima haec ejus ratio jam confutata, nec prior majoris ponderis; cum librarii sœpe Codices imperfectos reliquerint.

15. *De Opuseulis Gregorii Turonensis.* — Hanc suam opinionem probare conatur Cointius ex tempore, quo Gregorius Turonensis sua Opuscula conscripsit. Verum quamvis Turonensis anno DCCXV, eorum in laudato Epilogi mentionem faciat, eis tamen postea aliquid adjecit, ut solent qui res inter se disparatas in unum corpus conjicieunt; quod liquet de Beda, qui licet Historiam gentis Anglorum anno DCCXXXI absolverit, ut ipsem testatur lib. 5, cap. 24, in eodem tamen capite meminit excidii Saracenorum, quod mense Octobri anni DCCXXXI contigit. Non sequitur itaque Gregorium, librum verbi gratia quartum de *Virtutibus sancti Martini*, anno DCCXIV exarasse, ex eo quod cap. 5 narret miraculum, quod patratum est in festivitate S. Martini, *mense Novembri*, anno Childeberti regis XIX, sed illum tantum tunc recognovisse, et aliqua addidisse.

16. *Quibus annis scripta.* — Annum quo in lucem singula emissas sunt, facile non est definire. Certum tamen videtur, illum duos de *Miraculis* libros primum scripsisse, ac postea ante annum DLXXX librum primum de *Miraculis S. Martini*. In eo enim loquitur de sancto *Martino episcopo Du-mensi* tanquam adhuc vivente : *Martius*, inquit cap. 11, *de regione longinqua, qui ibidem*, scilicet in Gallicia, *nunc sacerdos habetur, advenit*, et lib. 3 Hist. cap. 37, anno Childeberti regis V, Christi hempe DLXXX, mortem ejus recitat. Eodem anno DLXXX, secundum librum de *Miraculis sancti Martini*, quem exorditur ab anno DLXXII, in lucem debet, ejus enim initio testatur, *anno CLXXII, a transi-tu divi Martini, et anno XII Sigiberti regis*, hujus sancti beneficio se a febre et dysenteria liberatum esse, et cap. 60 asserit se illum finire a sanatione doloris oculorum et capitum, quo tunc laborabat : « Spes mihi non erat frustrari a voto, quod in octo annis, Domino jubente, complevi, ipsum scilicet librum a virtute super me facta cœptum, in me iterum finire ». Post libros quatuor de *Virtutibus S. Martini* scripsit librum de *Gloria Confessorum*, cum in Prefatione affirmet, prius a se scriptos esse septem libros miraculorum, in quorum numero collocat quatuor de *Virtutibus S. Martini*.

17. *Obitus S. Sulpitii Severi epise. Bitur.* — Ad num. 90. Sanctus Sulpitius episcopus Bituricensis *virtutibus et eruditione* conspicuus, ut dicitur in Martyrologio Romano ad IV kal. Februarias, evivis excessit juxta Gregorium Turonensem lib. 10, cap. 26, anno XVI Childeberti, Guntelramni autem XXX,

ideoque anno Christi quingentesimo nonagesimo primo, quo Historia sancti Gregorii desinit. Qua sollicitudine episcopatum administrarit, indicat Praefatio Historiae *Septem Dormientium* ipsi a Gregorio dicatae. Valde porro hallucinantur, qui librum de *Septem Dormientibus* in majori monasterio prope Turones quiescentibus Gregorio Turonensi adscribunt, quod ipse illum *Sulpitio Bituricensi* episcopo dedicavit, et sub ejus nomine editores eum publicarunt. Nam non solum in enumeratione suorum librorum ejus non meminit; sed etiam in Praefatione affirmsat, se librum illum in archivio majoris monasterii repertum juris publici faciendum esse e re duxisse. Baronins, qui mortem Sulpitii in hunc annum perperam distulit, existimavit eum anno DLXXXVII episcopum electum esse. Verum anno DLXXXV jam Ecclesiam Bituricensem regebat; cum Concilio Matisconensi II eo anno celebrato subscripterit. Tempus ejus electionis nos docet Turonensis lib. 6, cap. 39, ubi agens de gestis anno IX *Childeberti regis*, ait, illum *Remigio* successisse, ideoque anno DLXXXIV, qui in annum IX Childeberti incurrit. Baronius non animadverterat, duos ejusdem nominis episcopos diversis temporibus Ecclesia Bituricensi praefuisse: *Sulpitium nempe Severum*, de quo nunc agimus, quique Martyrologio Romano inscriptus est ad diem XXIX Januarii, *cathedramque ejus Eustasius Augustodunensis diaconus est sortitus*. inquit Gregorius loco citato: et *Sulpitium Pium*, de quo idem Martyrologium ad diem XVII ejusdem mensis. Is successit *Apollinarii*; successoremque habuit *sanctum Austregesilum*, ut saeculo sequenti, quo sanctus *Severus Pius* episcopatum gessit, ostendemus. Ex quibus corrigas, quae de decessore ac successore prioris Sulpitii Baronius hoc anno tradit. Recte autem censem Baronius, *Sulpitium Severum S. Martini discipulum*, qui ab utroque Sulpitio mox memorato diversus est, non videri episcopum suis. Istum enim *Sulpitium* presbyterum tantum extitisse, nunc inter eruditos fere convenit, ut supra de eo agentes, jam diximus. Utriusque sancti Sulpitii Severi episcoporum Bituricensium Vitas recitat Bollandus ad dies XVII et XXIX Januarii, quibus coluntur.

18. *Tassilo fitdux Bajoarie.* — Paulus diaconus lib. 4, cap. 7, habet: «His diebus Tassilo a Childeberto rege Francorum apud Bajoarium rex ordinatus est. Qui mox cum exercitu in Stavorum provinciam introiens, patrata victoria, ad solum proprium cum maxima preda remeavit». Quod hoc anno contigisse diserte produnt Sigebertus in Chron. et Hermannus Contractus in Chron. ex editione Canisiana. Est hic secundus Bajoarie dux in antiquis Monumentis memoratus, qui sicuti et successores, *rex* appellatus reperitur ex horum temporum usu. Hos enim principes Francorum regum fiduciarios fuisse certum. Cumque Childebertus rex anno sequenti obierit, *Tassilonis* initium serius collocari non potest. *Childebertus* itaque qui bellum *Caribaldo* duci intulerat, quod *Theodelindum* filiam

Authari Langobardorum regi uxorem dedisset, illum tandem principatu pepulit, et eam ditionem *Tassiloni* asseruit, ut ex Paulo citato eruitur. Hac vera successio duecum seu regum Bajoarie, que in hujus gentis recentibus Historicis confictis principibus subinde interturbatur.

19. *Obitus S. Gildas abbatis.* — *S. Gildas* abbas Ruyensis in dioecesi Venetensi, cognomento Sapiens, reddidit spiritum quarto kalendas Februarii, senex et plenus dierum, inquit auctor anonymous Ruyensis monachus, qui saeculo XI invenire vixit, in ejus Vita in Actis SS. Bollandianis ad diem XXIX mensis Januar. recitata, qui postea subdit, navem, in qua sanctum ejus corpus ad summum monasterium deferebatur, demersam esse in mari, et cum dies Rogationum essent, inventam esse navem eum sancto corpore, ac diem illam, quae est quinto idus Maii, ab illo tempore celeberrimam esse apud provinciales Venetenses in provincia Armorica. Verum hic auctor, qui quadringentis et amplius annis post Gildae mortem scriptiōnem suam edidit, in temporum annotatione parum accuratest. Ait enim *Gildam* relata Magna Britannia in Armorican secessisse, cum esset annorum triginta, et post decem annos libellum suum de *Excidio Britanniae* composuisse; cum tamen ipsem *Gildas* in eo asserat, natum se fuisse annos XLIV, quando libellum illum elueubravit. Quare cum ex dictis in lucem prodierit anno DXX, quo Saxones ad montem Badonicum a Britannis victi, et hoc anno terlius Rogationum dies in quintum idus Maii incederit, de eo die interpretandas anonymous; cum de primo Rogationum die nullo modo intelligi possit, quia sub hujus saeculi finem dies quintus idum Maiarum non incedit in primum diem Rogationum nisi annis DLXV et DLXXVI, ut methodus Cyclica docet, et neutro anno *Gildas senex et plenus dierum* dici potuit. Sed vereor, ne anonymous ille, ut passim legendarii diem festum Inventionis, pro die Inventionis sacri ejus corporis usurparit. Quo pacto annus ejus emortalis incertus.

20. *E Majori Britannia in Minorem venit.* — Sunt qui distinguant eumdem *Gildam* in duos, quorum alter *Badonicus*, alter *Mabinus* dictus fuerit, sed eos hallucinatos ostendunt Bollandus citatus et Mabillonius sacer. i Benedictino, ubi sancti Gildae Vitam etiam refert. Natus erat in Magna Britannia, ubi cum sanctis *Sampsone*, postea episcopo Dolensi, et *S. Paulo*, dein episcopo Leonensi, a sancto *Hiltuto* sacra doctrina imbutus, in Hiberniam se contulit; qua in insula presbyter ordinatus in Armorican venit, et eornobium Ruyense exstruxit, ac pluribus miraculis fulsit. Monasterium illud hodie numerupatur, *Saint-Gildas de Ruy*. Summopere falsus est anonymous, dum scripsit eum in Armorican provinciam adventasse *Childerico Merovei* filio in Gallia regnante, cum *Childericus* saeculo praecedenti vita functus sit.

Obiit hoc anno *Joannes Jejunator* patriarcha Constant., ut sequenti videbimus.

GREGORII ANNUS 7. — CHRISTI 596.

1. *Joannis Jejunatoris obitus et falsa sanctitas.* — Quingentesimo nonagesimo sexto Domini anno. Indictionis decimae quartae, elatum illum, fastu plenum, ac superbia tumidum hominem, is qui superbis resistit et humilibus dat gratiam Deus ex hac luce subtraxit Joannem Constantinopolitanum episcopum, quem se efferentem amplius quam parerat, S. Gregorius quot litteris, tot fulminibus, anno superiori percussit. Porro qui jejunando, et elemosynas dando, magnam vivens sibi laudem comparsset, post mortem a suis sanctus falso est habitus. Audi in primis que de ipso Nicephorus referat¹: «Tum vero, inquit, hierarchia urbis Constantinopolitanae Joannes post episcopatus sui annos tredecim ex hae vita decessit. Verum non nisi annos decem sedisse reperies, nempe ab anno quingentesimo octogesimo sexto usque ad presentem annum quingentesimum nonagesimum sextum tantummodo inchoatum». Fergit vero Nicephorus: «Qui quod voluptates expagnaverit animique perturbationes coerenerit, et imperium in ventrem exercuerit, *νετερίς*, hoc est; Jejunator a Byzantiis cognominatus est, vir ex idiotarum quidem ille et opificii non dishonesti ordine progressus, sed qui propter praestantem virtutem ad episcopatus fastigium sublatus sit. De quo eum multa alia memoria digna praedicantur, tum illud maxime celebratur, quod propter suam erga pauperes affectionem et misericordiam, pluribus ab imperatore talentis mutuo sumptis, syngrapham illi dederit, qua substantiam suam mutue pecunie tanquam hypothecam opposuit atque impignoravit.

2. «At postquam is e vita migravit, Mauritius antistitis facultates requirens, paupertatem eum magnopere consecutatum fuisse comperit: eumque de virtute tanta admiratus, syngrapham statim discepit: et lectulum tantum ligneum, qui in bonis ejus repertus est, et amiculum lanum tenui admotum, neenon penulam quamdam deformem (fuerat namque Joannes male vestitus, frugalitate vite conspicens) in aulam imperialem inferri jussit, eaque rebus omnibus prætulit: et jejuniorum solemni

tempore deinceps, leclis ex auro et lapillis pretiosis concinnatis, sericisque vestibus, et aliis imperialibus delicis vale dicto, ligneo præsulis ejus toro noctibus totis usus est, gratiam quamdam divinam ex eo se consecuturum existimans». Hæc Nicephorus. His erga Joannem exhibitis post obitum ab imperatore postremis officiis, factum est, ut populus regem sequens, eum uti saetum coluerit, eaque opinione propagatum sit nomen ejus ad posteros. Sed quid de his sit sentiendum, provoco te, lector, ad S. Gregorium Romanum Pontificem eum instar Samuelis Saul Iugentem.

3. *Ei succedit in sede Constantinopolitana Cyriacus, qui ad Gregorium mittit legatos.* — Hoc ergo sublato de medio, substitutus est in locum ejus Cyriacus oeconomicus optimi nominis vir, non nihil antea relictatus. Qui simul ac regiae civitatis episcopalem thronum concendit, mox ad promerendam Catholicam communicationem a Romano Pontifice, duos legatos Romam misit Georgium presbyterum, et Theodorum diaconum, quibus et cum tidei professione litteras dedit ad ipsum Gregorium. Constant hæc quidem ex redditis ab ipso Pontifice ad eum litteris², quibus et reciprocum misit Catholicæ fidei regulam: reddidit alias³ quoque litteras, cum et ipse Cyriacus alias ad ipsum scripsisset, commendavitque Joannem Chalcedonensem et Athanasium presbyteros absolutulos in Romanæ Ecclesiæ judicio, qui haeresis fuerant accusati. Scripsit et ad Mauritium imperatorem Gregorius litteras⁴ de electione Cyriaci: ubi dum ait, ipsum Mauritium esse moratum, multumque temporis distulisse successoris Joannis episcopi electionem; facile inducimur ut credamus hujus anni primo exordio, vel fortasse præteriti anni extremo tempore, ipsum Joannem esse defunctum: ut plane intelligas divinam haud retardatam esse vindictam.

4. Scripsit item S. Gregorius et de substitutione eadem Cyriaci ad episcopos⁵, qui eum ordinabant (quibus eum gratularetur de tanti antistitis

¹ Niceph. I. xviii. c. 31.

² Greg. I. vi. Ep. v. Ind. xv. — ³ Ibid. Ep. iv. — ⁴ Ibid. Ep. vi. Ind. xv. — ⁵ Ibid. Ep. vi. Ind. xv.

electione, placide tamen eos redargnit, quod scripsissent, apparnisse in Ecclesia Cyriacum sicut sollem, ob idque eidem illud propheticum¹ cunctos acelamas e: « Haec dies quam fecit Dominus: exultemus et laetemur in ea ». Ignoscit tamen, quod sciret ex charitate depromptum, quod de Filii Dei erat prophetatum adventu. Quod vero ad personam Cyriaci sibi bene cognitam cum esset Constantinopoli pertinet, ista habet: « Duximus suae magnitudinis probationem dedit, quod in tam multis dispensationis Ecclesiastice causis occupatus tranquillum eorum inter turbulentas frequentias tenuit, seque ipsum semper sub mansuetudine restrinxit: quod videlicet non parva laus magni et inconcessi est animi, inter causarum turbas non fuisse turbatum ». Haec de Cyriaci virtutibus, de quo inferius suis locis saepe dicendum. At licet ejusmodi Epistolis ultra citroque datis mutua inter Gregorium et Cyriacum intercessisset in Catholica fide consensio atque communicatio; ipse tamen Gregorius litteris in mandatis dedit Sabiniano suo Constantinopoli apocrisiario, ne assisteret Cyriaco sacra missarum solemnia celebranti, nisi usurpatum a praedecessore suo illicitum nomen OEcumenici Cyriacus penitus dimitteret. Quod cum faceret Sabinianus, Cyriacus anno sequenti per suos conquestus est responsales, quos Romam misit. Sed de his agendum eodem anno sequenti.

5. Quod pertinet ad legatos Constantinopoli missos: antequam hiems ingrueret, festinavit Gregorius papa eos dimittere, ut testatur in dictis litteris ad Mauritium: sed quos optimos noverat, penituit tam cito dimisisse. Admonuit tamen eosdem absentes, adhuc in via positos datis ad eos litteris², de quadam ipsorum assertione erronea qua dixissent, omnes quotquot in inferis confessi essent Christum Deum, ab eo liberatos esse: quam quidem sententiam diu ante damnatum demonstrat assertione Philastrii, neenon S. Augustini. Quid enim de his sential Catholica assertio, praevis ita declarat: « Haec itaque pertractantes, nihil aliud teneatis, nisi quod vera fides per Catholicam Ecclesiam docet: Quia descendens ad inferos Dominus, illos solummodo ab inferni claustris eripuit, quos viventes in carne per suam gratiam in fide et bona operatione servavit ». Haec de dogmate Gregorius.

6. A Longobardis, quibuscum frustra pacem tentat Gregorius, dira patitur Urbs et Italia. — Quod autem ad res Longobardorum pertinet: frustra haec tenuit Gregorius papa pacem, obstantibus imperatoris ministris, tentasse visus est, ut docet ipse in Epistola ad Secundinum³: quorum studio Ravennae hoc anno adversus Castorium respondem Ecclesie contestationem noctu tradit astixam, ex qua ipse Gregorius perstringetur. Cujus rei gratia, in eum qui talia ausus fuerat perpetrare,

pœnam excommunicationis inflxit in hunc modum⁴: « Quidam malgai spiritus consilio repletus, contra Castorium notarium ac responsalem nostrum, nocturno silentio, in civitatis loco contestationem posuit in ejus criminis loquientem, mibiique etiam de facienda pace callide contradicentem. Et quia quisquis veriter loquitur, semel ipsum innotescere non debet formidare; oportet ut publice exeat, et quacunque in contestatione sua loqui presumpsit ostendat. Quod si non exierit, neque publice confessus fuerit: quisquis ille sit, qui hoc agere presumpsit, vel consensum in tanta iniquitatis consilio præbuit; ex Dei et Domini nostri Iesu Christi spiritu delinimus, ut sancti ejus corporis ac sanguinis participatione privatus sit. Si vero quia latet, et quoniam nescitur, teneri a disciplina non valet, si tanti mali conscius, etiam prohibitus, corpus et sanguinem Domini percipere presumpsit; anathematis ultiōne percussus sit, et ut fallax ac pestifer a sancta Ecclesiæ corpore divisus, etc. »

7. Quæ vero interim Romanus populus patetur a savientibus Longobardis, ex his quæ scribit⁵ hoc anno ad Eulogium Alexandrinum episcopum intelligere possumus, ubi ait: « Quanta autem nos a Longobardorum gladiis in quotidiana nostrorum civium depraedatione, vel detrunctione atque inferitu patimur, barrare recusamus: ne, duin dolores nostros loquimur, ex compassione quam nobis impenditis, vestros angeamus ». Haec ipse. At non Urbem tantum, sed et alias Italie civitates, quæ adhuc sub dominio erant imperatoris, id ipsum esse passas, argumento est ejusdem Gregorii Epistola⁶ data ad Fortunatum Fanensem episcopum, qua ei concedit, ut captivorum suorum redemptio causa vasa sacra distraheret. Sed et Campaniæ partibus plura damna illata hoc anno fuisse, Epistola ejusdem sancti Gregorii ad Anthemium⁷ subdiaconum docet his verbis: « Quantus dolor, quantumque sit nostro cordi afflictio de his quæ in partibus Campaniæ contigerunt, dicere non possumus, sed ex calamitatis magnitudine potes ipse cognoscere. Ea de re pro remedio captivorum qui tenti sunt, solidos experientiae tue per harum portilem Stephanum virum magnificum transmisimus, admonentes ut omnino debeas esse sollicitus, ac strenue peragas, et liberos homines quos ad redemptionem suam sufficere non posse cognoscis, tu eos festines redimere. Qui vero servi fuerint, et dominos eorum ita pauperes esse compereris, ut eos redimere non assurgant, et hos quoque compariare non desinas, etc. » In his expensis sancti Gregorii, comiserati absentes, eidem pecuniam direxere: prestiti id Joannes Syraenus episcopus, ad quem de his extat ipsius Gregorii Epistola⁸, in cuius fine monet, ne sua scripta in mensa coram

¹ Ps. cxvii. — ² Greg. l. vi. Ep. xv. Ind. xv. — ³ Greg. l. v. Ep. xxix. Ind. xiv.

⁴ Greg. l. v. Ep. xxx. Ind. xiv. — ⁵ Ibid. Ep. lx. Ind. xiv. — ⁶ Ibid. Ep. xiii. Ind. xv. — ⁷ Ibid. Ep. xxxiv. Ind. xiv. — ⁸ Greg. l. vi. Ep. ix.

extraneis legi faciat. Porro non a Longobardis tan-
tum detentos redimi volunt, sed et quos emissa-
t Judæi in aliena provincia. Est de his Epistola ejus-
dem Gregorii ad Candidum data¹.

8. Transmissa ad hoc quoque est pecunia a
Theotisto atque Andrea patriciis Constantinopoli,
ut ex redditis anno sequenti ad eos litteris docet :
ubi et de his qua fierent per Longobardos, post alia
superius relata, hæc addit² : « Indico quia ex Crot-
onensi civilate, quæ super Iadriaticum mare in
terra Italæ posita, transacto anno a Longobardis
capta est, multi viri ac multæ mulieres nobiles in
prædam ductæ sunt ei filii a parentibus, parentes a
filiis, et conjuges a conjugibus divisi : ex quibus
aliqui jam redempti sunt. Sed quia gravia pretia
eis indicunt, multi apud nefandissimos Longobardos
haetenus remanserunt. Mox autem medietatem
pecuniae, quam transmisisti, in eorum redemptio-
ne transmisi. De medietate vero ancillis Dei, quas
vos græca lingua monastrias dicilis, lectisternia
emere disposni : quia in lectis suis gravi nuditate
in hujus hiemis vehementissimo frigore laborant :
quæ in hac urbe multæ sunt ; nam juxta notitiam
qua dispensantur, tria millia reperiuntur. Et qui-
dem de S. Petri Apostolorum principis rebus octo-
ginta annuas libras accipiunt. Sed ad tantam mul-
titudinem ista quid sunt, maxime in hac Urbe, ubi
omnia gravi pretio emuntur ? Harum vero talis
vita est, et tantum lacrymis et abstinentia districta,
ut credamus, quia si ipse non esset, nullus no-
strum iam per tot annos in loco hoc subsistere inter
Longobardorum gladios potuisset ». Hæc Grego-
rius, salutem Urbis ex harum precibus venire pro-
fessus.

9. *De Anglorum conversione sollicitus Gregorius eo mittit Augustinum et socios.* — At licet tot tantisque Gregorius ex Longobardorum infestationibus premeretur angustiis absque spe pacis, quam interverterent imperatoris prefecti ; nihil tamen remisit sibi creditæ sollicitudinis pastoralis, ut Dominicum gregem toto orbe diffusum summa
vigilantia custodiret : imo tanta in his arcamis
eclitudine animi divina gratia erectus est, eoque
fiduciae erexit ; ut immitteret manus ad fortia, et
opus aggredetur immensum, humanoque captui
perdifficile, imo penitus impossibile, nisi præ-
potenti auxilio Dominus annuisset, nempe conver-
sionem gentis Anglorum, quibus adhuc sedentibus
in tenebris et umbra mortis, perseverantibus in
veteri idolorum cultura, nullus penitus radius lucis
Evangelice refusisset : Britannis, qui residui erant
in insula, tantum hoc illis (ut Beda ait) bonum in-
videntibus, reliquis vero proximis Christianis eos-
dem assiduis bellis urgentibus, ut non illis vitam
afferre gratia, sed quam a natura haberent auferre
pro viribus laborarent, vel saltem adempta libertate
ducerent sub jugo captivos, ac venundarent. Unus
ergo tantummodo repertus est in orbe pater, qui

¹ Greg. l. vi. Ep. XXI. — ² Ibid. Ep. xxiii. Ind. xv.

essel de ipsorum salute sollicitus ; quibus longe
licet positus, Apostolico munere præsens adisset,
eosdemque paternis foveret amplexibus, vocaret ad
fidem, invitaret ad gratiam, atque aternitatis aditum
aperiens, præpotenti verbi Dei virtute ad ingre-
diendum impelleret.

10. Aggressus est omnia ista perardua sanctus
Gregorius, vere ob facta præclara Magnus, et præ-
fectura totius Ecclesiae Maximus. Qui ubi velut e
terra promissionis decerpitos fructus anno superiori
delatos vidit in Urbem, ubi, inquam, per Candidum¹
presbyterum curatorem patrimonii sancti Petri in
Gallia, pecunia Romanæ Ecclesiæ emptos adoles-
centulos Anglos recepisset, eosque baptizasset, et
liberlate donatos in monasterio collocasset, atque
summio adniti studio ad perfectissimum Christianæ
religionis cultum vidisset ; exarsit magis animo ad
universam Anglorum gentem Ecclesiæ conjungen-
dam, cuius dulces primitias prægustatas Domino
obtulisset. Quorum relatione putamus pariter ipsum
acepsi se Gregorium, optare gentem illam Chris-
tiana imbui religione : nam de ipsorum desiderio
hæc ipse habet ad reges Francorum² : « Pervenit ad
nos, Anglorum gentem ad fidem Christianam, Deo
miserante, desideranter velle converti, sed sacer-
dotes vestros e vicino negligere, et desideria eorum
cessare sua adhortatione succendere ». Eadem ha-
bet in Epistola ad Brunichildem³. His igitur exci-
tatus Gregorius stimulis, nulla penitus ratione
habita temporis importuni, secundum illud Eccle-
siastes⁴ : « Qui observat ventum, non seminal » ;
quos sanctiores in suo monasterio seiret latere sub
claustrali custodia monachos Augustinum atque
Mellitum, eosdem eum aliis quibusdam ipsis ad-
junctis sociis mittit in Angliam. Fuisse autem Au-
gustinum præfectum monasterii S. Gregorii, ipse
Gregorius tradit in Epistola ad Syagrium episcopum
Augustodunensem⁵.

11. Sed quid acepsit ? Cum hos Gregorius ini-
sisset lætantes, dum essent in via, humanum quid
passi, difficultatem immensæ molis operis cogita-
tione volentes, despondent animum, cum jam per-
venissent in Gallias. Cujus rei causa illud statunnt,
ut Augustinus Romam ad Gregorium rediret qui
id Pontifici diesnadeat. At tantum abest ut illorum
dissuasione Gregorius a cœptis desisteret, ut vehe-
mentiori impetu animi ad opus prosequendum as-
surget, remitteretque Augustinum, et ad illos
qui remanserant litteras daret, quibus eos hortatus
est inchoatum opus perficere. Extant ipsæ Gregorii
litteræ, sed apud Bedam⁶ ; meminitque ejusdem
rei Joannes diaconus⁷. Redeunte ad opus Augustino,
idem Gregorius plures pro eo litteras dedit, com-
mendans ipsum ejusque socios tum Francorum re-
gibus, tum etiam Galliarum episcopis : earum Epi-
stolarum quæ prima ponitur eo argumento con-

¹ Greg. l. v. Ep. x. Ind. xiv. — ² Ibid. Ep. LVIII. Ind. xiv. —
³ Ibid. Ep. LIX. Ind. xiv. — ⁴ Ecol. xi. — ⁵ Greg. l. vii. Ep. cxii.
Ind. ii. — ⁶ Beda de gest. Angl. l. i. c. 23. — ⁷ Joan. diacl. in Vit.
S. Greg. l. ii. c. 34.

scripta, data¹ habetur ad Pelagium Taurinensem, et Serenum Massiliensem episcopos: verum apud Bedam scripta legitur ad Aetherium episcopum Arelatensem, sed mendose quidem. Etenim Arelatensis Ecclesiae non Aetherius, sed Virgilius hoc tempore episcopus erat. Aetherium antem iisdem diebus fuisse episcopum Lugdunensem, testatur Gregorius Turonensis².

12. Dedit alias seorsum ad ipsum Virgilium Galliae (ut habeat earum inscriptio) metropolitanum³: alias item ad Desiderium Viennensem, et Syagrium Augustodunensem, ad episcopum vero Aquensem Protasium alias, neconon ad Stephanum abbatem, illeque ad Agritum patricium: exstant ipse omnes, in primis vero quae scriptae sunt eadem ex causa ad Theodobertum⁴ atque Theodoricum Francorum reges, neconon alia ad reginam Brunichildem. Quae autem hiee consequentia sint, suo loco dicemus: hic vero duntaxat agamus de eorum appulso in Britanniam insul. m.

13. Sed prius hic reddamus Gregorii Epistolam scriptam ad Augustini socios tunc adhuc spectantes in Gallia, cui ista Beda prefatur⁵: « Cum jussis Pontificibus obtemperantes, memoratum opus aggredi coepissent, jamque aliquantum itineris confecissent, pereulsi timore inersti, redire domum pollius, quam Barbaram, feram, incredulamque gentem, cuius nec linguam quidem nosset, adire cogitabant, et hoc esse tutius communis consilio decernebant. Nec mora Augustinum, quem eis episcopum ordinandum, si ab Anglis suscipierentur, disposuerat, domum remittant, qui a beato Gregorio humili supplicatione obtinebat, ne tam periculosa, tam laboriosa, tam incertam peregrinationem adire deberent. Quibus ille exhortatorias mittens litteras in opus eos verbi divino confisos auxilio proficisci suadet: quarum videlicet litterarum ista est forma:

14. « Gregorius servus servorum Dei.

« Quia melius fuerat bona non incipere, quam ab his quae copta sunt, cogitatione retrorsum redire; summo studio, dilechissimi filii, oportet ut opus bonum, quod auxiliante Deo incepistis, impletatis. Nec ergo labor vos itineris, nec maledicorum hominum lingua deterreant; sed omni instantia, omnique fervore, que inchoastis, auctore Deo peragite, scientes, quod laborem magnum aeternae retributionis gloria sequitur. Remeante autem Augustino proposito vestro, quem et abbatem vobis constituimus, in omnibus humiliter obedit: scientes hoe vestris animabus per omnia profuturum quiequid a vobis fuerit in ejus ordinatione completum. Omnipotens Deus sua vos gratia protegat, et vestri laboris fructum in aeterna me patria videre concedat: quatenus etsi vobiscum laborare nequeo, simul in gaudio retributionis inveniar, quia laborare

scilicet volo. Dens vos incolumes custodiat, dilectissimi filii. Data die decima kalendarum Augustarum, imperante domino nostro Mauricio Tiberio piissimo Augusto anno decimo quarto, post consulatum ejusdem anno XIV, Indictione decima quarta». Haec tenus apud Bedam. Sed mendosa supputatio annorum imperatoris ex citatis superius locis sancti Gregorii et exacte numeratis annis Mauritii est emendanda, qua idem Beda deceptus annos ejusdem imperatoris aliter quam opus est numeral. Nam (ut id modo attingamus) quo pacto data dictitur post consulatum Mauritii anno decimo quarto, si Acta publica sub eodem Gregorio habita post annos quinque, nempe Indictione quarta, notata habentur¹ consulatu ejus undecies? Porro tantum opus Gregorius haud inconsidere atque festine est aggressus, sed diu multumque id ipsum meditatus est, quod et precium assiduitate decoxit: testatur enim id ipse in Epistola² ad Syagrium Augustodunensem episcopum. Sed de his que hoc anno sunt gesta, modo satis: reliqua inferius pro temporis ratione dicentur. Nam redeamus ad reliquias sancti Gregorii papie anni hujus res gestas.

15. *Episcopus circa officia charitatis admonet Gregorius.* — Curans ipse pastor pastorum excubias, hoc anno inter alia de administratione episcopatus illud episcopos magnopere admonuit, ne lites haberent et contentiones cum provinciarum praesidibus, sed eos benevolentia vincere, atque beneficiis et officiis promoveri studerent, eo quod magnopere condiceret si cum secularibus ministris episcopi concordes essent. Est de his elegans ejus Epistola ad Joannem episcopum Syriaeum³, quem admonet, ut omni studio in gratiam redire conaretur cum Venantio prefecturam illie gerente, et si opus sit, etiam missas in ejus domo ipse dici permittat, imo et ipsem dicas: nam audi: « Adhortamur, inquit, quatenus et oblationes antedicti viri omnimodo in dulcedine et Deo placita debeatis sinceritate suscipere, et in dono ipsius missarum peragi mysteria permittatis, ut (sicut scripsimus) si fortasse voluerit, per vos debeatis accedere, et celebrando apud eum missas priorem gratiam reformare. Oportet namque filii sacerdotalem vos affectum impendere, et in causis prout ratio suffragatur, jurisdictionem Ecclesiae vestrae minime preterire. Hoc ergo considerans, necesse est, ut ita se circa eos fraternitas vestra discreta moderatione exhibere studeat, ut et quod negotii qualitas exigit, salubriter peragat, et a paternae charitatis gratia non recedat». Haec prudenti moderatione Gregorius, ab omnibus audiendus, dum sic laborat pro Ecclesiastica jurisdictione servanda, ut charitatem nolit in animarum detrimentum pati dispendium: extat etiam et alia de iisdem Epistola⁴ ad ipsum Venantium. Ex quibus et illud intelligis, in dominibus etiam privatis consuevisse

¹ Greg. I. v. Ep. LII. Ind. XIV. — ² Greg. Tur. hist. Franc. I. x. c. 28. — ³ Greg. I. v. Ep. LII. LIV. LV. LXI. LVII. Ind. XIV. — ⁴ Ibid. Ep. LVIII. LIX. — ⁵ Beda I. i. c. 23.

¹ Greg. I. ix. Ep. xxii. — ² Greg. I. vii. Ep. cxix. Ind. ii. — ³ Greg. I. v. Ep. XLIII. Ind. XIV. — ⁴ Greg. eod. I. i. p. XLII.

dici missas : sicut nec novum et inusitatum, quod objicunt Novatores, ut in una Ecclesia plura sint altaria : nam idem sanctus Gregorius in Epistola ad Palladium episcopum Saltonensem¹ hoc anno, cum felitas mittit ad eum reliquias sanctorum Apostolorum Petri et Pauli, Laurentii atque Pancratii, meninat de Ecclesia illa tredecim habente altaria.

16. *Ad Donatistarum in Africa et schismatistarum conversionem incumbit Gregorius.* — Laborans Gregorius in universalis Ecclesiae cura, corporis corripitur infirmitate, de qua, Deo operante, convaluit. Testantur id ab eo hoc anno date litterae mense Augusto ad Gennadium patricium², quibus etiam declaratur de Paulo episcopo in Africa vocato Romanum ad dicendam causam : sed eum dcesset qui eum Romae accusaret, dimisit³. Quod autem magis ipsius Gregorii excruciatum animum, illud fuit, quod Africam Ecclesiam absque remedio audiret corrupti et labefactari a perfidis Donatistis. Nam audi quid hoc itidem anno ad Columbum Nun idicem episcopum de his scribat⁴ : « Praeterea, inquit, res ad nos omnino dura et recte fidei iniuria pervenit : quia (quod diei nefas est) Catholici homines, et religiosi (quod est deterius) filios, mancipiaque sua, vel alios quos in potestate habent, in Donatistarum haeresi baptizari consentiunt. Et ideo, si verum est, fraternitas vestra hoc summopere studeat emendare : quatenus sinceritas fidei vestra sollicitudine intemerata consistat, et innocentes animae, que Catholicis baptismate salvari poterant, haereticorum infectione non pereant, etc. » Sed audi quereolas ipsius Gregorii in litteris ad Mauritium imperatorem, quem dum his consulere in animo habentem summopere laudat, per ejus ministros remedia cuncta inania reddi conqueritur : ait enim⁵ :

17. « Inter armorum curas et innumeras sollicitudines, quas indefesso studio pro Christianae Reipublicae regimine sustinetis, magna mihi cum universo mundo laetitia causa est, quod pietas vestra custodie fidei, qua dominorum fulget imperium, praecipua sollicitudine semper invigilat. Unde omnino confido, quia sicut vos Dei causas religiosae mentis amore tuemini, ita Deus vestras majestatis suae gratia tuerit et adjuvat. Qualiter autem pietatis vestrae serenitas contra Donatistarum flagitiosissimam pravitatem consideratione iustitiae et sincerissimae religionis zelo commota sit, directarum lucidissime tenor insinuat jussionum. Sed venientes viri reverendissimi ex Africana provincia episcopi asseruerunt ita esse inculta dissimulatione postpositas, ut nec Dei illuc judicium haberetur in metu, nec principales haecenus iunctiones sortirentur effectum : hoc etiam sulcungentes, quod in prefata provincia, Donatistarum premissis prevalentibus, fides Catholica publice venundetur.

18. « At contra gloriosus vir Gennadius de uno

eorum mihi similia questus est, qui talia querebantur. Cui etiam duo alii certi in re eadem testimonium ferebant. Sed quia causa ipsa secularis judicis intercorat, eisdem episcopos ad pietatis vestrae existimavi esse vestigia dirigendos, ut per semetipsos serenissimis auribus suggestant, que se fatentur pro fide Catholica perfulisse. Ea propter obsecro, ut don morum Christianitas pro salute animae et vita piissimae sobolis, sua eos, quos tales esse cognoscit, districta uilesci jussione præcipiat, et ruinam pereuntium erceptionis malu suspendat, atque insantis mentibus corruptionis medicinam adhibeat, et errorum ab eis morbos expellat : quatenus dum pia provisionis vestrae remedio pestiferæ pravitatis fuerit caligo depulsa, et vera illuc fides radios suæ serenitatis adsperserit, celestis vos ante Redemptoris nostri oculos triumphus expectet : quia quos exterius ab hoste defenditis, etiam interioris a diabolice fraudis veneno (quod est gloriesius) liberatis ». Haecenus ad Mauritium Gregorius : cuius animi angustias ex eo pensare quis poterit, quod eum divino amore succensus, lucro animarum tantopere inhiaret, ut divisos etiam toto petitus orbe perquireret, ut Christianos faceret Anglos; ingenti molestia affectum oportuit, cum per Donatistas cerneret eos qui erant in Africa Catholici, schismaticos atque haereticos reddi. At non solum adversus Donatistas, verum etiam adversus Samaritanos⁶ antiquos haereticos fuit eidem hoc anno pariter insundandum; quod hi servos emerent, eosque circumcidenderent : itemque agendum fuerit adversus Judæos⁷, qui prohiberent servos suos ad fidem Christianam venire.

19. Erant in Italia multi schismatici (ut saepe dictum est) Trium Capitolorum causa : hos ut ad unitatem Catholicam restitueret, idem sanctus Gregorius plurimum laboravit : quos vero revocasset a schismate, eisdem ab Ecclesia Catholica ali voluit, annuam ex bonis Ecclesiae eisdem dari pensionem jubens. Extant de his ejusdem Gregorii tres hoc anno Epistolæ date⁸. Sed qui tanta de sancto Gregorio, ab eodem facta hoc anno, retulimus ; quod minimum videtur non prætermittamus, ex quo maxima comprehendas : cum enim universalis Ecclesiae curæ invigilaret, que essent minima non minori diligentia pertractavit. Etenim illud accidit, ut cum in Orientalem clericulum incidisset, qui commendatilias litteras ad Ephesi episcopum ab ipso petiisset : examinavit eum ipse Gregorius, an quæ sui essent munieris sciret ; sed cum invenisset esse litterarum penitus expertem, enidem Ephesino episcopo sollicito studio commisit⁹, ut ab ipso, quæ essent sibi necessaria, doceretur.

20. *De regibus Gallie.* — Sed jam Gallias invisamus. Hoc enim anno, petentibus Dinamio patricio et Aureliano, privilegium Gregorius concessit¹⁰

¹ Greg. l. v. Ep. L. Ind. xiv. — ² Ibid. Ep. LXI. Ind. xiv. — ³ Greg. l. vi. Ep. II. Ind. xv. — ⁴ Greg. l. v. Ep. XXXVI. Ind. xiv. — ⁵ Ibid. Ep. LXIII. Ind. xiv.

⁶ Greg. l. v. Ep. XXXII. Ind. xiv. — ⁷ Ibid. Ep. XXXXI. Ind. xiv. — ⁸ Ibid. Ep. XXXX. Ind. xiv. — ⁹ Greg. l. vi. Ep. XI. — ¹⁰ Ibid. Ep. XII. Ind. xv.

Massiliensi monasterio in honorem S. Cassiani consecrato. Ex ejusdem quoque S. Gregorii Epistolis Indictionis decimæ quartæ in Gallias hoc anno datis colligitur, eadem Indictione defunctum esse Childebertum regem Francorum, sive regni reliquise hæredes Theodoricum atque Theodobertum. Etenim cum sexta Epistola ad Childebertum Francorum regem conscripta sub eadem Indictione data habeatur, rursus item Epistola quinquagesima octava scripta appareat sub eadem Indictione ad dictos reges Theodoricum atque Theodobertum ejus hæredes: manifestum est, illo sublato de medio, hos regnare cœpisse. Ex quibus alios redarguas chronographos, qui in annum sexcentesimum horum ponunt ingressum.

21. De his autem accipe que apud Acta S. Columbani ¹ eelsitudine meritorum conspectu scripta habentur his verbis: « Mortuo deinde Childeberto,

¹ Vit. S. Columb. c. 18. apud Bed. tom. iii. et Sur. tom. vi. die xxii. Novemb.

infra adolescentie annos regnaverunt filii Childeberti duo, Theodobertus et Theodoricus, cum avia sua Brunichilde. Regno Burgundionum Theodoricus potitur: regnum Austrasianorum Theodobertus suscepit regendum. Theodoricus ergo quia in terminis regni sui beatum Columbanum haberet, gratulabatur non minime. Ad quem cum saepissime veniret, cœpit eum vir Dei increpare, cur concubinarupi adulteriis miseretur, et non potius legitimi connubii solamine frueretur, ut regatis proles ex honorabili regina prodiret, et non potius ex lupanaribus videretur emergi. Cumque jam ad viri Dei imperium regis sermo obtemperaret, et se ab illicitis segregare sponderet; mentem Brunichildis avicæ secundæ (ut erat) Jezabelis, antiquus hostis adit, eamque contra virum Dei stimulatam superbo aculeo excitat, quia cerneret viro Dei Theodoricum obedire: vereba'ur enim, ne si aljectis concubinis, reginam aulæ prafecisset, et digitalis et honoris sui modum amputasset ». Sed que hæc secuta sunt, dicemus anno sequenti.

Anno periodi Græco-Romanæ 6089. — Anno Ævi Hispan. 634. — Jeu Christi 596. — Gregorii pape 7. — Mauritii imp. 15.

1. *Postconsulatus.* — Is annus haec formula notatus: *xiv post consulatum Mauritii Tiberii Aug. solius xii*, ut habet Chronicum Alexandrinum.

2. *Joannes Jejunator episc. Constantinop. moritur.* — Ad num. 1 et 2. Joannes Jejunator episcopus Constantinopolitanus anno superiori e vivis abiit, cum sacram Ecclesiam, ad annos tredecim, menses quinque, integrime gubernasset », ut habet Menologium Basiliæ imp. ad diem secundam mensis Septembris, cuius pars in tomo vi Italiae sacræ extat. Eodem Nicephorus in Chronicō tot annos, totidemque menscs attribuit. Quare cum anno DLXXXII, die XII mensis Aprilis pontificatum suscepit, mors ejus superiori Christi anno contigit. Baronius ideo eam hoc anno consignavit, quod in Registro divi Gregorii lib. 5, Epist. xv, *Indictione XIV* inter mensem Septembreū et Octobreū referatur Epistola ad *Joannem episcopum Constantinopolitanum* scripta. Inde enim deduxit, *Joannem usque ad præsentem annum vitam produxisse*, cum Indictio XIV cœpta fuit kalendis Septembris anni antecedentis. Verum inde tantum colligendum,

Gregorium papam, quando eam Epistolam misit, nuntium mortis Joannis nondum accepisse. Non audiens etiam anctor Chronicæ Alexandrinæ, qui *Cyriaci* presbyteri Ecclesiae Constantinopolit. et œconomi, qui *Joanni* successit, initium consignal anno DCCIV, nempe sub Indictione XII. Theophylactus lib. 7. cap. 6 pluribus laudat *Joannem Jejunatorem*, a voluptatum contempta, a domitis animi perturbationibus, a jejunis, a misericordia in egentes, a studio paupertatis, ostenditque *Mauritium* imperatorem ejus lecto ligneo, stragulo, et penitile maximum honorem habuisse. Colitur *Joannes Jejunator* a Græcis die II Septemb., ut videre est in Menœis, Synavario Collegii Parisiensis Ludovici Magni, et Menologio Basiliæ imperatoris loco citato, ubi laudatur, ut *vir singulissimi omnium recte factorum exempli*, ac varia miracula, quibus clarnit, indicantur. Denique Sophronius Hierosolymitanus patriarcha apud Photium in Bibliotheca, Cod. ccxxxi, citans præcipuos Patres, qui duplē in Christo operationem prædicarunt, isto elegio *Joannem* exornat: « *Joannes, inquit,*

Constantinopolitano genere, et cognomine Cappadox. homo virtutis domicilium » (1).

3. A *Latinis reprehensus*. — Paulo quidem durius habitus est a quibusdam Latinis, quos Baronius sequitur, quia scilicet a S. Gregorio ob usurpatum *Universalis* titulum reprehensus est. Verum ipsemet Gregorius lib. 5. Ep. LXIV, *Indictione* XIV, currenti scilicet anno ante Septembrem scripta post ipsius Joannis mortem, quando vere laudari possunt homines, dicit se alias scripsisse de re, de qua in ea Epistola agitur, « Sanctissimo Joanni quandam fratri et coepiscopo nostro Constantinopolitanæ civitatis antistiti ». Et paulo post : « De hoc quoque et dileeto fratri nostro Constantinopolitanæ civitatis antistiti, qui in supradicti S. Joannis loco ordinatus est, nostra volumus scripta transmittere ». Doctrina vero celebrem fuisse testatur liber de Baptismo, quem sancto Leandro Hispanensi episcopo inscripsit, ut docet Isidorus Hispanensis in lib. de Script. Ecclesiast. Testes et alii libri, de quibus videndus Morinus in fine libri *de Punitentia*, pag. 77, quos inter præcipuis est *liber Punitentialis*, de quo Graeci multa in scriptis suis testimonia retulerunt : præsertim vero in VII Synodo, Act. IV, habetur ingens fragmentum, in eius titulo hæc leguntur : *De Vita sancte memorie Joannis Jejunatoris*. Thomassinus tom. I de Vetera et Nova Ecclesiæ Disciplina lib. I, cap. 11, num. 19, ostendit, qua ratione possit ex sanctorum Patrum regulis *Joannis Jejunatoris* sanctitatis fama conciliari cum iis, quæ aculeatissime in eum a D. Gregorio dicta sunt.

4. S. Augustinus in Angliam missus. — A num. 9 ad 14. Hoc anno divus Gregorius papa conversionem gentis *Anglorum* aggressus est, Augustino monasterii S. Andreæ in Urbe a se praefecto cum sociis in Angliam misso. Gotselinus Bertinianus monachus, qui vertente secundo undecimo hujus primi Anglorum apostoli, postea Cantuariensis episcopi, Vitam diligenter descripsit, cap. 1, num. 7, refert Epistolam sancti Gregorii papæ ad Augustinum et socios datam, quæ bis verbis clauditur : « Data die x kal. Augustarum, imperante domino nostro Maurilio Tiberio piissimo Augusto, anno XIV post consulatum ejusdem anno XIII, *Indictione* XIV ». Tum numero sequenti Gotselinus aliam Epistolam recitat, quam sanctus Gregorius dedit *Aetherio Arelatensi archipræsuli*, qua ei sanctum *Augustinum*, sociosque commendat, quæ eadem pariter subscriptione notata est. Eamdem subscriptionem refert Baronius ex Beda lib. I, cap. 23, sed ex Codice quodam corrupto, loco enim : *Post consulatum ejusdem anno XIII*, habet : *Post consulatum ejusdem anno XIV*, aitque mendosam

esse supputationem annorum imperatoris ; quia scilicet videbat eam suæ repugnare ; annum enim quem tam Beda, quam sanctus Gregorius papa *decimum quartum*, Baronius *undecimum* perperam appellat, ob Maurili initium tardius a se consignatum. Praeterea quo pacto, inquit Baronius, Epistola data dicitur *post consulatum Mauritiū anno XIV*, si Acta publica post annos quinque sub eodem Gregorio habita, notata habentur consulatu ejus *undecies*? Verum infra videbimus, ex illis Actis notam temporariam delendam esse. Mabillonius tom. I sanctorum ordinis S. Benedicti, in Notis ad Vitam ejusdem sancti Augustini, existimat, in citatis Epistolis Mauritiū consulatum anno uno tardius numerari. Sed Gregorius modo loquendi Victoriano a nobis suo loco explicato semper utitur, ideoque annus, qui secundum loquendi modum a Marcellini continuatore et auctore Chronicæ Alexandrini usurpatum, duodecimus est post consulatum Mauritiū, decimus terlius a sancto Gregorio vocatur. Denique Cointius, qui primum *Mauritiū* imp. annum cum anno Christi DLXXXIII male coniunxit, arbitratur characteres illos Chronologicos, tam imperii quam consulatus, rectæ Chronologie repugnare quod, ut probet, valde se torquet, ut videre est in ejus Annalibus, hoc anno num. 13, cum tamen ex prætatis subscriptionibus intelligere posset, imperii Mauritianæ initium eum anno Christi DLXXXII copulandum fuisse : quo paeto cum *Mauritius* die XIV Augusti illius anni imperare cooperit. X kal. Augusti, seu die XXIII mensis Julii currentis anni, decimus quartus ejus imperii numerabatur.

5. *Controversia de titulo Epistolæ in causa conversionis Anglorum a Gregorio datae*. — Quod attinet ad titulum laudatæ Epistolæ divi Gregorii, *Virgilius Arelatensem archiepiscopatum* hoc tempore regebat, Lugdunensem *Aetherius*, unde natus controversiae locus, utrum vitium, quod in Bedæ textum irrepsit, in nomine sit *archiepiscopi*, aut in nomine *sedis archiepiscopalis*; alii enim *Aetherium* Lugdunensem archiepiscopum, alii *Virgilium* Arelatensem archiepiscopum in Historia Bedæ legendum putant. Henschenius ad diem II Februarii in Commentario historico, quo Vitam sancti *Laurentii* Cantuariensis archiepiscopi delineavit, nomen *Aetherii* retinuit, et *Arelatensis* archiepiscopi loco, *Arianensem*, seu *Lugdunensem* reponendum dixit. Opinionem suam duabus rationibus confirmare natus est; unam petuit ab *Arariae* nomine, quod olim Lugduno impositum notavit ob Ararium ibi confluentem in Rhodanum, atque ab Araria derivavit archiepiscopum *Arianensem*, quem postea in *Arelatensem* facile detortum asseruit. Alteram

(1) Elogium Sophronij, quod hic Pagus Joanni Jejunatori accommodat, pertinet ad aliud Joannem, ejus obitum Pagus recte ad annum DXX consignat. Haec nostri auctoris errorem detectit P. Cuperus S. J. in Historia Chronologica patriarcharum C. P. ante tomum primum Augusti Act. SS. pag. 69, qui ex græco Sophronij apud Photium male ab interprete latino expresso deceptum Pagium notat. Cum genuinus sensus ita reddendus sit : « Joannes (Poleos episcopus) ex Cappadoccia trahens cenus, et cognomen ». Vides hic sermonem esse de Joanne illo priori, *Cappadoco* dicto, non de posteriori hoc nostro, quem Constantinopolitani, docent Menologium Basili, et Menaca apud eundem Cuperum?

sumpsit ab Epistola Gregorii Magni ad *Eulogium episcopum Alexandrinum*, libri septimi xxx, in qua dicitur Augustinus a *Germaniarum episcopis episcopus factus*, et *Germaniarum episcopos interpretatus est episcopos provincie Lugdunensis*, quia Sidonius lib. 5, Epist. vii ad Thaumastum scripta *Lugduensem Germaniam* appellat, et Beda lib. 1, cap. 27, tradit, *Augustinum ab archiepiscopo Aetherio archiepiscopum genti Anglorum ordinatum fuisse*.

6. Data ea Epistola ad archiepiscopum Arelatensem. — «Lugdunum, inquit Cointius hoc annum 14, quia situm est ad confluentes Araris in Rhodanum, *Rhodanusia* vocatur a Sidonio lib. 1, Epist. v, et *Araria* in Vita sancti Lupi Lugdunensis archiepiscopi, sed adjectivum a *Rhodanusia* vel ab *Araria* deductum nondum legimus. Verum esto Lugdunenses ab *Araria* nominentur Avarienses, Arelatensem archiepiscopum in Bedae textu servandum contendimus, quia Beda cum unicam tantum Gregorii Magni Epistolam ad episcopos Galliarum pro commendatione *Augustini* nactus esset, hinc praeceps p̄f̄igendum existimavit Arelatensem archiepiscopum propter primatus praerogativam antistiti Arelatensi sepe attributam; erravit autem in nomine, nam *Aetherium* pro *Virgilio* perperam scripsit. Nec semel hallucinatus est super ea nuncupatione, siquidem lib. 1, cap. 27, cum de *Augustini* ordinatione in archiepiscopum loqueretur, archiepiscopum Arelatensi rursus *Aetherium* vocavit: *Interea, inquit, vir Domini Augustinus venit Arelas, et ab archiepiscopo ejusdem civitatis Aetherio, juxta quod iussa sancti Patris Gregorii accepérant, archiepiscopus genti Anglorum ordinatus est.* *Augustinum a Virgilio Arelatensi non ab Aetherio Lugdunensi ordinatum probabimus suo loco: neque refragatur Epistola jam citata, qua Gregorius M. enundem *Augustinum a Germaniarum episcopis episcopum factum testatur; non enim sola Lugdunensis provincia vocata fuit Germania*, quia Burgundiones origine Germani træctio Rheno regnum circa Ararim ac Rhodanum condiderunt; sed et *Franci*, quibus Arelatensis provincia parebat, cum *Augustinus* in Angliam perrexit, diu nuncupati sunt, *Germani*, quia genus suum a Transrhenanis Germanis repetebant».* Ita Cointius, cuius conjecturam certiorem reddent, quæ anno sequenti dicentur. Ille error Beda propagalus est in *Gotselinum laudatum*, *Joannem diaconum in Vila Gregorii M.* lib. 2, cap. 33, aliasque scriptores Anglicos. Recte porro scribit Beda lib. 1, cap. 23, annum tunc fuisse *adventus Anglorum circiter centesimum quinquagesimum*, quia, ut suo loco ostendi, ab anno *CDXLVII*, Beda Anglorum in Britanniam adventum repetit.

7. Opinio Cointii. — Cointius anno sequenti num. 12, conjecturam suam magis confirmare conatur, aitque: «*Vocabulum, cui vitium inest apud Bedam, non est civitatis nomen, sed episcopi, resque quas ab Aetherio peraelas Beda significavit,*

non Lugduni gestæ sunt, ubi Aetherins erat episcopus, sed Arelate, ubi Virgilius sedebat. Ipsemēt enim Beda lib. 2, cap. 27, se de Arelatensi præsule locutum esse confirmat, cum *Virgilium* vocat Aetherii successorem. Error igitur omnis, in quem lapsus est, inde profluxit, quod *Licerium Arelatensem* episcopum, quem in *Aetherium* detlexit, ad hæc usque tempora vixisse suspicatus est. Tali autem chronologia refragatur Gregorius Turonensis auctor synchronus, qui *Licerium Supaudo* in episcopatu Arelatensi successisse tradit (lib. 8, cap. 9), anno Childeberti regis xi, sive anno Christi *DLXXXVI*, et obiisse (lib. 9, cap. 23) anno ejusdem regis xiii, seu Christi *DLXXXVIII*. Haec Cointius, cui praevit Baronius, sicuti Henschenio Sirmondus *tome i Concil. Gallie pag. 420*.

8. D. Gregorius Augustinum commendat tam Arelatensi quam Lugdunensi archiepiscopis. — Utriusque opinionis fundamenta in medium adduxi, ut hinc controversia finis tandem imponi possit. Quamobrem observandum, in Registro Gregorii lib. 3, Indictione xiv, mense Julio, extare varias Epistolas hoc anno datas, quibus S. Pontifex *Augustinum*, quem propagandi Evangelii causa in Angliam transmittlebat, et *Candidum presbyterum*, procuratorem patrimonii S. Petri in Gallia, commendat Galliarum episcopis et Theodorico ac Theodeberto Francorum regibus. Epistola *LII* data est *Palladio episcopo de Santonibus, Pelugio de Turnis, et Sereno de Massilia episcopis Galliarum a paribus*. Sed loco *de Turnis*, legendū, *de Turnis*, non vero *de Taurinis*, ut arbitratus est Baronius. Nam præterquamquod nullus *Pelagius* hoc tempore Taurini sedit, S. Gregorius ad solos Galliarum episcopos pro *Augustino* scripsit. Indeque intelligimus, *Pelagium* Gregorio Turonensi successisse. Epistola *LII* data est *Virgilio episcopo Arelatensi metropolitano Galliæ*. Epist. *LIV* *Desiderio Viennensi et Syagrio Augustodunensi episcopis Galliæ a paribus*. Epist. *LVI* *Arigio patricio de Galliis*. Epist. *LVIII* *Theodorico et Theodeberto fratribus, regibus Francorum a pari*, et Epist. *LIX* *Brunichilde reginæ Francorum*. Nullam istarum litterarum legerat Beda, sicut vice versa in Registro Gregorii non extat Epistola, quam divus Gregorius scripsit ad *Aetherium episcopum*, ex cuius subscriptione discimus tam istam, quam cæteras laudatas das esse uno eodemque die, nempe *XXIII* mensis *Julii*, Indictione xiv. Collector enim non solum eas sed omnes alias suis subscriptionibus spoliavit, ut alibi dixi. Ut autem constet Epistolam recitatam a Beda lib. 1, cap. 24, scriptam esse ad *Aetherium episcopum* Lugdunensem, non vero episcopum Arelatensem, neque ad *Virgilium Arelatensem*, ut arbitrati sunt Baronius, Cointius et passim alii, necessarium est, non solum eam Epistolam, sed etiam laudatam *Virgilium metropolite Arelatensi missam hic exhibere*; eo magis quod utramque Baronius in *Annalibus* solum indicaverit, et difficultas ista certius dirimi non possit, quam ex utriusque inter se collatione.

Ait Beda cap. 24: « Misit etiam tunc isdem venerandus Pontifex (nempe S. Gregorius) ad Etherium Arelatensem episcopum, ut Augustinum Brittaniam pergentem benigne susciperet litteras, quarum iste est textus.

9. *Litterae S. Greg. ad archiep. Lugdun.* — « Reverentissimo ei sanctissimo fratri Etherio coepiscopo Gregorius servus servorum Dei.

« Licet apud sacerdotes habentes Deo placitam charitatem religiosi viri nullius commendatione indigeant; quia tamen aptum scribendi se tempus ingessit, fraternitati vestrae nostra mitti scripta curavimus: insinuantes, latores presentium Augustinum servum Dei, de cuius certi sumus studio cum aliis servis Dei, illuc nos pro utilitate animarum auxiliante Domino direxisse: quem necesse est, ut sacerdotali studio sanctitas vestra adjuvare, et sua ei solatia praebere festinet. Cui etiam ut promptiores ad suffragandum possilis existere, causam vobis injunximus subtiliter indicare. Scientes quod ea cognita, tibi vos propter Deum devotione ad solatiandum, quia res exigit, commonetis. Candidum praelerea presbyterum, quem ad gubernationem patrimonialis Ecclesiae nostrae transmisimus, charitati vestrae in omnibus commendamus. Deus te in eoluminem custodiat, reverentissime frater. Data die decima kalendarum Augustarum, imperante Domino nostro Mauritio Tiberio piissimo Augusto, anno decimo quarto, post consulatum ejusdem domini nostri anno decimo tertio. Indictione decima quarta».

Epistola LIII libri 3 Registri Gregoriani eadem die scripta sic habet:

10. *Littera D. Gregorii ad archiep. Arelatensem.* — « Gregorius Virgilio episcopo Arelatensi metropolitano Galliae.

« Quamvis fraternitatem vestram bonis esse intentam operibus et sponte se exhibere in causis Deo placitis confidamus: verumtamen utile esse fraternalia vos alloqui charitate credimus; ut solatia, quae vos ultra decet impendere, nostris quoque provocati Epistolis angeatis. Atque ideo indicamus sanctitatem vestrae, Augustinum servum Dei praesentum porlitorem, cuius zelus et studium bene est nobis cognitum, eum aliis servis Dei pro animarum nos illuc compendio transmisisse, sicut ipse vobis coram positus poterit indicare. In qua re oratione vos eum et auxiliis adjuvare necesse est, atque ubi opus exegerit, solatorum vestrorum ei praebere suffragia, et paterna ac sacerdotali illum consolatione, sicut convenit, refovere: quatenus dum sanctitatis vestrae fuerit solamina consecutus, si quid Deo nostro luci facere, sicut optamus, valuerit, et vos possilis pariter mercedem acquirere, qui ad bona opera suffragii vestri devote copiam ministratis. Candidum autem presbyterum communem filium, et patrimoniolum Ecclesiae nostrae fraternitas nostra, quippe ut unanimis nobis studeat habere commendatum, ut aliquid inde pauperum almoniis sanctitate vestra valeat adju-

vante proficere. Quia igitur patrimoniolum ipsum per annos plurimos predecessor vesler tenuit, et collectas apud se pensiones servavit: fraternitas vestra eius sint res, vel quibus erogentur, consideret, atque eas animae sue respectu suprascripto filio nostro Candido presbytero nobis restitutu dirigendas. Nam valde est execrabile, ut quod a regibus gentium servatum est, ab episcopis dicatur ablalum».

11. *Beda erravit in nomine archiepiscopi, sed non in sede archiepiscopali.* — Si Beda hanc Gregorii ad Virgilium Arelatensem episcopum Epistolam hoc anno exaratam vidisset, *Aetherium Arelatensem episcopum* non fuisse intellexisset; et si viri doctissimi, qui utramque legere, eas inter se contulissent, Epistolam a Gregorio ad *Aetherium* scriptam correctione non indigere agnovissent, sed hallucinatum esse Bedam, qui cum non legisset Registrum Epistolarum Gregorii, nec Historiam Gregori Turonensis lib. 10, cap. 28, scribentis *Aetherium* archiepiscopum Lugdunensem anno Guntramni xxx, Christi seicent pxc, interfuisse baptismō *Clotarii II*, et lib. 9, cap. 23, *Virgilium Licerio* Arelatensi successisse anno xiii Childeberti, Christi nempe pxxxxviii, in errorem lapsus est, perperamque scripsit litteras, quas recitat *ad Aetherium Arelatensem episcopum* datas fuisse, et cap. 27, *Virgilium Aetherii successorem* extitisse. Error ilaque Bedae situs est, non in nomine *archiepiscopi*; Epistola enim ab eo producta vere scripta fuit ad *Aetherium*; et hic non Arelatensis, ut ipse creditit, sed Lugdunensis archiepiscopus fuit. Gregorius itaque uno eodemque die, de una eademque causa, et ad *Aetherium* Lugdunensem, et ad *Virgilium* Arelatensem episcopos, iisdem fere verbis litteras dedit, et Augustinus, non *Lugduni*, sed *Arelatis* ordinatus est, ut anno sequenti videbimus.

12. *Error Bedae excusatione dignus.* — Excusatione tamen Beda dignus; cum in Praefatione sui Historie ad Ceolwulfum regem scribat: « Ut autem in his que scripsi, vel tibi, vel ceteris auditoribus, sive lectoribus hujus Historiae, occasionem dubitandi subtraham, quibus haec maxime auctoribus didiscerim, breviter intimare curabo. Anctor ante omnes, alque adjutor opusculi hujus, Albinus abbas reverentissimus, vir per omnia doctissimus extitit, qui in Ecclesia Cantuariorum a beata memoria Theodoro archiepiscopo, et Hadriano abbate viris venerabilibus, atque eruditissimis institutus diligenter, omnia que in ipsa Cantuariorum provincia, vel etiam in contiguis eidem regionibus, a discipulis beati papae Gregorii gesta fuisse, vel monumentis litterarum, vel seniorum traditione cognoverat: et ea mihi de his, que memoria digna videbantur, per religiosum Lundoniensis Ecclesiae presbyterum Nothelmum, sive litteris mandata sive ipsius Nothelmi viva voce referenda transmisit. Qui videlicet Nothelmus postea Ronam veniens, nonnullas ibi Gregorii papae, simul et aliorum

Pontificum Epistolas, perserutato ejusdem sancte Ecclesiae Romanæ sernio, permisso ejus, qui nunc ipsi Ecclesiae praest, Gregorii Pontificis invenit : reversusque, nobis nostræ Historie inserendas cum consilio præfati Albini reverentissimi patris attulit ». Beda igitur, sedente Gregorio papa hujus nominis II, ideo *Augustinum Arelatis et ab Arelatensi archiepiscopo consecratum prodidit*, quia vel *Albinus* abbas, vel *Nothelmus* presbyter illum ea de re certiore fecerant, tacito *archiepiscopi* nomine, quod eos latebat. Cumque inter documenta ad se transmissa non extaret Epistola data ad episcopum, cui commissa fuit ordinatio Augustini, sed ea tantum qua sanctus Gregorius eum *Aetherio* commendabat, in qua etiam Imitus Sedis nomen tacetur, eo minus mirum videri debet, *Bedam* credidisse ordinationem illam commissam fuisse *Aetherio*, quo post ejus mortem omnes hactenus easdem litteras ad *Augustini* ordinationem transtulerint, licet ea tantum commendatitia sit, eoque tempore data, quo de ista ordinatione minime agebatur; ac præterea legerint Epistolam a Gregorio magno ad *Virgilium Arelensem* archiepiscopum scriptam, quam Beda non viderat, qui ideo justiorem excusationem habet. Porro *Augustinum* cum sociis præsenti anno in Britanniam proiectum esse, docet Beda in sua Epitome, ubi ait : « Anno 596, Gregorius papa misit Britanniam Augustinum cum sociis, qui verbum Dei genli Anglorum evangelizarent ».

43. Moritur Childebertus II Francorum rex.

— Ad num. 20 et seqq. *Childebertus II Austrasie et Burgundie rex vita funetus est* hoc anno, ut liquet ex Epistola LVIII, libri 5 Registri Gregoriani, data mense *Julio*, *Indictione decima quarta*, que hoc anno secundum supputationem Gregorii exit eum mense *Augusto*. Ea enim S. Pontifex *Theoderico et Theodeberto fratribus, regibus Francorum* commendat *Augustinum* ad conversionem gentis Anglorum a se missum. Quare *Childebertus* utriusque regis pater jam ante mensem *Julium* e vivis excesserat, et uteque ei successerat; *Theodericus* in regnum Burgundiæ, et *Theodebertus* in regnum Austrasie. Regnavit *Childebertus* in Austrasia post *Sigeberti* patris mortem annos viginti, ut habet auctor de Gestis Francorum, qui annos tantum completos numerat. Si enim anni incompleti recensantur, attigit annum *xxi* mortuus hujus anni initio; cum D. Gregorius citatus ad ejus filios et successores mense *Julio* scribens, nullam de morte *Childeberti* mentionem faciat, nec *Brunechildem*

consoletur in Epistola, quam eodem mense ad eam seribit, ut videre est in Registro ejus lib. 5, Epist. LIX, quod utrumque facere debnisset, si haec filium, illi patrem ante paucos menses amisissent. Ille tamen perperam dedit *Hadrianus Valesius* lib. 46 Rer. Frane. *Childebertum* intra quatuor ultimos præcedentis Christi anni menses vita fumetum esse; cum in Burgundia rex fuerit *annos quatuor*, ut habent *Fredegarius* cap. 16, et *Aimoinus* lib. 5, cap. 84, qui annos incompletos pro integris numerant. Nam *annos tres* ei *Chronicon Mossiacensis cœnobii* assignat ferme integros, deductos scilicet a die vicesima octava mensis Martii anni 593, quo *Guntramnus* Burgundiae rex, ut anno 593 ostendam, obiit. Decessit *Childebertus* anno aetatis *xxv*, aut, ut alii scribunt, anno aetatis *xxvi*: natus enim erat die sancto Paschæ anno 570, et *jam peracto vix lustro aetatis uno*, ut loquitur *Gregorius* lib. 5, cap. 1, anno scilicet circa 585 exeunte, *Sigeberto* patri successerat. Regnum *Theoderici* et *Theodeberti Brunichildis* utrinque avia, partim per se, partim per proceres administravit: quo tempore in Neustria regnabat *Clotarius Chilperici* filius annum undecimum egressus, cuius tutelam *Fredegundis* mater singulare prudentia gerebat. Quare tunc in Francia dignitas regia penes parvulos, potestas penes mulieres erat: *Theodebertus* decimum aetatis annum, *Theodericus* nomum agebat; illeque *Metis* regni sedem statuit; hic *Aurelianis*, ut docet *Fredegarius* cap. 16.

14. *Childebertus superstes fuerat Guntranno regi.* — *Baronius*, qui ex Epistolis divi Gregorii Magni recte collegit, *Childebertum* hoc anno vivere desisiisse, perperam ejus initium illigavit anno Christi 599; hoc enim pacto septemdecim dunt taxat annos regnasset, contra omnium antiquorum fidem. Præterea *Childebertus Guntranno* Burgundiae regi superstes vixit, et post illum in Burgundia regnavit; nam *Gregorius Turonensis* lib. 4 de Miraculis S. Martini cap. 37: « Tempore, inquit, quo post obitum gloriosissimi regis *Guntramni* *Childebertus* rex Aurelianensem urbem adiit, etc. » Nee a *Gregorii* sententia *Fredegarii* in suo *Chronico* recedit. Et tamen *Baronius* *Guntramni* mortem differt usque ad annum 593, licet fateatur *Gregorium Turonensem* anno præcedenti ad Deum migrasse, qui ideo de *Guntramno* mortuo loqui non potuisse, si is usque ad annum 593 vitam prorogasset.

GREGORII ANNUS 8. — CHRISTI 597.

1. Legatio Cyriaci ad Gregorium Catholicam communionem expetentis. — Adest annus Redemptoris quingentesimus nonagesimus septimus Indictionis decima quintae, quo mense Septembri inchoatur Gregorii papae auncus Pontificatus octavus, absolvitur vero Mauriti imperatoris undecimus, quo Cyriacus Constantinopolitanus episcopus responsales suos misit Romanum ad sanctum Gregorium papam, simulque Synodalem Epistolam, quam fidei Catholicæ professio contineretur, tum etiam ipse communionem Catholicam expeteret, pacemque servari rogaret. Addidit litteras Mauritius imperator ad eundem Gregorium, quibus eum pluribus hortatus est ut missos a Cyriaco episcopo Constantinopolitano responsales susciperet, communionequi Catholicæ eosdem impetraret. Nam enim anno superiori ut dictum est reciproca fidei confessione simul communicaverant inter se Cyriacus episcopus Constantinopolitanus atque Gregorius papa. Praecedente igitur istiusmodi communicatione, Cyriaco visum est mittere debere ex more suis Romanum ad Gregorium Pontificem responsales, quos et commendatos voluit litteris ejusdem Mauritii imperatoris.

2. Cum autem responsales missi Romanum pervenissent, eosdem Gregorius, ne quovis modo ipse auctor schismatis diffamaris posset, benigne exceptit, quos etiam interesse sacrissimorum missarum solemniis passus est, impertiens eos communione Catholicæ; ita tamen ut assentiri noluerit Apostolicæ Sedis apocrisiarium, qui degebatur Constantinopoli, interesse saeris a Cyriaco celebrandis, nisi nomen OEcumenie invidiosum atque rivosum penitus tolleret atque aboleret. Haec autem omnia breviter habet sanctus Gregorius in Epistola quam scripsit ad sanctissimos patriarchas Alexandrinum et Antiochenum, Eulogium scilicet atque Anastasium, verbis istis¹:

3. « Charitas qua vobis valde constrictus sum, tacere me minime permittit: ut sanctitas vestra

quæcumque apud nos aguntur, agnoscat, et falsis rumoribus non decepta, suæ justitiæ atque rectitudinis viam, sicut perfecte coepit, perfectius teneat. Responsales si quidem fratris et coepiscopi nostri Cyriaci venientes, ejus ad me Synodicam detulerunt Epistolam. Et quidem inter nos et ipsum (sicut vestra beatitudo novit) propter appellationem profani nominis est gravis discordia. Sed in causa fidei transmissos responsales ejus existimavi esse suscipiendos; ne culpa elationis, quæ in Constantinopolitana Ecclesia paene contra omnes sacerdotes exorta est, dissensionem fidei et rixam Ecclesiastice faceret unitati. Eosdem vero responsales, quia hec omnino humiliter preceabantur, missarum solemnia inuenimus celebrare feci. Quia (sicut et serenissimo domino imperatori nostro intimare studui) responsales fratris et consacerdotis nostri Cyriaci mihi communicare debuerunt: quia auctore Deo, in elationis errorem non cecidi. Meus vero diaconus cum praedicto fratre nostro Cyriaco missarum solemnia celebrare non debet: quia per profanum vocabulum culpam superbiæ aut commisit, aut sequitur: ne si (quod absit) procedit, ei in tali elatione posito vanitatem stulti nominis confirmare videamus. Eundem vero fratrem admovere studui, ut se a tali elatione corrigat ». Haec de rebus Romæ gestis cum legatis.

4. Quod vero spectat ad Synodalem Epistolam a Cyriaco ad Gregorium missam anno superiori, in qua fidei Catholicæ professio scripta erat: cum in ea superflue damnationem apposuisse Eudoxii, Ariani heretici sub Constantio imperatore episcopi Constantinopolitani: suspicionem haud levem Gregorio intulit, cum præseruum ipsum lateret, quisnam esset quem damnaret Eudoxium: magis vero, quod qui ejus meminisset Sozomenus, idem laudator esset mirificus Theodori Mopsuesteni haud pridem in quinta Synodo condemnati. De hisdem certiores reddi voluit eosdem Orientalium sedium patriarchas Eulogium et Anastasium. Quod autem Gregorius Sozomenum laudatorem fuisse tradit Theodori Mopsuesteni, recens quidam aristarchus

¹ Greg. L. VI. Ep. XXVI. Ind. XV.

(Melchiorem Canum jure sugillat auctor) sanctum Gregorium imperitiae redarguit, quod scilicet non reperiatur id factum a Sozomeno, sed a Theodoreto. Sed quantum ipse erret, dum Gregorium errasse demonstrat, consule a nobis dicta in Notis ad Romanum Martirologium. At quidni Gregorius suspectos habere debuissest Orientales, dum Joannes predecessor Cyriaci Pseudo-Synodus Ephesinam pro OEcumenica videri poterat recepisse, rejectaque legitima, spuriam pro germana, et Nestorianorum conciliabulum pro Catholicorum conventu, dum Pelagianismi assertor faclus est, qui in secundo canone ejusdem Pseudo-Synodi a Nestorianis asseritur, sive ex eo originale peccatum penitus negaretur? Quae omnia significata voluit idem sanctus Gregorius dictis primarum sedium patriarchis, ne damnatus Pelagianismi error per Constantino-politanos patriarchas iterum restitueretur.

5. Qui etiam ad ipsum Cyriacum Constantinopolitanum episcopum¹ reddidit litteras, quibus admonuit, pacem et charitatem quam prae se ferret, fore inter se, si superbum nomen aboleretur; aliter minime fieri posse ut concordia mutua intercederet: nam haec habet inter alia: « Oportet ergo ut mihi atque omnibus fratribus vestris ejusdem charitatis pulchritudinem in hoc primum opere monstrabis, ut verbum superbiae, per quod grave scandalum in Ecclesiis generatur, auferre festinetis: hoc modis omnibus implentes, quod scriptum est²: Solliciti servare unitatem spiritus in vinculo pacis». Et rursus³: « Nullam occasionem dare adversario maledicti gratia. Tunc enim oslensa charitas vera est, si per typum superbiae inter nos schisima non fuerit. Ego enim Iesum testem invoco in anima mea, quia a summo usque ad ultimum nulli hominum dare scandali occasionem volo ». Et inferius: « Ea ergo quae novo modo introducta sunt, ipso ordine quo illata sunt, auferantur, et pax nobis illibata in Domino permanebit ». Reliqua vero per Anatolium, quem idem ad imperatorem hoc anno apocrisiarium misit, ipsi significanda testatur.

6. *Anatolio apocrisiarii munere proficiensenti Constantinopolim, dat Gregorius litteras ad Mauritium et Eulogium de questione nominis OEcumenici; additique alias ad alios optimis documentis referatas.* — Hoc namque anno revocatum in urbem Sabinianum diaconum, qui apocrisiarii munere Constantinepoli fungeretur, ex pluribus litteris ejusdem Gregorii, hoc anno datis appareat: missumque loco ipsius quem diximus Anatolium, dicta ad Cyriacum scripta Epistola docet. Ad ipsum vero Mauritium imperatorem, qui pro Cyriaco litteras dederat, alias Gregorius reddidit, quibus de responsalibus Cyriaci benigne suscepis eundem reddidit certiorem, atque haec de causa ipsa breviter habet⁴: « Eumdem fratrem et consacerdotem meum studiose admonere curavi, ut si habere pacem omnium

concordiamque desiderat, ab stulti vocabuli se appellatione compescat ». Subdit demonstrans magni esse momenti, quod frivolum esse ipsi imperatori visum fuisset: ostenditque esse precursum antichristi, qui superbium sibi nomen arrogat, et superextollitur super⁵ omne quod dicitur Deus.

7. Dedit etiam eodem arguento litteras privatas seorsum hoc eodem anno ad Anastasium patriarcham Antiochenum⁶, cum ab eo per Sabinianum diaconum Romanum redeuntem litteras accepisset ejusdem ferme argumenti cum iis quas scripserat imperator, nimis pro ejusmodi causa levissima schisma non esse conflandum: ad quem rescribens Gregorius post alia haec habet: « Vos tamen eamdem causam nullam esse, dicere non debetis: quia si hanc arquanipler portamus, universae Ecclesiae fidem corrumppimus. Scitis enim, quanti non solum haereticci, sed etiam haeresiarchae de Constantinopolitana Ecclesia sunt egressi. Et ut de honoris vestri injuria taceam, si unus episcopus vocatur Universalis, universa Ecclesia corruvit, si unus universus cadit. Sed absit haec stultitia, absit haec levitas ab auribus meis, etc. »

8. Graviori pariter perpendens lance tantæ rei momentum S. Eulogius Alexandrinus episcopus, ad eundem Gregorium papam hoc eodem anno de prerogativa sedium gravem Epistolam scripsit quæ licet non exle⁷, ex responsione tamen ab ipso Gregorio redita, qualis fuerit, salis perspicue potest intelligi. Accipe ergo eam, quo quid in re maximi ponderis vir sanctissimus miraculis clarus ad Gregorium ipsum seripserit, recognoseas. Sic enim se habet⁸:

9. « Suavissima mihi sanctitas vestra nulla in Epistolis suis de sancti Petri Apostolorum principis Cathedra locuta est, diebus, quod ipse in ea nunc usque in successoribus sedeat. Et quidem ego indignum me esse non solum in honore praesidentium, sed etiam in numero stantium agnoscō. Sed cuncta quae dicta sunt, in eo libenter accepi, quod ille nulli de Petri Cathedra locutus est, qui Petri Cathedra tenet. Et cum me specialis honor nullo modo delectet, valde tamen felatus sum, quia vos sanctissimi, quod mihi impendistis, vobismetipsis dedistis. Quis enim nesciat sanctam Ecclesiam in Apostolorum principe soliditate firmatam, quia firmitatem mentis traxit in nomine, ut Petrus a petra vocaretur? Cui veritatis voce dicitur⁹: Tibi dabo claves regni celorum. Cui rursus dicitur¹⁰: Et tu aliquando conversus confirma fratres tuos. Herumque¹¹: Simon Joannes amas me? pasce oves meas. Itaque cum multi sint Apostoli, pro ipso tamen principatu sola Apostolorum principis Sedes in auctoritate convaluit, que in tribus locis unius est. Ipse enim sublimavit Sedem, in qua etiam quiescere et praesentem vitam fuisse dignatus est. Ipse decoravit sedem in quam Evangelistam disci-

¹ Greg. I. vi. Ep. xxvi. — ² Eph. iv. — ³ I. Tim. v. — ⁴ Greg. I. vi. Ep. xxx. Ind. xv.

⁵ 2. Thes. ii. — ⁶ Greg. I. vi. Ep. xxiv. Ind. xv. — ⁷ Ibid. Ep. xxvii. Ind. xv. — ⁸ Matth. xvi. — ⁹ Luc. xxii. — ¹⁰ John. xvi.

pulum (Marcum videlicet) misit. Ipse firmavit sedem (Antiochenam videlicet) in qua septem annis quamvis discessurus, sedit. Cum ergo unius atque una sit sedes, cui ex anctoritate divina tres nunc episcopi præsident: quicquid ego de vobis boni audio hoc mihi imputo; si quid de me boni creditis, hoc vestris meritis imputate: quia in illo unum sumus, qui ait¹: Ut omnes unum sint, sicut et tu, Pater, in me, et ego in te, ut et ipsi in nobis unum sint». Hæc de unitate quæ ex dilectione provenit, cum potestas in tribus distincta eadem ad unum caput præcipuum referatur. Habes hæc eadem de tribus sedibus Petri, ex quo collata est prærogativa patriarchatus, superius ex Gelasio papa dicta.

10. In fine autem Epistole de acceptis ab eo muneribus hæc habet Gregorius: « Suscepi, inquit, benedictionem sancti Evangelistæ Marci juxta Breve vestris Epistolis insertum: sed quia Collatum (Collatum) ac Juritheum non libenter tibō præsumens Cognidium requiro, quod in hac Urbe, post multa tempora, vestra innotescere transacto anno sanctitas fecit. Nam nos hic a negotiatoribus nomen Cognidii et non substantiam comparamus». Quid per Collatum, sive Collatum, vel Juritheum, atque Cognidium debeat intelligi (quod medicorum hæc sint potius) de his nobis rogantibus dissertuit pluribus doctissimis Mercurialis, cuius variarum quæstionum elucidationes prælo datas propediem (ut putamus) accepturns eris.

11. At Gregorius eidem Eulogio munuscula et ipse misit, de quibus ait: « Parvulam benedictionem de amatoris vestri S. Petri Ecclesia sex minora Aquitanica pallia et duo oraria transmisi: quia enim multum diligo, etiam de parvis præsumio».

Hæc Gregorius, qui plurimi fecit eumdem S. Eulogium, utpote qui his temporibus sedem illam sanctitate et doctrina mirifice illustraret: magno namque Dei beneficio post tot tenebras illuxerat infelici afflictione nimium Alexandrinæ Ecclesie tantum sidus matutinum, ipse sanctus Eulogius, qui eamdem Ecclesiam, quam ab apro silvestri (de quo est in Psalmis²) depastam invenit, ac prope modum desolatam, viriliter in Evangelio laborans restituil: nam hæreticos ibi inventos, qui longævam ætatem duxissent errantes et in errorem mittentes, ad fidem Catholicam restituere conatus est. Cui ob eamdem causam congratulatus Gregorius, ista habet in dicta Epistola: « Debitum salutationis alloquium persolvens, indico quia magno gaudio exulto, quod vos contra hæreticorum latratus assidue laborare cognovi: atque omnipotentem Dominum deprecor, ut beatitudinem vestram sua protectione adjuvet, quatenus per linguam vestram de sinu sanctæ Ecclesie omnem radicem amaritudinis evellat, ne rursum germinans impedit multos, et per illam coquincentur multi, etc.» Quomodo autem Agnoitarum plurimos ad Catholicam fidem converterit, suo loco plurius.

12. Rursum vero eidem nuntio Gregorius ad diversos litteras dedit, eo quod Sabinianus apocrisiarius inde Romam rediens, complures ab illis datas attulerat ad ipsum Epistolas. Inter alia autem ad Gregoriam Auguste cubiculariam, feminam iæque paucæ ac nobilem, de certitudine salutis suæ litteris percontantem, ista prudenter ipse respondit³: « Quod vero dulcedo tua in suis Epistolis subjunxit, importunam te mihi existere, quoadusque scribam mihi esse revelatum quia peccata tua dimissa sunt; rem et difficultem etiam et inutilem postulasti: difficultem quidem, quia ego indignus sum, cui revelatione fieri debeat; inutilem vero, quia secura de peccatis tuis fieri non debes, nisi cum jam in die vite tuæ ultimo plangere eadem peccata minime valebis. Quæ dies quoisque veniat, semper suspecta, semper trepida metuere culpas debes, atque eas quotidianis fletibus lavare, etc.»

13. Reddidit pariter litteras ad Theotistem et Andream viros clarissimos, inter auxilios militantes quidem, sed professione cives sanctorum et domesticos Dei, qui tales essent, ut inter causarum turbines scirent Deo corde semper esse conjuncti. Nam ad eos ista S. Gregorius⁴: « Quod in tanto tumultu causarum vestra excellentia posita, sacri verbi ubertate plena est, atque ad æterna incessanter gaudia suspirat, magnas omnipotenti Deo gratias ago: quia hoc in vobis esse impletum video, quod de electis patribus scriptum est⁵: Filii autem Israel ambulaverunt per siecum per medium mare, etc.» Assidebant isti Augustæ, quæ horum consuetudine in dies magis virtutibus augebatur. Curam pariter gerebant Mauritii tiliorum, de quibus ista S. Gregorius subdit: « Peto autem, ut parvulos dominos, quos nutritis, præcipue moribus instruere euretis; et gloriosos eumuchos, qui eis deputati sunt, admonete, ut ea illis loqui debeat, quæ eorum mentes in charitate circa se invicem et erga subjectos in mansuetudine compungant: ne si quid odii modo inter se conceperint, in aperto postea erumpat. Verba siquidem nutrientium aut laudent, si bona sunt; aut venenum, si mala. Talia ergo nunc eis suggerant, quæ postmodum ostendant quam bona fuerint, quæ a nutritorum snorum ore suixerunt». Reddit demum illis gratias de tringita librī auri pro redemptione captivorum per Sabinianum diaconum missis. Illos vero Gregorius ob egregiam pietatem magno dignos putavit esse munere præter alios, nempe clavi illa S. Petri quæ egregio miraculo coruscaverat, quam Antharil impius licet rex Longobardorum Romanam miserat ad Pelagium papam ut suo loco diximus: sed hæc putamus eadem opportune repetenda, cum eam divino illustratam miraculo Constantinopolim Gregorius mittit, tanquam Dei virtutis nobile monumentum ob oculos semper habendum; ait enim: « Præterea benedictionem S. Petri Apostoli clavem a sacratissimo ejus corpore transmisi, de qua vide-

¹ Jean. xiv. — ² Psal. LXXXIX.

³ Greg. l. vi. Ep. xxii. Ind. xv. — ⁴ Ibid. Ep. xxiii. — ⁵ Exod. xv.

licet clavi hoc est geslum quod narro miraculum.

14. « Dum eam quidam Longobardorum civitatem ingressus in Traspadanis partibus invenisset, quia S. Petri clavis esset, despiciens, sed pro eo quod eam auream vidi, tacere sibi ex illa aliquid aliud volens, eduxit cultellum ut eam incideret. Qui mox cultellum, cum quo eam per partes mittere voluit, arreptus per spiritum, sibi in gutture defixit, eademque hora extinctus cecidit. Et dum illuc rex Longobardorum Antharit atque alii multi ejus homines adcesserunt, et is qui se percutserat seorsum mortuus, clavis vero hæc seorsum jaceret in terra : factus est omnibus vehementissimus timor, ut eamdem clavem de terra levare nullus præsumeret. Tunc quidem Longobardus Catholicus, qui sciebat orationi et eleemosynis deditus, Minulphus nomine, vocatus est, atque ipse hanc levavit de terra. Antharit vero pro eodem miraculo aliam clavem auream fecit, atque cum ea pariter ad sancte memorie decessorem meum transmisit, indicans quale per eam miraculum contigisset. Ipsam ergo vestrae excellentiae transmittere studui, per quam omnipotens Deus superbientem et perfidum hominem perenit : ut per eam vos qui eum timetis et diligitis, et presentem salutem et aeternam habere valeatis ». Haec Gregorius. Exstet ad horum alterum nempe Andream, seorsum alia ejusdem Gregorii consolatoria Epistola hoc item anno data¹ de obitu Constantiae puellæ clarissimæ viro desponsatae, hortaturque eum, ne implicet se imperatoriis negotiis; sed tranquillam ac quietam vitam a tumultibus longe positam ducere studeat. Dedit itidem Constantinopolim alias litteras ad Theodorum² imperatoris medicum, de quo plura superius, gratias illi agens de eleemosynis Romanis ad se missis, puto pro redēptione captivorum, ut alii qui supra fecisse nosennuntur. Quae omnia cum ipse Gregorius grato animo acciperet, dolebat tamen se aliorum bonorum dispensationi praefectum : ait enim : « Et quidem mihi, fateor, triste est aliena expendere, et super eas quas de substantia Ecclesiastica habeo, adhuc etiam de rebus sanctissimi filii domini Theodori rationes ponere. Mittit vero ad eum itidem clavem S. Petri, quæ intus haberet limaturam de catenis ipsius. Sed et ad Narsetem patricium, de quo plura superius hominem maxime piūm, alias dedit litteras³, quibus eum in tribulationibus positum consolatur, xeniaque transmittit.

15. Ad Anastasium abbati in Palæstina monasterii, Neas appellati, alias⁴ item litteras dedit, quibus eum hortatus est ut cum Hierosolymorum episcopo pacem haberet. Puto fuisse novam Lauram, ita dictum monasterium famosissimum in Actis S. Sabæ, neenon Euthymii, occupatum aliquando ab Origenistis. Ad alium quoque Anastasium, ad quem supra, nempe Antiochenum episcopum,

litteras¹ reddit hoc item anno, inchoata Indictione prima, roborans eum, ut in tribulationibus quas pateretur, strenue ageret; haereticorum enim novis adinventionibus premebatur, maximeque angore animi tenebatur; de quibus hæc post multa Gregorius : « His autem diebus (sicut invenio) nova haereticorum bella consurgunt, de quibus vestra beatitudini jam ante setipsi, ita ut prophetas, Evangelia, et dicta Patrum omnia evacuate moliantur. Sed permanente vita vestra sanctitatis, in protectoris nostri gratia speramus, quod eorum ora citius obmutescant, quæ contra soliditatem veritatis aperta sunt : quia et quamlibet acuti gladii mittantur, cum saxum ferint, fracti resilient. Hœc autem magna Dei omnipotens est gratia, quod in ipsis, qui a sancte Ecclesie doctrina divisi sunt, unitas non est, quoniam² omne regnum in se divisum non stabit, et sancta Ecclesia subtilius in sua semper eruditio instruitur, dum haereticorum quæstionibus impugnatur : ita ut aperte impletatur quod per psalmismam contra haereticos de Deo dictum est³: Divisi sunt ab ira vultus ejus, et approxinavat cor illius. Nam dum ipsi in suo pravo errore dividuntur, cor nobis Dei appropiat, quia eruditio adversitatibus intellectum ejus subtilius invenimus ». Haec sanctus Gregorius tanto quidem Pontifice digna. Quinam autem hi fuerint haeretici, nobis incompertum est. Subdit his vero, quanta iisdem temporibus a Barbaris ipse pateretur : ex quibus plane dignoscitur, pacem diu quæsitam, saepè petitam, obice exarcho, minime fuisse adhuc cum Longobardis sancitam.

16. *Brunichildem reginam de quibusdam abusibus ex Gallia evelendis admonet Gregorius.* — At qui totius orbis praefectum se sciebat Ecclesiis, non Orientalium duntaxat rerum oportere esse sollicitum sciens, ad Occidentales etiam deflexit obtutum, et adversus monachos disciplinæ monasticæ desertores Epistolam scripsit in Africam ad Dominicum episcopum Carthaginensem⁴. Sed et petunt interea pabulum a pastore nobiles Gallicani : etenim eumdem, quem anribus præsentes audire non possent, ut scriptum Codicem transmitteret, rogarunt Dinamius patricius de quo supra, et Aurelia : quibus idem, factus omnia omnibus annuit⁵. Brunichilda itidem regina istud ipsum a se exposenti concessit, Codicem ad eam pariter mittens, cui et scripsit Epistolam⁶, qua primum excusat, cur non miserit pallium ad Syagrium episcopum Augustodunensem, quod seilicet non esset ab eo enixa petitus : « Nam, inquit, prisca consuetudo obtinuit, ut honor pallii, nisi exigentibus causarum meritis, et fortiter postulanti dari non debeat ». Haec ipse : sed et quod qui venerat ipsum accepturus, esset schismaticus, eidem dari minime debuisse affirmat. Serperat idem error de Tribus

¹ Greg. l. vi. Ep. xxvi. Ind. xv. — ² Ibid. Ep. xxv. Ind. xv. — ³ Ibid. Ep. xxvii. Ind. xv. — ⁴ Ibid. Ep. xxix. Ind. xv.

⁵ Greg. l. vii. Ep. iii. Ind. i. — ⁶ Luc. xi. — ⁷ Psal. liv. — ⁸ Greg. l. vi. Ep. xxxii. Ind. xv. — ⁹ Ibid. Ep. xxxiii. Ind. xv. — ¹⁰ Greg. l. vii. Ep. v. Ind. i.

Capitulis in Ecclesiam Gallicanam, non quidem inviros prudentes, sed in eos qui vita solitissimi essent: nam accipe quid de his dicat ipse Gregorius, eamdem reginam admonens:

47. « Præterea hos quos ab unitate Ecclesiæ schismaticorum error dissociat, ad unitatem pro vestra mercede studeat revocare concordia. Nam non ob aliud in ignorantiae sue haec tenus cœcitate voluntur, nisi ut Ecclesiasticam fugiant disciplinam, et perverse habeant, ut voluerint, vivendi licentiam: quia nec quid defendant, nec quid sequantur intelligunt. Nos autem Chalcedonensem Synodum, de qua illi sibi pestifere nebulas excusationis assumunt, per omnia veneramus et sequimur; et si quis de fide ejus minuere aut addere aliquid præsumperit, anathematizimus. Sed ita illos erroris labes imbibit, ut ignorantiae suæ credentes, universam Ecclesiam atque omnes quatuor patriarchas non ratione, sed malitiosa mente tantummodo refugiant: ita ut is qui ad nos a vestra excellentia missus est, cum quereretur a nobis, cur ab universalis Ecclesia separatus existet, se ignorare professus sit: sed neque quid diceret, neque quid aliud audiret, voluit (valuit) scire ». Haec Gregorius. Ex quibus plane intelligis, cur error sive schismatis, sive hæresis invalescat, nimis ut per eam quam latorem vident viam disciplinæ impatientes homines ingredi festinent, secundum Domini dictum¹: « Lata est via, quæ dueit ad perditionem, et multi gradiuntur per eam ».

48. Admonnit vero idem Gregorius eamdem Francorum regibam, ut corrigere studeret pravos mores in Galliis ex crescentes, illos vero præseri, quos in ordinatione sacerdotum irrepisse abusus demonstrat. Adjicit præterea, ut quæ apud aliquos vigeret in Gallia idolatria, penitus extirparet. Quenam essent haec monstra iterum emergentia, idem docet his verbis: « Hoc quoque pariter hor tamur, ut et ceteros subjectos vestros sub disciplinæ debeat moderatio restringere, ut idolis non immolent, cultores arborum non existant, de animalium capitulo saerificia sacrilega non exhibant: quia peruenit ad nos, quod multi Christianorum et ad Ecclesias occurrant, et quod dicti nefas est a culturis daemonum non discedant, etc. » Monet insuper ut coerceat populos diversis modis divinam indignationem desuper provocantes. Perro quod ad idolatriæ illud genus pertinet, immolare caput capræ daemonibus Longobardorum fuisse superstitionem, alibi idem Gregorius docet².

49. At non est quod adeo mireris, si idolatriam audis in Gallia alieibi iterum pullulare, cum in Italia prope ipsam urbem ab aliquibus improbis in nonnullis revocatum esse, idem Gregorius testatur in litteris³ ad Clrysantum episcopum Spolitanum, necnon et ad Agnellum episcopum⁴ Tarra-

cinensem eodem anno datis. Id secum vexit bellorum jugis infestatio, ut cum remissio fieret Ecclesiastice cultura, inter bonum semen ejusmodi zizania miscerentur.

20. *Augustini et sociorum res optime gestæ in Anglia.* — Sed quos secenti sannus Roma in Angliam proficentes, missos a Gregorio papa anno superiori Augustinum et socios; quid ibidem in Apostolico ministerio sint operati, videamus: sed audiamus in primis, quid de his habeat gentilis ipsorum venerabilis Beda¹: « Roboratus ergo, inquit, confirmatione beati patris Gregorii Augustinus, cum famulis Christi qui erant cum eo rediit ad opus verbi, pervenitque in Britanniam. Erat eo tempore rex Edilberthus in Cantio potentissimus, qui ad confinium usque Umbri fluminis maximus, quo Meridionales et Septentrionales Anglorum populi dirimuntur, fines imperii tetenderat. Est autem ad Orientalem Cantii plagam Tanetos insula non modica, id est, magnitudinis juxta consuetudinem estimationis Anglorum, milliarium sexcentorum quam a continenti terra secessit fluvius Vansumu, qui est latitudinis circiter trium stadiorum, et duabus tantum in locis est transmeabilis: utrumque enim caput protendit in mare. In hac ergo appetient servos Domini Augustinus, et socii ejus viri (ut fertur) ferme quadraginta. Acciperunt autem, præcipiente beato papa Gregorio, de gente Franco interpres. Et mittens ad Edilberthum, mandavit se venisse de Roma, ac nullum ferre optimum, qui sibi obtemperantibus aeterna in caelis gaudia, et regnum sine fine cum Deo vivo et vero futurum, sine ulla dubitatione promilleret.

21. « Qui haec audiens, manere illos in ea quam adierant insula, et necessaria ministrari, donec videret quid eis faceret, jussit: nam et antea fama ad eum Christianæ religionis pervenerat, utpote qui et uxorem habebat Christianam de gente Franco regia, nomine Bertham quam ea conditione a parentibus accepérat, ut ritum tidei ac religionis sue cum episcopo, quem ei adjutorem tidei dederant, nomine Luidhardo, inviolatam servare, licentiam haberet. Post dies ergo aliquot venit ad insulam rex, et residens sub divo jussit Augustinum cum sociis ad suum ibidem advenire colloquium. Caverat autem, ne in aliquam domum ad se introirent, veteri usus augurio, ne superventu suo si quid maleficæ artis habuissent, enim superando deciperent. At illi non daemonica, sed divina virtute prædicti veniebant, crucem pro vexillo ferentes argenteam, et imaginem Domini Salvatoris in tabula depictam, litaniasque canentes, pro sua simul, et eorum propter quos et ad quos venerant, salutem aeternam, Domino supplicabant.

22. « Cumque ad iussionem regis residentes, verbum ei vitæ una cum iis qui aderant ejus comitibus prædicarent; respondit ille, dicens: Pulchra sunt quidem verba et promissa quæ affertis: sed

¹ Matth. viii. — ² Greg. dial. I. iii. c. 28. — ³ Greg. I. vii. Ep. II. Ind. I. — ⁴ Ibid. Ep. xx. Ind. I.

¹ Bed. hist. gent. Engl. I. I. c. 25.

quia nova sunt et incerta, non his possumus assensum tribuere, relictis eis quae tanto tempore cum omni Anglorum gente servavi. Verum quia de longe huc peregrini venistis, et ut ego mihi videor perspexisse, ea quae vos vera et optima credebatis, nobis quoque communicare desideratis; noluntus molesti esse vobis, quin potius benigno vos hospilio recipere, et quae victui vestro sunt necessaria, ministrare curamus: nec prohibemus, quin omnes quos potestis, fidei vestrae religionis praedicando societis. Dedit ergo eis mansionem in civitate Dorovernensi, quae imperii sui totius erat metropolis, eisque ut promiserat, cum administratione victus temporalis, licentiam quoque praedicandi non absuluit. Fertur autem, quod appropinquantes civitati more suo, cum cruce sancta et imagine magni regis Domini nostri Iesu Christi, hanc litaniam consona voce modularentur: Deprecamur te, Domine, in omni misericordia tua, ut auferatur furor Iustus et ira tua a civitate ista, et de domo sancta tua, quoniam peccavimus. Alleluia. »

23. Ista ipse conspiciebas, et respiciens ad eos qui hodie exlanli, Anglos a fide Catholica devios, compello eosdem nomine Romanae Ecclesiae verbis illis Apostoli¹: « Ipsi de nobis annuntiant, qualem introitum habuerimus ad vos, et quomodo conversi esitis ad Deum a simulacris servire Deo vivo et vero, et quomodo Evangelium nostrum non tuit in sermone tantum, sed in virtute, in Spiritu sancto, in plenitudine nulla ». Ita in memoriam revocans, a quo, per quos, et quomodo accepérunt Evangelium, nempe a Romano Pontifice, per monachos, praecedente Crucis vexillo, et imagine Salvatoris: quorum omnium velut immemores, haeresum fascino dementati, Catholice Ecclesie hostes effecti, adhuc tamen gloriantur nomine Christiano, et jactant se esse Evangelii professores. O densa caligine offusus mentes, obscura nocte, caeo carcere, alta boye mersas animas, super quas jam operuerit² puluis os suum, ut nullus penitus lucis radius licet pertenuis vel a longe iis effulgeat, ut haec tanta ipsorum mala miseri videant? Quorum causa merito exclamandum cum Hieremias³: « Obstupescite, caeli, super hoc, et portæ ejus, desolamini vehementer, dicit Dominus. Duo enim mala fecit populus meus: me dereliquerunt fontem aquæ vivæ, et foderunt sibi cisternas dissipatas, que continere non valent aquas ». Unde et factum est quod sequitur: « Super eum rugierunt leones »; egressi illi utique e partis inferi ad ponendam terram illam in solitudinem.

24. Sed quid iis dictis Beda subjiciat, videamus: « At ubi, inquit⁴, sibi datam mansionem intraverunt, cœperunt Apostolicam primitivam Ecclesiae vitam imitari, orationibus videlicet assiduis, vigiliis, ac jejuniis servoendo; verbum vite quibus poterant praedicando; cuiuslibet mundi velut aliena spernendo; ea tantum quae victui necessaria

videbantur, ab eis quos docebant, accipiendo, secundum ea quae docebant ipsi per omnia vivendo; et parabunt ad patiendum adversa queque vel etiam ad moriendum pro ea quam praedicabant veritate animum habendo. Quid? Crediderunt nonnulli, et baptizabantur, mirantes simplicitatem innocentis vita, et dulcedinem doctrine eorum cœlestis.

25. « Erat autem prope ipsam civitatem ad Orientem Ecclesia in honorem sancti Martini antiquitus facta, dum adhuc Romaniam incolerent, in qua regina, quam Christianam fuisse prædictimus, orare consueverat. In hac ergo et ipsi primo convenire, psallere, orare, missas facere, praedicare, et baptizare cœperunt, donec rege ad fidem converso, majorem praedicandi per omnia et Ecclesiastabrandi vel restaurandi licentiam acciperent. Alibi ipse etiam inter alios delectatus vita mundissima sanctorum, et pronissis eorum suavissimis, que vera esse, mirabolorum quoque multorum ostensione firmarunt, credens baptizatus est; cœpere plures quotidie ad audiendum verbum confluere, ac reliquo Genilitatis ritu, unitali se sancte Christi Ecclesiae credendo sociare. Quorum fidei et conversioni congratulatus esse rex prohibetur, ut nullum famen cogaret ad Christianism, sed tantummodo credentes arctiori dilectione quasi concives sibi regni cœlestis amplecteretur. Didicerat enim et a doctoribus auctoribusque sue salutis, servitium Christi voluntarium, non coactuum debere esse. Nec distulit, quin eliam ipsis doctoribus suis locum sedis eorum gradum congruum in Dorovernia metropoli sua donaret, siuq[ue] et necessarias in diversis speciebus possessiones conferret ». Hucusque Beda.

26. Porro omnes hoc anno audientes verbum Dei, baptizatos esse sequenti Natalis Domini die prime Indictionis, ipse sanctus Gregorius testatur in litteris sequenti anno mense Junio datis ad S. Eulogium Alexandrinum episcopum, in quibus haec de his habet⁵:

27. « Sed quoniam vere in bonis quae agilis accrescit quod et aliis congaudetis, vestrae vobis gratiae vicem reddo, et non dissimilia nuntio. Quia dum gens Anglorum in mundi angulo posita in cultu signorum ac lapidum perfida nunc usque remaneret, ex vestrae mihi orationis adjutorio placuit, ut ad eam monasterii mei monachum in prædicationem transmittere, Deo auctore, debuisse. Qui data a me licentia, a Germaniarum episcopis episcopus factus, cum eorum quoque solatiis ad prædictam gentem in finem mundi perductus est; et jam nunc de ejus salute et opere ad nos scripta pervenerunt: quia tantis miraculis vel ipse, vel hi qui cum eo transmissi sunt, in gente eadem coruscant, ut Apostolorum virtutes in signis que exhibent, imitari videantur. In solemnitate autem Dominicæ Nativitatis, que haec prima Indictione transacta est, plusquam decem millia Angli ab eodem nuntiati sunt

¹ Thes. i. — ² Psal. LXVIII. — ³ Hierem. ii. — ⁴ Beda hist. Angl. l. i. c. 16.

⁵ Greg. l. vii. Ep. XXXIX. Ind. i.

fratre coepiscopo nostro baptizati ». Hacenus de his Gregorius ad Eulogium. At vero quod superius dicitur, Germaniarum, puto corrigendum textum, ut dicat, Galliarum, sicut legisse noscitur Beda : et ratio persuadet, cum noscatur id factum in Galliis, per quas idem Augustinus transitus iturus in Angliam. Sed ex nuper dictis in eo corrigas Bedam, dum post conversionem hanc factam Anglorum, subdit missum esse Augustinum ad Aetherium episcopum Arelatensem in Galliam, ut ab eo episcopus ordinaretur : id enim antea factum Gregorius docet, nec per Aetherium, qui non erat episcopus Arelatensis, sed Lugdunensis : Virgilius enim his diebus praererat Arelatensi Ecclesiae. Sed et ejusdem Gregorii¹ testificatione liquet, non Bertham, sed Adilbergam nomine dictam esse conjugem regis Anglorum.

28. *Conc. Toletanum.* — Jam vero res Hispaniarum invisamus. Hoc eodem anno, qui numeratur duodecimus Reccaredi regis Hispaniarum, et Era sexcentesima trigesima quinta, celebratum est in Hispania Concilium Toletanum ab episcopis sexdecim, eujus tantummodo canones duo reperiuntur. De castitate enim a ministrantibus altari servanda vehemens admonitio facta est; nempe, ut si quis eam violaverit, non solum e gradu excideret, sed et duro carcere manciparetur, Patres iidem voluerunt.

29. *Antiochi anachoretae sanctitate clari obitus.* — Hoc quoque tempore Antiochus magnus anachoreta functus legatione ad Mauritium imperatorem, re bene gesta, reversurus ad suos, ex hac vila migravit. Iujus meminuit Georgius in Actis S. Theodori Siceotae, verbis istis²: « Eo tempore hospitio susepuit sanctus Theodorus divinum et sanctum virum eremitam Antiochum, qui Constantinopoli in Orientem revertebatur : venerat enim legatus ad Mauritium imperatorem, ut illi Synophrim oppidum a Barbaris direptum commendaret ». Magnae hie inter omnes Orientales sanctitatis fama vigebat, quem idem auctor ita describit: « Erant huic supericia densa atque conjuncta, cana barba, et capitis coma lanae instar candida et ad ilia usque protensa, similiter et barba, nngues perlungi. Ad centesimum annum pervenerat : sexaginta annorum spatio nec vinum, nec oleum, nec aliud hujusmodi gustaverat : triginta jam annis panem non comedebat : oleribus crudis cum sale et aceto vescebatur : aquam bibebat. Iujus fama ad Theodorum, et Theodori ad ipsum pariter, Deo patefaciens, per venerat. Et justus ille quidem dicebat discipulis suis de sancto Theodoro episcopo, se talem virum

sancum ad eum usque diem non invenisse, sibi enim ipsius vita instituta esse a Deo patefacta. Beatus Theodorus vicissim ita de ipso cum fratribus loquebatur, ut in tota Orientis eremo tam dignum Dei servum vidisse, aut audisse se diceret neminem.

« Qui aulem haec andiebant, e timbra vestimentorum ejus aliquid religionis gratia capiebant: eumque mansionis fratres ad eum venerandum accederent, eos reprehendebat, et per interpretem recusabat: Cur, inquiens, cum talem stellam et sanctum Dei apostolum habeatis, ad me agrestem et vilem alique nullius pretii hominem venerandum acceditis? Ad ipsum vere laudabilem et admirandum sanctumque virum colendum vos converte, qui divinam in mundo vitam agit, et cupiditates in se proterit, et doctrina sua mullos ad Deum converlit. Cum autem vespera advenisset, facto divino sacrificio accubuerunt, ut parvo et solito cibo vescerentur. Postea voluit S. Theodorus (ut erat solitus) hospiti pedes lavare, sed ille non permisit: mntuo igitur manus lavarunt. Postridie vero mane festinabat Dei servus exire, et iler suum perficere. Quod eum B. Theodorus animadverteret, et obitum ejus propinquum esse divinitus sciret, idque apud se fieri cuperet: rogabat eum, ut itineris labore fessus quiesceret. Ille contra obsecrabit, ut se dimitteret: Instat, inquiens, mihi e corpore migratio; et ideireo festino, ut in cellula mea mature coneedam. Egressus igitur beatus Theodorus, comitatus est eum Anastasiopolim usque, et afflictiones ac sollicitudines, quas in episcopatu sustineret, patefecit, quibus institute vita ratio et monasteriorum suorum cura interrumperetur: rogans enim, ut quid sibi agendum esset, consuleret, et utrum reliqua episcopatus dignitate, monastico tantum ordini deberet incumbere. Ille vero id quam celerrime faciendum censuit, ne apud Deum damnandus esse videretur.

« Sanctus autem Theodorus sum illi jumentum, fratremque dedit, qui illum, quousque vellet, comilaretur. Multo se igitur salutantes et complectentes, discesserunt. Et S. Theodorus in episcopum reversus, dixit eum celerius e vita migraturum, quam ad locum suum possel pervenire. Quod et factum est: paucis enim diebus post nuntiatum est, eum in via mortuum esse ». Hacenus de Antiochus auctor, quem diversum ab illo Antiocho item monacho et abbe Laurae in Palæstina fama celebri seias, qui eodem ferme tempore, nempe sub Heraclio imperatore et Cosrhoe Persarum rege vixit clausus inter scriptores Ecclesiasticos, cuius sunt sermones de diversis cenitum triginta et Exomologesis.

¹Greg. lib. ix. Ep. LIX. Ind. XIV. — ²Extant apud Sur. tom. II. die XXII. April.

Anno periodi Græco-Romane 6090. — Olymp. 344. — An. U. C. 1350. — Anno Æra Hispan. 635. — Jesu Christi 597. — Gregorii pape 8.
— Mauritii imp. 16.

1. *Postconsulatus.* — Is annus hac formula notatus : *xv post consulatum Mauriti Tiberii Aug. solius xiii*, ut habet Chronicum Alexandrinum.

2. *S. Ethelbertus Cantii rex religionem Christianam in Anglia restituit.* — A num. 20 ad 28, Anglo-Saxones religionem Christianam a Britannia proserpsere, quando eam invaserunt, sed *Ethelbertus* Cantianorum rex fidem primo in eo regno restituit, data suis potestate illius amplectendæ, et missis a S. Gregorio viris Apostolicis ejusdem annuncianda. Est porro *Cantium* (seu *Cantia Bedæ*), regio posita contra Galliam Belgicam, ab ea angustiore mari divisa, cuius caput *Durovernum*, vel *Durobernum*, seu *Cantuaria*, vulgo *Cantorbéry*. Annūm rei geste docet nos Beda in Epitome, ubi ait : « Anno pxcvi, venere Britanniam præfati doctores, qui fuit annus plus minus centesimus quinquagesimus adventus Anglorum in Britaniā », qui anno Christi superiori inchoatus est. Augustinus itaque cum sœciis e Francia in Angliam hoc anno transfretavit. Plerosque Francois profectionis comites in Angliam fuisse docet Beda lib. 1, cap. 23, ita ut Augustinus in *Cantium* pervenerit cum sœciis ferme quadraginta. Jam pridem *Edilbertus*, vel *Ethelbertus* rex multa audierat de Christiana religione; *Adilbergam* enim seu *Bertham* Chariberti Francorum regis filiam in conjugem acceperat : « Antea fama », inquit Beda, « ad eum Christianæ religionis pervenerat, nuptie qui et uxorem habebat Christianam de gente Francorum regia, nomine *Bertham*, quam ea conditione a parentibus acceperat, ut ritum fidei ac religionis sue cum episcopo, quem ei adjutorem fidei dederant, nomine *Lundhardo*, inviolatam servare licentiam haberet ». Erat *Letardus*, quem *Luidhardum* Beda vocat, episcopus Silvanectensis in Gallia, ut tradidit Thomas Sprollus auctor Historiae foundationis monasterii S. Augustini Cantuariensis, et ex eo Guillimus Thorus in suo Chronico cap. 2, hec multa ejus mentio sit apud Sau-Marthanos in episcopis Silvanectensis, Harpseldius sect. 7, cap. 4, existimat. *Bertham et Letardum* Evangelicum negotium apud Ethelbertum post Augustini adventum promovisse. Verum *Letardum* jam hoc tempore demortuum fuisse, recte deducit Coindius anno pxcvi, num. 43,

ex responsione divi Gregorii ad oclavam interrogationem Augustini, in qua testatur, nullum in Anglia tunc episcopum fuisse præter Augustinum, quem sic altoquitur : « Et quidem etiam in Anglorum Ecclesia, in qua adhuc solus tu episcopus inveniris, ordinare episcopum non aliter nisi cum episcopis potes ». Obiit *Letardus* anno incerto, sepultus uno eodemque in templo cum sancto Ethelberto rege, ac postea ob sacrum utrique exhibitum cultum eorum corpora fuere uni eidemque altari imposita. De sancto *Letardo* legendus Henschenius ad diem xxiv mensis Februarii, ubi de eo agit.

3. *S. Augustinus episc. ordinatur ab archiepiscopo Arelatensi.* — Augustinus cum omnia sibi feliciter in Anglia succedereat, redit in Franciam, ut ab episcopis Franciæ episcopus ordinaretur : in Anglia enim, ut mox divi, deerant episcopi, quorum ministerio consecrari posset. Sanctus Gregorius M. in Epistola ad Eulogium episcopum Alexandrinum, que trigesima est libri 7, data sequenti anno, mense Junio, *Indictione prima*, de conversione Anglorum et Augustini episcopatu ita loquitur : « Data a me licentia, a Germaniarum episcopis episcopus factus, cum eorum quoque solatis ad prædictam gentem in fine mundi perductus est, et jam nunc de ejus salute et opere ad nos scripta pervenerunt ; quia tantis miraculis vel ipse, vel hi qui cum eo transmissi sunt, in gente earum coruscant, ut Apostolorum virtutes in signis, quæ exhibent, imitari videantur. In solemnitate autem Dominicæ Nativitatis, que hæc prima Indictione transacta est, plusquam decem millia Angli ab eodem nuntiati sunt fratre et coepiscopo nostro baptizati ». Sed in eo textu per *Germanias* Galliæ sunt intelligende, non quia *Galliarum* loco nomen *Germaniarum* perperam irrepit, ut Baronius opinatur, sed, ut ait Coindius hoc anno num. 12, quia Franci sepe dicti sunt *Germani* ab antiquis scriptoribus, vel potius, quia Gregorius ad episcopum Orientalem scribens, *Germaniarum* nomen Orientalibus notius et usitatus adhibuit. Jam ante Nativitatem Christi Augustinus consecratus fuerat Arelatis, ut scribit Beda lib. 1, cap. 27, ubi postquam capite superiori retulit, multis in Cantia unitati se sanctæ

Chrisli Ecclesiæ credendos sociasse, ait : « Interea vir Domini Augustinus venit Arelas, et ab archiepiscopo ejusdem civitatis Aetherio, juxta quod iussa sancti patris Gregorii acceperant, archiepiscopus genti Anglorum ordinatus est, reversusque in Britanniam, etc. » Quæ iussa cum ad manus Bedæ non pervenissent, sed de his tantum mentio esset in documentis ad se transmissis, in errore de quo anno superiori egimus perstilis, et *Aetherium*, qui Lugdunensis archiepiscopus erat, Ecclesiam Arelatensem tunc rexisse putavit; eum lamen certum sit, Ecclesie Arelatensi tunc *Virgilium* præfuisse.

4. *Ethelbertus Cantii rex hoc anno baptizatus est.* — Augustinus, si Sprotto in Historia foundationis monasterii S. Augustini Cantuariensis, et Guilielmo Thorno in suo Chronico fides, ordinatus fuit episcopus *XVI kalendas Decembris*, id est, die decima sexta mensis Novembris. Verum cum hoc anno is dies incidat in sabbatum, et episcopi non nisi diebus Dominicis aut diebus solemnis ordinarentur, aut ea consecratio die xv kalend. Decemb. quæ Dominicalis fuit, peracta, aut hujus temporariae notæ ratio non habenda. Baronius *Ethelbertum* hoc anno ad fidem Christianam conversum et baptizatum fuisse existimavit, cui consentiunt Henschenius in ejus Vita ad diem xxiv Februarii paragraphe 2 Commentarii prævii, et Cointius hoc anno num. 12, notamque illius conversioni diem *Pentecostes* adscripsisse Sprottum, et Thorum laudatos, aitque Cointius id innuere Gregorium in Epistola ad Eulogium verbis mox recitatis, et Bedam, si simul conferantur. Hic enim lib. I, cap. 26, tradit, rege ad fidem converso, plures ad audiendum verbum Dei confluxisse, ac fidem Christi amplexos esse. Henschenius putavit annum tum adhuc fluuisse *xcvii*, praecclare confirmare Gregorium papam lib. 7, Epist. xxx Eulogio episcopo Alexandrino scripta, in qua refert, « Augustinum episcopum factum, vel hos qui cum eo transmisi sunt, tantis miraculis in gente Anglorum coruscare, ut Apostolorum virtutes, in signis, quæ exhibent, imitari videantur. In solemnitate autem Dominicæ Nativitatis, quæ hac prima Indictione transieta est, plus quam decem millia Anglos baptizatos esse ». Convenit enim ea Indictio in annum partim currentem, quo tot millibus baptismus collatus fuit; partim in sequentem, quo ea Epistola a S. Gregorio exarata. Sigibertus tamen in Chronico Augustinum hoc anno in Angliam missum tradit, et *anno xxcix Ethelbertum regem cum gente sua baptizatum*, quem annum regis baptismu ad antiquitates Ecclesiarum Britanicarum. Verum *Ethelberti* regis baptismus ab hoc anno removeri non potest; cum Beda postquam lib. I, cap. 26, ejus et plurium Cantianorum conversionem et baptismum narravit, capite sequenti tradat, interea *Augustinum* venisse Arelatem, et ab archiepiscopo ejusdem civitatis, archiepiscopum genti Inglorum ordinatum esse, reversumque in Britanniam, ubi, ut habet Gregorius loco

landato, in solemnitate Dominicæ Nativitatis, currente prima Indictione, quæ hoc anno eo die obtinuit, plusquam decem millia Anglos baptizavil, cum jam episcopus factus esset. Hinc enim apparat, non solum regem hoc anno ante diem Christi natalem baptizatum esse; sed etiam *Augustinum* ante eundem diem Britanniarum antistitem consecratum.

5. *Aliqua in Historia missionis Anglicanæ corrigenda.* — Ex dictis etiam appareat, Baronium num. 26 et seq. recte quidem observasse, errassè Bedam, quando scripsit, *Augustinum* ordinatum esse ab *Aetherio Arelatensi episcopo*; cum is tunc Lugdunensem Ecclesiam regeret, *Virgilius* vero Arelatensem, a quo idem Augustinus ordinationem accepit; sed in eo Baronium Bedam perperam redargnere, quod asseruit, *Augustinum* hoc anno ex Briliannia in Galliam missum, ut ordinaretur, « cum noscatur, inquit, id factum in Galliis, per quas idem Augustinus transiit iturus in Angliam ». Quod enim ut notum Cardinalis doctissimus in medium adducit Augustinum nempe anno superiori, quo in Galliis fuit, ordinatum esse episcopum, a nemine litteris proditum est, et omnes historicos contrarios habet. Secundo, non bene etiam arguit Bedam, quod reginam a sancto Gregorio *Adilbergam* vocatam, *Bertham* appellaverit; nam neque *Beda*, qui in Magna Britannia vixit, et mortuus est, neque *D. Gregorius*, qui hoc anno tempore floruit, hujus reginæ nomen ignorare polnere. Quare hinc tantum sequitur eam fuisse binominem. Tertio, Baronius in textu laudato divi Gregorii, loco a *Germaniarum episcopis episcopus factus*, legendum perperam putat, a *Galliarum episcopis*, etc. Galli enim vocali *Germani*, ab Orientalibus præsentim, ut supra dixi. Porro mirum videri non debet, quod divus *Gregorius* in laudata ad Eulogium patriarcham Alexandrinum Epistola *Edilberti* regis baptismi non meminerit; sed hinc colligendum, divum Gregorium aliis litteris in Orientem missis regis conversionem nuntiasse; que tamen, sicuti et aliae multæ hujus sancti Pontificis ad nos non pervenire.

6. *Primi reges Christiani Cantiae et triplicis Saxoniarum.* — Quia vero Magna Britannia, postquam a Saxonibus et Anglis occupata fuit, paulatim in septem regna distracta est, quorum reges diversis temporibus post missionem Gregorianam, fidem Christianam amplexi sunt, et tam de regibus illis, quam de regnis saepius nobis mentio facienda erit; ut Annales Ecclesiasticos majori cum fructu illustremus et suppleamus, *heptarchiae* seu septem illorum regnum divisio hic proponenda, loca hujus Operis, in quibus ea explicantur, nomina primorum regum Christianorum cujuslibet regni, et tempora quibus singuli fidem suscepere, indicanda. « De Jularum origine sunt Cantuarii et Vectuarii, hoc est, ea gens, qua Vectam tenet insulam », inquit Beda, et hi regnum *Cantii* instituerunt, cuius primaria urbs Durovernum sive Cantuaria. *Edil-*

bertus seu *Æthelbertus* primus ex Cantii regibus fuit, qui ab idolis ad Christi castra hoc anno transiit, fuitque potentissimus; nam ad confinium usque Umbri fluminis maximus, quo Meridiani et Septentrionales Anglorum populi dirimuntur, fines imperii tetenderat, ut scribit Beda lib. 3. cap. 25. *Saxones* tria regna instituerunt, regnum Orientalium Saxonum, Meridianorum Saxonum, et Occiduorum Saxonum. *Sebertus* seu *Saberethus* primus ex Orientalibus Saxonibus rex extitit, qui regnum illud baptismō illustravit anno DCIV, ut eo anno ostendam, ubi et de hujus regni limitibus agam. *Editwachus* rex Meridianorum seu Australium Saxonum, qui etiam dicli sunt *Westsaxones*, et eorum provincia Westsaxia, ultimus e regibus heptarchiae fidem amplexus est, idque anno DCXI, ut anno DCXXXI monstrabo. *Cynigilsus* Occidentalium Saxonum seu Gevissarum rex anno DCXXXV Christum professus est, ut eo anno dicam.

7. *Primi reges Christiani Anglie Orientalis Merciae, et Northumbriae.* — *Angli* tria pariter regna instituerunt, regnum Orientalium Anglorum, regnum Merciorum seu Anglorum Mediterraneo-

rum, et regnum Nordanhymbrorum, *Carpualdus* seu *Erpenwaldus* Orientalium Anglorum rex Baptismo bistratus est anno DCXXVIII aut insequentī, ut videre est anno DCXXVII, quo de eo agit Birinus. *Mercius* anno DCIII, ut ibidem narrabo, Christianae fidei sol ihuxit, *Penda* principe ad Christum converso. In Northumbriam *Eduinus* rex tiderū Christianam intulit anno DCXXVII, ut eo anno exponam. Dum porro surgebat Anglo-Saxonica Ecclesia, et super lucis radios longe lateque proferebat, Britanni in *Cambriam* seu *Walliam* retrusi, et miseriis ac calamitatibus oppressi fidem Christianam conservarunt, sed in rito de *Paschate*, aliisque quibusdam ab universalī Ecclesia dissidebant. Quia vero in fide antiquiores, et totius insulae vere domini, nec nisi Saxonum injuria pulsi, regnoque et provinceis exuti fuerant, ita ab ipsis abhorrebant, ut non solum manum cum *Augustino* jungere, et docere Anglos recusariunt? sed etiam fidem illis, et sacramenta inviderint, ut Beda lib. 1. cap. 22, cæterique scriptores Angli affirmant. Quæ omnia suis locis, quanta diligentia et brevitate fieri poterit, a nobis declarabuntur.

GREGORII ANNUS 9. — CHRISTI 598.

1. *De conversione hereticorum Alexandriæ ad hujus patriarcham serabit Gregorius et dat magnum specimen humilitatis.* — Qui sequitur ordine temporis annus Domini quingentesimus nonagesimus octavus numeratur Indictionis primæ, quo et absolvitur Mauritii imperatoris annus duodecimus, et Gregorii papæ inchoatur nomen: cum Eulogius Alexandrinus episcopus de conversione hereticorum magnum proventum in Ecclesiam intulit, deque his reddidit certiorem sanctum Gregorium papam. Perveniens autem nuntius Romam, Gregorium invenit ægrotantem; qui adhuc eodem morbo laborans, ad eundem ista rescripsit¹:

2. « Communis filius præsentium lator sanctitatis vestre scripta deferens, ægrum me reperit, ægrum reliquit. Quid ex re configit, ut ad Iargum vestre beatitudinis fontem, brevis Epistola me vix

parva potuisset aqua resudare. Superum autem numeris fuit, ut in dolore corporis positus suavissimæ vestre sanctitatis scripta susciperem, que me de doctrina Alexandrinæ Ecclesiæ, de couersione hereticorum, de concordia fidelium sublimiter letitaret: quatenus ipsa mentis letitia humanitatem mihi molestiae temperaret. Et quidem de bonis vestris nova semper exultatione gaudemus: sed tamen ita vos perfecte agere, nova esse nullo modo depulimus. Quod enim crescit sanctæ Ecclesiæ populus, quod ad celeste horrum spiritiles segetes multiplicantur, hoc de omnipotentis Dei gratia, quæ in beatissimis vobis large intulit, nunquam habuimus incertum. Gratis itaque omnipotenti Deo solvimus, quid impletum videmus in vobis esse, quod scriptum est¹: ubi plurimæ segetes, ibi manifesta fortitudo boni. Si enim hæc fortis ar-

¹ Greg. I. vii. Ep. xxx. Ind. 1.

¹ Prov. xiv.

trum linguae in terram cordis audientium non traxisset, tanta fidelium seges minime surrexisset». Haec de his Gregorius, qui vice versa de conversis Anglis, iisdemque die Natali Domini baptizatus enimdem Eulogium reddidit certiorem. Sicque secundum illud Davidicum¹: «Dies diei eructat verbum»: vir apostolicus apostolico viro de bono thesauro suo profert bona, simulque ambo exultantes proferunt ex lacrymarum semente manipulos suos.

3. Expostulat autem amice in fine Epistola ipse Gregorius, quod quasdam apposuisset in suis litteris Eulogius voces, quibus Gregorium ipsum ut dominum fuisset allocutus, et quod in Epistola inscriptione universalem Pontificem appellasset: ad haec enim ipse: «Indicare quoque vestra beatitudo studuit, jam se quibusdam non scribere superba vocabula, que ex vanitatis radice prodierunt, nimirum cum scriberet ad Cyriacum episcopum Constantinopolitanum, titulum non apponere Universalis et mihi loquitur, dicens: Sicut jussistis. Quod verbum jussionis, peto, a meo auditu removete: quia scio quis sum, et qui estis: loco enim mihi fratres estis, moribus patres. Non ergo jussi, sed quae utilia visa sunt, indicare curavi». Haec ipse.

4. At quibus bonus Christi odor male olet, et fœtor suavitatem exhalat, in malam partem istam animi submissionem Novatores arripunt, quasi nullum præ cæteris attribuerit sibi Gregorius primatum et jubendi auctoritatem. Verum si compertas habuissent hujusmodi quas ipse sibi servandas et aliis pastoralis regiminis regulas præscripsisset, talia de Gregorio dicere omnino erubuerint. Haec enim sui Pontificatus initio ad quaeror simul scripsérat patriarchas, cum qualiter se gerere debeat episcopus, eos docet his verbis²: «Rursus cum me ad considerandum confero, qualis in humilitate, qualisque esse rector debeat in districione: perpendo quoniam nesciebat, ut et bene agentibus sit per humilitatem socius, et contra delinquentium vitia per zelum justitiae erectus: quatenus et bonis in nullo se præferat, et cum pravorum culpa exigit, prioratus sui potestatem agnoscat: ut et honore suspenso, æqualem se subdit bene viventibus deputet, et contra perversorum culpas ex zelo justitiae excrescat». Quod et factum a Petro docet, cum subdit: «Hinc est namque, quod Petrus auctore Deo sanctæ Ecclesie principatum tenens, a bene agente Cornelio, et sese ei humilianter prosternente, immoderatus venerari recusavit, seque illi similem recognovit, dicens³: Surge, ne feceris, et ego homo sum. Sed cum Ananias et Saphirus⁴ culpan repedit, mox quanta potentia super cæteros excrevisset, ostendit». Et paulo post de Paulo ista: «Hinc est quod Paulus bene agentibus fratribus prælatum se esse nesciebat, cum diceret⁵: Non quia dominamur

fidei vesræ, sed adjutores sumus gaudii vestri. Ad quæ illico adjunxit: Fide enim statis. Ac si id quod prætulerat aperiret, dicens: Ideo non dominamur fidei vesræ, quia tide statis: æquales enim vobis sumus, in quo vos stare cognoscimus. Quasi prælatum se esse fratribus nesciebat, cum diceret⁶: Facti sumus parvuli in medio vestrum. Et rursum⁷: Nos autem servos vestros per Christum. Sed eum culpam, quæ corrigi debuisset, invenit: illico se magistrum esse recoluit, dicens⁸: Quid vultis? in virga veniam ad vos? Summus itaque locus tunc bene regitur, cum is qui præest, vitiis potius quam fratribus dominatur. Bene acceptam potestatem regit, qui et tenere illam novit, et impugnare. Bene hanc regit, qui scit per illam super culpas erigi, scit cum illa cæteris in æqualitate componi. Sic autem servanda est virtus humilitatis, ut non solvantur jura regiminis, etc.» Haec eadem pluribus in commentario quem de eura pastorati conscripsit⁹. Quæ quidem a se scripta, et aliis servanda proposita, ipse sibi custodienda in primis adhibuit: ut non adeo mireris si ad Eulogium virum sanctissimum de Ecclesia Catholica adeo benemerentem litteras scribens, noluit videri ipsi prælatus.

5. Sed audi majora nuper dictis congruenlia de immensa Gregorii humilitate ita apud Sophronium scripta¹⁰: «Perrexi mus, inquit, ad abbatem Joannem Persam. Narravit nobis de Gregorio beatissimo Romanæ Urbis episcopo, dicens: Cum ivisse Romam, ut adorarem ad sepulcrum Apostolorum Petri et Pauli, stare inque die quadam in medio civitatis, audio papam Gregorium per illum locum transiturum. Cogitavi itaque adorare illum. Cum autem prope me esset papa, videreturque me progredi ut adorarem illum (loquor teste Deo, fratres) primus ipse prostravit se humili coram me, neque ante surrexit, quam me primo surrexisse cerneret: et cum multa humilitate salutans me manu sua mihi tria numismata tradiuit, jubens mihi dari quæcumque erant necessaria. Glorificavi itaque Deum, quod tantum illi contulerat humilitatem et misericordiam et charitatem ad omnes». Haec ibi. Dum autem Joannis abbatis nomen audio, ad memoriam revocatur Joannes ille Montis Sinai monasterii abbas, num iste sit ille ad quem sanctus Gregorius litteras dedit, eleemosynasque misit, quem pro se orare litteris¹¹ exoravit.

6. Habes igitur et facili et scriptis verbis S. Gregorii ab ipso iterum repetitis plus salis expressum ejusdem verborum sensum, ut intelligas, quam procul abhorreant a mente ipsius, et aberrent a veritate, qui Apostolicæ Sedis non novisse primatum ipsum Gregorium, sicut impie, ita mendaciter asserunt. In quam etiam sententiam et illa accipe verba ejusdem Gregorii in Epistola ad Joannem episcopum Syracusanum, cum haec ait¹²: «Quod

¹ Psal. xviii. — ² Greg. I. ii. Ep. xxiv. Ind. xi. — ³ Act. x. — ⁴ Act. v. — ⁵ 2. Cor. i.

⁶ 1. Thes. v. — ⁷ 1. Cor. iv. — ⁸ Ibid. — ⁹ Greg. Pastor. pag. 2. c. 6. — ¹⁰ Prat. Spir. c. 131. — ¹¹ Greg. I. xii. Ep. xvi. Ind. vii. — ¹² Greg. I. vii. Ep. lxiv. Ind. ii.

se dicit Sedi Apostolicæ subjici, si qua culpa in episcopis invenitur, nescio quis ei episcopus subditus non sit: cum vero culpa non exigit, omnes secundum rationem humilitatis aequales sunt ». Habes igitur multipliciter ex Gregorii verbis sensum Gregorii expressum. Quod vero spectat ad oblatum titulum Universalitatis, quem respuit, de his consulas quae alia occasione superius dicta sunt.

7. Scripsit quoque hoc anno Gregorius¹ ad eumdem Eulogium alias litteras, cum ille a Gregorio petisset Roma transmitti sibi Eusebii commentarium de Martyribus, quem non repertum Rome in archivo, neque in bibliothecis, affirmat. Quae vero habereuntur Romæ de martyribus scripta, ita significat: « Nos autem paene omnium martyrum distinctis per dies singulos passionibus collecta in uno Codice nomina habemus, atque quotidianis diebus in eorum veneratione Missarum solemnia agimus. Non tamen ita eodem volume quis quater sit passus indicatur, sed tantummodo nomen, locus, et dies passionis ponitur ». Haec de his Gregorius, alludens ad Martyrologium, quod Romanum dicimus, de quo non pluribus suo loco in ejusdem Martyrologij Notas prefati sumus.

8. *De pace cum Longobardis sancienda per Probum abbatem agit Gregorius.* — Dum in his esset Gregorius, hoc anno pace cum Agilulpho rege Longobardorum diutius traxata, saepius impedita, tandem ut ad tempus fœdus iniretur, obtinuit, spem accipiens, ut pax etiam sanciretur, atque ab ipso rege subscriberetur. Qua de re ne sub velamento pacis aliquid tractaretur infamum, Gregorius suos in diversis locis positos, ut vigilarent, admonuit: ad Joannem enim Calaritanum in Sardinia episcopum scribebas, haec ait²: « Cognoscatis autem abbatem quem ad Agilulphum ante multum jam tempus transmisimus, pacem cum eo, Deo propitio (quantum nobis ab excellentissimo exarchio scriptum est) ordinasse. Et ideo quoisque pacta de confirmatione pacis ipsius concubuntur (ne forte hostes nostri in hac dilatatione ad partes illas iterum velint accedere) murorum vigiliis et sollicitudinem in locis omnibus facite adhiberi. Et contidimus in Redemptoris nostri potentia, quia adversariorum nobis incursum vel insidie denuo non nocebunt ». Eadem ad eumdem alia Epistola³ reficit, ut in locorum custodia invigilare sollicitius debeat, ne tempore fœderis consummato, pace nondum firmata, aliquid mali patiantur a Longobardis. Sic et ad Agnellum Tarracinae episcopum scripsit⁴ ut civitatem diligenter custodiendam curaret, nec a custodia murorum voltuit excusari homines Ecclesiasticos: ait enim: « Quia vero competrimus, multos se a murorum vigiliis excusare: sit fraternitas vestra sollicita, ut nullum neque per nostrum vel Ecclesiæ nomen, aut quolibet alio modo defendi a vigiliis patiatur, sed omnes generaliter compellantur,

tur, quatenus eunefis vigilantibus, melius, auxiliante Domino, civitalis valeat custodia procurari ». Haec ad eum Gregorius.

9. Quid (compello te) cum in his curandis quæ sunt præsidum et præfectorum, Dei sacerdotem occupatum vides, existimas? Num dices in Rom. Ecclesie potestate fuisse illa loca, quæ propter Longobardos custodiri mandavit? Non puto, cum probe scias iisdem tocis ab imperatore dari consueuisse præfectos. At quid hoc est? Illud plane ut sanctissimi viri quietis licet et silentii omnium amantis simi exemplo discas, non ita præfectos Ecclesiæ a Deo præsules, ut spiritualia tantummodo carent, sed et temporalia, si necessitas urgeat, et charitas persuadeat, atque arma etiam capessant, quibus ingruentia mala propulsent, nisi adsit alia via, quam magis sequi debeant, ut Ecclesiasticæ mansuetudini sit aequa prospectum; qua deficiente, armis licite rem agere licet, quibus res publica ab ingruentibus Barbaris sit defensa: ut ab ipso S. Gregorio factum intelligis, qui non solum quæ Urbis essent, sollicitate a Barbaris custodiret, sed et longe posita loca, et in insulis consistentia, eademi vigilantia, non secus ac magister militum atque imperator exercitus, Pontificia jussione absque dispensio sacerdotalis modestiae et mansuetudinis pro facultate defenderet. At num illi tunc ab aliquo exprobratum, ac dictum: Desine, sacerdos, quæ sunt præsidum curare: tuum est offerre hostias pro peccatis, non tibi curæ esse Barbaris armis obsistere, sed precibus eos superare debes esse sollicitus: aliena haec sunt penitus a sacerdote. Sed nemo est inventus qui haec objiceret, vel prohiberet, cum posset: et licet imperator ipse atque exarchus Italie (ut sæpe vidimus) infuso in eum essent animo; nemo tamen aliquando de his ausus est negotium ipsi vel leve facessere, quod jure facere certo sciens: adeo ut in regali sacerdotio Christi etiam ejus hostes regiam venerarentur auctoritatem.

10. Sed his missis, de Probo abbate conciliandæ pacis cum Longobardis sequestre paucis agendum. Tantum in hominæ prudentiam sensit esse Gregorius, ut hunc ipsum prius fecerit abbatem, quam monachum. Nam audi quid ipse in libello oblato Synodo dicit⁵: « Quadam autem die, dum inter alios ad obsequium domini mei fuisse ingressus, subito atque inopinato introire in monasterium, atque ut onera abbatis debuisse suscipere, præcepisti ». Sed de his ipsum audi Gregorium, qui de eo haec est locutus in Synodo: « Quadam die dum de ordinando monasterio, cui praesesse dignosceris, cum nostris filiis traelaremus, atque diu aplam personam huius officio quereremus: ex improviso te ingrediente, cordi nostro et eorum qui nobiscum ad tractandum aderant, subito natum est, ut te illuc abbatem, Deo propilio, constitucere deberemus ». Haec de Probo: reliqua vero de pace cum Longobardis dicemus anno sequenti.

¹ Greg. l. vii. Ep. xxix. Ind. i. — ² Ibid. Ep. ii. Ind. ii. — ³ Ibid. Ep. v. Ind. ii. — ⁴ Ibid. Ep. xx. Ind. ii.

⁵ Greg. l. ix. Ep. xxii. Ind. iv.

41. Victoria in populos Selavoros. — Hoc anno perlatum esse nuntium Remain de victoria adversus Selavinos, sive Selavos populos, testatur S. Gregorius in Epistola¹ ad Basilium. Quomodo autem hæc se habuerint, ex Theophane in Miscella² sub anno undecimo, et dnodecimo imperatoris narrantur his verbis : « Undecimo anno imperii Mauritii idem imperat. Priscum eum omnibus Romanicis potentatibus ad Istrum fluvium misit, ut Selavinorum nationes transire prohiberet. Quo apud Doro-stolon habito Gajanus comperit : qui legatis ad eum direclis, calumniam inferebat Romanis exordium dantibus belli. Priscus autem excusabat, quod non venerit adversus Barbaros belligeratum, sed quod ad Selavinorum nationes a principe fuerit destinatus. Audiens autem Priscus, quod Ardagastus multitudines Selavinorum ad prædandum disperserit, transiens Istrum media nocte inopinate Ardagastum adortus est. At vero Ardagastus discrimine senso, nondum consenso equo, vix salvus evasit. Romani multitudine Selavinorum occisa, et Ardagasti regione eversa, prædam copiosam captam Byzantium per Tamererem direxerunt, etc. » Laetitiam magnam factam Constantinopoli his anditis, et Deo gratias hymnis actas, affirmat. Porro qui hæc de victoria adversus Selavinos Gregorium litteris certiore reddidit, idem etiam adjecit, complures schismaticos ad sanctæ Ecclesiæ Romanæ communionem festinare : quamvis promulgasset de his edictum imp. Mauritius, ne schismatici inviti eogerentur ad Ecclesiæ Catholice communio-nem redire, ut ipse testatur Gregorius sequenti Epistola ad Marinianum : quod quidem contra predecessorum imperatorum edicta adversus schismaticos Donatistas sepe prolata, liquet fuisse ab imperatore decretum.

42. Hæretieis Thessalonicae et Judeis in Sicilia convertendis dat operam Gregorius. — Quem vero resipiscentium salus exhilarat, statim lapsus affligit. Ex eminenti enim, qua spectat orbem, specula intuens sanctissimus papa, duos in errorem lapsos hæreticæ pravitatis in Oriente conspicit, quos magna sollicitudine ad Catholice fidei veritatem revocare festinat. Malum hoc in Ecclesia Thessalonicensi obortum dolens, litteras³ dedit ad Eusebium ejus Ecclesiæ archiepiscopum, ut antequam latius serpat venenum, vel putrida abscondat membra, vel revocet ad salutem. Lucas enim ejus Ecclesiæ presbyter una cum Petro quodam prædicta fronte jactare non erubescet, se non suscipere sacrosanctum Chalcedonense Concilium : qua tanta blasphemia grave intulit scandalum reliquis ejusdem Ecclesiæ Orthodoxis, qui de his questi apud Rom. Pontificem fuisse videntur, cum ab episcopo id negligi cernerent : quem acerrimis litteris adversus scelestos illos idem S. Gregorius excitavit.

43. Eodem quoque anno dilectione plenas

officiosasque litteras idem Gregorius reddidit ad Dominicum Carthaginensem episcopum, qui ex more reverentia plena et honoris obsequiis cumulatas litteras ad ipsum Gregorium scriperat, inter alia enim hæc ad ipsum Gregorius : « Scientes præterea unde in Africanis partibus sumpserit ordinatio sacerdotalis exordium, laudabiliter agitis, quod Seden Apostolicam diligendo, ad officii vestri originem prudenti recordatione recurritis, et probabili in ejus affectu constantia permanetis. Certum quippe est, quia vestro honori additis, quicquid reverentæ ac devotionis ordini sacerdotali exhibetis ». Quo etiam anno Paulum⁴ episcopum Africanum accusatum, et innocentem judicatum, in suam Ecclesiam redire voluit, commendans eum Columbo in Numidia episcopo, neconon Adeodato atque Maurentio Africanis episcopis.

44. De Iudeorum etiam conversione Gregorius propensius hoc anno sollicitus, eis præsto esse, quibus potuit officiis minime defuit. Cum enim audisset in Sicilia in Agrigentino territorio existentes Iudeos converti velle, Faustinum⁵ defensorem ad eos inox pergere, et insistere opere jussit, ulque cum loci episcopo cumela agere deberet, admonuit : et inter alia : « Hujus, inquit, auctoritatis tenore præcipimus, ut omni excusatione submota, ad prædictum locum pergere, et desiderium eorum luis, Deo propitio, adhortationibus adjuvare festines. Quibus tamen si longum vel triste videtur solemnitatem sustinere Paschalem, et eos nunc ad baptismum festinare cognoscis : ne (quod absit) longa dilatio eorum retro possit animos revocare, cum fratre nostro et coepiscopo loci loquere, ut poenitentia ac abstinentia quadraginta dierum indicta, aut die Dominico, aut si celeberrima festivitas fortassis occurrerit, eos omnipotentis Dei misericordia protegente baptizet. Quia et temporis qualitas propter eam quæ sibi imminet cladem impellit, ut desideria eorum nulla debeat dilatione differri. Quoscumque vero ex eis pauperes, et ad vestem sibi emendam non sufficere posse cognoscis, te eis vestem, quam ad baptismum habeant, comparare volumus, ac prebere, etc. »

45. At vero sicut ad fidem converti volentibus Iudeis ipse Gregorius omnibus subvenit officiis, illa eos invitos non esse cogendos, neque eisdem negotiis facessendum, hoc eodem anno scribens de iisdem ad Januarium episcopum Calaritanum⁶, admonuit. Acciderat enim, ut neophytus quidam, nomine Petrus sequenti sui baptismatis die, cum satellitio comparato in Iudeorum synagoga irruperit, illicque eam commutaturus in Ecclesiam venerandam imaginem Dei Genitricis una cum sanctissima Cruce collocaverit. Quod licet zelo quodam, non tamen secundum scientiam factum Gregorius non laudans, jussit inde ea qua deceret reverentia sacram imaginem et Crucem auferri, et

¹ Greg. l. vii. Ep. ix. Ind. ii. — ² Miscel. l. xvii. — ³ Greg. l. vii. Ep. vii. Ind. i.

⁴ Greg. l. vii. Ep. xii. et xvi. Ind. i. — ⁵ Ibid. Ep. xxiv. Ind. i. — ⁶ Ibid. Ep. v. Ind. ii.

Judeis suam ipsorum relinqui liberam synagogam. De Judeis itidem non vexandis hoc item anno alias dedisse reperitur litteras¹ ad Panormitanum episcopum.

16. Officium et dignitas defensorum instituitur a Gregorio. — Ille pariter anno idem Gregorius, quem Romanus essent Ecclesiae ex more curans, defensorum officium in Urbe auxit honore ac dignitate, ut sicut notarii, et subdiaconi, itidem regionarii essent: qui enim regionarii dignitate et nomine angebantur, eisdem patebat aditus ut ad sacra simul cum Pontifice convenienter, erantque omnes septenario mystico numero designati, ut sicut diaconi regionarii septem, notarii pariter regionarii dicti totidem, similiter subdiaconi, atque defensores totidem essent numero. Hi absente Pontifice sedebant cum clero, praesente vero stabant. Est de his hoc anno data Epistola S. Gregorii ad Bonifacium². Porro regionariorum munera hujusmodi tantum erat privilegium, ut assisterent Pontifici in Ecclesia: cum alioqui sicut preter septem diaconos regionarios, notarios, subdiaconos, et defensores itidem regionarios, alii complures in Urbe et in omni Ecclesia fuerint diaconi, notarii, subdiaconi, et defensores. Inserviebant ipsi defensores potissimum pauperum defensioni et Ecclesiarum, mittique solebant ab ipso Romano Pontifice in diversas provincias; quibus, et alia diversi generis delegari consueisse negotia, docent ejusdem Gregorii plures ad eosdem scriptae Epistolae³. Formula autem defensoris constituendi habes inter ejusdem Gregorii Epistolas his verbis expressam⁴:

17. «Ecclesiastice utilitatis intuitu id in nostro sed sit arbitrio, ut si nulli conditioni vel corpori teneris obnoxius, nec fuisti clericus alterius civitatis, aut in nullo tibi canonum obviant statuta, officium Ecclesiae defensorum accipias: ut quicquid pro pauperum commodis tibi a nobis injunctum fuerit, incorrupte et vivaciter exsequaris; usus hoc privilegio, quod in te habita deliberatione contulimus: ut omnibus, quae tibi a nobis fuerint injuncta, comprehendis, operam tuam fideles exhibeas, redditurus de actibus tuis sub Dei nostri judicio rationem. Hanc autem Epistolam Paterio notario Ecclesiae nostrae subscribendam dictavimus». Haec de ordinatione defensoris. Ad horum officium spectabat (ut dictum est) oppressis subvenire implorantibus Apostolicæ Sedis auxilium in provinciis ad quas curandas mittebantur. Defensores eni ad curanda patrimonia Rom. Ecclesiae in diversis provinciis constituta solitos mitti, docent ejusdem Gregorii Epistolæ⁵ hoc anno datae.

18. Idem vero Gregorius in causis episcoporum, quomodo itidem defensores se gerere deberent, in Epistola data ad Vitaliem defensorem ista habet⁶: «Si cojusquam clerici (ut assolet) culpe

casus emerserit, in qua sibi petere beat adjutorum: ad eundem episcopum reverenter accede: et sicut cause meritum cognoveris, apud eum non defensor culpe, sed potius intercessor existe: ut hac provisione, et poscenti feras auxilium, et jura prepositi non turbentur. Si qui vero sunt qui iusta poposcerint, eis per te auxilium Sedis Apostolicæ non est negandum: sed tameu ita servandum est, ut uniuersu jusque episcopi reverentia, et clericorum disciplina per defensionis tue experientiam minime solvatur». Haec ad Vitalem, cum clerici discoli adversus episcopum suum interpellassent defensorem Apostolice Sedis.

19. Sed et eundem qui supra, Romanum defensorem in Siciliam missum, qua discretione judicij oppressis, et openi Ecclesiasticam implorantibus subvenire deberet, ita alia ad eum scripta Epistola docet¹: «Patrocinia Ecclesiastica (sive mea suscipiatis scripta, sive etiam minime fuerint directa) sub tanto moderamine debet impendere, quatenus hi qui in furtis publicis implicati sunt, a nobis non videantur injuste defendi; ne opinionem male agentium ex indiscretæ defensionis ausu in nos ullo modo transferamus: sed quantum decet Ecclesiam admonendo, et verbum intercessionis adhibendo, quibus valetis succurrите, ut et illis opem feratis, et opinionem sanctæ Ecclesie non inquinatis». Haec Gregorius. Reprehendit vero alibi defensorem quemdam, qui clericos, despecto suo episcopo, faceret ad suum tribunal exhiberi: decernitque ut prima instantia omnino fieri debeat apud episcopum, elegantemque hanc sententiam prodit²: «Si sua, inquit, unicuique episcopo jurisdictione non servatur, quid aliud agitur, nisi ut per nos, per quos Ecclesiasticus custodiri debuit ordo, confundatur?» Admonet autem, ut sive clericus, sive laicus cansam contra episcopum habeat, tunc defensor vel judiceat, vel cogat ipsos deligere judices.

20. *Monasterio Classensi consulti et Calaritanum episcopum redarguit Gregorius.* — Sollicitus præterea de monachorum quiete sanctus Gregorius, hoc anno plura de his scripsit, privilegiaque concessit³ monasterio Classensi sub diœcesi Ravennate constituto, quod cum ab ejus Ecclesie episcopis durissima pati cogeretur, ab eorum in pluribus potestate exemit. Sic etiam et a predecessoribus concessa privilegia monasteriis salva voluit. Scribit⁴ ista de monasterio Castelliensi, quod diximus fuisse munificie a Cassiodoro senatore erectum, et optime institutum. Firmum⁵ stableque servari voluit, ut post monasticam professionem nulli licet condere testamentum. Ceterum occasione nonnullorum monachos opprimentium episcoporum manavit, ut Sunnum Pontifices⁶ ejusmodi solerent vallare privilegiis monasteria.

21. Rursum vero idem sanctus Gregorius in

¹ Greg. I. vii. Ep. xxvi. Ind. i. — ² Ibid. Ep. xix. Ind. i. — ³ Ibid. Ep. xvii. xviii. xix. xx. — ⁴ Greg. I. iv. Ep. xxv. Ind. xiii. — ⁵ Greg. I. vii. Ep. xvii. xviii. xix. xx. — ⁶ Ibid. Ep. lxvi. Ind. ii.

¹ Greg. I. vii. Ep. xxiv. Ind. ii. — ² Greg. I. ix. Ep. xxii. Ind. iv. — ³ Ibid. Ep. xxxii. Ind. iv. — ⁴ Greg. I. vii. Ep. xix. Ind. i. — ⁵ Ibid. Ep. xxxiii. Ind. i. — ⁶ Ibid. Ep. vii. Ind. i.

redargendo perperam facta episcoporum hoc anno, occasione poscente, hand segnem se prebuit. Testantur id due ipsius acerrime Epistolæ date¹ ad Januarium episcopum Calaritanum, qui furore quodam pereitus, die Dominico, priusquam missarum solemnia celebraret, ad exarandam segetem Donati ejusdam perrexit, eaque exarata reversus missarum solemnia celebravit, ac postea illuc rediens terminos ejusdem possessionis evulsit. In haec adeo indigna Christiano homine, nedium episcopo, Gregorius vehementer commotus, in eundem censuram tanto facinore dignam exercuisset, nisi ejus decrepitæ senectutis rationem aliquam habuisset : sed a communione suspendit eos, quorum consilio id egisset. Admonuit vero ipsum, qui vanozelo commotus facinus perpetrasset, dum se eo sanctiorem existimaret, quo res Ecclesiae quovis posset modo studiosius conservaret, his verbis : « Non terrena- rum rerum curam, sed animarum te dueatum suscepisse cognoscas. Ibi ergo cor figere, ibi sollicitudinem, ibi totum debes studium adhibere, atque de earum lucro diligentius cogitare, etc. » Haec quidem non quo res Ecclesiae ab episcopis contemni debeant, sed ut sciant, qui in primis ipsis curandum sit. Redarguit² episcopos, qui non a suo metropolitano tempus Paschale requirerent, sed aliiude.

22. Quod autem idem sanctus Gregorius Apostolica auctoritate concessisse reperitur licentiam Ecclesias dedicandi petentibus, et ad hoc martyrum sanctuaria tribuisse, sed et quod dederit alii rogantibus facultatem erigendi monasteria³ : patet in aliis episcopis inconcessum, sed solius fuisse supremi antistitis.

23. *De oleo S. Crucis.* — Accepit hoc anno Gregorius una cum litteris etiam sancta muniuscula a Leonio exconsule, viro maxime pio, nimisrum (ut ipse testatur Gregorius in litteris⁴ ad eum redditis) oleum sancte Crucis, et lignum aloes. Sunt haec enim ejus verba : « De hoc etiam valde gaudemus, quod munera quæ transmisisti, vestris moribus dissimilia non fuerint. Oleum quippe sancte Crucis, et aloes lignum suscepimus : unum quod tactum benedicat; alium quod incensum bene redoleat, etc. » Quod ad oleum Crucis pertinet, de eodem apud Cyrrillum in Saba tertium mentio habetur, quod sanctus ille adhibere solebat ad fugandos daemones et edenda miracula. Quodnam autem hoc, et cur ita dictum sit : existimavi aliquando, sicut apud Theodoretum⁵ in Jacobo reperitur dictum oleum martyrum illud, quod accipi consuevisset ex lampadibus, quæ ardere solerent in Confessionibus martyrum, ubi scilicet sepulta essent corpora sanctorum martyrum, quo aequa pii utebantur ad morbos currandos; ita dictum esse oleum sancte Crucis illud, quod

arderet ante pretiosum lignum sanctæ Crucis Hierosolymis. Verum quod scribit Beda⁶ in epitome de locis sanctis, quid per oleum sancte Crucis intelligere debeamus, satis perspicue indicat : ubi agens de sancte Crucis ligno Hierosolymis Constantinopolim translato sub Heraclio ingruentibus Saracenis (ut inferius fusius dicetur) haec ait : « De nodis enim ligni sancti liquor odorifer oleo similis profluit, cujus si etiam modica particula contingat, omnem aegritudinem sanat ». Haec Beda ex S. episcopo, qui ista adspexit. Porro Gregorius eas reddens ad Leonium litteras, misit ad ipsum clavem sepulcri S. Petri una cum ramentis ex catenis ipsis.

24. *Mauritii testamentum et Theodori episcopi miracula.* — Quod rursus pertinet ad res Orientales, hoc ipso anno, qui (ut vidimus) numerari debet decimus quintus Mauritii imperatoris, ægrotans ipse condidit testamentum, de quo in oratione Phocæ apud Theophylactum isla narrantur :

« Cum imperii sui anno quinto decimo in morbum difficilem esset lapsus, de imperio constituit, et in litteras constituta rededit. Theodosium filiorum natu maximum Constantinopolis dominum fecit cum administratione Orientis; Tiberio Romanum veterem cum Italia et insulis in mari Tyrrheno deerevit. Cæleras Romanæ ditionis provincias inter reliquos filios distribuit, iisque astate adhuc immaturis Domitianum cognatum suum, nobilis Ecclesiæ Melitenensis antistitem, virum rebus agendis dexterum, consilio dexteriores, tutorem designavit. Quamobrem imp. majoris momenti negotia ei expedienda ob eximiam prudentiam committebat. Sed de virtute hujus viri nihil nunc quidem attinet agere pluribus ». Haec ibi. Eodem hoc tempore magnus ille Theodorus cognomento Siceota, ex monacho episcopus Anasakiopolis in Galatia, cum despectu et odio se haberi videret (nam potatus veneno excessisset ex hac vita, nisi Maria Beata Genitrix succurrisset) consulto divino Spiritu, sedi nuntrium remisit : contradicente tamen suo metropolitano archiepiscopo Aneyrano, litteris datis ea de re ad Cyriacum Constantinopolitanum episcopum, neenon ad Mauritium imperatorem; quod in optatis era, vacationem obtinuit : sieque solitus cura pastorali, ad pristina vitæ statum se contulit. Cum vero quam a Deo acceperat gratiā curationum in edendis miraculis, petentibus sepe communicasset, ab ipso Cyriaco episcopo Constantinopolitano, neenon ab eodem Mauritio imp. accessit Constantinopolim, ubi dum ad breve tempus moraretur, ingenitia per eum Deus miracula edidit. Describit ea singula Eleusius⁷ (qui et Georgius) ejus discipulus quam fidelissime, nimisrum signo tantum Crucis, addita aliquando aqua benedicta, cæcos illuminare, paralyticos sanare, et aliis morbis affectos curare, obsessosque a daemibus liberare consuevisse, quæ ne penitus prætercamus, primum

¹ Greg. l. vii. Ep. i. ii. Ind. ii. — ² Ibid. Ep. viii. Ind. ii. — ³ Ibid. Ep. xi. xii. xv. xvi. Ind. ii. — ⁴ Ibid. Ep. xxxv. Ind. ii. — ⁵ Theod. Inst. Sanct. Patr. in Jacob. c. 21.

⁶ Beda de locis sanct. c. 20. in fin. — ⁷ Apud Sur. tom. ii. die xxii. April.

quod præstítit, hic describamus, quod idem auctor ita narrat :

23. « Mulier, quæ apud illum habitabat, cum filium quadriennem cæcum haberet, in ulnis eum suis ad sanctum virum gestavit, et multis lacrymis ante ipsum prostrata, puerum ad pedes ejus deposuit, supplicans ut lumen oculorum illi largiretur. Vir beatus cum pueri oculos obsignasset, eique benedixisset, aquam benedictam matri dedit, præcipiens ut aqua illa quotidie mane oculos lavaret. Quod cum ter egisset mater, quarto die filium sanum ad sanctum virum adduxit, laudans Deum ». Ita quidem sanctus, vitans propriam gloriam, per benedictam aquam miraculum operatus est, ut divinae benedictioni potius quam sue id virtutis adscriberetur. Recenset alia plurima et plane magna idem auctor ibidem, dum Constantinopoli morarebatur, ab ipso miracula edita : que tu ipse, si cupis, in ejus vita Actis fideliter scriptis perlege. Ultimum autem illud de Mauriti Augusti filio a leprosa morbo sanato, cuius causa fuerat accersitus, ita describit : « Contigit ut unus ex filiis Mauriti imperatoris leprosa morbo laboraret : eni eum medici nullam possent opem afferre, imperator virum sanctum accersendum curavit. Qui in palatium, ubi puer jacebat, ingressus, et pro illo preces ad Deum fundens, aquam benedixit : eumque illum aspersisset, reliquum aquæ dedit ut rursum conspergeretur : et sancti viri precibus puer sanus effectus est. Imperatoris autem et Augustae precibus adductus, inter ipsos consistens, Deum pro illis obsecravit : et cum benedixisset eis, discessit in patriam, ad monasteriumque pervenit ».

26. Quomodo autem in S. Georgii Ecclesiam, in memoriam tanti martyris, cuius studiosissimus erat, a se exstructam, ejusdem martyris reliquias divinitus acceptas intulerit, ab eodem Eleusio auctore rem gestam narratam sic accipe : « Cupiebat, inquit, vir beatus aliquid ex glorijs martyris Georgii reliquijs habere, et rogabat eum ut se voti compotem faceret. Pius autem Aemilianus Germiorum episcopus sancti capitis ejus particulam manusque digitum, et dentem unum, aliamque particulam ejus corporis habebat. Huic martyr apparuit, jussitque ut eas servo suo Theodoro reliquias in templum, quod sibi exædificarat transferendas tradaret. Misit igitur episcopus munitionem ad beatum virum, qui cum nomine suo hortaretur, ut se ad precaudum in templum sancti Archangeli conferret : cupere enim se illum salutare, optatasque illi sancti martyris reliquias dare. Hæ letus pollicitatione ex monasterio exiit, et in Germiorum civitatem ingressus, in Archangeli templo precabatur. Amanter suscepit eum S. episcopus Aemilianus, et in monasterium sanctæ Dei Genitricis, quod vocatur Aligetes, perduxit.

27. « Eo tempore magna erat in Pessinuntium metropoli siccitas, et fruges ac fructus omnes exaruerant. Quamobrem cum incolæ intellexissent Christi servum Theodorum apud Aemilianum epi-

scopum divertisse, celeriter ad eum omnes cum clericis in sancte Dei Genitricis templum conveniunt, permittenteque episcopo Aemiliano, in civitatem suam cum adduxerunt, ut facta supplicatione per ejus preces e caelo pluviam impetrarent. Procul ab haec civitate sex passuum millibus erat hortus, quem magna locularum occupaverat multitudo, et totum prope devastaverat. Hujus horti dominus cum beatum Theodorum adesse intellexisset, processit illi obviam, et ad pedes ejus prostratus calamitatem in hortum suum a locustis illatam indicavit. Cui vir sanctus : Abi, inquit, fili, et affer aquam in vase. Cueurril ille, et e proximo flumine aquam attulit. Quam Dei servus cum benedixisset, dedit ei, dicens : Hac aqua quatuor horti tui angulos asperge, et dabit tibi Dominus quod exoptas. Ad hortum reversus homo, studiose fecit, quæ vir sanctus præceperat. Cumque ad locum quem prius asperserat revertisset, ne unam quidem locustam reperit : paulo post item invisens, omnes plane locustas deletas invenit. Quamobrem cum manus suas oleribus impletisset, currens ad beatum Theodorum miraculi effectorem contendit. Tunc autem obviam illi trium millium passuum a civitate processerat supplicatio. Cum illa igitur ingredientem sanctum virum olitor assecutus, procedit ad pedes ejus, eique olera quæ in manibus ferebat obtulit, nuntians miraculum quod factum fuerat.

28. « Beatissimus vero Georgius metropolita cum letitia sanctum Theodorum suscepit, qui in diem sequentem supplicationem indicendam mandavit. Postridie igitur mane, cum universa civitas in Catholica Ecclesia sanctæ Sophiæ esset congregata, beatus Theodorus et metropolita Georgius cum universo populo supplicantes, ad venerabile sanctorum Angelorum templum extra muros conveniunt, atque inde ad sanctam Sophiam reversi sunt. Ubi cum sanctus Christi servus metropolite rogatu sacrificasset, omnesque sacra mysteria percipissent; nubibus contractum est caelum, et tanta pluviae copia in totam illam regionem descendit, ut aquarum fontes et flumina in tertium usque diem exundarint. Omnes igitur letitia pleni Deum collaudabant, qui servi sui precibus motus misericordiam suam ostendisset. Metropolita autem et populo comitante, sanctus Theodorus illinc discessit, et cum ad episcopum Aemilianum venisset, ab eoque optatissimas sancti martyris Georgii reliquias accepisset, ad sanctum monasterium suum cum gudio reversus est ». Haec et alia plurima de Theodoro habet Eleusius; sed hæc modo salis ad institutum. Saue quidem constat nunquam Deum Orientalem deseruisse Ecclesiam, quin aliquo lucis radio illustrarit, mirifice videlicet aliquo sancto viro miraculorum operatore, nisi tantum ubi a Catholica Ecclesia divisi sunt schismate, cum et a Deo esse rejectos, pluribus siépe demonstratum est experimentis.

29. *Concilium Oscense in Hispania et Narbo-*

nense. — Quod ad res Occidentalis Ecclesie pertinet, hoc eodem anno celebratum est in Hispania Oscense Concilium. Era nimirum sexentesima trigesima sexta; ex quo duo duntaxat canones reperiuntur, quibus illud de canonica clericorum disciplina sanctum reperitur, ut castitate sincera et hand dubia polleant, ne videlicet quovis modo de eis aliqua imhonestia suspicio suboriri valeat. Frequentia quidem fuisse Concilia in Hispania temporibus Reccaredi, satis apparet. Invigilasse enim ipse in eo visus est, ut Christiana religio magis magisque illustraretur, et Catholica fides, qua præstabat, sanctis operibus æque claresceret.

Verum non pro Hispanis tantum subditis sibi populis sollicitus fuit, sed pro Gallis etiam, qui in Narbonensi provincia subjecti sibi essent: nam quarto regni sui anno Narbone Concilium celebrandum curavit. Era sexentesima vicesima septima, qui est annus Domini quingentesimus undenonagesimus, novem seculis ante annos: quod ad finem superioris tomis fuerant colloquendum: sed quoniam non ante hoc tempus nacti ipsum fuerimus, neque haecenus ensum certo sciamus, illud hic tibi verbatim excedendum curamus integrum. Accepimus ipsum ex scripto Codice ab Hispania Romani misso ad Gregorium XIII Pontificem Maximum idibus Novemb. anno Domini millesimo quingentesimo septuagesimo sexto, descriptum ex puerulo Gothisco Codice monasterii sancti Emiliani in regiam bibliothecam translato. Sic enim se habet:

30. « NARBONENSE CONCILII anno quarto Reccaredi, atque Era sexentesima vicesima septima. In nomine Domini nostri Iesu Christi. anno feliciter quarto regni domini nostri gloriosissimi Reccaredi regis Narbonæ,

« Migelius, Sedatus, Benenatus, Boetius, Pejagius, Tigridius, Agrippinus, et Sergis (Sergius) episcopi Galliae provinciæ.

« Concilia sanctorum antiquorum Patrum vel decreta observare cum Dei timore cupientes, nos in urbe Narbona, secundum quod sancta Synodus per ordinationem glorioissimi domini nostri Reccaredi regis in urbe Toletana finivit (definivit), die kalendas Novembri, Deo auspice, in unum convenimus et aliquanta que justæ et pie sunt e sita, et per patrocinationis potestatem (persecutionis tempestatem) non supplebantur ad memoriam, nunc temporibus domini nostri sub præfationibus deducentes recapitulare fecimus: et quæ pro regula et tute Catholice disciplina adhuc visa sunt, communis tractatu elegimus conscribenda, et cauonibus definitiunis adjungenda, quæ tenore capitulorum subsequenter evidenti jure declarantur.

« Hoc regulariter definitum est, ut nullus clericorum vestimenta purpurea induat, quæ a jaetantiam perficit mundanum, non a religiosam (religionem) dignitatem: ut scilicet et devotione in mente, ita et ostendatur in corpore: quia purpura maxime laicorum potestate preditis debetur, non religiosis. Quod si quis non observaverit, velut

transgressorem legis coercendum ». Usus quidem purpurea fuisse seitur Dei precepto¹ in ornatum vestitum Summi Sacerdotis veteris legis: cessit vero eadem usui Summi Pontificis Christianorum; qua carere non debuit, cum majorem fore gloriam Christi sacerdotii, quam Aaronici, pariter prophetæ prædixerint. Porro quæ peculiaris usus Romanæ Ecclesie essent (ut suo loco superius dictum est) aliis ut illis velutum erat, sicut calcis compaginatis, dalmaticis, mappulis, quibus clerici aliarum Ecclesiæ uti prohibebantur, ut sanctus Gregorius tradit². Sed reliquos recensemus canones, qui ita pergunt:

« Hoc itaque definitum est, ut in psallendis ordinibus per quemque psalmum gloria dicatur omnipotenti Deo; per maiores vero psalmos, prout fuerint prolixius, pausationes fiant; et per quamque pausationem gloria Trinitatis Domino decantetur.

31. « Nam et hoc secundum priscorum censuram canonum finitum, ut nullus clericus, subdiaconus, diaconus, vel presbyter in plateis resideat, certe nec in plateis stare, et simulis diversis commisit. Quod si quis facere præsumperit, repellendum omnino ab officio, et execrandum, si non emendaverit: et a communione et ab officio privetur.

« Ut omnis homo tam ingenuus, quam servus, Gothus, Romanus, Syrus, Graecus vel Judæus, die Dominicæ nullam operam faciant, nec boves jungantur, excepto si in murando (metendo) necessitas incubuerit. Quod si quisquam præsumperit facere: si ingenuus est, det comiti civitatis solidos sex: si servus, centum flagella accipiat.

« Secundum Concilium Nicæni sanctissimi (Nicænum sanctissimum), concinnabula (conciabula) vel coniunctiones (convivationes) non tiant clericorum, que sub patrocinio solebant fieri laicorum. Nec umquamque de inferiore gradu seniorem sibi elatus aut increpet, aut injuriet. Quod si quis prætermisso tam justæ censure ordine ausus fuerit facere, distinctione savissima corrigatur, ut sub pénitentia nomine vita recedente (recedantur, vel recedant: id est, anno uno in monasterio sciat abjicere superbiam, unde inflatur, quod est diabolus; et addicat humilationem Christi, quia per ipsam mortem gustare dignatus.

« Secundum Concilia priscorum Orthodoxorum decrevit fraternitas ut quicumque fuerit culpabilis inventus clericus, aut honoratus de civitate, et ad monasterium fuerit deputatus, sic abba qui est prædictus (præfectus) cum illo qui dirigitur, agat scilicet ab episcopo manifesta correctione fuerit ordinatus. Alter si abba facere elegerit, pro correctione tempus aliquod suspendatur: quia ab hac causa (ob hanc causam) dirigitur, ut emendetur, non ut passim ferculis diversis saturetur.

¹ Exod. XXXIX. — ² Greg. I. II. Ep. LIV. Ind. XI. I. VII. Ep. XXVIII. Ind. I. I. VII. Ep. CXIII. Ind. II. edit. Rom.

« Quienque clericorum a maximo usque ad infra, contra S. Ecclesie utilitatem egere, tractare, vel conari fuerit repertus, merito dejiciatur, qui fidem servare minime cognoscitur.

« Quienque clericus, subdiaconus, diaconus, presbyter sine conscientia episcopi aliquid de possessionibus, vel de domo Ecclesie tulerint, aut fraudem fecerint, non solum cum omni dedecore constricti restituant quod fecerunt, sed etiam non debere ibi in Ecclesia esse, ubi fraudem visus est operasse : duobus jaceat sub pœnitentia annis, et cum defleverit factum, revertatur ad officium.

« Hoc autem omnia decretum est, ut Judæis non licet corpus defuneti deducere psallendo : sed ut eorum habuit mos et consuetudo antiqua, corpus deducant, et deponant. Quod si alter facere præsumperint; inferant comiti civitatis uncias sex.

« Hoc maxime definitum est, ut nullus audet clericorum ordinationem sui episcopi contempnere : sed ubi ordinatus fuerit, ambulare debeat cum gratia et obedientia, et quæ injuncta fuerint agere. Quod si sub cothurno superbiae neglexerit implere : non solum a stipendio, sed uno anno a communiione privetur.

« Amodo nulli licet episcoporum ordinare diaconum, aut presbyterum litteras ignorantem. Sed qui ordinati fuerint, cogantur discere. Qui vero diaconus aut presbyter fuerit litteris ineruditus, et desidiose legere vel implere officium distulerit, et in Ecclesia ad omnia utilis non fuerit ; ab stipendio rejiciendum et inclinandum, quoadusque curvatus impleat et defendat, quod esse cognoscitur. At quid erit in Ecclesia Dei, si non fuerit ad legendum exercitus ? Et si perseveraverit desidiose, et non vult proticere, mittatur in monasterio (monasterium), quia non potest aedificare populum.

« Hoc maxime pro Dei timore et modo disciplinae canonice elegimus custodienda, vel tenenda, ut dum missa celebratur, nullus presbyter aut diaconus absque aliqua infirmitate, dum missa perficitur, egredi de altario audeat. Nec diaconus, aut subdiaconus certe, vel lector, antequam Missa consummetur, alba se præsumat exire. Quod si quisquam non impleverit constitutum, presbyteri increpantur, ut redeant ; diaconos et exceerantos et stipendio privandos, reliquos distinctione strictissima condemnandos.

« Hoc regulariter secundum priorum statuta canonum finitum est, ut tam subdiaconus, quam ostiarius, et reliqui, servitium sanctæ Ecclesieæ consuetum absque ulla desidia impleant, et senioribus vel ¹ ad osteos sublevent. Qui contempserit facere et adimplere, subdiaconos verbis corripiendos, et si non emendaverint, ab stipendio probandos, reliquos flagris coercendos.

« Hoc itaque propter ampliandam fidem fidei Catholicæ disciplinam elegimus definendum, vel tenendum : ut si qui viri ac mulieres divinatores,

quos dicunt esse carios atque sorticularios, in cuiusenque domo Gothi, Romani, Syri, Graeci, vel Judæi fuerint inventi, aut quis ausus fuerit amodo in eorum vanâ carmina interrogare, et non publice hoc voluerit annuntiare : pro hoc quod praesumpsit, non solum ab Ecclesia suspendatur, sed etiam sex auri uncias comiti civitatis inferat. Illi vero qui tali iniuritate repleti sunt, et sortes et divinationes faciunt, et populum prevaricando seducent, ubi inventi vel inventi fuerint, seu liberi, seu servi, vel ancillæ sint, gravissime publice fustigantur, et venundentur, et pretia ipsorum pauperibus erogentur.

« Ad nos pervenit, quosdam de populis Catholicæ fidei exercibili ritu diem quintam feriam (qui et dicitur Jovis) multos excolare, et operationem non facere. Quam rem pro Dei timore exercantes et blasphemantes, quicunque ab hac die, prater festivitates in eo die venientes, ausus vel ausa fuerit vacare, et operum non facere, si ingenuus est, aut ingenua, de Ecclesia repellendus, et sub pœnitentia mittendus anno, et eleemosyna et metu satisfaciat, ut eis Dominus ignoscat : si servus aut ancilla fuerit, contenta flagella correcti domino consignentur, et ultra talia eos observare non permittant.

« Migeius in Christi nomine Ecclesie Catholicæ Narbonensis episcopus in has constitutiones secundum quod nobis cum fratribus nostris, Deo inspirante, placuit, relegi et subscripsi.

« Sedatius in Christi nomine Ecclesie Catholicæ Biterrensis episcopus in his constitutionibus interfui et subscripsi.

« Boefius in Christi nomine Ecclesie Magliensis episcopus in has constitutiones interfui et subscripsi.

« Pelagius in Christi nomine Ecclesie Nemanensis episcopus in has constitutiones interfui et subscripsi.

« Tigridius in Christi nomine Ecclesie Agathensis episcopus in has constitutiones interfui et subscripsi.

« Sergis (Sergius) in Christi nomine Ecclesie Carcasonensis episcopus in has constitutiones interfui et subscripsi.

« Agrippinus de civitate Loteba in Christi nomine episcopus in has constitutiones interfui ». Hactenus Concilium Narbonense a nobis hic, ne periret, excusum.

32. *Guentheramni regis obitus.* — Hoc eodem anno defunctus est Guntheramus Francorum rex religiosissimus. Quod ad temporis rationem pertinet : enim regnasse annos triginta tres tradant qui res Francorum sunt prosecuti ¹, constetque ipsum ex iis quæ superius dicta sunt, regnare cepisse anno Redemptoris quingentesimo sexagesimo quinto ; plane ad hunc pervenisse annum, dicere oportet. Defunctus sepultus est in Ecclesia sancti Marelli,

¹ Locus depravatus.

² Aimo, de gest. Franc. I. iii. c. 81.

quam maximio sumptu ipse ædificaverat : qui et in territorio Segonum (ut idem testatur auctor) monasterium quoque construxit, quo fætus redditibus auxit : Synodumque quadraginta episcoporum collegit, ut ab eisdem in eodem loco sanctorum martyrum Agaunensium ordo psallendi institufusa S. Avito et reliquis pontificibus probaretur, et tenueretur a monachis monasterii sui. Erat idem rex eorumdem martyrum studiosissimus, quorum reliquias penes se habere curavit. Quid vero acciderit, cum ex monasterio sanctorum reliquias petat, Gregorius Turonensis narrat his verbis¹ : « Cum autem Guntheramus rex ita se spiritualibus actionibus mancipasset, ut relictis sæculi pompis, thesauros suos Ecclesiis et pauperibus erogaret : accidit, ut missus presbytero, munera fratribus, qui sanctis Agaunensibus deserviunt, ex voto transmiseret, præcipiens presbytero, ut ad eum rediens, sanctorum sibi reliquias exhiberet. Igitur dum impleta regis præceptione, cum his regredieretur pignoribus, Lemnaci lazi, per quem Rhodanus influit, navigatum petit. Extenditur autem laevis iste in longitudinem quasi stadii quadrangulis, latitudinem autem stadii centum quinquaginta. Denique revertens presbyter (ut diximus) cum navigium hoc fuisse aggressus, subito tempestas orta fluctus tollit ad

sidera, surgunt undarum montes ; et nunc puppis naviculae, prora deliscente, fertur in altum, nunc iterum demersa puppi, prora tollitur in sublime. Turbantur nautæ, et nihil aliud nisi solam mortem in hoc periculo praestolantur.

33. « Tum presbyter, cum videret se his fluctibus obrui, et spumis undarum ipsarum graviter operiri, extractum a collo capsulam, quæ sanctorum pignora continebat, undis tumentibus objecit, ac sanctorum præsidium clara invocat voce, dicens : Ne percram in his fluctibus, virtutem vestram deprecor, martyres gloriosi : sed protinus qui jugiter pereuntibus præbetis auxilium, mihi, queso, dexteram salutis porrigitur dignemini, fluctus opprimit, nosque ad littus optatum vestri adjutorii ope deducite. Et haec dicens, cessante vento, decadentibus undis, ad littus evecti sunt. Haec ab ipso cognovi presbytero ». Ista Gregorius, a nobis Guntheramini regis maxime pii occasione relata. Dum vero aiunt Childeberto Guntheramnum reliquisse regnum : non video quomodo id fieri potuerit, cum habita ratione annorum Guntheramni, ipsum Childebertum ante eum ex hac vita migrasse oportuerit anno Domini (nt dielum est) quingentesimo nonagesimo sexto, ut ex litteris sancti Gregoriis premonstravimus datis primo ad Childebertum, inde ad filios Theodoberum et Theodoricum reges, qui jam successerant patri, eadem Indictione decima quarta.

¹ Greg. Tur. de glor. mart. c. 76.

Anno periodi Graeco-Romanæ 6091. — Anno Ære Hispan. 636. — Jesu Christi 598. — Gregorii pape 9. — Mauritiū iap. 17.

1. *Postconsulatus*. — Is annus hac formula notatus : *xvi post consulatum Mauritiū Tiberii Aug. solius xiv*, ut legitur in Chronico Alexandrinio.

2. *Testamentum Mauritiū imp.* — A num. 24 ad 29. Theophylactus lib. 8, cap. 11, narrat Mauritiū imp. « cum imperii sui anno quinto decimo in morbum difficilem esset lapsus », de imperio constituisse, et in litteras constituta redigisse. « Theodosium filiorum natu maximum Constantinopolis dominium fecit, cum administratione Orientis. Tiberio Romanum veterem cum Italia, et insulis in mari Tyrrheno decrevit. Ceteras Romanæ ditio- nis provincias inter reliquos filios distribuit, iisque aetate adhuc immaturis Domitianum cognatum suum, nobilis Ecclesie Melitenensis antistitem, vi- rum rebus agendis dexterum, consilio dexteriorem,

tutorem designavit, etc. » Verum istud Mauritiū testamentum ac morbus pertinent ad annum **pxci** aut **pxcvii**, quibus in cursu foili annus **xv** Mauritiū Augusti.

3. *Floret S. Domitianus Melitenes ep.* — Quoad *Domitianum* episcopum Melitenes sive Melitines, que urbs est Armenia minoris, caput cognominis regionis, colitur is in Grecorum Menaeis, et Horologio, die decima mensis Januarii, quo eum ad Deum migrasse existimo. Theophanes euim anno Incarnat. secundum Alexandrinos **pxciv** kalendis Septembbris anni Christi **oci** inchoato, ait : « Januario mense Domitianus Melitenes episcopus, imperatoris consanguineus diem extremum obiit, et a Cyriaco patriarcha ad SS. Apostolorum sepultus est, senatu universo funebris honoribus memo-

riam ejus prosequente». Quare S. Domitianus vitam cum morte committavit mense Januarii anni **DCII**, non vero anni **DCIII**, ut suspicatus est Bellardus ad diem x Januarii, ubi ejus Elogium Historicum ex Menaieis Graecorum et Theophylacto describit. Sanctus Gregorius papa libro 2. Indictione xi, Epistola **LXIII** ad Domitianum scripta, ejus cruditionem, prudentiam et zelum egregie commendat.

4. S. Theodorus Siccota abdicat episcopatum. — Vivebat hoc tempore sanctus *Theodorus Siccota* episcopus Anastasiopolitanus, cuius Vitam scripsit Eleusius, qui et Georgius dictus, qui testatur se duodecim annorum spatio apud illum vixisse. Baronius initium ejus episcopatus anno **DXC**, ejus vero abdicationem currenti consignavit. Narrat enim Eleusius cap. 11, *Theodorum* ob molestias et sollicitudines, ac injurias sibi illatas episcopatum reensasse, eoque reliquo ad monasterium suum rediisse, postquam clero et civibus convocatis hanc habuit orationem: «Vos me, fratres, invitum, ut scitis, et abstractum hoc jugum subire coegistis. Et quanvis me, ut ad illum ferendum minime aptum, excusarem, vos tamen audire me noluitis, sed vestrae cupiditati maluistis indulgere. **UNDECIMUS** igitur jam **ANXCS** est, ex quo ego vos affligo, et affligor a vobis. Quamobrem obsecro vos, ut pastorem vobis parentis, qui et vobis placere, et res vestras curare possit. Ego enim posthae episcopus vester non ero: sed ut abjectus monachus, ad mansionem revertar meam, ubi in omni mea vila Deo servire constitui». Paulo post subdit Eleusius: «Porro cum beatus vir accepisset, episcopum esse Anastasiopi, gaudens et laudans Deum, ad monasterium rediit, et Dei gratia nulla fecit miracula in agrotos, qui accedebant», ex quibus Eleusius plurima refert. Faeta haec abdicatione *Cyriaco* Ecclesiam Constantinopolitanam regente, ut ibidem dicitur. Sed annus iam susceptae, quam depositae dignitatis incertus. Cum tamen *annos undecim* eam gesserit, si anno **DXC** episcopus factus est, ut putat Baronius, ejus abdicatione in annum circiter sexcentesimum primum reicienda.

5. Concilium Oscense. — A num. 29 ad 32. Concilium *Oscense* in quo duo tantum Decreta condita, celebratum in *anno tertio decimo regni Recaredi regis*, ut dicitur in Concilio Egarensi regnante *Sisebuto* coacto, ideoque praeseuti Christi anno. Erat *Osea* in Tarraconensi provincia Tarraconae metropoli subdita, vulgo *Huesca* que habet nunc episcopum Caesaraugustano suffraganeum, ut scribit Garsias Loaisa in Notis ad Concilium Lucense sub Theodomiro principe congregatum. In titulo *Injus Synodi* dicitur ea habita, *anno XIII regni Recaredi. Era DCXXXVI, anno Christi DCCVIII*, sed nescio an additus sit a collectoribus Conciliorum, an vero extet in manuscriptis; quanvis nullo modo dubitem, quin annus Christi additius sit, sicut forsitan totus titulus. Profecto reprehensione digni sunt qui manuscripta e tenebris eruent.

non distinguunt ea, quæ in iis leguntur ab iis, quæ ipsimet addenda esse putant.

6. Concilium Narbonense. — Concilium *Narbonense* in Praefatione dicitur celebratum, *anno quarto regni Recaredi regis, die kalendiarum Novembris*, ideoque anno Christi **DCCXXIX**, ut notavit Baronius qui in editione Coloniensi illud recitat, quia, ut inquit, tardus illud habuit. Usus est autem exemplari Ms. in cuius titulo præter laudatos temporis characteres legitur, *Era DCXXVII*. Verum is annus a librariis additus, ut liquet ex exemplari ex quo Sirmondus idem Concilium descriptis, quod inchoatur ab his vocibus: *Praefatio. In nomine Domini nostri J. C. etc.* quod observare juvat, ne tituli Conciliorum a librariis, vel collectoribus adjeci lectores in fraudem inducant. Porro electi e Gallia Gotthi a Clodoreo rege, compulsiique in Hispaniam, provincie Narbonensis oram maritimam in potestate sua retinuerunt, quod tandem *Caroli Martelli* armis Francorum regno adscita est. Hinc Concilium Narbonense non sub regibus Francorum, sed sub Recaredo Hispaniae rege congregatum.

7. Moritur S. Guntramnus rex Burgundie. — Ad num. 32 et seq. Sanctus *Guntramnus* Burgundie rex, qui anno **DCXI**, Clotarium I patrem exceperat, non vero quadriennio post, ut habet Baronius, supremum diem obiit anno quingentesimo nonagesimo tercio, idque die **xxviii Martii**. Fredegarius enim cap. 43, ait: «Anno **XXXII** regni Guntramni illa a mane usque ad medianam diem sol minoratus est, ut tercia pars ex ipso vix appareret». Tum cap. sequenti: «Anno **XXXIII** regni Guntramni. Eo an. **v kal. April.** ipse rex moritur. Sepultus est in Ecclesia sancti Marcelli, in monasterio, quod ipse construxerat». Idem habet Aimoinus lib. 3, cap. 80 et seqq. qui de Basilica sancti Marcelli addit: «Hanc Basilicam ipse in suburbio quidem prædictæ civitatis, sed in territorio Segonum, saltuque Brexio studiosissime aedicavit, etc.» Vocat Aimoinus, ut notavit Hadrianus Valesius in Notitia Gall. in voce *Brexia*, Brexiā aut Brixiam a saltu Brexio nomen accepisse, et appellat territorium *Segonum* corrupte agrum Sequanorum trans Ararim, ubi in suburbano Cabillonensi et saltu pagoque Brexio monasterium sancti Marcelli conditum est; cum *Cabillonum* sit citra Ararim in *AEluis*. Monasterium illud a pluribus sæculis prioratus est Ordinis Cluniacensis. Instituit in eo monasterio sanctus *Guntramnus* psalmódiam perpetuam, ut supra ostendi. Cum vero Fredegarius menses residuos post mortem decessoris regis primum successoris esse censem, et secundum a Martio sequentis anni Juliani incipiat, manifestum est annum Guntramni **XXXII**, juxta ejus calculum, Christi esse **DCCCI**, annum ejusdem regis **XXXIII** esse Christi **DCCII**, quo ideo sancti hujus regis mortem consignat. Ejus sententiam, quæ nunc inter eruditos communis est, confirmat eclipsis solaris quæ anno **DCCII**, die **xix Martii** contigit. Hanc Petavius lib. 8 de doct. Temp. p. 853,

docet Constantinopoli fuisse digitorum decem, et duravis ab hora nona matutina ferme ad medium horæ **xii**, Lutetiae vero Parisiorum cœpisse hora sexta a media nocte ejusdem diei quæ in feriam quartam incidebat. Quo Fredegarii et Aimoini charactere certissimo tam præcedentia quam sequentia tempora regum Francorum confirmantur. Porro *Guntramnum* annos quatuor secundum modum annos supputandi a Fredegario usurpatum, tres vero secundum communem, mortuum esse ante *Childibertum*, in hujus obitu ostendimus. Hermannus Contractus juxta editionem Canisianam. *Guntramni* mortem cum anno **pxci** accurate illigat.

8. *Virtutes S. Guntramni*. — Incertum quo atatis anno obierit. Primo *Venerandum* ejusdam suorum ancillam, pro coniuncta thoro subiunxit : postea *Marcatrudem*, et haec mortua *Austrigildem* habuit uxores, ut habeat Turonensis lib. 4, cap. 23. Post *Austrigildis* obitum duodecim adhuc annos vixit in continentia et viduitate, licet propriis caret filiis. Præter quatuor filios ante *Austrigildem* vita funetos, habuit duas filias, *Clodebergem*, et *Clodehildem*, puellas Deo sacratas, laudatasque in Constitutione Synodi Valentinæ anno **Dlxxxv** celebratae. *Childebertus*, qui jam in Austria regnabat, patruo successit in regnum Burgundiæ. Pietatis *Guntramni* testimonia sunt tota Coneilia episcoporum ejus jussu habita, Basilica sancti Marcelli ab eo Cabillone magnifice exstructa, et possessiones monachis ibi collocatis donatae : ac denique prædia Basilicæ Augustodunensi beati Symphoriani data, et villa cœnobio Divionensi sancti Benigni ad vicum monachorum collata. Sed nihil ego in *Guntramno*, inquit Hadrianus Valesius lib. 13 Rer. Francic. magis laudandum puto, nihil magis bonis principibus imitandum, quam curam Reipublicæ Ecclesiæque pervigilem, incredibile studium, non domi solum ; sed etiam in *Childberti*, *Clotariique* minoris regnis pacem custodiendi, jus suum cuique servandi, prava puniendi corrigendive. Non

immerito igitur *Guntramnus* ab Ecclesia inter sanctos relatus est, ejus depositionem ad diem **xxviii** mensis Martii Usuardus Caroli Calvi æqualis monachus, Ado Viennensis episcopus, alijque multi Martyrologi celebant, ut ad eum diem in Actis sanctorum Bollandianis videre est, ubi ex septem ultimis Gregorii Turonensis, in pluribus oculati testis, Historie francorum libris, aliisque monumentis excerpta Vita ejus exhibetur.

9. *Moritur Fredegundis regina*. — Hoc anno *Fredegundis* Chilperici regis Neustriæ vidua, et Clotarii II mater decessit. Fredegarius enim in Chronico cap. 17. ait : « Anno II regni Thenderici *Fredegundis* moritur ». Venantius Fortunatus lib. 4, Carmine 1, ad Chilpericum regem, apud Baronium anno **Dlxxxiii**, num. 20, hanc reginam plurimum laudat : providam, solerter, cantam, usilem aulæ, ingenio pollente, largam atque munificam, et meritis excellentem appellat. Quæ etsi a poeta adulatore dicta, ant potius ficta videri possunt, tamen pleraque sunt verissima, inquit Hadrianus Valesius citatus ; fuit enim *Fredegundis* prudens, callida atque versuta, dominandi non minus capax, quam avida, cui nec ingenium ad consultandum, nec ad proposita exsequenda vis et animus decesset. Postquam *Chilpericus* perit, ita tutelam gessit *Clotarii* communis filii, tam prudenter et fortiter regnum eius administravit, ut virum regem non desiderares. Verum facinora ab ipsa patrata, et a Baronio ex Historia Gregorii Turonensis, tomo vii Annal. passim relata, aternas memorie ejus notas inusserunt, adeo ut de ea non aliter, quam de monstro quodam atque portento loqui nunc cuiquam liecat, atque sentire. Hoc de *Fredegunde* Valesii judicium, cui ahī neoterici fere omnes adhærent, præter Coinitum anno **pxcvii**, num. 4, ubi eam defendere frustra conatur. Hermannus Contractus juxta editionem Canisianam *Fredegundis* mortem hoc anno recte narrat.

Moritur Anastasius senior episc. Antiochenus, de quo anno sequenti num. 2.

GREGORII ANNUS 10. — CHRISTI 599.

1. Pax inita cum Longobardis, non tamen proficia. — Qui ordine sequitur quingentesimus nonagesimus nonus Bedempforis annus Indictione secunda inscribitur, quo pax cum Longobardorum rege transacta est, sed certe ad breve temporis spatium, nempe ad duos tantummodo annos: nam in Epistola ad Innocentium anno sequenti data ista habet Gregorius¹: « Sollicitudinem vestram desiderato nuntio relevamus, indicantes eum Longobardorum rege usque ad mensem Martium futuræ quartæ Indictionis de pace, propitiante Domino, convenisse. Quæ si retineatur, ignoramus: quia idem rex obiisse postea iunctiatus est, licet adhuc habeatur incertum ». At licet ad modicum spatum temporis pax diutius proenrata sancita fuerit, pro ingenti tamen munere ab ipso Gregorio accepta est, ut saltem licuerit respirare: pro quo gratias agens, ad regem ipsorum has litteras dedit²:

2. « Gratias excellentiae vestrae referimus: quia petitionem nostram audientes, pacem quæ utrisque esset partibus profutura (sicut de vobis confidentiam habuimus) ordinasti. Ex qua re excellentiae vestrae prudentiam et bonitatem valde laudavimus, quia pacem diligendo, vos Deum, qui ipsius est auctor, amare monstrastis. Nam si (quod abesse gaudemus) facta non fuisset, quid aliud agi debuit, nisi ut cum peccato et periculo partium, miserorum rusticorum sanguis, quorum labor utrisque proficeret, funderetur? Sed ut prodesse nobis eamdem pacem, quemadmodum a nobis facta est, sentiamus: paterna charitate salutantes, petimus, ut quoties se occasio dederit, ducibus vestris per diversa loca et maxime in his partibus constitutis, vestris præcipiatis Epistolis, ut hanc pacem (sicut promissum est) suminopere eustodian; et occasiones sibi aliquas non querant, unde aut contentio quedam aut seditio aliqua, aut ingratitudo nascatur: quatenus voluntati vestre amplius agere gratias valeamus. Latores vero praesentium, sicut revera homines vestros, in eo quo decuit affectu suscepimus: quia justum fuit, ut viros sapientes, et qui pacem

factam, Deo propilio, nuntiarunt, cum charitate et suscipere et dimittere deberemus ». Hæc ad Agilulphum regem Gregorius: eadem ferme ad ejus conjugem Theodolindam reginam¹.

3. Verum non sicut Agilulphus rex, juravit Arnulphus dux Spoleti, sed dolose visus est agere, qui ad pacem prestandam invitus accessit. Veritus est itaque Gregorius dolos Longobardorum, ne sub involucre verborum, ioco pacis, bellum lateret: nam accipe quid scribat hoc anno ad Theodorum curatorem Ravennæ²: « Indicamus itaque, Arnulphum de servanda pace, non ut rex ipsius juravit, sed sub conditione, si sibi in quoquam excessum non fuerit, aut si nullus contra Arogis exercitum ambulaverit, sacramenta præstisset. Quod quia omnino iniquum et dolosum est, nos tanquam si non jurasset habemus: quia in aliquid parum faciem sibi excedendi (exercendi) occasionem inveniet, et plus nos, si de eo suspecti non fuerimus, decipiet. WArnifrida vero, ad cuius consilium idem Arnulphus cuncta agit, omnino jurare despexit. Et id contingit, ut ex pace, quam multum desideravimus, nos in his partibus nullum remedium habere possimus: quia de iisdem hostibus, de quibus suspecti nunc usque fuimus, adhuc et impotestrum suspecti sumus.

« Cognoseat præterea gloria vestra, homines regis, qui huc transmissi sunt, imminere, ut in pacto debeamus subscribere: sed recordantes eorum quæ Agilulphus a Basilio viro clarissimo convicia super nos in beati Petri dixisse fertur injuriam, quamvis hoc penitus idem Agilulphus negaverit, a subscriptione tamen abstinere prævidimus: ne nos, qui inter eum et excellentissimum filium nostrum dominum exarchum petitores sumus et medii, si quid forte claim sublatum fuerit, falli in aliquo videamur, et nostra ei promissio in dubium veniat: et si qua de futuro (quod absit) necessitas fuerit, occasionem inveniat, qualiter nostræ petitioni consentire non debeat. Et ideo petimus, ut sicut et a predicto filio nostro excellentissimo poposcimus, gloria vestra, ea qua nobis charitate unita est,

¹ Greg. I. viii. Ep. xxxvii. Ind. iii. — ² Greg. I. viii. Ep. xli. Ind. ii.

¹ Greg. I. vii. Ep. xlvi. Ind. ii. — ² Ibid. Ep. cx. Ind. ii.

peragat, quatenus antequam homines ipsi ab Aroge (Arogis) revertantur, rex eis sub festinatione scripla transmittat, quae tamen ad nos deferantur, in quibus eis præcipiat, ut nos subscribere non petant. Sed si tantum est, Gloriosum fratrem nostrum, vel de episcopis unum, aut certe archidiaconum subscribere faciemus ». Haec de pacis causa Gregorius, ex quibus admiraberis viri in gerendis negotiis industriam atque prudentiam dexteritati conjunctam.

Quid actum inter haec sit, licet historiae nihil prodant, constat tamen ex litteris S. Gregorii, immense Julio datis, ipsum adhuc ingemuisse sub gladio Barbarorum; dum seribens ad Eulogium episcopum Alexandrinum haec habet¹: « Peto autem ut pro me enixius vestra sanctitas orare debeat: quia et podagræ doloribus, et Barbarorum gladiis et eurarum afflictionibus incessanter premor ». Haec enim Gregorius: atque satis de rebus hoc anno cum Longobardis transactis.

4. De causa episcopi Bizaceni. — Hoc eodem anno accusalo a suis episcopis primale provincie Bizacenæ in Africa, de eo sententiam ferre Gregorium papam imperator voluit, utpote ad quem perlinere omnium totius orbis episcoporum judicium non ignoraret. Sed monemus lectorum, deceptum errore librarium, vel quisquis fuit, qui in titulo posuit hanc causam fuisse episcopi Constantinopolitani: deceptus nimis, quod legit episcopum Byzaceum, pro Bizaceno, sieque putavit hunc fuisse episcopum Constantinopolitanum, nesciens plurimum differre Byzantium a Bizacio in Africa civitate, a qua denominata est provincia Bizacena. Sed quid accedit? Persoluto auro, per imperatoris magistratus controversia sopita est. Sunt de his litteris ipsius Gregorii ad Ioannem episcopum Syriae, in quibus haec de his habet²: « Causam tamen, de qua agitur, neclum sanctitas vestra subtilius agnovit. In quadam enim criminis Bizacenus primas fuerat accusatus, et piissimus imperator enim iuxta statula canonica per nos voluit iudicari. Sed acceptis decem auri libris, tunc Theodorus magister militum obstat, ut minime fieret. Tamen piissimus imperator admonuit, ut transmitteremus et quicquid esset canonicum faceremus. Sed videntes contrarietales hominum, camdem causam iniure noluimus (voluimus). Nunc autem idem primas aliqua de consilio suo loquitur: et valde dubium est utrum pure ac certe quia a coepiscopis suis impetratur, nobis modo talia loquatur. Nam quod se dicit Sedi Apostolice subjici: si qua culpa in episcopis invenitur, nescio quis ei episcopus subjectus non sit: cum vero culpa non exigit, omnes secundum rationem humilitatis aequales sunt ». Haec Gregorius secundum ea quæ superiori anno jam diximus.

5. Ad Synodum Constantinopolitanam adeun-

tes monet Gregorius Orientis episcopos. — Ille item anno cum idem S. Gregorius subdoloratus esset peragi Synodum Constantinopoli, inscia Apostolica Sede, veritus ne quid novi ibi decerneretur de nomine OEcumeniei, atque illud ex Synodi decreto secundum inventum Joannis antecessoris Cyriaci ignominiose nimis episcopo Constantinopolitano ibidem confirmaretur; scripsit ad omnes episcopos Orientis, licet duntaxat Eusebius Thessalonicensis episcopus in Epistolæ inscriptione nominetur, monens ut Cyriaco talia presumenti resistant, atque de Concilio ista subdit¹: « Praeterea perversi ad nos, quod fraternitas vestra ad urbem Constantinopolim sit convocata. Et quamvis piissimus noster imperator agi illie illicia non permittat, tamen ne perversi homines conventus vestri occasione reperta, aul pro hujus nominis superstitione locum surreptionis requirant, aul ob aliam rem facere Synodus cogitent, quatenus hoc in ea callidis machinationibus inducent: quamvis sine Apostolicae Sedis auctoritate alcne consensu nullas quæcumque acta fuerint vires habeant: verumtamen eoram omnipotenti Deo contestor et admoneo, ut nullus vestrum illie quibuslibet suasionibus, quibuslibet blandimentis, quibuslibet praemis, quibuslibet terroribus teneatur assensus: sed pro aeterni judicii consideratione adversus prava desideria salubriter et unanimiter vos exhibete: et pastorali constantia atque Apostolica auctoritate suffulti, prædonem irrenementique impum excludite, et in dismissionem Ecclesiæ sœuenti non cedite, ne de hac re quacumque surreptione Synodus patiamini, quæ neque legitima quidem, nec Synodus dicenda est celebrari.

6. « Hoc quoque pariter admonemus, ut si forte nil actum de hujus perversi nominis mentione inerit, sed de alia re Synodus forte colligatur: omnino sitis cauti, circumspecti, vigilantes, atque solliciti, ne quid illie circa locum aliquem vel personam præjudicialiter sive illicite adversus canones eenseatur: sed si quid incidentis utilitatis causa tractandum est, sic causa, de qua agitur, formam accipiat, ut statuta vetera nulla convellat. Unde iterum eoram Deo et sanctis ipsius admonemus, ut haec omnia summo studio et tota mentis intentione servetis. Nam si quis (quod non credimus) scripta præsentia aliqua in parte neglexerit, a beati Petri Apostolorum principis pace se noverit segregatum ». Haec enim Gregorius ad episcopos Orientis. Vidisti quanta in uno Romano Pontifice insit auctoritas atque potestis, ejus nisi consensus accedat, omnia a quibusvis episcopis statuta inania penitus reddi contestetur? Sed reliqua persequamur.

7. Schismaticorum conversio et Anastasii episcopi Antiocheni obitus et scripta. — Non modicum Gregorius accepit gaudium hoc anno ex schismatis in Istræ partibus degenibus reversis ad Catholice Ecclesiæ unitatem: quo argumento datae extant

¹Greg. l. vii. Ep. LXXX. Ind. ii. edit. Rom. — ²Ibid. Ep. LVIV. Ind. II.

¹Greg. l. vii. Ep. LXX. Ind. ii. edit. Rom.

pleræque ejusdem Gregorii litteræ. Fuerunt hi habitatores Capreæ insulae in Istria positi, qui legationem ad Rom. Pontificem mittentes, rogaverunt ad Ecclesiæ unitatem admitti. Quos benigne suscipiens S. Gregorius Ecclesiæ Catholicae communionei coniunxit, eisdemque legatis dimissis litteras ad illos, qui eos miserant, reddidit¹; quos et commendavit Callinico² Ravennæ exarcho, neenon Mariiano³ episcopo Ravennati, ut eos redeentes ad propria benigne susciperent atque foverent. Adierant alii ex isdem Siciliam, ubi suum ipsorum episcopum degere cognoverunt, ut illum cum iis qui ibi erant schismatice, ad eamdem unitatis gratiam capessendam inducerent: quos Romano defensori⁴ litteris commendavit. Hos autem per eosdem legatos Romam missos cum intellexisset S. Gregorius ad opus hoc diligent studio collaborasse, ad imperatoris ministros eidem provinciae praefectos, isdem redeuntibus legatis, litteras dedit, pluribus gratias agens, quod pietatis zelo exæstnantes, ad unitatem sanctæ Ecclesiæ eosdem populos reducere pro viribus laborarent. Fuerunt hi Basilius⁵ vir illustris, Mastalonus, Theodosius, neenon magister militum Gultarus nomine, ad quem etiam hujusmodi litteras dedit⁶:

8. « Latores presentium de Istriæ ad nos partibus venientes, tanta nolis bona glorie vestra retulerunt, ut in reddendam nos vobis gratiarum actionem vehementer accenderent. Cognovimus namque, quod inter curas injunctæ vobis gubernationis illarum partium, præcipnam de animarum luctis sollicitudinem habeatis, et ita errantium corda ad unitatem festinare vos Ecclesiæ revocare, ut (quantum ad desiderium vestrum pertinet) nullum illuc ab Apostolica segregatum remanere velitis Ecclesia; tantusque vos B. Petri Apostolorum principis amor accederit, ut ovile ipsius, cui a Domino omnes creature sunt traditæ, summo redintegrare cum desiderio cupiatis. Habe, gloriose fili, ex tanto talique opere præfixam de divina retributione fiduciam, in qua vos non solum nostra adhortatio, sed et Apostolicus quoque sermo confirmat⁷: quia is qui converti fecerit peccatorem ab errore viæ suæ, salvabit animam ejus a morte, et operiet multitudinem peccatorum. Quantilibet enim sit temporalis affluentia, vel certe prosperitas habet finem suum, terminum mortis: hoc vero quod de animarum luctis apprehendistis studium, tenet fixam spei sue certitudinem, aeternæ scilicet viæ retributionem. Quapropter præmisso paterno salutationis affectu, hortamur gloriam vestram, ut pro unitate sanctæ fidei zelum, quem vobis ipse unitatis auctor tribuit studiosius peragatis, et quousque potueritis, in sūnum matris Ecclesiæ ab schismatis sui revocantes errore, adhortatione continua foveatis. Hoc etiam peragentes, ut et quos per vos Dominus suo ovili

redintegrari concederit, ita defensionis vestrae solutiis protegatis, ut non sit, quo hi qui adhuc in errore sunt positi, revertentes ad salubre consitum valeant applicare. Dum enim vos causas Dei in terra agitis, ipse et hie actus vestros protectionis sue feliciter ope disponit, et in æterna vobis vita, quam cœpilis, pro tanto bono vestra retributio existet ». Ilucusque Gregorius ad magistrum militum velut Apostolum in Evangelio laborantem. Ita Deus, cum siterent episcopi torpentes ignavia, et adversantes aliquando, excitavit milites, qui episcoporum zelo in convertendis ab errore populis prædicti essent.

Contigit hoc pariter anno mori Anastasium episcopum Antiochenum cognomento Sinaitam, celebrem inter scriptores Ecclesiasticos, cum sedisset annos sex inchoatos, postquam ad suam Ecclesiam post Gregorium restitutus fuit: qui ob sanctitudinem vite, cum Orientali, tum Occidentali Ecclesiæ factus conspicuus, ab utraque commendatus atque illustratus, perpetuis monumentis inter sanatos receptus anniversaria commemoratione a Catholicis celebratur undecimo kalendas Maii. Ille suscepit¹ a Gregorio papa, quem mirifice coluit, de cura pastorali librum, eundem gratiæ eum reddidit, tradiditque legendum Orientalibus: habentur ejusdem auctoris sermones complures, perpauci autem latinitate donati. Scripsit etiam egregium opus de rectis dogmatibus. Huic autem aliud ejusdem nominis subrogatum fuisse Anastasium, Nicephorus Constantinopolitanus episcopus in Chronicæ tradit. Crterum Nicephorium cognomento Callistum² errasse in duobus his Anastasiis constat, dum quod alterius est, alteri tribuit. Etenim hunc qui præcessit, nominatum Sinaitam, non qui successit, tradit occisum a Iudeis; sed eum sub Phœca id acciderit, juniori Anastasio est tribuendum ex sententia Graecorum historicorum: quod etiam refellimus in Notis ad Romanum Martyrologium pluribus.

9. Recenset vero ejusdem Anastasiæ Sinaitæ has lucubrationes Nicephorus³ qui eum primarium præclarumque Ecclesiæ doctorem appellat: « Hujus, inquit, liber est, cui nomen Ἀναστάτης, hoc est, viæ dux et Ecclesiæ dogmatum fides, alioquin præterea multa, item in sextum Psalmum liber in ingressu jejuniorum editus. Ego vero orationem etiam ejus quamdam legi ad Antiochenos in introitu suo scriptam, et pacificatoriæ aliam, quam trigesimo tertio anno in thronum suum postliminio reversus composuit, Mauritio imperium obtinente, quem etiam in eo scripto, quod ab exilio revocatus sit, landibus effert ». Hæc Nicephorus. Porro orationem ejusdem sancti Anastasiæ de sacra Synaxi Achilles Statius Lusitanus in latinum a se conversam obtulit Gregorio decimo tertio Pontifici maximo, anno Redemptoris millesimo quingentesimo septuagesimo nono, dignam quidem que his temporibus ede-

¹ Greg. l. vii. Ep. ci. Ind. ii. edit. Rom. — ² Ibid. Ep. xcix. edit. Rom. — ³ Ibid. Ep. c. edit. Rom. — ⁴ Ibid. Ep. xcviij. Ind. i. ead. edit. — ⁵ Ibid. Ep. xciiij. xciv. edit. Rom. — ⁶ Ibid. Ep. xcviij. Ind. ii. — ⁷ Jac. v.

¹ Sib. de Script. Eccl. c. 42. — ² Niceph. l. xvii. c. 29. — ³ Niceph. l. xviii. c. 45.

refur, cum pleraque habeat de sumptione sanctissimae Eucharisticie observatione dignissima vetera monumenta : ex quibus hic tibi perpanca haec saltem (ne jejunum penitus abire sinamus) apponenda ex lauta mensa putavimus.

10. Dum enim inclamat in eos qui imparati ad saeculam mensam accedunt, haec ait : « Quid gravius iis quibus ultimur moribus ? Etenim rapinis, sceleribus, peccatorumque multitudine cooperfi, tantummodo aqua ablutis manibus, sanctissimum corpus illud, divinumque sanguinem pro salute mundi largiter olim effusum impuri sordidine ori admovemus ». Et post aliqua in detestationem facinoris incutientia, adjicet ista : « Nec enim ingredi in Ecclesiam, ac divinas imaginum sanctorum formas, pretiosasque ac venerabiles cruces etiam salutasse fuerit satis : non frigida manus abluisse, id vere est esse purum, mundumque; sed peccatorum sordes abluisse ac fugisse, sed confessione, sed lacrymis, sed contrito humiliatoque animo, sed demissso contractoque vultu peccatorum quibus tenemur catenas eluisse, ac tum demum ad illa sancta deceat accedere mysteria ». Et post nonnulla : « Anaphora enim dicitur, quod ad Deum sursum feratur. Ades igitur quieto tranquillo pte animo : Christo Domino per sacerdotes tua confitere peccata : quicquid egisti mali, tute damna, nec verecundare. Est enim verecundia quae adducit peccatum, et est verecundia gloria et gratia, etc. » Ae demum post alia de dimittendis acceptis a proximo injuriis elegantem hujusmodi historiam perbrevem exempli causa adducit in medium :

« Vir, inquit, unus ex iis, qui monachali insigniti sunt schemate, cum negligentissime per summum otium vitam suam omnem egisset; ea quae eset ad mortem, infirmitate cœpit infirmari. Cumque jam ultimum spiritum duceret, suam ipsius mortem nequaquam perhorrescens, summa voluntate, magna cum gratiarum actione exsolatus vineulis excedebat. Ad quem assidentium patrum unus : Frater, inquit, persuasum tibi habeto, et putasse nos, et vidisse, summa negligentia, animique remissione vixisse te utique ad hoc usque tempus : et inde haec tibi nunc tanta securitas, id vero omnes nescimus. Cui respondit frater : Est ita omnino, patres, vitam per summam negligentiam duxi : sed Angeli Dei eadem haec ipsa hora peccatorum meorum ad me chirographon attulerunt, cumque ea quae fecissem postquam seculo renuntiasssem peccata legissent, numquid agnoscere rogaverunt. Quibus ego ; Maxime vero, inquam, agnosco : sed idem ex quo renuntiavi seculo, vitamque institui monasticam, nec judicavi quemquam, nec ab ullo mihi factam injuriam meminisse volui. Igitur Domini verba ad me quoque pertinere opto et oro, qui dixit : Nolite judicare, et non judicabimini : et dimittite, et dimittetur vobis. Que postquam Angelis dixi, chirographon peccatorum meorum considerant : et inde nunc summa cum letitia et securitate proficiscor ad Dominum. Haec ubi frater ille nar-

ravit patribus. Domino in pace spiritum reddidit, magneque adstantibus ædificationis utilitatisque causa et auctor exstitit, etc. » Ille Anastasius.

Sed sint tibi pro jentaculo ista : lautiorem, si cupis, paratam habes mensam in editis jam ipsis ab eo conscriptis quinque libris de rectis fidei Catholice dogmatibus quos se in exilio scripsisse testatur¹, neconon locupletiorem thesaurum undecim ejusdem auctoris libros Anagogicarum contemplacionum in Hexaemeron, quos vere hujus esse Anastasii Sinaikæ, æque cum scholiaste sentio : dissentio vero a Nicephoro in errorem dueto, dum hunc Sinaitam martyrem appellat; quo titulo junior Anastasius ob martyrium acceptum sub Phoca imperatore tantummodo dignus est : hunc autem hoc anno sub Mauritio defunctum esse, tam quæ ex Nicephoro Constantinopolitano, quam quæ proxime dicturi sumus ex sancto Gregorio papa, fidem haud dubiam vindicant. Porro hic ipse Anastasius diversis suorum scriptorum locis hos a se scriptos esse citat commentarios, nempe, de constructione hominis libros duos, contra Judæos totidem, de Christi passionum contemplatione, de Egypto encomium ; adversus eos qui in Divinis inducunt tres essentias.

11. *Ipsi succedit itidem Anastasius nomine, ad quem scribit Gregorius.* — His igitur de Anastasio Sinaita dictis, et gloriae ejus sancte memoriae commendatis, ad ipsius successorem itidem Anastasium appellatum transeamus : qui ubi est creatus Antiochenus episcopus, more majorum de sua creatione certiore reddit Romanum Pontificem, fideique Orthodoxæ professionem ad eundem conscripsit. Non extat illa quilem, sed quam ad ipsum Gregorius Epistolam reddit, de ea testimonium profert, ubi hæc ipsius exordio ait² : « Fraternitatis tuae scripta suscepi, professionem fidei rectæ servantia : magnasque omnipotenti Deo gratias retuli, quod et immutabilis gregis sui pastoribus, idem quam semel sanctis Patribus tradidit, etiam post eos immutabilem custodit ». Intelligis, puto, lector, affirmare Gregorium jam mutatos esse pastores, nempe non amplius seniores, sed juniorum sedere cœpisse Anastasium, a quo exigebatur nova professio fidei ; quod de seniore nullatenus dici potest.

Porro ad juniorem se scribere Anastasium, idem sanctus Gregorius in fine Epistolæ istis faletur verbis : « Quia vero pervenit ad nos in Orientis Ecclesiis nullum ad sacrum ordinem, nisi ex præmiorum datione pervenire : si ita esse vestra fraternitas agnoscit, hanc primam oblationem omnipotenti Deo offerat, ut a subjectis sibi Ecclesiis errorem Simoniacæ hæreseos compescat, etc. » Quæ quidem ad seniorem Anastasium jam tempore Justiniani creatum episcopum referri non possunt, ut primam hanc oblationem suæ pastoralis curæ offerret, sed ad juniorum Anastasium hoc anno recens electum. Ad ipsum ergo Gregorius novum pastorem scribens,

¹ Anast. de rect. fidei dogm. l. iii. in fin. tom. I. Bibl. nov. edit.

² Greg. l. vii. Ep. LVIII. Ind. II. edit. Rom.

plura de exacta exhibenda gregi cura pastorali commemorat : commendat etiam, quod nonnisi Catholici ad Ecclesiasticos ordines promoverentur.

12. Sed et quæ de fide Catholica imperatoris et imperatricis iisdem suis interserit litteris, accipe : « Quod, inquit, ad sacros ordines recte fidei viri perducantur, eidem omnipotenti Deo gracie sine cessatione solvenda sunt, et pro vita piissimi, et Christianissimi domini nostri imperatoris, et tranquillissima ejus conjugi, et mansuetissima ejus sobole semper orandum est, quorum temporibus haereticorum ora conficescunt : quia etsi eorum corda in insania perversi sensus ebulliunt, Catholici tamen imperatoris tempore prava quæ sentiunt, eloqui non præsumunt ». Haec laude digna de imperatore Gregorius; qui eadem totidem ferme verbis habet de iisdem Mauritio, conjugi, alique filiis in Epistola¹ ad Isicium Hierosolymorum episcopum data. Evidem inter felicissimos imper. collocandus erat Mauritius, si quemadmodum fuit Catholice fidei tenacissimus, fuisse pariter et in reliquis æque sincerus : sed dum minime rectæ fidei æque bona opera conjunxit, et contemptui habuit sanctissimos sacerdotes, Dei vindicam meruit experiri, ut suo loco dicemus.

Misit vero hoc eodem anno imperator Romanam triginta libras auri pauperibus dividendas, necon rogas, militare scilicet donativum in milites ergandas. Pro quibus omnibus Gregorius gratias agens, ejusmodi officii plenas ad eum litteras reddidit² :

13. *Epistola Gregorii ad Mauritium pro eleemosyna accepta.* — « Dominorum pietas, quæ suos consuevit misericorditer famulos continere, ita benigna hic subventione resplenduit, ut cunctorum debilium inopia largitatis ejus sit consolatione sublevata. Pro qua re lacrymabili prece omnes deposcimus, ut omnipotens Deus, qui clementia vestrae ad hoc corda compinxit, incolumi in amoris sui constantia dominorum servet imperium, et victorias eorum in cunctis gentibus auxilio suæ majestatis extendat. Triginta itaque libras auri, quas confamulus mens Busa delulit Scribo, sacerdotibus, egenisque et aliis fideliter erogavit. Et quia quædam in hanc Urbem sanctimoniales feminæ ex diversis provinciis venerunt post captivitatem fugientes : ex quibus quantum locorum possibilitas recipit, aliquæ in monasteriis date sunt : quæ vero in eis minime capi potuerunt, singulariter degentes inopem vitam ducunt : placuit, ut hoc quod cœcis, truncis, aliisque debilibus superesse posset, eis erogari debuisset ; dummodo non solum dominorum misericordiam indigentes indigenæ, sed advenientes etiam peregrini susciperent. Unde actum est, ut simul omnes pro vita dominorum concorditer orarent, quatenus omnipotens Deus longa vobis et quieta tempora tribuat, et pietatis

vestrae felicissimam sobolem diu in Romana Republica florere concedat. Roga (Toga) quoque militum ita per predictum confamulum meum Seribonem, praesente quoque gloriose Casto (Exarcho), magnæ factæ sunt, ut dona dominorum cuncti sub disciplina debita gratias agendo susciperent, et hoc quod eis prius donari (dominari) consueverat, accipiendo, omne murmur everteret ». Haec ad imperatorem Gregorius. Vidisti in Mauritio fidem, vidisti et erga pauperes largitatem, ut etiam Romani usque ejus se effunderet misericordia ? Sed quod in multis aliis, appensus in slatera divini iudicij, inventus sit minus habens, mernit in hoc saeculo severe admodum flagellari.

14. *Gregorius podagra confessus curas non remittens seribit ad plures; ubi de sacrarum imaginum cultu.* — Inter tot autem multiplicium negotiorum molestias, contigit hoc anno ipsum Gregorium podagrac doloribus graviter affligi, cum tamen interea labores ex pastorali cura jugiter ingruentes minime prætermitteret. Factetur vero ipse, adeo se præ doloribus viribus defecisse, ut intelligeret hebetatum. Sed audi ejus verba in Epistola ad Secundinum³ : « Scire te necesse est, fili carissime, quia tantis podagrac doloribus, tantisque curarum tumultibus premor, ut quamvis nunquam aliquem fuisse reminiscar, valde tamen me videam non esse, qui fuerim ». Ita ipse suis oculis quotidie minor apparens, qui major in Dei oculis in dies magis proficiens evadebat, ut Moyses, cum ante Deum se viliorem seipso cognovit : et secundum illud Apostoli⁴ : « Virtus in infirmitate perficitur » ; illud verius de se locutus : « Cum infirmor, tunc fortior sum ». Perseverasse toto hoc anno ejusmodi ægritudinem, que in fine ejusdem anni dieluri sunnus ostendent.

15. Doloribus pressus, nihil tamen (ut dictum est) remisit quotidiane sollicitudinis omnium Ecclesiarum ; sed cumulate omnibus satisfecisse, litteræ hoc anno ab eo date significant : adeo ut non publicis tantum, sed privatis quoque in omnibus inservierit : quod satis conspicitur in dicta Epistola⁵ ad Secundinum. Erat iste abbas magni nominis inter Longobardos existens, ut ex aliis ipsius Gregorii litteris ad Theodolindam reginam datis appareat⁶ : huncque ipsum apud Paulum diaconum (errore puto librariorum) non Secundinum, sed Secundum invenimus nominatum⁷ : a quo fuisse baptizatum filium Theodolindæ reginæ Adovaldum, idem affirmat, non alio titulo ipsum quam servum Dei appellans, et patria Tridentinum, ubi idem auctor agit⁸ de ejus obitu. Citat eum ipse frequenter : nam ab eo scriptam esse de Longobardis historiam tradit. Falluntur autem qui hunc putarunt episcopum. Fuisse quidem apud omnes magnæ ob vite sanctitatem atque doctrinam existi-

¹ Greg. l. ix. Ep. xl. Ind. iv. — ² Greg. l. viii. Ep. ii. Ind. iii. indecent. mens. Sept.

³ Greg. l. vii. Ep. liv. Ind. ii. edit. Rom. — ² 2. Cor. xii. — ³ Greg. l. xii. Ep. vii. Ind. vii. — ⁴ Paul. diac. l. iv. c. 8. — ⁵ Ibid. c. 14. — ⁶ Ibid. c. 13.

mationis, eadem date ad ipsum litteræ docent. Verum titubasse ipsum quidem nonnihil in recipienda quinta Synode, ex iisdem datis ad eum littoriis apparet, dum adhuc consuluisse constat Gregorii de eadem simul et aliis questionibus, atque primum, num Orientales Ecclesie suscepserent Epistolam S. Leonis papa ad Flavianum, atque an omnes pariter in damnationem Trium Capitulorum aequa consentirent. Satisfacit his Gregorius eundem certiorem reddens, omnes Orientales Ecclesias nonnunquam quatuor Concilis aequa recipere S. Leonis Epistolam, atque etiam quintam Synodum eum damnatione Trium Capitulorum, de quibus nos superius diximus abundanter. Sed et ea inter alias pulsavit Gregorium de origine animarum questione perdifficili. Verum Gregorius pereonstanti nihil definiendo respondit; originale tamen peccatum inhaerere nascientibus, firmiter demonstravit. Porro easdem quæstiones si quis attente consideret, occasione receptæ quinta Synodi ab ipso motas esse cognoscet.

46. Petierat præterea suis litteris idem Secundinus venerandas imagines. Quod Gregorius liberaliter aequa religiose præstít, deque sacro imaginum cultu apposuit ab Ecclesia receptam doctrinam, dum hæc ait: « Imagines quas tibi dirigendas per Dileidum diaconum rogasti, misimus. Unde valde nobis tua postulatio placuit: quia illum in loco corde, tota intentione quaeris, ejus imaginem praœ oculis habere desideras, ut te visio corporalis quotidiana reddat exercitatum: ut dum picturam illum vides, ad illum animo inardescas, ejus imaginem videre desideras. Ab re non facimus, si per visibilia invisibilia demonstramus. Sic homo qui alium ardenter videre desiderat, aut sponsam amans videre conatur, si configerit eam ad balneum, aut ad Ecclesiam ire, statim per viam incedendi se præparat, ut de visione ejus hilaris recedat.

« Scio quidem, quod imaginem Salvatoris nostri non ideo petis, ut quasi Deum colas, sed ut recordatione Filii Dei in ejus amore recalereas, ejus te imaginem videre consideras. Et nos quidem non quasi ante Divinitatem ante illam prosternimur, sed illum adoramus, quem per imaginem aut natum, aut passum, aut in throno sedentem recordamur: et dum nobis ipsa pictura quasi Scriptura in memoriam Filium Dei reducit, animum nostrum aut de resurrectione krisificat, aut de passione demulcat. Ideoque direximus tibi surtaras duas, imaginem Dei Salvatoris, et sancte Dei Genitricis Mariae, beatorumque Apostolorum Petri et Pauli continentem, per supradictum filium nostrum diaconum, et manu Crucem, clavem etiam pro benedictione a sanctissimo corpore Petri Apostolorum principis, ut per ipsum a maligno defensus permaneas, ejus signo munitione te esse credis». Et superius eadem Epistola: « Alioen vero, thymiamam, styracem, et balsamum sanctorum martyrum corporibus offerenda, latore præsentium deferente, transmisimus». Hac quoad sanctorum cultum,

Dedit ad eundem et duos homiliarum Codices, quas super Evangelia ipse habuerat in Ecclesia: in duo enim volumina illas partitas fuisse constat. Addidit insuper et vestimentum. Hæc de munieribus ad eum a Gregorio missis, quibus demerere tantum virum conatus est, quem seiret continere potuisse Longobardos in communione Catholica.

17. Quod vero ad nullum spectat sacrarum imaginum: non solum ante ipsas Deum precari atque adorare, sed et prosterni fideles consuevisse, ex Gregorio intellexisti: verum ne religio in superstitionem declinet, ut manu facta, quasi Gentiles idola, Christianus colat, admonitionem quam audiisti, conjungit; sicut et in Epistola¹ quam hoc ille anno post hæc dedit ad Serenum Massiliensem episcopum, ibi ait: « Indico dudum ad nos pervenisse, quod fraternitas vestra quosdam imaginum adoratores adspicis, easdem Ecclesie imagines confregit alque projectit. Et quidem zelum vos, ne quid manufactum adorari possit, habuisset laudavimus: sed frangere easdem imagines non debuisset, judicamus. Idecirco enim pictura in Ecclesiis adhibetur, ut hi qui litteras nesciunt, saltem in parictibus videndo legant, quæ legere in Codicibus non valent. Tua ergo fraternitas et illa servare, et ab earum adoratu populum prohibere debuit: quantum et litterarum nescii haberent unde scientiam historie colligerent, et populus in picturæ adoratione minime peccaret». Hæc ad Serenum, quod et servat Ecclesia, saepius jam admonita non picturam ipsam adorandam, sed quem eadem pictura reddit, quasi præsentem alloqui et venerari. Quis Christianorum adeo obtusus ingenio et captus mente reperitur, ut cum ante imaginem sternitur, dicat se adorare colores illos in imaginem super tabulam ductos? cum e contra ratione prototypi eam venerari et adorare debere consentiat. Sic et anno superiori eundem Gregorium scripsisse² meminimus de imagine Dei Genitricis Mariae in synagogam Indiaeorum delata, ut deberet cum veneratione referri: et nuper in Epistola ad Secundinum, prosterni pie solere fideles ad sanctas imagines, tradit. In quam etiam sententiam accipias necesse est (nisi velis eum scripsisse sibi contraria) quæ idem Gregorius in posteriori Epistola eodem arguento conscripta ad Serenum habet: ut cum adorari imagines negat, intelligas de adoratione illa, qua Gentiles colebant idola, cum putarent in manufactis divinam esse virtutem. Sed de his pluribus Hadrianus papa in Epistola ad Carolum Magnum.

18. Quod denum ad ipsum Secundinum abbatem perlinet, traxisse nimium visus est contentio sum funem adversus Gregorium: nam aliis post annos quinque datis ad Theodolindam Longobarorum reginam litteris³, fuisse itidem de Tribus Capitulis et quinta Synodo disceptandum, quæ ibidem mox Gregorius subdit, ostendunt, ubi ait:

¹ Greg. v. vii. Ep. cxi. Ind. ii. edit. Rom. — ² Ibid. Ep. v. Ind. ii.
— Greg. l. xii. Ep. vii. Ind. vii.

« Eam tamen Synodus, quae p̄iē memorie Justinianni tempore facta est, per latores præsentium transmisi : ut prædictus fīsius meus dilectissimus ipsam relegens, cognoseat, quia falsa sunt omnia, quae contra Sedem Apostolicam vel Catholicam Ecclesiam audierat. Absit enim nos enjushbet sensum hæretici recipere, vel a tomo sancte memorie Leonis prædecessoris nostri in aliquo deviare. Sed quæcumque a sanctis quatuor Synodis sunt definita, recipimus ; et quæcumque reprobrata sunt, condemnamus ». Haec de his Gregorius, sæpe sacerdos iisdem (ut superius vidisti) questionibus sive a schismaticeis, sive schismaticorum occasione vexatus, et (ut ita dixerim) lancinatus.

19. *Gregorii documenta ad missæ ritus spectantia.* — Fuit hoc item anno aequæ laborandum Gregorio adversus quosdam, qui in ipsum oblatrarent, quod contra Constantinopolitanam Ecclesiam insurrexisset, a qua (ut ipsi aiebant) Ecclesia Romana in sacris ritibus pleraque mutuata esset. Quænam fuerint ista, hic ex ipsius Gregorii litteris sunt affrenenda; qui scribens ad Joannem Syraensanum episcopum, ista habet¹ :

« Veniens quidam de Sicilia, mihi dixit, quod aliqui amici ejus vel Graeci, vel Latini, nescio, quasi sub zelo sanctæ Romanæ Ecclesie de meis dispositionibus murmurarent, dicentes : Quomodo Ecclesiam Constantinopolitanam disponit comprimere, quia ejus consuetudines per omnia sequitur ? Cui cum dicerem : Quas consuetudines sequimur ? respondit : Quia Alleluia dici ad missas extra Pentecostes tempora fecisis : quia subdiaconos spoliatos procedere : quia Kyrie eleison dici : quia orationem Dominicam mox post canonem dici statuistis. Cui ego respondi ; Quia in nullo eorum aliam Ecclesiam seculi sumus. Nam ut Alleluia hic diceretur, de Hierosolymorum Ecclesia ex beati Hieronymi traditione, tempore beatæ memorie Damasi pape traditur tractum. Et ideo magis in hac Sede illam consuetudinem amputavimus, que hic a Graecis fuerat tradita ».

20. Quod enim configeret sæpe graecos homines Ecclesiam Romanam habere Pontifices, ab eisdem aliqua ex Graecorum ritibus illata in eam fuisse creduntur. Sed pergit : « Subdiaconos autem ut spoliatos procedere facerem, antiqua consuetudo Ecclesie fuit. Sed quia placuit eidam nostro Pontifici, nescio cui, qui eos vestitos procedere præcepit : nam vestrae Ecclesiae nunquid traditionem a Graecis acceperunt ? Unde habent ergo hodie, ut subdiaconi tunics in tunics procedant, nisi quia hoc a matre sua Romana Ecclesia perceperunt ? Kyrie eleison autem nos neque diximus, neque dicimus sicut a Graecis dicitur. Quia in Graecis simul omnes dicunt : apud nos autem a clericis dicitur, et a populo respondeatur, et totidem vicibus etiam Christe eleison dicitur, quod apud Graecos nullo modo dicitur. In quotidianiis autem missis atia que

dici solent, faciemus : tantummodo Kyrie eleison, et Christe eleison dicimus, ut in his deprecationis vocibus paulo diutius oceperemur.

« Orationem vero Dominicam idecirco mox post precem dicimus, quia mos Apostolorum fuit, ut ad ipsam solummodo orationem oblationis hostiam consecrarent ». At que Gregorius afferit ex Apostolorum traditione, quod ad ipsam solummodo orationem Dominicam conficeretur Eucharistia, magna potuissent dubitationem afferre, et querentibus nodum in scirpo, oblatrandi occasionem dare, nisi eadem ex iis que idem hic Gregorius subdit, elucidarentur. Dūn enim ait, dici ipsam orationem Dominicam super Christi corpus et sanguinem, indicat evidenter non oratione Dominica consecratum ab Apostolis corpus et sanguinem Christi, sed super ipsum jam consecratum dici consuetam, ex quorum traditione idipsum hactenus Romana servaret Ecclesia. Subdit enim : « Et valde mihi inconveniens visum est, ut precem, quam Scholasticus compulerat, super oblationem diceremus ; et ipsam traditionem, quam Redemptor noster composit, super ejus corpus et sanguinem non diceremus ».

21. Sic igitur quod dixit : « Apostolorum mos fuit, ut ad ipsam solummodo orationem oblationis hostiam consecrarent » : perspicue intellexit, nihil aliud miscuisse, sed ea consummasse, perfecisseque sacrificium ipsum, missæ scilicet partem illam, quæ oblatio dicitur, vel liturgia : aliter enim ea posse intelligi, prohibent quæ Gregorius subdit, minirum, dici ipsam Dominicam orationem super Christi corpus et sanguinem jam consecratum. Potuisse vel cogitasse Gregorius, ut per orationem Dominicam fieret consecratio, qui in suo libro sacramentorum grandiuseulis reliquit expressa litteris verba ipsa Christi, quibus sacramentum conficeretur ? neque alia quidem, quam quæ ab Apostolis tradita et a sanctis Patribus sunt recepta, quæ ipsa recitans S. Ambrosius ait² : « Ante verba Christi calix est vini et aquæ plenus : ubi verba Christi operata fuerint, ibi sanguis efficitur ». Et quæ verba Christi ? nempe super panem dicta : « Hoc est corpus meum » : et super calicem : « Hic est sanguis mens, etc. » At si Graecos quæris, habes inter alios Chrysostomum idipsum protitentem in homilia de proditione Iudei : si vero recentiores Latinos, est S. Cæsarius Arelatensis episcopus, qui hujus sæculi exordio in Ecclesia Dei miro splendore claruit : ipse enim in homilia septima de Paschaste ista ait : « Reedat ergo omne intidelitatis ambiguum : quandoquidem qui auctor est muniris, ipse etiam testis est veritatis. Nam invisibilis sacerdos visibiles creaturas in substantiam corporis, et sanguinis sui verbis sui secreta potestate convertit, ita dicens : Accipite et edite : hoc est corpus meum. Et sanctificatione repetita : Accipite, et bibite : hic est sanguis meus, etc. » Haec ex pluribus, quod obiter de his agendum inciderit ob elucidatio-

¹ Greg. I. vii. Ep. Lxiv. Ind. ii. edit. Rom.

² Ambr. de Sacram. I. iv. c. 5.

nem verborum S. Gregorii, qui in eadem Epistola ista subjicit : « De Constantinopolitana Ecclesia quod dicunt, quis eam dubitet Sedi Apostolicæ esse subjectam? Quod et piissimus dominus imperator, et frater noster Eusebius (Cyriacus) ejusdem civitatis episcopus assidue proficerunt ». At ubi legitur, Eusebius, restituendum est, Cyriacus, ex iis quæ superius eadem Indictione sunt dicta. Sed acceperit qualem ad omnem tollendam invidiam ad suam Epistolam idem S. Gregorius apposuit colophonem : « Si quid, inquit, boni vel ipsa (Constantinopolitana scilicet), vel altera Ecclesia habet : ego et minores meos, quos ab illis proficiebo, in bono imitari paratus sum. Stultus est enim, qui in eo se primum existimat, ut bona quæ viderit, discedere contemnet ». Id quidem Gregorius et alii etiam Romani Pontifices sunt professi : quibus plane intelligentias eos quam maxime a fastu fuisse alienos.

Scripsit¹ idem hoc anno ad præcipuos Galliarum episcopos, jubens ab ipsis Synodus congregari, neenon² etiam ad Brunichillem reginam Francorum, sollicite admonens, ut Simonia et alia nefanda crimina corrigi deberent : de iisdem quoque Theodoberum atque Theodoricum Francorum reges admonuit : scripsit hæc omnia, deditque ea perferranda Cyriaco abbati, quem Synodo ab eisdem celebrande interesse præcepit.

Porro eundem Cyriacum etiam transire Gregorius voluit in Hispanias, ut ubi ipse præsens esse non posset, per suos adasset. Commendavit autem eum³ Claudio viro illustri. Hie ille Claudius, de quo apud Isidorum honorificentissima habetur mentio : per ipsum enim, Recaredum magna clade vicisse Francos bellum inferentes Gothis considentibus in Gallia Narbonensi affirmat, de quo actum est superius. Cujus viri adeo regi fidelis, et adversus hostes strenui, atque (quod excellit hæc omnia) erga Deum maximè pīi, hic ex Gregorii litteris⁴ remaneat perpetuo permanstra erecta gloriae columna; quæ sic se habent :

22. De Claudio viro insigni. — « Quia unguentum more bonorum fragrat opinio, vestra gloria de Occidentalibus partibus hucusque odor tetendit. Cujus profecto aure suavitate respersus, multum, fateor, quem nesciebam dilexi, atque intra simum cordis amoris manu te rapui : nec jam eum nesciens diligebam, cuius bona cognoveram. Qui enim mihi magna intentione notus, sed corporis visione manet incognitus, de eo proculdubio veraciter dicere possum, quia personam illius scio, sed dominum nescio. Magna autem vestra laudis datur assertio, quod excellenti Gothorum regi vestra gloria sedulo adhaerere prohibetur : quia dum malis boni semper displicant, bonos vos esse certum est, qui bono placuistis. Propterea debitum salutationis alloquium solvens, opto vos in his quæ cœpistis, exerceri : ut

in vobis compleatur veridica Salomonis illa sententia, quæ ait¹ : In storm semita quasi lux splendens procedit, et crescit usque ad perfectum diem. Nunc enim cum lux nobis veritatis infulget, cum sese regni caelis suavitas mentibus aperit, jam quidem dies est, sed adhuc perfectus non est. Tunc enim dies perfectus erit, quando jam quicquam de nocte peccati in mente nostra non erit. Vos autem usque ad perfectum diem crescete, ut quoisque patria aeterna videatur, bonorum hic operum augmenta dilatentur : quatenus tanto post in retributione major sit fractus muneris, quanto nunc studium ereverit laboris. Præterea dilectissimum filium nostrum Cyriacum, monasterii nostri Patrem, vestra gloriae comitendamus : ut peractis quæ ei in juncta sunt, nulla illum remeandi mora præpediat. Omnipotens Deus caelis vos brachii protectione tueatur, et nunc gloriosos inter homines, et post longa annorum currieula inter angelos esse concedat ». Hucusque ex Gregorio de Claudio monumentum, quem trecentis milibus superasse Francorum exercitum sexaginta millium, superius certa assertione demonstratum est.

23. Concilium Barcinonense. — Quod ad Cyriacum abbatem tum in Gallias tum in Hispanias missum pertinet : idem agere in Hispaniis, quod in Galliis, a S. Gregorio jussus videtur, nempe ut ad extirpandam ubique Simoniacam haeresim coegeret episcoporum Concilia. Equidem secundum argumentum Epistolarum sancti Gregorii ad episcopos atque reges Francorum, et admonitiones ejusdem de Synodo in Galliis convocanda, celebratum habetur Barcinone in Hispania Concilium hoc anno kalend. Novemboris, Era nimirum sexagesima trigesima septima, anno decimo quarto Recaredi regis : cuius quatuor cum extitent canones, duo adversus Simoniacum scelus saneiti esse noscuntur: tertius vero adversus laicorum ordinaciones, ne promoveantur ad ordines Ecclesiasticos prælēmissō tempore a canonibus antiquis præscripto : adeo ut neque in his obdiretur Epistolis regiis id suadentibus, non pareret plebs, nec consentirent episcopi. Isla eadem omnia Gregorium admonuisse Gallicanos quoque episcopos, litteris ad eos datis eidem abbati Cyriaco; qui eas legerit, in ipsis reperiet, sicut et in aliis datis ad Francorum reges Epistolis eidem Cyriaco, quem in Gallias, et Hispanias hoc anno a S. Gregorio visitatorem, et correctorem morum esse missum intelligis.

Sed et quod rursus ad Barcinonense Concilium spectat : cum Hispaniarum episcopi vehementer hoc anno a S. Gregorio objurgatos audissent primatrem Galliarum Virgilium Arelatensem episcopum, atque Syagnum Augustodunensem, quod immnane facinus reliquissent inultum : illud ne in Hispanias accideret aliquando, novo canone Patres in Concilio congregati studuerunt, statuentes haec quæ sequuntur², tolim id curante Cyriaco :

¹ Prov. iv. — ² Conc. Barcinon. c. 4.

¹ Greg. I. vii. Ep. cxii. Ind. i. et Ep. cxii. cxiii. cxiv. edit. Rom. — ² Ibid. Ep. cxv. cxvi. Ind. ii. edit. Rom. — ³ Ibid. Ep. cxxv. Ind. ii. edit. Rom. — ⁴ Eadem Ep. cxxv. Ind. ii.

« Pari etiam consideratione sancientes, ut si qua virgo propria voluntate, abjecta laicali ueste, devotarum more induita, castitatem servare promiserit, vel si qui hominum ultriusque sexus penitentie benedictionem expetendo a sacerdote percepirent, et ad terrena communia sponte transferirent, aut violenter abstracte feminæ a pudicitiae violatore sequestrare noluerint: utique ab Ecclesiarum lumenibus expulsi, ita ab omnium Catholicorum communione sint separati, ut nulla prorsus eis vel colloquii consolatio sit reliqua ». Haec Patres: cuius sancienda severe legis (ut diximus) scandalum Galliarum visum est occasionem dedit. Qualecum autem id fuerit, ex Epistola data a S. Gregorio ad Virgilium Arelatensem et Syagrius Augustodunensem episcopos appetit his verbis¹:

24. « Commissi officii qualitas me, fratres carissimi, in vocem cogit doloris erumpere ». Et infra: « Pervenit autem ad nos, Syagriam quamdam (quondam) vitam religiosam mutatis etiam uestibus assecutam, posteaque marito violenter esse (quod dici iniquum est) sociatam, et nullo vos in ejus defensione dolore permotos. Quod si ita est, vehementius ingemisco, ne apud omnipotentem Dominum (quod absit) merecari ostieim, et non pastoris meritum habeatis, quippe qui in ore Iupi ovem Ianiandam sine certamine reliquistis. Quid enim dicturi, quamvis rationem futuro estis iudicis reddituri, quos stupri scortatio non commovit? quos ad defendendum favor nequaquam religiosi habitus excitavit? quos ad latitudinem pudicitiae integratatem sacerdotalis consideratio non erexit? vel nunc ergo negleculus ad memoriam redeat, hujus recordatio culpa sollicitet, etc. » Ex aliena ergo culpa redditu cautores Hispaniarum episcopi qui interfuerunt Concilio Barcinonensi numero duodecim, ipsum quem recensumus canonem sancivere, monente (ut par est credere) Cyriaco abbe misso in Hispanias a sancto Gregorio monitore.

25. *Reccaredi munera ad S. Petrum, ad quem regem et ad S. Leandrum scribit Gregorius.* — Quo pariter anno Indictionis secundae reperitur rex Hispanie religiosissimus Reccaredus delegisse viros valde pios abbates, eosque Romam misisse ad lumen Apostolorum: quibus munera dedit S. Petro Apostolo offerenda. Mentio de hac legatione habetur in litteris S. Gregorii ad ipsum regem hoc anno redditis, in quibus inter alia ista habet²: « Beatus vero Petrus Apostolorum princeps quam libenter munera excellentiae vestrae suscepit, ipsa cunctis liquido vita vestra testatur. Scriptum quippe est³: Vota iustorum placabilia. Neque enim in omnipotenti Dei iudicio, quid datur, sed a quo datur, adspicitur: Hinc est enim quod scriptum est⁴: Respexit Deus ad Abel et ad munera ejus, ad Cain autem et ad munera ejus non respexit. Dieturus quippe, quia Dominus respexit ad munera, pra-

misit sollicite, quia respexit ad Abel. Ex qua repalenter ostenditur, quia non offerens a muneribus, sed munera ab offerente placuerunt? Vestra itaque offatio quam sit grata, ostenditis, qui daturi aurum, prius ex conversione gentis subditæ animarum munera dedistis. Quod vero transmissos abbates, qui oblationem vestram beato Petro Apostolo deferebant, vi maris dicitis fatigatos ex ipso itinere ad Hispanias remeasse: non munera vestra repulsa sunt, quæ postmodum pervenerunt, sed eorum qui transmissi fuerant, constantia est probata, auferent sancto desiderio objecta pericula vineere, et in fatigacione corporis mente minime lassari. Adversitas enim quæ bonis votis objicitur, probatio virtutis est, non iudicium reprobationis, etc. »

26. Que auctem idem Gregorius ad religiosissimum regem post pæclaras de conversa opere ipsius gente Gothorum laudes, postque saluberrimas de cavendis diaboli fallaciis admonitiones litteris scriptas, se ad eumdem regem munera mittere dicat. accipe: « Clavim, inquit, parvulum a sacratissimo B. Petri Apostoli corpore vobis pro ejus benedictione transmisimus, in qua inest ferrum de catenis ejus inclusum, ut quod collum illius ad martyrium ligaverat, vestrum ab omnibus peccatis solvat. Crucem quoque dedi latori presentium vobis offerendam, in qua lignum Dominicæ Crucis inest, et capilli beati Joannis Baptiste: ex qua semper solarium nostri Salvatoris per intercessionem præcursoris ejus habeatis ». Et in fine Epistolæ: « Praeterea transmisimus clavim aliam a sacratissimo B. Petri Apostoli corpore, que cum digno honore reposita quæque apud vos invenerit, benedicendo multiplicet ».

Dedit præterea eodem tempore eidem munitio sanctus Gregorius litteras¹ ad sanctum Leandrum Hispanensem episcopum, a quo prius accepérat, misitque ad eum pallium. Laborabat æque Leander atque Gregorius tunc podagra, ut ipse in eadem testatur Epistola. Certe quidem si numerando suscipias sanctitatem celebres homines, qui podagra morbo afflitti sunt, copiosum conticies catalogum, quo redarguas eos qui voluptuosos ex podagræ doloribus arguant homines. Ad finem vero Epistolæ idem haec habet: « Ego auctem quanta occupatione deprimer et debilitate, brevis attestatur Epistola, in qua ei quem multum diligo, parum loquor ». Circa autumnum hanc videtur seripsisse Epistolam, paulo ante videlicet Indictionem tertiam inchoatam: quo tempore datis ad Italiam patriam (de qua superius) litteris, docet gravem morbum infestasse Urbem, cum et Africam pariter morbo vastari munitum est, necnon Orientem atque alios etiam populos malis iisdem perurgeri. Sed de seipso primum accipe ex verbis ipsius²: « Peccatis, inquit, meis exigentibus ecce jam undicim menses sunt, quod valde rarum est, si de

¹Greg. l. vii. Ep. cxx. Ind. ii. edit. Rom. — ²Ibid. Ep. cxxvi. Ind. ii. — ³Prov. xv. — ⁴Genes. iv.

¹Greg. l. vii. Ep. cxxv. Ind. ii. edit. Rom. — ²Ibid. Ep. cxxvii. Ind. ii. edit. Rom.

leeto surgere aliquando potuero : tantis enim podagræ tantisque molestiarum doloribus premor, ut vita mea mili gravissima poena sit. Quotidie enim in dolore deficio, et mortis remedium exspectando suspiro. In clero vere Iujus Urbis et populo tanti febrium languores irruerunt, ut pene nullus liber, nullus servus remanserit, qui esse idoneus ad aliquod officium vel ministerium possit. De vicinis autem urbibus strages quotidie mortalitatis nobis nuntiantur. Africa autem qualiter mortalitate et languoribus vastetur, quanto viciniores estis, tanto credo quod subtilius cognovistis. De Oriente vero qui veniunt, graviores desolationes nuntiant ». His consolatur ipse ægrotantem patriciam Romanam, quam bella Italiana vastantia una cum suis Siciliam incolere insulam suaserunt. Ad finem autem Epistolæ hæc Gregorius. « Duleissimas tilias meas dominam Barbaram et dominam Antoniam mea peto vice salutari ». Quod vero moris fuisse scimus Romanis nomina majorum ad posteros propagari; quod de Italicae ipsius nomine diximus, idem dicendum pariter de Barbara : habes enim apud Ennodium Tieinensem landatissimam Romanam mulierem æque dictam nomine Barbaram, ad quam plures ipse dedit Epistolas.

27. Audisti Gregorium undecim jam menses ægritudinibus afflictatum atque prope consumptum: et tamen nihil remisisse negotiorum Ecclesiasticonrum liquet: quod hoc anno date ab eo Epistola docent; imo (quod magis mireris) nullus est amius, in quo scriptæ ab eo plures reperiantur Epistolæ, et negotia majora pertractata: ut quem decumbentem in lecto vidisti, eundem Epistolis suis veluti alitem penitus ferri, orbemque Christianum illustrare, verbis instituere, ac disciplina corrigerre sentias. Quem vero hic scribentem hoc anno audis, mensibus undecim se morbo detentum, non putas esse ipso solutum et redditum sanitati: sed perseverare adhuc ægritudinem eamdem biennio, ipse testatur in Epistola ad Eulogium Alexandrinum episcopum anno sequenti, ubi ait¹: « Ecce enim jam biennium pene expletur, quo tactu teneor, tantisque podagræ doloribus affligor, ut vix in diebus festis usque ad horarum trium spatium surgere valeam, missarumque solemnia celebrare. Mox autem cum gravi compellor dolore decumbere, ut erueiatum meum possim interrumpente gemitu tolerare. Qui dolor interdum mili lentus est, interdum nimius: sed neque ita latus, ut recedat, neque ita nimius, ut interficiat. Unde fit, ut qui

quotidie in morte sum, quotidie repellar a morte: nec mirum, quia preceptor gravis, talis corruptionis carcere diu teneor inclusus. Unde compellor exclamationem²: Educ de carcere animam meam ad conti- tendum nomini tuo ». Hæc ipse. Sed quid amplius? Ita semper ægrotum ad obitum usque ipsum per- severasse, quæ inferius dicentur, ostendit.

Quod vero ad Africanam Iuueniem spectat, audi quid idem Gregorius de ea seribat ad Dominicum episcopum Carthaginensem, eum consolans ipse fiet ægrotus et afflictus his verbis².

28. *Pestis in Africa*. — « Quanta in Africanis partibus Iues irruerit, jampridem cognovimus: et quia nec Italia de hac cladis percussione est libera, geminati in nobis dolorum sunt gemitus, etc. » Subdit enim quod ipse putabat (ut frequenter tum in homiliis, tum litteris inculcare consuevit) mundi finem imminere: tot enim piagis et tam assiduis videbat urgeri mundum, ut jam ejus finem crederet imminere. Ex quibus considerandum est, quot tantisque Pater sanctissimus perstringeretur angustiis; inter quas eo sollicitius prospicere omnium saluti curabat, quo omnium finem propinquum adesse putabat. Hinc ipse ad eundem Carthaginem episcopum scribens, qualiter se gerere deberet ejusmodi Iuis tempore, admonet, non quidem ut saluti sue consulens derelinquat gregem, sed ut pro eo vitam exponat: « Vestra, inquit, eos lingua (sicut et credimus) magis ac magis a pravi operis perpetratuione coercent, bonorum premia, malorum peccata edisserat: ut qui bona nimis diligunt, saltum mala pertimescant, et ab his se, quæ sunt plectenda, contineant. Nam inter flagella positos flagelis digna committere, contra ferientem est specialiter superbire, et sevientis acerius iracundiam irritare. Atque est primum genus dementiae, nolle quempiam a malis suis juste quiescere, et Deum injuste a sua velle ultione cessare. Sed quoniam in his divino adjutorio opus est, injunxit, dilectus frater, precibus, omnipotentis Dei clementiam exoremus, ut et nos digne ista tribuat exhibere, ei popolorum ad hæc operanda misericorditer corda compungat ». Hæc de his, quæ episcopi agere debeat tempore mortalitatis. Quos vero ob privatorum diversa negotia hoc anno oportuit ipsum Gregorium labores suscipere, ex litteris ab eo hoc eodem anno ad diversos datis quenque commodius pervestigare, quam cuncta cum fastidio hic ingenerere, posse putamus.

¹ Greg. I. viii. Ep. xxxv. Ind. iii.

² Psal. cxli. — ² Greg. I. viii. Ep. xli. Ind. iii.

Anno periodi Graeco-Romanæ 6092. — Anno Ærie Hispan. 637. — Jesu Christi 390. — Gregorii papie 10. — Mauritii imp. 48.

1. *Postconsulatus.* — Is annus haec formula notatus: *xvii post consulatum Mauritii Tiberii Aug. solius xv.* ut habet Chronicum Alexandrinum.

2. *Obitus S. Anastasii episcopi Antioch.* — A num. 8 ad 11. In Registro divi Gregorii lib. 7, *Iudict. ii.* mense *Januorio*, recitatitur Epistola *XLVIII*, *Anastasio episcopo Antiocheno* scripta, posquam professionem fidei ab hoc accepisset. Quare *Anastasius senior* Anaslasii junioris decessor mortuus erat anno praecedenti, quo kalendis Septembribus Indictione n inchoata est. In Chronicœ Nœphori, in Historia alterius Nœphori lib. 18, cap. 44, et in Tabulis Thœphani insertis *Anastasio seniori* anni sex post restitucionem in sedem Antiochenam tribuntur, qui utrinque incompleti intelligendi sunt: cum ea restitutio die *XXV* mensis Martii anni *DCCXII* facta fuerit, ut anno *DCCIV* ostendi. Porro distinguendi tres *Anastasii* pietatis laude celeberrimi, quos plerique scriptores inter se confudere, nempe sanctus *Anastasius* presbyter monachus Sinaita in Arabia, sanctus *Anastasius* patriarcha Antiochenus hujus nominis primus, et *Anastasius* junior martyris nuncupatus, quod a Judæis exarnificatus fuerit, senioris immediatus successor.

3. *Anastasius monachus Sinaita distinguendus ab Anastasio episc. Antiocheno.* — Prior vixit in monte Sinai, qui monachorum Asceteriis circumquaque obsitus fuit, ac celebratur a Graecis die *xx* mensis Aprilis, et in quibusdam Menologiis die *xxi* ejusdem mensis. Quantum pro Ecclesia Dei usque ad senectutem laborarit, ostendunt varia ejus scripta, quae Baronijs, aliquique viri doctissimi a Nœphoro lib. 8, cap. 14, in errorem abrepti, adscripsere *Anastasio seniori* patriarchæ Antiocheno, quem perperam *Sinaitum* vocant, et unum eundemque cum Anastasio Sinaita esse arbitrantur. Nam Allatius in Diatriba *de Simeonum Scriptis*, et ex eo Henschenius ad diem *xxi* mensis Aprilis in Vita sancti Amastasii Sinaitæ et sancti Anastasii patriarchæ Antiocheni, aliquique recentiores doctissimi, tam Catholicæ quam Protestantes, utrumque ab invicem separandum esse docuere. Libri *xi. Anagogicorum contemplationum in Hexaemeron*, de quibus Baronijs, fœtus sunt *Anastasii Sinaitæ*, non vero Anaslasii Antiocheni episcopi; citantur enim in Annales Michaelis Glyceæ viginti circiter vicibus, ibique nunquam episcopus aut patriarcha Antiochenus

appellatur, sed sepius *Anastasius Sinaites*, *vir dñinus et vir eximius*. Liber cui titulus: « *Responsio Anaslasii episcopi ad Orthodoxorum aliquorum Christianorum interrogationes de diversis capitibus Ecclesiasticis* », qui memoratur a Baronio, existimante fœtum esse *Anastasii Sinaitæ*, neque ab *Anastasio episcopo Antiocheno* editus est; cum plures errores Graecorum infarti sint his quæstionibus et responsionibus, et in iis multa excerptantur ex Constitutionibus Apostolorum, quæ sub nomine Clementis Romani Apostolis confitæ sunt, citenturque in illis *Olympiodorus*, qui decimo saeculo floruit, et alii juniores scriptores.

4. *Liber inscriptus Dux r̄e editus ab Anastasio Sinaita.* — Liber inscriptus *dux r̄e*, græce ἀρχή, *adversus Acephalos* eo fine eluenbratus, ne Orthodoxi incidenter in laqueos et retia hereticorum, præsertimque Severianorum, tribuitur a Nœphoro, et a Baronio *Anastasio Sinaitæ* episcopo Antiocheno, sed fœtus est *Anastasii monachi Sinaitæ*; titulus enim in Codice Ms. hujusmodi est: *Exordium libri S. Anastasii monachi Sinaitæ*. Et cap. 4, hic titulus legitur: « *Anastasii minimi presbyteri sancti montis Sina opus de fide, œconomia Christi Dei Fili ad sanctam Catholicam Ecclesiam Babylone scriptum, fratribus nostris in ea Christi studiosis et Orthodoxis potentibus* ». Albertinus minister Calvinianus in libro a se contra sacramentum Eucharistiae scriplo, pag. 893 et pag. 903 latine editionis, ubi nonnulla de *Anastasii Sinaitæ* libris observat, loquens de libro, cui titulus ἀρχή, seu *Dux r̄e*, ostendit, *Anastasium Sinaitam* opus illud conscripsisse inter annum *DCCXXX* et *DCCXL*, dia scilicet post utriusque *Anastasii* episcopi Antiocheni obitum. Auctor enim illius tractatus nonnulla referit, que cum in Alexandria foret, narrata sunt illia Catholicæ Alexandrinæ ibidem contigisse, aliquanto antequam hoc opus eluenbraret: « *Narrabant* », inquit cap. 10, « *nobis Catholicæ, qui Alexandria degunt, post tempora B. Eulogii papæ ibi fuisse quemdam Augustalem Severianum, qui satis dum quatuordecim librarios ejusdem secum sententiae habuerit, ex ipsius mandato residenles, et depravantes libros dogmatum sanctorum Patrium* ». Satis longum tenipus illud non minus verosimiliter assignari potest, quam viginti annorum. Obit vero *Eulogius* anno *DCCVII*. Rursus refert auctor illius operis, cum ibidem foret, ac quæstio

agitaretur de verbis quibusdam Cyrilli sic falsatis et adulteratis, *Isidorum* quemdam Bibliothecæ patriarchæ præfectum, ac vere orthodoxum, Codicem *Cyrilli* sincerum protulisse; quod indicium est, patriarcham tunc adhuc ibi orthodoxum fuisse. Neque enim verisimile est, patriarcham Theodosianum et Eutychianum bibliothecæ suæ præfectum habere voluntate Catholicum virum, qui snorum pudenda reuelaret, et confunderet. Videntur ergo hæc contigisse paulo ante annum 52xx, sub *Georgio* ultimo illius sæculi orthodoxo episcopo Alexandrino. At testatur auctor se aliquanto post scripsisse. Scribere autem non potuit post annum 52xli, nam ipsemel narrat fuisse adhuc in Alexandria prefectos Augustales cum scriberet, nec ullam mentionem facit irruptionis Saracenorum in Egyptum. Scripsit igitur necessario ante annum sexcentesimum trigesimum nonum, quo *Saraceni* Egyptum oppugnarunt, et vi cepernunt, ipsa quoque Alexandria anno quadragesimo primo ejusdem sæculi opere pugnata, et præfecti Augustales inde in perpetuum expulsi. Quare *Anastasius Sinaita* pervenit ad ultima tempora Heraclii imp. Liber ille varie interpolatus fuit, ut ostendit Allatius in *Syntagma de Eugastrimythe*, pag. 528.

5. *Anastasius Sinaita in omnibus Orthodoxus*. — Contra veritatem Albertinus, aliquique Protestantes scribunt, *Anastasium* Sinaitem ereditasse Eucharistiam esse meram figuram Corporis Christi, virtutis ejus et efficacie plenam. In libro enim, cui titulus, *Vix dux*, aliisque eidem attributis Corporis Christi in Eucharistia præsentiam credidit eum tota sæculi septimi Ecclesia; quamvis errore sibi proprio, in explicandis hujus mysterii circumstantiis lapsus, opinatus sit, Corpus Christi in Eucharistia esse corruptibile, et affectiones, quæ convenienter accidentibus, scilicet frangi, dividere, dentibus conteri, stomacho digeri, alterari, corrumphi. Corpori Domini convenire. Verum proprius hic illi error fuit, et privata opinio, circa circumstantiam quamdam mysterii, non circumspectam ipsius. Quia de re legenda Epistola Marcæ archiepiscopi Parisiensis ad Lucam Dacherum, liber 7 tom. 1 Arnaldi doctoris Parisiensis de perpetua fide Catholice Ecclesie circa

Eucharistiam cap. 2, et Natalis Alexander in sexto Ecclesiæ sæculo cap. 4. part. 43, ubi Anastasii Sinaite mens egregie explicatur.

6. *Alia opuscula Anastasii Sinaitæ et Anastasii senioris ep. Antioch.* — *Oratio de saera Synaxi*, et *Expositio in Psalmum sextum*, quæ a Baronio tribununtur Anastasio Sinaite episcopo Antiocheno, sunt *Anastasii Sinaitæ* monachi, et Notis illustrantur a Combeffisio, tomo II Bibliothecæ græco-latine sanctorum Patrum. Refert ibidem Combeffisius, orationes tres *Anastasii archiepiscopi Antiochiae*. Prior est de *Annuntiatione Beatissime Virginis*; sicuti et secunda, tercia vero de *Transfiguratione Domini nostri Jesu Christi*. Præterea Colonienses veterum Patrum Bibliothecæ inseruerunt *Orationes quinque dogmaticas* Anastasii Sinaite, quæ fœtus sunt Anastasii senioris episcopi Autiocheni; extant enim MSS. in Bibliotheca Caesarea, ut refert Lambeccius tomo VII Commentariorum de eadem Bibliotheca pag. 167, sub nomine *Anastasius Episcopus Antiochenus*, etc. ubi Anastasius non dicitur *Sinaita*, sed tantum *episcopus Autiochenus*. Et tamen Lambeccius titulum illarum orationum in linguam latinam vertens, vulgari errore occupatus, in versione sua eum *Sinaitam* appellat, sicuti et quando mentionem facit opusculorum ejusdem Anastasii episcopi Autiocheni, quæ ibidem manucripta habentur, nomen *Sinaita* versioni sue semper inserit; cum tamen ex illorum opusculorum titulis, in quibus Anastasius dicitur tantum *episcopus Autiochenus*, manifeste patet, *Sinaita* cognomen non nisi per errorem illi attributum fuisse. Supersunt varia manucripta Graeca in variis Bibliothecis sub nomine *Anastasii Sinaitæ*, vel Anastasii episcopi Autiocheni, de quibus hic agendi locus non est.

7. *Concilium Barcinonense*. — Ad num. 23 et seq. Concilium Barcinonense habitum die kalendarum Novembbris, anno feliciter XIV regni Christianissimi et piissimi domini Recaredi regis, ut dicitur in Praefatione ejusdem Concilii, ubi nulla Era Hispanica mentio. Celebratum illud adversus Simoniacos, ut apud Baronium videre est.

Vide gesta hoc anno Romanos inter et Avares initio anni sequentis.

FINIS TOMI DECIMI.